

C. 9d

Library of The Theological Seminary

PRINCETON · NEW JERSEY



SCD
2120

D. A. White

Aug 1 1879

1-8 498
ESSEX INSTITUTE.

—o—
**PRESENTED BY
DANIEL A. WHITE.**

—o—
LIBRARY CONDITIONS.

THE Library to be under the control of the Directors, who may withhold such books from circulation, as they may deem expedient.

Each Member shall be entitled to take from the Library, one folio, or one quarto, or two of any lesser fold, with the plates belonging to the same, upon signing a receipt for the same, and promising to make good any damage which may be sustained when in their possession, or to replace the same, if lost.

No person shall lend any book belonging to the Institute, except to a member, under a penalty of one dollar for every offence.

The Directors may permit other persons than members to use the Library. No member shall detain any book longer than four weeks, after being duly notified that the same is wanted by another member, under a penalty of twenty-five cents per week.

On or before the first Wednesday in May all books shall be returned, and a committee of the Directors appointed for that purpose shall examine the Library and make a report of the condition at the Annual Meeting.

His auctoris sine loco et auctoris, in -

L. a. f. a. m. d. c. l. x. i. a. m. i. f. o. l. f. m. a. m. s. e. l. o. d. a. m. i. l. x. v. o. l. u. m. 1671.
editio p. r. a. n. t. i. s. s. i. m. a. p. l. e. n. d. i. s. s. i. m. a. e. r. a. n. i. s. s. i. m. e. i. n. o. s. t. r. i. s. o. r. i. b. u. s. f. o. l. g.
v. i. d. e. l. i. p. 46.

1871

1871

N

173.

IOANNIS CAL- uini opuscula omnia in vnum volumen collecta.

Indicem
post prefa-
exhibet

Quibus accessit libellus nūc primū editus, De aeterna Dei prædestina-
tione, aduersus Albertū Pighium Campensem, & Georgium Siculum.

Locorum sacrae Scripturae in his opusculis obiter interpretatorū index.

*Alteri editioni a Th. Beza A° 1576 publicata
& Illustris: Guilhelmo Aursico dicata accessere*

Confessio Gallie. Ecclesiarum. Fº. 62.

Interim aduersus Germanum. Fº. 1547.

Responsio ad versipellum mediatorum. Fº. 1561.

sive libellum Casandri & Balduini.

Ad Balduini conuicia. Fº. 61.

Gratulatio ad præcentorem Lugdunensem.

Conuincio e' Gallie.

Confutatio cuiusdam Hollandi.

Defensio contra Seruetum. Fº. 54.

contra Valentinum gentilem. Fº. 61.

Responsio ad Blandratum. Fº. 58.

Frates Polonos. Fº. 63.

Contra Castellionem de prædestinatione. Fº. 54.

Defensio contra Westphalum. Fº. 57.

Contra Heslūm. Fº. 61.

In Seneca de Clementia commentarius. 1532.

JOANNIS CAL-
vini opuscula omnia in
unum volumen collecta.

Quibus accessit libellus de primatu ecclesie, de istiusmodi doctrinae
historia, ab Alberto Pighio Campese, et Georgio Siculano.

Locorum sacre scripture in his opusculis citata interpretum index.

Quum hætenus quamplurima & veterum & recentiorū authorum scripta hominum incuria perierint, quæ maximum nobis fructum adferre potuissent: nos profecto, extremis hisce tēporibus, quibus magnæ grauesque calamitates imminēt, diligentiores esse oportet in conseruandis thesauris quibus Dominus Ecclesiam suam locupletauit: nisi admodū ingrati esse velimus. Ac sedulo occurrēdum est fraudibus sathanæ, qui hæc nobis eripere, atque è medio tollere modis omnibus conatur, vt iterū iactatis errorū seminibus, nos inermes atq; incautos facilius opprimat. Nemi enim, nisi cæco, perspicuū non est quid superioribus seculis acciderit, & quàm latè grassata sit superstītio & impietas, quū sublatīs doctōribus & doctrīna, sparsisq; tenebris sathan oculos penè omnium incredibili astutia perstrinxit. Nullis quidem artibus efficere potuit vt sacræ literæ interirent: sed ita ab earum lectiōe & verā interpretatiōe auerterat omniū animos, vt fabulis & mendacijs potius quàm veritati locus esset: vanisq; & friuolis quæstionibus potius quàm solidæ scripturæ tractatiōi, vel ipsi theologiæ candidati incumberent. Ita perierat legitimus verbi vsus, ita Ecclesiæ administratiō & disciplīna euersa, ita sacrilega & detestabilia cōmenta pro veris institutis Dei recepta erant. Nūc quū insigni Dei beneficio, sacræ literæ ab impijs eiusmodi cōmentis vindicatæ suæque puritati restitutæ sint ab ijs quos Dominus nostris tēporibus aduersus Antichristi tyrānidem excitauit: danda est opera vt eorū studia, præclaras actiōes, insignēsque virtutes imitemur. Ac potissimum in id toto animo incumbendum est, vt puritatem doctrinæ tueamur, qua sola cultus Dei & religio conseruari possunt. Qua igitur fide & diligentia, qua reuerentia & modestia præstantes hi viri locos sacræ scripturæ tractarint, qua prudētia & dexteritate actus & fraudes aduersariorum detexerint, eorūque insidias vitarint, quàm scitè monstrarint fucos & fallacias impostorum, quanto pietatis studio accensi errorum monstra oppugnarint, quanta vehementia in Antichristum cuiusque mancipia inuecti sint, diligenter nobis animaduertendū est. Et quo rariores sunt hæ doctes, eo maiore studio viros qui ijs præditi sunt, & quæ ab ijs proficiuntur, amplecti debemus: vt attētè diligētēque contēplemur quemadmodū vsi sint gladio verbi, ne inani eius splendore aut sonitu contenti simus. Porro inter veritatis propugnatores qui nostris temporibus excelluerunt, quàm fidelem strenuū, fortem, & inuictū se præbuerit D. Calvinus,

sic testantur eximia eius scripta, ut alieno preconio non indigeat. Iam ab ineunte adolescentia simulatque à Deo vocatus est, tanta constantia fidem suam non dictis solum, sed scriptis etiam ac factis testatam fecit, ut multos, ubicunque versatus est, reliquerit testes eius luminis, quod acceptum à Deo, ceteris quantum in se fuit, communicauit. Quod si propterea & alacri animo Dominum vocatam sequutus est, ac viam semel ingressus, nec languori nec ocio se dedit: quo etiam magis progressus est & grauiores sustinuit pugnas, eo ardentius in hoc instituto perseuerauit. Non referam singula, quae alio loco fortassis aptiora erunt. Sed haec mihi nunc perstringenda putavi, quod magis perspicuum sit omnibus, non frustra collecta esse in vnum corpus opuscula quae à tanto viro iam ab octodecim annis subinde profecta sunt. Nam maximo vsui erunt ijs exercendis & confirmandis qui ad veritatis propugnationem sese accingunt. Quod ut reipsa experti sunt ij qui studiosè ea legerunt, ita omnes qui eodem studio ducentur, idem experturos spero ac confido. Non leuis autem fuisset iactura, plerosque libros qui hoc opere continentur, interire. quod facile, ut alijs plerisque, accidisset, si semper excusi seorsim ac sparsi essent. Nam etsi perexigui sunt nonnulli, vberrimos tamen fructus pariunt: & doctrinam saeculis omnibus accommodam comprehendunt. Ac quauis plerisque haec temporaria videri possint, doctrinam tamen utilem ac perpetuam tradunt, qua pii non minus in posterum quam hoc tempore aduersus Euangelij hostes muniantur. Nam ut videmus, ea quae Augustinus alique sancti ac celebres viri olim aduersus idolorum cultores, haereticos, ac seductores scripserunt, nobis hodie maximo vsui esse: ne dubitemus quin hi libri summopere profuturi sint posteris, quibus grauiora profecto bella sustinenda erunt, nec cum vnus tantum generis hostibus decertandum erit. Noua in dies errorum portenta parit diabolus: vetera etiam renouat atque interpolat, & tam specioso colore tegit, ut nunquam extitisse videantur. Artificia mira excogitat, quibus veritatem aut obscuret aut suspectam atque inuisam reddat. Quamobrem his certaminibus exerceri necesse est, ut insidias eius vitare, & fraudulenta consilia detegere possimus: & quum manus conferendae erunt, forti & inuicto animo obsistamus, ac confidamus fore ut Dominus (sicuti admonet Paulus) Sathanam sub pedes nostros breui conterat. Itaque insigne exemplum in hoc praestanti Ecclesiae pastore nobis proponitur, qui cum varijs hostibus saepenumero congressus est. Nec enim vnus generis hostes negotium nobis faceffunt. nunc ab exteris impetimur, nunc à domesticis, hoc est ab ijs qui nostri videri volunt, quum tamen alienissimi atque inimicissimi sint. Qua-

lem se aduersus externos & apertos hostes gesserit noster Calvinus, vt nunc insolentem Pighij arrogatiam cohibuerit, nunc putidas Sadoleti blanditias & calumnias diluerit, nunc Sorbonicos censors conuicerit inscitiae & impudentiae suae, nunc Concilio Tridēino laruam detraxerit: denique vt semper occurrerit insidijs Antichristi, impiaeque eius tyrannidi sese opposuerit, ac tandem vt lenonum eius, hoc est Interimistarū, laqueos diremerit, hi libri facile indicabunt. Sed cum alijs etiam hostibus non minus perniciosus ei negocium fuit: qui quum veritatis fautores videri velint, errores nihilominus & mendacia admiscant, quibus omnia peruerunt ac corrumpunt. Quemadmodum ij qui ex Anabaptistarum genere exorti nouū necis genus animis inferebāt: suadentes se hoc modo purgatorii figmentū sublaturus: ac si error errore tolli posset. Cum ijs primum Aureliae congressus, tam apertis Scripturae testimonijs corū deliria cōfutatit, vt statim eorum virus, quod longius serpebat, represserit: atque sic opem tulit multis quorum animi iam ancipiti cogitatione distrahebantur, vt etiam docuerit ea quae omnibus seculis prodesse, & spem beatæ ac immortalis vitæ cōfirmare possint. Postea quū videret plurimos quibus nota erat Dei veritas, nihilominus se nefandis impiorum sacris pollueri, magisque fortunarū aut vitæ rationem habere quàm Dei, eos aculeis verbi stimulandos, ac tum priuatim tum publicè excitandos putauit: ne degenerarent tandem, lumēque illud diuinū quod in animis eorum accēsum erat, extinguerēt. Itaque vt quod priuatim sæpius monuerat, publicè quoque testaretur, epistolas duas edidit, quas de hac re ad quosdam amicos ex Italia scripserat: vt quàm detestandum sit corā Deo idololatriæ crimen, omnes intelligerent. Graues tunc audita sunt querimonie multorū, qui se ita pungi atque è veterno suo excitari agreferebant, quasi seuerior ac rigidior erga ipsos Calvinus esset. Sed ijs repugnantibus atque inuitis, tantū suis exhortationibus effecit, vt plurimi qui fucum Deo sibi que prius faciebant, culpam suam agnoscerēt, aliāque omnino viuendi rationem ineundam esse faterētur, & reipsa Christianos se in posterū præberent. Alij sibi indulgentes, externum idolorum cultum peruiaciter excusare, atque horrendum scelus vanis coloribus obducere non destiterunt. Quamobrem sæpius ineunda hæc pugna fuit, alijsque libris ostendendum quàm inanes eiusmodi colores essent. Exortum est deinde aliud bellū aduersus Anabaptistas, quorū dogmata prius sepulta, rursus emerant: item aduersus fanaticam Libertinorū sectam, qua leues quædam nostrorum ac vicinorum mentes abreptæ erant. Horum impietatem ac vesaniam ita patefecit, vt nemo, nisi admodum hebes, ab ijs postea falli

posset. Sed ne longior sim persequendis singulis quæ ad reformandam Ecclesiam, ad imbuendos pia doctrina rudium animos, ad scandala vitanda, ad tolerandam crucem, ad curiosas artes reiiciendas, denique ad conservandum religionis statum his libris aperte fideliterque docuit, ex eorum lectione quam utiles ac fructuosi sint, melius intelliges. Eos quidem pleniores atque vberiores habere potuisses, si iterum ipse manum adhibuisset: sed quales ab initio prodierunt, nunc etiam extare maluit, quum ipsi pure ac perspicue omnia tractentur. Nec sane viro gravissimis rebus occupato importuni esse volumus, ut ea rursus tractaret quæ iam fidelissime tradidisset. nam maiora in dies ab ipso expectamus. Accessit etiam hisce diebus perutilis ac necessarius liber De aterna predestinatione, de qua variae quaestiones tum à leuibus & curiosis ingeniis, tum ab hostibus verbi agitatae fuerunt. Vix certe ipsum hoc tempore editurus erat, nisi insolens male feriati cuiusdam erroris protervia eum pepulisset. Tantus enim erat omnium Ecclesiarum consensus in hac doctrina, ut eius argumenti tractatio non admodum necessaria videretur. Sed quum hic impostor erroribus, quos ex putidis Georgii Siculi & Pighii lacunis hauserat, ecclesiam nostram turbasset, statim obuiam eundum fuit, atque edito vnius manu nostrum omnium consensu, monstrandum quid in hac re pijs omnibus ex Scripturae autoritate sentiendum sit: ut & vanas quaestiones vitet, & aeterno Dei consilio tribuant quod arrogantes & vani homines impio praetextu detrabere non dubitarunt. Sed in scelerato eorum conatu benignam erga nos Dei providentiam agnoscamus, qua effectum est ut maxime prodesse ea quibus isti se maxime nocere posse existimarunt. Nam clariora & illustriora reddita sunt quæ iam pridem multas piorum alioqui hominum mentes implicuerant, atque omnino satisfactum iis quorum sanæ ac sobriae mentes erunt. Peruicaces enim ac morosos aut fastidiosos homines quibus nullæ satisfaciunt vel apertissimæ rationes, nihil est quod moremur. Pijs, modestis, placidis ac minime contentiosis hæc omnia scripta sunt, qui si ut integras mentes Deo offerunt, ut ei in obsequium addicant, ita integro & cado ad hæc animo accesserint, magnam profecto ex his libellis confirmationem vberimumque fructum percipiet. Valete.

Genevæ, pridie Cal. Mart. M. D. LII.

PSYCHOPANNYCHIA, QVA REFEL-
litur quorundam imperitorum error, qui animas post mortem vsque
ad vltimum iudicium dormire putant.

Authore Ioanne Caluino.

PRAEFATIO IOANNIS CALVINI
ad amicum quendam.

QVVM mecum pridem nonnulli pij viri agerent, & subinde etiam
instarent vt publicè aliquid ederem, ad eorum intemperiem compe-
scendam, qui de animarum vel dormitione, vel interitu, imperitè simul ac tu-
multuose hodie disputant: nullis tamen haëtenus nec precibus, nec flagi-
tationibus cesserã. adeo mihi ab omni contentionis genere abhorrebat ani-
mus. Et erat tum sane quod excusarem: partim, quia sperabam fore vt ine-
ptum istud dogma statim, nullo subscriptore, euanesceret: aut certe in-
ter pauculos nugatores deliresceret: partim, quòd mihi minime expedi-
tum erat cum ijs manum conferere, qui starèt ab aduersis partibus: quo-
rum nec castra, nec tela, nec subterfugia noueram. Nondum enim quic-
quam adme perlatum erat, prater murmura & raucos strepitus: vt con-
gredi cum ijs qui in arenam nondum prodierant, nihil prorsus aliud vi-
deretur, quàm aërem clausis oculis verberare. At de successu longe ali-
ter accidit quàm speraueram. Siquidem blaterones illi tanta strenuitate
in partes suas incubuerunt, vt aliquot iam hominum millia in eãdem se-
cum insaniam traxerint. Et ipsum etiam malũ (vt video) incruduit. qui-
dam enim principio confuse garriebant, mortuorũ animas dormire: ne-
que definiebant quid per somnũ vellent intelligi. Emerferunt postea Ju-
dæi isti, qui prorsus eas iugulant, sed sine vulnere. Illorum quidem er-
rorem non ferendum, horum verò insaniam grauiter coercendam existi-
mo. vtrosque nec ratione, nec iudicio niti. Verũ id alijs persuadere nõ
ita facile est: nisi vanitatem palam, & (quod dicitur) in os refellam: quæ
non nisi in eorũ scriptis deprehenditur. Dicuntur autem suas nugas ne-
scio quibus schedulis ventilare, quas mihi necdũ videre contigit. Tantũ
ab amico notulas quasdã accepi: quibus perscripserat quæ vel ex ore lo-
quentium excipere illi cursim licuerat, vel vndecunque colligere. Altera
igitur excusatio quanquã ex dimidia parte sublata est, ob notulas: ex al-
tera tamen mihi nunc quoque superest. Verũ quũ illis susurris, & qua
maxime pollut, garrulitate, clanculum se insinuãtes, non pauciores suo
a.iiii.

errore illaqueēt, quàm si excusis libris publicè cursitarent: causā mihi ha-
 bere non videor quin veritatis proditor dicar, si in tanta necessitate ta-
 ceam ac dissimulem. Certè quando permagnum operæ meæ vsum impe-
 rioribus & minus exercitatis fore confido, nonnullum etiam & medio-
 criter eruditis, qui hoc argumentum leuius attigerint: non dubitabo a-
 pud bonos omnes deponere fidei meæ rationem: non illam quidem fortas-
 sis satis instructam omnibus & machinis, quibus impetum in hostem fa-
 ciat, & præsidius, quibus arceat: sed non penitus exarmatā. Quòd si per
 eorum importunitatem licuisset, qui hæc somnia in vulgus spargunt, li-
 bens abstinuisssem me ab hoc genere certaminis: quod non tantum fructus
 refert, quantum insumit operæ: quum præsertim hac in parte valere exi-
 stimarem Apostoli exhortationem, si quando vsui foret, vt ad sobrietatē
 sapiamus. Et quanquam isti, quam optamus sobrietatem, nobis non per-
 mittūt: modicè tamē, aut etiam intra modum differam. Atque vtinam in-
 uenta esset alia ratio, quæ malū hoc plus nimio pullulascens maturè reci-
 deret: ne, velut cancer, magis ac magis in dies serpat. Neque tamen nunc
 primū nascitur. Siquidem legimus Arabicos fuisse quosdam huius do-
 gmatismis authores: qui iactarent animam cum corpore vnā emori, in die
 iudicii vtrunque resurgere. Et aliquanto post tempore, Ioannem episco-
 pum Romanum, quem schola Parisiensis ad palinodiam adegerit. Verū
 seculis aliquot sopitum, nuper per aliquot ex Anabaptistarum face exci-
 tatum, scintillas emisit. Hæ verò longè latèque peruagatæ, iustas faces
 accenderunt: quæ vtinam pluuia illa volūtaria, quam Dominus heredi-
 tati suæ segregauit, primo quoque die extinguantur. Agam autem citra
 vllius odium, citra priuatam cuiusquam contumeliam, denique citra cō-
 uitiandi procacitatem, vt iure nullus queri debeat se læsum aut leuiter
 etiam offensum esse. Quanquam spectare hodie aliquos licet, insania car-
 pendī, mordendi, sugillandi libidine æstuentes, quos si summo digito at-
 tingas, flebiliter deplorant scindi vnitatem Ecclesiæ, violari charitatem.
 His responsum sit, primū, nullam nos agnoscere vnitatem, nisi in Chri-
 sto: nullam charitatem, nisi cuius ipse sit vinculum. Esse ergo hoc caput
 cōseruandæ charitatis, vt fides nobis sancta atque integra maneat. De-
 inde, nulla charitatis offensione hanc disputationem transigi posse: modò
 tales aures afferant, qualem ego linguam afferre statui. Tibi autem, or-
 natissime vir, hanc lucubrationculā nuncupare, cum multis nominibus vi-
 sum est: tum hoc præsertim vno, quod inter istos vanarum opinionum tu-
 multus, quibus spiritus vertiginis Ecclesiæ quietem exagitāt, firmum te
 ac integrum summa prudentia ac moderatione consistere perspicio.

Aureliæ. M. D. XXXIIII.

Euse. Eccl.
 hist. l. 6. c. 26.
 Augu. lib. de
 Hæc. c. 83. in
 dec. dist. 16.
 Ioan. 2. de quo
 Gerf. in sermo
 ne pasch. prio
 re.

LECTORIBVS.

Q V V M disputationem hâc relegerem, animaduerti, quædam inter differendi cōtentionem, paulo acrius atque etiam asperius esse dicta: quæ aures quorundam delicatulas radere fortasse possent. Et quâdo scio nōnullos bonos viros, quibus de hoc somno aliquid in animum instillatum fuerit, vel nimia credendi facilitate, vel ignorantia scripturæ, qua ad resistendum, pro tempore, non fuerint satis armati: in eorum offensionem (quoniam non peruicaciter peccant, nec maliciosè) quoad per eos liceat, nolim incurrere. Volui igitur hîc commodum eos præmonere, qui tales sunt, ne quicquam in contumeliam suam trahant: sed quoties aliqua dicendi libertate euehor: sciant me agere cum nequissimo illo Anabaptistarum grege (è quorum scatebris hæc primùm, vt dixi, aqua profluxit) qui nec sic quidem pro meritis suis tractantur. Cum quibus sic pugnam institui, vt si in posterum obluētentur, sensuri sint, si non valde peritum, certe constātem veritatis defensorem: & vt mihi audeo de gratia Dei promittere, inuictum. Quanquam nec cōtra eos, nisi modicè, bilem effudi: vt qui ab omni procacitate & loquendi petulantia perpetuò abstinerim: sicque ferè vbique stilum temperauerim, vt docendo esset aptior, quàm cogendo: trahere tamē posset eos qui duci nolint. Omnes certè in viam reducere magis quàm incessere, animus fuit. Lectores autē, si qui futuri sunt, hortor & obtestor per nomē Dei & Domini nostri Iesu Christi, vt integrū iudiciū ad legendū adferāt, & animū, quasi paratā veritati sedē. Scio quantū gratiæ habeat nouitas ad demulcendas quorundā aures. Sed debemus cogitare, vnā esse vocē vitæ: quæ est ex ore Domini. Huic vni patere debere aures nostras, quū de doctrina salutis agitur: cæteris omnibus clausas esse. illius, inquam, verbū nō nouū est: sed quod fuit à principio, est, & semper erit. Et quàm errāt, qui verbū Dei, peruerso vsu & ignauia desitū, quū in lucem redit, nouitatis nomine infamāt: tã peccant in alterā partē, qui, velut arūdines, quouis vento impelluntur: imò ad quālibet leuē auxam nutāt & inflectuntur. An hoc est Christum discere, quibusuis doctrinis, etiam veris, sine verbo Dei aurem accommodare? Si accipis vt ab homine: nōne & mendacia eadē facilitate hauries? Quid enim homo suum habet, nisi vanitatē? At non sic illi, qui quū recepissent verbum, scrutabantur scripturas, an hæc ita se haberent. præclarum exemplū, si quidē imitaremur: verū nos nescio qua desidia, seu potius contēptu, verbum Dei recipimus. Vt quū tres syllabas didicerimus, statim opinione sapiētiae turgeamus, & tātum non crepemus, nobis diuites ac reges. Hinc tam multos videas, qui in omniū seculorū ignorantiam

tragicè vociferatur, nō minus ipsi indocti, sed quid facias? Christiani videri volūt, & dicuntur: quia aliquot capita locorū communium deliberant. & quū nescire aliquid pudeat, de omnibus cōfidentissimè, quasi ex tripode, respōdent. Hinc rursus tot schismata, tot errores, tot fidei nostræ scādala. qua occasione nomen ac verbum Dei blasphematur inter impios. Tandem (quod est caput mali) dum obstinatè tueri pergunt, quod semel temere effutiuerunt: tum oracula Dei consulunt, ex quibus errorum suorum patrocina quærāt. Ibi, Deus bone, quid non inuertunt? quid non deprauāt atq; corrūpunt? vt ad sensum suū, nō dico inflectāt, sed vi incuruēt. Scilicet verè dixit Poeta, Furor arma ministrat. Hæcine est discēdi via? versare ac volutare scripturas, vt libidini nostræ seruiāt? vt sensui nostro subiiciātur? quo nihil est stolidius. O fonticam pestem, & certissima zizania inimici hominis: quibus vult obcæcare verū semē. Et adhuc miramur vnde tot sectæ inter eos qui primum nomen Euāgelio dederāt, ac renascenti verbo? Equidē terret me dira illa denūtiatio, Auscetur à vobis regnū Dei, & dabitur genti facienti fructū eius. finem hīc conquerēdi faciam. Nam longū volumen conscribendū sit, si in hanc temporū peruersitatem ad iustū modū declamare libeat. Nos verò, fratres, tot exemplis moniti, vel sero tandē sapiamus. Pendamus semper ex ore Domini: & nequid ad eius sapientiā addamus aut admisceamus de nostro: ne, velut fermentum, totam massam corrumpat, & salem etiā ipsum, qui in nobis est, infatuat. Præstemus nos Domino quales vult habere discipulos: pauperes, sapientiæ nostræ inanes & vacuos: discendi avidos, sed nihil sciētes, aut etiā scire volētes, nisi quod ille docuerit: quicquid est exoticū, non secus ac præsentissimū venenum, fugiētes. Volo autē & ijs occurrere, qui consiliū meum reprehendent: quod de re nihili concitem ingentes pugnas, atque istæc leptologemata cruentis dissidijs decidam. non enim desunt qui sic me accipiant. His responsū sit: quū ex professo tentatur Dei veritas: nullo modo ferendū esse, ne tantillū quidem ex ea delibari. Nec rem esse nihili aut cōtemnendā, videre tenebris diaboli extingui Dei lucē. Deinde, maioris momenti esse hanc causam, quā à multis credatur. Neque tamen (vt falsò interpretantur) ad cruorē vsque dissidet, qui aliorum erroribus non acquiescit. Reprehēdi eorū curiositatē, qui has quæstiones, reuera nihil aliud quàm ingenij tormenta, exagitaret. Postquā autem mouerunt hanc camarinam: reprimenda est eorū temeritas: ne supra veritatē inualescat. Id an effecerim, nescio, volui certe: & quod optimū habui, dedi. Alij, siquid melius habeant, in commūne bonum conferant.

LIBRORVM HOC VOLVINE
contentorum ordo & catalogus.

- *Psychopannychia, qua refellitur quorundam imperitorum error, qui animas post mortem vsque ad vltimum iudiciũ dormire putant.* pag. 1.
A. 34.
- *Epistolæ duæ: Prior, de fugiendis impiorum illicitis sacris, & puritate Christianæ religionis obseruanda. Altera, de Christiani hominis officio in sacerdotijs Papalis Ecclesiæ vel administrandis vel abiiciendis.* pag. 41.
A. 37.
- *Iacobi Sadoleti Romani Cardinalis Epistola ad Senatum populũque Geneuensem, qua in obedientiam Rom. Pontificis eos reducere conatur. Cum Iohannis Caluini ad eam epistolam responsione.* pag. 94.
A. 39.
- *De Cæna Domini.* *A. 1540* pag. 129.
- *Epinicion Christo cātatum ab Iohanne Caluino, Calendis Ianuarij, anno 1541.* pag. 148.
- *Catechismus Ecclesiæ Geneuensis, hoc est Formula erudiendi pueros in doctrina Christi.* *A. 36*
- *Formula sacramentorum administrandorum, in vsum Ecclesiæ Geneuensis conscripta.* *A. 40.* pag. 205.
- *Defensio sanæ & orthodoxæ doctrinæ, de seruitute & liberatione humani arbitrij, aduersus calūnias Alberti Pighij Campensis.* pag. 216.
A. 43.
- *Admonitio paterna Pauli tertij Romani Pōtificis ad inuictissimum Cæsarem Carolum quintum, Cum scholijs Ioannis Caluini in eandem epistolam.* *A. 44.* pag. 352.
- *Articuli à facultate sacre Theologiæ Parisiensi determinati super materijs fidei nostræ, hodie controuersis. Cum antidoto,* *A. 42* pag. 378.
- *De necessitate reformandæ Ecclesiæ, ad Cæsarem Carolum quintum & Principes, aliósque ordines, Spiræ imperij conuentum agentes.* *A. 44.* pag. 410.
- *Breuis instructio muniēdis fidelibus aduersus errores sectæ Anabapti-*

Starum. Item, aduersus fanaticam & furiosam sectam Libertinorum, qui se Spirituales vocant. Item, Epistola ad fideles qui degunt Rotomagi, aduersus Fræiscanum quendam Libertinorum erroris sectatorem. A°. 44. pag. 466.

Admonitio qua ostenditur quàm è re Christianæ reip. foret, Sanctorum corpora & reliquias velut in inuentarium redigi: quæ tam in Italia quàm in Gallia, Germania, Hispania, cæterisque regionibus habentur A° 1550 pag. 577.

De vitandis superstitionibus, quæ cum sincera fidei confessione pugnant. Item excusatio aduersus Pseudonicodemos. Quibus accessit responsum Pastorum Tigurinæ Ecclesiæ. A°. 45. pag. 604.

Acta Synodi Tridentinæ. Cum antidoto. A°. 47. pag. 651.

Vera Christiana pacificationis & Ecclesiæ reformandæ ratio, vnà cum appendice. pag. 742.


Admonitio aduersus Astrologiam quam iudiciariã vocant, aliàsque præterea curiositates nonnullas quæ hodie per vniuersum ferè orbem grassantur. A°. 48. pag. 801.

Consensio mutua in re sacramentaria, Ministrorum Tigurinæ Ecclesiæ, & D. Ioannis Caluini Ministri Geneuensis Ecclesiæ, iam nunc ab ipsis authoribus edita. A° 54. pag. 822.

De scandalis quibus hodie plerique absterrentur, nonnulli etiam alienantur à pura Euangelij doctrina. A°. 50. pag. 829.

De æterna Dei prædestinatione, qua in salutem alios ex hominibus elegit, alios suo exitio reliquit: item, De prouidētia qua res humanas gubernat, Consensus Pastorum Geneuensis Ecclesiæ à Io. Caluino expositus. A°. 51. pag. 879.

QVAE CONDITIO ET VITA animarum post hanc vitam.



IN HAC DISPUTATIONE expolienda, ut non multum à me studij ponetur, ita dabitur opera, quò sensum meum quàm simplicissimā perspicuitate, explicatum habeant lectores. Et sanè quacunque de re instituatur disputatio, cum ubique plurimum refert, rem ipsam quæ agitur, & scriptori probè perspectam esse, & lectori perspicuè definitam: ne aut ille suos fines transiliat, ac longius oratione euagetur: aut hic in ipso disputationis campo, sine certa via aberret: tum id verò præsertim in omni controuersia diligenter obseruandum: quando hîc non docendi solum habenda cura, sed cum aduersario negotium est, qui certè (ut ferè sunt hominum ingenia) nec vinci se vnquam patietur, nisi inuitus: nec victum se fatebitur, quandiu cauillando, restitendo, tergiversando, ludere ac delicias facere poterit. Hæc autem optima premendi, stringendique aduersarij, ne quâ elabatur, ratio est: si controuersia caput ita designatè dilucidèque explices, ac in medium proponas, ut, quasi in rem præsentem, manu consertum vocare possis. De hominis ergo anima nobis certamen est, quam alij fatentur quidem esse aliquid: sed à morte, ad iudicij vsque diem, quo è somno suo expergescet, sine memoria, sine intelligentia, sine sensu dormire putant. Alij nihil minus quàm substantiam esse concedunt: sed vim duntaxat vitæ esse aiunt, quæ ex spiritu arteria, aut pulmonum agitatione ducitur: & quia sine corpore subiecto subsistere nequit, ideo vnà cum corpore interire & euanescere fingunt, donec totus homo suscitetur. Nos verò & substantiam esse ipsam contendimus, & verè post corporis interitum viuere, sensu videlicet & intelligentia præditam: ac vtrunque euidentibus Scripturæ testimonijs nos probaturos recipimus. Valeat hîc quicquid est humana prudentia: quæ multa quidem de anima cogitat, nihil tamen certum percipit. Valeant philosophi: quibus, cum in omnibus penè rebus solenne sit, nec finem, nec modum facere dissensionibus, hîc ita inter se rixantur, ut vix duos testes habiturus sis, in quacunque tandem opinione acquiescas. De animæ facultatibus præclare aliquot locis Plato: argutissimè autem omnium Aristoteles: disseruit. Verùm quid sit anima, & vnde sit, frustra ab ijs & vniuersa omnino sapientum natione quæras, quanquam multò certè & prudentius & sinceriorius senserunt, quàm isti nostri, qui se Christi discipulos esse gloriantur. Prius tamen quàm longius progredimur, ansa logomachia præcidenda, quam arripere ex eo possent, quòd nunc spiritum & animam promiscuè vocabimus id, de quo nunc nobis controuersia est: interdum, ut diuersa, distinctè enuntiabimus. Nam hic est vsus Scripturæ, dare his verbis varias acceptiones: quarum plerique dum nullam habet rationem, ut quæque prima sibi occurrit, eam mordicus tenet, & pernicaciter defendunt. Aliquoties legerunt animam pro vita: id perpetuum putant, & acerbè confirmant. At si quis contrà obijciat versum Davidis: Anima eorum in vita benedicetur: interpretabuntur vitam in vita benedicere? Similiter si locus ille ex Samuele proferatur: Per vitam tuam, & per vitam animæ tuæ: an istis verbis nihil significari dicent? Nos itaque scimus, animam se-

psal. 48.

2. Sam. 11.

significet, non rixandi causas captent ex nominibus, sed rem ipsam percipiant, quocunque significetur nomine. Id verò quàm verum sit, nunc doceamus.

Incipiemus autē ab ipsa hominis creatione, in qua perspicimus, qualis ab initio factus fuerit. Sacra historia nobis, ante creatum hominem, commemorat Dei consilium de faciendo ipso ad imaginem & similitudinem suam. Quæ verba de corpore nullo modo accipi possunt. In quo, tamen si mirabile opus Dei, præ cateris corporibus creatis, apparet, nulla tamen eius imago effulget. Quis enim hæc loquitur? Faciamus hominem ad imaginem & similitudinem nostrā: nempe, Deus, qui spiritus est, qui nulla corporis effigie representari potest. Atqui, ut imago corporea, quæ faciem externam nobis refert, debet ad viuum exprimere omnia lineamenta & omnes ductus, ut ex pictura vel sculptura concipiamus, quæcunque in exemplari conspici possunt: ita hæc imago Dei debet, sua similitudine, aliquam Dei cognitionē in animis nostris informare. Audio quosdā eorum sic nugari, ut dicant imaginem Dei referri ad imperium quod traditum est homini in beluas: quòd homo ea in parte simile aliquid cum Deo habeat: cuius imperium est in omnia. In quē lapsus Chrysostomus quoque incidit, dum nimia contentione prouehitur contra insanos anthropomorphitas. Sed Scriptura non patitur sic se eludi. Nā Moses, ne quis in hominis carne hæc imaginem constitueret, prius è limo terræ corpus formatū narrat, sed nullam imaginem Dei referens. Deinde ait inditum luteo corpori vitæ spiraculum: ut tum demū eluceret in homine Dei imago, cum omnibus suis partibus constaret. Quid igitur? dixerit aliquis, an spiraculum illud vitæ, imaginē esse Dei putas? Non sanè. Quanquam id cum multis, nec fortasse improbè, dicere poteram. Quid enim, si contendam verbo Dei constitutum discrimen, quo istud vitæ spiraculū, à beluarum animis distinguatur? Vnde enim habent ortum aliorum animalium animæ? Producat (inquit Deus) terra animam viuentem, & cætera. Ita in terrā resoluantur, quæ de terra emerferunt. Anima verò hominis non de terra est, sed ex ore Domini: hoc est, ex virtute secreta. Sed hīc inquā, non hæreo: ne pugnam mihi faciant: sed vnum tantum obtinere volo: Imaginē ipsam esse extra carnem: alioqui, non admodum præclarum foret elogium hominis, quòd ad imaginē Dei factus sit: quod tamen nobis tantopere Scripturis cōmendatur, ac subinde repetitur. Quid enim opus erat, Deum deliberantem inducere, & quasi in cōsiliū mittere, si vulgare aliquid facturus erat? Nam reliqua omnia ut essent, dixit: & facta sunt. Cum ad hæc imaginem ventum est, velut singulare specimen editurus, sapientiam suam & virtutem aduocat, & secum cogitat, antequam manum admoueatur operi. Hos ergo loquendi tropos, qui à υποτακτικῶς, ad balbutiei nostræ modulos, Dominum ἀντίφραστον nobis figurāt, an de nihilo tā anxie Moses affectauit? ac nō potius imaginem Dei, quæ in homine relucet, magnificè cōmendauit? nec semel dixisse contentus, sæpius repetit. Quicquid nugentur vel philosophi, vel isti somniatores, habemus nihil esse quod imaginē Dei ferat, nisi spiritum: ut Deus spiritus est. Hīc non est agendum coniecturis, ut inquiramus, quæ sit huius imaginis similitudo ad suum archetypum: quādo id facile ex Apostolo discere licet: qui dum præcipit, ut induamus nouum hominem, qui renouatur in agnitione, secundum imaginem eius, qui creauit illū, liquidò ostendit, quæ sit hæc imago, aut in quo cōsistat. Et alibi dum scribit: Indui

Gen. 1.

Amb. li. 6
hex. au-
gust. c. 4.
de trin. &
alibi.

Imago Dei
hominis,
carnem

Id obser-
uant Hil.
in Psa. 63
Augu. lib.
de. spiritu
& anima
c. 39.
Baf. Hex.
congef. 8.

3

Colo. 3.

Eph. 4.

Ephē. 4. te nouum hominem, qui secundum Deum creatus est, in iustitia & sanctitate ueritatis. Quæ omnia cum vno verbo comprehendere volumus, dicimus hominem, secundum spiritum, factum esse participem sapientiæ, iustitiæ & bonitatis Dei. Hoc sequuti sunt duo sacri scriptores: quorum alter, cum hominem distribuat in duas partes, corpus de terra sumptum, & animam, ad quam refert Dei imaginem, breuiter complexus est quod Moses longius prosecutus fuerat. Creauit, inquit, Deus hominem, & secundum imaginem suam fecit illum. Alter verò, cum exegeticè vellet designare, quò pertineret Dei imago, vocauit hominem inextinguibilem, qui creatus esset ad imaginem Dei. Quorum scriptorum authoritate aduersarios nostros non valde premerem, nisi eos ipsos nobis opponerent. Qui tamen utcumque, aliquo loco nobis esse debent: si non ut canonici, certè ut veteres, ut p̃j, ut multorum suffragijs recepti. Verum eos omittamus, illam imaginem Dei in homine retineamus, quæ, nisi in spiritu sedem habere non potest.

1. Pet. 1. & 2. Sed iam, quæ apertius de anima Scriptura loquitur, audiamus. Cum de animarum salute Petrus loquitur, & cum carnalia desideria militare aduersus animam dicit: & cum castificare animas nostras præcipit, & Christum vocat Episcopum animarum nostrarum, quid sibi vellet, nisi animæ essent, quæ saluarentur, quæ oppugnarentur à prauis desiderijs, quæ castificarentur, quæ ab episcopo suo Christo regerentur? Et in historia Iob legimus: Quanto magis qui habitant domos luteas, & terrenum habent fundamentum? Quod sanè de anima, si propius animaduertas, dici intelliges, quæ in corpore luteo habitat. Non enim hominem vas luteum appellauit: sed dicit vas luteum incolere: quasi bona pars hominis (quæ est anima) domicilio illo terreno contineatur. Sic Petrus: Inustum, inquit, arbitror, quandiu sum in hoc tabernaculo, excitare vos per commonitionem: cum sciam breui futurum, ut deponam hoc meum tabernaculum. Qua loquendi forma, nisi valde stupidi sumus, possumus intelligere & aliquid esse in tabernaculo, & aliquid quod exuatur tabernaculo: vel (ut ait ipse) tabernaculum deponat. Eandem distinctionem carnis à spiritu manifestam statuit author Epistolæ ad Hebræos: cum parentes carnis nostræ, à quibus geniti sumus, nominat: vñ autem Deum, Patrem spirituum. Et paulò post, cum regem cælestis Ierusalem Deū nominasset, subiicit ciues, angelos, & spiritus iustorum perfectorum. Nec 2. Cor. 7. video quomodo aliter intelligi possit illud Pauli: Has igitur habentes promissiones, mundaui nos ab omni inquinamento carnis & spiritus. Nam satis constat, illic non esse collationem, quæ alibi uti solet: cum spiritui inquinamentum tribuat, quo nomine alijs locis significat merā puritatem. Addam & locum alterum: quanquam video eos, qui calumniari volent, protinus ad suas glossas delapsuros. Dum enim ait, Quis est hominum, qui sciat quæ sunt hominis, nisi spiritus hominis, qui in ipso est? Ita, & quæ sunt Dei nemo cognouit, nisi spiritus Dei. Poterat dicere hominem scire quæ sua sunt: sed partem illam verbo appellauit, in qua residet vis cogitandi & intelligendi. Atque etiam, cum dicit, spiritum Dei testimonium reddere spiritui nostro, quòd filij Dei sumus, nonne eadem loquendi proprietate usus est? Quid, quòd vno verbo conuincere eos potui? scimus enim, quàm sæpe Christi voce damnatus sit error Sadducæorū, cuius partem esse Lucas in Actis scripsit, quòd spiritum non esse dicerent. Verba sunt: Sadducæi

Sadducei autem dicunt, non esse resurrectionem, neque angelum, neque spiritum: Pharisei verò hæc omnia confitentur. Vereor ne de Spiritu sancto cavillentur hæc intelligi, aut de Angelis. Cui obiecto facile est occurrere. Nam & Angelos seorsum posuit: & certum est Phariseis illis nullam ferè fuisse Spiritus sancti notitiam. Atque etiam id melius assequuntur, qui Græcè norunt: Lucas enim sine adiectione articuli, dixit *πνεῦμα*, adiecturus indubiè, si de Spiritu sancto locutus esset. Hoc si non illis os obstruit, non video qua ratione vel trahi, vel duci possint: nisi fortè dicant, neque damnatam fuisse ex eo Sadducæorum opinionem, quòd spiritum negarent: neque probatam Phariseorum, quòd assererent. Cui cavillo ipsa Evangelistæ verba obuiant. Vbi enim Pauli confessionem posuit, Phariseum se esse: subdit eam Phariseorum sententiam. Aut igitur oportet callidam & malitiosam fuisse Pauli simulationem: (quod recipi non debet in confessione fidei) aut cum Phariseis de spiritu sensisse. Quòd si nobis fidem faciunt historia, hoc perinde inter Apostolos certum erat ac constitutum, atque mortuorum resurrectio, aut aliquod simile fidei nostræ caput. Non pigebit huc adscribere verba Polycarpi, viri, omnibus & dictis & factis, spirantis martyrii: qui & discipulus Apostolorum fuit, & ita sincerè quod ab illis acceperat, posteris tradidit, ut nihil unquam immisceri fermenti passus fuerit. Is igitur inter multas præclaras voces, quas flammæ admotus edidit, eo die representandum se dixit coram Deo in spiritu. Quo eodem tempore Melio episcopus Sardensis, vir parvis sinceritatis, librum scripsit de corpore & animæ: qui si hodie extaret, superfluum esset hic labor. Adidò autem hæc sententia meliore illo seculo valuit, ut Tertullianus reponat eam inter communes & primas animi conceptiones, quæ à natura communiter apprehenduntur. Tamen si iam multis rationibus pugnatum est, quæ evincere, nisi fallor, debuerunt quod contendebant: nempe, animam aut spiritum hominis substantiam esse à corpore distinctam: quæ tamen nunc subiunguntur, certiore adhuc eius rei fidem facient. Venio enim ad id, quod secundo loco à me propositum erat: Eam ipsam animam, ab interitu corporis superstitem manere, sensu ac intelligentia præditam. Fallitur autem qui existimat me hic aliud quidpiam affirmare, quàm animæ immortalitatem. Siquidem qui animam vivere fatentur, illamque simul omni sensu spoliant, prorsus animam frangunt, quæ nihil animæ habeat: aut animam ipsam à se ipsa auellant: cum eius natura, sine qua consistere vlllo modo nequit, sit, moveri, sentire, vigere, intelligere: atque (ut ait Tertullianus) animæ animæ, sensus sit. Istam ergo immortalitatem ex Scriptura discamus.

Acto. 23.

Ecc. hif. co. 4. c. 13. Eius. c. 19.

Eius. c. 24

Eo. de resurrectione. carnis.

Eo. de carne Christi.

Ubi Christus suos hortatur, ne timeant eos qui occidunt corpus, animam autem occidere non possunt: sed eum timeant, qui cum occiderit corpus, animam potest mittere in gehennam ignis: an non innuit animam superesse post mortem? Benignè verò in eo nobiscum egit Deus, quòd animas nostras istorum arbitrio non permisit, qui adeò ex facili eas trucidant: aut certè, quia non possunt, conantur. Tyranni torquent, secant, vrunt, verberant, suspendunt, sed corpus: solus est Deus, qui ius habet in animam, ut eam mittat in gehennam ignis. Aut igitur anima reliqua est post mortem: aut falsum est, tyrannis potestatem non esse in animam. Hic (ut audio) respondent, animam quidem ad præsens occidi, à morte

Matt. 10. Luc. 12.

infligitur: sed non perire, quia futurum est, ut suscitetur. Qua via euadere volunt, concedant oportet neque corpus occidi, quod etiam suscitabitur. Et quia utrunque conseruatur in diem iudicii, neutrum perit. Verbum autem Christi fatetur corpus occidi, animam esse saluam testatur. Hac dicendi forma, Christus videtur de sua ipsius morte, cum ait: Soluite templum hoc, & in triduo suscitabo illud. Dicebat autem de templo corporis sui: quia ratione animam ab eorum potestate eximit, quam etiam moriens in manus Patris commendat, ut Lucas scribit, & David prädixerat. Et Stephanus eius exemplo, Domine Iesu, suscipe spiritum meum. Habent hic quod garriant, Christum Patri, & Stephanum Christo, vitam commendare, in diem resurrectionis custodiendam. Sed verba aliter sonant, præsertim illa Stephani. Et Euangelista addit de Christo, quod inclinato capite, tradidit spiritum: quæ verba ad anhelitum, aut pulmonum agitationem respicere non possunt.

Nec minus euidenter Apostolus Petrus, animas à morte & esse, & viuere ostendit: cum tradit, Christum his, qui in carcere erant, spiritibus prædicasse: nec spiritibus modò piorum, remissionem ad salutem: sed impiorum quoque spiritibus confusionem. Sic enim illum locum interpretor, qui multa ingenia torisit: & persuasurum me bonis omnibus confido. Nam cum de humilitate crucis Christi locutus esset, ostendissè que pios omnes oportere ad eius imaginem conformari, ne desperatione conciderent, continuo attexit resurrectionis mentionem, ut doceat quibus tribulationibus futurus sit finis. Commemorat enim, Christum non succubuisse morti: sed, ea subacta, victorem emeruisse. Id suis verbis dicit mortificatum quidem carne, viuificatum tamen spiritu: eodem scilicet sensu, quo Paulus scribit, passum fuisse in humilitate carnis, excitatum autem virtute spiritus. Iam ut virtutem ipsam ad se quoque pertinere fideles intelligerent, subiungit Christum hanc virtutem erga alios exeruisse: neque erga viuos modò, sed etiam mortuos: deinde non tantum erga seruos suos, sed incredulos quoque ac gratiæ suæ conemptores. Porro intelligamus defectiuam esse orationem, deesse que ex duobus membris alterum: cuius generis multa sunt in Scripturis exempla, præsertim ubi multa sententiæ una clausula colliguntur, quemadmodum hic factum est. Nec verò miretur quisquam, includi carcere sanctos Patres, qui redemptionem Christi expectabant. Quia enim, veluti sub nube & umbra, eminus lucem prospiciebant (veluti qui reliquias diei vident sub serum crepusculum, aut diem venientem sentiunt, ante auroram) nec adhuc habebant exhibitam sibi Dei benedictionem, in qua requiescerent: eorum expectationem, vocauit carcerem. Erit igitur sensus Apostoli: Christum in spiritu, ijs qui in carcere erant spiritibus prædicasse, hoc est virtutem redemptionis per Christum partæ, mortuorum spiritibus apparuisse, ac exhibitam esse. Hic deest alterum membrum, quod ad pios pertinebat, qui hunc fructum agnouerunt & perceperunt. Exprimit autem de incredulis, qui eundem ipsi hunc nuntium receperunt in confusionem. Viderunt enim unam esse redemptionem: à qua exclusi, quid aliud possent quàm desperare? Video istos iam fremere, ac mutire, glossam hanc esse à capite meo effictam: his legibus se non subijci. Non addicam ergo eos meis legibus, sed hoc tantum rogabo, an non spiritus carcere clausi, spiritus sint? Clarius est quod apud eundem scripto-

scriptorem legitur: in hoc mortuis predicatum esse Euangelium, ut iudicentur ^{1. Petr. 4.} secundum homines carne: uiuant autem secundum Deum spiritu. Videtis, ut carne in mortem tradita, spiritum asserat in vitam? Cum enim relatio sit vitæ ac mortis, per antithesin, alterum mori clarum est, alterum viuere.

I Dipsum ex Solomone discimus: qui mortem hominis describens, longo discrimine animam à corpore separat. Donec, inquit, reuertatur puluis in terram, unde erat, & spiritus redeat ad Deum, qui dedit illum. Scio eos parum affici hoc argumento: quòd dicunt vitam redire ad Deum, qui est fons vitæ: itaque nihil amplius esse. Sed verba ipsa clamant, sibi hoc modo vim inferri, ut nullum sit operapretium refellere hanc argutiolam, indignam & lectu & auditu. Iam hoc significet illis oportet animas redire ad fontem vitæ suæ per somnium. Atque huic sententiæ respondet quod est apud Esdram, quem equidem scriptorem eis non opponerem, nisi ipso valde niterentur. Audiant igitur suum Esdram: ^{4. Esd. 1.} Terra reddet quæ in ea dormiunt, & in silentio habitant: & promptuaria reddent quæ illis commendatæ sunt animæ. Nugantur, promptuaria, esse prouidentiam Dei: animas verò, cogitationes: ut liber vitæ offerat cogitationes in conspectum Dei. Quæ in hoc tantum ab eis dici constat, quia, cum tacere pudeat, nihil habent melius quoddicant. Quòd si ad hunc modum libèret Scripturas circumuoluere, peruertere omnia promptum esset. Nihil tamen hîc (quanquam alia multa suppetunt) de meo contrà proferam, quando se ipse scriptor à calumnia tuetur. Paulò enim antè dixerat: Nónne de his interrogauerunt animæ iustorum in promptuarijs suis, dicentes: Usquequo Domine speramus sic? quando veniet fructus aræ mercedis nostræ? &c. Quæ sunt ista animæ, quæ interrogant & sperant? Hîc cuniculum alium effodere eos oportet, si subterfugere volunt.

VEniamus nunc ad historiam diuitis & Lazari: quorum alter, præteritis huius mortalitatis laboribus & ærumnis, tãdem in sinum Abraham delatus est: alter in tormenta delapsus. Ille tormenta patitur: hic recipit consolationē. Magnam chaos interpositum inter huius gaudia, & illius afflictionem. Sûntne hæc somnia portæ corneæ, de qua poeta fabulantur? Verum, ut habeant effugium, quo elabantur, faciunt ex historia parabolam: adiunguntque fictionem esse, quicquid de Abraham, diuite, paupere, veritatis loquitur. Tantum reuerentiæ & Deo, & verbo eius deferunt. Ceddò, proferant unū duntaxat in Scriptura exēplum, ubi in parabola, nomine aliquis vocetur. Quid sibi hæc verba volunt? Erat quidā mendicus nomine Lazarus. Aut verbum Dei mentiri oportet, aut veram esse narrationē. Id etiam animaduertunt veteres Scripturæ interpretes: nam Ambrosius: Narratio est, inquit, magis quàm parabola, quia nomen additur. Id ipsum, sentit Gregorius. Certè Tertullianus, Irenæus, Origenes, Cyprianus, Hieronymus, quasi historiam referunt. Ex quibus Tertullianus arbitratur in diuitis persona, Herodem signari: in Lazaro, Ioannem Baptistam. Verba autem Irenæi sunt: ^{Ire. lib. 4. contra. haeref. cap. 4.} Non fabulam narrauit nobis Dominus, Lazari & diuitis, &c. Et Cyrillus dum respondet Arrianis, qui ex eo loco machinam struebant aduersus Christi diui-

nitatem, non refellit ut parabolam, sed ut historiam interpretatur. Hoc magis
 Ori. Ho. 5. in Eze. ridiculum, quod errori suo prætendunt Augustini nomen, quem cauillantur in
 Cy. epi. 3. hanc opinionem consensisse: opinor, quia quodā loco dixerit, In parabola per La-
 Hiero. in zrum, Christū intelligendum: per diuitem, Phariseos: cum nihil aliud significet
 Efa. c. 49. & 65. quā narrationē transferri ad parabolā, si Lazari persona, Christo: diuitis, Pha-
 Hilari. in risais attribuitur. Hic mos est corū, qui in præiudicatam opinionem toto impetu
 Psal. 3. feruntur: cum vident nihil sibi esse stabile, quo innitatur, non syllabarū decipul-
 Cyril. in 1. cap. Io las, sed ipsos literarum apices in suum commodum rapiunt. Ne quid tamen ad-
 Cap. 2. huc obstrepant, alibi ipse scriptor profitetur, se pro historia recipere. Erit nunc
 Lib. 3. de gen. adli. vendant suos fumos in media luce. Neque tamen effugere possunt, quin sem-
 per in eosdem incidant laqueos. Ut enim concedimus esse parabolam (quod mini-
 mē obtinere possant) quid aliud euincunt, quā esse collationem, quæ sine veri-
 tate stare non potest? Id si nesciunt magni isti theologi, discant ex elementis
 grammaticorum: & parabolam inuenient esse similitudinem, sumptam ex veri-
 tate. Sic, cum dicitur, hominem quendam habuisse duos filios, quibus diuisit suas
 portiones, oportet esse in rerum natura & hominem, & filios, & hereditatem,
 & diuisionem portionum. Denique, hæc est perpetua lex parabola, ut primum
 concipiamus rem nādam, ut proponitur: deinde, ex ea conceptione deducamur
 ad finem parabola: hoc est, ad rem ipsam, cui accommodatur similitudo. Imiten-
 tur Chrysostomum, hac in re suum Achillem. Existimauit quidem ille esse para-
 bolam, ex qua tamen veritatem saepe elicit. Ut cum inde probat, mortuorum ani-
 Ho. 25. in mas in certis esse locis, ostendit gehenna grauitatem, & deliciarum perniciem.
 Matth. Ho. 57. in eundē. In Par. ad The. la- Ne hic mihi multum verborum perdenāum sit, consulant sensum communem, si
 pium. quem habent: & facile assequantur vim atque rationem parabola.

Quam
 quam. ho
 mi. 4. In
 Matth. videtur
 narrare.
 ut histo-
 riam.
 Iefa. 32.
 Eiu. 26.
 Iob. 4.
ET quando satisfieri, quantū in nobis est, omnibus volumus: non nihil disere-
 mus hoc loco de animarum quiete, quæ in certa fide promissionū Dei, a corpo-
 ribus soluantur. Siquidem, per sinum Abrahamæ, nihil aliud quā quietem illam
 Scripturæ nobis designare volunt. Primum, nos quietem vocamus, quā illi som-
 num. Neque sanē abhorreremus à somni nomine, nisi iam eorum mendacijs corru-
 ptum, & penè pollutum esset. Deinde, per quietem, non desiliam, aut veternum,
 aut aliquid simile ebrietatis, quale animæ assingunt, intelligimus: sed cōscientiæ
 tranquillitatem & securitatem: quæ cum semper fidei adiuncta sit, nunquam ta-
 men perficitur, aut suis numeris constat, nisi post mortem. Audit quidem ex ore
 Dei benedictiones fidelium Ecclesia, quæ hanc terram adhuc, velut aduena, incolit.
 Ambulauit populus meus in pulchritudine pacis, & in tabernaculis fiduciæ,
 & in requie opulenta. Quæ & ipsa rursum gratias agens occinit benedicenti Do-
 mino: Domine, dabis nobis pacē. Omnia enim opera nostra operatus es nobis. Hæc
 pacē habent accepto Evangelio fideles, cum Deū, quem prius iudicem cogitabāt,
 sibi Patrē esse vident: se pro filijs iræ, filios gratiæ: effusa in se viscera misericor-
 diæ Dei: ut iam nihil aliud à Deo expectent, quā bonitatem & mansuetudi-
 nem. Verū n, quoniam militia est, vita hominis super terram, necesse est eos, qui
 sentiant & aculeos peccati, & carnis reliquias, in mundo pressuram habere, in
 Deo autem consolationē. atq; ita non planē animō esse cōposito & imperturba-
 to. Verum, cum carnem & cōcupiscentiam (quæ, ceu hostes domestici, eorū pacem
 infestant)

*infestant) exuerint: tunc verò demum acquiescunt, & apud Deum resident. Sic enim loquitur Propheta: Iustus perit, & non est qui recogitet in corde suo: & Iesai. 57. Viri misericordiæ colliguntur: à facie enim malitiæ collectus est iustus. Veniat pax: requiescat in cubili suo, qui ambulauit in directione sua. An non eos ad pacem vocat, quibus pax fuerat domestica? Sed quia illis pax fuerat apud Deum, pugna cum mundo: eos ducit in altiorum gradum pacis. Ideo Ezechiel & Ioan- Ezechi. 1.
 nes, cum vellent describere thronum gloriæ Dei, circumdant eum iride, quam sci- Apo. 4.
 mus esse signum fœderis inter Deum & homines. Quod alio loco clarius idē Io- Gene. 9.
 annes docuit: Beati, inquit, mortui, qui in Domino moriuntur. amodo iam dicit Apo. 14.
 Spiritus, vt requiescant à laboribus suis, &c. Hic igitur ipse est sinus Abrahæ.
 Ipse enim est, qui promissam sibi in suo semine benedictionem, ita pròpto animo
 cōplexus est, vt nihil dubitauerit, quin verbum Dei, virtus esset ac veritas. Et
 quasi iam opere Deus impleuisset quod promiserat, semen illud benedictum, non
 minus certa fide expectauit, quàm si manibus cōtreclasset, ac omnibus animi cor-
 porisq; sensibus percepisset. Itaq; testimoniū reddit illi Dominus noster, quòd Ioan. 8.
 viderit diem suum, & gauisus sit. En pax Abrahæ, en quies, en somnus: modò non
 polluitur fœdo istorum dormitantium ore, honestum nomen. Quid enim suauius
 potest habere conscientia in quo securè acquiescat, hac pace: quæ illi celestis gra-
 tiæ thesauros aperit, quæ dulcedine calicis Domini inebriat? Quid, ò dormitabū-
 di, cum auditis ebrietatem, an non vertiginem capitis, grauedinem, crassum car-
 nalémque somnum vestrum cogitatis? Hæc enim ebrietatem sequuntur incōmo-
 da. Hæc vos quidem, pro vestra crassitie: at intelligunt theodidacti, eodē dicen-
 di vsu somnum vocari, tranquillitatem conscientia, quam Dominus suis largitur
 in domo pacis: quo ebrietas, affluentia dicitur, qua Dominus suos satiat in domo
 opulentiæ. Si Abraham pacem hanc possedit, mediis adhuc inter hostium incur-
 sus, labores, discrimina, imò ferens secum suam carnem, hostem domesticū, quo
 nihil est perniciosius: quantam putamus eius pacem, vbi extra hostium iclus, te-
 lorūque iactus euolauit? Miretur nunc aliquis, cur requiescere in sinu Abrahæ
 dicantur electi Dei, qui ex hac vita ad Deum suum transierunt: nempe, quòd in
 sede pacis recipiuntur cum Abraham patre fidelium, vbi Deo fruuntur ad satie-
 tatem, citra fastidium. Quāobrem, non abs re Augustinus quodā loco: Quemad- De ciuit.
 modum, inquit, finem beatorum appellamus vitam æternam, ita possumus vocare Dei. li. 19
 pacē. Nihil enim melius dare potest, qui nihil aut maius aut melius seipso dare
 potest, qui Deus est pacis. Posthac ergo, cum de sinu Abrahæ sermo fiet, non ra- 1. Cor. 14.
 piant ad suum somnū: quoniā eorum vanitatē arguit ac conuincit Scripturæ ve- 1. The. 5.
 ritas. Est, inquā, requies illa, celestis Ierusalem, hoc est visio pacis: in qua Deus
 pacis dat se videndum suis pacificis, iuxta Christi promissum. Quoties autem hu- Matth. 5.
 ius pacis meminit in sacris literis Spiritus, ad eò familiariter vtitur dormiendi
 & quiescendi tropo, vt nihil sit magis obuium. Exultat ūt, inquit Dauid, sancti
 tui, lætabuntur in cubilibus suis. Alter verò: Viuent mortui tui, interfecti tui re- psal. 149.
 surgent. Exergiscimini, & laudate habitatores pulueris: quia ros pratorū, ros Iesai. 26.
 tuus: & terram gigantum detrahes in ruinā. Vade popule mi, intra in taberna-
 cula tua, claude ostia tua super te, abscondere ad modicum, donec pertranscat
 indignatio. Quin Hebraica lingua, hoc verbum vsurpat ad significationem cu-
 iusvis securitatis ac fiducia. Dauid rursum: In pace in idipsum dormiam & psal. 4.*

Osec. 2. requiescam. Et Propheta: Percutiam fœdus in die illa cum bestia agri, & cum volucre cœli, & cum reptili terræ: arcum, & gladium, & bellum conteram de terra: & dormire eos faciam absque terrore. Moses verò: Dabo pacem in finibus vestris, & non erit qui exterreat. In libro verò Iob: Et habebis fiduciam proposita tibi spe, & defossus securus dormies. Requiesces, & non erit qui exterreat, & deprecabuntur faciem tuam plurimi. Cuius rei nos Latinum quoque prouerbiū admonet: Dormire in vtrunque aurem, pro securè agere. Dormiunt igitur & pacem habent viuentium animæ, quæ verbo Domini acquiescunt, nec praire Dei sui voluntati cupiunt: sed quò ille vocauerit, sequi paratæ, sub eius manu se continent. Quod illis præceptum est: Si moram fecerit eius veritas, expecta illam. Item, In spe & silentio erit fortitudo vestra. Cum autem expectent aliquid quod non vident, & desyderent quod non habent: constat pacem eorum esse imperfectā. Rursum, cum certò expectent quod expectant, & fide desyderent quod desyderant: clarum est, quietum esse desyderium. Hanc pacem auget & in melius prouehit mors, quæ huius mundi militia solutos, & quasi exauthoratos, ducit in locum pacis: ubi dum toti animo & aspectu in Deo hærent, nihil habent melius, quò auertant oculos, aut desyderium retrahāt. Deest tamen adhuc quiddam, quod videre cupiāt: nempe summa & perfecta Dei gloria, ad quam semper aspirant. Vt nulla sit illis impatientia desyderij, nondum tamen plena & perfecta quies. Siquidem requiescere dicitur, qui est ubi esse appetit: nec modus desyderij finem habet, nisi eò peruenierit quò tendebat. Si autem oculi electorum ad supremam Dei gloriam, velut ad scopum, collimant, semper in cursu est eorum desyderium, donec impleta fuerit Dei gloria: cui implementum affert dies indicij. Tunc verum erit illud: Satiabor, cum euigilaui, & aspectu vultus tui.

7. **V**T autem reprobos omittamus, quibus quid accidat, non magnæ curæ nobis esse debet, velim mihi bona fide respōdeant, vnde illis spes resurrectionis, nisi quia Christus resurrexit? Ipse est enim primogenitus mortuorum, & primitiæ resurgentium. Quemadmodum ille mortuus est & resurrexit, ita nos in eo morimur ac resurgimus. Si enim mors, cui obnoxij eramus, vincenda illi fuit per mortem, haud dubiè mortē eandem subiit, quam & nos, atque idem in morte passus est, quod nos patimur. Id planum facit veritas, cum vocat primogenitū mortuorum, & primitias resurgentium. Atque ita docuit, vt fideles in media morte ipsi sibi ducem agnoscant: & dum mortē suam ipsius morte sanctificatam aspiciunt, nullā eius maledictionem formident. Quod significat Paulus, dum ait, conformem se fieri morti eius, donec perueniat ad resurrectionem mortuorum. Hanc enim conformitatem, hic per crucem inchoatam, prosequebatur, donec eam morte adimpleret. Nunc paulisper, ô somniatores, redeatis ad cor, & vobiscum cogitatis, quemadmodum Christus mortuus est. Num tūc etiam dormiebat, cum vigilaret in salutem vestrā? Non sic ipse de se loquitur: Sicut, inquit, Pater habet vitam in semetipso, sic dedit Filio habere vitam in semetipso. Qui in se vim vitæ habet, quomodo eam perderet? Neque mihi respōdeant, hæc ad diuinitatem spectare. Si enim ei datur qui non habet, homini igitur, non Deo, datum est in se habere vitam. Cum enim Iesus Christus Dei sit filius, & hominis: quod est naturā vt Deus, id est gratiā vt homo. Vt sic de plenitudine eius omnes accipiamus, & gratiam

tiam pro gratia. Apud Deum vitam esse si audiant homines, quantum inde spei concipiant: cum simul sciant, peccatis suis, nubem inter se & Deum oppositam. At hac demum verè magna consolatio est, quòd Deus Pater Christum vnixerit oleo lætitiæ præ consortibus: quòd ipse Christus homo acceperit à Patre dona in hominibus, ut in natura nostra vitam reperire possimus. Qua ratione legimus turbam post suscitatum puerum, glorificasse Deum, qui dedisset talem potestatem hominibus. Hoc profecìdò vidit Cyrillus, qui nobiscum in huius loci explicatione consensit. Cum autem dicimus Christum, quatenus homo est, habere vitam in semetipso, non ipsum sibi causam esse vitæ dicimus: sed hoc tantum, omnem vitæ plenitudinem à Deo Patre effusam esse in Christum hominem. Quod familiari similitudine planum fieri potest. Fons, ex quo omnes hauriunt, ex quo riuuli defluunt & deriuantur, aquam in semetipso habere dicitur: nec tamen ex semetipso, sed ex scaturigine, quæ illi assidue subministrat quod & riuus labentibus, & haurientibus hominibus sufficere possit. Ergo Christus habet vitam in semetipso: hoc est, vitæ plenitudinē, quæ & ipse viuatur, & suos viuificet: non tamen habet ex semetipso, quæadmodum ipse alibi testatur, quòd viuit propter Patrem. Et cum in se, ut Deus, vitam haberet, ubi hominem assumpsit, donum accepit hoc à Patre, ut vitam etiam parte haberet in semetipso. Hæc nobis certissimam fidem faciunt, Christum extingui morte non potuisse, etiam secundum hominem: & quanquam verè ac naturaliter in mortem traditus est, quam omnes subimus, donum tamen illud Patris semper retinuisse. Vera mors fuit, corporis & animæ solutio. Cæterum, anima vitam suam nunquam perdidit, quæ Patri commendata, non poterat non saluasse. Id volunt verba ex concione Petri, quibus affirmat impossibile fuisse teneri ipsum à morte, ut Scriptura impleteretur: Quoniam non derelinques animam meam in inferno, nec dabis sanctum tuum videre corruptionem. In qua prophetia, ut concedamus animam vitam esse, duo petit & expectat à Patre Christus: ne aut vitam suam in perditionem deferat, aut se in corruptionem venire sinat: quod impletum est. Nam anima eius, diuina virtute suffulta est, ne in perditionem rueret: & corpus eius in sepulchro seruatum est ad resurrectionem. Hæc omnia vno verbo complexus est Petrus, cum dixit, non potuisse teneri à morte Christum. καὶ ὁ θάνατος, hoc est, mortis imperio succumbere, & in mortis potestatem venire, aut à morte comprehendere. Quòd autem Petrus in illa concione, missa disputatione de anima, corporis duntaxat incorruptionem prosequitur: id facit, ut suo ipsorum testimonio, Iudeos conuincat, hanc prophetiam non pertinere ad Dauidem, cuius sepulchrum apud eos extabat, cuius cadauer nouerant in putredinem collapsum, cum Domini nostri resurrectionem abnegare non possent. Præbuit & nobis aliud argumentum immortalitatis animæ suæ, cum Ionam triduo immersum in ventre ceti, mortis suæ typum cōstituit: sic enim se futurum in ventre terræ, tribus diebus & tribus noctibus. Atqui, Ionas de ventre piscis clamauit ad Dominum, & exauditus est. Venter ille, mors est. Animam igitur saluam in morte habuit: secundum quam clamaret ad Dominum. Isaac quoque, qui figuram Christi gessit, & à morte patri redditus est, quodam, ut ait Apostolus, resurrectionis typo, nobis veritatē in figura aperit: cum enim impositus esset altari, parata victima, & alligatus esset postea iussu Domini solutus est. Sedarics, qui inter vepres hæserat, in vicem Isaac suppositus est. Quid est autem quòd Isaac non moritur, nisi quia quòd propriū est hominis, immor-

Act. 2.

Ion. 2.

Gen. 22.
Heb. 11.

tales Christus præstitit: hoc est, animã? Aries verò, animal irrationale, qui in eius locum ad mortem substituitur, corpus est. Quòd autem alligatur Isaac, animã representat, quæ in morte Christi speciem morientis dedit: & dat etiam quotidie in vulgari morte hominum: ubi omnia, humana opinione, creduntur extincta: cum tamen ex vinculis soluta sit Christi anima, & nostræ quoque soluantur, antequam pereant. Perfricet frantem nunc quispiam ex vobis, & iacet mortem Christi somnum fuisse: vel omnino in castra Apollinaris transfugiat. Ille quidem vigilauit, dum incumberet in salutem vestram: vos autem dormitis somnum vestrum, & tenebris cecitatis obruti, vigilias non exauditis.

8

Col. 2.
Gal. 2.

Praterea non hoc tantum nos consolatur, quòd Christus caput nostrum, in medio umbræ mortis non perijt: sed ad hanc securitatem accedit eius resurrectio, qua mortis dominum se constituit, ac nos supra mortem extulit, quicunque partem in ipso habemus. Vt non dubitauerit Paulus dicere, vitam nostram absconditam esse cum Christo, in Deo. Et alibi: Viuo ego, iam non ego, sed viuit in me Christus. Quid superest, nisi vt aperto ore, Christum in animis dormientibus dormire, & desidere clament? Si enim Christus est qui in illis vixit, idem est qui in illis moritur. Si vita Christi nostra est, qui vitam nostram finiri vult morte, detrahat Christum ex dextera Patris, & in secundam mortem deturbet. Si mori ille potest, certa mors nos sequitur: si nullum habet vitæ finem, neque animæ nostræ, quæ illi insitæ sunt, finiri vlla morte possunt. Et quid adhuc laboramus? An verò sunt obscura eius verba? Quia ego viuo, & vos viuetis. Si viuimus, quia viuit: ergo si morimur, ipse iam non viuet. An obscurum est quod promisit, eum in se mansurum, & se in eo, qui per fidem sibi iunctus fuerit? Auellamus ergo à Christo membra sua, si volumus ipsis vitam adimere. Nostra hæc confessio est, quam suis armis satis instruximus: In Adam quidem omnes nos esse mortuos: sed in Christo viuere. Hæc splendide & magnifice à Paulo tractantur: nempe, quòd si Christi Spiritus habitat in nobis, corpus quidem mortuum est propter peccatum, at spiritus vita est propter iustitiam. Corpus scilicet vocat massam peccati, quæ ex carnis natiuitate in homine residet: Spiritum verò, partem hominis spiritualiter regeneratam. Quare, cum paulò antè, ob peccati reliquias in se hærentes, miseriam suam deploraret, nò simpliciter optabat tolli, & nihil esse, vt ex illa miseria euaderet: sed liberari à corpore mortui: hoc est, massam peccati in se interire: vt spiritus purgatus, & quasi defacatus, pacem cum Deo haberet: hoc ipso declarans, meliorem sui partem, corporis vinculis captiuam teneri, ac per mortem liberatum iri.

Ioan. 14.
Ioan. 6.

Rom. 8.

Rom. 6.

Ioan. 5.

Ioan. 6.

Vt inam recta fide percipere possemus quale sit regnum Dei, quod est intra fideles, etiam dum hanc vitam viuunt. Nam simul facile esset intelligere, inchoatam vitam æternam. Promisit hoc nobis qui fallere non potest. Qui verba, inquit, mea audit, habet vitam æternam, & in condemnationem non venit: sed transiit à morte in vitam. Si transiit factus est in vitam æternam, cur eam morte interrumpunt? Alibi: Hæc, inquit, est voluntas Patris, vt omnis qui credit in Filium, non pereat, sed habeat vitam æternam: & ego suscitabo eum in nouissimo die. Rursum, Qui edit carnem meam, & bibit meum sanguinem, habet vitam æternam, & ego suscitabo eum in nouissimo die. Non sicut comederunt

mederunt patres vestri manna, & mortui sunt. Qui ederit panem hunc, viuet in æternum. Nolite huc vestra commenta ingerere, de die nouissimo. Duo nobis pollicetur, vitam æternam, & illam resurrectionem. Duo cùm audiatis, alterum tantum amplectimini. Magis etiam vos conuincit altera Christi vox. Ego sum, Ioan. 11. inquit, resurrectio & vita. Qui credit in me, etiamsi mortuus fuerit, viuet. Et omnis qui viuit & credit in me, non morietur in æternum. Nec euadent si dixerint, non mori eum in æternum, qui suscitatur: quoniam non id tantum voluit Dominus, sed nunquam accidere posse, vt moriantur. quem sensum melius exprimit græca phrasis, vbi legitur, *αὐτὸν αἰῶνα*: quod latinis in seculum significat. Qua loquendi forma significamus nunquam fore, id quod in seculum futurum negamus. Sic alibi: Qui sermonem meum seruauerit, mortem non videbit in æternum. Hoc inuictum stat argumentum contra eos. Non visurum mortem eum, qui sermonem Domini seruauerit. Quod vnum satis esse possit Christianis ad armandam suam fidem, contra eorum prauitatē. Hoc credimus, hoc expectamus. Illis autem quid reliquum, nisi vt fortiter dormiant somnum suum, donec eos experges faciat clangor tubæ, qui, vt fur, deprehendet in tenebris dormientes?

ET si fidelis animæ vita, Deus est, perinde atque ipsa, vita est corporis: quid est 10 quòd anima, quamdiu in corpore est, ipsum agitat, nec vnquam ita otiosa est, intentionē inque suam remittit, vt non aliqua officij parte fungatur, Deus aut. m. velut agendo fatigatus cessat? Si tanta est vis animæ, in massa terræ sustinenda, mouenda, impellenda: quanta vis erit Dei in anima, quæ natura agilis est, mouenda & agenda? Et audent alij dicere, animam euanescere: alij, vi sua non exerceri, post dissolutam compagem corporis? Quid ergo respondebunt ad carmen Davidis? quo principium, medium, & finem, via beatorum describit. Ibunt, inquit, de Psal. 73. virtute in virtutem, videbitur Deus deorum in Syon: vel (vt habent hebraica) de abundantia in abundantiam. Si crescunt semper donec Deum videant, & ab illo incremento transeunt ad Dei visionem, quomodo eos sepeliunt isti in ebrietate & alta socordia?

ID ipsum testatur Apostolus, & multò apertius: vt, si rumpantur, spiritui Dei 11 amplius resistere non possint. Scimus quòd si terrenum domicilium huius tabernaculi destructum fuerit, ædificationem habemus ex Deo, domicilium non manu factum, æternum in cœlis. Nam in hoc geminus, domicilio nostro, quod est è cœlo, superindui cupientes: si tamen induti, non nudi reperiemur. Etenim, qui sumus in hoc tabernaculo, geminus onerati, propterea quòd nolumus exui, sed superindui, vt absorbeatur mortalitas à vita. Pòst paulò: Itaque bono animo sumus semper, & scimus quòd cùm domi sumus, in corpore: peregrinamur à Domino (per fidem enim ambulamus, & non per speciem) confidimus autem & magis probamus, peregre abesse à corpore, & præsentes esse apud Dominum. Hic rimam inueniunt: in diem iudicij conferenda Apostoli verba, quo & superinduimur, & absorbeatur mortalitas à vita. Proinde hæc, inquit, vna clausula comprehendit Apostolus: Manifestari omnes oportere coram tribunali Christi. Verum, cur illud superindui magis ad corpus referunt, quam ad Dei benedictiones, quibus à morte luculenter abundamus? Quis cogit vitam illam accipere de resurrectione? Cùm simplex & promptus sit sensus Apostoli, Nos quidem cupere egredi ex hoc corporis erga-

stulo, sed nō vt vagemur incerti sine hospitio. Esse enim meliorem domum, quam nobis Dominus preparauit: si tamē induci, & nō nudi reperiemur. Indumentū siquidē nostrū Christus est, & armatura illa, qua nos induit. Apostolus. Et scriptum
 Ephes. 6. est, quōd rex cōcupiscet decorē cōiugis suæ, quæ fortis erit in muneribus, cuius om
 Psal. 44. nis gloria intrinsecus. Denique signauit suos Dominus, quos & in morte, & in
 Apoc. 7. resurrectione agniturus est. Cur nō potius respiciunt ad id quod proximē dixerat,
 1. Cor. 4. & cui hanc ipsam sententiā cōnectit? Licet is qui foris est homo noster corrūpatur,
 tamē eum qui intus est, renouari de die in diem. Quōd autē Apostolus clausulam
 illam subdidit, de manifestatione coram tribunali Christi, magis eos stringit: cū
 prius dixisset nos & domi, & peregre agentes, cōtendere, vt illi placeamus. Cū
 per domū, corpus intelligat, quid est illud peregre? Vt ergo nihil addamus, verba
 sine interprete hoc loquūtur: nos, & in corpore, & extra corpus cōtendere, vt pla
 ceamus Domino: deinde, nos sensuros Dei præsentiā, cū ab hoc corpore separa
 bimur. Iam non per fidem ambulaturos, sed per speciem: quoniam hoc terra pon
 dus, quo premimur, nos à Deo, quasi maceries, longo intervallo separat. Isti nuga
 tores contrā, nos per mortem, longius à Deo discēssuros garriunt, quā dum su
 mus in hac vita. De quibus enim scriptum est: Domine, in lumine vultus tuiambu
 Psal. 88. labunt. Item, Ipse Spiritus testimonium reddit spiritui nostro, quōd filij Dei su
 Roma. 8. mus. Et multa eius generis: his & lumen vultus Dei, & spiritus testimonium a
 dimunt. Quōd si verum est, feliciores nunc sumus, quā post mortem. Et si enim
 sub elementis huius mundi viuimus, habemus tamen habitationem & politiam in
 Philip. 3. cælis, vt ait Paulus. Vbi autem veteris ille, & rerum omnium obliuio animas à
 morte exceperit, perdunt quamcunque habent suauitatem gustus spiritualis. Me
 lius nos docent sacræ literæ. Corpus, quod corrumpitur, aggrauare animam, & ter
 rena habitatione deprimi sensum multa cogitantem. Si corpus, animæ est carcer,
 si terrena habitatio, compedes sunt: quid anima soluta hoc carcere, exata his vin
 culis? nonne sibi redditur, & quasi se colligit? Vt duere liceat, tantum illi accre
 scere, quantum decreuit corpori. Velint nolint, hoc semper in confesso est. Vbi
 molem hanc corporis adiciamus, cessare pugnam illam spiritus aduersus carnem, &
 carnis aduersus spiritum. Denique mortificationem carnis, esse viuificationem
 spiritus. Tum igitur anima, excussis sordibus, verè est spiritualis, vt consentiat
 voluntati Dei, nec sentiat carnis tyrannidem sibi repugnantem: vt in hac trā
 quillitate resideat, nihil aliud, quā Deum cogitans. Et tunc scilicet dormit,
 cū eleuare se, nullo pondere aggrauante, potest? Tunc stertit, cū multa per
 cipere sensu & cogitatione potest, nullo impedimento interpellante? Hac
 non solum errorem istorum produnt, sed etiam malignitatem contra Dei opera
 & virtutes, quas eum in sanctis suis operari Scriptura predicant. Nos agno
 scimus Deum velut nascentem in electis suis, & de die in diem crescentem: quod
 nos docet Sapiens: Iustiorum, inquit, semita, quasi lux crescens in perfectum
 diem. Et affirmat Apostolus. Quia qui cepit in vobis opus bonum, perficiet
 Prover. 4. usque in diem Domini Iesu. Isti non solum opus Dei ad tempus intermittunt,
 Philip. 1. sed etiam extinguunt. Qui prius ibant de fide in fidē, de virtute in virtutem, &
 beatitudinis gustu fruebantur, cū se in Dei cogitatione exercerent eos &
 fide, & virtute, & omni Dei cogitatione exuunt de fides: tantum & veteranos
 in stratis collocant. Quomodo enim profectura illum interpretantur? An
 existi-

existimant animas perfici, cum dormiendo saginantur: ut pingues & nitide offerantur in conspectum Dei, cum ad iudicium sederit? Si micam salis haberet, non ita crasse balbutirent de anima: sed quantum distant cœli à terra, cœlestem animam à terreno corpore discernere. Ergo, cum desiderat Apostolus dissolui, & esse cum Christo, an illis videtur velle dormire, ut nullo amplius Christi desiderio teneatur? Nempe, hoc fuit eius desiderium, qui sciebat se aliam ædificationem habere ex Deo, domum non manu factam, si terrestris domus sui habitaculi dissolueretur. Pulchrè verò esset cum Christo, qui desineret vivere vitam suam.

Quid? an nō horrent ad vocem Domini, qui vocans se Deum Abraham, Isaac & Iacob, simul respondet, se Deum esse viventium, non mortuorū? Neque igitur ille est eis in Deum, neque illi sunt in populum. Sed aiunt hæc tum demū vera fore, cum mortui suscitabuntur ad vitam. Cum etiam verba sic se habeant: De resurrectione mortuorum non legistis quod dictum est? non tamen sic se explicant. Cum enim Christo negotium esset cum Sadducæis, qui non resurrectionem modò negabant, sed animarum quoque immortalitatem: hoc vno verbo duos errores conuicit. Nam si Deus, viventium est Deus, non mortuorum: Abraham autem, Isaac, & Iacob, defuncti erant hac vita, cum Moysi Deus loqueretur, dicens se eorum esse Deum, colligitur ergo eos aliam vitam vivere. Esse enim eos oportet, quorum Deus se Deum facit. Vnde & Lucas addit: Omnia enim illi viuunt: non intelligens omnia vivere Dei præsentia, sed eius virtute. Hoc ergo relinquitur, Abraham, Isaac, & Iacob, vivere. Cui sententiæ accedit illud Apostoli: Siue viuimus, Domino viuimus: siue morimur, Domino morimur: siue viuimus, siue morimur Domini sumus. In hoc enim Christus mortuus est & resurrexit, ut viuus dominetur, & mortuis. Quid poterat solidius erigi ad fulciendam fidem nostram, quàm dicere, Christum mortuis dominari? Non enim dominari potest nisi his qui sunt: cum subiectos esse oporteat, ubi sit imperium.

Ecce etiam testimonium contra eos ferunt in cœlo, corā Deo, & Angelis eius, animæ martyrum, quæ clamant voce magna sub altari: Vsq̃uequo Domine, non vindicas sanguinem nostrum de his qui habitant in terra? Et data sunt illis stolæ albae, & dictum est illis, ut requiescerent adhuc tempus modicum: donec compleantur conservi eorum, & fratres eorum qui interficiendi sunt, sicut & illi. Clamant mortuorum animæ, datur illis stolæ albae. Quid ô spiritus dormitorij, vobis sunt stolæ albae? puluina scilicet, in quibus ad somnum decubent. Videtis iam stolas albas somno non conuenire. Vigilent oportet, quæ sic induuntur. Quod si verum est, haud dubiè stolæ albae principium gloriæ designant, quod diuina liberalitas martyribus impertit, donec expectatur dies iudicij. Non enim nouum est, in Scripturis stolam albam, gloriam & festiuitatem figurare & gaudium. Nam in veste candida Dominus in visione cōspectus est Danieli. Apparuit hoc habitu Dominus in monte Thabor. Apparet Angelus Domini ad sepulchrum mulieribus in veste alba. Apparent eadem specie Angeli discipulis in cœlū respicientibus, post Domini ascensionem. Eadem fuit species Angeli apparentis Cornelio. Et cum filio, qui dissipata substantia, ad patrem reuersus erat, reddita est prima stola, symbolum fuit gaudiij & festiuitatis. Deinde, si clamabant mortuorū animæ, nō dormiebant. Quando igitur isto sopore perfundi cœperūt? Neque mihi obtrudat quispiam, quòd

sanguis Abel clamabat ad Deum. Vulgaris tropus est, fateor, rem ipsam loqui: sanguinis effusionem, vindictam postulare. Hoc verò in loco, affectum martyrum per clamorem nobis representari certum est, quòd eorum desiderium sine ulla figura exprimitur, & petitio describitur. Vsq̃uequò Domine non vindicas, &c. Quare in eodem libro Ioannes duplicem resurrectionem prodidit, quemadmodum mortem duplicem. Nimirum priorem animæ, ante iudicium: alteram, cùm corpus suscitabitur, & cùm anima quoque suscitabitur in gloriam. Beati, inquit, qui habent partem in resurrectione prima: in his, secunda mors non habet locum. Itaque vobis horrendum est, qui primam illam resurrectionem agnoscere non vultis, quæ tamen vnus ingressus est ad beatam gloriam.

14

- H**OC etiam acerrimum telum est contra eos, quod responsum est latroni imploranti misericordiam. Rogauerat ille, Memento mei Domine, dum veneris in regnum tuum: Audit, Hodie mecum eris in Paradiso. Ille se affuturum latroni promittit, qui vbique est. Et paradysum promittit, quia satis deliciarum habet, qui Deo fruitur. Neque illum reijcit in longam dierum seriem, sed eo ipso die vocat ad delicias regni sui. Iactatur istorum cauillum, quo Christi verbum eludunt.
- 1. petr. 3.** Vnus, inquiunt, dies, sicut mille anni, in conspectu eius. Sed non meminerunt Deum humanis sensibus se accommodare, quoties hominibus loquitur. Neque legunt diem vnum in Scripturis positum, pro mille annis. Quis ferat hunc interpretem, qui cùm audierit ex Deo, aliquid hodie futurum, cogitet annorum millia? An verò, cùm Niniuitis Ionas denuntiaret, Adhuc quadraginta dies, & Niniue subuertetur: poterant illi expectare Dei iudicium securè, donec quadragies mille anni effluerent? Neque hoc sensu dixit Petrus, mille annos, in conspectu Dei, sicut diem vnum. Sed cùm pseudo prophetæ aliqui, dies & horas supputarent, vt Deum mendacij arguerent, qui non ad primum eorum votam promissa solueret: admonet apud Deum esse æternitatem, cui mille anni vix sunt vnum momentum. Quoniam verò sentiunt se teneri adhuc implicitos, contendunt, Hodie, in Scripturis significare tempus noui Testamenti, sicut Heri, veteris. Huc torquent quod in epistola ad Hebræos legitur: Iesus Christus heri, & hodie, ipse in secula. Hic verò toto cælo errant. Nam si heri tantum fuit, aliquando cæpit esse qui nō erat ante initium veteris Testamenti. Vbi erit Iesus ille Deus æternus, iuxta humanitatē etiam primogenitus omnis creaturæ, & agnus ab origine mūdi occisus? Deinde, si Hodie id temporis designat, quod intercedit inter diem iudicij, & Christi humanitatem, habemus Paradysum obuenturū latroni ante eum diem, quo surgere animas à somno suo docent. Atque ita, eorū cōfessione, extorquebitur, impletam promissionem latroni datam, ante iudiciū: quam, nisi post iudiciū, implendam negant. Quòd si verbū illud ad tempus trahūt, quod iudicium sequitur: cur addit author Epistolæ, Et in secula? Atq; vt palpare possint suas tenebras: si respiciebat Christus in ea promissione tempus iudicij, nō debuit dicere Hodie, sed futuro seculo. Quēadmodū Iesaias, cū vellet significare resurrectionis mysteriū, vocauit Christū, Patrem futuri seculi. Cū autē heri & hodie & in secula dixerit Apostolus, pro eo quod dicimus, fuit, est, & erit, (quæ tria tempora nobis æternitatem designant) quid aliud agūt suis argutioris, quàm sensum Apostoli peruertūt? Hæc esse proprietatē primi vocabuli, vt tempus æternū cōtineat, licet ex Propheta discere, qui scribit præparatam ab æsterno

impjjs

impjys gehennā: cū sciamus, ex Christi verbis, preparatum ab eterno ignem Diabolus & angelis eius. Vident hīc, quibus est aliquid iudicij aut sanæ mentis, nihil futurum illis reliquum, quo eludant manifestam adeo veritatem. Est tamen adhuc quiddam quod obstrepunt: sic promissum fuisse paradysum latroni eo die, quemadmodum indicta mors primis parentibus, quo die gustarent de arbore scientiæ boni & mali. Quod ut illis concedamus, hoc tamen extorquebimus, latronem eo die restitutum à miseria, in quam inciderat Adam, quo die legem sibi dictam præuaticatus fuerat: fuisse igitur redditam latroni immortalitatem. Deinde cū de morte statim differam, satis (ni fallor) explicabo, quomodo eo die mortui fuerint primi parentes, quo die se à Deo abalienauerunt.

Mat. 25.

Nunc mihi ad eos sermo conuertatur, qui bona pace conscientia, promissorum Dei memores, in illis acquiescunt. Hæc inquam fratres, hæc vobis fides non excutiatur, etiamsi omnes inferorum portæ insultent, ubi Deum habetis sponso- rem, qui veritatem suam abnegare non potest. Vox eius est minimè obscura, ad Ecclesiam adhuc in terris peregrinantem: Non erit tibi amplius sol ad lucendum per diem, neque splendor lunæ illuminabit te, quia erit tibi Dominus in lucem sempiternam, Quod si suo more ad vltimam resurrectionem nos trahunt, promptum erit refellere vanitatem ex singulis verbis capitis: quibus nunc Dominus promittit suum Christum, nunc Gentes in fidem cooptandas, &c. Semper in memoriam nobis redeat quod Spiritus docuit per os Davidis: Iustus ut palma florebit, si cut cedrus in Libano multiplicabitur. Plantati in domo Domini, in atrijs Dei nostri flore- bunt, adhuc germinabunt, in senectute pingues & virides erunt. Ne vos terreat quod omnes naturæ virtutes deficere creduntur: cū auditis senectutem viridem, pinguem, & germinantem. Hæc vobiscum reputantes, exemplo Davidis occinite animæ vestræ: Benedic anima mea Domino, qui satiat bono os tuum: re- novabitur, ut aquilæ, iuuentus tua. Cetera Domino permittite, qui custodit introi- tum nostrum, & exitum nostrum, ex hoc nunc, & vsque in seculum. Hic est qui pluit imbrem matutinum & serotinum, super electos suos. De quo nobis dictum est: Deus noster, Deus salutis est: & Domini Dei egressus mortis. Hanc Patris bonitatem exposuit nobis Christus, cū dixit: Pater, quos dedisti mihi, volo ut ubi ego sum, & illi mecum sint: ut videant claritatem meam, quam dedisti mihi.

Iesa. 60.

psal. 91.

psal. 102.

psal. 120.

Ioel. 2.

psal. 67.

Ioan. 17.

Hanc igitur fidem, omnibus prophetijs, Evangelica veritate, Christo ipso subnixam, teneamus. Spiritum, imaginem esse Dei, instar cuius vigeat, intelligat, æternus sit. Quandiu in corpore est, virtutes suas exerere: cū ex illo erga stulo egreditur, ad Deum migrare, cuius sensu interim fruitur, dum in spe beata resurrectionis requiescit. Hanc requiem, illi esse paradysum. Spiritum verò reprobis hominis, dum terribile iudicium in se expectat, torqueri illa expectatione, quam Apostolus ob id ^{1 Cor. 13. 2.} id est, formidabilem vocavit. Ultra inquirere, se immergere est in abyssum mysteriorum Dei, cū satis sit didicisse, quod satis habuit docuisse Spiritus optimus magister: cuius verbum est: Audite me, & viuet anima vestra. Quam ille sapienter, præ istorum vaniloquentissima arrogantia: Iustorum animæ in manu Dei sunt, & non tanget illos tormētum mortis. Vixi sunt oculis insipientum mori, illi autem sunt in pace, &c. Hic finis est nostræ sapientiæ, quæ (ut

16

sobria est, & Deo subiecta, ita nouit eos qui supra se nituntur, semper corrumpere.

17

Nunc unas excutiemus, in quibus sopitas animas componunt: & papauer diluimus, quod illis ad conciliandum somnum propinant. Circumferunt enim aliquot Scripturæ locos, qui videntur isti somno suffragari: tum, quasi ad liquidum dormitio probata sit, fulminant in eos, qui non statim errori suo consentiunt. Obijciunt primum, non aliam homini infusam animam à Deo, quàm quæ sit illi cum bestijs omnibus communis. Omnibus enim ex æquo Scriptura attribuit animam uiuentem. Vt cum dicitur: Creauit Deus cete grandia, & omnem animam uiuentem.

Gen. 1.

Gen. 7. Item, Bina ex omni carne, in qua erat Spiritus vitæ: & alia eiusdem generis. Et si nusquam sacræ literæ meminissent, nos tamen liquidè admoneri ab Apostolo, animam illam uiuentem nihil differre à præsentī vitæ, qua corpus hoc vegetatur.

1. Cor. 15.

Verba sunt: Seminatur in corruptione, surget in incorruptione: seminatur in infirmitate, surget in virtute: seminatur corpus animale, surget spirituale. Quemadmodum scriptum est, Factus est primus Adam in animam uiuentem: nouissimus in spiritum uiuificantem. Fateor animam uiuentem non semel attributam bestijs, quia & ipsæ vitam suam degunt: verum aliter illæ viuunt, aliter uiuit homo. Anima uiuens est homini, quæ sapit & intelligit: anima illi uiuens est, quæ motum & sensum dat corpori. Cum igitur animæ hominis insit ratio, intellectus, voluntas, quæ virtutes non sunt corpori adnexæ: nihil mirum, si sine corpore subsistat, nec pereat instar brutarum, quæ nihil aliud habent, quàm sensus corporeos. Quæ

Acto. 17.

ratione non erubuit Paulus, post ethnicum illum poetam, genus nos Dei appellare. Itaque iam, ut volent, communicent beluis animam uiuentem cum homine, cum eadem prorsus vitæ sit omnibus, quantum ad corpus attinet: verum ex eo gradum sibi facere non possunt ad confundendam cum beluis, hominis animam. Neque mihi obtrudant Apostoli verbum, quod magis nobiscum, quàm contra nos pugnat: Factus est primus Adam in animam uiuentem, nouissimus in spiritum uiuificantem. Est enim antypophora ad eorum questionem, qui de resurrectione persuaderi non poterant. Sic enim obijciebant: Quomodo resurgunt mortui? Quali corpore venient? Cui obiectioni ut occurrat Apostolus, sic eos aggreditur. Si usu discernimus, semen quod uiuit, quod crescit, quod fructum reddit, prius mortuum esse: cur non instar seminis, corpus quod mortuum fuerit, resurgere potest? Et, si nudum ac siccum granum sementem refert vberiore, postquam mortuum fuerit, virtute mirabili, quàm illi Deus indidit: cur non eadem Dei virtute, corpus suscitabitur melius, quàm mortuū fuerat? Et ne adhuc mireris: unde uiuit homo, nisi quia formatus est in animam uiuentem? Hæc tamen anima, tametsi ad tempus molem corporis agitat ac sustinet, non tamen dat illi immortalitatem aut incorruptionem: & quandiu etiam suam vim exerit, non tamen per se ipsa sufficit, sine adminiculis cibi, potus, somni, quæ signa sunt corruptionis: nec constantem illi ac continentem dat statum, quin alijs atque alijs inclinationibus subiectum sit. Vbi autem Christus nos secum assumpserit in gloriam, nō solum erit animale corpus, ab anima uiuificatum: sed spirituale, quale nec mens nostra cogitare, nec lingua exprimere potest. Vides igitur nos non aliud futuros in resurrectione, sed tamen alios: detur verbo venia. Atque hæc quidem de corpore dicta sunt, cui anima sub elementis huius mundi vitam administrat: vbi autem figura huius mundi præterierit, participatio gloriæ

Sic loquitur Tertullianus & Augustinus epist. 3. ad Fortunatiam.

rio gloria Dei id supra naturam euehet. Habemus verum ac germanum Apostoli sensum: In quo explicando cum lapsus esset Augustinus, (ut nunc isti) errorem postea agnouit, ac correxit inter suas retractationes: & alibi etiam multò apertius id ipsum tractat. Ex quo loco pauca transcribemus. Anima in corpore animali uiuit quidem: sed non uiuificat usque ad auferendam corruptionem. In corpore verò spiritali, quando adherens perfectè Domino, vnus spiritus efficitur, sic uiuificat, ut spiritale corpus efficiat: absumens omnem corruptionem, nullam metuens separationem. Denique, ut omnia illis concedam de anima uiuente (in quo nomine, ut iam dixi, non hæreo) illa tamen sedes imaginis Dei semper salua consistit: siue animam, siue spiritum, siue quiduis aliud nomenent. Nec magis ad refellendum difficile est, quod ex tricesimo septimo Ezechielis capite obijciunt: ubi Propheta quādam resurrectionis hypotyposin faciens, vocat spiritum à quatuor ventis, qui uitam inspirat aridis ossibus. Inde optime sibi colligere videntur, hominis animam nihili esse aliud, quàm vim facultatēque motionis sine substantia: quæ vis in morte quidem euanescat, in resurrectione verò iterum recolligatur. Quasi verò mihi etiam non liceat eodem modo colligere, spiritum Dei aut ventum aut euanidam motionem esse, cum in prima sua visione Ezechiel ipse ventum nomenet, pro æterno Dei spiritu. Sed homini non prorsus stupido facilis erit solutio huiusmodi, quam boni isti viri, pro sua vel inscitia, vel ruditate, non obseruant. Vtroque enim loco factum est, quod fieri subinde solet à Prophetis: qui res spirituales ac humano sensu altiores, corporeis ac visibilibus symbolis figurant. Cum ergo Ezechiel expressa & quasi aconica visione & spiritum Dei & hominum spiritus sub oculos quodammodo representare vellet, idque esset à spiritali natura alienum: similitudinem sumpsit à rebus corporeis, quæ imaginis vice esset.

Ex. retrac
in c. 10. e-
pisto. 146
Cōsentio

18

O Bjciunt secundò, animam, tametsi immortalitate donata esset, in peccatum tamen prolapsam: qua ruina, immortalitatem suā obruerit ac perdidit. Hæc constituta erat pœna peccato, & denuntiata primis parētibus: Morte moriemini: Et Paulus ait, stipendium peccati, mortem esse. Et Propheta, animam quæ peccauerit, morituram clamat. Hæc illi, aut similia. Sed quaro primùm, an non etiam Diabolo redditum est idem peccati stipendium? nec tamen ille sic mortuus est, ut non semper vigilet, ut non circumeat, quærens quem deuoret, ut non operetur in filiis diffidētia. Deinde, an omnino aliquis finis futurus est eius mortis, an non? Si enim nullus est, ut certe fateri eos oportet: igitur illi, quantumlibet mortui, ignem tamen æternum sentient, & vermem, qui non moritur. Hæc nobis clarum faciunt, suam animæ immortalitatem, quam asserimus, quàm que boni vel mali sensu cōstare dicimus, etiam tum esse, cum mortua est, mortēque illam, aliud quidpiam esse quàm quod obtinere volunt in nihilum redigi. Neque id etiam tacuerunt Scripturæ, si animum inducerent, illis potius sensum suum accommodare, quàm arroganter affirmare, quicquid cerebrum adhuc à somno fumosum dictauerit. An verò cum Deus aduersus hominem peccatorem, sententiam hanc pronuntiat: Pulvis es, & in puluerem reuertēris, aliud dicit, quàm quod sumptum è terra est, in terram rediturum? Quò igitur anima? an in sepulchrum descendit, ad marcorem & putredinem? Atque ista quidē, paulò post apertius. Nunc quid tergiuersantur? Audiui-
mus quod terra est, terra etiam reddendum. Cur spiritum hominis sub terras demer-

Gen. 2.
Roma. 6.
Ezec. 18.

- gimus? Non dicit hominem in terram rediturum: sed qui pulvis est, reuersurum in puluerē. Is verò pulvis est, qui formatus est de limo terræ: ille in puluerem reuertitur, non spiritus, quem aliunde quàm è terra acceptum, Deus homini dedit. Ad hunc modū legimus in libro Iob: Memento quia sicut lutum feceris me, & in puluerem reduces me. Hactenus de corpore. Paulò post subdit de spiritu: Vitam & misericordiam tribuisti mihi, & visitatio tua custodiuit spiritum meum. Illa igitur vita non erat reditura in puluerem. Mors animæ longè alia est: iudicium scilicet Dei, cuius gravitatem misera anima ferre non potest, quin tota confundatur, concidat, & dispareat: ut & Scripturæ nos docent, & usu ipso experti sunt, quos Deus horrore illo aliquando percussit. Ut enim ab Adam incipiamus, qui primus exitiale illud stipendium meruit, quo animo putamus fuisse, imo quid omnino fuisse, cum horribilem illam vocem audiuit: Adam ubi es? Facilius sanè est cogitare, quàm dicere: quanquam ne cogitari quidem potest, nisi sentiatur. Et quemadmodum maiestas Dei quàm sit sublimis, verbis explicari non potest: ita nec quàm terribilis sit ira ipsius, quibus incumbit. Vident præsentem Dei omnipotentis gravitatem: quam ut effugiant, in mille abyssos se demergere parati sunt, effugere tamen non possunt. Et quis non fateatur hanc esse veram mortem? Hic rursum dico, verbis opus non habere eos, qui aliquando conscientie cauterio compuncti sunt: qui verò experti non sunt, audiant Scripturas: quibus Deus noster, ignis consumens est: qui dum in iudicio loquitur, occidit. Talem nouerant, qui dixerunt: Non loquatur Dominus nobiscum, ne fortè moriamur. Vultis scire quæ sit animæ mors? Deo carere, à Deo desertam esse, sibi relictam esse. Si enim Deus, eius vita est, perdit vitam suam, cum perdit Dei præsentiam. Atque ut quod dictum est in vniuersum, partibus ostendatur: si extra Deum lux non est, quæ nocti nostræ luceat: ubi lux illa se subduxerit, anima cerè in tenebris suis sepulta, cæca est. Tunc muta est, quæ confiteri non potest ad salutem, quod crediderit ad iustitiam. Surda est, quæ viam illam vocem non audit. Clauda est, imo se sustinere non potest, ubi non habet cui dicat: Tenuisti manum dexteram meam, & in voluntate tua deduxisti me. Nullo denique vitæ officio fungitur. Sic enim loquitur Propheta, cum vult ostendere fontem vitæ esse apud Deum: Disce ubi sit prudentia, ubi sit virtus, ubi sit intellectus, ubi sit diuturnitas vitæ & victus, ubi sit lumen oculorum & pax. Quid ultra ad mortem requiritis? Et ne hîc aqua nobis hæreat, nobiscum cogitemus, qualem vitam nobis attulerit Christus: & succurret, à quo genere mortis nos redemerit. Vtrunque nos docet Apostolus: Surge, inquit, qui dormis, & exurge à mortuis, & illuminabit te Christus. Ubi non cinerem alloquitur: sed eos qui inuoluti peccatis, inferos & mortem secum ferunt. Alibi: Et vos, cum essetis mortui peccatis, conuiuificauit vos in Christo, donans vobis omnia delicta. Ergo quemadmodum Apostolus nos mori peccato dicit, dum extinguitur concupiscentia in nobis: ita & Deo morimur, dum viuenti concupiscentiæ nostræ in nobis subiecti sumus. Imo verò (ut vno verbo complectamur quod de vidua deliciante ait,) viuentes, morimur: hoc est, immortales sumus ad mortem. Quia licet anima sensum suum retineat, tamen mala concupiscentia quasi stupor quidam est mentis. Iam verò qualis qualis erat illa animæ mors, Christus tamen pro nobis ea defunctus est. Quod enim prophetis promissum erat, de eius victoria contra mortem, ipse morte sua præstitit. Prophetæ pronuntiabant:

præ-

Præcipitabit mortem in æternum. Item, Ero mors tua, ô mors: morsus tuus, ô infer- Osc. 13.
 ne. Apostoli iam facta denuntiant. Destruxit quidem mortem: illuminavit autem Colof. 2.
 vitam per Euangelium. Rursum: Etenim si per unius delictum mors regnavit per Roma. 5.
 unum: multò magis ij qui exuberantiam gratiæ acceperunt, per vitam regnabunt
 in Christo. Hæc fulgura, non verba, si possunt, sustineant. Cum enim ex Adam
 dicant esse mortem, quod fatemur: non quam ipsi fingunt, sed eam quam in ani-
 mam cadere nuper docuimus: nos rursum vitam à Christo: quod inficiari non pos-
 sunt. In comparatione Adæ & Christi, totius controuersie cardo vertitur. Con-
 cedant primum Apostolo necesse est, non modò instauratum in Christo id omne
 quod in Adam collapsum fuerat, sed quantò fuerit effusior gratiæ quàm peccati
 virtus, tantò Christum fuisse potentiorum in restituendo, quàm Adam in perden-
 do. Palam enim prædicat, non esse donum ut peccatum: sed longè exuberasse: non
 quidem in plures homines: sed abundantius, in quibus exuberavit. Respondent, si
 volent, exuberasse, non quia abundantiorum vitam dederit, sed quia multa pecca-
 ta deleuerit: cum unicum Adæ peccatum nos in ruinam detraxisset. Hoc ego de-
 mum postulabam. Deinde, cum alibi tradat, aculeum mortis esse peccatum, quid
 habet mors quo nos pungat, ubi aculeus mortis retusus, imò consumptus est? At-
 qui, nihil aliud agit multis capitibus Epistola ad Romanos, quàm ut planè decla-
 rer, peccatum esse penitus abolitum: ne in fideles imperium suum exerceat. Iam
 verò si virtus peccati Lex est: cum occidunt eos qui in Christo viuunt, quid aliud Roma. 8.
 quàm in maledictionem Legis eos retrahunt, quæ è medio sublata est? Quamobrè
 confidenter iactat Apostolus, nullam esse dānationem ijs qui sunt in Christo Iesu,
 qui non secundum carnem ambulant, sed iuxta spiritum. Scilicet in eos, quos Aposto-
 lus ab omni condemnatione liberat, grauissimam sententiam pronuntiant: Morte
 moriemini. Vbi autem gratia, si mors adhuc regnat inter electos Dei? Iam (ut ait
 Apostolus) peccatum quidem regnavit in mortem: gratia verò regnat in vitam æ-
 ternam: quæ si peccatum superat, nullum morti locum relinquit. Ergo, quæadmodum
 mors per Adam ingressa regnavit: ita nunc per Iesum Christum regnat vita. Sci-
 mus autem quòd Christus excitatus à mortuis, iam non moritur: mors illi vltra Roma. 6.
 non dominabitur. Quòd enim mortuus fuit peccato, mortuus fuit semel: quòd autè
 viuit, viuit Deo. Atq; hinc videre est, ut suum errorem suo ipsi gladio confodiant.
 Dum enim pœnam peccati mortem esse dicunt, simul profitentur hominem, si la-
 psus non esset, futurum fuisse immortalē. Nam & quod cœpit, aliquando nō fuit:
 & quod pœna est, non est naturæ. Contrà Apostolus, peccatum absorberi à gratia
 clamat, ut aduersus electos Dei agere amplius non possit. Obtinemus igitur, ele-
 ctos Dei tales nunc esse, qualis fuerit ante peccatum Adam. Et ut ille creatus est
 inexterminalis, ita & nunc eos esse, qui per Christum in meliorem naturam re-
 creati sunt. Neq; obstat illud Apostoli: Tunc fiet verbum: Absorpta est mors in
 victoria. Quando Fieri, pro Impleri dictum, nemo inficiari potest. Implebitur e- 1. Cor. 15.
 nim in corpore, quod nunc inchoatum est in anima. Vel potius, In anima simul &
 corpore implebitur, quod in anima duntaxat inchoatum est. Nam & mors hæc cō-
 munit, qua velut communi naturæ necessitate omnes defungimur, magis est electis
 naturalis quidam transitus ad summum gradum immortalitatis, quàm aut malum,
 aut pœna: atque, ut ait Augustinus, nihil aliud quàm carnis occasus, qui non con-
 sumit coniuncta, sed diuidit: cum origini suæ vtrunq; reddit.

De disci-
 mine vi-
 te huma-
 ne & brut.
 cap. 43.

19

A cto. 7.
Ioan. 11.
1. The. 4.

Iob. 4.

psal. 9.

psal. 10.

Iefa. 11.

Iefa. 57.
psal. 12.

Iob. 7.

Iob. 1.
psal. 87.

Iefa. 14.

Tertio loco afferunt, quòd toties dormire legantur, qui mortui sunt. Vt de Stephano, Obdormiuit in Domino. Item, Lazarus noster dormit. Item, Nolite solliciti esse de dormientibus. In libris verò Regum sapissimè, vt vix alia phrasis Scripturæ sit familiarior. Maximè verò instant, cum arripiunt sententiam ex libro Iob: Lignum habet spem: si præcisum fuerit, rursum virescit: & rami eius pullulant: Homo verò vbi mortuus fuerit, & nudatus atque consumptus, vbi quæso est? Quomodo si recedant aquæ de mari, & fluiuius vacuefactus are scat: sic homo cum dormierit, non consurget, nec euigilabitur de somno suo, donec attetur cælum. Si animæ ideo vobis dormire credantur, quia mors vocatur Dormitio: primum, anima Christi eodem somno correpta est. Sic enim in persona ipsius loquitur David: Ego dormiui, & somnum cæpi, & exurrexi, quia Dominus mecum est. Et audit ab inimicis sibi insultantibus verbum iniquum: Nunquid qui dormit, non adiiciet vt resurgat? Si autem nihil tam humile atque abiectum de anima Christi suspicandum est, vt disputatum est fusius, nemo ambigat, quin Scriptura externam duntaxat corporis compositionem spectauerit: & illud dormire ab hominum aspectu duxerit. Hæc enim duo promiscuè leguntur: Dormiuit cum patribus suis: &, Appositus est patribus suis. Cum anima non apponatur animis patrum: sed corpus in sepulchrum patrum deferatur. Est etiam secūdum me, quod impijs quoque Regibus attribuit Samuel hanc dormitionem in Regum historia: quod idem videre est in posterioribus libris Regum, & libris Paralipomenon. Cum auditis dormire impium, cogitatis animæ somnum? quæ peiorem habere carnificem non potest, à quo torqueatur, quàm malam conscientiam. Vbi somnus inter tales angustias? Impij enim sicut mare feruens, quod quiescere non potest, & redundant fluctus eius in conculcationem & lutum. Non est pax impijs, dicit Dominus. Et tamen David, cum vellet exprimere conscientia aculeum acerrimè pungentem: Illumina, inquit, oculos meos, ne vnquam obdormiam in mortem. Ecce fauces inferorum miserum obsident, vis peccati exagitat, & tamen dormit: imo verò ideo dormit, quia hæc patitur. Hic etiam ad prima discendi elementa reijciendi sunt, qui necdum didicerunt *נארא עוונד עאן* à parte interdum totum intelligi, interdum à toto partem: cum hæc figura toties vsurpata sit in Scripturis. Nolo mihi fidem haberi, nisi prius locos aliquot protulerim, qui euincant synecdochen esse in vsu illius verbi, quoties pro morte legitur. An verò cum Iob diceret, Ecce nunc in puluere dormio, & simane me quæsieris non subsistam: existimabat animam somno perfunsum iri? Atqui, non erat coniicienda in puluerem. Ergo non in puluere dormitura erat. Alio etiam loco, cum diceret: Et tamen simul in puluere dormient, & vermes operient eos, Et David: Sicut vulnerati dormientes in sepulchris: an videntur vobis animas vermibus exposuisse, quas arroderent? Idem nos docet Propheta, qui scripturus exitium Nebuchadnasar: Conquieuit, inquit, & filuit omnis terra, abietes quoque latatæ sunt super te, & cedri Libani: ex quo dormisti, non ascendit qui succidat nos. Et paulò post: Omnes Reges Gentium vniuersi dormierunt in gloria, vir in sede sua: Tu autem proiectus es è sepulchro. Quæ omnia de cadauere dicta sunt: vt Dormire, sit iacere & proster-ni: à more dormientium, qui humi prostrati iacent. Hanc loquendi formam poterant eos docere Ethnici, quorum vnus: Nobis cum semel occidit breuis lux, Nox est perpetua vna dormienda. Alter verò, Stulte, quid est somnus, &c.

Alibi

Alibi. Dicite, Nasonis molliter ossa cubent. Atque hæc quidem loquuntur, qui multa fingunt de inferis portenta, multasque & varias passiones, quibus mortuorum umbra afficiantur. Qua ratione à veteribus impositum nomen loco, qui mortuorum sepulchris destinaretur. ^{νομιμασι} ^{ἡτοιμασθαι} quod dormire significat. Nō quòd intelligerent illic mortuas animas ad quietem reponi: sed corpora. Iam satis euauisse arbitror ipsorum fumos, quibus animarum dormitionem inuoluebāt. Vbi probatum est, nusquam inueniri in Scripturis, dormiendi verbum attributum animis, quoties pro morte legitur positum. Cæterum de animarum quiete fusius alibi disseruimus.

20

Quarto, locum Solomonis in nos, quasi fortissimum arietem, impellunt. Vbi ille in Ecclesiasta suo scribit. Dixi in corde meo de filiis hominum, ut probaret eos Deus, ut ostenderet similes esse bestiis. Idcirco vnus interitus est hominis, & iumentorum, & aqua vtriusque conditio. Sicut moritur homo, sic & illa moriuntur. Similiter spirant omnia, & nihil habet homo iumento amplius. Cuncta subiacent vanitati, & pergunt in vnum locum. De terra facta sunt, & in terram pariter reuertuntur. Quis nouit an spiritus filiorum Adam ascendat sursum, & spiritus iumentorum descendat deorsum? Quid si vno verbo Solomon ipse hic illis respondeat? Vanitas vanitatum, dicit Ecclesiastes, vanitas vanitatum, & omnia vanitas. Quid enim aliud agit, quàm ut sensum hominis vanum, & rerum omnium incertum ostendat? Videt homo se mori instar beluarum, sibi vitam & mortem cum illis esse communem: conditionem igitur sibi aquam cum illis, colligit, Et quemadmodum post mortem illis nihil superest, ita sibi nihil facit reliquum. Hæc mens hominis, hæc ratio, hic intellectus. Animalis enim homo non percipit ea quæ sunt spiritus: stultitia est illi, & non potest intelligere. Homo videt oculis carnis, spectat mortem presentem, hoc vnum se cum reputat, de terra omnia orta esse, & in terram pariter reueri: interim anima nulla ratio. Atque id est quod subiicit: Quis nouit, an spiritus filiorum Adam ascendat sursum? Quid si ad animam veniatur, humana ratio tota in se contracta, nihil statum aut liquidum, studendo, meditando, ratiocinando, comprehendet. Cum igitur Solomon humani sensus vanitatem ex eo ostendat, quòd in animi consideratione varius sit & suspensus, minimè errori eorum patrocinaetur: sed fidem nostram præclare sustinet. Quod enim humana mentis captum excedit & modulos, hoc nobis explicat Dei sapientia: spiritum scilicet filiorum Adam sursum ascendere. Proponam simile ex eodem scriptore, quo duram istam cervicem paulum illis infligiam. Non intelligit homo odium vel amorem Dei erga homines: sed omnia seruantur incerta, eò quòd vniuersa æquæ eueniunt iusto & impio, bono & malo, immolanti victimas & non immolanti &c. Si omnia seruantur incerta in futurum: ergo fidelis, cui omnia in bonum cooperantur, afflictionem interpretabitur esse Dei odium? minimè: fidelibus enim dictum est: In mundo pressuram habebitis, in me consolationem. Cui verbo dum incumbunt, non modò in frastra animi æquitate perferunt quicquid euenerit, sed etiam gloriantur in tribulationibus, confitentes cum beato Iob: Etiam si occiderit nos, in ipso sperabimus. Quomodo igitur in futurum seruantur incerta omnia? Hæc secundum hominem. Verum tamen vanitas omnis homo viuens. Hic subiicit: Hoc est pessimum quod vidi sub sole, quia eadem cunctis eueniunt: vn

Eccle. 3.

Gen. 9.

de & corda filiorum hominum implentur malitia & contemptu, in vita sua: & post hæc, ad inferos deducuntur. Nemo est qui semper viuatur, & qui huius rei habeat fiduciam. Melior est canis viuus, leone mortuo. Viuentes enim sciunt se esse morituros: morui verò nihil nouerunt amplius. Nec habent vltra mercedem, quia obliuioni tradita est memoria ipsorum, &c. Nonne hæc loquitur de eorum crassitiis, qui cernunt tantum ante pedes, nec futuram vi. am, nec resurrectionem sperantes? Nam & si verum esset, nihil nos esse post mortem: superest tamen resurrectio, in cuius spem si intuerentur, non imbuerentur contemptu Dei, nec replerentur malitia: ut omnia alia omittam. Constituamus ergo post Solomonem, hæc omnia non cadere sub sensum rationis humanæ. Quod si certum aliquid habere volumus, ad legem curramus & ad testimonium: ubi veritas & via domini. Hæc nobis Eccl. vii. loquuntur: Donec reuertatur puluis in terram, vnde erat: & spiritus redeat ad Deum qui dedit illum. Nemo ergo dubitet, qui verbū Dei audierit, quin spiritus filiorum Adam ascendat sursum. Ascendere autem sursum, simpliciter illic accipio, pro consistere, & immortalitatem retinere: quemadmodum Sursum descendere, dixisse mihi videtur, pro collabi, decidere, disperdi.

21

Quintum argumentum pleno adit & aperto gutture intonant, ut profundissimū somnū dormientibus excutere possint. In eo enim meliorem suā victoriæ partē cōstituunt. Et cum fucum suis neophytis facere volunt, id potissimum arripiunt, quod fidem eorum, & sanam mentem labefacient. Vnum, inquiunt, iudicium, quod reddet omnibus suam mercedem: pijs gloriam, impijs gehennam. Nihil aliud illum diem statuitur, aut beatitudinis, aut miseriæ. Sic ubique Scriptura testantur. Mittet Angelos suos cum tuba & voce magna, & congregabunt electos eius à quatuor ventis, à summis cælorum, vsque ad erminos eorum. Item, in con-

Matt. 24. summatione seculi, mittet Filius hominis Angelos suos, & colligent de regno eius omnia scandala, & eos qui faciunt iniquitatem, & mittent eos in caminum ignis.

Matt. 13. Tunc iusti fulgebunt, sicut sol, in regno patris sui. Item: Tunc dicet rex his qui à dextris erunt: Venite benedicti Patris mei, possidete regnum paratum vobis à constitutione mundi: Discedite à me maledicti in ignem æternum. Et ibunt, hi in supplicium æternum, iusti autem in vitam æternā. Simile est apud Danielelem:

Daniel. 2. Et in tempore illo saluabitur populus tuus, omnis qui inuentus fuerit scriptus in libro. Hæc omnia, inquiunt, si de die iudicii scripta sunt, quomodo vocabuntur tunc ad regni cælestis possessionem electi, si nunc possident? Quomodo dicitur illis ut veniat, si iam sunt? Quomodo saluabitur populus, si nunc saluus est? Quam obrem fideles, qui nunc etiam in fide ambulant, non alium expectant salutis suæ diem, ut ait Paulus: Scientes, quoniam qui suscitauit Iesum à mortuis, & nos cum Iesu suscitabit. Et alibi: Expectantibus reuelationem Domini nostri Iesu Christi, qui & confirmabit vos vsque in finem, in diem aduentus &c. Verum, ut hæc omnia illis concedamus, cur addunt de somno suum? Non enim in tot locis ac similibus, syllabam vnā de somno proferre possunt. Atqui, etiam si vigilent, carere possunt gloria. Quare cum insani sit hominis, nedum temerarij, sine Scriptura deponere de ijs, quæ sub sensum hominis non cadunt: quo tandem vultu pergunt temulenti isti & noui dogmatistæ in defensionem somni, quem non acceperunt ex ore Domini? Hoc sanis & sobrijs satis esse possit: quo agnoscant somnum

istum

istum improbè confingi, qui aperto Dei verbo probari non possit. Sed age, hos locos obiter differamus, ne quid simpliciores moueant, cum audiunt salutem animarum in diem iudicii differri. Primum illud quidem in confesso esse volumus, quod iam antè explicatum à nobis est, beatitudinem nostrā semper in cursu esse, usque ad diem illum, qui omnem cursum claudet & terminabit: ita electorum gloriam, & vltimā spei finem, ad eum ipsum diem spectare, vt impleatur. Nam hoc satis inter omnes cōuenit, nullam esse vel beatitudinis, vel gloriæ perfectionem: nisi perfectam cum Deo coniunctionem. Huc omnes tendimus, huc properamus huc omnes Scripture mittunt, & Dei promissiones. Quod enim semel Abraham dictum est, nos etiam pertinet: Abraham, ego merces tua magna nimis. Hæc ergo cum sit constituta omnibus merces, qui cum Abraham partē habent: Deum possidere, & eo frui, præter quam, & vltra quam, nullam aliā appetere liceat: coniungendi sunt illuc oculi, cum de expectatione nostra agitur. Hactenus, ni fallor, assentiuntur nobis aduersarij nostri. Atque istud rursum nobis, vt spero, concedent, regnum illud, ad quod fideles possidendum vocantur, quod & salus alibi, & merces, & gloria nuncupatur, non aliud esse, quàm illam cum Deo vniōē: vt scilicet in Deo plenè sint, à Deo impleantur, ipsique vicissim Deo adhæreant, Deum plene possideant, vnum denique cum Deo sint. Sic enim dum in fonte sunt omnis plenitudinis, vltimā metam attingunt omnis iustitiæ, sapientiæ, gloriæ: quibus benedictionibus constat regnum Dei. Nam id esse vltimum punctū regni Dei insinuauit Paulus, cum inquit: Vt sit Deus omnia in omnibus. Si Deus illo demum die verè erit omnia in omnibus, & suos fideles ad iustū modum implebit: non absque causa dies ille salutis nostræ dicitur: ante quem non omnes salutis nostræ numeri implentur. Quos enim Deus implet, ij implentur omnibus diuitijs, quas neque lingua eloqui, nec auris percipere, nec oculus videre, nec mēs cogitatione assequi potest. Hæc duo si extra cōtrouēsiā sunt: frustra nituntur nostri hypnologi cōvincere sanctos Dei seruos, hac vita defunctos, nōdum ingressos esse in regnum Dei, ex eo quod illis dicitur: Venite, possidete regnum &c. & similibus. Promptum enim nobis est respondere: non ideo nunc nullum esse regnum, quia nōdum perfectum est. Sed cōtrā, dicimus tunc perficiēdum esse, quod iam inchoatū est, cuius rei fidem tunc demum factam à me volo, vbi planam fecero, ex certis Scripturarum argumentis. Nam & dies ille regnum Dei dicitur, quia tunc verè subijciet sibi potestates aduersarias, Satanam interficiet spiritu oris sui, & destruet illustratione aduentus sui, ipse verò totus in electis suis habitabit & regnabit. Neque enim aliter regnare olim in se Deus potest, quàm regnauit ab initio: cuius maiestati, nihil accedere aut decedere potest. Sed regnum eius dicitur, quod omnibus manifestabitur. An verò dū oramus vt regnum eius adueniat, cogitamus nūc nullū esse? Et vbi erit illud? Regnū Dei intravos est. Regnat igitur Deus iam nūc in electis suis, quos agit Spiritu suo. Regnat & cōtra Diabolum, peccatum & mortem, dum iubet è tenebris lucē splendescere, qua confundantur error & mendacium: & dum prohibet, ne noceat potestates tenebrarum ijs, qui signum Agni in fronte gerunt. Regnat, inquā, iam nunc cuius vt regnum adueniat, oramus. Regnat quidem dum operatur virtutes in suis, dum Satanæ legē dicit. Sed tunc regnū eius adueniet, cum implebitur. Implebitur autē, cum planè manifestabit gloriā maiestatis suæ electis suis ad salutē: reprobis ad confusionem. Quid autem aliud vel dicēdum vel credendū est de electis? quorū

Gene. 11.

1. Cor. 15.

1. Cor. 15.

2. Tess. 1.

- regnum est & gloria, in regno Dei glorioso esse, & cum Deo veluti regnare, & in eo gloriari: denique diuinæ gloriæ participes esse. Hoc quidē regnū, tamen si nō
- Matt. 16. dum aduenisse dicitur, tamen aliqua ex parte spectare licet. Nam in regno Dei incipiunt esse, qui regnum Dei quodammodo intra se habent, & cum Deo regnant: aduersus quos portæ inferorum præualere nequeunt. In Deo iustificantur,
- Iesa. 43. de quibus dictum est: In Domino iustificabitur, & laudabitur omne semen Israel. Ut prorsus regnū istud, sit Ecclesiæ edificatio, seu profectus fidelium, quem nobis describit Paulus: qui per omnes atq̃ gradus adoleſcūt in virū perfectum. Vi
- Ephes. 4. dēt boni isti viri huius regni principia, vidēt incrementa: statim atq̃ hæc abeunt ex oculis, non dant fidei locum, nec sustinent credere, quod non habent præ oculis carnis. At verò longè aliter Apostolus: Morui, inquit, estis: & vita vestra abscondita est cum Christo in Deo. Cum autem Christus apparuerit, vita vestra, tunc & vos simul cum ipso apparebitis in gloria. Vitam quidem absconditam nobis tribuit: cum Christo, capite nostro, apud Deum: gloriam differ: in diem gloriæ Christi, qui ut caput est Ecclesiæ, trahet secum sua membra. Idem prorsus Ioannes alijs verbis: Charissimi, nunc Filij Dei sumus, sed nondum apparuit, quiderimus. Scimus quoniam cum apparuerit, similes ei erimus, quoniam videbimus eum, sicuti est. Non dicim, nos in ære, aliquo temporis intervallo, nihil futuros: sed cum sumus filij Dei, qui expectamus hereditatem patris, sustinet a. suspendit expectationem nostram in diem illum, quo in omnibus gloria Dei manifestabitur, & nos in eo gloriabimur. Hic rursum mirari subit: cum audiunt Dei filios, qui non redeant ad sanam mentem, & sentiant hanc generationem immortalem esse, quæ ex Deo est, & qua diuinæ immortalitatis sumus participes. Sed ad institutum pergamus. Clament quantum volent, non vocari benedictos Dei ad regnum ante diem iudicij, nec ante promitti salutem populo Dei. Respondeo, Christum caput nostrum esse, cuius regnum & gloria nondum apparuerunt: si membra caput præcedant, peruersum ac præposterum esse ordinem. Tum verò nos secururos principem nostrum, cum ille veniet in gloria patris sui, & sedebit in sede maiestatis suæ. Interim tamen vivere, quod ex Deo in nobis est. hoc est, spiritum nostrum, quia Christus viuit: vita nostra absurdam enim esse, ut viuente vita nostra, pereamus ipsi. Viā autem hanc & apud Deum, & cum Deo esse, & beatā esse, quia in Deo sit. Hæc omnia sibi cōstant, & veritati consentiunt. Curenim nondum saluati esse dicuntur, aut regnum Dei possidere, qui in Domino mortui sunt? Quia expectant, quod nondum habent, nec præm suæ felicitatis auigerunt. Cur nihilominus beati sunt? quia & Deum agnoscunt sibi propitium, & futurā mercedē eminens vidēt, & in certa expectatione beatæ resurrectionis acquiescunt. Quamdiu certè habitamus in hoc carcere luteo, speramus quæ nō videmus: & præter sp̃, credimus in spem: quod ait Apostolus de Abraham: Vbi autē oculi mentis nostræ, qui nunc sepulti in hac carne, hebetes sunt, absterferint hæc velut lippitudinē, videbimus quæ expectabamus, & in ea requie delectabimur. Neque enim veremur id post Apostolū dicere, quod cōuerso dicit *ἡ ὁδοὺς τοῦ ἑλθοῦς ἐν δόξῃ*, manere reprobos, id est, formidabilē expectationē iudicij. Si hæc terribilis: illa sane & læta, & beatā meritō vocabitur. Et quoniam cōsiliū est docere aduersarios magis quàm cogere: cōmodent nobis paulisper aures, dū ex figura veteris testamēti eruimus veritatē, neq; id sine auctore. Quæ ad modū Paulus in trāsitu filiorū Israel, tractat allegoricè submersū Pharaonē, viā
- a. Cor. 10. libera-

liberationis per aquam: permittant etiam nobis dicere, in baptismo submergi Pharaonem nostrum, crucifigi veterem hominem, mortificari membra nostra, nos sepeliri cum Christo, migrare è captiuitate Diaboli, ac imperio mortis: sed migrare duntaxat in desertum, terram aridam ac inopem, nisi Dominus pluat man è cælo, & aquam scaturire faciat è petra. Anima enim nostra, sicut terra sine aqua illi, psal. 142. quæ verum omnium penuria premitur, donec ille pluit gratias spiritus sui. Transfertur postea in terram promissionis, duce Iesu filio Naue, terram abundantem lacte & melle: hoc est, gratia Dei nos liberat è corpore mortis, per Iesum Christum Dominum nostrum, non tamen sine sanguine & sudore. Siquidem caro tum maximè resilit, & vires suas ad pugnam exerit, vt confligat aduersus spiritum. Postquam in terra residetur, tunc pascimur in abundantia. Dantur enim stolæ albae, & requies. Sed nondum erecta est Ierusalem, caput ac sedes regni. Nondum Solomon rex pacis sceptrum tenet, omniâque moderatur. Sunt ergo sanctorum animæ post mortem in pace, quæ extra manû hostis euolarunt. Sunt in opulentia, de quibus dictum est: Ibunt de abundantia in abundantiam. Vbi verò surrexerit in gloriam suam cœlestis Ierusalem, & verus Solomon Christus, rex pacis, sublimis sederit in tribunali, regnabunt cum suo rege veri Israelitæ. Quod si libet à rebus hominum petere similitudinem: pugnamus cum hoste, quandiu conflictatio est nobis aduersus carnem & sanguinē: vincimus hostem, dum exuimur hac carne peccati, vt toti Dei simus. Agemus triumphum, & fructu victoriæ potiemur, cum caput nostrum supra mortem, verè erigetur in gloria: hoc est, cum mors in victoria absorbebitur. Hæc meta, hic scopus noster, de quo scriptum est, Satiabor, cum euigilauero, aspectu gloriæ tuæ. Hæc ex Scripturis facile discere possunt, quicumque Deo auscultare, & vocem eius exaudire didicerunt. Hæc etiam nobis per manus tradiderunt, qui parcè & reuerenter tractarunt Dei mysteria. Sic enim permiserunt sibi loqui veteres, vt dicerent animas quidem in paradiso & in cælo esse, nondum tamen gloriam aut mercedē percepisse. Nam Tertullianus: Et merces, inquit, & periculum, in resurrectionis pendet euentu: qui tamen, sine vlla ambage, docet animas cum Deo esse, & in Deo viuere, ante euentum illum. Alibi: Cur non capiamus sinum Abrahamæ dici, temporale aliquod fidelium animarum receptaculum: in quo deliniatur fidei imago, ac candida vtriusque iudiciū prospiciatur. Irenæus verò: Cum Dominus in medio Lib. 9. ad uersus Hæres. vmbra mortis abierit, vbi animæ mortuorum erant, post deinde corporaliter resurrexerit, & post resurrectionem assumptus est manifestum est, quia & discipulorum eius, propter quos hæc operatus est Dominus, animæ abibunt in inuisibilem locum, definitum illis à Domino: & ibi, vsque ad resurrectionem, commorabuntur, sustentantes resurrectionem: post, recipientes corpora sua, & perfecti erigentes, hoc est, corporaliter, quemadmodum & Dominus resurrexit, sic venient in cōspectum Dei. Nemo enim discipulus supra magistrū, &c. Et Chrysostomus, Intelligite quale Homi. 28. in 11. ad Hebræ. & quantum est, Abraham sedere, & Apostolum Paulum, quando perficiatur, vt possint tunc mercedem recipere. Nisi enim nos illuc venerimus, tunc prædixit eni Pater, se non daturum mercedē: sicut bonus pater amator filiorum, & probabilibus filiis, & opus perficientibus, dicit, se non daturum cibum, nisi venerint alij fratres. Tu autem anxius es, quia nec dum accipis? quid autem faciet Abel, qui antè vicit, & adhuc sine corona sedet? Quid Noë? quid cæteri illorum temporum? Quia ecce expectauerunt, & alios expectant, qui post te futuri sunt. Paulo post: Præuenerunt

nos in certaminibus, sed non præuenient in coronis: quia vnum definitum est tem-
 pus omnium coronarum. Augustinus autem multis in locis secreta receptacula de-
 scribit, quibus piorum animæ contineantur: donec coronam & gloriam recipiant:
 cum interim reprobi pœnas luunt, expectantes iustam iudicij pœnam. Et qua-
 dam ad Hieronymum epistola: Anima, inquit, post mortem corporis, requiem est
 habitura, & corpus tādē ad gloriam receptura. Bernardus verò, homilys duabus
 habitis in festo omnium Sanctorum, ubi ex professo hanc quæstionem tractat, san-
 ctorum animas corporibus exutas, adhuc in atrijs Domini stare docet, ad requiem
 admissas, non autem ad gloriam. In illam, inquit, beatissimā domum nec sine nobis
 intrabūt, nec sine corporibus suis: id est, nec sancti sine plebe, nec spiritus sine carne.
 Et multa alia in hanc sententiam. Qui autem in cœlo eas collocant, modò non
 attribuant illis resurrectionis gloriam, nihil ab ea sententia dissident sicut Augu-
 stinus ipse facere alicubi videtur. Nam cum certum sit, nunc torqueri malos Dæ-
 mones (vt Petrus affirmat) ignis tamen ille, in quem mittentur reprobi in die iudi-
 cij, dicitur præparatus Diabolo. Vtrunque ille expressit, qui scripsit reſeruatōs
 sub æternis vinculis, in iudicium magni diei. Vbi per reſeruationem, pœnam si-
 gnificauit, quam nondum sentiunt: per vincula, præsentem, quam sustinent. Et
 Augustinus ipse alio loco se exponit, cum inquit: Tuus certè dies vltimus longè a-
 beſſe non poteſt. Ad hunc te præpara. Qualis enim exieris de hac vita, talis reddē-
 ris illi vitæ. Post vitam istam non statim eris ubi erunt sancti, quibus dicetur, Ve-
 nite benediſti patris mei, percipite regnum quod vobis paratum est ab initio mun-
 di. Nondum ibi eris: quis neſcit? sed iam poteris ibi eſſe, ubi illum quondam vlcerō-
 sum pauperem, diues ille superbus & ſterilis, in medijs ſuis tormentis, vidit à longe
 requieſcentem. In illa requie poſitus, certè ſecurus expectas iudicij diem, quando re-
 cipias & corpus, quando immutēris, vt Angelo æquēris. Neque diſplicet, quod ali-
 cubi docendi cauſa traditum eſt ab eodem, ſi tamen ſanum & modeſtum interpre-
 tem habeat: multos eſſe gradus animæ: primum, animationem: ſecundum, ſenſum:
 tertium, artem: quartum, virtutem: quintum, tranquillitatem: ſextum, ingreſſio-
 nem: ſeptimum, contemplationem: ſeu quis malit: primum, de corpore: ſecundum, ad
 corpus: tertium, circa corpus: quartum, ad ſeipſam: quintum, in ſeipſa: ſextum, ad
 Deum: ſeptimum, apud Deum. Quæ verba huc accerſere viſum eſt magis, vt ſancti
 viri ſenſum hac in re oſtenderem, quàm vt quenquam, aut me etiam ipſum, ad hu-
 ius diſtinctiunculæ legem adigam. Id enim ne ipſe quidem Augustinus, opinor, o-
 ptauit: ſed quàm potuit craſſiſſimè, enarrare voluit quendam eſſe animæ profe-
 ctum: qui non ad vltimam metam perueniat, vſque ad diem iudicij. Poſtremò ſuc-
 currit, ex hoc iudicij die, cui tantopere incumbunt, errorem eorum poſſe reuelli. In
 ſymbolo nanque, quod eſt fidei noſtræ compendium, conſitemur non animæ, ſed car-
 nis reſurrectionem. Neque erit locus cauillo, vt dicāt, Carnis nomine, totum ſigni-
 ficari hominem. Quid quidē illis interdum eſſe concedimus: ſed hīc minimè admit-
 timus: ubi rudi populo admodum ſignificantia & ſimplicia verba expreſſa ſunt.
 Certè Phariſæi, egregij reſurrectionis aſſertores, & ſemper in ore habentes eius no-
 men, ſimul tamen credebant non eſſe ſpiritus.

I Nūciunt tamen adhuc nobis manus, & nos harere cogunt ad hunc scopulum.
 Verba Pauli citant quibus teſtatur nos eſſe omnibus hominibus miſerabiliores,

ſi

si mortui non resurgunt. Quorsum, inquiunt, resurrectione opus est, si ante resurrectionem beati sumus? Imò verò quæ tanta est Christianorum hominum miseria, quæ omnium hominum miseriam superat, si verum est eos esse in requie, dum interim alij torquentur, & miris modis cruciantur? Hic eos admoneo, si eludendi consiliū esset (quod ipsi vnum moliuntur) patere mihi elabendi locum. Quid enim prohibet, sanos quosdam homines sequi, qui disputationem illam accipiunt, non de vltima modò resurrectione, qua ex corruptione recipiemus corpora incorruptibilia: sed de vita, quæ nobis superest post hanc vitam mortalem, quam nomine resurrectionis in Scripturis designari, visitatum est. Cum enim dicitur, Sadduceos negare resurrectionem, non refertur ad corpora: sed simpliciter dicitur, ex eorum opinione, nihil superesse homini post mortem. Cuius rei probabile est argumentum, quòd omnia, quibus ibi sententiam suam adstruit Paulus, vno verbo eleuari poterant, si responsum esset, animas quidem viuere: corpora verò, quæ in puuerem evanescerent, nullo modo suscitari posse. Exempla subiiciamus. Quod ait: Ergo qui in Christo dormierunt, perierunt: refutari poterat à philosophis, qui animæ immortalitatem fortiter asserabant. Ad id quod dicit: Quid facient qui baptizantur pro mortuis? facile erat respondere. Quia animæ post mortem supersistentes. Ad illud verò: Vt quid nos periclitamur omni hora? nos exponere fragilem hanc vitam pro immortalitate: in qua meliori nostri parte viuemus. Iam multam verborum posuimus, quorum nullus usus fuisset inter dociles. Ipse enim Apostolus, nos esse miseros dicit, si in hac tantum vita in Christo speramus. Quod sine controuersia liquidum est: vel eo teste, qui fatetur moris sibi penè pedes, & penè effusos gressus, dum videt pacem peccatorum in terra. Et sanè si ante pedes respiciamus, beatum dicemus populum, cui omnia ex sententia affluunt. Si verò longius extendimus oculos, beatus erit populus, cuius Dominus Deus est, penes quem est exitus mortis. Nos tamen certius aliquid adferemus, quod non modò ipsorum refellat obiecta, sed germanam Apostoli mentem explicet ijs, qui citra verborum cōtentionem discere volēt. Nam si non est carnis resurrectio: meritò, vel ob hoc vnum, infelices vocat pios: quòd tor vulnera, flagella, ormenta, contumelias, vltimas denique necessitates in corporibus suis perferunt, quæ putant destinata ad immortalitatem, quandoquidem hac spe sua falluntur. Quid enim magis, non iam dico miserum, sed ridiculum, quàm spectare eorum corpora, qui in idē viuunt, omnibus delibuta? Christianorum corpora, fame, frigore, plagis, omni contumeliarum genere confecta? si & horum & illorum corpora ex æquo intereunt? Possem enim id ex eius verbis confirmare, quæ subiicit. Vt quid periclitamur omni hora? Quotidie morior per vestram gloriam fratres &c. Manducemus & bibamus, cras num moriemur. Satiū, inquit, esset illud valere inter nos. Manducemus &c. Si hæc quæ patimur in corporibus nostris opprobria, non ea, quæ speramus, gloria mutaretur. Quod non futurum est, nisi in resurrectione carnis. Deinde vthoc præsidio cedā, possum hinc alterā rationē addere. Ideo nos esse omnibus hominibus miserabiliores, si nō sit resurrectio. Quia tamen si ante resurrectionē beati sumus, nō tamē sine resurrectione. In hoc enim beatos esse sanctorum spiritus dicimus, quia acquiescunt in spe beata resurrectionis: quæ si non esset, periret hæc omnis beatitudo. Est igitur verum illud Pauli, nos esse miserabiliores omnibus hominibus, si non sit resurrectio. Nec cum illis verbis pugnat hoc dogma: beatos esse sanctorum spiritus,

ante resurrectionem: sed propter resurrectionem.

23

Heb. 11.

Proferunt etiam quod in epistola ad Hebræos legitur, de veteribus patribus. Iuxta fidem defuncti sunt omnes isti, non acceptis promissionibus: sed à longè eas salutantes, quia peregrini & hospites sunt super terram. Qui enim hoc dicunt, significant se patriam inquirere. Et siquidem ipsius meminissent, de qua exierunt, habebant utique potestatem reuertendi: nunc autem meliorem appetunt, id est, cœlestem. Vnde in hunc modum ratiocinantur: Si appetunt patriam cœlestem, ergo non possident. Nos vero sic: Si appetunt, ergo sunt: non enim cadit appetitus, nisi in subiectum. Et, quod ab illis solum exprimere conor, conuenit esse sensum boni & mali, ubi est appetitus, qui aut sequatur, quod boni speciem præfert, aut refugiat, quod malum visum fuerit. Appetitus ille, dicunt, iacet in Deo. Quo nihil magis ridiculum cogitari aut fingi potest. Siquidem è duobus, alterum euincimus: aut Deum quippiam appetere, melius quàm habet: aut aliquid esse in Deo, quod non sit Dei. Quæ res mihi coniecturam facit, in re seria eos ludere. Atque ut hæc omittamus, quid vult sibi reuertendi potestas? Re deant itaque ad cor, & aliquid melius audiant, quàm hæcenus senserunt. Si tamen persuasum habent, quod in primis labris circumferunt. Loquitur Apostolus de Abraham, & eius posteritate, qui inter extraneos habitauerunt in terra aliena: tantum non exules, certè inquilini, vix corpora tegentes humilibus tugurijs: iuxta Dei præceptum, quod Abraham datum fuerat, ut exiret de terra sua, & de cognatione sua. His promiserat Deus, quod nondum exhibuerat. Salutauerunt ergo eminens promissiones, & in certa fide defuncti sunt, fore olim, ut præstaret Deus promissa sua. Iuxta quam fidem confessi sunt, non esse sibi statam sedem in terris, & extra terram sibi esse patriam, quam appeterent: nempe in cœlo. In fine verò capitis significat eos omnes, quos recensuit, non adeptos esse ultimam repromissionem, ne sine nobis perficerentur. Cuius verbi, si proprietatem obseruassent, nunquam concitassent tantus turbas. Mirum quomodo cæcuciant in tanta luce. Sed hoc magis mirum, quod panem nobis pro lapidibus porrigunt: hoc est, dum volunt impellere, sustinent.

24

Acto. 9.

Iam quod de Thabita narratur in actis Apostolorum, putant valde firmum sibi esse columen, quæ cum discipula fuisset Christi, plena bonis operibus & eleemosynis, suscitata est ex mortuis à Petro. Iniuriam aiunt factam Thabita, si verum dicimus, animas solutas à corpore, cum Deo & in Deo viuere, quod reuocata sit à consortio Dei & beata illa vita, in hoc mare malorum. Quasi verò non liceat idem contra eos retorquere. Nam siue dormiebat, siue nihil erat, quia tamen defuncta erat in Domino, beata erat. Nō igitur expediebat illi redire in hæc viam, quam confecerat. Hunc nodum, quem colligarunt, priores ipsi dissoluant. Siquidem æquum est eos legi parere, quam alijs imponunt. Quāquam nobis dissolvere facile est. Quæcumque nos maneat sors post mortem: quod de se ait Paulus, transfertur

Philip. 1. ad omnes fideles: ut mori nobis sit lucrum, & esse cum Christo melius. Et tamen Philip. 2. Paulus dicit, Epaphroditum, qui certè in numero fidelium erat, misericordiam consequutum à Domino, quod infirmatus ad mortem, reualuisset. Isti quidem, qui tam irreuerenter & parum sobriè tractant Dei mysteria, misericordiam istam interpretarentur crudelitatem. Nos verò misericordiam sentimus

&

fatemur, cum sint gradus misericordiae Dei, sanctificari electos, glorificari sanctificatos. Nonne igitur misericordiam suam exercet Dominus, cum nos magis ac magis sanctificat? Quid, si voluntas Dei est magnificari in corpore nostro per vitam, ut ait Paulus, nonne misericordia est? Quid, quod Deo legem miraculorum dicere non nostrum est? satisque est, si in illis eluceat authoris gloria. Quid si dicamus Deum non consuluisse Thabita commodis, sed pauperes respexisse? ad quorum certè preces suscitata est, flentium & ostendentium vestes, quas coniebat illis Thabita. Hanc enim rationem viuendi sufficere sibi credebatur Paulus, cum multo melius esset illi, ad Deum migrare. Et cum Deum misertum esse Epaphroditum dixisset, subiicit. Non solum au. em eius, sed & mei, ne tristitiam super tristitiam haberem. Ite nunc, & Deo dicam, dicite: quod mulierem in ministeria pauperum sedulam, reddidit pauperibus. Nam ut constet nobis operis ratio, hoc c. r. c. h. r. i. s. t. u. s. meruit, ut glorificetur in vita nostra & in morte, qui mortuus est & resurrexit, ut viuus dominetur & mortuis.

Roma. 8.

Roma. 14.

Vocant & Dauidem in causa sua patrociniū, nostrae optimum patronum: sed adeo sine pudore, aut etiam sensu communi, ut pudeat ac pigeat multa, quae ab eo argumēta mutantur, referre. Omnia tamen quae ab illis usurpari a diuini psal. 81. mus, bona fide à nobis referentur. Audet primū istud citare: Ego dixi dñs es, & filij excelsi oēs: vos autem, sicut homines, moriemini. &c. ac interpretantur, deos quidem & filios Dei esse: fideles, sed mori & cadere cū reprobis: ut aqua sit fors utrorumq; donec separabuntur agni ab hœdis. Respondemus, quod à Christo ac epim. 10. mus: illic vocari deos, ad quos sermo Dei factus est: hoc est, Dei ministros: iudices scilicet, qui gladium in manu gerunt, acceptū à Deo. Et si deesset nolis Christi interpretatio, vsuque Scripturae, qui ubique concinit, locus ipse per se satis clarus est, quo obiurgantur qui indicant iniquitatem, & facies peccatorum sumunt. Hi dicuntur dñi, quod personam Dei sustinent, cum alijs præsunt. Sed admonentur, futurum sibi iudicem, cui rationem reddant functionis. En specimen.

Ioan. 10.

Exo. 22.

Adiamus alterum: Exibit spiritus eius, & reuertetur in terram suam: In illa die peribunt omnes cogitationes eorum. Vbi accipiunt spiritum pro vento, psal. 145. hominem abiturum in terram, nihil futurum nisi terram, perituras omnes cogitationes, quae utique remanerent, si esset anima. Nos verò non ita subtiles sumus: sed pro nostra crassitie, scapham, vocamus scapham, & spiritum, spiritum. qui dum exit ab homine, ipse homo in terram suam reuertitur, de qua, i. m. p. i. u. s. est, ut diffusè explicaui. Restat ut videamus, quid sit cogitationes perire. Admonemur, ne constituamus fiduciam in hominibus, quae debet esse immortalis: foret enim incerta & parum stabilis, cum vita hominum cito pertranseat. Ad quod significandum, dixit perire eorum cogitationes: hoc est, quicquid moliebantur dum viuerent, dissipari & in ventum abire. Ut alibi: Peccator videbit & irascetur, psal. 11. dentibus suis fremet & tacebit, desiderium peccatorum peribit. quod aliàs dicitur, psal. 32. dissipari. Dominus dissipat consilia gentium. Item, In te consilium & dissipabitur. Quod verborum periphrasi, beata Virgo in cantico significauit: Disper- Luc. 2. sit superbos sensu cordis sui.

psal. 11.

psal. 32.

Iesa. 8.

Luc. 2.

27
 Psal. 77. **T**ertium: Et recordatus est, quia caro sunt, spiritus vadens, & non rediens. Et spiritum pro vento positum, ut ferè ubique contendunt. In quo non intelligunt, se non animarum modò immortalitatem abolere, sed spem quoque resurrectionis præcidere. Si enim est resurrectio: spiritus cerè redit. Si non redit, resurrectio tollitur. Quamobrem eos imprudentiæ culpam hîc magis deprecari conuenit, quàm fortius instare, ut obtineant tam peruersum postulatum. Atque hæc quidem in hoc tantum dicta sint, ut videant omnes, quantum pateat effugium, si de refutandis eorum argumentis tantum cogitaremus. Fatemur enim libenter, idque ex nostra ipsorum sententia, hîc quadrare nomen venti. Concedimus homines ventum esse fugientem nec redeuntem. Quòd si ad sua sensa trahunt, errant, ne scientes Scripturas: quibus mos est, per id genus periphrasis designare nunc humanæ conditionis imbecillitatem, nunc breuitatem vitæ. Cum de homine dicit Iob, florem esse, qui egreditur & conteritur, & velut ombra fugere: quid aliud, quàm describere voluit, hominem esse fluxum & fragilem, & similem floris decidui? Iesaias verò clamare iubetur omnem carnem fœnum esse, & omnem eius gloriam, quasi florem fœni. Exiccatum esse fœnum, & cecidisse florem. Verbum autem Domini æternum permanere. Agedum, colligant vno verbo, animam hominis exarere & emarcere: & paulò acutius cernant, quàm crassus ille piscator, qui ex eo probat fideles omnes immortales esse, quia renati sint ex semine incorruptibili: hoc est, Verbo Dei, quod æternum permanet. Eos verò Scriptura florem fluxum vocat, & ventum prætereuntem, quibus fiducia est in hac vita. Qui quasi hîc sedem permanentem fixerint, regnatos se putant sine fine: nec eum finem respiciant, quo sit mutanda conditio, & aliò demigrandum. De quibus etiam ait Propheta: Pepigimus fœdus cum morte, & cum inferno fecimus pactum. Eorum vanam spem irridens, non deputat ad vitam, quod illis est initium moris pessimæ. Ad diuina & mori eos affirmat, quibus melius esset non esse, quàm sic esse. Simile est quod alio Psalmo legitur: Quomodo misereatur pater filiorum, misertus est Dominus omnium timentium se. Quoniam ipse cognouit figmentum nostrum: recordatus est quia pulvis sumus. Et homo, sicut fœnum, dies eius tanquam flos agri, sic efflorescit. Quoniam spiritus pertransibit in illo, & non subsistet, & non cognoscet amplius locum suum. Ex quibus verbis si affirmant spiritum perire & euanescere: iterum illis prædico, videant ne fenestram aperiant Epicureis, si qui sint qui insurgant, ac nostram, eorumque fidem de resurrectione labefacere conentur: ut certè multi sunt. Eadem enim ratione, colligent, spiritum in corpus non redire, cum dicatur non cogniturum amplius locum: sed dicent, vitiosè colligent. Quoniam huic ratiocinationi apertè reclamant loci de resurrectione. Et ipsi vitiosè colligunt, quibus est cum illis commune argumentum. Simile ferè est illud Ecclesiastici. Numerus annorum hominis, ut multum, centum anni, quasi gutta aquæ maris deputati sunt, & sicut calculus arenæ, sic exigui anni in die æui. Propter hoc patiens est Deus in illis, & effundit in eos misericordiam suam. Fatendum igitur illis, longè aduersam fuisse Prophetæ sententiam, ab ea quam somniant. Dominum esse eorum misertum, quos agnosceret, sola sua misericordia stare, à quibus si paupersper manum retraheret, eos in puluerem redituros, vnde sumpti essent. Deinde subiicit breuem humanæ vitæ descriptionem: eam flori comparans, qui dum hodie viuet, nihil aliud est, quàm crastinum fœnum. Quòd si pronuntiasset spiritum

ho-

hominis perire & decidere in nihilum, ne sic quidem armasset ipsorum errorem. Nam cum dicimus spiritum hominis esse immortalem, non affirmamus contra manum Dei stare posse, aut sine eius virtute subsistere. Absint à nobis hæc blasphemiam. Sed dicimus, eius manu ac benedictione sustineri. Sic Irenæus, qui nobiscum spiritus immortalitatem asserit, vult tamen, discamus, natura nos mortales esse, solum autem Deum immortalem. Et eodem loco: Vt non quasi ex nobis habentes vitam, inflemur aliquando, & extollamur aduersus Deum: experimentoque discamus, quoniam ex illius magnitudine, & non ex nostra natura habemus in aeternum perseuerantiam. Hæc igitur nobis pugna est cum Davide, quem faciunt nobis tantopere aduersarium. Ille ait hominem, si ab eo auferat suam misericordiam Dominus, ruere ac perire. Nos docemus, Dei benignitate ac virtute sustineri: quoniam ipse solus habet immortalitatem: & quicquid est vitæ, ab eo est.

Iren. lib. 5.
aduersus
Hæc.

psal. 104.

1. Tim. 3.

Quartum. Satiata est malis anima mea, & vita mea inferno appropinquauit: Aestimatus sum cum descendentibus in lacum: sicut homo sine adiutorio: Sicut interfecti dormientes in sepulchris, quorum non es memor amplius, & qui de manu tua abscissi sunt. Quid, inquiunt, si abscissi sunt à virtute Dei, si providentia eius & memoria exciderunt, nonne esse desierunt? Quasi verò non liceat mihi retorquere. Quid? Si abscissi sunt à virtute Dei, si memoria exciderunt, quomodo rursum erunt? Et ubi erit resurrectio? Rursum, qui conuenient istac? Iustorum animæ in manu Dei sunt. Aut, vt certis Dei oraculis agamus, In memoria aeterna erit iustus. Non igitur exciderunt à manu Domini, nec memoriam eius fugerunt. Quin potius hoc loquendi genere, percipiamus grauem sensum hominis afflicti, qui apud Deum conqueritur, se penè desertum cum impijs in perditionem: quos Deus non nosse, & oblitus esse dicitur, quia nomina eorum in libro vitæ scripta non sunt: & de manu sua abiectisse, quia eos non regit Spiritu suo.

28

psal. 87.

Sapi. 5.

psal. 111.

Quintum. Nunquid mortuis facies mirabilia, aut medici suscitabunt, & confitebuntur tibi? Nunquid narrabit aliquis in sepulchro misericordiam tuam? aut iustitiam tuam in terra obliuionis? Item, Non mortui laudabunt te Domine, neque omnes qui descendunt in infernum. Sed nos, qui viuimus, benedicimus Domino, ex hoc nunc & vsque in seculum. Item, Quæ utilitas in sanguine meo, dum descendero in corruptionem? Nunquid confitebitur tibi pulvis, aut annuntiabit veritatem tuam? Quibus coniungunt illud prorsus simile, ex cantico Ezechiae, Quia infernus non confitebitur tibi, neque mors laudabit te: non expectabunt, qui descendunt in lacum, veritatem tuam. Viuens, viuens, ipse confitebitur tibi: sicut & ego hodie: pater filijs notam faciet veritatem tuam. Et illud Ecclesiastici: A mortuo, quasi nihil, perit confessio. Confiteberis viuens. Nos respondemus, non simpliciter his locis vocari mortuos, qui communinaturæ lege defuncti sunt, dum ex hac vita decedunt. Non simpliciter dici, laudes Dei à morte cessare: sed partim significari, non cantaturos Domino laudes, nisi qui eius bonitatem & misericordiam senserint: partim verò, non illustrari post mortem nomen eius: quia non annuntiantur tunc inter homines eius beneficia, quemadmodum in terra. Hæc singula expendamus ac ordine pertractemus, vt simul & singulis locis reddamus suum Jensen sum. Primum, hoc discamus. Et si per mortem, præsentis vitæ solutio significa-

psal. 87.

psal. 113.

psal. 29.

Iesa. 38.

Eccle. 17.

29

tur sapius: & per infernum, sepulchrum: usu tamen Scripturæ non infrequenti,
 hæc nomina accipi pro ira Dei & abiectione: vt mori & in infernum descende-
 re, vel in inferno habitare dicantur, qui alienati sunt à Deo, qui Dei iudicio
 prostrati sunt, & eius manu attriti. Infernus ipse non sepulchrum, sed abyssum
 & confusionem significet. Propterea aperuit infernus animam suam, & deglu-
 tiuit multos. Atque hoc quidem schema, cum passim in Scripturis se offerat, Psal-
 mistamen maximè est familiare: Veniat mors super illos, & descendant in in-
 fernum viuentes. Item, Deus meus, ne quando sileas, & assimilabor descenden-
 tibus in lacum. Item, Domine, eduxisti ab inferno animam meam. Saluasti me
 à descendantibus in lacum. Item, Conuertantur peccatores in infernum, omnes
 gentes quæ obliuiscuntur Deum. Item, Nisi quia Dominus adiuuit me, paulomi-
 nus habitasset in inferno anima mea. Item, Dissipata sunt ossa nostra secus in-
 fernum. Item, Collocauit me in obscuris, sicut mortuos seculi. In nouo autem Te-
 stamento, vbi apud Euangelistas est adus, interpretes reddidit Infernum: sicut Lu-
 cæ sextodecimo, de impio diuite: In inferno autem cum esset, &c. Item, Mat-
 thæi vndecimo: Et tu Capernaum, nunquid in cælum exaltaberis? Amen dico tibi,
 vsque in infernum descendes. In his locis non tam locum, quàm eorum conditio-
 nem, quos Deus damnauit addixitque exilio, significat. Atque id est quod in Sym-
 bolo confitemur, Christum ad inferos descendisse: hoc est, in omnes mortis dolores
 pro nobis à Patre coniectum esse: omnes eius angustias & terrores pertulisse, &
 verè afflictum esse: cum prius dictum esset, fuisse sepultum. Sic rursum viuere &
 victuri dicuntur, quos Deus sua benignitate prosequitur. Quoniam illic mandauit
 Dominus benedictionem & vitam vsque in seculum. Item, Vt eruat à morte a-
 nimas eorum, & alat eos in fame. Item, Euellet te Deus de tabernaculo tuo, &
 radicem tuam de terra viuorum. Item, Placebo Domino in regione viuorum.
 Vt finem faciamus, vnus nobis locus sufficiat: qui virumque ita graphicè depingit,
 vt, nobis tacentibus, sensum nostrum abundè explicet: Qui confidunt in virtute
 multa: & in multitudine diuitiarum gloriantur. Frater non redimit, redimet ho-
 mo? num dabit Deo placationem suam? Et pretium redemptionis animæ suæ: &
 laborabit in æternum, & viuet adhuc vsque in finem? Non videbit interitum,
 cum videbit sapientes morientes? simul insipiens & stultus peribunt. Sicut oues
 in inferno positi sunt: mors depascet eos. Et dominabuntur eorum iusti in matu-
 rino: & auxilium peribit in inferno, à gloria ipsorum. Veruntamen Deus redi-
 met animam meam de manu inferi, cum acceperit me. Hæc summa: Qui spem in
 diuitijs habent, & virtute sua, morientur, & in infernum descendant: diues &
 pauper, stultus & sapiens, simul interibunt: Qui sperat in Domino, liberabitur à
 potestate inferni.

HÆc nomina Mortis & Inferni, non aliam habere posse acceptionē, in ver-
 sibus Psalmorum quos obtrudunt, & in cantico illo Ezechie, contendo. At-
 que id certis argumentis euinci posse, confirmo. In his enim versibus: Nunquid
 mortuis facies mirabilia, &c. Item, Quæ utilitas in sanguine meo, &c. Siue
 Christus, caput fidelium, siue Ecclesia, eius corpus, loquitur: mortem, vt rem hor-
 ribilem ac detestandam, refugit ac deprecatur. Quod etiam facit Ezechias in suo
 cantico. Cur sic horrent ad nomen mortis, si Deum misericordem ac sibi propitium
 sen-

sentiunt? *An* quia amplius nihil futuri sunt? Sed euadent ex hoc turbulento seculo, ex infestis tentationibus, ex inquietudine, in summum otium, & beatam requiem. Et quia nihil erunt, nihil mali sentient: excitandi suo tempore ad gloriam, quæ & eorum morte nihil differtur, neque vita acceleratur. Conuertamur ad aliorum Sanctorum exempla, an tale aliquid eis acciderit? Cùm Noe moritur, non deplorat miseram sortem suam. Abraham non lamentatur. Iacob etiam inter ultimos spiritus gratulatur sibi, quòd salutare Domini expectet. Iob non lachrymatur. Moses, cùm audit à Domino, ultimam horam instare, non commouetur. Omnes, quantum videre licet, prompto animo mortem amplectuntur. Voces illi, quibus vocanti Domino, Sancti respondent, passim obuiæ sunt. Ecce, ego adsum Domine. Oportet igitur aliud quiddam esse, quod Christum, & eius fideles, compellat ad huiusmodi querimonias. Non dubium, quin Christus, cùm se offerret pro nobis ac repræsenteret ad pœnam, cum potestate Diaboli, cum inferorum cruciatibus, ac doloribus mortis, pugnaverit. Quæ omnia in nostra carne vincenda erant: ut ius suum, quod in nobis habebant, perderent. In hoc igitur agone, cùm rigori ac seueritati diuinæ iustitiæ satisfaceret, cùm aduersus inferos, mortem, ac Diabolum, congregaretur: inuocauit Patrem, ne se in tantis angustiis desereret, ne se potestati mortis permetteret: nihil aliud à Patre petens, quàm ut infirmitas nostra, quam in suo corpore sustinebat, à potestate Diaboli & mortis solueretur. Hæc est fides nostra, cui nunc incumbimus: quòd pœna peccati in carne nostra admissi, quæ in eadem carne soluenda erat, ut diuinæ iustitiæ satisfaceret, soluta ac depensa est in carne Christi, quæ nostra erat. Mortem igitur non deprecatur Christus: sed grauem sensum seueritatis Dei, qua per mortem pro nobis corripendus erat. Vis scire ex quo affectu hæc vox prodierit? Non possum tibi melius exprimere, quàm vox eiusdem altera. Pater, Pater, ut quid me dereliquisti? Hos igitur mortuos & sepultos, in terram obliuionis deportatos, vocat à Deo derelictos. Ad hunc modum Sancti, docente Spiritu Dei, non usurpabunt hæc voces, quòd à se auertant mortem, ut Dei vocationem: sed quòd iudicium, iram, & seueritatem Dei deprecantur: qua per mortem corripì se à Deo, sentiunt. Hoc ne comminisci videar: quæro, sitne fidelis vocaturus simplicem & naturalem mortem, iram & terrores Dei? Non arbitror illos eò usque impudentes, ut audeant affirmare. Atqui, mortem illam sic interpretatur Propheta ijsdem locis: In me transierunt Deus iræ tuæ, & terrores mortis conturbauerunt me. Et multa alia subiicit, quæ pertineant ad iram Dei. Alterius verò loci hæc verba sunt: Quoniam momentum in indignatione eius, & vita in beneuolentia eius. Sed lectiores hortor, ad volumen se conferant: ut ex integris duobus Psalmis, & cantico illo, certiorem fidem petant. Sic enim nec fucus illis fiet: & facile obtinebo apud eos, qui sano iudicio legent. Constituimus ergo, mortem illis locis esse, sentire iram ac iudicium Dei, hocque sensu perterrerì ac conturbari. Sic Ezechias, cùm videret se relinquere regnum expositum hostium probris ac direptioni, prolem verò se non relinquere, à qua descenderet expectatio Gentium: hæc, quæ signa erant irati & punientis Dei, sollicitabant animam eius, non mortis terror, quam postea nulla deprecatione subiit. In summa, fateor mortem ex se malum esse, cùm sit maledictio & pœna peccati: & cùm ipsam, per se, plenam esse terroris ac desolationis, tum verò in ultimam desperationem eos depellere, qui sentiunt eam sibi infligi ab irato & puniente

Genpena

Psal. 87.
Psal. 29.

Deo, unum est condimentum, quod tantam eius acerbiteratem temperet. inter eius angustias, cognoscere Deum sibi esse Patrem, Christum habere ducem ac comitem. Hoc condimento qui carent, habent mortem pro confusione & perditione æterna. Quare Deum laudare in morte non possunt.

Iam versus ille: Non mortui laudabunt te. &c. claudit laudes populi, gratias agentis Deo, quod eius manu, protectus esset à periculo: in hunc sensum, si permisisset nos opprimi Dominus, ac venire in potestatem hostis, insultasset eius nomini ille, & gloriatus esset, se superasse Dominum Israel. Nunc verò ubi Dominus eius ferociam repressit ac contudit, ubi nos ab eius sauitia eripuit, in manu potenti & brachio excelso: non poterunt Gentes dicere, Vbi est Deus eorum? qui se verè Deum viventem ostendit. Nec poterit eius misericordia in dubium venire, quam adeò mirificè exhibuit. Et hîc mortui appellantur, derelicti à Deo, & qui eius virtutem ac benignitatem erga se non senserunt. Quemadmodum, si populum suum libidini ac ferociæ impiorum tradidisset. Hanc sententiam planè Baruc. 2. confirmat oratio, quæ est in libro Baruch: saltem qui eius nomine inscribitur: Aperi oculos tuos, & vide: quia non mortui qui sunt in inferno, quorum spiritus acceptus est à visceribus suis, dabunt gloriam & iustitiam Deo: sed anima, quæ tristis super magnitudine mali, incedit curua & infirma, & deficientes oculi, & anima esuriens, dabit gloriam. Vbi, citra dubium, videre est, mortuorum nomine contineri, qui afflicti & contriti à Deo, in exitium abierunt: animam tristem incuruam & infirmam, quæ sua virtute defecta, & sui fiducia non innixa, currit ad Dominum, eum inuocat, ab eo auxilium expectat. Hæc omnia si quis velit per prosopographiam accipere, facilem habebit methodum, ad eorum explicationem: ut in personis, rem ipsam accipiat: & dum mortuos audit, mortem intelligat, hoc sensu: Dominum misericordiæ & bonitatis laudem non consecuti, dum affligit, perdit, ac punit: (tametsi iustæ sunt pœnæ) sed tum demum creare sibi populum, qui laudem suæ bonitatis concinat & celebret, dum afflicti, contritos, & desperatos, liberat ac in spem erigit. Sed ne cauillentur, nos ad figuras & obliqua schemata confugere, citra figuram quoque accipi possunt.

Secundo loco dixi, peruersè ex his locis statui, Sanctios, post mortem, cessare, ac desinere à laudibus Dei. sed laudare potius, esse commemorare, ac prædicare apud alios Dei beneficia, in quibus laudetur: quem sensum non modò recipiunt verba, sed necessariò exigunt. Nam annuntiare, & narrare, & patrem notum facere filiis, non est animo mentèque cōcipere Dei gloriam: sed ore celebrare, ut alij audiant. Hîc si me interpellent, quod illis id ipsum agere liceat, si (ut credimus) in Paradiso sunt cum Deo: respondeo: In Paradiso esse, & cum Deo vivere, non est alterum alteri loqui, & alterum ab altero audiri: sed tantum Deo frui, sentire bonam eius voluntatem, in eo acquiescere. Si hoc illis Morpheus aliquis aut iuxta reuelauit, habeant sibi certum. Ipse mihi non adsciscam tortuosas illas quæstiones: quæ ad contentionem valent, nihil ad pietatem conferunt.

Eccelesiasticus non hoc agit, ut ostendat mortuorum animas perire: sed dum hortatur, ut maturè, & per occasionem, Deo confiteamur: simul docet, non esse

se confitendi tempus post mortem: hoc est, non esse locum pœnitentiæ. Quod si quis ipsorum adhuc obstreperet: quid perditionis filiis futurum sit, nihil ad nos. Ego pro fidelibus respondeo: non morientur, sed viuent, ac narrabunt opera Domini. Qui habitant in domo eius, laudabunt eum in secula seculorum.

Sextum: Laudabo Dominum in vita mea, psallam Deo meo, quandiu sum. Et in hanc formam argutantur: Si laudabit Dominum in vita, & quamdiu erit: non laudabit post vitam, & quando non erit. Quando hæc, per lusum iocumque ab illis iactari opinor, ipse quoque in eorum gratiam ludam. Aeneas Vergilianus, cum hospitæ suæ promittebat animi gratitudinem, dum memor esset sui, an innuebat, aliquando se venturum in sui ipsius obliuionem? Cum dicebat: Dum Spiritus hos reget artus: an non cogitabat, & apud manes, in illis fabulosis campis, se gratiam habiturum? Absit, illis ut concedamus sic torquere hunc locum, ne simul & hæretico Heluidio succumbamus. Nunc seriò loquar: Et ne obtendant, secum non paria fecisse me, quintuplum reddam. Deus meus, in æternum confitebor tibi. Item, Benedicam Dominum in omni tempore, semper laus eius in ore meo. Item, Confitebor tibi in æternum, quia fecisti. Item, Laudabo nomen tuum in seculum & in seculum seculi. Item, Sic Psalmum dicam nomini tuo in seculum, & in seculum seculi. Agnoscunt illum Dauidem nuper sibi amicum, sese tam acriter impetentem? Apagesis hæc argumenta, quæ ex atomis literarum conficiuntur.

Psal. 117.
& 83.

Psal. 145.

Psal. 29.
Psal. 33.

Psal. 51.

Psal. 144.

Psal. 60.

Septimum: Desine à me, & roborabor, donec vadam, & non sim: cui coniungunt illud Iob: Dimitte me, ut plagam paululum dolorem meum: antequam vadam, & non reuertar ad terram tenebrosam, & opertam mortis caligine, terram miseriæ & tenebrarum, ubi umbra mortis, & nullus ordo, sed sempiternus horror inhabitat. Hæc nihil ad causam. Verba enim sunt æstu & anxietate conscientie plena, verè exprimentia, & quasi in tabula referentia affectum eorum, qui terrore iudicii Dei percussi, manum Dei iam ferre non possunt. Orant autem, ut si merentur à Deo abijci, saltem vel tantillum respirare liceat ab ira Dei, qua concutiuntur: idque in vltima desperatione. Nec mirum est, Sanctos Dei seruos illuc adigi. Dominus enim mortificat, & viuificat: deducit ad inferos, & reducit. Non esse autem, pro eo dicitur, quod est à Deo alienum esse. Si enim ille solus est, qui est: non verè sunt, qui in illo non sunt. Propterea quod à facie eius perpetuò confunduntur ac deijciuntur. Deinde, non video, quid nos tantopere offendere debeat hæc loquendi forma, si simpliciter non esse dicantur mortui, modò id ad homines referatur. Iam enim non sunt apud homines, nec coram hominibus: tamen si apud Deum sint. Ita (ut vno verbo explicemus) non esse, erit non extare. Quale est illud Ieremiæ: Vox in Rhama audita est, Rachel plorantis filios suos: & noluit consolari, quia non sunt.

Psal. 39.
Iob. 10.

1. Reg. 2.

Ierem. 31

Iam ad ea veniamus, quæ supersunt ex historia Iob. Quedam enim sparsim, ut occurrebant, attigimus. Primum: Quare non in vulua mortuus sum? Egressus ex utero non statim perij? Cur exceptus genibus? Cur lactatus vberibus? Nunc enim dormiens silerem, & somno meo requiescerem, cum regibus & consulis terra, qui adificant sibi solitudines: aut cum principibus, qui possident aurum, &

Iob. 3.

replent domos suas argento: aut sicut abortiuum absconditum, non subsisterem: ut qui concepti, non viderunt lucem. Ibi impij cessauerunt à tumultu, & ibi requieverunt fessi robore: & quondam vincti, sine molestia, non auderunt vocem exaltoris. Paruus & magnus ibi sunt: & seruus, liber à domino suo. Quid si decimum quartum Iesae caput retorqueam? Vbi mortui describuntur, prodeuntes è sepulchris, ac obuiam euntes Regi Babylonio: vbi eorum sermones referuntur. Ecce, tu humiliatus es quemadmodum nos. &c. Nihil enim minore pretextu inde arguam, mortuos sentire atque intelligere, quàm ipsi ex verbis illis colligunt, omni sensu excidisse: sed relinquo illis tales nugas. In loco autem, quem citat, explicando, non multum erit negotij: nisi volumus nobis ipsi fingere labyrinthos. Iob enim pressus multa afflictione, & quasi fatigatus sub onere, praesentem duntaxat miseriam respicit: & eam non solum maximam omnium facit, sed penè solam. Mortem nihil horret, imo appetit: quod omnibus aequam afferat sortem: Regum imperia finiat, & seruorum pressuras: quæ sit denique rerum omnium linea, in qua, quam quisque sortitus sit in hac vita conditionem, deponat. Sic enim sperat, ut & ipse suæ calamitatis finem visurus sit: interim non respicit, quibus legibus illic vinatur, quid factururus, quid passurus sit. Tantùm, omni animi ardore expetit mutari praesentem rerum statum. Ut mos est eorum, qui vehementi doloris sensu urgentur, atque affligantur. Nam si in magnis aëstatis caloribus, benignam hyemem iudicamus: rursum, hyemis frigoribus puncti, omnibus votis ad aëstatem adspiramus: quid faciet is, qui manum Dei sentit sibi aduersam? Nihil malorum refugiet, modò praesens maum effugiat. Hoc si nō illis persuadetur, nihil mirum. Concerpunt enim minutas sententiolas, quibus se instruant: ad summam totius operis non colligunt. Qui verò recto oculo totam historiam persecuti sunt, ijs me approbaturum meam rationem confido.

Iob. 7. **S**ecundum: Memento, quia ventus est vita mea: & non reuertetur oculus meus ut videat bona: nec aspiciet me visus hominis. Oculi tui in me, & non subsistam. Sicut consumitur nubes & pertransit, sic qui descenderit ad inferos, non ascendet. Quibus verbis, Iob deplorans apud Deum suam calamitatem, in hoc exaggerat: ut cui nulla spes exitus sit proposita. Habet præ oculis mala sua, quæ se persequantur ad sepulchrum. Tum occurrit, ut mors misera sit exceptura vitam calamitosam. Non enim aliter potest cogitare, qui manum Dei sentit sibi aduersam. Ab hac igitur amplificatione mouet misericordiam: & se Deo miserabilem facit. Non video quid præterea queratis in hoc loco, nisi non expectandam resurrectionem. Quod non est huius instituti, excutere.

Iob. 17. **T**ertium: Solum mihi superest sepulchrum. Item, In profundissimum inferni descendunt omnia mea. Istud quidem verissimum est. Neque enim quicquam satius restat ei, qui Deum propitium non habet, (qualem se esse Iob tunc cogitabat) quàm infernus & mors. Cum igitur percurrisset omnem fabulam suarum miserationum, dicit extremum actum esse, confusionem. Atque hic est exitus eorum, quos Deus sua manu tangit. Mors enim in ira eius: vita autem in misericordia. Id non ineleganter explicauit Ecclesiasticus, cum ait: Vita viri in numero dierum: dies autem Israel innumerabiles. Verùm quia non est firma autoritatis scriptor,

ptor, omisso illo, audiamus prophetam id suis verbis pulchrè docentem. *Afflixit in cursu virtutem meam, inquit, abbreviauit dies meos. Dicebam autem: Domine mi, ne tollas me in dimidio dierum meorum, in aeternum sunt anni tui. Peribunt cælum & terra, quæ tu pridem fundasti: instar vestium corrumpentur. Haecenus quàm fragilis sit & fluxa hominum conditio exposuit, quànque nihil sit sub cœlis stabile: cum ipsi quoque ad interitum vergant, sequitur postea: Tu autem es, & anni tui non finientur. Filij seruorum tuorum habitabunt, & posteritas eorum coram te stabilietur. Hic videmus, ut piorum salutem cum Dei aeternitate coniungit. Quoties igitur mihi obijcient Iob manu Dei afflictum & penè desperandum, nihil sibi reliquum facientem, præter infernum & mortem: respondebo, irato Domino, hunc exitum nos manere: & hanc esse eius misericordiam, quòd eripimur à moris faucibus.*

Psal. 102.

Quartum, si direxerit ad eum cor suum: spiritum & flatum hominis ad se trahet: deficiet omnis caro simul: & homo in cinerem reuertetur. Quæ verba si de iudicio accipiunt: quasi dicatur, hominem eius ira dissolui, dissici, confundi, & in nihilum abire: plus illis concedam quàm postulent. Si intelligunt spiritum, id est, animam per mortem ad Deum redire, & flatum, id est, virtutem motus, seu vitalem agitationem recedere ab homine: nihil reluctor. Si contendunt animam, perire, fortiter reclamo. Quamquam paulò etiam secus habent hebraica. Verùm eorum canilla contentus depulisse, non insequar longius.

Iob. 34.

Vibrant & alia quædam, sed obtusa tela: quæ nec feriunt, & terrent non multum. Citant enim nonnulla, minimè ad rem facientia, eaque ex libris incertæ fidei quarto Esdræ & secundo Machabeorum, quibus nihil aliud responsum volumus, quàm quod prius differuimus de resurrectione. Quamquam hic omnibus se produnt, quam sint perdita fronte: qui Esdræ, cum totus noster sit, ad se trahere audent. Machabeorum libros, pro se proferre non verentur: Vbi Ieremias mortuus Dominum precatur, pro belligerante populo: Vbi instituuntur pro defunctis, orationes, quibus à peccatis soluantur. Habent fortè & alia: sed mihi incognita. Ut cui eorum commenta omnia videre non contigit. Nihil sanè præterij sciens, quod simpliciores vel de gradu deiicere, vel mouere posset. Istud rursum lectores omnes (si qui tamen crunt) memoria tenere volo. *Cat. baptistas* (quos, ad omne genus flagitiorum designandum, nominasse satus est) esse præclari huius dogmatis auctores. Meritò enim debet nobis esse suspectum, quicquid à tali officina prodierit: quæ tot portenta, & fabricata est, & quotidie fabricatur.

E 2

FINIS.

IOANNIS CALVINI, VERBI, DEI, IN
Ecclesia Geneuensi, fidelissimi ministri, Epistolæ duæ, de rebus
hoc seculo apprimè cognitu necessariis, ante annos tredecim
editæ, nunc denuò castigatius impressæ.

PRIOR, DE FUGIENDIS IMPIORVM IL-
licitis sacris, & puritate Christianæ religionis observanda.

ALTERA, DE CHRISTIANI HOMINIS OF-
ficio in sacerdotijs Papalis Ecclesiæ vel administrandis, vel abijciendis.

IOANNES CALVINVS PIO
Lectori S:

ETSI iam cum fructum apud pios aliquot viros Epistolæ istæ nostræ edide-
runt, qui spem aliquanto maiorem mihi in posterum faciat: quoniam tamen
& familiares quosdam meos, & alios non paucos, à quibus lecta fuerunt, etiam si
mihi verbo tenus assentiantur, non tamè magnopere hinc commoueri audio, quòd
duram asperamque nimium conditionem à me sibi causentur imponi: non mini-
mum visus sum mihi operæ pretium facturum, si paucis hic probos omnes obtestarer,
ac per tremendum illud Dei nomen obsecrarem, ne quas è Dei verbo sumptas ex-
hortationes hic habent, perinde accipiant, ac si fabula sibi à Poeta, aut à Rhetore
aliquo declamatio recitetur, quam plausu blandisque acclamationibus satis sit acce-
pisse: verùm & vitæ doctrinam tradi sibi meminerint, quæ non aliter, quàm ob-
temperando, rite approbetur: & eam ipsam doctrinam, Dei verbum esse cogitent,
quod impune ludibrio habituri non sint. Quam sententiam, quia pluribus in præ-
sentia verbis persequi non licet, vno Iezechielus Propheta vaticinio summatim
completectar. Insignis est locus, qui & in Iudaorum exemplo quandam infelicis hu-
ius seculi effigiem representet, & terribili diuini iudicij expectatione me-
ritò nos percellere debeat. Turmatim (dicebat Propheta Dominus) ad te veniunt,
coram te sedent, verbæque tuæ audiunt, sed ea non exequuntur. Ludibrium enim
in ipsorum ore, & cor eorum in auariciam inclinatum. Et factus es illis non secus
ac ludicra cantio sonora dulcedinis, quandoquidem verbus tuis intentas habent au-
res, quæ exequi non curant. Sed cum tempus venerit (quod certè iam instat) cogno-
scent apud se fuisse Prophetam. Vale. Geneuæ, pridie Idus Ianuarij. An-
no MDXXVII.

Iezec. 33.

i. Regum. 18.

Vsquequo claudicatis in duas cogitationes? Si Dominus est Deus, se-
quimini eum: Si autem Baal, sequimini illum.

DE FUGIENDIS IMPIORVM ILLI- citis sacris, & puritate Christianæ religionis obseruanda.

IOANNES CALVINVS, OPTIMO

Viro, & amico singulari, N. S.



EGO verò, amicissime frater, molestissime tecum fero, ac pro eo ut debeo, vices tuas miseriori: cui nondum ex illa *Ægypto* emergere liceat, in qua tot idolorum, idololatriæque portenta obseruantur tibi assidue, ac oculis tuis ingeruntur: ad quorum famam cum pia aures perhorrescant, presenti aspectu oculos (quorum scilicet & tenerrimus est sensus, & vehementius afficitur) supra quam dici potest, grauiter offendi, par est. Cogeri spectare (ut narras) in monachis & sacrificulis fœdas impietatis formas, in plebe mille genera superstitionum, plurima veræ religionis ludibria: quibus omnia istic scatent & perstrepunt. A quibus spectaculis qui oculis suis parcunt, eos beatos existimo: præ ut illa est tua, quam refers, verè misera necessitas. In primis verò, summum illud abominationum omnium caput, *Missæ*, spectabilem se ac visendam exhibet, ac inter reliquas omnes nequitia partes longè supereminet: in qua quicquid sceleratissimæ impietatis cogitari potest, perpetratur. Huiusmodi spectacula si ludicra essent, possent forte abs te rideri: nunc autem ubi maximè seria sunt, cum grauissima Dei contumelia, non dubito (quæ tua est pietas) quin bilem tibi magis quam splenem moueant, vel lachrymas potius eliciant. Quod autem tecum deliberas, quæ te ratione, inter nefanda illa sacrilegia & *Babylonis* sordes, in quibus pro temporis rerumque tuarum conditione viuere nunc tibi necesse est, purum Domino atque impollutum conserues: id quidem ego per libenter facio, tota ut ea de re animi mei sensum tibi exponam, eoque magis, quod cum multos hodie, qui gustum Dei aliquem percepisse videri volunt, professioni suæ minimè respondere conspiciam: hac tamen in parte præsertim, plerisque, fere omnes à recta via decedere video. Neque valde sane impedita res est, consilium hac de re dare, si te in Dei disciplinam totum tradideris, tuosque affectus omnes eius verbo domandos permiseris. Sed nescio quomodo bona pars nostrum improba temeritate aduersus eius imperia interdum exultamus, ac ijs contemptis, aut certe omisis, id eoque & contemptis, earum rerum quas acerrimè prohibebant, licentiam, quoties libet, nobis facimus. Atque id potissimum in presenti negotio vsu venire solet. Cum enim ij, qui inter tales angustias versantur, quales te nunc circumsunt, nec tranquillitatem se suam tueri, nec cum ijs quibuscum viuunt, retinere se posse concordiam prospiciunt, nisi coram idololatriæ simulando indulgeant, tanta hac difficultate obfessi atque impliciti, magis quid sibi expediat, quam quid Deo placeat: magis quo modo homines habeant propitios, quam quo Deo satisfaciant, cogitant. Interim defensionem quoque meditantur, quæ suas conscientias arment coram Dei tribunali: se minimè consentire interiori cordis affectu in ullam impietatem: sed modica, eaque innoxia simulatione se inire rationem, quæ imperitorum hominum ignorantia cedant: quibus sic melius consulturi sint, si

qua spes est eos erudiri posse: certe quos summo suo periculo, nullo fructu, maiori libertate irritare stultum sit. Verum talibus inijs videmus ruinam suam auspiciatam, quibus hac nostra memoria contigit, velis retrorsum datis, in naufragium recurrere, unde enatarant. Principio, cum magnum vel in conspectu discrimen esset, si quibus in rebus oportebat ingenuè profiterentur quod habebant in animo, secum reputabant rem esse non magni momenti, si in populi gratiam paulum ineptirent: qua tamen ratione graues offensiones redimere promptum esset. Itaque impijs ceremonijs promiscuè cum alijs defungebantur. Deinde cum ne sic quidem hominum suspicionem effugerent, pedem adhuc alterum progrediebantur: satis esse, si bonos viros fidei suæ conscios, haberent: aliorum opinionem quauis arte falli, nihil nocere. Hic, siquid ab aduersarijs Christi in veram doctrinam deblateratum erat, vultu, nutu, totius corporis gestu, voce denique assentiebantur. Cum neque hunc sibi astum satis ex sententia succedere intelligerent, secreta ab omni hominum arbitrio conscientia contenti esse incipiebant: quod ut obtinerent, diligenter cauebant, ne quam darent Christiani pectoris significationem. In hunc modum cum à recta, officij linea, quadam (ut sibi videbantur) temperata cautione deflecterent paulatim, ac delaberentur, tandem cæci, ac veluti sui obliti, sese in exitum precipites dederunt. Manifesta sanè Dei vindicta: qua eos sensus sui vanitate deijci æquum fuit, qui præpostera sua prudentia Deum fallere & homines cogitabant. Nam hic postremus fabulæ actus illis fuit: non modò nullius aures atque oculos, cordis sui testes, ut prius solebant, admittere: sed quantum in se erat, omni studio contendere, ut omnes haberent earum rerum testes, quæ quàm longissime ab homine Christiano abesse debent: & quod antea occultum saltem apud se retinebant, auersari palam ac detestari. Talibus scilicet documentis admoneri nos decet, ut ommissa nostri ratione, solliciti ambulemus in conspectu Dei nostri, quemadmodum Propheta loquitur: ne, lasciuiante quadam audaciâ, ijs nos legibus soluamus, quibus nos Dominus alligauit: ac quod ille astringit, relaxemus: tum verò etiam terreri, ne si sapientes simus apud nos ipsos, comprehendat ille sapientes in astutia sua, & prudentium consilia subueriat. Sed est illud scilicet, quod principio sum questus, verius quàm vellem, bonam hominum partem nihil hinc liquidè perspicere, nihil rectè iudicare, nihil sincère statuere, posse: quòd dum ab integra puraque diuinæ legis obseruatione videt imminere pericula, eorum metu perplexa & consternata circumspicit, quomodo cum Dei venia retinere possit hominum gratiam. Qua in consultatione nihil nisi ex sua anxietate cæcæque perturbatione consulit: peruersè omnino quidem vtrunque, & præposterè. Nam & quòd Dei voce decretum semel sancitumque est, deliberationi nostræ nefas est subijci: neque rursus quicquam bonæ spei reliquum sibi facit, qui de tanti momenti rebus, timiditatem pusillanimitatèque suam in consilium mittit: ex quo affectu turpes semper (ut ille inquit) filij nascuntur. Itaque & hanc deliberandi peruersitatem simile consilium sequitur. Siquidem deflexis à verbo Dei oculis, nihil à se plus exigunt, quàm quòd incolumi salutis suæ rerumque suarum statu præstari queat: quicquid discrimine aliquo nimiaque difficultate inuolutum est, id ut missum faciant, sibi facillè permittunt, nec interim exaudiunt, quàm horribilis edicta sit in eos vindicta, qui contemptis Dei præsidijs, quò meliora sibi comparent, suam stationem deserunt. Sic enim per Prophetam Iudæos Dominus obiurgat,

Iesa. 30.

iurgat, quòd præsentibus opibus, quitus eos acquiescere ipse iusserat, diffisi, interdita Aegypti subsidia sibi accerferent: Væ, inquit, filij desertores, vt agitaretis consilium, & non ex me: vt ordiremini telam, & non per Spiritum meum: vt adderetis peccatum peccato: qui vos accingitis, vt descendatis in Aegyptum, & os meum non interrogastis: sperantes auxilium in fortitudine Pharaonis, & fiduciam ponentes in vmbra Aegypti. Et erit vobis fortitudo Pharaonis in confusionem: & fiducia vmbra Aegypti in ignominiam. Cùm verò tanta in eos asperitate feratur, quid indulgentius mitiusve expectent isti, qui indignè ferentes, frementésque omnium sese odijs, omnibusque periculis Dei voluntate obiectari: ea valere iussa, nouas sibi illicitasque cautiones suo Marte confingunt? Neque verò ignoro, quanto suauius carnis nostra mollitudini blandiantur suffugia, quæ periculum aliquod submouere videantur: quàm simplex ista erga Dei verbum obedientia, cui tantum discriminum sit propositum. Verùm nulla est tanta difficultas, quàm non elucetetur, qui hac se cogitatione affirmauerit: non posse grauius quicquam minari vniuersum hominum genus, quàm quod castrorum suorum desertoritus, in illa quam re: ulimus prophetia, Dominus denuntiat. Non minimum operapretium fuerit hic nobis succurrere, quod de Cypriano, quodam loco narrat Augustinus. Postquam capite damnatus fuisset, datam illi optionem redimendæ vitæ, si verbo duntaxat abnegaret eam religionem, cuius causamortem obibat: nec illi factam modò potestatem, sed vbi iam in supplicij locum ventum esset, ambiriose rogatum à Prouinciæ præside, vt deliberaret, an non vitæ suæ (quoniam ita licebat per Caesarum clementiam) consultum mallet, quàm pœnam luere ineptæ peruicaciæ. Illum contrà breuiter ad omnia respondisse: In re tam sancta nullum esse deliberationi locum. Si quis sanctum virum, cùm in conspectu essent tormentorum apparatus, instaret atroci truculentoque vultu carnifex, ceruicibus iam iam immineret ictus gladij, dixit vndique insanientis populi mixtae probris imprecationes obstreperent, terriculamentis illis omnibus non fuisse deiectum miratur, quominus sese velut deuotam aræ victimam in cruciatum alacriter daret, iure id quidem facit: sed simul cogitet, ipsum vna hac cogitatione infractam illam animi magnitudinem ad extremum sustentasse: quòd cum mentem in Dei mandatum, quo ad pietatis confessionem vocabatur, cogitationemque defixam penitus haberet, simul à talibus spectaculis, quorum terrore vacillare poterat, totam auerteat. Vocem ergo edidit ad omnem quidem immortalitatem consecrandam, sed non laudem magis quàm imitatione dignam. Ita est sane. Quæcunque sese nobis ingerat vel boni, vel commodi species, quæ nos vel latum vnguem à Patris nostri coelestis obedientia subducatur, confestim occurrere primæ deliberationi nos decet: quòd res adeò sancta, quàm nobis sanctum esse debet quaecunque Dei mandatum, non extra omnem modò controuersiam, sed deliberationem quoque posita sit. Cùm enim primum deliberare nobis permittimus, iam fines eo ipso transilimus: quibus refractis, nimirum procul euagari, longiusque aberrare, perquam procliuè est. Hæc contra communem omnium nostrorum timiditatem, non absque causa, antequam adibi respondendum aggrederer, prefari libuit: quòd videam eius (vt ita dicam) lipitudine magis animos nostros impediri, ne verum hac in parte cernant, quàm alia quauis ignoratione. Ac longius fortasse id quidem feci, quàm res ferebat ipsa: at certè breuius etiam, quàm huius postulent seculi mores: quando plurimos hodie vi

deo, qui nisi obiurgatoriè asperèque ad sanguinem penè usque vellicentur, ad omnem doctrinam obsurdescunt. Iam istud quoque nostrum æquè ac seculorum omnium vitium est, tam vastras esse, amabiles, captiosas, speciosasque prætextas nominibus, ad illudendum unumquemque, carnis suæ illecebras, ut illam arcere à consiliis nostris, abigerèque, primus sit sapiendi gradus. Neque verò adèd ingenio tuo diffido, ut tantum in exhortando verborum positurus fuerim, si tui unius hinc rationem ducerem. Satis enim superque tam placidæ mansuetæque docilitati fuerit (quantam esse tuam permultis iam dudum argumentis sum expertus) simpliciter admoni: à ac edoclam esse. Verum dum postulatis tuis priuatim satisfacere instituo: quia tamen eius generis res est, de qua interrogas, in qua & periculose & vulgò peccatur, non frustra, nec sine fructu aliquo facturum me existimaui, si eadem simul opera compluribus me docendis accommodarem, qui in eodem versantur errore: ut si qui forte eorum in hanc Epistolam inciderint (ego autem omnes incidere non modo facile patiar, sed etiam vehementer cupiam) sibi quoque scriptam putent: & si quidem auscultare volent, habeant quam sequantur officij sui admonitionem: sin minus, testimonium saltem aduersum se accipiant, quo conuincantur, scientes prudentes, ac etiam volentes in exitium suum perrexisse.

Luc. 9.

Principiò in id nos, velut defixis oculis semper intueri conuenit, quod discipulis suis omnibus proponit Christus, dum primo eos scholæ suæ tyrocinio initiat. Nam ubi à sui ipsorum abnegatione crucisque tolerantiâ auspicari eos docuit, simul & hoc subiicit: Qui me & meos sermones erubuerit coram hominibus, hunc Filius hominis erubescet, cum venerit in maiestate sua, & Patris, & sanctorum Angelorum. Hoc ergo nobis à Christo Domino, cum in eius familiam primùm adscribimur, edici meminimus: hoc perpetuum esse edictum, in omnem vitam ijs promulgatum, qui in eius regno censi volunt: ut si vera cordis pietate, eius amplexi sunt doctrinam, eam ipsam cordis pietatem externa professione declarent. Et sanè, quanta fuerit improbitas, eum nolle inter homines profiteri, à quo se coram Angelis agnoscere velint: & quam sibi in cælo constare velint Dei veritatè, in terra abnegare? Quare, non est quod callida dissimulatione iam hinc sibi quicquam placeat, aut falsa pietatis opinione blandiatur, eam se fouere in corde fingens, quam externis testificationibus prorsus euertat. Vera enim pietas, veram confessionem parit. Nec vanum haberi debet quod ait Paulus: Quemadmodum corde ad iustitiam creditur, ita ore fieri confessionem ad salutem. Denique suos ad confessionem vocat Dominus: quam qui detrecant, alium sibi magistrum querant oportere: quando ab eo ferri cum sua simulatione non possunt. Querat hinc quispiam: Nun igitur qui inter impiam ac superstitiosam multitudinem pauci ac dispersi viuunt fideles, iis, quò fidem suam rite testificentur, necesse sit opportunè, importunè, publicè simul ac priuatim in suorum popularium impietatem vociferari? ad prædicandam Dei veritatem plateas occupare? suggestus conscendere? conciones aduocare? Minime id vero. quin potius cum peculiariter ad verbi sui ministerium accersat Dominus siue Apostolos, siue Prophetas, siue nuntios, seu quo alio nomine appellare libet, quorum voces publicè personare velit: idem ab omnibus passim tentari adèd necesse non est, ut nec omnino expediat, ac ne deceat quidem. Quamobrem hoc agendum magis, ut singuli quid vocationi suæ, suoque ordini conueniat, pro se quisque cogitent: cui si optimè respondeant, quod officij sui

Rom. 9.

est

est præstabunt etiam optimè. Quos verbi sui ministerio Dominus destinat, ijs veluti publicam personam imponit, ut eorum vox in luce versetur, & super tecta, ac tanquam tubæ clangor exaltetur. Ceteris sic à publico Apostolorum munere abstinendum est, ut priuata tamen vitæ officijs, Christianos se esse profiteantur. Hoc quia tanta breuitate commodè explicari non potest, quale sit, pluribus differamus. At verò illam, quam ad certos homines peculiariter reticimus, publicæ professionis functionem omitemus in præsens: de qua erit fortè alias opportunior docendi locus: tantum quod peræquè ad vnumquemque è populo pertineat, inquiremus, qualem scilicet confessionem exigat à suis Dominus, qui inter impios sparsi palatique degant eo in loco, vnde veræ religionis disciplina exulet: tum qualibus in externa vitæ actione notis eos ad idololatrarum turba, cui permixti sunt, differre velit. Neque rursus animus est cerè definire, quādo, & apud quos, & quo loco, & quā apertum fidei suæ testimonium sit editurus homo Christianus: nec limitare, quatenus progredi debeat, vel vbi consistere possit citra offensam, quoties propaganda Dei gloriæ oblata occasio, aut spes quoquomodo proficiendi facta fuerit. Quæ disputatio, præter id quod propè immensa foret, etiam ab hoc docendi genere non nihil est aliena: quòd certis regulis includi comprehendique nequeat. Neque enim illi, quā à nobis requirit Petrus, promptitudini fines præscribere facilè est, cum vult nos paratos esse ad respondendum cuilibet poscenti, ut loquamur de ea quæ in nobis est, spe: nec item ingenti illi celebrandæ nominis Dei, regni quæ eius magnificentiæ studio, quo exultantem æstuantemque Dei populum inducunt Propheta, cum ita loquentem faciunt: Venite, ascendamus in montem Domini, ad domum Dei Iacob: & docebit nos de vijs suis, & ambulabimus in semitis eius. Quibus verbis (ut videmus) inest penè clamosa ad appetendam Dei cognitionem cohortatio. Iam verò tot Pauli de sceleranda edificatione præcepta quā latè pateant, quis non videt? ut nullam certiore legem expectare debeant, qui vera erga Deum suum pietate sunt affecti, quā ut sanctam eius maiestatem (cui totos esse consecratos ac deuotos ipsos decet) quacunque licebit commodaratione illustrent: non alium sibi finem modumve eius illustrandæ præstituant, quā ut omnibus occasionum articulis immineant, omniæque (ut ita dicam) continenter capient momenta, quādiu aliquid se posse efficere confident. Alius quidem alio & præstantius, & fortius, & cōstantius: omnes tamen huc singuli, secundum gratiæ suæ modum, simul contendant. Quare, ut diximus, in illam ad id fufam disputationem expatiari, non est huius loci proprium: quo non vniuersum completi propositum est, quantum vel Domini gloriæ, vel edificationi hominum debeas, sed duntaxat breuiter ostendere, quæ tibi istic inter impios agenti, necesseariò tenenda sit cautio: & quā pratermittere, quin te profanis illorum sacrilegijs inquines, non possis.

Iesa. 2.
Mich. 4.

Ac quoniam quicquid de hac re Scripturis traditum est, eorum præsertim causa præceptum fuisse videtur, qui inter gentes Dei ignorantes versarentur, plurimum autem inter illarum idololatriam, & eorum, quibuscum hodie nobis negotium est, superstitionē interesse vulgò existimant, (quod iac Dei & Christi nomine quodammodo obrecta, fucum facit: illa paulò crassiore ignorantia summi Dei cultum palam aspernabatur) nos, illa prius proponemus, quæ in Scripturis extant præcepta: deinde oculos ad nostra tempora referemus, & ex rerum similitudine,

- quid ad nos pertineant, dispiciemus. Quanquam non video cur aeterna Dei mandata ita vnius seculi spatio terminemus: sed hunc ordinem imperitis, ne quis in eorum animis scrupulus resideat, concedemus. Cum lege sua Dominus idola coli aut adorari vetuit, hoc capite totum illum externum cultum complexus est, quem deferre suis idolis impij solent. Nam & verbis, quibus usus est, ea inest proprietates: quorum alterum incuruari, alterum honorare significat. & eam adorationis speciem notatam esse constat, qua lignea lapideave simulacra corporis gestu coluntur. Hac itaque interdictio est, non qua simpliciter populum suum Dominus prohibeat in ligno aut lapide, gentium instar, obstupescere. sed vlllo modo profanam earum stoliditatem imitari, coram simulacris sese honoris causa prosternendo, aut aliam quamuis observantiae significationem dando, qualem dare, aut nudato capite, aut genu flexo nobis in more est. Qua ratione vbi puros sui cultores describit, ab hac eos nota designat, Servabo, inquit, mihi septem millia virorum. Quid? an quorum corda non sunt vanitate ac medicis Baal infatuata? non id modo: sed quorum genua non sunt curvata ante Baal, & quorum ora non sunt osculata manum eius. Eodemque alibi symbolo, cum agnoscendam omnibus & coelestibus & terrestribus, & infernis, suam maiestatem affirmat, agnitionem ipsam exprimit:
- Iesa. 45. Mihi, inquit, curvabitur omne genu, & omnis lingua in nomine meo iurabit. Quo contra efficitur, simulacrum ab ijs Dei religione consecrari, qui vlllo corporis gestu, eius cultum significant. Neque ad eorum convincendam pravaricationem interest, qua id simulatione, vel sinceritate faciant. Idolum enim quicumque est aliqua venerationis specie proscutus, utcumque sit animo persuasus, Deum esse confessus est. Diuinitatis vero nomen idolo qui tribuit, Deo sustulit. Itaque tres illi Danielis comites, quanti eiusmodi foret simulatio, docuerunt: quibus corpus ac censi foruacis flammis crudeliter absorbendum tradere, leuius visum est, quam paululum inflexis coram statua poplitibus, Regis oculis satisfacere. Quorum aut nos infaniam rideamus, quod nullam adeo ob causam potentissimi Regis iracundiam in se, magno capitis sui discrimine, inflamarint: vel exemplo discamus, externae quoque susceptaeque in hominum gratiam idololatriae grauius omni morte subesse piaculum. Quare, cum e duobus eligendum esset alterum, aut ut excusso Dei timore, scelerato edicto obsequerentur: aut homines se pro Deo contemnere palam declararent, notum esse Regi voluerunt, quod eius non colerent deos, nec quam erexit rat statuam, adorarent. Parem etiam Danielis ipsius in causa perquam simili constantiam, quicumque sit ille scriptor, qui ad eius prophetiam appendicem adiecit, commemorat: cum maluisse narrat leonum vnguibus se discerpendum permittere, quam ad draconis cultum, qui pro Deo a ceteris colebatur, genu submittere. At quoniam non omnibus fidem facit historia, ex ea fidem dictis meis conciliare supersedeo. Porro ne qui ab adorandis statujs caput duntaxat, aut genu abstinuisset, ideo se perfundum existimaret, plurima addidit praecepta Dominus de ceremonijs suis sancte custodiendis, de vijs Gentium in totum fugiendis. Apud Prophetam autem vno verbo pronuntiavit, quam procul ab omni impietatis communicatione abesse populum suum vellet, cum Iudaeis Babylonem deportatis omnino interdixit, immundum ne attingerent. Qua clausula (vt Paulus interpretatur) summam comprehendit, ne qua religionis suae sanctitate aliena indignaque ceremonia se contaminarent. Nam Corinthiorum Ecclesia de ea re praecipies,
- ad

ad colligendam totius suæ sententiæ summam, hoc testimonio contentus fuit. Non est istud, mihi crede leuiter, nec oscitanter prætereundum: sacrosanciam Dei religionem rite eos solos conseruare, qui nullis ipsam peruersarum superstitionum inquinamentis profanent. Eandem illos violare, polluere, lacerare, qui impuris ipsam impiisque ritibus misceant. Qua cogitatione qui se exercebant fideles, tali sacrilegio ne quando se obstringant, omni studio providebunt. In eum modum Abraham, Isaac, caterique Patriarchæ, cum regionum essent earum inquilini, quæ idolorum abominationibus refertæ essent, quanquam non sine gemitu spectabant hospitem suorum insanias, quia tamen mederi non poterant, ferebant quidem eas, sed se in puro illibatoque Dei sui cultu sollicitè continebant. Atque ut ab eorum superstitionibus se dissidere, publicè non proclamabant: ita nec ullam dabant significationem, qua se consentire simularent. Huius simplicitatis insigne extitit in Daniele documētum. nam quamuis Babylone in medijs idololatriæ sordibus versaretur, quia tamen ab omni procul aberat communicationis simulatione, perinde ac si longo intervallo disjunctus esset, maculam nullam contraherebat: quoniam autem in confesso populi veræ pietati videbat non fore locum, ab eius conspectu subductus, obductus cœnaculi foribus, Deum suum, qua decebat puritate, seorsum colebat: ita in publico urbis ac gentis errore, à via ipse non deflecebat. Huc & illa Iudæis in Lege præcepta observatio spectabat, ut ne aurum vel argentum è gentium sculptilibus appetere, ac inferrent in domos suas: sed quasi spurcitiam & sordes abominarentur, quod Domini forent anathemata. Sic enim ad detestandum id omne, execrandumque quicquid idoli nomine semel inlustrum fuisset, eos instituebat: quod ab omni Gentilium superstitionum immunditie animosius abhorrerent.

Dani. 6.

Quod si tanta externæ professionis synceritate religionem suam, obscuram adhuc, & figuris duntaxat adumbratam, sub veteri Testamento coluit Deus: quanto id Christianæ Ecclesiæ verius fuerit præstandum: cui ipse per unigenitum Filium dum apparuit, sapientiæ suæ mysteria latè reserauit, & toto veluti ambitu veritatem suam illucere fecit? Idque ipsum Apostolorum doctrina confirmare promptum est: nam argumētum, quo Paulus aduersus fornicationem utitur, quando huius quoque loci propriam habet rationem, huc accommodare minimè absurdum erit: Nescitis, inquit, corpora vestra, membra esse Christi? Tollens ergo membra Christi, faciam membra meretricis? Absit. Sic & ad eandem nobis formam ratiocinari licet: Membra nostra cum Christi membra sint, idolorum cultu vel immundis superstitionibus sedabimus? at quid hoc fuerit, nisi vel Christi gloriæ tali subicere ignominia: vel corpus nostrum à Christi corpore abscindere, ut cū idolis fornicetur? Quam verò demum præceptionē subijcit, ad omnem externam moderationem generalis est: ut corpus nostrum meminerimus templum esse Spiritus Sancti: nos non esse nostros: emptos enim esse pretio magno, idcirco portandum & glorificandam Deum in corpore nostro. Ecquid elucebit in corpore nostro. Dei gloria, si inter sacrilegiorum sordes prouoluatur? Ecquid sacra templi Dei sanctitas conseruabitur, si alienis profanisque ritibus polluitur? Verum, si qua alia in parte vehemens est ad officium cohortator Paulus, in hac maxime causa vehementiæ suæ neruos omnes contendit, dum Christianos admonet, ne quid in hominum oculis fidei suæ confessione indignum, prauas ceremonias usurpando, præferant. Duabus au

1. Cor. 6.

tem propositis noxiis, Dei inhonoratione, & hominum offensione, quas secum ferat omnis idolatriæ simulatio, vel quacunque ratione suscepta imitatio, ab ea nos longissimè absterret. De diuini nominis ac honoris profanatione, hæc eius verba sunt: *Charissimi, fugite ab idolorum cultu* (sub Cultus nomine, exteriores omnes ritus collegisse, qui impiorum sacris adhibeantur, iam ex sequentibus manifestum erit) *ut prudentibus loquor: vos ipsi iudicate quod dico. Calix benedictionis cui benedicimus, nonne communicatio sanguinis Christi est? & panis quem frangimus, nonne communicatio corporis Domini est? Ergo vnus panis & vnum corpus multi sumus, omnes qui de vno pane participamus. Videte Israel secundum carnem. Nonne qui edunt hostias, participes sunt altaris? Quid ergo? Dico quòd idolis immolatum sit aliquid? aut quòd idolum sit aliquid? Sed quòd quæ gentes immolant, demonijs immolant, & non Deo. Nolo autem vos participes fieri demoniorum. Non potestis calicem Domini bibere, & calicem demoniorum. Non potestis mensa Domini participare, & mensa demoniorum. Initio in memoriam illis reuocat, quàm propinqua sit istæ illis cum Christo Domino societas, corporis & sanguinis ipsius participes fieri, ut quanto eos propius illi adiunxerit, tanto ab omni idolorum participatione longius abstrahat. Externa autem sacramenta quadam quasi vincula esse, quibus cum Domino cohæreant: id ipsum igitur illis è conuerso accidere, qui immundis ceremonijs se admiscant, ut per eas idolorum societati se innectant atque inserant. Deinde omnem tergiversationem præcidit, cum eorum obiecta occupat, qui prætereundum possent, idolum nihil esse: idcirco carnem idolis immolatam, nihil à vulgari carne differre. Quod illis, quantum ad carnis ipsius substantiam, cōcedit: sed aliam esse hominum opinione excipit, quorū iudicium in factis nostris spectari debeat, quæ ipsorum oculis subiiciuntur. Eos autem qui carne idolis immolata vescantur, argumentum imperitorum errori præbere, unde iudicent, eo modo idolis ipsos sacrificare, sic in hominum conspectu Deum inhonorari. Iam & asseriorem sententiam postea subiicit, tantum esse inter Christi & demoniorum mensam dissidium, ut altera se abdicet, qui delibet quicquam ex altera. Hac demum clausula exhortationem suam absoluit. Num prouocamus Dominum? Num forciores illo sumus? Cuius anta vis est, ut magis acriter, ac magis penè dixerim traguè, exagitare sceleratum vllum facinus non potuerit, quàm illam exagitaui superstitionum fictionem: quæ vix pro leuissima culpa hodie à multis ducitur. Alibi: Nolite iugum ducere cum infidelibus. Quæ enim participatio iustitiæ cum iniquitate? aut quæ pars fidei cum infidei? Quæ societas luci cum tenebris? Quæ concordia Christi cum Belial? Quis porro consensus templo Dei cum idolis? Vos enim estis templum Dei, sicut dicit: Quoniam inhabitabo in illis, & inter eos inambulabo, & ero illorum Deus, & erunt mihi populus. Non vult vsque eò Christianos ab omni infidelium necessitudine abhorreere, ut nulli inter eos intercedant ciuiles contractus, nulla commercia, nulla denique colloquia. Nam alio-*

1. Cor. 6. qui, ut ipse ait, exeundum esset ex hoc mundo: sed nullam coire societatem permittit, quæ horum imitandis superstitionibus fideles irretiat. Post Iesaiæ subneclit testimonium: Propter quod exite de medio eorum, & separamini, dixit Dominus, & immundum ne tetigeritis. Quoniam ab incredulorum corporibus, locorum spatijs procul esse disitos, sed à pollutis eorū sacris longè diremptos esse iubet. Quod verò Prophetæ verbus, siue de suo, siue aliunde attexuit Paulus, quòd

tum sit recepturus nos Dominus, & patrem nobis præstaturus, nõsque agnitus in filios & filias, valde percellere nos debet, ne si contrà quàm præcipit, immundorũ atrectatione nõ prorsus abstinuerimus, abijci ab ipso repudiarique mereamur. Proximi offensionem cum aliàs sæpe, tum in priore ad Corinthios Epistola abundè tractat, ad hunc modum: De epulis quæ idolis immolantur, scimus quòd idolum nihil est, & quòd nullus est nisi vnus Deus: nam tametsi multi nominantur, siue in cælo, siue in terra, dii, nobis tamen vnus Deus Pater, ex quo omnia, & nos in illo: & vnus Dominus Iesus Christus, per quem omnia, & nos per ipsum: sed non est in omnibus scientia. Hic etiam ab anticipatione exorditur, quæ eos qui interioris conscientia innocentiam obtendendo cauillantur, talibus subterfugijs exclusos, ad hominum opinionem reuocat: quos factorum suorum testes dum adhibent, ad eadem audenda exemplo suo inuitant. Audent verò, non quia licere intelligant, sed quòd authorẽ vident quẽ imitentur: tametsi ex aduerso hæsitante, imò reclamante conscientia iudicio. Ac vide, quàm seuerè hac vna exceptione omnes tergiversandi ansas circuncidat. Idololatria speciem quandam & simulationem habebat ille ad sacrum idolorum epulum accubitus: accumbebant nihilominus ex fidelibus quidam, hoc prætextu, quòd puras & sanctas Dei creaturas edere: quæ etiam si millies idolis essent consecratæ, contaminari tamen sacrilega huiusmodi consecratione non possent: quandoquidem nihil sit idolum, nisi vanum indoctorum figmentum. Facilem hunc prætextum quò illi tollat Apostolus, illam nimium versutam prudentiam, quæ præteritis neglectisque fratribus, sibi duntaxat saperent, acerbè castigat: Scientia, inquit, inflat, charitas ædificat. Siquis autem existimat se scire aliquid, nondum quicquam intelligit, qualiter nosse oportet. Ac simulacrum quidem nihil esse concedit: sed contrà obijcit, aliquid esse simulacrorũ cultum: cuius obeundi indoctis ipsi authores essent. Non est, inquit, in omnibus scientia. Quidam verò cum idoli conscientia, quasi simulacris consecratum manducant, & conscientia ipsorum cum sit infirma, polluitur. Siquis eum viderit, qui scientiam habet, in simulacrorum epulo recubentem, nõne conscientia eius, cum sit incertus, ædificabitur ad manducandum? & peribit infirmus in tua conscientia frater, propter quem Christus mortuus est? Sic autem peccantes in fratres, & vulnerantes infirmas eorum conscientias, in Christum delinquitis. Ac si diceret: Quòd omnes gentium de dijs suis persuasiones, vana esse ac friuola commenta (vt re vera sunt) ducitis, vobis id solis sapere est: quod præ vobis palàm fertis, ad falorum deorum cultum quod pertinere videri possit, id verò facitis multorum periculo. Nam qui eiusmodi spectaculo rudes adsunt, & simplices, cum nondum vestram illam prudentiam sint affecuti, quæ intelligant idola nihil esse, vos autem idolorum sacris communicare videant: quid concipere aliud animo possunt, nisi vos idolorum esse cultores, ac proinde vestro exemplo confirmari ad id perpetrandum, quod conscientia sua iudice damnatum habeant? Quare illam, quam obtenditis, prudentiam nihil moror: quæ vt capciosa est fratribus, errandique materiam præbet, ita indigna est hominibus Christianis. Quin illa quæ ab indoctis ad imitationem vestram committitur impietas, quando vestra culpa contrahitur, vobis præstanda est. Iam ergo satis perspicuum est, tametsi publico profitendæ religionis munere non omnes pariter Christiani defungi necesse habeant, esse tamen priuatam quandam confessionem, quæ à singulis, citra exceptionem postuletur: quæ intra quos

consistere fines debeat, nullo modo definire licet. Propterea quod nec eadem omnes ad ipsam edendam gratia præditi sunt, & eius ratio bona ex parte ab occasionibus pendet, quæ non omnibus similes obueniunt: catenus certè progredi debet, ne quid fidei veritate indignum, ne quid religionis nostræ integritate alienum, à nobis vel dicatur, vel fiat. Eius confessionis exempla, quantum coniungere partim ex Apostolorum scriptis, partim ex vetustis historijs possumus, in primis illis bene institutis ac moratis Ecclesijs præclarè elucebant. Nam ut non leguntur eius seculi fideles, in vijs ac locis publicis de sua religione declamitasse: ut etiam Christianos se esse dissimulasse coram ijs, quibus euulgari periculosum esset, leguntur: ita non minore studio rursus observabāt, ne vel aduersus suā religionē quicquā designarent vel alios simularēt se esse quàm Christianos. Et sanè quo numero habeat Dominus eos, qui fidē omni cōfessione vacuam intus continent, animaduertere ex elogio licet, quo ab Euāgelista describuntur: Multi, inquit, ex principibus crediderunt in eum, sed propter Phariseos non confitebantur, ne eijcerentur è synagoga. Dilexerunt enim magis gloriam hominum, quàm gloriam Dei. O exitialem gloriæ appetentiam! Nam si ab hominum probrius auspicanda est gloria, quam apud Deum expectamus, quid ijs futurum est, qui hominum se quàm Dei iudicio approbare malunt? Et si Domini sententia pronuntiatum est, eos in futurum seculum animam suam perdere, qui in hoc saluam habere velint: quanto id in gloriam cadit aptius, cuius longè sit facilius quàm vitæ iactura? Porro si ab ijs se velle sanctificari declarauit, quibus se in sanctificationem pollicetur futurum: quid de se sperare audent, qui eius non tanti dignantur sanctificationem, quam vel mediocri opinionis suæ imminutione redimant? Quod verò de hac confessione ad præsentem locum propriè attinet, sit extra controuersiam istud positum, quod minimè dubijs verbi Dei testimonijs luculenter euictum est: non oris modò abiuratione violari ipsam ac labefactari, sed externa quoque omni impiarum superstitionum simulatione: ac quauis veræ religionis profanatione. Quamobrem eum qui syneero pietatis studio afficiatur, non linguam modò ab impijs vocibus, sed partes omnes corporis, à sacrilego omni ritu continentes habere oportet.

Ioan. 12.

Matt. 10.

Luc. 9.

Iere. 14.

Iesa. 8.

Verum quoniam permulti (ut supra commemorauimus) qui Christianam pietatem, si ullis idolorum abominationibus commisceatur, dissipari atque euertere nihilo minus quàm nos fatentur, à Papistis tamen sacris (sacrilegis quidem illis & profanis, sed quæ ut aiunt, Dei, non idolorum titulum præferunt) non perinde hodie nobis abhorrendum censent: refellendus est hoc loco nobis eorum error, & quod polliciti sumus, ex rerum præsentium collatione, cum eorum temporum statu, quibus, illa quæ ex diuinis Literis protulimus, scribantur, ostendendum, non minus esse in ceremonijs quibusdam Papistis anathematis, quàm in ullis vnquam idolorum abominationibus. Ac de ea quidem, quam causantur, discriminis ratione, postea viderimus: hoc modo inter nos, quod dico, prius constiterit, nullum vnquam ingentium superstitionibus magis execrabile extitisse sacrilegium, & quod veram pietatem vel opprimeret grauius, vel contumeliosius afficeret, quàm sunt hodie nonnulla quæ passim in regno Papæ visuntur. Quanquam autem, si aliquando dederit Dominus ut ad plenum repurgentur Ecclesiæ, quas præstigiarius ille antistes suis imposturis corripuit, non alia melior futura sit moderationis ratio, quàm ut à radice euellantur vniuersa, & vna (ut dicitur)

litura

litura corrigantur, quæ ex eius disciplina prodierunt. Non tamen sunt eiusmodi ex ijs quadam, quin tu ea ad tempus tolerare, atque vnâ cum alijs citra piaculum aliquod exequi possis. Verum enim prudentia hîc & diligenti animaduersione opus est, quæ quæ eius notæ sunt & formæ, discernere ab ijs noueris, quæ cum Dei verbo non obscure pugnant, & velut impressam in fronte gerunt manifestam impietatem. Quod totum, exempla & sub oculos subijcient melius, & breuius expedient. Carnium esum religionis nomine interdiceret, hocque interdicto fidelium obligare conscientias, planè tyrannicum, atque etiam (vt Apostolus loquitur) ^{1. Tim. 4.} abolicum fuit. At cum sit istud Domini permissu tibi in medio relictum, vescaris ne omnidie carnibus, an in totam vitam abstineas, illis diebus quin te abstineas, nihil prohibet. Cur enim non interdum liceat, quod semper liberum est? Ita scelerato imperio ipse absque scelere parebis, animus sit tibi modò, rudium ignorantia in hoc concedere, non etiam animam in illos traditionum laqueos tuam inferere. Arcere coniugio eos, qui carnis incontinentia exagitantur, ex eodem est tyrannidis genere: nec tamen eadem tibi parendi fuerit facultas, siquidem illo ardoris aculeo pungeris, quòd non vt carnum, ita vxoris abstinentiam libertati tuæ permiserit Dominus. Hunc, quem in ceremonijs vestratibus, quarum causa hæc instituta est disputatio, pro eo tempore, quo istic tibi viuendum est semper intuearis, scopum tibi propono: vt quæ nulla sunt impietate notabiles, ijs sobriè quidem & parcè, sed tamen cum vsus postulabit, liberè, securèque defungaris: faciè, vt appareat, nullam esse tuam nec in affectando, nec in refugiendo superstitionem. Quæ vel minima sacrilegiij nota sunt aspersæ, eas non magis quàm venenatū serpentem attingas: esse enim reuera quouis serpente, solo attactu pestilentiores, quin tibi sim probaturus, nihil diffido. Earum verò in numero, simulacrorum venerationem, vñctionis susceptionem, indulgentiarum emptionem, irrigationem ex aqua execrandis illis exorcismis incantata, similèsq; alios per se damnabiles ritus repono. Quid enim tandem afferri queat, quod in eorum omnium excusationem satis valeat, quo minus tanti à nobis maleficiij damnari debeant? Scio enim quosdam esse moderatores, quibus ad exagitandas leues istas (vt credi volunt) & nihili nugas, videmur nimium asperiri: sed quid illi, inquam, ad diluendam nimiam hanc nostram (quando ita vocari placet) acerbiteratem tandem afferunt? Negare certè non audebunt vbicunque ad cultum prostāt in templis simulacra, maximam & propè vniuersam hominum multitudinem diuinis ipsa honoribus prosequi: ac in eo in secūdum Legis præceptum, quod est de non colendis idolis, impingere. Non stolidum hominum vulgus, sed prudentissimos quosque, & summus ingenij doctrinæque dotibus præditos, hoc errore captos inuolutosque esse dico: ad ipsorum te opinionem (quod Apostolus fieri, vt meministi, iubet) te reuoco. Si, quò illis testatum facias, religione te ab ipsis non discrepare caput coram simulacro de regis, aut genu curuas: quid aliud quàm disertâ testificatione idololatram te esse profiteris? At vt vt simulacro te honorem deferre hominibus fingas, Dei tamen vnus cultum cogitatione complecteris. Quasi verò tuum sit honorem, ad arbitrij tui modum inter simulacrum & Deum viuere: em partiri: Deoque omnia intuen: i perinde palam illudere, ac si eius oculos, quod omnium hominum perspiciunt oculi, præteriret. De Chrismate quid dicam aliud? in quo suscipiendo si te nihil peccare defendis, quòd hominum iniquitati vt satisfacias, membra dumtaxat inungi, nulla con-

Mich.3.

scientia religione patiaris: ego contra, graviter te delinquere arguo, qui vel frontem afferas, in quam inscribatur, quæ in sua Confirmatione ab illis usurpatur blasphemias, te salutis Chrismate confirmari: vel manus porrigas, in quibus illa insculpatur, qua sacerdotes suos peragunt, sacrificandi te potestate donatum: vel omnes corporis partes exhibeas non minori execratione inurendas, qua in extrema (quam vocant) unctione utuntur, per oleum tibi remitti peccata. Quod quidem vel leue, vel nullum delictum esse tibi concedam, nisi tua ipsius confessione obtinueris, rem esse plusquam indignam, quæ ad incorruptionem regni Dei destinata sint corpora, tanta blasphemiarum fœditate cōspurcari, quam in conspectum Domini afferant, quo die ad recipiendam immortalem gloriæ coronam eius tribunali sistantur. Sic qui in arculam stipem coniecerit, ubi venales prostent veniæ, aut quicquam omnino ex illo plus satis fœcundo ac liberali indulgentiarum dispensationumque thesauro sibi redemerit, in nefandas illas nundinationes nomen inscripsit suum, ac in eas consentire se, velut data tessera comprobavit. Neque illam, quæ vulgò iactatur, excusationē accipio: non secus ac iniecta offa malefica beluæ compeſcuntur, ita vel pauculis nummis, vel etiam largiore interdum nummorum copia deliniendam esse sacrificulorum rabiem: qui cum de lucro agitur, sic prædæ inhiāt, quovis ut famelico leone sint rabidiores, prælium (quem morem pseudoprophetis ac pseudosacerdotibus semper fuisse, testis est Propheta) super vnumquemque sanctificantes, qui non illis aliquid in os dederit. Hanc, inquam, accipiendam esse excusationem nego. Quid enim diplomata illa, quorum te gratiam appetere simulas? An non edita voce clamant, ut nummis relictis, plenas anathemate, atque omni execratione dignas indulgentias tibi auferas? Hoc qui intelligunt (nemo autem non intelligit) ac nummum te offerre vident (videri autem nisi cuperes, non faceres) num parum luculentam habent abs te testificationem, indulgentiarum participatione velle te uti frui? Atqui earum latebras si excusseris, nusquam prolixius quam illic, Christum cum sua cruce irrideri comperies. Aqua denique illa, diaboli-
cis exorcismis consecrata, frontem qui aspergunt, quam omnino frontem habent, ut impune id li. ere contendere ausint? Quid enim tali sibi aspersione volunt? an ut putida aqua guttula faciem in publico emaculent? an ita in celebri hominum cœtu sine causa lascivie ludunt? Neutrum istorum est, nec quicquam simile. Verum spectantem populum eo symbolo attestantur, exorcismi sanctitatem se contemptui non habere. Quos simul haud dubie omnes, quæ ab exorcismis euomuntur, blasphemias obſignant: virtutem illi aquula infusam esse, qua demones pellat, curet morbos, abigat phantasmata, noxas omnes dissolvat. Ac ne calumniose me criminari sua facta queri possint, quæ procul absint ab ea, quam illis affingo, impietate, eorum conscientiam semper appello, cuiusmodi ritibus dum perfunguntur, an aliquid minus, quam quod reprehendo, populo persuadere velint? Illum igitur ipsum populum, cuius satisfacere iudicio hinc student, illis iudicem fero: è quo nemo erit, qui non pronuntiet, idem sibi videri. Iniquum si esse dicant, ad hanc se exigi regulam: cum Apostolo, cuius istac est severitas, non mecum, expostulent.

Video nullum fore, nec mihi dicendi exitum, nec hys finem tergiversandi, qui repugnare velint: nisi certa una in re constiterimus, in qua planius ac penitus evidenter, id quod docere volumus, perspicui possit. Sit igitur Missa nobis exempli loco, in quam nisi plusquam iusto iure conferri possit, quicquid de idololatria vel

vel Scripturis traditur: vel dici potest, quo minus ceremonijs istis omnibus, à quibus tantopere fugiendum censeo, velut rebus medijs indifferenter al' utaris, causam non dico. Ipsam autem eligere ex omnibus potissimum libet: quòd vna præ omnibus vsque adeò sancta obseruatione colitur, vt cū in alijs prætereūdis hominum fallere animaduersionem quoquomodo liceat, hac te eximere, quin multorum oculis obseruēris, haud facile queas. Quo fit, vt in cæteris quantum insit mali qui videant, ac illis se ideo abstineant, satis multi reperiantur: qui verò fateantur, quanta scateat abominatione Missæ cultus, vel ab eo sese planè extricare ausingant, per paucos offendas: siue terrore obcæcati, verum non cernunt, siue animi deiectione magis & langore, quàm mentis errore labuntur. Quamobrem sic existimo, totam præsentem causam solo hoc capite quodammodo contineri, hac vt hallucinatione discussa, qua maxime perstringuntur, de reliquis partibus, in quibus non ita grauitè cecutiunt, vltro mihi sint omnes concessuri. Omnes, intelligo tui similes, qui sancto Dei verbo parère auscultarèque didicerint: quales, vt sum præfatus, tecum hîc docendos suscipio. Quale ergo sit istud, ne sacro sanctis Missæ maiestas ludibrio tibi despectuique esse videatur, eius peragendis mysterijs interesse, atque adorantis ritu inter eorum cultores stare, paululum perpendamus. Primum omnium tametsi quid Missa ipsa sit, non ignorant quicunque, vel mediocri Dei cognitione sunt imbuti: id tamen ipsum quod norunt, vt probè teneant, mihi sunt monendi. Si quidem bonam eorum partem ex eo labi video, quòd totam eius vim cū domi luculenter mediata habeant, ad ipsam dum accedunt, quā n horrendæ tragœdiæ futuri spectatores veniant, obliuiscuntur. Verum ne longam ac altè repetitam disputationem ordiri mihi necesse sit, de Missæ sacrilegijs ad Institutionem nostram leciōres mittam: vbi satis explicatè pro operis dignitate, expeditū me arbitror cum vniuersum eum locum, tum quicquid ex eo huc pertinebit. Tantum dico, quòd fidelium neminem latere debet vnum sacrificij nomen (vt ipsum quidem missarij sacrificij accipiunt) & Christi crucem prorsus abolere, & sanctam eius Cœnam, in qua mortis suæ memoriam consecrauit, euertere. Nam & sua gloria, vt scimus, Christi mors penitus spoliatur, nisi vniciū habetur æternūque sacrificium: & si vllum adhuc sacrificium restat, tota corrumpitur atque à radice labefactatur Christi Cœna: quæ non aliud est, quàm vnica illius oblationis testimonium, & quadam veluti obsignatio. Hæc autem duo, quæ ita continenter Missæ sunt affixa, vt auelli ab ea nullo modo queant, si sola essent, quibus omnem Missæ communicationem facere tibi execrabilem conarer: quid posses, nisi vno tecum ore ipsam detestari? Quid enim? An tu, cum nulla alia in re quàm in Christi cruce gloriari licet, cū ad extinguendam eius gloriam, ad concidendum euer tendūque eius testimonium coniuratos conuenisse videas, illis te socium adiungas? Atqui si recto oculo rem intueri volumus, quid aliud, quàm ad talis coniurationis societatem profitendam digitum tollunt, qui se quauis Missæ participatione illigant? Est tamen istud etiamnum tertium, quod quòd est manifestius, eò pios animos afficere pressius potest: nempe nefanda idololatria, dum panis diuinitatem induere fingitur, proque Deo in sublime adorandus tollitur, sublatus ab omnibus colitur. Quæ tanta atrocitate, tantæque indignitate referta res est, vt vix, nisi spectetur, credi queat: sic omnium oculis subiecta patet, vt argumentis opus minime habeat. Pro Deo, inquam, ostentatur, adoratur, inuocatur panis crustulum:

Deus denique esse creditur: quod de suis simulacris nullis unquam Gentibus persuasum fuit. Neque hic mihi quispiam obstrepat, non panem, sed Christum adorari, qui in panis locum subierit, ex quo legitimo sit ritu consecratus. Quod etiam si sanctæ Christi Cœnæ convenire demus, quanquam nihil minus contedimus, ad Missam tamen nihilo pertinet magis, quam ad veteres Pontificum cœnas, aut Saliorum epulum. Id quidem si inter nos conveniret, quod certò constare debuerat, Dominum in mystica sua Cœna corpus præbere non quod adoremus, sed quod edamus: præsentiamque non illam naturalem, quam loco illo contineri oporteat, sed spirituales, quam nullum loci intervallum, nulla distantia impedire possit, proponere: aut si manis, non naturam sui corporis præsentem illic & circumscriptam exhibere, sed efficaciam & virtutem, ne in ipsa quidem Cœna hic scrupulus resideret. Verùm quoniam nondum id videre omnibus datum est, rem dubiam ac controuersam pro confessa certaque me presumere nequis cauletur, illa parte non instabo. Adsit sanè in sua Cœna præsens vero ac naturali corpore Christus, manibus attritur, dentibus atteratur, faucibus deglutiatur, diuinitatem illic præterea suam sistat, qualiter in eius carne ineffabili modo habitauit, quam ius fasque sit adorari (quorum tamen utrumque vanissimum esse, alibi demonstratum abundè à nobis est): verùm utrumque ubi concessum fuerit, quid tamen inde ad panis frustum accesserit, extra Christi Cœnam? Non enim si Dominus suis fidelibus, mortis suæ memoriam piè colentibus, corpus suum sub pane edendum præbet, protinus etiam consequitur, impuri ipsum sacrificulus immolandum se, mactandumque, quoties illi libeat, tradere: nisi fortè tantam putido oleo subesse virtutem arbitramur, qua omnes quas inuixerit manus, peritas Christi formandi reddat artifices: aut sacrificuli libidinem, cœlestis decreti pondus habere credimus, ut quoties è cœlo Christum deducere decreuerit, præsentem ad nutum extemplo habeat: aut Christi verbis vim quandam magicam affingimus, quæ articulatè tantùm demurmurata, energiam suam explicent. Talibus enim inepijs è pane Christum se educere, nobis persuadere conantur. Quicquid ergo illi de sua potestate, consecrandi intentione, verborum pronuntiatione stolidè garrunt, valere sinamus. Nos promissionem quam falso iactant, primum esse Cœnæ propriam: deinde piorum fidei datam, non in piorum irrisioni sumus. Quid si extra Cœnam locum nullum habet, in Missa, quaeso, quem habebit, qua nihil usquam Cœnæ magis aduersum est? Et si non nisi fidei ad alendam confirmandamque suam fidem proposita est, qui unicus Christi oblatione, quam in cruce peregit Deo Patri, æternum sanctificatos se credunt: qui præstaretur ijs, qui nec ipsam intelligunt, & ipsius pretextu ad illudendam eius veritatem sceleratè abutuntur? Illam igitur Deum, quem ludibundus sacerdos quaquaersum circa suum altare ventila, non è cœlo, ut credi volunt, elicitum: sed talem esse, qualis è pistrino sit extractus, palam est. Nam promissionem quæ Christi corpus sub panis symbolo fidelibus præbet, non ad eos magis, quam ad pecudes: nec ad Missas magis, quam ad Bacchanalia aut Turcarum prandia spectare, nihil est iam ambigendum. Quid? histrionica illæ gesticulationes, ita indecoræ prorsus & immodestæ, ut à sanis sobrijsque hominibus proficisci non debeant, dum in Christum conferuntur, sacrosancio eius nomini videntur ne tibi leuiter contumeliosæ? A morionibus fortè talia tolerari ludæra poterant. Dominum verò illis inscribi, ut grauius eius sanctitati iniurium est, ita indignissimè, aut (quod

(quod verius dixerim) nullo modo nobis est ferendum. Præsertim cum eò rectè tenere videamus, ut institutam diuinitus spiritualis Cœnæ ceremoniam, sepultā, sub uersāque penitus extinguant. Agendum, ad simulandam Missæ religionem, qua conscientia peragendis eius mysteriis intersis, mecum nunc recognosce. Primò statim ingressu sese in conspectum infert altare, parum illud quidem à mensæ compositione differens, sed quod ipsa tamen nuncupatione sacrificando se destinatum clamat. Iam hoc certè solum blasphemia non caret. Vides prodeuntem sacrificum, qui quatuor digitorum vnctione pacificatorem se inter Deum & homines constitutum gloriatur: qui Christi promissionem, qua corpus & sanguinē suum sub panis & vini symbolis seruis suis edendum bibendumque proponit, ereptā fidelium Ecclesiæ, atque ab ipsa Cœna abreptam, sibi similibusque sui carnificis vendicat: qui caelestem eius cœnam Missæ nomine, in qua tota ipsa inuertitur ac deformatur, in honorat. Astat populus, nihil non eorum diuinum esse persuasus: cui permixtus, eadem teneri religione simulas. Vbi ad altare propius ille accessit prestigiator, fabule suæ aclus partim motorios, partim statarios orditur magicæque illas susurrationes, quibus è cælo Christum sibi videtur euocaturus: alijs quidem certè videri vult, quibus euocatum, ad immolationem deuot: quibus Dei erga hominum genus reconciliationem, ac si in demortui Christi locum subrogatus esset, molitur. Hæc cum simili, qua superiora illa, veneratione excipi ab vniuersa multitudine vides, ad eam quoque ipsam imitandam vultum assimulas, in quem (ut minimum) inscriptam esse eiusmodi spectaculi acerrimam abominationem decebat. Et adhuc mihi negabitur, qui Missam religionis specie aadiat, eum totidem, quod in ea perpetratur, sacrilegiorum consortem se apud homines, quicquid animus Deo intus canat, profiteri? Ecce demum idolum illud, corporis quidem specie pusillum, aspectuque candidum, sed omnium longè & pestilentissimum & terribilissimum, ad tangendos superstitione spectantium animos attollitur. Huic dum sese omnes stupefacti aduoluunt, tu simul conuerso in ipsum intuitu, venerabundus prosterneris. O perditam nostram impudentiam: si quicquam eorum, quæ sacris literis aduersus idololatriam prodita sunt, ab ista sic deprehensa conuicta, ne deprecamur? Quid enim? an hoc est aliud idoli genus, quàm quod adorare secundo legis capite vetatur? Quod si ita est, cur eius cultum minore deiectione, quàm Baby. onice illius statuae censuamus? quem tamen tres illi, quos suprà retulimus, Israelita, & morte, & exquisito ad salutem mortis genere, grauius exhorruerunt? Si vulgaribus ac quibilibet gentium superstitionibus subesse pronuntiat Dominus immunditiam non tangendam, in tanta sordium congerie, quanta hîc constat, tot sacrilegiorum cumulis volutari qui liceat? Ut autem omnes Apostoli sententias, quibus in idololatriam inuehitur, vno isto verbo complectamur, non posse nos mensæ demoniorum & Christi mensæ vnà fieri participes, quis ad Missam id spectare neget? cuius altare euerfa Christi mensa erigitur: cuius epulum dirempis, laceratis, sordidatis mensæ Christi epulis instrui: in qua Christus traducitur, eius mors illuditur, execrabile pro Deo idolum supponit, eam vocare demoniorum mensam seppudelit ac non potius, quod tanta impietatis meretur insolentia, nouum excogitabimus aliquod nomen, quo detestabilius quiddam (si fieri possit) exprimatur. Et sanè de eo hesitare quomodo hominibus non prorsus cæcis in mentem veniat, valde miror, an demoniorum mensam appellare Missam debeant, ad quam ex-adificandam ster-

nendámque, omnes demonum technas, machinas, copias concurrísse, planè conspiciunt.

Verùm, noua rursus ambages ab alijs mihi obtenduntur. Nam eorum nonnulli, qui olim, cum in còmuni errorum labyrintho versarentur, sacerdotij Papalis oleo inuncti fuerunt, in veteris etiamnum hara stercoribus confidunt: & quanquam de vnico aternòque Christi sacerdotio, Dei beneficio, praeclare sunt edocti sacrificare nihilominus pergunt: idque vt impunè sibi liceat, postulant. Impudens sanè postulatu: nempe vt Missa praeesse sibi còcedatur: cui ne interesse qui dem Christianis hominibus, iandiu validissimis rationibus còtendo. Quas tamen ad elabèdum argutiolas nectant, audire, refutarèque obiter operæpretium est. Quando inquam, neque sacrilega illa immoladi Christi cogitatio, nec vana de panis, in Deū transitiōne opinio, neque earū superstitionū quæ Missam ipsam impiam faciunt animis nostris vlla insidet: externi ritus, quorum repræsentatione, indoctorū iniquitati satisfacere cogimur, quales sint, non magnopere refert: nec verò possunt, quo minus pro Missa sanctā Domini Cœnā celebremus, impedire. Nam nimium peruersa ista fuerit morositas: Missam externa ceremoniarum larua leuibusque duntaxat ineptijs æstimare, nō prauis opinionibus ac sacrilegis mendacijs, quibus in rebus sitam esse eius impietate omnes fatemur. Omissa igitur offerendi mentione, superstitionum omnium vanitate sublata, si Cœnam Domini, quo modo per iniquos seculi mores licet, colere nos nihil ambigitur, friuolas quasdam ceremoniarum nugas, ingentis sceleris instar insectari perquam indignum est. At si eorum quempiam ex aduerso aggrediar: Cœnam Domini suis & ipsam ceremonijs, nequaquam negligendis, constare, quòd & a caelesti magistro sunt institutæ: & sic institutæ, vt propria essent germanaque Cœnæ symbola, quibus sublati, agnosciam illa non possit: cuius permisso tantum se ausum esse respondebit, illud vt nescio quid omnibus Cœnæ symbolis exutum ac deformatum, fabulæque magis quàm vllius diuini mysterij simile, Cœnam nuncuparet. Cœnam esse Domini nego, ad cuius spirituales epulas, non in commune omnes qui adsunt fideles inuitentur, nisi in qua & sancta panis ac calicis symbola Ecclesiæ proponantur, & promissio 3.
nes, quibus obsequandis data est, enarrentur, & acquisita nobis per Domini mor- 4.
tem vitæ gratia predicetur. Horum tu mihi vel minimum apicem in Missa ostendes? ac non potius aduersa, contraque pugnantia omnia? Tu igitur aut Dei nomine stolidi hominum temeritate excogitatam insulsiatatem insignies, aut Cœnæ nomen ad circulatorios lusos, in quibus nullum eius vestigium appareat, transferes? Tu denique sub diabolica Missæ imagine Domini mensam repræsentabis? Tu in quo Dominus mortem ignominiosè iraducas, in eo te eius Cœnam colere persuadentis, qua nos ad predicandam mortem suam nominatim exhortatur? Quid tecum tacite demurmures, à nemine exauditur. At cum totius corporis actione sacrificium esse, quod peragis, disertè pronunties, idne est mortem Domini annuntiare? quam, si sacrificijs locum post se reliquit, vanam fuisse consequitur. Et cur non semel cauillis eorum omnibus, quod facile est, viam praecludo? Populum enim, quem fabula suæ spectatorem admittunt, ad sacrificij celebritatem conuenisse sciunt. Huic quod exspectat sacrificium præstent re vera, necne, ad rem nihil pertinet: coriè quod eius opinione sacrificium haberi velint, exhibent. Ad flagitiosam idoli adorationem paratum vident: adorandum, proprijs manibus, ipsi excelsò in loco statuunt

statuunt: quasi easdem simul manus & ad Deum viuentem extendere, & ad prostituendum idololatram populo, quo cum fornicetur, idolum attollere possint? Non hic dico, quod si dixerim, an refellere ipsi sat probè queant, nescio: ne minimam quidem pietatis scintillam fouere eos, quibus ad nefarii adeò flagitij gestionem manus suppetant, quos non inter medios saltem conatus, vires omnes ac nervi deficiant, quibus non membra omnia horrore tremant ac labascant. Sed id solum dicam, cui posthac inficiando non erunt: viam illam, qua se accedere ad Domini Cœnam stabant, ab eius accessu tantum abducere, quàm hæc inter se duo longè differunt, diuinæ gloriæ strenuum præstare animosumque præconem: & perpetrands sacrilegij ducem, præsidem, auspicem se præbere. Simule etiam reliquos obtestor: quibus (si quis eos, quòd ad audiendas Missas ingrediantur, accuset) respondere mos est, Missæ dum intersunt, sibi quid sacrificulus seorsum deblateret, curæ non esse: sed eam symboli tantum loco se accipere, quo perinde ac si sanctæ Domini Cœnæ intersint, mortis eius memoria exerceantur: eos, inquam, obtestor, post hæc nulla ut potius, quàm hac misera excusatione utantur: neque (ut spero) utentur. Siquidè cum animis suis rectè reputet, quàm sit utrunque multis modis absurdum, & monumētum mortis Christi facere Missam, quæ nullā, nisi obliuione omni peiorum eius recordationem hominum animis afferrat (utpote quæ vim eius vniuersam obliteret ac sepeliat, cum summa præterea Christi ipsius contumelia coniuncta sit:) & eandem dicere sibi propemodum Cœnæ esse loco, in qua tantum ab annuntianda Domini morte absunt, ipsam ut propemodum abiurent. Nam primum quantum ad Missam attinet, quoquò vertant oculos, quid spectare possunt, quod sibi æternæ illius sanctificationis, iustitiæ, redemptionis, per vnicum Christi sacrificium partæ, memoriam subiiciat? quod vnicum sacerdotem esse Christum, nullo consorti, nullo successore, doceat atque ostendat? quod eius morte perfectæ, quæ in salutem nostram erant omnia, testetur? Et quo igitur iure Missa eius mnemosynon censeatur, cuius nec apiculum proferat? Porro quòd sese aiunt eundem ferè inde usum, quem è Cœnâ capere: amplissimum ipsi de se testimonium ferunt, nihil se illic meditari minus, quàm ut gloriæ confessionem Christo Domino tribuant, ad quam præscriptis verbis in Cœnâ vocantur fideles.

Eius autem discriminis, cuius speciem præsentis idololatriæ rationem, à veteris illius causa disiungere vulgò conantur, quanquam exemptam iam planè bonis viris omnem dubitationem arbitror, quale id tamen sit, quando ita nos facturos recipimus, & quorundam forte frangendæ obstinationi expedit, consideremus. Cur tot execrationibus sancitum sit olim à Domino, ne gentium superstitionibus serui sui vllò se modo commiscerent, causam fuisse aiunt, quòd ille idolis habitus honor cum falsis dijs manifestè tribueretur, diuinitatis quoque honorem à vero Deo ad illos transferebat: mundum quidem non minus abominanda hodièque superstitione insanire, ceremonijs ineptire æquè prope, stolidus & fatuus: verum hoc interesset, quòd quales tandem cunque ceremoniæ istæ sint, quia tamen Dei nomen præferunt, eiúsque sunt cultui destinatæ, eas si quis perversa superstitione vacuus solutusque vsurpet, nihil de vera Dei religione sit derogaturus. Hæc si de medijs ritibus, quos docendi causa, indifferentes nuper vocauimus, disputarent, eorum permissioni non vehementer reclamarem. At cum eas quoque ceremonias complectantur, quæ manifesta sunt impietate ac non ferendo Dei opprobrio insignes, quàm infcitè ratiocinentur, paucus è Scriptura petitis exemplis ostendemus. Ser-

Numc. 21. *pentem illum aeneum, qui postquam vsum præstare desisset, cuius causa fuerat excitatus, posteris etiam, quò æternum esset seculis omnibus diuini beneficii monumentum, relictus fuerat: cum præpostera patrum imitatione à filiis postea colitus esset, eundem semper optimæ religionis prætextum retinuisse quis dubitet? passimque & vulgatum fuisse, & obinuisse, illam summi Dei esse imaginem, quæ in eius gloriam adoranda foret? Quòd si eorum quempiam, quos tum Dominus prolabi in tantam cecitatem passus non erat, narrarent Historiæ, procul omni superstitione, tantum vt publicæ populi insanie se accommodaret, genu coram idolo illo incuruasse: nostrum opinor nemo fuerit, qui non confestim illam simulandi improbitatem detestetur: & sanè communi piorum omnium abominatione digna esset. At nisi nobis frustra blandimur, nihilo nunc leuiore flagitio genua coram panis crusta incuruamus, quàm tum inflectere coram serpente licuisset. Quid? Aaron cum vitulum à se conflatum populo Israel ostenderet, ac irrisorie diceret eos esse deos, à quibus educti essent è terra Aegypti, nonne ille serio assentiebatur? nempe Deum, quem redemptorem suum libertatisque nuper acquisita, vindicem non abnuebant, in vitulo tamen cernere volebant: quòd propè sibi adesse non confidebant, nisi presentibus ipsum oculis intuerentur. Itaque solenne Dei sacrum cum ab Aarone inductum esset, nihil restitabant, nec deprecabantur: sed quam Deo viuenti gloriam dare volebant, eam coram vitulo seu spectro eius quodam, persoluebant. Tollant verinque, vt libet, superstitionem omnem: non tamen satius idcirco fuisse, aut tolerabilius, coram hoc vitulo honoris causa procidere, quàm coram boue Aegyptiaco, dicere certè sustinebunt. Ieroboam quoque quo vitulos suos consilio sit fabricatus, si querimus, neque novos sibi deos asciscere in animo habebat, neque sic à Deo planè se desciscere cogitabat: neque Dei modò religionem non aspernabatur: sed ne sanctas quidem ceremonias, quas pessundare conabatur, improbabat: sola erat diffidètia, quæ hominem in hanc amètiā precipitem ferret. Nam cum illa, quam nobis refert sacra Historia, anxietate miserè astuaret, ne Templi religione, sanctaque maiestate tacti plebis animi, ad Davidis domum, vnde defecerant, rursus inclinarent, novos excogitare ritus voluit, quibus à Templi conspectu abstractos, simul à regno Iudaico paulatim alienaret. Vitulos ergo cum proferret, non à priore Deo vt ad illos desciceret, hortabatur: quod futurum erat omnium auribus nimis asperum: sed veterem assuetumque Deum vt in illis colerent, edocebat. Huc enim illa spectabat oratio: Vobis vltra modum in Ierusalem ascendere graue est: O Israel, hi sunt dii tui, qui te eduxerunt è terra Aegypti: illis vt persuaderet, non se exterminato priore Deo, nouitium aliquem inferre Deum: sed modum tradere duntaxat, quo minore molestia illum ipsum adorarent, cuius virtute quondam fuissent è misero Aegypti seruitio liberati. Ille vitulorum cultus, quantumuis æterni Dei nomine patexeretur, qualis fuerit, abunde testantur Propheta. Vtuncque abesset superstitio, vtuncque à vituli veneratione interior cogitatio abhorreret, innoxius esse non poterat, quicumque in Bethel ad sacrificandum ascendisset: quam Dei verbum Bethaem pronuntiabat. Quod si scelesti illi: nos iusti scilicet, qui panis micam, simul atque impij sacrificuli destinatione, deuota immolationi fuerit, nobis pro Deo esse profitemur? Iam & Samaritanorum religionē nō ob id imitari nō licebat omnino, quòd deorum esset alienorum cultu implicata: sed quòd prauo illegitimòq; Dei cultu polluta foret. In hoc,*

mi Frater, in hoc fallimur, quòd dum immundas per se & sacrilegas ceremonias esse non putamus, nisi quæ Gentilium deorum nominibus palàm sint insignitæ, sacrosanctum Dei nomen profanare, summum esse sacrilegium obliuiscimur. Profanatur autem non magis, dum suppositis alijs dijs, planè ipse repudiatur: quàm dum commentitium illi quippiam, quod eius maiestatem inhonoret, affingitur. Eant nunc, qui ad missalis illius è panario Dei conspectum, genua simulandæ religionis causa inclinant: & leuius se delinquere iaciunt, quòd sub Dei nomine idolum adorent. Ac si non illa potius nefaria sui nominis usurpatione bis irrideretur Dominus: quòd & eo nihilo secius relicto, ad idolum curritur, & transire ipse in panem fingitur, obscuro ac velut magico murmure incantatum.

Porro quòd omni impiarum superstitionum communione ita præcisè interdicto, id in eam partem nolim accipias, quasi earum rerum tibi religionem inuicem, quas ve effugere omnino non sit in tua positum facultate, vel liberas alioqui esse conueniat. Neque enim si intra templorum omnium, quæ quidem istic sunt, parietes, infinita quotidie impietatis exempla eduntur, idcirco te à primis eorum limitibus arceo: nec si simulacra omnia nefandis sacrilegijs sunt dedicata, ideo ea protinus aspicere veto. Quando alterum sine noxa est: alterum, præter id quod nihil obest, simul ac pedem domo extuleris, (tanta idolorum multitudine refertæ sunt viæ omnes) tui arbitrij esse desinit. Te ergo vsque ad idò supersticiosum esse nolo, vt templi magis ingressu pedem, aut simulacri aspectu magis oculum pollui existimes, quàm si vel illum in vulgarem quemuis locum inferas, vel hunc in rudem informemque aliquem lapidem conijcias. Verùm enim, vt illa tibi esse permissa audis: ita ne vltra eius libertatis modum, licentia progrediaris, etiam atque etiam reputes. Hunc modum definire non improprie mihi videor, cum ab omni in vniuersum sacrilegiorum communione abstinendum tibi doceo. Siquidem per communionem, non simplicem loci propinquitatem (quæ minimè nos illis implicat) sed tum interiorem consensionem, tum externam quamuis testificationem, qua in illorum approbationem subscribatur, intelligis. Consensu ne illis adhærescant, qui modica veritatis luce sunt irradiati, vix est timendum. Illis illis testificationibus scelestæ participationis laqueus sese induunt: nec intelligunt, superstitione id, an callida simulatione faciant, ad rem non pertinere. Quando vtroque pariter modo & sacram Dei religionem ludibrio habent inter homines, & exemplo suo partim rudium inscitiam, ad obstinatiores peruicaciam confirmant, partim imbecillium dubias hæsitantesque conscientias labefaciunt. Communicare vbi vetuit. Apostolus operibus infructuosos tenebrarum, simul adiicit, vt potius à nobis redarguantur. Qua posteriore particula, quid per illam priorem voluisset, explicauit: nèpe tum nos flagitiosis ac iniquis facinoribus communicare, cum illa nobis placere quoquomodo significamus. Vnde profectò absque dubio perspicias, abistarum abominationum, de quibus nobis sermo est, inquinamentis eum se demum præstare immunem, qui nullam earum, ne fictam quidem imitationem in se suscipiat: cæterum, qui se ad eum modum abstinentem præstiterit, eum nec aspectu, nec ingressu, nec vicinitate, vllam ad idò vel noxam, vel maculam contrahere, vt ex eo constantiam suam Domino magis approbet, quòd hostilibus copijs circumsessus, expugnari tamen se non patiat. Hac ratione Paulo licuit, illa sa pietate, non modò circum omnes Atheniensium aras obambulare, eaque loca pedibus terere, quæ essent mil

Ephes. 5.

Acto. 17.

le impietatum notata vestigijs, & recentium fortè sacrificiorum odorem adhuc referrent. Verùm oculos huc atque illuc circumferre, & quid in vnaquaque ara inscriptum foret, curiosè contemplari. Non enim ad singula deorum nomina sese religiosè inclinabat, nec quos in salutandis suis simulacris ritus observabant idololatra, repræsentabat: sed superstitionum omnium neglectum præferens, requi-
 Ado. 28. rebat quod tandem reperit, vnde ad illustrandam Domini gloriã, velut ex aduersariorum tabulis argumentum proferret. Eadem ratione periculum non fuit, ne conscensa naui, quæ insigne haberet Geminorum, aliquid ex ea dedicatione piaculi in se susceperet, cum ita se gereret, nullum vt superstitionis ritum cum impijs ipsum communicare facile appareret. Neque enim, quod alius ex more egisse verisimile est, arbitrari possumus ipsum, aut sub primum ingressum deos tutelares salutasse, aut soluentem à portu, secundam ab illis nauigationem petijssse, aut petentibus succinuisse, quasi in eorum precationem consentiret. Quare ne quo scrupulo vanæ Gentium dedicationes animos nostros impedirèt (acsi efficere possent, ne ijs rebus vtì purè liceret, quas in vsum nostrum Dominus sanctificauit, modò ne perperam abutamur) nomi natim expressit Lucas, Paulum illos Castoris & Pollucis titulos, quo minus traiciendi causa, nauem illis consecratam conscenderet, nihil reformidasse. Quod dubium nemini futurum erat, tacuit: diligenter hoc cauissse ac præstitissse, vt quod Christiani hominis erat, ab omni idololatriæ specie quàm longissimè abesset.

Quamquam autem (quæ tua est erga Dei veritatem obseruantia) sententiam, quam tot diuinis testimonijs obsignatam videas, tibi iam planè probatam esse se confido: quando tamen non tibi hæc vni scribuntur, aliorum vt me rationem simul habere patiaris, abs te peto. Quos ad concedendum veritati aliquanto esse in hac causa difficiliore quàm oporteat, minus idcirco miror, quòd insuaue illis ingratumque esse non dubito, ab ea, cui diu placidèque indormierint, indulgentia excitari. Ac mihi sanè videre iam quosdam videor, friuolam intempestiuamque hanc meam morositatem irridentes, qui rem non ita magni ponderis perinde vргеam, ac si in eo cardine tota religionis summa verteretur. Nam & ipse quosdam memini, quibuscum de hac re mihi olim sermo fuit, cum pressius me insistere viderent, quàm vt suam causam recta ratione tueri possent, ad hunc confugere locum solitos. Vt nunc temporum foret ratio: nondum à rescindendis grauioribus vèrèque serijs malis tantum esse otij nobis, vt de fr. uolis istis delictis, & velut minutis nanijis valde sollicitos esse oporteret. Primum hanc decere esse curam, vt vera in hominum animis inferatur ac coalescat pietas, vt mores ad pietatis regulam exigantur ac formentur: vt denique tota charitate, mansuetudine, patientia ceterisque Spiritus donis vita intingatur. Id vbi consecuti fuerimus, tum fore idoneum tempus ad hæc leuiora descendendi. Tanta contrà peruersitate esse hodie quosdam, vt cum vna Missarum ac ceremoniarum abominatione totam religionis nostræ vim describant, quiduis in homine Christiano ferant potius, quàm Missam vnã auditam: eum verò qui à Missa strenuè abhorruerit, etiam si nulla in reliquis vitæ partibus mica pietatis eluceat, solum Christiani nomine dignum & agnoscant, & predicent. Talibus obiectis quid tum responderim, testes illi mihi sunt, quos dico. Verùm quoniam nonnullos, vt dixi, fore prospicio, qui nunc quoque non dissimiliter nos accipiant: hac sua ratiocinatione parum se profice-

ficere, ut intelligant, facturum me spero. Eos igitur omnes hortor, primum, ut omni contentione posita, secum dispiciant, num pro facili leuique delictio sit ducendum, quo Paulus Dominum ad pugnam prouocari, quo aduersus Christum peccari, quo mensa demoniorum communicari, quo Christi mensam repudiari tradit. Si leues illi, facilique digni venia lapsus: flagitijs ac sceleribus definiendis, quæ digna tandem verborum grauitas reperietur? Huc si obliquè illas Pauli obiurgationes detorqueri aiunt, quò igitur dirigi possunt, non video. Acerbum illum stylum in eos stringebat, qui ad edendas hostiarum reliquias, festis idolorum epulis assidebant. Deum ipsi de conscientia sua innocentia testabantur: quandoquidem contempta Gentium vanitate, nihil aliud quàm vescerentur puris Dei creaturis, quas oratione ac gratiarum actione sanctificari in fidelium usum nossent. Excipiebat ille contrà, confessum illum infidelium, ad simulacri cultum cōuenire: solenne illud epulum, idoli nomine gratiæque institutum. In ea ergo & conuentus & epuli celebritate qui sederet, vtcunque animatus apud se esset, id tamen committere, vnde & idololatrarum ludibrio Dei gloria exponeretur, & imbecillæ fratrum conscientia subuerterentur: quòd & illi consorte in ad simulacri sui cultum habere se Christianum hominem autumarent, ac gloriarentur: & hi eius exemplo ad idem agendum, quanquam nutante vacillantēque conscientia, audaces fierent. Quid autem isti nostri? Ad Missam, quam longo variòque sacrilegiorum apparatu instructam vident, conueniunt: & conueniunt cum multitudine, quam perniciofa Missæ persuasione miserè infatuatam norunt. Cuius tamen sic cecitatem superstitionemque intus miserantur, ut exterius imitentur. Panem quem idolum reliquis esse sciunt, simul cum illis vnòque gestu venerantur. An non hinc & Christi crucem apud eius inimicos deridiculo prostituunt, & infirmorum fratrum hesitantem simplicitatem exemplo suo ad imitandum concutiunt? Non est igitur cur hinc suæ præuaricationi molliter blandiantur, aduersus quam tanto verborum fulmine exardere Apostolum vident. Quid, quòd à professis iuratisque Christi & Euangelij eius aduersarijs, hoc veluti pignus abnegandæ veræ pietatis de se exigi intelligunt? Hic enim illis hodie ad explorandam vnus cuiusque fidem, lapis Lydius est, curiose obseruare quis Missam audiat, necne: ut in vno Missæ cultu tacitam nescio quam professionem accipiant, qua in vniuersas suas abominationes semel iuretur: vnus Missæ contemptu, corrumpere easdem & interire existiment. Respondeant nunc mihi bona fide isti Missarum alumni, quibuscum mihi quaestio est, dum capitalibus verbi Dei hostibus id concedunt, quod illis abiurandæ veræ religionis symbolum esse non ignorant: an non hoc, ceu dato pignore, illorum sese execrabili religione obligant ac deuinciunt? Non enim iam qualis ipsa per se sit Missa audientia, considerandum solum dicò, sed quantum ponderis cum suis circumstantijs appensa secum ferat. Aestimandam autem tanti censeo, quantum impiorum improbitati in ea dare volunt. Sit nobis ille in exemplum Eleazarus, de quo Machabæorum narrat historia: illa item, quæ ibidem refertur, mulier cum septem suis filijs. Omnes cum paucillum suillæ carnis gustando, vitam redimere possent, extremos subire cruciatus maluerunt, quàm eius soporem, linguæ adnouere. Quorum omnium si factum per se ipsum species, parum aberit quin tibi in oppetenda usque eo temerè morte, insanisse videantur: sin causam diligenter expendas, grauissimam fuisse rationem inuenies, cur ad sauisima quæque perferenda suppli-

Ioseph. in
libello de
machab.
&c. ma. 6.

cia darent potius sese, quàm interdicti cibi gustu contaminarent. Fateor in suilla esu nihilo fuisse alioqui plus religionis, quàm in manducandis panibus propositi-
 onis: quibus tamen urgentem famem depellere Dauidi nullo piaculo licuit. Verùm
 cum impius tyrannus, qui non Dei legem modò abolitam, sed nomen quoque peni-
 tus extinctum cupiebat, illis instaret, ut hoc symbolo ab observatione Mosæicæ le-
 gis deficere se testarentur, reputabant, id quod res erat: non in una duntaxat ce-
 remoniola, si obsequerentur, violatum iri à se legem: sed editum iri testimonium,
 quo Deum cum vniuersa sua lege abnegarent. Quo factum est, ut cum sancto illi
 viro ab amicis carnes aliæ supponerentur, quas pro suillis ederet, ne ea quidem si-
 mulatione elabi sustinuerit, quòd videbat eandem semper Dei aduersarijs bla-
 sphe mia tesseram se daturum. Non est, aiebat, ætati nostræ decorum, fingere:
 quò multi adolescentes Eleazarum nonagenarium, ad vitam alienigenarum
 transisse arbitrati, & ipsi propter meam simulationem, & propter modicum cor-
 ruptibilis vitæ tempus decipiantur: atque ita maculam & execrationem meæ se-
 necuti acquiram. Nam etsi in præsentī tempore hominum supplicijs eripiar, ma-
 num tamen Omnipotentis, nec viuus, nec mortuus effugiam. Quapropter vita
 fortiter excedendo, agā quod ætate mea dignum est: adolescentibus autem exem-
 plum fortè relinquam, si prompto animo ac constanter pro grauissimis & sanctis-
 simis legibus, honesta morte perfungar. En profectò, non dicam appositissimum e-
 xemplum, sed expressam imaginem, quæ nobis ad viuum referat, quid sit, ad pla-
 candos Euangelicæ veritatis aduersarios, Missam audire. Ad hæc, ut istud vi-
 tiij in minimis malis habeant: si tamen & vitium esse, & diuinæ voluntatis trans-
 gressionem fatentur, quod negari non potest, non ad eò nihilo æstimare debent,
 ut nobis propè permissum faciant. Quamquam enim si inter se ipsa conferantur
 Dei mandata, alterum altero præponderatur: vbi tamen ab illa collatione dis-
 cessimus, nihil tanti esse nobis debet, quod non eorum postremo facillè cedat. Sic e-
 nim ipse quoque Magister sua voce docet: Qui vnum, inquit, ex minimis istis
 mandatis soluerit, & sic docuerit homines, minimus vocabitur in regno Dei. Vi-
 demus hac oratione genus illud Doctorem directè peti, qui sic inter Dei leges di-
 stinguunt, quasdam ut leuiores esse doceant, quarum contemptui facilius sit in-
 dulgendum. Nullum fore numero in regno cælorum cum audiunt eum, qui vel
 minimum ex Dei præceptis contemptibile sua facilitate fecerit, qua confidentia
 dicitare adhuc audent, omittendam in præsens eius mentionem, in quo vulgò ab
 omnibus ferè delinquatur? Nimirum hæc humani iudicij est prauitas, quale ipsum
 sit quod iubetur, opinione sua, non Dei voluntate expendere: deinde in solum præ-
 ceptum intueri: non advertere interim (quod maximè referebat) Deum esse legis-
 latorem, cuius maiestas leuibus etiam illis, si ita volunt, transgressiunculis minua-
 tur. At verò Dominus, ut huic prauitati obuiaret, docerétq; quàm nulla legis suæ
 particula eleuanda esset à nobis, volumen maledictionis in vniuersam faciem terræ
 egressum Prophetæ in visione ostendit, quo furtum omne & omne periurium pari-
 ter condemnaretur. In eandem quoque sententiā ab Iacobo dictū est: Qui vetuit oc-
 cidere, vetuit & adulterari, & furari, & aliena concupiscere. Quare, qui totā le-
 gē seruauerit, si offēdat in vno, facilius est omnium reus. Sic sic instituēdi erāt homi-
 nes, nullum esse in Dei præceptis, quātūvis exigua de re præcipere videatur, quod
 non plusquam sacrosanctum nobis esse debeat. Nam dum ita vel minimæ rei (cuius

tamen observationem lege sua mandauerit Dominus) negligentia in hominum animos insinuat^{ur}: irrepit paulatim & subsequitur legis vniuersæ ac iustitiæ contemptus. Insuflos illos, quos aiunt, religionis descriptores, si qui tamen sunt, qui totam ipsam intra vnâ Missæ abominationem limitant, adeo tueri mihi in animo non est, ut etiam eorum errori fortiter resistendū censeam: nec pro fidelibus agnoscendos ducam, à quibus maxima ex parte pietatis vix sic eneruetur. Neque tamen si præposterè agunt, dum oram religionem minima eius portiuncula terminant, idcirco non & illa, quantulacunque est portio, inter eius partes continetur. At isti dum tantopere Missam detestari non oportere ex eo colligunt, quòd quidam nihil aliud esse pietatē falsò autumant, quàm eius detestationem: perinde faciunt, ac si quis furtum & homicidium contemnendū dicat, quòd qui in ipsa acerrimè hodie vindicant, adulterijs, periurijs, blasphemijs ignoscunt. Non sic Dominus noster. Nam cum Phariseorum & Scribarum hypocrisin castigaret, qui sic minu^{er}ant^{ur} Luc. 11. tissima quæque legis puncta consecrabatur, ut summa interim capita præterirent iudicium, misericordiam, & veritatem: non docuit, illis omisus, hæc facienda: sed hæc fieri oportuisse, illa verò non omitti. Itaque bonis quidem istis viris hoc non adimo, quin eorum inconsiderantiam iure reprehendant, qui ad cetera vitia conuenientes, & plura numero, & pondere grauiora, vnâ Missæ detestationem pedibus ac manibus vrgent: verum si præstare volunt quod par est, non modò ut eorum errorem iure reprehendere, sed in melius etiam corrigere existimentur: non id tollant, in quo illi nimium hærent (quando sine pietatis iactura tolli nequit) sed dum non esse negligendum concedunt, alia quoque esse non minus curanda commonefaciant. Vides profecto, mi Frater, quàm late totus hic locus patebat, si in eum oratione excurrere voluisssem: sed quoniam me agere cum illis hominibus confido, qui veritati simul atque ipsam agnouerint, manus sint daturi: mihi nihil maiori studio fuit, quàm illam ipsam veritatem, qua summa poteram breuitate, indicare.

Equidem neque etiam me præterit, quas præterea sibi ad pa'pādam carnis suæ mollietatem, alijs ad ignauiam animi sui obtegendam, delicias facere soleant: Se nihil sibi permittere aiunt, nisi quod Naaman illi, militiæ regis Syriæ præfecto, à 4. Reg. 5. Propheta Domini Eliseo concessum fuerit. Nam ille ab idolorum vanitate ad vniuersi Dei religionem cōuersus, confessusque nullum esse in vniuersa terra Deum, nisi Deum Israel: cum tamen rem vnā sibi à Domino ignosci petiisset, si cum Rege suo in templum Remon in gressus, illic adoraret: cum pace ab Eliseo dimissus est. Si illi, inquit, in idoli templo non fuit nefas adorare, cur nobis non liceat Deum in ijs templis adorare, quæ eius nomini sunt dedicata, etiam si agere aliud videamur? Utinam in cognoscenda officij sui rectitudine tam essent acuti & perspicaces, quàm ad exquirenda subterfugia, ingeniosos se esse produnt. Viam potius eam sequerentur, ad quam tot Dei vocibus disertè vocari se audiunt: quàm in semitam declinarent neque satis cognitā, & vniuersam duntaxat hominis pedibus pressam. Nam cum cæteris quidem in rebus omnibus, singularibus hominum exemplis insistere, siquid peculiari Dei permissu egisse legatur, non satis tatum est: tum verò in fidei cōfessione, id in primis periculosum, cuius sibi legem vnusquisque pro cognitionis, qua præditus est, modo, statuere sibi debet. Ac id sanè ipsi viderint. Ego tamen nisi in Naaman exemplo, dissimilia eorū facilius esse omnia osten-

dero, quin illis suffragetur, non resistam. Sin contrà planum fecero, totum id, cuius Naaman insimulant, ab eo longissimè abfuisse, alieno falsòque prætectu velim ut se excusare desistant. Quòd ipse antè pollicitus erat, quàm illa deprecatione vteretur se nullis posthac dijs sacra faciurum, nisi vni Deo Israel: sub ea pollicitatione publicam fuisse testificationem comprehensam dico, qua & Regem, & gentem Syria vniuersam, religionis suæ consciam faceret. An vero cùm potentissimus Dynastes, quem quotidianis sacrificijs deos suos placare oportebat, si aliqua eorum religione teneretur, & solitum antea fuisse verissimile est) ne exiguo quidem thure in tota vita litaret, ignoraret: imò dubitaret quisquam, deos illos abnegasse, quos honore nullo dignaretur? Quid ergo postea deprecatur, sibi ut in idoli templo adorare liceat? Simulanda superstitionis causa si id postulasse probaret & à Propheta obtinuisse, verbum non adderem: sed si rem longe secus habere ipsa sacrae Historiæ verba clamant, facile hæc iam soluitur difficultas: præsertim ubi constat, sic publicata eius religione, qualiter euulgaturum se promittebat, nullum superfuisse dubitationi locum, quin idola omnia planè & contemneret, & execrationi haberet. Hæc autem est postulati forma: Si templum Remon ingrediatur fortè Rex meus, & mihi innixus adorauerit, ego quoque si simul in templo Remon adorauerim, hanc rem ne imputet Dominus seruo suo. Illud de Rege in illum innitente tam apertè, tamque notabiliter dictum si vel non observant, vel abs re positum putant, valde sunt hebetes. Nam inde citra controuersiam colligitur, non aliam sibi concedi adorationem petiisse, quàm qua se ad Regis inclinationem, quæ fulciebat ipse & sustentabat, accommodaret. Id autè erat, non idoli cultum fingere, sed sua Regi officia obsequiaque reddere. Nunc si Naaman imitari volunt, ne sint illi in eo dissimiles, in quo solo à me reprehenduntur. Id sibi habeant cum illo commune, quo solo consequutus est ille, reprehensione ut suum factum caveret nempe omni se idololatriæ suspitione prius liberet: quàmque toto animo ab illis superstitionibus abhorreant, quarum incidere posset dubitatio, testatum omnium hominum conscientijs faciant. Id ubi præstiterint, tum demum videbo, sinne illis concessurus, ut civilis officij causa, siue in cognatorum honestandis funeribus, siue nuptijs celebrandis, ad Missas, aliæque eiusmodi profana sacra interdum accedant. Nam & ex eo quod in epistola illa legitur, quæ sub Ieremiæ titulo fertur, ad populum Babylone exulantem, nonnullam sibi defensionem quarunt. Nam quemadmodum illic captiuo populo suadebat Propheta, vel quisquis fuit epistolæ author, ut quoties in humeris circumferri aureos & argenteos deos videret, turtamque vndeunque obstupefcentem, ne ipse eodem afficeretur stupore, sed adorans in corde suo, diceret: Te oportet adorari, Domine. Ita se aiunt, dum inter seculi huius sacrilegia versantur, cordibus tamen ad Dominum subleuatis cogitare illum esse, quem oporteat adorari. Quasi verò ad interiorem cordis adorationem dum illos vocaret Propheta, simul annueret nihil periculi fore, si vultu ad simulacrorum cultum composito, Babylonijs interim gratificarentur. At verò cùm nemo non videat, còduntaxat spectasse ipsum, ut quando minimè licebat Israelitis publicam gentis, sub cuius imperio ac iugo degerent, superstitionem cohibere, suæ tamen religionis integritatem sibi priuatim in animis suis retinerent: non est quòd idololatriæ suæ patronum boni isti viri eum idcirco aduocent. Quòd si ad hanc ipsam Prophetae trutinam rectè expendere sua facta in animum inducant suo

suo semet gladio iugulari facile perspicient, Qualis enim hîc queso fuerit, imò quis esse omnino poterit, qui consciencia intus Deo canente, ipsum esse vnum quem deceat adorari, vultum externumque corporis gestû componere ad idoli adorationem sustineat? Ipsos proinde interrogo, qua conscientia eodem temporis momento, quo Deum solum qui adoretur dignum esse apud se recognoscunt, idola venerari se palàm apud homines simulant? Quid enim arcana ista confessione proficiunt, nisi quòd externam illam suam idololatriam coram Dei tribunali proprio animi testimonio accusant? Quare, quòd in eiusmodi simulandi improbitate, Propheta consilio se obtemperare iactant, frustra id mentiuntur. Neque enim ab illis quicquam plus ipse exigo, quàm quod ille (quisquis est scriptor) suis popularibus imperabat: nempe vt publice sacrum Dei nomen profanari dum aspiciunt, taciis animi votis ipsum apud se sanctificent: tantum ne externis significationibus, eius se profanationis consortes esse testentur. Ad hæc, si quideam simulatione peccant: exẽplo Pauli se peccare, ostendere conantur, qui non valde dissimili fictione usus fuerit, A&.21. cum ad recolligendam gentis suæ gratiã, votum, cuius ceremoniam cum cæteris legis vmbus abrogatam esse nouerat, nuncupauit, atque ad id persoluumdum detonsus, & ex legis præscripto purificatus in templo se stitit, spectandumque omnibus exhibuit. Non hîc dicam, quod vel eorum nonnullis arrisurum esse certò scio, nos perperam agere, si eam Pauli astutiam, ad imitandum nobis proponamus, quàm infelici successu castigatam, minime sibi placere Dominus declarauit: quandoquidem rationem esse nullam video, cur hoc Pauli facinus prauæ vllius versutia insimulemus. Sed eos toto calo hîc quoque errare dico, qui innoxiam, nullaque impura superstitione aspersam Pauli detonsionem, cum sacrilegis ritibus comparandam putent. Nam vt demus, Nazææorum purificationem & oblationem id fuisse ceremoniæ genus, quod prodeunte Christo, vnà cum reliquis Mosaicæ legis figuris euanescere debuerit: quia tamen nullum alium in finem institutum erat, quàm ad referendam Domino gratiarum actionem, ac sacrificium laudis offerendum, ex eorum vtrique numero fuit, in quibus Apostolo ad tempus licuit, Iudæis se Iudæum præbere, quò Iudæos lucrifaceret. Eadem si foret missarij sacrificij ratio, quæ fuit eius oblationis: si idem ipsis consilium esset, quod Apostolo fuisse constat, ego sanè & tan benignam aduersus infirmos fratres mansuetudinem exoscularer, & eos exhortarer ad pergendum. Verùm quantum insit in Missa flagitiij, planum à me faciũ esse confido. Quid animi habeant, ipsi sibi locupletissimi sunt coram Deo. estes. Quod verò illis postremum suffugium est, quàm vanũ sit ac friuolum cauilũ satis fuerit vno verbo indicare. Plurimos esse bonos viros, Dei que timeantes, obijciunt, qui nulla veri cognitione adhuc imbuti, Missam habeant sacrosanctam: esse quoque in fratribus non pessimè alioqui verbo Dei edoctos, quibus nondum iam persuasum sit, quanta sit execratione referta. Eius itaque contemptum si corã ipsis præ se ferant, maximas vtrinque offensiones imminere causantur, quibus occurrere, Christianæ sit modestiæ ac mansuetudinis. Benè istud quidem, & prudenter, si esset hoc scandalus obuiam ire, sic cauere ne in te incurrant hominum offensiones, vt simul eorum pedibus scandala instruas, quibus in Christum ipsum impingant. Et quid aliud agunt, dum operam dant, ne Missæ contemptu, vel prorsus in doctos, vel nondũ planè confirmatos offendant? Nã illorum quidẽ offentionẽ à se amoliuntur: sed ad Deum offendendum, exemplo suo eos illectant. At non ita

Volum
Pauli.

Roma. 15 nos instituit Dominus, qui vult profecto nos omnibus placere, non tamen nisi in bonum: qui precipit, ut infirmis nos accomodemus, at in adificationem: quam minime omnium sectantur, qui eorum simplicitatem perniciosissimo errore, quo illaqueatam ipsam vident, fortius adhuc constringunt. Hinc porro accidit, ut dum omnes scand. li conscientia deterrevi se fingunt, re vera hominum aduersum se indignationem reformidant, nemo sincera integræque puritate præire vnquam alijs incipiat. Quid enim causæ esse putemus, quod è tanta multitudine nemo in hac parte expergiscitur, nisi quia dum ita alter alterum intuetur, ad Deum oculos nemo dirigit? ac dum vnusquisque quid alijs prestent expendit, iusta regula, hoc est Dei verbo, modum officij nemo metitur? Et cum in hunc modum ipsi sibi mutuo laqueos neclant, scandalorum mentionem facere audent: quæ aut nulla, aut quàm minima essent, nisi in plana expeditæque via ab ipsis obijcerentur.

Nunc ut ad te, suavis me Frater, sese oratio nostra referat: quanquam certe ipse per te iam intelligis quid consilij tibi restet, ubi perspectum habes, quod te ducat Verbi Dei linea (ad quam deliberationes omnes tuas conformari limitarique decet): ne qua tamen in parte tantis desim tuis angustijs, quam à me tibi perscribi officij formulam literæ tuæ flagitant, eam quàm potero brevisimè tibi expediam. Ad sis modò vicissim tum accincta propensæque ad auscultandam Domini vocem obedientia, tum ad exequenda eius imperia constanti intrepidæque animi destinatione: ac denique, id quod est, memineris, non tam ab homine tibi dari consilium quàm è sacro æterni Dei ore acceptum oraculum per hominem pronuntiari. Hoc ergo imprimis tibi in vniuersum interdictum arbitrare, ne te quisquam aut Misæ sacilegio communicantem, aut coram simulacro caput detegentem conspiciat, aut ullam omnino superstitionem susipientem, ex earum genere, quibus obscurari Dei gloriam, quibus eius religionem profanari, quibus eius veritatem corrumpi, suprà docuimus. Quas usurpare non potes, quin & impijs confessionem edas, in Deum pevitus contumeliosam: & imbecillos fratres in exitialem ruinam exemplo tuo trahas. Sic autem dum te geris (siquidem ad manifestiorem confessionem progredi animus nō est) perspiciendum simul est tibi, quantum te situm fuerit, ne miseri illi ac cæci idololatræ (quibus sublata sua superstitione, Deus ipse cum tota sua religione collapsus videtur) dum tibi sua idola contemptui deridiculòq; esse obseruariat, Dei quoque contemptorem te ac derisorem esse opinentur. Quod aliqua ex parte assequeris, si & rarus in eorum sacris compareas, & totam vitæ tuæ rationem sic instituas, ut religiosum illis quiddam spiret. Age igitur, optime Vir, tale in tuis moribus eluceat pietatis, bonitatis, continentie, charitatis, castitatis, innocentie studium, quod omni te impietatis suspitione in omnium hominum conspectu præclare purget: ut etiam si supersticiosuli non esse te sui similem indignè accipiant, seruum tamen Dei, velint nolint, agnoscere cogantur. Deinde, nisi ad exponendam cuius fidei tuæ rationem te comparas, eorum morositati eatenus indulgeas, ne quo tempore sacra sua peragunt, in ipsa media tete inferas, contemptum sine causa ostentaturus, quem ab ipsis (qua sunt ignorantia) pro mera in Deum impietate acceptum iri scias. Et quid inde lucri vel tibi, vel alijs redeat, si atheon te esse suspicentur, quem nulla tangi religione existiment? Verum, ut illam suspitionis causam ne vltro datæque operæ prabeas, consulo: ita, si fortè fortuna illuc incideris, satius multò fuerit, quidvis de te suspicentur, quàm ido-

idololatriam conspiciant. Quòd si dignam Christiano homine sanctitatem mores tui habuerint, tum ad refutandas eorum sinistras obtreclationes, in illa vitæ integritate presidij satus habebis. Iam & familiae instituendæ curam in primis caue pratermittas: cui non ideo solum te esse præfectum cogitare debes, ut obsequia tibi sua operasque reddat, sed ut religiose abs te in timore Domini educetur, optimaque disciplina imbua'ur. Nam si verum est quod ab Aristotele dicitur, suam unicuique domum quandam esse parvuli regni effigiem, in qua paterfamilias ipse instar reguli, leges ferat, quibus plebeculam suam ad omnem iustitiam innocentiamque instruat: ne hominum quidem iudicio excusandus est ille, qui regendæ familiæ securus, modò ipsam erga se satis sedulam ac officiosam semper habeat, in Deum & homines flagitiosam esse sinit. At tibi altius etiam cogitatione assurgendum est: nempe custodiæ fideique tuæ commissos à Domino eos, quibus te Dominum destinavit: à Domino, inquam, tibi assignati sunt, qui tibi subsunt servi, quos ipsi primùm, deinde & sub ipso tibi obedire servireque doceas, atque assuefacias. Quare, non sine causa tam graui censura notauit eos Apostolus, qui administrandæ familiae sollicitudinem a'ijcerent, ut eos assereret fidem abnegasse, & esse infidelibus deteriores. Quid enim aliud, quàm provinciam sibi à Deo traditam deferunt & abiurant, vocationemque eius renuntiant? At pessimo sunt ingenio famulorum plerique, & in quibus verum ferè veius illud de servis proverbium experimur: Tot esse domi nobis hostes, quot sint servi. Sic quidem vulgò existimatur, & iactatur: sed non ita est. Non enim eos habemus hostes, sed vitio nostro nobis facimus, dum eos instar brutarum animantium, sine doctrina, sine Dei cognitione, sine pietatis institutione alimus: ac conseruos esse nostros obliuiscimur, quorum regimen nobis fuerit à cœlesti Domino commendatum. An verò Scriptura Christiani elogium, homini nemini deferet, ut non simul adijciat ipsum credidisse, & domum eius totam: nos autem de Christi fide gloriabimur, eius abnegationem intra domus nostræ parietes, in servis nostris fouentes? Quare, si in homine frugi istud apprimè requiritur, ut rectè & ordine familiam administret: Christiani autem hominis familia tum rite demum composita censeri debet, si cuiusdam veluti Ecclesiolæ species in ea spectatur: danda omnino tibi opera est, ne tuam pietatis rudem, atque ignorantem relinquant. Neque est quòd te vulgares illi scrupuli moventur: Ego ne vitæ meæ arbitrium famulo permittam? Ego, ad me tægulandum, exertum enssem in manum præbebo? Primùm, fac tales in familiam: uamalligas, quorum indoles ac natium ingenium boni nonnihil polliceatur: eos nactus, Dei doctrina excolere aude, verbi que eius semine conferere. Providebit ipse cetera, datoque successu efficiet, ne te mandatis suis obsequium fuisse unquam pœniteat. Et sanè nisi tibi sponte imponis, dispicere tecum potes, quanto maiore tum molestia, tum periculo habiturus sis perpetuò in ipsis domus tuæ penetralibus, quos appositos tibi custodes ducas, à quorum insidijs tibi semper metuas, quorum timore angulum nullum habeas, in quo hiscere audeas, nisi bus antè circumspectes, an te obseruent: quàm semel eorum fidem vel periculum se tentare. Sic verbi sui contemptum sape ulciscitur Dominus. In connubio contrahendo (quando eam tibi libertatem integram hæcenus esse Dominus voluit) vide quos tibi laqueos induas, si uxorem accipis religione tecum dissidentem. Quinquam quid te considerare iubeo labyrinthos illos, quos animo complecti nemo queat, nisi qui iam ma-

1. Tim. 5.

lo suo expertus fuerit? Utinam timeas potius & caueas, quàm aliquando velis experiri. Vestras illas tricas noui: Ita nunc aduersatur, ut paulatim manum daturam confidam. Noli hoc de te frustra polliceri, sed de Domino: cuius donum est singulare, vxor bona. Bonam autem ab eo expectare qui ausis, quem non audis seuerè interdicentem, ne iugum ducas cum infidelibus? *Pro. 19. 3. Cor. 6.* Habes à me quod postulabas, vel potius per manum meam à Domino, consilium: periculosum quidem illud carni tuæ, & parum blandum, sed animæ tuæ fidele & salubre, addo & tibi prorsus necessarium, nisi Domini iugum à cervicibus tuis excutere, eiúsque religionem abiurare voles.

Tuum nunc est, ad reddendam Domino, quam abs te poscit, laudis confessionem temet exhortari, tibi instare, te urgere & excitare, animúmque colligere: quò labascere seruum Dei, in tanto præsertim religionis cardine, perquam absurdum indignúmque est. Nam quod tibi suprà confirmauimus, id ut subinde memoria repetas, tibi iue assidue subiicias, nunc etiam te coram Deo & sanctis ipsius Angelus obtestor. non híc leuiore de causa controuersiam agitari, quàm quo modo Christum in hominum conspectu non abnegemusne ab ipso nos rursus (quod per *Apo. 2. Timo. 2.* stololum suum minatur) cum summum illud tribunal ad iudicandum conscenderit, abnegemur. Ac ne singulare nescio quid tibi imperari credas, quod præstare non sit cui uisibet, in promptu est, quo eiusmodi errori occurram. Si quidem pietatem tuam non peto ut propalam profitearis: solum ne impietatis professione ipsam abneges, abs te contendo. Quid enim aliud, vel tota disputatione spectauimus, vel nunc obtinere volo, quàm ne horrendus sacrilegijs sanctam Dei religionem contramines? ne corpus tuum, quod sibi in templum dedicauit, fœdis abominationibus profanes? ne in execrabiles blasphemias tuum nomē inscribas? Et istæ scilicet omnia tanti esse ægrè persuademur, quæ cum aliquo vitæ periculo, aut etiam, si opus sit, fuso sanguine fugiamus? Imo verò breuem miseræ huius vitæ usuram nimio æstimamus, si tan i eam ducimus, quæ talis impietatis mercede constare debeat: mortemque nimium perhorrescimus, si grauius in ea quiddam esse putamus, quàm in hominum uenia, quæ nos corā Deo faciat sacrilegos, apostatas, perfidos, proditores: si à Christo audire malumus, indignos esse nos qui eius discipuli censeamur, quàm ab hominibus nos esse dignos, qui moriamur: si denique eius timore, spem æternæ vitæ resignamus. O inanes gloriolæ nostræ flatus, siue fidem in Christum iactamus, siue quo alio titulo nos venditamus! An verò Poetam illum, qui mortem terribile ducebat esse exitium, in aliena quidem persona, sed ex sua sententia exclamare patiamur: Usque adeone mori miserum est? Nos autem verbo Dei edocti, nihil aliud, quàm per momentaneum doloris sensum, in vitam immortalem, ac beatam quietem ingressum ipsam esse, contra reclamabimus, miserum esse mori?

1. Cor. 15. Onos septies miseros, quos cunctis mortalibus calamitosiores, testatur Paulus, si præsentis duntaxat vitæ fiducia nitamur! In alto, inquires, pinguique otio viriles istos igniculos iacere faci. è tibi est: non secus ac de bello in umbra philosophari: at si in rem præsentem ventum fuerit, aliter sentias. Equidem quanquam longè meliora de eius bonitate mihi polliceor, cuius virtute omnia possumus: nec dubito, quocunque me tandem certaminis discrimine implicari permiserit, quin eundem, quem dedit animum, ad extremum usque spiritum sit confirmaturus: nolo tamen in me oculos conijcias. Non enim ea tibi solum propono, quæ in umbratili

mea quiete mecum sim meditatus: sed quæ sibi semper in medijs crucibus, ignibus, ferarum, lanienis subiecerunt inuicti Dei Martyres. Quorum recordatione nisi sese acuisent, æternam Dei veritatem, quam suo sanguine fortiter obsignarunt, perfidè, dicto citius abnegassent. Atqui non ideo illi in asserenda veritate constantia exemplo nobis præierunt, eam ut nunc deferamus, quam sic testatam consignatamque nobis tradiderunt: sed artem docuerunt, qua Domini præsidys freti, inexpugnabiles contra totam mortis, inferni, mundi, Sathanæ aciem, consistamus.

Vale.

I. Petri 2.

Vos estis genus electum, regale Sacerdotium, gens sancta, populus acquisitionis, ut virtutes enarretis illius, qui vos vocavit in admirabilem lucem suam.

70
DE CHRISTIANI HOMINIS OF-
FICIO, IN SACERDOTIIS PAPALIS EC-
clesiæ, vel administrandis, vel abiiciendis.

IOANNES CALVINVS, VETERI

Amico, nunc Præsuli, N. S.



CUM hæc scribere instituerem, subueritus sum primò, ne ineptire tibi atque adeò insanire quodammodo viderer, quòd inter tot gratulantium voces, vnus tibi mea morositate obstrepā: quin & ipsum id in te deplem, quod alij tibi omnes tantopere gratulantur. Neque enim dubium esse potest, quin ea in gente, quæ præcipuam ac propè vnicam hominum dignitatem in facultatum amplitudine, fortunæque splendore reponit, amplissimi huius sacerdotij, quo te nuper auctum intellexi, accessio plurimum tibi & gratiæ & ornamenti attulerit: vt sine controuersia verè beatus ac fortunatus communi omnium suffragio & videaris, & prædicèris. Amicos verò ferè omnes videre mihi iam videor, quò suam in te beneuolentiam testentur, ingentem animi lætitiā certatim pro se quenque, aut literis, aut præsentī voce declarantes. Quibus blandimentis te non aliquantum demulceri, quā sit difficile intelligo: quando & ad delicias eiusmodi omnes, minimè naturā corneā sunt hominum aures: & tales sunt istæ, quibus nunc tentaris, vt seueriores quoque aures non nihil delinire queant. Siquidem vt permultos esse concedimus, vita procul omni ambitione composita, auræ popularis minimè appetentes: paucissimos tamen reperiās, vel eorum qui habentur aliqui moderatissimi, qui si totius theatri plausu accipiantur, animis auribꝫque affirmatis, nihil moucantur. Atqui vbi te vel tantillum palpandum populi blanditijs titillandūque dederis, te, nec sentientem, non dico in cupiditates nunquam antea cogitatas, sed in ipsius tui obliuionem prorsus abripiunt. Id spectaculi cū animo meo proponerem, non modò, quod iam nuper sum confessus, subdubitaui quam in partem esses accepturus obstreperas istas meas voces, sed substi etiam paulū in ipsa scribendi cogitatione, & parum abfuit, quin consilium prorsus alijcerem: quòd inter suaues illas Syrenum cantiones vllum satis consilijs locum fore, confidere vix audebam. Enimvero cū mecum rursū reputarem, quantos in scopulos incautum te paulò post illisuræ essent hæ ipsæ, quæ nunc tibi suauiter arrident illecebræ: hoc me amicitia nostræ veteri, fraternæque penè coniunctioni putauī debere, ne in exitialem ruinam ferri te sciens, ac videns, cū præcipitanti manum dare liceat, dissimulem. Non dissimulabo igitur, & extremum hoc, quod à me deberi existimo nec sititudini nostræ, officium persoluam. Cuius si fructus aliquis extiterit, qualem emergere, & vehementer cupio, & libenter sperem, magnam labori meo gratiam ipse retuleris. Sin minus, neque sic tamen operæ pænitebit: quæ vt tibi sit & alijs quibusdam, vel etiam centum, si libet, ac mille lectoribus infructuosa, nonnullos tamen fore planè confido, qui ad rem vsque adeò seriam, animi in-

ten-

entionem propius admoueunt. Quamquam enim qui ex illo Romana mensæ calice semel vel hauserunt, vel minimam guttam delibarunt, eos venefica illa portione ebrios ferè omnes videmus: nisi tamen vehementer fallor, non sic omnes obstupuerunt, ut non possint vnus & alter meis aculeis, quibus hic eorum somnolentia pungetur, excitari. Quamobrè hanc epistolam sic tibi destinavi, ut qui in eadem (ut dicitur) tecum naui vehuntur, omnes sibi scriptam intelligant. Nam neque in vno sacerdotij genere tractando (quod tibi satis erat) eam consumere, sed per vniuersam vestrarum opum colluuiem deducere in animo est: & stylum ita studio temperare, ut non cum vno duntaxat homine, sed toto simul ordine mihi esse negotium appareat. Equidem non sum nescius, quàm ardua difficilique in causa verfer, dum eos mihi fero iudices, quorum fortunas honorésque omnes in iudicium postulo. Ac quibusdam fortè insanus videri possim, qui sola facundia obtinere in animum inducam, ut se vnica vitæ præsidij abdicare vltro isti velint: quibus ægerrimè cedunt, qui vi manique illis exuuntur. Apud integros sanè & incorruptos iudices non ita difficile fuerit palam facere totam illam Romanensis opulentia congeriem, ab ipsa suprema sede, ad minimam vsque capellaniam (ut vocant,) ex imposturis, furtis, rapinis, sacrilegijs, peß. mĩjque artibus conflata esse: & cuius nullam particulam attingere possis, quin multorum scelerum conscientia te obstringas. Nam de eo si quis abigit, ei facilè sua dubitatio, antequam dicendi finem faciamus, eximetur. Eandem verò confessionem ab ijs exprimere, quorum ut venter eiusmodi imposturis, rapinis, furtis, sacrilegijs, pascitur, ita mens animusque corrumpitur: non ita promptum est. Neque enim scitè magis quàm verè pronuntiatum olim hoc à Catone fuit, Venti nullas esse aures, quibus rationi melioribusque consilijs auscultare queat. Atqui, non hic cum vno duntaxat ventre mihi negotium est, sed cum ambitione quoque: cuius affectus ad verum perspicendum non minus cæcus est, quàm ad audiendum surdus illius sensus. Est tamen quiddam, quod in tanta etiamnum difficultate spem mihi aliquam faciat, in ipsis vel docendis, vel monendis, vel obsecrandis, non inanem me operam sumpturum. Tametsi enim omnes præstigijs illis fascinati, quibus suos excacare solet Romanus Pluto, quàm calamitosas possideant opes, non vident: bona etiam pars malo suo altius indormit, quàm ut vlls clamoritus expergiscatur: non sic tamen omnes (nisi vehementer fallor) ad meliorem doctrinam obsurduerunt, ut non vel dimidiam saltem aurem, è tam numerosa gente pauculi nobis arrigant. Magna sanè vis est verbi Domini, potentiórque quàm reputare quisquam temerè queat, nisi expertus, & quæ plurimum valeat in vtrunque partem: ut quicquid eo attactum fuerit, quamlibet durum sit & saxeam, vel emolliatur protinus, vel conteratur: ut quicquid petatum eius odore fuerit, vel in mortem afficiatur, vel in vitam. Sint igitur innumeri, qui deuoto animo in suam ipsorum perniciem ruentes, mea ista exhortatione, fidelissimo alioqui mali sui remedio, grauius adhuc exulcerentur: quosdam tamen fore minimè dubito, qui obiectum naribus suis vitæ odorem, magna cum lætitia persentiscant. Quorū in numero ut te, Vir mihi amicissime, certissima fiducia ponere ausim, facit cum ingenium illud tuum, & præclaris naturæ dotibus ornatum, & optimis artibus liberalissimè expolitum: tum verò reliquiæ, quas in te semper residere confido, pristina tuæ pietatis: quam & ingenti cum fructu, nec sine admiratione olim mihi spectatam, verè asseuero. Tentemus igitur, quantum apud

te, aliósq̃ue nondum deploratæ cecitatis homines, possit Dei veritas: hoc prius à Domino ipso comprecati, ut te pariter ac eos castigatione sua corrigere malie quàm frangere.

Felicem te omnes, Fortunæque alumnū prædicant, ob nouum istum Episcopatus honorē: qui præter insigne illud Præsulis nomen ac decus, cuius maiestati passim assurgitur, cuius gratia illustres conciliantur amicitia, cuius auctoritate plurimæ clientelæ comparantur, magnarum quoque opum ingentem prouētum tibi sit allaturus: vnde non priuatos modò vitæ sumptus sustinere, sed multorum etiam subleuare egestatem, beneficentiámque in commune exercere liceat: atque (vt nimium in hanc partem ferè creduli sumus) tibi fore persuadent. Ego verò dum reputo quale sit illud totum quod vulgi opinione tanti aestimatur, calamitatem ex animo tuam miseror: eoque magis, quòd sub felicitatis specie sic fallit, ne miserum te esse cernas. Ille enim ordinis vestri splendor, illa maiestate plena veneratio, opulentia illa, domesticus nitor, amplum famulitium, quandoquidem ab hominibus proficiuntur, quale sit vestratū populi de ipso iudicium, ostendunt: at, sanè Dei iudicium, à quo Episcopus ipse profectus est & institutus, primo loco requirendum erat. Quare, vbi illa omnia audies quæ solent ad tibi gratulandum commemorari, popularis illud trutinæ examen esse memineris: in quo ea sapius præponderant, quæ in Dei trutina nec appenduntur: in aestimando autem Episcopi munere, populo neque rectè, neque tutò credi iudicium vnius Dei esse audiendum, cuius & auctoritate cōstitutum est illud, & legitis definitum. Atque ad id si animum seriò ad Dominum advertere libet, diffleant inanes illi omnes fumi, tibi que penitus euanescent oportet: qui si qua in parte hæreant tuæ cogitationis, oculos nò impediunt modò, sed oblimabunt, quominus spectare ad liquidum queant illam, quam Dominus proponet veritatem. Nihil æquius cogitari potest hoc meo postulato. Verum, ad tantam æquitatem ad id nulli sunt attenti, ut neque primo, neque secundo, nec postremo quidem loco, quam à Domino prouinciā acceperint, cogitent. In mitra partim, & lituo, & pallio, & annulo, reliquæque eiusmodi supellectile defixæ sunt omnium mentes: partim verò, & quidem altius, in illis facultatibus, quibus & domesticus splendor, & populosa familia, & mēse elegantia, & omne deliciarum magnificentiaque genus continetur. At enim vniuersam istarum ineptiarum vanitatem tantisper ex animi intuitu semoue, dum veram muneris tui rationem mecum è verbo Dei recognoscas. Episcopus creatus es? Instat tibi mox sua exhortatione Apostolus Paulus: prospiciendum esse tibi, quod acceperis in Domino ministerium, ut illud impleas. Ministerij nomen cum audis, & constitutum te alijs debitorem, neque tuo te commodo, sed in rem vsūque aliorum Episcopum esse succurrat. Ministerium autem ipsum quale sit, ut non sine causa videre iubet, ita diligenter in hanc curam est incumbendum. Nam neque pascendæ Christi Ecclesiæ præfectum esse, res est vulgaris momenti: nec leuis operæ negotium, functionem ipsam fideliter exercere: neque mala fide administrare, mediocre, facilisque veniæ delictum. Quos Ecclesiæ suæ pastores Dominus præficit, eos se in populi sui tutelam, & custodes apponere, & speculatores collocare testatur. Tantum ponderis vel his duobus verbis subest, quantum ad erigendas omnium mentes satis esse debeat, ne tanta in procuratione vel cōtemptu, vel securitate, vel ignavia, vel negligentia torpescant. Non hîc ago de ordinis dignitate: operis etiam mo-

Colo 4.

Isa. 62.
Ezech. 2.

lem

lem nondum attingo: sed de ipsa duntaxat rei magnitudine loquor, ne exigua contemptibilique in provincia versari se putent, quibus est id muneris à Domino demandatum. Sunt igitur, quicumque regendus Ecclesiis præsunt, custodes populo Dei constituti, qui eius curam & habiant, & gerant: sumi & speculatores, qui in eius salutem inuigilent: præclara omnino administratio, dignissimaque (si qua alia sub cælo digna est) in qua nerui omnes contendantur, tota ingenij vis explicetur, omnes denique & animæ & corporis partes desident. Simul enim & æconomi intelliguntur in Domini familia constituti, & in moderando eius regno quidam veluti procuratores. Qualis verò æconomiæ species? Non ad tenue sanè sordidumque aliquod ministerium, sed ad dispensanda cælestis sapientiæ mysteria, 1. Cor. 4. adeoque ad ipsam Dei domum, ex ædificandam & constituendam destinantur. 1. Cor. 3. Qualis regni procuratio? Non ea certè quæ exigua aliqua in parte aut leuiculis functionibus, sed quæ in exerenda exècandaque, ad fidelium salutem, Domini potentia, versetur. Quare & sal terræ, & lux mundi, & Angeli Dei, & ipsius Domini cooperarij vocantur, quicumque docendi personam in Ecclesia Domini sustinent: ipsa autem prædicatio, & virius Dei in salutem omni credenti, & regnum Dei nuncupatur. Hæc ergo prouincia magnitudo, si oscitantiam omnem excutere tibi debet, ubi ad ipsam operis molem animum conuer. eris, enarrari non potest, quanto studio excitari te inflammarique oporteat, nequid in obeundis eius munij diligentia reliquum facias. Non enim ea est, quæ aut torpere hominem ac desidere sinat, cuius humeris incubuerit, aut leui perfuncloriaque opera contenta sit. In præfecturis quidem & satrapijs, quibus familiares suos, reges honorant, otio sam sapius dignitatem spectare licet: at quos Dominus ad regendam Ecclesiam suam vocat, ijs administrationem mandat, negotij, curæ, sollicitudinis plenam: nisi verò ideo facilem esse iudicamus, quia paucissimis verbis apud Prophetam perstringitur: ubi Dominus iubet accipi ab ore suo verbum, & ex se populo annuntiari. Sed huic paucorum verborum imperio quantum subsit ponderis, Dominus non ster indicauit, eos demum familiae suæ æconomos officio suo respondere testatus, qui in reddenda procurationis ratione, duas non vulgares virtutes, fidem ac diligentiam approbare possint. Luc. 12.

Enimvero hic plerosque videmus hallucinari, qui dum annuntiandi verbi munus sibi demandatum audiunt, præclare se de sanctos putant, si qualencunque populo Verbi gustum præbuerint: minime autem animaduertunt, aut quale annuntiari verbum velit Dominus, aut quam annuntiandi rationem statuatur. Atqui non exiguum quiddam ab Ecclesiae suæ ministris requirit Dominus, cum eos dicit se potuisse custodes, qui nec die nec nocte quiescant, quin perpetuo excubent ad eam Iesa. 62. protegendam. Deinde quales ipsos agere excubias velit, per alterum quoque Prophetam declarat: Nempe, ut populo quietem agente, ipsi quasi è specula eminens circumspiciant, ne qua improvisa calamitas incautos opprimat: sed quæ impendere pericula viderint, longè antè denuntient, ut sit eorum prouidentia, non secus ac omnes Ecclesiae oculi: eorum vox, non aliter atque clangor tubæ, in cuius signum intenta sit ciuitas vniuersa. Ieze. 33. Quanquam ne his quidem adhuc finibus tota Episcopi functio continetur, sed omnes eius partes semel complexus est Dominus, ubi Pascendi verbo designauit, cum Petrum pascendis suis ouibus præficeret. Nam ut Platonem & Homerum omittamus (qui plurimas regis dotes melius exprinere nō

possunt, quàm dum ποιμένα λέγουσιν vocant) sacrae Literæ, dum omnem pietatis, amoris, suavitatis, sollicitudinis affectum complecti volunt, Pastoris nomine hæc omnia simul enuntiant: plus utique aliquid significantes, quàm si vel paterem, vel præsidem, vel ducem vel custodem dicerent. Siquidem pastor & deducendi, & regendi, & servandi non solum curam gerit: sed quodammodo etiam pater est. Neque temere reperiri possit in patris visceribus tantus amoris ardor, quantum Dominus noster pastori tribuit, cum bonum pastorem dicit animam pro ovibus suis ponere. Ita que ipse quoque cuius sanguine pascimur, Pastoris titulo à Prophetis præsignatus est, & se quoque præsens hoc nomine appellavit. Atque ut clarius perspicias, quibus iam limitibus describatur Episcopi officium, dum pastoritio muneri comparatur, quibus in rebus vigilantia sedulitasque pastoris sita sit, tecum ipse considera. Ut enim huius integritatē nemo ludauerit, nisi qui sufficiens gregi pascuis intētissimam curam impendat, nec minus interim de arcendis ab eo depellendisque omnibus & iniurijs & insidijs sit sollicitus, postremo vocando ac deducendo, viamque semper ipsi demonstret, quam sequatur: ita nec Episcopum suo munere rite defungi putes, nisi qui tribus istis sedulò totòque studio aduigilavit: Ecclesiam ut verbi pabulo nutriat, & verbi præsidijs adversus Sathanæ incursiones muniat: demum vitæ sanctitate viam ostendat, quæ sit ijs tenenda, qui ad regnum Dei aspirant ac contendunt. Hanc sanè pascendi legem & sibi fuisse propositam vidit Apostolus Petrus: tanta se eius muneris difficultate premi confessus, ut ne mensis quidem simul vacaret ministrare: & alijs quoque proposuit, quos exhortatur, ut curæ gregis agant, excubantes in eius salutem, non quasi necessitate coacti, sed sincera animi propensione: neque sordido lucris studio, sed tota pectoris alacritate: nec Dominiū exercentes in Christi hereditatem, sed se ad omnis boni exemplar regulamque formantes. Quid quòd Ecclesiæ suæ ministris tantam imposuisse sollicitudinis molem Dominus non contentus, canum etiam vices, qui ipsorum alioqui pastorum excubitores esse solent, sufficere supplerèque iubet? ad id ab hoc munere omnem feriandi securitatem laborisque remissionem sublatam esse voluit. Iam videmus non sine causa facere Apostolos, dum tot doctibus instruunt eum, qui sit in pastoris locum cooptandus: quandoquidem plurimum abest, quin sit cuiusvis præstare, quod in ordine illo Dominus severissimè requirit.

Verum nos, seposita vitæ mentione, docendi duntaxat officium, quale sit, in præsens ostendamus. Idque ipsum, quò dilucidius sub oculos tuos sistatur, ab amplis illis, quibus diffunditur, spatijs reductum, secundum Pauli partitionem in duo membra colligamus. Neque enim hic absolutam veri pastoris imaginem formare statuimus, ut iustam de eius ministerio disputationem necesse sit ordiri: sed te paucis admonere, quantum oneris sustineas, dum tu, etiamsi alienum ab Ecclesiastico pastore munus proferis, nomen tamen Episcopi personamque sustines. Sic ergo totam docendi provinciam cum Apostolo partimur, ut eo qui secundum doctrinā est sermone institutus Ecclesiæ minister, talis sit, qui & exhortari possit in doctrina sana, & eos qui adversantur convincere. Cum duplici hominum genere negotium illi proponi vides: quorum apud alios quidem exhortationis est usus, aliorum frangenda est reuincendaque pernicia. Et quid hoc aliud est, quàm quod iam antea demonstratum fuit: partim pascendus ovibus, partim lupis abigendis intentum esse oportere eius & animum & studium? Qui veri prima-

ritique

rijque pastoris voci aures habent apertas, & ad auscultandum paratos facilesque sese præbent, ac tractabiles, hi sunt ouium loco habendi. Proinde, siue docenda eorum ignorantia, siue excitanda tarditate, siue imbecillitate exhortanda, siue lapsibus obiurgandis, siue erroribus monendus, semper & fouere pastoritia sollicitudine ipsos, & benignitate tractare studeas oportet. Rursum, altero quoque oculo sunt observandi lupine à Christi septis abductas incautas oves de prædentur, quales partim sunt contemptores isti, quibus ut verbum Domini propè fabula est, ita eodem Dei contemptu verbi que eius ludibrio, pios animos imbuerè summa est voluptati: partim pseudopropheta, qui veram puramque religionem & perniciosis mendacijs obscurare, & prauis dogmatibus contaminare, & dissidiorum contentione scindere, & quibus denique vijs possunt, euertere conantur.

Iam verò sequitur, quod tertio loco propositum erat: nihilo esse neglecta desertæque functionis pœnam leuiorem, quàm sit administranda difficultas. Nihil enim grauius proferri potuit, quàm illa planè horrenda denuntiatio, quæ Episcopi auribus assiduè insonare debet. Id enim ipsum, quod Propheta suo denunciabat olim Dominus, nihilo ad eos minus, quàm ad Prophetam, cui semel dictum est, Ieze. 3. & 33. pertinet: Posui te, inquit, populo meo speculatorem. Si dicente me ad impium, morte morieris, non locutus fueris, ut auertatur à via sua impia, & viuatur, ipse quidem in sua iniquitate morietur: sanguinem autem eius de manu tua requiram. Quis iam in eo delinquendi sibi licentiam indulgere audeat, in quo vlci scendo se adeò seuerum fore Dominus ostendit? Quis iam negligentia suæ blandiatur, aduersum quam sic tonat Dominus ac fulminat? Quis impunitatis confidentia sese deludat, terribili hac sententia pronuntiata? Paulus sanè, quanta sententia huius religione teneretur, abundè testatus est, cum & necessitate se ad euangelizandum obstringi ait, & maledictionem ipse sibi indixit, nisi necessitati parèrer: addita sola ista ratione, quia munus sibi creditum esset. Quare, & cum apud Ephesinæ Ecclesiæ ministros de sua integritate differeret, quò suo eos exemplo anima- Acto. 20. ret, ideo se mundum esse ab omnium sanguine affirmavit, quoniam non subterfugerat, quominus omne Dei consilium illis annuntiaret.

Verùm ne quicquid in genere de pastorum officio disputatur, quasi minimum ad te pertineat, securus audias: iam conuerso ad te sermone, experiar num aliquis adhuc in te resideat Dei timor, quo te olim non penitus vacuum esse sensi. Istud tamen dissimulatum tibi nolo, mirari me non satis posse, qualis sit ille tuus stupor, ut cum tot Domini iudicijs ac telis letalibus configantur ignaui pastores, nullum eorum in te dirigi sentias: cum illi tamen, nisi per tuum latus, vulnerari non possint. Quid enim, postquam Episcopi & nomen & locum tenes? Omnia pro Episcopi iure ac potestate administras, omnium in te coniecti sunt oculi, velut in religionis antistitem: fidem Ecclesiæ tuam obligasti: quo quæso prætextu officium ipsum abs te reijcies? Tu, dum tuum commodum, dum potestas, dum prærogatiua, dum dignitas agitur, Episcopus agnosci vales: dum abs te exigitur, ut quod munus est tui vicissim præstes, Episcopum esse te negabis? Noli putare, ô bone vir, vel talibus ineptijs Deum quo cum hic ubi negotium est, ludificari: aut talibus cauillis verbum eius eludi posse: quando ne homines quidem istam in tyranno barbariem ferrent, si rodendo populo, principem se esse prædicaret, regendo negaret. Et tamen audio abs te, cuique ordinis hominibus, voces istas subinde iactari: sa-

cerdotia, quæ sub Episcoporum titulo geritur, nihil esse minus quàm episcopatus: sed dominia potius, aut ciuiles præfecturas, aut honorarias pensiones, aut aliud quiduis, modò ne episcopatus censeatur. An non hoc est Deum simul & homines velle fallere? Quoniam institutum Domini est, vt eligantur, qui Ecclesis præsent, pastores: hoc obtentu alleclus es in eam, quam obtines dignitatem: qualiscunque tandem sit, aut quocunque vocetur nomine: non vt satrapiam inuaderes, sed vt Ecclesie ad administrationem obires, arripis conditionem, inuocato Dei nomine, iuras in probi sanctique pastoris munus. Ea quæ sunt dignitatis pro Episcopo geris: & quo populum habeas obsequentem, nomen libenter præfers, totum populum in te, quasi via directorem, reclinare: reiectaque ad tuam prouidentiam religionis cura, securum esse pateris. Ita Deo & hominibus obstrictus, nihil tua referre nugaris, si omnia pessum eant, quorum in te procuracionem recepisti. Equidem si me interroges, quo te loco aut ordine habeam, quiduis potius esse te, quàm Episcopum respondebo: in quo ne obscurissimam quidem lineam extare conspicer, quæ Episcopum aliqua saltem ex parte figuret. At non propterea debere desinis, quodes, Deo teste & hominibus, aut verius, Deo simul & hominibus, sacramento pollicitus: quod expectari abs te hominum opinione vides: denique quod tuo nomine profiteris. Quid profectio ipsam, sacrilegi te reum agit: quandoquidem ore Domini in sanctos Ecclesie usus consecratum, ita peruersè abs te & improbè profanatur. Quamobrem friuolis illis tergiversationibus valere iussis, nunc te appello & obtestor præsidem religionis, quam fideliter & scilicet in componenda constituendaque religione labores: ducem ac moderatorem populi, quanta sedulitate curâdis populi rebus inuigiles. Si te vidente & conuiunte proscindi, conculcari, contaminari, eueri denique totam Dei religionem: si populum miserè circumscribi, fratribus irretiri, in ruinam præcipitari ostendo: qualem iam prætextum afferre possis, qui vel ad minimam excusationem valeat? Quid quòd non conuiues modò, sed talibus quoque flagitijs te ipsum inscribis? nec tacendo solum & dissimulando, verbum populumque Domini prodis, sed manu ipse tua & latefacias veritatem, & populum trucidas. Hoc enim non est quod neges: centum furtorum generis, quibus simplex plebecula expilatur: mille sacrilegiorum formas, quibus & nomen Dei profanatur, & dissipatur veritas: in summa, quicquid penè impietatis & abominationis habet tua diocesis, & manus tue subscriptione approbata esse, & annulo consignata. Quod est sacrilegium sub celo Missa execrabilius? Et tamen sacerdotes, nefandis illius sacris, aut ipse initias, aut alteri de manu in manum (quod dicitur) initiandos tradit. Quo postea se Christi carnifices iactent, ac ipsum populo, veluti promercalem, quotidie prostituant: non sine summa crucis eius contumelia, cuius virtutem commentitijs illis suis sacrificijs profusus eneruant. Missis ergo suis, quibus nulla est in terris nocentior lues, quoties populum fascinant, acceptum abs te venenum porrigunt. Circulatores istos probè nosti, qui populum vt pecunia emungunt, mortuorum ossa circumferunt. Quid vel eorum nudatione fœdus, vel prestigijs nocentius? Vtrunque tamen non sine tuo permissu, addo etiam commendatione, exercetur. Quales verò sunt excommunicationes? quæ nunquam, nisi tua auctoritate præexte, efferuntur? Qualia sunt edicta omnia, quæ nomine tuo publicantur? siue aliquid interdiciunt, siue indulgent, an non semper meram spirant tyrannidem? Verum quia eluende huius sentina nullum futurum finem video,

deo, diutius in enumeratione non commorabor. Tantum, si tuum est, quicquid à Suffraganeo, à Vicario, ab Officiali tuo ex officio geritur, quid ex tribus illis officinis prodeat cognosce: & per me planè absolutus esto, nisi plus illic pessimorum scelerum reperias, quorum conscientia obstrictus tenearis, quam sermone designare possim. Nullum enim vel impietatis in Deum, vel aduersus homines iniustitiæ genus prætereunt, dum optima fide, quod suarum est partium exequuntur. Earum, inquam, partium, quas tua voce priuatim demandasti, quas publicè solenni diplomate confirmasti. Ut gesta eorum perinde habenda sint, ac si gerendis illis coram ipse præfuisset. Equidem inuitus, nec sine pudore facio, ut delicta istæc tua tam præcisè urgeam: ne accusationem magis instruere videar, quam monitorem agere. Sed quid in re aperta tibi blandiar? Præsertim, cum cò periclitari maximè te cognoscam, quòd in perpetrandis id genus nequitijis, perinde ac si quiddam ludicrum foret, tibi delicias facis? Hoc ergo rursum pronuntio, cui inficiendo nequaquam eris: religionem plebèmq; Dei, quarum tibi cura demandata erat, non tua modò ignauia desertas pessum ire, sed improbitate etiam nequitiaque prosligari. Si iure in militiæ desertorem capitaliter leges animaduertunt, quæ satis iusta pœna in transfugam constituatur, qui non loco tantum & ordine suo cesserit, sed hostiliter etiam castra ipsa vexarit, quorum in defensionem iurauerat?

Age verò, nihil hîc grauius, quàm officij prætermissione, te delinquere fingamus (quanquam longe secus rem habere palàm est) quod tamen adhuc Dei maledictiones vndique te obsideant, cernis. V& mihi, nisi euangelizem, dicebat Paulus: munus enim mihi demandatum est. Et qua, quæso, maiore prærogatiua, V& istud abs te deprecèris, quod ipse sibi Apostolus denuntiabat? Rnm. 1. Debitorem ille se eruditus pariter & rudibus profitebatur, ad quos Apostolus mittebatur. Tu cur aliquid minus tuis debeas, quibas Episcopus es præfectus? Ille Ephesinis mun- Acto. 20 dum se ab omnium sanguine testabatur, quia nunquam subterfugisset, quominus omnem Dei voluntatem illis enarraret. Tu quam à sanguine munditiem iactabis, cuius ex ore nulla penè vnquam syllaba audita est, quæ vel vna in re Domini voluntatem saltem subobscurè indicaret? Neque verò eo vsque sum iniquus, ut pastorem nullum ferendum censeam, nisi qui incomparabilem illam & verè diuinam Pauli virtutem æquis, ut dicitur, passibus sit affecutus. Quin potius & permultos fuisse olim, & hodie esse non paucos dico, non Episcoporum nomine solùm, sed laude etiam admirationèque omnium dignissimos: quorum neminem tamen viderè parem illi extitisse. Sed hoc honore dignamur eos, qui etsi ad vltimam illam perfectionem non pertingant, ad eam tamen strenuè contendunt & enituntur, ut si cum Paulo ipso comparentur, impares esse dicas, magis quàm dissimiles. Tu cum nullam eiusmodi similitudinem præ te feras, mirum est, si V& illud, impendere tibi non sentis: quod à se non audebat sanctus Dei Apostolus deprecari, si partibus suis defuisset. Iam verò (qualis est præsens Ecclesiæ tuæ status, aut verius ruina) nisi plusquam saxeus esses, eorum quoque fortuna commoueri te oportebat, quos in fidem tutelamque tuam Dominus contulit. Quibus enim oculis otiosus & oscitabundus tantam eorum cladem aspicias, quorum tibi salutem adeò sollicitè Dominus commendauit? Vnus fidefidia tua perierit, sanguinem è manu tua se reposciturum Dominus edicit. Recognosce paulisper mecum, quot iam paucis his mensibus, quibus Episcopi locum occupaasti, animæ tua culpa perierint, quot etiam quo-

Iesa. 5.

tidie periant: si tamen potes. Nam si verum est quod per Prophetam suum conquiritur Dominus: Infernum propterea in immensum os suum aperuisse, & animam suam dilataste, propterea captivum esse ductum populum, quia non habuerit scientiam: quis inferni gurgis ad deglutiendam miseram hanc & tua perfidia perditam plebeculam, sufficiet? quæ non vulgari inscitia obvoluta tenetur, sed altissimis tenebris immersa, oculos vix iam attollere potest. Illam Iudæorum ignorantiam, quam deplorat Prophetæ, cum seculi huius cecitate conferas: illos sanè præ tuis eximè sapuisse dices. Adeò nihil istis superest humani sensus, quominus planè obstupuerint, nisi quòd nihil aliud, quàm perire edocti, mira pereundi cupiditate insaniant. Et cum ita omnes ad unum agminatim attoniti, & velut exitio suo deuoti sese in voraginem vtrò deuoluant, instant tamen semper à tergo furia, quæ nouis subinde aculeis instigent, & præcipitantes impellant. Denique non alia est facies, quàm si ciuitas aliqua & graui pestilentia correpta, & hostiliter expugnata, duplici pariter internecione concideret, & vno simul incendio vniuersa conflagraret. Ad buccinam excubitor, ad arma pastor. Quid cessas? quid torpes? quid dormis? Dum animum externis & nihil ad rem pertinentibus curis abreptum, huc non aduertis, omnia strage referta sunt. Tot mortes Domino debes, infelix, toties homicida es, toties reus sanguinis, cuius guttas omnes è manu tua Dominus requiret. Et sustines adhuc tæcum fulmè intrepidus? Non exhorres? non turbari? non animo & corpore totus concidis? O te nimium præfracta contumaci quæ ceruice hominem, si ad tantum Domini iudicium non consternaris, cuius profectio grauitatem cælum & terra, & ipsa muta elementa non sustinerent. Sed parum adhuc dico, cum te homicidam appello, & tuorum proditorem. Hoc enim maius omni probro flagitium est, quòd Christum ipsum, quantum in te est, rursus vendis, rursus crucifigis. Quid est enim aliud, Ecclesiam (quam suo sanguine Christus acquisiuit) modò improbam lucri cupiditatem expleas, dissipadam prostituere, quàm ipsum Christi sanguinem, quo æstimata est pretio, addicere? Quid est autem Christum crucifigere, nisi hoc est? sanguini eius contemptum illudere, ac tantum non ipsum ludibrio habere? Et hanc scilicet tam insignem contumeliam semper feret ille, quem Pater gloria & honore coronauit? Tu verò, si sapias, nunc sacrosanctum Christi sanguinem, quanti meretur, potius æstimabis: quàm expectabis, dum supplicij atrocitate discas, quanti à Domino ipso fiat.

Proinde videndum nunc tibi quoque est, quo iure ad te redeat prouentus ille amplissimus, quem Episcopi dum esse iactas, tuum facis. Equidem video sic esse à Domino constitutum, vt qui Euangelium administrant, ijs vicissim, quicquid est ad vsus vitæ necessarium, administretur. Nec illi placere, vt os obligetur boui trituranti. Sed quis tibi concedat, vt fructum, quo Euangelij ministerium Dominus muneratur, ipse, nihil minus, quàm Euangelij minister, legas: & quæ boui trituranti adiudicat alimenta, otiosus vores? Presbyteros, qui bene præsunt, nobis commendat Apostolus, vt duplici in honore habeantur: præsertim qui in verbo laborant. Eum ergo, qui sibi honorem poscit Episcopi, bene regendo prius efficere æquum est, vt honore dignus iure censeatur. Quòd si etiam ita te geras, vt ad optimi Pastoris fidem, studium, diligentiam, integritatem nihil desiderari possit: quorsum tamen immodica illa, nullisque finibus terminata opulencia? Vitæ ne pastoris sustinenda, cuius ipsam moderationis esse vult Dominus, limitata: ac non ty-

ran-

vannica potius luxuria par est? Sed eam nondum reprehendo, quæ suo postea loco perstrigetur. Hanc in presentia duntaxat improbitatem accuso: quod uberrimos inde fructus referas, sementem ubi penitus nullam feceris. Hac, inquam, impudentissima est rapacitas: & quod audire ordinis tui homines minimè sustinent, furtum bis manifestum: Eum qui manum operi nunquam admoverit, opera tamen mercedem imperiose flagitare. Si fustuario dignus est, qui vicini parientem perforasse sit deprehensus, quò in eius arcam inuolaret: flagitiosum hoc tuum latrocinium, quæ furca satis prodignitate mulctabunt? qui hinc, quod officij laboribus debetur stipendium, suffuraris? inde omnium domos rapacissimè depredaris? Sic quidem longa annorum præscriptione obtinuit illa furæ licentia, ut honestis etiam titulis ornetur. Verum utcumque inter homines aestimetur, nò eorū errore tamen rescindetur, quæ semel aduersus eam pronūtiata est à Domino, sententia: Væ pastori bus, inquit, qui pascunt semetipsos. Nōne greges à pastoribus pasci moris est? Vos ^{leze. 34.} autem lac comedistis: quod pingue erat occidistis: lanis fuistis operi, gregem autem meum non pauidistis: quod infirmum fuit, non stabilistis: egrotum non sanastis, confractum non alligastis: abiectum non reduxistis: quod perierat, non quaesistis: sed cum austeritate inperastis gregi, & potentia: & dispersæ sunt oves meæ, eo quòd non esset Pastor: & factæ sunt in deuorationem, nec erat qui requireret: non erat inquam, qui requireret. Propterea, Pastores, audite verbum Domini: Viuo ego, dicit Dominus: quia factæ sunt oves meæ in rapinam ac deuorationem bestiis agresibus, eo quòd Pastore carerent: nec enim eas requirebatis, sed tantum pascebatis vosmetipsos. Ideo ecce ego gregem meum requiram de manu vestra: & cessare vos faciam, ne ultra gregem meum pascatis: liberaboque ipsum ex ore vestro, ne sit post hac votis in escam. Tu scilicet aut his designari te negabis: quæ non tam vitæ tuæ faciem ad viuum depingunt, quàm te tibi totum velut in speculo representant? Aut iudicium Domini inane terri culamentum esse dices, quod minus feriat, quam minatur? Quamobrem non est cur istis opibus iam te beatum putes, quarum & te furem esse vociferatur Dominus, & repetundarum postulat. Furti ergo sacrilegiique ignominiam nec vnus è cornuto illo grege, inficiari potest. Verum, quoniam nonnullos inferioris clauis Pastores istis esse audio (ex eorum scilicet ordine, quos & paræcos, & curiones vulgò appellant) qui aliqua officij sui particula utcumque defungantur, hocque pretextu sese tueri planè conentur, quòd paulò quàm alij verecundius delinquant, illi mihi sunt paulisper hoc loco appellandi. Quò autem intelligant, quàm non sim malignus estimator qualiscunque istius, quàm pascendis Ecclesiis impendunt, sedulitatis, plus aliquid vltro illis dabo, quàm postulare ausint. Tamet si eas ut plurimum Ecclesias, quibus præfæcti sunt, non incolunt: adsunt tamen ad solennes multos dies: verba pauca pro concione faciunt: populo semina quadam pietatis aspergunt, ac guttas veluti quasdam instillant purioris doctrinæ, neque illaudati discedunt totius suæ plebis suffragiis. Atqui si hæc officiola ipsorum, ad eam, quam ex Dei verbo descripsimus, regulam, exigantur, immanè quantum à veris etiamnum Pastoribus aberint: qui cum tota illa sua sedulitate nihil aliud, quàm infideliter sese in opere Domini versari produnt. Hoc enim ut dissimulem, muneri suo minimè ipsos respondere, nisi tempestiue simul & intèpestiue instando, arguendo, increpando exhortando, cum omni lenitate & doctrina (quorū omnium illis nihil curæ est:) quid tamè operam suam ma

leze. 34.

nec tu,

2. Tim. 4.

gno veditent, cuius ne quod omnino pretium extet, ipsi diligenter provident? In
 re perspicua longiori argumentatione opus non est. Miseram plebeculam, cuius
 eruditores videri volunt, cum tanta ignorantia caligine excacatam, tot errorum
 prestigijs delusam, tot mendaciorum fascinis incantatam & consopitam satis no-
 rint (quod nemini quidē est in cognitum) sentire ut nihil queat, nisi quod manibus
 pedibūque palpet atque attrectet: quia tamen ingenuē verum dicere periculosum
 est, nec suam vocationem tāti aestimant, ut laudi sibi esse velint, in ea docēda, ob-
 scuritatem data opera & vafriem adhibent, qua vel acutissimum quēque falle-
 re conātur. Istudne, quāso, docere est, cum apud rusticanos homunciones, natura
 non valde argutos, prava etiam institutione hebetatos, habenda est oratio, senten-
 tias per se hominum ingenio difficiles, sic perplexis ænigmatibus implicare, quo
 in illis intelligendis OEdipus quoque ipse laboret? Nam siquid dicere eiusmodi
 instituunt, unde sibi aliquid negotij molestiæve fore suspicentur, illud velut con-
 ceptis verbis obscurissimè effantur: ut si discrimen immineat, tergiuersatione
 semper elabi possint. Atque id potissimū ijs in rebus vsu venit, quas explicatissime
 & tradi, & enarrari Christianæ Ecclesiæ referebat: quandoquidem ut quidque
 ad stabiliendum Christi regnum maxime conducit, ita Sathana est odiosissimum
 eiusque furore impetitur acerrime. Itaque sic de fide concionantur, ut plebis diffi-
 dentiam nihilo emendent magis, quā si tacerēt. Sic Christum mediatorem osten-
 dunt, ut in sanctis semper hæreatur. Sic Dei gratiam prædicant, ut eadem merito-
 rum propriæque iutitiæ hallucinatio semper maneat. Sic verbi Dei auctoritatem
 cōmendant, ut pluris fiant fabulosa hominum commenta. Sic Deum vnum colendum
 docent, ut eandem semper idololatriam relinquunt. Sic de vera religione disse-
 runt, ut è tot impijs superstitionibus nullam conuellant. Denique sic veritatem
 proponunt, ut stet mendacium semper incolume. Apagesis tergiuersatoriam istam
 calliditatem, & perplexitatem affectatam, ab eo, qui docendi munus proficetur:
 cuius prima est virtus, auditorum captui sese attemperare. A Christiano verò do-
 ctore quā longissime arceatur, à quo, nihil nisi sincerissimum, & simplicissimum
 audiri debet. Nam si docendus est populus, quorsum istæ ænigmata, quæ nihilo
 doctiorem dimittant auditorem, quā venerat? Nempè hoc vnum satis clarum in-
 diciū est, qualis sit eorum opera: quādo hoc quod agunt, agendo, nihil prorsus a-
 gunt. Sed istud ad refutandam eorum vanitatem, multò certius est argumentum:
 quod palām est, eos ne studere quidem, ut quicquā proficiant: quin potius data
 opera cauere, nequid proficiant. Porro quò dilucidius adhuc perspiciant, ineptijs
 illis suis omnibus se nequaquam assequi, ut ne perfidi magis proditores, quā pro-
 bi Pastores censeantur: paucis verò demonstramus, id quod Pastoribus Dominus
 mandauit, quā illi bona fide exequantur. Hac enim comparatione obtineri faci-
 le posse puto, ne nugaci nescio quo, nihilque pretextu freti, aliorum numero post
 hac se eximant. Quoniam autem quæ sit Episcopis tenenda docēdi ratio, summa-
 tim declarauit Apostolus, dum strenuos esse ipsos iussit, & ad exhortandum in do-
 ctрина sana, & ad eos qui contradicant, reuincendos, ad eam regulam, morem do-
 cendi istorum metiemur. Qualem ergo se gerit eorum præstantissimus? Cum Sa-
 thanam Ecclesiæ sibi commissæ dominari, afflicta & oppressæque Dei veritati insul-
 tare, laceras & mutilas Christi oues in prædam abigere, planèque ceu Christo sub-
 iugato, triumphare videat: paucis anni diebus in concionem, defungendi tantum

causa prodit, non aliter quam si tranquilla omnia, atque optime composita forent. Rursum, qua rabie, Christi aduersarij, apud vos, ad euertendum eius regnum, feruntur, cum non liberam modò & constantem, sed paulò synceriores verbi prædicationem cum vitæ suæ discrimine coniunctam sciat: ipse autem vel minimæ vnguicula iacturam, Christi causa facere reformidet, conciones, ipsas ita moderatur, vt se extra periculi alcam contineat. Hæc præclara sunt eorum stratagemata, quorum merito præ alijs eximij haberi volunt: in quibus si neutrum adhuc eorum spectare licet, quæ Episcopis in illa Pauli regula præscribuntur, tam inani fiducia superbire illis non concedam. Quorsum enim Christianæ Ecclesiæ conciones, nisi quibus sana doctrina instituitur? Quæ autem sana institutio tradi ab eo potest, qui nihil, nisi cum Sathana pace experitur? Id si alioqui dubiū esset, ipsi suo documento faciunt certissimum. Quicquid de vera orandi ratione præcipiant, non alium tamen orandi in populo suo vsum esse vident, quàm pessimam illam orationis pestem, inanem battologiam, qua eadem subinde verba sine mente, sine corde, sine intellectu, magico more demurmurant: vt illis non aliud sit orare, quàm rosarij circulum euoluere. Atqui, hoc malum quia nisi periculose attingere non licet, securè dissimulant. Vt cunque de vero Dei cultu differant: qui vt interiore cordis fiducia, seria inuocatione, laudis confessione constar, ita totus spiritalis esse debet: populum tamen quia inde auelli citra grauem Sathanae offensionem nequeat, in stolidis ac bis carnalibus ceremonijs toto pectore stupere, sinunt. Vt cunque ad Dei adorationem vocent, idolis tamen habere cum omnes cernant, neminem autem reprehendant, sua illa dissimulatione, quæ nutus instar, & tacite cuiusdam approbationis accipitur, fortius affingunt. Quicquid de iustitia, sanctificatione, salute à Christo petenda balbutiant: susque deque tamen habent, quòd populus, omisso Christo, ea omnia quarit, vbi minimè reperiri possunt. O præclaras in sana doctrina exhortationes, quæ dum insanienti populo placide blandiuntur, ac tantum nò applaudunt, simul etià efficiunt, vt obstinatius furere pergat! Quis enim displicere illis putet, quæ inter conciones ipsas eorum oculis assidue ingeruntur: eius generis præsertim, quæ si mala forent, vel tantillum tolerare nefas fuerit? Quicquid autè nò displicere illis putatur, eo loco habetur, ac si ipsorum suffragio palam confirmatum esset. Et quæ iam eorum esset in reuincendo aduersario magnanimitas, si ad certamen ventum foret: qui tantam in simplici exhortatione animi pusillanimitatem produunt? qui si ad aduersario ita protinus concidunt, & de præsidio stationeque nondum appugnata decedunt? Quamquam si qualis hodie sit Ecclesiæ conditio consideremus, Christo restitui non potest, nisi è luporum faucibus ereptus: ad Dei pascua non adduci potest, nisi hominum laqueis solutus: recta via agi non potest, nisi errorum labyrinthus extricata. Sic enim in euertenda extinguendaque religione, Sathanae ministri profecerunt, vt eam, nisi ab ipsorum impietate assertam, instillare hominum animis non liceat. Id in obruendi obliterandaque Dei veritate consecuti sunt, vt in lucem emergere, nisi ab illorum mendaciis vindicata, nequeat. Interim quid egregij isti & exccubitores, & pastores? Gladium conspiciunt, non, ceruicibus impendentem, sed iugulis prope admotū. Oves cernunt, non luporum insidijs appetitas, sed dentibus correptas & mutilatas. Securi tamen, vt in media pace, torpent: nisi quòd suo capiti priuatim timentes, abiecta publicæ salutis cura, de seipsis plus satis sunt solliciti. Istam quidam inertiam

ne an perfidiam potius vocē, dubito: si impunē sibi futurā confidunt, meras sibi fabulas esse, quicquid dominus aut promittit, aut minatur: ex eo testatū faciunt. Quod enim per Iezechielē Dominus edixit se populi sanguinem ē speculatoris manu repositurum, qui cū imminētē gladium videret, clangore tubæ non indicavit in quem magis propriē competere, quā in se ipsos respōdebunt? Nempe si ea lege, Ecclesiā excubijs impositi sunt custodes, qui neque nocte, neque die quiescant: non minus sanguinaria est eorū taciturnitas, qua populi salus malitiosē proditur, quā ipse hostium furor, quo nō minus, quā hostiū gladij, aspersæ, fœdatæque sūt. Quod aliud hominum genus certius, quā se ipsos, causabuntur, illa Christi sententia, qua pastorem eum seuerissimē obiurgat, & mercenarium contumeliosē appellat, cui negat esse curæ oves, qui dum venientem prospicit lupum, & iamiam instantem, in fugam, relicto grege, se se proripit? Quod si nunquam id à Domino pronuntiatum esset, propriam illis conscientiam iudicem fero: pastorem, qui vel minimas insidias noctu senscrit, nisi expergefactus mox accurrat, nōne ignaviæ accusabunt? Eum verò, qui perfosis staluli parietibus, confractioque ostio, pauper culum gregem omnibus ventorum, imbrium, hostium, luporum insidijs expositum obnoxiumque reliquerit, quantæ socordiæ condemnabunt? Quid ille? cuius sub aspectu media in luce oves atrociter laniantur, ipso ad lupos abigendos ne digitum qui dem commouente? Quo satis digno elogio insigniri poterit istæ tam flagitiosa perfidia? qua suppliciū gravitate dignē pro merito mulctari? Posthac si iustam & suæ speculationis, & pastoritiæ curæ rationem reddere volent, videant hoc in primis, sine quo nihil efficiunt ad fidem suam approbandam, nihil sibi esse reliqui, ubi rei sanguinis meritò arguūtur: à quo se mūdōs esse improbiissimē, mētuntur, nisi cū Paulo verò ac seriò affirmare queant, se nequaquā subterfugisse, quominus publicè privatī nque vnumquenque admonendo, omnem Dei voluntatem enarrarēt: præsertim ubi circumuentam Sathanæ artibus Ecclesiam, gravius periclitari senserint. Quas in partes tanta solertia incubuisse sanctum illum Apostolum videmus, ut sæpius corāmonuisse suos non contentus, eadem quoque monita scriptis absens, ac è vinculis repeteret: observarent canes, observarent prauos operarios, observarent concisionem, qua impijs contentionibus veram Ecclesiæ unitatem discinderet.

Ioan. 10.
Philip. 3.

Quid quod non conniundo tantū, ac indulgendo miseræ, ac perditæ plebecula cecitatem fouent: sed errorum superstitionūque omnium ministros ei se præbent? Etenim huic tēterrimo flagitio quotusquisque ipsorum inficiando erit, quin primo statim ingressu pessimo errore plebem imbuat, dum ipsa spectante, & ad stuporem vsque attenta, stolidis exorcismis aquam incantat, mille postea infandis superstitionibus seruituram? Quin è suggestu rursus ad altare prodeat? sacrificium illud abominandis blasphemijs refertū aut peragat, aut se peragere simulet? ad execrabilis idoli venerationem, populum & exemplo suo & nutu inuitet? quin dira illa auriculariū cōfessionū carnificina misellos ipsemet excruciet? vanis satisfactionibus, cōmentitijsque absolutionibus deludat? quin fabulosas purgatoriū natiuitas, quæ tantū in secū vehūt perniciosæ impietatis, solenni prece stabiliat? Neque verò recipi debet, quod obiectare subinde solent: His superstitionum morbis nō aliam melius ratione purgari hominum animos posse, quā si molliter initio paulò indul-

gen-

gētū attreſcitur, donec ferēdis mali remedijs aſſueuerint, & quodāmodo ſint cōfirmati. Itaq; niſi quis moderationē adhibeat, quæ eorū teneritudini nōnihil concedat, exorituræ ſine vllō profeſſu graues offenſiones, odiūque aduerſus Dei veritatem acerbius exarſurum. Id ſanè nemo eſt qui non libenter illis cōſulat, nedum permittat: quin doctrinam omnem ſuam ſic temperent, vt rationem ſemper habeant tanta imbecillitatis, quāta nunc populum ferè laborare conſtat: quin præteritis interdum minutis rebus, apprime neceſſaria vrgeant: quin emendandis maioribus delictis inſiſtentes, ad exiguos quosdam nauos pro tempore conſueuant: denique lacte ac melle paſcant, qui nondum ſolido cibo ſunt idonei. Sed enim illorum viciſſim fuerit, primū dare operam, ne ſuæ ipſorum imbecillitati prætextum magiſcaptent, quā rationem ineant ſuſtinendæ eorum infirmitatis, quibus confirmandis ſtudere debent. Deinde non ea diſſimulare, quibus ſtantiſus emergere Chriſtus cum Euangelij ſui luce prorſus nequeat: tum non ea indulgentia ignorantiam ferre, qua magis ac magis indureſcat, ſed qua paulatim diſſuatur: quando momento vno reſcindi commodè non poteſt. Poſtremò veritatis prædicationem ſic moderari, ne pernicioſis ruruſum mendacijs ipſam contaminent. Quid autem clariuſ eſt, quā ſiniſtra illa ſua prudentia non aliud quærere, niſi vt ſibi duntaxat ſapiāt? Si nullo diſcrimine liberè docendi poteſtas ficta illis eſſet, ſatis appareret quam infirmitatem curæ habeant. Et ſi verum eſſet, aliqua ipſos populi ſollicitudine tangi, quod quidem vaniſſimum eſt: quis tamen illis largiatur, vt horrendæ impietatis exempla ſub oculis ſuis perpetrari diſſimulanter ferant? Quis vnquam Apoſtolorum, Deum vnum annuntiauit, qui non aperta voce deos omnes Gentium, demonia eſſe clamaret? Quis de puro Dei cultu concionatus aliquando eſt, qui non à vanis deorum ſuperſtitionibus longiſſimè abſtraheret? Quis ſitam in Chriſto ſalutem docuit, qui non ab idolorum fiducia prorſus auerteret? Quis cum mendacio veritatem, lucem cum tenebris, Euangelium cum execratione, Chriſtum cum Belial, eadem copula colligauit? Iſti verò deorum myriades, idolorum plauſtra, ſuperſtitiones pluſquam magicas æquo animo ſe tolerare cauſantur, quò indoctam rudēque plebeculam, ſine offenſione, ad veri cognitionem adducant. Salutis fiduciam, quæ à Chriſto pendere tota debuerat, huc atque illuc tantiſper diuagari non agrè patiuntur, dum eminus raptimque inſpecto Chriſto, populus toto pectore, ſi libuerit, ad ipſum applicet. Atqui iſt hæc erāt prima exordia, quibus Eccleſiam inchoare: prima fundamenta, quæ ad exadificandam iacere debuerant. Quare, hac tolerantia, in rebus minime tolerandis nihil ſimile habet cum lacte illo, quo imbecilles adhuc Corinthios Paulus nutrebat. Illo enim, qui ſunt adhuc in Chriſto pueri, vt cunq; pro ſuo modulo ad pietatem imbuuntur: hac, vniuerſa religio diſſipatur. Illo pedetentim ignorantia diluitur: hac in peruicaciam coaleſcit. Illo nutriuntur ad cæleſtem vitam animæ: hac encantantur. Verū inep̄tē facio, qui in re expeditiſſima, & quæ verbo vno abſolui poteſt, diutius commoror. Si quidem eum nemo audiendum duxerit, qui ad ſalutem rebus extremis aſſerendam miſſus, quò melius procedat ſua opera, prima ſalutis initia in longum tempus diſſerre ſe dicat: præſertim vbi palām ſit, illius mora, omnia peſſum ire, ne cuius poſtea ope inſtaurari queant. Porro, ad reſellendā eorum tergiverſationem, illud quoque accedit, quòd omnibus propè errorum peſtibus, quibus repurgandam Eccleſiam ſuſceperunt, eam inſciant. Quid enim aliud eſt, pro mortuis apud Deum in-

tercedere, quàm pestilenti Purgatoriij opinione inquinare hominũ mentes? Quid, audita peccatorum enumeratione, iniunctaque satisfactiõne, absolutos dimittere: nisi quibus inuoluti sunt laqueis, fortius adhuc ipsos constringere? Quid verò, vt alia multa omittamus, Missaticum sacrificium peragere, nisi vno simul extitio & populum dare, & ipsam quoque religionem? Perinde ac si chirurgus, ad cõparandam homini incolumitatem, ipsum antè iugulet: aut si medicus stomachum salubri potione refecturus, toxico primum imbuat. O moderatores, quibus & Dei verbum, & hominum animas, sine modo, sine ratione, sine delectu contaminare, obscurare, perturbare, dissijcere, extinguere satius est, quàm cuticula iactura, præscriptam à Deo simplicitatem tenere! Eius ergo populi vt fidi probique Pastores censeantur, postulabunt, quem non modò libidini prostituunt impiorum, sed ipsi flagitiose circumscribunt? Conciones illas nescio quales, fastuose nobis obrudent, ad quas talibus proæmjs auditores comparant: quas talibus demum catastrophis claudunt atque terminant? Imò qua fronte verbum iam in sui defensionem facere audebunt, quos detestabilis idololatriæ, & non vnius sacrilegij authores esse constat? Taceo reliquum anni tempus, quo procul à suis Ecclesiis absentes, per vicarios suos, furacisq; mos prædones, rapinas, direptiones, populationes, latrocinia omne genus exercent, quibus enumerandis, volumen vnum non sufficeret. Et sunt adeò prodigiosa nomina, quibus expilationes illas suas pratexunt, vt non nisi ab illis, paucisq; captiosis pragmaticis, intelligantur. Atque vt viscos illos, & tot furandi artes dissimulemus, quo tamen iure præripiunt, quod Pastorum alimentus destinatum erat? Cùm enim reddenda erit Principi Pastorum ratio, quomodo expensum ille sceleratis latronibus feret, quod probis sanctisq; Pastoribus in laboris stipendium cedere voluit? Scilicet non cogitant, iam olim ab ipso ea de re pronũtium esse: Vbi canes somnolentos tam seuerè obiurgat, qui cùm muti sint, & ad latrandum ignavi, saturitatem tamen nesciunt.

Enimvero maius mihi certamen cum reliqua sacerdotum turba (atque vt ipsis quidem videtur) multò difficilior restat. Nam quorum sacerdotia non ea sunt conditione, vt Ecclesiis Pastorum nomine ipsi præsideant (quo è genere sunt prodigia illa nominum Abbatia, Prioratus, Præbenda, Cappellania, Decanatus item, Præpositura, Thesauraria, alijsq; infiniti, vt vocant, personatus) nulla ratione sibi videntur impediri, quominus & teneant illa & eorum prouentu, cuius iusto patrimonio, in quos visum fuerit sumptus abutantur. Sed de prouentu mox: nunc tantum eiusmodi pedicis an illis se implicare liceat, consideremus. Audio quid pro se dicant Abbates, si qui sunt qui à verbo Dei non alieni videri velint: præsentem rerum statum sibi non minus, quàm optimo cuique improbari, atque vt totam monasticam, quam scatere omni impietate norunt, abominationi habent: ita eam se minimè fouere. Neque verò per se stare, quo minus pereat ac deiciatur: si res in sua potestate sita foret, eius animi specimen se edituros. Quòd autem fructus è paludibus illis prouenientes colligunt, non tamen ideo se in illarum cæno prouoluere, sed oblatam à Domino benedictionem non spernere: hac interim conscientia securos, quòd nullius flagitij, vel authores sunt, vel fautores. Hac si seriò prædicarent, an eius quam detestari se aiunt, impietatis Principes haberi paterentur? Ac non magis eam sic toto animo auersarentur, vt à minima etiam participatione penitus se dimouerent? Quid autem est Abbas, nisi monastica super-

stitutionis præses atque assertor? Proinde non video, cur vituperari monachismus debeat, ut non prima voce impetatur ille, qui monasterij administrationem non secus ac rem sanctam recipit: nisi forte annuendum ei ducimus, qui damnata piratica, archipiraticam laudet. Quid? An non, quæcunque in foetidis illis fornicibus peraguntur sacrilegia, auspicijs ductuque Abbatum perpetrantur? Et quis iam illis displicere credet, quæ nomine nutuque eorum geruntur? Quis specimen expectet, unde sibi improbari declarent, quæ quanta possunt, approbatione confirmant? Iam quod odiosam sibi, & sine onere dignitatem obtigisse putant, in eo quidem, opinione falluntur. Quis enim dubitet, eorum vnumquemque Pastorem in suo collegio debere præstare, cui regendo Abbas est constitutus? Neque enim alia conditione cooptantur in eum locum, nisi ut pastoritia sollicitudine defungantur: & illi, dum munus ineunt, id ipsum sacramento confirmant. Si è vulgo quispiam de Abbatis officio interrogetur, ex templò respondebit, monachis esse illum moderatorem positum: qui pura doctrina, sanctisque moribus, toti collegio præeat, rudes instituendos curet, delinquentes castiget, errantes in viam reducat. Hæc cum intriuijs, tam disertè de eorum munere disserantur, quàm friuolè mentiuntur, nihil ad se pertinere, qualis sit monachorum vita: neque sua quicquam referre, quàm sit aut probè composita, aut perditè effrenata? ut autem id totum de hominum iudicio eludant: quia tamen fidos se fore Pastores, solennibus verbis deierant, sua certè promissione obstringuntur. Eorum ergo curam longè à se reijcient, quos in fidem custodiàmque suam, Deum atque homines prius attestati, susceperunt? Vbi reuerentia, qua nomen suum vsurpari Dominus imperauit? Vbi iurisiurandi religio, nulli non Barbariæ sacrosancta? Vbi promissorum veritas, pars humanitatis potissima? Porcos sibi commissos aiunt, quorum explendi sunt ventres, non animi excolendi. Sed homines Deus creauit, quos oportet à beluina illa, in quam degenerarunt, feritate, ad humanam mansuetudinem, optima disciplina reuocari. At durior est barbaries, quàm quæ doctrina emolendam se præbeat. Cure ergo prouincia non se protinus abdicant, cui se impares esse agnoscunt?

Hactenus quæ propria quodammodo Abbatum erant, persecuti sumus: nunc quæ habent communia cum reliqui illa, quam nuper recensuimus, collauie, vno, ut dicitur, fœce simul complectamur. Quoniam autem singulas flagitiorum species, quæ nefandis istis omnibus sacerdotijs perpetuò coherent, seorsum excutere, & ordine explicare, propè immensum fuerit: mihi satis erit ostendisse, nullum penitus ex vniuerso numero teneri posse, quod non abominandis duobus sacrilegijs cõstet: quo pretio nullam omnino felicitatem redimere peccius Christianum sustineat. Vulgare inter eos Prouerbiū est, propter officium beneficio se frui, & honori suo semper esse annexum onus. Quamquam autem oneris varia sunt genera, hoc tamen omnibus perpetuum inest, ut Missarijs sacrificijs, velut satisfactione persoluta, mortuorum animæ à peccatis suis expiantur. Hoc, inquam, onere utcumque defungi necesse est eorum vnumquemque, qui sacras illas opes participant. Nulla est tam opulenta Abbatia, nulla rursus Capellania vsque eò tenuis, quæ non ea lege deuincta sit. Nec interest, ipsine per se, an conducti vicarij opera, sanctum illud munus exequantur. Siquidem non de futuros suspicor, qui ad miseram hanc excusationem se conferent: quòd inquinamenti illis ad sordidos sacrificulos ablegatis, opes ipsæ possideant, nullo scelere profanatas. Sed quid inde porrò aliud

consequentur, nisi ut dum culpa ^{vni}us purgare se moliuntur, duplicem nequitiam prodant? Cedo, quod sceleratè perpetratum iri conspiciunt, ab eo religiose manus abstinere: perpetrandum tamen interim diligenter curant. Quibus iam obsecro culpa facinoræ adscribetur, nisi quibus authoribus admissum fuerit? Cum vero iussu autoritatèque sua ad maleficium impellant, quorum ministerio abutuntur, an non alterum quoque crimen hic se profert? Si quis hominem à se interemptum indeo negaret, quod non sua manu, sed conducto à se sicario casus esset, à quo nostrum non conspueretur? Nempe qui sua confessione bis se accusaret: & quod cædis author fuerit, & quod alterum malis artibus corruptum, in sceleris societatem traxerit. Quid autem ab illo dissimile isti faciunt, qui & contumeliam Deo irrogandam procurant, & ad id audendum, alios pretio corrumpunt? At non eos, inquit, corrumpimus, qui venales ad patranda quamvis impietatem prostant. Perinde ac si homicida ille minimè ab se corruptum defenderet, quo ad maleficium administro usus fuerit, quia gladiator antea fuisset, latrocinij assuefactus. Itaque quemadmodum ille, dum latronem exercitatione acuit, eius audaciam confirmat: ita isti quos nouis subinde sacrilegijs exercent, eos ad nequitiam magis ac magis indies obdurant. Sed hac parte propius instare animus non est: neque verbum fecissem, nisi sua me improbitate coegissent, dum in re adeò perspicua fucum tamen nescio quem facere conantur. Nihil, inquam, eos ultra laceffo, modò inter nos istud constet, quod nullo cauius declinare iam possunt: neminem eorum esse, qui gemina illa, quàm nuper commemoravi, impietate non sit inquinatus. Nemo est enim, qui non de Missarijs sacris peragendis sceleratum commercium ineat: nemo, qui non commentitijs satisfactionibus, quas pro mortuorum redemptione Sathan excogitauit, pretium statuatur. Si per Missam, Christi sacerdotium, quod æternum esse oportet, abrogatur: si sacrificium, quo semel omnia delicta expiauit, aboletur: si sanguis eius, cuius mundicie abluimur omnes, conspuitur: si tota redemptio, morte eius acquisita, dissipatur: si Cæna, qua nobis mortis suæ memoriam commendauit, profanatur: si Dei maiestas, erecto in eius locum idolo, deijcitur: viderint qui faciendis missis sumptus suppeditant, qua satis speciosa ratione purgare se possint, quo minus istorum omnium rei agantur, quibus occasionem scientes ac volentes præbent. Si denique nullum à Missa blasphemiae genus abest, quo Dei Christi que gloria possit obscurari, viderint quoties sacrificulum ad altare mittunt, an non triumphum apparent, quo totum Christi Regnum à Sathanà tradatur? In hunc modum si Christum cum sua cruce ludibrio habere, & prostituere homini Christiano nefas non est nihil erit quod non liceat. Imò verò mille potius mortes oppetendæ, quàm tale probrum sacrosancto Christi nomini, nostra culpa, aliquando inuratur. Quis enim eo intercessore confidat, quàm suo sacerdotio, hoc est intercedendi munere, quotidie spoliatur? Quis æternam sui sanctificationem reponat in vnica Christi oblatione, quam suppositis alijs assidue inducit ac obliuiscitur? Quis suarum sordium ablutionem speret à Christi sanguine, quem porcis conculcandum projicit? Quis spem beatæ vitæ ex Christi morte concipiat, cuius fructum aliò ut transferat, eam tota sua virtute enervat? Quis se Christi participatione, extra quam non nisi mors est, viuere cogitet, qui sacram eius communicationis tesseram dirumpit? Quam conscientia securitatem ad Dei tribunal afferat ille, qui eius gloriam, quam illibatam sibi vni seruari possit, ad idolum tra-

traductam procuret? Atqui in eo corde, cui sint illa omnia ablata, quæ vel fidei vel pietatis scintilla restare potest? Illas præterea satisfactiones dum mercantur, quibus à cruciatu soluantur mortuorum animæ, mirum nisi probe intelligunt, quàm flagitiosa in Christum perfidia sese obstringant. Quotquot enim animarum salutem pretio nundinantur, eos veram illam ac vnicam, quæ non auro aut argento, sed pretioso Christi sanguine constitit, redemptionem abnegare, certò certius est. Iam neminem fore existimo, cui quidē in aliqua frontis particula pudor hæreat, qui conscientia innocentiam in tenendis profanis illis sacerdotijs testari ausit: quorum quæ purissima videntur, tantum execrabilis nequitia secum trahunt.

Nunc ad te, ô Vir eximiè, aliòsque in vniuersum omnes, qui in Papæ regno locum aliquem beneficij nomine obtinent, orationem meam refero. Quicquid proventus annuatim inde ad vos redit, qua conscientia usurpare audeatis, quæro. Si in cancellis vestrarum iudiciorum hæc disputatio versaretur: scio ad obtinendum satis superque esse, allegari annorum præscriptionem: verum si huiusce rei cognitio ad bonos viros deferatur, qui iustum potius & æquum, quàm annorum numerum expendant: quò titulo, amabo, vestram possessionem defendetis? Fingamus verò apud Dei tribunal hanc causam agitari, quando & ad illius cognitionem propriè pertinet, nec inter homines melior reperiri potest, aut iustior arbiter. Facultates, quātum intelligo, quadrifariam partitas habetis. Nā partim decimis, partim annuis aut agrorum aut vectigalium pēsionibus, partim blandis captionibus (quas vos extraordinarias oblationes) partim violentis exactionibus (quas spiritualia iura nuncupatis) constant. Decimas quia lex Mosaica Leuitis attribuebat, ad vos (Leuiticum scilicet genus) optima ratione nunc esse translatas dicitis. De his ergo primo loco differendum. Quanquam superuacuum, ac propè ridiculum arbitror, anxiam de iure decimarum tecum disputationem instituere, qui non ignoras successionem istam cupidorum hominum calliditate, vafre quidem, sed nulla probabili causa excogitatam. Nam quod ex Apostolo citant, translato sacerdotio, Legis translationem necessario secutam: id quàm infirmum sit & euanidum, ostendere piget. Ad Christum sanè transiit Aaronis sacerdotium, cuius beneficio non certus rasorum numerus, sed vniuersa sine exceptione fidelium natio in regale sacerdotium assumpta fuit. Quid hoc ad nescio quos Pseudoleuitas? quibus ne postrema quidem subsellia in Dei populo concedimus? Quod si in Leuitarum vices subierunt, eadem qua ipsi fuerunt conditione: cur præter decimas, tot possessiones absorbere, tantam vndique rerum varietatem corradere, sibi permittunt? Ea enim lege huiusmodi portio Leuitis assignabatur, ne pedem terræ præter domicilium possiderent. Cur vini vsum tam benignè ac liberaliter sibi indulgent, quod Leuitis gustare non licebat? Faceffant ergo nugæ istæ: quas tametsi refutatione indignas ducebam, quia tamen video imperitis fumos offundere: verbo vno attingere necesse habui. Equidem si quibus ordo iste approbetur, vt quemadmodum apud Israelitas decimis alebantur Leuitæ, ita in populo etiam Christiano decimæ colligantur, quæ in alimenta Pastorum conferantur, & pauperum: nihil reclamo, quin potius eorum sententiæ meum quoque calculum addo: quandoquidem alicunde certe desumi, quod ad sustentandos Ecclesiarum ministros impendatur, necesse est. Nec expedire mihi videtur, quod æquissimè constitutum fuerit, sine causa innouari: modò ne ius illud Leuiticum falsò prætendatur, & Ecclesiastici Paëtoris stipendium,

Iosu. 14.
& alibi.
Leuit. 10.

non decimarum fertilitate, sed Apostoli præscripto definiatur, ut sit necessarijs
 vitæ subsidij contentus. Cæterum cum in hos vsus destinantur decimæ, simul arcen-
 tur, velut positæ repagulis, omnes isti pigri ventres, qui se illis nunc soli referci-
 unt, ne segetis spicam, aut pullum vnum attingant. Ut nunc autem res habent, de
 cimas nullo neque diuino, neque humano iure sibi debitas extorquendo, improbi-
 mo furto, in alienas fortunas inuadunt. In iure annuarum pensionum describen-
 do, hoc est (nisi fallor) *ῥυμνάταιον βίβραμα*, omnes donationis titulo vobis obuenisse,
 quam Iurisperiti Obcausam vocant: ut Missæ sacrilegio, alijsque incantatorij
 precibus, ex illo Tropiensi purgatorij carcere, mortuorum animas eliceretis. Sic
 enim in Papæ schola instituti homines fuerunt, ut delictorum conscientia trepi-
 dis, hac demum conditione spes obtinenda veniæ proponeretur: si vel pœnam ni-
 hil hominis Dei seueritati exoluerent, vel satisfactione redimerent. Supplicij
 exactio, purgatorie flammæ ardore terri fuit: satisfactio, in monachorum ac sa-
 cerdotum ventres ingurgitare, quod eorum iudicio ad delicti compensationem sa-
 tis foret. En quibus nata exordij, quibus deinde incrementis progressæ hucusque
 sint vestra possessiones: quod peruenisse hodie videmus, ut nulla sit prorsus terra vn-
 cia, quam non acceptam purgatorio referre debeatis. Nunc te coram Deo appello
 Vir mihi amicissime, aliosque qui à verbi Dei puritate non abhorrent, quorum
 ex animis discussus est inanis ille purgatorij fumus: cum probè intelligatur, quas-
 que tenetis possessiones, non alia lege vobis fuisse trascriptas à suis dominis, nisi ut
 à purgatorij cruciatu vestra intercessione soluerentur (parum dico) nisi ut abomi-
 nanda ipsorum impietati à vobis satisficeret: iustamne possidendi rationem vobis
 constare ducitis? Sanè leges ciuiles (cum nihil voluntati magis aduersum sit quàm
 error) donatorem, qui vel errore deceptus, vel fraude circumscriptus fuerit, absol-
 uunt. Donationes autem istas solo errore niti, bona etiam ex parte impostura non
 carere scitis: Isdem legibus, quæ illicitam conditionem habet donatio, irrita esse
 pronuntiatur. Nulla est istarum donationum, quæ horribi Dei blasphemia non vos
 obstringat. At nihili ducenda sunt eiusmodi leges. Quis autem vobis permisit alie-
 nas copias vestro arbitrio obtinere, quæ dum ascripta lege vobis ceduntur, nisi illa
 intercedente vestra, non sunt? Ius enim istud pactorum, quæ mutuam habent obli-
 gationem peruiulgatum est ac cuius cognitum: ut agere ex pacto non possit, nec fru-
 ctum vllum percipere, nisi qui de functus promisso fuerit. Itaque aut aliena v surpa-
 tis, aut ea conditione vestra sunt, quam in se receperunt, quorum per manus vobis
 sunt tradita. Quod si flagitia hæc illis pascisci fas non fuit, vobis in pacti societatem
 succedere qui liceat, considerate. Itaque nisi accensa purgatorij flamma, calere
 hac parte culina vestra non potest: quo extincto, tantundem remittatur oportet.
 Nam hominum quidem oculis præstigias, quibus ludificentur, offundere promptum
 est: ad Dei autem tribunal vbi causa vestra vocata fuerit, quemadmodum certè
 olim vocabitur, solo furti prædeq; titulo pretexta corruet. Quæ autem donatio-
 rum & anathematum nomine templis oblata in crumenas vestras recidunt (quod
 tertium fecimus vestrarum opum genus) sic anathemate referta sunt omnia, ut ad
 ipsum contactum vos non exhorrescere valde mirer. Quibus idolis, quanta cum Dei
 contumelia, qua superstitione offerantur, vobis clam non est. Quo tamen hæc qua
 si vobis dicata deuoretis, vos talium sacrorum mystas & antistites profiteri nihil
 pudet. O Roma (ut vno verbo radicem omnium malorum, auaritiā complectar)

quot alioqui nō male nata ingenia corrūpis? pessima tua educatiōe corrupta, magis ac magis nequitia deprauas ita deprauata perdis! Tantāne cecitate percussos esse homines, ut cumē manibus offerentiū suscipiant cōsecrata idolis donaria, quæ taliū superstitionum antistitibus sint destinata, tota idololatria participatione illigari se non cogitent? Si tantus Domini furor in Israelitas exarsit, ob clanculariam anathematis expilationem: quam impunitatem expectant, qui ad deglutiendas ex

Ios. 7.

ecrationis plenas oblationes, idolorum sacrificijs præesse non verentur? Sequuntur iam exactiones, quæ iurā spiritualia vobis authoribus censentur. quæ ab oblationibus voluntarijs eò differunt, quòd illis quidem fraudulentè populus circumscribitur, his autem hostiliter vexatur. Ac tui quidem ordinis homines, quorum latrocinijs patet latior campus, optimiores prædas agunt. (sic enim inter suos distinxit Romanus archipirata, ut quò quisq; gradu propius ad eum accedit, eò licentius prædetur.) æquè tamen immaniter depopulantur alij omnes, quod suæ rapacitati putant attributum. Itaque obsignator ille rapinarum tuarum annulus, copiosiore multò præda quotannus te onerat, quàm minutum aliquem paræcam suæ in corradendo conuerrendoque strenuitas: nihilo tumen minus dira ac sanguinaria sunt illius vexationes, quibus plebem ille suam pro suo modo exercet ac fatigat. Porro quantum quisque accipit, tanto se peculatu obligat. O nunquam satis detestatas opes, quamlibet insana hodie multorum cupiditate (quæ est seculi nostri peruersitas) furiosè expetantur! in quibus nummus nullus est non furto, aut sacrilegio, aut latrocinio pollutus. Illisne placide fruuntur, ac se beabunt Christiani? Scilicet, si tanti sunt, ut earum causa spe æternæ hereditatis nosmetipsos abdicare debeamus: quam sanè neque fures, neque rapaces vnquam consequentur. Sed opere pretium est audire speciosam quorundam exceptionem. Sunt enim qui se pulcherrimè excusitos putent, quòd has, vtcunque partis facultates, non turpiter, nec libidinosè dilapident: sed partim in moderatos vitæ vsus conferant, partim verò decidant subleuandæ pauperum egestati. Quasi verò ista satis ad furem prædonemve purgandum, defensio valeat, si suam domi parsimoniam & frugalitatem approbarit: aut accepta sit Domino benignitas, qua furtorum reliquias egenis impartimur. Qui frangere quidem esurienti panem iubet, sed nostrum: qui iubet elargiri pauperibus, sed de nostra substantia. Contrà verò, vehementi interdicto canis mercedem sibi vetat offerri: quo symbolo immundam & scelere quasitam quamuis oblationem, abominationi sibi esse designat. Adeò verum est quod scripsit ille, eum qui è pauperis substantia sacrificium offert, non secus æstimari coram Domino, quàm qui filium in patris conspectu maculat. Tu verò, tuique similes, quorum turpitudini ne sub hoc quidem inani & perfluo integumento locus est, quid obtendetis? Iam vobiscum summo iure, hoc est, Dei verbo non disceptabo: sed quid, si ius ipsum Canonicum (cuius beneficio viuunt) reperundarum vos etiam damnet? ac licet non multo minoris quàm pro nostra postulatione æstimet? Velitis, nolitis fateri hoc conuenit, nihil hîc à vobis plus vsurpandum, quàm quod ipsis canonibus defertur. Atqui non adeò Spartacum vestrum depudit, quin ferinis suis sanctionibus hoc saltem Hieronymi verbulum infereret: Bona clericorum, bona pauperum esse, quibus ultra exigua frugique alimenta si quis abutitur, eum pauperibus furari. Immanis autem illa profusio, quæ domi vestræ visitur, quid cum hac regula simile habet? Iniuriaui scio, vobis à me fieri clamabitis, omnes Pseudo evangelici præfules, qui

Iesa. 18.
Prouer. 3.
Deut. 13.
Ecc. 34.

sub iugum, p̄ijs omnibus excutiendum, indignè vòs adigam. Mihi verò h̄ic de vestra aut libertate, aut seruitute non est institutus sermo: sed quemadmodum in agri iure dignoscendo, non qualem habeat dominum, sed quo ipsum iure leges regionis esse definiunt, quaritur: ita seposita vestri mentione, quæ in Papæ ditione sacerdotia, non nisi illius permisso, ac secundum eius leges obtinetis, fundum suum sequi dico: hac inquam lege teneri vòs dico, nequid plus è sacerdotijs in rem vestram conuertatis, quàm per Papisticos canones vobis conceditur. Quorum vinculis adstringi si vòs piget, illis ne vòs vltro implicetis. Sed quid in hac re euincenda anxie laboro? quandoquidem eos, quorum liberalitate locupletes estis, nihil dubium est non ideo detractas hereditibus proprias opes vobis tam plena manu fuisse elargitos, ut regijs lautitijs instrumentum ministrarent: sed vestra fidei commisisse, quæ bonis viris cum pauperibus communes forent. Itaque non tam earum vòs dominos, quàm œconomos instituerunt. Si extremum est perfidiæ genus in deposito fidem fallere, vobis sanè ignoscendum nullo modo est, qui adeo insigni improbitate pauperibus præripitis, quod apud vòs depositum in hoc fuerat, ut in eorum manus perueniret.

Huic malo alterum quoque proximum est: quòd eam personam non potestis sustinere, quin multa offensionum semina varijs modis spargatis. Ut istud vnum satis causæ sit homini Christiano, quo centum simul sacerdotijs, quamlibet optimis & splendidis, se protinus abdicet. Nemo enim ferè piorum est, qui non isto exemplo magnopere perturbetur. Qui paulo sunt adhuc imbeciliores, hac dubitatione percelluntur, iocône an seriò, malitiosène an syncerè aduersus papistas contendamus: dum nostræ partis homines, Papæ stipendiarios simul vident. Alij dubitare malunt, sitne res licita, à qua viros, quos ipsi non malos existimant, nequaquam ab horrere vident. Quidam etiam animosiores ad imitandum accenduntur. Plerique totam fabulæ ac ludibrio religionem vobis esse, meritò persuasum habent. Christi autem aduersarij, quibus non calumnijs sanctum Dei Euangelium proscindunt? quibus non lædorijs Christi seruos subsannant? quos non triumphos agunt? Quid dicam? Perquam pauci sunt, qui non ad vitæ vestræ lapidem, aut hoc, aut illo modo impingant. Qualis hic (malum) est stupor: ad omnia proborum æquè ac prauorum hominum iudicia nec tantillum commoueri? præsertim vbi per vestram ignominiam, sannasque illas ac scommata, quibus cæca vestra cupiditas iure optimo perstringitur, ipsam quoque Dei maiestatem illudi, sacrum eius Euangelium maledictis lacerari, venerandam eius religionem conculcari intelligitis? Si sanæ mentis guttula, ut ita dicam, in vobis resedisset, ac non illa vòs nescio quæ rabies corpore & animo penitus transuerso egisset, primo statim limine vòs Dominus admonerat, ne ad hoc lethale præcipitiũ, gradũ iaceretis. Quibus enim primordijs estis auspicati? An nõ in Papæ nomẽ ac verba iurat totũ illud cornutiũ Episcoporũ, Abbatũ, ac Priorũ pecus: dũ Romanæ sedi obsequẽtes, studiososque dignitatis illius vindices sacramẽto adacti, se pollicetũ? Minorũ autem claustrum sacrificuli, an non etiã ipsi, sua quadam iuramenti forma, sanctæ matris Ecclesiæ obsequio deuouetũ? Huiusmodi auspicia quem faustiore euentum portendere valent? Imò quàm nullis ambagibus infelicem exitum minantur? Quare, vestram hebetudinem minus iam mirari incipio: quia haud dubie vindicari tãtus ille Dei cõtemptus merebatur. Quatamẽ excusatione culpa partem nonnulli deprecetũ, pratereundum non est. Nam etsi ingenuè fatetũ, reprehensione se nõ penitus carere, minori tamen publico ma

Io Ecclesius se praeſſe dicitant, quàm ſi deteriores illis praeſiderent (quales ſunt iurati Chriſti hoſtes) qui Euangelij ruinam ex profeſſo machinantur. At ſi hæ ratio recipitur, cur non ſpeluncas occupamus? itinera obſidemus? In inſidijs excubamus, eo animo, ne viatores, vt efferati iſti ſolent latrones, violemus: ſed ſpoliatos dimittamus? Sic enim mitioribus latrocinijs mundus infeſtaretur. Enimvero boni viri eſt, non improborum hominum ſubire vices, quo mala quadam tenus moderetur: ſed cum improbis, ac cum ipſa etiam improbitate acerrimum bellum gerere: quo ſuo conatu ſi parum proficit, ſuum tamen officium ſic præſtiterit. Quod illi ſatius eſſe debet, quàm delicto vno mille flagitijs occurrere. Fures itaque excipiendo prædis, latrones hominibus iugulandis ſinamus eſſe intentos: nos verò, ſi Chriſtiani ſumus, in omnem puritatem, innocentiam, ſanctitatem vocatos meminimus.

Si tantum exhortatione mea profeſſum eſt, vt te addandas Domino manus, affectumque tuum illius imperio penitus ſubijciendum compararis: non dubito, quin iam in me reſpicias, mecumque deliberes, qua ratione in meliorem viam recipere te queas. Ego verò, quanquam opportunitate præſenti ad aliquid pro Chriſti gloria fortiter animoſeque gerendum vti te malim, niſi quid tamen melius potes, exeundum tibi primo quoque die cenſeo. Te enim quoquomodo ex hac palude euolui præſtat, quàm diutius illic hærendo, & in illius gurgite profundius in dies deſigi, & cæno magis magiſque conſpurcari. Satius illud quidem & longè optabilius, ne tantam illuſtrandæ Domini gloriae occaſionem è manibus amittas: quando ea eſt rerum agendarum penes te facultas, quæ ſi tota in Dei obſequia optima fide impendatur, multum momenti ad promouendum Euangelium afferre poſſit. Et noſtrarum eſt partium, non ignauia torporéque noſtro admittere, vt hoc genus opportunitates è Dei manu nobis oblata, infructuoſæ pereant. Sed enim ſi præſtando veri fidique Paſtoris officio nullo modo idoneum te vides, hoc ſecundum eſt, malè tibi aſſignatum munus vt deponas potius, quàm indignè ac perfidioſè adminiſtres. Cedendo enim, Episcopum te non eſſe ſaltem declarabis: cuius perſonam nunc ſuſtines, & functionem proſiteris. Equidem ſi aut Eccleſiæ Chriſtianum in morem vtunque compoſita, legitimo ritu præſectus eſſes: aut etiam plebem iſtic haberes, tua ſedulitate Chriſto acquiſitam, cuius oculi in te cen Ducem ac Paſtorem conuerterentur, nunquam concederem, vt abiecta temerè non dubia Domini vocatione, libertatem tibi ſumeres aliò, quò ferret animus, demigrandi. Chriſtianis enim (quos in ſua vocatione perſtare decet) aliena eſt deſultoria iſta leuitas. Sed ab hac minimè recta viuendi via, in quam te Sathana, non Domino, vocante, contuliſti, quo minus pedem referas, quid te impediatur non video. Omnino ſanè, aut tibi, quod ab Episcopo requiri audis, præſtandum eſt: aut ſedes Episcopi deſerenda. Flebiles illas veſtras querimonias noui: quibus ſiquis ad indulgendam vobis veniam non permoueatur, eum non hominem eſſe iudicatis. Quid? Ergone fortunis omnibus exuti, hinc nos velut è præſentaneo incendio propièmus? Quid autem fiet miſeris nobis? Scilicet vt qui tràquillè ac placidè in noſtro habitamus, vagi ac palantes in alienas concedamus, nobiſque incognitas terras? Quorum largitate viuunt plurimi, precariam penè vitam aliorum beneficio agitemus? Qui delicijs aſſueuimus, non ſine dignitate, tenuiter, aſperè, contumelioſè viſitemus? Quibus nunc otioſis ſeritur ac metitur, atrum ex iure heſterno panem, vt ille inquit, ſudo-

re nostro manibúsque partum voremus? Verum adeò speciosis querelis vno verbo respondeo. Ergo Christiani ne sitis. Christiani enim hac manet necessitas, ut si furabatur, furari iam desinat: sed manuum labore potius, & sua, & fratrum inopia succurrat. Graue quidem, non secus atque abiecta sui cura, subsidijs præsentiæ vitæ omnibus exuere se ac nudare: sed multò grauius haberi debet, tot malefactorum conscientiam sustinere, cuius flagellis exagitari te, cuius aculeis perpetuò lancinari (si tamen Deum viuere, atque alteram quandam in eius Regno vitam fore putas) necesse est. Durum & istud quoque est, fateor: natale solum, ubi & amœnissimè & honorificè accipiaris, aliena regione, in qua futurus sis abiectus hospes, exilijs specie vertere: sed multò etiamnum durius, quoquò te vertas, iudicium hoc circumferre. Quod ne dubium nobis foret, Dominus per suum præconem iam pridem promulgauit: sic enim apud Zachariam legimus: O Pastor inanis, derelinquens gregem! Gladius super brachium eius, & super oculum dextrum eius. Brachium eius ariditate siccabitur, & oculus dexter eius obscurabitur. Quamquam hîc etiam mirificum artificem Dominum experiuntur fideles, qui reus hominum iudicio tam acerbam, paupertatem dico, suauem illis, verbi sui condimento, gratiosamque reddit. Non quòd asperitatem prorsus nullam gustu percipiant: sed quia, illa condimenti suauitate temperatam, non nimis agre, quin nec sine eximia incurditate ferunt. Quòd si tamen alterutrum eligendum tibi sit, ut vel calamitosam probitatem seclèris, vel calamitatem nequitia effugias: cur non sanctam ac dignam vocatione tua vitam potius in miserijs agas, meliori expectatione fretus, quàm momentaneam nescio quam molliem, Dei indignatione, & æternæ mortis ultione redimas? Ita est sancti: si ad illam populo Dei promissam hereditatem serriò aspiras, Moysen te via ducẽ sequi oportet: qui eiurato Pharaonis genere, satius sibi esse cum Dei populo affligi duxit quàm temporariã habere peccati fruitionẽ: plurius Christi opprobrium, quàm omnes AEgyptiorũ diuitias aestimãs. Nam ut ille simul & nepos vocari Pharaonis, & inter Abraham filios censerì non potuit: nec Dei benedictionem, vnã cum AEgyptijs opibus possidere: ita vanissima spe te ipsum laetas, si locum tibi in Dei populo esse confidis, dum in Antichristi castris meres: si & cœlestè Regnum cum Dei Filio, & cum scelestis latronibus furta ac rapinas participare te simul posse speras. Quare, nec illa solenni vobis deprecatione magnopere moueor, nisi multa humanæ imbecillitatis vitia, qualia scilicet in piorum carne semper resident, toleramus: (ut in hominibus nihil est perfectum) nos Christianum neminem posthac relicturos. Quin neque penes nos mansurum Christianorum nomen, nisi cum venia vita nostra expendatur. Hoc autem vestrum delictum, si quod nominari aliud potest, eiusmodi esse cui meritò sit ignoscendum. Nostram illam communem omnium imbecillitatem scimus sanẽ, & hanc veniam petimúsque damúsque vicissim: ne propterea quòd interdum titubamus ac labimur (quod perfectissimo cuique sæpius quàm optandum fuerit, accidit) Christiani tamen inter nos haberi desinamus. Sed non alia lege, nisi qui sic claudicat, vacillat, ac decidit, viam nihilominus Domini sequatur: neque, verò claudicatione sic impediatur, quin enitatur contrà, incedendique difficultatem eluctari strenuè contendat: utcumque vacillando trepidet, nunquam deficiat animo: collapsus, etiam in pedes se recipiat: nulla denique remora sic, tardetur, quin intentis in Dei Regnum oculis, cœptum iter persequatur. Eos, inquam, cum suis delictis & lapsibus fra-

fraterna benignitate complectimur, eos fratrum in numero retinemus, eos in sinu nostro fouemus, quos vita Christianè instituta, toto animo adspirare ad Dei Regnum apparet. Etsi ne pius quidem sic cum suis vitijs ferimus, ut ea palpanda ac blandiendo nutriamus: sed quos Dominus seruos suos agnoscit, è nostro consortio non abijcimus. In te verò quid prorsus simile? cuius vita nec Christianam ullam vocationem præfert, & toto cursu à via Domini auersa est? Proinde quandiu pauperum sanguinem furtis ac direptionibus exuges, quem postea luxuriosè profundas: quãdiu locum Pastoris ad perdendas, nequissima perfidia, oues occupabis: quandiu in eo eris hominum grege, quos latrones & sanguinarios Ecclesiæ suæ prædones Christus appellat: de te, ut voles, æstimabis: mihi certè nec vir bonus eris, nec Christianus.

Vale.

F I N I S.

IACOBI SADOLETI, ROMANI

Cardinalis, Epistola ad Senatum Populumque Geneuensem:

Qua in obedientiam Romani Pontificis eos re-
ducere conatur: ad exemplar ipsum
Sadoleti recognita.

Anno. 1540.

Ioannis Caluini Responsio.

IACOBVS SADOLETVS, EPISCOPVS CARPEN-

torac̃li, S. R. E. Tituli Sancti Calixti Presbyter Cardinalis :

Suis desideratis fratribus Magistratui,
Consilio, & Ciuibus Geben-
nensibus.



Harissimi in Christo fratres, pax vobis, & nobiscum, hoc est cum Catholica Ecclesia, matre omnium nostrum atque vestrum, amor atque concordia, à Deo Patre omnipotente, & vnico eius Filio D. N. Iesu Christo, Sanctoque simul Spiritu, quæ est vnitas in tribus perfecta: cui laus est & imperium in omne seculorum æuum, Amen.

Arbitror, fratres charissimi, aliquibus vestrum esse notum, me nunc degere Carpentorac̃li: quò veni ab Nicea, summum illuc Pontificem, ad pacificandos Reges ex Vrbe Roma proficiscentem prius prosecutus. Amo enim Ecclesiam & ciuitatem hanc, quam mihi spiritualemente & sponsam & patriam Deus esse voluit: populòque hosce meos verè paterna charitate complector, disjungique me ab illis valde ægre fero. Quòd si honos iste Cardinalatus, qui mihi inopinanti & inscio delatus est, Romam me coegerit redire (vt certè coget) quò in ea vocatione in qua sum vocatus ibidem Deo seruiam, non is tamen meum animum atque amorem ab his populis auocabit, quos habiturus sum in medijs cordis mei penetralibus semper infixos. Igitur Carpentorac̃li cum essem, audiremque multa quotidie de vobis, quæ partim quidem mihi dolorem, partim etiam spem nonnullam excitarent, vt non diffiderem nos & vos, qui fuimus quondam in reela erga Deum religione vnanimis, eodem Deo benignius nos respiciente, ad eundem consensum cordium esse redituros, visum est Spiritui Sancto & mihi (sic enim Scriptura loquitur, & certè quæcunque integro & pio erga Deum geruntur animo ex Spiritu Sancto omnia sunt) visum est mihi, inquam, scribere aliquid ad vos, & eam animi curam ac sollicitudinem, quam pro vobis capio, literis vobis declarare. Non enim, charissimi, noua est hæc mea erga vos suscepta & beneuolentia & voluntas: sed cum ab eo tempore quo ego Dei voluntate Episcopus Carpentorac̃lensis factus sum, annis ab hinc tribus ferè & viginti, propter

Com-

commercium, quod vobis cum meis his populis frequens est, multa de vobis absens
 & de moribus vestris cognouissem, adire iam tum cœpi nobilitatem vrbis ve-
 stræ, ordinem formamque reipub. dignitatem ciuium, & illam imprimis vestram
 laudatam ac probatam apud omnes, erga externos homines & aduenas humani-
 tatem: & quoniam vicinitas quoque non exiguam sæpe partem ad diligendum
 affert, sicut in vrbe propinqua domus, sic in orbe finitimæ provincie amoris in-
 ter vicinos conciliatrices sunt. Non contigit ante hoc tempus, scilicet, vt vos
 huius mei erga vos animi aut fructum perciperetis, aut aliquod signum indici-
 umque haberetis. non enim opera vspian egistis mea: quæ vobis profecto para-
 tissima fuisset: verum nulla sese adhuc nobis obtulit occasio. At nunc quidem cer-
 tē non contigit solum mihi, verum etiam necesse est, vt quo in vos animo sim affe-
 ctus, vobis demonstrare adnitar, si fidem meam erga summum Deum, & christia-
 nam illam in proximum charitatem retinere mihi cupio. Etenim post quā fuit
 ad aures meas delatum, homines quosdam astutos, inimicos Christianæ vnitatis
 & pacis, id quod in alijs antea nonnullis fortissima gentis Heluetiorum oppidis
 & pagis iam fecissent, item in vobis & ciuitate vestra mala discordiæ semina ie-
 cisse, Christi que fidelem populum à via patrum maiorū que suorum, & à perpe-
 tua Catholicæ Ecclesiæ auertisse sententia, omniāque dissidijs & seditionibus im-
 plesse (qui tamen mos proprius eorum semper est, qui auctoritate Ecclesiæ oppu-
 gnanda, nouas sibi potentias & nouos honores quarunt) testor Deum omnipoten-
 tem, eum ipsum qui nunc intimis meis cogitationibus præsens adest, me & indo-
 luisse grauitur, & duplici quadam misericordia affectum fuisse: cum ex vna parte
 viderem mihi audire gemitum plorantis matris nostræ Ecclesiæ & lamentantis,
 quæ tot & tam dilectis filijs vno tempore esset orbata: ex altera, vestris, o cha-
 rissimis, incommodis & periculis commouerer. Sciebam enim ego, tales viros no-
 uatores veterum & bene constitutarum rerum, tales turbas, talia dissidia, non so-
 lum animabus hominum pestifera (quod tamen malum omnium maximum malo-
 rum est) sed rebus etiam & priuatis & publicis perniciose existere. Id quod vos
 quoque ipso euentu rerum edocti, cognoscere potuistis. Quid ergo est? cum meus
 erga vos amor, & mea in deum pietas me cogat, vt tanquam frater fratribus, &
 amicus amicis, intimum omnem animi mei sensum vobis liberè exponam, vos pluri-
 mum rogatos volo, vt bonitatem illam vestram, qua semper vt consueuistis, mihi
 quoque in præsentia, meis non ingrātè accipiendus & legendis literis, præbeatis.
 Spero enim, si a quibus modò mentibus hæc quæ scribo attendere volueritis, vos, si non
 consilium meum, at animum certè rectum & simplicem, & vestræ imprimis salutis
 cupientem, non minimū probaturos: neque me quæ mea sunt, sed quæ vestra com-
 moda atque bona, querere intellectuuros. Neque ego tamen spinosas & subtiles or-
 diar disputationes: quam Philosophiam beatus Paulus vocat, & fideles Christi
 semper monet, ne se per eam patiantur decipi, per quam isti quidem vos circundu-
 xerunt, cum inter imperitos obscuram quandam iaciarent scripturæ interpretatio-
 nem, fraudemque & maliciam, præc. aro illo quidem, sed falso atque alieno do-
 ctrinæ & sapientiæ nomine honestarent: ego ea proponam, quæ clara sint atque
 illustra, quæ nullam in se erroris latebram, nullum fraudis & fallaciæ habeant di-
 uerticulum: cuiusmodi tamen semper est veritas. Ea enim & in tenebris lucet, &
 nemini non perspicua est, & à doctis iuxta atque indoctis faciliè percipitur: præ

cipuëque in Christiano genere doctrinæ, non syllogismis, nec verborum captionibus, sed humilitate, sed religione; sed erga Deum obedientia est subnixæ. Vinidus est enim sermo Dei & efficax, & cōcidentior omni acuto vtrunque gladio, penetratque ad iuncturas spiritus atque animæ, & ad intima cōpaginum ac medullarum, neque animos illaqueat impeditis argumentationibus, sed celesti quodam interueniente cordis affectu, planum se se & patentem mentibus nostris offert: ut non tam humana intus ad intelligendum ratio, quàm ipse, ad se qui nos vocat, ope retur in nobis Deus. Quem ego Deum patrem omnis rectæ intelligentiæ supplex precor, ut & mihi ad dicendum & vobis ad percipiendum, ea adiumenta suæ benignitatis prabeat, per quæ possim iterum in vno corde erga ipsum & in vna mente consentire. Atque ut inde initium capiamus, vnde maxime opportunum esse ducimus: ego, fratres charissimi, sic existimo, me & vos, & reliquos præterea omnes qui in Christo spem & fidem suam posuerunt, id ea vna de causa ita facere & fecisse, quo salutem sibi atque animabus suis, non hanc mortalem & citò interituram, sed illam sempiternam & immortalem quærerent, quæ in cælo solùm verè obtineri in terris autem nullo modo potest. Est quidem ita dispartitum hoc officiū nostrum, ut iactò primum fidei fundamento, hic deinde laboremus, quò illic quiescamus: in terra semen iaciamus, quod in cælo postea possimus demetere: & quibus hîc in operibus, quibusue in studiis nosmetipsos exercuerimus, similes deinde atque dignos operum & laborum nostrorum fructus in altera vita adipiscamur. Cūque via Christi ardua, & ratio degenda nobis secundum eius leges & præcepta vitæ perdifficilis sit propterea quod animos nostros ab omni terrenarum iucunditatum contagione auocare, & in eo ipso vno figere, despiciere præsentia bona quæ in manibus habemus, & futura quæ non cernimus, appetere iubemur: tanti est tamen vnicuique nostrum suæ & suæ animæ salus, ut nihil recusare asperum, nihil laboriosum non pati, animum inducamus, quò tandem aliquando vna nobis spe salutis nostræ propòsita, per arumnas multas, & per sollicitudines, (præeunte semper actionibus nostris Dei clementia & misericordia) stabilem salutem illam & perpetuam consequamur. Hac spe Christus annuntiator veri boni, quondam ab orbe terrarum tanto consensu & studio omnium acceptus fuit hac ratione à nobis adoratur & colitur verèque agnoscitur Deus esse, & Dei veri Filius: quòd vnus ipse ab initio omnium seculorum animos hominum Deo omnipotenti, in quo solo vita est, mortuos, ac huius quidem mundi fallacibus & caducis blanditijs paulum temporis viuentes, mox prorsus & ex omni sui parte ad interitum condemnatos, à mortuis, hoc est, ab hoc maxime pernicioso mortis genere excitauit: primusque ipse, semet, salutem & liberationem & doctrinam nostram esse volens, morte carnis accepta & paulò post vita non iam amplius mortali recuperata, suo exemplo nos instruxit & docuit: ut contraria longè ac prius consueueramus via, mundo huic & carni, hoc est peccato mortui, Deo deinde viueremus, spēsque in eo nostras bene ac beatè perpetuò viuendi poneremus: quæ est propria, & verè digna Dei omnipotentis gloria & maiestate, nostrorum omnium à mortuis suscitatio: quæ non vnus aut alter homo, sed cunctum hominum genus à tetra & funesta animæ morte, ad veram & celestem eiusdem animæ vitam reuocatum est. Hanc huiusmodi à mortuis suscitationem sibi proponens Paulus, maximūque in ea intuens diuinitatis Christi argumentum atque indicium, Separatus ego in Euangelium Dei, inquit quod pro

miserat per Prophetas in Scripturis sanctis de Filio suo, genito quidem ex semine David, secundum carnem, determinato autem & declarato filio Dei in potentia per Spiritum sanctitatis, hoc est, in potentia spirituali, quæ propria Dei potentia est: quod non corpore Deus, sed spiritus mirabilia sua agit. Imperare enim ventis, & cæcis verbo lumen reddere, & mortuos excitare, non corporea, sed spirituali, quæ eadem & diuina est, fiebat potestate. Declarabatur igitur Christus Dei filius ex hac spirituali potentia, quæ sola diuina est. Et quod subiungit Paulus, ex suscitatio-
 ne à mortuis, non tam ea, quidem, quæ corpus Lazari, aut filium viduæ, aut principis Synagoga filiam (quoniam ista quoque opera Dei erant) verum ea etiam suscitatio magis, quæ Mariam Magdalena à demonijs septem, Matthæum à telonio, multos à terrena & moribunda vita, omne denique genus humanum à peccato & peccati morte, & à potestate huius mundi tenebrarum, ad caelestem appetendam atque sperandam & cognationem & lucem exiitavit, demersosque in luto terræ hominum animos, erexit ad calum, atque extulit. Atque hoc maximum, Iesu Christi erga nos beneficium, præcipuumque in eo ipso diuinitatis argumentum idcirco & institutum à Deo in missione filij sui, & ab ipso filio susceptum, & suo nobis tempore per eum datum tributumque est, ut omnibus & diuinis & humanis in vno Christo cõsilijs, auxilijs, virtutibusque adiuti, nos animas Deo nostras saluas sistere possemus. Tãta est nobilitas, tam insigne præcitiũ, tã grandis æstimatio huiusce rei, quæ anima hominis est, ut quò ne ea perderetur, sed & Deo ipsi & nobis lucriferet, conturbatis penitus totius naturæ legibus, atque ordine rerum permutato, & Deus descenderet in terras, ut fieret homo, & homo erigeretur in calum, ut esset Deus. Credimus ergo in Christum (ut dicebam) omnes quò salutem animabus nostris, id est, nobis, nec ipsis vitam inueniamus: quo nullum optatum vehementius, nullum bonum interiorius, nec magis coniunctum ac familiare nobis adesse potest. Quantum enim sese diligit vnusquisque, tantum ipsi salus chara est sua: quæ si negligatur, & alijciatur, quod tandem erit premium quod possit par acquiri? Quam enim dignam accipiet homo compensationem pro anima sua, inquit Dominus, aut quid proderit homini, vel si vniuersum mundum lucretur, anima autem suæ iacturam patiatur? Hæc igitur tam ampla, tam chara, tam preciosa possessio, quæ nostræ animæ salus unicuique nostrum est, cum vi & conatu nobis retinenda est: siquidem cetera bona omnia quæ appetimus, externa atque aliena nobis sunt, hoc vnum bonum conseruata anima nostra, non solum nostrum, sed verè nosmetipsi istud ipsum bonum sumus. Quod qui neglexerit atque amiserit, is ne bonum quidẽ aliud habere vllum poterit, quo fruatur: quippe cum ipse ille qui debuisset frui, iam se primum perdiderit. Assequimur porrò bonum hoc nostræ perpetuæ vniuersæque salutis, fide in Deum sola & in Iesum Christum. Cum dico fide sola, non ita intelligo, quemadmodum isti nouarum rerum repertoires intelligunt, in seclusa charitate, & cæteris Christianæ mentis officijs, solam in Deo credulitatem & fiduciaẽ illam, quæ persuasus sum in Christi cruce & sanguine meam mihi delicia omnia esse ignota: est hoc quidẽ etiam nobis necessarium, primumque hic nobis patet ad Deum introitus: sed istamen non est satis. Alientẽ enim præterea afferamus oportet pietatis plenam erga summum Deum, cupidamque efficiendi quæcumque illi grata sunt: in quo præcipuè Spiritus sancti vis inest. Quæ mens, etiam si interdum ad exteriora opera non progreditur: ipsa tamen ex sese ad bene operandum iam intus parata

est, promptumque gerit studium, ut Deo in cunctis rebus obsequatur: qui verus
 Divina iusticiæ in nobis est habitus. Etenim, quid aliud significat, aut quam ali-
 am nobis offert intelligentiam & notionem nomen hoc ipsum iustitio, si non re-
 spectus in ea ad bona opera habeatur? Dicit enim scriptura, Quod misit Deus filiū
 suum, ut faceret sibi populum acceptabilem: scilicet operum. Et alio
 loco, Ut ædificemur (inquit) in Christo ad bona opera. Si ergo missus est Christus,
 ut bene operantes, per eum accepti Deo simus, atque ut in eo ædificemur ad bona
 opera, cerè fides, quæ in Deum nostra per Iesum Christum est, non solum ut con-
 fidamus in Christo, sed bene in illo operamur, operariue instituentes, ut confida-
 mus, imperat nobis ac præscribit. Est enim amplum & plenum vocabulum fides,
 nec solum in se credulitatem & fiduciam continet, sed spem etiam & studium obe-
 diendi Deo, & illam, quæ in Christo maxime perspicua nobis facta est, principem
 & dominam Christianarum omnium virtutum charitatem: qua in charitate pro-
 priè & peculiariter Spiritus sanctus inest, vel potius ipse est charitas. Siqui-
 dem Deus charitas est. Quamobrem sicuti sine Spiritu sancto nihil nostrum ne-
 que gratum, neque acceptum Deo est, ita neque esse sine charitate potest. Cum er-
 go dicimus fide sola in Deum & Iesum Christum saluos nos esse posse, in hac ip-
 sa fide charitatem vel in primis comprehendendam esse deducimus, quæ princeps &
 potissima nostræ salutis est causa. Sed, ut abeamus à disputatione, & reuertamar
 eò unde sumus digressi, ostendimus vobis, fratres charissimi, vel ostendere potius
 conati sumus (non enim æquat magnitudinem rei oratio nostra quanti momēti sit,
 quantopere ad nos pertineat, nostræ nobis animæ eiusque salutis procuratio, quia
 nostra in anima nosmetipsi toti sumus, bonumque hoc propriè & unicū nostrū est,
 cetera bona, aliena nobis omnia atque disiuncta: quibus ne ipsis quidem frui vllus
 possumus, si ex hoc principe & verè nostro excidamus. Pro quo sibi tuendo & con-
 servando animæ bono tot quondam Christi gloriosissimi martyres, mortalem hanc
 vitam prompto animo posuerunt: tot sanctissimi doctores nocturnis diurnisque su-
 doribus ac vigilijs, quò nos in viam rectam inducerent & constituerent, sibi ela-
 borandū esse statuerunt: tota olim tam multas & tam graues ab impijs tyrannis &
 præsidibus gentium iniurias & calamitates pertulit Ecclesia. Quæ ideo om-
 nia & à præpotente Deo permissa, & à foribus illis virus, Christi verè cultori-
 bus suscepta, tolerata, decertataque sunt, ut per omne experientorum & pro-
 bationum genus plurimis veluti malleis excusa, multo igni purgata, tantis sanctorū
 arumnis atque laboribus conflata, consolidata, expressa, & maximam apud Deum
 gratiam fidelitatis suæ Ecclesia obtineret, & summam apud homines auctori-
 tatem. Hæc nos Deo Ecclesia in Christo regeneravit, hæc nos aluit, confirmavit,
 instruxit quid nos sentire, quid credere, in quo spem ponere, qua via in cælum ren-
 dere nos oporteat ipsi eadem edocuit. Nos in hac communi Ecclesiæ fide incedi-
 mus, nos illius leges & præcepta retinemus: & si quando fragilitate & incon-
 tinentia victi ad peccandum prolabimur (quod utinam saltem rarò ac non ni-
 mium sæpè nobis accideret) in eadem tamen fide Ecclesiæ exurgimus: quibusque
 illa expiationibus & pœnitentijs & satisfactionibus peccata nostra ablui, &
 ad integritatem pristinam, clemente erga nos semper & misericorde Deo, nos
 restitui docet, eas expiandi & satisfaciendi rationes suscipimus & adhibe-
 mus. Idque ita cum facimus, confidimus nos veniæ & misericordiæ locum
 apud

apud Deum inuenire. Non enim præter sententiam & authoritatem Ecclesiæ arrogamus nobis quicquam, nõ plus nos sapere quàm oporteat sapere nobis ipsis persuademus, non superbiam afferimus ad contemnendum Ecclesiæ decreta, non animi elationem neque ingenium inter populos nostrum, aut nouam quandam sapientiam ostentamus, sed (de probis & rectis Christianis loquor) in humilitate ingredimur atque in obedientia: & ea quæ per maiorum nostrorum sanctissimorum hominum, sapientissimorumque authoritates tradita nobis & constituta sunt, tanquam per Spiritum verè Sanctum dictata atque præcepta, omni cum fide suscipimus. Etenim nouimus & scimus quantum habeat virum, quanti sit momenti, quanti ponderis apud Deum humilitas: quæ vna virtus imprimis Christiana est, eamque semper maximè Christus Dominus noster & monitis, & præceptis, & factis atque operibus suis præ se tulit, paruulisque solus, id est humilibus propositum dixit esse Regnum cælorum. Non enim refert, corporène parui an magni simus, sed illud plurimum refert, vtrum animo simus humili, anne superbo. Superbia, quæ angelos deiecit de cælo, hominibus eadem iter in cælum impedit. Vnde cæleste animal Angelus, propter superbiam expulsus est, eò terrenum animal homo, propter humilitatem extollitur: vt adpareat planè, constitutum esse nobis in humilitate potissimum, & adiumentum perpetuæ salutis nostræ, & huius beatæ ac iucundæ spei, quæ ad cælum tendimus, firmamentum. Quæ cum ita sint, charissimi fratres, cum nostra salus nobis, cum vera vita, cum æterna felicitas, cum nosmetipsi denique nobis ipsis imprimis & maximè cæterarum rerum omnium chari esse debeamus, cum si nosmetipsos perdiderimus, nihil vspiam nostrum, id est quod iuuet, aut quod pertineat ad nos, simus amplius reperturi, cum nullum grauius damnum, nullum exitiosius malum, nulla acerbior calamitas amissione & iactura animarum nostrarum accidere nobis possit, quanto, obsecrò, studio, quæ animi cura & sollicitudine providere debemus, ne in hoc tantum periculum salutis & vitæ nostræ coniiciatur? Dabitur vos profecto mihi & concedetur, nihil perniciosius neque funestum magis euenire nobis posse, quàm amissionem animæ unicuique suæ. Dabitur ergo etiam illud, opinor, nihil esse à nobis maiore diligentia & studio, quàm ne id accadat, præcauendum. Cuius enim mali fors, si ea in nos incidat, omnium malorum est deterrima, eiusdem mali periculum maximè omnium nobis esse formidolosum debet. Etenim quanta est in malo moles, tantus in periculo mali necesse est vt sit timor. Atque vt qui horrent & metuunt in pelagus præcipitari, hi ne ad præruptam quidem & imminentem pelago rupem audent accedere, sic qui terribile illud Dei & damnatorium iudicium perhorrescunt, ab eo fugiunt imprimis periculo, quod sempiternæ illi miseriæ maximè finitimum proximèque adiunctum est. Neque ego hoc in hoc dico nunc loco, non omnes peccare homines, non omnes nos, quoad hanc viuimus vitam, in periculo semper esse (sumus enim planè, & aberramus, & offendimus, & labimur, interdum omnes, sæpius, rarius, prout cuique sua & ex Deo in, ita ad se cohibendum virtus inest) veruntamen peccata cætera, præsertim quæ non iudicio stabili, sed per fragilitatem admissa patratæque sunt, ad summi Dei misericordiam facilem reditum habent. Illud autem peccatum horribile & pertimescendum, quo præuè colitur Deus, qui rectissimè debet coli, & quo falsa de illo sentiuntur, qui est summa, solus, veritas: illud, illud inquam est peccatum, quod non solum in proximo periculo æterni mali nos constituit, sed ipsem propè e-

ziam & conatum declinandi & fugiendi eiusmodi periculi nobis aufert. Nam reliquis nostris in peccatis tanquam in vitæ fluctibus illa tamen anchora nostræ navis salva est, quæ nos prohibet à scopulo & naufragio, quod cogitationes interdum nostras in Deum conijcientes, & stimulis dolorum propter peccata compuncti, tacitis suspirijs, & confessione iniquitatis nostræ illius misericordiam imploramus. Atque ipse, ut bonitatis & clementiæ plenus est, flectitur statim ad ignoscendum, moréque p̃j patris filiorum suorum preces placatus admittit. At in hoc truci, horribilique peccato præpostera falsæque religionis, nec Deum nobis, nec anchoram amplius relinquimus. Quapropter hoc præcipuè periculum, fratres charissimi, si salui esse volumus, accuratissimè & s̃radiofissimè vitandum nobis est. Potest hîc dici, cum vel corruptæ, vel integræ religionis varia sint iudicia, & diuersæ hominum, in hoc præsertim tempore, sententiæ, aliûsque hoc modo, illo alius interpretetur, satis videri debere, si unusquisque ad id quod primum occurrerit, credendum, sincero animo accedat, suumque iudicium submittat hominum se doctiorum & peritiorum iudicijs. Fateor, fratres charissimi, has esse voces hominum simpliciorum, & quorum ingenia natura hebetiora sunt: quos qui detorquent & abstrahunt à viâ rectâ, maius illi multò in se peccatum habent: nam peritis quidem & callidis, oratio ista non conuenit. Sed ut nunc temporis causa confitear, omnibus ista & doctis & indoctis incerta esse (quod tamen est sc̃cus, habet enim catholica Ecclesia certam regulam, quâ à veris falsa discernat) verum, esto, concedamus dubia esse: nonne, quoniam de periculo nostræ salutis agitur, quoniam animas nostras, hoc est, nosmetipsos plurimi facimus, nec nunc in discrimen aut fortunarum, aut valetudinis, aut etiam corporis & mortalis huius vitæ venimus (quorum omnium iacturam viri fortes pro Christo & pro sua anima constanter sæpe pertulerunt) sed de nobis id decernitur, vtrum sempiternè miserrimi, an beatissimi simus victuri, circumspicere, considerare, perpendere diligenter nos oportet, ut eo nos constituamus in loco (de re loquor velut idubia, quæ tamen non est) ut ibi, inquam, consistamus, vbi minùs multò nobis timoris atque periculi, longéque plus spei & alacritatis ostenditur? Nemo hoc, credo, negaturus mihi est, quin in re anticipiti & dubia (in qua præsertim summa agitur vitæ & salutis nostræ) id potius capere & sequi consiliû debeamus, quod ratio nobis suaserit, quàm quod fortuita obtulerit temeritas. Videamus igitur vtrâ in parte, & in vtrâ sectâ maius sit à Deo longius nos remouendi, & ad perpetuum exitium propius nos admouendi periculum. Quam rem i: a agam & proponam, quasi habeam vos adhuc deliberantes, nec dum animi certos, quorum potius aut voluntatibus obsequi, aut consilijs credere debeatis. Disceptatio est, vtrum vestræ salutis magis expediat, gratiusque Deo vos facturos existimetis, si ea credideritis, eritisque sequuti, quæ Ecclesia catholica cunctum per orbem terrarum annos iam mille & quingentos amplius, aut (si claram certamque rerum gestarum memoriam & notitiam quarimus) annos iam amplius mille & trecentos, magno consensu comprobât: an hæc quæ vafri homines, atque, ut sibi ipsi videntur, acuti, aduersus tot seculorum vsûm & contra perpetuam Ecclesiæ auctoritatem, his annis quinque & viginti innouauerunt: qui certè ipsi catholica non sunt Ecclesia. Est enim catholica Ecclesia, ut breuiter definiamus, quæ in omni anteacto & hodierno tempore, omni in regione terrarum, in Christo vna & consentiens, vno Christi spiritu ubique & semper, dire-

Ha est, in qua nullum potest dissidium existere: omnis enim ea inter se connexa & conspirans est: quod si quid accadat dissensionis & dissidij, magnum quidem corpus Ecclesiae idem permanet, fit autem apostema, quo corrupta aliqua caro, ab animante corpus cunctum spiritu diuulsa secernitur, nec de substantia ulterius corporis Ecclesiastici est. Non ego hic deueniam ad singulas rerum disputationes, neque aures vestras copia verborum atque argumentorum onerabo: Tacebitur à me nunc de Eucharistia, in qua nos verissimum Christi corpus adoramus. Isti sane parum gnari quemadmodum in vnoquoque genere doctrinae adhibere argumenta & rationes oporteat, ex alienis & longè diuersis dialecticæ manisque philosophiæ rationibus, Dominum ipsum vniuersi, & diuinam in eo spiritualémque potentiam (quæ prorsus libera & infinita est) in angulos corporeæ naturæ, quæ suis cancellis circumscripta est, conantur includere. Non loquar de confessione ad sacerdotem, peccatorum: in qua, quod maximum est nostræ salutis fundamentum, vera Christiana humilitas, & à Scriptura demonstrata, & ab Ecclesia præcepta ac constituta est: quam isti humilitatem, & per calumnias eludere, & per arrogantiam abijcere studuerunt. Silebo de precibus, aut Sanctorum pro nobis apud Deum, aut nostris pro mortuis: quas ydem isti cum aspènantur & irrident, easque nullius penitus esse momenti dicunt: quid tandem sibi volunt? Num nam animas arbitrantur vnà cum corporibus suis interire? Et nimirum id videntur innuere, quod agunt etiam manifestius, cum libertatem sibi vitæ ab omnibus Ecclesiasticis solutam legimus, & licentiam cupiditatum comparare adnituntur. Si enim mortalis anima sit, edamus & bibamus, inquit Apostolus, paulò post enim moriemur: sin autem sit immortalis, vt certè est, vnde, quæso, tantum & tam repente factum est corporis morte dissidium, vt & viuentium & mortuorum animæ inter se nihil congruant, nihil communicent, omnis sint cognationis nobiscum, & communis humanæ societatis oblitæ? Cum præsertim charitas, quæ præcipuum Spiritus Sancti in Christiano genere est donum, quæ nunquam non benigna, nunquam non fructuosa est, & in eo in quo inest, nunquam inutiliter consistit, salua semper & efficax in vtraque vita permaneat. Sed vt relinquam controuersias, easque ad sua tempora reseruem, excutiamus id quod prius est propositum, vt videatur & queratur, quid nobis magis conducatur, factumque rectius sit, quid ad gratiam summi Dei obtinendam magis sit accommodatum, sentirene cum vniuersa Ecclesia, eiúsque decretis & legibus, & Sacramentis cum fide obtemperare, an assentiri hominibus dissidia & res nouas quærentibus. Hic locus est, charissimi fratres, hoc illud est binuium quod diuersa duo in itinera scinditur: quorum iter alterum ad vitam, alterum ad perpetuam mortem nos deducat. In hoc discrimine & delectu agitur salus animæ cuique suæ, aguntur pignora futuræ vitæ: vtrum videlicet nris æternæ felicitatis, an miseriæ infinitæ simus futuri compotes. Quid ergo dicemus? Fingamus hic duos, qui ex vtroque genere, hoc est, vtroque ex itinere, ante illud terribile summi iudicis tribunal sint constituti: quorum causa cognoscatur & expendatur, quò vel damnatoria in eos sententia, vel salutaris iure ferri possit. Interrogabuntur fuerintne Christiani. Fuisse se ambo dicent. Rectène crediderint in Christum: vtrique pariter respondebunt, Næ. Quid autem crediderint, aut qua modo crediderint cum explorabuntur (nam hæc de fide recta cognitio, illam quæst de vita & moribus, antecedit) cum igitur ab eis exigetur rectæ fidei confessio, dicet ille

quidem qui in catholica Ecclesia gremio & disciplina fuerit educatus, Ego, cum institutus essem à parentibus meis, qui & ipsi à patribus suis & auis acceperāt, ut cunctis in rebus catholica Ecclesia essem obsequens, eiúsque leges, & monita, & decreta, tanquam à te ipso, Domine Deus, lata observarem & colerem: cumque omnes eos ferē, qui in Christiano nomine censerentur, quique & nobiscum, & ante nos, longē & latē per orbem terrarum tua signa essent secuti, in eadem sententia esse & fuisse animaduertentem, ut cuncti matrem fidei suae hanc ipsam Ecclesiam agnoscerent & venerarentur, & ab eius praeceptis constitutisque discedere sacrilegij instar putarent, in hac eadem fide, quam catholica servat docetque Ecclesia, probare tibi me studui. Et quanquam venerant homines novi Scripturas multum in ore & manibus habentes, qui noua quaedam commouere, vetera labefactare, Ecclesiam redarguere, obedientiam quam illi nos omnes praebeamus, eripere nobis & extorquere conarentur, in ea tamen constanter manere volui, quod à patribus meis, & à communi sanctissimorum doctissimorumque Patrum consensum inde antiquitus in Ecclesia fuisset & observatum & traditum: et si multorum quidem praesidium hominumque Ecclesiasticorum praesentes mores essent ij, qui mihi stomachum mouere possent, quibus tamen non sum à sententia deductus. Ita enim constitui, eorum praeceptis, quae certē sancta erant, obtemperare me debere, sicuti tu Deus in tuo Evangelio praeciperas, viam autem & gestorum me vnum iudicem esse oportere: praesertim cum ego quoque, his tot peccatis, quae in hac mea fronte et tibi manifesta sunt, commaculatus atque infectus, aliorum dignus Iudex esse non possem. Pro quibus nunc adsto ante Tribunal tuum, non severitatem tuam, clementissime Deus, sed misericordiam potius & placabilitatem implorans. Dixerit hoc modo iste causa suam: Citabitur alter, comparebit. Imperabitur illi ut dicat. Hunc habebit exorsum orationis suae (singatur enim de illis unus esse qui sunt, aut fuerunt dissensionum authores: melius enim credo tutabitur iste causam suam, qui se Doctorem ceteris addeficiendum ab Ecclesia fuerit professus) Mihi, inquit, o summe Deus, intuenti mores hominum Ecclesiasticorum ubique serē corruptos, & sacerdotes nihilominus religionis gratia, in honore omnibus esse cernenti, opesque illorum iniquo animo ferenti, iusta, ut puto, iracundia animum inflammavit, ut me illis aduersarium constituerem: cumque respicerem me ipsum, qui tot annos operam literis & theologiae dedissem, non tamen habere eum in Ecclesia locum, quem labores mei meriti essent, multos autem indignos ad honores & sacerdotia extolli perspicerem, ad eos, fateor, insectandos me contuli, quos tibi quoque ipsi minime placere & satisfacere sum ratus. Et quoniam eorum potentiam reuellere non poteram, nisi obtererem prius leges ab Ecclesia latas, populi magnam partem induxi, ut ea Ecclesiae iura contemneret, quae diu antè rata inuiolataque fuissent. Quae si in concilijs vniuersalibus fuissent decreta, conciliorum authoritati non cōcedendū esse dixi: si instituta à priscis Patribus & Doctoribus, veteres Patres ut imperitos & bona expertes intelligentiae sum criminatus: si per Romanos Pontifices, eos sibi astruxisse tyrannidem, & falso nomine vicarios se Christi dicere affirmavi: omnibus denique modis contendī, ut hoc tyrannicum Ecclesiae iugum, quae cibos interdum prohibet, quae dies seruat, quae confiteri nos vult peccata nostra sacerdotibus, quae vota impleri iubet, quae homines in te Christe liberos tot seruitutis vinculis alligat, à nobis

cun-

cuncti qui te colimus, excuteremus: solamque fidem in te, non etiam bona opera, quæ maximè extolluntur & prædicantur in Ecclesia, iustitiam nobis & salutem parere cōsideremus: cum tu præsertim poenam pro nobis pependisses, tuoque sancto sanguine cunctorū delicta & scelera deleuisses: ut nos hac una fide in te freti, liberrius deinde agere quæcunque nobis libuisset, possemus. Scripturas etiam ingeniosius sum perscrutatus quàm veteres illi: ac tum quidem maximè, cum aliquid querebam in eis, quod contra istos detorquere possem: quæ etiam doctrinæ & ingenij opinione, apud populos famam & existimationem nactus, totam quidem Ecclesiæ auctoritatem euertere non potui: magnarum tamen seditionum in ea, & scissionum fui autor. Hæc ubi iste dixerit, & verè dixerit (neque enim mentiendi apud illum caelestem iudicem est locus, tametsi multa idem de ambitione sua, de auaricia, de studio popularis gloriæ, fraudibus & malicijs intestinis, quæ intus ipse agnoscat, in sese reticuerit, quæ tamen illi, prima ipsa in fronte apparebant inscripta, quod tandem, o Gebennenses fratres mei, quos ego in Christo, & in Christi Ecclesia vnanimes mecum habere opto, non solum de his, sed comitibus affectatoribusque eorū iudicium fore existimatis? Non-ne hic certè qui catholicam Ecclesiā fuerit secutus, nullum suum erratum in hac re afferet? Primum, quia nō errat, neque adeò errare potest Ecclesia, cuius illa publica & vniuersalia decreta atque cōcilia Spiritus sanctus assidue gubernat. Deinde etiā si errasset ea aut erraret (quod tamen creditu & memoratu est nefas) nullus hæc quidem suus exprobraretur error, qui sincero animo, & propter Deum humili, maiorum fidem suorum & auctoritatem esset persecutus. At iste alter suo innitens capite, neminem habens veterum sanctorum patrum, ac ne generalium quidem ex omnibus Episcopis conuentuum, quem honore dignum putet, cui inducat animum cedere & obtemperare, omnia sibi arrogans, ad obrectandum magis, quàm ad discendum docendumve paratus, cum à cōmuni Ecclesia desciscit, quem respicit portum for:unarum suarum? quo propugnaculo confidit? quibus apud Deum aduocatis fretus est? ut non grauius debeat metuere, eiectum se iri in tenebras exteriores, ubi erit fletus & stridor dentium, hoc est, ubi miseris suis perpetuò defleturus, & contra semetipsum dentibus increpiturus sit: quod cum posset, si id studuisset, illam acerbissimam vitare calamitatem, id facere neglexisset. Quàm porro infrausti & incōmodi comites traducenda vite sint mœror & furor, vnus per sese quisque potest intelligere: præsertim cum illiusmodi mali atque damni nullus futurus vnquam finis sit, nullæ determinatio, nunquam tibi plorare, nunquam desinatur irasci. Atqui, reliqua istorum omnia aliquo tamen pacto perferri & tolerari possint, hoc quemadmodum ferretur (in quo mihi videtur ne ad ignoscendum quidem illi, locum ullam veniæ & misericordiæ apud Deum dari posse) quod sponsam hī Christi vnicam discerpere sunt conati? quid tunica illam Domini, quam prophani milites diuidere noluerunt, isti ausi sunt, non diuidere solum, sed lacerare? Quot enim iam, istis iniuriam facientibus, secia Ecclesiam disiderunt, neque cum istis congruentes, & ipsæ inter se discordes: quod manifestum esse falsitatis indicium omnis doctrina confirmat. Veritas enim vnica semper est, varia autem & multiformis est falsitas: & simplex, quod rectum est: multifidum, quod obliquum. Sed huiusmodi scissionem, cuiusmodi sanctæ Ecclesiæ dilanatione, potest ne quisquam Christum agnoscere & confitens, & cuius aliquando menti atque cordi Spiritus sanctus illuxerit, non in-

telligere, Sathana, & non Dei propriam operationem esse? Quid imperat nobis Deus? quid præcipit Christus? Nempe ut vnum omnes in ipso simus. Quò datum est nobis à cælo atque Deo illud singulare & præcellens charitatis donum, quod Christiano duntaxat generi, non cæteris gentibus diuinitus infusum est? Nónne ut omnes vno corde & ore Dominum confiteamur? An arbitrantur isti Christianam religionem aliud omnino esse, quàm pacem cum Deo, & cum proximo concordiam? Videamus quid ipsemet loquatur in Ioanne Dominus, Patrem suum pro discipulis deprecans. Pater sancte, serua eos in nomine tuo quos dedisti mihi, ut sint vnum sicut & nos: non pro his autem rogo solum, sed & pro eis qui credituri sunt per verbum eorum in me, ut omnes vnum sint, sicut tu pater in me & ego in te, ut & ipsi in nobis vnum sint, ut credat mundus quòd tu me misisti: & ego gloriam, quam dedisti mihi, dedi eis, ut sint vnum, sicut & nos vnum sumus, ego in eis & tu in me, ut sint perfecti in vnum. Videtis, fratres charissimi, & in clara Euangelij luce discernitis, quid sit verè esse Christianum: cum fides in Deum nostra, cum Dei omnis gloria, quæ & ipseus apud nos, & nostra apud eum esse possit, in hac sola inter nos vnitatem consistat: cum hoc vnum requirat & postulet à Patre de nobis Christus, isque suos in hoc labores, suas arumnas, suam susceptam pro nobis humani corporis fragilitatem, suam crucem, suam mortem, sic fructum allaturam sibi putet, & ad gloriam Patris, quam maximè expetebat, & ad salutem nostram, pro qua erat moriturus: si nos inter nos, & in ipso fuerimus vnum. Atqui hoc semper laborat, hoc adnititur Ecclesia catholica, ut sit consensio nobis, & in eodem spiritu vnitatem: quòsque homines aut spatia disiungunt terrarum, aut intervalla temporum, quòd coire in vnum corpus omnes non possunt, eos vnustamen spiritus, qui vbiq; idem semper est, & foueat & regat. Cui quidem Ecclesiæ catholicæ & Spiritui sancto, hi se aduersarios è regione profitentur, qui vnitatem frangere, qui varios, spiritus immittere, qui consensionem soluere, qui tollere concordiam de Christiana religione conantur, tanta cupiditate, tanto studio, tot machinationibus & artibus, ut eorum sollicitudinem & anxietatem nulla satis dignè exprimere oratio possit. In quos ego quidem id non imprecabor, ut disperdat Dominus vniuersa labi dolosa, & linguam magniloquam: neque item, ut addat iniquitatem super eorum iniquitatem: sed ut conuertat eos, & ad spiritum bonum deducat, dominum Deum meum supplex rogabo, sicuti rogo. Vosque & oro, & hortor fratres mei Gebennenses, ut, discussis aliquando ab oculis mentis vestra erroris nebulis, & patefacta luce, ad cælum illud oculos attollentes, quòd perpetuam patriam vestram, si in vnitatem Ecclesiæ manseritis, proposuit vobis Deus, redire in concordiam nobiscum, & fidele obsequium præstare matri nostræ Ecclesiæ, colere & Deum in vno nobiscum spiritu iam velitis. Nec si mores nostri vobis fortasse displicent, si quorundam culpa splendor ille Ecclesiæ, qui perpetuus & incontaminatus esse debuit, aliquando fit obtusior, vestros id animos moueat, aut in diuersam & contrariam trahat partem. Odisse forsitan personas nostras potestis (si id ab Euangelio conceditur) doctrinam certè & fidem habere odio non debetis: scriptum est enim, Quæ dicunt facite. Neque verò non aliud dicimus, quàm quòd nostram vestra salutis cupiditatem vobis indicamus. Quæ si à vobis, Gebennenses charissimi, in bonam partem fuerit accepta, si me amantissimum vestri gratis animis audieritis: non pænitebit vos profectò, & apud Deum recuperatæ pristinae

na gratia vestra, & apud homines laudis. Ego, quæ meæ partes sunt, & quod benevolentia erga vos mea mihi præscribit, assiduus ero ad Deum pro vobis deprecator, meo quidem ipse indignus vitio, sed forsitan charitas efficiet me dignum. Tum autem quicquid valeo possumque, etsi id quoque paruum admodum est, sed siquid est in me ingenij, consilij, autoritatis, diligentia, id ita vobis totum & vestris opportunitatibus defero, ut pro magno meo commodo habiturus sum, si vos aliquid ex me commodum fructumque meæ operæ & laboris & in diuinis rebus, & in humanis percipere potueritis. Extremum est, ut vos orem, ut eum nuntium quem ad vos cum his literis misi, ea comitate ac benignitate accipiat, quam & humanitas vestra, & ius gentium, & in primis Christiana mansuetudo postulat & requirit: quod vobis honestum, mihi autem vehementer futurum est gratum. Deus vos dirigat, & propitius tueatur, fratres, charissimi.

Carpentoracli XV. Calend. Aprilis, M. D. XXXIX.

FINIS.

IOANNES CALVINVS IACOBO

Sadoletō Cardinali, Salutem.



Cum in magno doctorū hominum prouentu, quos tulit nostra hęc atas, id sis, cū excellētis doctrinæ tuæ, tum verò insignis facūdia merito affecutus, vt te inter paucos colāt ac suspiciāt quicumque videri volūt bonarū artium studiosi, inuitus equidem facio vt nomē tuum publicē inter eruditos ista, quā à me audies expostulatione perstringā. Neque verò eram id facturus, nisi fuisset in hanc arenā pertractus magna necessitate. Non enim ignoro, vel quantæ improbitatis foret vlla cupiditate incitari ad eum virum laceffendum, qui de bonis disciplinis sit optimē meritis: vel quā id quoque sit futurum odiosum apud omnes literatos, si sola importunitate percitum, nulla autem iusta causa impulsū fuisse intelligerent, vt stylum in eum stringerem, quem amore dignum & honore propter eximias dotes non sine causa iudicant. Verū vbi consilij mei rationem exposuero, non modò me omnes à culpa liberabunt, sed nemo erit vt spero, qui non mihi concedat, causam hanc, quæ à me suscipitur, nullo modo fuisse mihi deferendam, nisi officio meo turpiter deesse vellem. Literas non ita pridem scripsisti ad Senatū populūque Geneuēsem, quibus tentasti eorū animos, an sub Pōtificis Romani iugū, quod semel excusserunt, reduci se sustinerent. In ijs literis, quoniā non expediebat eos grauius vulnerare, quorū fauore tibi opus erat ad causam obtinēdam, fecisti quod erat boni rhetoris. Multis enim blanditijs eos demulcere conatus es, quò in tuam sententiam pelliceret. Quicquiderat inuidiæ & acerbitalis, in eos deriuasti, quorum opera id factū erat, vt ab illa tyrannide defecissent. Atque hīc, si Deo placet, plenus velis inueheris in eos, qui urbem illam sub Euangelij prætextu, ad istam, quam deploras, religionis & Ecclesiæ conturbationem malis artibus perpulerunt. Ego autem, Sadolette, ex his quos tam hostiliter incesis ac laceras, vnum me esse profiteor. Tametsi enim constituta iam religione, ac correctā Ecclesiæ forma, illuc vocatus fui: quia tamen quæ à Farello ac Vireto gesta erant, non modò suffragio meo comprobaui, sed etiam quātum in me fuit, conseruare studui ac confirmare, separā tam ab illis causam habere nequeo. Quòd si tamen priuatim abs te læsus essem, facilè profecto id condonarem tuæ doctrinæ, ac literarum honori. Sed cū ministerium meum, quod Dei vocatione fundatum ac sancitū fuisse non dubito, per latus meum sanciri videam, perfidia erit, nō patiētia, si taceam hīc atque dissimulem. Doctoris primū, deinde pastoris munere in Ecclesia illa functus sum. Quòd eam prouinciam suscepi, legitimā fuisse vocationis iure meo contendo. Quanta autem fide ac religione administrauerim, non est cur multis nunc verbis ostendam. Perspicatiam, eruditionem, prudentiam, ac dexteritatem mihi nullam arrogabo, ac ne diligentiam quidem. At certē ea sinceritate, qua in opere Domini decuit, me illic versatum esse, probè coram Christo iudice meo, & omnibus ipsius Angelis, mihi cōsciū sum: & boni omnes eius rei luculentum mihi testimoniū reddūt. Hoc ergo ministerium vbi à Domino esse constiterit (quēadmodū certerè liquidò cōstabit, vbi audita fuerit causa) si abs te proscindi ac infamari tacitus

feram

ferā, quis non eiusmodi silentium prauaricationis dāne? Nemo ergo iam non videt, ne summa officij mei necessitate constringi, neque posse euadere, quin me crimina nonibustuis opponam, nisi quam mihi actionem Dominus demandauit, manifesta perfidia deferere ac prodere velim. Quod autem geneuensis Ecclesie procuratore sum in presentia explicatus, ea res efficere non debet, quin paternam charitatem illum complectā: cui, dum semel me prefecit Deus, perpetuū fidem illi meam obligauit. Age, ubi illi Ecclesie, cuius salutem mihi summa cura esse vult Dominus, extremas insidias intuentari cerno, & graue periculum imminere, nisi obuiam eatur, quis mihi consulat, ut tacitus ac securus exitum expectem? Quanta, obsecro, socordia id esset, otiosum, & velut oscitantem conuiuere ad eius exitum, ad cuius vitam tuendam & conseruandam excubare debeas? Atqui superuacua hic foret longior oratio, quando tu ipse me omni difficultate liberās. Nam si vicinitas, & illa non adeo propinqua, tantum apud te valuit, ut dum tuam erga Geneuates dilectionem vis profiteri, non dubitaris tantā atrocitate me ac meam famam impetere, mihi profectō humanitatis lege id concedetur, ut dum cupio publico eius ciuitatis bono consulere, quā mihi longē alio, quā vicinitatis iure commendata esse debet, mihi consilia conatūque tuos, quos in eius perniciem tendere non dubito, interpellare liceat. Adhuc, ut Ecclesiam Geneuatium minimē respiciam (cuius certē curam non magis, quā propriā animā, abicere possum) sed ut nullo eius studio afficiar, ubi tamen ministerium meum, quod quidem ut à Christo esse noui, ita sanguine meo, si opus sit, vindicandum mihi est) falsō traducitur ac proscinditur, quā mihi dissimulanter id ferre liceat? Itaque non a quibus lectoribus modō iudicare, sed tibi quoque, Sadolete, reputare promptum est, quot & quā iustis rationibus coactus, in hoc certamen descenderim: si tamen certamen dici meretur, simplex & moderata innocentia mea aduersus calumniosas tuas criminationes defensio. Meam innocentiam dico, tametsi pro me agere non possum, quin collegas simul meos complectar, quibuscum rationes omnes sic mihi in administratione illa fuerunt coniunctae, ut quicquid de illis dictum fuerit, in me libenter recipiam. Iam verō quem animum in causa hac aduersum te suscipienda habui, cum ipsa quoque actione testari atque approbare studebo. Faciam enim ut omnes intelligant, non causā modō bonitate & aequitate, conscientia rectitudine, cordis sinceritate, sermonis candore me esse multo superiorem: sed etiam in retinenda lenitate & modestia aliquantō constantiorem. Erunt sanē aliqua, quae animum tuum vel pungent, vel fortē etiam lancinabunt: dabo tamen operam, ne qua vox asperior à me exeat: nisi quam vel iniquitas accusationis tuæ, qua sum prior impetitus, vel rei necessitas extorserit. Deinde, ne ad aliquam usque intemperiem aut impotentiam erumpat hac ipsa asperitas, ne ve vlla procacitatis specie ingenuos animos offendat.

Ac principio, si cum alio quolibet tibi negotium esset, non aliunde procul dubio inciperet, quā ab eo argumento, quod ego in totum praterire institui. Consilium enim scribendi tuum non sine magna specie exagitaret, donec palam faceret, te quiduis potius scribendo quæsisse, quā quod prætendis. Nisi enim magnam candoris tui fidem prius feceris, suspicione non caret, quod homo alienus, cui nihil antea cum populo Geneuensi necessitudinis fuerit, tantam nunc de repente beneuolentiam erga eum testaris, cuius nullum antea signum extiterit: & is homo,

qui propè à pueritia imbutus Romanis artibus, quales scilicet nunc discuntur in Romana curia, in illa calliditatis ac versutiarum omnium officina, adeoque in sinu Clementis educatus, nunc etiam factus Cardinalis, multas notas habes, quæ te suspectum plarisque ferè omnibus hac in parte reddat. Insinuationes verò illæ tuæ, quibus in simpliciū hominum animos influere te posse credidisti, nullo negotio refellerentur ab homine non prorsus stupido. Verum istud, quod multis forsitan credibile futurum sit, quia mihi cadere non videtur in hominem liberalibus omnibus doctrinis expolitus, adscribere tibi nolo. Agam igitur perinde tecum, ac si optimo animo, quemadmodum scilicet virum ista doctrina, prudentia, gravitate pradi- tum decet, ad Genevates scripseris, suaserisque bona fide ipsis, quæ ad eorum salutem, incolumitatemque videbantur tibi pertinere. Verum qualiscunque tibi animus fuerit (quoniam gravare te invidia in hac parte nolo) quod tamen ea, quæ illis à Domino per manus nostras tradita sunt, quam acerbissima potes verborum contumelia, laceras, & labefactare ad extremum moliris in eo tibi aperte, velim nolum, reclamare cogor. Sic enim demum Ecclesiam adificant Pastores, si non doctiles modò animas ad Christum placidè manu ducunt, sed armati etiam sunt ad propulsandas eorum machinationes, qui Dei opus impedire enituntur. Tamen si longas ambages habet tua Epistola: in hac tamen præcipuè summa vertitur, ut illos in potestatem Romani Pontificis recipias, quod vocas in fidem obedientiamque Ecclesiæ reducere. Sed quia in causa parum favorabili, præmollendi erant animi, longa oratione præfari, de incomparabili æternæ vitæ bono. Deinde ad causam propius accedis, cum demonstras nullam esse nocentiorē animabus pestem, quam peruersum Dei cultum. Adhuc, Dei ritè colendi eam esse optimam regulam, quæ ab Ecclesia præscribitur. Actum igitur esse de eorum salute, qui Ecclesiæ unitatem abruperunt, nisi resipiscant. Postea verò contendis, manifestum esse ab Ecclesia defectionē, quod à vestra societate disiuncti sunt. Deinde, quod à vobis Evangelium acceperant, nihil esse quam magnam impiorum dogmatum farraginem. Inde ergo demum colligis, quale Dei iudicium eos maneat, nisi tuis istummonitis obtemperent. Quoniam autem quid plurimum causæ serviebat, fidem omnem verbis nostris abrogare: in eo primum laboras, ut quod in nobis salutis suæ studium perspexerunt, sinistris suspicionibus graves. Itaque nihil aliud fuisse nobis proposuimus cavillari, nisi ut ambitionem & avaritiam expleremus. Quando igitur hæc ars tua fuit, labem nobis aliquam aspergere, quod præ occupatæ nostræ odio lectorum mentes, nihil nobis crederent, antequam ad alia veniam, ad istam objectionem breuiter respondebo. De me non libenter loquor. Quoniam tamen prorsus silere non pateris, dica nunc, quod salva modestia poteris. Ego si meis rationibus consultum voluissim, nequaquam discissem à vestra factione. Neque verò gloriabor, fuisse mihi in illi facilem ad honores obtinendos viam: quos ego nunquam concupiui, & quibus captandis animum nunquam potui adijcere. Quanquam certè non paucos novi ex meis equalibus, qui ad aliquem locum streperunt, quos mihi partim assequi, partim præcurrere licebat. Id unum dicere contentus ero, quod in summis votis fuisset, mihi non fuisse difficile illic adipisci. Nempe ut ocio literario, cum honesta aliqua ingenuaque conditione, fruerer. Proinde nunquam verebor, ut mihi quispiam, nisi penitus perdita fronte, obijciat, me extra regnum Patæ aliquid corpori meo quæsisse, quod illic non esset mihi paratum. Farello autem

quis

quis id obijcere audeat? si sua illi industria fuisset viuendum, eos iam in literis progressus fecerat, qui esurire ipsum non sinerent. Et erat splendidiore familia natus, quàm ut alienæ opis indigeret. De nobis, quos veluti digito notabis, respondere tibi nominatim placuit. Sed quoniam videris omnes, qui eandem nobiscum hodie causam sustinent, obliquè suggillare, velim intelligas, nullum posse abs te nominari, pro quo non melius tibi respondeam, quàm pro Farello, vel meipso. Sunt aliquot nostrorum tibi ex fama cogniti: de illis conscientiam tuam appello: putè sine fame fuisse adactos, ut à vobis demigrarent, & reclusi desperatis, ad istam conversionem, velut ad nouas tabulas profugisse. Verùm, ne longum catalogum recenseam, hoc dico, eorum, qui causæ huius aggrediendæ Principes fuerunt, neminem fuisse, qui non meliore foret apud vestros loco & fortuna, quàm ut de noua aliqua vitæ ratione propterea cogitandum fuerit. Age nunc, paulisper mecum reputa, quos honores & quas potentias simus adepti. Nos enim alias neque opes, neque dignitates affectasse, aut captasse, quàm quæ nobis obtigerunt, testes erunt omnes qui nos audierunt. Cùm illi in omnibus dictis ac factis nostris non modò suspicionem nullam animaduuerint eius ambitionis, cuius nos insimulas: sed etiam clavis indicij nos ab ea toto pectore abhorre deprehenderint, non est quod verbulo vno sic eorum mentes fascinari posse speres, ut futuri maledicto potius credant, quàm tot ac tam certis, quæ à nobis habuerunt, experimentis. Ac ut re potius agamus quàm verbis: Ius gladij, & alias civilis iurisdictionis partes, quas sub immunitatis specie personati Episcopi & Sacerdotes fraudulenter, magistratui ereptas sibi vendicarant, an non magistratui restituiimus? Omnia, quæ sibi usurpauerant, dānationis & ambitionis instrumenta, nonne detestari sumus, & adnixi ut abolerentur? Si spes aliqua erat emergendi, cur non callidè dissimulabamus, ut ista simul cum Ecclesiæ gubernandæ munere ad nos transfirent? Totum autem regnum illud, vel potius carnificinam, quam in animas sine Dei verbo exercebant, cur euertere tanto conatu aggressi sumus? Quomodo non cogitabamus, tantundem nobis deperire? Quantum ad opes Ecclesiasticas attinet, vorantur adhuc magna ex parte ab illis gurgitibus. Verùm si spes erat, aliquando ipsis ademptum iri (ut certè necesse tandem erit) cur non viam quærebarus, qua ad nos deuenirent? At nos, cùm clara voce pronuntiauius, Episcopum furem esse, qui ex opibus Ecclesiasticis plus in usum suum conuertit, quàm quod necesse est ad sobriam frugalemque vitam sustinendam: cùm testati sumus, Ecclesiam pessimo veneno tentatam esse: dum tanta opum affluentia onerati sunt Pastores, quæ ipsos postea obrueret: cùm professi sumus non expedire, ut penes eos residerent: cùm postremò consilium dedimus, ut ministris tantum erogaretur, quantum ad frugalitatem, ordine suo dignam sufficeret, non quod ad luxum redundaret, reliqua promore veteris Ecclesiæ dispensarentur: cùm ostendimus eligendos esse graues viros, qui illis præficerentur, ea lege, ut Ecclesiæ & magistratui rationem quotannis redderent: Hincne erat aliquid nobis aucupari, an potius à nobis ultro excutere? Atque hæc quidem demonstrant omnia, non quid simus, sed quid esse voluerimus. Si ista autem palàm ac vulgò sic nota sunt, ut nullus apiculus negari queat, qua fronte iam exprobrare nobis perges affectatas opes ac potentias extraordinarias, præsertim verò apud eos, quibus nihil istorum est incognitum? Portentosa de nobis mendacia cùm tui ordinis homines quotidie apud suos spargunt, nihil miramur (nemo e-

num adest qui vel reprehendat, vel refutare ausit) at ijs, qui eorum omnium, quæ nuper recitavi, oculi sunt testes, contraria omnia velle persuadere, hominis est parum prudentis, & sadoletum ista doctrinæ, prudentiæ, gravitatis existimatione vehementer dedecet. Quod si à re ipsa æstimandum animum nostrum censes, reperietur non aliò nos spectasse, quàm ut nostra tenuitate atque humilitate Regni Christi amplitudo promoueretur. Tantum abest, ut regnandi cupiditate, sacrosancto eius nomine fuerimus abusi. Taceo plurima alia, quæ in nos pleno, ut aiunt, ore conuicia detonas. Homines astutos vocas, inimicos unitatis Christianæ & pacis, novatores veterum & bene constitutarum rerum, seditiosos, cum animabus pestiferos, tum publicè priuatimque perniciosos uniuersæ hominū societati. Si effugere reprehensionem voluisses, aut non debebas, inuidiæ causa, tribuere nobis linguam magniloquam: aut aliquantulum ab ista magniloquentia tibi temperare oportebat. Nolo tamen in singulis immorari, nisi quod te reputare cupio, quàm sit indecorum, ne dicam illiberale, et a vexare immerètes multis verbis, quæ verbo vno statim refelli queant. Quàmquam leue est homines afficere iniuria, præut est indignitas tantæ contumelia, quæ, ubi ad causam venis, Christo & eius verbo abs te irrogatur. Quod Geneuenses nostra prædicatione docti ab illa errorum colluviæ, in qua demersi fuerant, ad puriorem Evangelij doctrinam se contulerunt, defectionem à Dei veritate: quòd à Pontificis Romani tyrannide se vindicarunt, ut paulò meliorem Ecclesiæ formam apud se constituerent, discessionem ab Ecclesia esse dicis. Agedū, utrunque ordine excutiamus. In præfatione autem illa tua, quæ æternæ beatitudinis excellentiam prædicando, tertiam circiter & pistolæ partem occupat, responsionem meam diu habere, nequaquam operæ precium est. Tamen si enim futura æternæque vitæ commendatio, res est digna, quæ nocte diuque auribus nostris insonet, quæ assidue memoria repetatur, in qua meditanda sine fine exerceamur: de ea tamen nescio qua de causa hic sermonem adeò protraxeris, nisi ut te aliquo religionis indicio commendares. Siue autem, ut omnem de te dubitationem tolleres, testari voluisti te de gloriosi apud Deum vitæ sermone cogitare: siue censuisti tam longa eius commendatione excitandos vellicandosque esse eos, ad quos scribebas (nolo enim diuinare quid tibi consilij fuerit) id tamen parum est theologicum: hominem ita sibi ipsi addicere, ut non interim principium hoc illi vitæ formandæ præstiturus, illustrandæ Domini gloriæ studium. Deo enim, non nobis nati imprimis sumus. Siquidem, quemadmodum ab eo fluxerunt omnia, & in eo consistunt, ita in eum referri debent, inquit Paulus. Siquidem, fateor, Dominus ipse, quòd nominis sui gloriam magis commendabilem hominibus faceret, eius promouendæ atque amplificandæ studium temperauit, ut cū nostra salute perpetuò coniunctum foret. At cū docuerit, illud ipsum oportere omnem cuiuslibet boni & commodi nostri curam cogitationemque excedere, & naturalis æquitas id quoque dicit, non tribui Deo quod suum est, nisi rebus omnibus præferatur, Christiani certè hominis est altius conscendere, quàm ad quarendam & comparandam animæ suæ salutem. Itaque nimen recta pietate imbutum fore puto, a quo non insipida censetur tam longa, & accurata ad studium celestis vitæ exortatio, quæ hominem penitus in se ipsi detineat, nec ad sanctificandum Dei nomen, vel vno verbo, erigat. Post hanc verò sanctificationem libenter tibi assentior non aliud tota vita nobis debere esse propositum, quàm ut ad supernam illam vocationem contendamus.

mus. Hunc enim omnibus & factis, & dictis, & cogitationibus nostris perpetuum scopum, præstituit Deus. Nec sanè aliud est, quo beluam homo antecellat, nisi spiritualis cum Deo communicatio, in spem beatæ illius æternitatis. Nec ferè aliud agimus concionibus nostris, nisi ut omnium animos ad meditationem studiumque eius erigamus. Hoc quoque tibi non ægrè concedo, non aliunde esse grauius salutis nostræ periculum, quàm à præpostero peruersoque Dei cultu. Hæc enim sunt prima rudimenta, quibus solemus ad pietatem instituere, quos Christo volumus acquirere discipulos, ne temerè, ac pro sua libidine, nouum aliquem Dei cultum sibi fingant: sed hunc vnum legitimum esse sciant, qui à principio fuit illi approbatus. Afferimus enim, quod sacro oraculo testatum est: obedientiam esse quolibet sacrificio præstantiorem. Denique, modis omnibus assuefacimus, ut vna colendi Dei regula contenti, quam ex illius ore habent, commentitios omnes cultus valere iubeant. Proinde cum tu hanc, Sadolete, voluntariam confessionem edideris, iactum est abs te defensionis meæ fundamentum. Nam si fateris, hoc horribile esse animæ exitium, ubi, prauis opinionibus, in mendacium conuertitur diuina veritas, nunc tantum nobis superest, querere, vtra tandem pars cultum illum Dei, qui vnus est legitimus, retineat. Quò eum parti vestræ afferas, assumis, certissimam esse ipsius regulam, quæ ab Ecclesia præscribitur. Quàquam, ac si tibi hîc obisteremus, qualiter in rebus dubijs fieri solet, sententiam istam in deliberationem renocas. Ego autem Sadolete, quia frustra desudare te video, hac te subleuabo molestia. Falsò enim opinaris, ab ea colendi Dei ratione, quam semper obseruauit Ecclesia catholica, nos abducere velle populum Christianum, sed in Ecclesiæ nomine vel hallucinari, vel certè sciens ac volens fucum facis. Atque in hoc quidem posteriore te mox deprehendam: fieri tamen potest, ut alicubi etiam aberres. Primum, in eius definitione prætermitti, quod te ad rectam intelligentiã non parùm adiuuisset, cum dicis eam esse, quæ omni antea cto tempore, ut hodierno, omni in regione terrarum, in Christo vna & consentiens, vno Christi spiritu, ubiq; & semper directæ est: ubi hîc verbum Domini, maxime perspicua nota illa, quam ipse Dominus, in Ecclesia designanda, toties nobis cõmendat? Quia enim providebat, quàm periculosum foret absque verbo Spiritum iactare, Ecclesiam à sanctio quidẽ Spiritu gubernari asseruit: sed eam gubernationem, ne vaga & instabilis crederetur, verbo alligauit. Hac ratione clamat Christus, ex Deo esse, qui verba Dei audiunt: Oues suas esse, quæ vocem suam Pastoris esse recognoscunt: quamlibet aliam, hominis esse extranei. Hac ratione Spiritus per os Pauli pronuntiat, Ecclesiam fundatam esse super fundamentum Apostolorum & Prophetarum. Item, Ecclesiam Domino sanctificatam lauacro aquæ in verbo vitæ. Id ipsum per os Petri etiam clarius: cum docet regenerari Deo populum, per semen illud incorruptibile. Denique, cur toties Euangelij prædicatio regnum Dei nuncupatur, nisi quia sceptrum est, quo plebem suam moderatur Rex cælestis? Neq; in literis tantum Apostolicis illud reperies, verum quoties, vel de instauranda, vel de propaganda in orbem vniuersum Ecclesia, vaticinantur Prophætæ, primum semper locum verbo assignant. Prodituras enim aquas viuas dicunt è Ierusalem, quæ in quatuor flumina ductæ, totam terram inundabunt. Quæ verò sint aquæ illæ viuæ, illi ipsi enarrant, cum aiunt: Exituram Legem è Zion, & verbum Domini è Ierusalem. Bene ergo Chrysostomus, qui repudiandos monet omnes, qui sub prætextu Spiritus, à simplici Euangelij doctrina

nos abducunt: cum Spiritus sit promissus non ad nouam doctrinam reuelandam, sed
 imprimendam hominum animis Euangelij veritatem. Ac nos re ipsa hodie expe-
 rimur, quàm fuerit necessaria admonitio. A duabus sectis oppugnamur: quæ inier
 se plurimum videntur habere discriminis. Quid enim Papæ simile in speciem cum
 Anabaptistis? Et tamen, ut videas Sathanam nunquam tanta versutia se transfi-
 gurare, quin aliqua ex parte se prodat, idem utrique præcipuum telum habent,
 quo nos fatigant. Spiritum enim cum fastuose iactant, non aliò certè tendunt,
 quàm ut, oppresso sepultoque Dei verbo, locum faciant suis ipsorum mendacijs.
 Tūque Sadolete, in primo limine impingendo, dedisti pœnas eius contumeliæ,
 quam Spiritui sancto inuisti, cum separasti ipsum à verbo. Nam velut in biuio
 sint constituti, qui viam Dei quærunt, ac certo signo destituti, eos hesitantes in-
 ducere cogerus: utrumne magis expediat, Ecclesiæ auctoritatem sequi, an ijs auscul-
 tare, quos nouorum dogmatum repertoires, vocas. Si sciuiisses, vel dissimulare nolui-
 ses, Spiritum Ecclesiæ præluce, ad patefaciendam verbi intelligentiam: verbum
 autem instar esse lydijs lapidum, quo illa doctrinas omnes examinet, an ad istam a-
 didò perplexam & spinosam quæstionem confugisses? Tuo igitur experimento di-
 sce, non minus importunum esse, Spiritum iactare sine verbo, quàm futurum sit in-
 sulsum, sine Spiritu verbum ipsum obtendere. Nunc si definitionem Ecclesiæ tua
 veriore recipere suslines, dic posthac, societatem esse sanctiorum omnium, quæ per
 totum orbem diffusa, per omnes ætates dispersa, vna tamen Christi doctrina, &
 vno spiritu colligata, vnitatem fidei, ac fraternam concordiam colit atque obser-
 uat. Cum hac esse nobis quicquam dissidij negamus. Quin potius, ut eam reuere-
 mur matris loco, ita in sinu eius cupimus permanere. At hinc me redarguis. Doces
 enim, quæcunque ab annis mille quingentis, aut amplius, constanti fidelium con-
 sensu sunt comprobata, ea nostra importunitate conuelli & abrogari. Hinc non
 requiram, ut verè ac candidè nobiscum agas (quod tamen Philosopho, nedum Chri-
 stiano, sponte præstandum erat) sed rogabo tantum, ne ad illiberalem vsque calum-
 niandi licentiam descendas, quæ existimationem tuam apud probos & graues vi-
 ros, nobis quoque tacentibus, vehementer laesura est. Scis hoc, Sadolete: & si infi-
 ciari pergis, faciam ut te sciuisse, ac callidè & a fræque dissimulasse, omnes intelli-
 gant: non modò longè meliorem nobis cum antiquitate consensione esse, quàm vo-
 bis: sed nihil aliud conari, quàm ut instauretur aliquando vetusta illa Ecclesiæ
 facies: quæ primò ab hominibus indoctis, & non optimis, deformata & fœdata, po-
 stea à Pontifice Romano, & eius factione flagitiosè lacerata, & propè deleta est.
 Non aded te præcisè vrgebo, ut reuocem ad illam Ecclesiæ formam, quam Apostoli
 constituerunt (in qua tamen vnicum habemus veræ Ecclesiæ exemplar: à quo si quis
 vel minimum defleuit, aberrat) sed ut eatenus tibi indulgeam, statue, quæso, tibi ob
 oculos veterem illam Ecclesiæ faciem, qualem Chrysostomi & Basilij ætate apud
 Græcos: Cypriani, Ambrosii, Augustini seculo, apud Latinos extitisse, ipsorum
 monumenta fidem faciunt: postea ruinas, quæ apud vos ex illa supersunt, contem-
 plare tantum certè discriminis apparebit, quantum Prophetæ, nobis describunt in-
 ter præclaram Ecclesiam, quæ sub Dauide & Solomone floruit, ac illam, quæ sub
 Zedecia & Ioachim, in omne superstitionum genus prolapsa, diuini cultus purita-
 tem prorsus vitauerat. Iamne hostem antiquitatis esse dices, qui, antiquæ pietatis
 ac sanctimonix studio, præfenti rerum omnium corruptione non contentus, quæ
 sunt

sunt in Ecclesia dissipata ac deprauata, corrigere in melius, & restituere in pristinum nitorem molietur? Cum tribus partibus constet ac fulciatur potissimum Ecclesia incolumitas, doctrina, disciplina, & sacramentis: quarto loco accedant ceremonia, quæ populum in pietatis officiis exerceant: ut maximè parcatur Ecclesiæ vestræ honori, qua parte vis eam censeamus? Doctrinæ prophetica & Evangelicæ veritas, qua fundatam esse Ecclesiam oportet, non modò illic magna ex parte interijt, sed hostiliter ferro & igni abigitur. Tu mihi pro Ecclesia obrudes, quæ omnes religionis nostræ sanctiones, & quæ Dei oraculus sunt prodita, & quæ sanctorum quoque patrum libris sunt consignata, & quæ priscis concilijs approbata, furiosè persequitur? Agè, sancta illius & veræ disciplinæ, quam veteres Episcopi in Ecclesia exercuerunt, quæ tandem ex tant apud vos vestigia? Nón-ne omnia eorum instituta ludibrio habuisti? Nón-ne omnes canones pedibus proculcasti? Sacramenta verò quàm sceleratè à vobis sint prophanata, sine summo horrore cogitare nequeo. Ceremoniarum habetis quidem plus satis, sed illa cum & significato, ut plurimum, sint ineptissimæ, & innumeris superstitionum formis vitiatæ, quid valere queant ad Ecclesiam conseruandam? Nihil istorum, ut vides, accusatorie à me exaggeratur. Et sunt omnia sic in propatulo posita, ut demonstrare digito liceat, si sint oculi qui animaduertant. Nunc, si placet, ad hanc nos legem exige: multum profecto aberit, quin eorum criminum, quæ nobis intentasti, reos peragas. In sacramentis nihil tentauimus, nisi ut in natiuam puritatem, vnde deciderant, restituta, dignationem quoque suam reciperent. Ceremonias magna ex parte aboleuimus. Verum coacti sumus id facere: partim quòd sua multitudine in Iudaismum quemdam degenerauerant: partim quòd tanta superstitione occupauerant plebis animos, ut stare modo nullo possent, quin pietati, quæ promouere debuerant, officerent plurimum. Retinuimus tamen eas, quæ pro temporis ratione sufficere videbantur. Disciplinam, qualem habuit vetus Ecclesia, nobis deesse, neque nos diffitemur. Sed cuius erit æquitatis, nos euersæ disciplinæ ab ijs accusari, qui & eam soli penitus sustulerunt, & cum postliminiò reducere conaremur, nobis hætenus ostiterunt? Neque verò in doctrina dubitamus ad veterem Ecclesiam prouocare. Et quoniam, exempli causa, capita quædam attigisti, in quibus aliquam nos sugillandi causam habere tibi videbaris, ostendam breuiter, quàm iniquè falsoque cauilleris, ea fuisse à nobis contra Ecclesiæ sententiam ex cogitata. Antequam tamen ad species descendo, admonitum te velim, etiam atque etiam consideres, qua ratione vitio veritas nostris hominibus, quòd in scripturæ explicationem studium impenderunt. Scis enim, tantam verbo Dei lucem suis lucubrationibus intulisse, ut hoc in genere, omni laude ipsos fraudare, vel inuidiam ipsam pudeat. Eiusdem est candoris, quod tradis, populum spinosis subtilibusque questionibus fuisse à nobis seductum: adeoque per illam philosophiã, à qua cauerciubet Christianos Paulus, circumductum. Quid? Num meministi, quale fuit tempus illud, quo nostri homines prodierunt? Qualem in scholis doctrinam discerbant, qui ad Ecclesias erudiendas se comparabant? Scis ipse, meram fuisse Sophisticè: sed adeò contortam, implicitam, sinuosam, perplexam, ut merito dici posset scholastica theologia, quædam arcana magiæ species. Quò quisque illic densiores offundebat tenebras, quò se & alios importunis æigmatibus magis fatigabat, eò maiorem acuminis ac doctrinæ referebat palmam. Cum verò doctrinæ suæ fructum ad populum

volebant proferre, qui in officina illa fuerant formati, quanta, obsecro, dextera te Ecclesiam edificabant? Ac ne singula persequar, quæ tunc fuerunt in Europa conciones, quæ simplicitatem illam repræsentarent, in qua Paulus vult tota vita Christianum populum occupari? Imò quæ omnino fuit, ex qua non plura deliria referrent anicula, quàm comminisci toto mense ad focum suum possent? Sic enim ferè distributæ erant conciones, ut dimidia pars caliginosis illis scholarum questionibus daretur, quæ rudem plebeculam obstupescerent: altera suaves fabellas, aut non inamœnas speculationes contineret, quibus populi alacritas excitaretur. Pauca tantum vocolæ ex Dei verbo aspergebantur, quæ fidem talibus nugamentis, sua maiestate, conciliarent. Vbi autem primum nostri signum sustulerunt, momento vno discussæ sunt apud nos omnes illæ offuciæ. Vestri autem concionatores partim ex eorum libris ita profecerunt, partim pudore atque obmurmurationibus omnium coacti, eorum exemplo ita se conformarunt, ut pleno gutture adhuc spirent veterem illam insulsiatatem. Ut si quis rationem agendi nostram cum illa atque etiam cum ea quæ hodie vobis est in precio, comparet: non minimam te nobis iniuriam fecisse agnoscat. Quod si paulò ulterius Pauli verba prosecutus esses, facilè quivis puer intellexisset, in vos proculdubio competere, quod nobis crimen impingis. Inanem enim Philosophiam illic Paulus ieterpretatur eam esse, quæ pias animas, per constitutiones hominum, & elementa huius mundi, deprædatur: quibus vos Ecclesiam perdidistis. Et ipse tuo deinde testimonio nos absolvit: qui inter dogmata nostra, quæ exagitanda tibi duxisti, nullum profers, cuius cognitio non sit ad Ecclesiæ edificationem imprimis necessaria. Fidei iustificationem primo loco attingis: de qua nolis primum & acerrimum certamen vobiscum est. Est ne illa spinosa, & inutilis questio? At, sublata eius cognitione, & Christi gloria extincta est, & abolita religio, & Ecclesia destructa, & spes salutis penitus eversa. Dogma ergo istud, quod in religione summum erat, dicimus fuisse à vobis nefarie ex hominum memoria deletum. Perspicua eius rei probatione referti sunt libri nostri. Et crassa eius ignoratio, quæ in vestris omnibus Ecclesiis etiamnum manet, testatur, nos nequaquam falsò queri. At tu perquam malignè hinc invidiam nobis facis: quòd fidei omnia deferendo, nullum operibus locum relinquamus. Hinc non ingrediar iustam disputationem, quæ non posset nisi longo volumine terminari: sed enim si catechismum inspiceres, quem Geneuensibus ipse conscripsi, cum pastoris apud eos sustinerem personam, tribus verbis victus obmutesceres. Breuiter tamen hinc tibi expediam, quo modo ea de re loquamur. Primum, iubemus hominem à sui recognitione incipere, & illa quidem non leui nec defunctoria, sed ut conscientiam coram Dei tribunali suam sistat: & cum suæ iniquitatis satis conuictus fuerit, simul iudicij illius severitatem reputet, quod in omnes peccatores edicitur: ita miseria sua confusus ac perculsus, coram Deo prosternatur, & humilietur: abiecta omni sui fiducia, tanquam ultimo exitio perditus, ingemiscat. Tum, vnicum salutis portum esse ostendimus in Dei misericordia, quæ nobis in Christo exhibetur: quia omnes salutis nostræ partes in eo sunt adimpletæ. Cum ergo vniuersi mortales perditum sunt coram Deo peccatores, dicimus Christum vnicam esse iustitiam: quandoquidem, obedientia sua, transgressionem nostram aboleuit: sacrificio, iram Dei placavit: sanguine, maculas absternit: cruce, maledictionem nostram sustinuit: morte, pro nobis satisfecit. In hunc ergo modum dicimus hominem Deo Patri in

Chri-

Christo reconciliari, nullo suo merito, nulla operum dignatione, sed gratuita clementia. Cum autem fide amplectamur Christum, & veluti in eius communionem veniamus, hanc, secundum Scripturæ morem, vocamus fidei iustitiam. Quid hîc habes, quod vel mordeas, vel carpas, Sadolete? An quia operibus locum nullum relinquimus? Certè in homine iustificando negamus vel pilum vnum valere. Vbi que enim Scriptura vociferatur omnes esse perditos: & sua quæque conscientia graviter accusat. Nihil spei reliquum esse docet eadem Scriptura, nisi in sola Dei bonitate, qua peccata nobis ignoscuntur, iustitia imputatur. Vtrunque gratuitum asserit: ut tandem pronuntiet, beatum esse hominem sine operibus. At, quam aliam affert notis notionem nomen ipsum Iustitiæ, nisi respectus ad bona opera habeatur? Imò si animadverteres, quid Scriptura per verbum Iustificandi significet, in eo non hasitares. Non enim ad propriam hominis iustitiam refert, sed ad Dei clementiam quæ iustitiam peccatori, contrà quàm sit promeritus, accepro fert, idque, in iustitiam non imputando. Illa, inquam, est nostra iustitia, quæ à Paulo describitur, quod Deus nos sibi in Christo reconciliauit. Modus, deinde subiicitur, non imputando delicta. Nos demum fide fieri eius boni participes demonstrat, cum dicit, eius reconciliationis ministerium Evangelio contineri. At amplius est vocabulum fides, inquis, & cuius significatio latius patet. Imò verò Paulus, quoties iustificandi facultatem ei tribuit, simul adstringit ad gratuitam divinæ benevolentiae promissionem: ab omni autem operum respectu procul auerit. Vnde illa familiaris ei collectio: si fide, ergo non operibus. Rursum, si operibus: ergo non fide. Atqui iniuria fit Christo, si prætextu gratiæ eius, repudiantur bona opera: cum venerit, ut redderet populum Deo acceptabilem, sectatorem bonorum operum. Et extant multa similia in eam rem testimonia, quibus probatur, ideo venisse Christum, ut bene operantes per eum accepti essemus Deo. Est hæc quidem calumnia aduersarijs nostris perpetuò in ore, quod benefaciendi studium tollimus è vita Christiana, gratuita iustitia commendatione: sed quæ magis frivola est, quàm ut nos valde premat. Opera bona in homine iustificando negamus vllas habere partes: in iustorum vita regnum illis vendicamus. Nam si Christum possidet, qui iustitiam est adeptus, Christus autem nusquam sine suo Spiritu est, inde constat, gratuitam iustitiam cum regeneratione necessario esse coniunctam. Proinde si ritè intelligere libet, quàm sint res indiuiduæ, fides, & opera, in Christum intueri: qui ut docet Apostolus, in iustitiam & sanctificationem datus nobis est. Vbi ergo cunque ista, quam gratuitam predicamus, fidei iustitia est, illic est Christus. Vbi Christus, illic Spiritus sanctificationis: qui animam in vitæ novitatem regeneret. Contrà verò ubi non viget sanctitatis innocentia quæ studium, illic nec Spiritus Christi, nec Christus ipse est. Vbi non est Christus, neque etiam illic est iustitia, imò neque fides: quæ Christum in iustitiam, sine Spiritu sanctificationis, apprehendere non potest. Cum ergo, secundum nos, regeneret Christus in beatam vitam, quos iustificat, à regno peccati ereptos, traducat in Regnum iustitiæ, transfiguret in imaginem Dei, adeoque Spiritu suo in obedientiam voluntatis suæ formet: non est, quod frena carnis libidinibus laxari, nostra doctrina, conquerraris. Neque verò aliud sibi volunt, quæ adducunt testimonia. Quod si velis ad diruendam gratuitam iustificationem illis abuti, vide quàm imperitè ratiocineris. Dicit alibi Paulus, ante mundi creationem nos in Christo electos esse, ut sumus sancti

& irreprehensibiles in Dei conspectu, per charitatem. Quis inde, vel non esse
 gratuitam electionem colligere ausit, vel causam eius, esse charitatem? Quin po-
 tius, ut gratuita electio finem hunc habet, ut vitam coram Deo traducamus pu-
 ram & impollutam, sic & gratuita iustificatio. Verum enim est illud Pauli, nos
 minimè ad immunditiam vocatos esse, sed ad sanctitatem. Interim constanter
 hoc retinemus, hominem non modò semel gratis iustificatum, nullo operum meri-
 to, sed hac gratuita iustitia hominis salutem perpetuò constare. Neque etiam ali-
 ter fieri posse, ut acceptum sit Deo ullum hominis opus, nisi per eam approbetur.
 Quamobrem vehementer obstupescit sum, cum apud te legerem, charitatem,
 principem esse ac potissimam salutis nostræ causam. O Sadolete, quis abs te un-
 quam talem vocem expectasset? Cæci profecto ipsi certius in tenebris palpant Dei
 misericordiam, quàm ut salutis suæ principatum charitati ausint arrogare. Qui
 verò vel scintillam unam habent diuinæ lucis, sentiunt non alia re consistere sibi
 salutem, quàm quòd sunt à Deo adoptati. Est enim æterna salus, hæreditas cœlestis
 Patris, quæ solis eius filijs est præparata. Porro, quis aliam adoptioni nostræ cau-
 sam assignet, quàm quæ passim à Scriptura prædicatur? Quòd scilicet non priores
 dilexerimus eum, sed ultro in gratiam ac benevolentiam ab eo recepti simus. Ab
 hac cæcitate error etiam ille emergit, quòd pœnitentijs & satisfactionibus expi-
 ari peccata doces. Vbi ergo erit illa unica hostia piacularis, à qua si disceditur, nul-
 lum omnino piaculum restare, testatur Scriptura? Percurre quicquid habemus o-
 raculorum Dei, si vnicus Christi sanguis ubique pro satisfactionis pretio, pro pa-
 cificatione, pro ablutione, proponitur, qua confidentia tantum honorem ad tua ope-
 ra transferre audes? Nec est, quòd sacrilegium hoc Ecclesiæ Dei adscribas. Ha-
 buit, fateor, vetus Ecclesia suas satisfactiones: non illas tamen, quibus Deo lita-
 rent peccatores, seque à noxa redimerent, sed quibus, & quam profitebantur resi-
 piscentiam non esse fictam approbarent: & eius offensionis, quæ ex eorum peccato
 excitata erat, memoriam deleverent. Non enim quibuslibet, sed ijs modò, qui in gra-
 ue aliquod flagitium prolapsi erant, solenni ritu præscribebantur. In Eucharistiæ
 causa, id reprehendis, quòd Dominum ipsum vniuersi, & diuinam in eo spiritu-
 alémque potentiam, (quæ prorsus libera & infinita est) in angulos corporeæ na-
 turæ, quæ suis cancellis est circumscripta, conamur includere. Et quis tandem ca-
 lumnij erit finis? Nos disertè semper testati sumus diuinam Christi non modò po-
 tentiam, sed essentiam quoque, diffundi per omnia, nullis finibus limitari: tu au-
 tem exprobrare nobis non dubitas, fuisse in angulos corporeæ naturæ à nobis in-
 clusam? Què sic? Quia corpus eius nolimus terrenis elementis vobiscum affigere.
 At, si qua tibi sinceritatis cura esset, non ignoras profecto, quātum inter ista duo
 intersit: localem corporis Christi præsentiam à pane remoueri, & spiritualem Chri-
 sti potentiam circumscribi corporis cancellis. Nec dogma istud nostrum debuisti no-
 uitatis insimulare, cum in Ecclesia semper habitum pro confesso fuerit. Sed quia
 disputatio hæc sua magnitudine librum vnum impleveret, satius est, quòd tanta mo-
 lestia vterque nostrum eximatur, Augustini Epistolam ad Dardanum legas: ubi
 reperies, quomodo vnus idémque Christus & suæ diuinitatis amplitudine cælum
 terramque excedat: & secundum humanitatem non ubique sit diffusus. Veram car-
 nis ac sanguinis communicationem, quæ fidelibus in Cæna exhibetur, magnificè
 prædicamus. Eam carnem verè cibum esse vitæ, sanguinem illum verè potum, di-
 ser-

ferè ostendimus: quorum non imaginaria conceptione contenta sit anima, sed efficaci veritate fruatur. Præsentiam Christi, qua nos illi inferamur, à Cœna minime excludimus. Neque verò ipsam obscuramus, modò absit localis circumscriptio, modò ne gloriosum Christi corpus ad terrena elementa detrahatur, modò ne in Christum fingatur panis transsubstantiari, ut deinde pro Christo adoresur. Dignitatem usumque mysterij quibus possumus elogijs illustramus: quanta deinde ad nos utilitas redeat, declaramus. Quæ omnia propè apud vos negliguntur. Præterita enim, quæ hîc nobis confertur, diuina beneficentia, præterito tanti beneficij legitimo usu, quibus plurimum decebat immorari, satis habetis, si populus ad signum visibile, sine ulla spiritalis mysterij intelligentia, obstupescat. Quòd autem crassam illam, quam statuitis, transsubstantiationem damnauimus: quòd stupidam illam adorationem quæ hominum mentes in elementis detinet, in Christum assurgere non sinit, peruersam esse docuimus & impiam, id non fecimus, nisi suffragante nobis veteris Ecclesiæ consensu: cuius umbra frustra conaris fœdissimas, quibus hîc laboratus, superstitiones obtegere. In auriculari confessione illam Innocentij legem improbauimus, quæ iubet quotannis unumquemque proprio sacerdoti recensere omnia peccata. In ea porrò abroganda quas rationes secuti simus, recensere longum foret. Rem tamen fuisse nefariam, vel inde apparet, quòd diro illo tormento solutæ piæ conscientiæ, tunc acquiescere demum in diuinæ gratiæ fiducia cœperunt, cum antea perpetua anxietate æstuassent. Ut taceam interim tot, quas in Ecclesiam importauit, elades, quæ meritò illam nobis execrabilem reddere debeant. Quòd autem in præsentia agitur, hoc habet neque Christi mandato, nec veteris Ecclesiæ instituto fuisse traditam. Locos Scripturæ omnes validè extorsimus Sophistis, quos ad eam detorquere moliebantur. Quæ autem in manibus sunt Ecclesiasticæ historiæ, puriore illo seculo minime extitisse narrant: quibus Patrum quoque testimonia consentiunt. Fucus ergo est, quòd humilitatem illic, & à Christo, & ab Ecclesia præceptam ac constitutam, ais. Tametsi enim illic quadam apparer humilitatis species, longè tamen abest, quin deiectio quælibet, humilitatis nomine apud Deum commendetur. Itaque, veram demum humilitatem Paulus esse docet, quæ ad verbi Dei regulam est composita. In asserenda Sanctorum intercessione, si hoc tantum intendis, eos assiduis votis expetere Regni Christi complementum, in quo salus omnium fidelium continetur, nemo est nostrum, qui aliquam de ea re controuersiam faciat. Itaque, nullum operæpretium fecisti, in hanc partem tanto opere incumbendo: sed noluiisti scilicet amittere falsum illud dictærium, qua nos verberas, quasi opinemur, animas vnà cum corporibus interire. Nos verò philosophiam istam summis vestris Pontificibus, ac Cardinalium collegio relinquimus: à quibus fidelissimè iam multis annis culta fuit, neque hodie colidesinit. Itaque & illud quod subijcis, illorum est, suauiter delictari, nulla futuræ vitæ sollicitudine: ac nos miseros homunciones, quòd tam anxie pro Christi regno laboramus, ludibrio habere. Caterum, in Sanctorum intercessione nos eam in partem institimus, quam non est mirum cur prætermittas. Innumera enim superstitiones hîc fuerunt excidenda: quæ eò usque emerferant, ut penitus ex hominum animis deleta esset Christi intercessio: Sancti pro dijs inuocarentur: in illos, quæ propria sunt Dei officia distribuerentur: nec quidpiam interesset inter eorum cultum, & veterem illam, quam omnes meritò execramur, idololatriam. Quantum ad Purgatorium attinet,

scimus veteres alicubi Ecclesias fecisse nonnullam in precibus mortuorum mentionem, sed illam raram, & sobriam, & paucis tantum verbis comprehensam. Denique, in qua appareret, nihil aliud velle, quàm suam erga mortuos charitatem obiter testari. At nondum nati erant architecti, à quibus Purgatorium istud vestrum construeretur: qui postea in tantam amplitudinem illud dilatarunt, in tantam extulerunt altitudinem, ut potissima regni vestri portio ipso fulciatur. Scis ipse, qualis errorum lerna inde emerferit: scis quot præstigias sponte excogitarit superstitio, quibus se luderet: scis quot imposturas fabricata sit hîc auaritia, quod omne genus homines emulgeret: scis quanto pietatis detrimento factum id fuerit. Nam ut omittam verum Dei cultum ex eo valde concidisse, hoc certè fuit pessimum, quoddum certatim volunt omnes sine villo Dei præcepto opitulari mortuis, germana charitatis officia, quæ tantopere exiguntur, penitus neglexerunt. Non patiar, Sadolete, ut eiusmodi flagitijs Ecclesiæ nomen inscribendo, & eam, contra fas & ius infames, & nobis invidiam apud imperitos facias, ac si bellum cum Ecclesia gerere nobis decretum foret. Nam, ut fateamur iacta fuisse olim semina quædam superstitionum, quæ ab Euangelij puritate nonnihil degenerabant, scis tamen ista, quibuscum in primis belligeramur, impietatis monstra, non ita pridem, vel nata esse, vel certè in hanc magnitudinem excreuisse. Sanè ad regnum vestrum expugnandum, conterendum, disperdendum, non diuini verbi modo virtute, sed Sanctorum etiam Patrum prasidio armati sumus. Atque, ut Ecclesiæ auctoritatem, quam, veluti Aiæcis chypeum, subinde nobis opponis, aliquando tibi prorsus excutiam: nonnullis adhuc propositis exemplis, indicabo, quanto intervallo à sancta illa antiquitate differatis. Euersi ministerij vos accusamus, cuius vacuum sine re nomen apud vos manet. Quantum enim ad pascendi populi curam attinet, Episcopos ac Presbyteros mutas esse statuas, pueri quoque cernunt. Prædando solum ac vorando strenuos esse, omnium ordinum mortales experiuntur. In Jacræ Cœnæ locum sacrificium subijisse, quo sua virtute exinanitur mors Christi, indignè ferimus. In execrandam Missarum nundinationem vociferamur: Cœnam Domini dimidia ex parte querimur ereptam esse populo Christiano. In sceleratam simulachrorum adorationem inuehimur. Sacramenta ostendimus multis profanis opinionibus inquinata. Indulgentias docemus horrendo crucis Christi opprobrio obrepisse. Traditionibus humanis Christianam libertatem imploramus obrutam fuisse & oppressam. His ergo ac similibus pestibus purgandas curauimus, quas nobis Ecclesias Dominus commendauit. Expostula, si potes, nobiscum de iniuria, quam catholica Ecclesiæ irrogauimus, dum ausi sumus violare sacras eius sanctiones. Enimvero id iam magis peruulgatum est, quàm ut negando quippiam proficias, in istis omnibus non obscure à nobis stare veterem Ecclesiam: vobisque nihilominus, quàm nos ipsos, aduersari. Hîc verò succurrit, quod alicubi extenuandi causa dicis, etiam si mores vestri parum sint composui, non esse ideo causam, cur à sancta Ecclesia discessionem faciamus. Fieri quidem vix potest, ut tot crudelitatis, auaritiæ, rapacitatis, intemperantiæ, arrogantiae, insolentiæ, libidinum, scelerumque omnium exemplis, quæ in hominibus ordinis tui palam conspicua sunt, non magnopere à vestra parte alienentur plebis animi: verum nihil eorum nos perpulisset ad ea tentanda, quæ multò maiori necessitate sumus aggressi. Ista porro fuit necessitas, quod lux diuinæ veritatis extincta, sepul-

pultum Dei verbum, virtus Christi profunda obliuione inducta, munus pastorale inuersum erat. Interim sic grassabatur impietas, vt nullum propè religionis dogma à fermento purum, nulla ceremonia errore vacua, nulla diuini cultus portiuncula à superstitione intacta esset. Qui cum talibus malis consiliantur, bellumne indicunt Ecclesiæ, ac non potius extremis malis afflictæ opitulantur? Et adhuc obedientiam humilitatēque vestram nobis venditas, quod vos retineat Ecclesiæ reueratio, quod minus ad exigenda hæc flagitia manum admoueat. Quid homini Christiano cum ista præuaricatrice obedientia, quæ verbo Dei licentiosè contempto obsequia sua defert hominum vanitati? Quid cum ista contumaci præfractæque humilitate, quæ, despecta Dei maiestate, homines modò suspicit ac reueretur? Faceffant inanes virtutum tituli, qui ad obtegenda vitia accersuntur. Rem ipsam sine fuco asseramus: sit internos humilitas, quæ ab infimo exorsa, suo quæque gradu ita colat, vt Ecclesiæ summā dignationem obseruantiamque deferat, quæ iam ipsa demum ad Christum, Ecclesiæ caput, referatur: sit obedientia, quæ sic ad audiendos præfectos ac maiores nos componat, vt omnia tamen obsequia ad vnicam verbi Dei regulam exigat: sit denique Ecclesiæ, cui supremæ curæ sit, religiosa humilitate suspicere verbum Dei, & sub eius obedientia se continere. At, cuius arrogantia est, inquires, iaciare penes vos solos esse Ecclesiam, & eam interim adimere orbi vniuerso? Nos verò, Sadolete, Ecclesias Christi eas, quibus præsidetis, esse non negamus, sed Pontificem Romanum, cum toto pseudoepiscoporum grege, qui pastorum locum istuc occuparunt, immanes esse lupos dicimus: quibus vnicum studium hastenus fuit, atterere & disperdere Christi regnum, donec vastitate & ruina deformarent. Neque hanc tamen querimoniam primi mouimus. Bernardus quanta vehementia in Eugenium omnesque suæ ætatis Episcopos fulminat? At quanto seculi illius conditio hac præsentī tolerabilior? Ad extremum enim nequitia peruentum est: vt iam nec vitia sua, nec remedia pati possint adumbrati isti præsules, in quibus stare & perire Ecclesiam putas, à quibus nos ipsam dicimus immaniter fuisse disiectā & mutilatam, & parum abfuisse, quin ad interuersionem vsque deleteretur. Quod certè fuisset factum, nisi singularis Dei bonitas obstitisset: ita in omnibus locis, qui Romani pontificis tyrannide occupantur, vix apparet sparsa quadā & lacera vestigia: ex quibus Ecclesias illic semisepultas iacere agnoscas. Neque id absurdū videri tibi debet, qui audis ex ore Pauli, nō alibi sedem Antichristo fore, quàm in medio Dei sanctuario. An non vel vna hæc admonitio expergefaceret nos debet, neque fortè nobis præstigia & captiones in Ecclesiæ nomine intendantur? Sed quali scūque sint, inquis, scriptū tamē est, quæ dicunt facite. Sanè, si in cathedra Moysi sedeant. Sed vbi è cathedra vanitatis populū nugis demētāt, scriptum est, Cauete ab eorum fermento. Non est nostrū, Sadolete, suum Ecclesiæ ius eripere, quod illi nō modò Dei benignitate concessum, sed multis etiā interdictis seuerè vindicatum fuit. Nam vt ad regendam Ecclesiam non emittuntur ab ipso cum licentiosa ex legeque potestate pastores, sed ad certam officij formulam adstringuntur, quam excedere non liceat: ita explorare iubetur Ecclesiæ quàm fide liter vocationi respondeant suæ, quos ea lege sibi præfectos habet. Atqui vel non multum habebit momenti Christi testimonium aut nephas erit, authoritatem, vel minima ex parte ijs abrogari, quos tam splendidus elogijs ornauit. Imò verò falleris, si putas Dominum impiusse populo suo tyrannos, qui pro libidine dominaren-

esse, qui mentes nostras ad perspicendam suam veritatem illuminat, qui eodem illam spiritu cordibus obfignat, qui certa eius testificatione conscientias confirmat. Hac illa est plena firmaque, ut ita loquar, certitudo nobis à Paulo commendata: quæ, ut nullum dubitationi locum relinquit, ita non modò inter hominum defensiones non vacillat aut hæsitat, utri potius adhæreat parti, sed quæ, toto orbe aduersante, constare sibi non desinit. Hinc ea quoque nascitur, quam Ecclesiæ tribuimus, & illibatam volumus seruari, iudicandi facultas. Vtunque enim tumultuetur mundus, opinionumque varietate perstrepat, nunquã tamẽ sic destituitur fidelis anima, quin rectum ad salutem cursum teneat. Neque tamen aut eam fidei perspicacitiam somnio, quæ in veri falsique discrimine nusquam aberret, nusquam hallucinetur: aut eam affingo contumaciam, quæ vniuersum hominum genus, velut ex alto, despiciat, nullius iudicium moretur, delectum inter indoctos ac eruditos nullum habeat: quin potius fateor, piæ, ac verè religiosas mentes non omnia Dei mysteria semper assequi, interdum etiam in rebus euidentissimis cecutire: ita scilicet Domino providente, quò ad submissionem modestiãque assuescant. Rursum, tantam esse fateor apud eas bonorum omnium, nedum Ecclesiæ, reuerentiam, ut non facile ab vllò se homine dimoueri sinant, in quo rectam Christi intelligentiam prehenderint: ut nonnunquam suspendere iudicium malint, quàm ad dissensionem leuiter prosilire. Tantum contendo, quanti sper Domini verbo insistant, nunquam ita deprehensas teneri, ut in exitium abducantur. Verbi autem ipsius certam ad eò ac perspicuam ijs esse veritatem, ut neque ab hominibus, neque ab Angelis labefactari queat. Proinde faceat nugatoria illa, quam rudibus & illiteratis conuenire dicis, simplicitas, ad doctiores respectare, & ad eorum nutum inclinare. Præterquam enim quòd fidei nomen non meretur, de religione persuasio quantumlibet obstinata, quæ alibi, quam in Deo, acquiescit, quæ fidem appellet, ambigam nescio quam opinionem, quæ non tantum diaboli artibus facile extorqueatur, sed sponte, pro temporum inclinatione, fluctuetur? cuius vix alius sperari finis potest, quàm ut tandem euanescat? Quòd non aliò nos spectasse cauillaris, tyrannicum hoc iugum excutiendo, quàm ut nos in effrenem licentiam solueremus, abiecta etiam, si Deo placet, futuræ vitæ cogitatione, iudicium ex comparatione vitæ nostræ cum vestra feratur. Multis quidem vitijs abundamus, labimur nimis sæpe, ac delinquimus, sed impediòr verecundia, ne, quoad per veritatem licet, gloriari ausim, quantò vos omni ex parte antecellamus: nisi fortè Romam excipere velis præclarum illud sanctitatis sacrarium: quæ, ruptis rectæ disciplinæ repagulis, proculcata omni honestate, sic in omnia flagitiorum genera exundauit, ut vix vnquam tale fœditatis exemplum extiterit. Nos scilicet oportebat tot discriminibus ac periculis capita nostra obijcere, ne eius exẽplo, ad seueriorem continentiam adstringeremur. At nos minime refugimus, quin disciplina, quæ vetustis canonibus sancita fuit locum hodie habeat, diligenter, ac bona fide custodiat: quin potius semper testati sumus, ut Ecclesia ita miserè collaberetur, non aliunde magis factum esse, nisi quia luxu & indulgentia enervata fuit. Disciplina enim, non secus ac neruis, corpus Ecclesiæ, ut bene cohæreat, necesse est colligari. Ea autem quomodo in vestra parte vel colitur, vel appetitur? Vbi sunt veteres illi canones, quibus, veluti frenus, episcopi ac presbyteri in officio retinebantur? Quomodo apud vos eliguntur episcopi? qua probatione? qua censura? qua diligentia, qua cau-

tione. Quomodo muneri suo initiatur? quo ordine? qua religione? Tātū defungē di causa, iureiurando adigūtur, se pastorale munus obituros: sed id non in alium, ut apparet, finē nisi ut, super alia flagitia, periurio quoque se obstringāt. Quia ergo Ecclesiastica munera inuadendo, potestatem videntur sibi inire nulla lege adstrictam, omnia sibi in ea licere putant: ut credibile sit, inter pyratas ac latrones plus esse iuris & politia, magisque valere leges, quā in vniverso vestro ordine. Quoniam autem ad extremum inducta, quæ causam nostram sustineret, persona, nos veluti reos ad Dei tribunal citasti, ego verò illuc te non dubitanter reuoco. Ea enim nobis constat doctrinæ nostræ conscientia, quæ nec cœlestem illum iudicem exhorrescat, à quo ipsam non dubitat prodūsse. Illas autem ineptias nihil moratur, quibus ludere tibi placuit: minime cerē in loco. Quid enim magis importunum, quā ubi in Dei conspectum ventum est, nugæ nescio quas comminisci, & defensionem nobis parum idoneam affingere, quæ mox concidat? Pij animis quoties in mentem venit dies ille, maior incutitur religio, quā ut illis ita ociose delitari vacet. Omissis ergo delicijs talibus, diem illum cogitemus: cuius expectatione suspensi semper esse debent hominum animi. Ac munerimus, non ita fidelibus esse expectandum, quin profanis ac sceleratis, Dei quæ contemptoribus meritiò formidabilis esse debeat. Aures arrigamus ad illum tabæ clangorem, quem ipsi quoque mortuorum cineres è sepulchris suis exaudient. Mentēs animosque intendamus in illum iudicem, qui sola vultus sui illustratione reteget, quicquid in tenebris latet: omniāque humani cordis arcana patefaciet: & solo spiritus oris proteret omnes iniquos. Tu nunc vide quid pro te ac tuis seriò respondeas: causam sanè nostram, ut Dei veritate suffulta est, ita iusta defensio minime deficiet. De personis non loquor, quarum salus non in patrocinio, sed in humili confessione, supplicique deprecatione posita erit: sed quantum ad ministerij causam attinet, nemo erit nostrum, qui non ita pio se loqui possit. Ego quidem j. m. expertus, Domine, quā difficile sit ac graue, sustinere apud homines eius, quā in terris premebar, accusatio nis inuidiam sed quā fiducia semper ad tuum tribunal prouocaui, eadem nunc coram te appareo: quāuis in iudicio tuo eam scio regnare veritatem, cuius ego fiducia subnixus, primò aggredi ausus sum: cuius presidio instructus, perficere potui, quicquid à me in tua Ecclesia gestum est. Duobus maximis criminibus reum me fecerunt hæreseos, & schisma is. Atque hæresis illis fuit, quòd receptis inter eos dogmatibus ausus sum reclamare. Quid verò fecissem? Audiebam ex ore tuo, non aliam esse veritatis lucem, ad animas nostras in viam vitæ dirigendas, quā quæ à verbo tuo accenderetur. Audiebam esse vanitatem, quicquid de tua maiestate, de cultu tui tui, de religionis tuæ mysterijs concipiunt à seipsis humane mentes. Audiebam sacrilegam esse reuerentiam, si nata in hominum cerebris, doctrinæ, pro verbo tuo Ecclesiæ ingerantur. Cum autem oculos ad homines conuerterem, illic omnia longè diuersa apparebant. Qui fidei antistites habebantur, verbum tuum neque intelligebant, neque magnopere curabāt. Peregrinis tantum dogmatibus circumagebāt miseram plebem, ac nescio quibus ineptijs deludebant. In plebe ipsa summa verbi tui veneratio erat velati rem inaccessam procul reuereri, interim ab omni eius inquisitione abstinere. Hac tum supina pastorū socordia, tum populi stupiditas fecerat, ut omnia perniciosos erroribus, inēdacijs, superstitionibus referta esset. Vnū quidē te Deū nominabant, sed quam maiestati tuæ gloriā vendi-

casti, aliò transfferentes: tot sibi figurabant atque habebant deos, quot pro Sanctis colere volebant. Christus tuus adorabatur quidem pro Deo, & seruatoris nomen retinebat, sed qua parte honorari debuerat, propè iacebat inglorius. Sua enim virtute spoliatus, velut vnus aliquis è vulgo, in turba Sanctiorum delitescbat. Nemo erat, qui vnicum illud, quod tibi in cruce obtulit, & quo nos tibi reconciliavit, sacrificium, verè reputaret. Nemo qui de aeterno eius sacerdotio, & quæ inde pendet, intercessione, vel per somnium, cogitaret. Nemo, qui in vna eius iustitia acquiesceret. Illa verò salutis fiducia, quæ verbo tuo & præcipitur, & fundatur, ferè euanuerat. Quin id erat instar oraculi receptum, stultæ esse arrogantia, & vt ipsi loquebantur, præsumptionis, si quis tua benignitate, filijque tui iustitia fretus, certam ac intrepidam salutis spem contiperet. Erant profanæ opiniones non pauca, quæ prima eius doctrinæ, quam nobis verbo tuo tradidisti, placita à radice subuerterent. Sana quoque Baptismi Cœnæque intelligentia, plurimis mendacijs corrupta erat. Iam verò cum omnes non sine graui tuæ misericordiæ contumelia fiduciam in bonis operibus ponerent, cum bonis operibus gratiam tuam demereri, cum iustitiam sibi comparare, cum peccata expiare, cum tibi satisfacere adniterentur (quæ singula virtutem crucis Christi oblitterant ac exinaniunt) quæ tamen essent bona opera, prorsus nesciebant. Perinde enim, ac si minimè ad iustitiam lege tua instituti forent, multas sibi fabricati erant inutiles nugæ, quibus fauorem sibi tuum conciliarent: in quibus ita sibi blandiebantur, vt præ illis penè contemnerent, quam in lege tua commendasti veræ iustitiæ regulam: ad id humana decreta, occupato semel regno, tuis ipsius præceptis, si non fidem, at certè auctoritatem derogauerant. Hæc, Domine, vt animaduertērem, tu mihi Spiritus tui claritate affulsisti: vt deprehenderem, quam impia noxiæque essent, tu mihi facem verbo tuo prætulisti: vt pro merito abominarer, animum meum pupugisti. In ratione verò doctrinæ reddenda, vides quid conscientia mea ferat, non fuisse scilicet mihi propositum, extra eos euagari fines, quos videbam seruis tuis omnibus esse constitutos. Quod ergo didicisse me ex ore tuo non dubitabam, fideliter Ecclesiæ dispensare volui. Eò certè me potissimum tetendisse constat, in quo plurimum elaborauī. Nempe vt bonitatis iustitiæque tuæ gloria, discussis, quibus a te obiegebatur, nebulis, conspiciua emineret: vt virtutes, beneficiæque Christi tui, absterfis omnibus fucis, ad plenum effulgerent. Nam & nefas esse ducebam, eas res in obscuro iacere, quibus cogitandis ac reputandis essemus nati. Nec malignè aut tenuiter putabam indicandas, quarum amplitudine longè inferior esset omnis oratio. Nec dubitabam in illis diutius homines detinere, vbi eorum quoque salus residebat. Non enim fallere posset oraculum illud, Esse hanc vitam æternam, nosse te verum Deum, & quem misisti Iesum Christum. Quòd autem mihi de discessionē ab Ecclesia obycere soliti sunt, neque in eo malè mihi conscius sum: nisi forè pro desertore habendus est, qui vbi milites fusos ac palatos, videt procul ordines reliquisse, signo ducis sublato, eos in stationes suas reuocat. Sic enim dispersi erant tui omnes, Domine, vt non modò imperia exaudire non possent, sed etiam, vt obliui propemodum essent & ducis sui, & militiæ, & sacramenti militaris. Ego, vt eos ab errore colligerem, non alienum signum sustuli, sed insigne illud tuum vexillum, quod nobis sequi necesse est, si volumus in populo tuo censeri. Hic manum mihi iniecerunt, qui cum alios retinere in ordine deberent, in errorem ab-

duxerant: & cum minimè desinerem, violenter restiterunt. Hic cœptum est grauiter tumultuari, donec ad dissidium vsque, certamen exarsit. Verum penes quos sit culpa, tuum est nunc pronuntiare, o Domine. Ego semper, & verbis, & factis, testatus sum, quanto vnitatis studio tenerer. Verum illa mihi erat Ecclesiæ unitas, quæ abs te inciperet, ac in te desineret. Quoties enim pacem & consensionem nobis commendasti, simul ostendisti, te vnicum esse illius conseruandæ vinculum. Me, si pacem habere vellem cum ijs, qui se iactabant Ecclesiæ præfules, & fidei columnas, eam redimere oportebat veritatis tuæ abnegatione. Quiduis autem potius subeundum esse censui, quàm vt ad nefariam istam pactionem descenderem. Nam Christus ipse tuus nobis edixit, etiam si cœlum terræ permisceatur, oportere tamen verbum tuum æternum permanere. Neque verò dissidere me ab Ecclesia tua putabam, quia mihi cum primoribus illis bellum erat. Nam & per Filium, & per Apostolos, præmonueras, ad eum locum emersuros, quibus consentiendum minimè esset. Non de extraneis ille hominibus, sed ijs, qui se pro Pastoribus venditarent, prædixerat, fore lupos rapaces, & pseudopphetas: simulque mandauerat, vt cauerem. Vbi caueri iubebat, an ego manum præbuissem? Nec magis pestilentes fore Ecclesiæ tuæ hostes denuntiabant Apostoli, quàm intestinos, qui sub Pastorum titulo delitescerent. Quos pronuntiabant esse habendo pros hostibus, ab ijs cur dubitasset me seiungere? Erant mihi in oculis Prophetarum tuorum exempla, quibus videbam tantas fuisse contentiones cum seculi sui Sacerdotibus ac Prophetis: quos certè constat fuisse in populo Israëlítico Ecclesiæ præfules. At non ideo habentur pro schismaticis Prophetæ tui, quòd, dum collapsam religionem instaurare volunt, illis summa vi repugnantibus non cesserint. Manebant ergo in vera Ecclesiæ unitate, cum à sceleratis sacerdotibus diris omnibus deuenerentur, cum indigni censerentur, qui locum inter homines, nedum inter Sanctos haberent. Eorum ergo exemplis confirmatus, sic constiti, vt nihil me illa de Ecclesiæ desertione obnuatiatione s minæve territarent, quòd minus constanter intrepideque pergerem ijs aduersari, qui sub Pastorum persona plusquam impia tyrannide Ecclesiam tuam disperdebant. Eram enim mihi optimè conscius, quanto vniendæ Ecclesiæ tuæ studio flagravem, modò concordia eius vinculum esset tuæ veritas. Qui subsecuti sunt motus, vt à me non sunt excitati, ita non est cur mihi imputentur. Scis, Domine, res etiam ipsa apud homines testata est, vt nihil quaesierim, quàm verbo tuo controuersias omnes dirimi, quòd, coniunctis animis, vtraque pars ad stabilendum Regnum tuum conspiceret: vt non detractarim, vel capitis mei dispendio, pacem Ecclesiæ restitui, si frustra tumultuari deprehensus forem. Quid autem aduersarij? Nōne protinus ad ignes, ad cruces, ad gladios furiosè procurrebant? Nōne vnicum sibi præsidium in armis & sauitia esse iudicarunt? Nōne ad eundem furorē omnes ordines instigarunt? Nōne omnes pacificationis rationes respuerunt? Eò factum est, vt res, quæ sedari amicè alioqui poterat, in tale certamen exarserit. Quanquam autem in tanta rerum conturbatione varia fuerunt hominum iudicia, iam tamen omni timore sum liberatus, postquam ad tuum Tribunal adstamus: vbi æquitas cum veritate coniuncta, non nisi secundum innocentiam pronuntiare potest. En, Sadolete, non quam tibi, ad nos prægrauandos, comminisci libuit causæ nostræ actionem: sed quam esse verissimam & nunc boni cognoscunt, & omnibus creaturis in illo die patefiet. Neque varò ijs etiam, qui præ-

predicatione nostra edocti, ad eandem nobiscum causam accesserint, devertit quod pro se loquantur, quando hæc cuique parata erit defensio: Ego, Domine, ut à puero fueram educatus, Christianam semper fidem professus sum. Ipsius autem fidei rationem non aliam initio habui, quam quæ tunc passim obtinuerat. Verbum tuum, quod instar lampadis prælucebat uniuerso populo tuo debuerat, ademptum, vel certe suppressum nobis erat. Et ne quis maiorem lucem desideraret, insederat omnium animis ista persuasio, coelestis illius arcanæque philosophiæ inquisitionem paucis melius delegari, à quibus oracula peterentur: plebeijs ingenijs non altiore intelligentiam conuenire, quam ut se ad Ecclesiæ obedientiam subigerent. Rudimenta autem, quibus fueram initiatus, eiusmodi erant, ut nec me ad legitimum numinis tui cultum satis instituerent: neque mihi ad certam spem salutis viam expedirent: nec me bene ad officia formarent Christianæ vitæ. Te quidem unum pro Deo meo colere didiceram: sed cum me penitus fugeret vera colendi ratio, in primo statim ingressu excidebam. Credebam, ut fueram edoctus, filij tui morte me redemptum esse ab obligatione æternæ mortis: sed eam imaginabar redemptionem, cuius virtus nequaquam ad me perueniret. Expectabam futurum resurrectionis diem, sed cuius memoriam, velut rei infauitissimæ, abominarer. Atque hic sensus non mihi priuatim domi natus erat, sed ex ea doctrina, quæ tum à populi Christiani magistris populo passim tradebatur, conceptus. Clementiam erga homines tuam prædicabant illi quidem, sed non nisi eos, qui se dignos præbuissem. Dignitatem porro in operum iustitia collocabant, ut ille demum in gratiam abs te reciperetur, qui se tibi operibus conciliaret. Nec dissimulabant tamen interim, miseros esse nos peccatores, & qui sæpe carnis infirmitate laberemur. Proinde communem oportere omnibus esse salutis portum, tuam misericordiam: sed enim eius obtinendæ hanc demonstrabant rationem, si pro offensis tibi satisficeret. Tum satisfactio nobis iniungebatur: primum ut confessi sacerdoti omnia peccata, veniam ab solutionemque supplices peteremus: deinde, ut bonis operibus malorum memoriam apud te deleueremus. Postremo, ut ad sufficiens, quod nobis deesset, sacrificia expiationis solennes adderemus. Iam quia rigidus esses iudex, ac seuerus vindex iniquitatis, ostendebant, quam formidolosus esse deberet tuus cõspectus. Ideo iuebant ad Sanctos primum confugere, ut eorum intercessione, exorabilis ac propitijs nobis redderetur. His omnibus cum ut cunque perfundus essem, tamen si non nihil inter, uiescebam, procul tamen adhuc aberam à certa conscientie tranquillitate. Quoties enim vel in me descendebam, vel animum ad te attollebam, extremus horror me incessebat, cui nulla piacula, nulla satisfactiones mederi possent. Ac quò me propius considerabam, eò acrioribus pungebatur aculeis conscientia: ut non aliud restaret solatium, quam me ipsum obliuione ludere. Quia tamen nihil melius offerebatur, iter, quod exorsus eram, prosequabar: cum interim excitata est longè diuersa doctrinæ forma, non quæ à Christiana professione nos abduceret, sed quæ illam ad suum fontem reduceret, & velut à facibus repurgatam, suæ puritati restitueret. Ego verò nouitate offensus, difficulter aures præbui: ac initio, fateor, strenuè animosque resistebam. Siquidem (quæ hominibus ingenita est in retinendo, quod semel susceperunt, instituto, vel constantia, vel contumacia) egerrimè adducebar, ut me in ignoratione & errore tota vita versatum esse conspicerer. Vna præsertim res animum ab illis meum auerteat, Ecclesiæ reuerentia. Verum ubi

aliquando aures aperui, meque doceri passus sum, superuacuum fuisse timorem illum intellexi, ne quid Ecclesiæ maiestati decederet. Multum enim interesse admonebant, secessionem quis ab Ecclesiâ faciat, an vitia corrigere studeat, quibus Ecclesiâ ipsa contaminata est. De Ecclesiâ præclare loquebantur, summum unitatis colendæ studium præferebant. Ac ne in Ecclesiâ nomine cauillari viderentur, ostendebant non esse nouum, ut Antichristi pro Pastoribus illic præsiderent. Eius rei exempla non pauca proferebant, quibus apparebat, nec aliud spectare ipsos, quam ad Ecclesiâ edificationem: & in eo similem habere causam cum multis Christi seruis, quos ipsi in numero Sanctorum habebamus. Quod autem liberius ferrentur in Romanum Pontificem, qui & pro Christi vicario, & Petri successore, & Ecclesiæ Principe colebatur, sic excusabant: Eiusmodi titulos, inania esse terculamenta, quibus aded persirungi piorum oculos non oporteret, ut rem intueri ac excutere non auderent. Illum, cum mundus ignorantia & hebetudine velut alto sopore, oppressus esset, in tantum fastigium emeruisse: certè non verbo Dei constitutum, non legitima Ecclesiæ vocatione ordinatum Ecclesiæ Principem fuisse, sed voluntarium, & à seipso lectum. Illam porro tyrannidem, qua in Dei populum grassans esset, nullo modo esse ferendam, si vellemus saluum apud nos Christi Regnum. Nec illis deerant, quibus ea omnia confirmarent, validissimæ rationes. Principiò, quicquid ad stabilendum Papæ principatum solebat adduci, clarè diluebant. Vbi omnia illi sua firmamenta abstulerant, tantam quoque eius altitudinem, Dei verbo, demoliebantur. Eò usque res deueniebat, ut palam esset, conspicuumque eruditis simul ac indoctis, verum Ecclesiæ ordinem tunc interisse: clauis, quibus Ecclesiæ disciplina continetur, fuisse pessimè adulteratas: collapsam Christianam libertatem: prostratum denique fuisse Christi Regnum, cum erectius fuisset hic principatus. Habebant præterea, quo conscientiam meam stringerent, ne in istis, quasi nihil ad me pertinerent, securus conuincerem. Multum enim abesse, quin sit aliquod voluntario errori apud te patrocinium, cum ne is quidem impune erret, qui mera ignorantia à via seducitur. Quod ipsi filii tui testimonio comprobabant, si cæcus cæcum ducit, ambo in foveam cadunt. Cum iam animus meus ad feriam attentionem comparatus foret, hic verò, tanquam illata luce, animaduerti, in quo errorum sterquilino fuisset volutatus, quot inde sordibus ac maculis fœdatus essem. Quod ergo officij mei fuit, eius, in qua prolapsus eram, miseriam, multò etiam magis eius, quæ mihi imminabat, æterna mortis agnitione, vehementer consternatus, nihil prius habui, quam ut damnata, non sine gemitu ac lachrymis, superiore vita, me in vitam tuam reciperem. Et nunc, Domine, quid aliud misero mihi superest, quam ut deprecationem tibi pro defensione offeram, ne horrendam illam à verbo tuo defectionem ad calculum reuoces, à qua me semel mirifica tua benignitate vindicasti? Nunc istam actionem, Sadolete, cum ea, si libet, compara, quam plebeio tuo assignasti. Mirum, si hæsitabis, utram alteri præferre debeas. Illius enim profecto salus de filo pendet, cuius defensio in hoc cardine vertitur: quòd quæ sibi à proavis ac maioribus tradita sit religio, eam constanter retinuerit. Iudæi, & Turcæ, & Sarraceni hac ratione Dei iudicio elaborentur. Faceßat ergo inanis ista tergiversatio ab eo tribunali, quod non hominum authoritati comparanda, sed vniuersa carne vanitatis medicijq; dānata, asserenda vnius Dei veritas erigetur.

Quòd

Quòd si ineptijs tecum certare vellem, quam mihi imaginem pingere liceat, non dico Papæ, aut Cardinalis aut cuiuslibet è vestra factione reuerendi præsulis (qui bus ferè omnibus qui colores aptari queant ab homine non valde ingenioso, pulchrè nosti) sed doctoris alicuius, vel inter omnes vestros, selectissimi? Nihil sanè opus esset, ad eius damnationem, vel dubias in eum coniecturas proferre, vel falsa crimina ementiri. Iustus enim ac certis plus satis grauaretur. Sed ne, quod in te reprehendo, imitari videar, hoc agendi genere supersedeo. Tantùm hortabor, ut ad se aliquando redeant, ac secum reputent, quàm fideliter pascant Christianum populum: cui non aliud esse potest panis, quàm Dei sui verbum. Et ne sibi nimium blandiantur, quòd nunc magno applausu, & secundis, magna ex parte, ad murmurationibus, fabulam suam agunt, cogitent nondum ad catastrophem se peruenisse: in qua certè non habebunt, theatrum, ubi suos fumos impunè vendant, ubi credulas mentes imposturis illaqueent: sed vnius Dei arbitrio stabunt vel cadent: cuius iudicium non ab aura populari, sed à sua ipsius inflexibili equitate pendeat: qui non modò de cuiusque factis inquiret, sed de recondita cordis sinceritate, vel nequitia quæstionem exercebit. Ego de omnibus, nulla exceptione, pronuciare non audeo: Quotus quisque tamen eorum est, qui, dum aduersum nos conflatur, non sibi conscius sit, operam se magis hominibus, quàm Deo locare? Iam cum tota epistola nos supra modum inclementer tractes, extrema tamen clausula virus tuæ acerbitalis, pleno ore, in nos effundis. Quanquam autem nos minimè conuitia illa feriunt, & illis iam pro parte antea responsum est, quid tamen, quòd, in mentem tibi venit, ut auaritiā adhuc nobis obijceres? Putas ne tantam in nostris hominibus fuisse hebetudinem, ut non ab ipsis exordijs cogitarent, se eam ingredi viam quæ lucro & quæstui esset aduersissima? An verò cum vestram ipsorum auaritiā traducerent, non videbant magnam se necessitatem sibi imponere continentię ac frugalitatis, nisi pueris quoque ipsis facere se ridiculos vellent? Cum rationem eius corrigendā esse ostenderent, ut nimijs opibus exonerarentur Pastores, quòd ad Ecclesię curam magis essent expediti, an non sibi sponte aditum ad opes præcludebant? Quæ enim iam restabant diuitiæ, quibus imminerent? Quid? an non hoc erat facilimum ad diuitias honorēsque compendium, statim ab initio ijs quæ offerebantur pactionibus vobiscum transigere? quātū tam multorum silentium redemisset pontifex vester? Quanti hodie quoque redimeret? Cur, si vel minima habendi cupiditate ti illantur, omni spe augendæ rei præcisa, malant perpetuò sic miseri esse, quàm citra magnam difficultatem vno temporis momento ditescere? sed ambitio, scilicet, eos retinet. Eius quoque suggillationis quam habueris causam, non video, cum nihil aliud potuerint expectare, qui hanc actionem aggressi sunt primi quàm ut à toto orbe conspuerentur: & qui postea accesserunt, scientes ac volentes se innumeris totius mundi contumelijs ac probris exposuerint. Vbi autem fraudes illæ ac intestinæ malitiæ? Nulla enim earum suspicio nobis hæret. De ijs ergo potius tracta in sacro vestro collegio, ubi quouaque agitantur. Calumnias illas, quia ad finem propero, præterire cogor, quòd nostro immitentes capiti, neminem reperimus in tota Ecclesia, quem putamus fide aliqua dignum: calumnias tamen esse, iam antè satis demonstravi. Tamen si enim solam Dei verbum extra omnem iudicij aleam constituimus, concilijs verò & patribus ita certam demum auctoritatem constare volumus, si ad eius normam respondeant: eo tamen honore

locoque concilia & patres dignamur, quem obtinere sub Christo par est. Sed omnium teterrimum est illud crimen, quod sponsam Christi discerpere conati sumus. Id si verum esset, merito & tibi, & orbi vniuerso haberemur pro deploratis. Atqui non aliter crimen istud in nos recipiā, nisi discerpi ab ijs Christi sponsam contendas, qui virginem castam exhibere Christo cupiunt: qui sancta quadam zelotipia sollicitantur, quod eam Christo illibatam cōseruent: qui prauis lenocinijs corruptam, ad fidem coniugalem reuocant: qui aduersus adulteros omnes, quos eius pudicitia insidiari deprehenderint, contentionem suscipere non dubitāt. Et quid nos aliud fecimus? Nōne peregrinis doctrinis tentata, imò violata fuerat, à vestra factione Ecclesiae castitas? Nōne violenter à vobis fuerat innumeris superstitionibus prostituta? Nōne fœdissimo illo adulterij genere, simulacrorum cultu, inquinata erat? Scilicet, quia non sumus passi, sacrosanctum Christi thalamum tanto haberi à vobis ludibrio, sponsam eius lacerasse dicimur. Ego autem dico, illam quam à nobis falso accusas, lacerationem, apud vos non obscure conspici. Neque in Ecclesia id modò, sed in Christo ipso, quem miserè dissectum esse constat. Quomodo sponso suo adhareat Ecclesia, quem saluum non habet? Vbi autem incolumitas Christi, dum & iustitiae, & sanctitatis, & sapientiae gloria alio transfertur? Atqui antequam accenderetur à nobis certamen, tranquilla omnia, & optimè pacata erant. Inter Pastores quidem, & in ipsa plebe, ignauia & stupor effecerant, ut nullae propemodum essent de religione cōtrouersiae. In scholis autem, quam strenuè Sophistae rixabantur? Ergo non est, quod pacificum adeò vobis regnum tribuas: vbi non alia ratione quies fuit, nisi quia Christus conticebat. Post nouum Euangelij exortum, magna, fateor, contentiones efferbuerunt, à quibus antea ocium erat. Sed nostris hominibus immeritò id imputetur, qui nihil toto, actionis suae decursu quaesierunt, nisi, ut instaurata religione, in veram vnitatem, discordijs fusae ac dispersae Ecclesiae colligerentur. Et ne vetera commemorem, quid nuper recipere detrectauerunt, tantum ut Ecclesiis pacem conciliarent? Sed frustra omnia experiuntur, vobis contra nitentibus. Quia enim pacem illi habere cupiunt, cum qua simul floreat Christi regnum: vos autem, quicquid accedit Christo, de perire vobis putatis, non mirum est, si fortiter resistatis. Et habetis artes, quibus euertatis vnodie, quicquid ipsi multis mensibus pro Christi gloria instituunt. Non multis verbis te obruam, quia vno verbo expedire rem licet. Obtulerunt se nostri ad reddendam suae doctrinae rationem. Cedere non detrectant, si victi rationibus fuerint. Per quos nunc stat, quominus & optima pace, & veritatis luce fruatur Ecclesia? I nunc, & nos seditiosos appella, qui Ecclesiam quiescere non sinamus. Ne quid autem praetermitteres, quod ad grauandam causam nostram faceret, quia multa paucis istis annis sectae obullierunt, eius quoque rei inuidiam, pro tuo candore, in nos deriuas: sed vide qua aequitate, vel quo etiam praetextu. Nam si nos propterea odio digni, iusto quoque olim odia apud impios laborasset Christianum nomen. Aut ergo desine hac parte nos infestare: aut palam profiteri, Christianam religionem tollendam ex hominum memoria, quae tot mundo tumultus pariat. Hoc ergo causae nostrae minimè obesse debet, quod modis omnibus conatus est Sathan Christi opus impedire. Hoc quaerere magis ad rem pertinebat, quis omnibus, quae se extulerunt sectis expugnandis incubuerit. Constat autem nos solos, vobis ociosis ac stertentibus, totam hanc molem sustinuisse. Faxit Dominus Sadolete, ut tu ac

reliqui

reliqui omnes tui, aliquando intelligatis, non aliud esse Ecclesiasticæ unitatis vinculum, quàm si Christus Dominus, qui nos Deo patri reconciliauit, in corporis sui societatem nos ab ista dissipatione recolligat: vt ita vno eius verbo, ac spiritu in cor vnum & animam vnâ coalescamus. Argentorati Calend. Septembribus. M D X X X I X.

FINIS.

LIBELLVS DE COENA DOMINI, A

Ioanne Caluino pridem Gallica lingua scriptus: Nunc
verò in Latinum sermonem conuersus.

NICOLAVS GALLASIVS PIIS

Lectoribus, Salutem.

Libellum hunc, pietatis & doctrinæ plenum, ante annos quinque Caluinus scripsit, vulgari sermone, nudè & sine vllò apparatu: venustè tamen ac perspicuè: ordine etiam adhibito, & certa docendi ratione: quibus in scriptis suis vti solet. Cupiebat enim nostris hominibus, ac præcipuè illiteratis, subuenire: quorum animus, ob cōtrouersias illas quæ inter magnos viros agitata erant, ita æstuabat dubitatione, vt quid potissimùm sequerentur ignorarent. Quo quidem ita nobis profuit, vt non tantum imperiti ac rudes, sed etiam docti quam plurimi, magnam se ex eo vtilitatem adeptos esse fateantur. Per multi enim, qui adhuc vagabantur incerti, hoc perlecto libello ita conquieuerunt, vt positis contentionibus veritatem Dei agnoscerent & amplecterentur. Docet enim piè quis sit sacramentorum vsus, quantum eis tribuendum, tum in quo offenderunt ij, qui plus æquo ipsis tribuere, qui item detrahere voluerunt. Itaque cum viderem hunc libellum etiam literatis vsui esse posse: ac plerosque non vulgares viros, quibus nullus linguæ nostræ vsus est, latine scriptum desiderare, me non inutiliter operam collocaturum existimaui, si eorum desiderio satisfacere conarer: atque efficere vt quod nobis seorsum videbatur scriptum, ceteris etiam communicaretur. Nostrum enim est curare ac studere vt veritas magis ac magis elucescat. In quo dum operam impendo meam, bonis omnibus gratum me faciurum confido. Quod si nonnulli hæc minus ornata videbuntur, cogitare debebunt me non in eo studuisse, vt orationis ornamenta conquirerem, sed vt fideliter redderem, & scriptorẽ ipsum imitarer, qui populariter hæc scribens, etiam rudioribus sese accommodauit. Quare pios lectores rogatos velim, vt rem ipsam & sententiam, magis quàm verba, attendant: simul hoc maiorem in modum peto atque obsecro, vt puro ac sincero veritatis studio ducti, omnia legant attentius, ne præiudicata opinio eos verum cernere non sinat: vt id tandem quod studiose inquirunt, assequantur. Valete. Cal. Ianuar. M D X L V.

LIBELLVS DE COENA DOMINI.



Cum sanctissimum Cœna Domini nostri Iesu Christi sacramentum, diu multis magnisque erroribus implicatum fuerit: atque adeò superioribus annis inuolutum varijs opinionibus, ac disceptationibus, minusquàm decebat placidis: minimè mirum videri debet, permultos infirmæ conscientia homines, haud facillè statuere posse quid potissimum sequi debeant: sed dubio & suspenso animo expectare, quoad positus contentionibus, inter Dei seruos conueniat, resque ad aliquam concordiam deducatur. Quia verò eiusmodi dubitatio multum habet incommodi: periculosissimumque est, nihil in eo mysterio habere certi, cuius intelligentia ad salutem nostram adeò necessaria est: vtilissimum fore putavi, si breuiter tractarem summam præcipuam rei: explicarem tamen dilucidè quid potissimū hîc tenere operæpretium sit. Adde quòd non nulli boni viri, qui rem ita postulare videbant, à me id summopere flagitarunt. Quibus omnino, nisi officio deesse vellem, id denegare non potui.

Vt autem facilius difficultas eis expediatur, ordinem quem sequi institui-
mus, notare necesse est. Primum, quam ob causam & quem ad finem, sanctissimum hoc sacramentum Dominus instituerit, explicabimus. Deinde, quis fructus ad nos redeat: ibique declarabimus quomodo nobis in eo corpus Christi donetur. Tertio, quis sit vsus ipsius legitimus. Quarto, quibus erroribus & superstitionibus contaminatum fuerit, recitabimus: atque ostendemus, quid discriminis, Dei seruos à pa-
pistis habere oporteat. Postremò dicemus quæ fuerit origo contentionis, quæ tam acerbè agitata est ab ijs ipsis, qui nostris temporibus Euangelio in lucem reducendo, Ecclesiæ instaurandæ, puræque doctrinæ restituendæ, omnè operam collocarunt.

Quod ad primum attinet. Cum Deo opt. max. Deo inquam nostro placuerit, nos per baptismum in Ecclesiam cooptare, hoc est in domum suam, quam ipse vult alere & tueri: nòsque receperit non solum vt domesticos, verum etiam vt filios suos: superest, quòd boni patris officio fungatur, vt nos educet, nobisque omnia ad victum cultumque necessaria subministret. Quæ enim ad corporis educationem pertinent, quia communia sunt omnibus, eorūque mali perinde vt boni sunt participes, non sunt propria ipsius familiæ existimanda. Paternæ quidem ipsius erga nos bonitatis in eo testimonium habemus, dum corpus nostrum alit & tuetur, dum omnium bonorum quæ nobis largè & munificè suppeditat, participes sumus: sed vt vita in qua ab ipso regenerati sumus, spiritualis est: ita cibum, quo conseruemur, ac confirmemur, spirituale esse necesse est. Intelligere enim debemus, nos non solum ad possidendam aliquando hereditatem illam cœlestem vocatos, verum etiam spe iam quodammodo in eam possessionem inductos esse: vt non tantum vitam nobis promiserit, sed etiam à morte ereptos, nos iam re ipsa in eam traduxerit. Id verò consecuti sumus, cum nos adoptatos regenerauit semine immortalitatis. sermone inquam suo, quem Spiritu sancto cordibus nostris impressit atque infixit.

Hanc ergo vitam vt tueamur & sustentemus, quærendi non sunt cibi corruptibiles & caduci, quibus venter pascitur: sed longè melioribus & præstantioribus animæ nostræ opus habent. Tota verò Scriptura testatur, panem spiritualem quo sustentantur animæ nostræ, eum ipsum sermonem esse quo Dominus nos

regenerauit: rationemque vnā adiungit, quòd Christus, vnica vita nostra, nobis in eo donetur atque administretur. Nam cum Deus in Christo omnem vitæ plenitudinem repositam esse voluerit, vt eam per ipsum nobis communicet: sermonem etiam, veluti instrumentum statuit, quo Christus, cum gratijs suis omnibus, nobis dispensetur. Stat interim vera illa sententia, animas nostras nullo alio cibo quàm Iesu Christo vesci ac educari. Quamobrem Pater cælestis, educationis nostræ sollicitus, nullū aliud nobis alimentum dedit: quin potius id nobis vnice commendauit. Eo nos contentos esse, in eo animas nostras conquiescere voluit: cum ijs reficiendis ac sustentandis abundè sufficiat: cum eo omnino carere non possimus: quo sublato, nullum aliud reperiretur.

Quomodo Christus, vnicus cibus sit, quo animæ nostræ pascuntur, iam vidimus. Sed quoniam nobis distribuitur sermone Domini, velut instrumento huic rei destinato, panis & aqua nominatur. Quod verò de sermone dicitur, pertinet etiam ad Sacramentum Cænæ, quo Dominus ad communicationem Christi nos deducit. Nam, quia adeò imbecilles & infirmi sumus, vt certa animi fiducia ipsum recipere non possimus, cum nuda doctrina præ adicatione nobis offertur: Pater misericordiae, se in eo imbecillitati nostræ accommodare volens, sermoni signū, quod sub oculorum sensum caderet, adiunxit, quo promissionum suarum substantiam nobis repræsenteret, vt omni dubitatione & incertitudine sublata, in eo confirmari & roborari possimus.

Cum igitur hoc mysterium, sublime & arduum sit: nec queamus ingenio comprehendere, aut cogitatione complecti, quomodo corpus & sanguis Christi nobis communicetur: ad idque rudes & ignari simus, vt diuinarum rerum nec minimas intelligamus: eo modo id ostendi atque aperiri necesse fuit, quem ferret ingenij nostri facultas. Eam ob causam, Dominus Cænā instituit: vt conscientijs nostris obsignaret eas promissiones, quibus in Euangelio se corporis & sanguinis sui participes facturum promissit: atque in hac persuasionem nos obfirmaret, sitam in eo esse spirituale vitam nostram, vt tali tamque insigni arrabone accepto, firmam salutis fiduciam concipiamus. Deinde, vt in agnoscenda summa ipsius erga nos bonitate, eaque celebranda & magnificis laudibus extollenda, exerceamur. Tertiò, vt ad sanctitatem & innocentiam amplectendam incitemur, cum nos Christi membra agnoscimus, ac præcipuè, vt amicitiam colamus fraternamque concordiam, quæ nobis vnice commendatur. Cum bene diligentèrque notauerimus tres hæc rationes, quas Dominum spectasse cum Cænā institueret dubium non est: pate factus nobis erit aditus, vt rectius intelligamus quis fructus ad nos redeat, & quonam modo eo rectè vtamur.

Iam ergo ad secundum caput veniendum est: vt ostendamus quàm salutarem fructum nobis adferat Cæna Domini, modo eum percipere & colligere velimus. Id cognoscemus, cum accuratè indigentiam nostram, cui ipsa subuenit, perpenderit. Nos vehementer perturbari & animo torqueri necesse est, quoties animaduertimus quales sumus ipsi, & quicquid in nobis est examinamus. Nullus enim nostrum est, qui in se vel micam iustitiæ reperire possit: sed è diuerso tot vitijs ac sceleribus inquinati sumus, tanta peccatorum multitudine pleni atque reperi, vt nullo accusatore præter conscientiam nostram opus sit. nec alius iudex qui aduersus nos sententiam ferat, quærendus est. Ex quo consequens est, iram

Dei in nos concitatam esse, neminemque posse mortis aeternae iudicium effugere. Nisi verò valde somnolenti aut omnino stupidi esse velimus, horribili illa cogitatione quasi perpetua gehenna nos torqueri & vexari necesse est. Nec enim in memoriam nobis redire potest iudicium Dei, quin damnatio nostra simul nobis appareat. Iam ergo voragine mortis deglutimur, nisi Deus opt. max. nos eripiat. Quam verò spem resurrectionis habere possumus, cum carnem nostram consideramus, putridam ipsam, & omni corruptioni obnoxiam? Itaque, siue corpus, siue animam spectemus, nihil est nobis miserabilius, quamdiu in nobis ipsis residemus: neque possumus non miserabiliter angī, summāque molestia affici, dum tantarum miseriarum sensu afficimur. Vt igitur Pater caelestis huic nostrae calamitati subueniret, Cœnam nobis dedit, veluti speculum, in quo Christum crucifixum & suscitatum contemplemur. Crucifixum, ut deleantur peccata & delicta nostra. Suscitatum, ut à corruptione & morte liberati, caelesti immortalitati reddamur. Hæc singularem consolationem ex Cœna Domini percipimus, quod nos dirigit ac ducit ad crucem & resurrectionem Christi: ut certò sciamus, nos quamvis iniquos & impuros, agnoscī tamen & recipi à Domino, atque etiam haberi pro iustis: quamvis morte circumseptos, nihilominus ab ipso vitæ reddi: quamvis miserabiles & calamitosos, nos tamen omni fœlicitatis genere impleri ac cumulari. Vel, ut facilius explicemus. Cum nihil omnino boni in nobis resideat, nec vlla earum rerum quæ ad salutem cōsequendam adiumento esse debent: Cœna, locuples testimonium dat, nos quicquid utile & salutare est consecutos esse, cum mortis & passionis Christi participes sumus. Quamobrem affirmare possumus Dominum, gratiarum spiritualium thesauros aperire, dum in societatem bonorum & diuitiarum Christi nos admittit. Meminerimus ergo Cœnam nobis exhiberi, veluti speculum, in quo Christum contemplemur: crucifixum, ut liberemur à morte & damnatione: suscitatum, ut iustitiam vitæque aeternam consequamur. Licet autem eadem gratia nobis in Evangelio exhibeatur: tamen cum in Cœna certitudinem maiorem pleniorémque fruitionem habeamus, hoc utilitatis ex ipsa ad nos redire meritò agnoscimus.

Sed quia Christi bona nihil ad nos pertinent, nisi prius ipse noster fuerit: primum in Cœna nobis ipsum donari oportet, ut verè perficiantur in nobis ea quæ diximus. Propterea dicere sum solitus, Christum materiam & substantiam Sacramentorum esse: gratias autem & beneficia quæ per ipsum consequimur, vim & efficaciam. Porro, Cœnæ vis in eo consistit, ut reconciliationem cum Deo, per mortem & passionem Christi factam, confirmet: ut nos certiores reddat, animas nostras ipsius sanguine ablutas: nosque iustitiam, ipsius obedientia consecutos esse: ut denique spem salutis, quam in iis omnibus quæ pro nobis effecit collocamus, mentibus nostris obsignet. Hinc concludendum, substantiam huic virtuti coniunctam esse: alioqui nihil omnino in ea firmi, aut certi haberemus. Concludendum igitur, duo nobis in Cœna offerri: Christum scilicet, ut fontem, originem ac materiam bonorum omnium: deinde fructum & efficaciam mortis & passionis ipsius. Quod etiam verba quæ in Cœna proferuntur, satis ostendunt. Cum enim iubet nos corpus suum manducare, & sanguinem bibere: addit, corpus suum pro nobis traditum fuisse, & sanguinem in remissionem peccatorum nostrorum effusum esse. In quo primum demonstrat, nobis non simpliciter corpus & sanguinem ipsius, sine vl-

la alia consideratione, communicari, sed etiam fructum, qui ex morte & passione ipsius ad nos redit, percipi oportere. Porro ad tantorum bonorum fruitionem peruenire qui possumus, nisi participes simus corporis & sanguinis ipsius, unde illa nobis exhibita & producta sunt?

Iam ingredimur questionem, & olim & hisce temporibus adeo agitatam; Quomodo intelligenda sint verba illa, quibus Christus corpus suum, panem, & sanguinem vinum appellat. Quæ facile expediri poterit, si principia illa à nobis antè posita teneamus: Omnem videlicet fructum quem in Cœna quarimus, in nihilum redigi, nisi in ea Christus, ut totius rei fundamentum & substantia, nobis donetur. Hoc constituto, fatebimur haud dubiè, Sacramentum inutile & superuacuum reddi, si in eo veram Christi communicationem offerri negemus: quod blasphemia execrabili atque auditu indigna non careret. Præterea, si ratio communionis cum Christo, ea est, ut omnium gratiarum & beneficiorum quæ nobis morte sua acquisiuit, participes simus: non id tantum agitur, ut cum spiritu solum, sed etiam cum humanitate participemus: in qua, ut debita nostra persolueret, perfectam obedientiam Deo Patri præstitit. Licet, ut propriè loquamur, alterum sine altero fieri nullo modo possit. Cum enim se nobis donat, id facit ut eum integrum possideamus. Idcirco, quemadmodum dictum est, Spiritum ipsius vitam esse nostram: ita ipse ore suo pronuntiat, carnem suam cibum nostrum, sanguinem suum verè potum nostrum esse. Si hoc non de nihilo dicitur, necesse est, ut vita nostra in Christo sita sit, animas nostras ipsius carne & sanguine vesci, velut cibarijs proprijs & peculiaribus. Eius rei testimonium habemus in Cœna, cum dicitur de pane, ut accipiamus & manducemus, corpus ipsius esse: de calice, ut bibamus, ipsius esse sanguinem. Nominatim de corpore & sanguine habetur sermo: ut discamus, in eis vitæ nostræ spiritualis substantiam inquirere.

Nunc, si queratur an nihilominus panis sit corpus Christi, & vinum sanguis ipsius: respondebimus, panem & vinum signa esse visibilia, quæ corpus & sanguinem Christi nobis repræsentant: corporis verò & sanguinis nomen eis attributum, quod sint veluti instrumenta quibus Dominus Iesus Christus nobis ea distribuit. Forma hæc loquendi, rei valde consentanea est. Cum enim non modò oculis, sed neque ingenijs nostris, comprehendì possit communio quam in corpore Christi habemus, ea tamen illic apertè ob oculos monstratur. Exemplum in re simili valde proprium habemus. Cum vellet Dominus Spiritum suum in Baptismo Christi apparere, eum sub columbæ figura repræsentavit. Ioannes Baptista historiam illam recitans, Spiritum sanctum descendentem se vidisse ait. Si propius attendamus, comperiemus ipsum nihil præter columbam vidisse. Nam sancti Spiritus essentia inuisibilis est. Cum tamen sciret visionem illam inanem figuram non esse, sed Spiritus sancti præsentia signum certissimum: affirmare non dubitat, se illum vidisse: quòd eo modo quo ipse ferre poterat, fuerit repræsentatus. Itam in communione, quam in Christi corpore & sanguine habemus, dicendum est: mysterium spirituale esse, quod nec oculis conspici, nec ingenio humano comprehendì potest. Figuris igitur & signis quæ sub oculorum sensum cadunt, ut naturæ nostræ imbecillitas requirit, ostenditur: ita tamen ut non sit figura nuda & simplex, sed veritati suæ & substantiæ coniuncta. Meritò igitur panis appellatur Corpus: cum id non modò repræsentet, verum etiam nobis offerat. Itaque facilè concede-

mus, corporis Christi nomen ad panem transferri, quòd eius Sacramentum & figura sit. Sed hoc adiungemus, Sacramenta Domini nullo modo à substantia & veritate sua separari oportere. Ea quidem ne confundantur, distinguere non tantum conuenit, sed etiam omnino necessarium est. Sedit à diuidere vt alterum sine altero constituitur, absurdissimum. Cum ergo signum visibile conspiciamus: quid re-præsentet, & à quo nobis donatum sit, cogitandum est. Panis enim datur vt corporis Christi sit figura, eumque iubemur comedere. Datur, inquam, à Deo: qui, veritas certa & immutabilis est. Quòd si Deus nec fallere nec mentiri potest, consequens est, ipsum omnia quæ illic significat, re ipsa implere ac præstare. Necesse est igitur, nos in Cœna verè corpus & sanguinem Christi recipere, cum vtriusque communionem nobis Dominus representet. Quid enim sibi vellet, nos panem comedere, ac vinum bibere, vt significant, carnem ipsius, cibum esse nostrum, & sanguinem potum: si veritate spiritali prætermissa, vinum & panem solummodo præberet? Nónne frustra, & mendaciter hoc mysterium instituisset? & quod lingua Gallica dicimus, falsis insignibus? Itaque fatendum est, si vera sit representatio quam adhibet Deus in Cœna substantiam interiorem Sacramenti, visibilibus signis coniunctam esse: & quemadmodum panis in manu distribuitur, ita corpus Christi, vt eius participes simus, nobis communicari. Hoc certè, etiam si nihil aliud esset, nobis abundè satisfacere deberet: cum intelligimus, Christum nobis in Cœna veram propriamque corporis & sanguinis sui substantiam donare: vt pleno iure ipsum possideamus, & possidendo in omnem bonorum suorum societatem vocemur. Cum enim ipsum tenemus, omnes diuitiæ diuinæque opes in eo reconditæ nobis exponuntur, vt nostræ sint, usque vnà cum ipso perfruamur. Vt ergo Cœnæ utilitatem breuiter definiamus: dicere licet, Iesum Christum nobis in ea offerri, vt eum ipsum, atque in eo, gratiarum & beneficiorum omnium quæ expetere animus potest, abundantiam & copiam, possideamus. Id quod maximo nobis adiumento est, vt conscientia nostra, in ea fiducia quam nos in ipsum habere decet, confirmetur.

Altera utilitas est, quòd eo magis incitamus atque admonemur ad agnoscenda beneficia quæ accepimus à Domino Iesu Christo, & in dies accipimus: vt ei gloriam & honorem tribuamus: atque, vt par est, sanctissimum eius nomen perpetuis laudibus celebremus. Natura enim valde negligentes sumus in meditando bonitate Dei nostri: nec vaquam de ea cogitamus, nisi si gnitiem ipse nostram excutiat, & ad officium nos instiget. Acrioribus verò stimulus pungi non possumus, quàm cum nos cogit quasi conspiciere oculis, & manibus attrectare, apertèque cognoscere, & sentire, magnitudinē beneficii inastimabilis, cum nos propria substantia sua pascit & reficit. Id quod significare & monstrare vult, cum iubet vt mortem suam annuntiemus, quo ad veniat. Quòd si res adeò ad salutem necessaria est, non immemores esse gratiarum & beneficiorum quæ Deus in nos contulit, quin potius diligenter ea in memoriam reuocare, & magnificè extollere apud alios, vt mutuis admonitionibus incitemur: in eo singularem Cœnæ utilitatem videmus: quæ ab ingratitude vitio nos reuocat, nec sinit nos magni illius beneficii, quod Christus, nostra causa moriens, in nos contulit, obliuisci: sed nos eò deducit, vt gratias ei agamus, & tanquam publica restitutione profiteamur quantum ipsi debeamus.

Tertia utilitatis species in eo consistit, quod ad sanctitatem & puritatem vite vehementius incitamus, ac præcipue ad charitem & amicitiam inter nos seruandam maiore hortationum vi impellamur. Cum enim Christi membra facti simus, insiti corpori ipsius, vnâque cum eo ut capite nostro coniuncti: æquum est, nos primum puritati & innocentia ipsius conformes esse, ac præsertim ut ea sit inter nos concordia, quæ inter eiusdem corporis membra esse debet. Quamuis, ut rectam huiusce utilitatis intelligentiam habeamus, existimandum non sit, Dominum nos solum hortari, & signa exteriori incitare, aut etiam inflammare. Hoc enim præcipuum est, quod in nobis interiori spiritu suo operatur, ut vim & efficaciam addat instituto suo, quod velut instrumentum ad id destinauit, ut opus suum in nobis impleat & perficiat. Quoniam ergo spiritus sancti virtus sacramentis cõiuncta est, cum ita ut decet recipiuntur, sperare & confidere debemus, nobis ipsa adminiculo esse, ut in sanctitate vite, ac præsertim charitate, promouere possimus.

Iam ad tertium ex præcipuis capitulisquæ huius libelli initio proposuimus, veniendum est, ad usum scilicet legitimum, ut institutionem Domini reuerenter obseruemus. Quisquis enim despicatur quodam solutè aut oscitante ad hoc sacramentum accedit, parum sollicitus tenendi propositi, & in eo perseuerandi, in quo Dominus eum vocauit: eo peruersè abutitur, & abutendo illud fædè contaminat. Polluere autem & contaminare, quod tam sanctè consecrauit Deus, magnum & intolabile sacrilegium est. Nec frustra Paulus grauem & diram damnationem omnibus ijs denuntiat, qui id indignè perceperint. Nam sineque in cælo neque in terris quicquam præstantius sit corpore & sanguine Domini: culpa non minima est, id temere & inconsideratè recipere, nec accuratè diligentèrque præparatos illuc accedere. Præterea, ut nos ipsos probemus, hortatur: ut, quemadmodum res exigit & postulat, eo utamur. Quod si intelligamus qualis ea probatio esse debeat: qualis etiam is quem quærimus, vsus sit, percipiemus.

Sed in hoc magna & prudens cautio adhibenda est. Ut enim in nobis quem admodum iussit Dominus examinandus nimitiū seduli esse nō possumus: ita sophistici doctores miseras conscientias nimitiū perplexas tenuerunt, & in anxietatem valde periculosam, imò in horribilem gehennam coniecerunt, dum nescio quam probationem & examinandi sui diligentiam requirebant, quàm nemo hominum præstare potuisset. Ut autem ab ijs perturbationum inuolucris expediamur, omnia, ut iam dixi, ad Domini institutionem reducenda sunt, tanquam ad normam, quæ nos, si eam sequamur, labi & errare non sinet. Eam sequentes, perpendere debemus num veram in nobis pœnitentiam & veram fidem sentiamus. Quæ duo ita coniuncta sunt, ut alterum sine altero nullo modo possit consistere. Nam si in Christo sitam esse vitam nostram existimamus: agnoscere debemus, nos in nobis ipsis mortuos esse. Si in eo vim & robur nostrum quærimus, nos viribus omnibus destitui ac defici intelligendum est. Si fœlicitatem nostram in eius gratia collocamus: hac sublata, necesse est nos intelligere quanta sit miseria nostra. Si quies & tranquillitas nostra in eo sita est: nihil aliud in nobis ipsis quàm inquietas & turbulenta curas & sollicitudines sentire debemus. Talis verò affectus esse non potest, quin nobis ingeneret displicentiam totius vitæ nostræ, deinde fœlicitudinem & iudicium, postremò amorem & desiderium iustitiæ. Is enim cui cognita est peccati sui turpitudine, & miseria suæ conditionis, dum est alienatus à Deo, tanto iudore affi-

citur, ut sibi ipse displicere, seipsum condemnare, ac pro animi dolore gemere ac suspirare, cogatur. Ad hæc, statim obijcitur iudicium Dei: quod miris angustiis peccatoris conscientiam premit, cum videt se nullo modo effugere posse, nec ullum defensionis relictum esse locum. Cum ita miseriam nostram agnoscetes, Dei bonitatem gustare possumus: cum desideramus omnem vitam nostram rationem ad illius voluntatem dirigere: ut ea quam prius sequebamur abiecta, noua in ipso creatura efficiamur. Si igitur eam quam decet communionem sanctissimæ cænæ Domini habere velimus: firma animi fiducia Christum pro iustitia, vita, & salute nostra habeamus: promissiones ipsius amplectamur, certasque & constantes esse existitemus: omnibus ex aduerso præsidijs, quæ cum ea pugnant, eorumque fiduciæ renuntiemus: ut nobis ipsis, cæterisque omnibus creaturis diffisi, in ipso vno acquiescamus, solæque ipsius gratia contenti simus. Quod cum fieri non possit, nisi vobis compertum sit, quantum ipsius ope & auxilio indigemus: nos acerrimè pungi, & miseriam nostram sensu quasi stimulo fodi, necesse est: ut tanquam famelici ipsum avidè expetamus. Quam enim ridiculum esset, sine ullo appetitu cibum querere? Ut autem appetamus, vacuo stomacho esse non satis est, sed ita affecta ut cibum possit admittere. Hinc consequens est, animas nostras fame urgeri oportere, & ardenti desiderio teneri cibi, ut alimentum suum in cænâ Domini reperiant.

Præterea notandum est, nos Christum desiderare non posse, nisi ad iustitiam Dei adspiremus: quæ in abnegatione nostri, & obedientia ipsi exhibenda consistit. Neque enim ullo modo conuenire potest, ut corpori Christi simus insiti, atque interrim turpiter, libidinosè, dissolutè viuamus. Cum in Christo nihil sit, nisi puritas omnis, cōtinētia, benignitas, sobrietas, veritas, humilitas, cæteraque similes virtutes: si eius membra esse velimus, nos ab omni libidine & luxu, ab arrogantia, intemperantia, vanitate, superbia, cæterisque vitijs, alienissimos esse oportet. Nec enim sine magno dedecore & probro hæc cum ipso admiscere possumus. Nos perpetuò memoria tenere oportet, non magis inter ipsum & iniquitatem, quàm inter lucem & tenebras, conuenire. En quo modo ad veram poenitentiam perueniemus, si eò tendamus, ut vita nostra ad exemplum Iesu Christi conformetur. Verum, & si hoc ad omnes vitam paries generale est; præsertim tamen in charitate locum habet; quæ nobis præcipuè in hoc sacramento commendatur. Quæ etiam ratione, eius nominatur vinculum. Ut enim panis illic in cōmunem omnium usum sanctificatus, ex multis granis coalescit, ita coniunctis inter se, ut alteri ab altero separari ac secerni nequeat: eodem modo, inter nos indissolubili amicitia vinculo iuncti esse debemus. Atque adeò idem corpus Christi recipimus omnes, ut ipsius membra simus. Quod si discordijs & dissensionibus laboremus: quantum in nobis est, Christum diuellimus ac laceramus; nec minoris sacrilegij futuri sumus rei, quàm si id ipsum admissemus. Ne ergo audeamus illuc accedere, si quid in nobis resideat odij aut malevolentia in quemuis hominem, ac præcipuè Christianum & Ecclesiæ unitati coniunctum. Debemus etiam, ut ordinem Domini teneamus & sequamur, aliam præterea affectionē adferre; nempe, ut fateamur ore, & re ipsa testificemur, quantum seruatori nostro debeamus: eique gratias agamus: non tantum ut per nos gloria ipsius Nomini tribuatur, sed etiā ut mutuò nos instruamus, & proximi exemplo nostro discant quid sibi agendum sit.

Sed quia nemo hominum reperietur, qui ita in fide & vita sanctitate profecerit,

cerit, quin multum adhuc in ipso desideretur: periculum esset, ne permulta pia conscientia ipsa quae diximus perturbarentur, nisi obuiam iremus, ea praecipua temperantes, quae de fide & poenitentia posuimus. Nam valde periculosa est ea docendi ratio, qua nonnulli perfectam animi fiduciam & poenitentiam requirentes, omnes qui talibus praediti non fuerint, excludi volunt. Sic enim omnes, nemine excepto, excluderentur. Quod ut verum esse demonstremus, quis iactare poterit, se nullo diffidentiae vitio laborare, nulla animi labe, nullo infirmitatum genere deprauatum esse? Talem certe filij Dei fidem habent, ut eis necesse sit perpetuo Dominum rogare, ut eorum incredulitati adsit atque opem ferat. Is enim morbus tam alte radices in nobis egit, ut sanari omnino non possimus, prius quam ex his corporis vinculis liberemur. Talis etiam est sanctitas vitae, ut in dies necesse sit orare pro remissione peccatorum, & gratia proficiendi in melius, consequenda. Et quauis alij sint alijs imperfectiores: nemo tamen est qui non in multis deficiat. Itaque si ea & fidei & vitae integritas cui nihil omnino desit, requiratur: coena omnibus non tantum inutilis, verum etiam perniciosa erit. Quod certe alienissimum est à mente & consilio Domini: qui nihil salutarius Ecclesiae suae dedit. Cum ergo fidem adhuc imperfectam in nobis sentiemus, neque adeo pura conscientia praediti erimus, quin vitiorum permultorum nos accuset: id impedimento esse non debet, quo minus ad sacram Domini mensam accedamus: si modo, in ea imbecillitates, ab omni simulatione & hypocrisi vacui, salutem in Christo speremus, & vitam nostram ad Euangelij normam cupiamus dirigere. Ne qua sit hypocrisis, nominatim dico: quod permulti se ipsos vanis adulationibus decipiant, sibi persuadentes satis esse si vitia sua condemnent, licet ea foucant: aut etiam sufficere, si ab eis per aliquod tempus abstineant, mox ad ipsa reuersuri. Vera autem poenitentia, firma & constans est. Itaque efficit, non ut aliquot dies aut menses, sed ut sine ulla intermissione, per omne vitae nostrae tempus, malum, quod nobiscum gerimus ipsi oppugnemus. Cum ita nobis vitia displicere, verumque ipsorum odium, à timore Dei proficiscens, nobis insitum sentimus, ac simul bene sanctaeque viuendi desiderio nos duci: coena Domini percipiendae idonei sumus: licet permulta adhuc supersint in nobis infirmitatum reliquiae. Imò nisi infirmi essemus, diffidentiae obnoxij, & vitae minus perfectae, sacramentum nobis foret inutile, eiusque institutio superuacanea fuisset. Cum igitur sit remedium, quo Deus imbecillitati nostrae subuenire, corroborare fidem nostram, charitatem augere, in sanctitate vitae promouere voluit: eò magis ipso uti debemus, quò grauius nos magnitudine morbi premi sentimus: tantum abest ut eo nos impediiri oporteat. Nam si, ut nos subducamus ab usu coenae, obtendamus nos adhuc in fide debiles esse, nec vitae satis integrae: perinde est ac si quis vellet à medicina, propterea quòd aegrotaret, abstinere. Imbecillitas ergo fidei, & vitae nostrae vitia, nos monere debent ut ad coenam veniamus velut ad singulare remedium quo emendari possint ac corrigi. Tantum, ne fidei ac poenitentiae vacui accedamus. Quarum prior, in animo absconsa est: ideòque à conscientia nostra nobis coram Deo testimonium reddi oportet. Posterior actione & opere ostenditur: ideòque eam in vita nostra apparere necesse est.

Quòd ad celebrandam coenam, tempus attinet, non omnibus certò constitui aut praefigi potest. Sunt enim nonnunquam priuata cuique impedimenta, quae hominem, si abstinerit, excusare possunt. Praeterea, nullum praeceptum habemus quo

omnes cogantur ea uti quoties ipsis offeretur. Si tamen finem spectemus ad quem Dominus nos ducit: cognoscemus, multò frequentiore usum quàm vulgò apud ple-
rosque, esse oportere. Quòlenim maiore imbecillitate premimur, eò magis ac frequen-
tius in eo exerceri debemus, quod tum ad confirmandam fidem nostram, tum etiã
ad sanctitatem vitæ promouendam, nobis vsui esse & potest & debet. Quã obrem
in omnibus Ecclesiis bene constitutis ea consuetudo esse debet: ut cæna, quàm sæ-
pius fieri potest, & quantum populi fert capacitas, celebretur. Ac priuatus quis-
que, quantum in ipso est, ad eã recipiendã præparari debet, quoties in cõmuni cœtu
celebrabitur: nisi cogatur maximis de causis abstinere. Tamen si nullo præcepto sit præ-
finitum tempus aut expressa dies: tamen hoc sufficere debet, quòd voluntatem Do-
mini talem esse cognoscimus, ut eo sacramẽto crebrò utamur. Alioqui, vtilitatem
quæ ad nos inde redit, ignoramus. Quæ verò à nonnullis adferantur excusationes,
inanes sunt & friuolæ. Aiunt alijs indignos esse: eoque præ textu abstinere to-
to anno. Alij non tantum quàm indigni, int considerant: sed etiam obtendunt, se
cum ijs quos imparatos eò accedere cernunt, communicare non posse. Alij etiam fre-
quentem ipsius vsum superfluum esse putant: neque existimant, cum semel receperi-
mus Christum, id tam frequenter iterandum ac sæpius repetendum esse. A primis
illis, qui se sua indignitate regunt, quæro: quomodo tantam miseriam plus annum su-
stinere potest eorum conscientia, ut ritè Dominum inuocare non audeant. Teme-
ricatis enim esse fatebuntur, Deum inuocare ut patrem, nisi membra Christi si-
mus. Quod fieri non potest, nisi cæna substantia & veritas in nobis impleatur.
Quòd si veritatem ipsam tenemus, longè maiori ratione signo percipiendo su-
mus idonei. Ex quo videmus, eos qui se ut indignos à cœna eximere volunt, ma-
gno illò inuocandi & orandi Dei bono se ipsos priuare. Caterum, vim adferre no-
lim ijs quorum exagitantur conscientia, & terrentur aliqua religione, ut se se te-
merè ingerant: sed potius consulo ut tantisper expectent, dum ipsos Dominus ea an-
xietate liberarit. Si qua similiter iusta causa sit, quin differre liceat non inficior.
Tantum ostendere volo, neminem diu in eo acquiescere debere, ut propter indigni-
tatem suam abstineat. Sic enim Ecclesiæ communicatione priuatur: in qua salus no-
stra omnis sita est. Potius nitatur aduersus impedimẽta omnia pugnare, quæ à Dia-
bolo obijciuntur: ne excludatur à tanto bono, ac beneficijs pariter omnibus quibus
eum priuari cõsequens est. Alteri plus videtur habere coloris: quòd argumento isto
utantur: Si videlicet panem communem non liceat cum ijs edere qui se fratres no-
minant, & nihilominus turpiter & dissolutè viuunt multo minus eum panem qui
in hoc consecratus est, ut representet ac exhibeat nobis corpus Domini. Verum ne
que huc spõdere difficile est: non esse priuati cuiusque, iudicare ac discernere quis
admittendus aut arcendus videatur: sed ad totam Ecclesiam pertinere, aut ad pasto-
rẽ & seniores, quorũ adiumento in moderanda & gubernanda Ecclesia uti debet.
Nec enim iubet Paulus ut alios, sed ut nos ipsos examinemus. Officij quidẽ nostri
est, eos admonere qui flagitiosam vitã degunt: ac, si nos audire nolint, pastori de-
nũtiare: ut rẽ, ecclesiastica autoritate peragat. Sed nõ eo modo debemus nos à fla-
gitioforũ cœtu subducere, ut cõmunionẽ Ecclesiæ relinquamus. Ad hæc, sæpius acci-
dit, crimina nõ ita manifesta esse, ut ad excommunicationẽ progredi liceat. Quãuis
enim pastor in animo suo indignum aliquẽ esse iudicet: tamẽ eum talẽ pronũtiare,
aut à cœna prohibere, non potest, nisi eum Ecclesiastico iudicio conuicerit. Quod
cum

cum accidit, nullum aliud superest nobis remedium, quam ut Deum rogemus ut ab omnibus offensionibus Ecclesiam suam liberet: interim dum expectamus supremum diem, quo palea ab optimo grano separabuntur. Tertiū nullam omnino verisimilitudinis speciem habent, Nec enim panis hic spiritualis nobis datus est ut statim eo saturemur, sed potius ut dulcedinis ipsius gustum habentes magis appetamus, eoque utamur quoties nobis offeretur. Hoc est scilicet quod antè exposuimus: Iesum Christum, quamdiu versamur in hac mortali vita, nunquam nobis ita communicari ut eo satientur animæ nostræ, sed ut assiduum illis alimentum sit.

Ut ad quartum caput veniamus. Cum Diabolus nihil hoc Sacramento utilius Ecclesiae à Domino relictum esse perspicere: solito suo more statim ab initio ipsum erroribus varijs & superstitionibus contaminare nisus est, ut fructum ipsius corrumpere ac destrueret: nec ceptum suum persequi desit, quoad inuenerit institutionem Domini, & in mendaciam vanitatemque conuerterit. Non est mei instituti, designare quo tempore impostura quæque & error initium coeperit. Mihi sufficiet, articulatim errores notare à Diabolo inuectos: quos cauere necesse est, si integram & incorruptam Cœnam Domini habere velimus.

Primum igitur, cum Dominus Cœnam nobis dederit, ut inter nos distribueretur, testificanda communionis gratia, quam in corpore ipsius habentes, sacrificij quoque quod ad expianda peccata nostra Deo Patri obtulit, participes sumus: homines contrā suo ingenio commenti sunt, sacrificium esse quo remissionem peccatorum à Deo consequimur. Quod sacrilegium detestabile est, nulloque modo tolerandum. Nisi enim agnoscamus ac cerè teneamus, mortem Domini Iesu Christi unicum sacrificium esse, quo nos Deo Patri reconciliauit, ac deleuit peccata omnia quorum in iudicio ipsius eramus rei: vim & efficaciam ipsius euertimus ac destruimus. Nisi fateamur Christum solum Sacerdotem esse, cuius intercessione in gratiam redimus cum Patre suo: ipsam spoliamus honore, grauēque ei iniuriam inferimus. Cum igitur ea opinio, quæ iungit Cœnam Domini sacrificium esse quo remissionem peccatorum consequimur, contrā pugnet: tollenda ipsa, & ut diabolica damnanda est. Pugnare verò certissimum est. Quē enim ista conuenire possunt? Christum moriendo Patri sacrificium obtulisse, quo semel pro omnibus veniam & remissionem omnium delictorum nostrorum acquisiuit: & rursum quotidie sacrificandum esse, ut id obtineamus quod in sola eius morte quædum est? Hic error non statim ab initio ad summum peruenit, sed pedetentim incrementa sua capiens, tandem huc prouectus est. Veteres quidem Cœnam sacrificium vocasse, notum est. Sed rationem adferunt, quod mors Christi in ea representetur. Eorum ergo dictum eò speciat, ut, quoniam Cœna sacrificij illius vnicī memoria est, in quo omnino conuiuiscere debemus, propterea sit nomen illud ei attributum. Neque tamen possum veteris Ecclesiae consuetudinem excusare, quod gestu ac ritu suo speciem quandam sacrificij figuraret, iisdem ferè ceremonijs quæ sub veteri Testamento in usu erant: eo excepto quod panis hostiā animalis loco utebantur. Quod cum nimis ad Iudaismum accedat, nec Domini institutioni consentaneum sit, minime probo. Veteri enim Testamento, figurarum tempore, tales ceremonias Dominus instituerat, tantisper obseruandas, dum sacrificium illud in carne Filij sui dilectissimi, qui earum veritas erat, celebraretur. Cum igitur hoc totum perfectum sit, nihil superest amplius, nisi ut eius communicatione fruamur. Quare su-

perfluum est, id figuris commonstrare. Itaque, ex instituto Christi, non offerre aut immolare, sed quod oblatum & immolatum est accipere & comedere iubemur. Quauis autem in ea obseruatione aliquid offenderunt veteres: tamen impietas tanta non erat, quanta postea obrepfit. Quod enim proprium erat mortis Christi, ad missam omnino translatus est: ut scilicet ea satisfaceret Deo pro delictis nostris, & per eam ipsi reconciliaremur. Adhuc, quod officij Christi erat, ijs qui se Sacerdotes nominabant tribuebatur: ut sacrificarent Deo, & sacrificijs suis apud ipsum intercederent, ad veniam & remissionem peccatorum nostrorum impetrandam. Solutiones quas veritatis hostes huc adferunt, dissimulare nolo. Missam, nouum sacrificium non esse, sed sacrificij illius vnici de quo loquuti sumus, applicationem. Et si colore aliquo abominationem suam tegere nituntur: tamen cauillationem meram esse perspicuum est. Nec enim tantum dictum est, sacrificium Christi, vnicum esse, verum etiam, iterari non oportere: cum eius vis & efficacia perpetua sit. Non dicitur, Christum semel oblatum Patri, ut alij postea eadem oblatione vterentur: ut vim intercessionis ipsius nobis applicarent: sed in Sanctuarium cœleste ingressum esse, ibique apparere ut sua intercessione Patrem nobis propitium reddat. Quod attinet ad applicationem meriti mortis ipsius, ut fructum sentiamus: id fit non eo modo quo in ecclesia Papali existimatum est: sed cum Euangelij nuntium recipimus, qualem sua prædicatione testificantur ministri quos Deus tanquam legatos constituit: qualis etiam Sacramentis ut sigillis obsignauit. Plebis opinio qua existimatum est, eum qui audiret Missam, aut emeret, gratiam & iustitiam propterea mereri, ab omnibus & Doctoribus & Pastoribus comprobata est. Ut verò fructum aliquem ex Cœna percipiamus, nihil nostri adferri oportere dicimus, ut id quod inquirimus mereamur: sed tantum gratiam nobis in eo oblatam, fide recipendam esse. Ea quidem in Sacramento non residet: sed ut à cruce Christi proficiscitur, ita ad eam nos remittit. Nihil ergo veræ Cœnæ intelligentiæ tam contrarium, quàm de ea sacrificium comminisci. Impedit enim ne mortem Christi pro sacrificio vnico, quod perpetuò duraturum sit, agnoscamus. His bene intellectis, constabit omnes Missas, in quibus nulla fit Cœnæ communio qualis à Domino instituta est, meram esse abominationem. Nec enim Dominus constituit ut solus Sacerdos sacrificio suo peracto separatim sua ageret: sed hoc Sacramentum in publico cœtu distribui voluit, instar primæ, Cœnæ quam cum Apostolis suis celebravit. At postquam detestabilis hæc opinio inuenta fuit, ex ea quasi ex voragine prodijt infœlix illa consuetudo, qua populus actioni adstipere contentus, quasi potiturus aliquo merito, interim abstinet à communione: quia Sacerdos iaculat se pro omnibus, ac præcipuè qui adstipunt, hostiam offerre. Impossitas & ludificationes, quibus tantum inest absurditatis ut memoratu indignæ sint, prætermitto: veluti sanctulo cuique Missam suam attribuere: & quod de Cœna Domini dictum est, ad Guillelmum & Gualterium, sicuti Gallico prouerbio dicimus, transferre. Item, mercaturam de ijs exercere atque nundinari. Ceteræque fordium colluies quæ ab hoc sacrificij nomine manarunt.

Sequitur alter error, quem corrumpendi sacrosancti huiusce mysterij causa Diabolus sparsit: nempe cum transsubstantiationem panis in corpus Christi, & vini in sanguinem fieri commentus est, postquam verba cum intentione consecrandi pronuntiata essent. Primum, commentum istud nullum prorsus in Scriptu-

ra fundamentum, neque ullum veteris Ecclesia testimonium habet: atque adeo cum
 verbis Domini conuenire aut stare nullo modo potest. Nonne talis interpretatio
 nimis violenta & coacta est? Cum Christus, panem ostendens, corpus suum vocat,
 dicere panis substantiam in nihilum redigi, & in eius locum Christi corpus suc-
 cedere? Sed non est necesse rem indubium vocare: cum veritas dilucida ipsa per se
 tam absurdam vanitatem refutare possit. Infinita testimonia & Scriptura &
 Patrum prætermitto: quibus Sacramentum panis appellatur. Tantum dico Sacra-
 menti naturam hoc requirere: ut panis materialis pro visibili corporis signo rema-
 neat. Est enim regula generalis in omnibus Sacramentis: signa quæ in ipsis vide-
 mus, debere aliquid similitudinis habere cum re spirituali quam representant. Ut
 igitur in Baptismo certiores reddimur, animas nostras interius ablutas esse: cum
 aqua quæ corporis sordes abluit, eius rei testificandæ causa effunditur: ita in Cœ-
 na materialem panem esse necesse est. ut nobis testatum sit, corpus Christi cibum
 nostrum esse. Quæ enim esset significatio, nobis id ab albedine figurari? Aperit igitur
 cognoscimus, omnem representationem quam Dominus, se se nostræ infir-
 mitati accommodare volens, dedit, interituram, nisi panis substantia remaneret.
 Verba enim quibus Dominus vititur, tantundem significant, ac si quis diceret:
 Quemadmodum hominis corpus pane nutritur & sustentatur: ita caro mea cibus
 est spiritualis, quo animæ viuificantur. Adhæc, quorsum similitudinem illam pro-
 ponit Paulus? ut pluribus granis inter se permixtis & coniunctis panis vnus con-
 ficitur: ita nos inuicem coniunctos esse oportet, cum ex eodem pane participemus.
 Si albedo tantum sine substantia remaneret, num ridiculum esset ita loqui? Quam
 obrem sine ulla dubitatione concludimus, hanc transubstantiationem, Diaboli
 commentum esse, quo Cœna veritas deprauatur. Ex eo figmento varia deliria se-
 cuta sunt: atque vtinam deliria tantum essent, ac non etiam horrendæ abominati-
 ones. Nam homines nescio quam præsentiam localem imaginati, putarunt Chri-
 sti & diuinitatem & humanitatem albedini illi affixam esse, nulla habitatio-
 ne absurditatum quæ inde consequebantur. Quauis autem veteres Doctores Sor-
 bonici subtilius disputarunt, quomodo corpus & sanguis cum signis coniunctum
 sit: tamen negari non potest, hanc opinionem receptam fuisse à summis & infi-
 mis in Ecclesia Papali, atque hodie flamma, ferro, cade, & omni tormentorum ge-
 nere crudeliter defendi & asseri: Christum contineri sub his signis, ibique eum in-
 uestigandum esse. Quam opinionem ut sustineant fateantur etiam necesse est,
 Christi corpus tanquam infinitum nullo spatio contineri, aut diuersis in locis si-
 mul esse. Quod cum aiunt, id tandem labuntur, ut à phantasmate nulla in re dif-
 ferat. Talem ergo præsentiam loco circumscriptam statuere, qua corpus Christi si-
 gno includatur, aut localiter, quod aiunt, coniungatur: non tantum delirium est,
 sed etiam execrandus error, gloriæ Christi detrahens: & quicquid de natura ipsi-
 us humanæ credendum, euertens. Scriptura enim vbiq; docet, Christum, ut in ter-
 ris humanitatem nostram accepit, ita ereptam ex hac mortali conditione, in cœ-
 lum, natura tamen non immutata, extulisse. Sic itaque duo nobis consideranda
 sunt, cum de Christi humanitate verba facimus. Primum ne veritati naturæ ipsi-
 us detrahamus, deinde ne derogemus gloriosæ eius conditioni. Quod ut ritè obser-
 uemus, erigende sunt in cœlum mentes, ut ibi redemptorem nostrum queramus.
 Nam si velimus eum sub elementa mundi corruptibilia abijcere: cum ea destruc-

mus quæ de humana eius natura Scriptura testantur: tum etiam gloriosam ipsius ascensionem in nihilum redigemus. Quia verò multi copiose hoc argumentum tractarunt, supersedere quàm longius progredi malo. Hoc tantum præteriens notare volui: includere cogitatione sub pane & vino Christum, aut ita coniungere ut ijs ingenium nostrum adhaerescat, neque in cælum erigatur: delirij esse diabolici. Id quod etiam alio in loco attingemus. Peruersa hæc opinio semel recepta, multas alias superstitiones peperit. Primum carnalem illam adorationem, quæ nihil aliud quàm idololatria mera est. Nam se coram pane prosternere, ibique Christum, ac si coram adesset, eoque contineretur, adorare: nonne est idolum constituere Sacramenti loco? Neque enim adorare, sed accipere & manducare iussi sumus. Id ergo adeò temere attentari minimè oportuit. Præterea id in veteri Ecclesia semper obseruatum fuit, ut priusquam celebraretur Cæna, admoneretur populus, ut sursum corda erigeret, quo intelligeret non esse signo visibili inhaerendum, ut Christus ritè adoretur. Sed de hoc articulo non diu pugnabimus: si rectè intelligatur præsentia & coniunctio veritatis cum signo: de qua iam locuti sumus, iterumque postea tractabimus. Ex eodem fonte manarunt reliqui ritus superstitionis, veluti, semel quotannis in pompa Sacramentum per vicos circumferre: alio tempore ei tabernaculum extruere: & toto ^{anno} ~~anno~~ pyxide aut theca inclusum seruare, ut populus in id quasi in Deum intentus sit. Quæ omnia quia non tantum citra verbum Dei humano ingenio excogitata sunt, sed etiam cum Cæna institutione pugnant ex diametro, ab omnibus Christianis rejici debent.

Vnde in ecclesia Papali orta sit hæc calamitas, ut populus toto anno à communionem Cæna abstineat, ostendimus: quia scilicet habetur pro sacrificio quod ab vino omnium nomine offertur. Præterea cum Cæna quotannis semel communicandum est, ea misere discerpitur & quasi liniatur in partes. Nam cum omnibus distribui Sacramentum sanguinis oporteret, ut fert apertum Domini mandatum: constituunt, populum dimidia parte contentum esse oportere. Ita miseri Christiani, beneficio quod in ipsos Deus contulerat, nequissimè fraude priuantur. Nec enim minimum beneficium est, communionem sanguinis Domini habere nostri alendi causa: nimis quæ crudelitas est, ijs ad quos id iure pertinebat, eripere. In quo perspicere possumus, quæ audacia & proteruita Papa tyrannidem exercuerit in Ecclesiam Dei, postquam dominatum solus occupauit. Vbi Dominus discipulis præcepit ut panem ederent sanctificatum in corpore suo: ad calicem veniens, non simpliciter ait Bibite, sed nominatim adiicit Omnes. An apertius quicquam requirimus? Iubet ut panem comedamus, nec vniuersali verbo utitur. De calice verò præcipit ut bibamus omnes. Vnde hæc differentia: nisi quia huic Diaboli malitiei & astutia occurrere voluit? Tanta nihilominus est Papæ arrogàtia & superbia, ut audeat ex aduerso pronuntiare: Ne bibatis omnes. Ut autem se Deo sapientior esse ostendat: æquum & rationi consentaneum esse ait, Sacerdotem aliquid præter populum præcipui habere, quo sacerdotalis dignitas honoretur. Quasi Dominus satis prudens non fuerit, neque considerarit quomodo alterum ab altero discerni oporteat. Præterea obiicit pericula quæ accidere posset, si calix vulgò omnibus porrigeretur. Guttur scilicet aliquam effundi posse: quasi Dominus id non prouideret. Nonne est, Dominum imprudentis arguere: quod ordinem qui obseruari debuerat confuderit, ac populum suum absque ulla ratione in hoc periculum coniecerit? Ut pa-

rum incommodi ex ea mutatione sequi ostendant, aiunt totum sub unica specie comprehendere, quod non possit corpus à sanguine separari. Quasi verò Dominus alterum ab altero distinxisset. Nam si pars altera ut superflua relinqui potest stultū & inane fuisset, utrumque separatim ac distinctè commendari. Nonnulli verò ex eius satellitio, cum tantam abominationem non nisi impudenter defendi posse cernerent, eam alio modo regere voluerunt. Aiunt enim Christum, cum hoc sacramentum institueret, Apostolis tantum loquutum esse, quos iam in ordinem sacerdotalem euexerat. Sed quid Paulorespondebunt, qui dicit se populo Christiano tradidisse quod à Domino accepit, ut unusquisque comedat de pane & de calice bibat? Quis verò eis reuelauit Christum Apostolis ut sacerdotibus cœnam dedisset? Verborum enim significatio contraria est: cum postea iubet ut suo exēplo idē faciant. Regulam ergo præscribit, quam vult in Ecclesia sua perpetuam esse. Quæ etiam antiquitus obseruata fuit: antequam Antichristus tyrannide occupata sese extulset, & aduersus Dei veritatem cornua erexit, ut eam funditus euerteret. Intolerabilis igitur peruersitatis esse videmus, hoc sacramentum sic diuidere & lacerare, ut ea partes quas Deus coniunxit, separentur.

Ut finem faciamus: comprehendemus sub vno capite, quod alioqui distingui posset. Diabolum scilicet, hunc morem celebrande absque vlla doctrina cœnæ introduxisse: & in doctrinæ locum ceremonias summississe, partim ineptas, partim inutiles, partim etiam noxias & periculosas: ex quibus mala permulta consequuta sunt. Adeo ut missa, quæ in Ecclesia Papali pro cœna habetur, ut bene eam definiamus, nihil aliud sit, quàm mera simia emulatio & actio histrionica. Simiæ emulationem appello, quod sicut simiæ, hominum opera perperam ac sine ratione emulando, lasciuunt: ita hi sacram Domini cœnam sic imitantur, ut præposteris suis figmentis totam eius veritatem corrumpant. Quod ut verum esse ostendamus, nonne id præcipuum est, quod Dominus commendauit, ut mysterium hoc cum vera intelligentia celebretur? Ex quo consequens est, eius substantiā in doctrina sitam esse. Ea sublata, nihil aliud quàm frigida & inefficax ceremonia est. Id non tantum scriptura sed etiā ipsius papæ canones testificantur: ubi allegatur sententiā in qua querit Augustinus quid sit baptismus sine verbo, nisi elementum corruptibile. Verbo, ut statim subiicit, non ex eo quod pronuntiatur, sed quod intelligitur. Quo significat, sacramenta ex verbo Domini vim suam accipere: cum eo modo quo intelligi possit, prædicatur. Quod restat, indignum est sacramenti nomine. At qui tantum abest ut in missa vlla sit doctrina quæ intelligenti audiat, ut ediuerso totum mysterium profanatum putetur, nisi clam & oculi omnia & dicantur & fiant: ut nihil percipi aut intelligi possit. Adeo ut eorum consecratio ab incantationis specie nihil differat. Nam incantatorum more susurrus & varijs gestulationibus putant se Christum à cœlo in manus suas deducere. Ex quo perspicimus missam ita ordinatam, prophanationem cœnæ manifestam potius quàm obseruationem esse: propriamque & præcipuam cœnæ substantiam deficere: quæ in eo consistit ut mysterium populo rite explicetur, & promissiones clara voce recitentur: non ut sacerdos sine vlla aut ratione aut intelligentia summissè obscurum murmur insurret. Histrionicam actionē appello, quod ineptiæ gestusque histrionici illic videntur: quæ, fabulæ potius quàm sacrosanctæ Domini cœnæ conueniāt. Sacrificia quidem veteri testamento cum varijs ornamentis & ceremonijs celebra-

Can. de-
trahe. 1.
4. i. Aug.
tract. 20.
in Ioan.

bantur. Sed quia bonam significationem habebant, erantque omnia propria ad instruendum & exercitandum populum in pietate: ab istis longè dissimiles erant: quæ nulli sunt prorsus vsui, nisi vt sine vlllo fructu populi animum occupent & suspensum teneant. Porro quoniam isti, vt ita appellem, missatores hoc veteris testamenti exemplum allegant, vt ceremonias suas tueantur, notare operæ pretium est, quæ sit inter id quod agunt, & id quod Deus populo Iudaico præceperat, differentia. Nam si hoc vnum adducam, quicquid tunc fiebat in mandato Dei fundamentum fuisse: friuolas autem horum ineptias, nullum aliud quàm in hominum inuentione fundamentum habere: nonne iam magna esset dissimilitudo? Sed multò maiora habemus quibus ipsas improbemus. Non enim sine causa Dominus talem formam ad tempus præscripserat, vt aliquando finem acciperent & abrogarentur. Quòd enim nondum tanto doctrinæ suæ lumine affulsisset, eò magis populum in figuris exerceri volebat: vt quod in vno deerat, in altero sarciretur. Verùm ex quo Christus in carne manifestatus est: quo magis illustrata est doctrina, eò magis figure sunt imminutæ. Cum igitur corpore potiamur, relinquenda sunt vmbre. Nam si abolitas ceremonias velimus instaurare, velum quod Christus morte sua rupit, reficiemus, atque adeò Euangelij lumen obscurabimus. Ita videmus hanc ceremoniarum multitudinem quæ in Missa visitur, formam Iudaismi esse, religioni Christianæ omnino contrariam. Eo quidem animo non sum, vt velim omnes ceremonias improbare, quæ honestati & ordini publico inseruiunt, quibus maior reuerentia sacramento exhibetur: modò aptè conueniant, & sint sobriæ. Verùm immensus ille labyrinthus nullo modo tolerari potest: cum infinitas superstitiones genuerit, & populum sine vlla edificatione quasi stupidum reddiderit.

Hinc perspicui potest, in quo differre oporteat, à Papistis, eos quibus Deus Veritatis suæ intelligentiam patefecit. Primum, sacrilegium abominabile esse non dubitabunt, Missam pro sacrificio habere, quo remissio peccatorum acquiratur: aut sacerdotem veluti mediatorem reputare, qui passionis Christi meritum applicet ijs qui missas redemerint, aut illis adstiterint, aut denique animi religione ipsas coluerint. Quin potius constitutum habebunt, mortem & passionem Domini, sacrificium vnicum esse, quo iræ Dei satisfactum est, & perpetua nobis iustitia acquisita. Adhæc, Dominum Iesum in sanctuarium cœlestē ingressum esse: vt pro nobis illic se sistat, & virtute sacrificij sui intercedat. Caterum, eius mortis fructum nobis in cœna communicari faciliè concedent, non ex operis merito, sed ob promissiones nobis in ea factas: modò ipsas fide amplectamur. Deinde nullo modo concedere debent panem in corpus Christi, aut vinum in sanguinem, quod aiunt, transsubstantiari: sed in eo persistere debent, signa visibilia veram substantiam suam retinere, vt veritatem spiritualem, de qua loquuti sumus, nobis representent. Tertiò, quamuis apud se certò persuasi esse debeant, Dominum re ipsa exhibere, quod figurat: atque ita verè corpus & sanguinem Christi illic à nobis recipi: non tamen quasi sub pane inclusum quærent, aut signo visibili localiter, vt aiunt, affixum: tantum aberit vt sacramentum adorent: sed mentem & animum erigent in cœlum, vt ibi Christum & recipiant & adorent. Hinc eueniet vt aspernentur & dñent ceu idololatriã, omnes illos superstitiosos ritus, tum efferendi in pompa & supplicationibus sacramentū, tum extruendi tabernacula illa quibus adorandus proponitur. Nam promissiones Domini non longius patent, quàm ad
vsum

usum quem nobis mādauit. Præterea, iudicabunt violari & corrumpi Domini institutum, cum populus altera sacramenti parte priuatur: necessariūque esse, quod rite obseruetur, vramque integrè distribui. Denique, tot ceremonijs vii, ex Iudaismo accersitis, præter simplicitatem in qua ab Apostolis instructi sumus, non superuacuum modò, verum etiam periculosum esse existimabant, nec Christianam religionem decere. Item improbius etiamnum peruersitatis esse censebunt, cœnam gestulationibus & motibus histrionicis ita celebrare, vt nulla omnino doctrina illic audiat, sed potius sepeliatur: ac si species quadam esset artis magicæ.

Vt tandem aliquando finiamus, ad postremum ex præcipuis capitibus veniendum est. Ad contentionem videlicet illam, quæ nostris temporibus in hac materia agitata est. Quam ego, quoniam infauita fuit, & à Diabolo haud dubiè suscitata, ad impediendum vel potius abrumpendum Euangelij cursum, obliuione sempiterna deletam cuperem: tantum abest vt in ea recitanda oblecter. Quia tamen permultas pias conscientias video, quæ quò se vertant nesciunt: breuiter dicam quod mihi necessarium videbitur, vt ostendam quomodo se explicare debeant.

Primum, fideles omnes per nomen Dei rogo atque obtestor, ne ad eò offendā ur, quòd hæc controuersia mota sit inter eos qui in restituenda Euangelij doctrina, & quasi postliminio reducenda di. ces fuerunt primarij. Neque enim nouum est, Dominum sinere seruos suos aliquid ignorare: & pati ipsos in. cr. se contendere: non vt eos perpetuò errare sinat, sed ad tempus: quò humiliores reddat. Et certè si hæcenus prosperè cessissent, & ad voluntatem nostram fluxissent omnia, homines forsam oblitī essent sui: aut gratia Dei, minus quàm par erat, cognita fuisset. Itaque Dominus omnem gloriandi materiam hominibus adimere voluit: vt soli ipsi gloria tribuatur. Præterea si consideremus quàm opaca tenebrarum caligine obfusus erat orbis, cum ij qui hanc controuersiam mouerunt, cœperunt nos ad veritatis lumen reducere: minimè profec̃io mirabimur quòd non omnia ipsis ab initio cognita fuerunt. Insigne potius Dei miraculum est, quòd tam exiguo temporis spatio ita fuerunt illuminati, vt ex illa errorum collunie, quibus tandiu immersi fueramus, emergere ipsi, atque alios educere potuerint. Verum nihil melius, quàm rem ipsam vt gesta est recitare. Inde enim apparebit, non esse tantam in hac parte offensionis causam quanta vulgò existimatur. Cum Lutherus do. ere cœpit, sic materiam cœnæ tractabat, vt, quòd ad corporalem Christi præsentiam attinet, talem ipsam relinquere videretur, qualem tunc omnes concipiebant.

Nam transsubstantiationem damnans, panem corpus Christi esse dicebat, quòd vna cum ipso coniunctum esset. Adiungebat præterea similitudines duras quidam illas & rudes. Sed eis vti cogebatur, quòd aliter mentem suam explicare non poterat. Difficile enim est, rem tam arduam exponere: quin impropria quædam subinde accersantur. De hinc suborti sunt Zuinglius & Oecolampadius: qui cum imposturam & deceptionem à Diabolo inuectam considerarent, in stabilienda præsentia illa carnali: quæ ab annis sexcentis tradita, & pro certa habita fuerat: re tanti momenti dissimulare nefas esse existimarunt. Maximè cum huic errori execrabilis idolo. atria annexa esset, quòd Christus quasi sub pane inclusus adbraretur. Quia verò difficillimum erat, hanc opinionem quæ diu iam & altius radices egerat in animis hominum, reuelli, omnem ingenij vim ad eam impugnandam applicarunt: admonentes crassissimi & absurdissimi erroribus esse, non agnosce-

re: ea quæ de ascensione Christi tota scriptura testificatur. Ipsum in cælo in hominis natura receptum esse: ibique mansurum, quoad descendat ad iudicandum orbem. Sed huic proposito nimium intenti: quam præsentiam Christi in cœna credere debeamus, qualis illic cõmunicatio corporis & sanguinis ipsius recipiatur, dicere omittebant. Ad eò ut Lutherus eos nihil præter signa nuda, & spiritualis substantiæ vacua relinquere velle, existimaret. Ideo cœpit palàm obsistere: ita ut pro hæreticis habendos denuntiaret. Ex quo semel efferbuit cõtentio, sic tẽporis progressu adaucta & inflammata est, ut acerbius æquo exagitata sit per annos plus minus quindecim, quibus interim neutri alteros æquo animo & placido audire sustinebāt. Nam etsi semel contulerunt inter se: tanta tamen animorum alienatio erat, ut re infecta discesserint. Cũ etiam ad concordiam aliquam accedere debuissent, magis ac magis regressi sunt: nihil aliud speciãntes quàm ut opinionem suam tuerentur, & contrariam refutarent. Habemus itaque quæ in re impegit Lutherus, in qua etiam Oecolampadius & Zuinglius. Lutheri partes erant, ab initio admonere, nõ esse propositi sui, præsentiam localem talem statuere, qualem Papistæ somniant. Item, testari se non hoc quærere, ut sacramentum, Dei loco adoraretur. Tertio, abstinere à similitudinibus illis rudibus & perceptu difficillimis: aut moderatè eis uti, atque ita interpretari ut nullam offensionem parere possent. Denique, ex quo mota est contentio, ipse modum excessit: tum in declaranda opinione sua, tum in alijs nimia verborum acerbitate vituperandis. Cũ enim ita se debuisset explicare ut sententia eius recipi posset: pro solita vehementia sua, ut contraria asserentes impugnaret, hyperbolicis loquendi formis utebatur: quas haud facile erat tolerari ab ijs, quorum alioqui animi ad fidem ipsi adhibendam inalè dispositi erant. Alij etiam offenderunt in eo, quòd ita tenaciter inhaeserant in oppugnanda superstitiosa illa & phanatica opinione Papistarum, de præsentia locali & adoratione quæ inde sequebatur, ut ad vitium diruendum conatus suos potius conuerterint, quàm ad id quod cognitu utile erat, stabiliendum. Nam etsi veritatem non negarunt: eam tamen non ita apertè ut decebat, docuerunt. Hoc intelligo: dum nimis studiose ac diligenter in hoc toti incumbabant, ut assererent panem & vinum corpus & sanguinem Christi vocari, quod ipsorum signa sint: non cogitarunt sibi hoc inter ea simul agendum, ut adingerent ita signa esse, ut nihilominus veritas cum eis coniuncta sit. Nec testati sunt se, non eò tendere ut veram communionem obscurarent, quam nobis hoc sacramento Dominus in corpore & sanguine suo exhibet.

Utrique profecio in culpa fuerunt, dum sese mutuò audire non sustinuerunt: ut posita omni affectione, veritatem, vnde cunq; patefieret, sequerentur. Verùm non ideo, quod nostri erga ipsos officiũ est, præcmittere debemus. Ne scilicet obliuiscamur gratiarũ & beneficiorũ quæ Deus in eos contulit, & nobis per ipsorum manum distribuit. Nisi enim ingrati sumus, & immemores eorũ quæ ipsis debemus: facilè, ab omni vituperio & maledicto abstinẽtes, ista & muliò maiora cõdonabimus. Denique, cũ videamus ipsos & vitæ sanctimonia & doctrina excellenti præstitisse, atque etiam præstare qui hodie sunt superstites: non aliter debemus de ipsis, quàm cum summa modestia & reuerentia, & loqui & sentire. Maximè cum Deo nostro ita placuerit, posteaquam ipsos hoc modo ad humilitatem erudit, huic infœlici disceptationi finem imponere, aut saltem interim eam pacare

care, interim dum omnino finiatur. Hoc dictum volui, quoniam nulla adhuc publicata est formula, ubi concordia illa constituta sit: quod valde necessarium esset. Verum hoc fiet cum Deus volet in unum eos convenire omnes à quibus hæc sunt componenda. Interim hoc nobis sufficere debet, fraternam amicitiam & conjunctionem inter Ecclesias esse: quatenus Christianæ communionis interest. Vno igitur ore fatemur omnes, nos cum iuxta Domini institutum fide Sacramentum recipimus, substantiæ corporis & sanguinis Christi verè fieri participes. Quomodo id fiat, alij alijs melius definire & clarius explicare possunt. Ceterum, hoc imprimis tenendum, ut carnalis omnis imaginatio excludatur, animum opporere sursum in cælos erigere, ne existimemus Dominum nostrum Iesum Christum eo delectum esse, ut in elementis corruptibilibus concludatur. Rursum, ne vis sacro sancti huius mysterij imminuatur, cogitare debemus id fieri occulta & mirabili Dei virrute: Spiritumque ipsius, vinculum esse huius participationis: quæ etiam, ob eam causam, spiritus alis appellatur.

F I N I S.

O 2

EPINICION, CHRISTO CANTAT

tum ab Ioanne Caluino, Calendis Ianua-

rii, anno 1541.

IO. CALVINVS LECTORI.



*Um nuper ex nundinis Lugdunensibus reuersi nostri mercatores edic-
tum attulissent Monachi cuiusdam Inquisitoris, Tolosana curia decre-
to coasfirmatum: in quo phreneticus ille, pro solenni suorum more, pios
omnes libros damnabat: miratus sum, cum versus quoque meos (sic e-
nim nominabat) recenseri in eo catalogo vidi. Luferam, animi gratia, ante annos
quatuor, cum essem Vormatiæ, breue carmen: quod cum paucis amicis legendum fa-
miliariter dedissem: tria omnino, quod sciam, aut ad summum, quatuor exemplaria
ex scripta tunc fuerant: quæ postea, quantum ex edicto coniicio, latius manarunt.
Nam alioqui sepultum putassem: quòd inter meas chartas neglectum iacebat: vt
affirmare auisim, non esse in hac vrbe duos, qui antea legerint, me conscio. Nec
certè aliud habebam consilij, nisi vt supprimeretur penitus. Sed quia furiosus hic
Monachus, & nihilo sanior curia Tolosana, dum eius lectionem interdicere vo-
lunt, faciunt vt vulgo innotescat, me aliquod scripsisse carmen, de quo, quodnam
& quale sit, alij atque alij subinde à me querant: edere statim malui, quòd & bonos
viros quærendi molestia, & me, respondendi, subleuarem. Simul stolidum hunc
Monachum, eiùsque similes commonefacere volui, quid, ita aduersum nos insa-
niendo, proficiant. Nempe hoc consequuntur sua importunitate, vt ipsis inuitis ac
crepantibus, in lucem veniant multa, quæ alioqui forsan laterent.*

EPINICION.



*Cce nouum exoriens Ianus pater inchoat annum:
Quem mos est, faustus excipere ominibus.
Hæc est illa dies, veteri de more, priorem
Romani faciem quæ nouat imperij.
Quæque noui emergunt fasces, sellaæque curules
Conspicuum & gemino consule fulget ebur.
Surgat vt auspicijs nobis fœlicibus annus,
Solenni ornanda est ista fauore dies.
Christum ergo Regem plebs religiosa salutet:
Atque illum dignus prædicet e.ogys.
Ille quidem sine fine regit, regnâtque, nec annis
Finitum tenet, aut mensibus, imperium.
Æternum huic decus est, æterna potentia regni:
Quam nullus variat, diminuitve dies.
Cum tamen hic annos, mensesque, diésque gubernet:*

Temporis & Varias ordinēt vsque Vices:
 Fas est illius nascentem à laudibus annum
 Incipere, vt cursu perpete prosper eat.
 Quid? quod mirifica sic nunc virtute refulget,
 Vt qui clara recens munia consul obit.
 Insignem & solito sese magis exerit, vt qui,
 Magnanimus domito victor ab hoste redit.
 Sic est: vicivici quatiens sceptrā aurea dextra.
 Hostibus horrendi signa dat exitū.
 Spēque iubet certā nos exultare salutis,
 Iamque triumphalem monstrat adesse diem.
 Ergo pia rumpant ingrata silentia lingua:
 Nec tantæ cessent cardine læricia.
 Ludibrio ista quidem fiducia, cantus inanis
 Hostibus, vt niuei carmen oloris, erit.
 Forsitan & dicent: quanam hæc amentia? Christus
 Nondum consertā victor eritne manu?
 Rettulit intactā quisquam de gente triumphum?
 Ante aciem fusam laurea sumpta cui est?
 Ergo semi-neces carmen feralē sepulchri
 Accensum credent nos canere ante rogam.
 Est aliquid, fateor, quod saluo robore regni
 Impietas altā fide superba manet.
 Integer ille manet mentito inflatus honore
 Qui tribuit summi ius sibi Pontificis.
 Quin magnos nutu regit, inflectitque monarchas
 Erigit, & sternit, terre: & exhilarat.
 Ac digiti signo spaciosum concutit orbem:
 Nec minus est hodie, quā fuit antè, ferox.
 Nec minus aut miserum Christi dispergit ouile,
 Mendaci aut tetrum virus ab ore vomit.
 Nec minus in Sanctos furit, infontique cruentas
 Sanguine nunc passim tingit, vt antè, manus.
 Sed quia mors, vita est: & crux, victoria Christi:
 Nil diræ impediēt gaudia nostra mina.
 Ille sui similis manet, æternūque manebit,
 Vincere, non vinci, qui patiēdo, solet.
 Cum premitur, patiturque, ac desperatus habetur:
 Inde sibi atque suis pulchra trophæa parat.
 Nunc stolide effertur terrena superbia: sed mox
 Præceps ipsa suo pulsa furore ruet.
 Sanctus at ille cruor, diuini assertor honoris,
 Gignendam ad sobolem seminis instar erit.
 Vox gladius Christo est, & lancea spiritus oris,
 Hostem igitur subita sternere voce potest.

Hunc gladium, huc, illuc, iam quintum denique lustrum
 Vibrat, agens valida, non sine cæde, manu.
 Elusit Sathanas quos antehac pertulit ictus
 Sacrilegæ princeps & Papa militia.
 Nunc magis experti quò pungat acumine, tandem
 Saucius insolito vulnere vterque gemit.
 Hinc est, quòd stupidusque Papa, attonitusque satelles
 Pendet, & exanimis turba profana pauet.
 Hinc est, quòd strepitu implentur varioque tumultu,
 Infandi & trepidant perfida castra ducis.
 Sæpius & varijs alternant motibus: ut qui
 Iam fracta tentat prælia summa manu.
 Compositæ interea nobis fiducia mentis,
 Et placido constat pectore firma quies.
 Quis Christum hic neget ad perdendos funditus hostes
 Exerere inuicta flammea tela manu?
 Quis neget hoc victoris opus memorabile? quisve
 Inuideat tanto laurea ferta duci?
 Certatum est acie: partem sibi miles honoris
 Vendicat, ac solidum non finit esse ducis.
 Quid si igitur victi laudem sibi Christus ut hostis
 Afferat, absque hominum vincere Marte velit?
 Vincere vi magnum est hostem, quid sternere nutu?
 Pellere laus, quantum, stando, fugare decus?
 Ecce quiescendo sternit, funditque silendo,
 Quos rabidis similes constitit esse feris.
 Nonne hi sunt, passim quos norunt nuper amaro
 De pulmone graves euomuisse minas?
 Cur concepta intus rabies inclusam moratur?
 An quod opes atrox non habet ira pares?
 Præsidio quo non instructos cernimus? arte
 Nequitia, gladijs, improbitate, dolis
 Nos modica, imbellis, nuda, exarmataque turba,
 Horribiles veluti grex ouium ante lupos.
 An non mirifica est regis victoria Christi?
 Nostra quòd inre pido corda vigore fouet.
 Ergo triumphali redimitus tempora lauro
 Quadri-ingi emineat conspicuus solio.
 Edomiti currum, positòque furore, sequantur
 Qui cum sacro eius numine bella gerunt.
 Eccius hesterno ruber atque inflatus iaccho
 Præbeat huc duris terga subacta flagris.
 Huc caput indomitum subdat, verum ante recepta,
 Qua semper caruit, fronte Cochlaus iners.
 Nausea verbosis generans fastidia libris

Occluso tacit usiam ferat ore iugum.
Quique diu latuit sub nomine Bubo pelargi,
Sæuo etiam rostro dura lupata premat.
Non quia præcipui: sed quod certamine in isto
Signiferos statuit flagitiosa cohors;
Ergo sub triplici bellant quicumque tiara,
Totaque se huc sistant cum duce castra suo.
Astuta vulpes, tinctique cruore leones,
Et latratorum turba proterua canum.
Ordine quisque suo, magni atque ignobile vulgus,
Insolito discant subdere colla iugo.
At vos de meliore nota sanctique poetæ
Musa quibus suaves fundit amœna modos.
Magnifico celebrem Christi cantate triumphum
Carmine. Io pæan cætera turba canit.

Quod natura negat, studiū pius efficit ardor
Ut coner laudes Christe sonare tuas.

F I N I S.

CATECHISMVS ECCLESIAE GENE- uensis, hoc est, Formula erudiendi pueros in doctrina Christi.

IOANNE CALVINO AVTHORE.

IOANNES CALVINVS, FIDELIBVS

Christi ministris, qui per Frisiam Orientalem, puram Euangelij do-
ctrinam annuntiant.



Quum huc modis omnibus eniti nos conueniat, vt inter nos reluceat illa, quæ tantopere à Paulo commendatur, fidei vnitas, ad hunc cerè finem potissimum solennis fidei professio, quæ Baptismo communi annexa est debebat referri. Proinde hîc non perpetuum modo inter omnes consensum in pietatis doctrina constare: sed vnâ quoque Ecclesijs omnibus esse Catechismi formâ optandum esset. Verum, quia multas ob causas vix vnquam id poterit obtineri, quin suam quæque Ecclesiâ propriam habeat, non est vehementius pugnandum: modò tamen ea sit in docendi modo varietas, quæ ad vnum Christum dirigamur omnes, cuius veritate inter nos copulati, sic in vnum corpus coalescamus vnûmque spiritum, vt eodem simul ore, quæcunque ad fidei summam spectant, prædicemus. Ad hunc scopum qui non intendunt Catechistæ, præterquam quòd disfidij materiam in religione serendo, capitaliter nocent Ecclesiæ, impiam quoque baptismi profanationem inducunt. Quæ enim amplius baptismi vtilitas, nisi maneat hoc fundamentum, vt consentiamus omnes in vnâ fidem? Quò diligentius cauere debent, qui Catechismos edunt in publicum, ne quid temere proferendo, non in præsens modò sed etiam ad posteros, tum grauem pietati noxam, tum exitiale Ecclesiæ vulnus infligant. Hoc ideo præfari volui, vt id me quoque, sicuti par erat, non postremo loco spectasse, testatum esset lectoribus, ne quid in isto meo Catechismo traderem, nisi receptæ inter omnes pios doctrinæ consentaneum. Atque id ipsum, quod profiteor, non vanum esse comperient, qui candorem in legendo sanumque iudicium adhibuerint. Cerè me consecutum esse confido, vt labor meus bonis omnibus, si non satisfaciat, gratus tamen sit, vt qui vtilis ab ipsis censeatur. Quòd autem latinum feci, in eo si forte quibusdam non probabitur meum consilium eius tamen multæ rationes mihi constant, quas nunc referre omnes, nihil attinet: tantum eligam, quæ ad vitandam reprehensionem sufficere videantur. Primum in hoc tam confuso dissipatòque Christiani nominis statu, vtile esse iudico, extare publica testimonia, quibus Ecclesiæ, quæ longis alioqui locorum spacijs dissitæ, consentientem habent in Christo doctrinam, se mutuò agnoscant. Præterquam enim quòd ad mutuam confirmationem non parum istud valet: quid magis expetendum, quàm vt sibi vltro citroquo gratulantes, pijs votis aliæ alias Domino commendent? solebant olim in hunc finem Episcopi, cùm adhuc staret inter omnes vigetque fidei consensus, synodales epistolæ trans mare mittere: quibus, tanquam tessellis, sacram inter Ecclesias communionem sancirent. Quanto nunc, in hac tam hor-

horrenda Christiani orbis vastitate, magis necesse est, paucas Ecclesias, quæ Deū rite inuocant, & eas quidem dispersas, & undique circumseptas profanis Antichristi synagogis, hoc sanctæ coniunctionis symbolum dare vicissim & accipere, unde ad illum, quem dixi, complexum incitentur? Quòd si hoc adeò est hodie necessarium: quid de posteritate sentiemus? De qua ego sic sum anxius, ut tamen vix cogitare audeam. Nisi enim mirabiliter Deus è cælo succurrerit, videre mihi videor extremā barbariæ impendere orbi. Atque utinam non paulò post sentiāt filij nostri, fuisse hoc verum potius vaticinium, quàm coniecturam. Quo magis elaborandum nobis est, ut qualescunque Ecclesie reliquias, quæ post mortem nostram restabunt, vel etiam emergent, scriptis nostris colligamus. Et alia quidem scriptorum genera, quis noster omnium fuerit in religione sensus, ostendent: sed illustriore documento, quàm inter se habuerint Ecclesie nostræ doctrinæ concordiam, perspicere nō poterit, quàm ex catechismo. Illic enim non modò quid semel docuerit vnus homo, aut alter, apparebit: sed quibus à pueritia rudimentis imbuti perpetuò fuerint apud nos docti simul atque indocti: ut haberent hoc omnes fideles, quasi solenne Christianæ communionis symbolum. Atque hæc sanè præcipua mihi fuit edendi huius catechismi ratio. Valuit tamen non parum quoque altera, quod eum à plurimis desiderari audiebam, quia lectū non indignum fore sperarent. Iudiciōne id an errore, pronuntiare non est meum, sed eorum tamen voto morem gerere æquum fuit. Quinetiam iniecta mihi propemodum necessitas erat, ne liceret impune detrectare. Nam cū ante annos septem edita à me esset brevis religionis summa sub Catechismi nomine: verebar nisi, hoc in medium prolato, anteuenterem, ne illa, quod nolebam, rursus excideretur. Bono igitur publico si vellem consultum, curare me oportuit, ut hic, quem ego præferebam, locum occuparet. Præterea ad exemplum pertinere arbitror, re ipsa testatum fieri mundo, nos qui Ecclesie restitutionem molimur, ubique in hanc partem fideliter incumbere, ut saltem catechismi usus qui aliquot antehac seculis sub Papatu aboli: us fuit, nūc quasi postliminio redeat. Nam neque satis pro sua utilitate commendari potest sanctum hoc institutum: nec papistis satis exprobrari tam flagitiosa corruptela, quod illud in pueriles vertendo ineptias, non modò sustulerunt è medio, sed eo quoque ad impuræ & impiæ superstitionis prætextum turpiter sunt abusi. Adulterina enim illam confirmationem, quam in eius locum subrogarunt, instar meretricis magno ceremoniarum splendore, multisque pomparum fucis sine modo ornant: quinetiam dum ornare volunt, execrandis blasphemijs adornant, dum sacramentum esse iactant baptismo dignius: vocantque semichristianos, quicumque fetido suo oleo non fuerint infecti: interim verò tota eorum actio nihil quàm histrionicas gesticulationes continet: vel potius lasciuos simiarum lus, absque vlla emulationis arte.

Vos autem fratres mihi in Domino chariss. quibus ipsam nuncuarem, ideo elegi, quia præterquā quod me amari à vobis, & plerosque etiam vestrum scriptis meis delectari nonnulli ex vestro cœtu mihi indicauerant, id quoque nominatim postularant à me per literas, ut hunc laborem sua gratia fusciperem. Alioqui vna illa satis iusta futura erat ratio, quod pridem ex piorum & grauium virorum relatu ea de vobis intellexi, quæ animum vobis meum penitus obstringerent. Nunc verò, quod vos sponte faciuros confido, peto tamen à vobis ut hoc beneuolentiæ erga vos meæ testimonium boni velitis consulere. Valete. Dominus vos

sapientia, prudentia, & celi, & fortitudinis spiritu in dies magis ac magis an-
geat in Ecclesia sua edificationem. Geneuæ. I I I I. Calendas Decem-
bris. M D X L V.

DE FIDE.



MINISTER.

Vis humana vitæ præcipuus est finis?

P V E R.

Vt Deum, à quo conditi sunt homines ipsi nouerint.

M.

Quid causa habes, cur hoc dicas?

P.

Quoniam nos ideo creauit, & collocauit in hoc mundo, quò glorificetur in nobis. Et sanè vitam nostram, cuius ipse est initium, æquum est in eius gloriam referri.

M.

Quod verò est summum bonum hominis?

P.

Illud ipsum.

M.

Quamobrem id tibi summum bonum habetur?

P.

Quia eo sublato, infelicior est nostra conditio, quàm quorum vis brutorum.

M.

Ergo, vel inde satis perspicimus, nihil posse homini infelicius contingere, quàm Deo non viuere.

P.

Sic res habet.

M.

Porrò, quenam vera est ac recta Dei cognitio.

P.

Vbi ita cognoscitur, vt suis illi ac debitus exhibeatur honor.

M.

Quenam verò eius ritè honorandi est ratio?

P.

Si in eo sita sit tota nostra fiducia: si illum tota vita colere, voluntati eius obsequendo, studeamus: si eum, quoties aliqua nos vrget necessitas: inuocemus, salutem in eo quærentes, & quicquid expeti potest bonorum: si postremo tum corde, tum ore illum bonorum omnium solum authorem agnoscamus.

M.

Verùm, vt hæc discutiantur ordine, & fusius explicentur: Quod in hac tua partitione primum est caput?

P.

Vt totam in Deo fiduciam nostram collocemus.

M.

Qua-

Qualiter autem id fiet?

P

Vbi omnipotentem nouerimus, & perfectè bonum.

M

Satisne hoc est?

P

Nequaquam.

M

Quamobrem?

P

Quia indigni sumus, quibus adiuuandis potentiam exerat, & in quorum salutem, quàm bonus sit, ostendat.

M

Quid ergo præterea opus est?

P

Nempe vt cum animo suo quisque nostrum statuat, ab ipso se diligi, eumque sibi & Patrem esse velle, & salutis authorem.

M

Vnde autem nobis id constabit?

P

Ex verbo ipsius scilicet, vbi suam nobis misericordiam in Christo exponit, & de amore erga nos suotestatur.

M

Fiduciæ ergo in Deo collocanda fundamentum ac principium est, eum in Christo nouisse.

P

Omnino.

M

Nunc, quam sit huius cognitionis summa, paucis audire abs te velim.

P

In fidei confessione, vel potius in formula confessionis, quam inter se communem habent Christiani omnes, continetur. Eam vulgò Symbolum Apostolorum vocant, quod ab initio Ecclesiæ recepta semper fuerit inter omnes pios: & quod vel ab ore Apostolorum excepta fuerit, velex eorum scriptis fideliter collecta.

M

Recita.

P

Credo in Deum Patrem omnipotentem, Creatorem cæli & terræ: & in Iesum Christum Filium eius unicum, Dominum nostrum, qui conceptus est à Spiritu sancto, natus ex Maria virgine, passus sub Pontio Pilato, crucifixus, mortuus, & sepultus, descendit ad inferos, tertia die resurrexit ex mortuis, ascendit in cælum, sedet ad dexteram Dei Patris omnipotentis, inde venturus ad iudicandum viuos & mortuos. Credo in Spiritum sanctum, sanctam Ecclesiam catholicam, Sanctorum communionem, remissionem peccatorum, carnis resurrectionem, vitam æternam, Amen.

M

Vt penitus intelligatur singula: in quot partes hæc confessione diuidemus?

P

In quatuor præcipuas.

M

Eas mihi recense.

P

Prima ad Deum Patrem spectabit: Secunda erit de Filio eius Iesu Christo, quæ etiam totam redemptionis humanæ summam complectitur. Tertia erit de Spiritu sancto. Quarta de Ecclesia, & diuinis in ipsam beneficijs.

M

Cum non nisi vnus sit Deus: cur hinc mihi tres commemoras, Patrem, Filium, & Spiritum sanctum?

P

Quoniam in vna Dei essentia Patrem intueri nos conuenit, tanquam principium & originem, primam rerum omnium causam: deinde Filium, qui sit æterna eius Sapientia: postremò Spiritum Sanctum, tanquam eius virtutem per omnia quidem diffusam, quæ tamen perpetuo in ipso, resideat.

M

Inde significas, nihil esse absurdi, si in vna diuinitate distinctas, constituamus has tres personas, Dicumque propterea non diuidi.

P

Ita est.

M

Recita iam primam partem.

P

Credo in Deum Patrem omnipotentem, Creatorem cæli & terræ.

M

Cur Patrem nominas?

P

Christi primum quidem intuitu: qui & Sapientia eius est, ab ipso genita ante omne tempus, & missus in hunc mundum, declaratus fuit eius Filius. Hinc tamen colligimus, cum Deus Iesu Christi sit Pater, nobis quoque esse Patrem.

M

Quo sensu nomen illi Omnipotentis tribuis?

P

Non hoc modo potentiam ipsum habere, quam non exerceat: sed omnia ipsum habere sub potestate & manu: providentia sua gubernare mundum, arbitrio suo omnia constituere: omnibus creaturis, prout visum est, imperare.

M

Itaque non otiosam Dei potentiam fingis: sed talem esse reputas, quæ manum operi semper admotam habeat: sicut nihil, nisi per ipsum, cuiusq; decreto, fiat.

P

Sic est.

M

Quorsum addis Creatorem cæli & terræ?

P

Quoniam per opera se nobis patefecit: in illis quoque nobis quærendus est. Neque enim essentia eius capax est mens nostra. Est igitur mundus ipse veluti speculum quoddam, in quo eum possumus inspicere: quatenus eum cognoscere nostra refert.

M. Per

M

Per coelum & terrā an non quicquid præterea creaturarū extat, intelligis?

P

Imo verò: sed his duobus nominibus continentur omnes, quòd aut cœlestes sint omnes, aut terrenæ.

M

Cur autem Deum Creatorem duntaxat nuncupas: cùm tueri conseruareque in suo statu creaturas multò sit præstantius, quàm semel condidisse?

P

Neque verò hac particula indicatur tantùm, sic opera sua Deum semel creasse, vt illorum postea curam abiecerit. Quin potius sic habendum est, mundum, vt semel ab eo fuit conditus, ita nunc ab eo conseruari: nec aliter & terram, & alia omnia stare, nisi quatenus eius virtute, & quasi manu sustententur. Præterea, cùm sic omnia sub manu habeat, inde etiam conficitur, summum esse moderatorem omnium ac Dominum. Itaque, ex quo Creator est cœli ac terræ, intelligere conuenit, eum esse vnum, qui sapientia, bonitate, patientia, totum naturæ cursum atque ordinem regat: qui pluuiæ simul ac siccitatis, grandinum, aliarumque tempestatum, ac serenitatis sit author: qui benignitate sua terram fecundet, eamque rursus, manum suam reducendo, sterilem reddat: à quo sanitas simul ac morbi proueniant: cuius denique imperio subiaceant omnia, & nutui obsequantur.

M

De impijs autem & Diabolis quid sentiemus? an eos quoque dicemus illi subesse?

P

Quanquam Spiritu eos suo non gubernat, sua tamen potestate, tanquam frano eos coercet, vt ne mouere quidē se queāt, nisi quoad illis permittit. Quinetiam voluntatis suæ facit ministros, vt inuiti ac præter suum consilium, exequi, quod illi visum fuerit, cogantur.

M.

Quid ad te ex eius rei cognitione vtilitatis redit?

P.

Plurimum. Malè enim ageretur nobiscum, si Diabolis & impijs hominibus præter Dei voluntatem quicquam liceret: adeoque tranquillis animis nunquam essemus, nos eorum libidini expositos esse cogitantes. Verum, tunc demum iudicantes, ubi frænari eos Dei arbitrio, & tanquam in arcto cōtineri scimus, ne quid, nisi eius permissu, possint: quum præsertim Deus ipse nobis se tutorem fore, salutisquæ præsidem receperit.

M.

Nunc ad secundam partem veniamus.

P.

Ea est: credere nos in Iesum Christum Filium eius vnicū, Dominū nostrū.

M.

Quid præcipuè complectitur?

P.

Filium Dei nobis esse seruatores: simulque modum explicat, quo nos à morte redemerit, vitamque acquisierit.

M.

Quid sibi vult nomen Iesu, quo eum appellas?

P.

P

Quod Græcis significat nomen *ωἰγος*, Latini proprium nomen non habet, quo bene vis eius exprimatur. Itaque, Saluatoris vocabulum vulgò receptū fuit. Porro Filio Dei hanc appellationem indidit Angelus, ipseus Dei iussu.

M

Estne hoc pluris, quàm si homines illi indidissent?

P

Omnino. Nam quum sic nuncupari velit Deus, talem quoque esse prorsus necesse est.

M

Quid deinde valet nomen Christi?

P

Hoc epitheto melius etiamnum exprimitur eius officium. Significat enim unctum esse à Patre in Regem, Sacerdotem, ac Prophetam.

M

Qui scis istud?

P

Quoniam ad hos tres usus Scriptura unctionem accommodat. Deinde, hæc tria, quæ diximus, sæpè Christo tribuit.

M

Sed quo olei genere unctus fuit?

P

Non visibili: quale in consecrandis antiquis Regibus, Sacerdotibus & Prophetis fuit adhibitum sed præstantiori: hoc est Spiritus sancti gratia, quæ veritas est externæ illius unctionis.

M

Quale verò hoc eius Regnum est, quod commemoras?

P

Spirituale, quod verbo & Spiritu Dei continetur: quæ iustitiam & vitam secum ferunt.

M

Sacerdotium verò?

P

Officium est ac prærogativa sistendi se in Dei conspectum, ad obtinendam gratiam: & sacrificij, quod illi acceptum sit, oblatione, iram eius placandi.

M

Iam quo sensu Prophetam Christum nominas?

P

Quia cum in mundum descendit, Patris se legatum apud homines, & interpretem professus est. Idque in eum finem, ut Patris voluntate ad plenum exposita, finem poneret revelationibus omnibus & prophetijs.

M

Sed percipisne inde fructum aliquem?

P

Imò non aliò spectant omnia hæc, nisi in bonum nostrum. Nam ihs donatus est Christus à Patre, ut nobiscum ea communicet, quò ex eius plenitudine hauriamus omnes.

M

Ediſſe-

Ediffere hoc mihi paulò fufius.

P

Spiritu fancto repletus, perfectaque omnium eius donorum opulencia cum-
mulatus fuit, quò nobis ea impertiat, cuique fcilicet pro menfura, quam nobis con-
uenire nouit Pater. Ita ex eo, tanquam vnico fonte haurimus quicquid habemus
bonorum fpiritualium.

M

Quid nobis confert eius Regnum?

P

Nempe, quòd eius beneficio ad piè fanctèque viuendum vindicati in liber-
tatem confcientiarum, fpiritualibùsque eius diuitijs inſtructi, potentia quoque ar-
mamur, quæ ad perpetuos animarum noſtrarum hoſtes, peccatum, carnem, Satha-
nam, & mundum, vincendos fufficiat.

M

Ad quid autem Sacerdotium conducit?

P

Primum, quòd hac ratione Mediator eſt noſter, qui nos Patri reconcili-
et: deinde, quòd per eum accèſſus nobis patefactus eſt ad Patrem, vt in eius con-
ſpectum cum fiducia prodeamus ipſi quoque, nòsque & noſtra omnia illi in ſacri-
ficium offeramus. Atque ita collegas nos quodammodo ſuos facit in ſacerdotio.

M

Reſtat Prophetia.

P

Quum Filio Dei magiſterij collatum ſit munus in ſuos: finis eſt, vt vera e-
os Patris cognitione illuminet, erudiat eos in veritate, & domeſticos Dei diſci-
pulos efficiat.

M

Huc ergo redeunt quæ dixiſti omnia, Chriſti nomen tria officia cõprehen-
dere, quæ in Filiũ contulit Pater, vt vim eorum ac fructum in ſuos transfundat.

P

Sic eſt.

M

Cur Filium Dei vnicum nuncupas: cum hac quoque appellatione nos omnes
dignetur Deus?

P

Quòd filij Dei ſumus, non id habemus à natura, ſed adoptione & gratia
duntaxat: quòd ſcilicet nos eo loco habeat Deus. At Dominus Ieſus, qui ex ſub-
ſtantia Patris eſt genitus, vniùsque cum Patre eſſentia eſt, optimo iure Filius
Dei vniciuſ vocatur: cum ſolus ſit naturâ.

M

Intelligis ergo, hunc honorẽ, eius eſſe proprium, qui naturæ iure illi debea-
tur: nobis eum autẽ gratuito beneficio communicari, quatenus ſumus eius mēbra.

P

Om̃ino. Itaque eius communicationis intuitu, alibi nominatur Primoge-
nitus inter multos fratres.

M

Qualiter Dominum eſſe noſtrum intelligis?

P

Sicut à Patre constitutus est, ut sub imperio suo nos habeat, ut Dei Regnum administret in cœlo & in terra, sitque hominum caput & Angelorum.

M.

Quid sibi vult quod postea sequitur?

P.

Modum ostendit, quo Filius vnctus est à Patre, ut nobis esset Saluator. Nempe, quod assumpta carne nostra, ijs perfunctus est omnibus, quæ ad salutem nostram erant necessaria: sicut hîc recensentur,

M.

Quid his duabus sententijs significas, Conceptum esse ex Spiritu sancto: Natum ex Maria Virgine?

P.

Formatum in utero Virginis fuisse, ex eius substantia, ut esset verum semen Davidis, qualiter varicinijs Prophetarum prædictum fuerat: id tamen mirifica arcanâque Spiritus virtute fuisse effectum, absque virili coitu.

M.

Erātne igitur operæpretium, ut carnem nostram indueret?

P.

Maximè. Quia in obedientiam ab homine admissam in Deum, necesse erat in humana quoque natura expiari. Nec verò aliter Mediator esse noster poterat, ad conciliationem Dei & hominum peragendam.

M.

Christum ergo oportuisse hominem fieri dicis: ut tanquam in persona nostra, salutis nostræ partes impleret.

P.

Ita sentio. Nam ab ipso mutuemur oportet, quicquid nobis apud nos deest: quod fieri aliter nequit.

M.

Verum, cur id à Spiritu sancto effectum est, ac non potius communi, vilitatâque generationis forma?

P.

Quoniam penitus corruptum est humanum semen, in generatione Filij Dei intercedere Spiritus sancti opus decuit: ne hac contagione attingeretur, sed esset puritate perfectissima præditus.

M.

Hinc ergo discimus, eum qui alios sanctificat, immunem ab omni macula esse: puritatēque, ut ita loquar, originali fuisse ab utero præditum, ut totus Deo sacer esset, nulla humani generis labe inquinatus.

P.

Sic intelligo.

M.

Cur à natalibus protinus ad mortem, omiſſa totius vitæ historia, trāsſilis?

P.

Quia hîc non tractantur, nisi quæ redemptionis nostræ ita sunt propria, ut eius substantiam quodammodo in se contineant.

M.

Cur non simpliciter vno verbo Mortuum fuisse dicis: sed Præsidis quoque nomen adiicis, sub quo sit passus?

P. Id

P.

Id non ad historiae fidem modo spectat, sed ut sciamus mortem eius coniunctam cum damnatione fuisse.

M.

Expone hoc clarius.

P.

Mortuus est, ut poena nobis debita defungeretur: atque hoc modo ab ea nos eximeret. Quum autem omnes nos, sicuti peccatores sumus, obnoxij essemus Dei iudicio, quò vicem nostram subiret, sisti in còspectum terreni iudicis voluit, damnarique eius ore, ut coram cœlesti Dei tribunali absolueremur.

M.

Atqui in fontem Pilatus eum pronuntiat: itaque non damnat pro malefico.

P.

Vtrumque animadvertere convenit. Ideo enim eius innocentiae testimonium reddit iudex, ut testatum fiat, non ob propria ipsius maleficia, sed nostra solenni tamen ritu interea damnatur eiusdem sententia, ut patam fiat, iudicium quod merebamur, tanquam vadem nostrum subiri, quò nos à reatu liberet.

M.

Benedictum. Nam si peccator esset, non idoneus vas esset, ad soluendam alieni peccati poenam. Ut tamen eius damnatio nobis in absolutionem cederet, censeri eum inter maleficos oportuit.

P.

Sic intelligo.

M.

Quòd crucifixus fuit, an plus habet momenti, quàm si alio quolibet mortis genere affectus foret?

P.

Omnino: quemadmodum etiam admonet Paulus, dum in ligno suspensum scribit, ut nostram in se maledictionem susciperet, quò ab ea solueremur. Genus enim illud mortis, execratione damnatum erat.

M.

Quid? an non irrogatur Filio Dei contumelia, quum dicitur maledictioni fuisse subiectus, etiam coram Deo?

P.

Minimè. Siquidem eam recipiendo, abolevit: nec verò de fuit interea esse benedictus, quò nos sua benedictione perfunderet.

M.

Prosequere.

P.

Quandoquidem mors, supplicium erat homini impositum, peccati causa, eam Filius Dei pertulit, & perferendo vicit. Atque ut melius patet fieret vera morte ipsum desungi, collocari in sepulchro, instar aliorum hominum voluit.

M.

Verum, nò videtur quicquam ad nos utilitatis ex hac victoria redire, quum nihilominus moriamur.

P.

Nihil id obstat. Neque enim aliud nunc est mors fidelibus, quàm transitus in vitam meliorem.

M.

Hinc sequitur, non amplius exhorrendam esse mortem, ac si res esset formidabilis: sed intrepido animo sequendum esse ducem nostrum, Christum: qui si-
cut non perijt in morte, ita perire nos non patietur.

P.

Sic agendum est.

M.

Quod de eius ad inferos descensu mox adieclum est, quem sensum habet?

P.

Eum non communem tantum mortem fuisse perpeßsum, quæ est animæ à corpore separatio: sed etiam dolores mortis, sicut Petrus vocat. Hoc autem nomine horribiles angustias intelligo, quibus eius anima constricta fuit.

M.

Cedo mihi huius rei causam ac modum?

P. id est,

Quia ut pro peccatoribus satisfaceret coram Dei tribunali se sistebat, tor-
queri hac anxietate eius conscientiam oportebat, ac si derelictus à Deo esset: imò
ac si Deum haberet infestum, In his angustiis erat, quum exclamaret ad Patrem:
Deus meus, Deus meus, ut quid dereliquisti me?

M.

Erátne igitur illi offensus Pater?

P.

Nequaquam. Sed hanc in eum seueritatem exercuit, ut impleretur quod
prædictum fuerat per Isaiam: Ipsum percussum fuisse manu Dei propter peccata
nostra: vulneratum propter iniquitates nostras.

M.

Verum Deus quum sit, qui potuit eiusmodi pauore corripi, ac si derelictus
à Deo esset?

P.

Sic habendum est: secundum humanæ naturæ affectum, eò redactum fuisse
necessitatus. Quod ut fieret, paulisper interea de lite scebat eius diuinitas: hoc est,
vim suam non exerebat.

M.

Quod tamen fieri rursus potest, ut Christus qui salus est mundi, huic dam-
nationi subiectus fuerit?

P.

Non ita illam subiit, ut sub ea maneret. Sic enim istis, quos dixi, pauro-
bus correptus fuit, ut non fuerit oppressus: sed potius luctatus cum potestate in-
ferorum, eam subegit ac fregit.

M.

Hinc colligimus, quid differat conscientia tormentum quod sustinuit, ab
eo quo cruciantur peccatores, quos Dei irati manus persequitur. Nam quod in il-
lo temporarium fuit, in ijs est perpetuum: & quod illi vice duntaxat aculei fuit ad
eum pangendum, in ijs est lethalis gladius, ad cor, ut ita dicam, sauciandum.

P.

Sic est. Neque enim eiusmodi angustiis obsessus Filius Dei, sperare in Pa-
trem desuit. At peccatores, Dei iudicio damnati, in desperationem ruunt, fre-
munt aduersus ipsum, & usque ad apertas blasphemias prosiliunt.

M. Hincne

M.

Hincne possumus elicere, quem ex Christi morte fructū percipiat fideles?

P.

Omnino. Ac principio quidem, videmus esse Sacrificium, quo peccata nostra expiauit coram Deo, atque ita placata ira Dei, nos cum eo in gratiam reduxit. Deinde sanguinem eius lauacrum esse, quo anima nostra maculis omnibus purgatur. Postremo, deletam esse peccatorum nostrorum memoriam, ne vnquam in Dei conspectum veniant: atque ita indultum, abolitūque fuisse chirographum, quo rei tenebamur.

M.

Nihilne præterea utilitatis nobis affert?

P.

Imò verò. Nam & eius beneficio, siquidem vera simus membra Christi, vetus homo noster crucifigitur: aboletur corpus peccati, ne amplius regnent prava carnis concupiscentia in nobis.

M.

Perge in reliquis.

P.

Sequitur: Tercio ipsum die resurrexisse ex mortuis: quo victorem se peccati & mortis demonstravit. Sua enim resurrectione mortem deglutivit, abrupit Diaboli vincula, & totam eius potentiam redegit in nihilum.

M.

Quotuplex ex hac resurrectione fructus nobis provenit?

P.

Triplex. Nam & iustitia nobis per eam acquisita: & certum nobis est pignus futurae nostrae immortalitatis: & iam nunc eius virtute suscitamur in vitam novitatem, ut purè sanctèque viuendo, Dei voluntati obsequamur.

M.

Persequamur reliqua.

P.

Ascendit in cælum.

M.

Sed an ascendit, ut non sit amplius in terra?

P.

Sic. Postquam enim omnibus perfunctus fuerat, quæ illi à Patre iniuncta fuerant, quæ que in salutem nostram erant, nihil opus erat diutius eum in terris versari.

M.

Quid ex hac ascensione boni consequimur?

P.

Duplex est fructus. Nam quatenus cælum ingressus est Christus. nostro nomine sicut in terram nostra causa descenderat, aditum illuc nobis quoque patefecit: ut iam aperta sit nobis ianua, quæ propter peccatum antè clausa erat. Deinde in conspectu Dei comparet pro nobis intercessor & patronus.

M.

Verum, an Christus in cælum se recipiendo sic à nobis recessit, ut iam nobiscum esse desierit?

P.

Minimè. Contrà enim recepit, se nobiscum fore, usque ad finem seculi.

M.

Quòd autem nobiscum habitat, idne de corporis presentia intelligendum?

P.

Non. Alia enim ratio est corporis, quod in cælum receptum est: alia virtutis, quæ ubique est diffusa.

M.

Quo sensu eum dicis sedere ad Patris dexteram?

P.

Hæc verba significant, Patrem illi cæli & terræ imperium contulisse: ut omnia gubernet.

M.

Quid autem tibi significat Dextera, & quid hæc Sessio?

P.

Similitudo est à Principibus sumpta, qui ad dexteram suam collocare solent, quibus vices suas commendant.

M.

Non ergo aliud intelligis, quàm quod tradit Paulus: nempe, constitutum esse Christum caput Ecclesie, & supra omnes principatus euectum, nomen adeptum esse, quod sit supra omne nomen.

P.

Ita ut dicis.

M.

Transeamus ad alia.

P.

Inde venturus est ad iudicandum vivos & mortuos. Quorum verborum sensus est, palam è cælo venturum ad iudicandum orbem: sicut ascendere visus est.

M.

Quum iudicij dies futurus non sit ante finem seculi, quomodo tunc ex hominibus fore aliquos superstites dicis: quandoquidem omnibus constitutum est semel mori?

P.

Hanc questionem soluit Paulus, quum eos qui tunc supererunt subita mutatione innouatū iri tradit: ut abolita carnis corruptione, induant incorruptionem.

M.

Tu ergo hanc mutationem, mortis instar illis fore intelligis: quòd primæ naturæ futura sit abolitio, & alterius nouæ initium.

P.

Sic sentio.

M.

An aliquod inde gaudium recipiunt nostræ conscientie, quòd Christus semel futurus sit mundi iudex?

P.

Recipiunt, & quidem singulare. Certò enim non nisi in salutem nostram venturum scimus.

M.

Non ergo reformidare nos conuenit hoc iudicium, ut nobis horrorem incutiat.

P.

Mini-

Minimè verò: quando non nisi ad eius iudicis tribunal stabimus, qui patronus quoque noster est: quique nos in fidem clientelamque suam suscepit.

M.

Veniamus iam ad tertiam partem.

P.

Ea est de fide in Spiritum sanctum.

M.

Quid verò nobis confert?

P.

Nempe huc spectat, ut nouerimus, Deum, sicuti nos per Filium redemit & seruauit, ita per Spiritum facere nos huius redemptionis ac salutis compotes.

M.

Quomodo?

P.

Quemadmodum purgationem habemus in Christi sanguine, sic eo aspergi conscientias nostras necesse est, ut abluantur.

M.

Hoc clariori etiamnum expositione indiget.

P.

Intelligo Spiritum Dei, dum in cordibus nostris habitat, efficere ut Christi virtutem sentiamus. Nam ut Christi beneficia mente concipiamus, hoc fit Spiritus sancti illuminatione: eius persuasionem fit, ut cordibus nostris obsignentur. Denique, solus ipse dat illis in nobis locum. Regenerat nos, facitque ut simus nouæ creaturæ. Proinde, quacumque nobis offeruntur in Christo dona, ea Spiritus virtute recipimus.

M.

Pergamus.

P.

Sequitur quarta pars, in qua confitemur nos credere vnā sanctam Ecclesiam Catholicam.

M.

Quid est Ecclesia?

P.

Corpus ac societas fidelium, quos Deus ad vitam æternam prædestinauit.

M.

Estne hoc etiam caput creditu necessarium?

P.

Imo verò: nisi facere velimus otiosam Christi mortem, & pro nihilo ducere quicquid hætenus relatum est. Hic enim vnus est omnium effectus, ut sit Ecclesia.

M.

De causa ergo salutis fuisse hætenus tractatum, eiusque fundamentum ostensum intelligis, quum exponeres, Christi meritis & intercessionem, nos fuisse in amorem à Deo receptos: & hanc gratiam, Spiritus virtute in nobis confirmari. Nunc verò explicari horum omnium effectum, quò certior ex re ipsa fides cõstet.

P.

Ita res habet.

M.

Porrò Ecclesiam quo sensu nominas sanctam?

P.

Quia scilicet quoscunque elegit Deus, eos iustificat reformatque in sancti

tatem ac vitæ innocētiā, quò in illis reluceat sua gloria. Atque id est quod vult Paulus, quum admonet, Christum, Ecclesiam quam redemit, sanctificasse, ut sit gloriosa puraque ab omni macula.

M.

Quid sibi vult epitheton Catholicæ vel vniuersalis?

P.

Eo docemur, sicut vnum est fidelium omnium caput, ita omnes in vnum corpus coalescere oportere, ut vna sit Ecclesia per totum orbem diffusa: non plures.

M.

Quid autem valet illud, quod cont inuò de sanctorum communione additur?

P.

Ad exprimendam clarius, quæ inter Ecclesiæ membra est, vnitatem, hoc positum est. Simul indicatur, quicquid beneficiorum largitur Deus Ecclesiæ, in commune omnium bonum spectare: quum inter se omnes communionem habeant.

M.

Verum, estne hæc quam Ecclesiæ tribuis, sanctitas, iam perfecta?

P.

Nondum: quandiu scilicet in hoc mundo militat. Laborat enim semper infirmitatibus: nec vnquam vitiorum reliquijs penitus purgabitur, donec Christo, suo capiti, à quo sanctificatur, ad plenum adhæreat.

M.

Potestne autem hæc Ecclesia aliter cognosci, quàm quum fide creditur?

P.

Est quidem & visibils Dei Ecclesia, quam nobis certis indicijs notisque descripsit: sed hic propriè de eorum cōgregatione agitur, quos arcana sua electione adoptauit in salutem. Ea autem nec cernitur perpetuò oculis, nec signis digno scitur.

M.

Quid deinde sequitur?

P.

Credo remissionem peccatorum.

M.

Quid tibi Remissionis verbum significat?

P.

Deum gratuita sua bonitate ignoscere ac condonare peccata fidelibus, ne in iudicium vocentur, aut exigatur de illis pœna.

M.

Hinc sequitur, nos satisfactionibus proprijs nequaquam promereri quam à Domino peccatorum veniam obtinemus.

P.

Verum. Vnus enim Christus pœnam soluendo, satisfactione defunctus est. Quantum ad nos, nihil nobis compensationis suppetit, quod Deo offeramus: sed ex mera eius liberalitate, gratuitum hoc beneficium recipimus.

M.

Cur peccatorum remissionem subneclis Ecclesiæ?

P.

Quia eam nemo consequitur, quin & conuictus fuerit antè populo Dei: & vnitatem cum Christi corpore perseueranter ad finem vsque colat: eoque modo testatum faciat, verum se esse Ecclesiæ membrum.

M. Hac

M.

Hac ratione constituis, extra Ecclesiam non nisi damnationem & exitum esse?

P.

Omnino. Qui enim discessionem faciunt à Christi corpore, factionibùsque scindunt eius unitatem, ijs spes omnis salutis præcisa est, quantisper manent in eiusmodi dissidio.

M.

Recita quod superest.

P.

Credo resurrectionem carnis, & vitam æternam.

M.

Quorsum hoc caput in fidei confessione ponitur?

Vt admoneamur, non esse sitam in terra nostram felicitatem. Cuius cognitionis duplex est utilitas ac usus. Inde primùm docemur, ita hunc mundum nobis incolendum esse, tanquam inquilinis, ut de migratione assidue cogitemus, nec corda nostra sinamus implicari cogitationibus terrenis. Deinde, vicinque adhuc nos lateat, & ab oculis nostris absconditus sit fructus gratiæ in Christo nobis collata, ne propterea despondeamus animos: sed patienter sustineamus usque ad diem revelationis.

M.

Quæ porrò huius resurrectionis erit series?

P.

Qui antè mortui fuerint, recipient sua corpora, eadem scilicet quæ gestarunt: sed prædita noua qualitate: hoc est, non amplius obnoxia morti nec corruptioni. Qui autè tunc erunt superstites, eos subita mutatione Deus mirabiliter excitabit.

M.

Sed eritne piorum simul & impiorum communis?

P.

Vna omnium erit resurrectio: sed conditio diuersa. Alij enim in salutem ac beatitudinem resurgent: alij in mortem & extremam miseriam.

M.

Cur ergo sola hîc vita æterna commemoratur: inferorum nulla mentio?

P.

Quoniam nihil hîc, nisi quod ad consolationem piarum mentium faciat, habetur: ideo recensentur tantummodo præmia, quæ seruis suis Dominus præparauit. Itaque, non additur, quæ fors impios maneat, quos scimus à regno Dei alienos esse.

M.

Ex quo fundamentum tenemus, cui inniti fides debet, inde elicere veræ fidei definitionem promptum erit.

P.

Ita est: Sic autem definire licet, ut dicamus certam esse ac stabilem cognitionem paternæ erga nos Dei benevolentia, sicut per Euangelium Patrem se nobis, Christi beneficio, ac Seruatorem fore testatur.

M.

Eàmne concipimus à nobis, an à Deo recipimus?

P.

Docet Scriptura, singulare esse Dei donum; & experientia id confirmat.

M.

Quam mihi experientiam dicis?

P.

Nempe, rudior est mens nostra, quam ut capere spirituales Dei sapientiam queat, quæ nobis per fidem reuelatur; & corda nostra propensiora sunt, vel ad diffidentiam, vel ad peruersam nostri & creaturarum confidentiam, quam ut in Deo, suo pte motu acquiescant. Verum, Spiritus sanctus illuminatione sua capaces nos intelligendi facit ea, quæ captum nostrum longè alioqui excederent: nosque ad certam persuasionem format, salutis promissiones cordibus nostris obsignando.

M.

Quid nobis boni oritur ex hac fide, quum semel eam assequuti sumus?

P.

Iustificat nos coram Deo: & hac iustitia hæredes nos vitæ æternæ facit.

M.

Quid? annon bonis operibus iustificantur homines, quum sanctè & innocentè viuendo, approbare se Deo student?

P.

Si quisquam vsque adeò perfectus inueniretur, meritò censeri iustus posset: verum, quum omnes simus peccatores, multis modis rei coram Deo, aliunde quærenda nobis est dignitas, quæ nos illi conciliet.

M.

Verum, itane sordent, & adeò nullius pretij sunt omnia hominum opera, ut gratiam coram Deo promereri nequeant?

P.

Principiò, quæcunque à nobis manant, ut nostra propriè dicantur, vitiosa sunt: ac proinde nihil possunt, quam Deo displicere, & ab eo rejci.

M.

Dicis ergo, antequam renati simus, reformatique Dei spiritu, nihil posse nos quam peccare: quemadmodum arbor mala non nisi malos fructus profert.

P.

Prorsus ita est. Nam qualemcunque speciem habeant in oculis hominum: mala sunt nihilominus, quandiu cor prauum est, quod præcipuè Deus intuetur.

M.

Hinc constituis, non posse nos ullis meritis Deum præuenire, aut prouocare eius beneficentiam. Quin potius quicquid tentemus aut aggrediamur operum, iræ ac damnationi eius subiacere.

P.

Sic sentio. Itaque mera sua misericordia, nullòque operum respectu nos gratis amplectitur in Christo, acceptò que habet, illius iustitiam nobis acceptam ferendo, ac si nostra esset: peccata verò nostra nobis non imputando.

M.

Qualiter ergo dicis iustificari nos fide?

P.

Quoniam dum certa cordis fiducia amplectimur Euangelij promissiones, huius, quam dico, iustitiæ possessionem quodammodo adipiscimur.

M.

Hoc ergo vis: iustitiam, ut nobis per Euangelium offertur à Deo, ita fide à nobis recipi.

P. Sic

P.

Sic est.

M.

Verum, ex quo nos semel amplexus est Deus, ánon illi accepta sunt opera, quæ Spiritu sancto nos dirigente facimus?

P.

Placent illi: non propriæ tamen dignitatis merito, sed quatenus suo favore liberaliter ea dignatur.

M.

Atquæ, quum à Spiritu sancto prodeant, ánon favorem promerentur?

P.

At non nihil semper inquinamenti ex infirmitate carnis admixtum est, quo vitiantur.

M.

Vnde igitur, aut qua ratione fiet, ut Deo placeant?

P.

Sola est fides, quæ gratiam illis conciliet: quum huic fiduciæ certò innitimur non ventura esse ad calculum summi iuris, quòd Deus ad severitatis suæ regulam exigere ipsa nolit: sed obsecris eorum vitij, & sordibus, Christi puritate conspulis, eo loco habeat, ac si perfectæ essent & absoluta.

M.

Verum, an inde colligemus, operibus iustificari hominem Christianum postquam à Deo vocatus est: aut operum merito consequi, ut à Deo diligatur: cuius dilectio vita æterna nobis est?

P.

Nequaquam. Quin potius teneamus quod scriptum est, neminem mortalium iustificari coram Deo posse: atque ideo deprecemur, ne in iudicium nobiscum intret.

M.

Non tamen bona fidelium opera inutilia esse propterea iudicabimus.

P.

Minimè verò. Neque enim frustra mercedem illis Deus, tum in hoc mundo, tum in futura vita pollicetur. Verum ex gratuito Dei amore, tanquam ex fonte, emergit hæc merces: quia nos scilicet primum amplectitur in filios: deinde, conspulta vitiorum nostrorum memoria, quæ ex nobis produnt, favore prosequitur.

M.

Sed an sic à bonis operibus separari hæc iustitia potest, ut qui hanc habet, illis careat?

P.

Fieri hoc nequit. Nam quum recipiamus fide Christum, qualem se nobis offert: ipse verò non liberationem tantum nobis à morte & reconciliationem cum Deo promittat, sed Spiritus sancti simul gratiam, qua in vita novitatem regeneremur: hæc coniungi necesse est, ne Christum à seipso distrahamus.

M.

Hinc sequitur, fidem esse radicem, ex qua nascantur omnia bona opera: tantum abest, ut ab eorum studio nos reuocet.

P.

Omnino sic est: ac proinde tota Evangelij doctrina duobus his membris continetur: Fide & Pœnitentia.

M.

Quid est Pœnitentia?

P.

Displacencia odiûmque peccati, & amor iustitiæ, ex Dei timore profecta, quæ nos ad abnegationem vsque nostri, carnisque mortificationem adducant, ut spiritu Dei regendos nos tradamus, ac omnes vitæ nostræ actiones ad diuinæ voluntatis obsequium comparemus.

M.

Hoc verò secundum membrum fuit, in diuisione quam initio posuimus, quum tu rationem ostenderes ritè colendi Dei.

P.

Verum: ac simul additum fuit, veram hanc ac legitimam esse regulam colendi Dei, ut eius voluntati obsequamur.

M.

Quì sic?

P.

Quoniam is demum illi probatur cultus, non quem configere nobis libuerit: sed quem suo ipse arbitrio præscripserit.

M.

Quam autem viuendi regulam nobis posuit?

De lege.

P.

Legem suam.

M.

Quid ea continet?

P.

Duabus partibus constat: quarum prior quatuor habet præcepta: altera, x. Ita decem omnino præceptis constat tota lex.

M.

Quis huius diuisionis est author?

P.

Deus ipse, qui in duas tabulas descriptam Moysi tradidit, & sæpe testatus est redigi in decem verba.

M.

Argumentum prioris tabulæ quale est?

P.

De pietatis erga Deum officijs.

M.

Secundæ verò?

P.

Qualiter sit agendum cum hominibus: & quid illis debeamus.

M.

Recita præceptum vel caput primum.

P.

Audi Israel: Ego sum Iehoua Deus tuus, qui te eduxi ex terra Aegypti, Domo seruitutis. Non habebis deos alienos coram me.

M.

Nunc sensum verborum expone.

P.

Initio quadam veluti præfatione vititur in totam Legem. Nam quum Iehouam se nominat, ius sibi vendicat & auctoritatem iubendi. Deinde, quò Legi sue gratiam apud nos conciliet, addit, se Deum esse nostrum. Perinde enim valent hæc verba, ac si Seruatorem nostrum se vocaret. Hoc autem beneficio quum nos dignetur, par est, vt nos illi vicissim exhibeamus in populum obsequentem.

M.

Verum, quod cōtinuò de liberatione subiicit, & fracto iugo seruitutis Aegyptiacæ, annon ad Israeliticum populum, & eum quidem solum, peculiariter spectat?

P.

Fateor quoad corpus: verum, est alterum liberationis genus, quod ad omnes peræquè homines pertinet. Nos enim omnes ex spiritali peccati seruitute, & Diaboli tyrannide asseruit.

M.

Cur eius rei meminit, cum in Legem suam præfari vellet?

P.

Vt nos commonefaciat, summæ ingratitude reos fore, nisi totos illi nos in obsequium addixerimus.

M.

Quid autem hoc primo capite exigit?

P.

Vt suum illi soli honorem in solidum asseramus: neque vllam eius partem transferamus aliò.

M.

Quis honor illius est proprius, quem aliò transcribere sit nefas?

P.

Eum adorare, collocare in ipso nostram fiduciam, inuocare ipsum, illi denique omnia deferre, quæ in eius maiestatem competunt.

M.

Quorsum hæc particula adiecta est, Coram facie mea?

P.

Cum nihil tam reconditum sit, quod eum lateat: sitque occultarum cogitationum cognitor ac iudex: significat, non externæ modò confessionis honorem requirere: sed veram quoque pietatem cordis.

M.

Transeamus ad secundum caput.

P.

Non sculpes tibi simulacrum, neque imaginem vllam effinges eorum quæ aut in cælo sunt sursum, aut deorsum in terra, aut in aquis sub terra. Non adorabis ea, neque coles.

M.

Prohibetne in totum, ne aliqua pingantur aut sculpantur imagines?

P.

Non: sed duo tantum hîc vetat, ne quas faciamus imagines, vel Dei effigendi, vel adorandi causa.

M.

Cur Deum non licet visibili figura exprimere?

P.

Q. i.

Quia nihil inter eum, qui Spiritus est aternus, ac incòprehensibilis, & corpoream, corruptibilem, mortuamque figuram simile est.

M.

Iniuriam ergo fieri censes eius maiestati, cum in hunc modum representatur.

P.

Sic sentio.

M.

Quenam hic adorationis species damnatur?

P.

Quum ad statuam vel imaginem nos conuertimus precaturi, coram ea nos prosternimus: genuum flexione, aut alijs signis exhibemus illi honorem, ac si Deus illic se nobis representaret.

M.

Non ergo quamlibet simpliciter picturam vel sculpturam his verbis damnari intelligendum est: sed tantum imagines prohibemur facere in hunc finem, ut in illis Deum vel quæramus, vel colamus: siue, quod idem est, eas colamus in Dei honorem: aut quoquo modo illis ad superstitionem & idololatriam abutamur.

P.

Verum.

M.

Nunc in quem finem caput hoc referemus?

P.

Quemadmodum superiore vnum se esse denuntiavit, quem coli oporteat & adorari: ita nunc quæ recta sit adorationis forma ostendit, quò nos ab omni superstitione, alijsque vitiosis & carnalibus figmentis reuocet.

M.

Pergamus.

P.

Sanctionem adiungit: se Iehouam esse Deum nostrum, fortem, & zelotypum, qui vindicet iniquitatem patrum in filios, usque in tertiam & quartam generationem, eorum qui se oderint.

M.

Cur mentionem fortitudinis suæ facit?

P.

Eo significat, se ad gloriam suam vindicandam satis habere potentiæ.

M.

Quid zelotypiæ vocabulo indicat?

P.

AEqualem aut socium ferre non posse. Nam ut se nobis, pro infinita sua bonitate, donauit: ita nos vult esse prorsus suos. Atque hæc animarum nostrarum est castitas, illi dicatas esse, & penitus adharere: sicut rursum adulterio polui dicuntur, dum ab eo ad superstitionem defleunt.

M.

Quo sensu hoc dictum est, Vlcisci patrum iniquitatem in filios?

P.

Quò plus nobis incutiat terroris, non tantum de ijs qui offenderint, pœnas sumpturum se minatur: sed eorum quoque sobolem fore maledictam.

M. At-

M.

Atqui an hoc Dei æquitati consentaneum est, quemque punire propter alterius noxam?

P.

Si qualis sit humani generis conditio, reputamus, soluta est quaestio. Natura enim maledictioni obnoxij sumus omnes: nec est quod de Deo conqueramur, quum in hac sorte nos relinquit. Iam verò, sicut suam erga pios dilectionem, eorum posteritati benedicendo demonstrat: ita suam aduersus impios vindictam, eorum filios hac benedictione priuando, exequitur.

M.

Perge.

P.

Quò nos amabili etiam suauitate alliciat, misericordia vsurum se promittit erga omnes, qui se diligunt, suáque mādāta obseruant, in mille generationes.

M.

Intelligitne pij hominis innocentiam, posteris omnibus, quanuis impijs, saluti fore?

P.

Nequaquam: sed hoc modo, suam benignitatem eò vsque se effusurum erga fideles, vt in eorum gratiam, eorum quoque se liberis benignum exhibeat: non tantum res eorum prosperando, quoad praesentem vitam: sed animas quoque ipsorum sanctificando, quò in grege suo censeantur.

M.

Atqui hoc perpetuum non esse apparet.

P.

Fateor. Quemadmodum enim liberum hoc sibi retinet, vt misericordem se, cum libuerit, impiorum liberis exhibeat: ita suam gratiam non adeò astrinxit fidelium liberis, quin pro suo arbitrio repudiet ex illis quos visum fuerit: sic tamen id temperat, vt promissionem hanc non vanam esse nec fallacem constet.

M.

Cur mille hinc generationes: in poena verò damnatione tres duntaxat aut quatuor nominat?

P.

Quò significet, se ad humanitatem magis & beneficentiam, quam ad seueritatem propensum esse. Sicut etiam alibi testatur, quum se ad ignoscendum facilem esse dicit, tardum verò ad iram.

M.

Iam ad tertium.

P.

Non vsurpabis nomen Iehouæ Dei tui frustra.

M.

Quis sensus?

P.

Vetat ne Dei nomine abutamur, non peierando tantum, sed prater necessitatem iurando.

M.

Esne aliquis nominis Dei vsus legitimus in iureiurando?

P.

Imo verò: cum adhibetur ex iusta causa. Primum, asserenda veritati: deinde cum eius momenti est negotium, ut iurare par sit, ad mutuam inter homines tuendam charitatem & concordiam.

M.

Verum, annon longius spectat, quam ad cohibenda iuramenta, quibus profanatur Dei nomen, aut imminuitur eius honos?

P.

Proposita una specie, in uniuersum nos admonet, ne vnquam in medium à nobis proferatur Dei nomen, nisi cum timore ac reuerentia, & in eum finem, ut gloriosum appareat. Nam quum sit sacrosanctum, cauere debemus omnibus modis, ne aut ipsum contemptui habere videamur, aut alijs occasionem contemnendi præbeamus.

M.

Quomodo hoc fiet?

P.

Si de Deo, eiusque operibus non aliter cogitemus aut loquamur, quam in eius honorem.

M.

Quid sequitur?

P.

Sanctio, qua non fore innocentem denuntiat, qui nomen suum in vanum usurpauerit.

M.

Cum alibi pronuntiet, se in Legis suæ transgressores vindicaturum, quid hic amplius continetur?

P.

Eo voluit indicare, quanti nominis sui gloriam faciat: quò eius studiosiores sumus, dum videmus paratam fore ultionem, si quis eam profanauerit.

M.

Veniamus ad quartum præceptum.

P.

Recordare diem Sabbathi, ut eum sanctifices. Sex diebus operaberis, & facies omne opus tuum. Septimus verò, Sabbathum est Domini Dei tui. Non facies in eo vllum opus, nec seruus tuus, nec ancilla, neque bos, neque asinus, neque iuquilius qui habitat inter^{va} portas tuas. Nam sex diebus perfecit Deus cælum, & terram, & mare, & quicquid in illis continetur: septimo quieuit. Itaque benedixit diei Sabbathi, & eum sanctum sibi segregauit.

M.

Iubetne sex diebus laborare, ut septimo quiescamus?

P.

Non simpliciter: verum sex dies hominum laboribus permittens, septimum excipit, ut quieti destinetur.

M.

An quemvis laborem nobis interdicit?

P.

Hoc præceptum separatam & peculiarem habet rationem. Siquidem quietis observatio, pars est veterum ceremoniarum: itaque, Christi aduentu abrogata fuit.

M. Di-

M.

Dicisne præceptum hoc ad Iudæos propriè spectare, ideóque temporarium duntaxat fuisse?

P.

Nempe: quatenus ceremoniale est.

M.

Quid ergo? subestne aliquid præter ceremoniam?

P.

Tribus ex causis datum fuit.

M.

Cedo mihi eas.

P.

Ad spirituales quietem figurandam: ad conservationem politiæ Ecclesiasticæ: ad servorum subleuationem.

M.

Quid per spirituales quietem intelligis?

P.

Dum à proprijs operibus feriamur: quò Deus in nobis sua opera peragat.

M.

Quæ porrò ferendi ratio?

P.

Si carnem nostram crucifigimus: hoc est, renuntiamus nostro ingenio, ut Dei spiritu gubernemur.

M.

An id septimo quoque die fieri satis est?

P.

Imò continenter. Nam ex quo semel cœperimus, peragendum est toto vitæ cursu.

M.

Cur ergo eius significationi destinatur certus dies?

P.

Nihil necesse est per omnia congruere veritatem cum figura: modò conveniat, quantum satis est ad rationem figurandi.

M.

Cur tamen septimus potius dies præscribitur, quàm alius quilibet?

P.

Numerus hic perfectionem in Scriptura designat. Itaque ad notandam perpetuitatem aptus est. Simul indicat, spirituales hanc quietem inchoari duntaxat in hac vita, nec antè perfectam fore, donec è mundo migremus.

M.

Verum, quid hoc sibi vult, quòd suo nos exemplo ad quiescendum hortatur Dominus.

P.

Cùm mundi creationi finem intra sex dies imposuisset: septimum operum suorum considerationi dicavit. Ad id quo nos acrius stimulet, suum nobis exemplum proponit. Nihil enim magis expetendum, quàm ut nos ad eius imaginem formemur.

M.

Verum, continuane esse debet operum Dei meditatio, an ex septenis quibusque diebus vnum illi destinari sufficit?

P.

Exerceri quidem nos quotidie in ea decet: verum, imbecillitatis nostrae causa, dies vnus peculiariter statuitur. Atque hæc politia est, quam dixi.

M.

Quis igitur eo die seruandus est ordo?

P.

Vt populus ad audiendam Christi doctrinam, ad frequentandas publicas preces, ad edendam fidei suæ professionem conueniat.

M.

Nunc expone quod dixisti, Dominum hoc præcepto seruorum quoque subleuationi prospicere voluisse.

P.

Vt eis qui sub aliena potestate sunt, aliquid laxamenti detur. Quinetiam hoc ad retinendam communem politiam valet. Nam vbi dies vnus quieti assignatur, ita se quisque ad laborandum in reliquum temporis assuefacit.

M.

Videamus iam, quatenus ad nos spectet hoc mandatum.

P.

Quoad ceremoniam, cum in Christo extiterit eius veritas, abrogatam esse dico.

M.

Quomodo?

P.

Nempe, quia mortis eius virtute vetus homo noster crucifigitur, nosque excitamur in vitæ nouitatem.

M.

Quid ergo ex præcepto nobis restat?

P.

Ne sancta instituta, quæ ad spiritualem Ecclesiæ politiam faciunt, negligamus: præsertim verò, vt sacros conuentus ad audiendum Dei sermonem, ad mysteria celebranda, ad solennes preces, sicut erunt ordinati, frequentemus.

M.

Atqui, nihilne amplius figura nobis conducit?

P.

Imò verò. Ad suam enim veritatem reuocanda est. Vt scilicet insitⁱⁿ Christi corpus, factique eius membra, desinamus à proprijs operibus, atque ita Dei gubernationi nos resignemus.

M.

Transeamus ad secundam tabulam.

P.

Eius initium est, Honora patrem & matrem.

M.

Quid tibi significat hinc vox Honoris?

P.

Vt cum modestia & humilitate morigeri sint & obsequentes filij parentibus, vt eos reuerenter colant: vt iuuent in necessitate, suâque illis operas impendant. His enim tribus membris continetur qui debetur parentibus honor.

M. Perge

M.

Perge modò.

P.

Adiicitur mandato promissio: Ut prorogentur dies tui super terram, quam daturus est tibi Dominus Deus tuus.

M.

Quis sensus?

P.

Diu beneficio Dei victuros, qui debitum parentibus honorem præstiterint.

M.

Cum tot arumnis referta sit hac vita: tur beneficij loco, longam eius durationem nobis pollicetur Deus?

P.

Quantifcunque miserijs sit obnoxia: Deitamen benedictio est erga fideles, vel hac una de causa, quòd paterni eius fauoris argumentum est, dum eos hic alit & conseruat.

M.

Sequitur ne è conuerso eum qui citò & ante iustam ætatem ex hoc mundo eripitur, à Deo maledictum esse?

P.

Minimè. Quin potius accidit interdum, ut quòd quisque magis diligitur à Deo, eò citius recipiatur ex hac vita.

M.

Atqui, sic agendo, qualiter promissioni suæ satisfacit?

P.

Quicquid nobis terrestrium bonorum Deus promittit, sub hac conditione accipere conuenit: quatenus in bonum animæ nostræ, salutemque expedit. Effset enim ordo valde præposterus, nisi semper antecederet animæ ratio.

M.

Quid de ijs qui parentibus fuerint contumaces?

P.

Non in extremo tantum iudicio punientur: sed hic quoque in eorum corpora Deus vindicabit, aut hinc omnes tollendo in medio ætatis flore, aut ignominioso mortis genere plectendo, aut alijs modis.

M.

Verum, annon de terra Chanaan nominatim promissio loquitur?

P.

Sic est, quantum ad Israelitas spectat: at nobis hoc verbum latius patet, ac extendi debet. Quamcunque enim regionem incolamus, cum Domini sit totus orbis, eam nobis assignat possidendam.

M.

Nihilne amplius restat de præcepto?

P.

Quamquam non nisi de Patre & matre verba sonant, intelligendi sunt tamen omnes qui nobis præsunt: quando eadem ipsorum est ratio.

M.

Quenam illa?

P.

Nempe, quia Dominus eos in superiorè honoris gradum extulerit. Nulla enim est vel parentum, vel principum, vel præfeclorum quorumlibet autoritas, nullum

imperium, nullus honor, nisi ex Dei decreto : quia mundum sic illi placet ordinare.

M.

Recita sextum.

P.

Non occides.

M.

Nihilne aliud vetat, quàm cades perpetrare?

P.

Imò verò. Nam cum hic loquatur Deus: non externis tantum operibus legem dicit: sed animi etiam affectibus, adeoque his potissimum.

M.

Vidêris subindicare, genus esse quoddam arcane cadis, à quo hic nos Deus reuocat.

P.

Sic est. Ira enim & odium, & quauis nocendi cupiditas, cades coram Deo censetur.

M.

Satisne defuncti sumus. sineminem persequamur odio?

P.

Nequaquam. Siquidem Dominus odium damnando, & nos arcendo à quauis noxa, qua proximus noster ledatur, simul hoc se exigere ostendit, ut omnes mortales ex animo diligamus, ac fideliter ipsis tuendis conseruandisque studeamus.

M.

Iam ad Septimum.

P.

Non mœchaberis.

M.

Expone quæ sit summa.

P.

Scortationem quamlibet maledictam esse coram Deo. Proinde, nisi iram Dei velimus in nos prouocare, ab illa esse diligenter abstinendum.

M.

Nihilne præterea requirit?

P.

Respicienda semper est natura Legislatoris: quem diximus, non externo modo operi immorari, sed animi potius affectibus esse intentum.

M.

Quid ergo plus comprehendit?

P.

Ex quo tum corpora nostra, tum animæ templa sunt Spiritus sancti, ut castam vtrisque puritatem præstemus: ac proinde non externi tantum flagitij abstinentia pudici simus: sed etiam corde, verbis, gestu denique corporis & actione. Denique corpus ab omni lasciuiâ purum sit, animus ab omni libidine: ut nulla pars nostri, impudicitie sordibus sit inquinata.

M.

Veniamus ad octauum.

P.

Non furaberis.

M.

Eâne tantùm furta prohibet, quæ humanis legibus puniuntur, an longius procedit?

P.

Malas omne genus fraudandi circumueniendique artes, quibus aliena bona aucupamur, sub Furti nomine complectitur. Hic ergo vetamur, tum violenter inuolare in bona proximorum, tum per uafriem & dolum illis manum injicere, tum alijs quibuscunque obliquis rationibus ad illa occupanda conari.

M.

Satisne est manus abstinere à maleficio: an cupiditas etiam hîc damnatur?

P.

Huc semper est redeundum: quum spiritalis sit Legislator, non externa tantùm furta coercere eum uelle, sed omnia simul & consilia & studia, quæ alijs omnino incommodent: atque ipsam in primis cupiditatem: ne disciscere cum iactura fratrum expetamus.

M.

Quid ergo agendum est, ut præcepta pareamus?

P.

Danda est opera, ut suum cuique saluum sit.

M.

Nonum præceptum quod est?

P.

Non eris aduersus proximum tuum testis mendax.

M.

Prohibétne peierare in foro duntaxat: an ⁱⁿ uniuersum mentiri aduersus proximos?

P.

Sub specie una comprehenditur doctrina generalis, ne falso proximos calumniemur: ne uel maledicentia nostra & obreclationibus ledamus eius famam, aut aliquam illi noxam afferamus in suis bonis.

M.

Cur autem nominatim exprimit publica periuria?

P.

Quò maiorem nobis huius uitij horrorem incutiat. Innuat enim, si quis maledicentia & calumnijs assueuerit: inde ad periuria proclinem fore lapsus, si occasio data fuerit proximi infamandi.

M.

Vultne à maledicendo tantùm nos arcere, an etiam à malis suspicionibus, sinistrisque & iniquis iudicijs?

P.

Vtrumque, secundum rationem antè adductam, hîc damnat. Nam quod agere coram hominibus malum est, malum est coram Deo etiam uelle.

M.

Ergo quid in summa uelit, expone.

P.

Ne ad malè sentiendum de proximis, ne uel ad eos infamandos propensi simus, vetat: quin potius, hac nos æquitate & humanitate præditos esse iubet, ut de illis, quantum veritas patitur, bene sentiamus, suamque eis existimationem integram tueri studeamus.

M

Recita vltimum.

P

Non concupisces domum proximi tui: non concupisces uxorem proximi tui: non seruum, non ancillam, non bouem, non asinum, nec quicquam aliud quod ipsius sit.

M

Quum spiritualis sit tota Lex: sicut etiam antè toties dixisti: nec tantum coercendis externis operibus, sed corrigendis etiam animi affectibus posita sint superiora praecepta, quid hìc amplius additur?

P

Reliquis praeceptis voluntates atque affectus regere & moderari voluit Dominus: hic verò etiam cogitationibus, quæ nonnullam cupiditatem secum trahunt, neque tamen perueniunt ad statam usque deliberationem, legem imponit.

M

Dicisne minimas quasque cupiditates, quæ fidelibus obrepant, & ipsis veniant in mentem, peccata esse, etiam si resistant potius quàm assentiantur?

P

Constat certè, prauas omnes cogitationes, etiam si non accedat consensus: ex natura nostræ vitio prodire. Verum, hoc tantum dico, damnari hoc praecepto vitiosas cupiditates, quæ ita cor hominis titillant ac sollicitant, vt tamen non pertrahant ad firmam deliberatamque voluntatem.

M

Haecenus ergo malos quidem affectus, quibus acquiescunt homines, & subigendos se permittunt, prohibitos fuisse intelligis: nunc verò tam exactam integritatem à nobis requiri, vt nullam peruersam cupiditatem corda nostra admittant, quæ ad peccatum stimulentur.

P

Sic est.

M

Licetne iam breue totius Legis compendium colligere?

P

Maximè: siquidem eam in duo capita redigamus. Prius est: Vt eum amemus ex toto corde, ex tota anima, ex totis viribus. Alterum: Vt proximos diligamus perinde ac nosmetipsos.

M

Quid sub Dei amore continetur?

P.

Amare ipsum, sicuti Deum amare decet: nempe, vt simul & Dominus, & Pater & Seruator agnoscatur. Itaque Dei amorì adiuncta est eius reuerentia, voluntas illi obsequendi, fiducia, quæ in ipso collocanda est.

M.

Quid per Totum cor, totam animam, & totas vires intelligis?

P.

Eam æli vehementiam, vt nullis prorsus cogitationibus, nullis desiderijs, nullis studijs sit in nobis locus, quæ huic amorì aduersentur.

M.

Quis secundi capitis est sensus?

P. Quem-

P.

Quemadmodum naturâ adeò propensi ad nos amandos sumus, ut hic affectus alios omnes superet: ita proximo, um charitatem sc. regnare in nobis decet, ut nos omni ex parte gubernet, sitque omnium & consiliorum & operum regula.

M.

Quid Proximi tibi nomen significat?

P.

Non cognatos modò, & amicos, aut qui aliqua nobiscum necessitudine sunt coniuncti: sed etiam eos qui nobis incogniti sunt, adeòque inimicos.

M.

Quid autem illi coniunctionis nobiscum habent?

P.

Nimirum coniuncti sunt eo vinculo, quo vniuersum hominum genus Deus simul colligauit. Est autem id sacrosanctum & inuiolabile, quod nullius prauitate aboleri potest.

M.

Dicis igitur, si nos quispiam oderit, esse hoc eius proprium: manere nihilominus ipsam nobis proximum: eòque loco à nobis habendum esse: quia stet inuiolabilis Dei ordo, quo hæc inter nos coniunctio sancita est.

P.

Sic est.

M.

Quum formam Dei ritè colendi Lex ostendat: nõne prorsus secundum eius præscriptum viuendum est?

P.

Verum id quidem est. Atquæ ea imbecillitate laborant omnes, ut nemo quod debet, omni ex parte impleat.

M.

Cur ergo eam à nobis perfectionem exigit Deus, quæ sit facultate nostra superior?

P.

Nihil exigit, cui præstando non sumus obstricti. Cæterum, modò ad eam, quæ hîc præscribitur, viuendi formam enitamur, etiã si procul absimus à scopo, hoc est à perfectione, Dominus, quod deest, nobis ignoscit.

M.

De hominibûsne vniuersis in genere loqueris, an de fidelibus duntaxat?

P.

Qui Dei Spiritu nondum est regeatus, ne ad minimum quidem Legis apicem inchoandum, erit idoneus. Præterea, si quemdemus inueniri, qui aliqua ex parte Legi obtemperet, non tamen ideo coram Deo defunctum iudicabimus. Nam maledictos pronuntiat omnes, qui non omnia impleuerint, quæ in ea continentur.

M.

Hinc statuendum est, sicuti duo sunt hominum genera, ita duplex esse Legis officium.

P.

Omnino. Nam apud incredulos nihil aliud efficit, nisi quòd excusationem illis omnem præcludit coram Deo. Atque id est quod significat Paulus, quum eam vocat Ministerium mortis & damnationis. Erga fideles longè alium usum habet.

R

M.

Quen?

P.

Principiò, dum iustitiam operibus consequi se non posse ex ea discunt, ad humilitatem hoc modo erudiuntur: quæ vera est ad quærendam in Christo salutem preparatio. Deinde quatenus plus mulò exigit ab ipsis, quàm sint præstando, eos ad petendam à Domino virtutem sollicitat, simulque perpetui reatus commonefacit, ne superbire audeant. Postremò, fræni instar illi est, quò in Dei timore retineantur.

M.

Tametsi ergo in hac terrena peregrinatione Legi nunquam satisfacimus, non tamen hoc superuacuum esse censuimus, quòd tam exactam à nobis perfectionem flagitet. Scopum enim ad quem nos collimare, & metam ad quam nos eniti convenit, demonstrat: ut quisque nostrum pro modo collatæ sibi gratiæ, ad summam rectitudinem vitæ suam componere, & maiores subinde progressus facere, assiduo studio conetur.

P.

Sic sentio.

M.

An non perfectam in Lege omnis iustitiæ regulam habemus?

P.

Equidem adeò, ut nihil velit aliud Deus à nobis, nisi ut eam sequamur: rursum verò, irritum habeat ac repudiet, quicquid præter eius præscriptum suscipimus. Neque enim aliud sacrificium acceptum habet, quàm obedientiam.

M.

Quorsum igitur tot admonitiones, præcepta, exhortationes, quibus passim utuntur tum Prophætæ tum Apostoli?

P.

Nihil quàm mere Legis expositiones sunt, quæ ad Legis obedientiam nos manuducunt potius quàm ab ea abducant.

M.

Atqui de priuata cuiusque vocatione nihil præcipit.

P.

Quum reddere cuique quod suum est, iubet, inde colligere promptum est, quæ sint priuatim in ordine suo vitæque genere cuiusque partes. Et extant passim in Scriptura, quemadmodum dictum est, sparsæ singulorum præceptorum expositiones. Nam quòd hic Dominus summatim complexus est paucis verbis, alibi suis & plenius exequitur.

De oratione.

M.

Quum de secundæ parte diuini cultus, quæ in obsequiis obedientiæque sita est, satis disputatum fuerit, iam de tertiâ parte differamus.

P.

Diximus inuocationem esse, quum ad ipsum in quauius necessitate confugimus.

M.E-

M.

Eumne solum censes inuocandum esse?

P.

Omnino. Id enim exigit, tanquam proprium numinis sui cultum.

M.

Si ita res habet, quónam licebit modo homines ad opem nobis ferendam implorare?

P.

Magnum verò inter hæc duo discrimen est: Deum enim quum inuocamus, testamur nihil nos aliunde boni expectare, nec alibi nos collocare totum nostrum presidium: interea tamen auxilia, quoad nobis permittit, facultatèque illis nos adiuuandi contulit, quarimus.

M.

Quòd ergo ad hominum opem fidemque cōfugimus, nihil ob stare dicis, quominus vnum inuocemus Deum, quum fiducia in eos nostra minimè recumbat: nec aliter imploremus ipsos, nisi quia benefaciendi facultate eos instruendo, beneficentiæ suæ ministros nobis quodammodo destinauit Deus, quorum per manus adiuuare nos & quæ apud illos d. posuit sul fid. a, erogare nobis velit.

P.

Sic sentio. Ac proinde quicquid ab illis beneficiorum percipimus, Deo acceptum referre conuenit: sicuti re vera vnus ipse illa omnia nobis eorum ministerio largitur.

M.

Verum, annon hominibus tamen, quoties aliquid in nos officij contulerunt, habenda est gratia? Id enim ipsa naturæ equitas, & lex humanitatis dicat.

P.

Habenda prorsus, vel ob vnā hanc causam, quòd hoc ipsos honore dignatur Deus, ut quæ ex liberalitatis suæ fonte inexhausto fluunt bona, per eorum manus, tanquam per riuos ad nos deriuat. Hac enim ratione nos illis obstringit, atque id ipsum vult nos agnoscere. Itaque qui se hominibus gratum non præbet, suam in Deum quoque ingratitude hoc modo prodit.

M.

Hincne licebit colligere, perperam inuocari tum Angelos, tum Sanctos Domini seruos, qui ex hac vita demigrarunt?

P.

Licebit. Neque enim Sanctis has partes attribuit Deus, ut nobis opitulentur. Quantum verò ad Angelos spectat: tametsi eorum vititur opera in salutem nostram, non tamen à nobis vult implorari.

M.

Quicquid ergo ad ordinem à Deo institutum apè congruentèrque non quadrat, id cum eius voluntate pugnare dicis.

P.

Sic est. Certum enim infidelitatis signum est, ijs quæ dat nobis Deus, non esse contentos. Deinde si in Sanctorum, Angelorumve fidem nos conferamus, ubi nos ad se vnus Deus vocat, partemque fiduciæ, quæ tota residere in solo Deo debuerat transferamus in ipsos, in idololatriam prolabimur: quum scilicet, partiamur inter eos, quod sibi Deus in solidum vni vendicabat.

M.

Nunc de orandi ratione tractemus. Sufficietne ad orandum, lingua: an mentem etiam & cor requirit oratio?

P.

Lingua quidem non semper necessaria est: intelligentia verò & affectu nunquam carere potest vera oratio.

M.

Quo mihi argumento hoc probabis?

P.

Quandoquidem Deus Spiritus est, cum aliàs semper cor ab hominibus exigit, tum verò in oratione præsertim, qua cum ipso communicant. Quamobrem non nisi ij: qui eum in veritate inuocauerint, propinquum se fore pollicetur: ex aduerso autem execratur omnes & maledicit, qui per fictionem, & non ex animo precantur.

M.

Vanæ ergo & nihili erunt preces quacūque lingua tantùm concepta fuerint.

P.

Non id modò: sed Deo etiam summo opere displicebunt.

M.

Qualem in oratione affectum exigit Deus?

P.

Primum, vt inopiam miseriâsque nostras sentiamus: vtq̃ue is sensus mœorem in animis nostris & anxietatem generet: deinde vt vehementi serioque obtinendæ à Deo gratiæ desyderio astuemus: quæ precandi quoque ardorem in nobis accendant.

M.

A natiuone hominibus ingenio manat hic affectus, an à Dei gratia illis prouenit?

P.

Deum hic nobis subuenire necesse est. Nos enim ad vtrunque prorsus sumus stupidi. Spiritus Dei est, qui inenarrabiles gemitus excitat in nobis, animosq̃ue nostros format in hac desyderia, quæ in oratione requiruntur.

M.

Eône spectat hæc doctrina, vt resides, & quodammodo oscitantes motum Spiritus expectemus, nec se quisque ad orandum sollicitet?

P.

Minimè verò. Quin hic potius est finis: vt dum frigere se, & ad orandum pigros vel minus bene comparatos sentiunt fideles, ad Deum protinus confugiant, seque inflammari postulent igneis Spiritus eius aculeis, quò ad orandum redantur idonei.

M.

Non tamen intelligis, nullum in precibus esse linguae vsum.

P.

Nequaquam. Est enim sæpe adiumento ad subleuandam retinendâque mentem, ne tam faciliè à Deo abstrahatur. Præterea quum ad illustrandam Dei gloriam creata sit præ alijs membris, totam eius facultatem in hunc vsum explicari par est. Adhæc, hominem interdum studiij vehementia huc impellit, vt præter consilium, lingua in vocem prorumpat.

Si ita est, quid proficiunt qui exotica lingua, sibi que non intellecta orant?

P.

Id verò nihil est aliud, quàm cum Deo ludere. Ergo à Christianis facesset hac hypocrisis.

M.

Verùm, quum precamur, facimúsne id fortuitò, de successu incerti, an verò constitutum id certò habere nos oportet, exauditum nos iri à Domino?

P.

Hoc perpetuum sit orationis fundamentum, exauditum nos iri à Domino, & quicquid petierimus impetraturos, quatenus nobis conducet. Hac ratione dicit Paulus, ex fide manare rectam inuocationem Dei. Nam ritè nemo vnquam ipsum inuocabit, nisi qui in certa bonitatis eius fiducia prius acquieuerit.

M.

Quid ergo his fiet, qui hesitantes orant: nec in animis suis statuunt, quid sint orando profecturi: imò incerti sunt, audiantur necne à Deo suæ preces?

P.

Vanæ sunt ac irritæ ipsorum preces, cum nulla promissione sint suffultæ. Iubemur enim certa fide petere: & promissio additur, quicquid credentes petierimus, id nobis datum iri.

M.

Restat ut videamus, unde nobis tantum confidentiæ: ut cum tot modis indigni simus Dei conspectu, sistere nos tamen coram ipso audeamus.

P.

Primum, habemus promissiones, quibus simpliciter, ommissa dignitatis nostræ ratione, standum est. Deinde, si filij sumus, animat nos Spiritus eius, atque instigat, ut ad eum, tanquam ad patrem, familiariter nos recipere nihil dubitemus. Ac ne ideo quòd instar vermium sumus, & conscientia premimur nostrorum peccatorum, maiestatem eius gloriosam horreamus, mediatorem nobis proponit Christum, quo aditum patefaciente, de obtinenda gratia minimè sumus anxij.

M.

Intelligis non nisi vnius Christi nomine inuocandum esse Deum?

P.

Sic sentio. Nam & disertis verbis ita nobis præcipitur: & additur promissio, facturum sua intercessione, ut consequamur quæ petimus.

M.

Non ergo temeritatis aut arrogantia accusandus est, qui hoc aduocato fretus, ad Deum familiariter accedit: & hunc Deo & sibi proponit solum, per quem exaudiatur.

P.

Nullò modo. Nam qui sic orat, tanquam ex illius ore preces concipit: cum eius patrocínio adiuuari suam orationem, commendari que sciat.

M.

Tractemus iam, quid continere fidelium preces debeant. Licetne quicquid in mentem nobis venit, & Deo postulare, an certa hinc tenenda est regula?

P.

Hæc verò nimis præpostera esset orandi ratio, indulgere proprijs desiderijs, carnisque iudicio. Nam & rudiores sumus, quàm ut possimus iudicare quid nobis expediat: & ea cupiditatum intemperie laboramus, quæ fræno cohiberi ne-

cesse habeat.

M.

Quid proinde opus est facto?

P.

Hoc restat vnum, vt Deus ipse rectam orandi formam nobis præscribat: vt tantum manu ducentem sequamur, & quasi verba præeuntem.

M.

Quam nobis legem præscripsit?

P.

Ampla quidem & copiosa passim in Scripturis, huius rei doctrina traditur. Verum, quò certiore præfigeret scopum, formulam composuit, & quasi dictauit, qua quicquid à Deo petere fas est, ac nostra refert, breuiter complexus est, & in pauca capita digessit.

M.

Recita.

P.

Rogatus à Discipulis Dominus noster Christus, quonam orandum esset modo, respondit: Cum volueritis orare, sic dicite: Pater noster qui es in cælis, sanctificetur nomen tuum: Adueniat regnum tuum: Fiat voluntas tua, in terra sicut in cælo: Panem nostrum quotidianum da nobis hodie: Et remitte nobis debita nostra, sicut nos quoque remittimus debitoribus nostris: Et ne nos inducas in temptationem: sed libera nos à malo. Quia tuum est regnum, & potentia, & gloria in secula. Amen.

M.

Quò melius intelligamus quid contineat, eam in capita partiamur.

P.

Sex habet partes: quarum tres priores solam Dei gloriam, non habita nostri ratione, tanquam proprium suum finem, respiciunt: reliquæ ad nos, vtilitatemque nostram spectant.

M.

Ergo nec petendum est à Deo quicquam, vnde nihil ad nos boni redeat?

P.

Ipse quidem pro infinita sua bonitate, sic componit omnia, vt nihil cedat in ipsius gloriam, quin nobis quoque sit salutare. Itaque cum sanctificatur eius nomen, vt nobis quoque in sanctificationem vertatur, efficit: non aduenit eius regnum, quin simus quodammodo eius participes. Verum, in obtandis his omnibus, solam eius gloriam, præterita nostra vtilitate, intueri conuenit.

M.

Nempe, secundum hanc doctrinam, tria hæc postulata cum vtilitate quidem nostra coniuncta sunt: non tamen in alium scopum collimare debent, quam vt glorificetur Dei nomen.

P.

Sic est atque adeò in reliquis etiam tribus eadem Dei gloria curæ nobis esse debet: vtcunque ipsæ, quæ in rem ac salutem nostram sunt, optandus, propriè sint destinata.

M.

Nunc ad verborum explicationem pergamus: ac principio, Cur Patris nomen hic potius, quam aliud quoduis, Deo tribuitur?

P. Cum

P.

Cum ad rectam orandi rationem in primis requiratur secunda conscientiae fiducia: nomen hoc sibi assumit Deus, quod nihil nisi meram suauitatem sonat: ut ita excussa ex animis nostris omni anxietate, ad se familiariter implorandum nos inuitet.

M.

Ergone Deum audebimus sine difficultate rectè adire, ut filij parentes solent?

P.

Omnino: quinetiam multò certiore obtinendi quod petimus fiducia. Nam, ut admonet Magister, si nos cum mali sumus, non possumus tamen filiis nostris bona negare, nec eos dimittere inanes sustinemus, nec venenum porrigimus illis pro pane: quanto plus beneficentiae à cœlesti Patre expectandum est, qui non tantum summè bonus est, sed ipsa etiam bonitas?

M.

An non ex hoc quoque nomine argumentum ducere licebit, quo id quod initio dictum est, preces scilicet vniuersas Christi patrocinio fundatas esse oportere, comprobetur?

P.

Et quidem firmissimum. Neque enim filiorum loco nos habet Deus, nisi quatenus Christi sumus membra.

M.

Cur Nostrum potius in commune Patrem nominas Deum, quàm Tuum peculiariter?

P.

Potest quidem fidelium vnusquisque suum vocare: sed communi epitheto ideo usus est Dominus, quòd nos ad exercendam in precibus charitatem assuefaceret: ne alijs neglectis, tantum se quisque curet.

M.

Quid sibi vult quæ additur particula, Deum esse in cœlis?

P.

Perinde est, ac si excelsum, potentem, incomprehensibilem vocare ipsum.

M.

Quorsum id, & qua ratione?

P.

Nempe hoc modo sursum mentes, quum eum inuocamus, docemur erigere, ne quid de ipso carnale aut terrenum cogitemus, nè ve eum moduli nostri metiamur captu, ne humiliter de ipso aliquid sentientes, in obsequium voluntatis nostræ redigere ipsum velimus, sed potius cum timore & reuerentia suspicere discamus maiestatem eius gloriosam. Valer etiam hoc ad excitandam, confirmandamque nostram in ipso fiduciam: dum cœli Dominus ac pæses, qui arbitrio suo regat omnia, prædicatur.

M.

Recita mihi primi postulati summam.

P.

Per Nomen Dei, Scriptura notitiam, famamque intelligit, qua inter homines celebratur. Optamus ergo, ut eius gloria ubiq; & in omnibus prouideatur.

M.

Verum, accederéne quidquam illi potest gloria, aut decedere?

P.

In seipsa nec crescit, nec minuitur. Verum illustrari inter homines, ut par est, optamus: ut quicquid facit Deus, omnia eius opera, ut sunt, ita gloriosa appareant: quò modis omnibus ipse glorificetur.

M.

In secunda petitione, quid per Dei Regnum intelligis?

P.

Duobus potissimum membris constat. Ut electos Spiritu gubernet suo: ut reprobos, qui se illi in obsequium tradere recusant, prosternat, & exitio tradat: ut ita palam fiat, nihil esse, quod resistere eius virtuti queat.

M.

Qualiter Regnum hoc ut veniat, precaris?

P.

Ut fidelium numerum in dies augeat Dominus, ut novis subinde Spiritus sui donis eos cumulet, donec prorsus impleverit. Adhuc ut suam veritatem ad discutiendas Sathanæ tenebras magis ac magis lucidam, conspicuamque reddat: ut iustitiam suam proferendo, iniquitatem omnem aboleat.

M.

Nónne quotidie fiunt hæc omnia?

P.

Fiunt eo modo, ut inchoatum dici possit Regnum Dei. Optamus ergo, ut assiduè crescat ac prouehatur: donec ad summum fastigium pervenerit: quod ultimo demum die futurum speramus: quo Deus solus, omnibus creaturis in ordinem coactis, exaltabitur & eminebit: adeoque erit omnia in omnibus.

M.

Quod petis, ut Dei voluntas fiat, quem id habet sensum?

P.

Ut in eius obsequium subigantur creaturæ omnes, pendeantque ita ex eius nutu, ne quid nisi ipsius arbitrio fiat.

M.

Ergo ne fieri quicquam præter eius voluntatem posse sentis?

P.

Non optamus tantum, ut quod decrevit apud se, eveniat: sed etiam ut domita, subiugataque omni contumacia, omnes omnium voluntates suæ subijciat, & in eius obedientiam componat.

M.

An non ita precando, proprijs voluntatibus cedimus?

P.

Omnino: neque in hunc tantum finem, ut quacunque cum sua voluntate pugnant in nobis desyderia, irrita faciat: sed etiam ut novæ in nobis mentes, novæque corda formet: ne quid velimus ipsi à nobis, sed Spiritus potius eius, votis nostris præsit, ut plenam habeant cum Deo consensionem.

M.

Cur id in terra fieri optas, sicut in cælo?

P.

Quoniam hoc unum propositum habent sancti Angeli, qui cælestes sunt eius creaturæ, ut illi in omnibus obsequantur, sintque semper & dicto audientes,

&

Et ad obeunda obsequia ultro paratitalem obediendi propensionem hominibus opto, ut se quisque illi in voluntariam subiectionem prorsus addicat.

M

Nunc ad secundam partem venio. Quid tibi significat Quotidianus, quem petis, panis?

P

In vniuersum quicquid ad tuendam presentem vitam facit: non alendo tantum aut vestiendo, sed præbendis quoque alijs omnibus adminiculis, quibus sustententur externa vitæ necessitates: quod panem nostrum, quatenus expedire Dominus nouit, tranquilli comedamus.

M

Cur autem tibi à Deo donari optas, quod nos labore nostro parare iubet?

P

Tametsi victus parandi causa laborandum, ac etiam sudandum nobis est: non labore tamen nostro, non industria, non sedulitate alimur: sed vna Dei benedictione, qua labor ipse manuum nostrarum prosperatur, futurus alioqui inanis. Præterea sic habendum est: etiam quum ciborum copia nobis ad manum suppetit, illisque vescimur, non illorum tamen substantia, sed sola Dei virtute nos alit. Neque enim vim eiusmodi habent à natura ingentam: sed Deus è cælo, tanquam beneficentia sua organis administrat.

M

Atqui tuum quo iure panem vocas: quum tibi à Deo postules dari?

P

Nempe, quia Dei benignitate fit noster: ut cunque nobis minimè debeat. Admonemur etiam hoc verbo, ab alieno pane appetendo nobis temperare: contentosque eo esse, qui legitima ratione, tanquam ex Dei manu ad nos peruenerit.

M

Quotidianum cur addis & Hodie?

P

His duabus particulis ad moderationem instituimur ac continentiam: ne modum necessitatis vota nostra excedant.

M

Cum hac communis omnium esse debeat precatio, quæ fieri potest, ut diuites, qui domi abundant, repositamque in longum tempus annonam habent, sibi petant in diem dari?

P

Hoc diuites per æquè ac pauperes constitutum habere oportet, nihil eorum quæ habent, sibi profuturum, nisi quatenus & usum illis concesserit Deus, & sua gratia effecerit, ut usus ipse fructuosus sit & efficax. Itaque omnia possidendo nihil habemus, nisi quatenus in singulas horas ex manu Dei percipimus, quantum nobis necesse, satisque est.

M

Quid continet quintum postulatium?

P

Vt peccata nobis ignoscat Dominus.

M

Nemone reperietur mortalium tam iustus, qui hac venia non indigeat?

P

Nemo prorsus. Hanc enim precandi formam cum Apostolus suis dedit Christus, vniuersa Ecclesia destinauit. Quamobrem qui se hac necessitate eximere uolet, è societate fidelium exeat oportet. Et sanè audimus, quid Scriptura testetur: nempe, qui in vno purgare se coram Deo contendet, deprehensum iri in mille reum. Vnicum ergo omnibus ad eius misericordiam perfugium restat.

M.

Quomodo peccata nobis remitti existimas?

P.

Sicut ipsa Christi verba sonant: Esse nomina scilicet, quæ obstrictos æterna mortis reatu nos teneant, donec mera sua liberalitate nos Deus liberet.

M.

Gratuita igitur Dei misericordia, peccatorum veniam obtinere nos dicis.

P.

Omnino. Nam si vnius vel minimi peccati redimenda sit pœna, nos satisfaciendo nequaquã erimus. Omnia igitur, gratuito ignoscat & condonet necesse est.

M.

Quid ex hac remissione utilitatis ad nos redit?

P.

Tum illi perinde accepti sumus, ac si iusti essemus & innocentes: simulque paternæ eius beneuolentiæ fiducia, vnde nobis certa salus, conscientijs nostris confirmatur.

M.

Hæc quæ apponitur conditio: vt nobis remittat, sicut nos remittimus debitoribus nostris: num mereri nos à Deo veniam significat: hominibus, siquid in nos peccârunt, ignoscendo?

P.

Minimè. Sic enim iam gratuita remissio non foret, nec sola Christi satisfactione, qua in cruce pro nobis defunctus est, sicuti par est, fundata. Verum, quia irrogatas nobis iniurias obliuiscendo, dum eius clementiam ac bonitatem imitmur, re ipsa nos eius filios esse demonstramus: hæc ideo tessera confirmare nos voluit: & simul ex aduerso ostendere, nisi faciles nos ad ignoscendum & flexibiles præbuerimus, nihil esse aliud à se expectandum, quàm summum & inexorabilem seueritatis rigorem.

M.

Hic ergo abdicari à Deo, expungique filiorum loco dicis omnes, qui offensiones ex animo deponere non possunt: ne quem sibi in cælo veniæ locum fore confidant.

P.

Ita sentio: vt impleatur illud, Remensum cuique iri eadem mensura, qua erga alios vsus fuerit.

M.

Quid postea sequitur?

P.

Ne nos Dominus in tentationem inducat, sed à malo potius liberet.

M.

Hoc totumne in vnam petitionem includis?

P.

Non nisi vna est petitio. Posterius enim membrum, prioris explicatio est.

M. Quid

M.

Quid summatim continet?

P.

Ne ruere nos, aut labi in peccatum Dominus sinat: ne diabolo nos, carnisque nostra cupiditatibus, quæ assiduum nobiscum bellum gerunt, vincendos permittat: quin potius sua nos ad resistendum virtute instruat, sustineat nos manu sua, presidio suo muniat ac tegat: ut ita sub fide tutelæque eius in tuto habitemus.

M.

Quo autem modo id fit?

P.

Cum eius Spiritu gubernati, tali iustitiæ amore desiderioque imbuimur, quo peccatum, carnem, & Sathanam superemus: tali rursus odio peccati, quod nos à mundo segregatos, in pura sanctitate contineat. In Spiritus enim virtute, victoria nostra consistit.

M.

Habentne omnes opus hoc auxilio?

P.

Et quis carere posset? Imminet enim perpetuo nobis diabolus, circumque instat leonis rugientis querens quem deuoret. Nos vero, quam sumus imbecillitate, statim consideremus: imò singulis momentis actum de nobis foret, nisi Deus nos ad pugnam instrueret suis armis, manumque sua roboraret.

M.

Quid tibi significat Tentationis nomen?

P.

Aslus, fallaciæque Sathanæ, quibus nos continenter adoritur, & facile protinus circumueniret, nisi Dei ope adiuuaremur. Nam & mens nostra, pro nativæ suæ vanitate, obnoxia eius dolis: & ut propensior est semper voluntas nostra in malum, protinus illi succumberet.

M.

Verum, cur deprecaris, ne te in tentationem inducat Deus, quod Sathanæ proprium, non autem Dei videtur?

P.

Sicut fideles protectione sua tuetur Deus, ne aut fraudibus opprimantur Sathanæ, aut à peccato superentur: ita quos vult punire, non modò destituit sua gratia, sed etiam Sathanæ tyrannidi tradit, cecitate percutit, & conijcit in reprobam mentem: ut prorsus sint peccato mancipati, & expositi ad omnes tentationum insultus.

M.

Quid sibi vult hæc, quæ adiecta est, clausula: Quoniam tuum est regnum, tua potentia, & gloria, in secula seculorum?

P.

Iterum hic admonemur, Dei magis potentia & bonitate suffultas esse preces nostras, quam vlla nostri fiducia. Præterea Dei laudibus preces omnes nostras claudere docemur.

M.

Nihilne fas est à Deo petere, quam quod est hac formula comprehensum?

P.

Tame si verbis alijs, alióque modo liberum est precari: sic tamen haben-

dum est, nullam Deo placere orationem posse, quæ non huc, tanquam ad unicam ritè orandi normam, referatur.

De sacramentis.

M.

Iam instituta à nobis ordinis ratio postulat, ut de quarta cultus Dei parte agamus.

P.

Hanc in eo sitam esse diximus, ut Deum agnoscamus bonam omnium auctorem: eiusque bonitatem, iustitiam, sapientiam, potentiam, laude & gratiarum actione prosequamur: quò in solidum bonorum omnium gloria penes ipsum resideat.

M.

Nullamne huius partis regulam præscripsit?

P.

Quicquid laudum eius extat in Scripturis, pro regula nobis esse debet.

M.

Nihilne habet oratio Dominica, quod huc pertineat?

P.

Nempe, quum optamus sanctificari eius nomen hoc optamus, ut omnibus eius operibus sua constet gloria. Ut sine peccatoribus ignoscat, misericors. sine vindictam exerceat, iustus: iue prestat suis quod promissit, verax censeatur. Denique, ut quicquid operum eius cernimus, ad eum glorificandam nos excitet. Hoc verò est, bonorum illi omnium laudem tribuere.

M.

Quid tandem ex ijs, que hæcenus tractata sunt à nobis, colligemus?

P.

Quod scilicet veritas ipsa docet, & ego initio proposui: hanc esse viam æternam, unum verum Deum nosse Patrem, & quem missum Christum. Illum, inquam, nosse, ut debitum ei honorem cultumque exhibeamus, utque nolus non Dominus tantum sit, sed etiam Pater ac Servator, nosque illi vicissim filij, iimus & servi, & proinde vitam nostram illius gloriæ dedicemus.

M.

Qua via ad tantum bonum pervenitur?

P.

In hunc finem, sacrum suum verbum nobis reliquit. Est enim spiritalis doctrina, quædam veluti ianua, qua ingredimur in cæleste eius regnum.

M.

Ubinam querendum nobis est hoc verbum?

P.

In Scripturis sanctis, quibus continetur.

M.

Ut fructum inde percipias, qualiter eo utendum est?

P.

Si ipsum solida cordis persuasione amplectimur, non secus ac certam veritatem è cælo profectam: si nos illi docibiles præbemus: si voluntates mentisque nostras in eius obsequium subijcimus: si amamus ipsum ex animo: si cordibus nostris semel insculptum, fixas illic radices habet, ut fructum proferat in vitam: si denique forma-

formam. & ad eius regulam: tum nobis in salutem, sicuti destinatum est, cedit.

M.

Suntne omnia hæc in facultate nostra posita?

P.

Nihil ipsorum prorsus, sed vnius Dei est hoc totum, quod retuli, in nobis efficere Spiritus sui gratia.

M.

Verum, an non adhibenda est à nobis diligentia, & omni studio enitendum, legendo, audiendo, meditando, vt eo proficiamus?

P.

Imò verò: quum se quisque priuatim quotidiana lectione exerceat: tum verò simul omnes præcipue sedulo conciones frequentent, vbi salutis doctrina in cœtu fidelium explicatur.

M.

Negas ergo esse satis, si domi seorsum singuli legant, nisi omnes simul in commune, ad eandem doctrinam audiendam conueniant?

P.

Conuenire necesse est, vbi licet, hoc est, quum facultas datur.

M.

Poterisne mihi hoc probare?

P.

Sufficere ad probationem abundè nobis debet vna Domini voluntas. Huc autem ordinem Ecclesiæ suæ commendauit, non quem duo aut tres duntaxat seruant, sed cui subessent communiter omnes. Ad hoc, illius tum ædificandæ, tum conseruandæ hanc esse vnicam rationem pronuntiat. Sit ergo hæc nobis sancta & inuiolabilis regula: nec sibi fas quisquam esse ducat, supra magistrum sapere.

M.

Estne igitur necesse, præesse Ecclesiis pastores?

P.

Quinetiam necesse est audire ipsos, & quam proponunt Christi doctrinam, ex eorum ore cum timore & reuerentia excipere. Itaque qui ipsos contemnit, audirè ve detrectat, Christum cõtemnit, ac discessionẽ facit à societate fidelium.

M.

Verum, semelne à pastore suo fuisse institutum satis est homini Christiano, an cursum hunc tota vita tenere debet?

P.

Cœpisse parum est, nisi perseueres. Christi enim discipulos vsque in finem, vel potius sine fine esse nos oportet. Hanc vero functionem mandauit Ecclesiæ ministris, vt suo nos loco & nomine doceant.

M.

Non est aliud à verbo medium, vt loquuntur, quo se nobiscum Deus communicet?

P.

Verbi prædicationi adiunxit sacramenta.

M.

Quid est Sacramentum?

P.

Externa diuinæ erga nos beneuolentiæ testificatio, quæ visibili signo spiri

tuales gratias figurat, ad obfignandas cordibus nostris Dei promissiones, quò earum veritas melius confirmetur.

M.

Tantane vis subest visibili signo, ut cōscientias in salutis fiducia stabiliat?

P.

Id quidem à seipso non habet, sed ex Dei voluntate, propterea quòd sit in hunc finem institutum.

M.

Quum propria sint Spiritus sancti partes, Dei promissiones in animis nostris obfignare, hoc tu sacramentis quomodo tribuis?

P.

Longum est inter illum & hac discrimen. Mouere enim & afficere corda, illuminare mētes, conscientias reddere certas ac tranquillas, solius reuera Spiritus est, ut id totum censei proprium ipsius opus debeat, illique acceptum referri, ne laus aliò transferatur. Minimè tamen hoc obstat, quominus sacramentis Deus utatur, tanquam secundis organis, eaque in usum adhibeat, pro ut visum fuerit: idque sic faciat, ne quid Spiritus virtuti derogetur.

M.

Vim ergo efficaciamque sacramenti non in externo elemento inclusam esse existimas: sed totam à Spiritu Dei manare.

P.

Sic sentio: nempe, ut virtutem suam exercere Domino placuerit per sua organa, quem in finem ea destinavit. Quod quidem ita facit, ut Spiritus sui virtuti nihil detrahat.

M.

Potēsne mihi, cur ita agat, rationem reddere?

P.

Hoc scilicet modo infirmitati nostra consulit. Nam si spirituales essemus toti, Angelorum instar spiritualiter tum eum, tum ipsius gratias possemus intueri. Verum, ut hac terreni corporis mole circumditi sumus, figuris indigemus vel speculis, que nobis spiritualium cœlestiumque rerum aspectum terreno quodam modo exhibeant. Neque enim aliter eò perueniremus. Simul etiam nostra interest, in Dei promissionibus exerceri sensus omnes nostros, quò melius nobis confirmentur.

M.

Si verum est, ideo instituta esse à Deo sacramenta, ut subsidia necessitatis nostra forent, annon arrogantia damnari meritò deberet, si quis iudicaret, illis se, tanquam non necessarijs, posse carere?

P.

Omnino. Atque adeò si quis illorum usu sponte abstineat: ac si opus non haberet, Christum contemnit, ipsius respuit gratiam, & Spiritum extinguit.

M.

Verum, qualis ex sacramentis fiducia ad stabiliendas conscientias, & quàm certa securitas concipi potest, quibus utuntur promiscuè boni & mali?

P.

Quanquam oblata sibi in sacramentis, Dei dona, in nihilum, ut ita dicam, redigunt impij, quantum ad ipsos spectat, non tamen propterea efficiunt, quin sua us & natura sacramentis maneat.

M.

Quo igitur modo, & quando usus Sacramentorum sequitur effectus?

P.

Quum ea fide recipimus, Christum in illis solum, eiusque gratiam quærentes!

M.

Cur illic quærendum esse Christum dicis?

P.

Intelligo non esse visibilibus signis inhaerendum, ut salutem inde petamus, vel affixam illic conferendam gratiam virtutem imaginemur ac inclusam: quin potius adminiculi loco habendum esse signum, quo recta ad Christum dirigamur, salutem ab ipso & solidam felicitatem petituri.

M.

Quum ad eorum usum requiratur fides: quæ nobis in fidei confirmationem data esse dicis, ut nos de promissionibus Dei reddant certiores?

P.

Fidem in nobis semel inchoatam esse nequaquam sufficit, nisi continenter alatur, & magis in dies magisque augeatur. Ad eam ergo tum alendam, tum roborandam, tum prouehendam Sacramenta instituit Dominus. Quod quidem significat Paulus, quum ad obsignandas Dei promissiones valere tradit.

M.

Verum, nonne hoc infidelitatis indicium est, non habere Dei promissionibus solidam fidem, nisi aliunde nobis confirmentur?

P.

Fidei certè imbecillitatem hoc arguit, qua filij etiam Dei laborant, qui tamen fideles propterea esse non designant, licet fide præditi sint exigua adhuc & imperfecta. Quamdiu enim versamur in hoc mundo, hærent semper in carne nostra diffidentia reliquia, quas aliter excutere non possumus, quam continuo usque ad vitæ finem profectu. Vtterius ergo semper progredi necesse est.

M.

Quot sunt Christianæ Ecclesiæ Sacramenta?

P.

Duo sunt omnino, quorum communis sit inter omnes fideles usus.

M.

Quæ sunt illa?

P.

Baptismus & sacra Cæna.

M.

Quid verò simile inter se habent vel diuersum?

P.

Baptismus veluti quidam in Ecclesiam aditus nobis est. Illic enim testimonium habemus, nos, quum alioqui extranei alienique simus, in Dei familiam recipi, ut inter eius domesticos censeamur. Cæna verò testatur, Deum se nobis, animas nostras alendo, Patrem exhibere.

M.

Quò clarius nobis innotescat utriusque veritas: de utroque seorsum tractemus. Primum, Quæ est Baptismi significatio?

P.

Ea duas partes habet. Nam ibi remissio peccatorum, deinde spiritualis re-
generatio figuratur.

M.

Quid similitudinis inest aqua cum his rebus, ut eas representet?

P.

Peccatorum quidem remissio, species est lauacri, quo anima suis maculis absterguntur: non secus atque aqua abluntur corporis sordes.

M.

Quid de regeneratione?

P.

Quoniam eius initium est, naturæ nostræ mortificatio: finis verò, ut nouæ creaturæ simus, in eo nobis proponitur mortis figura, quod capiti aqua inicitur: noua autem vitæ, in eo quod non manemus sub aqua demersi, sed ad momentum durat taxat subimus tanquam in sepulchrum, ut statim emergamus.

M.

Num aquam esse animæ lauacrum censes?

P.

Nequaquam. Hunc enim honorem eripere Christi sanguini nefas est, qui ideo effusus fuit, ut absterfis omnibus nostris maculis, puros coram Deo & impollutos nos redderet. Atque huius quidem purgationis fructum percipimus, quum sacro illo sanguine conscientia nostras Spiritus sanctus aspergit. Ob signationem verò in sacramento habemus.

M.

Verum, annon aliud aquæ tribuis, nisi ut ablutionis tantum sit figura?

P.

Sic figuram esse sentio, ut simul annexa sit veritas. Neque enim, sua nobis dona pollicendo, nos Deus frustratur. Proinde & peccatorum veniam, & vitæ nouitatem offerri nobis in Baptismo, & recipi à nobis certum est.

M.

An promiscuè in omnibus impletur hæc gratia?

P.

Multi dum illi sua prauitate viam præcludunt, efficiunt ut sibi sit inanis. Ita non nisi ad fideles solos peruenit fructus. Verum, inde nihil Sacramenti naturæ decedit.

M.

Regeneratio autem vnde?

P.

A morte Christi & resurrectione simul. Hæc enim vis subest eius morti, ut per eam crucifigatur vetus homo noster, & naturæ nostræ vitiositas quodammodo sepeliatur, ne amplius vigeat in nobis. Quod autem reformamur in nouā vitam ad obediendum Dei iustitiæ, id est resurrectionis beneficium.

M.

Quomodo per Baptismum nobis hæc bona conferuntur?

P.

Quia nisi promissiones illic nobis oblatas respuendo infructuosas reddimus, vestimur Christo, eiusque Spiritu donamur.

M.

Nobis verò quid agendum est, ut ritè Baptismo utamur?

P.

Reclus Baptismi vsus, in fide & poenitentia situs est: hoc est, ut statua-

mus

mus primum certa animi fiducia, nos ab omnibus maculis, Christi sanguine purgatos, Deo placere: deinde ut Spiritum eius sentiamus ipsi in nobis habitare: atque id operibus apud alios declaremus: utque assidue nos in meditanda tum carnis mortificatione, tum iustitiæ Dei obedientia exerceamus.

M.

Si hac requiruntur ad legitimum Baptismi usum, quæ sit ut infantes baptizemus?

P.

Non est necesse, ut Baptismus semper fides & poenitentia præcedant: sed ab ijs tantum exiguntur, qui per ætatem iam sunt utriusque capaces. Satis ergo fuerit, si infantes postquam adoleuerint, Baptismi sui vim exerant.

M.

Poterisne ratione demonstrare, nihil esse in ea re absurdi?

P.

Sane: Si mihi concessum fuerit, nihil Dominum instituisse, quod sit à ratione dissensitaneum. Nam quum Circumcisionem, poenitentia signum fuisse Moyses & omnes Prophetæ doceant: fidei etiam Sacramentum teste Paulo, fuerit: videmus tamen ut infantes ab ea non excluderentur.

M.

Sed eademne causa, quæ in Circumcisione valuit, nunc ad Baptismum admittendi sunt?

P.

Prorsus eadem: quum promissiones, quas olim Deus populo Israelitico dederat, nunc sint per totum orbem publicata.

M.

Atquæ num inde colligis signum quoque usurpandum esse?

P.

Qui bene utrinque expendet omnia, hoc consequi animadvertet. Neque enim eius gratia, quæ Israeli antè collata fuerat, hac lege nos participes fecit Christus: ut vel obscurior erga nos esset, vel aliqua ex parte imminuta. Quin potius, & luculentius eam in nos & abundantius effudit.

M.

Putasne, si à Baptismo arceantur infantes, quicquam propterea Dei gratia decedere, ut dici possit Christi aduentu fuisse imminuta?

P.

Id quidem euidenter patet. Signo enim sublato, quod adtestandam Dei misericordiam & confirmandas promissiones plurimum valet, deesset nobis eximia consolatio, qua fruebantur veteres.

M.

Sic ergo sentis: quum Deus sub veteri Testamento, ut se Patrem paruulorum ostenderet, salutis promissionem in eorum corporibus insculptam esse voluerit signo visibili, indignum fore, si minus confirmationis à Christi aduentu habeant fidelis: quando & eadem hodie nobis promissio destinatur, quæ olim Patribus: & clarius bonitatis suæ specimen nobis in Christo exhibuit Deus.

P.

Sic sentio. Præterea quum satis constet, vim substantiamque, ut ita loquar, Baptismi, infantibus esse communem: si illis negaretur signum, quod veritate est inferius, aperta illis iniuria feret.

M.

Qua ergo conditione baptizandi sunt infantes?

P.

Vt testatum fiat, benedictionis fidelium semini promissa, ipsos esse heredes: vt agnita, postquam adoleuerint Baptismi sui veritate, fructum ex eo percipiant, ac proferant.

M.

Transeamus ad Cœnam. Ac primò quidem ex te scire velim, quæ sit eius significatio.

P.

Ideo à Christo instituta est, vt corporis & sanguinis sui communicatione educari in spem vitæ æternæ animas nostras nos doceret, idque nobis certum redderet.

M.

Cur autem pane corpus, vino sanguis Domini figuratur?

P.

Nempe hinc docemur, quam vim habet panis in nutriendis corporibus, ad sustinendam præsentem vitam, eandem corpori Domini inesse, ad alendas spiritaliter animas. Sicuti vino exhilarantur hominum corda, reficiuntur vires, totus homo roboratur: ita ex Domini sanguine, eosdem ab animis nostris usus percipi.

M.

Ergone corpore Domini & sanguine vescimur?

P.

Ita sentio. Nam cum in eo sita sit tota salutis nostræ fiducia, vt accepta nobis feratur obedientia ipsius, quam Patri præstitit, perinde ac si nostra foret: ipsum à nobis possideri necesse est. Neque enim bona nobis sua aliter communicat, nisi dum se nostrum facit.

M.

Atquæ, nonne tunc se dedit, cum se exposuit in mortem, vt nos à mortis iudicio redemptos, Patri reconciliaret?

P.

Id quidem verum est: sed non satis est nobis, nisi cum nunc recipiamus: quò mortis eius efficacia fructusque ad nos perueniat.

M.

Recipiendi porò modus an non fide constat?

P.

Fateor. Sed hoc simul addo, fieri id, dum non solum mortuum credimus, quò nos à morte liberaret & si sciatum, quò nobis vitæ acquireret: sed in nobis quoque habitare agnoscimus, nosque illi coniunctos esse eo unitatis genere, quo membra cum capite suo coherent: vt huius unitatis beneficio, omnium eius bonorum participes fiamus.

M.

Nunquid hanc communionem per solam Cœnam obtinemus?

P.

Imò verò. Nam & per Euangelium, teste Paulo, nobis communicatur Christus: Et meritò hoc Paulus docet: quum illic audiamus, nos carnem esse de carne eius, & ossa ex ossibus: ipsum esse panem viuum, qui è cælo ad nutriendas ani-

mas

mas nostras, descendit: nos vnum esse cū ipso, sicuti cum Patre vnum est: & similia.
M.

Quid amplius ex sacramento consequimur, aut quid præterea utilitatis nobis confert?

P.

Hoc scilicet: quòd illa, de qua dixi, communicatio nobis confirmatur & augetur. Tametsi enim tum in Baptismo, tum in Euangelio nobis exhibetur Christus: cum tamen non recipimus totum, sed ex parte tantum.

M.

Quid ergo in symbolo panis habemus?

P.

Corpus Christi, ut semel pro nobis ad nos Deo reconciliandos immolatum fuit, ita nunc quoque nobis dari: ut certò sciamus, reconciliationem ad nos pertinere.

M.

Quid in sanguinis symbolo?

P.

Christum ut suum sanguinem semel in peccatorum satisfactionem, pretiūque redemptionis nostræ ipsum effudit, ita nunc cum nobis bibendam porrigere, ut fructum, qui inde peruenire ad nos debet, sentiamus,

M.

Secundum has tuas responsiones, sacra Domini Cæna ad eius mortem nos amandat, ut eius virtuti communicemus.

P.

Omnino. Tunc enim vnicum, perpetuūque sacrificium, quod in salutem nostram sufficeret, peractū est. Proinde nihil restat amplius, nisi ut ipso fruamur.

M.

Ergo nō in hunc finem instituta est Cæna, ut Deo Filij sui corpus offeratur.

P.

Minimè. Solus enim ipse, quum æternus sit Sacerdos, hanc prærogatiuam habet. Atque hoc sonant eius verba, quum ait: Accipite & manducate. Neque enim ut offeramus corpus suum, sed tantum, ut eo vescamur, illic præcipit.

M.

Cur duobus utimur signis?

P.

In eo Dominus infirmitati nostræ consuluit, quòd nos familiarius doceret, se non cibum modò animis nostris, sed potum quoque esse, ne alibi quàm in eo solo ullam spiritualis vitæ partem quæramus.

M.

An utroque uti peræquè omnes absque exceptione debent?

P.

Ita fert Christi mandatum: cui vllò modo derogare, aliquid contrà tentando, summum est nefas.

M.

Solámne eorum, quæ dixisti, beneficiorum significationem habemus in Cæna, an illic re ipsa nobis exhibentur?

P.

Cum Dominus noster Christus ipsa sit veritas: minimè dubium est, quin promissiones, quas dat illic nobis, simul etiam impleat: & figuræ suam addat verita

tem. Quamobrem non dubito, quin sicuti verbis ac signis testatur, ita etiam sua nos substantiæ participes faciat, quò in vnam cum eo vitam coalescamus.

M.

Verùm, quì hoc fieri potest, quum in cælo sit Christi corpus: nos autem in terra adhuc peregrinemur?

P.

Hoc mirifica arcanâque Spiritus sui virtute efficit: cui difficile non est sociare, quæ locorum intervallo alioqui sunt disiuncta.

M.

Ergo nec corpus in pane inclusum esse, nec sanguinẽ in calice imaginari.

P.

Nequaquam. Quin potius ita sentio, vt veritate potiamur signorum, erigendas esse in cælum mentes, vbi Christus est, & vnde eum expectamus iudicem & redemptorem: in his verò terrenis elementis, perperam & frustra queri.

M.

Vt in summam colligamus quæ dixisti: duas in Cœna res esse asseris: nempe, panem & vinum, quæ oculis cernuntur, attrectantur manibus, percipiuntur gustu: deinde Christum, quo interius animæ nostræ, tãquam proprio suo alimento, pascuntur.

P.

Verùm: & eò quidem vsque, vt corporum etiam resurrectio illic nobis, quasi dato pignore, confirmetur: quum & ipsa vitæ symbolo communicent.

M.

Quis autem rectus erit huius sacramenti ac legitimus vsus?

P.

Qualem Paulus definit: Vt probet seipsum homo, priusquam eò accedat.

M.

Quidnam in hac probatione inquiret?

P.

Num verum sit Christi membrum.

M.

Quibus ad eius rei notitiam argumentis perueniet?

P.

Si vera sit pœnitentia fidẽque præditus: si proximos sincero amore prosequatur: si animum ab omni odio maleuolentiæque purum habeat.

M.

Num perfectam in homine tum fidem, tum charitatem exigit?

P.

Vtramque sanè integram & ab omni furo vacuam esse conuenit. Verùm, frustra exigitur tam absoluta numeris omnibus perfectio, in qua nihil desideretur, quando tanta nunquam in homine inueniri poterit.

M.

Non ergo ab accessu nos arcet imperfectio qua adhuc laboramus.

P.

Quin potius, si perfecti essemus, nullum amplius vsum inter nos haberet Cœna: quæ subleuandæ nostræ imbecillitati adminiculum esse debet ac imperfectio nis subsidium.

M.

Nullumne præterea alium finem propositum habent duo hæc Sacramenta?

P.

Sunt etiam professionis nostræ notæ, & quasi tesserae quædam. Illorum enim vsu fidem apud homines nostram profiteamur, & testamur nos vnum habere in Christo religionis consensum.

M.

Si quæpiam contingeret eorum vsu aspernari, quo loco habendus esset?

P.

Hæc verò obliqua esset Christi abnegatio. Certè qui talis est, quum se Christianum confiteri non dignetur, indignus est, qui inter Christianos censeatur.

M.

Satisne est, in totam vitam vtrunque semel recepisse?

P.

Vsq; adeo sufficit vnus Baptismus, vt repetere fas non sit. Cænæ autem diuersa est ratio.

M.

Quod est discrimen illud?

P.

Per Baptismum nos adoptat, & in Ecclesiam suam allegit Dominus, vt pro domesticis nos exinde habeat. Postquam nos adscripsit in numerum suorum: per Cænâ testatur, de nobis continenter alendis curam se habere.

M.

Promiscuè ne ad omnes pertinet tam Baptismi quàm Cænæ administratio?

P.

Eorum, quibus mandatum est publicum docendi munus, propriæ sunt istæ partes. Sunt enim res inter se perpetuo nexu coniunctæ, pascere Ecclesiam saluæ doctrina, & sacramenta administrare.

M.

Possisne mihi Scripturæ testimonio id comprobare?

P.

Baptizandi quidem mandatum Christus peculiariter Apostolis dedit. In cænæ celebratione exemplum suum iussit nos sequi. Referunt autem Euangelistæ, ipsam in ea distribuendâ, publici ministri fecisse officium.

M.

Verùm debentne Pastores, quibus commissæ est dispensatio, passim omnes & absque delectu admittere?

P.

Quo ad Baptismum pertinet, quia non nisi in infantibus hodie confertur, discretio locum non habet. In Cænâ verò cauere debet minister, ne cui ipsam porrigat, quem indignum esse palàm constet.

M.

Cur id?

P.

Quia non sine contumelia & profanatione Sacramenti fieret.

M.

Atquæ, nonne Iudam, quamlibet impius esset, eius communionem dignatus est Christus?

P.

Fateor: quum adhuc occulta foret eius impietas. Tamen si enim Christum

non latebat, nondum tamen prodierat in lucem, notitiâque hominum.

M.

Quid ergo hypocritis fiet?

P.

Eos, tanquam indignos, arcere pastor non potest: sed superfedere debet, quo usque eorum nequitiam, ut hominibus innotescat, Deus reuelauerit.

M.

Quid si quempiam ipse indignum nouerit, aut fuerit admonitus?

P.

Ne id quidem ad eos communione abdicandos foret satis: nisi legitima cognitio, Ecclesiâque iudicium accedat.

M.

Certum ergo gubernationis ordinem constitutum in Ecclesiis habere, operæpretium est.

P.

Verum est: nec enim aliter bene moratæ sunt, nec ritè composita. Hæc autem ratio est, ut deligantur seniores, qui morum censura præsent, cauendisque offendiculus inuigilent. & quos agnouerint recipiendæ Cœnæ nequaquam esse capaces, nec admitti quidem posse quin sacramentum polluantur, eos à communicatione rejiciant.

Catechismi Finis.

PRECATIONES ALIQVOT PIÆ.

Precatio matutina.

DEVS mi, Pater mi, & Seruator, qui gratia erga me tua effecisti, ut transacta nocte ad hunc diem peruenirem: fac etiam, ut ipsum totum in sanctissimi numinis tui cultu & veneratione consumam. Nihilominus aut cogitem, aut dicam, aut faciam, quod eò non tendat, ut tibi obsequar, & voluntati tuæ morem geram: quò scilicet actiones omnes meæ referantur ad gloriam nominis tui, atque fratrum meorum salutem: dum exemplo meo ad te colendum instruantur. Atque ut mundum hunc, ad vitæ externæ usus, Solus tui splendore illuminas: ita fulgore Spiritus tui, mentem meam illustra, qui me in via iustitiæ tuæ dirigat. Quancunque ad rem applicem animum meum, is mihi semper sit propositus finis, ut tibi, honorique tuo inseruiam. Omnem felicitatem à gratia & beneficentia tua sola expectem. Nec quicquam omnino aggrediar, quod tibi gratum non sit. Effice præterea, ut dum huius vitæ tuendæ causa laboro, & ea curo quæ ad victum & cultum corporis pertinent: altius tamen erigam animum, ad beatam nempe & cœlestem vitam, quam filiis tuis promisti. Nihilominus, tam animæ quàm corporis protegiorem te mihi exhibendo, aduersus omnes Sathanæ insultus me confirmes ac munias: & ab omnibus periculis, quæ nobis assidue in hac vita impendent, liberares. Ad hæc, cum parum sit cœpisse, nisi perseuerem, ideo à te peto Domine, ne mihi in hodiernum diem tantum dux sis ac rector, sed usque ad vitæ finem me in tuam fidem suscipias, quò sub tuis auspicijs, totus vitæ meæ cursus transigatur. Et quia pro-

proficiendum nobis est, gratiæ in me tuæ dona adauge indies, tantisper dum penitus adhæream Filio tuo, Iesu Christo, quem verum Solem lucentem perpetuo in animis nostris meritò appellamus. Quæ tot tantæque beneficia, ut abs te obtineam, obliuiscere delictorum meorum, quæque, infinita misericordia tua remitte: quod te facturum promissisti ijs qui te ex animo inuocauerint, Amen.

Ex Psalmo cxliij.

FAC ut manè audiam pietatem tuam: quoniam in te speravi. Ostende mihi viam in qua ambulem: quoniam ad te leuaui animam meam. Libera me de inimicis meis, Domine, ad te confugi. Doce me, ut faciam voluntatem tuam: quia tu es Deus meus. Spiritus tuus bonus deducat me in terra recta.

QVVM ADEVNDA EST SCHOLA.

Ex Psalmo cxix.

IN QVO instituet adolescens viam suam? Si prudenter se gerat iuxta sermones tuos.

EX animo te exquisiui, ne sinas me aberrare à præceptis tuis.

DOMINE, qui fons es sapientiæ omnis & doctrinæ: quando pro singulari tua bonitate, hoc mihi præstas, ut bonis artibus imbuatur hæc mea pueritia, quæ mihi ad sanctè honestèque viuendum sint adiumento: mentem quoque meam, quæ cecitate alioqui laborat, illustrando, simul effice, ut ad percipiendam doctrinam sim idoneus: memoriam meam confirma, ut quod didicero, fideliter hæreat: cordenique meum gubernas, ut ad proficiendum voluntarius atque etiam audus accedam, ne mihi hæc quam tu nunc concedis, facultas, mea ignauia pereat. Proinde Spiritum in me tuum infunde: Spiritum, inquam, intelligentiæ, veritatis, iudiciij, ac prudentiæ: ne successu studium meum careat, & irritum sit erga me magistri labor. Porò quodcunque studij genus suscipiam, fac ut illud in rectum finem destinare meminerò: nempe, ut te in Christo Filio tuo cognoscam. Atque ita quicquid addiscam, mihi sit ad rectam pietatis regulam adminiculo. Adhæc quando paruulos & humiles, sapientiæ: rectos corde, notitia tui, illustraturū te promittis: superbos verò & improbos deiectionum te denuntias, ut in sensu suo euanescant: peccato ut me ad veram humilitatem formare velis, quæ me tibi primum, deinde etiam ijs qui mihi tua authoritate præsent, docilem & obsequentem exhibeam: simul ut cordi meo, euulsis inde vitiosis cupiditatibus, seruum quærendi tui desiderium insculpas. Hic denique mihi vnus sit propositus finis, me sic comparare in hac tenera ætate, ut cum adoleuero, ad quodcunque vitæ genus me vocaueris, in eo tibi seruiam.

Ex Psalmo xxv.

Secretum Domini timentibus eum, & factus suum notum illis faciet.

BENEDICTIO MENSAE.

Omnia ad te respiciunt Domine, & tu das illis escam tempore: te illis dan-

te, colligunt: te manum aperiente, omnia implentur abundantia.

Ex Psalmo ciiij.

DOMINE, penes quem fons est bonorum omnium, & inexhausta scaturigo, benedictionem tuam in nos effunde, nobisque cibum & potum, quæ tuæ erga nos benignitatis dona sunt, in usum nostrum sanctifica, ut sobriè, sicuti præcipis, & frugaliter ijs utentes, vescamur pura conscientia. Fac etiam, ut te Patrem semper, bonorumque omnium autorem, & agnoscamus vera animi gratitudine, & ore prædicemus: ac sic fruamur corporis alimentis, ut præcipuo tamen cordis affectu aspiremus ad spirituales doctrinæ tuæ panes, quo anima nostra in spem æternæ vitæ pascantur. Per Iesum Christum Dominum nostrum.

Deuteronomij cap. viij.

Non in solo pane vivit homo: sed in omni sermone, qui procedit ex ore Dei.

POST PASTVM GRATIARVM ACTIO.

Ex Psalmo cxvij.

Omnes gentes laudent Dominum: omnes populi canant laudem Deo.

Quia multiplicata est super nos misericordia eius, & veritas ipsius manet in æternum.

GRATIAS agimus Deus ac Pater, de tot beneficijs, quæ nobis astidue pro infinita tua benignitate largiris. Primum, quod omnia, quibus ad sustinendam præsentem vitam indigemus, adminicula suppeditando, corporis etiam nostri curam te habere demonstras: tum verò præcipue quod in spem melioris vitæ, quam nobis sacro tuo Evangelio revelasti, nos regignere dignatus sis. Teque oramus, ne mentes nostras in corporibus sepultas, curis & cogitationibus terrenis affigi patiaris. Quin potius effice, ut sursum erecti perstemus in expectatione Christi Filij tui, donec à cælo in redemptionem, salutemque nostram appareat, Amen.

SUB NOCTEM, QVVM ITVR DORMITVM.

DOMINE Deus, qui noctem destinasti hominis quieti, sicut diem creasti, in quo se laboribus exerceat: effice, quæso, ut sic quiescat hac nocte corpus meum, ne animus interea vigilare tibi designat: ne fatiscat cor, aut corpore obruatur, quin semper erectum in amore tui perjet. Ita laxandi, subleuandique animi gratia, sollicitudines deponam, ne tui interea obliuiscar: aut memoria mea excidat, quæ penitus menti meæ inherere semper debet, bonitatis & gratiæ tuæ recordatio. Hoc quoque modo sicuti quiescit corpus, ita etiam sua quiete conscientia mea fruatur. Fac præterea ne in capiendo somno carnis delictis indulgeam: sed tantum mihi concedam, quantum natura huius imbecillitas postulat: quò deinde ad te colendum sim expeditior. Denique sic castum me & impollutum, non animo minus quàm corpore, & à periculis omnibus tutum servare velis, ut ipse quoque som-

somnus meus in nominis tui gloriam cedat. Quoniam verò dies hic elapsus mihi non est, quin pluribus te modis, qua sum in malum propensione, offenderim: sicut tenebris noctis omnia nunc obteguntur, ita quicquid est in me peccatorum, misericordia tua sepultum lateat. Exaudi me Deus, Pater & Servator, per Iesum Christum Filium tuum, Amen.

F I N I S.

FORMVLA SACRAMENTORVM

administrandorum, in vsum Ecclesiæ Geneuensis conscripta.

Dudum à Ioanne Caluino Gallicè conscripta, nunc in Latinum conuersa ab alio quopiam.

FORMVLA BAPTISMI

administrandi.

I N primis illud scire oportet, apportandos esse infantes ad Baptismum, aut Dominicis diebus Catechismi tempore, aut alijs diebus ad concionem: vt quem admodum Baptismus solennis quedam est cooptatio in Ecclesiam, ita in conspectu & oculis totius concionis celebretur.

Absoluta concione, offertur infans. Tum Minister publicus ita exorditur.

AUXILIUM nostrum in nomine Domini, qui fecit cælum & terram, Amen. Huncine infantem offeris, vt baptizetur?

Responso: Maxime.

Minister.



OMNIVS nobis dilucidè commonstrat, quanta in fœditate & miseria, vitiositatēque nascimur ac suscipimur, quum ait nobis renascendum esse. Etenim si naturam nostram renouari oportet, vt in Dei Regnum intromittamur: satis magnum argumentum est, eam penitus corruptam Deoque detestabilem esse. Itaque hac de causa monet nos, vt summisso & humili animo simus, nostrāque nobis turpitudine acerbitati & odio sit. Eaque ratione nos ad gratiam ipsius expetendam preparat, qua prioris naturæ nostræ peruersitas & indignitas extinguatur, & funditus deleatur. Neque enim prius ei locus est in nobis, nisi quum totius nostræ virtutis

ius, iustitiæ, sapientiæ fiduciam usque eò abijcimus, ut quæcunque in nobis sunt damnemus ac repudiemus.

Porro autem ubi nostram nobis turpitudinem sceditatémque aperuit, ac cōmonstravit, tum consolationem nobis pro sua misericordia impertit, pollicens fore ut Spiritu suo sancto nos in vitam alteram exsuscitet, quæ nobis quasi ingressus quidam sit in ipsius Regnum. Hæc regeneratio bipartita est: nam & nobis prorsus renuntiandum est: ac neque rationi, neque voluntati, neque voluptati libidinique nostræ obtemperandū: quin potius mentem animūque nostrum, sapientiæ, iustitiæque Dei subijci oportet, & quicquid ex nostro est & nostræ carne extinguendum præterea lucem Domini sequi convenit, eiūque sanctissimæ voluntati morem gerere: quemadmodum ipse verbo suo nos docet, Spiritūque suo sancto nobis præluceat, viamque commonstrat. Vtrūque autem hoc in Domino nostro Iesu Christo impletum ac perfectum est: cuius mors & supplicium eam vim habet, ut eo participantibus quasi sepulti peccato sumus, ut carnis nostræ concupiscentiæ mortificentur atque extinguantur. Huc accedit, quod vi resurrectionis ipsius, in vitam novam excitamur, quæ à Deo est, quatenus Spiritus eius nos regit ac moderatur, ut in nobis ea opera perficiat, quæ illi grata & accepta sint. Hoc tamen caput est salutis nostræ, ut nobis delicta omnia nostra pro sua misericordia condonet, ea nobis non imputans, sed eorum memoriam delens atque obliterans, ne quando nobis ea in iudicio illius obijciantur. His omnibus beneficijs afficimur, quum per Baptismum in corpus Ecclesiæ nos inserit. In hoc enim Sacramento nobis peccatorum remissionem testificatur. Ob eamque causam aquæ signum notamque instituit, significans atque adeò apertè ostendens, quemadmodum eo elemento maculæ corporis eluuntur, eodem modo velle se animos nostros purgare atque expiare, ut ne vlla amplius labes aut macula appareat. Hoc amplius, renovationem nobis nostram in eo offert, quæ, quemadmodum iam diximus, versatur in carnis nostræ mortificatione, vitæque spirituali, quam in nobis effert ac procreat. Itaque duplici beneficio afficimur à Deo in Baptismo: modo ne vim huiusce Sacramenti ingrato & immemori animo extinguamus. Nam & testimonium in eo certissimum habemus, Deum velle nobis parentis esse propitiū loco: neque eum delicta nostra nobis imputaturum: tum autem Spiritu suo sancto nobis præsto futurum, ut Diabolo, peccato & carnis nostræ concupiscentijs resistere tandiu & repugnare possimus, dum victoriam consequamur, ut in Regni sui libertate vivamus, quod iustitiæ & æquitatis Regnum est.

Quum igitur hæc duo in nobis per Iesu Christi gratiam impleantur, satis constat Baptismi veritatem & substantiam in eo comprehendere, & concludi. Non enim aliud lavacrum habemus, nisi eius sanguinem: neque aliam renovationem, nisi in eius morte & resurrectione. Sed quemadmodum nobiscum bona divitiisque suas per verbum communicat, eodem modo per Sacramenta nobis ea imperat & elargitur.

Iam verò optimus & benignissimus Deus noster non contentus nos in filios suos adoptasse, atque in Ecclesiæ suæ communionem admisisse, largius adhuc atque prolixius suam in nos benignitatem conferre voluit: nobis videlicet pollicens fore ut Deus sit & noster, & verè etiam generis posteritatisque nostræ, adusque millesimam generationem. Quamobrem etsi fidelium liberi sint ex A-

dam

dam corrupta stirpe ac genere, eos tamen ad se nihilominus admittit, propter fœdus videlicet cum eorum parentibus initum, eosque pro liberis suis habet ac numerat: ob eamque causam iam inde ab initio nascentis Ecclesiæ, voluit infantibus Circumcisionis notam imprimi atque insigniri: qua quidem nota, iam tum eadem omnia significabat ac demonstrabat, quæ hodie in Baptismo designantur. Et quemadmodum eos circumcidi iubebat: sic in suorum liberorum loco ac numero eos habebat: seque parentem ipsorum, non minus quàm eorum à quibus geniti erant, profitebatur.

Nunc verò, quum Dominus Iesus in terras descenderit, non quò Dei Patris gratiam & beneficium imminueret, sed quò salutis fœdus per omnes terrarum fines propagaret, quæ tum temporis in populo Iudaico inclusa fuerat: minimè dubium est, quin liberi nostri heredes sint eius vitæ ac salutis, quam nobis est pollicitus: qua de causa sanctificari eos Paulus affirmat, iam inde ab utero matris, quò à barbarorum & à religione nostra abhorrentium hominum liberis discernantur. Eoque Dominus noster Iesus Christus pueros qui ei offerebantur, admisit: sicuti scriptum est Matthæi decimonono capite: Tum oblatis sunt ei paruuli, ut manus eis imponeret & oraret: discipuli autem eos increpabant. Iesus verò ait eis: Sinite paruulos, & ne prohibeatis eos ad me venire. Talium est enim regnum cælorum. Quum affirmat regnum cælorum eorum esse, ijsque manus imponit, & Deo Patri suo eos commendat, satis nos docet, minimè excludendos esse illos ab ipsius Ecclesiâ. Hanc igitur ipsius regulam & præscriptionem sequentes, infantem hunc in eius Ecclesiâ admittimus: ut cum eo bona omnia, quæ suis fidelibus promisit, communicemus. Ac principio eum nos adhibita precatione illi offeremus, humili ac summisso animo suppliciter dicentes,

DOMINE DEVS, Pater æternæ & omnipotens, quando pro tua infinita clementia nobis pollicitus es fore te Deum & nostrum, & liberorum nostrorum: oramus te, ut beneficium illud tuum in hoc infante confirmare digneris, parentibus ijs genito, quos in Ecclesiâ tuâ cooptasti. Et quemadmodum tibi à nobis offertur ac consecratur, ita in tutelam tuam eum recipias, Deum te & servatorem ei demonstrans, peccatum ei originis condonans ac remittens, cuius genus omne Adami culpam sustinet: eumque præterea Spiritu tuo sanctificas, ut quum ad ætatem maturam iudicio atque intelligentiâ progressus erit, te solum Deum & servatorem agnoscat, & veneretur, per omnem vitæ cursum tibi laudem & gloriam tribuens, ut perpetuò suorum peccatorum condonationem abs te consequatur. Ut verò beneficia hæc accipere possit, eum tu in in cõmunionem Domini nostri Iesu cooptare digneris, ut omnibus eius bonis, tanquam vnum ex eius corporis membris participet. Exaudi nos Parens misericordiâ, ut Baptismus, quem ei ex lege institutòque tuo impertimus, fructum vniue suam exerat, qualem nobis Euangelij tui doctrina commonstrat.

Pater noster, qui es in cœlis, sanctificetur nomen tuum, adueniat regnum tuum, fiat voluntas tua, ut in cœlo sic & in terris. Panem nostrum quotidianum da nobis hodie, & remitte nobis debita nostra, ut & nos remittimus debitoribus nostris, neve nos inducas in tentationem sed nos à malo libera, Amen.

QVONIAM admittendus est hic infans in Christianam Eccle-

siam, spondetis, quum ad ætatem iudicij prudentiaque compotem peruenerit, eum vos doctrinæ quæ à populo Dei recepta & probata est, instructuros: sicuti breuiter & summatim comprehensa est in ea confessione fidei, quam omnes tenemus.

Credo in Deum Patrem omnipotentem, creatorem cœli & terræ. Et in Iesum Christum eius Filium, Dominum nostrum: conceptum de Spiritu sancto, natum ex Maria virgine, supplicio affectum à Pontio Pilato, cruci suffixum, mortuum & sepultum: qui descendit ad inferos: tertio post die resurrexit ex mortuis, ascendit ad cœlos, sedet ad dexteram Dei Patris omnipotentis, inde venturus, ut iudicet viuos & mortuos.

Credo in Spiritum sanctum, sanctam Ecclesiam vniuersalem, communionem sanctorum, remissionem peccatorum, carnis resurrectionem, vitam æternam, Amen.

Spondes igitur daturum te operam, eum ut omni hac disciplina instruas, ac generatim omnibus ijs quæ scriptis diuinis continentur, id est tum veteri, tum nouo Testamento: ut ea amplectatur & audiat tanquam verbum sermonemque Dei certissimum, cœlitus demissum. Eum præterea cohortabere, ut ad eam normam & regulam vitam suam instituat, quam nobis Deus in Lege sua præscripsit: cuius hæc summa sunt capita: primum, ut Deum toto pectore, animo & viribus, tum præterea proximum nostrum non secus quam nosmetipsos diligamus, Item, ut sermoni & admonitionibus quas nobis per Prophetas & Apostolos suos Deus tradidit, fidem habens, ac si ipsi suisque concupiscentijs renuntians, omne suum studium in prædicando nomine Iesu Christi, & proximo edificando collocet.

Mat. 22.

Marc. 12.

Promissione facta, nomen infanti imponitur: tum in eum aquam Baptismi minister publicus effundit, inquit,

N. BAPTIZOTE IN NOMINE PATRIS, ET FILII, ET SPIRITVS SANCTI.

Horum nihil nisi clara voce pronuntiatur, linguaque patria omnia nuncupantur: quippe, quum multitudo quæ ad hoc mysterium assistit, testis esse debeat eorum quæ in eo fiunt: quam ad rem intelligentia necessaria est: quin etiam, ut omnes magis magisque confirmentur, reuocantes animum ad memoriam fructus & utilitatis sui Baptismi.

Neque verò ignoramus alijs in locis adhiberi alias ceremonias quamplurimas, quas vetustissimas esse minimè diffuemur. Sed quoniam aut hominum arbitrio atque libidine, aut certè leui aliqua de causa excogitatae sunt: denique, quoniam sine verbo Dei fictæ & inductæ sunt: ac tam multe præterea superstitiones inde manarunt, nobis sanè sine vlla religione visum est ea tolli atque aboleri oportere, ut ne posthac cuiquam præcluderetur aditus ad Iesum Christum. Primum enim satis constat, quæcunque à Deo præscripta atque instituta non sunt, ea omnia libertati arbitriique nostro relinqui: hoc amplius, quicquid ad adificationem confirmationemque pietatis non pertinet, id minimè recipiendum esse in Ecclesiam: quòd si in eam inductum esset, tollendum ac remouendum esse. Quo magis id quod nihil nisi scandalum & offensionem parit, quasi quæ idololatriæ instrumentum quoddam est, & commentitiarum opinionum, nullo modo tolerandum est.

At-

Atqui non dubium est, quin luminaria, vnguenta (quæ Chrismata nominantur) aliæ que pompæ generis eiusdem, à Deo nunquam instituta sint, sed ab hominibus introductæ: sensimque eò progressa superstitio sit, ut maiore in pretio atque honore haberentur, quàm ipsum Christi institutum. Illud profeclo negari nullo modo potest, quin eam ipsam baptismi formam ac rationem teneamus, quam & Christus præscripsit, & Apostoli secuti sunt, & verò etiam primaria & antiqua Ecclesia in more atque instituto habuerit: neque alio nomine culpari possumus, nisi quòd Deum ipsum sapientia superare atque antecellere nolumus.

RATIO CELEBRANDÆ COENÆ Dominicæ.

Rincipiò illud scire oportet, die dominico qui proximè ei diei antecedit quo cœna celebranda est, prius hoc denuntiari populo: primum ut se quisque ad eam dignè recipiendam comparet, eaque reuerentia, qua ratio postulat: tum ne Pueri eò adducantur, nisi qui commodè instituti, fidemque suam in Ecclesia professi sint. tertiò, ut si fortè aduenæ quidam & peregrini in vrbe sint, nondum religionis disciplinæque nostræ institutis imbuti, ij si participare sacramento velint, ad ministros adeant, à quibus in priuatis adibus erudiantur. Quo die celebranda est, Minister aut breuiter extrema concione de ea commemorat: aut si res postulare videatur, sermonem omnem in ea tractanda explicandæque consumit: ut populum doceat quid hoc mysterio Dominus designet ac significet, & qua ratione eo sit participandum.

At soluta precatione, confessioneque fidei, ut multitudinis totius nomine Concionator testetur, velle omnes in doctrina religionæque Christiana viuere ac mori, clara & magna voce hæc pronuntiat.

Audite qua ratione Iesus Christus sacrosanctam suam cœnam instituerit: sicuti Paulus memoriæ tradidit vndecimo capite Epistolæ, quæ prior ad Corinthios scripta est.

Accepi, inquit, à Domino, quod & tradidi vobis, quod Dominus Iesus in ea nocte qua traditus est, accepit panem: & postquam gratias egisset, fregit, ac dixit: Accipite, edite: hoc meum est corpus, quod pro vobis frangitur: hoc facite in mei commemorationem. Ad eundem modum & poculum peracta cœna, dicens: Hoc poculum nouum testamentum est in meo sanguine. hoc facite quotiescunque biberitis, in mei commemorationem. Quotiescunque enim comederitis panem hunc, & poculum hoc biberitis, mortem Domini annuntiabitis, donec venerit. Itaque quisquis ederit panem hunc, aut biberit poculum Domini indignè, reus erit corporis & sanguinis Domini. Probet autem homo seipse, & sic de pane illo edat, & de poculo bibat. nam qui edit aut qui bibit indignè, iudicium sibi ipsi edit & bibit, non diiudicans corpus Domini.

Audiuimus, fratres, quemadmodum Dominus Cœnam suam vnà cum discipulis suis fecerit: ex quo quidē illud intelligi voluit, extraneos eosque qui in suorum numerum recepti non sunt, minimè esse admittendos. Quamobrem hanc ego regulam & præscriptionem secutus, in nomine atque auctoritate Domini nostri

Iesu Christi, hinc ego arceo ac repello, atque hoc sacrosancto mysterio interdicto omnibus idolorum cultoribus, impiè & contumeliosè de Deo loquentibus, impijs & consceleratis hominibus, numénque contemnentibus, hæreticis, ijsque omnibus qui certas sectas hæresisque sectantur, quò vinculum & communionem Ecclesiæ perfringant, periuros, contumaces in vtrunque parentem, ac superiores, seditiosos, factiosos sicarios, concitos ad rixam, adulteros, stupris, furtis, rapina, auaritia, vino, gulæ ventrisque vitio deditos, quicumque vitæ rationem sequuntur flagitiosam & offensiones ac scandala parientem, ijsque palàm denuntio, vt ab hoc sacrosancto conuiuio abstineant ne sanctissimas epulas quas Dominus solis suis domesticis & fidelibus parauit, foedè polluant atque contaminent.

Itaque Pauli consilio atque cohortationi parens, se quisque suamque conscientiam probet atque examinet, ac videat num verè se suorum scelerum pœniteat, atque ex ijs dolorem animo maximum capiat, capiens posthac vitam honestè ac sanctè institueret: sed multò maximè, an fiduciam habeat in Dei misericordia fixam & positam, & in Christo Iesu suam salutem omni ex parte quærat. omnibus inimicijs, ac simultatibus nuntium remittens, nihilque aliud studens, nisi vt posthac fraterna beneuolentia & charitate proximos suos complectatur.

Quòd si hoc studium in nobis esse nostra conscientia coram Deo testatur, ne dubitemus, quin habeat nos in filiorum loco & numero, Dominumque noster Iesus Christus nos appellet, atque ad conuiuium suum inuitet, sanctissimumque hoc sacramentum nobis offerat, quod cum discipulis suis communicauit.

Et quanquam plurimum in nobis fragilitatis & miserie sentimus, neque fide perfectæ pradi sumus, sed in diffidentiam & incredulitatem propendimus: multumque abest vt tanto studio atque ardore animi Deo seruiamus, quàm ratio exigit, quin potius bellum nobis assidue aduersus carnis nostræ concupiscentias gerendum est, quoniam tamen Dominus nobis benignitate sua concessit, vt eius Euangelium in animis nostris impressum atque insculptum sit, quò incredulitati diffidentiaque resistamus, nobisque desiderium largitus est, cupiditatibus nostris renuntiandi, quò iustitiam illius, sanctissimamque leges & præceptiones obseruemus, certum atque exploratum habeamus, vitia omnia quæ in nobis sunt, minimè obfuturæ, quominus nos admittat, dignosque reddat, qui spirituali hoc conuiuio participemus. Neque enim ob eam causam huc venimus, vt profiteamur nos integros & iustos esse in nobismetipsis: sed potius vitam nostram magno studio in Christo Iesu quærentes, fatemur nos in morte atque exitio versari. Teneamus igitur atque intelligamus, sacramentum hoc morbo ac dolore affectis medicinam esse, dignitatemque omnem quam à nobis Deus requirit, in eo versari, vt nosmetipsos quemadmodum recta ratio præscribit agnoscamus, dolorémque maximum ac mæorem ex vitijs nostris capiamus, voluptatémque & latitiã omnem in eo collocemus.

Primum igitur fidem habeamus promissis, quæ Christus Iesus, veritas ipsa constans & firma, nobis ostendit: velle se videlicet verè nobiscum carnem & sanguinem suum communicare, vt eum totum atq; integrum possideamus, ipseque in nobis viuatur, & nos in illo. Et quauis nihil nisi panem ac vinum videamus: minimè tamen dubitemus, quin spiritualiter in animis nostris id omne impleat ac perficiat, quod extrinsecus in his spectabilibus signis commonstrat: ipsum videlicet panem esse cœlestem, qui nos alat ac nutriat ad vitam æternam. Itaque ne in bonita-

tem infinitam Domini ingrati sumus, qui in hac mensa diuitias opesque suas omnes exponit, ut eas nobiscum communicet. Nobis enim sese largiens, testificatur se quidquid habet in nos profundere. Quamobrem sacramentum hoc tanquam pignus iustitiæ ipsius recipiamus, quæ nobis vi mortis ac supplicij illius imputabitur, nihilo secius quam si eo supplicio nosmetipsi affecti essemus. Ne igitur tam peruicaci ac perdita natura sumus, ut tum fugiamus, quum Christus nos tam humaniter ac liberaliter suo verbo inuitat. Sed muneris huius quod nobis imperti pretium ac dignitatem spectantes, ardenti studio ei nos offeramus, ut tam pretioso munere nos dignos reddat. Ob eamque causam animos ac mentes nostras sursum erigamus, ubi Christus est in gloria Patris, & unde eum nos ad redemptionem nostram expectamus. Neque verò animos in his terrenis & caducis elementis occupemus, quæ & oculis cernimus, & manibus tractamus, quasi eum ibi quæramus, ut in pane vinoque inclusum. Tum enim animi nostri substantia eius ali ac nutriri poterunt, quum supra terrena cuncta erecti, ad cælos usque pertingent, ut in regnum Dei, ubi ipse habitat, ingrediantur. Satis ergo habeamus, si panis ac vinum nobis pro nota & signo dentur, veritatem in spiritu inuestigantes, ubi Verbum diuinum eam nos reperturos confirmat.

Vbi finem dicendi concionator fecit, tum panem verbi Ministri, calicem verò seniores Ecclesiæ, qui morum censura præsent, unà cum prochorophij curatoribus, populo distribuunt, prius cōmonitione facta ut honestè & decenter cō quisque adeat. Interea canitur Psalmus aliquis, aut locus scripturæ, rei quæ sacramento designatur congruens atque conueniens, clara & magna voce recitatur.

Ad extremum habentur gratiarum actiones, quas supra descripsimus.

Non ignoramus plerosque maiorem in modum offensos fuisse, quòd tam multa in hoc genere ab usu multis iam seculis recepto aliena à nobis inducuntur. Quòd enim Missa multos annos tanto in pretio habita est, ut omnes eam existimarent disciplinæ religionisque Christianæ caput esse, non dubitamus permirum quamplurimis accidisse, quòd eam planè ac funditus tollendam curauimus.

Eamque ob rem quibus consilij nostri ratio minus perspecta est, ij sublata à nobis fuisse sacramenta existimant. Verum si quis instituti nostri rationem diligentius perpendat, is sine dubio intelliget restituta potius atque in usu relata à nobis fuisse. Quòd ut perspicere à quo quis possit, consideretur quanta inter Missam & Christi institutionem similitudo sit. Quis non videt, non minus inter utrāque, quam inter lucem & tenebras interesse? Tamen si non est hoc quidem loco propositi instituti nostri, copiosius hanc disputationem persequi. Verum ut ijs satisfacereamus, qui per ignorantiam eo nomine offendi possent, operæ pretium nobis visum est, non nihil obiter de ea re commemorare. Quum enim sacramentum Domini tam multis corruptelis ac vitiis inquinatum ac fœdatum esse videremus: ut huiusce malis remedium adhiberemus, necesse habuimus multa immutare, quæ perperam ac vitiose introducta fuerant, certè in peruersum ac præposterum usum deorta. Quòd quòd rectius faceremus, quæ tandem potius sequenda esse ratio videbatur, quàm si ad purum & incorruptum Christi institutum rem omnem reuocaremus? quòd sanè religiosè ac bona fide (quemadmo-

dum satis intelligi licet) secuti sumus. Hæc enim ipsa emendatio est, quam nobis Paulus præscripsit.

FORMULA ET RATIO CELEBRANDI MATRIMONII.

PRIVS QVAM celebretur confirmeturque publicè matrimonium, palàm in Ecclesia publicatur tribus ante diebus dominicis continuus: ut si forte quis impediendi aliquid nouerit, id in tempore denuntiet, aut si cuius eas nuptias celebrari intersit, is possit intercedere.

QVÆ ut facta sunt, tum se in exorsu concionis sponsus ac sponsa sistunt in Ecclesia. Minister autem publicus sic initium dicendi facit. **AVXILIVM NOSTRVM** in nomine domini, qui fecit cælum & terram. Amen.



DEVS Parens noster, posteaquam cælum & terram creauit, eaque omnia quæ amplissimo cæli complexu coërcentur, hominem ad imaginem similitudinemque sui finxit, qui imperium & dominatum teneret animantium omnium quæ tum in terra, tum in aqua, tum in aëre versantur, hisque verbis post creatum hominem est usus. Non expedit hominem esse solum: Fingamus ei adiumentum simile illius. Itaque immisit dominus Deus soporem in Adam, qui cum obdormiret, Deus vnā ex costis eius tulit, eaque formauit Euam significans atque adeo aperte ostendens virum & mulierem, nihil nisi corpus vnum esse, vnā carnem, vnumque sanguinem. Quocirca deserit homo patrem & matrem, & adhæret uxori suæ: quam ita amare charāque habere debet, ut Christus charā habuit Ecclesiam: id est veros fideles & Christianos, quorum causā mortem oppetiuit. Uxor vicissim viro, intra sanctitatem & honestatem inferuire atque obsequi debet. Quādiu enim vnā cum viro etatem agit, eius imperio subiecta est. Hoc porro sanctum matrimonium, honoratum, à Deoque institutum, vim eam habet, ut eius causā vir potestatem sui corporis non habeat, sed vxor: vxor contra sui corporis dominatu careat, qui à viro tenetur. Itaque à Deo coniuncti, separari nullo modo possunt, nisi ad tempus aliquod, vtriusque consensu & voluntate, ut ieiunio se & precationi dedant, cauentes etiam atque etiam ne tententur à Sathana, per incontinentiam. Eoque, reuerti ac referre sese alter ad alterum debebit. Etenim stupri & fornicationis vitandæ causā vxorem quisque habere debet, & vnaquæque mulier, virum: ut quicumque sibi temperare non possunt continentiaque præditi non sunt, præcepto Dei iubeantur matrimonium contrahere: ne sanctum Dei templum (nimirum nostra corpora) violetur ac polluat. Quum enim corpora nostra membra sint Iesu Christi, quam indignum facinus esset, si scortis membra fierent? Itaque sanctè & religiosè seruanda & custodienda sunt. Nam si quis templum Dei violet, eum Dominus malè perdet.

Vos igitur (sponsus & sponsam nomine appellat) N. N. non dubitantes, hoc à Deo institutum esse, ecquid in hoc sanctissimo matrimonio etatem agere vultis, quod Dominus tanto honore cumulauit? hocine cum animis vestris statutum ac deliberatum habetis, quemadmodum hoc in loco coram Ecclesia eius sanctitate stificamini. postulantes ut hoc vestrum consilium comprobetur?

Respondent, Maxime.

Minister.

Vos ego omnes qui præsentés ad estis testes facio, per oque ut huius rei memoriam habeatis. Quanquam si quis est, qui impedimentum aliquod esse intelligat aut alterum matrimonio

Matt. 19.

Eph. 5.

Col. 3.

1. Tim. 2.

2. Pet. 3.

Gen. 1. 2. 3.

1. Cor. 7.

Hebr. 13.

Matt. 19.

1. Cor. 7.

2. Cor. 3. 6.

1. Cor. 3.

trimonio cum altero esse coniunctum, id enuntiet.

Si nemo contradicat, tum Minister,

Quoniam, inquit, nemo est qui contradicat, neque ullum est impedimentum, Dominus Deus, sanctum consilium vestrum confirmet, quod vobis elargitus est: principiumque vestrum sit in nomine Domini, qui fecit cælum & terram, Amen.

Minister sponsum appellans, his eum verbis affatur.

Tu N. profiteris hinc in conspectu tum Dei, tum sanctæ ipsius Ecclesiæ, ducere te in sponsam & uxorem N. quam hinc præsentem vides, eamque te habiturum spondes, amore vtens, & charitate fida & constante, sicuti certus & fidelis viri munus atque officium postulat: sanctè cum ea ætatem agens, fidelitatem ei omnibus in rebus præstans: sicuti verbum diuinum atque Euangelium postulat.

Respondet, Spondeo.

Tum sponsam appellans, inquit,

Tu N. profiteris hinc in conspectu tum Dei, tum sanctæ ipsius Ecclesiæ, nuptias te N. spondidisse, ei que utpote legitimo mari: nubere, cui te obsequituram spondes, ei inseruientem, imperioque eius subiectam, vitam sanctè & honestè colentem, fidelitatemque ei omnibus in rebus præstantem: sicuti fidelem sponsam suo marito præstare decet: ex regula diuini verbi, & Euangelij.

Respondet, Spondeo.

Tum Minister,

Pater, inquit, omnis misericordiæ, qui benignitate vos sua ad hoc sanctissimum matrimonium adduxit: propter Iesum Christum eius Filium, qui sanctissima sua præsentia matrimonium sanctificauit, primum ibi signum edens coram Apostolis, vobis Spiritum suum sanctum largiatur, vt ei in hoc præclaro & nobili vita genere seruire atque honorem perpetuò tribuere possitis, Amen. Ioan. 2.

Audite Euangelium & præceptum Domini, quemadmodum matrimonium sanctè habere velit, sitque firmum & indissolubile: sicuti scriptum est apud Matthæum, decimonono capite.

ET accesserunt ad eum Pharisei, tentantes eum, ac dicentes: Licetne homini diuortium facere cum uxore sua, qualibet ex causa? Qui respondens, ait illis: An non legistis quòd is qui fecit ab initio masculum & fæminam, fecit eos? Et dixit: Propterea deseret homo patrem & matrem, & agglutinabitur uxori suæ: & erunt duo in carnem vnā. Quod ergo Deus copulauit, homo ne separet.

Credite verbis istis sanctissimis, quæ Dominus noster Iesus pronuntiauit, sicuti testatur Euangelista: & certum habete, Dominum Deum copulasse vos in hoc sanctissimo vita genere. Itaque, vitam vnā sanctè & honestè degite, charitatem, pacem & concordiam colentes, fidelitatem mutuò præstantes, ex regula & præscriptione verbi Dei.

Deum igitur vnā omnes mente & animo precemur.

DEVS omnipotens, bone, & sapiens: qui ab initio præuidisti non expedire homini esse soli: ob eamque causam adiumentum ei creasti eius simile, ac vo-

luisi duos vnum idémque esse, suppliciter abs te petimus, quando dignatus es hosce ambos ad matrimonium contrahendum perducere, vt pro clementia & benignitate tua Spiritum tuum sanctum eis largiri atque impertire dignêris: vt in vera & stabili fide voluntati tuæ morem gerentes, sanctè etatem agant, omnes carnis libidines & affectiones viciosas subigentes, purèque viuentes, atque alijs honestatis & castimoniæ documento sint, benedictione tua saluari eos donans, similiter atque fideles tuos seruos, Abrahamum, Isaacum & Iacobum: vt prolem habentes sanctam & incorruptam, tibi seruiant ac laudes tribuant, doctrina saluari eam instruentes, atque ad gloriam & laudem tui nominis alentes, proximique vtilitatem, & Euangelij tui propagationem. Exaudi nos Parens misericordiæ, per Dominum nostrum Iesum Christum, Filium tuum charissimum, Amen.

Dominus vos beneficijs omnibus cumulet, vobisque concedat, vt virtutem & probitatem colentes, simul ad multum temporis honestè & sanctè vitam perducatis.

DE VISITANDIS AEGROTIS.



Idelis & veri Ministri officium est, non modò populum, cui Pastor est praefectus, palàm & publicè docère: sed etiam, quoad eius fieri potest, vnumquenque seorsim admonere, cohortari, redarguere, & consolari. Quòd si vllum vnquam est tempus, quum homini Christiana doctrina necessaria est, tum certè multò maxime necessariam esse constat, quum Dominus eum inuisit, aut morbo, aut alio quopiam malo eum afficiens: praesertim verò mortis tempore. Tum enim multò quàm vnquam antea vehementius conscientia sua vrgetur: siue ob iudicium Dei, quò se sine mora vocari intelligit, siue ob impugnationes Diaboli, qui tum vehementer laborat ac studet, vt animum aegroti labefaceret. Obeamque causam Ministri officium est, morbo affectos visitare, & verbo Domini consolari: ac docere quicquid eis accidit incommodi, à Deo immissum esse, eiusdémque prouidentia contigisse: qui suis fidelibus nihil vnquam impertit, nisi in eorum salutem & emolumentum. Cuius rei argumenta, ac testimonia ex Scriptura proferet, quæ temporis conuenientia maximèque accommodata esse intelliget. Quòd si aegrotum graui & periculoso morbo afflictari videat, tum consolationem adhibeat magis præcipuam ac peculiarem: idque pro eo, ac sensum animi illius perspiciet: vt si eum horrore mortis perterritum videat, doceat nihil esse in morte, quod fidelibus sit pertimescendum: qui ducem habent suum Iesum Christum, à quo per mortem in eam vitam perducentur, in quam ipse ingressus est. Ac simili cohortatione adimat ei terrorem, quem concepit iudicij diuini. Sin eum haud satis peccatorum conscientia commotum intelligat, iustitiam ei diuinam explicet atque ostendat: apud quam stare nemo poterit, nisi misericordia Dei instructus, & Iesum Christum pro salute vnica ac singulari complexus. Contrà, si eum delictorum suorum cogitatione angere ac premi videat, tum quam diligentissimè poterit, Iesum Christum ei depingat atque exprimat: doceatque peccatores omnes, qui sibi ipsi diffidentes, eius bonitate confidunt, in eo solatium ac praesidium habituros.

DEFENSIO SANAE ET ORTHO-
doxæ doctrinæ de seruitute & liberatione humani
arbitrii, aduersus calumnias Alberti Pi-
ghii Campensis.

AUTHORE IOANNE CALVINO.

IOANNES CALVINVS CLARISSI-
mo viro Philippo Melanthoni.

ET si nec singulare illud iudicij tui acumen, quod iure mirantur omnes ignoro, & eius censuram, sicuti par est, reuereor: libellum tamen hunc si priuatim tibi legendum mitterem, fretus amoris erga^{te} mei fide, non longa excusatione vterer. Nunc autem quia publicè inscribere tibi ausus sum, non de futuros scio, qui temeritatis in eo me accusent. Eorū igitur causa, quod necesse apud te non esset, vnde hanc fiduciam cœperim, breuiter exponam. Principiò, eum tibi librum offero, quem duplici nomine tibi gratum fore certò nouitum quòd me amas auctorem, tum quòd piæ sanæque doctrinæ defensionem continet: cuius tu non modò studiosissimus es cultor, sed eximius fortissimûsque vindex. Accedit & tertia commendatio, eaque non vulgaris, quòd simplex ac sincerum est, quo vtor, defensionis genus. Quantum enim à versutis obliquisque in disputando artibus, quæ claris alioqui aperiisq; rebus tenebras obducant, ab omni denique fūco & sophistica, abhorres: tantum tibi placet nuda ingenuaque perspicuitas, quæ rem, si ne ullis inuolucris, ante oculos statuat atque exponat. Atque hæc tua virtus, sicut est rari exempli, ita magnam sæpe mihi admirationem mouit, quòd cum incredibili perspicacia excellas, simplicitate tamen nihil habeas antiquius. Valebit igitur non parum & hæc causa, scio, ad conciliandam libello gratiam. Præterea memini, has te aliquando mihi mandasse partes, vt si nos lacerare pergeret Pighius, ad reprimendam eius proteruiam aliquid conscriberem. Quod tamen vt facere nunc demum inciperem, non modò tua auctoritate adductus, sed eius quoque improbitate compulsus fui. Libris enim decem de libero arbitrio & prædestinatione nuper editis, quicquid de his rebus prodideram, non iudicio aut delectu, sed mera pugnandi libidine, confutandum suscepit: vbi adeò insolenter, tamque effreni ferocia, aduersus puram, quam tuemur, pietatis doctrinam se iactat, vt occurrere aliquo modo tantæ hominis petulantia, nisi silentio prodero vellem Christi gloriam, necesse habuerim. Postulabat autem huius argumenti tractatio plus aliquanto & ocij, & temporis. Sed quia videbam id captare aduersarium, vt si diutius differrem, hac mea mora, ad occupandos præiudicio quodam hominum animos abuteretur, malui aliquid citò dare, vel minus elaboratum: quàm tacendo pati, vt, cum bonæ causæ dispendio, inani eiusmodi iactantia frueretur. Quanquam sic mihi festinasse videor, vt minimè tamen præcipitauerim nimia celeritate. Quodenim præcipuum erat, consecutum magna ex parte, spero, iudicabis: vt dicerem quantum ad repellendos aduersarij calumnias, satis esset. Et tamen hanc excusati onem prætermittere non

oportuit: quam si tu pro insigni tua humanitate recipies, viam alijs monstrabis, ne mihi se iniquiores præbeant, aut minus benignos. Mihi certè sæpius in mentem venit, de conditione nostra queri quòd tanta negotiorum, quæ subinde nobis ingeruntur, & multitudine obruti, & assiduitate oppressi, & varietate distracti, idque domi simul & foris, non possumus ad vnum aliquid agendum, animos diligentiamque intendere, sed huc inde perpetuo cursitare cogamur: sicut qui varijs & operosis ministerijs destinati, quibus simul obeundus nequaquam sint pares, dum eodem momento undique urgentur quorsum se vertere debeant, præ lassitudine nesciunt. Interea quicunque ex hostibus nos aggredi instituunt, ab alijs omnibus curis soluti ac vacui in alta pace, quoad libuerit, ad instruendum belli apparatus sunt intenti, & colligendas copias, quas deinde per suam opportunitatem in nos emittant. si quid fatigationis sentiunt ex vno congressu, quietem & inducias tunc quoque pro suo arbitrio sibi sumunt, donec reffectis animis & viribus, iterum ad nos impetendos instructi sunt ac parati. Huc etiam accedit, quòd tantis locorum spatijs diuisi, illa etiam vnde non parum leuationis sperandum foret, commoditate destituimur, communicandi scilicet inter nos consiliaque pro rerum & temporum ratione, conferendi. Hæc, ut dixi, non sine gemitu sortisque nostræ deploratione reputo mecum ac perpendo. Cæterum, quominus ista cogitatione frangar, occurrit ex altera parte non minimum solatium. Primum quia statuo nos non sine certo Dei consilio, & talibus obsideri premique angustijs, & ijs, quæ humanitus iuuare nos possent, subsidij deficere, ut melius expergefacti, respicere in ipsum solum discamus. Deinde quia vetus hoc esse exemplum, cum animo recordor. Refert enim sacra historia, Israelitas cum ex captiuitate restituti ciuitatem extruerent, pari difficultate laborasse. Nam cum ipsa operis magnitudo ac moles, cum temporis angustia plus satis eosurgerent, ab hostibus aliquanto plus negotij molestiaque sustinebant. Et tamen videmus id non obstitisse, quominus constanter infractisque animis pergerent in opere, usque dum ad extremum constanti eorum assiduitate hostium improbitas & rabies frangeretur. Si quidè hoc nõ vulgare erat fortitudinis specimè, gladijs accinctos cæmentum & lateres comportare: altera manu tenere gladium, facere opus, trullamque versare altera: atque ita architectura dare operam, & simul ad prælium esse expeditos. Eius historia recordatione excitari nos quoque decet, ut inter tot difficultates, quæ nos ad desperationem sollicitant, animam nihilominus colligamus. Cum mirabili sua, tum potentia, tum bonitate Dominus ab horrenda illa Antichristi Ro. tyrannide nos liberauit, ciuitatis suæ sanctæ Ierusalem, id est, Ecclesiæ instauranda prouinciam hodie nobis mandat. Arduum sanè per se opus ac laboriosum: ut nihil aliunde superueniat impediementi. Verum Sathanæ ministri & satellites, quibus id est propositum, ne Ecclesiæ ædificationem, quoad in se erit surgere patiantur, assiduis certaminibus nos vexando, plus adhuc negotij faciunt. Itaque, cum securam ab alijs rebus vacationem requirat ordinarius reparandæ Ecclesiæ labor, cui nos, quãdo ita Domino visum est, destinati sumus, simul atque lapidem vnum cœpimus tollere, isti classico ad prælium nos citant. Cum nos exigua simus hominum manus: illi ingentem faciant exercitum: quĩ possumus, & resistere simul illis, & manus habere semper in opere occupatas? nisi nobis in mentem veniat, sic nunc agere Deum, ut pridem solitum est, quò illustriorem manus suæ potentiam reddat: nobis sufficere hoc debere, quod etiam si parum proficere nunc videamur labore nostro: de successu tamen perinde ac si iam extaret, simus certi, quando sub eius vexillo auspiciisque militamus. Quòd si hominum quorundam reprehensionem non effugiat nostra sedulitas (ut plerique hodie sunt nimis delicati

*Et morosi) quia festinationem alicubi respiciat, hac nos conscientia sustineat ac-
 confirmet, quod Deo Iudici nostro, Christo Domino ac Duci, sanctisque Ange-
 lus eam scimus approbari. Quod ad me priuatim attinet, cum satis, cui seruiam,
 nouerim: in hac fiducia totus acquiesco, quod illi placere obsequium meum
 qualecunque, nihil dubito. Caterum, si hominum iudicium
 queritur, tuum vnus mihi instar omnium futurum sem-
 per est, sicut meritò esse debet. Mense
 Februar. M.D.XLIII.*

DEFENSIO SANAE ET ORTHO-
doxæ doctrinæ, De seruitute & liberatione hu-
mani arbitrii, aduersus calumnias Alber-
ti Pighii Campensis.

In primum librum.



Cum ante biennium in conuentu VVormaciensi effemus, au-
diebam Albertum Pighium mihi iam minari, ac certamen denun-
ciare, verum id procul. Librum enim nescio quem se scripsisse ia-
ctabat inter suos, quo totus conficerer: nondum tamen proferebat.
Cum verò postea Ratisponam ventum esset, ac dimidius ille liber,
in Lutherum ac Philippum Melancthonem præsertim, deinde in
nos simul omnes compositus, prodisset, qui deinde accessione se-
cunde partis auctus fuit, mihi iam magna ex parte videbar liberatus, ne quid saltem in me
priuatim ederet. Sic enim cogitabam, quia me indignum iudicasset, in quem vnum vires
suis experiretur, maluisse ad ipsius communis causæ oppugnationem eas conferre: ut si
quam victoriam reportaret, nobilior esset triumphus: sin autem vinceretur, minore id de-
decere fieret. Nam & argumētum, quod aduersum me tractare instituerat, illic prosequen-
tibus: & stylum in me pluribus nominatim locis stringebat. Interea audio præclarum il-
lum librum volitare: sed inter eos, quibus sine maiori inquisitione, hoc tantum nomine pla-
ceret, quòd Christi doctrinæ aduersaretur. Mihi ut fieret inspiciendi copia, obtinere non
potui. Neque, ut verum fatear, de eare sui magnopere sollicitus, quia nihil fore certius pu-
tabam, quam ut postridiè ederetur. Annus inde vnus præterijt, antequam in lucem, vel to-
tus, vel aliqua ex parte, prodiret. Itaque nihil ampliùs dubitabam, quin consilium mutasset.
Et iam securus à Pighio, aliud opus in manus sumpseram, cum mihi præter spem offerretur
magnum eius volumen, De libero arbitrio inscriptum: in quo tametsi me non statim ab ini-
tio nominat, vbi tamen ad ipsius causæ tractationem descendit, satis demonstrat, nihil sibi
aliud esse propositum, quàm ut, quæ de hac re in mea institutione disputavi, penitus euertat.

Atque id quidem se eo consilio facere profitetur, ut Lutherum & alios omnes nostros
per latus meum confodiat: me tamen vnum peculiariter vocat in certamen, ac mecum ma-
num conserit: quòd & me diligentius executū esse putat totam huius quæstionis summam:
& certiore ordine, ac clariore methodo, quàm alij fecerint, omnia explicasse. Equidem non
ausus fuisssem communis causæ defensionem suscipere, si omnes simul fuisset aggressus, ne
temeritate magis & stulta confidentia impulsus, quàm recto consilio inductus, alios vo-
luisse anteuertere viderer, quos cōstat longè esse aptiores. Quòd nisi obstitisset hic ti-
mor, aliquid fortè ad priorem illum librum, cuius memini, re spōdissem. Nunc tamen gaudeo
qualicūque de causa, me fuisse retentum, dum video Bucerum has sibi sumpsisse partes: à
quo melius & splendidius pro sua dignitate tractari potuit. Quòd autem iam, alijs non ex-
pectatis, ipse respondeo, neminem mihi vitio daturum arbitror, cum ita palam Deo insul-
tet Pighius, nisi pro sanæ doctrinæ defensione me obijciam. Ergo vtrūque hodie multas
habeat exercitus Domini & instructiores, & magis exercitatos, qui stilius superbi Go-
liath insolentiam reprimere possint, & parati sint, si res ita postularet: quoniam ta-
men, illis præteritis, nomine me citat in certamen, ne vel vnum ex Christi seruis se vi-

cisse gloriatur, cœlesti Regis ac ducis mei virtute fretus, & armis illis spiritualibus, quæ subministrare suus solet, in medium prodeō.

Cur autem me ex tam multis vnum delegerit Pighius, cui certamen indiceret, ipse viderit: si quid tamen, rabie excacatus, videre potest, fallitur enim, si me illo elogio, quod mihi obiter tribuit, veltantillum commoueri putat, fingit hoc fortè in suum commodum, cum mihi præ alijs nonnihil concedit, ne videatur cum gregario quolibet manus conseruisse. Verum quidquid sentiat, mea nihil aut minimum refert. Neque enim in eruditione aut facundia, sed in pura conscientia, fidelium gloria consistit: idque non apud homines, sed in Dei conspectu. Deinde non tanti eius facio iudicium, vt propterea mihi placeam. Latus sum laudari me, inquit ille in veteri tragœdia, sed à laudato viro. Ergo, etiam si ambitiosus forem, non tamen causam habere expetendæ laudis ab hoc ore tam impuro ac fœtido, quod non nisi execrabiles in Christum contumelias subinde spirat. Huc accedit, quòd dum sua intemperie abripitur, nihil iudicat nec cernit: siue quòd impietatis suæ meritò in reprobam mentem datus, manifestum est diuinæ vindictæ exemplum: siue quòd intolerabilis superbia, qua turget, pessimum est cecitatis genus. Proinde veluti in scenis, Eumenidum videt agmina Pentheus. Et solem geminum, & duplices se ostendere thebas: ita hic tam acutos habet oculos, vt quod nusquam est, videre se putet. Verum hoc interea malū simul habet, quòd in clara luce non minùs cæcutit, quàm si extrema vertigine percussus foret.

Fateor aliàs hominem esse ingeniosum & doctum: acumen illi in disputationibus, & digerendi artem concedo: agnosco populariter disertum esse: hoc est, valere ea eloquentia, quæ mediocriter literis tinctos, cuius generis plurimi hodie sunt, capere & allicere queat. sed quorsum omnes istæ dotes, vbi tota hominis mens furore alienata est ac perditæ? Quomobrem si quem locum habere vult inter literatos (cuius gloriæ se plus satis cupidum esse prodit) ad sanam mentem antè redeat oportet. Huius autem, qua nunc laborat, curandæ amentia hæc duo sunt remedia: si aduersus claram certamque Dei veritatem deliberata malitia bellum gerere designat: si stolidam sui persuasionem, & nimis insolentem fastum, quo totus obstupefcit, exuat & alijciat. Verum ne videar contentionis ardore contra hominem præter modum incitari, malo iam in eius librum, quasi in rem præsentem, lectores adducere: vt illic quæcunque dico, aut plura etiam, recognoscant.

Verum antequam huc venio, de ordine agendi meo, quem tenere institui, paucis præfari mihi necesse est. Principiò, non est quòd expectet lector, vt in respondendo filum orationis Pighianæ sequar. Nam si singula vellem minutatim excutere & nihil relinquere intactum, vsque ad immensam magnitudinem excresceret liber. præterquàm enim quòd loquendi profluentia habet vnguentam à natura, in hoc etià semper multū operæponit ac studiū, vt cum sua magniloquentia causam obscurat, tum aduersarium longo ac volubili rotatu verborū obruat. fortassis etiam laudem inde captat: quoniam hæc est optima sese iactandi ratio inter imperitos, magnis clamoribus, & longa verborum congerie exultare. Ego verò palmam hac in parte libenter illi concesserim, vel sine certamine. siquidem non orationis minus quàm alui profluentia, pro vitio habeo. Quòd autem ei assodi artificio ad causam obtinendam nititur, quasi verba fundendo, lectorum oculos, velut sparsis nebulis possit perstringere, id apud sanos homines nimis infirmum erit præsidium.

Rudi-

Rudibus proculdubio & nullus iudicij hominibus fucum faciet: sed qui micam recte intelligentiæ habebit, nihil morabitur ampullas illas, in quibus nihil solidi reperiet. Itaque contentus ero efficere, ut perspiciant omnes p̃j. & vero iudicio præditi lectores, Pighium ex fulgore fumum, me ex fumo dare lucem, hoc est, quæ à me bene scripta fuerant, suis illum calumnijs & malitiosis cauillis deprauasse: me verò nihil aliud quærere, nisi ut pura & simplex Dei veritas, discussus sathana fumus, eluceat. Id enim satius fore puto, quàm longa & supernacua scriptione frustra me fatigare, & simul esse lectoribus molestum. Est etiam alia causa, ut nihil à iis simulem, quæ me breuem esse cogit. Constringor enim temporis angustijs, quando mihi vix duo menses vsque ad nundinas Francfordienses restant, quibus statui, si fieri poterit, hanc responsionem edere. Atque vtinam dimidium eius temporis vacuum mihi prorsus & liberum ad scribendam relinqueretur. Quamobrem veniam meæ festinationi dabunt lectores, sicubi leuius ea transcurram, quæ longiorem meditationem, & magis exquisitam diligentiam requirebant. Quod si mihi quispiam vetus illud ac vulgare dicterium obijciat, ineptum esse culpam deprecari, quæ potuerim carere, si voluissẽ, in promptu est responsio: primum me officij necessitate compelli, ut Dei veritatem sustineam ac defendam, vbi domi meæ oppugnatur: deinde me sic raptim scripturum, ut tamen utilis in publicum futurus sit labor, nec à causæ gravitate alienus: etiamsi eius dignitati minus vndeunque respondeat.

Quod tamen, comparatis inter se meis & illius scriptis, facilius ac certius iudicium facere queant lectores, & quasi rerum summas digito notare, ordinem ac dispositionem, quam ipse observauit in suo opere, sequar. Tantùm hoc erit discriminis: quod cum venditare se magnifico verborum apparatu voluerit, ego compendio ac simplicitati, quoad licebit, studebo: deinde cum Trasfonico suo fastu, ac virulentis in nos conuicijs multas paginas occupauerit, in hoc quoque genere libenter illi cedam. Nihil enim vel Christi gloriæ decedere, vel bonorum existimationi obesse puto, si Pighius disertus conuicator & sit, & vocetur: modo simul omnes intelligant, eum furiosa partim maledicendi libidine, partim atrabili, vel potius mania percitum, huc illuc nullo delectu raptari.

Ac principio quæ in sua ad Sadoletum Epistola tractat, tametsi non sunt huius quæstionis propria, quia tamen ad prægrauandam nostram causam spectant, obiter expendamus. Miratur ac deplorat Pighius Germaniæ suæ stuporem, quæ potuerit ad doctrinam nostram commoueri. Nos enim negotium aggredi longè difficilius, quàm olim fecerint Apostoli: deinde absurdissima docere, & quicquid olim alienum à vera pietatis regula commenti sunt hæretici, ab inferis reuocare: imò superare omnium deliramenta: & tamen nihil, vel in speciem habere, quod falso saltem splendore homines possit fallere. Neque enim vel doctrina, vel facundia, vel sanctitate vitæ excellere: quæ hominum attentionem excitare debeat. Atque ut hoc melius amplificet, ostendit quam inepta sit ac præpostera nostra agendi ratio. Respondeo breuiter, nimis stupidum esse Pighium, qui non agnoscat illud ire ac manifestum esse diuinæ potentiæ miraculum, quod, velit nolit, mirari cogitur. Nam quò nos minus bene comparati instruicque sumus ad tantum tamque arduum opus, eò magis perspicua elucet Dei virtus: quæ per nostram infirmitatem totum orbem concutit. Quod si ista Pighij querimonia in Apostolo-

rum tempus conferantur, dicas Porphyrium, aut aliquem alium ex illa cohorte loqui. Itaque ne hic longior sim, respondebo ex ore Pauli: nos libenter fateri, tot ac tanta præsidia nobis minimè suppetere, quæ ad tantam molem sustinendam sufficiant: quòd doctrinæ nostræ veritas ac fides non eloquentia, aut eruditione propria, sed spiritali Dei virtute fundata sit. Causam certè validam ac fortem esse oportet, quæ non hominum patrocinio, non externis quibuslibet adminiculis, sed sola sua bonitate suffulta consistat.

Designat ergo stupere Pighius, vnde hæc noua & inaudita doctrinæ nostræ efficacia: quando res ipsa clamat, non Lutherum initio locutum, sed Deum per os eius fulminasse: neque nos hodie loqui, sed Deum è cælo virtutem suam exercere. Atqui ex altera parte demonstrat, quantum ab Apostolis differamus. Equidem si de personis agitur, nullis verbis satis exprimi potest, quanto intervallo nos illi præcellant: sed in quibus nos dissimiles facit Pighius quantum ad doctrinam, dico nos esse similes. Illi, inquit, ea narrabant quæ viderant oculis, quæ auribus hauserant, quæ prædicta fuerant, quæ figuris adumbrata. Nos autem quid? An nouum Euangelium excudimus, cui postulemus haberi fidem, illo valere iussu quod Apostoli prodiderunt? Multas & de rebus varijs controuersias habemus cum regno Rom. Antichristi, sed omnes propemodum ex hoc fonte fluunt, quòd Christo, Prophetis & Apostolis audientiam dari volumus, aduersarij, quia silentium palàm iniungere illis non audent, suis figmentis locum iubent dare. Mirus, inquit, Apostolorum consensus erat in doctrina. Quasi verò non hunc quoque consensum dederit ijs Dominus, qui Euangelij doctrinam in pristinum suum locum restituere hodie conantur. Aderat, inquit, diuinæ operationis vis præsentanea: aderat Spiritus ille igneus, qui se illorum moribus, vultu, oculisque promebat. Sed enim hæc & quæcunque alia commemorat Pighius, in Apostolicæ doctrinæ, vel commendationem, vel approbationem, arma nostra sunt. Quicquid enim docemus, in hanc summam redit, vt Euangelium illud, quod tot præclaris testimonijs confirmatum fuisse pronuntiat, à mundo audiat. Sepultum enim fuisse, & quasi abolitum ex hominum memoria, conquerimur, neque immerito. Nec aliud quasitum est à nostris per hos viginti quinque annos, quàm vt tota contentio sic dirimeretur, ne hominibus cederet victoria, sed penes doctrinam illam à Christo & Apostolis proditam, vt par erat, solum maneret. Nunc quoque, si conuicti fuerimus, aliquid præter eam docere, non modò recantare parati sumus: sed omni studio impugnare. Ergo cum à nobis miracula flagitantur, & alia quibus olim Euangelij maiestas sancita fuit, non alia proferenda sunt, quàm quæ tunc per manus Apostolorum fuerant adita. Semel enim extiterunt, sed in perpetuam Euangelij confirmationem. Atque hic mihi quàm spaciosus dicendi campus pateret, cum de ingratitudine ac malitia, tum etiam de impudentia eorum, qui non modò Euangelium Christi, perinde ac si nouum foret ac nuper natum, nouis iterum signis approbari postulant, sed illa ipsa miracula, quæ eius gloriæ seruire debent, in contumeliam torquent atque ludibrium? Sed quoniam ad hanc rem alterum opus destinavi, in præsentia supersedeo. At pergit Pighius in excutienda nobis hac defensione, quando tota nostræ doctrinæ ad hoc vnum composita sit, vt omnem prorsus pietatem aboleat, vt omnem religionem eximat è mentibus hominum, quòd meris fucis, technis, ac imposturis agamus, improbo Scripturæ abusu, audacia

cia atque impudentia singulari, mendacijs, conuitijs, improborum conspiratione, seditionibus, plusquam paganica viuendi licentia. Et quid non? De priore calumnia postea suo loco videbitur. Quantum ad actionem pertinet: à mendacijs Pighij ad rem ipsam prouoco. De amarulentia tantum hoc verbum dicam, non nisi in eos esse effusam, quibus ipsum Dei verbum odor est mortis in mortem: deinde non posse nimiam iudicari, si quis rerum indignitatem reputet, quæ eam extorsit. Porro doctrinam ab eorum vita æstimari, qui ea abutuntur, nimis iniquum est. Quamquam fide nobis & aduersarijs iudicium fieri ex vita placeat, hanc legem minimè recusamus. Qualescunque enim sumus, gloriari tamen nobis meliori iure licet, quàm optandum foret, aliam esse nostram vitam, quam omnium Romanensium, qui regnum Antichristi hodie sustinent. Proinde non vereor, si quis nostram & illorum vitam penitus inspiciat, & ita inter se conferat: quin nos saltem timere Deum, illos prorsus contemnere, & ipsum & eius legem, euidenter cernat.

Quod negotium nos difficilius moliri dicit quàm olim Apostoli fecerint, si in alium sensum acciperet, non prorsus à vero aberraret. Nā si quis temporis illius statum prudenter cōsideret, quo exortus est Lutherus, eum alias fere omnes difficultates habuisse cum Apostolis cūmunes videbit. vna verò in re iniquiorē ac duriorē fuisse eius conditionem quàm illorum, quòd nulum erat tunc in mundo regnū, nullus principatus, cui illi bellum indicerent: hic autem emergere nullo modo poterat, nisi eius imperij ruina & interitu, quod non modò omnium potentissimum erat, sed reliqua omnia, quasi sibi obnoxia tenebat. Hanc difficultatem nunc quoque sustinemus, satis scitur, quantum valeat Pontifex tum armorum potentia, tum fœderum auxilijs, tum pecunijs, tum ipsa nominis reuerentia. Deinde, quantum præsidij & roboris habeat in hac immensa sua colluue, quæ vbiq; terrarum sparsa est: cardinalium dico, episcoporum, & sacerdotum. Atquæ omnes vno animo, quoniam non aliter saluos se fore vident, nisi profligata nostra doctrina, ad eam opprimendam, non secus ac si pro aris & focis, imo pro suis ipsorum capitibus pugnarent, opes omnes suas viresq; conferunt. Dicerem hac quoque molestia nos præ Apostolis laborare, quòd lucrandum nobis est cum fallaci ecclesiæ larua, & cum fucata impietate, quæ sub ipso Dei nomine delitescit, nisi hac arena similiter complures ex Prophetis & Apostolis exercuisset. Verum vt ad Pighij objectionem semel respondeam, difficile & laboriosum opus est, tot impietatis monstra, tantum impiæ doctrinæ labyrinthum, tot superstitionum species, quæ per aliquot secula occupauerint omnium animos, quæ tam altas radices egerint, quæ tam speciosos colores præferant, derepente profligare, ac tollere penitus è medio: præsertim cum tota mundi potentia contrà resistat, & ferro, ignibus omnique sæuitia genere, ad illa vindicanda insurgat. Audax conatus, inquit Pighius: non negoti-merarium etiam confiterer, si hominum opus, non Dei ipsius foret. Sed cum Paulum audimus concionantem de potestate illa inuicta, quæ ministris Euangelij data est, ad diruendas omnes machinationes, ad demolienda consilia, ad omnem denique celsitudinem destruendam, quæ se extollit aduersus cognitionem Christi, animos colligimus vt intrepidi stemus contra hunc totum Satanae apparatus, quo sustinetur Papiasmus.

Ad delendos porro fucos illos, quibus meretricem suam ornat Pighius, sponte

gia hæc nobis semper in promptu est, nos minimè totam antiquitatem cum omnibus sanctorum placitis conuellere, quemadmodum mēitur: sed hoc potius vnum agere, ut quæ temporum vitio corrupta sunt ac dissipata, in antiquum statum redeant. Reclamat ille nos sic rem habere contendimus. Ille maledictum quod in nos iacit, non probat: libri nostri firmis & claris huius rei testimonijs referti sunt. Plausibiles sunt istæ calumniae, quibus nos onerat, dicere nos Ecclesiam à Christo sponso suo fuisse annos mille & quadringentos desertam: ita nos facere mendacem Christum. sed nebulae sunt, quæ solo flitu veræ responsionis euanescent. Dicimus enim Christum Ecclesiæ suæ fideliter adfuisse, & semper adfuturum sicut promissit. Dicimus Ecclesiam eius fuisse virtute conseruatam, ne periret: Spiritu gubernatam, ne à veritate excideret: sed simul oportuisse accidere dicimus, quod luculento Pauli vaticinio prædictum fuerat, de horribili defectione, quam non in extremo aliquo terræ angulo, sed in vniuerso orbe fore denuntiat. De futuro certè Ecclesiæ statu loquitur, hoc est qui postea secutus est. Dicit Antichristum iam tunc moliri arcanum iniquitatis: sed grauius multò est, quod continuo subiungit, fore scilicet, ut palàm grassetur ac tyrannidem exerceat in Ecclesiam: neque tanquam externus hostis, verum occupato Dei sanctuario. Dum hæc commemorat, dicit veniuram defectionem. Hæc dum videmus, sicuti prædicta fuerant, accidisse, agnoscimus veracem Christi spiritum. Interea tamen suam Christi promissioni constare fidem profiteamur: quoniam in tanta clade suos mirabiliter conseruari, ut ex media morte salui euaderent: quòd Ecclesiam in tanto naufragio perire passus non sit: & cum videretur desperata, ex ipso quasi interitu liberauerit. Ex illo enim semine excitata est hæc mensura, quam hodie cernimus. Eat nunc Pighius, & Christum mendacem ait perfidia sub nostra persona, ex proprio autem animi sui sensu insimulet: quòd cum Euāgelij sui contemptum vniuersali prope mundi excacatione vindicaret, Ecclesiam tamen suam luce veritatis ac vitæ numquam interea destituerit. Sed enim ego inde illustriorem eius fidem redditam fuisse agnosco, quòd per tot offendicula, præter spem omnium hominum sibi viam fecerit, ut firma permaneret.

2. Thes. 2.

Ne tamen in retinendo suo iure, vel potius iniuria, videatur impendio præfractior, tandem factum obrepisse abusus in Ecclesiam, quos omnes p̄i correctos cupiant. Sed modum corrigendi longè ab eo diuersum esse, quem tentauimus. Has enim pastorum esse partes, quibus facultatem nos sustulisse queritur. Deinde eiusmodi vitia esse negat, quorum causa debuerimus facere ab Ecclesia discessionem. Nos enim quòd totum orbem turbauerimus, quòd ab ecclesiæ vnitatem desciuerimus hæc causâ prætexere abusus, qui in ea inualuerant, & corruptos mores sacerdotum. Ut ab hoc postremo incipiam, scire velim, ex cuius ore pretextum hunc audierit. Fieri potest, ut in nostrorum libris legerit Lutherum initio abusus tantum quosdam nimis crassos reprehendisse, & flagitiosos cleri mores. subinde aduersariorum improbitate vltius pronectum. At qui hoc cum Pighij calumnia simile habet? scribit alicubi ipse quoque Lutherus de se in hunc modum: Velim, inquit, nolim, cogunt me aduersarij mei fieri in dies sapientiorum. Verissimum est quod dicit. Cotis enim instar ad accuendum eius ingenium fuerunt. Demersus abhuc in profundis illis tenebris, quibus orbis ferè totus absorptus erat, cum scintillam vnam videret qui si ex tenui rima emiquantem, ad eam accedere conatus est. Hic hostes lucis cum im-

p. dire

pedire & violenter repellere pium hominis studium vellent, tumultuādo fenestram ampliorē, totas etiam fores demum aperuerunt. Hæc non eò à nobis dicuntur, ut prætextum capremus nostræ à Pontifice defectionis: verum ut appareat, qualis futura fuerit aduersariorum æquitas, si totam papismi corruptionem semel ad viciū rescuisset Lutherus: cum lenem ac moderatam reprehensionem, eamque in vitijs palpabilibus ferre non sustinuerint. Neque verò Lutheri consilium tunc erat, ab Antichristi tyrannide deficere, sed tantum mederi morbis illis, quorum tam facilis quàm necessaria videbatur curatio. Atquæ opinione falsus est. Tanta enim omnium abominationum sanie scatebat papismus, ut cum primum ad moueri manus cœpta est, quia remedium nullum ferebat, crepuerit medius.

Sic ergo habeat Pighius: nos non vsque adeò esse morosos, ut ob morum vitia, etiam grauissima sciendam, duxerimus fidei unitatem. Nouimus in vitijs aut corrigendis, aut improbandis, eam moderationem seruandam esse, ut vinculum pacis non dirumpatur. Scimus tamen ex aduerso sic temperandam esse patientiam, ut ne iniquitatem foueat. Ergo hanc, quæ vulgò ab omnibus cernitur papistici cleri sceleratissimam, & omni turpitudinis genere inquinatam vitam, neque approbare debuimus initio, neque silentio aut dissimulatione tegere: ac ne nunc quidem ex officio possumus: præsertim cum publicæ edificationis id interesset. Nam cum ab ipsis proveniret velut communis quædam contagio, non aliter potuimus in corpore ipso plebis vitia repurgare, quàm eos quoque arguendo. Verum illam fuisse dissidii causam, nimis improbum est mendacium: cum semper clara voce professi fuerimus, nos ad coniunctionis vinculum, puræ sanæque doctrinæ consensu fore contentos. Cùm de restituenda Ecclesiæ quaeritur, doctrinæ quidem addimus disciplinam. Sed aliud est, colligenda in bonum ordinem Ecclesiæ studere: aliud, ab Ecclesiæ se alienare. Hoc merito nobis exprobraret Pighius, si morum tantum corruptione offensi, renuntiata Ecclesiæ societate, ad nouas partes transissemus: sed cum palam sit, inde exortum fuisse dissidium, quòd Antichristus Romanus ferre non potuerit iustas & sanctas impiæ suæ doctrinæ reprehensiones, quid nobis adhuc discessionis crimen obijcitur? Addita etiam, si Deo placet, fauli calumnia, solam morositatem in causa fuisse, quòd nobis cleri mores, minus bene compositi, disslicerent.

Perinde facit Pighius, ac pueri in scholis: qui sibi fingunt declamitandi materiam. Duo enim hæc principia sibi sumit: nos discessionis authores extitisse: neque id aliam ob causam, nisi quòd corruptiore sacerdotum vita offenderemur. Iam negamus initium separationis à nobis factum esse, & ne tergiversari videamur, rem ipsam, ut gesta est, proferimus. Ipsa luculentum nobis testimonium reddit, hinc diuisam fuisse Ecclesiam, quòd Romanus Antichristus eos omnes, qui aut pro veritate verbum facere auderent, aut eam amplecterentur, violentis ac tyrannicis modis, nulla cognitione legitima, non modò præter morem Ecclesiasticum, sed contra omnem humanitatem expulit. Et adhuc reos defectionis nos facient Romanenses, cùm nos à sua qualicunque communione sanis & sanguinarijs edictis ipsi priores abdicauerint? Atquæ satius fuerat, tolerantia & silentio pacem redimere, ut in fidei unitate permaneremus, quàm nimium acerbis remedijs exitiale in toto corpore incendium excitare. Quam tu hic mihi pacem, & quam fidei unitatem prædicas, ubi Dei veritas locum non habet, quæ vnicum eius vinculum esse debebat? Pronuntiat Spiritus sanctus, Ecclesiæ unitatem sanæ veræque doctrinæ consensione contineri. nec audet Pighius verbo repugnare, etiam si animo dissentiat. Videamus nunc, qualibus vinculis aut nodis colligatus sit papismus.

Primum omne genus idololatriæ illic regnat, non sine manifesta Dei abne-

gatione. Quantuluncumque ex cultu Dei residuum superest, partim commentitijs ritibus adulteratum, partim vitiosis opinionibus corruptum, meram superstitionem redolet. Doctrinae veritas, aut eversa prorsus, aut contaminata. Christus semisepultus, ut inanem modo titulum, sine virtutis gloria retineat: & spectro denique quam sibi similior.

Virtus enim eius altis tenebris submersa, officium oblitteratum, gratia ferè in nihilum redacta. Sacramentorum administratio mutila primum & lacera, adhuc multis extraneis figmentis deformata, postremò multis impijs imaginationibus implicita.

Quid iam nobis præscribit Pighius? ne pacem turbemus. Sed qua lege aut pactio-
ne? Nempe ut adhuc omnia commineamus. Nefaria verò pax, quæ tanti constet. At dicit se & alios Antichristi canes, qui adulatione latratique sacerdotia venantur, nihil in fide novare, abusu correctionem expetere quidem totis votis, sed gradus, & officij sui memores, non usurpare, quod ad se non pertineat. Quasi verò non sit hoc cuiusque officium, à manifestis, & doctrina, & cultuum sacrilegijs abhorreere, quæ sacrosanctum Dei Nomen gravissima contumelia afficiunt. Silendum erat, inquit Pighius. Perfidum & execrabile silentium, quo Dei gloria, Christus, atque Evangelium proderetur. Itane? Ludibrio igitur habebitur Deus ante nostros oculos, tota religio lacerabitur, peribunt miserae animæ, Christi sanguis redemptæ, & hiscere nefas erit? Latrat fidus canis ad primum latronis strepitum, & vitam suam obijcit periculo, ut domini sui caput familiamque defendat: diripietur impiorum latrocinio Ecclesia & vastabitur, pedibus calcabitur Dei maiestas, regno suo spoliabitur Christus, videntibus nobis ac tacentibus? Denique pro Antichristo Pighius tantas turbas movet, ubi periculum eius regno videt imminere: nos in medio Regni Christi excidio quiescemus? Neque tamen hoc etiam modo pacem redimere nobis licuit, quando necesse erat, communicatione etiam, quasi tacito suffragio iniquam eiusmodi scelerum partem approbare. Et hoc impietatis iugum excutere, erit abrumpere vinculum Fidei, dissilire ab Ecclesia, turbare communem pacem ac concordiam? Sic quidem olim audiebat à Rege impio sanctus Dei Propheta. Sed qua defensione vitur? Non ego sum, inquit, qui conturbo Israel, sed tu & domus patris tui, qui dereliquisti mandata Domini, & secuti estis Baalim. Hæc eadem est nostra defensio. Quidquid hodie turbarum est ac motuum, neque nostra culpa exarsisse, neque nunc foveri: totam causam esse penes eos, qui animum potius obstinarunt, cælum, terras, maria, miscere, quàm Christi regno locum cedere. Sed oportet impleri quod scriptum est, seßurum iniquum illum, donec eum spiritu oris sui conficiat Dominus, & aduentus sui illustratione aboleatur.

1.Reg.18

Sed quæ erat unica remedijs via, illam nos præpostera actione sustulisse dicit Pighius. Pastorum enim auctoritatem per nos labefactatam, quorum erant istæ partes.

Quis non videat hunc Luciani discipulum palam in tam miserabili Ecclesie clade suaviter ludere? Pontificem scilicet Romanum & totam eius cohortem nihil aliud moratur, in vitijs corrigendis, quàm quòd illis per nos adempta est facultas. At quid obsecro, facturi erant si tacuissimus, qui nunc, dum tantopere urgentur, non minus securitatis ac socordie ostendunt, quàm si nulla Ecclesie cura tangerentur?

Totus orbis clamat, extremum instare Ecclesie exitium, nisi mox remedium adhibeatur: necessitas ipsa, quæ est telum acerrimum, eos felicitat, & sic premit, ut effugio nullus pateat locus. Nos in illorum torpore, vel potius im-

manem

manem crudelitatem fortiter, sicut par est, inuehimur, quòd periclitanti Ecclesia non succurrant. Cum tot stimulus non expergeant, spes bona est, sponse Pighio, ad corrigendos abusus primo die properaturos fuisse, si nihil à nobis motum esset. At facerent nunc, nisi à nobis impediretur. Cur non igitur toties rogati, vel tenue aliquod specimen ediderunt? At hæc turbulenta tempora minimè commoda sunt ad aliquid neuandum. Nempe meritò timent ne edificio, malè alioquì fundato, rursus mole sua laboranti & quasi ruenti, adhuc, corruptæ ac putrefactæ materia, postremò iam nutanti & quatefacto manus semel adinqueatur, subitò ruat in præceps, suòque casu architectos ipsos opprimat. Hoc profectò est, hoc, inquam, vnum est, quod curant omnes isti lupi, qualiter suæ tyrannidi caueant in posterum, quibus eam machinis stibillant, ne quid ampliùs eorum obsistat libidini. Quid porrò de Ecclesia fiat, si quæ deque habent: neque putant sua referre, etiam si centies pereat. Si me aliquid fingere dicat Pighius, non citabo paucos testes, qui mihi subscribant, sed omnes piorum conscientias iudices faciam. Hanc quoque Pighij querelam operæpretium est audire, nos publicam Ecclesiæ disciplinam præcipuè turbasse. Quasi verò disciplina aliqua tunc fuerit: ac non potius horribile aspectu cahos, & deformis fœdæque rerum omnium confusio. Nam quòd vetustos canones noli stat, quibus ordinata & formata fuerat Ecclesia, quid hoc ad rem pertinet? cum nihilo maior esset eorum usus, quàm si nunquam fuissent scripti. Perinde est igitur, ac si repressa tyrannide prodiret aliquis Dionysy aut Phalaridis aulicus, ac turbatam Rempub. quiritaretur, & conuulsas leges, iudicia in ordinem coacta. Quis hunc libertatis & legum patronum ferret? Quòd si hanc similitudinem non recipiat Pighius, demonstret mihi velim, quantò melior & ordinatior sit status sub Romano Antichristo, quàm sub veteribus tyrannis fuerit.

Hæc pauca cursim respondere visum est ad Pighij præfationem, ne quid præiudicij de ipsa causa facerent lectores, eius calumniis occupati: quod me consecutum esse confido. Nam maledicta, quibus Lutheri ingenium morèsque proscindit, non est præsentis instituti refellere: quando neque ad rem, de qua agitur, multum momenti habent: neque Lutherus meo patrocinio opus habet: neque postremò aliud agit Pighius, quàm vorax & famelicus canis, qui latratu se vlcisitur, dum non inuenit quod rodat. Nam quæ eius atrocissima est in Lutherum criminatio, non aliud continet quàm tartareum esse monstrum, quia grauib. conscientix certaminibus vexatus sæpe fuerit vsque ad dolores & tormenta inferorum.

At verò si vel per somnium concipere posset hic nugator, quid hoc sibi velit, & quid valeat, vel obmutesceret, vel in Lutheri admirationem potiùs ac laudes conuerteretur. Nam cum sit hæc piorum sors communis, vt diros subinde conscientix cruciatus sustineant, quibus eruditi, ad veram humilitatem Dei que timorem melius assuefiant: vt singulari, præ alijs, ingenij præstantia quisque præditus est, ita miris & inusitatis modis interdum tractatur: vt dicere queat, non modò se mortis doloribus circumdatum fuisse & obsessum, sed ab inferis ipsis absorptum. Ita ex sanctis præstantissimos, quasi selectas Dei officinas esse oportet, in quibus sua iudicia præter omnem carnis sensum, mirabiliter exerceat. Ne recensendis pluribus exemplis longior sim: hæc est lucia Iacob, in qua nobilis ille athleta non hominum quæpiam antagonistam habuit, sed cum Deo ipso congressus est. Nunc si comprehendere animo velis, quantum ille sudarit in ea arena, Dei fortitudinem

primum intueretur: deinde, hinc quoque coniecturam sumas, quod victor nihilominus ad finem usque vita claudicauerit. Hæc pijs dicta sint. Nam quid Pighio & profanis istis hominibus facias? qui nec conscientiam ullam, nec pietatis sensum habent: nec aliter accipiunt si quid de iudicijs Dei narratur, quam si de conuiuijs deorum Homericas audirent fabulas.

Quoniam autem Dei & hominis cognitio mutuò inter se nexu colligata sunt & implicitæ, meritò Pighius suam de libero arbitrio disputationem inde incipit. Dicit quispiam, me hunc ordinem laudare, quia meus sit. At ego excipiam illo me usum esse, quia optimus, & ad docendum aptissimus videretur. Placet ergo, quod aduersarius meus sequatur id, quod ego optimū iudicavi. Quanquā miror, qua fronte ausus fuerit, nulla mei mentione facta, tam familiariter sumere de meo libro, quod in suum transcriberet. Neque enim quo iure id faciat, video: nisi forte præscriptionē obtendat, quia sic facere pridem solitus sit. Nam in magno illo libro, quem aduersus nostram confessionem edidit, integras sæpe ex Institutione mea paginas, ubi visum est, infulcit, ac suo commodo sic adaptat, quasi aliunde non sumpisset. Velim nunc scire quo iure aut titulo mea sic pro suis vsurpet. Si qua magna esset inter nos necessitudo, ego hanc confidentiam amicitia non difficulter concederem. Sed nunc huic venia non est locus. An quia hostis sum, se ius direptionis in omnia mea habere putat? At hoc prædæ genus nullo, nec iure, nec more, defendi, potest. Vnus ergo prætextus restat, homini docto potuisse non minùs venire in mentem quæ dixeram, quam mihi prius venerant. Sed lectiores obsecro, si tantum habeant ocij, ut caput primum libri Pighiani cum primo Institutionis meæ capite conferant. Nihil dico: nisi quod non sine risu ac stomacho perspicient nimis perditam hominis impudentiam. Quod si ulterius pergere libeat, percurrant quæ de Iustificatione tractat in altero illo opere, & ad sextum Institutionis meæ caput exigant: mirum si bilem continere queant. Neque enim clanculum furatur aut carptim: neque artificio tegere ita studet suas rapinas, ut apud se nā: um videatur, quod apud me legit, sed ita palām mea ad verbum recitat, ut videatur paginas ipsas totas pigritia assuisse, quò describendi lāborem fugeret. Si fateretur authorem, eum dicere mutuari: nunc quid causari potest, quominus plagiarius palā vocetur? Mirabitur quicumque leget, unde tantus homini stupor: qui nihil veritus sit, in ipso statim vestigio deprehendi. Ego verò dū omnia bene reputo, habeo quod pro hominis excusatione dicā: eum securitate magis quam socordia, id fecisse. Satis enim habuit, si modò ijs placeret, qui non minori religione à nostris abstinent, quam facilitate omnia laudant ac mirantur, quæ nos quòus modo impugnant. Fruatur ergo sanè sua ista in tenebris iactantia. Sed extabit, ut spero, in luce & oculis bonorum mea Institutio, tantæ eius impudentiæ testis ac vindex. Neque tamē hac de re verbum facturus eram, nisi me eius improbitas coegisset. Sed cum toties nos, tanquam indoctos, nullius ingenij, nullius iudicij, ex alto superbiæ suæ fastigio despiciat, operæ precium fuit, palām fieri, nec ingenuum hominem, nec gratū esse qui tam crudeliter eos laceraret, quorum tamen magisterio non nihil adiutus foret.

Quæ autem postea de suo admisceat, ut deformet, aut peruertat benèdicta, Fol. 5. Pa. non est huius operis excutere. Summa tamen huc redit, in illa Dei & nostri notitia, dum mutuò inter se cōparantur, nos iustū Dei iudiciū non posse intelligere, quin libero nos voluntatis arbitrio præditos sciamus, & in nobis positum, ut obediamus præceptis:

præceptis:declinare à malo,facere bonum,& contrà. Vbi hoc constituit , mox ad sententiæ nostræ explicationem aggreditur. Atque id quidem primum ex Lutheri verbis,quæ censebat minus a commodata esse ad popularem captum: deinde ex meis,quibus etiam per totum opus insistit:vt in meo capite totam,vt ipse vocat,sectam nostram oppugnet.Hæc est clausula primi libri.

Porro,quoniam hac potissimum machina euertere doctrinam nostram conatur,quod à communi sensu maximè abhorreat , præfatur , non immeritò Lutherum hoc rudimento suos imbuere,vt carnis rationi ac sapientiæ renuntiare discât: quia tantum absurditatis habeant pleraque eius dogmata , & præ alijs hoc, quod tractamus,de seruo hominis arbitrio,vt quibus persuadere velis,eruere ijs oculos mentis,& omnem rationis sensum adimere oporteat. Illam verò sententiã,quæ inter Christiani nominis homines nihilo plus controuersie habere debuerat,quàm vnum esse Deum,quibus probris lacerat:imò quàm ridiculus cauillus exagitat? Pugnat,inquit,cum Apostolo,qui fidem testatur esse ex auditu prædicationis. Deinde,si vera foret,infantes & moriones ad fidem percipiendam sequetur reliquis omnibus esse magis idoneos. Quasi verò non continuò post, hunc Pighij nodum soluat Paulus,cum ex arcana Dei reuelatione pendere fidem subiungit: aut quasi hominem stipitem faciat,qui ratione carnis eum spoliât, hoc est inani sapientiæ persuasionem. Verum,vt intelligat,non nobiscum sibi esse certamen, sed cum ipso Paulo,audiat eius verba,si aures habet.Animalis,inquit,homo non accipit ea quæ sunt Spiritus Dei. Stultitia illi sunt,nec potest cognoscere quòd spiritualiter diiudicantur.Reddat ipse quoque nobis rationem,cur ita sit. Nempe,quia infatuauit Deus sapientiã huius mundi,quòd per stultitiã prædicationis saluos faceret credentes.In quem finem? Respondeat adhuc idem ipse. Vt confunderet sapientum gloriam. Quid demum inde colligit? Ne quis se ipsam fallat. Si quis videtur sapere,in seculo hoc,stultus fiat,vt reddatur sapiens: quandoquidẽ sapientiã mundi huius stultitia est apud Deum. Ecce pronuntiat Paulus,primum spiritualis sapientiæ fundamentum esse,mundi sapientiã in nihilum redigi. Enomat nunc in eum bilem suam Pighius,quòd velit hominibus mentis oculos eruere,bestijs facere similes,morionibus postponere. Quòd autem nullus id facile persuadeatur, qui sibi sapiunt,nihil mirum.Via enim illis præclusa est,qua sola poterant huc peruenire:quantis per non damnant stultitiã totum illud quo sibi placent,sapiëntiã spectrum. Nullum enim est incantationis genus ad fascinandos homines periculosius,quàm rationis propriæ fiducia..Atque,vt breuius dicam,mera stultitia est quo ad Deum,quicquid ex se homo sapit:cum autem accedit fiducia,fit rabies. Eius rei si nullum aliud foret, amplum documentum est Pighius: qui nullus Apostolis, nullus Folio. 6. Scripturis, nec Angelis omnibus crediturum se esse dicit, si id ipsum doceant, in Pag.1. quo putat Lutherum errare.

Ad ipsam Lutheri sententiã cum ventum est,ad duo capita reuocat,quic quid in ea vult dammare:nempe quod liberũ arbitriũ docuerit,rem esse, post pri mi hominis lapsum,de solo titulo:nec posse nos ex nobis aliud quàm peccare. Nec eo contentus,addiderit postea,figmentum esse in rebus,& titulum sine re: deinde nihil contingere fortuitò sed absolutanecessitate nobis prouenire omnia. In priore,multa cum malè habent: Primo,quòd hinc sequatur, hominem natura viribus P. ad recipiendam Dei gratiam se præparare non posse. Deinde naturam nostram

vitiosam fieri, imò quasi haberi pro nihilo. Adhac, Legis observationem impossi-
lem nobis esse, & nos peccare nihilominus, non seruando, quod facultatem nostrā
superat. Quartò, quia huic annexum sit dogma de peccato originali nostrum, hoc
est catholica Ecclesia: quod ipse prodigiosum nominat. Quintò, peccare etiam in
operibus bonis iustos, & bona opera venialia quidem secundum misericordiā Dei,
sed ex se mortalia esse peccata. Hic admonitos velim lectores, vnā cantilenam
identidem recinere Pighium. Quia igitur reliqua omnia suo loco postea recurrēt,
de postremo hic tantū dicam. Quòd de bonis operibus sic locutus est Lutherus eò
non spectabat, ut suam illis laudem, suūque coram Deo pretium adimeret. Ne-
que enim negauit vnquam, aut Deum ea habere accepta, aut mercedem redditu-
rum, sed ostendere modò voluit, quid valeant, si ex se, non paterna Dei beni-
gnitate, aestimentur. Certum est autem, non dignitate propria placere Deo, quic-
quid proferri possit bonorum operum, sed gratuito eius fauore, quia tantū habere ve-
lit, etiam si digna non sint. At hyperbolicum est, inquit, quod dicit Lutherus. Hic
ut concedam, dico habuisse iustam causam, quæ eum ad tales hyperbolas impulerit:
cū scilicet mundum videret falsa & perniciosa operum fiducia, quasi exitiali le-
thargo, sic obstup: factum esse, ut non voce ac verbis ad eum expergefaciendum,
sed clangore tubæ, tonitruo, fulminibꝫque opus esset. Quanquam nihil est in istis
verbis, quod non simpliciter, & citra vllam figuram, verum sit. Nam cū operum
dignitas non ex facto ipso, sed ex perfecta Dei charitate pendeat, non aliter iustū
purūq; opus erit, quā si ex perfecta Dei charitate emanet. Nunc mihi illam in
homine perfectionem reperiās, ut esse aliqua per se bona opera concedam. Atquē
hoc in Spiritus sancti contumeliam redundat, per quem bona opera fiunt. Minimē
verò si bene ac prudenter discernas, quid in opere bono sit hominis, & quid Spiri-
tus. Vt cūque enim sincero corde, & absque fidei ne, in Dei obedientiam se sancti
addicāt, multum tamen abest, quin adsit ea in reddendis obsequiis alacritas, quā
illa legis summa flagitat: ut Deus ex toto corde, ex tota anima, ex totis viribus, at-
que ut secundū Deum proximi diligatur. Hanc verò qui nescit esse amissū, ad
quam exigendum sit operum examen, nihil iudicare potest. Nunc audiat Pighius.
Dico Sanctos perpetua carnis infirmitate detineri, quominus ea quæ faciunt, bona
opera, perficiant: dico ambulare dum currendum erat, sæpe etiam claudicare. Hinc
fieri dico, ut nullum extiterit vnquam bonum opus, quod vndique purum ac perfe-
ctum, omni prorsus nauo careret. Quòd si semper aliquid sordis ex carnis vitio ad-
mixtum est Sanctorum operibus, veniant in conspectum Dei, examinentur in illi
trutina, quam Angeli quoque ipsi reformidant: quocūque loco censeantur apud
homines, illic vitiosaprehendentur. At totam puritatem exigua macula inqui-
nari, minimē rationi consentaneum est. Primum, ad obtinendum quod peto, mihi
satis est, si in omni opere bono inclusum sit peccatum: deinde hoc minimē recipio,
præter rationem fore, si exigua sorde tota puritas inquinetur. Nam si vini sapor,
suauis aliās & gratus, modico acore totus corrumpitur, ut gratiæ quod habuit a-
mittat, quis Deo litem intendat, quod corruptum opus sibi displicere pronunti-
et? Ita Lege Mosaiica constitutum erat, ut si pollutus homo rem consecratam at-
tigisset, immunda censeretur. Quo significatum fuit, tam efficax & contagi-
osum venenum esse, hominis immunditiem, ut solo eius tactu, quicquid aliās san-
ctum est, profanescat. Iam qualiter liberamur omnes à communi pollutione,
nisi

bona opera
contumeliam,
placuit ex
vitiis

nisi per fidem? Maneat ergo illud, opera bona, si per se aestimentur, omnino esse peccata: ut autem bona sint, ut Deo placeant, ut laudem habeant ac premium, pater-
terna Dei acceptione fieri, non proprio ipsorum merito.

Alterum membrum, de absoluta verum necessitate, in eum locum differemus,
ubi tractari poterit suo ordine: cum scilicet de providentia Dei & hominum præ-
destinatione agatur. Dicit postea, cum istius nos dogmatis puderet, dimidium re-
cantasse: quod homini liberum arbitrium in rebus externis & civilibus negotijs
tribuamus. Sed hanc palinodiam quominus ex animo prodijisse putet, tribus argu-
mentis moveri se dicit: quod libris in publicum editis fas esse asseramus, fucus ac te-
chnis promovere Evangelij causam: quod non execremur Lutherum tam horrendæ
blasphemiae authorem: quod non palam, damnatis prioribus nostris libris, errasse
nos profiteamur. Quod de promouendo per fucum & dolos Evangelio scripsisse
nos insinuat, mirum, nisi sibi ipse somniauit. Neque enim tale quippiam nostro-
rum alicui excidisse, mihi credibile est. De Luthero, non est quod dubiam coniectu-
ram sumat: quando nunc quoque, sicut hætenus, non dissimulanter testamur, eum
nos habere pro insigni Christi Apostolo, cuius maximè opera & ministerio resti-
tuta hoc tempore fuerit Evangelij puritas. De nobis libenter fatemur, quod So-
lonem de se gloriari solitum fuisse tradunt, nos quotidie discendo senes fieri, aut
certè ad senectutem properare. Quid tamen à nobis postulat Pighius, ut nos malè
docuisse pronuntiemus, cum perseveremus etiànum constanter in ea doctrinæ
summa, quæ semper professi sumus? Fieri quidem potest, ut loquantur alij alio mo-
do: ut propriam ferè quisque, & ab alijs distinctionem loquendi rationem habet. Cur
autem quod seculis omnibus omnium hominum commune fuit, nobis non concede-
retur? Hoc quoque non grauatim agnosco, nos, si quando iterum reciduntur na-
stra opera, quæ rudiora erant expolire, mitigare quæ asperius erant dicta, addere
lucem obscuris, nimis pressa fusius & copiosius explicare, munire etiam novis rati-
onibus, denique in quibus offensionis periculum veremur, moderari etiam & miti-
gare. Quorsum enim viueremus, si nihil ætas, nihil usus, nihil assidua exercitatio,
nihil lectio, nihil meditatio conferret? Quorsum autem proficeremus, nisi ut fru-
ctus inde aliquis ad alios quoque perueniret? Imò si nescit Pighius, hoc illi testatum
esse velim: nos huc dies noctesque incumbere, ut quæ fideliter à nobis tradita sunt,
in modum etiam, quem putamus optimum fore, formemus. Hoc quoque verum est,
nonnulla, quæ Scholastico dicendi genere, & minus populari stylo scripserat Lu-
therus, Philippum Melancthonem prudenter, & magna dexteritate in mitiorem
formam flecendo, ad vulgarem hominum captum accommodasse, & communem
vitæ usum. Ita cum edenda Augusta esset confessionis formula, non nisi in ea do-
ctrina immorari voluit, quæ sola Ecclesiæ propria est, & necessaria cognitæ ad sa-
lutem: nihil scilicet valere per se naturæ vires ad percipiendam fidem, ad obedi-
entiam diuinæ Legis, & totam spiritualem iustitiam. Quid in civilibus & externis
valeant, quia non magnopere fidei interest, noluit curiosius disputare. Cæterum,
quod summum est in hac questione, & cuius gratia reliqua omnia dicuntur, quem-
admodum initio propositum fuit à Luthero & alijs, ita hodie defendimus, ac ne in
illis quidem, quæ dixi ad fidem non ad id necessaria esse, aliud interest, nisi quod for-
ma loquendi sic fuit mitigata, ne quid offensionis haberet.

Ubi hæc peregit fabula partem, ad alium actum descendit, ut dogmatis nostri

mysteria, sicut vocat, in apertam lucem eruat, ex illis tenebris quibus abditae sunt apud nos ac demersae. Atque hic cum de obscuritate nostra, tum de varietate conqueritur. Nam cum perse tenebricosum sit mendacium, nos latebras ad fallendum quærere: praeerea tam esse inter nos dissimiles, ac diuersos, ut certum aliquid ex omnibus colligere, infinitus sit labor. Aiunt unum esse luscioforum genus, qui crepusculo melius quam meridie cernant. Et communiter videmus eos, qui tenera sunt debilique oculorum acie, ad plenam lucem si prodeant, magis perstringi & hebetari. Ex eorum numero esse Pighium quis neget? Ut eloquentiae laudem alijs concedamus, linguam tamen certe habemus non adeo impeditam nec perplexam. Atque in hoc serio nos laborare omnes animaduertunt, ut intelligamur. Imò nulla magis de causa nobis aduersarij succensent, quam quod nimis familiarem Christi doctrinam vulgò fecerimus. Solus Pighius nimiae obscuritatis nobiscum expostulat. Sed hoc est quod alibi dixi: more puerorum, qui umbratiles in scholis declamationes habent, omnia rhetorum praecepta, sine delectu, in usum suum applicat. Legit alicubi, Valere hoc ad grauandum aduersarium, si obscuritatis vitium obicere illi queas. Arripuit, quia placebat: & nunc temere in nos detorquet. Sed huic cupressus nunc non erat locus: cum libri nostri, sine alia defensione, se plus satis ab hac futile calumnia vindicent. Et ipse mox, quasi sui oblitus, methodum mihi saltem & perspicuitatem tribuit. An ita inter nos dissentiamus, sicut iactat, eius fuit probare. Nunc quid aliud dicam, nisi omnia in nos temere effutire, quibus ijs tantum exosa redderetur nostra doctrina, à quibus non legitur? Neque enim eorum ullam rationem habet, qui nostra vel minimum attigerint.

Postea incipit meis verbis explicare, quid communiter sentiamus: tametsi ne videatur nimis palam pugnare ipse secum, exceptione utitur, si qua sit inter nos una communis sententia. Vides hic lector, hominem constringi simul & distrahi. In totam Lutheranorum sectam, non in priuatum ex ea quempiam certamen institueri videri vult. Non potest autem omnes semel adoriri, nisi coniunctos. Consensionem ut nobis tribuat, grauatim adducitur. Ergo utrunque simul dicit, & neutrum: & ita nodum insolubilem abrumpit. His subiungit eorum compendium quae secundo Institutionis meae capite de hac re disputauimus. Nō sum tam malignus aut inuolatus, ut Pighium male fidei in meis recitandis, sine causa, accussem. Verum ne sibi plus iusto blandiatur, sic agnosco summam meae disputationis utcumque complexum esse, ut tamen minimè velim tales in totum opus compositas esse epitomas: neque hanc quoque ipsam alia lege recipio, nisi ut ab hoste prodijisse meminerint lectores. Nā quod me ipso ordinatius & coherētius omnia digerere se iactat, id suo more dupliciter facit: nempe, & se inaniter efferendo, & liberaliter mentiendo. Illa etiam omitto, quibus velut amari liquoris guttis, mea verba obiter aspergit, quominus lectori sapiant: me truncare Chrysostomi sententiam, quam ad verbum refero, sicut apud eum habetur: me affingere opinionem Petro Lombardo, quam omnibus prout est videre, bona fide à me expositam: me in citandis Prophetarum testimonijs, aut infidelem esse, aut non sequi fidos interpretes, quia alicubi à vulgari interpretatione dissentio. Sunt enim relatu indigna, nisi ad demonstrandam insignem Pighij, & inscitiam, & malitiam: quam tamen sani lectores, absque monitore satis animaduertent. Vnum operapretium esset referre, nisi alio loco iterum repeteret, ubi tractabatur imaginationem scilicet ab eo censeri, quod animam fidelem,

doceo, à regeneratione in duas diuisam esse partes. Nam vel in hoc solo verbo illustre specimen Pighianæ theologiae intueri licet. Quis enim non videat, animam eum pro sale habere, qui tam familiarem p̃ys animis sensum pro imaginatione ducat? Verum quia hoc in ipso argumenti cardine continetur, & illic etiam Pighius repetit, commodius eò vsque differetur.

Hac quoque ratione postremam illius obiectionem leuiter modò attingam, quæ stultitiam nostrâ deridet, quòd tantum laboris exhaustiamus in docendis hominibus, qui fidẽ tamen interea non humanis persuasionibus parari, sed Spiritus sancti propriũ esse opus asserimus. Nam postea in ipso disputationis progressu iterum recurrer. Sed quia tamen hoc ideo in primo limine positũ est à Pighio, vt scriptus nostris viam præcluderet, non possum in totum præterire. Ludere nos operam dicit, hominem ad fidem incitando & exhortando, siquidem eam nõ sua ipsi facultate concipiunt, sed Deus sua gratia inspirat. Hanc enim necessariam consequentiam facit: Quicquid fit ante gratiam à seruo arbitrio, necessariò malum est, & à fide magis abducit, quàm ad eam adducat, fidẽsque ipsa tota à Deo pendet. Ergo docendo & exhortando frustra in ventum projicitur omnis labor. Respondet, nos non magis operam ludere, quàm agricolas, dum terram arant ac seminant. Scriptum est enim, Seminabis, & non colliges. Quo significatur, frustra esse omnem laborem, sine benedictione Dei. Vbi autẽ labor successum habet, vt inde fructus colligatur, scriptum est, Ego exaudiam cœlum, & cœlum exaudiet terram, & terra exaudiet frumentum. Iam audis absque Dei benedictione nihili esse omnẽ laborem. Vbi autem fructus aliquis sequitur, inde provenire, quod Dominus cœlum exaudierit, vt terram fecundam redderet. Expressius adhuc loquitur Deus alibi, cum dicit, se populum suum exercuisse in deserto, ne cum venisset in terram sibi promissam, diceret in corde suo: Fortitudo mea, & robur manus meæ hæc omnia mihi præstiterunt. Vides illic Deum omnia perficere, & necessariò, hoc est, pro sua prouidentia. Quid est, quòd manũ agricolæ terra expectat, cuius tota fertilitas, non nisi ex Dei benedictione est? Nempe, quia sic Deus ordinauit. Proferam alterum quoque simile, sed adhuc clarius. Testatur Dominus, se, cum Man è cœlo plueret, perpetuũ documentum edidisse, quòd non in solo pane viuatur homo, sed in virtute verbi sui. Si non pane, sed verbo Dei pascimur ac sustinemur, quid adhuc laboramus de cibo & potu? Excipiet Pighius, non solo quidẽ pane nos viuere, sed tamen aliquo modo. At hoc tantum obtinere volo: neque panem aliquid per se valere, & solam Dei benedictionem sufficere ad nos alendos. Vbi enim non adest interior illa Dei virtus, nihil aliud accidere potest, quàm quod scriptum est: Comedes, & non saturaberis. Item: Frangã baculum panis. Vbi autẽ adest, non minus efficaciter sine pane, quàm per panem, nos fouet ac sustentat. Vbi illa Pighianæ cõsequentia necessitas? Deus efficaciter, arcana sua virtute, hominem pascit, atque id facit pro sua prouidentia, vt inde pendeat tota eius vita, non à cibo aut potu. Ergo frustra edimus ac bibimus. Ne tamen simplicioribus verbis, qualis istæ sit consequentia, ostendam, Deus solus hominem pascit. Ergo non agit per media: hoc est, nullis instrumentis utitur. Quis puer si ita ra iocinetur, non à magistro vapulet? Nunc superest, vt similitudines istas applicemus ad præsentem causam. Paulus, cum de Apostolorum officio loquitur, eos hortularis comparat, qui plantant vel rigant. Et continuo subiicit, eos nihil esse: Deum, qui dat incrementum, vnum esse pro omnibus.

Si quis nostrum simpliciter ita diceret, nihil esse qui docet, nihil esse qui hortatur, quibus facilius suas in nos furias Pighius armaret? Nunc in Paulum dētes suos paulisper stringat. Quærat per ludibrium, quid se ita scribendo & loquendo conficiat? cur tot subeat labores? tot se periculis obijciat? tot molestijs & curis se excruciet? nullū cursitandi finem faciat? si hæc omnia nihil sunt. His omnibus respondet Paulus, se Spiritus habere ministerium, quo Euangelij prædicationē inscribat hominum cordibus, non per suam industriā & operam, vel proprio, quod aiunt, Marte, sed Spiritu Dei viui. Iam audis, unde sit efficacia ministerij: nempe ex arcana Spiritus sancti actione, non hominis labore, aut studio. Audis præterea, non inane esse ideo instrumentum, quo ad implendum opus suum manus Dei utitur. Hanc igitur suam defensionem sanctus Apostolus nobis quoque accommodet in communi causa. Querit Pighius, quorsum noster in scribendo & concionando labor, si homo, ante fidem, Sathanae vinculis captius tenetur, ut sanam doctrinam recipere atque amplecti per se nequeat, ubi autem Dei Spiritu illuminatur, efficaciter & necessario eam recipit. Respondeat hic Paulus: quia Euangelium Deus in hunc finem destinavit, ut per ipsum Spiritus sui virtutem exereret. Quid amplius vis? Solus est Deus qui agit: sed quia Spiritus sui virtutem quodammodo in Euangelij prædicatione inclusam esse voluit, non vana neque inutilis est nostra opera, quæ eius providentiæ seruit. Non est igitur cur festiuitatis laudem ex scurrilitate hic capret, dum nobis respōsum affingit, siue bene, siue malè, nos agere hoc necessario, non consilio, aut ratione. Nos quidem, si nescit, neque sapientia nostra, neque fortuitò excitati sumus ad hoc ministerium, sed certo & stabili Dei consilio, efficaci- que Spiritus sancti motu. Neque enim separatam habemus rationem à Paulo, qui & Dei electione se fuisse ab utero destinatum ad munus Apostoli prædicat: nec se antè cœpisse, quam dies venisset à Deo cōstitutus. Sed quid hoc ad insulsum Pighij diliterium? Simul enim certi sumus, secundum hanc Dei electionem, nos ministerium exercere, & ei acceptum, & in salutem fidelium efficax, & Ecclesiæ salutare. Atque, ut verbis etiam Augustini loquar, exhortamur & prædicamus, ut qui aures habet audiendi, audiat: atque ideo facimus, quia scimus paucis esse donatum, ut sine hominis ministerio intelligant: multis verò id esse donatum, ut Deo per homines credant. Quolibet tamen modo annuntiemus hominibus Dei verbum, proculdubio qui sic audit ut obediat, donum Dei est.

De bono
perfeue.

In secundum Librum.



Nitio secundi libri omnes facundiæ suæ copias explicat. Versatur enim in causa populari, in qua plausibiliter apud vulgus hominum iactare se potest. Ac primum quidem ita præ admiratione obstupescit, ut ipsum dicas Niobes agere personam in fabula. Hæc autem stuporis causa, nos tanta vertigine, cæcitate, amētia percussos esse, qui dogma hoc de quo tractat, amplexi fuerimus plusquam euidenter falsum, mortalium omnium cōcordi, à mundi creatione, sensu & consensu damnatum, sic in Deum blasphemum, ut nihil supra. Deinde ne sine ratione insanire videatur, multas absurditates enumerat, quas in eo contineri putat. Equidem ingenuum aduersarium mihi optarem, qui me omni ex parte aggrediretur, sed non cæco & confuso pralio obrueret: sicut hic facit, qui
duas

duas diuersas quæstiones vbi seorsum discutere proposuit, nunc simul commiscet. Si vel cogitare quicquam aut boni aut mali, inquit, in nullius potestate est: sed absoluta necessitate fiunt omnia. Atqui de prouidentia Dei, vnde hæc necessitas dependet, alibi tractare instituit: nec aliud agit quatuor postremis libris. Cur hanc ergo quæstionem nunc cum altera confundit? Dicat quicquid habet, etiam si infirmum sit, etiam si friuolum, modò in vno aliquo statu maneat, patiar. Nunc autem cum duas quæstiones in medium protulerit, de vtraque separatim dicturum se receperit, cur in progressu non præstat, quam semel dedit fidem? Cum vbiq; se iactet, bonum esse digerendi artificem, nõ audeo imperitiæ eius id tribuere, sed astu ac malitia fieri agnosco. Quoniam enim illud, quod de absoluta necessitate ex Luthero adducit, videbat communi hominum apprehensioni minùs esse consentaneum, hoc quoque auspiciatissimum exordium fore putauit, in quo sensum carnis sibi consentientem haberet, à Lutheri verò doctrina abhorrentem. Itaque totum locum de naturæ corruptione, velut scopulum aliquem, fugit: & cum ab orationis quoque suæ contextu illuc ducitur, aut trahitur, sæpius declinat: quòd suam causam nouerit in eo minùs fore vulgo fauorabilem, quàm dum alterum istud vrget.

Agedum verò: quando sic aduersario placet, de vtroque simul respondeamus. Primum igitur argumentum est: Si nihil boni, aut mali cogitare, nec vias nostras aut bonas, aut malas disponere possumus, sed omnia in Dei sunt potestate, secundum quam necessariò eueniunt, cur non stertimus ac dormimus perpetuò? Quid agricola in aratione, satione, frugibus colligendis adeò sudat? Cur mercator longis itineribus ac periculosis nauigationibus se committit? Cur frugi paterfamilias liberos bene ad virtutem & honestos mores educandos curat? Quid ægri medicum accersimus? Nihil enim sollicitudine, industria, sedulitate proficitur. Si expectat Pighius, dum nouam responsionem excudam, fallitur: sed tantum ex Institutione mea mutuabor, quod solutioni satus sit. Ea sic habet: Industriam, cogitationes, consilia, studia hominum facile cum Dei prouidentia conciliat Salomo. Si cut enim eorum stoliditatem ridet, qui sine Domino quiduis audaciter suscipiunt, ac si eius manu non regerentur, ita alibi sic loquitur: Cor hominis disponere viam suam debet, & Dominus diriget gressus eius: significans æternis Dei decretis nos minime impediri, quominus sub eius voluntate & consulamus nobis, & omnia nostra dispensemus. Neque id manifesta caret ratione. Namque is qui vitam nostram suis terminis limitauit, eius curam apud nos deposuit: eius conseruanda rationibus subsidisq; instruxit: periculorum quoque præcios fecit, ne incautos opprimerent: cautiones denique ac remedia suggessit. Non ergo expendunt insani isti quod est sub oculis, consultandi, cauendique artes esse inspiratas à Deo, per quas eius prouidentia subseruiamus, in vitæ nostræ conseruatione. Quemadmodum contrà neglectu & socordia, quæ nobis iniunxit mala, accersimus. Qui sit enim, vt vir prouidus, dum sibi consulit, imminentibus etiam malis se explicet: stultus inconsulta temeritate præreat: nisi quod & stultitia, & prudentia diuinæ sunt dispensationis instrumenta in vtraque partē. Habet Pighius quod quærebat, vel potius quod non quærebat. Neque enim vllò veri quærendi studio tenetur, qui tam clara, & simplici responsione adeò non acquiescit, vt ea audita, quicquam sibi responsum fuisse disimulet, & quasi nihil audierit, canillari pergat.

Pro. 16.

Prudentia, Anl:
libra p. diuin:
dispensationis in
Argumenta.

Secundum argumentum: Cur maleficia legibus puniuntur, si perpetrantur necessario? Cur iudex in eum animaduertit, per quem operatus est Deus? Neque enim, si cedes admissi fuerit, de gladio sumetur ultio. Atqui sic se habent, Lutherus auctor, impij in sceleribus respectu Dei, ut gladius in manu hominis. Respondeo, in hoc consistere huius obiecti solutionem, si quis pia modestia, & non profana arrogantia, diuinæ providentiæ regimen in rebus humanis consideret. Neque enim sic necessario peccare dicimus impios, quin voluntaria deliberatæque malitia peccent. Necessitas inde est, quod opus suum per eos Deus exequitur, quod certum est ac stabile. Interea tamen quæ in illis residet malefaciendi voluntas ac propositum, reos culpe ipsos facit. Atqui huc à Deo aguntur & feruntur: Nempe in eum modum, ut in eo opere alia sit Dei, alia ipsorum actio. Ipsi enim malis & improbus suis cupiditatibus obsequuntur: hanc improbitatem conuertit Deus ad exequenda sua iudicia. Atque hæc leniter attingo, & velut intranscursu: quoniam alibi fusius ac diligentius tractanda erunt. Quod autem in comparatione impij cum gladio, Lutherus de hac locutione inuidiam facere conantur, non est hoc facium facere, sed ferreâ frontem prodere. Sunt enim Spiritus sancti, non Lutheri verba: Assur virga furoris mei. Item: Quid gloriatur securis, quæ manus secantis regitur?

Ita. 10.

Tertium argumentum: Hoc dogma omnem politiam & ordinem, omnem bene viuendi disciplinam ex hominum vita proscribit. Frustra enim virtutibus præmia, frustra sceleribus pœna proponerentur, si necesse est fieri quod fiet. Quasi Verò cum Deum dicimus suo arbitrio omnia constituere, & dirigere ad suum finem, non hoc quoque addamus, certis rationibus, velut medijs, aut inferioribus causis, ipsam uti. Ita mundus politia & legum disciplina continetur: sed quatenus illis utitur Deus, ad eam, quam apud se proposuit, mundi conseruationem. Non sumus Stoici, qui fatum somniamus ex perpetua rerum connexione: sed tantum dicimus, Deum mundo præfuisse, quem condidit: nec modò rerum euentus habere in sua potestate, sed hominum etiam corda gubernare, voluntates flectere pro suo arbitrio huc atque illic, actionum esse moderatorem, ut nihil tandem, nisi quod decreuit, efficiant, quicquid conentur. Proinde quæ fortuita maximè videntur, ea dicimus fieri necessario: non suapte natura, sed quoniam æternum & stabile Dei consilium in illis gubernandis regnat. Neque tamen idcirco media illa excludimus, quæ in voluntatis suæ obsequium Deus destinauit: neque aut otiosa, aut superuacua dicimus, quæ diuinæ providentiæ complemento seruiunt.

Quartum argumentum: Quod omnis tollitur religio, & homines vertuntur in pecudes, vel potius in portenta: quorum admiratione Pighius in morem lapidis obrigescat. Dicis hominem hic loqui, de religione vehementer anxium: ac si non pleno ore ubique spiraret Romanensem theologiam: cuius primū axioma est. Tantū de Deo credendum esse, quantum libeat, & conducat. Sed homine præterito, videamus quàm verum sit, quod obtēdit. Dicimus hominem nō modò nihil agere posse boni, sed ne cogitare quidē, ut totus à Deo pendere discat, ac de se desperās, in illū penitus se reycere: si quid boni egerit, illi acceptū, non sibi referat: nec dimidiā tantū illi laudē tribuat bonorum operum, sed plenam ac solidā, nihil sibi reliquum faciēs, nisi quod ab eo accepit, quicquid habet. Dicimus, homini ingentā perversitatē ex hereditaria corruptione: ut quicquid peccat, sibi imputet, nec aliō culpam transferat, cum in seipso inueniat mali radicem. Dicimus, non cæco aut fortuito casu,

Iuxta

sursum, deorsum, versari res humanas, sed certo Dei consilio administrari: ut nihil accidere possit, quàm quod decreuit ad initio: omnia eius potestati subiecta esse: ideo nullam esse creaturam, quæ non eius voluntati, aut sponte, aut coacta, obtemperet. Prinde quæ fiunt, omnia necessario fieri pro ut ordinavit. Sathanam quoque, & omnes impios, eius imperio esse obnoxios, ut se mouere nequeant, nisi quantum iusserit: manu enim eius velut freno aut capistro coerceri: ut tum omnes eos retineat, cum libuerit: tum impellat & dirigat ad exequenda sua iudicia. Quæ omnia non aliò spectant, nisi ut fidelis in hac Dei omnipotètia securus acquiescat: nec metuat fortunam aut casum, nec aut à bestiis, aut hominibus, aut diabolis sibi timeat, ac si laxis aut fractis habenis ferrentur suo impetu, sine superiori regimine: sed animam corpúsque Deo resignet, atque ita in eius tutelam pacato tranquilloque animo recumbat, cuius nutu omnia constitui, cuius manu omnia fieri nouit. Porro cum hac tota doctrina hominem non nisi ad humilitatem, timorem Dei fiduciam in Deo collocandam, gloriam Dei pradicandam, instituat (quibus potissimum rebus constat vera religio) nõ est cur tam atrocem accusationem nobis intendat Pighius.

Quintum argumentum: Deum, sic loquendo facimus malorum omnium auctorem, ex iustissimo crudelem ac sauum, & infinitam eius sapientiam stultam facimus. Equidem tale iudicium à carne sua hominibus dictari nõ nego, ut Deum talem esse concipiant, cum ipsum audiunt de arcanis suis iudicijs loquentem. Sed qualiserit ista æquitas, si incomprehensibilia Dei iudicia, quæ Paulus cum trepidatione adoratur & miratur, quia excutere non audet, æstimentur ex stulta hominum ratione? Cum Paulus ipse impiorum blasphemias in medium profert, addit se loqui secundum hominem. Quo verbo simpliciter demonstrat, non posse hominem nisi perperam, usque ad impias & sacrilegas opiniones, de his rebus iudicare. Ergo ab ista præcipiti carnis audacia nos ad castam sobrietatem, diuinæque iustitiæ reuerentiam conuertamus. Tum intelligemus, nec Deum fieri malorum auctorem, cum dicitur impios agere quod vult, & per illos opus suum peragere & exequi: sed potius confitebimur esse eximium & mirificum artificem, qui bene etiam malis instrumentis utatur: iustitiam eius cogemur suspicere, quæ non modo in media iniquitate viam inueniat, sed ipsa quoque iniquitate utatur in bonum.

Sextum argumentum: Quod vniuersam naturam damnamus: quia totum quod habet homo à natura vitiosum dicimus. Nouum hoc non esse, ut lateant gratiæ inimici sub laude naturæ testis est Augustinus. Ne tamen id declinandi causa facere videar, Respondeo, & Lutherum, & nos omnes, duplicem constituere naturam: priorem, qualis à Deo condita fuerat, quam puram & integram fatemur fuisse: alteram quæ lapsu hominis vitiosa, suam integritatem perdidit. Huius vitiositatis culpam homini tribuimus, non referimus in Deum. Hanc doctrinam si improbat Pighius, cum Apostolo expostulet, qui totidem propè verbis id ipsum tradit. Aut si malit, ex Augustini ore respondebimus, quod libro ad Bonifacium primo habetur: homines esse opus Dei, in quantum homines sunt: sed sub diabolo esse, in quantum peccatores sunt, nisi inde per Christum eruantur. A Deo igitur boni, à seipsis mali sunt.

Lib. 2. ad
Bonifac.

Hic rogatos iterum velim lectores, ut meminerint, me nondum ex instituto has quæstiones tractare, sed tantum breuiter occurrere astutiæ Pighij: qui suis calumnijs exosam hominibus reddere voluit nostram doctrinam, antequam de ea

cognoscerent: & quasi praecipuo limine, ipsos impedire, ne ad eam usque cognoscendam ingrederentur. Quod ergo non omnia de illis dixi, quae ad plenam & solidam earum explicationem dicenda forent, eo consilio factum est, ne cum propius locus venerit, aut remittere huc lectorem cogeret, aut superuacuis repetitionibus frustra onerare. Quod autem ad extremum, totam Dei doctrinam, adductus nescio quibus similibus dissimilibus, fore ridiculam obijcit, si dogmati nostro locus datur, nihil aliud dico, nisi in tribus verbis omnium breuem & expeditam solutionem esse positam: nempe, si expendimus, hinc, quid homo Deo debeat: illinc, quid in homine faciat Deus. Neque enim, aut facultate nostra metiri officium oportet, cui adstricti sumus: aut in hac nuda cogitatione insistere, quid valeat homo. Verum sic primo habendum est, etiam si legis iustitiam, nec implere, nec inchoare possimus, eam tamen iure a nobis requiri: neque nos excusari infirmitate, aut viriū defectu, cuius ut vitium a nobis est, ita culpa nobis imputanda est: deinde usum legis alium esse, quam communiter imaginantur homines. Non enim bonos facere potest, sed reos tantum peragere, tum ignorantis prae-textum tollendo, tum falsam iustitiae opinionem & inanem virium confidentiam refutando. Ita fit, ut impijs nulla restet excusatio, quin propria conscientia conuicti, reatum, velint, nolint, sentiant. Non semper quidem agnoscunt ac consentiunt, lege tamen intus iudicante, sentiunt. Fit etiam econverso, ut pijs prorsus exinaniti omni peruersa sui fiducia, quae vera demum est humilitas, locum dent Dei gratiae, unde fortitudinem sumant. Non igitur iubendo aut exhortando vires nostras Deus reputat, cum idipsum det, quod postulat, atque ideo det, quia per nos destituimur.

Iam verò, ut nihil prae-terminat, quod odium quolibet modo conflare queat Lutheri sententia a nostra, originem trahere a veteribus haeticis commemorat, Prisciliano, Manichaeo, Marcione, Cerdone, ipsoque adeo Simone Magico: quos tamen omnes impietate dicit fuisse a Luthero superatos. Dicerem ingeniosum esse hoc artificium, si quid coloris haberet. Sed cum in proprium sit palam facere, nimis crassum & improbum esse mendacium, quid inde lucri sperauerit nescio: nisi forte illud est quod iam dixi, eum satis habuisse, si sua modo farina hominibus placeret, qui neque nostram attingunt, neque inquirunt, verumne sit an falsum quod dicitur: sed Pighiana omnia, vel Ecciana eo tantum nomine exosculantur, quia in nos scripta sunt. Vetus & obsoleta est haec criminatio, non a Pighio primum reperta. Nam Augustinum sic olim vexabant Pelagiani, quasi cum Manichaeis sentiret. Sed aduersus vanam & futilem maledicentiam semper est veritati parata defensio. Ut a Simone incipiam, quid causae habet Pighius, cur nos eius discipulos faciat? imò cur eum prorsus nominet? Veteres ferè omnes mentionem faciunt Simonis, eius quoque errores recensent: sed nullus, quod sciam, tale aliquid prodit, quale hic Pighius iactat. Plurima eius deliria refert Irenaeus libro primo: Tertullianus nonnulla. Augustinus verò quaecunque vel legerat, vel audierat, colligit. De libero vel seruo arbitrio, de necessitate vel fortuito euentu rerum, prorsus nihil. Docebat, inquit, promiscuos concubitus: Deum non fecisse mundum: negabat carnis resurrectionem: asserbat se esse Christum: itemque Iouem se credi volebat: Minervam verò Sele-nem quandam meretricem, imagines suas & illius dabat adorandas. Dicebat se in patris persona legem dedisse Iudaeis: sub Tiberio in filij persona putauisse apparuisse: postea in linguis igneis super Apostolos venisse. Haec sunt, quae Augustinus

Cap. 20.
de pre
scri. heret
& de he-
reticis.
Ad quod
vult
Deum.

Undique ex alijs collecta, redigere in vnum catalogum potuit. Quid hic reperiet Pighius, cur nos faciat Simonis discipulos? At non comminiscitur. Habet enim ex clementis recognitionibus. Praclarum vero authorem, ex quo de tantis rebus iudicium fiat. Constat enim deliria esse inepti cuiuspiam monachi, quæ sub Clementis nomine malis æstipicijs edita sunt. Neque verò magnis & longis rationibus opus est. Siquidem est in manibus hominum liber, qui sine indice suam insulsatem plus satis prodit. Quæ sub Petri persona illic referuntur, Spiritum Apostolicum nihilo magis redolent, quàm Aristotelis τὰ μὲν & οὐκ. Quin etiam mihi videor Aristotelem facere iniuriam, dum huic Philosophastro ipsum comparo. Itaque nihil aliud dicam, nisi quod iam dixi, fuisse ineptum aliquem monachum, qui nugando fallere oculi sui tadium voluerit. Inde autem sumpsit fiduciam, ut Clementis nomine abuteretur: quia illud vulgò receptum erat, Clementem disputationis inter Petrum & Simonem habitæ commentarios scripsisse: quos etiam Rufinus citat: idque non absque sinistro elogio, quod multas falsas & impias sententias contineant: addita tamen Clementis excusatione, quòd adulterinæ esse possint, & ab hæreticis per doctum suppositæ. Quanquam ut totum librū supposititium fuisse credam, & Clementis titulum falsò prætulisse, veterum ferè omnium authoritate magis quàm vnius Rufini opinione moueor. Nam si talis quispiam liber Irenæi & Tertulliani ætate extitisset, qui habitus fuisset Clementis, non neglexissent profecto tale actam commodum subsidium. De ea ipsa quæstione, quæ illic agitur, certamen habebat, ille cum Valentino, hic cum Marcione: nihil magis laborabant, quàm ut probarent, non aliud se docere, nisi quod Apostoli prædicassent. Quid validius aut firmitus erat, quàm simpliciter hunc citare testem, qui vnus poterat totam litem dirimere? Nullo certè, nec faciliore, nec meliore argumento conuinci vtrique poterant, tam Marcionitæ quàm Valentiniiani. Fuisset enim non dubiæ fidei monumentum, quod à Petri discipulo prodisset. Protulissent igitur consignatam certo testimonio Petri fidem. Nonne hoc erat omne subterfugium occludere hostibus? Atquæ longiore circuitu vtuntur. Referunt omnes Romanos Episcopos, qui Apostolis successerant, ad suum vsque tempus, quin etià inter alios nominant Clementem: testantur se docere, quod ab illis per manus sibi traditum fuerit. Quid cōiecturis opus erat in re tam perspicua? Cur librum tacent, in quo totus quæstionis cardo vertebar? Præterea cur suis hostibus inuidiam ex nomine non faciunt? Tunc enim Simonis nomen omnes abominabantur. Quare hoc vno verbo, citra longiorem contentionem, expedire se poterant: Quid nobis Valentine & Marcion ex inferis Simonem excitatis? Non disputatione certandum est vobiscū, sed anathemate agendū. Neque enim renocare in dubium fas est, de quo semel pronunciauit Apostolus. Huc accedit, quòd Eusebius, cum de Clemente loquitur, vnā Epistolam reliquisse eum narrat: de altera nihil audet asserere, quia non viderit: deinde continuo subiungit, Sed & alia eius opuscula à nonnullis haberi perhibentur, velut Petri & Appionis disputatio: quæ in vsu à veteribus habita minimè reperimus, quia nec pura in eis, nec incorrupta fidei Apostolica doctrina māsse deprehenditur. Atque, ut citra ambages dicam quod res habet, quisquis in illorū temporum historijs bene exercitatus rē propius expendet, aut Petri cum Simone Mago cōcertationem confictam fuisse & fabulosam animaduertet: aut, velut dubiam & incognitam, relinquet in medio. Nam & Augustinus Romæ quoque sua ætate vulgò fuisse de ea ru-

In apolo
pro Ori-
gene.

Lib. 3.
Ecclesi.
Hist.

Epist. 86

mores scribit, qui à Romanis ipsis pro falsis habebantur. Hac longius repetere, & fusius persequi libuit, ut statuerent lectores, quantum sit deferendum testimonijs, quæ paulò post ex commentitio illo Clementis libro, velut ignea tela, in nos Pighius vibrat. Verum demus librum aliquem fuisse à Clemente conscriptum, qui inscriptionem hanc habuerit, quid hoc ad frigidas, vel potius fatuas istas rhapsodias? quæ nullo ingenio, nullo iudicio fuerunt ab indocto monacho consarcinata. En specimen ingenuitatis Pighianæ.

Venio ad alios hæreticos: quorum nos facit discipulos. Tamen si autem non nihil inter se differunt: quoniam tamen unus est deum omnium communis error, eos simul uno, ut aiunt, fasciculo complectar: ac breuiter referam, quid illi docuerint, quid nos doceamus: ut ex comparatione iudicent lectores, quid nobiscum illis sit commune. Ac illud quidem Valentini inextricabile cahos de antiquæ genealogia omittam, quia parum ad institutum faciat: nisi quòd ex tricesimo æone diabolum genitum fingit, qui alios postea genuerit, à quibus creatus fuerit mundus. Atque inde est, quòd malitia non arbitrio, sed natura mundi: hoc est, generi diabolico, tribuit. Cerdoniani, Marcionitæ & Manichæi simplicius insaniunt: constituunt enim duo principia inter se diuersa, quasi duos Deos: vnum bonum, alterum malum, hinc mala, inde bona, habere & originem. Plura deinde & magis adhuc ridicula comminiscuntur Manichæi, de bonorum & malorum commixtione, quibus su per sedeo. Priscillianistæ paulò aliter de humanæ prauitatis origine philosophantur. Non enim ex mala traduce gigni animas putant, sed descendere de cælo ex diuina substantia formatas: sed incidere in malignum principem, mundi fabricatorem, & ab hoc principe contrahere contagionem, & in diuersa corpora seminari. In hoc tamen conueniunt omnes vnà cum Montano, & reliquis similibus, quòd hominem malum esse, non lapsu & propria culpa, sed ipsa creatione, pronuntiant: nec vitium accidisse dicunt nature nostræ, sed substantia inlære: adeoque substantiam ipsam malam esse ac vitiosam. Ne ergo Deum bonum cogantur facere mali authorum, ad diabolum principem tenebrarum hominis creationem referunt.

Cap. vlti.
lib. 1.

Nostra non aliunde referam quàm ex ore ipsius aduersarij. Quanquam enim nihil non calumniando peruenit, continere tamen se non potuit, in tam clara luce, quin testimonium hoc nobis redderet: Nempe nos dicere hominem dupliciter considerandum: Primum in ea integritate, in qua conditus fuit, deinde in ea miseria, in quam proprio vitio delapsus est. Ad imaginem quippe Dei fuisse creatum Adam, eximijs dotibus ornatum, iustitiæ, veritatis, sapientiæ: idque hac lege, ut non ipse tantum, sed omnes eius filij sic victuri essent, si in ea integritate, quam acceperat, perstitisset: verum non stetisse diu: sua igitur ingratitude donis illis fuisse exutum: excidisse proinde ab illa Dei similitudine, & induisse nouam imaginem. ignorantia enim, & impotentia, iniustitia & vanitati fuisse subiectum: atque in has miseras demersum, suam quoque progeniem ipsdem implicuisse. Iam ex Pighij confessione habeo, nos non naturæ, non primæ hominis origini tribuere, quòd malus sit, sed eius culpæ duntaxat, qua miseriam hanc sibi accersuit. Neque enim negamus, liberi arbitrij conditum fuisse hominem, qui & sana mentis intelligentia, & rectitudine voluntatis præditus fuerit. Nunc quidem capitiuum teneri sub peccati seruitute arbitrium nostrum asserimus. Sed unde id? nisi quia libero arbitrio abusus est Adam, cum haberet? Sed quid hinc verba perdo? cum plus satis ad nostram defensionem sufficiant,

sufficiant, quæ Pighius ex nobis recitat. Hæc enim illic mea sunt verba: Quare rui nam nostram naturam de prauationi imputadam, meminerimus, ne in Deum ipsum naturam authorem, stringatur accusatio. Merere quidem exitiale illud vulnus in natura verum est: sed multum refert, accesserit ne aliunde, an ab origine insederit. Constat autem, per peccatum inflictum fuisse. Non est igitur cur conqueramur, nisi de nobis ipsis &c. Et adhuc nos Cerdoni, Valentino & Manichæis similes faciet Pighius? Illi hominem substantia & creatione malum fingeant. Nos, ut de excellentissimo Dei opere loqui par est, creatum fuisse dicimus rectum, naturam bonam & puram: sua autem culpa fuisse vitiatum cum sponte à Deo defecit. Quid simile, obsecro, inter substantiam & accidens? inter Dei creationem, & accersitum ab homine vitium? Augustinus, cum de Priscillianistis agit, in eo errare dicit, quod non arbitrio, sed ipsa Dei creatione hominem malum asserunt. Illos damnando, non modò nos absoluit, sed doctrinam nostram suo suffragio prorsus comprobatur. Imò cum similem huic nostram, in qua nunc versamur, causam agit aduersus Pelagianos, hoc est cum ab ea de se calumnia purgat, ita pro se loquitur, ut nos quoque suo patrocinio sufficienter defendat. Atque id quidem & pluribus facit locis, & nunc breuius, nunc fusiùs. Quod tamen ad nostram questionem, summa huc respicit, eos qui sanandam dicunt naturam, multum à Manichæis differre: quia sanari non posset, si æternum & incommutabile malum esset quod somniat Manichæus. Multum esse Manichæis contrarios, qui malum naturam nostram accidens esse dicunt, quod illi referunt ad substantiam. Eos qui arbitrium non nisi ad malum esse liberum tradunt, exortum tamen inter ea ab eo, quod non erat malum fatentur, minimè ad Manichæos accedere, sed eorum errorem fortiter redarguere. Quid autem istorum non semper docuimus? Si hodie uideret Augustinus, causamque nostram defensionem ex professo susciperet, non posset clariùs exprimere, quod ad refutandam huius conuitiatoris calumniam sufficiat.

Sed videte hominis pudorem. Parum esse putat, si nos illorum discipulos faciat: addit enim absurdiora & magis impia docere. Manichæi, inquit, ne malitiam Deo adscriberent, duo principia finxerunt. Lutherus vni Deo optimo maximo scelera & flagitia adscribit: quia in illis veluti serræ sumus, tracti atque acti illius impetu quò voluerit. Manichæus, post superiores illos hæreticos, duas in homine naturas facit: alteram bonam, malam alteram: quarum illa peccare non possit, neque hæc bene agere. Lutherus liberum hominis arbitrium, imò vniuersam hominis naturam asserit necessariò & semper etiam in sanctis Spiritui Dei reluctari, & velut feram indomitam nunquam non repugnare Dei gratiæ. Impios veluti serras esse in manu Dei, quæ moueat, vertat, dirigat eos, quorsum vult, non ex Luthero est, sed ex Spiritu sancto: si tamen eum per Prophetas locutum fuisse confiteretur Pighius. Dicit enim Iesaias de Sennacherib: Nunquid gloriabitur Serra aduersus eum à quo trahitur? Semper tamen expositionem hanc Lutherus addidit: sic Dei instrumenta esse omnes impios, ut malitia ab ipsis sit, in ipsis resideat, ipsis quoque sit imputanda. Rursum vniuersam hominis naturam, ut est post lapsum vitiatam, & corruptam, non ex seipso damnat Lutherus, sed acquiescit in Dei optimi & summi iudicis sententia, à qua pronocare nefas est. Quis enim hæc omnia pronunciauit? Omne fomentum cordis humani tantummodo malum est à pueritia. Peruersum est cor hominis, præ omni re, & fraudulentum. Omnes declinauerunt, simul inutiles facti sunt, non est qui faciat bonum, ne vnus quidem. Affectus carnis ini-

Iesai. 10.

micitia est aduersus Deum. Legi Dei non subiicitur, neque etiam potest. Et alia innumera. Eat nunc Pighius, & tot tamque graua Dei iudicia vno conuicio retrahat. Quantum ad sanctos pertinet, non dubium quin Spiritus sancti gratia resistat, quod in illis residuum est propriae naturae. Neque enim humilitatis gratia mentiebatur Paulus, dum confitebatur non habitare in se, hoc est in carne sua bonum: sed cum gemitu non ficto miseriam suam deplorabat. Illic totum carnis ingenium prauitatis damnat: carnem verò definit, quicquid à seipso habet. Dum ergo carnis suae reliquias resistere Dei iustitiae conqueritur, quid differt à Lutherò? nisi quod rem eandem non totidem syllabis exprimit. Exhorrere se Pighius ad hanc Lutheri vocem dicit, naturam carnis in sanctis quoque, velut feram indomitam, Spiritui sancto reluctari. Omitto nunc Paulum: quid rogo, sibi volunt haec Augustini verba? Item: Nemo se palpet: de suo Sathanas est. Tollat homo peccatum quod suum est: Deo iustitiam relinquat. Si haec à Lutherò dicerentur, quos nunc tumultus Pighius misceret? De sanctis loquitur Augustinus: quicquid sunt vel habent à natura, pronuntiat esse peccatum: nec eo contentus, dicit ipsorum unumquodque de suo esse Sathanam.

Homil.
49. in Io
annem.

Scio quidē me cum insano hoc capite nihil proficere, qui vllus scripturis crediturum se negat, quæ secus doceant, quam i se iam sibi persuasit: quin etiam elatio supercilio tactat, non dubitanter se dicturum, à diabolo omnis blasphemiae authore prodisse, si quæ tales proferantur. Quid facias cum tali furia? Sua se imaginatione sic inebriauit, vel fascinauit potius, ut neque homines, neque Angelos, neque Deum audire sibi reclamantem sustineat. Hoc enim sacrilegium disertis verbis euomit: Si quæ scripturae Lutheri doctrinam adstruerent, à Lucifero omnis blasphemiae & impietatis authore fuisse dictatas, nihil dubitarem dicere. Item alibi: Sunt eiusmodi dogmata, ut dicere non dubitem, nulli Evangelio, nullis Scripturis, nullis Apostolis, sed nec Angelis de cælo omnibus crediturum me, si ea asserebant. Dices quispiam: quid igitur cum tam deplorato homine ludis operam? Ego verò ne verbum quidem facerem eius causa. Sed operam hanc alijs impendo, qui vel ad amplexandam veritatem sponte propensi sunt: vel sic in errore detinentur, ut sint tamen sanabiles: vel saltem non ita sunt obstupescit, quin sentiant quod dicitur. At sacris Dei oraculis nihil derogare se putat, quia possibile non sit, ea aut Lutherò, aut nobis suffragari. Ego verò nullum pretextum obtendi posse contendo, quin istæ voces illastre & consignatum ad posteros testimonium reddant, Spiritui sancto in Scripturis loquenti, & æterna Dei placita pronuntianti, nihilo plus reuerentiæ detulisse Pighium, quam Platoni ex proprio capite philosophanti. Quis enim, modò scintillam vnā, quamlibet exiguam, timoris Dei residuam in corde habeat, sic loqui a sit? Angelum quidem è cælo, si aliud Euangelium attulerit, pro anathemate haberi iubet Paulus. Nempe cum Angelos quoque subiici & obedire verbo Dei oporteat, meritò rediguntur in hunc ordinē, ut si aliter faciant, demones censeantur. Quanquam autem accidere id non potest, tanti est tamen Evangelij maiestas, ut ad eam vindicandam Angelorum nomine quodammodo abuti nefas nō sit. Ipsi autem Deo anathema irrogare, quale exemplum est? Deum in Scripturis sanctis loqui, nemo piorum dubitat. Quid ergo aliud sibi voluit illis verbis Pighius, quam certa Dei oracula se dicturum à diabolo edita fuisse, si liberum homini arbitrium tollant? Hæc quicumque pius audit, nonne Cerberum potius aliquem latrare dicat, quam hominem loqui?

Tam ut scripturas ipsas nobis excutiat, hoc argumento utitur: legisse eas patres omnes, orthodoxos & sanctos homines, neminem tamen eorum intellexisse, inevitabili necessitate nobis provenire omnia: neminem dixisse, impossibilia nobis à Deo præcipi, aut pro ijs damnari homines, quæ non libera voluntate, sed fatali necessitate impulsæ faciunt: neminem, Deum existimasse fontem ac scaturiginem scelerum & flagitiorum omnium. Primum respondeo, patres nihilo magis quàm nos vitam resque hominum Fortunæ subijcere, sed providentiam Dei agnoscere & constituere summam & unicam gubernatricem, quæ præsit consilijs hominum, voluntates flectat, euentus moderetur: nec providentiam eos imaginari, quæ subitos aut cacos habeat motus, vel ab inferioribus causis pèdeat, vel nutet varia & incerta ad fortuitos casus, sed quæ firmo, stabili, perpetuoque tenore sibi constet. De possibili aut impossibili legis observatione, non est quòd nos in certamen cum patribus committat. Nam cum observationem legis homini asserimus esse impossibilem, duo comprehendimus: Perfectionem, quæ illic à nobis exigitur, naturæ nostræ vires longo intervallo superare: deinde, neminem unquam extitisse, qui iustitiæ legis omni ex parte satisfecerit: neminem fore, ac ne existere quidem posse talem. Neque tamen interea negamus, quin homini possit Deus talem gratiæ perfectionem conferre, quæ par sit futura iustitiæ legis: sed quia se facturum hoc negavit, simpli- citer impossibile dicimus fieri. Ac ne videamur loqui sine authore, Paulum in hoc sequimur, qui non alia ratione probat omnes qui sub lege sunt, malæ dictioni esse obnoxios, nisi quia maledicantur omnes, qui non permanserint in omnibus, quæ scripta sunt. Non staret autem argumentum, nisi pro confesso assumeret, neminem implere posse. Demus enim unum aliquem posse: qualis erit ratiocinatio? Deus maledicit omnibus, qui legem suam non implent. Ergo necesse est omnes esse maledictos, qui unquam fuerunt, sunt, & erunt. Sed Paulus principium habet, scilicet incognitum Pighio: necessarium debere censerì, quod Scripturis prædictum est. Cum igitur sanctos omnes reos transgressionis faciat Scriptura, inde colligere non dubitat: neminem esse, qui reatu eximere se possit. Patres verò, legem observatam possibilem cum dicerent, non hoc ad liberi arbitrij facultatem, sed gratiæ potentiam referebant. Nam & Hieronymus ipse, quem citat Pighius, sic interpretatur. Augustinus etiam clariùs: Non utrum præceptum sit homini, inquit, ut sine peccato sit, quæritur (est enim manifestum) sed utrum in hoc corpore possit impleri, ubi caro concupiscit adversus Spiritum. Paulò post subiungit: Non ad saturitatem iustitiæ, cum hinc exierit, quisquæ perueniet, qui non esuriendo & sitiendo cucurrit. Hic loquitur de sanctis, qui Spiritu Dei iam in obedientiâ legis aguntur. Vbi verò tractat de natura, ne inchoare quidem posse legem concedit: sicut alibi videbimus. Neque enim iustam adhuc de ijs rebus disputationem ingredimur: quò fit ut leuiter tantum eas transcurram, quò citius perueniam ad proprium earum locum.

Quamquàm minimè recipienda est hæc conditio, ad quam Pighius, cum ubique, tum hoc præsertim loco nos reuocat: ut fidei regulam, non ex Dei verbo, sed Ecclesiæ traditione petamus. Absit verò ut Christiana fides tam infirmo & caduco fundamèto fulciatur. Quid enim aliud relinquitur Deo viuo, quàm mortuis idolo, si decretis hominum stare vel cadere dicatur æterna eius veritas? Et quæ erit fidei stabilitas, quam aduersus omnes inferorum machinas inuictam stare oportet, si ab hominum nutu arbitrioque pendeat? Sed audiamus bellas hominis rationes, quibus

In Epi. ad
Ctesiphō
tem De
perfect.
iustitiæ.

urgere nos conatur. Prædictum est, inquit, fore sectas & hæreses: fore qui profitean-
tur ore Christum, & magistri erroris sint, lupi rapaces, oblecti vellere ouium, qui
incautos ab ouili Christi abducant, doceant Christum contra Christum, in deser. o,
in angulis, in latibulis. Subiungit, quibus armis oppugnent Ecclesiam hæretici:
Nempe, quibus Sathan dux eorum & magister Christum aggressus est: hoc est, scri-
pturis perperam in suum sensum detortis. Tertio loco ad remedium descendit: si fi-
deles scilicet se ab Ecclesiæ unitate nō patiantur abduci. Ego verò fateor, huic ma-
lo semper obnoxiam fuisse Ecclesiam, & ad finē vsque mundi fore, vt ab hostibus
domesticis grauiter laboreat. Quod & omnium temporū experimentis plus satis com-
probatum antehac fuit, & nunc magno nostro malo, & non sine acerbissimo dolo-
re experimur. Quò atrocior est pestis ac nocentior, eò magis de remedio cogitandū
esse bene admonet Pighius: sed quale illud sit, quarendum. Miror autem, hominem
sic præcipitem ferri suo affectu, vt se impingere primo gradu ad verum remedium
non sentiat. Non dubium, inquit, quin sic adorianur nunc pios hæretici, qualiter
Sathan olim Christū: nempe falsa scripturarum interpretatione. Quis non conti-
nuò nūc inferat, resistendū igitur exēplo Christi? Quid enim? An impij, Sathana
magisterio ad impugnandam fidem instruentur, Christus ad fidei defensionem suos
nō armabit? Iam verò quo clypeo, quo gladio, & quibus armis Sathanam tunc re-
pulerit, notum est. Scriptum est, inquit: Cum sola scriptura fretus, profligato, suba-
ctoque hoste victor euadat, nonne & illi, quasi sublato signo nos vocat, & certam
victoriam pollicetur? Quid autem Pighius ex aduerso? Hæretici in hoc, capitis sui
Sathana imitantur astutiam, quòd sub falso scripturæ pretextu venenum suum
propinant. Caueant sibi fideles ab insidijs: clypeum & arma induant. Nempe, vt si-
mul cum Christo confugiant ad Scripturam. Minimè, inquit (nulla enim illic secu-
ritas) sed ad Ecclesiæ traditionem, tanquam ad vnicū asylum, se recipiant. An ad
tam crassas ineptias delaberetur, si vel vnciam sani cerebri haberet?

At scripturæ, inquit, pro impiorum libidine, huc, illuc, trahuntur, vt sine
Ecclesiæ definitione nullus certus sensus haberi queat, in quo acquiescamus. Illud
est scilicet tritum ac vulgare Lucianicorum prouerbum, de sacro sancto Dei ver-
bo, nasum esse cereum, in formas omnes flexilem, prout hominibus libuerit hunc
aut illum sensum affingere. Ita ne verò? Vt nulla sit tam contempta aut abiecta
Philosophorum secta, quæ non authoris sui mentem ex eius scriptis certò teneat: soli
Christiani, cum de magistri sui doctrina queritur, aliò circumspectent? Vt in schola
Pythagoræ valeat illud ἡ ἀρετή, Christus inter suos discipulos tantū honoris non
habeat, vt ad sacra eius oracula conicecant? Vt Epicuri breues, mutilæ, spino-
sæ sententiolæ ab eius secta intelligantur: tot aciam copiosis, certis, luculentis scri-
ptis, non hoc consecutus fuerit Deus, vt sciamus, quid voluerit? Denique quorsum
tantus Scripturæ aceruus, si nihil inde certi percipere licet? At lōgè aliud testimo-
nium verbo suo reddit Deus ipse. Ne dicas, inquit, in corde tuo, quis ascendet in
Deut. 30. coelum? Aut, quis descendet in abyssum? aut, quis traiciet mare? Prope est verbum
in ore tuo. Cur nos ad verbū reuocat, in quo nihil quàm fluctuare & vacillare pos-
sumus? At istam obiectionē præuenit, cum testatur, se in os & cor dedisse: vt &
certa fide ipsum apprehendamus, & cum fiducia cōfiteamur. At quo tēpore hoc di-
ctum est? Cum sole iustitiæ nondum cum pleno suo fulgore exorio, lex tantū
velut quædam fidei aurora prodijset. Moyses quoque in illa solenni contestatione,

Hæc est via, inquit, ambulate in ea: si in tam exigua portione lucis, & verborum obscuritate, & figurarum umbris involuta, clamat tamen Dominus, nullum ignorantia, aut dubitationi prætextum ampliùs esse, quia certam doctrinam tradiderit, quæ & certa cordis fiducia apprehendi, & libera audacique confessione prædicari debeat: si per Moysen contestatur, planam & apertam esse viam, quæ ista est improbitas, in ipsa meridie, sole iustitiæ ante oculos conspicuo, hoc probum inurere verbo Domini, ut nihil aliud quàm piorum mentes suspensas, perplexas, & inquietas relinquat? Audiamus alteram quoque Dei contestationem: Non in abscondito, inquit, locutus sum: non in angulo terræ tenebrarum: Non dixi semini Iacobi frustra, quæretis me. An non loquitur hodie nobiscum Dominus per Scripturas? Annon clariùs, quàm pridem cum Israël? Negat se frustra docere. Ergo in verbo eius reperiemus proculdubio quod quærere nos iubet. Quòd nisi ita esset, quid sibi vellet illud? Audite me: & viuet anima vestra. Hic ergo est tranquilluss & salutaris portus, habere receptum ad sancta Dei oracula: à quibus, tanquam à periculo scopulo, fugere nos docet Pighius.

Verùm excipiet fortassis. Deum non in nuda Scriptura, sed per Ecclesiæ traditionem audiendum esse. Nūq̃, siquidem huic cauillo ansam olim præcidit Spiritus sanctus. Nam Iesaias, ubi populum admonuit, ne quem, præter unum Deum, Iesai. 3. sequatur, modum quoque simul addit: Ad legem, inquit, & ad testimonium. Quo igitur Spiritu reclamationem Pighius, legem flexiloquam esse, obscurum testimonium & ambiguum? Et Malachias, dum vult populum in Christi expectatione confirmare vsq̃, ue in eius aduentum, & aduersus offendicula omnia armare, non aliò mit- Mala. 3. tit, quàm ad legem ipsam. Secundum hæc rationem, ait Petrus, habere nos firmiorem sermonem propheticum, cui attendere debeamus ceu lucerna ardenti in loco cæ- ginoso, donec Lucifer exoriatur in cordibus nostris. At quod sequitur continuò, nonnihil videtur Pighio suffragari. Admonet enim, non esse priuatæ interpretationis Scripturam propheticam. Ego verò non aliter accipio, quàm ipse exponit: nempe, quòd non proprio consilio impulsus, sed à Spiritu sancto excitatus, locuti sint Propheta. Quamquam ubi nomen interpretationis habetur, meliùs conveniret Motum dicere: in qua significatione interdum sumitur græca vox, qua utitur τὸν νοῦν. Demus tamen, ipsam de interpretatione loqui. Quem alium sensum elicias nisi minimè trahendas Scripturas ad proprium cuiusque sensum? Non enim alium esse idoneum ipsarum interpretem, nisi Spiritum Dei qui eas dictavit. Quid ad hæc Pighius? Perget ne adhuc Scripturas vocare confusum labyrinthum, quibus Petrus claritatem tribuit, quæ nos certò regere possit, ne vel in profundissimis mundi tenebris aberremus? Atque ut videas Spiritum sanctum nihil aliud de lege prædicare, quàm quòd in se ipsis experiuntur ipsi fideles: audi quale illi elogium, ex ipsi fidei sensu, tribuat Dauid: Lucerna, inquit, pedibus meis verbum tuum, & lumen semitis meis. Item: Testimonium Domini fidele, sapientiam præstans parvulis. Nec aliud sanè dicit, quàm quòd p̃ys omnibus familiariter notum esse debet. Hinc colligant lectores, quàm bene in seria Scripturæ intelligentia exercitatus sit Pighius: inò quem omnino eius gustum habeat: qui dum nasum cereum esse putat, in omnes partes flexilem, tuto in ea acquiescere nos posse negat: idèoque ad Ecclesiæ autoritatem, velut ad sacram anchoram, confugere iubet.

Ut tamen rem totam semel expediam: Quia sibi minimè expedire videt

Pighius, ut ex verbo Dei dirimatur hæc controuersia, Scripturam, quæ impijs & malitiosis hæreticorum commentis subiaceat, & in varios sensus torqueri possit, dubiam & obscuram esse contendit. Itaque ad Ecclesiæ definitionem rectâ nos reuocat: quæ, ut nullus calumnijs est obnoxia, ita pro vera & certa fidei regula habenda sit. Relin nunc mihi respondeat: quâ nouam formam induerit verbum Domini, ex quo, fidem ex illius esse auditu Paulus asserbat. Sic enim loquendo, non modò veram & certam, sed unicam facit regulam Fidei. Verùm ubi cum hæreticis est certamen non multum, inquit, cum Scriptura proficias quam totam illis promptum est eludere. Iterum mihi respondeat, quid mutationis acciderit, ex quo Paulus verbum Dei gladium spirituale vocabat, quo totus Sathan opprimeretur. Si aduersus hæreticorum omnium caput gladius est victor ac triumphalis, qui sit, ut aduersus membra retusum sit, & quasi arundineum telum? Et ubi erit vis illa penetrandi, quæ illi alibi tribuitur, ut pertingat vsque ad diuisionem animæ & spiritus, discernat cogitationes cordis &c? Respondeat etiânum mihi Pighius, perpetuum ne sit elogium hoc, an vnus tantum ætatis? Omnis Scriptura diuinitus inspirata, utilis est ad docendum, ad redarguendum, ad corrigendum, ad instituendum: ut integer sit homo Dei. Hic etiam caput mouebit: quasi non prouiderit Spiritus sanctus, qualis futura esset hæreticorum vafrities in torquendis ac deprauandis Scripturis. Verum cui persuadeat se Deo sapientiorum esse? Quòd si nuac quoque negare pergat, sufficere Scripturam ad hæreticos arguendos, quid aliud superest, quàm cum anathemate illum, tanquam professum & pertinacem veritatis hostem ablegare? Nec aliud eo loco profert Paulus, quàm quod usu ipso didicerat. Nam cum aduersus Iudeos, quàmlibet duos & pernicaces, disputaret, non aliunde sumebat arma: si verum refert Lucas. Denique ubi diu multumque fuerit disputatum, hic est lapis lydius, ad cuius examen exigenda sunt omnes doctrinæ. Laudat enim Spiritus sanctus Thessalonicenses, qui cum recepiissent cū omni promptitudine verbum, inuestigabant ex Scripturis, an hæc a se haberent. Certè aut non est legitimus Scripturæ examen ad probandas doctrinas: aut certa perspicuâque inde Fidei definitio haberi potest. Præclare Augustinus: Vbi, inquit, de re obscura disputatur, nō adiuuantibus diuinarum Scripturarū certis clarisque documentis, cohibere se debet humana præsumptio, nihil faciens, in alteram partem declinando. Huic sententiæ quis erit locus, si non firmâ ac constantem, nullisque machinis expugnabilem in Scripturis certitudinem habeat Dei veritas? Itaque postea concludit, credere se, nihil ad salutem necessarium esse cognitu, quod non habeat clarissimam in Scripturis approbationē. Nunc sancti viri imperitiâ subsannet Pighius, quòd disputado non assuetus, ita rem habere falsò putaret. Atquē hoc scribebat iam senex, cū, toto vitæ curriculo, cōtinuis aduersus varios hæreticos certaminibus penè detritus experientia satis teneret, quantū & ad docendū & ad pugnandū valeant Scripturæ.

Atquē istud sanè perquam est ridiculum, quod dum, ob dubios & obscuros Scripturæ sensus, ad Ecclesiæ definitionem vult nos trahere, principium suum ex Scripturis sumit. Atquē principia à vtriusque esse oportet: quæ res summâ claritatem requirit. Scriptum est, inquit: Surgent pseudoprophetæ, & seducunt multos in nomine meo. Quid sibi vult in nomine Christi? Falsa scripturarum interpretatione. Quid si negem? Non enim vnus est fallendi modus in Christi nomine, sed valeat hoc. Sequitur. Quid est seducere? Seorsum ducere ab vnitatem corporis. Imò quod dicit

dicit Pighius, est seorsum ire. Christus enim dicit: *παρανομος εστι*, quod fallere & decipere significat. Hic autem in etymologia verbi quæ nunquam usus est Christus, pueriliter philosophatur. Nihil mirum si tam dubie sunt scripturæ Pighii, qui tam profana audacia in illis ludit ac lasciuat. Sed hoc extrema improbitas est, quod sua commenta, tam friuola & nugatoria, pro genuino scripturæ sensu tam audacter ingerere, idque loco principij, nihil eum pudet. Sed pergamus in hac bella expositione. Desertum, angulos, penetralia, allegorico sensu, nouas & singulares opiniones, à communi illius corporis sensu extraneas, intelligit. Sed quid si Christus ipse aliter apud Lucam? Non veniet, inquit, Regnum Dei cum obseruatione: neque dicent: Ecce hic: aut, ecce illic. Ecce enim Regnum Dei intrà vos est. Eandem historiam licet non iisdem verbis, duo Euangelistæ referunt. Allegoricum sensum comminiscitur Pighius in verbis Matthæi: dico nullum esse magis fidum inter pretem ipso Christo, qui apud Lucam, sine vllis figuris, se nihil aliud velle testatur, quàm Regnum Dei spirituale esse: ideoque commentitijs obseruationibus non alligandum. Interea, inquit, dum veniam adiudicium, regnabit in vobis Deus spiritualiter: regnabit in conscientijs vestris, per iustitiam, veritatem, pacem, fortitudinem Spiritus, non secundum externum mundi apparatus. Ego autem cum veniam, instar fulguris subito, præter spem omnium, emergam. Et sicut fulgur ab Oriente exit, & apparet vsque in Occidentem, ita momento vno, in ictu oculi, simul manifestabor, tribunal conscendam, totum mundum aduocabo. Non est igitur quòd in his tam clavis & simplicibus verbis penetralia & latebras allegoriarum quæreret Pighius. Sed audiamus acutam conclusionem. Ergo, inquit, monet Christus, ne exeamus. Vnde? Ab illo corpore. Et ne quis obtendat, se nescire vbi sit corpus illud: euident & infallibile signum mox proponit. Vbi erit corpus, illuc aquilæ congregabuntur. Quæ sunt aquilæ? Nempe de quibus Propheta meminit: qui corpore onusti, pennis tamen adiutricis gratis in sublime feruntur. Vbi cunque congregantur illæ aquilæ, illic esse corpus, cui associari & consentire debeas, ne dubita. Sanè si ita Scripturas sursum deorsum versare liceat, iam Pighio concedo quod postulat, alibi quærendam esse certam fidei regulam. Ac videtur mihi de industria specimen voluisse edere eius, quod dicebat: nihil prope modum esse in scriptura, quod non hæretici suam alitia peruertant. Sed ex aduerso efficiam, non sic patere, obnoxiamque esse eorum ludibrijs Dei veritatem, quin ab illis fortiter vindicari queat. Possunt solem ad tempus obumbrare nebule: sed eius fulgorem neque extinguere, neque suffocare possunt, quin tandem exuperet. Corpus pro Ecclesia hoc loco sumit. At Euangelista *πρωτα*, habet, quòd grecis cadaver significat. Facilis autem & obuius est cuiuslibet parabolæ sensus: quòd sicut ad cadaver vnum, solent complures aquilæ conuolare, ita ad vnum Christum vndique electi, se omnes recipient. Ergo seipsum Christus vinculum vnitatis facit, non hominum consensum, vel multitudinem. Nunc expendant lectores, quàm fidelis sit interpres Pighius. Christus de cadauere loquitur: cui se ideò comparat, quòd electis suis causa est, vt in vnum conueniant, & simul ad eum colligantur: Ille corpus Ecclesiæ imaginatur, Christus aquilas nominat, perinde ac si nos vulgari more nostro diceremus coruos: Ille argutiolam comminiscitur, vt ad veteres Ecclesiæ doctores afferat. Applicatio parabolæ hæc est: Vbi erit Christus, illuc confluunt ex toto mundo electi omnes. Ille prorsus diuerso modo: Vbi erunt aquilæ, illuc nos oportere congregari. Si putat ad: o futilibus commentis, non modò obrui, sed penitus tolli ex hominum mente & cordibus omnem scripturæ certitudinem, est cure eius stultitiam pueri quoque ipsi derideant.

Quanta verò sit Ecclesiasticæ traditionis authoritas, Pauli testimonio ostendit: vbi anathema & hominibus & Angelis denunciatur, qui ausi fuerint aliquid prædicare,

præter Euangelium, quod semel Galatis tradiderat. Fuisse hanc traditionem contendit, quia non de scriptis loquatur, sed viua voce. Dicam breuiter de hac re, absque vlla contentions specie, quod satisfaciat bonis omnibus, improbus os obstruat. Legem initio dedit Dominus, in qua voluntatis suæ testimonium populus Israëliticus haberet. Accessit deinde non diuersa aut noua, sed amplior ac luculentior doctrina ex Prophetis. Proinde ante Prophetas sola Lex auctoritatem indubiam habebat, ut pro verbo Dei reciperetur. Postea usque dum mundò exhiberetur Christus, lege & prophetijs continebatur Scriptura. Sic videmus à Christo & Apostolis, Moysen & Prophetas citari, velut classici testes, quorum scripta, non secus ac publicæ tabulæ, in populo Dei, sine controuersia, agnoscerentur. Apostoli viua voce primum testati sunt, quod sibi mandatum erat. Deinde sic visum est Domino, ut summa prædicationis eorum literis proderetur, quò integra ad posteros perueniret. Quæ enim alia de causa & legem & prophetias scriptis mandari voluit, nisi ut ad perpetuam memoriam extaret certa doctrina, quam sequi omnes ætates deberent? Nam quæ est hominum hinc lenitas & inconstantia, inde nouandi audacia & libido, nouam subinde religionis formam appetere, nisi certis finibus doctrinæ, quasi septis quibusdam, continerentur. Clamat Dominus. Ego idem sum semper, & non mutor. Verum id parum prodesset, nisi eius stabilitatem cernerent homines in verbo, velut in speculo: ut dum stabiles illic perstant, Deo suo adhæreant sine vlla mutatione. Ergo de Apostolorum doctrina factum est, ut ante de prophetijs. Non omnes quidem conciones ad verbum excerptæ sunt, sed in summam tamen fideliter redictum est totum eorum Euangelium: quæ ad plenum sufficere nobis posset. Ergo multifariam multisque modis locutus est olim Deus per Prophetas: postremum in dilecto Filio suo, nouissimis diebus. Cur nouissimi dies vocantur à Christi reuelati? Nempe, quia postremum locutus est Deus. Per quem? per Filium. Quid locutus est? Id ut sciamus, ad patrum traditionem nos Pighius amandat. Dico in scriptis Apostolicis contineri, quemadmodum Ioannes scribere se testatur, ut qui legunt, habeant vitam æternam. Ergo neque Pauli, neque alterius cuiuspiam priuatim Euangelium nunc habemus, sed illud vocamus catholicæ Ecclesiæ Euangelium, quod in literas redactum, Deus pro verbo suo consignauit. Quòd autem suam prædicationem, & illud quod ipse tradiderat, Euangelium nominatim Paulus aliquoties commendat, ea causa facit, ut puram & germanam Christi doctrinam à fictitiis pseudoapostolorum Euangelio discernat. Nam & illi Christum prædicare se iactabant, cum eius interea nomine abuterentur, ad veritatem adulterandam. Oportuit ergo purum & sincerum Euangelium singulari aliqua nota designari, ne pro Christi verbo fideles pseudoapostolorum figmenta susciperent.

Verum Irenæus, Tertullianus, Origenes, cum de dogmatibus certamen haberent cum hæreticis, non ad Scripturas, sed ad Ecclesiæ traditionem prouocarunt. Perinde agit Pighius, ac si sepultos apud se haberet eorum libros, ne tam aperti mendacij eorum lectione conuincerentur. Fateor equidem & eam ab ipsis proferri in medium, ut eius auctoritate causam suam stabiliant, & de ea honorificam facere mentionem: Sed inspicienda est, tum ratio, tum circumstantia temporum, tum etiam modus & temperamentum, quo vtuntur. Negotium erat Irenæo cum improbißimis hæreticis, qui nihilo plus Scripturæ auctoritate mouerentur, quàm vniuersæ Ecclesiæ consensu. Itaque conqueritur, nihil posse proferri, quod non eludant. Neque enim lubricis tergiuersationibus elabi quidquam illis curæ erat, sed impudenter respuebant, quidquid obijceretur. Si conuincerentur Scripturis, sapientiam habere se dicebant Apostolis altiore & perfectiore. Si ad Ecclesiæ consensum reuocarentur, dicebant non mirum esse, si Ecclesia puram doctrinam non seruaret

seruaret, quæ corruptam & fermento vitiatam non tantum à discipulis, sed à Domino quoque acceperat. Quid ad hæc Irenæus? Non per alios, inquit, habemus salutis nostre dispositionem, quam per Apostolos: qui, quod voce promulgarunt, postea scripto nobis tradiderunt, fundamentum & columnam fidei nostre futurum. Postea hanc quoque alteram partem urget, quod fidei unitatem, in Scripturis fundatam, colerent Ecclesie omnes, ab Apostolis edoctæ & institutæ. Sed illud semper nihilominus retinet, Scripturam perfectæ & absolutæ sapientiæ scholam esse. Tertullianus de præscriptione veritatis scribit contra hæreticos: quia & ipsorum petulantiam videbat nullo modo posse coerceri, quin centies victi, adhuc litigarent: & hoc optimum esse adminiculum censebat confirmandæ veritati, si eam constaret ab ipsis Apostolis fluxisse: contra verò fortem & validam machinam ad diruenda hæreticorum mendacia, si ostenderentur aliquid in Apostolorum doctrina novare. Quamquam autem in probabili aliâ & iusta causa, feruore disputationis ultra iustas metas non nihil prouehitur, non tamen aliud consilium habet, nisi ut doctrinam certò Scripturis proditam, apud simplices & infirmos hæc quoque nota confirmet, quod eam viua quoque voce Apostoli per manus tradidissent. Ad Scripturas promouendum negat, quoniam in illis, aut incerta, aut parum certa sit victoria. Sed quid ipse tot libris facit? Quibus armis utitur aduersus Marcionem, Praxeam, Hermogenem, & alios, nisi simplici verbo Dei? Quid igitur? An parum bene sibi constat? Sed iam citauerat locum Apostoli, ubi vetat cum hæretico homine, post vnam aut alteram admonitionem, amplius disceptare. Non dubium igitur, quin illuc respiciat, cum negat agendum de fide contentiones ex Scripturis. Nobis, inquit, curiositate opus non est, post Christum Iesum: nec inquisitione, post Euangelium. In summa, tantum vult concertationibus finem imponi, quæ & astutiam acuant hæreticorum, ut sint ad pugnam instructiores: & perniciam augeant: & infirmas conscientias exagitent, sine vlllo fructu. Vbi autem res postulat, non verbis modo, sed exemplo demonstrat, non aliter quam ex ipso Dei verbo de Fide, & disputandum, & definiendum. Neque aliam secuti sunt rationem orthodoxi omnes, cum rectam puramque Fidem aduersus hæreticos defenderent. Refert Theodorus, cum Synodum Nicenam Constantinus coëgisset, his verbis allocutum fuisse Episcopos. Extant Apostolici libri, & Prophetarum sanctiones, quæ nos erudiunt, quid de rebus sacris sentire debeamus. Posito igitur hostili certamine, ex Scriptis diuinitus inspiratis, questionum queramus solutionem. Cur non restiterunt patres, si hæc non erat legitima disputationis series? Imò cur libenter obtemperarunt, sicut acta Concilij testantur? Quin etiam sponte fuisse facturos, quod admonebantur, inde æstimare promptum est, quod Scripturis ad hoc ipsum instructi & comparati venerant. Cur non eorum stultitiam deridet Pighius, quod, relicta illa certa fidei regula, in qua figere pedem tutò poterant, in vagum illum Scripture labyrinthum abripi se passi fuerint? Imò cur non Augustinum capitaliter accusat, cui cum ista conditio diceretur, ut eandem, quæ internos agitur, questionem superiorum Doctorum scriptis finiret, acquiescere noluit? Nam & si eorum testimonijs utitur, & si sibi non esse contrarios ostendit, controuersiam tamen inde iudicari non patitur, sed ad Scripturam prouocat. Patet, inquit, libri Dei: non auertamus aspectum. Clamat scriptura: adhibeamus auditum. Item, de libro suo loquens: Vt vobis sit fructuosissimus, non vos pigeat sapius relegere, ut sciatis quibus & qualibus questionibus soluendis atque sanandis illic non humana, sed diuina valeat autoritas: à qua recedere non debemus, si volumus peruenire quò tendimus. Habet nunc Pighius quo cum certet: quem ubi debellauerit, ad nos veniat, licet.

Quaquam non in eam partem accipi velim quæ dico, ac si Ecclesiarum consensui nullum in definiendis fidei quæstionibus locum reliquerem. Sed hunc Scripturæ honorem tribui decet, ut ad eius examen exigantur omnia. Quicquid eius autoritate comprobatur, non vocetur amplius in dubium: rursus nihil, nisi quod cum ea conuenit, recipiatur, quicquid diuersum est, sit pro damnato, ut ab ea sola pendeant, & in ea consistant vniuersæ fidei definitiones. Huic dum accedit Ecclesiarum consensus, non parum momenti habet ad confirmationem. Verum hoc diligenter obseruandum est, ne ab ea disiungatur. Ita hoc nobis singularis testimonij instar est, ad obfignandum fidei nostræ certitudinem, quod hanc ipsam esse scimus, quam pridem omnes ex toto orbe sancti amplexi sunt, in qua vniuersim persisterunt vsque ad mortem, pro qua etiam tot ex ipsis vincula, exilia, deportationes, lapidinas, ignominias perpepsi sunt, sanguinem denique fuderunt. Sed hæc omnia parum valerent, nisi hæc primum cordibus nostris insculpta foret notitia, eam in verbo Dei, non hominum opinione consistere. In eo proinde grauiter peccat Pighius, quod dum Ecclesiasticæ traditionis prætextu à Scriptura nos auocat, diuortium facit perpetuæ illius coniunctionis, sine qua parum firmitatis habet Ecclesiæ magisterium. Negabit hoc se facere, quia secundum Scripturæ locū assignet. Hoc est, scilicet, suam sacrosancto Dei verbo gloriā dare, ut cum hominū placitis inuiolabilis cōsisterit maiestas, ad eorū consensum quoquo modo postea detorqueatur, ut illis subseruiat. An non enim hoc diseris verbis exprimit? Necessarium est, inquit, illud principium, ab Ecclesiæ traditione regulam orthodoxæ fidei sumi: quando illa demum sola est veritas credenda, quæ in nullo ab ea discordat. Ab hac igitur nos imprimis, & ante omnia, exordiemur: quando hereticorum tergiversationibus, contradictionibus, calumnijs non perinde exposita est, ut sunt Scripturæ: secundum nihilominus loco Scripturarum quoque sententiā demonstrabimus. En præclara hominis theologia, quidquid homines statuerint, ratum & authenticum esse oportet, de verbo Dei postea viderimus. Quid si manifesta interdum repugnantia inter hominum decreta & Dei oracula se ostendat? Nam id euidenter à nostris demonstratum est. Qualis erit dissidij compositio, authore Pighio, qui verbum Dei inferiore loco subsidere vult, nisi ut illi silentium indicat?

Ne tamen de re non necessaria frustra digladiemur: lectores monitos velim, non difficulter posse inter me & Pighium hoc loco conuenire, si modò Ecclesiæ traditionem ex certo & perpetuo sanctorum & orthodoxorum consensu, non ex testimonijs hinc inde malè excerptis, demonstraret: deinde si ijs simpliciter & candidè vteretur ad veram & germanam Ecclesiæ doctrinam comprobandum, non ad pingendas horum temporum impias doctrinas abuteretur. Ecclesia columna est & firmamentum veritatis, inquit Paulus, nempe quia verbum suum Dominus apud eam deposuit, cuius ministerio tradetur. Illa igitur habenda est Ecclesia, quæ fida est custos verbi Dei, quæ purum illud, & nullo fermento infectum, suo ministerio conseruat, & ad posteros propagat. Huius honoris & officij portionem aliquam sibi vendicant singulæ Ecclesiæ: sed non semper in solidum hoc sibi arrogare audent. Nunc si ex priuato paucorum sensu communem Ecclesiæ consensum facere velit Pighius, eumque ex Apostolorum traditione natum esse asserat, non recipiam. Dicit, Origenem, Tertullianum, & alios similes huic obiectioni occurrere, dum nihil se dicturos, præfatur, quod non communiter Ecclesiæ ab ipsis Apostolis edoctæ sentiant. Quid autem, si huic proëmio res non respondeat? Imò cum in præcipuis fidei capitibus post hanc præfationem eos multum errare constet, quàm tutum est, nullo discrimine, aut delectu habito, pro Ecclesiæ traditione suscipere, quidquid ipsi tradunt?

Atque

Atque id est quod dixi, ad Dei verbum examinanda esse singula, unde palam fiet, quæ sit germana Ecclesiæ traditio: & quid rursum sit ab ea vel dissentaneum, vel extraneum. Alioquin illa, quæ omnes pariter repudiamus, Tertulliani & Origenis deliria pro oraculis recipienda erunt. Sed illud alterum multo etiam minus est iniquius, ut quæ à sanctis patribus dicta sunt non malè, si sanum modò & candidum habeant interpretem, mixtura & artificio Pighij fucus fiant, ad ornandas & colorandas impias opiniones, quas ipsi patres si hodie viuerent, non minùs quàm nos, execrarentur. Irenæus Apostolorum discipulos viderat: Ipse & Tertullianus paucos Episcopos referunt, qui ad suam usque ætatem Apostolis successerant. Viuebant tum adhuc multi senes, quibus viuus ipsi Apostolorum sermones familiariter ex patrum suorum narratione noti erant. Non mirum igitur, si pro Apostolica traditione obijciunt, quòd tunc communiter in primis Ecclesijs non modò receptum erat, sed pro certo fidei dogmate, quod Paulus, Petrus, & reliqui eorum collegæ nuper pro didissent, fixum & stabile habebatur. Et tamen Origenes, qui tempore non multum ab illis differebat, inter fidei principia numerat quasdam sententias, quibus si non anathema dixerit Pighius, à suis quoque lapidabitur. Nunc post tot tantæque conuersiones, post talem Ecclesiarum dissipationem, imò ruinam, supercilioso fastu, pro traditione Apostolica vendicare, quicquid, quacunque occasione, nullo certo, vel tempore, vel authore, obrepserit, quantum obsecro securitatis habet? At nunc Pighius non nisi primos illos Ecclesiæ proceres citat, sub quibus adhuc florebat religionis puritas. Sed in quem finem? nisi ut colorem, vel larvam qualemcunque crassis impietatibus inducat, quibus ullam occasionem dare, nunquam sanctis illis viris in mentem venit: tantum abest, & nunc velint illis sua scripta suffragari. Tantum lectores hortor, ut vetusta illa tempora cum nostris conferant: deinde iudicare per se poterunt, qua sinceritate, aut quo pudore, illorum patrocinio causam suam fulciat.

Audiamus tamen quæ ex illis testimonia adducat. Id autem habet propositum, ut illos omnes, vno simul ore, liberum arbitrium asserere demonstraret. Unde postea duo infert: nos esse manifestos hæreticos, qui à perpetuo Ecclesiæ consensu, hoc est, traditione Apostolica dissentiamus: & me impudenter mentitum esse, qui scriptores omnes Ecclesiasticos, excepto Augustino, ita ambigè, aut variè in hac re locutos dixerim, ut certum quidpiam ex eorum scriptis haberi nequeat. Sed primò quæ vis & notio sit vocabuli definiti. Arbitrium aut pro electione, aut conuenientiùs pro voluntate ipsa accipi vult: liberum autem vocari interpretatur, quòd sui iuris est, aut sui ipsius habet potestatem: nèpe ita faciendi quicquid facit, ut non necessariò faciat, sed possit non facere. Ego verò, quantum ad vocem pertinet, adhuc profiteor, quod in mea Institutione testatus sum, non adeò me supersticiosum esse in verbis, ut eius causa velim contentionem aliquam mouere: modò rei intelligentia sana maneat. Si coactioni opponitur libertas, liberum esse arbitrium, & fateor, & constanter asseuero: ac pro hæretico habeo, quisquis secus sentiat. Si hoc, inquam, sensu liberum vocetur, quia non cogatur, aut violentè trahatur externo motu, sed sponte agatur sua, nihil moror. Sed cum aliud prorsus vulgò concipiant, dum hoc epitheton hominis voluntati attributum, vel audiunt, vel legunt, hæc causa est, cur mihi displiceat. Si quidem ad facultatem virèque referunt: nec impedire possis, quin simul ac libera fuerit voluntas dicta, hæc pluribus imaginatio protinus in mentem veniat, habere igitur sub potestate sua bonum & malum, ut alterutrum eligere suapte virtute queat. Non igitur vnus voculæ causæ frustra litigo: sed causam mihi iustam habere videor, cur voculam optem sublatam è medio, ad quam maior prope mundi pars tanto periculo impingit,

Quamquam ne cum Scripturae quidem usu videtur admodum bene conuenire. Libertas enim & seruitus, inter se pugnant: ut qui alterum dixerit, alterum neget. Proinde, si serua est hominis voluntas, libera simul, nisi improprie, dici non potest. Nunc audiamus, quid Spiritus sanctus pronuntiet. Contentus autem ero vno loco: quia non de re ipsa, sed de solo nomine quaestio est. Cum sanctorum conditionem describit Paulus, constringi captiuos sub peccati vinculis testatur, quia parte nondum per Spiritum Dei sunt liberati. Et cum de hominis natura loquitur, dicit eum venditum esse sub peccato. Si serui sunt ex ea parte Sancti, qua sibi naturaque sua adhuc relinquuntur, quid de hominibus dicendum erit, in quibus sola viget ac regnat natura? Si post regenerationem non nisi dimidia est libertas, quid in prima carnis generatione, nisi plena seruitus? Quod etiam ipsum antea dixerat Paulus. Agit enim sexto capite gratias Deo, quod a peccato liberati fuerint Romani, cui ante seruiebant. Videmus, ut ante regenerationem non carnis reliquias, sed totum hominem addicat seruitui. Qui ergo liberum asserit arbitrium, alio idiomate quam Spiritus sanctus, utitur. Et tamen inter Doctos si de significatione conueniat, parior ut eam vocem usurpent. Ac ne ad populum quidem usurpare prohibeo, si res signata bene explicetur. Verum ubi hoc impetrari nequit, lectores hic moneo, ut ad rem, magis quam ad nomen, animaduertant. Sed quoniam astute Pighius cum necessitate coactionem perpetuo confundit, quarum discrimen tenere, & diligenter meminisse, plurimum ad propositam quaestionem refert, haec quatuor quid inter se differant, obseruare conuenit: voluntatem, aut liberam esse, aut seruam, aut spontaneam, aut coactam. Liberam voluntatem vulgo intelligit, & sic Pighius quoque definit, quod bonum aut malum eligere, habeat in sua potestate. Coacta voluntas nulla esse potest: cum alterum alteri repugnet. Verum, docendi causa, quid significet, dicendum est, ut intelligatur, quid sit coactio. Eam ergo sic vocamus, quae non sponte sua, nec interiore electionis motu, inclinatur huc vel illuc, sed externo motu, violenter fertur. Spontaneam dicimus, quae ultro se flectit, quocumque ducitur, non autem rapitur, aut trahitur inuita. Seruam postremo voluntas est, quae propter corruptionem sub malorum cupiditatum imperio captiua tenetur, ut nihil quam malum eligere possit, etiam si id sponte & libenter, non externo motu impulsam, faciat. Secundum has definitiones, homini arbitrium concedimus, idque spontaneum, ut si quid mali facit, sibi ac voluntariae suae electioni imputare debeat. Coactionem & violentiam tollimus, quia pugnet cum natura voluntatis, nec simul consistat. Liberum autem negamus, quia propter ingentem homini prauitatem ad malum necessario feratur, nec nisi malum appetere queat. Atque hinc colligere licet, quantum sit necessitatis & coactionis discrimen. Neque enim hominem dicimus inuitum trahi ad peccandum, sed quoniam vitiosa sit eius voluntas, sub peccati iugo teneri captiuam, ideoque necessario male velle. Vbi enim seruitus, illic necessitas. Sed plurimum interest, voluntaria ne sit seruitus, an coacta. Nos autem non alibi statuimus peccandi necessitatem, quam in vitio voluntatis: unde spontaneam esse ipsam sequitur. Nunc vides spontaneum & necessarium simul conuenire posse, quod astute gere conatur Pighius, dum liberum hominem in eo aestimat, si non necessario faciat, aut bene, aut male.

Quid autem Origenes? Eos pronuntiat haeticos, qui liberum homini arbitrium auferunt. Si de prima naturae conditione loquitur, nihil affert, quod non ipsi quoque profiteamur. Si inter vitiatam & integram naturam non distinguit, nemo est piorum, qui non fidei principia eum confundere pronuntiet. Negat ita nos esse necessitati subiectos, ut omni modo etiam si nolimus, vel bene, vel male agere cogamur. Nos vero nihil huic sententiae

sententia contrarium asserimus. Quin potius hac Origenis conclusio indicio est, nihil eum aliud querere, nisi ut coactione exclusa, spontaneam in homine voluntatem constituat. Quod nos similiter facimus. Ceterum non nego liberalius eum alicubi liberum arbitrium predicare, sed ita, ut nusquam certo, quantum illud sit, definiat. Omnes enim, qui à Pighio citantur loci, qualis manu Dei formatus sit homo, tractant: qualis post lapsum ac defectionem esse coeperit, prorsus tacent. Quid ergo inde, quod presentem questionem ad plenum & liquidum definiat, colliges? Nos enim hominem non ex Dei creatione, sed ex ea, quam ipse sibi proprio vitio acquisiuit, aestimamus. Hanc ut dixi partem, cum præcipua sit, Origenes non attingit. De Clemente satis iam superius multa dixi. Quid autem facit Pighius, talem causæ suæ patronum primarium excitando, nisi quod crepitum nos vult absterre? Dico, & si dissimulem, liber ipse clamat, ab aliquo frigido philosophastro se fuisse confarcinatum. Inde abreptas sententias, tanquam ex ore Petri profectas, hic nobis obrudit. Ego verò coram Deo per conscientiam impediior, quominus in responsione laborem: ne cui erroris occasionem præbeam, ut librum illum, vel in minimo pretio habeat.

* corrup-
tione

Cum Tertullianum vult producere, præfatur, adeò claram esse eius sententiam de libertate arbitrij, ut qui non videat, eum certum sit aures atque oculis clausisse veritati. Quid autem in summa continent quæ adducit, nisi liberum, & suæ potestatis hominem à Deo conditum fuisse? Siquidem aduersus Marcionem illic disputat, cuius opinio de natura hominis, ut in Deum contumeliosa, ita impia & profana erat. Non enim sua ipsius culpa hominem malum esse confitebatur, sed in Deum naturæ auctorem referebat malitiæ causam. Hinc sanis & integris lectoribus indicandum relinquo, an non quæcumque ex aduerso opponit Tertullianus, ad primam hominis conditionem similiter respiciant. Neque tamen fidem mihi haberi velim. Librum ipsum qui legerit, aut locum etiam quem Pighius recitat, quod dico, reperiet. Neque aliud respondeo ad omnia testimonia, quæ ex Irenæo deinde obijcit. Irenæus illic Cerdonis, Valentini, Marcionis, & similium refutandis delirijs incumbit. Illi cum plures Deos comminiscerentur, errorem ex eo suum astruebant, quod homo malus esset. Non potuisse autem malum creari à Deo bono. Esse igitur malum quoque Deum aliquem. Vides statum quæstionis. Iam sanctus vir, sicuti res postulabat, reclamat, non natura malum hominem, hoc est Dei creatione, sed liberi arbitrij fuisse conditum, animamque accepisse boni & mali capacem. Cum de primo hominis statu eum agere constet, quo tempore integer adhuc erat, & Dei similitudinem retinebat, quid hoc aduersum nos, qui arbitrij seruitutem non nisi in naturæ corruptione ac depravatione constituiamus? Dicit quodam loco Irenæus inter alia, Frumentum quidem & palea naturaliter facta esse: hominem verò rationabilem, & secundum hoc similem Deo, cum liber in arbitrio, & suæ potestatis factus fuerit, ipsum sibi causam esse, ut aliquando frumentum, aliquando autem palea fiat. Quapropter, inquit, iuste condemnabitur: quia rationabilis factus, amisit veram rationem, & irrationaliter vivens, aduersatus esse iustitiæ Dei, tradens se terreno spiritui, & omnibus seruiens voluptatibus: quemadmodum ait Propheta: Homo, cum in honore esset, non intellexit: comparatus est iumentis, & similis factus est illis. Hoc nos dicimus, primi parentis lapsu, omnibus nobis contigisse, & in eo consentientem habemus totam Ecclesiam. Dicit præterea, libertatem illam, de qua tractat, imaginem esse Dei, ad quam creatus fuerit Adam. Atqui hanc Paulus reparari oportere de die in diem infidelibus docet: idque non propria eorum, sed spiritus sancti virtute. Sequitur ergo, fuisse obliteratam ac corruptam. Eligat nunc utrum volet, Pighius: aut corruptionem illam

hereditariam, quam in totum suum genus Adam transmisit, fuisse incognitam Irenæo: aut, quia ad confutanda Cerdonis & Valentini deliramenta nihil pertinebat, fuisse omis-
sam, & de integro duntaxat creationis statu verba fuisse facta. Alterum è duobus respon-
deat, necesse est. Atqui utroque modo liberor. Neque enim vel authore Pighio, audiendus
erit Irenæus, si repugnante unanimi Ecclesiæ consensu, inter vitiatam naturam, & inte-
gram, nihil discernat: quòd si, qualis ante lapsum fuerit homo, tantum describit, nihil ad
nos, qui arbitrij servitutem non ad Deum, sed ad hominis vitium referimus

Cum ad Cyprianum ventum est, occupatione vititur, quòd questionem hanc nus-
quam ex professo tractet. Augustini tamen locum adducit, ubi liberum arbitrium ab eo
non negari testatur. Verum quid liberi arbitrij nomen Augustino valeat, cum alibi
clarius demonstrabimus, tum ex hoc loco patet. Dicit enim, Cyprianum non tollere libe-
rum arbitrium, cum Deo totum tribuit, quòd rectè vivimus. Illam autem ex Cypriano ad-
ducit sententiam: De nullo gloriandum: quia nihil prorsus nostrum est. Quàm magnificè,
quæso, sentit de proprio nostra virtute, qui bona omnia in solidum Deo adscribit, nobis nihil
facit prorsus reliqui? Vbi ergo liberum hominis arbitriū, quòd à Cypriano astringitur? Nem-
pe quia sponte, & peccare, & bene facere hominem intelligebat, utcumque peccando
Sathanæ seruiret, sub cuius tyrannide captivus teneretur, & ad bene vivendum spiritu
Dei regeretur, non proprio carnis matu. Non de nomine hic queritur, sed de facultate
liberi arbitrij. Porro quanti eam aestimaverit Cyprianus, tum præclara illa vox, quam
nuper retulimus, toties ab Augustino celebrata, & qua omne genus meriti prorsus ex-
cludi pronuntiat, tum alter locus ostendit: Quando, inquit, rogamus, ne incidamus in ten-
tationem, idmonemur imbecillitatis & infirmitatis nostræ: dum sic rogamus, ne quis se in-
solèter extollar, ne quis sibi superbe atque arroganter aliquid assumat: ne quis, aut confessio-
nis, aut passionis, gloriam suā ducat: cum Dominus dixerit: Vigilate & orate &c. ut dum
præcedit humilis & submissa confessio, & datur totum Domino, quicquid suppliciter cum
timore & honore Dei petitur, ipsius pietate præstetur. Quid hic arrogantiam vocat Cy-
prianus? non modò totum sibi arrogare, sed aliquid penitus sumere.

Venio ad Hilarium: cuius primus locus naturam hominis, nulla corruptionis fa-
cta mentione, describit. Atqui hæc exceptio mihi semper est ad manum: aut noluisse
eum negare pravitatem, quæ ex originali peccato ingenta est hominibus: aut si negare
voluerit, ab Ecclesiæ consensu dissidere. Cum autem nihil illic propositum habeat, nisi
ut excusationem tollat hominibus, ne malorum suorum culpam in Deum reijciant, nihil
mirum, si ad primam suam originem eos reuocat, quòd se ipsos, suumque liberum arbitrium
accusare discant, cui acceptum ferre debent, quòd mali sunt. Sed cur de humana na-
tura ruina, cur de eius per Dei gratiam reparatione nullum verbum? Viderit, inquam,
ipse Hilarius, quomodo consilij sui rationem reddat. Mihi satis est, si palam facio, non
ita nobis aduersari, sicut fingit Pighius. Quòd autem voluntati non coactionem, aut vim
extrinsecam, sed necessitatem opponit, nihil difficultatis est in care. Siquidem necessitatis
nomine, non miseriam, cui addictus est homo per peccatum, sed externam causam, quæ co-
gat fieri quod fit, sine dubio significat. Secundo loco, non quid valeat hominis arbitrium,
exclusa Dei gratia, disputat, sed homini toto vitæ presentis cursu spatium & locum dari
commemorat confitendi Deo: quæ facultas morte finiatur. Id suis verbis aliter quidem
exprimit, hunc tamen esse sensum verborum, iudicare cuius promptum fuerit. Loco ter-
tio, neque tribuit gratiæ Dei quantum decebat, & ad hominem transfert, quòd Deus tan-
quam suum vindicat: nepe cor inclinare in obedientiā legis. Quæ autem eum causa impulerit,
ut sic,

ut sic, tum hîc, tum proximo loco, inter Deum & hominem bonorum operum laudem diuideret, ipse refert. Laborabat in refellenda eorum improbitate, qui excusationis materiam & pretextum ex carnis imbecillitate captabant. Cum aliter expedire se non posset, ad hanc responsionem configit, sic operari in nobis Dei gratiam, ut aliquis nobis partes simul relinquat: quibus si quis desit non nisi socordia & negligentia sua, peccare dicit. Atque id est, quod in mea Institutione prodidi: mihi veteres eo consilio vires humanas plus iusto videri extulisse, ne si impotentiam disertè essent confessi, primum Philosophorum ipsorum cachinnos, quibuscum certamen tunc habebant, excuterent: deinde carni, suapte sponte nimis ad bonum torpenti, nouam desidia occasionem præberent. Tum continuo post, subijcio. Ergo ne quid communi hominum iudicio absurdum traderent, Scripturæ doctrinam cum philosophiæ dogmatibus dimidia ex parte conciliare illis curæ fuit. Præcipue tamen illud secundum spectasse, ne desidia locum facerent, ex eorum verbis apparet. Si hoc non essem, & disertis verbis, & simplici animi candore, tunc professus, iure nunc Pighius in me inueheretur. Nunc autem quid causæ habet, cur me tam atrociter singulis paginis laceret, quasi de veteribus mentitus fuerim, cum tamen nihil ex aduerso proferrat, quod non conueniat cum meis verbis? Proponit, Hilarium liberi arbitrii viribus tribuere suas partes cum Dei gratia. Respondeo me id fuisse iam in mea Institutione confessum. Verba quæ citat, rationem, quæ Hilarium impulerit, eandem fuisse ostendunt, quàm illic quoque exposui. Et tamen impudenter me mentiri subinde vociferatur. At dixi vel obscurius, vel magis variè loqui veteres, quàm ut certò colligi possit ipsorum sententia: hi autem loci nihil, vel obscuritatis, vel varietatis, habent. Respondeo, quòd res habet: Hilarium, cum in diluèda obiectione impediretur, si liberum arbitrium carere prorsus virtute confessus foret: vim illi quidem nonnullam attribuisse, sed sine certa definitione, qua sciretur, quantum penes hominem esset. Nunquam ego sanè, quin liberum arbitrium passim prædicent veteres, & illi plus quàm par sit tribuant, negaui. Sed admonui, quod etiamnum confirmo, sic aut variare, aut vacillare, aut perplexè loqui, ut certi ferè nihil referre ex illis liceat.

Ex Basilio duos locos citat: quorum prior nihil aliud continet, quàm humanæ naturæ descriptionem, qualis à Deo fuit condita, ne malorum suorum culpam homines in Deum transferant. Principiò igitur, peccatum negat substantiæ hominis fuisse innatum, sed propria illi culpa accidisse, quòd nos non fatemur modò, sed diligenter tuemur. Postea virtutem dicit esse voluntariam, & non ex necessitate. Nobis autem inesse liberum arbitrium. Hic, quasi parta victoria, exultat Pighius. Ego autem de præsentì nostro statu intelligenda hæc verba nego: sed qualis prima sua origine factus fuerit homo tantum ostendere. Disertis verbis explicat, qualis creatus fuerit homo: corruptionem quæ lapsum consecuta est, non commemorat: sed tantum cum malitiæ causam assignare vult, sic loquitur: Vnde malus homo? Ex propria ipsius voluntate. Vnde malus diabolus? Ex eadem causa. Nam & ipse per se liberam habet vitam, & liberum arbitrium in se situm, aut manendi cum Deo, aut se ab eo alienandi. Quid nunc iudicandum est? An ipsum latebat, quale & quantum vulnus naturæ nostræ ex peccato inflictum esset? At se ipse alibi ab hac suspitione liberat, dum humani generis miseriam his paucis quidem, sed minimè tamen obscuris verbis attingit. Salutis quidem debiles, liberationis verò indigent, qui in captiuitate detinentur. Qui igitur sub morte positus est, sciens quòd vnus est qui liberat, & vnus qui seruat, in te, inquit, speraui. Serua me à debilitate, libera à captiuitate. Qui debile & captiuum hominè facit, & eo quidè seruitutis genere detineri pronūciat, vnde à solo Deo: nò à se ipso

liberetur, quantum de priore illa conditione detrahit? Sed in hac quoque captiuitate libero arbitrio multum concedit. Audimus quantum illud sit. Qui in verbo Dei eruditi non sunt, hi frustra inflati per liberum arbitrium peccati insultus abolere se posse confidunt cum per solum crucis mysterium peccatum aboleatur. Nam quod in hominis potestate situm est liberum arbitrium, in eligendo, aut non eligendo, ut diabolo resistat, situm est, non in eo, quod possit robur habere contra affectus. Et paulò post: Nisi enim per potentius auxilium ab ignitis aduersarij iaculis liberati, recepti fuerimus in adoptione, frustra omnia molimur, velut procul à potentia crucis. Si diligenter omnia expendis, non aliud homini relinquit, quam in eligendo iudicium, quod & penitus sit inefficax, & ad vincendas cupiditates nihil per se valeat. Tamen si autem non omnia, quæ dicenda fuerant, hic dicit, quantum tamen à magnifica illa libertatis predicatione declinet, videre licet. In altero loco nihil animaduerto, quod nobis, vel minimè, aduersetur. Partem animæ rationalem potestatis nostræ esse docet. Verum ut ego taceam, satis perspicuum est illic animæ naturam in sua integritate considerari: sicut in definitionibus dandis fieri solet. Nos quoque, cum de anima disputatio est, primum eius partes in medium statuimus, mentem ac voluntatem, & mentis quidem officium esse docemus, præire voluntati, eamque gubernare: unde & nomen habet, *ἡγεμονία*, voluntatem porro tunc bene habere dicimus, cum se cupiditatibus huc illuc distrahendam non exponit, sed mentis imperium auscultat: totum denique hominem recte tunc esse compositum, ubi recta in eo ratio moderatur: quæ & voluntatem dirigat quò decet, & libidines, tanquam aurigæ equos indomitos, suis frenis coercet. Verum simul ostendimus, cecam esse nostram rationem, quia sit per peccatum, Dei lumine destituta, nec prius bene regere posse, quoad Spiritui Dei in obedientiam se tradiderit: imò proflus in eius obsequium, velut ancilla, redacta fuerit. Dicimus similiter, carnis cupiditates regnum in homine occupasse, nec vlla anima potentia impediri posse, vel reprimi, quia suam tyrannidem exerceant: voluntatem enim sic malitia oppressam, sic vitio & corruptione implicatam, ut ad honestum studium emergere, aut se ad rectitudinem dare nullo modo queat.

In omnibus Hieronymi sententijs, quas adducit, liberum arbitrium predicari non nego: Scire tamen velim, quid certi inde referre velit. Donatos, inquit, nos libero arbitrio, & vnumquemque viuere, non ex Dei nutu & imperio, sed proprio obsequio. Sed quid? Si ex aduerso excipiam, quod verum est, vulneratam illam fuisse libertatem, imò confectam & extinctam, ubi homo peccati nexu in seruitutem Sathane se addixit? An, cerò colligam, quid de tota re sentiendum sit, cum præcipuum caput nō attingit? Nego eos omnes claram & firmam de libero arbitrio doctrinam tradere, qui non simul adiungunt, quid de hac libertate per Adæ lapsum perierit, quid per regenerationis gratiam fideles recuperent: quanta denique sit vitiatæ naturæ perversitas & rebellio aduersus Dei iustitiam, & quæ rursus Spiritus sancti in electis, tum ad illuminandam mentem, tum ad cor dirigendum, operatio. De his omnibus altum est in Hieronymi verbis silentium. Ambrosium verò, aut non aduocare prorsus, aut aliter loquentem inducere debuerat. Quid enim affert? Voluntarium seruum sibi auctionatur diabolus: neminem iugo seruitutis astrictum possidet, nisi se prius peccatorum are ci vendiderit. Quid carnem quasi infirmum accusas? Affectus est author culpe: caro voluntatis ministra. Non ergo vendat nos voluntas nostra, per quam solam in seruitutem tradimur. Nempe vanam eorum tergiversationem refutat, qui in carnis infirmitatem reiçiuunt, quicquid peccant. Carnis autem nomine quid significet, statim exponit, cum voluntatis ministram vocat. Inferior

ferior ergo pars hominis, & sensualis, ut vocant, cum corporis organis, per carnem designatur. Nunc, qui malorum suorum culpam illuc derivat, merito ad voluntatem retrahitur: ut dum convictus fuerit, illic hærere mali radicem, simul discat, se unum esse, cui imputare culpam debeat. Hinc si colligat Pighius, quæ sit liberi arbitrij facultas, aut quantum per se valeat, valde argutus erit ratiocinator. Atqui voluntarium intelligunt omnes, quod in potestate nostra est, ut sit vel non sit: nec necessitati subicitur. Verum quod aliter Ambrosius ipse intelligat, non altius testimonium petam, quam ex eadem pagina, ex qua sumpsit Pighius quod adducit. Nam cum de usu legis tractat, his verbis inter alia utitur. Accessit vinculum, non solutio: addita est peccatorum agnitio, non remissio. Profuit tamen mihi. cœpi confiteri quod negabam &c. Item: illud quoque mihi prodest, quod non iustificamur ex operibus legis. Non enim habeo, unde gloriari in operibus meis possim: non habeo unde me iactem, & ideo gloriabor in Christo. An hæc starent, nisi peccandi necessitati homo sibi relictus subiceretur? Hic quoque mihi succurrit Augustinus: qui adductus tribus testimonijs nihil minus sensisse Ambrosium euincit, quam quod illi affingit Pighius. Primum quia in libro de fuga seculi, dum ad quærendum Dei auxilium nos hortatur, non in potestate nostra esse cor nostrum & nostras cogitationes palam confirmet: deinde quia in Lucam ita scribat: Non humana tantum voluntate videtur quod bonum est, sed sicut Christus dedit: qui, ut id quod bonum est, nobis quoque videri bonum possit, operatur. quem enim miseretur, & vocat. Itaque cum quis fidem se voluisse habere dicit, non negat Deum voluisse. A Deo enim preparatur voluntas. Ut enim Deus honoretur à sanctis, eius gratia est. Item: Quem Deus dignatur, vocat: & quem vult, religiosum facit. Ex his verbis colligere non dubitat Augustinus, tam fidei, quam bonorum operum: tam cogitationum, quam bonorum affectuum & initium & perseverantiam soli Deo Ambrosium tribuere: hominibus auferre. Cuius rei si quis mihi fidem non habet, librum de bono perseverantia legat. In citando Chrysostomo ne multum sudaret, locum duntaxat à me adductum transcripsit: ubi ut omne excusationis subterfugium peccatoribus claudat, bonum & malum constituit in hominis potestate: nihil ergo illis obstare, nisi quia nolint: posse enim, si velint. Mali causam non alibi quæri, quam in propria hominis voluntate, ne aliò culpam transferendo, exonerare se velit, mihi placere non semel testatus sum. Quin etiam unum hoc est ex præcipuis capitibus, quibus in mea institutione insisto. Quod verò liberi arbitrij virtutem adeò euehit Chrysostomus, non dissimulaui illic, quid mihi videretur.

Post hanc testimoniorum congeriem, quasi re confecta, quod ab initio proposuerat demum colligit Pighius: quam de humani arbitrij servitute profiteamur sententiam, uno piorum omnium, qui seculis omnibus extiterunt, consensu damnari: & meum mendacium evidenter detectum esse, qui ita, aut obscure, aut variè locutos de hac re veteres dixerim, ut certi ferè, nihil ex eorum scriptis referre liceat. Velim autem ignorent mihi lectores, si in respondendo cothurnos illos altiores non induam, quibus in nos insurgit adversarius. Non enim magis eloquentia cum eo, sed veritate certare institui: quæ ut est simplex, ita placida orationis simplicitate contenta est. Principiò igitur, cum Ecclesiæ consensum nobis obiectat, hanc sibi responsionem uno verbo habeat: non esse Ecclesiæ consensum, nisi qui congruenter apteque per omnia verbo Dei est consentaneus. Non esse porro ad hominum placitatorquendum, quod Spiritus sanctus, qui scilicet optimus est loquendi artifex, Prophetis & Apostolis sine dubio dictauerit: idque in eum finem, ut inde omnes, & hominum, & Angelorum doctrinæ estimarentur. Quoties ergo suam illam

cantilenam mihi occinet, de vniuersalis Ecclesiæ consensu, continuo excipiam, perperam separari, quæ Deus perpetuo nexu copulauit: & meliore sensu, ac commodiore loco prouerbum illud Christi in eum retorquebo: Vbi cadauer illic aquila. Nam vt fidelium sententia pro perpetuo Ecclesiæ consensu habeantur, eas primum, tanquam aquilas ad cadauer in Christi veritatem conuenire, & quasi coalescere necesse est. Neque præterea id quod pro confesso sumit, illi concedo, vt quod sex vel octo scriptis prodiderint pro certo & definito Ecclesiæ consensu protinus recipiendum sit. Neque verò vt concedam, illa me perurgent. An de re inter omnes suo tempore cognita & trita mentiri auderent? Quòd si illis non habetur fides: quale amplius restabit antiquitatis testimonium? Ego verò, neque mendacij eos insimulo: neque sic in totum repudio, quòd de communi Ecclesiæ doctrina testantur, vt pro nihilo, quasi non diceretur habeam. Tantum ad plenam & solidam certitudinem sufficere nego. Neque enim absurdum videri debet, si quod tunc communiter in Ecclesijs receptum erat, ita eos referre dixerò, vt aliquid ex proprio sensu affingant. Siue quòd concepta semel opinione præoccupati, non aliter poterant: siue quòd propria interdum & perspicua loquendi proprietate destituebantur. Vnde enim Ireneo, Tertuliano, Hilario spinosum illud & confragosum dicendi genus? nisi quòd linguam impeditam habebant, quominus, quod volebant, exprimerent. Plurimum verò interesse nemo nescit, quibus quidque verbis dicatur.

Adhæc, respondeat mihi Pighius, pliusne de Ecclesiæ consensu priuato homini credendum sit, quàm pluribus simul in Synodum collectis, qui Ecclesiæ nomine, & tanquam ex ipsius ore, quod inter se contulerint, pronuncient? Nunc ad præsentem quæstionem. Hilarius sic loquentem inducit Pighius. Voluntatem nostram hoc proprium ex se habere, vt velit: Deum verò incipienti dare incrementum, meritumque complementi ex initio esse voluntatis. Nunc ex aduerso Concilij Anrausicani profero decretum: Si quis, vt à peccato purgemur, voluntatem nostram Deum expectare contendit, non autem vt etiam purgari velimus, per Spiritus sancti operationem in nobis fieri confitetur, resistit Spiritui sancto per Solomonem dicenti: Preparatur à Domino voluntas. Sic inter hominis voluntatem & Dei gratiam distribuit Hilarius, vt principium ad illam referat, adiuuari postea dicat Dei gratia: concilium eos Spiritus sancti hostes pronunciat, qui sic sentiunt, vel loquuntur. Vbi nunc illa est tam certa definitio, quàm Pighius tertio quoque verbo iactitat? In altero Hilarij loco sic habetur. Est ergo, cum oramus, à nobis exordium: vt munus à Deo sit. Huic iterum alterum eiusdem Synodi caput oppono. Si quis sine gratia Dei volentibus, laborantibus, studentibus, conantibus, petentibus, quærentibus, pulsantibus nobis misericordiam dicit conferri, non autem diuinitus, vt credamus, velimus, petamus, & omnia hæc, sicut oportet, agere valeamus, per Spiritum in nobis fieri confuetur, resistit Apostolo dicenti: Quid habes quod non acceperis? De fide nominatim hoc Hilarius asserit, eius initium in nobis situm esse: Atquæ lōgè aliud Concilij verba sonant. Si quis tam initium quàm augmentum fidei, & ipsum credendi affectum, non per gratiæ donum, id est, Spiritus sancti operationem, corrigentem voluntatem nostram ab infidelitate ad fidem, ab impietate ad pietatem: sed naturaliter nobis inesse dicit, aduersatur Apostolo dicenti. Qui capit in vobis opus bonum, perficiet usque in diem Domini Iesu. Quicquid ex Hilario adducit Pighius, pro restata Ecclesiæ traditione vult haberi. Quo igitur loco habebimus illud consilium? quod tametsi ætate sit posterius, autoritate tamen cedere non debet. Præsertim cum nihil aliud quàm superioribus Cœcilijs, Carthaginensi & Mileuitano, subscribat. Augustinū adhuc taceo, qui separatim postea suo ordine dū prodibit, totā Pighij harmoniā prorsus turbabit.

Quòd

Quod si temporis & orti tantum daretur, quod huic rei satis foret: collectas hinc inde veterū sentētiis inter se confereudo, quā infirma ex illis habeatur perpetui Ecclesiæ consensus probatio, palam facerem. Sed quoniam ad alia me temporis breuitas festinare cogit, hoc labore nunc supersedeo. Specimen tamen hoc in transcurso proferre libuit, unde coniecturam faciant lectores, qualis futura esset fidei nostræ certitudo, si Pighio obsequeremur: dum nihil nobis certum in religione habere permittit, nisi quod ex Ecclesiæ traditione prodierit, & ab ipso Ecclesiæ exordio, ad nostram vsque ætatem, perpetua successione fluxerit. Quod si exceptionem ab Augustino, qua in eadem causa vititur, mutuari velim, nemo, nisi valde iniquus, opinor, cum sit æquissima, repudiabit. Nam cum ex aduersa parte quidam acquiescere se separatos profiterentur, si doctrinam suam patrum autoritate probaret, respondet his verbis. Quid igitur opus est, ut eorum scrutemur opuscula, qui priusquam ista hæresis oriretur, non habuerunt necessitatem in hac difficili ad soluendum questione versari? quod proculdubio facerent, si respondere talibus cogerentur. Unde factum est, ut de gratia Dei quid sentirent, breuiter, quibusdā scriptorum suorum locis, & transeunter attingerent: immorarentur verò in ijs, quæ aduersus alios hæreticos disputabant. His verbis sinunc Pighium conueniam, ut remittat quod tantopere urget, non aliunde petendam huius causæ definitionem, quā ex veterum scriptis, quam Augustinus breuiter ac transeunter eos attigisse testis est, pleno gutture sua illa conuitia, quibus refertus est, in me ructabit. Quando igitur nihil æqui impetrari potest ab ista Furia, ad lectores me conuerto: apud quos ponderis non nihil spero habiturum, quod tam iusta ratione nititur.

Verum in hoc potissimum cardine vertitur nostra defensio, quod dico, Pighium, partim commentitijs testium nominibus, ad faciendum numerum, in nos abuti: partim ea quæ recitat, testimonia, perperam ac falso in nos detorquere, cum nihil nolis repugnent. Siquidem Petrum & Clementem nominando, quid aliud quā fucum facit? Toties me impudentem nominādo, cauere puto, sibi voluit, ac anteuertere, ne quod meretur, à me audiret. Sed quo nomine perditā istam ac deploratam nequitiam appellabimus, quod tam confidenter nothi & confictiij libri prætextu, Petrū & Clementē nobis obtrudit? Quod ad Irenæum & Tertullianum attinet, cum homini libertatem in prima tantum sua origine tribuant, & in illa naturæ integritate, in qua conditus fuit: corruptionis autem, quam vitio suo contraxit, nullā faciant mentionem: eorum verbis minimè lædimur, qui seruitutis causam, non in natura ponimus, sed in lapsu primi hominis. Illi igitur hominem liberū fuisse creatum tradunt: nos id non negamus: sed dicimus in seruitutem incidisse, quia à primo suo statu degenerauerit. Illi peccatum non hæere in substantia contendunt: id nos quoque ipsam asserimus: sed addimus, primo homini, ex quo à sua integritate excidit: bonæ naturæ corruptionē accidisse, quam ad totum suum genus transmiserit. Ergo hos quoque duos ex testium suorum catologo expungat Pighius, oportet. Sex adhuc restant: ex quibus duo, Ambrosius & Basilus, minimum imò prorsus nihil, eius causam adiuvant. Illa enim, quam ponunt, naturæ humanæ descriptio, quid ad hanc vitiatam & de generem naturam, quæ ut reliquis Dei donis, ita libertate etiam spoliata, præsentem, qua premitur, inopiam suam deplorare potius, quā perditam virtutem iactare debet. Libertas enim voluntatis, sanitas est. Nunc ergo qui liberā vult facere voluntatem, sanitatem illi reddat. Sequitur

Origenes, cuius suffragio quantum sit in Ecclesie dogmatibus tribuendum, penes Hieronymum sit iudicium. At non est credibile, de re tam familiariter suo seculo nota, hoc est, de insigni fidei nostre axiomate, potuisse mentiri. Quid? An non hæc sunt ex præcipuis fidei nostre capitibus? Filium à patre genitum esse: unius cum patre nature: Spiritum sanctum unius esse cū Patre & Filio diuinitatis: hanc ipsam carnem, quã nunc gestamus, resurrectionem, & similia. At Origenes factum non genitum Filium docet: bonum esse natura negat, & ex seipso: de Spiritu sancto non aliter sentit, quàm de operatione nuda: carnem putat in nihilum redigendam, ubi Christus apparuerit. Nunc suum istud acroama si occinat Pighius: non potuisse de rebus ad eò notis mentiri Origenem, nonne dignus erit, cuius in os omnes conspuant? Habet tamen adhuc Hilariū: sed cuius sententiam ab orthodoxo Concilio damnatam fuisse demonstrauimus. Habet Hieronymum, qui sub extremam senectutem à Pelagio expergefactus, aliquanto tandem moderatius loqui cœpit. Habet Chrysostomum, quem semper confessus sum in extollenda hominis facultate fuisse immodicum. Nec vero Bernardum proferre alibi dubitat: cuius arbitrio si definenda esset controuersia, si non prorsus totum obtinerem, longo tamen intervallo essem superior. Vbi est ille adeo contestatus temporum omnium consensus, qui pro certa & indubia Ecclesie traditione haberi, adeoque Dei verbo præferri, ob certitudinem debeat? Vbi mendacium illud tam capitale, cuius me euidenter conuictum tantopere gloriatur? Dixi, veteres plus iusto liberum arbitrium extollere: Græcos præsertim: atque in hunc nominatim Chrysostomum. Addidi tamen, sic perplexè, aut obscure, aut uariè ipsos loqui, ut certi aliquid referre ex eorum scriptis non facile sit. Variè loqui in hunc sensum accepi: quòd hic plus, ille minus libero arbitrio tribuat: hic libertatem cōstituat vna in parte, ille in altera: Sic ut collectæ inter se omnium sententiæ, nihil quàm suspensum tenere hominem queant. Ita Pighius interpretatur, quasi dixerim eorum vnumquenque secum disidere. Sed quis putidum hunc calumniatorem ferat? Obscurè vero & perplexè loqui cur non dixerò, qui de homine sic loquuntur, quasi in sua integritate adhuc staret, cū in grauem ruinam ceciderit, vnde surgere sua virtute non potest? qui liberi arbitrij potētiam sic in homine constituent, quasi per lapsum non amissa esset? Verū quia de hac re litigare nimis longum esset, nihil addam amplius: nisi quòd scire ex eo velim, quo sensu alibi prodat, ante exortam Pelagij hæresim, veteres omnes liberum arbitrium indistinctius extulisse. Si sublata gratiæ Dei & humanæ virtutis distinctione facilis est & expedita perspicuitas, errasse me fateor. Sin verò in illa confusione lectorem harere necesse est, dubium & anxium, quantum Deo adscribere, quantum homini relinquere debeat, cur ita, cū nihil deliquerim, atrociter vexor?

Lib. 3. circa principium.

In Librum tertium.

Sequitur tertius liber: quem totum Augustino destinauit. Nam quia illud vnum ex aliorum numero exceperam, non modò eum mihi eripere, sed etiam in suas partes pertrahere conatur. Hoc, inquam, initio proficitur: sed ubi paululū in rem ipsam ingressus est: sepe restitat & hæret, nunc subterfugia quæritat, nunc palā ipsum, quem sibi adiungere proposuerat, Augustinum repudiat. Quid autem prodest, in iactis buccis nihil non polliceri, tum ubi

lectorum

lectorū desiderii simul & attentionē acueris, hiantes ipsos dimittere? Ego verò efficiam primum ut perspiciant omnes integri iudicii, & erga veritatem non male affecti lectores. Pighium non amore sana doctrina, sed importuno & furioso nostri odio, ad hanc causam accessisse: in ea tractanda non veri inueniendi studio, sed ambitione, ac rixandi libidine agi, atque impelli. postremo nihil sincerè aut candidè agere, sed satis habere, si quouis modo legentium oculos perstringat: imò laudè ex caliditate & fallendi peritia captare. Deinde quòd vnū saltem ex veteribus Augustinum nobis suffragari asserui, fidem ut in eo meam, atque ingenuitatem agnoscant.

Primum, abruptas me nec intellectas ex Augustino sententias citare causatur. At quas? Quòd scribit non esse liberam sine spiritu, hominis voluntatem, cum cupiditatibus vincentibus & vincientibus teneatur. Notavi locum: In Epistola 144. ad Anastasium id habetur: Quid hic abruptum aut obscurum? Item, quod in libro de perfectione iustitiae scribit. Nam illic Pelagii dilemma ponit, Querendum esse, per quid efficitur homo cum peccato? per naturam necessitatem, an per arbitrii libertatem? Nam si per naturam necessitatem, inquit, culpa caret: Si per arbitrii libertatem, querendum à quo acceperit. A Deo scilicet. Bonum igitur à bono. Cur itaque ad malum propensius dicitur? Respondet deinde ipse. Per arbitrii libertatem factum est, ut esset homo cum peccato: sed iam poenalis vitiositas subsequuta ex libertate fecit necessitatem. Vnde ad Deum clamat fides: De necessitatibus meis erue me. Sub quibus positi, vel non possumus, quod volumus, intelligere: vel quod intellexerimus, volumus: nec valemus implere. Nam & ipsa libertas à liberatore promittitur. Si vos filius liberauerit &c. Videt enim vitio, in quod cecidit, voluntate, caruit libertate natura. Nam altera Scriptura dicit A quo quis deuictus est, huic & seruus adiectus est. Sicut ergo non est opus sanis medicus, sed male habentibus: sic non est opus liberis liberator, sed seruus, ut ei dicamus: Saluasti de necessitatibus animam meam. Ipsa enim sanitas, est vera libertas, quae non perisset, si bona permansisset voluntas. Quia verò peccauit voluntas, secuta est peccantem dura peccatum habendi necessitas: donec tota sanetur infirmitas. Dicat nunc Pighius me sententiolas truncas & mutilas adducere. Item quod scribit ad Laurentium: Hominem libero arbitrio male usum, & se, & illud perdidisse, & quod in eundem sensum ex tertio ad Bonifacium libro adduxi. Quòd si vel abruptum, vel obscurum Pighio videtur, audiat ex eodem libro interpretationem. Iustitia, inquit, legis non impletur, cum lex iubet, & homo quasi suis viribus facit, sed cum spiritus adiuvat, & hominis non libera, sed Dei gratia liberata voluntas facit. Item paulo post: Et liberum arbitrium, ut est captiuum, non nisi ad peccandum valet: ad iustitiam verò, nisi diuinitus liberatum adiutumque, non valet. Libro autem primo dixerat: Ut filius Dei quis fiat, hac potestas nulla esse potest ex libero arbitrio: quia nec liberum in bono erit, quod non liberator liberauerit. Libro quarto, sic iterum confirmat: Quid mihi obtendis liberum arbitrium? quod liberum non erit: nisi ouis fueris. Qui igitur facit homines oues, ipse ad obedientiam veritatis liberat voluntates. Nimis certe morosus homo est Pighius: si quid adhuc obstrepere hic ausit. Postremus locus ex libro de Correctione & gratia sumptus est: ubi dico, Augustinum vocis usum iocosus verbis eludere: cum sic loquitur: Liberum arbitrium, liberum iustitiae, seruum peccati. Nam libertatem hominis non aliam agnoscit, nisi à iustitia manumissionem: quam miserrima est peccati seruitus. Quinto autem ante versu, non alia ratione libe-

rum esse arbitrium dixerat, aisidum per gratiã liberatur. Locus autem primus, ex secundo aduersus Iullianum libro, ubi seruum appellat sic habet: Hic vultis hominem perfici: atque vtinã Dei dono, & non libero, vel potius seruo voluntatis arbitrio. Et hic adhuc oblatrabit Pighius, nō intelligere me quod cito, vel trūcata verba decerpere, quæ Augustini sensum minimè explicent? Atque hæc quidem testimonia non eo cōsilio adduxerã, sicut hic nugator fingit, vt de tota re dijudicatio ex illis fieret, sed tantum vt obiter ostenderem lectori, quam vim habeat epitheton, liberi, cum hominis arbitrio apud Augustinum tribuitur. De nomine igitur duntaxat tracto: hic totam rei definitionem me in pauculis verbis constituere mentitur.

Antequam verò Augustinum committere nobiscum in certamẽ incipiat: considerandum non abs re admonet, quibus quidque temporibus scripserit. Atque ita operum eius, quantum ad propositam quæstionem, tres classes facit. Primam ijs assignat, quæ ante exortam Pelagij hæresim scripsit: alteram his, quæ in ipso contentionis feruore edidit contra Pelagium ipsum: tertiam ijs, quæ post remissum ac sedatum calorem composuit. Hanc distributionem ego quoque libenter recipio: nisi quod censuram illam, quam cōtinuo subiungit, veram esse non concedo. Nam quia Augustinũ in toto illo secundo librorum ordine sibi parum esse propitium nouit, vt illis fidem abroget, vel saltem autoritatem deroget, sapere conflictationis ardorem dicit. Nudam igitur veritatis explicationem ex alijs posterioribus melius sumi, in quibus compositio & paccato animo rem ipsam distinctius tradiderit. Ego verò, vt minimè detrecto, litem ex his posterioribus libris, si opus sit, dirimi, ita sic pugnandi cupiditate incaluisse Augustinum in alijs nego, quin liquidam & distinctam veri expositionem semper retinuerit. Non enim iuuenis erat, sicuti cum aduersus Manichæos scriberet: deinde cum diligenter multis locis retrahauerit suum in prædicando libero arbitrio excessum: nusquam nimis se illud extenuasse meminit: quo satis nō aliter se, post finem certaminis, sentire, quàm tunc cum scriberet, indicauit.

Post hoc proëmium, audiamus quale primæ classis initium faciat. Libro, inquit secundo, quem de libero arbitrio inscripsit contra Manichæos, liberam homini voluntatẽ necessario datã affirmat, idque in eũ finem, vt rectè viueret. Hac negata, diuini iudicij toli equitatem. Ac ne cauilemur, de libertate hoc debere intelligi, quæ detur nobis per gratiam, occupatione vtitur. Quasi verò periculum sit ne subterfugia, velut deprehēsi, quaritemus: cum Augustinus ipse suis verbis Pighij obiectionem non tātum soluat, sed friuolam & euandam demonstrat, libro retractionum primo: capite nono. De gratia Dei, inquit, quæ suorum voluntates præparat Deus, nihil in his libris est disputatum. Aliud est enim querere, vnde sit malum: & aliud querere, vnde redeatur ad pristinũ, vel ad maius perueniatur bonum. Vides hunc fuisse eius scopum, vt originem peccati ex voluntario hominis lapsu, non Dei creatione, extitisse demonstraret. Nũc post lapsum longè alia est hominis consideratio & longè alia quæstio: vnde aut qua virtute recuperent filij Adæ, quod in patre suo perdidērunt. Itaque quoties occinet Pighius, liberam prædicari hominis voluntatem, illud vicissim non ex me, sed ex ore Augustini, audiat: liberam fuisse voluntatem, cum sana foret: nunc cum tam grauiter, & ad mortem vsque sauciata sit, humili confessione, non superba defensione indigere.

Alterum testimonium ex libro tertio adiungit: ubi voluntarium ac liberum esse motum cōtendit, quo homo, ab incommutabili bono ad inferiora, peccãdo con-

conuertitur: cum alioqui nec laudandus esset, nec vituperandus, nec etiam monendus: deinde, præscientiam Dei peccati causam esse negat. voluntatem enim hominis non aliter fore voluntatem, nisi in propria eius potestate sit. Ne suspectum sit, si quid de meo proferam, ipse pro se Augustinus respondeat. Hoc autem facit uno verbo, cum disputare se negat, qualis sit nunc hominis voluntas, sed qualis fuerit à Deo condita. Porro id est, quod inter nos controuertitur: quid nunc homini supersit, ex quo spiritualibus illis diuitijs spoliatus fuit, quibus naturaliter præditus erat. Voluntas est, inquit, qua peccatur, & rectè viuitur: quod tunc agere volui. Voluntas ergo ipsa, nisi Dei gratia liberetur à seruitute, qua facta est serua peccati, & ut vitia superet, adiuvetur, rectè pièq; viui non potest. Et hoc diuinum beneficium, quo liberatur, nisi eam præueniret, iam meritis eius daretur: & non esset gratia, quæ utique gratis datur. Et ne videatur recantare quod dixerat, illinc locum adducit, quo constare possit, non de vitata, sed integra natura dicta esse, quæ adeo eam extollunt. Quoniam, inquit, non sicut sponte homo cecidit, ita etiam sponte surgere potest, porre etiam nobis de super dexteram Dei, id est, Dominum Iesum, firma fide teneamus. Vides, ut nihil aliud quam primum mali fontem requirat. Manichæi fingebant Deum esse, ipse ex libero hominis arbitrio fluxisse asserit. Liber ergo factus erat: quis negat? Sed cum se in seruitutem... diderit: cum libero arbitrio malè usus, & illud, & se perdiderit: quorsum attinet commemorare, qualis tunc fuerit? Ut clarius etiā nū loquar, de prima hominis creatione satis cōuenit inter nos. Liberi enim arbitrij factum fuisse hominem, proponit Pighius. Annuiamus: neque expectauimus dum hoc postularet: sed semper professi sumus. Iam diuersas prorsus ac dissimiles naturas hominis integri adhuc, & per lapsum corrupti ubique clamat Augustinus. Quæstio nunc est de posteriore. Pighius autem, longo verborum circuitu, quid de prima sentiat & loquatur Augustinus, edisserit. Reclamat fortiter Augustinus. Cum de libera rectè faciendi voluntate loquimur, de illa scilicet, in qua factus est, loquimur. Hæc enim sunt eius verba in eodem libro, ex quo Pighius testimonia se tanta fide ac religione adduxisse iacet. Nonne id est, quod proverbio dicitur? Falces postulabā, hic ligones negat. Nunc supercilium attollat Pighius: & vociferetur, sicut facit, nihil esse in his verbis ambigui, ubi tradit Augustinus, nihil magis in hominis esse potestate, quam voluntatē. Respondeo: Cur non vertit paginam? ubi reperiet quod stultum hunc eius clamorem cōpescat. Si non est, inquit Augustinus, ista pœna hominis, sed natura: nulla ista peccata sunt. Si enim non receditur ab eo modo, quo naturaliter factus est, ita ut melius esse non possit, ea quæ debet facit, cum hæc facit: si autem bonus homo esset, aliter esset. Nunc autem quia est, non est bonus, nec habet in potestate, ut bonus sit: pœnam esse istam quis dubitet? Deinde addit: Ex qua miseria liberat Dei gratia quia sponte homo id est, libero arbitrio, cadere potuit, non etiam surgere. Hæc sunt inuicia arma Pighij, quibus fretus, Augustini patrociniū mihi eripit. Iam, inquit, Augustino, quem suū esse mentiebatur, Calumnus destituitur. Ita ne? Mirabilis certè præstigiator eris, hoc si cuiquam persuaderis. Verum, perinde ac si Augustinum in me armasset, ad opem illi ferendam mox se accingit, si forte in me opprimendo laboret. Ridiculum verò hominem, qui ita inutiliter se fatigat superuacuo labore, quæ ipse sibi temere, ac sine causa accersit. Siquidem nec defensione aduersum me indiget Augustinus, qui omnia, quæ ex eo adducit Pighius, sine certa-

mine amplector: & si indigeat, nihil ad rem totus hic apparatus ad dirimendam voluntatis & necessitatis societatem. An conuenire cum voluntate possit necessitas necne, alibi videbimus: sed huic questioni nunc locus non est, non magis quam cupresso in naufragij tabula.

Pergit deinde Vltorius: quia neget Augustinus, peccare in eo quempiam, quod caueri nullo modo possit. Inspiciat locum qui volet, an non de peccati initio loquatur: quod scilicet conuincat, non aliunde hanc, qua hodie premimur, necessitatem, quam ex voluntario primi hominis lapsu prouenisse: quam particulam Pighius, tam fidus, suo suffragio, relictor, transfiliendo occultauit. De quo ne quis pugnam moueret, omnem ipse dubitationem sustulit in retractationibus: sicut nuper dixi. Cur autem non apertius peccatum illic originale, & vitiatæ naturæ corruptionē exposuerit, causam simul reddit: quod aduersus Manichæos erat disputatio: qui Scripturas sacras, & præsertim vetus Testamentum, vnde probare oportuisset, repudiabant. Adde quod ex his, quæ adducit Pighius, plura per concessionem dicuntur: non quod Augustinus sic rem habere sentiret, sed quia quas ad vincendos aduersarios rationes habebat, vel accepta eorum confessione, vel eo quod postulabant concessio, negligere volebat. Neque volo, ut de hac re mihi, aut meis coniecturis credant lectores: nisi id ipsum oculis cernant. In fine, quo solet pudore, satis se habere iactat ad victoriam, si modo semel mihi contrarium Augustinum ostenderit: quia dixerim, constanter consonatæque hac de re semper loqui. At quis illi dæmon hoc me dixisse reuelauit? Neque enim adeo sum rudis, ut non perspiciam, quam sibi dissimilis sit Augustinus, si quis prima eius scripta cum vltimis compararet. Iuuenis adhuc erat, & non ita exercitatus, cum Manichæos refelleret. Itaque plus ingenij, acuminis, & secularis philosophiæ illic reperias, quam sacræ & spirituales doctrinæ. Quod ad liberum arbitrium, modò fuisse primo homini datum, & inde fluxisse ruinæ principium extorqueret, de altiori inquisitione non laborabat. Vbi autem prodierunt cum sua secta Pelagius & Celestius, tum quasi è summo excitatus, diligentius cogitare & inquirere cœpit. Hinc illa, quam vni Augustino, præ alijs, tribuo, veræ sanæque doctrinæ perspicua, certa, exactæque explicatio: hinc & ille consensus, quem illi nobiscum esse gloriatur. Quod nisi Pelagij importunitate coactus oculos magis aperuisset, gratiam Dei in obscuro delitescere, sicut alij, passus forte fuisset. Agendæ igitur gratiæ Deo sunt, quod impiorum hominum prauitate mirabiliter, tum ad illustrandam gratiæ suæ laudem, tum ad superbiam carnis humiliandam, usus fuerit.

Lib. i. retract. Cap. 13.

Sequitur apud Pighium alius locus, ex libro de duabus animabus aduersus Manichæos: vbi Augustinus definit animi motum cogento nullo, ad aliquid, vel non amittendum, vel ad ipsiendum. Hac definitione vehementer vrgeri nos putat: quod ego quidem nec video, nec fateor. Ne tamen longius inter nos disceptandum de hac re sit, Augustinus ipse medius interueniat. Hoc, inquit, propterea dictum est, ut hac definitione volens à nolente discernetur: & sic ad illos referretur intentio, qui primi in paradiso fuerunt humano generi origo peccati nullo cogente, peccando. Paulò post: Intantum libera est voluntas, in quantum liberata est, & intantum appellatur voluntas. Alioqui potius tota cupiditas. Quæ non est, sicut Manichæi desipiunt, alienæ naturæ additamentum, sed nostræ vitium: à quo non sanamur, nisi gratia Saluatoris. Quod si quisquam dicit, etiam cupiditatem nihil esse aliud, quam

quàm voluntatem, sed vitiosam, peccatòque seruientem, non resistendum est: nec de verbis, cum res constat, controuersia facienda est. Hic audis, de qua voluntate hoc dictum velit accipi: audis quibus fulminibus corruptæ voluntatis vires prosternat: adeo ut ne suo quidem nomine eam dignetur: subiungit deinde Pighius de finitionem peccati, illic positam: Quòd sit voluntas retinendi, vel consequendi, quod iustitia vetat, & unde liberum est abstinere: quanquam si liberum non est, neque est voluntas. Iam in his etiam verbis mentem suam nobis Augustinus edisserat: Vera, inquit, propterea est definitio, quia id definitur, quod tantummodo peccatum est, non etiam pœna peccati. Nam quando tale est, ut idem sit & pœna peccati, quantum est quod valet voluntas sub dominante cupiditate? nisi forte si pia est. Intantum enim libera est, inquantum est liberata. Vides ipsius authoris testimonio, qui eius certè, quod dixit, interpretandi ius habere debet, nō nisi primo Adæ peccato conuenire hanc definitionem? quia per eius lapsum à primo Domino in miseram seruitutem excidimus. Hinc ergo collige, qua fronte mihi hoc loco tragicis suis acclamationibus Pighius insultet. At dicit Augustinus, rem esse omnibus tritam, neminem vituperatione aut pœna esse dignum, qui id non facit, quod facere non potest. Hoc pastores in montibus, poetas in theatris, indoctos in circulis, doctos in bibliothecis, magistros in scholis, Doctores sacros in templis clamare, & decantare, Verum simul testatur, peruersum esse verborum suorum interpretem, qui hoc ad omnia peccata trahat. Se enim non aliud velle, quàm non potuisse meritò damnari hominem, nisi libera voluntate peccasset. Nunc verò partem dānationis esse illam seruitutem, sub qua tenemur captiui & mente, & voluntate, donec gratuito Christi beneficio liberamur. Nunc quid superest, nisi ut Augustinum bestiam appellet, quòd non suæ dementiæ suffragetur? Hanc enim obiectionem ipse mouet. Quid si alicubi contrarium dixerit? Si fecisset, aut faceret, connumerarem eum cum Lutheranis, ac in brutum animal degenerasse dicerem. Hic non modò contrarium Pighij sensu dicit, sed in illis quoque verbis contrarium sensisse se testatur.

Locus, quem allegat ex libro de vera Religione, nobis, fateor, in speciem videtur repugnare. Sed si Augustinum recipimus sui interpretem, tota difficultas erit ad soluendum facilima. Peccatum negat fore peccatū, quin sit voluntarium. In voluntate porrò liberū esse arbitrium. Tales enim seruos meliores esse iudicauit Deus, si ei seruirent liberaliter. Quòd nullo modo fieri posset, nisi voluntate seruient, & non necessitate. Nunc locum interpretationi demus. Peccatum, inquit, Lib. retra
illud intelligi debet, quod tantummodo peccatū est, nō etiam pœna peccati. Postea & i.
dū inquit, qualiter voluntaria sunt ea quoque, quæ perpetrantur à nobis, ideo sic Cap. 14.
vocari posse docet, quòd mala voluntate fiant. Ut autem bona sit, à Domino sanari & preparari. Posset ne clarius exposulare cum Pighio, quòd grauem sibi iniuriam, scripta sua in alienum sensum torquendo, faciat? At primum, ratiocinationem deducit à voluntario ad liberum: deinde voluntati necessitatem opponit. Neque ego ratiocinationem hanc improbo, si integra esset, ac sui iuris voluntas. Quem admodum si quis dixerit: Homo est animal bipes. Ambulare igitur & ingredi potest: erit quidem argumentum non malum nec ineptum. Verum si quis ad paralyticū trahere velit: in promptu est responsio, aliundè esse vitium, quod naturā impediāt. Sic omnino de voluntate respondendum est: liberam quidem esse naturā, sed vitio factam fuisse seruam atque hac seruitute detineri, donec Dei manu afferat

tur. Verum, quia minus suspecta erit ex ore Augustini responsio: eum loquentem
 Epi. 107. audiat Pighius: Si volumus, inquit, liberum defendere arbitrium, non oppugnemus, unde
 ad Vitale fit liberum. Nam qui gratiam oppugnat, qua ad fugiendum malum, & bonum faciendum liberatur, vult adhuc esse captivum. Aut, si breuius malit. In hac quaestione non natura, sed naturae corruptio reputanda. Illic autem de natura sermonem haberi, certum est. Eadem est secundae partis solutio. Per arbitrii enim libertatem factum est, ut esset homo cum peccato: sed iam poenalis vitiositas subsecuta, ex libertate fecit necessitatem. Itaque cum interrogaret Pelagius, voluntatisne an necessitatis esset peccatum: respondet: ut sanemur, nos eum invocare, cui dicitur in Psalmo: De necessitatibus meis erue me. Hac, opinor, sufficere queat, si aliud non adicerem: plenius tamen adhuc est, quod in libello de natura & gratia habetur. Obijciebant illam Hieronymi sententiam Pelagiani, quam neque Pighius in nos praetermisit: Liberi nos arbitrii conditos esse, nec ad virtutem, nec ad vitia, necessitate trahi. Quis aliter, inquit, conditam neget esse naturam? Sed in recte faciendo nullum est vinculum necessitatis: quia liber as est *chritatus*. Nunc ad sententiam Apostolicam redi: Charitas Dei diffusa est in cordibus nostris, per Spiritum sanctum, qui datus est nobis. A quo autem? nisi ab illo qui ascendit in altum, captivam duxit. captivitatem? Quid autem ex vitij natura, non autem ex conditione, sit peccandi necessitas, audiat homo: atque ut in eadem non sit, discat Deo dicere: de necessitatibus meis erue me.

Nec aliam responsionem postulat locus de quantitate animae. Nam si Augustino creditur, ubicunque liberi arbitrii commendat facultatem, ad primam naturam conditionem, non praesentem miseriam, in quam arbitrii vitio precipitata est, respicit. Si non creditur saltem retractat quod dixerat. Cum tam validis machinis in nos proruat, miraris lector, si stupore exanimetur, dum videt nos nihil commoueri? Ego vero miror, tam statuosum hominem non protinus medium crepare. Verum progredi nos oportet. Libro 22. aduersus Faustum Manichaeum, sic creatum esse hominem dicit, ut ei inesset fruendi cupiditates possibilitas, aut facultas. Hoc nihil inter nos controuersum habet. De prima enim creatione agitur. At postea subiungit, quod non nisi de praesenti statu possit intelligi. Per eam possibilitatem instaurari hominem, per quam si voluisset, non cecidisset. Possibilitas, inquit Pighius, liberi arbitrii facultas est. Per eam resurgere hominem testatur Augustinus. Absit vero à sancto viro impiū hoc deliramentum, quod toties abominatur, & quod omnes Africani Episcopi, eo authore, dignum anathemate consuerunt. Quid igitur his verbis significat? Nihil sane aliud, nisi nos ex peccati seruitute in eam libertatem restitui, Dei beneficio, qua mundum & carnem omnesque concupiscentias vincamus. Hae enim nostra est possibilitas, quam ubique commendat, ut Domini virtute fortes simus. At cur id nominatim eo loco non expressit? Respondet ipse: Naturam contra Manichaeos potius, quam gratiam, nomino: quia de natura cum illis quaestio erat. Et utiue id agit gratia, ut sanata natura possit, quod vitiata non potest. Fatetur se naturam tribuere, quod non nisi gratia est: quia scilicet non alius sit gratiae finis, nisi ut collapsam & euersam naturam restituat & erigat. Quae ex secundo contra Faelicem libro deinde recitat Pighius, longe minus habent coloris. Nihil enim quam de natura integritate illic tractatur. Et tamen quod nihil de captivae naturae liberatione & perdita reparatione illic dixerit, in retractationibus excusat. Augustinus

Retract.
 Lib. 1.
 Cap. 16.

ipse: quia hoc causa nō requirebat. Quid hīc obsecro, difficultatis foret, nisi turbulē tū Pighij cerebrum, sua intemperie, & sibi, & alijs sine causa molestiā facefferet?

Ad secundam classē librorum Augustini dum transitum facere vult: quia verebatur ne exciperem Augustinum postea recantasse, quā iuuenis inconsultius scripsisset, hoc, ut ipse vocat, canillum occupat, ac refellit. Primū eo modo se vicisse, quia impudentissimi mendacij conuictus tenebor, qui Augustinū dixerim ubique clarē, ubique certō & consonanter, de hac re loqui. Hoc ubi dixerim, demonstrēt, si fidē sibi haberi velit. Augustinū asserui prorsus esse nostrū: quod autem cōgruenter in libris omnibus secum perpetuo loquatur, mihi nunquam in mentē venit asserere. Quin potius dicere soleo, hæreses omnes alias plurimum incommodasse Ecclesia: Pelagij verō hæresim multo plus profuisse quā obfuisse: quod huius sancti viri Spiritū excitauerit, ut à profana illa de libero arbitrio philosophia, quā tunc vulgò inualuerat, Ecclesiam repurgaret. ut suum gratiæ Dei honorem, falsa humana virtutis opinione, quā tunc multitudinis animos occupauerat, oppressum & quasi semisepultū, restitueret. Verū sit ita, ut fingit Pighius. Dixerim Augustinum ubique sibi constare. Quid adhuc protulit in medium, quod mendacij me conuinceret? Iactat quidem: sed Thraſonicam eius vanitatem satis traduxisse mihi videor, dum aduersus inanem verborum sonitum, rem ipsam tam clarā & firmā opposui: ut cunque id non magno strepitu fecerim. Proinde illud alterum omitto, quod contendit nullo modo potuisse recantare, quā antē retulerat. Hoc, inquam, nihil moror, si tamen eo sensu recipere sustineat, quo Augustinus ipse accipi præcipit: quandoquidem hoc modo nobis nihil aduersantur.

Hæc præfatus, magnificam illam pollicitationem suo more repetit: facturum se, ut certō constet, Augustinum semper & constanter nobis esse nō modò contrarium, sed accerrimum hostem. Verū ubi ad rem propius accedere tentat, hoc est, decimo post versu, illius suæ confidentiæ oblitus, eleuat, quantum potest, Augustini fidem in hoc secundo librorum ordine. Captare enim ipsum singula aduersariorum verba, querere semper aliquid quod cauilletur: ut in nonnullis, nisi disputandi mos excusaret, candorem eius desyderes: ita multa in conflictatione effundere, ad illaqueandum captionibus hostem, indigna alioqui quā seriō ab eo dicerētur. Si tam constanter eius partes tuetur Augustinus, quorsum adeo eius fidem extenuare attinebat? Et quia vlcus non penitus aperire audeat, duos tantum locos, quibus se minus premi putat, in specimen adducit. Ad illud, inquit, Pelagij obiectum, Priuari voluntatis arbitrio, quicquid naturali necessitate constringitur: respondet Augustinus, necessariō nos velle esse beatos, neque minus tamen voluntate. Argutam esse hanc cauillationē indicat. Sed quo argumento? Quia alibi multa de libero arbitrio dixerit Augustinus. Sed an inde consequitur, nihil esse voluntariū simul, & necessarium? Sic Augustinus dixerat: Nempe cum necessitatē cum coactione confunderet. Hic autem distinguere alteram ab altera palā est. Alter locus est, quod ad hanc Pelagij obiectiōnem refellendam, Quia non peccare nostrū est, posse nos & peccare, & non peccare, consequentiam similem opponat, in qua sit manifestū vitium. Quia nolle infelicitatē, nostrū est: posse nos & velle, & nolle. In hoc tamen loco demum nihil inuenit quod reprehendat, nisi quod in Papiſtas si torqueatur hoc argumentum, valere negat. De hac re postea viderimus. Sed an ideo Augustinū, nihil tale cōmeritum, tam malē & inhumaniter tractari oportet

tuit? Concludit tandem, veram & seriam eius sententiã ex illis, quos citauit, libris, & alijs requirendam. Cur istud? Quia disputationis calore interdum ultra metas abripitur. Quid? An non libri, quos hæcenus citauit Pighius, omnes simili ratione suspecti erunt? Quid enim aliud quàm certamina continent aduersus Manichæos? En Pighianum acumen, quod pueris deridendum propino. Augustinus, iuuenis adhuc, in medio ætatis feruore, plenus eloquentiæ suæ fiducia, recens à ludò rhetorico, ad contentiones quàm ad grauitatem exercitior, profanis doctrinis penitus imbutus, Scripturæ sacræ scientia mediocriter tinctus, multis libris Manichæorum sectam impugnauit: in quibus nervos ingenij sui omnes ad certandum contendit. Quicquid illic legitur, pro oraculo haberi iubet Pighius. Scripsit idem Augustinus iam senex, iam longè & doctior, & moderatior, & ita scripsit, ut soliditati magis quàm argutiæ studeat. Non est tutum, inquit Pighius, hinc de eius sententia iudicare: quia calore incitatus, sibi non bene temperet.

Nunc audiamus, quid ex Augustino ad nos, sicut proposuit, expugnandos afferat. Libro primo contra duas Epistolas Pelagianorū, sic habet: Quis nostrū dicat, quod primi hominis peccato perierit liberum arbitrium de humano genere? Libertas quidem periit per peccatum: sed illa quæ in paradiso fuit, habendi plenam cum immortalitate iustitiam. Ne quem hæc verba impediunt, obiter obseruandum est, quo sensu arbitrium vocare liberum soleat. Non dissimulaui in Institutione, recurrere identidem nomen hoc in eius scriptis: sed considerandum admonui, quam vim haberet. Id autem euidenter ex multis locis posse percipi: quorum nonnullos nuper retuli. Plurimum cum in rebus alijs, tum in loquendi ratione pollet recepta consuetudo. Hanc enim penes, ut ille ait, arbitrium est & vis, & norma loquendi. Obtinuerat iam vulgò vocabulum illud, ut in eo tollendo plus sibi fore negotij cerneret Augustinus, quàm in tota re bene explicanda. Cedit igitur consuetudini: sed diligenter interea cauet, ne ex nomine praua intelligentia nascatur. Sicuti capite tricesimo libri de Spiritu & Litera: ubi dicit liberum arbitrium per gratiam stabiliri: quia tunc liberum esse demum incipit, dum per gratiam ex captiuitate redimitur: quamdiu verò sibi relinquatur, seruum esse. Verum ut non recedamus longius: locus hic, quo in nos abutitur Pighius, nobis sufficit. Liberū arbitriū negat periisse de genere humano. Cur istud? Cum per illud peccent, qui cum delectatione peccant. Liberi ergo à iustitia non sunt, nisi arbitrio voluntatis: liberi autem à peccato non sunt, nisi gratia Saluatoris. Liberum igitur non ideo est, quod possit in utranque partem suapte virtute sese flectere, sed quia voluntario motu in malum feratur. Semper autem testatus sum, me de nomine pugnare nolle, si hoc semel constitueretur, libertatem: nō ad potentiam vel facultatem, boni æquè ac mali eligēdi, sed ad spontaneum motum & consensum referri debere. Et quid aliud sonant Augustini verba? Libera, inquit, est homini voluntas: sed ad malum. Cur? quia delectatione & proprio appetitu mouetur. Addit postea: Sed hæc voluntas, quæ libera est in malis, quia malo delectantur, ideo ad bonum libera non est, quia liberata non est. Hæc adeò consentanea sunt nostræ doctrinæ, ut in eius defensionem scripta fuisse putes.

Verum Pighius, ut hos laqueos declinet, longè diuersam ponit distinctionem. Homini inesse naturaliter dicit, liberam voluntatē, qua proprios suos motus, actio nēque omnes, in potestate habeat: ut ita velit vnumquodque ac faciat, ut in potestate

state simul habeat, non velle, & non facere. Atque hanc esse libertatē interpretatur, quam ubique Augustinus asserit. Quia autem voluntas non in suis tantum actionibus acquiescat, sed gubernacula habeat in totum hominem, naturaliter quoque Dominum habere in omnia mēbra: ita ut illi, sua potestate seriō efficaciterque videnti, membra vniuersa, quæ motui voluntario deputata sunt, obtemperent. Fatetur deinde, sentire quidem vniuersos ex quadam carnis infirmitate, difficultatem: cum membra ad oblectationem & delicias mundi magis prępensā, pigra sunt ad officium iustitiæ: ipsam quoque voluntatem ad carnis sibi cognatæ desideria nimis facile inclinari, nec facile imperij sui efficaciam ad illa coercēda excutere. Verum ubi vult demonstrare, quātum valeat, esse necessarium, ut mēbra omnia illi ad iustitiæ obedientiam obsequantur, Huic præterea difficultati accedere duo mala commemorat, voluntatis ignauiam, peccandique consuetudinem: quibus fit, ut se in seruitutem mancipet, & ius suum ægre postea retineat, aut recuperet: neque id tam fieri, quia vel tunc ingentem sibi libertatem amiserit, sed quoniam ei placet ea, cui se submisit, seruitus. Quod quamdiu est, inde eximi nō potest, quia non vult. At cum sibi seriō displicere incipit, seruitutem illam excutere ac vincere. Quamquam in hac victoria non negat esse difficultatem: quia contra carnem, hostem domesticum, & inueteratam consuetudinem, dimicādum sit. Itaque in hac pugna, quod tandem possit victrix euadere, opus habere concedit adiutrici Dei gratia. Concludit tandem, solam hanc esse libertatem, quæ per peccatum amissa fuerit: quod cum primi parentes non voluntatis modo, sed membrorum quoque omnium, & totius corporis motus in potestate habuerint, absque vlla difficultate aut resistantia, nobis caro nostra infesta sit, & aduersus rationis imperium contumax.

Atquē hoc totum non modò Pelagij scholam redolet, sed mera est Pelagianæ impietatis magna ex parte professio. Nam principio, liberam in se voluntatem relinquit, ut proprios in vtrāque partem motus sub potestate habeat: neque hoc ius per originale peccatum vel perditum, vel imminutum fuisse, agnoscit. Nunc quid de eo sentiat Augustinus, audiamus. Ad Vitalem Carthaginensem, cum duodecim capita posuisset, tandem concludit: Recognosce non omnia, quæ ad fidem pertinent, dicere me voluisse, sed tantum ea, quæ ad istam nostram de gratia Dei questionē, vtrum præcedat hæc gratia, an subsequatur hominis voluntatem: hoc est, ut planius id eloquar, vtrū id e nobis detur, quia volumus, an per ipsam Deus hoc etiā efficiat, ut velimus. Postea rursus: Hæc & alia testimonia ostendunt, Deum gratia sua auferre infidelibus cor lapideum, & præuenire in hominibus bonarum merita voluntatum: ita ut voluntas per antecedentem gratiam præparetur, non ut gratia merito voluntatis antecedente donetur. Item libro de Ciuitate Dei 13. Ad malum prior est hominis voluntas: ad bonum autem, prior creatoris: siue ut eam faceret, quæ nulla erat: siue ut reficiat, quæ lapsa erat. Libro secundo de peccatorum meritis & remissione: Laborant homines inuenire in nostra voluntate, quid boni sit nostrum: & quomodo inueniri possit, ignoro. Quartò item ad Bonifacium: Et quomodo bonum hominis propositum, nisi miserante prius Domino? cum ipsa sit bona voluntas, quæ præparatur à Deo. Proinde cum alicubi prodidisset, Deum nō misereri, donec præcesserit voluntas, eam sententiam retractat: quia misericordia Dei ipsam præueniat voluntatem: quæ si non esset, non præpararetur voluntas à Domino. Itē cum alibi scripssisset, in potestate nostra esse, quid velimus: retractat e

Epi. 107.

Capi. 18.

tiam hoc modo. Sed hanc quoque ad bene viuendum desuper accipimus potestatem, cum præparatur à Domino voluntas. Quibus funibus hæc verba trahet Pighius, ut cum impio suo commento cohereant? Voluntati nihil ablatum esse vult per originale peccatum, nisi Dominum in membra corporis: quod autem ad malum quam ad bonum sit propensior, id socordia & ignauia, prauaque consuetudine euenire, non quia resistendi facultatem non habeat. Augustinus verò reclamat, malam esse voluntatem: ac teneri sub malo captiuam, donec liberetur. Et tamen tam deploratæ impudentiæ est hic canis, ut Augustino ignominiam hanc inurere ausit, quasi eum haberet suæ impietatis patronum. Deinde, in cupiditatibus carnis vincendis, primas voluntati partes concedit, quasi hæc pugnam incipiat: deinde gratiam Dei adiutricem, quasi in subsidium illi adiungit. Vbique autem reclamat Augustinus, nihil præter malum concipere voluntatem, donec Spiritu præuenitur. Atque ita etiam in Concilio Arausicano decretum est: Si quis, ut à peccato purgemur, voluntatem nostram Deum expectare contendit: non autem ut purgari velimus, per Spiritus sancti operationem in nobis fieri confitetur, eum Spiritui sancto aduersari. Cum tantum se Ecclesiæ deferre fingat, quid nunc subterfugij inueniet, cum ab orthodoxa Synodo hostis Spiritus sancti pronuntietur? Deinde sic impediri voluntatem existimat carnis repugnantia, ut superior tamen esse queat in certamine, si vires suas experiretur: & cum etiam illecebris carnis tenetur irretita tantum, ideo requiri fingit auxilium gratiæ ad eam in recuperando suo iure adiuvandam, quia non facile alioqui possit victoriam obtinere. De necessitate nulla mentio. Quid autem de eare censuerunt veteres? Extat decretum Mileuitanæ Synodi in hæc verba: quod in Concilijs Aphricanis repetitur: Quicumque dixerit, ideo nobis dari iustificationis gratiam, ut quod iubemur per liberum arbitrium, facilius possimus per gratiam implere, tanquam sine gratia possimus, & si difficulter, anathema sit. Tamen si illa verborum fulmina non iaculor, quibus in nos de sauit Pighius, spero tamen ex hac oratione satis fore perspicuum, quam hoc nouum eius delirium ab Augustini sensu alienum sit ac remotum: cuius nomine illud prætexere, mira confidentia, audet.

Quantopere autem cum tota Scriptura pugnet, operæ pretium ostendere foret, nisi libro quinto recurreret: ubi oportunior erit locus. Quam etiam ob causam, quod de peccato originali nugatur, refellere in præsentia supersedeo: ne idem bis dicendum sit. Hoc verò tacere disputationis ordo non patitur, quod nihil tam absurdum dicit, cui approbando Augustini titulum non obtendat. Hoc est, inquit, quod dicit libro tertio hypognoticus Augustinus: perdidisse nos libertatem, non ad velle, sed posse, aut perficere. Primum iam ostendi, aliud toties docere Augustinum: deinde satis inter eruditos conuenit, non esse Augustini librum illum: tertio per peram interpretatur Pighius, quod allegat. Dicit quidem scriptor ille, quicumque sit, amisso possibilitatis bono, solum arbitrium ad velle nobis relictum esse, idque vulnere ratum. Sed quo sensu, non obscurum est: si quis coniungat, quæ postea sequuntur. Esse fatetur liberum arbitrium: habens quidem iudicium rationis: non per quod sit idoneum, quæ ad Deum pertinent, sine Deo, aut inchoare, aut perficere, sed tantum in operibus vite præsentis. Quid est obsecro incipere in libero arbitrio, nisi primus voluntatis motus? Sicut peragere, est firmum propositum cum efficaci conatu. Sed fortè nondum acquiescit Pighius. Faciam ergo, ut prorsus obmutescere

cogatur. Subiungit aliquanto post: Cum de libero arbitrio agimus, non de parte hominis agimus, sed de toto: quia cum peccauit homo primus, non parte aliqua, sed totus, qua conditus est natura, deliquit. Audis non partem aliquam fuisse in homine vitiatam (sicut profana imaginatione philosophatur Pighius) sed totam hominis naturam subiectam fuisse prauitati. Quid postea? Vitiato igitur, inquit, libero arbitrio, totus homo est vitiatus: quare absque adiutorio gratiae Dei, quod Deo placeat, nec valet incipere, nec perficere sufficit. Vbi illa Pighij imaginatio, corruptionem totam in corpore velut in cloaca inclusam esse? Pergamus. Prauenitur autem medicina, ut sanetur in eo & reparetur vitiata, atque preparetur voluntas. Audis in ipsa voluntate residere vitium: audis nihil posse eam boni concipere, donec sanata, reparata, ac etiam preparata fuerit: de qua preparatione sequitur: Non ergo homo voluntate sua adhuc in vitio liberi arbitrij claudicante praenit Deum, ut cognoscat, & quærat eam gratiam, tanquam pro meritis accepturus, sed praecedit, ut iam dixi, misericordia sua Deus hominis, nondum se querentis, voluntatem: ut eum faciat se scire, & quærere. Qui omnem preparationem homini tollit, quid aliud relinquit, quam peruersam voluntatem? Sed adhuc clarius postea explicat. De non credente, inquit, ut cognoscat & credat, in quo bona opera nulla sunt, dictum est: Nō volentis, neque currentis: quia in vanitate sensus, atque in tenebris obscuratum habens intellectum liberi arbitrij, lumen verum videre non potest: nisi Deus, qui iussit è tenebris lumen splendescere, illuxerit in corde eius. Cum autem acceperit Spiritum Domini, erit in eo libertas ad capefenda Domini praecepta. Nunc quæro, quæ sit eligendi & volendi libertas, in eo qui videre nihil per se potest. De fidelibus autem, & qui iam Deo seruiunt, sic dicit: Fieri etiam hoc in illis, cum gratia miseratione subito perueniunt ad ea bona opera, quæ nec voluerunt, nec cucurrerunt. Tandem concludit: Itaque quicquid vult homo, quicquid potest, à Domino est. Bene velle homini tribuit Pighius, implendi tantum facultatem à Domino, idque ex parte, accipere docet. Quo auctore? Augustinum obtendit. At audis quam bene se ab hac calumnia vindicet, cum non minus velle, quam posse, Dei esse donum agnoscit: idque in solidum. At postea catholicum esse negat, qui liberum arbitrium negauerit: sanè, hac conditione addita: quod sine Deo, nullum bonum opus vel incipere, vel perficere queat. Refert deinde Pelagij obiectionem, quia prior velit homo, Deum velle: quam sic refellit. Iam meritum facit, inquit, ut non sit iam gratia, sed merces. In fine, illud Apostoli citans & exponens: Cum placuit Deo, qui me vocauit ab utero: non cum voluisssem ego, inquit, sed cum placuit ei, qui me elegit: nō per meritum meum, sed per gratiam suam: ut sit fidelis, non secundum propriae voluntatis meritum: sed per Dei donum. Mirabor, si cristas erigere audeat Pighius, tam clara veritatis luce conuietus atque confusus.

Gal. 1.

Omitto quod pulcherrimam Pauli sententiam prorsus extranea glossa miserè lacerat, de liberis iustitiæ & seruis peccati. Liberos enim iustitiæ, eleganti allusione, emancipatos à iustitiæ imperio vocat: seruos autem peccati, quia sub iniustitiæ dominatione usque ad illam, de qua simul meminit, liberationem, seruitutem seruiant: quod hic frigidis ineptijs eludere conatur. Locum autem Augustini, quem citaueram ex libro de Spiritu & Litera, ut mihi extorqueat, nimis violenter torquet. Nam cum Augustinus totam bonorum operum summam, & singu-

lus partes Dei gratiæ assignet, quasi nihil tale in eius verbis haberetur, ad vnanē possibilitatem hīc restringit. Vbi Augustinus defectum ponit, hic substituit imbecillitatem. Et se elapsū esse putat, si in Pelagianos hac bene quadrare dixerit, non autem in se ac sui similes. Cum autem clamat Augustinus, non competere nomen hoc, quod libertatem sonat, nisi ijs qui Spiritu Dei reguntur: quoniam alij omnes serui sint peccati, idque non ex parte, sed in totum, hāc transilit Pighius, quasi nihil ad se pertineant. Audiuit fortē aliquando, rhetoricum esse artificium, ea silentio transire, quæ causam nimis grauent: sed in re tam aperta, nullus fuit dissimulationi locus.

Ibidem.
hoc est.
libr. 4.
contra
duas epi.
Pelag.

Colligit postea & alias sententias: quibus multum immorari minimē opus erit: quod cum apertissimē nobiscum faciant, in diluendis quas Pighius assuit calumnijs, non multum erit negotij. Dum ad locum illum à Pelagio obiectum respondet: si volueritis & audieritis: senihil contradicere scribit, si à Domino preparari fateretur illum voluntatem. Vides, inquit, non eum damnare in Pelagianis, quod arbitrij libertatem assererent, sed quod illi tribuebant, sine gratia mereri gratiam. Imò hoc damnat, quod vel guttam vnā boni homini arrogarent. Respondeant, inquit, mihi noui haretici, quid boni sit in hominibus nomini Christiano inimicis. Non solum enim non habent meritum, sed habent pessimum meritum. Oramus pro ipsis. Quid ergo petimus, nisi vt fiant ex nolentibus volentes, ex repugnantibus consentientes, ex oppugnantibus amantes? A quo autem? nisi ab eo, de quo scriptum est, A Domino preparatur voluntas? Vides nunc, quid Augustino significet, preparari voluntatem; nempe ex mala & peruersa in bonam conuerti. Quomodo enim, inquit, hominis bonum propositum, nisi miserante prius Domino? cum ea sit bona voluntas, quæ preparatur à Domino. Melius adhuc & expressius libro eiusdem operis primo: Oramus pro impijs, vt eorum mala voluntas in bonam mutetur. Et occulta Dei gratia subito multi trahuntur ad Christum. Hoc qui improbant, non mihi, sed Christo reluctantur, qui clamat: Nemo potest venire ad me, nisi Pater meus traxerit eum. Non enim, ait, duxerit, vt illic aliquo modo intelligamus, precedere voluntatem. Quis trahitur, si iam volebat? Et tamen nemo venit, nisi velit. Trahitur ergo miris modis vt velit, ab illo qui nouit intus in ipsis hominum cordibus operari: non vt homines, quod fieri non potest, nolentes credant, sed vt volentes ex nolentibus fiant. Vidēsne, homines non posse velle nisi malum, donec, mirifica conuersione, eorum voluntas ex mala in bonam mutetur? Quid ergo extenuando proficit Pighius, vt partem ex toto faciat?

Atquē accuratius in fine libri primi explicat, quid tam in Manichæo, quàm in Pelagio, damnent orthodoxi: nempe quod ille diceret, à bono Deo, nec creatos fuisse homines, nec institutas nuptias, nec Legem à Mose datam: hic quod aduersaretur gratiæ Dei, ac non gratis eam, sed secundum merita nostra dari: hominem, libero arbitrio bene vtendo, mereri gratiam: paruulos sic esse saluos, vt à Christo non saluentur. Si hac accurata est dogmatum enarratio, quo igitur colore Manichæi discipulos nos ante ea fecit Pighius? Neque enim à Deo aut hominem creatum, aut nuptias institutas, aut Legem prodysse negamus. Verum alia quoque addebant Manichæi. Cadit itaque tota eius ratiocinatio. Vides, inquit, capita blasphemiarum Pelagij, in quibus non est, quod liberum arbitrium asserat. Si valet hac ratio, cur non similiter & illa valeat? Vides capita blasphemiarum

arum Manichæi, in quibus nullum est, cuius nos insimulet Pighius. Non enim potest. Sequitur ergo, improbum & futilem esse calumniatorem, qui nos eius hæretici discipulos esse criminetur, cum quo nihil prorsus habemus simile. Hæc non in alium finem dicta sint, nisi ut appareat, Pighium, dum leuiter magis argutis, quam veris probationibus insistit, suo ipsius indicio, instar foricis, ut aiunt, perire. Nunc ad firmam responsionem venio. Ut hic breuiter comprehensa sit summa errorum Pelagij: disertis tamen verbis explicatam esse nego. Eius rei fidem nemo facere melius poterit, quam Augustinus ipse: qui alibi duodecim capita recitat, quæ ab ijs sibi concedi postulat, qui à Pelagianismo purgare se vellent: quæ plus Ad vitale
Epi. 107.
cōtinent, quam hic exprimitur. Deinde, nihil hic de perfectione iustitiæ, ad quam hominem peruenire posse fingeant, ut esset in hac vita ~~arripere~~ ^{arripere} ~~peruenire~~. Nihil de gratia subsequente: nihil de perpetua eius ad singulos actus continuatione: nihil denique de electione gratuita fidelium, & impiorum ad mortem prædestinatione: quæ fuisse inter eos maxima controuersia capita notum est. Quis ergo non videt, nimis pueriliter Pighium ineptire?

Verum magis vrget alter locus, ex primo libro de gratia Christi, & originali peccato: ubi nullam fore quæstionem asserit, si Pelagius, quemadmodum posse nostrum à Deo confitetur, ita velle etiam & agere simul adderet: hoc est, non solum possibilitatem in homine: etiam si nec velit, nec agat bene, sed ipsam quoque voluntatem & actionem, id est, ut bene velimus & bene agamus, quæ non sunt in homine, nisi quando vult & bene agit, diuinitus adiuuari agnosceret: ut sine illo adiutorio nihil bene velimus, nec agamus: eamque esse gratiam Christi: per quam nos sua, non nostra iustitia, iustos facit: ut ea sit vera nostra iustitia, quæ nobis ab illo est. Hæc enim sunt Augustini verba, non ut à Pighio referuntur. Hic mihi vehementer scilicet sudandum est, ut hunc nodum expediam. Sed iam faciliorem rationem inueni. Fateor enim verum esse quod dicit Augustinus: ac si de tribus istis inter nos bona fide conueniat, non modò certamen omittere paratus sum, sed nego vllum esse. Possibilitatem adiuuari Dei gratia, fatebatur Pelagius: voluntatem verò & effectum penes hominem esse dicebat. Quanquam eum in possibilitatis voce fallendi latebram querere arguit Augustinus, non tamen etiam si fucus ille tollatur, eo contentus est: sed hoc constanter tuetur, voluntatem Dei gratia bonam fieri, & efficaciter nos dirigi, ad effectum usque boni operis. Non solum posse nostrum, inquit, donauit atque adiuuat Deus, sed velle quoque & operari efficit in nobis. Non quia non volumus nos, aut non agimus, Cap. 25.
sed quia vtrunque fit eius auxilio. Quid autem hoc valeat, ex capite decimo quarto melius intelligetur. Si est, inquit, ut veritas docet, omnes venire, qui à Patre didicerint: quisquis non venit, profectò nec didicit. Postea: Quando igitur docet Deus, non per Legis literam, sed per Spiritus gratiam, ita docet, ut quod quisque didicerit, non tantum cognoscendo videat, sed etiam volendo appetat, agendoque perficiat. Et isto diuino docendi modo, etiam voluntas & operatio, non sola volendi & operandi possibilitas adiuuatur. Si enim solum posse nostrum inuaretur per gratiam, ita diceret Dominus: Omnis qui audiuit & didicit, venire potest. Non autem hoc tantum, sed venire, dicit. Venire posse, constituit in natura Pelagius: vel etiam in gratia, qua dicit adiuuari possibilitatem ipsam. Venire autem, in voluntate & opere est. Porro non est consequens, ut qui potest venire, etiam

veniat, nisi voluerit atque fecerit: sed omnis qui didicit à Patre, non solum potest venire, sed venit: ubi iam & possibilitatis profectus, & voluntatis affectus, & actionis effectus est. Quid Pighius amplius velit, aut requirat? Dico me hanc passionem toto animo amplecti, ut nulla sit inter nos contentio, hac inter nos constituta doctrina. Quid ipse? Totum hominis defectum in possibilitate includit. Hanc quoque sic Dei gratia fingit adiuvari, ut voluntas, si velit, possit: ab efficaci gratia operatione, tanquam à periculosissimo scopulo, vel potius, presenti naufragio, abhorret. Qui autem illustre fidei & candoris eius specimen habere volet, diligentius expendat, quid in hoc loco immutauerit.

Nihilo plus difficultatis habet locus, quem ex tertio hypognosticon adiungit. Liberum arbitrium negari, prohibet ille scriptor. Neque enim Augustinum esse, eruditi omnes censent. Sed quid retinet præter nomen, cum inutile esse testetur sine Dei gratia, tam ad inchoandum, quam perficiendum bonum? cum asserat non præueniri Deum voluntate nostra, ut quæramus eius gratiam, sed cum gratuita misericordia efficere in nobis bonam voluntatem? cum denique nihil homini relinquat, nisi ut in Deo fortis sit, sapiens ac iustus, in seipso nihil horum habeat? Vbi in re optimus nobis consensus est cū hoc scriptore, cur ob voculam nos in certamen committit Pighius, quasi per omnia disideremus? Semper me dixisse testis est mea Institutio, per me non stare, quin liberum hominis arbitrium vocetur, modo sana verbi definitio nobis constet. Sic vocat Augustinus, neque in eo tam proprium sensum, quam receptam consuetudinem sequitur. An ob hanc causam nobis hunc molestum esse decet? Quod ex varijs Augustini locis colligamus, nullas eum partes, nullam arbitrio facultatem tribuere: in eo stupiditatem oscitantiamque nostram mirari satis non potest. At quò redit quicquid dicimus? nisi primum quod est, aut habet, aut potest homo, vanum per se id totum & inutile esse ad spirituales Dei iustitiam, nisi Dei gratia in bonum dirigatur: deinde, voluntatem hominis per se malam esse: conuersione ergo & reparatione opus esse, ut bona esse incipiat: ipsam verò gratiam, non instrumentum modò esse, quo adiuetur homo, si illi manum porrigere libeat: hoc est, non tantum offerre facultatem, recipiendi vel respuendi relicta optione, sed mentem gubernare, ad eligendum quod rectum est, voluntatem quoque ad obtemperandum mouere efficaciter, conatum excitare & promouere, ad ipsum usque operis complementum. Deinde, non sufficere, si semel in hominē collata fuerit, nisi perpetuo tenore eum prosequatur. Quid autem Augustinus? Iam quidem multa retulimus, plura quoque post hac referre operæ pretium erit: ut tamen ab illa admiratione paululum se recolligat Pighius, ex vno loco breuiter hinc audiat nihil sibi mirum videri, quod non ille suffragio suo comprobet. Sed laborant, inquit, homines, in nostra voluntate inuenire, quid boni sit nostrum, quod non sit ex Deo: & quomodo inueniri possit, ignoro. Ratio. Nam si nobis libera quadam voluntas ex Deo est, quæ adhuc potest esse vel bona, vel mala: bona autem voluntas ex nobis est: melius est id quod à nobis, quam quod ab illo habemus. At negat Augustinus, tam gratiam sine libero arbitrio, quam liberum arbitrium sine gratia sufficere. Fateor, sed non alio sensu, nisi ut Deum in homine, non sicut in lapide, operari significet: quando in eo sit voluntas, ad volendum nata & disposita, ut loquuntur: sed voluntatem, quæ naturæ vitio praua sit & contorta, in bonum flectendo, bonam reddere. Perinde ergo est, ac si diceret, bene

bene velle non posse hominem, nisi antè in eo sit voluntas, eaque spontanea. Hoc cum à natura habeat, illud à gratia, meritò dicit Augustinus, sine libero arbitrio non esse locum gratiæ. Quid enim valeat apud eum liberi arbitrij nomen, iam visum est. Hoc si clarius exponi tibi velis, sic habe: instar materiæ esse in homine voluntatem, quæ gratiæ operationi subiecta sit, ut ab ea formam accipiat. Ita voluntatem, cum spontaneo motu, sequitur à natura esse: malitiam ex naturæ corruptione manasse: bonitatem à gratia Spiritus sancti proficisci: itaque proprium esse eius opus.

Quæ sequuntur apud Pighium, tumultuosæ sunt phrenetici hominis voces. Quoniam negat Augustinus, ea se damnare liberi arbitrij opera, quæ ut fiât, præparantur per gratiæ præuentum, nullo liberi arbitrij merito, eaque faciente, gubernante, perficiente, fiunt, insultat hic quasi victor, & meam, tum stultitiam, tum peruicaciam increpat, quod nihil discernam. Egone hunc phreneticum non dicam, qui rectè iugulum suum petit, dum hostem ferire se putat? Liberi arbitrij nomen, de quo superuacua altercatio esset, omittamus. Ea demum bona opera & laude digna pronuntiat Augustinus, quæ Dei Spiritu, ut fiant, præparantur: idque fieri gratiæ præuentu, nullo voluntatis merito. Si Dei gratia præuenitur nostra voluntas, nullo suo merito, ubi bonus motus & præparatio, quam Pighius comminiscitur? Si facit, gubernat, perficit eadem gratia in nobis, quicquid est bonorum operum, quid adhuc litigamus? Intonat Pighius clamorosa voce, ut hoc audiam. Ego verò libenter, & audio, & profici: eor. At liberi arbitrij esse bona opera asserit Augustinus, quod negamus. Egone voluntaria esse bona opera unquam negavi? At nullis libero arbitrio partes in bonis operibus tribuo. Nullas sanè, nisi ut agat, dum agitur: quia per se nihil potest: quod si Augustini verbis non est consentaneum, neque ouum ouo simile est. At Augustinus Sanctos bonis operibus censet: Ego opera qualiacunque sint, ad eò ad consequendam iustitiam valere nego, ut impia sint, si hunc habeant respectum. Respondeo, huic disce: rationi non esse nunc locum: unde homines iustitiam, coram Deo, consequantur. Quod autem ad præsentem questionem attinet, prorsus nobis, um illud sancti viri verbum facit. Nam quoties gratuitam esse hominis iustitiam probare vult, hanc rationem subinde in ore habet: nos Dei iustitiæ obedire, non per liberum arbitrium, quod natum est in nobis, sed per Spiritum sanctum, qui datus est nobis.

Iam ad tertium ordinem operum Augustini nos vocat Pighius: quo tamen antequam veniat, præanas sibi canit, quasi iam parto triumpho: nec alia de causa certare se adhuc fatetur, nisi ut promisso satisfaciat. Sic forte sibi persuaserat, cum solus sua, sine alterius censura & animaduersione, legeret. Nunc ubi nostra legerit, agnoscet, ut spero, se plausum nimis ineptum ac precipitem sibi dedisse. Allegat ex secundo ad Marcellinum libro, de peccatorum meritis & remissione, quid in Pelagianis reprehendat Augustinus: nempe, non quod liberum arbitrium statuunt, sed quòd nimis erigant. Verum iam sapius dictum est, quàm ut repetere opus sit, ideo liberi arbitrij nomen concedere hostibus solitum, ne ob vocem passim receptam morositatis inuidiam subiret. Aliud ergo asserat oportet, si premere nos velit. Nec se, nec quenquam dubitasse orthodoxorum testatur, quin nemo peccet, nisi liberè volens. His subscribimus nos quoque, si liberè, pro sponte, positum interpreteris, ut mens scriptoris fuit accipere. Sequitur postea: & quòd Deus ni-

hil præceperit, quod non sit in potestate nostra situm. Nempe, si sana esset voluntas, ut quicquid habet virium, ad Legis observantiam applicaret: sicut ipse idem respondet, de perfectione iustitiæ. Nunc verò cum prorsus corruptæ sint totius animæ facultates, & ad bene agendum inutiles, non amplius in nobis quaerenda, sed è cælo petenda est potestas illa, quæ Legis iustitiæ sufficiat. Hæc non mea, sed ipsius Augustini verba sunt. At semper adiuuandi verbo vtitur: quo videtur innuere, non ipsum agere omnia, sed nobis partes in agendo aliquas relinquere. Primum aut non animaduertit, aut animaduertere se dissimulat hic nugator, Augustinum in illis libris non ex instituto tractare, quid sit, aut quidnam valeat liberum arbitrium, sed obiter eius facere mentionem. Illic enim primum quaeritur, utrum ex naturæ necessitate sit mors, an ex peccati pœna. Deinde, an inueniri quispiam hominum possit ^{adiuuator}: id est sine peccato. Vnde & de peccato originali nascitur tertia quaestio. De libero igitur arbitrio, non quantum ad expediendam totam quaestionem satis sit, sed quantum occasio ferebat in alterius argumenti tractatione, illic dicit. Ad hoc, si clausulam inspicias, nihilominus comprehendit, quàm quod tradimus: Dei scilicet esse, implere per gratiam, quod per Legem inbeat. At postea excipit, non solis votis agendum esse. Nempe, ut deliræ & impiæ eorum imaginationi occurrat, qui Deum in homine sicut in lapide, hoc est, sine intrinseco, ut ita loquar, voluntatis eius motu, operari fingunt. Postremo, si meminerint lectores, quis ex eodem libro sententias nuper retuli, Augustinum agnoscant longè plus in progressu exprimere, quàm hîc attingat. Neque enim de adiutorio Dei solum loquitur, quasi ita nos adiuuet Deus, ut conuertamus nos ipsi, dum ab eo conuertimur, sicut Pighius mentitur, sed vnius Dei opus in solidum esse asserit, tam mentis, quàm voluntatis rectitudinem: seque fatetur ignorare, quid omnino possit in hominis voluntate boni inueniri.

Quæ ex libro de Spiritu & Litera adducit, non longa expositione indigêt, si candidum habeant interpretem: hoc est, dissimilem Pighio, qui nullum non mouet lapidem, ut bene dicta, pœssimis calumnijs deprauet. Augustinus fidem in libera nostra potestate constituit: ut pateat quæ à voluntate nostra pendeat: quia libero arbitrio, aut tendere ad fidem possumus, aut ad infidelitatem inclinare. Si tota disputatio sic clauderetur, haberet, fateor, Pighius insolescendi materiam. Sed cum potestatem hanc singulari Dei dono conferri nobis, non ex libero arbitrio surgere simul testetur: credendi quoque voluntatem, non naturæ bonitate concipi, sed fieri ac formari per Spiritum sanctum: nonne iam elicere promptum est, quid superioribus illis verbis sibi velit? Nempe, tunc nostram esse & potestatem, & voluntatem, cum vtræque nobis data fuerit: sicut docet, eius operis capite nonno, de iustitiâ & fide loquens. Vtrumque, inquit, nostrum est: sed ideo Dei & Christi dicitur, quòd eius nobis largitate donatur. Quòd autem, adhibita inter posse & velle distinctione, hanc formulam negat in Scriptura inueniri, quòd non sit voluntas nisi à Deo: sicut de potestate loquitur, nobis per omnia suffragatur. Causam enim mox subiungit: ne quis scilicet malas voluntates Deo adscribat. Cæterum, bonam Deo voluntatem, sicut à Deo efficitur, ita ritè ac meritò illi tribui, concedit. At sic inter Deum & hominem partitur, ut consentire Dei vocationi, vel ab ea dissentire, in libero voluntatis motu situm esse dicat. Contexere quod statim sequitur apud Augustinum, quòd malitiosè subicit Pighius, & solu

erit nodus. Si quis me, inquit, ad profunditatem illam coarctet, cur ita suadeatur huic, ut persuadeatur: alteri autem non ita, duo habeo, quæ respondeam: O altitudo diuitiarum: & Non est iniquitas apud Deum. Cur hoc addit, nisi quia ille quoque consensus, quem in hominis potestate collocauerat, opus esse Dei agnoscit? Parum enim proficeret Deus, voluntatem nostram excitando, nisi eam ad firmum usque consensum dirigeret, ac perduceret. Quanquam nec se tandem continere potest Pighius, quin nos ipse quoque subleuet. Errasse, inquit, se fatetur Augustinus, quia nostræ esse facultatis putauerat, Euangelio consentire. Quid ergo causæ est, cur negotium nobis faceßat? quasi propria hæc esset liberi arbitrii facultas. Secundum hanc igitur confessionem, inclinatur cor nostrum Deus, ut cõsentiamus Euangelio. Consensus ille merito noster dicitur: sed non ita, ut intelligatur esse à nobis. Sic alibi: Ista est fides, quam exigit à nobis Deus: & non inuenit quod exigit, nisi donauerit quod inueniat. Agedum, illud quod in clausula ponit Pighius, sine fucō amplectamur: ita nos asserere arbitrii libertatem, ut tamen nihil nobis ex nobis inesse confiteamur: & pax inter nos constabit. Sed quia toto impetu ad faciendum fucum rapitur, quid hoc valeat, non animaduertit.

Sed obijcit aliam sententiam, ex homilia in Ioannem liij. tametsi locū non designat. Nemo sic audeat defendere liberum arbitrium, ut inuocandū neget gratiæ auxilium: nec quisquam sic neget voluntatis arbitrium, ut quod inde necessariò consequitur, audeat excusare peccatum. Sed quo iure Pighio licuit, parentheses hanc attexere de suo, ac sic inserere contextui, ut pars esse videretur? Quæ necessitate magis sequitur, excusari peccatum, si liberum arbitrium negatur, quàm tolli gratiæ auxilium, ubi statuitur? Periculum est, ne liberum arbitrium asserendo, iniuria fiat Dei gratiæ: rursum ne, id quoque negando, pretextus excusationi impiorum detur. Vtrunque cauendum admonet Augustinus, sicut nos diligenter admonemus. Si necesse est, authore Pighio, ubi liberum arbitrium negatur, excusari peccata, cur Destruui Dei gratiam minus necesse erit, si asseratur? Hoc si suo nomine dixisset, iuberem cum suis ineptijs procul faceßere. Nunc cum Augustino affinxerit, cur non falsarium nominem? Porro falsam hæc adiectionem tolle, quid illic est, quod nobis aduersetur? Caueri vult Augustinus, ne impijs detur aliquis pretextus, ad excusanda peccata. An non hoc sedulò obseruamus? Nam & sponte dicimus peccare, quicumque peccant: eoque ipso conuictos teneri, ne se à reatu eximant. Iusto Dei iudicio damnari, qui eius iustitiam violauerint, cui subiectos esse nos omnes decet: naturæ verò imbecillitatem aut impotentiam frustra pretextere, cuius sibi culpam imputare debeant. Itaque quod perperam in nos torquere Pighio libuit, nos non parum adiuvat. Nam cum hac exceptione contentus sit Augustinus: nobiscum illi bene conuenire, quis non videt? Præstamus enim fideliter, quod requirit: dum, hac moderatione adhibita, ne peccata sua excusent homines, liberum arbitrium negamus. Sed formidabilem machinam habere se Pighius putat, ex libris, quos ad Valentinum scripsit idem Augustinus. Nam cum suspicarentur tunc multi, defendi liberum arbitrium non posse, sine gratiæ iniuria: ad hunc errorem refellendum, prior, inquit, ad Valentinum liber à sancto viro scriptus est: ubi suam de gratia & libero arbitrio doctrinam sic temperat, ut simul conueniant. Nã & in ipso libri exordio sufficienter prædicari in Scripturis liberum arbitrium, quasi pro confesso sumit: & id postea, tam ex præceptis, quàm alijs rationibus probat.

Faciam hîc, quod hactenus solitus sum. Nemini enim alteri aptius, quàm Augusti-
 no ipsi, mandari posse has partes existimo, ut menti suam interpretetur. Quid er-
 go cum homini liberum arbitrium tribuit, sub hoc nomine comprehendat, postea
 definit his verbis: *Voluntas, inquit, in homine semper est libera: sed non semper bo-
 na. Aut enim à iustitia libera est, quando seruit peccato: & tunc est mala. Aut à
 peccato libera est, quando seruit iustitiæ, & tunc est bona. Gratia verò Dei sem-
 per est bona, quæ prius mala fuerat: per quam etiam fit, ut ipsa bona voluntas, quæ
 iam esse cœpit, augeatur. Habemus, non alia causa liberâ dici voluntatē, nisi quia
 spontaneo mouetur affectu. Pighius autem longè aliud requirit: ut scilicet liberam
 habeat vel boni, vel mali eligendi facultatē. Libera est, inquit Augustinus, quia
 sponte mala. Pighius liberam esse contendit, quia libera in vtrâq; partē electio
 nis sit capax. Vis ergo breuiter scire, quo sensu liberum arbitrium cum gratia con-
 iungat: Tribus verbis tandem in fine libri respondet. Quia per gratiam non tolli-
 tur humana voluntas, sed ex mala mutatur in bonam: & cum bona fuerit, adiuna-
 tur. Iam audis, homini quidem natura subesse voluntatem, sed malam, & quæ bona
 esse per se nequeat, nec ad bonum aspirare: gratia autem Dei non tolli, ut nō sit:
 sed corrigi, & ex mala conuerteri, ut bona sit. Non vereor, ut qui librum totum di-
 ligenter, & adhibito iudicio, legerit, dubitet an sententiam secundum me ferre
 debeat. Quoniam tamen non omnibus vacat legere, pauca eius verba inde referā,
 ex quibus fiat perspicuum, quantum facultatis concedat humano, quod illic defen-
 dit, arbitrio. Fingimur, inquit, id est formamur in operibus bonis, quæ non præpara-
 uimus ipsi, sed præparauit Deus, ut in illis ambulemus. Quis porro sit formandi mo-
 dus, sequitur. Quoniam ipse & velimus operatur incipiens, qui volentibus coope-
 ratur perficiens. Vt ergo velimus, sine nobis operatur: cum autem volumus, & sic
 volumus, ut faciamus, nobiscum cooperatur: tamen sine illis, vel operante ut veli-
 mus, vel cooperante cum volumus, ad bona pietatis opera nihil valeamus. Sed fortè
 præparatur aliquo modo ad recipiendam hanc gratiam hominis voluntas. At mi-
 nime verò, inquit ille: Nunquid enim dicere possumus, bonæ voluntatis meritum in
 homine præcisisse, ut auelleretur ab eo cor lapideum: quod non significat nisi du-
 rissimam voluntatem, & aduersus Deum omnino inflexibile est. Vbi autem præ-
 cedit bona voluntas, iam non est utique cor lapideum. At voluntatem forte mo-
 uet eatenus Dei gratia, ut ad bonum duntaxat flexilis sit, non autem efficacem in
 ea affectum excitat. Inò, inquit ille, à Domino petendum est, ut tantum velimus,
 quantum sufficit, ut volendo faciamus. Certum quidem est, nos velle cum volu-
 mus: sed ille facit, ut velimus bonum. Certum quidem est, nos facere cum facimus:
 sed ut faciamus, ille facit, præbendo vires efficacissimas voluntati: sicut dicit: Fa-
 ciam ut in præceptis meis ambuletis. Sed tamen, dicet quispiam nos, accepta prima
 gratia, Deo cooperari, inquit Nempe: quia nostra est, quæ Spiritus sancti virtute
 iam bona facta est, voluntas: & per eam nos agimus, acti prius à Deo: nihil mi-
 rum, si nobis pars actionis tribuitur. Proinde dum concludit, Deum fidelibus red-
 diturum dicit, & bona pro malis, hoc est gratiam pro iniustitia: & bona pro bo-
 nis, id est, gratiam pro gratia. Hic intelligimus, quid sit, Deum sine nobis agere:
 nempe cum ex lapideis Abraham filios facit, & resectos ex syluestri ac in fructuosa
 olea surculos in pingue ac fecundam oleam inserit. Nihil enim illic est nostrum.
 Quid deinde significet nobiscum agere: nempe, dum illam, quam nobis contulit,*

virtutem perpetuò auxilij sui tenore adiuuat, promouet, confirmat tum ad cuiusque operis effectum, tum ad vltimam vitæ perseuerantiam. Vel si elegantem illam Pauli similitudinem retinere libeat, dum oleas, iam ad fecunditatem factas, cælesti calore suo vegetat, rore humectat, quò fructum ferant. Et certè in hac similitudine, omnium Pighij cauillationum facilis est ac expedita solutio. Oleastri natura sumus, nihili & steriles. Hanc sterilitatem nobis aufert Deus, & idoneas ferendo fructui oleas facit, dum nos in vitæ nouitatem regenerat. Siquidem & mentem nostram, cæcam & in tenebris sepultam, luce veritatis illustrat: & voluntatem ex natua prauitate in obedientiam Legis suæ reformat. In eo quid est, quod arrogare nobis possimus? Postquam autem Spiritu sanctitatis gubernari cœpinus: iam olea sumus, & virides, & viuæ, & pinguedinem ex bona radice trahentes. Sponte ergo iam ad ferendum fructum propensi sumus. Verum, an id ex nobis est, vt vel minimum gloriari liceat? Totum ex radice est. Radix porrò ipsa, non natura, sed gratia. Et tamen ne id quidem sufficit, nisi continuum è cælo vigorem Deus subministret.

Cùm tam euidenter pro nobis loquatur Augustinus toto opere, quid aliud sunt magni illi & sonori Pighij clamores, quibus victoriam suam celebrat, quàm ridicula puerorum crepitacula? Sic gratiam Augustinus prædicat, vt libero tamen arbitrio suas relinquat partes. Atqui de nomine certamen illi remisseram. Nunc igitur quantum libero arbitrio largiatur facultatis Augustinus querendum erat, non in nomine insistendū. Nullum, inquit, peccatum est, nisi voluntarium. Quorsum hoc? nisi vt suspicionem indoctis faciat, qui nostra non legunt, aliter nos docere, cùm hoc ipsi in verbum in lucubrationibus nostris identidem occurrat. Imputare, inquit, sibi quisque debet quod peccat. Et quid sibi ea volunt, quæ antè ex mea Institutione retulit? Merita, inquit, nostra coronantur: siquidem intelligas esse Dei dona. Mirum, nisi saniores ex Romanensibus hîc eum præuicari suspicentur: quando causam nostram non aliter quàm si nobis conductus foret, agit. Verum quia in locum nimis sibi lubricum & periculosum se venisse sentit: retrahit mox pedem, & aliam viam ingreditur. Transit enim ad alium librum, qui sub Augustini nomine extat inter eius opera, habetque inscriptionem, De dogmatibus Ecclesiasticis. Facit autem id pro solito suo candore, quòd sancti viri titulo abutitur, in citando opere, quod supposititium esse non minus ipse nouit, quàm qui nunc à me admoniti agnoscent. Primum, cùm omnium operum suorum sc catalogum in Retractationibus texuisse profiteatur Augustinus, de hoc opere nulla mentio. Ad hoc cùm sit vbique in suis scrip'tis methodi studiosissimus, opusculum illud mixtam & confusam variarum rerum sarraginem, sine ordine coaceruatam, continet. In hac præsentî quæstione dum versatur, nihil aliud quàm diuersa hinc inde testimonia colligit. Innocentium Papam Romanum magistrum vocat: qui longo post Augustinum temporis spacio Episcopus creatus fuerat. De Aphricanis Synodis Mileuitana & Carthaginensi, sic loquitur, quasi nunquam illis interfuisset: cùm certum sit, Augustinum consilio & authoritate illis præfuisse. Imò quas ex Augustino & eius aequalibus sententias sumit, antiquorum Patrum definitiones nominat. Quanquam ineptus sum, qui in re nequaquam obscura tantum verborum consumam: nisi quòd id saltem proficio, vt Pighij impudentiam nemo non videat.

Nunc audiamus, quid cum larvato illo Augustino obtinere velit: Vt sci-
ant, inquit, hæretici, non ex priuato eum sensu liberum arbitrium asserere, sed ex
definitione Ecclesiastica: cui contradicere nemo piorum ausit. Itane verò, vt tan-
tū ponderis habeant incogniti hominis, nihil dico nunc grauius, vndecunque te-
merè congestæ rhapsodiæ? Sed quatenus libertas illic prædicatur? Vt nobis post la-
psum maneat in vtranque partem electio: hac tamen exceptione addita, vt non va-
leat, nisi admonente Deo, & ad salutem inuitante: secundò, vt acquiescere Dei
inſpirationi, nostræ sit potestatis: teriò, vt non labamur in adepto salutis mune-
re, sollicitudinis nostræ, & cœlestis pariter sit auxiliij. Quid si ipse sibi scriptor
paulò post non constet? Nam quod ex Mileuitana Synodo recitat: si quis Deum,
vt à peccato purgemur, expectare nostram voluntatem sentiat, & non potius, vt
purgari velimus, in nobis efficere, eum resistere Spiritui sancto: minimè cum illa
electionis libertate conuenit. Item quod dicit, agere Deum in nobis, vt quod vult,
velimus & agamus, prorsus ab eo dissentaneum est, quod dixerat, acquiescere, no-
stræ esse potestatis. Nam altero loco, efficax Spiritus sancti operatio prædicatur:
altero, boni aut mali eligendi duntaxat facultatem offerri per gratiam, dicitur.
Illa autem tria quantum absint à mente Augustini, iam partim visum est, & co-
piosius adhuc videbitur. Conclusionem demum ponit ex quadam ad populum conci-
one, quæ Augustino adscribitur: an autem eius sit, relinquo alijs iudicandum, & si
minimè Augustini ingenium sapere mihi videtur. Sanè, aut quòd eius non sit, aut
quòd ab eo adhuc iuvene habita fuerit, etiam ex his quæ Pighius adducit, verbis
coniecturam non penitus leuem capere licet, quòd cum duas contrarias sectas pone-
ret, quæ nimium huc aut illuc declinando errent: & in vna parte Manichæos lo-
casset: in altera non Celestinos aut Pelagianos, sed Iouinianum statuit. An, quæ-
so, Pelagianos omisisset, quibus tam acriter semper est infestus, & quos magis
neceſse erat apud populum referre, si tunc extitissent? Non enim Aphricanis Ec-
clesiis eo tempore molestus erat Iouinianus, sed Pelagianorum fama simul & impi-
etas totum ferè orbem peruagata erat. Quanquam sine hac quoque coniectura ser-
mo ipse prodit, se Augustini nomen mentiri. Verum vtcunque sit: audiamus id
quod habet. Vt liberum, inquit, hominis arbitrium confiteamur: dicimus, nos &
non peccare, & peccare posse. Respondeo, hunc, quicumque sit, si arbitrij viribus
intelligat, hominem posse non peccare, non mihi, sed Augustino ipsi pro hæretico
haberi. Sin verò per Dei gratiam, sciunt eruditi & in Augustini lectione exer-
citati, qualiter vir ille de possibilitate disputare soleat. Quoniam enim Dei po-
tentia eum derogare calumniabantur Pelagiani, Deum quidem posse confitetur,
si velit, sed nullum exemplum tale vel extitisse, vel debere expectari: quoniam a-
liter Scriptura pronuntiet.

Postquam tam certis demonstrationibus me conuicit Pighius, triūphale ite-
rum tripudium agit. Nec mirum: sibi enim intus ac suis musis canit: vel saltem con-
tētus est, si plausum habeat à paucis sui similibus, qui cum Dei veritatem subuerti
iam posse desperant, qualescunque ad impediendum eius cursum remoras vndique
querant, & inuentas caco furore exosculantur. Sed rem totā clarius à me pate-
factam confido, quàm vt apud eos, qui sanum ad hanc disputationem legendam iu-
diciū afferent, & mentem quietam ac compositam, flatuosus illis suis iactantijs,
vel minimum proficiat. Satis enim superque eius fucos diluisse mihi videor: qui-
bus

bus Augustinum pinxerat, ut nobis contrarius videretur. Nunc verò hoc quoque à me quasi auclarium fortassis requirent aliqui, ut quod gloriatus sum de Augustino, illum prorsus nostrum esse, nunc plenius & pluribus testimonijs confirmem. Qua in re præstanda non tam difficultate quàm prolixitate impediatur. Nam si omnia colligere instituam, quæ factura sint ad sententiæ nostræ confirmationem, si adducerentur: longum ex his volumen mihi texendum foret: & toti etiam fere libri interdum inferendi. Quid enim aliud quatuor ad Bonifacium libri, duo ad Prosperum & Hilarium, duo item ad Valentinum continent? quid liber de natura & gratia, alter item de perfectione iustitiæ? quid libri tres ad Marcellinum? quid totidem circiter Epistola quot nominavi libros? nisi genuinam, eamque perpetuam doctrinam nostræ explicationem? Verum, ne videar, more aduersarij, sola iactantia causam obtinere velle: simul ut eorum desiderio ex parte satisfaciam, qui cum nostram cum Augustino consensionem videre cupiant, otium vel facultatem non habent omnia perlegendi, compendium ex paucis locis confectum subiiciam, quod omnem de ea re dubitationem tollat. Eligam autem eos libros potissimum, quibus plurimum authoritatis concedit Pighius: ne ubi conuictus fuerit, ad cauillum illud, sicut solitus est, confugiat, Augustino multa inter disputandum calore excidisse, quibus ne ipse quidem author fidem haberi velit. Eos ergo libros, qui se dato iam disputationis feruore scripti fuerunt, fidelissimos esse testes fauetur, quid senserit Augustinus, & certò recipi voluerit. Quare si in his demonstrauero, nobiscum illi conuenire, sine controuersia, etiam aduersarij confessione, vicerò. Primum dicimus, hominis mentem cecitate percussam, ut ad veritatis notitiam peruenire ex se nullo modo queat: dicimus voluntatem prauitate corruptam, ut nec Deum diligere, nec eius obedire iustitiæ possit. Vtrunque Pighius improbat. Prodeat nunc in medium Augustinus, velut arbiter. Libro de Sanctorum prædestinatione, se aliquando fuisse in eo errore confitetur, ut nostrum esse putaret, audito Euangelio consentire: sed postea illis Pauli verbis conuictum, ut opinionem mutaret: Quid habes quod non acceperis? Proinde fidem, & inchoatam, & perfectam, concludit donum esse Dei: cum ne cogitare quidem aliquid boni in nostra sit potestate: quod tamen multo minus est, quàm credere. Ne verò huic tergiuersationi relinquat locum, ideo donum esse gratiæ fidem, quia generali inspiratione omnes ad credendum inuitet Deus & excitet, occurrit ipse, dum addit, dari quibusdam hoc donum, & alijs non dari. Quòd si discutiatur, & queratur, unde quisque sit dignus, non desunt, inquit, qui dicunt voluntate humana: nos autem dicimus, gratia & prædestinatione diuina. Sed Deus fidem ab hominibus exigit. Fateor, inquit: nihilo tamen minus est Dei donum. Nam promittit simul illis facturum se, ut faciant, quod fieri iubet. Quoniam autem proprio motu, ad recipiendam Dei gratiam preparari hominem vulgò imaginantur: quod etiam Pighius fortiter defendit, ad hoc responderet. Hanc cogitationem refellit Apostolus dicens: Quid habes, quod non acceperis? A quo, nisi ab illo, qui te discernit ab alio, cui non donauit quod tibi? Atque huius rei in Paulo ipso documentum profert. Auerfus, inquit, à fide, quam vastabat, &que vehementer aduersus, repente ad illam, gratia potentiore, conuersus est: ut non solum ex nolente fieret volens credere, verum etiam ex persecutore paratus ad persecutiones ferendas. Item. Cum Deus se facturum promittit, ut faciant homines quod præcipit, non tacet etiam merita eorum, sed mala: quibus ostendit

dit, reddere se bona pro malis, hoc ipso, quod eos deinceps facit habere bona opera. Postea: Est etiam clarissimum lumen prædestinationis & gratiæ ipse Mediator Dei & hominum, qui ut hoc esset, quibus tandem suis, vel fidei, vel operum meritis, natura humana, quæ in illo est, comparauit? Quod eius bonum, qualecunque, præcessit? Cum sim homo, quod & ille est, cur non sum, quod ille, Filius Dei? At ille gratia talis ac tantus est. Cur diuersa est gratia, ubi natura communis? Appareat nobis in capite ipse fons gratiæ. Ille quippe nos credere fecit in Christum, qui nobis fecit in quem credimus Christum: ille facit in hominibus principium & perfectionem fidei in Iesu, qui fecit hominem, principem fidei & perfectorem, Iesum. Item: Ergo sicut elegit nos, ita vocat: secundum placitum voluntatis suæ: ne in tanto beneficio, placito gloriemur voluntatis nostræ. Item: Attendant quo modo falluntur, qui putant esse à nobis, non dari nobis, ut petamus, quæramus, pulsemus, & hoc esse dicunt, quo gratia præceditur merito nostro, ut sequatur illa, cum accipimus petentes, inuenimus quærentes: nec volunt intelligere, hoc diuini esse muneris, ut petamus, quæramus, atque pulsemus. Sed quæritur, an non homini naturaliter inhæreat boni aut mali eligendi libertas? Respondet: Liberum arbitrium, & ad malum, & ad bonum faciendam, confitendum est nos habere: sed in malo faciendo liber est quisque iustitiæ, seruusque peccati: in bono autem, liber esse nullus potest, nisi fuerit antè à Filio Dei liberatus. Ita sola Dei gratia liberantur homines à malo: sine hac nullum prorsus, siue cogitando, siue volendo & amando, siue agendo, faciunt bonum: non solum ut monstrante ipsa, quid faciendū sit, sciāt, sed ut ea præstante, faciant cū dilectione, quod sciunt. Atque hoc deinde breuius explicat. Voluntas, inquit, humana, non libertate cōsequitur gratiam, sed gratia potius libertatem. Et priore ad Valentinum libro dixerat: Semper in nobis voluntas est libera: sed non semper est bona. Aut enim à iustitia libera est, quādo seruit peccato, & tunc est mala. aut à peccato libera est, quando seruit iustitiæ, & tūc est bona. Gratia verò Dei semper est bona: & per hanc fit, ut sit homo bonæ voluntatis. Sed fortè lucē offert hominum mentibus, quā recipere, aut respuere, in earū sit optione: & ita mouet voluntates, ut earum sit, motum sequi ipsius, aut non sequi. Ad hoc respondet: Si operatur Deus fidem nostrā, miro modo agens in cordibus nostris, ut credamus, nunquid metuendum est, ne totum facere non possit? & ideo homo primas eius sibi vendicat partes, ut secundas à Deo accipiat. Item: Nolenstam claris testimonijs, quibus fides Dei esse donum asseritur, & tamen volens à seipso sibi esse quod credit, quasi cōponat cum Deo, ut partem fidei sibi vendicet, atq; illi partem relinquat: & quod est superbius, primam tollit ipse, sequentem dat illi. Vides ut nullo modo inter Deum & hominem dimidiet vel partiatur, sed solidum Deo concedat. Verum postea exponit longè clarius: Quid est ad Christum venire, nisi in Christum credere? Hoc ut fiat, Pater dat. Quid est enim, Omnis qui audiuit à Patre & didicit, venit ad me? nisi, nullus est, qui audiat & discat à Patre, & non veniat ad me. Si enim omnis qui didicit à Patre, venit, profecio is qui non venit, non didicit. Paulò post: Hæc gratia, quæ oculis humanis cordibus tribuitur, à nullo duro corde recipitur. Ideo quippe datur, ut cordis duritia primitus auferatur. Item: Absit ergo, ut non veniat, qui à Patre didicit. Sed quare, inquiunt, non omnes docet? Si dixerimus, quia nolunt discere, respondebitur: & ubi est illud? Domine tu conuertens viuificabis nos. Aut si non facit volentes ex nolentibus Deus, quid

De cor-
rept. &
gratia ad
valen.

quid orat Ecclesia pro persecutoribus suis? Cum ergo prædicatur Evangelium, quidam credunt, quidam non credunt. Sed qui credunt, prædicatore forinsecus sonante, intus à patre audiunt, atque discunt. Qui autem non credunt, foris audiunt, intus non audiunt, neque discunt: hoc est illis datur ut credant, his non datur. Quod apertius etiam postea declarat: Nemo potest venire ad me, nisi pater meus traxerit eum. Item: Nisi cui datum fuerit à patre meo. Ergo trahi ad Christum, & audire ac discere à Patre: nihil aliud est, quàm donum accipere credendi. Neque enim audientes à non audientibus, sed credentes à non credentibus discernit, qui dicit: Nemo venit ad me, nisi datum ei fuerit. Fides igitur, & inchoata, & perfecta, est donum Dei. Item: Promisit Deus, quod faciurus erat ipse, non quod homines. Quia & si faciunt homines bona, quæ pertinent ad Dei cultum, ipse facit, ut illi faciant quæ præcepit: non illi faciunt, ut ipse faciat quod promisit. Alioqui, ut Dei promissa compleantur non in Dei, sed hominum est potestate. Item: Cum sic loquitur Deus: Timorem meum dabo in cor eorum, quid aliud est, quàm talis ac tantus erit timor meus, quem dabo in cor eorum, ut mihi perseveranter adhæreant? Item: Certum est, nos mandata servare si volumus: sed quia præparatur à Domino voluntas, ab illo petendum est, ut tantum velimus, quantum sufficit, ut faciamus. Certum est nos velle, cum volumus: sed ille facit, ut velimus bonum. Certum est, nos facere cum facimus: sed ille facit, ut faciamus, præbendo vires efficacissimas voluntati. Item: An audebis dicere, etiam rogante Christo, ne deficeret fides Petri, defecuram fuisse, si Petrus eam deficere vellet? Quasi aliud vellet Petrus illo modo, quàm pro illo Christus rogasset, ut vellet. Quando igitur rogavit, ne fides eius deficeret, quid aliud rogavit, nisi ut haberet in fideliberrimam, fortissimam, in vicissimam, perseverantissimam voluntatem? Verùm, ubi ad primi hominis & posterorum comparisonem descendit, sic concludit totam hanc partem, ut si iere iam debeat Pighius: aut si porro oblatrare pergat, nihil tamen habiturus sit, quod mordeat. Postquam enim primum integritatis statum, deinde lapsum, & simul peccatum lapsus exposuit, hoc est, miseram hanc nostri generis, quæ ex eo consecuta est, damnationem, transitum inde ad reparationem faciens, sic scribit: Quemadmodum humanam in Christo naturam, nullis eius proprijs meritis, gratuita sua benevolentia hoc honore dignatus est Deus pater, ut homo in utero virginis conceptus, filius Dei vocaretur. idque hac lege, ut sic à Deo suscepta hominis natura nullum in se motum admitteret malæ voluntatis: ita per hunc Mediatorem Deus ostendit, eos quos sanguine eius redemit, facere se ex malis in æternum bonos. Istam gratiam non habuit homo primus, quia numquam vellet esse malus, sed habuit, in qua si permanere vellet, nunquam malus esset: & sine qua, etiam cum libero arbitrio, bonus esse non posset: sed eam tamen per liberum arbitrium deferere posset. Deinceps: Tale quippe erat adiutorium, quod defereret cum vellet, & in quo permaneret, si vellet: nõ quo fieret, ut vellet. Hæc est prima gratia, quæ data est Primo Adam: sed hæc potètiore est in Secundo Adam. Prima est enim, qua fit, ut homo habeat iustitiam, si velit: secunda plus potest, qua etiã fit, ut velit, & tãtum velit, tãtoque ardore diligat, ut carnis voluntatem, contraria concupiscentem voluntate Spiritus vincat. Nec illa quidem parva erat: sed hæc tanto maior, ut parum sit homini, per illam reparare perditam libertatem: parum sit denique, non posse sine illa, vel apprehendere bonum, vel permanere in bono si velit, nisi etiam fiat, ut velit. Item: Ac

per hoc, ne de ipsa quidem perseverantia boni voluit Deus sanctos de viribus proprijs, sed in ipso gloriari: qui eis non solum dat adiutorium, quale primo homini dedit, sine quo non possint perseverare, si velint, sed in eis etiam operatur & velle: ut quoniam non perseverabunt, nisi & possint, & velint, perseverandi eis, & possibilitas, & voluntas, diuina largitate donetur. Tantum quippe accenditur Spiritu sancto eorum voluntas, ut ideo possint, quia sic volunt: ideo sic velint, quia Deus operatur, ut velint. Nam si in tanta infirmitate vitæ huius ipsis relinqueretur voluntas sua, ut in adiutorio gratiæ, sine quo perseverare non possent, manerent si vellent, nec Deus in illis operaretur ut vellent: inter tot ac tantas tentationes, infirmitate voluntas ipsa succumberet: & ideo perseverare non possent, quia deficientes infirmitate, nec vellent: aut non ita vellent, infirmitate voluntatis, ut possent. Subuentum est ergo infirmitati voluntatis humanæ, ut diuina gratia indeclinabiliter & inseparabiliter ageretur: & ideo, quamuis infirma, non deficeret, neque aduersitate aliqua vinceretur. Hicne adhuc obstrepet Pighius, & suum in nos venenum profundet, quod Deum asseramus efficaciter hominum agere voluntates? At nos nihil quàm Augustinum sequimur. De perseverantia quoque plus facere verborum superuacuum foret, cum utrunque simul ubique coniunxerit, & efficacem affectum, & perseverandi constantiam. Et prius dixerat, quod nondum retuli, post primi hominis lapsum, non nisi ad suam gratiā Deum voluisse pertinere, ut homo ad eum accedat: nec nisi ad suam gratiam voluisse pertinere, ut homo nō recedat ab eo. Vtrunque nominat, principium & finem. In utroque ne minimam quidem portiunculam homini relinquit: cum præcipuas illi partes Pighius largiatur. Vnum superest, quicquid usque ad vitæ finem, nobis gratiæ confertur, gratuito nobis conferri, non retribui gratitudini nostræ, quasi superioribus gratijs bene utendo, hoc ex nobis meruerimus. Hoc sic Augustinus confirmat: Status dilucidè ostenditur & inchoandi, & in finem perseverandi gratiam, non secundum merita nostra dari, sed donari secundum ipsius secretissimam, eandemque iustissimā, beneficentissimā sapientissimā voluntatem: quoniam quos prædestinavit, eos & vocavit. Quid nunc ad tergiuersandum (effagere enim nullo modo potest) obtenderet Pighius? An mutilas ac mancas sententias me decerpere causabitur, quæ Augustini mentē minime demonstrant? At nemo erit, qui non eius improbitati reclamet, si fecerit. An me non fideliter citare? Atqui ad verbum descripsi. An de industria præterire, quæ mihi aduersentur? Atqui ex quatuor tantum libris, neque his adeo prolixis, hac omnia excepi: quos perlegere, non magnus erit labor. Poteram undecumque longè plura coacervare: verum, partim compendij studio, partim ut lectoribus sine molestia, aut labore promptum esset recognoscere, quanta fide ac synceritate veram ac genuinam Augustini mentem explicarim, cedo. Si cui hoc minus satisfaciat, in medium prodeant illi quatuor libri: dub ad Valentinum: quorum alter de gratiæ & libero arbitrio, alter de correptione & gratiæ inscriptus est: duo item ad Prosperum & Hilarium: quorum unus est de prædestinatione sanctorum, secundus de bono perseverantiæ: tum ex illis inter nos iudicium fiat: facile enim patiar, ut tota inde controuersia dirimatur: nec vereor ne id vel minimo causæ nostræ incommodum fiat. An Augustinum dicet hic præteruchi contentionis calore, ut eius fidem, sic extenuet? At hi libri sunt, quibus authoritatem sine exceptione deferendam agnoscit: & ex quibus solis cerio statui posse, quæ fuerit Augustini sententia, pro-

nuntiat. Quid autem hîc docet Augustinus?

Voluntatem hominis esse quidem liberam, sed non nisi ad malum. Atque hoc illi epitheton non propriè tribui, cum serua sit iniquitatis. Malam enim esse naturaliter: & ideo sub peccati iugo teneri vinciam ac captiuam, donec per Christum liberetur. Hanc prauitatem eò usque patere, ut non modò nihil boni velle, aut deliberare possimus, sed ne concipere quidem. Deum igitur non nostra preparatione adduci, ut gratiam nobis suam conferat, sed modis omnibus nos prauenire, ut initium sit ex mera eius misericordia. Omnes enim hominis facultates corruptas esse, ut nihil quàm malos fructus parere ex se queant. Hanc præterea gratiam non omnibus indifferenter aut promiscuè dari, sed ijs duntaxat, quibus Deus vult, alios, quibus non datur, malos permanere, ad bonum prorsus nihil valere: quia sint ex perdita & damnata massa, suæque damnationi relinquuntur. Præterea, non esse eiusmodi gratiam hanc, quæ illis bene agendi potestatem conferat, si velint: ut in eorum postea optione sit, velle, aut non velle: sed efficaciter ipsos permouere ut velint: imo voluntatem ex mala bonam facere, ut necessariò bene velint. Adhæc, non id semel fieri, ut homines deinde sibi relinquuntur, sed continuo tenore eos gubernari: ut non minus in bono perseverare, quàm bonum incipere, Dei donum sit. Deum porrò non alia induci ratione, ut homines tum regendos spiritu suo suscipiat, tum susceptos ad extremum usque vitæ regat, atque in perseverantia confirmet, nisi gratuita sua bonitate, nullo ullius meriti respectu: sicut reuera nullum habere possunt nec in opere, nec in voluntate, nec etiam in cogitatione. In hoc compendio si quid deprehendatur, quod non sit ex quatuor illis libris sumptum, causam non dico, quin me nullius fidei hominem totus mundus iudicet. Quid autem in tota nostra doctrina aliud continetur? Ergo etiam si crepet Pighius, nobis hoc extorquere non potest, quin Augustinus sit noster. Quid ergo superest, quominus eum in beluinam naturam degenerasse clamet? Sicuti se facturum denuntiavit, si ostenderetur causa nostra suffragari.

In Librum quartum.

NE cui dubium sit, quid hætenus sua garrulitate consecutus fuerit Pighius, magnificum ex integro, sed umbratilem ac imaginarium, sibi triumphum canit. Prostrati, inquit, sunt primo ariete aduersarij. Ego autem valde durus sum, qui stragem hanc non sentio. Mihi enim reclus adhuc firmusque stare videor. Et quò plus profecisse se ostendat, si veterum opinionem nobis opposuerit, sacrilegam illam suam vocem iterum ruciat: nullius Scripturæ auctoritate, quamlibet clara, nostro quidem iudicio, & euidentis, aduersus claram consonantemque orthodoxorum patrum sententiam, aduersus communem Ecclesiæ definitionem, aliquid credere cuiquam licere. Fieri enim posse, ut in Scripturæ intelligentia erret unusquisque nostrum, ut erret Ecclesia fieri in his, quæ ad fidei veritatem pertinent, non posse: quia sit columna & firmamentum veritatis. Sed cum nouum non sit, quod usu venisse seculis omnibus constat, ut Ecclesiæ umbra se falsò regant, eiusque titulum arripiant, qui sunt infestissimi aliàs eius hostes, veram Ecclesiam à falsa quomodo discernere conueniet? Ad multitudinem, inquit Pighius. Atqui putabam ex verbo Dei iudicandum: ut, quæ Scripturæ adhereret,

Ecclesia censeretur: quæ ab ea defleceret, repudiaretur, utcumque nomine se vendicaret. Verbum, inquit, obscurum est: itaque ex Ecclesiæ sensu tota eius pendet certitudo. Atqui putabam, & sic didiceram, prius suo adificio esse fundamentum. Testatur autem Paulus, fundatam esse Ecclesiam in doctrina, non quam sibi ipsa composuerit, sed Apostolorum & Prophetarum. Excipiet forsan, hæc quidem doctrinam priorem esse Ecclesiæ: sed eius sensum in Ecclesia esse fundatum. Quod responsum sua absurditate satis per se refellitur. Ergo cum statuere, quantam sit vera Ecclesia, certò volumus, valeat illa Christi regula: oves eius esse, quæ vocem eius audiant. Proinde sicut columna & firmamentum veritatis ideo est Ecclesiæ, quod doctrinam illam, in qua fundata est, fideliter custodit, ita non aliam debemus pro Ecclesia agnoscere, nisi in qua doctrinam illam reperimus. Hoc vinculum est, hic nexus sacri coniugij, quo sibi Ecclesiam Christus cōpulauit: quem nexum impio ac profano diuortio abrumpere Pighius conatur, dum Ecclesiam priore loco constituit, Dei autem doctrinam ad inferius subsellium abiegit: & eam quidem, non sicut à Deo tradita est, cuius clara & perspicua nobis extet veritas, sed qualiter hominibus eam exponere libuerit.

Verum attendant lectores ad alterum hominis acumen mirabile. Nam cum se initio Scripturæ testimonijs contra nos acturum proposuisset, cum ad eum locum ventum est, ingeniosam excusationem inuenit, quod declinet. Quoniam scilicet vniuersa Scriptura, quanta quanta est, arbitrij libertatem demonstrat. Nam cum vniuersa testetur, Deum unicuique pro suis meritis redditurum, vniuersa, bene viuendi leges & præcepta contineat, vniuersa nos hortetur ad virtutē, peccata prohibeat, poenas minetur, certum est vniuersam demonstrare liberi arbitrij potestatem. Si vniuersam ita Pighius intelligit, quasi in hoc tota incumbat, & hoc agat vñ, nondum prima fidei rudimenta didicit. Omittit enim præcipuā, & magis necessariam doctrinæ partem, quæ gratiæ promissionibus continetur: qua cognita, nihil suis obiectionibus efficit. Postquam enim nos in mandatis suis ambulare iussit Deus facturum se promittit, ut ambulemus, hoc est, animū & pedes nobis daturum. Cum ergo tota lex, præcepta omnia, omnes tum exhortationes, tum castigationes, tum minæ, ad promissiones nos dirigāt, & quasi manuducāt, ubi totam nostram virutem in nihilum Deus redigit, sibi gratiæque suæ omnes bonorū operum partes adscribendo, qui lege ac præceptis metitur hominis facultates, prima fidei elementa nondum se tenere prodit. Quanquam in soluendo hoc nodo nondum immoror: quia paulò post locum proprium habebit. Facit enim pro more suo Pighius, decies rem vnā iterando. Quod Dei iudicium non fore iustum commemorat, nisi cuique reddat pro meritis: respondeo, quod Augustinus: Vñ vniuerso hominum generi si merita nostra in iudicando Deus expendat. Quod ad mercedem attinet, quam Deus seruis suis pollicetur, reddet quidem illis coronam iustitiæ iustus iudex. Sed hoc quoque querendum erat, vnde sanctus proveniat iustitia, quæ tunc coronabitur. Certum autem est, nihil esse quàm merum Dei donum. Quid ergo inde hominem potentiam colligit?

Et quoniam de infirmo Scripturæ præsidio sibi malè conscius est, ad solenne illud suum suffugium protinus dilabatur: sic Origenem, sic Tertullianum, sic Hilarium, & reliquos sensisse. Verum, etiam si astringi me eorum auctoritate ligari que sic patiar, ut derelicta Scripturæ certa veritate, in eo acquiescā, quod illis visū fuerit

fuerit: (quod nec facturus sum, & facere nefas est) iam tamen ostēdi, quā calūnio
 sa interpretatione eorum sententias in nos detorqueat. Nam quod dicunt, frustra
 esse legem, nisi sit obsequendi facultas, & similia, hæc meritò dicerentur, si serui-
 tus hæc, quæ nos impeditos tenet, ac virtutem aufert, naturæ foret, non proprii vi-
 rij. Nunc verò cum istud semper in promptu sit, quicquid impotentia aut defectus
 in nobis est, culpæ nostræ esse imputandum, hoc responso, diluuntur omnes illæ ob-
 iectiones ac solvuntur. Atque ita soluit Augustinus, tum in illis, quos nuper recen-
 sui, libris: tum in libello de perfectione iustitiæ. Itaque hoc nimis proposita fron-
 tus est, ipsius quoque Augustini testimonio hic abuti. At claris verbis negat, in eo
 peccari, quod vitari nō potest: Et ubi natura dominatur aut necessitas, illic tradit
 inueniri nō posse culpæ rationem. Exaduerso reclamationat, frustra sibi præcibi de ra-
 tiō librorum, quos inuenis scripserat, vetustate. Nam & ideo, inquit, retractanda
 suscepi mea opera, ut nec me ipsum in omnibus me secutum fuisse demonstrē, sed pro
 ficienter me scripsisse existino, non à perfectione cœpisse. Huic verò Pighij ca-
 lumnia in Retractionibus sic occurrit: Aliud est, quærere, unde sit malum: a-
 liud, unde redeatur ad pristinum, vel ad maius perueniatur bonum. Paulò post ci-
 tat hoc pridem à se dictum: Quoniam non sicut sponte homo cecidit, ita surgere
 potest, porreclam nobis dexteram Dei firma fide teneamus. Et similia. Et tamen
 excusat, quod ne sic quidem totum, quod dictu necessarium fuerat, comprehēderit.
 Item de perfectione iustitiæ: Per arbitrij libertatem factum est, ut homo cum pec-
 cato esset: sed iam poenalis viciositas subsecuta, ex libertate fecit necessitatem. Sed
 in postremis etiam scriptis conueniri docet liberum arbitrium, quoties præcipit,
 vel hortatur Deus. Fateor sanè in hoc quæstionis statu diu eum versari, ut libe-
 rum arbitrium cum gratia coniungat, ne liberum arbitriū tollere videatur gratiæ
 prædicatio. Sed quid hoc nomine sibi velit, non debemus negligere: si verum eius
 sensum cōsequi cupimus, non verborū decipulas & aucupia struere. Ipse autem sa-
 tis demonstrat toto libro, non aliud sentire se, quā spontanea voluntate, & bene
 & malè agere homines: sed natura nihil posse quā peccare, gratia autē bonum
 incipere, & in eo perseverare. Itaque præfatus, se eorū causa scribere opus illud,
 qui liberū arbitriū aut negarent, aut negare viderentur, gratiā asserēdo, complu-
 res locos cōgerit, qui liberū arbitriū subesse ho. nini significant: hoc est, voluntatem,
 qua sponte faciat quod facit: Atque hoc vnum capite secūdo, quod allegat Pighius,
 exequitur. Verū continuò post, metuendum esse admonet, ne hæc testimonia sic
 in defensione liberi arbitrij intelligantur, ut gratiæ Dei locus non relinquatur.
 Totum igitur nunc in eo situm est, ut sciamus, qualiter deinceps inter liberum ar-
 bitrium & gratiam partiatur. Nā & inde, quid liberum arbitriū significet, cōsta-
 bit. Testatur autem, & sæpe, & claris verbis, Dei esse donum, quicquid boni agi-
 mus, quia illud in nobis efficit. Gratiā verò Dei non retribui meritis nostris: sed
 tunc dari, cum nulla sint nobis nisi mala merita. Inde incipere bona merita, sed quæ
 mera sint Dei dona, nullo modo à nobis. Hac occasione in illam disputationem in-
 greditur, qualiter vita æterna merces simul sit & gratia: quam sic absoluit, quod
 Deus bona quidem opera remuneretur in sanctis. sed hoc agendo, nihil quā gra-
 tuitam suam misericordiam in illis prosequatur: quoniam ipsis quicquid est bono-
 rum operum gratuitò contulerit. Atque illic tractat, qualiter nos fingat ac formet
 Deus, cum suo Spiritu regenerat: qualiter præparet bona opera in nobis, non ipsi

De bono
 perseue.
 ad prosp.
 Cap. 12.
 & 21.

præparemus. Simul eorum errorem refellit, qui hominem bono aliquo motu præparari fingunt, ad recipiendam Dei gratiam: cum initium gratiæ sit, auellere à nobis cor lapideum, quod nihil quàm durissimam voluntatem significat, & aduersus Deum inflexibilem. Postea definire incipit, quid libertatis nomen valeat. Sæper, inquit, libera est voluntas in homine, sed non semper bona. Malā verò esse testatur naturæ vitio, gratia bonam fieri. Vides eum iam liberam facere voluntatem, quæ nihilominus nihil quàm mala per se esse possit. Respondet postea argumentis illis, quæ ex lege & præceptis obijci solent: Magnum aliquid, ait, Pelagiani se habere putant, quando dicunt: Non iuberet Deus, quod sciret, nō posse ab homine fieri. Quis hoc nesciat? Sed ideo iubet aliqua quæ non possumus, vt nouerimus quid ab illo petere debeamus. Ipsa enim est fides, quæ orando impetrat, quod lex imperat. Deinde: Certum est, mandata nos seruare, si volumus. Sed quia præparatur à Domino voluntas, ab illo petendum est, vt tantum velimus, quantum sufficit, vt volendo faciamus. Certum est, nos velle cum volumus: sed ille facit, vt velimus bonum. Certū est, nos facere cum facimus: sed ille facit, vt faciamus, dando vires efficacissimas voluntati. Pergit tum postea, compluribus Scripturæ testimonijs monstrare, ea ipsa Deum facere in nobis, quæ facere nos iubet. Tandem vbi ad conclusionē venit, sic loquitur: Satis me disputasse arbitror aduersus eos, qui Dei gratiam vehementer oppugnant: quæ voluntas humana non tollitur, sed ex mala mutatur in bonam, & cum bona fuerit, adiuuatur: & sic disputasse, vt non magis ego, quàm diuina Scriptura locuta sit, euidentissima veritate. Quæ Scriptura si diligenter inspicitur, ostendit, non solum bonas hominum voluntates, quas ipse facit ex malis, & à se factas bonas in actus bonos, & vitam dirigit æternam, verum etiā illas, quæ conseruant seculi creaturam, ita esse in Dei potestate, vt eas quò voluerit, quando voluerit, faciat inclinari. Quòd si potēs est siue per Angelos vel bonos vel malos, siue quocūque alio modo, operari in cordibus malorum, pro meritis eorum, quorum malitiā ipse non fecit, sed vel originaliter tracta est ab ipso Adam, vel creuit per propriam voluntatem, quid mirum, si per Spiritum sanctum operatur in cordibus electorum bona, qui operatus est, vt corda ipsa essent ex malis bona? En quibus liberum arbitrium encomijs illic extollat. Et tamen, qua solet verecundia, Pighius nos studio claudere oculos criminatur, ne clarissimam lucem cernamus. Et ad eò sibi placet, vt vel solo hiatu oris se lectiores incantare posse speret.

Quoniam autem in mea Institutione, post doctrinæ nostræ explicationem, argumenta refutaueram, quibus sese armare solent, qui eam oppugnare volunt: has sibi nunc partes suscipit, vt solutiones meas aut frigiditas, aut minus plenas, aut ineptas, aut inanes esse omnes conuincat. Hoc vt faciat, dialogum cōponit: in quo me inducit loquentem, sed pro suo commodo. Nam quoties libet, verba abruptim. Dixeram autem sm. mea Institutione, qui doctrinæ nostræ resistunt, eos absurda quædam congerere, quibus eam odiosam reddant, tanquam à communi sensu abhorrentem: deinde Scripturæ testimonijs cum ea congregari. Quia utrasque machinas ordine me repulsum profiteor, superbiam meam tragicis acclamationibus exagitat: quòd ego, misellus culex, tot simul, tantòsque elephantos, & nobilem illam aquilarum congregationē, hoc est, veteres omnes sanctos adorari. Ac rursus suum illum catalogum, meo stylo iam superius confossum & erasum recitat. Ego verò non cum antiquis patribus mihi bellum esse profiteor, sed cum Pighio duntaxat

Et similibus, vel canibus, vel porcis: qui sacrosanctā & salutarem Dei veritatem, partim impuro & olfactu nostro contaminant, partim conculant pedibus, partim venenato morfu lacerant, partim latratu persequuntur. Verum si in refutanda eius garrulitate insistere velle, nullus esset finis. Itaque à leuiores peto, ne à re ipsa dimoueri se patiantur. Quod si mihi dederint, efficiam, ne quid in meis responsionibus desiderent.

Nunc, primum quod recito absurdum, est. Si peccatum necessitatis est, iam desinit esse peccatum: si voluntarium est: ergo vitari potest. Addo autem, Hoc dilemmate vexatum olim fuisse Augustinum à Pelagio. Clamat hic phreneticus, mentiri. Atqui nihil dixi, quod non Augustinus ipse prodiderit. Hanc enim Pelagii ratiocinationem nonam ponit, libro de perfectione iustitiæ. Quæ ergo ista est rabies, negare vssiam esse, quod ante oculos exhibetur? At similiter vsus est contra Manichæos Augustinus. Rite quidem, & optima ratione, cum illi peccatum hominibus à Deo ingentum esse, tanquam substantiale malum, fingerent: non concederent vitio propriæ voluntatis accidisse. Nostra autem causa dissimilis. Ergo sicuti huius absurdi obiectione hodie nos oppugnant Romanenses theologi, ita olim eadem Augustinum Pelagius impetebat. Extat enim liber, qui hoc testatur. Negando, quid proficiet Pighius? Et tamen illud, quod à me additum Pighius pratermisit, quantæ est ingenuitatis? Nolle me hostes nostros prægrauari Pelagii nomine, donec de re ipsa satisfactum à nobis fuerit. Porro satisfaciendi ratio hæc est: Nihilominus iure nobis imputari peccatum, etiam si necessarium sit. Ratio est: quia si quis cum Deo disceptare velit, & hoc prætextu iudicium subterfugere, quia aliter non poterit, habet paratam responsionem: Perditio tua Israel: in me tantummodo auxilium tuum. Vnde enim ista impotentia, nisi ex naturæ vitiositate? Vnde porro vitiositas, nisi quod homo defecit à suo opifice? Huius defectionis cum rei sumus omnes, in hac necessitate, qua constringimur, dico extare luculentam damnationis nostræ causam. Plurimum igitur abesse, ut ad excusationem valeat. Hic in cachinnos totus Pighius soluitur: quod tam nihili ratione me elapsum esse cõfidam. Sed quid habet ipse quod opponat? Suum illud toties repetitum carmen occinit: Ex patribus se monstrasse, frustra datam esse legem, si impleri nequeat: locum nec merito nec demerito fore, nisi tam ad bonum, quam ad malum libera sit voluntas. Atque ut multitudinem testium nos obruat, totam illam, quam ante recensuimus, ceteruam profert. Quod ad larvatum illum Petrum, & fictitium Clementem spectat, facessant è medio. Nam illas ineptias verbo vno non dignabor. De alijs iam dixi, quantum sufficiat. Quanquam nullus est ipsorum omnium certior interpres, quam Augustinus, dum suam in communi causa mentem exponit. Quod enim dixerat, non posse inueniri culpæ rationem, ubi natura dominatur aut necessitas, non nisi in sanæ & integræ naturæ consideratione valere admonet. Necessitati enim nunc subiaceere homines, sed quam sibi voluntaria culpa primus homo contraxerit. Natura, inquit, nobis facta est, pœna. Et vindicta primi hominis quod erat pœna: nobis natura est. Cum ergo necessitas peccati sit pœna, quæ inde oriuntur peccata, meritò culpari, & eorum culpam meritò imputari hominibus: quando voluntarium est principium. Nunc ergo quid causæ est, cur solutionem à me positam tanto fastu contemnat ac derideat Pighius? Augustinum omitto, non minus argutum, opinor, dialecticum, quàm sit Pighius: qui hac aut tali responsione data, se defunctum

putat. Sed pietatis sensum consulamus, an non satis hoc sit ad hominis reatum, ubi sua culpa perijisse conuincitur. Neque enim alia populum suum accusatione premit Deus, cum dicit: Perditio tua Israel: in me tantummodo auxilium tuum. At populum illic arguit, qui verbo suo obtemperare noluerat. Fateor, sed cum vniuersalis sit sententia, videndum, quid contineat. Hoc autem proculdubio significat, destitui omni excusatione hominem si sibi causa exitij fuisse deprehendatur. At hoc non esse causatur Pighius, nisi tam effugere perditionem, quam perdere se possit. Quis sic balbutit, vel grunnit potius, se primū illud fidei nostræ axioma non tenere prodit, nos, ac totam nostram ad bene agendum virtutem, in Adam perijisse. Nec verò ab eo se abhorre hic dissimulat: qui toties corruptionem ex primo parente contractam non alibi, quam in membris corporis, locat.

Quòd in altero membro dico subesse vitium, ubi peccatum colligunt vitari posse, si voluntarium est: & ideo argumentum valere nego, quia deductionem habeat à voluntario ad liberū: hoc vt refellat, Augustinum mihi regerit: quem vbi-que sic ratiocinari dicit. Atquē iam toties Augustinum produxi suæ sententiæ interpretem, vt amplius repetere, mihi ipsi fastidio sit. Nam quæ pro sua garrulitate subinde recinit Pighius, de sana & integra natura scribit. Vbi autē de vitiosa natura sermo est, peccatū esse palam pronuntiat, siue vitari possit, siue non possit. Nam si potest, præsens voluntas hoc facit. Si non potest, præterita voluntas hoc fecit. Subijcit autē vitari posse: sed non ipsius hominis virtute non quando superba, inquit, laudatur voluntas, sed quando humilis adiuuatur. Porro horū verborū sensum ab initio posuerat: vitari quidē posse peccatum, sed si vitiata natura prius sanetur. Nunc verò sanā non esse, aut quia quod faciendum est, cæcitate non videt, aut infirmitate nō implet. Quid his clarius desideres? Verū abunde sibi ad victoriam esse putat Pighius, si Augustini titulum quoquo modo nobis opposuerit.

Quoniam autem eius distinctionis sepius iam meminimus, quam nos inter conditionem & necessitatem statuimus, vnde pendet maiori ex parte hæc quaestio, eamque non nisi obiter attigimus, paulò diligentius nunc excutiēda nobis est. Nā & cum eā Pighius superiore libro improbaret, defensionē in hunc locum distulimus. Negant ergo qui liberū arbitrium contra Dei gratiā tuentur, peccatum aut virtutem esse, ubi est necessitas. Respondemus, Deum necessariò bonū esse, nihilo tamen minorem ex bonitate laudem consequi, quia non nisi bonus esse possit. Rursus, diabolus necessariò malū esse: nihilo tamen minus vitiosam esse eius malitiā. Neque id est nostrum commentum. Sic ante nos Augustinus, sic Bernardus, locuti sunt. Quid Pighius? Deum habere separatam à creaturis rationem. Nam quod his inest ex conditionis necessitate, non ad earū, sed Dei laudem pertinere, ea tantum mereri in illis laudem, quæ sibi, talentum à Deo creditum excolendo, acquisierunt. Huius vero aliam esse rationem: vt cuius infinita bonitas referri aliò non potest. Hoc cine est subuertere quod dicimus? Voluntarium cum necessario minimè conuenire, extorquere volunt aduersarij. Nos autem vtrunque simul cōgruere in Dei bonitate ostendimus. Absurdū esse dicunt, vt vitio, aut culpa dentur hominibus, quæ sic faciunt, vt aliter nequeant. Nos, adducta similitudine, absurditatē hanc diluimus. Non ratiocinamur, bonos ideo aut malos necessariò esse homines, quia necessariò bonus sit Deus, sed tantum exemplo indicamus, non adeo à ratione dissentaneum esse, vt laude aut vituperio dignum censeatur, quod tamen necessarium est.

Cate-

Lib. de
perfect.
Iusti. ref-
ponso. 15

Ceterum quod de conditionis necessitate philosophatur Pighius, id verò prorsus ab instituto est extraneum. Natura, quæ vocant, aut bona, aut mala, merè nec in vitio, nec in virtute ponuntur: quando eiusmodi sunt, ut illis tam malè quàm bene uti possint homines: Voluntas autem bona, & quæ inde oriuntur actiones, in diverso sunt ordine. Hoc itaque nihil ad rem. Addit præterea, Deum, nihil aliorum omnium à se, necessariò agere, aut velle. Quæ philosophia, non modò propter levem & frivolum curiositatem, sed etiam quia profanam iustitiæ Dei ab eius operibus divisionem inducit, repudianda est. Quòd autem iterum subiicit, nescire se, quid sibi velit illud, Deum velle necessariò iustum esse: in eo parum abest, quin Deum instar trunci aut stipitis, habere se produat. Voluntas, inquit, natura posterior est: Deus autem natura est bonus. Ergo ineptum est, Deum dicere velle iustum esse, qui talis est natura. Atqui aptius fecisset ac congruentius, si illud, quod nuper inter Deum & creaturas posuit, discrimen, in hunc usque locum servasset. Habent siquidem multa creaturæ à natura, quæ in voluntate sita non sunt: nec sub voluntatis arbitrium cadunt. At tale quidpiam in Deo imaginari, sacrilegum est commentum: qui sic est natura, id quod est, ut talis velit esse: sic etiam vult quicquid vult: ut illud habeat à natura. Nam cum circulari, ut sic dicam, quodam nexu inter se cohereant Dei bonitas, sapientia, virtus, iustitia, voluntas, hoc vinculum disrumpere, impia & diabolica est imaginationis. Cum ergo velit esse Deus, quicquid est, idque necessariò, non dubium, quin sicut necessariò bonus est, ita & talis velit esse: quod tam procul à coactione abest, ut maxime sit in eo voluntarius: liberum dicere, si pro spontaneo accipi inter nos conveniret.

Quod de diabolo adducimus, sic solvit hoc ipsum, quod necessariò malus sit, poenam esse peccati, quod nulla necessitatis vi coactus admisit. Quasi non hac similiter ratio in homines conveniat. Neque enim, sicut toties dictum est, in natura, sed in vitio necessitatem constituimus, cui dicimus subiacere hominum genus. Hoc modò interesse docemus, quòd in æternam servitutem addictus fuit diabolus, in qua nulla sit spes manus missionis: nobis relictum est hoc remedium, ut Spiritus sancti gratia inde exeamus. Fatetur tandem, non pugnare simpliciter cum voluntate necessitatem, sed cum voluntate hominum, qui adhuc in mundo peregrinantur. Hoc figmento eleganter quidè eludere sibi videtur nostram solutionem: sed quàm illi facile est dicere, tam nobis negare promptum est. At de viatoribus loquitur Augustinus, cum perpetuam necessitatem cum voluntate repugnantiam statuit. Imò de statu primi hominis loqui se testatur, antequàm in miseriam hanc, sub qua nos omnes eius posteri laboramus, incidisset. Nunc verò post eius lapsum, necessitatis iugum à quo aliàs soluti essemus atque immunes, nobis impositum, ipse, & Propper, & Bernardus, uno ore tradunt. Quanquam ut liberalis videatur, hac se mihi ultro largiri iacet, cum argumenta mea tale nihil evincant. Patior ut sibi domi suæ hunc plausum det, modò eius vanitas omnibus palam appareat. Quod ut fiat, necessitatem definiamus. An autem mihi non concedet Pighius, statam esse ac firmam stabilitatem, ubi res aliter esse nò potest, quàm sit? Apud Aristotelè certè id idem τὸ ἀναγκαῖον necessitati semper opponitur. Atque id dicat sensus communis, ut necessarium censeatur, quicquid sic esse oportet, nec aliter esse potest. Hoc modo immutabilitas sub necessitate continebitur: unde & continuò sequetur, Deum necessariò bonum esse. Quòd si necessaria est eius bonitas, cur non inde mihi colligere liceat,

Ethi. ad
Nicoma-
chum lib.
3. cap. 1.

necessariò tam bene velle, quàm bene facere? Cùm verò ita stabilis perseverat, ipse sibi quodammodo necessitas est, non aliunde cogitur: nec tamen seipsum etiam cogit, sed sponte ac volutarius ad id, quod necessitate agit, inclinatur. Diabolus contra necessariò, & malus est, & malè agit: nihilo tamen minus voluntate. Hinc li quidò confici mihi videtur, quod volui: non adeo dissidere à necessariò voluntariũ, quin societatem aliquando admittant. Iam ad hominem, ne perperam hæc ad eum exempla trahi quis putet, venio. Malum esse dicimus, quia sit ex mala propagine, tanquam malæ radicis ac vitiosæ malus ramus. itaque quantisper in natura sua manet, nihil quàm malè, & velle, & agere. Ut verò, prauitate deposita, ad bonum se conuertat, id esse in eius potestate negamus. Cùm ergo nihil ex se possit quàm malus esse, in eo necessitatem constituimus. Ac ne id simpliciter quidem: sed quatenus, & ex mala radice ortus est, & originis suæ ingenium retinet: hoc est, quandiu Spiritu Dei non agitur. Aristoteles cùm voluntarium distinguit à suo contrario: hoc esse definit, τὸ βίη ἢ δι' ἀγνοίας γινόμενον, hoc est, quod vi fit, aut per ignoratiõem. Violentum porrò definit, cuius aliunde est principium, ad quod nihil confert is, qui vel agit, vel patitur. Quid autem principij nomine significet, ostendit deinde capite quinto, cùm iniustos ac intemperantes ideo tales esse sponte docet, quia initio licuerit non esse: tamen si nunc alij esse nequeant. Atque ad eam rem explicandã similibus utitur. Neque enim, qui agrotat, sanus erit, cùm libuerit: & tamen sua forsitan sponte agrotat, si intemperanter viuendo, morbum sibi contraxerit. Tunc ergo licebat illi non agrotare: vbi autem huc progressus est, non ita. Sicut vbi quis lapidem proiecit, non amplius potest resumere: sed penes ipsum erat, aut retinere, aut iacere. Videmus hîc profanũ philosophum fateri, non in potestate hominis semper esse, ut bonus sit: imò non nisi malum esse posse: & tamẽ voluntate esse id quod est, & non violentia: quia principio libera penes ipsum electio fuerit: per quam se tradiderit in libidinum obsequium ac seruitutẽ. At vero hæc propria est Christianorum philosophia, primum parentem nostrum, non modò seipsum, sed omnes suos posterios simul corrupisse: atque inde nos habitum trahere, naturæ nostræ insidentem. Nunc agendum, hanc de vitiosa nostra origine doctrinam cum Aristotelis philosophia coniungas: & nullo negotio, intelliges, qualiter peccatum, quod non est in potestate nostra fugere, sit nihilominus voluntarium.

Secundum quod ex aduersarijs recito absurdum, est. Nisi ex libera arbitrij electione, tum virtutes, tum vitia procedant, non esse cõsentaneum, ut homini, vel infligatur pœna, vel præmium rependatur. Cui antequam respondeo, hæc verba interset. Hoc & si Aristotelicum est, fateor tamen à Chrysostomo & Hieronymo usurpatum. Pelagianus tamen, vel Hieronymo teste, familiare fuit. Hoc postremum ut euertat Pighius, quantum inter suam & Pelagij causam interfit, ostendere molitur, quasi verò ideo minus hoc argumento vsi fuerint Pelagiani, quia paulò aliter, quàm Pighius vel senserint, vel saltẽ locuti sint. In altero malignitatis me grauitè accusat, quòd ex pluribus duos tantum citauerim. Quasi verò aliquo iure fuerim obstrictus, ad eos omnes ordine recensendos, apud quos ea sententia extaret. Cur ergo mihi libros non subministrabat Pighius? qui tunc nulli ad manum erant: excepto vno Augustini volumine, quod mihi cõmodato datum erat. Ego autem me venia dignum esse puto, quòd ita libris destitutus, duos vnus sententiæ authores nominauerim, quos memoria tenebam: reliquos, qui in mentem tunc non vene-

venerunt omiserim. De pœnis cùm respondeo, iure nobis irrogari, à quibus culpa emanet, neque referre, liberòne iudicio, an serui, modò voluntaria cupiditate peccemus, id nò improbat: modò cum Augustino, aliisque omnibus, concedam, voluntarium id esse demum, quòd in potestate nostra sit. At ego cum Augustino excipio, hanc quam requirit, facultatem in sanitate sitam esse: quam sicut acceperat primus homo, ita malè vtendo perdidit. De præmijs quòd respondeo, nihil absurdi esse, si ex Dei benignitate potius, quàm proprijs hominum meritis, dependeant, non nugatorium tantum, sed blasphemum esse pronuntiat. Sed cum hoc alterius sit argumenti, obiter tantum refellit. Apostolus, inquit, Deum testatur remunerari eos, à quibus inquiritur. Quid tum? Vbi remuneratio, illic & obsequij, & meriti respectus est. De obsequio fateor: de merito, si operis dignitatem intelligat, nego. si obedientiã simpliciter Deo acceptam, non reclamo. Postquam autem aliquot testimonia collegit, in quibus mercedis fit mētio. clausula loco illud Pauli adducit, de corona iustitiæ, quam redditurus est iustus index servis suis. Sed quid, si Augustini verbis excipiam? Cui debitam coronam reddere posset iustus index, nisi indebitam antè gratiam donaret misericors Pater? Fatemur vtrinque laborandū ac certandum. Neque nos inficiamur, eiusmodi esse certamen, quod & summam habeat difficultatem, & maximos conatus, totumque hominis studiū requirat. Tantum quaritur, propriæ virtute, militemus Deo, an ille ingenium, animum, manus, vires, arma è cælo subministret. Pighius Dei gratiæ particulam erogat, nobis arrogat maiorem partem. Dico in nobis impleri, quod Deus olim Israelitico populo pollicebatur: nobis scilicet quiescentibus, eum pro nobis pugnare: non quia nihil agamus ipsi, aut quia ipsius impetu, nullo voluntatis nostræ motu, ad opus feramur, sed quia agimus acii ab ipso: volumus, eo cor nostrum dirigente: conamur ipso excitante: conando efficimus, ipso vires dante, vt nos animata simus & viuæ instrumenta, ipse autem dux ac perfectior operis. Illam Augustini sententiam, Deum coronare in nobis sua dona, truncam & mutilam à me citari, contra ipsissimum scriptoris sensum, causatur: sed in probatione friget. Primùm, cùm illic meminerm; subinde apud Augustinum recurrere (sicuti verum est) qua si semel dictum tractat. Quoties hoc, cùm in Psalms, tum in Ioannis Euāgelium, vt omittam contentiosa opera: inculcat? Quo sensu, si cui dubiū est, ipse omnem scrupulum in Epistola ad Sixtum eximit. Sicut ab initio fidei inquit, misericordiam consecuti sumus, non quia eramus fideles, sed vt effemus: sic in fine coronabit nos, sicut scriptum est, in misericordia & miserationibus. Vnde & ipsa vita æterna, quæ in fine habebitur, & vtiq; præcedentibus meritis reddetur: tamen quia eadem merita, quibus reddetur, non à nobis parata sunt, per nostrā sufficientiam, sed in nobis facta per gratiam, etiam ipsa gratia nuncupatur: non aliam ob causam nisi quia gratis datur: nec ideo tamen nò datur meritis, sed ideo quia data sunt ipsa merita, quibus datur. Hæc si sanum habeant interpretem: quid dubij relinquunt? Est tamen: valeat vnus ille locus. Quid illic habetur? Pelagiani, eam solam gratiam sine vllis meritis dari interpretabantur, qua Deus remittit peccata: illā verò, quæ in fine dabitur, meritis præcedentibus reddi. Hoc illis concedere paratus est Augustinus, si Dei dona esse agnoscant: non autē hominum propria. quæ enim talia sunt, id est ab hominibus, mala esse. Bona autem, esse Dei dona. Iam plenum locum habet Pighius. Quid proinde? Vides, inquit, non tolli, sed statui sanctorum merita. Nempe, sicut alibi

Augustinus ipse liberum arbitrium docet per gratiam stabiliri: quia per eam liberetur, cum natura sit captivum: ideoque ad omne bonum inutile. Verum nihil doloris ex hoc vulnere sentio. Subjicio postea, timendum minime esse, ut veniamus, quod clara voce Spiritus sanctus nos vocat. Hanc enim seriem, & hos gradus misericordiae Dei nobis describi, ut glorificet, quos iustificavit: iustificet, quos vocavit: vocet, quos elegit. Hinc nos doceri, non alia de causa coronari fideles, nisi quia Dei misericordia, non sua industria, & electi sunt, & vocati, & iustificati. Ab hac sententia eò usque abhorret Pighius, ut Deum fore iustum neget: si vera sit. Verum cum ista insectatio mera sit & aperta Spiritus sancti criminatio, quid in ea re fellenda multum ponerem operæ? Præterea hoc ad electionis quaestionem spectat, quæ suum proprium locum habebit. Quanquam ne prætermittam, quod observatu dignum est, duo adversariorum obiecta, quæ seorsum ac separatim posueram, commiscet Pighius. Nam illo demum soluto, quod de operum meritis ac remuneratione afferunt, hoc tertio loco recensueram. Si non subiaceant electioni nostra bona similiter ut mala, unde fit, ut alij à fide deficient & bonis operibus, alij perseverent? Huic quaestioni ut satisfacerem, causam diversitatis ad gratuitam Dei electionem delegaveram: sicut reuera vocationis nostræ fundamentum est, non modo ut eam incipiat, sed etiam ut stabiliat usque in finem, ac compleat. Illic nihil meum est. Nam id Augustinus ubique inculcat: qui tamen simul euincit, non se comminisci ex proprio sensu, sed ex Dei ipsius ore sumere. Pighius autem reum extremæ saevitiæ & crudelitatis Deum facit, si ita res habeat. Sequitur in mea Institutione: Cum Paulus quemlibet nostrum interrogat, quis eum discernat: & gloriari vetat, quod omnia acceperimus, nonne ob id ipsum libero arbitrio adimit omnia, ne quem meritis locum relinquat? Hic Pighius cauillatur, nihil illum libero arbitrio derogare, dum admonet, totum, & quod sumus, & quod habemus, & quod possumus, referri Deo acceptum debere: etiam liberum arbitrium. Tunc, quasi victoria potitus, insultat. Quid hæc doctrina, inquit, aut meritis, aut libero adversatur arbitrio? Me enim vehementer errare, si eos ad id delirare existimem, ut liberum arbitrium homini credant à seipso inesse, & non à Deo datum. Merito ita in suis victorijs exultat Pighius, quas adeo de facili comparat, sine sanguine & sudore. Vbi latebram inuenire aliquam potest, in eam mox se abdit: & cum hostem amplius non videt, fugatum ac profligatum putat. Sed paululum iam caput exerat: & me, vel Apostolum potius, sibi propius imminere & instare sentiet. Hoc bello colore suam olim impietatem operiebat Pelagius: sicuti plus quindecim locis testatur Augustinus. Nam cum in Concilio Palestino anathemate damnaasset eos, qui gratiam Dei superioribus meritis rependi docerent, & postea male fidei argueretur, ita se purgabat, quod nihil mereri homines potuerint, cum nondum essent. Liberum ergo arbitrium & partem gratiæ esse, & nullis meritis redditum, sed gratis datum: Sed illam fallaciam excutit Augustinus. Nam omnino, inquit, non istam gratiam commendat Apostolus, qua creati sumus, ut essemus homines, sed qua iustificati sumus, ut homines iusti essemus. Et quid hic longiore demonstratione uteremur? Naturam enim conferimus cum gratia, cum hanc curandæ ac tollendæ illius corruptioni unicum remedium esse dicimus. Ergo discerni in tota hac tractatione tanquam res inter se oppositas, oportuit. Si malè nos separare res cōiunctas dixerit Pighius, tuemur nos Apostoli autoritate. Quid ergo nunc, ut totum causæ statum turbet, profecturum se sperat

sperat, cum à regenerationis beneficio, quòd singulare est, ad communem creationis gratiam nos auocat? Sed hoc est scilicet, quòd alicubi scribit Augustinus semper artificium hoc queritare gratia inimicos, ut lateant sub laude natura.

Quartum obiectum, quod in mea Institutione ex aduersarijrum persona moueo, est: Frustrà exhortationes suscipi, superuacuum esse admonitionum usum, ridiculas esse obiurgationes, nisi penes nos sit, parère. Huic argumento ut nervos addat Pighius eo communiter multos veterum fuisse usos commemorat: ex quibus pseudopetrum, cum Iaruo Clemente, in prima acie locat. De Tertulliano & Irenæo iam dictum est, nihil eos aliud ratiocinari, nisi frustrà daturum homini legem fuisse Deum, cui non liberam boni & mali electionem contulisset. Sed aliud est querere, quas initio facultates homo acceperit: aliud, quid nunc suis facultatibus destituito, & ad extremam inopiam redacto supersit. Hæc tam diuersa, in qua nunc est, conditio, cum priore illa confundi minime debet. Eadem responsio Origenis quoque verbis satisfacere fortè posset. Sed non adeò moror: cum eum nonnihil à nobis dissentire iam ante confessus fuerim. Quòd Ciceronem etiam aduocatum acersit, causam inde suam non multum adiuuat. Nos enim, sicut verum est, totam hanc, de hæreditaria naturæ prauitate & gratuita reparatione, doctrinam à ratione carnis penitus reconditam esse concedimus. Itaque nihil mirum, si totam rethorum & philosophorum nationem latuerit. Quia autem hanc quæstionem Augustini potius verbis, quàm meis soluere in animo erat, eamque solutionem ex libro de correptione & gratia mutuari, obiter, qua occasione scriptus fuerit ille liber refero: nempe quòd similia ipsi Augustino obijcerentur. Hic solita truculentia in me inuehitur Pighius: meque, & mendacij, & impudentiæ accusat, quòd Augustinum adiungere nobis audeam. Cedo tamen, qualiter conuincit? Principio, quòd nihil ad rem præsentem facit, quo consilio librum alterum scripsit, refert. Ita enim demum triumphat, quoties lectorum oculos iniecto τὰς τῶν velut nubecula aliqua interposita, potest aliquantulum à re præsentì subducere. In eo libro, inquit, Augustinus liberum arbitrium cum gratia bene conuenire docet. Quibus hoc verbis & quo sensu doceat, superius fideliter exposui. Sed nunc aliud agitur, quid Augustinum impulerit, ut de correptione & gratia scriberet. Cur ergo hic ab equo, quod aiunt, ad asinũ transilit? Hoc tamen utcumque patior: modò aliquid intere à auditu dignum obiter afferat. Sed nihil tale ab eo fit. Ex duabus ad Valentinum Epistolis multa congerit, vnde probat, tam eos reprehendi ab Augustino, qui liberum arbitrium prorsus negant, quàm alios, qui illud astringunt sine gratia: constitui autem inter hæc duo extrema mediocritatem, liberum quidem esse arbitrium, sed adiuuari per Dei gratiam, ut recta homines, & sapiant, & faciant: ut cum venerit Dominus, reperiatur opera nostra bona, quæ præparauit, ut in illis ambulemus. Fateor sanè, in hoc laborare illic sanctum virum, ut neque liberum negetur arbitrium, neque sic prædicetur, ut à Dei gratia separetur: tanquam sine illa, vel cogitare aliquid, vel agere, secundum Deum, vlla ratione possimus: quòd omnino non possumus: Hæc enim sunt eius verba. Item, credite, inquit, diuinis eloquijs, & quòd liberum sit arbitrium, & gratia Dei, sine cuius adiutorio, nec conuerti possit ad Deũ, nec proficere in Deo. Item secundæ Epistolæ Fides catholica, neque liberum negat arbitrium, siue in bonam vitam, siue in malam: neque tantum ei tribuit, ut sine gratia Dei valeat aliquid: siue ut ex malo conuertatur in bonum, siue ut in bono perseueranter proficiat, siue ut ad bonum sempiternum perueniat: vbi iam non timeat, ne deficiat. His scilicet verbis elatus Pighius, furioso impetu in me insurgit: meamque, tum sycophantiam, tum malignitatem detectam, plenis buccis detonat. Nempe quia, sicut alibi, sub liberi arbitrij nomine voluntatem in homine statuit: quæ

tam boni quàm mali capax, bonorum simul ac malorum operum fons sit ac radix: malam porro esse naturæ corruptione, bonam fieri gratiæ correctione. Quod si quid de eius sententia adhuc dubitas, fac quod ipse illic iubet: hoc est, ex alia eius ad Sixtum Epistolâ clariorem interpretationem sume: & minimè tibi obscurum erit, quid, aut quantum libero concedat arbitrio.

Postquam autem diu extra oleas vagatus est, ad rem demum reuertitur. Iubet me proferre, si possim, ubi, quando, aut à quibus, Augustino fuerit aliquando obiectum, frustra tradidit præcepta, frustra exhortationes suscipi, si nihil ad bene agendum valeat hominis facultas. Quasi verò non hoc clamet totus liber. Sed ne longiorem probationem texere mihi necesse sit, testes sint illa ipsæ obiectiones, quas refert: quarum prima est: Vt quid nobis prædicatur atque præcipitur, ut declinemus à malo, & faciamus bonum, si hoc non agimus, sed id velle & agere Deus operatur in nobis? Altera: Age tamen, præcipiant qui nobis præsumunt, quid facere debeamus: & ut faciamus, orent pro nobis, non autem corripiant & arguant, si non fecerimus. Nam si præparatur voluntas à Domino, cur me corripis, cum vides me eius præcepta facere nolle? & non potius Deum rogas, ut in me operetur & velle? Tertia: cum non omnibus detur, quid corripimur, arguimur, reprehendimur, accusamur? Quid facimus, qui non accepimus? Hæc, inquam, & similes calumniæ, quas illic tractat, quid aliud sunt, quàm ad ridendam ac traducendam gratiæ prædicationem, profana impiorum ludibria? Sed hæc, auctore Pighio, ut in Augustinum perperâ dicta sunt, ita in nos rectè dicerentur. Fac ita esse. An idèò mentitus sum cum dicerem, illum fuisse talibus calumnijs vexatum? Fuerit immeritò. Quid hoc ad me? De facto tantum loquor. Pighius de iniure mihi facit molestiam: & postea alios clamores mouet, quasi me in mendatio deprehenderit. Sic sunt omnes meritorie linguæ: modò meretricia improbitate ac proteruita exultent victoriam tribus triumphis digne comparasse se putant. Neque vnquam pudoris aut ingenuitatis micam in eo reperias, qui ex loquacitate quæstum facit. Sed videamus iam, quo discrimine nos ab Augustino separet. In vos, inquit, qui vnius diuini beneplaciti esse asseritis, ut pari morbe laborantibus nobis omnibus, ijs quidem medicam manum admoneat, alios prætermittat, sinatque in sua putredine contabescere, hoc rectè diceretur: stultum esse docere, hortari, reprehendere. In Augustinum non item, qui prorsus diuersum sentit. Quid autem Augustinus contra? Postquam prauitatem omnibus ingentem esse à natura docuit, corripitur, inquit, origo damnabilis: ut ex dolore correctionis voluntas regenerationis oritur: si tamen qui corripitur, filius est promissionis: ut strepitu correctionis forinsecus insonante, atque flagellante. Deus in illo intrinsecus, occulta inspiratione, operetur & velle. Audis, hominem nihil verbis aut monitionibus posse moueri, nisi intus per Spiritum voluntatè formet Deus. Audis non indifferenter omnibus, sed tantum filiis promissionis hoc dari. Rursum: A massa perditionis, quæ facta est per primū Adā, debemus intelligere, neminè posse discerni, nisi quod hoc donū habet quisquis habet, quod Dei gratia accepit. Quos elegit porro, eos & vocauit: Ex istis nullus perit: quia omnes electi sunt. Electi autem sunt, quia secundum propositum vocati: propositum autem, non suum, sed Dei. Item paulò post. Sciuit Deus, qui sui sint. Horum fides per charitatem efficax, aut nunquam deficit: aut si qui sunt, quorum deficit, reparatur, antequam vita ista finiatur: & deleta, quæ intercurrerat, iniquitate, usque ad finem perseuerantia deputatur. Qui verò perseueraturi non sunt, ac sic à fide lapsuri, non sunt à massa illa perditionis, præscientia Dei & prædestinatione, discreti: & idèò nec secundum propositum vocati: ac per hoc, nec electi. Quantum verò ad nos pertinet, inquit, qui prædestinatos à non prædestinatis discernere non valemus, & ob hoc

Caput. 6.
eiusdem
lib.

Caput 7.

Cap. 16.

hoc, omnes saluos fieri velle debemus, omnibus ne pereant, vel ne alios perdant, adhibenda est à nobis medicinaliter seuera correptio: Dei autem est, illis eam facere vtilem, quos ipse præsciuit & prædestinauit. Nónne iam in Pighio cernunt omnes, quòd nuper dixi? Prostituta lingue homines suisque deque habere, quale illud sit quod dicunt: modò non prorsus taceant. Illa, inquit, obiectiones meritò in eos conferuntur: qui dicunt solo Dei beneplacito discerni homines, & alios quidem donari gratia: alios præteriri ac destitui, prout Deo visum fuerit: ad Augustinum verò nihil pertinent. Atquì nihil agere aliud toto libro Augustinum palàm est. Meritò, inquit, sic loquitur Augustinus: O homo, in præceptione cognosce, quid agere debeas: in correptione cognosce, tuo te vitio non habere: in oratione cognosce, unde accipias. Sed quo pacto hoc dicat Calvinus, qui negat in hominis esse potestate, ante perceptam gratiam, eam quærere aut appetere? Imò cur plus Augustino quàm mihi concedit, qui nihilominus quàm ego, illud ipsum subinde in ore habet? Quid enim vox illa significat? Conuertine posses, nisi vocareris? Nónne ille qui te vocauit aduersum, ipse præstitit vt conuertereris? Noli ergo tibi arrogare conuersionem tuam: quia nisi ille te vocaret fugientem, non posses conuerti. Quid item altera? Vocat nos sine nobis? Quid tertia? Non tantum vt ex nolentibus faciat volentes, sed ex repugnantibus etiam obsequentes: Et alia similes innumera? Sed hoc Pighio licet, qui in prostibulo Romani Antichristi operam suam locauit.

In psal.
84. De.
grat. & li.
arbitrio.

Cæterum, dum huic obiectioni respondendum est, nego nos esse solos in ista causa, sed Christum & omnes Apostolos esse nobis coniunctos. Atque id confirmo: quòd cum vbique doceant, nullas esse ad bonum hominis facultates, nihilque penitus valere, non ideo tamen & præcipere, & hortari, & reprehendere desinant. Hic me conuiuijs lacerat Pighius, quòd Christum in causa societatem accersam, qui se pulsare testatur, vt sibi cordis ostium aperiatur: qui vrbis Ierusalem, in sua peruiticia obstinata exprobrat, noluisse eam congregari filios suos, cum facere id ipse vellet. Hæc nugatus, quasi Christum nobis valde aduersarium fecerit, insultat. Atquì hoc est quod tantopere contendimus, minimè præcludi exhortationibus & correptionibus viam, vnicunque non possit parère homo, nisi Dei spiritu eius voluntas in obedientiam formetur. Simile in Paulo specimen edit: cum gratiam sic ab eo commendari cõmemorat, vt neque libero arbitrio adimat locum. Vnde probat? Neque enim velle aut currere nos negat: si de bona voluntate intelligit, vbinam erit illud? Deum, & velle, & perficere, in nobis operari. Si vtrunque proprium gratiæ eius opus est, continuò non esse ex naturæ virtute sequitur. Sed video quid sit. Vulgari illa hallucinatione captus est Pighius: nõ est volentis, neque currentis: velle igitur accurrere nostrum est. Cum ex aduerso ideo ratiocinetur Paulus, volendo aut currendo non consequi nos Dei gratiam: quia nulla sit in nobis bona voluntas, nullus bonus cursus: quæ possint id promereri. Atque id est, quod ait Augustinus: Quomodo nõ volētis neque currētis, nisi quia ipsa voluntas à Domino præparatur? Alioquin si propterea dictum est, accipiamus nõ volētis neque currētis, sed miserentis est Dei, quia ex utroque fit: id est, ex voluntate hominis, & misericordia Dei: vt sic dictum accipiamus, non volentis neque currētis, sed miserentis est Dei, tanquã diceretur non sufficit sola voluntas hominis, si non sit etiam misericordia Dei: Non ergo sufficit & sola misericordia Dei, si non sit & hominis voluntas. Ac per hoc, si rectè dictum est, non volentis hominis, sed miserentis est Dei, quia id voluntas hominis sola non implet, cur non & à contrario rectè dicitur, non miserentis est Dei, sed volentis hominis, quia id misericordia Dei sola non implet? Porro si nullus dicere Christianus audebit, non miserentis est Dei, sed volentis est hominis, ne Apostolo apertissimè contradicat restat, vt propterea

rectè dictum intelligatur: non volentis neque currentis, sed misereantis Dei, ut totum detur Deo, qui hominis voluntatem bonam, & preparat adiuuandam, & adiuuat preparatam. Præcedit enim bona voluntas multa Dei bona: sed non omnia. Quæ autem non præcedit, in ijs est & ipsa. Sed negat Pighius, constare nobis doctrinæ nostræ rationem, dum sic prædicamus gratiam, ut nullas ad bene viuendum partes libero arbitrio relinquamus. Siquidem impotentes ad obsequium hortari, perinde est, ac si quis seruum suum, quem clausum carcere maniciisque constrictum teneret, huc illuc iuberet cursitare. Conueniret fortè nonnihil hæc similitudo, nisi altera parte claudicaret: altera concideret. Nam si Dei tyrannide, non autem propria cordis prauitate, captiuos nos teneri confiteremur, tum aliquid coloris haberet. Nunc autem cum & causa mali & culpa in nobis hæreat: cum non alijs, quam propriæ peruersitatis, vinculis induti ac constricti ad currendum simus inutiles, multum est in comparatione discriminis. Ad hoc, cum præcipuus admonitionum & reprehensionum vsus electos respiciat, non reputare, in hunc finem illis à Domino præcipi quid agendum sit, & dum non obsequuntur, suam illis, tum miseriam, tum prauitatem indicari, & quodam modo exprobari, ut adeos liberandos Spiritui sancto via sternatur, nimis est cæcitat: aut certè, si reputes, ac dissimules, nimis perditæ impietatis.

Quanquam locum hunc sic tractatum à me fuisse confido, ut parum apud eos, qui mentis aliquid habent, allatrando proficiat Pighius. Quòd si quis amplius satisfieri sibi desideret, in promptu est liber ille Augustini: qui in hanc rem totus est compositus. Neque tam est inuoluta quæstio, quin paucis verbis absolui queat. Si non est, inquit, obediendi in homine facultas: docendo & monendo Deus ludit operam. Luderet, fateor, si sola externa doctrina vteretur: quantum ad verum profectum dico. Nunc verò, cum Spiritu suo reddat efficacem doctrinam, plurimum abest, ut sine fructu loquatur. Nihil esse pronuntiat Paulus omnes eos, qui plantant vel rigant. Quis sic? nisi quia nihilo plus consequuntur Christi ministri, docendo & concionando, quam si aërem flatu ferirent? Vnde autem fit ut adeo sit inutilis eorum labor? nisi quòd lapidibus loquuntur, donec, mirifica & arcana, sua operatione, instilat Deus in hominum mentes, & cordibus inspirat, quod eorum operam non nisi ad aures peruenire poterat? Ita concludit Deum, qui dat incrementum, solum esse omnia: non quòd, omnia Spiritus sui virtute agendo, seruorum suorum ministerium excludat, sed ut solidam sibi actionis laudem vendicet: sicut tota ab eo vno efficacia emergit, & vanum est ac sterile, quicquid sine ipso laborant homines. In hac doctrina tantam absurditatum congeriem Pighius contineri dicit, ut omnia excutere immensi sit operis. Itaque ingeniosam occupationem habere se putat, ut transilire ulterius liceat inoffenso pede, dum infinitos locos esse dicit, in quibus ipse pugno mecum. Quanquam ne absque argumento videatur hæc dicere, vnum mox profert: Bisariam in electis suis Deum operari dico, extrà per verbum, intus per spiritum. Spiritu mentes illuminando, corda in iustitiæ amorem cultumque formando, nouam eos creaturam facere, verbo, ad eandem renouationem expetendum, quærendam, assequendam excitare. Hic me euidenter mihi contradicere, isto modo ostendit. Aut enim Spiritus actione, inquit, prior est verbi prædicatio: aut posterior. At qui secundum hoc à ratione dissentaneum est: quia frustra quærerent & appeterent regenerationem fideles, quam iam consecuti essent. Priorem verò esse, cum doctrina mea non conuenit: quæ hominem sub naturæ vetustate, ne appetere quidem posse bonum tradit. Subtilem certè artificem, qui tam bene nouit telas aranearum texere. Ego verò respondeo, fidelibus iam regeneratis prædicari verbum, idque efficaciter, & cum fructu: non ut nascantur nouæ creaturæ, sed ut augeantur & adolescant, sicut crescere & proficere

proficere tota vita nos oportet. Si ad summam perfectionem primò gradu perueniretur, frustra quidem docerentur, qui semel audierunt. Sed nos aliud experimur. Iam ergo abrupta est pars una texture. At, nisi mentimur, ante regenerationem verbo excitari nemo poterit ad expetendum Dei Spiritum. Meritò alicubi Augustinus, scholam hanc procul à sensu carnis remotam esse admonet. Quanquam utique persuaderi nequeant homines, stultis suis cogitationibus inebriati, conuinci tamen possunt, ut ne amplius Deo obloquantur. Principiò, Paulum meo loco, substituam, qui ad repellendos Pighij insultus fortior erit, & instructior. Is enim fidem docet esse ex auditu: & cōtinuò tamen subiicit, non nisi ex arcana brachij Dei reuelatione haberi. Audis, hominem ex incredulo, verbi prædicatione, fidelem fieri? audis rursus, incredulum manere, donec Dei Spiritu fuerit illuminatus. Hæc duo si quid videntur habere repugantiæ, vno verbo inter se conciliat Paulus: dū sibi commissum esse Spiritus ministeriū gloriatur: & quid sibi hoc velit, declarat: Nempe quòd efficaciter inculpat Deus hominum cordibus per Spiritum, quod per os eius, non antè, nec post, sed simul auribus loquitur. Prædicatione ergo iacitur semen: ut autem radices agat, ut germinet, ut fructificet, Dei Spiritus intus facit. Nunc, ut ad mea verba etiam veniam: verbo excitantur homines ad expetendam regenerationem. quando? dum Spiritus Dei scilicet organon illud suum reddit efficax, ut tale desiderium accendat. Quanquam momenta aut articulos agendi Deo præscribere, nostrum non est. Tantum retineamus, illam, quam describit Paulus, arcana Spiritus operationis cum externa hominis prædicatione calligationem, & erimus omni difficultate expediti.

Quoniam autem nonnulla Scripturæ testimonia, quæ parum in speciem videntur cum doctrina nostra congruere, in nos torquent aduersarij, in mea Institutione ostendo, qualiter falsò & perperam in alienum sensum sic torqueantur: atque ut in compendium redigam, in certos ordines distribuo: quorum primus est de præceptis. Aut illudit, inquit, nobis Deus præcipiendo, aut non, nisi quæ sunt in potestate nostra, à nobis requirit. Hic respondeo, nihil intelligere eos, qui hominis vires præceptis metiuntur. Pighius ad illud ritum suum axioma redit, non esse impossibilem legis obseruationem: quòd eo maiore animo pronuntiat, quia nunquam de legis obseruatione seriò cogitauit. Tales enim hodie serè sunt magnanimi isti gigantes, qui de legis facilitate, de operum meritis, de perfectione philosophantur: alto enim Spiritu desumpunt, legem obseruatu possibilem esse, cuius nullam omnino partem, vel minimo digito, vnquam attigerunt. At si semel vel leui apprehensione conciperent, quid sit illud: Dilige Dominum Deum tuum ex toto corde, ex tota mente, ex totis viribus tuis, agnoscerent profecto, quàm procul ab eius complemento distare hominem necesse sit, quandiu corpore hoc mortali circumdatur. Sed nos in alia etiamnum quæstione versamur. Non enim implendæ modò, sed etiam inchoandæ legi imparem dicimus esse hominem: nec perfectam modò & exactam iustitiæ plenitudinem, sed infimam quoque & faciliam partem illius facultatibus superiorem esse dicimus, quas adeò in sublimè Pighius euehit. An autem verum illud sit necne, nolo ut quispiam ex me discat: sed consulat vnusquisque fidelium viam fidei experientiam, tum certius rei, quàm verbis assentietur. Iam quæ, ad huius sententiæ confirmationem, clarissima Pauli testimonia allego, ritè se diluisse putat: cum huc non pertinere pronuntiauit. An quia per legem, inquit, cognitio peccati, idèò impossibilis est legis obseruatio? Ego verò non id modò, sed seruum quoque obseruandi studium impossibile esse, inde colligo: sicut loci contextus necessariò postulat. Nam, illa quæstione in medium posita, possint obineri iustitia per legem, ut hoc impossibile esse conuincat, hac tantum ratione vititur: per legem cognitio peccati.

Lib. ad
Bonifa. 3.

De natu.
& gratia
Cap. 1.

Est autem argumentum à contrarijs: quòd nullo modo staret, si alius omnino esset legis effectus. Perinde igitur est ac si diceret, legem aliud nihil ex se afferre hominibus, nisi ut sum illis peccatum patefaciat. Finge nunc hominem aliquid valere proprijs viribus nonne protinus totum illud corruet? Apertius etiànum altero loco: ubi legem docet superuenisse, ut abundaret peccatum, quòd verum non esset, si vllæ ad obediendum vires in homine subessent. Proinde qui legis usum nouerit, minimè ex illius præceptis hominũ virtutem æstimãdam cognoscet. Bene itaque alicubi Augustinus: Dicimus lege fieri, ut Deus quid fieri velit, audiat: gratia verò fieri, ut legi obediat. Lex ergo auditores iustitiæ facit: gratia factores. Alibi etiam expressius: Iustitiã Dei, non in præcepto legis, quo timor incutitur: sed in adiutorio gratiæ Christi, ad quam solam vtiliter legis timor, velut pædagogus, ducit, constitutam esse qui intelligit, ipse intelligit, quare sit Christianus.

Cum dico, legem, quid agendum sit, præscribere, ut obediendi virtutem à Domino flagitemus, rectè, inquit: quandoquidem, & quod sumus, & quod viuimus, à Domino esse fatemur. Atqui alio modo sumus & mouemur, ut homines: alio, ut filij Dei. Communis omnium est illa gratia: hæc electus peculiariter confertur: illa naturæ quodammodo insita est: hæc præter naturam homini datur, ut quod erat, esse desinat: & esse incipiat quod nondum erat. Deinde in meis verbis repugnantia speciem quarit. Quis gratiam, inquit, præcabitur sibi, quam nemo desiderat, antequam habeat? Equidem Spiritum precationis à Deo fateor dari: & si taceam, Paulus satis demonstrat, cum fidem orationis matrem esse testatur. Verum hoc minimè interea obstat, quominus externum quoque doctrinæ organum instar stimuli adhibeat Deus, ut, quo solet modo, in homine opus suũ peragat. Hoc si caperet Pighius, litigandi aliquando finem faceret. Ad hæc, collectionem hanc meam reprehendit: frustra implendæ legis facultatem queri in hominis natura, cum peculiare sit Dei donum. Non enim, inquit, ideò videre non est nostræ facultatis, quia solus claritate ad videndum indigemus. Solenne illud suum obseruat Pighius: decipitur ineptis similitudinibus, quæ tantum habent diuersitatis à re præsent: quantum cælum à terra distat. Non enim solis vice nobis est gratia, in quam oculos dirigamus, si libeat, sed oculos etiam mentis nobis dat & aperit, ut lucem veritatis in verbo suo refulgentem intueamur. Vnde illa est Pauli præcatio, ut Deus illuminatos mentis oculos Ephesus dare velit, quibus percipiant, quæ sit spes vocationis suæ: & cum omnibus sanctis comprehendant, quæ sit longitudo, latitudo, & profunditas. Nec mirum. cum alibi spiritualis sapientiæ altitudinem in cor hominis ascendere neget.

1. Cap.

1. Cor. 2.

In secunda classe promissiones constituo, quæ conditionem habent annexam, si fecerimus, quod postulat Deus à nobis. Nam illi sic aduersum nos pugnant: Quorsum pendere à nobis eorum complementũ diceretur, quæ Deus promittit, si penes nos non sit, facere ut impleantur? Sic autem illic respondeo: cum fidelibus iuxta ac impijs offerantur promissiones, suum apud utrosque usum habere. Impios enim ita conuinci, ut sua indignitate priuari se Dei beneficijs agnoscant, quæ suis cultoribus præstare solet: ut p̃j rursus ad timorem & obedientiam Dei, ad veram cordis puritatem & innocentiam, proposita illic benedictione, reddantur alacriores: sed Spiritu rectitudinis freti, non viribus suis. Proinde talibus promissis ablegari doceo ad quærendam Dei gratiam, quæ sola peruenire illuc possunt, quò vocantur: Pighius in libero arbitrio retineri putat. Quam opinionem ut confirmet diuersum finem à Moise fuisse designatum, obtendit. Sic enim, promulgata lege, loquitur: Considera, quòd hodie proposuerim in conspectu tuo vitam & mortem &c. Quasi non clamet ex opposito Apostolus, legem, quæ in vitam per se cedere debuerat, naturæ nostræ

Rom. 7.

nostra vitio fuisse nobis in exitium conuersam. Lex quidem iusti officij exactrix est: sed nos soluendo minime sumus. Lex inestimabile illud vitæ æternæ præmium suis cultoribus repositum esse ostendit: Sed nemo est, qui vel seriò saltem conatu adspirare illuc, propria virtute queat. Roma. 10.
Galat. 3. Quare Paulus, dum illud adducit, qui fecerit hæc, viuet in illis, continuo, quasi re desperata, confugere ad alterum asylum nos docet: vt gratuitò & sine operibus consequamur, quod Deus loco mercedis, illic operibus promittit. Sed instat Pighius, quia mox subiiciat Moyses: vt facias, & opere compleas. Nempe vt hoc audito officij nostri necessitatem sciamus: & factò virium nostrarum periculo, infirmitatis, vel impotentia potius nostræ conuicti: dicere Deo cogamur: Da quod iubes: & iube quod velis.

Tertia classis ijs sententijs constat, vbi Dominus populo Israëlino exprobrat, per eum tantum stetisse, quominus omni bonorum genere frueretur. Tales enim exprobrationes in eos congruere non videntur: quibus ad manum sit hæc responsio: Nobis prosperitas cordi erat, aduersa timebamus. Quod autem illius adipiscendæ, horum fugiendorum causa, Domino non paruimus, eò factum est, quia peccati dominationi obnoxij liberum non fuit. Frustrà igitur mala nobis exprobrantur, quæ effugere, non fuit nostræ potestatis. Respondeo, quòd verum est ac simplex: inuestigandum esse mali fontem, vt inde iudicetur, vbinam resideat culpa, aut in quem conferri debeat. Iam nemo aliud causari potest cur peccet, nisi malam voluntatem. Voluntatis porrò malitia non aliunde est, quàm ex hereditaria corruptione. Quid igitur prodest, eius inuidiam aliò deriuare, quod iure nobis imputatur? Culpa radicem in nobis inuenimus. Quid ergo, ad captandam excusationem conamur aliò transferre? Hanc responsionem satis valida confutatione repellere se putat Pighius, dum suo fastidio respuit: nisi quod in Moysi testimonio, illic etiam excusso, aliquanto diligentius insistit. Moyses enim, promulgata lege, populum in hunc modum contestatur. Mandatum hoc, quod ego hodie tibi præcipio, non est occultum, neque procul positum, sed iuxta te est, in ore tuo, & in corde tuo. Hæc contestatio cum videatur in homine multum collocare, videri etiam posset superiori solutioni esse contraria. Eam igitur adduco, & explico: neque tamen interim dissimulo, eludere promptum mihi fore, si cauillari haberem in animo: vtique si de notitia tantum, non autem obseruandi facilitate, agi dixerò. Sed ostendo ex Paulo, quis sine dubio genuinus sit ac purus sensus: Nempe si ad Euangelium, non ad legem referas. In refellenda priori solutione, quam ipse cauillatoriam esse fateor, multum laborat Pighius: ad hanc alteram cum ventum est, nihil posse absurdius fingi existimat, aut magis à Moysi verbis dissentaneum, quàm si verum sit, de Euangelio oportere hoc intelligi. Iam nihil miror, quòd tam sauum ac truculentum aduersum nos se præbeat, cum in Spiritum sanctum nihilo sit clementior. Certè Spiritus Christi, qui per Moysen locutus fuerat, per os Pauli, quid voluerit, enarrat. Neque verò perplexa est aut obscura interpretatio. Fit enim Euangelij & legis comparatio: quòd lex vitam non promittat, nisi ijs, qui mandata impleuerint: Euangelium autem gratuitam iustitiam offerat, qua homines Deo reconcilientur, ac æternæ salutis hæredes fiant. In hanc rem citatur locus ille: Non procul est verbum, neque supra te situm: & additur: Hoc est verbum fidei, quod prædicamus. Si perspicuitas quæritur, quid desideres magis ad intelligendum facile? Si autoritas: cæleste est oraculum. Audiendæne igitur iam sunt contra Pighij blasphemia? Sed quoniam bellum cælo denuntiare non horret hic gigas, spectemus paulisper, qualem impressionem faciat. Totus, inquit, contextus necessariò postulat, de lege intelligi. Fateor certè de lege primum, quatenus ad Euangelium transitus est, idque officij habet, vt ad Christum manu ducat. Verum quoniam de solis præceptis

Roma. 10.

frustrà hæc dicerentur: vel saltem parum homini conducere, non nisi in exitium scilicet illi, propter naturæ vitium, cessura: idèd nō per *κατάχρησις*, sed secundum proprium, & literalem, vt sic loquar, sensum, ad Euāgeliū traducit Paulus. Atquē hæc illusoria sunt: Præcipio vt facias: Propono in conspectu tuo hodie vitam & mortem: si contemptoribus dicantur, quos necesse sit in sua duritie ac contumacia persistere, donec cor ipsorum lapideū reformet

Cor. 3. Deus. Non sic Paulus, qui legem idèd ministerium mortis, & damnationis vocat; quòd nihil quàm occidere & exitio dare suos discipulos potuerit, nisi per nouum fœdus cordibus insculpta esset. Huius dictus, quasi me constrictum ad suum tribunal reum iudex teneat, sufficienter demonstratum pronuntiat, quàm contraria sententiæ nostræ, sit tota Scriptura. Ego verò consulo, si quid iudicare posthac velit, vt se prius ad Anticyram conferat: vnde sanioris & purgatoris cerebri redeat.

In Librum quintum.



In libro quinto, in hoc elaborabat, vt recitatis iterum hæreticis veteribus, qui in præsentī quæstione aberrarunt, inter diuersas & pugnantes sectarum opiniones sic temperatam ostendat suam, suique similitum doctrinam, vt ab extremis hinc inde retrahens, mediocritatem retineat: nos verò contrà, ex singulis eorum, qui libertati arbitrij derogarunt, aliquid hausisse: atque ita permixtam partim ex multis variisque erroribus doctrinam habere conuincat: partim noua etiam commenta addidisse, quæ omnem priorum hæreticorum impietatem superent. Nos enim cum Marcione, Valentino, Manichæo, & similibus, naturam hominis malam fingere: cum VVicle suo & Laurentio Valla, hominem diuinæ tantum voluntatis instrumentum facere, vt agatur potius, quàm agat. Omnia suspendere ex Dei vniuersi arbitrio: vt nihil nobis contingenter accidat, sed mera necessitate omnia. Hoc verò alijs omnibus habere peius, quòd tantæ peruersitatis naturam totam, quanta quanta est, damnamus, vt nihil possit quàm malè agere, etiam in sanctis: cum illi, Valentino scilicet, Marcione, ac Manichæi, partim bonam, partim malam docuerint. Dixi iam antè, & quasi digito indicaui, quàm putida sit calumnia, quòd nos ita Marcioni & Manichæis subinde adiungit: à quibus non minus dissidemus, quàm Pighius ipse à nobis. Quòd naturam tradimus malam esse, videri fortè cum illis habere id cōmune in speciem possemus. Verum, secundo deinde verbo, tantum inter nos esse discriminis palàm facimus, vt ne minima quidem suspicio hæreat. Nam cum illi essentialem in natura malitiam constituent, eamque ab ipso creationis initio talem extitisse imaginentur, nostri ex naturæ corruptione vitium esse definiunt: naturam verò non cœlesti aliquo influxu, sed voluntario hominis lapsu corruptam fuisse, constanter profitentur: vt cum quaeritur mali causa, non extra nos exire, sed nobis totam culpam imputare debeamus. Hic noster est cum Valentino, Marcione, & Manichæis consensus: quantum scilicet inter ignem & aquam conuenit. Si fidem sibi quis fieri petat, primum extant libri nostri, optimi & locupletissimi testes: deinde nihil hic leges, quòd non ipse Pighius ex mea Institutione recitet. Neque tamen contentus pares nos tam absurdus hominibus fecisse, maiori execratione dignos esse clamat: quia totam naturam damnemus. Nempe, cum non aliqua sui parte homo peccauerit, sed totus, quid mirum, si se totum dicatur perdidisse? Sed permultum interest, accersitione sua culpa vitio, sicut tradimus, an aliunde sibi induo, sicut delirant illi, dicatur laborare. Quòd si hominum patrocinio opus est, Augustinum habemus horum omnium authorem. De necessario aut fortuito rerum

verum euentu, nihil in præsentia attingere placet: ne res diuersas implicando, orationis seriem conturbem. Hominem sic quidem docemus agi Dei gratia vt tamen simul agat: sic tamen ipsum agere, vt penes Dei Spiritum tota sit ac maneat actionis efficacia.

Atque vt appareat, quantam ex mentiendi consuetudine licentiam audaciãque sibi acquisierit, non modò sua mendacia aliquo saltem colore obducere nihil curat, sed ne cui ignota sint, ex mea Institutione refert, quæ ea in promptu arguant. Neque enim in creatione vel opere Dei constituimus prauitatis nostræ originem, sed in primi parentis nostri culpa: quòd voluntaria defectione miseram seruiendi conditionem sibi contraxerit, cum liber creatus esset. Hoc autem vnum est, quo à Manichæis & similibus orthodoxos discernere contentus est Augustinus. Vides ergo, vt hic furiosus, postquam verbo nos damnauit, re ipsa protinus absoluat. Quòd autem totum hominem sic vitiatum esse dicimus, vt nulla sui parte adsperare per se ad Deum possit, nõ aliud asserimus, quàm quòd testatur Deus: quo nemo melior de homine iudex inueniri queat, cum nullus melius, quid sit in homine, nouerit. Siquidem totum hominem carnis nomine designari, non est difficile probare, quantumlibet repugnent contentiosi. Nam quoties, contraria oppositione, cum Spiritu comparatur, Spiritus nomen proculdubio pro regenerationis gratia capitur. Restat, igitur, vt caro sit, quod, nondum regenerati, habemus à natura. Nec alio argumento probat Christus, Ioan. 3. oportere nos renasci, nisi quia quod natum est ex carne, caro est. Si pars tantum hominis foret caro, nõne ratio hæc per se frangeretur? In promptu enim esset responsio: partem hominis excellentiorem procul distare à carne. Quo autem elogio carnem hanc commendat Paulus? Scio, inquit, quòd non habitet in me, id est, in carne mea, bonum. Item: Rom. 7. 8. Sensus, aut cogitatio carnis, inimicitia est aduersus Deum. Qui carnem omni bono vacuam esse testatur, & causam simul indicat, quod tota rebellis sit Dei iustitiæ, & nihil cogitare aut meditari queat, nisi Deo contrarium: nihilo plus, aut minus, quàm nos dicit. Et ne quis in ipso adhuc carnis nomine ambiguitatem captet, prius nullam prorsus in homine partem, reliquerat, quam non damnationi subiecisset. Legatur humanæ naturæ descriptio, quæ capite ad Romanos tertio habetur: quid homini, à damnatione immune, illic relinquatur? Quòd ergo de naturæ nostræ vitiositate pronuntiaui, non meum est, sed Spiritus sancti iudicium.

Hinc verò, quòd deinde subiicio, consequi, quis non videat? Non esse in hominis potestate, vt se præparet ad recipiendam Dei gratiam: sed totam conuersionem esse donum Dei? Quanquam hoc quoque caput habet sua certa & clara testimonia. Nam cum Dominus pro corde lapideo, daturum se nobis cor carneum promittit, quis præparationi locus relinquatur? Qui ex nolente fit voluntarius: ex rebeli & contumaci, paratus ad obsequium, quam sibi præparationis laudem arrogabit? Nec minus verbis illis exprimitur: Inuentus sum à non querentibus me. Tamen si enim de Gentium vocatione loquitur Propheta, in ea tamen vniuersalem nostræ omnium vocationis typum representat. Dei igitur est, nos præuenire, vt nos ad se conuertat. Nec mirum. Siquidem cum cogitare multominus sit, quàm velle: ne hoc quidem nobis reliquum Paulus facit, vt idonei simus ad aliquid boni cogitandum. Proinde, cum Propheta confiteamur, omnes nos, sicut oues, aberrasse: vnumquemque declinasse in viam suam: cum Dominus in viam suam nos reduxit. Nec Dominus etiam vllam gloriæ huius particulam aliò traduci patitur. Suum enim opus esse clamat, quòd ex cæcitate illuminamur: quòd ex tenebris transferimur in lucem suam: quòd mente renouamur: quòd denique à morte excitamur in vitam. Quo præparationis genere, Dei gratiam, mortuus prouocabit?

Sequitur tertium membrum, de efficaci gratiæ operatione. Nego igitur, gratiam sic nobis offerri, ut nostræ postea sit optionis, vel obtemperare, vel refragari: nego tantum in hoc dari, ut imbecillitatem nostram, subsidio suo, adiuuet: quasi in nobis aliàs quicquam sit situm: sed hoc in solidum illius opus ac beneficium esse confirmo, ut cor nostrum, ex lapide in carneum, vertatur: ut voluntas fiat noua: ut nos denique, corde & animo reformati, velimus, quod velle oportet. Neque enim efficere Deum in nobis testatur Paulus, ut possimus bene velle: sed hoc quoque ipsum, ut velimus, ad complementum usque operis. Quantum interest inter effectum & voluntatem? Proinde efficaciter formari voluntatem nostram constituo, ut Spiritus sancti ductum sequatur necessario, non autem incitari duntaxat, ut valeat, si velit. Quod porro de vno opere dicimus, id ad totam vitam extendi debet. Neque enim fuerit satis, si cor hominis semel direxerit Deus: nisi perpetuò similiter retineat, & in perseverantia confirmet. Iam in perseverantia, duo hæc obseruanda esse admonéo, ne hominem imaginemur Deo cooperari, propria aliqua virtute, dum Spiritus gubernationi obsequitur: ne posteriorem gratiam loco mercedis, illi retribui putemus, quasi, priore bene utendo, hoc promeritus fuerit. Neque enim aliud posse homines concedo, quàm quòd illis datum fuerit, & Deum perpetuò tenore sic persequi in illis opus suum, ut gratuitum sit, quicquid illis ad finem usque confert: nisi fortè cum Augustino mercedem vocare libeat, quia sit gratia pro gratia: quia suam in electos beneficentiam nouis subinde donis cumulet Deus. Hoc totum si quid intelligo, vno verbo cõplectitur Paulus, cum Deum, vnum esse docet, qui & velle operetur in nobis, & perficere, pro suo beneplacito. Non de vno die loquitur: sed de continuò actionis cursu, cuius unicam causam ponit, Dei beneplacitum: hoc est, gratuitam, sine ullius meriti respectu benignitatem.

His omnibus quòd dicam Augustinum subscribere, suauiter me subsannat Pighius. Verùm nihil dico, quod non prius ante lectorum oculos posuerim: & nullum est caput, quòd non præpò ad verbum sæpius apud Augustinum occurrat: certè nullum est, quòd non luculento eius testimonio confirmare liceat. Totam hominis naturam vitiosam esse do-

Lib. 2. de
peccat.
meriti &
remissi.
Cap. 2.
In Psal.
142. Lib.
ad Boni. 1.
cap. 18.
Lib. ad
Boni. 3.
cap. 5.
Lib. 4.
aduer.
Iulian.
Ad Vitale
Epi. 107.

ceo. Quid Augustinus? Noli, inquit, putare, te aliquid operari, nisi in quantum malus es. Item: Spiritus vitæ in Christo regenerat fideles, ita corpus mortis in Adam genuerat peccatores. Hæc carnalis est generatio: illa spiritualis. Hæc filios carnis facit: illa filios Spiritus. Hæc filios mortis: illa filios resurrectionis. Hæc filios seculi: illa filios Dei. Illa filios misericordiæ: hæc filios iræ. Hæc peccato originali obligatos: illa omni vinculo liberatos. Item: Dicimus opus Dei esse homines, in quantum homines sunt: sed esse sub diabolo iniquatum sunt peccatores. Adeò autem totum hominẽ peruersum esse testatur, ut quicquid habere bonorum videtur à se ipso, cedat illi in peccatum. Gratuita Dei gratia dico hominem præueniri: nullo suo merito ad eam peruenire: imò ne appetere quidem eam posse, donec excitatum in corde eius hoc desiderium fuerit. Dicat Augustinus: Ostenditur ergo, Deum gratia sua auferre infidelibus cor lapideum, & præuenire in hominibus bonarum merita voluntatum, ita ut voluntas per antecedentem gratiam præparetur: non ut gratia merito voluntatis antecedente donetur. Item: Hic est præcipuus quæstionis cardo, utrum præcedat hæc gratia, an subsequatur hominis voluntatem: vel ut planius eloquar, utrum ideò nobis detur, quia volumus: an per ipsam Deus hoc quoque efficiat, ut velimus. Item: Quia liberum arbitrium ad Deum diligendum primi peccati magnitudine perdidimus, ut in Deum credamus, & piè viuamus, non est volentis neque currentis: non quia non velle debeamus & currere: sed quia in nobis utrunque efficit. Item: ut quid Do-

minus

minus iussit nos pro infidelibus orare? An ut eis pro bona eorum voluntate gratia retribuat? ac non potius ut ex mala in bonam mutetur eorum voluntas? Dicit enim: Nemo potest ad me venire, nisi Pater meus traxerit eum. Non ait illic, duxerit: ut aliquo modo intelligamus precedere illic voluntatem. Quis trahitur, si iam volebat? Et tamen nemo venit, nisi velit. Trahitur ergo miris modis, ut velit, ab illo, qui nouit intus in ipsis hominum cordibus operari: non ut nolentes credant, sed ex nolentibus volentes fiant. Item: Liberum arbitrium non nisi ad peccandum valet, quandiu est capti-
uum. Item: Quomodo hominis bonum propositum, nisi miserante prius Domino, cum ipsa sit bona voluntas, quæ præparatur à Domino? Item Ostendit Deus, nullis hominum bonis meritis prouocari, ut eos bonos faciat: sed potius eis retribuere bona pro malis propter seipsum hoc faciendo, non propter illos. Item: Secundum placitum voluntatis suæ, ne placito gloriemur voluntatis nostræ. Non optionem tantum homini deferre Deum sentio, ut bene & volendi & agendi facultatem habeat, si libuerit: sed cor eius efficaciter moueri ut velit: & ipsum totum sic dirigi, ut faciat, & opere compleat, quod velle illi datum fuerit. Loquatur nunc Augustinus. Corrigenz quendam sententiam, quæ minus consideratè dicta fuerat: Congruentius, inquit, hoc modo: definita Dei voluntate, ut ex infidelitate venieritis ad fidem: accepta voluntate obediendi, & accepta perseverantia maneatis in fide. Item: Istam gratiam non habuit primus homo, qua nunquam vellet esse malus, sed habuit, in qua si permanere vellet, nunquam malus esset: & sine qua, etiam cum libero arbitrio, bonus esse non posset: sed eam tamen per liberum arbitrium deferere posset. Hæc est prima gratia, quæ primò Adam data est: sed hæc potentior in secundo Adam: qua etiam fit, ut velit: tantumque velit, tantòque ardore diligat, ut carnis voluntatem, contraria concupiscentem, voluntate Spiritus vincat. Nec illa quidem parua erat, qua demonstrata est potentia liberi arbitrij: quoniam sic adiunabatur, ut sine hoc adiutorio in bono non maneret: sed hoc adiutorium si vellet, desereret. Hæc autem tanto maior est, ut parum sit homini, per illam reparare perditam libertatem: parum sit denique, non posse sine illa, vel apprehendere bonum, vel permanere in bono, si velit: nisi etiam efficiatur ut velit. Nunc autem quibus non datur tale adiutorium, pœna est: quibus autem datur: secundum gratiam datur, non secundum debitum: & tantò amplius datur, quibus dare Deo placuit, ut non solum assit, si ne quo permanere non possumus, etiam si velimus, sed tantum ac tale sit, ut velimus. Est quippe in nobis per hanc gratiam in bono recipiendo, & perseveranter tenendo, non solum posse quod volumus, sed etiam, velle quod possumus. Et plurima in eundem sensum. Item: Si nobis libera quædam ex Deo sit voluntas, quæ vel bona possit esse, vel mala: bona autem voluntas ex nobis est, melius est quod habemus à nobis, quàm quod habemus ex Deo. Id ipsum ad perseverantiam extendo: ut sicut initium, ita & bonorum operum complementum ab uno Deo pendet. Sic autem confirmari virtute Dei hominem, ne deficiat ut continuus usque ad vitæ finem sit mera & indebite gratia tenor. Neque cooperari ex se hominem Deo, ut aliquid de suo admisceat, sed pro mensura solum quam accepit: ut non aliter agat: nisi quoad agitatur. De hoc etiam respondeat Augustinus. Quomodo non est gratia Dei, non solum credendi voluntas ab initio, sed usque in finem perseverantia? cum finis ipse vitæ non in hominis, sed Dei sit potestate, & possit utique Deus non perseveraturo hoc etiam conferre, ne malitia mutet cor eius? Item: Donum Dei asserimus, esse perseverantiam usque ad finem. Nam cum dicit: Timorem meum dabo in corda eorum quid aliud est, quàm tantus ac talis erit timor, quem dabo, ut mihi perseveranter adhareant? Adhæc, cum ubique doceat, liberum in primo homine arbitrium, cum saluum adhuc

Lib. ad
Bonifa. 1.
Cap. 19.

Lib. ad
Bonif. 3.
cap. 8.
Lib. 4.
cap. 6.
Ibidem.

De pred
sancto.
cap. 19.

De bono
perseue.
ad Hila.
& prospe
cap. 22.
De corr.
& grut.
cap. 11.

Lib. de
pecca. me
& remis.
2. cap. 18.

Epist. 107
ad vitalc.

De bono
perse. ad
Prof. &
Hila in
princi.

- Cap. 7. & incolume staret, nihil tamē valuisse sine gratia: post casum, inquit, non nisi ad suam gratiam voluit Deus pertinere, ut homo accedat ad eū, nec nisi ad suā gratiā pertinere voluit ut homo non recedat ab eo. Item: Vnde ostenditur, & inchoandi, & vsque in finem perseverandi gratiam non secundum merita nostra dari, sed donari secundum ipsius secretissimam, eandēque iustissimam, beneficentissimam, sapientissimam voluntatem. Item: Hæc sunt dona Dei, quæ dantur electis, secundum Dei propositum vocatis: in quibus donis est & incipere credere, & vsque ad finē perseverare. Ita cōcludit, gratiā sanctis esse omne meritum. Cur ergo mihi irascitur Pighius, si Augustini patrocinio, quod mihi tam liberaliter offert, utor?
- De cor. & grat.; cap. 7.

Hoc postremò illum malè habet, quòd à regeneratione fidelem animam in duas diuisam esse partes affirmo: ac quoties huius facit mentionem, me imaginari aut somniare dici. Hæc enim hodie Romanensium est theologia, fabulosum ducere, quo nihil familiarius homini Christiano cognitum esse debet. Sed quoniam nihilo plus spiritualis experientie habent huiusmodi homines, quàm bruta animalia, saltem ad os Pighio obstruendum valeat Pauli autoritas. Cum dubium esse non debeat, quin septimo ad Romanos capite, imaginem depinxerit hominis regenerati, videamus an non illud ipsum quod dico, eo loco, ad vivum representet. Communem ergo fidelium captivitatem in sua persona deplorat, quod velit quidem bonum & appetat, sed perficere non inueniat: quòd mente consentiat legi Dei, carne autem legi peccati, ita non faciat bonum, quod diligit, sed potius malum, quod odit. Vides consentientem iustitiæ voluntatem. Vnde igitur impedimentum, quominus sequatur effectus? Non aliunde certè, quàm ex contrario desiderio. Vnde porrò de desiderium illud? nisi quòd veteris hominis reliquiæ in eo habitant, quæ luctantur aduersus Spiritum? Dixerat enim capite sexto, veterem hominem per crucem Christi mortuum esse: postea autem subiicit, non ita esse mortuum, quin certamen adhuc & molestiam faciat. Nunc per veterem hominem quid intelligat, ex alijs locis colligitur, ubi mente & corde renouatinos ad Dei imaginem iubet. Proinde, veteris hominis pars est, & sub hoc nomine continetur, quicquid extra hanc renouationem est. Et ne longius pugnandum sit contrarijs votis, huc illuc distrahi se conqueritur Paulus: ac se repugnantiam sentire, dum ad iustitiam Dei aspirat: hinc sibi remoram injici, ne tam celeriter currat, ut deceret. Huius repugnantie causam peccatum in se habitans facit: simul partem assignat, in qua habitat, nempe carnem. Sed Pighius de corpore illum loqui interpretatur, cum carnem nominat. At neque corpus motionem propriam ex se habet: & Paulus non quolibet motionem, sed affectum voluntarium significat, qui spiritui aduersetur. Nunc queritur, unde repugnantia nisi ex ea imperfectione, quòd nondum Spiritu Dei in totum reformata est hominis, & mens, & voluntas, in vitæ nouitate: sed carnem adhuc & terram aliqua sui parte resipit. Vbi tale desiderium apparet, ut voluntas resistat voluntati, desiderium cum desiderio confligat, votum sit voto contrarium, quis mihi non concedat dicere, animam in duas diuisam esse partes? Imo quis non ita, & sentit, & loquitur?

Postquam verò doctrinæ nostræ summam protulit, ex aduerso nobiscum Pelagianos confert, quos ad alterum extremum, gratiam Dei prorsus abnegando, delapsos esse dicit: ut ita ad suam mediocritatem veniat, quæ in liberi arbitrii gratiæque coniugatione consistit. Ac primò quidem, ut probabile fiat quod dicturus est, gratiam illi ex definitionis Ecclesiasticæ titulo conciliat. Sed quo tandem argumento definitionem Ecclesiæ esse probat? Augustino teste. Quid? eiusne contra nos testimonio amplius abuti audeat, quem adeò euidenter

evidenter nobis vindicauimus? Sed colore non caret. Corradit enim ex suppositi-
tjis libris sententias, quæ dimidiare inter liberum arbitrium & Dei gratiam vi-
dentur. Sed bene habet, quod nihil nunc profert in medium, quod non ante refu-
tauerim. Quanquam sua improbitate me cogit, non nihil iterum de eadem re dice-
re. Libro, inquit, secundo, de peccatorum meritis & remissione, non in eo reprehen-
dit Pelagianos, quod liberum statuunt arbitrium, sed quod in eo euehendo mo-
dum excedant. Hic velim obseruent lectores, cum esse primum librum, quo dispu-
tare cum Pelagianis cœperit: illic itaque velitari eum potius, quàm iusto certami-
ne configere. Deinde non esse ex proprio eius instituto, de libero arbitrio qua-
stionem illic tractare: quod & contextus indicat, & ipse quoque author libro Re-
tractationum secundo testatur. Non ergo mirum, si non interius excutiat, quod per
occasionem tantum leuiter attingere in animo habebat. Verum, ut hoc nihili æsti-
metur, quid nos, obsecro, grauatur illud? non damnari ab eo Pelagianos, quod libe-
rum arbitrium statuerent, sed quod sine modo extollerent. Nam cum recepta iam
consuetudini nomen concederet, de re tantum disceptationem habebat. Videndum
ergo nunc, quantam tribui libero arbitrio patiatur: ac inde iudicandum, quid à no-
bis dissentiat. Peccare, inquit Pighius, neminem fatetur, nisi volentem. Quid nos?
An extra voluntatem peccatum constituimus? Fatetur quoque, Deum nihil præ-
cepisse, quod non potestati nostræ subiaceat: Nempe si potestatem intelligas, non
quæ naturæ nostræ sit insita, sed quam è cœlo Deus peculiariter suis largiatur: si-
cut ipse toties exponit. Quanquam simul addit, quod verum est: neque exemplum
tale extitisse unquam, neque posthac sperandum. Gratiam, inquit, solis splendori
comparat. Quo subindicat, vim aliquam animæ inesse, sicut in oculi acie subest vir-
tus visoria. Sed cur mox additam illic correctionem subtricit? Hoc enim hætenus si-
mile est, quod sicut oculus dum aciem suam intendit, solis splendore illuminatur,
ita hominis voluntas, quæ ad Deum se conuertit, eius gratia adiuuatur. Sed cum
animaduerneret Augustinus, in eo claudicare similitudinem, quod non sit in ani-
mæ potestate conuersio, etiam, inquit, ut conuertamur, Deus adiuuat: quod oculis
corporis externa lux non præstat. Sicut & alibi: Quod est oculis sanitas ad viden-
dum Solem: hoc est gratia mentibus, ad implendam legem. At neminem adiuuari
agnoscit, nisi qui sponte conatur: Nempe, quia non externo tantum impulsu, sed
voluntaria motione operatur in hominibus. Nam actionis speciem modò designat,
ne brutis aut lapidibus similes facere homines videatur. Vnde porro spontanea,
illa incitatio, vnde voluntarius conatus, non dissimulat postea. Nam ubi gratiæ
opus esse testatus est, ita ut innotescat quod latebat, quàm ut suaue fiat quod non de-
lectabat: postquam non humanæ facultatis, sed diuini esse muneris tradidit, vel
quod scimus bonū, vel quod eo delectamur: laborant, inquit, homines inuenire, quid
in nostra voluntate boni sit nostrum: & quid inueniri possit, ignoro. Augustinus,
si Pighio creditur, ab homine requirit, ut sponte à seipso conetur. Quid Augusti-
nus ipse? Prætereo alios libros: sed in eo quem citat Pighius, foriter ab hac calum-
nia se defendit. Poterat, inquit, homo, si non ex prima conditione in hanc mise-
riam decidisset, sine difficultate iustitiam appetere & sequi: nunc autem ex defe-
ctionis pena iocundum est vicium: ut iam molestum sit, obedire iustitiæ. Vigilanter
quidem conari nos iubet, & deprecari ardentius: simul tamen ut intelligamus, quod
& sic conamur, & sic deprecamur, dono illius nos habere.

Aduer.
Fauft.
Manic.
Lb. 15.

Eiusdem
Lib. cap.
17. 18.

Cap. 19.

Cap. 15.

Verum, ad hanc suam liberi arbitrij & gratia copulam astruendam, ex prioribus ad Valentinum libro optimum testimonium habere se putat, ubi citatus Scriptura sententijs, quæ liberum arbitrium, dum compellant, homini illud subesse significant, cum illis altera ex parte aliæ conferuntur, quæ dona Dei esse ostendunt, quæcunque à nobis exiguntur. Iam qua potui optima fide exposui, quid tota illa comparatio sibi velit: hoc est, & quorsum spectet, & quid contineat. Duobus autem membris constat: sponte peccare homines, cum peccant, & proprio voluntatis motu: indeoque frustra aliò deriuare culpam. Cum autem Dei Spiritu ad bonum diriguntur: non sic excludi eorum voluntatem: cum hæc ipsa sit gratia, eorum voluntatem ad amandum & appetendum bonum inclinare. Porro ubi hominem, tum in bonis, tum in malis operibus, voluntarium esse monstrauit: postea de voluntate ipsa, qualis sit, & quid per se valeat, simul de efficacia gratiæ, disputare incipit, & voluntatem quidem natura semper malam esse, ut nihil quàm Dei iustitiæ pertinaciter resistere queat: sola gratia bonam fieri: & ita fieri, ut tunc iustitiam, à qua prius abhorrebat, necessario diligat & sequatur. Quid nos? An voluntatem excludimus, gratiæ prædicatione? Alio igitur colore se vestiatur Pighius oportet, si vel mediocribus ingenijs imponere velit. Neminem enim fugere potest, quàm congruenter Augustinus sic scribendo, nobiscum, & sentiat, & loquatur.

Sed iam tempus est, ut sacrosanctæ Pighij definitioni detur locus: ut inde melius appareat, quo iure vniuersam Ecclesiam nobiscum in certamen committat, ut eius deinde patrocinium sibi usurpet. Antequam verò de re ipsa sensum suum proferat, quia in hac quæstione de gratia Dei potissimè agitur, diuersas huius vocis significationes enumerat: neque tamen aliud affert, nisi quod à nostris diligenter obseruatum & traditum pridem fuit: tamen si pessimam gratiam mox referat. Et tamen ut videas, quàm peritus sit theologus, si quid de suo vult ingerere, quæ aliàs bene dicta fuerant, suis facturus corrumpit atque contaminat. Inde ad declarandam, quæ ex primi hominis lapsu fluxit, naturæ corruptionem, transit: ut proculdubio in eius cognitione totius disputationis cardo vertitur. Quanquam miror, quid nunc ei in mentem venerit, ut hoc exordio vteretur, cum alibi scripserit, nihil esse magis à ratione dissentaneum: Clara, inquit, est, & nemini incognita de libero arbitrio Ecclesiæ definitio. De originali peccato, difficilis, obscura, & perplexa semper fuit quæstio. Quàm ergo absurdum est, rem per se expeditam superuacua difficultate inuoluere? Hoc quidem dicebat, ut à loco sibi parum cōmodo deflecteret: nunc autem rationis potentia victus, facit quod improbauerat. Et sanè nimia id socordiae & stupiditatis fuerat, velle à præsentī quæstione expungere originale peccatum: ex quo præcipua pars dependet: Longo scilicet volumine contendet Pighius, Deum homini liberum arbitriū contulisse. Quid inepto labore se macerat? Neque enim aliud tandem consequetur, ubi diu multumque sudauerit, nisi ut annuamus verum esse, quod semper professi sumus: & quod fortè non ita disertè eloqui posset, nisi in schola nostra profecisset. Nunc asserimus, humanum genus perditam illam, quam in creatione acceperat, libertatem, in miseram seruitutem decidisse. Hoc Pighius concedit. In hoc seruitutis statu, hominem negamus libera eligendi tam boni, quàm mali facultate esse præditum, ut ad utrūlibet accommodare se queat. Sub peccati siquidem iugo teneri vincimur, ut ad Dei gratiā aspirare nullo modo possit, donec Christi gratia liberetur. Hic nodus est, in quo Pighius resistit:

Et tamen in excutienda controuersia vllam eius mentionem fieri vetat, sed nunc, vt dixi, veritatis vi impulsus, in eū locum ingressus est, quē tan opere refugiebat.

Porro ne in reuoluendus eius somnijs prolixior sim, capita tantum ipsa rerum breuiter notabo. Impium esse atq; insanum commentum censet Pighius quod naturam tradimus sic vitiatam esse peccato originis, vt nihil amplius possit homo, quā peccare. Neq; enim ablatam nobis fuisse naturam, sed donū tantum superna turale: quod meliorem perfectiorēque reddebat naturam, quā in se fuisset. Hæcine est causa, cur Augustinum toties nobis eripuerit, vt sua opinionis testem patronūque faceret? Clamat Augustinus, in hoc argumento non naturam, qualis à Deo creata fuit, sed natura corrupta peruersitatem inspiciendam esse: neque id vno loco, sed totus in hoc vbique est. Contra existimat Pighius, nihil fuisse de natura diminutum: Et tamen Augustini interea testimonio se tuetur. At non dissimulat alibi, hac in parte se ab eo dissentire. Sed cum sit hoc summum, & maximi momenti in tota controuersia caput, in quo ex diametro dissident, quid tanquā plena consensione postea gloriatur? Adde, quod nullus error est, quē magis aut acrius in Pelagianis Augustinus impugnet, quā quid natura integritatem iactarent: cum ipse vulneratam, corruptam, perditam esse, contenderet. Quorsum ergo Pelagianos ad id execrari pertinet, cum primo eorum axiomati nomen suum palam inscribat? Mortalitas, inquit, & corruptio, ex conditione est, non vitio natura. Vnde probat? Quoniam corpus ex suis, quibus compositum est, principijs, & compositionis ratione ita habeat. At eodem argumento euinceretur, post resurrectionem quoque morti fore obnoxium: Et nunc animam esse mortalem. Ex quo enim principio orta est, nisi ex nihilo? Equidē si illam, quā homini ab initio Deus contulerat, perfectionem, non ita extitisse in natura diceret, vt per se, & ex se illam haberet, libenter in eius sententiam descenderem. Nam & eo modo neque animam per se immortalem esse concedimus. Quinetiam sic docet Paulus, cum soli Deo tribuit immortalitatem. Neque tamen propterea mortalem naturam esse animam fatemur: quando non ex prima essentia virtute æstimamus naturam? sed ex perpetuo statu, quem suis creaturis Deus indiderit. Cum ergo hac lege conditus foret homo, ne mortē aut corruptionem vnquam sentiret, suo sibi vitio mortis damnationem contraxit. Ita cum de mortis origine disputat Apostolus, non eam ad naturam refert, sed ad peccatum. Proinde à moriendi necessitate immunem fuisse, naturæ sanitas erat: nunc autē mortis iudicio subiacere, morbus est. Hæc sana est ac simplex philosophia, quæ vagis illis & volaticis Pighij speculationibus importunē euertitur. Vt caro, inquit, cū ratione pugnet, eāque in iustitiæ obedientia impediatur ac turbet, natura est, non vitij. Hic verò an non plenus buccis Manichaum se esse profiteatur? Nota est omnibus Eccij temulentia, Cochlei fatuitas: sed tam flagitiosa impudentiæ, quod sciam, non extat par exemplum. Plus centies nobis iam Manichæi nomen exprobrauit, quod naturam damnemus, cum naturæ corruptioni dicamus imputandum, quicquid est in homine vitij. Nunc autem quid? Illa, inquit, quæ rationi facit negotium, carnis rebellio, & quæ iustitiæ reluctatur, non alia est, quā quæ fuerat ante peccatum in prima origine. Vides vt in Creatoris contumeliam, essentiale esse in homine malum, impurum os pronuntiet? Nisi fortē contumaciam, quā iustitiæ obsequio rupugnare ipse tradit, à vitio velit excusare. Verum citius se ex labyrintho expediat, quā vt tam manifestum sacrilegiū vllō colore excuset.

Cum autem mentiebatur, Deum nos facere mali authorem, illud erat extremum probum, quo nos grauari posse existimabat. Quid nunc ex suo sensu eloquitur? Quod rebellio, quæ ex carne sentitur, aduersus rationis & iustitiæ obsequium, ex natura & Deo sit, non defectionis vitio. Legat nunc, qui volet deliria Manichæi, ut à veteribus referuntur: & non alia fuisse reperiet.

Concludit ergo, in naturalibus nihil homini deperisse: sed tantum fuisse supernaturalibus donis ornatum, quæ in eum Deus contulerat. Sed in eo hallucinatur, quod sanitatem, quæ vera est ac genuina naturæ constitutio, non potest ab accidente vitio discernere. Hoc discrimine non adhibito, nihil mirum, si omnia confundat. Hoc quale sit, paucis expediam. Affectus omnes, qui in hominem naturaliter cadunt, nos quoque ex prima naturæ creatione esse agnoscimus. Ut sunt, exempli gratia, amor coniugalis, parentum item erga liberos, amicitia, gaudium ex foelici successu, ex orbitate, viduitate, rebusque omnibus aduersus tristitia: Famem, frigus, inopiam, pericula, ignominiam & dedecus reformidare: appetere rursus & quærere necessaria vitæ subsidia. Hos affectus non docemus per peccatum inoleuisse, sed ab ipsa creatione fuisse naturæ inditos. Istam, verò, quæ nos minimè experimur, ~~itaque~~ hoc est, inordinatum in affectibus excessum, quo fit, ut male concupiscamus, concupiscendoque rebelles simus Deo, ex corruptione tradimus natum esse, non naturæ ab initio fuisse ingenitum. Qua ratione Augustinus, sicut antè citauimus, voluntatis nomine non dignatur appetendi facultatē, qualiter nunc corrupta est: sed cupiditatē potius vocandam putat, quòd modum in suis desiderijs nunquam teneat. Diligit pater filium, coniux coniugem: castus amor, & qui laudem etiam, meretur. Verum, ut nunc vitiosa est natura: amor hic in homine non reperietur, quin aliquid inquinamenti resipiat. Itaque ab illa corruptionis radice fit, ut nihil purum aut sincerum concipiat voluntas: sed quemadmodum ipsa est contaminata, sic fructus etiam pollutos & immundos pariat. Atque hoc est quod dicimus: cum iste, de quo loquimur, morbus hominum voluntati semper insideat, ideò non nisi malum concipere ipsam posse. Nam si rei, honestæ aliàs in suo genere ac laudabilis, nunquam vitio caret appetitus, propter eiusmodi excessum, quid cum mala concupiscuntur? Talem naturæ vitiositatē, & Scripturæ ubique demonstrant. En tibi tribus verbis, quid inter puram & adulteratam naturam sit discriminis: quod dum Pighius non obseruat, omnia peruertit. sed his fieri Deo iniuriam opinatur: quia minimè eius bonitati consentaneum sit, animam creare sic destitutā omni reclinitudine, ut nihil quàm peccare queat. Qualis, inquit, gratiæ eius commendatio, cum dicitur talem naturam condidisse? Nos verò non conditori acceptum ferimus, quicquid in nobis mali est, sed primo parenti nostro, qui miseriam hanc hereditatem ad nos transmisit. Quòd si timet Pighius, ne meritò scæuitiæ accusetur Deus, si ob vnius hominis culpam in vniuersum genus tam seuerò pœne genere animaduenerit, ne litiget nobiscum: sed totam Scripturam aboleat, ubi hoc iudicium passim publicatur.

Sequitur apud eum alter de naturæ reparatione locus: in quo satis demonstrat, non nisi maledicendo incalescere se posse. Nam quia hic benedicere oportuit, aut silere, qualibet glacie est frigidior. Hoc tamen est, quod tandem in primis significat se habere à nobis diuersum: quòd Deum manum porrigere hominibus prostratis opinatur, ad eos subleuandos, sed eos modò qui subleuari desiderant, nec desint obuiæ sibi adiutricique gratiæ, quin potius illam apprehendant, eius adiutorio re-

uerti conentur ad Dominum, ab eo saluari optent, ac sperent, illi se curandos, illuminandos, saluandos tradant. Quibus verbis partes istas in renouatione assignat libero arbitrio, ut velit, ut apprehendat, ut conetur, ut obsequatur. His quod necesse est, subiungit: omnes peræque gratiæ capaces esse, quod omnibus indifferenter offeratur. Postea multò adhuc longius procedit: nullam fieri gratiæ iniuriam, si natura sua dicantur homines, & liberi potestate arbitrij odisse peccatum, malitiæ renuntiare, ad Deum conuertere se posse, corde contrito & humiliato poscere veniam, quarere misericordiam, sperare gratiam. Imò has esse præparationes, quæ nisi præcedant, nunquam nos dignetur Deus benigno suo aspectu. Ac eiusmodi quidam doctrina totam Pelagij impietatem satis confutari existimat: nostramque stultitiam deridet, qui dum metumimus, ne quid inde gratiæ commendationi decedat frustra de nihilo tanta contentione digladiamur.

Hæc deliramenta quominus Scripturis nunc refellam, duabus impediore causis: quia & immensa sylua mihi hic pullularet: & erit proprium ac perpetuum libri proximi argumentum. Adde quod Scripturas, quoties eius animo non adlubescent, susque deque habet Pighius. Verum ubi est illa reuerentia, quam veterum patrum definitionibus se de ferre simulat? Si quis, tam augmentum, quam initium fidei, & ipsum credenti affectum, non per gratiæ donum, id est, per Spiritus sancti operationem corrigentem voluntatem nostram ab infidelitate ad fidem, ab impietate ad pietatem, sed naturaliter nobis in se doceat, is Ecclesiastici Concilij decreto hæreticus est pronuntiatus. Si quis item, ut à peccato purgemur, voluntatem nostram Deum expectare contendit, non autem, ut etiam purgari velimus per Spiritus sancti operationem fieri in nobis confitetur, pro Spiritus sancti aduersario damnatus est. Si quis item, sine Dei gratia, volentibus, laborantibus, pulsantibus, petentibus, desiderantibus, Dei misericordiam conferri tradit, non autem diuinitus, ut credamus, velimus, & hæc omnia, sicut oportet, agere valeamus, per Spiritum in nobis fieri confitetur, is anathemate dignus est iudicatus. Hæc præterea Concilij decreta sunt. Si quis per Adæ prauaricationem non totum, id est, secundum animam & corpus in deterius dicit hominem mutatum: sed illa sa libertate corpus tantummodo corruptioni subiectum fuisse credit, Pelagij errore deceptus est. Itè: Si quis humanæ inuocationi cõferri dicit gratiã: non autè ipsam gratiam facere ut inuocetur à nobis, cõtradicit Iesaiæ Propheta. Item: Si quis per naturam vigorem bonum aliquod, quod ad vitam æternam pertineat, cogitare aut eligere, id est, prædicationi consentire posse, confirmat, absque illuminatione Spiritus sancti, qui dat omnibus in consentiendo & credendo suauitatem, hæretico fallitur Spiritu. Item: Tales nos diligit Deus, quales futuri sumus ipsius dono, non quales sumus nostro merito. Item: Nemo de suo habet, nisi mendacium aut peccatum. Nunc mihi vnum in tota sua doctrina apiculum Pighius ostendat, qui non istis decretis confossus sit atque damnatus. Quod si Concilij authoritatem contemnit, hoc saltem eum moueat, quod qui interfuerunt ac subscripserunt Episcopi, non se auctores istorum capitum, sed approbatores tantum esse profitentur: quoniam sibi à sede Apostolica missa fuerint. Hæc est illa sedes, vnde quicquid profectum fuerit, non aliter accipiendum esse contendit Pighius, quã ex tripode oraculum: imò quàm diuinã è cælo reuelationem, cui & Angeli, & Prophetæ, cedere debeant. Quid ergo nunc dicturus est, hoc sacræ illius sedis anathemate in caput suum promulgato?

Concilij
Aranica.
Cap. 5.

Cap. 4.

Cap. 6.

Cap. 1.

Cap. 3.

Cap. 7.

19

20

Lib. 1. de
prædest.
sancto.
Cap. 1.

Quòd autem toties cum Pelagianis nihil se habere commune iactat, nescio quos hic Pelagianos cõminiscatur. Neque enim tantum cum ijs, quos describit Augustinus, multa habet similia, sed eorum quibusdam multò est deterior. Admonitus fuerat à Prospero Augustinus, esse nonnullos in Gallia, qui ab eo dissentiebant: qui tamẽ eò usque peruenerant, vel ipso teste, vt primi hominis peccato obnoxium nasci humanum genus crederent, nec inde quenquam, nisi Christi iustitia, liberari: confiterentur etiam Dei gratia præueniri hominum voluntates, nec ad vllum opus bonum vel inchoandum vel perficiendum sibi quenquam sufficere. Dum aduersus eos disputare instituit: discernit quidẽ à Pelagio, sed illa tamen confessio-
ne minimẽ contentus est: à qua, agnoscere promptum est, quàm procul adhuc absit Pighius. Fatebantur illi, præueniri à Deo hominum voluntates, nõ naturæ dono (fuiſſet enim id ridiculum) sed singulari Spiritus sancti gratia. Hic autem, nemi-
nem Dei misericordia adiuuari clamat, qui non, & volendo, & sperando, & pe-
tendo ante se præparauerit. Vbi nunc tantum illud inter eum & Pelagianos dissi-
dium, quo gloriatur? Sed in eo resistit Pelagio, quod Deũ faciat homini debitore. Sed quo argumento? Etiam si nullius, inquit, culpæ reus homo foret, quid tamen con-
ferre aut exhibere Deo potest, seruus Domino, creatura Creatori, quo illum sibi ad-
stringat, vt in vitæ æternæ hæreditatem adoptetur? Nunc verò in reatum mortis
æternæ prolapsus, nunquid habet, quo se damnationi eximat? quo satisficiat pro
offensa? in super & hæres, & filius scribi debeat? Quid viribus suis præstare Deo
potest, cui debet quicquid est, & quicquid potest? Tã valida impressiõne adeo
non dubitat profligatũ esse Pelagiũ, vt nostræ, pro tuenda Dei gratia, sollicitudini,
tanquam ridiculæ, ferociter insultet. At sublato vno verbulo, vbi hominẽ sub reatu
mortis ob culpam constituit, nego Pelagium vllõ modo attingi. Beneficia, quæ in
hominum naturam contulit Deus, Pighius splendidus elogijs commendat. Multo id
& luculentius, & splendidius factum à Pelagio Augustinus testatur. Quin etiã
de gratia quid sentiret cùm in Palestino Cõcilio, tum alibi sæpe interrogatus, non
absimili genere orationis suam impietate pingebat. Quid est homo aut quid habet,
quod nõ à Deo acceperit? Quanta igitur, & superbiæ, & insaniæ foret, si quid si-
bi proprium arrogaret, quasi non sibi gratia collatum? En quibus Pelagium machi-
nus diruat atque euertat Pighius: Nempe dum eius confessioni simpliciter subscri-
bit. Sed homini adimit, ne sibi Deum obligare possit: quod Pelagius assererat. Ite-
rum hoc sibi spectrum sub Pelagij nomine confingit. Siquidem cùm ille non nisi à
promissionibus æstimaret hominum merita, satis eo innuebat, non aliter sentire se,
adstringi, Deum ad reddendam hominum operibus mercedem: nisi quia voluntaria
sponsione se fecisset vltro debitorem. Denique nihil in hominibus collocabat, aut
virtutis, aut iustitiæ, quod non Dei gratia nominatim disertiſque verbis adscribe-
ret. Nec aliter mereri docebat homines, nisi quia Deus illorum opera non necessi-
tate aliqua, nec vllõ obligationis iure, sed pro immensa sua benignitate, eo precio
dignatus esset. Hoc cùm totidem prope verbis succinit Pighius, totam Pelagij hæ-
resim à se euersam sibi gratulatur.

Sed ratione inuicta suffaltus est, cur non credat, paratam esse Dei gratiam, nisi
ijs, qui ad eam recipiendam se præparauerint: quoniam debeat certa Deo constare
ratio, cur vni potius, quã alteri eam impertiatur. Hoc enim sapientem decet. Ego
autem cum Augustino respondeo, absit vt iudicium hoc penes lutum sit, & non
figulum

figulū. Constat quidem Deo certa solidāque operum suorum ratio: sed magis arcana, sublimis, recondita, quā ut eam capiat tam angustus tenuisque mentis nostræ modulus. Hoc nunc solū controuertitur, quod nos sapientiam Dei, quam in hoc delectu incomprehensibilem captui nostro Paulus esse docet, adoramus cum timore & tremore: Pighius non plus sapere Deo permittit, quā ipse stulto suo cerebro apprehēdat. Hinc illa execrabilis blasphemia: si Deus ex duobus malis & pari damnationi obnoxius, & adhuc in malo contumaciter perstātibus, in alterum animaduertat, alterum non modō venia, sed suo quoque amore dignetur, non misericordiam fore laude dignam, sed stultam, irrationabilem, & insani Domini indulgētiā, dignique prorsus, qui seruos vniuersos malos ac cōtumaces habeat. Ego Deo suā tū iustitiā, tum sapientiā defensionem relinquam: tantū efficiam, v. causam ipse suscipiat, suōque ore reum hīc fieri se profiteatur. Polliceatur per Iesaiam, fore ut ab ijs, qui eum non quaesierint, reperiatur: ut appareat ac se manifestet ijs, quibus eum cognoscere, nihil curā erat. An omnibus præstitit hoc beneficium? Constat aliquibus duntaxat. Quod si melius adhuc scire cupias, quā non expectet dū sibi homines accedant, sed auersos & alienatos ad se trahat, eos intueri, in quibus completa fuit hæc prophetia, & diligēter expende, quales, antequam cōuerterentur, fuerint: ita nihil de hac re amplius hæsitas. Sumamus ergo, quod de Ephesiis tradit Paulus, suam erga eos misericordiam Deum explicuisse, non cum ad eam recipiendam sinum protenderent, sed cum mortui peccatis ac delictis, Sathana militarent, cum demersi in prauis concupiscentijs, caini tantū & mundo obsequerentur, cum natura essent filij iræ, sicut & ceteri, cum sine Christo & sine Deo viuerent. Nondum vrgeo, quod tamen iure meo liceret, quantum à præparatione absit talis status. Solum ex Pighio velim discere, cur Ephesii potius, quā alios quoslibet, amplexus fuerit. Si mihi dolorem, bonas cogitationes, pia desideria obijciat, nihil tale admittunt Pauli verba. Quin etiā ne cui in mētem venirent eiusmodi nugæ, nominatim alijs fuisse penitus similes exprimit, à quibus tamen gratuito Dei fauore discreti ac separati fuerint. Natura erat filij iræ, inquit, j. cū reliqui. Quasi diceret: cum esset omnium communis causa & par conditio, non in vobis inuenit causam Deus, cur vos ab alijs discerneret, sed ex misericordia sua sumpsit. Nunc, cur ita faciat si rogetur, iam pridem illo nobili responso hanc questionem præoccupauit. Miserebor cuius, miserebor. Quo scilicet, hanc, de qua loquimur, in eligendis hominibus misericordiæ suæ discretionem, ut est sensu nostro longè altior, ita superiore loco statuit.

Adducit tamen testimonia, quibus innuere videtur Dominus, non alijs paratam fore suam gratiam, nisi qui se antè præparauerint. Ad quē, inquit, respiciam, nisi ad pauperculum & contritum Spiritu, tremētēque ad sermones meos? Sanè humiles Deus respicit: sicut illi acceptum cordis contriti & afflicti sacrificiū Dauid canit. Verū illud quoque scire opere præpretium est, vnde illa quā Prophetia sic cōmendat, humilitas, ac sermonum Dei reuerentia. Certum autem est, superbia & ceca confidentia semper turgere cor hominis, donec Spiritu Dei domitum subelūmque, ad modestiam & submissionem se componit. Neque verò hoc modo præparari hominem ad recipiendum iustitiæ donum negamus: sed Spiritu sancti directione, non suo ingenio. Non nisi laborantes ad se & oneratos Christus vocat: verū, ut onus nostrum sentiamus, ac sub eo gemamus, ipse etiam facit. Fa-

Iere. 31.

temur verissimum esse vulgare prouerbum: vnicum esse curationis principium, ubi morbus agnoscitur. Ergo ut se tibi medicum exhibeat, Christus, morbum tuum agnoscas oportet. Morbi porro agnitio ad humilitatem timorémque Dei, ad iudicij metum atque horrorem, ad tui displicentiam, te rediget. Nunc an eiusmodi affectum concipere naturaliter possint homines, consideremus. Verum & ipsa experientia clamat non huc antè adduci, quàm totum naturæ sensum deposuerint: & Scriptura idem ubique testatur. Castiget ergo nos Dominus necesse est, ut eruditi reddamur: cum ex nobis simus tanquam indomiti vituli: sicut dicit Ieremias. Ac ne quis de externa virga loqui excipiat, secus ipse mox interpretatur: Cōuerte me Domine, inquit, & conuertar. Postquam me conuertisti, egi pœnitentiam: postquam ostendisti mihi, percussisti femur meum, confusus sum, & erubui. Hæc omnia peccati odium, mortis horrorem, dolorem ex offensa, gratiæ desiderium, quæ ad humani arbitrij potentiam refert Pighius, vides ut Deo accepta Propheta referat. Quanquam hanc obiectionem subtiliter sibi videtur occupare, cum subinde nos provocari ac sollicitari à Deo fatetur, sed si modò conemur ipsi, laboremus, neque desimus obuia & adiutrici eius gratiæ. Verum cum eo modo, inter Deum & hominem dimid. et imò cum penes hominem ea relinquat, quibus tota pœnitentiæ vis continetur, qualiter hoc cum Prophætæ verbis convenire poterit, quæ totam pœnitentiam, adeoque primum eius exordium, à solo Deo proficisci ostendunt? Nulli, inquit, deest gratia, nisi qui deest ipse sibi. Fateor sanè: modò mihi vicissim concedat, & bona voluntate defici, & virtute destitui omnes, nisi quibus utrunque Deus subministrat: eum porro, qui & bene vult, & efficaciter conatur, sibi non deesse. Neminem, inquit, violenter cogit. Sanè: sed ut voluntarios habeat servos, qui sponte sequantur ad obsequium, cor novum in illis creat, & Spiritum rectum innouat in visceribus eorum.

De grat.
& lib.
arbi. cap.
17. cap. 2.

Postea tamen aliquatenus vela colligit. Nam triplicem gratiæ effectum, quo Dominus propriè ac specialiter suos electos præter naturam communèque liberi arbitrij donum adiuuat ac promouet, inuenire se tradit. Primus est, quo iustificatio nem præuenit, & eandem ut desideremus, nos provocat, conantibus ad eandem manum adiutricem porrigit, laborantibus succurrit. Quid audio? Si ad desiderandam gratiam provocamur, ubi illud, quod vicesimo antè versu posuerat? Deum benigno suo aspectu dignari neminem, nisi qui auersus ab iniquitate, corde contrito & humiliato ad ipsum conuersus, eius misericordiam imploret, petat veniã, speret misericordiam? Quis non dicat nimis obliuiosum esse, cui tam aduersa inter se & pugnantia vno ferè momento excidant? Cerè benigno aspectu eum iam dignatus est Deus, quem ad pia sanctâque desideria excita: . Hoc autem ipsum quid aliud est, quàm omnes bonos cordis motus præuenire? Pergamus tamen. Hanc, inquit, præuenientem gratiam sacri Doctores appellant. Loquuntur illi quidem sæpe de præueniente gratia sed longè aliâ modo. Neque enim hac inchoari ita fingunt in nobis voluntatem bonam, ut nos iam cooperemur (sicut persuadere vult Pighius) sed illius in solidum hoc opus esse prædicant. Nihil sine nobis, inquit Pighius. Augustinus autem, prorsus siue nobis. Hæc enim sunt utriusque verba: Non tantum ex nolentibus fieri volentes, sed ex repugnantibus obsequentes, docet Augustinus. Hic ut assentiamur, in nobis situm esse contendit. Haec gratiam negat Augustinus inuenire bonas hominum voluntates, sed facere. Item alibi: Quis autem con-

fugi.

fugit ad gratiam, nisi cum à Domino gressus hominis diriguntur? Ac per hoc, etiam desiderare auxiliū gratiæ iam initium gratiæ est. Pighius nullum gratiæ effectum agnoscit, nisi à seipso bene velit homo. Quid ergo ob solam nudamque verbi similitudinem, impio suo commento veterum nomen prætexit, à quibus in rei definitione ex diametro dissidet? Perinde enim est, ac si quis Deum esse definiat corporeum ac mortale animal: postea adijciat id esse, quod sacri Doctores Deum appellant. Sequitur alter effectus iustificantis, & tertius coronantis gratiæ: in quibus explicandis ne quid sibi simile accidat, vix tria verba balbutire audet. Hoc cene est definire? ac non potius conturbare ac confundere omnia quæ per se aliàs satis bene distincta erant?

Nihil tamen aliud sentire se allegat, quàm quod istis Ezechielis verbis continetur: Dabo vobis cor nouum, & Spiritum nouum in vobis ponam, & auferā cor lapideum de carne vestra, & dabo vobis cor carneum, faciāmque vt in præceptis meis ambuletis. Hanc enim præuenientem gratiam interpretatur, vt in peccatore collique scat, cordis durities, mollēque ac sensibile illi cor fiat, & aptum diuinis impressionibus. Alteram partem accipit pro iustificante gratia, vt in Dei præceptis ambulare incipiat. Hoc quidem solenne est eius artificium, in tractanda Scriptura quodlibet ex quolibet facere. Propheta metaphoricam, quæ vsus fuerat, locutionem simplici oratione exponit. Siquidē ex lapideo cor facere carneum, metaphora est. Facere vt legi obediant homines, simplex, & sine figura, oratio. Hic ingeniosus interpres ex re vna duas facit. Iā verba Prophetæ leuibus argutijs trahere ad suum propositum studet. Cum se facturum promittit Deus, vt in iustitijs suis ambulemus, non nisi cooperantibus gratiam hanc se daturum significat. Hoc quoque sensu Dauid canit, faciuros nos in Deo virtutem. Huc tandem redeunt omnia, sic Deum bona opera facere in hominibus, vt simulea faciant homines: nec aliter efficacem esse gratiam, quàm dum oblato nobis eius auxilio non desumus. Interea non animaduertit, hanc quoque partem secundum ea, quæ citat, Pauli verba, sub gratia contineri, ne frustra offeratur, sed ad fructum, id est, ad effectū vsque perueniat. Nam cum diuini beneplaciti opus esse dicatur, & bona in homine voluntas, & qui inde nascitur conatus, vsque ad operis complementum, offerri tantum gratiam, quæ utilis demum futura sit, si eam recipere homini libeat, minus cerè dimidio illius est. Atqui damnationi esse gratiam, si respiciatur, alibi idem Paulus docet his verbis: An ignoras, quòd bonitas Dei ad pœnitentiam te adducit? Tu autem secundum duritiem cordis tui thesaurizas tibi iram. Hypocritas alloquitur Paulus, qui prospero rerum successu inflati, quia Deum sibi propitium esse imaginantur, nec de resipiscencia sunt solliciti, & iudicium Dei contemnunt. Cum ergo Dei benignitate sic abutantur, eò grauiorem fore Dei vindictam minatur, quò diutius eam distulerit. Debit ergo Pighius, tam peritus, suo iudicio, diuidendi magister & artifex, non prætermittere, de quo bonitatis genere Paulus illic disputet. Nam externam Dei benedictionem, qua indifferenter bonos iuxta ac malos prosequitur, cum spirituali regenerationis gratia, qua electos suos peculiariter dignatur, confundere, hominis est parum considerati. Neque verò tam ignorantia peccat, quàm malitia. Quis enim puer huius argumenti vitium non animaduertat ac rideat? Inuehitur in eos Paulus, quos Dei beneficia, quibus inuitari ad pœnitentiam debuerant, magis ad securitatem confidentiamque carnis obstina-

bant. Ergo, Spiritus sanctificationis cum offertur, respui potest.

Sequitur alterum argumentum. Pulsare se ad ostium nostrum dicit Christus, ut aperiatur. Cum ergo clausum sit illi cordis nostri ostium per peccata, ipse pulsat, sollicitat, & varijs modis ac medijs, quo sibi aperiatur cordi nostra, nos prouocat. Nulli ergo deest praeueniens gratia, qui modo cor suum ad pulsantis vocem, sollicitationem, prouocationem non indurat. Ipse pulsat: sed nos ei aperire debemus, priusquam introire ad nos velit. Quasi verò non illic expressus esset pulsandi modus, nempe, quod voce & exhortatione nos sollicitet: Sed qui mentis aperit oculos ut intelligatur, ipse etiam corda aperit, ut exaudiat. Vtrunque verò Christi officium est. Quid igitur proficit Pighius, tam pueriliter ineptiendo? Clamat Christus, se pulsare. Fateor: nempe sicut exponit, monendo & hortando. Quid nunc est aperire? Monitionem corde recipere, & obedire exhortationi. Hoc in nobis situm fingit Pighius: Deus autem sibi vendicat. Circumcidam, inquit, cor tuum, ut audias vocem meam. Contra verò hanc in populo Israelitico, cecitatis, stuporis, cōtumatiae causam assignat Moyses, quod Dominus, neque oculos ad videndum dedisset, neque aures ad audiendum, neque cor ad intelligendum. At reclamat Pighius, tamen si à Deo adiuuemur, non tamen obstare id, quominus partim etiam nostrum sit, & videre, & audire, & intelligere. Verum ego probationem requiro, pro qua extra neas prorsus ambages affert. Simile est quod addit ex Propheta: Derelinquat impius viam suam: & Dominus miserebitur eius. Hoc, inquit, est Deo aperire ostium, iniquitati renuntiare: quod in te positum esse vides. Itane? ut conuersio ad Deum, quae vera est animae resurrectio, in hominis potestate reponatur, quò se à morte in vitam excitare possit? At facere id nos oportet, ut misereatur nostri Deus: quo intelligit Pighius iustificationis gratiam designari. Si omnia illi ultro concedam, statim vicerit. Verum sic sunt firma eius omnia, ut vnius verbuli ictu protinus concidant. Poenitentiam flagitat Deus, cum ad peccatorum remissionem populum vocat: quibus etiam duobus membris tota Evangelij sui praedicationem includit Christus. Hic nouam argutiam fabricatur Pighius, ab iniquitate recedere, praeparationem esse hominis, qua Deo obuiam procedat: misericordiam autem Dei, esse regenerationis gratiam, qua hominem adiuuet. Quàtum verò ad perseuerantiam, quotidianumque vsque ad finem profectum attinet, ut hominem ostendat cooperari Deo, illo Apostoli testimonio utitur, gratia Dei in me vacua non fuit. Sed qua hoc ratione dicat, obseruandum fuit. Ratio autem est, quod plus reliquis omnibus laborauerit. Sed ne, labores suos iactando, quicquam sibi arrogare videretur, mox correptionem adhibuit. Non ego, sed gratia Dei, quae mecum erat, aut quae aderat mihi. Gratia Dei iam praecipuas dederat partes, totamque ferè laudem adscripserat. Sed quia periculum erat, ne facta laborum suorum mentione, vno illo duntaxat verbo praesferre in speciem videretur, aliquam saltem portionem sibi deberi, addita correptione suspicionem tollit, dum se fuisse negat, qui laborauerit, sed hoc totum ex Dei gratia potius extitisse.

Nulla neque veritati magis aduersa, neque ad excacandum hominem capitalior est pestis, quam presumpta falsa opinio: praesertim ubi animo pertinaciter insidet. Duo haec vult inter se coniungere Pighius: Hominem naturaliter esse hac facultate praeditum, ut tam praeuenire bono motu Dei gratiam, quam subsequi, possit: nec aliter, aut offerri nobis Dei gratiam, nisi ante manum porrigamus, aut effica-

tem esse in nobis, nisi propria virtute eam adiuuemus: & tamen merum esse & gratuitum Dei donum, quicquid gratia nobis cōfert: eum esse solum qui in nobis bona opera & incipit, & perficit: ab eo nos praeueniri, ab eo cōfirmari vsque in finē. Hæc, inquam, perinde ac si rite cōgruerent, sub vno iugo componit Pighius. At facilius cælum terræ misceas. Quid ergo causæ est, cur in tantam absurditatem, veluti clausis oculis, præceps ruat? Hæc vna scilicet, quod vbi semel animo concepit, æqualiter omnibus offerri Dei gratiam, qui se modo dignos exhibeant, hac cōceptione impeditus tenetur, ne quid amplius cernat aut iudicet. Itaque postquam suis encomiis ornando hominis naturam, Dei gratiam, quantum poterat, ex ennuauit: mixto pudore tactus, eam in cælum vsque euehit, sed manifesta repugnantia: neque aliter Augustinum hic amulatur, quàm simia hominem. Verùm qua necessitate constringitur, vt æqualem gratiæ dispensationem faciat? Quia pronuntiet Deus, nolle se mortem morientis, vt reuertatur & viuatur. At si ex eius sensu hoc interpretamur, cur ergo moritur, quem Deus mori non vult? cū scriptum sit: Deus autem noster in cælo: omnia quacunque voluit fecit. Hic certè nodus erit Gordianus, si illud Exchielis, Deum nolle mortem morientis, de arcano eius consilio accipias. Quamobrè sic intelligi necesse est, sicut & Augustinus multis locis disseruit, nihil Deum omittere, quod ad reducendos in salutis viam homines pertineat, si modò sani forent: quòd autem non redeant vocati, ipsis non aliud quàm prauitatis propria morbum obstare. Vult ergo Deus morientē viuere, sicuti eius voluntatem nobis æstimare fas est, omnibus scilicet adminiculis hominē ipsum adiuuando: ne quid sibi obstitisse, quàm propriam culpam, causari queat. Ai anet tamen interea Deo arcanum suum cōsiliū, quo hunc præterit, illum eligit: de quo ne curiosus vestiget, qui non vult opprimi à gloria. Hoc si caperet Pighius, falsum illud de equali gratiæ dispensatione principium non ita mordicus teneret. Cū enim dixit Omnia, in hanc tandem clausulam descendit, vt cum Pelagianis asserat, Dei gratiam secundum meritum nostrum dari, vt sit ipse nobiscum: meritum verò nostrum in eo esse, quod cum Deo simus. Nostra rursus omnia in hanc Augustini sententiam redeunt, quibus non est datum, aut nolle, aut non implere quod volunt: quibus autem datum est, sic velle, vt impleant.

Ergo, vt aliquando claudatur hic liber, frustra, aut se à Pelagio disungere conatur Pighius, cuius societate eum teneri implicitum tam aperte demonstrauimus: aut nos Manichæo, aliisque hæreticis adiungere, à quibus non minus disidemus, quàm ipse ab orthodoxo Ecclesiæ sensu, cuius inanem vmbra taret si sua impietati subinde prætexit, nihilo tamen inde pius apud pios & prudentes lectores proficiet, quàm si simpliciter nihil sibi nec cum Christo, nec cum eius mēbris esse confiteretur: frustra & in eo mediocritatē quærit, vt res igne & aqua magis contrarias simul conciliet: nempe, quicquid est in homine bonorum, merum esse purumque Dei opus: & tamen hac facultate pollere homines, vt ex se ipsis Deum prouocent ad conferendam sibi gratiā: & vbi cōtulerit, eam propria separatāque virtute efficacem, se libeat, reddant. Hoc, inquam, mediani tenere viam non est, sed in latyrinthum potius se & alios conjicere, vnde nullus postea exiūs pateat. Frustra corradere hinc inde studet testimonia Scripturæ, quæ fidem, & quæ ab ea gignuntur bona opera, inter Deū & hominem partiantur, cū tota Scriptura, & radicus & fructuum bonitatem vni Deo in solidum transcribat. Nā vt pios tam à fide

quam à bonis operibus, commendat, tanquam laude propterea dignos: ita quoque à Deo discernit hominem, in illum quidem, tanquam omnis iustitiæ, sapientiæ, rectitudinis fontem, principium, perfectionem bonorum omnium gloriam confert: neque id ex parte, sed ut totam solus possideat: hunc autem sic omni gloria spoliatur, tanquam omni iustitiâ & rectitudine destitutum, omnis sapientiæ inopem, omni virtute nudum ac indigentem, ut nihil illi reliquum faciat, præter extremam miseriam. Ut nos ad pietatem, timorem Dei, vitæque sanctitatem hortatur, ita nos ad ista omnia peruenire posse docet, si datum nobis à Deo fuerit. Frustra rursus Pighius hinc nobis conflare inuidiam molitur, quod homines lapidum similes fiant, si nulla illis in bene agendo partes relinquuntur. Id enim ex doctrina nostra perperam infert, qui mentem hominis fatemur videre, sed illuminatam: iudicium discernere & eligere, sed Spiritus directione gubernatum: cor esse voluntarium, sed reformatum manu Dei: hominem ipsum, & conari & agere, & ad Dei obsequium applicare suas facultates, sed pro gratiæ mensura, quam accepit. Frustra denique Dei bonitatem predicando, eam huic necessitati alligare nititur, ut omnibus pariter exposita esse oporteat. Aliter enim Deus ipse, qui bonitatis misericordięque suæ laudem ex eo melius elucere iudicat, si eius specimen non nisi in aliquibus: in alijs vero iræ iudicięque exemplum edat. Nihil plus rationis habet, quod malignitatis inuidiam conflare nobis nititur, quia saluificam Dei gratiam, non nisi electis dicimus exhiberi. Hoc, inquit, est eam restringere. At Deus non ita largam vult prædicari, ut libera esse desinat. Libertas porro in eo est, ut eam, quibus vult, impartiat. Quamquam si excutere libeat, quanta vel inscitia, vel improbitate peruerat, quæ cumque hoc loco citat Scripturæ testimonia, immensum erit mare. Scriptum est, inquit, unum nos omnes habere Patrem Deum. Non ergo his Pater est: illis vitricus. Verum apud quos habentur hæc verba? Apud fideles, opinor. Quid ergo hoc ad hominum vniuersitatem? apud Malachiam habetur: Nunquid non vnus Pater est omnium nostrum? Ut demus hic non Abraham, sed Deum intelligendum esse, nunquid non de Israele, hoc est, de peculiari & electa Dei grege Propheta loquitur? Suauis vniuersis cantatur à Davide: Certè: & miserationes eius super omnia opera eius. Ergone Spiritu regenerationis & agrorum pecora, & pisces maris, & aues cœli donabit? At suauitatē hanc experiuntur omnes, qui eam amaritudine sua non repellunt. Fateor. Sed radicem amaritudinis solus ille Spiritus ex cordibus nostris reuellit, per quem consecrantur electi, ut pura sint ac sancta Dei templa.

In Librum sextum.



Am cum parum egisse se hactenus, in damnanda nostra doctrina, cerne-
ret, si rationes ex aduerso intactas relinqueret, quibus & multis, &
tam firmis munita est, eas recensere & confutare sexto libro instituit.
Saltē hoc sibi propositū esse denuntiat. Verum quia sibi in hac operis parte suæ im-
becillitatis cōsciū est præcipuum mox robur in eo locat, ut lectores penitus à ratio-
num nostrarū, non examine modò, sed etiam intuitu auertat. Quæcumque, inquit,
Scripturæ proferantur, in illis septis, quæ tibi circūdedi, inclusum te contineas.
Est enim catholica Ecclesiæ consensus, à quo, vel minimū recedere, exitiale est.
Quid autē, si aliud certò ex Scriptura euincitur? Nihil te, inquit, totū id moueat.

Quin

Quin etiam si videas, cecutire te puta. Postea tamen ex integro solitam confidentiam resumit: facturumque se recipit, ut omnes videant, nihil in meis rationibus firmitatis esse. Cæ erum, quoniam multis retro seculis opinionem hanc receptam vulgò fuisse dixeram, hominem libera & bonorum, & malorum omnium potestate sic esse præditum, ut nemo peccandi necessitati subiaceat, nemo Spiritu Dei necessario ad bonum dirigatur, illam iterum veterum scriptorum cateruam in aciem educit: quo hunc, quem repudio, communem fuisse Ecclesiæ consensum demonstrat. Verum frustra laborat, eos citando, cum quibus libro secundo iam trãsegi ac composui. Quanquam locum hunc meum sic conuertit Pighius, ut eos omnes improbare videar, qui hominem violenter cogi non fatentur, cum voluntarium oportere esse opus, antequam bonum aut malum sit, toties doceam: & in excluenda coactione ac violentia tam diligenter versatus sum. Nunc ut intelligant lectores, qua de re mecum certet: Quod Deo acceptum referri debere tradimus, quicquid in nobis est boni, libenter recipere se testatur: sed cum modum exprimere incipimus, quo bonorum omnium author in nobis sit Deus, hic statim resistit: quia totum non aliter tribui Deo sustinet, nisi ut pars homini relinquatur. Primò igitur, cum locum hunc Apostoli protulisset, Qui cæpit in vobis opus bonum, perficiet, addideram, Bonum opus inchoari à Deo in nobis, iustitiæ & amorem, & desiderium, & studium in nobis excitando: vel magis propriè, corda nostra formando, flectendo, dirigendo in iustitiam. Priorem expositionis partem sine controversia amplectitur Pighius: in altera suspectum me habet, quod à communi piorum usu recedam, cum hominum corda dico formari, flecti ac dirigi. Itane, ut nova, & à communi fidelium sensu aliena censeantur locutiones, quæ & passim occurrunt in Scripturis & Ecclesiasticis scriptoribus subinde in ore sunt? Supra ducentos locos ex Augustino adducere mihi facile sit, ubi istis verbis utitur: Sed quid Spiritus sanctus in Scripturis: unde petenda est bene loquendi regula? Hanc orandi formulam nonne dicat fidelibus? Inclina cor meum in testimonia tua, Domine. Item: Inclinet Dominus cor nostrum ad se, ut ambulemus in omnibus præceptis suis. Item: Dominus autem dirigat corda vestra in charitatem Dei, & expectationem Christi. Quid plura? Nulla est frequentior Sanctis oratio, quam ut Dei Spiritu, in viam rectam dirigantur. Imò cum & corda impiorum, quos Spiritu suo specialiter non gubernat, huc illuc, prout visum fuerit, flectere se dicat, quid de fidelibus dicendum est, qui non amplius sibi viuunt, sed in quibus viuit Christus? Sicut fluxus aquarum, inquit Solomon, ita cor Regis in manu Dei: quocunque voluerit, inclinabit illud. Quid ergo, cum doceo cor fidelis, quod Dominus singulari modo suscepit regendum, flecti ac formari eius Spiritu, verbi acuitate ac insolentia offenditur Pighius? Queritur enim, me nouam loquendi formam introducere, cui non assueti sint fideles. Verissimum est quod vulgò iactatur, de nullo dubitare stultos: quod ex veteri & elegantiori proverbio natum est. Ecce enim ut sola sua inscitia armatus Pighius, bellum Deo & hominibus indicare simul audeat. Profertur locutio, quam Spiritus sanctus primum, deinde & sacri Doctores, eius magisterium secuti, familiariter usurpant. Audacter excipit, ab Ecclesiæ catholica usu adhorrere. Adducitur Paulus testis. An equam illi respondeat, anathema, si aliud quid dixerit, quam quod sibi persuasit Ecclesiam sentire, non dubitanter minatur. Sed qua fiducia? Notum est illud: Ignorantia confidentiam pa-

Psal. 119.
3. Re. 8.
2. Thess. 3

rit. Paulò pòst tamen, moderatior iam factus, hæc non mea, sed Spiritus sancti verba, utcumque impropria sint, non multum habere incommodi concedit, nisi me animaduerneret impietatis meæ venenum illis insinuare velle: Deum scilicet uti corde nostro, aut voluntate, in bonis operibus, sicut arreptitiorum membris maligni spiritus utatur, dum per eos responsa dant & loquuntur, quæ ipsi non intelligunt. Verum cum omnem illi occasionem antè abstulerim, ne quid de me tale suspicari posset, cur diuinat, quod timeri nullo modo debuit? Exposueram, velle inesse hominibus ex natura: ex natura verò corruptione fieri, ut non nisi malè possumus vellesse igitur proprium Dei donum, ut bene velimus. Quam hic syllabam inueniet, quæ materiam præbeat tali calumniæ?

Eze. 34. At non dissimulanter postea id me sensisse aperio: quia contentus non sim, si quis dicat voluntatem, aliàs non prorsus malam, sed infirmam ac debilem, subsidio gratiæ adiuvantem: atque ad eam rem Prophetæ testimonio utor: Dabo vobis cor novum, & Spiritum novum ponam in medio vestri: auferam à vobis cor lapideum, & dabo vobis cor carneum. Deinde subiicio: Hæc similitudine non ostendere vult Deus, mollitiem cordibus nostris inesse, flexilem aliàs in recti obedientiam, sed quæ per se infirma, gratiæ suæ adminiculo indigeat, sed nihil penitus boni expressum nisi à corde nostro, nisi aliud fiat. Nam si lapis in carnem transformatur, quando nos ad recti studium Dominus conuerit: aboletur, quicquid est voluntatis nostræ proprium: & quod succedit, totum à Deo est. Hic, quæ plurimum valet conuertiendi proteruita, in me debacchatur: clamat pseudopropheta in veste ouis deprehendi seducentem, hoc est, seorsum ducentem ab ouium caulis simplices animas. Sic enim in illa sua crassa hallucinatione sibi placet, ut non satis habeat suam insulsiatatem semel prodidisse. Huc autem spectat, ne eum sine ratione maledicere putes, quicquid sonent verba Prophetæ, ut tamen opinio sua valeat: quoniam Ecclesiæ autoritate nitatur. Aliquando tamen ad rem accedit. Sicut antè, inquit, nulla auxilij sui facta mentione, totam perfectionis summam potestatis nostræ fecerat, cum diceret: Projice à vobis iniquitates vestras: conuertimini ad me: facite vobis cor carneum & Spiritum novum: ita hæc eandem vni Deo tribuit, præterita nostra facultate. Ergo utrumque locum iubet coniungi, ut habeatur illa, de qua discernit, liberi arbitrij & gratiæ coniunctio. Quasi vero illi permittam, ex præceptis colligere, quantæ aut qualis sit hominum ad obediendum, facultas. Hunc iubendo Legis effectum esse ex Paulo scimus, ut occidat. Cur? nisi quia non aliud potest, quam hominem transgressionis subyicere? Scimus & hoc esse eius officium, ut hominem, miseriæ suæ agnitione perculsum, confugere ad gratiam doceat. Ergo ab externa Legis prædicatione recedendum est, ut ad spiritualem eius inscriptionem, de qua loquitur Ieremias, veniamus. Illic enim Dominus fœdus se facturum promittit, non quale antè pepigerat, quia irritum factum fuerat defectione populi, sed fœdus novum, quo Legem inscribat populi sui cordibus & visceribus insculpat. Vides causam, cur fœdus illud quod externa prædicatione constabat, abroge- tur: quia scilicet violatum fuerit ab hominibus. Vides & noui paciscendi necessitatem: quia scilicet non aliter ratum sit futurum, donec Spiritu Dei inscriptum cordibus fuerit. Huius efficaciam si vel minimum gustum haberet Pighius: aut si impotentiam saltem suam conscientia tangeretur, non amplius obloqueretur, in hominum statui potestate quod illis præcipitur.

Iere. 31.

Atque

Atque hinc etiam patet, quàm friuola sit & nugatoria eius ratioeination. Si ex promissionibus inferamus, solius Dei opus esse conuersionem, quia se solum eius authorem illic commemorat, pari ratione euicturum ex præceptis Pelagium, posse nos omnia, Dei gratia nihil adiutos: quoniam illic à nobis, sine mentione gratiæ, perfecta iustitia exigatur. Quasi verò ideo dentur præcepta, ut quod deest gratiæ, virium nostrarum subsidio expleatur: & non potius, ut propriæ impotentia conuictos, ad gratiam manuducant. Alia est promissionum ratio: Dabo, inquit Dominus, mentem, ut quod rectum est videatis & eligatis: Dabo cor carneum, ut obediat: Faciam ut ambuletis in Lege mea. Non suspendit à nobis eorum complementum, quæ pollicetur, sed simpliciter in se vno locat. Iubendo autem, non facultatem, aut nouam nobis confert, aut quam habemus, prædicat, sed nihil omnino nos posse nobis ostendit, ut quo penes nos defcimus, aliunde querere discamus. Valeat ergo fictitium illud Pighij temperamentum, donec nobis probauerit, à promissionibus remitti nos ad Legem, ut ibi iustitiam reperiamus, sicut Lex ad promissiones nos manuducit. Quòd conuertimur ab iniquitate ad iustitiam, non ex naturæ nostræ potentia, sed gratiæ suæ dono, palàm Deus testatur. Nunc illud conuertat Pighius, si potest, ac reciprocum faciat: non ex puro esse gratiæ dono, sed naturæ virtute. Imò cum de nobis loquitur Dominus, ne guttam quidem boni nobis relinquit: neque nos infirmitatis tantum damnat, sed totam virtutis nostræ opinionem in nihilum redigit. Designat ergo Pighius, noxiam hanc & venenatam suam mixturam nobis temperare: quæ non aliò speciat, nisi ut hominem in Dei societatem erigendo, ex altiore loco eum grauius præcipitet. Quid enim sibi aliud volunt eius verba, nisi ut in opere omnium excellentissimo, hoc est, in animæ resurfectione, æquales habeat partes homo cum Deo? Conuertitur, inquit, homo à Deo: sed ipse nihilominus se conuertit: crucifigit veterem hominem, carnem suam mortificat, renouat se, & induit nouum hominem, utcunque à Deo simul renouetur. Circunciditur à Deo, nihilo tamen minus circuncidit seipsum. Et quo fundamento hanc æqualitatem fulcit? Quòd sicut hæc omnia se facturum in homine promittit Deus, ita ab homine requirit, ut faciat. At promissiones non modò quid possit, sed quid faciat Deus, ceriò pronuntiant ac definiunt. Lex autem non ad testificandam hominis virtutem, sed ad infirmitatem potius arguendam, data est, ut præceptis admonitus se nihil posse, in Dei fortitudine, non sua recumbat.

Porro quòd lapidei cordis appellatione ostendi existimo, nihil vnquam boni expressum iri à corde nostro, nisi penitus aliud fiat, exclamat similis attonito, se non capere qualia sint hæc portenta. Ego verò, nisi scirem hominem, rabie excacatum nihil cernere, ideòque arbores, pecora, terram, aerem ipsum, aut quicquid obuium fuerit, pro hoste temere ferire, mirarer, vnde: tantus illi stupor, ut tam prodigiosam facili simpliciſque sententiæ interpretationem confingeret. Longam enim disputationem orditur, ut cordis substantiam non tolli, sed qualitatem mutari, ac vitium corrigi probet. Quòd si rationes non sufficiant, Ambrosij testimonio confirmat, non fieri nouum pigmentum, aut nouam creaturam, sed vitium tantum auferri quod à natura non erat. Quo præmio dignum esse ducas, qui tam abstrusam quæſtionem sic enucleauit? At ego dico, fieri nouum cor: Ambrosius quicquam in substantia mutari negat. Quasi verò credibile sit, me substantiam cordis lapideam imaginari in homine nondum renato. Cor, ex lapideo, cum dicit Prophe-

ta carneum fieri, extra dubium est Pighio, de qualitate id esse intelligendum. Cum dico mutari aut fieri aliud, de substantia me loqui interpretatur. Ergo cum petit David, cor mundum creari in se, & Spiritum rectum innouari in visceribus suis, quis horum verborum erit sensus? Cor nouum creari, an non valet, quantum aliud fieri? O ieiunum calumniatorem, qui tam leues ac nihili ineptias ad maledicendum captat! Sed ingeniosam muscipulam excogitat, quam effugere me nullo modo posse, sibi persuadet. Nam cum, me quoque teste, cor voluntatem significet, de actu voluntatis accipi non potest quod dico. Siquidem in vanum verba profererem, si tantum mala desideria oportere aboleri dicerem. Restat igitur, ut de potentia illa, qua volumus, nolumus, odimus, amamus, sentiam. Nuper de substantia sermonem habebat: nunc transilit ad potentiam. Quod si rem vnam se designare his duobus verbis causetur, perperam ergo Ambrosium adducit, qui sub figmenti & creaturae verbis plus aliquid, quam potentiam, comprehendebat. Sed valeat illud: consequentiam autem, qua me absque ullo effugio teneri iactat, valere nego. An tam rudis adhuc est Pighius, ut inter voluntatis substantiam, aut volendi facultatem, & actus, vel effectus ipsos, nihil medium agnoscat? Certè vehementer me decepit. Putabam enim, primis saltem dialecticæ rudimentis instructum. Nunc video, & bonarum artium, & communis sensus prorsus expertem. Siquidem nemo tamen est indoctus, qui non habitum medio loco constituat. Quorsum enim istæ loquendi formulæ, vir boni aut mali animi, nisi ad qualitatem indicandam? Neque verò id tacueram. Nam quantum ad præsentem questionem, Bernardum secutus, tria consideranda proposueram: velle per se, aut simpliciter: deinde malè, & bene velle. Primum illud est volendi facultas, aut si ita placet, substantia. Bene & malè velle, sunt qualitates, vel habitus contrarij, qui in potentiam ipsam cadunt. Actus prætermiseram, quod nihil ad rem facerent. His tribus positus, voluntatem docueram perpetuò insidere in natura, malitiam voluntatis esse ex naturæ corruptione: Spiritus autem regeneratione malitiam corrigi, & voluntatem eodem modo ex mala fieri bonam. Iactauit Pighius, si hunc nodum possem expedire, quidvis se à me passurum. Quid si nunc sponsonem hanc reciperem? Sed ideo abstineo, quia nodum me nullum soluisse fateor, cum nullus foret. Quis enim puer hîc hæsitaret? Imò cum qualitatem sæpius nominasset Pighius ac distinxisset à substantia voluntatis, qui fit, ut cum ad diuisionem hanc ventum est, membrum illud silentio transmittat? An ergo compos mentis credendus est, qui ubi totas fores mihi ad exitum aperuit, nullum effugium patere existimat?

Ne longior sim: dico voluntatem, non natura, hoc est Dei creatione, sed naturæ deprauatione esse malam: nec aliter habere posse, donec Spiritus sancti gratia in bonam mutetur. Neque sic imaginor, fieri nouum figmentum, aut nouam creaturam, ut abolita substantia priore, noua succedat. Voluntatem enim nominatim commemoro, sicut homini est ab initio ingenerata, semper manere: in habitu igitur, non in substantia, esse mutationem. Pereiusmodi renouationem cor dico aliud fieri: David autem cor nouum creari. Pighius autem, præfatus se ad tam dira portenta obstupescere, multis conuitijs me persequitur, quod dicam mutari substantiam. Videre nunc est quid cerebri habeat. Ipse autem qualiter interpretatur? longa peccandi consuetudine inueteratum cor, relinquere lapideam suam duritiem, molliri que oportere, ut sensibile, diuinisque impressionibus aptum, sequax, ac

ductile fiat. Merito certè hoc contempta Scriptura pramium refert, ut tam frigidis profanisque interpretationibus sacram eius maiestatem corrumpat. Verum meminerimus, quas porci calcant margaritas, nobis & singulari veneratione exosculandas, & summa religione custodiendas esse. Postquam Dominus, expositis suis in populum collatis beneficijs, quam pro illis ingratitudinem reddiderat, exprobrauit: deinde ad pœnitentiam hortatus est, quæ est legitima ad Euangelij gratiam preparatio, liberationem demum ex captiuitate Babylonica promittit: simul ab externo typo transit ad veritatem. Nam quod populus à Babylonica tyrannide solutus, in terram promissam reducitur, illud tenue beneficium est, prout est illa inestimabilis gratia, quam à peccati Sathanae, & mortis seruitute, & spiritu Dei, in liberum iustitiæ statum asseritur. Hanc gratiam exhibere cœpit populo Israelitico, cùm ab exilio Babylonico manu sua emissum, ad urbem & Templum reduxisset: plenius verò & locupletius sub Regno Christi in vniversas gentes effudit. Ostendit autem illic, nihilo magis exhortationibus ac doctrina profici apud homines, quàm si lapidibus loqueretur, donec duritiem cordis eorum, hoc est, contumaciam emolliat. Quod enim facturum se promittit, ad suam vnus potestatem transfert. Alioqui ut eius promissa compleantur, non in ipsius, sed hominum erit potestate, inquit Augustinus. Prorsus ergo hîc gratiæ & naturæ fit comparatio. Cordis enim lapidei durities, non aliud quàm inimicitiam carnis aduersus Deum significat: qua non exiguus hominum numerus, sed totum genus laborare dicitur. Hanc non nisi à seipso subigi testatur Deus: & in quem finem? Non ut possint ambulare in recta via, sicut Pighius, ad extenuandam gratiæ laudem, comminiscitur, sed prorsus ut ambulent. Cùm facturum se dicit Dominus, ut in præceptis suis ambulemus, non cor tantum flexile in vtrunque partem, redditurum se promittit, ut tam resistendo, quàm obediendo paratum, aptumque sit, sed quod omnino ad obedientiam formatum & compositum, iustitiam Dei iam in se impressam insculptamque habeat. Nemo tam obtusus est, quin hic in supprimenda Dei gratia tum insignem Pighij malignitatem, tum impudentem & propè desperatam audaciam cernat. Dicit Dominus, facturum se, ut sibi seruiamus. Reddit ille, facturum, ut possimus vel ambulare, vel non ambulare. Dicit similiter Dominus altero loco, inscripturum se cordibus Leges suas: Reddit Pighius, facturum, ut corda impressionem hanc recipere valeant: non autem ut habeant. Hæc generalis est sententia: Pighius ad homines, praua consuetudine corruptos, restringit. Lapidem enim cor vocat Deus contumaciam & rebellionem, ex naturæ vitiositate insitam hominibus. Pighius Duritiem exponit ex mala consuetudine contractam. Quemadmodum si quis ex Philosophorum grege diceret, hominem, male viuendo, obduruisse, vel occaluisse ad malum. Clarum igitur omnibus nunc quod dixi esse confido: Prophetam hoc loco satis exprimere, non roborari tantum humanæ voluntatis infirmitatem gratiæ subsidio, quò ad boni studium efficaciter adspiret. Pighius autem quidquid à me conuictum perpeti paratus est, si vnum ex orthodoxis producere potuero, qui non ita senserit. Ego autem, ut compendio studeam, Augustinum produco: qui & initio libri de Gratia & libero arbitrio ad Valentinum, & Epistola centesima septima ad Vitalem, idem tradit. Vtroque enim loco dum hoc Propheta testimonium interpretatur, fortiter contendit, non præcedere in voluntate bonum aliquem motum, quem Deus adiunget subsequendo, sed voluntatem peruersam Deo-

que rebellem penitus esse, donec corrigatur. Tamen si conuictijs abstineo, satis insignes impudentiæ suæ maculas ipse sibi Pighius inuulsit.

Quoniam autem subijcio, aboleri oportere, quicquid ex nobis est, cum à Domino regeneramur, primum interrogat, quid istis verbis mihi velim: & mox respondendo arteuertit, non aliter quam de vniuersis naturæ partibus posse intelligi: in ijs autem esse & animam & corpus: conuenire ergo secundum hæc mea verba, ut corpore resurgant homines, simul atque ad Deum conuertuntur. Non confidentius aduersarium insequeretur Chrysippus disputando, si viueret, sed melius aliquanto, & magis viuis rationibus premeret. Ego, ut latratum huius canis breuiter compescam, primum, loquendi formam, neque nouam esse, neque à me inuentam, respondeo. Sic enim ante me Augustinus: Nemo se palpet. De suo enim non nisi Sathan est. Quid enim de tuo habes, nisi peccatum? Tolle peccatum, quod tuum est. Iustitiam enim non habes, nisi ex Dei dono. Neque difficilis est de re ipsa responsio. Quicquid nostrum est, pro eo accipio, quod est nobis proprium. Hoc porro esse definitio, quod habemus in nobis, à Dei creatione separatum. Est autem vitiositas, quæ non in aliqua nostri parte, sed in tota natura hæret. Eam enim totam in seipso primus homo perdidit, sicut & Augustinus scribit ad Vitalem. Nunc qui inter primam naturæ creationem, & quæ postea supervenit, ex peccato corruptionem, distinguere poterit, ab omni difficultate, non magno se negotio, expediet. Sed Pighius disputationem altam ingreditur: qua me pressius teneri putat, quam ut possim vnquam elabi. Nam per rationem, & voluntatem, quas in totum renouari oportere contendo, necessario aut rationalis animæ essentiam, aut certè energias & virtutes inde scaturientes intelligi. His autem esse mutuam inter se connexionem, ut separari nihilo magis possint, quam ab igne vis calorifica, aut illustratoria à sole. Fieri ergo non posse concludit, ut nobis auferantur voluntas & ratio, nisi auferatur & ipsa rationalis animæ substantia: atque in eius locum noua aliæque anima succedat. At scire ex eo velim, an non illis animæ potentijs qualitates accidere posse concedat. Hoc enim concessio, soluta sunt illa vincula, quibus me constringi gloriabatur. Quid respondeat, nihil moror. Dico, sicut res ipsa loquitur, ratiocinandi potentiam, quæ in mente sedem habet, dico volendi facultatem, quæ in corde residet, vitiatas esse, corruptasque peccato. Ista vitiositate, quæ totam hominis animam in suis potentijs occupauit, fieri dico, ut nihil cogitet, eligat, velit, conetur, faciat homo, nisi malum. Atque hoc sensu dico, & aboleri, & renouari oportere, quicquid ex nobis est.

Subijcio deinde, voluntatem suo pte ingenio, in eum modum, à Deo auersam, sola Dei virtute conuerti, sic ut nullas in agendo partes habeat, nisi quatenus à Domino præuenitur: atque ita quod alicubi tradit Augustinus, interpretor: non præuiam esse, sed pedissequam in bono opere. Quibus verbis nullum me in ea bonum motum agnoscere significo, qui non ex Spiritus renouatione fluat. In primo membro non ferendam in Deum blasphemiam contineri existimat Pighius, quia subindicare velim, necessario auersam à Deo esse voluntatem, naturæ vitio. Sed cum satis antè demonstrauerim, non esse Deo imputandum, quod sibi mali homo sua culpa contraxit, frustra in Dei contumeliam recidere causatur, quod de cordis humini prauitate ubique vel me tacente, clamat veritas. Alterum tamen membrum, ubi vllas ad conuersionem esse voluntatis partes nego, nisi quoad

quoad reformatam fuerit, acrius exagitandum sibi sumit. Nam si ad cōuersionem, inquit, nihil potestatis reliquum nobis est, sed id penes vnum est Dei beneplacitum, vbi, quando, & quomodo velit, quid ludit operam, imo quid ridiculum se facit, tories, vt conuertamur, à nobis flagitando? Magnum verò & absurdum, si à paupere debitore iustum aliàs ac legitimum nomen exigatur. Quanquam alio etiam sine Dominum ad conuersionem hortari suos, superius dictum est. Requirit enim ab illis, quod simul promittit se daturum. Ita præcepto illos ad recipiendam promissionem præparat. Sed cur nos frustra verbis inuitat? Cur non potius loquitur ipse secum, vt conuertat, quos conuersos velit? At cum eadem verba, quæ auribus loquitur, simul digito suo, hoc est, per Spiritum sanctum cordibus inscribat, vt ita spirituale sit ministerium hominis, quo utitur, an nostrum est, illi legem dicere, ne sic faciat? At quid de reprobis, quibus nihil exhibetur, præter nudam & mortuam literam? Respondeo: proprium quidem doctrinæ Dei esse, vt salutaris sit audientibus: vbi autem officium hoc in fidelibus expleuerit, aduersus rebelles & obstinatos paratam esse vindictam. At Deum velle omnes conuertere existimat Pighius: id eo quæ pariter omnibus suum auxilium offerre: itaque nostræ esse potestatis, velle aut nolle. Quod nisi voluerimus priores, ipsum ad nos non conuertere. Hoc enim clarissimis verbis exprimere Prophetas, cum in Dei persona dicunt: Reuertimini, & sanabo vos. Item: Reuertimini, & non auertam faciem meam à vobis. Ego autem nihil in istis verbis contineri animaduerto, nisi quod Deus se illis, & peccata, & pœnas, quibus propter peccata plecterentur, remissurum pollicetur, si modò resipuerint. Iam cum pœnitentia sit spiritualis à morte resurrectio, negotium magis in hominis esse potestate, quàm fuerit se creare: imo minus: quanto scilicet præstantius est, iustum se facere, quàm hominem. Cur ergo de illa concionantur Prophetæ? Quia hic est regenerationis ordo, vt homines vera sui displicentia, vero tum peccati odio, tum iustitiæ desiderio amoréque tacti, ad Dei misericordiam confugiant. Sed cur Dominus ab illis flagitat, quod merum esse Spiritus sui opus ac donum nouit? Quia vtrunque arcanum Spiritus sui sancti opus, sine vlllo vel instrumento, vel adminiculo, peragere possit, externam tamen prædicationem ordinauit, quæ tanquam instrumento uteretur. Caterùm, vt efficax ac fructuosum sit eiusmodi instrumentum, ea ipsa verba, quæ auribus per os hominis loquitur, digito suo in corda insculpit. Ita ministerium reddit spirituale & viuum, quod aliàs literale & mortuum foret.

At vbique hæc duo antè requirit à nobis Deus, pœnitentiam & humilitatem, quàm se nobis propitium fore promittat: sicut per Iesaiam dicit Ad quem respiciam, nisi ad humilem, & contritum spiritum? Neminem istud impedit qui memoria tenebit, quod obseruandum, quodam Institutionis meæ loco, docui: dupliciter Deum ad homines respicere, vt eos misericordia sua dignetur. Dicit Petrus, se in Cornelij exemplo cernere, non esse acceptionem personarum apud Deum: quia illi acceptus sit ex qualibet gente, qui faciat bonum. At Paulus dicit, tunc fuisse reconciliatos Deo Romanos, cum essent eius inimici, & alieni ab eius iustitia: iustificatos fuisse Corinthios, cum scortatores essent, & ebriosi, & adulteri, aut alijs flagitijs inquinati: receptos in gratiam fuisse Ephesios, cum essent peccatis mortui, sine Deo, sine spe, cum carnis concupiscentijs addicti, Sathanæ seruirent: Colossenses etiam, quo tempore ab alienati erant, & inimici mente in operibus malis, fuisse

reconciliatos: quo tempore mortui erant per peccata, fuisse in iustitiam ac vitam excitatos. Sed quid plura commemorem? Cum passim eiusmodi sententijs scateant eius Epistolæ? Quod si taceret, eius tamen conuersio, sine ullis verbis, illustre est eius rei documentum. Qua enim aut humilitate, aut sui displicentia preparatus, benignum illum Dei aspectum promeruit, ut vas electionis vocaretur? Excipiet Pighius, in ipso fuisse, ut Dei vocationi obtemperaret. Sed hic tantum disputatur, an Dei gratiam præuenerit. Quanquam fallitur, qui putat, tantum eius auri- bus insonuisse vocem illam: Saule, saule, quid me persequeris? non autem Spiritus sancti magisterio insculptam fuisse eius cordi obedientia Legem, ut protinus faceret, quod iubebatur. Illa, inquam, inscriptione, non modò ex nolente factus est volens, sed etiam ex persecutore sectator. Iam quid sibi prophetica illa & celebrissima sententia vult? Inuentus sum à non quærentibus me. Sic exponit Apostolus: quòd Gentes, quæ iustitiam non quærebant, iustitiam apprehenderunt. Nec alio preparationis genere, aut Abraham, aut eius posteritas, initio ad Deum appropinquauerat: sicut Moyses & Iosue cōmemorant. His ac similibus testimonijs qui non conuincitur, ut duplicem hominum coram Deo acceptionem agnoscat, nimis præfractus est. Respicit ergo Deus electos suos, amplectitur, amat, acceptosque habet, etiam ante vocationem, sed in Christo: eos autem vocando se propitium ipsis ostendit ac beneuolum: hoc est, amorem ipsis, quem antè deferebat, testatur, ut eum in animis suis sentiant, eoque fruantur. Iam vocatio, pœnitentia & fide constat. Prima autem pœnitentiæ pars, vel potius initium est, humili submissoque animo sibi displicere. Post hanc demum humilitatem dicitur Deus ad homines respicere, relatione ad eorum notitiam sensumque habita: quoniam tunc se illis Patrem declaret, suæque bonitatis testimonium reddat.

Porro cum hæcenus sine fine & modo, extulerit hominis vires: nunc cum demonstrare vult, ut se ipsum ad Deum proprio motu conuertat, liberius adhuc multo, quàm antè, apertiusque impietatem suam prodit. Vult Deus impium conuerti, inquit, non tamen sua omnipotenti illius voluntate conuertit, sed ut se conuertat, inuitat & adhortatur. Nostrum proinde est, reuerti & conuerti, ipsius autem, reuertētes suscipere & viuificare. Quid, obsecro, relinquere hic Deo videtur, præter exhortationem? Et quid aliud in Pelagio damnatum est? Sed aliquo statim colore hanc blasphemiam tegit: dum nec Deum nobis in conuersione fatetur deesse, modo tamen priores ipsi ad eandem conemur. Est hoc quidem aliquid, quòd cum priores homini partes dederit, posteriores tandem Deo concedat. Fuit hoc secundum Pelagij commentum, postquam illud retractare coactus fuerat, hominem suum viribus peruenire ad vitam æternam posse. Quanquam paulò post ne dimidio quidem Pelagianismo contentum se esse exprimit. Nam cum vult definire, qualiter nos conuertat Deus, sua, inquit, bonitate & patientia, non statim nos puniens, sed dans tempus & locum pœnitentiæ: adhuc, multis medijs & occasionibus, exhortationibus, beneficijs, & flagellis, ad eandem nos prouocans, sollicitans, stimulans. Hic verò totus & integer Pelagius sua in cælum sacrilegia euomit. Externa enim tantum media ponit, quibus inuitat Deus homines, atque his includit totam conuersionis gratiam: de interiore cordis motu, de renouatione Spiritus, altum silentium. Neque verò causa est, cur minimè negare se tergiversetur, vtrunque si-
de-
fi-

definitione posita, totam cordis innouationem, quæ sit arcana Spiritus sancti virtute excludit. Et tamen, si Deo placet, ad tam clara crassaque impietatis confirmationem, ex Scripturis suffragationem aliquam corrogat. Quod se incipiat homo conuertere, inquit, habetur apud Ieremiam: Si conuerteris, conuertam te. Illic Prophetam alloquitur Deus, qui vltima prope desperatione tentatus, secum multis querelis exposulauerat. Cap. 15. Nouus ergo eum promissionibus ad colligendum animum, incitat. Sic autem habent verba, si ritè quis interpretetur: Si reuersus fueris, & reuersti te fecero, ante faciẽ meam stabis. Si pretiosum à vili discreueris, eris quasi os meum. Quia successu destitui se videns, animum desponderat, ac perinde vacillare cœperat, quasi Dei promissus sua non constaret fides, hanc hasitationem & diffidentiam reprehendit Dominus: postea tum ad fidei fortitudinem & constantiam, tum ad obsequium, hoc est, vocationis suæ cursum redire iubet, meliore spe proposita, boni & felicitis exitus. Dicit ergo: Si redieris, subsistes coram facie mea: vt cunque te deiciat mundus. Si steteris in recto iudicio, neque ab officio defeceris, vt cunque doctrinam tuam mundus infamet, ego tamen eam, tanquam ex ore meo profectam, approbabo. Quod ergo additur, Et conuertam te, vides interpositam esse parenthesin, vice correctionis: qua Dominus suum fore beneficium declarat si Propheta in viam redierit. En Pighiana in citandis Scripturis dexteritas. At postea longum testimoniorum acervum colligit. Nempe quoniam obstinatos Deus obiurgat, quod sua bonitate abutantur, nec cōuersti velint, inde colligit, nostræ virtutis esse, si conuertimur. At Scriptura, sicut hominem propria cordis prauitate impediri testatur, quominus se ad Deum conuertat, ita conuersionis suæ gloriam sibi arrogare vetat, dum Spiritus sancti opus esse docet.

Quæ tamen, vt illustriora, distincta serie postea recenset, ac seorsum explicat, breuiter percurram. Adigi doctrina nostra miseros homines calumniatur, vt plenam illam desperationis vocem ob quam apud Ezechielem tam grauiter Israeli succenset Deus, concipiant, atque emittant: Iniquitates nostræ super nos sunt, & in ipsis tabescimus. Si hæc similia sunt, hominem Spiritus sancti directione, non virtute propria, à peccato conuersti ad iustitiam: & hominem sine spe veniæ à Deo esse derelictum, & iam exitio destinatum: desperationis materiam gigni ex doctrina nostra, fateor: sin videre omnibus promptum est, quantum sit discriminis: quàm indigna sit hæc Pighij calumnia, neminem latet. At si in solo, inquit, Dei beneplacito iacet conuersio hominis, quid aliud concipiet peccator, quàm sibi putrescendum esse, donec Dei manu erigatur? Quasi verò, cum de sua impotentia docentur homines, non eo modo ad spem auxilij erigantur, siquidem electi Dei sunt: si verò reprobi, non simul Dei iudicio constringantur, vt sua se culpa perire agnoscant. Atque vt clarius pateat, quàm concinna sit prophetica huius sententiæ aduersum nos applicatio, obseruandum est, populum tunc, non tam desperatione, quàm pernicacia, non sine Dei inuidia, quod inexorabili seueritate esset, de suis miserijs conquestum fuisse. Iam ergo passim audiebatur vox illa: Quid faceremus? Deus nos perdere, ac funditus extinguere, semel decreuit. Proinde, quando frustra de eo placando cogitaremus: Veniat, quando volet, eius iudicium. Hac contumacia se ad stuporem comparabant, vt aduersus calcar obstinatis animis calcitrarent. Excipit Dominus, nolle se mortem impij: doctrinam enim, quam per suos Prophetas dispensaret, ministerium esse reconciliatio-

nis. Nunc sine mora concludit Pighius, nostræ esse potestatis, eiusmodi reconciliationem ratam facere: ego autem querendum dico, qualiter ministerium illud efficax nobis fiat. Respondent Prophetæ, & post eos Paulus, id fieri, cum Spiritu Dei inscribitur cordibus nostris doctrina, quam frustra aliqui, & ne profectu aures exciperent.

Secundum locum adducit ex Iona: Quid Rex Niuiæ ad Ionæ denuntiationem edicto promulgauit, ut conuerteretur quisque a via sua mala, nisi sensus communis hoc dictaret, homini in manu esse suam conuersionem? Respondeo, fuisse istud officium regis iam conuersi, ut alios ad exemplum suum incitaret. Certe ciuile Regis edictum non plus habebit ponderis ad probandum quod intendit Pighius, quam prophetica multæ contiones, quas sensu & verbis conuenire cum illo, parum est. Sicut enim Prophetæ officium est, dum homines ad Dei cultum ac timorem instituere vult, plantare & rigare: ita & Regis. Hanc autem prærogatiuam sibi vindicat Deus, ut solus det incrementum: idque libera potestate, ubi, & quoad sibi placuerit. At subiicitur, misertum fuisse Deum, quoniam eorum opera viderit: quatenus scilicet à libero eorum arbitrio proficiscebantur. Sic quidem interpretatur Pighius, qui hominem imaginatur à seipso, & natura habere, quicquid boni habet. Nos autem, qui respicere & conuerti, singulare esse Dei donum, tot Scripturæ testimonijs didicimus, aliter: Deum, sicut illis dederat, ut conuerterentur, ita conuersos amplexum esse, & manum suam retraxisse, ne secundum priorem denuntiationem in eos animaduerneret. Miseretur enim primum hominis nudi, inopis, omnique bono destituti, sola miseria pradi: postea suis donis vestitum & ornatum misericordia persequitur. At conuersio, inquit iterum Pighius, ijs imputari non poterat, ad promerendam aut obtinendam gratiam, si illos Deus, ut conuerterentur, prauenerat. Vide quantum inter hunc, & Augustinum intersit. Sic enim Augustinus loquitur: A teipso si tibi merita tua sunt, mala sunt: ideoque non coronantur. Ut ergo bona sint, Dei dona esse oportet. Item: Opera mea si videris, damnas: tua si videris, coronas. Nam & quæcunque bona opera habeo, abs te mihi sunt, ideoque tua potius, quam mea. Ergo opera manuum tuarum non despexeris. Pighius autem absurdum esse putat, si opera manuum suarum respiciat Deus, ut priora sua dona alijs cumulet.

Ratiotinetur & ex hac Christi sententia: Væ tibi Capernaû. Nam si in Tyro aut Sidone aut Sodoma factæ fuisset istæ virtutes, quas vidisti, in cilio & cinere poenitentiam egissent. Nam si absoluta, inquit, efficacique voluntate noluit dare Deus poenitentiam Sodome, Tyro, & Sidoni, an daturus erat, si illic edidisset sua miracula? Et cur potius ob miracula illis gratiam respiscendi dedisset, quam ciuitati suæ, ubi eadem miracula designabat? Respondeo, minime in his verbis Christum respicere, vel vnde emanet poenitentia, vel cur his potius, quam illis, arcano Dei consilio detur: sed simpliciter ab effectis sumere hanc comparisonem, quod reliquæ illæ quas nominabat, vrbes, quibus doctrina & miracula defuissent, plus habituræ essent excusationis coram Deo, quam Capernaum, quod deliberata nequitia, & impii sceleratæque rebellionis obduratum, tot ac tam præclaris, & doctrinæ, & signorum monitionibus nihil flecteretur. Quasi diceret: nullam hactenus fuisse gentem tam duræ aut indomitæ cervicis, tam ferrei cordis aut obstinati, quæ non commoueretur signis illis, quæ apud Capernaum contemptui ludibrioque habebant.

De grat.
& libero
arbitrio
cap. 6.
In Pf. 137.

habebantur. Quòd si affirmationem illam pertinacius urgeat Pighius, iam pridem egiſſent pœnitentiam, reſpondeat iam mihi, cur nam vrbes illas non dignatus fuerit idoneis modis hortari ad pœnitentiam, quas ſciebat ſuæ exhortationi non defuturas? Si quid ſentit, ſentire, opinor, debet, ſuis ipſius tricis teneri ſe nunc implicitum. Sed valeant ineptæ illæ cauillationes: cùm euidenter conſtet, non aliud voluiſſe Chriſtum tali loquendi genere, quàm ſi quis hodie ſic loquatur: neminem eſſe Turcam tam durum rebellẽque Deo, aut tam à pietate auerſum, qui non iam olim fractus fuiſſet, ſi ea legiſſet, audiſſet, vidiffet, quibus tamen non potuit corrigi Pighius

Poſthac, vt noſtræ facultatis eſſe probet, tam præparare corda noſtra Deo, quàm ei, ad bonum nos prouocanti, acquieſcere, longum ex integro præceptorũ catalogũ retexit. Nihil certè dubium eſt, centies nos victos eſſe, ſi Dei præceptis vires hominum metiri libeat. At iſtud, inquit, delirare eſt, ad ea hortari homines, quibus præſtandis pares non ſint. Verùm ab hac cõtumelia ſe tuetur Deus: qui optimam ſibi eſſe iubendi cauſam declarat, etiam ſi penes hominẽ non ſit implendi facultas. Quanquam operæpretium eſt, ex ijs, quæ adducit, quadã nominatum referre & expendere. Apud Ieremiam, inquit, docemur, qualiter ſe efficaciter præparare ad Dei gratiam homines poſſint, dum ſic dicit: Scrutemur vias noſtras, & reuertamur ad Dominũ: leuemus corda noſtra cum manibus in cœlum, dicentes: Nos impiẽ egimus, &c. Odiſſe, inquit, Pighius, ac deteſtari veterem vitam, contritòque corde ad Dominum confugere, pœnitere ex corde, & vera fide petere miſericordiam, hæc eſt præparatio. Eleuatio autem cordium, eſt conuerſio. Agnoſcunt hĩc vel mediocris iudiciũ lectores ſolitam Pighij Dialecticam: cuius prima regula eſt, vñũ ſemper in plura diſcerpere: quæ autem diuerſa ſunt, in vnum confundere. Leuare in cœlum corda & manus quid ſignificet, plus ſatis notum eſt: nempe, expanſis in cœlum manibus, ſerio cordis affectu, inuocare Deum. Pighius autem puerile commentum fabricatur, quòd leuare corda, ſit affectus noſtros à terrenis & caducis rebus liberare: cum manibus, id eſt operibus noſtris. Atque iſtæ ſunt interpretationes, ſcilicet, quibus non ſecus ac Delphicis reſponſis fidem haberi vult: cùm nihil magis aut friuolum, aut nugatorium fingi queat. Continuo poſt, culpæ agnitionem veniæque deprecationem, quæ duo ſub præparatione antè poſuerat, ad conuerſionem, hoc eſt, ſecundum pœnitentiæ membrum refert. Vt tamen illi tam craſſos errores ignoſcam, rogo quidnam ſe confeciſſe putet. Totam, inquit, pœnitentiam eſſe in hominis poteſtate. Atqui illud, quod ipſe quoque Pighius in: tium, & quaſi primum ingreſſum facit, vt peccator, iniquitatis ſuæ agnitione confuſus, ſibi diſplicet, inter alia Dei beneficia ponit Ezechiel: apud quem ſic Deus populum ſuum Eze. 16. alloquitur: Cùm tu iuramentum contempſeris, & diſſolueres pactum, ego tamen recordabor fœderis mei quod pepigi tecum: ſuscitaboque fœdus æternum. Et tunc viarum tuarum recordaberis, vt confundaris. Suscitabo, inq̃ am, tecum pactum meum, vt recorderis, & confundaris. Pighius hanc eſſe præparationem fingit, qua homines Deum anteuertant, ac priores occurrant eius gratiæ. Dominus autem, homines præuenire ſe teſtatur, vt peccata ſua agnoſcant. De altera parte iam alibi dictum eſt: non magis penes hominem eſſe, inuolare ſuam vitam, quàm propria potentia à mortuis reſurgere. De oratione, quàm promptum eſt, eius infaniam conuincere? Inuocando, inquit, præueniunt homines Dei gratiam.

Lib. de
perfect.
iusti.

Quòd enim eam precibus flagitant, ex seipsis faciunt. At Paulus contrà: quomodo inuocabunt, in quem non crediderunt? Quibus certè verbis Dei inuocationem ex fide, tanquam filiam ex matre, procedere nascique demonstrat. Vnde autem fides? An hanc quoque præparationis esse partem nugabitur? Et cur non faceret, cum de spe sic ausus fuerit loqui? quæ tamen & fide posterior est, & ex ea quoque sicut Dei inuocatio producit. Habent, inquit, à seipsis homines vt pulsant: Dei autem est aperire. Augustinus autem: Hæc est fidei sanitas, quæ nos orare facit, vt exaudiamur: quærere, vt inueniamus: pulsare, vt aperiatur nobis. Contra istam qui disputat, contra se ostium claudit misericordiæ Dei.

At Solomon non præcipit, sed affirmat hominis esse facultatem præparandi cordis. Et hîc habes expositionem Pighio dignam. Temerariam hominum cõfidentiam Solomon illic deridet, qui nihil non agitant consilij, nihil non moliri audent sine Deo: cum tamen ne verbum quidem emitte quod multo minus est: nisi per ipsum queant. Hominis, inquit, est cor præparare: & Domini est gubernare linguam. Quis non videat, ironicam esse humanæ arrogantia descriptionem? quæ summa omnia sibi usurpat, cum ne minimum quidem in potestate habeat? Pighius autem ex eo, præueniri ab homine Dei gratiam colligit. Iam quas fingit præparationes, Deo gratas esse, ex Dauide probat. Desyderium enim pauperum audiuit Deus: præparationem cordis eorum audiuit auris tua. Vtinam verò, quando ad vertendum non est idoneus, bonum interpretem sequi maluisset, quàm ad inscitiam hoc quoque mali addere, vt errori pertinaciter adhereret. Ad verbum sic habet Dauid: Desyderium pauperum audiuit Deus: præparabis cor eorum: audiet auris tua. Pighius, vestigijs interpretis non boni nec fidi insistent, ad præparationem torquet, qua homines certent cum Dei gratia. Vides quàm apposita sit ad rem probatio. Et tamen non minore truculentia stuppas istas proijcit, quàm si fulmina de cœlo vibraret. Subijcit, causam hanc adduci, cur spoliatus regno fuerit Roboam, quòd non direxerit cor suum, vt obediret Domino. Si præparare, inquit, cor, ad quærendum Deum, nihilo magis potest homo, quàm digito cælum tãgere, quid hoc specialiter de Roboam Scriptura commemorat, velut causam reprobi sensus, quod æque & piorum & impiorum est omnium? Atque hunc nodum, quicquid comminiscar, insolubilem esse nihil dubitat. Respondeo, non dici causam reiectionis, quòd per se non habuerit flexibile cor, quod sine Spiritus directione, ad seruiendum Deo, proprio naturæ motu inclinaret, quod nos, omnium pariter hominum commune esse tradimus, sed quod re ipsa non direxerit ad Deum cor: quod impijs proprium est, ac peculiare. Hoc vitium vsitatum est Pighio, dum res diuersissimas non distinguit, nihil non postea miscere & confundere. Cordis duritia & prauitas, qua fit, vt ad malum propendamus, ad bonum simus impotentes, vniuersalis est generis humani morbus, donec Spiritu suo remediũ adhibuerit Dominus. Vbi autem cor in vno carneum formauit: in altero lapideum, sicut à natura erat, reliquit: iam multum inter eos est discriminis. Ille cor flexibile habet, ad Dei obedientiam, imo Dei Legem habet inscriptam in corde, vt eius iustitiæ, toto voluntatis affectu, obtemperet: hic corde indomito, obstinato, ac rebeli, & Deũ & eius iugum aspernatur. Illius obedientia opus Dei est: hic non alium habet, cui perucciam suã imputet, nisi seipsum. Ergo, qui nihil prima conditione differebant, Dei gratia & iudicio, nunc sunt discreti. Videt lectores, me nihil cõmisci, & tamen nullum

nullum amplius restare scrupulum. Póst, ut identidem solet, ad præcepta relabitur. Verum quia providebat, nos responsione nõ destitui, subiungit, quæ illic Deus præcipit, fideles semper fecisse. Nam sicut populum admonerat David, ut præberet corda sua Domino, Ezechias item, ne cervicem suam obduraret, patrum suorum more, sed manus porrigeret: ita refert sacra historia, venisse ex toto Israele quosdam, & cor suum tradidisse, ut seruirent Domino. Quis negat? Modò tamen subintelligi debere non detrectet, quod alibi exprimitur: quorum tetigerat Deus corda. Neque enim fieri negamus ab hominibus hæc & similia. Id autem solum est, quod inter nos controuertitur, propriõne motu naturæ, an Spiritus sancti ductu & gubernatione, ea faciant.

Tandem, ut aliquo inuolucro operiat, quam nimis detexerat impietatem, ad liberi arbitrij gratiæque coniugationem reuertitur: cuius speciemem vna in re exhibere studet, ut de reliquis tale etiam iudicium fiat. Sapietiam enim vnius quidem esse Dei donum: sed dari cum delectu, non obtrudi. Dari porro non nisi ijs, qui eam inuocant, qui cor illi suum inclinant. Humilium enim esse, nõ superborum. Quid? An non humilitas quoque Dei donum est? Quod si neget Pighius, quibus tamen hanc persuasionem machinis ex piorum mētibus, quibus penitus infixæ est, reuellet? Ergone, quia gradatim confert Deus suas gratias, ut vna sit ad alteram præparatio, ideo laudis suæ parte priuabitur? quasi hominem tantum suis beneficijs subsequatur, non autem etiam præueniat. At si quem Deus suis gratijs dignetur, nullo præparationis respectu, in reliquos iniurius erit & crudelus, quos interea præteribit. Certè si Pighij tribunali subijceretur Deus, sub iudice tam malè propitio, facile causa caderet. Testatur enim, se solum esse, à quo discernimur: cum alioqui simus per omnia similes. Quid igitur, sic obloquendo, Pighius agit aliud, nisi quod lapides sursum in cælum projcit, qui mox in caput eius recidunt? Ut ergo millies clamet, Spiritui sancto, & vniuersæ Scripturæ resistere, qui nihil ad promerendam Dei gratiam facultatis homini concedunt: eiusque voluntatem sic à iustitia auersam esse docent, ut nihil quàm malum cõcipere ex se queat: ut anathema omnibus qui sic sentiunt centies minetur, nihilo plus tali clamore, quàm latratu, proficiet, donec alia Scripturæ testimonia proferat. Dei enim veritas, quam docemus, maiori stabilitate subnixa est, quàm ut ventosis eius argumentationibus tam leuiter diruatur.

Hoc controuersię capite tam bene transacto & absoluto, ad alterum transit. Nam quod scripsi, ne pedisequam quidem gratiæ ideo debere existimari hominis voluntatem, quia per se, proprio separatõque motu, cooperetur: quin potius hoc quoque voluntatis obsequium, siue ad recipiendum, siue ad retinendum Spiritus sancti motum, quam cooperationem appellant, inde manare, quod voluntas, iam reformata, Spiritui promptam obsequentemque se præbeat: primum id tam obscurum esse pronuntiat, ut nec ego intelligam quid mihi velim: deinde hunc esse impietatis cumulum, cui nihil adijci amplius queat: frustra me obtendere Augustini patrocini, quem mihi prorsus aduersari demonstrauerit. Quod autem in eius verbis fuerim hallucinatus, causam hanc esse, quia obiter tantum cursimque inspectus, nunquam attento studio lectus mihi fuerit. Utinam verò tanta, & attentione, & diligetia, versatus foret in Scripturis, tãque familiariter notum haberet earum sensum, quàm & diligenter legisse me Augustinum, & familiariter cogni-

tā habere eius mentē, iactare mihi liceat. Verū id ex re ipsa aestimari malo. Quod ad presentem quæstionem spectat, quia illud Chrysostomi improbaueram, neque voluntatem sine gratia, neque gratiam sine voluntate quicquam posse boni, malignitatis me accusat, quia vni Chrysostomo imputem, quod & ex communi Ecclesiæ definitione sumptum sit, & totidem propè verbis ab Augustino asseratur. Locum autem recitat ex tercio hypognostici libro: cuius clausulam, verbis quidem non multum ab similem esse fateor ab eo, quod dicit Chrysostomus: sed sensum diuersissimum esse contendo. Bona opera per gratiam & liberum arbitrium fieri tradit, quicumque sit illius libri author: sicut via ab equo simul, & seffore, cōfiscitur: dum equus quidem currit, sed directus sefforis manu, vt rectum iter teneat. Porro viam facit Christum. Liberum arbitrium instar vagi & deuī iumenti in mundi Vanitate errare docet, vsque dum illi Spiritus Dei infideat, quō à concupiscentiarum errore ad viam iustitiæ reducat: reducūm perpetuo regimine gubernet, donec ad destinatam metam perueniat. Currere ergo liberum arbitrium concludit: sed Deum facere, vt rectè currat. Et quid hoc aliud est, nisi quod semper docui? habere scilicet à natura voluntatem, vt velit: vt autem bene velit, beneficium esse gratiæ nō facultatem naturæ. Hoc sensu minimè repugno, quin gratiam comitetur voluntas: sicut necessariò materia formæ subest. Nam cum volūtas velut materia sit, ad recipiendam formam apta & habilis, ante renouationem malè formata est, naturæ prauitate. Vbi autem Spiritu Dei ad bonitatem renouatur, quasi alteram formam induit. Velle igitur habet homo: vt autem bonum velit, à Deo præuenitur. Hæc enim posteriora verba illic habentur. Non dicit, vt velle possit: sed presentem effectum assignat gratiæ: quemadmodum & aliquāto antè, cum diceret, tam reparari, quàm præparari voluntatem, vt bona sit, quæ mala erat. Quid autē Chrysostomus? Sic comitem gratiæ voluntatē cōstituit, vt ab hac pendeat illius efficacia. Neque aliter Pighius accipit. Quid ergo ex verborum similitudine fucum facit, in tanta sententiæ diuersitate? Quod si nōdum acquiescit, meminerint lectores eius, quod alibi retulimus, pro magno absurdo Augustinū ducere, si quis dicat, non sufficere Dei misericordiam, nisi adsit hominis voluntas. Non igitur volentis, neque currentis, vt totum detur Leo: qui voluntatem hominis, & præparat adiuuandam, & adiuuat præparatam: qui nolentem præuenit, vt velit: volentem subsequitur, ne frustra velit. At illo superiore loco innuitur, non tolli, sicut assero, liberum arbitrium per gratiam: sed vulneratum, apprehendi, vt dometur, corrigaturque ad obediendum Deo. Quasi ego substantiam voluntatis redigi in nihilum oportere, vel docuerim vnquam, vel e. iam somniauerim. De qualitate enim semper locutus sum, in qua hic scriptor correctionem dum requirit, quid omnino à me dissentaneum haberet? Sed hæc sunt stratagemata factitij nostri Herculis, qui mōstra subinde sibi fabricatur, quibus deuiciis, in sinu suo triumphet. Atque vt omnia inter se respōdeant, triumphale hoc sibi carmen occinit: his verbis nos compelliari ab Augustino: Audi hæreticæ, stulte, & inimice fidei: Opera liberi arbitrij bona, quæ vt fiant, præparantur per gratiæ præuentum, nullo liberi arbitrij merito, ipsa faciente, gubernante, perficiente vt in libero arbitrio abundant, non damnamus. Ad eò, & cæcus est, & improbus, vt nō cernat, hæc omnia perinde scripta esse, ac si quis ex nobis dictas set: & alijs mentē iudiciūque, ne cernant, sua proteruia tollere se posse confidat.

Ad reliqua deinde mea argumēta, sed pari, qua hæcenus fœlicitate, re fellēda

per-

Enchir.
ad laur.

pergit. Caterum ad ea, quæ ex Ieremia cito: Timorem nominis mei dabo in corda eorum ut non recedat à me. Item: Dabo eis cor nouum, ut timeant me cunctis diebus, abunde responsum esse præfatur, ne operam in re superuacua consumat. Ego autem non aliteram responsionem audiui, nisi quod fortiter his verbis refragatus est. Ut enim à Domino non recedamus, se efficere in nobis ipse testatur. Si modus queritur, respondet iterum, cor nouum dando. Si id adhuc nimis obscurum est, addit explicationem: quod nominis sui timorem inserat in corda nostra. Quid adhuc Pighius? Nobis id conferri Dei gratia, ut possimus non recedere, si libeat: nihil præterea aliud. Quanquam neque id sine exceptione concedit. Deum enim à nobis præueniri: neque dari eius gratiam, nisi petentibus. Hæc sunt Pythagoræ responsa, quibus, sine controuersia, fidem vult haberi. Cum sanctorum orationes adduco, quibus à Domino petunt, ut cor suum inclinet, ut cor nouum, & spiritum rectum sibi ipsis innouet, excipit, inueniri ex aduerso multa præcepta, in quibus à nobis similia requirit Deus. Atqui tritum illud esse debet, precibus suis testari sanctos, quid Dei sit: Deum autem præcipiendo minimè ostendere, quid sancti ad implendum verum, aut facultatis habeant. Addit, inueniri etià inclinasse sanctos cor suum Deo, dum gratiam affecuti sunt. Quasi hoc soluere sit obiectionem, alijs verbis, in eundem tamen sensum succinere. Postremò addit, preces eiusmodi, p̃i desiderij esse signa, quo ad gratiam adspirent. Id autem ex diametro nobis esse contrarium, qui hominem negamus à seipso præparari. Quasi verò minus ad Deum pertineat, cōtinuare, quàm incipere. Clamant David & Solomon, inclina cor nostrum Deus. Iam hoc quidem votum inclinationis indicium est. Quid ergo sibi volunt? Perinde ac si dicerent: Perfice Domine, quod cœpisti, & confirma, quod ex parte operatus es in nobis. Nondum ergo hoc mihi Pighius excussit, inclinare ad rectitudinem hominum corda, vnius esse Dei opus. Dixerat, nihil Deū seuerius exigere, quàm ut Sabbathum suum colamus. Hanc porro spiritualesse eius obseruationem, dum ab operibus nostris quiescimus. Respondet Pighius, quietem mādari nobis ab omni opere serui, nō autem à Dei timore, & legis ipsius obedientia. Bella solutio. At quorsum hoc adduxi, nisi ut timorem Dei ostenderem non esse proprium nostrum opus? Nam cum Dominus, qui nos bene agendo non vult defatigare, quiescere nos ab operibus nostris iubeat, nōne, eo ipso, pronuntiat, omnia nostra opera mala esse? Itaque Iesaias violari Sabbathū testatur, quādo inuenitur in eo voluntas nostra. Hanc ergo Sabbathi veritatem esse non dubium est, de qua Paulus sexto ad Romanos capite concionatur, ut crucifigatur vetus homo noster: cuius nullam rationē habet Pighius.

Sequi ut illa similitudo, in qua dixeram, satis luculentum gratiæ Dei testimonium extare, nisi nos supra modum maligni essemus: Ego sum vitis vera: vos palmites. Sicut palmes non potest ferre à seipso fructum, nisi in vite manserit, ita neque vos, nisi in me manseritis: quia sine me nihil potestis facere. In his verbis reperit Pighius clarissimam sententiæ suæ approbationem. Nā cum agricolæ officium sit, excolere: vitis natura, humorem succumque administrare: palmitis autem, fructum proferre: in hac distinctione pulcherrimā liberi arbitrij gratiæque colligationem extare censet. Atqui simile hoc, quo utitur Christus, ex eius ore, non autem Pighij ingenio accommodari ad veritatē suam oportuit. Applicatio ex Christi mēte simplex est & expedita. Quemadmodum palmes extra vitem nec vivere, nec florere,

nec fructū e dere potest, sed mox exarescit: invite etiam assidua cultura purgationē que habet opus: sic nos extra ipsum nihil habere prorsus, ad veram, hoc est, spiritua-
lem vitam, eiusque actiones aut vigoris, aut potentia, sed esse omnino inutiles: in
ipsum verò cum insiti plantati que sumus, perpetua Dei operatione excoli, ut in fœ-
cunditate permaneamus. Hac, inquam, inter res hīc inter se comparatas congruen-
tia qui contentus erit, minime periculum est, ne decipiatur à Christo: quo terricula
mento imperitos percellere conatur Pighius. Quid autem ipse contrā? Palmitis na-
turam cum nostra conferendo, bonorum operum fructus propriè à nobis produci
colligit, & vi germinatiua, quæ in nobis est: tamen si ex vite eam & cœlesti agrico-
la acceperimus. Si voluntatem intelligit nobis à natura indi. am, qua velimus: iu-
diciū quo eligamus: conandi potētiam, qua conemur, nihil repugno: modò & vo-
luntatis, & iudicij, & conatus rectitudinem sola gratia nos obtinere (quoniā hac
tria naturaliter prauitate corrupta sūt in nobis) simul cōcedat. Si quā verò laudis
partem in bonis operibus nobis transcribere intendit, ne totum Dei sit, aliunde, quā
ex Christi verbis, erroris sui patrociniū quærat. Cū enim fructus vocētur vtrius-
que generis opera: hoc est, tam bona quā mala, nos quidem ad ferendū fructum
natura facti sumus, sed ex nobis fructificamus peccato in mortem: ut autem ad pro-
ferendos bonos vite fructus simus idonei, gratia nos fieri oportet. Ergo natura ad
ferendos bonos fructus otiosi sumus ac steriles: ad malos verò, plus nimio fecundi.
Ac scire etiā nū ex Pighio velim, omnē sive naturaliter insitos esse Christo pu-
tet: an hoc esse singulare donum fateatur, naturæ cōditione excellentius. Nā si hoc
secundum extorqueo, quod necesse est, ubi erunt illæ preparationes, in quibus præ-
cipuam vin liberi arbitrij locare solet? Et totam huius rei controuersiam dirimit
Paulus, cū homines, antequam in Christum inferātur, oleastris similes facit. Ve-
rū quod ad cooperationem, qua Dei gratiam subsequitur voluntas nostra, vicif-
se sibi videtur. Nam si palmes fructum non potest ferre, nisi in vite manserit: ergo
ex seipso feret, si māserit. Proinde qui in Christo manet, ille, instar palmitis, ex se-
ipso, id est, propria sua natura fructum feret. Huius arguiæ fiducia mirum quan-
to pere exultet. Atqui nemo non intelligit, quā pueriliter ineptiat, eiusmodi syl-
labarum aucupia tendendo. Nam cū intelligere Christū satis constet, non ex seip-
so feracem esse palmitem: sed ita demum, si in vite manet, hic nugator nodum in-
scirpo quærit. Quod si adhuc rixetur, respondeat mihi, quid per hanc particulam
intelligat, à seipso. An hæc, quæso, inter se opponi negabit, à seipso, & in vite? Sed
eum nihil m. ror. Res plusquam clara est: opponi duas istas particulas, à seipso, &
in vite: vnde intelligere promptum est, à seipso, tantundem valere, ac si dixisset, à
vite extractum aut separatum.

Ad illud Pauli, Deum esse, qui operatur in nobis & velle, & perficere pro-
suo beneplacito, se quoque idē confiteri: sed ita, ut simul agat voluntas. Hoc flexu
elapsū se putat, cū medio adhuc corpore ipsum teneam. Non enim hoc quæri-
tur, agātne voluntas, quod extra dubium est, sed agātne à seipsa, an pro modo diui-
næ actionis: aut crassiore, si placet, loquendi modo, distinctiāne ac separata sit actio
voluntatis ab operatione Dei: an illi, quod aiunt, subordinetur. Quis enim ne-
scit, per voluntatem fieri, ut velit homo? Sed Paulus illic voluntatem asserit Dei
Spiritu gubernari, ut ad bonum inclinet & adspiret: idēque propriam esse eius
actionem, si quid boni animo concipimus. Ergo solutio Pighij, fumus est. At illud
alter. m,

alterum, Deum agere omnia in omnibus, scilicet eludir. Quia scilicet præter eum non sit, qui faciat omnia in omnibus: creaturas tamē suo quaque ordine, perficere actiones, quas illi destinavit. Secundū hoc cōmentum, si quis creaturæ propriam seorsum à Deo actionem assignet, nihil alienum dicet à sensu Pauli. At certò certius est, Paulum ideo retulisse ad Deum omnia, ut disceremus, nisi per ipsum, nihil fieri: ut inferre inde liceat, quicquam neminem ex se agere, quando solus Dominus in omnibus impleat omnia. Loquitur autem Apostolus non de vniuersali diuinæ providentiæ operatione, qua totus mundus regitur, sed de singulari gubernatione, qua per Spiritum sanctificationis ad iustitiæ suæ obedientiam fideles dirigit. Hoc dum Pighius ignorat, de generali naturæ ordine, extra rem philosophatur.

Cum autem approbare illam Chrysostomi sententiam vult, quem trahit, volentem trahit, primum falsò nobis obtendit seculorum omnium consensum: deinde rationes illas iam toties à me confutatas, repetit: stare ad ostium cordis nostri Deum, ut ipsi aperiamus, & similes. Verum suo more impugnat, quod non assequitur: aut certè armis parum congruis utitur. Et Christum, & Sathanam, voluntarios sibi milites eligere, atque auctionari cum Ambrosio sentimus: sed oportere ad bonum fieri voluntarios, Christi Spiritu, dicimus, quoscunque vult habere tales. Trahit nos, inquit Augustinus, non violenter neque inuitos: sponte igitur sequentes: sed voluntate, quam fecerit. Porro non hoc mihi in Chrysostomo displicet: quod spontaneos ad sequendum esse dicat, qui trahuntur: sed quia proprio motu sequi debere, intelligat. Quicquid ergo molitur Pighius, hoc excutere nobis non poterit, efficaciter à Deo affici nostram voluntatem, non leuiter tantum moueri: ut nostræ postea optionis sit, refragari vel perire. Nec frigidis suis cauillis efficiet, quin ad eius confirmationem valeat, quod citavi, Christi testimonium: Omnis qui audiuit, & didicit à Patre meo, venit ad me. Discere, inquit, pro Acquiescere capitur hoc loco. Ergo non omnis, quem Pater docet, venit ad Christum: sed ille demum, qui persuaderi se finit. Hæc expositio quantum ponderis habere debeat, relinquam æstimandum lectoribus: ubi tritus verbus admonuero, quid illic agat Christus: Non aliud scilicet, nisi ut demonstret, quantum inter externam hominis prædicationem, quæ aures solum ferit, & interius arcumque illud, quo mens illuminatur, & cor tangitur, Spiritus sancti magisterium intersit. Nec verò prætereundum est, qua occasione adductus ad discrimen illud tractandum fuerit. Videbat, se nihil docendo proficere, apud cecos, surdos, & rebelles. Ostendit igitur, non aliter fructuosam esse doctrinam, nisi cum & lumen intelligentiæ, & obedientiæ affectus à Deo datur. Atque huc pertinet, quod ex Iesaja adducit testimonium: Omnes fore à Deo doctos. Significat enim eo loco Propheta, peculiare esse doctrinæ genus, quo Dominus electos suos dignetur. Docentur enim & impij: sed alio modo: nempe, tantum, ut ab homine audiant, non autem ut à Deo discant. Verum, ut aliter, quam sentiam, posse intelligi Christi verba euincat, Cyrilli expositionem profert à mea diuersam. Quasi verò protinus consequatur, aliter posse intelligi, quia Cyrillus aliter intelligat. Quod si istud recipitur, habeo Augustinum, sicut tempore, ita & reliquis omnibus rebus superiorem Cyrillo: qui omnino negat aliter posse accipi. Sed res ipsa & veritas nobis, ad faciendam fidem, sufficiat. Sine exceptione omnes, qui audierint ac didicerint à Patre, Christus ad se venire testatur. Inde efficacem esse

doctrinam colligo, qua Domin^{us} per Spiritum suum intus nos erudit. Tergiversatur Pighius, illud discere, in electione nostra esse situm. Dico id omnino cum Christi mente pugnare: nec aliud dico, quàm quod euidenter perspicere omnibus licet. Suam enim doctrinam ab ijs demum recipi clamat, quibus datum fuerit. Et quid tamen Cyrillus? Non vicogi, qui trahitur. Quis reclamationem? Adiungit, postea de libero arbitrio alterum membrum, quod ex commentio carnis assuit. His tam bene confectis, dictum illud vulgare Guillelmi Ockam, quod omni ex parte Pelagianismum respicit, facienti quod in se est Deum non denegare gratiam, verissimum esse concludit. Nam quòd neminem Dei gratiam querere posse tradidi, nisi qui a Dei Spiritu agatur, eo modo homines prorsus stipites fieri. Quì sic? Quoniam hinc sequatur, nemini expositam esse, nemini quarendam: vt pote quæ quari, antequàm habeatur, nò possit. Frustra autem quari, quod iam possidetur. At perinde ratiocinatur, ac si concessum iam illi à me foret, non esse diuersas gratias, pium desiderium, eiusque consecutionem: cum iam alibi ex Augustino demonstrauerim, hanc fidei sanitatem esse, petere vt accipias: querere vt inuenias: pulsare, vt aperiatur tibi. Porro huius sanitatis author, non ager, opinor, sed medicus existimandus erit.

Quantum ad perseuerantie donum, hac est Pighij philosophia, conferri illud quidem nobis gratuito, & tamen meritis rependi. Quì factum est, vt hac tam subtilis cogitatio Spiritui sancto non occurreret, cum penitus contraria argumenta Paulo dictaret? Siquidem cum illi familiaris sit collectio, si ex gratia, ergo non ex operibus, rationem alicubi reddit: quia quod operibus rependitur, debitum sit. Operanti, inquit, non secundum gratiam, sed secundum debitum merces redditur. Hoc quali. er cum Pighij axioma conueniet, qui vult nos propria virtute promereri Dei gratiam, & tamen gratuito eam consequi? Caterum remunerari Deum posterioribus gratijs legitimum priorum vsum, ex vulgata illa Christi parabola, de talentis cum fœnore redditis confirmat. Ego verò nunquam hoc simpliciter negavi: sed tantum hanc exceptionem posui, vt duplex periculum caueretur. Ne aut sic remunerari credatur Deus legitimum gratiæ suæ vsum, ac si homo sua ipsius industria oblatam sibi gratiam redderet efficacem: aut sic remuneratio censeatur, ne sit amplius gratuita gratia. Imo sic parabolam illam exponi debere monueram, quòd Deus sua in nobis priora dona nouis & maioribus subinde prosequitur. Quare nullum opere prætium facit Pighius, dum tantum verborum fundit, quòd mihi extorqueat, quod sponte iam professus sum: talentorum nomine illic Dei gratias, nos sub seruorum persona, Deum autem per patrem familias designari. Cum hoc inter nos citra dubiū constet, eliciat inde si quid potest, quod mihi aduersetur. Laudat, inquit, Deus fidelitatem nostram, eiusque mercedem testatur esse, quòd amplioribus nos donis cumulat: Nempe sicut sua dona in nobis coronat, quoties aliquid retribuit. Sic etiam habet Institutio mea: Fidelibus expectandam esse hanc benedictionem, vt quòd melius vñ fuerint superioribus Dei gratijs, eò maioribus posthac augeantur. Sed id quoque esse gratiæ donum, quòd bene vtantur. Ne quis verò id à me confictum putaret, testimonium Pauli adhibui: qui vtrunque ad merum Dei beneplacitum refert, quod & velle operetur in nobis, & perficere. His quidnam sit in parabola contrarium, non video.

Quòd autem Dei gratiæ cooperetur voluntas nostra, Paulum testem adducit, qui testatur copiosius se alijs omnibus laborasse. At mox, correctione adiecta, id

retrahat:transfertque ad Dei gratiam,quod sibi sumere visus erat . Non ego, inquit, sed gratia Dei, quæ mihi aderat. Hac correctione non aliud significari opinatur Pighius, nisi quod adiutrice & cooperatrice Dei gratia laborauerit. At si id vellet Paulus, vteretur tantum hac moderatione: non se laborasse solum, sed gratiâ Dei simul adfuisse. Nunc autem non dimidia exceptione, sed plena correctione vritur. Verum cursus, & certamen, & castigatio corporis, labore cōstant: quitus defunctū se alibi meminit. Sic est: neque nos abhorremus ab v̄sitato loquendi more, quo & currere, & certare, & laborare homines dicuntur, modò ne id quoque nobis negetur, tam ad certamē, quàm ad cursum aut laborē, & animū, & vires, Dei gratia, illis cōferri. Aut, si Prophetæ verbis sensum nostrū exprimi magis placeat: facere homines libenter cōcedimus: sed Deo faciēte, vt faciant. Aut igitur Pauli verba mutet Pighius: aut cū sua interpretatione faceſſat. At sermonis proprietate se tuetur: quia laborare nequaquā Deo conueniat. Laborē igitur totum esse nostrum: sed laborādī virtutē à gratia subministrari. Ac me eo errore deceptum fuisse dicit, quia hoc nō animaduertērim. Ego verò hanc reprehensionem, quòd fidelis magis quàm faciendus interpres fuerim, libenter sustineo. Quanquā ista quidem reprehensione Apostolū potius, quàm me, impetat. Hæc enim sunt Pauli verba: Non ego sum, qui laboraui, sed gratia, quæ mecū erat: in quibus si nihil mutare ausus sum, quid est quòd mihi Pighius propterea litem intēdat? Verum Augustini autoritate me vrgit, qui Pauli verba sic accepit: quasi laborasse se dicat, sed adiutrice gratia. Quasi verò non sa is cōstet, hīc hallucinari Augustinū, quia latina interpretatione, quæ ambigua, & minus plena erat, contentus, quid haberent Pauli verba, non inspexerit. Sed hæc est Pighij sedulitas, ex auro scoriā duntaxat legere. Postremò, adducta in medium parabola, de operarijs in vineam conductis. rogat, quisnam sit operarius ille, quem mercede dignum Christus pronuntiat. Nihil enim habere nos aliud putat, quod respondeamus, nisi Dei gratiam: quod perquam est ridiculum. At cur sic vaticinatur? Nos enim fideles operarios esse, minime negamus: sed cor quo velint, robur quo sufficiant, manus quibus laborent, à gratia Dei habere dicimus: in qua doctrina nihil esse absurdi, perspicuum est.

Supereſt Augustinus: quem vt ne cui dubiū foret, sententia nostra per omnia patrocinari: eius testimonia, cū ex alijs locis, tum præsertim ex secundo ad Valentinum libro citaueram. Ad hæc antequam respondeat Pighius, per longos & deuios verborum circuitus vagatur ipse, & circumducit lectorem, vt cernere omnibus promptū sit, hominem causæ suæ malè cōscium, idēoque diffidentia perplexum, hoc artificio velle à re presenti abducere lectores: vt dum per ambages circunferuntur, veritas, obuia illis aliàs & exposita, ex eorum oculis euaneſcat. Commemoratur igitur longo sermone, quid altero ad Valentinum libro tractet. Augustinus: & quia cum gratia liberum illic arbitrium coniungit, satus hoc ad victoriam sibi esse confidit. At nos alibi demonstraui, quid hæc coniunctio valeat, & quo sensu debeat à nobis accipi. Nam cū liberi arbitrij nomine voluntatem simpliciter designet, quam interea seruam esse peccati fatetur, quid aliud sibi vult, quàm quod nos predicamus? Quinetiā, si ipsum recipimus verborū suorum interpretem, alibi, quàm nihil sentiat à nobis diuersum, exponit: cū scribit, nō tolli gratia voluntatē, sed ex mala in bonā mutari, & cū bona fuerit, adiunari. Venit postea Pighius ad librū, ex quo testimonia citauerat: & in liberi arbitrij vocabulo rixādī ansam

Epi. 105.

iterū prehensat. Quasi non ab initio semper fuerim testatus, nihil nos morari nomen, si de re modò conueniat. Quid Augustinus? Prophetica & Apostolica fides asserit, liberum in homine arbitrium, tam ad bona quàm mala agnoscere: sed ad bona inutile esse prorsus, sine gratiæ auxilio: imò liberū esse iustitiæ seruum peccati: in bono autem nunquam liberum, donec Christi gratia liberetur: usque adeò ut nullo modo aspirare ad bonum queat, nisi Dei spiritu dirigatur. Vnde concludit, initium gratiæ iam esse, desiderare gratiam. Hinc colligit Pighius, doctrinam nostram impietatis ac perfidiæ plenam esse, utpote quæ ex diametro cum hac fide pugnet. At huius, quam somniat, repugantiæ, ne umbram quidem apparere sanæ mentis hominibus dico. Verum ipse nimis obliuiscus est, qui inter orthodoxa fidei capita nunc amplectitur, quod nuper pro execrabili dogmate tragicis clamoribus vexauerat: Nempe, gratiam desiderare, esse gratiæ initium. Viderit quid faciat. Nam vnico hoc verbo, totum philosophiæ eius fundamentum evertitur. Verum quid dicat, nihil pensat habet, qui pugnandi fiduciam semel in garrulitate posuit. Præterea hoc similiter contra nos torquet, quòd eos reprehendat Augustinus, qui sic imaginabantur asseri gratiam, ne supernacua essent correptiones. Quid? An ista vnquam imaginatio nobis, vel per somniū, obrepserit? At ex doctrina nostra sequitur. Cur ex nostra magis, quàm Augustini? Quia, inquit si malum cauere, & bonum facere nemo possit absque gratiæ auxilio: si insuper ea sola, sine nobis, hoc in nobis operetur & præstet: nec in nostra sit potestate, non solum facere ut adsit, sed nec optare quidem, priusquam adsit magis ridiculum foret hortari quenquam ad bonum, quam cæcū hortari ut videat. Et quid non istorū omnium prope ad verbum Augustinus pronuntiat? Sola inquit, Christi gratia liberantur homines à malo: sine qua nullū prorsus, siue cogitando, siue volendo & amando, siue agendo, faciunt bonum. Item, Voluntas humana non libertate consequitur gratiam, sed gratia consequitur libertatē: & ut perseueret, delectabilem perpetuitatem, & insuperabilem fortitudinem. Item: Intus est Deus, qui corda tenet, qui corda mouet, hominēsque voluntatibus eorum, quas ipse in illis operatus est, trahit. At ostendere Augustinum iaculat, in audientis potestate esse, recipere ad notationē. Itāne verò, ut ad effrenatā usque licentiam, tanquam ex professo, mentiatur: & tamen verum se dicere persuadeat? Plus decies illic negat Augustinus, quod eum asserere hic nugator fingit. Tunc, inquit, correptione proficit homo, cum miseretur atque adiuuat, qui facit, quos voluerit, etiam sine correptione proficere. Item: Corripiatur ergo massa damnabilis: ut ex dolore correptionis voluntas regenerationis oriatur: si tamen is, qui corripitur, filius est promissionis: ut strepitu forinsecus insonāte atque flagellante, Deus in eo intus operetur & velle. Item: Qualitercūque fiat per hominem correptio: ut tamen profit, non nisi per Deum fit. Item: Cum homines per correptionem in viam iustitiæ, seu veniunt, seu reuertuntur, quis operatur in cordibus eorum salutem, nisi ille, qui quolibet plantante atque rigante, dat incrementum Deus? cui volenti saluum facere nullum humanum resistit arbitrium. Item: Proinde: quantum ad nos attinet, qui prædestinatos à non prædestinatis discernere non valemus, omnibus, ne pereant, vel ne alios perdant, adhibere debemus correptionis medicinam: Dei autē est, illis eā facere vtilem, quos prædestinauit, cōformes fieri imaginis filij sui. Quid autē quòd Pighius ipse, vertigine sua aliò raptatus, mox fatetur, ab Augustino tradi, nō modò

impj

impj conuersionē, profectum in bono, & vsque ad finem perseuerantiā ex Dei dono & gratia pendere, sed hanc gratiam non esse omnibus expositam: nec nostro, aut studio, aut conatu posse nos eam consequi, sed vnius Dei beneplacito, conferri quibus ipse velit? Hæc postquam illi exciderunt, palam discessionem ab Augustino facere primum cogitur: deinde ostendit, qualiter, Dei gratiam non abnegando, soluenda sint illa argumēta, quæ perplexum Augustinum tenebant: Nempe, si conuersionem dixerimus esse Dei donum, sed non conuerti, nisi qui libero arbitrio id promerentur. Perseuerantiam similiter Dei esse donum: sed pendere non minus ex homine. Vtrunque demum superioribus meritis rependi. Itatribus verbis omni se difficultate liberat. Sed si tam apertis crassisque deliriis lectorum oculos perstringi posse sperat, nimis se decipit. Ego ceriè non alio modo confutare statui, quàm in medium proferendo. Quando nemo tam hebes stupidusque erit, qui non primo statim aspectu à tanta absurditate abhorreat.

Tandem ex locis à me citatis vnum aggreditur in quo speciosam maledicēdi causam, & spaciosum exultando campum habere sibi videbatur. Retuleram hæc Augustini verba quæ nunc sulciam: testatus iamē, me carptim excepiisse compendij studio, quæ rei summam comprehenderent: Gratiam persistendi in bono, Adæ fuisse datam, si vellet: nobis dari, ut velimus, ac voluntate concupiscentiam superemus. Habuisse ergo illum posse, si vellet: sed non velle, ut posset: nobis & velle dari, & posse. Hactenus fideliter me retulisse agnoscit Pighius: ut cunque tergiverfando inuolucere adhuc conetur tam claram veritatem. Verum quia addo continuo post alteram membram, primam fuisse libertatem, posse non peccare: nostram verò mul: ò maiorem, non posse peccare: hic strennuè me flagellat, tanquam in filium atque falsarium: ut qui ad præsentem sanctorum statum, quod de futura post resurrectionem conditione dictum erat, transferam. Equidem non inficior, eius, quam illic describit, perfectionis complementum nondum extare: neque ante resurrectionem sperandum esse: Verum hinc non conficitur, ad præsentem statum nihil pertinere. Nunc enim inchoatur in sanctis, quod tunc adimplebitur. Hanc porrò fuisse Augustini mentem, contextus satis demonstrat. Postquam enim exposuit, firmitudinem standi, quæ nunc est in sanctis Angelis, præmium perseuerantiæ fuisse, quoniam cum malis lapsi non fuerint: eiusdem quoque præmij participem futurum hominem fuisse subiungit, si eorum exemplo inobedientia perstitisset. Nunc transgressionē suā prorsus excidisse: & tamen in ijs, qui liberantur, factum esse donū gratiæ, quæ merces meriti futura erat. An hic de immortalitatis gloria, ac nō potius de præsentis regenerationis beneficio disputat? Rursum: Est quippe in nobis per hanc Dei gratiam in bono recipiendo, & perseueranter tenendo, non solum posse, quod volumus: verum etiam velle, quod possumus. Continuo post, oportere diligenter bina ista distingui, & quid differant, vigilanter expendi, infert: posse non peccare, & non posse peccare, posse non mori, & non posse mori. Quæ sunt ista bina, nisi quorum iam meminerat? cum primi hominis conditionem à nostra discernere? Dixerat autem, tanto maiorem esse gratiam nobis datam, quia parum sit nobis, perditam libertatem recuperare, parum sit denique, non posse sine illa, vel apprehendere bonum, vel permanere in bono, si velimus, nisi etiā fiat, ut velimus. Cur ergo postea, cum discriminē illud prosequitur, futurum tēpus surpat? Cur nouissimam libertatem fore dicit, non potius esse? Facilis responsio est: li-

Cap. 12.

bertatis eius partem duntaxat, pro regenerationis modo conspici in hac vita: solidam verò plenitudinem usque ad diem resurrectionis differri: quemadmodum & postea significat. Primo inquit, homini sine peccato vltro data est, cum qua conditus est, voluntas libera: & eam fecit servire peccato: nostra verò cum esset serva peccati, liberata est per eum qui dixit: Si vos Filius liberaverit, vere liberi eritis. Et accipimus tantā hac gratia libertatem, ut quamvis pugnemus, dum hic vivimus, contra concupiscentias peccati, non tamen ultra serviamus peccato, quod est ad mortem. Ergo cum novissimam libertatem fore testatur, non posse peccare, nihil aliud, quam perpetuam regni Christi gratiam commendat: qua tamen non nisi ex parte nunc manifestatur: ideo tota demum & integra post resurrectionem constabit. At simul non patior, ut de futura, quæ immortalitatem sequetur, perfectione quis accipiat: Nempe, si quis eò trahere sic velit, quasi ad hanc vitam referri nō debeat. Porro hoc nihil aliud est, quā totam regenerationis gratiā hīc comprehendere. Qua dere omnem nobis scrupulum ipsius Augustini verbis eximi dixerā: cum aliquanto post addat: ita Spiritu sancto accendi voluntatem sanctorum, ut ideo possint, quia sic volunt: & ideo velint, quia operatur in ipsis Deus, ut velint. Subventū inque esse voluntatis humanæ in similitudine, ut gratia divina indeclinabiliter & inseparabiliter agatur: ut quantumvis infirma, non deficeret. Hac sententia nihil me adiuvari excipit Pighius: quia cū illa superiori nullo modo cohereat. Et ne facta careat reprehensio, macellario proverbio in me ludit. Hæc, inquit, cauda ad aliū vitulū pertinet. Mirus verò carnifex: qui ita ex vno vitulo duos novit facere. Sequitur enim vno contextu apud Augustinum altera distinctio, quæ prorsus ad eandem rem explicandam facit: Aliud inquit, est adiutorium, sine quo aliquid non fit: & aliud est adiutorium, quo aliquid fit. Primo itaque homini, qui in bono, quo factus fuerat reclusus, acceperat posse non peccare, posse non mori, posse bonum non deferere, datū est adiutorium perseverantiæ: non quo fieret, ut perseveraret, sed sine quo per liberum arbitrium perseverare non posset. Nunc verò sanctus in regnum Dei per gratiam prædestinatus non tantum tale adiutorium perseverantis datur, sed tale, ut eis perseverantia ipsa donetur: non solum, ut sine isto dono perseverantes esse non possint, verum etiam, ut per hoc donum non nisi perseverantes sint. Non enim solum dixit: Sine me nihil potestis facere: sed etiam dixit: Non vos me elegistis: sed ego elegi vos, & posui vos, ut eatis, & fructum afferatis, & fructus vester maneat. Quibus verbis non solum eis iustitiam, verum & in illa perseverantiam se dedisse monstravit. Quis nunc, obsecro, mihi non concedat, Augustinum rem eandem, alijs verbis, continenter exponere? Quid ergo, tam bene contextas partes discerpendo, proficiet Pighius? Verum tam est desperata impudentia, ut vel confuso oris strepitu increpuisse, semper pro victoriæ parte habeat. Nam cum Augustinus non tantum posse nobis dari, sed etiam velle, testatur: Deique gratiam non in hoc tantum esse efficacē in nobis, ut ipsa adiuti, fidem possimus consequi, si libeat: & consecuti, in ea stare, sed omnino, ut fideles simus, & in fide perseveremus: ut invictissima voluntate appetamus quod bonum est: & invictissima constantia ipsum deferere nolimus: hæc omnia, & similia, quæ iam audisti, non aliud Pighio valent, nisi ita nos adiuvari, ut de victoria certi simus, sinō defuerimus ipsi nobis: Inferorū portas nō fore nobis superiores, nisi illis cedamus: nullā fore Sathanæ virtutem adversum nos & gratiam nobis datam, si non illi dederimus lo-

cum

cum, vitio nostro & negligentia. Verùm si quis ex electis, aut ignavia sua excludit re spūque oblatam Dei gratiam: aut receptam inconstantia abijcit: aut infirmitatis vitio eripi sibi patitur, ubi illa, sicuti vocat Augustinus, indeclinabilis & inseparabilis gratia actio, quæ non hominibus relinquit suam voluntatem ut maneāt in gratia si velint, sed etiam operatur ut velint? quæ non tantum fidei consequendæ facultatem confert, sed fideles etiam facit? quæ non modò perseverandi facit copiam, sed tanta illos firmitate instruit, ut non nisi perseverantes sint? Imo ubi illa, & ad bonum appetendum inuictissima voluntas, & ad retinendum inuictissima constantia? Et tamen canino isto suo latratu evasisse cūtentus non est, nisi, plusquam Thraonica stoliditate, satis superque manifestum esse iactat, quàm mihi omni ex parte Augustinus repugnet.

Decem libris constat opus Pighij: quorum sex primis de libero arbitrio disputat: reliquis quatuor prædestinationem ac providentiam Dei tractat. Cum igitur distinctæ sint quæstiones: priorem illam hætenus, ut potui, atque ut temporis brevitatis sinebat, sum executus: alterius verò tractationem ad proximas usque nundinas differendam censui: quia & nihil est in mora periculi: & tunc utilior, volente Domino, prodibit. Quoniam tamen verebar, ne si diutius tacerem, quorundam oculos Pighius sua illa ostentatione perstringeret, hoc intere à edito specimine, & illius insolentiam paululū reprimere, & bonorū ac piorum attentionem excitare visum est: ut dum aduersus huius Cyclopi impetum stare inuictam Dei veritatem cernunt, magis ac magis in ea confirmantur.

F I N I S.

ADMONITIO PATERNA PAULI TERTII ROMANI PONTIFICIS

ad inuictissimum Cæsarem Carolum

Quintum.

QUAEVM CASTIGAT, QVOD SE LVTHE-
ranis præbuerit nimis facilem: deinde quòd tum in cogenda synodo, tum in de-
finiendis fidei controuersis aliquid potestatis sibi sumpserit.

Cum Scholys.

LECTORI.

HÆC admonitio cum alias ob causas, tum quia illustre pontificij & celi speci-
men continet, digna est omnino, quæ legatur ab omnibus. Atque id quidem
citius fieri oportuit, sed quia non statim peruenire solent eiusmodi mysteria in eo-
rum manus, quibus uel expediat, uel cordi sit ipsa euulgari: dabunt veniam lecto-
res, si serius publicetur hic thesaurus, quàm fuerit optandum.

STATVS CAUSAE, SIVE ARGVMENTVM.

QVVM Cæsar superiore anno, parata iam in Galliam expeditione, non
aliter posse diu Germaniã in paccato statu contineri intelligeret, quàm
si præscripta ante suum discessum foret ratio, qua imperij ordines inter
religionis dissidia, pacem tamen colerent: decretum interposuit, vt do-
nec cognita esset causa, æqualis vtrisque conditio esset, tum sibi cu-
ra fore promisit, vt prima quaque occasione concilium vniuersale vel saltem na-
tionale cogeretur: aut si id non succederet, se daturũ operam, vt proximo Imperia-
li conuentu, post legitimam disceptationem aliquid tandem statueretur. Digna
quidẽ erat pietatis causa, quã alijs omnibus posthabitis, tractandã Imperator susci-
peret, sed quia difficili & periculoso bello implicitus, neque huc animum applica-
re ex tempore poterat: & ne quid interea barbarum se absente oriretur, non temerẽ
metuebat prudens accordatus princeps, nihil omnino nec communi ecclesiã Chri-
stianã saluti aptius, nec publicæ Germaniæ tranquillitati magis appositum, nec
priuatis etiam suis rationibus cõmodius facere potuit, quàm vt iustam causæ actio-
nem in aliud tempus differendo, ius æquum inter partes, & æquabilem viuendi le-
gem statueret. Hoc tamen audito decreto, Romanus Pontifex se duas ob causas nõ
leuiter fuisse commotum hinc ostendit. Nam & hoc quantuluncunque, quod conces-
sum hoc modo protestantibus erat, vt paulisper iniquis præiudicijs subleuarentur,
nimia indulgentiæ corruptelam esse clamat: & Cæsarem sibi ius aliquod sumere
in religionis causa, hoc verò indignum illi facinus esse videtur. Bis autem peccasse
Cæsarem, illicitum sibi ius arrogando, conqueritur. Primum, quia concilium ausus
fuerit, eo inconsulto, polliceri, deinde, quòd cognitionem à sua persona alienam ac-
cipere non dubitauerit. Grauius igitur cum eo expostulat sanctissimus pater cum
de immodica erga Lutheranos facilitate, tum de autoritate Romanæ sedis lesa &
imminuta.

P AV-

PAVLVS III. PONT. MAX. CA-
ROLO V. IMPERATORI.



CHARISSIME fili, salutem & apostolicam benedictionem. Ex edicto Maiestatis tuæ acta conuentus tui Spirensis cognouimus, de quibus cum nostram sententiam dissimulare paternus noster erga te amor non patitur, tum verò officii & muneris à Deo nobis per Christum commendati ratio in cura vniuersalis Ecclesiæ, vt apertis verbis te admoneamus, cōpellit. * Nec verò parū nos ad hoc mouet graue seueritatis diuinæ, in Heli sacerdotē exēplū, in quē liberos indulgentius tractatē, & ad eorū errata cōnuētē extat seuera illa Dei in hac verba sentētia. Quia indigna nouerat agere filios suos, nec corripuit eos, idcirco, inquit Deus, nō expietur iniquitas domus eius victimis & muneribus vīque in æternum. Hæc quidē Dei sententia fuit, quam statim liberorum primū, deinde ipsius Heli repentina & violenta mors consecuta, hincque posteritatis à sacerdotio repulsa, verbum Domini verum & ratum fecerunt.

* Nos verò fili cum te indigna quædam decreta in conuentu Spirensi ex ipsis actis animaduernerimus, indigniora verò designata esse, & talia, quod si propositum exitum, quod Deus auertat, consequantur, non solum te in certissimum animæ salutis periculum adductura, sed Ecclesiæ paci atque vnitati, cui super omnia studere debemus, maiorem, quàm qua hætenus laborarint perturbationem sint allatura. * Noluimus sanè prætermittere, quin te à Deo nobis honore & amore primogeniti commendatum, his nostris literis de tanto tuo & Ecclesiæ periculo admoneremus.

Quanquam quidem te, non vt Heli liberos, admonendum duximus, quos deprauata voluntas, & consuetudo peccandi indociles propè ad rectam disciplinam reddiderant, sed vt eum potius, qui multorum annorum cursu non abiit in consiliū impiorum, quo maiorem in spem venimus, non frustra nos admonitione paterna esse apud te vsuros. * Omnia verò fili, in eo sunt, si ab vnitatē Ecclesiæ te abduci non finas, à consuetudine maiorum tuorum religiosissimorum principum non recedas, sed eundem, vt debes, morem in omnibus, quæ ad Ecclesiæ disciplinam, ordinem, & instituta

stituta pertinent, obferues, quem multos annos summa cum pie-
 5 tatis animi tui significatione edidisti. Is verò est eiusmodi, vt quo-
 ries de his, quæ ad religionem pertinent, disceptatur, ad sedē apo-
 stolicam omne iudicium semper referatur, nihil illa inconsulta
 statuatur. Tu verò nunc fili, cum vel de concilio generali, tanquā
 de remedio omnium opportunissimo afflictis ecclesiæ rebus, &
 ipsius imprimis Germaniæ mentionem facis, vel de nationali, cu-
 ius etiam meministi, vel de futuro ad proximum Autumnum
 Imperiali conuentu, in quo de religione, cæterisque rebus,
 quæ ad illam pertinent, tractare promittis, ita agis, ita statu-
 is, vt supprimas eius nomen vbique, cui diuina & humana
 6 iura approbante tot seculorum consensu, * supremam cum co-
 7 gendi concilia, tum statuendi de his, * & ordinandi quæ ad Eccle-
 siæ vnitatem vtilitatēque spectant, authoritatem dederunt. At
 verò neque hæc sola sunt, in quibus conquerimur Ecclesiæ & Ma-
 iorum abs te morem atque institutiones diuinas minimè serua-
 tas fuisse: sed alia præterea, & ea quidem nō pauca, peracti iam con-
 uentus decreta legatur, quæ maximè & pietatē lædunt, & omnem
 8 legum ordinem confundunt. * Nam quòd laicos de rebus spiri-
 tualibus iudicare vis posse: neque laicos modò, sed nullo discrimi-
 9 ne laicos, * & damnatarum hæresium assertores: * quòd de bonis
 10 ecclesiasticis, & de eorum futuris controuersis statuis, quòd eos *
 11 qui extrà Ecclesiam sunt, & per edictum tuum pridem damnati,
 honorib. pristinis in iudiciis ac tribunalibus restituas, atque hoc
 pro tua & imperatoria potestate facis, * minimè approbantibus
 12 cæteris, qui antiqua & sancta obedientia perseverant. * Quid tan-
 13 dem horum cum diuinis institutionibus ac legibus, quibus perpe-
 tuo Ecclesia est gubernata, conuenit? Quæ omnem potius discipli-
 nam, omnem ordinem, sine quo nullus hominum cœtus regi po-
 test, ab Ecclesia prorsus tollunt. Hoc verò quo magis ab omni re-
 cta disciplina, & consuetudine maiorum sunt aliena, eo minus no-
 bis persuadere possumus, è tuo ipsius sensu illa vnquam emanare
 potuisse, sed eandem pietatem animo tuo, suppressam quidem ad
 tēpus malorū cōsiliis, qui huic sanctæ sedi sunt rebelles, putamus,
 qui si à te impetrare non potuerunt, vt quæ contra eam volebant
 facere, probares, saltem vt eiusmodi edictis aliquam ab alienati ani-
 mi tui significationem dares, abs te contendisse facile possumus
 existimare, impetrare verò tanto magis debemus, quanto id tibi

& Ecclesiæ, nisi citò ad teipsum redeas, maiori damno & detrimento fore, nobis maximè est persuasum: quod non possumus non indies magis magis que timere, quo attentius consideramus, quibus cum amicitiam inieris. Si enim, vt inquit Apostolus, Corrum-
 punt bonos mores colloquia mala, quanto grauius, * si quis cum
 malis coniuncta consilia & fœdera habeat, hoc de eo timendum
 erit. Quanquam quidè non dubitamus, sub spe pietatis, vtilita-
 tis, honoris ad hæc eos te sollicitasse, sed nullum prorsus est tam
 malum consilium, quod non specioso aliquo eiusmodi nomine
 quasi veste preciosa se ornet. Tu verò fili interroga potius patrem
 tuum, & annunciabit tibi: maiores tuos & dicent tibi. Si enim om-
 nes vna voce te ad vnitatem Ecclesiæ atque honorem & obedi-
 tiam huius Sanctæ sedis hortantur, atque iam pridem factis ipsis
 sunt hortati, si verò sanctissimum quèque & in diuinis legibus pe-
 ritissimum consules, grauissimas in eos diuinæ iræ vindictas pro-
 ferent, qui quacunque de causa, quacunque pietatis specie addu-
 cti, * summi sacerdotis munera sibi sumere voluerunt: est verò ea
 maxima, quam rebelles adducere solent, cùm principes, vt eius ca-
 tedram ascendant, atque vt ius & auctoritatem cognoscendi cau-
 sas religionis & iudicandi sibi assumant, hortantur. * Sacerdotum
 enim negligentia pro stimulo ad impellendum eos vtuntur, vt Ec-
 clesiæ curam in componendis religionis controuersis, & in ordi-
 nandis Ecclesiæ rebus, in se suscipiāt. Quis enim hoc factum non
 dignum summa laude iudicet? Nemo quidè, si factum tantum
 respiciatur. Sed vt in domo bene instituta, in qua diuisa officia &
 munera non licet vnicuique pro suo arbitratu omnia exercere,
 etiam si singula in suo genere sint præclara, quæ qui tentant, quā-
 uis bono id animo faciant, à patre tamen familias meritò repre-
 hendendum, quippe qui suo intempestiuo zelo, quod pulcherri-
 mum est in domo, * nempe ipsum ordinē, sine quo nulla domus
 diutius stare potest, quantū quidē in ipsis est, tollunt: & prudentiæ
 eius qui illum instituit, summā iniuriam faciunt: * sic prorsus in
 Ecclesia Christi, quæ est domus Dei, in qua omnia munera sunt
 dispertita, & singula singulis ita distributa, vt inferiores superio-
 rum officiis non fungantur, eò minus licet ordinem perturbare,
 quo maiore prudentia est ordinata Ecclesia, quàm de vlla domo
 cogitari possit. Estque ea semper grauissima in Dei prudentiam
 ac sapientiam iniuria. At non omnes hoc vident, sed nec te etiam

fatis adhuc videre arbitramur Cæsar, quantum iniuriæ inferas diuinæ prouidentia, in hac domo Dei, in qua supremum munus sacerdotibus est cōmendatum, cum horū tibi partes & honorem
 19 sumis. * Nec verò vidit Ozas, cum honoris causa arcam Dei curru bouum vectam prosequens, illis calcitrantibus, manu admota, dum ruinam timeret, sustentare voluit. Quis verò hominum hoc factum improbare ausus esset? Vel quis non potius illud summo opere laudaret, sacerdotibus absentibus in præsentī periculo ruinæ ipsius arcæ, quàm bos lasciuiens (vt inquit Scriptura) iam inclinauerat, manum vt eam sustineret, admouerit. Nemo quidē hoc non vt piè factum laudasset, nisi securitate vindictæ minimè id sibi gratum fuisse Deus ostendisset, cuius quidē ultio Ozam statim è vita sustulit, nullam aliam ob causam (Scriptura testante) nisi quia temere quod ad Sacerdotum & Leuitarum officium pertinebat supplere ipse ausus esset. Tantum verò peccatum in hoc facto fuisse, quis vnquam cogitasset? Sed ex hoc exemplo Deus nos admonere voluit, ne in eundem diuinæ iræ laqueum incidamus. De quo nunc fili, te admonere voluimus, ne fallacibus illorum persuasionibus adductus, qui in ore semper habent reformationem Ecclesiæ, in tanto non bouem, sed sacerdotum quasi lasciuientium cœtu, quorum illa humeris sustentatur, tu manus temere admoueas. est enim hoc sacerdotum Dei munus atque officium. * In eundem verò laqueum inciderunt Dathan & Abyron
 20 atque Core, qui ægreferentes in sancto populo, vnum pro cæteris dignitate summi sacerdotii fulgere, setam Moyfi quàm Aaroni opposuere, quum dicerent. Sufficit vobis quod omnis multitudo Sanctorum est, & in ipsis est Dominus, quid eleuamini super populum? Licet verò hæc verba contra ambos dicta videantur, tamen Moyse interprete didicimus, omnis eorum indignationis causam, summum sacerdotium Aaronis fuisse. Non enim vbi omnis multitudo est sancta, virum aliquem eminere dignitate æquum esse censebant.

Quàm verò grauiter hæc res displicuerit Deo, infigne in eos diuini iudicii & seueritatis exemplum ostendit, quos terra dehiscens vnà cum vniuersa suppellectili & omnibus bonis viuos absorpsit. Hæc verò vetera nunc recito, quia (vt inquit Apostolus) in figura contingebant illis: scripta sunt autem ad correptionem nostram, in quos fines sæculorum deuenerunt, vt discant
 21 omnes, * si in sacerdotio quod deseruiebat tabernaculo & vmbra, quo

quodque vnà cum tabernaculo abolendum diuina prouidentia statuerat, tantam curam Deus ostenderit, vt ne minimam quidem in ea mutationem ab humano ingenio inultam permiserit: quanto maior reuerentia tribuenda sit illis sacerdotibus, qui non amplius seruiunt typo & vimbæ abolendis, sed ipsi vero tabernaculo quod nunquam transferetur: quanto ve minus de mutatione vel minimæ ordinationis, quæ ad eos pertinet, cogitare debeant: Quantò denique grauius, & magis intolerabili superbia putabimus eos in diuinam prouidentiam peccare, qui vel hanc confundere vel ad se transferre postulant, vel alio modo de illa statuere volunt, * quàm longa Ecclesiæ consuetudo fundata in testimoniis Scripturarum promittit, & declarat: Quocunque vero modo, quacunque specie pietatis proposita hæc tententur, radicem quidem mali superbiam, Deo semper odiosam esse non est dubium. * Id quod maximè declarat Ozia regis exemplum, in quo simul & radicem huius mali, & grauem illius vindictam Scriptura nobis exprimit. Hic autem Rex aliàs laudatissimus, idque testimonio Scripturæ, in hoc tantum superbiæ arguitur, quod incensum ad altare thymiamatis adolere voluerit. Quis vero hanc voluntatem non piam potius, quàm superbam iudicasset? Sed spiritus Dei in Scriptura, cùm ad huius facti narrationem peruenit, eleuatum (inquit) est cor Ozia. In quo verò eleuatum, nempe quòd alieno ministerio fungi voluit, de quo postquam à sacerdotibus admonitus, nec illis paruisset, statim à Deo lepra est percussus. Hæc verò nunc charissime fili recedemus, vt intelligas, si superbū fuit Ozia factū, in adolendo incenso, super altare thymiamatis, quāto superbius esse hoc tantū adolere incensum super altare corporis Christi, cæteraque quæ religionē ipsam comitatur, persequi? Quid autē, an non putas hoc incensum esse corā Deo, leges de religione sancire? Est quidem incensum, idque omnium Deo gratissimum (Nullum enim odorem tibi persuade Deum gratius suscipere) sed non est tuum munus illud, Imperator, est sacerdotum Domini * est nostrum in primis, quibus Deus potestatem ligandi & soluendi dedit. Vide verò, in quā tum partē tēpli intras, cum hodie tibi ministeriū sumis, nō quidē in atriū aut in sancta, vt Ozias, non enim tantum sanctū est hoc factum, sed sanctissimum. Cùm ergo prudentia tua huc tu penetras, in domū Domini tu penetras, & in sancta sanctorū, atque ipsum corpus Christi penetras, eius officium tibi arrogas: nec te excusat quòd sanctū sit factū, vel

- quòd non perpetuas, sed ad tēpus, hoc est, vsque ad futurū conciliū duraturas leges laturū te esse dicas. vt enim id per se piū sit, tamen
- 25 in eo, cui Deus hoc ministeriū non dedit, maximè est impiū. * Summis enim tibi iam personā, quæ propria est Dei, cui solū de sacerdotibus iudicium relinquitur, quā ne ad tēpus quidē cuiquā sumere licet. Dei enim vox est ad malos sacerdotes: Ego ipse (inquit super pastores) requirā gregē meū de manu illorū: quod vt suo tēpo-
- 26 re penitus facturū est Deus, ita si quis interim * quasi de manu eius præripere hoc tētauerit, is semper pro tali ausu grauis. pœnas dedit. veluti cōtrā nullo vnquā seculo intermisit certis quibusdā signis testari, illos maioribus gratiis tum interius, tum exterius, & omni genere bonorū dignos esse, qui augendo & ornādo Sacerdotū genus, Ecclesiæ suæ vnitatē ac principem sedem auxilio & gratia fo-
- 27 uerūt * vt in Constātino Magno, in Theodosiis, in Carolo Magno accidisse videmus. quibus nulli nunquam Christiani Imperatores vel diuinis gratiis, vel victoriis illustriores fuere. Cōtrā verò Deus, eos qui Sacerdotibus resistere, nō solū passus est in omne genus turpitudinis labi: sed sæpe & insignibus quibusdam pœnis in testimonium diuinæ iræ suæ castigauit. Nec verò nunc de illis loquimur, qui ecclesiā nascentē adhuc extinguere sunt conati, Neronibus, Domitianis, & eiusdē generis reliquis: sed de iis qui illam persecuti sunt, iam adulta ætate, incipiētē in principes authoritatē sui muneris exercere, postquā constituta iam & confirmata est Petri sedes in oculis omnium principū. Qui verò huius authoritati resistere, à Deo sic castigatos constat, vt manifestè appareat, quā grata sit, ac semper fuerit Deo huius sedis obedientia: contra autē
- 28 quā ingrata & odiosa in eandem inobedientia. * In primis eum ex Imperatoribus, qui in apertā defectionem & contēptum huius sanctæ sedis erumpit, legimus fuisse Anastasiū primum, quem, à Gelasio Pontifice Rom. admonitum, ne Acatii Episcopi Constatinopolitani à Sede apostolica damnati partes foueret, cum nec monitis eius paruisset, & Hermasidæ eiusdem successoris legatos, ad eum ea de causa missos, vt à communione cum hæreticis desisteret, cōtemptim primū auditos contumeliosius dimisisset, diuina tandem ira fulmine è vita sustulit. Sequuntur huius impietatis succes-
- 29 sores, sed per interualla, multi alii Imperatores, * quales fuere Mau-
- 30 ritius, * Constans secūdus Iustiniani Constantini Pogonati filius, Philippus, Leo. Sed hos numerare longum esset, quidiuerso quidē genere

genere mortis, sed omnes aut violento, aut ignominioso spoliati
 antea imperio & omni dignitate perierunt, vt manifestè appareat
 in eis vltrix inobedientiæ, vindicta Diuina. Quæ series vsque ad
 31 Henricum illū perducī posset, qui cū grauissimè sedem aposto-
 licā vexasset, tandē eum à suo filio captum Leodii, ultio diuina in
 carcere mori fecit: iustissimam quidē inobedientiæ pœnā ab ipso
 repetens, vt à filio castigaretur, qui eum, quē patris loco diuina ei
 prouidentia in Ecclesia constituerat, tot modis vexauerat, eiūsq̃
 32 authoritatē neglexerat. * Id quod & de Friderico Secūdo dici potest
 nisi quod infeliciori mortis genere est sublatus, qui filio suo ipso
 carnificis munere fungente, strangulatus interiit. Tametsi Deus
 nō semper hoc modo rebelles castigare soleat, quando quidē non
 nullos si desideriis suis frui permittat, vt quod ad externā castiga-
 tionem attinet, impune peccare, & in magna rerū omniū affluen-
 tia quasi felices viuere videantur. Id ea ratione factū à diuina pro-
 uidentia sancti patres piē existimarunt, ne si omnes hi impii casti-
 garentur, nullū aliud tribunal diuinæ iustitiæ reliquū esse homi-
 nes iudicarent. Quosdam ergo hīc in aliorū exēplum Deus, vt ius-
 tus agnoscat, apertē castigat, quosdā verò dum hīc castigare dis-
 simulat ad tribunal suū futurū seuerius iudicandos reseruat. Nul-
 lum verò peccatum impunitū dimittit diuina iustitia. Ea autem
 omniū est grauissima castigatio, cū ii qui Deum grauissimè of-
 fendunt, impunē id se facere existimant. Omnes enim tales caci-
 te mētis sunt percussi, & in pāsiones, ignominias ac in reprobū
 sensum traditi, quæ ceu propria impiorum flagella Apostolus nu-
 merat. Cū autē hæc omnibus impiis sint cōmunia, tum verò ma-
 ximē illorum propria, qui suā impietate * in oppugnāda principe
 33 sede, & in Ecclesiæ vnitāte scindenda exercuere. Hoc quidē in qui-
 busdā animaduertimus, qui quò pluribus (dum sanctā erga illam
 obedientiā seruauerunt) virtutibus splēdere sunt visi, eò magis post
 impiā ab eo defectionē in prodigiosas animi pāsiones auaritiæ, li-
 bidinis, & crudelitatis fuerunt traditi: id quod Anastasio x. de quo
 suprā mentionē fecimus, euenisse historiæ narrāt. Similibus verò
 exemplis in hac nostra ætate vtinam quidem careremus. Nec verò
 in singulos tantum homines hæc ultio diuina, castigans eorū ino-
 bedientiā erga hanc principem sedē, est peruagata, sed in nationes
 etiā & prouincias, in quibus videmus, cū grauissimè omnium
 ii sunt castigati, qui Christū Dominū habere recusarēt, proximū
 miseriæ locum eos sortitos esse, qui Vicarii Christi authoritati re-

- stiterere. Duas verò nationes à Deo in primis castigatas, atque afflictas videmus, quæ olim florētissimæ fuere. Quarū vna pertinax in negādo Christo permāsit, altera aliquādiu cū Vicario eius præ cæteris omnibus cōtendit. Illa est Iudæorum, qua nulla maiori miseria est oppressa: * hæc vero græcorum, quæ proximè ad miseriam Iudæorum accessit, quia proximè ad impietate accesserat. Quare si Christus ipse in cæteris imperatoribus, Regibus, populis & nationibus nunquā inultā tulit Vicarii sui spreā authoritatē, ea interim perpetua successione conseruata: si tū seueris iudiciis eorū inobedientiā castigando odiosos sibi semper fuisse huiusmodi conatus ostēdit, quanto in te, Cæsar, si (quod Deus auertat) hanc oppugnare cum apud, Deū, tum apud homines hoc odiosius iudicaretur qui ex illis imperatoribus originem ducis, qui non plus honoris se di apostolicæ detulerūt, quàm ipsi ab ea receperint. At neque hæc, charissime fili scribimus, quasi vllō modo nobis persuadere possumus, huiusmodi te consilia in animo rata & confirmata habere: sed vt amās pater, salutis filii & honoris, ac de vtroque sollicitus, si inulatque edictum ipsius Spirēsis cōuentus vidimus, te admonendum duximus, eo quidem grauius, quò magis exploratum periculum, in quo versaris, habemus. Denique si pluribus dissuasimus, ne in disceptationes super his, quæ ad religionem pertinent, cōponendas, ius tibi vel authoritatem sumeres: non ob id scripsimus, quòd
- 25 disceptationes cōponi non maximè optaremus * qui (teste nostra conscientia) vt hoc ritè fieret, vitam & sanguinem libenter effunderemus: sed vt exemplis cum ex diuina Scriptura, tum ex ecclesiasticis historiis citatis te admoneremus, ne, quod ad tuum ministerium non pertinet, ipse tibi arrogares, & pro tua & imperatoria dignitate iuberet: sed potius Constantini Magni serui Dei maximi ac fœlicissimi Imperatoris exēplo te hortamur, quod tantum facimus, vt eos primū * suo Iudici & suis iudicibus iudicandos &
- 26 corrigendos relinquant. Ille verò, quū rogatus esset ab ipsis sacerdotibus, vt in eorum disceptationibus se Iudicē præberet, prorsus recusauit. * Cuius verba in hanc sententiam ab historiarum scriptoribus, qui affuerunt, citantur: Deus vos constituit Sacerdotes, & potestatem vobis dedit de nobis quoque iudicādi: & ideonos à vobis rectè iudicamur, vos autem non potestis ab hominibus iudicari: propter quòd Dei solius inter vos expectate iudicium, & vestra iurgia, quæcunque sint, ad illud diuinū reseruētur examen. Hæc ille Magnus

le Magnus non rā imperio, quod erat maximū, quā pietate & cæteris virtutibus, dixit: cui te Cæsar, in omnibus perfimilē esse cupimus & optamus. Quod verò præ te fers studiū & desideriū, vt cōponantur controuerfiæ in religione, & vt aliqua disciplina morū in vniuersa Ecclesia renouetur, te in hoc quidem magnopere laudamus, & abs te petimus, vt in hoc operā tuā præbeas, & cui Deus curam huius ministerii cōmisit. Vt enim te, rāquā caput in rebus huiusmodi tractandis minimè ferendū censemus, ita tanquā brachii accommodatissimi tuam in primis opem desideramus. Hoc verò nostrū desideriū fecit, * vt ad minimā quanque spē cogēdi concilii æconomici non solum nos semper promptos præbuerimus, ad illud indicendū, sed vbi vel minima spei scintilla eluxerit, cogi posse, eò statim legatos miserimus: quemadmodum vltimo loco etiā fecimus, quanquā non cum eo fructu, quem assidue optamus: sed maluimus sanē omnia tētare, quā vel minimæ occasione deesse, quā à diuina bonitate semper expectamus. Cum autem vniuersalis Ecclesiæ vtilitatis causa concilium fieri summopere cupimus, tum verò præcipuē illius inclytæ nationis Germanicæ, quæ iam pridem discordiis, in his quæ ad religionem pertinent, plurimum vexata dissidet, cuius saluti (vt tua etiam Maiestas fatetur) commodissimè per generale concilium opitulari nos posse, semper sperauimus. * Horum autem conciliis, qui iam ab hac sede sunt damnati, te vsum esse (quod nunc conquerimur) non ob id quidem conquerimur, quòd semper hos remotos à tua amicitia esse cupiamus, aut id quæramus, quia semel damnati sint, vt semper damnati manēat. Testis enim nobis est Deus, quā nihil magis in votis habeamus, quā vt oues perditas ad dominicū ouile reducamus, & vt illam nobilem prouinciā vniuersam in fide & religione * cū capite & reliquo corpore in omni amore atque amicitia cūiunctam videamus, idque ob eas quas diximus, causas. Sed tu nunc (dum ii in discordiis cum capite & reliquo corpore manent (de iis qui tales sunt loquimur) dum extra ecclesiam sunt, per edictum etiam tuum damnati) eorum amicitiam pluris quā par est facis, dum indulgentius eos tractas: cum hæc tua indulgentia & præteritorum edictorum declarationes separatim à te factæ, nō solum hætenus illis non profuerint, vt ad saniorē mentem redirent, sed potius, quod re ipsa compertum est, occasionem dederint vt insolentiores sint facti, & ad occupanda vicinorum bona animosiores, dissidium certè ipsum magis hoc modo fouere, quā

38

39

40

tollere videris. Sed hæc quia ad meliorem formam, nõ iis quidem
viis alienis ab omni more & consuetudine maiorũ, atque ab ipso
iure diuino, sed per generale concilium optimè perducì potuisse,
semper in Domino sperauimus, & nunc etiam speramus: ideo nos
41 plus illius prouinciæ cõmodis, quàm vilius alterius consulentes,*
ad Germaniæ fores, Tridentum vsque, legatos nostros miserimus.
sed vocauimus, & non erat qui audiret, venimus & non erat vir, ve
rum nec propterea desistimus, sed adhuc vocamus & clamamus
ad te & ad cæteros principes. clamamus verò cum propheta Dau
42 de: * Venite plorems coram Deo, nec enim aptius principiũ con
cilii esse poterit. & cum Daniele: Oro pro peccatis meis & populi,
accuso, confiteor, obsecro, Domine peccauimus, iniquitatem feci
mus, & impiè egimus & recessimus, nobis confusio faciei, Regibus
nostris, principibus & patribus nostris, quia peccauimus: tibi autè
Domine misericordia est & propiciatio. Ad tale ergo concilium
43 te vocamus,* in quo Angelos ipsos assessores habere speramus, qui
si super vno peccatore pœnitentiã agente gaudent, quantò magis
super vniuersa Ecclesia, cuius ipsi pars sunt, ad pœnitentiã congre
gata, gaudebunt: Huc accedit, quòd saluti Christiani populi ab im
minente potentissimo, & perpetuo nominis Christiani hoste, Tur
carum tyranno, quo pacto nisi per Christianorũ con iuncta in fide
& charitate auxilia consuli possit, non videmus Quare sterne vi
am, dilecte fili, ad tale cõcilium. Hoc enim tui muneris proprium
erit. sternes autem si vel pacem reddas, quantum in te est Christia
no populo, tantopere ab omnibus expetitam: vel saltem arma co
hibeas, dum Ecclesia in concilio congregari possit, vbi æquius est
quàm per vim vestras discepciones decidi. Hoc verò tu & cæteri
Christiani principes, quos etiam atque etiam de eadem hac re ad
monebimus, præsertim verò eum, quo cum bellum geris, facias.
iam concilium adest: iam pridem enim indictum est. neque verò
abruptum est, & si bellorum causa in commodius tẽpus dilatum.
Itaque huc, charissime fili, incumbe, & hanc lætitiã primũ po
pulo Christiano, qui iam pridem intestinis bellis est attritus, redde.
Deinde verò nobis, qui te nihil charius in terris nos habere iudica
mus, qui primogeniti apud nos locum in amore tenes, idque spe
cimen diuinæ in te virtutis præbe, vt non modò patrem, te piè
monentem, non auerferis: quod faciunt ii, quos Deus in signum
44 abdicationis, suis desiderijs tradit: * sed vt eundem ad te tanquam
Deo

Deo iubente, tali tempore missum, qui labantem sustineat, & magno animæ salutis periculo liberet, omni pietate amplexeris, eius vocem libenter audias, monitis obtemperes, satis verò obtemperabis, si cum te à semita sancta, ut appellat Propheta, quæ eadem est regia via, maiorum tuorum, religiosissimorum principum, humana consilia ut hominem deflectere potuere: huc statim de ea qualis sit, admonitus, diuinam indolem proferens videas, atque ita in animum inducas, nullum ut in iis quæ ad religionem pertinent, tibi ius & auctoritatem vindices* si diuinam institutionem & Ecclesiæ consuetudinem sequens, ab ipsis conuentibus imperialibus à quibus absunt, qui auctoritatem de eiusmodi rebus cognoscendi habent, omnes de Sacerdotibus atque de religione disceptationes prorsus excludas, & ad eorum proprium tribunal reiciias: *si de bonis Ecclesiasticis, quorū iudiciū ab ipso Domino, cui sunt cōseruata, sacerdotibus relinquitur, & cōmēdatur, & ipse nihil statuas & sepositis armis aut studeas paci, aut si aliter pax cōciliari nō potest, cōcilio generali iudicādi de iis, quæ tam pernicioſa bella in populo Christiano tandiu alunt, potestatem facias: * Si denique ea quæ per nimīā indulgentiam rebellibus huic sanctæ sedī, & contumacibus cōcessisti, ipse rescindas ac tollas. Hæc enim, charissime fili, cū ita sint, quæ tuam ipsius animam in magnum salutis periculum adducant, & Ecclesiæ pacem magis magisque perturbent, facile videre potes, nisi per te quamprimū his malis remedium adhibeatur (quod te facturum speramus) in quas angustias sis nos compulsurus: ut aut officio aut muneri nobis à Deo per eius filium dato deesse cogamur, cum maximo Ecclesiæ detrimento: aut iterum seuerius agere, quàm vel consuetudo nostra, vel natura, vel voluntas ferant. Quanquam in officio quidem deesse, in tanto discrimine, nec debemus prorsus, nec volumus, quantum per eius gratiam, cuius vices, licet indigni, in terris gerimus, de nobis polliceri possumus. Infidet enim in animo, & ob oculos nobis obuersatur illud idem, de quo principio diximus, diuinæ seueritatis in Heli sacerdotem exemplum: quem non ob id quidem damnatum legimus, quòd in filiis corripiendis prorsus abstinerit. Corripuisse enim eos satis constat ex scriptura, sed quòd in corripiendo, ut inquit diuus Hieronymus, lenitate patris, non auctoritate pontificis agebat. Nos lenitate patris integris prope adhuc rebus vsi sumus, quibus ex edicti forma

trāfactis, quod Deus auerrat, in Heli exemplo satis video, in quam nos necessitatem sis adducturus. Quare tecum considera, Cæsar, quid te magis deceat, quid ad tuum in primis officium erga Deum & Ecclesiam magis pertineat, quid honori & rebus tuis magis expediat. An vt brachium nostræ seueritati, in iis quæ ad vnitatem Ecclesiæ pertinent præbeas, an potius illis faueas, qui hanc semel ruptam in' plures adhuc partes scindere miserabiliter laborant & optant. Deus pacis pro immensa misericordia sua, tuam Maiestatem ab iniquorum cōsiliis liberet, ac pacis cōsilia in tuo corde cōfirmet, vt vnanimis vno ore honorificemus Deum patrem per Iesum Christū, cui cū Sancto Spiritu sit honor per æterna secula, Amen.

Datum Romæ apud S. Mar

cum XXIIII Augu-

sti, M. D.

XLIIII.

SCHOLIA IN EPISTOLAM PAV- LI III. PONT. MAX.



SI illud vindictæ Dei exemplum horret sanctissimus pater, mirum cur tantopere de hoc vno Cæsaris delicto sollicitus, (si delictum nominari debet) tam securus in alijs filiorum suorum infinitis nequitijs torpeat. Vltus est Deus segnitiam Heli sacerdotis, quod filios non castigauerat. Filios Christiani pastoris iubet apostolus Paulus esse bene moratos, bene educatos in timore Domini. Filium habet Paulus noster Frenesius, & ex eo nepotes, præter spurios, qui adhuc silicernio huic & semiputrido cadaueri nascuntur.

Qualis est Petrus Loysius? dicam, quo nihil potest dici atrocius, & tamen est verissimum. Nunquam tale monstrum hæcenus peperit Italia. Paule quid cessas? cum execrandæ filij tui libidines in cælum ascenderint, cum fetore simul ac fœditate ipsarum polluta sit terra, cum totus mundus vociferetur: nondum exerendæ seueritatis tempus esse putas? Quid de eius auaritia? quid de rapacitate? quid de sauitia dicam? Tametsi in his omnibus ita reliquos superauerit, vt te vno semper sit inferior. quid de nepotibus tuis, quid de tota familia orbis cum multa indignatione dudum loquitur? Si ob indulgentiam correctus fuit Heli, tunc impune feres, quòd ad tam horrenda filiorum tuorum flagitia non solum conniueas tacitus, sed manum illis auxiliarem præbeas?

appro-

approbes certè palā, & magna ex parte nō dissimules, te authore perpetrari? Non te hīc Dei iudicium sollicitat? nullus metus animum tuum percellit? Sed de naturalibus filijs iam plus satis. Iactas te Christianorum omnium esse patrem. In tam deplorata mundi corruptione, quis amplius taciturnitati est locus? Siles tamen, & mundum sciens ac videns in exitium ruere cum silentio pateris. Si Heli non pepercit Deus, quale tibi supplicium imminere cogitas? Propius etiamnum te vrgeo. Qualis est sedis tue status, quæ tibi instar familiæ esse debet? Quid agunt tui vicarij? Qualis in curia tua negotiatio exercetur? Qualiter se clerus tuus gerit? Quā mihi Sodomam reperiēs, ubi maior vnquam fuerit malorum omnium impunitas? magis perditā impudentia? licentia magis effrænīs? Et nunc, perinde ac si nihil esset domi quod ageres, times, ne ob vnā hanc culpā immineat ira Dei tuo capiti, si concedi Protestantibus pacem & iuris æquitatem tacitus sinas, quoad de religione fuerit cognitum: si Casarem, iniussu tuo, tam concilium, quā legitimā causā definitionem polliceri sustineas.

Hic mihi Athalia venit in mentem. Nam sicut impudica illa canis, cū regem Ioas cereret in solio collocatum, quia tyrannidem suā videbat concidisse, clamabat, seditionem esse factā: ita putidum hoc scortum, cū tyrannidi suæ, quā Deo & hominibus inuitis, sibi per summum nefas arrogat, vel minimum derogari videt, cælum terræ miscet, quasi nihil amplius sit in mundo saluum.

O quā multis, & quā insignibus documentis compertum habet Caesar paternum hunc amorem. Quod nisi sibi ab hoc idolo, tanquam à Deo sinistro metuerent Christiani principes: possent mira paternæ charitatis officia, quæ pro se quisque experti sunt, recensere. Sed quid principum arcana excutere opus est? quasi verò non omnibus etiam infimis palam sit, qualem se hactenus patrem illis exhibuerit.

Hic quidem olim speciosus erat fucus Romanæ meretricis, iactare Ecclesiæ veritatem: sed iam cū longo quasi attritu obsoleuit, tum flatu oris Domini toties discussus & claris scripturæ testimonijs abstersus ita fuit, vt ad colorandam eius deformitatem apud oculos parum valeat. Christus enim vnicū sanctæ vnitatis vinculum est: ab eo qui discedit, violat turbatque vnitatem: extra eum verò, non nisi sacrilega conspiratio est. Vocat nos ad se Romanus Antichristus, prætextu vnitatis: & quicumque tyrannidis suæ iugo non sponte alligari se sustinent, eos schismaticos iudicat. Nos autem ex aduerso audimus Christi vocem: Vbi erit corpus, illuc conuolabunt & aquilæ. Audimus Apostolum hortantem, vt consensiamus, & simus concordēs: sed in Christo. Audimus piā Hilarij admonitionem. Speciosum quidem nomen est pacis, & pulchra opinio vnitatis: sed quis ambigat eam solam Ecclesiæ & Euāgeliorum vnitam esse pacem, quæ Christi est? Ostendat ergo à parte sua Christum Frenesius, & vnitatem Ecclesiæ penes se esse probabit: Sed cū adherere illi non possumus, nisi Christum abnegando, qui ab eo discessit, non facit ab Ecclesia discessionem, sed veram Ecclesiam ab adulterina & fictitia discernit.

En ordo, en disciplina, en Christianismi perfectio ex Frenesij definitione, si illibata sedis suæ tyrannis maneat. Valeant alia: nam præ hac vna nihili omnia reputat. Iam ergo Helenā agnoscimus, pro qua depugnat, simul causam timoris illius agnoscimus, de quo initio locutus est. Nō enim ruinam solio suo tantū impen-

dere prouidet, sed sedem illam abominationis iam collabi cernit, si pigrescat. Hoc si illi detur, ut securus pro suo more in tranquilla possessione sua tyrannidis lasciuat, hoc uno contentus erit, & tanquam rite composito Ecclesie statu, sibi Galijs benedicet. Ergo utcumque Romae nihilo minor sit scelerum omnium colluies, quam in ipsis inferis, utcumque passim sanctus ille Papalis clerus, laxis habenis, perruptis legibus omnibus, abiecta omni honestatis cura, ad quamlibet impietatem se prostituat, utcumque totus orbis horrendum in modum sit corruptus, bene ordinata erit disciplina, si modò nihil contra sedis Romanæ maiestatem quis audeat.

6

Imperatoris
ut, cogere
concilia.

Grande scilicet piaculū, quòd de congregando concilio cum ageretur, suppressum est Papæ nomen. Quasi verò Syluestro auctoritatē conuocandæ Nicenæ synodi detulerit Constantinus, ac non eam iure suo, pro Imperatoria potestate coegerit. Quasi non etiam ipsi Syluestro edixerit, ut veniret. Quasi vel arbitrium vel nutum Romani episcopi expectauerit olim Theodosius, in synodo Aquileiensi cogenda, cui præfuit Ambrosius. Ecce habetur in Italia conciliū vniuersale, cui non adest Rom. episcopus, nec quisquā eius nomine, imò nulla eius in actus concilij fit mentio. Sed condonandum est Frenesio, si personā agit impurā illius Iesabel, cum similē habeat causam. Quēadmodū enim fremebat illa, quòd Achab pro regia potestate populū conuocasset, ut statueretur semel, Deusne an Baal inuocandus foret, ita hæc bestia, quasi rebus omnibus perditis, grande nefas admissum esse conclamat, quia Cæsar sibi curæ fore receperit, ut conciliū cogeretur. Atquē hanc sibi soli potestatem iure diuinū & humano cōpetere allegat. Facile quidē iactare est, sed probatio queritur. Quid enim hoc mendacio impudentius? Diuini iuris quam omnino syllabam proferet, nisi fortē se faciat Deū. Sed humanū fortē illi suffragatur? Nihilomagus. Quis enim primam synodū Nicenam, quis Ephe sinā, quis Constantinopolitanā, quis Chalcedonensem coegit? Et ne in colligendo numero sim longior, quis totis quingentis annis synodos vniuersales, quæ multæ habitæ fuerūt inter id tēpus, congregauit, præter vnu Cæsare? At fortē id fiebat, interposita pōtificis auctoritate, imò nec cōsensu quidē. Vbi enim ostendet Frenesius, expectatū aliquando fuisse Papæ nutum in hac re, aut petitū ab eo cōsiliū? Atquē non tantū nunc sibi arrogat hoc priuilegiū, ne quid se incōsulto tentet Imperator, sed vult omnia simul posse & agere. Id si vult impetrare, omnia conciliorū acta, omnes veteres historias aboleat, necesse est. Neque enim illic Papa Imperatori edicit, sed Imperator episcopis omnibus. Et cum episcopi loquuntur, nō Romani episcopi mandato aut nutu se vocatos, sed Imperiali edicto testantur. Olim quidem in procuranda synodo Chalcedonen si partes suas interposuit Leo. Sed qualiter? iubendone vel decernēdo? Nihil tale in eius epistolis habetur, quæ in prōptu extant, sed Cæsarem suppliciter rogādo, ut pro more episcopos omnes aduocaret. Ergo quod tunc precibus fieri orabat Leo, Frenesius hodie factū esse tam grauiter accusat, ut speciē propemodum faciat apostasiæ. Patrocinium ergo fictitiæ suæ potestatis aliunde querat, quàm à Deo & hominibus.

7

Rom. Epi
nulla pro
rogatione
in aliis factus.

Cum tale quiddam aliquando captaret in concilio Chartaginensi, fortiter, ut par erat, Aphricani episcopi tam improba ambitioni resisterūt. Cum obtenderet prerogatiuā in alias Ecclesias, Nicenæ synodi decreto, sibi permissam esse, nō habuerunt fidem, sed Constantinopolim, & in alias urbes Græcas miserunt, ut veritatem inuestigarent. Compertum tandem fuit, acta Concilij à sanctissimo patre corrupta fuisse, ut illis ad erigendam suam tyrannidem abuteretur. Saltem quæ proferebantur

tur

ur ex eius archiuis exemplaria, cū veris & certis non congruebant. Ita repudiātū fuit eius postulatū, non absque manifesto falsitatis probro. Atquē iura diuina & humana hic quoq; sibi suffragari clamat. Quis vnquam Deus, obsecro, Papā constituit causarū omniū ad Ecclesiam vel fidē pertinentiū cognitorē, arbitrum & iudicem? Quas etiam hominū leges, aut quæ placita de hac re ostendet? Dicit, quidem Ambrosius, fidei causas debere in templo coram plebe tractari: Et tunc de summo fidei nostræ capite agebatur. Non dicit, coram Papæ tribunali. Dicit fateor, iudicandas esse à sacerdotibus: sed nequaquam vni Papæ defert iudicium. Alioqui grauius peccasset, cū ad cognoscendam maximam causam, Aquileiensi concilio non interfuit modò, sed etiam praesedit. Inuehatur Frenesius in Ambrosium, quòd concilium cū vocandum ab Imperatore procurasset, habere ausus est, & quidem absente Rom. Episcopo, illicque de Christi diuinitate, quid sentiendum foret, statuere. Vbi tunc erant humana iura, quibus gloriatur Frenesius, cū in Italia synodus vniuersalis de summa religionis tractaret, vocato quidē Rom. episcopo, sed nemine eius loco comparente? Quid cū à Melchiade Rom. etiam episcopo deuoluta est causa maximi momenti ad episcopum Arelatensem? Litigabat Donatus A casu nigris cum Cæciliano. Non erat ciuile negotium, sed causa ecclesiastica, & quæ non leue caput Christianæ doctrinæ continebat, nempe de Ecclesiæ vnitatem, & communionem sanctorum. Constantinus Magnus Melchiadem primo iudicem tulerat, cum ille pronuntiasset, prouocante Donato, cognitio ad Arelatensem episcopum delata fuit, vt testis est Augustinus. Cur non clamitabat Melchides, omnia perperam confundi, quòd sibi eriperetur summa iudicandi potestas? Restat ergo vt hoc persuadeat Frenesius ijs, qui sine difficultate pro oraculo recipiunt, Cephæ esse caput.

Quasi verò pro libidine cuiusque statui voluerit Imperator, ac nō potius legitima vltro citroque habita disceptatione, ex sacrosancto Dei verbo summi definitionē. Quasi etiā laicis mādaret istas partes, vt definiāt ipsi, ac non potius vt sciscāt, quod ex Dei verbo constiterit. Hoc si nouum est Frenesio, valde est omnis antiquitatis imperitus.

Nempe si huic Frenesij iudicio stetur, ne concilio quidē opus fuerit. Res enim iam expedita hoc modo erit, si indicta causa iam censeantur dānatarum hæresum assertores, qui se ad reddendā doctrinā suā rationem offerunt. Neq; verò imprudenter agit sanctissimus pater. Quid enim optabilius, quā hostes suos voce vna iugulare? Sed hoc est incōmodi, quòd qui tam atrociter hic dānantur, præclare & strenuē ab hac calūnia se purgant, Papā verò ipsum interim non modò impietatis ac scelerū omniū reū peragūt, sed antichristū esse cōvincūt, impiorū omniū caput.

Quid, an non Spiritus sancti elogio prædicatur sanctus Rex Iosias, quòd cū oblationes ingurgitari videret à sacerdotibus, scribā suā exigendis rationibus præfecerit? Quid ergo piaculi erit, si hodie eius exēplo Christiani principes, dū à Papæ gurgitibus Ecclesiæ opes vorari, & per summā nequitia turpiter dissipari vident, ad vindicandū hoc sacrilegiū manus admoueāt? Hoc primum queritur, in quē vsum destinata sint Ecclesiæ bona: deinde, quorū sit dispensatio: tertio, si vitium sit in ordinaria dispensatione, quod seuera correctione opus habeat, à quibus adhibendum sit remediū. De hoc postremo cogniturum se Imperator de ordinū sententia promissit. Nunc iudicare promptum est, quam tumultuandi causam habeat Frenesius.

De bonis
ecclesiasticis

Subaudiendū est epitheton, sunt enim Protestantes extra Ecclesiam, sed Papalē.
 11 Dammati, sed causa incognita. Si autē verū est esse verā Ecclesiā unitatē, ubi est sincera Christi veritas, ubi integer & doctrinæ & animorum in Christo consensus cum omnibus p̄ys: ab Ecclesia certē alieni non sunt Protestantes.

12 Imò quis vel princeps, vel priuatus, si modò scintillā Christiani xeli habeat, non cupiat quā primū rebus ita miserē collapsis succurri? Quis autem non intelligat, frustra à Papa expectari quicquam opis? Suam ergo impietatē prodat, oportet, qui tam necessarium remedium à Cæsare quæsītū esse agrē ferat. Sed bene habet, quod se de conductis quibusdam mancipijs loqui continuò post declarat.

13 Ego verò scire velim, quid tandem istorum pugnet cum Christi institutis, & recto Ecclesiæ ordine. Audio quidem hoc dici, sed à quo? Si diabolus pater est mendacij, quis eius vicario fidem habebit?

14 Mirā verò metamorphosim. Tam enim religiosus cœpit esse Papa, ut datam Protestantibus pacem esse cum audit, totus horreat. Sed mirum est ex aduerso, eum securē pacisci cū meretricibus, nec contaminationē ex lenocinij precio horrere, annua pensione decidere cū Iudæis, ut impune non modo Christianam religionem despiciant, sed foenerando palam latrocinentur, deniq; nec Turcas auersari. Sed in eo potissimū elucet eius sanctimonia, quod cū Apostolo Paulo timet, ne bonos mores colloquia praua corrūpant. Quid tibi cum hac sancti Apostoli voce, scelestē apostata, imò omnis apostasiæ princeps? qui cū dies in machinandis proditionibus, in fraudibus excudendis, in bellis conflandis, in excogitandis nouis rapinarum generibus, in moliendo innocentij exitio, in destruenda Ecclesia, in dissipanda religione cum nequissimis consultoribus tuis consumas, reliquum tēpus vel cū Epicureis suauiter te oblectas, vel in medio scortorū grege te volutas instar porci, nec aliud audis, vel loqueris, quā quod vel execrandam impietatē spiret, vel sua obscœnitate incitet istam tuam effœtam libidinem, quæ tamen nondum prurire desinit.

15 Arrigamus aures, neque enim videtur iam de nihilo conqueri. Fateor sanè, tanti esse Ecclesiæ ordinem coram Deo, ut qui inuolat in alienum munus, non euadat suæ temeritatis pœnam.

16 Si qua ratio foret conseruandæ eius tyrannidis, pro qua nunc decertat Frenesius, hæc in primis firma est præ alijs, & valida, ne quis corrigendus sacerdotum vitijs se interponere audeat. Ergo si Frenesio concedimus, esse hanc illi citam usurpationem, esse grande sacrilegium, cū principes, torpente Papa, toto clero oscitante, pereunti Ecclesiæ subuenire conātur, actum est. Quid ergo habet Cæsar, quo tantum crimen diluat? Primū, tametsi non est cuiuslibet, se ad repurgandā Ecclesiæ malā ingerere, & restituendum eius statum, quo tamen iure Christianis principibus hoc negabitur? Excipit Frenesius, quia sic agendo cathedram sacerdotalem inuadunt. At sanctis patribus semper aliter visum est, quibus nihil fuit antiquius, quā ut principum authoritate in ordinem redigerentur mali, & improbi sacerdotes, indigni autem honoris gradu abdicarentur. In hoc itaque hallucinatur Frenesius, quia inter ista duo quantum intersit, non videt, cathedram occupare, & rite collocare iustos sēsores, qui sedem ratione iurēque gubernent.

17 Hoc concedunt omnes, non perturbandum esse in Ecclesia ordinem. Tota igitur quæstio in ordinis definitione posita est. Requirit ordo, ut sint distinctæ functiones, & hoc concedimus, verum coniunctioni distinctio non repugnat. Nec quic-

quicquam obstat, quo minus qui diuersis officijs præfunt, communibus tamen studijs multa simul procurent, quominus voluant coniunctim vnum lapidem, denique quo minus alter pro necessitate presenti, in alterius vicem quandoque subeat.

Det ergo nobis Frenesius ordinatum ex Christi voluntate Ecclesiæ statum: & libenter dabimus, qui minimo digito attingere eum ausit, vt conuellat, impia audacia id tentare. Sed cum procul absit barbara ista, vel potius beluina Papatus confusio à sancta Christi regula, facessat hinc prouidentia diuinæ titulus, cui grauis irrogatur iniuria, cum ad fucandam à Christi regno prorsus tam alienam tyrannidem perperam & impudenter obtenditur.

Punitus est Osas, quòd manum arcæ Dei ad mouere ausus fuerit, bono quidem, sed inconsiderato zelo, nempe cum partes sacerdotum arriperet, præstò illis astantibus, & ad officium paratis. Vbi nunc ex toto Papali clero sacerdos vnus est, qui arcæ Domini sustinenda sit intentus? Punitus est Osas, quòd & præter suam vocationem & aduersus claram Dei prohibitionem ad tactum arcæ perreperit. Vbi Dei interdictum? Vbi finita vocationis ratio, quæ Imperatorem ab omni Ecclesiæ cura arceat? Atqui Reges omnes vocat Iesaias ad eam suscipiendam.

Punitus est Osas, quòd ante tempus, importuno feruore se ad sustinendam arcam ingesserit. At quàm dissimiliter causa, si arcam Domini humi proiectam, demersam in luto, impiorum probriis expositam erigere conetur Dauid, & sacerdotes ad eam in sua sede collocandam edictio suo vocet? Tu verò monstrum qualiter denunciare alijs audes, vt manus remoucant ab arca, qui eam impuro tuo rostro prostratam pedilus ignominiosè conculcas? Licebit ne tibi arcam Domini sordibus implere, prostrare cum summa contumelia, prostituere ad quoduis Sathanae ludibriū, lacerare in frusta, eius sanctitati insultare: & principibus simul ac vniuerso Christiano populo ad eam repurgandā, coaptandā, reparandā accedere nefus erit?

Quid non audeat hic phreneticus, quæ Moysi & Aaroni se conferre nihil pudet? Dathan, inquit, & Chore & Abiron, quòd aduersus Domini sacerdotes murmurassint, horrendo exemplo perierūt. Sed quid tu simile cum Moysè habes? Tū ne Domini sacerdos, ò sacrorum omnium profligator? Non modò tumultuatus est Iehu in sacerdotes Baal, sed armata manu eos persecutus, omnes in templo idoli sui occidit. Præclarum facinus, & quod Dei testimonio cōmendatur. Vocet tantum Moysen vulnerat Dathan, Chore & Abiron, & eos terra viuos absorbet. Tu igitur alius sis, vt sacerdotij iure & honore, à te violando principes deterreas.

Vmbra seruiebat Aaronis sacerdotium, sed continebat non inanē veritatis figuram, & sacrosancta erat Dei autoritate fundatū. Quid autē præter larvā nobis ostendat Papa? Quo fundamento suffulta est eius tyrannis? Quo deniq; authore à summo vsq; ad minimū ad sacrilegā suam functionē, magico potius quàm Christiano ritu, inicianitur? Etiam si crepare debeant, nulla scripturæ syllaba vnquam hoc, quo superbiunt, sacerdotij genus approbabit.

Perversa quidē consuetudo nihil aliud est, quàm erroris vetustas. Sed quis pro Ecclesiæ consuetudine hoc recipiat, vt qui præsulum nomē habet, qualiscunq; sint, quicquid agat, etiā si nihil minus sint, quàm quod vocatur, pro libidine grassentur addenotandū Christi gregē & se nemo eorū latrocinio opponere audeat? In qua, obsecro, Barbaria valeret hæc cōsuetudo, vt solo titulo protecli latrones, impune perderet, inactaret, vastaret, dissiparet omnia: quòd si quis musitaret de cohiben-

da ipsorum truculentia: sacra profanus misceri clamitarent?

23 Vbi liquidò constiterint hæc tria: non necessitate, sed superbia Cæsarem reformationem Ecclesiæ suscepisse: deinde hanc ita commēdatam esse sacerdotibus, ut ab ea prohibeantur, quicunque vinctas manus non habēt, sicut ab adolendo thymiamate: postremò sacerdotium Papale instar Leuitici à Deo habere originem, præsentī causæ forsan conueniet Vix exemplum. Rursus sinihil istorum constat, quin potius si euincere promptum est, necessariò ad id cogi Cæsarem, nisi ad Ecclesiæ exitium sciens ac videns conuinere velit: nec quicquam magis esse propriū eius personæ, & sacerdotium Papale nō nisi sacrilegio & anathemate dedicatum esse, quid Vix exemplum Frenesio suffragatur? Ostendat, inquam, conuocandi concilij, & restituendæ in verum statum Ecclesiæ solus sacerdotibus, sicut adolendi thymiamatis attributam esse potestatem, Regibus autem vetitam. Atquē veritas palam reclamāt. Ostēdat Cæsarem frustra inolescere, & rebus bene compositis, ambitione tantū, & prauo nouitatis studio lasciuire. Ostendat ipsum deiecto legitimo sacerdote, altare sibi interdictum per vim occupare. Sed vbi sacerdos qui ad officium peragendum sit accinctus? Quibus cancellis circumscripta est pia hæc sollicitudo, quam in se recipit Cæsar, ut perumpere non liceat? Quæ temeritas aut libido in aggrediēdo opere, à quo cessare, summa esset non tantum socordia, sed etiā perfidia? Quamquam operæ precium est expendere, quā argutus sit ratiocinator Frenesij scriba. Sacrificium est, inquit, leges de religione sancire, & quidē Deo gratissimū. Ergo à Cæsaris persona hoc abhorret. Hoc verò est non argumentari, sed porcorum more omnia turbare. Quid enim erogare elemosinas? Quid impendere se publicis cōmodis? Quid populos in puro Dei cultu continere? Quid denique se ipsum dedicare Deo? Non sunt hæc etiā sacrificia, non suauis gratique odoris? Et tamē piorū omnium cōmunia sunt. Quid præterea blateras, placere Deo, ut leges de religione sanciantur, quod à diabolica audacia proficisci Scriptura clamat? Nā & Cæsaris & omnium mortalium est, vñ audire Legislatore, quod ad spirituale animæ regimē spectat, & quasque ille sciuerit leges, ratas sine exceptione habere.

24 Non contentus communi sacerdotum prærogatiua, singulare fastigium conscendit. Nostrum, inquit, in primis. Quo autem iure? Quia data nobis est ligandi & soluendi potestas. Quid alijs? Omnibus enim simul Apostolis dictum est, quodcumque ligaueritis. Quod omnibus Christus communicat, tu prædatoria violentia tibi rapies? Tu Ecclesiam nudabis, ut eius te spolijs vestias?

25 Eximium sanè priuilegium, ut impune ruant in omne scelerum genus sacerdotes, & soli Deo iudicium relinquatur. Quod si ita est, quorsum illa vetus disciplina cleri, quæ in chartis nunc extat, olim in Ecclesia locum habuit? Nam si iudicium sibi in sacerdotes sumunt episcopi, gigantum more Deum è sede sua disturbare moluntur. At episcopis est permissum. Quid, si Deus sibi hoc asseruit soli, tu ad Sacerdotes transferendo, nōne illos facis deos? Hic quoque acumen est mirabile, Requirā super pastores ego ipse, inquit Dominus. Ergo propria est Dei hæc cognitio, quam ne ad tempus quidem sumere cuiquā licet. Quid? non requireret etiā ipse Dominus sanguinē innoxium de manu homicidarū? Nō furta, non rapinas, non iniurias quaslibet requireret? Non requireret ab impijs, quicquid malorum perpetraverint? Ergo secundū cubicularē hanc Frenesij dialecticā tollantur è medio iudicia, cessant scelerum pœnæ. Soli enim Deo relinquendum est iudicium. Solius certe

Dei

Dei iudicium est, non in sacerdotes modò, sed etiam infimos quosque. Sed cur Dñ vo cantur principes, nisi quia mandatum est illis iudicium?

Quis Frenesio hoc Angelus vel potius demon reuelauit? Varijs enim ex causis cum proueniant Dei iudicia, quis certam causam ex proprio capite definiet? Solomon certè negat, humano sensu discerni posse, quem amore vel odio prosequatur Deus, quia eadem accidunt bonis & malis. Ex Dei verbo igitur definiendum erat, sed probè meminit Frenesius, cuius personam sustineat. Sic enim antiè cum Christo egit Dominus, cui seruit: Hæc omnia tibi dabo, si prostratus adoraueris me. Sic etiam antefessores eius, cum seruebamus Reginæ cali, affluebamur bonis omnibus. Sed iam audiamus, quæ ob sedis suæ cultum repensa præmia, & quas ob contemptum pœnas irrogatas referat.

Constantinum Magnum adducit, ut fiducia, quam iactat, donationis fidem nobis faciat. Ad id nihil eum pudet, ut negas quæ iam puerus sunt ludibrio, Imperatori pro certis oraculis obtrudere non dubitet. Olim quidem magno supercilio de hoc figmento garriebant stulti canonistæ, sed iam talibus ineptijs desit esse locus. Quæ porrò causa tam fidelem sedis suæ cultorem facit Theodosium, qui cum Ambrosio singularem reuerentiam detulerit, quòd vnquam in precio habuerit sedem Romanam aut eius sessores, nusquam legitur. Miram certè, quòd non & Traianum addiderit. Caroli Magni victorias huic vni vel superstitioni, vel astuto consilio acceptas referre, quòd sedem illam abominationis extulerit, quem omnino colorem habet? Perinde facit, dum ex tot heroicis & memorandis Caroli virtutibus vitium hoc decerpit, quod laudet, atque ij qui in auro non nisi scoriæ legunt.

Quis non fustibus magis & lapidibus, quàm verbis compescendum hunc impuri canis latratum dicat? quòd Dei vindictam Iustiniano inflictam non manifesta eius impietati, quam in sustinenda Eutychiana hæresi prodidit, sed ad vnâ contumaciam transferat, quæ sedis Romanæ maiestatem imminuerit? En palàm Anastasius fidem orthodoxam impugnat. Execrabilis in Christum blasphemiae fauorem se & vindicem proficitur. Piam & salutarem de incarnationis mysterio doctrinam labefaciat, quantum potest. Ecclesiam vniuersam turbat, ac dissipat perniciosis disidijs, fulmine tandem icus miserè perit. Nullam eiusmodi interitus aliam causam fuisse pronuntiat Frenesius, quàm quòd Hormisdæ & Gelasio rebelles fuit. Quis autem credet?

Mauricius iam senex, cum annis viginæ imperium administrasset, à Phoca milite suo per insidias, & summam perfidiam sublatus fuit. Hanc fuisse contemptæ sedis Romanæ pœnam interpretatur Frenesius, quasi Dei consilio tunc interfuerit. Vtinam quidem se non immiscuisset placidus alioqui & quietus princeps prauis episcoporum factionibus, aut reprimere Ioannis ambitionem quàm fouere maluisset. Verùm quid tunc petebat Gregorius, quàm ne permitteret Mauricius, vnum aliquem censeret vniuersalem Episcopum, quia esset hic titulus, ut loquitur, nefarius, scelestus, profanus, abominabilis, & Antichristi prænuntius? Sed ut hoc quoque omittam, quænam ista est Frenesii æquitas principem sceleratè occisum damnare, quia sedi Romanæ se obsequentem nō præbuerit, & laudibus vehere parricidæ, qui in Dominum optimè de se meritum gladium strinxerit, qui ad Imperium per talè perfidiam, ac tantum nefus peruenerit, quia ad ornandum Romanum idolum, & euehendæ eius potetiam fuerit propensior? Quæquæ quid a iud. spectabat

Phocas omnia Romanæ sedi largiendo, nisi ut hac quasi nefaria pactione Romanæ urbis favorem emeret, quod se Græcis sciebat esse suo merito infestum?

30 *Mirum est, in tam pingui mercede non esse Frenesio doctiores scribas. Quanta enim historiarum inscitia est, primum in nominibus turpiter labi, & ex Iustiniano facere Constantem: deinde cum omnes fere Græci imperatores in eadem fuerint causa, pauculos hic nominare? Nisi hoc forsitan arte faciat, quia poenam, quæ pro terriculamento esset, inuenire in alijs non poterat.*

31 *Henrichi vitia, quibus laborauit, hic excusare nihil attinet. Quæ autem fuerint contentionum inter ipsum & Hildebrandum semina si quis quærat, & qualiter depugnata fuerint, reperiet profectò, Hildebrandum hominem uasri & malitiosi ingenij, adhuc inexplibili ambitione ardentem, instructum verò & gladiatoria confidentia, & extrema crudelitate, cum Henrichum videret luxuria diffluere, libidinibus deditum, præterea insolenter ferocire, statim quasi oblata occasione, ad dissipandum Imperium animum applicuisse. Quibus porro machinis Henrichum aggressus est, quibus deinde armis usque ad finem usus est ad ipsum opprimendum? Cum sacramento soluisset principes Germanos, hoc est, peierandi licentiâ illis dedisset, alios ad egressus falsis terroribus, alios minis perpulisset, alios corrupisset blanditijs, Bavarum traxisset ad spem Imperij, obtinuit ut subito tota Germania bello intestino, tãquam vno incendio, cõflagraret. Cum suppliciter ad eum venisset Henrichus, ac prostratus ad eius pedes iaceret, superbissimè eum contempsit. Nec antè statuit suæ tam impotenti & intolerandæ superbiæ modum, quàm sibi Imperatorem subiugauit vnà cum Imperio. Nam parum videbatur, si Casarem tanquam dediticium haberet, nisi diruto Imperio solus dominaretur. Et audet hic Frenesius eius historiam facere mentionem, quæ luculentum testimonium reddit, vel potius illustre documentum est, nulla vnquam vel ex ipsis inferis tam tetra monstra extitisse, quorum fœditas Romanæ sedis flagitijs non obruatur.*

32 *Cur non & Fridericum Primum recensuit in hoc numero? Imò, cur non longum catalogum Imperatorum contexit? Nam quò quisque Caesarum placidius se gessit, ita eò petulantiùs eius mäsuetudine abusi sunt Romani antichristi, pudèdus aduersus eos ludibrijs non abstinentes. Si qui autem paulò animosiores eorum ferocia restiterunt, senserunt, quid esset furiosas beluas prouocasse. Cum plusquam effreni libidine, cum plusquam tyrannica seuitia, cum importuno furore ultro, nò prouocatos insultasse ut plurimum Caesaribus constet tuos antecessores, phreneticæ: si quid illorum cuiquam acciderit calamitatis, statim ne reum coram Deo perages, quòd se tam immanibus bestijs conculcandum non prostituerit? Itane furcifer, Deum nequitia vestra ministrum simul & assertorem facies?*

33 *Fateor sanè, diram imminere Dei ultionem omnibus, qui ad scindendam Ecclesiæ vnitatem animum applicuerint. Quæ autem maior vnitatis dissipatio, quàm dum adulterata doctrinæ puritate, & euerso in eam consensu Christus quasi in partes discerpitur? Quis autem præter vnum te, ô carnifex, huius dissipationis author est atque antistes? Scio per te non stare, quominus prædicemus omnes vnum in terris caput, vnā Romanam sedem matrem ac Reginam, sed quis præter te obstat, quo minus omnes ex animo confiteamur Deum vnum, & fidem vnā, sicut vnum est inter omnes baptisma? Principem verò sedem quid nominas, quæ iam per annos plusquàm octingētos vero episcopo vacua, moriuis primum simulachris locum præbuit,*

præbuit, nunc ab impietatis principe, & crudelissimo animarum tyranno, à capita-
li Christi hoste, à præcipuo Ecclesiæ vastatore occupatur?

Quin Iudei meritis contempti & oppugnati Christi pœnas luant, mini-
mè dubium. Græcos videmus misera & acerba seruitute premi, causa obscura est,
nisi ex verbo Dei petatur. Hoc inde accidisse diuinat Phrenesius, quòd rebelles
fuerint sanctæ sedi. Ego, si coniungere licet, potius id factum interpreter, quia
eò usque superbierunt, ut vniuersæ Ecclesiæ dominatum priores appetere, quem
nunc sibi usurpat Papa, quòd nouitatis cupidiores, in varias sectas fuerunt distra-
cti, quòd praua ambitione, dum melius aliquid excudere volunt sacris Christi
instituta, degenerarunt à sincera Euangelij regula. Vtra ex his duabus vere simi-
lior coniectura est? Illa certè vitia, quibus ego causam imputo, Dei iudicio dam-
nata esse constat. Quòd si audiendi sint homines, dum causas ex cerebro proprio
quaslibet comminiscuntur, non minus specioso colore Græcia, stante adhuc illic
salua Imperij maiestate & potentia, Romanis exprobrare poterat, pœnam eos
pendere suæ rebellionis, quòd sedi Constantinopolitane in primatus controuersia
restitissent. Et si, quemadmodum superius retuli, non tunc ambiebat primatum
Romanus Episcopus, quum agitari cœpit contentio, sed ne inferior Constantino-
politano foret, locum suum tuebatur. In summa, vnum esse peccatum in mundo
dignum ira Dei, dignum omnibus pœnis, malorum denique omnium fontem, persua-
dere vult Phrenesius, quòd sibi non obsequantur omnes, quòd non à suo nutu pen-
deant, quòd non suum adorent numen loco Dei. Quis, nisi mente abalienatus, per-
suaderi sibi sinat? Quòd si ad fidem habendam paratos habeat omnes, primum o-
stendat, oportet, quid commeriti fuerint Hungari, quorum nihilo melior est, quàm
Græcorum conditio. Expone, inquam, nobis phrenetice quo suo delicto in eandem
cum Græcis seruitutem coniecti fuerint Hungari, quibus non aliter semper abusus
es, atque vilissimis mancipijs, & qui perinde ac serui ergastulis inclusi, vinculis
compedibus, nullum tuum imperiū recusarunt. Quàm ergo pueriliter ineptis, dum
quasi re confecta, superciliosè pronuntias, nunquam sedis tuæ impune spretam
fuisse tyrannidem? At certum est, non leuiter moueri Christum Vicarij sui con-
temptu. Pergèsne igitur, os putidum, ita Christo illudere? Primum quis te ad hunc
honorem euexit? Nemo enim, teste Apostolo, sumere sibi honorem debet, nisi vo-
catus. Dictum est Petro, Pasce oues meas. Excipio, omnibus idem esse dictum. Ve-
teres illi fumi, quibus antehac perstringere solebas hominum oculos, pridè euanue-
runt. Qua fronte tam superbum titulum arrogare tibi audes, quem si quis Angelo-
rum sibi assereret, anathemate esset feriendus? Gregorio tuo, sicuti iactas, antesef-
sori, scelestus, impius, sacrilegus, sathanæ vicarius, præcursor antichristi fuit, qui se
episcopum vniuersalem faceret, siue Romanus siue alius quispiam. Elige nunc, v-
trū voles. Aut enim Gregorium damnes, oportet, tanquam sedi tuæ blasphemum,
aut tam grauem sententiam sustineas. Iam verò ut parcamus huic tam execranda
blasphemiae, ut, inquam, fingamus vanum esse, quòd post Apostolos & Prophetas
docet Cyprianus, vnum esse in Ecclesia Christi episcopatum, cuius partes in solidum
singuli teneant, & hanc dignitatem ad vnum quempiam hominum transferri si-
namus, quo tamen iure, aut qua specie tibi, perditæ & deplorate latro, conueniet?
Tunc Petri successor, qui nihilo plus similitudinis cum eo habes, quàm Nero quis-
quā, aut Domitianus, aut Caligula. Nisi forte Heliogabalū maus, qui sacerdotiū

nouum Imperio adiunxit. Omnes cerè illi summi pontifices nomine erant, quod in superstitione eius temporis licebat, tu id nomē hodie vsurpas in populo Christia-
no contra ius & fas, contra inuiolabile Christi placitum, contra omnia sanctorum
patrū instituta. Tu Christi Vicarius, cuius omnes cogitationes, studia omnia & fa-
cta huc spectant, vt aboleatur Christus, modò nomen inane maneat, quo tanquam
meretricio fūco abuteris? Tu Christi Vicarius, quem iam pueri omnes noue-
runt certum esse antichristum? Qualem nobis Christum fabricabis, si uelis eius ima-
ginem in tyrannide tua agnosci? Videmus omnis impietatis antistitem, sathanæ
antesignanum, ferocem animarum tyrannum, seuum carnificem, quod ad vitam
spectat, monstrum ex omnibus flagitijs conflatum; illum denique perditionis filium,
quem nobis depingit Apostolus, & Christi vicarium iudicabimus? Videmus, in-
quam, lupum, à quo deuorantur Christi oues, videmus furem, à quo abiguntur, vi-
demus prædonem, à quo maculantur, & hic nobis Christi Vicarius erit?

35 Themistocles olim Iustitiæ sacrum facturum exclamasse fertur, O dea, si qua
vsquam es, nos de conscientia Papæ non rogamus, ubinam sit, dum eam testem
citatur? Excitare interdum ab inferis solent rhetores, quorum personam causæ suæ
aptam iudicant. sed neque hoc in populi locum habet, cui neque cœli sunt neque in-
feri. Qui ergo hanc Chimeram manibus tenebit, ille Frenesium pro Ecclesiæ pace
libenter sanguinem profusurū credat. At rem ipsam intuemur, quid sit alienum
sanguinem fundere, nouit Paulus, suo parcere didicit. Certè etiam si hæcenus cre-
ditum fuisset, aliquam conscientia particulam in Papa adhuc manere, hoc tamen
tam manifesto periurio apparet, quàm omnem Dei timorem, & hominum reue-
rentiam abiecerit.

36 Aequa sane conditio, vt Papæ tradantur iudicandi Protestantes. Quid ni?
Ego enim, inquit, sum eorum iudex. Solus ne? Adiuutores sibi in consilium assumit
venerandos fratres suos, quos etiam honoris parte aspergit. Tor lupus vt tradatur
grex ouium? At qualescūque sint, ipsorum tamen est cognitio. Si olim Paulo dice-
re licuit de pariete dealbato, Nesciebam fratres quòd pontifex esset, quid nobis de
atris istis vulturibus hodie dicendum erit? Sed ne longior sim, tantum hoc dico, sa-
cerdotes Domini se esse ostendant, & iudicandi potestatem mox illis sine diffi-
cultate vlla concedam. Quales autem video, meritò sciscitari possum, quænam eos
constituerit arbitros aut iudices.

37 Quo elogio principes & magistratus ciuiles ornat Spiritus sanctus, sicuti
cum ex loco ipso constat, tum etiam ex Christi interpretatione, illud Cōstan-
tinus, homo non valde exercitatus in Scripturis, & si verum narrant historiae, tunc
adhuc catechumenus, errore ad sacerdotes trāstulit. Frenesius Achillis clypeum se
inuenisse putat, dum inde patrociniū mutuatur. Nunc statuendum est, vtri-
plus fidei sit habendum, Deōne, an Constantino. De sensu illius sententiæ
loquor, Ego dixi dī estis. Alioqui prudenter egisse Constantinum fateor, qui cū
episcopos cerneret, fatali quadam rabie in mutuam lacerationem inflamma-
tos Ario parcere, & deserere Christi causam, vt suæ cupiditati morem gere-
rent, probrosos eorum libellos consciderit. Ceterum quàm procul à mente Fre-
nesii abfuerit Constantinus, ne falsò amplius eius nomen obtendat, ex illius ad
Nicomedinsem epistola, quam Theodorus libro primo refert, iudiciū facere
promptum est, si castos, inquit, habemus, & orthodoxos & modestos episcopos,
gau-

gaudemus. Quòd si quis audacter ac inconsultè ad fouendas pestes exarserit, illius audacia ministri Dei, hoc est, meæ executione coercebitur. Quando in omnibus Constantino persimilem esse Carolum Casarem optat Frenesius, manu eius non suam audaciam, sed efferatam rabiem coerceri patiatur.

Speciem quidem cogendi cōcilij iam aliquoties præbuit Frenesius, sed qui ser-
uò eum cogitasse vnquam de habendo concilio putat, micam sani cerebri non ha-
bet. Mundum quasi famelicum ingenti concilij desiderio hiare iamdudum nouit.
Extrema se crudelitatis damnari ab omnibus intelligit, quòd tandiu varijs ludifi-
cationibus tempus extrahat. Cur non igitur, quoad citra suum dispendium potest,
satisfaciat imperitis, concilium subinde indicendo, quod nunquam habeat? Si quis
autem miretur, cur tantopere concilium reformidet Papa, in quo nulli bono pate-
bit locus, inde reputet, quàm sit prodigiosa tyrannidis species, quæ non nisi per ter-
rorem & metum retineri potest.

En quid premat sanctissimum patrem. Non audiendo aut disceptando tracta-
ri vult causam Protestantium, sed hoc commodissimum fore putat, si ab illis dam-
nandis exordiat. Quanquam vix isto honore etiamnum eos dignabitur, ne rem
actam agere iterum incipiat, sed exequendam in eos sententiam mandabit. Et cer-
tè non malè consulit suis rationibus, dum ne causa tam dubia & sibi periculosa
retractetur, sollicitè cauet. Quid ergo, si audiatur, Protestantibus reliquum est, nisi
vt causæ suæ defensione omis-
sa, se illi suæque omnia dedant?

Vtinam quidem verè coalescant Germani omnes in verum fidei consensum.
sibi-
que mutuo sub vno capite adhæreant, nempe, Christo. Imò totus in hanc unita-
tem reducatur orbis, quò impleatur illud, quo certum est solidam Eccl-
siae perfectio-
nem contineri, hoc est, vt fiat vnum ouile, & vnus pastor: sed re-
clamat Papa, qui
pro nihilo ducit, Deum agnoscere vnum ab omnibus, pura Christi doctrina, & au-
spicijs gubernari totum mundum, nisi ipse pro capite adoretur. Ergo v-
cunque
Deum, nisi falso, inuocare testem nequeat, qui Deum nullum habet, ne tamen sem-
per mentiri eum putes, vnum hoc verè affirmat, sibi nihil esse magis in votis, quàm
sub iugum suum omnes redigere qui auolarunt, & quos pro indomitis habet.

Quasi verò vocauerit specolligendi, ac nò potius de industria tempus elegerit,
quod esset ab omni pacata consuitatione alienissimum. Cùm satis compertum habe-
ret, bello distineri duos præcipuos Christiani orbis monarchas, & iam pluribus lo-
cis classicum propemodum canere, concilium habere se velle simulauit. Quis tam
stultum fuisse credat, vt sperauerit? Vnde etiam coniecturam facere licet, nihil
eum nisi per simulationem gerere. Nam quò factum est, vt tranquillus rebus cessa-
uerit, & cùm aliquandiu volitasset consilij Mantuani indictio, & postea Vero-
nensis, vtrumque in bullam euanuerit, nunc autem in medio armorum strepitu, &
tempore turbulento, se tanquam in optima opportunitate commoueat?

O prostitutam impudentiam! Mirum, nisi scriba suo mandauerit, vt inter
scribendum ingemisceret, ac lachrymulam vnā extorqueret ab oculo sinistra. Sed
non minus stultus est quàm improbus, qui coram Casare hanc fabulam agit, quasi sit
illi incognitus. Querat ergo peregrinum. Tamen si quis reperietur ab Oriente in
Occidentem usque, qui eum Deo hic & hominibus illudere nesciat. Sed pergamus.
Locum quem indicit concilio? Tridentum. Valde est idoneus, siquidem tam facili erunt
Germani, vt in medias lupi fauces vltro se ingerant. Qualis erit cōfessus? Malesiorum

scilicet, qui ne imaginem quidem boni viri inter se ferre possint. Qualis in cognoscendo equitas aut moderatio? Fortè ad placidam piàmque deliberationem integri, nec ullis præiudicijs occupati accedent. Imò iam dicit causam Frenesius, quæ in disputationem vocatur, iam damnatam esse. Superuacuum ergo foret, in ea discutienda vel horulam consumere. Ne tamen vel morosi nimium vel crudeles appareant, ad audiendum se componēt. I apparitor, protestātes accerse, si quid cupiunt concilio propositum, supplici libello perstringant, ne delicatis sanctorum patrum auribus sint molesti. Auditis supplicum postulatis, ante omnia tentare cōueniet, num summam absque prouocatione potestatem de se suāque doctrina iudicandi sanctis patribus concedant: deinde num omīssa, quam apud se iam constitutam habent, reformatione, abnegatāque, quam amplexi sunt, doctrina, fidem ritusque omnes sanctæ Romanæ sedis quasi postliminio suscipere sint parati. In priore si hæsitauerint, schismatici extemplo pronuntiabuntur: secundum si facere recusauerint, iambus hæretici erūt. De illorū ergo cōtumacia vindicāda statuandū cōtinuū erit. Quicquā enim attingere nefas erit, nisi Ecclesia in integrū restituta. Interim ergo dū intestino bello distinebitur Christianus orbis, ad persequēdos opprimendosque Protestantē, Ecclesiæ reformatio differetur. Neque tamē interea cessabit venerabilis clerus. Flabellus enim multis ad ignem inflammandum passim opus erit. Quod si in tranquillam possessionem semel redierint, si quis ullam amplius conuocandi concilij mentionem facere audebit: turbator & seditiosus, & vnitatis inimicus vno omnium ore proclamabitur. Certè, auctore Frenesio, ne Imperator quidem ipse impune id tentauerit. Tamen vt Imperatori concilium petenti detur venia, liberum tamen erit Papæ recusare. Repulsam autem passus, vltcrius progredi caueat, nisi velit, Vsiā exemplo, arrogantia suā pœnam luere, aut alio quouis horribili exitio perire. Sed de ordine concilij aliās sit tempus dabitur.

43. Quis iam miretur, Papam sibi in vniuersum mortalium genus primatum vindicare, cū se Angelorum quoque præsidem hīc faciat? Sed recor, ne ambiguitate nominis falsus errauerim, & certe errauī. Quos enim angelos intelligeret, nisi quibus vti consiliarijs semper assuevit? Ex quibus vnus est ille, qui olim ad perdendum Achab spiritus mendax in ore omnium prophetarum fuit. Si tantum illic potuit vnus, quid hic facient aliquot milia? In hoc tamē iure reprehendi Frenesius potest, qui ad subfellia relegat eos, qui cōsilio supra ipsius tribunal præsidebūt. Neque enim ipse tam magnus est Deus, quin patri mendaciū seruiat. Certè qui magicis diuinationibus se vitāque suam subiicit, diabolo, quem inuocat, minorem se esse proficitur. Etsi quid profiteatur, non moror, dum quid faciat, video.

44. Pater est, qualem fuisse Saturnum tradunt Poetæ, qui filios scilicet deuoret. Quicumque tamen diuino non fuerint audientes, eos è numero filiorum Dei abdicat. Sed bene habet, quod Salmonei sunt, non Dei fulmina.

45. Hoc primum est, ne qua doctrina, nisi ex tripode Romanæ sedis profecta, recipiatur, quo impetrato, quæ amplius ambigendi causa erit? Proinde quin de examinanda doctrina, de repurgando corrigendoque Ecclesiæ statu agatur, non abnuī, modò id fiat se iudice, & tota controuersia solo suo nutu transigatur. Nec eo contentus, sibi eatenus cauet, vt quæ volent ipse cum angelorum suarum cohorte, ea duntaxat in questionem veniant, vt modum actionis præscribat, vt silentium iniungat, quoties libuerit, vt simul atque con-

cre-

crepuerit, omnes contremiscant. Itane? Corruptum Dei cultum, extinctam eius gloriam, vel saltem valde obscuratam, euersum Christi Regnum, pessundatam religionem, doctrinam veritatis partim vitiatam, partim sepultam, vastatam miserè ac laceratam Ecclesiam, Sacramenta ad turpem fœdumque quæstum prostituta, animas Christi sanguine redemptas sacrilegæ nundinationi expositas esse, ministerium vel pastorale munus, quo nihil mundo magis salutare esse debuerat, in exitialem tyrannidem conuersum conqueruntur Protestantes? Horum omnium malorum Papam cum suis reum faciunt, parati sunt digito monstrare, ipsum esse Antichristum. Quod si non probauerint, non calumniæ modò pœnam, sed atrocissima quæque supplicia sustinere non recusant. Tantùm audientiam si bi dari coram æquo tribunali postulant, & quidem hac lege, vt causa ex sacro Dei verbo definiatur, neque tamen negligantur vetusta patrum instituta. Quid ad hæc sanctissimus pater? Cognitionem quidem recipit, sed his, quas retuli, legibus. Hoc verò perinde est agere, ac si quis latro de cadibus ac furtis à se perpetratis accusatus, iudiciũ se non recusare dicat, sed hac lege, vt sibi tribunal erigatur, ex quo de sua causa pronuntiet, ne quid se inuito proferatur, ne qua contumelia lædatur, ne quibus vrgeatur testimonijs, sed totam causæ actionem sic temperet, vt scelerum impunitatem citra ullam molestiam sibi confirmet. En cur imperiales conuentus audiendæ huius causæ non sint capaces.

46.

Secundum est de bonis Ecclesiasticis, vt si quid hætenus fuerit in eorum administratione vitij, si qua illicita vsurpatio, non nisi Papæ iudicio corrigatur. Quis frustra Papam in eo insistere neget? Qualis enim aditus patefieret principibus ad res nouandas, si huc admitterentur? Palàm est, quàm effrenata luxuria diffuant hodie Episcopi, Abbates, & qui ordine sequuntur. Audirent principes opulentiam istam, quæ hodie tam perditè dilapidatur, pauperum esse patrimonium. Quis non insurgeret aduersus eos, si non ipsi priores occuparent, in ordinem se cogendo? Audirent ex antiquis Canonibus, qualis sit & ad quos pertineat dispensatio. Diaconiam illam veterem omnes requirerent. Audirent, neminem esse ex Ecclesiæ prouentu alendum, nisi qui functioni suæ satisfacit. Clamarent abigendos igitur esse omnes otiosos ventres. Et quotusquisque ex tot legionibus maneret? Quis hodie Episcopus officio fungitur, imò fungi se simulat? Quis parochus? Nam Canonici & alij ad veterem Presbyterij formam reuocarentur. Neque alias tantùm Ecclesias peruagaretur profana ista, hoc est, larca, vt loquuntur, correctio, sed ad ipsam Romanam sedem hætenus inaccessam pertingerent. Porro quid aliud hoc esset, quàm cælum terræ miscere? Indignum verò facinus, vt Deo terreno dicantur viuendi leges, vt eius mensæ sumptus præscribantur, exigatur annuatim ab eo ratio. Neque id modò, sed quæ alijs vel per vim iniustam rapuit, vel fraude furatus est, ab eo extorqueantur. Quin etiam, & quæ imperio pridem ablata quasi iure possidet, restituere; denique rapinas omnes, quas ingurgitauit iam tot annis, euomere cogatur. Quòd si qua maior vrgeret necessitas, concedi id fortè posset. At nunc cur inuaderent principes alienum munus, cum tam æqua aliqui ratio hîc à Frenesio præscribatur? Quis enim ad remedium afferendum aptior, quàm cui bene perspectus est morbus? Tollendæ sunt ac repurgandæ corruptelæ, quæ veterem diaconiam prorsus sustulerunt. Quibus potius iniungi hoc onus conuenit, quàm qui malorum omnium non modò penitus sunt conscij, sed etiam

authores? Expeſcimus qualis futura ſit emendatio, ſi ſacerdotibus libera vel agendi, vel ceſſandi poteſtas relinquatur. Non ſic pius Rex Iofias, qui non proventui tantum ad victum deſtinato, ſed etiam ſacris oblationibus ſcribam ſuum præfecit. Et tamen Freneſium nihil pudet ſacrilegij accuſare imperij ordines, ſi cohibendis ſacrilegijs ſe interpoſuerint.

47

Quid ſit conceſſum Proteſtantibus, dicere ſuperſedeo: quanquam huc ſumma redit, ne quibus iniuſtis præiudicijs: niſi cauſa ritè cognita & iudicata, ante tempus grauentur. Hoc totum reſcindi iubet ſanctus pater. Durum id quidem, prima ſpecie, ſet ratio ſubeſt. Quid enim ſi ad conſilium integri veniant Proteſtantes, quantum ſanctæ ſedi deceſſerit, vt quaſi de re dubia inceatur diſceptatio? Non abs re ergo eſt, quòd tam ſtrenuè contendit Papa, ne quo priuilegio ſubleuentur. Quid enim aut commodius illi, aut magis expeditum, quàm vt damnati illuc pertrahantur, vel pœnas luant ſuæ abſentiæ? Quin ergo illi expediat, non dubium, ſed num etiam æquum ac rectum ſit, quaritur. Valeat honeſtas, inquit Freneſius, utilitas præualeat. Hoc quidem iure Romano eſt uſitatum, ſed non meminit ſe in Germania loqui, vbi & fidei data religio colitur, & pudoris habetur ratio. Germania, inquam, hoc nouum eſt ac inſolens, reſcindere promiſſa, à fide ſemel data reſilire, nihil habere firmi nec rati, niſi quantum ſit tibi vtile. Quòd ſi à communi Germaniæ uſu abhorret, quòd promiſeris, pro nihilo ducere, vt retractes, cum libeat, à Cæſaris perſona quid alienius?

CONCLUSIO.



Inis eſt, vt quicquid cum Proteſtantibus pactus fuerit Imperator, tranſegerit, conſtituerit, irritum ſit ac inane. At fide inter homines nihil ſanctius. Pridè decretum eſt, non eſſe hæreticis ſeruandam fidem, quid ſi interpoſi um ſit iuſurandum? Quaſi verò non ſit pontificium, ſacramento ſoluere, quoties uſum eſt. Ius eſt Imperij perpetuum ac inuolabile, vt promiſſus ſtetur. Quid tum, annon legibus ſuperior eſt Papa? Imò quid illi cum legibus? At maiestate Cæſaris indignum à decreto diſcedere. Satis eſt, quòd omnis turpitudine Papæ ſanctitate abſtergi ur. At cōfectum eſt diploma. Quaſi verò non omnibus diplomatis abolendis vna Papæ abſolutio ſufficiat. Sic quidem antehac agere ſolebat. Cuius rei inſigne documentum eſt Ioannes Huſſius, quem Romanenſes fide publica Conſtantiam illectum crudeliter necarunt. Aderat Imperator Sigismundus, manu ſuæ ingeniij princeps, ac minimè ſanguinarius. Cum ſibi ac toti Imperio turpiſſimum duceret, quem in fidem tutelamque ſuam receperat, in conſpectu ſuo, adeoque ex protectionis ſuæ præſidio, à carnifice ad mortem rapi, ac tam barbaræ immanitati pro virili intercederet, compoſitum à ſanctis patribus fuit decretum, non eſſe hæreticis ſeruandam fidem. Quo liberata omni religione fuit Cæſaris conſcientia, eius autem verecundia & ingenuitas deriſa eſt, quòd ſibi à violatæ aut ſaltem neglectæ fidei probro adhuc metueret: ſed aliam nunc eſt ætas. Mundus qui tunc cæceſerat, oculos aperuit. Reſidet etiã nunc in animis Germanorum tantæ fœditatis recordatio, quæ eos ſatis admonet, ne ſe amplius Romanenſium perfidia comites adiungant. Præſertim verò is eſt Cæſar, qui famam dignitatẽque ſuam, vt Freneſio mancipet, adduci nunquam poterit. Scitur, quoties ad ſauitiam inſtigatus fuit ab

ab isto Sathana, quibus flabellis fuerit incitatus. Constanter tamen stetit in proposito, ut hæc una sit ex multis eius præclaris & heroicis virtutibus maxime admiratione digna, quòd inter istos Imperij motus, nunquam se aut à moderatione & clementia, aut à fidei suæ religione dimoueri passus fuerit.

F I N I S.

ARTICVLI A FACVLTATE SACRAE

Theologiæ Parisiensi, determinati super materiis fidei nostræ, hodiè controuersis.

Cum antidoto.

H E B R. X I I I.

Iesus Christus heri & hodie, ipse in secula. Doctrinis varijs & peregrinis nolite abduci.

DECANVS ET FACVLTAŠ THEOLOGORVM

Parisiensium, omnibus in Christo fidelibus, Salutem.



VM hodie per concionatorum in asserendis dogmatibus altercationem videamus plerosque fidelium, iuxta id quod Ephesiis scribit Paulus, tanquam paruulos fluctuantes ad omnem ventum cuiusuis doctrinae circumferri & agitari: nostra autem interfit, quod in nobis erit, dissidentes opinionum fluctus componere: de sanctissimo Christianissimi Regis proposito abundè persuasi, quidnam circa articulos hodie à plerisque controuersos, & Christianis Doctoribus & concionatoribus prædicandum, & cæteris Christi fidelibus cum vniuersa sit Ecclesia credendum, paucis hoc ordine visum est annotare.

Quia hæc est magistralis definitio, notandum est quòd probationes non sunt additæ: quia hoc derogaret antiquis scholæ Parisiensis priuilegijs. Sed propter quosdam nimis curiosos, qui nihil hodiè credere volunt, nisi bene probatum: ego de superabundanti aliquid hîc transeunter dicam pro confirmatione, siue, pro supplemento determinationis superscriptæ & infra scribendæ. Principio locus ab autoritate plurimum valere debet in Ecclesia. Quanquam autem magistri nostri deficiunt in Scripturæ testimonijs: compensant tamen hunc defectum in alia autoritate quam habent: Ecclesiæ scilicet quæ æquipollet Scripturæ: vel etiam secundum Doctores præualet in certitudine. Quòd autem magistri nostri in vnum congregati sint Ecclesiæ: probatur sic, quia sunt sicut arca Noe. Est enim ibi multitudo ex omni genere animalium. Deinde cum in schola Pithagoræ tantum vnius hominis valuerit autoritas, vt ad probationem sufficeret illud, ipse dixit, quanto magis sufficere debet, quod tot magistri nostri simul vna voce dixerunt. Præsertim cum antè resolutionem factam cantata sit illis bassa Missa de Spiritu sancto. Et cum ex parte fuerint illuminati post ientaculum, ex parte verò zelosi propter choleram in ieiuno stomacho dominantem,

ARTICVLVS I.

De Baptismo.

Certa & firma fide credendum est Baptisma omnibus etiam paruulis ad salutem necessarium esse: ac per ipsum dari gratiam Spiritus sancti.

Probatur sic: Quia aliàs Baptisma per mulieres datum, nihil valeret, quod est expresse fundatum in hac fide, quia Baptismus sit de necessitate salutis: Vt cumque sit prohibitum in Concilio Carthaginensi, quòd mulieres baptizare non



Vm vetat Apostolus nos similes esse pueris, qui fluctuamus, & circuferamur quouis vento doctrina: rationem simul, quae
 Eph. 4.
 possit hoc cauere, praescribit: ut coalescamus omnes in unitatem fidei: quam agnitionem Filij Dei esse definit. Porro fidem alibi idem testatur concipi ex verbo Dei. Quae ratio-
 Rom. 10.
 ne, alio quoque loco, fideles superstrui debere docet, super fundamentum Apostolorum & Prophetarum. Et Colossenses hortatur, ut permaneant in fide fundati ac stabiles: neque dimoueri se patiantur à spe Euangelij, quod audierant. Vnde & à Luca meritò laudantur Thessalonicenses, qui cum amplexi essent magna promptitudine Pauli doctrinam, eam tamē ad Scripturae examen exigebant. Neque verò aliter stare potest, quod idem Paulus alibi tradit, fidem nostram non in sapientia hominum consistere, sed in potentia Dei, nisi à solo Deo pendeamus. Sicut scriptum est: Audite me: & uiuet anima uestra. Atque hoc est quod praecipit Dominus per Ieremiam: Propheta, cui reuelauit sermonem, annuntiet sermonem meum bona fide. Item per Petrum: Si quis loquitur, loquatur ut eloquia Dei. Proinde si quid controuersarum inciderit, non hominum arbitrio transigi aut decidi, sed una Dei autoritate componi, aequum est. Atque hoc significat Paulus, cum aduersus Sathanam non alio nos gladio armat, quam verbo Domini. Hoc quoque ipsum suo exemplo nobis ostendit Christus: cum à Sathana impetratus, non aliud ad resistendum opposuit, quam Scripturae testimonia. Alioqui non verum esset elogium, quo eam Paulus commendat, cum utilem esse testatur, non addocendum modò, & ad monendum, sed etiam ad redarguendum. Ergo cum nunc opinionum varietate tumultuetur mundus, hoc unico remedio nobis utendum est. Ad Scripturam dico, vel, ut ait Iesaias, ad Legem & testimonium, tanquam ad sacram ancoram, confugiendum, ut secundum Apostoli praeceptum, vnum sentiamus omnes, sed in Christo. Praclare enim Augustinus, ubi de re obscura disputatur, non adiuantibus Scripturae diuinae certis clarisque testimonijs, cohibere se debet humana praesumptio, nihil faciens alteram in partem declinando. Itaque in quaestionibus hodiè controuersis sequamur regulam, quam teste Theodorito Constantinus in Synodo Nicena Episcopus dedit, ut ex puris Dei oraculis earum petamus definitionem.

AD I.

Offerri nobis in Baptismo, ac exhiberi tum remissionem peccatorum, tum Spiritus sancti gratiam, per omnes confitentur. Eo quoque agnoscunt opus habere infantes: non tanquam adiumento ad salutem necessario, sed tanquam sigillo, ad obsequendam in illis adoptionis gratiam, diuinitus ordinato. Sanctos enim fidelium liberos nasci tradit Paulus. Et sanè nequaquam illis conueniret Baptismus, nisi iam in hac promissione salus eorum inclusa esset: Ero Deus tuus, & Deus seminis tui. Non enim filij Dei per Baptismum fiunt. Sed quia promissionis beneficio haeredes sunt adoptionis, ideo ad Baptismum eos admittit Ecclesia. Et sicut olim Israelitarum liberis, si ante diem octauum mortui essent, nihil nocebat, quod Circumcisionis Sacramento carerent, ita hodie, modo nulla, aut contumacia parentum, aut negligentia intercedat, sufficit infantibus fidelium ad salutem sola promissio-

non præsumant, sine aliqua exceptione. Imò quod est fortius, ventilatur ardua quæstio inter Doctores, vtrum infans in periculo mortis, si non adsit aqua, debeat potius projici in puteum, quàm commendari Deo cum expectatione euentus. Hoc autem esset homicidium dignum morte, nisi diceretur quòd Baptisma sit de necessitate salutis. Sunt etiam aliæ quæstiones, vtrum infans, in defectu aquæ naturalis, debeat potius baptizari cum lotio, vel cum aquis artificialibus, aliàs stilaticijs, quàm relinqui sic, donec habeatur aqua. Item, vtrum non sit verus Baptismus, conspuere super faciem, in casu necessitatis. Quæ omnes quæstiones non tantum esset superuacua, sed etiam stulta, nisi teneremus hoc principium.

ARTICVLVS II.

De libero Arbitrio.

Eadem fidei constantia est tenendum, homini inesse liberum arbitrium, quo potest bene vel male agere, & per quod, si etiam in peccato mortali fuerit, Deo adiuuante, ad gratiam resurgence valet.

Probatur sic. Quia magistri nostri sic determinarunt post Aristotelem & omnes Philosophos, qui rationem in homine dominam constituunt loco Spiritus sancti. Et hoc etiam est fundatum in ratione inuincibili: quia aliàs non esset meritum, quod est opus elicitum ex potentia liberi arbitrij, concurrente Dei gratia. Et nisi voluntas esset effectiua volitionis, non bene staret ordo mouentium & motorum. Præterea non essemus cooperatores Dei in facienda salute nostra, nisi concurrexer motus & actio voluntatis, cum auxilio gratiæ. Nam quòd Lutherani dicunt, ipsam cooperationem esse ex dono Dei, quia voluntas sit reformata ut consentiat Deo, & adducunt pro se Scripturam, & formalia verba Augustini, qui dicit in principio libri De bono perseuerantiæ, quòd Deus dat talem gratiam suam, ut sibi perseueranter adhæreant. Item in libro De correptione & gratia, ubi dicit, dari nobis gratiam, qua non tantum possumus, sed etiam velimus, idque efficaciter. Item, gratia Dei indeclinabiliter & inseparabiliter agi fideles. Responso est facilis, quòd determinatio facultatis, est supra opinionem vnius Doctoris, iuxta illud: Plus vident oculi, quàm oculus. Similiter quòd aduersus fundamentale principium, quod posui, scilicet meritum esse effectum potentiæ liberi arbitrij, adducunt aliud dictum Augustini: quòd gratia Sanctis est omne meritum. Solutio est, Augustinum nesciuisse quid magistri nostri super hoc resolutiue dicturi essent.

ARTICVLVS III.

De Pœnitentia.

Nec minus certum est adultis, & ratione vtentibus, post peccatum mortale admissum necessariam esse pœnitentiam: quæ
in

missio, qua in societatem Ecclesiæ ab utero adoptantur. Fit enim Christo iniuria, si imminutam Dei gratiam eius aduentu putemus. Atqui filios suos vocabat Deus olim, quicunque ex Israele nascerentur. Nec legimus baptizatum fuisse Iohannem, qui tamen alijs Baptismi minister erat. Sic ergo habendum est quemadmodum in patre fidelium Abraham præcessit iustitia fidei Circumcisionem, ita in fidelium liberis hodiè Baptismo priorem esse adoptionis gratiam, sicut promissionis verba sonant: Ero Deus seminis tui. Huius autem gratiæ Baptismum esse confirmationem, ut fidei nostræ adiumentum.

Eze. 17.

AD II.

Cum omne figmentum humani cordis ab infantia malum esse pronuntiet Dei Spiritus: cum nullum esse iustum, nullum intelligentem, nullum qui Deum exquirat, omnes verò esse inutiles, corruptos, vacuos timore Dei, plenos fraude, amarulentia, & omni nequitia genere, destitutos gloria Dei tradat: cum omnem sensum carnis inimicitiam esse aduersus Deum clamet: nec quicquam nobis faciat reliquum, ne ad bene cogitandum quidem: nos cum Augustino pronuntiamus, hominem libero arbitrio male usum & se, & illud perdidisse. Item, victa vitio in quod cecidit voluntate, carere libertate naturam. Item, non esse liberam voluntatem, quæ cupiditatibus vincentibus ac vincientibus subdita sit. Item cum Ambrosio, non esse in potestate nostra cor nostrum, nec cogitationes nostras. Similiter cum opus suum esse testetur Deus, innouare cor, ex lapideo facere carneum, inscribere Legem suam cordibus, & visceribus nostris eam insculpere, facere ut in præceptis suis ambulemus, dare & bonam voluntatem & operis effectum, ponere in cordibus nostris timorem nominis sui, ne vnquam à se recedamus, perficere denique opus bonum quod incepit in nobis, usque in diem Christi: Constituiamus iterum cum Augustino agi filios Dei eius Spiritu, ut quod agendum est agant. Item trahi ab eo, ut volentes ex nolentibus fiant: item, post casum hominis non nisi ad Dei gratiam pertinere, ut homo ad eum accedat, nec pertinere nisi ad eandem gratiam, ut ab eo non recedat. Item, nos nescire quid in voluntate nostra boni inueniri possit quod sit nostrum. Item, quia liberum arbitrium primi peccati magnitudine perdidimus, ut in Deum credamus & pie viuamus: non esse volentis, neque currentis, non quia non velle debeamus & currere, sed quia Deus utrunque efficit. Item cum Cipriano in nullo esse gloriandum, quando nihil nostrum sit.

Gen. 6.3.

Psal. 13.

Rom. 3.

Rom. 8.

2. Cor. 3.

Lib. 3. ad

Bonif. a.

Homil. in

Ioan. 53.

De fuga.

seculi.

Psal. 51.

Eze. 36.

Iere. 13.

Philip. 2.

Iere. 32.

Eze. 11.

Philip. 1.

De corr.

& gratia

c. 2.

Lib. 1. ad

Bon. c. 19

De bono

per. c. 7.

Lib. de pe

mer. &

remiss. 2.

cap. 18.

Epist. 107

ad vita.

Sepe cita.

ab Augu.

AD III.

Pœnitentiam ubique requirit à nobis Dei Spiritus: in Lege, in Prophetis, in Evangelio: simul etiam definit, quid hoc nomine intelligat: dicit in iubet innouari corda, circumcidi Domino, auferri præputium, lauare, & cessare à malis studijs, soluere fasciculum iniquitatis intus ligatum, scindere corda & non vestimenta, exuere veterem hominem, renuntiare proprijs desiderijs & renouari in imaginem Dei. Præterea, fructus etiam pœnitentiæ commemorat, charitatis officia, & exercitia pia ac sanctæ vitæ. De confessione ad aurem Sacerdotis faciendâ, nulla usquam mentio. De satisfactione multo minus. Quinctiâ constat ante Innocentium

Eze. 18.

Iere. 4.

Isa. 1. 58.

Ioel. 2.

Rom. 6.

Collof. 3.

Eph. 4.

Isa. 1. 58.

Eph. 4.

Colo. 3.

in contritione & confessione sacramentali vocaliter Sacerdoti facienda, similiter & satisfactione consistit.

Notandum est quod Lutherani non loquuntur doctrinaliter de pœnitentia, quando dicunt quod sit conuersio ad Deum, quæ nascatur ex odio & displicentia peccati, & amore iustitiæ. Item, quod homo debet abnegare propriam voluntatem, vt à Deo gubernetur. Item, quod habet humiliari sentiendo iram Dei & horrores mortis. Nam sufficit contritio pro peccatis mortalibus: ita, vt sint pro singulis peccatis singulæ contritiones ad mensuram. Quantum verò pertinet ad confessionem, notandum est, quod materia sit de iure diuino: forma autem de iure positiuo: in quo non tantum Lutherani errant, sed etiam Canonistæ, qui tenent legem de confessione esse merè positiuam. Probatur autem sic, quod materia sit de iure diuino: quia dicit Iacobus, Cōfitemini alterutrum. Hæc est rudis materia: quia nisi ab extra formaretur, sequeretur quod Sacerdotes deberent confiteri laicis: quoniam alterutrum significat reciprocè: vel quod laici non essent capaces ad confitendum: quia non possent audire aliorum confessiones: sed forma superaddita fuit per Innocentium Papam, quod hoc deberet fieri proprio Sacerdoti. Hæc est magistralis distinctio totius scholæ. Quod autem oporteat satisfacere Deo: probatur sic: Quia aliàs nihil esset, quod dicitur de operibus supererogationis. Deinde falsum esset quod tenet schola, de remissione culpæ & retentione pœnæ. Et ita haberent Lutherani quod volunt, nos nihil posse facere quod non debeamus Deo. Item, Deo nos reconciliari gratis, per satisfactionem Christi. Nunquam autem debeamus hoc illi concedere, quia trahit nimis longam caudam, sicut infra videbitur, in tantum quod non esset amplius Purgatorium.

ARTICVLVS IIII.

De iustitia operum.

Ad hæc peccatorem non sola fide, sed & bonis operibus iustificari: quæ adeò necessaria sunt, vt sine illis nemo ad ultus vitam consequatur æternam.

Probatur sic. Primū ratione philosophica, quia iustitia est qualitas, ideo nullus est iustus extra se, sed propter qualitatem operum. Item, eadem ratio partis quoad partē, quæ totius quoad totum. Sed perfectā obedientia Legis est iustitia. Ergo partialis obedientia est portio iustitiæ. Quod autem Lutherani ponunt iustificationem fidei in prædicamento relationis, dicentes quod idè iusti sumus, quia Deus habeat nos gratos in Christo, secundum quod Paulus docet ad Eph. Illud est contra omnem rationem philosophiæ. Item, quod negant illud principium de proportionem totius & partis in hac materia valere: quia Deus non promittat mercedem, nisi implentibus Legem suam: & maledictos pronuntiet, qui transgrediuntur in aliquo. Dico, quod contra negantem principia, non est arguendū. Item, nos habemus pro nobis vnā aliam demonstrationem. Contrariorum eadem est disciplina: sed nos damnatur propter mala opera: ergo iustificamur propter bona. Quod autem Lutherani replicant, vnum solum malum opus sufficere ad damnationem,

tertium, nullam confitendi necessitatem impositam fuisse Christiano populo. Ex-
tat enim decretum eius, factum in Concilio Lateranensi. Ergo per annos mille cir-
citer & ducentos incognita fuit Christianæ Ecclesiæ hæc theologia, quod ad pœni-
tentiam necessariò requiratur vocalis confessio. Et clara sunt verba Chrysostomi:
Non dico, ut conseruo tuo confitearis: dicito Domino. Item: Non est necesse co-
ram testibus confiteri. Cogitatione fiat delictorum exquisitio: sine teste sit hoc iudi-
cium: solus Deus te confitentem videat. Item: Non te voco in hominum theatrum.
Ostende Deo optimo medico tua vulnera, qui ea curet. Confitendi quidem mo-
rem non nego vetustissimum esse. Sed dico fuisse liberum, sicut Sozomenus re-
fert in historia Ecclesiastica, qui etiam abolitum fuisse Constantinopoli testis
est, quod sub hoc prætextu matrona quadam deprehensa fuisset cum Diacono rem
habere. Quod autem pauci tantum confiterentur, ex eo apparet, quod vnum tan-
tum Presbyterum, in vnoquoque Episcopatu, ad eam rem destinatum fuisse narrat.
Vnde etiam colligere promptum est, hunc morem ex solenni publica pœnitentia
ritu fuisse natum. Pœnitentia verò publica, non Deum in foro conscientia respici-
cit, sed ad Ecclesiæ iudicium spectat. Ut peccator coram hominibus profiteatur a-
liquo signo, quid animi, coram Deo, habeat. Quod ad satisfactiones pertinet, Scri-
ptura hanc laudem Christo in solidum vindicat, quod sit expiatio pro peccatis,
quod correctio pacis nostræ sit super eum, quod per solum eius nomen, obtinenda
sit peccatorum remissio. Quantum ad nos gratuite, & sine operibus impleri, testa-
tur Paulus, in nobis hanc beatitudinem, quod nobis non imputentur peccata. Satis-
factiones autem quas in pœnitentiæ testimonium Ecclesia à peccatoribus exigit,
non improbamus.

Decr.
Omnis.
vtriusque
sexus.
Homil. 2.
in spal. 50.
sermo de
peni. & cō
fess. Homil
5. cont.
Anomoe.
Homil. 4
de Lazaro

Trip. hist.
Libr. 9.

1. Ioan. 3.
Ier. 33.
Acto. 10.
Rom. 4.

AD IIII.

Hæc sunt Pauli verba: Si ex Lege hæreditas, exinanita est fides, & abo-
lita promissio. Ideo ex fide datur, ut secundum gratiam firma sit promissio. Dixe-
rat autem prius, absque Lege manifestatam esse iustitiam Dei per fidem Christi
in omnes & super omnes qui credunt. Item, destitui omnes gloria Dei, iustifica-
ri autem gratis per illius gratiam. Nunc coniunge quod postea ipse scribit: Si per
gratiam, iam non ex operibus. Si ex operibus: ergo non per gratiam. Ratio est, si-
cut alio loco docet: Quia merces operanti non imputetur secundum gratiam, sed se-
cundum debitum. Eandem sententiam repetit ad Ephesios: Gratia estis saluati,
non ex operibus, ne quis gloriatur. Quid autem his verbis significet, exponit ad Rom.
inquiens: Quemadmodum & David beatitudinem definit hominis, cui Deus im-
putat iustitiam, absque operibus Legis, Beati quorum remissæ sunt iniquitates. I-
tem ad Cor. Erat Deus in Christo mundum reconcilians sibi, non imputans homi-
nibus peccata. Eum enim qui peccatum non nouerat, pro nobis peccatum fecit, ut ef-
ficeremur iustitia Dei in illo. Videmus, ut doceat Deum iustificare homines, re-
mittendo illis peccata. Vnde & Zacharias hanc salutis scientiam nominat. Quod
autem de Lege ceremoniali vulgò has omnes sententias intelligunt, friuolum
est, quia ubique propriam hominis iustitiam fidei iustitiæ opponit: sicut ad Roma-
nos: Volentes propriam iustitiam statuere, iustitiæ Dei non sunt subiecti. Et ra-
tionē subnectit, quia Lex dicat: Qui fecerit hæc, viuet in ipsis. Sicut etiā ad Gal.

Rom. 4.
Rom. 1.

Rom. 3.
Rom. 11.
Rom. 4.

Ephe 2.

Rom. 3.
2. Cor. 5.

Luc. 2.

Rom. 10

Galat. 3.

nem, sed ad salutem requiri perfectionem iustitiæ. Respondeo, quod sufficit nos pro parte iustificari operibus, ut supra. Nam quod Paulus dicit, Stipendium peccati, mors: gratia autem Domini, vita æterna: supplendum est in secundo membro, Cum meritis operum. Sequitur etiam alia demonstratio, quia merces & meritum sunt correlatiua. Sed Deus promittit nobis mercedem pro bonis operibus. Ergo opera merentur vitam æternam. Et per consequens iustificant hominem. Quod autem Lutherani derident hoc argumentum, quia dicunt opera ideo remunerari à Deo, quia accepta sint illi postquam gratis iustificauit hominē: & ideo dicunt hoc præmium pendere à gratuita acceptance, & propterea debere subordinari iustitiæ fidei, tanquam effectum causæ suæ. Respondeo, quod hic modus argumentandi semper fuit prædicatus. Et ideo est authenticus per lōgam consuetudinem: quod si Deus remuneratur opera, ergo iustificant.

ARTICVLVS V.

De transubstantiatione panis in corpus.

Quilibet Christianus tenetur credere, in consecratione Eucharistiæ panem & vinum conuerti in verum Christi corpus & sanguinem, remanētibus tantum panis & vini speciebus, sub quibus realiter verum Christi corpus continetur, quod ex virgine natum est & in cruce passum.

Probatur sic. Quia est resolutiua conclusio generalis Concilij, quod habitū est ab Hildebrando, aliās Gregorio septimo. Quod autē Lutherani deridēt factum Gregorij, allegantes quendam Brenonem Cardinalem, qui fuit eius contemporaneus, dicentem quod ipse indixerit triduanum ieiunium, & iusserit fieri processionem solennem, ut haberet signum è cælo pro certitudine eius rei: & tamen sine aliqua reuelatione concluderit, tenendum pro articulo fidei, de quo erat incertus. Respondeo, illum Cardinalem fuisse Papæ inuidum: & ideo ex malo animo scripsisse. Præterea Ambrosius hoc dicit in libro De Sacramentis. Nam quod Lutherani librum illum ineptum vocant, & indignum Ambrosio, & Erasmus etiam id demonstrat multis rationibus. Respondeo, satis esse, quod nomen Ambrosii fuerit ibi diu immatriculatum: & quod magister Sententiarum sic allegat pro certo: cuius citationes debent haberi authenticæ. Quod autem Lutherani Scripturam pro se adducunt, facilis est solutio, de virga Moysi. Difficilius est soluere loca quæ allegant ex Patribus: nisi quod Patres loquuti sunt ante determinationem Concilij. Nunc autem sic non licet. Intelligas tamen, quod si contingeret Sacramentum rodī à vermibus aut tineis, aut alio modo corrumpi, tunc esset substantia panis, quæ miraculose rediret.

ARTICVLVS VI.

De sacrificio Missæ.

Sacrificium Missæ est ex Christi institutione valens pro uiuis & mortuis.

Pro-

utitur hoc argumento: Iustus ex fide viuet. Lex autem non est ex fide, sed qui fecerit hæc, viuet in ipsis. Christus autem redemit nos à maledictione Legis, ut promissio Abraham facta impleveretur in nobis per fidem. Item ad Philip. Non habens meam iustitiam ex Lege, sed eam quæ ex Deo est per fidem Christi. Constituímus ergo cum Augustino, non secundum merita nostra, sed secundum Dei misericordiam firmam esse promissionem salutis. Item cum Bernardo, meritum omne nostrum esse miserationes Domini: vel, ut clarius loquamur, concludimus, post Basilium Magnum, hanc esse perfectam & integram gloriationem in Deo, quãdo propriæ iustitiæ inopes nos agnoscimus: sola autem fide in Christum iustificari: sicut Paulus gloriatur, ob iustitiæ propriæ contemptum, ut ita cadat omnis superbia & altitudo, dum nihil homini reliquum fit ad iactantiam.

Philip. 3.

Aug. in ps. 88, tract. 1.

Bern. ser.

6. super. cant.

Basil. Ser. de humil.

AD V.

Natura Sacramenti est, ut sub visibili signo exhibeatur nobis inuisibilis veritas. Iam verò si fallax fuerit signum, quid de re figurata sentiendum nobis erit? Hanc proportionem rei cum signo indicauit Paulus his verbis: Vnus panis, & num corpus sumus omnes qui de pane vno participamus. Ergo ut ex Cæna discamus carnem Christi esse animæ nostræ cibum, necesse est panem illic proponi, qui eius rei imaginem demonstret, sicut idem Paulus loquitur: Panis quem frangimus, communicatio est corporis Christi. Quòd si tantum inanis species panis illic appareat, & non substantia, perit vis & efficacia Sacramenti. In hunc quoque modum loquuti sunt omnes sancti Patres. Irenæus: Quemadmodum qui est à terra panis, percipiens vocationem Domini, non iam communis panis est, sed Eucharistia ex duabus rebus constans, terrena & cælesti. Et Canon Nicenæ Synodi sic habet: Ne humiliter intenti simus ad propositum panem & poculum: sed eleuata mente fide consideremus in sancta illa mensa Agnum Dei. Cyprianus: Quando Dominus corpus suum panem vocat de multorum granorum adunatione congestum, populum nostrum quem portat, indicat adunatum. Et quando sanguinem suum vinum appellat, de botris atque acinis expressum, gregem item nostrum significat commixtione adunatæ multitudinis copulatum. Sic etiam Fulgentius Sacramentum panis & calicis nuncupat. Denique, sicut ait Augustinus, Si Sacramenta quandam similitudinem earum rerum, quas figurant, non haberent, utique Sacramenta non essent. Vnde & panem in Christi corpore sanctificatum vocarunt aliqui ex Patribus. Ipsa autem corporis Domini exhibitio qualis sit, ex Augustino discere licet, cuius verba sunt: Noli dubitare ibi nunc esse hominem Christum, vnde venturus est eadem visibili forma atque substantia, qua visus est ascendere: cui profecto immortalitatem dedit, naturam non abstulit. Cauendum est enim, ne sic diuinitatem adstruamus hominis, ut veritatem corporis auferamus. Hæc eò spectant, non ut putemus inane symbolum nobis offerri, sed ut dum volumus Christum recipere, sicut re ipsa nobis datur, sursum corda erigamus.

1. Cor. 10.

Ibidem.

Lib. 4. ad uer. valen.

In Epi ad magnum.

Fulg. ad mony.

Epist. 23. ad Boni.

In epi. ad dard. 57.

AD VI.

Institutio Christi sic habet: Accipite & manducate, non autem offerite. Ergo sacrificium non ex instituto Christi est, sed palam cum eo pugnat. Præterea

Mat. 26.

Marc. 14.

Luc. 22.

1. Cor. 11.

kk 3. con-

Probatursic. Quia Christus dicit: Hoc facite. Facere autem est sacrificare, iuxta illud Verg. Cum faciam vitula pro frugibus ipse venito. De qua significatione vide Macrobius. Quod autem Lutherani derident istam subtilitatem: quia Christus loquebatur cum Apostolis lingua Syriaca vel Hebraica vulgari, & Evangelistæ Græcè scripserunt. Ad hoc responde, quod communis translatio Latina præpoderat. Et notum est quod sensus Scripturæ peti debet ex Ecclesiæ determinatione. De valore autem sacrificij pro viuis & mortuis, habemus approbationem ab experientia. Nam multæ visiones factæ sunt quibusdam sanctis Monachis dormientibus: quod animæ per Missas liberatæ fuerant de Purgatorio. Imò sanctus Gregorius animam Traiani redemit ex inferno.

ARTICVLVS VII.

De communione sub vna specie.

Non est laicis ad salutem necessaria communio sub vtraque specie: rectèque certis ac iustis de causis olim ab Ecclesia sancitum est, vt illis sub vna tantum panis specie communicetur.

Probatursic. Quia periculum esset, ne sanguis effunderetur. Quod autem interrogant Lutherani, vtrum sapientior fuerit Ecclesia Christo ad præuidendum hoc inconueniens quod Christus non bene cauerat: Respondeo, quod Christus bene prauidit, sed tacuit: quia volebat experiri sapientiam Ecclesiæ suæ in hac parte. Est etiam alterum inconueniens. Quia debet asseruari in ciborio corpus Domini ad dandum ægrotis. Si autem sanguis seruaretur, fieret acrum: & ita propter corruptionem non esset amplius sanguis. Imò Lutherani nos deriderent, dicentes: Nonne bene videtur quod est ibi vinum. Et i'a hoc esset contra opinionem transubstantiationis. Tertio, hoc est rationale, quod Sacerdotes habeant aliquod priuilegium ad deprimendam laicorum superbiam. Quarto, hoc etiam valet ad probandam opinionem de concomitantia: quicquid garriant Lutherani, quod debemus sequi & seruare Christi dispensationem, quam ipse pro nostra infirmitate instituit. Item, esset aliud periculum si sanguis ad bibendum daretur: quia sapor posset generare suspicionem laicis, quod esset ibi vinum. Et inde multa scandala orirentur. Quod si arguatur, Ecclesiam non habere potestatem dispensandi super Christi præcepta: Respondeo, quod verbum Bibite, debet accipi in modo hortandi: ita erit consilium, & non præceptum. Vix audeo allegare vnum, quod tamen est valde pöderandum. Nam sunt aliqui abstemij qui vinum non bibunt, qui tamen non essent priuandi altera specie. Ego autem differebam hoc adducere, quia Lutherani subsannant, dicentes, quod si opinio nostra est vera, non est amplius vinum, sed sanguis.

ARTICVLVS VIII.

De intentione consecrandi.

Porro, solis sacerdotibus, secundum Ecclesiæ ritum ordinatis,

constat ex scripturis, hoc peculiare, ac proprium fuisse Christi officium, seipsum offerre, sicut dicit Apostolus, ipsum una oblatione in perpetuum sanctificasse suos. ^{Hebr. 9. & 10.} Item semel apparuisse per oblationem sui. Item hac sanctificatione perfectam amplius restare oblationem. Nam & in hunc finem consecratus fuit Sacerdos secundum ordinem Melchisedech, sine successore, vel socio. Sacerdotij itaque honore spoliatur Christus, cum ius ipsum offerendi transfertur ad alios. ^{Hebr. 5. & 7} Postremo nemo usurpare debet hunc honorem, nisi à Deo vocatus, teste Apostolo. Nemo autem præter Christum vocatus legitur. Rursum cum promissio ad eos solos destinetur, qui sacramento communicant: quo iure ad mortuos pertinebit?

AD VII.

Mandatum est Christi: Bibite omnes. Quinetiam cum de pane simpliciter ^{Matt. 26. & c.} dixisset, Accipite, manducate, cum ad calicem ventum est, iubet nominatim ut omnes bibant. Hoc se Paulus tradidisse Corinthijs, sicut acceperat à Domino, testatur. ^{1. Cor. 11.} Ratio quæ adduci solet de cōcomitantia, locum hunc non habet. Neque enim quid nobis det Christus intueri solum conuenit, sed etiam qualiter: aut, si maius, modus inspicendus est, quo Dominus seipsum nobis vult communicare. Quemadmodum ergo sub pane dat nobis corpus, ita etiam sub calice sanguinem. Proinde nihil nobis aliud restat, nisi ut obediamus eius mandato, ex eius manu sumendo signa quæ porrigit nobis, ut rerum veritate fruamur. Nam quia corporei sumus, quæ diuina Chrysostomus admonet, sub visibilibus, pro capto moduli nostri, spiritualia nobis dispensat. Hic ritus obseruatus fuit in Ecclesia ultra annos mille, sicut testatur omnium patrum scripta. Caro, inquit Tertullianus, corpore & sanguine Christi pascitur, ut anima de Deo saginetur. Et Theodoritus verba Ambrosii refert ad Theodosium Imperatorem. Quomodo huiusmodi manibus sacrum Domini corpus suscipies? qua audacia poculum preciosi sanguinis ori tuo admouebis? Hieronymus: Sacerdotes qui Eucharistiam faciunt, & sanguinem Domini populo distribuunt. Item Chrysostomus: Non sicut in veteri lege partem comedebat sacerdos, partem verò populus: sed ea quæ sunt Eucharistie communia sunt omnia inter sacerdotem & populum. Omnibus unum corpus proponitur & calix unus. Sed de obseruatione non est controuersia: quam omnes talem fuisse fatentur. Quid autem sic fieri omnino oportere censuerint constat ex decreto Gelasi, qui arceri iubet à toto sacramento, qui à calice abstinēt. quoniam diuisio huius mysterij, inquit, grandi sacrilegio non careat. Cyprianus verò fortiter contendit, nullo modo admittendum esse hoc sacrilegium. ^{Homi. 60 ad popul. De Reuer. carnis. Lib. 3. eccl. hist. c. 8. In sopho. In 2. ad Cor. c. 9. Refert tu cna. Conperimus. de consec. dist. 2. Epi. 7. de lapsis.}

AD VIII.

Sacerdotes fatemur dispensatores esse mysteriorum Dei: idcircoque legitimos ^{1. ad Co. 4} Censu administratores: sed ordinatos Christi & Apostolorum ritu, atque etiam veteris Ecclesiæ: in qua sola impositio manuum usitata erat, sine unctione, & alijs ^{Acto. 13. 1. Tim. 4. Tim. 1.} nugis. Quanquam in ordinatione finis potissimum spectandus est, atque officium cui destinantur sacerdotes. Constitui porro, ex Dei mandato & regula Scripturæ debent, non ad immolandum: sed ad regendam Ecclesiam, pascendumque gregem

tis, data est à Christo potestas consecrandi verum Christi corpus, & in foro pœnitentiæ à peccatis absoluendi.

Probatur sic. Quia hæc verba per episcopum in ordine dando proferuntur. *Damus tibi potestatem consecrandi, & offerendi Deo placabiles hostias.* Sed quaeritur de quo Ecclesiæ ritu, magistri nostri intelligant: cum ceremoniæ quibus utimur, non fuerint factæ in Apostolis, nec in eorum coequalibus. Ad hoc Respondeo, quod priuilegium fuit illis datum per specialem dispensationem. Si quis autem replicet de successoribus, qui etiam per multos annos non fuerunt vñcti, nec ordinati nostro more aut forma, dico quod illud totum tempus debet relinqui in dubio, & bene meretur, quia non erat adhuc conclusum de transubstantiatione.

ARTICVLVS. IX.

De intentione consecrandi.

Quos certum est, etiam si mali fuerint, & in peccato mortali, consecrare verum Christi corpus, siquidem illud consecrare intendant.

Probatur sic. Quoniam aliàs superuacanea, imò irrationabilis esset cautio, quod sacramentum adorari à laicis fide implicita debet, hoc est sub ista conditione: si sacerdos celebrans missam habuerit intentionem consecrandi, non tantum habitualement, sed etiam actualement presentialement, & in ipso actu. Sed opponitur contra, quod ita sacerdos posset annihilare sacramentum. Ad hoc respondeo, quod non est sacramentum, ubi non est intentio. *Probatur secundò.* Quia superuacua, imò etiam stultæ essent quæstiones doctorum: si sint centum hostiæ, cum vna: & sacerdos non intendat consecrare nisi centum, quid iuris tunc esset? & verum vna non remaneat panis. Item, quæ ex omnibus debeat illo casu separari pro pane, vel potius, vtrum: quia fuit abusua intentio, fuerit inefficax similiter in omnibus: & oporteat iterum incipere. Quod autem Lutherani dicunt debere clare & alta voce pronuntiari verba, hoc nihil est, quia magis conuenit dignitati mysterij bassa voce recitare.

ARTICVLVS. X.

De confirmatione & vñctione.

Cæterum confirmatio & vñctio extrema duo sunt sacramenta à Christo instituta: per quæ datur gratia spiritus sancti.

Refert. de
consecra.
dist. 5. Ca
ut ieiunii.

Probatur sic. Quoniam aliter blasphemaret concilium Aurelianense, quando dicit, quod nunquam erit Christianus plenus, qui consecratione episcopali non fuerit chrismatus. Item blasphemaret Melchiades Papa, cum dicit, quod baptismo regeneramur ad vitam, in confirmatione armamur ad pugnam. Multo etiam magis cum dicit, maiore veneratione venerandum, & tenendum hoc sacramentum, quam baptismi. Sed est vna alia probatio peremptoria, quod nihil sit in Ecclesia maiori pompa nec solennitate, quam sancti chrismatis consecratio. Vnde apparet, quod tam extrema vñctio, quam confirmatio, in maximo honore haberi debent: nec renocari in dubium, quasi sint ex hominum inuentione.

Ar-

Verbo Domini, & sacramenta administranda. De absoluendi potestate sic habendum est, datum quidem ministerium reconciliationis veris pastoribus, ut sua doctrina, hoc est Evangelij prædicatione, homines reducendo cum Deo in gratiam, à peccatis absoluant. Hoc tamen non alligatum esse personis, sed verbo: adeoque verbo potius quàm hominibus esse datum, ut à quocunque proferatur gratia remissio, certam absolutionem in foro conscientie adferat. Tamen si eni peculiariter Apostolis dicitur: Quorum remisistis peccata, remittentur, tamen clauis vniuersæ Ecclesiæ datas esse agnoscunt sancti patres, nominatim Cyprianus & Augustinus, quibus alij assentiuntur. Nam remissio peccatorum in Christo, per quemcumque annuntietur, vera est absolutio.

Ioan. 21.
De simpl
praelato.
Homi. 50
& 1. 4. in
Ioan. item
de doctr.
Christ. Li
1. Cap. 18.

AD IX.

Christus non vni dicit: Si volueris, habebis corpus meum & alijs dabis: sed suos simul omnes alloquitur, cum promittit se daturum suum corpus. Si quidem ad eos destinatur promissio, quibus dictum erat: Accipite, manducate. Ergo neque in hominis, quantumvis impij, neque in Diaboli etiam potestate est, hanc promissionem facere irritam. Atque huc pertinent patrum sententiæ, cum dicunt, sacramentum nihil detrahi, neque perire quicquid de eius virtute, qualiscunque sit minister. Constituimus ergo nihil esse absurdius, quàm relinquere hoc in arbitrio, vel potius libidine impij ministri, ut Ecclesiam priuet Christi beneficio, quoties visum fuerit. Neque verò minus absurdum est, hac potestate præditos fingere sacerdotes, ut quoties placuerit consecrare, illis liceat, etiam præter Christi institutum. Sub est enim promissio mandato, cui annexa est. Ideo Christi corpus non habent, nisi qui secundum regulam ab ipso positam, Cœnam celebrant. Constituimus ergo, friuolam, & nihili esse consecrationem, ubi sacerdos sibi soli, seorsum ab alijs, consecrare audeat. Neque enim magica incantationis verba sunt: Hoc est corpus meum: sed promissionem continent, actioni à Christo instituta seruientem. Vnde & illud perperam fieri constat, quod leui susurro demurmurantur, cum palàm clara voce pronuntiari debeant: sicut etiam ex contextu patet: Accipite, manducate, hoc est corpus meum. Qua ratione Augustinus consecrationis verbum appellat, verbum fidei quod prædicatur.

Mat. 26.
& alibi.

Aug in
omni lib.
contra
Donatist
& alii.

Homil in
Ioan. 80.

AD X.

Legimus Apostolos, impositione manuum, visibiles Spiritus gratias contulisse: sed hoc fuisse temporale donum, experientia demonstrat. Imò statim post mortem Apostolorum defuisse, vetutissimi scriptores testantur. Ceremoniā imponendi manus retentam à successoribus fuisse fatemur, cum fidei suæ confessionem ederent adulescentes: sed non hoc fine, ut sacramentum haberetur à Christo institutum. Nam Augustinus nihil aliud esse affirmat, quàm orationem. Eadem ratio est extremæ vnctionis. Fuit enim symbolum temporalis doni: quod scimus non diu post Apostolos durasse. Apostoli vngunt, in nomine Domini, eos, quibus vim Spiritus sancti præsentem, in dono sanationis exhibebant. Hoc fieri iubet Iacobus. Sed nunc ubi sanatio? Vbi vnguntur semimortui homines, dum animam exhalant. Ergo, qui nunc symbola sine re usurpant, non imitatores, sed similes sunt Apostolorum.

Acto. 19.

Lib. 3. de
Bab. con.
Don. c. 16

Mar. 6.
Iac. 5.

Ad

De miraculis sanctorum.

Nec dubitandum, sanctos, & in hac mortali vita, & in paradiso agentes, miracula operari.

Inproem. prophet. Probatur sic. Nam apparet quomodo beatissima virgo resuscitet infantes: vt sepeliantur in loco sacro: qui alias haberent sepulchrum cum canibus. Quod autem Lutherani dicunt, Deum hoc modo punire idololatriam mundi, quando diabolus, sub nomine sanctorum, facit miracula: & pro hoc adducunt Hieronymum, qui refert, Aegyptios sanatos fuisse à morsu serpentum, ad sepulchrum Ieremiae, quem tamen pro Deo colebant. Respondeo, quod non colimus sanctos pro dijs, quia non adoramus eos, nisi adoratione dulcia. Est etiam alia probatio validior ab antiquitate: Quia semper hoc fuit factum, sicut Ambrosii tempore, ad sepulchrum Gervasii & Protasii cæcus fuit illuminatus. Quod autem Lutherani ex Augustino replicant, hoc fuisse ad confirmandam rectam fidem, & non ad superstitionem: Respondeo, quod recta fides est colere sanctos, & eorum basilicas visitare, sicut ex subsequentibus patebit.

ARTICVLVS. XII.

De orandis sanctis.

Sanctum est, & Deo maximè gratum, orare beatam Dei genitricem, & sanctos qui in cælo sunt, vt sint pro nobis aduocati, & intercessores apud Deum.

Probatur sic. Quid enim sancti facerent in cælo, si non orarent pro nobis? Quod si orant, ergo orandi sunt. Negant hanc cōsequentiam Lutherani. Sed probatur ex eo, quod sancti, Deo sunt similes. Deus autem vult coli à nobis, igitur & sancti. Quod autem dicunt Lutherani per derisionem, nos facere sanctos valde auritos: Solutio est facilis. Quia vident quæ aguntur in mundo, per lumen reflexum, quod habet ex irradiatione Dei. Secunda probatio: quod omnes pagani semper habuerunt minores Deos pro suis intercessoribus. Non est autem rationabile, quod Christiani habeant minus priuilegiū quàm gentiles. Vnde & hoc modo correctus fuit error illorum, cum ad sanctos translatus fuit honor, quem idolis suis faciebant: sicut quando Papa mutauit nomen templi, quod vocabatur Pantheon & vocauit Pantagium. Et ex multis festis similiter factum fuit, vt in despectu gentilium, Christiani in honorem sanctorum inebrientur.

ARTICVLVS XIII.

De veneratione sanctorum.

Itaque sancti, beatam cum Christo vitam degentes, non solum sunt imitandi: sed & venerandi & orandi.

AD. XI.

Scimus ex Scripturis, ad quid valeant & in quem finem conferenda sint miracula. Nempe ad confirmandam Euangelij doctrinam, sicut habetur apud Marcum, Domino cooperante, & sermonem confirmante sequentibus signis. Item apud Lucam in Actis, quod Dominus reddebat testimonium sermoni gratiæ suæ, cum ederentur signa per manus Apostolorum. Proinde hic legitimus est miraculorum usus: ut recipiantur tãquam doctrinæ Euangelij sigilla, eoque non hominum vel Angelorum, sed vnius Dei gloriæ seruiant: quemadmodum dicebat Petrus: Viri Israelitæ, quid nos intuemini? quasi nostra virtute, aut pietate, hoc fecerimus? Nomen Christi, & fides, quæ per eum est, contulit huic sanitatem. Cum autem prædixit Christus, regnum Antichristi miraculus stabilitum iri, & hoc Christi vaticinium confirmari Paulus: constituimus cum Augustino, Dominum, tantos nos reddidisse aduersus mirabiliarios (sic enim loquitur) qui signorum prætextu, orbem abducunt ab vnitæ fidei. Duplex verò hîc tenenda est cautio. Nam & multis præstigijs illudit Sa: han hominibus: & multa etiam designari patitur Deus, ad vindicandam hominum ingratitude, sicut Paulus testatur, & post Paulum Augustinus.

Mar. 16.
Act. 14.
Rom. 15.
Act. 4.
Mat. 24.
2. The. 2.
Homi in
Ioan. 13.
2. The. 2.
De vnità.
ecc. c. 16.

AD XII.

Scriptura, fidẽ in oratione requirit. Et Paulus nominatim addit, hanc fidem esse ex verbo Dei. Et Iacobus hasitare nos prohibet in precibus. Iam verò, si verbo Dei obedire volumus, solum Deum innocare conuenit in Christi nomine. Nam & Deus hunc spirituales esse cultum nominis sui perhibet, & mediatorẽ vnum nobis proponit, filium suum: quo intercessore docet Paulus patere nobis facilem accessum ad Deum cum fiducia. Et alter Apostolus nos hortatur, ut freti tali aduocato, adeamus ad thronum gratiæ. Mandatum igitur nullum cum extet de quærenda sanctorum mortuorum intercessione, cum nulla promissio vsquam reperiatur, constituimus pugnare hoc orationis genus cum Scripturæ regula. Adhac, nullum eius rei exemplum prodiderunt vel Propheta, vel Apostoli. Nunc apud se quisque pius expendat, quàm sit periculosum, non tantum absque verbo Dei, sed etiam præter exemplum, tentare nouum orationis genus. Quod autem iubet Spiritus nos mutuo alios, pro alijs intercedere, hoc mutua charitatis est exercitium in hac vita, sicut ex omnibus locis constat. Videmus autem quantopere abominetur vbique Deus Baalim, quo nomine intelligebant patronos, quorum præsidio adiuuarentur. Huc postremo accedit, quod asserere nemo potest, an tam longæ sint sanctis aures, ut ad eas vsque, pertingant orationes nostræ. Quinetiam parum consentaneum cum ratione id videtur.

Mar. 11.
Rom. 10.
Iaco. 1.
Psa. 50. 91
Ioel 2.
Iere. 29.
1. Tim. 2.
1. Ioan. 2.
Eph. 3.
Hebr. 4.
1er. 6. 9.
11. & c.
Item.
Oie. 2.

AD XIII.

De oratione iam dictum est. Eorum autem veneratio nõ alia nobis cõmendatur in Scripturis, quàm quæ in vniuersum debetur fidelibus, iuxta Psalmum 15. & 139. Sic tamen ut vnicuique habeatur honor pro mensura gratiæ. Ergo de sanctis, prout quisque eorum excellit Dei donis, aut in altiore gradu collocatus est à Domi

no,

Si verum est brocardicum illud, quod communis error facit ius, sufficienter iam probata est veneratio sanctorum, tamen quia Lutherani replicant, transferri hoc modo ad sanctos Dei gloriam: teneas semper in memoria distinctionem scholæ: quod non colimus eos nisi oratione dulci.

ARTICVLVS. XIII.

De Peregrinationibus.

Ob idque religiose faciunt, qui loca eis dicata, ex deuotione visitant.

Probatur sic. Quia esset magna ingratitudo, si minus honoris fieret sanctis quàm idolis gentilium: Quorum tamen quadam templa habebant singularem deuotionem præ alijs, sicut Delphis Apollo, & proserpina Ennæ in Sicilia. Deinde argui etiam potest à probabili, quod sancti magis frequentant loca, ubi sunt eorum sepulchra & reliquie, vel ubi magis honorantur, quàm alia.

ARTICVLVS. XV.

Quod sancti ritè, priusquàm Deus, inuocari possint.

Si quis in templo, aut extra templum, prius sua oratione ad beatam virginem, aut sanctorum aliquem recurrat, non peccat.

Probatur ex proverbio vulgari, quod non cognoscitur Deus inter sanctos. Deinde impetuosa deuotio, etiam si sit inordinata, potest bene excusari per ecstasim.

ARTICVLVS. XVI.

De adoratione crucis & imaginum.

Nec vlllo modo addubitandum est, quin, genu flectere coram imagine crucifixi, & beatæ Mariæ, & sanctorum, ad rogandum Christum, & sanctos, opus sit pium ac bonum.

Quod crucifixi & sanctorum imagines, genu flexione coli debeant, probatur authoritate concilij Niceni vltimi. Nam vtrumque Gregorius concedat, Serenun Massylia episcopum bene fecisse, quod illas adorari prohibuerat: tamen concilium quod postea subsequutū est, potuit hoc infringere: sicut decreta posteriora derogant prioribus. Probatur secundò, ratione. Quia si reliquie, & vestes coluntur in eorum memoriam, non est minor ratio de imaginibus. Antecedens patet ex communi vsu. Tertiò probatur à simili. Quia statuas principum, etiam ethnicorum, veneratur populus. Quartò, probatur ex miraculis. Quia multe sanctorum imagines riserunt, vel fleuerunt ad deuotionem precantium. Alique etiam loquuta sunt. Quin, tò, probatur ab experientia sensus nostri. Quia orantes ante imaginem magis ad deo-

no, honorificè sentiendum est, ac loquendum. Cultum verò illis exhibere, sicut solet mundus, prophana est superstitio, & quæ Gentium potius insaniam redolet, quàm Ecclesiæ Dei conueniat. Quinetiam palam repugnat præcepto: Dominum adorabis, & illum solum coles. Deut. 6. Matt. 4.

AD XIII.

Christus discrimen omne locorum sustulit, cùm diceret: Venit hora, quando veri cultores, non in monte hoc, neque Ierosolymis, sed ubique adorabunt Deum in spiritu & veritate. Neque enim illic de præpostero studio paucorum loquitur, sed quid differamus à patribus veteris Testamenti, ostendit. Cum hac sententia conuenit ista Pauli. Viros in beo, in omni loco tollere puras manus. Iudaismum ergo reuocant, qui locis affingunt nouam sanctitatem: ut pietatis officium censeatur, hunc aut illum locum inuisere: quanquam superstitio hæc Iudaismo deterior, quòd locus adorandi Ierosolymis designatus aliquando fuit. Isti autem idololatrarum exemplo lucos, & fana sibi pro libidine erigunt. Deinde Ierosolymis adorabatur solus Deus. Hi autem hominibus templa consecrant. Ioan. 4. 1. Tim. 1.

AD XV.

Si omnino ad sanctos in precibus confugere fas non est: frustra disputatur ante, an post. Cùm autem Christus nobis sit propositus mediator vnus, per quem ad Deum debeamus accedere: qui illo præterito, vel posthabito, ad sanctos se conferunt, nihil habent, quo suam prauitatem excusent. Salomon in solenni templi dedicatione, hunc usum exprimebat. Hic inuocabitur nomen tuum Domine. Extra templum, dicunt omnes fideles: Hi in curribus, alij in equis: nos autem in nomine Domini inuocabimus. 1. Reg. 8. Psal. 17.

AD XVI.

De imaginibus ac simulachris præceptum Dei est: Non adorabis, neque coles. Porro genu flectere: hoc ipsum est, quod adorandi verbo indicatur. Atque hanc fuisse Gentilium opinionem, ut deos cœlestes precarentur, cùm se ad imagines conuerterent, ex libris eorum palam est. Refert etiam Augustinus, quas excusationes prætexere solebant sui temporis idololatræ. Dicebant enim vulgares, se non visibile illud colere, sed numen quod illic inuisibiliter habitabat. Qui verò purgatoris, ut ipse loquitur, religionis erant: nec simulachrum, nec Dæmonium se colere aiebant, sed per effigiem corpoream, intueri eius rei signum, quam colere deberent. Idem ex Eusebio & Lactantio licet intelligere. Cùm ergo nihil à veteribus idololatræ differant, qui hodie se prosternunt coram statuis, constituimus ex verbo Dei, & veterum patrum sententia, morem hunc aperte damnari. Et certè verum est quod ait Augustinus, neminem orare, vel adorare intuentem simulachrum, quin ab eo exaudiri se putet. Hoc enim facit & quodammodo extorquet illa membrorum figura, inquit, uti animus in corpore viuens, arbitretur sentire corpus, quod suo similem videt. Proinde cùm in loco eminenti locatur, ut à precantibus videatur, ipsa similitudine animatorum & sensuum, quæuis sensu & anima careat, afficiunt infirmos animos, ut viuere ac spirare videatur. Hac ratione decretum fuit olim, ne qua pictura in templis esset, ne quod colitur, vel adoratur, in parietibus Exo. 20. Deut. 5. & simili. In Psal. 113 In Psal. 113

deuotionem accenditur, & zelus noster excitatur ipso aspectu. Sextò probatur, quia sic oportuit corrigi errorem Gentilium, qui ante sua idola genu flectebant, sicut nunc facimus ante sanctorum imagines.

ARTICVLVS XVII.

De purgatorio.

Ad hæc firmiter credendum est, & nullatenus dubitandum purgatorium esse: in quo animæ detēta, oratione, ieiunio, eleemosyna aliisque bonis operibus iuuatur, vt citius liberentur à pœnis.

Probatur sic. Quia multis sanctis monachis, & deuotis matronis factæ sunt variæ apparitiones, vbi animæ hoc dixerunt: sicut habetur in dialogis Gregorij ad longum, imò per totum. Quòd si Lutherani pro nihilo reputent tales reuelationes, sicut ipsi dicunt, vel esse phantasias cerebri malè dispositi, vel spectra & præstigijs, quibus Sathan illusit hominibus: Respondeo, authenticas fuisse factas per auctoritatem Gregorij, qui fuit Papa. Probatur deinde, per longi temporis præscriptionem. Quia omnes Ecclesiæ sunt fundatæ super opinionem purgatorij: vel saltem locupletatæ, quoad anniuersaria. Imo etiam Pagani iam habebant istam notitiam, sicut apparet tum ex historicis, tum ex Pœotis, & præsertim ex Ouidio. Probatur similiter ratione. Quia si satisfaciendum est pro peccatis in hac vita mortali, sequitur quòd qui præuentus est morte, debet satisfacere in alio mundo, & per consequens est locus destinatus ad soluenda debita quæ restant. Probatur etiam ex philosophia naturali. quia animæ, quæ ex crassa corporis natura traxerunt humorem ponderosum, nò possent statim in cælum euolare, nisi prius desiccarētur per ignem. Quòd autem magistri nostri asserunt firmiter credendū, & nullatenus dubitandum, quòd habet tantum apparentiam probabilitatis, in eo sequuti sunt regulam iuris. Dubius in fide, infidelis est. Satius est tamen dicere, quòd sit res indubitabilis. Nam dato, quòd rationes quæ adducuntur sint dubiæ, auctoritas tamen Ecclesiæ superueniens eas certificat. Hoc autem posito quòd sit purgatorium, sequitur infallibiliter alterum: quòd misere animæ, quæ ibi torquentur, adiuuandæ sint viuorum suffragijs: & tenendum est, quòd non sine causa missa pro defunctis instituta fuit, quæ præsupponit animas sacrificio illo iuari posse. Ideo pia mater Ecclesia, cum nihil haberet in scripturis, maluit abuti Psalmis, & lectionibus ex libro Iob, & multis locis prophetarum, quàm relinquere miseras animas sine subleuatione.

ARTICVLVS XVIII.

De Ecclesia & eius auctoritate.

Tenetur & quilibet Christianus firmiter credere, vnam esse in terris vniuersalem Ecclesiam visibilem, in fide & moribus errare non valentem: cui omnes fideles, in iis quæ sunt fidei, & morum, obedire astringuntur.

Probatur sic, quòd Ecclesia possit videri. Quia Hierarchia, est signū infallibile ipsius. Et est

rietibus sit depictum. Ideo Ambrosius de Helena loquens, Inuenit titulum, inquit, Regem adorauit, non lignum utique, quia hic Gentilis est error, & vanitas impiorum.

Ora. hab.
in funer.
Theodo.

AD XVII.

De purgatorio in scripturis perpetuum silentium: & Augustinus, qui in ea re consuetudini cedit: agnoscit tamen nullo scripturæ testimonio hanc opinionem adiuari: nisi historia illa de oblatione Iudæ Machabæi: quam tamen non esse canonicam, nec certæ auctoritatis, & ipse fatetur, & Hieronymus admonet, & omnium consensu proditum est. Nam locum qui citari solet ex priore ad Corinthios, ipse aliter exponit: quemadmodum sani omnes aliter exponendum vident. Sicut enim metaphora est in nominibus stipula, fœni, & ligni: ita proculdubio nomen ignis metaphoricè capitur pro examine spiritus, quo humane doctrinæ pereunt: Dei autem veritas instar auri probatur. Tametsi autem Augustinus, ut dixi, vinci se à consuetudine passus est, ut purgatorium non negaret: nihil tamen audet asserere. Quinetiam dubitanter loquitur, dicens incredibile non esse, & vtrum ita sit, quæri posse. Adhuc nequaquam sibi constat. Si quidem alio loco animas, cum de seculo exierint, diuersas receptiones habere tradit, ubi boni gaudio fruuntur: torqueantur mali. Requiem porrò, quæ continuò post mortem datur, tunc quemque accipere, cum moritur, si ea dignus est. Verum, cum in nullius hominis arbitrio sit, statuere de animis mortuorum: nihil iutius est, quàm vnum Deum de ipsarum statu audire loquentem, cuius ipse potestatem habet. Quando autem scriptura beatos esse mortuos testatur, qui in Domino moriuntur: quia requiem exinde à laboribus suis habeant: quando consolationem eas recipere docet: viuere cum Christo, & frui Dei præsentia: in hac doctrina, quæ nihil habet controuersia pedem figamus. Architectura verò purgatorij tantum habeat firmitudinis, quantum habere potest, quod de rebus incognitis fabrefactum est in hominis cerebro, extra verbum Dei. Orationes certè, quibus iuuare eas vulgò student: cum nullo præcepto Dei, nulla etiam promissione fulciantur, fundamentum illud fidei, quod requirit Paulus in precibus fidelium, non habent. Nihil nobis diligentius præcipitur in scripturis, quàm ut omnia charitatis officia erga viuos exerceamus. De iuuandis mortuis, nulla mentio. Huc accedit, quòd ne vnum quidem exemplum extat: cum tamen multorum sepulturas scriptura commemoret: quorundam etiam exequias referat, longo sermone. Porrò non est credibile quod fuisset præcipui momēti, spiritum Dei omisisse, cum leuissimam illam recenseret.

De cura
pro mor.
ag. cap. 1.

Cap. 3.
Aug. in
Ench. ad
Lauren.
cap. 68.
Idem in
eod. lib.
cap. seq.
Homi. in.
Ioan. 49.

Apo. 14.

Luc. 16.
Phil. 1.
2. Cor. 5.

Rom. 10.

In. hist.
vete testa
prefer. in
lib. Moyf.
& lib. Reg
Gen. 50.

AD XVIII.

Ecclesiam vniuersalem esse & fuisse ab initio mundi, & fore vsque in finem, confitemur omnes. De aspectu, vnde agnosci queat, quæstio est. Eum constituimus in verbo Dei. Vel, si quis malit, cum Christus eius sit caput: quæadmodum agnoscitur homo ex facie, ita illam in Christo intuentem esse dicimus. Sicut scriptum est. ubi erit corpus, illuc congregabuntur aquilæ. Itē, erit vni ouile, & vnus Pastor. Cui ergo nō semper emineat pura verbi prædicatione: nec semper conspicua sit Christi facies, inde colligimus, nō semper Ecclesiā oculis hominum subiectā esse: quæadmodum multorum seculorum exempla testantur. Nam prophetarum tempore, sic praualebat multitudo impiorum, ut oppressa esset vera Ecclesia. Sic etiam Christi tem-

Matt. 24.
Ioan. 10.

Eph. 1.
1. Cor. 11.

est autem omni tempore visibilis. Ergo Ecclesia etiam videtur. Quod autem non possit separari Ecclesia à hierarchia: ego sumo tanquam vnum ex principijs fidei. Probatur secundò, ex perpetua successione. Perpetua autem successio à tempore Apostolorum nota est, ex catalogo Paparum, quem refert Platina. Quod autem variant doctores, in secundo successore Petri: quoniam alij Clementem, alij Linum ponunt: cum hic error sit in indiduo, non impedit certitudinem generalitatis. Illud est magis difficile: quod Ioanna creata fuit in Papam. Nam tunc videtur fuisse facta aliqua interruptio. Sed dicas, quod tunc sedes supponebat in defectum hominis. Ita etiam dicendum est, de tempore schismatis: cum Gregorius, & Ioannes, & Petrus, erant antipapæ. Item, cum electus fuit Amadeus, deposito Eugenio, in concilio generali, & postea abdicatus, quia Eugenius fuit potentior. Hoc modo, remanebit perpetuus ordo successionis. Secundum membrum, quod Ecclesia errare in fide & moribus non valeat, difficulter probatur in Ecclesia visibili, tamen hoc satis esse debet ad probationem, quod ratum est quicquid determinauit Ecclesia Romana. Sed ratione adhuc melius probatur, quia immediatè regitur à Spiritu sancto. sed Spiritus sanctus non potest errare. Ergo per consequens, neque ipsa. Tertiò, probatur ex articulo sequenti. Quia cum ad ipsam spectet determinare in omnibus: nihil esset certum in fide, nisi essemus resoluti de ipsius infallibilitate. Sicuti nunc, si non esset hic inuincibilis clypeus pro nobis, essemus iam centies victi à Lutheranis: cum habeant pro se apparentiam veritatis, & fortibus argumentis nos premant.

ARTICVLVS XIX.

Quòd ad Ecclesiam visibilem pertineant
definitiones in doctrina.

Quòd si quid in scripturis sacris controuersiæ aut dubii oritur, ad præfatam Ecclesiam definire spectat & determinare.

Probatur sic: Quia aliàs nasceretur horribilis confusio, nisi Ecclesia haberet ius pronuntiandi definitiuam sententiam in dogmatibus litigiosis. Sicut hodie Lutherani vellent habere vocem in capitulo, & iactarent verbum Domini: nisi opponeretur illis hæc replica sine exceptione, quòd ad Ecclesiam spectat determinare vltimatè, sine contradictione. Aliiter non possemus illis claudere os. Deinde sciendum est quòd scriptura est, tanquam nasus careus: quia flecti potest hic inde. Sed Ecclesiæ determinatio est fixa, & stabilis. Nam si hæretici cauillari velint vnā, potest altero die fieri alia, quæ eos magis constingat.

ARTICVLVS XX.

De articulis fidei per Eccle-
siam traditis.

Est & certum, multa esse credenda, quæ non sunt expressè ac speciatim tradita in scripturis sacris: quæ tamen per traditionem Ecclesiæ sunt necessariò recipienda.

Probatur ab inconuenienti, vel absurdo. Quia aliàs oporteret ferme facere nouum
mundum

pore, videmus absconditum fuisse ab hominibus exiguum Dei gregem: cum impij nomen Ecclesiæ sibi usurparent. Qui autem tam perspicaces habent oculos, ut Ecclesiam si-
bi visibilem semper esse iactent, quid facient Helix, qui se solum restare ex Ecclesia pu-
tabat? Falso id quidem sed is argumento est, Ecclesiam Dei posse nos non minus la-
tere: præsertim cum sciamus ex vaticinio Pauli prædictam fuisse defectionem. Statua-
mus ergo, videri Ecclesiam ubi apparet Christus: ubi verbum eius auditur, sicut scri-
ptum est: Oves meæ vocem meam audiunt. Sepulta autem doctrina veritatis, Ecclesiam si-
mul evanescere ex oculis hominum. Hanc Ecclesiam, fatemur cum Paulo, columnam &
firmamentum esse veritatis: quia custos est sanæ doctrinæ: eamque propagat suo ministe-
rio ad posteros, ne intercidat in mundo. Nam cum sponsa sit Christi, subiectam illi es-
se par est. Et hæc est eius castitas: non abduci à Christi simplicitate: sicut testatur Pau-
lus. Non errat ergo, quia Dei veritatem pro regula sequitur. Ab ea si recedit, si on-
sa esse desinit, & fit adultera. Qui verò ordinaria potestati & alijs externis pompis Ec-
clesiam affigunt: audiant, quid de eo pronuntiet Hilarius. Malè, inquit, nos parietum
amor cæpit. Malè Ecclesiam Dei in tectis adificijque veneramur. Anne ambiguum est,
in his Antichristum esse sessurum? Montes mihi, & sylva, & lacus, & carceres, & vo-
ragines sunt tutiores. In his enim Prophetæ, aut latentes, aut demersi, prophetabant.

1. Reg. 18.

2. The. 2.

10. 10.

10an. 3.

Eph. 5.

2. Cor. 12.

Contra
Auxenti.

AD XIX.

Definitionum regula præscribitur nobis à Paulo, quantum ad particulares Ec-
clesias, cum dicit: Prophetæ duo aut tres loquantur: alij diiudicent. Si, loquente vno,
fuerit quid melius alteri releuatum, surgat. Si quod inter Ecclesias dissidium exortum
sit, fatemur hanc constituendæ concordia legitimam esse rationem, quæ semper obseruata
fuit, ut coeant pastores, atque ex verbo Dei definiant, quid sequendum sit. Cæterum, si vi-
sibilis Ecclesiæ definitiones pro oraculis habere libet: visibilis erat Ecclesia cui solus Mi-
cheas resistebat. Visibilis etiam erat Ecclesia, quæ dicebat: Venite, cogitemus aduer-
sus Hieremiam cogitationes. Non enim peribit sapientia à sapientibus, nec à senibus con-
siliū, nec lex à sacerdotibus. Denique visibilis Ecclesia erat, Christi tempore, penes
summum pontificem & collegium sacerdotale. Erat enim Hierarchia multò melius fun-
data, & certiore testimonio confirmata, quàm hæc sit, cuius prætextu superbiunt, qui Ec-
clesiæ titulum hodie usurpant. Qui ergo audiendas visibilis Ecclesiæ definitiones, sine de-
lectu & exceptione volunt, simul hanc necessitatem imponunt fidelibus, ut abnegato Chri-
sto, & relicta Dei veritate, impietati sæpe adhæreant.

1. Cor. 14.

10. 10.

AD XX.

Multifariam, inquit Apostolus, multisque modis, loquutus est olim Deus per
Prophetas: nouissimè loquutus est, per filium suum dilectum. Doctrinæ verò Christi
qualis fuerit expectatio in populo Israëlito, ostendit vox mulieris Samaritana. Mes-
sias, cum venerit, annuntiabit nobis omnia. In hac ergo doctrina standum est, in qua sci-
mus perfectum cælestis sapientiæ cōplementū inclusum esse. Bene ergo Augustinus, qui in-
dicat, non esse necessariū ad salutē, quicquid proditū scripturis non est. Quia si cognitu fuisset
necessariū, Deus non omisisset. Insignis etiam est sententia Chrysostomi, ubi dicit: sicut De sancto
Christus non à seipso loqui se testatus est quia ex lege loquebatur & Prophetis, ita si quid
præter

Ebr. 1.

10a. 4.

Lib. de pe-

mer & re-

2. cap. ult.

De sancto
& adorē
Spiritu.

mundum: cum vix centesima pars eorum, quæ firmiter tenemus, & nihil dubitationis apud nos habent, expresse probari queat ex scripturis. Sed quia est elicitum à longe per subtiles deductiones doctorum, ideo manent in sua certitudine. Probatur etiam à verisimili. Quia credibile est quod Apostoli, quamuis essent pleni Spiritu sancto, & haberent mandatum perfecte instruendi Ecclesiam, tamen voluerint aliquid relinquere suis successoribus: ne, in omnibus eos præoccupando, alas illis nimium decurtarent. Probatur item à simili: quia, sicut apud legistas est ius scriptum & non scriptum, ita debet esse in theologia.

ARTICVLVS XXI.

De iure excommunicationis.

Eodem veritatis firmamento recipiendum, potestatem excommunicandi esse de iure diuino immediatè à Christo Ecclesiæ cõcessam: & ob id magnopere timendas esse censuras Ecclesiasticas.

Multæ sunt scrupulosæ quæstiones inter doctores. Vtrum ad exercendam excommunicandi potestatem requiratur clavis scientiæ, & discretionis. Sed tu dicas expresse: posito quod Ecclesia non potest errare, hanc potestatem esse plenariam. Sicut etiam videtur fuisse intentio magistrorum nostrorum, qui loquuntur absque distinctione. Si autem quæratur vtrum is qui excommunicatus est per iniuriam, sit excommunicatus potestate Christi, dicas quod satis est eius nomine.

ARTICVLVS XXII.

De authoritate conciliorum.

Certum est concilium generale legitimè congregatum, vniuersalem representans Ecclesiam, in fidei & morum determinationibus errare non posse.

Probatur sic. Quia concilium vniuersale semper & sine exceptione representet Ecclesiam: aliàs non esset visibilis. Sed intellige in quo præsideat Papa. Nam quod in concilio Niceno legati beati Syluestri non habuerunt primum locum, sed quartum, hoc fuit ex ruditate temporum, cum non bene formata esset Ecclesia. Quod si quis opponat concilium Basiliense, dicas quòd nec tenere nec valere debuit: cum Eugenius mandatum suum renouasset, & ius præsentis absulisset Cardinali Sanctæ crucis. Quod autem magistri nostri dicunt de legitima congregatione notandum est, ad hoc vt concilium legitimè congregetur, sufficere quod sollemnitas & forma iuris de center sit seruata. Quia si quis vellet trahere hoc in disputationem: vtrum prælati, qui ibi sedent, habeant rectam intentionem, & vtrum sint docti, & vtrum habeant scientiam sacrarum literarum, & animum obediendi sanæ doctrinæ, esset processus in infinitum.

ARTICVLVS XXIII.

De primatu sedis Romanæ.

Nec minus certum, vnum esse iure diuino summum in Eccle
sia

præter Euangelium, sub titulo Spiritus obtrudatur, ne credamus. Quia ut Christus legis & Prophetarum impletio est: ita Spiritus Euangelij. In summa, cum certa fidei veritas, non nisi ab vno Deo peti debeat: constituimus, rectam fidem in solis scripturis fundatam esse, quæ ab ipso prodierunt: cum illic non dimidia ex parte, sed ad plenum docere nos voluerit, quicquid scire nos volebat, & utile esse nouerat.

AD XXI.

Quemadmodum Ecclesiæ commissæ est excommunicandi potestas, ita etiam rite utendi præfixa est ratio. Primum, ne iudicet, nisi ex ore Domini: deinde, ut adificationi studeat, non destructioni. Si secus faciat, nota est sententia Gregorij: Privilegium meretur amittere, qui permissa sibi abutitur potestate. Loquimur autem de externa Ecclesiæ facie. Nam vera Ecclesiæ, sicut Christi Spiritu gubernatur, ita nunquam à regula verbi ipsius in iudicando recedit. Sed quia sæpe contingit, ut qui ordinaria potestate funguntur in Ecclesiæ, tyrannidem pro legitimo iudicio exercent: tenenda est diligenter illa distinctio. Aliàs frustra diceret Christus Apostolis. Ex Synagogis suis vos eijcient. Non est igitur timendum, ne ab eo cætu excommunicemur, à quo & Deus, & ipsius veritas exulat. Ab ea Ecclesiæ ne excommunicemur, quæ unitatis suæ vinculum habet, puram Dei doctrinam, non tantum magnopere timendum, sed præcipuo etiam studio cauendum est. Non enim est salus extra eius communionem.

Malac. 2.
2. Cor. 10.

Iesa. 2.
Ioel 2.
Eze. 13.

AD XXII.

Promittit Christus, se fore in medio eorum qui fuerint congregati, sed in nomine suo. Ergo non quibuslibet concilijs indifferenter habenda est fides: sed illis demum, quæ congregata fuisse in nomine Christi constabit. Clamant Propheta: A Propheta usque ad Sacerdotem quisque sequitur mendacium. Item, speculatores eius cæci omnes: Pastores nihil intelligunt. Item, coniuratio Prophetarum in medio eius, sicut leonum rapientium prædam. Sacerdotes eius violauerunt legem, prophanauerunt sancta. Cum huic malo obnoxia fuerit Ecclesiæ Israelitica, quæ vera erat Ecclesiæ Dei: cur non idem nobis contingeret? Quin etiam hoc futurum denuntiarunt Apostoli. Quemadmodum fuerunt in veteri populo Pseudopropheta: ita in vobis erunt falsi doctores. Sic ergo cōstituimus: concilium, quod in Christi nomine congregatū est guberari à Spiritu sancto: & eius directione duci in veritatem. Quibus autē non præsidet Christus, ea regi proprio sensu: & ita nihil posse quàm er rare, & in errorem ducere. Constituimus præterea, quædam sic regi Dei Spiritu initio, ut postea obrepat carnis studium, quo à veritate deflectant. Solus enim Christus est, in quo residet plenitudo Spiritus: unicuique hominum datur gratia ad mensuram.

Matt. 18.

Iere. 6.
Iesa. 50.
Eze. 12.

2. Pet. 2.

Ioa. 3.
1. Cor. 12.
Eph. 4.

AD XXIII.

Sæpe de Christo vniuersali capite meminit scriptura: de Papa nusquam. Et

Eph. 1.4
5.
Col. 1.2.

fia Christi militante pontificem, cui omnes Christiani parerentur: Qui quidem potestatem habet & indulgentias conferendi.

Probatur sic. Quia dictum est Petro: Tu es Petrus, & super hanc Petram. Quod autem Lutherani dicunt, Petrum illic laudari tanquam vnum ex numero fidelium: & Petram, quæ debet esse fundamentum Ecclesiæ, dicunt esse Christum: quia Petrus non fuisset bonum fundamentum, quando Christum abnegauit: Et quia secundum Paulum, Nemo potest aliud fundamentum ponere à Christo: nunquam illis concedas. Quia cum diuersa interpretatio sit in fauorem Romanæ sedis: nota est regula iuris, quod fauores debent ampliari. Habent quoque aliam replicam. Scilicet quod posito casu, quod dedisset Christus primatum Petro, non sequitur tamen, quod dederit successoribus: nisi velint etiam omnes vocari sathanæ. Quia dictum est Petro, Tu es sathan. Dicunt enim, quod si succedunt in vno titulo, et alio alio pariter. Sed responde ad hoc, per regulam iuris: quod odia sunt restringenda. Vel da aliam solutionem: quod primo loco Christus Petro locutus est, tanquam futuro vel fiendo Papæ: in secundo tanquam priuata personæ. Argumentantur præterea hoc modo. Cur Petrus contulerit hæreditatem primatus Romanæ sedi, potius quàm Antiochenæ: cum in vtraque fuerit episcopus. Responde ad hoc: quod locus acquirit dignitatem ex morte hominis: præsertim cum sanguis martyrum, qui preciosus est in conspectu Domini, ibi funditur: secundum Antiphonam quæ canitur in eius festo. Opponunt etiam aliud. Cur non simili ratione Iacobus & Ioannes acquisuerant suis Ecclesiis, in quibus præsidebant, secundum & tertium gradum primatus, vel dignitatus, quemadmodum Petrus acquisiuit primum Romæ: cum Paulus dicat illos tres fuisse habitos tanquam columnas. Ad hoc responde: quod si alij non fuerunt satis zelosi, vel magnanimi in manutenendo suo iure, non sequitur tamen quod hoc Romæ preiudicare debuerit. Ergo Hierosolyma & Ephesus merito propter negligentiam, vel stultum pudorem, retro fuerunt pulsa. Roma autem, quæ firmiter zelauit pro honore suo, debuit manere prima. Habent etiam derisiones: quod si Roma debet esse prima sedes, quia ibi præfuit & mortuus est Petrus, pari colore desertum debuisset esse prima sedes in populo veteri. Quia ibi Moyses princeps prophetarum prædicauerat, & erat mortuus. Item: quod etiam Aaron primus summus sacerdos, ibi exercuerat suum officium vsque ad mortem. Imo dicunt, quod potius Hierosolyma deberet præcedere Romam & omnes alias. Quia Dominus non solum ibi functus est episcopatu suo, & ibi est mortuus. Sed responde: quod ad vetus testamentum successionem sacerdotij fuisse personalem, nunc verò esse realem: & ita deberi loco. De Christo ita solue. Quod ipse noluit fundare primatum in sua persona, sicut ipse dicit: Non veni ministrari, sed ministrare. Sed post omnia etiam obijciunt: quod etiam si fuisset primatus Romæ, hoc non debuit durare, nisi quandiu ibi maneret Ecclesiæ: & quandiu Papa esset Episcopus. Nunc autem negant ibi esse Ecclesiā: propterea quod sit confusio maxima: & negant Papam esse episcopum: quia nihil faciat episcopale. Sed dic hanc obiectionem non esse admitendam: quia sit impossibilis: propterea quod scriptum est. Oraui pro te, Petre, ne deficeret fides tua.

cum nobis pingit Paulus Ecclesiæ imaginem, non facit vniuersalem vnus Episcopat-
 tum: sed Christū dicit gubernare Ecclesiā per suos ministros. Et tamen locus maxi-
 me requirebat, vnum præ alijs nominari, si res ita haberet. Modum vnitatis, quo fi-
 deles cum capite suo Christo coherent, illic exprimit. Ad commedationem vnitatis
 nominat vnum Deum, vnam fidem, vnum Baptisma. cur non addit vnū Papam ca-
 put ministeriale? Ad hoc Hierarchiam, quam Papæ adultores cōstare potissimum
 fingūt Romanæ sedis primatu, illic ex professo describit. Cur ergo prætermittit quod
 ad rem maximè facturū erat? Alibi dicit, se gratiā Apostolatus parē habere erga
 Gentes, cum ea quæ Petro data erat erga Iudæos. Vnde duo colligimus: nō fuisse Pe-
 trum ipsius caput: & Petri Apostolatū propriè ad nos non pertinere. Illic quoque
 refert, societatem se pactum fuisse cum Petro: non autem vt illum agnosceret supe-
 riorem. Et Petrus ipse, cum ad Pastores scribit, non mandat ex imperio: sed collegas
 suos facit, & comiter hortatur, vt inter aequales fieri solet. Cū accusatur, quod ad
 Gentes ingressus fuerit, etiam si id sit immeritō, tamen coram Ecclesia se purgādo,
 subiectionem profitetur. Iure autem à Paulo reprehensus, non exemptionē causa-
 tur, sed obediēter se patitur corrigi. Iussus à collegis ire in Samariā cum Ioanne, il-
 lorum decreto paret. Teneamus ergo quod ait Paulus, Christū esse caput, ex quo to-
 tum corpus compactū & cōnexum per omnem iuncturam subministrationis, secun-
 dum operationē in mensura cuiusque membri, augmentū corporis facit in Domino.
 Nam illic vniuersos mortales, vsque ad vnum, in corpore collocat: honorem & no-
 men capitis soli relinquit Christo. Preterea singulis membris certam mensuram tri-
 buit, & finitam limitatāmq; functionē: quō summa gubernandi potestas penes Chri-
 stum vnū resideat. Cyprianus quoq; cum vnitatem Ecclesiæ describit. Vnus, inquit,
 Episcopatus, cuius à singulis in solidum pars tenetur: quomodo multi radij sunt, &
 lumen vnum, & rami arboris multi, robur autem vnum radice sua fundatum: &
 quomodo de fonte vno riuus plures fluunt, & licet numerositas diffusa videatur,
 exundātis copiæ largitate, vnitatis tamen seruat integrā in origine: sic & Ecclesia
 Domini luce perfusa, per totum orbem radios suos porrigit: vnum tamen est lumen
 quod ubiq; diffunditur. Ramos suos per vniuersum orbem extendit, perfluētes lar-
 gitur riuos. Vnum tamen caput est & origo vna. Videmus vt Christi vnus Epis-
 copatus faciat vniuersalem, cuius partes à ministris eius teneri docet. Hæc ob cau-
 sam vetitum fuit in Carthagenensi concilio, ne quis princeps sacerdotū vocaretur,
 aut primus Episcopus, sed tantū primæ sedis Episcopus. Et Gregorius, nomen vni-
 uersalis Episcopi tanquam prophanum: imō sacrilegum, & prænuntiū Antichristi,
 execratur: dicitq; à Diabolo inuentum. Romanū verò Episcopum non alia appella-
 tione ornat Cyprianus, quā fratris, & coepiscopi, & collegæ. Ad Stephanum Ro-
 manum Episcopum, dum scribit, non modò eum sibi & reliquis facit æqualē, sed du-
 rius quoq; eum compellat: arrogantia & inscitia illum accusans. Quinetiam Hiero-
 nymus presbyter Romanus, sedem illā in ordinem redigere non dubitat. Si autho-
 ritas quaeritur, inquit, orbis maior est vrbe. Quid mihi profers vnus vrbis consuetu-
 dinem? Quid paucitatem, de qua ortum est supercilium, in leges Ecclesiæ vindicas?
 Vbiq; fuerit Episcopus, siue Romæ, siue Eugubij, siue Constantinopoli, siue Rhe-
 gi: eiusdē meriti est, & eiusdē sacerdotij. Potētia diuitiarū & paupertatis humili-
 tas superiorem, vel inferiorē Episcopum non facit. Postremò, etiam si dentur omnia
 Romanensibus, non tamen summus Episcoporum esse potest, qui non sit Episcopus.

Epist. 4.

Gala. 1.2.

1. Pet. 5.
Acto. 11.

Col. 2.

De simp.
prelato.

Cap. 47.

Epist. 76.

ad Maur.

August.

Epist. 78.

ad Conft.

August. se

quenti ad

Euloliū

Epist. 83.

ad Anian.

A D

De constitutionibus humanis.

Constitutiones Ecclesiasticæ, vt de ieiunio, de delectu ciborum, de abstinentia à carnibus, aliisque multis, verè obligat in foro conscientia, etiam omni secluso scandalo.

Probatur, primum à simili vel ab exemplo. Quia hoc etiam dicunt Rabini Iudeorum, quòd præcepta sapientum debeant seruari sicut leges Dei, & hoc sine dubio. Probatur secundo, ratione. Quia Ecclesia est vicaria Christi, & representat eius personam. Ideo debet tantum posse quantum Christus. Probatur tertio, ab auctoritate. quia dictum est. In cathedra Moysi sederunt scribæ & Pharisei. Quæcunque dixerint vobis, facite. Quod autem replicant Lutherani, hoc dici de lege, quam Pharisei docebant, cum essent in illa cathedra: & pro confirmatione adducunt, quòd alibi Dominus iubet cauere ab illorum fermento, id est doctrina, & expositionem Augustini, vbi dicit. Quid aliud significat Dominus, nisi per mercenarios vocem pastoris audire? Sedendo enim in cathedra, legem Dei docent. Ergo per illos Deus docet. Sua verò si illi docere velint, nolite audire, nolite facere. Responde quòd est impossibile, Ecclesiam aliud docere quàm voluntatem Dei: quia regitur à Spiritu sancto. Probatur & alia auctoritate. Quia dictū sit, obedite præpositis vestris. Quòd autē dicunt Lutherani, limitari hoc debere ad regulā quæ tradita est præpositis per Petrum, vt non exerceant dominium in clericos, & quam Paulus se seruasse dicit ad Corinthios, quòd non dominatus sit fidei ipsorum, hoc nihil est. Quia etiam si malè faciant præpositi iubendo, tamen subditos manet obsequendi necessitas. Deinde semper oportet redire ad principii illud. Quia sunt Ecclesia, non possunt errare in determinationibus morum. Finaliter probatur ab vtilitate. Quia scandalosum est facere magnas mutationes. Et Solomon vetat transferri antiquos terminos, quos posuerunt patres nostri. Maior autem pars obseruationum, quibus hodie gubernatur mundus, sunt ex traditionibus Ecclesiæ. Ergo non esset conueniens neque vtile, facere tantam confusionem, omnia mutando. Adde quod faciunt ad decentiam & honestatem morum. Si dicat aliquis, quòd per hoc non ligant conscientias. Respondeo, hoc fieri per accidens, propter ratificationem. Quia Ecclesia hoc intendit, & populus consensit.

ARTICVLVS. XXV.

De votis & eorum valore.

In eodem conscientia foro vota obligant, etiam si monastica sint: perpetuæ scilicet continentia, paupertatis, & obedientia.

Probatur primum, per illum versiculum authenticum. Verba ligant homines, taurorum cornua funes. Nam arguendo à minori ad maius: Si debemus seruare promissa hominibus, quātō magis Deo? Quòd autem Lutherani obijciunt, contractum non esse ratum, nisi ex vtriusque partis consensu. Item, pacta contra leges non valere, responde, quòd quicquid sit bona intentione, placet Deo. Et si quis mala intentione voueat, tamen propter honorem votorum, perinde est, ac si bona intentio

AD XXIII.

Vnus est Legislator, inquit Iacobus, qui potest saluare & perdere. Ratio au- Iac. 4.
tem duplex est: quod & Dei voluntas nobis perfecta est omnis iustitiæ & sancti-
tatis regula: & ipse vnus imperium habet in animas, quod nemini resignat. Itaque
Dominus vbiq; obedientiã vrget, vtque sibi soli pareamus. Vnde sunt illæ voces:
Obedientia melior, quàm victima: Item quod præcipio tibi, hoc obseruabis, vt fa- 1. Sam. 15.
cias. Non addes quicquam, nec minues. Item, non faciat quisque quod sibi bonum Deute. 12.
videbitur. sed quod præcipio tibi, hoc tantum facito. Item nunquid præcepi patri- Deute. 4.
bis vestris, vt mihi offerrent sacrificia? & non hoc potius, audiendo audite vocem Iere. 7.
meam. Conscientias autem vllis hominum legibus obstringi, nephas esse pronun- Gailat. 5.
ciat Paulus. In libertate, inquit, qua Christus vocauit vos, state, & ne rursus iugo Celo. 2.
seruitutis implicemini. Rationem reddit alibi. Quia etiam quæ speciem habent
sapientiæ, friuola sunt & inania: si sunt secundum præcepta & traditiones hominum.
Proinde testatur, se nolle inijcere laqueum fidelibus, cum tractat de coniugio. Vio- 1. Cor. 7.
latur ergo spirituale Christi regnum, & suum illi ius in animas eripitur, cum hoc
vsurpant homines, vt sibi liceat cõscientias suis ipsorum legibus obstringere. Præ-
terea abominatio est coram Deo, cultum illi fingere, quem non requirat: vel ab
hominibus absque eius verbo confictum amplecti, sicut testatur Iesaias: qui hac de ca. 2
causa, horribilem Dei vindictam denūtiat populo Israëlítico, quia Deum colebat
mandatus hominum. Et nota est Christi sententia. Frustra me colunt, docentes do-
ctrinas, præcepta hominum. De ciborum delectu, habemus Pauli doctrinam: Nemo Mat. 15.
vos iudicet in cibo aut potu. Item. Regnum Dei non est esca & potus. Et Christi Colo. 2.
vocem. Quod ingreditur in os, non coinquinat hominem. Et Paulus alibi ex Spi- Rom. 14.
ritu sancto prædicat, venturos impostores, qui Diaboli instinctu prohibeant vsum Mat. 15.
ciborum, quos Deus creauit, & vsum sancti coniugij. Neque verò audiendum est 1. Tim. 4.
cauillum illud: Paulum cum Iudeis disputare in prioribus locis. Hoc autem vaticini-
um spectare ad Tatianos & similes. Nam si Deus ciborum discrimen sustulit,
quod lege sua posuerat, hominũque potestati indifferenter subiecit omnes cibos,
quis nunc tantum sibi sumat, vt leges ipse nouas figat, quibus libertas à Deo permis-
sa aboleatur? Quòd si iure conquerebatur sua iam ætate Augustinus, Ecclesiam,
quam Dei misericordia liberam esse voluit, sic premi, vt tolerabilior fuisset Iu-
daeorum conditio: quibus querelis deplorabimus eam, quæ nunc est, seruitutem;

AD XXV.

In votis tria hæc sunt spectanda. An in potestate nostra sit, quod vouemus:
deinde, an finis vouendi rectus sit: tertio, an quod vouemus, deo placeat. Vbi hæc de
sunt, vel vnum ipsorum, vota esse irrita nulliusque momenti, constituimus. Porro Matt. 19.
non esse in cuiusvis manu perpetuam continentiam, docet scriptura. Christus enim 1. Cor. 7.
testatur, non omnes capere hoc verbum. Et Paulus admonet, distributa esse dona
Dei, loquens de hoc ipso dono, vt singulare esse intelligamus, quod non omnibus sit
concessum. Ideoque ad coniugij remedium confugere iubet omnes, qui vrũtur. Qui
nō potest continere, inquit, uxorem ducat. Item, propter scortationem vitandam,
quisque uxorem suam habeat. In vouenda autem obedientia monachali, vitiosum
esse finem, hoc vno verbo Pauli palam est: quòd omnes ethelothriscias, id est, cultus
volun-

ne vouisset, quantum ad ligamen. præsertim hoc valet in votis monachatus, propter dignitatem professionis, quia est instar secūdi baptismi, sicut dicit beatus Thomas. Quod etiam afferunt Lutherani aliam replicam de perpetua continentia, quòd nemo tenetur ad eam seruandam, nisi cui daum est de super: responde, quòd votum non propterea desinit esse obligatorium, quia deficiat facultas, secundum Doctores. Sed quaritur, Vtrum sit melius monacho vel sacerdoti fornicari, vel vxorem ducere. Ad hoc profertur autoritas Cypriani, qui dicit de sacris virginibus vel monialibus, epistola vndecima: quòd si per seuerare nolunt, vel non possunt, melius est vt nubant, quàm vt in ignē delicijs cadant. Sed ratio est in contrarium, quæ admodum etiam determinant canonistæ, propter cōtumaciam, & magis directam voti infractionem. Probatur etiam præterea, vota obligatoria esse, ex dispensatione & solutione illorum. Quia Papa non dispensat de votis, nisi beneficio clauium. Vnde sequitur, quòd ligent conscientiam. Restat vnum dubium super eo, quod magistri nostri dicunt, etiam si sint monastica. quia videntur innuere, quòd minus habeāt firmitatis quàm alia. Sed nota, hoc fuisse positum propter difficultatem, quæ posset tentare monachos ad resiliendum, sine hoc freno.

Noua statuta facultatis.

Inhibet autem theologorum facultas, iis qui de grege suo sunt magistris, bacchalaureis, ac cæteris gradum theologicum nunc & in posterum profiteri volentibus: ne quoquo pacto supra dictis propositionibus contraria, aut inconcionibus prædicent, aut in lectionibus, vel alibi doceant. Quin potius, quando se materia & occasio offeret, eas populo syncerè annuntient, & apertè declarent. Porro etiam decreuit, vt præfatas propositiones singuli magistri & bacchalaurei, chirographi sui approbatione cōfirmēt. Et, cum in suo grege lupos, & immorigeros, cōtentiososque alere tutum non sit: qui huic decreto parère noluerint, & contrarias præfatis propositiones docuerint, aut in posterum prædicauerint, è suo consortio eximendos in perpetuum priuare decreuit. Cæterum quia contradicendi studio, & à maiorum institutis discedendi, plerique nouarum rerum & doctrinarum studiosi, laudabilem illam consuetudinem, qua per intercessionem, beatiss. virginis Spiritus sancti gratia imploratur, negligunt: monemus, ne tantopere à salutatione illa angelica, quam nobis Euangelium præscripsit, ab horreant: néue, vt plerique solent, quoties Domini saluatoris nostri mentio occurrit, salutiferum illud Iesu nomen præponere de dignentur, contenti dicere, le Christ, præsertim cū, teste Petro, non sit aliud nomen datum hominibus, in quo nos saluari oporteat. Si similiter cum diuorum Apostolorum, Euangelistarum, aut sanctorum doctorum mentio inciderit, ne, vti conueuerunt, sine vlla honoris

Voluntarios, quos homines suo arbitrio instituant, damnat. Hoc enim verbo vti-
tur ad Colossenses, vbi interpret reddidit superstitionē. Sic autem vouent monachi
obedientiam suis patribus, vt hominum figmentis Deum colant. Paupertatem hanc,
quam vouent, Deo nequaquam esse acceptam, imò prorsus displicere, dicimus. Iu-
bet enim Deus suo quemque labore viuere. Et Paulus dicit: Qui non laborat, non
manducet: vitāque inordinatam vocat, cū quis ex alieno sudore ociosus viuit, ac
tales excommunicari pręcipit. Deinde voluntaria paupertas, quam nobis commen-
dat Deus, hęc est, vt qui diues est, elargiendo sua ad subleuandam fratrum ino-
piam, exemplo Christi, sicut dicit Paulus, pauperem se faciat. Sic autem paupertatem
monachi profitentur, vt in ocio nunquam esuriant, deuorent bona pauperum, be-
ne faciendi facultate se priuent. In summa, constituimus, vota, quę ex superstitione
concepta fuerint, nihili esse: nec quicquā valere ad ligandas conscientias. Dein
de votis temere, ex stulta carnis confidentia, conceptis maturē esse renuntiandum,
antequam Deus obstinatam arrogantiam puniat.

1. The. 5.
2. Cor. 8.

AD NOVA STATUTA.

Prohibet Iesaias omnibus Dei discipulis, ne dicant: Conspiratio, quoties mul-
tudo conspirauerit. Quo verbo significat, nullis impiorum consilijs, aut parendum
aut assentiendum esse. Sequamur ergo quod deinde pręcipit. hoc est sanctificemus
Dominum exercituum, cū timore illi adhærendo, vt nobis sit sanctificatio. Quicū-
que ab hoc timore abducere nos tentauerit, sit nobis anathema. Neque horreamus
cum cæco illuminato, exterminari ē Synagoga impiorum, quò Christus obuiam no-
bis occurrat, nōsque recipiat in corporis sui communionem. Centies moriendam po-
tius, quā vt manus polluamus nefaria subscriptione, qua Dei veritas a nobis ab-
negetur. Nam quòd toties gregis sui faciunt mentionem Sorbonistę, se certē gre-
gem porcorum esse hīc prodiderunt. Inuocationem virginis, qua vsi sunt antehac,
ad petendam Spiritus gratiam, quis non videt execrabilem blasphemiam esse? vt
elogia illa anathematis plena omittamus, quibus dum virginem volunt honorare,
grauissimo probro afficiunt, cū reginam cœli & thesaurariam gratiæ appellant.
Audimus quid doceat Christus: missurum se à Patre Spiritum veritatis: illum vt
petamus in suo nomine, iubet. Hęc igitur iusta petendi regula, & certa obtinen-
di ratio est. Ad virginem autem confugere, Christo præterito, eāque in precatio-
ne compellare, non Deum, quis non profanum esse morem videt? A verbo sanē
Dei prorsus est alienus. Quinetiam extat decretum concilij Carthaginensis quarti:
quod vetat sanctos ad altare inuocare. In eo quoque suam insulsiatē apertius
etiamnum produnt, cum dicunt salutationem hanc nobis ab Euangelio præscribi.
Missus est quidem Gabriel, vt Lucas narrat, qui hoc modo virginem salutarer:
sed an sumus Gabrieles? Vbi hoc nobis vnquam mandatum est? Quis ad virginem
nobis accessus patet, vt cū ea colloquamur? Ad hac, Quorsum tunc salutatio cū Spi-
ritus gratiā implorant, nisi ea precationis vice abutantur? Quantum ad Christi no-
men, vnde tā delicatę sunt a sinis aures, vt mos loquendi Spiritu sancto vsitatus eas
offendat? Christi nomen vbique occurrit in scripturis. Sic omnes Ecclesię scriptores
loquuti sunt, magister nostris non sapit. Et ne careant prætextu, magicum illud Iu-
deorum commentum obtēdunt, quasi salus hominum in duabus syllabis sit inclusa.

Ies. 8.

Ioan. 9.

Ioan. 14.
15. & 16.

mm

Nihil

noris, præfatione nominent, Paul, Iaques, Matthieu, Pierre, Hierosime, Augustin, neque sit eis graue addere vocabulum sancti, & nominare, sancti Pierre, sancti Paul, &c. Et postremò ne defunctorum animas populi precibus commendare negligant. Anno Domini. 1542. die. 10. mensis Martii. Facultas theologiæ congregata per iuramentũ in collegio Sorbonæ, super articulis præcedentibus, probauit hos articulos, sub forma qua scripti sunt.

Sic signatum, De mandato Domini decani & facultatis. Forunier cum
parapho.

FINIS.

Nihil ergo mirum est, si in sanctorum nominibus adeo sint morosi: cum in Iesu nomine adeo turpiter delirent. Hanc verò legem concionatoribus, ut mortuorum animas commendent populo, qua ratione, aut quo exemplo imponunt? Extant multa veterum homilia: nihil tale fuisse vnquam factum in veteri Ecclesia, illic reperitur. Videmus ergo eos facere, quod tyranni solent: ut cum dominationem amplius tenere, moderatè imperando nequeunt, ad barbaram ferocitatem & truculentiam decurrant. Verum, quid Dominus ex aduerso? Inite consilium, & dissipabitur. Constituite decretum, & non fiet. Munite vos, & vincemini. Non enim est sapientia, non est prudentia, non est consilium aduersus Dominum.

Ies. 8.
Pro. 21.

FINIS.

ll 2

SVPPLEX EXHORTATIO, AD INVICTIS.

Cæsarem Carolum Quintum: & Illustriss. Principes, alióque ordines, Spiræ nunc imperij conuentū agentes: vt restituendæ Ecclesiæ curam seriò velint suscipere. Eorum omnium nomine edita, qui Christum regnare cupiunt.

Per D. Ioan. Caluinum.



Indictus est abs te conuentus hic, Casar Auguste, in quo de præsentí Ecclesiæ statu, quem miserrimū & prope deploratum omnes cernimus, in melius corrigendo, rationē cum Illustriss. imperij Principibus, ordinibūque alijs ineas tandem atque constituas. Ad hanc itaque consultationē quando nunc consideretis, primū abs te Casar, simul etiam à vobis Illustriss. Principes, & ornatiss. viri, supplex peto atque flagito, quæ in mediū proferam, legere & diligenter expendere ne grauemini. Ea est magnitudo causæ & grauitas, quæ vos ad audiendi studiū incitare debeat. Ego verò rem ante oculos ita vobis proponā, vt statuere non difficulter possitis, quænam sint vestræ partes. Quisquis sim, & piæ doctrinæ, & Ecclesiæ patrociniū me hîc suscipere profiteor. Hoc nomine vnū saltem istud mereri videor, ne mihi audientiam eousq; negetis, dum appareat, falsōne eiusmodi titulum v̄surpē: an fideliter præstē, réque ipsa exhibeam, quod præ me fero. Et si autē tanto oneri nequaquā parem esse me scio, vbi tamē à vobis officij mei ratio audita fuerit, minimē vereor, ne vel socordiæ, vel temeritatis accuser, quòd hanc prouinciam subire ausus sum. Duæ res sunt, quibus cōmendare quicquid agunt, vel certè defendere, homines ferè solent. Nam & quod honestè pióque studio factū est, laude dignum, & quod publica necessitate expressum, excusatione saltē non indignum arbitramur. Earum cum vtraque mihi constet, non dubito, quæ vestræ est æquitas, quin meum hoc consiliū approbare facili vobis possim. Nam vbi melius aut honestius, vbi etiā, hoc quidem tempore, in re magis necessaria, operā mihi collocare liceat, quàm si Christi Ecclesiæ, cui nihil omnino denegare fas est, laboranti nunc grauiter, & extremo in discrimine agenti, pro mea virili adesse coner? Quanquā de meipso multū præfari nihil attinet. Perinde accipite quod dicam, ac si eorum omnium, qui Ecclesiam, vel restitutam iam curarūt, vel cupiunt restitui in verū ordinē, vna vox personaret. Sūt aliquot non infimæ dignitatis Principes: sunt insignes ressp. non paucæ in hac causa. Pro his omnibus ita vnus loquor, vt verius per me vno ore simul loquantur omnes. His addite infinitam priorū hominum multitudinē, qui per varias Christiani orbis partes dissipati, vno tamen consensu mihi in hac actione subscribunt. Denique putate hanc cōmunem esse orationem omnium, qui præsentem Ecclesiæ corruptionem ita seriò deplorant, vt nequeant diutius ferre: nullum finem facturi, donec aliquam emendationem viderint. Scio quàm odiosis nomini bus ad infamiā notemur. Verū quocunque tandem nomine appellare nos libeat: interea causam audite: & inde postea æstimate, quo loco haberi debeamus.

Principiò, non quæritur: an morbis laboret Ecclesia, & multis, & pessimis (constat enim inter omnes, qui vel mediocriter iudicant) sed an eius generis sint morbi, quorum longiorem moram non ferat curatio: vt nimis lenta remedia expectare, nec vtile sit, nec deceat. Accusamur temerariæ & impiæ nouationis, quòd omnino quicquam ausi fuerimus, ex antiquo statu, in Ecclesia mouere. Quid? Etiāne, si nec absque ratione, nec perperam factum sit? Sunt, vt audio, qui ne in hoc quidem

quidem damnare nos dubitent: quia expetendam quidem à nobis fuisse correctionem, tentari verò non oportuisse, censeant. A quibus nihil impetrare aliud in praesentia velim, nisi ut paulisper iudicium sustineant, donec ex re ipsa ostendero, neque nos ante tempus festinasse, & nihil temere, nihil officio nostro alienum fuisse aggressos, denique nihil fecisse, nisi summa necessitate coactos. Hoc ut efficiam, videndum quilibet suam de rebus nobis sit certamen.

Cum Deus initio Lutherum & alios excitauit, qui nobis facere ad reperiendam salutis viam praeulerunt: & quorum ministerio fundata sunt, & instituta nostra Ecclesia, dicimus ea doctrinae capita, quibus religionis nostrae veritas, quibus purus & legitimus Dei cultus, quibus salus hominum continetur, fuisse propemodum abolita: dicimus sacramentorum usum multis modis fuisse vitiatum & pollutum: dicimus Ecclesiae gubernationem in speciem fœdæ & non ferendæ tyrannidis fuisse conuersam. Hæc fortè nondum ad quosdam permouendos satis valeant, donec melius exprimantur. Faciam igitur, non quantum res postulat, sed quantum facultas mea feret. Neque tamen hic omnes cōtrouersias recensere, & excutere propositum est: Longam enim disputationem id requireret: cui nunc non est locus. Tantum proferre in mediū volo, quàm iustæ & necessariæ causæ nos ad hanc mutationem, quæ nobis vitio vertitur, coegerint. Quanquam expediri hoc non potest, quin tria simul complectar. Nempe ut vitia breuiter commemorem, quæ nos ad querenda remedia impulerunt. Deinde, ut de remedijs ipsis, quæ à nostris hominibus sunt adhibita, quàm apta fuerint & salutaria, differam. Postremò ut planum faciam, quàm non licuerit, suspensa manu vltius differre: cum res præsentem emendationem flagitaret. Primum, illud quia tantum ideo attingam, ut mihi viam ad reliqua patefaciat, conabor paucis perstringere. In diluendo sacrilegæ audaciæ & seditionis crimine, quo grauamur, quasi importuna festinatione, quod nostrarum partium non erat, perperam usurpauerimus, longius immorabor.

Si queritur, quibus potissimum rebus stet Christiana religio inter nos, suamque veritatem retineat, has duas non modò summum locum occupare certum est, sed reliquas etiam omnes partes, adeoque totam vim Christianismi sub se comprehendere: ut rite colatur Deus: ut vnde salus sibi petenda sit, nouerint homines. Iisdem sublati, Christi nomine gloriemur licet, vana est ac inanis nostra professio. Sequuntur deinde sacramenta, & Ecclesiae gubernatio, quæ sicut ad huius doctrinae conseruationem sunt instituta, sic non aliò referri debent: nec aliunde æstimari potest, sanctæne & ordine, an secus administrentur, nisi cum ad hunc finem exiguntur. Hoc si clarius & familiarius habere quis velit: regimen in Ecclesia, munus pastorale, & reliquus ordo, vnà cum sacramētis, instar corporis sunt: doctrina autem illa, quæ & rite colendi Dei regulam præscribit, & ubi salutis fiduciam reponere debeant hominum conscientia, ostendit, anima est, quæ corpus ipsum inspirat, viuendum & actuosum reddit: facit denique, ne sit mortuum & inutile cadaver. Quæ hætenus dixi cōtrouersiam inter pios, & recti sanique animi homines, nullam habent.

Nunc cultū Dei legitimū definiamus. Huius vero præcipuū est fundamentū, eū, sicuti est, omnis virtutis, iustitiæ, sanctitatis, sapientiæ, veritatis, potentiæ, bonitatis, clementiæ, vitæ & salutis fontē vnicū agnoscere, ideoque bonorum omnium gloriam illi adscribere in solidū, & tribuere, querere in ipso solo omnia: ideoque si quid nobis opus est, in ipsum solum suspicere. Inde nascitur innocatio, inde laudes

Et gratiarum actiones: quæ testimonia sunt eius, quam illi tribuimus, gloria. Hæc est vera nominis eius sanctificatio: quæ in primis à nobis requirit. Huic annexa est adoratio, qua reuerentiâ illi, magnitudine excellentiâque sua dignâ exhibemus: cui seruiunt ceremoniæ, tanquâ vel adminicula, vel instrumenta: ut corpus vnâ cum animo in cultus Diuini professione exerceatur. Sequitur postea nostri abnegatio: ut renuntiantes carni & mundo, transformemur in nouitatem mētis: quò iam non viuamus amplius nobis, sed nos illi regendos & agendos resignemus. Hæc verò abnegatione ad obedientiâ obsequiūque voluntatis eius cōparamur: ita ut timor eius in cordibus nostris regnet, omnesque vitæ nostræ actiones moderetur. His partibus contineri verum sincerūque Dei cultum, quem solum probat, & quo delectatur, tum spiritus sanctus ubique in scripturis docet, tū ipse quoque pietatis sensus, absque longa disputatione, id ipsum dicat. Neque alia fuit ab initio colendi Dei ratio, nisi quod hæc spiritualis veritas, quæ nuda & simplex apud nos est, figuris inuoluta fuit sub veteri testamento. Atque id est, quod volunt Christi verba, Ioannis quarto. Venit tempus, cum veri cultores adorabunt patrem in spiritu & veritate. Non enim negare his verbis voluit, quin à patribus spirituali isto modo cultus fuerit, sed discrimen in externa tantum forma indicare: quòd cum illi adumbratum habuerint spiritum multis figuris: apud nos simplex sit. Caterum, semper valuit illud: Deum, qui spiritus est, spiritu & veritate oportere adorari.

Porro, vniuersalis est regula, quæ purū Dei cultum à vitioso discernit: ne comminiscamur ipsi quod nobis visum fuerit, sed quid præscribat is, qui solus iubēdi potestatem habet, spectemus. Ergo si cultum nostrum approbare illi volumus, tenenda est diligenter hæc lex, quæ summa sæueritate ubique vrget. Duplex autē est ratio, cur Dominus, fictitios omnes cultus prohibendo ac dānando, nos ad solū vocis suæ obsequiū reuocet. Quia & hoc ad eius authoritatē stabilitā magnopere pertinet, ne seruiamus illi nostro arbitrio, sed toti ab eius nutu pendeamus: & nos, quia sumus vani te, si libertas nobis relinquatur, nihil possumus quàm aberrare. Vbi autē semel desleximus à via, nullus postea finis: donec superstitionum multitudine obruamur. Merito itaque Dominus, ut plenū dominij ius sibi vindicet, quid facere nos velit, ita mandat ut quidquid præter suum mandatū cōfinxerint homines, simul reiiciat. Merito & hoc quoque facit, quòd ore suo limites nobis præfigit, ne peruersos cultus fabricando, irā eius in nos prouocemus. Scio quàm difficulter hoc persuadeatur mundo, improbari Deo cultus omnes præter verbū suum institutos. Quin potius hæret hæc persuasio, & quasi in ossibus omnium defixa est ac medullis, quicquid agant, in eo se satis iustā approbationē habere, si modò qualēcunque honoris Dei zelum obtendāt. Verum cum Deus non modò irritū habeat, quicquid colendi sui studio, præter mandatū suum, suscipimus, sed palam quoque abominetur: quid proficimus contra tendendo? Hæ sunt claræ & disertæ Dei voces: Obedientiā meliorem esse victimis: frustra se coli mandatis hominum: mendacium esse, quicquid verbo suo additur: præsertim in hac parte: *id est non ad rem* meram esse vanitatem. Vbi semel pronunciauit iudex, iam amplius litigandi non est tempus.

Nūc mecū tua maiestas, Caesar, recognoscat, vósque, illustrissimi principes, huc mihi vestrā attentionem præbete, quàm prorsus ab hac ratione desideant omnia, in quibus hodie passim Dei cultū orbis Christianus reponit. Verbo quidē, bonorū omnium gloriā concedūt Deo, sed re ipsa eū, vel dimidia, vel maiori ex parte spo. i. i. t. cum eius

virtutes inter sanctos partiuntur. Eludant, ut volent, aduersarij: & leuiculos, sicuti ipsi fingunt, errores nimium nos exaggerare calumnientur. rem ipsam, sicuti est perspicua unicuique, simpliciter proponam. Sic inter sanctos distributa sunt Dei officia, ut summo Deo tanquam collegæ sint additi, in sustinendis eius partibus, in quorum multitudine delitescat. Neque aliud conqueror, nisi quod totus mundus vulgari prouerbio confitetur. Quid enim sibi vult quod dicunt, Dominum præ Apostolis non cognosci? nisi quod in eam altitudinem euehantur Apostoli, qua Christi dignitas vel obruatur, vel saltem obscura fiat. Secundum hanc prauitatem, mundus, derelicto viuo fonte, puteos, ut dicit Ieremias, dissipatos & hiulcos fodere edocebatur. Vbi enim salutem & quicquid bonorum est querunt? an in solo Deo? Atqui palam reclamat tota communis vita. Aiunt quidem, salutem se & bona omnia in Deo querere: sed cum alibi querant, quàm in eo solo, falsus est pretextus.

Huius rei manifestam fidem facient vitia, quibus inuocatio Dei corrupta primum, deinde propemodum subuersa extinctaque fuit. Diximus inuocatione testari homines, an debitam Deo gloriam tribuant. Ergo hinc etiam licebit deprehendere, an Dei gloriam, illi ereptam transferant ad creaturas. Porro in vera Dei inuocatione plus requiritur, quàm precatio qualibet. Nempe ut certò statuatur hominis animus, Deum esse solum, ad quem confugere debeat: quia & solus in necessitate iuuare possit, & se id facturum receperit. Eo autem sensu pradius esse nemo potest, nisi qui & mandatum, quo Deus nos ad se vocat, & promissionem quam mandato adiungit, de exaudiendis nostris precibus, intuetur. Atqui mandati adeo non est habita ratio, ut angelos & homines mortuos promiscuè vulgus hominum inuocauerit simul cum Deo. Sapientiores verò, si non inuocabant eos loco Dei, saltem pro mediatoribus habebant, quorum intercessionem à Deo obtinerent quod petebant. Vbi igitur tunc erat promissio, quæ sola Christi intercessionem suffulta est? Itaque Christo unico mediatore præterito, singuli se ad suos patronos, quos sibi finxerant, contulerunt: aut si quando dabatur Christo locus, latebat tamen, quasi gregarius aliquis, in turba. Iam cum veræ Dei inuocationi nihil magis repugnet, quàm hesitatio & diffidentia, adeo inualuit, ut pro lege rite orandi ferè recepta fuerit. Vnde autem id? nisi quia mundus quid ista omnia valeant, non intellexit, & quod Deus à nobis vult inuocari, & se facturum promittit quicquid petierimus mandato promissionemque sua freti, & Christum nobis aduocatum proponit, cuius nomine exaudiantur preces nostræ. Ad hæc, excutiantur solennes preces, quæ passim habentur in ecclesijs. Reperientur innumeris sordibus inquinatæ. Ab illis igitur fiat iudicium, quantum vitiatum in hac parte cultus Dei fuerit. Nec minus in gratiarum actionibus corruptionis fuit: cuius testes sunt etiam hymni publici: ubi bonorum omnium laus ad sanctos, tanquam Dei collegas, transcribitur.

Iam de adoratione quid dicam? Quicquid reuerentiæ exhibere volunt homines Deo, an non id illi in statu & imaginibus exhibent? Errat autem, qui putat quicquam inuereffe inter hanc, & Ethnicorum insaniam. Neque enim Deus lapides tantum adorare vetat, sed illis numen suum affigere, ut in illis adoretur. Quosunque pretextus hodie afferunt, qui hanc abominationem tueri student, ijs etiam olim vsi sunt ethnici, ut suam impietatem obtegerent. Præterea constat, sanctos quoque Dei loco adorari. inò ipsorum ossa, vestes, calceos, & simulachra. Hic mihi obijciat astutus quispiam, diuersas esse adorandi species: dulia, ut loquuntur, honorem sanctis eorumque simulachris & ossibus, dari. latrariam seruari Deo, sicut in ipsum solum competat: nisi quod crescente insania, excogitatus est hyperdulia gradus, in quæ supra alios beata Virgo extolleretur. Quasi verò subriles

istæ distinctiones, aut notæ sint, aut in mentem veniant ijs qui coram statuis se prosternunt. Interim idololatria plenus est mundus non minus crassa, nec mirus, ut ita dicam, palpabili, quàm illa vetus Aegyptiorum fuerit. quam tunc opere Prophetæ omnes passim execrantur.

ceremonie. Singula breuiter perstringo: quia paulò post acius exaggeranda erunt. Venio ad ceremonias: quæ cum esse debeant graues cultus Dei testificationes, mera sunt potius Dei ludibria. Præterquam enim quòd nouus Iudaismus, eius loco, quem Deus clara voce abrogauerat, iterum excitatus est, per multas etià pueriles ineptias hinc inde collectas, admiscuerunt quosdam etiam impios ritus, alios verò profanos, & qui magis ad theatrale aliquod ludicrum, quàm ad religionis nostræ dignitatem sunt compositi. In eo quidem primum peccatum est, quòd hæc tanta ceremoniarum multitudo, quam Deus sua autoritate semel sustulerat, rursum expetita fuit. Deinde, quòd cum viuæ pietatis exercitia esse debeant ceremoniæ, multas friuolas & inutiles habet mundus, in quibus frustra occupatur. Verùm hæc multò est capitalior pestis, quòd ubi suis istis qualibuscunque ceremonijs cum Deo luserunt, putant se bellè defunctos esse: perinde ac si tota vis pietatis & cultus Dei in illis inclusa foret.

refectio. Quòd ad nostri abnegationem pertinet, ex qua pendet regeneratio in vitæ nouitate, tota hæc doctrina, aut prorsus oblitterata fuit ex animis hominū: aut certè semisepulta: ut à paucis & quidem tenuiter, cognosceretur. Atquæ hoc est si rituale sacrificium, quod Dominus in primis commendat, ut mortificato veteri homine, transformemur in nouum hominem. Fieri forsitan potest, ut de istis vocibus non nihil balbutiant concionatores. Sed vim rerum ab ipsis non teneri vel inde constat, quòd nobis fortiter reclamant, cum hanc cultus Dei partem conamur restituere. Si quando de pœnitentia disputant, quæ præcipua sunt, contemptim attingunt tantum, in externis modò corporis exercitijs immorantur: quæ, teste Paulo, non maximam utilitatem habent. Quæ peruersitas eò minus ferenda est, quòd mundus pernicioso errore umbram pro re ipsa sectatur, dum omissa vera pœnitentia, in abstinentiis, vigiliis, & cætera, ut Paulus appellat, e gena mundi elementa toto studio incumbit.

Cum autem verbum Dei notam esse dixerimus, quæ verum eius cultum à vitioso præuòque discernat, inde colligere promptum est, totam colendi Dei formam, quæ hodie mundo est vsitata, nihil quàm meram esse corruptionem. Neque enim quid Deus mandauerit, aut quid approbet, respiciunt, ut illi, quemadmodum decebat, obsequantur: sed licentiam excogitandorum cultuum sibi permittunt, quos postea illi obtrudunt obsequij loco. Si videor modum in dicendo excedere, age dum excutiantur omnia opera, quibus mundus Deum se colere arbitratur. vix decimam partem excipere audeo, quin omnia temere in hominum cerebris nata fuerint. Quid amplius volumus? Commentitios omnes cultus Deus reffuit, damnat, execratur. Frænum verbi sui nobis iniicit, ut in simplici obedientia nos contineat. Vbi, excusso iugo, euagamur ad nostra figmenta: & cultus humana temeritate fabre factos illi offerimus, vique nobis arrideant, coram eo inanes sunt nugæ: imò sordes & inquinamenta. Habent humanarum traditionum patroni pulchros & varios colores, quibus eas pingant: & Paulus certè fatetur eminere in illis speciem sapientiæ: sed quia pluri obedientiam facit Deus quàm omnes victimas, satis hoc valere debet ad repudiandum quemcunque cultum, si nullo Dei mandato approbetur.

Alterum Christianæ doctrinæ præcipuum membrum in eo posuimus, dum agnoscunt homines, vbinam salutem querere debeant. Porro salutis nostræ cognitio tres habet gradus. Nam à propria miseriæ sensu incipiendum est, qui adducere nos eoque debet,

bet, ut animos despondeamus tanquam mortui. Id autem fit, dum nobis originalis & hereditaria natura nostra vitiositas ostenditur, fons malorum omnium: quæ diffidentiam, rebellionem aduersus Deum, superbiam, auaritiam, libidines, & prauas omne genus cupiditates in nobis gignit: quæ nos ab omni rectitudine & iustitia auersos, sub peccati verò iugo captiuos tenet: dum sua singulis peccata deteguntur, ut sua turpitudine confusi, coguntur sibi met displicere, seque & sua omnia pro nihilo ducere. Deinde etiam, ex aduerso citantur conscientia ad Dei tribunal, ut agnita maledictione sua, & quasi accepto æternæ mortis nuntio, iram Dei horrere discant. Hic, inquam, primus est gradus, quo ad salutem peruenitur, ut homo in seipso prostratus & attonitus, de omnibus carnis præsidij desperet: neque tamen obduret seipsum aduersus iudicium Dei, aut quasi obducto callo obstupefcat: sed trepidus & anxius dolore ingemiscat, suspiretque ad remedium. Hinc ad alterum gradum debet surgere. Id fit, dum agnitione Christi erectus respirat. Homini, enim in hunc, quem diximus, modum humiliato, non aliud restat, nisi ut ad Christum se conuertat, ut eius beneficio à miseria liberetur. Verum salutem in Christo is demum querit, qui eius virtutem tenet: hoc est, qui illum agnoscit unicum sacerdotem, per quem patri reconciliemur: qui mortem eius unicum sacrificium esse agnoscit, quo expiata sint peccata, satisfactum iudicio Dei, vera & perfecta iustitia acquisita: qui denique inter se & illum non dimidiat, sed merum & gratuitum eius beneficium esse agnoscit, quod iustus coram Deo est. Ab hoc quoque gradu conscendere ad tertium necesse est: ut qui de Christi gratia, de mortis & resurrectionis eius fructu edoctus est, in eo solida firmaque fiducia acquiescat: ac secum statuatur, ita suum esse Christum, ut iustitiam in ipso vitamque possideat.

Nunc videte, quàm miserè euersa hæc doctrina fuerit. De peccato originali, spinosæ quæstiones agitatae sunt in scholis, quibus hunc tam exitialem, hominis morbum, quantum fieri potuit, eleuarunt. Nam cum de illo disputant, redigunt ferè ad gulæ & libidinis intemperiem. De cecitate & vanitate mentis, ex qua prodeunt incredulitas & superstitio, de interiore animi nequitia, de superbia, de ambitione & contumacia, de alijs arcanis malis, nullus sermo. Conciones nihilo saniores. Iam liberi arbitrij prædicatio, qualis audiebatur, antequàm prodirent Lutherus & alij, quid aliud poterat quàm mani propriae virtutis opinione inflare homines, ut solo vento turgidi, spiritus sancti gratia & auxilio locum non darent? Quid multa? Nulla est maior internos concertatio, & in qua nobis pertinacius reclamant aduersarij nostri, quàm de iustificatione: fidene an operibus eam consequamur. Nullo modo patiuntur hunc Christo honorem tribui, ut iustitia nostra vocetur, nisi in partem simul veniant operum merita. Non disceptamus hinc de bonis operibus, an præstari à pijs debeant, an accepta sint Deo, an mercedem apud eum habeant: sed an concilient nos Deo sua dignitate, an acquiramus eorum pretio vitam æternam, an compensationes sint, quæ, ad tollendum reatum, Dei iudicio soluantur, an collocanda sit in ipsis salutis fiducia. Hos ergo errores reprehendimus, quòd homines ad opera sua magis quàm ad Christum respicere iubentur, ut Deum sibi propitium faciant, ut eius gratiam promereantur, ut hereditatem acquirant vitæ æternæ: denique ut iusti sint coram Deo. Primum, operum meritis superbiunt, quasi Deum sibi obstrictum habeant. Hæc verò superbia quid aliud est, quàm exitialis mentis ebrietas? Nam seipfos adorant loco Christi, & cum in profundo mortis gurgite sint demersi, vitam se habere somniant: Quòd si cui amplificare nimis hunc locum videar, hæc certè est trita in scholis & templis omnibus doctrina: quòd operibus Dei gratiam mereri oporteat: quòd operibus acquirenda sit vita æterna: quòd te-

Salutis con-
fio. 1.

Peccat.
nale

Lib. ar.

Mer

meraria & presumptuosa sit fiducia salutis, nisi bonorum operum adminiculo suffulta: quod per bonorum operum satisfactionem reconciliemur Deo, non autem gratuita peccatorum remissione: quod bona opera salutis aeternae meritoria sint, non quia gratis imputantur in iustitiam Christi merito, sed ex pacto legis: non gratuita peccatorum venia, sed satisfactorijs, ut vocant, operibus reconciliari homines Deo, quoties ab eius gratia sunt alienati: ad satisfactiones accedere ex Christi & martyrum meritis subsidium, modò tamen eo adiuvári mereatur peccator. His impijs opinionibus totum mundum fascinatum fuisse constat, antequam Lutherus mundo innotesceret. Neque alia est, hodie quoque, pars doctrinae nostra, quam maiore contentione & pertinacia impugnent nostri adversarij.

Hic postremò pestilentissimus error non modò passim occupavit hominum mentes, sed tanquam unum ex precipuis fidei capitibus, de quo fas non esset dubitare, fuit habitus: fideles oportere de gratia Dei erga se perpetuò dubitare, suspensâque habere conscientias. Hac verò diabolica imaginatione penitus extincta fuit fidei vis: deletum Christi beneficium: eversa hominum salus. Illa enim demum, teste Paulo, est Christiana fides, qua excitatur in cordibus nostris fiducia, qua audeamus sistere nos in conspectum Dei. Nec aliter constaret quod alibi tradit, habere nos testimonium adoptionis nostrae intus à Spiritu sancto obsignatum, quo freti Deum Patrem vocamus.

Quorsum autem illa hesitatio, quam hostes nostri à suis discipulis requirunt, nisi ut tota promissionum Dei fides evanescat? Ratiocinatur Paulus, evanuisse fidem, abolitas esse promissiones, si ex lege sit hereditas. Cur istud? Nempe quia lex dubium hominem tenet, ne acquiescere in certa firmâque fiducia possit. Isti autem ex adverso eiusmodi fidem somniant, quæ hominem ab illa, quam Paulus exigit, certitudine exclusum ac repulsum, ad coniecturam reijciat, ut instar arundinis fluctuetur. Neque tamen eos in tantam hanc absurditatem prolapsos esse mirum est: postquam salutis fiduciam semel fundauerant in operum meritis. Fieri enim aliter non poterat, quin ex illo precipitio in hanc ruinam caderent. Quid enim in operibus suis reperiet homo, nisi dubitandi, & tandem desperandi materiam? Videmus ergo, ut error errorem traxerit.

Hic vobis, inuictiss. Caesar & Illustriss. Principes, quod ante dixi memoria repetendum est: Ecclesiae salutem ex hac doctrina, non secus atque hominis vitam ex anima, pendere. Si tantum corrupta eius doctrinae puritas fuisset, iam letali vulnere sauciata fuisset Ecclesia. Ergo si maiori ex parte extinctam fuisse ostendero, perinde erit, ac si Ecclesia ferè usque ad ultimum interitum vulnerata esse diceretur. Ego autem id hactenus obiter indicaui: paulò autem post clarius patefaciam. Venio nunc ad ea, quæ dixi instar corporis habere: gubernationem, & sacramentorum administrationem: quorum etiam si externa facies nihil haberet vitij, post illam tamen doctrinae subversionem vis & utilitas emortua esset. Quid si intus & extra nihil fuerit sani? Neque verò difficilis est eius rei demonstratio. Quantum ad sacramenta pertinet, primum eodem loco habitata sunt mysteria à Christo instituta, & excogitata humanitus ceremoniae. Septem enim sacramenta, sine alio discrimine, recepta fuerunt: quorum duo tantum mādauerat Christus: alia non nisi hominum auctoritate fundata erant. His non minus alligatae fuerunt Dei gratiae, quam si inclusum in se Christum habuissent. Porro duo illa, quæ Christus instituit, horrendum in modum fuerunt polluta. Baptismus tot superfluis additamentis est obvolutus, ut veri & puri Baptismi vix tenue vestigiū agnoscas. Sacra verò Cæna nō extraneis modò acceßionibus corrupta, sed ipsa in formam prorsus diuersam conuersa fuit. Manifestum est, quid Christus fieri iusserit, & quo ordine. Atqui, spreto eius mandato, actio histio-

nica composita fuit, quæ in cœnæ vicem succederet. Quid enim simile Missis cum vera Domini Cœna? Cum secundum Christi præceptum debeant inter se fideles communicare sacra corporis & sanguinis Domini symbola: excommunicatio potius quædam in Missis visitur. Separat enim se à reliquo cœtu Sacerdos, ut seorsum deuoret, quod proponi distribuique in medium debuerat. Deinde tanquam successor quispiam Aaronis foret, sacrificium se offerre, ad expianda populi peccata, simulat. Vbi vnquam sacrificij meminit Christus? Accipere, comedere ac bibere nos iubet. Quis hominibus permittat, receptionem in oblationem conuertere? Quorsum ista mutatio, nisi ut temerarijs hominum placitis cedat perpetuum & inuiolabile Christi edictum? Hoc quidem graue malum. Sed longè adhuc deterior superstitio, quòd opus hoc, tanquam obtinenda gratiæ meritorium, viuis & mortuis applicarunt. Atque ita mortis Christi efficacia ad inanem & theatricam actionem translata est: & simul eterni Sacerdotij dignitas Christo erepta, ut hominibus daretur. Si quando autem ad communionem vocatur populus, ad dimidiam tantum partem admittitur. Quid hoc est? Christus calicem omnibus propinat, & omnes iubet ex eo bibere: ex aduerso interdiciunt homines fidelium cœtui, ne calicem attingant. Ita signa, quæ indiuiduo nexu Christi authoritate coniuncta fuerant, hominum libidine separantur. Ad hæc consecrationum Baptismi, tum Missæ, à magicis incantationibus nihil omnino differt. Flatu enim & sussurris, vel non intellectis vocibus, conficere se putant mysteria. Quasidemurmurari verbum suum voluerit Christus ad mysteriorum peractionem: ac non potius clara voce pronuntiare. Non obscuris verbis exprimitur virtus, natura, usus Baptismi in Euangelio. Christus in Cœna non musitat super panem, sed disertis verbis Apostolos alloquitur, dum promissionem recitat: & mandatum adiungit, ut communis inter fideles confessio edatur. Nunc loco prædicationis sufflantur arcani exorcismi, magicis artibus, sicut dixi, quàm sacramentis aptiores. Iam hoc primum perperam, quòd populo exhibentur ceremoniarum spectacula, quarum significatio & veritas taceatur. Neque enim aliud est sacramentorum usus, quàm cum ex verbo Dei explicatur id ipsum, quod signum oculis representat. Itaque cum nihil illic habeat populus, nisi inanes figuras, quibus oculos pascat: nullam verò doctrinam audiat, qua dirigatur ad verum scopum, in ipso externo opere defixus hæret. Hinc pestilentissima illa superstitio, quòd perinde ac si sacramenta sola ad salutem sufficerent, neque de poenitentia, neque de fide, neque etiam de Christo ipso solliciti, signa pro veritate arripiunt. Et sæpe, impium illud dogma passim non modò inter rudes & plebeios, sed in scholis quoque obtinuit: valere per se sacramenta, modò ne quis obicem ponat peccati mortalis. Quasi in alium finem, aut usum data sint sacramenta, nisi ut nos ad Christum manuducant. Huc etiam accessit, quòd panem, peruerso illo incantamento magis quàm pio ritu consecratum, custodiunt in arcula, interdum in pompa circumferunt, ut pro Christo adoretur & inuocetur. Itaque: si quod periculum vrget, ad panem illum, tanquàm ad vnicum præsidium, confugiunt: aduersus noxas omnes illo, tanquam amuleto, vtuntur: ad petendam à Deo veniam, tanquam optimum piaculum, adhibent. Quasi verò ad ineptias quaslibet prostituere corpus suum voluerit Christus, cum illud nobis in sacramento dedit. Quid enim continet promissio? non aliud scilicet, nisi nos, quoties sacramentum eius Cœnam peragimus, corporis & sanguinis ipsius participes fore. Accipite, inquit, edite, & bibite: hoc est corpus meum: hic est sanguis meus. Facite hoc in memoriam mei. Nõne videmus, promissionem vtrinque inclusam esse suis finibus, intra quos se contineant oportet, qui volunt quod illic offertur, percipere? Falluntur ergo, qui aliud quàm communem panem & profanum habere se extra legitimum Cœnæ usum, putant. Hæc verò communis omnium profanatio, quòd ad fœdam num-

dinationem perinde sunt exposita, ac si non alio fine instituta forent, quàm ut quæstui seruiant. Neque verò eiusmodi est nundinatio, quæ clam aut verecundè tractetur: sed palam exercetur, non secus atque in foro mercatorio. Scitur, quanti singulæ Missæ in quaque regione valeant. Alijs etiam constitutum est suum pretium. Denique templi, si quis bene expendat, nihil à meritorijs tabernis differunt: & nullum est sacrorum genus, quod non illic prosteret venale.

Gubernationis ecclesiasticæ vitia si recensere velim, nullum dicendi finem inueniam. Tantum igitur crassiora quædam, & quæ dissimulari nequeunt, breuiter notabo. Principiò, ipsum pastorale munus, qualiter à Christo institutum fuerat, iam pridem obsoleuit. Episcopos certè & Pastores, siue quocunque alio nomine vocentur, ideo præfecit Ecclesiæ Christus, teste Paulo, ut eam sana doctrina adificent. Secundum hanc regulam, nullus est verus Ecclesiæ Pastor, nisi qui docendi munere fungitur. At hodie quicumque ferè titulum habent Pastorum, id oneris ad alios ablegarunt. Ex Episcopis vix centessimus quisque reperietur, qui suggestum vnquam docendi gratia conscendat. Nec mirum. Episcopatus enim in satrapias degenerarunt. Minoris autem ordinis pastores, vel nugis à Christi mandato in totum alienis munus suum implere se putant, vel episcoporum exemplo, hanc ipsam curam reijciunt in aliorum humeros. Inde sacerdotiorum locationes non minus vsitata, quàm prædiorum. Quid volumus amplius? Spirituale regimen quod à Christo commendatum nobis fuerat, totum è medio sublatum est: noua & confictitia gubernandi species introducta, quæ ut cunque illius nomine venditetur, nihilo tamen plus similitudinis cum eo habet, quàm mundus cum regno Christi. Quod si mihi obijciat quispiam, non deberi ordini culpam imputari, si qui officium non faciant: primum respondeo, malum passim grassari, ut in publican consuetudinem iam transierit. Deinde ut fingamus episcopos omnes, & alios inferioris gradus presbyteros residere in sua quæque statione: facerèque quod suæ professionis esse hodie opinantur, quid hoc tamen ad verum Christi institutum? Canerent aut murmurarent in templo, histrionico vestitu se ostentarent, exercerent multas ceremonias. Docendi, aut rara, aut nulla cura. Nemo autem, ex Christi præscripto, episcopi aut pastoris nomen vindicare sibi potest, qui gregem suum non pascat verbo Domini.

Iam cum sanctioris vitæ exemplo excellere alijs & pralucere debeant qui Ecclesiæ præsumunt, quàm bene vocationi suæ respondent in hac parte, qui hunc gradum hodie occupant? Cum ad summum corruptionis mundus venerit, nullus tamen est ordo, omni flagitiorum genere magis refertus. Vtinam sua innocentia refellerent quod dico. Quàm libenter ex templo retractarem. Sed ante oculos omnium exposita est eorum turpido, patet inexplibilis eorum auaritia & rapacitas, patet intolerabilis superbia & crudelitas. Impudicis saltationibus perstrepere eorum domos, aleæ studium illic feruere, comessationes intemperantiæ plenas illic agitari, more & usu receptum est. Delitijs, & quouis luxu, tanquàm præclaris virtutibus, gloriantur. Ut alia taceam: cælibatus, quo vno haberi eximij volunt, quantum habet spurcitia? Pudet me rete gere, quæ suppressa mallet, modo silentio possent corrigi. Neque tamen occulta in medium proferam: quando plus satis fœditatis & probrorum alioqui iam apparet. Quotusquisque, obsecro, sacerdos est, à scortatione purus? Imò quàm multorum domus quotidianis stupris sunt infames? Quàm multas honestas familias vagis suis libidinibus inquinant? Equidem nec traducendus eorum vitijs delector: neque id est mei propositi. Operæ pretium tamen est expendere, quantum ea vita, quæ passim hodie in ordine sacerdotali conspicitur, ab ea distideat, quæ veros Christi & Ecclesiæ ministros deceret,

Hæc

Hæc quoque pars est Ecclesiastici regiminis non postrema, ut ritè ac ordine eligantur & designentur ad officium, qui præfutura sunt. Habemus regulam ex verbo Dei, ad quam electiones omnes exigi oportebat. Extant multa veterum Synodorum decreta: quibus prudenter & diligenter præscribuntur, quæcunque ad rectam eligendi formam pertinent. Proferant aduersarij nostri, vel vnicum exemplum canonica electionis, & eos vicisse concedam. Scimus quale Pastoris examen requirat per os Pauli Spiritus sanctus: quale etiam veteres Patrum sanctiones. Hodie in creandis Episcopis, an tale aliquid respicitur? Imo quotusquisque eorum, qui ad hunc gradum euehuntur, saltem mediocriter ijs dotibus præditus est, sine quibus idonei esse Ecclesiæ ministri non possunt? Quem ordinem in præficiendis ministris Apostoli tenuerint, videmus: quem secuta deinde sit vetus Ecclesiæ: quæ denique antiqui Canones obseruari præcipiant. Hunc si hodie sperni & reijci conquerar, nonne iusta erit querela? Quid si, omni calcata honestate, promoueri per summum dedecus & flagitium, dicam? Atqui hoc nemini est ignotum. Aut enim condicto pretio emuntur honores Ecclesiastici, aut vi manûque occupantur, aut conciliantur nefarijs passionibus, aut sordidis obsequijs comparantur. Interdum etiam lenociniorum & eiusmodi artium sunt mercedes. Denique impudentius multo hîc luditur, quàm in vllis vnquam profanis possessionibus.

Atque utinam sic vitiosa esset Ecclesiæ gubernatio, ut qui præsumunt, sibi tantum peccarent: aut saltem alijs non nocerent, nisi malis exemplis. Verum hoc malum reliqua omnia superat, quod sauisimam tyrannidem exercere: & quidem in animas. Imo quid aliud est Ecclesiæ potestas, quæ hodie iactatur, quàm licentiosum, & sine lege modoque in animas imperium, quodeas miserrima seruitute opprimat? Potestatem Christus Apostolis permisit, qualem antè Prophetis Deus contulerat, certis finibus inclusam scilicet: ut legatione pro se apud homines, fungerentur. Hæc porro legationis perpetua lex est, ut qui mittitur, quæ accepit mandata, fideliter & summa religione perferat. Quod etiam nominatim exprimitur in Apostolis: Ite, docete omnes gentes, quæ tradidi vobis. Item, Prædicate, non quidlibet, sed Euangelium. De successoribus si quaeritur, quæ sint præditi potestate, Petrus eam definit, cum omnes qui in Ecclesiâ loquuntur, iubet eloquia Dei proferre. At nunc qui Ecclesiæ rectores haberi volunt, sibi usurpant hanc licentiam, ut loquantur quicquid libuerit: simulatque loquuti fuerint, sine vlllo examine audiantur. Excipient, hanc esse calumniam. Non enim aliud sibi iuris sumunt, quàm ut autoritate sua sanciant, quæ Spiritus sanctus reuelauerit. Negabunt ergo, se suis commentis aut suæ libidini subijcere fidelium conscientias, sed solis Spiritus oraculis, quæ sibi reuelata, alijs, addita confirmatione, promulgant. Ingeniosus prætextus scilicet. Quæ à Spiritu sancto accepta per manus tradunt, ijs, quin sine mora parendum sit, nemo dubitat. At cum se non alia posse tradere subiiciunt, quàm mera Spiritus sancti oracula, quoniam ab ipso regantur: nec posse fieri, quin verum sit, quicquid statuerint, quia in cathedris veritatis sedeant, à non eo modo potestatem suam libidine metiuntur? Nam si pro oraculis habenda sunt quælibet eorum placita, ubi nulla exceptio, illic infinitum imperium. Quis vnquam tyrannus ita intemperanter abusus est subditorum patientia, ut tanquam à cælo proditum recipi iuberet, quicquid ediceret? Tyranni quidem edictis suis, quælibet sint, parceri volunt. Isti autem multo plus postulant, ut Spiritum sanctum

credamus loqui, dum nobis obruunt, quod somniauerint.

Itaque hac potestate armati, videmus quàm dura & iniqua seruitute fidelium animas constrictas tenuerint. Leges aliæ super alias conditæ sunt, quæ totidem essent conscientiarum laquei. Non enim ad ordinem externum, sed ad spirituale & interius animæ regimem eas retulerunt. Nec finis ullus fuit, donec ad istam immensam multitudinem ventum est, quæ non absimilis est labyrintho. Et quadam ad torquendas excrucandæque conscientias videntur prorsus faciæ. Porro earum obseruatio nihilominus seuerè vindicatur, quàm si tota vis pietatis in illis consisteret. Quinetiam cum de violatis Dei mandatis, aut nulla fiat quæstio, aut sumatur non ita graues poenæ, aduersus hominum decreta aliquid admississe, sumum piaculum habetur. Cum hoc tyrannico iugo prematur Ecclesia, si quis verbum contra facere audeat, statim pro hæretico damnatur. Denique, liberum gemitum emittere, capitale est. Atque ut hanc non ferendæ dominationis possessionem retineant, populum à sacrorum lectione & intelligentia sanguinarijs editis arcant: fulminant aduersus eos, qui de sua potestate controuersiam mouerint: & indies crescit immodicus ille rigor: ut iam propemodum nihil de religione inquirere permittant,

His tot ac tam densis tenebris cum suffocata esset Dei veritas: cum tot impijs superstitionibus polluta esset religio: cum horrendus sacrilegijs corruptus Dei cultus foret, prostrata eius gloria iaceret: cum multis peruersis opinionibus obrutum esset redemptionis beneficium: homines exitiali operum fiducia inebriati salutem alibi, quàm in Christo, quærent: Sacramentorum administratio partim lacera ac dissipata, partim admixtis multis figmentis corrupta, partim quæstuosis nundinationibus profanata esset: cum Ecclesiæ gubernatio in vastitatem prorsus confusam de generasset: cum ij, qui Pastorum loco sedebant, primum dissoluto viuendi more Ecclesiam plurimum læderent. deinde suam & maxime noxiam tyrannidem in animas exercerent: pecudum more homines per omne errorum genus in exitium ducerentur, emerfit Lutherus, extiterunt deinde alij, qui coniunctis studijs, rationes viasque quæsierunt, quibus repurgari à tot inquinamentis religio: pietatis doctrina restitui in suam puritatem: Ecclesia ex tanta calamitate in tolerabilem aliquem statum colligi posset. In hoc cursu adhuc hodie pergamus.

Et quoniam de remedijs, quæ ad istorum malorum correctionem adhibuimus dicturum me præfatus sum, de eare nunc tractandi locus est: non vi modum, quo progressi sumus, describam (de hoc enim postea videbitur) sed ut appareat, non aliò spectasse nostra studia, nisi ut status Ecclesiæ, ex pessimo, saltem aliquâto melior fieret. Multis & atrocibus multorum calumnijs impetita est nostra doctrina, & quotidie impetitur. Alij fortiter aduersus eam declamitant in cõcionibus. Alij libris editis eam vexant, ac traducunt. Ab vtrisque plurima congeruntur, quibus eam infamari posse credunt apud imperitos. Sed extat in hominum manibus fidei nostræ confessio, quam maiestati tuæ obtulimus, inuictiss. Casar: quæ luculentum nobis testimonium reddit, quàm immeritò tot odiosis criminationibus vexemur. Et hæcenus semper ad reddendâ doctrinæ nostræ rationem fuimus parati. Ut hodie quoque sumus. Ne multis: nihil auditur in Ecclesiis nostris doctrinæ, quod non palam profiteamur. Quæ aliquid habent controuersie, ea perspicuè, & bona fide in confessione explicantur: & nihil est eorum, quod non sit à nostris hominibus

copi.

Reform
nraDoctrin
nra

copiosè tractatum, & expositum diligenter. Inde constare iudicibus non iniquis potest, quàm procul ab omni impietate absumus. Hoc cerè aquis iuxta ac iniquis constat, in eonò parum Ecclesiæ profuisse nostros homines, quod & mundum quasi ex profundis ignorantia tenebris excitantur ad Scripturæ lectionem: & ad sinceriorē eius intelligentiam multum contulerunt operæ: & locos doctrinæ Christianæ quosdam vtilēs cognitu imprimis fœliciter illustrarunt. In concionibus nihil ferè, præter aniles fabulas, aut commenta non minus inepta, audiebatur. Scholæ quæstionum rixis perstrepebant. Scripturæ illic rara mentio. Qui Ecclesiæ gubernacula tenebant, hoc vnum habebant curæ, ne quid quæstui decederet. Itaque quicquid erat ad farinas, non difficulter patiebantur. His quidem malis non nihile commendationis attulisse nostros homines, etiam iniquissimi concedunt: ut cunque nostram doctrinam multis postea criminationibus infament.

Verum nihil hoc valere ad culpam subleuandam velim, quòd multum utilitatis ex nostris laboribus perceperit Ecclesia, si quid alia ex parte nocuerimus. Excutiat ergo tota nostra doctrina, nos in administrandis Sacramentis noster, Ecclesiæ gubernandæ ratio. Nihil in his tribus deprehendemur nouasse ex veteri forma, quod non ad rectam verbi Dei normam restituere conati simus. Atque ut redeamus ad illam ante à nobis positam diuisionem: omnes, quæ inter nos sunt de doctrina controuersie, vel ad legitimum Dei cultum, vel ad certam salutis nostræ fiduciam pertinent. Certè ad colendum Deum, neque frigide, neque negligenter hortamur homines: & in definiendo modo, neque à scopo aberramus, nec quicquam omittimus, quod ad rem faciat. Prædicamus Dei gloriam multo magnificentius, quàm solia fuerit ante nos prædicari. Virtutes, in quibus ea relucet, ut magis ac magis innorescant, seriò laboramus. Ipsius erga nos beneficia, quibus possumus elogijs, extollimus. Inde excitantur homines tum ad suspiciendam eius maiestatem, tum ad exhibendam illi suæ magnitudine dignam reuerentiam, tum ad veram animi gratitudinem, tum ad confitendas eius laudes. Inde in ipsorum cordibus gignitur solida in ipso fiducia, quæ postea inuocationem parit. Inde etiam eruditur unusquisque ad veram sui abnegationem: ut, composita in obsequium Dei voluntate, proprijs desyderijs vale dicat. Denique, sicut spiritali modo à nobis coli vult Deus, ita in vrgendis omnibus sacrificijs spiritus, quæ nobis commendat, toto studio insistimus.

In his enim exhortationibus nos esse assiduos, ne aduersarij quidem nostri negare possunt: ne aliunde quicquid bonorum desyderant homines, quàm à Deo, expectent ipsius potentia confidant: in ipsius acquiescant bonitate: ab ipsius veritate pendeant: toto cordis affectu in eum ferantur: plena spe in eum recumbant: requirant ipsum in necessitate, hoc est, omnibus momentis: bona omnia accepta illi ferant: idque laudis confessione testentur. Et ne difficili accessu terreantur, ostēdimus bonorum omnium fontem in Christo nobis esse propositum, ex quo hauriamus quicquid nobis opus est. Testes etiam sunt libri nostri, testes conciones, nos & frequenter, & sedulò, incumbere in veræ pœnitentiæ commendationem: ut homines rationi, ac desyderijs carnis suæ, sicut in totum renuntient, quò ad vnius Dei obsequium compositi, non sibi amplius, sed illi viuant. Nec verò externa officia charitatisque opera prætermittimus, quæ eiusmodi renouationem sequuntur. Hæc, inquam, certa est & minimè fallax colendi Dei ratio: quam

illi approbari scimus: utpote, quam verbo suo præscripserit. Hæc sola sunt Christianæ Ecclesiæ sacrificia, quæ testimonium ab eo habeant.

Cum ergo adoretur in Ecclesiis nostris vnus Deus puro ritu, & absque vlla superstitione: cum eius bonitas, sapientia, potentia, veritas & reliquæ virtutes vberius, quàm alibi vsquam, prædicentur: cum vera fide inuocetur in Christi nomine: cum celebrentur eius beneficia & animis, & linguis: cum ad simplicem syncceramque eius obedientiam perpetuo reuocentur homines: cum denique nihil illic audiatur, quod non ad promouendam nominis illius sanctificationem spectet, quid causa est, cur nos tam malè excipiant, qui se Christianos profitentur? Primum, quod tam crassas idololatrias, quæ passim in mundo visuntur, acriter, sicut necesse est, reprehendimus, hoc ferre nequeunt, qui tenebras malunt, quàm lucem. Deum in simulacris adorari, fictitios institui cultus eius nomine, ad Sanctorum imagines supplicari, mortuorum ossibus diuinos exhiberi honores, & eius generis alia, abominationes, sicut sunt, ita esse clamamus. Ob hanc causam in nos inuehuntur, qui doctrinam nostram exosam habent: hæreticos nos faciunt, qui cultum Dei ab Ecclesia iam pridem approbatum conuellere audeamus. Quod Ecclesiæ nomen, clypei loco, subinde obiectant, de eo paulò post videbimus. Interea, quæ ista est perversitas, ubi tam flagitiose apparent cultus Dei corruptelæ, non modo eas tueri, sed ad eas quoque operiendas, ipsum Dei cultum impudenter obtendere?

Idololatriam vtrinque fatemur execrabile coram Deo scelus esse. Cum imaginum cultum attingimus, hinc protinus se opponunt aduersarij, ut patrocinium suum accommodent sceleri, quod nobiscum verbo damnauerant. Imo, quod magis ridiculum est, cum nobis assentiantur de Græco vocabulo, ubi id Latine vertitur, refragari tunc primum incipiunt. Imaginum enim venerationem fortiter defendunt: cum idololatriam damnent. Sed homines ingeniosi negant esse latriæ honorem, quem exhibent suis simulacris. Quasi verò si conferantur cum veteribus idololatriis, quicquam inter eos intersit. Prætexuerunt illi, cælestes se deos colere: sed sub figuris corporeis, quæ ipsos repræsentarent. Quid aliud isti prætexunt? Verum, an Deus eiusmodi excusationibus satisfieri sibi patitur? An propterea desierunt Prophætæ, Aegyptiorum increpare dementiam, quod ex arcanis theologiæ suæ mysterijs proferrent argutias, quibus elaberentur? Serpentem quoque æneum qualiter existimamus adoratum fuisse à Iudæis, nisi quod tanquam Dei simulacro honor est habitus? Gentiles, inquit Ambrosius, lignum adorant, quia Dei putant esse imaginem. Sed inuisibilis Dei imago, non in eo est quod videtur, sed in eo vti-que quod non videtur. Quid autem hodie fit? An non coram imaginibus, tanquam præsentem illis haberent Deum, se prosternunt? Dei porro virtutem & gratiam nisi statuis & picturis alligarent, an ad eas confugerent, cum orare volunt?

Ambr. in
Psalm. 8.

Ei nondum crassiores superstitiones attigi: quæ tamen rudibus imputari nequeant, cum publico consensu approbantur. Ornant sua idola, nunc floribus & coronis, nunc peplis, vestibus, zonis, crumenis, & ineptijs omne genus. Coram illis cereos accendunt, thus adolent: gestant ea humeris in pompa. Confluunt ex longinquis regionibus ad statuam vnã: cum domi similes habeant. Similiter cum in vno templo plures sint imagines, aut virginis Mariæ, aut alterius, alijs præteritis, vna, quasi diuinior, frequentatur. Cum ad Christophori precantur imaginem aut Barbaræ, precationem Dominicam, cum salutatione Angelica, illis occi-

occidunt. Prout vel formosæ, vel fumosæ sunt imagines, maiorem illis præstantiam affingunt. Accedit & ex fabulosis miraculis noua commendatio. Alias locutas esse fingunt: alias templi incendiū pede restinxisse, alias demigrasse sua sponte in nouum domicilium: alias è cœlo delapsas. His & similibus deliramentis cum totus mundus scatet, idquæ sit omnibus in propatulo, nos tamen, qui vnius Dei cultum ad verbi sui normam restituiimus, & restitutum seruamus diligenter, qui puri sumus, Ecclesiâsque nostras purgauimus ab omni, non modò idololatria, sed etiam superstitione, accusamur de violato Dei cultu, quòd imaginum veneratione, hoc est idololatriam, vt nos quidem interpretamur, vt autem mallunt hostes nostri, idoloduliam sustulerimus.

Atqui præter tam clara Scripturæ testimonia, quæ subinde occurrunt, etiam veteris Ecclesiæ autoritas nobis suffragatur. Quotquot enim extant purioris seculi scriptores, non alium imaginum abusum inter Gentiles describunt, quàm qui in mundo hodiè visitur: nec minus propriè in ætatem nostram comperunt, quæcunque ab illis dicuntur, quàm in eos ipsos, quos tunc reprehendebant. Quòd autem de sublatiis, tam imaginibus, quàm ossibus & reliquijs Sanctorum, nobis crimen intendunt, facilis est responsio. Neque enim pluri æstimari oportuit hæc omnia, quàm serpentem æneum: neque verò minor fuit causa, cur hæc remouerentur, quàm cur confringeretur ab Ezechia serpens æneus. Certum est, idolomania, qualiter nunc illa fascinatæ sunt hominum mentes, non aliter quàm, subducta insaniendi materia, curari posse. Et nos plus satis experimur, verissimum esse illud Augustini neminem orare vel adorare, simulacrum intuentem, qui non sic afficitur, vt ab eo exaudiri se putet. Item, plus valere simulacra ad curuandam infelicem animam, quòd os, oculos, aures, pedes, habent: quàm ad corrigendam, quòd non loquuntur, neque vident, neque audiunt, neque ambulant. Item, hoc fieri, & quodammodo extorqueri figura illa membrorum, vt animus in corpore viuens arbitretur sentire corpus, quòd suo similimum videt. In reliquis verò incredibile dictum est, quàm impudenter illud mundo fuerit. Possum tria Christi præputia nominare: similiter clauos quatuordecim, qui pro illis tribus ostentantur, quibus affixus cruci fuit: tres tunicas, pro illa inconsutili, super quam milites iecerunt forte: n. duos titulos cruci impositos: tres mucrones lanceæ, qua pectus Christi sauciatum fuit: linthea circiter quinque, quibus corpus eius in sepulchro fuit obuolutum. Monstratur præterea tota sacræ Cænæ suppellex: & infinita eius generis ineptiæ. Nullus est Sanctus aliquantum celebris, cui non affinxerint duo aut tria corpora. Possum locum nominare, vbi pumex pro cerebro Petri magno in honore fuit habitus. Et pudore impediòr, quominus alia fœdiora referā. Quamobrem immeritò accusamur, quòd talibus inquinamentis purgare studuerimus Dei Ecclesiā.

Hoc deinde nomine circa Dei cultum aduersarij nos accusant, quòd omisissis inanibus, nec minus ineptis pompis, & tantum ad hypocrisim compositis, simplicius Deum colimus. Nam in spiritali Dei cultu nihil fuisse à nobis diminutum, res ipsa testis est. Quin potius, cum magna ex parte obsoleuisset, quasi postliminio eum restituiimus. Nunc videamus, an iure nobis succenseant. Quòd ad doctrinam spectat, dico hinc nos communem habere causam cum Prophetis. Nam secundum idololatriam, nihil est quòd acerbius in populo suo exagitent, quàm quòd Dei cultum in externo apparatu, falsa opinione, collocabat. Quid autem

in summa pronuntiant? Deum non morari, nec pensi habere ceremonias, si in se tantum astantur: fidem & veritatem cordis respicere: ceremonias neque mandasse alio fine, neque approbare, nisi ut fidei sint, ac inuocationis pure, laudumque exercitia. Plena sunt his contestationibus Prophetarum omnium scripta. Nec ulla res alia fuit, sicuti dixi, in qua magis laborauerint. Hac porro cecitate magis, quam vnquam captam fuisse mundam, cum nostri homines pro luerint, negari, nisi impudenter, non potest. Erant igitur necessario prophetis illis obiurgationibus urgendi homines, & ab illa insania quasi violenter abstrahendi, ne amplius nudus ceremonijs, tanquam ludicris puerilibus, Deo satisfieri crederent. Urgenda similiter erat illa de spirituali Dei cultu doctrina: quæ ex hominum memoria euanuerat. Quorum vtrunque fideliter à nobis factum esse hæcenus, & adhuc fieri tum libri nostri, tum conciones luculentum testimonium reddunt.

Quod autem inuecti sumus in ipsas ceremonias, & alicubi quoque magnam earum partem abrogauimus, in hac re fatemur quidem, inter nos & Prophetas nonnihil interesse. Nam illi quidem in suum populum inuehebantur, quod Dei cultum in externis ceremonijs includeret, sed ab ipso Deo institutis. nos humanitus confictis ineptijs eundem haberi honorem, conquerimur. Illi, damnatis superstitionibus, ceremoniarum multitudinem, quam Deus iniunxerat, & quæ utilis aptaque erat pro ætate pedagogia, intactam relinquebant: nos multos ritus corrigendos curauimus, quod vel temerè obrepfissent, vel in abusum conuersi fuissent: deinde quod tempori minimè conuenirent. Nisi enim omnia velimus confundere, tenendum est semper discrimen illud veteris & noui Testamenti: quod ceremoniarum, quarum utilis sub Lege erat observatio, non superflua modò nunc sint, sed absurda quoque & vitiosa. Nam cum absentem tunc Christum, & nondum exhibitum adumbrando, spem aduentus eius in animis fidelium alerent, nunc nihil quam præsentem & conspicuam eius gloriam obscurant. Videmus quid Deus fecerit. Nam quas ipse ceremonias præceperat ad tempus, eas in perpetuum abrogauit. Rationem audimus ex ore Pauli: primum quod postquam exhibitum in Christo corpus est, faceffere umbræ debuerint: deinde, quod alio modo nunc Ecclesiam docere velit Deus. Cum Ecclesiam suam Deus ea, quam ipse imposuerat, seruitute liberauerit, quæ, obsecro, isthæc est prauitas, nouam ab hominibus excitari, veteris illius loco? Cum certam æconomiam Deus præscripserit: quæ superbia est, contrariam, & palam ab ipso repudiatam erigere? Sed illud pessimum, quod cum tam seueris interdictis omnes cõmentitios hominum cultus Deus toties prohibuerit, non nisi humanis figmentis colebatur. Quid est igitur, quod religionem à nobis in hac parte dissipatam vociferantur hostes nostri? Primum, nihil, vel minimo digito, attingimus, nisi quod pro nihilo Christus ducit, cum frustra coli Deum humanis traditionibus pronuntiat. Verum illud forsitan vtunque fuisset tolerabile: homines, inutiliter Deum colendo, perdere operam: sed cum alibi multis locis, sicuti dixi, nos sibi cultus præter verbum suum, institui vetet, seque hac audacia grauitè offendi affirmet, & poenam non leuem minetur, correctionem, quam adhibuimus, magna necessitate fuisse expressam, constat.

Neque verò me fugit, quàm difficulter hoc mundo persuadeatur: reijcere Deum, atque etiam abominari, quicquid ad eius cultum humana ratione excogitatur. Cuius erroris complures sunt cause. Suum enim cuique pulchrum, ut

Veteri prouerbio fertur: quo fit, ut quæ ex capite nostro nata sunt, magis nos delectent: & felicitij isti cultus sæpe ad aliquam sapientiæ speciem sunt compositi: sicut etiam Paulus fatetur. Præterea quoniam externum splendorem ut plurimum habent, qui in oculos incurrit, magis, pro natura nostra carnali, nobis arrident, quàm illa, quæ Deus sola & requirit & probat: cum minus habeant ostentationis. Nihil tamen magis obtenebrat hominum mentes, ut ita perperam de hac re iudicent, quàm hypocrisis. Nam cum veros Dei cultores cor & animum oporteat, afferre, cupiunt semper homines modum seruiendi Deo ab eo prorsus diuersum inuenire: ut scilicet, corporis obsequijs erga illum defuncti, animum sibi retineant. Porro dum externas pompas illi obtrudunt, hoc se artificio euasisse putant, ne offerre seipsum cogantur. Atque hæc causa est, cur innumeros cultus libentius suscipiant homines, quibus sine fine & modo misere fatigentur, & cur in labyrintho errare perpetuò malint, quàm simpliciter Deum colere in spiritu & veritate.

Improba igitur calumnia est, quòd hostes nostri facilitate & indulgentia nos allicere homines, criminantur. Nam si detur optio: quiduis potius semper eligeret homo carnalis, quàm ut Deum colere, ad doctrinæ nostræ præscriptum, consentiat. fidem & poenitentiam facile est nominare: sed res sunt ad præstandum difficilima. Quicumque igitur in his constituit Dei cultum, is minimè laxat habenas hominibus: sed cogit in eum ordinem, quò venire maximè reformidant. Cuius rei locupletissimum testimonium in re ipsa habemus. Plurimis & duris legibus adstringi se, ad plurimas & laboriosas obseruationunculas se cogi, rigidum & graue iugum sibi imponi, denique nihil non molestiæ sibi exhiberi patientur homines: modò ne cordis fiat mētio. Hinc apparet, nihil magis refugere hominis ingenium, quàm spirituales illam veritatem, de qua nos assidue cōcionamur: cum splendido illo apparatu, in quo tantopere insistant nostri aduersarij, obruatur. Hoc extorquet ipsa Dei maiestas, ne eximere nos ab eius cultu possimus. Necessitatem ergo Dei colendi dum effugere non possumus, quod reliquum est, obliqua diuericula quærimus, ne rectà in eius conspectum venire necesse sit: vel potius externis ceremonijs, tanquam speciosis laruis, abscondimus interiorem cordis malitiam: & corporis obsequia opponimus tanquam parietem intermedium, ne corde ad eum accedere cogamur. Eiusmodi subterfugia sibi excuti ægerrimè patitur mundus, atque hinc illæ lacrymæ, quòd ex illis latebris, in quibus securè cum Deo ludebant, in apertam lucem per nos extrahi sunt.

In oratione tria correximus. Nam & sanctorum intercessionem valere iussa, homines ad Christum renoucauimus: ut tum in illius nomine Patrem inuocare, tum eo Mediatore niti discerent: & ipsos docuimus, primum cum solida firmæque fiducia, deinde etiam cum intelligentia orare: cum autè confusas preces, lingua incognita, demurmurent. Hic proscindimur atrocibus conuijs, primum quòd in sanctos simus contumeliosi: deinde quòd fideles ingēti beneficio priuamus. Nos verò vtrunque negamus. Nam quòd illis Christi officium non patimur assignari, hoc fit sine vlla eorum iniuria. Nullum ergo illis suum honorem præripimus, sed qui temerè ac perperam, hominum errore, illis attributus erat. Nihil dicam, quod non possit digito monstrari. Principiò homines precaturi, Deum imaginantur procul abesse: nec ad eum, nisi patroni cuiuspiam ductu, patēre accessum. Neque inter rudes ac indoctos tantum vagatur falsa hæc opinio: sed qui duces cecorum ha-

beri volunt, ita quoque sunt persuasi. Porro in quærendis patronis, suum quisque sensum sequitur. Alius Mariam, alius Michaellem, alius Petrum eligit. Christum, ut plurimum, nullo loco, nec numero dignantur. Imo vix centesimus quisque reperitur, qui non stupeat, tanquam ad nouum portentum, si Christum audiat aduocatum nominari. Christo igitur præterito, in sanctorum patrocinis omnes acquiescunt. Gliscit deinde magis ac magis superstitio, ut promiscuè sanctos, non aliter quam Deum, inuocent. Fateor equidem, cum distinctius loqui volunt, non aliud petere eos à sanctis quam ut eorum precibus inuentur apud Deum. Sed sæpius, confuso hoc discrimine, nunc Deū nūc illos, prout tulerit mentis impetus, requirunt & implorāt. Quinetiam propria cuique prouincia est assignata: ut alius pluuiam, serenitatem alius conferat: alius liberet à febre, alius à naufragio. Verum ut profana ista ethnicorum deliria, quæ passim tamen grassantur in Ecclesiis, dissimulem, vna hæc impietas pro omnibus sufficiat, quod totus mundus hinc inde aduocatos sibi accersendo, Christum, qui vnus à Deo propositus erat, negligit; & sanctorum magis tutela, quam Dei protectione confidit.

At nostri reprehensores, etiam qui inter alios aliquanto plus habent æquitatis, modum in nobis desiderant, quod sanctorum mortuorum mentionem in totum ex precibus sustulerimus. Sed ex ipsis scire velim, quid eos peccare existiment, qui regulam à Christo optimo magistro, à Prophetis & Apostolis omnibus positam, fideliter obseruant: nec quicquam prætermittunt, quod vel Spiritus sanctus in Scripturis docuerit, vel serui Dei, à primi mundi origine vsque ad ætatem Apostolorum, in vsu habuerint. Nihil est ferè, de quo diligentius præcipiat Spiritus sanctus, quam de vera orandi ratione. Nulla est syllaba, quæ ad sanctorum mortuorum subsidium confugere nos doceat. Multæ complurium fidelium orationes extant. In illis ne vnum quidem eius rei exemplum est. Petebant quidem interdum à Deo Israelitæ, ut Abraham, Isaac, & Iacob, item, Davidis, recordaretur. Sed nihil aliud sibi volebant his verbis, nisi ut fœderis sui, quod cum illis pepigerat, memor, secundum promissionem suam posteris eorum beneficeret. Fœdus enim gratiæ, quod in Christo tandem sanciendo erat, receperant sancti illi patres, suo & posterorum nomine. Quamobrem fideles Israelitica Ecclesia, tali patrum mentione non suffragationem petunt à mortuis, sed promissionem simpliciter allegant, quæ apud illos deposita fuerat, donec in Christi manu rata ad plenum fieret. Quam igitur insana est curiositas, derelicta orandi forma, quam Dominus nobis cõmendauit, sine vlla doctrina, nullo exẽplo, sanctorum intercessionem precibus nostris inscrivere? Sed ut locum hunc breuiter concludā, in illa Pauli sententiā pedem figo, nō esse veram Dei inuocationem, nisi quæ ex fide nascitur: fidem autem esse ex verbo Dei. Satis, nisi fallor, istis verbis expressit, non alibi firmum orationis fundamentum esse, quam in Dei verbo. Et cum alibi in singulis vitæ actionibus fidem, hoc est, conscientiæ certitudinem necessariò præire iubeat, specialiter in hac, & magis quam in alijs omnibus, requiri ostendit. Hoc tamen adhuc aptius ad præsentem causam, cum ex Dei verbo pendere orationem testatur. Perinde enim est, ac si vniuersos homines hincere prohiberet, nisi Deo quasi verba præeunte. Hic est nobis murus athenicus, quem frustra omnes portæ inferorum diruerent abunt. Cum igitur de vno Deo inuocando clarum extet mandatum: cum deinde propositus sit mediator vnus, cuius intercessionem suffulta esse debeant nostræ preces: cum addita

quo

quoque sit promissio, quicquid in nomine Christi petierimus, nos impetraturos: dabunt veniam homines, si certam potius Dei veritatem, quam friuola ipsorum commenta, sequamur. Certè, qui mortuorum intercessionem Deo in precibus obijciunt, ut facilius, illa adiuti, quod petunt obtineant, alterutrum ex duobus probent, necesse est: aut se ita edoctos esse Dei verbo: aut licere hominibus orare, ut libuerit. Atqui destitui eos omni tam Scripturæ testimonio, quam probato sanctorum exemplo, palam est: in secundo autem reclamat Paulus, qui inuocari Deum posse negat, nisi ab ijs, qui sint eius verbo instituti ad orandum. Hinc illa pendet fiducia, qua pias mentes, cum ad orandum accedunt, præditas instructasque esse conuenit. Mundus Deo supplicat, de successu interea dubius. Nam neque in promissione recumbit: nec percipit quid istud valeat, habere mediatorem, per quem certo sit impetraturus quod petit. Porro Deus venire nos iubet, minimè hæsitantes. Ita oratio, quæ ex vera fide profecta, Dei gratiam conciliat: eadem cum eiusmodi trepidatione coniuncta, potius eum à nobis alienat. Hac enim est propria nota, quæ puram vnius Dei inuocationem à profanis & vagis ethnicorum precationibus discernit. Proinde, hac sublata, oratio Dei cultus esse desinit. Atque idest, quod vult Iacobus. Qui indiget sapientia, inquit, postulet à Deo. Sed postulet in fide, nihil hæsitans. Nam qui hæsitat, is similis est fluctui maris, qui ventis agitur, & impetu rapitur. Verùm nihil mirum, si Christo vero mediatore destitutus, ita incertitudine diffidentiæque fluctuat. Ille enim vnus est, ut inquit Paulus, per quem habemus audaciam, & aditum cum fiducia, ad Patrem. Nos igitur, homines ad Christum adductos non amplius alternare orando, aut vacillare, ut solebant, docuimus: sed tutò acquiescere verbo Domini iussimus: quod ubi semel in animum penetrat, omnem inde, quæ fidei repugnat, dubitationem procul excutit.

Restat tertium vitium, quod in oratione correxisse nos dixi. Nam cum lingua incognita vulgò precarentur homines, precandum cum sensu esse docuimus. Itaque, secundum nostram doctrinam, sic quisque orare priuatim instituitur, ut intelligat quæ à Deo petit. Sic etiam compositæ sunt publicæ preces in Ecclesiis nostris, ut à singulis possint intelligi. Atque ita dicat naturæ ratio: etiam si nihil Deus hac de re preciperet. Hic enim est orationis finis, ut suarum necessitatum testem, & conscium Deum faciant homines, & quasi corda sua coram eo effundant. Nihil ergo ab ea magis alienum, quam sine mente & intelligentia, linguam mouere. Atqui eo stupiditatis ventum erat, ut vulgari lingua orare, propè in religionem verteretur. Possum Archiepiscopum nominare, qui carcerem & atrociores poenas minatus est si quis orationem dominicam, aliter quam latinè, pronuntiaret. Cæterum illa ferè communis omnium fuit persuasio: qua quisque lingua domi oraret, nihil interesse, modò finalis, ut aiebant, mentis intentio ad orandum destinaretur. In templis autem hoc visum est plurimum ad dignitatem pertinere, ne alia, quam latina lingua, preces solennes conciperentur.

Hoc quidem iam portentum simile, ut nuper dixi, colloquium cum Deo habere velle inani linguae sonitu. Hoc etiam si sibi displicere Deus ipse non testetur, natura, sine alio monitore, respuit. Præterea ex tota Scripturæ doctrina iudicare promptum est, quantum opere talem fictionem abominetur Deus. De publicis autem Ecclesiæ precibus, clara sunt Pauli verba: non posse idiotas respondere amen, si benedictio linguae aliena fiat. Quò magis mirum est, eò impudentiæ progressos esse,

qui hunc tam peruersum morem introduxerunt primi, ut hoc ipsum, tanquam orationis maiestati congruum, appeterent, quod Paulus pro summo absurdo ducit. Rideant ergo nostram rationem, ut volent, aduersarij, quod populari lingua Deum communiter omnes in Ecclesijs nostris precantur, quod psalmos viri & mulieres indifferenter canunt, modò è cælo spiritus sanctus testimonium nobis reddat: confusas verò sine mente voces, quæ alibi eduntur, repudiet.

In altera præcipua doctrinæ parte, qua tractatur, ubi sita sit hominum salus, & qua via ad eam peruenire possint, multæ quæstiones continentur. Nam cum hominem iubeamus, extra seipsum, hoc est, in solo Christo, iustitiam & vitam querere: quia penes se nihil, nisi peccatum & mortem, habeat: primum nobis de libero arbitrio, eiusque facultatibus, exoritur certamē. Etenim si quid per se valeat homo ad promerendum Deum, iam non in solidum salutem, Christi gratia, consequetur, sed partem ipse sibi conferet. Rursum si tota salus Christi gratia refertur accepta, nihil homini sit reliquum, quo sibi ipse, suapte scilicet virtute, ad comparandam salutem opituletur. Nostri autem aduersarij sic hominem à spiritu sancto adiuuari ad bene agendum concedunt, ut partem illi nihilominus vindicent. Hoc ideo fit, quia, quantum ex primi parētis lapsu inflatum sit naturæ nostræ vulnus, non percipiunt. Fatentur quidem nobiscum peccatum originale: sed vim eius postea extenuant, cum debilitatas modò fuisse hominis vires arbitrantur, nō autem prorsus deprauatas. Itaque definiunt, hominem originali corruptione infectum, non sufficere quidem ad bene agendum, propter virium infirmitatem: adiutum autem Dei gratia, habere aliquid proprium & à seipso, quod conferat. Nos verò tametsi hominem sponte & libera voluntate agere, non diffitemur, cum à spiritu sancto regitur, ea tamen prauitate imbutam esse asserimus totam eius naturam, ut ad bene agendum prorsus sit à seipso inutilis. De eo ergo tantum dissidemus ab ijs, qui se doctrinæ nostræ opponunt: quod cum illi, neque hominem satis humiliant, nec regenerationis beneficium pro dignitate extollant, hominem ita prosternimus, ut in nihilum redactus, quod ad spiritualem iustitiam attinet, non partem sed plenitudinem iustitiæ petere à Deo discat. Videmur forte quibusdam, parum æquis iudicibus, modum excedere. Sed nihil in doctrina nostra aut absurdum, aut dissentaneum, nec à sacris scripturis, nec à communi veteris Ecclesiæ sensu. Quinetiam ad verbum ex ore Augustini confirmare nullo negotio liceat, quicquid tradimus. Itaque complures ex ijs, qui erga causam nostram aliàs malè affecti sunt, quod paulò saniore sunt iudicio, contradicere in hac parte nobis non audent. Certè nihil ab alijs differimus, sicuti dixi, nisi quod nos hominem, inopiæ impotentiaque suæ conuictum, melius ad veram humilitatem erudimus, ut abdicata in totum sui fiducia, in Deum totus recumbat: item ad gratitudinem, ut Dei beneficentia, quicquid habet boni, transcribat: sicut reuera ab ipso estulli verò peruersa propriæ virtutis opinione inebriatum præcipitant ad ruinam: & impia aduersus Deum arrogantia inflant, ne sibi minus, quàm Deo, iustitiæ gloriam assignet. Accedit & tertium malum, quod tota eorum de naturæ corruptione disputationes in crassioribus carnis concupiscentijs ferè subsidunt: interiores verò morbos, qui longè sunt capitaliores, non attingunt. Ita fit, ut qui in eorum schola sunt instituti, in teterrimis peccatis, modò sint occulta, sibi securè ignorent, quasi nihil peccet.

Sequitur postea quæstio de operum merito ac dignitate. Nos verò & bo-

na opera ornamus veris laudibus: neque negamus mercedem illis repositam esse apud Deum. Sed tribus exceptionibus utimur: in quibus totus disputationis, quæ adhuc de hominū salute reliqua est, cardo vertitur. Primum dicimus, qualiacūque sint ullius hominis opera, non aliunde tamen iustum coram Deo censei, quàm ex gratuita misericordia, quod Deus, citra aliquem operum respectum, gratis eum in CHRISTO amplectitur: CHRISTI iustitiam illi, tanquàm propriam, imputando. Hanc nos fidei iustitiam vocamus: cum homo scilicet, vacuus & exinanitus omni operum fiducia, hanc sibi unicam rationem esse statuit, qua Deo sit acceptus, cum iustitiā, quæ sibi deest, à Christo mutuatur. In eo mundus semper hallucinatur (nam hic omnibus ferè seculis grassatus est error) quòd hominem, utcumque ex parte deficiat, mereri tamen aliquousque operibus gratiam apud Deum imaginatur. At Scriptura omnes maledictos esse pronuntiat, qui non ad plenum observauerint, quæcunque scripta sunt in libro legis. Huic maledictioni subiaceret necesse est, quotquot ab operibus æstimentur: eximitur autem nemo, nisi qui operum fiducia in totum valere iussa, Christum induit, ut in illo iustus, gratuita Dei acceptione, censeatur. Inde ergo iusti sumus, quòd nos Deus, nullo operum nostrorum, sed solo Christi intuitu, sibi reconciliat: & ex filiis iræ, gratuita adoptione, filios suos facit. Quandiu enim opera nostra respicit, causam non inuenit, cur nos amare debeat. Quamobrem necesse est, ut, sepultis peccatis nostris, Christi obedientiam, quæ sola eius conspectum sustinere potest, acceptam nobis ferat, eiusque merito nos amplectetur pro iustis. Hæc est clara & perpetua Scripturæ doctrina, quæ testimonium quidem, ut ait Paulus, habet à Lege & Prophetis: sed per Euangelium sic explicata est, ut nulla clarior lux desiderari debeat. Legis iustitiam cum Euāgelij iustitia confert Paulus: illam in operibus locat: hanc in Christi gratia. Neque inter opera & Christum dimidiat, sed in solidum Christo adscribit, quòd coram Deo iusti censemur. Duo hîc in quæstionem veniunt: utrum inter nos & Deum diuidenda sit salutis nostræ gloria: utrum in operum fiducia tuto acquiescere coram Deo conscientia nostræ possint. De priore ita definit Paulus: ut omne os obstruatur, & obnoxius reddatur totus mundus Deo, omnes ad vnum reos esse iniustitiæ, & gloria destitutos: gratis autem iustificari illius gratia, per redemptionem quæ est in Christo Iesu, idque ad ostensionem illius iustitiæ, ut sit ipse iustus, & iustificans eum, qui est ex fide Christi. Vnde colligit, exclusam omnem carnis gloriationem esse. Hanc nos definitionem simpliciter sequimur: reclamant aduersarij, non aliter iustificari hominem Dei gratia, nisi ut pars laudis in eius operibus resideat. De altero ita ratiocinatur idem Paulus: si ex lege esset vitæ hereditas, irritam fidem fore, & promissionem nullam. Vnde concludit, fide nos hereditatem consequi, ut firma sit promissio. Item, iustificatos in Christo, pacem habere, neque amplius formidare Dei conspectum. Intelligit autem, quòd pro se quisque nostrum experitur, fieri aliter non posse, quin perpetua inquietudine vexentur, ac æstuent conscientia, quamdiu ad operum præsidium circumspectant: ac tunc demum serena placidaque tranquillitate frui, cum ad Christum se contulerunt, tanquàm ad unicum veræ fidei portum. Ad hanc doctrinam nos nihil addimus. Sed quòd Paulus pro ingenti absurdo ducit, conscientias dubitatione inquietari, aduersarij inter prima fidei suæ axiomata numerant.

Secundæ exceptio, qua utimur, ad peccatorum remissionem pertinet. Nam

aduersarij quidem, cum negare nequeant, homines tota vita claudicare, saepe etiam labi: fateri, velint nolint, etiam coguntur, venia omnes indigere, per quam iustitia defectus suppleatur. Sed satisfactiones postea fingunt, quibus Dei gratiam redimant, qui peccarunt. In hoc gradu constituunt primum contritionem, deinde opera, quæ vocant supererogationis, & quæ peccatoribus irrogantur à Deo pœnæ. Porro quoniam compensationes istas à iusta mensura longè adhuc abesse sentiunt, aliunde accersunt nouum satisfactionis genus: ex beneficio clauium scilicet. Clauibus autem reſerari dicunt thesaurum Ecclesiæ: vt quod nobis deest, ex Christi & sanctorum meritis suppleatur. Nos verò, gratuitò remitti hominibus peccata asserimus, nec ullam agnoscimus aliam satisfactionem, nisi qua defunctus est Christus, cum sacrificio mortis suæ, peccata nostra expiauit. Solius ergo Christi beneficio fieri prædicamus, vt reconciliemur Deo: nec ullas hîc compensationes venire in rationem: cum sola Christi expiatione cõtentus cœlestis Pater, nullâ à nobis requirat. Huius nostræ doctrinæ luculentâ habemus approbationem ex Scripturis: tametsi non nostra, sed catholica potius Ecclesiæ dicenda est. Hunc enim modum redeundi cum Deo in gratiam solum proponit Apostolus: quòdis qui peccatum non nouerat, pro nobis factus sit peccatum, vt efficeremur iustitia Dei in illo. Et alibi, cum de remissione peccatorum loquitur, per eam nobis imputari absque operibus iustitiam, testatur. Quòd ergo suis satisfactionibus promereri se imaginantur aduersarij reconciliationem cum Deo pœnâsque redimere ipsius iudicio debitas, execrabilem esse blasphemiam, fortiter, sicuti est, asseueramus: cum ita destruatur quod Iesaias de Christo tradit, disciplina, aut correptione patris nostræ eum esse perfectum. Ineptum quoque illud de operibus supererogationis commentum cur repudiemus, multæ sunt causæ: sed duæ plus satis graues: quòd nec villo modo tolerabile est, plus posse Deo prestare hominem, quàm debeat: & eo nomine, vt plurimum, cultus voluntarios intelligunt, quos dum homines ex suo cerebro fictos Deo obtrudunt, oleum perdunt & operam: tantum abest, vt iræ Dei placandæ piacula censerî debeant. Porro Christi sanguinem cum Martyrum sanguine sic misceri, vt ad redimendas, quæ peccatis debentur, pœnas, confusus, meritorum, aut satisfactionum acervus fiat, nec debemus ferre, nec tulimus. Nullius enim Martyris sanguis, vt ait Augustinus, in remissionem peccatorum fusus est. Hoc solius Christi fuit opus, in quo non quod imitemur, sed quod gratularemur, conſulit nobis. Cui præclare succinit Leo, cum ita scribit: *Quauis in Dei conspectu multorum Sanctorum preciosa mors fuerit, nullius tamen insonis occisio propitiatio fuit mundi, accepere iusti, non dederunt coronas: & de fortitudine fidelium nata sunt exempla patientiæ, non dona iustitiæ.*

Tract. in
Ioan. 84.

Epist. 81.
Item 97.

Postrema nostra exceptio est de remuneratione operum: ne pendere ex eorum merito, vel precio existimetur, sed ex mera potius Dei benignitate. Fatentur quidem etiam aduersarij, inter meritum operis, & præmium, non esse æqualitatem. Verum, quod præcipuum est in hac re, non considerant: bona fidelium opera nunquam tam pura esse, vt placere, sine venia, queant. Non considerant, inquam, aliquibus semper nauis, aut maculis aspersa esse: eò quòd nunquam ex pleno perfectioque illo Dei amore, qui in Lege exigitur, fluant. Nos ergo sic docemus: semper deesse bonis fidelium operibus summam puritatem, quæ Dei conspectum ferre possit: imo etiam quodammodo inquinata esse, si summo iure examinentur. Verum ubi se-

mel

mel fideles in gratiam adoptionis recepit Deus, non eorum modò personas amplecti & amare, sed opera etiam, ut ea mercede dignetur. In summa, sicut de homine dictum est, ita de operibus censemus: iustificari scilicet ea, non propria dignitate, sed merito vnius Christi: dum vitia, quibus alioqui displicerent, Christi sacrificio sepeliuntur. Hæc admonitio perquam utilis est cognitu, tum ad homines in Dei timore retinendos, ne operibus suis arrogant, quod ex paterna Dei benevolentia provenit: tum ad eos optima consolatione erigendos, ne animos despondant, dum operum suorum vel immunditiam, vel imperfectionem reputant: cum audiant paternam Dei indulgentiam eam sibi ignosci.

Doctrinam sequuntur sacramenta, in quibus nihil est à nobis correctum, quod nō firma testatæque authoritate defendere liceat. Cum septem esse crederentur à Deo instituta, quinque ex eo numero sustulimus: ac demonstravimus, ceremonias esse humanitus introductas, excepto coniugio: quod à Deo quidem mandatum, sed minimè ut sacramentum foret, agnoscimus. Neque verò de nihilo litigamus, cum ritus, hominum cōsilio superadditos, etiam si aliàs non mali essent nec inutiles, separamus à sacrosanctis illis symbolis, quæ & ore suo nobis commendavit Christus, & testimonia esse voluit spiritualium donorum: quæ ut non sunt in hominum potestate, ita, de ijs testari minimè possunt. Nō est profectò res vulgaris, obsignare cordibus nostris arcanā Dei benevolentiam, Christum offerre, & representare, quæ in ipso percipimus bona. Hoc officij cum habeant Christi sacramenta, non discernere ab illis ritus ab hominibus profectos, cœlum terræ miscere est. Quanquam hic duplex error inualuerat, quòd subiato inter diuina & humana discrimine, nimium derogabant sacro Dei verbo, quo tota vis Sacramentorum constat: & quòd Christum falsò eorum esse authorem putabant, quæ non nisi ab hominibus habebant originem.

Ex baptismo similiter multa additamenta, quæ partim inutilia, partim ob superstitionem noxia erant, rescidimus. Scitur quānam baptisandi formam acceperint à Christo Apostoli, quam observauerint sua ætate, quam denique posteris reliquerint. Hæc simplicitas, quæ Christi authoritate, & Apostolorum usu comprobata erat, posterioribus seculis non satisfecit. Non disputo in præsentia, quānam iustis rationibus fuerint adducti, qui chrisma, sal, sputum, cereos postea addiderunt. Tantum dico, quod neminem lateat, eò ventum fuisse aut superstitionis, aut stultitiæ, ut multò piurus fierent eiusmodi accessiones, quàm ipsa baptismi veritas. Præposteram quoque fiduciam tollere studuimus, quæ in externa actione defixa, in Christum minimè respiciebat. Ita enim, tam in scholis quàm in concionibus, signorum efficaciam extulerunt, ut homines ad Christum non dirigendo, visibilibus elementis confidere docerent. Postremo renocavimus antiquum morem, ut cum doctrina, in Ecclesiis nostris administraretur. Porro diligenter & optima fide tum utilitatem, quam nobis affert, tum legitimum ipsius usum exponimus, ut ne aduersarij quidem habeant in hac parte, quod reprehendant. Nihil autem magis alienum à Sacramentorum natura, quàm inane spectaculum populo, absque mysterij enarratione, exhiberi. Notum est illud, quod ex Augustino sumpsum refert Gratianus, Nihil aquam esse, nisi elementum, fides verbum. De quo autem verbo sentiat, continuo interpretatur, cum inquit: Hoc est verbum fidei, quod prædicamus. Novum ergo aduersarijs nostris videri non debet, si nos signi exhibitionem, à mysterij in-

telligentia separatam, improbamus. Est enim sacrilegum diuortium, quod ordinem à Christo positū euerit. Tametsi aliud præterea vitium in vulgari & alibi usitata administratione accedit, quod pro religione habent, non intelligi: qualiter in magicis incantamentis fieri solet.

Iam verò sacrosanctam Domini Cœnam, alterum Christianæ Ecclesiæ Sacramentū, nō pollutam modò, sed propè abolitam fuisse, antè dixi. Quo magis in ea repurgandā laborandum nobis fuit. Primò impium illud de sacrificio cōmentum, quod multas absurditates continebat, reuellere ex hominū animis, necesse fuit. Præterquā enim quòd contra disertam Christi institutionem, erectus fuerat oblationis ritus, addita fuerat pestilētiū, & opinio: actionē illā expiationē esse pro peccatis.

Ita sacerdotij dignitas, quæ in solum Christum competeat ad homines mortales, & virtus mortis ipsius, ad horum opus translata fuerat. Inde quoque fluxerat applicatio pro viuis & mortuis. Abrogata igitur commentitia illa immolatione, cōmunionē restituiamus: quæ maxima in parte obsoleuerat. Modò enim semel quotannis accederent homines ad mēsam Domini, toto anni cursu satis putabant esse, si spectarent quòd à sacerdote agebatur: cœnæ quidem Dominicæ prætextu: sed ita ut nullum illic cœnæ vestigiū extaret. Quæ enim sunt Domini verba? Accipite, inquit, & distribuite inter vos. In missa verò, pro receptione, oblationis simulatio: distributio nulla, ac ne inuitatio quidem, sacerdos enim, quasi refectum à reliquo corpore membrum, soli sibi parat, & solus sumit. Immane quantum hæc inter se differunt! Præterea calicis usum reddidimus populo, qui cū illi à Domino non modò permissus, sed cōmēdatus foret, non alio sanè authore, quàm Sathana, ablatu fuit. Ex ceremonijs multas abdicauimus: partim quia multitudo præter modum excreuerat: partim quia aliæ iudaismum nimis redolebant: aliæ ab imperitis hominibus inuenta tanti mysterij grauitati parum congruebant. Verū demus nihil aliud fuisse mali, nisi quòd temerè obreperant: an non fuit satis idonea causa cur tollerentur, cū vulgus hominum in illis obstupescere cerneremus?

Ad transubstantiationis commentum, ad morem item custodiendi & gestandi panis damnadum, maior nos impulit necessitas. Primum repugnat apertis Christi verbis: deinde à perpetua sacramentorum abhorret ratione. Neque enim Sacramentum est, ubi non conspicitur visibile symbolum, quod similitudinem habeat cum spiritali, quam figurat, veritate. Et de cœna clarum est, quod dicit Paulus: Nos vnum esse panem & vnum corpus omnes, qui vnius panis participes sumus. Vbi analogia aut similitudo signi visibilis in Cœna, quæ corpori & sanguini Domini respondeat, si panis non est, quo vescimur, neque vinum, quod illic bibitur, sed inane modo spectrum, quod oculos ludat? Adde, quòd huic commento simul continuo adhæret deterior superstitio, ut in pane, tanquam in Deo, hæreant homines, illumque pro Deo adorent: qualiter videmus fuisse factum. Nam cū adminiculo deberet esse sacramentum, ad erigendas in cælum pias mentes, prorsus in contrarium finem sacris cœnæ symbolis abusus est mundus, ut scilicet illorum aspectu cultūque contentus, mentem ad Christum vsque non attolleret. Gestari verò panē in pōpa, aut editiore loco reponi, ut adoretur, nimis aliena est ab institutione Christi corruptela. Porrigit enim nobis in cœna Dominus corpus & sanguinē suum: sed ut edamus & bibamus. Itaque mandatū priore loco ponit: quo iubet accipere māducare, bibere: huic deinde subiungit & annectit promissionē: qua testatur, id quòd edi-

mus,

mus, esse corpus suum: quod bibimus, esse suum sanguinē. Qui igitur panē ad cultū vel repositum habent, vel circumferunt, cum promissionē separent à mandato, hoc est, iugum insolubile abrumpant, Christi quidem corpus imaginantur se habere: sed non, nisi idolum habent, quod sibi ipsi somniarunt. Siquidem non ad alios pertinet hac Christi promissio, qua nobis sub symbolis panis & vini, corpus & sanguinem suum offert, quàm ad eos, qui sumunt ex eius manu, ut mysterium celebrent, quod ipse præcipit. Qui verò suo arbitrio panem ad aliam actionem conuertunt, illis, cum promissione careant, nihil nisi suum somnium superest. Postremò doctrinam, mysterijque enarrationem, quæ à populo exaudiretur, reuocauimus: cum antè sacerdos non modò lingua extranea vteretur, sed verba, quibus panem & calicem putabat consecrari, submissa voce demurmuraret. Hic nihil habent reprehenses nostri in quo nos carpant, nisi quòd Christi mandatum simpliciter sequuti sumus. Non enim tacito exorcismo panis præcepit, ut corpus suum fieret: sed Apostolis clara voce pronuntiavit, suum illis corpus se dare.

Interea sicut Baptismi, ita & sacra Cœna finem, efficaciam, vtilitatem, vsum fideliter, & qua possumus optima diligentia, populo tradimus. Exhortamur primum omnes, ut fidem afferant, qua intus percipiant, quod illic representatur oculis: hoc est, spirituale alimentum, quo solo animæ in vitam æternam pascuntur. Testamur Dominum nihil hic signis polliceri aut figurare, quod non reipsa exhibeat. Corpus ergo & sanguinem Christi, & offerri in Cœna nobis à Domino, & à nobis recipi prædicamus. Nec ita panem & vinum symbola esse docemus, quin continuò addamus, coniunctam simul esse veritatem, quam significant. Quis, & quàm insignis inde fructus ad nos redeat, & quàm hic præclarum salutis & vitæ pignus habeant conscientia nostra, non tacemus. Neque verò hoc mihi negabunt, quicunque aliquid habent ingenuitatis, multò illustriorem apud nos audiri explicationem mysterij huius, ac plenioribus eloquijs eius commendari dignitatem, quàm aliubi vsquam fieri soleat.

In Ecclesiæ regimine nihil habemus ab alijs diuersum, cuius non constet nobis optima ratio. Pastorale munus restituimus tum ad regulam Apostolicam, tum ad veteris Ecclesiæ consuetudinem: ut quicumque Ecclesiæ præsent, doceant. Eisdem retinendos in gradu non esse contendimus, nisi officium facere pergant. In iisdem eligendis plus religionis & curæ adhibendum esse admonuimus, & ipsi studuimus adhibere. Satis constat, quale examinis genus per suos suffraganeos, aut vicarios exerceant Episcopi. Et ex ipso fructu, qui inde manat, licet coniecturam capere. Nam quàm inertes nihilique homines passim ad sacerdotij honore promoueant, nihil attinet commemorare. Apud nos, etiam si qui ministri reperiuntur non magnæ doctrinæ, nullus tamen admittitur, qui non mediocriter saltem aptus sit ad docendum. Quòd non omnes sunt magis absoluti, id temporum potius calamitati, quàm nobis imputandum. Hoc tamen nobis iure gloriari licet, licetque semper, non negligenter delectos videri posse Ecclesiarum nostrarum ministros, si cum alijs comparentur. Cum autem in examine & electione aliquanto sumus superiores, in eo longe præcellimus, quòd nemo apud nos pastoris locum occupat, qui munus non exequatur. Nulla itaque apud nos Ecclesia sine ordinaria Verbi Dei prædicatione visitur.

Hac cum aduersarios pudeat negare (quid enim in tanta luce negando proficeret?)

de iure primum & potestate, postea de ordinandi forma, litigant nobiscum. Citant vetustos canones, qui Episcopos & clerum huic rei præficiunt. Allegant continuam successionem, qua sibi hæc potestas, ab ipsis usque Apostolis, per manus fuerit tradita. Alio igitur transferri, fas fuisse negant. Vtinam verò, quam iactant possessionem, suo merito retinuissent. Sed si expendimus, primum quo ordine iam per aliquot secula prouehantur Episcopi ad hanc dignitatem, tum qualiter in ea se gerant, tum etiam quales creare soleant, quibus committant Ecclesiarum gubernacula, videbimus illam, qua superbiunt, successionem iam pridem intercidisse. Eius, qui ad episcopatum, vel presbyterium recipiendus est tum doctrinam, tum vitam prius iusto examine probari volunt antiqui canones. Extat inter acta concilij Aphricani quarti de hac re luculentum documentum. Porro eius, qui à clero nominatus esset vel recusandi, vel approbandi arbitrium penes populum & magistratum erat: ne quis inuitis, aut non consentientibus obruderetur. Qui præfaturus est omnibus, inquit Leo epistola. 90. ab omnibus eligatur. Qui enim ignotus & non examinatus præficitur, necesse est, ut per vim intrudatur. Item, epistola 37, Teneatur honoratorum testimonium, subscriptio clericorum, ordinis consensus atque plebis. Aliter fieri nulla ratio finit. Hoc ipsum Cyprianus quoque, & quidem vehementius, contendit: diuina autoritate sancitum esse affirmans, ut sacerdos, plebe præsentē, sub omnium oculis deligatur: ut dignus & idoneus omnium testimonio comprobetur. Tantisper stetit hæc disciplina, dum tolerabilis fuit Ecclesie status. Siquidem plenæ sunt Gregorij epistolæ testimonijs, quæ illa ætate diligenter fuisse obseruatam ostendunt.

Quemadmodum docendi necessitatem Episcopis omnibus iniungit Spiritus sanctus in Scripturis, ita simile portenti habitum fuisset in veteri Ecclesia, Episcopum nominari, qui non simul pastorem se, doctrina, exhiberet. Neque alia cōditione in illam gradum recipiebantur. Eadem in presbyteris, prout certæ quisque parochiæ destinabatur, ratio valebat. Hinc illa decreta: Ne secularibus negotijs implicentur: ne longius à sua Ecclesia excurrant: ne diu absint. Iam ad ordinandum Episcopum, ut conuenirent ex tota prouincia alij Episcopi, sancitum erat decretis synodalibus. Quod si commodè id fieri non posset, ne saltem minus quàm tres adessent. Idque in eum finem, ne quis, aut per tumultum se ingereret, aut furtim obreperet, aut obliquis artibus se insinueret. In presbyteri ordinatione Episcopus suorum quisque presbyterorum concilium adhibebat. Hæc, quæ in disputatione longius narrari, & accuratius confirmari possent, obiter tantum hîc commemoro: quia inde iudicare promptum erit, quantum habere debeat momenti hic, quem Episcopi nostri ad perstringendos oculos obiectant, successionis fumus.

Hanc sibi hæreditatē relictam à Christi Apostolis fuisse asserunt, ut Ecclesijs soli præficiant quos velint: & nos, quia præter eorum autoritatem fungamur ministerio, in suam possessionem, sacrilega temeritate, inuasisse conqueruntur. Unde probant? Quia continuo tenore Apostolis successerint. Verum an id satis est, ubi reliqua omnia sunt dissimilia? Ridiculum id quidem dictu foret. Dicunt tamen. In ipsis eligendis nulla neque vitæ, neque doctrinæ habetur ratio. Populo erepta suffragiorum libertas. Quinetiam, excluso reliquo clero, ad se canonici totam potestatem traxerunt. Ordinationem quoque Romanus pontifex, prouincialibus Episcopis ereptam, soli sibi arrogat. Iam quasi ad profanam dominationem creati forent,

vent, nihil minus, quàm de gerendo episcopatu cogitant. Denique cùm videatur facta inter eos conspiratio, ne quid vel cum Apostolis, vel cum sanctis Ecclesie patribus habeant simile, hunc solum colorem obtendunt, quòd perpetua serie, ab illis descenderint. Quasi verò hanc legem aliquando tulerit Christus, ut qualescunque futuri essent, qui præsesserat suæ Ecclesie, pro Apostolis agnoscerentur: aut quasi hereditaria aliqua sit possessio, quæ ad indignos, non minus quàm ad dignos, transeat. Adde quòd, sicut de Milefis dicitur, inter eos cautum est, ne quem omnino bonum in cœtum suum admittant: aut si forè per errorem admiserint, ferant. De multitudine loquor. Nam paucos non nego inter eos, bonos esse. At, vel metu silent, vel non audiuntur. Qui ergo Christi doctrinam persequuntur ferro & igni: qui neminem impune, sincere loqui de Christo sinunt: qui veritatis cursum impediunt, quibus possunt modis: qui fortiter resistunt, ne Ecclesia, quam affluerunt, se iterum erigat: qui quoscunque bene & pie sentire de Ecclesia salute suspicantur, arcent à ministerio: vel si iam recepti sint, extrudunt: ab illis scilicet expectandum erat, dum fideles ministros, qui populum in religione pure instituerent, ipsi in officio collocarent suis manibus.

At cùm vice proverbijs usitata sit inter eos Gregorij sententia, privilegium meri amittere, qui privilegio abutuntur, aut prorsus alij sint, & alios eligant ad Ecclesiam gubernandam, aliamque rationem teneant, necesse est: aut conqueri desinant, iure, quod sibi cõpetebat, se fuisse perperam & iniuria spoliatos. Aut si maluit aperius: alia ratione perveniant ad episcopatum, quàm pervenerint: alio more & ritu ordinentur: munus suum, plebè pascendo, impleant, si pro Episcopis agnosci volunt. Vt potestatem nominandi & ordinandi retineant, iustum illud & serium doctrinæ vitæque examen restituant: quod iam multis seculis inter eos obsolevit. Quanquàm hæc una ratio instar mille habenda: quòd omnem in Ecclesia auctoritatem perdidit, qui cumque se sanæ doctrinæ hostem esse re ipsa ostendit: qualicumque interea titulo se vendidet. Scitur, quid de hæreticis præcipiant veteres synodi: quam illis potestatem relinquunt. Nominatim certè vetant, ne quisquam ab illis ordinationem petat. Hoc ergo ius tueri nemo potest, nisi qui doctrinæ puritate Ecclesie unitatem conservat. Dicimus eos, qui Episcoporum nomine hodie præsident Ecclesis, aded non esse fidos piæ doctrinæ custodes ac ministros, ut acerrimi sint potius illius hostes. Dicimus hoc unum eos moliri, ut Christo, cum Evangelij sui veritate, extincto, idololatriam, impietatem, pessimos & exitiales errores confirment. Dicimus eos non verbis modò pertinaciter veram pietatis doctrinam impugnare, sed furiosè sauire in eos omnes, qui eam ex tenebris eruere cupiunt. Aduersus tot, quibus renituntur, impedimenta studemus operam nostram Ecclesie impendere. Ob hanc causam nobiscum expostulant, quòd illicitis modis in eorum possessionem irrumpimus.

Quòd ad formam aut ceremoniam attinet: digna res scilicet, de qua nobis sine molestia. Quia sacerdotum apud nos manus non vnguntur: quia non flamus in eorum faciem: quia alba eos & reliquo eius generis ornatu non induimus: ordinationem rite à nobis fieri non credunt. Atqui nullam olim ceremoniam, præter manuum impositionem, in usu fuisse, legimus. Recentia sunt ista, nec aliunde quicquid habent commendationis, nisi quòd nunc vulgò tanta religione observantur. Sed quid hoc ad rem? Nā in rebus tantis maior, quàm hominum auctoritas quaeritur. Proinde

quæ ab hominibus inuenta sunt, absque religione, quoties ita postulat temporum conditio, mutare licet: quæ verò non ita pridem extiterunt, multominus habent momenti. Calicem præterea & patenam in manum porrigunt suis, quos creant, sacerdotibus. Quorsum? Ut eos ad sacrificandum inaugurent. Sed quo mandato? Neque enim aut Apostolis vnquam hanc functionem Christus iniunxit, aut ab eorum successoribus suscipi voluit. Inepti ergo sunt, cum de ordinandi forma nobis facessunt negotium: in qua nihil à Christi regula, & Apostolorum vsu: à veteris Ecclesiæ consuetudine minimùm differimus: cum suam illam, de cuius neglectu nos accusant, neque Dei verbo, neque firma ratione, neque antiquitatis obtentu, possint defendere.

Epist. 2.
ad Ianua-
rium.

In parte regiminis Ecclesiastici sunt leges: ex quibus eas libenter recipimus, quæ nec conscientiarum sunt laquei, & ad ordinis publici conseruationem faciunt: quæ autem vel per tyrannidē, ad opprimēdas seruitute cōscientias impositæ fuerāt: vel superstitioni seruebāt magis, quàm edificationi, eas abrogare coacti fuimus. Hoc loco, fastidiū primū & importunitatis nos insimulant hostes nostri: deinde carnis licentiam querere nos criminantur: ut excusso disciplinæ iugo, lasciuimus probe libuerit. Verū, sicut dixi, quin reuerēter custodiantur quæcunque in hunc tantū finem respiciunt leges, ut decenter & ordine gerantur inter fideles omnia, minimē repugnamus. Neque verò de singulis, quas abrogauimus, recusamus causam dicere, cur ita fieri oportuerit. Certè laborasse prætermodum Ecclesiam sub traditionum humanarum onere, & sub leuādā necessariō fuisse, si consultum illi vellemus, probatu difficile non est. Nota est Augustini querimonia, qua suæ ætatis calamitatem grauiter deplorat, quòd Ecclesia, quam Dei misericordia liberam esse voluit, sic iam tum premebatur, ut tolerabilior fuisset Iudæorum conditio. Ex eo tēpore numerum ferè in decuplum creuisse, verisimile est. Multo verò plus creuit exigendi rigor. Quid si igitur nunc resurgeret sanctus ille vir, ac infinitam istam legum multitudinem inspiceret, sub qua demersæ gemunt miseræ conscientiæ? Quid si rursum cerneret, qua seueritate exigatur earum obseruatio? Excipient forsam reprehensores nostri, nos cum Augustino deslere potuisse, si quid dissliceret: correctioni verò manum non fuisse adhibendam. Cuius obiectionis facilis est solutio. Nā cum putarentur obseruatu necessaria esse hominum leges, corrigi debuit perniciosus hic error. Quæ externæ politiæ causa feruntur leges, obediēter seruandas esse, sicut dixi, non negamus. Ad regendas conscientias non nisi vnus Deus est legislator. Maneat ergo penes ipsum solum hæc, quam sibi multis Scripturæ locis vindicat auctoritas. In ea re primū Dei honor, quem nullo modo imminui fas est: deinde spiritua lis conscientiarum libertas vertitur, quam Paulus hominum arbitrio subijci summo pere vetat. Quod itaque officij nostri erat, ut fidelium conscientias indigna seruitute, qua restrictæ tenebantur, eximeremus, eas ab hominū legibus liberæ & solutas esse docuimus. Hanc libertatem, quæ acquisita esset Christi sanguine, non esse prostituendā. In hac causa si quis nos reos faciat, trahat in eundem simul reatum & Christum, & Apostolos, necesse est. Necdū alia mala, quæ nos in humanas traditiones inuehi coegerūt, enumero. Duo tātū ponā: quibus auditis, æquos omnes lectores contentos fore confido. Nempe quòd earum nonnullæ, cum præstādi, quod exigebāt, facultatem excederent, nihil quàm ad hypocrisis inducere, vel in desperationem coniungere homines possent. In omnibus autē vsu venerat, quod exprobra-

probrabat Christus Phariseis: ut propter eas irrita fierent mandata Dei.

Exempla huc adducam, quibus id magis perspicuum fiet. Tria sunt, de quibus maximè nobis succensent: quòd liberum fecerimus quouis die esum carnum: quòd sacerdotibus coniugium permiserimus: quòd secretam confessionem, quæ ad Sacerdotis aurem fiebat, repudiauerimus. Respondeant mihi bona fide aduersarij, an non asperius puniatur apud eos, qui carnem die Veneris gustauerit, quàm qui toto anni cursu assidue scortatus sit? An non capitalius censetur crimen, si uxorem duxerit Sacerdos, quàm si centies in adulterio fuerit deprehensus? An non facilius ignoscunt, si quis multa Dei præcepta contempserit, quàm si peccata sua neglexerit, semel quotannis, in aurem Sacerdotis confiteri? Quale, obsecro, portentum, delictum videri leue & venia dignum, si quis sacrosanciam Dei Legem violauerit: si quis autem hominum placita transgressus fuerit, scelus inextinguibile haberi? Non est quidem nouum exemplum, fateor. Nam & huius prauitatis, quemadmodum dixi, insinuat Christus Phariseos, quòd propter suas traditiones, irrita faciant mandata Dei. Hæc verò illa est Antichristi arrogantia, de qua loquitur Paulus, quòd sedeat in Templo Dei, ostentans se pro Deo. Vbi enim incomparabilis Dei maiestas, postquam huc mortalis homo prouectus est, ut eius leges æternis Dei decretis præferantur? Omitto quòd ciborum & coniugij prohibitionem, doctrinam demoniorum appellat Apostolus. In eo quidem iam plus satis mali. Sed hic supremus est impietatis cumulus, altiore gradu hominem collocare, quàm Deum. Si negant me verum dicere, ego ad rem prouoco.

Iam dux illæ, de cœlibatu & auriculari confessione, leges quid aliud sunt, quàm diuæ animarum carnificinæ? Ut omnes Ecclesiarum ministri perpetuam castitatem voueant. Voto concepto, ne illis vnquam uxores ducere fas sit. Quid si continentia dono priuatus vratur? Nulla, inquiunt, exceptio hîc locum habeat. At experientia ostendit, quanto præstitisset, nunquam Sacerdotibus impositum esse hoc iugum, quàm in fornace libidinum inclusos, perpetuo incendio æstare. Recitant aduersarij virginitatis laudes: recitant & commoda cœlibatus, quò non temerè interdictum Sacerdotibus fuisse coniugium euincant. Decorum quoque & honestatem obtinent. Sed an his omnibus efficient, ut laqueos injicere liceat conscientijs, quas non modò solutas & liberas reliquerat Christus: sed in libertatem etiam sua auctoritate, sui que sanguinis pretio asseruerat? Hoc facere non audeat Paulus. Vnde igitur hæc noua licentia? Deinde, ut in cælum laudibus feratur virginitas, quid hoc ad Sacerdotum cœlibatum, cuius obscenitate fætet totus mundus? Si castitatem, quam verbo profitentur, re ipsa ostenderent: tum illis fortè permitterem, ut decere ita fieri, dicerent. Nunc autem cum nemo non nouerit, cōiugij prohibitionem esse Sacerdotibus scortandi licentiam: qua fronte, obsecro, vllam decori mentionem facere audent? Quorum verò non est peruulgata infamia, cum illis ne mihi diu disputare necesse sit eos ad Dei tribunal reuoco, ut illic de sua pudicitia differant. Excipiet aliquis, nemini imponi legem, nisi qui sponte vouerit. At quæ maior necessitas fingi potest, quàm dum ad vouendum cogunt? Omnibus denuntiatur hæc conditio, ne quis ad sacerdotij ordinem admittatur, qui non se prius voto ad perpetuum cœlibatum obstrinxerit. Qui vouerit, etiam inuitus cogatur ad præstandum, quod semel recepit: nec vlla excusatio in contrariam partem audiatur. Postea voluntarium esse dicunt, qui sic exigitur cœlibatum. Quòd autem

coniugij incommoda, & commoda calibatus recensent, rhetoribus concedendum est, ut de ijs rebus declamitando, stylum in scholis exercent. Verum quicquid dictum fuerit, tanti esse non debet, ut propterea exitiali laqueo induatur misera anima, quo cum luctari perpetuo, donec strangulata fuerint, oporteat. Et tamen in tam flagitiosa turpitudine, quod ridiculum est, locum etiamnum habet hypocrisis. Nam qualescunque sint, meliores tamen se hoc nomine reputant, quod carent vxoribus. Confessionis eadem est causa. Vtilitates enim colligunt, quæ inde consequuntur. Nobis ex aduerso non minus promptum est, pericula non pauca indicare, quæ merito timenda sint: plurimas etiam & grauissimas noxas referre, quæ inde manarunt. Hæc, inquam, sunt argumenta, de quibus in vtranque partem disputare liceat. At perpetua est Christi regula, quæ nec mutari, nec flecti huc vel illuc potest: imo de qua nefas est mouere controuersiam: ne seruitute urgeantur conscientia. Præterea eiusmodi lex est, quam urgent, ut non nisi excruciare animas, & tandem ingulare possit. Iubet enim vnumquæque sua peccata omnia, quotannis, proprio Sacerdoti confiteri: nisi id fiat, nullam obtinendam veniam spem relinquit. Id ne ex centesima quidem parte possibile esse, experti sunt, quicumque seriò, hoc est, cum vero Dei timore, fecerunt periculum. Neque enim explicare se vlla remedio poterant, quin ad desperationem adigerentur. Qui verò leuiter aliam satisfacere Deo cupiebant, ijs aptissimum erat ad hypocrisim velamentum. Nam quia defunctos se apud Dei tribunal credebant, simulatque in aurem Sacerdotis enomuerant sua peccata, liberius peccare audebant, cum tam expedita esset se exonerandi ratio. Deinde, cum insideret eorum animis hæc persuasio, se facere, quod Lex iubebat, comprehendere se, qualicumque sua enumeratione, omnia sua peccata existimabant, quorum ne mille simam quidem partem assequerentur. Encur dissipata: à nobis fuisse Ecclesiæ disciplinam vociferantur aduersarij nostri: quia subuenire miseris conscientijs studuerimus, ne sub crudelissima tyrannide oppressæ perirent: & hypocritas ex suis latibulis in apertam lucem extraximus: ut & seipso propius excuterent, & Dei iudicium, quod antea subterfugiebant, melius sentire inciperent.

Verum, utcumque multi essent, & correctione digni abusus, dicet quispiam, leges tamen sanctas a iocari, & utiles, & longa vetustate quodammodo iam consecratas, ita protinus in totum aboleri non oportuit. De carniū esu, nihil aliud respondeo, nisi quod doctrinam habemus cum veteri Ecclesia consentientem: in qua liberum fuisse scitur, carniū semper vesci, aut abstinere. Coniugij prohibitio antiqua est, fateor, in Sacerdotibus: similiter in Monachis & Monialibus perpetuæ continentiaæ votum. Sed si hominum consuetudini præponderare concedunt certam Dei voluntatem, postquam hanc à nobis stare, nobisque aperte suffragari, illos minimè latet, quid de antiquitate lites nobis faciunt? Clara est sententia: honorabile esse in omnibus coniugium. Et Episcopis nominatim vxores attribuit Paulus. In vniuersam autem, ad coniugium vocat, quicumque vruntur: & doctrinam demoniorum esse pronuntiat, si coniugium interdicatur. Quorsum aduersus tam claras Spiritus sancti voces hominum consuetudinem opponere inuat: nisi ut homines Deo præferantur? Deinde operæ pretiū est animaduvertere, quàm iniqui sint aestimatores, qui nobis vsum veteris Ecclesiæ in hac re obiciunt. Quæ enim vel prior, vel authoritas dignior Ecclesiæ antiquitas, quàm sub Apostolo?

At-

At qui non negabunt aduersarij, permissum tunc ac vsitatum omnibus Ecclesiæ ministris coniugium fuisse. Si expedire censebant Apostoli, ut à coniugio arcerentur Sacerdotes, cur tanto bono fraudabant Ecclesiam? Fluxerunt exinde anni ducenti circiter & quinquaginta, vsque ad Concilium Nicenum: in quo de indicendo ministris cœlibatu agitatum quidem fuisse refert Sozomenus, sed intercedente Paphnutio, torum illud negotium fuisse dissolutum. Nam cum cœlebs ipse legem de cœlibatu negasset ferendam esse, totam Synodum libenter illi assensam esse tradit. Crescente verò paulatim superstitione, lex, quæ repudiata tunc fuerat, demum recepta fuit. Extat Canon vnus inter eos, qui non tam propter vetustatem, quàm propter authorum incertitudinem, Apostolis inscribuntur: qui clericis, postquam in ordinem cooptati fuerint, vxores ducere non permittit, nisi solis canonicis & lectoribus. Sed altero Canone superiore prohibentur Sacerdotes ac Diaconi vxores, religionis prætextu abijcere. Et Gangrensis Concilij capite quarto, anathema pronuntiatur aduersus eos, qui Presbyterum coniugatum disceuerint ab alijs: ut hac occasione se ab eius oblatione abstineant. Vnde apparet, illis temporibus aliquanto plus adhuc fuisse æquitatis, quàm ætas posterior habuerit. Neque tamen mihi hîc propositum est, totam hanc rem disputatione complecti. Tantum obiter indicare libuit, primam & puriorem Ecclesiam non ad id nobis aduersam hîc esse, ut hostes nostri fingunt. Sed ut illis id quoque demus, cur tamen tam atrociter nos accusant: quasi sacra profanus miscuerimus? Quasi verò retorquere aduersus eos promptum non sit, nobis cum veteri Ecclesiâ lógè melius, quàm ipsis conuenire. Sacerdotibus coniugium, quod illis negarunt veteres, liberum facimus. Quid de scortatione mihi respondebunt, quæ inter eos passim obtinuit? Negabunt se approbare. At castigari asperius decuerat, si vetustis Canonibus obtemperare vellent. Si Presbyter vxorem duxerit, Neocæsariensis Synodus pœnam statuit, ut ab ordine abdicetur. Si verò adulterium aut scortationem perpetraverit, multo seuerius vindicat: ut scilicet ab ordine depositus, etiam excommunicetur. Nunc si quis vxorem duxerit, habetur crimen capitale: si centies scortatus sit, exigua pœnæ summa mulctatur. Adde, quòd si hodie viueret, qui illam de cœlibatu legem tulerunt primi, præsentibus experimenter edocti, eam proculdubio primi abrogarent. Quanquam nimis, ut dixi, iniquum foret, nos hominum authoritate damnari, vbi palam Dei voce absoluihur.

De confessione, breuior & magis expedita est defensio. Neque enim ostendunt aduersarij, vllam fidelibus necessitatem confitendi, ante Innocentium tertium, fuisse impositam. Per annos ergo mille & ducentos ignota fuit orbi Christiano hæc tyrannis, pro qua tam acriter nobiscum decertant. At est Lateranensis Concilij decretum. Tale nempe qualia permulta. Norunt historiarum mediocriter periti, temporum illorum tum inscitiam, tum ferocitatem. Et illud vsu venire solet, ut quòd indoctiores sunt, qui præsumunt, eò magis sint imperiosi. Cæterum testes mihi erunt omnes pia animæ, quali implicari labyrintho eos oporteat, quicumque illa lege obstringi se putant. Accesserat ad tam crudele conscientiarum tormentum blasphemæ superbia, quòd peccatorum remissionem illic incluserant. Neminem enim veniam à Deo obtinere fingeant, nisi qui votum haberet confitendi. Quidnam hoc quæso est, ut modum ex suo capite præscribant homines, quo reconcilietur Deo peccator? ut, Deo veniam simpliciter offerente, ipsi negent, donec

conditio, quam addiderunt, impleta fuerit? Ex altera parte hæc pessima superstitione populum tenebat: simul ac in aurem Sacerdotis exonerassent sua peccata, omni se reatu esse liberatos. Hac opinione multi ad solutiorem peccandi licentiam abutebantur; qui autem maiori Dei timore præditi erant, ad Sacerdotem tamen magis, quam ad Christum, respectabant. Caterum, publicam ac solennem exomologesin, sicuti vocat Cyprianus, quæ olim iniungi solebat pœnitentibus, cum Ecclesiæ reconciliandi forent, nemo sanus est, qui non laudet, ac libenter amplectatur: modò non in alium trahatur finem, quam quo instituta fuit. Denique, nihil nobis in hac re est controuersie cum veteri Ecclesiâ: sed recentem modò tyrannidem, nec ita pridem exortam, à fidelium cervicibus profligatam, sicuti par est, volumus. Præterea, si quis, ut consolatione & consilio iuuetur, priuatim ministrum suum adeat, & familiariter in eius sinum deponat anxietatis suæ causas, quin id piè & vtiliter fiat, nequaquam refragamur: modò ne ex libertate fiat necessitas. Relinquatur, inquam, hîc cuique libertas, ut faciat, quod sibi expedire nouerit: nullius conscientia certis legibus obligetur. Hæc excusatio tum maiestati tuæ, ut spero, Caesar, tum vobis Illustrissimi Principes, sicut plena est æquitatis, satisfaciet.

Verum, utcunque meritò, & corruptam veritatis doctrinam, & Christianismum totum multis vitijs profanatum fuisse conqueramur, negant tamen reprehensores nostri, propterea fuisse causam, cur Ecclesiâ adeò turbari, & quodammodo concuti terrarum orbem oportuerit. Equidem, nec ita sumus stupidi, quin sentiamus, quanto opere cauendi sint publici tumultus: nec ita ferrei, quin tægamur, atque etiam horreamus toto pectore, cum turbulenti hunc cernimus Ecclesiæ statum. Verum qua æquitate nobis imputatur præsentium motuum culpa, cum à nobis minimè concitati fuerint? Imo qua fronte nobis turbata Ecclesiæ crimen obijciunt, quos constat omnium turbarum esse authores? Lupi scilicet de agnis conqueruntur. Cum initio prodij: Lutherus, paucos tantum, & eos nimis crassos abusus, nec iam tolerabiles, leuiter notabat idque ea modestia, ut eos correctos cupere se magis indicaret, quam auderet ipse corrigere. Hîc ab aduersa parte ad arma proci-nus conclamatus non est: & cum magis ac magis accenderetur contentio, hoc optimum compendium esse duxerunt hostes nostri, ut & scuitia veritatem opprimeret. Itaque cum nostri homines ad amicam disceptionem prouocarent, & placidis rationibus cuperent dissidia cõponi; sanguinarijs edictis crudeliter vexati sunt, donec ad miseram istam dissipationem res est perducta.

Neque tamen hæc noua est calumnia. Id, quod audire nunc cogimur, exprobrabat etiam olim impius ille Ahab Helia; nempe quòd turbaret Israelem. Verum sanctus Propheta, sua responsione, nos absoluit: Non ego sum, inquit: sed tu & domus patris tui: quia dereliquisti Dominum, & abijsisti post Baalim. Non ergo ex eo grauari nos inuidia æquum est, quòd hodie feruet inter Christianos tam acere de religione certamen: nisi Heliam damnare primum libeat, cum quo nobis communis est defensio. Ille se hac sola ratione excusat, quòd non nisi pro vindicanda Dei gloria, & restituendo eius puro cultu, pugnauerit: turbarum verò & certaminum crimen rejicit in eos, qui, ut veritati resisterent, tumultuabantur. Nos autem quid egimus aliud hæcenus, & quid agimus nunc quoque, nisi ut colatur Deus vnus inter nos, simplèxque eius veritas regnet in Ecclesiâ? Si negant aduer-

sarij nostri, saltem antè conuinci nos impiæ doctrinæ conuenit, quàm nobis id vitio vertatur, quòd ab alijs dissentiamus. Quid enim agendum nobis erat? Vna erat redimendæ pacis conditio, vt tacendo Dei veritatem proderemus. Quamquam non satis fuisset tacere, nisi impiam doctrinam, apertas in Deum blasphemias, & pessimas superstitiones, tacito consensu approbaremus. Quid ergo aliud potuimus, quàm testari saltem clara voce, nos ab impietatis consortio esse alienos? Nos ergo simpliciter, quod officij nostri erat, facere studuimus. Quòd porrò in tam hostile dissidium res exarserit, huius mali penes eos culpa est, qui cælum terræ miscere maluerunt, quàm piæ sanæque doctrinæ locum dare: vt tyrannidem semel usurpatam, quoque modo retinerent.

Tametsi hoc nobis ad defensionem satis superque esse debet, quòd à parte nostra stat sacrosancta Dei veritas, pro qua asserenda tantum certaminum sustinemus: aduersarij autem, nobiscum pugnando, non tam auersum nos, quàm Deum ipsum, bellum gerunt. Deinde, quòd non sponte ad hunc contentionum feruorem descendimus, sed illorum intemperie, præter opinionem nostram, fuimus pertracti. Quicquid acciderit: non est cur odio grauemur. Nam sicut euentus moderari non est nostrum, ita nec eos præstare. Vetus hoc est, seculisque omnibus usitatum: ex Euangelij doctrina impios tumultuandi occasionem sumere: postea hanc infamiam irrogare Euangelio, quasi dissidijs causam præbeat: quam ipsi, non oblata, sua prauitate captant. Et quemadmodum in prima Ecclesia impleri vaticinium illud oportuit, vt domesticis suis esset Christus lapis offensionis, & petra scandali: ita nihil mirum, si nostro quoque tempore verum sit. Est quidem hoc habendum prodigij loco, quòd lapidem, qui in fundamento principatum tenere debeat, reijciant architecli: sed quia hoc ab initio factum fuit in Christo, ne miremur, cum hodie quoque vsu venit. Hic tuam maiestatem appello, Cæsar, ve stràmque amplitudinem, Principes: cum infausta hæc Ecclesiæ dissipatio, aliæque infinita mala, quæ ex dissensione orta sunt, vel occurrunt animis vestris, vel sermone hominum commemorantur, facite vt simul in mentem vobis veniat, in scopum contradictionis positum esse Christum: vt quoties prædicatur eius Euangelium, impiorum rabiem accendat statim ad repugnandum. Iam ex conflictu fieri concussionem necesse est. Hæc igitur perpetua fuit, vsque à primo suo exortu, & semper erit, vsque in finem, Euangelij conditio: vt eius prædicationem magnis contentionibus excipiat mundus. Sed prudētium est animaduertere, vnde nascatur huius mali causa. Hoc quisquis respiciet, facile nos omni culpa liberabit. Veritati certè testimonium reddere, sicut fecimus, oportuit. Væ mundo, si Christum mauult ad certamen prouocare, quàm oblata ab eo pacem amplecti. Frangetur enim proculdubio, qui ab eo corrigi non sustinebit.

At hic nobis rursum obijcitur, non omnia Ecclesiæ vitia tam asperis remedijs corrigenda esse: nec ad vinum refecanda: ac ne omnibus quidem asserendam esse medicinam: sed alia castiganda esse leniter, alia esse toleranda, si quid difficultatis habeat emendatio. Respondeo, non vsque adeo imperitos esse nos communis vitæ, quin Ecclesiam nouerimus semper fuisse obnoxiam aliquibus vitijs, semperque fore: quæ pijs improbanda quidem, potius tamen ferenda sint, quàm eorum causa hostiliter dimicandum. Caterum, iniuriam nobis faciunt aduersarij, dum nimie morositatis nos accusant: quasi, ob exiguos leuésque errores, molestiam Ecclesiæ

exhibuerimus. Nam hanc quoque calumniam ad alias adiungunt, quod extenuant, quo possunt artificio, eas res, de quibus controuersiam mouimus: ut rixandi magis libidine impulsus videamur, quam iusta causa adducti huc fuisse. Neque enim id faciunt ignorantia, sed astuto consilio: quia scilicet nouerunt eiusmodi importunitate, qualem nobis affingunt, nihil esse odiosum. Tamen si suam quoque impietatem in eo produnt, quod de rebus omnium maximè ita contemptim loquuntur. Itane verò? ut cum profanatum Dei cultum, cum honorem eius prorsus imminutum, cum implicatam multis perniciosus erroribus salutis doctrinam, cum sepultam esse Christi virtutem, sacra denique omnia sacrilegijs polluta, conquerimur, nostram stultitiã derideant, quasi de leniculis quæstionibus disputando, nos & totum mundum frustra fatigemus?

Verum, quia hæc cursim perstringi nequeunt: locus postulat, ut earum rerum, de quibus contendimus, dignitatem & pondus diligentius vobis exponam: ut appareat, non modò non fuisse negligendæ, sed nullo modo potuisse à nobis prætermitti, quin maximo scelere, & impia aduersus Deum perfidia nos obstringeremus. Quod de tribus capitibus, de quibus initio dicturum me proposui, erat in ordine tertium. Principio scire velim, qua fronte Christianos se nominare ausint, qui nos, ob nimium leues causas discordijs temerè turbasse Ecclesiam, insimulant. Nam si tanti religionem facerent nostram, quanti suas fecerunt veteres idololatras, eius conseruandæ studium, quod illi alijs omnibus curis ac negotijs præferendum duxerunt, non ita contemnerent. Illi enim cum pro aris & focus dimicare se aiunt, causam sibi videntur allegare omnium optimam, & maximè fauorabilem. His videtur esse pene superuacua contentio, quæ pro Dei gloria, & hominum salute, suscipitur. Non enim de umbra asini, sicut dictum est, litigamus: sed tota religionis Christianæ summa in quæstionem vertitur. Si nihil aliud veniret in rationem, an tantulo in pretio nobis est æterna & inuiolabilis Dei veritas, quam tot illustribus testimonijs certam reddidit: pro qua confirmanda tot sancti Prophetæ, tot Martyres mortem obierunt: cuius ipse Dei Filius præco & testis fuit, quam denique suo sanguine obsignauit: ut nobis videntibus & tacentibus, conculcari debeat?

Sed descendo ad species. Scimus quàm execrabilis Deo res sit idololatria: & quàm horrendis pœnis eam ultus sit tum in populo Israelitico, tum in alijs gentibus, passim narrant historia. Audimus eandem vindictam eius ore denuntiari in omnes ætates. Nobis enim loquitur, cum per sacrum suum Nomen iurat, non passurum se, ut ad idola gloria sua transferatur: cum testatur se Zelotypam esse, qui in tertiam & quartam generationem vindicaturus sit, cum alia peccata, tum hoc ipsum præ alijs. Hoc peccatum est, cuius causa Moyses, tam mansueto alioqui ingenio vir, spiritu Dei accensus, Leuitas discurrere per castra iussit, & manus fratrum suorum sanguine consecrare: cuius causa populum suum toties persecutus est Deus ac peste, fame, gladio, omni denique calamitatum genere afflixit: cuius causa potissimum, cœcidit regnum Israelis primum, deinde Iuda: excisa Ierusalem ciuitas sancta: Templum Dei, quod vnicum erat tunc in terris, dirutum: populus ille, qui ex omnibus peculiariter selectus erat, cui se Deus fœdere cōiungeret, qui solus ferret Dei insignia, & sub eius tutela principatûs viueret: ex quo denique nasceretur Christus, a) lictus modis omnibus, spoliatus omni dignitate, in exilium pulsus,

Et propè ad interitum perductus fuit. Longum esset, omnia hìc recensere. Nulla est pagina in Prophetis, quæ non clamitet, nihil esse quod Deum ad indignationem magis prouocet. Quid ergo? cum apertâ idololatriâ passim grassari in mundo cerneremus, fuitne cõnuen-
diu? Atqui, perinde id fuisset, ac mundũ suo exitio indormientẽ palpare, ne expergisceretur.

Veniant vobis in mentem, inuictiss. Cæsar, & illustrissimi Principes, tot illa inquina-
menta, quibus prius ostendi pollutum fuisse Dei cultum: reperietis profectò, quoddã veluti diluuium impietatis exundasse, quo tota religio suffocaretur. Hinc statuis exhibebantur di-
uini honores: ad eas passim homines precabantur: illis numen & potentiam Dei subesse fin-
gebant. Hinc sancti mortui colebantur, non secus atque olim apud Israëlitas Baalim. Et
plurimi alij modi excogitati erant, Sathanæ artificio, quibus Dei gloria discerneretur. Clam-
mat Dominus, se ardere zelotypia, si quod idolum erigatur: nec minus seruos eius pro asse-
renda ipsius gloria zelotypos esse debere, suo exemplo demonstrat Paulus. Nec vulgaris
est ille zelus domus Dei, qui fidelium omnium corda debet exedere. Cum ergo tot pollueretur,
vel potius laceraretur modis Dei gloria, nõne, conuiuendo, & tacendo perfidi fuisset-
mus? Canis, si quam suo Domino violentiam inferri viderit, protinus latrabit: nos tot sacrile-
gijs violari sacrum Deinomen taciti aspiceremus? Et ubi esset illud? Opprobria expro-
brantium tibi, ceciderunt super me.

Illam verò ludibria, quòd non nisi externo gestu, & stultis hominum figmentis coleba-
tur Deus, silentio præterire quĩ fas fuit? Scimus quantopere hypocrisin oderit: regnabat
in illo cõmentitio Dei cultu, qui passim erat vsitatus. Audimus qua verborũ acerbitate inue-
hantur Prophetæ omnes in cultus, hominũ temeritate fabricatos. Bona intentio, hoc est, in-
sana quidlibet audẽdi libido, optima colendi Dei regula putabatur. Certè ex toto Dei cultu,
qualiter erat institutus, nihil ferè erat quod testimoniũ haberet à verbo Dei. Nõ est quòd
hìc, vel nostro, vel aliorũ iudicio stemus. Sed audiẽda vox Dei, qua testatur quanti hæc cul-
tus sui profanationẽ æstimet, ubi homines extra verbi eius fines in proprijs cõmentis lasci-
uiunt. Dux affert causas, cur populũ Israëliticũ, pio & sancto Ecclesiæ regimine priuatũ,
excecatione puniat: hypocrisin, & *ἰδὲ, ὁρῶντες*: hoc est, formam colendi ipsius huma-
nitus confictã. Quia appropinquat populus hic labijs suis, inquit, cor autẽ longè est à me: &
quia me colit mandatis hominum, ecce edam portentum horribile, cuius auditu omnes ob-
stupefcent. Peribit enim sapientia à sapientibus, & prudentia à senibus euanesceat. Similis
aut maior etiam peruersitas, cum Deus nos excitauit, palam in Ecclesijs dominabatur. Cum
è cælo Deus fulminaret, an quiescendum nobis fuit?

Quòd lingua incognita, aduersus claram Dei prohibitionem, solennes preces in
tẽplis fieri moris erat, leue forte erratũ fuisse existimabũt. Sed eo modo derisum fuisse Deũ
cum appareat, nobis nõ negabũt fuisse plus satis iustã reclamãdi causam. Quid, quòd publi-
cis hymnis personabant blasphemie, quas nemo pius sine summo horrore audire sustineat?
Nota sunt illi *Marix epitheta*, cum porta cœli, spes, vita, & salus nominaretur. Eiusque
furoris & amentix prouecti sunt, ut imperãdi ius illi in Christiũ tribueret. Adhuc enim in
multis tẽplis execrabile illud & nefandũ carnẽ auditur: Roga patrẽ: iube natum. Nihilo mo-
destioribus elogijs quosdã sanctos celebrat: & quidẽ suos, hoc est, quos ipsi opinione sua in
sanctorũ catalogũ retulerunt. Nã inter plurimas laudes, quas canũt Claudio, etũ lumẽ cæcorũ,
viã errantiũ, vitã & resurrectionẽ mortuorũ vocat. Talibus blasphemijs refertæ sunt pre-
candi formulæ, quas in quotidiano usu habet. Seuerissimas pœnas Dominus aduersus eos pro-
nuntiat, qui nomẽ suũ miscuerint cũ nominibus Baalim, siue in iureiurãdo, siue in precibus.
Quæ igitur vindicta nostris capitibus imminet, qui nõ modò sanctos, tanquã minores Deos,

cum illo miscemus, sed cum insigni eius contumelia, Christiū spoliāmus proprijs & singularibus titulis, quibus eum ornavit, ut illos creaturis deferamus? Hicne etiam tacendum nobis erat, ut perfidioso silentio in nos quoque tam graue iudicium accerferemus?

Taceo, quod certa fide, hoc est, serio, Deum nullus precabatur, ac ne poterat quidem. Nam sepulto in eum modū, ut erat, Christo: necesse erat, de paterna erga se Dei beneuolentia, & an sibi opem ferre vellet, an salutem suā curā haberet, homines perpetuò dubitare. Quid? an hic leuis aut tolerabilis error fuit, quod æternū Christi sacerdotiū, quasi prædæ expositum, ad sanctorū quemlibet deferrebat? Meminerimus, hunc sibi honore Christiū morte sua cōparasse, ut æternus sit aduocatus & pacificator, qui nos & preces nostras Patri offerat: qui gratiā nobis apud eum impetret: qui nobis spē obtinendi, quod petimus, faciat. Sicut solus & pro nobis mortuus est, & morte sua nos redemit, ita in huius honoris societate nullum admittit. Quod ergo sacrilegiū illo fœdius, quod subinde aduersarij nostri in ore habēt? Christiū esse quidē unicū redēptionis mediatorē: at sanctos omnes, intercessionis. An non eo modo inglorius relinquitur Christus? quasi sacerdotis officio semel in morte defunctus, illud nunc sanctis resignauerit. An tunc etiā tacendum est, ubi præcipua Christi dignitas, & quæ illi tanto pretio constitit, ab eo per summam cōtumeliam erepta, inter sanctos, quasi hostile spoliū, distribuitur? At, sic loquendo, Christum non negant etiā nunc pro nobis intercedere: modo id facere intelligamus vnā cū sanctis: nēpe, ut vnū quēlibet ex grege. Præclarum verò honore sibi acquisiuit Christus suo sanguine, si hoc tantum consecutus est, ut socius esset Hugonis, aut Lubini, aut alterius cuiuspiā ex vltima face sanctorū, quos Pontifex Romanus suo arbitrio creauit. Non enim hic quaeritur, an orent illi quoque: qua de re nihil scire satius est, cum Scriptura nullam faciat mentionē: sed hoc est de quo contendimus, Christiōne, aut prætermisso, aut neglectim habito, aut in totum valere iusso, ad sanctorum patrocinia circumspicere liceat: vel, si quis malit apertius, sitne unicū sacerdos Christus, qui & sanctuarium Dei Patris nobis aperiat, nōsque illuc solus manuducat, & Patrem sua deprecatione, ad preces nostras exaudiendas flectat: in cuius clientelam concedere, & cuius nomen obtendere in precibus debeamus: an communiter hoc munus cum alijs sanctis sustineat.

Quamquam non solius sacerdotij honore, sed omnium quoque suorū beneficiorum gratia Christum magnæ ex parte fuisse exutum, superius demonstrāui. Nam redemptor quidem vocatur: sed ita, ut se quoque ex peccati & mortis seruitute, per liberū arbitriū, homines redimant. Vocatur quidem iustitia & salus: sed ita, ut ipsi sibi operum meritis homines salutem acquirant. Scholasticos enim nihil pudet huc restringere inæstimabile illud redemptionis beneficium: cui enarrando nulla, nec hominum, nec angelorum facundia sufficiat: ut dicant eum nobis contulisse primum meritum, quod occasionem merendi interpretantur: nos verò, hoc adminiculo adiutos, vitam æternam operibus proprijs mereri. Fatentur quidem, Christi sanguine nos ablutos esse à peccatis: sed ita, ut se quisque, ascitis hincinde lauacris purget. Habet quidem mors Christi sacrificij titulum: sed ita, ut quotidianis hominum sacrificijs peccata expientur. Dicitur quidem Christus reconciliasse nos Deo patri: sed conditio additur, ut satisfactionibus suis redimant homines poenas Dei iudicio debitas. Cum supplementum quaeritur ex clauū beneficio, nihilo plus honoris habetur Christo, quàm Cypriano aut Ciriaco. Martyrum enim & Christi merita simul permiscet, ut cōficiant Ecclesiæ thesaurum. Nōne quot hic audimus verba, tot sunt execrabiles blasphemix, quibus proscinditur ac laceratur Christi gloria? ut ipse propemodum exinanitus nomen retineat tantum, virtute autem careat. Hic etiam tacuissimus scilicet, cum filium Dei, in quem Pater omne imperium, omnem potentiam & gloriam contulit, & in quo solo gloriari nos iubet, ita in ordinem re-

digi cerneremus, ut paululum supra servos suos emereret? Cum eius beneficia in oblivione iacere, cum eius virtutem hominum ingratitude sepultam, cum pretium sanguinis eius vilesce, cum fructum mortis propè abolitum, cum denique ipsum ita deformatum falsis & profanis hominum opinionibus, videremus, ut inani spectro, quàm sibi, esset similior, an hoc taciti & quieti tulissemus? O sceleratam patientiam, cum imminuto, ne dicam prostrato Dei honore, ita leuiter tangimur, ut possimus conuiuendo transilire! O malè collocata in nos Christi beneficia, si eorum memoriam impijs blasphemijs ita suffocari sustinemus!

Ad secundam Christianæ doctrinæ partem iterum redeo. Quis neget ita passim delirare homines, ut comparare se vitam æternam, operum merito, existiment? Coniungunt fateor, interim cum suis operibus Dei gratiam: sed cum non aliter se gratos esse confidant, quàm si digni sunt, eorum & fiduciam & gloriationem in operibus re-sistere constat. Hæc irrita est ac receptissima in omnibus scholis doctrina: hæc omnium ferè animis penitus infixæ opinio, ita quæque amari à Deo, ut quisque sit dignus. Hoc recepto, nōne Diabolica confidentia in altum eriguntur animæ, ut grauiore præcipitio in desperationis gurgitem postea ruant? Quid, quòd non veris saltem obsequijs, sed nihili ineptijs Deum volunt demereri? Siquidem in operibus meritorijs hæc habentur primaria: multas preculas susurrare, erigere altaria, statuas aut tabulas illic collocare, frequentare templa, cursitare de templo in templum, multas Missas audire, aliquas emere, nescio quibus abstinentijs, quæ à Christiano ieiunio in totum dissideant, affligere corpus, seruandis hominum traditionibus diligenter incumbere. In satisfactionibus, nōne maior adhuc dementia? Cum scilicet ethnicorum more, piacula quærent, quibus se cum Deo reconciliarent. Iam verò, cum omnia tentando, diu multumque se fatigassent, quid profecerant? Nam cum omnia facerent, dubia & trepidante conscientia, semper eos excipiebat horribilis illa anxietas, vel potius dirum illud tormentum, de quo antè dixi: quia, an Deo cum suis operibus exos essent, dubitare inebantur. Euersa porò cum in modum fiducia, simul accidere necesse est, quod ait Paulus, ut æternæ hereditatis promissio aboleatur. Vbi tunc hominum salus? Nos verò, si in tanta loquendi necessitate tacuissemus, non tantummodo in Deum ingrati & perfidi, sed etiam inhumani in homines: quibus videbamus æternum omnibus exitium imminere, nisi in viam reducerentur.

Canis, si tantam iniuriam inferri domino suo cerneret, quanta Deo contumelia irrogatur in sacramentis, latraret protinus, vitamque suam potius opponeret periculo, quàm, se tacente, dominum ita malè tractari sineret. An nos Deo minus præstare obsequij debuimus, quàm homini præstare solet bestia? Taceo quòd institutis à Christo mysterijs, cælestique eius authoritate commendatis, nuda hominum voluntate proditos ritus æquarunt: quod tamen ipsum acriter reprehendi merebatur. Mystera verò ipsa tot superstitionibus corrumpi, tot prauis, quas retulimus, opinionibus fœdari, ad turpem infamemque quæstum, absque vlla verecundia, prostitui, an dissimulanter ferre debuimus? Flagello nummularios fugauit Christus è templo, eorum mensas manu euertit, merces exturbauit. Non omnibus, fateor, flagellum in manum sumere licet, verum zelo illo, quo incitatus fuit Christus ad vindicandam Patris gloriam, flagrare omnes conuenit, qui se Christi esse profitentur. Proinde, quæ sibi tantopere displicere templi inquinamenta opere

monstrauit, nostrum saltem est, libera constantique voce, fortiter execrari. Quis ignorat venalia nihilò minus sacra in templis iamdudum esse, quàm quæ medio foro prostant merces? Et alia quidem condicito pretio vaneunt: de alijs, post multam licitationem paciscuntur.

Sed quoniam in Cœna, magis quàm in reliquis, illustre est exemplum, & plus indignitatis habet, age, qua cōscientia ad tā multas, tamque sacrilegis eius profanationes, commuere potuimus? Ad quas exprimendas, cū mihi nunc desint verba, quo iure nobis vitio vertitur quòd in eas inuehendo, nimis fuerimus vehementes? Vos hīc inuictiss. Cæsar, & illustrissimi Principes, per sacrum Christi corpus, quod immolandum pro nobis exposuit, per venerandum illum sanguinem, quem pro nostra ablutione effudit, obtestor, vt reputare cum animis vestris velitis, quanti debeat esse mysterium, in quo nobis corpus illud in cibum, sanguis in potum exhibetur: qua religione, qua cura, custodiri impollutum debeat. Cuius ergo ingratitudinis erit, si quis cœleste hoc mysterium, quod instar pretiosissimæ margaritæ, nobis commendauit Christus, calcari aspiciat porcorum pedibus, & taceat? Atqui non calcari modò, sed omni etiam pollutionis genere inquinari videbamus. Quale ludibrium erat, quòd mortis Christi efficacia ad theatricam hominis actionem trāsferrebat? quòd sacrificulus tanquam Christi successor, mediatorem se inter Deum & homines interponebat? quòd oblitterata vni ci sacrificij virtute, mille singulis diebus sacrificia in vna vrbe ad expianda peccata offerebantur? quòd millies quotidie immolabatur Christus, quasi nō sufficeret, semel esse pro nobis mortuum? Ad istas omnes contumelias Christo irrogandas, sacrosanctæ Cœnæ titulo abusi sunt: si quidem in solo sacrificij nomine omnes continentur. Neque verò ignoro, quas nunc interpretationes obtendant aduersarij, ad diluendas tantas absurditates. Verū, cū haclenus omnes, quas retuli, abominationes impudenter exercuerint, nunc deprehensi perfodiunt sibi novos cuniculos: quibus tamen suam turpitudinē minimè operiunt. Missam sacrificium esse tradiderunt, quo expiarentur peccata, non viuorum modò, sed etiam mortuorum. Quid nunc proficiunt tergiversando, nisi quòd suam impudentiam produnt? Quanta etiam sacramenti pollutio, quòd cū aperta verbi prædicatione constet legitima consecratio, flatu dumtaxat & murmure, panis incantatur? quòd non distribuitur in cœtu fidelium, sed seorsum voratur ab vno, vel in alienum vsum reponitur? quòd cū aliqua sit distributio, populus dimidia parte, hoc est, calice, aduersus clarum Domini interdictum, priuatur? Quale deliramentum, quòd aboleri suis exorcismis fingunt panis substantiam, vt in Christum transmutetur? Quale probum, quòd nihilo verecundius Missarum exercetur mercimonium, quàm calceorum? Nam si recipitur quod dicunt, id est meritum mortis Christi vendere. Certè non leuiorem Christo contumeliam faciunt, quàm si eius faciem conspuerent.

Tibi, quæso, inuictiss. Cæsar, vobisque illustrissimi Principes, in mentem veniat, quid olim Corinthijs propter vnum, nec ita grauem, prima specie, abusum huius Sacramenti, acciderit. Suam quisque cœnam domo afferebat: non vt conferrent in commune, sed vt lautè epularentur diuites, pauperes autem esurirent. Hanc ob causam vehementi ac saua pestilentia fuisse à Domino castigatos, asserit Paulus: qui tamen paternum hoc flagellum esse admonet, quo Dominus eos ad resipiscētiam vocaret. Hinc colligite, quid nobis hodie expectandū sit, qui non paululū quiddā declinauimus à recta Christi institutione, sed ab ea im-

mensio

menſo interuallo diſceſimus, qui non vno in genere corrupimus eius puritatem, ſed compluribus, & ijs quidem horrendis modis, eam deformauimus: qui non vno quolibet abuſu turbauimus legitimum eius uſum, ſed totam adminiſtrationem euerimus. Nec verò dubium eſt, quin pridem hanc impietatem vlciſci cœperit Deus. Iam multos annos continuos plurimis varijsque ærumnis & calamitatibus mundus premitur: & nunc ad extremum propè miſeriarum ventum eſt. Nos quidem obſtupeſcimus ad noſtras plagas: aut alias cauſas imaginamur, cur ita nos Deus affligat. Verùm, ſi cogitamus quàm leue fuerit erratum illud quo vitiauerant ſacram Cœnam Corinthij, præut ſunt tot inquinamenta, quibus hodie inter nos fœdata pollutæque eſt, mirum niſi agnoſcimus, Deum, qui tam ſeucre in illos vindicauit, meritò nobis eſſe magis iratum.

Regiminis Eccleſiaſtici corruptela quàm flagitioſa fuerit, ſi velim perſequi, infinitam ſyluam ingrediari. De vita ſacerdotum, propter multas cauſas, hîc dicere ſuperſedeo. Hæc tria vitia quàm nō ferenda ſint, expendere pro ſe quiſque poteſt: quòd, ſublato iuſtæ vocationis ordine, paſſim ſacerdotia aut per vim, aut per ſimoniã, aut per fraude, aut per alias improbas & ſcleratas artes occupantur: quòd qui præſunt, inanes potius ſunt vmbre, quantũ ad munus ſuũ exequendũ pertinet, vel mortua ſimulachra, quàm veri miniſtri: tãdem quòd cùm verbo Dei gubernare conſcientias debeant, iniuſta eas tyrannide opprimunt, & multis impiarum legum vinculis conſtrictas tenent. Itane, vt non modò ſpretis Dei & hominum legibus, ſed proiecta omni verecundia, fœda confuſio in promouendis epiſcopis & preſbyteris regnet: libido pro iure valeat: rarò abſit ſimonia: & tanquam leuia eſſent hæc mala, correctio in futurũ ſeculum differatur? Iam vbi iacet docendi cura, quæ reſtat amplius miniſterij ſpecies? Iam pro ſpirituali conſcientiarum libertate, videmus quot certamina Paulus ſuſceperit, quantæque contentione ea exagitet. At, qui adhibuerit in iudicando æquitatem, intelliget proſectò longè nunc iuſtiores nos habere contendendi cauſas. In tanta ergo totius piæ doctrinæ deprauatione, in tam nefaria pollutione ſacramentorũ, in tam deplorata Eccleſiæ calamitate, qui nos tam vehementer commoueri oportuiſſe negant, ijs non aliter potuimus ſatisfacere, niſi vt Dei cultum, Chriſti gloriam, ſalutem hominum, totam ſacrorum & Eccleſiæ adminiſtrationem, perfida patientia proderemus. Specioſum eſt moderationis nomen: pulchra & laudabilis virtus, tolerantia: ſed tenenda eſt regula uſque ad aras: Hoc eſt, ne ſacrum Dei nomẽ proſcindi impijs blaſphemijs, æternam eius veritatẽ ſuffocari Diaboli mendacijs, Chriſtum conſpui: inquinari eius myſteria, crudeliter interfici miſeras animas, Eccleſiam lethaliter ſauciatam cum vltimo exitio luctari, patienter feramus. Non enim hæc eſſet manſuetudo, ſed earum rerũ incuria, quibus omnia poſthaberi oportet.

Hactenus, quod propoſueram, ſatis oſtendiſſe me conſido: nos in corrigendis Eccleſiæ vitijs nequaquàm fuiſſe vehementiores, quàm res ipſa flagitabat. Neque id noſtros reprehensores fugit. Itaque ad alteram criminationem confugiunt. Nihil aliud nos tuando proſeciſſe, niſi vt in teſtibus diſcordijs ferueret orbis Chriſtianus, qui ſaltẽ antè pacatus erat. Adcò enim nihil emendationis apparere, vt prolapſa in deterius ſint omnia: ex ijs, qui doctrinã noſtrã ſunt amplexi, paucos inde factos eſſe meliores: quin etiã quibuſdã, ſi non maioris, at diſſolutioris nequitie audaciã præbuiſſe. Obijciunt præterea: nullam eſſe in Eccleſijs noſtris diſciplinam, nullas abſtinẽtiæ leges, nulla humilitatis exercitia: plebem, quæ nullo iugo retineatur, licetia impunè laſciuire. Poſtremò, inuidiam nobis de bonorum Eccleſiaſticorum direptione faciunt. Principes enim noſtros in ea, non ſecus atque in hoſtilem prædam, inuolaſſe: ita ſpoliatam, indigna violentia, Eccleſiam fuiſſe: hodiẽque, confuſo diſcrimine poſſideri ab ijs Eccleſiæ patrimonium, qui in medio contentionum ſtrepitu ea, ſi-

ne iure, sine honesto ullo titulo, occupauerint.

Equidem non nego, cum absque controuersia regnaret impietas, turbatum eius regnum per nos fuisse. Quod si sanæ piæque doctrinæ, statim atque mundo illuxit, s[ed] ante omnes, promptisq[ue] animis, sicuti par erat, manum dedissent, non minus hodie tranquilla pax & quies esset inter omnes Ecclesias, florente Christi regno, quàm tunc, Antichristo tyrannidem obtinente. Desinant ergo, quos veritatis cursum impedire constat, cum Christo bellum gerere, & statim optima erit concordia: aut dissensionum, quas agitant ipsi, culpam in nos reijcere desinant. Nam istud certè perquàm iniquum est, cum non aliam à se pacis conditionem impetrari sustineant, nisi vt, profligata pietatis doctrina, Christo velut in sepulchrum recondito, iterum Ecclesiam subigat Antichristus, non gloriari se l[icet] tanquam innoxios, sed nobis etiam ultro insultare: nos, qui nihil aliud cupimus quàm vnitatem, cuius modò vinculum sit æterna Dei veritas, totum crimen & odium sustinere: perinde ac si cõtentionum essemus authores. Quod nullum fructum ex doctrina nostra consecutum esse exprobrant, scio equidem nos profanis hominibus ob hanc eandem causam derisui esse, quod insanabiles morbos commouendo, nihil quàm exulceremus. Sic enim existimant: tam perditæ Ecclesiæ statu, frustra tentari remedia, cum nulla sit spes sanitatis. Proinde melius nihil esse concludunt, quàm malum bene positum non mouere. Qui in hunc modum loquuntur, Ecclesiæ instaurationem non intelligunt opus esse Dei, quod à spe opinionèq[ue] hominum nihilomagis pendeat, quàm aut mortuorum resurrectio, aut aliud miraculum ex eo genere. Non ergo aut ex hominum voluntate, aut ex inclinatione temporum expectanda est h[ic] agendi facilitas: sed per mediam de s[er]p[er]ationem prorumpere conuenit. Vult Dominus Euangelium suū prædicari. Huic mandato pareamus: & sequamur, quò nos vocat. Quis futurus sit successus, inquirere, non est nostrum: nisi quòd eum quàm optimum, & votis optare, & precibus à Domino postulare debemus: eniti etiam omni studio, sollicitudine, diligentia, vt talis contingat: interea tamen qualiscunq[ue] erit, æquo animo ferre.

Immeritò igitur hoc nobis crimini datur, non tantum profuisse nos, quantum & studuimus, & optandum fuisset. Plantare & rigare nos Deus iubet. Fecimus. Solus ipse est qui dat incrementum. Quid si pro nostro voto dare nolit? Si quod nostrarum partium erat, fideliter nos esse exequutos constat, ne quid amplius à nobis requirant aduersarij: de successu minus prospero cū Deo expostulent. Quauquam id quoque, quod obtendit, nullū extare doctrinæ nostræ fructū, falsissimū est. Omitto externæ idololatriæ correctionem, tótq[ue] superstitionum ac errorum: quæ pro nihilo ducenda non est. Sed an nullus est hic fructus, quòd multi verè p[er]ij nobis acceptum referunt, quòd Deum puro tandem corde colere didicerint? quòd eum coeperint serena conscientia inuocare? quòd ex perpetuis tormentis liberati, verum Christi gustum, in quo acquiscerent, perceperint? Quòd si querantur documenta, quæ in hominum conspectu appareant, non ita infeliciter nobiscū agitur, quin plurimis gloriari liceat. Quàm multi, cum antè corruptioris vitæ fuissent, ita resipuerunt, vt in nouos homines viderentur conuersi? Quàm multi, cum omni reprehensione caruisset eorum ante acta vita, imò cum præclaram laudem habuisset, adeò tamen non retrocesserunt, vt abunde vita sua testentur, non esse sterile nec infructuosum nostrum ministerium? Traducere nos, adeoque lacerare suis calumnijs hostes nostri possunt: apud imperitos præsertim: sed hoc nobis non eripient, quin plus apud eos, qui doctrinam nostram sunt amplexi, innocentia, integritatis, veræq[ue] sanctimonie reperiatur, quàm in ijs omnibus, qui habentur inter eos excellentissimi. Quòd si qui sunt, vt nimis multos fateamur esse, qui ad laxandas nequitia suas habenas, Euangelio abutantur: non nouum id quidem est: sed quid ad nos, vt eius culpam sustinere

sustinere nos oporteat? Scitur Euangelium vnicam esse bene sanctęque viuendi regulam. Quod autem non omnes regi se patiuntur: quod etiam alij, quasi iugo soluti, liberius insolent, in eo agnoscimus verum esse quod dicebat Simeon: Christum in hoc positum esse, vt reuelentur ex multis cordibus cogitationes. Si Euangelij lucem, ideo accendere, vt occulta impiorum nequitia detegatur, Deo placet, inde Euangelij ministris, eorūque prædicationi crimen conflare, extremę impudętię & malitię est. Ego verò nullam illis iniuriam facturum sim, si hoc de quo inuidiam conflare nobis conantur, in eos retorqueam. Vnde enim lasciuiendi audaciam arripiunt Dei contemptores, nisi quod in medio dissensionum strepitu, omnia sibi licere putant? Suum ergo hoc esse crimen agnoscant, quod veritatis cursum remorando, impunitatem alunt improborum.

Quod disciplina & legibus, quę populum in ordine contineant, carere nos aiunt, ad eam vituperationem duplex nobis in promptu est responsio. Si ordinem rite apud nos cõstitutum dixerim, refellent me quotidianę nostrorum hominum conciones, quibus disciplinam iacere adhuc neglectam deplorant. Ego verò, sicut nos isto bono destitui non inficior, ita per quos steterit hactenus, & nũc stet, quominus eo fruamur, respiciendum esse dico, vt hæc culpa imputetur. Negent hostes nostri, si possunt, omnia se machinari, quod non modò laborem in formandis ordinandisque Ecclesiis nostrum impediunt, sed quod dissipent etiam ac euertant quicquid per nos inchoatum fuerit. Sedulò nos quidem in Ecclesię adificatione elaboramus. Dum in opere sumus occupati, illi ad turbanda principia infestos se subinde ingerunt, nec vll. in nobis relaxationem permittunt, vt componere domesticum Ecclesię statum liceat. Postea dissipationem, cuius ipsi causa sunt, probri loco nobis obieciunt. Quanam ista est ingenuitas, nobis continuam exhibere molestiam: deinde criminis loco ducere, quod per eam omnes Ecclesię partes constituere non vacet? Quod multum adhuc deest ad perfectionem, Deus gemituum nostrorum, homines querelarum, testes sunt. At nonnulla, quę ad disciplinam pertinebant, loco mouimus. Nempe quemadmodum facere solent, qui collapsum adificium reparare aggrediuntur, vt congesta in acerum & confusa ruinarum fragmenta extrahant ac colligant, aptanda postea suo locovita nobis facere necesse fuit. Nam si quid ex veteri disciplina superfluit, in tanta Ecclesię vastitate, ita, in deformi ruinarum aggere permixtum & proiectum, pristinam faciem amiserat, vt nullum ad vsum, nisi prius extractum ex illa confusione, accommodari posset.

Vtinam autem suo saltem exemplo nos prouocarent. Sed quid? Disciplinam quin ullam apud nos esse clamitant, ipsi quam habent? An non præstaret, vitium suum agnoscere ipsos coram Deo nobiscum, & fateri, quàm nobis exprobrare quod mox in sua capita retorqueatur? Duę sunt disciplinę partes. Vna enim ad clerum: altera verò ad plebem pertinet. Scire nunc velim, qua seueritate clerum suum in honestis castisque moribus contineant. Purio rem illam & magis exquisitam sanctimoniam, ad quam clericos adstringunt antiqui canones, illis remitto. Scio enim vt intus rideant, cum quis leges illas, iam pluribus seculis mortuas, ex diuturna oblivione suscitatur. Tantum vulgarem in eorum clericis honestatem requiro: vt si non excellent vitę innocentia, saltem ne turpitudine sint infames. Si quis vel muneribus, vel favore, vel sordidis obsequijs, vel subreptitia commendatione obrepserit ad sacerdotiũ, simoniam esse pronuntiant canones, & vindicari iubent. Quotusquisq;

hodie est, qui aliter perueniat? Sed valeat, quemadmodum dixi, summus ille rigor. Verum ut nihil legibus præscriptum sit, Episcoporum domos, apertæ & prostituta simoniacæ esse officinas, quantum est dedecus? Quid de Romana curia dicam, ubi licitationibus palam subiacerent sacerdotia, leniculum iam videtur: cum & lenociniorum, & veneficiorum, & obscæniorum scelera sint mercedes? Si qua saltem inter nos valet humanitatis ratio, duodecim annorum pueris mandari Archiepiscopatus, quantum est portetum? An cum colaphis caderetur Christus, indigniore contumelia affectus fuit? An apertius Deo & hominibus illud potest, quam ubi Christiano populo regendo præficitur puer, & in patris pastorisq; sede collocatur? De presbyteris & Episcopis ita statuunt canones: ut in sua quisque statione excubias agat: ne quis longius absit à sua Ecclesia. Verum fingamus nihil tale præcipi: quis tamen non videt, Turcarum quoque ludibrijs prostitui Christianum nomen, cum pastor vocatur quispian Ecclesiæ, ad quam ne semel quidem tota vita accedat? Nam ut quis illic perpetuò habitet, ubi destinatus est pastor, iam pridem rarum exemplum esse cæpit. Episcopi & Abbates, aut ipsi proprias aulas habent, aut ordinarij sunt in principum aulis. Alij pro suo quisque genio locum eligunt, ubi delicientur. Quibus autem nidus suus magis placet, illi verè in Ecclesijs suis resident: sunt enim otiosi ventres, qui nihil minus nouerunt, quam officium suum. Vetitum illud quoque est antiquis canonibus, ne cui attribuerentur duæ Ecclesiæ. Sit hoc pro non dicto. Sed quoniam colore excusabitur tanta absurditas, quod quinque, aut plura sacerdotia in unum hominem congeruntur? quod unus, interdum etiam puer, tres Episcopatus occupat, tanto intervallo diffitos, ut eos anno vertente circuire vix possit, etiam si nihil aliud agat? Examen, in promouendis sacerdotibus, & morum, & doctrinæ, canones requirunt exactum & enucleatum. Demus hoc temporibus, ne ad illam nimis austeram formulam alligentur. Sed videmus quam indocti, & omnis, non tantum scientiæ, sed etiam prudentiæ expertes, sine delectu ingerantur. Et in mulione conducendo, maior antea clauitæ ratio habetur, quam in eligendo sacerdote. Nihil fingo: nihil amplifico. Agunt quidem, ceu histriones in scena, fabulæ: ut simulachrum aliquod antiqui moris representent. Interrogant vel Episcopi, vel eorum suffraganei, num digni sint, quos destinarunt ordinare. Adest qui respondeat, dignos esse. Neque verò procul quærendus est testis, aut pretio corrupendus: quia enim ceremoniæ tantum seruit hæc responsio, eam omnes cubicularij, tonsores, ianitores edocentur. Iam post ordinationem, minima in clericis scortationis suspicio, secundum antiquos canones, corrigi debet: si conuiuium fuerit crimen, abdicatione & excommunicatione puniendum est. Remittamus aliquid ex asperitate illa veteri. Quid tamen, quod quotidiana in illis scortatio sic toleatur, tanquam iure permissa foret? Clericum, qui aut venationi, aut aleæ, aut comestationibus, aut choreis indulgeat, nullo modo ferendum, pronuntiant canones. Quinetiam eradunt ex ministerio, quicumque infamia aliqua notati sunt. Similiter eos omnes, qui se implicat profanis negotijs, qui civilibus officijs se ita immiscet, ut abstrahantur à ministerij cura: quidenique non sunt in munere suo exequendo assidui, corrigi grauius, & nisi resipiscant, deponi præcipiunt. Excipient, tam aspera remedia, quæ ad viuum omnia vitia refecant, ætatem hanc non ferre. Sit ita. Neque enim tantam ab illis puritatem flagito. Sed tam effrenem peccandi licentiam in clericis dominari, ut mundum, alioqui corruptissimum, magis inficiant, quam ullus alius ordo, quis hoc illis ignoscat?

Plebis

Plebs verò disciplina sic habet: modò clericus maneat intacta sua dominatio, modò tributis ac rapinis nihil depereat, vt reliqua ferè omnia aut impunè liceant, aut praterantur negligenter. Videmus, vt in omne genus nequitia passim difflexerint hominum mores. Nec verò eius rei alios aduocabo testes, quàm te ipsum inuictiss. Cæsar, vósque illustrissimi Principes. Possunt quidè, cur ita sit, multa causæ adduci, fateor: sed inter multas hæc prima erit, quòd sua vel indulgentia vel socordia, improborum libidini frana laxarint sacerdotes. Quid hodie? Quam purgandus vitij, aut saltem reprimendis, curâ adhibent? Vbi monitiones? Vbi censura? Excommunicatio, vt alia taceam, optimus discipline neruus, quem habet vsum? Habent quidem, excommunicationis nomine, tyrannicum fulmen, quod in contumaces, vt vocant, iaculantur. Sed quam contumaciam puniunt, nisi eorum, qui de causis pecuniarijs ad tribunal suum citati, vel non stiterint se iudicio, vel credi eoribus, propter inopiam, non satisfecerint? Ita quod saluberrimum erat, ad corrigendos noxios, remedium, eo tantum modo admiseros innocentésque vexados abutuntur. Ridiculū porrò est, quòd occulta facinora interdum anathemate flagellant: vt si furtum admissum fuerit, nec reperiatur author. Aliena enim est ab institutione Christi hæc ratio. Caterum, cum tot publica dedecora ante omnium oculos versentur, illic cessat excommunicatio. Et adhuc nobis à facinorosis reprobrare audent, apud quos omnia sic sunt dissipata? Quanquam nihil eorum accusatione inuamur, si in eodem sumus reatu. Sed enim non huc pertinebant, quæ hæcenus dixi, vt crimen, quo nos infamant, in eos retorquendo, à nobis abstergerem: sed vt ostenderem qualis fuerit eximia illa disciplina, quam à nobis labefactatam fuisse conqueruntur. Si facere comparisonem libeat, non veremur, quin aliquanto saltem ordinatior ab omnibus pijs iudicetur nostra qualiscunque dissipatio, quàm totus eorum ordo, quo gloriantur. Non blandior malis nostris, cum hæc dico. Scio quàm multa desiderari in nobis possint. Et certè, si hodie nos Deus vocaret ad calculum, difficilis esset excusatio: sed cum hostibus nostris respondendum est, meliorem habemus causam, & faciliorem victoriam quàm vellemus.

Similis impudentia est, quòd diripi apud nos Ecclesiæ opes, & in profanos vsus conuerti clamitant. Si nihil hîc apud nos peccari dixerò, mentiar. Et sanè, rarò tanta rerum conuersiones fiunt, quin secum trahant aliquid incommodi. Si quid igitur hîc peccatum est, non excuso. Caterum, qua fronte nobis crimen hoc aduersarij intendunt? Ecclesiæ facultates in alienos vsus conuertere, sacrilegium esse dicunt. Assentior. Adijciunt, fieri hoc à nobis. Excipio, nos minimè subterfugere, quin pro nobis respondeamus: modò ipsi quoque ad causam dicendam vicissim parati veniant. Mox igitur de nobis: interea videamus quid ipsi faciant. De Episcopis nihil dico: nisi quod omnes vident, eos non splendore modò vestium, mensarum lautitij, copioso famulitio, palatiorum magnificentia, omni denique luxus genere certare cum principibus: sed etiam in sumptus multò foediores dilapidare opes ecclesiasticas, ac profunderè. Taceo venationes: taceo aleæ ludum: taceo reliquas voluptates, quæ non exiguam redditus partem absorbent. Sed ab Ecclesia sumere eos quod in scorta & lenones expendant, id verò nimis indignum. Iam hoc quidem absurdum, non dico modò pompa & apparatu superbire, sed illis redundare, vnde possint. Fuit olim tempus illud, cum in sacerdotibus gloriosa predicaretur paupertas. Sic enim habetur in actus Aquileiensis synodi. Olim quoque san-

Concil.
Carthag.
4. cap. 14

Ad nepo-
tium.

c. Cleri-
cos 1. qua-
stio. 2.

citum fuit, ut Episcopus non procul ab Ecclesia, hospitium, vilem mensam, & suppellectilem haberet. Verum, ut facessat antiquus ille rigor: postquam iam una cum opulentia multa corruptela succreuerant, tunc quoque tamen confirmata iterum lex antiqua fuit, ut prouentuum Ecclesiasticorum quatuor fierent portiones: una Episcopo cederet, propter hospitalitatem, & susceptionem pauperum: altera clero: tertia pauperibus: quarta reparandis Ecclesiis. Hanc rationem sua quoque aetate viguisse testatur Gregorius. Prætereâ, ut nullæ sint leges, sicut aliquando nullæ fuerunt (hæc enim, quam dixi, quemadmodum & aliæ, ex malis moribus nata est) verissimum tamen esse illud Hieronymi, nemo non fatebitur: gloriam esse episcopi, pauperum opibus providere: ignominiam omnium sacerdotum, proprijs studere diuitijs. Austerius fortè videbitur quod illic quoque iubet, mensulam sacerdotis peregrinis & pauperibus patere: sed æquè tamen est verum. Abbates quò propius, reddituum amplitudine, accedunt ad episcopos, eò sunt illis similiore. Canonici & parochi, quia ad ingluuiem, delicias, & pompam, non suppetebat unum sacerdotium, facile compendium, quo huic incommodo mederentur, inuenerunt. Nihil enim obstat, quominus quatuor aut quinque sacerdotiorum prouentum recipiat unus, qui multò plus deglutire posset vno mense, quàm habeat in totum annum. De onere, non agitur. Sunt enim in promptu vicarij, qui libenter supponant humeros, modò portiunculam aliquam liguriant. Quinetiam pauci reperiuntur, qui vno episcopatu, aut abbacia una sint contenti. Clericos, qui publico aluntur Ecclesiæ sumptu, cum ex patrimonio possint viuere, sacrilegos Hieronymus appellat. Quid ergo de ijs sentiendum, qui tres simul episcopatus, hoc est, aut quinquaginta, aut centum honesta patrimonia ingurgitant? Et ne paucorum culpa immeritò se traduci conquerantur, quid de his sentiendum, qui publicis Ecclesiæ stipendijs non luxuriantur modò, sed ad soluendas lenonibus ac scortis mercedes, abutuntur? Atqui, iam nihil dico, quod non sit vulgare. Adde, quòd si rogentur, quoniam iure vel frugale modicumque stipendium accipiant, non dico omnes, sed pauci illi, qui in sacerdotijs suis resident, ne ad hanc quidem questionem quod respondeant, erit. Quibus enim officijs id merentur? Quemadmodum olim sub Lege qui altari seruiebant, vivebant ex altari: ita nunc qui Euangelium annuntiant, ex Euangelio viuere æquum est. atque ita Deus præcepit. Hæc sunt Pauli verba: Exhibeant ergo nobis Euangelij ministros & stipendium illis non agrè concedam. Neque enim boui trituranti os obligandum. Boues autem arantes esurire, & inertes asinos pasci, quàm ab omni ratione dissentaneum? Atqui, seruire se altari dicent. Respondeo, altaris ministerio victum meruisse sacerdotes sub Lege: aliam esse rationem noui Testamenti, sicut Paulus testatur. Et quæ sunt ista circa altare obsequia, quibus victum deberi iactant? Nempe quòd peragunt suas Missas, & cantillant in templis, hoc est, partim operam sine fructu ludunt, partim sacrilegium perpetrant, quo ira Dei prouocetur. En cur illis ex publico præbeantur alimenta.

Hi sunt, qui inexpiabilis sacrilegij nostros principes accusant, quòd patrimonium Ecclesiæ, Deo consecratum, rapuerint per vim & summam iniuriam: & nunc in profanos vsus dilapident. Iam quidem testatus sum, nolle me omnia, quæ apud nos fiunt, excusare: quin potius non maiorem alicubi rationem haberi, ut in eos tantum vsus impendantur Ecclesiæ redditus, quibus sunt dedicati, mihi displice-

re profiteor. Mecum etiam id gemunt omnes boni. Verum, hoc tantum in praesentia agitur: rapuerintne per sacrilegium Ecclesiae bona principes nostri, cum ex sacerdotum & monachorum erepta manibus, ea ad se receperunt? Num quia aliorum ea conferunt, quam ad saginandos illos ventres, ideo ipsa profanent. Suam enim aduersarii, non Christi, nec Ecclesiae, causam agunt. Fateor certe, graue iudicium pronuntiari aduersus eos, qui Ecclesiam spoliauerint, ut sibi raperent quod illius erat. Sed ratio simul additur, quia veros ministros fraudent suo victu: quia, pauperes fame necando, rei sint sanguinis. Hoc autem quid ad nostros aduersarios? Quis enim, ex eorum cohorte testabitur, quod de se olim testatus est Ambrosius: ^{Epist. li. 5.} ^{Epist. 31.} ^{& 33.} sumptum esse egenorum quicquid possidet? Item, nihil habere episcopum, quod pauperum non sit. Imò quotusquisque est eorum, qui non aequè licenter eo quod possidet, abutatur, ac si libidini suae, ad quamlibet profusionem, expositum foret? Frustra ergo sibi ablata esse exposculant, quae nec ullo iure occupabant, & dilapidabant per summum nefas. Non enim licuit hoc modo nostris principibus, sed etiam necesse fuit. Quid enim cum Ecclesiam. Veris ministris nudam ac destitutam cernerent: redditus autem, qui alendus minister dicati essent, ab otiosis ignauisque hominibus suppressi: cum Christi ac pauperum patrimonium cernerent, vel ingurgitari à paucis, vel in sumptuosos luxus dissolutè profundi, an non admouerent manum? Imò cum obstinatos veritatis hostes, Ecclesiae patrimonio incubare, & eo, ad Christum impugnandum, ad opprimendam pietatis doctrinam, ad persequendos eius ministros, abuti cernerent, an non excuterent protinus ex eorum manibus, ne ad vexandam Ecclesiam, Ecclesia saltem opibus armati instructique essent? Laudatur Spiritus sancti testimonio Rex Ioas, quod cum sacras oblationes perperam consumi à sacerdotibus, animaduerneret, quaestorem suum praefecerit rationibus repositendis. Et tamen illi erant sacerdotes, quibus ordinariam administrationem Deus mandauerat. Quid ergo cum ijs agendum, qui nec funguntur legitimo ministerio, nec templi modò institutionem, sicut illi, negligunt, sed ad diruendam Ecclesiam nervos opesque omnes impendunt?

Verum administratio qualis? dicet quispiam: Sanè, ut non penitus reprehensione careat, longè saltem & melior & sanctior, quam in hostium nostrorum partibus. Inde saltem aluntur veri ministri, qui populum salutis doctrina pascant: cum antehac nuda ac destituta à Pastoribus Ecclesiae, sumptu tamen alimentorum grauarentur. Vbicunque scholae erant aut prochothrophia, manent: aucti etià alicubi redditus, nusquam imminuti. Multis etiam locis in vicem monasteriorum instituta prochothrophia, quae antè non fuerant: alicubi etiam erectae nouae scholae, ubi non magistris tantum ordinata sunt stipendia, sed pueri quoque in eam spem educantur, ut postea Ecclesiae seruiant. Denique, multa commoda in commune percipiunt Ecclesiae ex ijs opibus, quas sacerdotes & monachi prius soli heluabantur. Neque exigua portio in sumptus extraordinarios absumitur: qui tamen optimo iure in rationem venire debent. Certum est, multò plus consumi, rebus ita confusis, quam si composito certo ordine, inter Ecclesias conueniret. Eiusmodi impensas, quae non priuati compendij gratia, sed in publicam Ecclesiae necessitatem sunt, nostris principibus ac ciuitatibus non ferri expensas, perquam iniquum foret. Præterea non subducunt aduersarii rapinas illas & iniustas exactiones, quibus Ecclesiae sub sacrificiis expilabantur, nunc autem sunt subleuatae. Verum ob unam causam

propè superuacua est tota hæc disputatio: quòd iam ante triennium testati sint nostri principes, moram se nullam in restitutione facturos, modò in eùdem se ordinem cogipatiantur, qui & amplius multò, idque minus honesto colore detinent, & in administratione multò dissolutius peccant. Habet igitur tua Maiestas, Inuicliß. Cæsar, eos sua promissione obstrictos. Extrat etiam in manibus hominum libellus: ut ad doctrinæ consensionem ea res non debeat esse impedimento.

Ultimum ac præcipuum quo nos grauant, crimen est factæ ab Ecclesia discessionis. Atque hîc ferociter nobis insultant, quòd nulla causa sit, cur abrumperetur Ecclesiæ unitatem. Verum, quantum nobis faciant iniuriæ, testes sunt nostrorum hominum libri. Nunc autem breuiter sibi responsum habeant: nos nec ab Ecclesia dissidere, nec ab eius communione esse alienos. Sed quia specioso illo Ecclesiæ titulo, etiã pijs alioqui & cordatis perstringere oculos solent, te Inuicliß. Cæsar, vósque Illustriß. principes, obtestor, primùm ut deposito omni præiudicio, alteram defensionem nostræ aurem integram præbeatis: deinde, ne protinus, audito Ecclesiæ nomine, terreamini, ut memineritis, tale omnino cum laruata sui seculi Ecclesiæ, Prophetis & Apostolis fuisse certamen, quale nobis cum pontifice Romano, totaque eius cohorte esse hodie videtis. Cùm illi, Dei mandato, in idololatriam, superstitiones, Templi sacrorumque pollutionem, in sacerdotum socordiam ac torporem, in omnium auaritiam, crudelitatem, & libidines liberius inuherentur, continuo illis regerebatur quod hodie semper in ore habent aduersarij nostri: eos à comuni sententia discedendo, Ecclesiæ scindere unitatem. Erat tunc ordinarium Ecclesiæ regimen penes sacerdotes, quod non temere arrogauerāt ipsi sibi, sed Deus illis lege sua cõtulerat. Longũ esset in singulis hoc ostendere. Vno igitur Ieremiæ exemplo sumus contenti. Erat illi cū toto sacerdotũ collegio negotiũ. Hæc ad eum impetendum erant illorum arma: Venite, conspiremus aduersus Ieremiam. Non enim lex à sacerdote peribit: nec consiliũ à sene: nec sermo à Propheta. Erat illic summus sacerdos, cuius non stare iudicio, capitale erat. Totum ordinem, cui Deus ipse Israëliticæ Ecclesiæ gubernacula tradiderat, sibi consentientem habebat. Si Ecclesiæ unitatem violat, qui, sola Dei veritate instructus, ordinariæ se potestati opponit: schismaticus erit Propheta, qui nihil eiusmodi minis fractus fuit, quominus bellum cum sacerdotum impietate gerere, constanter persisteret. Stare à nobis æternam Dei veritatem, à Prophetis & Apostolis prædicatam, parati sumus ostendere: atque adeò cuius intelligere, promptum est. Sed hoc tantum ariete repellimur, quòd discessionẽ ab Ecclesia, nulla causa excuset. Nos verò id fieri à nobis, pernegamus. Quid habent, quo nos urgeant? Profsus nihil: nisi quòd ordinarium habent Ecclesiæ regimen. At quanto meliori iure hoc dicunt Ieremiæ hostes? Nam tunc saltem manebat adhuc sacerdotij lex à Deo constituta: ut certa esset illorum vocatio. Qui hodie præfules vocantur, nullis, nec diuinis, nec humanis legibus, approbant suam vocationem. Sint tamen pares. Nisi reum schismatis antè peregerint sanctum Prophetam, nihil aduersum nos proficiunt, fucoso illo Ecclesiæ nomine. Illum vnum, exempli gratia, nominaui. Sed reliqui omnes eandem se pugnam sustinuisse testantur, cum, ad eos obruendos, Ecclesiæ titulo abuterentur impij sacerdotes. Quid Apostoli? an non illis necesse fuit, ut se Christi seruos profiterentur, ymaginẽ bellum denuntiare? Et tamen sacerdotij nondum amiserant gradum aut honorem. Atqui, inquit, sic in doctrina dissidebant tum Apostoli, tum

Prophetæ, ab impijs sacerdotibus, vt in sacrificijs & precibus cõmunionem interea cum illis colerent. Fateor: cùm ad idololatriam non cogherentur. Sed quem Prophetarum legimus vnquam sacrificasse in Bethel? quem etiam piorum impuris sacrificijs putamus communicasse: cùm templum ab Antiocho pollutum, & profanæ illuc ceremoniæ introductæ essent?

Summa huc spectat, vt seruos Domini intelligatis inanem Ecclesiæ titulum nunquam morari solitos fuisse, cùm ad stabiliendum impietatis regnum obtenderetur. Proinde, non satis est Ecclesiam iactare, sed adhibendum est iudicium: vt, quæ sit vera Ecclesiæ, & qualis sit eius vnitas, nouerimus. Hoc autem primum omnium est, ne Ecclesiam à Christo capite suo, separemus. Christum, cùm dico, coniunctum intelligo cum Euangelij sui doctrina, quam suo sanguine obsignauit. Ergo vt se veram esse Ecclesiam persuadeant aduersarij, ante omnia puram Dei doctrinam apud se esse ostendant oportet. Atque id est, quod sæpe dicimus, perpetua bene ordinatæ Ecclesiæ insignia esse, sanam doctrinæ prædicationem, & purum Sacramentorum vsum. Fundatam enim eam esse in Prophetica & Apostolica doctrina cùm testetur Paulus, nisi hoc fundamento fulciatur, ruere extemplo necesse est. Venio ad nostros aduersarios. Christum à suis partibus stare, magnificè iactant illi quidem: sed tunc illis fides demum habebitur, si eum in verbo suo exhibeant. Ecclesiæ vocem identidem inculcant. Sed quærimus, vbi nam sit illa doctrina, quam Paulus vnicum facit Ecclesiæ fundamentum. Videt iam profectò Maiestas tua, Cæsar, multum interesse, veritate Ecclesiæ, an nomine arment se hostes nostri, ad nos obruendos. Ab Ecclesiæ, communi fidelium omnium matre, columna & firmamento veritatis, qui discedunt, eos à Christo etiam deficere, nos æquè fatemur, atque ipsi: sed Ecclesiam requirimus, quæ filios suos incorruptibili semine ad immortalitatem gignat: quæ genitos alat spiritali cibo (semen autem illud, ac cibus ille, verbum Dei est) quæ puram & integram custodiat suo ministerio veritatem illam, quam Deus in eius sinum deposuit. Illa nota est minimè dubia, minimè fallax: quam Deus ipse Ecclesiæ suæ impressit, vt inde dignoscatur. Nūm videmur iniquum postulare? Vbi ergo nihil extat tale, nulla illic relucet Ecclesiæ facies. Si nomen obtenditur, notum est illud Ieremiæ: frustra verbis mendacibus gloriari impios sacerdotes, dum clamitant: Templum Domini, Templum Domini, Templum Domini: cùm ex Templo Domini speluncam latronum fecerint.

Similiter Ecclesiæ vnitatem, qualis à Paulo describitur, testamur nobis esse sacrosanctam: & anathema pronuntiamus aduersus omnes, qui eam vllò modo violauerint. Ab hoc itaque principio vnitatem ducit Paulus, quòd vnus sit Deus, vna fides, vnum Baptisma: quòd vnus sit omnium Pater, qui nos in spem vnam vocauerit. Tunc ergo vnum erimus corpus, & vnus spiritus, quemadmodum illic præcipit, si vni Deo adhæreamus: idque, fidei nodo inter nos colligati. Porro memoria repetendum, quod alibi dicit: fidem esse ex Dei verbo. Sit ergo hoc constitutum, tunc constare inter nos sanctam vnitatem, cùm in pura doctrina consentientes, in vnum Christum coalescimus. Et sanè, si in quamlibet doctrinam conspirare sufficeret, quo iam iudicio amplius à profanis impiorum factionibus Dei Ecclesiæ discernetur? Quamobrem, paulò post subiungit Apostolus, ad aedificationem Ecclesiæ institutum esse à Christo ministerium, donec perueniamus in

fidei unitatem: hoc est, agnitionem filij Dei: ne simus amplius pueri, qui circumferamur quolibet vento doctrinae, sed veritatem secutantes in charitate, crescimus in illum, qui est caput. Poterátne apertius totam Ecclesiam unitatem includere in sancta veræ doctrinae concordia, quàm dum ad Christum, ad fidem, quæ eius agnitione continetur, ad veritatis obedientiam reuocat? Neque verò hoc longa demonstratione opus habet apud eos, qui Ecclesiam cogitant ouile illud esse, cui solus Christus præest: ubi una eius vox auditur, & discernitur ab alienorum voce. Atque id quoque alibi confirmat, cum pro Romanis Deum precatur, ut vnum sentiant omnes, sed secundum Christum: ut vnanimes honorent Deum.

Proinde, ad Christum accedant aduersarij nostri primum: & tunc reos schismatis nos faciant, quòd ab ipsis in doctrina dissidere ausi simus. Cum verò iam planum fecerim, profligatum esse Christum ex eorum contubernio, exterminatam esse Euangelij eius doctrinam, hoc tantum in nobis accusant, quòd Christo potius adhæreamus, quàm sibi. Cui enim, obsecro, persuadeant, quicumque abduci à Christo, eiusque veritate, recusent, ut se in hominum tradant potestatem, eos schismaticos, & ab Ecclesia consortio transsfugas esse? Fateor certè, honorem habendum esse sacerdotibus: & magnum esse periculum in despectu ordinaria potestatis. Quare, si non temerè ordinariæ potestati resistendum esse dixerint, non difficulter subscribimus. Neque enim rudes adeo sumus, quin videamus, quanta sit futura perturbatio, nisi autoritas deferatur ijs qui præsunt. Constet ergo suus pastoribus honor: sed ita, ne quid imminuat ex summo Christi imperio: cui & illos, & omnes ad vnum, subesse oportet. Hac enim conditione se olim Israëlita Ecclesiæ regimè dedisse sacerdotibus, testatur Deus per Malachiam, ut faciæ cum illis pactionis fidem præstarent. Nempe, ut labia eorum custodirent scientiam, & legem populo exponerent. Huic pactioni cum minimè tunc starent sacerdotes, fœdus suum, illorum perfidia abrogatum, iamque irritum esse, pronuntiat. Falluntur, si alia se lege collocatos in Ecclesiæ regimine arbitrantur, quàm ut veritatis Dei ministri sint ac testes. Quandiu ergo, contra officij sui legem ac formulam, bellum cum Dei veritate gerere pergent, ne sibi potestatem usurpent, quam Deus non nisi, sub ea, quam diximus, conditione, vel olim sacerdotibus, vel nunc episcopis, contulit.

Verum, quia Ecclesiæ communionem in illo regimini genere, quod ipsi sibi finxerunt, inclusam esse persuasi sunt, eo solo vicisse sibi videntur, cum nobis alienationem à Romana sede obijciunt. Nobis verò de primatu Romanæ sedis, quo tantopere gloriantur, non est difficilis responsio. Sed eam disputationem, tum quia nimis prolixa foret: tum quia copiose tractata est à nostris hominibus, hinc non ingrediar. Tantum hoc à vobis postulabo, inuictiss. Cæsar, & illustrissimi Principes, ut Cyprianum audiatis differentem, ex quo potius ordine æstimanda sit vobis vera Ecclesiæ communio, quam ad solum Romanum Pontificem aduersarij nostri reuocant. Nam ubi Ecclesiastica concordia fontem constituit in solo Christi episcopatu: cuius à singulis in solidum partem teneri affirmat, postea subiungit: Ecclesia una est, quæ in multitudinem latius incremento fecunditatis extenditur: quomodo solis radij multi, sed lumen vnum: rami arboris multi, sed robur vnum: tenaci radice fundatum: & de fonte vno rui plurimi defluunt: numerositas licet diffusa videatur exundantis copiae largitate, unitas tamen manet in origine. Auelle
radium

De simplicitate
preiator.

radium solis à corpore, diuisionem vnitas non capit. Ab arbore frange ramum, fructus germinare non poterit. A fonte præcide riuum: præcisus arefcit. Sic & Ecclesia Domini luce perfusa, per totum orbem porrigitur: vnum tamen lumen est, quod vbiq; diffunditur, nec corporis vnitas separatur. Proinde hæreses & schismata inde oriri pronuntiat, quòd ad veritatis originem non reditur, nec caput queritur, nec cœlestis magistri doctrina seruatur. Talem nobis hierarchiam si exhibeant: in qua sic emineant episcopi, vt Christo subesse non recusent: vt ab illo, tanquam vnico capite, pendeant, & ad ipsum referantur: in qua sic inter se fraternam societatem colant, vt non alio nodo, quàm eius veritate, sint colligati: tum verò nullo non anathemate dignos fatear, si qui erunt, qui non eam reuerenter, summâq; obedientia, obseruent. Hæc verò mendax hierarchia larua, qua superbiunt, quid omnino habet simile? Vnus principatum, Christi vice, tenet Pontifex Romanus, qui absque lege & modo, tyrannico more, imò dissolutiore impudentia, quàm tyrannus quisquam, dominatur. Reliquum corpus ad illius magis normam, quàm Christi, compositum. Extinctum illud lumen, de quo loquitur Cyprianus: præclusa fontis scaturigo: denique, sola a rboris proceritas, à radice præcisa, ostentatur.

Non abs re est, scio, quòd de asserendo Romanæ sedis primatu ita laborant aduersarij: in quo scilicet consistere, & se, & sua omnia, animaduertunt. Sed vestrum est, inuictiss. Cæsar, & illustriss. Principes, dispicere ac præcauere, ne vobis, sicut imperitis facere soliti sunt, inani fuco illudant. Principiò hunc, quem iactant, primatum, nulla Dei authoritate, sed nudo hominum arbitrio constitutum fuisse, iam fateri ipsi quoque coguntur. Saltem id cùm ostendimus, etiam si non palam assentiantur, contrà tamen pugnare, quodammodo eos pudet. Fuit quidem tempus, cùm audacter Scripturæ testimonijs, ad tam crassî mēdacij confirmationem abuterentur: sed vbi comminus certatum fuit, facile fuit excutere de eorum manibus festucas, quas pro gladijs procul ostentauerant. Itaque Dei verbo destituti, confugiunt ad verustatis subsidium. Sed inde etiam nullo negotio eos depellimus. Paulatim enim emerfisse Romanos Pontifices ad hoc honoris fastigium, quod ab annis circiter quadringentis occuparunt, vel potius astu partim & malis artibus obrepisse, partim violenter irrupisse, tum sanctorum patrū scripta, tum acta conciliorum, tum historiæ planum faciunt. Verum vt illis vtrunque remittamus: vt, inquam, nobis concedentibus obtineant, & collatum diuinitus Romanæ sedi primatum: & confirmatum perpetuo veteris Ecclesiæ consensu fuisse: tunc tamen demum his esset locus, si Roma & veram Ecclesiam haberet, & verum episcopum. Neque enim stabit sedis honor, vbi nulla amplius erit sedes. Obsecro, qua in re episcopum se præstat Pontifex Romanus, vt talis à nobis censeatur? Notum est illud Augustini: Episcopatum officij nomē esse, nō honoris. Et has esse episcopi partes definiunt veteres synodi, pascere verbi prædicatione populum. sacramenta administrare, clerum & populum continere in sancta disciplina, & ne ab his distrahatur, profanis omnibus huius seculi curis se abdicare. Episcopo adiutores in his omnibus debent esse presbyteri. Quid horum facere se simulant Papa & Cardinales? Dicant igitur quo titulo haberi se velint legitimos pastores, qui nullam officij partem, vel minima digito, ne in speciem quidem, attingunt.

Verum, vt demus hæc omnia: episcopum esse, qui ab omni officij sui parte in

eorum abstineat : Ecclesiam esse, quæ tam verbi ministerio, quàm puro Sacramentorum usu careat : quid tamen, ubi omnia contrà pugnant? Iam aliquot seculis sedem illic habuerunt impia superstitiones, aperta idololatria, peruersa doctrina : ea doctrina capita, quibus potissimùm Christiana religio continetur, euersa. Prostituta ad turpem quæstum, aliasque pollutiones, sacramentis, extremo ludibrio habitus fuit Christus : ut iterum quodammodo crucifigeretur. Erine illa omnium Ecclesiarum mater, quæ adeò nullam, non dico faciem, sed ne lineam quidem retinet veræ Ecclesiæ, ut nervos omnes sanctæ, quæ inter fideles esse debet, communionis absciderit? Nunc renascenti Euangelij doctrina non aliter se opponit Romanus Pontifex, quàm si de capite suo ageretur. An non eo ipso demonstrat, non aliter saluam sibi fore suam sedem, nisi profligato Christi Regno? Neuit tua Maiestas, Cæsar, quantus hic mihi dicendi campus pateat. Verùm, ut breuiter locum hunc concludam : Nego Apostolicam esse eam sedem, ubi nihil præter horrendam apostasian visitur. Nego Vicarium esse Christi, qui Euangelium furiosè persequendo, Antichristum se esse opere demonstrat. Nego esse Petri successorem, qui ad demoliendum quicquid edificauit Petrus, toto conatu incumbit. Nego caput Ecclesiæ esse, qui rescissam à Christo vero & unico capite Ecclesiam, sua tyrannide discerpit ac lacerat. Ad hæc omnia mihi respondeant, qui sic aligatam sedi Romanæ esse volunt Ecclesiæ hierarchiam, ut Papæ authoritati certam ac testatam Euangelij doctrinam posthabere non dubitent. Imò mihi respondeant ipsi : tantum vos expendite, inuicliß. Cæsar, & illustrissimi Principes, æquumne an iniquum postulemus.

Hinc quoque proculdubio statuere vobis promptum erit, quàm nõ audienda sit aduersariorum nostrorum calumnia, dum impia temeritatis, & quasi inexpiables audaciæ nos accusant, quia ad purgandam, tum doctrinam, tum ceremoniarum inquinamētis Ecclesiā, non expectato pontificis Romani nutu, aggressi simus. Id verò priuatis hominibus fas fuisse negant. At verò, quid ab eo sperandum erat, quem loco cedere oportebat, ut Ecclesia in statum meliorem restitui posset? Deinde quisquæ memoria repetet, quæ Lutheri aliorumque fuerint initia, qui progressus, nullam à nobis purgationem requireret. Suppliciter, cum integra adhuc essent omnia, orauit Pontificem Lutherus, ut grauissimis Ecclesiæ morbis in animum induceret mederi. Quid profecit? Re vltterius prouecta: etiam si taceret Lutherus, satis acres stimulos ad incitandum Pontificem habebat necessitas, ne amplius differret. Id palam vniuersus orbis Christianus ab eo flagitabat. Pij omnium votus satisfacere illi in manu erat. An fecit? Nunc impedimenta causatur. Verùm, si fontem inuestigare libeat, reperiamus eum solum, & sibi, & alijs obstare, ne quid agatur. Verùm, quid argumentis istis leuioribus insisto? Quasi verò hoc vnū, aut nõ satis sit illustre, aut non satis ponderosum: quòd nullā à principio hucusque secum transigendi aliam spem ostendit, nisi ut, sepulto rursus Christo, quicquid impietatis fuit cum nos in medium prodymus, firmioribus quàm antè machinis, stabiliat. Hæc scilicet causa est, cur hodie quoque fortiter prohibeant aduersarij, Ecclesiæ instaurationi manum admouere: non quia necesse non sit (id enim negare, nimis perditæ impudentiæ foret) sed quia tam salutē Ecclesiæ, quàm interitum, ex solo Pontificis Romani arbitrio nutuque, suspensam esse velint.

Nunc de remedio videamus, quod solum nobis relinquunt, qui digitum moueri

moueri nefas esse censent, quibuscunque malis prematur Ecclesia. Ad concilium nos vniuersale reijciunt. Quid? An si, obstinatis animis, in suum exitium maior pars ruat, ideo nobis quoque simul perire necesse erit: cum penes nos salutis nostrae consulendi sit facultas? At nefas est, inquiunt, abrumpere Ecclesiae unitatem: quae tunc abrumpitur, si seorsum aliquid in fidei doctrina pars vna, non adhibitis alijs, decernat. Postea, quae inde incommoda nascerentur, amplificat: nihil praefer horrendam vastitatem, & confusum cahos posse expectari, si propriam sibi fidei formam instituat vnaequeque gens & natio. Haec quidem merito, & ad rem appositè tum dicerentur, si sponte se vnum Ecclesiae membrum ab alijs, contempta unitate, separaret. Verum, id nunc non disputatur. Vtinam impetrari hoc quidè posset, ut sancta conspiratione omnes Christiani orbis monarchae & populi, ad expetendam praesentium malorum emendationem, simul digitum tollerent. Sed cum alios videamus à meliori statu abhorrere: alios verò, aut bello, aut alijs curis teneri implicitos, quominus huc studiū suū applicare queant: quousque tandè alios expectando, nobis consulere differemus? Atque ut liberius malorum omnium fontem aperiā: videmus Ro. Pontificem, quoad poterit, nunquam passurum, ut consentiant Ecclesiae omnes, non dico ad iustam consultationem habendam, sed omnino ad synodum colligendam. Satis quidem promittet, quoties rogabitur: modò vias omnes praclusas, & aditus omnes impeditos videat. Verum habet in manu remoras, quas identidem obijciat, ne vnquam desit tergiversandi praetextus. Cardinales, episcopos, abbates habet omnes, paucis exceptis, consentientes in hac re secum. Siquidem hoc vnum cogitant vter plurimum, qualiter possessionem retineant semel usurpata: tyrannidis: de Ecclesiae salute, vel exitio, ne minimū quidem solliciti.

Non vereor inuictis. Caesar, & illustris. Principes, ne vobis incredibile, aut etiam ad persuadendum difficile sit, quod dico. Quin potius vestras omnium conscientias appello, an aliud referam, nisi quod certo experimento compertum habetis. Interea ultimo in discrimine iacet Ecclesia: infinita anima, quo se vertere debeant, nescientes, miserè anguntur: multa etiam morte praecupata, nisi mirabiliter à Domino seruentur, pereunt: sectae varia exoriuntur multi, quorum prius latebat impietas, ex praesenti dissensione licentiam nihil credendi sumunt: multa loqui non mala ingenia, profanescunt. His malis coercendus nulla est disciplina. internos, qui vnius Christi nomine gloriamur, & eundem habemus baptismum, nihilo plus est consensionis, quam si diuersas penitus religiones profiteremur. Et, quod omnium est miserrimum, instat, & iam propè in conspectu est horrenda totius Ecclesiae dissipatio, cui frustra remedia quarentur. Cum igitur ad opem Ecclesiae ferendam nulla possit esse, in tanta calamitate, & in tantis periculis, nimia celeritas, qui nos ad concilium vniuersale ablegant, cuius habendi nulla spes apparet, quid aliud quam Deo & hominibus illudunt? Aut ergo sustinendum est hoc iudicium Germanis, quod Christi Ecclesiam in suo imperio pati maluerint, se videntibus & quiescentibus, perire, cum mederi possent eius morbis: aut statim ad suscipiendam eius curam se accingant, necesse est. Quanquam istud secundum, nunquam faciet ita maturè, quin nimiae cessationis meritò etiamnum damnentur. Quicunque verò, generalis concilij praetextu, moram interponunt, eos nihil aliud moliri constat, nisi ut hoc artificio tempus extrahant. Nihilo igitur magis sunt audiendi, quam si verbis faterentur, quod re ipsa demonstrant, sibi tanti priuatum

compendium esse, ut id Ecclesiæ interitu redimere non dubitent.

At nouo, inquit, exemplo id fieret. Nam ut de religionis dogmatibus, si qua in his controuersis fuerit exorta, cognitionem prouincia una suscipiat ac pronuntiet, nunquam auditum fuit. Quid audio? an solo nutu persuasum iri mundo arbitratur mendacium, quod temporum omnium historijs refellitur? Quoties emerfit noua aliqua hæresis, aut dissidio aliquo turbata fuit Ecclesiæ, nonne statim prouincialem synodum solebant conuocare, ut illic componeretur quod turbatum erat? Ad generale verò concilium, nisi tentato prius illo remedio, decurrere nunquam moris fuit. Priusquam ad confutandum Arrium, Niceam conuenirent ex toto orbe Christiano episcopi, iam plures in Oriente synodi collectæ fuerant. Reliqua exempla, breuitatis causa, prætereo. Sed quod hostes nostri, tanquam inusitatum fugiunt, ordinarium fuisse, veterum scripta testantur. Facebat ergo mendax iste nouitatis prætextus.

Si Aphricanos episcopos tenuisset hæc superstitio, nimis serò Donatistis ac Pelagianis occursum esset. Iam magnam Aphricæ partem in suam factionem traxerant Donatistæ: nec locus quisquam erat ab eorum contagione omnino purus. Erat maximi ponderis controuersia, de Ecclesiæ unitate, & legitima administratione baptismi. Secundum nouam istorum sapientiam, debebant ad vniuersale concilium reijcere orthodoxi episcopi illam quæstionem, ne à reliquis Ecclesiæ membris se abscinderent. An faciunt? Quin potius, quia restringendo præsentī incendio festinatione opus esse iudicant, urgent & insequuntur Donatistæ: nunc ad synodum, nunc ad disputationem eos, quasi manu confectum vocantes. Damnant hostes nostri impiæ ab Ecclesiæ separationis & Augustinum, & alios eius ætatis sanctos viros, qui cum eo consentiebant: quod & Donatistæ, imperiali auctoritate, non conuocata vniuersali synodo, secum disputare cogerint: & prouinciali concilio transigere de controuersia maxime ardua & periculosa non dubitauerint. Pelagius illic quoque cristus extulerat: statim, ad reprimendā eius audaciam, habita synodus. Cùm, simulata ad breue tempus pœnitentia, vomitum resorbisset, defixio in Aphrica impietatis suæ aculeo, Romam se recepit, ubi satis benignè fuit exceptus. Quid faciunt pij episcopi? An se membrū duntaxat Ecclesiæ esse causantur, ut ab vniuersali concilio remediū expectent? Quin potius conueniunt ipsi, prima quaque occasione, iterum atque iterum: impiū illud dogma, quo iam infelici fuerant multi, anathemate damnant, pronuntiant liberè ac definiunt, quid de originali peccato, deque regenerationis gratia, sentiendum sit. Postea Romam quidem aëtorum exemplar mittunt, partim ut communi & auctoritate, & consensu, melius & validius hæreticorum frangant contumaciam: partim, ut alios admoneant periculi, quod erat omnibus cauendum. Torquent hoc aliorum Romani Pontificis adulatores: quasi suspendierint sententiam, donec quod egerant, ratum haberet Innocentius, qui tum Romanæ Ecclesiæ præsidebat. Verum satis superque refellitur hæc impudentia ex sanctorum patrum verbis. Neque enim aut consilium perunt ab Innocentio, quid facere debeant: nec ad eum referunt, ut pronuntiet: nec eius nutum auctoritatēque expectant: sed iam se cognouisse de causa, & sententiam tulisse narrant, qua & hominem, & doctrinam damnauerint: ut suum exemplum ipse, nisi satis partibus deesse velit, imitetur. Atque hæc quidem tum fiebant, cùm in sana doctrina consentientes adhuc essent inter se Ecclesiæ. Nunc ergo, cùm omnia

inclinant

inclinent ad ruinam, nisi celeriter succurratur, quid ab eorum pendeamus consensu, quinulum non mouent lapidem, ut Dei veritatē, quam profligarunt, impediunt, quominus iterum emergat? Erat Ambrosio, sua etate, cum Auxentio certamen de primario fidei nostræ capite: hoc est, de diuinitate Christi. Fauebat Auxentij partibus Imperator. Neque tamen ad generale conciliū prouocat hoc obtentu, quasi alibi tantam causam finiri sit nefus: sed tantum postulat, ut quia fidei sit quæstio, in Ecclesia, coram populo disputetur. Quorsum etiam synodi: prouinciales, quæ bis olim quotannis ex more habebantur, nisi ut de ijs, quæ emerferant, inter se consultarent episcopi? sicut & canon synodi Chalcedonensis decimus nonus continet. Iubet antiquum institutum, bis quotannis conuenire vniuscuiusque prouinciæ episcopos. Hoc synodus Chalcedonensis interpretatur fieri debere ut si qua emerferint, corrigantur. Isti quæ omnibus nota sunt, & doctrinæ, & morū vitia, vllō modo attingi fas esse negant, donec ad vniuersale conciliū ventum fuerit. Quinetiā hoc ipso subterfugio Palladius & Secundianus, Arriani, concilium Aquileiense repudiabant, quod plenum ac generale non esset. Abesse Orientales omnes episcopos: Occidentaliū etiam paucos cōparēre. Et certē, ex Italicis quoque vix dimidia pars conuenerat. Romanus episcopus, neque venerat ipse, neque aliquem miserat ex suis presbyteris, qui suo nomine interesset. Ad ista omnia respondet Ambrosius: non esse nouum exemplum, ut synodum agant Occidentales episcopi: cum moris semper fuerit, Orientales inter se conuenire. Prudenter fecisse pios Imperatores, qui concilium indixerint, facta omnibus libera veniendi potestate, nulla verò necessitate imposita. Venisse, quibus visum fuerit: quia nemo fuerit prohibitus. Cū pergerent in suis tergiuersionibus hæretici, non propterea destiterunt à suo proposito sancti patres. Talibus profecto exemplis non prohibetur maiestas tua Cæsar, quæ minius ad recolligendum in sanctam concordiam imperij corpus, hac, quæ se ad manum offert, ratione vtaris.

Quaquam non hoc agunt isti nostri, qui procrastinandum suadent, sicuti iam dictum est, ut aliquantisper differendo, tandem Ecclesiæ consulatur: sed lucrū modò ex mora querunt. Porro satis longas inducias habituros se existimant, si ad vniuersale conciliū reijcere nos possint. Agedum tamen: fingamus iam nihil obstare, quominus vniuersale conciliū mox cogatur: fingamus etiam seridū indictum esse: adesse diem: omnia esse comparata. Illic nimirum præsidebit Romanus Pōtifex: aut si venire grauaabitur, vnum quempiā ex Cardinalibus legabit, qui suo loco præsit: eūque proculdubio de liget, quem fidissimum sibi fore arbitrabitur. Asidebunt Cardinales reliqui, Episcopi deinde & Abbates: subsellia occupabunt consiliarij: quos ut plurimū de ligere nō solent, nisi ad suam voluntatē bene formatos. Fieri quidem poterit, ut pauci quidam boni inter eos sedeāt: verū & propter suam paucitatem despectui erunt: & metu debilitati, vel proficiendi desperatione fracti, tacebunt. Quod si quis fortē verbum facere audeat, strepitu & clamoribus, dicto citius, ebruetur. Multitudo autem sic erit comparata, ut quiduis passura sit potius, quàm Ecclesiam restitui in statum meliorem. De doctrina taceo. Vtinā modò integri ac dociles ad causam veniēt. At cerio certius est, vnā hanc fore omnium de liberatione: quicquid dicatur, quæcunque afficiātur rationes, non esse auscultandū. Imò non pertinacia modò & obstinatione aures sibi obstruent, ne obediāt veritati, sed ferocia etiam ad resistendū se armabunt. Quid enim? an qui nullam sanā doctrinā mentionem auribus admittunt, eos credibile est, simul ac in rem præsentem ventum fuerit, sponte cessuros? an qui omnia moluntur ne collapsum Christi regnum iterum in mundo resurgat, eos sperabimus excitandi illius & promouendi adiutores fore? an qui nunc ferro & igni insaniunt aduersus veritatem, aliosque ad seuitiam, quoad possunt, aciunt & inflammant, humanos se & moderatos, tunc præstabunt? Verū, ut nihil aliud sit, tuæ hoc

Prudentiæ inuictiss. Cæsar, vestræque illustriss. Principes relinquo æstimandum, num pontifici Romano vniuersæque eius factioni priuatim expediat, restitui in verum ordinem Ecclesiam, & ad rectam Euangelij normam corruptissimum eius statum emendari. Quàm autem facile sua commoda obliuisci soleant, vt nulla eorum habitatione, ad suscipiendam communis salutis curam, voluntate & studio ferantur omnes, certis experimentis habetis compertum.

His, Cæsar, Ecclesiam permittes, vt de eius reparatione, suo arbitrio, vel sua potius libidine statuant? Ab eorum nutu suspensus hærebis, vt nunquam, donec ipsi consenserint, Ecclesiæ consulendum decernas? Si illorum erit cognitio, facili se compendio expedient. Pronuntiabunt enim sic manendum. Sed fingamus, vel pudore, vel tua aliorumque Principum autoritate victum iri, vt nonnihil adhibeant moderationis in speciem, & de suo etiam imperio aliquantulum remittant, eone sponte vnquam descendant, vt se in ordinem coactis, Christi Regnum erigatur? Quorsum igitur illis mandetur reformandæ Ecclesiæ cura, nisi vt oues lupis exponantur? Si alterutrum accidere necesse sit, præstaret tamē Ecclesiam pro derelicta desperatæque haberi, quàm in tales medicos incidere. Decuerat quidem eos, qui pastorum nomen locumque obtinent, primos omnium aduolare ad opem illi ferendam. Decuerat, fateor, duces eos se profiteri: principes verò se illis comites adiungere in opere tam sancto, & adiutores. Sed quid si non faciunt? Quid si fieri ab alijs nolunt? Quid si ad impediendum, nullum non mouent lapidem? An respiciendi tum quoque nobis sunt: ne quis se moueat, donec ipsi digitum sustulerint? adhucne audienda illa solennis eorum cantilena? nihil tentandum donec Pontifex approbauerit. Sic ergo habeat tua Maiestas: adeoque vos simul omnes reputate cum animis vestris, illustriss. Principes, virique ornatiss. Ecclesiam à suis Pastoribus non modò proditam, desertam, destitutam, sed vexatam, afflictam extrema calamitate, denique exitio destitutam, ad fidem vestram confugere. Quin potius sic existimate: offerri hîc vobis à Deo materiam, in qua specimen edatis insigne ac testatum vestræ erga se obseruantie. Nihil est, quod nobis omnibus maiori curæ esse, & in quo elaborare nos intentiore studio velit Deus, quàm vt illibata maneat nominis sui gloria, vt Regnum suum floreat, vt pura vigeat illa doctrina, quæ sola ad ipsum rite colendum præluce nobis debet. Quanto igitur magis hæc princeps curare, hæc meditari, hæc agere & persequi decet? quos idè nominis sui communicatione dignatus est, vt gloriæ suæ custodes sint in terris ac vindices.

Nolite, obsecro: profanis hominibus aurem accommodare, qui vel fallaci concilij ostentatione vos lætant, ne quid leuationis ex vobis sentiat Ecclesia: vel hanc causam, cum sit omnium maxima, extenuant, quò sitis ad eam suscipiendam remissiores: vel ad violentas eius transigendæ rationes impellunt. Hactenus operam perdidierunt, qui te ad scuritiam inflammare, inuictiss. Cæsar, & tibi quodammodo arma induere conati sunt. Præclaram certè, & mansuetudinis, & prudentiæ laudem ad posteros consecutus es, quòd turbulentis consijs, quibus sæpe multumque tentatus es, nunquam te à perpetua moderatione passus es dimoueri. Ea laus ne quādo tibi extorqueatur hostiū nostrorū importunitate, etiā atque etiā vide. Si terreantur hæretici, nō doceantur, improbā esse dominationē Augustinus agnoscit. Si hac mansuetudine tractandi sunt hæretici, qui Ecclesiam, sua intemperie, nulla iusta causa perturbant, vt castigationem semper doctrina præcedat, quanto plus adhibere in hac causa humanitatis decet, in qua Deū & homines testamur, nihil nos aliud quærere, nisi vt in purā Dei doctrinā vtrinque cōsentiamus? Pontificem Romanū cū suis nihil quàm sanguinē & cades spirare, tu optimus es testis, Cæsar. Quòd si eorū obsecutus esses furori, iam-

pridem

pridem suo sanguine Germania redundasset. Neque id vos latet, illustriß. Principes. Ad tantam crudelitatem præcipites ipsos ageret Dei Spiritus? Sed hoc est scilicet: libido, quæ diu grassata est sine obstaculo, si cohiberi incipiat, protinus ad insaniam erumpit. Si qui sunt præter eos, qui oppressos vi & armis nos videre cupiant, aut ab illis flabellis accensi, aut inconsiderato zelo sponte instigati, causam incognitam oderant. Nam quòd nascenti primùm Ecclesiæ accidisse Tertullianus queritur, id nobis hodie quoque usu venit: ut solius nominis præiudicio, sine causæ inquisitione, damnemur. Et nunc quid contendimus aliud, nisi ut suscepta semel legitima cognitione, ex vero tandem & æquo, non ex præsumpta falso opinione iudicetur? Atque hoc quidem præclarum, & humanitatis tuæ, & singularis sapientiæ documentum edidisti, Cæsar, quòd hæcenus furiosæ hostium nostrorum libidini, ne te ad iniustam sæuitiam abriperet, constanter obstitisti. Sed hoc secundum superest, ne perniciosus eorum consilijs morem geras, qui sub dilationis specie sanctum hoc opus, reformationem Ecclesiæ dico, iam dudum impediunt: & quod peius est, abrumpere moluntur.

Vna fortè perficiendi adhuc restat difficultas, quæ vos ab inchoando non nihil retineat. Plerosque enim, non male aliqui animatos, non alia causa auerit à tam sancto instituto, nisi quòd antequam periculum faciant, successus desperatione, concidunt. Sed hic vobis duo sunt considerata: neque tantam esse difficultatem, quanta animis concipitur; & quantacunque sit, non decere tamen eius cogitatione ac metu vos frangi, si reputetis apud vos, hoc esse Dei opus: in quo gubernando & spem nostram superari, & opinionem falli oporteat. Priorem illam partem explicare, non est huius operis. Aptior & opportunior erit locus, si ad seriam consultationem ventum semel fuerit. Hoc tantum dicam: magis expeditam fore rationem, nec tantæ molis, quàm vulgò existimetur, modò satis sit ad teniendum animi. Verùm, cùm veteri proverbio celebratum sit, nihil esse præclarum, quod non arduum simul quoque sit ac difficile, miramur, si ad rem omnium maximam & præstantissimam per multas difficultates sit enitendum? Deinde, quemadmodum dixi, nisi velimus grauem Deo iniuriam facere, altius hic attollere animos conuenit. Certè enim Dei virtutem metiemur mentis nostræ captu, si de Ecclesiæ reparatione nihil plus sperabimus, quàm ipsa præsentium rerum conditio statu: quæ promittat. Quanlibet tenuis spes appareat, bono animo nos esse Deus iubet: ut excusso procul omni metu, ad opus alacres accingamur. Hunc saltem illi honorem præstemus, ut fiducia virtutis eius freti, experiri non recusemus, qualem dare successum velit.

Vt nunc Imperij res habent, implicitos varijs curis teneri vos, inuictiß. Cæsar, & illustriß. Principes, ipsæque negotiorum multitudo distractos circumagi, & quodammodo fluctuare necesse est. Verùm, sic statuite: vnum hoc proculdubio alijs omnibus esse vobis anteuertendum. Sentio, quos nervos, quam vehementiam, quos aculeos, quem ardorem requirat huius loci tractatio. Et certè non de futuros satis scio, qui me in tam insigni splendidaque materia ita frigidum esse mirentur. Sed quid facerem? Ponderi rerum ac grauitati succumbo. Nihil itaque melius video, quàm rem simpliciter, & absque vllò verborum splendore, vobis proponere: ut eam vestro deinde examine ponderetis. Primùm vobis in mentem veniat horrenda hæc Ecclesiæ calamitas, quæ ferreos etiam animos flectere quodammodo ad misericordiam possit. Imò ante oculos vobis squalidum hunc deformemque habitum, & vastam dissipationem, quæ sunt in omnium conspectu, statuite. Quid? sponsam Christi, vestram omnium matrem, quousque tandem sic prostratam afflictamque iacere feretis? Præsertim cùm & fidem vestram imploret, &

Diffic

vobis ad manum sit eius subleuanda ratio? Percipite deinde animis, quanto acerbiora iam insistent. Non enim procul abest ultimus interitus, nisi quam citissime obuiam eatis. Seruat quidem mirabiliter, & supra hominum opinionem vbicunque volet, Ecclesiam suam Christus: sed hoc dico, si paululum modò cessatum adhuc à vobis fuerit, Ecclesia formam nos in Germania nullam habituros. Circumspicite quot indicia, illam, cui occurrere vos par est, ruinam minetur, iamque imminere denuntient. Illa satis loquuntur, etiam si taceam.

Quaquam non presenti tantum aspectu mouere nos hæc indicia, sed diuinæ quoque ultionis commonefacere debent. Vitiato tot prauis opinionibus, tot impijs fœdisque superstitionibus peruerso Dei cultu, atroci contumelia afficitur sacra eius maiestas, profanatur sanctum eius nomen, eius gloria tantum non pedibus calcatur: imò cum palam idololatria inquinatus sit totus Christianus orbis, sua, eius loco, figmenta homines adorant. Mille superstitionum species regnant, quæ tot sunt aperta eius ludibria. Virtus Christi propè oblitterata ex hominum animis: fiducia salutis ab ipso ad inanes friuolasque ceremoniarum nugæ traducta: sacramentorum non minus execranda pollutio. Baptismus multis additamentis deformatus: sacrosancta verò Cœna ad omne ignominie genus prostituta: tota religio in alienam prorsus formam degenerauit. Sinos ad hæc curanda, negligenter adijcimus animum, non obliuiscitur certè sui Deus. Nam qui imminui suum honorem vlllo modo passurum se negat, quomodo eum labefactari & destrui pro nihilo duceret? Qui dissipatione populis omnibus, apud quos defecerit prophetia, minatur, quomodo apertum & contumacem prophetiarum contemptum inter nos impunitum sineret? Qui leuæ Cœnæ suæ maculam tam seuerè vindicauit in Corinthiis, quomodo nobis parceret, si eam tot nefandis sacrilegijs cōspurare pergitimus? Qui prophetarum omnium ore ad vlciscendam idololatriam armatum se testificatur & clamat, tot idololatriæ portenta an intacta in nobis relinqueret? Et certè non relinquit: vdemus enim, ut vos urgeat & insequatur armata manu. Turcicum nunc bellum omnium in se mentes conuertit, ac trepidatione implet. Meritò id quidem. De comparandis ad resistendum præstarijs consultatur. Id quoque prudenter fit ac necessariò. Festinatione nò vulgari opus esse clamant omnes. Fateor nimiam esse non posse, modò ne interea restituenda in suum statum Ecclesiæ cōsultatio, quæ prima esse debet, vel negligatur, vel retardetur. Plus enim satis morari interposuimus iam fuit. Intus est, in visceribus nostris inclusa belli Turcici materia. Jam imprimis tollere oportet si bellum ipsum feliciter propulsare cupimus.

Quamobrem quoties vobis posthac hæc vox occinetur, differendum in præsens esse reformatæ Ecclesiæ negotium: fore, alijs transactis, satis maturum eius curandi tempus, de eo vobis inuictis. Cæsar. & illustris. Principes, deliberandum esse memineritis, imperium ne velitis aliquod posteris vestris relinquere, an nullum. Tamen si quid de posteritate loquor? Iam enim, vobis videtibus, semirutum ac vltimam ruinam inclinat. Quod ad nos pertinet: utcunque res reciderit, hæc nos conscientia semper sustinebit in Dei conspectu, quod & seruire eius gloriæ, & Ecclesia ipsius prodesse voluerimus, quod fideliter incubuerimus in eam rem, quod denique fecerimus, quantum in nobis erat. Nam non aliorum spectasse conatus nostros, nostraque omnia studia, ipsi primum nobis sumus satis conscij, & id luculentis testimonijs ut restitutum foret, dedimus operam. Et certè cum nobis constet, Dei negotium hic nos & curare & agere, ipsum sibi, operique suo minimè defuturum confidimus. Ceterum, qualiscunque exitus erit, nunquam nos cœpisse, aut hac vsque progressos esse pœnitebit. Nobis Spiritus sanctus doctrinæ nostræ fidelis est ac certus testis. Scimus, inquam, esse æternam Dei veritatem quam predicamus. Ministerium nostrum ut mundo sit salutare, optamus quidem, sicut par est: verum ut id consequamur, Dei est præstare, non nostrum. Si ita meretur eorum,

quibus

quibus prodesse cupimus, partim contumacia, partim ingratiudo, ut desperato profectu, omnia pessum eant: dicam, quod homine Christiano dignum est: subscribent, quicumque huic tum sanctæ professioni respondere volent: *Moriemur. Sed in morte quoque victores erimus: non modò quòd inde certus ad meliorem vitam transitus nobis erit, sed quia sanguinem nostrum ad propagandam illam, quæ nunc respuitur, Dei veritatem, seminis instar futurum esse scimus.*

FINIS.

BREVIS INSTRUCTIO MVNIENDIS

Fidelibus aduersus errores sectæ Anabaptistarum.

ITEM ADVERSVS FANATICAM ET
furiosam sectam Libertinorum, qui se spirituales vocant.*Nunc primum è Gallico versa Latine per Nicolaum Gallasium.*ILLVSTRI VIRO IACOBO A BUR-
gundia, Falesij Bredanique Domino, Nicolaus
Gallasius. S.

QUAE rationes, vir clarissime, Calvinum impulerint ad scribendum aduersus Anabaptistas, satis cum libellus ipse declarat, tum verò epistola ei præposita, quam vnà conuertit. Multi quidem ac docti viri eruditè ac copiosè aduersus hoc hominum genus scripserunt: atque adeò Calvinus ipse in sua Institutione sparsim eorum deliria, & quidè abiudè, refellit: sed nemo id seorsim præstiterat nostra lingua. Quamobrem necessarium fuit eos iterum eodem sermonis genere refutari, quo ipsi nostrates fallere, & in animos imperitorum irrepere conati erant. Solent enim illiteratos & rudes aduocari: quos cum reperiunt imparatos, faciliè, qua sunt astutia & calliditate præditi, eos sibi adiungunt. Cui malo ut mederetur noster Calvinus, libellum hunc vulgari lingua scripsit, quo breuiter & apertè detegit ac diluit eorum fallacias: adeò ut vel indocti, & veritatem ipsam intueri, & aduersus tam perniciosos hostes probè muniti esse possint. Latine porrò scribere noluit, quòd doctissimorum virorum extent libri, quibus literati homines abundè instruantur. Sed quoniam illi, dum cunctos errores qui ex ea secta prodierunt sumunt sibi refutandos, infinitam penè syluam ingredi coguntur: hoc autem libello refelluntur solum vltima eorum pronuntiata, quæ pro oraculis habent, & typis excusa tum Germanica tum Gallica lingua euulgariunt, eum non minus doctis quàm indoctis vtilè fore putavi. Adde quòd paucis & familiariter explicantur omnia, solidisque argumentis firmanur: exponuntur etià genuinè ac fideliter plerique Scripturæ loci. Itaque operæpretiū me facturū putavi, si eū cōmunicarem linguae Latinae hominibus. Quod attinet ad posteriorem libellū quē scripsit aduersus Libertinos: quàm necesse fuerit portentosam illā & belluinā sectā reprimi, nemo sanæ mentis nō videt. Eos autē qui acerbius tractatos, aut durioribus verbis cōpellatos existimāt, rogatos velim, se cum reputent, num satis atrocia aut indigna de tā scelesto hominum genere dici aut cogitari possint. Videant quanta verborum acerbitate tum Christus ipse, tum Prophetæ, & Apostoli veritatis hostes insectati sint. Et quales hostes? Qui scilicet præ istis vix leuissima reprehensione

reprehensione digni videri possent. Nec verò ijs assentior, qui silendum potius, quàm hæc scriptis euulganda putant. Tales enim, aut illorum fautores, aut valde socordes esse oportet: qui detestabilem hanc pestem, qua non tantum religio, verum etiam humanitas omnis deletur, quò magis impunè grassetur, quietam sinivolunt. Cum publicatis scriptis sparserint venenum suum, à recta viuendi ratione abduxerint permultos, an fideles Dei serui muti esse debent? At plures qui antea ignorabant quid sibi vellent Libertini, lecto hoc libello statim intelligent, quod ipsos nescire utilius foret. Quæso, nonne præstat omnes de pestilenti hac secta monitos esse, quàm incautos ipsos & imprudètes decipi? ac prius medicinam eis in manu esse, qua se tueantur ac muniant, quàm veneno infecti sint? Quod si paucorum tantum animi eo corrupti essent, fortasse tali consilio fuisset locus: sed cum hæc lues, iam per multas regiones sauius grassata sit, quanta crudelitatis foret intereuntibus animis nullam opem ferre? Nemo, cui aliquid cordi est, non facile agnoscit, quàm necessarium fuit tantam abominationem detegi: ut omnes eius fœtore absterriti, procul ab ea fugiant, nec ullis, se illicebri irretiri patiantur. Et quò quisque sibi diligentius caueret, authores sectæ nominari oportuit. Nam instar Prothæ, subinde sese transformant, nouasque species induunt: ita ut facile decipi possint, quibus ignota est eorum astutia. Simulare enim, mentiri, fallere, summam esse virtutem statuunt: secum rident omnia: & quicquid in mundo est, nihil esse aiunt. Quo fit, ut hodie talia se dogmata tradidisse aut sequutos esse negent: quia ex eorum sententia, doctrina ipsorum nihil est: & cum loquuti sunt, nihil dixerunt. Quis ad tam insana deliria non obstupescat? Proinde, quoniam malum hoc, longius serpebat in Gallia, ac multa iam hominum millia corrupta erant, ideo Gallicè scripsit Caluinius: ut præsertim linguæ nostræ hominibus subueniret. Sed cum intelligerem non minus in Flandria, Brabantia, & nonnullis inferioris Germaniæ partibus hanc pestem grassari, existimaui me rem pijs omnibus gratam facturum, si libellum hunc conuertens, communia facerem ipsis hæc arma, quibus muniti, possint vnâ nobiscum tam perniciosos hostes depellere. Ut, si manus conferendæ sint cum ipsis, habeant vnde eorum tela & gladios retundant. Sunt enim hic omnia desumpta ex verbo Dei: quo solo falsa omnis doctrina conuincenda est. Haud equidem arbitror diuturniorem fore hanc sectam: cum ab omni naturali sensu ita abhorreat, ut nullos nisi deploratissimos ei adherere verisimile sit. Sed cum tanta sit ingrati tudo nostra, ut longè etiam deteriora vereri oporteat, nos certè instructos esse verbo Dei necesse est: atque hîc, velut in speculo, contemplari, quale iudicium Deus exerceat in eos, qui sacrosancto eius Evangelio ad suas libidines abutuntur, aut ipsum in vanam philosophiam conuertunt. Nec verò libellus hic, vsui tantum erit, quòd eo Libertini refellantur: sed etiam quòd utilem alioqui per se doctrinam & familiariter explicatam contineat: cum de alijs rebus, tum de spiritu, de prouidentia Dei, de libertate Christiana, de resurrectione, de vocatione, de regeneratione, de communione bonorum. Quæ tamen si tum alijs libris, tum Institutione abundè tractantur: tamen & ad formandum iudicium, & ad pleniorém intelligentiam non parum valet, rem eandem variè, eodémque nihilominus sensu traditam, cernere. Hæc ego cum in piorum omnium gratiam verterem, vellem tamen alicui potissimum mittere: tu mihi in mentem venisti, cui libentius ea dictarem. Vidi enim ac perspexi, quàm sis veræ pietatis & sincera doctrinæ studio-

sus. Intellexi non tantum ex tuis sermonibus, sed experientia ipsa didici, quanto animum tuum dolore afficiant hæ sectarum pestes, quas alijs etiam scriptis oppugnandas curasti. Ostendisti quàm iniquo animo ferres miseram plebem, & Pastoribus & doctrina, in hac rerum perturbatione destitutam, vulpecularum istarum fraudibus in exitium duci. Cum igitur hanc luem profligatam cupias, & scriptis Caluini insignis Ecclesiæ pastoris summopere delæctus: quæ tibi Gallicè scripta placuissent, eadem Latina facta non iniucunda fore existimaui. Non quòd ista cum illis comparari possint (præstat enim quæ ab authore scripta sunt, quàm à me conuersa, legere) sed quoniam ea quæ linguæ nostræ hominibus seorsim scripta videbantur, cæteris communicari vtile est: quibus etiam, pro Christiana pietate tua, bene consultum cupis. Quamobrem sub tuis auspicijs hæc prodire volui, cuius gratia & opera in quamplurimorum manus peruenient, & magnum, vt spero, fructum sunt allatura. Cæterum non tam hîc sermonis ornatum, quàm rationum momenta quæri velim. In hoc præcipuè studui, vt mentem authoris fideliter & facîle exprimerem: & quanuis peculiares quasdam habeat loquendi formas, quæ Latine neque leporem, neque vim eandem retinere possunt, efficerem tamen vt sensus omnibus satis dilucidè constaret. Quod an sim affecutus, tibi cæterisque iudicandum relinquo. Dominus suas in te dotes augeat, & te incolumem seruet, ac tueatur, in ea fide & constantia, in qua hæcenus perstitisti. Idibus
Mart. M. D. XLVI.

BREVIS INSTRVCTIO MVNIENDIS

Fidelibus aduersus errores communis sectæ Anabaptistarum.



SI aduersus omnes errores & falsas opiniones Anabaptistarum scribere vellem, longum opus susceperem: atque ingrederer abyssum, unde mihi exitus non patèret. Nam ista colluuius ab alijs hæreticorum sectis in eo differt, quòd nò tantum certis in rebus errauerit: verum sit immensum quoddam stupendorum deliriorum mare: adeò, vt vix vnus Anabaptista caput reperiri possit, quod non sit imbutum aliqua opinione diuersa à reliquis. Itaque, nullus esset operi finis, si impias omnes huius sectæ doctrinas excutere, aut etiam recitare vellem. Tandem verò ad duas sectas præcipuas reducta sunt omnia: quarum vna, etsi multis erroribus impijs & perniciosis resecta est, maiorem tamen simplicitatem retinet. Saltem enim sacræ doctrinæ libros probat & nobiscum recipit. Si cum eius sectatoribus aliquid tractandum est, quid cum eis sit dissidiũ, intelligi potest: quid animo conceperint, declarant: ac tandem in quo conuentum sit, quæ supersit controuersia, percipitur. Altera est veluti implicatissimus labyrinthus deliriorum, & quidem adeò absurdorum, vt mirum sit creaturas figuram humanã gerentes ita ratione & sensu destitui, vt in eas incidant imaginationes, à quibus bestia ipsa muta abhorrent. Hæc secta Libertinorum appellatur. Hi adeò se spirituales simulant, vt nihilo pluris faciant sacrosanctum verbum Dei, quàm fabulas, nisi cum ipsis visum est, idque ita possunt deprauare, vt diabolicis opinionibus suis violenter seruire cogant. Habent præterea peculiare quoddam genus sermonis (eorum more quos Gallicè Gueos hostiaria vocamus,) quo quid effari velint, intelligi non potest: neque etiam se ipsos intelligunt: nisi quòd talibus astutijs vti nouerunt, vt eo modo tegant turpitudinem doctrinæ suæ. Eius enim principia sunt, omne boni & mali discrimen confundere, Deum cum Diabolo miscere, ita vt alteram ab altero amplius discerni nullo modo possit: homines non solum stupidos reddere in conscientijs suis coram Deo, verum etiam coram hominibus impudentes. En cur hac verborum ambiguitate & obscuris inuolucris sese occultant, ne fœditas eorum appareat, omnesque ipsos horreant & execrentur, vt reuera communis hominum sensus, monstros quæ isti proferunt, prorsus repugnat. Itaque, vt in summa scribamus aduersus Anabaptistarum errores, & breuius & expeditius erit hanc diuisionem tenere: atque in tractatũ vnum colligere errores eorum, qui nò tam desperata omnino insania abrepti sunt. In altero autem venenatam ac pestiferam infeliciũ istorum malitiam detegere, qui sub spiritualitatis (vt ita nominem) colore, homines bestijs mutis similes reddere voluit. Neque tamen prioris sectæ homines ita inter se conueniunt, vt faciliè ipsorum errores in vnum colligi possint, quò certo ordine refutentur. Sed quia primarij eorum doctores, & veluti totius synagoga Patriarchæ, post multas & varias cõsarcinationes, tandem definitionem suam protulerunt, qua summã eorum, in quibus nobis & Papis aduersantur cõplexi sunt articulus septẽ, quibus Anabaptistæ omnes vulgò adhaerent: atque etiam viã inuenerunt, qua præclara hæc definitio excuderetur, vt vbiq;

spargāt venenum suum, & miseram plebem inficiant, contentus ero, quod etiam, ut mihi quidē videtur, sufficiet ostendisse, quā falsa sint ea, quæ in maiore horum articulorum parte continentur: ne possint cōqueri, me quorundam culpam falsō in eos transferre, quò totam sectā immeritò traducā. Eo absoluto, si mihi per otium aliquando licuerit, libellum alium scribam aduersus secundum illum ordinem: nempe Libertinorum, de quibus antea sum loquutus. Nunc verò, ut iam dixi, sufficiet omnes veritatis studiosos monuisse, quòd miseri isti homines communi consensu pro inexpugnabili fundamento fidei suæ habent, lethalem imposturam esse, à qua, tanquam à peste omnes cauere oportet: omnes inquam qui se veritati obsequentes præbere volunt. Sunt enim in hac infelici Secta nonnulli, atque ij præcipuè, qui doctores agere volunt, qui superbia & arrogantia præoccupati in omnibus quæ ipsis proponuntur caligāt: aut pernicacia potius & obstinata malicia claudunt oculos, ne claram lucem, cum eis proponitur, intueri possint. Ita ut rationibus cum eis agere, quòd in viam reducantur, sit operam ludere: nisi quòd saltem hæc vtilitas redit, cum boni impudentiam eorum deploratam vident, sese ab eis semouent, & tanquam venenum lethale effugiunt.

Quia verò nulla specie illustriore seduci possunt miseri Christiani, qui zelo aliquo Deum sectantur, quā dum prætenditur verbum Dei: Anabaptistæ, aduersus quos nunc scribimus, ipsum perpetuò in ore habent, idque semper præfantur. Et certè simulatque hoc propositum est, Deum esse qui loquitur, creaturas omnes reuerentia nominis ipsius commoueri oportet, ut animo humili & demisso quæ dicuntur auscultent. Cum intelligimus sermonem Dei reuera proponi, ne hiscendum quidem, ut repugnemus aut contrā disputemus: sed omnino obmutescendum est. Nec enim Papistarum more dicimus sacrosanctas Scripturas missas fieri oportere, ut authoritati hominum acquiescamus. Hoc enim effugium, censemus blasphemiam execrabilem esse. Sed volumus omnia quæ à Deo profecta atque ex ipsius verbo hausta esse cōstabit, à cunctis humiliter admitti, & recipi sine cōtrouersia. Quinetiam nullam aliam doctrinam censemus, præter eam, quæ ab hoc fonte vnico veritatis manat, pro vera ac certa recipiendam esse. Quocirca siue Anabaptistæ, siue alij affirmant ea, quæ proferunt, se à Deo accepisse, & sumpsisse ex ore ipsius, id est ex scriptis sacris, eam gloriam tribuamus Deo, ut audiamus placidè ac modestè, atque an ita sit intelligamus. Verum ut nostrarū est partium ijs quæ dicuntur audiendis aurem præbere, donec quale sit vnumquodque cōpertum habuerimus: ita necessariū est prudenter inter verum & falsum discernere, adhibendūque iudiciū nunquid verè an falsò nobis verbum Dei obtendatur. Iussi enim sumus probare spiritus, & expendere an ex Deo sint. Quod quā necessarium sit re ipsa perspicimus. Nā ipse quoque Diabolus sese armavit verbo Dei, eoque gladio se accinxit, ut Christū inuaderet. Atque experimur ipsū quotidie his artibus uti per organa sua, ut veritatem deprauet, scque miseras animas in exitiū ducat. Quòd ad miseros istos fanaticos attinet, qui ita verbū Dei secū facere iaciāt: an ita sit, res ipsa iterum se satis demonstrat. Iam multū tēpus assiduīs laboribus conamur sanctum Dei verbū restituere: cuius rei gratia bellū aduersus orbē vniuersum sustinemus. Hi verò quantum id promouerunt, aut quid præbuerunt nobis adiumentū? Turbarūt nos potius & vehementer impedierūt. Adeò ut quid profecerint dici non possit, nisi ut quantū promouebatur à nobis verbū Dei, tantundem retardaretur ab istis, ac cessim iret. Quinetiā in nonnullis

1. Ioan. 4.

Matt. 4.

nullis Christianæ religionis capitibus præcipuis cõueniunt cum Papistis, & opinio-
nes tuentur sacræ Scripturæ ex diametro contrarias, vt de Libero arbitrio, de Præ
destinatione, de Causa nostræ salutis. Falsò igitur abutuntur hoc prætextu, atque
simplicioribus persuadere moliuntur se ex sacrarum literarum præscripto guber-
nari: cùm ijs omnino abiectis, solius cerebri sui imaginationem sequantur. Nunc
ad primum articulum veniamus præclaræ illius definitionis, quam pro reuelatione
è cælo profecta habent.

ARTICVLVS I. DE BAPTISMO.

Baptismus exhiberi debet iis, qui ad pœnitentiam edocti sunt
& credunt peccata sua per Christum deleta esse: ac volunt in i-
psius resurrectione ambulare. Quamobrem iis distribui debet, qui
per se ipsi flagitant, non infantibus, vt in regno Papæ factum est.

REFVTATIO.

Hoc eorum est pronuntiatum. Sed respondeo: Primum non esse morem recen-
ti memoria introductum: nec sub regno Papæ initiũ cepisse. Aio enim sacrosanctum
institutum esse perpetuò obseruatum in Ecclesia Christiana. Nullus enim, est pri-
scæ vetustatis tam antiquus doctior, qui non fateatur Apostolos ita semper vsos
esse. Quod perstringere obiter volui, non alia de causa, quàm vt simpliciores com-
monefaciam hos fanaticos impudenter calumniari, cùm persuadere volunt obser-
uationem ad eò vetustam superstitionem nouam esse: ac fingere à Papa profectam:
cùm vniuersa Ecclesia eam teneret antequam intelligeretur quid sibi vellet regnum
Papæ, aut quicquam de eo auditum esset. Caterum minimè peto, vt in eo probando
nos antiquitas vllò modo iuuat, nisi quatenus in verbo Dei fũdata reperietur. Scio
enim sicuti hominum consuetudo authoritatem sacramento non tribuit: sic vsus
sacramenti, vt rectus sit, ad normam consuetudinis exigendum non esse. Ad ve-
ram igitur regulam veniendum, de qua loquuti sumus: nempe ad verbum, quod so-
lum hìc locum habere debet. Hoc eorum est propositum, baptismum nulli communi-
candum esse præterquàm ei qui postulat, cum fidei & pœnitentiæ professione. Pro-
pterea baptismum infantum inuentum esse ab hominibus contra verbum Dei. Vt
id probent, vltimum Matthæi caput allegant, vbi Christus Apostolos ita alloqui-
tur. Euntes docete omnes gentes, baptizantes in nomine patris & filij & Spiritus
sancti: cui adiungunt hanc sententiam ex vltimo Marci. Qui crediderit & bapti-
zatus fuerit, saluus erit. En fundamentum, quod eis ad eò firmum videtur, vt euer-
ti non possit. Cui respondeo in illis locis de baptismo obiter solum mentionem
fieri. Adijcitur enim velut appendix prædicationis Euangelij. Dominus Ie-
sus Apostolos suos mittit vt concionentur, hominesquæ instituant in doctrina Dei:
deinde baptismum adiungit ad doctrinæ confirmationem. Est autem notandum, do-
ctrinam debere eo modo sacramento præire, quòd ad eam obsignandam adiungi-
tur. Atque in eo facile consentimus. Sed de modo quærendum est. In eo enim
decepti sunt malè feriati isti & fanatici homines, quòd modum non considera-
runt. Si quis igitur sit alienus ab Ecclesia Christi, veluti Turca aut Indus, aut

quiuus alius infidelis, vt fiat Christianus non est à baptismo inchoandum: sed antequam baptisetur instrui debet. Atque etiam talis vsus veteris Ecclesiæ fuit. Qui enim ad Christianismum conuertebantur, suas habebant separatim conciones, quas Catechismos vocabant. Deinde, habito fidei & pœnitentiæ ipsorum testimonio, baptisabantur. Idque ratio postulat. Nam cùm homo non tantum in Ecclesiæ cõmunionem cooptetur per baptismum: verumetiam testificationem obsigna tam habeat, qua Deus pro filio eum agnoscit: dubium non est doctrinam præcedere debere, qua doceatur, vt cum fide & pœnitentia conuertatur ad Deum. Idem videmus erga Abraham in circumcisione Dominum fecisse. Antequam enim hoc signum statueret, eum in fœdus suum receperat, & instruxerat in doctrina.

Nunc autem notandum est, cùm homo à Deo in cœtum fidelium admittitur, promissionem salutis quæ ei datur non ad ipsum solum, verumetiam ad liberos per Gen. 17. tinere. Nam ei dicitur: Ego sum Deus tuus, & Deus seminis tui post te. Proinde qui in hoc fœderis vinculum non est ab incunabulis à Deo receptus, is ab Ecclesia alienus est, donec per salutis doctrinam ad fidem & pœnitentiam sit adductus. Tunc autem semen eius domesticum Ecclesiæ esse incipit. Idcirco infantes fidelium baptizantur vi huius fœderis, quod cum parentibus initum est eorum nomine. In hoc igitur sese decipiunt miseri Anabaptistæ. Non repugnamus quin doctrina sacramentum præcedere debeat. Sed in eo tota difficultas sita est, quemadmodum dixi, vt modum & rationem consideremus. Cùm enim homo iam ætate prouectus, qui nunquam Christianus fuit, baptizandus est, prius doceri debet, ac moneri eorum quæ per baptismum figurantur. Liberi autem ipsius baptizantur in ea doctrina quam recepit: quæ continet, Deum non tantum ipsi, sed etiam liberis in Deum fore. Vt verò facilius intelligatur: cùm is qui alienus fuit à cœtu fidelium conuertitur ad Deum, doctrina in qua baptizatur, ipsum compellat; & quodammodo alloquitur. Propterea ab ipso intelligi debet, & antè percipi quàm sacramentum recipiat. Doctrina verò in qua pueri infantes baptizantur, non compellat eos, sed parentes eorum & totam Ecclesiam. Non est igitur necesse vt eam prius intelligant, quàm recipiant signum.

Quamobrem cùm hoc struitur argumentum: Dominus iussit Apostolos predicare antequam baptizarent, atque dixit, Qui crediderit & baptizatus fuerit, saluus erit. Sequitur ergo neminem ad sacramentum admittendum esse, præter eos qui iam credunt, pessimè concluditur. Perspicuum enim est Dominum in illis locis de ijs solum loqui, qui doctrinæ sunt capaces, quique prius ab Ecclesia Christiana fuerunt alieni. Si nullam huius circumstantiæ rationem habeamus, multos locos confundi necesse erit, nòsque ipsos in eis explicandis perturbari. Scriptum est eum 1. Thef. 3. qui non laborat, manducare non debere. Nemo tamen adeò crudelis est, vt velit infantes eo supplicij genere condemnare, vt fame pereant. Omnes enim perspiciunt Apostolum nolle ipsos in hoc ordine censerì, sed tantum de ijs loqui, quibus suppetunt vires, & ratio victus quærendi. Cùm igitur illis in locis Dominus mentionem de ijs speciatim faciat, qui doceri possunt, quique antea ipsius discipuli non fuerunt: omnia deprauant & peruertunt ij, qui eos detorquere volunt ad Christianorum pueros infantes, quibus nulla est audiendi facultas: atque iam in fœdere Dei sunt cum parentibus comprehensi, vt sint Ecclesiæ domestici.

Adducunt postea miseri isti phanatici vsus & consuetudinē Apostolorum.

Acto-

Actorū secundo refertur, homines ad duo millia audita Petri cōcione, cōpunctos in
 animo consiliū petiisse, quid agere deberent: Petrum verò respōdisse, Pœnitenti
 ni, & credite Euangelio. Item, cū Eunuchus petijt vt baptizaretur, Philippum
 dixisse, id licere, si modò ex animo crederet. Hinc concludunt Apostolos in ijs
 quos baptizabant prius fidem & pœnitentiam requirere solitos fuisse. Quod qui-
 dem concedo in ijs, quos recens in Ecclesiā Christianā communionem recipi oport-
 tebat: sed in puris infantibus, qui antequam ex utero prodierint iam in communio-
 ne Ecclesiā sunt, longè diuersa ratio est. Nam ipsorum parentes atque aui pro-
 missionem recipiunt, super qua Baptismus eorum fundatus est. Neceſse igitur e-
 rat Ierosolymitanos, qui alieni erant ab Ecclesiā Christi, quique in eadem Do-
 mini nostri consenserant, vera pœnitentia tangi, antequam per Baptismum dare-
 tur eis testimonium gratiæ, qua Dominus Iesus ipsos in fidelium numerum re-
 cipiebat. Neceſse erat Eunuchum per veram fidem in gregem Christi cooptari,
 antequam ipsius nota insigniri posset. Sed cū omni fideli homini hæc promissio
 facta sit, Ego sum Deus seminis tui: liberi qui ex ipso nascuntur, alio fruuntur pri-
 uilegio, nempe, quòd Deus eos pro suis propter parentes agnoscat. Quod ne ex me
 ipso comminisci aut excogitare videar, Dominus eius rei nobis in Isaac exēplum
 dedit. Nam, sicuti diximus, prius instruxit Abraham in doctrina fidei & pœni-
 tentiæ, quàm ei Circumcisionem communicaret. Postquam verò ipsum in Ecclesiā
 suam recepit, statuit etiam vt eius soboles tanti boni esset particeps. Itaque Isaac
 & reliqui ab infantia ipsa circumcisi sunt. Deum igitur huius differentiæ, ex qua
 tota huiusce quæstionis difficultas pendet, authorem habemus. Sed quia similitu-
 dinem, quam adducimus inter Circumcisionem & Baptismum, admittere nolunt,
 priusquam ulterius progrediamur, neceſse erit ostendere idem esse. Cū de Sacra-
 mento aliquo agitur, animaduertendum est substantiam omnem & vim ex do-
 ctrinā estimandam esse, à qua confirmationem capit. Notemus ergo doctrinā
 veluti rem præcipuam, Sacramentum verò velut appendicem esse. Nunc Baptis-
 mum cum Circumcisione comparemus. Baptismus pœnitentiam aut renouationem
 vitæ continet, cum promissione remissionis peccatorum. Vtrunque istorum, Cir-
 cuncisio nec plus aut minus complectitur. Nam quòd ad pœnitentiam attinet, de
 ea sæpe & apud Moysen & Prophetas fit mentio, cū monent vt circumcidantur
 corda. Id ipsum enim est quod nouo Testamento dicitur, veterem hominem mor-
 tificare. In summa, spiritualis Circuncisio idem sibi vult quod pœnitentia. Quòd
 verò ad alteram partem attinet, scilicet ad remissionem peccatorum, clarior ap-
 probatio petenda non est, quàm ea Pauli sententia, vbi dicit Circumcisionem A-
 brahæ datam esse ad iustitiæ gratuitæ confirmationem, quam fide obtinuerat. Si
 igitur ita argumentari velint, rationi consentaneum non esse, vt infantes bap-
 tizentur, qui nec fidem nec pœnitentiam habent, cū Baptismus sit Sacramentum
 regenerationis & lauacri spiritualis, quo per Christum abluimur: respōdeo, idem
 de Circumcisione dici posse. ac Deum nihilominus iussisse vt infantes circumcide-
 rentur. Deum ergo ipsum redarguunt, cū aiunt rationi aduersari, si Sacramen-
 tum, quod fidei & pœnitentiæ testimonium est, communicetur infantibus. Quid
 igitur dicendum? Sanè si quæ à Deo constituta sunt probemus, eius doctrinā ceriò
 ostendit minimè necessarium esse veritatem, quæ Sacramento significatur semper
 præcedere, sed aliquando sufficere, si subsequatur saltem pro parte. Renouatio

Gen. 17.

Gen. 21.

Rom. 4.

enim vitæ significabatur per Circumcisionem : ac similiter iustitia quam fide obtinemus : nec pœnitentia, nec fides erant in puero infante, nec tamen propterea minus capax erat Sacramenti recipiendi. En igitur quomodo signum veritatem antecedeat. Si hoc aliquando licitum & rationi consentaneum fuit, quare nunc erit dissentaneum?

Verùm obijciat aliquis non sufficere si similiter factum fuisse allegemus, nisi etiam ostendamus idem hodie fieri oportere. Hoc quidem fateor, nec instare volo ut paruulorum Baptismus approbetur, nisi etiam talem esse Dei voluntatem ostendero. Interim verò quod iam probavi teneamus, disputari aduersus Deum ab ijs, qui semper veritatem signo priorem esse volunt. Ceterùm, à nobis probandum est, verbo Dei consentaneum esse, quòd infantes baptizamus. Quod facillè poterit sine longa controuersia à quouis percipi, si gratiam, quam Dominus Iesus aduentu suo nobis attulit, agnoscamus. Prius promittebat Deus Iudæis se ipsorum liberis fore in Deum : atque in eius rei testimonium Sacramento fœderis sui eos insigniebat. Nunc verò, ut ait Paulus Rom. xij. Dominus Iesus aduenit, ut promissiones Iudæis factas confirmet ac ratas efficiat, Deique misericordiam per vniuersum orbem effundat. Atque ut notat alio in loco, intermedium parietem diruit, quo alij ab alijs se cernebantur, ut nihil amplius supersit discriminis : sed omnes vnà eodem fruente priuilegio simus filij Dei. Quamobrem quisquis minorem vult efficere erga nos & liberos nostros gratiam Dei, quàm erga populum Iudaicum fuit, is magnam Christo iniuriam inferi, cùmque vehementer blasphemat. At dicet quispiam, non imminui gratiam Dei erga nos, si infantes ad Baptismum non admittentur : modò non negitur Deum ipsos pari misericordia prosequi, qua liberos Iudæorum. Ego verò valde imminui ostendo. Nam gratiam Dei præcipuè æstimare debemus ex declaratione, quam tum verbo, tum Sacramentis facit. Cùm igitur Baptismus hodie institutus sit, ut promissio salutis in corporibus nostris consignetur, ut olim in populo Iudaico fiebat : singulari consolatione priuarentur Christiani, si hæc confirmatio liberis suis adimeretur, qua semper potiti sunt fideles omnes : ut visibile signum haberent, quo Dominus ostendit ac testatur se liberos ipsorum in Ecclesiæ communionem recipere.

Cauillationem qua hic vtuntur Anabaptistæ, non ignoro : dum Infantis nomen allegoricè accipiunt, pro ijs qui malitia sunt paruuli, non a tate : nōsque propterea irrident, quòd ita simplices simus, ut literæ sensum sequamur. Sed qualis est ista, quæso, subtilitas? Velle promissa Dei ad eò clara & facilia euertere, quibus ait se misericordia sua fidelium semen, etiam post ipsorum mortem prosequi? Huius verò rei quem meliorem aut certiore interpretem habere possumus quàm Spiritum sanctum? qui ipse per Apostolos exposuit quod antè denuntiauerat per Prophetas. Petrus testatur Iudæis ipsos promissionum filios, id est, hæredes esse, quatenus ex stirpe Abraham originem ducunt. Paulus etiam quauis data opera pugnet aduersus Iudæorum arrogantiam, qua sese ob cognationem illam carnalem efferebant, non tamen negat Abraham stirpem propter fœdus, quod Deus cum ipso iniit, peculiariter sanctificatam esse. Euenit quidem interdum ut fidelium liberi maiores facti, sese alienent à Deo, & quantum in ipsis est, Baptismi veritatem in nihilum redigant : sed non propterea dicendum eo minus Deum ipsos elegisse ac segregasse à reliquis, ut salutem ipsis offerret. Alioqui frustra dice-

vet Paulus, infantem patre aut matre fidei natum, sanctificatum esse: qui alioqui immundus foret, si progenitus esset ab infidelibus. Cum Spiritus sanctus, ^{1. Cor. 7.} omnis sanctificationis author & origo, testetur Christianorum liberos sanctos effi: an nostrum est eos à tanto bono excludere? Quòd si Baptismi veritas in eis resideat: quì eo signo, quod longè minus & inferius est, priuare audebimus?

At obijciunt vsum & consuetudinem Apostolorum contrariam fuisse: nam scriptum est, Paulum & Silam prædicasse verbum Domini custodi carceris & domesticis ipsius, antequam baptizarentur. Huic obiectioni iam antea satis respondi, ostendens in eo qui alienus fuit ab Ecclesia, doctrinam antecedere debere: sed posteaquam semel in communionem fidelium receptus est, promissionem vitæ, non ipsius tantum nomine, sed liberorum quoque illi offerri. Sed expressius argumentum se habere putant, & quod sibi magis suffragetur ex decimo nono capite Actorū: ubi scriptum est, Paulum, cum aliquos discipulos reperisset, qui nondum Spiritum sanctum receperant, eos de-integro baptizasse. Porro certissimum est Lucam illic agere de visibilibus gratijs Spiritus sancti. Nec enim aliter ea quæ dicit conuenire possent: nempe quòd ij de quibus loquitur qui Iudæi erant, respondent se nescire an sit Spiritus sanctus. Ignorare autem minimè poterant Deum Spiritu suo fideles sanctificare, cum de eo apud Prophetas omnes tam crebra mentio fiat. Sed nesciebant an gratia illa, de quibus interrogabat Paulus, Ecclesiæ Christianæ data essent. Cum itaque nominentur Discipuli, non adeò ignari erant, quin Deum ac Christum quodammodo cognoscerent, vt hodie idiotæ quispiam ex vulgo Christianorum. Sed hoc ipsis deerat, quòd gratias visibiles non acceperant, quas tum Deus in seruos suos effundebat. Hæ per manuum impositionem à Paulo ipsis collatæ sunt. Non est nouum in ea significatione accipi Baptismi nomen. Vt apertè, & mox ex eplā docemur, Actorum vndecimo, cum dicitur Apostolos meminisse verborum Domini, quibus dixerat, Ioannem baptizasse aqua, se verò baptizaturum Spiritu. Est præterea hic vsus frequens in Scripturis, vt verbum vnum per aliud, sententia aliqua per aliam exponatur. Illic dictum est, Paulum in nomine Christi ipsos baptizasse. Deinde, vt explicet quid hoc sibi velit, adiungit ipsum eis imposuisse manus, ac Spiritum sanctum descendisse. Est igitur res eadem, duobus modis, ex Scripturæ vsu, variè expressa, sicuti diximus. Sed nihilominus videamus quid probi isti viri colligere poterunt, etiam si omnia quæ postulant, eis concedamus. Nihil quidem certè aliud, quàm Paulum iterum discipulos illos ob eorum ignorantiam baptizasse. Quòd si ob hanc causam iterandus sit Baptismus, quid Apostolus factum esset, qui tres annos post Baptismum suum adhuc tot erroribus absurdisque opinionibus tenebantur? Ita vt existimarent Christi regnum terrenum esse, nihil d. morte aut passione ipsius animo conciperent, & pleraque eiusmodi. Tanta cerè ruditas alterum Baptismum meritò requirebat, si ignorantes iterum baptizandi essent. Quòd autem ad nos pertinet, licum aut fluium semper à tergo habere oporteret, quoties Dominus nos repurgat aliquo errore, ex integro baptizandi essemus. Huc præterea accedit, quòd Paulus eos de quibus agitur, baptizauit antequam eis imponeret manus. Qui ordo reprobandus esset, si miseri isti fanatici verum dicerent. Nam ex eorum imaginatione Spiritum sanctum prius discipulis dari oportebat, signum deinde subsequi. Sed quid ampliore disputatione opus est, cum res ipsa omnino perspicua sit?

Nulla igitur superest amplius eis calumnia, ut paruulorum Baptismum infectentur & mordeant, praterquam quod aiunt, nusquam commemorari Apostolos eo vsos esse. Respondeo, nusquam etiam legi administratam ab ipsis fuisse Cœnam vel vnice mulieri. Cur ergo plus difficultatis in vno quàm in altero constituunt? Dicere non audebunt mulieres recipiendæ Cœnæ Domini non esse idoneas. Non tamen legimus ipsas vnquam ex manu Apostolorum eam accepisse. Vnde ergo reddemur certiores? Nempe si institutionem, naturam & substantiam Sacramenti intuemur. Sic enim perspiciemus æquè mulieribus ac viris conuenire. Ostendimus autem idem esse in Baptismo. Conuenire scilicet infantibus, atque ad eos pertinere: quoniam Dominus eos pro domesticis habet Ecclesiæ suæ. Quid plura requirimus? Nonne superfluum est de consuetudine inquirere, vbi ius ipsum apertum & perspicuum est? In hac, inquam, materia in qua solum Dei placitum sufficere nobis debet? Quod ad hunc articulum spectat, spero me omnibus abundè satisfecisse, qui veritatis normam sequi volent. Quanquam si quis ampliorem declarationem desyderet, poterit ea videre quæ tractaui in Christiana Institutione, vbi copiosius omnia horum argumenta deducuntur.

ARTICVLVS II. DE EXCOMMV- nicatione.

Vfus excommunicationis inter omnes esse debet, qui se Christianos profitentur. Qui baptizati, nihilominus noxiam aliquam imprudenter aut casu admittunt, non ex industria, ii secreto moneri debent semel atque iterum: tertio publicè coram toto cœtu exterminandi sunt. Ut possimus eodem zelo vnà panem frangere, & calicem bibere.

REFVATIO.

Excommunicationem bonam & sanctam politiam esse non negamus: atque etiam in Ecclesia non vtilem modò, sed etiam necessariam confitemur. Quin etiam hi miseri & ingrati quicquid de ea tenent, à nobis didicerunt: nisi quòd ignorantia sua aut arrogantia corruerunt doctrinam, quam purè docemus. Sed ut breuiter articulum istum expediam: in quo consentiamus annotabo, & quid habeant nobiscum discriminis. Docemus, ut iam dixi, constanter, excommunicationem, qualis à Christo instituta est in vsu esse debere, & conseruandæ Ecclesiæ adminiculum necessarium esse affirmamus. Atque etiam curamus & omni studio contendimus, ut restituatur in statum suum, eaque, ut decet, vtantur omnes, admonentes errorem grauissimum esse, & vitium vehementer reprehendendum, si non ita fiat. In eo igitur Anabaptistæ nihil à nobis discrepant. Si damnares excommunicationem, aut suaderemus inutilem & superuacaneam esse, aut libenter assentiremur ne ei in Ecclesia locus esset, tunc murmurandi aduersum nos occasionem haberent. Sed de eo bene inter nos conuenit. In hoc tota est controuersia, quòd putent nullam ibi Ecclesiam esse, vbi hæc politia non est constituta, aut non eo quo decet

decet modo exercetur: nec illic homini Christiano licere Cœnam recipere. Eoque pretextu sese ab Ecclesiis segregant, in quibus verbum Dei purè annuntiatur: nolentes, ut inquit, eius pollutionis participes esse, qua commaculantur ij, qui flagitiosos & sceleratos non relegant. Nos è diuerso fatemur, si hic ordo alicui Ecclesiæ desit, imperfectiorem eam & praua macula notatam esse: sed non eo minus pro Ecclesia ipsam habemus, ac persistimus in eius communione, atq; affirmamus, singulis sese ab ea segregare non licere.

Quia verò non satis est verbo asserere: videamus an ex Scripturæ doctrina firmā probationem simus habituri. Huic enim legi me libenter subijcio, ut dictis meis nulla adhibeatur fides, nisi testimonium ex Scriptura habeam. Prima igitur quæstio est: an pro Ecclesia Christiana habendus sit v. cœtus, qui nullum excommunicationis vsum habet, qualis à Christo instituta est. Hoc certè deerat Corinthijs eo tempore quo Paulus ad eos scribebat, ut ipse ostendit ac conqueritur: at nihilominus eum honorem eis tribuit, ut eorum congregationem, Ecclesiam Christianam vocet. Diuersæ illic sectæ & factiones erant. Ambitio & auaritia vigeabant inter plures. Litibus & iurgijs sese mutuò corrodebant. Crimen quod inter infideles execrabile fuisset, non tolerabatur solum, sed etiam propemodum fovebatur. Quinetiam præter tantam corruptionem morum, errores in ipsa doctrina reperiiebantur. Paulus tamen non ex seipso loquens, sed velut os & organum Spiritus sancti, sic inscribere Epistolam suam non desinit: Ecclesiæ Christianæ quæ est Corinthi. Quis nunc ex nobis tantum audebit, ut seuerior ipso Deo esse velit in iudicando? Qui hoc ausus fuerit, præbebit insigne documentum suæ temeritatis. Nihil tamen de eo, quod semel pronuntiauit Deus, immutabit. Quid dicemus de Galatis? Scimus quanta apud eos perturbatio & confusio fuit: id tamen non prohibet Paulum illic Ecclesiam agnoscere. Omne quidem studium à nobis adhibendum est, ut eam perfectionem, quæ in Christi corpore esse debet, assequi possimus: sed vna Ecclesiæ conditio alia à nobis quærenda non est, quam quæ prædicta est à certa & immutabili veritate. Ne ergo fallamur, perfectam in hoc mundo Ecclesiæ formam imaginando. Nam semel pronuntiauit Christus eam areæ similem fore, ubi grana tritici sic paleæ admixta sunt, ut sæpenumero non appareant. Item, reti similem fore, in quod varia piscium genera aggregantur. Quæ similitudines nos docent, quanuis puritas summa desideranda sit in Ecclesia, & in ea cōsequenda omnem operam adhiberi oporteat, nunquam tamen ita puram fore, quin multus adhuc maculis polluta sit.

Quod enim dicitur Christum effudisse sanguinem suum, quo eam munda-
ret, ut careret omni ruga & macula, non significat eam omnino iam mundam, & omnino vacuam esse, sed potius adulescere in dies, & proficere: eò tendentem, quò nunquam in hoc seculo poterit peruenire. Verum adhuc duobus modis maculata est Ecclesia. Nullum enim est ipsius membrum adeò purum aut perfectum, quod multis adhuc vitijs circumseptum non sit. Fideles igitur omnes, quandiu hic versantur, semper immunditiem aliquam habent, quæ in eorum carne residet, ut tota Scriptura testatur, ac præsertim Paulus ad Romanos septimo. Quòd ad hanc immundicie speciem attinet, etiam si Ecclesiam, quam optimè fieri posset, administratam haberemus, tamen euitare non possumus, quin à Domino nos ablui nece-
se sit, & ipsius misericordia nobis peccata nostra remitti. Sequitur alterum genus

immundiciei, quo Ecclesiam maculata est. Bonorum gregi semper admixti sunt hypocritæ, qui sordibus suis totum cœtum inficiunt. Nonnunquam etiam admixti contemptores Dei, vitæ dissolutæ, & flagitiosæ: aut qui sibi cauebunt, ne reprehendantur ab hominibus, sed interim ostendent se nullo Dei timore, nulla reuerentia tangi. Hæc pollutio excommunicationis disciplina tollenda est, & in eo quanta fieri potest diligentia elaborandum. At multæ reperiuntur Ecclesiæ, quæ in eo malè officio suo defunguntur, ut ab eiusmodi sordibus sese repurgent. Aliæ, quæ studium & diligentiam adhibebunt, tantum efficere non poterunt, quin magnus iniquorum numerus impunitus maneat: quoniam hypocritarum malitia sæpe occulta est: aut saltem non ita detegitur, ut aduersus eam ferri sententia possit. In summa igitur, teneamus quod Dominus noster ait, ad finem usque mundi permultas herbas nociuas tolerandas esse, ne si omnes velimus euellere, simul quod boni tritici erit, unà perdamus. Quid desyderamus plura? Dominus, ut probaret suos, huic miseriæ obnoxiam reddere Ecclesiam suam voluit: nempe, ut boni perpetuò essent admixti malis. Subeunda igitur est hæc conditio.

Et sanè sic agendi optima nobis ratio constat. Id enim honoris nos sacrosancto Dei verbo sanctisq; eius Sacramentis deferre par est, ut ubicunque annuntiari hoc verbum videmus, atque ex regula, quam nobis præscribit, purè Deum adorari, reiecta omni superstitione administrari Sacramenta, illic sine ulla controversia Ecclesiam Dei esse concludamus. Alioqui quid dicemus? An hypocritarum aut contemptorum Dei nequitia, dignitatem & virtutem verbi Dei & Sacramentorum abolere potest? Fateor quidem disciplinam ad Ecclesiæ substantiam requiri: quòd ad id attinet, ut ritè ordinetur, siq; recta administrandi ratio & politia desit, veluti si excommunicatio non sit in usu, tantundem de eius specie detractum iri, ut sit quodammodo deformis. Sed non propterea dicendum eam omnino dirutam esse, neque adificium amplius vllum manere, cum doctrinam retineat, in qua fundata est Ecclesia. Prætermitto quòd eo posito, nullius rei habendam esse rationem quàm hominum morumque, sæpe tamen falli possemus, cœtum aliquem improbandum, eumque æstimando, propter sua vitia, Ecclesiæ nomine indignum. Accidere enim sæpenumero posset, ut probis & sanctis viris fieret iniuria, quorum numerus inter improbos sic latet, ut tritici grana sub paleis occultantur. Præterea cogitare debemus, nonnullos qui vitijs laborant, sibi nihilominus in ipsis displicere, & cum vera pœnitentia cupere sese ex eis eripere, ut integritate maiore Deum colant. Hoc etiam animaduertendum, seuerius esse ac durius, aliquem ob vnicum delictum rejci. Adde quòd natura nostræ ea est prauitas, ut tum ad malè suspicandum sit procliuus, tum ad temerè iudicandum, antequam res bene perspecta sit. Quamobrem eò diligentior cautio à nobis adhibenda est, ne hic impingamus. Verum, ut dixi, perperam à nobis fieret, si hominum tantum rationem haberemus. Tanti enim facere debemus verbum Dei & Sacramenta, ut ubicunque viderimus ea, ibi Ecclesiam Dei esse certò sciamus, quantum errores & vitia in communi hominum vita reperiuntur. In summa, cum quaeritur quid sit Ecclesia, meritò iudicium Dei nostro præferendum est. Anabaptistæ verò, ut ostendimus, iudicio Dei acquiescere non possunt.

Altera quaestio in hoc articulo est, Cum excommunicationis ordo non est in aliqua Ecclesia constitutus, vel in eo quo decet usu non est, an propterea nos ab ea se-

ea segregari oporteat, nec liceat in ea Cœnam recipere? Anabaptistæ aiunt, vbiunque mali non excluduntur à communione, illic Christianum communicando sese polluere. Nos è diuerso dicimus Christianum tunc tibi affici debere, cum sacrosanctam Cœnam pollui videt ab iniquis & improbis, qui ad eam admittuntur: & curare quantum in ipso est, ne id fiat: quod si fiat, ipsi tamen sese priuare Cœna, & à communione subducere, non licere: debere potius in eo persistere, vt quandiu in eo loco agit cum cæteris, Deum adoret, verbum audiat, Cœnamque recipiat.

Proferant Anabaptistæ authorem suum, vt sententiam suam probet. Nos enim nihil omnino asserimus, quàm ex Prophetarum & Apostolorum sententiâ. Videmus quæ vitia in Ecclesia Iudaica Prophetæ reprehendant: aut potius cõtra quas abominationes vociferentur. Neque verò reprehensiones illæ competunt in vnum genus hominum: sed palàm denuntiant à primoribus ad plebem vsque, à sum^{Ier. 1.} mis ad infimos omnia sic corrupta & deprauata fuisse, vt vix vnicũ mèbrum sanũ reperiri posset. Hæc enim sunt ipsorum verba. An verò propterea desierũt cum populo iniquo & peruerso conuenire, vt adorarent Deum, vt offerrent sacrificia, vt audirent doctrinã Legis? An seorsum Templum aut altare extruxerunt, vt pura Ecclesia potirentur? Si polluitur fidelis, quod in precibus cum iniquis cõmunicet, in audienda doctrina, in Sacramentis recipiendus: Prophetæ omnes polluti fuerunt, ac veluti duces, qui cæteros exemplo suo in exitium ducerent. Nunc ad Christum Dominum nostrum & ipsius Apostolos veniamus. Primum, scimus qualis eo tempore fuerit Ecclesiæ Ierosolymitanæ status. Tamen cum cæteris Dominus Iesus circumcidi voluit. Deinde, purificationis die ad Templum afferri, vt ex solito more^{Luc. 2.} Deo offerretur. Si allegent, sancti viri manibus susceptum fuisse: respondeo, id totius Ecclesiæ nomine factum: quæ tamen spurcicia multa & abominandis vitijis scatebat. Si rursus obijciant, infantem fuisse, nec ab eo propriè facta: respondeo, ita infantem fuisse in humana natura, quã à nobis acceperat, vt interim providentia sua diuina regeretur, qua nunquam sinisset se vlla actione contaminari, quæ filiorum Dei puritati repugnaret. Quinetiam vir factus, ac quod amplius est, cum predicaret verbum Dei, & officio suo fungeretur, eam viam persequutus est vsq; ad extremum diem vitæ. Si offenditur Deus ab eo qui precandi & testificandæ fidei suæ gratia in cœtum aliquem ingreditur, à quo scelerari non arcentur: quid sibi voluit Dominus noster, quale exemplum præbuit, cum Tẽplum Ierosolymitanum ingrederetur, vt vnà cum Scribis, & Phariseis, & populo tunc perditissimo sacra faceret? Protinus, sat scio, excipient, Christum in Templum non ascendisse, nisi vt vitia & scelera reprehenderet, quæ tum mittebantur: non vt cum eorum sacrificij & cæteris testificationibus fidei participaret. Verum falsam esse hanc solutionem, facile est commonstrare. Non abs re dicit Paulus eum subditum Legi^{Gal. 4.} factum (de Christo semper intelligo) vt ab eius seruitute omnes, qui ei subiiciebantur, redimeret. De ceremoniali Lege nominatim verba facit. Cum igitur ad Templum ac præcipuè diebus festis & solennibus accedebat, quauis eò veniret, vt meliorem promouendi Euangelij, & corrigendis impiorum vitijis, occasionem nancisci posset: tamen non desinebat sese Legis obseruatorem ostendere, quæ Lege iubentur faciens, veniens in Templum adorandi & sacrificandi causa. Quod ipse ore suo confirmauit, cum Samaritanam conueniret. Loquens enim

ioan. 4. ex omnium Iudæorum persona, ait: Scimus id quod adoramus: at vos, quod adoratis, nescitis: quia salus ex Iudæis est. Haud certè ab illis se segregat, cum loquitur de adoratione, qua etiam sacrificia continentur, verum sese redigit in communem ordinem cæterorum. Id quod ratio ab eo adiuncta, magis etiam confirmat: nempe, quia salus ex Iudæis est. His enim verbis nihil aliud intelligit, quàm cultum, qui Ierosolymis exhibebatur Deo, ipsi gratum fuisse, tantum ob fœdus, quod cum populo illo inierat. Ex quibus perspicimus, eum qui Sacramentis à Deo institutis cum iniquis communicat, ipsorum congressu non pollui, modò ipse crimine vacet, puraque conscientia sit præditus.

Idem Apostoli, Magistri sui exemplum sequuti, fecerunt. Verum ne prolixiores simus, quàm par sit, Paulo vno contenti simus. Omitto quòd quæcunq; in locum veniret, sine ulla difficultate in Synagoga Iudæorum ingressus est, ut oraret Deum, & de Scriptura tractaret. Omitto etiam, quòd ei religio non fuit sese in Templo exhibere, ut ibi Deum adoraret, & ceremonijs legitimis vnà cum reliquis vteretur: quanuis summa esset Sacerdotum & Scribarum, qui tum illic erant, improbitas & nequitia. Non quòd illa ad rem non faciât: sed quia clariore probationum genere, quæ calumnijs minus eludi possunt, non caremus. Nempe, quòd conueritur eos qui ipsum adiuvare debuerant, Christi honore & Ecclesiæ propagatione posthabitis, priuatis cõmodis suis studuisse. Neq; tamen legimus ipsum, ne polueretur, se ab eorum cœtu segregasse. Item, cum vitia illa horrenda, quibus Corinthij & Galatæ laborabant, reprehendit: non vetat eos qui puri sunt & immunes, ullam cum cæteris communionem habere, quoad bene purgata fuerint omnia: sed tantum adhortatur, ut vitia, quæ, suo quæque loco, reprehendit, corrigant: nulla mentione facta de eiusmodi segregatione, qualem isti fanatici introducere voluit.

Quid verò necesse est ad eò disputare? cum Apostolus ipse alio in loco tractans, quo quisque modo præparari debeat ad recipiendam, ut decet, Cœnam Domini, non iubet vnumquemque proximi sui vitia examinare: sed ita loquitur, 1. Cor. II. Probet se ipsum homo, ac sic de pane illo edat, & de calice bibat. Nam qui edit & bibit indignè, iudicium sibi ipsi edit & bibit. In quibus verbis duo sunt obseruanda. Primum, indignè panem Domini edere, non esse cum ijs qui indigni sunt communicare: sed non ritè præparare se ipsum, nec expendere fidem propriam & pœnitentiam. Alterum, cum Cœna recipienda est, ne initium faciamus ab alijs, quo examinemus ipsos, sed nosmetipsos probemus. Et certè, si accuratè considerentur omnia: qui ita otio abundant, ut inquirent in alios, sæpius in re sua sunt negligentes & obliuiosi.

Hominem noui adhuc superstitem, qui hoc errore detentus, quòd vereretur nobiscum, propter quorundam vitia, Cœnam sumere, sese Ecclesiæ communionem priuabat: interim domi duos habebat famulos vitæ flagitiosæ & dissolutæ. Quod cum intellexissem, eum commonefaciendum curavi (quoniam eo tempore mihi auscultare noluisset) meritò cogitare ipsum debere de purganda domo sua, quæ ipsi commissa erat, cum se pollui existimaret eorum vitijs, qui ad eius administrationem nullo modo pertinebant. Tum stultitiam ipse suam animaduertere cœpit, ac veluti castigationem à Deo missam agnoscere, quæ suam illi arrogantiam exprobraret. Ita se & Ecclesiæ & mihi reconciliauit: agnoscens hoc esse primū, ut de nobis ac familia nostra cogitemus: deinde habeamus cæterorum rationem: non ut in

eorum

eorum odium, quòd non ita, vt decet, se gerant, nos subducamus ab Ecclesia: sed vt corrigamus eos, ac, si fieri potest, reducamus in viam, aut eijci curemus. Sin minus commendemus Deo, vt in meliorem statum redigat omnia.

Obijci poterit, Paulum eadem Epistola acriter reprehendere Corinthios, quòd in eorum cœtu vitia non punirentur excommunicatione: atque adicò prohibet ne cum fornicatoribus, ebriosis, deceptoribus, idololâtris, & eiusmodi hominibus versentur. Cui obiectioni respondeo, vitium in Ecclesia valde reprehendendum esse, cùm delictis nulla correctio adhibetur. Imò verò aio, sæpe accidere posse, vt Dominus hanc solam ob culpam, in populum vniuersum animaduertat. Quamobrem, nequa Ecclesia adhuc ista excommunicationis disciplina carens, sibi aduletur, quasi levis culpa sit nullum eius vsum habere: sed potius vnaquæque sibi prospiciat, detque operam, vt erigi & statui possit. Similiter, priuatus quisque se in eo impendat, & ei restituendæ, quam qm̃ino poterit, operam nauet. Sed non propterea dicendum, iustam esse causam priuato cuique sese ab Ecclesia abalienandi, quoties rerum status ipsius voto minimè respondebit. Notare enim debemus hanc politiam non esse in vnius membri potestate: verum ex totius corporis consensu exercendam esse. Idcirco Paulus non speciatim singulos compellat, vt seorsim vitiũ cuiusque culpæ hoc assignet: sed totum corpus in simulat.

In summa, quòd ad Ecclesiæ communionem attinet, demus operam, vt membra putrida, aut contagione infecta, omnes scilicet, qui flagitiosam & dissolutam vitam degunt, abscondantur. Quid autem in nobis sit, ipsi consyderemus: cùmque funcli sumus officio nostro, si nequeamus assequi quod volumus, quòdque vehementer optandum esset, reliqua commendemus Deo: vt quemadmodum ipsius est opus, ita manum admoueat. Interim, etsi meritò tristes simus, quòd Ecclesiam nondum ritè ordinatam & in integrum restitutam intuemur, feramus tamen vitia, quæ emendare non possumus. Quòd autem vetat Paulus cum ijs cibum sumere, qui vitæ sunt dissolutæ, id ad priuatam consuetudinem pertinet, non ad publicam communionem. At, dicet aliquis, si homini Christiano non liceat cum scelerato versari, corporei victus percipiendi causa, multò minus panem Domini cum illo sumere licebit. Respondeo, in libertate nostra & facultate positum esse, an familiariter versemur cum sceleratis. Quo fit, vt vnicuique sit ab eo abstinendum. At non est ita in arbitrio nostro positum, an Cœnam recipiamus, necne. Itaque diuersa est ratio. Notemus ergo, si Ecclesia hominem indignum ferat & toleret, probè facturum eum qui talem nouerit, si ab eius consuetudine absteat, idque, quoad poterit, facere debere: modò ne schisma vllũ aut separationem in Ecclesiæ communionem inducat.

De excommunicationis materia, quantum locus hic requirebat, tractatum est. Tantùm obiter omnes veritatis studiosos monitos velim, eius quod in hoc ipso Anabaptistarum articulo continetur: vt ex eo animaduertant, quântum fidei debeant reliquis adhibere: nempe, quòd aiunt hominem, qui imprudentia, non destituta malitia errauit, posteaquam bis seorsim fuerit admonitus, publicè castigari debere, aut excommunicari. In eo, errorem vnũ eis condono: quòd Dominus non vult Ecclesiam ad excommunicationem progredi, etiam cùm peccator priuatus admonitiones binas neglexerit: sed vult tert.º admoneri publicè, antequam reijciatur. Falluntur iterum in eo, quòd non consyderant Dominũ eo in loco de secretis delictis

verba facere. Manifesta enim, quæ populo offensionis causam præbent, alia ratione corrigenda sunt, quàm secreta monitione. Hi duo errores faciliè demonstrant, quàm præclari Doctores sint Anabaptistæ, quo spirituducantur ad omnia reformanda, cum vix tria verba proferre possint, quin permisceant & confundant omnia. Verùm hoc adhuc eis ignosco, ut ad eam partem veniam, quæ plus momenti habet. Cum enim aiunt, eum qui imprudenter non sponte peccauit, significant, ut etiam apertè docent & asseuerant, hominem qui sponte deliquit, nūquam veniam obtenturum. Nam, ex eorum opinione, peccatum voluntarium aduersus Spiritum sanctum committitur, cui nulla datur venia. Hanc opinionem, blasphemiam execrabilem esse dico, & delirium perniciosum, quo miseræ animæ in desperationem conijciuntur. Quod re ipsa in nonnullis vidi, qui per aliquod tempus ab hac infelici secta fuerant seducti. Nos quidem cogitare debemus in nobis ipsis, & alios monere rem esse non parui ponderis, Deum sponte offendere, & repugnante animi nostri conscientia aliquid admittere, quo ira Dei aduersum nos prouocetur. Quisquis ergo his vteretur vocibus: Quauis accadat nos post agnitum Deum, contra animi nostri conscientiam peccare, ea culpa faciliè remittitur: nec eam tanti facit Dominus, ut magnopere torqueri nos oporteat: is repellendus esset ceu Sathan aliquis, qui talibus nos adulationibus ad Dei contemptum vellet adducere. Assidue potius meditemur, leue crimen non esse contra sanctissimam voluntatem Dei rebeli animo & contumaci aliquid facere, iustitiam eius data opera violando: & qui id faciunt, eos nimis dissolutè abuti collata in se gratia: proinde periculum esse maximum, ne ij qui adeò habenas sibi laxant, dentur in reprobum sensum, ut in malitia obdurescant, ne vnquam conuertantur. Renocemus etiam in memoriam cōminationes, quas Scriptura in talem ingratitudinem pronuntiat. Verùm postquam hæc omnia dicta & facta fuerint, non tamen coniungiendi in desperationē ij sunt, quibus sic contigerit labi. Quò enim delaberemur? Vix decimus quisque reperietur, qui asserere possit, se posteaquam Deum nouit, non sponte deliquisse. An non esset Ecclesiam perdere, velle eos omnes coniungere in desperationem? At dicent sic conscientias sopiri, ut faciliè assentiantur malo. Ego verò cōtrā respondēo, consopiri potius eorum animos qui sibi ita imponunt, ut putent se nunquam nisi ignorantia peccare seque adeò innocentes existimant, ut nūquam malo sint animo aut praua voluntate. Consideremus, quæso, quot modis nos tentet Diabolus. Si non opprimimur omnino, quis tamen virtute tanta præditus est, ut aliquando non defleat, nunquam aberrat: quauis sit commonefactus à Deo, & testimonium habeat conscientia suæ, quo in rectam viam reducat? Peccato contra spiritū sanctū admissio veniam nullā dari allegant. Fateor. Sed peccatū voluntariū multum differt ab eo, quod in Spiritum sanctum cōmittitur. Is enim resistit Spiritui sancto, qui apertè repugnat veritati Dei, & obstinato animo nititur ipsam euertere, quasi Deo certamen indicere videretur. Peccare autem sponte poterit aliquis, qui tamen nec bellum aduersus Deum gerere, nec in eius verbum contumeliosus esse volet.

Sed breuiter & faciliè expedietur hæc quæstio, si eius definitionem ad Deum referamus: id est, si pronuntiat is ipsius, ut æquum est, acquiescamus. Cum enim auctoritatem remittendi peccata sibi soli reseruauit: ipsius etiam est solius definire, quæ remitti, quæ non remitti debeant. Ab initio verò in populo Iudaico instituit duo sacrificiorum quotidianorum genera: vnum pro voluntarijs pec-

catu;

catis, alterum pro ijs quæ ignorantia admitterentur, addita hac promissione, tam prioribus quàm posterioribus se veniam daturum. Quid ad hæc miseri isti fanatici respondebunt? Pronuntiat Dominus, se remissurum fidelibus peccata voluntaria (siebant enim sacrificia pro ijs qui iam Ecclesiæ membra erant) isti verò Deo manus colligare, ac ne talem misericordiam exerceat, prohibere volunt. Si excipiant, id in veteri lege factum, aliam verò temporis nostri esse rationem, nimium friuola erit hæc cauillatio. Satis enim perspicuum est, infinitam bonitatem Dei, aduentu Christi Domini nostri haudquaquam imminutam, sed potius amplificatam esse. Præterea scimus sacrificia antiqua figuras tantum fuisse eorum, quæ in Christo implenda erant. Cum ergo voluntariorum peccatorum remissionem sacrificia antiqua repræsentarent, quæ domesticis fidei exhibetur, certum & perspicuum testimonium est, fideles non tantum ignorantia suæ, sed etiam delictorum sponte admissorum, remissionem per Christum obtinere. Cuius etiam rei tot habemus exempla, ut eam reuocare in dubium, impudentiæ sit maximæ. Si ex veteri Testamento sumamus. Patriarcha cum in fratris necem conspirarunt, malè se agere non ignorabant. Ruben non imprudenter patris sui thorum contaminauit. Iudas satis perspicuum habebat fornicationem displicere Deo: ab ea tamen non abstinuit. Dauid, qui fontes quotidie puniebat, non poterat errore aut imprudentia illud adulterij crimen admittere. An misericordia, quam Deus illis omnibus impartiuit, defecit aut interijt, ut non possit ipsam eodem modo suis hodie exhibere? Sed ex veteri Testamento exempla mutuari minimè necesse est: cum ijs abundet nouum. Nam Petrus antequam abnegaret Christum, hanc sententiam audierat: Qui me coram hominibus abnegauerit, illum abnegabo coram Deo Patre meo. Ignorantiæ ergo excusationem obtendere non poterat: Christus tamen ei veniam dedit. Paulus de nonnullis conqueritur, qui Thessalonica flagitiosam vitam ducebant: nec tamen desinit bene de ijs sperare: modò corrigantur, ut ad pœnitentiam adduci possint. Qui in Ecclesia Corinthiorum in flagitiosas libidines & vita genus ad eò dissolute proruperant, sibi quæ placebant in vitijs suis, ut nullam admonitionem audire vellent, nonne rei erant criminis praua voluntate admissi? Non tamen desinit idem Apostolus eos ad resipiscentiam adhortari, veniam locum ipsis apud Deum relinquens. Idem legimus de Petro erga Simonem Magum. Quid plura desideramus? Dominus thesauros misericordiæ suæ aperit, etiam ijs, qui concupiscentijs suis victi, quanuis mali cognitionem haberent, tamen infirmitate carnis suæ à recto deflexerint. Quis hominum miseris peccatoribus ianuam claudet? nec sinet eos gratiam, quam ipsis Deus offert, recipere? Ex his igitur perspicimus venenum lethale sub istis Anabaptistarum verbis latere: cum nullis alijs peccatis veniam dari aiunt, quàm ijs, quæ imprudenter admittuntur.

Ut autem in hoc articulo concludamus, Christianos omnes admonitos esse necesse est, quæ sint ex eo consequentia. Nam etsi facile indicatur nimia esse seueritatis, nolle vllum omnino vitium in Ecclesia tolerare: non tamen primo intuitu videmus, quàm perniciofa sit hæc opinio, quòd ea quæ consequuntur non animaduertamus. Olim duæ fuerunt hereticorum seclia, quæ Ecclesiam vehementer turbauerunt. Quorum alteri Græco nomine Cathari, id est, Purii; alteri Donatistæ, ex primi authoris & magistri nomine appellabantur. Vtriq; in eodem errore fuerunt quo isti somniatores: Ecclesiā quærentes, in qua nihil posset desiderari. Idcirco se

ab vniuersa Christianorum societate segregauerant, ne commacularētur aliorum sordibus. Porro, quid accidit? Dominus eos cum tam arroganti cœpto dissipauit. Hinc ergo moneamur cum sub specie studij perfectionis, imperfectionem nullam tolerare possumus aut in corpore, aut in membris Ecclesiæ, tunc Diabolus nos tumefacere superbia, & hypocrisi seducere, vt ad deserendum Christi gregem nos instiget: certò sciens se victoriam obtinere, cum nos inde abduxit. Cum enim nusquam alibi sit aut remissio peccatorum, aut salus, tametsi vitæ plusquam angelicæ speciem præ nobis feramus, tamen si tali audacia nos separemus à Christiano cœtu, simus Diaboli.

TERTIV Seorum articulus, est de receptione Cœnæ: in quo nihil dicunt, quod ipsis non concedamus: imò quod non quotidie doceamus: nempe, ne quis ad sacrosanctam hanc mensam accedere audeat, nisi verè sit membrum corporis Christi, vnum Deum cum fidelibus cunctis adorans & colens, in vocatione iustæ & legitima. **S E D** cum articulo quarto declarant, quomodo quisque se castum integrumque seruare debeat, vt adhæreat Deo: iterum omnia deprauant. Quāuis initio bonis vtantur verbis, veluti cum Papisticas superstitiones damnant, & iubent Christianos omnes ab eis abstinere. Sed venenum est in cauda, vt inquit prouerbiū. Tandem enim concludunt, omnem armorum vsus diabolicum esse. Nulli quidem priuato, vsus gladij permittendus, vt obsistat malo. Nam Christianorum arma, sunt preces & mansuetudo vt in patientia possideant animas suas, **Luc. 21.** & bono malum vincant, iuxta doctrinam Euangelij. Vniuscuiusque igitur officium est, patienter ferre, potius quàm vi & armis vti, cum nobis inferetur iniuria: **Rom. 12.** sed publici gladij potestatem, quam Deus nostri protegendī gratia constituit, condemnare, in Deum ipsum blasphemia est. En Spiritus Dei per Paulum **Rom. 13.** pronuntiat magistratum ministrum Dei esse, in gratiam & vtilitatem nostram constitutum, quo vis & furor iniquorum reprimi & impediri possit. Atque idcirco gladium ipsi datum in manu, vt flagitia & scelera puniantur. Cum Deus ea sic ordinauerit, qui sumus nos, vt audeamus ei obsistere? Adhæc cum tale præsidium nobis offerat, cur eo vti non licebit?

Præterea, certissimum est miseris istis fanaticis hoc esse propositum, vt improbent & damnent munitiones omnes, propugnacula urbium, armorum præsidia, cæteraque eiusmodi, quæ ad tuendam patriam spectant, atque prohibeant subditos principibus & magistratibus obedire, cum re postulante, eorum opera vti volent. Improbare autem quod nunquam improbauit Deus, nimis est, homini inquam mortali, temeritatis & arrogantia. Hoc autem perpetuò teneamus, vsurpari Dei auctoritatem, cum id, quod permisit, condemnatur. Nusquam verò Scriptura mentionem facit, prohibitum esse principibus armorū vsus, aduersus eos, qui ipsis iniuria molesti erunt. Prophetæ quidem de Regno Christi loquentes, aiunt futurum vt gladij & lanceæ in ligones, & vomeres commutentur: verum his loquendi formis nihil aliud significant, quàm bella omnia & inimicitias inter fideles sublatum iri. Atque vtinam ita inter homines profecisset Euangelij doctrina, vt id locum haberet in omnibus. Sed cum fides & amor Dei non ita in maiore hominum parte dominantur, quin ambitio & auaritia superiores adhuc partes teneant: cum vrbs aut regio aliqua iniusto bello inuadetur ac infestabitur, tantum abest, vt princeps ad eam tuendam & defendendam constitutus, malè agat, iniquæ violentiæ obsistens,

stans, vt potius officij & muneris eius sit id præstare, neque aliter facere debeat. Princeps quidem Christianus omnes ineunda pacis rationes inuestigare debet, atque etiam paratus esse remittere de suo, vt eam carè redimat: ita vt omnia tentet, priusquam armis: extremumque hoc remedium, quantum poterit, vitet, nec nisi inuitus ad id confugiat. Sed cum nihil omnino, quod officij sui esset, pratermisit, bellumque, quoad eius fieri potuit, semper auersatus est: si non aliter regionem sibi commissam tueri possit, extremum remedium est, vti gladio, quem Deus ei in manum dedit. Eadem enim est ratio stringendi gladij in sceleratos, qui publicum ordinem conturbant: & eos, qui regionem aliquam iniuste inuadunt, repellendi. Quod cum accidit, si vir Christianus ex regionis instituto ad operã suam principi præstandam vocetur, non solum non offendit Deum, si armã capiat, verum etiam sancta est ea vocatio, nec potest citra nefandã Dei blasphemiam improbari. Proinde, cum milites ad Ioannem Baptistam accesserunt, vt instruerentur, non iussit eos ab-
Luc. 3.
 icla vocatione sua, arma deponere: solum admonuit, vt stipendijs suis contenti, ne
Acto. 10.
 minem vexarent, ne prædarentur, sed ab omni scelere abstinerent. Petrus Cornelium baptizauit, eumque centurionem, id est, ordinis militaris ducem: nec tamen iubet ipsum militia munus vt reprobum abijcere: quinimo visibiliter accepto Spiritu sancto, militia munus exercere nõ desinit. Vt finem orationi huic imponamus: si medium tenere velimus in reprehendendis vitijs, quæ armis coniuncta sunt, ne omnino damnemus eorũ vsum, cum authoritate principis, pro patriæ defensione, suscipiuntur: cum princeps nulla alia ratione quàm bono publico patriæ ducitur: populus verò nihil aliud cõsiderat, quàm vt id præstet quod est officij sui: sed sceleratas animorũ libidines, quibus bella suscitãtur, reprehẽdamus: damnemus crudelia facinora, rapinas, effrenatam violentiam, direptiones, vastationes, depopulationes, aliãque graua & horrenda scelera, quæ in ijs admitti solent. Sed bonum malo commiscere, vt sine discrimine simul vtraque damnentur, omnino non conuenit.

QVINTVS Articulus est de Pastoribus, in quo consilium quodãmodo suum immutarunt. Prius enim delirium hoc mentes eorũ omnino perstrinxerat, vt putarent eos aduersari Deo, qui pastores certis locis præstitui vellent: atque censebãt, õnes qui ad hoc munus vocabãtur, huc illuc discurrere debere, quasi Apostolorũ simias, non veros imitatores. Hæc porrò philosophia inde manabat, quod seriò cuperent fideles ministros sibi cedere, vacuumque locum sinere, quod liberius venenum suum vbique effundere possent. Nunc verò, siue agnoscant errorem suum, siue plus sibi priuilegiũ arrogant, quàm cateris velint concedere, in hoc cum eis consentimus, nullam Ecclesiam posse absque ministro statum suum retinere, atque ideo in omni congregatione pastorem constituendum: modò etiam agnoscerent, vbicũque minister ritè constitutus est, ac fideliter munere suo fungitur, vnumquenque, qui pro Christiano haberi vult, debere ei adherere, & cum reliquo grege, ipsius ministerio frui. Sed quid agunt? Quia eorum erroribus obsecundare nolumus, quãuis purè annuntiemus verbum Dei, nos tamen pro lupis rapacibus habent, nõsque ita abominantur, vt credant se facinus morte dignum admissuros, si vel vni nostræ concioni adfuerint. Dehinc, subitos ministros creant, & momento vno factos, vt diuellant Ecclesiam, populum distrahant, cætusque ineant inter se contrarios: ne Dei nomen, vno omnium consensu, & ea quæ decet concordia inuocetur.

INSTRUCTIO
ARTICVLVS VI. DE
Magistratu.

Concedimus gladium esse ordinatum à Deo, extra perfectionem Christi. Itaque principes & superiores huius seculi constituti sunt ad puniendos fontes, & morte mulcandos. Sed in perfectione Christi, excommunicatio extrema poena est, sine morte corporali.

REFUTATIO.

Animaduertendum hic moderationem esse ab ipsis adhibitam: vt corrigerent ea quæ prius dixerant: quoniam pro sua absurditate videbant ab omnibus reijci. Hoc enim honoris principi' us & magistratui deferrebant, vt eos haberent pro prædonibus. Sed cum viderent hoc nullo modo tolerari posse, consilium eis fuit hoc sensim & leniter sub hoc specioso colore retrahere: nempe terrenam dominationem, Dei ordinationem esse, extra perfectionem Christi. Hoc autem verbo significant munus esse Christianis omnibus vetitum ac illicitum: vt ipsi etiam postea declarant. Nunc expendamus an Christiana religio cum magistratu aut principatu conuenire non possit: ad id vt qui ad vnum vocatur, cogatur se altero abdicare. Primum quero, si munus sit fidelium vocationi contrarium, gladij potestatem exercere, aut principatu aliæ dominatione fungi, quomodo in veteri Testamento Iudices, item boni illi Reges, Dauid, Ezechias, Iosias, atque etiam nonnulli ex Prophetis, veluti Daniel, ijs vsit sunt? Nec enim vllō modo conuenit, vt dicamus id vitiosum in ipsis fuisse: cum Spiritus sanctus testetur Iudices à Deo suscitatos, vt per eos populus liberaretur: idque præcipue in Moyse perspicuum est, qui cum nominatim eo munere fungi iuberetur, libenter tamen recussasset. Sed vt morem gereret Deo, hoc munus suscipere ei necesse fuit. Dauidis verò regnum, Deus non solum approbavit, sed etiam laudibus extulit, & ornauit titulis magnificis. De eius successoribus, cum eadem sit ratio, idem censendum est. Nullum igitur superest istis omnis ordinis hostibus subterfugium, quàm vt dicant maiorem à Domino perfectionem in Ecclesia Christiana, quàm olim in populo Iudaico requiri. Hoc quidem verum est, quòd ad ceremonias attinet. Illud falsum, nos aliam viuendi regulam habere quàm veteres, quod spectat ad legem, quam moralem vocant. Qui hoc cogitarunt, cœperunt occasionem ex quinto capite Matthæi, vbi prima fronte videtur Dominus quadam ad ea quæ prius populo mandauerat, adiungere. Sed si bene diligentérque consideremus ea quæ continet lex Moysis, & collatione facia, alterum alteri comparemus, perspicimus id non fuisse consilium Domini, aliquid addere: sed veram legis intelligentiam, quam Rabini falsis interpretationibus deprauarant, restituere in integrum. Hoc ergo apud nos firmum ratumque sit: Quòd ad veram iustitiam spiritualem spectat, id est, vt fidelis bona sit conscientia præditus, sitque integer coram Deo tum in vocatione sua, tum in operibus, nos plenam atque integram declarationem habere in lege Moysis, quam nos simpliciter sequi oportet, si rectam viam tenere velimus. Quisquis ergo ei addit, aut de ea

imminuit,

imminuit, terminos transgreditur. Sic argumentum hoc certissimum atque omni dubitatione vacuum erit. Nos cum eundem colamus Deum, quem olim veteres illi patres coluere, & eadem nobis quæ olim ipsis lex & vitæ norma proposita sit, quæ docet quomodo unusquisque se gerere debeat, ut recte ambulet coram Deo: consequens est, vocationem, quæ tum ut sancta & legitima probata est, non posse inter Christianos improbari. Vocatio enim præcipua pars est humanæ vitæ, & quæ plus momenti habet coram Deo. Concludendum ergo civilis iustitiæ munus neque à nobis abdicandum, neque ab Ecclesia Christiana reiiciendum esse, cum Dominus id in populo Iudaico instituerit & approbarit: cum præstantiores è servis suis atque etiam Prophetas eo fungi voluerit.

At fortasse obijcient administrationem illam civilem, regni spiritualis Christi figuram fuisse: ac propterea usque ad ipsius aduentum solum durasse. Fateor quidem ex parte fuisse umbram ac figuram: sed nego, nec absque ratione, nihil aliud quam figuram fuisse. Fuit enim per se civilis administratio, qualis in alijs populis requiritur. Quod ita esse satis demonstratur ex eo quod dicitur de sacerdotio Levitico: nempe finem accepturum & abolitum iri aduentu Christi. Vbi de politia externa unquam dictum fuit? Sceptrum quidem auferendum, & tollenda administratio de tribu Iuda, & domo Davidis: at nullam omnino administrationem fore, id Scripturæ apertissimè repugnat.

Verum ad eximendum penitus hunc scrupulum, probatione clariore & manifestiore non caremus. Cum Prophetæ loquuntur de regno Christi, aiunt venturos reges adoratum ipsum, atque pro Domino agituros. Non dicunt sese abdicaturos suo munere ut fiant Christiani: sed potius ut in regia dignitate locati, Christo tanquam summo Domino se subijciant. Exinde David ipsos monens ut fungantur officio suo, non iubet eos sceptra aut diademata abijcere: sed tantum Filium ex seculari, id est, honoris & fidelitatis signum exhibere, quo sese ei submittant cæteris dominando. Certum est de regno Christi verba facere. Reges ac principes monet, ut sapiant, sibi que provideant. Qualis verò hæc sapientia est? Quæ ratione ipsi instituit? An docet, ut abijciant omnia? Minimè: sed ut timeant Deum, eiusque filio honorem exhibeant. Quinetiā prædixit Iesaias, reges Ecclesiæ Christianæ nutritios fore: reginas veluti nutrices uberibus suis eam lactaturas. Quæso, qui possunt ista conuenire, ut reges tutores sint Ecclesiæ Christianæ, nec tamē possit eorum munus cum religione Christiana consistere? Si Dominus ipsis vel locum tantummodo inter populum suum dedit, ut Prophetis, qui ipsos antecesserunt, iam illud ad probandam nostram sententiā abunde sufficiet: nunc verò, cum tam honorificam sedem eis assignet in cœtu populi sui, hoc inquam honoris eis tribuit, ut tutores Ecclesiæ suæ ipsos constituat, quantæ impudentiæ est ipsos inde omnino excludere? Cōcludamus ergo principes, qui Deo inserviunt, Christianos esse posse, cum Dominus talem eis eminentiam & dignitatem in Christiana republica tribuit.

Itaque nimis absurdum esset talem vocationem tanti fieri, atque ita extolli à Deo, si hominem Deo seruire prohiberet. Paulus unumquēque Christianorum hortatur, ut in ea vocatione permaneat, in qua fuerit vocatus. Omnes opiliones, bubulci, agricola, opifices, cæterique eiusmodi, munus suum sanctum existimare debent, nec Christianæ perfectioni impedimento esse. Nunc videamus utrum vitæ genus magis à Deo probetur, pastorisne pecudum, an hominum gubernatoris: nec probetur jo-

lūm, sed etiā tanquam dignius præstantiūsq̃ cæteris laudetur. Multa Scripturæ testimonia non aliena ab hoc proposito, breuitatis causa prætermittā. Vnum enim sufficiet pro omnibus. An maiore alicuius muneris laudē desyderamus, quā cū ex ore Dei ipsius, diuinum appellatur? Si titulus hic principum muneri datus est à Deo, quis audebit homine fidei indignū dicere? Sed adhuc maiora audiamus. Dominus tantū tribuit principibus, vt ipsos vocet Deos, nō personarū ratione, sed propter officij dignitatē. Rationē reddit Christus ipse: quoniā cōstituti sunt à Deo, qui tale munus ipsis mādauit. Nō mihi quidē videtur Dominus locupletius testimoniū dare posse, quo genus aliquod vitæ probet, quā cū nomē suum homini, quē in eo cōstituit, cōmunicat, ac si vicariū suū, qui personā ipsius gerit, vocaret. Quāobrem cōcludo, omnes qui hanc vocationem, quā Deus adeo honestauit, contēnunt, in cœlestē ipsius maiestatem blasphemos esse. At respondebunt minimē à se contemni, cū perfectione Christiana inferiore faciunt. Ego verò nihil contumeliosius dici posse affirmo. Cū enim Christianæ religioni non conuenire aiunt, vt profanam reijciunt. Speciosos colores nihil moror, quibus blasphemiam suam tegere volunt, cū dicunt esse ordinationem Dei. Tota enim controuersia in eo sita est: sit ne munus sanctum, quod à fidelibus exerceri possit: an qui sese ei admiscet, polluitur. Aiunt autem omnes qui in tribunali sedēt, indignos esse qui habeantur pro Christianis, propterea quod gladij munus, in Christiana republica locum non habeat.

Etiā si nihil esset præter id quod ait Paulus, id inquam vnicum satisficere potest ijs, qui rationi acquiescere volunt. Pronuntiat enim, principes ministros esse Dei, atque gladium ipsis à Deo in manum datum, vt conseruetur boni, mali verò puniantur. Hoc miseri isti fanatici commento deprauant: constitutos quidem esse à Deo, sed fidelibus eo munere fungi non licere. Perinde ac si quis diceret: Fateor opus hoc à Deo mandatum esse, à nemine tamen illa conscientia effici posse: quinimò quisquis efficiet, abnegabit Deum. Quæso, an is, cui vel sola cerebri vicia superesset, ita loqueretur? Sed huic vnica rationi respondeant. Cū nullo modo dubitent vniuersas artes vtilitati generis humani destinatas, licitas & sanctas esse: cur ex eo numero principū vocationē excludūt, quæ reliquas omnes exuperat? Vt exēpli gratia: Sutores aut cerdonem Christianum esse posse non negabunt: cū tamen hæc opificia nullū habeant expressum testimoniū à Scriptura. Cur igitur nō eodem modo sinunt Christianū magistratu fungi, cū munus hoc Dei ipsius ore cum summa laude probetur? Deus pronuntiat principes & magistratus omnes ministros suos esse, & à se cōstitutos bonorū & innoxiorū tutores, ac vindices malorū: cūque fungūtur suo munere, eos negotiū suū, id est, quod ipsis delegauit, agere testatur. Quis verò fanaticos istos eo adigit, vt hoc addant: magistratus, dū seruiūt Deo, arceri à cætu Christianorū? Quod de canū lanione, vt fatētur ipsi, nō diceretur.

Vnicum adhuc locum citabo, deinde finē faciā. Cū Paulus videret sui tēporis principes, vt plurimū Euāgelij hostes capitales esse, idque fideles posse indignè ferre, ac minus bono erga ipsos esse animo: Timotheo præcipit, vt nihilominus preces pro ipsis in Ecclesia solennes fiant: Addita hac ratione, quod Deus velit omnes saluos fieri, & ad veritatis cognitionem venire. Non intelligit Deum velle mortales ad vnum omnes, nemine excluso, ad salutem, sicq; ad Euangelium suum adducere. sed omnes vitæ cōditiones & status: quia status principum reiectus à Deo & maledictus videri poterat, eo quod omnes Euāgelium infesto animo persequeren-

tur. Quod si ita fuisset, superuacaneum erat ac stultum pro eis rogare. Nunc exijs Apostoli verbis quod aperte elici potest, colligamus. Si Deus velit principes ad cognitionem veritatis adducere, qua auctoritate Anabaptistæ ipsos repellent? Si quis respondeat, principes posse ad Deum conuerti, sed abiecta sua dignitate, nimis aperta calumnia est. Nec enim dicit Paulus, ipsos abnegaturos principatum suum, ut fiant Christiani. Quinimò, verba quibus utitur, nullo modo possunt cum eiusmodi tergiuersatione conuenire. Nam si principem oporteret dignitatem à se abdicare, ut fieret Christianus, sequeretur munus illud, ut reprobum atque indignum, Dei gratia destitui.

Verum ut ab Ecclesiæ cōmunione & omni salutis spe, reijciāt principes, rationes inexpugnabiles se habere putant, dum locos aliquot perperam à se intellectos adducunt, quos eò impudenter detorquent. Primum allegant Dominum Iesum ^{Ioan. 8.} non constituisse, ut mulier quæ fuerat in adulterio deprehensa, lapidibus, quemadmodum lex Dei iubeat, obrueretur: sed misericordia usum erga ipsam, dixisse: Abi, ac noli amplius peccare. Priusquam respōdeam, hoc eos rogabo. Aiunt enim excommunicationem in gladij locum successisse in Ecclesia Christiana, ita ut crimen, quod olim morte plectebatur, nunc sit excommunicatione puniendum. Quæro igitur, quomodo Christum facti sui excusabunt? Ipsorum enim regulam minimè obseruauit, quòd non magis à sancta congregatione ablegauerit mulierem illam, quàm morte damnauerit. Hinc iam perspicitur, ut cerebro careant. Nunc ad veram solutionem venio, quæ facillima est. Notandum est miseras hasce bestias in huius loci interpretatione sacerdotes Papisticos sequi, qui nefandas libidines suas, eo tutati sunt. Quòd enim interdictum ipsis esset matrimonium, id impunè scortandi licentia cōpensari voluerunt. Ita sibi mutuati sunt vxores vicinorū. Ne verò tā graue adulterij crimē videretur, nos, quantiū ad id spectat, sub lege gratiæ esse dixerūt. Nec ferè in vlla alia re gratiā Christi agnouerūt, quàm ut impunita sinātur adulteria. Miseri isti homines, ut iam dixi, illos sequuntur: id j; euenit quod sententia sua protulit Christus: Cum cæcus cæcum ducit, ambo in foueā cadunt. Est autē certissimum, Christum de ordine & administratione ciuili nihil immutare voluisse: cui derogare nolens, eo officio functus est, cuius gratia in hunc mundum venerat: nempe, ut peccata remitteret. Nec enim missus est à Deo patre, ut iudicis terreni officium exerceret: sed ut morte sua redimeret mundum, & prædicatione Euangelij, gratiæ huius redemptionis, beneficiorumque omnium, quæ per ipsum recipimus, testimoniū daret. Quemadmodum videmus eum promittere latroni, se recepturum ipsum in ^{Luc. 23.} Paradiso: qui tamen scelerum suorum pœnam ferre non desinit. Eodem igitur modo adulteram liberat, & latronem. Sed latro punitur iudicum sententia: adultera verò impunè euadit, quòd iudices pud: facti sese subducunt. In summa, quod Dominus noster Iesus Christus in adulteram fecit, non est aliud, quàm quod hodie ferui ipsi, ministri verbi, agunt in omnes scelestos. Iis enim solùm exhortandis operam dabunt, ut resipiscant, & pœnitentia ducti, redeant in viam: deinde conscientias eorum consolabuntur, oblata, Iesu Christi gratia, & de peccatorum remissione certiores reddent. Hoc verò minimè sibi sument, ut puniant delicta; nec enim ad eorum munus id pertinet. Sed interea iudices manum injicere non vetabūt. Caput rei est, ut officiū Domini nostri Iesu Christi intelligamus: sic enim difficultate omni expediemur. Eius officium est peccata remittere, & sermonem suum ad pec-

1. Cor. 6.

catorum cōscientias destinare. Corporum verò punitionem non attingit: sed illis hoc relinquit, qui ea autoritate præditi sunt: quibus id muneris est delegatū. Vt ipse alio loco dicit: Reddite quæ sunt Cæsari Cæsari. Ex eodem ignorantia fonte manat, quod secundo loco allegant. Christus, aiunt, noluit inter duos fratres familia herciscundæ arbiter esse. Sequitur ergo nullum Christianum debere se controuersus ciuilibus admiscere, vt de ijs iudicet. Primum, Christianus permittit Paulus, quod Christus eo in loco recusauit: vt scilicet lites & iurgia, quæ propter fortunas accident inter fideles, amicè componant. Postquam enim Corinthios reprehendit, propterea quod litigarent coram Ethnicis iudicibus: atque ea occasione blasphemaretur nomen Dei: simul monet quanto præstet controuersias dirimere bonorum virorum arbitratur: atque ex ipsis fidelibus iudices eligere, qui præsent litibus decidendis. Quinetiam hoc argumento vtitur: cum simus Angelos iudicaturi, rebus terrenis iudicandis, multò magis idonei sumus. Si exemplo Christi iudicia & arbitria omnia à nobis recusanda essent, perperam ageret Paulus, qui nos ad ea suscipienda vellet adducere. Minimè verò dubium est, Spiritum sanctum per os ipsius loquutū esse. Itaque, perspicuum est, quomodo vertiginosi isti Deum blasphemant: dum, id quod ipse approbat, condemnare volunt. Præterea, si non liceat homini Christiano sese dirimendis controuersis admiscere, quæ ad prædia, possessiones, & reliqua bona spectant: à bonis istis doctoribus quæro, quid mundo eueniet? Nam fieri non potest, quin dum inter se contrahunt homines (quod ad communem statum retinendum necesse est) accidant sæpe dubitationes, quæ interpretem ac diremptorem, siue iudex sit, siue arbiter, desyderant. Si dicant inter Christianos minimè id euenturam, delirium est: cum etiam duo boni viri, quæ naturæ nostræ est infirmitas, in controuersiam aliquam incidere possint. Vt in causa nostra ipsi cæci sumus, vterque æquum tueri se existimabit. Si vir Christianus nolit eam cōtrouersiam attingere, vt arbitrio suo eos conciliet, quam tandem cōfusionem accidere necesse erit? Hinc facile est perspicere, miseros istos fanaticos nō aliò tēdere, quàm vt cōturbent omnia, & talem bonorum cōmunionem inducant, vt qui ad se rapere poterit, is laudetur: quanuis id vehementer nō gent. Sed iudicia & arbitria tollantur è mundo, vt ipsi volunt, & arde iubent: quid eueniet, nisi latrociniorum summa licentia & impunitas? Aut certè cuperent principibus & magistratibus omnibus persuadere, vt cedant loco suo, quò succederent ipsi, & tanquam in vacuā possessionē irrumperent.

Quid igitur, inquit? An Christus sanctū & piū opus recusasset? Audiamus eius responsum, & quæstio soluta erit. Quis me, inquit, constituit iudicem aut diuisorem inter vos? Non dicit rem illicitam esse: sed tantum se in ea vocatione minimè constitutum. Et certè obscurasset officium, cuius gratia in hunc mundum venerat, si se negotijs illis admiscuisset. Quare, si quam ex eo exemplo utilitatem colligere velimus, vt ipsum sequamur: sumenda est regula, quam præscribit Paulus: vt vnusquisque munus ad quod vocatus est, videat: & quoniam vnum corpus in Domino sumus, ne quod oculi est, brachium vsurpet: aut manus, quod est pedus. Atque vt paucis concludamus: quæro, nōne licitum est inter Christianos familiam herciscere? vel an omnia confusa & permixta esse oportet? Si enim prædia diuidere & partiri liceat, qui se huic negotio interponet, nihil reprehensione dignum admittet, modò scilicet, in eo sit munere constitutus.

Adhuc alio argumento vtitur isti ordinis & politiæ hostes. Christus, aiunt, se

recepit

recepit in montē & abscondit, cum populus eum in regē creare vellet. Sequitur ergo, Christianum si ad magistratus functionē eligatur, nullo modo accedere: sed, Magistri exemplo longissimē aufugere debere. Me ferē pudet ista adeò friuola recitare: sed quoniam video simplices & rudes homines his seduci, quomodo sese istis expedient, eos monere cogor. Neminus ignota est stulta Iudæorū imaginatio de Messia: quē putabāt florētissimū regnū in hoc mūdo habiturū, ut hīc in otio & quiete, beatā & felicē vitā ducerēt. Adeò ut Apostoli ipsi etiā post resurrectionem Domini, adhuc opinione ista tenerētur: ut Actor. 1. Lucas ostēdit. Hæc est causa, quā populū ad Christū in regē vi creandū incitabat: ut scilicet à Romanorū seruitute in libertatē vindicaretur. Nō est igitur mirū, si se dominus occultauit, cū id ab errore peruerso ac deterrimo proficisceretur: ex quo multa cōsequuta essent pernicioſa & nocua. Certissimum est, regnum ipsius neque carnale, neque ex hoc mundo, sed spirituale omnino esse, atque in rebus nihil ad terram s; ectantibus consistere. Si igitur obtemperasset stultitiei populi, nōne errore altius iam eorū animis infixum confirmasset? Nōne sic consēpulta fuisset ab eo ipsius virtus & gratia? quoniā nihil de eo quā carnale imaginati fuissent. Præterea fuisset seditione cōstitutus ab ijs, quorum minimē ius erat. Nam cum Iudæa Romano imperio subdita esset, non erat liberum populo nouum regem eligere suo arbitratu. Itaque, has ob causas regium munus detrectauit Christus, non ut ipsum tanquam nefarium, aut vitæ Christianæ repugnans improbaret. Sed interim per ipsum regnare dicuntur reges: Prouerb. 8. Dicitur ipse gratiam suam magistratui & iudicibus impartiri, ut æquis legibus & statutis populos regant. Quid plura desideramus? Christus nō est rex in sua persona: sed ut omnia regna fundauit atque instituit, sic eorum tutor & defensor est.

Verum phanatici isti obijciēt Dominum iussisse, ut idem faceremus ipsi, cum diceret Apostolis: Reges Gentium dominantur ipsis, vos autem non sic. Fateor non idem esse Apostolorum & principum officium: atque in illo nullam esse d; minationem: Christus autem nihil aliud quā alterum ab altero discernere voluit. Inde enim ortus est sermo: quòd iam inter se Apostoli contenderent, quis inter eos maior esset, & veluti rector aliorū in regno Christi. Ut eiusmodi tolleretur ambitio, monet regnum suum s; irituale esse, non in mundana celsitate positum: non in pompa aut dominatione: sed omnem ministrorum suorum eminentiam in hoc constitutam esse, ut seruiant. Cum ergo non agatur eo in loco, an reges Christiani esse possint, necne: sed tūc dicat Apostolos & ministros Ecclesiæ regibus nō fore similes, nempe ut dominantur: summā stoliditatis est, illinc colligere, omnem dominationem nobis vetari. Perinde est ac si quis diceret: Officio ministri fungire regibus non licet, ad quod minimē vocati sunt. Officium ergo ministri nefarium & illicitum est. Quæso an facit munerum & officiorum discrimen, ut d; mnetur vnū, quòd alterum laudetur & in pretio sit? Reges igitur se intra suos limites contineant: pastores verò exercendo officio suo contenti sint: neque id vsurpent, quod ipsis minimē conuenit: sic probè omnia habebunt. Dominus verò utrosque approbabit. Perperā igitur ab istis phanaticis expositus est ille locus, cum aiunt eo gladij potestatem vetitam esse.

Vt autem ingentem cogant testimoniorum acervum, similiter citant quod ait Paulus, Rom. 8. Deum quos præuidit eos præordinasse, ut essent cōformes imagini Filij sui. Assentior, iuxta Pauli monitionē, nos Christi mortificationē in corporibus nostris ferre debere, æquo animo pati afflictiones & miseria, quibus nos Deus probare volet. Sed an ex eo sequitur, fidelis nō posse populū suæ administrationi cōmissum gubernare? Hi verò sequi aiunt, quia Christus passus, nō dominatus est. Quòd ad primū, dico Dauidē etiā multa passum: ac figurat as in eius persona ærummas & afflictiones, quas Dominus nostra causa tulit. Neque tamen eòmi-

nus dominatus est. De suo igitur alteram partē adiungit, epistolā Petri falso deprauantes. Sic enim in suo libello Petrum loqui fingunt: cum nihil minus. En igitur David, qui Rex fuit, gladij potestate administrans: neque tamen hoc illi impedimento fuit, quominus pateretur: ac patiēdo conformaretur imagini Christi, adeo ut eius esset typus & figura. Hæc sequutus Philippus, cum Eunuchum baptisaturus esset, qui vnus erat e gubernatoribus regni. Aethiopum, hanc ei legem minimè imponit, ut non dominetur amplius: sed tantum petit, an ex toto animo in Christum credat: eumque in ipso, in quo erat, statu relinquit. Et certè si dominatus Christiano homini non conueniret: id æquè in vnico homine, ac in vniuerso populo verum erit. Paulus autem dominatum & potestatem Christianis permisit in seruos, qui tum mancipia erant: nec iussit eos ius illud à se abdicare: sed tantum ut moderatè vterentur: ac benignè & humaniter seruos suos tractarent. Quinimò passus est Philemonem, quem collegam suum vocat, seruum suum in potestate retinere: tantum, ut eum humaniter tractaret, ipsi commendauit. Quauis igitur nominatim dictū esset Christum minimè dominatum esse, perspicimus tamen quàm stulta sit hæc argumentatio: Christus passus est, non dominatus. Omnis igitur dominatio improbanda. Idem enim est ac si quis diceret: Christus non habet locum, ubi caput suum reclinat, ut ipse testatur. Perperam igitur agunt Christiani qui domum, aut agrum, aut denique prædium vllum possident. Quantum verò id à ratione alienum sit, omnibus perspectum puto.

Tandem, quemadmodū ebriosi post multos ructus, crapulā cū multo foetore euomunt, sic infelices isti, postquā muneris sanctissimo quod, adeo honestauit Deus, multū detraxerunt, blasphemias atrociores pleno gutture egerunt. Magistratū, inquiunt, gubernatio secundū carnē est: Christianorū verò, secundū spiritum. Mihi Papā Syricium contra sanctum matrimonium blasphemantem audire videor. His enim ipsis verbis vtitur. Sed exigua hæc sunt præiis quæ sequitur. Magistratū, inquiunt, habitatio tantūmodò in hoc mūdo est: Christianorum verò in cælis. Vos moneo omnes veri fideles, & obsecro per nomen Dei, ut diligenter consideretis ea quæ Petrus & Iudas de nonnullis corruptoribus dixerunt, qui iam suis temporibus simplicium fidem peruertebant: & eorum verba conferatis cum ijs Anabaptistarum sermonibus, quos nunc recitauit. Nihil aliud dico, quàm quod vnusquisque perspiciet, sectam illam nihil ab ista differre. Quia verò non sunt ita omnibus libri in manu, locos ipsos adiungam. Prior sic loquitur. ij. Pet. ij, Erunt audaces, præfacti, qui dominationem contemnent, qui gloria præcellentes, non verebuntur conuijs incessere: brutis animalibus similes, vituperantes ea quæ non intelligunt. Similiter Iudas, Dominos spernunt, in potestate præditos maledicta congerunt. At Michael Archangelus cum aduersus Diabolum certans disceptaret de corpore Moysis, non est ausus illi maledictionis iudicium proferre: sed dixit, Increpet te Dominus. Isti autem vituperant, quæ sibi ignota sunt: in omnibus quæ apprehendunt naturali sensu, se ipsos, ut brutæ pecudes corrumpunt. En Apostolorum verba quæ tam propriè conueniunt Anabaptistis, ut nominatim de ipsis prædicta videantur. Quod aiunt principes hîc permanentem habitationem habere: quoties David eos conuincit mendacij, cum testatur se toto studio ad vitam spiritualem aspirare ac tendere? Ac certissimum est reliquos omnes probos reges idem fecisse. Deus præcipit Danieli, ut in curia regis Persarum suum administrationis politicæ munus exerceat: interim dum ea quæ ipsi reuelata fuerant, ac denique resurrectionis diem expectat. Moyses verò Prophetarum princeps, non desijt spe & votis in cælis versari, dum in hisce terris populum gubernabat. Oppono igitur Anabaptistis Moysen, Davidē, Ezechiam, Iosiam, Iosephum, Danielē, denique omnes Israelis Reges & Iudices, ut suā causam tueatur: an scilicet priuē

regno Dei, quòd in hoc mundo gladij potestatem exercuerunt. Quòd autem dicunt omnes principum sollicitudines mundū hunc spectare: Isaias vehemēter eis repugnat, qui prædixit fore, ut reges terreni conseruando cælesti & spiritali regno Christi seruiant. Paulus etiā hortatur, ut pro omnibus qui præsunt, fundatur preces: ut sub eis in otio & pace viuamus, in timore Dei, & vitæ sanctitate. In quo demonstrat nō esse præcipuum magistratus finem, pacem inter subditos externā solum tueri: sed potius curare, ut in ipsorū diuisionibus colatur & honoretur Deus, ac vnusquisque sanctam atque honestam vitam degat. Hinc perspicimus, quā falsa & peruersæ sint Anabaptistarū allegationes, quibus magistratū vocationem, quam tantoperè probauit Deus, damnare volunt. Atque etiam videmus, quomodo Diabolus per eorū os loquitur, ut auertat principes, & suo munere fungi prohibeat. Cū enim potius monendi sint, ut omnem operam, studium ac diligentiam adhibeant extollendo nomini Dei, ita ut supra ipsos regnet, sintque tantūmodò ipsius cliētes & ministri, isti cōtrā persuadere nituntur, hoc nihil ad ipsos pertinere, nec vllō modo debere se ijs, quæ ad honorem Dei spectant, interponere. De fine verò quem sibi proponūt, pauca dicā: nempe, quòd in eo ostēdant se & Dei, & generis humani hostes. Est enim bellum gerere cum Deo, dedecore afficere quod ipse honorauit: & quod adeò extulit, pedibus conculcare. Neque verò breuiore cōpen dio mundi ruinam moliri, & latrociniorum licentiam summam vbique introducere possent, quā cū reipub. adinistrationem, aut gladij potestatem abrogari volunt. Quæ certè tollitur omnino, si non liceat eam homini Christiano exercere.

ARTICVLVS VII.

Quòd spectat ad iusiurandum, venimus in hanc cōcordiam, ut iudicemus esse confirmationem, quæ fieri debet, tantū in nomine Dei: in veritate, non mendacio, iuxta præceptum Legis: sed Christianis omne iusiurandum per Christum prohibitum esse.

REFUTATIO.

Prima facie, nihil huic articulo videtur inesse mali. Videmus hodie mundū in iuramētis effranē & dissolutū esse. Nullus est boni animi vir, cui non valdè molestum sit ita contemptui haberi nomen Dei. Eo fit, ut omne iusiurādum, qualecunque sit, odiosum reddatur. Præterea non nihil speciei habet quod ex verbis Domini allegant, iusiurandū omne in totum prohiberi. Hoc quidem ita videbitur, nisi propius sensum eius loci attendamus. Quod ad primum, nobis profecto vehementer displicere debet tam dissoluta iurandi licentia, qua homines hodie abutuntur. Ac longè melius esset non iurare omnino, quā ita temerè ac leui de causa, aut nulla potius, iusiurandum adhibere. Sed animaduertamus modum reprehendendæ & corrigendæ corruptelæ non esse, eam cum legitimo vsu miscere ac confundere, ut vtrumque sine discrimine damnemus. Hodie in esu & potu, ac præcipuè in conuiuijs nimius est apparatus, ac profusissima luxuries. Ebriositas vitium turpissimum & inhonestissimum viget hodie apud multos. Si quis, ut has corruptelas reprehenderet, omnino vini cœniūque bonorum ciborum vsum damnaret, nōne blasphemaret Deum, sic vituperans ac improbens creaturas, quas ad vsum nostrum destinauit? Idem de iureiurando aut etiam multò magis dicendum est. Dominus id instituit, ut veritas, cū res postulat, confirmetur, atque approbetur. Talis iurandi modus ad honorem Dei bifariam vergit.

Nempe hoc modo charitatem tuemur inter homines: & veritatem, quæ summo in pretio est apud eum, conseruamus. Et cum solus veritatis, testis allegatur, vnam è præcipuis laudibus quas à nobis requirit, ipsi tribuimus. Accertè in lege ostendit iurandum verum ac legitimū speciem esse honoris, quæ ipsi à populo suo exhibetur. Quæadmodū enim vult solus adorari & inuocari, ita iubet vt tantummodo per ipsius nomen iuretur. Et Propheta vociferantes aduersus idololatriam, sæpe mentionem faciunt, quod per alienos deos iuratum sit: vt cum è diuerso cultum Dei restitutum iri significant, aiunt fore vt per ipsius nomen iurent omnes.

Hic igitur est verus tractandi iurifurandi modus. Primum, ostendere conuenit duplicem ipsius vsum esse. Nempe vt testimonium reddatur ante actarum rerum: atque vt in futurum astringamur ad ea peragenda quæ à nobis licitè requiri possunt. Deinde monendum quid sit iurare, nempe testem citare Deum. Qua in re ostendere par est, quid illi reuerentia di feramus. Hinc consequens est, neminem vnquam iurandi causa vel hiscere tantum debere, nisi cū magno timore Dei, summa humilitate ac reuerentia. Sic omnia blasphemiarū genera, quibus contumeliose sumitur nomē Dei & Iesu Christi, optima ratione improbareretur. Præterea docendū, quot modis nomē Dei sumitur in vanū: ac primum periuria ac falsas testificationes, vt blasphemias execrabiles detestari, quod veritas Dei in mendaciū cōuertatur: quod euertatur gloria ipsius: quasi homines eum ad sese abnegandū cogere velint. Hinc ostendere quantus Dei contēptus sit, sanctissimū eius Nomē temerè assumere aut animi gratia, aut fucādi sermonis causa, vel iracūdia, vel risus & festiuitatis causa: idque vitium eò asperius & acerbius reprehendere, quod altius in hominibus radices egit, eaque consuetudo inualuit. Rursum vituperanda superstitiones, quibus pollutū est nomē Dei: cum absque discrimine sumpta sunt sanctorum nomina, vt cum ipso miscerentur. Sic enim iure iurando minimè profanaretur nomen Dei, sed honori eius permultū seruiret. Quod si omnibus is esset propositus finis, quis rem malam & vitiosam esse pronuntiare auderet? Summa est, vt moneantur omnes, nihil tam commendatum esse Deo, quàm gloriā nominis sui, vt salua sit & illibata, ij, quæ puriatur qui ipsam aut imminuerint aut obscurarint. Quia nemo ipsius nomē vsurpare debet, nisi cū summa religione, eum solummodo finē sibi proponens, vt ipsi gloria tribuatur.

Sed Anabaptistæ sine vlla moderatione terminos perripunt, & omne iurandum sine exceptione damnant: neque discernūt, an bonū an malū sit. Vnde manifestè apparet eorū doctrinam nulla minimo ratione niti. Nunc ad auctoritatē veniamus: an scilicet aliquod testimonium habeat ex verbo Dei. Insigni se clypeo muniri putāt, cum citant verba Christi, quibus omnino iurare vetat. Illinc enim concludunt, neque iure neque iniuria iurare licere. Quibus vt respondeā: primum quæro, an Christus legi Patris sui aliquid adiungere, an solummodo interpretari voluit. Ad id aiunt, ipsum perfectionē legis docuisse. Sed magis vrgeo ac quæro, an nunquā cognita fuerat hæc perfectio? Si enim incognitā fuisse respondeant, dico apertū esse mendaciū. Moyses publicata lege testatus est populo se viā vitæ & mortis ostēdisse. Itē in summā colligēs omnia, dicit: doctrinā suā eò tendere, vt homo ex toto corde, tota mente, tota anima, denique totis viribus, Deū amet. Item alio loco: Et nūc Israel, quid à te requirit Deus, nisi vt ipsi toto animo penitus adhareas? &c. His sententijs abudē probatur doctrinā legis, bene viuēdi regulā continere, quæ hominē ad integram perfectionē deducat. Est igitur certissimū, Deum voluntatē suam in lege patefecisse: Matth. 19. & alibi: semel inquam, pronuntiasse quid bonum, quid malum, quid ipsi gratum sit, quid itē displiceat. Quare Dominus noster Iesus, quoties de vita perfecta incidit quæstio, eos quos docebat semper illuc adegit. Ac Paulus Rom. 12. nos ad eum finem reducit, vt rectè intelligamus quid sit officij

officij nostri. Itaque dicere Moysen dimidia tantum ex parte populum Iudaicum instituisse in cultu Dei, execranda blasphemia est: inuenta primum à Papistis, nunc verò à miseris istis fanaticis renouata, qui fabulas aniles, quas ab auis suis audierunt, pro reuelatione è cælo profecta habent.

Si contrà obijciant, Christum perfectionem legis vocari: ac scriptum esse, nos doctrina Hebr. 5. puerili non amplius, vt veteres olim, gubernari: res pòdeo, Perfectionis vocabulum ad doctrinam minimè referri, sed ad gratiam Spiritus sancti, qua quicquid in lege continetur, inscriptum atque impressum est cordibus nostris: vt Dominus, nò tantum aures nostras, sed etiam voluntatem alloquatur: neque solum audiamus quæ iubet, verum etiam faciamus. Altera ratio est, quòd Christus ipse solus omnem iustitiam in seipso adimpleuit, legemque exactè seruauit: vt obediètia quæ exhibuit Deo patri, nobis accepta feratur. Quòd Paulus Legem, Gal. 4. doctrinam puerilem vocat: id ad ceremonias tantum & figuras pertinet. Eòque sensu alibi dicitur, nò posse discipulos suos ad perfectionem adducere. Quoniam finis ipsius, complementum, Heb. 7. & veritas, in Christo est. Cæterum, quòd attinet ad doctrinam, qualis ab initio fuit, nunc eadem est, ac nobis est cum populo Iudaico communis. Neque variatur ipsa: sed vt còstans & immutabilis est voluntas & iustitia Dei: ita lex, quæ certa & vera est ipsius declaratio, eadem in omne æuum permanebit, qualis ab initio fuit.

Si fateantur Christum simpliciter interpretatum esse præceptum Patris sui de iure iurando, nec quicquam adiunxisse, vt fateri necesse est: iam obtinemus quod volumus. Nec enim lex prohibet quouis modo assumi nomen Dei, sed in vanum assumi vetat: significans aliquem esse nominis Dei sumendi modum licitum ac legitimum. Sed verba Domini nostri exponere necesse est: quia prima facie iusiurandum prohibere videtur. Quorū vt certā ac rectā intelligentiam habeamus, animaduertendum qua occasione ita loquutus sit. Matth. 5. Scribæ & Pharisei, vt ex toto illo capite apparet, falsis cōmentis ita populū corruperant, vt nulla esset religio, præcepta Dei multis modis violare: modò sese aliqua tergiversatione aut diuericulo regere, ac effugere possent. Ita vulgò minimè malū esse ducebāt, frustrā & inaniter per cælum & terrā iurare, modò ne directo per nomē Dei iuraretur. Christus verò ineptam cauillationem ac sophisticam esse ostendit, sic velle sese corā Deo purgare, cum sub nomine cæli & terræ, nomen etiam ipsius obliquè comprehendatur. Sic cum iusiurandum omnino vetat, hæc dictio Omnino, ad loquendi formam, aut ad verba quibus utitur, referenda est. Quod facile confirmari potest ex eo, quod postea adiungit: Neque per cælum, quia thronus Dei est, neque per terram, quoniam scabellū est pedum eius. Anabaptistæ verò peruersè ad causam illa applicant: ac si iurare vetitum esset quacunque occasione. Quod prorsus consilio Domini repugnat, atque sententiæ, quam exprimit postea ipso verborum contextu.

Interim hoc imponunt, nos ita locum hunc interpretari, ac si diceretur: per cælum & terram perperam iurari, sed iurare per Deum licere, Aut saltē nos ita apud simplices criminantur, qui nihil scriptorū nostrorū aut viderunt aut audierūt, vnde iudicare possint. Deinde sparsa hac calumnia exclamāt, ô stulti, ô cæci, qui Deum throno suo maiore esse non animaduertit! Sed in quos insultāt, nisi in seipsos, cum illi ipsi fanatico suo ingenio hoc cōmenti sint? Quia in illis domini verbis sequitur, ne quis per caput suum iuret: quòd nullus pilū capitis sui nigrū aut albū facere possit. En, inquit, cur iusiurandum omne prohibeatur, quòd nequeamus præstare id quod promittimus. At contrà dico bestias ipsas, si fari possent, prudentius loquuturas. Primum in ijs, quæ blaterant, sibi ipsi contradicunt. Specialis enim est illa ratio in iure iurando, quo nos aliquid facturos præstiturōsve spondemus. Sequitur ergo iusiurandum quo iam antè acta & præterita assēuero, minimè malum fore. Nōne, quæso, omnino

insanire ipsos oportet, cum ita argumentantur? Non possumus præstare quod promittimus: ideo iusiurandum omne vetitum est. Responsio ad id in promptu est, speciem esse aliquam iusiurandi, qua de obligatione faciendi præstandive non agitur: sed solummodo de ijs, quæ antea facta sunt, testimonium dandum est. Atque adeo ea est frequentior iusiurandi forma.

Mat. 5. Deinde longissimè abest à vero sensu quod imaginatur. Pergit enim Dominus id quod cœperat, demonstrare: Si quis per caput suum iuret, obliquè assumere nomen Dei: ut cum iurat per cœlum aut per terram, aut per Ierusalem. Quemadmodum igitur dixerat cœlum, thronum Dei esse: terram, scabellum pedum ipsius: Ierusalem, ciuitatem sanctam: sic deinceps ostendit caput hominis imperio suo similiter subditum esse, quia solus ipse de eo statuit suo arbitratu. Ac si diceret: cum quis per caput suum iurat, si existimet se per id quod suum est iurare, nec iureiurando suo maiestatem Dei attingere, fallitur. In id enim dominatur etiam Deus, ita ut nulla homini in ipsum relicta sit potestas. Sic ergo semper sumitur nomen Dei. Videmus ut Christus continua verborum serie sermonem suum sit prosequutus: quem tamen vesani isti quasi desultoriè à gallo, ut aiunt, ad asinum traiciunt.

Mat. 5. Porro conclusio est, Ut sermo noster sit, est, est, non, non. Quod ultra hæc adiungitur proficisci à malo. Hæc facilia sunt intellectu, nisi porci isti nostris suis ita inuerterent, ut confundant omnia. Aiunt enim idem esse ac si dixisset, sermones nostros tales esse debere: est, est, non, non: ac malè agi cum aliquid præterea adiungitur. Dominus autem bis vtrumque verbum repetit, quò nos firmos & constantes in sermonibus esse oportere demonstrat. Ac si diceret: Ne varietis, aut sitis inconstantes: ne verba vestra subinde retractetis. Ne sit in sermonibus vestris mendacium aut simulatio. Sed ut vestrum est, sit est: vestrum autem non, sit non. Et certè Iacobus eandem doctrinam tradens, sic ferè ad verbum loquitur. Iacob. 5. Vestrum est, sit est: vestrum non, sit non. Quo significat debere fideles firmam in verbis suis constantiam habere. Si talis esset inter nos fidelitas & constantia, iusiurandum omne superuacaneum esset. Sufficeret enim illa verborum simplicitas, qua citra iusiurandum aut affirmatur aut negatur. Vbi ergo frequens est vsus iusiurandi, ibi veritatem non regnare necesse est. Ideo non abs re pronuntiatio Dominus id à malo proficisci. Ac certè causa cur iuretur, ea est, quoniam totus orbis adeò refertus est mendacijs, astutijs, simulationibus, infidelitate, ut nemo sit, qui vel fratri suo fidere audeat. Sic mala trahuntur malis. Sed in ijs omnibus Dominus nullo modo iusiurandum legitimum attingit, quod lege permittebatur: sed reprehendit solum & corrigit effrenem populi licentiam, quam malè instructus à suis doctoribus sibi indulgebat, ac putabat non iurari, cum obliquè sumebatur nomen Dei: periurium pro leui offensione, iusiurandum autem superuacaneum & inane, pro re nihili ducebat.

Cum penitus euersa sint à me fundamenta, quibus nituntur Anabaptistæ, dum sine vlla distinctione aut exceptione omne iusiurandum improbare volunt: superest, ut rationibus & testimonijs Scripturæ ostendamus, quo modo, citra offensionem Dei, Christiano iurare liceat. Testor autem, quod prius dixi, me nolle hominibus habenas laxare, ut temere iurando, Dei nomine abutantur: scio enim nimis vulgare vitium esse: potius quæ reprimi quàm augeri oportere: scio quoque non leuè esse culpam temerè assumere nomen Dei, eoque maiorem impendendam esse operam, ut tantum malum modis omnibus coercetur. Quid verò? ut corruptela tollatur, an simul damnandum quod bonum est? Hæc profectò minimè tenenda est via. Quamobrem, cum dico licere interdum homini Christiano iurare: intelligant omnes me de recto iusiurandi vsu loqui, qui cum timore & reuerentia nominis Dei coniunctus est: ne quisquam ex verbis meis occasionem sumat, in eam licentiam proripendi, ut temerario aut super

peruacaneo aut ullo modo, vitioso iureiurando utatur. Et ut clarius definiamus, cum dico hominem Christi anum citra offensionem iurare posse, primum intelligo: cum agitur de testimonio reddendo veritati: deinde cum operapretium est. Quæ consideratio ad honorem Dei referenda est & amorem proximi: hoc est, ut expediat & uti le sit iurare, tum ob honorem Dei, tum ut charitas inter nos conseruetur. Tertio, cum necessitas postulat, id est, si necessarium sit uti tali confirmatione. Quarto, ut eius qui iurat, talis sit finis & deliberatio. Denique ut eò descendat, cum timore, ac studio sanctificandi nominis Dei. Hæc ego, non alijs conditionibus, vsum iurisiurandi, homini Christiano licitum esse dico. Si quis contemptor hinc licentiæ prætextum captet, id faciet suo exitio.

Quod ut confirmem, allego præceptum Dei, cui omnino acquiesco: Nempe quod statuit ac voluit per nomen suum iurari, si legitima causa fuerit. Hinc concludo, rem nõ esse simpliciter, nec per se malā, iurare. Nam fieri non potest, ut quod malum sit, placeat Domino. Quinimò cum species sit honoris, qui Deo exhibetur à fidelibus, ut per Prophetas sæpe ostendit: qui vitium ac peccatum esse dicunt, nimis apertè resistunt veritati. Accedit etiam simul ratio. Nempe quod expediat veritatem, quæ alioqui latèret, atque in dubio esset, confirmari. Quod aliter fieri quàm per iurandum non potest. Quod allegant Anabaptistæ de correctione huius præcepti, manifesta blasphemia est. Sequeretur enim Christum retractasse quod semel à Patre fuisset constitutum. Quod, ut vidimus, nullo modo tolerari potest. Accertè Apostolus, de iureiurando loquens, obiter id quidem atque aliud tractans, non dicit vsum ipsius abrogatum esse: sed humanarum controuersiarum finem & de-
cisionem vocat. Quæso, cum Apostolus apud Christianos verba faciens pronuntiat finem imponi controuersis per iurandum: nõne abundè significat talem vsum esse approbatum à Deo, ut in Ecclesia Christiana locum habeat? Quanta ergo temeritatis est, contrà repugnare, & quasi damnandum vitium reijcere quod pro remedio dedit?

Accedunt ad doctrinam exempla, tum Dei tum seruorum ipsius Hebr. 6. Homines, inquit Apostolus, iurant per nomen Dei, quod ipsis maius sit: Deus per se ipsum iurauit, quod superiorem se nullum haberet, sed supremus esset omnium. Quod ad Deum atinet, Anabaptistæ respondent eum iurare posse, quia potest omnia quæ dicit, præstare: sicque esse extra periculum periurij: cum sit fidelis, ac velit omnia quæ promittit, obseruare. Diuersum autem esse in homine mortali: qui, etiam si cupiat, sæpe tamen promissa exoluere non poterit: ideòque temerarium esse sese iureiurando adstringere, ad id quod excedit facultatem suam. Cum hanc solutionem in aëra iactarunt, iam actum esse, & os se nobis obstruxisse existimant. Verum quod contrà obijciamus in promptu est: nempe ipsos non posse idem dicere de Patriarchis, Prophetis, sanctis regibus, patribus antiquis, qui Dei exemplo etiam iurarunt. En Abraham fidelium omnium pater iurauit. En Isaac, Iacob, Dauid, Ezechias, ac Iosias similiter idem fecerunt. Qualis est inter nos & ipsos differentia? Saltem constat istorum responsionem, meram cauillationem esse: imò facile est iudicare ipsos ad primum statim verbum impingere.

Si, ut tergiuersentur, allegent exempla hæc ex Veteri Testamento sumpta esse, nunc verò in ecclesia Christiana arctioribus habenis constringi: tamen si error hic iam sit refutatus, sic tamen nihil proficient. Producemus enim Apostolos, qui

iureiurādo vsi sunt etiam in scriptis suis, cum res id postulabat. Sed audiamus præclarā excusationē qua effugiunt. Petrus, inquit, ac Paulus, iureiurando nihil promiserunt ipsi, sed tantum promissionē à Deo affirmarūt factā. Hic perspicuè intue-ri possumus, quantis absurditatibus sese implicant, qui ex industria resistunt veritati: nec tamen ipsos pudet impudentiæ suæ. Primum, cum ita respondent, concedunt aliquam iurisiurandi speciem licitam esse, nempe cum de præteritis rebus testimonium datur. Sequitur enim ex ipsorum verbis, tunc solum iusiurandum malum esse, cum in futurum aliquid promittimus. Ad hæc, an non valde impudentes sunt, quod tam aperte mentiantur, ac suadere velint, id omnino non esse, quod oculis ipsis cernimus? Paulus iureiurādo affirmat, 2. Corinth. 1. se ad ipsos non venisse, ut eis parceret: quod ei necesse fuisset ipsos durius tractare. Item Roman. 9. se cupere à Christo reijci, ut populum Iudaicum saluum redderet. Similiter iurat, ut testetur amorem quo Philippenses prosequitur. Iterum. 2. Corinth. 12. iureiurando asseruat se apud ipsos recta cōscientia versatum. Item Thessalonicensibus, quod non pecuniæ aut lucri studio ipsos adierit: ac Deum testem inuocat quā sanctè se gesserit. Phrenetici verò isti aiunt Apostolos nunquam iurasse, ut de facto suo affirmarent: sed tantum ut testificarentur de fœdere Dei. Quæso, quid meretur talis impudentia? An veldigni sunt quibus refutandis verbum duntaxat fiat.

Verum, difficultas quam proferunt expedienda, est. Nempe neminem promittere quicquam debere cum iureiurando, quod ipsius non sit id præstare. Respondeo, cum subditus principi iureiurando ipsi promittit se quicquid est officij sui præstaturum: fidelem nempe ac obediētem fore: haud quaquam fiducia virtutis suæ id facit, quasi defficato Deo sese iactans: sed potius inuocans opem Dei, de sua voluntate spondet, qualem ipsam esse oportet. Tametsi nimium stulta sit imaginatio iusiurandū improbare, cum simplices promissiones approbantur. Nam si in vno sit temeritas, itidem erit in altero. Quare si promittere licet, alleganda esset ratio, cur promissionem nostram iureiurando confirmare minimè licet, cum res postulat & requirit. Qua conditione posita iusiurandum sanctum ac legitimum esse, Scripturæ exempla satis ostendunt: ac præ alijs tria quæ præcipuè notanda sunt, Scriptum est libro Chronicorum, Asam regem Iuda ab Azaria sacerdote & Propheta monitum, vniuersum populum conuocasse in Ierusalem, ac iussisse omnes iurare, se Deo cultum ac venerationem in perpetuum exhibituros 2. Par. 15. Idem recitatur de Iosia, cum liber legis repertus esset: ad nouandum fœdus à Moysè initum, populum adiurasse, ut promitteret se in obsequio Dei perpetuo futurum. Tertium exemplum est de Esdra & Nehemia, quorum auspicijs & ductu, populus è Babylone reuersus, iurauit se Deum ac verbum ipsius in posterum sequuturum. Tametsi nec perpensis omnibus idem in prima legis publicatione factū sit. Sed quia scio mihi negotium esse cum hominibus nullius cerebri ac pertinacibus, eos tantum locos allegare volui, quibus expressa fit mentio iurisiurandi. En igitur tota Ecclesia Israël, quæ iusiurandum solenne dat, ac rem difficillimam promittit: nempe fideliter adhærere Deo. Id autem non semel. Quin bona sit actio ipsa, minimè dubium est: habet enim à Spiritu sancto testimonium & laudem. Non multum immorabor in eo explicando, quomodo possint homines sese obligare Deo, ut faciant ea quæ non habent in potestate: tantum monebo, quod antè perstrinxi, memoria tenendum esse, fideles hoc pro certo sumere, Deum nunquam sibi de futurum in gratia, quam promisi: atque

hoc habere fundamentū iurisiurandi. Cū Deus hanc iurisiurādī speciem approbet, & Ecclesia sēpē numero, ex ipsius instituto, ea v̄sa sit: peto à vertiginosis istis, quā auctoritate audeant ipsum improbare? Aut potius, ne cum ipsis agendo, tempus frustra teram, & operam ludā: hortor & obsecro fideles omnes, vt considerent, quantē sit arrogantia, ignaros istos ac infelices homines quasi summos magistros statuere definitiones suas, ad quas velint totum orbem adigere, ac si oracula essent diuina à quibus discedere nō liceret. Ego verò non dubito, quin in hac iurisiurandi materia, vt in superioribus, abunde satisfecerim omnibus, quibus aures & ingenium non minimè defuerint: quique perspectā veritati volent acquiescere.

Expediti sunt articuli septem eo libro comprehensi, quem Anabaptistarum patriarcha, veluti definitionem supremam eorum, quā tenent seorsim à reliquis, ediderunt. Idcirco nihil aliud superesset, quàm vt finem imponeremus huic libello, nisi duos articulos reliquissent, non minoris momēti, quàm quiuis ex alijs, de quibus tractare necesse est: cū Anabaptistae omnes ijs vulgò adhæreant. Quinetiam hoc scio, illos à quibus praclara hac definitio scripta est, eo tempore ita docuisse. Vnus est, quòd Christum verum hominem fuisse non putant: sed potius phantasma fuisse corpus eius fingunt. Alter est, quòd existimant animas separatas à corporibus, vsque ad diem iudicij sine sensu aut intelligentia vlla dormire: vel animam hominis esse vitam ipsius, quā moriendo deficit, quoad suscitetur. Vnusquisque, quanti momenti sint hi duo errores, facile potest perspicere. Quòd de ijs subtrahant, nescio an astutia factum sit, quòd adeo sint odiosi, vt meritò ipsorum doctrina execrabilis reddi debeat. Quicquid sit, cū hoc susceperim, vt armem fideles ac probos viros aduersus falsas eorum opiniones, non est equum me hac adeò pestifera & flagitiosa dogmata, cū inter ipsos vulgò recepta sint, dissimulare. Quod verò nonnulli ipsorum de bonorum communionē tenuerunt: item virum vnum plures uxores habere posse, ita vt eò adigerent eos qui vna contenti erant, sexcentisq; alias absurditates non attingam. Vt enim ipsi, cū eos scilicet tantā insanīe puderet, maiore ex parte sese paulatim ab eis erroribus subduxerūt. Sed in his duobus articulis, de quibus sum loquutus, diuersa ratio est. Adhuc enim in his persistūt.

Quoad primum attinet, de corpore aut natura humana Domini nostri Iesu Christi, notandū est duas veteres haereses huic persimiles fuisse, aut quā saltē quā proximè accederent. Nam Manichaei imaginati sunt Christū cōleste corpus in vterum virginis intulisse. Marcionitarum delirium, aliquantum diuersum fuit. Finxerunt enim ipsum, non corpus re vera substantiale, sed speciem tantummodo aut similitudinem corporis habuisse, quod phantasma vocamus. Vbiq; hunc sibi finem propositum habebant, vt negarent Christū ex humano semine quicquam sumpsisse. Quamobrem, videmus Anabaptistas solummodo expergefacere iam sopitos errores, quos diabolus ante quadringentos & mille annos excitarat: qui verbo Dei sublati fuerāt ac deleti. Vt tamen initio testatus sum, nullū ex eo prauidicium ipsorum causā adferri volo, nisi prius ipsos conuicero solo verbo Dei, ac si nulla vnquā habita fuisset ab hominibus mentio. Id verò ea de causa solum dixi, vt omnes intelligant, ex quo fonte manant, ea quā Anabaptistae, quasi nuper ipsis è cōlo reuelata proferunt. Atque etiam vt commonefaciam ipsos. Nam eius sectae vel doctissimi, historiae & omnis antiquitatis adeò ignari fuerunt, vt nullus eorum vnquam hoc solum intellexerit, quid sibi vellet nomen Marcionis. Opera pretium est igitur

De nā hūm. ch.
hūm. f. s.
Manichaei
Marcionitarum

tum ipsos, tum alios moneri, primum authorem huiusce opinionis, qua hodie perturbant homines, non à certis solum hominibus, sed ab vniuersa Ecclesia reiectum, & cū anathemate damnatum fuisse: idque statim, id est, circiter quadraginta annos post obitum Apostolorū. Eusebius enim & Hieronymus referunt Polycarpum, qui discipulus & familiaris fuerat Ioannis Apostoli, obuium Marcioni Romæ factum, eum primogenitum Satanae appellasse. Alios errores quibus Ecclesiam turbauit prætermitto. Cum enim hic diligenter expensus fuerit: perspicient, ut spero, omnes, magis execrandum reperiri nunquam posse.

Primum, multis ac certissimis Scripturæ testimonijs ostendam, Christum re vera carnem nostram & humanam naturam sumpsisse: cum nobis à Deo patre in hoc mundo reuelatus est: idque tam apertè ostendam, ut etiam à minimo puero perspicui possit, nimia impudentia præditos fore Anabaptistas, si vltèrius tergiuersari pergant. Quamquam haud necesse sit locos omnes, qui ad rem istam faciunt, colligere. Ne ergo sim prolixior, eligam eos, qui mihi conuenientiores videbuntur. Scimus Dominum ab initio mundi, Eua promississe, fore ut semen ipsius serpentem vinceret. Videamus an id in nobis impletum sit, aut in vllò vsquam homine mortali, nisi per Iesum Christum, qui nobis Sathanam vicit ac superauit. Sed quia promissio hæc adhuc quodammodò obscura erat, postea multò clarior facta est, tum Abraham tum Iacob: cum eis dictum est, vniuersas terræ nationes in eorum semine benedictionem recepturas. Semen istud, ut interpretatur Paulus, & ratio demonstrat, est Christus. Promissionis ergo veritas aliter pateneri non potest, quàm si Christus ex progenie Abrahamæ descenderit. Similiter, cum dictum est Dauidi: Fructum ventris tui super sedem tuam collocabo, ut regnet in æternum. Hoc ipsum eodem sensu confirmatur ab Esaiâ propheta, qui ait fore ut quasi surculus de radice Isai exoriatur. Scimus hæc de alio intelligi non posse, quàm de ipso redemptore, qui Abrahamæ fuerat promissus. Igitur ipsum de sobole Dauidis secundum carnis propagationem esse necesse est: aut inanis esset promissio. Ideo Matthæus genealogiam ipsius recitare volens, inde exorditur: vocans ipsum filium Dauid, filij Abrahamæ: ut expressius designet eum ipsum esse qui promittebatur. Et certè ea loquendi forma atque hæc appellatio cōmunis & vsitata erat inter Iudæos, quemadmodū ex Euangelistis cōstat.

Ad hæc omnia sic respondent. Anabaptista, ut faciliè ostendant quales sint bestia, & quàm perditè impudentes. Vocatur, inquit, filius Dauid, non quòd aliquid ex virgine Maria sumpserit, aut quòd ex ipsius substantia homo fit factus, sed quia solummodo ipsum in vtero gestarit, centubulus per quem aqua ducitur. Hoc quidem dici possit, nisi seminis vocabulum exprimeretur, quannus re vera perspicerent omnes sani iudicij homines meram esse tergiuersionem: plus tamen coloris aut integumentum quodammodo haberent. Sed cum adeò frequenter iteretur, ex semine Abrahamæ esse, quæ superest cauillatio, qua verum hominem fuisse negent? Ac certè, cum Esaiâs aduentum ipsius prænuntiat, non solum ex virgine nasciturum, sed prius ab ea conceptum iri nominatim dicit. Conceptio ista ostendit ex semine ipsius formandum fuisse, si ut ij, quibus nota est verbi significatio, faciliè possunt iudicare. Sed magis adhuc ipsos urget Paulus, cum ait factum fuisse ex semine Dauid secundum carnem: ac nihilominus declaratum esse filium Dei in potentia. En postquam Christus pronuntiatus est filius Dei: deinde dicitur, secundum humanam naturam à Dauide originè ducere. Nonne hominè vehementer insanire oportet,

qui

qui ad hæc omnia claudit oculos, atque aures obrurat, ut è contrario asserat Christum nihil naturæ humanæ habere, quantum ad substantiam corporis pertinet? Similiter alio loco Apostolus de Iudeorum dignitate ac prerogativa loquens: inter cætera ait, successores esse patrum, atque eorum sobolem, à quibus Christus ortus est secundum carnem. Multos alios locos prætermitto, ut cum ait Deum exhibitum in carne: item in humilitate carnis passum esse: similiter cum Ioānes ait: Verbum caro factum est: ac præsertim quod sibi ipse tam frequenter filij hominū titulum attribuit: ceterosque eiusmodi, quia post illos duos tam insignes quos adduxi, superuacui viderentur. His igitur contentus ero, quæ id quod volo abundè probant: simulque declarant, quantum necesse sit credere Christum, cum homo factus est, cōmunem nobiscum naturam re vera sumpsisse. Apostolus in Epistola ad Hebræos Heb. 2. 11 præclarum argumentum sumit, ut amorem, quo Deus nos prosequutus est, amplificet: quod non Angelorum naturam, sed nostram acceperit. Si infeliciū istorum somnia admittamus, hæc gratia & inestimabilis bonitas Domini nostri Iesu Christi è memoria nostra delebitur: ne amplius ipsum nos magis quàm angelos honorasse agnoscamus. Postea addit, per communicationem quam in carne sua & sanguine nobiscum habet, se fratrem nostrum vocare, ac re vera fraternam nobiscum coniunctionem habere. Hinc concludendum, summum omnium bonorum nobis ereptum iri, nisi Christus nobiscum in carne & sanguine communicet. Qui enim esse- mus filij Dei, nisi ipsius fratres simus? Apostolus autem ait nos tale bonum non aliter obtinere, quàm quod eiusdem naturæ societate nobiscum coniunctus sit. Adicit deinde congruum fuisse, ut fratribus suis persimilis esset, ut fidelis patronus esset, ac misericors. Vnde singularem consolationem deducit: nos non habere aduocatum Heb. 4. qui infirmitates nostras sustinere non possit, cum ipse eodem modo fuerit tentatus, per omnia nobis similis factus, dempto peccato. Cum in ea similitudine, qua nos Christo comparat, solam hanc exceptionem peccati addat, sequitur in reliquis nobis esse persimilem, cum nominatim illic de natura humana loquatur. Ex his locis non tantum Christum re vera naturæ humanæ coniunctione fratrem nostrum esse, sed etiam vtilitatem quæ inde ad nos redit, perspicimus: qua nos spoliant ac priuant ij, qui nescio quod cæleste corpus ei attribuit, quod cū nostro nihil habeat cōmune.

Similiter Pauli disputatio, quam habet apud Corinthios, ut in Christi re- 1. Cor. 5. surrectione nostram omnium stabiliat, tota corrui, nisi naturam nobiscum commu- nem habeat. Si Christus inquit resurrexit, nos quoque resurgemus. Quod si nulla sit nobis resurrectio, nec Christus omnino resurrexit. Parata enim ad repugnandū esset responsio, si dici posset Christum, corpus cæleste secum in matris uterum detulisse. Nec enim mirum esset, substantiam profectam è cælo eximi à corruptione: nec inde sequeretur, corpora nostra terrestria, quæ præter putredinem nihil in se continent, suscitanda esse. Ut ergo firmum sit eius disputationis fundamentum, necesse est Christum nobiscum eiusdem naturæ coniunctione participare. Hac enim est unica spes quam habemus de resurrectione: nempe carnem istam, quam nunc corruptioni obnoxiam circumferimus, iam suscitata in Christo, & in possessionem cæli ingressam, ibique immortalem esse. Hoc, inquam, modo optimum & certissimum arrabonem habemus, quo certiores reddamur: alioqui omni spe destituti sumus. Alio loco idem Apostolus ostendere volens, Christum mediatorem nostrum esse: hominem esse ait. Quia intelligebat nos nunquam adduci posse, ut ad ipsum confugere-

Esa. 7.

mus, nisi prius essemus persuasi, nobis eum proximum esse, nosque attingere. En igitur ubi sita est & quiescit fiducia nostra: ut adhareamus Christo, eumque pro mediatore queramus: quod videlicet nobiscum coniunctus sit, & eiusdem naturæ sit particeps. Idque intelligit Esaias propheta, cum ait factum esse Immanuel, id est nobiscum Deum. Hoc enim sine vera similitudine, & naturæ vñione fieri non potest.

Sunt & alia rationes solidissimæ: quæ tametsi in Scriptura nõ exprimantur, non minus propterea certæ sunt, cum in ea fundamentum suum habeant. Quam enim necessarium fuerit, eum qui Mediator noster futurus erat, verum Deum ac verum hominem esse, constat ex officio mediatoris, quod in eo consistit, ut homines cum Deo conciliet, & inimicitias capitales aboleat, quæ prius intercedebant. Nulla autem spes erat id futurum, nisi Dei maiestas ad nos descendisset, scque cum naturæ nostræ infirmitate coniunxisset. Similiter, officium mediatoris erat, nos Filios Dei atque hæredes regni eius efficere, cum antea mortis & damnationis hæredes essemus. Hoc arrabone fiducia nostra confirmatur, quod simus filij Dei: quia filius eius naturalis, corpus è corpore nostro, carnem è carne nostra assumpsit. Præterea id omnino ad redemptionem nostram necessarium erat, ut inobedientia commissæ in carne nostra, in eadem sarciretur. Ideo venit Dominus noster vera homo, veluti personam ipsius Adæ referens, cuius etiam nomen sumpsit, ut pœnam peccati in carne in qua admissum fuerat, persolveret. Qui ergo natura humana Christum spoliaret, obscurant bonitatem ipsius: magnâ etiam nobis faciunt iniuriam, cum verum obiectum destruunt, quo ad plenam & integram eius fiduciam ducimur.

Sed ne videar quicquam dissimulare eorum quæ ipsis suffragari possent: producam ea, quæ solent adducere, ut aliquid coloris ad imaginationem suam afferant. Paulus ait, Christum seipsum exinaniuisse, cum indueret formam serui, ac similem factum hominibus, & specie apparuisse tanquam hominem. Hinc Marcio olim colligebat corpus ipsius phantasma fuisse. Anabaptistæ eo inuari volunt, ut ostendant non fuisse nostro simile. Responsio facillima est. Nec enim Paulus de substantia corporis Christi tractat: sed tantum ostendit, Christum cum posset se in maiestate gloriosa ut Deum exhibere: se pusillum hominem in omni humilitate exhibuisse. Nam Philipenses ad humilitatem hortatur. Cuius rei gratia Christi exemplum adducit, inquit, ipsum in forma, hoc est, in gloria Dei fuisse, & tamen exinaniuisse semetipsum. Postea adiungit quomodo id factum sit: nempe quia in hominis forma sese exhibuit, ac se ut hominem gessit. Quid aliud significant hæc verba, nisi sub velamento carnis, in qua paruus & contemptibilis apparebat, gloriam diuinitatis suæ abscondisse: ita ut eius conditio fragilis, quam præ se ferebat solum agnosceretur? Itaque in huius loci solutione, nulla est difficultas. Sed alius est locus qui plus aliquanto speciei habet. Nempe, 15. prioris ad Corinthios, ubi Paulus ait primum Adam de terra terrenum, secundum è cœlo cœlestem esse. Illinc Anabaptistæ cum Manichæis, maioribus suis, concludunt: Christum corpus cœleste habuisse, non ex semine humano creatum aut formatum, hoc est, ex substantia Virginis matris suæ. Solutio huius argumenti in eo sita est, ut quid illic Paulus traheret spectemus: ac connectantur sententiæ, non ad deprauandum sensum abscindantur. Paulus ostendere volens unde mors, unde resurrectio oriatur, illam

nempe

nempe ex Adam, hanc ex Christo esse, inter cetera ait: Adam factum in animam viventem, Christum in animam viuificantem. His autem negare non vult, Christum animam nostræ similem habuisse, sed plus habuisse significat: nempe spiritum non tantum viventem, sed qui in se viuificandi vim haberet. Deinde adiungit primum Adam de terra, terrenum: secundum Adam cœlestem, è cœlo. Dubium nõ est, locum istum eodẽ modo quo alium, accipi debere, de qualitate Christi non de substantia. Intelligo de illa supernaturali & diuina virtute, quam vt filius Dei habet è cœlo: non è terra, vt mortalis homo. Et certè, vt iam diximus, fundamentum quod sumit Paulus ad confirmandam spem resurrectionis nullum esset, si Christus corporis substantiam à nostro diuersam haberet. Allegat deinde conceptum fuisse à Spiritu sancto. Verum, hæc Spiritus sancti virtus non excludit substantiam matris. Nulla quidem viri & mulieris coniunctio intercessit, vt iuxta naturalem aliorum ordinem generaretur: sed hoc non impedit, quominus admirabili Spiritus sancti operatione de substantia matris formatus sit, vt verè sit Abrahæ semen, & fructus ventris David: vt Spiritus ipse, longo prius tempore, ipsum nominarat. Scio quid ad hæc obijciant: hoc absurdum fore, quòd semen humanum maledictum & corruptum sit: sicque sequeretur Christum ex corruptione descendisse. Sed respondeo admirandam istam conceptionem, omnem difficultatem tollere. Quòd enim interuenit Spiritus sanctus, hoc eius ab initio sanctificandi gratia factum est. Qua sanctificatione præseruatus fuit, ne qua generis humani macula pollueretur. Ideo ait Paulus, ipsum similitudinem carnis peccati sumpsisse, vt in ea peccatum damnaveretur. Assumens enim carnem nostram, peccatum minimè sumpsit: quoniam virtus Spiritus sancti eum si creuit à reliquis.

Stulta etiam & fanatica consideratione tenentur, cum existimant dedecus inuri Christo, si còdemittatur, vt natura nostræ similis fiat. Idcirco imaginantur, ipsius dignitati conuenientius esse, si cœleste corpus ei tribuatur. Respondeo, magnæ esse dementia, existimare gloriã Christi vlla in re minui, vel ipsius dignitati vllò modo derogari, cum dicitur sese ita abiecisse, atque addè exinantiuisse, salutis & redemptionis nostræ causa. Abiectionem multò dicuntur de eo, Psalmo. 22. Veremur esse non hominem, opprobrium hominum, & abiectionem plebis. Similiter quod ait Iesaias, contemptum fuisse vt hominem nihili, instar leprosi habitum, annumeratum cum scelestis. Sed quis plura dicere posset quàm Paulus ipse? Nempe maledictum & execrabilem pro nobis factum esse. Si hoc honorem ipsi debitum imminueret, pudeat nos etiam fateri ipsum pro nobis cruci affixum fuisse. Fuit enim genus mortis magis infame & probrosum, quàm si quis hodie in furcas tolleretur. Quare ne stultis imaginationibus istis inhareamus, vt nostro more veneremur Christum: nec vereamur ipsum dedecore afficere, cum sic eum, quantum ad humanam naturam pertinet, propter nos abiectionem fuisse agnoscimus. Vt enim ab æterno fuerat Deus, eiusdem gloriæ particeps cum Patre suo: sic etiam talis permansit sine vlla diminutione. Quòd induit carnem nostram, & in ea humiliter abiectionem est, testimonium est memorabile infinitæ suæ bonitatis, & incomprehensibilis amoris, quo nos prosequutus est. Itaque, tãtum abest, vt celsitudini ipsius hoc vllò modo derogare possit, vt eius laudandi & magnificè extollendi, præcipua nobis sit materia. In summa, si Christum pro saluatore nostro verè agnoscere velimus, sequamur Ioãnis exhortationem, & fateamur ipsum in carne venisse: quòd nos Deo patri coniungeret,

per obediētiam quā ipsi in humanitate sua, quasi in persona nostra exhibuit. Qui talē cōfessionē edere recusat, Antichristus est: eāque exhorre, & execrari debemus.

Restabat alter articulus de animarum statu, postquam ē corporum vinculis excefferunt: in quo etiam perniciosē errant Anabaptistæ. Sed quia hoc abundē author ipse alio libello Latine scripto tractauit, quo apertissimis Scripturæ testimoniis animas, quæ ex hac vita decesserunt, in Christo viuere probat, eadem hīc reperere superuacaneum existimaui. Præstat enim omnino, quæ ab ipso authore scripta sunt, quàm à me conuersa legere. Quod etiam studiosis omnibus magis gratum esse scio. Itaque ad libelli conclusionem veniam.

Testatus sum initio mihi minimē propositum esse omnes Anabaptistarum opiniones sigillatim expendere. Id enim esset immensam syluā ingredi, vnde nullus pateret exitus. Id quod etiam minimē necesse est. Susceptūque esset magis curiosum quàm vtile, colligere omnes imaginationes tam absurdas, quas stolidæ quæque istorum capita protulerunt. Mihi igitur satis fuit, quàm fidelissimē potui, breuiter tractare articulos, quibus vulgò adherent ij, qui minus temulenti sunt cerebri, aut saltem non omnino vertiginosi. Nam de insanis illis & furiosis qui se Libertinos vocant, alio libro tractare institui. Nunc, vt finem faciam, pios omnes lectores rogatos velim, vt ad Scripturæ normam examinēt omnia, vt lydius est lapis, quo doctrina omnis probatur. Nec dubito quin omnibus qui veritatem ducem sequentur, seque subijcient rationi, abunde satisfiat ijs, quæ in hisce articulis tractaui. Præterea me imbecilliorum ruditati, quorum gratia præcipuè laborabam, accommodare nisus sum. Sic Anabaptistæ minimē vt solent, calumniari poterunt, me subtilitatibus ipsos vincere, aut eloquētiæ humanæ artificio opprimere voluisse: cum formam adeò popularem & simplicem sequutus sim, vt simplicior desyderari non possit. Verum fideles omnes à me de istorum malitia commonefieri necesse est. Quia causam non aliter approbare possunt, nisi confundant omnia: ita vt omnis eorum doctrina sit confusa quadam permixtio, quasi corpus capite, brachijs, & pedibus carens, vtuntur absurdis ac peregrinis formis loquendi, & dedita opera à legione, quod aiunt, ad culinam subinde transiliunt, variósque sermones intertexunt: concisos & abruptos adducūt locos Scripturæ: atque in eo sibi placent, ac persuadent longè plus maiestatis id præse ferre, si balbutiant & confuse loquantur, quàm si res digerant ordine. Horum autem confutandorum nulla melior iniri potest ratio, quàm si distinctè & dilucidè sigillatim & certo ordine materia quæque explicetur: expendanturque & obseruentur sententiæ Scripturæ, quò verus & naturalis eliciatur sensus: simplēxque & aperta sit oratio à communi hominum vsu minimē abhorrens. Cum id sit, clamant sibi à nobis imponi, seque humana assuitia & sophistica circumueneri. Quasi verò talis sit mos aut institutum sophistarum, res inuolutas euoluere atque enudare. Equidem fateor me in eo studium & diligentiam adhibere, vt quæ trado, certo ordine disponam, vt facilem & claram intelligentiam præbeam. Si Anabaptistæ id ferre non possunt: nihil aliud respondēo, quàm exosam esse lucem ijs qui malè agunt.


Ut autem aliquid præterea coloris suæ doctrinæ afferrent, curarunt ut cum definitione sua excuderetur historia mortis cuiusdam Michaëlis affectu sui: ac certè hoc tanquam firmo clypeo tegere se solent, multos obüsse mortem, quod opiniones istas defendissent, nec voluisse illo modo ipsas retractare, cum alioqui ea conditione possent vitam suam redimere. Ac certè testimonium hoc perbellam speciem præ se fert, ut doctrinæ alicui tribuatur autoritas, cum quis ad eam confirmandam constanter omnique difficultate sublata, vitam profundit. Ut cum proponuntur ea quæ Prophetæ, Apostoli, ceterique martyres perpessi sunt, ut veritatem Dei tuerentur: eo magis roboramur, & fidei nostræ, quam sanguine suo obsignarunt, firmitus adhareamus. Fateor igitur non esse paruifaciendam mortem seruorum Dei: cum in eius conspectu pretiosa sit: eorumque constantia ac firmitudo, ad infirmitatem nostram iuuandam non paruo sit adiumento. Sed quia subinde possemus decipi, nisi ultra progredieremur: redeundum est ad fundamentum, sine quo certum aut firmum iudicium in hac causa ferri nequit. Certum est mortem hominis, quisquis ille sit, nunquam tanti esse debere, ut præiudicio sit veritati Dei: nec tantum valere, ut falsam ac peruersam doctrinam approbet. Hoc igitur teneamus: quemadmodum sana doctrina ac ratione subnixæ, à testium & confessorum, qui eam tuentur ac sustinent morte confirmationem capit: sic omnes vniuersi orbis homines moriendo nunquam mendacium approbaturus. Atque illud est discriminis inter Martyres Dei & Diaboli: quod illi, pro iusta, hi pro iniusta causa tuenda moriuntur. Itaque, sicuti laudabilis constantia est, mortem, si res postulat, perpeti, ob testimonium veritatis: ita insana est obstinatio ob male causæ defensionem pati. Adeo ut quò quisque ob eam grauiora sustinet, eò magis sit vituperandus. Tantum abest, ut hoc prætextu omni iudicio & consideratione priuati nos, statim rapi sinamus. Si veritatis diuinæ, quam predicamus, certitudo queritur, eam copiosam & vberem supra quàm necesse sit, habemus in morte Christi Domini nostri, omniumque Prophetarum, Apostolorum, ac Martyrum, tum primitiue Ecclesiæ, tum huiusce temporis. Quòd autem ei repugnat, frustra sanguine aut cara obsignatur: nunquam enim mendacium esse desinet.

F I N I S.

ADVERSUS FANATICAM ET FVRIOSAM sectam Libertinorum, qui se Spirituales vocant, instructio.

PRAEFATIO.

1. Cor. II.



NON abs re ait Paulus, sectas esse oportere: ut qui probati sunt manifesti fiant: nam si quid turbarum fuerit subortum in Ecclesia Dei, aut falsa aliqua doctrina emergat, detegitur ea occasione multorum animus, qui se Christianos haberi volunt: & qua quisque affectione Verbum Dei receperit, cognoscitur. Tunc enim qui constanter perseverant in veritate, eam in animis suis radices egisse re ipsa ostendunt: alij, dum seduci se facile sinunt, & quasi omni vento transferri, sua inconstantia demonstrant se eam leuiter tantum attigisse. Hoc nunc pluribus explicare nolo: sed tantum exemplum sumere eorum, quae oculis ipsis intuemur. Sathan à viginti annis, ut doctrinam Euangelij, quam emergere videbat, extingueret aut praefocaret, aut saltem diffamaret, & hominibus redderet odiosam, varias haereses & peruersas opiniones excitauit. Plurimi qui antea fideliter in pura Euangelij doctrina edocti fuerant, statim abrepti atque abalienati sunt. Alij, quorum animus ad sustinendas offensiones paratus erat, magis ac magis roborati sunt, & in Verbo Dei confirmati. Hoc, ut dixi, sic euenire vult Dominus: atque ita statuit, tum ut probet suos, tum ut hypocrisis & vanitatem eorum detegat, qui se fideles profitebantur, priusquam oblata esset materia incredulitatis ipsorum dignoscendae. Nonnullos quidem certè ignorantia & simplicitate circumueniri accidit: sed dubium non est Dominum fuisse tales labi, ut eos in posterum humiliores redderet, & magis erudiret: ut priore securitate sua aut arrogantia correcti, firmitus ac solidius fundamentum habeant in Verbo Dei. Adeo ut nemo à recta via abductus, quo mendacio & falsitati adhereret, excusationem habeat, quin ipsius culpa assignandum sit: ac merito puniatur, quod non, ut par erat, amauerit ac timuerit Deum: sicuti postea dicemus. Quicquid sit, cum scelesti & perniciose aliqua secta pullulare coepit, praesertim verò cum augeat, eorum quos Deus ad edificandam Ecclesiam constituit, officium est, ire obuiam ac fortiter obistere, priusquam ad perdenda & corrumpenda omnia vires sumpserit. Et certè, cum sint Ecclesiae pastores, non solum lecta cibaria gregi Domini administrare debent: sed etiam excubias agere, aduersus lupos & fures: ut si ad gregem accedere voluerint, eos magnis clamoribus & acri vociferatione quam longissime summoveant. Licet, ut proprie loquamur, Heretici non solum lupos & furibus similes, sed longè deteriores sint. Quia dum sacrosanctum Verbum Dei corrumpunt, tanquam venefici sub specie boni cibi, quo se alios pascere velle fingunt, miseras animas trucidant. Adhuc cum Sathan modis omnibus molietur dissipationem sanctissimae unitatis huius, quam habemus in Christo per Verbum ipsius, eo magis nos ipso verbo ad Ecclesiam conseruandam armari decet, ut eo veluti gladio & clypeo utamur ad eiusmodi machinationes repellendas. Quia verò Domino nostro, per immensam ipsius bonitatem placuit, nulla habita ratione qualis ipse essem, me ad eorum numerum adiungere, quos non solum ad veritatem suam publicandam, sed eam quoque asserendam contra aduersarios omnes constituit: ut

me ipsum

meipsum pro ea facultate, quam mihi concessit, ei muneri impendam necesse est. Cum etiam multi boni viri ac fideles intelligerent, partim etiam oculis intuerentur horribilem dissipationem quam isti male feriat homines inchoauerunt, mihi assidue instare non desierunt, donec me manum operi adhibiturum recepi.

CAPVT I. VBI DOCETVR QVAM PERNICIOSA sit secta Libertinorum.



Amet si omnes Hæreticorum secta, pestes lethales sint in Christiana re- publica: tamen in veteribus historijs nusquam legimus vllam fuisse adeo perniciosam, quam ea est, quæ hodie Libertinorum vocatur. Verum, ut scelerata, ita longè magis prodigiosa ac belluina est: adeo ut nemo sana mente præditus, sine horrore de ea cogitare possit. Caterùm, hoc saltem boni est, quod terreri nos minimè decet, ac si noui aliquid contineret. Quòd enim attinet ad summam doctrinæ, ea iam Apostolorum temporibus, saltem aliqua ex parte, ut statim ostendam, initium cœpit. Reliqua habent à Valèrianis, Cerdonitis, aut Manichæis, qui ante quadringentos & mille annos Ecclesiam Dei cõturbarunt. Hi quidem homines indocti sunt, ac idiotæ, qui non vsque ad id euoluendus chartis sunt exercitati, ut ex eis deliria sua addiscere potuerint. Nec verisimile est ipsos scire vllam vnquam de his mentionem habitam fuisse. Deniq; id lectione percipere non potuerunt: sed idem magister, qui veteres illos Hæreticos olim suscitabat, eadẽ doctrinã istos imbuere potuit, qua illos instruxerat. Cum enim, ut monet Christus, sciamuseum ab initio patrem fuisse mendacem, minimè dubium est errores, quotquot vnquam fuerunt, ac futuri sunt, in eius officina fabricatos esse. Quo fit, ut mirum non sit ipsum infælicem hanc sectam iterum experge fecisse: atq; ignaros homines excitasse, à quibus instauraretur. Nec enim quæpiã alia schola edoctum fuisse opus est, quò discat blasphemare Deum, & malitiosis astutijs veritatem eius euertere. Quicquid enim est inuentionum ad veritatem impugnandam, sub mendacij nomine comprehenditur, cuius ipse doctor est præcipuus. Sed quoniam leue esset iddicere, nisi re ipsa ita esse ostendam: videndum est, num ea quæ dixi, vera sint: & claris probationibus demonstrandum, Libertinos nihil noui producere, quòd attinet ad præcipua capita doctrinæ suæ: sed iam Apostolorum temporibus similes fuisse Hæreticos, ac statim postea alios subortos esse, qui eadem deliria sequebantur, quibus isti totum orbem cupiunt inficere. Sic enim qualis sit eorum secta, facile poterit iudicari.

Ioan. 8.

QVID SIMILITVDINIS HABEAT LIBERTINORUM secta cum ea, de qua Petrus & Iudas loquuntur. Cap. II.

EX posteriore epistola Petri, tum etiam ex ea quam Iudas scripsit, perspicitur iam eo tempore sceleratorum sectam fuisse, qui sub Christianæ religionis nomine simplices ad vitæ genus dissolutæ adducebant: sublato omni discrimine boni & mali, vanis adulationibus sopiebant conscientias: ut sine vllò scrupulo vnusquisque viveret suo arbitratu: Christiana libertate abutentes, frænum laxabant cuius carnis licentiæ: in eo sese oblectantes, ut totum orbem confunderent, omnemque politiam, ordinem, humanitatem, denique honestum omne inuerteret. His enim verbis utitur Petrus, veluti mutæ bestię, animales, genitæ ad captionem & perniciem, ijs quæ non intelligunt malè dicentes, in vanis voluptatibus fælicitatem cõstituunt. Deinde eos nubibus comparat, quæ tempestate huc & illuc agitantur: & fontibus

1. Pe. 2.

vacuis aqua: quòd cùm sublimi stylo insonuerint, ac si vellent auditores supra cælos transferre, ad carnis delicias ipsos attrahunt, & in concupiscentias iterum deiciunt, à quibus sese subduxerant: & cùm omni corruptioni seruiant, libertatem illis pollicentur. Similiter Iudas ait: Quæ non nouerunt, ea maledictis insectari: neque præter carnalem sensum, vllā cognitionē habere: & vt animantia expertia rationis in omni apprehensione corrūpi. Quisquis nouerit quales sint Libertini, & attentē diligenterque eos locos obseruarit, facillē indicabit Spiritum sanctū eos describere voluisse, vt moniti nobis ipsis caueremus. Ego profectò nunquam planē & perspicuē, quæ ibi descripta sunt, intellexissem, nisi ea in ipsis recognoscerē. Sed quoniam non omnes eos nouerunt: optimū erit notas istas, vt re vera ad eos pertinent, accommodare. Primum, quòd attinet ad sublime & tumidū illud dicēdi genus, de quo illic fit mentio: obseruandū est cùm istos audire cœperis, parum absfuturum, quin ecstasi aliquando supra nubes raptos fuisse putes. Nam, præterquam quòd totus eorum sermo de spiritu est, idiomate quodā ad eò peregrino loquūtur, vt qui ipsis audiunt, prima facie stupefiant. Id autē affectāt ex industria, vt auditores raptant in admirationem, & talibus fumis eorū oculos perstringant, sicq; prius obrepant in eorū animos, quàm abominationē doctrinæ ipsorum potuerint animaduertere. Sed postquam sublimia proemia sua despumarunt, statim in barathrū hoc decidunt, vt sublato omni discrimine, homines pecudibus similes reddant. Persuadent enim frustra hominem torqueri, si quo vlla in re scrupulo pungatur: sed vnumquēq; debere sese suo spiritui ducendū cōmittere. Sic omnē ordinem confundunt, & tum Dei timorem, eūsq; iudiciū, quo tanguntur fideles, tum etiam omnem honesti respectum ludibrio habent. Ea scilicet est libertas, quam promittunt, vt homo sit ita suæ libidini & cupiditati addictus, vt sine difficultate omnia perpetret, ac si nulli legi, aut rationi esset subditus. Id enim pro seruitute habent, de qua nihil prorsus audire volunt. Si quis in ipsos falsò criminari putet, digito ostendam me solū ipsorum verba recitare: ac tantummodò vsitatis loquendi formis ea proferre, quæ ipsi peregrino sermone transformant. Quod suo loco patefiet.

DE SIMILITVDINE QVAM LIBERTINI HABENT cum multis veteribus Hæreticis. Cap. III.

STATIM post tēpora Apostolorū exorta sunt Hæreses portētose, vt mirū sit deliria ad eò absurda, in hominū mentes irrepere vnquā potuisse. His tamen vexata est per aliquod tempus Ecclesia Christiana. Sed postquā cognita est tanta absurditas, vnusquisq; abhorruit: ad eò vt à mille & ducentis annis, nemo in toto orbe sit repertus, qui ijs adherere voluerit, aut saltē ausus f. erit profiteri, vsq; ad istos dies quibus infœlices isti, qui se Libertinos vocant, à Sathana incitati fuere: non tantū vt si nili modo quo ceteri blasphemarent, sed vt execrabiliores etiam errores adiungerent. Primus fuit Cerdo, qui duo principia ponebat: alterū bonum, alterum malum: atq; aiebat ab vno quicquid in mundo est venire, & ex propria ipsius substantia esse. Sic resurrectionē negabat: quia imaginabatur omnia, quæ ab vno horum principiorū orta erant, ad suam originem redire. Christum verò dicebat imaginariē tantū apparuisse: & passum esse. Postea, exortus est Marcio, ei ferē similis: nam eius verbus nouā formam induxit, potius vt nouæ opinionis gloria potiretur, quàm vt ea quæ perperam dicta fuerant, colore aliquo tegeret. Eodē ferē tempore fuerūt & Gnostici, qui se hoc nomine appellabant, vt excellentē sibi supra cæteros cogni-

tionem

tionem tribuerent: quāvis fideles eos nominarent Bonitas, ut ostenderent se illos tam nihili facere, quā ranas è coeno profectas. Hi similiter affumabant animā ex propria Dei substantia esse: duoque principia constituebant, alterū bonum, alterū malum: afferentes animas, quæ se castas & puras in humanis corporibus seruassent, ad boni Dei naturam reuerti: ad mali verò naturā, quæ se fœdis voluptatibus polluisent. Ceterū ob curo & peregrino sermone utebātur, ut de rebus spiritualibus obgānientes minimè intelligi possent. Haud magna erat inter ipsos, & Valentinianū, & Apellē differentia: nisi quòd vnusquisque ad dicta aliorum aliquid adiungebat de suo: ut se nouæ sectæ authores cōstituerent. & famā inde aliquā colligerent. Sed quia Manichæorum secta inter reliquas percelebris fuit, & maiorem sectatorum multitudinē habuit, & fuit diuturnior, consarcinauit etiam vndiqueque errores, ut in falsis doctrinis copiosius abundaret, sumenda præsertim erit veluti pro spectulo, ut demonstremus id quod volumus. Illi igitur reiecto veteri Testamento, legem & Prophetas ludibria habentes, Deum crudelitatis & nimij rigoris accusabant. Ex nouo Testamento, si artem decerpebant ea, quæ ad rem ipsorum videbantur facere, abiectis ijs, quæ minimè ipsis placebant, aut eorum opinioni aduersabantur. Deinde duos diuersos Deos constituebāt, alterum boni, alterum mali initium. Similiter, duas in homine animas fingeant: alteram à bono Deo profectam, quam dicebant inferioribus istis rebus pollui: idèoque purgandam: ut veluti gradibus ad primam originem suam rediret: alteram verò, corrigi non posse dicebant: sed in tenebras, vnde initium habebat, redire. Purgationes autem illorum nefariæ erāt præstigiæ & execrabiles fœditates, sicut & aliorū hæreticorū, quos supra nominauī. Animas eorum qui à secta sua alieni erant, in animantia bruta redire affirmabant. Præterea, in tres ordines siue classes, eorum secta diuisa erat. Doctores, Macaros, id est, faulces se vocabāt: Catharitas verò, cum in purgandis officium suum exercebant. Deinde scholasticorum duæ erāt species. Alij quibus arcana scholæ reuelabant, vocabātur Electi: alij, quos minus pedetèrim inescabant: nominabantur Auditores. Quāvis nondū hic locus sit de ducendâ articulatim & distinctè doctrinâ Libertinorū: nunc tamē notare debemus, veteres illas hæses, quas recēsiui, solum ab ipsis expergefactas esse, ut cōtiones ex singulis colligēdo cōfusionē acerrimā struerēt: nisi quòd tandem hoc consequuti sunt, ut alijs omnibus dissolutiores essent, ac tam dementia, quā impudētia vincerēt omnes. Initio audacter reiciebant Scripturas: probrosas etiā scōmatibus vnūquenque Apostolorū inessebant, ut eorum autoritatē eleuarent. Apud eos Paulus, vas con fractum erat: Petrus, abnegator Dei: Ioannes, adolescens stolidulus: Mattheus fœnerator. Nec villo pudore retinebantur, quo minus ita apertè blasphemarent. Post ea cum viderent se ita alloquentes omnibus esse horrore, rectius & obscurius agendum esse animaduertērūt: Vt simulātes se Scripturā minimè reijcere, in allegorias ipsam cōuerterent & detorquerēt in alienos & peregrinos sensus: equū in hominē trāsformātes, & (quod vulgò dicimus) fingētes nubē laternæ cornu esse. Quā astutiā à Priscillianistis acceperunt, qui olim hoc artificio utebātur & in eo à Manichæis differebāt. Postea, quomodo talibus allegorijs inuertāt & torqueāt Scripturas, tractabimus. His enim, quā nūc refero, solū ostēdere volo, quā viā secuti sint, & quales fuerint eorū antecessores. Quantū ad Deū & animarū substantiā, tamen si nō eodē omnino modo, quo Manichæi, loquūtur: quæ tamē obstrepūt & obscure musitāt, eò redeunt, vnicū tantū esse spiritū, Deū scilicet: ex altera parte, mūdum: creaturas omnes nihil esse, nisi quòd homines spiritu Dei, qui in ipsis est, cōseruātur, quoad se se subdixerit: quod autē præter id habent, non nisi mundum esse aut Satanā, aut nihil. Si quis eorum secta sit, ipsum factū Deū, atque animā ipsius spiritū Dei esse aiūt, nec tamē pluri ipsum faciunt, quā equum: quia nihil in ipso est, præter mundum, quod nihil est. Quòd si rem ad viuum persequamur, comperiemus eos somnia sua super fundamentum Manichæo-

rum edificare, quod attinet ad duo principia: nisi quod faciliore viam inuenerunt, quam *Manichæi*, qua seipso Deos facerent. Nam purgationum & exorcismorum loco, in quibus illi multum operæ ponebant, hi sui purgandi causa nihil aliud habent, quam ut claudant oculos, ac omne boni & mali discrimen tollant, & sopiant conscientias, ne quo inferorum timore percelli possint, tuncque sunt *Angelis* nitidiores. Quicquid *Christiani* de vita æterna, de resurrectione tenent, ipsis fabula est. Hoc enim imaginantur: animam hominis, quæ est Deus, ad seipsam redire, cum ad mortem ventum est: non ut tanquam anima humana, sed tanquam Deus ipse viuat, sicuti ab initio, quod postea pluribus declarabitur. Quod attinet ad diuersos discipulorum gradus, *Manichæorum* omnino sequuntur morem. Nec enim facile prodeunt, quod se patefaciant: nec unicuique, quod animo gerunt, declarant: sed diu suspensos tenent, & per longas ambages circumagunt, quos volunt ad sectam suam adducere: nec prius arcanum excubiarum symbolum, ut aiunt, ipsis reuelant, quam perspiciat ita à se fascinosos esse, ut facile quicquid voluerint, persuadeant. Solum ijs qui veluti iureiurando astricti sunt, detegunt mysteria sua: nisi quod primarij doctores sibi semper capita aliqua reseruant, quibus existimationem suam & dignitatem tueantur. Nunc comparationes istas attigisse sufficiet: nam ordo quem sequi instituimus, ut pluribus rem tractemus, postulabit.

QVÆLE FVIT INITIVM SECTÆ LIBERTINORVM, QUIQUE EIUS FUERINT PRÆCIPVI DUCES. Cap. IIII.

EQV IDEM si in vniuersum comprehendere aut recitare vellem omnes, qui hunc *Liberinorum* titulum assumpserunt, quique ad vagis istorum imaginationes accesserunt, de quibus hoc libro tractare institui, nunquam finem facerem. Etenim varia fuerunt sectæ, tum in *Hollandia*, tum in *Brabantia*, cæterisque inferioris *Germaniæ* regionibus. Sed quia ijs solum scribo, quibus linguæ *Gallicæ* vsus est, ab ijs quæ in alijs regionibus acciderunt recitandis, tanquam à re superflua, abstinebo. Mihi satis erit, si commune fecero paucis, quomodo venenū hoc ad nostrates peruenierit: quique primi hic atque illic ipsum sparserūt. Quod ut narrare incipiam: à quindecim annis & eò plus, *Flander* quidam nomine *Coppinus Insulanus*, vir indoctus, cui nihil omnino erat quo se promoueret, præter audaciam, facies istas, in ea ciuitate qua natus erat, commouere cœpit. Postea subortus est alius nomine *Quintinus*, qui tantū collegit famæ, ut prioris extinxerit memoriam: adeò ut huius sectæ caput & author existimeretur. Et qua superbia ganeo iste præditus est, hac existimatione vehementer oblectatur ac diligenter cauet, ne mentionē faciat illius magistri: aut ab eo quicquā videatur didicisse. Hic ex *Hannonia* aut circa eam regionem natus est. Ex quo autem tempore in *Franciam* venerit, non satis scio. Hoc tamen scio, me ante annos decem illum vidisse. Tunc illi societate coniunctus erat quidam, nomine *Bertrandus*: quidam à *Moletrinis*, qui nuper aut Deus aut nihil factus est, ex eorum opinione: id est, excessit è vita. Ego verò non solum ipsos nollem falso criminari, sed si quis id faceret, pro viribus impedirem. Tamen dissimulare non possum quod ex *Stephano* à fabrica intellexi: (cuius recordatio, ut sancti *Christi* martyris, inter fideles sancta esse debet:) nempe istos potius ob maleficia, quam ob verbum Dei, è patria sua egressos esse. Intelligo etiam, tertium quendam nomine *Claudium Perseualum* his adiunctum fuisse. Hi omnes tam egregiam operam nauarunt, ut quamplurimos corrumperint in *Francia*: adeò ut nullo habitarent in loco, quem purum & integrum ab hac contagione reliquerint. Quanquam interim idem agere & moliri in patria sua non desierint, ut simpliciores & idiotas aut quos reperiabant, ad sui imitationē appositos, seducerent. In quo ita profecerunt, ut horribile auditu sit, quàm infecta sint illic omnia. Verum, quod omiseram, opem etiam eis tulit quidam sacerdos, statura paruus, quem *Antonium Pocquium* vo-

cant:

eant, quem etiam à tribus annis cognoui. En totius ordinis primi doctores, & veluti Patriarchæ. Postea eorum exemplo vnusquisque, quemadmodum & illi, aliquid nominis sibi comparare nisus est. Flandris, Hollandus & Brabantinus, vt iam dixi, abstinebo. Sed in Gallica lingua, iam veluti examen Doctorum huius sectæ reperietur, qui tertio statim die eum gradum adepti sunt: nec quisquam eorum est, qui maximus esse non appetat. Nec profectò mirum est. Non enim idem est, ac si doctum aut præclaro ingenio prædium esse ad aliquam estimationem consequendam oporteret: sola enim impudentia illic palmam obtinet. Ac certe omnes, de quibus sum loquutus, adeò ignari sunt suprâ quàm dici potest. Nec quicquam eorum sermonibus ineat, vt vulgò dici solet, aut ritui aut rationis: non magis quàm si cetariæ de astrologia disputarent. Quòd autem Quintinus eiusque socius ex sartoribus Doctores facti, atque ita immutati sunt, id in causa fuit, quòd delicatè & molliter viuere vellent: nec sibi putarent labores conuenire. Propterea commodius omnino existimarunt, vt quemadmodum sacerdotes & monachi cantillando, sic ipsi garriendo vitam quærent. Tamen si alter eorum hostiarius, alter cubicularius libenter fieri sustinuerit. Quòd ad Antonium attinet, putauit amœnæ sibi voluptati fore, si postquam Missam suam cecinit, has speculationes ruminaret. Nec enim eius conditionis homines multum habent negotiorum, quibus occupentur. Sed cum explicatum fuerit, in quo sita sit eorum sapientia, adhuc apertius perspicitur, quàm facile sit strenuum se gerere ad magnam famam statim colligendam. Dux rationes me ad istos infœlices nominandos impulerunt, qui alioqui ne mentione quidem vlla digni sunt: tantùm abest, vt chartæ debeant eorum nominibus cõspurcari. Primum nonnulli qui ignorabant quid sibi vellet Libertinorum nomen, id Quintini nomine cognituri sunt. Expe dit etiam beluas adeò perniciosas nota aliqua insigniri, vt dignosci possint ab vnoquoque: nec quisquam non monitus damnum aliquod recipiat. Ceterum minimè ignoro me haud gratum omnibus facturum, quòd eos neminem. Sed quid agerem? Cùm quatuor ganeones video, qui plusquam quatuor millia hominum in exitium duxerunt, etiamnum hunc assidue lapidem voluere (aut tres saltem) vt euertant veritatem Dei, miseram Ecclesiam dissipent, in errorem abducant omnes, quos irretire possunt, blasphemias execrabiles st argant, & quod omnium deterrimum est, totum orbem perturbent ea confusione, à qua bestia ipsæ abhorrent: an tacere debeo aut dissimulare? Quàm verò crudelis essem, si vt parcerem alicui, aut placerem, sinerem ab ijs vastari & destrui omnia, neque monerem homines, vt sibi præcauerent? Si scirem viam aliquam à latronibus obsideri, nōne meum esset id reuolare, ne miseri viatores in eorum manus inciderent? An ego veneficos celare deberem, qui in vniuersi alicuius populi necem consp irassent? Nullum est autem latrocinium adeò scelestum, nec venenum adeò perniciosum, quàm execrabilis hæc doctrina: quæ eò tendit, vt non solum Christianam religionem, sed etiam honestatem omnem atque humanitatem dissipet ac deleat, quæ hætenus etiam inter Turcas ipsos atque infideles semper valuit. Si igitur hoc facerem, meritò ipse censerer homicida: cum malo veluti assensum præberem. Ego ne obmutescerem, cum istos video ita Christi nomine abutentes, vt eius prætextu abominationem omnium, quæ vnquam in vniuerso orbe fuerunt, teterrimam introducant, ac ipsi Christo probum inurant, quòd Diabolo deterior censerì possit. Hoc si facerem, nōne essem cane recordior, qui dominum suum inuadi non sinit, quin saltem oblatret? Elato igitur clamore vociferari cogor: si vlli vnquam fuerunt hæretici, qui effræni & profusa libidine, non dico falsas opiniones & errores, sed execrabiles & horrendas blasphemias protulerint, omnes fuisse ab his superatos. Nunquam talia fuerunt monstra, adeò vnquam abominanda, quàm Quintinus, cum sua cohorte. Præclarum profectò esset me Papam eiusque socios atque

administratos pro viribus infamare (nec enim aliter Ecclesiā Dei edificare possum, quā bel-
lū gerēs cū ijs, qui eam diruere conātur) interim autē istis parcere, qui hostes Dei sunt longē
perniciōsiores, veritatēque ipsius magis euertunt. Nā Papa aliquā adhuc religionis formā
relinquit: spēs vitæ æternæ nō tollit: docet timendū esse Deum: aliquod statuit boni & mali
discrimen: Christum verū Deum atque hominē agnoscit, aliquid authoritatis tribuit Verbo
Dei. Istis autem, hic finis propositus est, vt cælum terræ misceant: omnem religionem in ni-
hilum redigant: omnem ingenij humani cognitionem deleant: sopiant veluti lethargo con-
scientias: nec vllum prorsus inter homines & bestias discrimen relinquāt. Causa cur tandiu
tacuerim, ea fuit, quod tam absurda deliria placidē euanesce, priusquam in hominum noti-
tiam venirent, optabam. At cū Dominus colluuiem istā tam latē spargi sinerit, vt publi-
ca sit contagio, nullū iam silendi tempus est. Quamobrē nemo conqueri poterit, quod tam sce-
lestos homines detegā: nisi etiam prodere velit se non inuitum opem eis laturū ad nocēdum,
eorum nequitia tēgendo. Si quæ ratio esset suppressendæ eorum turpitudinis, hac lege ne si-
lentio aleretur, eam libenter tenerem. Sed cū omnino necesse sit me digito ipsos common-
strare, ne nocere pergāt, nemo certē offendi debet, præsertim cū diuturnitas moræ, me ne-
cessitate prorsus urgēri ostendat. Si prima facie sic efferbuissem, vt scripsissem aduersus
ipsos, tamen si officij mei fines non essem prætergressus, tamen morosus aliquis me nimis fe-
stinatōis arguēdi colorē habuisset. Nunc autē cū post longam expectatōem mihi nullum
aliud remedium supersit: si quis iniquo animo ferat, quomodo suspiciōne elucere poterit, quo-
minus eorum conscius ac fautor censeatur? Quinimo quisquis vel tantillū zeli habet, potius
niti debet, vt cognoscantur à summis & infimis. Ac omnes ad pueros vsque ipsos conspue-
re in faciem prætereuntium deberent, vt hoc execrationis sigao, pudore afficerent eos, qui
dum ipsos tuentur multis animarum millibus exitij causa fuerunt: præter offendicula & re-
moras quibus, Euangelij cursus vehementer retardatus est: ac, ne in posterum magis retar-
detur, periculum est, nisi Deus Opt. Max. infinita bonitate sua obuiam eat. Quod ad infā-
miam, quæ illis inde iniuri potest, an mihi curæ esse debet illorum famam tueri, qui sacrosan-
ctum nomen Dei, & verbum ipsius maiori probro & ignominia exponunt, quā vllum fue-
rit idollū ab initio mundi? Ad hæc, maior adhuc ratio me ad hoc faciendū impellit. Quantum
enim perspicere potui, carnes isti hac vtuntur astutia, vt sese insinuent sub prætextu nominis
seruorum Dei, sicque simpliciores seducant. Sicuti à duobus iam circiter annis, cū Hen-
nionius Pocquius aliquod tempus in hac ciuitate egisset, ac dissimulasset nefariam doctrinam
suam: discedens hoc ag. bat, & sollicitē curabat, vt testimonium aliquod ex me haberet, quo
se se iuaret apud eos, qui mihi aliquid tribuūt authoritatis, ac si diabolicos eius errores ap-
probare. Personam verò suā non sic callidē egerat, quin saltem eum pro deliro & fanatico
homine habuissem: vt in cœtu etiam nostro eum monui: quāuis nequitiam eius ignorarem,
quæ postea mihi comperta fuit. Certior enim factus sum ipsum tunc, ex Annonia & Ar-
tesio à spargēdo veneno suo rediisse. Cū se nihil à me elicere posse perspexit, tum mihi al-
legauit fratrem nostrum, Martinum Bucerum, (cuius nomen apud Christianos omnes ho-
noricum esse debet) quod ei denegabam, facili concessisse. Vnde apertissimē constat, istū,
dum venenum suum celabat, probum illum Dei seruum fefellisse: vt postea eius authorita-
te abuteretur: atque aditum sibi patefaceret ad eos, qui aliquo Dei timore tenentur. Quæso,
an silendum mihi est, cū oculis ipsis intueor impuros istos atque impudentes, nobis, id eti-
am ignorantibus, quasi lenonibus uti, vt miseras animas corrumpant? Quā strenuē silen-
tio nostro abutentur, cū adeo inuerecundi sint, vt nefaria doctrinæ suæ à nobis approbatio-
nem extorquere velint? Quamobrē, æquisimum est eis laruam detrudere, quā aliam for-

man induere nituntur, vt detestabiles conatus suos perficiant, hoc est vt honorē Dei euer-
tant, & salutem animarum.

QUI FIERI POSSIT VT ADEO BELLVINAE
fectionis tot sint affectus: vbi etiam tractatur, quæ hominum ge-
nera eam sectentur. Cap. V.

DICET hîc quispiā: cum hæc doctrina adeo absurda sit, neque solum sacrosanctæ Scri-
pturæ, verum etiam omni humanitati repugnet: cum etiam eius doctores adeo rudes &
ignari sint, quâ fieri potest, vt tot sectatores habeant? vnde fit vt multos ad se adducant, qui an-
tea puræ Euangelij doctrinæ gustum habuerunt? Primum, sicuti Dominus sectas excitari si-
nit, vt vniuscuiusque cōstantia probeatur: & boni à malis discerni possint: ita declarationem
talē fieri, itaque euenire necesse est, vt plurimi, qui in speciē Euangelium sequi videbātur,
& formam Christianorum induerant, tandem quales sunt, patefiant: vt purgetur eiusmodi
fecibus Ecclesia Christiana: sint quæ exemplo cæteris: quo discant omnes, cum Deo minimè
iocandum esse. Verum præter radicem communem & quasi matrem omnium hæresum, ar-
rogantiam videlicet, aut confidentiam, si propius intuemur, comperiemus duo vitia in causa
fuisse, cur tanta hominum multitudo in hosce errores incideret. Nonnulli enim stultæ curio-
sitati addicti, ad vanas & superfluas quæstiones animum appellebant: cum debuissent vtilia
& edificationi propria quærere: nec Scripturæ simplicitate cōtenti, in vanis & friuolis spe-
culationibus, velut in aëre volitabant: quò vel satisfacerent insanæ & improbæ suæ cupidita-
ti, vel se subtiliores esse, ac sublimiora persequi ostenderent.

Alij, qui Euangelij puritate imbui cœperant, ea abusi sunt, non tantum ceu scientia
profana, sed etiam vt effrenem licentiam sibi sumerent, ac vitam ducerent flagitiosam &
dissolutam: aut cum perspicerent id Euangelio minimè permitti, sed potius ipso quasi freno
se cohiberi, secessus aliquos aut diuerticula quærebant, vbi se in omnem turpitudinem pro-
fundere ipsis liceret. Ac quidem certè omnes huius sectæ discipuli, ferè sub ista duo gene-
ra comprehenduntur. Aut enim sunt fanatici, qui stultas & euandas quæstiones solum
mouere cupiant, & in rerum inutilium occupatione delectantur: aut homines profani, qui
iugo Christi ferendo fatigati, deinceps sopire voluerunt conscientias suas, vt sine vlla
religione, Sathanae inferuissent. Verum adhuc quæri poterit: quâ fieri possit, vt ij qui
studium suum in eo applicant, vt maiora inquirent, quàm ad se pertineat, se ineptijs adeo
puerilibus stupefieri sinant, quibus rudissimi omnium atque obtusissimi haudquaquam fal-
lerentur? Ac vehementer quidem nouum videtur, eos, qui quamlongissimè à Deo fugere
cupiunt, vt suo arbitrio viuant, posse delirijs tam absurdus acquiescere. At respondeo, iu-
stam esse vindictā Dei, qua ipsos in reprobum sensum tradit, vt bestijs sint persimiles, nisi
quòd speciem, & figuram hominum gerunt. Quanto enim dedecore Deum huius se-
ctæ principes affecerunt, dum vagi ipsi & tanquam abreptij, inuestigandis nouis quæstioni-
bus incumbabant, ac si cœlestis sapientia, quæ nobis per Euangelium reuelata est, pro ipso-
rum magnitudine nimium simplex & abiecta foret. Cum Deus idoneus ipsis magister non
videatur, nonne aquisimū est eos ab ipso tradi Sathanae, & ad eius scholam ablegari? Cum
intra veritatis terminos ingenium eorum contineri nequeat, nonne in labyrinthum fallaci-
arum ingredi necesse est, vbi aut via aut semita nulla sit? Qui verò doctrina Euan-
gelij sic abusi sunt, vt ea occasione se à recta viuendi via subducerent: aut quia eā, vt nimium au-
sterā ferre nō potuerūt: nonne digni erāt quibus sensus cōmunis, & omne boni & mali dis-
crimen tolleretur? Cognoscamus ergo Deū sic vlcisci cōtumeliam, quæ verbo suo irrogatur;

dū ab alijs habetur contēptui, ab alijs in occasionem flagitiosæ licētiæ rapitur. Cū autem homines sic se à verbo Dei excluderunt: quo solo tanquam lumine ad rectam viam dirigimur: hæc Pauli sententiā in ipsis impleri oportet: nempe, ut Deus det efficaciam Sathanæ, quod eos quotique libuerit abripiat. En paucas causas præcipuas retuli, cur Quintinus eiusque socij tot habeant sectatores. Caterum, haud inficior, quin astutia qua utuntur, plurimum ipsos iuuet. nam initio, tam nouo atque insolenti sermone utuntur, ut rapiantur idiotæ, credentes se in coelos sublatum iri: sicque auditores suos diu suspensos tenent, quoad ipsos ita fascinarint ut persuadeantur, umbram, quod dici solet, esse arborem. Hac porro ratione plurimos ab ipsis illaqueatos esse certissimum est. Eos enim qui se se facilius committunt, pedetentim hac & illac circumducunt, sicque nouo illo & obscuro loquendi genere stupefaciunt, & perstringunt oculos, ut album (quod vulgò dicimus) à nigro distinguere non possint. Nec tamen in tam crassa ignorantia & delirys adeo stultis & absurdis quicquā proficerent, ut ad se allicerent homines, sicuti faciūt, nisi Dominus eos punire vellet, qui se irretiri sinunt, eosque in reprobū sensum traderet, quod nec sibi nec verbo suo acquiescere voluerint. Denique præcipua quedā est causa, quæ spectat ad principes & omnes magistratus cuiusvis ordinis: nempe quia nituntur impedire, quominus sana Dei doctrina in eorum ditiones perueniat, eamque abolere conantur & extinguere: dū eos persequuntur, qui aut eam annuntiant, aut vias sternunt, quibus ad ipsam perueniri possit: quibus denique possunt modis, eā procul reijciunt & propulsant. Ideo Dominus eos punit, dum sinit ipsorum regiones hac colluue infici. Nonne verò acquisitū est, cū reijciant benedictionē Dei, eius loco maledictionem illis succedere? Hoc quidē minime cogitant, quin potius existimant gladijs & ignibus se se quod volunt facile effecturos. Verū falluntur. Quicquid enim moliantur & faciant, fortius erit verbū Dei, ac superabit impedimenta omnia, quæ ad abrumpendum eius cursum ab ipsis obijciuntur: atque Ecclesia ipsa augebitur in medijs persecutionibus. Interim efficiet Deus, ut flagitiosæ sectæ magis ac magis in ipsorū regionibus pullulent, quibus eorū populi corrumpantur, quoad in tantam confusionē venerint, ut nemo hominū mederi possit. Nihil enim proficiet, quando eo utentur consilio, quo sine discrimine puniunt omnes, qui Antichristi superstitionibus aduersantur: quoniam nulla est alia euellēdis impijs sectis & hæresibus apta ratio, quàm si pura Dei veritati, quæ vna suo splendore tenebras fugat, locus detur. Quod ipsa experientia apertissimè docet.

QUIBUS REMEDIIS CAVERE QVIS

possit, ne in Libertinorum errores incidat: aut si iam fortè inciderit, sese eripiat. Cap. VI.

CVM Dominus promiserit sese cognitionē sui patefacturum ijs, qui in timore & humilitate ipsum querent: si ad eum cupimus accedere, hoc iter teneamus. Demus, videlicet, operam, ut eum cognoscamus in Domino Iesu Christo: nec tantum nobis arrogemus, ut putemus nos in tantā sublimitatē proprio ingenio euolatuuros: sed rogemus ut nos idoneos reddat, ad capeSSendā eius doctrinā: quod nequimus efficere, nisi prius abiecerimus istam arrogantiam, ne plusquā par sit sapere appetamus. Vnū inquam Deū cognoscere optemus in Christo Iesu, nec quicquā aliud nobis propositū sit: ut re vera Deus nihil aliud nobis Verbo suo proponit. Nec tā moroso ingenio, aut delicatis auribus præditi sumus, quin acquiescamus puræ & simplici veritati, in qua infiniti Dei thesauri inclusi sunt. Ne profanemus Verbum Dei ipsum aut in vanā & infrugiferā scientiā, aut in aliū vsum, quàm in adificationē, conferēdo. Ne in vanū recipiamus ipsum: contemnentes tū minas & terrores iudicij Dei, tum gratiam

quæ

quæ nobis in eo offertur. Denique, ut sciamus quem in finem nobis datum sit Evangelium: atque ipsum, sicuti Deo placet, recipiamus. Reputemus qualiter animis nos esse comparatos oporteat: atque à Deo, ut nos ita formet, precibus postulamus. Tunc verendum non erit, ne hæretici nobis oculos configere possint, quò nos à Deo auertant. Atque in primis ne vereamur nos ita ab eo destitutum iri, ut in hanc belluina Libertinorum seciæ abyssum ruamus. Hæc admonitio ad omnes spectat. Dominus infinita misericordia sua cœperat, Principi aulæ per verbum suum visitare. Multi oblectamenti loco Evangelium sumere voluerunt. Nos quod illis accidit, spectantes: eorum exemplo, tanquam speculo, utamur. Speculum per simile habemus in quæstorum arariorum mensis, & hominum otiosorum secessibus, in mercatorum tabernis, atque in officinis opificum. Ne igitur simus tanquam arundines omni vento agitata: agamus radices in Domino Iesu Christo, ne pueris infantibus similes simus, omni deceptioni expositi: confirmemur & augeamur in ipso: in Domino, inquam, nostro, Iesu Christo, qualis iam olim demonstratus est à Prophetis, & plenè in Evangelio exprimitur. Quòd si nonnulli leuitate seducti fuerunt, ne sibi placeant in suo malone obdurato sint aduersus Deum animo: ne ad sanctæ admonitiones, quas hic audituri sunt, aures obstruant: ne sua sponte inebriantur, quòd omne iudicium sibi tollant, ne semisopitas conscientias suas obstupesciant: verum excitari se patiantur, ab eo, qui Sol est iustitiæ: qui in mundum venit, ut nobis illucesceret. Sustineant omnes unà, dum eis animaduertere liceat monitiones, quibus agam cum ipsis: ut sint veluti nota, quibus sibi caueant, ne imprudenter intercipi possint. Spero enim, adiuuante Deo, me sic ad vitium monstra ista depicturum, ut unicuique ea etiam eminus animaduertere & cauere liceat.

DE IDIOMATE ET FORMA LOQUEN-

di, quibus utuntur Quintinistæ.

Cap. VII.

Primum, quemadmodum circulatores, alijque erronei, quales sunt, qui ex Bohemia profecti, per totum ferè orbem vagantur, caterique eius farina homines, peculiari quodam sermonis genere utuntur, quod à nemine, nisi suæ factionis & fratris, intelligitur: ita ut coram hominem fallere, ac prodere possint non sentientem: sic Quintinistæ peregrina & insolenti utuntur lingua, qua sic cornicantur, ut nihilo plus perspicuitatis insit, quàm in auium cantu. Non nego, quin utantur communibus vocabulis, sed ita significationem eorum deformant, ut nemo intelligat qualis proposita sit materia, de qua agitur, ne quid negare aut affirmare velint. Id quidem malitiosè agunt, ut possint clanculum, velut ex insidijs idiotas circumuenire. Nemini enim reuelant abominationum suarum mysteria, quæ sub illis verborum tegumentis latent, præterquam ijs qui iam iureiuranda sibi astricci sunt. Quos enim adhuc pronouitijs habent, ijs nihil omnino patefaciunt: & quasi obstupescientes ad eorum verba, hiscere sinunt. Ita sub istis ambagibus, tanquam latrones in latebris suis sese occultant. Atque hi quidem sublimes sunt illi sermones, quos Petrus & Iudas bullæ & spumæ cōparant, quòd nihil ex eis consequitur: sed dum aliorum mentes suo sublimi stylo in errorem abducere student, se quoque ita abripiunt ipsos, ut quid garriant minimè intelligant. Memini cum

aliquando *Quintinus* in magno hominum cœtu videret me, garritum suum nimis acriter reprimere: ac idcirco, quod aiunt, declinare vellet, dixisse: me orationem suam, quod eam minimè intelligerem, improbare. Tum respondi me in ijs paulò plura, quàm ipsum intelligere: quòd ea quæ dicebat nullo modo perciperet: mihi verò per-
 spectum erat ipsum velle delirijs istis absurdis & perniciosis, hominum mentes fa-
 scinare. Quod quidem ita esse comperietur: nempe, sic ipsos in stultas speculatio-
 nes suas se immergere, sicque inuoluere, vt neque cœlum, neque terra illis appare-
 at. Hac igitur nota discernantur ab alijs, cùm sic loquentur, aut cornicabuntur po-
 tius, vt nihil intelligi possit. Lingua enim ad exprimendas cogitationes nostras à
 Deo creata est, vt vnà inter nos communicare possimus. Quo fit, vt ordinem à
 1. Cor. 14 Deo institutum pervertant, qui confuso vocis sono verberant aerem: aut longis
 ambagibus circumueunt, vt alternandi materiam præbeant auditoribus, ac demum
 suspensos relinquant. Præterea, cùm tractanda sunt mysteria Dei, Scripturam
 pro regula habere debemus. Sequamur ergo loquendi regulam, quam tradit, ne-
 que extra illos fines euagemur. Cùm enim Dominus sciat ingenia nostra eò vsque
 conscendere non posse, si tantùm ijs verbis, quæ maiestatem suam decent, vt ere-
 tur: si se paruitati nostræ accommodat: & quemadmodum nutrix balbutit cum in-
 fante suo, sic erga nos rudioribus loquendi formis utitur, quò intelligi possit. Qui
 ergo hunc ordinem inuertere conatur, nihil aliud spectat, quàm vt sepeliat veri-
 tatem Dei, quæ percipi alio modo non potest, quàm eo, quo Dominus nobis ipsam
 reuelauit. En cur laborandum erit in explicandis eorum ambagibus, vt in lucem
 quasi vi pertrahantur: si quæ abominationes, quas tegere student, omnibus inno-
 tescant. Similiter Christianos omnes monitos esse oportet, vt cùm eos sic obstre-
 pentes audient, statim abruptant sermonem, ac dicant: Aut eo sermone utamini
 quo Dominus nos instruxit, & in Scripturis vsitato: aut abite lapidibus atque ar-
 boribus verba faciuri.

DE SVMMAMALITIA ET IMPVDENTIA

Libertinorum, quæ se duplices & animo & lingua esse
 gloriantur. Cap. VIII.

Verùm, idhuc effraternius & magis proiecta libidine præcipites ruunt. Nam
 absque vlla religione, nunc hoc, nunc illud asserunt: atque ad auditorum vo-
 luntatem & arbitrium sese transformant. Quinetiam vehementer in eo glori-
 antur, & magni se æstimant, quòd ea simulatione uti norunt. Atque adeò hic v-
 nus est ex præcipuis capitibus theologiæ ipsorum: artem simulandi, & sese trans-
 formandi nosse oportere, quòd facilius hominibus imponant. Quod an impudenti-
 am, an malitiam vocem, nescio. Cùm enim simplicitas præcipua sit virtus, quæ apud
 nos commendata esse debet: naturæ omnino peruersæ signum est, si quis eò animum
 applicet, vt nunc hac nunc illac sese inflectat, angulum more, & complicit, vt ex
 eorum manibus, qui ipsum tenere putant, elabatur. Rursus, verecundiam omnem
 ipsos prorsus abiicisse oportet, dum nullo afficiuntur pudore, quòd eis exprobre-
 tur nullam esse in eorum verbis fidem nec constantiam. Ex eodẽ fonte manat hæc
 simulatio, quæ sibi permittunt omnem speciem induere, quò placeant hominibus.
 Quemadmodum nulla est ipsis religio coram idolis se prosternere: ita se omni-
 bus superstitionibus Papistarum adhærere simulant, quòd ex eorum opinione
 exter-

externa omnia in hominis Christiani libertate posita sint. Verum hoc argumentum in aliud caput referuo. Tantum hoc strictim attingere volui, ut moneam lectores, magnam istis esse oblectationem in ridendis & subsannandis, tum gestu, tum sermone hominibus; & veste, quod aiunt, subinde inuertenda: ita ut qua ex parte apprehendi possint, nescias. Hinc fit, ut si hodie Quintinus vinculus teneretur siue à Christianis, siue à Papistis, & staretur ipsius confessioni, non multum esset anxius. Certus enim esset de sua liberatione, quod tum horum, tum illorum voluntati assentiretur. Neque tamen propterea doctrinam suam abnegaret. Primus enim fidei ipsorum articulus est, ut iam dixi, hoc artificio utrumque esse, ut bilingues sint, & in multiplices species sese transforment. In quo nullos alios iudices præter ethnicos habere velim, à quibus condemnentur. Nouerunt enim ipsi, ac pronuntiarunt probæ naturæ nihil tam esse contrarium, quam ita se astute transformare: adeo ut ex eorum sententia præstabilius sit leonis, quam vulpeculæ similem esse. Verum neque hoc ipsi adhuc contenti sunt, nisi etiam Deum probro afficiant; dum se hoc ab ipso didicisse asseuerant: seque muniunt eo loco Psalmi secundi: *Qui habitat in cælis, irridebit eos.* Hinc probare volentes, Deum simulatorem esse. En quomodo applicant Scripturas. Propheta significans, Deum, iudicium quod in iniquos & Ecclesiæ persecutores laturus est, differre, & ad tempus sinere impunitos, non quod dormiat, aut remedium nullum afferre possit, sed potius quod eorum audaciam rideat, quoad tempus exitij ipsorum aduenerit, utitur hæc verbis, idque nostri consolandi gratia, ne animum despondeamus, cum rerum potenti scelerati homines, neque interim nobis apparet auxilium Dei. Putidi vero isti hoc sic accipiunt, quasi Deus irrisor quidam esset, Protheum quendam se faciens, quod imponat hominibus. Eodem etiam crimine postea Christum onerant. Matt. 3. Ad id allegant responsum, quod Apostolus dedit: ipsis quidem clarè exponenda esse secreta regni Dei: populo autem, qui audiendæ simplicis & apertæ veritatis indignus erat, se loqui in parabolis. Quasi verò Dominus noster Iesus Christus, parabolis utens, album, nigrum esse dixerit, aut aliud pro alio supposuerit, ut circumduceret animos auditorum: aut potius eò adduceret, ut quod ab ipsis mente alienissimum erat, conciperent. Quales fuerint similitudines aut parabola, de quibus agitur, perspicuum est: sunt enim ad ea, quæ proponebat, significanda conuenientes & aptissima. Cui verò vsui apta sint, cognoscitur. Primum, ut ornamentum atque etiam maiestatem afferant orationi, dum auditorum animos excitant, & attentiores reddunt. Deinde, ut eosdem strictim pungant, atque occasione præbeant secum accuratius considerandi. Fateor quidem ipsas expositione indigere, quod res sub figuris insinuentur. Sed quid populum eas intelligere prohibebat, nisi quod aspernabatur? in ignorantia sua delitescere, quam discendi causa inquirere malebat. Iam olim veteris Testamenti tempore, testatus fuerat Deus per Iesaiam Prophetam, se non clanculum aut in latebris loquutum esse: nec frustra sui inquirendi mandatum populo dedisse. An tanto dedecore afficiemus Christum, ut dicamus ipsum in mundum venisse, ut clarum lumen obscuraret, aut potius extingueret? ut rebus perspicuis offunderet tenebras, & inuolueret eas, quæ plana & expedita erant? Quomodo id in eum cõpeteret, qui Sol est iustitiæ, Lux mundi, & cuius officium est tenebris lumen afferre? Nonne atrocissima hæc contumelia est? Præterea multum abest, quin ea quæ Paulus de Euangelio predicat, conueniant

cum ijs, quæ isti obtineant. Testatur enim planam & illustrem esse doctrinam, qua facies Dei nobis in Christo Iesu patefiat, sublato omni velo, quo noster intuitus impediri posset. Deinde adiungit, si quis in tam clara luce nihil videat, eum à Diabolo obcæcatum esse. Lectoribus cogitandum relinquo, quantum sit discriminis inter Paulum & istos nebulones. Iactat enim se doctrinam claram, certam, puram, omnibusque expositam habere: inquit, eum, qui obscuritate vitur, pudoris velum assumere, quo turpitudinem suam tegat. Hi verò vehementer laborant in eo, ut non solum intorqueant doctrinam suam, adeò ut neque initium, neque finis appareat: sed etiam, ut hac & illac ipsam inuertant, & prestigiatorum more subinde transilire cogant. Quòd attinet ad exemplum Christi, quo se armare volunt: necesse esset ipsum sese abnegare, quòd istis adhereret. Nec enim naturam habet Euangelio suo contrariam. Atque, ut iam monui, non est loquutus in parabolis, ut ambigua oratione vteretur, aut sine vlla intelligentia deblateraret: sed potius, ut infigeret animis auditorum doctrinam suam, & plus ei ponderis adijceret. Et quanuis infideles nihil intelligerent, neque vllam utilitatem referrent: non tamen propterea ænigmata confusa dicenda sunt, sed potius intuentum, cuius culpæ assignari debeat. Id autem apertè exprimit, crebrius hoc repetens: Qui habet aures audiendi, audiat. His enim significat permultos esse surdos, quibus frustrà fiunt verba, aures enim minimè accommodaturos. Tandem concludit in ijs dictum Iesaiæ comprobari: obcæcatos esse animis, & induratos corde, ut pereant in incredulitate sua. Quocirca, si veri imitatores Domini esse velint, Pauli exemplum sequantur: auferant ac reijciant vela omnia, quæ dedecoris signa sunt: purumque ac syncerum Euangelium doceant, quod nemini sit intellectu difficile, præterquam ijs qui mentem suam incredulitate abalienarunt. Alioqui, eos in Christum blasphemos esse dico, quòd sic agendo eius simiæ videri velint. Hanc etiam auctoritatem adducunt: Nos serpentum prudentia præditos esse oportere. Sed cum eodem in loco etiam columbarum simplicitatem requirat, utrunque vnà coniungamus: ac facillè erit iudicare, minimè ipsum velle nos astutia malitiosa præditos esse, qua tergiversemur, & hominibus imponamus: sed tantum admonet, ne quid agamus inconsideratè. Quòd si quis amplio rem huius prudentiæ declarationem requirat, eamumat ex ipso Paulo, ubi monet, ut cum nobis in medio mundo versandum sit, qui peruersus omnino ac corruptus est, diligenter caueamus, ne seducamur: verum, scientes quæ sit voluntas Dei, recto cursu prudenter incedamus. Isti verò canes, sub præclaræ huius doctrinæ specie, audacter mentiuntur, quoties eis commodum visum fuerit: neque solum in omnibus simulationibus & mendacijs suis sese excusant, verum etiam gloriantur: atque adeò innocentes homines in periculum mortis coniiciunt, quòd ipsi euadant.

QVAM AVTHORITATEM LIBERTINI sacrosanctæ Scripturæ tribuant.

Cap. IX.

Iam diximus istos initio apertè ridere solitos fuisse, si quis Scripturas allegaret: nec dissimulasse, quin eas pro fabulis haberent. Interim tamen non desinebant

bant ijs vti, si quis esset locus, quem in sensum suum torquere possent. Non quòd ei adhiberent fidem: sed tantum, vt perturbarent idiotæ, atque ita concuterent, vt tandem eos ad se possent facilius adducere. Si quis locus ipsis obijceretur, respondēbant, nos literæ minimè obnoxios esse: sed Spiritum, qui viuificat, sequi oportere. Quinetiam porcas ille Quintinus, vnumquenque Apostolorum aliquo scommate notauerat. Veluti Picardico suo sermone Paulum vocans vas fractum: Ioannem, iuuenem stolidulum: Petrum, abnegatorem Dei: Matthæum, fœneratorem. En quomodo ille fœtoris gurgēs putido ore suo blasphemare audebat. Et qui tam seuerè in eum animaduertere debuissent, vt cæteris exemplo esset, eum alunt & stipendio honorant. Equidem inuitus de ijs verba facio, verum si eis pepercero, Deus nec mihi, nec ipsis parcat. Cum autem animaduertunt bonos omnes tale sacrilegium detestari, quo sacrosanctum verbum Dei pedibus conculcatur: iuxta fidei suæ articulum, quo statuunt bilinguem esse expedire, sese hoc amictu induerunt, sub quo nunc delitescunt: nempe, quòd non proficiuntur se sacrosanctas Scripturas reijcere: sed eas admittere fingentes, maiorum suorum Priscillianistarum, de quibus loquuti sumus, exemplo, detorquent, & in allegorias commutant. Quicquid sit, non maiore afficiunt honore verbum Dei: dum sic ipsam deformant, quàm si omnino abnegarent. Semper enim hoc retinent principium: Scripturam in naturali sensu suo acceptam, literam mortuam esse, atque occidere idòque missam esse faciendam, vt ad Spiritum viuificatē veniamus. In quo sibi duo proponunt. Primum, ne simplici sensui Scripturæ acquiescamus, sed ludamus allegoricis interpretationibus. Deinde, ne adhæreamus ijs, quæ scripta sunt, vt assentiamur ònino: sed sublimius speculemur, & reuelationes nouas inquiramus. Tametsi à Papi starum secta hæc multum diuersa sit, longèque deterior ac perniciosior: utraque tamen hoc principium inter se commune habet, vt Scripturam in allegorias transformēt, & sapientiam meliorem & perfectiorem afficerent, quàm quæ illic continetur. Vtrique cōmuni cōsensu hanc Pauli sententiam obtēdunt, Literam occidere. Quia verò locum hunc ad se trahendo, nequiter deprauarē: necesse erit primum mentem Pauli declarare: deinde, ad ea, quæ ex ipsa consequentia esse volunt, veniemus. Apostolus eo loco Legem, si à Christo separetur, cum Euangelio comparat. Legem vocat Literam, quòd sine gratia Dei frigida sit & inefficax, eò quòd vsque in corda non penetret: sicuti alio in loco Circumcisionem Literale appellat, Rom. 2. eam quæ solum fit in corpore, quòd sit externa tantummodo ceremonia. Econtrariò autem, Euangelium Doctrinam spirituale vocat: quia Christus in ea comprehenditur, qui viuificat verbū, atq; efficit per Spiritum suum, vt in animis nostris proficiat. Deinde ait, Legem, si eo modo literalis manjerit, occidere, quòd nihil possumus in ea reperire, præter condēnationem. Quod paulò pòst declarat, cum addit, Prædicationem esse mortis. Econtrariò autem Euangelium viuificare, quòd afferat gratiam Christi, per quam in nobis fructum edit ad salutem. Hic simplex est Pauli sensus: ex quo nihil aliud elici potest, quàm discere nos oportere, non esse separandum verbum Dei & quasi abscindendū à Christo, qui eius anima est, vt postea etiā monet: per quē solum eam vim habet, vt nobis sit salutaris. Quid verò præclari isti interpretes? Formā scilicet nouam introducere volunt, quæ Scripturam, natus, quod vulgò aiunt, cereus fiat: aut instar pilæ sursum deorsumque agitur. Nec enim plus est firmitatis in allegorijs, quàm in bullis, quis pueri cum jestuca emittūt.

Certò certius est Paulum nunquam id cogitasse. Desinant igitur eum in testem producere, quò iuuent causam suam. Alterum quod sibi proponunt, adhuc magis diabolicum est. Conantur enim nos à Scripturis auertere, ut in imaginationibus suis vagari, aut potius extra Scripturæ fines errare cogant: ut unusquisque somnia sua, & Diaboli præstigias loco verbi Dei sequatur. Ut autem de vitanda ac repellenda adeò periculosa tentatione moniti sint Christiani omnes, quem in finem Dominus Spiritum suum nobis promiserit, notandum est. Non enim ideo promisit, ut prætermissa Scriptura, per nubes & aera vagemur: sed ut veram eius intelligentiam adipiscamur, eaque contenti simus. Hæc enim sunt verba Christi:

Ioan. 4. Cum venerit Spiritus veritatis, patefaciet vobis omnia, quæ à me audistis. Videmus eum non promittere Apostolis Spiritum, qui nouas doctrinas fabricet: sed qui solùm eos confirmet in Euangelio, quod ipsis fuerat prædicatum. Deinceps, cum post resurrectionem, duobus discipulis suis mentes aperuit: nolebat peregrina, & quæ Scriptura minimè continerentur inspirare: sed efficere, ut Scripturam ipsam intelligerent. Et verò, quibus vberius datus est Spiritus Dei, quam Apostolis? Nec tamen inde occasionem recedendi à Scriptura, aut eam contemnendi sumpserunt: sed contrà, videmus ipsos omne studium & diligentiam adhibuisse, ut ei parerent, nosque sub eadem obedientia continerent. Quòd ad Paulum attinet, absit, ut nos velit ab ea abducere. Cum enim totus in eo sit, ut eius dulcedinis gustu nos alliciat, auctoritatèque eius cõmendet, ut nobis persuadeat ne quid sciamus, aut scire cupiamus, nisi quod in ipsa continetur, asserens ipsam, addocendum, exhortandum, arguendum vtilem esse: posse nos in omni opere bono reddere perfectos: illinc patientiam, consolationem sumendam esse, ut in spe confirmemur. Verbo autè Spiritus nihil eum superiore loco à Scriptura diuersum significare hinc apparet, quòd prædicationem suam Spiritus ministerium vocet. Ad Thesalonicenses scribens, posteaquàm monuit ne Spiritum extinguant, adiungit, ne prophetias aspernentur. Quòd declarat, suffocari lumen Spiritus Dei, si nos ab eius verbo subducamus: verbo, inquàm, quod nobis prædicatur. Scriptura enim & prædicatio, vera Spiritus Dei instrumenta sunt. Quocirca omnes illos pro Diabolis habeamus, qui nos ab illis aut claculum, aut apertè in alia diuerticula abducent: eosque ceu venenulè lethale fugiamus. Adhareamus, inquàm, puro & simplici verbo Dei, in quo plenissimam voluntatis suæ declarationem protulit: ac rogemus, ut per Spiritum suum (cuius etià officium est) velit eam animis nostris insingere. Dicamus cum Davide: Domine, aperi oculos meos, & considerabo mirabilia ex Lege tua.

1. The. 5.

VARIIS MODIS LIBERTINOS ABVTI

Verbo Spiritus, quod semper in ore habent.

Cap. X.

PRæter id quod nuper diximus, notandum est, eos nullum posse aliqua de re sermonem inchoare, quin nomen Spiritus statim ab eis proferatur: vixque binas clausulas continuare possunt, quin subinde repetant. Id verò non solùm in vna significatione: sed quemadmodum rusticani parochi simulachrum aliquod quinque aut sex sanctulis accommodare solent, ut totidem oblationum generibus ornentur: sic ganeones isti, nomen Spiritus ad omnia applicant, quoties ipsis commodum videtur, ut omnibus modis res suas agant: aut saltem commune ex

eo cibus omnibus condimentum conficiant. Verbum Dei spiritum esse aiunt. Dominus quidem semel hac locutione usus est: inquit, Verba quæ ego loquor, spiritus & vita sunt. Sed nemini dubium est, quin intelligat verba sua spiritualia esse, ac viuificare. Nam de ipsius corpore edendo agebatur: Quod Capernaïta imaginabantur fieri modo aliquo carnali. Id autem non ita esse declarat. Quod ad hunc articulum pertinet: nulla controuersia est, quin omnis doctrina Dei sit spiritualis, sicuti etiam docemus. Fanatici verò isti, nihil aliud in lingua gerunt, quo quid sibi velint, ignoratur: nisi quod nouum quoddam verbum tãquam phantasma nituntur fabricare. Christum etiam spiritum vocant. Paulus ei semel hoc nomen, sed non simpliciter, attribuit. Vocat enim spiritum, id est, animam legis: propterea quod sine ipso sit veluti mortua, sicuti iam diximus. Verum bestia ista omnia sine ratione confundunt: nihilque ponunt inter Filiũ Dei & spiritum eius discriminis. Nō omnes modos refero, quibus ipsi vtuntur. Nunquam enim finem facerem. Hæc solummodo exempla allegare volui: quod fideles omnes moneam, vt si ab eis nomen spiritus nominari audiant, obseruent in qua significatione accipiatur: ne se confusis rebus implicari sinant, quibus ratio nulla aut sententia subiecta sit. Præterea, notandũ est cum sic cōfusse nomen spiritus applicant ad omnia quæ ipsis in mentẽ venerint, non solum auditorum sensus perturbare, ea permiscendo, quæ distingui necesse foret: sed etiam illudere, suadentes ipsis se spirituales ac planè diuinos, & iam cum Angelis semiraptos esse. In quo etiã optimos quosque initio decipi facile est, quoad perspectum habuerint, quod spectet hæc spiritualitas. Hæc autem dico, quod magna sit bonis omnibus offensio, cum magnam leuium hominum multitudinem vident verbum Dei ad libidinem suam trahentium, atque libertatem Christianam vertentium in dissolutam licentiam carnis: aut dum sermocinantur de Euangelio, interim turpem & flagitiosam vitam degunt, & operibus suis Deum blasphemant, ore gloriam ei tribuentes. Si quis igitur vir pius in manus istorum impostorum incidat, atque audiat eos de spiritu tantum verba facere: verbum Dei nihil aliud quam spiritum esse: similiter Christum esse spiritum: nōsque cum ipso spiritus esse oportere: vitam etiam nostram spiritum esse debere: prima facie videbuntur pietatis studiosi homines, & ardenti zelo præditi, quibus molestum sit videre sic pollutum verbum Dei, & omnium vituperio expositum ob flagitiosam pseudochristianorum vitam. Sic inescatus, bonam de ijs opinionem concipiet: qua in amorem eorum inducetur, & eis quodammodo fidem adhibebit. Postea verò, venenum suum euomere incipiunt, & de sublimi illo sermone decidunt, vt inquit Iudas, in doctrinam beluina. Nam, postea videbimus nullum quãlibet prostitutæ libidinis scortatorem, nullum latronem, nullum ex profligatissimis ac penitus desperatis hominibus esse, qui eò progredi ausit, aut vt omnia crimina approbet quantumus execranda, quemadmodum probi isti spirituales faciunt. Quid ergo? dicit quispiam: an propterea spiritus nomen nobis suspectum esse debet? Minimè verò: absit à me vt id cogitem. Eam ob rem ab initio dixi nos prudentes & circumspectos esse oportere: nō vt ipsum aspernemur, aut rideamus: sed vt quem in usum accommodetur, possimus discernere. Si quis igitur hominẽ simplicem & candidum animaduertat, mouentem verbum Dei spirituale esse, quo animi nostri in fide & vitæ sanctitate refoventur: si loquatur de inuocatione nominis Dei, de bonis operibus, ac pijs Christianorum exercitijs, purum ipsorum usum ex Scriptura demonstrans: si verè ac sine

Iud. in
Epi.

nullo fūco ea tractet: si vanitatem eorum reprehendat, qui in primoribus solum la-
lijs habent verbum Dei, atque moneat in alium usum sumendum esse, is attentè
audiatur, adiuvetur etiam ab alijs, in reprehendendis ac corrigendis vitijs, quibus
hodie scatet totus orbis. Verùm si quis audiatur longa verborum ambage & circui-
tu utens, abruptendus est ei sermo, ac quærendum quid significare velit. Quod si
ita circumire pergat, & implicare sermones suos sinuosis flexibus, ut serpentes
caudam, tum ad claram lucem pertrahatur etiam inuitus: ac si latro aliquis aut sce-
lestus è latibulis suis educeretur. En quomodo distinguemus inter lumen & tene-
bras, ne in omnium abominationum voraginem cum miseris istis præcipitemur:
dum putamus nos eorum ope in cælum sublatum iri. Vnusquisque etiam videt quo
iure ac titulo Spiritualium nomen, quo gloriatur, usurparunt: adeò ut Christiano-
rum nomen præ illo nihili putent.

DE PRIMO ARTICULO DOCTRINÆ

*Libertinorum: quo docent vnicum tantum Spiritum immorta-
lem esse: Cui adiuncta est declaratio, quomodo id Scri-
pturæ veritati aduersetur.*

Cap. XI.

Iam ad quæstionum tractationem veniendum est, quæ in hac infælici secta sunt,
veluti articuli fidei. Primum, ut auspiciò ordiantur, hoc statuunt: Vnicum esse
tantum spiritum Dei, qui sit ac viuat in omnibus creaturis. Ita in nihilum redi-
gunt tum humanæ animæ, tum angelicæ naturæ essentiã. Tamet si refellendi istius
erroris causa nihil proferrem, atque obmutescerem omnino: nemo tamen sani iudicij
vir, tantam absurditatem nõ abhorreret. Verùm quanta abominatio sub ea lateat,
quid è diuerso doceat Scriptura, demonstrandum est. Olim quidem inter veteres
Philosophos nonnulli fuerunt adeò fanatici, ut imaginarentur vnicum tantum spi-
ritum esse vbique diffusum, omniãque animantia motu & sensu prædita, eius esse
partes, quæ ab ipso profiscerentur, & ad ipsum tandem redirent. Sed quia ratio
& experientia, repugnant, nemo vnquam moderati ingenij vir (de philosophis
ethnicis loquor) tantam dementiam non improbauit. Superius sectas quasdam nomi-
naui, quæ olim Ecclesiam Christianam perturbauunt delirio non omnino simi-
li, sed tamen multum affini. Nempe, aiebant animas ac cælestes spiritus ex pro-
pria Dei substantia constare, ut ardens carbo ex igne assumitur. Libertini verò,
ut omnes Hæreticos qui vnquam fuerunt, impudentia superent, ad veterem istam
ethnicorum imaginationem redierunt: Vnicum esse spiritum diffusum vbique.
Absurda multa, quæ inde sequuntur, hîc minimè tractabimus. Ea enim in suum lo-
cum differo. Nunc tantum essentiæ quæstionem attingam. Cum igitur vnicum
tantum spiritum statuunt, fingunt Angelos nihil aliud, quàm inspirationes aut
motus, no creaturas essentiã præditas esse. Animarum nostrarum loco aiunt Deum
viuere in nobis, vegetare corpora nostra, nos sustinere, atque omnes vitales actio-
nes efficere. Præter alios autem prætextus, de quibus postea loquemur, hoc prin-
cipium sumunt: nos non solum Scriptura, verum etiam natura doceri, spiritum æ-
ternum Dei, fontem atque originem rerum omnium esse. Quod ipsis libenter con-
cedimus. Sed non inde sequitur, ipsum creaturis, ut essent ac subsisterent, non dedis-
se. Hæc enim valde diuersa sunt: creaturas omnes à Deo proficisci, & quod à Deo
creatum

creatū est, ipsum esse Deum. In ipso sumus, inquit Paulus, ac viuimus. Vnde meritò genus ipsius nominamur. Verum id quidem: sed non significat, Deum esse naturam illam spiritualement, quæ habitat in homine. In ipso quidem subsistimus: quòd fundamentum nostrum in nobis minimè situm sit. Sed inter opus & authorem ipsum, magna est differentia. Nunc ab angelorum tractatu supersedebo. Quale verò id est, negare hominis animam veram substantiam ac creatam esse? Nōne horrendum, hoc inter eos qui se Christianos vocant, in dubiū reuocari? Veruntamen cū sic acciderit, bellas ipsorū rationes audiamus. Vnicus est tantum Deus, qui verè sit. Fateor: sed non propterea desinimus in eo subsistere: quemadmodum nos semel creauit ea conditione, nosque virtute sua tuetur. Paulus, inquit, vocat Deum solum immortalem. Mihi verò bene conuenit cum Paulo. Sed intelligit Deum solum ex se ipso, & propria natura hoc priuilegium habere, ita ut sit immortalitatis origo. Quod autem ex se habet, hoc per gratiam suam communicat animis nostris, postquam eas ad imaginem suam formauit. En validissimæ argumentationes ad confundenda omnia: ut Deus fiat creatura, & anima humana in nihilum redigatur. Si diabolica ista opinio coarguenda est, tam aperta sunt rationes, ut testimonij Scripturæ armari minimè necesse sit. Anima humana ignorantie obnoxia est: Hoc Deo competere non potest. Affectionibus obnoxia est: Hoc nihilo magis Deo conuenit. Quid verò de inconstantia & mutabilitate dicemus? quid de imbecillitate eius atque fragilitate? quid tandem de peccato? Sophisticis profectò euasionibus suis, nihil proficient, dum inquit opinionem tantummodo esse in homine, non Spiritum Dei. Accedat enim Quintinus ipse, aut alius apostata ex eius cohorte. Audebūtne iactare se omnia & scire, & posse? Id quidem asseret, sat scio, suo illo incognito idiomate. Verum hoc non admitto: ut Deus omnia sciat in cælo, idem autem ipse, cū in homine est, aliquid ignoret. Porro, talis eorum imaginatio est, Deum à se ipso diuersum esse: quòd alius omnino in hoc mundo quàm in cælo sit. Nōne multo me otio abundare oporteret, si profligandis hisce monstris diutius insisterem? Quamobrem ne frustra tempus in eo consumam, mihi sat erit digito cōmonstrasse. Cæterum, doctrina Scripturæ simplex & aperta est, Deum formas se animas nostras ad similitudinem suam: quæ sic in corporibus nostris habitant, ut cū inde excedunt, vnaquaque ad eum locum redeat, quem sibi ipsa in hoc mundo præparauit: alia in quietem & consolationem: alia in angustias & tormenta inferorum. Verum de hoc ita abundè tractaui scribens aduersus Anabaptistas, ut amplius verba facere superuacaneum sit.

Act. 17.

1. Tim. 1.

QV ID LIBERTINI CENSEANT DE

Diabolo, mundo, & homine à secula sua alieno. E contrario verò, quid sentiendum sit.

Cap. XII.

Quæret igitur hīc aliquis, quæ sit eorum opinio de Diabolo. Respondeo, ipsos Deum nominare, & de eo loqui, sed suo more & sensu. Diabolum enim, mundum, & peccatum accipiunt pro imaginatione, quæ nihil est. Talemque hominem esse aiunt, quoad sit in ipsorum secula reformatus. Ideo hæc omnia vno verbo comprehendunt, nempe, opinionem. Quo significare volunt imaginationes tantum friuolas & inanes concipi, cū aliquid de diabolo aut peccato opinamur. Nec

solum de Diabolo loquuntur vt de Angelis, censentes ipsos esse inspirationes essentia vacuas: sed aiunt vanas esse cogitationes, quæ, veluti somnia, obliuione obruendæ sunt. Quod ad peccatum attinet, non solum aiunt boni priuationem esse: sed est illis opinatio, quæ euanescit & aboletur, cum nulla habetur eius ratio. Denique sic de eo loquuntur, vt Paulus de idolis. Cum enim ait idolum nihil esse, intelligit id solum in apprehensione imperitorum hominum, citra rationem aut fundamentum situm esse: idemque nullo loco habendum. Sic isti eò tendentes, vt tollant discrimen boni & mali, docent non esse amplius in hærendum opinionationi, cum abolitum sit peccatū: stultūque esse, ac si aliquid foret, de eo amplius laborare. Similiter hominem componunt ex corpore ipsius, & opinionatione: inquentes hominem naturalem animam habere diaboli & mundi participem: idemque veluti fumum prætereuntem esse, minimèque permanere. Nunc ad puram Scripturæ doctrinam veniamus. Docet enim Diabolos Spiritus malignos esse, qui nobiscum assidue bellum gerunt, vt nos in exitium ducant. Et quemadmodum æternæ damnationi destinati sunt, sic nobis in idem exitium pertrahendus semper intentos esse. Item esse instrumenta iræ Dei, quæ ipsius vindictam exequuntur, incredulos & rebelles puniunt, nos excæcant, & miram exercent tyrannidem, vt ad omne flagitium incitent. His omnibus referta est Scriptura: suntque adeo vulgata testimonia, vt ea necesse non sit adducere. Nisi igitur Scripturam abicere velimus, res ipsa per se omnino satis aperta est. Verum hic astutiam Sathana animaduertere oportet. Nihil est, quod magis cupiat, quàm vt nos ex improviso adoriri & intercipere possit. Quam verò meliorem rationem inire potest, quàm vt nobis sic imponat, vt putemus ipsum nusquam esse, ne quis ab eo sibi caueat? Quobrem, videmus quāto sit odio habenda hæc doctrina: non solum quod aduersetur veritati, sed quod perniciosissima sit omnium, quæ vnquam excogitari possunt: eoque tendat, vt miseras animas diripiendis, veluti prædam, diabolo exponat, suadendo nullo nos hoste inuadi aut oppugnari, cum simus veluti oves in medio luporum, vel, vt Scriptura eos nominat, leonum rugientium. Mundi nomen, in Scripturis variè accipitur. Sed cum sumitur in malam partem, significat corruptionem, quæ propter peccatum est in genere humano. Vnde manant vitia omnia, quæ ab hominibus admittuntur: ambitio, auaritia, odium, detractio, heluatio, superbia, fornicatio, arrogātia, & omnium malorum fons, incredulitas. Porro omnes vitiosæ naturæ nostræ cupiditates, & omnem perversitatem, quæ ubique terrarū est, sub hoc opinionationis verbo sepelire, nonne idem est, ac si flatu mare vniuersum absorbere vellent? Sed quemadmodum diabolorum memoriā delere nituntur, ne amplius præcauendi causa vigilemus, sic obliuione obrui volunt quicquid tradit Scriptura, de armis & instrumentis, quibus ab hoc hoste inuadimur: non vt destruantur, sed ne vlla de ijs in mentem veniat cogitatio, quoad lethaliter percussi simus, & vulnus receperimus, quod nulla curatione sanari possit. Idem faciunt de peccato. Quid quæso aliud est peccatum vocare opinionationem, nisi larua ipsum tegere, ne amplius perspici possit, quicquid mali inferat? Vrget adeo Scriptura vt moniti simus, quā pestilens venenū sit peccatum: atque hortatur vt ei fortiter omnique studio & diligentia obistamus. Tam diligenter ostendit qualis sit eius natura, quæ radix, quales fructus inde nascantur. Nec immerito. Est enim perquā necessarium. Hinc perspici potest, quo spiritu miseri isti aguntur: dum hæc doctrinam adeo necessariam non solum obscurare, sed in nihilum omni-

Ioan. 8.

no redigere volunt. Quòd ad hominem spectat, Scriptura docet animam ipsius, ex quo auersus est à Deo, ignorantia & vanitatis plenam esse, perversitate & rebellionem in Deum refertam, malo deditam, victam atque oppressam infirmitate. Neque tamen propterea desinit eam vocare creaturam Dei, habentem in se conditiones naturales, quibus prædita est à Deo: nisi quòd omnia per peccatum corrupta & deprauata sunt. Quamobrem ex Scripturæ sententia, anima est substantia spiritalis, sensu & ratione prædita, quibus intelligat & diiudicet: prædita etiam voluntate, qua deligat atque expetat ea ad quæ fertur suo motu. Nos quidem postea monet Scriptura, perversam in nobis esse intelligentiam propter peccatum, ita ut cæci simus: voluntatem etiam malam esse, ut nihil nisi iniquum ab ea manare possit. Sed non ideo anima desinit in essentia sua permanere, ac retinere quod naturaliter, & iuxta ordinem à Deo constitutum, non potest ab ipsa separari. Nonne igitur nimis impudenter resistunt veritati, qui animam, imaginationem esse fingunt, præterquam quòd hominem adducunt ad ignorationem sui, ut nulla amplius anime sue sollicitudine tangatur, quam Dominus toti terrarum orbi, à nobis præferri voluit? Matt. 16.

DE OPINIONE LIBERTINORVM

qua sentiunt vnicum Spiritum immortalem omnia
efficere. Quæ pestis lateat sub hac sententia.

Cap. XIII.

POSTEAQUAM vnicum Spiritum suo arbitratu finxerunt, destructis atque abolitis tum Angelorum, tum diabolorum, tum etiam animarum naturis: aiunt solum hunc Spiritum efficere omnia: non ut id significent, quod docet Scriptura, de eo loquens, Eph. 1. omnes creaturas, ut in eo subsistunt sic ab ipso gubernari, eius providentiæ subditas esse, atque singulas in ordine suo servire ipsius voluntati: sed quicquid in mundo fit, opus ipsius directio cõsendum esse. Ita nullam homini voluntatem tribuunt, ac si esset lapis: atque omne boni & mali discrimen tollunt: quòd nihil eorum iudicio perperam agi possit, cum Deus sit author omnium. Ut autem res apertius declararetur, exemplum aliquod sermocinationis eorum adducam. Cum aliquando porcus ille Quintinus fortè in locum venisset, ubi quidam interfectus iacebat, atque illic adesset aliquis vir pius, qui præ horrore diceret, Hei mi: Quis hoc scelus admisit? statim ille Picardico sermone suo respondit: Ego, si scire vis, admisit. Tum alter veluti attonitus. Tunc, inquit, adeò scelestus es? Excepit Quintinus. Is non sum, sed Deus. Quòd, inquit alter, suntne imputanda Deo crimina, quæ puniri iuber? Tum putidus iste venenum suum magis euomere cœpit, inquiens: Ita res habet: tu ipse admisisti, ego admisisti, Deus admisit. Quod enim ego aut tu facimus, Deus efficit. Quod etiam Deus facit, ipsi facimus. Nam in nobis est. Hoc concessio, imputandum esset Deo peccatum: aut concludendum nullum in mundo peccatum fieri, cum nihil sit quod non fiat à Deo. Sic omne boni & mali discrimen tollitur. Vnde sequetur, nobis non licere aliquid, ut malum, vituperare, cum omnia sint opera Dei: licebitque hominibus veluti laxis habentibus quicquid in mentem venerit, peragere: non solum quia sumus extra periculum peccandi, sed etiam quòd desiderium aliquod cohibere, sit impedire Deum. Exempli gratia. Scortatus est aliquis? Vituperandus non est. Nam Deo irrogaretur blasphemia. Concupiuit uxorem vicini sui quispiam? Ea potiatur, si potest. Certò enim scit, se nihil à voluntate Dei alienum facere.

Quòd ad fortunas attinet: Qui eas arripere poterit aut vi, aut subtili aliqua ratione, audaciter id faciat. Nihil enim suscipiet quod non probetur à Deo. Qui rapuit omnia quæ potuit, ne multum de ijs restituendis laboret. Neque enim conveniens est, ut Deus corrigatur. Postea quidam præclaras istas speculationes in commodum suum vertunt. Nam quicquid sit, nec se attingi volunt, nec Deum quem imaginantur, quicquam agere quod eis nocumento esse possit. Si quis autem detrimentum in se, aut bonorum iacturam tulit, vident, eaque omnia optima esse aiunt: eos etiam litigare cum Deo, qui sceleris authores accusant. Sed si vel minimus eorum digitus attingatur, bellarum istarum rationum obliui, statim in bilem prorumpunt, nec ulli stomachantur vehementius. Historiam iucundam hic narrabo, qua ostendam quid eis, cum maximè necesse est, prosint hæc de liria. Lutetia quidam cerdo, huius seclæ veneno sic imbutus erat, ut iam nihil malum esse iudicaret. Accidit ut cum is aliquando Stephanum à Fabrica inuiseret, cum quo aliquid usus habebat, eumque moestum reperisset propter famulum, qui eo derelicto pecuniam aliquam secum abstulerat. Præcipua verò tristitiæ causa erat, quòd verebatur ne alicubi abuteretur, apud negotiatores, ipsius nomine. Cerdo ille rogavit, quid cum malè haberet. Ille tribus verbis respondit, ut erat vir paucorum verborum. Statim cerdo sese attollens, quasi expansis alis supranubes volaturus, Stephanum reprehendit, quasi blasphemantem Deum, quid eius opus nequitiam vocaret: cumque Deus faceret omnia, nihil censendum esse malum. Stephanus sciens se nihil ratiocinando cum illo profecturum, vno verbo sermonem eius abrupit. Aliquot postea diebus accidit, Dei voluntate, ut huic philosophastro cerdoni famulus quidam furtum faceret. Ille quasi furore correptus hac & illac discurrens, aliquid de famulo audire satagebat. Cum non reperiret hominem, ad Stephani domum accessit, ut conquerendo ac eiulando animum allenaret suum. Iam cœperat conuitiorum acervos in furem illum tætare, atque ulterius progressurus erat, cum Stephanus sic eius sermones interrupit. Quid? Siccine, ait, blasphemandum est? An possumus accusare Deum? Si ipse hoc fecerit, potius laudandus est. Phanaticus ille suis verbis, quibus antea usus erat, vitæ, & pudore suffusus abiit. nec tamen propterea resipuit. Hoc exemplo docemur, quomodo Dominus insanos istos experientia ipsa confundat: neque tamen hoc eis proficit, quominus pertinaciter inhereant dementiæ suæ: possidentur enim à diabolo, qui non sinit ea quæ oculis eorum obiecta sunt, cernere. Notandum est ex hoc articulo, tria admodum execranda consequi. Quorum primum est, hoc concessio, nullum inter Deum & Diabolum discrimen fore: ut etiam, re vera, Deus quem nobis fabricant, idolum est diabolis ipsis deterius. Alterum, quòd homines nulla amplius ad vitandum malum conscientia movebuntur: sed beluæ, nullo rerum habito discrimine, sequentur appetitum suum. Tertium, quòd nemo iam audebit de re aliqua iudicare, sed omnia probanda erunt: scortationes, homicidia, furta, & crimina omnium flagitiosissima pro laudandis facinoribus habenda erunt. Ut hic articulus melius expediat, de his tribus ordine tractandum erit, quæ consequentia esse ostendi: eaque, dirutis fundamentis quibus abutuntur, refutanda.

Quo-

QUOMODO CONSIDERANDA SIT

providentia Dei, qua efficit omnia : quomodo Libertini de ea loquentes, omnia confundunt . Quæ prima est superioris articuli consequentia.

Cap. XIII.

NON negamus ipsi, quin omnia fiant Dei voluntate. Atque ad id cum declaramus cur dicatur omnipotens, potestatem in omnibus creaturis efficacem ei Gen. 43.

tribuimus: atque docemus, ut semel creauit orbem vniuersum, sic etiam ipsum regere, manumque operi semper admotam habere, ut omnia in statu suo conseruet, & arbitrio suo disponat. Ut facilius exprimam quid hoc sibi velit: aio, nobis considerandum esse, Deum, in vniuersi administratione, tribus modis operari. T vniuersalis Est enim primum vniuersalis operatio, qua dirigit omnes creaturas iuxta conditionem & proprietatem, quam singulis, dum eas formaret, dedit. Hæc gubernatio nihil aliud est, quam quod ordinem naturæ vocamus. Nam cum infideles nihil aliud in dispositione mundi agnoscant, quam quod oculis intuentur, idcircoque naturam veluti deam constituunt, quæ omnibus præsit ac dominetur: hæc Dei voluntati laus tribuenda est, quod ipsa sola moderatur ac regit omnia. Quocirca cum solem, lunam, stellas, cursum suum conficere videmus, existimemus ipsa obedire Deo, ipsius iussa exequi: neque id tantum, sed Dei quoque manu gubernari, fieri, & omnia eius virtute. Sic cum rerum terrenarum cursum cernimus, tribuenda Deo omnia: creaturæ verò censendæ, veluti instrumenta in manu ipsius, quæ quomodocunque libuerit, operi applicet. Vniuersalem istam providentiam sæpe attingit Scriptura, ut discamus gloriam tribuere Deo, in omnibus operibus suis. Ac præcipue hanc suam virtutem nobis Deus commendat, ut eam in nobis agnoscamus, quod exuamur arrogantia, quæ statim in nobis exurgere solet, simulatque nos in ipsius manu esse obliuiscimur. Huc pertinet quod Athenis dicebat Paulus: Ipse est in quo viuimus, Acto. 17. mouemur & sumus. Ise enim admonet, nisi nos sustineat manu sua, vel in minimo temporis momento stare non posse, cum in ipso subsistamus: atque ut anima vim suam per vniuersum corpus effundens, membra agit: sic nos viuificari, à Deo, à quo quicquid est in nobis facultatis aut virium obtinemus. Hæc tamen vniuersalis operatio Dei non prohibet, quominus singula creaturæ tum in cælo, tum interris, qualitatem & naturam suam retineant, propriamque inclinationem sequantur. 11 Alter modus quo Deus operatur in creaturis suis, est, quod eas addicit in obsequium bonitatis suæ, iustitiæ, & iudicij: pro ut nunc seruos suos adiuuare, nunc fontes punire vult, nunc fidelium patientiam probare, aut eos castigare paterino affectu. Sic cum frugum copiam nobis vult largiri, dat pluias suo tempore, calores per solem suum immittit, lucidosque & serenos dies: tum etiam naturalibus alijs medijs utitur, veluti instrumentis benignitatis suæ. Cum verò manum suam adseruocat, cælum fit veluti aneam, terra quasi ferrea. Itaque, is est qui tonitrua, gelu, grandines, tempestates efficit, & sterilitatis causa est. Ideo quicquid Ethnici & ignari tribuunt fortune, nos diuinæ providentiæ assignare debemus: non tantum vniuersæ illi virtuti, de qua locuti sumus, sed ordinationi speciali, qua moderatur omnia, ut maximè expedire ac conducere ipsi videtur. Idque docet, cum ait per prophetas, se tenebras & lucem Iesa. 45. creare, vitam & mortem immittere: nihil boni aut mali accidere, nisi è

manus sua: adeò ut dicat se etiam sortes, & alia quæ fortuita videntur, moderari. **Prou. 16.** Quòd si aliquis fortè occidatur non ex industria, se causam esse mortis illius, atque ita constituisse: ne quicquam fortuito, sed omnia ex consilij ipsius definitione, euenire putemus. Ac vehementer indignatur, cum existimamus quicquam aliunde proficisci, neque in ipsum intuemur, ut eum agnoscamus, non solum ut præcipuam omnium causam, sed etiam ut authorem, hoc vel illo modo omnia consilio suo statuentem. Sic igitur concludamus, tam prospera quàm aduersa, pluias, ventos, grandines, gelu, serenitates, abundantiam, famem, bellum, pacem, opera Dei esse: creaturas autem, quæ inferiores causæ sunt, instrumenta solum esse quæ in usu habet ad exequendam voluntatem suam: id è quod ipsius arbitrio suo uti, quocunque libuerit ea conuertere, eò quæ adducere, ut omnino fiat quod constituerit. Præterea notandum est, ipsum non solum creaturis sensu carentibus hoc modo uti, ut per eas operetur, & exequatur voluntatem suam, sed & hominibus ipsis atque etiam diabolis. Adeò ut & Sathan & iniqui sit exequutores diuinæ voluntatis. Quem admodum Aegyptijs usus est, ad affligendum populum suum: aliquantò post suscitauit Assyrios, aliosque similes, ut eius delicta vindicaret. Diabolovsum esse cernimus, ut Saulem torqueret, ut deciperet Achab, & in omnes iniquos, cum necesse fuit, iudicia sua exerceret: aut è diuerso ad probandam suorum constantiam: cuius rei Iob nobis est exemplum. Quæ cum Libertini audiunt, temerè atque incogitantè irruentes, neque longius spectantes, concludunt, nihil amplius agere creaturas. Sic horribiliter omnia permiscunt. Nec enim tantum coelum cum terra, sed Deum cum Diabolo confundunt. Idque ita accidit, quòd exceptiones duas valde necessarias minimè obseruent. Prior est, Sathanam & iniquos non sic esse instrumenta Dei, quin ipsi etiam suas agant partes. Nec enim imaginari oportet, Deum sic per hominem iniquum ut per lapidem aut truncum operari: sed ut per creaturam rationis participem, secundum naturam, quam ei dedit, qualitatem. Cum igitur dicimus Deum per creaturas operari: id non prohibet, quominus etiam impij sua ex parte operentur. Quod etiam Scriptura apertissimè ostendit. Ut enim pronuntiat **Iesa. 5.** Deum sibilaturum & quasi canturum tuba, ut ad bellum educat infideles: induraturum aut inflammaturum animos: sic narrare non desinit proprium eorum consilium, & quæ fuerint voluntate: atque opus illis adscribit, quod Dei decreto exequuti sunt. Altera exceptio, cuius infelices isti nullam habent rationem, hæc est: magnam esse differentiam inter opus Dei, & opus impij, cum eo Deus vice instrumenti utitur. Impius enim sua auaritia aut ambitione, aut inuidia, aut crudelitate incitatur ad facinus suum, nec alium finem spectat. Ideo ex radice illa, id est, ex animi affectione & fine quem spectat, opus qualitatem sumit, & meritò malum indicatur. Sed Deus respectum omnino contrarium habet: nempe, ut iustitiam suam exercent ad conseruandos bonos: gratia & bonitate sua utatur erga fideles: malè autem meritos castiget. En quo pacto sit inter Deum & homines discernendum, ut hinc in eodem opere iustitiam, bonitatem ac iudicium eius contemplerim: illinc Diaboli & infidelium malitiam. Sumamus autem præclarum & per lucidum speculum in quo ista intueamur. Cum Iobi offertur nuntium tantæ bonorum iacturæ, interitus filiorum, tot calamitatum quæ ipsi acciderunt: agnoscit se visum à Deo, inquiens: Dominus hæc mihi omnia dederat, eadè ipse abstulit. Et sane sic res habebat. Sed interim, nonne sciebat Diabolum eam ipsi cudisse fabam?

in q. agunt
D E O ag.

impj, ex se quæ
agnat.

opus Dei
impj, sine
herunt.

bam. Nonne intellexerat Chaldaeos armenta & pecora sua abegisse? An predato-
 res illos & latrones laudabat? an excusabat Diabolum, quod à Deo afflictio illa
 oriretur? Minimè. Magnam enim esse inter hæc differentiam intelligebat. Itaque
 malum damnans, inquebat: Sit nomen Domini benedictum. Similiter David, cum
 eum Semei persequeretur, dicit se id recipere à Deo: ac videt impium illum esse
 virgam, qua Deus eum castigat: sed Deum laudans, non eò minus postea Semei
 cõdemnat. De hoc autem, adhuc alio in loco tractandũ erit. Hoc nunc tenere suffi-
 ciat: Deum sic per creaturas suas operari, usque uti ad providentiam suam, ut in-
 strumentum quo agit, malum esse non desinat: quodque Sathana & impiorum ho-
 minum maliciam in bonum conuertit, non propterea excusari ipsos aut expiari
 quò minus delinquat, eorumque opera iniqua & damnanda sint: sumunt enim om-
 nia qualitatem à proposito & voluntate authoris. Qui igitur ista non distin-
 gunt, omnia tanquam porci rostro suo euertunt, & horribili confusione pertur-
 bant quæ pulcherrimo sunt ordine constituta. Tales sunt Libertini, qui non tan-
 tum Diabolum cum Deo societate coniungunt: sed etiam in Deum ipsum trans-
 formant: laudabilia eius opera censentes hoc pretextu, quod nihil agat nisi à Deo
 constitutum. Hæc autem hæresis, si antiquis doctoribus fidem habemus, origi-
 nem cepit à Simone Mago. Nos contra obseruare debemus, creaturas in suo gra-
 du opera sua in terris efficere, quæ prout effecta fuerint hoc vel illo fine, sic aut
 bona aut mala existimanda sunt. Interim omnia gubernat ac moderatur Deus, ed-
 que ad rectum finem dirigit: malum in bonum conuertit: aut saltem natura sua bo-
 nitate agens, ex eo, quod malum est, boni aliquid elicit: ita utitur Diabolo, ut se
 cum eo non admisceat, quod aliquid habeat cum ipso commune, vel societate mali
 coniunctus implicetur, vel mali naturam deleat iustitia sua. Sicut enim sol in cada-
 uer radios suos emittens, & corruptionem quandam in eo generans, nihil aut cor-
 rupti, aut impuri ad se trahit: neque efficit puritate sua, quominus cadauer putri-
 dum ac foetidum sit: ita Deus per impios sic operatur, ut iustitia quæ in ipso est, eos
 non iustificet, nec ipse eorum nequitia & corruptione contaminetur. Tertia spe-
 cies operationis diuinæ, in gubernatione fidelium consistit, in quibus uiuit & re-
 gnat per spiritum suum. Quatenus enim corrupti sumus peccato originali, terra
 sicca & sterili persimiles sumus, boni fructus nihil omnino producenti. Nam cor-
 ruptum est iudicium nostrum, voluntas nostra Deo rebellis, ad malum procliuus &
 propensa: denique tota natura nostra vitiosa est. Quod cum ita sit, non solum
 bonis rebus animum appellere non possumus: verum, quod maius est, unica bonæ
 cogitationi concipiende non sumus idonei: sed ut inquit Paulus, si quid idonei su-
 mus, id ab ipso proficisci necesse est. Ideo is est qui operatur in nobis & velle &
 perficere: qui nos illuminat, ut ad sui cognitionem adducat: nos ad se trahit, format
 noua corda in nobis, duritiem nostram emolliens. Idem ipse est qui nobis inspirat
 precandi affectum: vim ac potestatem impertit resistendi omnibus tentationibus
 Sathana: efficitque ut in præceptis suis ambulemus. Sed interim notandum est, nos
 à natura electionem & voluntatem habere. Caterum, quia vtrique peccato de-
 prauata est, Dominus eas reformat, & è malis, bonas facit. Quod igitur ad discer-
 nendum apti sumus, quod volumus, quod hoc vel illud facimus, id naturale donum
 est. Quod verò nihil aliud possumus eligere, expetere aut facere quam ma-
 lum, id ex corruptione peccati est. Quod bene operari cupimus, atque exequendi

2. Reg. 16.

3. Reg. 2.

III

Eze. 36.

Electio

voluntas

Mala

Bona

poteſtate ſumus præditi, id à ſupernaturali gratia proficiſcitur, qua in meliorem vitam ac planè diuinam regenerati ſumus. En igitur quid Deus in filijs ſuis efficiat: Peruerſam nempe eorum naturam delens, eos ſpiritu ſuo dirigit in obſequium ſuæ voluntatis. Temulenti verò iſti, à Deo fieri omnia perſtrepentes, eum mali authorem cõſtituunt. Deinde quaſi immutetur mali natura, cùm ſub hoc nominis Dei velo tegitur, bonum eſſe affirmant. In quo atrocior & ſcleratiore contumelia Deum afficiunt, quàm ſi poteſtatem aut iuſtitiam ipſius aliò transferrent. Cùm enim Deo nihil magis proprium ſit quàm ſua bonitas, ipſum à ſe abnegari oporteret, & in Diabolum tranſmutari, vt malum efficeret, quod ei ab iſtis tribuitur. Ac certè iſtorum Deus idolum eſt, quod nobis execrabilius eſſe debet omnibus Gentium idolis. Verùm ritè ablutas (vt aiunt) manus ſuas putant, cùm reſpondent ſe affirmare omnia bona eſſe, cùm à Deo fiant. Quaſi in ipſorum poteſtate eſſet, nigrum in album commutare. Præclarè ſcilicet defuncti ſunt, ſi poſtquam Deum latronem, furem, ſcortatorem vocauerint, adijciāt nihil omnino his ineſſe mali. Verùm, quis homicidium damnauit, ſcortationem, latrocinia, furta, niſi Deus? Sic eum profeſſo à nobis mendaciũ argui oporteret, vt opera ipſius excuſaremus. At Scriptura, inquit, in vniuerſum pronuntiat Deum omnia efficere in omnibus. Reſpondeo, ipſos perperam & falſò Scripturam ad id accommodare. Cùm enim hac ſententia vtitur Paulus, tantum loquitur de gratijs Spiritus ſancti. Idque locus ipſe, ſatis demonſtrat, in quo admonet Corinthios, vt ijs bene vtantur, cùm ſint dona Dei: quoniam, vt inquit, nemo poteſt vel vnicum verbum in laudem Chriſti efferre, niſi per Spiritum ſanctum loquens, à quo bona omnia proficiſcuntur. Et certè quòd ad bonũ pertinet, id totum perlubèter tribui Deo ſinemus. Malum verò, quòd oſtendit à Deo naſci? Vbi demonſtrabunt Deum furari in fure? in latrone & ſicario interficere innocentes? Itaque hæc tegumenta non tantum non purgāt ipſorum blaſphemias, ſed vehementer adaugent, & duplo grauiores reddunt.

DE ALTERA CONSEQUENTIA,
quæ ex eo ſequitur: Deus efficit omnia: nempe, neminem
amplius ullius rei conſcientia moueri debere.

Cap. XV.

SVperius diximus, ſi Deo tribuantur omnia, vt volunt Libertini, & homo nihil ſagere dicatur, fore vt nullius rei conſcientia moueamur. Nec enim id eſſet cauere à peccato, ſed potius retroagere opus Dei. Nec tantum dico id poſſe ex ſuperiore eorũ ſermone deduci, ne laboremus diſputando, an talis ſit eorum ſenſus necne: ſed id ipſum aio, quod ipſi conſentunt. Atque adeo id præcipuè ſibi proponunt, vt ſopiant conſciētias, quòd omni ſollicitudine vacui homines, quicquid ſeſe offeret, quicquid appetierint, perpetrent. Quaſi Deus fruſtra legẽ ſuam dederit, qua bonũ à malo diſcernatur. Hoc autem ab ipſis quæro, An non in lege declarationẽ diuinæ voluntatis habemus? Ea autem pronuntiauit Deus, ſcortationem, furtum, homicidium, & vt conſequens eſt, auaritiã, odium, inuidiam, ambitionem, cæteraque eiufmodi ſibi diſplicere. Nunc ſi illa ipſi grata eſſe dicantur, nõnne arguitur mendaciũ? Teſtatur Moſes datam eſſe legẽ, vt ſeruire Deo, atque ipſi adhærere, voluntati eius parère diſcamus, ne ipſius iram flagitijs noſtris in nos prouocemus. Infelices

isti hoc moliuntur, ut nobis tales cogitationes excutiant. Et ne quicquam perspicere possimus, hac fascia oculos nostros obligant: nempe, fieri omnia voluntate Dei: propterea quod nihil ipsi displicere, ac si mutabilis esset Deus, sibi que ipse repugnaret: aut esset simulator, affirmans se id odisse ac detestari, quod tamen cupit ac probat. Propter hac, inquit Paulus, venit in infideles ira Dei. Mœrore afficitis Spiritum Dei, inquit Iesaias. Molesti mihi fuistis, inquit Dominus alio in loco. Item, Dominus vehementer iratus est: inflāmata est ira ipsius aduersus Israel. Scio quidem Deū humanis affectionibus minimè obnoxium esse. Sed omnes hæ locutiones significant ab ipso improbari ac damnari malum: atque ideo peccatum, inimicitiarum inter nos & ipsum, causam esse: nec posse nobis, quandiu malè agimus, cum ipso conuenire: expectandam esse potius punitionem ac vindictam, quod iustus sit iudex, à quo nulla potest iniquitas tolerari. Nihil aliud in vniuersa ferè Scriptura legimus, præter istas exhortationes: Time Dominum: Vide ne ipsum offendas: Cave tibi à malo. Insani verò isti contrà vociferantur, stultum esse vereri, ne ipsum offendamus, cum nihil agamus aut boni aut mali, sed omnia in nobis efficiat. Paulus admonet Gentes ipsas, & doctrina & Scripturis carentes, legem habere impressam cordibus suis: nempe conscientiam, qua sese coram Deo vel accusant vel defendunt. Eam malè feriati isti homines delere cupiunt, negantes quicquam esse, cuius nos accusemus: cum omnia fiant à Deo. Quæ eos puderet Scripturas euertere, cum tantum audeant, ut persuasionem naturaliter animis nostris infixam atque insculptam à Deo, euellere non dubitent? Si nostri excusandi causa ignorantiam allegare velimus, ad cōscientiam nostram nos Deus amandat, quæ abundè aduersum nos testificari potest. Phrenetici verò isti, hoc testimonio suppresso, aiunt Deum oportere prius se ipsum accusare, si aduersum nos accusationem intendere velit, cum in nobis efficiat omnia. Moyses id vocat radicem, fel & absynthium germinantem, cum adulationibus conamur omnem synthesesin sopire, nobisque ita imponere, ut malum putemus ludicrum esse. Ac re vera, quod in vniuerso orbe venenum lethalius aut pestilentius esse potest? Id etiam vocat ebrietatē siti adiungere, ac meritò. naturalis enim affectio nostra, inordinatus est appetitus, & veluti malè agendi sitis. Cum igitur nobis ipsi benedicimus, ut eo loco ait: atque nobis persuademus nos pace potituros quandiu nequiter & perditè viuimus: id perinde est, ac si quis vehementi siti accensus, se se inebriaret vino, ne villo amplius tangeretur sensu, cum potius sitim illam frænare & restringere sobrietate & abstinentia debuisset. Præclarus sanè locus nostri commune faciendi causa: ut intelligamus quid amaritudinis lateat sub melle, quod inauspicati isti homines nobis propinant. Ad hanc nihilominus latebram se perpetuò recipiunt, nihil omnino fieri præter voluntatem Dei. Sed respondeo, quod attinet ad opera quæ nos facimus, considerandam à nobis voluntatem Dei, qualiter eam ipse declarat. Ut, exempli gratia, cum iubet suum cuique seruari: ne, cui damnum aut iniuria inferatur: ibi voluntas eius perspicua est. Quid igitur ei placeat amplius disquiri non oportet. Scimus enim nos, si id facimus, eius voluntati obsequuturos: sin minus, ei minimè gratos fore. Si quis ergo furetur, ac deinde dicat, se nihil admisisse præter voluntatem Dei, mentitur impudenter: cum transgressus sit præceptum Dei, quo de ipsa docebatur. Quæret quispiam, an inuito Deo aliquid fieri possit: Fateor non posse. Sed cauendum omnino, ne de eius providentia, quæ nobis occulta est, inquiramus: cum scia

2. Re. 24.

Rom. 2.

Deut. 29.

Deut. 29.

mus quid à nobis requirat, quid approbet, aut condemnet. Non abs re Solomo af-
Prou. 25. firmat fore, vt is obruatur gloria, qui maiestatem scrutatur. Et certè sic omnino
accidere necesse est, atque hoc modo superborum arrogantiam puniri. Quod in istis
experimur, qui cum supra nubes ascendere velint, vt voluntatem Dei inquirent,
cum reuelationi, quæ de ea in Scripturis habetur acquiescere nolint, in deliria tam
absurda tamque belluina ruunt, vt horribile dictu & auditu sit.

D E T E R T I A C O N S E Q V E N T I A
quam Libertini trahunt ex hac propositione: Deus facit
omnia: nempe, non esse fas quicquam improbare.

Cap. XVI.

Posteaquam sic frenata laxarunt omnibus, vt sinant vnumquemque viuere suo
 arbitratu, hoc pretextu, quod se à Deo regi sinat, ex eodem principio dedu-
 cunt perperam fieri, si de re aliqua iudicetur. Nullam verò aptiorem doctrinam ha-
 bere possunt, qua suis abominationibus aditum patefaciant. Multum enim conse-
 quuti sunt, cum sic obstruxerunt, aut potius confixerunt oculos auditoribus suis,
 vt nemo amplius audeat iudicare, an dicta eorū & facta, bona vel mala sint. At-
 qui, si hoc eis concedimus, quod spectabit hæc Dei sententia, qua maledicit omnibus,
 qui malum bonum esse dixerint? En Deus dira & infauusta omnia nobis denun-
 tiat, si quod malum esse iudicat, pro iusto habeamus. Hi contrà, nihil omnino con-
 demnari patiuntur. Si superiores ipso Deo essent, vt pœnam, quam edicit, possent
 remittere, esset fortasse deliberandi locus. Sed quis volet condemnari à Deo, vt à
 Quintino absoluaatur? Cum articulum istum in medium proferre volunt, hisce ver-
 bis vtuntur: Oportere Christianum omnia in vtilitatem suam conuertere. Nam,
 vt ab initio dixi, nunquam simpliciter & aperte loquuntur, vt quod animo con-
 ceperint, liquidò exprimant: sed obliquis flexibus rem implicant. Libenter qui-
 dem ipsis concedo, Christianum debere quiduis, vt ille ait, reputare in lucro: sed eo
 sensu quo docet Scriptura: nempe, vt aduersis rebus secum reputet, quod Paulus ait:
 Rom. 8. ideo affligi fideles, vt conformentur imagini Christi, sicque afflictiones ipsis adiu-
 mento sint ad salutem consequendam, & eo solatio se sustente. Si fratrem suum
 labi aut errare videat, hoc ei sit vice speculi, quo naturæ humanæ infirmitatem
 cognoscens, maiore in timore ambulet. Quod si ipsi labi contingat, eo moneatur im-
 becillitatis suæ, vt viribus suis diffidat, humilior reddatur, omnemque arrogan-
 tiam ponat: sitque ei veluti stimulus, quo ad Deum ardentioribus votis inuocan-
 dum instigetur. En quomodo Christiani omnia in vtilitatem suam conuertunt:
 non vt sibi placeant in vitijs suis, aut claudant oculos, ne quod malum est animad-
 uertant: sed potius vt mæsti ac tristes, quod Deum tum abs se, tum ab alijs offen-
 di videant, ad pœnitentiam, humilitatem & timorem Dei instruantur, sintque
 solliciti vt sibi in posterum caueant. In hunc modum David ex eo, quod
 admiserat, delicto, fructum collegit: minimè quidem sese iustificans, sed condem-
 natione sui audita, magis ac magis sese confirmans in bonitate Dei, præcauens ne
 de cætero in tantam calamitatem recideret. Eadem etiam ratione Paulus nos mo-
 1. Cor. 10. net, vt ea peccata, quæ filij Israel aduersus Deum admiserunt, in vtilitatem no-
 stram conuertamus: nempe, vt dum punitiones, quæ subsecuta sunt, considera-
 mus, eorum exemplo doceamur. En denique, quorsum Scriptura recitat tum
 fidelium,

fidelium, tum contemptorum Dei peccata: non vt nos cacos reddat; quò nihil cer-
 rò definire aut pronuntiare possimus, atque dubitemus, an quod malum est, bonum
 sit: sed vt mali cognitione percepta, ipsum vitemus. Vt etiam ipsa apertè pronun-
 tiat, quid à nobis de quoque opere censendum sit. Verùm, allegant scriptum esse, ne
 iudicemus. Dominus quidem his verbis vtitur: Nolite iudicare. Sed quorsum? Vt Mat. 7.
 eorum temeritatem reprehendat, qui auctoritatem Dei vsurpant de rebus sibi i-
 gnotis iudicando. Idem argumentum tractatur à Paulo, decimo quarto ad Roma-
 nos: vbi reprehendit eos, qui ob actionem indifferentem fratres condemnant. V-
 num, inquit, iudicem habemus omnes. Et reddenda à nobis est ratio. Ipsius est de
 eiusmodi rebus definire. Ne igitur proximos opinioni nostræ subiiciamus. Præcla-
 ra quidem & utilissima doctrina est: quemadmodum vnicus est Legislatoꝝ spiri-
 tualis, videlicet Deus: sic solum esse ipsum idoneum iudicem animarum nostrarum.
 Interim verò, non ideo minus validum est iudicium, quod iam tulit. Cùm ergo scor-
 rationem, fartum, blasphemiam, ebrietatem, ambitionem, flagitiosa esse vitia iu-
 dicamus, non proferimus ex nobis iudicium, sed quod iam tulit Deus, id approba-
 mus. Verùm, è diuerso impudentes isti canes, fingentes se nolle iudicare, se ipsos
 Deo superiores iudices constituunt. Quæso, si postquam supremus iudex senten-
 tiam tulit, priuatus quispiam diceret, rem in dubio relinquendam, ac si nihil omni-
 no definitum esset, & rem iudicio damnatam pro mala habendam non esse, nonne
 is tanquam factiosus aut seditionis author, graui animaduersione dignus meritiò pu-
 taretur, quia vellet omnem iuris ordinem euertere? Impuri verò isti canes, sub
 hoc prætextu, quòd non esse iudicandum aiunt, suprema summi Dei iudicia, quæ
 toti orbi publicauit, irrita esse volunt: meramque frustrationem esse quicquid
 pronuntiauit. Videmus itaque, sicuti non vsque adeò nobis audendum est, vt ex
 libidine animi nostri iudicia feramus: ita approbanda esse omnia & assensu no-
 stro, veluti rata habenda, quæ Deus iudicauit. Proinde, vt eum bonum & æquum
 esse iudicem testemur, opera iniqua cum ipso condemnemus: atque, vt monet, ar-
 bore bonam aut malam ex fructibus iudicemus. Postea sententiam istam alle-
 gant: Hypocrita, erue prius trabem ex oculo tuo, deinde festucam ex oculo fratris
 tui remoueabis. Verùm, quid ex eo concludere volunt? Hac reprehensio ad hypocri-
 tas pertinet, qui vitia sua occultantes, aliena tantummodo obseruant. Veluti cùm
 ijs, qui adulteram accusabant, dixit: Qui vestrum peccato caret, primus in eam la-
 pidem coniiciat. Non ideo vetat puniri sceleratos: sed tantum admonet, vt cùm re-
 prehendimus alios, initium faciamus à nobis ipsis: cùm eos, qui deliquerunt, cor-
 rigimus, vacemus his criminibus, ob quæ animaduertimus in ipsos: vt ostendamus
 nos vero iustitiæ zelo duci: malum tam in nobis, quàm in alijs odisse, sine vlla ac-
 ceptione personarum. Sed permagna inter ista duo differentia est: nihil per hy-
 pocrisin iudicare, vel non iudicare omnino. Iubet Dominus, vt ex veritate iudi-
 cemur: ne magis aduersus proximos, quàm aduersus nos ipsos seueri simus. Canes ve-
 rò isti, hoc colore, iudicium omne, quantumvis rationi consentaneum, excludi atque
 aboleri volunt. Quanquam si hypocrita sese adulans, alium reprehenderit, non se-
 quitur eum, qui deliquit, propterea excusari: semper enim malum dammandum
 est. Sed hoc hypocritæ vitium est, quòd non eadem se metitur regula: & fa-
 cile sibi ignoscens, summo iure vtitur in alios. Verùm, vt initio dixi, non frustra
 ganeones isti hoc assequi nituntur. Præclarum enim sibi ingressum patefacerent,

Matt. 11.

Matt. 7.

Leuit. 19.

si persuaderent mundo, nihil omnino improbandum esse, Caterum, astutiam Sathanae hoc loco observare, & quem in finem spectet, optimum est. Nam præterquam quod proximorum delicta, & castigationes quibus Deus ea punit, satis nos monere debent, ne iram ipsius aduersum nos prouocemus: aliud etiam à nobis requiritur; nempe, animos nostros dolore affici oportere, quod Deus offenditur, quod anima peccatoris in exitium ruit. Tanto nos honoris Dei zelo flagrare decet, ut cum leditur, premamur dolorum angustijs, quibus animus noster aduratur. Tam propensa animi affectione proximos nostros prosequi debemus, ut cum imminere ipsis, præcipueque eorum animus exitium videmus, misericordia commoueamur. Sathan verò per nebulones istos vellet homines stupidos reddere, ut quancunque viderimus confusionem, nulla omnino cura tangamur, nec vlllo modo afficiamur, si nomen Dei blasphemijs proscindi cernamus, sacrosancta eius præcepta violari, perdi animas, grassari omnia scelera & flagitia. Ut re vera isti subfannatores, quicquid acciderit, rident, nulla cura tanguntur, ne fortè eos enecet atra bilis, nisi cum aliquid minus ipsis gratum admittitur: tunc enim lepidas has omnes speculationes de non inducendo obliti, ceteris longè acriores & rigidiores fiunt. Atque etiam eos à quibus nutriuntur clam irrident, & linguam post ipsorum terga exerunt. Omnis enim eorum oblectatio & studium in eo est, ut quieti & securi genium suum bene & hilariter accipiant. Audierunt scilicet hanc Solomonis sententiam: Tristi spiritu ossa deficcari. Ita ne macie deterantur, hanc inuenerunt viam, suauiter & placide deliciandi, excussa omni sollicitudine, videlicet ea omnia probando, quibus filios Dei angi, & animo torqueri necesse est: ne vllam amplius mæstitiæ causam haberent. En quomodo in malis rebus, peræque ac in bonis, sese oblectantes, omnia in vtilitatem suam conuertunt. Paulus verò ait, hunc nequitiae cumulum esse, cum quis non solum admittit mala, sed etiam eis cum oblectatione assenitur. Quamobrem, si fides Paulo adhibenda est, istos pro deploratissimis omnium hominum habeamus: qui non eo contenti, quod indormiant malis suis, eò nequitiae prouerpunt, ut etiam aliorum vitijs applaudant,

Prōu. 17.

Rom. 1.

QUALIS SIT CHRISTVS LIBERTINORUM, & quomodo ipsum pro redemptore suo agnoscunt. Cap. XVII.

POSTquam ad libidinem suam Deum sibi fabricarunt, qui sit veluti elegans pictura, sub qua omnes eorum abominationes tegantur, in eadem etiam proplasticè Christum fingunt, qui non tantum idolum sit erectum aduersus Filium Dei, sed veluti sordium omnium saccus, aut cloaca, in quam faeces omnes recipiantur. Primum eum componunt ex Spiritu Dei, qui in nobis omnibus est, & ex eo quod opinionationem, aut mundum vocant. En monstrum quod nobis imaginantur eius loco, qui cum solus sit verus & naturalis Filius Dei, eiusdem essentia cum Patre, naturam nostram assumpsit, ut fraternam coniunctionem nobiscum haberet. Ne verò quisquam existimet me falsò ipsos criminari: duo Valentiana extremo supplicio affecti sunt, quod dicerent Christum non obijisse in cruce, sed tantum opinionationem. Nonne præclarum hoc est principium, quo Christus fiat veluti phantasma, in quo nihil cognoscatur? Cum de officio eius agitur, & gratia, quam per ipsum obtinuimus, multò adhuc deteriora promunt. In eo enim constituunt redemptionem

prionem nostram, quòd Christus solùm velut typus fuit, in quo contempleretur ea, quæ ad salutem nostram requirit Scriptura. Utuntur quidem præclaris sententijs, perinde ac si virtutem eius vellent extollere, ut turpitudinem doctrinæ suæ tegant. Sed eòredit omnis eorum oratio: quod Christus fecit & passus est, tantum comædiam aut histrionicam actionem fuisse in theatro exhibitam, qua mysterium salutis nostræ nobis figuretur. Exempli gratia: Cùm aiunt Christum aboluisse peccatū, sensus eorum est: Christum abolitionem illam in persona sua representasse. Cùm dicunt, victam esse mortem, quia, inquit, Christus personam illius egit, qui eam patiebatur: in resurrectione verò facinus edidit ducis, victoriam ab hoste referentis. Ceterum, ut imaginantur, nemo nostrum nō est Christus: quòdque in ipso factum est, in omnibus effectum dicunt. Nam, ut dixi, Christum fingunt, velut imaginem aut exemplar, in quo figurata sunt ea, quæ ad salutem nostram requiruntur: sed interim imaginantur, quod in ipso factū est, in nobis quoque factum fuisse. Hinc fit, ut Quintinus excādescat, quoties rogatur ut valeat. Quomodo, inquit, an Christus male habere potest? Adeoq; hoc modo exponunt verba, quæ Christus moriens pronuntiavit: Consummatum est. Cùm enim simus Christus, id quod perfectum in nobis fuit, iterandum non est. Itaque Christus ipsis idolum est, quo excacantur: ut sibi falsò persuadeant se omni obligatione erga Deum atque homines solutos esse: atque ita solutos, ut nihil in posterum boni agere debeant. A ferendis molestijs, quantum fieri potest, sese subducunt atque eximunt. Cùm alij affliguntur, magnanimi ac fortes, videri volunt: Deum blasphemari aiunt, si quis lamentetur, aut sensum aliquem doloris præferat. Ut aliquando me præsentente Quintinus, homini vehementer egrotanti, propterea quòd solùm id dixisset: Heu, Deus mi, quantos dolores sentio: adiuvā me: obiurgans, respōdit: Ain verò? rectēne hoc dicitur, Christum male habere? nōne dolores ipsius omnes præterierunt? Nōne est in gloria Patris sui? Hucusque tantum progressus es? Sed cùm ipsos exercet Deus, stupent attoniti, quòd homines se esse reperiunt, dissimiles Filio Dei: aut saltem, quòd in se non reperiunt idolum illud, quod sibi in aere fabricarant. Ut Colonia superiore ætate vnus ex hoc grege conquererebatur gemens: An, inquit, me adhuc pati oportet, cùm omnia cōsummata sint? En quid proficiunt, cùm delirij suis naturam rerum transformant. Nec dubium, quin Filius Dei iniuriam vliscatur, quam ipsi inferunt, dum eius nomen sic usurpant, ut peruersissimè abutantur. Nos verò, cùm intelligimus nomen Christi tam nequiter profanari ab ipsis, ut eorum abominationibus seruiat, ne commoveamur, illud eorum ore pronuntiari audientes, nisi ut tantum sacrilegium eò magis execremur.

QVA SIGNIFICATIONE LIBERTINI VERBUM Regenerationis accipiant: & è diuerso, quid iuxta Scripturæ veritatem significet.

Cap. XVIIII.

Atentur quidem nobiscum, nos Dei filios esse non posse, nisi renati simus. Ac prima quidem facie idem nobiscum sentire videri possunt, si tantum verba spectemur. Magnifici enim & splendidus admodum verbis utuntur, ut regenerationem extollant. Et verò, cùm in ipsorum ore verba ista resonari audimus: si Dei sumus, veterem hominem in nobis crucifigi oportere: veterem Adamum interire:

mortificari carnem nostram: mundum destrui, ne peccatum in nobis regnet amplius: quis non falleretur? Est enim pura Scripturæ doctrina, & præcipuum vitæ Christianæ caput: adeò, ut in his verbis nihil reprehendi possit: neque Angeli ipsi melius loquerentur. Ipse enim Deus nos sic loqui docuit. Sed cum explicandum est, quid per ea significare velint, omnia peruertunt: tum impias & execrabiles blasphemias suas euomere incipiunt: ut non solum omnem timorem Dei & sanctitatem vitæ evertant, verumetiam honestum omne, quod etiam apud gentes semper inuolabile fuit: atque omnibus frana laxant, ut sinant vnumquenque in omni libidinum etiam belluinarum genere volutari. Hoc enim principium sumunt: nempe, regenerationem esse restitutionem innocentiae, in qua Adam, antequam peccasset, constitutus erat. Hunc autem innocentiae statum sic accipiunt: nihil dignoscere, nec inter album, quod aiunt, & nigrum discernere: quia hoc Adæ peccatum fuit, comedere de fructu scientiae boni & mali. Sic ex eorum sententia veterem Adamum mortificare, nihil aliud est, quam nihil discernere, quasi mali cognitione sublata: ac puerorum more naturalem sensum atque inclinationem sequi. Huic orationi locos Scripturæ accommodant, quibus puerilis simplicitas commendatur. Quasi Spiritus Dei iubens nos pueris infantibus similes esse, non etiam simul adiungat: haudquaquam sensibus, sed mansuetudine, sinceritate, simplicitate eos referre oportere. Quasi verò rursus non moneat, ut crescamus in Christo, donec ad iustam & perfectam aetatem peruenerimus. Quasi non requirat à nobis, ut prudentia spirituali abundemus. Quasi non hortetur, ne temerarij & inconsiderati simus, sed circumspecti, quæ sit voluntas Dei intelligentes. Quis ad conuincendam impiorum istorum impudentiam, qui Scripturas sic deprauare audent, clariores interpretationes desyderet? Ad præcipuum igitur ipsorum axioma redeamus. Si quem videant mali conscientia moueri: O Adam, inquit, adhuc aliquid cernis? Vetulus homo nondum in te crucifixus est? Si quem perspiciant timore iudicij diuini percelli: Adhuc, inquit, pomi gustum habes? Caue ne buccella te ista strangulet. Si qui peccata sua considerans sibi displiceat, ac mœrore afficiatur: peccatum adhuc in ipso regnare aiunt: & sensu carnis suæ captiuum teneri. Ut autem facilius istorum turpitudine innotescat, notandum est, peccatum, mandum, carnem, veterem hominem, nihil aliud esse apud ipsos, quam id quod Opinacionem vocant. Sic, modò ne amplius opinemur, ex eorum sententia non peccamus. Sub hac autem opinacione comprehendunt omnem synteresin, scrupulum, denique sensum omnem iudicij Dei. En præclara regeneratio, quæ ediscitur in eorum schola: ne vlla omnino re amplius animus tangatur: sed ad libidinem nostram sine vlla difficultate viuamus. Qui nullam habent rationem peccati, ipsum pro nihilo ducentes, Nouas creaturas vocant: quòd ab opinacione vacui sint, sicque nullum in se peccatum habeant. En, in quo constituunt beneficium redemptionis per Christum factæ: nempe, quòd opinacionem illam destruxit, quæ Adami culpa in mundum ingressa erat. Cum hæc opinatio abolita est, nullus, ex eorum sententia, superest aut mundus, aut Diabolus. Nullum enim alium, à quo infestentur, inimicum habent. Vnde apparet bene ipsis cum Sathana & potestatibus inferorum, cum eas omnino nihili faciant conuenire. Atqui, Spiritus Dei longè aliter de regeneratione loquitur. Quòd si nos omnino deficeret Scripturæ, sola tamen humana ratio, abundè sufficeret. Rationem intelligo, non

eam quæ stultitiæ damnata est, ob cæcitatem quæ insita est nobis: sed ratione quæ naturaliter animis nostris impressa est à Deo, ut omnis excusatio & ignorantiaæ prætextus infidelibus adimatur. Naturalis igitur ille sensus veluti edictum manu Dei insculptum in nobis, satis ostendit ac dicat sanctam & honestam vitam, quam facientur omnes regenerationis Christianæ fructum esse, non consistere in eo, ut bonum & malum ignoretur: sed potius, ut inter utrumque discerni possit, ut ab omni iniquitate puri & vacui simus, & conscientiaæ testimoniū coram Deo, operum verò coram hominibus habeamus. Hic est naturalis sensus, quem Deus ab initio, ut inquit Paulus, gentibus omnibus dedit. Scriptura verò nos adhuc clari- Rom. 2.
 dit, ut sine discrimine quicquid collibitum fuerit, sequimur. sed contrā, ut vigilan-
 tiores simus, quàm vnquam, & maiore cum prudentia ac sollicitudine, quàm an- 1. Pet. 5.
 tiqua incedamus. Admonet enim Diabolum hostem nostrum perpetuò instare, ac cir-
 cumire, ut prædā ad se aliquam rapiat: adeoque ne nos intercipiat, sine intermis-
 sione vigilandum: eiusque tentationibus assidue obsistendum esse. Similiter bel-
 lum continenter & sine inducijs gerendum aduersus carnem nostram, & vitio-
 sas cupiditates, quibus ad malum incitamur: peccatum habitare in nobis, cui sem-
 per obsistendum. Minimè etiam nos somnolentos reddit, neque eò adducit, ut nul- Prou. 28.
 la amplius culpæ conscientia moueamur: cum dicit, iustum à seipso accusari: &
 fœlicem eum pronuntiat, qui animum suum ad timorem sollicitat, in memoriam
 reducens iudicium Dei, quò sese cohibeat, & ad humilitatem instruatur. Verum,
 ut breuem & perspicuam totius rei definitionem habeamus, talis Scripturæ do-
 ctrina est: regenerationem in pœnitentia consistere. Pœnitentia enim, ut propriè
 loquamur, nihil aliud est, quàm abnegatio nostri: ut simus nouæ creaturæ, & iux-
 ta Dei voluntatem viuamus. Quid autem ista significant, nemini ignotum est:
 an, ut omni sollicitudine abiecta, molliter & delicatè viuamus, rerum nominibus
 immutatis: an, ut vim afferamus animo nostro, eumque ab inclinatione naturali
 in obedientiam Dei reducamus, ac peruersos nostros affectus corrigamus. Verum,
 ne sim prolixior, quod accidere necesse esset, si plenius ista tractare vellem, tan-
 tùm producam aliquot Scripturæ testimonia: sed ad eò perspicua, ut nemo sit tam
 rudis, qui non apertè intueatur, Regenerationis vocabulum, quo impij isti abutun-
 tur, veræ regenerationi ac Christianæ ad eò tam contrarium esse, quàm est igni a-
 qua. Primum enim, pro eo quòd garriunt Christianum debere sese affectioni suæ
 committere, neque amplius peccatum intueri: e contrario, Christianos omnes hor-
 tatur Paulus, ut mortificent terrena membra sua: nempe, ut ipse exponit, prauas
 cupiditates, fornicationem, auaritiam, ambitionem, & eiusmodi. Ut timorem eis
 incutiat, mittit eos ad iudicium Dei: inquiens propterea iram Dei in rebelles
 prouocari. Iubet, ut vetere homine abnegato, de die in diem renouentur. Monet,
 ut sobrietati studeant, sicuti decet filios lucis. Hortatur ne vanis adulationibus de-
 cipi se sinant. Commonefacit, ut in vocatione sua, cum timore & tremore ambu-
 lent. Ipsos non ad immundiciem, sed ad sanctificationem vocatos esse commemo-
 rat. Exhortationes istæ, quibus auocamur à malo, ad bonum verò incitamur, tam
 vulgares sunt in Scripturis, ut nihil magis. Quid verò, ut iam dixi, Dominus A-
 postolos prædicare iussit, nisi pœnitentiam & remissionem peccatorum? Idque
 non vnum tantum diem, aut primo ingressu sed vsque in finem. Idcirco, Paulus

testari volens, se suo munere ritè defunctum esse, ait, se vtrunque tum Iudeos, tum Gentes docere non destitisse. Quamobrem, omnes qui puræ veritati Dei adherere volent, dent operam, ut toto vitæ suæ tempore in eâ pœnitentiæ doctrinâ assidui sint: quæ continet, ut virtute Spiritus Dei & gratia ipsius adiuti, opera carnis mortificemus: ne peccatum regnet in nobis: ut ab ingenio proprio atque animo transformemur, & reducatur in obedientiam Christi: à pollutionibus huius mundi caueamus: quò in vocatione nostra contineamur. Quòd ad innocentiam perfectam attinet, quam isti imaginantur, fingentes hominem regeneratum ab omni peccato purum & immunem esse: atque regenerationē instar Angelici esse status, in quo homo delinquere aut labi non possit: si res ita se haberet, quò pertineret oratio, qua nos Christus precari iussit, ut remittat Deus nobis debita nostra? Id enim ad infideles non pertinet. Sed omnes filij Dei sic iuxta regulam Christi orare debent. Hæc oratio testificationem continet, qua fideles se peccatores esse confitentur. Quisquis eius ordinis esse recusat, à numero filiorum Dei sese excludit. Si exemplum speciale queritur, an ullus inter omnes mortales nominari poterit tam integer, quàm Paulus fuit, aut pietatis tam eximia? Fatetur autem se dum his corporis vinculis constringebatur, assiduè ei belligerandum fuisse adversus peccatum, quod in ipso habitabat: sua autem infirmitate adeò præpeditum, ut bonum quod volebat minimè efficere posset. Atque ad extremum tandem exclamar: Miser ego homo, quis me liberabit de isto corpore mortis? In quo significat, nullam aliam rationem iniri posse, qua in perfectionis statum euehatur, atque eripiat à servitute peccati, quàm si è corpore excedat, in quo captivus, velut in carcere tenebatur. Subannatores isti quidem, quæ illic Paulus tractat, deprauantes, cum reprehenduntur de maleficijs suis, certo prouerbio vtuntur: se illa minimè admisisse, sed asinum. Quanquam id minimè conueniat cum ijs quæ dicunt de perfecto Christianorum statu, ac manifesta sit in eorum sermonibus repugnantia, turpissima tamen & execrabilis blasphemia est, asinum suum, ut à malo sese excusent, instar clypei opponere. Cum enim dicit Paulus: Non ego malum operor, sed peccatum, quod habitat in me: non ideo se iustificare vult, aut iocando vitiorum suorum culpam aliò reijcere: sed tantum ostendere vult, hanc præcipuam esse affectionem suam, ut ad Dei voluntatem omnino conformetur: quòd si aliquid in eo desideretur, non ideo fieri quòd sit malo deditus, sed quòd infirmitate carnis suæ ita rapitur, ut non possit ex animi sententia in solidum Deo servire. Sicuti etiam postea dicit: Qui filij Dei sunt, Spiritu Dei duci debere: ne obsequantur carnis affectibus. Certum est autem, peccatum in filijs Dei habitare, quandiu versantur in hoc mundo, non tamen regnare. Impediuntur quidem, & varijs afficiuntur molestijs à carne sua: sed non ita eam sequuntur, ut vinci se sinant. Idque satis demonstrat Paulus. Posteaquam enim se malo assensum non præbere dixit, non eo minus se infelicem censet, ob captiuitatem, in qua detinetur. Imò verò nobis expressam imaginem status regeneratorum in seipso proponit, atque exhibet: inquiens fidelem hominem veluti in duas partes diuisum esse: nempe, quatenus reformatus est per verbum Dei, assentitur bono: sed quatenus corruptæ naturæ reliquæ adhuc in ipso manēt, repugnantiam sentit eiusmodi, ut ipsius caro, hoc est, ea pars quam nondum reformatam à Deo adhuc in se reliquam habet, ipsum abripiat, & ad contraria impellat. Si queratur, vnde proficiscitur ista repu-

repugnantia, rationem reddit: Quia, inquit, lex spiritualis est: id est, perfectam vitam sanctitatem & conscientiam puram atque integram requirit: nos autem è contrario carnales sumus. Iis igitur, quæ definit, acquiescamus: nempe, fideles omnes, quavdiu hîc degût, legi Dei parere, quatenus per gratiâ eius renouati sunt: verum, secundum carnem, peccato esse obnoxios. Ita Christianorum perfectio, ut tribus verbis absoluiam, in eo sita est, ut sine ulla simulatione puro colendi Dei affectu ducantur: ne sint animo duplices: sed sincera & simplici integritate præditi, ita ut testari possint, se hoc præcipue in votis habere, ut placeant Deo. Interim, ut ait Augustinus, summa eorum perfectio erit, agnoscere imperfectionem suam: atque assidue infirmitates suas coram Deo confiteri. At isti fanatici, quod errorem suum probet, hac Ioannis autoritate niti volunt. Qui natus est ex Deo, non peccat. Hoc quidem ipsis facile concedo, si quis perfecte regeneratus reperiri posset, nullum in eo peccatû fore. Sed in hoc tota versatur difficultas: ut sciamus, an regeneratio vnquam in vltimo mortalium fuerit perfecta. Aio verò nullum ab origine mundi exemplum extitisse. Quare Ioannis verba nihil aliud significant, quàm hominem, quatenus regeneratus est à Deo, non peccare: sed quia id tantum ex parte factum est, quandiu vitam trahimus in hoc mundo, ne imaginemur nos iam ad metam peruenisse, cum adhuc iter faciamus. Obijciat aliquis, supernuacaneum videri, eo sensu Ioannis verba accipi: atque adeò aliam esse Ioannis mentem, ex ipso contextu apparere. Respondeo, Ioannem quidē significare velle, haud amplius in homine regnare peccatû, ex quo regeneratus est. Gratia enim spiritus Dei in eo superior esse debet, ad cohibendum omnino & comprimendum affectiones carnis. Verum hoc interim perpetuò tenendû est: hominē à seruitute peccati eximi iuxta mensurâ gratiæ ab eo acceptæ, quæ vberior alijs, alijs tenuior exhibetur: sed in nullo omnino, quisquis ille sit, plena atque absoluta fuit. Nec profectò Ioannes alio interprete indiget, cum seipsû satis explicet, iubens omnes pro remissione peccatorum orare: inquit, Si quis ita sibi imponat, ut se peccato carere putet, fallitur, vultque medicû Deû arguere. Hæc itaque sufficere debet ad demonstrandâ verâ regenerationē filiorû Dei, qualis sit eorû perfectio in hoc mûdo: & quàm contraria sint infeliciû istorû deliria, ijs quæ de vtroque docet Scripturæ: cum sanctitatē fidelîû constituent in ignorantia belluina, suadentes hunc innocentia statum esse, naturæ appetitum sequi: atque hominem tunc perfectum esse somniantes, cum iudicij Dei oblitus, nullâ amplius boni aut mali rationem habet: sed quicquid ei collibitum fuerit, id bonum esse censet.

DE LIBERTATE CHRISTIANA. QVO-
modo eam accipiant Libertini: qualem è diuerso nobis eam
Scriptura tradat. Cap. XIX.

PRÆCLARA ista renouatione, quam nobis fabricati sunt, constituta, libertatē Christianâ deinceps ita extendunt, ut statuât omnia homini sine exceptione licita esse. Ac certè postquâ homo in belluâ cōuersus est, cur ei belluinû affectû sequi nō licebit? tametsi aut cohibetur aliæ bestia, aut ligatur cathenis, aut includitur. Insani verò isti sic homini fræna laxant, ut nulla re prorsus retineri aut impediri possit, quominus sibi omnia permittat. Primum, cum Scripturæ ostendat nos à legis maledictione exceptos esse, sicque in libertatē vindicatos, ne amplius horribili sententiæ obnoxij simus, quam transgressoribus denuntiat: phrenetici isti sublata omni distinctione, totam legem abolere volunt: inquires, nullam amplius eius habendam esse rationem, propterea quòd in libertatem asserti simus. Hoc adhuc planius & apertius reddam. Duo in lege consideranda sunt. Nempe doctrina,

qua bene viuendi regula est. Ea enim ostendit Dominus quid sibi gratum sit, quidque approbet. Itaque doctrina legis eò spectat, vt nobis viam & rationem ostendat, qua vita nostra ad Dei voluntatem conformetur. Alterum, est rigor: eo quòd maledictionem omnibus denuntiat, qui vel apice in vno lapsi fuerint: neque salutē promittit, præterquā ijs qui omnia præcepta perfectē obseruārint. Quandiur rigori isti locus est, omnes à vitæ spe deijcimus, atque sub condemnatione includimur, quam omnibus denuntiat. Nemo enim omnium mortalium reperietur, qui in ijs quæ requirit, suis de fungatur partibus. Sic omnes in desperationem coniectos cernimus, si lex cum appendicibus suis auctoritatē in nos obtineat. Nā fieri omnino non potest, vt ijs quæ à nobis requirit satisfaciamus: condemnationem autem effugere qui possumus? Nullum igitur aliud supere st remedium, quàm vt ab eiusmodi seruitute in libertatem vindicemur. Manumissionem istam nobis affert Euangelii: cum asserit nos sub lege amplius nō esse. Hic porro nūc contruersia est: quòd phrenetici isti his verbis intelligant legē prorsus abrogatā esse, vt eorū quæ docet, nulla amplius ratio habeatur: sed sinamus eam quiescere, tanquam doctrinam, quæ nulla in re ad nos spectet. Sed longē aliam esse Dei mentem, & Scripturæ sententiam, nemini sano dubium est: nempe doctrinam illam in suo statu permanere, vt nos in rectam viā deducat: tantum sublatam esse maledictionem, ita vt quauis infirmitate labamur, grati Deo esse non desinamus: cultumque quem ipsi exhibemus, quauis imperfectum, nihilominus acceptum habeat: quia culpam, qua rei sumus, nobis remittit. Paulus enim posteaquam in Epistola ad Romanos de libertate Christiana tractauit, ac dixit nos ab eius seruitute liberatos esse: nos nihilominus ad eius doctrinam reducit, docens eam obseruari debere. Quomodo hæc inter se conueniunt: nos amplius sub legis seruitute haudquaquā teneri: doctrinā tamē ipsius ad vitā nostrā dirigendā adhuc esse locū. Perspicuē cernimus, libertatē hanc, maledictionē tantum aut rigore spectare. Idē facit in Epistola ad Galatas. Postquam enim fideles hortatus est, vt libertatem suam tueantur, statim subiicit, ac iubet vt charitatem colant, quòd sit legis plenitudo. Denique nulla extat eius Epistola, in qua non remittat eò fideles, tanquam ad bene viuendi regulam, ad quam omnes conformari decet. Quòd si illa tantum extaret admonitio, qua scribens ad Galatas, præcipit ne abutamur libertate nostrā, aut in effranem carnis licetiam prorumpamus: ea restrictio anteuertere canum istorum impudetiæ sufficere posset, qui iugum omne excutunt: vt sublata omni lege ac regula, quamlibet vitæ degendæ licentiam sibi indulgeant. Simili exhortatione vititur Petrus, cum ait libertatem Christianā quam nobis Christus acquisiuit, nequitia velū esse nō debere. Quomodo verò id fieri potest, nisi cum à rigore legis liberamur, ne per eā amplius corā Deo maledicti simus: ac nihilominus ex eius præscripto instituiamus vitam nostrā? cum bona & salutaris doctrina esse non desinat, quauis illam seueritatem erga nos, quā erga infideles, exercere desierit. En præclarum principium quod statuūt Libertini, in tractādā libertate Christiana. Deinceps Scriptura docet abrogatas esse veteres ceremonias, idēque nos ad earum obseruationē minimē astrictos esse: ac generatim conscientias nostras rebus externis minimē obligari: sed potius omnes nobis esse subditas, ac nullā idcirco posse nobis necessitatē imponi. Vertiginosi verò isti, in vniuersum doctrinam hanc sumunt, ac si ad omnia extenderetur, atque ad ea ipsa quæ Dominus seuerē à nobis exigit, sine quibus nulla potest sanctitas aut honestas vitæ cōsistere. Vt autem hæc facilius declarentur, Scripturæ sentētiās sumam: quas isti, dum eas imaginationibus suis accōmodant, omnino peruertunt. Paulus omnia sibi licere asserit. Quorsum id dicat, nemo mentis suæ compos non perspicit. Id quod etiam circumstantia loci aperit demonstrat: de rebus enim externis agitur: veluti, de carnum esu, quæ idolis sunt consecrata: modò absit superstitio.

Quoniam

Quoniam id indifferens est, Paulus id per se licere fatetur, sed usum eius ad ædificationis normam moderandum esse. Dæmoniacy verò isti, generalem sententiã statuunt: eoque prætextu nihil omnino Christiano homini vetitum esse volunt. Quasi verò Paulus scortari, furari, atque homicidam esse, licere intelligat. Quid verò? Quamvis Scripturam uniuersam, cum eis visum est, irrideant: hic tamen simulant se eius verbis insistere. Qui omnia, inquit, nominat, nihil excludit. Verum materiam, de qua illic agitur, spectare oportuit non euagari extra oleas. Nam de re media illic tractabat Paulus, quæ nec bona per se, nec mala, sed ex consecutione indicanda est. Ostenderat se abstinuisse ab ijs quæ sibi per Deum licebāt, ut omnem offensionem vitaret: rursum patefecerat id magnam offendiculi causam præbere, quod erat in controversia. Ut tandem concludat: ait, non quod nobis licet, spectandum, sed quid expediat, idque in ædificatione fratrum. His autem fera ista bestia inferre volunt sine exceptione, licita esse omnia. Verum, hanc eorū impudentiam ne miremur, cum ad hæc adiungere non vereantur, quæ Paulus antè dixerat. Nonne mihi & Barnabæ potestas est circumducendarum vxorū? 1. Cor. 9. Ad eò, inquam, inuerecundi sunt, ut pro clypeo hanc sententiã obijciant, quò tollant omne discrimen boni & mali. Sed qua de re loquitur Paulus? Haudquaquam de re vetita à Deo: de matrimonio enim agit, quod Deus omnibus hominum ordinibus permittit. Eo se minime usum esse gloriatur: aut saltem quòd in ijs peregrinationibus, quas suscipiebat, non circumduceret vxorem, ne id ipsi impedimento esset. Si id egisset, nihil admisisset mali: verum sponte abstinere, ut quorundam infirmitatē sustineret. Nonne mare vno passu transilire est, sic eam torquere sententiã, ut probent omnia licere homini Christiano, ei quæ nihil prorsus vetitum esse? Hæc exēpla sufficiēt monēdus lectoribus, quàm impudenter canes isti lacerēt Scripturas, ut Diabolica suæ libertati, quæ in mediū proferre conātur, prætextū ex eis aliquem afferant. Sub hoc libertatis tegumento simulationē occultant, qua fingunt se omni impietati & idololatriæ consentire. Homini enim permittunt ante idola genua flectere, candles offerre, peregrinationes ad diuorum templa suscipere, celebrare Missas, denique fingere se assentiri omnibus abominationibus Papisarum: licet eas in animo suo irrideant. Si obijciatur, nos debere glorificare Deum in corporibus nostris, ac coram hominibus Christum confiteri, fidem quæ nostram testari coram mundo, responsionis loco hunc libertatis clypeum solummodo obijciunt. Sed quia in alio tractatu de hac materia abundè scripsi, illuc lectores remittere malo, quàm nunc diutius immorari. Ac profectò sola ista monitio conuincenda istorū impudentia sufficere potest: quòd ad ea pertinet, Quæ Deus iussit aut vetuit, nulla sit immutandi libertas. Neccitas enim inuiolabilis est. Cætera sunt indifferentia, & posita in nostra libertate: sic tamen ut semper in ædificationem illis vri studeamus.

QVID LIBERTINI PER VOCATIONEM

fideliū intelligant: & quomodo sub hoc colore, omnem turpitudinem excusent. Cap. XX.

PAVLVS admonet ut vnusquisque in ea vocatione in qua vocatus est, permaneat. 1. Cor. 7. Vocationis autem nomen, omne genus vitæ ac statū comprehendit, institutum à Deo & fundatum in verbo ipsius. Hoc enim Scriptura nobis præcipue commendatum esse vult: ut sic instituamus vitam nostram, ne pro animi libidine, quodcumque visum fuerit deligamus: sed ea quæ ipse probauit, sequentes, intra verbi ipsius terminos contineamur. Apostoli igitur mens talis est: ut vnusquisque in eo statu, in quo vocatus est, Deo seruiat, eoque sit contentus: ne expetat mutationem, ne irruat in munus alterius, ne inuitus aut perfunctoriè officium faciat: nam de Matrimonij statu & virginitate loquebatur.

Capta occasione etiam loquitur de alijs. Ad id concludit, ut unusquisque in sua conditione sese contineat: si modò vocatio legitima fuerit. Infa lices isti sententiam hanc evertunt: ut probent ac persuadeant omnibus: unumquenque oportere naturalem inclinationem sequi, atque sic agere & vivere ut libebit, aut è re sua esse videbitur. Tamen si proverbiū hoc vulgare sit inter homines, Vlutandū esse cum lupis: qui tamen eo vitūtur, id laudare nō auint tanquam probè factū: sed qualecūque hanc excusationē sumunt, ut culpā suam leuio-rem reddant. Miseri verò isti, non solum iniquitatem excusant, dum fatētur id esse vlulare cum lupis, cum quis sociorū corruptela & contagione ad nequitiam abducitur: verum etiam honorando hoc vocationis titulo, ipsam ornant, quasi nos Deus ad eam vocaret. Sed notandum est, tria prorsus diabolica in hoc articulo contineri. Primum est, quòd nulla sit in orbe viuendi ratio, quam ipsi non probent, tamen si Deus eam verbo suo condemnet. Veluti sacerdotium Papale bonum esse censent. Itaque ex eorum sententia canonicus aut maleficus aliquis (quod vocant) in cœno suo delitescere debet, quæ idolis offeruntur comedere, sacrilegys vesci, Missam canere, & alia peragere eiusmodi. Vocatio enim ipsius est. Monachi in claustris suis, tanquam porci in harena stertere ac saginari debent. Est enim ipso-rum vocatio. Hinc accidit, ut cum aliquando Quintinus solenni cuiusdam Cardinalis Missæ adesset, diceret se gloriam Dei videre. Neque solum hoc prætextu omnia vitæ genera probant, quæ repugnant veritati Scripturarum: sed etiam ea quæ Gentes sensu tantum naturali prædi- & condemnarunt. Leno, inquiunt, fungatur munere suo. fur audacter furetur: est enim consentaneum rationi, ut unusquisque vocationem suam sequatur. Si quis ex aduerso obijciat, tam fœda illa esse, ut natura nos ab eis abhorreere doceat: respondent, hoc solum sufficere, quòd unusquisque in sua vocatione permanere debeat. Iam verò reprehendenda huius blasphemix rationem ostendimus: nempe considerandum quòd nos Deus vocet: & pro vocatione habere, status omnes quos probat, & pro legitimis habet: Omnem vitæ degendæ rationem, cui nullum à voluntate ipsius testimonium datur, non solum incertam & periculosam censere, sed errabundum cursum, tãquam hominis ab itinere suo auersi, & per devia loca vagabundi. Caterum, quæ repugnant verbo Dei, per ipsum reprobanda, ac pro certo inferorū ingressu habenda sunt. Alterum est, quòd abusus & corruptela, quibus omnes vitæ ordines hodie infecti sunt, nihil habent mali. At mundum vniuersum ad eò corruptum ac dissolutum hodie cernimus, ut horrendum sit quantis vitijs turgeant omnia genera vitæ, quæ per se alioqui legitima & bona sunt: non quòd ideò licita esse desinant: sed vitia corrigi oportet. Veluti nobilitas vanitatis plena est, atque immodicæ pompæ, superbix, dissolutionum, insolentix, blasphemiarū, ambitionis. Forum iudiciale fauoribus, auaritia, fraudibus, refertum est, atque ad eò laniena quædam esse videtur. Mercatorum commercia mendacijs, dolis, periurijs, rapinis, deceptionibus, crudelitate scatent. Denique nulla est omnino vitæ conditio, in qua flagitia multa non admittantur. Belli verò isti doctores, inter puram institutionem Dei, & hominum corruptionem distinguere nolunt: sed omnia sub vocationis titulo comprehendere. Ita profectò si huic theologiæ adhibetur fides, culpa vacabūt nobiles insolentes ac proterui, atque etiā profligata libidinis, prostituti ad omne vanitatē & pompā, denique in omni voluptate dissoluti. Sic enim fert eorū vocatio. Quomobrē? Quoniā ita se gerit mūdus. Quasi verò hominū cōsuetudo, Dei iustitiā immutet. Si iudex ius habeat venale, si alterū subleuare velit, quòd alterū oneret: si bonā causam op primat, quòd faueat iniustæ, minimè vituperandus erit. Est enim rationi consentaneū, ut unusquisque vocationis suæ cursum sequatur. Si mercatores monopolijs vniuersum orbem destruant, si merces fucent atque adulterent, si peierent qualibet hora, ut fraudent & circūueniant alios: si quicquid

arripere

arripere poterunt, expilent ac deuorent, obmutescendum est: alioqui Dei vocatio blasphemabitur. Quis, quæso, orationem adeò execrabilem ex hominis ore prodituram existimaret? aut ullum hominem ita mente captum fore, ut ausit res tam absurdas ac turpes in medium proferre? In ijs tamen gloriantur, ac si præclara quædam esset subtilitas. Tertium est, quòd omnis hominum inclinatio, siue à natura siue à mala consuetudine profisciscatur, vocatio Dei est. Veluti, si quis ad ebrietatem sit procliuius, hoc vitium in eo vituperare non licet: ad id enim vocatus est. Si quis ludo sit deditus, tolerandum: non est enim à sua vocatione abducendus. Denique volunt vnumquenque appetitum suum sequi pro regula: & cor hominis quoquò impellat, vocationis suæ magistrum esse. Ex hoc fonte turpissima omnium quæ unquam audita fuere lenocinia sequuta sunt: nempe, tum viris tum mulieribus permittunt se se quibuscunque visum fuerit, copulare. Idque matrimonium spirituale vocant, cum alter altero contentus est. Si quis igitur non oblectetur vxore sua, alias mulieres, quas sibi adiungat, querere potest. Interim, ne vxor destituta sit, ei conditionem meliorem querere, & ubicunque oblata fuerit, eam accipere permittunt. Si quis igitur petat, quid de matrimonijs fiet, quæ indissolubilia esse existimantur, si ea adeò temerè retractare liceat? Aiunt matrimonium etiam solenni ritu initum coram hominibus carnale esse, nisi spiritus ipsi bene conueniant, atque ideò Christianum hominem minimè ad id astrictum esse, sed id solum inter Christianos firmum esse debere, in quo vtrique simul cum altero bene est. Quanquam, neque hæc firmitas perpetua est: nam simulatque adulteram scortatoris sui tadium cœperit, eum subinde commutare potest, si quis alius magis gratus sese offerat. Similiter scortator, hac & illac procandi causa se insinuans, ut nouas vxores spirituales acquirat, & quis repererit assumat. Et adeò impudentes sunt, ut talem turpitudinem te gant vocationis prætextu: quoniam, ut dixi, interpretantur id esse vocationem, animi appetitum sequi. Nunc considerent omnes quid saluum manebit in toto orbe: quid ordinis, quid fidelitatis, quid honesti, quid securitatis amplius erit: si matrimonium, quod sanctissimum omnium fœdus est, & quod fidelius seruari debet, sic potest violari? Matrimonium inquam institutum à Deo: in quo tantam vim positam esse voluit, ut naturales coniunctiones omnes exuperet, adeò ut arctissimo necessitudinis vinculo, quo filius cum patre coniunctus est, præferatur? Matrimonium, quod Christus indissolubile esse pronuntiauit. Matrimonium, quod in nomine Dei consecratum est, sicut in ipsius autoritate fundamentum habet. Matrimonium, quod Solomo diuinum fœdus appellat: quod Paulus comparat vñioni spirituali, qua cum Christo iuncti sumus. Nonne eos à Sathana possideri necesse est, cum tam prodigiose omnia confundunt: & tanquam cælum terræ permiscunt? Quòd aiunt matrimonium illud carnale esse, cum viri animus vxori minimè adhæret, aut maritus vxori parum gratus est: nonne turpissimæ impudentiæ est, promissionem solenni ritu in nomine Dei coram Ecclesia factam sic ridere? Quòd respondent hominem Christianum nulla obligatione constringi: quæro, quo de vinculo loquebatur Dominus, cum aiebat, Quod Deus coniunxit, homo non separet. Neque enim quicquam tunc auditum fuerat de execrando isto matrimonio spirituali. Quæro, quorsum Paulus viros hortatur, ut vxores suas diligant: ac iubet utrosque ad extremum vsque diem vitæ vnâ viuere? Quòd si dissensio aliqua suboriretur, vetat ne vxor nubat alteri. Ediuerfo canes isti matrimonium carnale adeoque nullius momenti esse aiunt, si vxorẽ mariti sui tadium cœperit. Paulus iubet vxorẽ reconciliari viro, si qua lis aut dissensio suborta sit. At scriptum est hominẽ à Deo fuisse conditum: marẽ & feminã creatos esse. Itaque tantum restat, ut diligamus, cum omnes vnũ corpus simus. Quasi frustra diceret Scriptura, duos fore in vna carne. Neq;

enim aut tres aut quatuor nominat, sed duo tantum, inquit: Derelinquet homo patrem & matrem, ut adhaereat uxori suae. Ac si frustra Deus legem suam dedisset, qua vetat uxorem alterius concupiscere. Quasi Dominus absque causa adulteria & scortationes damnaasset. Quasi superuacanea esset Pauli monitio, qua iubet unumquemque uxore sua esse contentum. Quocirca, ut prius ostendi infelicem hanc sectam, licentiam esse latrocinia ac homicidia omnia exercendi in hominum corpora, praedandi, expilandi, diripiendi bona omnium, quasi praeda exposita: sic nunc perspicimus, ea fenestram aperiri commaculandis omnibus thoris ac domibus, atque omnis castitatis à mundo exterminandae.

QUALIS SIT FIDELIVM COMMVNIO iuxta figmentum Libertinorum. Cap. XXI.

IAM vidimus quomodo infelices isti matrimonium profanant, homines cum mulieribus, prout libido ducit, permiscendo, instar beluarum. Quo pacto sub matrimonij spiritualis nomine, beluinam hanc pollutionem tegant: spiritualem motum vocantes furiosum impetum, quo viri taurorum instar, foeminae ut canes coitus appetitu percitae accenduntur. Ut autem nullum ordinem hominibus reliquum faciant, eandem in bona confusionem inducunt: communionem sanctorum esse dicentes, si nemo quicquam possideat tamquam suum: sed unusquisque, vndeunque nancisci poterit, ad se rapiat. In initio nonnulli Anabaptistarum cerebro carentes, sic loquuti sunt: verum, ex quo tanta absurditas ab omnibus repudiata fuit, tanquam humano sensui contraria, adeo ut primarios auctores ipsos puderet: eam isti quasi profugam receperunt, sicuti eorum secta cloaca est aut sentina quaedam, in quam omnes sordes confluunt. Prima quidem fronte speciosum colorem obtendunt, dum conquerruntur de avaritia eorum, qui se Christianos vocant: eò quod omnes adeo auidi sunt lucri, ut maior pars sint similes famelicis bestiis, aut potius sint voragines. Nec profecto dubitandum, quin Dominus permittat & habenas laxet Sathanæ, quod eiusmodi furiosos impellat, qui sic bona omnia praeda contentur exponere: ut ingratitude eorum puniat, qui ipsis abutuntur, id est, uniuersi propemodum orbis. Perspicitur enim ut hodie omnes & summi & infimi accumulandi & rapiendi ad se cupiditate, fornacum instar, accensi atque inflammati sint: quibus etiam artibus & commercijs contentur ditescere. Videmus ut ij qui potiuntur bonis, ea ingurgitant soli, aut inclusa tenent: nec inopum fratrum eos miseret, ut eorum subueniant inopia, & bonorum suorum faciant participes. Nos Dei monitis non auscultamus. Est igitur rationi consentaneum, Diabolum istos inferorum titiones mouere atque exagitare, ut confusionem augeant, quam, Deo admonente, non emendamus. Quare isthinc initium facere necesse est: ut sciamus qualiter nos Deus velit erga opes huius mundi affectos esse: quæ rationes earum acquirendarum licitæ sint: quis eorum usus rectus sit ac legitimus. Primum igitur ac præcipuum est, ne bonorum huius seculi cupiditate ducamur. Si premamur inopia, eam moderate feramus: si verò potiamur bonis, ne ijs animum aut fiduciam adiciamus: ea à nobis abdicare simus parati, quoties Deo libuerit. Siue habeamus ea, siue careamus: tanquam res caducas & fragiles aspernemur, atque solam benedictionem Dei toti mundo præferamus: spirituale Christi regnum quæramus, nec prauis cupiditatibus implicemur. Alterum est, ut ijs, quæ ad victum cultumque necessaria sunt, quærendis operam nauemus: lucrum quod inde proficietur, capiamus tanquam ex manu Dei: neque malis artibus utamur, quod facultates aliorum ad nos trahere possimus: sed bona conscientia seruiamus proximis: fructum laboris nostri, tanquam iustam mercedem, percipiamus: ne vendendo aut emendo mendacis aut fraudibus aut fallacijs

eijus utamur: sed aperte simplicitérque agamus omnia, eadémque fidelitate, quam
 requireremus ab alijs. Postremũ est, ut qui pauca habet, non propterea desinat gra-
 tias agere Deo, & placidè edere panem suum: qui verò abundat, ne per ingluuiem
 aut intemperantiam abutatur: ne per ambitionem aut vanitatem sumptus faciat
 superuacaneos aut pompæ seruientes: sed moderatè utendo, facultates in se à Deo
 collatas, proximis subleuandis & iuuandis impendat: agnoscens se Dei veluti œco-
 nomum esse, ea conditione bona possidentem, ut aliquando rationem reddat, simi-
 litudinem illam perpetuò mente agitans, qua Paulus diuitias cum manna compa-
 rat: nempe, ut is qui magna copia abũdat, id tantũmodo sumat, quod vsus sit: cui ve-
 rò parum est, is ne indigeat. Denique, ut quemadmodum Christus se ipsum nobis de-
 dit, sic beneficia in nos ab ipso collata, proximis communicare studeamus: eoque pa-
 elo opem ferentes ipsis, communicemus eorum inopia. En qua via progrediendum;
 & quis modus tenendus sit. Quoniã verò id minimè facimus, agnoscamus iusta Dei
 vindicta fieri, ut insani isti eo prorumpant ad omnẽ ordinem euertendum, omnẽ-
 que bonorum distinctionem tollendam, dum ex vniuerso orbe, syluam facere mo-
 liuntur latrociniorum plenam: in qua vnusquisque sine pretio, aut nulla fide ha-
 bita, quicquid poterit ad se rapiat. Tot verò sunt testimonia Scripturæ ad fœdam
 istam cõfusionẽ refutãdam, ut nunquã finem essem facturus, si omnia recitare vel-
 lẽ. Hoc contenti simus, haudquaquã iuberi à Domino, ut abijciamus omnia: ut si di-
 uitijs affluimus, eas penitus abdicemus à nobis: sed tantũ moneri, ut ijs bene uta-
 mur. Non vult humanos contractus ciuilemque agendi rationem tolli, ad vsus vitæ
 necessariam: sed tantũ ad æquitatem & veritatem reducit. Superuacuum igitur
 esset, multa ad hæc testimonia allegare, cum ijs adeò abundet Scriptura, ut ea ne-
 mo ignorare possit. Verũ phrenetici isti, ut colore aliquo errorem suum præte-
 xant, id allegant quod monachi solent obtendere, ut statum suum perfectũ & An-
 gelicum esse probent. Nempe, quòd Dominus adolescenti illi quærenti quid age-
 ret, ut vitam æternam adipisceretur, respondit: Vade, inquit, & vende omnia quæ
 habes, & da pauperibus, ac sequere me. Sed facilis est solutio: nec enim Dominus
 illic sententiam vniuersalem omnibũsque conuenientem pronuntiat: sed hominis,
 quem alloquitur, rationem habet. Cum enim se erga Deum officio suo egregiè fun-
 ctum existimaret, omnia legis mandata observando: sicque sibi ipsi per hypocrisis
 imponeret, Dominus morbum, qui ipsum latebat, detegit. Erat enim diues, opibũs-
 que suis animum adiecerat: neque id vitium esse ducebat. Eius igitur scabiem Do-
 minus scalpsit: ut malum ipse suum sentiret, neque iactaret amplius se omnia Dei
 præcepta adimplesse: vnde longissimè aberat. Summæ ergo stupiditatis est, senten-
 tiam hanc, qua probando vnius hominis speciatim animo vsus est, sic torquere, ut
 ex ea vniuersalis doctrina statuatur. Cæterũ, rationi consentaneum est, ut vnus-
 quisque non solum vendere, sed etiam perdere quicquid habet paratus sit, ob hono-
 rem Dei: ut quæ ij, quibus bonorum copia in manu est, nihilominus inopes sint ani-
 mo. Certò autem scimus, venditionem bonorum re ipsa minimè requiri ab ijs, quos
 Dominus instruit ad perfectionem Christianam: ut non possint esse Christiani, nisi
 se bonis omnibus exuerint. Similiter eo niti volunt, quod in Actũ scriptũ est: ne-
 minem discipulorum aliquid suum esse dixisse, sed omnes protulisse bona sua ad
 pedes Apostolorum. Atque adeò eos quibus agri & possessiones erant, ea vendi-
 disse, ut ex pecunia quam redegerant, subuenirent pauperũ inopia. Præclarum cer-

1. Cor. 8.

Acto. 4.

te exemplum, modò rectè accommodetur. Atque utinam talis esset hodie affectio in omnibus qui se Christianos vocant. Vniuscuiusque enim necessitati subueniretur, ac longè meliori ratione distribuerentur bona, quàm hodie fieri solet. At vertiginosi isti, longè aliud imaginantur, quàm quod Lucas docere voluit. Quamobrem ne in hoc delirium incidamus, quo fallantur ipsi, ac mundum perturbant: animaduertamus quam bonorum communionem Lucas significet, dum ait, neminem id quod possidebat, sibi proprium esse dixisse. Est enim forma loquendi linguis omnibus communis: ut cum de homine liberali loquimur, eum nihil sibi proprium habere dicamus: quòd semper aperta sit eius manus ad largiendum ijs qui inopia laborant. Ac maiore quidem ratione, si quis sit amicorum cœtus, tam bene inter se cōuenientium, ut nemo ipsorum, cæteris laborantibus deesse velit: sed unusquisque proximum iuuare sit paratus, meritò dicentur tales homines nihil sibi habere proprij: etiam si interim unusquisque familiam suam regat, bonis suis fruatur, possessionumque ac facultatum administrationem habeat: nec in eundem acerum congesta & confusa sint omnia. Talis erat fidelium congregatio de qua loquitur Lucas. Unusquisque retinebat familia suæ regimen, res suas sibi habebat, & separatim administrabat sua. Verùm, ita se mutuo ac fraterno amore prosequébantur, ut nemo inter ipsos inopia laboraret. Idque, ut iam dixi, dilectionis Christianæ speculum verissimum est: cui ut conformaremur, magno studio nos eniti oporteret. Atque utinam Quintini & eius affecta talem reformationem restituere possent. Minimè quidem ijs obfisterem. Verùm, neque id inquirunt, neque eum sibi proponunt finem. Huc enim tendunt, ut misceant & confundant omnia. Nam in hoc insistent, ut nemo aliquid habeat proprij. Et cum responsionem hanc admittere debuissent, quod postea sequitur, subiiciunt: Omnes scilicet, quibus agri & possessiones erant, ea vendidisse. Itaque, ex eorum sententia nemo Christianus esse potest, nisi qui se omnibus ijs quæ possidet, exuerit. Ad hæc respōdeo, ipsos dupliciter falli. Primum enim, haudquaquam dicit Lucas, omnes bona sua vendidisse: neque eos qui vendebant, nulli re prius excepta, aut sibi reservata, omnia distraxisse. Ne autē videar hanc ipse solutionem confingere quæso, an verissimile est Lucæ duos tantum propositurū fuisse exempli causa, quorum vnus hypocrita fuit, Deo quæ volebat imponere, si omnes vendidissent? Iosem Cyprium nominat, qui bona animi affectione ductus, re vera agrum vendidit. Alter quem nominat, inanis gloriæ studio ducebatur, & partē pretij solum attulit. An credibile est, è sex milibus fidelium, aut eò plus, omnes qui agros & prædia habebant, ipsa vendidisse: Lucam verò vnicum tantum exēpli gratia fuisse nominaturum? Dixi secundo, fideles ipsos, qui eo tempore prædia sua distraxerant, ut fratrum inopia subuenirent, non ita omnia vendidisse, ut nihil sibi reliquum facerent. Retinebant enim domos & familias suas, easque tuebantur & alebant, ijsque bonis, quæ Deus ipsis dederat, utebantur. Id autem satis demonstratur ex eo quod postea adijcitur de Tabitha, foemina singulari charitate prædita, & in pauperes liberalissima. Vnde verò esset largita, si omnia abiicisset? Scriptū est Petrum apud Simonem coriariū diuertisse: quod fieri non poterat, nisi domum & familiam habuisset. Idem postea dicitur de Maria matre Ioannis: nempe Petrum, stupendo miraculo ereptum è carcere, in eius domum venisse. Idem de Lydia. Postquam enim ad Christum conuersa fuit, haud semel Apostolos hospitio recepit: sed etiam ipsi carcere liberati, in eius domum sese recipiunt. Ii autem, de quibus

Acto. 4.

Acto. 9.

Ibidem.

Acto 12.

Acto. 16.

quibus loquor, inter Christianos perfectissimi fuere. Nec tamen inter ipsos confusa fuit bonorum communio. Verum superuacaneum & nimis longum foret, singularia exempla omnia colligere, ut ostendam fideles bona sua inter se communicando, ea non simul coaceruasse. sed quenque apud se retinendo, alijs, quemadmodum res exigebat, distribuisse. Doctrinam enim generalem habemus, cui acquiescere tutius est. Vnum adhuc speciale exemplum producam: deinde concludam iuxta vniuersalem illam doctrinam, seu veram regulam, qua dimetienda sunt omnia. En Philemon, quem Paulus, non abs re, commilitonem suum vocat in opere Domini, & laudat ob fidem ipsius & excellentem charitatem, celebratam ubique, qua erga Deum & omnes sanctos affectus erat. Neque tamen propterea desinit pradia sua ac mobilia possidere: sed etiam seruos & seruas, qui eo tempore mancipia erant. Neque enim tunc mercede conducebantur serui, sed ita possidebantur, ut vel toto vitæ tempore retineri, vel alienari possent. Erat igitur longè absurdus, dominum ea conditione frui seruis suis, quàm reliqua bona, id est, census & possessiones retinere. Paulus autem, minimè iubet eum omnia abicere: sed rogat ut seruum suum Onesimum, qui aufugerat, recipere velit. Si is qui ceteris est veluti speculum perfectionis, illa conscientia, bonis suis fruitur, atque in eo probatur à Paulo, quis diuersam omnino legem poterit Christianis imponere? Ad communem doctrinam veniamus, in qua vera definitio sita est. Paulus non docet 1-Tim. 6. Timotheum, ut iubeat diuites huius seculi, diuitijs omnibus cedere: sed non superbire, ne in opibus corruptioni obnoxys spem locent, sed ut in bonis operibus sint diuites. Non iubet dominos manumittere mancipia sua, sed tantum humaniter & Ephes. 6. benignè tractare. Non vetat emptiones aut venditiones: sed ne vendendo aut 1-Tes. 4. emendo circūueniamus proximos, aut fraudemus. Item, ut ij qui emunt tales sint, 1-Cor. 7. ac si non emerent. Non iubet pradia relinqui, sed ut qui ea possident, ita se gerant, ac si nulla possiderent. Denique, de eleemosynis verba faciens, non iubet in aceruum conijci, ut unusquisque, quantum sibi necesse erit, inde sumat: sed vult vnum- 2-Cor. 6. quenque pro arbitratu & affectione animi sui dare: non quasi coactum aut vi impulsam, sed ingenuè ac liberaliter: non ut qui dives est, sese ad inopiā redigat, quò suppeditet alijs: sed ut penuriā proximorum ex abundantia sua subueniat. Hæc sunt Pauli verba. Quid plura requirimus? Discamus ergo communionem, quam inter se habent fideles, quò ad facultates spectat, cum ordine & politia coniungere: sicque reijciamus atque abominemur diabolica istorum deliria, qui bona omnia confundi volunt, ut non solum labyrinthos in mundum inuehant, sed etiam horrenda latrocinia: sicut i unusquisque animaduertere posset, ac clarius experimento perspiceret. Quòd attinet ad illas sententias Lucæ, quæ prius allega & fuerunt: constat ijs nihilo plus fanaticos istos iuuari, quàm monachos, qui ijs niti voluerunt, ut præclaras suas, imò suum, communionem fundarent, quibus in claustris suis vtuntur. Omitto quòd charitas ipsorum non eò progreditur, ut deteriorem conditionem suam reddant, quò beneficijs afficiant alios: nam, æquo animo ferunt alios sese exuere, quò ornentur ipsi: sed quid sit alijs donare, prorsus ignorāt. Quamobrem solitus sum eos vocare dociores passiua charitatis: quia se quantis fieri poterit, beneficijs affici patiuntur: verum, ubi omnia ingurgitarunt, neque sic tamen contenti sunt, semper obmurmurant. Quòd si dandum sit, queratur alius qui id faciat: hoc eorum animos subire non potest. Atque tantum abest ut possint cha-

ritatem actiuam bonis exemplis docere: vt nunquam eā addiscere possint. Ceterum, quia in eo ostendit tātum, quo animi studio aguntur: in hac parte eos vltterius non persequar. Mihi enim satis est ostendisse quam impia & dānanda hac doctrina sit.

DE RESURRECTIONE QVAM
tenent Libertini. Cap. XXII.

2. Tim. 2.

Paulus mentionem facit Phileti & Hymenai, qui iam suo tempore resurrecli-
onem esse factam dicebant: ostendens nefariam esse hāresim, qua fides Chri-
stiana prorsus eueritur. At nihilominus canes isti execrabilem errorem suum ad-
uersus sententiam adeo perspicuam tueri non desinunt. Rident enim spem omnem,
quam de resurrectione habemus, idque iam nobis euenisse dicunt, quod adhuc ex-
pectamus. Si queratur, quomodo id intelligant: nempe, inquiunt, vt homo sciat a-
nimam suam spiritum immortalem esse perpetuò viuentem in cœlis: ac Christum
morte sua opinationem aboleuisse, eaque ratione nobis restituisse vitam, quæ in
eo est, vt nos minimè mori cognoscamus. En quomodo impij isti cum maioribus suis

1. Cor. 15.

Hymenæo & Phileto præcipuum fidei nostræ fundamentum euerunt: sine quo E-
uangeliū, vt ait Paulus, nequit cōsistere. Sublata enim resurrectione, quid amplius
restat? Tollitur autem, cū talis concipitur imaginatio, qua veritas destruitur.
Verum quidem est, eum qui credit nunquam interiturum, sed à morte in vitā trans-
iisse: nullam aduersus eos esse condemnationem: mortem ipsis amplius non domina-
ri: quatenus residei in ipsis Dei Spiritus, qui Christum à mortuis suscitauit, semē-
que ipsis immortale est. Verum, ex eo non sequitur beatitudinem, quam expecta-
mus, iam in nobis reuelatam esse, nos iam ipsa frui, atque in hæreditatis nostræ
possessionem re ipsa esse ingressos. Expedit autem Scripturæ locos annotare, qui-
bus radium & imperitorum oculos perstringunt, quò se iam resurrexisse credant.

Eccle. 12.

Solomo in Ecclesiaste, de morte verba faciens, ait spiritū hominis redire ad Deum
qui ipsum creauit: quemadmodum corpus redit in terram, vnde originem cepit.
Illinc concludunt spiritum ad essentiam Dei redire, eique iungi, ita vt vnicus spi-
ritus maneat. Sed cui persuadebunt hanc verborum significationem talem esse? ani-
mam scilicet humanam, ad Deum redeuntē, fieri Deum? Dominus quidem moriens
sic loquebatur: Pater, in manus tuas commendo spiritum meum. Stephanus etiam
simili oratione Deum rogauit: Domine Iesu, suscipe spiritum meum. Sed tantum
abest vt loci isti eorum errorē iuuent, vt etiam ad eū planè conuincendum abundè
sufficiāt: demonstrant enim apertè, Deum animas nostras in tutelam suam recipere,
ac conseruare vsque ad id tempus, quo suis corporibus coniungentur. Si quera-
tur qualis sit interim eorum status & conditio, satis ostenditur alijs in locis, eis
gaudium & consolationem asferri, & miserijs liberatas, bonis omnibus à Deo ex-
pleri. En quod spectat ad animas. Nunc de corporibus loquamur. Paulus magnificè
extollere volens gratias, quas per Christū recepimus, ait: nos domesticos esse Dei,

Ephe. 2.

atque vnā cum sanctis ciues regni ipsius: & iam in locis cœlestibus, cum Christo

Colo. 2.

sedere. Alio etiam in loco ait, nos cum ipso resurrexisse. Verum, id quod in fine
adiicit, dicere omittunt: nempe id totum nos spe obtinere. Itaque omnia quæ de
præsenti Christianorum fœlicitate dicuntur, ad eam certitudinem referenda sunt,
quam Deus eorum animis infixit: non quòd iam ipsa fœlicitate potiamur, aut e-

ius

eius effectum cernant. Quod enim alibi ait Paulus, verum esse oportet: nempe, salutem nostram, cum in spe sita sit, adhuc absconditam esse. Spes enim absentium & futurarum rerum est. Item, in speciem nos similes esse mortuis: neque vitam nostram prius manifestandam, quam Christus ad iudicium venerit. De omnibus igitur quæ Christus promittit, certi sumus. Idque interim dum ipsum præstolamur. Atque, ut ait Ioannes, scimus nos esse filios Dei: sed nondum apparuit. Idcirco dicit Apostolus alibi, nos gestare arram vitæ in animis nostris, habentes Spiritum Dei, quo nobis testimonium redditur, nos esse filios Dei. Quod Paulus dicit nos resurrexisse, non loquitur de gloriosa vita, quæ nobis promissa est. Itaque non significat nos ipsa nunc frui: sed tantum de regeneratione verba facit, ut ex orationis contextu facile est iudicare. Quid igitur sibi vult? Haud quicquam aliud, quam nos renuntiantes mundo, aspirare ad vitam cælestem debere, de regno Dei meditari, nec quicquam aliud quærere, quam ut ipsius voluntati conformes simus. Quid hæc faciunt ad destruendam spem resurrectionis, quam Deus nobis dedit? An credibile est Paulum voluisse nos ab ea auertere? Qui omnes apertè tanquã hæreticos condemnat, qui eò tendebant? Vel, an eò spectat quod dicit de nouitate vitæ? Minimè quidem certè. Hoc igitur ei imponere, nimis impudentiæ est. Itaque, quemadmodum Deus nos elegit atque adoptauit ante creationem mundi: ita eum adoptionis nostræ testimonium animis nostris per Euangelium obsignasse intelligamus: & iam quodammodo in possessionem hereditatis nostræ, spe videlicet, immisisse. Quando verò degimus in hoc mundo, velut peregrini sumus, expectantes quoad bona nobis promissa, re ipsa præstetur: quodque nobis nunc proponitur, tanquam in speculo & figuris obscurioribus, ut ait Paulus, coram intueamur. Absumus à Deo, ut alio loco dicit, quia fide ambulamus: non autem oculis cernimus, aut re ipsa fruimur. Proinde laboramus, spe quietis post mortem potiùs: pugnamus, cum spe percipiendi fructus victoriæ nostræ: gemimus, cum spe consolationis & gaudij perfruendi. Denique, quoniam infelicitissimi essemus omnium hominum, si spes nostra in hac vita inclusa esset, ad summam illam felicitatem, quæ ingenium nostrum exuperat, aspiramus: felicem, inquam, vitam illam, in quam Dominus noster Iesus Christus ingressus est, quod nos etiam aliquando secum deducat. Interim, certò credimus, quod nobis per os Pauli dictum est: nos, cum terrestre hoc domicilium dirutum fuerit, permanentem in cælis, domum habituros. Eò nos ab Euangelio vocari scimus: ideoque ex hoc carcere cupimus migrare, ut simus cum Domino: certò persuasi, nos cum ipso verè contentos fore, ac bonis omnibus perfruitturos. Cæterum, quia Scriptura nos semper ad extremum diem reuocat, quo promittit Christum venturum, ut iudicet viuos ac mortuos: in eo omnis spes nostra sita est: nam etsi fidelium animæ, simul atque separate sunt à corporibus, viuunt cum Deo, ac felici regni ipsius gaudio potiuntur: tamen perfecta omnium filiorum Dei felicitas, usque ad secundum Christi aduentum differtur. Ita ut Abel, Noe, Abraham, omnesque antiqui patres nos expectent, necdum coronas suas receperint, ut vnà omnes coronemur. Oportet igitur fidelium mentes in eum diem esse defixas, eorumque animos in eo conquiescere: sicut etiam Scripturas talium exhortationum plenas videmus. Quid igitur sibi volunt infelices isti, qui præcipuum religionis nostræ caput nobis adimunt? Clamat Scriptura, & clara voce contendit, ut si salutem nostram velimus contemplari, ad supremum illum diem animos erigamus. Canes verò isti, latrant frustra id fieri,

Coll. 3.

1. Ioan. 3.
Eph. 1.
Col. 2.

1. Cor. 13.

2. Cor. 5.

1. Cor. 15.

2. Cor. 5.

Philp. 1.
1. Tim. 4.

Hebr. 11.

nosque iam surrexisset: nullam amplius resurrectionem expectandam. Testimonia adeo perspicua sunt, ut nihil supra: quibus ostenditur corpora nostra, quæ nunc corruptioni, cæterisque miseris obnoxia sunt, ad gloriosam illam immortalitatem adipiscendam: similiterque infidelium corpora, ad ignominiam perpetuam suscitanda esse. Si non resurgimus, inquit Paulus, neque Christus surrexit: Evangelium nihil aliud quam mendacium est: exinanita est fides. Similiter hæc doctrina tam crebro iteratur, Dominum Iesum venturum in maiestate sua cum Angelis, ad supremum iudicium ferendum: ad filios Dei in plenam cælestis hereditatis possessionem vocandos: impios vero mittendos ad supplicium æternum: ut segreget hædos ab agnis: ut opus redemptionis à se factæ, in membris suis adimpleat. Isti vero porci ex aduerso doctrinam hanc rostris suis euertunt, dicentes nihil omnino amplius restare, opinatione sublata: hoc sufficere, spiritum excedentem è corporibus nostris, redire ad Deum. Tunc enim ex eorum somnio, verè in locum suum & perfectionem suam redactus est. Ex quo perspicimus, eos non minus peruersè ac nequiter finem quam initium facere. Sicut enim de hominum creatione & omnibus operibus Dei, verba facientes, Deum cum Diabolo miscent ac confundunt: ita cum ad restorationem omnium ventum est, quicquid Scripturis continetur, euertunt: spem salutis nostræ tollunt: nihil nobis reliquum faciunt præter hanc vitam, ut eam transigamus, deinde in nihilum redigamur. Quamobrem de hac execrabili blasphemia moniti, viuamus in spe, quam adeo certam & perspicuam nobis Deus per totam Scripturam proponit. Nempe Dominum Iesum è cælis appariturum suo tempore: & eos qui prius decesserint, quorum corpora iam computruerint in terra, ad tubæ sonitum, id est, ad vocem Archangeli, qui eos ad iudicium citabit, suscitatum iri: reliquos vero superstites momento immutatum iri: ipsos quoque, omnesque unà innouatos obuiam venturos regi, ut sese coram ipsius maiestate representent. Tunc filios Dei præmium spei suæ recepturos, eisque reuelatum iri beatitudinem illam, quam nunc auidè expectant: eam, inquam, coram ac plenè ipsis patefactum iri, utcunque nunc, quod ad humanum sensum, eos lateat. Tunc nos inductum iri in possessionem hereditatis nobis per Evangelium promissæ. Tunc felicitatis plenam fruitionem adepturos: cum nunc miseris & calamitatibus obruamur. Tunc nos præsentem Deum habituros, eumque visuros sicuti est: cum nunc fide tantum cognoscamus. Tunc corpora nostra, tametsi corruptioni & putredini nunc obnoxia, in gloriam Domini nostri Iesu Christi transformatum iri. Sic itaque futuram resurrectionem nostram in ipsius resurrectione contemplemur. Nempe, quemadmodum ad immortalitatem surrexit, ita non dubitemus, quin idem in membris ipsius sit futurum, cum tempus aduenerit. Ac certi sumus, sicuti Apostolus testatur, nos à patribus, Prophetis, cæterisque fidelibus expectari, qui nondum paratam sibi à Deo coronam receperunt, ut eam omnes unà adipiscamur. Neque id solum, sed etiam ut creaturæ omnes nos comitentur, quæ, ut ait Paulus, cum gemitu expetunt diem redemptionis nostræ, ut restituantur in pristinum statum, & eripiantur à seruitute, in quam nunc ob peccata nostra redactæ sunt. Quo magis perspicitur miserorum istorum insania, qui creaturis ipsis sensu carentibus, lapidibus inquam ipsis & stipitibus stupidiores sunt. Inde reputemus quid sit in reprobum sensum dari: & iudicium Dei timere discamus.

CAP. XXIII. QVO OMNIA, QUAE TVM DE STY-
lo, tum de falsa ac damnanda impietate Libertinorum dicta sunt, qua-
si digito commonstrantur ex libello Antonij Pocquij huius
sectæ affectu: quo, ut aiunt, à gallo ad asinum
subinde transilit.

Quoniam ea quæ prius tractavi, tum de execrandis erroribus Quintinistarum,
tum de eorum astutia, qua sub integumentis verborum callidè inuoluunt ve-
nenum impie & perniciose doctrinæ suæ, longè facilius comprehendi poterunt, si
exemplum aliquod propositum fuerit: quò plenius instruatur lector, inuolucra aut
ambages nescio quas Antonij Pocquij, sacrificuli illius, de quo initio loquutus sum,
hic inferenda putavi: additis exhortatiunculis nonnullis, quibus rudes ac imperiti
moneantur, qui aliàs forsan minimè sibi præcauerent. Tricas autem istas, desulta-
tiones voco à gallo ad asinum: quòd sermones illic congesti, tam benè coherent,
quàm caprarum stercora, sicuti vnusquisque facillè iudicabit. Porro notandum est
illic alluciniendis imperitis, veluti escam proponi. Neque enim grandia mysteria de-
reguntur, quæ nullis aperiri solent, præterquam ijs qui se omnino ipsis dederunt,
ut in eorum schola instituantur. Illud est videlicet, quod ab initio dixi: quem ad-
modum monachi nouitium aliquem inescare volentes, diligenter cauent ne ordinis
secreta ei pandantur: sed quæ pulchriorem habent speciem, ei in conspectum ponunt,
donec ipsos in laqueos suos attraxerint: sic canes isti, initio bella aliqua specie sese
fucabunt, ut rudioribus, aliquem doctrinæ suæ gustum dare possint: neque vnquam
sentinam abominationum suarum detegent, quoad certi sint hominem ita à se fasci-
natum esse, ut eorum delictis prorsus consentiat. Ut ergo miseri nouitij, apud mona-
chos, posteaquam professione sua laqueum perpetuæ seruitutis induerunt, ibi infe-
ros esse comperiunt, ubi cœlestes delicias querebant: atque mel ipsis in fel conuer-
titur: sic rudes ac imperiti homines, prima facie existimantes hanc infelicem sectam
veluti cœlorum ianuam esse, prius in exitium præcipientes ruunt, quàm malitiam ac
nequitiam eorum cernere aut animaduertere potuerint. Quamobrem, ne quis non
monitus fallatur, magnum istum doctorem Antonium Pocquium, eorum more con-
cionantem, audiamus.

LAUDABILIS EST DEVS, CUI HIS POSTRE-
mis diebus, mihi per organum suum patefacere libuit magnum, in quo fui errorem, Rom. ii.
quòd vos reprehendere ac corrigere vellēt, cum scriptum sit: Omnes erūt docti à Deo.

C E N S V R A.

Obseruate præcipuam istius esse sapientiam, sinere vnumquemque animi sui
libidinem sequi, nec miseros homines errore seductos, reprehendere. Ita om-
nem doctrinam & monitionem, inter homines cessare oportebit. Quod longè alic-
num est ab eo, quod Paulus ab omnibus fidelibus requirit. Docentes, inquit, vos &
admonētes mutuo. Item, Pleni estis sapientia, ut vos inuicem hortemini. Item, ar-
gue, admone, increpa. Item, quod ait Dominus: Si peccauerit frater tuus, corrige eum
inter te & ipsum.

Sequitur.

EXISTIMABAM ME ALIQUID INTELLIGERE,
nec quicquā intelligo: Deus enim intellectus meus est, virtus mea, & salus mea: atq;
ad eò vos iudicabā, & murmurabā acutè in proximos meos, in me verò nihil cernēs.

Quæ omnia vetita sunt: fecit enim nationes mundi capaces salutis. An qui Deum pro intellectu suo habet, nihil intelligit? sic enim Deus nihil aliud efficeret, quam nos excacaret: cum nos illuminare ipsius officium sit.

CENSURA.

Homo quidem fidelis, se nihil ex seipso intelligere censet. Sed an propterea debet oculos claudere, ne quid intueatur, ut vult iste insanus? Prohibitum quidem est, ne obseruemus alios, ad vitia nostra conuinendo: sed Dominus non vetat, quominus vno peracto, alterum etiam efficiamus. Diligenter autem notanda est præclara ratio quam adiungit: Omnes nationes capaces sunt salutis. Non licet igitur in proximum animadvertere: sed contrarium prorsus concludo. Cum enim simus ministri Dei, & eius coadiutores ad proximos nostros in salutem instruendos: nos operam nostram ipsis impendere, nec unquam cessare oportet.

1. Cor. 3.
Marc. 16.

Sequitur.

PRIMUM HAUD QVAQVAM INTELLIGEBAM, quomodo ex nihilo creati sumus, & corpora nostra in cineres reducenda: spiritum verò, ut aërem clarum fore, & sparsum ut nubem: neque etiam intelligebam me ex genere terrestri esse, id est, ex eo qui primum factus est in animam viventem. Deus nihil sine causa facit, & quomodo exiimus ex utero terræ, matris nostræ, ubi omnis inest dolor? Quãobrem dicebat Iob: Qui vulnus inflixit, ipsumque sanauit: qui deducit ad inferos & reducit: qui liberat à sex tribulationibus, septimam verò malum non attinget.

CENSURA.

Quæso, quis tenor in his sermonibus? haud sanè maior quam in delirij hominis phrenetide laborantis. Caterum, ingreditur in præclaram illam philosophiam quam attigimus: spiritum ad Deum reuerti post interitum hominis, dicens in nubem sparsum iri.

Sequitur.

FUIT ENIM ANIMA MEA VIVENS, QVAE PUTAUIT loqui. Sed gratia Deo, per hunc Spiritum renouationis à morte erectus sum, & viuificatus sum cum Christo: mihi præterierunt opera legis: vocatus sum cum Angelis, & factus filius Dei: haeres immortalitatis & membrum Christi, corpora nostra templa Spiritus sancti, animæ nostræ imagines, & loca secreta diuinitatis. Horribilis verò illa bestia, quæ vocatur Diabolus, cui obligati & serui eramus, eratque impossibile ex nobismetipsis ab ipso liberari. Erat igitur superbia, aut auaritia aut mundus, qui iam per ignem finitus est, ut amplius sum dicturus.

CENSURA.

Nunc vndas illas despumat, de quibus Iudas loquitur, id est, grandiloquentiam, quæ mirificæ spiritualitatis speciem præ se ferat. Quis enim prima facie non affirmarit Antoniū Pocquium semiangelum esse, si eum tam sublimi stylo intonantem audierit? Verum, si bene perpendantur, nihil aliud sunt quam vesicæ speciei suæ benetumidæ, sed turgidæ vento: nisi quod sub harum spumarum tumore, multa latent blasphemiae. Vult enim fanaticam hanc resurrectionem, de qua loquutus sum, introducere. Deinde quantum nominet Diabolum, tamen indicat id tantum imaginatione se facere: declarans se nihil aliud intelligere quam superbiam, mundum, aut auaritiam. Id quod est eorum opinatio, de qua iam tractaui. En igitur quid Diabolus apud eos significat. Denique quod dicitur de consumma-

tione

zione mundi per ignem, ad stultam allegoriam trahens, hunc fidei nostræ articulum destruit, qui tam disertè exprimitur in Scripturis: spemque tollit, quam de omnium creaturarum renouatione habemus.

Sequitur.

QUEMADMODUM SCRIPTVM EST DE TRANS-figuratione, ubi erat Moses, Helias, & Iesus in medio. Moses erat lex vetus, dura & importabilis: Christus erat lex mitis, pergrata & tractabilis: Helias postremus erat, finem mundi significans, ut discedens in ardenti curru suo ignis pleno ostendit: qui vocatus est spiritus duplex, per quem extra hunc terrestrem mundum consumimur. Ideo per Ioannem dicebat Christus: Video cælum nouum & terram nouam. Erat scilicet mundus, qui iam finem ceperat: non omnibus, sicuti neque adhuc hodie finem cepit. Mundus finitus est pro ijs qui sunt in Christo, neque amplius viuunt secundum carnem: nam prudentia carnis, mors est, & plena mortis.

CENSURA.

Perspiciat huius furciferi audaciam, quem non pudet magnum doctorem agere, dum recitat fabulas aniles, ex libro, ut aiunt, colium, pro mysticis interpretationibus Scripturæ. En Christus qui se in gloria exhibet in medio Moysis & Heliae, id est, Legis & Prophetarum: ut indicet Moysen & Prophetas sibi testimonium reddidisse, seque esse verum finem, ad quem omnis illorum doctrina referenda est: atque in medio est, ut in loco eminentissimo quo se ostendat caput in domo Dei, ut dicit Apostolus: alios autem famulos tantum fuisse. Porcus iste præclarum hoc mysterium, rostro euertens, ne Christus sit amplius omnium finis, Heliam in supremo gradu collocat: & vniuersorum perfectionem facit, nihil aliud Christo attribuens, quam quod nos ad medium itineris perducit. Quæ Mahometis doctrina est. Deinde, cum dicit mundum iam finem cepisse, adhuc apertius blasphemias suas euomit, tum de sua perfectione, quam imaginantur, tum de ea resurrectione, quam prædicant: nepe iam esse factam: quod imaginatione gloriosi atque adeo Angelis ipsis excelsiores sunt. Quod fingit curram igneam, in quo Helias extra mundum hunc raptus est, duplicem spiritum esse: primum, textum corrumpit, & apertæ falsitatis conuincitur. Illic enim solum refertur, Heliseum à magistro suo petiisse, ut spiritum Dei abundantiorē duplò quàm habuerat, post ipsum haberet: atque additur, id ipsi concessum fuisse. Deinde in hoc vocabulo latet huius sectæ abominatio, quod sese fingunt atque fucant, tum in verbis, tum in gestu, tum etiam in operibus: Christianam perfectionem esse dicentes sic duplices esse animo: ne vlla ex parte deprehendi possint, neque ullus in ipsis tenor vllæ certitudinis sit.

Sequitur.

NAM SCRIPTVM EST: FACTVS SVM TOTVS HOMO. Cum factus sit totus homo, accipiens naturam humanam, ac mortuus sit, potestne adhuc in his inferioribus locis mori? Magni esset erroris hoc credere: nam mortuus est & resurrexit: & credendum est eum nullum membrorum reliquisse, quod cum ipso mortuum non sit, atque etiam resurrexerit. Quare scriptum est: Omnes sumus membra Christi.

CENSURA.

Vbi scriptum est quod allegat? Nonne falsitas manifesta est? Nulla enim talis sententia in Scripturis reperietur. Sed imprimis notemus quid ex illa falsa allegatione deducat. Nempe nos amplius non mori: ac si nihil à

Christo differremus. Nos quidem, si membra Christi sumus, iam mortui & suscitari esse debemus, quòd ad sanctitatem vitæ pertinet: abnegando, inquam, nosmetipsos, viuere Deo. Sed an id iam est perfectum? E contrario ostendit Scriptura id nunc fieri tantum ex parte. An propterea abolita est mors naturalis? An dicendum nullam amplius superesse spem resurrectionis? Contrà ait Paulus, mortem nouissimum hostem esse qui destruat. Videtur quidem huic venerabili sacrificio ineptiis comprobandum sufficere: quòd scriptum est, nos esse membra Christi. Sed non animaduertit Deum, gratias suas in mensura largiri & unicuique partem suam in hoc mundo distribuere, pro cuiusque membri qualitate, vt ait Paulus. Quare sicuti Christus non absolutè adhuc in nobis est: sic etiam multum abest quin bonis ipsius ac donis integrè potiamur. Redeamus igitur ad id quod alio loco scriptum est: Vnumquenque suo ordine ad beatam resurrectionem peruenturum.

Sequitur.

QVINETIAM DICIT: INFIRMITATES ALII

aliorum sustinete: nam si detractores simus, adhuc erimus cum serpente, qui Diabolus vocatur, accusante fidelem, quòd in superbia sua se adhuc esse opinetur: sed Deus extollet paruos & humiles: magnos verò & superbos deprimet. Quamobrem qui Christi sunt, habentes sapientiã fidei, vbique opera Dei agnoscunt, nihil mirantur, omnia in vtilitatem suam conuertunt, agnoscetes omnia ex voluntate & prouidentia Dei proficisci.

CENSURA.

Rom. 15. Dominus quidem iubet vt fratrum infirmitates sustineamus: non tamen vt ap-
 Apo. 12. probemus ipsas, sed tanquam vitia corrigamus. Hic autem impius, quòd reprehensiones omnes tollat, vetat ne simus Diabolo similes. Qua in re? Detrahendo inquit. Fateor. Sed nonne magna est differentia inter detractionem, & reprehensionem, quæ sit fratris emendandi causa? Si igitur falso calumniemur proximum, aut maledicèdi cupiditate, traducamus, imitatores sumus Diaboli: cum verò errores quos animaduertimus in ipsis, sincero animi candore arguimus, imitatores sumus Dei. At furcifer iste adhuc effrenatius erumpit: addēs fidei hanc esse sapientiam: omnia, tanquam opera Dei, bona esse iudicare. Ait nos neminem vituperare debere. Ratio nem adiungit, quia nihil malum esse potest. En quomodo indulget homicidijs, latrocinijs, scortationibus, hoc prætextu, quòd alteri minimè detrahendum sit. Quòdque omnium deterrimum est, hanc infert Deo contumeliam, vt ei maleficia omnia imputet, ne improbentur.

Sequitur.

SCRIPTVM EST ENIM: OMNIA MVNDA MVN-

dis. Qui autē fide purificatus est, totus est gratus Deo. Sed caueat ne infirmo fratri ruina sit. Quare scriptū est: Ama proximum, & illi coniunctus sis fide: neque vl-cisci velis. Qui enim vult se vl-cisci, vindictam inueniet à Domino seruādo peccata. Quare scriptum est: Ignosce proximo qui tibi nocet. Et cum orabis, peccata tua tibi remittentur. Homo enim ira affectus, nihil rogare debet. Quomodo enim sanationem petet, si misericordia careat erga homines similes sui: cum adhuc sit in carne, nouissimorum temporum memoria carens, cum non sinat esse hostis, id est, Diabolus: non reminiscens testamenti, quod docet abstinentum esse à rixis & contentionibus, abolens omne peccatum, nec spectans ignorantiam proximi tui? Dixit enim Dominus: Percutiam, & sanabo. Interimam, & viuificabo. Quare ex toto animo attendite verba mea, & renouemini in nouitate sensus, vt cognoscatis quæ sit voluntas

Dei,

Dei, non reddentes malum pro malo, sed vincentes bono malum inam si ames proximum, adimplebis Legem. Dilectio proximi tui, nihil mali admittit: est enim plenitudo Legis.

C E N S V R A.

Hic perspicitur qua impudentia bonum cum malo confundunt. Paulus de cibis loquens, dicit nullum immundum esse, aut reijci debere: quoniam bona sunt creaturae Dei. Putidus iste, hanc sententiam eò applicat, ut latrocinia, scortationes, homicidia, pro mundis & sanctis rebus habeantur. Quod postea sequitur, confusus est sententiarum acervus, nihil ad rem facientium. Veruntamen, certum est, malitiam sub eis occultam latere. Cum ait ignoscenda esse delicta: intelligit assentandum esse: atque ultionis verbum cum reprehensione confundit, ut concludat neminem licere in malo suo condemnare: quia debemus ijs ignoscere, à quibus offensus sumus. Verum id quidem: At remissio illa, quæ nobis præcipitur, ad charitatem refertur. Interim, non usurpamus auctoritatem Dei, ut malum, bonum esse dicamus. Videmus igitur quomodo canes isti sacrosancto Dei verbo ab blasphemias suas abutantur.

Sequitur.

EN C V R S C R I P T V M S I T V E N T V R V M Q V I liberaret infirmitatem Iacob, dicendo: Hoc summum testamentum ex me habebunt cum abstulero peccata ipsorum. Nam, scriptum est Deum inclusisse omnia in infidelitate, ut omnium miseretur. Iudicia enim ipsius, incöprehensibilia sunt. Nam ex ipso, & in ipso, & per ipsum omnia facta sunt. Moyses dicit: Miserebor, ubi miserebor. Quocirca, Dominus miseretur cuius vult, & indurat quem vult. Deinde Iesus dicit: Sine me nihil potestis facere. & Nemo potest venire ad me, nisi ei datum sit à Patre meo. Nonne veritas infallibilis ita loquuta est? An volumus ipsius verbo contradicere? Nonne scriptum est, Deum cognovisse antequam nos crearet, an boni vel mali futuri essemus? Et omnia novit, & quæ euenerunt & quæ ventura sunt.

C E N S V R A.

EN præclara eorum theologia. Aiunt Christum in hunc mundum venisse, ut peccatum tolleretur. Abolet quidem peccatum in suis fidelibus: verum, id facit mortificando ipsos per gratiam Spiritus sui, ut virtutes sequantur, vitia verò fugiant. Delet etiam maledictionem peccati, ne nobis amplius coram Deo imputetur: sed non ideo peccato carent fideles ipsi, neque minus se ipsos in malo suo condemnare debent, ut à Deo absoluantur. Similiter non minus debent sese, mutuis admonitionibus corrigere, ut resipiscant à vitijs. Deus inclusit omnia sub incredulitate, id est homines omnes conuictos, ac propria incredulitate damnatos tenet: adeò ut nemo saluus euadat, nisi misericordia ipsius, quam ijs exhibet, quibus sibi visum est: sed non ideo peccatum iustificat, cum ipsum ignoscit. Sed quorsum, quaeso, omnes illas sententias nullo ordine aut ratione congestas accumulatur, nisi ad perstringendos lectorum oculos, ut ignorent omnino quò se vertere, ubi consistere debeant? Quemadmodum qui aberrant à via neque aut iter aut semitam ullam vident, per medios agros incerti vagantur.

Rom. u.

Sequitur.

SC R I P T V M E S T, N O N T E N D E S A D M A L V M: C A uēs ne adulteres in verbo, sicut multi faciunt. Talis ego fui: sed omnia remissa sunt. Nā scriptum est, Abstinete vos ab adulteratione, ut possitis vas vestrum in sanctificatione & honore possidere. Cum simus mortui legi, per corpus Christi, ut alterius simus, qui suscitatus est ex mortuis, ut fructificemus Deo viuēti: non est igitur in carne. Prudē-

tia carnis est inimica Deo, nec potest Deo placere. Nisi enim spiritus Christi sit in vobis, quomodo essetis in ipso? Sed si in nobis sit, corpus mortuum est propter peccatum, sed spiritus vivit ob iustificationem: id est, iustificavit nos, quatenus eiusdem spiritus sumus. Si ergo spiritus illius qui Christum à mortuis suscitavit, qui habitat in vobis, cum mortuus sit pro omnibus, ac scriptum sit ipsum fuisse omnem hominem, & pro omnibus mortuum esse, ut qui vivunt, non amplius vivunt in seipsis, sed ei qui pro omnibus mortuus est & resurrexit.

CENSURA.

Haud multum laborat venerabilis presbyter Antonius in alleganda Scriptura, ea videlicet, quam sequitur ratione: falsò hunc locum citans, illum depravans, nonnullos etià fabricans pro sua libidine scriptum id esse fingens quod ipse siminavit: confundens omnia: ac si Scriptura in hoc edita esset, ut tanquam còfusum ex ea edificium construeretur, ex omnis generis frustis sine ullò ordine congestis in
 2. Cor. 4. acervum. Paulus ad Corinthios scribens, dicit se non adulterasse verbum Dei, more multorum, id est, non fucasse (quemadmodum mangones merces suas fucare solent) ut in quæstum abuteretur. Stolidi hæc bestia, locum hunc coniungit cum eo quod Apostolus Thessalonissencibus dicit de castitate: dehinc transultat ad octavum capitulum Epistolæ ad Romanos, ut sanctas exhortationes, quæ nobis illic proponuntur, pervertat. Nam cum illic Paulus nos ad vitæ sanctitatem hortetur, ut mundum & cupiditates carnis abnegemus, infelix iste, rudes fascinare conatur, ut eos ad infernalem spiritualitatem trahat: quam in eo constituit, totamque perfectionem in eo sitam esse vult, ut nihil malum esse iudicent: eo pretextu, quod, ut ipsi videntur, hæc eant spiritum Christi. Atque illud est quod in fine dicit, falsò allegans locum Pauli, nos esse iustificatos, quod eiusdem spiritus sumus: cum Paulus dicat, spiritum Dei nobis esse vitam, propter iustitiam, quam nobis dedit.

Sequitur.

QUAM OB REM NEMINEM NUNC SECUNDUM CARNEM COGNOSCIMUS: quare si cognovimus Christum secundum carnem, nunc non sic eum amplius cognoscimus, quia, renati & regenerati sumus, nova creatura in Christo. Itaque res veteres & arida præterierunt, quia omnia renovata sunt, & omnia sunt ex Deo, qui nos sibi reconciliauit per Christum. Deus enim erat in Christo, reconcilians mundum sibi, non imputans ipsi peccata. Ideo scriptum est: Qui videt peccatum, peccatum ei manet, & veritas in ipso non est. Deinde, præterea dicit, eum qui peccat in vno, peccare in omnibus.

CENSURA.

Paulus volens eorum superbiam deprimere, qui in rebus externis gloriantur, dicit neminem cognoscendum secundum carnem, ut eum ab externa larva æstimemus: sed eos magni faciendos esse, qui novæ sunt creatura. Hic nebulo eò spectat, ut imperitos rapiat in istam imaginationem, ne amplius inter bonum & malum discernant, ac si esset secundum carnem iudicare. Quod ut melius confirmet, impudenter corrumpit locum Ioannis, ubi Dominus Phariseos sic alloquitur: Quia dicitis, videmus: peccatum vestrum manet: eumque in aliam omnino formam convertit: Qui videt peccatum, peccatum ei manet. An egregiè sublimes illos & tumidos spiritualitatis sermones despumavit: nunc vno verbo definit, qualis sit præclara illius seculi innocentia & sanctitas. Nempe, sensu & intelligentia porci nihil præcellere.

Sequi-

Sequitur.

SED CUM INSPICITIS IN DEVM, OMNIA ISTA non videtis. Non enim habitat in Deo peccatū: & tamen facit omnia: & quæ facit omnia, bona sunt: ac scientia hominis, stultitia est coram Deo. An ergo respicietis in hominem, id est, in carnem, quæ non est Deus? Etiam ipsi non sunt.

CENSURA.

Hic perspicitur quomodo tribuens malum Deo, ut bonum iudicetur, per quod Deum blasphematur, aut etiam atrocius, quam si iustitia eius palam maledice ret. Quia verò nullus est humano sensu præditus, qui tam prodigiosam fæditatem ferre possit: omnia fieri à Deo, ideoque nullum esse peccatum: sapientiam hominis, stultitiam esse allegat. Quod ei concedo: sed dico, condemnare malum, & peccatum cernere, ut ipsum odio habeamus, scientiam esse Dei, nisi omnino velit Diabolum per sacrosanctam Scripturam loquutum esse.

Sequitur.

ET QUIA OMNIA QUÆ FIUNT EXTRA Deū, nihil sunt: dicit Scriptura, quòd omnia quæ facimus, aut scimus facere, nihil sunt quam vanitas. Quare dictum est: Abnega te ipsum, tolle crucem tuam & sequere me. Qui mecum ambulat, non est in tenebris, sed ambulat in luce.

CENSURA.

Nulla adeò præclara in Scripturis sententia est, quam os istud impurum atque impudens ad belluinam affectionem suam non trahat, nimirum ut unumquodque ad vitam, suo arbitratu degendam, impellat. Cum Scriptura dicit, nihil aliud esse in nobis quam vanitatem, nec sine Christo boni quicquam posse efficere: idè stat, ut se quisque inutilem ad bene agendum agnoscens, Dei gratiam imploret, quæ omnia operetur. Impius iste, contrarium prorsus concludit. Nempe, nos nihil agere, idque sufficere, ut credamus Deum facere omnia: ac nos tum nihil admittere mali, cum Deo imputamus.

Sequitur.

ASPICITE, ADEST TEMPVS QVO DISCI- pulus Helia duplicem spiritum petebat. Atque illuderat, quod Christus dicebat Apostolis suis, inquiens: Adhuc nonnulla habeo vobis dicenda, quæ nunc ferre non possertis: sed cum Spiritus ille veritatis aduenerit, vos omnem veritatem docebit. Neque enim loquetur à seipso, sed omnia dicet quæ audierit, & ventura omnia nuntiabit vobis. Ille clarificabit me. Accipiet enim de meo, & vobis nuntiabit, per quem incorruptibiles futuri estis, qualis ego sum. Plura dicere supersedebo, donec tempus aduenerit.

CENSURA.

Acutè & solerter nobis esset diuinandum, ut quorsum spectet huius sacrificiferi mo intelligeremus: videtur enim à primo Missæ suæ momento, ad secundum transilire. Sed animaduertendum eò ipsum spectare, ut mundum à simplici & pura Scripturæ doctrina auocet: ac si Christianorum sapientia in eo sita esset, ut nouas reuelationes inquirerent: idque nunc duplicem spiritum vocat, ea prætergredi quæ Scripturæ finibus continentur. Tamen si, quoties ipsi libet, id diuersa omnino significatione accipiat. Cæterum perditè & nequiter adulterat locum Ioannis, ut blasphemiam suam confirmet. Nam cum Dominus dicat Apostolis, Spiritum patefacturum intelligentiam eorum, quæ ex ipsius ore audierunt: veterator iste illa sic immutat, ipsam nuntiaturum ea quæ futura sunt. Deinde Christum loquentem facit pro suo arbitratu, eiusque personam, tanquam in fabula, introducit, dicentem ea, quæ ne in mentem quidem ipsi vnquam venerūt. Sed, ea reuerentia Scripturam colunt

ut eius nomen obtendant: quò plebi imperitæ, & quid ipsa contineat ignorant, imponant.
Sequitur.

ASPICE QUOMODO DEVS PLANTAVIT
ortum voluptatis: deinde constituit in eo hominem, ut eum coleret & servaret. Cum autem Deus ipsum creasset, obdormiuit, & Deus cepit unam è costis ipsius, ex qua creauit feminam, ut consociaret eam viro, deinde dixit eis: Crescite & multiplicamini super terram. En prima lex quam ordinauit Deus, quæ vocabatur lex naturæ. Itaque intelligite quomodo Ioânes ostendit in Apocalypsi de septem tēporibus, ut de septem candelabris & septem stellis: quomodo in quinto ambulaturi eramus in tenebris, dicens primum esse sanctum, & postremum eiusdem solennitatis cum primo. Nos autem sumus in postremo tempore, & fuit verum vinculum factū in arbore crucis, quod vocamus Matrimonii: & tunc obdormiuit, & fuit apertū latus, ut costā reponeretur quæ est femina, Ecclesia dicta, & unio totius naturæ humanæ: & fieri omnes in vno membro, cuius Christus est caput. Quare, relinquamus mortalibus quod est mortale & corruptibile: nam regnum & excellentia animæ nostræ, non est hic inferius, nisi sordida & maculata. Afficiamus bene quomodo Ecclesia facta fuit & formata, quæ erat præfigurata per Adam & Eua. Quare Christus est sponsus, & nos sumus sponsa, ut scriptum est in cantico. Veni soror mea, sponsa mea.

CENSURA.

Cum Paulus hac similitudine Adami & Eue utatur, ut vinculum illud spirituale, quo cum Christo iuncti sumus, nobis vnicè commendet: nempe, ut communicemus cum ipso beneficijsque ipsius: sceleratus iste seductor, eam detorquet ad Diabolicam imaginationem suam: nempe, nos ipsam esse Christi personam. Præterea quòd legem naturalem vocat multiplicare & crescere: deinde addit eò esse redeundum, ut simus in primo innocentia statu: id facit iuxta eorum doctrinam de spiritualibus matrimonijs, ut unusquisque sese ad eam applicet, quæ prima occurrerit. Quod interferit de Apocalypsi, à gallo ad asinum est. Attamen perspicuum est sensum loci ab eo peruerri. dum ad hoc tempus perfectionem regni Dei alligat: quod ut adueniat quotidie rogantes, fatemur nondum adimpletum esse.

Sequitur.

SED SI ADHVC COMMITTAMVS DELICTUM, & ingrediamur hortum voluptatis, qui adhuc nobis prohibitus est, ne quid velimus facere, sed sinamus nos duci à voluntate Dei. Alioquin non essemus exuti veteri serpente, qui est primus parens noster Adam, & videremus peccatum sicut ipse & uxor eius, qui putabant tegere humanitatem & peccatum suum, quod tunc commiserant. Prius non videbant voluntatem suam, neque pudebat eos suæ humanitatis: non videbant peccatum suum: sed cum viderunt ipsum, imputatum est eis in peccatum, & prorsus immutatum est in contrarium. Delicia enim fuerunt conuersæ in miseria & labores: & maledicta est terra in omnibus quæ producebat. Homo versus est in vanitatem.

CENSURA.

Qualem mortificationem doceant isti ganeones hic perficimus: nempe ut homo sese appetitui suo committat, neque ullius rei conscientia moueatur. Tunc enim eorum sententia Deus operatur in nobis, cum opus nostrum esse non dicimus. Hanc blasphemiam adhuc iteratam videmus, tollendū esse ex animo omnem scrupulum: atque in eo totā innocentiam suam sitam esse, ut claudat oculos, ne bonum aut malum intueantur: quod, ut inquit

inquit Solomon, omnis iniquitatis fastigium est. Idem etiam post ipsum dicit Paulus, signum esse hominis à Deo prorsus destituti, cum nullo tangitur dolore aut pungitur. *Prou. 18.* Preterea, obseruandum quomodo omnia euerit, dum originem exitij humani statuit in eo, quòd hominem sui ipsius pudere coepit: cum malum ortum sit ex infidelitate & inobedientia: ille verò pudor, punitio fuit quæ sequuta est, quam tamen Dominus ei in salutem cōuertit. *Gen. 3.* Perspicuum est igitur quanta sit fœdij istius hominis impudentia, affirmantis peccatum i-
deo Adæ fuisse imputatū, quòd illud viderit & nouerit. Nam è cōtrario, quòd vidit peccatum, obtinenda gratiæ initium fuit: vt re vera peccatorem à seipso cōdemnari oportet, quòd veniam à Deo obtineat. Alioqui, quòd spectabit pœnitentia, quam Christiani omnes ad mortem vsque meditari debent? Ceterum, alia adhuc malitia notanda est: nempe quòd Adamum & serpentem, vnum eundemque facit, iuxta suam doctrinam, qua docet peccatum, Diabolū, mundum, animā hominis viuentē, & opinationē, vnā atque eandē rem esse.

Sequitur.

QVARE RELINQVAMVS VETEREM

Adam, id est, animam nostram viuentem, & veniamus ad rem maiorem, id est, ad spiritum. Dictum enim fuit Adæ quòd moreretur, & re vera mortuus est. Nunc viuificati sumus cum secundo Adam, qui est Christus, non cernendo amplius peccatum, quia est mortuum: nam ex peccato facta est gratia, per Patrem nostrum in Iesu Christo. Vnde igitur veniret hic pavor & timor mortis, aut inferni deiectionis? Vnde possunt sic mitti in errorem, decepti, qui nihil aliud sunt quàm vanitas?

CENSURA.

Hic perspicitur quomodo serpentes isti Veteris hominis & Spiritus vocabula intorqueant. Nam, cum Scriptura Veteris hominis nomine significet corruptionem, quæ in nos irrepsit propter peccatum: ex eo faciunt animam viuentem, quæ homini à prima creatione data fuerat, antequam peccasset, aut vllò vitio laboraret. Verbum Spiritus non est ipsis ex gratia regenerationis: sed imaginatio illa, quòd Deus in nobis est, eumque, omnia quæ vult, agere sinendum esse. Perspicitur etiam quid intelligant per vitam, quā habemus in Christo: nempe omnia nobis licita esse, nihil esse malum, modò nullum eius sensum habeamus. Fidelis quidem nec mortem nec inferos timere debet: nempe dum cognoscit se redemptione Christi in libertatem vindicatū. At contemptus hic, minimè ex stupore nascitur, quemadmodum impij isti volunt, aut sublata opinione mortis & inferorum, ac si puerorum terribilia essent. Atque is est finis quem Pocquius iuxta communē sectæ suæ doctrinam spectat.

Sequitur.

NAM CVM IESVS DESCENDISSET IN

terram, qui in multis adhuc clausus est, quauis Christus vicerit omnes Diabolos, qui est mundus, & adeo admirabatur quis erat rex iste tam gloriosus, reddens lumen suum tenebris, & faucibus inferni: dicebat, Attollite portas & c. sicut antea dixi vobis, deducit nos & reducit. Sed perpetuò est nobiscum. Non possumus esse sine ipso: neque ipse sine nobis. Sicut enim dixi, nos sibi despoñdit in cruce, & tam firmiter affixus fuit, vt nō possit, neque velit remotus esse à nobis, propter magnam charitatem quam habet in nos.

CENSURA.

Difficillimum quidem esset, omnia interpretari quæ Missarius hic doctor effutit. Effet enim rationem agere cum insania. Semper tamen redit ad illa duo capita, vt talem nobis fingat Christum, quo freti, Deum offendere non vereamur, nihil habentes in nobis præter iustitiam: deinde vt persuadeat omnia adimpleta esse, ne amplius aut paradysum

aut inferos expectemus. Notandū etiam perpetuò, Diabolum nihil apud ipsum esse quàm mundum, id est opinionem. Quòd attinet ad locum Davidis quem citat, erratum illud facile ipsi potest condonari, cum totam scientiam suam breuiario suo inclusam teneat: eamque fabulam die Pasche, quam floridam vocant, in pago suo agi viderit: nempe cum sacrificus baculo crucis fores templi petit, fingens se inferorum portas disrumpere. In textu autem Davidis, nihil omnino tale habetur: sed orationem suam dirigit ad fores templi Dei, iubens ut capita sua attollant, quò Deus ingredietur. Quare aptius omnino & cōuenientius esset, venerabili huic presbytero demurmurare preculas breuiarii sui, Missam canere, & sublata mappa lingere paropsides culinæ, quàm agere doctorem.

Sequitur.

ET CHARITAS OMNIA IN UTILITATEM suam conuertit, nec querit utilitatem suam: nec pro seipsa est, sed pro omnibus: orat pro inimicis suis, & donat quod illis deest, & operit multitudinem peccatorum, nec cernit peccatum. Destruxit enim omnia per summum hoc mandatum quod statuit & ordinauit, dicens: Diligite inuicem, quemadmodū dilexi vos. Non veni pro me, sed pro vobis omnibus qui creditis in me. Et ero in vobis, & vos in me. Sicut Pater & ego vnum sumus, ita vos & ego vnum erimus. Scitis me exiisse à Patre & venisse in mundum. Iterum relinquo mundum, & vado ad Patrem. Quanquam non sum solus, sed Pater mecum est.

CENSURA.

Tamet si, pro more suo inuoluit sermones istos, tamen in summa significare vult, peccatum non esse amplius, cum remissum sit per charitatem Dei: neque nos imputare ipsum debere, cum charitas multitudinem peccatorum inter homines tegat. Deus certe, fateor, peccata nostra tegit, siquidem ad eius misericordiam confugimus: sed non ideo minime nos peccare dicendum est: alioqui, qualis esset remissio, si nulla esset culpa? Neque etiam dicendum, nos peccatorum nostrorum sensu tangi non debere, cum fides sine poenitentia nequeat consistere. Similiter, fateor, charitatem fidelium tegere in proximis multitudinem peccatorum. Verum, id neutiquā assentando aut blandiendo. Nec enim Paulus, quanuis acriter fratrum suorum vitia reprehenderet, charitate præditus esse desinebat. Nec quicquā à charitate alienum facit, cum dicit se lætari, quòd mœrore affecit Corinthios, & doloris causam intulit, quæ ipsos ad poenitentiam adduceret. Blasphemia est igitur, dicere charitatem non videre peccatum.

Sequitur.

DICO VOBIS VT PACEM HABEATIS INVICEM, id est, in me: oppressiones habebitis in mundo. Confidite, ego vici mundum. Sed ij qui sunt in carne, Deum videre non possunt. Scriptum est enim, Caro & sanguis regnū Dei non possidebunt. Deinde dictum est: Beati & benedicti qui sunt mundo corde: quoniam ipsi Deum videbunt.

CENSURA.

Conclusio reliquis persimilis est, id est, sententiarum malè coherentium farrago. Interim scopus est: ut videamus Deum, nos in carne amplius esse non oportere. Quo intelligit nullius rei conscientia debere amplius commoueri: sed existimandum nos iam in cælis ipsi agere, cum ibi sit Christus, qui ipse in nobis est. Quod delirium ut confirmet, citat testimonium Pauli: carnem & sanguinem regnum Dei possidere non posse: omnino præter mentem Apostoli. Ibi enim loquitur de vltima resurrectione. Perditus verò iste, sic illud adducit, ac si iam perfecta & adimpleta esset. Sed minime mirandum. Præcipuum enim huius sectæ fundamentū est, ut iam dixi, omnia esse facta, cum simus in Christo: animam carnalem in nobis amplius non inesse, sed spiritum viuificantem: in eoque non solum

iustitiam

iustitiam nostram, sed resurrectionem & gloriam sitam esse. Itaque nemo non cernit, aut potius contactu percipit, quàm verè de insanis istis bestiis sim loquutus: nec quicquid illis calumniose affinixerim, ut eos gravarem aut redderem odiosos. Nam lepidum hoc specimen Antonij Pocquij locuples testimonium reddit, tum præclaræ rhetoricæ, quam in usu habet, tum etiam consilij, & quem in scopum intendant. Rursum ij, quos turpis Missator nugis suis circumvenire molitur, insignem hinc notam animadvertent, qua commonescant quo spiritu agatur: nec ipse solum, verum etiam omnes huiusce factionis. Quoniam oporteat ipsum inter ceteros, cum à patre eius Quintino discesserim, notatum esse. Nam præter additum qui ei ad plurimos patefit, ut venenum suum effundat: præterquam etiam quod in discursando hac & illac nimium est sedulus, ut miseris animas perturbet, ubicunque Diabolo magistro suo sine periculo inferuire pote sit: se quoque tegit, quantum intelligo, Valdensium nomine, ut facilius se in simplicium animos insinuet, quibus perfecta est eius populi probitas. Cum ergo ovis pelle sese induat, ad agendas lupi partes, hoc est, ad deuorandum & perdendum: hoc eum tegumento nudari par est. Quod me ei ita ademisse puto, ut qualis sit bestia omnes intueri possint. Præterea ferendum non est, ut impius iste probum hoc inferat populo tam Christiano, & simplici animi candore Euangelij puritatem colenti: ut ex eo se esse iactet, quod illum apud fideles Dei seruos atque etiam imperitos traducat & diffamet. Præsertim cum ita præbeatur occasio blasphemandi nominis Dei, si Valdenses commune quicquam cum isto cane habere putentur.

CAP. XXIIII. QVO MONENTVR LE-

ctores de nonnullis libris in vulgus editis, quibus vtuntur

Libertini, quanuis non omni ex parte cum ipsis faciant.

Quia semel imbutum aut implicitum stulto aliquo delirio ingenium, semper in deterius labi solet, operæpretium est, fideles lectores de nonnullis libris monitos esse, qui fanaticis opinionibus infecti, possent veluti aditum & viam munire ad sectam Libertinorum: ut re vera ijs causam suam fulciant, quod rudium ingenia in errorem impellat. Inter ceteros vnus extat, falsò inscriptus, Instructio & salutaris admonitio, ut perfectè viuamus in hoc mundo, & quomodo patientes erimus in nostris aduersitatibus. Si ex me queratur, quid in eo mali reperio: primum, dico totum eius argumentum esse vagum, nec certam ex eo definitionem sumi posse. Deinde stultæ sunt & absurda in eo speculationes quæ nulli omnino vsui esse possunt, quàm ad concutienda ingenia, ut postea dubia & suspensa relinquatur. Tertiò, sermones dissolutos, atque ab omni ratione alienos continet. Veluti, homini fideli tam gratum esse agere in inferis, quàm in Paradiso: & eiusmodi. Cæterum mihi satis est nominasse: nec enim est instituti mei contrà disputare. Alius extat liber paulò longior, inscriptus, Specillum Christianorum: qui re vera ad turbandam aciem quàm iuuandam longe aptior est. Author quidem libelli, non tam bardus est asinus, quàm Quintinus, aut Pocquius, quibus aut plus in specie est, quàm in re, dempro confusi garritus ac stridendi potius quàm loquendi astu, ut ex ambagibus & inuolucris scientiæ opinionem colligant. Hic verò nonnullius est ingenij, alicuius etiam doctrinæ, & non nihil habet methodi: ita ut speciem aliquam opus eius habere posset, nisi stultæ & perniciosæ opiniones admixtæ essent. Rationibus quidem bene expensis & subductis totus liber à principio ad finem usque, haud multum habet succi: sed tamen quodammodo reciperetur, si stulta illa deliria abessent, quibus infertus est. Ab initio ipso, negat afflictiones, quas in hoc mudo patimur, esse flagella Dei. Ut id probet, addit medicinas tantum spirituales esse, quæ nos à vitij

- repurgant. Non est autem valida hæc ratio. Cur enim pater filium castigat, nisi ut ipsum emendet? Non est igitur alienum à ratione, flagellum ipsum, remedium esse. Rursum notandum est, sicuti Dominus fideles bello, fame, peste, alijsque aduersis rebus castigat in ipsorum correctionem & salutem: ita incredulos & contemptores punire, iustam aduersus ipsos ultionem exercens. Proinde, quemadmodum ignis aurum & argentum repurgans, paleam & fœnum consumit: ita afflictiones purgandis bonis, reprobis verò destruendis immittuntur. Postea, dicit eos qui membra Christi sunt, vitam corporalem amplius non degere: quæ loquendi forma nimis hyperbolica est, videturque hominis ex somnio delirantis. Omitto quod ab ipso perperam exponitur locus Ioannis, in quo præcipuam thesin suam fundat. Dehinc politiam omnem condemnat, quæ bonis conseruandis constituta est. Rursum, medicinam quæ tuendæ humanæ vitæ ordinata est, improbat. Et quanuis nonnulli in locis talem temeritatem corrigere, aut saltem moderari conetur: semper tamen in eo perseuerat, omnes humanis leges, quæ ad reipublicæ administrationem pertinent, Diaboli esse inuenta, medicinam verò meram esse idololatriam. Si corruptelis, quæ in ijs admittuntur solum reprehenderet, facile ei consentirem: nec tam multa dicere posset, quin ego plura adderem. Sed dum ea quæ bona & sancta sunt, vituperat, blasphematur Deum, à quo illa manarunt. Deinde, bella omnia in vniuersum condemnat, sublato omni discrimine, an iusta de causa suscepta fuerint vel iniusta: atque etiam si princeps defendendi solum populi sui causa bellum gerat, nulla aut ambitione, aut auaritia impulsus: sed tantum ut officio suo fungatur. Ut id confirmet, adducit locum, quo iubemur iræ locum cedere. Paulus autem per nomē Iræ, vindictam Dei, & iustam eius punitionem intelligit, quam principes exercere iuber. De bellis veteris Testamenti loquens, ait ea nos imitari non debere, cum sub charitatis lege sumus: quasi verò tunc etiam ipsa neuitquam fuisset. In eo non solum graui contumelia afficit sanctos Patres: sed Deum quoque ipsum, à quo fuerant edocti. Neque verò simplici & moderata vitur reprehensione, sed vociferatur & tumultus mouet, ac si cum omnibus inferni Diaboli bellum gereret. Execrabilem enim censet esse blasphemiam, atrocem iniuriam in Deum, impiam infidelitatem, legibus humanis ad mundum gubernandū vti. Cur ita? Quia Deus satis superque ipsum prouidentia sua regere potest. Verum prouidentia Dei, per Solomonem clamat, hoc à se proficisci, quod principes & consiliarij ipsorum leges, & iura constituunt. Imò, inquit, Sathan principum animis hoc suggerit, ut quod solius Dei est, sibi usurpent: nepe, efficere ut voluntas ipsius adimpleatur. Quasi leges humanæ spectarent aliò, quàm ut mundum in iustitiæ ordine & modo continerent. Id quod etiam
- Rom. 13. vult ac iubet Deus: eumque in finem, ut Paulus ait, principatus in mundo ordinauit. Non est, inquit, principis munus, audire querelas & contēiones subditorū, aut lites dirimere: nam ubicunque est lis, utrinque etiā transgressio est. Primum, hæc rationē verā esse nego: Fieri enim potest ut alter æquū tueatur. Velut is qui ius suū defendit, cum iniuste inuaditur. Rursum dico, si quid mali sit, ad remedium veniendū esse. Causam omniū calamitatū, quas filij Israel perpeSSI sunt, huic culpæ assignat, quod regē postularūt. Quasi verò populus antea afflictionibus minoribus aut paucioribus, quàm postea vexatus fuisset. Nimis igitur inconsideratè garrit, & nimis socordi historiæ ignorantia labitur. Verum, hoc adhuc ab ipso quæro, num prius politicus ordo institutus erat à Deo, qualis hodie is est, quem ipse condemnat? Rogo, an non Moyses & iudices audiebant controuersias populi, easque dirimebant? Quid vertiginoso homini facias & cerebro carenti: dum transuersus rapitur in vanas speculationes & fundamento vacuas? Tantum obiter hoc perstringere volui, ut inde liceat, qualis sit totus liber, æstimare. Perstringi, inquam, nimis enim longum fuisset plenè pertractare. Ad hæc, supernacuum mihi videbatur, quæ
- Rom. 13.
1. Tim. 2.
1. Reg. 12.

de ijs in mea Institutione differui, repetere. Quinetiam adeò stulta & absurda deliria sunt, ut inter homines sani iudicij ea digito commonstrasse sufficiat, quò præcaueri possint. Cum ad medicinam ventum est, non minus effrenatè erumpit: ringitur, furit aduersus eam, phreneticorum more, qui feriunt, mordent, vnguibus petunt eos qui ipsi opem ferre ac consulere volunt. Nunc autem omnes medicinæ laudes referre, ac per singula demonstrare artem illam, non tantum bonam & diuinam esse, sed etiam honore & pretio dignam, nimis longi sermonis esset. Respondere etiam calumnijs omnibus, quibus eam traducit, prolixioris esset controuersia. Nec profectò tanta prolixitate opus est ad refutandas stolidas illas rationes quas adducit, vel tuendam tam liquidam certamque causam, qualis est illa quam impugnat. Primum, res est pudenda cum ijs, qui se Christianos nominant, & tales haberi volunt, imò etiam doctores se profitentur, de ea re contendere, quæ inter Gentes certa & indubitata fuit. Communis enim inter eos fuit hæc sententia, medicinam esse donum Dei. Tametsi nolim hoc eum præiudicio grauare, nisi quatenus veritas unicuique patebit. Dicit medicinam spiritus maligni suggestionem, in mundum irrepsisse. Ego verò dico, atque etiam probo esse à Deo profectam: cum scientia sit bene utendi Dei creaturis, quas nobis destinat, pro ut necessitati nos obnoxios esse voluit. Sicut enim Deus corpora nostra fami & siti subiiciens, esculenta & poculenta dedit, quibus huic necessitati subueniremus: frigori & calori nos subiiciens, adiumenta quibus obuiam iremus suppeditauit: sic cum nos morbis reddidisset obnoxios, remedia subministravit, quibus mederi nobis ac prospicere possemus. Qui negabit morbus à vitiosis qualitatibus proficisci, ab intemperantia, ab accidentibus etiam quæ aliunde manant, is meritò, ut sensu & ratione carens, ab omnibus reijciatur. Herbarum vis cæterarumque rerum percipitur experientia: ita ut qui vel micam habet cerebri, id oculis ipsis cernat. Scriptura refert Solomonem librum composuisse huius argumenti. An naturalis illa cognitio tam præclara, quæ in euidenti ratione sita est, & à Scriptura sacrosancta approbatur, pro incatatione, aut præstigijs Sathanæ habenda est? Cum Paulus mentionem facit de Luca, medicum nominat. Lucas, inquit, medicus, vos saluta: An hoc titulo eum dedecore afficere voluit, ac si latronem aut prædonem vocaret? Nunc ab egregio hoc censore dicti sui approbationem requiro: nempe, medicinam à Diabolo fabricatam fuisse. Allegat nos debere in meditatione legis, noctes & dies occupari: idèoque nihil nobis vacui ad cognoscendas herbas superesse temporis, quia sunt speculationes otiosorum hominum. Talis fanaticus dignus esset qui in cubiculo cum Biblijs includeretur, ademptis omnibus cibarijs ac vestibus, ut perspicere posset, quomodo cæteris cogitationibus prætermiſſis, ad sacri verbi Dei lectionem noctes & dies animum appelleret. At dicet, nobis comedere licitum esse. Excipiam nullo modo licere, si eius demetia fides adhiberetur. Quales enim sunt hæc distractiones, terram colere, serere, metere, triturare, molere, pinsere, coquere? Quantum temporis consumendum in ijs artibus perdiscendis, quæ ad victum & cultum corporis necessaria sunt: quanto etiam longiore opus est in ijs exercendis? Interim meditationi verbi Dei, quæ nobis ad id commendatur, nihil detrahi velim: sed ostendo deliros istos homines, quid præceptum illud sibi vellet, nunquam intellexisse. Nec enim Dominus nos in ijs occupari vetat, quæ ad hanc vitam tuendam requiruntur: modò semper ad altiora aspiremus, neque in eo præci-

Iesa. 38.

3. Ro. 4.

Col. 4.

puam impendamus operam, quod accessionis tantum loco esse debet. Vt ostendat Deum non tentari, si medicina contemnatur, dicit, verbum fore diabolicum, si quis secus loquatur: quo evertitur vniuersa Christianorum religio. Sed quæ est ratio? Quoniam, inquit, is non tentat Deum, qui omnem in eo fiduciam locat. Fateor: sed dico eum qui media à Deo ordinata contemnit, in ipsum minimè cōfiderere, sed praua temeritate & arrogantia tumere. En præclara argumenta ad condemnandas creaturas Dei, cum eius dedecore & probro qui ipsas in vsum nostrum destinauit, vt ipsis cum laude & gratiarum actione fruermur. De multis sententijs stultis & absurdis, quibus passim aspersus est liber ille, dicere omitto. Veluti, cum dicit Dominum nostrum Iesum solum esse hominem, in quo omnes sumus: & cum postremus sit, nullum præter ipsum superesse. Id quod ad Libertinorum blasphemiam accedit, de qua prius differuimus. Item, solam animam viuentem homini post peccatum remansisse. Quasi non esset eadem anima diuinis prius ornata dotibus, quæ nunc etiam per Christum instauratur. Item, blasphemiam esse magnam contra bonitatem Dei, parentes plusquam alios diligere. Quasi frustra hæc præcepta essent: Honora patrem & matrem: Viri diligite uxores vestras, similiter uxores viros suos ament. Sed habemus, inquit, fraternitatem spiritualem quæ longè præstansior est. Fateor: sed nego alteri ab altero vlllo modo derogari: modò in gradu suo singuli permaneant. Item, cum dicit, quæ Deus præcipit, non ideo facienda quòd ita iubeat, sed tantum, quòd exemplum ipse præbuerit. Item, cum dicit ferre crucem, esse pati æquo animo nos fieri vasa ignominie: cum è diuerso Deus nobis hanc perpetuò consolationem proponat: crucem quam ferimus societatem esse cum cruce Christi, vt imagini eius conformes facti, gloriosæ eius resurrectioni communiceamus, sicque fiamus honoris vasa, non ignominie. Existimo nemini non esse satis perspectum, quàm fugiendi sint tales libri, infecti opinionibus adeò fanaticis. Quòd ego demonstrare, nec vltra progredi volui.

Exod. 20.
Eph. 5.

Rom. 8.

CONCLUSIO.

Nunc omnes qui ex animo Deum quærunt, ac veritati eius libenter parent, rogatos velim, vt diligenter & tanquam in speculo considerent quàm perniciosum ac pestiferum sit, sinere se à pura Christi simplicitate abduci. Est enim formidabile exemplum iræ Dei, homines ratione præditos, quinetiam illustratos aliquo intelligentiæ lumine, in tam horribiles tenebras labi, vt se bestijs mutis similes reddant. Quòd periculum eiusmodi vitemus, demus operam, vt in timore & sollicitudine vocationis nostræ cursum persequamur: & proficiamus in doctrina, sed bona & vtili: eumque nobis ante omnia finem proponamus, ne quid velimus scire, præter id quod Dominus Scriptura sua nobis reuelare voluit: ne sacrosanctum Dei verbum, sensui nostro aut cupiditati subiiciamus: sed acquiescamus omnino ijs quæ nobis præscribit. Cauendum sedulo ne profanemur, cum nos in sanctificationem vocare Deo libuerit. Ne simus rerum nouarum cupidi, ne pruriamus auribus, quòd curiosa se citemur: sed quæramus ea quæ & nobis vtilia esse, & ædificationi seruire possunt. Ne inconstantes adeò simus aut mutabiles, vt in dies varietatem aliquam expetamus: sed ad verum iter deducti, ne inde deflectamus: compotes diuinæ veritatis facti, illi adhareamus, tanquam indiuidua copula connexi. Caterum nemo miretur aut consternetur, cum tam insolitos atque ab omni ratione alienos errores cernit. Nemo cōturbandi sui, aut abstinendi ab Euāgelio inde occasione sumat.

Potius omnibus modis nos in eo cōfirmare studeamus, ut hoc tanquā perēni fulcimēto subnixi, aduersus omnes tēpestates ac procellas inuicti stemus. No peto ut quisquam sententia meā adhareat, nisi ea conditione: si prius id quod doceo vtile esse cognouerit. Non peto ut infausta hæc doctrina, contra quam scripsi, improbetur, nisi quatenus repugnat doctrinæ Dei: neque id tantum, sed erroribus etiam referta est ad eodē execrandū, ut solo auditu horrorem incutere debeant. Restat solum ne oculi, ad cernēdum quod palām est, desint. Siquidem certum est neminem nisi iusta Dei vindicta excacatum, & sensu reprobo damnatum, hic posse circumueniri, quod Deum in verbi eius contemptu contumelia affecerit. Atque id causæ est, cur tam sedulo fideles hortatus sum, ut vocationis suæ perpetuō memores, nunquam ab ea deflectant: atque prospiciāt, quorsum Scriptura nobis data sit, quomodo eā sit utendum, ne profanetur ipsa, dum in alienum vsum trahitur, ab eo, in quem à Deo destinata fuit.

IOANNES CALVINVS SERVVS IESV Christi, Omnibus piis qui degunt Rotomagi.

Nelus quo afficior pro domo Dei, fratres, has me literas ad vos scribere cogit, tum quia sollicitus sum de salute vestra, tum quia dum vsipiam nomen Dei blasphemari, eiusque doctrinā corrumpi intelligo, dissimulare nō debeo, si qua mihi cōtradiciendi ratio sit, aut facultas. Oblata sunt mihi scripta cuiusdam Frācisconi, qui apud vos, tanquā religionis Christianæ studiosus, in vinculis tenetur: quibus perspicio hominem hæreticum, ac nequissimum, cuius veneno misera multorum animæ infici, atque in exitium duci possent, nisi ab ijs quibus illuxit gratia Dei, remedium afferatur. Ac, ne incertis quorundam delationibus temerē fidem habuisse videar, vos monitos velim, me iam ante annum, dialogum ab eo conscriptum, horrendis blasphemijs refertum legisse: ac me nuper à viris fide dignis certiore redditum, alia scripta quæ ad me missa sunt, & quæ finem eundem spectant, ab eius manu prodijisse. Vnica enim, ut aiunt, cantilena, ipsi nota est, quam perpetuō recinit: nempe, cū Deus rerum omnium author sit, nullum iam boni & mali discrimen esse habēdum: sed quicquid agitur, bonum esse, modò nullus animo scrupulus inhareat. Intelligo verò, dum execrandas hasce blasphemias euomit, permultos ei fauere, atque ad eodē fœminas quasdam non vulgares eum habere in delicijs. Ex quo facile est indicare, lasciuas ac prostituti pudoris istic esse mulieres, quæ splendidius ornantur, quò insigniora scorta sint. Nam, si honesti vel mica tantum ijs reliqua esset, neque perfrieta omnino frontis essent, vel minimum cum ipso commercium exhorrerent. Sed quoniam audio quosdam etiam minimè malos homines, prima fronte ab ipso falli, vos admonitos volui, ut cū venenum eius detexero, diligenter ab eo caueatis.

Speciosis quidem præfationibus uti solet, ut fucum faciat: sed cū ad rem aggrediendum est, nihil præter inanem speciem deprehenditur, tanquam sepulchri quod intus corruptione & fœtore scatet. Longis verò proemijs utitur, veluti: Omnes nostri sensus Deo subiiciendi sunt, nec quicquam de sapiētia nostra persuasum habere debemus: mēs nostra subigēda, ut veluti captiua morē Christo gerat: quod & ipsi fatemur. Imò nullo utitur apparatu hic impostor, quē ex doctrinæ

nanostra furatus non sit. Sed dum vobis aureum calicem porrigit, eò tantūmodo spē
 stat, vt vos veneno suo enecet. Non est igitur harendum ijs locis, quos extrarem
 citare solet: sed urgendus statim atque impellendus, vt ad rem redeat. Pri-
 mum, ei vulgare est, quod Libertinis omnibus, sacrosanctis Scripturæ verbis ludifica-
 ri: dum eam pro libidine torquet, variisque allegorijs transformat: quod nihil aliud
 est, quàm genuinum eius sensum adulterare. Hoc dum iste agit, infinita deliria
 comminiscitur: deinde Scripturam inuētit impudenter, vt eam somnijs suis ac-
 commodet, ac veluti subseruire cogat. Vt autem ad summam rei præcipuam venia-
 mus, Deum insimulat, quòd hominē crearit cum ea prauitate & vitiositate natu-
 ra, qua nunc præditus est. Quæ aperta blasphemia est, occasione homini præbens ex-
 cusandæ nequitie suæ, vt in Deum culpam reijciat. Contestatur quidem sibi longè
 aliam esse mentem: seque Deum mali authorem facere nolle, affirmat. Sed quid
 prodest eiusmodi subterfugium in re tam aperta? Si cuius malam percussit, an
 excusabor, si obtester id me offendendi hominis causa non egisse. Etenim, res
 ipsa manifesta est. Vt errorem suum approbet, testimonio Pauli abutitur, cū ad
 Ephe. 2. Ephesios ait, naturā nos, irā filios esse: atque admonet, vt nomen naturæ diligen-
 ter expendatur. Atqui, perspicuum est, Paulum de natura corrupta loqui, quam ex
 Adamo ducimus. Vnde verò oritur hæc corruptio? Paulus ad Romanos quinto id
 declarat: nempe, per vnum hominem peccatum in mundum ingressum esse. Itaque,
 nomen naturæ, creationem, qua conditi sumus à Deo, non significat, sed genus quod
 omnes à primo parente ducunt. Quemadmodum secundo ad Galatas ait: Nos Iu-
 dexi sumus natura. Nam intelligit eos originem duxisse ab Abrahamo, atque ita
 benedictionis ei, ac semini eius promissæ, esse participes. Vt etiam ad Romanos deci-
 mo, omnes Iudæos, naturales ramos sanctæ radicis vocat. Ita natura æternæ damna-
 tionis hæredes sumus: quoniam omne humanum genus, in Adam maledictum est. Vi-
 detis ergo vt fanaticus iste, Deum eius rei insimulet, quæ primo homini imputan-
 da est. Scriptum est enim, Deum creasse hominem ad imaginem & similitudinem
 suam: atque ostendit Paulus, imaginem hanc prius in nobis instaurandam esse: vn-
 de sequitur, Adæ peccato fuisse deletam. Atque hinc concludo, peruersam ac vi-
 tiosam hanc naturam à creatione Dei nō oriri, sed à culpa Adæ, qui sese corripit:
 Ecclie. 7. quemadmodum etiam Solomo testatur, inquiens: Scio Deum creasse hominem re-
 ctum. Sed ipsi varias inuentiones quæserunt.

Porro, sub prædestinationis prætextu sic hominem in nihilum redigere con-
 tur, vt reprobis exitio suo nihil agant. Atque hinc prædestinationis doctrinam ob-
 scurāt exēplo sophistarum: quam vt illustrare & planiorem redderem, omnes me-
 studium atque operam adhibuisse sciunt. Sed si comparētur ea quæ tractaui cum in-
 terpolatis sententijs, quas iste vnde quaque euerit, perspicuum erit omnibus quanta
 hic audacia Scripturæ locos adulteret, quibus verā ac certā solutionē attuli. Quid
 enim eius refert, modò euadat? Fateor igitur Deum quos vult indurare, & misere-
 riqorum vult; nec rationem cur id faciat, ab ipso reposcendam esse. Nec tamen
 sequitur reprobos, propterea quòd indurātur à Deo, à seipsis nō indurari. Nā dū ita
 loquitur, sacrā Scripturā arguit mēdacij. Interea nihil ad rē facit, quod ait, malū
 nobis inharēs, ab originali peccato, hoc est, ab homine ipso nō oriri: tamen si Deus præ-
 uiderit ac statuerit priusquā mūdū crearet, quid vnicuique nostrū fieri vellet. Nec
 Verò frustra ad Dei imaginē creati sumus: sed nos conuictos tenere voluit, vt à no-

Ose. 13.

his ipsis exitium nostrum oriri intelligamus, quemadmodum per Oseam Prophetam testatus est. Perditus hic nebulo tria solummodo interiora peccata esse affirmat: nempe, inanem sapientiam, virtutis, ac iustitiæ nostræ persuasionem ac confidentiam. Ac subiicit exteriora peccata omnia eò referri posse. Fateor quidem hæc tria vehementer damnanda: nec ullam esse capitaliorem pestem, quam si quis arroganter sibi de se persuadeat. Sed si hæc tria solummodo peccata sunt: quid avaritia, quid invidia, quid vlciscendi libido, quid mœchandi cupiditas, & eiusmodi? De interioribus vitijs tantum loquor, quæ animis inhærescunt. Cum huius quod cudit ternarij speculum proponere vult, Petri exemplū citare solet: sed vnicū tandem: nempe, peruersam virtutis confidentiam reperit. Atque in eo belluinus hominis stupor aperit: deprehenditur. Tres inquit, abnegationes quibus Petrus usus est, triplicis peccati figuram gerunt. Postquam nominauit primum, si alia duo querantur, nihil habet quod respondeat. Sed videamus an Petrus arrogantia tantum & falsa persuasionem elatus, peccarit. Nam abnegauit Dominum suum, quod vitam hanc miseram & caducam pluris, quam pretiosissimum fidei testimonium faceret. Hæc autem imbecillitas qua sic ad momentaneam mortem trepidamus, vt fontem vitæ abnegemus, ac pluris faciamus mundum hunc quam honorem Dei, detestabile vitium est, sicuti abunde patet. Et tamen venerandus hic doctor, huius rei rationem haberi vetat, ne peccatum censeatur.

Verum, ex consequentibus quæ hinc deducit, magis patet ipsius nequitia. Ait enim peccatum ideo remissum Petro, quod agnouerit & confessus sit, sibi quicquam agendi potestatem defuisse, seque nihil egisse. Contrà, non esse remissum Iudæ, quod viribus suis præsideret, inquiens, Prodidit sanguinem iustum. Quis tantam blasphemiam non exhorreat? qua vniuersa pœnitentia in eo statuitur, vt dicamus nihil à nobis factum aut admissum esse. Qui igitur post admissum adulterium, latrocinium, aut homicidium dicet. Nihil agere possum, itaque nihil egi, iustus erit: & qui humili & mœsto animo fatebuntur se grauia in Deū scelera admisisse, damnabuntur vt rei, ac pœnitentiæ expertes. Quid ergo perditus hic ganeo de Paulo sentiet? In eundem enim ordinem cum Iudæ ipsum rediget, cum similem confessionem edat. Postquam enim dixit se prius Ecclesiæ persecutorem atque fidei hostem fuisse, subiungit, se ignorantia & incredulitate id fecisse. Quid de Davide pronuntiabit? De crassa & belluina eius ignorantia omitto dicere: cum nullum in Davide peccatum præter arrogantiam agnoscit. Nam adeo impudens est, vt dicat David, cum Uriam occidi iussit, iustitiæ suæ: cum Bethsabeam rapuit, viribus suis confidisse. Sed his prætermisiss, de eius pœnitentia videamus. Nonne se crimen, cuius Nathan ipsum accusat, fatetur admisisse? Ex præclari huius doctoris sententia, David pro indurato habendus est: quod in Deum scelus non reiciat, nec fateatur se nihil posse. Denique, improbat omnes confessiones quæ à Scriptura probantur, cum fideles aiunt, Peccauimus, iniquè egimus. Nec tamen huic misero homini sufficit hæc blasphemiam: nisi etiam addat stimulos, quibus homines ad lætitiā incitet, postquam iniquè egerint: quod ita placeat Deo, cui quod placet, rectum est: cum potius ipsos ad gemitus & lacrimas hortari oporteret. Quod enadet doctrinæ Pauli monitis, eos quos sceleris sui pœnitet, tristes esse debere? Itē, quod ab Ezechiele Prophetâ dictū est, Tuarū tibi viarū in mentē veniat, & erubesces. Vt talem blasphemiam cōprobet, Ieremiæ locū adulterat, vbi ait, Scio non esse hominis viam eius, nec

2. Cor. 7.
Eze. 16.

Iere. 10.

Isa. 41.

in hominis potestate esse, ut dirigat gressus suos. Atqui, nō est ea Prophetæ mens, ut nihil in posterū mali agere possimus, quēadmodum perditus hic nebulo cōcludit: sed cum non sit in manu nostra positum, ut quod nobiscum ipsi statuimus, ad exitum perducatur: nec quicquam à nobis constitui posse, quod non euertat Dominus, ut dementiam nostram puniat, ideo se totum addicit ac summittit Deo, ut ipso duce ac direttore utatur. Adulterat etiam Isaia locum, ubi Propheta ait: Ut sciamus vos deos esse, benè facite, aut malè facite. Quem locum sic interpretatur, ac si Deus impios rideret, qui benè aut malè agendi potestatem sibi esse putant. Atqui, illic agitur de idolis, quorum vanitatem arguit Dominus, quòd neque suis cultoribus prodesse, nec contemptoribus obesse possint. Boni enim nomine, beneficia: mali verò, supplicia atque animaduersiones intelligit.

Idem agit alijs locis, quos veluti sus impurus rostro euertit: ac præsertim septimum caput Epistolæ ad Romanos: inquit Paulum illic personam gerere Adami, quòd iacet se male agere posse. Atqui Paulus tractat de homine regenerato, cui semper reliquiæ peccati nonnullæ restant. Quinetiam Paulus sese exemplo proponit, & fatetur se ob carnis infirmitatem, quæ spiritali desiderio repugnat, bonum quod cupit, efficere non posse. Sed, infauisto huic homini sacras Scripturas discerpere ac diuellere nulla religio est. Equidem non nego eum qui vero pœnitentiæ sensu afficitur, agnoscere debere sibi nullas omnino ad bene agendum aut vitandum malum inesse vires: ut postulet à Deo virtutem, qua alterum fugiat, alterum verò sequatur. Sed non ideo concludendum est peccatorem scelerum suorum sensu affici non debere, ut se peccasse intelligat.

Iam satis superque vobis notæ sunt, fratres, execranda blasphemia, quas impurus hic nebulo aduersus Deum & sacram ipsius doctrinā euomit. Nec quicquā præterea cordatis & bona conscientia præditis viris referendum erit, ut ipsum exhorreant ac detestentur. Si iubet Paulus eos notari qui admonitioni suæ parere nolunt, ut omnes ipsos deuitent: quāto magis execranda hæc pestis notanda est, quæ cum simulet se gloria afficere Deū velle, eum in Diabolum cōmutat? Neque verò hic nobis Scribas & Phariseos alleget, quos doctrina Christi offendebat. Nam hæreses quas iste docet, nihilo magis conueniunt, aut commune quicquam cum Christo habent, quàm Belial. Obtendit persecutiones quas sustinuit, ac si Sathan martyribus careret. Parum enim est persecutionem pati, nisi causa discernatur. Quòd omnes qui ipsi repugnant, tanquam superbos & inani scientia tumidos condemnare audet, is ipse arrogantiam suam demonstrat. Nam quibus sanum iudicium est, facile perspiciunt bestiam esse ignarā, quæ sacras Scripturas cōuellit ac distorquet. Ac nihilominus effertur vana persuasione sui, sicque applaudit ignorantia suæ, ut eos rideat, quos Deus donis amplioribus ac præstantioribus ornavit. Tamen si in eo sibi ipse repugnat. Nam interdum, quod nescit, vituperat: interdum se Hebraicum fingit, quòd pluri ab idiotis & vulgo æstimetur. Ut cum ait: Israel significat Videntem Deum. In quo se planè cæcum demonstrat. Moises enim interpretatur Fortem coram Deo, aut potentem. Deinde, Latinæ linguæ interpret esse vult, cuius haud magis peritus est, quàm Hebraica. Sed pauonem esse diceret, qui expansis alis sese admiratur, dum temerè de rebus incognitis disputat. En venerandi huius doctioris humilitas, qui tanquam oraculum, pronuntiat se, ex quo Dei notionem adeptus est, nihil nisi optimum dixisse

xisse. Cui ego cum Augustino respondeo, eiusmodi iactationem non posse, nisi ab homine insano, atque prorsus hebetè proficisci.

Conabor nihilominus summam doctrinæ ipsius paucis explicare, ut de ea ipse loquitur. Hominem creatum esse improbum à Deo, simul & Diabolum, fingit: ac Deum, cum id faceret, nihil mali fecisse, dicit. Hoc ut probet, sententiam adducit Isaia, dicentis: Ego sum Deus, creans lumen & tenebras, faciens pacem & malum. In quo sibi ipse repugnat: nam, ex eius sententia, Deus se mali auctorem vocat: quod tamen negat. Discat igitur concordibus tibijs hinc canere. Notandum est autem Isaia sententiam ab ipso corrumpi, quemadmodum & Ieremia, dum ait: Estne malum in ciuitate, quod non fecerit Dominus? Vterque enim Propheta incredulitatem eorum reprehendit, qui iudicia Dei, fortunæ tribuebant. Mali igitur nomine intelligunt, quas vulgò res aduersas vocamus. Itaque, Isaia malum opponit paci, quæ res prosperæ apud Hebræos significantur.

Caterum, cum Diabolum semper malignum fuisse asserit, id Scripturæ aperte repugnat. Nisi satisfaciât ei, quæ octauo capite Ioannis dicuntur, aperta sunt testimonia Petri, Epist. ij. item Iudæ: ubi tractatur de lapsu eorum, qui, cum Angeli essent, Diaboli facti sunt. Sed videamus qualem in modum se à Ioannis testimonio explicet. Ait verbo Standi Latine significari Esse. Id fo. sin. verum est, idiomate Franciscanorum. Sed non animaduertit Ioannem Græca lingua scripsisse. Quid ageres cum lepido hoc magistro, cui satis est modò à probis mulierculis æstimetur, quæ ipsum delicate tractant, dum tenetur in vinculis, ut se lenonem ijs præbeat, ac persuadeat nihil esse mali in stupris & adulterijs, cum à Deo omnia fieri cognoscimus. At secum facere contendit quod illic dicitur: Diabolum mendacem fuisse ab initio. Ac si Ioannes diceret, ipsum à creatione talem fuisse. At longè ipsi alia mens est: significat enim, Diabolum ab initio seduxisse homines, cum prius à veritate in mendacium decideret.

Fateor quidem Paulum ad Romanos, ix. sic de prædestinatione tractare, ut ostendat omnia fieri admirabili consilio Dei. Neque ulli causa est cur calumniatur à nobis passuum effingi Deum: nam, ei summam rerum omnium administrationem tribuimus. Sed nihilominus cum Diaboli & homines peccant, id eorum vitio & culpæ tribuendum: ut de Diabolis dicitur illo Ioannis loco, quem citauimus: Cum mendacium loquitur, dicitur sua loqui. Quod attinet ad consilium illud arcanum Dei, humiliter ipsum adoramus, quod ea sit ingenij nostri imbecillitas, quæ ad tantam celsitudinem pertinere nequeat.

Ut se excuset, ait se non ignorare malum in nobis hæere. Quid præterea? Asserit, nihil à nobis agi. Contrà, fatetur Dauid: Malum coram te jeci, Domine, ut iustificeris aduersus eos qui te condemnant. Sed alia adhuc in eius verbis repugnantia est. Nam si Deus sic omnia faciat, ut creaturæ nihil agant, sequitur nihil fieri mali. Siquidenim agitur mali, auctor citetur. Atqui nullus reperietur præter Deum, in quem hoc cadere non potest ut malè agat. Quò igitur euadent nomina peccati, iniquitatis, præuagationis, nequitia, contumacia, quibus Scriptura referta est? Quorsum verò Deus homines accusat, si nihil mali agunt? Quid tandem reperiet in ijs quod cõdemnet aut puniat? Queret, utrum negem à Deo petri omnia. Respondeo, sic Deum agere, ut etiam creaturæ agant suo modo & gradu: atque in eodem opere, cum Deus pro sua bonitate bene agit, hominem pro sua

Psal. xi.

malitia malè agere. In summa, huc tantùm spectat, vt discrimen tollat boni & mali: vt nemini quidvis facere aut perpetrare religio sit, cum omnia Deo tribuet. Quamobrem, ait peccatum Sodome esse, cum quis se malè agere putat. Ita execrandum illud & belluinum Sodomitarum crimen, quod tam grauiter damnat Scriptura, diluit, atque in auras emittit, ne peccatum censeatur. Quod ego ipsum haud abs re facere arbitror. Nam facilè existimo ipsum, vt ordinis sui priuilegijs frueretur, insigne hoc facinus exercuisse. Et nunc, vt præclara fert eius philosophia, iisdem cogitationibus sese oblectat, quoniam opus Dei esse censet. Nec enim pudet ipsum asserere, nos malis agendis, cooperari Deo. Scriptura quidem ait impios esse velut instrumenta iræ ipsius: sed execranda blasphemia est ijs tribuere Cooperariorum nomen, quod societatem & coniunctionem notat. Nimia verò admodumque stolidi ipsius impudentia est, cum nos Adamo creationem nostram tribuere fingit, vt quæ de peccato originali dicimus, eludat. Nam si hominis elephantiaci liberici eandem ab ipso corruptionem ducunt, id tamen honorem Dei nullo modo imminuit. Nec quicquam dicimus, nisi quod David testatus est: nos in iniquitate conceptos esse. Sed talem creatum fuisse Adamum contendit, quales nunc sumus, neque ab ipso naturæ nostræ vitium proficisci. Quod certè, prorsus repugnat doctrinæ Pauli, docentis nos omnes in Adam peccatores esse. Similitudo quam adducit ex Ieremia, nihil ad rem facit. Illic enim Propheta nullo modo loquitur de peccato, aut creatione hominis: sed quia peruicaci & obdurato animo resistebat populus, nec minas Dei verebatur, declarat Propheta tam facile Deo fore ipsos delere, quàm facilè à figulo vasa lutea conteruntur. Nam ab ipso in eum, quem obtinebant statum, euecti erant. Nouam ergo naturam nobis ab Adamo traditam esse non dicimus, sed Deum iusto iudicio nobis in ipso maledixisse, ac voluisse nos ob illius peccatum, corruptos nasci, vt in Christo instauremur.

Psal. jr.

Iob. 4.

Vt probet & Diabolos & homines natura malitiosos esse, imò Deum ijs malitiam indidisse, locum Iobi citat, vbi Deus iniquitatem in Angelis ipsis deprehensurus esse dicitur. Cum adducit hunc locum, cū Scriptura sacra, more suo, ludit. Nam si de Diabolis illic ageretur, argumentatio conuenire non posset. Huc spectat Spiritus sanctus, vt hominibus demonstraret, neminem prorsus coram Deo iustum fore. Idque, vt planius doceat, ait, ne Angelos quidem ipsos adeò puros aut perfectos esse, quin multa in ijs requirat, si summo iure cum ipsis agere velit. Et certè, quid creatura est, si cum Creatore conferatur? Quemadmodum etiam dicitur, ne stellas quidem coram ipso lucidas esse. Quid, quæso, fanaticum hunc hominem ista inuāt? Deinde, cum ei visum est, fatetur esse Diabolos, ac momento vel minimo, sententiam mutat, negans serpentem, de quo loquitur Moyses, Diabolum fuisse.

Gen. 3.

Mat. 27.

Marc. 11.

2. Cor. 5.

Ose. 13.

Rom. 6.

Vt autem probet, Deum nihilominus animaduersurum in eos, qui ab omni noxa abstinerunt, exemplum fisci adducit, quæ à Christo maledicta est, cum tamen Deus sterilem ipsam redderet, solusque in causa esset. Sed longè aliter de hominibus loquitur Spiritus sanctus, vt cum ore Pauli dixit, omnes prout in corpore gesserint, siue bonum, siue malum, recepturos. Nec tamen intelligo nos boni, quod agimus, authores esse. Si excipiat eandem in malo valere rationem: longè aliter à Propheta pronuntiatum est: Perditio tua exte Isra. l: à me tantummodò est auxilium tuum. Ideo Paulus, alio loco, inter hæc duo distinguit nominatim: inquit,

ens,

ens, mortem, peccati stipendium: vitam verò æternam, donum Dei gratuitum esse.

At perditus hic nebulo omnia confundit, neque ullum discrimen admittit: interea magno fastu sententias iactat malè intellectas: ut cum allegat id quod Christus ait: Pater, qui in me habitat, ipse est qui facit opera. Atqui, illic agitur 102.3.14 de probanda diuina virtute, quæ in miraculis ipsius elucebat. Propterea dicit, fieri non posse, ut ea miracula ederet, nisi Pater in ipso habitaret: quoniam opera illa viribus humanis superiora erant. Delirus hic impostor locum illum torquet, ut Deum omnia facere ostendat. Caterùm, non nego, Deum providentia sua efficere omnia: sed declarationem adiungo, quam Scriptura docet: nempe, nos regi Spiritu ipsius, ut bona agamus, quæ nobis agenda dedit. Atque ita inferiore gradu à nobis agi, quod per nos ipse agit. Quòd attinet ad malum, nos eius authores vocamus: utque iam antea diximus id nostrum esse, quòd eius radix nostra sit, & naturæ nostræ insita: non ei quam Deus creauit, sed quatenus corrupta & vitiosa reddita est. Quòd autem obijcit, hoc modo non fore authorem rerum omnium: facilis est solutio inter eos, qui non penitus cerebro carent. Malitia enim & perversitas, quæ tum nobis ipsis, tum Diabolo inhaeret, creata substantia non est: sed operis diuini corruptio, atque imminutio eorum, quæ nobis à Deo indita fuerant: quemadmodum omnes prauæ cupiditates nihil aliud sunt, quàm effrænes & dissolutæ eruptiones aduersus regulam, quam probauit Deus ac præscripsit. Quamobrem dicimus Diabolum & hominem, cum creati sunt à Deo, fuisse bonos, mutabiles tamen, atque volūtate Dei, nobis incognita, æqua tamen & iusta, utrosque lapsos, lapsuque suo naturam suam mutasse, atque eidem condemnationi subiectos, exceptis ijs quos elegit Dominus, atque eximit per gratiā Iesu Christi. Hæc quæ nos Spiritus sanctus docet, impius iste euertere conatur, ut tenebras cum luce misceat ac confundat.

Obijcit, Deum misisse Sathanam, ut seduceret Achab: fateor: nec permisisse, sed ita statuisse dico. Sed diabolicæ doctrinæ est, negare Sathanam falsosque doctores nihil agere mali, dum homines seducunt. Videte, quæso, fratres, atque iterum legite diligenter, quæ de hac re in mea Institutione tractaui: ac reperietis, quod animos vestros pacatos reddat, ut gloria reddatur Deo: vos autem pudefacti, vosmetipsos summissè humiliterque geratis. Caterùm, quòd fingit Micheam ad tempus seductorem & simulatorem fuisse, idemque de Paulo oblique persuadere conatur, impia calumnia est. Nam Micheas ridebat Achab, quòd assentatorem potius, quàm Prophetam habere vellet: ac si diceret, Non sum à te accersitus, ut fungar officio Prophetæ, tibi que vera prædicem: sed potius, ut assenter, tibi que placeam. Agedum: quandoquidem ex libidine animi tui hæc fieri cupis. Atque hæc ironia planè ab impio Rege intellecta est. Quare, sanctissimo Prophetæ, maxima à perdito hoc homine infertur iniuria. Idem de Paulo dicendum est: nec enim simulatione usus est, ut illiciti quicquam faceret, aut imperitos falleret: sed eorum imbecillitati sese accommodauit, quantum per Christianam libertatem ipsi licebat, quæ omnibus pijs ad promouendam atque ædificandam Christi Ecclesiam data est.

Sed quòd deinceps hic tendat, perspicuum est: nempe, ad spiritum duplicem Libertinorum. Ait enim, Abrahamum, dum mentitus est, à Spiritu veritatis impulsus ac directus fuisse: quòd apud imperitos mentiri ipsi liceret. Atque in eo

aduersus sanctum Patriarcham & aduersus Deum blasphemus est: nec enim meritum est Abraham: hoc est, nihil sua sponte aduersus veritatem pronuntiauit. Mendacium velut licitum tueri, vt imperiti fallantur, blasphemia est in Deum, cuius officium est mendaces perdere ac delere.

Mortificationis nomen, saepe ipsi, vt ceteris Libertinis, in ore est: sed quale mortificandi genus intelligat, attendite: vt se ipse aperit. Si quis intelligat omnia fieri à Deo, ratum deinceps erit quicquid aget. Modò enim quispiam dicat: Nihil possum, quicquid libet, ei licet. Denique, mortificatio est, cum quis nec boni, nec mali discrimen tenet: & tanquam laxis habenis quouis impellitur, atque omnia bellè habere dicit, quòd ea Dominus efficiat. Nam, sicuti iam prius exposui, nullam aliam pœnitentiam agnoscit, qua perfectus homo reddatur, quàm si quis fateatur à Deo fieri & cognosci omnia, ipsumque solum esse iustum. Cetera omnia superuacanea, imò damnanda esse affirmat. Hæc controuersiam moueat cum Paulo, qui conqueritur de ijs, quos suæ impuditiæ, scortationis, atque immunditiæ non pœnitet. Fortasse dicet, Paulum theologia non tam abstrusa & recondita instructum fuisse, vt ei satisfaciatur. Verum his tribus gloriam Dei consistere dicit. Quid igitur de bonitate & misericordia censendum, quæ gloria ^{καὶ εὐδοκία} vocatur? Cum Deus per Ieremiam ait, nos in eius cognitione gloriari debere, subiungit, se cognosci velle: ibique iudicium & misericordiam potius, quàm sapientiam & virtutem nominauit. Legimus titulos, quos sibi in summa illa & authentica diuinitatis suæ reuelatione attribuit, cum se Moisi patefecit. Non videmus illic triadem hanc, qualem fanaticus iste fingit: sed Deus, gloria afficitur in misericordia & clementia sua, in patientia & veritate. At dicet hæc omnia ad tria illa referri. Cur verò ad tria potius, quàm quatuor? Estne quicquam magis proprium Deo, quàm veritas? Vbinam ostendet Deum nominari Virtutem, Sapientiam, aut Iustitiam, vt à Ioanne Charitas vocatur? Perspicuum est igitur ab ipso obscurari & restringi gloriam Dei, cum tribus hisce virtutibus, contra Euangelij doctrinam ipsum includat. Inanes sunt argutiæ, quæ prima fronte placent: sed cum propius cernuntur, instar fumi euanescent.

Accedit alius articulus de perfectione, ad quam ex eius sententia, pertinere possumus in hoc mundo. Ac nititur præclara ratione: nempe, duo contraria in eodem subiecto esse non posse. Ac si Paulus non doceret, pios in hac mortali vita, assiduam inter carnem & spiritum pugnam sentire. Alloquitur enim filios Dei, Galat. 3. cum Galatis scribens, ait: Spiritus pugnat aduersus carnem, & caro aduersus spiritum: ita vt quæ vultis, ipsi non faciatis. Atque septimo ad Romanos, fusius hoc argumentum deducit. Insanus hic ait, Paulum suscipere personam carnalis hominis non mortificati. Atque, vt calumniosa interpretationi, quam affert, colorem aliquem obtendat, adducit quod dicitur initio capitis: Eos alloquor qui Legem norunt. Sed nimis impudentiæ est id referre ad eam similitudinem, quam attingit Paulus de obligatione vxoris erga virum. Et certè, quæ illic continentur, alijs conuenire nequeunt, præterquam ijs, quos Deus Spiritu suo regenerauit: nam disertè ait, se, cum nosset Legem, se ipsum adiudicasse morti, nec amplius inanem vitæ persuasionem habuisse. Item, sibi ad sequendum Deum voluntatem esse alacrem atque promptam: quæ certè nemo, nisi per regenerationem, adipisci potest. Item, à se non fieri malum, sed à peccato, quod in ipso inhabitat. Quo significat id sibi potis-

potissimum esse in vobis, ut adhæreat iustitiæ Dei, sed imbecillitate carnis sua prohiberi. Sed nihil adeo miror, quam conclusionem ab hoc phrenetico non spectari. Fatetur enim, veram esse hominis mortificationem, cum quis omnem potestatem Deo, non sibi attribuit. Atqui, Paulus se miserum ac servum peccati esse fatetur, nec usquam, nisi in gratia Christi, conquiescit. An illa, quæso, hominis carnalis oratio est? Quod alio loco dixit: Non iam vivo ego, sed vivit in me Christus: huic Gala. 2. sententia non repugnat. Ac facile uterque locus conciliatur ex eo, quod octavo capite dictum est: Corpus mortuum est propter peccatum: spiritus autem vita ob iustitiam. En quomodo contraria in eodem subiecto, adversus fanatici huius doctrinam, esse possint. Nam vita inchoata est, & mortis non nihil restat. Et certè ingredimur in vitam fide, incredulitas autem mors est. Scriptum est autem: Credo, Mar. 9. Domine, adiuva incredulitatem meam. Item Domine, adauge nobis fidem. Hinc perspicuum est, fanaticos eiusmodi homines, nunquam gustasse quid Deus donumve ipsius esset, cum non intelligunt ea esse imperfecta, & quod illis deest, contrarium ipsi vitium esse.

Exempla omnia quæ cumulat, ut perfectionem probet, quam in hominibus esse posse imaginatur, dum istic vivunt, nihil ipsum iuvant. Iosephum allegat, quem typum Christi gessisse dicit: atque hinc contendit ipsum ab omni peccato fuisse immunem. Aio verò, Aaronem, illiusque successores, similiter typum gessisse Christi: ac nihilominus iussos esse sacrificare pro peccatis suis, antequam pro populo intercederent. Porro, quia de Samuele scriptum est, nullum unquam ab eius ore 1. Reg. 3. verbum cecidisse in terram, querit, an existimandum sit, ipsum ad ultimum usque diem vitæ, peccatorem fuisse. Aio verò, malè ab isto intellectam esse hanc sententiam, qua de ijs tantum agitur quæ Propheta loquutus est, dum munere suo fungeretur. Quod etiam de Isaia & Daniele verè dici potest: & tamen Isaia in Iesa. 64. extrema senectute dixit: Peccavimus, Domine. Daniel quoque septuaginta annos Dani. 9. natus, ut ipse refert, sua & populi peccata fatebatur. Sed ne prolixior sim, quàm par sit, ad Davidem venio. Quarit enim hic fanaticus, an non inter tot preces ac gemitus, quos edidit, dum à peccato liberari cuperet, exauditus sit. Respondeo, exauditum fuisse: sed eo modo, quem Paulus docet, qui idem optabat: nempe, cum ex hoc mortali corpore ereptus est, quo veluti carcere, in servitute peccati detinemur. Nec alio sanè, quàm eius ipsius testimonio opus est, cum ait: Ne ingrediaris in iudicium cum servo tuo, Domine: quia non iustificabitur in conspectu Psal. 142. tuo omnis vivens. Neque hunc canem oblatrando & blasphemando excipere oportet, Davidem eo tempore carnalem fuisse: nam eo tempore, quo perfectissimus fuit, ac tanquam Propheta Dei, loquutus est. Nec tantum de presenti tempore loquutus est, sed totam hominis vitam comprehendit: quemadmodum etiam Psalmo tricesimo, secundo perpetuam doctrinam tradit, inquiens: Beati quorum remissa sunt iniquitates, &c. Quam doctrinam, Paulus omnibus filiis Dei accommodat. Et certè, non abs re Dominus noster Iesus Christus Apostolos suos precari docuit in hunc modum: Remitte nobis debita nostra. Perditus hic ganeo execrandam blasphemiam euomit, inquiens: Christum discipulos suos eo tempore, quo carnales erant, ita docuisse: quod certè, nec Celestini, nec Pelagiani unquam dicere ausi sunt, qui hanc ipsam hæresim tuebantur. Et cum verba Christi expenduntur, eo magis patebit fanatici istius impudentia. Nec enim ait: Nunc ita precandum: sed

Precabimini in hunc modum perpetuam ijs regulam tradens. Denique, quisquis remissionis peccatorum non eget, neque discipulus Christi, neque membrum Ecclesiae sit. Omnes enim Christiani, postquam se vniuersalem Ecclesiam credere confisunt, adiungunt, se quoque remissionem peccatorum credere, secundum ea quae à Prophetis praedicta fuerunt: nempe, omnibus veræ & spiritualis Hierosolymæ incolis peccata remissum iri.

- Obsecro autem vos, fratres, ut quanta perdit huius hominis impudentia sit, attendatis. Nam cum hunc Ioannis locum soluere conatur: Si dicimus quòd peccatum non habemus, nosmetipsos seducimus, & veritas in nobis non est: respondet id carnalibus dictum esse. Atqui, paulò prius dixerat Ioannes: Si in luce ambulamus, sicut ipse in luce est, societatem habemus inter nos mutuam. Quid furiose huic bestiae faceres? Excipit, postea dici à Ioanne, Eum qui natus est ex Deo, non peccare. Fateor: verum id pro mensura regenerationis, quam adeptus est, intelligendum: ita, ut peccatum in ipso non regnet. Omnes autem filij Dei re ipsa experiuntur hanc regenerationem haud statim primo die perfici: sed contrà, ad eam semper magnis laboribus contendunt, & cum Paulo aiunt, se nondum adeptos esse. Sed huic fanatico inanibus verbis de regeneratione blaterare haud difficilior est, quàm Scholasticis de bello, quod nunquam experti sunt. Dico igitur, eum qui ex Deo natus est, non peccare, quoniam peccato deditus non est, sed præcipuus eius affectus tendit ad cultum Dei, quemadmodum ait Paulus: Ne regnet peccatū in mortali vestro corpore. Optandum sanè esset, ut ne insideret quidem ullo modo: sed quoniam id fieri non potest in hoc mundo, ei dominationem adimi iubet, ut iustitiæ Dei summittamur. Similiter abutitur hic fanaticus dicto Pauli, ad Romanos octauo, dum ait, nihil esse damnationis ijs qui sunt in Christo Iesu, qui Spiritū ducē, non carnis suæ impetum sequuntur. Atque hinc perspicuum est ipsum, tanquā nequissimum de grege Epicuri porcū, sacrosancta Dei scripta ridere. Nam statim apud Paulum sequitur, corpus mortuum esse ob peccatum. Et cum ijs nihil damnationis esse dicit, intelligit peccata ipsis non imputari. Væ enim illi, qui iudicabitur ex iustitia sua. Quemadmodum etiam Iacobus grauius comminari, aut maiorem isto terrorem inferre nequit: quàm ut sublata quispian misericordia iudicetur. Fateor quidem nos, si filij Dei sumus, à Spiritu sancto duci ac regi debere, ut voluntati Dei conformemur: atque domemus & mortificemus rebellionem carnis nostræ: sed nihilominus semper in nobis vitia restant: ita, ut vera perpetuò sit Augustini sententia, dicentis: Iustitiam, quam pij obtinent in hac vita, magis consistere in remissione peccatorum, quàm in virtutis perfectione.

- Nec pugnat ista cum ijs quæ phreneticus iste adducit: nèpe, si nūquam homines à peccato liberari possent, Paulū non ita frequenter monitum fuisse fideles, ut veterem hominem enecarent. Nobis enim scopum demonstrat ad quem omnes collimare oportet. Progrediamur ergo & proficiamus, quantum fieri poterit: ac multum profecio efficiemus, si eosque ad extremum vitæ accedamus. Alioqui frustra vita hæc, Cursus vocaretur. Quamobrem, prætermisiss hisce delirijs, quibus Sathan vos excæcare, perdit huius ganeonis ministerio conatur, fratres, doctrinæ Evangelij adhereret, quæ nos docet, ut ad extremum usque diem vitæ in penitentia proficiamus.

Contestetur, quantum volet, se licetiam peccandi præbere nolle: hoc enim nihil

nihil aliud quàm inane, nimisque ridiculum simulationis velum obtenderè: quoniam peccatū, ipsi nihil est, cum Deus omnia facere putatur. Atque idē est integumentum, quo tegitur, ut se Deum gloria afficere fingat. Nobis quidem vnice omnique studio curandum est, ut gloria Deo ubique omnibusque in locis in solidum reddatur. Sed cum his tribus articulis concludit gloriam Dei, nimis audaciter ipsi præscribit: ait enim, Deum non aliter affici contumelia, quàm cum falsa sapientiæ nostræ, meriti, atque liberi arbitrij persuasione efferimur. Hinc consequens esset, Deum nulla ab Antichristo Romano contumelia affici, cum iurisdictionem usurpat in animas, quas pro libidine sua condemnat. Excipiet hic nugator, id sub tribus articulis ab ipso expressis comprehendi. An non Spiritu sancto sapientior est, ut eius linguam immutet? Disertis enim verbis admonet Paulus, quod solius Dei est Rom. 14. ab homine mortali usurpari, eiusque maiestatem imminui, cum quis se proximorum iudicem statuere audeat: Tu quis es, inquit, qui fratrem tuum iudicas? An non omnes statuemur apud tribunal Christi? Similiter & Iacobus: Quod si iudicas Legem, non es obseruator Legis, sed index. Vnus est Legislatores, qui potest seruare & perdere. Quæso, an non hæc superbia seorsim notanda est: cum homo, qui pulvis accinis est, conscendit tribunal Dei, ut iudicia in animas exerceat, quæ sibi tantum reseruauit? Rursus, posteaquam hic blatero multum obstrepuit, ut se Deum gloria afficere velle simulet: summa huc redit, ut omnia rectè fieri agnoscamus, quod Deus omnia efficiat: ut hoc velo, quicquid est scelerum, vel maxime detestabilium, tegatur: & quicquid putidissimum est, optimi odoris esse iudicetur. Denique, ut Deus stupratoribus & adulteris se lenonem, latronibus & homicidis receptatorem ac fautorem se prabeat: quæ blasphemiae adeò horrendæ sunt, ut omnes earum commemoratione cohorrere, atque expauescere debeant. Nec verò ipsi sat est causam suam tueri, nisi etiam Quintini defensionem, tanquam patronus, suscipiat. Si referenda essent ea, quæ Christiani omnes in Quintino detestari debent, non referrem ea quæ accepi ab alijs, sed quæ ipse vidi ac perspexi. Ego tamen ab ijs abstinebo, & non nihil de eius exitu solummodo perstringam, ut qualisnam fuerit præclarus hic martyr, omnes agnoscant. Nulla fuit alia occasio, cur in vincula coniceretur, quàm quod honestas & pudicas foeminas ad stuprum sollicitaret. Nā ut emissarij equi, quanuis senio confecti, ad equas, sic ille ad foeminas hinniebat. Nimia verò impudentia foret id negare, cum vniuersa Neruiorum ciuitas huius rei optima sit testis. Coniectus in vincula, nihil non effecit, quod euaderet: nam ex præclara ista, quam sequuntur, philosophia, simulare, mentiri, fallere, atque in omnes formas sese immutare licet, ut ijs, quos Carnales vocant, imponatur. Ita omnia abnegauit, asserens Papistico ritu, se optimum, ut vocant, Catholicum esse. Tandem & testimonijs conuictus, & libro, quem nuper edidi, (eo enim iudices, ut ut miserabilis est apud ipsos hodie iudiciorum status, vbi sunt) petijt, ut ne saltem crudeli supplicio afficeretur, promptum ac paratum se præbens ad omnia dicenda, quæ ipsi iuberent: quod etiam strenuè ab ipso præstitum est. Nam productus in theatrum, à Monachis & sacrificis Antichristi impulsus, bis populum hortatus est, ut diligenter à sacris literis caueret: nihil peius aut perniciosius earum lectione simplicibus & illiteratis viris. Quam ergo iniuriam impudens hic impostor infert sanctis Iesu Christi Martyribus, cum in eorum ordinem & societatem Quintinum cooptat? quem vniuersa Neruiorum ciuitas, non

solum flagitiorum & effrenata suæ libidinis pœnas dedisse nouit, sed etiam execranda blasphemia, qualem libello meo explicui & descripsi. Neque verò ista à me hominis odio dicta sunt, sed quia discrimen rerum habendum est, ac præsertim dum periculum est ne ab istis Sathanæ ministris seducamur.

Caterum, perspexi irrisorem istum nos occultè perstringere & calumniari, quasi diuites nobis conciliare nitamur, ut aliqua ex ijs commoda percipiamus, atque interea pauperes aspernemur. Cui nihil aliud respondeo, quàm mihi duplicem Libertinorum more, linguam non fuisse, ut varijs sermonibus erga hos atque illos vterer, pro statu & conditione personarum: sed promiscuè idem responsum planum atque apertum dedisse omnibus: quemadmodum regula Dei & summis & infimis eadem & communis est. Quale verò mihi consilium fuerit, quid animo propositum habuerim, res ipsa apertè docet. Pauperum quamplurimorū aduentus mihi dispendio magno fuit: maiori etiam, quòd istic commorati sint: nemo autem omnium est, qui me, vel obolo vno auxerit. Et certè maximæ stultitiæ foret, si hac ratione diuitias, aut commoda nostra querere vellem: nec enim diuites huc, siue maxima bonorum suorum iactura & imminutione comœare possunt. Sed eos, qui ipsis in idolorum cultu & superstitione adulantur, ac persuadent licere in ijs versari & cōmorari, seque mūdo accommodare, hoc facere certissimum est, ut partem aliquam facultatum ipsis emungant: pluriſque absolutionem istam vendunt, quàm Romanus Antichristus suam, ac diplomata indicarit. Pluribus hæc calumniam persequi nolo, tum quia nimium aperta & perspicua est, tum etiam quia gloriæ ducendum sit, cum nobis huiusmodi canes oblatrant.

Ut finem dicendi faciam, obsecro atque obtestor, per nomen Dei, fratres, ut Ioannis exhortationem memoria teneatis: nempe, ut probentur spiritus, ne nos deliri isti homines ab Euangelij simplicitate abducant inanibus fallacijs, quæ lumen Euangelij in tenebras adeò obscuras conuertunt, ut nihil in eorum dictis & sententijs præter horrendam confusionem appareat. Deum nostrum bonitatis & misericordiæ Patrem rogo atque imploro, ut vos tueatur, & Spiritu sapientiæ

ac prudentiæ regat, omni virtutum genere muniat ac confirmet, vósque

omni sanctitate dediceret, ut eius gloria, sicuti par est, in vobis

reluceat, Amen. Geneuæ, XX. August.

M. D. XLVII.

IOAN-

IO ANNIS CALVINI ADMONITIO,
qua ostenditur quàm è re Christianæ reip. forer, Sanctorum
corpora & reliquias, velut in inuentarium redigi: quæ tam in
Italia, quàm in Gallia, Germania, Hispania, cæteriisque regio-
nibus habentur.

E Gallico per Nicolaum Gallasium in ser-
monem Latinum conuersa.

NICOLAUS GALLASIUS

p̃ijs Lectoribus, S.



INcredibile profectò videretur tam crassa impostura ac tam diuturna
seductum fuisse orbem vniuersum, nisi rem ipsam oculis intueremur:
atque intelligeremus iusta Dei vindicta id factum esse: vt homines à
veritate alieni addicerentur mendacio, atque ita excacarentur, vt error
(sicut ait Paulus) vires & efficaciam obtineret. Quod cum hodie immensa Dei
bonitate patefactum sit, & veluti digito monstratum: nos adhuc cecos esse,
aut in tenebris delitescere minimè decet: cum præsertim luce adeò clara & luci-
da illustrati simus. Equidem haud vllum fore arbitror, cui ista non pateant: nisi
quem sensus planè omnes defecerint, sitque bellua, quàm homini similior. Neque
enim hic subtili agitur ratione: sed res ipsa monstratur, ita, vt vel stupidissimi
eam perspicere possint. Nostrates certè, quamplurimi, hoc perlecto libello, adeò
obstupefacti sunt, vt ex antro quodam prodysse sibi viderentur: atque affirma-
rent, se id nunquam fuisse credituros. Proinde, re perspecta, maiore iudicio Deum
quarere, & superstitiones exhorrere cœperunt. Quod omnibus euenturum spero,
qui inuidia omni deposita, eum attentè legerint. Itaque, eum è Gallico Latinum
feci, vt nulli non communicetur: atque etiam, vt cæteræ nationes hoc exemplo re-
liquias, quæ apud eas esse feruntur, describant: nec enim hic vnius hominis est la-
bor: plures ei intentos esse oportet, & quæ in vnaquaque regione sunt, colligere.
Calvinus enim noster omnes rescire non potuit: tantum eas descripsit, quas ipsi
tum videre licuit, tum certis testimonijs accipere. Propterea, libellum hunc ad-
monitionis loco esse voluit: vt cum præcipuarum capita perstrinxisset, cæteri,
quibus religio cordi est, accingerentur huic operi: quò magis ac magis hominum
stupiditas & inconsiderantia excuti possint. Hoc igitur à vobis maiorem in mo-
dum peto, atque obsecro, vt tantum apud vos ponderis habeat hic libellus, quantum
apud pios homines habere debet: vtque laborem in vertendo meum boni & equi
consulatus. Si sales & iocos, quibus refertus est, minus expressi: cogitate, suos cui-
que linguae esse lepores, qui interdum alijs non conueniunt. In hoc
certè potissimum elaboravi, vt verterem omnia fi-
deliter. Valete, Idib. Mart.

M.D.XLVIII.



AVGVSTINVS in eo libro quem inscripsit De labore Monachorum, conquerens de circunforaneis quibusdam impostoribus, qui iam suo tempore fœdam ac sordidam nundinationem exercebant, Martyrum reliquias hac & illac circunferendo, subiungit: Si modò sunt Martyrum reliquie. Quo verbo significat iam suo tempore inualuisse abusus & imposturas, quibus plebs imperita decipiebatur: ut putaret ossa hinc atque illinc collecta, Sanctorum esse. Cùm adeò antiqua sit origo huius imposturæ, minimè dubium est, quin vehementer adaucta sit tam longo temporis spatio: cùm præsertim mundus deinceps mirum in modum corruptus, ac semper in deterius lapsus sit: donec ad extremum venit, in quo nunc eum constitutum videmus. Primum autem vitium & veluti initium mali fuit, quòd cùm Christus in verbo suo, Sacramentis, & gratijs spiritualibus quærendus esset, mundus, solito suo more, subuculis, vestibus, fascijs inhasit: sicque omiffare præcipua, acceffionem tantum sequutus est. Eundemque in Apostolis, Martyribus, alijsque Sanctis se præbuit. Nam cùm diligenter eorum vitam meditari, seque ad eorum imitationem conferre debuisset: omne studium posuit in contemplandis & veluti in thesauro reponendis eorum osibus, subuculis, cingulis, pileis, & nugis eiusmodi.

Equidem non ignoro id quandam pietatis & zeli speciem præferre: cùm dicitur, reliquias Christi seruari ob honorè qui illi habetur: utque eius memoria tenacius inhæreat animis: tantundè quoque in Sanctis valere. Sed considerandū erat, quod ait Paulus, quæuis cultum Dei, ingenijs hominum excogitatum, qualemcunque sapientia speciem præferat, vanitatem & stultitiam meram esse: nisi melius fundamentū habeat, & certius nostra opinione. Præterea, vtilitas quæ inde oriri potest, cum periculo comparanda erat. Sic enim compertum fuisset, parum vtile, aut omnino superuacaneum esse & friuolum, habere eiusmodi reliquias: ac cõtrà, difficillimū esse, aut potius fieri nullo modo posse, quin inde ad idololatriam homines paulatim declinēt. Neque enim eas intueri aut attrectare possunt sine veneratione: in qua nullus tenetur modus, quin protinus honor Christo debitus ipsis tribuatur. Itaque, ut paucus dicā, reliquiarum desyderium nunquam superstitione caret: imò, quod deterius est, mater est idololatriæ, quæ ut plurimum cum ipsa coniuncta est.

Omnes, sine controuersia, fatentur, Dominum ideo Moisis corpus è conspectu hominū abstulisse, ne populus Iudaicus eo adorando abuteretur. Quod in vno factū est, ad omnes extendi oportet, cùm in ijs eadem valeat ratio. Verum, ut omitteremus Sanctos, videamus quid Paulus de ipso Christo dicat. Testatur enim se, post Christi resurrectionē, amplius ipsum non agnoscere secundum carnem: adnonsens his verbis, quicquid in Christo carnale fuit, obliuioni tradendū, & missum faciendum, ut in eo secundum spiritum quærendo & possidendo, omnem operam studijque locemus. Nunc igitur causari præclarū esse, aliquod habere monumentum Christi, tum Sanctorum eius: quid aliud est, quàm inane tegumentum, fucada stulticiæ nostræ cupiditatis causa, quærere, quæ nullum in ratione fundamentum habet? Quòd si etiā hæc ratio sufficere videretur, cùm tamen apertè repugnet sententiæ, quam Spiritus sanctus, per os Pauli pronuntiauit, quid plura requirimus?

Sed

Sed minimè necessarium est longam in hac re disputationem texere: bonum sit necne habere reliquias: tantum ut repositæ asseruentur, non ut adorètur: nam, sicuti diximus, experientia docet nunquam ferè alterum ab altero seiunctum esse. Ambrosius quidem de Helena Constantini matre loquens, quæ magno labore & sumptu crucem Domini inquisierat: ait, ipsam Dominum tantum, qui in ea pependerit, non lignum, adorasse. Sed rarissimum est, ut quis reliquijs ullis sit deditus, quin simul aliqua superstitione polluat. Fateor non primo impetu ad manifestam idololatriam erumpi: sed paulatim ab una fallacia ad alteram decliuem esse lapsum, donec tandem homines in extrema precipites ruant. Sanè populus, qui se Christianum nominat, eò usque progressus est, ut non minore idololatria, quam ulli olim Ethnici insanierit. Prostravit enim se ipsum ac genu, flexit coram reliquijs, tanquam coram Deo: accendit faces & candelas pro solenni adorationis ritu: fiduciam in ijs locauit, ad eas cõfugit, ac si illic virtus & gratia Dei inclusa fuisset. Si idololatria nihil aliud est, quam honorè Dei aliò trāsferre, an id idololatriam esse negabimus? Neque verò id excusari potest, quasi immoderato rudium ac imperitorum, vel anicularum zelo factum sit. Latius enim patuit hæc immoderatio, eaq; in vniuersum laborarunt omnes: atque adeò ij ipsi, qui ad Ecclesiæ gubernacula sedebant, eam approbarunt. Quinetiam mortuorum ossa ceteraq; omnes reliquiae supra altare primum in altiore & eminentiore loco collocatae sunt, ut maiore reuerentia adorarentur. En ut stulta, quæ initio fuit, in seruandis reliquijs atque in thesaurum reponendis curiositas, huc tandem abominationis delapsa sit, ut non solum à Deo auersi sint homines, quò rebus vanis & caducus adhererent: sed etiam execrabili sacrilegio res omni sensu carètes adorarènt loco Dei, qui viuit ac benedictus est in secula.

Ceterum, sicuti mala trahuntur malis, alia etiā infelicitas sequuta est, ut nescio quæ sordes, omni ratione & specie carentes, pro reliquijs Christi & Sanctorum reciperentur: adeoque cæcus fuit mundus, ut qualiscunque titulus nugis oblaeis imponeretur, absque inquisitione vlla aut delectu, pro vero & legitimo duceret. Ita asinorum aut canum ossa, quæ nugator quispiam proferre voluit, pro Martyrum ossibus, sine vlla difficultate, homines studiosè amplexi sunt. Idemque in alijs accidit, ut postea tractabimus: equidem non dubito, quin iusta sit ultio Dei. Cum enim mundus, veluti rabie quadam accensus, reliquias concupiuerit, ut peruersa superstitione ijs abuteretur: rationi consentaneum fuit, Deum sinere mendacium aliud ex alio sequi. Sic enim dedecus nomini suo illatum vlcisci solet: cum gloria quæ ad ipsum pertinet, aliò transfertur. Itaque nihil aliud causa est, quòd vbiq; tot falsæ reliquiae repertæ fuerint, quam quòd Deus homines sese mendacijs oblectantes in duplicem errorem abduci suerit.

Christianorum officium erat, Sacerdotum corpora in sepulchris suis relinquere, ut vniuersali illi sententiæ parerent: qua dictum est, omnem hominem puluerem esse, atque in puluerem reuersurum: nõ erigere ipsa opere magnifico & sumptuoso, quò prematuram resurrectionem fabricarent. Hoc quidem minimè intellectum fuit: sed è diuerso contra decretum Dei, fidelium corpora effosa sunt, ut magnificè extollerentur, cum in sepulchro suo, velut in lectulo, usque ad extremum diem quiescere debuissent. Appetita fuerunt ipsa, in ijs fiducia locata est, adorata quoque sunt: denique, omnia reuerentiæ signa ijs exhibita. Quid accidit? Diabolus enim: sinodi sordiam cernens, non satis esse putauit, quòd vno modo homines fefelleret: verum

hac etiam impostura ipsos decepit, ut sanctarum reliquiarum titulum, rebus omnino profanis inscriberet. Deus autem iusta ultione mentem ac sensum omnem incredulis ademit, ut sine ulla inquisitione, albumne an nigrum esset, ac sine discrimine reciperent quicquid oblatum foret.

Nunc quidem instituti mei non est tractare quantæ sit abominationis reliquijs tum Christi, tum Sanctorum abuti, eo modo, quo hactenus factam est, atque etiam hodie in maiore orbis Christiani parte fieri solet: esset enim liber in hanc materiam seorsim scribendus. Sed quia perspicuum est maximam reliquiarum, quæ ostenduntur, partem falsam esse, ac productam à quibusdam nugatoribus, qui misera plebi impudenter imposuerunt: mihi in mentem venit nonnulla referre, quæ sanis hominibus cogitandi & observandi occasionem præbeant. Sæpe enim accidit, ut errore aut opinione præoccupati, multa inconsideratè probemus: neque tempus adhibeamus ad rem examinandam, rectumque iudicium ferendum: sicque incogitantia nostra fallimur. Sed cum moniti cœpimus animum advertere, miramur ipsi nos adeò leues fuisse, & faciles ad id credendum, quod probabile nullo modo fuerat. Id quod omnino in hac re accidet. Homines enim minimè commoti, sed præoccupati hac opinione, quòd dicatur, En corpus illius sancti, en calcei, en caligæ, sibi facile, ita esse persuadent. Sed cum fraudes ostendero, quæ in ijs admittuntur, cui vel minimum erit prudentiæ, is oculos aperiet: & ijs, quæ nunquam ipsi in mentem venerant, considerandis animum adhibebit.

Tametsi hoc libello, quod vel maximè cuperem, efficere non possim: nam undique catalogos nancisci opus foret, ut sciretur, quæ in unoquoque loco esse dicuntur reliquiæ, & singularum fieret inter se collatio. Tunc enim perspiceretur unumquenque Apostolorum, plus quàm quatuor corpora, Sanctorum verò duo aut tria habere. Idem cerneretur in cæteris. Denique, coactò tali acervo, nemo non stuperet: cum videret rebus adeò ridiculus uniuersum ferè orbem excacatum fuisse. Mecum ipse ita cogitabam: cum nulla sit cathedralis ecclesia tam exigua, cui non sit osium aliarumque eiusmodi nugarum infinitas: quid si coaceruaretur multitudo omnis, quæ in tribus aut quatuor millibus diocesisbus condita est viginti, aut triginta millibus Abbatibus, ex quadraginta millibus Cœnobiis, aut eo plus, ex tot parochijs, tot sacellis? Verum, adhuc præcipuum esset ipsas visitare, non nominare tantum: neque enim omnes ex nomine cognoscuntur. In hac ciuitate habebatur, ut ferebant, brachium D. Antonij. Cum theca inclusum erat, omnes ipsum exosculabantur & adorabant: cum productum est in medium, cerui penem esse compertum est. Ad manus altare aliquid erat de cerebello D. Petri. Quandiu id inclusum fuit, nemo dubitabat: fuisset enim blasphemia titulo fidem non habere: sed cum excussus est nidus, & accuratius observatus, repertus est pumex. Possem multa eiusmodi exempla referre, sed ista sufficient, ut intelligant omnes quantæ detegerentur sordes, si aliquando visitarentur sedulò, omnes totius Europæ reliquiæ: idque cum prudentia, quòd melius discerni possent. Nonnulli enim reliquiarum aliquod spectantes, superstitione claudunt oculos, ut cernendo nihil cernant: id est, non audent seriò inspicere, ut quid sit, diligenter considerent. Quemadmodum multi, qui iactant se integrum D. Claudij corpus, aut alterius cuiusquam vidisse, nunquam oculos attollere ausi sunt, ut quid esset spectarent. Verum, is cui secreti videndi esset libertas, eaque uti auderet, longè aliter loqueretur.

Idem

Idem de capite Magdalena, quod Massilia ostenditur, cum massa aut cera frusto, quod oculo affixum est. In thesauro seruatur, ac si Deus aliquis è caelo delapsus esset: verum si examinaretur, facile detegeretur fallacia.

Optandum igitur esset, vt certiores effemus de nugis omnibus, quæ hîc atque illic pro reliquijs habentur: aut saltem, quò constaret quam multæ falsæ sint, catalogum earum & numerum tenere. Sed cum id fieri non possit, saltem optarim inuentarium ex decem aut duodecim vrbibus nasci: veluti Lutetia, Tolossa Rhe-mus, Pictaui. His enim solis mirabilia veluti apum examina, vel saltem officina admodum confusæ perspicerentur. Idque mihi sæpenumero in votis esse solet: vt tale inuentarium nancisci possem. Quia verò hoc quoque mihi nimium difficile esset, tandem cogitavi, præstabilius esse omnino exiguam hanc monitionem præbere, quæ somnolentos excitem, vt cogitent quid sit in vniuersis, cum in paucis tanta impostura deprehendatur. Hoc intelligo: cum in ijs reliquiarijs quæ nominauero, tanta deprehendatur impostura, quæ tamen vix millesima est pars eorû, quæ exhiberi solent: quid de cæteris poterit æstimari? Præterea, si constet eas quæ pro certioribus habita fuerunt, falsò esse suppositas: quid de incertis iudicandum erit? Vtinam verò Christiani principes paulisper animum ad id aduerterent! Effset enim ex eorum officio non sinere miseros homines sic seduci, non tantum falsa doctrina, sed etiam palam deludi, persuadendo quod vulgò dici solet: Vesicas arietum, laternas esse. Nam de sua dissimulatione, rationem Deo sunt reddituri, quòd ea ceinentes taceant: grauiissimamque hanc esse culpam sentient, fuisse Deum ludibrio haberi, cum id prohibere potuissent. Quicquid sit, spero libellam hunc omnibus vsui futurum, daturumque occasionem singulis, id suo loco considerandi, quod titulus ipse monet: nempe si descriptæ essent omnes orbis Christiani reliquiæ, perspicuum fore, quàm caci antehac fuerint omnes: quanta tenebræ per vniuersum orbem sint effusæ, & quanta stupiditate homines laborarint.

A Christo igitur initium faciamus, cuius cum naturale corpus haberi non posset (nam miraculo si fabricandi faciliè viam inuenerunt, quanto numero ac quoties eis libitum foret) eius loco sexcentas nugæ collegerunt, quibus ipsius absentiam compensarent. Quanquam nec totum Christi corpus elabi sinerint, quin aliquod frustum retinerent. Nam præter dentes & capillos, Charrouienses Monachi, iactant se præputium habere: id est, pellem quæ ipsi in circumcisione amputata fuit. Quæso, vnde pellis hæc ad ipsos profecta est? Lucas Euangelista Dominum circumcissum fuisse refert: pellem verò seruata fuisse pro reliquijs, nusquam fit mentio. Veteres historiarum omnes silent. Ac quingentorum annorum spatio, nulla de ea, in Ecclesia Christiana, sermo habitus est: Vbi latuit tam diu, vt tam subito erumperet? Præterea, quomodo ad Charrouium vsque aduolauit? Verum, vt id probent, aiunt aliquot inde sanguinis guttas decidisse. Id quidem dicunt, sed opus esset probatione. Proinde patet merum esse ludibrium. Sed tamen si concedamus pellem, quæ Christo amputata fuit, seruata esse, ibique aut alibi esse posse, quid dicemus de præputio quod Roma ad Ioannis Lateranensis ostenditur? Certum, est vnicum tantum fuisse: Romæ igitur & Charroui simul esse non potest. Quò fit vt manifesta hîc cernatur falsitas.

Sequitur deinde sanguis, de quo magna fuerunt contentiones. Per multi enim negarunt Christi sanguinem reperiri, præterquam miraculosum. Et tamen natu-

valis, plusquam centum in locis, exhibetur. Alicubi pauca guttae, ut Rupellæ Pictorum, quas Nicodemus in chirotheca sua, ut aiunt, collegit. Alibi plena phiala, ut Mantuæ. Biliomi in Aruernia, ostenditur, vase crystallino liquidus: in quodam proximo vico, coagulatus: & alijs in locis. Alibi plenis pateris effusus, ut Romæ ad Eustathij. Neque verò sat fuit purum habere sanguinem: sed etiam aqua admixtum habere oportuit, qualis à latere ipsius fluxit, cum in cruce transfixum est. Hæc merx Romæ ad Ioannis Lateranensis reperitur. Iudicandum cuique relinquo, quid certi inde colligi possit: atque adeò num mendacium perspicuum sit, dicere sanguinem Christi septingentis aut octingentis post ipsius mortem annis reperi- tum fuisse, ut per orbem vniuersum spargeretur: cum in Vetere Ecclesia nulla unquam habita fuerit mentio.

Sequuntur præterea quæ corpus Domini contigerunt: aut saltem quæcun- que potuerunt colligi, ut corporis loco fierent in eius memoriam reliquiæ. Primum, ostenditur Romæ ad Mariæ maioris, præsepe in quo nascens positus fuit. Ibidem ad Pauli, exhibetur linteum quo fuit inuolutus, quanquam aliquod eius fragmen- tum ad Saluatoris in Hispania esse dicatur. Sunt etiam ibidem eius cunæ, cum su- bucula, quam Maria mater eius ipsi contexuit. Item, Romæ ad Iacobi ostenditur altare, cui impositus fuit, cum in templo offerretur. Quasi verò tunc varia fuerint altaria, sicuti in Papatu: ubi constituuntur pro hominū libidine. Ita sine villo colo- re hæc in re mentiuntur. Hæc sunt quæ habent de ijs quæ Christum infantia tempo- re contigerunt. Neque verò multum disputare necesse est, ubi sarcinæ istæ tanto spatio post mortem Christi repertæ fuerint. Nemo enim tam hebes est, qui non in- tueatur qualis sit hæc dementia. In historia Euangelica, de ijs rebus ne vnum qui- dem verbum. Apostolorum tempore nihil prorsus auditum est. Quinquaginta cir- citer annos post Christi mortem, Ierosolyma expilata ac euersa fuit. Tot veteres Doctores ab eo tempore scripserunt, eorūque mentionem fecerunt, quæ extabant suo tempore: præsertim de cruce & clauis quæ Helena reperit. De exilibus verò nugis illis, nullum verbum. Quinetiam Gregorij tempore nusquam apparet horum quicquam Romæ extitisse: ut constat ex eius scrip- tis. Post eius mortem Roma sæ- pius capta, expilata, & penè funditus deleta fuit. Si hæc omnia accuratè cōsyderē- tur, quid aliud dici poterit, nisi omnia hæc excogitata fuisse, quò imperitæ plebi im- poneretur? Ac certè id fatentur falsæ religionis fautores, tum sacerdotes, tum mo- nachicæque vocant, Pias fraudes, quasi ijs populus ad pietatem incitetur.

Secundæ classis reliquiæ sunt quæ id tempus spectant, quod inter infantiam & mortem Christi medium fuit. In quibus est columna, cui Christus in templo di- sputans innitebatur, cum alijs vndecim similibus ex templo Solomonis. Sed quis ipsis reuelauit Christum, disputando columnæ innixum fuisse? Nam Euangelistæ, historiam huiusce disputationis referens, ne verbo quidem id perstringit. Nec verisimile est ei cōcionatoris concessum fuisse locum, cum nulla, ut perspicuū est, exi- stimatione, aut authoritate polleret. Præterea quæro, etiam si columnæ innixus esset, quī sciunt illam fuisse? Tertiò, vnde duodecim illas columnas naçti sunt, quas aiunt prodiisse è templo Solomonis? Sunt deinde hydræ, in quibus Christus aquam in vinum mutauit, cum adesset nuptijs in Canna Galileæ. Equidem scire vell. m, quis earum custos fuit tandiu, ut eas postea distribueret. Hoc enim perpe- tuò notandum, octingentis solum aut mille annis post editum illud miraculum, reper-

ei fuisse. Non satis teneo locos omnes ubi illæ ostenduntur. Scio tamen ijs Ra-
uennæ, Pisis, Cluniaci, Andegavi, ad Saluatoris in Hispania haberi. Sed, ne lon-
gior sit oratio, solo aspectu eos mendacij conuincere, facile est. Aliæ enim non sunt
congio capaciores, aut paulò plus, aliæ minus, aliæ octo amphoras continere possant.
Conciliantur hac inter se, si fieri possit. Tunc eos suas hydrias habere sinam absque
controuersia. Sed neque vasis contenti, poculentum etiam ipsum habere voluerunt.
Nam Aureliæ iactant se ex eo vino habere, quod Architriclini vocant. Hoc au-
tem sponsi nomen fuisse putant, & populum adhuc retinent in ea ignorantia.
Singulis annis semel extremam exigua ligula partem lingendam præbent ijs, qui
munus aliquod offerre voluerint: dicentes, se, vinum quod Dominus in conuiui-
o fecit, propinare. Neque vnquam minuitur eius quantitas, modò subinde complea-
tur scyphus. Nescio cuius magnitudinis sint calcei, qui Romæ esse dicuntur in eo
loco, quem Sancta sanctorum vocant: an puer, an vir factus, ijs usus sit: sed neu-
trum alteri præstat. Nam satis superque ostendi quantæ sit impudentiæ nunc Chri-
sti calceos proferre, quibus Apostoli suo tempore caruerunt.

Nunc ad ea veniamus quæ ad supremam cœnam pertinent, quam Christus
cum Apostolis celebravit. Mensa enim Romæ est ad Ioannis Lateranensis. Aliquid
de pane ad Saluatoris in Hispania. Culter, quo agnus Paschalis fuit dissectus, Tre-
ueris. Notemus Christum in commodato loco cœnam celebrasse. Illinc disceden-
tem, mensam reliquisse: nec legimus ab Apostolis eam esse exportatam. Aliquot
postea annis Ierosolyma destructa fuit, sicuti diximus. Qualem verò speciem veri-
tatis hoc præferat: mensam illam septingentis, aut octingentis post annis repertam
esse? Præterea, mensarum forma tunc omnino diuersa erat, ab ea quæ nobis hodie in
vso est. Nec enim sedere cœnando, sed accumbere solebant: quod discrete Euangelio
exprimitur. Perspicuum est igitur hoc mendacium. Quid superest? Calix in quo sa-
cramentum sanguinis sui Apostolis bibendum dedit, ostenditur ad Mariæ Insula-
næ, propè Lugdunum. Item, apud Heluios, in quodam Augustinensium cœnobio.
Cui fides habebitur? Verùm de disco in quo positus est agnus Paschalis, res etiam-
num peius habet. Est enim Romæ, item Genus, & Arelatæ. Forsitan illius tem-
poris consuetudo à nostra diuersa fuit. Quèd enim hodie variantur fercula, tunc
vnius ferculi causa, discum variari oportuit: si modò sanctis hisce reliquijs fides ha-
betur. An magis perspicua requiritur falsitas? Idem est de linteo, quo Christus
Apostolorum pedes absterxit, postquam eos ablisset. Vnum est Romæ, ad Ioannis
Lateranensis: alterum Aquis, in Germania, ad Corneli, cum impresso vestigio pedis
Iudæ: alterutrū falsum esse necesse est. Quid ergo iudicabimus? Sinamus eos inter
se contendere, quoad alteri causam suam probarint. Interim censeamus meram esse
imposturam: persuadere hominibus velle, linteum, quod Christus reliquit in ea do-
mo, in qua cœnam celebravit, quingentis, aut sexcentis post Ierosolymæ euer-
sionem annis, in Italiam, aut Germaniam aduolasse. Panem omiseram, quo per miraculum
in deserto pasti sunt hominum quinque millia: cuius frustum Romæ ostenditur, ad
Mariæ nouæ: & frustulum ad Saluatoris, in Hispania. Refert Scriptura por-
tionem aliquam manna fuisse reſeruata, tanquam monumentum magni illius mi-
raculi, quo Deus populum Iudaicum in deserto pavit. Sed de quinque panum reli-
quijs, Euangelista non commemorat quicquam fuisse hoc fine aſſeruatum: neque
vlla veterum historia, vllius antiquorum Ecclesiæ Doctorum mentionem facit.

Facile est igitur iudicare, id postea pinxit fuisse quod nunc monstratur. Idem iudicandum de ramo, quod est ad Saluatoris in Hispania. Aiunt enim eum esse quem Christus gestabat, cum die Paschatis, quod Floridum vocant, Ierosolymam ingressus est. Verum à Christo gestatum fuisse ramum nusquam recitatur in Evangelio: commentum igitur evidens est. Denique in hunc ordinem redigenda sunt reliquia, quæ ibidem exhibentur: nempe, terra quæ sub pedibus Christi iacebat, cum Lazarum suscitaret. Quæso, quis tam diligenter notauit locum, ut post Ierosolymæ euersionem, qua omnia in Iudæa immutata sunt, locus in quo Christus semel pedem posuit, certò potuerit designari?

Iam ad præcipuas Domini reliquias veniendum est. Illas scilicet quæ ad mortem & passionem eius pertinent. Ac primum de cruce in qua pependit, agamus. Pro certo haberi scio, Helenam, Constantini imperatoris Romani matrem, ipsam reperiisse. Nec ignoro quid veteres nonnulli Doctores scripserint in eius rei probationem: nempe, ut certum sit, eam sine ulla dubitatione esse crucem, cui Christus suffixus est. Horum omnium fides sit penes rem ipsam. Vtunque sit, vel stulta curiositas, vel ineptus religionis zelus ipsam huc impulit. Sed fingamus opus laude dignum fuisse, quòd inueniendæ cruci tantum opera posuerit: atque Dominum tunc miraculo declarasse suam fuisse crucem. Solum temporis nostri rationem habeamus. Crucem illam, quam Helena reperit, adhuc Ierosolymis esse ferunt. Atque id nemini dubium est: quanquam Ecclesiastica historia apertè repugnet. Illic enim refertur, Helenam partem eius Imperatori filio suo misisse, à quo supra columnam porphyream Constantinopoli fuerit collocata: alteram verò partem, ab ea fuisse argentea theca inclusam, quam Episcopo Ierosolymitano seruandam dederit. Itaque, aut mendaciæ coarguemus historiam, aut quæ hodie feruntur de vera cruce, vana omnino & friuola sunt. Rursum, inuaduerit quod de ea sparsa sint per vniuersum orbem fragmenta. Si vel ea tantum, quæ teneo, recitare vellem, iustum certè librum catalogus eorum implere posset. Nullum est tam exiguum oppidum, in quo frustum aliquod non habeatur. Neque tantum in Ecclesia primaria, verum etiam in nonnullis parochiis: nulla tam vilis Abbatia in qua aliquid non monstratur. Atque adeo nonnullis in locis crassiores assulæ: ut Lutetia, ad sacri sacelli: Piclani, & Roma, ubi crucifixus mediocris magnitudinis, rotus ex ea factus esse fertur. Denique si congesta in acervum essent omnia quæ reperiri possent, integrum navis onus efficerent: cum tamen Evangelium testificetur ab unico homine ferri potuisse. Quanta igitur audacia fuit, ligneis frustis sic totum implere orbem, quibus ferendus ne trecenti quidem homines sufficiant? Atqui, excusationem illam excogitarunt, quantumcunque inde abscondatur, nunquam tamen immiui. Sed commentum adeo stultum & absurdum esse constat, ut superstitiosi ipsi, facile id intelligant. Cogitandum igitur omnibus relinquo, quid certi haberi possit de lignis omnibus, quæ pro vera cruce hîc & illic adorantur. Vnde verò fragmenta quædam allata sint, & qua via, aut ratione, dicere omitto. Veluti, nonnulli asserunt ad se ab Angelis delata esse: alij è cælo decidisse. Piclanienses referunt, id quod habent, à muliere quadam Helena ancilla subreptum, atque allatum fuisse: quæ cum aufugeret, errabunda, circa eam regionem appulit. Hoc etiam addunt fabulæ, eam fuisse claudam. En præclara fundamenta quibus miseram plebem ad idolatriam impellunt. Nec enim eo contenti, quòd imperitis ac rudibus imposuissent,

vulga-

crux optima
ramus digna

vulgare lignum pro ligno crucis ostentando. Sed definierunt etiam prorsus esse adorandum. Quæ doctrina omnino diabolica est: eamque nominatim Ambrosius, ut ethnicam superstitionem, improbat.

Crucem proximè subsequitur titulus, quem Pilatus affigi iussit, in quo inscripsit, Iesus Nazarenus Rex Iudæorum. Sed sciendum esset, quo loco, tempore, & modo repertus est. Dicit aliquis, Socratem historicum Ecclesiasticum eius facere mentionem. Fateor. Sed quid de eo factum sit, reticet. Ita haud magni momenti erit hoc testimonium. Præterea scriptum illud propere atque ex tempore exaratum fuit, cum iam Christus crucifixus esset. Quãobrem alienissimū à ratione est, tabulam curiosè & veluti ostentandi causa depictam exhibere. Si igitur vel vnicustantum ostenderetur, pro falso & ficto, merito haberi posset: sed cum Tholozates id se habere iacent, contradicant Romani, & ostendant ad S. crucis, mendacij se inuicem coarguunt. Litigent ergo inter se quantum volent: tandem utrique conuincuntur mendacij, siritè examinentur omnia.

Sed de clauis maior adhuc controuersia est. Referam eos de quibus fui admonitus. Hinc vel minimus puer iudicabit Diabolum nimis indignè mundo illuisse, omni ratione ac sensu ei ademptis, ne amplius hac in re discrimen habere posset. Si vera narrant antiqui scriptores, ac præsertim Theodorus veteris Ecclesiæ historicus, Helena vnum filij sui galeæ inseri, reliquos duos equi fræno aptari iussit. Tametsi Ambrosius non omnino consentiat. Vnum enim Constantini coronæ impositum fuisse dicit: ex altero, frænum equi factum: tertium ab Helena seruatum. Id ergo iam ante mille & ducentos annos controuersum fuisse videmus, quid clauis factum esset. Quid igitur nunc certi habere possumus? At verò Mediolanenses iacent se illum habere qui equi fræno insertus fuit. Intercedunt Carpentoracienses, sibi que illum vendicant. Atqui Ambrosius haudquaquam equi fræno insertum, sed frænum ex eo factum fuisse refert. Quod nullo modo conuenire potest, cum ijs quæ tum Mediolanenses, tum Carpentoracienses affirmant. Est etiam alius Romæ, ad diuæ Helenæ: alius ibidem, ad Sanctæ crucis: alius Senis: alius Venetijs: in Germania duo: vnus Colonia, ad trium Mariarum: alter Treueris. In Gallia, vnus Lutetiæ ad Sancti Sacelli: alius apud Carmelitas, alius ad D. Dionysii in Francia: alius apud Bituriges, alius in Abbatia, cui à Forficibus est nomen: alius Draguiniani. En numero quatuordecim. Porro vnusquisque locus idoneis probationibus niti sibi videtur. Vnum certè concedam: singulis æquumius esse. Itaque nihil expeditius, quàm eandē de omnibus ferri sententiam: nempe, ut quicquid iacent, pro mendacio ducamus: cum id aliter expediri non possit.

Sequitur mucro lanceæ, quem vnicum esse oportuit: sed alcumistica cuiusdam formacis forsitan ignem expertus, sic excreuit ac multiplicatus est. Quatuor enim prodierunt: præter eos qui hîc illic habentur, meque prætereunt. Vnus est Romæ, alter Lutetiæ ad Sancti Sacelli, tertius apud Xantones in cænobio, cui à Forficibus nomen est: quartus Seluæ, propè Burdegalam. Quis nunc eorum pro vero eligetur? Expeditius omnino erit omnes missos facere, & quales sunt ipsi, tales sinere. Sed quanuis vnicus tantum esset, tamen vnde prodijssset, scire vellem. Nec enim veteres historiæ aut vlla aliorum scripta, de eo mentionem faciunt. Recens igitur fabricatum fuisse necesse foret.

Quòd ad coronam spineam attinet, fragmenta eius, quòd virescerent, plan-

tata fuisse dicendum est. Alioqui, nescio quomodo potuit in tantam magnitudinem excrescere. Primum, tertia eius pars est Lutetia, ad Sancti Sacelli: deinde Roma, ad Sancta Crucis, tres sunt spinæ: ibidem ad Eustathij aliqua portio. Senis nescio quot spinæ: Vincentia una: Biturigibus quinque: Vefontione, ad Ioannis, tres: totidem in monte Regio. Ad Saluatoris in Hispania, aliquot, quarum numerum non teneo. Compostella, ad D. Iacobi, duæ: apud Heluios, tres: Tholossa, Mariscona, Charrouij Piclonum, Cleriaci, Sanfloridi, Sanmaximini in prouincia, item in cœnobio Salla, item Nouioduni ad D. Martini. Singula hæc loca singulas habent spinas. Quod si diligens inquisitio fieret, plures quadruplo possent nominari. Vnde falsitatem & imposturam euidentissimè patere necesse est. Quid igitur certi de omnibus constabit? Ad hæc notandum est, nunquam in vetere Ecclesia scitum esse, quid corona illa factum esset. Hinc facile est concludere, primum virgultum multis post mortem Christi annis, enatum fuisse.

Sequitur vestis purpurea, qua Pilatus Christum induit, eum ludibrio habens, quod se regem nominasset. Erat autem pretiosa vestis, haud ita temerè abiicienda. Nec existimandum est Pilatum aut eius domesticos sic eam abiēcisse, postquam semel Christum irrisissent. Equidem scire vellem, quis mercator eam à Pilato emit, ut eam pro reliquijs asseruaret. Ut autem aliquid commēto suo coloris afferant, quibusdam guttis sanguinis aspersam ostendunt. Quasi verò nefarij illi voluissent regiam vestem perdere, posteaquam per ludibrium eam humeris Christi imposuerant. Nescio an vsquam alibi quæpiam alia eiusdem nominis reperiantur. Vestis quidem contexta à summo ad infimum, futuris carens, quia ad incitandos ad pietatem rudes magis apta videbatur, plures alias peperit. Nam Argentolij, qui pagus est in agro Parisiensi, exhibetur una; altera Treueris. Quod si verum dicit bulla quæ est ad Saluatoris Hispaniensis, Christiani inconsiderato suo zelo grauius deliquerunt, quàm impij illi milites qui non ausi sunt ipsam diuidere. Christiani verò quod eam adorarent, discernere veriti nō sunt. Sed quid respondebunt Turca, qui eorum demeritum irridens, illam apud se esse dicit? Quanquam minimè necessarium est eos cum Turca committere, ut cum ipso litigent: sufficit enim si suam inter se dirimant litem. Interim iusta ratione excusabimur, si nullis eorum fidem adhibeamus, ne absque causæ cognitione alicui fauere videamur. Id enim ab æquitate esset alienum. Quinetiam si fidem sibi haberi velint, primum ipsos cum Euangelistis conuenire necesse fuerit. Porro, sic res habet: vestem illam, cuius causa fors iacta est, tunicam fuisse, quam Græci χιτὼν, vocant. Velim nunc homines diligenter animaduertere, cuius formæ sit ea quæ Argentolij, aut Treueris ostēditur. Certè inuenient Argentoliensem, instar esse Missariæ vestis, quam chasulam vocant. Itaque, etsi hominum conspicerent oculos, perspiceretur tamen eorum falsitas, & quasi manibus atrectaretur. Ut finem faciam huic articulo, quæstiunculam libens proposuero: nempe, milites inter se vestimenta Christi diuiserunt, ut Scriptura testatur. Hoc ab ipsis commodi sui causa factum esse certissimum est. Indicent mihi nunc: quis Christianorum redemit à militibus & tunicam, & alia vestimenta, quæ alibi, veluti Romæ ad Eustathij, & alijs in locis ostenduntur? Quomodo Euangelistæ eius rei oblitī sunt? Est enim absurdū dicere, milites inter se vestimenta partiti esse, nisi addatur à quibus redēpta fuerint, ut tanquā reliquiæ seruari possent. Adhuc quā veteres scriptores adeo ingrati fuerunt, ut ne

verbum quidem ullum fecerint? Ad soluendū quæstiones istas, diem illis præfigo, quo homines sensu, intelligentia, atque iudicio carebunt. Hoc melius, quod cum veste talos etiam habere voluerunt, quibus fors à militibus iacta est. Quorum unus est Treueris, alter ad Saluatoris, in Hispania. In hoc autem genuinè infantiam suam prodiderunt. Iactas enim fuisse sortes referunt Evangelistæ, quæ tunc è pileo vel vna solebant educi, ut cum hodie fabus eligitur rex, vel Biancha, quod vulgò aiunt, luditur. Denique nemini ignotum est, quomodo sortes iaci solent, cum prædia aut hereditates diuiduntur. Bestiæ verò istæ, imaginati sunt sortes illas fuisse talorum ludum, qui nondum in vsu erat, saltem qualem nostro tempore habemus. Nam punctorum loco, quæ nostris affixa sunt, tunc certa quadam habebant signa, quæ nominibus suis appellabant, veluti Venerem, aut Canem. Nunc exosculentur reliquiis sub hominum tam ineptè mentientium & adeò stupidorum fide.

Iam de sudario tractandum est, in quo adhuc apertius tum impudentiam, tum stoliditatem suam prodiderunt: nam præter sudarium Veronicæ, quod Romæ ad Petri ostenditur, & peplum virginis Mariæ, pudendus Domini, ut ferunt, impositum, quod ad Ioannis Lateranensis monstratur, quod rursum est Carcasonnæ apud Augustinienses. Item, sudarium quo obuolutum est caput ipsius in sepulchro, quod ibidem exhibetur: sunt præterea sex, ad minimum vrbes, quæ iactant se integrum sepulturæ Domini sudarium habere: veluti Nicea illud, quod è Camberiaci translutum fuit. Item, Aquæ in Germania. Item, Traiectum. Item, Vefontio. Item, Cadonium Lemouicum. Item, oppidum quoddam Lotoringia, Alsatiæ vicinum: præter fragmenta, quæ hac & illac dispersa sunt, veluti ad Saluatoris in Hispania, atque apud Augustinienses Heluorum. Sudarium adhuc integrum præmitto, quod est Romæ, in quodam mulierum monasterio: quoniam Papa solenniter illud ostendi vetuit. Quæso, an non valde insanierunt homines, cum in tam longinquis regiones magno sumptu, maiore molestia excurrerunt, ut panniculum cerneant, de quo nihil omnino poterant habere certi: sed potius addubitare cogebantur? Quisquis enim sudarium certo quodam in loco esse putat, cæteros qui se habere iactant, accusat falsi. Ut exempli gratia, qui panniculum quod fuit Camberiaci, verum esse sudarium credit, Vefontinos, Aquenses, Cadonios, Traiectenses, & Romanos mendaciæ condemnat, & sceleris: quod plebem ad idololatriam impellant, atque ita ei imponant, ut credat profanum panniculum, linteum esse, quo Redemptoris sui corpus inuolutum fuit. Nunc ad Evangelij testimonia veniamus: Parum enim esset eos mutuo à seipsis mendaciæ coargui, nisi Spiritus sanctus ipsis repugnans, omnes simul ad vnum aperte conuinceret. Primum, valde mirum est Evangelistas nullam Veronicæ mentionem facere, quæ faciem Christi peplum absterfit: cum de mulieribus omnibus loquamur, quæ Christum ad crucem comitatas sunt. Res quid in præclara & memoratū digna fuit, faciem Christi linteum impressam stupendo miraculo fuisse. Contrà, magni videtur esse ponderis, aliquas mulieres Christum ad crucem comitatas, nec ullum interim ipsis exertum esse miraculum. Quis fit, ut Evangelistæ leues istas res nec magni admodum momenti referant: præcipuas verò taceant? Equidè si tale editum esset miraculum, ut vulgò imponitur, accusandus esset Spiritus sanctus aut obliuionis, aut inconsiderantiæ, qui prudenter eligere nequiuisset ea quæ referri magis conducebat. Hoc habeant pro Veronica sua: ut cognoscant omnes quàm apertum sit mendacium, quod vulgò persuadere volunt. Quod attinet ad sudarium quo inuolutum fuit corpus, similiter eos rogatos velim. Cum Evangelistæ diligenter recenseant, miracula quæ

in morte Christi contigerunt, nec quicquam prætermittant eorum quæ pertinent ad historiam: quomodo hoc ita ipsis excidit, ut tam excellēs miraculū silerent? Nempe effigiem corporis Domini, linteo quo sepultus fuit inhæsisse? id enim non minus quàm alia multam erit referendum fuit. Cum etiam Ioannes declaret, Petrum ingressum in sepulchrum, vidisse linteum in quibus humatus fuerat seorsum dissecta. De effigie miraculosa, nulla mentio. Non est autem existimandum hoc præclarum Dei opus eum celaturum fuisse, si quid tale fuisset. Obijcitur & alia dubitatio. Nempe ab Evangelistis nusquam refertur, linteum illud à discipulis aut pijs mulieribus extra sepulchrum translata esse, sed potius ibi derelicta fuisse innuunt, licet non expriment. Sepulchrum autem à militibus custodiebatur, in quorum potestate postea linteum fuit. An verisimile est eos pio alicui dedisse, ut pro reliquijs haberetur? Præsertim cum Pharisei eos ad periurium illexissent pecunia: ut sic affirmarent, corpus à discipulis clam subreptum fuisse? Omitto quòd falsitas solo figurarum, quas ostendunt, aspectu, coargui ac conuinci potest. Manu enim hominum depictus esse facile perspicitur. Nec possum satis mirari, primùm quomodo tam obtuso fuerunt ingenio, ut astutus ad fallendum aptiore caruerint: ac longè magis, quomodo tam stolidi fuerunt homines, ut sibi oculos perstringi sinerent, ne rem adeò perspicuam intuerentur. Quinetiam se ad manum pictores habere ostenderunt. Combusto enim vno sudario, aliud perendie integrum compertum est. Id ipsum quidem esse affirmabant, quod prius cernebatur: sed adeò recens erat pictura, ut mendacio non esset locus, si modò oculi ad cernendum minimè defuissent. Denique, ut finem faciam, solidissima hac ratione prorsus eorum impudentia conuincetur. Quibuscunque in locis sacrum se sudarium habere iactant, sibi linteum grande monstratur, quo tegebatur totum corpus vnà cum capite. Atque illic integri & continui corporis effigies conspicitur. Ioannes autem Evangelista, refert Christum Iudeorum more & ritu sepultum fuisse. Qualis mos ille fuerit, non solum percipi potest ex Iudeis, qui etiam nunc ipsum obseruant: sed etiam ex eorum libris, quibus antiquus ille mos declaratur. Nempe, corpus seorsum ad humeros vsque inuoluere solitos: deinde caput peplo, quatuor angulis in nodum collectis obligare. Quod etiam exprimit Evangelista, cum ait, Petrum linteum quibus inuolutum fuerat corpus ex vna parte vidisse: ex altera verò sudarium, quod impositum fuerat capiti. Talis enim est sudarii significatio, ut pro panniculo quo absterguntur sudores, aut pro peplo accipiatur: non pro grandi linteo, quo totum corpus inuolui solet: tamen si ego vnà cum ipsis voce abusus sum. Ut paucis concludam: aut Ioannem Evangelistam mendacem esse, aut omnes qui se sudarium habere iactant, falsitatis conuinci necesse est: ut apertè constet eos nimia impudentia misere plebi imposuisse.

Nunquam finem effem facturus, si omnia ludibria quibus vtuntur, sigillatim persequi vellem. Roma ad Ioannis Lateranensis ostenditur calamus, qui loco scoptri in manum Christo datus est, cum in domo Pilati per ludibrium caderetur. Ibidem, ad crucis, ostenditur spongia, qua fel cum myrrha ori ipsius oblatum est. Quæso, ubi illa recuperata fuerunt? Impij ea habebant in manibus: an præbuerunt Apostolis, ut pro reliquijs asseruarent? vel, an ea ipsi incluserunt, ut possent in futurum conseruari? Quantum sacrilegium, sic nomine Christi ad fabulas adeò frigidis obtegendis abuti! Eadem ratio est denariorum, quos Iudas, ut Dominum proderet, accepit. Refert Evangelista redditos fuisse ab ipso in synagoga Phariseorū: inde emprum fuisse agrum in quo peregrini sepelirentur. Quis verò venditoris manu denarios illos recepit? Si discipulos recepisse di-

se dicant, nimis ridiculi erunt. Alius igitur color paulò speciosior quærendus est. Si longo post tempore id factum fuisse respondeat, id longè minus coloris habiturum est: cum per varias manus peruagari, alijsque admisceri potuerint. Effet igitur ab ipsis commonstrandum dominum agri ea ratione ipsum vendidisse, ut denarios illos recuperaret, quos haberet pro reliquijs, aut iterum eos venderet fidelibus. De hoc autem nulla unquam in Ecclesia veteri habita est mentio. Simile commentum est de gradibus prætorij Pilati, quæ sunt Romæ ad Ioannis Lateranensis, cum foraminibus in quæ guttas sanguinis à corpore Domini decidisse ferunt. Ibidem, ad Prædæ ostenditur columna, cui alligatus fuit, cum flagellis caderetur: tres verò aliæ ad Crucis, per quas moriturus circumductus est. Has omnes columnas nescio ubi somniarunt. Hoc certè non dubium, quin ipsi cerebro suo eas imaginati sint. Nihil enim in tota Euangelij historia de ijs legimus. Legitur quidem ca sum flagellis Christum: alligatum verò fuisse columnæ, eorum commentum est. Perspicietur ergo nihil aliud hos impostores, quàm immensum quoddam mendaciorum pelagus coaceruare conatos esse. In quo tantum sibi licentiæ tribuerunt, ut ex cauda asini, quo Dominus gestatus est, reliquias fingere non sint veriti. Ea enim Genuæ monstratur. Sed eorum impudentia non magis commoueri nos decet, quàm amentia & stupiditate hominum, qui summæ religione tale ludibrium amplexi sunt.

Hic obijcere posset aliquis, non esse verisimile reliquias, quæ iam nominavi, tanta pompa ostendi, quin simul allegari possit unde profectæ, & è cuius manu receptæ fuerint. Ad id unico verbo respondere liceat, tam perspicuis mendacijs nullam verisimilitudinem obtendi posse. Quantumcunque enim sese Constantini, aut regis Ludouici, aut cuius Papæ nomine muniant, ea omnia nihil ipsos iuuant, quò probent Christum quatuordecim clauis affixum cruci: aut sepem quandam integram, spineæ coronæ conficiendæ implexam: aut mucronem lanceæ tres alios peperisse: vel tunicam ipsius ita multiplicatam, ut tres productæ sint: vel immutasse formam, ut ex tunica fieret missaria vestis, quæ nihil habet simile: vel ex unico sudario, tanquam ex gallinæ pullatione tantum numerum prodijisse: ac Christum aliter sepultum fuisse, quàm Euangelistæ referunt. Si plumbi massam ostendens dicerem: Aurum hoc mihi à tali principe datum est, meritò demens esse censerem, neque ob assertionem meam, plumbi color aut natura immutaretur, ut aurum fieret. Sic cum dicitur: En quod Godefredus Biliomius in has regiones misit, postquam Iudæam subegisset, ratio autem aperte repugnat mendacio. An ita sinemus nobis verba dari, ut non intueamur ea quæ oculis nostris patent? Enimuerò ut sciant omnes quàm tutum sit fidem adhibere ijs quæ pro reliquiarum suarum approbatione adducunt: notandum est, præcipuas & maxime authenticas quæ Romæ visuntur, à Tito & Vespasiano (ut aiunt) allatas esse. Est autem commentum nihilomagi vafrym, quàm si diceretur Turca Ierosolymam profectus, ut inde crucem Domini Constantinopolim afferret. Vespasianus priusquam imperator factus esset, partem Iudææ subegit, ac vastauit. Postea, cum imperium esset adeptus, Titus eius filius quem in Iudæa legatum suum reliquerat, Ierosolymam cepit. Erant autem Ethnici, quibus non magis curæ erat Christus, quàm qui nunquam natus esset. Itaque iudicari potest, an non perinde audacter ausi sint mentiri, cum Godefredum Biliomium, aut regem Ludouicum allegarunt, quàm cum Vespasianum authorem laudant. Præterea, animaduertant quo iudicio præditi fuerint, tum rex ille, quem Diuum Ludouicum vocant, tum eius similes. Erat quidem in illis species religionis, & zelus qua-

liscunque propagandi nominis Christiani: sed sic aprarum stercora eis ostensa fuissent, ac simul dictum fuisset coronas esse *Diue Mariæ*, ea sine vlla contentione adorassent, vel huc importassent suis nauibus aliquo in loco honorificè collocanda. Ac certè, & opes & corpora sua consumpserunt, atque etiam ditiones suas bona ex parte exhausserunt, vt aceruum nescio quem nugarum ac minutiarum referrent, quibus fascinata erant ipsorum mentes, quòd pretiosissima monilia esse existimarent. Vt clariorem adhuc rei demonstrationem præbeam: notandum est, in vniuersa Græcia, Asia minore, & Mauritania, quæ vulgò Indorum regio vocatur, antiquaria quæcunque miseri isti idololatræ se habere putant, ostendi cum magna affirmatione. Quid de ijs ac de illis iudicandum est? Dicent nostrates illinc reliquias allatas esse. Christiani qui adhuc illic morantur, affirmant eas se habere, & stultam iactationem nostram rident. Quomodo lus ista dirimi poterit sine inquisitione, quæ fieri nullo modo potest, nec vnquam fiet? Quamobrem, vnicum remedium est, spretis vtrisque, rem, vt est, in statu suo relinquere.

Vltimæ reliquiæ quæ ad Christum pertinent, sunt quæ ipsius resurrectionem sequuntur: veluti piscis a si frustum, quod Petrus ei obtulit, cùm ad littus maris apparuisset. Verùm, mirabili condimento ipsum aspergi oportuit, vt tam diuturno temporis spatio seruari posset. Sed, prætermisus iocis, an existimandum est Apostolos ex eo reliquias fecisse, quòd prandij causa parauerant? Quisquis apertam hîc irrisum Dei non perspiciet, cum ego vt belluam ampliore monitione indignam relinquo. Est præterea miraculosus sanguis qui ex pluribus hostijs manauit: vt Lutetiæ ad Ioannis Arenarij: item, ad Ioannis Angelici: item, Diuioni, & plerisque alijs in locis. Atque, vt aceruum maiorem efficerent, sacrum cultellum addiderunt, quo Lutetiæ à Iudæo quodam hostia transfixa fuit, quem miseri Parisienses maiore reuerentiâ, quam hostiam ipsam, prosequuntur. Quod, Doctor à quercu iniquè ferens (nam cùm parochiam teneret Diui Ioannis Arenarij, donaria quæ hostiæ offerebantur, illi obueniebant: quantum dabatur cultello, tantum ex eius lucro minuebatur) Iudæis, clamitabat esse deteriores: quòd adorarent cultellum, qui violando sacrosancto corpori Christi instrumentum fuerat. Hoc adduxi, quoniam idem dici potest de lancea, clauis ac spinis: nempe, omnes qui ea adorant, ex sententiâ Magistri nostri à quercu, scelestiores esse Iudæis, qui Christum crucifixerunt.

Similiter ostenduntur pedum vestigia: quæ solo impressit, cùm nonnulli post ascensionem appareret: veluti Romæ, ad Laurentij, in eo loco vbi Petro factus est obuius: eique prædixit ipsum passurum Romæ. Aliud, Pictauij, ad Rade gondæ. Aliud apud Suesiones. Aliud, Arelatæ. Non disputo, an Christus pedis sui vestigiū lapidi imprimere potuit: sed de facto tantum disputo: ac dico, cùm nulla adsit probatio legitima, totum id pro fabula habendum esse. Sed præstantissimum in hoc genere specimen est, natium forma, quæ Rhemis in lapide post maius altare visitur. Idque euenisse aiunt eo tempore, quo Dominus latomus factus est, vt atrium templi illius ædificaret. Blasphemia hæc adeò execrabilis est, vt de ea loqui me pudeat.

Pergamus igitur, & dispiciamus quid de imaginibus ipsius dicatur: non de ijs quæ vulgò à pictoribus fiunt, aut sculptoribus & fabris. Earum enim est infinitus numerus: sed de ijs quæ præcipuam aliquam dignitatem habent: singulæque & pretiosæ habentur, ceu reliquiæ. Harum autem duo sunt genera: nonnullæ enim per

miracu-

miraculum facta sunt: ut quæ Romæ ostenditur ad Mariæ, quæ vocatur in porticu. Item, alia ad Ioannis Lateranensis. Alia in qua effigies Domini, cum duodecim annorum esset, depicta est. Item, alia apud Lucenses, quam ab Angelis effectam esse aiunt: ac vocatur Vultus sanctus. Fabulæ sunt adeò fuitiles, ut operam lusurus sim, ac mihi nimium ridiculus & ineptus videar, si ijs refutandis insistam. Quamobrem, obiter eas notasse sufficiet. Nemo enim ignorat picturam ad Angelorum munus minimè pertinere: atque Dominum longè aliter à nobis cognosci velle, atque in memoriam nostram reduci, quàm per mortuas imagines. Eusebius refert in historia Ecclesiastica, eum regi Abagaro imaginem suam ad vinum depictam misisse: verum, id haud plus certitudinis habet, quàm aliquod ex chronicis Melusinae commentum. Sed tamen si ita esset, quomodo eam ab Abagaro rege nacti sunt? Romæ enim eam se habere iactant. Non dicit Eusebius illam ad sua usque tempora integram mansisse: sed ex auditu tantum loquitur, tanquam de re longo iam tempore transacta. Credibile scilicet, eam sexcentis aut septingentis postea à annis suscitatum, atque è Persia, Romam usque venisse. Eodem modo crucis imagines fabricati sunt, ut corporis. Nam Brixia iactant eam se crucem habere, quæ Constantino apparuit. De qua aduersus eos mihi non est litigandum: sed eos mitto ad Curtonenses, qui eam apud se esse constanter asseuerant. Litigent ergo inter se. Qui litem obtinuerint, tunc prodeant, eisque respondebitur. Quamquam facilis sit responsio, qua dementiæ conuinci possint: nam quòd scriptores nonnulli dixerunt, Constantino crucem apparuisse, de cruce materiali intelligendum non est: sed de figura, quæ per visionem ipsi in cælo exhibita fuit. Quamvis igitur id verum esset, tamen facile perspicitur eos nimis stupidè aberrasse. Itaque imposturas suas absque fundamento extruxerunt.

Quòd attinet ad secundam speciem imaginum, quæ pro reliquijs habentur ob quædam miracula quæ ediderunt: in hoc numero sunt imagines crucifixorum, quibus barba crescit. Ut quæ Burgiue est in Hispania. Item, ad Saluatoris, & Aurengiæ. Si in hoc insistam, ut demonstrem quantæ sit dementiæ, aut potius quàm belluinæ stupiditatis id credere, ridiculus ero. Est enim res adeò per se absurda, ut in ea refutandæ operam consumere minimè necesse sit. Tamen misera plebs adeò hebes est, ut maior pars non minus certum id esse putet, quàm Euangelium. In hunc ordinem redigo crucifixorum imagines quæ loquuntur: quorum magna est multitudo. Sed exempli causa, vna contenti sumus: ea scilicet quæ est ad D. Dionysii in Francia. Loquuta est, inquiunt, ut dicatam esse ecclesiam testaretur. An rei magnitudo id posceret, cogitandum relinquo. Sed adhuc quero, quo modo crucifixi imago tunc in templo esse potuit, cum in dedicatione, omnes imagines soleant è templis erui? Quomodo sese tunc suffuratus est, ne cum cæteris transferretur? Videmus sanè nihil eos negotij sibi esse putasse in fallendo mundo: cum pro nihilo duxerint, si apertè sibi ipsi repugnarent: sed illis satis fuit, mendacia pleno ore euomere: minimè præcauentes ea quæ obijci poterant. Denique sunt & lachrymæ: Vna Vindonici, alia Treueris, alia apud D. Maximinum, alia Aureliæ ad Petri Puellaris, præter eas quæ mihi sunt incognita. Aliæ, ut aiunt, sunt naturales: ut ea quæ est apud Diuum Maximinum: nam, iuxta eorum chronicon, decidit Domino, cum Apostolorum pedes ablueret. Aliæ sunt miraculosæ. Quasi credendū sit ligneas crucifixi imagines adeò stomachosas esse, ut lachrymentur. Verum, eis hæc culpa ignoscenda est: ipsos enim puduit minora à suis,

quàm ab Ethnicorum statuis, effici. Fingebant autem Ethnici, idola sua interdum lachry mari. Itaque hæc illis iure adiungi, & in eundem ordinem redigi possunt.

Quòd ad virginem Mariam spectat, quia corpus eius in terris esse negant, adempta est eis occasio iactandi se ossa ipsius habere. Alioqui eos suasuros fuisse arbitrator, corpus ei tantæ fuisse magnitudinis, ut sarcophagum mille cadauerum implere posset. Caterùm, quod in toto corpore negabatur, id sibi vendicarunt in capillis & lacte. Capilli aliqui monstrantur Romæ, ad Mariæ supra Mineruam: ad Saluatoris in Hispania: Martisconæ, Cluniaci, Nuceriæ, ad Sanfloridi, ad Saniacquerij, ac plerisque alijs in locis. Locos autem annumerare ubi lac ostenditur, minimè necesse est. Nullus enim esset operi finis. Nec enim vllum est tam paruum oppidulum, nullum tam vile cœnobium, siue Monachorum, siue Monialium, ubi non aliquid monstratur. Plus in nonnullis, in alijs minus. Non quòd eos puduerit iactare se plenas habere amphoras: sed quia videbatur tectius eorum fore mendacium, si tantulum haberent, quantum in exigua pixide, aut vitrea, aut crystallina posset contineri: ne res propiori aspectui pateret. Verùm etsi sanctissimæ Virginis mamma distentiores fuissent quàm vacca, ac toto vitæ suæ tempore nutritrix fuisset, vix tamen eis tantum lactis reddere potuissent. Rursum libenter quærerem, quomodo lac istud, quod hodie monstratur ubique, colligi potuit, ut in tempus nostrum seruarietur? Ne minem eum adeò curiosum fuisse legimus. Legitur quidem pastores adorasse Christum: Magos ei munera obtulisse: sed nusquam legimus eos lac abstulisse loco præmij. Refert Lucas id quod Simeon Virgini prædixit: petisse verò lac à Virgine, non refert. Si tantum hoc spectetur, maiore argumentatione opus non est, quo patefiat: quàm alienum sit ab omni ratione hoc delirium, atque omni specie careat. Mirum profecto quòd istis in mentem non venerit, ei amputare ungues, aliæque eiusmodi, cum nihil aliud de eius corpore nancisci possent: sed non omnium fortasse memores esse potuerunt.

Cetera quæ habere se iactant de reliquijs Virginis, sunt de eius sarcinis, aut suppellectile. Primum, Carnutis est quadam interula, quæ idolum est satis celebre: alia etiam Aquis, in Germania. Vnde eas nacti fuerint, prætermitto: nam certissimum est Apostolos, ceterosque pios homines, non tam stolidos fuisse, ut animum in rebus adeò friuolis occuparent. Verùm inspicatur tantummodo forma: ac protinus cedam, nisi oculis ipsis eorum impudentia cernatur. Cum Aquis in pompa circumfertur interula, quam ibi esse diximus, appenditur perticæ, æquæ longæ, ut alba sacerdotalis, quam vocant. Atqui, licet virgo Maria fuisset ex gigantum progenie, vix tamen adeò grandem interulam gestasset. Ut autem reddatur illustrior, simul feruntur D. Iosephi caligula, quæ puero prorsus aut nano aptæ forent. Vetere prouerbio dicitur, Mendacem memorem esse oportere, ne obliuione lapsus, in seipsum impingat. Malè profecto obseruata ab eis fuit hæc regula, cum de proportionem, inter caligas viri & interulam uxoris constituenda non cogitarunt. Nunc excurrant homines cum summa religione exosculatum tales reliquias, quæ nullam omnino speciem veritatis habent. Pepla duo tantum scio, vnum Treueris ad D. Maximini: alterum Lisii in Italia. Sed animaduerti vellem cuius telæ sint, simulque an eo tempore in Iudæa talis formæ usus fuerit. Vellè etiam ambo inter se conferri: ut quæ sit inter ea similitudo cerneretur. Est autè Bononiæ quoddam eius pittaciū. Quæret ex me aliquis, an id cōmentitiū esse putem. Respōdeo, me idē existimare, quòd de eo cingulo, quod est Prati: itè de eo quod est ad Mariæ Montisferrati. Itè de crepida quæ est apud Saniacquerium: item de calceo qui apud Sanfloridū esse fertur. Quòd si nihil esset aliud, nemo vel mediocris

mediocri prudentia præditus ignorat, talem piorum morem non fuisse, calceos & caligas colligendi, quod ex ijs reliquias facerent: neque ullam eorum, plusquam quingentis, post Virginis decessum, annis, habitam esse mentionem. Quid igitur maiore disceptatione opus est, ac si res esset dubia? Quinetiam hoc sanctissimæ Virgini imponere voluerunt: eam scilicet ornandi sui & comæ pectenda valde curiosam fuisse: duos enim ostendunt eius pectines: vnum Romæ, ad Martini: alterum Vesontij, ad Ioannis: præter eos qui alibi etiam ostendi possunt. Nisi id sit Virginem sacrosanctâ ludibrio habere, quid sit ludibriû non intelligo. Nec verò obliti sunt annuli sponsaliorum. Habetur enim Perusij: quia nunc eum morem seruamus, ut vir in sponsione faciendâ cum vxore, eam donet annulo: talem etiam eo tempore fuisse imaginati sunt. Ac maiore inquisitione neglecta, pulchrû & preciosum annulû in hunc usum statuerunt: nec considerarunt inopiam in qua Virgo sanctissima vitam transegit. De vestibus eius nonnullæ Romæ habentur, ad Ioannem Laterensem, ad Barbaræ, ad Mariæ supra Mineruâ, ad Blasij: item ad Saluatoris in Hispania. Saltem fragmenta quadam sese habere iaciunt. Audiui etiam alia loca nominari: sed eorum minimè recordor. Tantum materiam vestium inspici oporteret, quod falsitas deprehendatur. Ipsi enim visum est, tam facile esse Virginem suo arbitrio vestire, quàm idola sua, quibus subinde novos ornatus fingunt.

Supere est ut de imaginibus loquamur: non de vulgaribus, sed de ijs quæ præter cæteras singulari aliqua dote, commendantur. Imponunt autem Lucæ, ipsum quatuor Romæ depinxisse: in eo loco ubi nunc templum est Mariæ, quæ vocatur Inuiolata. Quarum vna illic in sacrario monstratur: eamque deuotioni suæ, ut aiunt, aptauit, cum annulo quo Ioseph eam sibi desponderat. Altera, ostenditur Romæ, ad Mariæ Nouæ, quam etiam à Luca Troade efficiam ferunt: ac postea illuc ab Angelo importatâ. Tertia, ad Mariæ quæ dicitur Ara cæli: ea forma quæ prope crucem erat. Verum, ad Augustini, præcipuâ omnium se habere iaciunt: nã si fides ipsis adhibeatur, ea est quam Lucas secû perpetuò gerebat: ita ut eam in sepulchro suo defodi voluerit. Obsecro, quanta hæc blasphemia est, ex sacrosancto Dei Euangelista, nefarium idololatram effingere? Quid verò habent coloris, quo Lucam pictorem fuisse persuadeant? Paulus quidẽ ipsum medicû vocat. Pingedi verò artem vnde isti affinxerint, prorsus ignoro. Quod si verum esset, hoc artificio usum esse, nihilo tamen verisimilius fuerit ipsum Virginem Mariam, quàm Iouem, aut Venerem, aliudue idolû pingere voluisse. Non fuit certè tunc in more Christianis idola habere, nec longo post tempore is usus inualuit, donec Ecclesia superstitionibus corrupta est. Rursum referti sunt omnes orbis anguli imaginibus, quas à Luca depictas esse ferunt: veluti Cameraci, ac plerisque alijs in locis. Sed quali specie? Tam honesta, ac si quis impudicam fœminam depingeret. Sic eos excœcauit Deus, ut non maior fuerit in ipsis, quàm in bestijs mutus consideratio. Quanquam haud ita mirum mihi videatur, quod Luca Virginis imagines attribuerint, cum idem similiter Ieremiæ ausi sint imponere. Cuius impudentiæ testis est Puteus Auernorum. Iam iam, ut arbitror, miseros homines oculos recludere, ac rem tam perspicuam cernere tempus fuerit. De Iosepho dicere omitto: cuius nonnulli crepidas habent: ut Treueris in cœnobio Simeonis: alij caligas, ut iam diximus, alij ossa: sed exemplum quod iam protuli mihi sufficit, quod tanta stoliditas detegatur.

Hic D. Michaellem subiungam, ut Virginem Mariam comitetur. Ego verò iocari videbor, si de Angeli reliquijs recitem. Comædi enim & histriones ipsi hac irriserunt: sed nō propterea desierūt impostores monachi & sacrifici populū seriō fallere. Carcassonēses enim iactant se eius habere reliquias: similiter & Turonēses, ad Iuliani. Ad magni verò Michaelis, qui peregrinorū confluxu adeo frequens est, ostenditur eius sica, pugioni puerili persimilis: atq; etiam clypeus ei valde accommodatus. Est enim similis cucurbitulus æreis quæ franis equorum affigi solēt. Nemo profecto est hominum, aut etiam mulierularum, tam hebes, cui quā ridicula hæc sint, non pateat. Sed quia sub religionis velo tecta sunt hæc mendacia, Deum & Angelos irridere, malum non videtur. At obijcient, Scripturis testatum esse, Michaellem pugnasse aduersus Diabolū. Verū, si ense vincendus esset Diabolus, validiore & acutiore opus foret, quā ille sit. Sūntne adeo belluini, ut existiment, bellum quod tum Angeli, tum fideles gerunt aduersus Diabolos, carnale esse, atque sic & mucronibus confici? Verum illud est quod ab initio dixi, mundum id egregiē commertum esse, ut belluina hac stupiditate seduceretur: cum adeo peruersa hac cupiditate flagraret, idola & imagunculas Dei viui loco adorandas, vndique coacervandi.

Ut ordinem seruemus, nunc de Ioanne Baptista tractandum est: qui iuxta historiam Euangelij, id est veritatem Dei, postquā capite plexus esset, à discipulis suis humatus est. Theodoritus refert sepulchrum eius, quod erat Sebastæ, Syriæ oppido, aliquanto postea tempore ab Ethnicis apertum, ossa fuisse exusta, & cineres in aerem sparsas. Tamen si addit Eusebius, Ierosolymitanos quosdā superuenisse, qui clam inde aliquid subriperunt, & tulerunt Antiochiam: quod postea Athanasius intra murum inclusit. Caput verò, Sozomenus scripsit à Theodosio Imperatore Constanti nopolim delatum fuisse. Quamobrem, ut veteres historiae testantur, totum corpus, dempto capite, exustū fuit: ac perierunt ossa & cineres omnes: præter exiguā quandam portionem, quæ clam ab heremitis Ierosolymitanis subrepta est. Nunc quæ de eo exent videndum: Ambiani se faciem habere gloriantur: & in larua, quā ostendunt, vulnus apparet, quod Herodiadem culro inflixisse dicunt. Sed repugnant Ioannis Angelici incolæ, atque eandem partem ostendūt. Reliquum verò capitis, nempe à fronte ad ceruicem vsque, erat quondam in Rhodo: nunc verò, ut arbitror, in Melita. Saliem eius ordinis fratres simularunt sibi à Turca fuisse redditū. Occiput est Nemorosi. Cerebrū, Nouij Rantrouiensis. Sed nihilominus ad Ioannis Morienti pars capitis habetur. Est etiam eius mandibula Vefontione ad Ioannis Maioris. Altera pars est Lutetiæ, ad Ioannis Lateranensis, & extremū auriculæ ad Sanfloridi in Aruernia: frons verò & capilli, in Hispania ad Saluatoris. Est etiā Nouioduni frustū aliquod, quod magnifico apparatu ostendi solet. Quædam etiā pars, qualis ea sit ignoro, Luca habetur. Hæcine ita sunt? Nunc eatur Romam: & in Syluestri cœnobio integrum Ioannis caput esse audietur. Fingunt Poetæ quondam in Hispania regem, nomine Gerionem, fuisse tricipitem. Si nostri reliquiarū fabricatores idem de Ioanne Baptista dicere possent, id ipsis ad iuuanda mendacia sua valde commodum esset: sed cum non sit huic fabula locus, quæ excusatione vtentur? Nolo autem ipsos adeo vrgere, ut quæram quomodo sic minutatim concisum fuerit caput ipsius, ut in tot, tamque varios locos diuidi posset: nec quomodo ipsam naclisint è Constantinopoli: solum dico Ioannem monstrum fuisse oportere, aut istos impostores esse impudentes, dum tot eius capitis fragmenta ostendunt.

At,

At, quod deterius est, *Senenses* se eius brachium habere iactant. Quod veteribus historijs omnibus, ut iam diximus, repugnat. At nihilominus toleratur hæc impostura, imò etiam approbatur, ut in *Antichristi* regno nihil cõsetur malum, dummodò populum in superstitione retineat. Aliam præterea fabulam excogitarunt: nempe, cum eius corpus exustum fuit, digitum, quo Christum monstrauerat, integrum mansisse, nec ullo modo fuisse violatum. Hoc autem non solum veteribus historijs consentaneum non est, verum etiam ex ipsis facile potest coargui. *Eusebius* enim & *Theodoretus* nominatim referunt, corpus ad ossa usque consumptum fuisse, cum *Ethnici* ipsum rapuerunt. Nec certè talis miraculi obliti essent, si ita accidisset: nam alioqui referendis talibus nugis, plus satis curiosi sunt. Sed tametsi hoc verum foret, ubi sit digitus ille paulisper audiamus. *Vnus* est *Vesontione*, ad *Ioannis Magni*: *Tholosa* alius: alius *Lugduni*: alius *Biturigibus*: alius *Florentiæ*: alius ad *Ioannis* fortuiti prope *Mariscone*. Hic nihil aliud dico, quàm quod lectores omnes rogatos velim, ne aduersus monitionem adeò certam & perspicuam animum obducent: ne in tam clara luce claudant oculos, quòd tanquam in tenebris semper seduci se patiantur. Si præstigiatores essent à quibus ita fascinantur oculi nostri, ut digiti in vna manu sex esse viderentur, tamen eò usque essemus circumspecti, ut cautionem adhiberemus aduersus imposturam. Hic autem nullus est ingeniosus astus. Tantùm hoc agitur, an credere velimus *D. Ioannem* digitum esse *Florentiæ*, & quinque alijs in locis. Idè de *Lugduno*, *Biturigibus* & reliquis. Vel, ut paucioribus dicam, an velimus credere sex digitos non nisi vnum esse, aut vnicum esse sex? De ijs tantùm quæ mihi cognita sunt verba facio: nec dubito, si inquirentur diligentius, adhuc totidem alibi repertum iri. Capitis certè alia adhuc fragmenta reperirentur, quæ *taurini* capitis magnitudinem superarent. Verùm, ne quid prætermitterent, finxerunt, etiam se eius habere cineres, quorum partem *Genuæ*, alteram *Romæ* ad *Ioannis Lateranensis* esse ferunt. At legimus eos per aëra sparsos fuisse: ac nihilominus iactant se bonam eorum habere partem, ac præsertim *Genuenses*.

Nunc restant ea quæ proximè ad corpus accedunt: veluti *Calceus*, qui *Lutetiæ* est apud *Cartusianos*, qui ante duodecim aut tredecim annos subreptus fuerat: sed repente prodijt recens alius. Et sanè quandiu supererunt calcearij, non deerunt tales reliquæ. *Romæ* ad *Ioannis Lateranensis*, iactant se eius habere cilicium, de quo in *Euangelio* nulla fit mētio: nisi quòd refertur eum pilis camelorum indutum fuisse: vestem in cilicium conuertere volunt. Ibidem aiunt se aram habere, super qua in deserto precabatur: ac sicut tempore altaria ex omni occasione, & quouis in loco erigere soliti fuissent. Mirum etiam quòd nihil de *Missæ* celebratione ei imponunt. *Auunione* est ensis, quo ipsi caput amputatum fuit. *Aquis* in *Germania* linteam, quod sub ipso extensum est cum decollatus fuit. Equidem, vnde tanta spiculatori comitas, libenter scire velim: qui tam benignus ei fuit, ut solum carceris tapetis sterneret, cum vellet eum tam ignominioso mortis genere afficere. Nonne absurda stoliditatis est id comminisci? Enimvero, quomodo ista ad eorum manus peruenerunt? Quàm verisimile est eum à quo interemptus fuit, siue satelles esset, siue spiculator, linteam dedisse, & gladium suum, ut ex ijs fierent reliquæ? Cum adeo absolutum omni ex parte reliquiarum acervum cogere vellēt, grauius peccarūt in eo, quòd *Herodiadis* cultum prætermiserunt, quo vulnus oculo eius inflixerat: præterea omnem sanguinem qui effusus est, atque adeo sepulchrum ipsum,

Verum ego ipse falli posse: nec enim scio, an alibi præclara ista monilia reperiatur.

Nunc prodeant suo ordine Apostoli. Sed quia multitudo confusionē parere posset, de Petro & Paulo, primum agemus separatim: deinde de cæteris. Romæ sunt eorum corpora. Dimidia pars ad Petri, altera ad Pauli. Atque Sylvestrū ea librasse aiunt, ut æquales utrinque partes distribueret. Vtriusque caput est etiam Romæ ad Ioānis Lateranensis: tamen si in eodē templo, vnus ē dentibus Petri separatim habetur. Cum hæc ita sint, non tamen eorū ossa vbique esse desinunt. Vtuti Piçlauij, mādibula Petri habetur cum barba. Treueris, vtriusq; ossa permulta. Argentona Biturigum, Pauli humerus. Sed quis vnquam finis erit? Vbicunq; enim templa extant ijs dicata, sibi etiam sunt eorum reliquiæ. Si quales sint, quærat: reuocetur in memoriam quale fuit cerebellum D. Petri, de quo prius sum loquutus, quod erat ad maius altare huius ciuitatis. Quemadmodum pumicem esse compertū est, sic permulta reperirentur aut equorum aut canum ossa, quæ duobus hisce Apostolis tribuuntur.

Corpora, subsequuntur eorum appendices. Ad Saluatoris in Hispania, crepida habetur. De cuius forma & materia respondere nequeo. Sed existimandum hoc mercaturæ genus simile esse ijs, quæ Piçlauij habentur, quæ ex serico raso sunt, & auro segmentatæ. En ut splendide ornatur post mortem, ut paupertas in qua vitam egit, sarcitur. Quoniam huiusce temporis episcopi, dum pontificalem maiestatem representant, ita lautē vestiuntur, derogare sibi viderentur Apostolorum dignitati, nisi idem ipsis affingerent. Pictores quidem imagunculas effingere possunt suo arbitrato, ipsas inaurando, variōsque à capite ad calcem adhibendo ornatus: deinde nomen Petri aut Pauli, aut quale ipsis visum est tribuendo: sed non ignoratur quo vestium genere in hoc mundo fuerint induti: haud alio scilicet quàm inopes homines. Est etiā Romæ episcopalis cathedra Petri, cum veste sacerdotali ad Missam celebrandā. Quasi verò eorēpore episcopi thronos habuerint in quibus sederent! At eorum potius officium fuit docere, consolari, exhortari, & publicè & priuatim, ac veræ humilitatis exemplū præbere gregi suo: nō se populo adorandos ostentare, sicuti nostri temporis præsules facere solent. Quod ad vestem Missariā attinet, nondum introduciuserat mos ille, histrionum in morem se laruandi: nec enim in Ecclesia sicuti nunc, agebantur fabulæ. Itaque, ut Petrum Missaria veste indutū fuisse probet, prius ipsum, sacerdotum Papiasticorum more, cum Deum colere vellet, histrio nem egisse cōmonstrandum foret. Missariam quidē vestem ei tribuere potuerunt, cum etiā altare ipsi assignarint: sed neutrū eorum plus altero coloris habet. Quales tunc Missæ celebrabantur, ignotū non est. Nam Apostoli, suo tēpore, cœnam Domini tantum celebrabant, cui altare necessariū non fuit. Qualis bellua esset Missa, omnino ignorabatur: nec multo pōst iēpore scitum est. Hinc perspicuum eos, dum reliquias suas fabricati sunt, neminem sibi aduersaturū credidisse: cum ita impudenter ac dissolutē ausi sint mentiri. Quanquā nec de altari isto inter se conueniant. Romani enim id se habere affirmant. Pisani itidem ipsum monstrant, in suburbio quod ad mare vergit. Ut autem vndique lucrū colligerent, gladium quo auris Malcho abscissa est, minimè prætermiserunt. Ac si lepidum aliquod monile & reliquiario dignum foret! At verò pedum eius omiseram, quod Lutetia monstratur, ad Stephani, cui à saxo nomen est, quod tanti æstimandum est, quanti aut altare, aut vestis Missatica: eadem enim est ratio. Eius autem scipio, plus aliquanto speciei habet: nam existimandum est, tali ipsum baculo armatum fuisse, dum iter faciebat: sed

distur-

disturbant omnia, dum ipsi inter se conuenire non possunt. Colonienſes enim apud ſe eſſe conſtanter aſſeuerant: ſimiliter & Treueri. Ita dum ſe inuicem mēdacij arguunt, magnam occaſionē præbent, vt vtriſque fides derogetur. De cathena Petri, qua ligatus fuit, dicere omitto. Ea oſtenditur Romæ, in ade ipſius. Item, de columna ſuper qua capite truncatus eſt: quæ monſtratur ad Anaſtaſij. Tantum lectoribus cogitandum relinquo, vnde accepta eſt cathena illa, vt ex ipſa fierent reliquiæ. Item, vtrum eo tempore ſuper columnis ſupplicia de hominibus ſumerentur.

Nunc de cæteris Apoſtoliſ vnâ tractabimus, quò citius abſoluamus. Ac primum recitabimus, vbi integra ſint eorum corpora: vt vtriuſque facta inter ſe comparatione, quid certi ex eorum dictis colligi poſſit, iudicetur. Nemo ignorat Tholoſates exiſtimare ſe ex ijs habere ſex: nempe Iacobi maioris, Andreæ, Iacobi minoris, Philippi, Simonis, & Iudæ. Patauij eſt corpus Matthiæ. Salerni corpus Matthæi. Ortonnæ verò, Thomæ. Neapoli, aut circa eam regionem, Bartholomæi. Nunc qui eorum duo aut tria corpora habuerint, animaduertamus. Andreas enim, Melphis, alterum habet corpus. Philippus & Iacobus minor, vterque alterũ corpus Romæ, ad ſanctos Apoſtolos. Simo & Iudas itidem, ad Petri. Bartholomæus etiã Romæ in ade ipſi dicata. En igitur ſex quibus bina ſinguli ſunt corpora. Atque etiam auclarij loco Piſis oſtenditur pellis Bartholomæi. Matthiæ tamen reliquos omnes exuperat: Eſt enim ipſi Romæ corpus ad Mariæ maioris: eſt & tertiũ Treueris. Præterea ipſi eſt aliud ſeparatim caput, & brachium ſeparatim, idque etiam Romæ. Fruſta verò quæ de Andrea hîc atque illic habêtur, dimidia ſaltem ex parte, id cõpenſant: Romæ enim, ad Petri, eſt ei caput: ad Griſogoni, eſt humerus: ad Euſtathij, coſta: ad Spiritus, brachiũ: ad Blaſij, pars quædam alia. Aquis Sextijs, pes vnus. Ex ijs ſimul coniunctis, ſunt duæ quartanæ corporis partes, modò æqua proportionẽ aptari inter ſe poſſint. Vt autem Piſis Bartholomæus reliquit pellẽ, ſic & alteram manum: Treueris, nescio quod aliud membrum: Frenis, digitũ: Romæ etiam, ad Barbaræ, quædam aliæ extant eius reliquiæ. Itaque non adeo eſt inops, quin abundet. Cæteris non ſunt tantæ copiæ. Singuli tamen adhuc aliquod fruſtum abundat. Eſt enim Philippo pes vnus Romæ, ad ſanctos Apoſtolos: atque etiam, ad Barbaræ nescio quid reliquiarum. Præterea etiam Treueris. In poſtremis duobus hiſce templis, Iacobum habet pro ſocio: cui ſimiliter eſt caput ad Petri, & brachium vnum ad Griſogoni: item alterum ad ſanctos Apoſtolos. Matthæus & Thomas pauperiores cæteris reſtiterunt. Ille enim, præter corpus, nihil habet: niſi offa quædam Treueris, & brachium Romæ ad Marcelli, & caput ad Nicolai: niſi fortè mihi aliquid exciderit, quod fieri potuit. Quis enim in tanta abyſſo non obturbetur?

Quia in chronicis ſuis corpus Ioannis Euangeliftæ euaniſſe cõperiunt, ſimul atque humi deſoſſum fuerat: eius offa proferre minimè potuerunt. ſed vt quod ea in parte deerat, ſuppleret alia ratione, irruerũt in eius ſarcinas. Ac primum eis in mentem venit calix in quo venenũ bibit, cùm à Domitiano dānatus eſſet: ſed quia duæ ciuitates eum apud ſe eſſe voluerunt: aut credendum omnino, quod Alchumiſtæ aiunt de multiplicatione: aut iſti, cum calice ſuo, mundum ludibrio habuerũt. Vnus eſt Bononiæ: alter Romæ, ad Ioannis Lateranenſis. Poſtea, tunicam cõmenti ſunt, & cathenã qua conſtriçtus erat, dũ vinculus duceretur ab Epheſo: vnã cum oratorio, vbi dum in vinculis eſſet, precabatur. Libenter ſcirẽ, an tum fabros lignarios conduxerat, qui oratoria ei cõſtruerent. Itẽ, quid familiaritati erat Chriſtianis, cum

custodibus, ut ab eis cathenam nanciſci & in reliquiarum numerum collocare poſſent? Stolidum nimium ſunt hæc ludibria: etiam ſi ludendus pueris fabrefacta eſſent. Sed monile omnium lepidiſſimum, eſt duodecim peſtinum Apoſtolicorum, qui ad Mariæ Inſulanæ propè Lugdunum monſtrantur. Puto quidem initio illic fuiſſe collocatos, ut exiſtimarentur ad duodecim Pares Franciæ pertinuiſſe: ſed adaucta poſtea fuit eorum dignitas, & Apoſtolici facti ſunt.

Cætera paucis expedienda erunt: nam alioqui nunquam hanc ſyluam egredieremur. Paucis igitur recitabimus quæ habeantur reliquiæ ſanctorum, qui tempore Chriſti vixerunt: deinde veterum Martyrum, atque etiam reliquorum. Ex eo lectores, quid cenſere debeant, iudicabunt. Anna mater virginis Mariæ, vnum è corporibus ſuis habet Aptæ, oppido Prouinciæ: alterum ad Mariæ Inſulanæ, Lugduni. Præterea vnum è capitibus Treueris: alterum Turenſi apud Iuliacenſes: tertium in oppido Turingiæ, quod ab ea nomen habet. Omitto fragmenta quæ habentur plus quàm centum in locis. Inter cætera, memini me olim partem quandam Vrſicampi, quod eſt cœnobium in agro Nouiodunenſi, exoſculatum eſſe: atque illic magna reuerentia colitur. Denique alterum brachiorum eius eſt Romæ ad Pauli. Conſtituitur hîc fundamentum aliquod, ſi fieri poteſt.

Sequitur deinde Lazarus, & Magdalena eius ſoror. Is porro tria tantùm, quod ſciam, habet corpora. Vnum Maſſiliæ: alterũ Auguſtoduni: Aualonæ tertium. Magna quidem inter Auguſtodunenſes & Aualonenſes controuerſia fuit: ſed magnis ſumptibus vtròq; citroque factis, perinde vtrique quieſcunt, atque cauſa euicta: ſaltem in poſſeſſione tituli permanſere. Quia verò Magdalena mulier erat, eam fratre inferiorem eſſe oportuit, ideòque duo tantùm habuit corpora: quorum vnum eſt Veſeli, prope Altiſſiodorum: alterum quod eſt maioris nominis, apud Sanmaximum oppidum Prouinciæ: vbi caput ſeparatũ eſt, cum ſuo, Noli me tangere: quod fruſtum cere eſt: ac tamen exiſtimatur nota eſſe Chriſti, quam ei iratus impreſſit, quòd ipſum vellet attingere. Non reſero reliquias, tum oſſium, tum capillorum eius quæ ſparſæ ſunt per vniuerſum orbem. Qui de his omnibus certi aliquid habere vellet: primùm inquireret, an Lazarus ac Martha & Magdalena eius ſorores, vnquam venerint in Galliam Euangelij prædicandi cauſa. Nam ſi legantur veteres hiſtoriæ, iudiciũque & ratio adhibeatur, perſpicuè cernetur ſtolidiſſimam omnium eſſe fabulam, quæ nihilo plus habet ſpeciei, quàm ſi diceretur, nubes, vitulinas pelles eſſe: & tamen certiſſimæ ſunt omnium reliquiæ. Verùm, etſi ita foret, annon ſatis erat vno corpore abuti ad idololatriam niſi ex vno, quod vulgò aiunt, Diabolo, duo aut tres crearentur?

Itidem collocarunt in numero diuorũ eum qui latus Domini in cruce tranſſedit, eũque Longinam vocarunt, puerili certè errore: nam cùm nomen hoc Græcis lancearium ſignificet, tanquam proprium vnius hominis nomẽ arripuerunt. Poſt talem baptiſmum, duo ei dederunt corpora: quorũ vnum eſt Mantuæ, alterũ ad Mariæ Inſulanæ, Lugduni. Idem fecerunt de Magis, qui Chriſtũ, poſtquam natus fuit, adoratum venerunt. Ac primùm definierunt eorum numerum, ac dixerunt tres ſolũ fuiſſe. Quot autẽ fuerint, nihil Euangelio exprimitur: & veterum Doctõrũ nonnulli quatuordecim fuiſſe affirmarunt: velut is qui cõmentarium imperſectum in Mattheum ſcripſit, qui Chryſoſtomo tribui ſolet. Deinde cùm Euangelista eos Magos, ideſt Philoſophos nominet, iſti repẽtè regiã eis dignitatẽ ſine vlla ditione aut ſub-

ditis

ditis, tribuerunt. Denique nomina ipsis dederunt: vni, Balthasar: alteri, Melchior: Tertio, Gaspar. Porro vt impunè per nos illis fabulari liceat, certissimum est philosophos illos in Orientem rediisse. Id enim Scriptura testatur. Nec aliud omnino dici potest, quàm eos illic obijisse. Quis eos illinc transtulit ab eo tēpore? Quis eos ita nouerat, vt notare posset, quò reliquias faceret ex eorum corporibus? Verùm, super sedeo: facio enim stultè, cum hæc adeò ridicula coarguo. Tantùm dico, Colonienſes ac Mediolanenſes litigare inter se de bere, quis ea sit habiturus: quia vtrique apud se esse contendunt: quod fieri nequit. Cum lis eorum finem ceperit, quid agendum erit, dispiciemus.

Inter veteres Martyres, Dionysius est percelebris. Habetur enim pro discipulo Apostolorum, & primo Gallorum Euangelista. Ob hanc dignitatem, plerisque in locis habentur eius reliquie: corpus tamen duobus tantùm in locis integrum mansit: Sandionysij Franciæ, & Ratisponæ. Quia Franci id sibi vendicabant, Ratisponenſes Romæ litem mouerunt, ante centum, aut circiter, annos: quibus corpus sententia definitina adiudicatum fuit, cum adesset legatus Franciæ: ac perbellum diploma obtinuerūt. Qui apud Sandionysium, quod est in agro Parisino, diceret corpus illic nō esse, lapidibus obrueretur: qui verò negaret esse Ratisponæ, haberetur pro hæretico: quia sedi Apostolicæ rebellis esset. Itaque consultius erit ab eorum controuersijs abstinere. Confodiant, si velint sibi inuicem oculos: sicque nihil proficiat, nisi vt detegant omnia se in mendacijs posita habere.

Stephani verò corpus ita dissecuerūt, vt tamen sit integrū Romæ, in ade ipse dicata: caput Arelatæ: ossa plus quàm ducentis in locis. Atque vt ostenderet se ijs consentire qui ipsum interfecerunt, consecrarunt etiam lapides, quibus trucidatus fuit. Quæretur forsan vbi reperiri potuerūt, quomodo eos nacti sunt, qua via, è quorum manibus. Respondeo breuiter, stultā esse hanc quæstionē. Vbique enim reperiuntur silices, neque magno constat vectura. Florentiæ, Arelatæ apud Augustinienses, Viganii in Aquitania. Quisquis oculos claudere, aut omni se intelligentia priuare volet, credet eos ipsos esse lapides, quibus Stephanus obrutus est: qui verò rē parumper expendet, risurus est. Ac certè Carmelitæ Pictauienses à quatuordecim annis, vnum reppererunt, cui id assignarunt muneris, vt parientibus adesse, eāsque angoribus leuare posset. Dominicani, quibus costa Margareta destinata huic eidem vsui subrepta fuerat, magnam aduersus eos litem mouerunt: & aduersus talem imposturam vociferabantur: sed illi tandem fortiter obſistendo superarunt.

De innocentibus (quos vocant) silere propemodum statueram: quia tametsi eorum velut exercitum colligerem, semper tamen obijcerent id cum historia non pugnare, qua eorū numerus præfinitus non est. De multitudine igitur dicere omittam. Tantùm obseruetur, nullam esse ferè regionem in toto orbe, vbi non aliquis extet. Nunc quæro: quomodo tam longo postea temporis intervallo, reperta fuerunt eorum sepulchra: cum pro sanctis non haberentur, dum Herodes ipsos interfecit? Deinde quando allati sunt? Nihil aliud possunt respondere, quàm id quingentis aut sexcentis post eorum mortem annis factum esse. Iudicent imperitiſſimi omniū idiotæ quid eueniet, si fides tam absurdus delirijs habeatur. Ad hæc tametsi fortè ab aliquo reperi fuissent, quā fieri posset vt plura eorum corpora importarentur in Galliam, Germaniam, Italiam: vt inter vrbes adeò inter se remotas distribuerentur? Hanc igitur falsitatem, tanquam perspicuam, & conuictam relinquo.

Quoniam Laurentius in veterum Martyrum numero est, hic locum ipsi assignabimus. Haud equidem scio corpus ipsius plusquam vno in loco esse: Romæ videlicet, in æde ei dicata: sed vas plenum carnis eius esse seorsum habetur. Item ampullæ duæ: quarum altera sanguinis eius plena est, altera adipis. Item, in æde cui Palisperna cognomen est, brachium & ossa: ad Sylvestri aliæ reliquiæ. Verum si omnia ossa colligerentur, quæ in Gallia solum monstrantur, duo haud dubie corpora suis partibus absoluta effici possent. Est præterea craticula, super qua assus fuit: tametsi Palisperna illa, de qua iam locuti sumus, fragmentum eius quoddam se habere iacet. Quod ad craticulam attinet, adhuc condonarem: sed sunt aliæ reliquiæ nimium notabiles, quas mihi nefas esset reticere. Veluti carbonēs qui ostenduntur ad Eustathij. Item, mappa qua Angelus ei corpus absterxit. Cum itaque isti ad excogitanda eiusmodi deliria, otio abusi sint, ut mundo imponerent: qui hanc admonitionem viderint, otium sibi sumant ad hæc considerata, quò sibi prospiciant ac caueant ne sic in posterum irrideantur. Ex eadem officina prodijt dalmatica, quæ etiam Romæ ad Barbaræ monstratur: quia Laurentium Diaconum fuisse audiebant, existimarunt eum iisdem indumentis ornatum fuisse, quibus eorum Diaconi sese transformant, dum in Missa personam suam agere volunt. Verum, longè aliud munus in Christiana Ecclesia fuit, quàm sit hodie in Papatu. Atque ad gerendam pauperum curam, distribuendâsque eleemosynas creabantur Diaconi, non ad histrionicos ludos agendos: itaque dalmaticis aut similibus larvis, minime opus habebant.

Laurentio, Geruasium & Protasium adiungemus, quorum sepulchrum Mediolani repertum fuit Ambrosij tempore, ut ipse testatur. Similiter Hieronymus, Augustinus, & plerique alij: Ita Mediolanenses etiamnum sibi eorum corpora vendicant. Sunt nihilominus Brisaci in Germania: ac Vefontione, in parochia quæ D. Petro dicata est: præter infinita frustra, quæ varijs in templis sparsa sunt: adeo ut necessarium sit, quatuor ad minimum singulis fuisse corpora: aut ossa abijcienda sunt, quæ falso & mendaciter eorum nomine inscribuntur.

Quia Sebastiano curandæ pestis munus tribuerunt, eò factum est, ut maiore in pretio fuerit, omnesque vehementius illum appetuerint. Effecit hæc existimatio, ut in quatuor corpora multiplicaretur: quorū vnū est Romæ ad Laurentij, alterum Sueſione, tertium Piligni, apud Armoricos, quartum propè Narbonam, in solo eius natali. Habet præterea capita duo: vnum Romæ ad Petri, alterum Tholossæ apud Dominicanos. Sed concava sunt, si Andegauensibus Franciscanis fides adhibetur: qui cerebrum se habere iactant. Quinetiam Dominicani Andegauenses brachium vnum habent. Est etiam aliud Tholossæ ad Saturnini: aliud Casedei in Aruernia: aliud Monsbrisonæ Forestanorum: præter minuta frustra quæ in varijs templis habentur. Sed cum bene expensa fuerint omnia, diuinetur ubi sit corpus Sebastiani. Verum, neque his contenti, ex sagittis quibus transfixus fuit, reliquias fecerunt: quarum vna monstratur Lambesci in Prouincia: altera Pictauji, apud Augustinienses: aliæ hic atque illic sparsæ sunt. Hinc perspicitur eos statuisse, nunquam de suis imposturis rationem reddere.

Eadem ratio in Antonio valuit ad multiplicandas eius reliquias. Quod enim sit, ut fingunt, iracundus ac perniciosus, ita ut incēdat eos quibus indignatur, hac opinione se formidabile reddit. Ex ea formidine nata est superstitio, quæ desiderium

corpor-

corporis eius habendi, commodi causa, exacuit. Ideo Arelaten sis ciuitas multum diuque litigauit cum Antonianis Viennensibus: verum exitus omnino idem fuit, qui in talibus controuersis esse solet: id est, omnia confusa mansere: nam si patefacerenda esset veritas, neutros æquum tueri constaret. Ad duo ista corpora accedit & genus, quod est apud Augustinienses Heluianos: varia item membra quæ Burgi, Matisconæ, Diuionæ, Catalumni, Ouronij, Vefontione, habentur: præterea quæ passim ferunt impostores circumforanei: quorum quantitas haud exigua est. En quid sit damni inferendi famam collegisse: nam alioqui bonus ille Sanctus iaceret in sepulchro, aut neglectus in aliquo angulo latuisset.

D. Petronillam omiseram, Petri filiam: cui corpus integrum est Romæ, in æde patri suo dicata. Item, reliquæ quædam ad Barbaræ, seorsum locatæ. At nihilominus Cœnomanii aliud corpus habent in cœnobio Dominicanorum, quod illic percelebre habetur: propterea quod homines sanet à febribus.

Quia variæ Sanctæ fuerunt nomine Susannæ, haud satis scio, an eis propositum fuerit vnius corpus duplicare. Corpus quidem vnum Susannæ Romæ habetur in æde ipsi dicata: aliud Tholossæ. Helenæ, non tam prosperè successit: nam præter corpus quod habent Veneti, nihil aliud ex abundanti lucrifecit, quam caput alterum, quod est Colonia ad Gerionis. D. Ursula, in hoc eam superat. Primum enim, habet corpus, ad Ioannis Angelici: deinde caput vnum Colonia: partem etiam quandam apud Dominicanos Cœnomanorum: item apud Dominicanos Turonenses: aliam etiam Bergerati. De eius sociabus, quas vndecim milia Virginum appellant, ubique haberi potest. Ac certè insigniter adiuti sunt eo cōmento, vt liberius mentiri auderent: nam præter ossa quæ Colonia sunt, quæ onerandis quadrigis centum sufficerent, nulla est ferè vrbs in tota Europa, quæ non aliquo in templo, aut etiam pluribus ijs ornata sit.

Si vulgarium Sanctorum lustrationem inciperem, syluam ingrederer, vnde mihi nullus pateret exitus. Quamobrem exempla aliquot adducere mihi sufficiet, ex quibus poterit de reliquis ferri iudicium. Pictauij duæ sunt Ecclesiæ, quæ de Hilarij corpore inter se contendunt: nempe canonici ad ipsi dicatæ, & monachi Sella. Controuersia adhuc vnco appesa est, quoad visitatio fiat. Interim idololatræ, duo vnius hominis corpora adorare cogentur: fideles verò de corpore eius minime solliciti, ipsum, ubicunque fuerit, sinent quiescere. D. porrò Honorati corpus est Arelatæ: est etiam Insulæ Lyrinorum, prope Antipolim. Aegidius vnum è corporibus suis habet Tholossæ: alterum in oppido Aquitania, quod ab eius nomine vocatur. Guillelmus verò, in cœnobio Aquitania, cui nomen est D. Guillelmi à deserto: item in oppido Holsatia, quod vocatur Ecrichenum, vbi etiam caput seorsum habetur. Quamquam ei sit & aliud caput in suburbio Tureni Iuliacensium, apud Guillelmitanos. Quid dicā de Symphoriano, cuius tam varijs in locis & corpus & ossa extant? Similiter de Lupo, qui est Altißiodori, Senis, Lugduni, eundemque Geneuæ esse fingebant? Itidem de Ferreolo: cuius integrum corpus est Vtica in Aquitania, & Briodæ Aruernorum. Saltem transfigerent inter se, ne tam apertè praderent mendacia sua: sicuti canonici Treuerenses, cum Leodiensibus de capite Lamberti. Conuenerunt enim de oblationibus pro certa pecuniæ summa: hac lege ne interim ipsum publicè ostenderet, ne prodigij loco esset, si duabus in ciuitatibus adeo vicinis conspicerentur. Verum id ipsum est, quod initio dixi, nunquam eos existimasse vllum obseruatorem

proditurum, qui ad tantam impudentiam coarguendam, vel hiscere auderet.

Possset autem rogare quispiam, quomodo isti reliquiarum structores, res multas veteris Testamenti, easque notabiles, omiserint: cum absque ratione cumularint omnia, quæ ipsis in mentem veniebant, & veluti stando, quicquid ipsis libebat fabricarint. Huic quæstioni nihil aliud respondeo, quàm quòd eas aspernati sunt, quia haud magnam ex ipsis vtilitatem se habituros sperabant: tametsi prorsus eas obliti non sint. Roma enim iactant se ossa habere Abrahamæ, Isaac & Iacob, ad Mariæ supra Mineruam. Ad Ioannem etiam Lateranensem, iactant se arcam fœderis, cum Virga Aaronis, habere. Et tamen eadem Virga est Lutetiæ ad sacri Sacelli: atque etiam Saluatorenses in Hispania aliquod fragmentum tenent. Præterea Burgalenses Virgam D. Martialis, quæ ad Seuerini mōstratur, eam ipsam esse asserunt, quæ Aaronis fuit. Videntur profectò ad æmulationem Dei, miraculum nouum edere voluisse: nam cum eius virtute Virga in serpentem conuersa fuerit, ita nunc eam in tres virgas conuerterunt. Fieri quidem potest, ut plerasque alias eius generis nugas habeant sed verbum hoc attigisse sufficiat, quo patefiat eos tam fideles se in hac parte, quàm in cæteris præstitisse.

Nunc lectores rogatos velim, ut id meminerint quod initio dixi: nempe, mihi inquisitores non fuisse ad manũ, qui omnium regionum, quarum hîc mentionem feci, sacraria lustrarēt. Quamobrem id quod de reliquijs dixi, ne sic accipiatursi quasi integrum sit, aut absolutũ inuentarium earum quæ reperiri possent. Germanicas vrbes circiter sex, plus minus, solum nominavi. Hispanicas tres, quod sciã. Italicas circiter quindecim. Gallicas triginta, vel quadraginta. Nec quicquid apud eas reliquiarum est, teneo. Coniecturam igitur secum vnusquisque faciat, qualis farrago foret, si reliquiarum multitudo, quæ in orbe Christiano sunt, ordine describeretur: in ijs duntaxat regionibus, quæ nobis notæ sunt, & in quibus versamur. Hoc enim præcipuè notandum est, omnes reliquias, quæ in Europa de Christo & Prophetis monstrantur: etiã reperiri in Græcia, Asia, cæterisque regionibus, vbi aliqua extant Ecclesia Christiana. Nunc quæro, cum Orientalis Ecclesiæ Christiani dicant penes se habere illa omnia, quæ apud nos esse putamus, quid in ea re statui, aut definiri poterit? Si aduersetur ipsis, excipientes hoc corpus allatũ fuisse à mercatoribus, illud à Monachis, aliud ab Episcopo: partẽ spinæ coronæ, ab Imperatore Cōstantinopolitano, missam ad regem Galliarum: alteram, quæ sita bello: sicque de singulis: ridentes quatiant caput. Quomodo dirimentur hæc controuersia? Est enim in ancipitibus causis ex coniecturis iudicandum. Hac ratione semper obtinebunt. Quæ enim sua ex parte proferunt, verisimiliora sunt ijs, quæ hinc poterunt quomodocunque obtendi. Hic certè nodus difficilis ad soluendum, apud eos qui reliquias tueri volunt.

Vt finem faciã, lectores obtestor per nomen Dei, ut ad veritatem, interim dum apertè ipsis patefit, animum aduertant, atque agnoscant id singulari Dei prouidentia factum esse: ut qui miseram plebem ita seducere voluerunt, ad eò cæci fuerint, ut de obregendis mendacijs suis nunquam cogitarint: sed, veluti Madianita, oculis confixis, secum ipsi pugnare cœperint. Quemadmodum videmus istos inter se bellum gerere, ac mutuò sese arguere mendacijs. Quisquis obstinato, ad veritatem sponte impugnandam, animo esse nollet, etiamsi nondum plane intelligat, execrabilem esse idololatriam, reliquias vllas adorare, qualescunque sint, aut veræ, aut falsæ: cum tamen falsitas erit ad eò conspicua, nunquam ipsi cordi erit vllas osculari: &

qua-

qualicumque antea religione ductus fuerit, omnem earum gustum amittet.

Hoc quidem præcipuum foret, sicuti ab initio dixi, Ethnicam istam consecrandarum reliquiarum superstitionem, inter nos aboleri, qui Christi nomen profitemur: siue ipsæ Christi sint, siue Sanctorum, quò ex ipsis emergāt idola. Talem enim pollutionem ac spurcitiā, nullo modo deceret in Ecclesia tolerari. Id quod antea rationibus & testimonijs Scripturæ demonstraui. Si quis eo cōtentus non sit, veterum patrum morem & usum spectet, quò sese conformet ad eorum exemplum. Permulti Patriarchæ, Prophetæ, Reges, aliique fideles sub veteri Testamento existerunt. Plures ceremoniæ institutæ fuerunt à Deo, quàm hodie à nobis deceat obseruari. Quin etiam sepultura ipsa, maiorem tunc, quàm hodie, apparatus requirebat: quò figuris suis repræsenteret resurrectionem gloriosam, quæ nondū ita apertis verbis, ut hodie, reuelata erat. An legimus Sanctos vnquam erutos fuisse è sepulchris, quò ex ijs pueriles pupæ fierent? An Abraham, omnium fidelium pater, sic in sublime elatus fuit? Sara etiam princeps in Ecclesia Dei, an è fossa educlæ est? Nōne cum alijs Sanctis, in quiete relictī sunt? Atque adeò Mosis ipsius corpus, Dei voluntate occultatum fuit, ita ut nunquam potuerit reperiri. Nōne Sathan cum Angelis, ut inquit Iudas, ob eam causam contendit? Quare Dominus ipsum remouit à conspectu hominum: Diabolus verò reducere conatus est? Nimirum, ut fatentur omnes, Deus populo Iudaico idololatria occasionem adimere contrā, Diabolus eam stabilire voluit. At populus ille, dicet quispiam, ad superstitionem procliuius erat. Nos verò, quales sumus? Nōne maior est Christianorum, in hac parte, quàm Iudeorum peruersitas? Quid in Ecclesia veteri actum fuerit animaduertamus. Fideles quidem Martyrum corpora eripere semper studuerunt, ne à feris & auibus laniarentur, eoque honestè sepelierunt: sicuti de Stephano & Ioanne Baptista legimus. Verum, id agebant, ut conderentur terra, atque illic usque ad resurrectionis diem quiescerent, non ut collocarentur in hominum conspectu, quò omnes sese ad ea prosternerent. Nunquam infelix hæc cōsecrandi pompa in Ecclesiam introduclæ fuit, priusquam euersa & quasi profanata fuerint omnia: partim stupiditate Præsulum ac Pastorum, partim auaritia, partim quò consuetudini, quæ iam inualuerat, nequirent obsistere: quòd etiam populus sponte decipi vellet, animum ad nugas pueriles, potius quàm ad veram Dei adorationem adiciendo. Quamobrem si quærat solida huius corruptele emendatio, dirui atque funditus euertere necesse foret, quod ab initio perperam, & aduersus omnem rationem institutum fuit. Quòd si quis ad intelligentiam istam primo gradu peruenire non possit, pedetentim saltem progressum faciat: ac primum recludat oculos, atque ad discernendas reliquias, cum offerentur, iudicium adhibeat. Id porro haud difficile est ei qui attendere volet: nam inter tot mendacia adeò perspicua, qualia sunt ea quæ protuli, ubi deligentur veræ reliquie, de quibus certi aliquid haberi possit? Præterea, quæ attigi, præ ijs quæ restant, pauca sunt. Quin etiam dū libellus hic excudebatur, de tertio præputio Domini sum admonitus, de quo nullam mentionem feceram, quod Hyldeſneymi ostenditur. Est etiam aliorum similium quedam infinitas. Denique, visitatio longè plura detegeret, quàm dici possit. Caveat ergo vnusquisque, ne se instar bestię transuersum rapi & in errorem adduci sinat, nullamque interim viam cernat aut semitam, quæ tuto dirigatur. Memini quæ, me puero, imagunculis parochiæ nostræ fieri solebant. Cum Stephani festum appropinquabat, ornabantur carnifices, qui ipsum

lapidibus obruebant, tum fertus, tum monilibus, non minus quam Stephanus ipse. Eos dum muliercula cernebant ita ornatos, Stephani socios esse existimabant. Itaque, sua unicuique candela offerebatur. Quinetiam, id fiebat Diabolo Michae-
lis. Idem accidit in reliquijs. Sic confusa ac permixta in ijs sunt omnia, ut Marty-
ris alicuius ossa haberi nequeant, quin periculum sit ne latronis aut furis, vel etiam
asini, aut equi, aut canis ossa adorentur. Annulus D. Mariae aut pecten, aut cingu-
lum adorari non potest, quin periculum sit, ne ex mundo scorti cuiuspiam
aliquid adoretur. Quamobrem caueat à periculo qui vult.
Nemo enim posthac ignorantia excusationem
poterit obtinere.

DE VITANDIS SUPERSTITIONIBVS, quæ cum sincera fidei confessione pugnant.

Libellus Ioannis Caluini.

EIVSDEM EXCVSATIO AD PSEUDO-
Nicodemus.

Philippi Melanthonis,

Martini Bucerii,

Petri Martyris responsa de eadem re.

Caluini vltimum responsum cum appendicibus.

Quibus accessit responsum Pastorum Tigurinae Ecclesiae.



MULTI saepe de me quaerunt, qualiter se gerere debeant inter
Papistas, ubi Deum purè adorare illis non licet: quin potius co-
guntur multis ceremonijs uti, quæ aduersus Christi doctrinam
pugnant, ac superstitionibus plenas sunt. Ad hanc quaestionem
non esset difficilis responsio, si cum animis suis prorsus consti-
tutum haberent, sine vlla repugnantia sequi, quod Dominus
ostendit. Verùm, sit nescio quomodo, ut maior pars hominum,
postquam displicere hoc vel illud Deo cognouit, sibi nihilominus permittat quod
Deus prohibet. Atque adeò in hac ipsa causa plus centum animaduerti, sententiam
meam non secus rogare, ac Baalam consiliũ à Deo petebat, cum venire cuperet ad
regem Balach. Siquidem iam nouerat profectionem illam Deo improbari: neque ta-
men desinebat petere, ut sibi cõcederetur. Similiter isti, cum iam propemodum con-
uicti sint in suis ipsorum conscientijs, nefas esse prosternere se coram idolis, sci-
scitantur tamen quidnam agere debeant: non quò subiiciant affectus suos Deo,
eius verbo acquiescentes, sed potius ut frænũ illis laxetur: atque, ut accepta respon-
sione quæ ipsorum voto respondeat, malo suo per vanam adulationem indormiant.

Denique

Denique, sicut dicit Ezechiel, Puluinaria quærunt ad sopiendas suas conscientias, sibi que persuaderi volunt quòd viuant, cum sint in morte. Quia tamen est officiũ nostri, syncerum veritati testimonium reddere, dissimulare mihi, aut subterfugere integrum non est, quin sensũ meũ de rebus cognitu vtilibus exponam: præsertim cum id à me postuletur. Verum, quoniam inde manat tota difficultas, quòd magis vulgò spectamus qualiter retineamus hominũ gratiam, quàm qualiter nos Deo approbemus: monitum volo fidelẽm vnumquemque, & hortor per Christi nomen, vt vim proprijs affectibus asserat, quòd se tradat in obsequiũ Domino. Molestum est se coniungere & omnes suas fortunas in discrimen, mundum in se prouocare, probris & infamiae se exponere, cedere patria, & in alienam regionem profugere, vbi cavendum sit ijs commodis, quæ in patria suppetebant. Hæc vera esse fateor: verum, quid primum discendum est in schola Christi, nisi vt renuntiemus nobis? Quòd si qui tam sint imbecillo animo, vt statuere protinus nequeant, quid sibi agendum sit: peto tamẽne sibi adulentur, ne subterfugia quærant, sub quibus frustra se occultent. Sic enim agẽdo, rationes supputant sine hospite, vt habet Prouerbiũ: nam sic tergiuersando, non euadunt iudiciũ Dei. Quin potius videmus hoc initium quasi primum ruinæ gradum fuisse ijs, qui se à Dei gratia alienarunt: nempe, quòd cum viderent sibi non esse tutum profiteri coram hominibus, se Christi esse seruos ritẽ ipsum colendo, iusti & inculpati censerì volebant, cum se multis idololatrijs polluerent. Deinde, cum viderẽt, ne hoc quidem modo, suspitionem omnem se posse vitare, de fungi se tamen officio suo putabãt, vt cunque fidẽ suam occultam continerẽt, nec verbo vno eam testarentur: nisi fortẽ cum amicis in secretiore loco inclusi. Interim, taciti patiebantur veritatem Dei conculcari, & quantumuis graues Christo contumelia fierent, non modò non se opponebant, sed potius præ se ferebant quendam consensum: nihil aliud propositum habentes, nisi vt ne quod pietatis suæ signum darent, unde Christiani agnoscerentur. Sed quid tandem huic hominum generi contigit, qui carnis prudentia, hoc est malo astu, Deo & mundo illudere volebant? Dominus ipsos in horribiles tenebras passus est ruere, ac luce veritatis, qua donati fuerãt, eos priuauit. Ad extremum, eos possedit Satan, ac incitauit aduersus Ecclesiam, vt in eam ipsam doctrinam, quam ex Deo esse cognouerant, furiose scirent. Meritò sanẽ. A Equum est enim, eos, qui veritatẽ Dei in mendacium vertunt, quòd se in sua iniquitate absoluãt, talem sentire vindictam. Quamobrem, etiã si nos infirmitas nostra impediat, quo minus officium nostrũ impleamus: demus potius Domino gloriam, miseriam nostram fatendo, quàm vt tergiuersando, quæramus inanes prætextus, quibus bis damnemur. Exempla enim iræ Domini, nos admonere debent, vt in eius timore ambulemus.

Quid ergo agendũ est? Principiò, ne nostrum officiũ proprio commodo metiamur; sic enim nunquam perueniremus ad veritatem. Deinde, ne habeamus omnino rationẽ nostri: vt quod carni nostræ expedit, quæramus. Tertiò, ne adhibeamus rationẽ nostram in consiliũ, vt à periculis omnibus & molestijs nos eximamus, sed pendeamus toti potius à Dei providentia: nec dubitemus quin satis sit potens ad nos inter mille mortes conseruãdos, quoties eòusque venire oportuerit. Sic agendo, nequaquam longa consultatione opus habebimus, nec diu disputandum erit in vtrunque partem, nunquid cum molestia, cum iactura bonorum, cum vitæ periculo, debeamus Deo parere: num incurrere debeamus in hominum offensionem, quòd illius voluntati obsequiamur: sed contenti eius mādato, sequemur prompto animo, ac sine hæsitacione, tanquam certum iter quod ostendet, exitum illi commendantes. Hæc solatio est bene in hoc negotio nos gerendi. Referam insigne exemplum, quod apud Augustinum extat. Cum damnatus capite Cyprianus esset, quia nolles

idolis immolare, ac iam ad supplicij locum adductus esset: rogatus fuit, ut vita sua vellet parcere. Adeoque ipse iudex eum seruare cupiens admonerat, ut apud se cogitaret. Ipse autem breuiter respondit: In re tam sancta non esse cōsultationi locum. Mortem habebat præsentem ante oculos: sed quia habebat fixum in animo, parendum esse mandato Domini, hæc cogitatio, omni perplexitate ipsum liberabat. Itaque non obstupefactus fuit, non alternauit dubiis: tantum abest, ut flexus fuerit: sed perstitit inuictus, in eo quod semel conceperat. Nempe, quicquid à Deo statutum est, fixum esse debere apud nos, nec deliberationi hominū esse subiectū. Præclara sententia, & quæ memoria nostræ insculpta esse debet: ne diabolica audacia deliberemus nobiscum, an debeamus obedire Deo nec ne: ac si correctores essemus voluntaris eius. Quod si nobis istud sinimus, ut desectentes ab eius verbo, audiamus nos ipsos, certò nobis imminet maledictio, quæ denūtiatur per Prophetā aduersus omnes, qui consilia ineunt, & nō ex spiritu Dei: ordiuntur telum, & non ex ore eius.

Esa. 30. 31.

Nunc videndum est, num sic Deus voluntatē suam patefecerit in præsentī causā, ut quisque verbo eius acquiescere velit, sciat quid rectum sit. Hac quæstione soluta, si quis respondere pergat, litiget aduersus Dominum: & periculum faciat, nunquid superior in hac lite futurus sit aduersus tam validam partem, & malam causam defendens.

Luc. 6.

Primum nobis succurrat, Christum primo scholæ suæ ingressu, omnibus occinere hoc carmen: Quemcunque puduerit mei coram hominibus, pudebit & me illius corā Patre meo & sanctis Angelis. Videmus non satis esse Domino, si quis eum intus in arcano cordis agnoscit: sed ipsum seuerè exigere, ut externa quoque professione ostendamus apud homines, nos ipsius esse discipulos. Nec verò alia lege in regnum suum nos admittit, &

Rom. 10.

optima quidem ratione. Nec enim fallit Pauli sententia: Sicut corde creditur ad iustitiam, ita ore fieri confessionem ad salutem. Quibus verbis significat non esse verā fidem coram Deo, quin confessionē corā hominibus pariat. In summa, Dominus ad confessionē nominis sui vocat omnes. Quicūque se hinc subducit, aliū magistrum querat. Rogabit hīc quispiā, nunquid omnes in publicū prodire oporteat. Id ego non requiro. Nā cum specialis sit vocatio, publicum docendi munus, minimè necesse est à singulis usurpari: ac ne conueniret quidem. Proinde non iniungo, ut suggestum omnes conscendant ad fidem suam profitendā, vel in compitis eam ut promulgent: sed enim ut quisque pro vocatione sua ad dandam Deo gloriam se comparet. Porro, quoniam Dominus neque tempus, neque locum præfixit, nec modum quousque progredi nos velit, ego etiam non possum certam in his legem præfigere. Verum, se quisque fideliter impendat ad id præstandum, prout occasio & facultas dabitur: cogitans semper in quo vitæ genere versetur, & quid sibi datum sit à Domino. Quia verò ferè adeò socordes & pigri sumus, nisi subinde stimulemur ad officium, memorabiles illas sententias in animis semper impressas geramus, quæ iubent nos paratos esse ad reddendā omnibus rationē spei quæ in nobis est, & quenque nostrū arrepta proximi manu, debere sanctis exhortationibus adducere, quos possumus ad Dominum: nam passim talem in nobis ælum propagandi regni Dei, tale salutis fratrum studium requirit Scriptura, ut velit nos toto conatu ad id eniti, neruōque omnes intendere. Sed quia certa regula non extat quæ doceat quousque: superest ut à Domino petamus omnes prudentiam, ut sciamus quidnam expediat. Deinde, ut quisque pro facultate sibi data, pro gradu intelligentiæ, vias omnes tentet, ac occasiones querat vtriusque præstandi. Quicquid sit: imitatio Christi sit

Esa. 2.

Psal. 69.

Ioan. 12.

nobis semper pro scopo. De ipso autem scriptum est: Zelus domus tuæ comedit me. Quo indicatur, tanto flagrasse ardore desiderij, ad conseruandam Dei Ecclesiam, ut nunquam conquieuerit, quin perpetuò in hoc opus incumberet. Rursum audiamus quid de ijs Spiritus

vicius

ritus pronuntiet, qui Christi nomen confiteri ausi non sunt, postquam in ipsum crediderant. Nempe, quòd magis dilexerint gloriam hominum, quàm gloriam Dei. Nónne hæc misera & nimium peruersa est optio, ut homines Deo præferantur? Cauendum ergo, ne incidamus in huiusmodi condemnationem.

Sed aliud est, quod tractare nunc instituimus. Nempe, an Christus rectè edoctus in Euangelio, possit citra Dei offensam, dum inter Papiſtas habitat, illorū moribus se accommodare: hoc est, num Missæ interesse possit, & reliquis ceremonijs cōmunicare, quæ illic sunt in vsu. Atque ut ansam præcidamus omnibus cauillis, non quærimus an dissimulare malum sit: sed an simulare aliquid & præ se ferre, contra veritatem liceat, necne. Dissimulatio committitur, occultando quod quis in animo habet. Simulatio ultra procedit: fingit enim quod non est. Denique, quod est mentiri verbo, id est facto simulare. Iam ut hæc quæstionem definiamus, notandum est, sicut duplex honor Deo debetur, nempe spiritualis cultus, qui in corde situs est, & adoratio exterior: ita rursum duas esse species idololatriæ. Prior est, cum homo praua opinione polluit ac peruertit spiritalē Dei cultum. Altera, cum honorem soli Deo debitum, quauis de causa, vel ad creaturam transfert, vel ad imaginem. Incipiamus ergo ab ea obligatione, qua sumus obstricti Deo, ut rite ipsum colamus. Quæritur, satisne sit Deum ab unoquoque clam agnosci, & intus in corde illi dari gloriam. Atqui plus quiddam à nobis requirit, cum præcipit ut nomen suum gestemus tam in corpore nostro, quàm in spiritu: & rationem addit, quia vtrunque suum est. Quòd si hoc non esset præceptum, est tamen euentissima ratio, quæ id nos doceat: nam cum sacro Christi sanguine redemptum sit corpus: quàm absurdum esset coram idolo prostitui! Cum templum sit Spiritus sancti. quàm indignum est pollui tali sacrilegio! Cum destinatum sit ad beatam immortalitatem & societatem gloriæ Dei: minimè conuenit tam fœda macula conspurcari. Discamus ergo, sicuti anima sacra est Deo, ita corpus eius honorari esse dicatum. Paulus, dum inuehitur in scortationem, hoc argumento vitur: Cum corpora nostra membra sint Christi, nunquid fas est fieri membra meretricis? Eadem ratione dicere possumus. Cum corpora nostra membra sint Christi, rescindimusne ipsa ex eius cōmunionē, & idolorum cultu profanabimus? Proinde, Dominus, cum de seruis suis loquitur, hac nota eos insignit: quòd non flexerint genu coram Baal, nec osculati sint manum eius. Poterat quidem dicere, non esse praua superstitione corruptos, aut non habere Baal pro Deo: verum, exprimere volens, non satis id esse, nominatim dicit, ne externo quidem gestu cultum ipsos exhibere idolo. Hac descriptione annon admonet nos quoque à tali pollutione esse cauendum, si ex eius populo esse velimus? Id ipsum etiam per Iesaiam docet: *Viue ego, inquit, mihi flectetur omne genu: & omnis lingua iurabit mihi.* Quibus verbis indicat, se non aliter ritè coli à nobis, nisi externo quoque gestu & corpore, sicut anima, ipsum adoremus. Si quis autem contrà, se coram imagine prosternat: annon ita eius maiestas derogatur? Quid volumus amplius? Nónne disertis verbis prohibet Lex, ne quo honore idola prosequamur? Verbum enim quo illic Dominus vitur, non tantum prauam superstitionem notat, sed impiam profanationem gloriæ Dei, quemcunque in finem spectet.

Est igitur friuola cauillatio, & quæ nihil quàm peccatum auget: causari Deum solo animo esse contentū. Videmus enim hoc falsum esse. Similiter causari, idololatriæ ex superstitione manare: atque ita non posse perpetrari nisi ex animo. Vtunque enim quispiam apud se idoli rideat, si tamen honorem illi se habere simulat, iam reus est translata in creaturam, Dei gloriæ. Verum, ut omne cauillum tollat: quid est quod possit quispiam hic obtere? Negabit se peccare: quia malo non sit animo. Dicit se Deum viuente intus ex corde

colere, quicquid alij faciant. Dicit hoc sibi non esse ignotum: abominationem esse, si quis preces suas ad idolum conuertat, si quis inde auxilium expectet, si quis illud reuereatur. Se ergo Deum precari: utcumque facie ad imaginem conuersus oret. Hoc colore olim tentabant effugere Corinthij, cum hoc ipsum vitium reprehederet in ipsis Paulus. Phratrias enim, quæ in idolorum honorem celebrabantur, frequentabant cum alijs: & solennibus epulis intererant. Id ne agebant superstitione? Nequaquam: nam Paulus tanquam ex eorum persona, hanc excusationem adducit: Scimus idolum nihil esse: quicquid de eo opinentur homines. Scimus vnum esse Deum, & vnum Dominum Iesum Christum. Sed an id satisfaciebat Paulo? Quin potius è conuerso clamat, hoc totum nihil esse, cum exemplo suo infirmos inducant ad colenda idola. Annon infirmus, qui te videt, inquit, cogitat idolum te habere in honore? Ergo commouetur tuo exemplo, ut idolo honorem deferat. Tu quidem sanam intelligentiam in corde reconditam habes. Sed an conuenit, eum pro quo Christus mortuus est, propter scientiam tuam perire? Hac responsione, nonne pretextus omnes reijcit, quibus se plurimi hodie obtegere conantur? Asperius etiamnum paulò post loquitur, cum addit: Sicut qui sacrificijs Dei communicant, participes sunt veræ consecrationis: ita, qui se vitiosis & pollutis sacrificijs permiscet, inde profanari. Nuge sunt, inquit, si quis obtendat, imaginem nihil esse & nihil posse: nam cum impij Diabolo sacrificent, quicumque se in tali actione cum ipsis miscet, Diabolo se adiungit. Atqui, nemo potest simul particeps esse mensæ Domini, & mensæ Dæmoniorum. Nemo bibere simul potest calicem Domini, & calicem Dæmoniorum. Quicumque alterum eligit, alteri renuntiat. Et sanè, si hoc legitimum esset effugium, temere ac stultè fecissent socij Danielis, in mortem se exponendo. Nonne sic poterant inter se pacisci? Alij quidem statuâ adorabunt, sed nos mētibus in cœlū erectis, Deum viuētem adorabimus. Interea, ut euadamus periculum, erimus inter alios, & simulabimus nos agere quod ipsi agent. An talis cauillatio eos absolueret corā Deo poterat? Nullus puto hoc dicere audebit. Quid ergo nobis volumus? Accusabimusne eos zeli inconsiderati, ut se coniungere in fornacem ardentē maluerint, quàm simulare quidpiam, quod honori Dei derogaret? Atqui, Spiritus sanctus eos commendat in hac constantia. Obijciat quispiam, non omnes adeo robustos esse. Sed quid tum? nam exemplum eorum nobis ad imitationem proponitur.

Ut ad quarendas vitij nostris latebras ingeniosi sumus, quidam idoneam solutionem habere se putant, cum respondent: Hac quæ diximus, omnia locum habere in Gentium superstitionibus, ideoque ad statem nostram trahi non debere: nam Gentiles, inquit, peccabant, non tantum prauas ceremonias usurpando, sed etiam comminiscendo falsos deos. Itaque non esse mirum dicunt, si Dominus eorum ritus tantopere execratur. Sed Papiistarum superstitiones longè diuersam rationē habere putant: nam utcumque vitiatum sit apud illos cultus Dei, non aliud tamen intendunt, quàm Deum adorare. Hoc igitur discrimine se armant, quòd illis nō videtur tam graue malū esse idololatriā, quæ nomē Dei præ se ferat, quàm si qua hoc colore careat. Ego autem ex aduerso respondeo: Simulatque mundus Deum colere aggreditur peruerso & illicito ritu, iam idolum adorare, qualicunque facio impietatem suam pingat. Quicumque ergo superstitiones erigunt à Deo dānatas, frustra asciscunt hanc defensionē, se in animo habere, Deum colere: nam cum Deus talem cultum neque ratum habeat, neque probet: Diabolo, non ipsi exhibetur. Quæ ratione dicit Paulus, eos qui verterunt gloriam Dei in imaginem corruptibilem, creaturæ non Creatori seruīisse. Verum, ut clarius pateat, quàm infirma sit hæc defensio, sumamus exemplum ex Scripturis, quæ præsentī causæ conueniant. Serpens æneus non temerè hominū libidine

bidine fabricatus erat, sed Dei mādato: nec symbolum modò erat beneficij diuini, sed Sacramentum, quod Christū figuraret. Posterior ætas illo abuti cœpit ad idololatriam: neque tamen carebat hic abusus specioso prætextu nominis Dei. Nunc scire velim, si quis tiam tunc Serpentē se adorare finxisset, quò se accommodaret superstitioni populi: an esset excusandus? Neminem fore puto, qui cōdemnare dubitet. Vitulus aureus, quem fudit Aarō, annon in hoc factus erat à populo, vt Deum viuentem repræsentaret? Nam cū edictum promulgasset Aaron, vt conuenirent ad diem festum æterni Dei: id sine controuersia ab omnibus receptū fuit. Ceremonia igitur erat in honorē Dei erecta. Sed cū peruersa foret, ac pugnaret cum veritate, Deus idololatriā esse pronuntiat. Si quis ergo simulasset se sentire, & prætexuisset Dei titulum, fuissetne ideo innoxius? Quis non eum protinus cōdemnet? Cur ergo in simili causa nolumus culpam agnoscere? Tantundem habendum est de vitulis, quos Ieroboam erexit: neque enim profitebatur, se nouum Deum velle inducere: quin potius præ se ferebat se adhærere Deo viuēti. Et sanè non aliud spectabat, nisi vt obuiaret periculo defectionis, statimque regni sui hoc modo conseruaret. Idololatria nihilominus erat: quia ritum instituebat alienum à verbo Domini, & eius mandato contrariū. Si quis illic immolasset, non ex corde, sed tantum in gratiā regis, fuissetne extra culpam? Et ne simus longiores, legimū sine quempiam ex seruis Dei illic vnquam adorasse? Quin potius legimus Deum fortiter hoc vetuisse per suos Prophetas, tanquam scelus execrandum. Vt finem faciam: respondeant mihi, fuerūtne templum Samaritanum Ioui dicatū, aut Marti? Scimus consecratum fuisse Deo Israel. Licebatne propterea, cuiquam pro illic adorare? Fatentur omnes, grauissimum fuisse futurum crimē, si quis hoc fecisset. Quamobrem, secundum has rationes cōstituo, nihilomāgis fas esse idololatriā se implicare, quā Dei nomine fucata sit, quā si aperta esset, quales fuerunt Gentilium.

Antequam vltra pergamus, quia iam ostendimus, idololatriā, etiam si committatur sola simulatione, semper displicere Deo, accommodare hanc doctrinam ad tempus nostrum cōuenit. Si quis apud Turcas agat, dubium non est, quin facturus sit impiē ac nefariē, si templum eorum ingressus, eorum superstitionibus communicet. Quòd si quis tam sit impudens, vt hoc excusare ausit: ostendet eo ipso, se cor habere omni timore Dei vacuum. Hæc ratio est: Quēadmodum adoratio, quæ in Ecclesia fidelium Deo exhibetur, solennis professio est, qua testamur ipsum esse Deum nostrū, idque palam apud homines: ita qui se Turcis adiungit in solenni adoratione, Deum verum abnegat. Idolum enim Turcæ colunt Dei loco: cū eorum adoratio sit peruersa & impia. Idem si simpliciter dicam de Papistis, durum meritò & iniquum censeatur. Multa enim habemus inter nos cōmunia. Et quamlibet magnum sit dissidium: multò tamen propius inter nos conuenit, quā nobis conueniat cum Turcis: vel ob hoc solū, quòd ab vno Christo vtrique nominamur. Videndum est ergo, qualiter & quousque homini verè Christiano liceat cum ipsis cōmunicare. De ijs loquor, quibus reuelauit Dominus, quāvis abominationibus scateant Papisticæ ecclesiæ. Quò magis perspicuum sit discrimen, notare conuenit, eorum quibus cultus Dei apud Papistas constat, partem esse excogitatam aduersus Dominum, & prorsus re-
clamare eius verbo partē verò alteram deprauatā aut vitiatam fuisse posterorū abusu, vt-
cunque ab initio origo mala non esset. Notandum præterea est, quasdam esse ceremonias,
quæ nullo modo excusari possunt, quin apertam idololatriam contineant. Alias verò stul-
tas quidem esse & ineptas: sed quæ hominem non contaminent, nisi in illis obseruandis ac-
cedat praua opinio. Tertiò, notandum est, quædam esse illic impiē præcepta, quæ seruari
tamen ab homine sine offensa queant. Alia autem esse, quæ seruari nec possint vllò modo,

Cul/turn
Ioh/ann/8

1
2
3
4
5
6

nec debeāt. Operæpretium nō est, minutatim singulas species excutere. Eas enim attigisse sufficit: ne quis putet me adeo austerum esse aut præcisi rigoris, ut velim in totū interdicerē homini Christiano, sine vlla exceptione, ne se Papis vlla in ceremonia aut obseruatione accommodet: neque enim mihi quicquam dammare propositum est, nisi planè malum, & palam vitiosum. Porro, quia hoc non potest liquido comprehendī, nisi exemplis, rem ipsam, qualis est, ante oculos ponamus. Quotidie celebratur Missa. Qui præ alijs religiosi videri volūt, illuc accedunt. Hoccine excusari potest? Qui mediocriter in Evangelio profecit, non ignorat actionem illam abominabile sacrilegium esse. Amabò, potestne quisquam se coram idolo prosternere, & eo consilio, ut omnes putēt eum id facere ex animo, quin grauitè in eo delinquat? Si nullum in ea re delictum est, quid fiet hac sententia Spiritus: vbi vetat ne communicemus operibus infructuosus tenebrarū, sed magis redarguamus? Video opus impium & Deo exosum. Intrò me ingero, fingo me ratū illud habere. Postea, quasi perfricta frōte, ne gabo me peccasse. Quid hoc aliud est, quàm iactare cum impijs, de quibus Dauid loquitur, Faciamus quicquid libuerit: Deus non videt? Sed obtendunt, se non esse authores actionis. Sibi ergo non esse imputandum id, quod non possint corrigere. Respondeo: Me nihil aliud reprehendere in ipsis, nisi quòd non abstinent ab eo, quod malum esse nouerunt: quin potius eo se implicando, contaminant. Et sanè non magno negotio os illis in hac parte obstruetur.

In Missa parochiali, multis videtur aliquanto plus esse coloris. Tamen si enim multis illic corruptiones fatētur esse, quas improbet, quia tamē, eorū opinione, mnemosynon est Cœnæ Domini, eam se ita accipere excusant: proinde, quādo illuc accedunt, eo se animo & consilio venire, ut mortis Domini recordentur. Itāne pro nostro arbitrio res transformabimus, ut vocemus tenebras lucem? Obsecro, quid simile habet Sacramentū à Domino institutū, cum hac farragine ex varijs fecibus composita? Principiò, quòd Missam imaginantur Papis & sacrificiū esse, quod Deo reconciliet non tantūm viuos, sed etiam mortuos: an id pro nihilo ducunt? An hoc etiam nihili reputant, quòd Canon, qui tanquā præcipiū Missæ caput est, refertus est execrandis blasphemijs? quòd illic pro mortuis, qui Purgatorio igne torquētur, preces fiunt, quas scimus omnino esse supersticiosas? Si nihil aliud esset mali præter diabolicū hoc figmentū, quòd putant illic Christū offerri Deo, ut tali opere expientur peccata viuorum & mortuorum, nōne iam id abnegare est Christi mortem? quæ in nihilū redigitur, nisi agnoscatur vnicū & perpetuū sacrificium. Nōne etiam hoc modo profanatur sacra Domini Cœna? Duas istas pollutiones certum est nihilomāgis posse à Missa separari, quàm calorem ab igne. Quisquis illuc ad participandum accedit, potestne purus & mundus esse, tale opus perpetrando? Huncine honorem Deo Patri nostro habemus? Hancine gratiam rependimus Christo redemptori: ut cū videamus talem vtrique contumeliam irrogari, nō modò non reclamemus, sed potius adiungamus nos socios ad tantum nefas? Et quod peius est, alios ut id faciant, inducimus nostro exemplo.

An non nimia impudentia est, excusare opus, quo Deus contumelia afficitur, & proximi impelluntur ad exitium? Sequitur deinde idololatria, quæ omnem impietate superat: nempe, cū illic panis frustulum pro Deo adoretur: nec iam censeatur panis, sed Deus ipse. Si Cœna Domini ritè illic administraretur, vera illic esset exhibitio corporis & sanguinis Domini: sed non sequeretur propterea, aut substantiam panis mutatam esse in corpus, aut corpus sub pane inclusum latere: nam ad hoc instituta est Cœna, ut in cœlum nos erigat, non ut detineat in visibilibus signis. Quanquam hæc disputatio hoc loco superuacua est. Quo enim iure pertinet hæc promissio ad Missam? Hoc est corpus meum, quod

quod pro vobis tradetur. Priusquam enim illic quicquam Dominus promittat, Sacramentum inter fideles distribui præcipit. Idne fit in Missa? Quin potius è conuerso, sacerdos, quasi priuatum negotium, seorsum conficit, perinde ac si se, data opera, excommunicare à tota Ecclesia vellet. Putamusne, cum relicto Christi mandato, in contrarium tendimus, ipsum teneri obstrictum nobis: vt cum eo ludamus, tanquam cum puero, vel potius, vt eum, instar pilæ, huc illuc iactemus? Adiungit deinde alterum mandatum, vt mysterium hoc celebremus in memoriam sui, beneficium mortis suæ cum laude prædicantes. Quî hoc in Missa fieri possit, in qua nullum verbum intelligitur? Sed insusurrantur omnia obscuro murmure & incongnito. Præterea, sermonem ad nos conuertit Dominus, cùm signum panis porrigendo, corporis sui communionem nobis pollicetur. In Missa nihil est tale: sed sacerdos incantatorum, aut præstigatorum more, super panem sufflat, vt eum arcano exorcismo incantet. Quanti hoc putamus valere? Denique, tantum abest, vt sit aliqua similitudo Cœnæ Papiæ cum sacra Domini Cœna, vt dies à nocte non magis sit diuersus. Quo igitur loco adorationem habebimus, quæ illic pani exhibetur? An non execrabilem idololatriam esse fatebimur? Atque adeò crassiorrem, quàm vlla vnquam extiterit inter Gentiles. Nunc videamus, qua conscientia sistere se illic ausit homo Christianus, vt se alijs conformet. Erigitur idolum in hunc finem, vt Dei loco adoretur & inuocetur: prosterno me in genua, me illud adorare profiteor: & reprehendi me non patiar? Quid hoc sibi vult? Vt nulla vox hominis audiat: nonne opus authorem satis accusat? Proinde, etiamsi parcant homines, Deus tamen non parcat. Si demus nihil aliud esse mali: non video tamen, quo prætextu tegere se possit fidelis, quin grauiter in eo peccet. Nihilominus quidam omni se ratione destitui videntes, non desinunt tergiuersari: huius vel illius autoritatem obtendere non cessant. Ille, inquiunt, non tantopere damnat. Sed quid prodest, aduersus Deum, hominum autoritatem opponere? Proprias ipsorum conscientias testes appello, an non ipsos conuictos teneant.

Quid ergo proficiunt tantopere laborando, vt ab hominibus absoluantur, quando coram Dei iudicio rei sunt? Verum, hoc est, quod dixi ab initio, multos sciscitari, non vt quid rectum sit, teneant: sed vt responsionem eliciant voto suo, congruentem. Deus autem, hoc modo, eorum hypocrisin vlcisitur, dum facit, vt inueniant quod quærunt, idque suo exitio. Verum, quia malum latius patet, quàm hætenus dixerim, quò clarius innotescat res tota, expendamus breuiter, quid soleant facere ferè omnes ad vnum, qui inter Papias versantur: loquor de optimis, qui pro carnis prudentia, de retinenda hominum gratia cogitant. Horum, inquam, vnusquisque, non tantum die Dominico, ad quæ benedictionem & Missam veniet, sed festis quoque diebus: quorum magna pars ex superstitione instituta est. Illic in honorem illius Sancti, vel illius Sanctæ, canetur Missa. Taceo quales multi sint Sanctorum. Fingamus omnes esse Apostolos, vel Prophetas. Canetur ergo Missa in honorem hominis mortui. Quid magis abominandum, quàm vt sacra Domini Cœna ad talem abusum transferatur? Putamusne Deum passurum, vt tantæ pollutioni sit obnoxia? Deinde, quales illic preces eduntur? Impiæ scilicet, & blasphemys refertæ. Qualis erit eorum excusatio, qui illis communicant? Sunt autem, sicut dixi, ferè omnes. Quotus enim quisque se excipiet? Si ego ipsis adulari velim, an non

proditor ero veritatis? Iam verò, si vxor ducenda est: cum se fideles Deo & Ecclesiæ offerre debeant ad benedicendum coniugium: ibit ille, quisque est, & multis histrionicis ineptijs ludet in Dei nomine. Postea, Missam sua pecunia redimet, pro coniugij sui benedictione. Obsecro, Sacerdos, qui Missam vendit, nonne sacrilegus habendus est? Quid ergo sentiendum de eo qui emit? Spiritus pronuntiat, vxorem bonam singulare esse Dei donum. Quo igitur tempore gratiæ agenda essent Deo, petendumque precibus, vt perficiat quod incæpit: tale sacrilegium perpetrando, nonne iram eius prouocamus? Scimus præterea, quo in honore haberi velit Deus coniugium: quantopere eius sanctitatem commendet, dum illud cum vnitæ spirituali, quæ nobis est cum Christo, confert. Coniugium ergo, quod imago est tam sacræ vniõis, polluemus, initium eius facientes à mortis Christi abnegatione? Non cogitamus tam atrocem eius ignominiam Deum grauiter vindicaturum? Si inde nascatur proles: cum officium p̃j patris sit, filium suum ad Baptismum offerre, secundum puram institutionem Domini: contaminabit hic suos liberos multis peruersis & profanis ceremonijs. Fateor quidem, non ideo interciderè vim Baptismi, quantum ad infantem: quando sacra Domini institutio nullis humanis additamentis aboleri potest: sed non propterea innoxius est pater, vitiosæ huic Baptismi administrationi consentiens. Omitto Iudaicas superstitiones, quibus in mulieris purgatione vtuntur. Venio ad familiæ disciplinam. Quotusquisque est, qui seruos suos erudiri curet in timore Domini, secundum purum eius verbum? An non potius vulgare est, ipsos negligere, patique, vt instar pecudum oberrent? Obijciunt, ingens subesse periculum. De periculo in præsentia sileamus. An hoc impedit, quominus fieri debeat? Estne rationi consentaneum, vnumquemque nostrum domi suæ imperare: Deum verò illic contemni, atque etiam probro affici? Quem successum meretur ea domus, quæ Deum pro summo Domino non agnoscit? Quid de seruis loquor? Quàm pauci sunt, qui ausint vxores & liberos purè in doctrina pietatis instituere? Quia tamen in ea re peccatur magis, cessando ab officio, quàm aliquid palàm perpetrando aduersus Dominum: hæc ego vitia vltèrius nunc non persequar. Est enim præsentis instituti, ea reprehendere, in quibus apparet manifesta transgressio. Nemo nostrum est (de ijs loquor, quos Euangelij luce dignatus est Dominus) qui non fateatur solennes exequias mortuorum quales fiunt in Papatu, adiunctis Missis, & alijs accessionibus: item Anniuersaria, meras esse abominationes: quia & res sunt contra manifestum Dei verbum falsò conficiæ, & quia vim mortis Christi extenuant. Si quem aut ex cognatis, aut ex amicis, aut ex vicinis mori contingat: is qui se Christianum vocat, veniet vnà cum alijs ad funus prosequendum, Missis intererit, & simulabit cum alijs, mortui animam se velle redimere. Quo hîc pretextu se teget, nisi sacco madido? vt fert Prouerbiũ. Quòd si patris agantur exequiæ, aut matris, non tantum approbabit hæc sacrilegia, sed etiam sua pecunia redimet. Si Sacerdos Missas vendendo, Iudæ negotiationem imitatur: eritne innoxius, qui eius operam ad id conducit? Præteribo reliquum anni tempus: tantum dicam de die Paschatus. Quid communiter tunc agunt, qui volunt haberi Christiani? Absque difficultate ad Missas accedunt, non tantum vt pareant tyrannidi Antichristi: sed vt blasphemijs omnibus consentiant, quas Sacerdoti libi erit proferre, & tanquam subscribant consentiendo. Quem admodum enim abso-

luti-

lutionem confert sacerdos auctoritate sedis Apostolicæ: hoc est, idoli illius Romani, à quo non potest expectari, nisi exitium: ita qui adsunt, recipiunt tanquam salutarem. Obsecro, cui hoc rectum censebitur? Christianos sistere se, ac prosternere coram Antichristi vicario, ad petendam peccatorum remissionem, quæ à vero Euangelij ministro petenda erat? Iniungit postea idem sacerdos pœnitentiã. Qualem? Sæpius, ut demurmurentur salutationes Angelicæ coram imagine Crucifixi, ut emantur Missæ, aut reliqua eius generis. Qua conditione, aut in quem finem? Ut ijs tanquam compensationibus Deo satisfiat. Si probari hoc opus potest: non video quid in toto mundo reprehendi possit. Verum, ne simus a quò prolixiores, reputet apud se quisque, quot impiæ superstitiones triduo illo peragantur. Ab illis autem quotus quisque abstinet? Sunt fortè nonnulli: sed numerus est perquam exiguus. Vbi homo Christianus tota vita in hoc luto defixus haerit: extremus aëlius deterrimus est omnium: nempe, in morte. Tunc enim maiore conatu Diabolus ad impetendam eius fidem nititur. Aderunt sacerdotes aut Monachi Sathanae flabella: quibus etsi non acquiescet, tamen necesse habebit gestu saltem indicare aliquem consensum. Quali conscientia tormento astuare debet, iam mox venturus ad tribunal iudicis sui, quem confiteri non audet? Præsertim, cum hæc sententia eius auribus insonet: Christum abnegaturum omnes, qui cum confесси non fuerint.

Hoc speculum proponere libuit, in quo unusquisque fidelium, qui inter Papiſtas degit, vitia sua agnoscat: & quàm misera in conditione versetur. Comprehendi autem breuiter: & multa silentio præterire malui, quàm amplificare mala, quæ iam per se nimia sunt. Proinde, si quis præditus erit timore Domini, cum vitam suam recognoscet, & quot modis impingat: satis argumenti habebit ad se vltro dammandum, nec hiscere pro defensione audebit. Sed quoniam nonnullis satis est habere qualemcumque clypeum, quem opponant: excutienda sunt illis e manibus, quæ ad patrocinium suum arripere obiecta solent. Exemplum Naaman Syri valde illis familiare est: qui cum professus esset se posthac sequuturum Deum Israel, petijt tamen ab Elizeo, ut sibi cum Rege suo idoli templum ingredi liceret. Et quia solebat Rex, eius humero incumbere, veniam simul petijt, si vnà cum Rege corpus flecteret. Istud permissum est à Propheta. Quamobrem, similem fictionem licere sibi isti volunt. Sed prodeat vnus ex eorum numero: ego ipsum ita conueniam: Amice, vehementer miror, cum in verbo Dei habeas viam vniuersalem, latam & bene tritam, in qua non possis aberrare: quid est, cur in particulare hoc exemplum, tanquam in angustam scimitam, & parum vsitatam, declinare mauis, in qua facilis sit error? Cur ad querenda diuerticula, & rimas perspiciendas, tam es acutus, & cecutis in videnda porta? An nescis rem esse plenam periculo, particularia exempla sequi, sine alia probatione? Nam quibusdam aliquando permisit Dominus, tanquam priuilegio singulari, quod omnibus in commune prohibuit: similiter quadam tolerauit, quæ tamen non probabat. Non legimus hunc Naaman, de quo agitur, vnquam fuisse circumcisum: neque credibile est. Hinc excusationem captabis, quò tibi à Baptismo abstinere liceat? Quid si excipiam adorationem Dei, & confessionem nominis eius, ex fide manare? Te ergo ad constendam fidem cò magis astrictum esse, quò plus intelligentiæ habes, quàm ipse Naaman: quid contrà afferes? Finge hoc tibi

tantum à me responderi. Non mirum est, si cum tali permissione dimittitur Naaman à Propheta: cum exiguum tantum intelligentiæ scintillam haberet. Tu vero, qui ampliore intelligentiæ mensura præditus es, debésne ad hanc regulam exigere tuas actiones? Deus sophista non est: neque sophisticis istis effugis eluditur. Hoc responso audito, essetne coram Deo quietus? Verum, longè aliud habeo, quod istis nugatoribus respondeam. Dico eos perperam abuti Scriptura: & planum hoc faciam ijs, qui volent rem expendere. Principiò, notandum est, præfectum regium, quandiu in superstitione vixerat, magno apparatu sacrificare solitum fuisse: cum mediocres etiam homines hoc facerent. Quid autem pollicetur Naaman? Inter alia vouet, se posthac sacra non facturum, nisi vni Deo Israel. Id autem, quid aliud erat, quàm publicam & omnibus notam professionem edere: unde mundus intelligeret, ipsum non esse amplius idololatram: ac si hoc præeunte tubæ clangore enuntiasset? Cui enim fuisset dubium, ipsum dijs valedixisse, quibus amplius non immolaret, cum antè fuisset perpetuò solitus? Præterea, mulos duos onerat terra Israelis, in qua Deum viuentem adoret: ne terræ profanæ contagione polluantur, si illic sacrificet. An non hîc quoque habemus solennem professionem, qua testatur omni hasitatione sublata, se abhorre à superstitionibus Syrorum? Sed postea veniam sibi concedi postulat, si templum Remon ingressus fuerit. Si hoc facit, vt adorationem idoli simulet: fateor hoc ipsis nonnihil suffragari. Verum, rem secus habere constat. Sicut enim sonant verba: Si Rex dominus meus, fortè ingressus fuerit templum Remon, & super humerum meum innixus adoret: ego quoque similiter adorem, ne hoc imputet Dominus seruo suo. Adorare hîc, pro Flectere, aut inclinare corpus accipitur. Cur nominatim hanc conditionem apponit? Si Rex humero meo incumbens adoret: nempe, vt significet inclinationem hanc, fore ciuile officium: ne Regem impediat. Ergo, quòd corpus inflectebat, in eo nulla erat idololatriæ simulatio: sed ciuile obsequium, quod Regi exhibere consueuerat. Quicumque ergo, exemplo Naaman tueri se volet, primum se purget omni suspitione idololatriæ: & palàm ostendat à superstitionibus se esse alienum. Postquam id testatum fecerit, ego nullam illi controuersiam, aut litem mouebo. Verum, nunc in tanto discriminis intervallo, quàm ridiculum est, ipsos hoc operculum obtendere? Nam quod faciunt, huc spectat, vt videantur idololatriæ nomen dare. His tam friuolis cauillationibus, Deus satisfieri sibi non patitur.

Citant etiam quod habetur in Epistola, quæ inscribitur Ieremiæ: Cum videbitis portari deos aureos & argenteos, & Babylonios se incuruantes coram illis, dicite in cordibus vestris: Te oportet adorari Domine. Verum, an author Epistola, quicumque sit, Israelitas hortando ad dandam Deo gloriam, permittit ipsis genua coram idolis flectere? Quid illis prodest tam impudenter torquere hanc sententiam? Deinde, quî fiet, obsecro, vt qui externo gestu idolum adorat, dicat in corde suo, Deo deberi hunc honorem, nisi vt se damnet? Ego autem non exigo à fidelibus, vt cum à Papistis vident idola portari, eripiant illis ex manibus, aut lutum contrà proyiciant: Principum enim est officium, eiusmodi sordes repurgare. Tantum præcipio, vt ab eorum consortio se abstineant. Et quoniam ijs non permittitur, publicè dare honorem Deo, intus id in corde suo faciant.

Exemplum Pauli quod obtendunt, paulò plus habet coloris. Reuera tamen

minus

minus illis suffragatur, quàm exemplum Naaman: quo tamen ipsos nihil iuuari prius ostendimus. Paulus, inquit, cum sciret ceremonias Legis abrogatas, in gratiam gentis suæ se totondit: ac purificationem vouit ex ritu Legis. Si hoc licuit Paulo, putant nihilomagi sibi interdici debere, quominus Missas frequentent, & alia Papiſtarum sacra. Respondeo, ipsos Deo primùm grauitèr contumeliosos esse, qui ceremoniam ab ipso institutam, cum abominanda idololatria conferant: deinde ipsi Paulo, cum eum grauant hac infamia. En quid consequantur, qui peccando iusti haberi volunt. Rogo igitur, fuerintne damnata verbo Dei ceremonia, qua vsus est Paulus: an verò media adhuc fuerit, donec Euangelium clarius eluceret? Nemo est, qui non fateatur rem fuisse in libertate fidelium positam, pro eo tempore: nam simpliciter sacrificium laudis erat. Tonsura quidem, & purgatio ex vmbrijs Legis erant. Sed nihil absurdi est, si Christianus ijs vtatur ad edificationem. Atque id est, quod alibi dicit Paulus: se Iudæis, Iudæum fuisse faciū: Gentilibus, Gentilem: vt ad Christum omnes adduceret. In Missa autem, quid est simile? Missam accipio etiam pro alijs ritibus, in quibus extat manifesta idololatria, aut saltem superstitio, quæ pugnet cum verbo Dei. Quàm ergo præposteram est, quod tunc fecit Paulus, ad excusanda quæ planè vitiosa esse nouerunt, obtendere! Si nihil differrent hæc duo, Tondere se, & Genua flectere coram idolo, facile illis concederem, Pauli exemplum sequi. Sed eodem loco habere res tam diuersas, cælum terræ miscere est.

Quamquam longius etiamnum respicere conuenit: nempe, ad consilium, vel finem operis. Nam si Paulus, pro retinenda hominum gratia, aut pro declinando vitæ periculo, tali simulatione vsus esset, primus deberet reprehendi: verum, scimus nihil aliud spectasse, nisi vt vitaret offendicula, & rudibus in edificationem aliquid concederet. Audebuntne falsi isti æmulatores similem zelum profiteri? Atqui, conscientia testimonio refellentur. Hæc tamen quæstio nobis agitata est, perinde ac si aliquid dubitationis haberet. Videre enim est, magnam eorum partem, qui in hominum gratiam impietatem simulant, hoc prætextu abuti: quòd id totum faciant vitandæ offensionis causa. Principiò, eos ad Dei tribunal reuoco, & propria conscientia testimonium. Illic reperietur, nihil aliud esse ipsis propositum, nisi vt molestiæ vitent & pericula. Quid, amabò, lucri facimus, sic nobis contra veritatem adulando? Quid consequimur, mendacijs causam nostram tuendo? Vanas defensiones excudimus, quibus honorem nostrum tueamur apud homines: ne ambitione, aut auaritia duci videamur: interea conscientia nos conuictos tenet: ac ipsi aduersum nos sumus iudices. Obijciat quispiam, me temerè facere, qui in affectus cordis exquisiram, quod solius Dei est. Respondeo, iudicium meum subniti operibus, quæ ob oculos patent. Ne cum Deo ludamus. Nisi nos impediret vel mortis timor, vel perdendæ authoritatis suspicio, nisi nos implicitos tenerent fortunæ nostræ, nisi hominum gratia libertati nostræ obstaret: an è centum, vel etiam ex mille inueniretur vnus, qui ita simularet, vt nunc faciunt omnes? Sed quia eò improbitatis prorupit mundus, vt tam petulanter Deo illudat: concedo illis quod postulant: bono animo hoc eos facere, neque vltra persequar illorum hypocrisin. Ad rem ipsam veniamus. Ne scandalo simus, inquit, cogimur nos attemperare Papiſticijs superstitionibus. Vt pateat, nunquid hoc verum sit, sciendum est quid

nomen Scandali significet. Cum eo Paulus utitur, eos scandalum dare intelligit, qui conscientiam infirmam turbant, quominus ad Christum veniat, vel ut ab eo alienetur. Cum ergo hoc argumentum tractat, de quo nunc agimus, iubet summa diligentia scandalum vitare. Sed qualiter? Caue, inquit, ne de carne idolis immolata coram infirmo comedas: erit enim hoc offendiculo. Si ratio quaeritur: respondet, quia eius conscientia in malum confirmabitur. Hanc enim carnem pollutam esse opinatur: & tamen, inductus tuo exemplo, comedet. Ita illi praecipitij causa eris. Quod si se abstineat, torquebitur tamen apud se hac opinione: quod Dei contemptu hoc fieri abs te putabit. Atque hoc modo labefactabitur, vel despondebit animum: quia nondum bene stabilitus est in salutis doctrina. Videmus nunc, à quibus scandalis nos reuocet Paulus: nempe, ne temeritate nostra occasionem praebeamus infirmo impingendi, aut defleendi à recta via. Denique, scandalisamus eos, quos retardamus, vel impedimus, ne proficiant in Domino: cum illis potius adiutores esse debeamus. Similiter ad Romanos, postquam docuit, inhumanum esse, & charitati contrarium, molestiam exhibere infirmis, propterea quod quibuslibet cibis vesci non audeant: eosque non esse importunè vexandos, ut festinent repugnante conscientia: neque ipsis afferendam esse tristitiam: dum hanc orationem claudere vult, subiungit: Quisque ergo suo proximo placeat in bonum, ad aedificationem. Nunc videmus in quem scopum collimare oporteat, cum de scandalo vitando agitur: nempe, ne proximo causam praebeamus impingendi, nostro exemplo, ne verbis aut operibus eum à recta via abducamus. Hinc iudicare promptum est, nunquid qui se coram idolis prosternunt, & religionem suam regendo, probri Deum afficiunt, vitent eo modo scandalum. Primum, ostendunt, sibi non magno in pretio esse Dei gloriam, quam ita profanant: deinde, alios inducunt, suo exemplo, ad eandem profanationem. Infirmos dico, qui gustum aliquem veritatis habent. Nam audaciores eos reddunt ad id, quod meritò alioqui horrerent. Postremo, impios, in sua malitia obdurant, redduntque obstinatores. Si hoc scandalizare non est, fateor me nihil videre, nec esse rationis compotem. Non offendunt quidem filios seculi, ut eorum offensionem in se prouocent: non concitant aduersum se impiorum furorem, nec mundo occasionem praebent obloquendi: verum, dum idololatriam omnem fouent sua simulatione, in causa sunt, ut alij ruant praecipites: alij graui impactione collidantur: cadant multi: plures claudicent, vel à recta via euagentur. Proinde, omnes ad vnum, caci sunt, caecorum duces: nam dum alij alios, instar gruum, sequuntur, mutuò se fallunt. Quia nemo interea verbum Dei sequitur, quod vnum pro regulae esse debebat. Notare praeterea conuenit, cum Paulus iubet nos aliquid concedere fratrum ignorantiae, aut ruditati, ne illis simus offendiculo, non hoc requirere, ut in illorum gratiam illicitum aliquid tentemus, aut suscipiamus omnino vllum opus à Deo prohibitum: sed tantum, ut in rebus medijs, quas in libertate nostra posuit Deus, & quae per se non malae sunt, habeatur à nobis ipsorum ratio, ne turbentur, aut labefactentur. Quamobrem, hoc semper primum sit fundamentum: ut reputemus, num id, de quo agitur, nobis sit liberum, quo in vtranque partem uti liceat purè, & sine offensione Dei. Expendamus, inquam, num abstinendi & utendi nobis relicta sit à Deo facultas. Includere verò in hunc catalogum idololatriam, prorsus est à ratione dissidentaneum. Quando

igitur simulatio, quæ huc vsque procedit, vt homo se sacrilegio polluat, cum aperto Dei mandato pugnat, frustra scandali periculum obtenditur, ad captandam eius excusationem.

Qui videntur omnium modestissimi, cum se omni legitima defensione destitutos cernunt, non excusant in totum, nec contendunt rectè fieri: sed leue esse erratum, & facili venia dignum, prætexunt. Itaque, non sustinent tam acriter reprehendi. Et ne loquantur sine specie, obijciunt multa hodie vitia regnare in mundo longè grauiora: & quæ seuerius corrigenda essent. Initium ergo præposterè ab hac leui infirmitate fieri causantur: nisi fortè Phariseis velimus esse similes, qui camelum deglutiunt, culicem verò colant. Incipiam ab hoc postremo capite. Fateor, horrenda flagitia & atrocia passim hodie grassari in mundo: quibus redarguendis fortiter sit insistendum. Fateor etiam, si quis solum hoc vitium externæ idololatriæ exagitet, interea verò ad illa omnia connueat, aut leniter tantum carpat, cum quicumque sit, perperam facturum. Quemadmodum, exempli gratia, si nunc ebriosus, scortatoribus, furibus, periuris, & similibus parcerem: si indulgerem auarus, de rapinis tacerem, fastum & vanitatem non attingerem: mordicus autem arriperem hoc solum vitium insectandum, meritò præposterus iudicaret, meritò socordiam meam reprehenderent omnes, quòd in curando vno vulnere intentus, reliqua tegerem. Verum, cum hoc non faciam: quis mihi obstat, quominus in singula vitia inuehar, & vnum quodque insecter suo gradu & ordine, nullo excepto? Hoc autem esse ex numero, nullus negabit. Atqui, modum excedis, inquit. Nam quidam, dum audiunt tanta vehementia te vociferantem aduersus externam idololatriam, defunctos se putant omni officio, si tantum ab ea se contineant. Et perinde ac si tota sanctitas in hoc sita esset, non magno æstimant grauiora flagitia, præ vno isto vitio. Vita enim interea sunt dissoluta, vel rapaces sūt, vel auari. Respondeo, hoc genus hominum longè errare, dum perfectionem suam in externa specie collocant: fateorquæ, dum ita placare Deum volunt vno officio, non minus, quin etiam aliquāto grauius peccare, quàm qui se liberant omni culpa, dum externis superstitionibus Deum coram mundo abnegant. Sed nimis iniquum est, eorum vitium mihi imputari: cuius illis causam nullam dederim. Hæc mea est doctrina: pium hominem, tam corpore quàm spiritu, Deo consecratum esse debere: modò spiritus priores semper obtineat. Quis inde inferat, ad hypocrisin institui homines, vt cum Deo gestu ludant & externis actionibus?

Porrò, quòd leue erratum esse imaginantur, si quis adorationem idoli simulet, ideòque non difficulter esse condonandum: respondeo, si comparatio fiat inter Dei mādāta, alia tunc maiora, alia minora fore. Quemadmodum pronuntiat Christus, hæc præcipua esse capita Legis, Iustitiam, Iudicium, & Fidem. Verum, si vnum quodque mandatum per se æstimemus: nullum est quod non habeat graue pondus. Audimus enim quid Christus alio loco dicat: Quicumque vnum ex minimis mandatis his neglexerit, & ita docuerit homines: minimus reputabitur in regno cælorum. Quid sibi vult hæc particula, Ita docuerit? nempe, si rem non magni momenti esse doceat, transgredi aliquod Dei mandatum, ac si parum ad rem faceret: atque hac illecebra laxet frenum cupiditati hominis. Denique, si peccatum extenuando, audaciores ad peccandum homines reddat: si is qui quaecumque Dei mandatum, quamlibet leue in speciem videatur, eleuat apud homines, tam seuerio iudicio

est obnoxius: quid de ijs fiet, qui de mandari vnius transgressione taceri prorsus volunt? Quod si micam sani iudicii habeamus, audebimusne hiscere ad hanc blasphemiam proferendam, ut exiguum erratum esse dicamus, repugnare Dei voluntati? Quicquid enim est, de quo præcipiendo dignatus est Deus habere curam, & cuius causa dignatus est sacrum os suum aperire, nonne tanti esse debet creaturis omnibus, ut cum timore & reuerentia excitentur ad obediendum? Estne nostrum inquirere cur hoc præceperit, illud vetuerit: ac si sola eius voluntas nobis pro ratione non sufficeret? Ne quis ergo hîc fallatur: non enim ea tantum, quæ Deus præcipit aut vetat, intueri conuenit: sed in Deum ipsum qui loquitur. Quia non possumus, nisi maiestatem eius violando, transgredi eius mandata. Proinde, ab eius magnitudine æstimanda est peccati mensura: tunc nullum nobis exiguum censebitur. Hac de causa denuntiat per Zachariam, se missurum volumen maledictionis in vniuersam terram: quo periturus & fur similiter maledicetur: quo significat quamlibet Legis suæ transgressionem seueriter vindicandam. Quod Iacôbus clarius etiamnum exponit, his verbis: Qui totam Legem seruauerit, & deliquerit in vno, factus est omnium reus. Nam qui vetuit occidere, vetuit etiam scortari & furari. Ut sciamus quàm grauis sit quæuis offensio, ad Deum legislatorem nos reuocat: ac si diceret, Peccati magnitudinem inde esse metiendam, quod pugnat cum voluntate Dei, ac auctoritatem eius euertit. Quamobrem Dominus Christus, dum Phariseorum hypocrisim reprehendit, qui sic totum studium collocabant in vltimis præceptis, ut præcipua interim à tergo relinquerent: non iubet eos, relictis minoribus, studium suum ad præcipua conferre: sed dicit, illa oportuisse quidem seruari, hæc autem non negligi. Ac si diceret, nihil à capite (ut ita loquar) ad calcem negligi conuenit: sed non decet ita intentum esse vni, ut alterum prætereas. Videmus ergo perniciosum esse figmentum, cum volunt homines extenuare quamlibet Legis transgressionem: cum reuerentiam Dei, ex animis nostris debeat. Et sanè, cum incipimus ex auctoritate verbi Dei quicquam vlla in parte deerrare, inde facile delabimur ad socordiam. Est ergo quidam veluti ingressus ad impietatem & contemptum. Itaque, quicquid aduersus Dei voluntatem perpetratur, generaliter reprehendi debet: & quidem serio, ac rîque seueritate. Hoc enim erit timoris & obedientia signum, si nullum apiculum contemnamus ex eius mandatis.

Quamquam scire velim, qua ratione externam idololatriam inter minima delicta reputent. Causam adducunt, quia non manet ex affectu cordis: necessitate enim cogi se dicunt: se verò aliter facturos, si liceat. Prodeat ergo vnus ex ipsis. Ego sic eum cõpellabo: Amice, si periculi cuiuspiam timore, aut in gratiam ullius hominis atroci contumelia patretuum afficeret, essetne propterea excusandus? Quanto autem minus probri irrogare Deo debes, nomen eius profanando, dum eius gloriam ad idolum transfers? Cogor, inquires. Annò putas pluri eum gloriâ suâ facere, quàm tuâ vitâ? Sed omisissis altercationibus, omnes obtestor qui hoc errore detinentur, ut paulisper mecum reputent, sitne tolerabile delictum, quo Paulus Deum prouocari denuntiat quasi bello sibi indicto: quo dicit Christum offendi: quo testatur renuntiari mensæ eius: quo dicit participes nos fieri mensæ Dæmoniorum? Hæc certè verba horrorem incutere nobis deberent: quin etiam fulminat illic Paulus magis, quàm loquitur. Sed obijciat quispiam falsò me torquere istas sententias ad præsentem causam. Expendamus num res ita se habeat. Corinthij aut periculi timore, aut alio carnis incuitu,

fre-

frequentabant cum infidelibus sacra idolorum, ac solennibus eorum epulis se aggregabant. Hæc ipsorum erat excusatio: Intus in corde, superstitiones omnes damnamus: scimus vnum esse Deum, cui debeat gloria. Non tamen ideo Paulus clamare desinit, ipsos prouocare Deum ad certamen: ipsos pollui consortio Demoniorum. Quid hodie minus faciunt, qui se prosternunt in Missa: vt eius impietati subscribant? qui omnes impias superstitiones approbare se palam simulant? Si negent, expendamus annon reperiantur in ipsis omnes causæ quæ Paulū aduersus Corinthios incitabāt. Certum est Paulū hæc duo respexisse: quòd tali simulatione, Corinthij occasionem impijs præberent obloquendi de Christo: eos redderent obstinatiores, & fidem nostram eorum ludibrio prostituerent: deinde quòd infirmos labefactabant malo exemplo. Propter hæc duo scandala tam asperè & minaciter in ipsos inuehitur. Quid hodie faciunt, qui in gratiam Papistarū superstitionibus eorū consentire se simulant? Sumamus exemplum huius rei in Missa. Sciunt abominationem esse in Dei probum erectam. Sciunt quo animo illuc populus conueniat. Atque vt nihil aliud sit, sciunt illic idolum adorari. Hoc cum sciant, nōne communem cum alijs adorationem præ se ferunt? Nōne hanc de se opinionem volunt haberi, quòd ex animo id faciant? Sic agendo, annon, obsecro, Dei gloriam impiorum derisioni subijciunt? Nōne eos in sua prauitate confirmant? Nōne infirmis sunt offendiculo, cum alios malo exemplo inuitant ad peccandum: alios labefactant, vt incipiant de doctrina hesitare? Nihil ergo proficiunt mitigando quod Deo tam acerbum esse cernimus. Quinetiam satis constat Missam ab inimicis Christi haberi instar pignoris, ad impietatem suam approbandam. Hoc enim pignore accepto, mundum se habere putant sibi obligatum. Nam si quis diligēter ac religiosè Missas frequentet: hoc ipso declarat, se fidele esse Antichristi mancipium. Rursum, Missæ contemptus est illis, tanquam defectio ab Antichristi tyrannide. Cum ergo homo Christianus Missas frequentando, quasi arra data, profiteatur se in idololatria Antichristi velle viuere & mori: nōne simul obliquè Christo & Euangelio renuntiat? Qua tergiuersatione euadent qui tantum flagitium colore aliquo inducere conantur? Et quia dealbare prorsus nequeunt, adumbrant obscuris inuolucris, ne tam conspicuum appareat. Dico, Missam non simpliciter in se considerandam esse, sed adiunctis circumstantijs, adiunctis appendicibus, quas secum trahit. Dico rursum, hanc perpetuam esse Missæ cōsequentiam, quòd illic solennis professio editur, ad tyrannidem Antichristi approbandam, quæ horrore debet esse pijs omnibus. Si sana conscientia, & sine sophistica hunc mihi nodum soluant, non amplius illis molestus ero. Sed hoc, anno toto non facient. Referam historiam, quæ apud Iosephum & in libris Machabeorum extat, de Eleazaro, muliere Iudæa, sepræmque eius filijs. Vrgebāt tantum impij eos, vt carnem suillam gustare vellent. Mori maluerunt. Videri possent prima facie, obstinatione quadam potius, quàm zelo moderato mortem subiisse, tam leui de causa. Verum si reputemus quorsum id spectaret, secus non poterant, quin Deum abnegarent. Nam qui ab illis exigebāt, vt suilla vescerentur, cuius esum Deus prohibuerat: testimonium flagitabant defectionis a Deo & eius Lege. Hæc quidem historia in Scripturis non continetur, sed fabulosa tamen non est. Si hos habemus pro sanctis martyribus, & eorum laudamus constantiam, sicuti meretur: annon culpari tanquam vitiosum debet quod contrà fit? Vt finem faciam, dico eos omnes, qui fictionem hanc idololatriæ

pro leui delicto habent, nescire adhuc quanti Deo sit suus honor: nec vnquam gustasse quid hæc sententia valeat, quam profert per os Iesaiæ: *Viuo ego, non dabo gloriam meam alteri, nec honorem meum sculptilibus.* Nam his verbis ostendit se minimè vnquam passurum, vt honor suus ad idola transferatur, quin huius tanti sacrilegij vindictam exigat. Dico etiam nunquam eos percepisse, quàm singularis sit erga nos hæc Dei gratia, quòd corpora nostra dignatus est sibi in templa consecrare: quòd ea sacrosancto sanguine Christi redemit, vt aliquando in beatam immortalitatem recipiantur. Nam si hæc haberent cognita, dicerent statim cum Paulo: *Purgemus nos ab omni inquinamento, tam carnis, quàm Spiritus: Deum portemus tam in corpore, quàm in spiritu, quando vtrunque Dei est.*

His canillationibus discussum, prodit prudentia carnis: ac suam personam agit. Hæc autem prima est eius ratio: Si se omnes palàm seruos Dei profiterentur, quid accideret? Respondeo, si ita Deo placeret, sæuas inde persecutiones exorituras. Alij enim relictis fortunis, fuga se eripere tanquam ex naufragio cogerentur: alij probus omnium lacerarentur: alij conijcerentur in vincula: alij in exilium pel-lerentur: alij etiam crudeliter trucidarentur, quantum scilicet Deus impiorum furori permetteret. Verùm hic dandus esset honor Deo, vt euentum illi committeremus: sperantes eum sic obuiam iturum, ne quicquam aliter, quàm optandum sit, eueniret. Huc enim nos exemplo ducit pater noster Abraham, qui cùm iussus esset filium suum immolare, rogatus ab eo in itinere, vbinam esset sacrificium, respondet: Dominus providebit, fili mi. Præclara sententia, & quæ in cordibus nostris insculpta esse debe, vt nobis subeat in memoriam, quoties aliqua in re hæremus perplexi, nec exitum inuenimus. Si modò possemus reiicere in Dominum sollicitudines nostras, certò persuasi, ipsum satis habere prudent. & ad nos dirigendos, vbi consilio destituimur: nihilominus nobis deesset, quàm seruo suo Abraham defuit: quem explicauit præter hominis sensum, ab illis angustijs, quibus districtus tenebatur. Verùm obstaculo nolis est incredulitas nostra, quominus Dei bonitatem experimèto sentiamus. Cùm aliquid nobis præcipit Dominus, an putamus eum non præuidere pericula, aut eorum rationem non habere? Si providet, an putamus eum non satis habere potentia ad occurrendum? Quod deterius est, an volumus eum arguere mendacij: ac si præstare non vellet quod promissit: custodem, scilicet, se fore eorum, qui in vijs suis ambulabunt? Quamobrem loco huius cantilenæ, Quid nobis accideret, si seruiamus Deo? aliam canere discamus, quando omni consilio destituimur, Suppetet Deo consilium pro nobis: quando angustijs tenemur impliciti, quarum exitus non apparet: Deus viam nobis patefaciet. Tātum pareamus eius verbo, & omni nos periculo eximet. Deus præ omnibus hanc fiduciam requirit à nobis, vt eius mandatis obedientes, finem operum nostrorum & successum, eius providentiæ commendemus, in eaque acquiescamus. Verùm, vt mille timores se ante oculos nostros ingerant, vt nesciamus quòd nos debeamus vertere: sequitur ne propterea irritam esse & abrogatam Dei voluntatem? Atqui, scimus eam perpetuò constare, etiam si cælum terræ misceatur. Verùm prudentia carnis nondum conquiescit. Obijcit enim aliud grande incommodum: quòd si se vellent omnes subducere ab idololatria, statim fidelibus nudarentur omnes regiones, in quibus Antichristus regnat. Secundò, non habituros locum, vbi pedem figant: cùm omnes regiones, in quibus purè inuocatur Dominus, eorum capaces futuræ non sint. Respondeo, hunc va-

numesse timorem. Nam si quicunque illuminati sunt à Domino, vnanimes & communi consensu, omnia potius relinquere & posthabere instituerent, quam se profanare in superstitionibus, noua aliqua ratione, quæ nos latet, ipsos adiuuaret. Nam aut corda Principum incitaret ad idololatriam repurgandam, & verum Dei cultum erigendum: aut inflecteret ad humanitatem & clementiam, ne tantam violentiam exercerent in fideles, nève eos ad istas pollutiones adigerent. Præterea, ne altius ingrediamur in hanc quæstionem, nego timendum esse, ne protinus omnes vasis collectis iter arripiant. Nunquam enim deerunt qui oculos velatos habeant, quominus cernant, quantis sint in sordibus. Erunt etiam semper alij, qui sic agnoscant miseriam cōditionis suæ, vt interea tamen quasi ligati, ab infirmitate carnis suæ teneantur. Alij autem sic erunt implicati & oppressi varijs sarcinis, vt etiam si velint, facultatem exeundi habituri non sint. Atqui, verisimile est, dicet quispiam, eos qui ampliore doctrina & constantiore zelo præditi sunt, qui denique ad alios edificandos sunt aptiores, in primis exituros. Quid ergo fiet? inquirunt. Ad hoc respondeo: Si quisquam eorum qui huc illuc dispersi sunt, dimidium officij sui faceret, non fore vllum angulum mundi, qui non statim refertus esset luce veritatis. Hæc mali causa est, quod in plerisque, & ferè in omnibus nihil est zeli nec cordis. Verùm, etiamsi ab aliquo loco exirent, quicunque illic non possunt cum pace conscientia viueret: an ideo extinctum illic esset semen Dei? Potius sperandum foret, Deum vnus loco, tres aut quatuor excitaturum. Breuiter, semper ridiculi erimus, aduersus Deum litigando.

Neque me latet quosdam esse, qui sibi iusti videantur, dum obijciunt, mihi esse perfacile, tam fortiter loqui extra teli iactum: verùm, si essem ipsorum loco, me nequaquam fore tam fortem. Respondeo, me nihil aliud proferre, quàm quod in animo habeo: mèque ad sic docendum conscientia vrgeri. Impium ergo fore & blasphemum, si secus docerem. Quamobrem si degerem in aliquo loco, vbi idololatriam fugere sine periculo non liceret, confugerem ad preces: peteremque à Domino hanc constantiam, vt ipsius gloriam, quemadmodum par est, vitæ meæ præferrem. Nec dubito quin mihi esset affuturus. Cæterùm, non spectemus quid ego facturus essem: neque enim me iacto sed tantùm ostendo, quid debeamus facere omnes, tam ego quàm alij. Quicunque ergo secus facit, reus est coram Domino: siue ego, siue alius. Sed quid in me respiciendo proficiunt? Si aliter viam quàm doceo, vix mihi: quia ore meo iam sum damnatus. Sed quid inde excusationis habent? Opus suum probet vnusquisque, inquit Paulus: & tunc laudem habebit in seipso, & non in alio. Hoc quidem vulgare est mundo, vt quisque aliorum peccata, clypei loco, ad sua regenda opponat: at non sic cum Deo agendum. Præterea, ne obiecare queant verba me dare, sed nullum exemplum extare, nihil exigo aliud ab ipsis, nisi vt per viam incedant, in qua nobis tot martyrum millia præeunt: virorum simul ac mulierum, pauperum ac diuitum. Hæc igitur doctrina, non speculatio est, quam in umbra otiosius fabricauerim: sed ea est doctrina, quam sancti Christi martyres inter media tormenta & sæuos cruciatus seriò meditati sunt: hæcque meditatione se confirmârunt ad terrorem carceris, equulei, ignis, crucis, gladij, & cuiusvis tormenti superandum. Nisi hanc cogitationem habuissent in cordibus insculptam, centies sibi satius esse mori, quàm adduci vt quicquam facerent gloriæ Dei contrarium, nunquam se ad mortem obtulissent, pro fidei confessione. Quin potius passi es-

sunt ad colenda idola se induci. Nobis autem non in hoc tantum narratur eorum constantia, ut laudetur à nobis: sed in exemplum proponitur, ne veritatem abnegemus, tam fortiter ab ipsis assertam: ne gloriam Dei aboleamus, aut polluamus, quam tanti fecerunt, ut pro ea obsignanda, non dubitauerint sanguinem fundere. Si euadere simulatione licet, cum instant nobis impij, ut ad idololatriam deflectamus: quorsum attinebat, ipsos tam atrocibus tormētis corpus suum exponere? Deū enim clam adorando, simulare poterant idolis se dare honorem, ut persecutoribus satisfacerent. Verum, exemplo suo nos docuerunt, ridiculum esse hunc pretextum, cum prætendunt homines, Deum se intus colere, veritatem eius coram hominibus prodendo, & eius honorem profanando. Et sanè, si diligenter expendamus, non leue nobis iudicium imminet: quod tam socordes simus & frigidi, præ ut fuit olim ardentissimus ille zelus in omnibus sanctis. Nam simulatque quispiam, alioqui rudis & imperitus, tenuem modò gustum Christianæ doctrinæ perceperat, sine difficultate libenter subibat periculum, pro fidei suæ confessione. Sic animati passim erant, ut viui excoriari mallent, quàm eò perducì, ut signum aliquod externæ idololatriæ ederent. Nos qui tam ampla cognitione sumus illustrati, frigidiores interea sumus glacie. Eamus nunc, & causam nostram tueamur. Sed quid aliud, quàm grauius iudicium cumulabimus, iram Dei in capita nostra duriores provocando? Hoc pro se quisque cum animo suo reputet. Porro, quemadmodum hætenus aduersus eos disputavi, qui sui purgandi causa, veritatem Dei falsitate deprauant, aut pro extenuando suo vitio, maiestati Verbi eius derogant, mandatorum eius auctoritatem eleuantes: aut vanos colores adfiscunt, quò sibi impunè & sine reprehensione peccare liceat: ita nunc tempus est, ut obiectioni occurram, quam multi piij viri & Dei timentes adducunt: Nunquid fideles omnes per Galliam, Flandriam, Angliam, & Italiam dispersos, qui multas superstitiones suscipere coguntur, pro damnatis & reiectis habeant? Antequam tamen respondeam ad hanc questionem, Deum testor me ad idò voluptatem nullam capere; miseros fratres meos qui tali seruitute premuntur, carpendo, & reprehendendo, ut potius comminisci libeat rationem aliquam qua excusari possint: sed me tantum pronuntiare, quod conscientia mihi iniungit: quod denique cogor, velim, nolim: idque tamè in eorum salutem. Testor etiam, cum protuli quod sentio, me cum gemitu & suspirijs ipsos Deo commendare, ut aliquam illis leuationem afferat. Quò ad d. m. rationem spectat, non mei consilij est, cum aliquod in ipsis vitium reprehendo simul eorū personas damnare. Nouit Dominus me ita de plurimis sentire, qui in Gallia habitant, me esse multò sanctiores. Agnosco præterea & satis reputo, plus eos laudis mereri, quòd in media abyssò impietatis in timore Dei se continent, quàm me, qui tot occasionibus non sollicitè ad malum: sed verbum Dei quotidie audio, & alijs annuntio, quo tanquam freno retinear. Fateor quoque, si quid peccent, facilius illis ignoscendum, quàm mihi. Itaque, tantum abest ut reijciam eos, & expungam è fratrum numero, ut in reliquis eos venerer coram Deo & hominibus, & excellentiore in Ecclesia Dei loco dignos esse iudicem, quàm ego sim. Faceffat igitur falsa hæc opinio, excludi illos à me è numero fidelium, è nomine Christiano deleri. Cum tamen habeam ipsos in pretio, non desino propterea, si quid animaduerto in ipsis vitij, reprehendere. Nam ut quis sit verè pius, non ideo tamen sequitur, omnia eius opera laude digna esse. Reperiant fortè in me alia vitia. Patior ut ea damnent:

modò ne maleuolentia hoc faciant, aut obloquendi libidine, vel quia mutua criminatione vlcisci se velint.

Rogabit quispiam, quale igitur consilium dem homini pio, qui in tali Aegypto peregrinatur, aut captiuus tenetur in tali Babylone, vbi non conceditur purè adorare Deum: quin potius se attemperare cogitur ritibus vitiosis, & improbandis. Principiò consulerem exeundum esse, si posset: nam omnibus subductis, beatus est ille, qui procul abest à tantis abominationibus: cum difficillimum sit, illis tam vicinum esse, quin polluat. Consulerem igitur vt in aliquem locum se reciperet, vbi non cogeretur se illis sordibus conspurcare, conuiuere ad blasphemias, tacitus audire & videre mille impietates: sed potius liberum esset, in cœtu piorum idere fidei suæ professionem, puram Euangelij doctrinam audire, communicare fidelium precibus, sacramētis purè administratis frui. En quid iudicio meo factu sit optimū. Si quisquam nullam exeundi rationem habet, tum consulam videre & experiri omnia: nunquid se abstinere ab omni idololatria possit, quò se purum & impollutū Deo conseruet. Deinde, domi suæ Deum adorare, precarique vt miseram Ecclesiam restituere in statum suum velit. De cætero, fideliter incumbere ad rudes edificandos, quoad eius fieri poterit. Si respondeat quispiam, non posse id fieri sine mortis periculo. Fateor: Sed Dei gloria, de qua nunc agitur, multò nobis pretiosior esse debet caduca hac & fluxa vita, quæ, propriè loquendo, nihil quàm vmbra est. Iam bonam partem audire mihi videor: Hei nobis! præferre quidem Dominum omnibus conueniret: sed non ea pollemus constantia & fortitudine. Aut, parentes habemus qui nos retinent: aut familijs sumus impliciti & onusti. Quid ergo faceremus? Respondeo: Cum infirmitatem suam sibi obstare agnoscant, quo minus consilium sequantur, quod constat maximè tutum & salutare esse: cum agnoscant se timore hominum à recta via deflectere, peccatum suum confiteantur coram Deo, cum gemitu & lachrymis sibi displiceant, se accusent, abstineant ab omni defensione. Vbi hoc fecerint, tamen admoneo ne malo suo indormiant adfuescendo, sed quotidie se sollicitent ad displicentiam, & mœrorem: quò veniam à Domino consequantur. Deinde, assidujs precibus Deum interpellent, vt cum redemptor sit captiuorum, eripere ipsos velit ex hoc labyrintho: aut Ecclesiam suam vbique repurgare, quò liceat honorem illi debitum exhibere. Tandem, vt vias omnes tentent ex hoc luto emergendi: & si qua illis facultas, vel opportunitas offeratur, eam ne recusent: sed arripiant potius, quò re ipsa testatum faciant, se nequaquam per hypocrisin liberationem à Deo postulasse. Si omnes ita fideliter partibus suis defungerentur, certò persuasum habeo, quòd Dominus vim suam exereret ad omnes idololatrias è mundo exterminandas. Sed quia miseriam nostram non sentimus, neque afficimur vt par esset, quin potius tanquam obducio callo contemnimus, non mirum si Deus tam diu patiatur in sordibus nostris nos iacere. Et certè verendum est, ne si pergamus ita esse stupidi, tabescere nos & putrescere in illis tandem sinat.

LIBELLI DE VITANDIS
superstitionibus, finis.

IOANNIS CALVINI EXCVSATIO

ad Nicodemitas: qui de nimio rigore eius conqueruntur.



*C*itatur hoc prouerbiū Solomonis, Meliorem esse correctionem apertam, amore occulto: item, Correctionem amici bonam esse & fidelem: nemo est qui non assentiatur. Sed cū ad praxim vētū est, nemo est qui se intellexisse ostēdat. Hoc ideo dico, quia antehac edidi opusculum, ubi ostendo fideles, qui inter Papiſtas versantur, non posse eorum superstitionibus communicare, quin Deum offendāt. Hęc doctrina perspicua est. Eam quoque Scripturę testimonijs & solidis rationibus sic probaui, vt refragari nullus queat. Quinetiam vna est ratio, quę totam causam vno verbo definiat. Nam cū Deus corpora creauerit, sicuti animas, cū ea nutriet in hoc mundo, æquū est ipsa quoque eius honori seruire. Rursum, audimus Deum dignari nos hoc honore, vt non animas modò nostras, sed etiam corpora, templa sua vocet. Rogo igitur, num templum Dei profanare liceat. An non debeat eius nomini esse dicatum, ideoque conseruari in pura & impolluta sanctitate. Præterea, cū corpus fidelis hominis destinatum sit ad Dei gloriam, ac beatę immortalitatis particeps, Christi que corpori simile futurum sit: nimis indignum est, ipsum ad vllam pollutionem prostitui. Pollutio autem est, si ad idololatriam exponitur. In summa, Dei sumus vel in solidum, vel ex parte. Si toti ipsius sumus, g. orificemus eum corpore & spiritu. Itaque, cū exigo vt homo fidelis ab externa idololatria se abſtineat, ac prohibeo ne in hominum gratiam ea se probat: simulet, quę coram Deo damnat: constat me nihil nisi æquissimum postulare.

Sunt tamen quidam, quibus nimium rigidus videar: quinetiam conqueruntur se nimium immaniter à me tractari. Si huius querimonix ratio queritur, hęc vna est, quòd ferre nō possunt vt eorum scabiem scalpā. Qua enim specie se excusabūt, ac si iniquè eos damnarem? Habent omnino hoc miserum subterfugium: quòd arcano cordis affectu, Deum adorant, quicquid præ se ferant coram hominibus. Porro quid hoc est, nisi quòd inter Deum & Diabolum partiuntur: vt animam alteri assignent, corpus alteri? Animam quidem integram Deo seruant: saltem si fides habetur eorum verbis: sed corpora sua exponere profanis inquinamentis, nulla illis est religio. Obsecro, an Deus tali mixtura contentus esse possit? Is qui pronuntiavit omne genu coram se flecti debere, omnem linguam confiteri debere nomini suo: patietur ne vt impunè genua homines coram idolis flectant? Proinde, sicut initio testatus sum, quòd ad doctrinam spectat, nihil est in ea difficultatis: si modò acquiescere veritati non recusemus. Probationes tam sunt liquidę, vt reclamare summę impudētia sit. Fit hoc tamen. Et qui faciunt, libenter persuaderent se nō sine optimis rationibus cōcedere. Sed omnibus subductis, hęc eorū est præcipua ratio: Quòd eorū opinione nō est tā graue malū, quàm à me prædicatur. Sed cur ita opinantur? Nepe, quòd colores adſciscunt quibus vel tegant, vel imminuāt suum peccatū. At qui scire velim, quas proferre excusationes possint præter illas, quę à me plus satis sunt refuatę. Cōcedāt ergo mihi propriè loqui. Ego magis apta similitudine vti nō possū, quàm si eos cū ijs conferā, qui cloacas repurgant. Nā scit hi, cū tota vita of

sue-

sue facti sint ad mouendum foetorem, nullum amplius odorem percipiunt, quia sunt obstupefacti, aliosque deridet qui nares obturat: ita isti nostri, postquam longa consuetudine obduruerunt in suis sordibus, quolibet male olentibus, putant se inter rosas iacere: eosque rident, qui foetore offendi se fatentur. Atque ut similitudinem ulterius ducam, quemadmodum qui purgandis cloacis operam locant, cepis, alijs, alijsque grate olentibus cibis, tanquam antidotis se muniunt, quod foetorem unum, alio propulserint: ita isti, ne idololatriæ suæ putidum odorem olfaciant, inebriant se quodammodo putidis excusationibus, quæ sensum illis olfactus adimant. Verum, hoc miserum est remedium, cum se obstupefaciunt a groti, ne malum suum sentiant.

Nondum hinc de omnibus loquor, qui adhuc infirmitate sua in Babylonica seruitute detinentur: ubi se impuris superstitionibus polluunt. Multi enim sunt, qui in animis suis reputant, ore quo confitemur suam miseriam, atque illic tenentur inuiti: gementes assidue, & à Deo veniam petentes. Ad eos tantum pertinet mea oratio, qui, ut euadant reprehensionem, subterfugia omnia captant: & contempui habent omnes monitiones, vel indignantur & excandescunt usque ad apertas blasphemias. Quoniam mutuuntur Nicodemi nomen, ut clypei vice nolui opponant, ac si eius imitatores forent, in præsens vocabo eos Nicodemitas, donec ostendero quantam iniuriam huic sancto viro faciant, eum in suum ordinem pertrahentes: & quod peius est, gloriantes eius exemplo. Verum, ante omnia, optarim falsam opinionem ex eorum animis euulsam: nempe, quod putant me, data opera, sibi bellum inferre, quod illis insultem, aut ipsos mordeam. En cur nullo modo vinci se sinant. Sed in eo longè falluntur. Possum enim coram Deo, sanctis quoque eius Angelis testificari, mihi non aliud esse propositum, nisi cultum Dei, quoad in me erit, promouere: ut illi purè seruiamus omnes. Nec tam sum inhumanus, dum eos in tali labyrintho video, quin potius ad misericordiam commouear, quam delecter carpendo eos ac mordendo: aut etiam contemnendo, quod magis supra eos emineam. Utinam plus mihi materia ad eos laudandos, quam vituperandos daretur: neque enim hoc argumento lætor. Secundò, non cogitant sibi mecum non esse negotium, sed cum Deo: cum quo litigare, est calcitrare aduersus stimulum. Quid ergo proficiunt, obloquendo me nimis esse asperum? Volunt ne à me benedici, cum à Deo damnentur? Quod si illis indulgeam, quid proderit mea absolutio? Non est meum viuificare, quod Dominus morti adiudicat: nec sententiam ab eo latam mitigare, ut eius seueritatem corrigam. Mihi ergo valde dolet, quod ita mordicus in me insiliunt, ut putent nihil aliud sibi agendum, quam ut sint vno homine superiores: nec interea cogitant, se aduersus Deum impingere. Moneo igitur ipsos & obtestor, ne sibi amplius imponant, me pro accusatore deligendo: sed potius reputantes se nihil aduersus Deum profecturos, comparent se potius ad humilitatem: ac iudicem suum deprecantur, ut tergiuersationibus omisissis, placidè fateantur peccatum suum. Quod ad me pertinet, non possum, ut illi gratificer, alium vocare nigrum.

Quoniam autem Nicodemitarum non vna est species, operapretium hic erit, in transcurso notare, quas eorum præcipuas species cognoscam. Primi sunt, qui ut se in hominum fauorem insinuent, profitentur se Evangelium annuntiare: & gustum aliquem porrigendo, populum alliciunt. Nam cum videant bonam mundi partem non posse amplius ferre, præ fastidio, monachorum insectiam, & ludi-

brio habere illorum insulſitatem & ineptias: nullum melius compendium vident acquirendi fauoris, & opinionis ſibi comparandæ, quàm homines hac illecebra inſcandō. Interea verò hunc ſcopum habent, vt Euangelio, tanquam lenocinio abutantur, vel ad acquirenda ſacerdotia, vel ad implendos loculos. Itaque, poſtquam capita quadam ſanæ doctrinæ proferendo, auditores ſuos inſcârunt, ſic poſtea ſuſpenſos tenent, & circunducunt per ambages, vt nunquam ad liquidam veritatem adducant. Certum eſt, non omnes poſſe æquo paſſu progredi ad auariti- am, vel ambitionem: quia alijs alijs longiora crura habent, quibus præcurrant: ſed qui pedum epiſcopale arripere non poteſt, ad prioratum aut parochiam aſpi- rat. Sunt etiam monachi, quibus ſatis eſt bene ſaginari, & habere opimum qua- ſtum: quia nihil melius obtinere poſſunt. Hunc finem cùm ſpectent, fieri non poteſt quin me damnent, tanquam nimis auſterum: ac de me conquerantur, quia vicium illis è manu rapiam. Quinetiam eorum nonnulli, hoc ipſo non cõtenti, quò maiore in pretio habeantur, fingunt eorum ſe libros contemnere, vnde didicerunt quicquid habent: & ſine quorum lectione, piſcibus magis eſſent muti: niſi ſe omni bus ridicu- los facere vellent, nugando & ineptiendo.

Poſſem exempla proferre: ſed hoc dico, vt ipſos commonefaciam, ne ali- quando traducere illos cogar. Hi ſunt qui perpetuò adificationis verbum in ore ha- bent, & vſque ad eò ſibi placent, vt opinentur ſibi ſolis artem adificandi notam eſſe. Vtinam ſic deſungerentur, vt nihil reprehensione dignum admitterent. Ego certè ipſis non inuiderem. Sed quid? Deſcendant in ſuas conſcientias, & poſtea mihi bona fide reſpondeāt, quorſum Miſſis celebrent, in quibus ſciunt abominan- dum eſſe ſacrilegium: & ita alios inducant ſuo exemplo ad idololatriam. Quin potius reſpondeant Deo, non mihi, annon propositum habeant ſe adificare non in animi, ſed in corpore. Quæret quiſpiam, nunquid ita ſentiam de vniuerſis concio- natoribus, qui inter Papistas propius alijs accedunt ad puram doctrinam: vtcun- que ex dimidio tantum doceant, ac multum deſyderari poſſit in eorum doctrina. Abſit, quin potius certò ſum perſuaſus, quosdam ferri bono zelo: Deique honorem & ſalutem ſpectare, non ſuum commodum. At certum eſt eos qui ſic excede- ſcunt pro tuenda ſua idololatria, eamque ſub vmbra falſæ adificationis tegere co- nantur, rebus ſuis intentos eſſe, & ſibi potius adificare domos, quàm Deo Eccleſi- am. Quantum ad proximorum adificationem pertinet, notare deberent quod Pau- lus indicat: nempe, tam in bonum, quàm in malum adificari poſſe. Nam miſerum populum ſuſpenſum tenendo, & in idololatria occupando, quid aliud quàm ipſum obdurant? Si in hoc maledictò adificio gloriantur, hanc gloriam illis concedo. En primum genus eorum, quibus ego non ſatiſfacio: nempe, concionatores, qui cùm exponere ſe morti deberent pro aſſerendo vero Dei cultu, & euertenda idolola- tria, Chriſtum ſibi coquum eſſe volunt ad culinam inſtruendam. Quòd ad alios ſpectat, qui recto affectu ducuntur, et ſi ipſos reprehendam in quo delinquant, ſcio potius agnituros culpam, quàm vt monitiones reſpuant, quas videbunt ex puro Dei verbo ſumptas.

Sequitur ſecunda ſpecies: nempe, Protonotarij delicati: quibus nò diſplicet habere Euāgelium, & de eo ſuauiſſe iocando, cum domicellis garrire: modò hoc ipſis non obſtet, quominus viuāt pro animi ſui voto. In eodẽ ordine collocabo molles aulicos, & domicellas, quæ nunquā niſi blāditijs aſſueuerūt: proinde neſciūt quid ſit audire verbum

verbum asperius. Non miror si isti omnes aciem contra me instruant, & quasi conspici ratione facta, sacramentoque inter se coniuncti, me omnes uno ore damnent immodicæ austeritatis. Et sanè iam hoc multò antè prouidi. Itaque, nunc mihi videor ipsos audire, sic loquentes: Faceat Calvinus: est enim plus æquo inhumanus. Quid enim? Si vellemus illi morem gerere, non tantùm ad mendicitatem nos redigeret, sed duceret rectè ad ignem. AEquumne est adeò nos præcisè urgeri? Si omnes optat esse suis similes, & inuidet nostræ quieti, quid hoc ad nos? Bene hîc stamus: contentus ipse sit sua sorte: nos autem frui nostrâ commoditate sinat. Tandem concludunt, me non tenere mundi rationes. Cùm mutuis assentationibus sibi mutuò blanditi sunt, putant se præclaram de me ultionem sumpsisse. Cedò: sed quid facient Domino, ad quem eos remitto, & ad cuius tribunal ipsos cito? Protonotarius quispiam ridere imaginem crucifixi poterit, cuius sumptibus deliciatur: est enim mortuum idolum. At Deus non patitur hoc modo rideri. Poterit aulicus histrionicos omnes ritus, quibus mundus placare Deum conatur, deridiculo etiam habere: nam cùm idolorum sit cultus, quicquid sic pro sua libidine comminiscuntur homines, non est timendum ne ipsorum contemptu irascatur Deus. Sed cùm de sacrosanctis Dei mandatis quæstio est, non est illic mouendum caput. Poterit domicella sacrificulum, quem antea horrebat, quòd testem & conscium secretioris vitæ habere cogeretur, nunc impunè contemnere. Nam à necessitate confitendi liberatam se nouit: sed coram Deo veniendum est nihilominus ad calculum. Interior ista animi confessio per Euangelium non aboletur. Imò cùm antea rationes subduceremus cum sacrificio, cum Deo nunc supputandæ sunt. Velim hoc saltem ab ipsis impetrare, ut pro eo quòd obstinatus animis ad repellendas meas monitiones se comparant, cogitent sibi semel apparendum esse coram Deo: ut secundum hanc ipsam doctrinam, quam nunc propono, iudicentur. Quicquid sit, ego meam operam ipsis ad blandiendum non locaui.

Tertius ordo ex ijs constat, qui religionem quodammodo in philosophiam conuertunt: aut certè non admodum seriò tanguntur: sed quieti ac securi expectant, donec Ecclesia intolerabilem statum reformetur: ut autem in eam rem incumbant, quia periculosum est, adduci nequeant. Quidam etiam eorum ideas Platonicas concipiunt, de modo colendi Dei. Itaque bonam partem Papisticae superstitionum excusant: quia mundum talibus ineptijs carere non posse, imaginantur. Hic ordo ferè constat ex literatis. Non quòd omnes literati sint tales: ego enim mallet, & certè præstaret scientias omnes exterminatas è mundo esse, quàm ut studio gloriæ Dei Christianos alienent. Sed multi literarum studiosi reperiuntur, qui in hac speculatione indormiunt, satis esse si Deum cognoscant: intelligant veram salutis viam: si secum intus domi meditentur, qualis debeat Ecclesiæ status esse, ac ipsum Deo commendent: se verò interponere, aut suscipere huius rei curam, negligunt, tanquam rem superuacuum: & ab officio suo alienam. Quinetiam ludibrio habent eos, quos vident hac sollicitudine affici: & celi inconsiderati eos damnant.

Porro, cùm libellum illum, de quo dixi, scriberem, mihi facile erat prouidere, apud tale genus hominum, nequaquam gratum fore. Quare nouum videri non debet, si accadat, quod animo præsumpseram. Eos tamen obtestor, si causarum sunt patroni, ne defensionem causæ tam ruinosa suscipiant: ex qua nihil referre possint, nisi infamiam. Si iudices sunt, obtestor, ne cognitionem usurpent supra ver-

bum Domini, quæ illorum foro subiecta non est. Quin potius sibi diffidentes, à iudicando super sedent: & cum reuerentia & timore sententiæ à Deo lata acquiescant. Si Medici sunt, ne emplastris & cataplasmatibus inutilibus malum tegant: quod curari nisi in lucem proferendo, non potest. Si Philosophi sunt, aut Dialectici, ne scientias quas mundo dedit Deus, ut sint veritatis adminicula, ad fucandum mendacium conuertant: nec tam infirmam esse putent Dei veritatem, quæ inuicta vocatur: ut suis coloribus, aut picturis, vel cauillationum argutijs opprimere eam possint. Si theologiæ sunt studiosi, caueant ne scientes ac volentes incurrant in hanc horrendam maledictionem, quæ omnibus denuntiatur, qui dixerint bonum esse malum.

Quarta species sit ex mercatoribus, & plebeijs: qui commodè agentes in adiutis suis, inquietari nolunt. Itaque, quia non putant satis iustam mercedem habere suæ quietis, pro magistro se habere recusant. Constituunt autem se euasisse Dei iudicium, si consilium meum respuant. Quanquam istorum non tanta est multitudo, quia plus simplicitatis habent: ideoque non tam sunt instructi ad tergiuersandum. Nihilominus nulla est in mundo viuendi cōditio, in qua non reperiantur aliqui Nicodemitæ, qui mihi indignentur, quod ipsos præter modum urgeam. En ut seruos Dei comparatos esse oportet ad sustinendas deuorandasque hominum offensiones, dum fideliter vnumquemque admonere volunt. Neque abs re fertur communi prouerbio, hanc esse mercedem veritatis. Ego quidem hoc tantum agere fero, quod video ita sibi addictos, ut nisi Deus per omnia illis obsequatur, statim aduersus eum fremant. Rursum, quod ita malè erga Euangelium affectos video, quod tamen sequi se profitentur, ut quoties suauem illis cantilenam non canit, extemplo parati sint ad eius abnegationem: nisi primo ingressu faciant, ab vno in alterum delabi promptum est. Nam si hodie obstinent animos, nec aurem Deo præbere sustineant, cras in alia causa similiter illi obstrepent: donec fastidio primum, deinde odio doctrinæ cōcepto, ad eius auditum horreant. At verò officium meum est, studere ut salutaris sit omnibus mea doctrina. Postquam hoc conatus sum, si non responderet studio euentus, acquiesco in Dei voluntate. Quantum ad Epicureos & Lucianicos, qui abutentes Euangelij titulo, ipsum pro fabula habent, hinc supersedeo quicquam dicere: nam apud eos locum monitiones non habent. Tantum in quatuor illis generibus includere eos volui, qui aliquam saltem scintillam timoris Dei habent, verbumque eius reuerentur: sed non eò usque profecerunt in schola Christi, ut sibi renūtiare, mundumque & propriam vitam pro honore Dei obliuisci didicerint.

Abijs ergo omnibus, qui tales sunt, quaero; quid causæ habeant, cur me nimis rigidum arbitrentur, quia ipsis non permittam manifestis idololatrijs pollui, & eos ritus suscipere, quos ipsi coram Deo vitiosos esse & damnatos testes sunt. Hinc non de mea aut illorum opinione agitur. Ostendo quid in Scripturis reperiam: nec festinanter sententiam protuli: atque ad id nihil dico, nisi tam clarum ac perspicuum, ut nemo contradicere queat, quin Dei verbo palam aduersetur. Tantum enim ex ore Magistri loquor. Nam testimonia produco, quæ id penitus euincant. Si fas sibi esse putant probare quod Deus damnauit, pulchris coloribus pingendo falluntur. Si persuadere Deo volunt, bis falluntur. Dicit vnus eorum, Ut mihi detur ædificandi opportunitas, Missus celebro, quanquam in illis cōtineri scio sacrilegium cum Christi blasphemiam coniunctum. Ut demus finem eius rectum esse, anne ideo sequitur, quod facit, esse rectum? Faciet quidem interdum Dominus, ut

vijis illicitis verbum suum promouetur: vt peritus est artifex, qui ex malo bonum elicere nouit. Sequitur ne tamen hoc illi probari: aut excusationem habere, cum factum est? Ego quidem lator, & Deo gratias ago, cum intelligo rimam aliquam apertam esse veritati: & concionatorem quempiam modico saltem gustu recte intelligentiæ populum imbuisse. Si audio quempiam vltius progressum in prædicando Christi regno, duplex gaudium percipio. Interea, si quid est infirmitas, hoc vitiosum reputare non desino. Porro, nunc ab ipsis quæro, sitne tolerabile vitium, & ad quod conniuei debeat, cum is qui suggestum conscendit ad sustinendam Christi personam, ad populum eius nomine & authoritate docendum, ad obeundum denique cælestis legati munus, se abominationi consentire simulat, quæ palam repugnat cum præcipuo capite doctrinæ Euangelicæ? Proinde, quoties suam bonam intentionem mihi obijcient, statim excipiam, Nihil mali agendum esse, vt bonum inde proueniat.

Eò minus audienda est querela, qua simul omnes me grauant. Quid ergo, inquiunt? Cedemusne patriam, & fortunis omnibus, vt in locum profugiamus nobis ignotum, aut nos in mortem exponemus? Colligantur in summam quæcunque ad hoc argumentum pertinent, & quæcunque ipsi colligere solent. Perinde sunt, ac si quis diceret: Quid? An non possum Deo adherere, & verbum eius sequi, quin persecutionem patiar? Si hac conditione Christiani esse volunt, pingendus erit nouus Christus. Respondebit quispiam ipsorum: Si Deus persecutiones immitat, patienter ferendas esse: sed quoad licet, esse fugiendas. In primis verò cauendum, ne eas temeritate nostra asciscamus. Hoc totum fateor. Sed cum hoc pacisci cum Deo volumus, ne quid persecutionis subeamus pro eius verbo: nonne hoc est Christum transfigurare, vt talem habeamus, qualis appetitur à carne nostra? Et quid aliud faciunt, qui hoc allegant, pro ingenti absurdo, se, quod præcipio, non posse præstare sine periculo mortis, aut rerum omnium suarum iactura? Si quid de capite meo confingo, pro nihilo ducatur. Verum, si huc nos Deus vocat, vt impiorum rabiem pro nominis sui gloria in nos prouocemus, aut conferamus nos in aliquem locum, vbi purè ipsum adorare liceat: quàm irreuerenter cum ipso agimus ita responsando? Semel pronuntiauit Christus, omnes quibus pretiosæ erunt animæ suæ in hoc mundo, eas perdituros. Cum ergo hac excusatione euadere conantur isti, imminere moris periculum, si faciant quod ex Scripturis doceo: an non Christum cogere volunt ad sententiam suam retractandam? At natura repugnat, inquiunt. Quis ignorat? Sed vbi est virtus Domini, quæ extare in nobis debuerat? Si fideles nascente Ecclesia hoc dixissent, quid Christianismo factum esset? An non inter initia concidisset, instar abortiu? Quàm vere orne luculenta ista cognitio veritatis, qua hodie nos donauit Deus, nobis in grauius iudicium cedat! Tata Veterum Martyrum theologia, in his paucis capitibus inclusa erat: Vnum Deum esse adorandum, in ipso collocandam omnem fiduciam: Verum eius cultum in hoc constare, vt adoretur solus, inuocetur, & cum gratiarum actione agnoscatu bonorum omnium author, vita exigatur ad regulam verbi ipsius: item, nunquam a libi salutem esse & vitam, quàm in solo Christo. Neque verò tam profundamistarum rerum cognitionem habebant, vt subtiliter possent de singulis disputare: sed rudi simplicitate contenti erant. Cum hac tamen alacres currebant ad ignem: aut aliud supplicij genus. Quinetiam illuc infantes suos portabant matres. Nos

qui præ illis tam magni sumus magistri, tam disertè de quavis questione differere non uimus, non capimus quid sit Dei ueritati reddere testimonium, cum opus est: & Christianismum nostrum probare.

Sed hoc est aliquanto deterius, quòd quibusdam non sufficit tales querelas edere, ut à communi lege, quam suis omnibus imposuit Christus, se eximant: sed blasphemys se armant ad resistendum Deo. Blasphemias appello, cum pro sensu carnalis prudentiæ, hanc esse optimam promouendi Euangelij rationem sibi persuadent, communicare Papistarum idololatrijs, nec periculum ea causa subire. Si tali opinione occupati fuissent Apostoli, quid, quæso, nobiscum actum esset? Obijciunt, paulatim esse progrediendum. Fateor: addo etiam, incipiendum esse à fundamentis: & quia non possint vno die simul omnia confici, ordinem tenendum esse. Sed quale hoc est fundamentum, cum suo exemplo abominationem adificent uerbo Dei tam contrariam: nempe, manifestam idololatriam? Alterum verò quod obtinent, obliqua etiam est blasphemia, præter id quòd hypocrisis & mendacio non caret. Inuiti, inquit, conuenimus ad multa, & multa facimus, quòd lucrificamus multos Domino. Hoc modo conseruatur Ecclesia & augetur, quæ secus agendo periret. Hunc cunctis honorem habent Deo, ut eum non putent conseruare Ecclesiam suam posse, nisi ipsorum simulatione adiungetur, quam ubique tam fortiter reijcit? De Apostolis quoque, quàm honorificè sentiunt, cum aiunt confundi omnia & Ecclesiam destrui, si quis eorum confidentiam sequatur, qua vsi sunt in plantando Christi regno? Quòd si eos nihil pudeat imprudentiæ damnare Apostolos, quid tamen de successu dicent, quem ardenti eorum zelo & cōstantiā Dominus contulit? Iactabuntne adificatam hæcenus sua opera decem hominum Ecclesiam, in vrbe aliqua aut pago, cum tam magna ista sua discretione, & tam circumspecta sapientia: cum totus mundus simplici nudæque Euangelij prædicatione ad Deum fuerit adductus? Deinde, appello ipsorum conscientias: nunquid ad hunc finem tendant, ac non potius ut lesionem fugiant cutis suæ? Certò certius est, colere in hunc, quem prætendunt, procul abesse ab eorum consilio. Sed hoc non moror: neque enim meliorem in partem accipi poterit hæc defensio, quàm ut blasphemias istas contineat: nempe, medium, quod ordinauit Deus ad Ecclesiam suam promouendam & tuendam, neque aptum, neque utile esse: virtutem, quam hæcenus exeruit in Ecclesiæ conseruatione, esse collapsam: non fiducia virtutis eius promouendam esse Euangelij ueritatem, sed carnalis prudentiæ auxilio.

Ab hac scaturigine manant, quascunque præterea adducunt cauillationes: nempe, quòd hanc gloriam dare non possunt Deo, ut illum sinentes gubernare rerum euentus, quòd fœliciter eius directione succedant, sine controuersia exequantur quod præcipit. Nec se hac sollicitudine torqueant, Quid sequetur? quid eueniet? Sunt autem hæc eorum argumenta: Si fugere idololatriam uellent omnes p̃j, regiones, ubi nunc copiosum est Dei semen, statim deserta aridaque manerent. Respondeo, Dei esse officium huic periculo mederi. Respondeo secundò, discendum hominis sonantius aliquando, & efficacius docere, quàm si ore suo prædicaret. Respondeo tertio, me non postulare, ut quispiam patria cedat. Domini est terra. Tantum illum pura conscientia colamus, ubicunque erimus. Si hoc agentibus non dabitur amplius consistendi locus, commendantes nos eius tutela, migremus aliò. Quarto, respondeo, stultè facere singulos, dum sic suscipiunt communem omni-

omnium causam: scimus enim ad nos quoque pertinere, quod olim dictum fuit Petro: Quid alijs facturum sis, nihil ad te. Sequere me. Vnusquisque nostrum fateor, sollicitus de suis proximis esse debet: sed in hoc, ut mutuo nos adiuuemus, non ut occasionem remora alijs ab alijs sumamus. Respondeo denique, eos, dum hoc periculum prouident, perinde facere, ac si cogitarent quale vinum bibituri sint hinc ad mille annos: neque enim omnibus aequali mensura gratias suas distribuit Deus, nec eadem ratione. Frustra ergo timent ne regiones tota Christianis nudentur: potius Euangelium centuplo magis propagaretur. Denique, si hoc posset ab illis impetrari, ut non amplius à maledicta carnis prudentia penderent, facile protinus inter nos conueniret.

Non est presentis instituti, omnia eorum hic obiecta refellere: nam id, plus satis feci in opusculo de quo cōqueruntur: tantum attingere obiter volui, quid proficiant sic aduersus Deum obloquendo, ut supersedere potius discant, quam ut causam suam reddant peiorem. Præterea, admonitos velim, ut ab ista ingratitude desistant, quam suis exprobrationibus produnt: Cum tantam strenuitatem præferat Calvinus, cur non huc venit ipse, ut videamus qualiter se gerat? Facit idem, quod duces exercituum solent: qui in urbium oppugnationibus gregarios milites instigant ad irruendum, & excipiendos ictus: ipsi autem extra discrimen subsistunt. Hac ratione, fidelibus olim ludibrio fuissent cuncta Apostolorum exhortationes: cum eos incitabant ad ferendas continuas persecutiones pro Christi nomine. Hortabantur, ne ullam ob calamitatem frangerentur animus: ut læti & alacres, bonorum iacturam facerent: sustinerent a quo animo mundi opprobria: constanter ad mortem ipsam pergerent, postquam ita Domino visum esset. Poterant excipere fideles: Huc venite ipsi, & viam nobis monstrate. Dicit quispiam, Apostolos non immunes fuisse à persecutionibus, atque hoc illis maiorem fiduciam præbuisse requirendi ab alijs, quod ipsi opere præstabant. Respondeo, sæpè hortari solitos fuisse ad patientiam & fortitudinem Ecclesijs, vnde ipsi periculi metu aufugerant. Obsecro, cum dicit Apostolus Hebraus, Nondum ad sanguinem usque restitistis: nonne excipere poterant, Tibine dolet, an nobis inuides, quod deteriore non simus conditione, quam tu? Adeoque ne sim prolixior, quid Petro dici poterat, cum fidelibus ostenderet, hanc esse veram beatitudinem, pati pro Christi nomine?

At verò fideles, cum reuerentia, tales exhortationes amplectebantur. Quemadmodum hodie quoque faciunt, qui verè sunt p̃j: scientes hominem non aliter derisui habere sanctas monitiones ex verbo Dei sumptas, quam in suum exitum. Quòd ad me pertinet, non me iactaba multa perpassum: sed vnum verè asseram, per me non stetisse: quin etiam aliquoties me exposuisse periculo. Et quia me cum præfecto militari conferunt, cur tam maligni sunt, & inhumani, ut non satis habeant, si præstem in hoc spiritali bello aduersus Sathanam, quicquid à bono & fideli duce desiderari potest in terrena militia? Quanquam in eo quoque falluntur, quòd me tam procul à ictu telorum collocant. Nam etiamsi mihi ad oculum non immineat hodie persecutio, quid tamen cras futurum sit, nescio. Quicquid sit, nimium sum stupidus, nisi me iam hac hora præparem, ne ex improviso circunueniar. Cum cò venire oportuerit, spero hanc gratiam mihi non defuturam à Domino, ut nomen eius sanguine meo glorificem, quemadmodum nunc lingua &

calamo. Nec remissione animo vitam profundam, quam nunc verba facio. Ipsi vero suam in eo turpitudinem produnt, cum nihil habentes reliqui, ad probra & maledicentiam confugiunt.

Verum, adhuc sibi videntur honestum operculum habere, quandiu sub pallio Nicodemi teguntur: quod simile faciunt pallio Virginis, quam Lutetia pictam aliquando vidi apud Carmelitas: memini enim illic latere Monachorum legionem, tanquam pullorum cateruam, sub alis gallinæ. In hunc modum istam late extendunt Nicodemi pallium, ut inde tegantur omnes: saltem opinione sua. Nam re vera cum quisque ad se oram unam traheret, sic distraxerunt huc & illuc, ut lacerauerint, non tantum in frusta, sed etiam in fila. Qualiter igitur sub eo delirescunt? dicet quispiam. Nempe, idem illis accidit, quod perdicibus: quæ se bene latitare putant, inuenta latebra ad caput occultandum. Proinde, hoc pallium Nicodemi, quo tegi se opinantur, non nisi falsa imaginatio est, qua se deludunt, ac si oculos clauderent, aut velo obducerent, ne possent ab alijs cerni. Quid enim habent cum Nicodemo simile? Quia venit ad Christum nocte, inquit: nec se professus est Christi discipulum. Fateor equidem Nicodemum, priusquam illustratus esset, latebras quasisse: sed ex quo illi Sol iustitiæ illuxerat, nunquid se in suis latibulis semper continuit? Quin potius videmus, qualem professionem ediderit: & quidem cum omnia desperatione plena essent. Cum, scilicet, Pilatum adiit una cum Iosepho, ut Christi corpus ad sepulturam peteret. Obseruemus tempus. En Sacerdotes, Pharisei, & omnes veritatis hostes, tanquam victores triumphant. Ex aduerso, miseri Christiani consternati sunt, & prope attoniti, dum Magistrum & Redemptorem suum mortuum vident, & corpus eius in patibulo inter latrones suspensum.

Scribæ, Pharisei & Sacerdotes sunt in excubijs, ut obseruent, num quis ausit musitare: nec enim ipsis satis est, occisum esse Christum, nisi in totum deleatur eius memoria. Illa adhuc rabie, quam in eum exercuerant, inflammati sunt ad persequenda eius membra. Populus etiam tumultuabatur, ut certum esset Nicodemo, se non aliter profiteri posse discipulum aut studiosum Christi, quin omnium furorem in se concitaret. Profitetur nihilominus euidenter coram omnibus: probrum & infamiam non metuit: non refugit odium: tumultum non horret: persecutiones non reformidat. En quid sit Nicodemizare, si Nicodemum Christianum aspiciamus: non autem in illa ignorantia, qua detinebatur ante agnitionem Christum. Sed quid? Isti, quod fecit Nicodemus incredulitatis suæ tempore, imitari volunt. Exemplum autem, quod fide iam donatus prodidit, dissimulant ad se pertinere. Summa hæc sit: Nicodemus ignorantia adhuc detentus, nocte ad Christum venit. Postquam fide illuminatus fuit, palam & interdum ipsum confessus est: idque tempore magis formidoloso, quam fuisset antea. Quamobrem, qui eius nomen pro integumento asciscunt, grauem illi faciunt iniuriam, & nihilo interea magis proficiunt, quam si Christianæ fidei persecutor, Paulum in excusationem obtenderet. Neque hoc solum est specimen, quo Nicodemus, cum magno vitæ discrimine, se Christianum ostendit: iam enim tum cæpit periclitari pro Christo, cum in cætu impiorum, contra omnes institit, ne inauditum damnarent. Non edebat quidem, fateor, tunc integram confessionem: hoc tamen ipsum aliquousque progredi erat, cohibere furiosum impetum totius Synagoga. Nunc in

cœtu aliquo tres aut quatuor erunt istorum Nicodemitarum, qui taciti sinent miserum Christianum crudeliter morti addici. Atque utinam nemo eorum damnationi subscriberet. Hæc ergo est vera nicodemizandi ratio, proficere de die in diem, & se animare temporis successu, ad dandam Deo gloriam. Fortè, vna in re illis concedi possit, similes esse Nicodemo: nempe, quod ad eius imitationem Christum sepeliunt. Sed inter duas istas sepulturas magnum est discrimen. Corpus enim solum sepeliuit Nicodemus, & pretiosis aromatibus vnxit. Isti corpus simul & animam, diuinitatem & humanitatem, atque sine honore. Nicodemus sepeliuit mortuum: isti sub terram defodiunt, postquam resurrexit. Ergo, post hæc desinant opponere Nicodemum pro clypeo, quò sibi licitum esse persuadeant, fidem suam dissimulare vsque ad idololatriæ simulationem: cum centuplo plus fortitudinis ostenderit vnus Nicodemus in morte Christi, quàm ipsi omnes post eius resurrectionem.

Iam finiendi tempus est. Credo autem, quicumque guttam habent sani iudicij, eos clarè perspicere nullam esse rationem, cur accuser nimij rigoris: quod ea tantum à Christianis exigam, quæ Christus illis præcisè iniungit. Qui autem aures habent tam molliculas, ut me ferre nequeant: respondeo, duram non esse meam doctrinam, sed duriciem cordis ipsorum facere, ut talem iudicent. Si difficile factu est quod doceo, non sequitur propterea, quin officij nostri sit. Scio non esse cuiusque corrigere publicum regni statum: neque id requiro: sed tantum, ut se quisque reformet, à mali communione abstinendo. Si res est ipsis molesta secundum carnem, nihil miror: sed si agnoscant verum esse quod dico, potius veritati pareant, quàm ut, phreneticorum more, medicum percutiant. Non obletor ipsorum mœnore. Si tamen eos ad tristitiam possem adducere, de qua Paulus loquitur: hoc est, quæ pœnitentiam in ipsis generet, non me pœnitebit: nam illis cedit in salutem. Si tristantur, ut fremant & resistent, doleo. Neque enim mihi cordi est ipsorum exitium: nec mihi vellem eius imputari causam: sed cum ipsi in causa sint, quid facerem?

Hactenus cum ijs locutus sum, qui aduersus Deum sapiunt, ut se eo inuito iustificent: nunc sermonem ad eos conuertam, qui inter Papistas agentes, cum timore & humilitate miseriam suam agnoscunt: & inuiti manent inter illas abominaciones, quas spectare coguntur. Satis reputo, quanto pere sint perplexi. Rursum scio, sic tractandas esse pauidas conscientias, ne conijciantur in desperationem. Atqui, videre licet ex opusculo, me non fuisse tam inhumanum, quin rationem talium habuerim, ad ipsos consolandos. Seruaui, fateor, temperamentum, quale Dominus mihi permittit: non autem quale appetit mundus: nempe, quod illis non adulando, hortatus sum ad preces & peccati sui confessionem: ad gemitum & lachrymas: hortatus, inquam, sum, ut Deo se commendent, & assidue ab ipso liberationem poscant ex hac seruitute, aut fortitudinem & constantiam: qua instructi, honorem eius præferant propriæ vitæ. Hortatus sum denique, ut se ipsos quotidie vrgeant, ad quærendum mali exitum. In hac sententia etiamnum persisto, ac sic eos consolari cupio qui peccant, ut non indormiant suæ socordiae: neque se indurent aduersus Dominum. Et sanè non huc spectant Christianæ consolationes, ut animos sopiant, persuadendo ipsis malum esse bonum: sed ut coram Deo deiectioni & confusi, mittantur ad vnicum remedium: nempe, ut veniam à Deo postulèt, &

liberationem à malo . Quibus hoc non satisfacit, querant alibi suum Balaam, qui benedicat, quod Deus maledixit. Hoc neque officij mei est, neque moris.

Hæc porro ratio est, cur tanta vehementia in hoc argumentum insistam: quia non dubito, grauiter hætenus à plerisque prouocatam fuisse iram Dei, quòd tam paruo æstimarint, adeoque pro ioco duxerint sacrum eius nomen polluere, idololatrijs se miscendo . Iam illud quidem non leue crimen est , idololatriam exter-nam perpetrare: corpus nostrum, quod Dei templum est, ea fœditate inquinando, quam Scriptura non minus damnat, quàm scortationem . Hoc quoque non exiguum est erratum, transferre ad idolum, Dei gloriam . De externa reuerentia intelligo, quæ testimonium est spiritualis cultus . Hoc tantum modo profiteamur nos idololatriæ consentire . Nec vulgaris postremò culpa est, malum exemplum dare proximis, quo cæci in errore confirmantur: infirmi verò turbentur, vel offendantur. Verùm, quando ad hæc omnia mala adiicimus impudentiam, & tanquam putide meretrices, os fricamus & frontem, quasi nihil mali egerimus: hoc verò est Deo illudere: & tanquam data opera, illi indicare certamen , vel potius illum in nos ad vltionem armare, quem admodum etiam per Prophetam suum Iesaiam ostēdit: iureiurando denuntians, talem iniquitatem non remissum iri. Videmus vt David, cum fugitiuus è patria exularet inter Philistinios, nihil magis deplorauerit, quàm quòd priuatus esset facultate veniendi ad sacros cœtus, vt ibi precaretur inter fideles: Dei doctrinam audiret, & se confirmaret Sacramentorum vsu . Pre hoc vno, parui æstimabat se expulsus esse à regno , quod tamen habebat ex dono Dei: priuatum esse parentibus & amicis, vxore expoliatum . Neque enim ob has causas lamentatum fuisse legimus, sicuti quòd priuatus esset accessu Tēpli. Quamobrem, quicumque in regionibus degunt , vbi nulla extat Ecclesiæ facies , ad Deum ritè adorandum & inuocandum, ad audiendam eius doctrinam, ad recipienda eius Sacramenta, cum Dauide gemere deberent, se orbatos esse tantis donis, tamque necessarijs: nullo enim apertiore signo prodimus nos præfractos esse & contumaces Filio Dei, quàm cum ad eius flagella stupidi sumus . Hoc porro flagellum, præ alijs omnibus horrore nobis esse debet, cum nobis adimit eas notas, quibus præsentiam suam testatur mundo. Hic autem extremus est rigor, cum huic captiuitati nos al-ligat, vt idola cogamur adorare. An non ergo nimis hic est Dei cōtemptus, non affici, & quodammodo ridere, cum signis euidentibus iratum se nobis declarat: adeoque multò acerbius, quàm si peste, bello & fame simul nos persequeretur?

Quamobrem, omnibus subductis, nō possum, sicuti iam dixi, aliter statuere, quàm quòd talis socordia Deum prouocat, vt homines abijciat, & relinquat in tali exitio. Nam si vno consensu omnes diligenter reputarent suam miseriam, sibi que in eo displicerent, quòd Deum non glorificant pro vt meretur, veniam ab ipso deprecantes, poscentesque vt manus suæ potentiam ad eos eruendos velit exerere: exaudiret procul dubio eorum gemitus. Quòd si id pridem factum fuisset, iam apparuisset eius benedictio: neque enim recipienda eius gratiæ capaces sumus, donec premamur malis nostris . Aliud impedimentum, quo retardatur opus Domini, est in eorum ignauia & timiditate. Dandus erat hic honor Deo, ipsum vias inuenire posse regni sui promouendi, quæ sub sensum nostrum non cadunt, vt hac fiducia se paulò audacius impenderent, quisque pro facultate sua. Sed quid è contrario fit? Antequam aggredi aut attentare quippiam ausint pro Dei honore, vna voce pro-

pronuntiant omnes, supersedendum esse: quia nihil sua opinione proficerent. Annon digni sunt à quibus suam benedictionem retrahat Deus: & quibus virtutem suam occultet, quando eum tam imbecillum iuuantur? Quinetiam periculum est, ne Dominus in posterum Verbi sui cursum reflectat ab ipsis: ut steriles, aut destituti maneant. Hæc enim iusta esset ultio tantæ timiditatis. Quod si id nobis accidat, in nos certò conferenda erit culpa, cum nemo nostrum digitum admonere velit, ad promouendam Dei gloriam. Atque ideo hoc subterfugimus, quia diffidimus Dei ipsius virtuti, dum eam, quæ infinita est, capitis sensus nostri metimur. Proinde, se quisque Dei fiducia roboret, quò se omnes ad operis partem pro virili accingant: nempe, ut cum Satana bellum gerendo, regnum Christi restituerent contentur. Ne concionatores tanta cautione inuigilent ad consulendum vitam suam, quanto zelo ardeant ad exequendum suum munus: & implendum quod pollicentur, consensu suggestu: quod tribunal est veritatis, unde solus Christus audiendus est. Auditores doctrinæ efficaciam proferant: & eam propagare studeant, alij alijs in manum tradendo. De cæterò, cum David professionem edere volens, pijs omnibus communem, negat se communicurum idolorum sacrificijs, & nomina eorum sibi in ore fore negat: saltem qui ab hac puritate deflectunt, agnoscant suum delictum, ac continenter Deum precentur, tam pro venia impetranda, quam pro exitu. Nec quisquam subterfugiat, vel aures obturet, vel claudat oculos: quemadmodum multi se aliquid consecutos esse putant, dum abstinēt ab auditu & lectione sanæ doctrinæ, ut cum Deo nunquam veniant ad calculum: nam omnibus, quæ eius verbum audire non sustinebunt, quò obiurgatione & minas effugiant, denuntio, manum eius sensuros: quæ multò durius ipsos urgebit, & multò amarius clamare coget, *Væ væ*, idque in exitium: cum verbum in remedium proponatur hodie ad salutem.

Psal. 16.

Libelli ad Pseudonicodemos, finis.

CONSILIVM PHILIPPI MELANCHTHONIS.

Non dubium est, omnes creaturas rationales obligatas esse ad primū præceptum: ut verum Deum, vero timore, & vera fide colant, & fugiant omnia idola Ethnica, Mathematica, hæretica, & quancunque sectarum portenta, pugnantia cum verbo Dei: in quo se verus Deus patefecit. Matth. iij, Dominum Deum tuum adorabis, & illi soli seruias. Nec tantum interior cultus necessarius est, sed etiam externa significatio, seu confessio, seu professio. Matth. x, Qui negauerit me coram hominibus, negabo eum coram Patre caelesti. Negat autem, qui nunquam aperte confitetur, imò etiam perscuerat in testimonijs contrarijs veræ inuocationi: legit Missas, aut adorat panem, aut statuas. Quod enim quidam dicunt, se non negare, sed interrogatos, dicturos esse quod sentiant, nec opus esse sine uocatione periculum accersere: et si hæc vera sunt, tamen interea non sunt contraria facienda veræ inuocationi. Ut si quis captiuus ex Christianis, vinet inter Turcas, tacitus apud se se Christum inuocaret, nec tamen externa professione suam fidem ostenderet, imò etiam interesset Turcicis sacris: haud dubie reus esset æternæ iræ Dei. Sed ubicunque sumus, siue inter Turcas, siue inter hæreticos, siue inter verè pios, interdum aliqua cōfessio necessaria est: & certè contraria veræ inuocationi non sunt facienda. Si quis igitur est sacrificulus aut monachus, & cogitur Missas celebrare, vr vocat, si intelligit se impiè facere, omittat eas Missas, nec agat contra conscientiam: nec potest inueniri excusatio vlla pia, cur liceat re-

HH

tinere eam cōsuetudinem. Idem dico de laicis. Ea quæ norunt verè esse idolorum cultus, fugiant, iuxta illud: Fugite idola. Sunt autem manifesti cultus idolorum, inuocatio sanctorum, qui ex hac vita discesserunt: inuocatio ad certas statuas, adoratio panis in impijs Missis, & in circūge statione.

Aliqui dissimulantes agnitam veritatem, confirmant scuitiam regū. Hi etiam magis peccant, quàm non fugientes idola. Propter has causas, tutissimum esset discedere ex locis, ubi defenduntur cultus idolorum. Sed dicat aliquis, non omnes posse in vno loco esse, nec posse discedere coniugem à viro, aut matrem à liberis. Hic respondeo. Duo sunt genera: alij sunt firmi: alij infirmi. Sed siue firmus est quispiam, siue infirmus, sciat mandatum Dei esse, vt fugiat idola, & ostendat aliquam confessionem. Et cum alius alio firmior sit, alius confessionem magis, alius minus illustrem ostendet. Ioannes Apostolus firmior erat Nicodemo: quanquam vterque erat imbecillus. Pia mater-familiās, habet causam non facilè discedendi à marito & à liberis: sed tamen ostendat confessionem, & fugiat idola, eaque in re proficiat, dicat quid sentiat, non accedat ad Missas, absit à pompis, in quibus circūge statur panis.

Hactenus dixi de rebus necessarijs. Sæpe autem Ecclesia habuit aliquas confusiones: vt Hierosolymæ, tempore Zachariæ, multum erat vitiosorum cultuum, & prauarum opinionum in templo: & tamen eò, vera Ecclesia etiā conueniebat, vt Zacharius, Elizabeth, Maria. Tali tempore, hi qui sunt in suis Ecclesijs, apertè improbent errores, vt fecit Zacharias: ritus autem bonos, aut adiaphoros seruare possunt.

Volo pios, firmos & infirmos, accedere ad baptismum infantum, in suis Ecclesijs, ubicunque sunt. Seruare etiā possunt ritus adiaphoros, vt interesse lectioni Psalmorum in vespertinis precibus, & alijs honestis congressibus, etsi aliquid vitij aliquibus admixtum est, quia in eo cœtu sunt adhuc aliqui electi, & sancti, vt pueri: & aliqui adulti rectè sentientes, sed infirmi, qui tamen sunt membra Christi, & sunt paulatim prouehendi.

Sed dicat aliquis, Si non accedam ad Missas, ad pompas publicas, cum gestatur sacramentum, rapiar ad supplicium. Ad id respondeo: Regulam, quæ docet quid sit faciendum, notam esse, sed aliud est loqui de regula, aliud de facto. Regula est, vt potius discedas ex illis locis, quàm venias ad supplicium: ac infirmis facilius est sustinere exilium: sed qui nec exilia, nec supplicia sustinere volunt, valde infirmi sunt. His, vt egrotis, non aliud dicere possum, nisi vt imbecillitatem agnoscant, & deplorent, & paulatim vires confirment, & aliqua subinde illustriora testimonia confessionis edant. Scio rem difficilem esse, hæc exordia confessionis. Sed aut proficiendum est, aut expectandus interitus. Hic autem addo præmonitiones quatuor.

Prima, prius bene iaciantur fundamenta, doctrinā Euangelij rectè cognoscamus, ne falsa pro veris amplectamur, nec augeamus nobis errores, & alijs: nec pericula propter falsas opiniones suscipiamus: sed fugiamus Anabaptistarū furores, qui multos errores circūferunt. Negant peccatum originis, improbant baptismum infantum, corrumpunt doctrinam de iustitia fidei, damnant politias, magistratus, iudicia, distinctionem dominiorū, vera iuramenta, denique multi multis malis, & perniciosis opinionibus dementari se sinunt. Ideo sumus prudētes, & circumspecti, & vero iudicio, doctrinæ genus eligamus: & amplexi veras sententias, non abijciamus.

Secunda præmonitio: Non blandiamur ipsi nobis, nec prætexatur infirmitas simulationi. Multi in aulis vocāt se Nicodemos, & infirmos, cum sint præuicariatores, & similes Alcimi, cuius fit mentio in historia Machabæorum: confirmant scuitiā potentum, sua dis-

simu-

simulatione. Multi etiam sophisticas mitigationes querunt, ut excusent cultus idolorum. Etiam si sacrificia in Misis non valent pro mortuis, inquiunt, valent tamen preces. Et pos-
sent exempla multa sophisticarum illarum excusationum recenferi: sed ita ludere præsti-
gijs sophismatum, est tentare Deum, & impiè abuti nomine Dei.

Tertia præmonitio: Priusquam periculo supplicij se homo exponat, cogitet de patie-
tia, seu cōstantia. Multi *παύδατοι* initio audacter inchoant mutationes, & postea cū pe-
ricula sunt propiora, fracti animis abijciunt doctrinam: ac multi deinde sunt prorsus Epicu-
rei. Quando igitur homo tantum roboris habeat, ut possit confessionis periculum sibi accer-
sere, non potest regulis describi: sed euentus ipse ostendet, an Spiritus sanctus confirmaue-
rit animum. Nostrum est tamen rectè docere, non blandiri infirmitati. Et quanquam ali-
quantisper tempore venia danda est, præsertim in *νεῖκυτοι*, in magnis causis, in metu publi-
cæ discordiæ: tamen non sit dissimulatio perpetua. Primum decalogi præceptum, Non ha-
bebis Deos alienos, omnibus rebus alijs anteferendum est.

Quarta præmonitio: Fugienti in exilium cogitandum est etiam, quid sit Ecclesia,
& cui cœtui velit se adiungere: quia non ita fugiendum est, ut postea virius in solitudine,
aut latebris, aut solus tuis quibusdā imaginationibus fruaris, aut fingas subinde novas opinio-
nes, sicut multi hoc tēpore vagantur, Schenkelius, Campanus, & alij innumerabiles:
qui omnibus Ecclesijs maledicunt, & totum ministerium Evangelicum contemnunt, &
suis quibusdam paradoxis in doctrina & in moribus, delectantur. Hæc exempla non imite-
mur: sed eligamus verum & certum doctrina genus, & palam Ecclesiæ alicui publicè nos
adiungamus: amemus ministerium, & conspiciatur nostra confessio in eo cœtui: simul v-
tamur Sacramentis non deprauatis, coniungamus nostram inuocationem cum Ecclesiæ in-
uocatione: sicut Christus peculiari promissione commendauit nobis studiū tuendæ congre-
gationis publicæ: videlicet ut seruetur publicum ministerium, ut dicitur: Vbiunque duo
aut tres erunt congregati in nomine meo, in medio eorū sum, & fient eis quæ petent, &c.
Vult hanc statim frequentiam esse publicorum congressuum, & hanc vult à singulis adiu-
uari. Vult enim ministerium Evangelicum conspici, & audiri, quod nō sit in dissipatione.
Idè multa dicta Prophetica commendant nobis studiū inuandī publicos congressus. Vt
Psal. ij, In conueniendo populos in vnū, & reges ut seruiant Domino. & Psal. c xxxv,
Qui statis in domo Domini, in atrijs domus Dei nostri. & Psal. c l, Laus eius in Ecclesiā
sanctorū. Hanc sententiam dextrè intellectam iudico esse piā. Nec tamē antefero meam
sententiam aliorū piorum, & doctorū iudicijs: & admonitus, si quid desideratur, corrigā.
Die. xvij. Aprilis, quo Noha ante annos 3846 arcam ingressus est: quo exēplo Deus testā-
tus est, se non deferere Ecclesiam suam cū magnis fluctibus quassabitur.

Philippus Melancthon.

MARTINI BVCERTI CONSILIVM.

Sententiæ hæc à domino Philippo scriptæ, in omnibus assentior. Opto quidem
fratres, quos Babylonica tenet captiuitas, diligentissimè cauere, ne intempesti-
uè & petulanter vituperando vulgatas ceremonias, opinionem impietatis apud
electos Dei, quos lucrifacere Domino oportebat, incurrant: atque eò se inutiles reddant,
qui illos Domino adducant. Opto ut illud inter fratres certum teneatur, Quæcunque
Dei & Christi supersunt in vulgatis lectionibus, cōcionibus, & alijs Ecclesiasticis actio-

HH 2

nibus, ita vitari non posse, nec impietate ministrorum, nec irreligiosa humanorum com-
 mentorum admixtione, nec superstitione abutentium: quin pii homines loquentem & a-
 gentem in illis Dominum audire & sentire queant, & ad incrementum pietatis illis uti.
 Ita scilicet, etiam post Christi necem vsi sunt ceremonijs Hierosolymitanis, vitiatas gra-
 uissima impietate, & administrantiū eas, & vsurpantium: tum etiam contaminatione in-
 uentionum humanarū. Cum autē sumus ad hoc conditi & redempti, ut Deum & Patrem
 nostrum, per Dominū nostrum Iesum Christum ubique & in omnibus nostris inuocemus,
 confiteamur, & celebremus, summa religione, libertate, fiducia, nec vllam omittamus oc-
 casionem predicandi regni eius, adducendique ipsi, & ad gregem eius, oves quacunque ab
 ouili eius adhuc aberrant, necesse est, ut omnes Christiani, hoc summo studio curent &
 faciant, in sacris cœtibus atque ceremonijs, hoc est, coram ipso Domino, & in ipsa inuocā-
 di, confitendi, predicandi Dei & Seruatoris professione, atque gratiarum actione. Ad hoc
 enim ipsum conuenitur in sacris conuentibus: & ad hoc ipsum institutæ sunt omnes cere-
 moniæ, quæ instrumenta scilicet sunt: sicut commendandæ & exhibendæ nobis redemptio-
 nis, atque communionis Christi, ita etiam inuocandi, confitendi, & celebrandi Christi. Istud
 enim, Facite hoc ad meam commemorationem, ad omnia Sacramenta Christi pertinet. Iā
 quia ista inuocatio, confessio, & celebratio Domini debet fieri ex toto corde, ex tota ani-
 ma, & ex omni virili, uti Dominus solus est qui largitur, & facit nobis omne bonum,
 cuius id facile cognoscit, verè credentium Christo esse, ita inuocare, confiteri, & predica-
 re Christum Dominum, ut non solum ea quæ ipsius sunt, agnoscamus, laudemus, & homi-
 nibus cōmendemus, sed etiam quæ Antichristi sunt detegere, anathematizare, & homi-
 nes ab illis reuocare studeamus. Sic intererāt Apostoli ceremonijs vulgaris Hierosolymis
 quæ supererant ex institutis diuinitus, eas ad Christum Dominum referebant, verūque
 vsus earum docebant: quæ admixta erant humanitus, ea prodebant & damnabant. Domi-
 num Iesum finem legis, & omnium lege traditorum, summo studio predicabant, & in tē-
 plo, & in omni cœtu hominum, domi, & ubicunque reperiebant, qui audire sustinerent.
 Vtebantur quidem etiam dispensatione, & in doctrina, & in ceremonijs. Infirmabantur
 cum infirmis, iudicabant cum Iudæis: sed ut electos Dei sensum & ordine ea, quæ Chri-
 sti sunt docerent, infirmos corroborarent, & sublati humanis studijs, omnes in Christo pu-
 ra & solida fide eius vnum nouum hominem, & in via Dei perpetuò adolescentē, & ad
 mensuram plenæ adultæ ætatis Christi grādescentem efficerent. Nihil dissimulabant, aut
 simulabant. Quæ agebant cum in communibus rebus, tum in sacris, vero corde, & recto stu-
 dio glorificandi Christum, & lucrifaciēdi fratres, agebant. Tacebant quædam in loco, sed
 ut ea commodius & efficacius docerent, quibus animos, & ad ea percipiēda prepararēt,
 quæ adhuc continebant: propterea quòd tradere cum fructu nondum poterant. Vtebantur
 ceremonijs interdum Iudaicis, sed ut ab illis reuocarent qui eis utebantur supersticiosē. In
 confesso nunc est apud omnes ritè doctos fidem Christi, in Missis esse manifestam Christi
 negationem: non solum propter vulgaris persuasionem sacrificij, quòd profut per se com-
 municantibus cum eo, præsentia tantum corporali, & largitione, sine pœnitentia & fide
 Christi: sed etiam quòd Christus ibi non predicatur, Sacramentum pro eo adoratur, &
 quicquid in sancta Cœna instituit, peruertitur.

Eadem admittuntur in pompis & cultibus sacramentalibus, & reliquiariū, imagi-
 num, atque statuariū. Fugienda igitur hæc sunt, detegenda, & anathematizanda, & homi-
 nes ab illis reuocandi summo studio. Cui verò Dominus tantum roboris non dederit, is ta-
 men ne desperet: sed nec securus in eo sit, suamque infirmitatē, ne prudentiæ, aut dispensa-
 tionis

tionis colore conetur infucare. Naaman Syrus quidem adorauit in templo Rimon, sed Deū verum, quod indubiè non minus verbis quàm sacrificijs, quæ iam soli Domino faciebat, confessus est. Deum fratres infirmiores semper orent per Christum Dominum, vt ipse confitendi prædicandique sui animum fortem inspiraret, viamque & rationem idoneam monstraret. Fortes infirmiores spiritu mansueto instarent, & corroborarent, non abijciant, aut frangāt. Si quem Deus ad asserendum regnum suum, siue in sacro ministerio, siue in priuata vita, ampliore dispensatione quàm hic descripta est, vocauerit, huic reget ipse Spiritus suo: cui precamur, vt ductum Spiritus sancti purè & feliciter sequatur. Dominus Iesus congreget ipse oves suas, & pascat, Amen.

Octauo Maij. M. D. XLV.

Martinus Bucerus.

PETRI MARTYRIS CONSILIVM.



Va à dominis Philippo & Bucero scripta sunt, mihi quoque probantur: istaque solummodo adscribo, vt potius magis explicem, quàm vt illorum consilio adijciam. In primis, qui Baptismum infantibus suis in Ecclesijs Papiisticis petunt, aut in illis precibus intersunt vesperinis & matutinis, cum ista ibi nō perficiantur sine mortuorum inuocatione, aut suffragijs pro defunctis: eorum partes sunt, ita amplecti in istis Dei & Christi instituta, vt vitia ipsi detestentur, non modò secum in animo, sed pro opportunitate oblata, verbis ea patefaciant, idque potissimum eis, quos vt infirmos, vident se posse offendere suis illis actionibus. Vt verò Missæ intersint, & profanatissimæ Cænæ Papiistarum, non debent adduci exemplo sanctorum Iudæorum ante Christi aduentum, qui ritibus & ceremonijs Hierosolymis intererant, cum nostra & illorum non sit omnino eadem ratio. Illis enim tunc iusserat Dominus, non solum vt illa facerent, sed vt in anno ter apparerent coram Domino: neque alibi quàm Hierosolymis sacrificare licuit. Modò, nos vbique possumus & Sacramenta percipere, & laudes offerre Deo. Neque nimis blandiantur sibi exemplo Naaman Syri: nam ibi nil aliud à Propheta petit, nisi vt Deus sibi velit ignoscere, quādo in tēplo Rimon adorauerit. Ex eius postulatione nō euincitur, id quod erat facturum, non esse peccatum: sed orat vt si in id inciderit, remissionē precibus obtineat. Neque Propheta aliquid ei promisit in eo facto: solummodo respondit, Vade in pace. Quo responso abeuntem salutat, aut recipit se pro illo oraturum, non tamen illud ei licere affirmat. Postremò, dum sunt dispersi fratres in Babylonica captiuitate, videant vt aliquem, si fieri potest, inter se habeant sanctum conuentum. Apostoli enim Hierosolymis, et si post necem Christi intererant quandoque in templo, Iudaicis ceremonijs: at tamē inter se Cænā Dominicā habebant, & orationibus atque verbo Dei simul vacabāt.

Petrus Martyr.

Et hæc mihi probantur. M. Bucerus.

HH 3

IOANNIS CALVINI CONSILIVM
& Conclusio.



Voniam satis demonstrasse mihi videor Christiani hominis officium non facere, qui nullam fidei suæ confessionem edit tota vita: multò verò minus, qui idololatriæ simulatione se contaminat: totam illam disputationem hîc omitto. Hoc igitur constituto: queritur, nunquid homini pio migrandum sit potius è patria, & relinquenda sua vocatio, quàm ut Missis intersit, mortuorum exequias Papiſtarum more celebret, ac vsurpet vsitatas in Papatu ceremonias, cum verbo Dei pugnantes. Respondeo, Non modò spirituales Dei cultû, sed externam quoque eius professionem, quia Dei gloria continetur, patriæ, cognatis, vitæ denique præferendam esse. Proinde, quicumque in ijs locis degunt, ubi Deo præstare nequeunt quæ necessariò exiguntur ab omnibus Christianis, sciant non minus sibi quàm Abrahamo hoc præcipi: Exi de terra tua, & de cognatione tua: nisi fortè ea animi virtute & fortitudine præditi sint, ut mortem obire non dubitent, quoties opus fuerit, potius quàm ut in hominum gratiam quicquam à sua professione alienum designent.

Sed obijciatur, Vocationem legitimam, cum à Deo sit, non temerè vlla de causa negligendam esse: sponte verò deserere nullo modo oportere. Respondeo, Christianum hominem suæ vocationi alligatum esse, dūtaxat vsque ad aras. Quare, nisi liceat Deo reddere quod suum est, nihil est quod retinere nos debeat, vel possit. Aut enim Deus respicitur in vocatione, aut alius propositus est finis. Nisi prima habetur gloriæ Dei ratio, frustra nomen hoc ad excusationem obtenditur. Si primum locum obtinet, ut par est, eatenus nos vocationi astrictos meminerimus, ne à vero sinceroque Dei cultu nos impediat. Denique, si cut prior Tabula Legis ordine secundâ præcedit, ita omnia secundæ Tabulæ officia, ad illâ, tanquam ad normam, exigenda sunt. Summa autem prioris Tabulæ est, ut purum Dei cultum, puram adorationem, & inuocationem retineamus.

Constituo igitur, nihil tanti esse, ut eius causa debeat homo Christianus se profanare vllò inquinamento superstitionis, quo minuatur, aut violetur Dei cultus. Et si faciat, non posse excusari.

Porro, cum in eo genere constituam Missas, mortuorum exequias, quales sunt in Papatu, preces omnes solennes, ubi sancti mortui inuocantur: qui me audiet, nunquam sibi permittet Missam audire, aut alijs eiusmodi pollutionibus interesse: neque sibi blandietur, quasi hoc liceat.

Quid si autem in commune bonum, & multorum adificationem magis expediat, quempiam modica, & quoad in se erit sobria simulatione multas vtilitates redimere? Respondeo, nihil istorum esse, quod veram & necessariam cultus Dei professionem, & religionis testimonium præponderet. Deinde, non esse nostrum æstimare, quid futurum sit vtilius: sed hoc tantum relinquere, ut agamus quod præscribit Dominus. Dei enim solius est gubernare euentus. Postremò, nullus circumstantijs illud mutari, quin debeamus nos spiritui & corpore seruare Deo impollutos.

Quid si graue & noxium offendiculum ex discessu oriatur? prouocetur impiorum sauitia? infirmis, labascendi detur occasio? Respondeo, nobis hoc totum incertum esse. Nam Dominus ita moderari poterit, ut cedant omnia in contrarium. Et certè non tam inde quicquam mali timendum est, quàm multum boni sperandum. Quantacunque enim amentia excæcati sint impij, hoc ad vulnerandam eorum conscientiam, non leue cauterium erit,

erit, videre qui patriam, cognationem, & quicquid hominibus dulce esse solet, relinquere malint, quàm se idololatria polluere. Tanta animi magnitudo plus ad frangendam eorum contumaciam valebit, quàm ad furorem inflammandum. Infirmis potius accedet confirmationis materia: quàm vt titubare propterea aut vacillare debeant. Verùm vt certò hæc omnia pericula immineant, officium semper nostrum est, sequi absque controuersia & à vili pretio, quò Dominus vocat, euentus autem regendos illi commendare. Tantùm sedulò precemur, vt in bonum eos finè dirigat.

Quæritur de ijs, qui miseros fratres pro Christi testimonio laborantes non nihil iuuare aut subleuare possunt. Locum enim si relinquunt, eos simul destitutos relinquunt. Respondeo: Nullum talibus posse dari melius consilium, quàm vt vitam suam periculo obijciant, pro asserenda Christi gloria: sin verò tantum non habent animi, nullum secundæ Tabulæ officium ab idololatria, & alijs inquinamentis superstitionum eos excusat.

In ipso quæstionis statu, & summa, non puto hoc meum responsum ab aliorum sententia discrepare. Siquidem D. Philippus, cui alij duo assentiuntur, vtcunque sigillatim non respondeat istis obiectionibus, dum tamen pretextus omnes vno verbo excludit, satis testatur, nihil sibi tanti esse, vt homini Christiano idololatriæ professionem, etiam obscuram, permittat.

EPISTOLA CALVINI AD QVENDAM amicum.



QU M haberem ad te literas, quas non longo post tempore missurus eram: alteræ tuæ superueniunt, quibus iterum mihi pro laboribus, rogatu tuo susceptis, agis gratias: ac simul petis, vt duas ibi quæstiones expediã, ne quid in meo responso desyderetur. Quòd te referenda gratia vix parem esse prædicas, ego verò mihi abundè relatam esse arbitror, cùm meum qualecunque studium vobis ita probari audio. Sed venio ad tua rogata. Quæris priore loco, num homini Christiano, qui se ab omnibus superstitionum inquinamentis abstinet, liceat patriam relinquere, propterea quòd illic sacrorum conuentuum bono, magna ex parte priuetur. Non quæris an illi sit necesse: sed an liceat. Illa deliberatio longè difficilior esset: hæc magis expedita, modò vnum tollatur, ne is ceriæ vocationi sit al ligatus, quam deferere fas non sit. Proinde, quò res sit liquidior: primò constituamus vitæ genus, à quo discedere sit liberum. Qui in tali ordine erit constitutus, is duas habet iustas causas cur discedat, si voluerit: Vt periculum anteuertat, vt in eum locum se recipiat, vbi libera Sacramentorum communicatione fruatur, & in publico piorum cœtu Deum inuocare possit. Sunt enim res magno æstimandæ, solennis fidei professio, sacrorum conuentuum vsus, purum Verbi & Sacramentorum ministerium. Nec expectare nos iubet Deus, dum præsens capiti nostro periculum immineat, nisi aliquod peculiare vinculum nos retineat, & quasi præcludat exitum. Summa sit: Licitum esse homini Christiano, qui modò alioqui liber sit in mutanda vocatione, præuenire impiorum rabiem, & tranquillio rem portum quærere, vbi Domino seruiat. Relicta autem patria, concedere in eum locum, vbi fidem suam purè & absque fuco profiteatur, non modò licitum esse, sed etiam laudabile. Nam si hæc suspiria ex Spiritus directione esse agnoscimus: Quàm dilecta taberna-

Pfal. 34.
Psal. 137.
Psal. 43.

cula tua Domine virtutum! Item, Quomodo cantabimus canticum Domini in terra aliena? Item, Quando veniam & intrabo in sanctuarium Dei Iacob: qui Spiritu Dei regitur, is proculdubio, si quâ sit euadendi facultas, inde quamprimum euolare conabitur, ubi neque Deo canere permittitur, neque synceram fidei professionem edere. At si vocatio astrictum quempiam tenebit, decies mori satius fuerit, quàm ut stationem suam sponte deferat: hoc est, presenti periculo non coactus. Quanquam ne periculum quidem semper excusat. Sed illud prauenire voluntario discessu, nunquam concederem. Nihil dum tamen inde certi constitui poterit, nisi definiamus quale sit vocationis genus, quod hominem Christianum astrictum teneat: tale esse pastoris officium extra controuersiam est. Qui enim Ecclesie gubernatione sponte cedit, non alio loco habendus est, quàm militiæ defensor. Sed quoniam nulla est vocationis species tam libera, cui non annexum sit vinculum aliquod: distinguere inter gradus conuenit. Quanquam in omnibus tenenda est præcipuè hæc regula: Vbi in conditione mutanda nulla est religio, liberum esse discessum. Scio quid hîc obijci soleat: Nimia esse timiditatis, fugam præcipere, antequam nobis molestiam faceffant impij: & inhumanum esse, antequam vlla maior viscogat, eos destitutos relinquere, quibus profuturus sis, manendo: & bene agendi facultatem quasi proijcere. Sed ut vitium in timiditate esse confitear: nego tamen culpandum esse remedium. Quæ responsione alterum etiam illud obiectum soluitur: prodesse enim fratribus quisque debet, sed pro facultate sibi data. Et sic quisque adducere alios studeat ad Dominum, ut formandæ ad Dei cultionem, propriæ vitæ primam habeat curam. Hîc singulis maturè videntum est, quantum ad excipiendas persecutiones roboris & constantiæ habituri sint, si quando in arenam tracti fuerint. Non sunt quidem fingenda temerè pericula, quæ procul absunt, aut certè nondum imminet. Sed qui quotidiana sanitiæ exempla vident exerceri aduersus fideles, quibuscum similem habent causam, debent se ad perferendum quicquid acciderit, in tempore comparare, ne inopinatò opprimantur. Proinde, suæ cuique facultatis conscientia optima erit, meo iudicio, hac in re moderatrix. Qui se instructum hac animi magnitudine agnoscit, ut paratus sit sustinere quosuis impetus, ne se loco moueat. Qui autem imbecillitatis suæ conscius sibi diffidit, nec quicquam sibi polliceri audet, quin potius trepidat & euentum veretur: sibi potius is consulat, periculum præcauendo, quàm præcoci, ut ita loquar, fortitudine se in exitium præcipitet: nam qui de infirmitate sua monitus, non fugit, cum Deum tentet, temeritatis suæ poenam, cum in rem præsentem ventum est, meritò luit. Quamobrem vnumquemque in se descendere iubeo, ut qui se apertæ confessioni nondum aptum esse videt, ab impiorum rabie, quantum potest se subducatur. Hæc causa, qui exitium voluntarium subierit, omni reprehensione caret. Secundam quæstionem in duo membra diuido: nam quæ tu putas vnius esse quæstionis, habent non paruum discrimen. Prius membrum est: Vtrum qui vitam priuatam degunt, aut funguntur eo munere, quod publicam Euangelij professionem non requirat, dum ab idololatria abstinent, consilij sui rationem obuiò cuique reddere teneant. Respondeo, me hîc perpetuam legem præfigere non audere: video enim Christum, cum ab imprabus captiosè interrogaretur, interdum vel tacuisse, vel aliud dixisse, ut eorum insidias eluderet. Ita, si quis ambiguus figuris suspensos relinquat eos, qui ipsum adoriuntur, non damno. Quanquam nec semper debet

id fieri: nec nisi iusta de causa. Vnum excipio: ne huc spectet ambiguitas, vt consentire impietati videaris: nam vt claram Missæ detestationem exigere abs te non audeo, ita si Missæ te interfuisse, vel interfuturum similes, aut quoquomodo eius religione te implicari annuas, aut præteferas vel impietatis consensum, non dubito reprehendere ac damnare. Alterum membrum: An is qui ad tribunal impij iudicis tractus, cum nullius rei conuictus sit, confiteri simpliciter & clarè fidem suam debeat, vbi de ea rogatur: an satis habeat testari, se credere quod credit sancta Ecclesia: & in singulis capitibus ad hanc latebram confugere. Quod si vltèrius urgeatur, num prouocare illi fas sit ad publicos sacræ theologiæ professores: & eos quidem pios & doctos. Respondeo, si vniuersalis esset interrogatio, deliberari posse, quidnam expediat: nam nec Paulus coram Sacerdotibus primum, deinde coram Proconsule disertis verbis, quid de religione sentiat, exponit: neque verò super sedet, quia studeat vitæ suæ parcere (nam ad mortem quasi deuoto animo ferebatur) sed quia non esse vtile iudicat. Christi diuersa est ratio. Tacet enim de multis coram Pilato, quia tribunal illud erat non agenda causa, sed audienda damnationis. Verum, de necessario aliquo religionis capite dum rogamur, illic subtrahere periculosum: dicere autem, quo te impietatem approbare præteferas, prorsus indignum est Christiano pectore. Non præscribo nominatim, quousque progrediaris: sed duo venire tibi in mentem volo: te illic, tanquam Dei manu sisti, ad cedendam fidei professionem: deinde sophistice illi esse exosam. Nunc videamus, suffugium illud, quorsum spectet. Quid de peccatorum remissione sentis? gratuita mne, an satisfactionibus redimi? Quod sancta credit Ecclesia: nam si veram appelles, exprimere te cogent, de qua loquaris. Quorsum hoc totum? nisi vt illis gratificeris. Mea, inquires, nihil interest, modò euadam. Cupio infestissimos dimittere, modò ne gladium illis nimis aperta confessione, porrigam. Sed quis est hic Ecclesiæ prætextus? Nónne ideo euadis, quia te in Ecclesiæ Romanæ seruitutem reductum esse putant? Quos porrò theologos intelligent, nisi suos: hoc est, omnium blasphemiarum architectos? Eorum te iudicio submittis, vt paratus sis subscribere omnibus eorum placitis, quæ omni impietate referta esse constat. Hoc si tibi semel permiseris, cur non eodem iure, frænum tibi magis laxes subinde ac magis, vt illis in speciem ad quæuis postulata annuas? Gratuita ne est remissio peccatorum, an satisfactio constat? Sanè. Intus enim tibi canis, Christum satisfecisse. Credis Purgatorium? Quidni? Christi enim sanguine purgamur. Hoc posterius tacitum deuorabis. Audietur interim ex ore tuo aperta blasphemiarum simulatio. Vbi illa promissio? Dabitur vobis illa hora, quid loquamini, &c. Audebimus ne eiusmodi confessioni inscribere Spiritum sanctum authorem? Qualis porrò erit hic Dei martyr, qui impietati palam suffragabitur? Summa hæc sit: omnes obliquas responsiones, quibus impiorum furorem, tanquam veritatis abnegatione, placare studemus, alienas Christianis esse censeo: nam & Deus sophistice, vt dixi, abominatur: nec multum interest, quibus verbis eiures fidei professionem, si tibi propositum est impijs & Christi hostibus significationem consensus dare.

ALTERA CALVINI EPISTOLA, AD
amicum, N.



Um mihi ignotus sit is, cuius scriptum ad memisti, & alijs potius de me quam mihi scribat: ineptè, meo iudicio, sim facturus, si illi non rogatus respondeam. Quod tamen postulas, facere non recuso: ut diluendis eius argumentis aliquid operæ insumam. Idque ea simplicitate futurum me spero, ut bonus vir non amplius mihi rhetoricam obijciat. Quanquam nescio quid illi in mentem venerit, ut hanc mihi notam aspergeret. Ego certè non videor causam illi dedisse: neque enim ita malè profeci in Christi schola, ut de tantis rebus, ostentandi ingenij causa, declamitem. Atque utinam ad legendum ipse eam religionem afferat, quam me scribendo adhibuisse, mihi probè coram Deo sum conscius. Possem aliquanto durius expostulare, sed abstineo. Tantùm velim sibi persuadeat, pluris mihi esse animas sacrosancto Christi sanguine redemptas, quam ut stylum, quasi per iocū, exerceam, ubi de earū vel salute, vel exitio tractatur. Si verūm est quod de eo prædicas: tandem inter nos bene conveniet: nam ubi regnat timor Dei, omnium disputationum recta erit conclusio.

Porro status quæstionis est, an Missus interesse, idololatriæ sit professio. Ego affirmo: ille negat: sed rem facit mediam. Neque verò ego solus sum in hac sententia: sed alij quoque tres, quos aliter sentire putat, mihi subscribunt. Ne tamen videar hominum auctoritatibus velle eum gravare: illis omis, quæramus de re ipsa. Quod se & quosdam suos familiares abstinere à multis pollutionibus testatur, huc spectat, ut appareat, non omnia eos sibi permittere: neque usque adeo sibi blandiri, ut laxi habentis, ad omnia inquinamenta se prostituant. Fateor igitur, & libenter agnosco, eos tãto leuius peccare. Interea miror, quĩ excusare audeat, quod vulgari more, propinquorum exequias frequentant, ubi sacrificium pro expiandis mortuorum peccatis offertur. Si hæc non est manifesta Cœnæ Dominicæ profanatio: concedo me prorsus nihil intelligere. Eò cum accedunt, an non digitum palam tollunt, ad declarandum consensum? Atqui, timent ne inhumani videantur. Nimis iniqua merces si humanitatem impietate in Deum non dubia redimant. Negant se accessuros, si putarent tantum subesse mali. Sed velim mihi respondeant, aut saltem hic qui loquitur patronus, omnium nomine: quorsum illæ exequiæ, quibus intersunt, nisi ad mortuum è Purgatorio redimendum? Cum verò accedunt ipsi, an non communibus omnium suffragijs sua quoque adiungere se velle, testantur? Reputent paulisper mecum, quales illic preces concipiantur, quales ritus vsurpentur, qualis sit tota actio: quo consilio in medium aliorum cœtum se ingerant. Si tam graviter olim animadvertit Deus in Corinthios, quòd minus reuerenter tractarent sacram Cœnam, quanto graviores pœnam meretur tam crassum eius ludibrium, dum ad mortuos transfertur? Negabunt se tantæ impietatis, vel auctores esse, vel approbatores. Quasi verò plus sit, duobus digitis subscribere, quam ad consensus significationem afferre totum corpus. At faciunt inuiti. Nihil hoc ad me. Saltè in præsentia nihil refert quo animo faciant: tantùm enim hoc disputo, impietatem hic committi, à qua fideles penitus abhorrere debeant.

De Missa quid sentiat, video: rem scilicet per se honestam ac sanctam esse: vitiosis

vitiosis tamen quibusdam accessionibus corruptam. Ne frustra litigemus: velim mihi Missam definiat. Ego quidem, cum de Missa loquor, actionem illam intelligo, quæ in locum Cænæ Dominicæ subrogata est: ubi offertur Christus Patri in sacrificium: ubi panis pro Deo adoratur: ubi unus seorsum vorat quod consecrauit: ubi solennibus verbis concipitur oratio, ut valeat sacrificium illud expiandis vivorum & mortuorum peccatis. Ex his, inquam, æstimanda est Missa, non autem ex fucis illis, quibus picta est, ad fascinandas hominum mentes. Quid enim, si colores furatus sit Sathan à Christo & Apostolis, ad tegendam abominationem, cuius ipse solus author erat & architectus? Ornet igitur quàm volet honorificis elogijs hic bonus vir, suam Missam, non tamen ita oculos mihi perstringet, ut prætextu contentus, corpus ipsum, vel substantiam, ut loquuntur, intueri definam. Porro, ut illi concedam, multas illic esse corruptelas, quæ à bonis initijs ortæ sint: nunquam id à me obtinebit, Missam esse Cænā Domini, vitiatam extraneis quibusdam inquinamentis: pugnat enim modis omnibus cum Cænā Domini: ut nihil magis contrarium fingi queat. Nam si inde melior aut saltem tolerabilior illi videtur, quia abusus est Cænæ Dominicæ: respondeat mihi, unde omnia Gentium sacra, etiam Aegyptiorum, quibus nihil est absurdius, aut fœdus, manarint. An non ex legitimis sacrificijs, quæ à Deo ipso primi Patriarchæ acceperant? Nam cum initio purum unius Dei cultum haberent filij Noath, posteris etiam quasi per manus traderunt: breui autem factum est, ut hi degenerarent à sanctis maiorum institutis. At maiori abominatione digna fuerunt sacra Gentilium, quod dijs alienis nominatim dicata erant. Quasi verò mortui qui à Papistis inuocantur, & quibus nominatim dicant suas Missas, non sint etiam Baalim. Quanquam, litem de hac re non moueo. Sacrificia quæ in Bethel fiebant, cuius nomen præferebant? An autem ideo minus erat inquinamenti in illorum communicatione? Si quis æqua trutina expendat, plus similitudinis habebāt illa cum veris sacrificijs templi Hierosolymitani, quàm Missa cum Christi institutione. Cur ergo negabimus, hodie pollui, qui Missæ participant: si fatemur nemini piorum fas fuisse sacrificare in Bethel? Si fuci illi perstringunt nobis oculos, quod doxologia canitur, recitatur una ex Epistolis Apostolorum lectio, altera ex Evangelijs, cogitemus non defuisse etiam profanis veterum idololatrarum sacris prætextus satis speciosos. Sed intuendum semper, quod præcipuum est in unaquaque actione, & accessionibus præferendum. Ita reperiemus, Missæ substantiam cum Christi instituto ex diametro pugnare. Certè ut moderatissimè de ipsa sentiamus & loquamur, non possumus aliter vocare, quàm adulterinam Cænæ larvam.

Sed negat author eius scripti quod misisti, vllum impiæ professionis signum e-dere, qui Missæ intersunt. Obsecro, quid igitur eos ad Missam adeundam cogit? Si sua tantum, non aliorum causa illuc accedunt, bis peccare eos dico: si aliorum habet rationem, quorsum? An non ut hoc symbolo suam cum illis in religione consensionem probent? Tu destinato consilio ad eam actionem te aggregabis, quæ communis est omnibus impietatis professio, & immunis eris à pollutione? Tu, quasi dato pignore, in Missæ approbationem te obstringes, & nulla erit professio? Annon præstaret dare Domino gloriam, quàm adèò manifestum delictum, parum verecundè defendere? Nam quod concludit, fas esse homini Christiano, Missæ interesse, modo ab omni approbandæ impietatis significatione abstineat, fortassis verum esse

concederem, si fieri id vllō modo posset. Verū, rationem nunquam mihi expediet, neque inueniet ipse sibi. Faceſſant ergo illæ de chimera diſputationes.

De Cœnæ obſervatione breuiter reſpondeo: non eſſe noſtri arbitrij ſymbola comminiſci à Chriſti inſtitutione aliena, quibus nos in memoria mortis ipſius exerceamus. Memoriam, inquam, mortis ſuæ voluit Dominus ſacræ Cœnæ celebratione à nobis coli. Cū ab ea diſcedimus, quicquid agimus, profanum eſſe dico. Abſtinendum itaque, meo iudicio, potius foret ab vſu Sacramenti, quàm vel miſcendum Sacramentum cum multis inquinamentis: vel loco Sacramenti vſurpanda inanis pompa. Panem, inquit, ſumimus conſecratum: vinum autem non conſecratum. Principio, quis hoc diuortium facere permisit? Pars vna, tyrannide eripitur. Sed quis in altera parte Cœnam Domini reſtare illis reuelauit? Hoc tamen omitto. Panem dicunt eſſe conſecratum. Quæro, quo ritu? Longè enim abeſt, à vera conſecratione incantatio, qua vtuntur ſacrifici. Ergo, aut ſequantur atque obſeruent quod præcepit Dominus, aut ne ſecus agendo in anibus titulis ſeipſos deludant.

Reſtat, vt de argumentis aliquid dicamus in quibus ſatiſfactum ſibi negat. Solutionem meam de Naaman Syro valde exagitat: quia dixerim me libenter veniam daturum, ſi quis edita ſimili profeſſione, ciuiliſ duntaxat officiij cauſa, Miſſæ interſit. Dicit ſe & ſuos hoc idem quotidie teſtari: ſed non palam, quia ſit periculolum. Quid ſimile? cū Naaman in publico ſit profeſſus? Hic verò ſimplicitatem meam ridet, quòd imaginer innumeram turbam aſtiſſe: cū veriſimilius ſit, ſeorſum cum Propheta locutum. Ego verò profeſſionem eius non includo in illis paucis verbis: ſed ex eo æſtimandum cenſeo quod facturum ſe pollicetur: imo quod ſtatim facit. Quorſum enim mulos duos terra onerat, niſi vt teſtatum faciat omnibus, ſe cultum habere ſibi peculiarem, atque à reliquis ſeparatum? Conſideremus quo loco fuerit, quam ſuſtinuerit perſonam: & fatebimur, tantam mutationem occultam non fuiſſe. Putamꝰ ſne cū ad Regem ſuum reuerſus foret, tacuiſſe de tam inſigni miraculo? Ego certè non dubito, quin modum curationis magnificè prædicauerit. Sed coniecturis non eſt opus in re perſpicua. Mulos onerat terra Chanaan, in qua Deum Iſraelis adoret: vt ſe ab aliorum deorum cultu abhorrere teſtetur. Sic enim ſonant eius verba. Quid hac confeſſione apertius? Hoc faciant, qui eius exemplo ſe tuentur: & me habebunt clementiorē. Quanquam hic bonus vir pugnat i- pſe ſecum. Antè confeſſus fuerat, alienorum deorum ſacræ tantæ abominationi habenda eſſe, vt ab acceſſu interdiceret pijs omnibus: nunc autem licitum eſſe contendit, quod antè prorsus damnauerat. Nam aut nihil proficiunt, ad exemplū Naaman confugiendo: aut tam licebit quauis Gentium ſacrificia, quàm Miſſam frequentare. Verū ea, quam attuli, reſponſione contentos fore ſpero, quicunque veritati cedere non recuſabunt.

Quòd ad locum Baruch ſpectat: ſuam ſibi veriſimilitudinem habeat. Nemi- ni tamen ſano vnquam perſuadebit, populum Dei in ſolennibus Babyloniorum pompis, in idolorum circungeſtationibus, permixtum idololatriſ fuiſſe, qui ad idolorum venerationem ex profeſſo congregati erant. Neque verba tale quicquam ſubinducant. Videbitis, inquit, Babylonios illud agentes. Non dicit: Cū vos cogent: aut Cū metu acceſſeritis. Neque tamen adeò nobis laborandū eſt de hoc teſtimonio, cū author ſit incertus. Mihi ſatis eſt, quòd Prophetā audio clara voce illis concionantem: Fugite, fugite: immundum ne tetigeritis. Poſtremò, quid aliud eſt,
corde

corde dicere vnum Deum adorandum externo autem nutu, idoli cultum simulare, quàm in suum reatum, conscientia testimonio subscribere? Simulat autem certè idoli cultum, qui data opera conuenit, ne abhorrere ab illo videatur.

In comparatione quam adducit, serpentis anei, & similium impietatum, illi assentior: sed parum congruenter ad præsentem causam accommodat. Non exprimitur, quo loco fuerit serpens ille adoratus, neque id magnopere ad rem facit: verùm siue in templo, siue alibi suffitum illi fecerint Israelitæ, fallitur, qui putat Prophetas aut piorum aliquos affuisse, cùm tanta abominatio perpetraretur. Virias, iussu Achab, altare extruxit in templo, vbi sacra Deo, Samaria fierent: sed neminem ex fidelibus legimus eiusmodi sacris interfuisse. Neque verò credibile est. In excelsis vulgò adorabant: sed mihi non est dubium, quin omnes veri Dei cultores religiosè à tali corruptela abstinuerint. In hoc totum est situm, ne dum conuentus solennes aguntur idololatriæ, illuc te associes. Quamobrem superuacua sunt istæ querelæ: Nusquam ergo orare iam licebit: quia nullus angulus ab idololatria purus. Neque enim sic pollutum esse locum dicimus, vbi suas superstitiones peragunt impij, vt ibi orare sit nefas. Neque enim vbiuis orare prohibeo, modò ab omni earum actionum societate abstineas, quæ idololatriæ professionem continent. Cùm autem sponte accedis, cùm sponte interes, societatem te coire dico, si non plenam, at simulatam. Ipsa, inquam, circumstantia te conuictum tenet, vt frustra te à pollutione immunem esse iactes.

Quòd sibi clarius definiri postulat, quanam sit illa confessio & qualis, quam ab homine Christiano exigimus: ego verò quod in scripto meo posui, iterum confirmo: magisterio Spiritus id discendum esse magis, quàm certis regulis posse tradi. Nemo certè mutus in professione suæ fidei esse debet. Quò autem cuique amplior fidei mensura data est, eò luculentior sit eius confessio oportet. Sed maximam partem gubernat temporum ratio, & oblata opportunitates. Quare ad Spiritum prudentiæ & iudicij semper confugiendum. Porro in tota superiori disputatione, quam edere confessionem debeat homo Christianus, non differui: sed cauenda vitia ostendi, quæ veræ confessioni repugnant. Faxit Dominus, vt non tamen captandis subterfugijs, quàm in voluntate eius inuestiganda, ingeniosi esse velimus. Ego qui tam rigidus esse videor nunquam sine acerbissimo doloris sensu de fratribus cogito, qui se durius à me tractari conquerruntur: sed mihi ignoscant, si Christi iugum, ne tantillum quidem, laxare audeo.

Vale frater & amice dilectissime.

Genevæ, xiiij Calend. Iulij.

M.D.XLV I.

RESPONSVM PASTORVM TI- gurinæ Ecclesiæ.

CLARISSIMO VIRO, D. IOANNI CALVI-
no, Geneuensis Ecclesiæ fidei ministro, domino & fratri colendissimo
suo,

S. D. Legimus librum tuum, Caluine, frater in Domino venerabilis & dilecte, quem edidisti de vitandis superstitionibus. Placuit is non mihi quidem soli, sed omnibus apud nos pijs, non tam propter eruditionem excellentem, quàm propter religionis puritatem, & confessionis veræ fidei sinceritatem fortiter assertam. Laudamus pietatem & integritatem tuam, precamurque ut pro bono opere benedicat tibi Dominus. Interim non ignoramus tibi contradici à pluribus, obijcientibus te solum in hac esse sententia. Ergo, ne ignorent & nos illa tua approbare, & tecum sentire, si quando recudetur à typographo libellus tuus, hunc nostrum ei coniungere poteris, quo idem tecum argumentum tractamus. Scripsimus eum in gratiam cuiusdam viri magni, pijs & docti, qui nostrum expetebat iudicium, Vale. Tiguri, xxx. Septemb. Anno. M.D.XLI X. Tuus H. Bullingerus.

AN LICEAT HOMINI CHRISTIANO simulare assensum falsæ doctrinæ, & superstitionum, quas tamen animus damnat.



VVM solutio quæstionum omnium, quæ Christianam doctrinam & fidem & opera spectant, petenda sit è Scripturis sanctis, maxime id facere conuenit in hac quæstione, in qua vel vrgens necessitas vel misericordia præpostera in afflictos, magnam præbent occasionem excogitandi aut approbandi non pauca, quæ repugnant diuinis institutis, & tamen sub specie tum prudentiæ, tum iustitiæ, tum modestiæ, tum pietatis.

Præmonuit autem Deus in Scripturis sanctis per Apostolos simul & Prophetas, fore nouissimis temporibus, ut Ecclesiam Dei aggrediantur cum doctores falsi, qui prauis opinionibus & fictis signis atque miraculis plurimos seducant, tum violenti persecutores, qui minis & terroribus, & omni genere afflictionum, à via salutis impellant homines: adeò ut etiam electi seducantur, si fieri possit.

Cæterum, ut Deus in Scripturis sanctis prædixit fœdam Ecclesiæ deformationem, multis à religione vera desciscitentibus, ita etiam monstrauit præfixum esse finem extremæ infelicitatis, non modò seductoribus, qui partim astu capiunt homines, partim irrogando mala temporaria, vel eripiendo bona, pertrahunt in religionis formam pugnantem cum diuinis placitis: sed etiã ijs, qui authores istos peruersos sectantur, & non potius Christum principem, qui salus est, lux, via, veritas & vita.

Quæ quidem Dominus Deus, qui docet ac præcipit duntaxat vtilia, non sine causa toties & tam diligenter ingessit per diuinos homines, verum maxime boni causa, quod ad homines vniuersos pertineat: nimirum ut admoniti homines, caueant pericula

pericula & mala imminencia, & iudicare possint, & confirmentur in religione diuinitus tradita: aut si quis dolo impostorum, & violentia persecutionis fuerit præoccupatus, reuocetur in viam salutis.

Simul enim docet nos Dominus ac Deus noster, quibus modis ac rationibus possint ac debeant tāta mala & pericula vltimæ tēpestatis mundi superari: quāque via homines ex omnibus procellis, quantumuis seuis & naufragium machinanti- bus, modò sese contineant intra nauim Ecclesiæ catholicæ, in portum sempiternæ beatitatis euehantur.

Præcipit nanque, ne homines supini stertant ac negligant salutem suam: ve- rum leuatis capitibus, circumspeciant pericula maxima in quibus versantur. Præ- cipit diiudicare spiritus, num ex Deo sint: an Christum, an potius antichristum spirent. Vetat consortium infidelium, ne frustra moliantur p̄y ducere iugum cum impijs, aut lucem tenebris vnire, aut Christū & Belial coniungere. Iubet sperare ac petere opē diuinam, ne deficiamus in tentatione, siquidem caro imbecillis est etiam cum spiritus promptus est. Requirit simplicem & apertam confessionem sui nomi- nis & veritatis, ac prorsus damnat non modò abnegationem, sed etiam dissimu- lationem Christianæ religionis. Imperat mordicus retinere illa, quæ nobis à Deo tradita in Scripturis sanctis certò scimus. Dicat patientiā, qua homines posside- bunt animas suas: dicat perseuerantiā in finē vsque, quæ saluos efficiet. Hortatur luctari per angustam portam, & ingredi per arctam viam quæ ducit ad vitam: de- clinare autem spatiosam viam, & latam portam, quæ multos accipiunt & trans- mittunt ad æternum exitium. Denique, Deus imperat suis cultoribus, vt certent cōtra Sathanam, & omnes hostes ipsius: certantibus autē, pollicetur tum gratiā & opem suam, tum victoriā, tum præmia longè amplissima. Timidus verò, qui Christi partes deseruit, minatur iustus ac verax Deus æterna supplicia, nō secus quàm cani- bus, & porcis, & mēdacibus, & idololâtris, & homicidis, qui apertè flagitiosissimi sunt.

Etsi verò quiuis faciliè agnoscit hæc deprompta esse non ex humano com- mento, sed ex oraculis diuinæ Scripturæ, qui vel mediocriter in eis literis versatus est, non pigebit tamen locos aliquos indicare. Dominus Christus Matth. xxiij. Marc. xij. Luc. xxi. nouissimi seculi faciem graphicè depingit, & pericula omnia ponit ob oculos, vtque vitari possint summa fide atque diligētia perdocet. Matth. x. cap. & Ioan. xv. xvi. cap. præmonet Apostolos atque ad cunctos suos discipu- los Christus, vt sese præparent ad certamina, & in sp̄e bonam erigit, etiā hostibus extrema tentantibus, & requirit confessionē minimè simulatā. Matth. xv. & Luc. vi. Scribas & Phariseos Israelitici populi magistros, quia malè interpretādo, Scri- pturas in alienum sensum torquebāt, vocat cæcos duces, & iubet eos cauere: siqui- dem cæcus dux & eum sequentes, abeunt in foveam perditionis. In reuelatione autē sua, quam Dominus Christus per Angelum Ioāni Apostolo dictauit, copiosè describit fata Ecclesiæ, & à capite quidē xi. vsque in finem libri certamina Chri- stianorum & hostium ita ob oculos ponit, vt simul athletas suos egregiè instruat. Petrus Apostolus in Epistola posteriori, falsos doctores prædicit grassaturos in ecclesia Christi, & ita eos suis coloribus describit, vt latere non possint, nisi planè stupidos: nec tacet exitiū, quod eos & sectatores eorū manet: vtque declinari possit ingens istud malum falsæ religionis, edocet. Idē agit Paulus docior Gentium, præ- fertim, ij. Thess. ij. & i. Timoth. iij. & ij. Timoth. iij. iij. Idem grauer de terret

Corinthios à cōmunionē idolothitorum, etiam scientes idolum nihil esse. Iudas quoque Apostolus hoc argumentum versat. Danielis autem prophetias accommodatas esse nouissimis temporibus, ut Ecclesiæ filios instruant, confitentur p̃ij omnes, ut cap. vii. viij. xi. xij. Zacharias quoque vaticinijs suis erudit nos aduersum doctrinas pestíferas, ut cap. v. xi. xij. xiiij. xiiij.

Sunt autem exempla magna & illustria, quæ doctrinam hanc muniant. In veteri enim ecclesiā, Prophetæ vsque ad eò non assensere doctrinis falsis, & ritibus iam receptis, & vulgò approbatis, ut oppugnarint etiam vsque ad vitæ periculum. Idem fecerunt sc̃uiente Antiocho, Eleazar, Mathathias, & multi alij. Apostoli quoque & Martyres & Confessores vitæ suæ dispendio testati sunt, magis obediendum esse Deo quàm hominibus.

Exempla plurima Confessorum & Martyrum suppeditat nobis Ecclesiastica historia, Eusebii in primis, ut Polycarpi li. iij. cap. xv. Blādina item mulieris sanctissimæ, & multorū aliorum, lib. v. cap. i. ij. iij. Item lib. vi. cap. xxxi. lib. viij. cap. ij. Exclamabant, ait, Martyres ad templa idolorum adducti, ac iam in tormentu, ingenti voce, & testabantur se non sacrificasse, sed esse Christianos: tali se gaudentes confessione decorari. Nonnulli etiam maiori fiducia neque immolasse, neque vnquam immolaturos esse testabantur: quibus tamen ab assistentibus militibus ora continuò atque oculi contundebantur ut tacerent, & violenter expellebantur tanquam acquiescissent, &c. In eodem & sequenti lib. ix. innumera alia liberarum confessionum exempla exhibentur. Huc pertinet & exemplum militum Iuliani liberè cōfitentium Christū. Nam alij quidam vexillum Imperatorium, in quo pictæ erant Iouis, Mercurij, & Martis imagines, adorare ut moris erat, renuerunt: alij verò donatiua, quæ per ignorantiam non sine superstitionis suspitione è manu Imperatoris acceperant, Imperatori restituebant, clamantes se esse Christianos, & in ea professione permanere: per ignorantiam autem quod fecerant, fecisse, adeoque manum solam paganam esse, conscientiam verò, nihil simul egisse. Locus extat in Trip. hist. lib. vi. cap. xxx.

Ex quibus omnibus perspicuum fit, homini Christiano minimè licere, ut doctrinas, aut fidem, aut actiones institutis Christi aduersantes, vel per simulationem approbet. xvij. Iunij. Anno. M. D. XLI X.

Pastores & lectores ministri Ecclesiæ Tigurina
in Heluetia.

Ac-

ACTA SYNODI TRIDENTINAE.

Cum antidoto Per Ioannem Calvinum.

IOANNES CALVINVS, PIO LECTORI.

AIunt Catonem, cum de corrigendis sumptibus immodicis apud populum Ro. verba facturus esset, ita praefatum esse, multum sibi fore negotij, quia venter aures non haberet. Mihi verò, si ad restituendam pietatis doctrinam, repurgandamque Ecclesiam corruptelas hodie Romanenses hortarer, aliquanto plus esset difficultatis. Neque enim cum surdo ventre modò, sed etiam cum caeca ambitione pugnandum foret. Videmus enim quibuscunque rationibus victi fuerint, eos nihilominus stare obstinatos, quia de vita & honore sibi dimicandum iudicant. Proinde, non ero tam ineptus, ut eos ad sanam mentem reuocare frustra coner. De ijs loquor, quorum deploratam omnino contumaciam cernimus. Verum, potius aliò me còuertam, ut agnoscant pji omnes, quàm scelestà sit ipsorum impietas. Cuius rei specimen, minime obscurum hìc in aclus Tridentini Concilij exhibeo: ubi interiores omnes suos sensus ita explicarunt, ut nemini dubium reliquerint, qualem habituri simus Ecclesia statum, si eorum stetur arbitrio. Verum, quò melius id pateat, lectores primum rogatos velim & monitos, ut meum, De necessitate reformandae Ecclesiae, librum, percurrant: deinde conferendo astant, utram in partem debeant potius inclinare. Geneuae. II. Idus Novemb. M. D. XLVII.

ADMONITIO, ATQVE HORTATIO LEGATORUM sedis Apostolicae, ad Patres in Concilio Tridentino, lecta in prima Sessione.



REVEREN. Patres, &c. Cum ipsa muneris nostri ratio, qui in hac sancta Synodo Praesidentium, & sedis Apostolicae Legatorum personam gerimus, hoc postulatura videatur, ut crescentibus negotijs, quae in hoc sacro confesso, ad Dei gloriam, & Ecclesiae utilitatem sunt expedienda, saepius apud vos cohortandi, & commonendi causa verba faciamus: tum verò in hac prima Sessione, quae felix (ut speramus) principium ipsi Concilio est datura, minime hoc à nobis praetermittendum duximus. Eò verò libentius hoc officio fungimur, quòd cum vos vel hortamur ut ea faciatis quae digna tanto conuentu sint, vel à contrarijs dehortamur, nosmetipsos etiam hortamur ac dehortamur, qui in eadem quasinavi vobiscum sumus, ysdemque periculis, quibus vos, iisdem tempestatibus subijcimur: nosmetipsos inquam excitamus ad vigilandum, ne vel in scopulos incidamus, qui plurimi proculdubio in hoc cursu sese offerent, vel magnitudine negotiorum tamquam fluctuum obrui nos negligentia nostra patiamur: verum, spe, & fide erecti, cò navigationem dirigamus, quò maxime portus salutis ad DEI gloriam in Christo IESV sese ostendet. Igitur, ut ab eo incipiamus, de quo maxime in hoc principio admonendi omnes sumus: unusquisque nostrum ante oculos sibi in primis proponere debet, quanam sint, quae ab hoc sacro Concilio expectentur: ex quo quisque facile in-

telliget, quantum sibi oneris incumbat. Sunt verò eà (vt omnia summam complectamur) quæ in bulla indictionis Concilij continentur: nempe, hæresum extirpation, disciplina ecclesiastica, & morum reformatio, ac tandem pax externa totius Ecclesiæ. Hæc ergo sunt, quæ nos curare, vel potius pro quibus assidue orare, vt Dei benignitate fiant, oportet. Atque illud est, de quo ante omnia in ipso Concilij exordio omnes, & singulos, qui huc conuenimus, primum autem nos ipsos, qui in tam sancto ministerio præsidemus, admonendos duximus, ne vnquam cogitemus, vel per singulos, qui hic adsunt, vel per vniuersum Concilium, etiamsi omnes Pastores ex vniuerso terrarum orbe huc coirent, tantis malis, quibus nunc grex Christi est oppressus, prouideri posse. Si enim putamus hoc à nobis perfici posse, aut ab alio, quàm ab ipso Christo, quem Deus Pater vnicum nobis Seruatorem, & Pastorem dedit, cui etiam omnem potestatem dedit, erramus sanè in fundamento omnium actionum nostrarum, & diuinam iram magis prouocabimus. Adiungimus enim ad superiora mala, quæ propterea nobis acciderunt, quòd ipsum fontem aquæ viuæ reliquimus, hoc alterum maximum peccatum, quòd nostra vel prudentia, vel potentia ipsdem malis mederi velimus: vt meritò de nobis dicatur, quod Propheta, in persona Dei, veterem populum accusans, dicit: Duo mala fecit populus hic: me dereliquerunt fontem aquæ viuæ, & foderunt sibi cisternas non valentes continere aquas. Tales verò cisternæ sunt omnia consilia, quæ à nostra prudentia, non afflata spiritu diuino, proficiuntur: quæ non modò populos in pietate, & obedientia, tanquam aquas in cisternis continere non valent: sed quò magis his artibus retinere eos laboramus, eò violentius tanquam torrentes à nobis defluunt, & discedunt, vt superiorum annorum experientia multis in locis satis nos docere potest, & nunc admonere, vnicam tantum viam medendis his malis relictam, si nostra omnia remedia inutilia esse agnoscentes, & valere potius ad augenda, quàm ad tollenda mala: ad Christi potentiam, quem dexteram suam Deus Pater appellat, ad Christi sapientiam, qui est sapientia Patris, in omnibus nos, qui Patrum personam gerimus, fide & spe confugiamus, huius nos in omnibus ministros esse agnoscamus. Hic verò quæritur (inquit Apostolus) inter dispensatores, vt fidelis quis inueniatur. Hoc autem nunc nobis agendum est, vt ministros nos in omnibus idoneos præbeamus. Erimus verò idonei, si nos ex nobis minimè idoneos esse iudicauerimus. Quis enim (inquit idem Apostolus) ad hæc idoneus? vt qui ne cogitare quidem aliquid ex nobis, quasi ex nobis, simus sufficientes. Verum, hoc fateri non satis est nobis, hoc dicere potuit Apostolus, & per hanc portam ingredi ad obeundum munus suum, & in eo se ministrum fidelem, ac idoneum ostendere: qui simul dicere potuit, de ministerio suo loquens: Nihil mihi cōscius sum. Nobis verò, qui, si verum fateri volumus, aliter dicere nō possumus, quin nobis cōscij simus in administrando munere nobis imposito, in plurimis defecisse: & horum etiam malorū, ad quæ corrigenda vocamur, nō minima ex parte causam extitisse: non satis est hic fateri, ad tantum munus nos impares esse. Quid ergo nobis agendum, vt idonei hoc tēpore, Christi ministri in Ecclesia instauranda esse possimus? Idem prorsus, quod Christus ipse Episcopus animarum nostrarum fecit, cū venit ad fundandam & formandam Ecclesiam suam. Idem sanè, Patres, faciendum erit nobis, quod ipsa sapientia Patris fecit, cū venit, vt multos filios in gloriam adduceret: id quod nobis item propositum nunc esse debet. Is enim cū oppressos peccatis omnes inuenisset,

set, omnia omnium peccata in seipsum transtulit, seque vnum ante Deum pro omnibus reum, & nocentem constituit, ac pœnam nobis debitam sustinuit, tanquam omnia flagitia, & omnia scelera, quæ nos commiseramus, ipse commisisset, cum tamen ab omni labe peccati purissimus esset: quippe qui peccatum non fecit, neque vnquam inuentus est dolus in ore eius. Quod verò Christus, pro immensa sua charitate erga Deum Patrem, & pro misericordia erga nostrum genus fecit, hoc nunc, vt ipsi faciamus, iustitia ipsa à nobis flagitat, vt omnium horum malorum, quibus grex Christi est oppressus, nos pastores coram tribunali misericordiæ Dei reos constituamus: atq; omnium peccata in nos ipsos non tam piè, quàm iustè transferentes, quia re vera horum malorum magna ex parte nos causa sumus, diuinam misericordiam per Iesum Christum imploremus. Quod verò dicimus nos pastores his malis, quibus Ecclesia est oppressa, causam dedisse, si quis hoc acrius, & magis per exaggerationem quandam verborum, quàm verè dictum existimet, hoc quidem ipsa rerum experientia, quæ mentiri non potest, comprobabit. Respiciamus ergo paululum ad ipsa mala, quibus Ecclesia opprimitur, ac simul etiam ad nostra peccata. Sed quis hæc numerare valeat? quæ simul cum reliquis malis multitudine superant arenam maris, & vsque ad cœlum clamant. Circumscribamus ergo tantam multitudinem nostrorum malorum illis limitibus, quibus hoc Concilium, quod capitalibus malis medendis est vocatum, ea circumscripsit. Sunt verò illa tria, quæ suprà commemorauimus, hæreses, lapsam morum disciplinam, & intestinum atque externum bellum. Hic ergo videamus, & consideremus, cum iam multis annis Ecclesia, his calamitatibus vexetur, vndenam ipsa originem habuerint, num illis nos quodammodo principium, num fomentum dederimus. Primum verò examine- mus initium hæresum, quæ hac nostra ætate passim pullulant: quibus si negare volumus nos principium dedisse, quia nullus hæreseos ipsi authores fuimus, tamen cum peruersæ de fide sententiæ, tanquam vepres quadam sint, & spinæ, quæ in agro Domini, qui nobis colendus commendatus est, orta sunt: etsi illæ quidem sua sponte, vt solent aliquando vitiosæ herbæ, pullulant: tamen qui non coluit, quem debuit agrum, qui non seminauit, qui pullulantes per se, non statim curam adhibuit vt extirparet, non minus quidem principium illis dedisse, dicendus est, quàm si ipsa seminauerit: præsertim cum hæc omnia à negligentia agricolæ ortum ducant, & incrementum habeant. Hic ergo se ipsos excutiant, qui sunt agricolæ in agro Domini, conscientiam suam interrogent, quomodo in eo colendo, quomodo in seminando se gesserint. Quod qui fecerint his præsertim temporibus, quibus paucissimi agro Domini colendo incumbunt, non multum (credimus) dubitabunt, num ad ipsos pullulantium passim in Ecclesia hæresum culpa pertineat. Hæc verò monendi tantum causa dicta satis sint de ijs, quæ ad primum caput pertinent. Veniamus ad secundum, quod lapsam morum disciplinam, & abusus (vt vocant) complectitur. Hic verò nihil attinet diu inuestigare, quinam tantorum malorum authores fuerint, cum præter nos ipsos, ne nominare quidem vllum alium authorem possimus. Quare, ad tertium accedamus, quod impedimenta pacis Ecclesiæ in se continet: qualia sunt arma vel domestica, vel externa. Hæc enim iam pridem pacem Ecclesiæ perturbarunt, & adhuc perturbant: de quibus hoc tantum dicimus, si (quod Deus ipse certissimis signis ostendit) hæc arma flagella eius sunt, quibus nos affligit: quia duorum priorum capitum rei sumus, in quibus nos excusari non pos-

sumus: etiam horum armorum præcipuam nos causam esse, negare non possumus. Eiusmodi verò flagella, Deum obeam causam immittere censemus, ut nos peccantes castiget: & peccata ipsa, quibus maiestatem eius maximè offendimus, nobis ante oculos ponat. Hic verò quisquis aliquando animaduertit, quibus modis Ecclesia armorum violentia vexata fuerit, secum ipse consideret, quænam illa sint, in quibus præcipuè Ecclesia, propter ipsa arma, detrimentum patiatur. Nec verò hic refert, de quorum armis loquamur, siue de intestinis nostrorum Principum, siue de externis Turcarum armis, quæ superioribus annis nos magnis calamitatibus affecerunt: siue de eorum, qui ab obedientia suorum pastorum discesserunt, & ipsos à suis sedibus expulerunt. Hoc enim summam dicimus de omni genere armorum, si qui illa contra nos tractarunt, à suis Ecclesiis pastores fugarunt, ordines confuderunt, laicos autem in Episcoporum locum suffecerunt, Ecclesia bona diripuerunt, cursum verbi Dei impediuerunt. Hic, inquam, dicimus, nihil horum esse, quod in libro abusuum pastorum maxima illorum pars, qui hoc nomen sibi vendicant, per se factum esse, si legere libuerit, non scriptum apertis verbis inueniat. Nostram enim ambitionem, nostram auaritiam, nostras cupiditates, his omnibus malis, populum Dei prius affecisse statim inueniet, atque harum vi ab Ecclesiis pastores fugari, easque pabulo verbi priuari, bona Ecclesiarum, quæ sunt bona pauperum, ab illis tolli, indignis sacerdotia conferri, & illis, qui nihil à laicis, præterquam in vestis genere, ac ne in hoc quidem differunt, dari. Quid enim horum est, quod negare possumus per hos annos à nobis factum esse? Quare, si Turca, si hæretici hoc idem aduersus nos faciunt, quid hic aliud, quam flagitia nostra, & simul iustum Dei iudicium videmus? iudicium verò plenum misericordia: sic enim pro meritis nos castigaret, iam pridem sicut Sodoma, & Gomorrha fuisset. Cur verò hæc nunc commemoramus? An ut vos confundamus? Absit. Sed magis vos, ceu patres & fratres charissimos, primum autem nosmetipsos admoneamus, quo pacto hæc, quibus nunc affligimur flagella, & grauiora, quæ impendent, nisi resipiscamus, vitare possimus, ut effugiamus tremendum illud Dei iudicium, omnibus quidem non resipiscentibus tremendum, maximè verò illis, qui præsent. Iudicium enim graue, inquit Scriptura, his qui præsent fiet. Iudicium verò incipere nunc videmus à domo Dei. Dum enim nunc cūciuntur Sacerdotes, dum conculcantur ab hominibus: quid aliud hoc indicat, quam diuinum de nobis iudicium, quod prædixit Christus, cum diceret, Sacerdotes suos esse sal terræ: quòd si sal euannuerit, ad nihil valere ultra, nisi ut cūciatur foras, & conculcetur ab hominibus? Hæc verò omnia, nos nunc patimur. Quòd si propter iustitiam, ut nostri maiores, beati nos quidem: at nunc iustè quidem, quia sal euannuit: minimè autem propter iustitiam patimur: in omnibus enim nostris afflictionibus videmus iudicium Dei. Atque utinam quidem illud videremus: hoc enim initium esset omnia Dei iudicia, & flagella effugiendi, atque in gratiam, & veram gloriam ingrediendi. Quæ res fecit, ut in his commemorandis acriores, & longiores fuerimus. Nisi enim hæc bene cognita, & perspicua fuerint, frustra intramus in Concilium, frustra inuocamus spiritum sanctum, qui primum ingressum in animam hominis semper facere solet, per ipsius hominis condemnationem, ut condemnet mundum de peccato. Quare, nisi ille Spiritus nos apud nosmetipsos primum condemnauerit, nondum illum ingressum esse ad nos affirmare possumus: ac ne ingressurum quidem, si pec-

si peccata nostra audire recusamus. Idem enim dicitur nobis, quod populo veteri per Prophetam Ezechielem est dictum, cum nodum, agnitis suis sceleribus Deum per Prophetam interrogare vellent. Sic autem ait Propheta: Venerunt viri Israel ad interrogandum Dominum, & sederunt coram me. Hæc autem dicit Dominus: Nunquid ad interrogandum me, venistis? Vivo ego, dicit Dominus, quia non respondebo vobis. Sequitur autem: Si iudicas eos, abominationes patrum illorum ostende illis. In quibus verbis ostendit Deus, quare noluerit respondere illis, quia nondum scilicet abominationes suas, & patrum suorum audierant. Quare, cum idem Dei spiritus sit, qui tum dabat responsa, & quem nunc nos sedentes coram Domino inuocamus: quid nobis faciendum sit, ut propitia responsa habeamus, ex his videtur: & simul quam necessariò nos, qui præsidemus in hoc sacro confesso, à detegendis nostris peccatis, sermonis exordium vobiscum duximus. Quia verò nonnullos nunc videmus, sua primùm peccata, & nostri ordinis grauer deflentes, atque Dei misericordiam omnibus votis implorantes: ideo quidem in maxima spe sumus, ad nos venisse, quem inuocamus Dei Spiritum: hoc verò maximum pignus diuinæ misericordiæ habemus: nempe, ipsam hanc inchoationem Concilij, in quo nunc conuenimus ad erigendam & instaurandam penè collapsam Ecclesiam, ut vetus populus, post diuturnam captiuitatem apud externos, Reges redijt Hierosolymam ad instaurandum Templum. In illius verò populi statu, in illorum lata ad patriam profectio, & Templi instauratio, nostri quidem temporis, & nostri status, in hoc præsertim Concilio imaginem intueri possumus: & in Ducum eiusdem populi exemplo, vestrum, qui Duces estis populo Dei ad cælestem patriam contendenti, officium videre. Quare omnes vos magnopere hortamur, ut sæpius ad memoriam reuocetis, quæ in Esdræ, quæ in Nehemiæ, quæ etiam in Danielis libris sunt scriptæ: in quibus consilia omnium Ducum populi explicantur, quæ hunc vnum semper scopum habuerunt, ut sua, & populi, atque patrum peccata confitentes, ad pœnitentiam, & implorationem diuinæ misericordiæ omnes excitarent. Quod cum populus faceret, tum quidem omnia illis feliciter succedere. Eadem verò consilia nobis, si felicem successum, & exitum expectare volumus in instauranda Ecclesia, ob quam causam lati huc in spiritu conuenimus, sequenda erunt: atque eò quidem magis, quò etiam maiora nobis certamina impendent instauraturis Ecclesiam, quam illis instauraturis Templum. Si enim illis multi, iominus id perficeretur, se opposuere: si multi etiam, cum opus impedire non possent, eos irriserunt: hoc quidem sic habetote, nobis nec irrisores defuturos, nec qui maximis viribus à cœpto opere nos deterreant, & auocent. Habebimus verò non modò colluctationem cum carne, & sanguine, sed cum spiritualibus nequitij in cælestibus. Verùm, his omnibus potentior est is, in cuius nomine, hoc opus sumus aggressi. Quare, in eo confidamus, ipsum precibus inuocemus, & ipse omnia perficiet. Quia verò hoc Concilium cum deliberantium, tum verò iudicantium speciem refert, in quo & deliberatur de ijs, quæ ad vniuersalis Ecclesiæ bonum pertinent, & etiam iudicatur tam de rebus, quam de personis (sedemus enim tanquam iudicantes duodecim tribus Israel, quibus comprehenditur vniuersus populus Dei) ideo hic maximè locus videtur nos ipsos admonendi, ut caueamus ab his, quæ vel consultandi, vel iudicandi vim in nobis deprauare solent. Hæc verò sunt ipsæ animi passionnes, quæ ideo etiam perturbationes vocantur, quia rectum, & verum de rebus in-

dicium, & sensum perturbant, ac peruertunt: in quibus maximè illa sunt cauenda, quæ rectè monet Ethnicus ille in consilijs abijcienda, cùm dicit: Omnes homines, qui de rebus dulcibus consultant, ab ira, odio, amicitia, vacuos esse debere. Nam cùm in hac omne genus hominum sit propensum, tum verò ij maximè, qui principibus seruiunt: tales enim vehementiores habent affectiones, facillimè autè ad gratiam loquuntur, vel ad odium: ut scilicet ipsos existiment Principes affectos esse, à quibus mercedem expectant. Cùm verò de Principibus loquimur, tam de his, qui Ecclesiastici vocantur, quàm qui Seculares, loquimur: ac licet quidem nos Principes Christianos habere agnoscamus, & gaudeamus, id quod in veteri, & iam recens fundata Ecclesia patres nostri non habuerunt, tamen ante omnia nobis in hoc Concilio semper est animaduertendum, hunc non esse locum laudandi aliquè, nisi solum Deum in Christo Iesu, atque illum solum iustificandi, omne autem genus hominum condemnandi: primum verò nos ipsos, qui hac loquimur, ut cum Daniele dicamus: Nobis confusio faciei, Regibus nostris, Principibus nostris, & Patribus nostris, qui peccauerunt: tibi autem, Domino Deo nostro, misericordia & propitiatio: quia recessimus à te, & non audiuius vocem Domini Dei nostri, ut ambularemus in Lege eius, quam posuit nobis per seruos suos Prophetas. Et omnis Israel prauaricati sunt Legem tuam, & declinauerunt, ne audirent vocem tuam, & stillauit super nos maledictio, & detestatio. Hic verò nunc locus esset, ut eiusdem Prophetæ exemplum sequentes, cuius verba modò recitauimus, non solum nostra, qui Sacerdotes sumus, sed populi, sed Principum, coram Deo & Ecclesia eius, peccata confiteremur, proque omnibus veniam imploraremus. Sic verò dicit Daniel: Cùmque adhuc loquerer, & orarem, & confiterer peccata mea, & peccata populi mei. Nomine populi hoc loco omnium ordinum personarum complectens, ut eius confessio, quam modò recitauimus, declarat. Qua in re, quid nobis, qui pro salute vniuersæ Ecclesiæ tantis malis oppressæ, huc conuenimus, faciendum sit, satis indicare videtur: nimirum, ut nostra, & simul Principum, ac populi peccata flentes, confiteamur, id quod planè in spiritu mœroris satis nunc abundè facimus, verbiis verò vberius faceremus, si ipsi Principes adessent: qui suam nobiscum confessionem, & lachrymas coniungerent. Eiusmodi verò, quasi funiculus, peccatorum, ut Prophetæ loquuntur, Sacerdotum ac Principum, atque ipsius populi peccata sunt colligata: ut difficile sit de vnius ordinis peccatis inquirere, quin reliquorum simul ordinum peccata appareant. Sic verò omnes ordines vna orationis serie accusans, in veteri populo dicit Ezechiel, in persona Dei: Sacerdotes eius contempserunt Legem meam, & polluerunt sanctuaria mea: inter sacrum, & profanum non habuerunt distantiam. Principes eius in medio illius, quasi lupi rapientes pradam ad effundendum sanguinem, ad perdendas animas, & auarè sectanda lucra. Populi terræ calumniabantur calumniam. Hæc ille, quæ vtinam ad illa solum tempora pertinerent, ac non nostri quoque temporis imaginem referrent. Vtinam cùm de corruptela morum Sacerdotum loquimur, huic maximam occasionem, maximam materiam, & auctoritatem ipsos Principes, atque ipsum populum dedisse negare possemus. Sed reprimamus nunc verba usque ad tempus magis opportunum, fontes autem communium lachrymarum aperiamus. Redeamus verò ad eos, quos cœpimus admonendos, præsertim Episcopos, qui cum mandatis Principum huc venerunt. Sic verò illos admonemus, ut omni, qua possunt fide, & diligentia

suis

suis Principibus seruiant: verum, vt Episcopus decet, sic illis seruiant, vt serui Dei,
 non vt serui hominum. Nolite, inquit Apostolus, serui hominum esse. Primum
 verò seruiant vni Regi Christo, cui Deus Pater omnem potestatem dedit: dein-
 de verò, propter eum, omnibus, maximè autem Principibus: cui honorem, honorem:
 cui tributum, tributum. Hortamur autem, vt Principibus seruiant ad honorem,
 quemadmodum eorum mandata verbis ipsis præferunt: in quibus, nihil ferè, nisi
 honorificum, & ad publicam vtilitatem spectans, proponitur. Sic verò in summa
 seruiant, vt eorum officium in primis spectet ad honorem Dei, & vtilitatem hu-
 ius Concilij, quod propter publicum bonum est conuocatum. Quare, vt ab hoc ma-
 ximè dehortamur omnes, qui hìc sententias coram Deo, & Angelis eius, atque co-
 rā vniuersa Ecclesia sumus dicturi, ne ad gratiam hominis alicuius loquamur: sic
 etiam multò magis, ne ad odium cuiusquam sententiam proferamus, etiamsi con-
 tra nos aduersarij, vel inimici, & hostis personam gerat: denique, vt ab omni in-
 ter nos contentione abstineamus, maximè optamus, & in Domino hortamur. Hæ
 enim sunt, quæ contristant, & repellunt, quem inuocauimus Spiritum sanctum, si-
 ne quo, nihil omnino facere poterimus, quod ad bonum & pacem Ecclesiæ cedat.
 Cum enim, inquit Apostolus, sint inter vos contentiones, nonne homines estis,
 & secundum hominem ābulatis? Cum verò Homines eos appellat, Spiritus Dei
 expertes intelligit. In omnibus autem, quæ ad reformationem Ecclesiæ pertinent,
 ob quam causam conuenimus, imitari nos oportet illum, qui eam primum forma-
 uit, de quo ad ipsum opus ingrediente, sic in persona Dei Propheta loquitur: Ecce
 seruus meus, quem elegi, dilectus meus, in quo bene complacuit animæ meæ: dedi
 Spiritum meum super eum, iudicium Gentibus nuntiabit, non contendet, neque
 clamabit, arundinem quassatam non confringet, & linum fumigans non extin-
 guet. Hunc verò Spiritum pacis, charitatis & mansuetudinis, cum semper apud o-
 mnes, & cum omnibus ostendere debeamus: tum verò maximè in hoc sacro con-
 fessu, in quo conuenimus, vt per gratiam ipsius Spiritus, contentionibus, quæ nimis
 diu Ecclesiam vexarunt, finis tandem imponatur. Quare, ne ipsi vllam contentio-
 nis ansam alicui demus, qui pacificorum personam gerimus, maximè est cauendum.
 Hoc verò, & cetera omnia incommoda, & impedimenta pacis vnico modo euita-
 bimus, atque ad optatum pacis portum perueniemus, si precibus ab humili & con-
 trito corde profectus, ipsum Christi Spiritum, qui est pax nostra, inuocauerimus:
 vt in hoc Concilio præsideat, vt lucem cordibus nostris infundat: vtque nos in o-
 mnibus ad ipsius honorem, & veram Ecclesiæ vtilitatem regat & dirigat. Ad ta-
 les enim ipse dicit: Adhuc te loquente, Ecce adsum. Quare, vt huiusmodi oratio-
 nibus assiduè incumbamus, quanta possumus charitate, vos in Domino
 hortamur, vt vno ore, atque vno spiritu Deum Patrem in
 Christo Iesu glorificemus, qui est Deus benedi-
 ctus in secula, Amen.

PRAEFATIO IN ANTIDOTVM.



HOC habet reuerentia in Ecclesia Christiana sacri Concilij nomen, ut auditum, non imperitos modò protinus, sed graues etiam & sano iudicio praditos homines commoueat. Et sanè, cum hoc ab initio curandis Ecclesiae suae morbis vsitatum remedium adhibuerit Deus, ut conuenirent p̃ij & sancti Pastores, ac inuocato eius nomine, statuerent, quod Spiritus sanctus dictabat: meritò apud omnes pios in honore Concilia esse debent. Hoc interest quòd vulgus hominum immodica admiratione obstupescit, ut nihil postea iudicet. Qui verò sunt saniores, sensim quidem & modestè, sed tamen inquirere sibi antè permittunt, quàm planè assentiantur. Atque ita fieri conuenit: ne temerè nudis hominum placitis, sed vni tantum Deo subscribat fides. Sed reclamant, quibus certò persuasum est, aut qui saltem alijs persuadere volunt, Concilium, qualecunque sit, modò ritè sit indictum, non posse errare: quia à Spiritu sancto regatur. Volunt igitur, oraculi instar, absque controuersia recipi, quicquid inde prodierit. At quantò Augustinus prudentior? qui pro singulari quidem sua modestia, non mediocrem Concilij honorem defert: illam tamen, quam dixi, moderationem, non propterea retinere desinit. Nam aduersus Maximinum Arrianum scribens: Neque ego Synodum Nicenam, inquit, nec tu Ariminensem debes, tanquam praedicatoris, asserre. Nec ego huius auctoritate, nec tui ius detinèris. Scripturarum auctoritatibus, non quorumcunque proprijs, sed vtriusque communibus testibus, res cum re, causa cum causa, ratio cum ratione certet. Tantum sibi & alijs libertatis sanctus vir concedit, ut ne ad praedictum quidem valere Nicenum Concilium velit, nisi causa veritate ex Scripturis bene perspecta.

Verum, de priscis illis Concilijs sermonem longius producere, nihil opus est in praesentia. De Tridentino enim Concilio agere institui: quod illis longè est dissimile. Cum tot cernerentur in Ecclesia corruptelae: cum de religionis doctrina graues exorta essent contentiones, diu & ardentè multorum votis expetitum fuit Concilium: qui scilicet hoc modo finem malis omnibus allatum iri sperabant. Imperitè id quidem: nam, ut hodie constitutus est rerum status, facile perspicunt, quicumque vel mediocri prudentia sunt praditi, nullam malorum leuationem ab ijs sperandam esse, quorum est, tum cogendi, tum habendi Concilij potestas. Sed quis non apparebat alia melior ratio, plurimi non mali homines, qui consultum Ecclesiae optabant, ex Concilio aliquid sibi pollicebantur. Itaque à multis desideratum, tandem quasi communi Christiani orbis voce flagitatum fuit. Quibus autè de causis aliquandiu dilatum fuerit, perspicaciores agnoscunt. Nam quæ Ro. pontifex in sua bulla causas praetendit, impudenter esse cõficias, quisquis non videt, plusquam cacus est. Quibus autem causis fuerit adductus, ut quascunque posset moras neciteret: ipse quidem melius nouit: aliqua tamen ex parte conijcere possumus. Hoc ideo factum putant nonnulli, ne tanquam vulgare quiddam, Concilium vilesceret tam apud Principes, quàm apud plebeios, si tam facillè statim fuisset impetratum. Solet enim pretium rebus addere longa expectatio, modò ne tadium interueniat. Ego tamen aliam fuisse rationem iuauco. Tamet si enim Concilium quod daret, sciebat nihil fore aliud, quàm conductitiā turbam suorum affeclarum, in qua ipse solus emimeret, ea tamen est vis malae conscientiae, ut trepidaret ad solam Concilij mentionem.

tionem. Nam adeò dissoluta & effreni libidine grassatur tyrannis Papatus, ut coercendam esse non dubitent, qui maximè eam in longum tempus saluam volunt. Ergo non abs re, tempus extrahendo, quamlibet potentia sua imminutionem refugere conatus est. Quod postea clarius etiamnum apparuit: quaecunque enim præter receptum morem in ordinando suo Concilio induxit, totidem sunt eius, quam notati, diffidentia argumenta. Atque, ut infinita alia omittam, quorsum tres legati, nisi ut eorum unusquisque alijs esset amulus, ne quid auderent? Neminem igitur inuenit in sua cohorte, in qua omnes habet sibi prorsus addictos, cui fideret.

Hoc priuatum fuit Papæ consilium. Aliud spectarunt, qui præsentem Ecclesia statum, qualiscunque sit, conuelli nolunt. Sic enim statuebant: quid vis experiri multò esse satius, quàm de rebus hodie controuersis vllam cognitionem suscipere. Cur ita? Partim, quia indignum illis videtur, quocunque foro disceptationem mouere de hominum placitis, quæ semel fidem obtinuerint: partim, quoniam eos magis deleciat violenta possessio, quàm ingenuæ gubernationis species. Nam quotusquisque est eorum, qui Papatum ecclesiarum prætextu nunc tuentur, qui nõ cupiat ita oppressam esse Christiani populi libertatem, ut de corrigendis Ecclesiæ vitijs nemo hiscere audeat? vel non clamitet, superuacuum esse Concilium, adeoque atrocem fieri prioribus decretis iniuriam, nisi illis, sepulta omni Concilij mentione, stetur? Quid hoc, inquiunt, aliud est, quàm actum agere? Et quanta in posterum licentia dabitur omnia nouandi, & turbandi, nisi rebus semel iudicatis acquiescimus? Si oracula sunt Spiritus sancti, iam prius editæ definitiones, quis nouæ disceptationis profectus erit? Quorum omnium facilis est refutatio. Nam & questiones hodie agitantur, hæcenus nunquam ritè discussæ: & palàm est, cum doctrinam, tum verò vniuersam Papatus administrationem ita dissidere à plerisque Concilijs veteribus, ut nihil magis aduersum fingi queat: & tam varijs tamque exitiabilibus morbis oppressa est Ecclesia, ut nullum vnquam magis necessarium fuerit habendi Concilij tempus: siquidem legitimum impetrari posse, spes esset. Apparet igitur, ne minimo quidem pietatis sensu tangi, sed miserabilem Ecclesiæ interitum securos ac propemodum hilares inspicere, qui sic loquuntur. Quòd autem rursus agitari nefas esse ducunt, de quibus semel pronuntiatum est, in eo nimis sunt inepti. Quid enim differet ab hominum decretis sacrosanctum Dei verbum? Quòd si auctoritates saltem ex melioribus illis seculis peterent, quæ & doctrina florebat, & pietate, essent fortassis vtcunque audiendi: sed eius generis sunt Concilia, quorum auctoritate nos obstringi volunt, in quibus nihil præter crassissimam inscitiam apparet, cum barbara ferocia coniunctam. Quòd quidem verissimè dictum esse, palàm suo loco fiet. En cur tam fastuosè superbiant, rebus iudicatis.

Porrò, si hæcenus dubitatum fuit, quantum inter Concilium intersit, & Spiritus sancti tribunal, quod omni prouocatione exemptum est, illustre in Tridentino Concilio specimen, nobis ostensum fuit. Concilium errare non posse ideo contendunt: quia representet Ecclesiam. Quid autem, si hoc posterius negetur verum esse? Atqui, ut de eo statuatur, videndū, opinor, quibus hominibus constet. Ad sunt fortè quadraginta aut circiter Episcopi. Neque enim numerum teneo, neq; etiam admodum curo, quia parum ad rem pertinet. Respondeant mihi bona fide patroni Conciliorum. Si quis ordine ipsis omnes recenseat: quotumquenque ex illis non contemnent? Imo, cum se illi ipsi venerandi patres mutuò aspiciunt, fieri non.

Obiecta contra
fermum
et Concilium

Conci
Tride

potest, quin eos sui pudeat. Nam & sibi noti sunt: & quale sit aliorum de se iudicium, non ignorant. Proinde, si remoueas Concilij nomen, nihil nisi quisquiliæ fuisse, quicquid illic Episcoporum fuit, totus Papatus fatebitur. Verum, sua alijs nationibus ornamenta libet intacta relinquere. Gallos tantum meos rogabo, ut, quam ipsi contulerunt, portionem iusto pretio astiment. Inter primaria Ecclesiae membra, Gallia sanè regnum numerant. Illinc duo adfuerunt Episcopi, *Nenotensis*, & *Claramontanus*, ambo aequè indocti ac stupidi. Hic etiam posterior, non ita pridem tam ridiculus habitus, quam moriones: & tam libidinosus, ut, instar canis venatici, impudicus omnes domos odorari solitus esset, donec in disciplinam Sossæ cuiusdam famosæ apud Parisios mulieris, se tradidit: ex quo repente euasit sapiens. Si tam facile sapientes efficere queat Francisci Picarii discipula, cuius magistrum cerebro penitus carere, fanaticus esse persimilem, nec procul à furioso distare, constat. Nam *Aquensem* Archiepiscopum inter Gallias vix numero. *Agathensis* autem, ut solent curiosi homines, tanquam otiosus spectator adfuit. Obsecro vos Galli mei, quis vestrum sibi persuadeat à Spiritu sancto profectæ esse, quæ vel innumera talium hominum multitudo effutiuerit? Atqui, ne prima quidem theologia rudimenta duo isti, de quibus loquor, vnquam gustarunt. Quàm igitur misera Christianæ Ecclesiae conditio futura est, si pro oraculo habendum sit, quicquid ipsis ac paucis nihilo melioribus placuerit? Et adhuc eò usque socordes sunt plurimi, ut cum audiunt publicari sacre Synodi placita, non cogitent eos esse auctores, quibus ne de minima quidem questione fidem fiat habituri. Nam si in mentem hoc illis veniret, protinus non sine stomacho abijcerent, scalcaréntque pedibus, quæ nunc inconsideratè osculantur. Quid enim? an iudicio quicquam probant? Minime. Sed oculos perstringit Concilij reuerentia. At cuius est stultitia, quem a sinum esse scias, sub leonis pelle, tanquam formidabilem vereri?

A iam subit, quid rursus obijci queat à parte aduersa: non solis Episcopis commissas esse decernendi partes. Intellego. Atque id est, quod maxime volebam: sunt enim garruli quidam & audaces monachi, quorum alij mitras, alij galeros aucupantur: omnes certè Romano pontifici suam loquacitatem venditant. Fingamus porò, eximios esse, ac eruditione non vulgari theologos. Hoc tamen habeo, venerandis patribus, ex quorum nutu pendet tota religio, sophistas nescio quos verba præire, ut eorum dictata nobis deinde cantillent. Quo sum autem attinet, eos tam altum suggestum conscendere, ut tanquam semidei ex alto pronuntient quod illis ex inferiore subsellio præscriptum est? Vbi illa Ecclesiae representatio, cui Spiritum sanctum alligant, si coguntur aliud precario mutuari, quod opus est, ne aut sileant, aut perperam loquantur? Vestrum est axioma. Qualiscunque sit cœtus, cui nomen vniuersalis Concilij impositis, illic Spiritum sanctum præsidere, ut nihil inde manare queat, nisi cœleste ac diuinum. Interea famelicos, & venalis lingue monachos præfictis, quos spiritus iste vester, quem fingitis, ausculet. Atqui, longis & accuratis disputationibus agitant illi, quicquid à patribus est definiendum: nempe, ita audiui: stridulum nescio quid ipsos rixando, tanquam ranas Aristophanus, coaxare: inde confici præclara ista decreta, quæ deinde Spiritus sancti responsa iactantur. Quid enim dissimulanter agerem in re notissima? Certum est, nulli esse tam obscuram scholam quæ non præ se despiciat quicquid est Tridenti theologorum. Quid igitur? An eos, simul atque locum mutauerint, repentino afflari numine puta-

putabimus, ac si Phebades Delphicam cortinam subijissent? *Nuga*. Nam si hodie Parisiensi Sorbonæ allatum foret, Tridentinos patres ab ipsius decretis, vel vno apiculo discrepare, statim, calefactis cerebris, ad prælium concurrerent magistri nostri: nec modò Concilij auctoritatem pro nihilo ducerent, sed vnumquemque nominatim lacerarent atrocissimis conuijs. Nunc si infulsissimis quibusque delinjs albam calculum addiderint, scholæ omnes Gallicæ, Hispanicæ, Germanicæ, Italicæ certatim applaudent. Quanta ergo improbitatis est, orbi Christiano adorandum obrudere, quod ipsi intus nihili faciunt?

Agedum tamen, disputatores illos, qui cudendis placitis insudant, fingamus non tantum mirabili acumine, doctrinæque excellere, sed Angelos esse recens è cælo delapsos. Tantum præterea absurdum aduersarijs ignoscamus, Concilium, quod immediato Spiritus afflatu regi fastuosè prædicant, à paucis hominibus emendicare, quod orbi vniuerso quasi diuinius allatum ingerat. At ne sic quidem vnciam fidei Tridentina Synodus obtinebit. Nihil enim illic, nisi ex vnius Romani pontificis nutu, statuitur. Quare, omittat in posterum istas ampullas: Non hominibus, sed Deo repugnare, qui Concilij placita respuit. Illos enim nihil esse, nisi organa: hunc præsidem, qui mentes & linguas spiritu suo moderetur. Si ita esset, nimis in Spiritum sanctum contumeliosos esse ipsos dico, cuius reprehensorem faciunt Papam suum, dum ipsius arbitrio censuræque subijciunt omnia. Ego de rebus vulgò tritis loquor. Simul atque compositum est decretum aliquod, Romam volitant cursores: Veniam, pacemque exposcunt à pedibus idoli sui. Priuatis suis consultoribus examinandum tradit sanctissimus pater, quod est allatum. Demunt illi, addunt, & mutant quod videtur. Redeunt cursores, Sessio indicitur. Recitat notarius, quod improbare nemo audeat. Asini auribus annuunt. En oraculum, quod religione totum mundum obstringat. Cur non apertè fatentur quod res est? Monachos decem aut viginti, quorum conductas habent operas, decreta consarcinare, Papam censorio stylo confodere, si quid non arridet, cætera comprobare: nihil aliud Concilio reliquum fieri, quàm promulgandi onus. Olim quod consultauerat Romanus Senatus, plebs sciscebat. Papa verò sciscendi iure minimè contentus, sibi præterea in Synodi consultis sumit corrigendum quicquid non adlubescit. Nimis quidè si pertè, si præsidere illic Spiritum sanctum putat. Nobis verò impunè (opinor) contemnere licebit, quod à talibus magistris compositum, à tali Aristarcho correctum esse agnoscimus. Nam Synodi pronuntiatio, nihilo plus momenti habere debet, quàm auctionarium aliquod præconium.

Sed ne præfando sim longior, si Concilij alicuius placita, firmis verbi Dei testimonijs fretus, in controuersiam adducerem, iam mihi probasse videor, non esse causam, cur me vllius temeritatis damnent sani lectores. Nunc verò, quis mihi, nisi plusquam fatuus, succenseat, si asserendæ veritatis necessitate eo actius, simiam, quantum purpura ornatam, traducere non dubitauero: ut simia, sicuti est, omnibus appareat? Iam abundè monstrui, Neptunios istos patres, nec tam formidabiles esse cum suo Tridento, quin verbo Dei intrepidè flagellare ipsos liceat: nec tam esse sacrosanctos, ut nefas sit eos attingere. Verum, ut video, ne id quidè agitur. Laruæ enim hominum oculis opposuit Rom. pontifex, quæ neminem oculatū fallere queat. Ego sanè, cum ante annos decem passim fieret mentio Concilij: atq; ita persuasum foret, Papam non posse iam amplius tergine fari, quin seriò pecudes suas

cogeret: bullæque citatoriæ iâ volitarent: primum, indictiones ex bullis natas conijciebam paulatim in fumum abituras. Nam & alterius bullæ Mantuanae meminerâ, quæ sub Pij secundi Pontificatu, ex magno tumore statim euannerat. Verum, si tandem cogeretur aliquod Concilium, ita mecum reputabam, omnia facturum esse Rom. Pontificem, ut splendore aliquo non vulgari simplicium oculos perstringeret. Atque hæc cogitatio, ut verum fatear, me vehementer angebat. Minimè hoc dubium erat, quicumque sessum admitterentur ad sententiam dicendam, eos partim ambitione irretitos, partim excæcatos auaritia, partim rabie accensos, totidem infestos sanæ doctrinæ hostes fore, qui ad stabiliendam tyrannidem Papatus, arcana inter se coniuratione obligati, ad destruendum Christi regnum incumbèrent: paucissimos fore, non tam impio crudelique affectu, sed tamen nihil virile habentes ad resistendum. Itaque, statuebam, mox, indicta causa, oppressum iri veritatem, sub tam iniquis iudiciis. Etenim ne hoc quidem sperandum erat, ut qui spiritus pius ac cordatus, vel morte sua, vnius horæ audientiam apud eos redimeret. Interea, multis imperitis, quanquam alioqui probis, imposuisset hic fucus: Ecclesiæ definitioni esse acquiescendum. Nunc habenda est Papæ gratia, qui talem nobis instruxit pompam, quæ pueris quoque ipsis ludibrio futura sit. Nihil tamen aliud postulo à lectoribus, nisi, ut deposito in vtranque partem præiudicio, integri ad hanc disceptationem accedant. Quod ita demum fiet, si oculos à personis ad ipsius rei intuitum conuertant.

IN P R A E F A T I O N E M L E G A T O R V M, Q V A
vsi sunt prima Sessione: aliæque Concilij proemia.



BEnè habet. Tandem fatentur Romanenses, horrendam Ecclesiæ dissipationem, quam hodie boni omnes lugent, sibi magna ex parte ferri debere acceptam. Si quis non admodum astutus tam ingenuam confessionem audiat: protinus aliquid bonæ spei concipiet. Exhortationes verò, quæ postea sequuntur, studium non vulgare præferunt instaurandæ Ecclesiæ. Iam verò pars illa, ubi non alium esse admonent, qui lapsis rebus subuenire queat, quàm vnicum Pastorem Christum: hunc igitur implorandum esse vnum, huic auscultandum: feliciter cessura omnia, si actiones omnes moderetur, illisque præsidcat: alia omnia consilia, alias artes nihil esse, quàm rimosas cisternas, quæ diffluent: hominum prudentia nihil aliud, quàm magis iram Dei prouocari, & augeri malum potius, quàm sanari: pars, inquam, illa tota quantam pietatem spirat? Sed ex actis, quæ deinde secuta sunt, has fuisse voces frustra in aerè iactatas, apparet. Imò non expectant ipsi, dum ex actis fiat iudicium. Nam in salutis doctrina, quæ ipsi impijs sceleratisque suis commentis totam adulterarunt, in Sacramentis, quæ penitus vitata, prostituunt ad fœdam ac pudendam nudationem, nihil inueniunt apud se corrigendum. Quantulum igitur opis perditis rebus offerunt? Et sanè non est quòd à Tridenticulis, qui sub Neptuni auspicijs militant, quicquam expectemus, nisi aqueum: ubi scilicet suscipienda est corrigenda in melius Ecclesiæ cura. Nam si aduersus innoxios sit faciendum, & sancienda piorum sanguine impia sua tyrannis, toti mox erunt ignei. Quanquam Neptuni regnum hoc quoque redolet: albentes magno cum stri-

Stridore spumas agere: sed quæ suo ipsarum tumore elisa, mox flaccescant. Ergo simulac prima fronte sparserunt suos fumos, non dissimulanter ostendunt, quæ futurus sit actionum suarum status, quod ad præcipuum caput attinet: nempe, ut impietates suas omnes mordicus retineant: nos, qui nihil quàm Christum regnare cupimus, puram Euangelij doctrinam asserentes, hæretici iudicemur. Sic enim prius quàm ad cognitionem ventum sit, pronuntiant hæreticos esse, quicumque contra receptam Ecclesiæ Romanæ doctrinam aliquid mouere hoc tēpore ausi sunt. Quid hoc est? Totus orbis Christianus Concilium expectabat, in quo iusta de rebus controuersis disputatio institueretur: isti se non alium in finem sedere profitentur, nisi ut damnent quicquid non adlubescit. Proinde, nemo iam vltro se fallit: quādo ex ipsorum ore audimus, non, inquirendi causa, celebrari hanc Concilij pōpam, sed tantum, ut stabiliatur qualecunque fuit illud doctrinæ genus, quo monachi & sophistæ orbem imbuerunt: maneat ritus omnes, quacunque superstitione obrepserint: omnes conscientiarū laquei arctiore nodo stringantur. Et adhuc erit quispiam tam stupidus, qui malorum leuationem à Concilio petendam censeat? Totam pietatis doctrinam impijs dogmatibus vitiatam esse conquerimur: totum Dei cultum fœdis ac pudendis superstitionibus vitiatum: puram Sacramentorum institutionem horrendis sacrilegijs mutatam esse: eorum vsum ad profanas nundinationes conuersum: miseræ animas, quæ regi Christi doctrina debuerant, crudeli seruitute teneri oppressas: nihil in Christiana Ecclesia spectari, nisi de forme ac fœdatum: Christi gratiam non modò iacere semiseputam, sed partim iaceratam in frusta, partim extinctam penitus esse. Quod iustæ porro sint nostræ querimoniæ, iam tot annos, & libris editis, & quotidianis concionibus, palam facimus: parati etiam sumus, vbicunque data fuerit loquendi copia, planum facere. Ea enim est causæ nostræ bonitas, ut lucē minimè reformidet. Ac multæ quidem sunt hominum myriades, quibus hoc iam certò persuasum est: ut non aliam inquisitionem desyderent. Sed tamen, ne sublati dissidijs in sanctam concordiam iterum Christianus orbis coalescat, Synodus indicitur. An non discutiendæ prius erant controuersie, quàm sibi vel alijs præiudicarent? At nihil tale admittunt: quin potius, si quis pilum ex eorum institutis conuellere tentauerit, eum iam pro damnato habent.

En speciosa reformatio, cuius promissione hætenus mundum lætârunt: tot idololatriæ portenta, quibus deformata est Ecclesiæ Dei, tot superstitionum inquinamenta, tot sacrorum profanationes, tãtam errorū colluuiem non attingere: nihil minuere de tyrannico legum impiarum iugo, quibus illaqueatæ sunt miseræ conscientie: sed hæreticos iudicare, qui nouari aliquid cupiant. Vbi illa audientia, quam sibi multi nimium simplices pollicebantur? Quod si quæ eorum animos tãgeret religio, imo si quem omnino Deum esse putarent, an tanta securitate res tanti momēti, quasi per iocum, transilirent? Agitur Dei gloria, æternum Christi regnum, totius Ecclesiæ salus. Coguntur, ut aliquosque communibus Christiani populi votis morem gerant, Concilium habere. Præstantur tamen, ideo se venisse, ut spem emendationis prædicant. Tantundem enim valent eorum verba, ac si planè ac disertè negarent, fore in posterum melius. Neque tamen sic agendo, quicquam alienum designant sua persona: nihil enim in pietatis euersione, aut sacrorum corruptelis deplorent hodie boni omnes, cuius non illi, qui ad iudicandum sedent, culpam sustineant. Miramur ergo, si ipsi, dum rei aguntur, secundum se protinus, intacto

causa, ferunt sententiam? Sed hoc plusquam absurdum est, iudicandi potestatem ijs permitti, quorum crimen in iudicium adducitur. Et tamen, quid aliud proficiunt, nisi ut agnoscant oculati omnes, scelerum eos minimè poenitere, dum pertinaciter defendunt quicquid in illis accusamus? Neque enim efficient, ut rata sit eorum impietas, quia sunt ipsi obstinati.

Queret nunc quispiam: Quem igitur Concilij fructum ostentat? Nempe, ut compositus inter Principes Christianos bellis, tranquillâ reddant Ecclesiam. Nugâ. Quis enim nescit, Romanensis flabella esse concitandis bellorum motibus, quocunque eorum afflatus penetrauerit? Restat igitur, ut collapsam morum disciplinam, praesertim in suo clero, restituant. Quàm fideliter autem incubuerint in hanc partem, ex actis liquet. Viam enim illic patefaciunt, ut videbimus, qua liceat in posterum, quod semper licuit. Ne tamen nihil actum fuisse, quis putet tam sumptuoso apparatu, erit fortè in pileis, & calceis, reliquoque vestitu aliqua reformatio. Hunc in modum cum Deo & hominibus illudant, non pudet eos Prophetarum induere personas: ut tres Antichristi legatos dicas, tres esse illos intercessores, de quibus loquitur Ezechiel, qui ad iram Dei placandam, primi omnium se opponant. Commemorant humilem peccatorum confessionem: commemorant gemitus & lachrymas, poenitentiae signa. Vix à risu abstinuisse puto, cum lector ab ipsis subornatus hac recitaret. Quanquam dum histriones agere volunt, vox illis una interrim excidit, quæ mihi instar vaticinij cælestis videtur habenda. Quid enim prohibet, quominus, ut olim Caiphas, ita nunc quoque prophetent Christi hostes? Spiritum sanctum sibi non adesse affirmant, nisi se ipsi accusent: negant etiam adfuturum, quandiu recusabunt peccata sua audire. Oraculum accipio. Mentuntur quidem postea, se fletus videre, ut conuentum suum ornent. Sed cum res ipsa clamet, obstinatos sedere, id stabiliendum impietatis regnum, credamus eorum varicinio nihil minus, quàm à Spiritu Dei ipsos gubernari. Et quis non videat arcano Dei impulsu, quasi adhibita quaestione, coactos fuisse præter animi sui affectum ad hanc confessionem? Testis ab ipsis aduocatur Ezechiel: qui Deum responsa daturū negat populo, nisi suas patrumque suorum abominationes prius agnouerint. Vbi talis apud ipsos agnitio? Si eant igitur: aut fateatur se temerè cerebri sui figmenta proferre. Quod si nondum hoc omnibus persuadeo: meminerint saltem lectores, cum ad ipsam rerum tractationem ventum erit, iudicium ex ipsa veritate faciendum esse, an à Spiritus sancti afflatu prodierint ipsorum decreta. Antehac responsa Dei, sine exceptione, esse iactabant, quæcunque Synodo placuissent: nunc verò hæc illis vocem, tanquam maleficis in eculeo, Deus extorsit: hac nota discerni oportere, nunquid suæ Synodo præsideat Dei spiritus, si suis patrumque abominationibus damnatis, ad veram resipiscentiam conuersi fuerint. Quisquis sponte falli non volet, ad hanc regulam examinet quæ postea sequentur decreta. Nisi luce clarius ostendero, nihilò plus in illis fuisse resipiscentiæ, quàm in Israelitarum pessimis, habeant sanè quod postulant, Dei non hominum esse vocem. Ergo, ut libet, cum Efra, Nehemia, & reliquis populi veteris Ducibus, suam catervam conferant, sua & populi peccata, cum spiritu mæroris, se satis abundè de flere, per os lectoris, dicant: sit, inquam, illis impunita hæc licentia, ut sanctis Dei ministris tam atrocem contumeliam inurant, illos cum impuro porcorum grege comparando: & sic cis oculis, lachrymas suas impudenter iaculent: quid eum ipsis non liceat? &

tamen

tamen lectoribus non eripient hanc libertatem, quominus ex re ipsa fiat æstimatio potius, quàm ex verbis. Id verò perquam ridiculū, quòd postquā se abūdè in spiritu mæroris sua peccata deslere prædicarūt, postea se & alios hortātur, ut lachrymarū fontes aperiant. Obliviosum sanè rhetorem fuisse oportet, qui hanc illis declamationem composuit. Et quid si ipsos ludibrio, ut digni sunt, exponere voluerit? Fieri quidem potest, sed rem nihil ad me pertinentem omitto.

Piger singula persequi, neque opus est: nam ita laudes exhortationibus permiscant, ut nihil sit in utrisque nisi fictum, & simpliciter falsum. Quòd Ecclesias nostras accusant, quia pastoribus expulsis, laicos in eorum locum substituerint, ordines cōfuderint, Ecclesiastica bona diripuerint, cursum verbi Dei impediuerint, propterea est ac expedita ad tales criminationes responsio. Initio, pastores nominant, quos fugatos esse conqueruntur. Quousque autem titulo hoc se venditabūt, qui, præter argentei pedi insigne, nihil pastorale habēt? Ordinū confusio quam deplorant, nihil aliud est, quàm modica disciplinæ restitutio. Sacrosanctos enim se haberi volunt, iure vñctionis. Hoc priuilegio muniti, sua vitia attingi fas esse negant. Quare, modò liceāt illis omnia, nihil erit nō ritè ordinatum. Si violatur sacer ordo, perinde cōfusa sunt omnia, eorū quidem iudicio, ac si cælum rueret. De bonorum direptione, utinam nostris hominibus tam parata esset satisfactio coram Deo, quàm ingenua veraque aduersus illos defensio nobis constat. Oritur ventribus adeptas fuisse facultates, quas ingurgitabant, fateor. Videamus, an Ecclesiæ creptum quicquam fuerit. Cōstat certè à prædonibus fuisse occupatum, quod venerādi legati, Ecclesiæ nunc voce sua dedicant. Constat, non ad farciendam modò eorum ingluuiem fuisse insumptū, sed in scortationes, aleam, saltationes impudicas, & sumptus nihilò honestiores turpius dilapidatum fuisse. Pauperes negligebantur. A scholarū magistris potius aliquid emungebant, quàm ut stipendijs eos iuuarent. Nunc verò si nondum tam pura est sanctæque administratio, quàm optandum esset, p̃j saltem pastores aluntur, qui salutis doctrina pascant animas: aliquid in scholas impenditur: in pauperes erogatur plus decuplo, quàm habere solerent: confertur etiam nōnulla portio in alios vsu, nec profanos, nec reprehensioni obnoxios. En cur direptionis insimulent nostros homines. Sed quid de impedito verbi Dei cursu dicturus sum? Grauißimum est crimē. Proxus hæreo. Vos, ô nefarij, verā doctrinæ extinctores, sacrilegium, cuius rei estis coram Deo, & Angelis ipsius, totòque mundo, nobis audetis imputare? Neque tamen sic in tali cœtu locutos esse miror: ubi nihil sciebant futurum plausibile, nisi quod nequiter dictum foret.

Sed enim acceperunt alij monitores, quibus curæ fuit emēdare, si quid vel omisum, vel peccatum fuerat à Legatis. Extant aliquot orationes à monachis habuæ, quos credibile est veluti canales fuisse, quibus in ora patrum influxit spiritus sanctus. Vna etiam episcopi nescio cuius, qua nihil potest ineptius omnino fingi. Hæc porò omnium est summa: nos breuibus decretis obruendos esse: quia fixum manere oporteat, nihil in sua doctrina, antequam prodirent nostri, fuisse, nisi probum ac sincerum. Quia Dominum Iesaias murum, & antemurale Ierosolymæ fore promittit, Sotus quidam (quod nomen bardum, ac fatuum sonat lingua Gallica) duplex Ecclesiæ munimentum excogitat: ex diuinis & humanis legibus. Et in hoc tam stulto cōmento perinde exultat, ac si magnificum de nobis triumphum ageret. Egone, in exagitanda hac bestia, perderem operam, & tempus? Atqui, mihi plus satis

est, rem digito breuiter indicasse. Quia muro & Vallo muniuntur vrbes: Dominus se unum pro utroque fore denuntiat. Soti autem interpretatio vallum ad humanas leges transfert: nec aliter restitui posse Ecclesia ruinas docet, quam si interruptio à nobis facta sarciaur.

Alter quoque nomine Marinarius, ex culina Carmelitana fumos exhalat, nos libertatem Euangelicam omne genus corruptelis praeexere. Atque ut aliquid elegantiæ aspergeret suæ orationi, exclamat: O cœnum, ô labes. Tametsi nihil habeant frontis, negare tamen non audebunt, quin maior apud se grassetur vitiorum licentia. Plus certè apud nos esse veræ castæque seueritatis, & arctioris disciplinae, testes sunt quotidianæ nostræ conciones. Et tamen hunc canem cœno foetidi claustris emersum, nihil pudet ita nobis oblatrare. Atqui, votis abrogatis, refracto cœlibatu, sacris precibus contempnis, calcatis ieiunijs, reiectis patrū institutionibus, arripimus occasionem peccandi, quasi vitæ ducem. Qualis igitur Apostolorum fuit vita? quibus ignotus fuit cœlibatus, pro quo dimicant Papistæ: sub quibus nulla fuit unquam votorum mentio: qui nullam in ciborum delectu necessitatem imposuerunt conscientijs: qui contenti ea regula, quam Dominus præscripserat, nullos unquam legum aut traditionum laqueos inycere tentarunt. Nihil enim in nobis calumniatur, cuius non idem nobiscum crimen sustineant Apostoli. Quæ votorum genera improbemus, ex scriptis nostris constat. Quantā spurcitiarum colluiem orbi vniuerso intulerit eorū cœlibatus, quæ sancto coniugio mutatum cupimus, utinam minus esset notum. Cœlibatum in iunioribus viduis ut olim Paulus reprehenderet, hoc argumento adductus fuit, quia quædam ad Sathanam defecerant. Hodie plus esse in claustris monachorum & monialium obscœnitatis, quàm in vllis lupanaribus, satis compertum est. Quocumque penetrant sacrifici, signum aliquod suæ impudiciæ impressum relinquunt. Quasi in hunc solum finem prohibiti sint à cōiugio, ut libidinem suam vbivis profundam. Et tot experimenta non tantum apud nos valebunt, ut illis cœlibatus necessitas remittatur? Christiana ieiunia, & sacras preces à nobis damnari, improbè mentitur. Sed ideo securè facit, quia sciebat tantò se maiori cum plausu faciurum, quantò petulantior, in nos debacchando, foret. Et interim bonus Euangelicæ libertatis vindex, eius fructus, solatia, delicias, & fomenta vocat quicquid seruilium est superstitionum in papatu. Miramur non cœlitum quoque necitar & ambrosiā appellauerit. Quid hac pecude facias? Paulus Christianæ libertatis partem in libera rerum indifferentiū usurpatione positam esse docet: & quanquam externum vsum charitati subijcit, ut decet, conscientias tamē nullo vinculo patitur adstringi: ac sedulò admonet, cauendum esse iugum seruitutis, ne eo implicemur. Hic lepidus Veneris frater (nam ex mari ambo nomen habent) saluam fore negat libertatem, nisi infinitis ceremoniarum, legumque cumulis obruatur tandem exclamat, probatas nos patrum sententias, sacramenta, sanctorum honores, & quicquid sacri est, execrari. His figmentis solebant antehac plebeculas rerum omnium inscias in nos inflammare: nunc iudicare promptum est, quam alij de alijs opinionem mutuò habeant, cum ex tam illiberali mentiendi licentia, plausum captant in sacerrimo suo confesso. Qua in re, obsecro, minuius sanctorum honores, nisi quod idola fieri vetuimus? An hoc est honore sanctos afficere, ereptum Deo honorem in ipsos transferre, ut cum Deo promiscuè colantur? Id apud se fieri negabunt: quia latræ, & dulciæ vocabulis adhibetur discrimen. Egregia scilicet cauenda ido-

latria ratio, cum duabus oculis prorsus similes cultus, tanquam equos in eodem stabulo longioris distinguunt: & interim sanctos indifferenter cum Deo coli permittunt. Quid passim in populo Israelitico dantur Prophetæ? nisi quod suffitum adoleat suis idolis, quod sacras epulas instruat, ornet donarijs, sacella dicet, coram illis se prosternat? In his omnibus Israelitas superant Papistæ. Nam mortuis simulachris mortuorum, lapides ac cereos accendunt, suffitum aspergunt, solennibus epulis celebrant eorum memoriâ, altaribus imponunt oblationibus prosequuntur, circumferunt humeris in popa, longas ad ea visenda peregrinationes suscipiunt, coram illis prostrati adorant, simul & orant. Quinetiam mulierculæ & idiotæ ferè omnes, in oratio Hugone, vel Lubino, non alia precandi forma utuntur, quam quæ nobis tradita est à Filio Dei. Ita ligni truncus, erit illis cælestis Pater. Tam horrendis sacrilegijs adeò se nemo opponit, ut occinant sacrifici & monachi, Euge, euge. Et nobis magni criminis loco obijcitur, quod sacrosanctum Dei cultum stadiimus à tot profanationibus repurgare. Hinc nominamur sacrorum omnium hostes. Neque tamen quicquam nobis accidit noui: cum idem & Prophetæ, & Apostoli audierint. Alia conuitia non attingo, quæ ipsa rerum tractatione melius discutientur. Nisi quod vnum prætermitti non debet: nos nihil moliri aliud, nisi ut veteris & Apostolicæ Ecclesiæ prætextu, carnalem veteris Adæ filiam, Satanæque sponsam erigamus: piæ reformationis loco, Christianæ Reip. perturbationem, vitiorumque omnium licentiam ingeramus. Atque ut omnem defensionem nobis præcidat: hoc totum addit, euentum iam compertum esse. Qualem Ecclesiam votis optemus, Deus quidem præcipue nouit, ac nobis testis est: sed plurima etiam documenta mundo abundè testatum faciunt. Non aliunde certè, quam ex doctrina, & ex re ipsa iudicium verius ac rectius fieri potest. Nostra cum illorum scriptis conferat quisquis volet; tum ad rei inspectionem oculos conuertat: nihil dico amplius, nisi mox planum fore, quam iustis de causis Ecclesiæ defleamus interitum, & collapsum eius statum restitui flagitemus: in præscribenda autem ratione, quam nihil admisceamus carnalis vel prudentiæ, vel studijs: sed nostros omnes sensus, nostra consilia, studia, conatus referamus ad veram & unicam regulam. Quid porro tota eorum hierarchia, quam fastuose prædicant, consentaneum vel affine habet Christi & Apostolorum gubernationi? Imò quid non penitus aduersum? Sed ignoscendum est Marinario, qui dum ora patrum Tridentinorum intuetur, admiratione tanti splendoris raptus, Christum se videre & audire putat. Ita nihil mirum, si turbidas spumas pro verbis, ecstasticus homo euomat. Vos, inquit, patres dum contemplantur ecclesiastica dignitate præminentes, omni que doctrinæ genere insignes, vos mundi lumina & decora, Christum videre videor super aquas ambulantem, eundemque audire dicentem: Confidite: ego sum. Hæc causa est: scilicet, cur in nos tam atrociter inuehatur, quia diuinum illum Synodi Tridentinæ splendorem, ad quem obstupescit, nihilo plus facimus, quam puerile aliquod ludicrum. Ego autem tam sordidam adulationem quibus verbis insecter? Quanquam vix, in Carmelitæ persona, insectatione digna est: quando iam pridem assuefactus est orbis, ne quid ingenuitatis in eiusmodi mendicabilis requirat.

Inflat deinde suam buccinam Ambrosius Catharinus, ex ordine Dominicanorum, vetus ille Lutheri antagonista: quem ego putabam ante annos viginti pudore confusum, in obscuras latebras se abdidiisse. Tamen enim dedecore à Luthero, nouitio adhuc milite, prostratus fuerat, tam fuerat turpiter ordinum omnium consensu, exhibitus,

ut prodire in hominum cōspectum, si saperet, nunquam debuerit. Nunc autē, ut vi-
deo, bulla cōcilij publicata, quasi edicto iubileo excitatus, tanquā nouus homo, in
lucē rursus prodit: idē tamen est qui prius erat. Ergo qui Catharini insul sitates ali-
quando legerunt, nescirent putridum illud cadauer adhuc spirare, nisi concionē in
Synodo habitam legerēt, vbi Christi mater fidelissima eius socia vocatur, & assi-
dere fingitur eius throno, ut gratiā nobis impetret. Multi antehac, impudentie
suae frāna laxarunt. Sed qui sociā Christi nominaret, dum fictitijs titulis volunt or-
nare sanctā virginem, inuentum puto neminem fuisse. Et vocem adeo sacrilegā in
tali confesso prolata, & exceptam non paruo fauore, posteritas nunquam credi-
disset, nisi ab illis publicata fuisset oratio. Quid enim est Christum lacerare, si
hoc non est? Proinde, quod à Deo nobis aduocatam fuisse datā cōmemorat, perin-
de loquitur, ac si quod de Christo predicāt apostoli, in illā dimidia ex parte cōpete-
ret. Et se audet Simeoni comparare hoc silicernium: cum ille venerādus senex, in
vnicum Dei salutare, etiam nōdum reuelatum, toto animo intentus fuerit: huic au-
tem Christus vnus sit ex turba aduocatorum. Postquam ordinē in cōelo tam concin-
num statuit, ad terrenam hierarchiā delabitur: & alienum esse à Christi corpore
pronuntiat, quisquis recusat Paulo tertio subesse. Quid? Etiamne si inter impios
tanquam Diabolus quispiam, tenebit principatum? fieri inquit, aliter non potest,
quin Christi sit vicarius, qui Rom. sedem occupat. Nondum pudet istos nugatores
tam futilibus nanijis ludere, quas sciunt, ad radium vsque fuisse millies refutatis.
Quo tempore adhuc Romae erat Ecclesia & episcopatus, mentio primatus, qualem
nunc sibi arrogāt Romanenses, nulla fuit. Vnus enim Christi est vniuersalis epi-
scopatus, cuius partem in solidum singuli sibi pastores vindicant: ut est apud Cy-
priānum. Hāc verò appellatio si in hominem conferatur, Gregorius sacrilegam,
& nefariam, & scelestam, prānūtiāque Antichristi fore, passim testatur. Quid?
An à corpore resecti erant Africani, cum ne primi quidem aut summi episcopi
titulum Romano concederent? An ab Ecclesiae communione se abdicabat Cypria-
nus, cum Stephanum Ro. Episcopum non modò cogebat in ordinem, ut se docilem
suis collegis praeberet: sed erroris, inscitiae, & praefractae obstinationis illum damna-
bat? An faciēda à Christi grege discessionis auctor erat Hieronymus, cum super-
bia diuitiarum, vel paupertatis humilitate superiorem vel inferiorem episcopum
fieri, negaret: siue Romanus esset, siue Eugubinus? Sed enim ut, nobis annuentibus, in
tertium calum euehatur Ro. sedes: quā ridiculum est, Primatē episcoporū facere,
qui episcopo non magis est similis, quā lupo agno? Parum est, nihil in eo cerni
episcopale: verū cum sit professus Christi, & Ecclesiae hostis, etiamne Christi
vicarium agnoscemus? Quanquam has disputationes longius protrahere, non est
praesentis instituti. Et ex scriptis nostris petere satius est, quae ad hanc rem fa-
ciunt. Et ipsa Catharini verba nos admonent, diutius non esse hīc immorandum.
Nam simulatque peierauit, se minimē gratiam, adulando, aucupari, continuò subi-
cit: Sed ad rem. Quo verbo innuit, se extrā rem euagatum, & abs re locutum esse.
Ad rem verò ut nos reducat, nulla spes est, nisi prius ad sanam mentem redeat.

Si leonem ab vnguibus aestimare placet: iam habent lectores, quid de Triden-
tino cōcilio sentire debeat. Nam credibile est ex monachis, qui affuerunt, hos, qui-
bus potissimum datus est declamandi locus, habitos fuisse primarios, & quasi
selectū florem. Eosdē ergo sciamus esse, ex quorum ingenio prodierunt decreta: qui
patribus

patribus cornutis diclarunt, quod tacito nutu, quasi muta personæ, approbarent. Quò recidimus? Vt pro diuinis oraculis habenda sint quæcunque talibus bestiis libuerit, obstrepera voce, in aliorum aures demurmurare? Quanquam non sum adeò rerum ignarus, vt credam orationes, quæ istorum nomine editæ sunt, qualescunque sint, ab ipsis fuisse cõpositas. Habent enim suos logodædalos, quibus suas insulitates, ne risum pueris moueant, aliquo verborum colore fucandas tradunt. Sed fingamus nihil esse, quod non industria sua limaerint: id tamẽ in magno lucro ponendum est, tale extare specimẽ, in quo formidabilis illa Papatus sapientia appareat.

Nec verò prætereundus est episcopus nescio quis, Cornelius nomine, qui vt superiores omnes dignitate, ita & stultitia longè superat. Si quid aliàs graue esset, aut serium in actionibus Synodi, huic diceret attributas esse morionis partes in fabula: sed quia dubium non est, quin delectus fuerit hic vnus inter episcopos, in quo totus ordo sua decora ostentaret, nisi eos sui pigeat iam ac pudeat, vehementer me ipsorum miseret. Vnum est, quod illis perstringere queat oculos, quòd flosculos omnes vndique collegit: imò quicquid vnquam elegantia didicerat, sedulo in suam orationem infercijt, vt se pro diserto venditaret. Ac per me sanè licebit, vt se putet disertissimum, suisque talis videatur. Ciceroni quidem valde familiarẽ fuisse oportet, ex quo tanta fiducia laceras sententiàs mutuatur: ex quibus suã orationem malè consarcinet. Verum, vt scurrili more ludendo, emendicatam illam suam garrulitatem ad opprimendum Christi regnum contorqueat, & Scripturam pro libidine profanet, id verò nullo modo ferendum. Quoniam singula notare infiniti esset operis, gustum ex paucis capiant lectores. Postquam hilaris orator triplici gaudio perfudit auditorium, sibi & socijs gratulatur, quòd oculis iam videant, & manibus tangant beatam illam spem, quam multi videre cum cuperent, non potuerunt. Quod partim de priore Christi in mundum aduentu, partim de vltima reuelatione, quam adhuc expectamus, dictum est, quis pius sine stomacho audiat ab isto insano ad Tridentinã colluuiẽ transferri? Et ne quid ad impudentiæ cumulum deesset, tertium membrum ex vndecimo ad Hebræos capite, de vltima fidelium perfectione assuit. Post hac præludia, quid non sibi licitum putaret? Itaque non dubitat Christum nudare, vt eius spolijs Papam suum ornent. Papa, inquit, lux venit in mundum. Os sacrilegum, tunc sacrosancto illo elogio, quod non nisi in Filium Dei competebat, foetidum illud tuum monstrum commendabis? Si quem esse Deum crederes, annon ipse nefaria vocis sonitus te subito horrore perculisset, ac reddidisset attonitum? An si quis in præclara illa Synodo fuisset pietatis sensus, tanta non modò Scripturæ profanatio, sed in Filium Dei contumelia non omnes iracundia inflammasset? Et adhuc Spiritum sanctum iactabunt præsidere, vbi Redemptor noster ita impurè illuditur? Quid enim illo honore magis Christo proprium? vt Euangelista nominatim Baptistam, vel potius sub eius nomine vniuerso smortales ipsos excludens, illi vni asserat. Illic autem clamat, Filium Dei lucem nostram ex cælo apparuisse. Eiusmodi est sententia, quæ excitare pios omnes animos ad summam reuerentiam debeat. Excipitur autem à Synodo quasi ludicrũ aliquod dicterium. An satis, pro indignitate, exagitari posset tanta impietas? Sed bene est, quòd non multis verbis indigent lectores, vt eam suo pondere examinent. Quamobrẽ & reliqua omnia leuiter percurram. Cum in laudes Pauli tertij erupit, dicas eum ex pleno fonte haussisse quod profert: tantum est verborum profluvium.

Fortissimus, inquit, & optimus post hominum memoriam, quem gentium omnium lingua celebrabunt: de cuius laudibus nulla vnquam ætas conticescet. Legerat hæc apud Ciceronem. Eleganter putauit dicta esse, vt sunt: modò aptè accommodentur. Sed quàm bene quadrent Paulo tertio, testes sint eorum conscientia, qui vel eius tyrannidi sunt addictissimi. Ineptus nimis sim, si singula encomia persequar quibus detonandis hic nugator guttur suum exercet. Postquam mirabili Dei providentia conseruatum fuisse dixit, vt fide, sapientia, potestate sua nos bearet, iubet venerandos patres, tripudiantium more, exclamare: *Viuat sanctissimus. Viuat ecumenicus. Viuat Apostolicus.* O bone patercule, quantò præstaret te sanum esse, quàm non mortuo solum, sed exitiali pestiferoque monstro occinere illud tuum, *Viuat!* Nam quòd postea cælo dignum prædicas, nescio an intelligas quòd omnes iudicant: terra esse indignum. Sed in eo vehementer errasti, quòd procul à cælo, debueras suam illi stationem assignare. De reliqua laudum congerie, quibus idolum suum onerat lepidus encomiastes, hoc tantum habeo quòd dicā. Vetus fortè prouerbum audierat: Dulcis canilena, laus. Nō animaduertit, quorsum spectaret. Itaque, vt suavis orator videretur, totum se in laudes profudit. Inde transit ad Synodū: & ex tribus legatis vnum facit cœlestem, Cardinalem scilicet à monte, quem omnes truculento ingenio, ferisq; moribus esse norunt: secundum Christianæ politia seuerum exaetorem: qui vtinam à suo cubiculo inciperet: tertium, Angelum: qui vtinam ambitionem, præcipuam carnis partem, exuisset. Tandem illi Concilium est noua Ierusalem: & quid nō? Hoc scilicet profectum est graui illa obtestatione, qua vsi fuerāt legati, ne quispiam laudaretur. Verum, illud per quàm facetum, quòd cum hæc omnia dicturus esset, indignationem suorum deprecatur. Nemo, inquit, vestrum mihi succenseat. Nam meliora sunt vulnera diligentis, quàm fraudulenta oscula odientis. Immites sanè, & formidabiles esse bestias oportet, si tam blandis palpationibus irritantur. Quid enim facerent durius lacebitæ? Postea, quasi placatis illis, securus exultat. Venimus, vidimus, vicimus. Potuit hoc quidem iactare Caesar. Sed quàm ridiculi sunt isti pæanes in vmbra vallis Tridentinæ, extra hostis conspectum? Velim enim scire, quid viderint, vt vincerent. Periculum est, ne me calumniari excipiat: cum ratio mox sequatur, apertis Concilij foribus, apertas esse fores cœli: nempe, nisi omnibus palam esset, quantum inter Concilium & cælum intersit. Sed homini deliro concedendum est, si extra metas vagatur. Proinde sibi gratulatur, restitutam esse Ecclesiam, quæ iam ad interitum inclinauerat, nisi noua lux Dei, & eius qui ad Deum proximè accedit, Pauli tertij oblata esset. Quid? etiāne Angelis, etiāne Prophetis, & Apostolis superior est Paulus? Video, quid sit. Legerat Ciceronem: quem paulò deterius imitatur, quàm hominem simia). populo Rom. sic aliquando fuisse adulatum. Tam bellum dicerium perdere noluit. Sed interim, quæ pia mens non talem blasphemiam execretur?

Quis Spiritū Synodo abesse neget, quem talibus flabellis videmus excitari? Quanquā episcopus, de sanctissimi Pauli & patrum clemētia, magnificè cōcionatur; prædicat enim Paulū sui oblitum, nostri memorem, nihil nisi humanum & paternum meditari. Atque hoc quidem sperabimus, adeò māsuetum esse Pauli animum, vbi ipsum sui oblitum esse apparuerit. Fucus tamen iste aliquantò est tolerabilior, quàm crudele incitamentum rhetoris, non dico cuius (nomen enim, honoris causa, taceo) qui fortè veritus, ne scribendis sanguinarijs decretis parum audacter forent

forent Tridentini, eos ad audendum hortatur: & simul atque iusserint, paratas fore carnificum manus promittit. Itane verò ut tu, qui nescius non es, indignis modis tractari innoxios: & qui potius, si quem haberes conscientia sensum, caput tuum opponere debueras, acuire ad seuitiā non dubites, qui iam toti ardent immani ac belluina rabie? Adeone sensus omnes tuos profanauit aer Italicus, ut non cogites Filium Dei, cuius agitur causa, iustum aliquādo fore iudicē? An oblitus es, quanti regnum suū faciat, quod Euangelij prædicatione continetur? An memoria non tenes, quā seuerū se, vel imminutā Patris gloriæ vindicem denuntiet? Quibus eloquentiæ picturis horribiles illas minas delebis, quibus aduersus perfidam simulationem fulminat? Quæ tāta amentia te excacauit, ut calcare pedibus sacrum martyrum sanguinem non verearis, quem sibi non frustra asserit esse pretiosum? Vna denique ista vox tibi horrorem nō incutit? Væ qui mentiuntur lucem esse tenebras. Ego verò, Ies. tua causa totus ex pauesco, dum formidabilem illam ultionem mente concipio, quæ te breui manet, nisi in viam redeas. Atq; ideo tibi non parco, ut Deus parcat: sed ita est profectò, meretricias tandem rhetorū linguas fieri oportet, ubi semel meritoria esse coeperunt. Quod si illi ad maledicendum sunt disertī, nos, ad reprimendam eorum virulentiam, mutos esse non conuenit. Turpis enim ignauia esset, dum martyrum memoriam (quam, ut inter pios benedicta esset, ore suo Dominus consecrauit) quibus possunt probis lacerant, nos dissimulando, id pati: perfidia verò nimis flagitiosa, dum æternam Dei veritatem (cuius defensio nobis tantopere commendatur) infamant, nos tacendo, velut eam prodere. Sed iam ad secundā Sessionis decretum, tanquam ad primum fabulæ actum veniamus.

DECRETVM PVBLICATVM IN SECVNDĀ SESSIONE sacri Concilij Tridentini, Die vij. Ianuarij. 1546.

Sacrosancta Tridentina Synodus, in Spiritu sancto legitime congregata, in ea Presidentibus eisdem tribus Apostolicæ Sedis Legatis, agnoscens cum beato Iacobo Apostolo, quod omne datum optimum, & omne donum perfectum desursum est, descendens à Patre luminum, qui ijs, qui postulant à se sapientiā, dat omnibus affluenter, & nō impropert eis, & simul sciens, quod initium sapientiæ, timor Domini: statuit & decreuit omnes & singulos Christi fideles in ciuitate Tridentina congregatos, exhortandos esse, prout exhortatur: ut se à malis & peccatis hætenus commissis emendare, ac de cæterò in timore Domini ambulare, & desideria carnis nō perficere, orationibus instare, sapius confiteri, Eucharistiæ sacramentum sumere, Ecclesias frequentare, præcepta denique Dominica (quantū quisque poterit) adimplere, necnon quotidie pro pace Principum Christianorū, ac vnitāte Ecclesiæ, priuatim orare velint. Episcopos verò, & quoscunque alios in ordine Sacerdotali constitutos, œcumenicum Concilium in ea ciuitate celebrantes, ut assiduè Dei laudibus incumbere, hostias, laudes & preces offerre, sacrificium Missæ quolibet saltem die Dominico (in quo Deus lucē condidit, & à mortuis resurrexit, ac Spiritū sanctū in discipulos infudit) peragere satagant: facientes sicut idem Spiritus sanctus, per Apostolum, præcepit, obsecrationes, orationes, postulationes, gratiarum actiones, pro sanctissimo D. N. Papa, pro Imperatore, pro Regibus, & cæteris, qui in sublimitate constituti

sunt, ac pro hominibus: vt quietam, & tranquillam vitam agamus, pace fruamur, & fidei incrementum videamus. Præterea hortatur vt ieiuent, saltem singulis sextis ferijs, in memoriam passionis Domini, & eleemosynas pauperibus erogent. In Ecclesia autem cathedrali, singulis quintis ferijs, celebretur Missa de Spiritu sancto, cum latanijs, & alijs orationibus ad hoc institutis. In alijs verò Ecclesijs, eadem die dicantur, ad minus lataniæ, & orationes. Tempore autem, quo sacra peraguntur, colloquutiones, & confabulationes non fiant: sed ore & animo, celebranti adsistatur.

Et quoniam oportet Episcopos esse irreprehensibiles, sobrios, castos, domui suæ bene præpositos, hortatur etiã, vt ante omnia, quilibet in mensa, seruet sobrietatem moderationemque ciborum. Demum, quum in eo loco sæpe otiosi sermones oriri soleant, vt in ipsorum Episcoporum mensis, diuinarum Scripturarum lectio admisceatur: familiares verò suos vnusquisque instruat & erudiat, ne sint rixosi, vinosi, impudici, cupidi, elati, blasphemii, & voluptatum amatores: vitia demum fugiant, & virtutes amplectantur, & in vestitu & cultu, & omnibus actibus, honestatem præ se ferant, sicut decet ministros Dei.

Ad hæc, cum huius sacrosancti Concilij præcipua cura, sollicitudo, & intentio sit, vt propulsatis hæresum tenebris (quæ per tot annos operuerunt terram) catholica veritatis lux (Iesu Christo, qui vera lux est annuente) candor, puritasque refulgeat: & ea quæ reformatione egent, reformentur: ipsa Synodus hortatur, omnes catholicos, hîc congregatos, & cōgregandos, atque eos præsertim, qui sacrarum literarum peritiam habent, vt sedula meditatione diligenter secū ipsi cogitent quibus potissimum vîs & modus, ipsius Synodi intentio dirigi, & optatum effectum sortiri possit: quò maturius, & consultius damnari dammanda, & probanda probari queant: vt per totum orbem omnes vno ore, & eadem fidei confessione glorificent Deum, & Patrem Domini nostri Iesu Christi.

In sententijs verò dicendis, iuxta Toletani Concilij statutum, in loco benedictionis confidentibus dominis sacerdotibus, nullus debeat aut immodestis vocibus perstrepere, aut tumultibus perturbare: nullus etiam falsis, vanisve aut obstinatis disceptationibus contendere: sed quicquid dicatur, mitissima verborum prolatione temperetur: vt nec audientes offendantur, nec recti iudicii acies perturbato animo inflectatur.

Insuper, ipsa sacra Synodus statuit, ac decreuit, quòd si forte contigerit aliquos debito in loco non residere, & sententiam etiam sub verbo Flacet proferre, congregationibus interesse, & alios quoscunque actus facere, Concilio durante: nulli propterea præiudicium generetur, nullique nouum ius acquiratur.

IN DECRETVM SECVNDÆ SESSIONIS.



Via honorabile esse Concilij nomen sciunt: commendationem inde sibi accersunt apud bonos viros, quibus sunt ignoti: nam dum intumescunt istæ ampullæ sacrosanctæ, œcumenicæ, & vniuersalis Synodus, in Spiritu sancto legitime congregata: perstringunt simplicium oculos. Verum, vt Christiana modesta est, Ecclesiæ auctoritatem vereri: ita & prudentiæ est circumspicere, ne fallaci prætextu nobis Satan illudat. Quanquam hîc non tam exacta
pru-

prudētia opusest. Neq; enim, vel à præstigijs vel ab occultiore aliquo astu nobis cauendum est. Tantū aperiāmus oculos, & perspiciemus nihil esse quod tam splēdidis titulis obtendunt. Cum publicarent hoc decretū, viginti forte episcopi sedebant. En cur vniuersalem Synodum se appellent: nec eo contenti, quò magis terreāc ignaros, nomē Græcum vsurpant, quasi vox ignota vim habitura sit magicæ incantationis. Sed quid tamen valet œcumenica Synodus? Perinde ac si quis dicat, vndique Tridentū confluisse episcopos, quaquauersum habitatur orbis. At si prouincialis foret Synodus, deberet eos pudere suæ paucitatis. Vnde autem, aut quo iure sancta crosanctam hanc Synodū censebimus? Quousque tandem sibi ducent cum pueris esse negotium, vt crepitaculis risu dignis maiestati sibi concilient? In Spiritu sancto ritē se esse congregatos, vnde nobis fidem facient, nisi forte ex bullari indictione? Quasi verò semper fascinatas hoc stupore teneant hominum mentes, Spiritum sanctū è cœlis elici, Papæ nutu. Quo tēpore habita sunt concilia, quibus ipsi primarium honorē deferre coguntur, nulla penes Rom. episcopum indictionis erat potestas. Sed eum Imperator cum reliquis, sua edicto conuenire iubebat. Hoc fuisse obseruatum, non in quatuor solum magnis concilijs, quæ vocant, sed etiam in plurimis alijs, vetusta acta, quæ adhuc supersunt, & omnes historiæ testantur. Ac ne causentur indictionē fuisse parū legitimā: id Leonis epistolis refellitur, quibus suppliciter petit à Theodosio, Valēntiniano, & Marciano, Augustis, vt, pro Imperatoria potestate, locū, & diem episcopis edicant. Idē & Gregorius aliquanto pōst à Mauricio petijt.

Verū tres sedes Apostolicæ Legati, Spiritum sanctam forsan attulerunt. Si ita est, non fuit Synodus Nicena ritē cōgregata: quæ Romanæ Ecclesiæ legatos in quartum locū reiecit. Quid de Aquileiensī dicendum, quæ cū in Italia celebraretur, essetque vniuersalis: nullā facit Rom. episcopi mentionem? Si non est ritē constitutus ordo, nisi præsideant Papæ legati, quid respondebunt Africani, qui duobus Bonifacij legatis Philippo, & Ascello postremū locum assignarunt, quòd presbyteri tantū essent, non ex ordine episcopali? Nunc Romanæ Ecclesiæ diaconus, modò rubro pileo sit insignis, altus eminebit super omnium episcoporum capita. Tamen si, quem quisque inter eos gradum obtineat, mea nihil refert: nec ea de causa illi molestus ero. Vn faciliè patiar mitras à galeris vinci: modò ne Spiritum sanctum laruis nuper à se cōpositis alligent: vt vbicunq; cōspectus fuerit purpuræ fulgor, Synodus sit ritē cōgregata. Et tamen si hanc nobis legē imponunt: cur Synodus Basiliensis legitima, illorū iudicio, nō habetur? Quis ferat tantam impudentiā, vt Spiritum emittat homo, & quoties libuerit reuocet? Proinde vt vero argumento persuadeant, Spiritum Dei suum esse præsidem, in primis probēt necesse est, Christi nomine & auspicijs, se esse congregatos.

Atqui longè secus esse, acta clamitant: nam simul ac buccas ita inflarunt, primū nihil dignū proferunt tanto hiatu: deinde primo statim ingressi, quod sibi videntur habere optimum, ex crassissima superstitionum fece hauriūt. Ac de priore quidem parte, quā flaccidi sunt & emortui, omnique Spiritus energia vacui in primo suo decreto, lectoribus iudicium relinquam: quia nemo est medioeri intelligentia præditus, qui non per se animaduertat. Secundam attigisse sufficiet: quia ex breui indicatione iudicium facere promptum erit. Episcopos, & sacerdotes concilium celebrantes, hoc est, seipsis, hortantur, ad peragendum, quolibet saltem Dominico die Missæ sacrificiū. En præclara reformationis initia. Clamamus, missale sacrificiū,

nihil aliud esse, quàm impiam Cœnæ Dominicæ profanationē. Idque ex claris Domini verbis planum facimus. Neque enim sacrificandi partes nobis iniungit in sacra Cœna instituenda: sed ad participandum, quod ipse vnus & semel obtulit sacrificiū, nos inuitat: distributionem fieri præcipit: vtroque symbolo cōmunicare omnes pariter iubet. Neque enim obscura sunt verba: Accipite: distribuite inter vos: bibite ex hoc calice omnes. Quid simile inter eiusmodi actionem, quæ Domini mandato respondet, & Papalem Missam? vbi se Christū Patri offerre fingunt, ad expianda suo sacrificio mundi peccata: neque id solū, sed etiā ad impetrandam mortuis redemptionem: vbi nulla sit ad participationem inuitatio: sed potius vnus se à toto grege separat: quod si quis fortè accedit, à dimidia parte arcetur. Olim cū minor esset populi frequentia, dicebat Chrysostomus: Frustra ergo astamus ad altare. Dicebat hoc, qui iam tamen assueuerat multis corruptelis. Quid dicturus est Dominus, non corrupta modò, sed euerfa prorsus sua institutione? Eant igitur, & magis magisque suo sacrilegio iram Dei iam plus satis concitatum, rursus de-integro inflamment. Secūdò hortantur, vt singulis saltem ferijs sextis, in passionis &c. memoriam. Hoccine est, quod de obseruatione dierum docet Paulus? Hoccine est quod deciborum delectu admonet, eadem ad Colossenses epistola? ^{id est non debet esse} hoc est, commentitium Dei cultum, qui vtcunque speciem habeat sapientiæ, quia tamen pendet ex hominum placitis, vnà cum cibis ipsis euanescit, qui vsu ipso pereūnt. Vbi quaeso, legerunt, Dominum talem commendasse mortis suæ memoriam? Quin potius moriendo, quicquid tale est, abrogauit. Quid ergo de preparationibus istis dicendum, quibus Spiritum sanctum elicere de cœlo volunt: nisi fatuas esse superstitiones, de quibus ad focum, sedentes cum lana & colu aniculæ fabulantur? His demum adiungunt litanias: hoc est, centones ex totidem blasphemijs confutos, quos verbis. Quo enim colore excusabunt, quod cū de Christi intercessione illic altum sit silentium, aduocatorum sibi centurias, ex quibus volunt mortuis, deligunt? Quid hoc, vel cum Scripturæ doctrina, vel cum veteribus piorum institutis simile habet? vt præterito vno Dei & hominum mediatore, nominatim enumerent quos sibi finxerunt pro suo arbitrio: & tandem vniuersum sanctorum chorum, quasi vno fasciculo colligatum inuocēt? Vt discedere sibi permittant à pura Euangelij doctrina: certè quo tempore eò usque inualuerat superstitio, vt rectam lineam tenere non possent sancti pastores, disertis tamen verbis prohibitum fuit in concilio Carthaginensi, ne sancti ad altare inuocarentur: & ne hanc vocem proferrent sacerdotes, Sancte Petre, vel Paule ora pro nobis. Qualis nunc ab his speranda reformatio, qui à corrupti seculi vitijs tantopere in peius degenerant?

PRIMUM DECRETVM PVBLCATVM IN TERTIA Sessione Tridentinæ Synodi, die Iouis, iij. Februarij. 1546.



IN nomine sanctæ & indiuiduæ Trinitatis, Patrū, & Filij, & Spiritus sancti. Hæc sacrosancta, œcumenica, & generalis Tridentina Synodus, in Spiritu sancto legitimè congregata, in ea præsidentibus eisdem tribus Apostolicæ sedis Legatis: magnitudinem rerum tractandarum considerans, præsertim earum, quæ duobus illis capitibus de extirpandis hæresibus, & moribus reformatendis continentur, quorū causa præcipuè est congregata: agnoscēs autem,

autem, cum Apostolo, non esse sibi colluctationē aduersus carnem & sanguinem, sed aduersus spirituales nequitias in cœlestibus: cum eodem omnes & singulos in primis hortatur, ut confortentur in Domino, & in potentia virtutis eius, in omnibus scutū fidei, in quo possint omnia tela nequissimi ignea extinguere, atq; galeā spei salutis accipiant, cū gladio spiritus, quod est verbū Dei. Itaq; ut hæc pia eius sollicitudo principii & progressum suum per Dei gratiam habeat, ante omnia statuit & decreuit, præmittendam esse confessionem fidei, patrū exempla in hoc sequuta, qui sacratoribus Cōcilijs hoc scutū contra omnes hæreses in principio suarū actionū opponere consueuere: quo solo aliquando, & infideles ad fidē traxerunt, hæreticos expugnarunt, & fideles confirmarunt. Quare Symbolum fidei, quo sancta Romana Ecclesia vtitur, tanquam principium illud, in quo omnes, qui fidem Christi profitentur, necnon conueniunt, ac fundamentum firmum & vnicum contra quod portæ inferi nunquam præualebunt, & totidem verbis, quibus in omnibus Ecclesijs legitur, exprimendum esse censuit: quod quidem eiusmodi est:

C R E D O in vnum Deum Patrem omnipotentem, Factorem cœli & terræ, visibilibus omnium, & inuisibilibus. Et in vnum Dominum Iesum Christum Filium Dei vnigenitum, & ex Patre natum ante omnia secula, Deum de Deo, Lumen de lumine, Deum verum, de Deo vero, Genitum non factum, consubstantialē Patri, per quem omnia facta sunt. Qui propter nos homines, & propter nostram salutem descendit de cœlis: & incarnatus est de Spiritu sancto, ex Maria virgine: Et Homo factus est, Crucifixus etiam pro nobis sub Pontio Pilato, passus, & sepultus est, & resurrexit tertia die, secundum Scripturas, & ascendit in cœlum, sedet ad dexteram Patris: Et iterum vēturus est cum gloria iudicare vivos, & mortuos: cuius Regni nō erit finis. Et in Spiritum sanctum Dominum, & viuificantem, qui ex Patre, Filioque procedit, qui cum Patre, & Filio, simul adoratur, & conglorificatur, qui locutus est per Prophetas. Et vnam sanctam catholicam, & Apostolicam Ecclesiam. Confiteor vnum Baptisma, in remissionem peccatorum: & expecto resurrectionem mortuorum. Et vitam venturi seculi. Amen.

Eadem Sacrosancta œcumenica, & generalis Tridentina Synodus, in Spiritu sancto legitimè congregata, in ea præsidētib; eisdem tribus Apostolica sedis Legatis, intelligēs multos Prælatos, ex diuersis partibus accinctos esse itineri, nonnullos etiā in via esse, quò huc veniāt: cogitāsq; omnia ab ipsa sacra Synodo decernenda, eò maioris apud omnes existimationis, & honoris videri posse, quò maiori fuerint, & pleniori patrū Cōcilio, & præsentia sancita, & corroborata: statuit & decreuit futuram Sessionem, post præsentem celebrandā esse die Iouis, quæ subsequetur Dominicam Latere proximè futuram. Interim tamen, non differri discussionem & examinationem eorum quæ ipsi Synodo discutienda & examinanda videbūtur.

IN DECRETVM TERTIÆ SESSIONIS.

Dicas, altum nescio quid velle excudere venerandos patres, cū de Spirituali armatura ex Paulo concionantur. Sed ex monte inflato, præter inanē fumū, nihil tandē prodit, quod saltē præsentī necessitati seruiat: nā fidei cōfessionī duntaxat subscribūt quæ in tēplis canitur. Initio Ianuarij primū decretum publicauerant: huius secundi publicationem differunt in Februarium.

Quid tam longa consultatione opus fuit in re liquida? An verò mensis vnus fuit hæc inquisitio? Valde sedulos, & laboriosos in rebus arduis esse oportet, qui, vbi nihil est negotij, tandiu occupantur. Ergo, quasi non frustra tempus consumpserint, vbi dies aduenit, consedere duces, & vulgi stante corona, alta voce pronuntiant se credere, de quo nihil esse controuersæ, sciebant omnes. Hoc dicent ex ritu, institutóque veteri fuisse factum. Atqui, an nullius difficultatis ceremoniola menssem integrum requirebat? Nimis certè puerilis est hic fucus, dum sedet ad nihil dicendum, quò probent, se non fuisse otiosos. Sed qua grauitate pronuntiant? Symbolum, inquit, profiteamur nos credere, vt est in Missali. Vt eorum ineptias non exagitem, mirũ nisi eos sponte sui pudeat. Quòd multos prælatos putabant ex varijs partibus accinctos esse itineri, eos fefellit opinio. Nam ad exiremiũ vix ad quadraginta fuerunt collecti. Quare illã existimationem, quam sperabant ex magno numero, perdiderũt. Tametsi, mea opinione, sibi sunt iniuri, dum paucitati suæ detrachunt: nam tanti apud me est ipsorum authoritas, vt si quingentos præterea haberent sui similes, ne minimum quidem momentum accessurum sit ad pondus.

PRIMUM DECRETVM IIII. SESSIONIS
viij. Aprilis, 1546. cele' rata, Concilij, Tridentini.



Acrosancta, æcumenica, & generalis Tridentina Synodus, in Spiritu sancto legitimè congregata, præsidentibus in ea eisdem tribus Apostolica sedis Legatis: hoc sibi perpetuò ante oculos proponens, vt sublatis erroribus, puritas ipsa Euangelij, in Ecclesia conseruetur, quod promissum anie per Prophetas, in Scripturis sanctis Dominus noster Iesus Christus Dei Filius proprio ore, primũ promulgauit: deinde per suos Apostolos, tanquã fontem omnis, & salutaris veritatis, & morum disciplinæ, omni creaturæ predicari iussit. Perspicieñsque hanc veritatem, & disciplinam contineri in libris scriptis, & sine scripto traditionibus, quæ ipsius Christi ore ab Apostolis acceptæ, aut ab ipsis Apostolis, Spiritu sancto dictante, quasi per manus traditæ, ad nos vsque peruenerunt, orthodoxorũ patrum exempla sequuta, omnes libros, tam veteris, quàm noui Testamenti, quũ vtriusque vnus Deus sit author, necnon traditiones ipsas, tum ad fidẽ, tum ad mores pertinentes, tanquam, vel ore tenus à Christo, vel à Spiritu sancto dictatas, & continua successione in Ecclesia catholica conseruatas, pari pietatis affectu, ac reuerentia suscipit, & veneratur. Sacrorũ verò librorũ indicem, huic Decreto ascribendum censuit, ne cui dubitatio suboriri possit, quinam sint, qui ab ipsa Synodo suscipiantur. Sunt verò infra scripti, Testamenti veteris, quinque Moyses, id est, Genesis, Exodus, Leuiticus, Numeri, Deuteronomium: Iosueh, Iudicum, Ruth, Quatuor Regũ, duo Paralipomenon, Esdræ primus, & secundus qui dicitur Ieemias, Thobias, Iudith, Hester: Iob, Psalterium Dauidicum, centum quinquaginta Psalmorum, Parabola, Ecclesiastes, Canticum canticorum, Sapientia, Ecclesiasticus: Esaias, Hieremias, cum Baruch, Ezechiel, Daniel: duodecim Prophetæ minores, id est Oseas, Ioel, Amos, Abdias, Ionas, Micheas, Naum, Habacuh, Sophonias, Aggeus, Zacharias, Malachias, duo Machabeorũ, primus & secundus. Testamenti noui, quatuor Euangelia: secundum Matthæum, Marcum, Lucã, Ioannem: Actus Apostolorũ à Luca Euangelista conscripti: Quatuordecim Epistolæ Pauli Apostoli:

Apostoli: ad Romanos, duæ ad Corinthios, ad Galatas, ad Ephesios, ad Philippenses, ad Colossenses, duæ ad Thessalonicenses, duæ ad Timotheum, ad Titum, ad Philemonem, ad Hebræos: Petri Apostoli duæ, Ioannis Apostoli tres, Iacobi Apostoli una, Iude Apostoli una: & Apocalypsis Ioannis Apostoli. Si quis autem libros ipsos integros cum omnibus suis partibus, prout in Ecclesia catholica legi consueverit, & in veteri vulgata Latina editione habetur pro sacris & Canonicis, non susceperit, & traditiones predictas sciens & prudens contempserit, Anathema sit. Omnes itaque intelligant, quo ordine, & via ipsa Synodus post iactum fidei confessionis fundamentum, sit progressura, & quibus potissimum testimoniis, ac presidijis in confirmandis dogmatibus, & instaurandis in Ecclesia moribus sit usura.

Secundum Decretum eiusdem quartæ Sessionis.

I*n super eadem sacrosancta Synodus, considerans non parum utilitatis accedere posse Ecclesiæ Dei, si ex omnibus Latinis editionibus quæ circumferuntur sacrorum librorum, quænam pro authentica habenda sit, innotescat: statuit, & declarat, ut hæc ipsa vetus & vulgata editio, quæ longo tot seculorum usu in ipsa Ecclesia probata est, in publicis lectionibus, disputationibus, predicationibus, & expositionibus, pro authentica habeatur, & quod nemo illam rejicere quovis preætextu audeat, vel præsumat.*

Præterea ad coercenda petulantia ingenia, decernit, ut nemo suæ prudentiæ innoxius, in rebus fidei, & morum ad ædificationem doctrinæ Christianæ pertinentium, sacram Scripturam, ad suos sensus contorquens, contra eum sensum, quem tenuit & tenet sancta Mater Ecclesia, cuius est iudicare de vero sensu, & interpretatione Scripturarum sanctarum, aut etiam contra unanimem consensum patrum, ipsam Scripturam sacram interpretari audeat, etiam si eiusmodi interpretationes nullo unquam tempore in lucem edendæ forent. Qui contravenierint per ordinarios declarentur, & poenis à Iure statutis puniantur.

Sed & impressoribus modum in hac parte, ut par est, imponere volens, qui iam sine modo, hoc est putantes sibi licere quicquid libet, sine licentia superiorum Ecclesiasticorum, ipsos sacra Scripturæ libros, & insuper annotationes, & expositiones quorūlibet indifferenter, sæpe tacito, sæpe etiam ementito prælo, & (quod gravius est) sine nomine authoris imprimunt. Alibi etiam impressos libros huiusmodi temerè venales habet: decernit & statuit ut posthac sacra Scriptura, potissimum verò hæc ipsa vetus, & vulgata editio quàm emendatissimè imprimatur. Nullique liceat imprimere, vel imprimi facere, quosvis libros de rebus sacris sine nomine authoris, neque illos in futurum vendere, aut etiam apud se retinere, nisi primum examinati, probatique fuerint ab ordinario, sub poena anathematis, & pecuniæ, in Canone Concilij nouissimi Lateranensis apposita. Et si regulares fuerint ultra examinationem, & probationem huiusmodi, licentiam quoque à suis superioribus impetrate teneantur, recognitis per eos libris, iuxta formam suarum ordinationum.

Qui autem scripto eos communicant, vel euulgant, nisi antea examinati, probatique fuerint, eisdem poenis subiaceant, quibus impressores, & qui eos habuerint, vel legierint, nisi prodiderint authorem, pro authoribus habeantur. Ipsa verò huiusmodi librorum probatio in scriptis detur, atque ideo in fronte libri, vel scripti, vel impressi authentice appareat. Itaque totum, hoc est probatio, & examen gratis fiat: ut probanda probentur, & reprobanda improbanda.

Post hæc temeritatem illam reprimere volens, qua ad profana quæque conuertuntur, & torquentur verba, & sententiæ sacra Scripturæ ad scurrilia, scilicet fabulosa,

vana, adulationes, detractioes, superstitiones impias, & diabolicas incantationes, & diuinationes, sortes, libellos etiam famulos: mandat, & præcipit ad tollendam huiusmodi irreuerentiam, & contemptum, & ne de cæterò quisquã, quomodolibet verba Scripturæ sacre ad hæc & similia audeat usurpare, ut omnes huius generis homines, temeratores & violatores verbi Dei, iuris & arbitrij pœnis per Episcopos coërceantur.

Item, hæc sacrosancta Synodus statuit, & decreuit, proximam futuram Sessionem tenendam, & celebrandam esse feria quinta, post sacratissimum festum Pentecostes.

IN QUARTAM SESSIONEM.



Etus est prouerbiū: Romani sedendo vincti. Hac fiducia, de genere istī, ac spurij Romanæ sedis, hoc est magnæ meretricis filij, ad vincendum se composuerunt, indicta tertia Sessione. Quid enim prohibet, quominus erecto trophæo, voti compotes abeant: si illis cōceditur quod vno decreto complexi sum? Quatuor autem sunt capita. Primò definiunt, in doctrina non solis Scripturis standū esse, sed traditis etiam per manus placitis. Deinde, in cōficiendo Scripturæ catalogo, eadē libros omnes creta notant: & apocryphos vetant ex aliorum ordine submoueri. Tertiò, repudiatis alijs quibuscunque interpretationibus, vulgatam solam retinent, ac iubent esse authenticam. Postremò, sibi in locis omnibus vel obscuris, vel dubijs, ius interpretationis vindicāt, absque prouocatione. Quatuor istis constitutis: quis neget esse debellatum? Itaque, supernacua magis ostētationis causa, postea disputarunt, quā quòd ita necesse foret. Quicquid enim protulerint, si nulla Scripturæ autoritate fultum erit, inter traditiones numerabitur: quas nihilò minus fidei habere volunt, quā Legem & Prophetas. Quid verò iam licebit improbare? cū nullum sit tam crassum aut anile delirium, quod non hoc prætextu defendant. Imo nulla est tam prodigiosa superstitio, cui non hunc, veluti Aiæis clypeum, applicent, quo muniatur. Adde, quòd sibi noua suffragia comparant, cū libros apocryphos autoritate dignantur. Ex secundo Machabæorum & purgatorium probabitur, & sanctorum intercessio. Ex Tobia, satisfactioes, exorcismi: & quid non? Ab Ecclesiastico non pauca mutuabuntur. Vnde enim fecem melius haurirent? Quanquam non is sum, qui lectionem horum librorum velim prorsus improbare: sed fidem illis tribuere, quæ hætenus nunquam habita fuit, quorsum attinebat, nisi ut ad colorandos suos errores adulterino fūco uterentur? Verū, quia sæpe ex Hebraica aut Græca veritate refellitur istorū inscitia in citandis Scripturis, & temeritas cohibetur, adeoque retūdatur Thraſonica iactantia: huic quoque modo ingeniose occurrunt, dum statuunt, ut sola ad fidem valeat vulgata translatio. Eant nunc qui multum operæ, temporisque consumpserunt in linguarum studio, ut genuinum Scripturæ sensum ex fontibus ipsis peterent. Saltem ne posthac Romanensibus molesti sint, hoc decreto abundè prouisum est. Nonne hoc est Græciam, totūque Orientem subigere? Vnum adhuc deerat: semper enim emergunt homines morosi, quibus satisfieri aliter nequit, nisi Scripturis probetur quod veritū in quæstione. Sunt alij nimium perspicaces, qui etiam in vulgata translatione arma reperiūt, quibus ad laceſſendum Papatum instruuntur. Ne quid inde accipiant damni, optimum remedium excogitant, dum sibi legitimam adiudicant Scripturæ interpretationem. Quis iam malè prouidos existimet? qui vno capite huc perueniunt, ut quidiū habeāt ex Scriptura probatum: & nullo Scripturæ testimonio quantumuis contrario vrgeantur. Nam si confessio probandū est: in promptu erit illud. Ostendite vos sacerdotibus. Si queratur, an ad mortuorum intercessionem confugiendum sit: statim illud

illud occurreret: Ad aliquē sanctorum cōuertere. Item, Pro hac orabit ad te omnis sanctus. Nec purgatorium deſtituetur certo fundamento: quia ſcriptum eſt: Nō exiit inde, donec ſoluerit vltimum quadrantem. Denique, licebit quidlibet ex quolibet facere. Cū ante- hac eiſmodi teſtimonia proferebant, iam erant pueris quoque ipſis ridiculi: nunc ius au- thentica interpretationis ſcrupulum omnem, ſi illis creditur, eximet. Quod autem tam cla- rum aut firmum teſtimonium illis contrā obijcietur, quod non eludent? Impunē enim qua- licunque cauillo ſe expedient. Aduerſus contrarias rationes hīc oppoſitus erit murus ahe- neus: Tu quis es, qui Eccleſiæ interpretationi obſtrepis? Hoc ſcilicet eſt, quod vulgari pro- uerbio inter ſe prædicant: Scripturam eſſe naſum careum: quia conuerſi poſſit in omnes for- mas. Si eiſmodi poſtulata Mathematicis darētur, non modò ex cubito palmum facerent: ſed ſtadium euincerent cubito breuius, donec miſcerent cælum terræ.

Quid ergo cum hac victrice, & iam quaſi triumphali Seſſione nobis agēdum eſt? nempe, vt ſtando diſcutiamus iſtos fumos. Quòd ad traditiones attinet: ſcio illarum non ra- ram fieri mentionem à vetuſtis ſcriptoribus: ſed non eo conſilio, vt fides noſtra extra Scri- pturas excurrat, in quibus ipſam perpetuò includunt. Ritus tantum quosdam Apoſtolis re- ferunt acceptos: quorum pars ab illis videtur habere originem: pars autem illis authoribus indigna eſt. Et tamen omnes quos attingūt, & numero pauci ſunt, & genere tolerabiles. Nunc verò quicquid Romanenſibus libuerit obtrudere, id ex Apoſtolorum traditione flu- xiſſe, credi volunt: adeoque nihil habent frontis, vt quæ non ita pridem inter ignorantie tenebras obrepperunt, in illum ordinem, ſublato diſcrimine, referant. Ergo, vt illis demus, in- ſtituta quædā poſteris Apoſtolos Domini per manus tradidiſſe, quæ ſcriptis nūquā man- dauimus: primum, hoc nihil ad fidei doctrinam: vt apiculum vnū inde eliciant: ſed tantum ad externos ritus, vel decoro, vel diſciplinæ ſeruientes: deinde probare neceſſe habebunt, traditionem eſſe Apoſtolicam, quancunque hoc titulo commendabunt. Proinde, non eſt quòd putent, hoc ſibi quicquam ſuffragari, vel ad tyrannidem legum ſuarum ſtabiliendam, quibus conſcientias miſere excarnificant: vel ad ſuas ſuperſtitiones obtegendas, quas con- ſarcinatas eſſe ex vitioſis omnium ſeculorum gentiumque ritibus, conſtat. Præcipuè verò repudiandum illud, quòd doctrinæ certitudine ex ijs, quæ vocant *ἀγία*, non minus quàm ex Scripturis pendere volunt. Tenendum enim ſemper eſt illud Auguſtini: Fidem ex Scripturis concēptam eſſe.

Lib. de ci-
uit. Dei.
19: c. 18,

De libris omnibus in Canonem promiſcuè receptis, non dicam aliud, niſi præter Ec- cleſiæ veteris conſenſum id fieri. Scitur enim quid Hieronymus ex communi maiorum ſen- tentia referat. Et Ruffinus, etiā tanquam de re minimè controuerſa, cum Hieronymo pro- nuntiat, Eccleſiaſticū, Sapientiam Solomonis, Tobiam, Iudith, & Machabeorū hiſto- riam, libros non Canonicos à patribus, ſed Eccleſiaſticos fuiſſe vocatos, qui ad populum qui- dem legerentur, ſed ad fidem dogmatum faciendam non valerent. Nec me tamen latet, i- dem quod nunc Tridentini patres ſtatuant, in concilio Carthagenſi tertio haberi. Quòd Auguſtinus quoque in libro de doctrina Chriſtiana ſecutus eſt. Sed cū varijs locis te- ſtetur Auguſtinus, non idem, ſua ætate ſenſiſſe omnes, relinquatur id ſanè in medio. Quòd ſi argumentis ex rei ipſa ſumptis pugnandum ſit, præter phraſin ipſam, multa oſtendent de- bere inferiore loco ſubſidere, quæ Tridentini patres in altum extollunt. Vt alia omittam, quiſque Machabeorum ſcripſit hiſtoriam, in fine optat, vt bene & congruenter ſcripſe- rit: ſin minus, veniam deprecatur. Quantum, obſecro, à Spiritus ſancti maieſtate aliena eſt hæc confeſſio?

In translationibus, præter vnā vulgatam, dammandis, vt craſſior eſt inſcitia, ita

magis barbarum edictum. Sacra Dei oracula Moyses & Propheta lingua Hebraica, Apostoli & Graeca prodiderunt. Ne quis mundi angulas expers esset tanti thesauri, accessit etiam donum interpretationis. Factum est: nescio quibus modis, certe nec iudicio nec recto delectu, ut ex interpretationibus diuersis una obtinuerit inter indoctos, saltem qui nulla linguarum notitia instructi, quaecunque ignorantiae suae subsidium querebant. Porro qui linguas tenent, hanc interpretationem deprehendunt infinitis erratis scatere: idque apertissimis demonstrationibus planum faciunt. Patres decernunt ex aduerso, etiam si ex fonte ipso purum liquorem proferant, etiamsi ex certa veritate falsum coarguant, minimè esse audientes. Nemo unquam sensu communi praeditus, hoc bono priuare ausus est ecclesiam Dei. Veteres, quauis linguarum cognitione, ac praesertim Hebraica, destituerentur, ingenuè tamen semper agnoscunt, nihil esse melius, quam ipsam consulere, ut inde verus germanusque sensus hauriatur. Ultra progrediar. Nemo est mediocri ingenio, qui vulgatam translationem cum aliquot alijs conferendo, non faciliè videat, multa feliciter in his esse restituta, quae perperam in illa habebantur. Hic nos Synodus cogit ad perspicuam lucem cecutire, ut sponte erremus. Quis putasset tam fore amentes, ut bonorum iudicia tam securè contemnerent, nec dubitarent omnibus se iniustos ac detestabiles reddere? Qui sciebant eos nihil utile meditari, sic tamen persuaserant: ut fucum aliquem mundo facerent, negotium cudente nouae translationis iuratis sibi hominibus daturus. Atqui, non fraudulenter agunt. Vitiouissima translatione non modò contentos esse nos iubent, sed eam, non aliter ac caelitus delapsam, volunt adorari: & cum omnibus conspicua sint mèdæ, quicquid desiderari prohibent. En à quorū arbitrio Ecclesia instauratio pendeat. Locos perperam insulseque redditos notare, quàm longi esset operis? Adèd nulla est integra pagina, ut vix tres sint continui versus, non insigni aliquo errore foedati. Sufficiat in specimen vnus Psalmorum liber: cuius pauca exempla obiter attingam: magis ut, proposito tenui gustu, inuitem lectores ad cognoscendum, quàm ut eos doceam. Psalmo secundo praecleara est exhortatio: Osculamini filium. Pro qua vetus translatio habet: Apprehēdite disciplinam. Nihil simile. Illud cum verum esse constet, hoc cur potius authenticum habebitur? Vulgaris interpres habet: Filij hominum vsquequo graui corde? Cum verba Hebraica nihil simile contineant: sed, vsquequo gloria mea ad ignominiam? Vbi David conqueritur succum suum conuersum fuisse in siccitates & stius, interpres supposuit: Conuersus sum in arumna mea, dum configitur spina. Item altero versu: In lupato & freno ora eorum, ad coercendum ne accedant ad te. Interpres verò sic: In chamo & freno maxillas eorum constringe, qui non approximant ad te. Et quid intelligemus per lumbos impletos illusionibus? quod legitur Psalmo xxxviij: Quanquam imprudenter facio, qui syluam immensam ingrediar. Proinde ad vnicum Psalmum me recipiam. Is erit sexagesimus octauus. Vbi David inter alias Dei laudes hanc quoque recenset, quòd vnicos habitare faciat in domo: hoc est, orbos & solitarios ditet familia. Interpres verò supponit, vnius moris. Sequitur: Rebelles autem in siticulofo loco. Pro quo interpres: Similiter eos qui exasperant: qui habitant in sepulchris. Postea vbi sensus optimè fluit in verbis Davidis, interpres anigmata inuoluit, vnde se nullus Oedipus expediat. Sic loquitur David: Reges exercituum fugerunt, fugerunt: & habitatrices domus diuiserunt spolia: hoc est, mulieres quae domi quiescebant. Interpres verò: Rex virtutum dilecti dilecti: & speciei domus diuidere spolia. Paulò post: Et si dormistis inter medias ollas, Interpres vertit, medios cleros. Suspicari montes coagulatos posuit, pro Inuidere montibus opimis. Vbi habet Hebraica veritas, Etiam defectores: ut inhabitet Dominus Deus: interpres mutat, Etiam non credentes inhabitare Dominum Deum. Item, cum ita sit

Psal. 4.
Psal. 32.

sit ad verbum: Reducam ex Basam, reducam ex profundis maris: Interpres ex aduerso, Ex Basam conuertam, conuertam in profundum maris. Item, Ibi paruulus Benjamin dominator eorum. Interpres nescio quid cogitans, In mentis excessu. Dimidiam Psalmi partem, aut paulò plus recensui. Quæ tamen monstra hîc agnoscunt lectores? Quanquã, vt verum fatear, danda est venia Latino interpreti, qui Græcam translatione, qua potuit diligentia, expressit. Istos verò afinos quis ferat, dum interpretationis donum eripiunt Ecclesiæ: & hoc tanquam luto opposito, aditum præcludunt, ne ad puram Davidis intelligentiam accedat? Adde, quòd non ignorantiam modò lapsusque interpretum præferunt veræ aliorum cognitioni: sed nulla erit tam crassa hallucinatio, quæ non diuini oraculi vim habeat. Quale exemplum Psalmo cxxxij. extat. Nam, cum illic Dominus victum se populi sui benedicturum promittat, sacrificulus quispiam lusciosus duas literas coniunctim le gens, c. & t. putauit scriptum esse vidum. Quia autem vox erat nullius significationis, interposita litera induxit nouam lectionem, quæ in toto papatu regnat. Nullum enim est Italia, Gallia, Hispania, Germania templum, vbi non magno clamore reboent: Viduam eius benedicens benedicam. Et tam sunt vel attentis, vel perspicaces, vt nemo tam ridiculam corruptelam animaduernerit. Sed nihil mirum, si erepta nobis panis voce, nomen viduitatis inducant: cum in hoc sint toti, vt animas pane cœlestis vitæ crudeliter viduēt. Quid? Vulgatam noui Testamenti versionem authenticam facere, an eos non pudet? cum in omnium manibus versetur Valla, Fabri, & Erasmi scripta, quæ innumeros in ea locos vitiatos digito vel pueris demonstrant. Primo ad Rom. capite, interpres Christum nominat prædestinatum Dei filium. Laborant in ista voce explicanda, qui Græcam linguam non tenent: quia propriè, quæ nondum sunt, ea dicimus prædestinari. Porro, Christus filius est æternus Dei. At verò in Græca voce, nihil est difficultatis, quæ declaratum significat. Vnum exemplum produxi: in reliquis superuacuuus esset labor. Summa sit: non aliter ratum hoc fore edictum, nisi efficiant Tridentini patres, vt mundus, apertis oculis, oblatam sibi lucem non cernat.

Venio ad ius interpretandi quod sibi arrogant, quoties de sensu dubitatur. Suum, inquam, esse aiunt, de Scripturæ sensu dare responsa, quibus acquiescere oporteat. Nam quicquid Ecclesiæ deferunt, sibi deferunt ipsi. Equidem fateor, sicuti nō priuato hominum 1. Pier. 1. arbitrio allata est Scriptura, ita indignum esse, vt ad priuatum cuiusque sensum trahatur. Quinetiam si de obscuro loco ambigatur, quoniam sensu accipi debeat, nō alia via meliore, ad veram intelligentiam posse perueniri, quàm si p̃j doctores, religiosa disceptatione, in commune inquirant. Atqui, non hoc agitur. Volunt enim tyrannico suo edicto, libertatem omnem ex Ecclesia tollere: sibi autem arrogare infinitam licentiam. Nam qualemcunque sua libidine sensum affinxerint Scripturæ, eum mox amplecti necesse erit. Præter ipsos verò nemini fas erit, quicquam ex Scripturis probare. Atque vtinam præstanda tantæ rei pares forent. Sed boues, ephippia sibi vsurpant: vel potius asini, lyram. Denique hoc moluntur, vt Scripturam in tenebris abditam reuereantur omnes, tanquam Cereris mysteria: nemo ad eius intelligentiam aspirare ausit. Nullus esset exitus, si exempla vndecunque colligerem, vnde palam fieret lectoribus, quàm iniquæ & non ferendæ seruitutis laquei hoc decreto neclantur. Ergo in vnius tantum Synodi exemplo, specimen ante oculos ponam. Circiter annum à Christo nato octingentesimum, habita est Synodus Nicena, quæ & euerfas sub Leone imagines restituit, & adorandis decreuit. Eam Synodum Papiستا, quia idololatria suffragatur, sanctam & legitimam esse ducunt. Proinde, secundum eorum axioma, in Scripturæ expositione errare non potuit. Atqui, si tales audiendi sint sacrorum interpretes (quod est dictu abominandum) præstabit Aegyptiorum religio Christiana.

Vt simulachris ac picturis templarum ritè ornari, ex Scripturis constaret, adducti sunt hi loci in medium: Creauit Deus hominem ad imaginem, & similitudinem suam. Iosue duodecim crexit lapides. Nemo accendit lucernam, & ponit eam sub modio: vnde colligebant, super altaria collocādas esse imagines. Item, Signatum est super nos lumen vultus tui Domine: sicut audiuius, ita & vidimus. Domine, dilexi decorem domus tuæ. Ostende mihi faciem tuam, quia speciosa est. Vt adorationem statuerent, his testimonij sunt abusi: Abraham populum terræ adorauit: Iacob erexit titulum, ac benedixit. Item, Adorauit summitatem virgæ filij sui Ioseph. Vultum tuum deprecabitur omnes diuites plebis. Adorate scabellum pedum eius. Mirabilis Deus in sanctis suis. Et ne quid deesset ad impudentiæ cumulum, attexuerunt ex alio Psalmo, Sanctus qui sunt in terra: idque ad imagines retulerunt. Scio vix credibilia fore quæ narro. Et ipse obstupui, cum legerem. Quanquam debent nobis iam pridem ad hæc quamlibet absurda, occaluisse aures. Quod si mihi colligendæ essent eorum interpretationes, pueris etiam ipsis ridendæ: nec hæc quidem omnes, sed quæ notabili aliqua insulsiatate excellunt, triplo quàm Scriptura ipsa longius conficiendum esset volumen. In summa, hoc voluit spiritus Tridentinus suo decreto, ne quid nobis significet Scriptura, nisi quod monachi somniando luserint. Quid enim per Ecclesiam aliud intelligunt? Nam vt confluant ex toto orbe Romanenses episcopi, hoc est quotquot sub vexillo, aspicijs quæ illius Antichristianæ sedis militant: quam tandem, collatis inter se capitibus interpretationem nobis consilabunt? Bona pars vix grammaticæ elementa didicit. Hoc certe mihi negare non audebunt: vix centesimum quenque ex illis esse, qui integrum vnum Prophetarum librum, aut vnam Apostolorum epistolam, aut vnam Euangelij historiam legerit. Alijs enim curis magis sunt occupati, quàm vt vacet illis sacra legere. Superest, vt hoc sedi Apostolicæ priuilegium tribuant: atque sacrum illud os Pauli Fernesij de Scripturæ interpretatione rogandū esse, dicant. Alioqui, Ecclesiam nobis assignent, quæ sustinendo tanto oneri par futura meritò credatur. Nam quibuscunque sedem Romanam extollant elogijs, nunquam sanis hominibus persuadebunt, vel Cephæ esse caput: vel pudicum sanctumque coniugium, carnalem esse vitam, quæ sit coram Deo maledicta. Quorum vtrunque Papalibus responsis est proditum. Clamabunt, totam Ecclesiæ auctoritatem late factari, si ius illi interpretandæ Scripturæ adimitur: atque ita ianuam patefieri lasciujs ingenijs, vt quouis percurrant. Imo solent hoc nobis crimen ad conflandam inuidiam, obijcere, nos ideo arrogare nobis Scripturæ interpretationem, ne quo fræno cohibeatur nostra libido. De nobis quominus dicam quod res habet, impedit verecundia. Verissimè tamen licebit profiteri, nos, intelligendis Scripturis plus lucis attulisse, quàm omnes, qui ab exorto Papatu inter eos extiterunt, doctores. Neque hanc ipsi laudem detrahere nobis audent. Atqui, nemo interea est nostrum, qui non libenter suis lucubrationes Ecclesiæ iudicio submittat. Ergo Ecclesiæ auctoritatem, neque cõtemnimus, neque extenuamus: nec propter uis hominibus habenas laxamus, vt quiduis audeant. Vtinam verò Ecclesiam nobis ostenderent, qualem Scriptura ipsa depingit: facile de honore conueniret. Sed cum falsum Ecclesiæ titulum ementientes, eius expilatæ ac nudatæ spolia sibi rapiant, quid aliud possumus, quàm reclamare?

PRIMUM DECRETUM QUINTAE

Sessionis, habita die XVII. Iunii, M. D. XLVI.

Concilij Tridentini.

Nos fides nostra Catholica, sine qua impossibile est placere Deo, purgatis erroribus, in sua sinceritate integra, & illibata permaneat, & ne populus Christianus omni vento doctrinae circumferatur, quum serpens ille antiquus, humani generis perpetuus hostis, inter plurima mala, quibus Ecclesia Dei his nostris temporibus perturbatur, etiam de peccato originali, eiusque remedio, non solum noua, sed etiam vetera dissidia excitauerit: Sacrosancta, œcumenica, & generalis Tridentina Synodus, in Spiritu sancto legitimè congregata, præsidentibus in ea eisdem tribus Apostolicae sedis Legatis, iam ad renocandos errantes, & nutantes confirmandos, accedere volens, sacrarum Scripturarum, & sanctorum patrum, ac probatissimorum Conciliorum testimonia, & ipsius Ecclesiae iudicium, & consensum sequuta, hæc de ipso peccato originali fatetur, statuit, ac declarat.

Si quis non confiteatur primum hominem Adam, quum mandatum Dei in Paradiso fuisset transgressus, statim sanctitatem, & iustitiam, in qua constitutus fuerat, amisisse, incurrisseque per offensam præuicationis huiusmodi, iram & indignationem Dei, atque ideo mortem, quam antea illi comminatus fuerat Deus, & cum morte captiuitatem sub eius potestate, qui mortis deinde habuit imperium, hoc est Diaboli, totumque Adam, per illam præuicationis offensam secundum corpus, & animam, in deterius commutatum fuisse: Anathema sit.

Si quis Adæ præuicationem sibi soli, & non eius propagini asserit nocuisse, acceptam à Deo sanctitatem, & iustitiam, quam perdidit, sibi soli, & non nobis etiam eum perdidisse: aut inquinatum illum per inobedientiæ peccatum, mortem, & poenas corporis tantum in omne genus humanum transfudisse, non autem & peccatum, quod est mors animæ: Anathema sit, cum contradicat Apostolo dicenti: Per unum hominem peccatum intrauit in mundum, & per peccatum mors, & ita in omnes homines mors pertransiit, in quo omnes peccauerunt.

Si quis hoc Adæ peccatum, quod origine unum est, & propagatione, non imitatione transfusum omnibus, inest unicuique proprium, vel per humanam naturam vires, vel per aliud remedium asserit tolli, quam per meritum vnius mediatoris Domini nostri Iesu Christi, qui nos Deo reconciliauit in sanguine suo, factus nobis iustitia, sanctificatio & redemptio: aut negat ipsum Christi Iesu meritum per baptismi sacramentum, in forma Ecclesiarum collatum, tam adultis quam paruulis applicari, Anathema sit. Quia non est aliud nomen sub cælo datum hominibus, in quo oporteat nos saluos fieri. Vnde illa vox: Ecce Agnus Dei, ecce, qui tollit peccata mundi: & illa, Quicumque baptizati estis, Christum induistis.

Si quis paruulos recentes ab vteris matrum baptizandos negat, etiam si fuerint à baptizatis parentibus orti: aut dicit in remissionem quidem peccatorum eos baptizari, sed nihil ex Adam trahere originalis peccati, quod regenerationis lauacro necesse sit expiari ad vitam æternam consequendam, vnde fit consequens, vt in eis forma baptismatis in remissionem peccatorum, non vera, sed falsa intelligatur: Anathema sit. Quoniam non aliter intelligendum est, id quod dixit Apostolus: Per unum hominem peccatum intrauit in mundum, & per peccatum mors, & ita in omnes homines mors

MM

pertransiit, in quo omnes peccauerunt, nisi quemadmodum Ecclesia catholica, ubique diffusa semper intellexit. Propter hanc enim regulam fidei, ex traditione Apostolorum, etiam paruuli, qui nihil peccatorum in semetipsis adhuc committere potuerunt, ideo in remissionem peccatorum veraciter baptizantur, ut in eis regeneratione mundetur, quod generatione contraxerunt. Nisi enim quis renatus fuerit ex aqua, & Spiritu sancto, non potest introire in regnum Dei.

Si quis per Iesu Christi Domini nostri gratiam, quæ in Baptismate confertur, reatum originalis peccati, remitti negat: aut etiam asserit non tolli totum id, quod veram & propriam peccati rationem habet, sed illud dicit tantum radi, aut non imputari: Anathema sit. In renatis enim nihil odit Deus, quia nihil est damnationis ijs, qui verè consulti sunt cum Christo per baptismum, in mortem, qui non secundum carnem ambulant: sed veterem hominem exuentes, & nouum, qui secundum Deum creatus est, induentes, innocentes, immaculati, puri, innoxij, ac Deo dilecti effecti sunt heredes quidem Dei, coheredes autem Christi: ita ut nihil prorsus eos ab ingressu cœli remoretur. Manere autem in baptizatis concupiscentiam, vel fomitem, hæc sancta Synodus fatetur, & sentit, quæ cum ad agonem relicta sit, nocere non consentientibus, & viriliter per Christi Iesu gratiam repugnantibus non valet, quinimo qui legitime certauerit, coronabitur. Hanc concupiscentiam, quam aliquando Apostolus peccatum appellat, sancta Synodus declarat, Ecclesiam catholicam nunquam intellexisse peccatum appellari, quod verè & propriè in renatis peccatum sit: sed quia ex peccato est, & ad peccatum inclinat. Si quis autem contrarium senserit, Anathema sit.

Declarat tamen, hæc ipsa sancta Synodus non esse suæ intentionis, comprehendere in hoc decreto, ubi de peccato originali agitur, beatam & immaculatam virginem Mariam, Dei genitricem: sed obseruandas esse constitutiones fœlicis recordationis Sixti Papæ quarti, sub pœnis in eis constitutionibus contentis, quas innouat.

Decretum secundum eiusdem Sessionis.

Eadem sacrosancta Synodus pijs summorum pontificum, & probatorum Conciliorum constitutionibus inherens, easque amplectens, & illis adiiciens, ne cœlestis illarum librorum thesaurus, quem Spiritus sanctus summa liberalitate hominibus tradidit, neglectus iaceat: statuit & decreuit, quod in Ecclesiis illis, in quibus præbenda, aut præstimonium, seu aliud quouis nomine nuncupatum, stipendium, pro lectoribus sacre theologiæ deputatum reperitur, Episcopi, Archiepiscopi, Primates, & alij locorum ordinarij, eos, qui præbendam, aut præstimonium, seu stipendium huiusmodi obtinent, ad ipsius sacre Scripturæ expositionem, & interpretationem, per se ipsos, si idonei fuerint, alioquin per idoneum substitutum ab ipsis Episcopis, Archiepiscopis, Primatibus, & alijs locorum ordinarijs eligendum, etiam per subtractionem fructuum cogant & compellant. De cætero verò præbenda, præstimonium, aut stipendium huiusmodi, non nisi personis idoneis, & qui per se ipsos id munus explicare possint conferantur: & aliter facta prouisio, nulla sit, & inualida.

In Ecclesiis autem Metropolitanis, vel Cathedralibus, si ciuitas insignis, vel populosa, ac etiam in Collegiatis, existentibus in aliquo insigni oppido, etiam nullius Diocesis: si ibi clerus numerosus fuerit, ubi nulla præbenda, aut præstimonium seu stipendium huiusmodi deputatum reperitur, præbenda, quomodocunque, præterquam ex causa reuocationis primò vacatura, ad eum usum ipso facto perpetuò constituta, & deputata intelligatur

relligatur. Et quatenus in ipsis Ecclesiis, nulla vel non sufficiens præbenda foret, Metropolitanus, vel Episcopus ipse per assignationem fructuum alicuius simplicis beneficii (eiusdem tamen debitis supportatis oneribus) vel per contributionem beneficiatorum suæ civitatis & Diocesis, vel aliâs, prout commodius fieri poterit, de capituli consilio ita provideat, ut ipsa sacra Scripturæ lectio habeatur: ita tamen, ut quæcumque alia lectiones vel consuetudine, vel quavis alia ratione instituta propter id minimè prætermittantur.

Ecclesiæ verò, quarum annui proventus tenues fuerint, & ubi tam exigua est cleri & populi multitudo, ut Theologia lectio in eis commodè haberi non possit, saltem magistrum habeant, ab Episcopo, cum concilio capituli eligendum, qui clericos, aliosque scholares pauperes Grammaticam gratis doceat: ut deinceps ad ipsa sacra Scripturæ studia, annuente Deo, transire possint. Ideoque illi magistro grammatices, vel alicuius simplicis beneficii fructus, quos tandiu percipiat, quandiu in docendo perstiterit, assignentur: dum tamen beneficium ipsum, suo debito non fraudetur obsequio, vel ex capitulari, vel Episcopali mensa, condigna aliqua merces persolvatur: vel aliâs Episcopus ipse, aliquam rationem in- neat suæ Ecclesiæ, & Diocesi accommodam, ne pia hæc utilis, atque fructuosa provisio, quovis quasito colore negligatur.

In Monasterijs quoque Monachorum, ubi commodè fieri queat, etiam lectio sacra Scripturæ habeatur: qua in re, si Abbates negligentes fuerint, Episcopi locorum in hoc provideant, ut sedes Apostolicæ delegati eos ad id opportunis remedijs compellant.

In conuentibus verò aliorum regularium, in quibus studia commodè vigere possunt, sacra Scripturæ lectio, similiter habeatur: quæ lectio à capitulis generalibus, vel provincialibus assignetur dignioribus Magistris.

In gymnasijs etiam publicis, ubi tam honorifica, & cæterorum omnium maxime necessaria lectio hætenus instituta non fuerit, religiosissimorum Principum, ac Rerum-publicarum pietate & charitate, ad catholicæ fidei defensionem, & incrementum, sanæque doctrinæ conservationem, & propagationem instituitur. & ubi instituta foret, & negligetur, restituatur.

Et ne sub specie pietatis, impietas disseminetur, statuit eadem sancta Synodus, neminem ad huiusmodi lectionis officium, tam publicè quàm privatum admittendum esse, quia prius ab Episcopo loci, de vita, moribus & scientia examinatus & approbatus fuerit. Quod tamen de Lectoribus in claustris Monachorum non intelligatur.

Docentes verò ipsam sacram Scripturam, dum publicè in scholis docuerint, & scholares, qui in ipsis scholis student, privilegijs omnibus, de perceptione fructuum, præbendarum, & beneficiorum suorum in absentia, à iure communi concessis, plenè gaudeant, & fruantur.

Quia verò Christianæ Reipublicæ non minus necessaria est prædicatio Evangelij, quàm lectio, & hoc est præcipuum Episcoporum munus: statuit, & decrevit eadem sancta Synodus, omnes Episcopos, Archiepiscopos, Primate, & omnes alios Ecclesiarum Prælatos, teneri per se ipsos, si legitime impediti non fuerint, ad prædicandum sanctum Iesu Christi Evangelium.

Si verò contigerit Episcopos & alios prædictos legitimo detineri impedimento, iuxta formam generalis Concilij, viros idoneos assumere teneantur, ad huiusmodi prædicationis officium salubriter exequendum. Si quis autem hoc adimplere contempserit, districta subiaceat ultioni.

Archipresbyteri quoque, plebani, & quicumque parochiales, vel aliâs curam

animarum habentes, Ecclesias quocunque modo obtinent, per se vel alios idoneos, si legitime impediti fuerint, diebus saltem Dominicis, & festis solennibus, plebes sibi commissas pro sua & earum capacitate pascant salutaribus verbis: docendo ea, quæ scire omnibus necessarium est ad salutem, annuntiandoque eis cum breuitate, & facilitate sermonis, uirtutia, quæ eos declinare, & uirtutes quas sectari oporteat, ut poenam æternam euadere, & cœlestem gloriam consequi valeant. Id uero si quis eorum præstare negligat, etiamsi ab Episcopi iurisdictione quauis ratione exemptum se esse prætenderet: etiamsi Ecclesiæ quomodo exemptæ dicerentur, aut alicui Monasterio, etiam extra Diocesim existenti forsan annexæ vel unitæ, modo re ipsa in Diocesi sint: prouida pastoralis Episcoporum sollicitudo non desit, ne illud impleatur: Paruuli petierunt panem, & non erat qui frangeret eis. Itaque, ubi ab Episcopo moniti trium mensium spatio, muneri suo defuerint, per censuras Ecclesiasticas, seu alias ad ipsius Episcopi arbitrium cogantur: ita ut etiam si ei sic expedire visum fuerit, ex beneficiorum fructibus alteri, qui id præstet, honesta aliqua merces persoluatur, donec principalis ipse resipiscens, officium suum impleat.

Si quæ uero parochiales Ecclesiæ reperiuntur subiecta monasterijs, in nulla Diocesi existentibus, si Abbates, & regulares prælati in prædictis negligentes fuerint: à Metropolitanis, in quorum prouincijs Dioceses ipsæ sitæ sunt, tanquam quo ad hoc sedis Apostolicæ delegatis compellantur. Neque huius decreti executionem consuetudo, uel exemptio, aut appellatio, aut reclamatio, siue recursus impedire valeat, quousque desuper à competenti iudice, qui summarie, & sola facti ueritate inspecta procedat, cognitum, & decisum fuerit.

Regulares uero cuiuscunque ordinis, nisi à suis superioribus, de uita, moribus, & scientia examinati, & approbati fuerint, ac de eorum licentia: etiam in Ecclesiis suorum ordinum prædicare non possint. Cum qua licentia personaliter se coram Episcopis præsentare, & ab eis benedictionem petere teneantur, antequam prædicare incipiant.

In Ecclesiis uero, quæ suorum ordinum non sunt, ultra licentiam suorum superiorum, etiam Episcopi, licentiam habere teneantur: sine qua in ipsis Ecclesiis, non suorum ordinum, nullo modo prædicare possint. Ipsam autem licentiam gratis Episcopi concedant.

Si uero (quod absit) prædicator errores, aut scandala disseminauerit in populum, etiam si in Monasterio, sui uel alterius ordinis prædicet: Episcopus ei prædicationem interdicit. Quod si hæreses prædicauerit, contra eum, secundum iuris dispositionem, aut loci consuetudinem procedat, etiamsi ipse prædicator generali uel speciali priuilegio exemptum se esse prætenderet: quo casu Episcopus auctoritate Apostolica, & tanquam sedis Apostolicæ delegatus procedat. Curent autem Episcopi, ne quis prædicator, uel ex falsis informationibus, uel aliâs calumniose vexetur, iustamue de eis conquerendi occasionem habeat.

Caueant præterea Episcopi, ne aliquem uel eorum, qui cum sint nomine regulares, extra claustra tamen, & obedientiam religionum suarum uiuant, uel presbyterorum secularium, nisi ipsis noti sint, & moribus atque doctrina probati, etiam quorumlibet priuilegiorum prætextu, in sua ciuitate uel Diocesi prædicare permittant, donec ab ipsis Episcopis super ea re, sanctæ sedis Apostolica consulatur, à qua, priuilegia huiusmodi, nisi tacita ueritate, & expresso mendacio, ab indignis, extorqueri uerisimile non est.

Quæstores uero eleemosynarum, qui etiâ quæstuarij uulgò dicuntur, cuiuscunque conditionis existant, ullo modo, nec per se, nec per alium, prædicare præsumant: & contra facientes ab Episcopis, & ordinarijs locorum, priuilegijs quibuscunque non obstantibus

ribus, opportunis remedijs omnino arceantur.

Item, hæc sacrosancta Synodus statuit & decernit primam futuram Sessionem tenendam, & celebrandam esse die Iouis, feria quinta, post festum sancti Iacobi Apostoli.

IN QVINTAE SESSIONIS DE- cretum prius.

T sit in hoc decreto aliquid, quod præfationi respondeat, prima quatuor capita ex veteri, probatæque Ecclesiæ doctrina mutuuntur: de quibus scilicet nihil erat controuersia. Itaque malitiosè factum apparet, quòd se dissidia componere velle præstantur, quæ hoc tempore fuerint excitata. Quorsum, obsecro, attinebat, tot anathemata detonare? Nisi vt imperiti crederent aliquid subesse causæ, cum tamen nihil sit. In quinto capite, vbi iam aliquid suum afferunt, agere incipiunt suo more: hoc est, inculcare sophistarum suorum nuntias, & pertinaciter tueri. Anathema esse iubent, si quis neget totum in baptismo tolli, quod propriam peccati rationem habet: sed tantum radi, aut non imputari doceat. Astute hic admiscet radendi verbum, quod odiosum esse norunt: nam & inde Augustinum grauabāt Pelagiani. Ergo valeant cum sua rasura. Nos totum peccati reatum verè tolli in baptismo, asserimus: ita vt quæ manent peccati reliquæ, non imputentur. Quò res clarius pateat, in memoriam reuocent lectores, duplicem esse baptismi gratiam: nam & peccatorum remissio illic, & regeneratio nobis offertur. Remissionem plenam fieri docemus: regenerationem inchoari duntaxat, suòque tota vita facere progressus. Proinde manet verè peccatum in nobis, neque per baptismum statim vno die extinguitur: sed quia deletur reatus, imputatione nullum est. Nihil hac doctrina magis expeditum. Eam, cur Synodus anathemate damnet, videndum. Nihil, inquit, venerandi patres, in renatis odit Deus. Vt hoc illis concedam: an propterea sequitur, nihil odio esse dignum? ac non potius ideo nihil odit, quia quod iure posset odisse, ignoscit? Nam testimonium Apostoli quod arripiunt, nobis planè suffragatur: Nihil esse damnationis ijs, qui sunt in Christo Iesu: quia fideles his verbis non eximit à culpa, quasi puri sint, & omni peccato immunes, sed tantum reatu liberat, eò quòd sub peccati onere gementes, hac consolatione falciantur, cuius antè meminerat, & de qua fusius postea disserit, vt mox videbimus. Ad dunt præterea, nihil esse quòd eos ab ingressu cæli remoretur. Fateor, non tamè quòd nihil impediendi habeant: sed quia Christi innocentia vestitis, nihil noceat. Ipsi verò cornuti patres, longè aliam causam assignant. Quia scilicet veterem hominem exuentes, & induentes nouum, qui secundum Deum creatus est, puri sint ac innoxij. Quis non eos præuaticari dicat? Nam qui adhuc in actus sunt, nondum effectum habent. Non ergo caret aperta repugnantia, eos vocari puros & innoxios, qui adhuc proficiunt in veteri homine exuendo. Quòd si præsentì tempore, loco præteriti, se abusos esse, respondeant: illos omittam. Fideles enim Paulus alloquitur, cum iubet, Ephesios veterem hominem exuere. Quo significat, non vnius dici esse tantum hanc mutationem, qua ex carne in spiritum renouamur. Quid hæcenus in verbis Tridentinorum obseruauerunt sani lectores, quod minima ex parte eos iuuet: imo quod non illis sit penitus aduersum?

Pergamus tamen in excutiendo eorum decreto. Negant, concupiscentiam vel fomitem peccati, quem fatentur manere in renatis, nocere posse non consentientibus, cum ad agonem relictus sit. Nempe, ideo non nocet, quia Deus virtutem suam in nostra infirmitate perficit. Sed si exercenda tantum virtutis cotem esse volunt: falso conqueritur Paulus

hoc solo nomine se esse miserum. Tamen si ineptè facio, qui ex voce miserie aduersus eos pugnem: cum nec concupiscentie, nec vitij, nec peccati nomina eos moueant. Si prauitas in voluntate non est peccatum, neque homo est animal. Si vitium coram Deo culpa caret, Sol non est lucidus. De peccato quid dicam? Cauillantur, hoc verbo abusum esse Paulum, quia peccati causa sit, & poenā. Quasi non palam reclamet contextus. Postquam enim peccati meminit, mox subijcit, Inuenio per legem volenti mihi facere bonum, adiacere malum. An hoc quoque illis improprie dictum videtur? Si verbi tantum esset quaestio: tamen nihilo plus essent audiendi, quam qui infantes negant proprie cum peccato nasci. Vtrique peccatum eodem modo interpretantur. Hoc inter est, quod posteriores de originali peccato generaliter sic loquuntur. Isti autem venerandi patres, eandem rem contendunt à baptismo non amplius esse, quod prius erat, cum tamen eadem res mane at. Si causam suam meliorem esse volunt, in primis doceant oportet, ita conuerti rerum naturas, ut quod idem est, sibi sit dissimile. Sed ipsa rei consideratio certamen omne tollit. Negari enim, nisi impudenter, non potest, quin repugnantia aduersus legem Dei verè sit peccatum. Atqui, hoc de morbo in renatis harente Apostolus predicat. Sequitur ergo, suapte natura esse peccatum, tamen si non imputetur, ac proinde Christi gratia abolitus sit reatus. Si ista est vera iustitiae regula, Deum ex toto corde diligere, ex tota mente, ex totis viribus, cor certè aliò inclinari non poterit, quin à iustitia declinet. Atqui, se impediri conueritur Paulus, ne bonum, quod cupit, faciat. Perfectum, inquam, Dei amorem lex requirit: non praestamus. Currendum erat: nos claudicando lentè progredimur. Nihil in tali defectu reperiunt venerandi patres, cur peccatum censere debeant.

Eiusdem est improbitatis, quod declarant, Ecclesiam nunquam secus intellexisse. Atqui, Ambrosius, teste Augustino, disertè iniquitatem nominat. Quid ipse Augustinus? Multi sunt loci, ex quibus non obscura eius confessio apparet. Quemadmodum cum tradit libro secundo contra Iulianum, peccati legem in baptismo remitti, non finiri. Item, solum esse reatum: ipsam manere. Item, mortuum esse peccatum, in reatu quo nos tenebat: sed mortuum quoque rebellare, donec sepultura perfectione sanetur. Item, homilia in Ioannem xli: *Quandiu viuus, peccatum necesse est esse in membris tuis. Saltem regnum illi auferatur: non fiat quod iubet. Caterum ex multis locis vnum opponere sufficiet: qui videtur, data opera, ad refutandam eorum vanitatem, conscriptus. Nam libro aduersus Iulianum quinto, nominatim tres causas enumerat, cur peccatum vocetur, etiam in renatis. Verba sunt: Vt cecitas cordis peccatum est, quo in Deum non creditur: & poena peccati, qua superbum cor digna animaduersione punitur: & causa peccati, cum aliquid cæci cordis errore committitur: ita concupiscentia carnis, cui resistit bonus Spiritus, & peccatum est, quia illi inest inobedientia aduersus dominatum mentis: & poena peccati, quia reddita est meritis inobedientis: & causa peccati, defectione consentientis, vel contagione nascentis. Significationem verbi, quam veteri Ecclesie fuisse incognitam Synodus declarat, primo loco hic poni à primario antiquitatis teste, nemo est qui non videat. Multum certè valebit Synodi definitio, si tenbras ex tam clara luce efficiat: atque ita fascinet hominum oculos, ut stunum se videre putent in arbore.*

IN SECVNDVM DECRETVM SESSIONIS

quinta.



Rimùm scire velim, quanam sint illa probata Concilia, quæ summis Pontificibus adiungūt: nam quo tempore legitima concilia, probæque nota habebantur: nemo vnus agnoscebatur summus Pontifex, ac ne primus quidem episcopus: nam id nominatim in Synodo Carthagenensi vetitum fuit. Proinde videmus, quæ tam specioso fuco hîc pinguntur concilia, non alia esse, quàm sex aut septem adulterina, post extinctam sanæ doctrinæ lucem, post collapsam disciplinam habita, quibus meri asini & craßi boues interfuerunt: quæ nihil præseferunt antiquæ dignitatis: sed Gothicam Romanæ sedis tyrannidem redolent. O exactam reformationem! Vt quæ ex putida corruptissimi seculi face collegit Synodus Lateranensis, & posterioribus concilijs in deterius etiâmmum mutata sunt, postliminio reuocentur! Quanquam hîc erro: nam se, nescio quid, addituros profitentur. Ergo qualis ista sit accessio, ex decretis videndum.

Iubent, vt qui præbendas obtinent sacra theologia lectoribus destinatas, docendi officium exercean, vel per se, vel per alios, si minus erunt idonei. Indoctis itaque hominibus, & penitus ineptis locum, quem fraude, quem iniuria, quem sacrilegio, quem nulla iuris specie occuparunt, relinquit Synodus: modò vicarijs aliquantulam stipendiij portionem erogent. Sed in posterum diligenter cauet, ne quis, nisi idoneus, admittatur. Quorum iudicio? Et quibus iniungerent has partes, nisi loci canonici? Creabit ergo episcopus qualem volet lectorem. Quod erit tam morosum collegium, cui non sufficiat ille, qualiscunque fuerit? Verùm, si improbari contingat, lis orietur. Nisi plus quàm monstrum appareat, rata erit episcopi nominatio. Iam quis legendi ordo? quod tempus? quod auditorium? Quæ omnia prudenter tacent venerandi patres, vt simplicibus persuadeant aliquid se agere, cum nihil egerint. Quid enim? Nõne quod præscribunt, vñtatum est, vt singulis septimanis lector, retinendæ possessionis causa, duos aut tres ex compotoribus inuitet ad inane lectionis spectaculum?

Secundo capite nouas lectiones instituunt. Vbi? In metropolitanis ecclesijs, aut episcopalibus: si tamen erit insignis ciuitas ac populosa. Quorsum ista addita est exceptio? Veriti sunt scilicet, ne frigeret auditorium: si minus celebris esset locus. Hoc verò perinde est, ac si nihil dicerent: sed volunt idem ius in oppidis insignibus seruari. Dicunt quidem: sed quam rationem expediunt? Vt vel episcopus stipendium ex simplici beneficio assignet: vel contribuat clerus diæceseos, vel à canonicis ineatur alia ratio. Istæ verò disinctiones tantundem valent, ac si totidem seculis res protraheretur.

Simile est, quod de magistris subiiciunt: nam vt sacerdotia in eum vñsum conferantur, nunquam sperandum est. Multò verò minus, vt episcopi de mensa sua quicquam detrahant. Superest tertium, vt episcopus modum aliquem dispiciat. Atqui, priusquam inter eum & clerum de contributione lis finiatur, sepulta erit Tridentini Concilij memoria. Neque hoc ignorant boni decretistæ. Sed aliquid fingi oportuit, ne statim palam fieret, nihil esse actum.

Quartũ caput si obiter legatur, non parũ terrorem monachis incutere queat, ne ad theologiam reuocentur. Sed duæ sunt illic exceptiones, quæ omni eos metu

liberant: neque enim alibi lectiones ordinant, quàm ubi erit commodum. Atqui, nullum est monasterium, quod non sit bonis omnibus studijs magis inhospitale, quàm olim Cyclopus regio. In secunda verò tutius etiamnum quiescent. Mandatum enim datur episcopis, ut abbates compellant, si negligentes fuerint. Idque faciant, ut sedis Apostolica delegati. Ergo si quis episcopus molestiam abbati facisset: mox interueniet prouocatio. Romæ agetur causa. Quis exitus? Prius totam Scripturam monachi vorabunt, quàm cogantur ad lectionem vnā audiendam.

Porrò, ne quod celebre gymnasium theologia lectione careat: Principes, ac Respublicas horiātur ad sumptus conferēdos. Quasi multū pōderis habitura sit perfunctoria hæc commendatio. Præsertim cum satis constet, plus centuplo ingurgitari ab otiosis ventribus, quàm quod in hunc usum sufficeret. Cur ergo inde potius sumi non præcipiunt: nisi quia cauent veluti data opera, ne quid fiat?

Quando eiusdem generis sunt reliqua, non est quod excutiendis talibus nanijs bonas horas malè perdam. Certum quidem est, eos, verba fundendo, voluisse tenebras offundere simplicibus, ut aliquid rei subesse crederent, donec experimento discerent, se fuisse delusos: quisquis autem vnciam habet sani iudicij, mecū agnoscat nihil esse, præter raucum verborū murmur, quod ne ipsi quidem exaudiri volūt.

SEXTA SESSIO.



CVM hoc tempore non sine animarum iactura, & graui Ecclesiastica vnitatis detrimento, erronea quædam disseminata sit de iustificatione doctrina: ad laudem, & gloriam omnipotentis Dei, Ecclesiæ tranquillitatem, & animarum salutem, sacrosancta, & œcumenica Tridentina Synodus, in Spiritu sancto legitime congregata, præsidentibus in ea nomine Sanctissimi in Christo Patris, & D. N. Pauli, diuina providentia Papæ, I I I. Reuerendiss. do. Io. Maria, Episcopo Prænestino, de monte: & Marcello tit. sanctæ Crucis, in Hierusalē, presbyteris Rom. Eccle. Cardin. & Apostolicis, de latere legatis: exponere intendit omnibus Christi fidelibus, verā sanāque doctrinā, ipsius iustificationis: quam soli iustitiæ Christus, fidei nostræ author, & consummator docuit, Apostoli tradiderunt, & catholica sancta Ecclesia, Spiritu sancto suggerente, perpetuò retinuit. Districtius inhibendo, ne deinceps audeat quisquam aliter credere, prædicare, aut docere quàm præsentī decreto statuitur, & declaratur.

De imbecillitate naturæ, ac legis, ad iustificandos homines.

I I. Declarat sancta Synodus, ad iustificationis doctrinam propriè ac sincere intelligendam, oportere ut vnusquisque agnoscat, & fateatur, quòd cum omnes homines in prauaricatione Adæ, innocentiam perdidissent, facti immundi, &, ut Apostolus inquit, natura filij iræ: quemadmodum etiam in decreto de peccato originali exposuit. vsque adeò erant serui peccati, & sub potestate Diaboli, ac mortis, ut nō modò Gætes, per vim naturæ, sed nec Iudæi quidē, per ipsam etiam literam legis Moysi, inde liberati, aut surgere possent, tametsi in eis liberum arbitrium minimè extinctum esset, licet viribus attenuatum, & inclinatum.

De

De dispensatione, & ministerio aduentus Christi.

III. Quo factum est, ut cœlestis Pater misericordiarum, & Deus totius consolationis, Christum Iesum, Filium suum, & ante legem & legis tempore, multis sanctis Patribus declaratum, ac promissum, cum venit beata illa plenitudo temporum, ad homines miserit, ut & Iudæos, qui sub lege erant redimeret, & gentes quæ non sectabantur iustitiam, iustitiam apprehenderent, atque omnes adoptionem filiorum reciperent: hunc proposuit Deus propitiatorem, per fidem in sanguine ipsius, pro peccatis nostris: non solum autem pro nostris: sed etiam pro totius mundi.

Qui per Christum iustificentur.

IIII. Verum, etsi ille pro omnibus mortuus est, non omnes tamen mortis eius beneficium recipiunt, sed hi duntaxat, quibus meritum passionis eius communicatur. Nā sicut re vera homines, nisi ex semine Adæ propagati nascerentur, non nascerentur iniusti, cum ea propagatione, per ipsum, dum concipiuntur, propriam iniustitiam contrahant: ita, nisi in Christo renascerentur, nunquam iustificarentur: cum ea renascentia per meritum passionis eius, gratia, qua iusti fiunt, illis tribuatur. Pro hoc beneficio, Apostolus gratias nos semper agere hortatur Patri, qui nos dignos fecit in partem sortis Sanctorum in lumine, & eripuit nos de potestate tenebrarum, transtulitque in Regnum Filij dilectionis suæ. In quo habemus redemptionem, & remissionem peccatorum.

Insinuatur descriptio iustificationis impij, & modus eius in statu gratiæ.

V. Quibus verbis iustificationis impij descriptio insinuatur, ut sit translatio ab eo statu, in quo homo nascitur filius primi Adæ, in statum gratiæ & adoptionis filiorum Dei, per secundum Adam, Iesum Christum saluatorem nostrum: quæ quidem translatio post Euangelium promulgatum, sine lauacro regenerationis, aut eius voto fieri non potest: sicut scriptum est: Nisi quis renatus, &c.

De necessitate preparationis ad iustificationem in adultis, & unde sit.

VI. Declarat præterea ipsius iustificationis exordium in adultis, à Dei per Christum Iesum gratia præueniente sumendum esse: hoc est ab eius vocatione, qua nulli eorum existentibus meritis vocantur, ut qui per peccata à Deo auersierant, per eius excitantem atque adiuantem gratiam, ad conuertendum se, ad suam ipsorum iustificationem, eidem gratiæ liberè assentiendo, & cooperando disponantur: ita ut tangente Deo cor hominis, per Spiritum sanctum illuminationem, neque homo ipse nihil omnino agat, in inspirationem ipsam percipiens: quippe qui & illam abijcere potest; neque tamen sine gratia Dei mouere se ad iustitiam coram ipso, libera sua voluntate possit. Vnde in sacris literis, cum dicitur: Conuertimini ad me, & ego conuertar ad vos: libertatis nostræ admonemur. Cum verò respondeamus: Conuerte nos Domine, & ad te conuertemur, Dei nos gratia præueniri confitemur.

VII. Disponuntur autem ad ipsam iustitiam, dum excitati diuina gratia, & adiuti, fidem ex auditu concipientes, liberè mouentur in Deum, credentes vera esse, quæ diuinitus reuelata, & promissa sunt. Atque illud in primis: à Deo iustificari impium per gratiam eius, per redemptionem, quæ est in Christo Iesu: & dum peccatores se esse intelligētes, à diuinæ iustitiæ timore, quo vtiliter cōcutiuntur, ad considerandā Dei misericordiā, se conuertendo, in spem eriguntur, fidentes Deum, per Christum sibi propitium fore: illūque, tanquam omnis iustitiæ fontem, diligere incipiunt. Ac propterea mouentur aduersus peccata, per odium aliquod, & detestationem: hoc est, per eam pœnitentiam, quam ante baptismum agi oportet. Denique dum proponunt suscipere baptismum, inchoare nouam vitam, & seruare diuina mandata. De hac dispositione scriptum est: Accedentem ad Deum oportet credere, quia est: & quod inquirentibus eum remunerator sit: & Confide fili, remittuntur tibi peccata tua. & Timor Domini expellit peccatū. & Pœnitentiā agite. & Baptizetur vnusquisque vestrum in nomine Iesu Christi. & Accipietis remissionem peccatorum vestrorum, & donum Spiritus sancti. & Euntes docete omnes gentes, baptizantes eos in nomine Patris, & Filij, & Spiritus sancti, docentes eos seruare ea, quacūque mādauī vobis. Deniq;: Preparate corda vestra Domino, &c.

Quid sit iustificatio impij, & quæ eius causa.

VIII. Hanc præparationem, seu dispositionem, iustificatio ipsa consequitur, quæ non est sola peccatorum remissio, sed & sanctificatio, ac renouatio interioris hominis, per voluntariam susceptionem gratiæ, & donorum: vnde homo ex iniusto fit iustus, ex inimico fit amicus: vt sit hæres, secundum spem vitæ æternæ. Huius iustificationis causæ sunt: Finalis quidē, gloria Dei & Christi, ac vita æterna. Efficiens verò, misericors Deus, qui gratuito abluit & sanctificat, signans & vngens Spiritu promissionis sancto, qui est pignus hereditatis nostræ. Meritoria autem n. dilectus vnigenitus Filius suus D. N. Iesus Christus, qui cum effemus inimici, propter nimiam charitatem, qua dilexit nos, sua sanctissima passione, in ligno crucis, nobis iustificationē meruit, & pro nobis Deo Patri satisfecit. Instrumentalis item, sacramentum baptismi, quod est sacramentū fidei, sine qua nulli vnquam contigit iustificatio. Demum unica formalis causa, est iustitia Dei, non qua ipse iustus est: sed qua nos iustos facit: qua videlicet ab eo donati renouamur spiritu mentis nostræ: & non modò reputamur, sed verè iusti nominamur & sumus, iustitiam in nobis recipientes vnusquisque suam, secundum mensuram quam Spiritus sanctus partitur singulis, prout vult, & secundum propriam vniuscuiusque dispositionem & cooperationem. Quamquam enim nemo possit esse iustus, nisi cui merita passionis Christi communicantur: id tamen in hac impij iustificatione fit, dum eiusdem sanctæ passionis merito, per Spiritum sanctum charitas Dei diffunditur in cordibus eorum, qui iustificantur, atque ipsis inhaeret: vnde in ipsa iustificatione, cum remissione peccatorum, hæc omnia simul infusa accipit homo, per Iesum Christum, cui inseritur, fidem, spem, & charitatem: nam fides nisi ad eam spes accedat, & charitas, neque vnit perfectè cum Christo, neque corporis eius viuū membrum efficit.

efficit. Qua ratione verissimè dicitur, fidem sine operibus mortuam, & otiosam fore: & in Christo Iesu, neque circumcisionem, neque præputium aliquid valere, sed fidem quæ per charitatem operatur. Hanc fidem ante baptismi sacramentum, ex traditione Apostolorum, cathecumeni ab Ecclesia petunt, cum petunt fidem, vitam æternam præstantem, quam sine spe, & charitate, fides præstare non potest. Vnde statim verbum Christi audiunt: Si vis ad vitam ingredi, serua mādāta. Itaque veram & Christianam iustitiam accipientes, eam, ceu primam stolam, pro illa, quam Adam sua inobedientia sibi & nobis perdidit, per Christum Iesum illis donatam candidam, & immaculatam, iubentur statim renati conseruare, ut eam proferant ante tribunal Domini nostri Iesu Christi, & habeant vitam æternam,

Quomodo intelligatur impium, per fidem, & gratis iustificari.

IX. Cùm verò Apostolus dicat, iustificari hominem per fidem & gratis: eā verba in eo sensu intelligenda sunt, quem perpetuus Ecclesiæ catholicæ consensus tenuit, & expressit, ut scilicet, per fidem ideo iustificari dicamur, quia fides est humanæ salutis initium, fundamentum & radix omnis iustificationis, sine qua impossibile est placere Deo, & ad filiorum consortium peruenire. Gratis autem iustificari, ideo dicamur, quia nihil eorum quæ iustificationem præcedunt, siue fides, siue opera, ipsam iustificationis gratiam promeretur: sic enim gratia iam non ex operibus: alioquin gratia, iam non esset gratia.

Contra inanem hæreticorum fiduciam.

X. Quauis autem necessarium sit credere, neque remitti, neque remissa vnquam fuisse peccata, nisi gratis, diuina misericordia, per Christum: nemini tamen fiduciam & certitudinem remissionis peccatorum suorum iactanti, & in ea sola quiescenti, peccata dimitti, vel dimissa esse dicendum est: cùm apud hæreticos, & scismaticos possit esse. Imo nostra tempestate sit, & prædicetur, magna contra Ecclesiam catholicam contentione, hac vana, & ab omni pietate remota fiducia. Sed neque illud asserendum est, oportere eos qui verè iustificati sunt, absque vlla omnino dubitatione apud semetipsos statuere, se verè esse iustificatos, neminemque absolui à peccatis, ac iustificari, nisi eū qui certò credat se absolutū, ac iustificatum esse: atque hac sola fide absolutionē ac iustificationē perfici: quasi qui hoc non credit, de Dei promissione, deq; mortis ac resurrectionis Christi dubitet efficacia: nam sicut nemo pius de Dei misericordia, de Christi merito, ac sacramentorū virtute & efficacia dubitare debet, sic quilibet dum suam propriā infirmitatem, ac indispotionē respicit, de sua gratia formidare, ac timere potest: cū nullus scire valeat certitudine fidei, cui non potest subesse falsum, se gratiam Dei esse consecutum.

De acceptæ iustificationis incremento.

XI. Sic ergo iustificati, & amici Dei, & domestici facti, euntes de virtute in virtutē renouantur, ut Apostolus inquit, de die, in diem: hoc est, mortificant membra carnis suæ, & exhibentes ea arma iustitiæ Deo, in sanctificationem, per obseruationem mandatorum Dei, & Ecclesiæ, in ipsa iustitia, per Christi gratiam accepta, cooperante fide, bonis operibus, crescunt: & magis ac magis iustificantur, sicut scriptum est: Qui iustus est, iustificetur adhuc: & iterum, Ne verearis vsque ad

mortem iustificari: & rursus, Videtis quoniam ex operibus iustificatur homo, & non ex fide tantum. Hoc verò iustitia incrementum petit sancta Ecclesia, cum orat: Da nobis Domine, fidei, spei, & charitatis augmentum, &c.

De obseruatione mandatorum, deque illius necessitate, & possibilitate.

XII. Nemo autem quātumvis iustificatus, liberum se esse ab obseruatione mandatorum putare debet: nemo temeraria illa, & à patribus sub anathemate prohibita voce vti debet, Dei præcepta homini iustificato, ad obseruandum esse impossibilia: nam Deus impossibile non iubet, sed iubendo monet & facere quod possis, & petere quod non possis, & adiuuat vt possis: cuius mandata grauiam non sunt: cuius iugum suauis est, & onus leue. Qui enim Dei sunt, Christum diligunt: qui autem diligunt eum, vt ipsemet testatur, seruant sermones eius: quod vtique cum diuino adiutorio præstare possunt. Licet enim in hac mortali vita, quantumvis iusti & sancti, in leuia saltem, & quotidiana, quæ venialia dicuntur, peccata, quandoque cadant, non propterea desinunt esse iusti: nam iustorum illa vox est, & humilis & verax: Dimitte nobis debita nostra. Quo fit, vt iusti ipsi, eo magis se obligatos esse ad ambulandum in via iustitiæ sentire debeant, quò liberati à peccato, serui autem facti Deo, sobriè, iustè, & piè viuentes, proficere possint, per Christum Iesum, per quem habuerunt accessum in gratiam istam. Deus nanque sua gratia semel iustificatos non deserit, nisi prius ab eis deferatur. Itaque, nemo sibi in sola fide blandiri debet, putans fide sola heredem se esse constitutum, hereditatemque consecuturum: etsi Christo non compatiatur, vt & conglorificetur: nam & ipse Christus, cum esset Filius Dei, didicit ex his quæ passus est, obedientiam, & consummatus factus est omnibus obtemperantibus sibi, causa salutis æternæ. Propterea, Apostolus ipse monet iustificatos, dicens: Nescitis, quòd hi qui in stadio currunt, omnes quidem currunt, sed vnus accipit brauium? sic currite, vt comprehendatis: ego igitur sic curro, non quasi in incertum: sic pugno, non quasi aerem verberans, sed castigo corpus meum, & in seruitutem redigo, ne cum alijs prædicauerim, ipse reprobus efficiar. Item, Princeps Apostolorum: Satagite, vt per bona opera, certā vestrā vocationem faciatis, & electionē: hoc enim facientes, non peccabitis aliquādo. Vnde constat eos religionis orthodoxæ doctrinæ aduersari, qui dicunt iustum in omni opere bono peccare, saltem venialiter: aut, quod intolerabilius est, poenas æternas mereri. Atque etiam eos, qui statuunt in omnibus operibus iustam peccare, si in illis suam ipsorum socordiam excitando, & se ad currendum in stadio cohortando, cum hoc, vt in primis glorificetur Deus, mercedem quoque intuerentur æternam, vt scriptum est: Inclinaui cor meum, ad faciendas iustificationes tuas, propter retributionem. Et de Moise dicat Apostolus, quod aspiciebat in remunerationem.

Prædestinationis temerariam præsumptionem cauendam esse.

XIII. Nemo quoque, quandiu in hac mortalitate viuit, de arcano diuinæ prædestinationis mysterio vsque adeò præsumere debet, vt certò statuatur, se omnino esse in numero prædestinatorum: quasi verum esset, quod iustificatus, aut amplius peccare non possit, aut si peccauerit, certam sibi resipiscenciam promittere debeat: nam sine speciali reuelatione scire non potest, quos Deus sibi elegerit.

De

De perseverantia munere.

XIIII. Similiter de perseverantia munere, de quo scriptum est: *Qui perseveraverit usque in finem, salvus erit: quod quidem aliunde haberi non potest, nisi ab eo, qui potens est, eum qui stat, statuere, ut perseveranter stet: & eum qui cadit, restituere: nemo sibi certi aliquid, absoluta certitudine polliceatur, tametsi in Dei auxilio firmissimam spem collocare & reponere omnes debent. Deus enim, nisi ipsi illius gratia defuerint, sicut coepit opus bonum, ita perficiet, operans velle, & perficere: tamen qui se existimat stare, videat ne cadat, & cum timore, ac tremore, salutem suam operetur, in laboribus, in vigilijs & in eleemosynis, in orationibus, & in oblationibus, in ieiunijs & castitate. Formidare enim debent, scientes quod in spem gloriae, & nondum in gloria renati sunt: de pugna, quae superest cum carne, cum mundo, cum Diabolo, in qua victores esse non possunt, nisi cum Dei gratia, Apostolo obtemperent dicenti, Debitores sumus non carni, ut secundum carnem vivamus: si enim secundum carnem vixeritis, moriemini: si autem Spiritu facta carnis mortificaveritis, vivetis.*

De lapsis, & eorum reparatione.

XV. Qui verò ab accepta iustificationis gratia, per peccatum exciderunt, rursus iustificari poterunt, cum excitante Deo, per poenitentiae sacramentum, merito Christi, amissam gratiam reparare procuraverint. Hic enim iustificationis modus est, lapsi reparatio, quam secundam post naufragium deperditae gratiae tabulam, aptè nuncuparunt patres. Etenim pro his qui post baptismum, in peccata labuntur, Christus Iesus sacramentum statuit poenitentiae, cum dixit: *Accipite Spiritum sanctum: quorum remiseritis peccata, remittuntur eis: & quorum retinueritis, retenta sunt.* Vnde dicendum est, Christiani hominis poenitentiam, post lapsum, multò aliam esse à baptismali, eamque contineri non modò cessatione à peccatis, & eorum detestatione, aut corde contrito & humiliato: verum etiam eorundem sacramentali confessione: saltem in voto, & suo tempore facienda, & sacerdotali absolutione. Itèmq; satisfactione, per ieiunia, eleemosynas, orationes, & alia pia spiritualis vitae exercitia, non quidem, pro poena aeterna, quae etiam sacramenti voto, unà cum culpa remittitur: sed poena temporali, quae, ut sacrae litterae docent, non tota semper, ut in baptismo fit, dimittitur illis, qui gratiae Dei, quam acceperunt ingrati, Spiritum sanctum contristauerunt, & templum Dei violare non sunt veriti. De qua poenitentia scriptum est: *Memor esto unde excideris: age poenitentiam, & prima opera fac.* Et iterum: *Quae secundum Deum tristitia est, poenitentiam in salutem stabilem operatur.* Et rursus: *Poenitentiam agite, & facite fructus dignos poenitentiae.*

Quolibet mortali peccato amitti gratiam, sed non fidem.

XVI. Aduersus etiam quorundam hominum callida ingenia, qui per dulces sermones, & benedictiones, seducunt corda innocentum: assidendum est, non modò infidelitate, per quam etiam ipsa fides amittitur: sed etiam quocunque alio

mortali peccato, quanvis non amittatur fides, acceptam iustificationis gratiam, diuinæ Legis doctrinam defendendo, quæ à regno Dei, non solum infideles excludit, sed & fideles quoscunque, fornicarios, adulteros, molles, masculorum concubito- res, fures, auaros, ebriosos, maledicos, rapaces, ceterosque omnes, qui lethalia com- mittunt peccata, à quibus cum diuinæ gratiæ adiumento abstinere possunt, & pro quibus à Christi gratia separantur.

De fructu iustificationis: hoc est, de merito bonorum operum,
deque ipsius meriti ratione.

XVII. Hac igitur ratione, iustificatis hominibus, siue gratiâ acceptam perpetuò conseruauerint, siue amissam recuperauerint, proponenda sunt Apostoli verba: *Abundate in omni opere bono, scientes, quòd labor vester non est inanis in Domino: non enim iniustus est Deus, vt obliuiscatur operis, & dilectionis, quam ostendistis in nomine eius. & Nolite amittere confidentiâ vestram, quæ magnam habet remunerationem. Atq; ideo benè operantibus vsque in finē, & in Deo spe- rantibus, proponenda est vita æterna, & tanquã gratia filiis Dei, per Christũ Ie- sum misericorditer promissa, & tanquam merces, ex ipsius Dei promissione, bonis ipsorũ operibus, & meritis fideliter reddenda: hæc est enim corona iustitiæ, quam post suum certamen, & cursum repositam sibi esse aiebat Apostolus, à iusto iudice sibi reddendã, non solum autem sibi, sed & omnibus qui diligunt aduentum eius. Cùm enim ille ipse Christus Iesus, tanquam caput in mēbra, & tanquã vitis in pal- mites, in ipsos iustificatos iugiter virtutē influat, quæ virtus bona eorũ opera an- tecedit, comitatur, & subsequitur, & sine qua nullo pacto Deo grata, & merito- ria esse possent: nihil ipsis iustificatis amplius deesse credendũ est, quominus plenè illis quidē operibus, quæ in Deo sunt facta, diuinæ legi, pro huius vitæ statu satisfecis- se, & vitã æternam suo etiã tēpore, si tamen in gratia decesserint, consequendam verè promeruisse cēseantur. Cùm Christus saluator noster dicat: Si quis biberit ex hac aqua, quam ego dabo ei, non sitiet in æternum: sed fiet in eo fons aquæ salien- tis in vitã æternam. Ita neque propria nostra iustitia, tanquam ex nobis propria statuitur, neque ignoratur aut repudiatur iustitia Dei: quæ enim iustitia nostra dicitur, quia per eam, inhaerentem nobis, iustificamur: illa eadem Dei est, quia à Deo nobis infunditur, per Christi meritum. Neque verò illud omittendum est, quòd licet bonis operibus in sacris literis vsque adeò tribuatur, vt etiam qui v- ni ex minimis suis potum aquæ frigide dederit, promittat Christus, eum non esse sua mercede cariturum: & Apostolus testetur, id quod in præsentī est mo- mentaneum & leue tribulationis nostræ, supra modum in sublimitate, æternum gloriæ pondus operari in nobis. A'sit tamen, vt Christianus homo in seipso, vel confidat, vel gloriatur, & non in Domino: cuius tanta est erga omnes ho- mines bonitas, vt eorum velit esse merita, quæ sunt ipsius dona. Et quia in multis offendimus omnes, vnusquisque, sicut misericordiam, & bonitatem, i- ra seueritatem & iudicium, ante oculos habere debet: neque seipsum aliquis, e- tiam si nihil sibi conscius fuerit, iudicare: quoniam omnium hominum vita, non humano iudicio examinanda & iudicanda est, sed Dei, qui illuminabit abscon- dita tenebrarum, & manifestabit consilia cordium, & tunc laus erit vnicuique à Deo,*

Deo, sicut scriptum est: Reddet unicuique secundum opera sua.

Post hanc catholicam, de iustificatione doctrinam, quam nisi quisque fideliter, firmiterque crediderit, iustificari non poterit: placuit sanctæ Synodo, hos Canones subiungere, ut omnes sciant, non solum quid tenere & sequi, sed etiam quid vitare & fugere debeant.

CANONES.

I. Si quis dixerit, Hominem, suis operibus, quæ vel per humanam naturam vires, vel per Legis doctrinam fiunt, absque diuina per Christum gratia, posse iustificari: Anathema sit.

II. Si quis dixerit, Ad hoc solum diuinam per Christum Iesum gratiam dari, ut facilius homo iuste vivere, ac vitam æternam promereri possit, quasi per liberum arbitrium, sine gratia, utcumque, sed ægrè tamen, & difficulter possit: Anathema sit.

III. Si quis dixerit, Sine præueniente Spiritus sancti inspiratione, atque eius adiutorio, hominem credere, sperare, diligere, aut penitere posse, si- cut oportet, ut ei iustificationis gratia comparetur: Anathema sit.

IIII. Si quis dixerit, Liberum hominis arbitrium, à Deo motum & excitatum, nihil cooperari assentiendo, Deo excitanti & vocanti, quo ad obtinendam iustificationis gratiam se disponat atque præparet, neque posse dissentire: sed velut inanime quoddam, nihil omnino agere, merèque passivè se habere: Anathema sit.

V. Si quis liberum hominis arbitrium, post Adæ peccatum, amissum, & extinctum esse dixerit: aut rem esse de titulo solo, imò titulum sine re, figmentum denique à Sathana inuentum in Ecclesiam: Anathema sit.

VI. Si quis dixerit, Non esse in hominis potestate, vias suas malas facere: sed mala opera ita ut bona, Deum operari, non permissivè solum, sed etiam propriè, & per se: aded ut sit proprium eius opus non minus proditio Iudæ, quam vocatio Pauli: Anathema sit.

VII. Si quis dixerit, Opera alia, quæ ante iustificationem fiunt, quacunque ratione facta sint, verè esse peccata, vel odium Dei mereri: aut quantò vehementius quis nititur se disponere ad gratiam, tantò eum gravius peccare: Anathema sit.

VIII. Si quis dixerit, Gehennæ metum, per quem ad misericordiam Dei, de peccatis dolendo confugimus, vel à peccatis abstinemus, peccatum esse, aut peccatores peiores facere: Anathema sit.

IX. Si quis dixerit, Sola fide iustificari impium, ita ut intelligat nihil aliud requiri quod ad iustificationis gratiam consequendam cooperetur, & nulla ex parte necesse esse, eum sue voluntatis motu præparari atque disponi: Anath. sit.

X. Si quis dixerit, Homines, sine Christi iustitia, per quam nobis meruit iustificari, aut per eam ipsam, formaliter iustos esse: Anathema sit.

XI. Si quis dixerit, Hominem iustificari, vel sola imputatione iustitiæ Christi, vel sola peccatorum remissione, exclusa gratia, & charitate, quæ in cordibus eorum per Spiritum sanctum diffunditur, atque illis inhaeret: aut etiam gratiam, qua iustificamur, esse tantum favorem Dei: Anathema sit.

XII. Si quis dixerit, Iustificationem, nihil aliud esse, quam fiduciam

diuina misericordia, peccata remittentis per Christum, vel eam fiduciam solam esse, qua iustificamur: *Anathema sit.*

XII. Si quis dixerit, Homini cuilibet, ad remissionem peccatorum assequendam, necessarium esse, ut credat certò, & absque ulla hesitatione propria infirmitatis, & indispositionis, peccata sibi remissa: *Anathema sit.*

XIII. Si quis dixerit, Hominem absolui à peccatis, aut iustificari ex eo, quòd se absolui, aut iustificari certò credat: aut neminem esse iustificatum verè, nisi qui credit se esse iustificatum, & à sola fide absolutionem, & iustificationem perfici: *Anathema sit.*

XV. Si quis dixerit, Hominem renatum, vel iustificatum teneri ex fide, ad credendum se certò esse in numero prædestinatorum: *Anathema sit.*

XVI. Si quis dixerit, Illud magnum perseuerantia donum, se certò habiturum, absoluta & infallibili certitudine: nisi hoc ex speciali reuelatione didicerit, *Anathema sit.*

XVII. Si quis iustificationis gratiam, non nisi prædestinatis ad vitam contingere dixerit: reliquos verò omnes, qui vocantur, vocari quidem, sed gratiam non accipere, vtpote diuina potestate prædestinatos ad malum: *Anathema sit.*

XVIII. Si quis dixerit, Dei præcepta, homini etiam iustificato, & sub gratia constituto, esse ad obseruandum impossibilia: *Anathema sit.*

XIX. Si quis dixerit, Nihil præceptum esse in Euangelio, præter fidem, cetera esse indifferentia, neque præcepta, neque prohibita, sed libera: aut decem præcepta, nihil pertinere ad Christianos: *Anathema sit.*

XX. Si quis hominem iustificatum, & quantumlibet perfectum dixerit, non teneri ad obseruantiam mandatorum Dei & Ecclesie: sed tantum ad credendum, quasi verò Euangelium sit nuda, & absoluta promissio vitæ æternæ, sine conditione obseruationis mandatorum: *Anathema sit.*

XXI. Si quis dixerit, Christum Iesum à Deo hominibus datum fuisse redemptorem, cui fiant, non item ut Legislatorem, cui obediant: *Anathema sit.*

XXII. Si quis dixerit, Iustificatum, vel sine speciali auxilio Dei, in accepta iustitia perseuerare posse, vel cum Dei auxilio non posse: *Anathema sit.*

XXIII. Si quis hominem semel iustificatum, dixerit amplius peccare non posse, neque gratiam amittere, atque ideo eum, qui labitur, vel peccat, nunquam verè fuisse iustificatum, aut posse tota vita peccata omnia, etiam venialia vitare, nisi ex Spiritus Dei priuilegio, quemadmodum de beata Virgine tenet Ecclesia: *Anathema sit.*

XXIV. Si quis dixerit, Acceptam iustitiam non conseruari, atque etiam non augeri coram Deo, per bona opera: sed opera ipsa, fructus solummodo, & signa esse iustificationis adeptæ, non etiam ipsius augendæ causam: *Anath. sit.*

XXV. Si quis in quolibet bono opere iustum, saltem venialiter peccare dixerit, aut, quod intolerabilius est, mortaliter, atque ideo pœnas æternas mereri, tantumque ob id, non damnari, quia Deus ea opera non imputet ad damnationem: *Anathema sit.*

XXVI. Si quis dixerit, Iustos non debere, pro bonis operibus, quæ in Deo fuerunt facta, expectare, & sperare æternam retributionem à Deo, per eius misericordiam, & Iesu Christi meritum, si bene agendo, & diuinæ manda-

ta, custodiendo vsque in finem perseuerauit: *Anathema sit.*

XXVII. Si quis dixerit, Nullum esse mortale peccatum, nisi infidelitatis: aut nullo alio, quantumuis graui & enormi, praterquam infidelitatis peccato, semel acceptam gratiam amitti: *Anathema sit.*

XXVIII. Si quis dixerit, Amissa per peccatum gratia, simul & fidem semper amitti: aut fidem, quæ remanet, non esse verā fidem, licet non sit viua: aut cum qui fidem sine charitate habet, non esse Christianum: *Anathema sit.*

XXIX. Si quis dixerit, Eum, qui post Baptismum lapsus est, non posse per Dei gratiam resurgere: aut posse quidem, sed sola fide, amissam iustitiam recuperare, sine sacramento pœnitentiæ: & prout sancta Romana & vniuersalis Ecclesia, à Christo Domino, & eius Apostolis edocta, hucusque professæ est, seruauit, & docuit: *Anathema sit.*

XXX. Si quis, post acceptam iustificationis gratiam, cui libet peccatori pœnitenti, ita culpam remitti, aut reatum æternæ pœnæ deleri dixerit, ut nullus remaneat reatus pœnæ temporalis exoluendæ, vel in hoc seculo, vel in futuro, in purgatorio, antequam ad regna cœlorum aditus patere possit: *Anathema sit.*

XXXI. Si quis dixerit, Iustificatum peccare, dum intuitu æternæ mercedis operatur bene: *Anathema sit.*

XXXII. Si quis dixerit, Hominis iustificati bona opera, ita esse dona Dei, ut non sint etiā bona ipsius iustificati merita: aut ipsum iustificatū bonis operibus, quæ ab eo, per Dei gratiā, & Iesu Christi meritū, cuius viuū mēbrum est, fiūt, nō verè mereri augmentū gratiæ in vitā æternā, & ipsius vitæ æternæ, si tamen in gratia decesserint consecutionem, atque gloriæ etiam augmentum: *Anathema sit.*

XXXIII. Si quis dixerit, Hanc doctrinam catholicam, de iustificatione, à sancta Synodo, hoc præsentī Decreto expressā, aliqua ex parte gloriæ Dei, vel meritis Iesu Christi Domini nostri derogari, & non potius veritatem fidei nostræ, Dei denique, ac Christi Iesu gloriam illustrari: *Anathema sit.*

IN SEXTAM SESSIONEM.



Doctrina de hominis iustificatione, facilis esset explicatu, nisi falsæ opinionones, quibus præoccupati sunt hominum animi, tenebras claræ luci obducerent. Hæc autem præcipua obscuritatis causa, quod ægerrimè adducimur, ut vni Deo in solidum relinquamus iustitiæ gloriā. Cupimus enim semper aliquid esse: & quæ nostræ stultitia est, etiam nobis videmur. Eiusmodi superbia, sicut ab initio ingenita fuit hominibus, ita Sathana ianuam aperuit, ad eos multis impijs, prauisq; persuasionibus imbuendos, quibus cum hodie nobis luctandum est. Et extiterunt seculis omnibus Sophistæ, qui in extolenda hominum iustitia, quod sciebant fore plausibile, stylum exercerent. Posteaquam singulari Dei beneficio factum est, ut communi veteris Ecclesiæ consensu, Petagii impietæ repudiaretur, non tam proteruè amplius de hominum meritis garrire ausi sunt: mediam tamen viam excogitarunt, ut in homine iustificando, neque totum Deo, neque nihil darent.

Hæc moderatio est, quam tenent venerandi patres, ad errores corrigendos, quos de iustificatione hominis, nostra ætate exortos esse dicunt. Sic quidem

præstantur, ut initio, nihil spirent præter Christum: sed cum ad rem ventum est, multum abest, quin illi relinquunt, quod suum est. Imò, nihil tandem aliud continet eorum definitio, quàm tritum illud scholarum dogma: Partim gratia Dei, partim operibus proprijs instificari homines: ut aliquanto se magis verecundos ostendant, quàm fuerit Pelagius. Quod ex re ipsa iudicare, promptum erit.

Nam capite secundo, ubi de peccato originali differunt, liberum arbitrium pronuntiant viribus fuisse attenuatum, & inclinatum, non tamen extinctum. De nomine non litigabo: sed cum libertatem minimè extinctam fuisse contendunt, hoc sanè intelligunt, aliquid restare facultatis humanæ voluntati, ad bonum eligendum. Vbi enim non est interitus, illic saltem aliqua est vitæ portio. Tollunt deinde omnem ambiguitatem, cum attenuatum dicunt & inclinatum. Ergo, si illis credimus, debilitauit nos peccatum originale, ut voluntatis nostræ vitium non prauitas sit, sed infirmitas. Nam si praua omnino voluntas esset, non inclinata modò esset sanitas & attenuata, sed perditæ, donec noua fieret. Atqui, hoc posterius Rom. 3. ubique Scriptura docet. Ut innumera testimonia omittam, Paulus cum de natura humani generis concionatur, non infirmitatis damnat liberum arbitrium, sed omnes esse inutiles pronuntiat, auersos à Deo, & tyrannidi peccati addictos: ita, 2. Cor. 3. ut idoneos esse neget ad quicquam boni cogitandum. Neque tamen interea negamus, quin maneat homini voluntas, sed mala. Nam lapsus Adæ, non sustulit voluntatem: sed ex libera, seruam fecit, ut non modò ad peccandum sit procliuus, sed peccato obnoxia. Qua de re, paulò pòst rursus dicendum erit.

Tertium & quartum caput non attingo. Circa finem quinti capitis, translationem in statum gratiæ fieri negant, sine baptismo, aut eius voto. Quæso, an non præstitisset dicere: verbo & sacramentis communicari nobis Christum: vel, si ita loqui magis placebat, applicari, quàm solius baptismi facere mentionē? Verum, infantes à regno Dei arcere libuit, qui antè erepti sunt ex hac vita, quàm offerri ad baptismū potuerint. Quasi verò de nihilo dictum sit, eos nasci sanctos, qui ex fidelibus nascuntur. Imò, quo iure ad baptismum eos admittimus, nisi quòd promissionis sunt hæredes? Nisi enim iam antè ad eos pertineret vitæ promissio, baptismū profanaret, quisquis illis daret. Quòd si Deus in regnū suum eos adoptauit, quanta iniuria sit promissioni, quasi per se ad eorum salutē non sufficiat? Inualuit contraria opinio, fateor: sed iniquum est, hominū errore, quantum diuturno, obrui Dei veritatē. Inclusa est infantium salus in promissione, qua Deus fidelibus testatur, se fore illis Gen. 17. & semini eorum in Deum. Hac ratione sibi nasci pronuntiabat, qui ex Abraham ducebant originem. Huius promissionis beneficio recipiuntur ad baptismum, quia censentur Ecclesiæ membra. Non à baptismo igitur initium habet eorum salus, sed quæ iam in verbo fundata erat, baptismo obsignatur. At obtrudunt definitionis architecti illam sententiam: Nisi quis renatus fuerit ex aqua & Spiritu. Primum, si aqua Baptismum illis significat: quis eis concedet, simul etiā significare baptismi percipiendi votum? At si dicam, alium esse loci sensum, ac quosdam ex veteribus secutus, Aquæ nomen, pro Mortificatione accipiam: non erūt, opinor, tam infesti, ut me propterea hæreticum iudicent. Ego tamen epitheti vice additum interpretor, ut vim naturamque Spiritus exprimeret: neque enim efficient, ut magis hic aqua sumatur pro baptismo, quàm alibi ignis pro quouis sacramēto, cum dicitur: In Matt. 3. Spiritu sancto & igni. En cur sibi summum ius interpretandæ Scripturæ usurpēt.

Sexto capite asserunt, gratia Dei nos preparari ad percipiendam iustitiam: sed huic gratiæ partes assignant excitandi, & adiuuandi: vt ipsi liberè cooperemur. Nempe, putidas nanias hîc audimus, quas in scholis deblaterare Sophistæ solent. Ego autem quæro, siue idem excitare voluntatem, & adiuuare per se infirmam: an cor nouum formare in homine, vt velit. Respondeant ergo, an cor nouum creare, ex corde lapideo facere cor carneum (quorum vtrunque Scriptura testatur Deū in nobis facere) nihil aliud sit, quàm supplere quod deest infirmæ volūta-
 ti. Quòd si minus eos mouent illa testimonia: respondeant, an qui efficit in nobis velle, simpliciter voluntatem adiuuet. Paulus totum Deo vendicat: isti nihil ei, præter adminiculum, acceptum ferunt. Sed in quo hominē Deo socium adiungunt? Quia gratiam Dei, quam repudiare posset, liberè recipit, & Spiritus sancti illuminationem. Quantum ex Dei virtute detrahunt, quæ à Propheta describitur? Dabo, inquit, legem meā in corda vestra, faciāmque, vt in præceptis meis ambuletis. Sed hoc est scilicet, quod alicubi ab Augustino traditum est: Laborant, inquit, homines, vt inueniant in nostra voluntate, quid boni sit nostrum, quod nobis non sit ex Deo: & quid inueniri possit, ignoro. At verò, vt alibi tradit: Si relinqueretur homini sua voluntas, vt in adiutorio Dei maneret, si vellet: nec Deus etiam efficeret ipsum velle: inter tot ac tantas tentationes, infirmitate sua voluntas succumberet. Ideo subuentum est infirmitati voluntatis humanæ, vt diuina gratia indeclinabiliter, & inseparabiliter ageretur: & ideo, quanuis infirma, non deficeret. Excudūt autem Neptunij patres in noua officina, quod Augustino fuit ignotum: nō esse ex Deo gratiæ receptionē: quia libero volūtatē propriæ motu, Deo vocanti assentiāmur. At repugnat Scriptura, quæ Deū authorem facit bonæ volūtatē. Aliud est, moueri à Deo voluntatem vt obsequatur, si libeat: aliud autē, formari vt bona sit. Porro nō se facturū promittit Deus, vt possimus bene velle: sed vt bene velimus: imo vltra progreditur, cū dicit, Faciam vt ambuletis. Quod diligenter ab Augustino annotatum est. Atque idem Paulus affirmat, cū docet Deum esse, qui & velle efficit in nobis, & perficere, pro suo beneplacito. In eo hallucinātur, quòd motū nobis offerri somniant, qui mediā electionē nobis relinquat: nihil autem de efficacia illa cogitāt, qua cor hominis renouatur, vt ex prauo fiat rectum. Hæc verò efficax Spiritus sancti operatio ab Iere. cap. 3. describitur, cū ita loquitur in persona Dei: Ponam timorē nominis mei in cordibus eorum, ne declinent à mandatis meis. Denique in eo falluntur, quòd nullū obseruant inter regenerationis gratiam, quæ nunc miseriæ nostræ subuenit, & primā, quæ Adæ data fuerat, discrimē: quod diligenter Augustinus exponit. Per mediatorem Christum, inquit, ex malis Deus facit deinceps in æternum bonos. Istam gratiam nō habuit primus homo, qua nunquam vellet esse malus. Tale quippe erat adiutorium, quod desereret cū vellet: & in quo permaneret, si vellet: non quo fieret, vt vellet. Sed potentior est gratia in secundo Adam, qua fit etiam, vt velimus: tantūque velimus, ac tanto ardore diligamus, vt carnis voluntatem contraria concupiscentem voluntate spiritus vincamus. Paulò pòst: Est in nobis, per hanc Dei gratiam, in bono recipiendo & perseueranter tenendo, nō solum posse quod volumus, verum etiam velle quod possumus. Quamquam longius est argumentum, quàm vt tam breuiter expediri queat: non tamen vereor, ne mea, quamlibet brevis admonitio non sufficiat apud sanos lectores refellendis eorum commentis. At Scripturam sibi quoque suffragari obten-

Eze. 11. 36
 Psal. 51.
 Philip. 3.

Iere. 31.
 Eze. 36.
 Heb. 8. 10
 Lib. de
 peccat.
 meritis. &
 remis. 2.

Decorrep
 & gratia.

Lib. ad Ro
 ni. 2. ca. 8.

Iere. 31. dunt. Nam cum dicitur, *Conuertere me Domine, & conuertar: ex eo colligunt, praeueniri homines Dei gratia.* Rursum ex his verbis, *Conuertimini ad me, & ego conuertar ad vos: liberi arbitrij vim eliciunt.* Scio alicubi *Augustinum* hac distinctione uti: sed longè diuerso sensu. *Disertè enim testatur, idque plurimis locis, gratiam Dei sic operari in nobis, ut ex nolentibus volentes faciat: unde etiam concludit, nihil hominem boni facere, quod Deus in ipso non faciat.* Quid ergo, inquires, sibi vult *Augustinus*, cum de libertate voluntatis loquitur? Nempe, quod toties repetit: non cogi homines inuitos Dei gratia, sed voluntarios regi, ut sponte parcant ac sequantur: ideo tamen, quia eorum voluntas ex mala, versa sit in bonam. **Lib. 2. de bono oper. cap. 13.** **Lib. 2. ca. 23. de Gra. & lib. arb.** Unde illud: *Nos ergo volumus, sed Deus in nobis operatur & velle.* Nos operamur, sed Deus efficit & operari. Itē, Bonum, quod non tenemus nisi propria voluntate, nō tamē tenebimus, nisi operetur in nobis & velle. Itē, Certum est, nos velle cum volumus: sed ille facit ut velimus. Certū est, nos facere cum facimus: sed ille facit ut faciamus, præbēdo vires efficacissimas voluntati. Hæc sit summa: Perperam eos facere, qui sic inter Deum & nos partiuntur, ut obedientiam piæ voluntatis, quæ Dei gratiæ assentitur, ad nos transcribant: cum proprium sit ipsius Dei opus.

Sed insistunt Prophetæ verbis: quod conuersionem à nobis exigendo, liberum arbitrium compellet: quod frustra faceret, eorum quidem opinione, nisi ali-quod esset liberum arbitrium. Fateor sanè, absurdas fore eiusmodi locutiones, nisi esset aliqua in homine voluntas. Non tamen propterea concedo, liberam obsequendi facultatem inde posse colligi. Valde enim nouitios esse oportet venerādos istos patres, si ex præceptis æstimant quid valeat homo: cum ideo potius requirat à nobis Deus, quod supra vires nostras est, ut imbecillitatis nostræ conuicti, superbiam omnem exuamus. Meminerimus ergo, aliud esse voluntatem in homine, aliud liberam boni ac mali electionem. Sublata enim post lapsum primi hominis eligendi libertate, sola voluntas relicta est, quæ sub peccati tyrannide captiua vsque adeo tenetur, ut non nisi ad malum feratur.

Porò, ne longius hic immoremur, dico apertè pugnare quod hic pronuntiat **Ioan. 3.** Tridentini patres, cum illa Christi sententia: *Quisquis audit à Patre meo, venit ad me.* Nam ut prudenter animaduertit *Augustinus*: unde sequitur, nullum à Deo audire & discere, quin simul in Christum credat: motumque Spiritus sancti sic esse efficacem, ut fidem semper gignat. Constituunt autem hoc in hominis optione, ut **De præd. Sanct. lib. 1. ca. 8.** Dei inspirationi, si velit, auscultet. Hæc nullo modo inter se conciliari possunt: omnes qui à Deo didicerint, Christo credere, & non aliter valere ratamque esse Dei inspirationem, nisi homines ex seipsis assentiantur. Prioris sententiæ auctoritatem habemus Filium Dei, qui secum minimè dissidet. Secundam ergo, quæ prorsus contraria est, cui acceptam feremus, nisi patri mendacij?

Post quā septimo capite, de modo præparationis, ita frigide tractarūt, ut quēuis non prorsus insipidū Papistā merito tāta insulsi atis padere debeat, tandē, capite octauo, ubi ad ipsam definitionē ventū est, in primis hoc cauēt, ne sola fide cōstare videatur hominis iustificatio. Quæstio est verbi, quid sit iustificatio. Negāt solā esse remissionē peccatorum, sed renouationem & sanctificationem simul contineri volūt. Nūquid hoc verum sit, videamus. Verba Pauli sunt capite ad Ro. 4, *Dauid beatitudinem hominis dicit, cui Deus imputat iustitiam sine operibus: Beati, quorū remissæ sunt iniquitates.* Si ex hac Dauidis sententia Paulus gratuita iustitiæ de-

fnitionem ritè elicit: sequitur, in remissione peccatorum esse positam. Sic enim interpretatur Paulus, iustum à Davide nuncupari, cui Deus iustitiam imputat, non imputando peccata. Sic & idem Apostolus, non adducto alterius testimonio, alibi ^{2. Cor. 5.} loquitur: Erat Deus in Christo, mundum sibi reconcilians, non imputando hominibus peccata. Deinde, continuò post adijcit: Eum qui peccatum non nouerat, pro nobis peccatum fecit, vt essemus iustitia Dei in illo. Quid apertius requiras, quàm nos coram Deo iustos censerì, quia Christi sacrificio expiata sint peccata nostra, ne amplius sub reatu nos teneant? Nec locus est vulgari cauillo, de iustificationis initio, ipsum agere: nam vtroque loco tractat, non qualiter incipiant iusti esse, qui fuerant hactenus infideles: sed quomodo iustitiam, quam semel consecuti sunt, retineant toto vitæ cursu. David enim de se loquitur, postquam inter filios Dei fuerat cooptatus. Et Paulus asserit, hanc esse perpetuam legationem, quæ in Ecclesia quotidie auditur. In eundem quoque sensum ad Rom. 10, Moyses iustitiam legis ^{Deut. 30.} describit, quòd qui fecerit ea, viuet in ipsis. Fidei autem iustitia sic dicit: Qui crediderit, &c. Videmus ideo legis iustitiæ opponi fidei iustitiam, quòd operibus minimè constet, sicut illa. Idem sibi volunt verba, quibus Lucas apud Antiochenos ^{Acto. 13.} ipsum esse vsum refert: Per hunc vobis annuntiatur remissio peccatorum: & ab omnibus, à quibus non potuistis iustificari in lege Moysi, in hoc omnis qui credit, iustificatur. Nam & remissioni peccatorum iustificatio, velut interpretationis loco, subiicitur, & absolutionem proculdubio significat: & legis operibus detrahitur, vt sit gratuita, & fide percipi dicitur. Quid? iustificatio publicani, Lucæ 17. quid aliud sonat, quàm iustitiæ imputationem, dum gratis acceptus est Deo? Et quoniam de verbi proprietate lis est: cum Christus à Paulo iustitia, & sanctificatio ^{1. Cor. 1.} nō sra predicatur, certè inter hac duo statuitur discrimen, quod Tridentini patres confundunt. Nam si duplex est gratia, quòd nos Christus iustificat, & sanctificat: iustitia vitæ innoationem sub se non complectitur. Nec aliter potest exponi illud ad Rom. 8, Quis accusabit aduersus electos Dei? Deus est qui iustificat, quàm de gratuita acceptione.

Nollem de verbo litigare, nisi inde totus causæ status pendèret. Verùm, cum tunc iustificari hominem tradunt, cum in obedientiam Dei reformatur: totum illud Pauli argumentum euertunt: Si ex lege est iustitia, exinanita est fides, & abolita promissio. Intelligit enim, neminem inuentum iri inter homines, in ^{Rom. 4.} quo salutis promissio compleatur, si innocentia conditione sit implicita: & ruituram mox esse fidem, si operibus fulciatur. Quod ideo verum est, quia quandiu respicimus quales sumus, necesse est nos coram Deo trepidare: tantum abest, vt certa & inconcussa vitæ æternæ fiducia nobis constet. De regenerato loquor. Quantum enim abest à iustitia, quæ in hac vita inchoatur vitæ noui as?

Neque tamen interea negandum est, quin perpetuò coniunctæ sint ac colæreāt duæ istæ res: sanctificatio & iustificatio: sed perperam inde infertur, vnā ac eandem esse. Exempli gratia: Solis lumen, etsi nunquam separatur à calore, nō tamen calor existimandus est. Nemoque tam rudis inuenitur, qui non vnū ab altero distinguat. Fatemur ergo, simulatque iustificatur quispiam, nec sariò innoationem quoque sequi. Neque verò de eo ambigitur, an sanctificet Christus necne, quosunque iustificat. Hoc enim esset lacerare Euangelium, adeoque Christum ipsum discerpere, si quis iustitiam, quam fide consequimur, separare velit à pœnitentia. Sed

rota nostra disceptatio est, de causa iustificationis. Hanc Tridentini patres duplicem esse fingunt: ac si partim remissione peccatorum, partim spirituali regeneratione iusti essemus. Vel, ut alijs verbis exprimam quod sentiunt: ac si partim imputatione, partim qualitate, iustitia nostra constaret. Ego autem unicam & simplicem esse assero, quæ tota continetur gratuita Dei acceptione. Eam præterea extra nos constituo: quia in solo Christo iusti sumus. Proferant si quod habent ex Scriptura testimonium, ut persuadeant quod docet. Ego cum totam habeam Scripturam mihi suffragantem, hac una ratione nunc contentus ero: quod cum mentio fiat iustitiæ operum, eam Lex & Euangelium in perfecta legis obedientia constituunt. Ea cum nusquam appareat, nihil aliud faciunt reliqui, nisi ut confugiamus ad solum Christum: ut in ipso iusti censeamur, quod in nobis non sumus. An mihi locum unum proferent, qui inchoatam nouitatem pro iustitia apud Deum probari testetur, vel in totum, vel ex parte? Quod si auctoritate destituuntur, cur non liceat repudiare quod hic obtrudunt figmentum, de partiali iustitia?

Porrò, quàm friuola sit & nugatoria causarum particio, quæ ab illis commemoratur, super fideo dicere: nisi quod taceri hoc nec debet, nec potest, nimis esse absurdum, quod causa instrumentalis nominatur solus baptismus. Quid igitur fiet Euangelio? Anne postremo quidè angulo hærebit? Sed baptismus est fidei sacramentum. Quis negat? Vbi tamen omnia dicia fuerint: hic nihilominus obtinebo, nihil esse aliud, quàm Euangelij appendicem. Præpostero igitur ordine primas illi deferunt: ac perinde omnino faciunt, ac si quis instrumentalem adificij causam diceret esse trullæ manubrium. Sanè quisquis, posthabito Euangelio, baptismum inter salutis causas numerat, eo ipso, quid sit baptismus, aut quid valeat, quodnam sit eius officium, aut quis vsus, nescire se prodit. Quid in causa formali præterea desyderem, canone. 10. dicendum erit: tantum hic attingam, quod præsentī loco conuenit. Iterum enim affirmant, nos verè iustos esse, non tantum reputari. Ego contra, tamen si concedo, nunquam recipi nos in Dei gratiam, quin simul nos regeneret in vitæ sanctitatem: falsum tamè esse cõtendo, vllum iustitiæ partem in qualitate sitam esse, vel habitum, qui in nobis resideat: sed gratuita acceptione, nos esse iustos. Nã cum docet Apostolus, propter vnius obedientiæ iustos constitui multos: satis, nisi fallor, ostendit, mutuari nos aliundè iustitiam, cuius in nobis indigemus. Et primo ad Ephesios capite, cum dicit, nos prædestinatos esse in adoptionem filiorum Dei, ut grati essemus in Filio, summā iustitiæ nostræ cõplectitur. Quātulacūque enim portio in opera nostra conferatur, eatenus vacillabit fides, & salus nostra hoc modo tota periclitabitur. Ergo cum Apostolo discamus, iustitiam nostram, quæ ex Lege est, tanquam noxium impedimentum, abijcere, ut illam obtineamus, quæ ex fide est Iesu Christi. Quālis autem sit, iam antè abundè demonstraui: & vno verbo Paulus, tertio capite ad Galatas, indicat: cum negat, iustitiam legis cum iustitia fidei congruere, quia in operibus sita sit.

Sed quid facias istis bestijs? Nam, postquam multas iustificationis causas recensuerunt, obliti de causa iustificationis sibi esse traciendum, iustitiæ partem operibus constare hinc colligunt, quod nemo absque spiritu regenerationis per Christum Deo reconcilietur. At quàm crassa est ista hallucinatio? Perinde enim id valet, ac si dicerent: Remissio peccatorum diuelli à pœnitentia non potest. Ergo hæc est pars illius. Hoc unicum est controuersiæ caput: quomodo iusti censeamur coram

Deo:

Deo: ubi fides nostra, qua sola iustitiam percipimus, eam quærere debeat. Vt millies repetant, non posse nos aliter merito passionis Christi communicare, quin simul regeneremur eius Spiritu, non tamen efficient quominus illud fixum maneat: ideo propitium nobis esse Deum, quia Christi morte placatus nobis fuerit: ideo nos reputari iustos coram ipso, quia illo sacrificio, expiatae fuerint nostrae iniquitates. *Ha-* Rom. 3.
bemus, inquit Paulus, propitiationem per fidem in sanguine Christi. Denique, ubi de causa queritur: quorsum attinet, accidens inseparabile obtrudi? Desinant ergo istis ineptijs ludere, vel cauillis ineptire: Accipit homo fidem, simul & spem, & charitatem: non igitur sola fides iustificat. Nam si nobis & oculi, simul & aures, & pedes, & manus conferuntur, non propterea tamen aut pedibus nos audire, aut manibus ambulare, aut palpare oculis, dicendum est. De Pauli testimonio perperam adducto, alibi dicitur.

Sequitur putida illius distinctionis approbatio: de fide informi, & formata. Pu-
det quidem venerandos patres voces istas usurpare: sed cum balbutiunt, non uni-
ri sola fide hominem Christo, nisi spes quoque, & charitas accedant, fidem certè
somniant charitate vacuam, quæ à Sophistis vulgò informis vocatur: quo insignem
suam inscitiam produnt. Nam si verum est quod docet Paulus, Christum habitare Ephe. 3.
in cordibus nostris per fidem: nihilo magis fidem à charitate separabunt, quàm Chri- Acto. 15.
stum à Spiritu suo. Si fide purificatur corda, quemadmodum Petrus affirmat: si qui-
cunque credunt, habent vitam æternam, quod toties pronuntiat Christus: si fide obti- Ioan. 3. 5.
netur æternæ vitæ hæreditas, lógè aliud est fides, quàm mortua nescio quæ persua- 6. 10. 20.
sio. Viua nos Christi membra fide effici, negant. Quanto melius Augustinus, qui Rom. 4.
fidem appellat animæ vitam, sicut anima, vita est corporis? Quanquã non tam Au- 1. c. 10a.
gustinus hic citandus author est, quàm Paulus, qui fatetur se fide Christi viuere. 11.
Ignoscendus fortè esset illis hic error, quia non aliter de fide garriunt, quàm de fa- Gal. 2.
bulosis insulis (quis enim eorum unquam, vel summus labrus gustauit, quid esset fi-
des?) nisi miserum orbem eadem secum ignorantia in exitium traherent. Nos autem
meminerimus, fidei naturam à Christo æstimãdam esse: quia quod nobis offert Deus
in Christo, non nisi fide recipimus. Proinde, quicquid nobis est Christus, id ad fidem
transfertur, quæ nos compotes & Christi, & omnium eius bonorum facit. Neque
aliter verum esset illud Ioannus, fidem nostram esse victoriam, qua mundus vinci- 2. Ioan. 5.
tur: nisi nos in Christum inderet, qui solus est mundi victor. Ac eorum stuporem Ioan. 16.
animaduertere operæpretium est, quòd dum citant illam Pauli locum, Fides quæ per Gal. 5.
charitatem operatur: non cogitant se hoc quasi gladio iugulari. Nam si fructus est,
ac effectus fidei, charitas: quis nõ videt informem illam fidem quam fabricarunt, inane
esse figmentum? Erit enim perquam absurdum, si filia matrem interimat. Quanquam
monendi sunt lectores, locum illum intempestuè adduci, cum de iustificatione agi-
tur. Quandoquidem illic non disputat Paulus, quid ad hominem iustificandum va-
leant fides, aut charitas: sed quæ sit Christiana perfectio. Quemadmodum cum alibi 2. Cor. 5.
scribit: Si quis in Christo, noua creatura.

Longum esset ac molestum singula notare: sed hoc magis insigne est, quàm vt
præteriri debeat. Subiiciunt, cathecumenis fidem ab Ecclesia petentibus responsum Mart. 19.
dari: Si vis ad vitam ingredi, serua mandata. Vt eorum cathecumenis, si tam dura
illis conditio imponitur. Quid enim aliud, quàm æterna illis maledictio indicitur? Gal. 3.
Si quidem, agnoscunt cum Paulo, maledictos esse omnes, qui legi sunt obnoxij. At

Christum habent authorem. Vtinam obseruaret, quorsum ita locutus fuerit. Quod iudicari non potest, nisi ex contextu, & personæ ratione. Interrogauerat ille, cui responderet Christus: Quid facere oportet, ut habeam vitam æternam? Certè quisquis vitam operibus vult promereri, regulam habet sibi à lege præscriptam: hæc fac, & viues. Sed considerandus est, qui à Paulo indicatur finis: ut vires suas expertus homo, vel potius impotentia sua conuictus, deposita superbia, nudus ad Christum confugiat. Neque enim locum habet fidei iustitia, donec compertum habuerimus, frustra nobis salutem ex lege promitti. Quod enim impossibile erat legi, quandoquidem in carne nostra infirma erat: Deus per Filiū suum præstitit, peccata nostra per sacrificium mortis eius expiando, ut iustitia sua impleatur in nobis. Adde autem præposterī sunt Tridentini patres, ut cum Moysi officium sit, nos ad Christum manu ducere, ipsi nos à Christi gratia, ad Moysen traducant.

Ac ne parum sint in prædicandis hominum viribus liberales, iterum in hoc capite repetunt, spiritum Dei agere in nobis, secundum propriam cuiusque dispositionem, & cooperationem. Qualem, obsecro, dispositionem inueniet spiritus Dei in cordibus lapideis? An non pudet eos dispositionem fingere, ubi Spiritus ipse ubique in Scripturis pronuntiat, omnia esse contraria? Nam hoc gratiæ initium est, ut ex nolentibus adeoque repugnātibz, faciat volentes. Ut fides, tam in suis exordijs, quàm incrementis, ad ultimamque vsque perfectionem, Dei sit donum: & gratuita Dei electio sit suscipiēda gratiæ præparatio, ut ait Augustinus. Et clara sūt Pauli verba: Deum nos benedicere, omni benedictione spirituali, quemadmodum nos elegit in Christo, secundum placitum voluntatis suæ. Quibus certè nos cohibet, ne in tanto beneficio gratiæ Dei, placito gloriemur voluntatis nostræ, inquit idem Augustinus. Itāne? ut quod Deo acceptum referre homo deberet, id illi quasi meritum opponat? Nam vnde prima dispositio, nisi quia sumus Christi oues? Quis porro sibi tantum ausit sumere, ut se ouem faciat? Itaque Lucas cum de efficaci vocatione loquitur, credidisse eos docet, non qui à seipsis erant dispositi, sed qui ad vitam erant præordinati. Et Paulus, vnde reclusa sit dispositio exprimit, cum docet, præparata esse à Deo bona opera, in quibus ambulemus. Potius itaque Augustinum aulamur, qui longè aliter docet, quàm isti blaterones. Post casum hominis, inquit, non nisi ad gratiam suam pertinere voluit Deus, ut homo accedat ad eum: neque nisi ad gratiam suam pertinere voluit, ut homo non recedat ab eo. Ipse enim est, qui se daturum cor promittit, ut intelligamus, & aures, ut audiamus. Quum obrem sola est eius gratia, quæ nos discernit: quemadmodum Paulus admonet. Atque ut eiusdem Augustini verbis concludam: Voluntas humana, non libertate gratiam consequitur, sed gratia libertatem: & ut perseveret, delectabilem perpetuitatem, & insuperabilem fortitudinem,

Capite nono, dum aliquam dare student modestiæ significationem, impudentiam suam magis produnt. Quoniam in promptu erat Scripturæ doctrina eorum placitis repugnans, ut hanc suspicionem auertant, primum quid sit, fide iustificari hominem, exponunt: nempe, quod fides salutis sit initium, & fundamentum iustificationis. Quasi hac solutione essent expediti, mox ad alteram transuolant: gratis nos iustificari ideo Apostolum docere, quia quæcunque iustificationem præcedunt, siue fides, siue opera, ipsam non promerentur. Quæso, si in re seria versari se putaret, an adeò leuiter, quasi oscitantes, perfungerentur? Omitto, quod hominum iudicia

nihil

nihil veriti sunt: quasi sacrosancto hoc decreto omnium oculos confodissent: Fides iustificat, quoniam inchoat iustitiam. Primò, hoc commentum sensus communis respuit. Quidenim magis puerile, quàm totum effectum velle restringere ad solum actum inchoandi? Sed inspicimus paulisper, nunquid Pauli verba patiantur tam facile se peruertere. Euangelium, inquit, potentia Dei est, in salutem omni credenti: quia in eo reuelatur Dei iustitia ex fide, in fidem. Quis non videt principium & finem pariter hinc designari? Alioqui dicendum erat, Ex fide in opera: siquidè perficerent quod fides inchoat. Eòdem facit Habacuc testimonium: Iustus ex fide viuens est: quod improprie dictum foret, nisi vitam perpetuaret fides. In Abrahæ persona, relucet præcipuum iustificationis speculum. Audiamus ergo, quo tempore fides illi ad iustitiam imputata fuisse prædicatur. Non erat certè nouitius: sed relicta patria, iam annos complures Dominum secutus erat: ut esset non vulgare sanctitatis, omniumque virtutum exemplar. Non ergo aditum illi ad iustitiam patefacit fides, ut aliundè postea iustificatio compleatur. Et tandem concludit Paulus, nos stare in ea gratia, quam fide consecuti sumus. Quantum distat fixa & immota statio, à momentaneo transitu: tantum à Pauli sensu, distant in suo isto dogmate. Omnes Scripturæ locos colligere, & longum esset, & superuacuum. Satis quidem superque ex his paucis liquere arbitror, non minus iustitiæ complementum, quàm initium, fidei tribuendum esse.

Secundum membrum est, gratuitam ideo iustificationem vocari à Paulo, quia nullum meritum præcedat. Quid ergo? cum idem Paulus clamat, excludi omnem carnis gloriationem lege fidei, an ad anteactæ vitæ duntaxat merita respicit, ac non potius admonet, nihil esse, quo gloriantur homines, usque ad vitæ finem, qui fide iusti sunt? Nam cum ex Dauide asserit imputari, absque operibus, iustitiam, perpetuū fidelium statum declarat. Quemadmodum & David, se, ac reliquos omnes Dei filios, non in vnum diem, sed tota vitæ, peccatorum remissione beatos esse exclamat. Nec de vnius momenti iustificatione loquitur apud Lucā Petrus, cum dicit: Per gratiam Iesu Christi credimus nos esse saluos, quemadmodum & Patres nostri. Ille enim erat quæstionis status: an exigenda foret à gentibus legis observatio. Id fieri debere negat: quòd non alia sit salus in Christiana Ecclesia, quàm per Christi gratiam: nec alia vnquam fuerit. Et meritò. Nec enim aliter firma erit promissio, nisi ex Dei gratia pèdeat, ac fide nitatur, inquit Paulus: An illic etiam de præcedentibus meritis agi, garrient? Imo selectissimis quibusque salutis fiduciam posse constare negat, nisi recumbat in Christi gratiam. Fidem igitur aboler, qui non retinet hanc unicam iustitiam usque ad mortem. Iustificamur gratis, inquiunt, quòd nulla opera, quæ iustificationem præcedant, ipsam promerentur. Atqui, dum Paulus Abrahæ materiā adimit gloriandi, eò quòd fides sit illi imputata ad iustitiā, probationis loco mox subiicit: ubi sunt opera, illic debitum præmium rependi: fidei autem quod datur, gratuitū esse. Notemus de sancto patriarcha verba fieri. Negat Paulus, quo tempore mundo renuntiauerat, ut se totum Dei obsequio addiceret, ullis operibus fuisse iustum. Si excipiant adulterini isti patres, tunc demum cœpisse iustificari: aperte refellitur hoc cauillum, sacræ Historiæ contextu. Multis enim annis se exercuerat in quotidiana Dei inuocatione, & Dei vacationem constanter secutus erat, in qua vitæ æternæ promissio, continebatur. Nonne ergo ter cæci iudicandi sunt, qui gratuitā Dei iustitiam non vident, nisi in ipsa vestibulo regnare autem

Rom. II.

in ipso edificio putant operum merita? Verum attendere conuenit, qualem tam crasse impietati fucum inducant. Hoc quippe modo satisfactum pronuntiant Apostoli sententia: Si ex gratia, ergo non ex operibus. Atqui Paulus, quod salua sunt reliqua, & ab aeterni exitij periculo mirabiliter à Deo conseruantur vsque in finem, id acceptum refert Dei gratia, Multum igitur abest, quin ad tantulam portionem, hoc est, ad solum principium, restringat.

Absurdum quidem illud delirium: sed hoc etiamnum aliquantò crassius, quod eorum opinione, nihil omnium, quæ iustificationem præcedunt, ipsam promeretur: siue fides, siue opera. Quæ nobis hic opera comminiscuntur iustificatione priora? Cuius hoc erit ordinis, ut radicem fructus tempore præcedat? In summa: ut intelligant pii lectores quantum ad doctrinæ correctionem profectum sit, monachi reuerendis patribus, quorum partes erant auribus annuere, veterem hanc dictarunt cantilenam: bona opera, quæ iustificationem præcedunt, non meritoria esse æternæ salutis sed præparatoria duntaxat. Atqui, si qua opera fidem anteuerrerent, ipsa quoque venirent in calculum. Sed ideo nullum meritum, quia nulli sunt opera.

Mat. 16.
Philip. 1.

Nam si opera sua querant homines, mala duntaxat inuenient. Posteris vix persuadetur, tantum fuisse stuporis in Papatu, ut iustificationi vllum opus præpouerent, etiamsi negarent esse tanti boni meritorium. Quid enim ab homine prodibit, donec Spiritu Dei fuerit regeneritus? Longè diuersa est Pauli ratiocinatio. Ephesios admonet, cap. 2. ut se meminerint gratia saluatos esse, non ex seipsis, neque ex proprijs operibus. Probatione sulcit, non qua lymphati isti patres vtuntur, opera, quæ præcedunt, nulla sufficere: sed quam ego adduxi, non alijs operibus nos esse præditos, nisi quæ Deus præparauit: quia sumus illius factura, ad sanctam & piam vitam creati. Fides porro iustificationem ita præcedit, ut tamen Dei respectu sequatur. Quanquam de fide quod dicunt, tunc fortassis locum haberet, si fides ipsa, quæ nos in possessionem iustitiæ mittit, à nobis esset. Verum, cum ipsa quoque, gratuitum sit Dei donum: superuacua est ista, quam ponunt, exceptio. Quanquam Scriptura hanc dubitationem alia ratione tollit, dum fidem opponit operibus: ne inter merita censeatur. Neque enim quicquam nostrum affert fides ad Deum: sed quod vltro nobis offert Deus, recipit. Hinc fit, ut fides, quamuis imperfecta, perfectam nihilominus iustitiam possideat: quia non alium, quam gratuita Dei bonitatis, respectum habet.

Psal. 32.

Capite decimo, in vanam, ut ipsi quidem iactant, hæreticorum fiduciam inuehuntur. Ea autem est secundum eorum definitionem, dum certò statuimus nobis remissa esse peccata: in eaque certitudine acquiescimus. Verum, si hæreticos facit talis certitudo: ubi erit fœlicitas, quam David prædicat? Imo, ubi erit pax illa, de qua Paulus concionatur quinto ad Romanos capite, si alibi quam in sola Dei beneuolentia acquiescimus? Vnde porro Deum habemus propitium, nisi quia non intrat nobiscum in iudicium? Fatentur nunquam, nisi gratis, remitti peccata propter Christum: sed hoc in suspenso relinquunt, quibus & quando remittantur, dum omnes conscientias tranquilla fiducia spoliunt. Vbi igitur audacia illa, de qua

Ephes. 3.

Rom. 3.

alibi docet Paulus, & accessus cum fiducia ad Patrem per fidem Christi? Non contentus fiducia nomine, audacia nos instruit: quæ certè plus quicquam est, quam certitudo. Quid etiam quoddam certitudinis vocem aliquoties vsurpat? Neque alibi eam fundat, quam in sola gratuita DEI amoris persuasionem. Imò

omnem

omnem veram Dei inuocationem isti euertunt, cum piorum animos trepidatione suspendunt, quæ sola nobis ianuam præcludit. Qui hæsitat, inquit Iacobus, similis est fluctui maris, qui à vento circumfertur. Non ergo existiment tales, se quicquam impetraturos à Domino. Sed qui vult exorare, nihil hæsitet. Notanda est antithesis inter fidem, & hæitationem: vnde colligere promptum est, fidem destrui, simul ac tollitur certitudo.

Sed quò melius tota eorum theologia patefiat lectoribus, expendant, quæ in eodem capite sequuntur verba. Sed neque illud asserendum, oportere eos qui verè iustificati sunt, absque dubitatione apud se ipsos statuere, se esse iustificatos. Si ita est: videant quæ ratione conciliari queat *παραρτίω* cum dubitatione. Illam enim Paulus fidei perpetuam facit comitem. Taceo quòd instar axiomatis hic ponunt, quod Paulus pro ingenti absurdo ducit. Si ex lege est hæreditas, inquit, exinanita est fides. Fidei nullam fore certitudinem argumentatur, si operibus nitatur salus hominum. Non dubitat hoc pro absurdisimo in medium proferre. Et meritò. Cum mox, abolitam quoque esse promissionem, inde colligat. Pudet autem me quasi de re ambigua contendere, cum ijs qui se Christianos appellant. Clara est Scripturæ doctrina: Scimus, inquit Ioannes, nos esse filios Dei. Et postea, vnde hæc scientia nascatur, exponit: nempe, ex Spiritu quem dedit nobis. Sicut & Paulus admonet, non mundi spiritum nos accepisse: sed Spiritum qui ex Deo est, vt sciamus, quæ à Deo donata sunt nobis. Alibi etiam expressius: Non accepimus iterum spiritum seruitutis in timorem: sed adoptionis Spiritum, in quo clamamus Abba, Pater. Hinc accessus ille cum fiducia & audacia, cuius paulò antè meminimus. Et sanè totam fidei naturam ignorant, qui eam dubitatione miscent. Si dubitaret Paulus: non auderet morti & inferis insultare, quemadmodum facit Rom. oclauo, vbi se tam certum esse iactat de amore Dei, vt nihil eum ab ista persuasionem dimouere queat. Non auderet, capite quinto, gloriari super spe gloria Dei. Quod ex eius verbis li- quidò apparet. Causam enim assignat: quod charitas Dei in corda nostra diffusa sit, per Spiritum sanctum qui datus est nobis. Quo significat, conscientiam nostram, testimonio Spiritus sancti acquiescentem, intrepidè apud Deum de spe æternæ salutis gloriari. Sed non mirum est, si hæc, quam Spiritus Dei piorum cordibus ob- signat, certitudo, sophistis ignota est. Sic enim fore prænuntiavit Christus: Mun- dus eum non cognoscet: sed vos soli apud quos manet. Non mirum est, eos, qui abiectò fidei fundamento, in opera potius recumbunt, huc & illuc vacillare. Verisimum enim est illud Augustini: Quia non secundum merita nostra, sed secundum eius gratiam firma est promissio: nemo debet cum trepidatione prædicare, de quo non potest dubitare.

Videntur tamen quibuslibet obiectionibus ingeniosè occurrere, cum de Christi gratia generalem persuasionem commendant. Prohibent, ne quis dubitet de efficacia mortis Christi. Sed ubinam locari volunt? In aere: vt confusa tantum sit imaginatio. Nemini enim permittunt sibi gratiam, firma certitudine fidei, applicare. Quasi de nihilo destinentur nobis istæ promissiones: Ecce Rex tuus venit. Vos hæredes estis promissionis. Complacuit Patri in te. Iustitia Dei in omnes & super omnes qui credunt. Sanè si concedant, fide nos percipere quod Deus offert: non ita mihi, & alijs proponitur Christus, vt tantum credamus Abraham fuisse redemptorem: sed vt quisque sibi propriam, quæ ab ipso parta est, salutem faciat. Et cuius

Serm. 5.
in dedic.
temp.

2. Cor. 13.

obsecro, improbitatis est id asserere: Nemo scire fidei certitudine potest, se gratiam Dei consecutum? Paulus & Ioannes inter Dei filios non agnoscunt, nisi qui id sciunt. De qua scientia id interpretabimur, nisi quam Spiritus sancti magisterio didicerint? Præclare enim Bernardus: Fide hic nobis subuenire necesse est: hic oportet succurrere veritatē: ut quod de nobis latet in corde Patris, per Spiritum reueletur: & Spiritus persua-deat cordibus nostris, quod filij Dei simus. Persua-deat autem, vocando & iustificando gratis per fidem. Quod si Paulus, dum Corinthios hortatur ut semetipsos probent sintne in fide, omnes reprobos pronuntiat, qui Christum non cognoscunt in se habitantem: ego cur verear bis reprobos pronuntiare, qui tale examen à tota Ecclesia procul arcent, ac de gratia Dei nihil certi reliquum faciunt?

Lib. De
ciuit. Dei
19. c. 27.

Lib ad
Bonif. 3.
c. 5.

Capite vndecimo, ubi incrementa iustitiæ describunt, non modò gratuitam iustitiæ imputationem confundunt cum operū meritis, sed illam propemodū exterminant. Verba sunt: Crescere fideles in iustitia bonis operibus per obseruationem mandatorum Dei & Ecclesiæ; magisque inde iustificari. Saltem si hac Augustini exceptione vteretur: Iustitiam fidelium, quandiu degunt in mundo, magis peccatorum remissione constare, quàm perfectione virtutum. Tametsi sine illa quidem operum iustitia, quam contemptim nominat, nitendum vlla ex parte docet. Vnam enim piorum omnium, qui sub carnis infirmitate gemunt, spem esse hanc prædicat, quod mediatorem habent Iesum Christum, qui sit pro peccatis eorum exoratio. Contrà Tridentini patres, vel emptitij potius monachi, qui tanquam Latini tibicines, quaecunque volunt carmen illis componunt: modis omnibus discipulos suos auocantes à gratiæ intuitu, falsa operum fiducia excacant. Libenter sanè confitemur, quotidiano bonorum operum profectu crescere debere fideles: bonaque eorum opera, quibus ornati sunt à Deo, interdum iustitiæ titulo insigniri. Verum, cum hac tota operum dignatio non ex alio fonte manet, quàm gratiæ acceptionis: quàm absurdum foret, hanc ab illa labefactari? Cur non reminiscuntur, quod pueri in scholis didicerunt: non pugnare quod subordinatur? Dico gratuita imputatione fieri, ut coram Deo iusti censeamur: dico, inde quoque alterum beneficium prouenire, ut Iustitiæ nomen habeant opera, quæ procul alioqui à iustitiæ veritate abessent. Denique, non proprio merito, sed fide sola, tam personam, quàm opera iustificari affirmo; & ex personæ iustificatione hanc operum, tanquam ex causa effectum, pendere. Ergo & ordine ita præcedat, & gradu ita superemineat necesse est vnica fidei iustitia, ne quideam vel præuertat, vel obscuret. Proinde iniquissima est calumnia, gratuita iustitiæ meritoriam nescio quam substituere: ut semel nos gratis Deus momento vno iustificet: nos autem tota vita legis obseruatione, iustitiam ipsi nobis comparemus. De obseruatione mandatorum Dei, hoc mihi velint nolint fatebuntur: multum à perfectio eius complemento distare omnes mortales. Nunc mihi respondeant: an qualiscunque eius pars, iustitia sit, aut pars iustitiæ. Posterius hoc strenuè asserent. Verum repugnat Scriptura, quæ hunc honorem, nisi perfectæ obedientiæ, nequaquam tribuit: Qui fecerit hæc, viuet in ipsis. Maledictus autem qui non compleuerit omnia. Item, Qui defecerit in vno, factus est omnium reus. Nemo est qui non agnoscat, etiam me tacete, maledictioni subijci nos omnes, quandiu in legis obseruatione claudicamus: proinde aliunde mutandam esse iustitiam, quando quidem operibus ablata est. De mandatis Ecclesiæ

Galat. 3.
Iaco. 2.

quæ permiscet, alibi dicendum erit. Obiter tamen moniti sint lectores, nullum hîc omitti impietatis genus. Quis enim sacrilegium hoc excuset, quod suis etiam inuentis iustificandi vim arrogare non dubitant? Id ne Pelagius quidem vnquam tentauit. Impianempe persuasione fascinare miseros homines conatus est, quasi diuinæ legis obseruatione, iustitiam acquirere sibi ipsi possent: humanis verò legibus tantum deferre, nunquam illi venit in mentē. Est enim execrabilis in Deum blasphemia, ubi eò temeritatis prorumpit quisquam mortalium, ut suis traditionibus vitæ æternæ mercedem assignet.

Sed quò me vertam? Loquitur enim sacra Synodus, quæ errare in Scripturæ interpretatione non potest. Habet autem Scripturæ testimonia: primum ex Ecclesiastico: Ne verearis vsque ad mortem iustificari. Vna, opinor, ratio est, qua me expediam. Locum inspiciant lectores, & à bonis patribus impudenter corruptum fuisse inuenient. Dicit enim scriptor ille: Ne vetêris, hoc est, prohibearis vsque ad mortem. Quanquam potius vertendum erat, Ne differas: nam Græcum verbum est μέω. Inuehitur enim aduersus eorum fœcordiam, qui suam ad Deum conuersionem procrastinant. Quod de initio dictum est, religiosi patres ad progressum, non tantum crassa inscitia, sed aperta etiam malitia falsò referunt. In loco Iacobi plus aliquanto coloris habent. Verum, quisquis scripta nostra legit, satis intelligit, nihil etiam illis Iacobum suffragari. Iustificationem quippe non pro causa iustitiæ, sed pro approbatione tantum accipit. Quod ex contextu planè liquet. Plusquam ridiculum verò est, quod inde hominem colligunt iustificari bonis operibus: quoniam Ecclesia sibi fidei, spei, & charitatis augmentum preccatur. Quis istis crepitaculis non terreatur, nisi qui planè puer non est?

Capite duodecimo, vetus illud anathema renouât: ne quis Dei præcepta homini iustificato ad obseruandum impossibilia dicat. De voce Impossibilis litigare, nihil attinet: mihi abundè sufficit: sufficere etiam debet pijs omnibus, ac minime contentiosis: neminem extitisse vnquam, qui legi Dei satisfecerit: nec vllum posse inueniri. Quid enim? An Spiritum sanctum arguamus mendacijs, qui vniuersos non vnus tantum seculi homines, transgressionis reos peragit: sed quotquot vsque in finem mundi futuri sunt? Non est homo super terram, inquit Solomo, qui non peccet. Dixerat autem Dauid, Non iustificabitur in conspectu tuo vllus viuens. Si possibile est aliquem inueniri, qui legem impleat, retractet Spiritus sanctus hæc oracula. Sed absit, ut diabolica hominum superbia æternū veritatis auctorē faciat mendacem. Quinetiam euanesceret illud Pauli argumentum. Scriptum est: Maledictus omnis qui non permanferit in omnibus quæ scripta sunt. Ergo quicumque sunt sub Lege, maledictioni sunt obnoxij. Promptum enim erit excipere: Legem posse impleri. Sed Apostolus pro confesso principio sumit, quod anathemate isti damnant. Itaque alibi, cum seruitutem deplorat, qua ipse cum sanctis omnibus premebatur, non aliud remedium tandem inuenit, nisi ut liberetur à corpore. Vexabant etiam Augustinum hac calumnia Pelagiani. Fatetur Deum, si velit, posse quidem homines ad tantam perfectionem euehere: sed neque fecisse vnquam, nec facturum: quia aliter Scripturæ doceant. Ego autem vltèrius progredior: ac impossibile esse assero, quod Scripturæ nunquam futurum pronuntiant. Quanquam si de locutione agitur: ea quoque expressa est à Petro, Acto. 13. cum legem iugum appellat, quod nullus patrum ferre potuerit. Fallitur enim qui putat, ad ceremonias tantum

Iaco. 2.

1. Reg. 8.
Psal. 143.

Galat. 3.

Rom. 7.

hoc spectare. Quid enim tam arduum continebant ceremonia, ut omnes humana vires sub earum onere deficerent? Sed proculdubio significat, impares fuisse ab initio vniuersos mortales legis obseruationi, hodiéque esse: ideo nihil restare, nisi ut confugiamus ad Christi gratiam, quæ, soluto legis iugo, sub libera custodia quodammodo nos continet. Ac notandum, de regeneratis ipsam loqui: ne cauillentur Tridentini patres, de carnis infirmitate id esse dictum, ubi abest auxilium Spiritus. Prophetas enim, & patriarchas, & pios reges, vique Dei Spiritu adiuuarentur, ferendo legis iugo pares fuisse negat: nec ambigüe pronuntiat, impossibile fuisse legis obseruationem.

1. Ioan. 5. At, Scripturam ipsi quoque ex aduerso testem producunt. Nam Ioannes mandata eius non esse grauiam tradit. Fateor: modò ne illam, de peccatorum remissione doctrinam, excludas, quam omnibus mādatus præponit. Nam, si graue non sit legem

1. Ioan. 1. præstare, homines mihi complures absque peccato reperiesset, qui Deum faciant mendacem: quod ab eodem Ioanne traditur. Sed asini isti non considerant, inde pendere facilitatem, de qua Ioannes loquitur, quòd sancti paratum habent remedium, quo defectus suos suppleant: dum scilicet ad veniā confugiunt. Hinc etiā fit, ut suaue sit Christi iugum, & onus eius leue: quòd sanctus alacritatē faciat sua libertas, dum se nō amplius sub lege esse agnoscunt. Nam & hunc tanquā optimū exhortationis stimulum illis ad nouet Paulus. Et Dauid idē docet: Apud te est propitiatio, ut

Rom. 6. timearis. Illam mihi veniā spem tolle: & minimum legis mandatum onus erit
psal. 130. Aethna grauius. Verū, quid hoc ad otiosos monachos, qui ne minimo quidē digito vnquam attigerunt mandatorum obseruationem, de cuius facilitate tam audaciter garriunt? Imò suum Epicurismum apertè produnt, vel hoc vno dogmate.

Rom. 7. Quid enim? Ecce eximius ille Apostolus se captiuum teneri gemit, quominus legi, ut par est, obsequatur: morbumque incurabilem esse clamat, donec morte sanetur. Isti robusti doctores suauiter ridet: frustrāque tales querimonias fundi canunt,

Matt. 11. cū leue sit Christi onus. Subijciunt postea: Christum diligunt sui discipuli. Qui autem diligunt eum, seruant eius sermonem. Hoc totum verum est. Sed ubi Christi

Ioan. 14. perfectus amor? Vbi inquam amor ille ex toto corde, ex tota anima, ex totis viribus? Nempe ubi caro non concupiscit aduersus spiritum. Ergo nequaquam in hoc mundo. Christum itaque serio & sincero cordis affectu diligunt sui discipuli: & pro mensura dilectionis sermonem eius seruant. Sed hoc quantulum est, præ illa tam exacta perfectione, cui nihil omnino desit?

Nunc attendāt sani lectores, quā benè cohæreant patrum dicta. Vbi legem à fidelibus impleri posse, fortiter asseruerunt, fatētur etiam sanctissimos saltem in leuia & quotidiana peccata interdū cadere. Primum quæro, an vllum sit omnino quamlibet leue peccatum, quod nō legis obseruantie repugnet. Quæ enim vitiosa cogitatio obreperet in hominis animum, si totus Dei amore occupetur? Non autem

psal. 32. satisficit legi, nisi cū diligitur Deus ex toto corde. At non propterea desinunt esse iusti: fateor. Sed vnde id, nisi quia beati sunt, quibus non imputantur peccata? Quòd si iustos operibus esse volunt, ut hac fiducia nitantur eorū conscientie apud Deum: primum fidem euertunt, & iniuriam faciunt gratie Dei minimè ferendā. Deinde, nihil asserunt, quod impiam ipsorum persuasionem iuuat, de possibili legis obseruatione. Nam si pro nihilo ducant leuiore, quos vocant, lapsus: insonat horribilis illa supremi iudicis sententia: qui vnum ex minimis istis mandatis contem-

Mat. 3.

pse-

psierit, minimus vocabitur in regno cœlorum. Quamquam scire velim, quæ vocent saltem leuia peccata: (sic enim extenuandi gratia loquuntur:) & cur potius quandoque dicant iustos in ea cadere, quàm assidue, vel identidem. Vix enim momentum præterit, quo non cōtrahamus nouum aliquem reatum. Leuia peccata illi sunt omne genus concupiscentiæ, quæ nos ad quæuis mala sollicitant: tentationes item omne genus, quæ nos vsque ad Dei blasphemias impellunt. Quicquid sit: in manifesta contradictione hîc tenentur.

Quæcunque postea continentur in eodem capite, nihilo plus causæ præsentī seruiunt, quàm si quis ex pedum ingressu probare velit, manus non palpare. Aliquot ad piam vitam exhortationes colligunt. Quid tandem inde extorquebunt, nisi quod centuplo melius, & longè alia energia, tum ex scriptis, tum ex concionibus nostris, tum ex quotidianis etiam sermonibus disci potest, non ad immunditiam nos esse vocatos, sed ad sanctificationem: apparuisse Dei misericordiam, vt, abnegatis carnis cupiditatibus, piè & sanctè viuamus in seculo: nos cum Christo resurrexisse, vt cœlestia cogitemus. At magnum quiddam videntur sibi effecisse, dum colligunt, frustra gloriari cœlesti hæreditate, qui passionum Christi confortes esse nolunt. At nos id ipsum quantum melius iudicent lectores. Vnum tamen interest, quòd nos, dum communicandum esse docemus passionibus Christi, vt ad societatem perueniamus beatæ resurrectionis, non separamus Christum à seipso. Isti, quod nullo modo sequitur, perperam inferunt: nos patiendi mereri vitam æternam: & in eo sitam esse iustitiæ nostræ partem, ne sola Dei gratia nitamur.

1. The. 4.
1. Tit. 2.
Colo. 3.

Rom. 8.
1. Tim. 2.

Verum, improbius etiamnum ludunt in sua consequentia: nam inde colligunt, inimicos esse religionis Christianæ, qui iustos tradunt in omni bono opere, saltem venialiter peccare. Scire velim, ex qua dialectica tales consequentias didicerint: Sic currite, vt præmium apprehendatis. Ergo in bonis sanctorum operibus, nihil est reprehensione dignum. Nonne ter bestias esse oportet, quibus bestia ista persuadebunt, à Spiritu sancto proficisci tales nãias? Verum, hac quoque insulsi- tate præterita, rem ipsam videamus. Concedant, necesse est, opera ex interiore potius animi affectu, vnde manant, & ex fine quo spectant, æstimanda esse, quàm ex larua externa, quæ hominibus apparet: cor enim intuetur Deus, vt Samueli dictum est: & oculi eius veritatem respiciunt, vt monet Ieremias. Nunquã autem Cap. 5. perfecto nos Dei amore ferri agiq; ad obsequendum eius iustitiæ, plus satis cõstat. Varijs enim cupiditatibus retrahimur à cursu, vt vix ambulemus, cum summa contentione festinare Deus præcipiat: vixq; teporè afferamus, pro summo ardore. Quòd si defectu hunc, præ hypocrisi, non sentimus, Deus tamen cernit & iudicat: in cuius conspectu ne stellæ quidem liquida sunt, nec sol lucidus. Deniq; septimũ caput ad Iob. 4. Rom. controuersiam istã dirimit: vbi in sua piorumque omnium persona, fatetur Paulus, se à perfectione distare, etiã cum optima est voluntas. Quare, blandiatur sibi homo, vt libet: si tamen in iudiciũ Dei, vel præstantissimũ opus, quod vnquam fuerit, vocetur, nãuo aliquo reperietur deformatum. Atqui, Deo probantur. Quis negat? Tantũ contendimus, fieri non posse, vt absque venia placeat. Quid autem est, quod Deus ignoscat, nisi peccatum? Inde simul conficitur, non esse tantopere exagitandos, qui dixerunt, quamlibet bona opera, si exacto rigore censeantur, æterna potius damnatione, quàm vitæ præmio digna esse: vbi enim peccatum, quamlibet nobis exiguum videatur, illic nemo sanus mortis esse materiam negabit. Fit

tamen immensa Dei misericordia, ut in cœlo mercedem habeant, quæ non modò nihil tale merebantur, sed mortis æternæ premium habitura erant, nisi per Christum absterfa esset immundities, quæ alioqui sædata erant. Porro, quàm inepta sit argumentatio, quæ ex nomine Mercedis, dignitas, aut meritum elicitur, multis locis docui. Nec obscura est ratio: cum retributio ipsa, quam sophistæ in merito fundatam volunt, à gratuita acceptione pendeat.

Capite decimo tertio, si tantum quod præfert titulus agerent, me quoque haberent subscriptorem. Sed quia se temeraria præsumptioni velle occurrere professi, huc toto studio incumbunt, ut totam suæ electionis fiduciam ex piorum animis deleant, hic repugnare illis cogor: quia Scriptura palam repugnat. Quorsum enim Paulus, primo ad Ephesios capite, tam prolixè de æternæ Dei electione concionatur, nisi ut persuasum habeant, ea se cooptatos esse in vitam æternam? Nec sanè cōiecturis opus est: sæpius enim ita concludit: debere ita Ephesios habere in animis suis constitutum: se vocatos esse, & Euangelij factos participes: quemadmodum, antequam mundus conderetur, in Christo electi fuerat. Capite item ad Rom. octauo, nominatim electionis doctrinam cum fidei certitudine coniungit. Fateor equidem, & sedulò nos omnes docemus, nihil esse magis perniciosum, quàm in arcanum Dei consilium inquirere, ut inde electionis nostræ notitiam petamus: adeoque hanc esse voraginem, quæ nos in exitium absorbeat. Sed cum æternæ nostræ adoptionis speculum nobis in Christo proponat cœlestis pater: nemo quid nobis per Christum datum sit, verè tenet, nisi qui secum certò statuit, se illi à Patre datum esse, ne pereat. Quid enim? An de nihilo hæc dicuntur? Patrem, qui nos in Filij sui tutelam ac fidem tradidit, maiorem esse omnibus? Nec passurum esse Filium, ut quicquam pe-
 10a. 6. 10. reat? Imò, ideo dicuntur, ut quicunque sunt filij Dei, tali salutis suæ freti custode, inter media pericula tutos se esse non dubitent: imò, periculis infinitis obfessi, suam salutem extra periculū esse confidant, quia in manu Dei sit. Sed enim quos Deus elegerit, nisi ex speciali reuelatione, sciri posse, negant. Concedo. Atq; ideo dicit Paulus, non spiritum nos huius mundi accepisse, sed Spiritum, qui ex Deo est: ut sciamus quæ à Deo nobis donata sint, Donum autem alibi interpretatur adoptionem, quæ censemur inter eius filios: quam adeò vult nobis certam esse, ut clara voce de ipsa gloriemur. Caterum, quid per specialem reuelationē designent, non me latet. Ego autē eam voco, quæ filios suos peculiariter dignatur Pater cœlestis. Nec eam, qualem prædico, ex me ipso comminiscor. Nota enim sunt Pauli verba: Nobis, inquit, quæ abscondita sunt humanis sensibus, reuelauit Deus, per Spiritum suum, qui etiam Dei profundissima scrutatur. Item: Quis mentem Domini cognouit? Aut, quis consiliarius eius fuit? Nos verò mentem Christi tenemus.

Videmus ergo in summa, ut venerandis patribus nihil aliud sit temeraria damnataque præsumptio, nisi sancta reuelata nobis per Christum nostræ adoptionis fiducia, ad quam ubique suos Deus animat.

Prohibent capite decimo quarto, ne quis perseuerandi cōstantiam sibi, absoluta certitudine, ex Deo polliceatur: tamen si firmissimam de illa spem in Deo collocari, non improbant. Sed nobis primū ostendant, quoniam cameto coagmentari queant res tantopere inter se dissidentes, firmissima spes, & suspensa expectatio. Nam certè, qui ita expectat vitam æternam, ut absoluta certitudine non nitatur, cum varijs dubitationibus circumagi oportet. Talem spei naturam, nequaquam de-
 scribi;

scribit Paulus: cum se certò persuasum esse cōmemorat, neq; vita, neq; morte, neq; presentibus, neq; futuris dissolutum iri charitatem, qua ipsum complectitur Deus ^{Rom. 8.} in Christo. Hoc non diceret, nisi vltimum vitæ finem superaret spei Christianæ certitudo. Et quid promissiones sonant? Non modò pronuntiat Spiritus, iustum fide ^{Aba. 2.} sua viuere, sed victurum esse. Huc ergo spes se extendat oportet. Quod etiam demonstrat Paulus, cum hoc illi tribuit, quod per patientiam expectet, quæ adhuc sunt abscondita. Atqui, spem non tollunt, sed absolutam certitudinem. Quid? an dubiæ opinionis, vel coniecturæ vox est, cum tam intrepidè assenerat Paulus, repositã sibi ^{2. Tim. 4.} esse coronam iustitiæ? An aliquid est cōditionale in istis verbis, dum nobis datam adoptionis nostræ arram prædicat, vt Deum audeamus, alta voce, Patrem clamare? Confugiunt ad illud, quod iam ipsis excussi, friuolum cauillum: id ex speciali reuelatione Paulum habuisse. At nihil sibi tam speciale arrogat, quod non cunctis fide libus secum faciat cōmune: cum tam audacter morti simul ac vitæ, presentibus ac futuris insultat, suo pariter & omnium nomine. Nec sibi vni priuatim vindicat Ioannes scientiam illam, qua gloriatur, cum dicit: Scimus, nos similes futuros Deo: ^{1. Ioan. 3.} quia videbimus eum sicuti est. Atque idem Paulus, cum dicit: Gloriamur super ^{Rom. 5.} spe gloriæ Dei. Item: Scimus, cum terrenum hoc tabernaculum ceciderit, nobis domicilium in cœlo paratum esse. ^{2. Cor. 5.}

Fucum faciunt ex eo quod habetur vndecimo ad Rom. capite: Qui stat, videat ne cadat. Cuius duplex est solutio: nam neque aliud quàm carnis arrogantiæ illic cohibet Paulus, quæ cum spei certitudine nihil commune habet: neq; solos compellat fideles: sed quicumque ex Gentibus Christo nomen dederant: inter quos permulti esse poterant inani confidentia turgidi. Nam quæ illic ponitur Iudeorū cum Gentibus comparatio, non ad solos electos restringitur: sed omnes comprehendit, qui titulo tenus ad Ecclesiam pertinebant. Ego tamen vnica illa responsione contentus ero, quia abundè sufficit: non præcipi nobis timorem, qui vel tantillum minuat de fidei aut spei certitudine: sed tantum quinos in Dei timore sollicitos contineat. At nondum in gloria renati sunt, sed duntaxat in spem gloriæ: & multum adhuc pugna restat: nempe, si inde colligerent, excutiendum igitur esse torporem, nec securitati indulgendum, nemo sanus non illis subscriberet: sed cum, hoc quasi ariete, spei nostræ firmitudinem concutere moliantur, cum nos ad formidinem impellunt: minimè verò id ferendum est: nam quòd exceptionē addunt ad Pauli sententiam, tunc demum à Deo perfectum iri in nobis opus salutis, quod inchoauit, si non defuerimus eius gratiæ, nimis inscitè faciunt: quia non obseruant, hanc quoque esse partem gratiæ, quòd Deus nobis adest, ne gratiæ suæ desimus. Neque tamen occasionem dare socordiae debet hæc doctrina: tantum agnoscant homines, quid Deo acceptum referre, & quid ab eo expectare debeant.

Optarem multa præterire, si liceret sine præuaricationis nota: sed quid facerem? Vix vnus est versus, qui non aliquo notabili errore conspersus sit: & qui dissimulationem non ferat. Capite decimo quinto, vbi de reparatione post lapsum tractant, aptam esse pœnitentiæ definitionem asserunt, quòd dicit Hieronymus, esse secundam tabulam à naufragio. Si dictum Hieronymi vellem exagitare: rogarem, cur non & tertiam & quartam appellauerit. Quotus enim quisque est, qui non nisi vnum naufragium tota vita faciat? Imò, quis vnquam repertus est, quem non ex quotidianis naufragijs eripuerit Dei gratia? Sed cū Hieronymo nihil est mihi

negotij in præsentia. Tridentini patres non de pœnitentia tractant, sed de pœnitentia Sacramento, quod à Christo institutum fingunt. Vbinam? Quia dixit: Accipite Spiritum sanctum. Quorum remisit peccata, remissa erunt. Primum, si Christus hac auctoritate donauit Apostolos, estne propterea sacramenti institutio? Vbi symbolum? vbi forma? Deinde, quis ignorat, munus illic fuisse Apostolis iniunctum, quo erga extraneos fungerentur? O patrū aures bene patulas, quas tam insulsæ deliri monachi ineptiæ præterfluere nullo obstaculo potuerint! Christus testimonium, quod de peccatorum remissione Apostoli reddituri erant mūdo, confirmat. Ea porrò legatio est, quæ per Euangelium defertur: & quidē in Ecclesiam nondum cooptatis. Blatero quispiam, ex monachis qui Concilium regunt, cū nunquam locum fortē inspexisset, certē nunquam expendisset, commentum suum recitauit, præscribi illic formulam, qua in statū gratiæ restituerentur, qui post baptismum lapsi erant. Patres ad se quipedem vsque auriti, annuerunt. Locus tamen ipse clamat, impudenter se aliò fuisse detortum, quàm oportuit. Inde inferunt, Christiani hominis pœnitentiam post lapsum, longè aliam esse à baptismali. Quasi vnam tantum speciem attingat Christus: ac non potius idem, quod Lucæ xxiiij. doceat, prædicandam in suo nomine esse pœnitentiam & remissionem peccatorum.

Utrā se proripiunt: constare hanc, de qua nugantur, pœnitentiam, non tantum contritione cordis, sed oris confessione, & operum satisfactione. Quanquam ne parum clementes appareant, rigorem legis suæ mitigant, dum confitendi voto se placari sinunt. Quid longam hic disputationem ordiar? De remissione peccatorum agitur: quæ salutis est scientia. Eam nobis gratuitam promittit Deus, in Christi sanguine: de auriculari confessione verbum nullum facit. Noui isti legislatores confitendi formulæ alligant, præter Dei mandatum: & satisfactione redimi asserunt. Quid miseris conscientijs reliquum fiet, si discedere cogantur à Dei verbo, ut in hominum placitis acquiescant? Cupio salutis meæ fieri certior. Via mihi simplex in verbo Dei monstratur, quæ me in solidam, tranquillamq; tanti boni possessionem rectè inducat. Nihil dicam amplius. Homines sunt, qui iniiciunt manum, ac confitendi necessitate me obstringunt, quæ me soluit Christus. Satisfaciendi onus mihi imponunt, ut à me ipso afferam, quod à suo vnus sanguine petendū, ostendit Christus. An mihi diu ambigendum est, quidnam facere expediat? Imò verò faceffat omnis consultatio, vbi ab vnico salutis authore abducimur. Millies licet crepent, syllaba nulla reperietur, vbi Christus in aurem hominis confiteri peccata iubeat. Quæcunque de peccatorum remissione extant promissiones, ne tenuissimā quidem eius rei mentionem faciunt. Apostolis fuit ea lex prorsus incognita. In tota Ecclesia Orientali, nullus vnquam propemodum vsus fuit. Imò, vbiq; gentium diutius mille annis libera fuit observatio: donec Innocentius tertius, cum pauculis corruptis bestijs, laqueum hunc populo Christiano induit, quem Tridentini patres adstringunt. Quod dico, satis superque testatum est veteribus historijs. Testimonijs referti sunt nostri libri. Atque horum nihil ignorant, qui Concilio dicarunt præclaram hanc formulam: & tamen tam sunt impudentes, ut persuadere vno verbo velint, clausam esse salutis ianuam, nisi fictitiæ confessionis clauē aperiat. At vero, quis tantum eis licentiæ concedat, ut quæ velint conditione imposita, Christi promissiones restringant: adeoque claudant quod ille aperit? Non disputo in præsentia, quàm crudelis sit torquendus ac excrucians cōscientijs carnificina, lex illa

Inno.

Innocentij, quam iterum promulgant: quàm multos in desperationem egerit precipites: quale ad alios sopiendos, hypocriseos condimentum fuerit: quot ex ea flagitiorum monstra scaturierint. Quinetiam, fingamus quod ipsi falsò iactant, nonnihil inde vtilitatis manare: totum hoc tamen nihil ad rem faciet. Quæstio enim vertitur: quomodo in Dei gratiam restituantur, qui ab ea exciderunt. Scriptura vbiunque modum ostendit, confessionem non attingit: quæ longo post tempore in humanis cerebris excusa est. Cuius audaciæ est, ad spem veniæ obtinendæ aditum præcludere, nisi accedat eiusmodi confessio, quam præscribere libuerit? De pœnitentia habetur sermo. Eius totam vim ac naturam tam frequenter, tam copiose, tam apertè depingit in Lege, in Prophetis, in Euangelio Spiritus sanctus, ut nulum sit doctrinæ caput luculentius explicatum. De confessione, qualem isti fingunt, altum vbiq; silentium. Quis ergo credet negantibus veram esse pœnitentiā, cui non adiuncta sit illa appendix: imò, nisi eam sub se contineat? Hæc mihi duo abundè sufficiunt: quod pœnitentiā prorsus aliam confingunt, quàm quæ nobis in Scriptura commendatur: & impetrandæ peccatorum remissioni conditionem statuunt, qua nos solutos esse voluit, penes quem vnum remittendi est potestas. Hoc verò posterius, perinde valet, ac si Deum vetarent salutem promittere, nisi ex suo permissu: vel saltem illi se opponerent ne fidem salutis, quam dedit, præstare audeat. Neque enim aliter illi permittunt peccatorum facere veniam, quàm si religione, qua nos ipsi obstringunt, exoluti fuerimus.

Quod ad satisfactiones spectat, subtiliter distinguere sibi videntur, cum faciem corradunt ex putridis sophistarum commentis: non æternas quidem pœnas scilicet, sed temporales satisfactionibus pensandas esse. Quis sophistas nesciebat ita garrire? Quanquam dum pœnam æternam, vnam cum culpa, nobis confessione remitti fingunt, vel confitendi voto: quid aliud sibi volūt, quàm nos opere promereri, quod gratuitò se daturum promittit Deus? Sed nunc videndum quid valeat distinctio. Propheta sanè, cum gratuitam peccatorum remissionem commemorant, ferè referūt ad alterum illum finem, placatum fore Deum, ne amplius vindicet populi scelera, vel flagellus suis persequatur. Quisquis in Scripturæ lectione mediocriter versatus est, verissimū esse agnoscet, quod dico: mitigari, laxari, finiri deniq; pœnas, quibus digni eramus: quia nobis Deus ignoscit, non merito aliquo nostro, tanquam compensatione placatus, sed sola pronocatus sua misericordia. Exilium Babylonicum pœna temporalis erat. Quod septuaginta annis terminatur, cum longè magis diuturnum promeriti essent Israelitæ, id gratuita suæ clementiæ acceptum vult ferri Deus. Ac passim hic fructus cōmemoratur gratuita reconciliationis, quod cessant flagella, quæ se inflicturum Deus minatus erat. Pœnæ certè temporalis relaxationem his verbis promittit Deus: Nō propter vos faciam, sed propter nomen meum. Et Iesaias, cum admonet satisfactionem, aut pretium pacis nostræ impositū fuisse ^{Iesa. 48.} ^{53.} Christo, non ab æterna modò pœna nos fuisse eius beneficio liberatos, sed ideo pœnas omnes, quibus solet peccata nostra vlisci Dominus, aut castigare, ipsum subiisse nostra causa: ut quantumuis indigni, etiam præsentis vitæ bonis fruamur. At fideles nihilominus Deus etiamnum castigat. Fateor. Sed quomodo? An ut pœnas sumendo, sibi ac iudicio suo exoluat quod debetur? Minime: sed ut incusso iræ suæ terrore, eos humiliet: afficiat serio resipiscentiæ affectu, in posterum cautiore reddat. At remedia sunt, quibus easdem pœnas aueriant: nempe, cum ipsi sponte præ-

- occupant, non est cure eos Deus quasi violenter trahat. Quorsum enim ferula, nisi cum deest voluntaria correctio? Proinde docet Apostolus, non iudicatum iri à Domino, qui seipso iudicauerint. Sed quàm præposterum est, satisfactiones inde elicere? Deprecati sunt plerique fidelium Dei flagella, quibus se fecerant obnoxios.
1. Cor. 11. Quinetiam Achab, ubi se vltro humiliat, mitiorem sentit Dei manum: sed ipse quoque deprecationes, quibus vsi sunt sancti, locupletissimæ sunt testes gratuitæ satisfactionis. Atqui, nihil afferunt, quod non testimonijs probent: sic enim docet
1. Reg. 21. Paulus: Tristitia, quæ secundum Deum est, pœnitentiam in salutem, non pœnitendam efficit. Quid? An ad satisfactiones nos hîc reuocat Paulus? Nullum enim verbum audio. Satis quidem improbè nobis illudunt. Improbius tamen quod sequitur: de eadem pœnitentia intelligendam esse Ioannis concionem: Pœnitentiam agite: & facite fructus pœnitentiæ dignos. Sed enim quos compellabat Ioannes his verbis? Nónne qui se ad Baptismum offerebant, nondum Christi fide imbuti? Paulum absimile est, nec tamen minus absorum, quod citant ex Apocalypsi, cap. 4. Memor esto vnde excideris: & primum opera fac: cum prima opera, vel priora illic legantur. Hortatur scriptor Ephesios, vt ad pristinum vitæ statum redeant. Qua fronte hoc ad satisfactiones trahetur? Cum tam proteruè albi nomen nigro imponerent, putabántne fore oculos suæ nequitie aestimatores? Dixit aliquando Iysander legatus in sociorû cœtu imperiosius locutis, quàm par esset: opus illis esse ciuitate, quæ morigeram se illis præberet. Istis verò magistris opus esset bouum armento: si auditorium habere velint, cui persuadeant quod volunt. Nunc se immediatè regi à Spiritu sancto iacent: cum in deprauandis Scripturæ testimonijs palam sint falsarij.

Vt summam colligamus: cum assidua debeat esse inter fideles pœnitentiæ meditatio: rarum nescio quid esse imaginantur sancti patres. Cum Scriptura pœnitentiam pronuntiet totius hominis esse innouationem: cum fontem ipsum designet, timorem ex vero diuini iudicii sensu conceptum: partes enumeret, abnegationem nostri, quæ constat peccati odio, nostræque prauitatis displicentia: & vitæ nouitatem, aut regenerationem Spiritus, quæ nihil aliud est, quàm diuinæ in homine imaginis instauratio: effectus sedulò notet, totamque eius naturam explicatè definiat: nihil afferunt venerandi patres, præter dilutas neniæ, quibus sub Papatu adulterata fuit pœnitentiæ doctrina. Quæ ab Ecclesiasticis doctoribus de externa disciplina dicta sunt, quæ ad solennem pœnitentiæ professionem spectabat: ea imperitè ad spiritualem renouationem detorquent, de qua sermonem instituerant. Ne longior sim in singulis recensendis: si quis præclaram eorum lucubrationem cum scriptis nostris conferat: conuersam ab illis lucem fuisse in tenebras, inueniet ac fatebitur.

Hactenus dedi operam, ne quid accusatoriû continerent mea censura. Atque id animaduertent aequi lectores, nihil me, nisi coactum, reprehendere. Sed nulla est sententia, quæ non mihi plus extorqueat, quàm vellem. Qualis est, quæ habetur capite decimo sexto: Non infidelitate modò, sed quolibet peccato mortali, amitti iustificationis gratiam. Si intelligerent, eijci nos à tanti boni possessione per malam conscientiam, minimè pugnarem: nempe, quoad nos attinet. Tamen si enim non abiicit nos Deus: mala tamen conscientia eiusmodi inter nos & ipsum dissidij causa est, vt vinifica illa, & iustificatrice paterni erga nos eius amoris noti-

tia minimè fruamur. Sed in eo primum sunt praposteri, quòd nullum peccatum, nisi crassum & palpabile, mortale agnoscunt: cum pleraque interiora grauius, ad interitum vsque, animos vulnere: deinde quòd bonam conscientiam non intelligunt indiuiduam esse fidei comitem. Alioqui, quomodo staret illud, Fide purificari corda? Item, Bonæ conscientie responsionem esse ex fide resurrectionis. Item, Christum fide habitare in cordibus nostris. Item, Victoriā esse nostrā, quā mundum vincimus. Item, Scutum esse repellendis Diaboli insultibus. Item, Fide nos in virtute Dei custodiri in salutem. Non ergo dubium est, quin sepulta sit, obrutaque fides in homine, simul atque victus est tentatione aliqua, ut à timore Dei discedat. Non enim magis Spiritus sanctificationis à fide, quā Christus ipse separari potest. Neque tamen assero, cum excidimus à timore Domini, prorsus extingui in nobis fidem. Sed quemadmodum prauis concupiscentijs optrimitur Dei timor, ita hæc suffocari dico, ut vim suam nihilo plus, ad tempus, exerat, quā si quodāmodo esset intermortua. Astute scilicet cuniculum effodere moliuntur sancti patres, in quo dogma illud suum impium occultent: non sola fide nos iustificari. Sed quia hac non succedit, alia adorantur via.

Ephe. 3.
1. Ioan. 5.
1. Petr. 5.
Ephe. 6.
1. Petr. 1.

Superest postremum caput, de merito bonorum operum. Nihil porro inter nos cōtrouersia est, quin exhortandi sint ad bona opera fideles, & proposita etiam mercede stimulandi. Quid igitur? Primum, quòd vitam æternam faciunt mercedem, in eo ab illis dissentio: neque enim si in vita æterna Deus opera remuneratur, inde protinus conficiunt, vitam ipsam esse, quæ in ea rependitur, mercedem. Quin potius hæreditatem esse, ubique Scriptura clamat, quæ non alio, quā gratuita adoptionis iure, nobis obuenit. Sed maior est in eo contradicendi materia, cum eos affirmare non pudet, nihil deesse fidei: libus, quominus legi Dei, pro huius quidem vitæ statu, satisfecisse, & vitam æternam promeruisse censeantur. Vbi ergo erit illa beatitudo quæ à Dauid prædicatur, Psal. xxxij. sine qua sumus omnes ter miseri? Væ autem miseris istis, qui non intelligunt, eum qui proximè ad perfectionem accessit, nondum addimidium vsque iter progressum esse. Nam verissimum esse illud Augustini sentiunt, quicumque exercitātam habent conscientiam: Sanctorum iustitiā in hac vita remissione peccatorum cōstare magis, quā perfectione virtutum. Verius etiam: num illud alterum quod iam citauimus: quandiu sub carnis infirmitate gemūt, unicam illis si em reliquam esse, quòd mediatorem habent Christum, per quem Deo reconciliantur. Sed non mirum est, crassulos monachos, qui nullum vnquam certamen conscientie experti, nunc etiam vel ambitione inebriati, vel crapula, suo tantum idolo ventilare se cupiunt, de legis perfectione ita garrere. Eadem securitate cælum promercale exponunt, ipsi interea in præsentī mercede, cui inhiant, occupati. Frustra enim pulchris istis, quos postea inducunt, coloribus, oculos non prorsus hebetes tentant perstringere: dum prohibent, ne quis operibus vel gloriatur, vel confidat: quoniam sint Dei dona. Siquidem ut omittam, quòd humanis viribus maiori ex parte prius arrogarunt, quæ dona esse Dei nunc farentur: tria sunt in eorum decreto, quæ ferri non debent, errata. Nam etsi obiter attingunt, Christi merito bona priorum opera esse meritoria: quod tamen in primis necesse erat, prætereunt: nullum esse opus, quod non infectum sit labe aliqua, nisi Christi sanguine abluatur. Quin potius falsam operibus dignitatem affingunt, ut sine venia placeant. Speciosum quidem est quod obtinent: fluere omnia à Spiritu Christi. Sed ubi absoluta Spiritus sancti virtus reperietur? Annon ad mensuram, unicuique distribuitur? Debeant ergo obseruare, semper aliquid nostræ facis admixtum, quod puritatem illam inficiat. Cum autem deformat coram Deo quicquid à nobis operum prodit, quæ

Lib. de ci-
uit. Dei
19. c. 7.
Lib. ad
Bon. 3. c. 9

1. Cor. 12.

nobis inheret vitio sitas: vnum superest, vt gratuita acceptione, gratiam, quam non habent à seipsis, recuperent. Id fit, dum in æstimationem non veniunt ipsa: sed suum à Christo pretium mutantur, & quasi emendant.

Iaco. 2. Hæc iam nimis crassa impiâque hallucinatio: non agnoscere, hoc solo demum nomine acceptum esse Deo quicquid operum à nobis prodit, cum paterna indulgentia, quicquid vitiosum est, ignoscitur. Altera autem ferè similis: quòd non reputant, si quid etiam opere vno sumus promeriti, totum id quatumcunque sit, contraria transgressione perire: Qui deliquerit in vno, factus est omnium reus. Quam tibi promittis mercedem, ubi nihil, quam mortis æternæ reatus indicitur? Faciunt itaque perperam, dum ad vnicum hoc remedium non confugiunt, vt liberali fauore dignetur Deus, si quid in nobis est boni, mala, quæ longè & numero & pondere superant, non imputando. Tertius verò error longè deterrimus: quòd salutis fiduciam ab operum intuitu suspendant. Verbo quidem vno prohibent, ne nobis fidamus: sed cum rursus in opera iubent intueri, vt eatenus nobis certa sit spes salutis, quantam illic reperiemus sperandi materiam? nonne totam in nobis fiduciam apertè locant? Itaque & clausulam adiungunt tali doctrinæ congruentem: dubio euentum militandum esse in hac vita: donec unicuique Deus secundum eius opera rependat. Quo totam fidei nostræ gloriationem euertunt: vel vt Pauli verbo utar, fidem exinaniant ipsam. At Paulus iustificatum se negat: etiam si nihil sibi sit confidens. Fateor, ideòque vt stabilis constet, ac tranquilla iustitiæ possessio, posthabita operum mentione, iudicem nostrum deprecari conuenit, vt ne in iudicium intret nobiscum. Hic enim vnicus securitatis nostræ portus est, quòd iudicis personam Deus exiit, vt se nobis Patrem exhibeat.

Rom. 4.
1. Cor. 4.
Psal. 143.

Nec tamen pudet istos porcos, territandis simplicibus suam denuntiationem intonare: neminem iustitiæ compotem futurum, qui non firmiter teneat quod præscribunt. Quid? An noua iustificationis ratio nuper exorta est: ac non potius sicut vna est salus, ita eadem omnes ad ipsam peruenimus via? Quid ergo Prophetis & Apostolis fiet, qui operâ talibus magistris non dederunt? Proinde Tridentina schola valere iussa, eam teneamus fixam fidem, quam ex Christi Spiritu nobis Prophetæ & Apostoli tradiderunt, scientes unde didicerimus. Caterum, ne cui obscurum foret, venerandos patres, ex eorum esse numero, quorum os maledictione plenum esse clamat David: totidem ferè, quot ipsi sunt homines, anathematata truculentis buccis desumpunt, quibus honorificum, & plausibile imponit Canonum nomē. Et tamen ne malignè agere videar, quasi eius, quam hactenus seruauimus, moderationis sim oblitus, tribus primis libenter subscribo. Reliquis breues censuras attexam.

Psal. 10.

CANONVM ANTIDOTVM.

In i. Canonem, ij. & iij. Amen.

In iiij.

Philip. 2.

Dictum est supra, quomodo liberum arbitrium Deo assentiatur vocanti, & excitanti. Obsequimur certè Deo volentes: sed voluntate, quam in nobis formauit. Qui ergo motum aliquem libero arbitrio proprium tribuunt, & separatim à Dei gratia, nihil aliud quam Spiritum sanctum discerpunt. Neque verò Paulus volendi facultatem nobis dari, sed velle ipsum in nobis effici prædicat: vt non aliunde, quam à Deo sit assensus, vel obsequium rectæ voluntatis. Intus agit, corda tenet, corda mouet, eosque voluntatibus eorum, quas in illis operatus est, trahit: inquit Augu. lib. de correptione & gratia. cap. xiiij. Et qualis erit cordis ferrei à seipso præparatio, donec mirabili conuersione carneum esse cœperit?

cæperit? Quod solidum esse Dei opus, testatur Propheta. Dissentiet quidem à Deo hominis voluntas, quandiu erit contraria: verum si in obedientiam composita fuerit, iam sublatum est dissentendi periculum. Atqui eam esse diuinæ gratiæ efficaciam, vt subacta omni repugnantia, ex inuitis nos faciat obsequentes, non ipsi sumus authores: sed Dominus per Prophetam: cum se facturum promittit, vt in præceptis suis ambulemus. Item Christus, cum dicit: Quisquis audit à Patre meo, venit ad me. Ioan. 6.

In v.

De verbo ne moueamus rixam. Sed quia per liberum arbitrium intelligunt eligendi facultatem, quæ sit in vtrunque partem libera & soluta, titulum sine re esse, qui affirmant, Christum habent authorem, cum dicit, liberos fore, quos Filius liberauerit: alios esse seruos peccati. Libertas certè, & seruitus, contraria sunt. Quod ad ipsam vocem attinet, audiant Augustinum: qui liberam hominis voluntatem esse negat, quandiu vincitibus & vinctis cupiditatibus subdita est. Alibi autem sic loquitur: Victa vitio, in quod cecidit voluntate, caret libertate natura. Item, Libero arbitrio malè vsus homo, & se perdidit, & ipsum. Item, Magnas homo liberi arbitrij vires, cum conderetur, accepit: sed peccando amisit. Non attendunt stulti homines, in liberi arbitrij nomine sonare libertatem. Si autem serui sunt peccati: quid se de libero arbitrio iactant? A quo enim quis deuictus est, huic & seruus addictus est. Quinetiam alibi palam nomen ipsum ridet. Liberum, inquit, arbitrium, sed non liberatum. Liberum iustitia, seruum peccati. Quid ergo tanto pe re succensent miseros homines admonentibus suæ seruitutis, vt ad liberatorem confugere discant? Epi. 144.
ad Anast.
Homi. 53.
in Ioan.
De perfect. iusti.
Lib. de
ver. Apo.
Ser. 3. De
Spiri. &
lit. c. 30.
De corr.
& gratia.
c. 13.

In vi.

Ego cum à paradoxis abhorream, libenter etiam hoc repudio, tam proprium esse Dei opus Iudæ proditionem, quam Pauli vocationem. Sed permissiue tantum agere Deum in malis, cui persuadeant, nisi qui totam Scripturæ doctrinam ignorat? Magis enim vrgent sententiæ, quæ reprobos testantur sanctificatos esse ad opus Dei exequendum: esse eius re-tia, gladios & secures, quæ manu eius regantur: excitari eius sibilo, conuenire ad peragenda quæ Dei manus & consilium decreuit, Christum à Iudæis definito eius cõsilio interceptum, quam vt permissionis suffugio eludiqueat. Melius ergo Augustinus: qui citatis Scripturæ locis, ubi & Pater Filium tradidisse dicitur, & Christus seipsum, mox subiicit: quid ergo fecit Iudas, nisi peccatum? Nec verò iure reprehendetur quod alibi scribit, operari Deum in cordibus hominum, ad inclinandum eorum voluntates, quocunque voluerit: siue ad bona, pro sua misericordia: siue ad mala, pro meritis eorum: idque iudicio suo interdum aperto, interdum occulto, semper autem iusto. Siquidem addatur exceptio, quam continuo adhibet: malitiam non ipsius esse opus. Quemadmodum & paulò antè posuerat: Non iubendo præcipere impijs, ubi obedientia laudetur: sed voluntatem proprio vitio malam, occulto iustoque iudicio, in hoc vel illud maleficiū inclinare. Nihil enim hîc audimus quod non ijsdem prope verbis, Scriptura doceat. Nam & inclinandi & vertendi, obdurandi, & incitandi, & agendi verba illic exprimuntur. Ies. 10. 17.
Iere. 1.
Ezech. 17
37.
Psal. 17.
Act. 2. 4.
De ver.
Domi.
Ser. 63.

In viij.

Certè arbor mala non potest nisi malos fructus producere. Quis autem, nisi perditus, neget, nos malas esse arbores, donec insiti in Christum simus? Ergo si quis bonus fructus in homine laudatur, in fide quærat radix, vt Augustinus admonet. Deinde toties clamat Deus, se non morari externas larvas: sed fidem cordis inspicere: & nominatim per Ieremiam. Qualis autem erit cordis mundities, aut veritas, quod non nisi fide purificari docet Petrus? Ergo præclare Augustinus ad Bonifacium: Religio nostra iustos ab iniustis Mat. 7.
In psal. 31
Ser. 1.
Iere. 5.
Apo. 15.
Lib. 3. c. 5.

praefat. in
psal. 31.
Heb. 11.
Ioan. 5.
Ephes. 2.

non operum, sed ipsa fidei lege discernit, sine qua, quæ videntur bona opera, in peccata vertuntur. Ad hæc, ideo peccant infideles, quicquid agant, quòd facta sua non ad legitimum finem referunt. Quæ de re copiose disputat idem scriptor, libro aduersus Iulianum iij. Vnde & eleganter alibi erroneum vocat illorum cursum, in quo ut quisque magis est strenuus, longius à meta recedit: ideoque fit miserior. Ac tandem concludit, melius esse in via claudicare, quàm extra viam currere. Et quid plura volumus? Apostoli anathematisent, qui negat, absque fide posse quempiam placere Deo. Christum & Paulum anathematisent, qui omnes infideles mortuos esse pronuntiant: ac per Euangelium à morte suscitari.

In viij.

Ad Anast.
Epi. 144.

Respondeo: Amen. Nec cuiquam id puto vnquam in mentem venisse. Qualis enim ab illis describitur, veram poenitentiam continet, ac cum fide est coniunctus. Sed de serui illa gehennæ formidine, quæ aliquousque cohibet infideles, ne tam furioso præcipiti que impeturuant in maleficia, idem sentimus cum Augustino, cuius verba sunt: Et quis coram Deo innocens inuenitur, qui vult fieri quod vetatur, si subtrahas quod timetur? Ac per hoc in ipsa voluntate reus est, qui vult facere quod non licet fieri: sed ideo non, facit, quia impune non potest fieri. Nam quantum in ipso est, mallet non esse iustitiam, peccata prohibentem, atque punientem. Et utique, si mallet non esse iustitiam, quis dubitauerit, quòd eam, si posset, auferret? Ac per hoc, quomodo iustus est, iustitiæ talis inimicus, ut eam, si potestas detur, præipientem auferat, ne comminantem vel iudicantem ferat? Inimicus ergo iustitiæ est, qui poenæ timore non peccat. Et sanè, ubi non aliud est profectus, quàm ut peccator terrore cohibitus fremat aduersus Deum, quis peccatum tali contumacia auertere neget?

In ix.

Hic canon minimè est canonicus: quia rerum inter se pugnantium complexionem continet. Fide enim iustificari hominem imaginantur, nullo suæ voluntatis motu. Quasi verò non corde credatur ad iustitiam. Hoc inter eos & nos interest, quòd motum sibi persuadent oriri ab ipso homine: nos autem voluntariam fidem ideo asserimus, quòd voluntates nostras Deus ad se trahat. Adde, quòd hominem sola fide iustificari cum dicimus, fidem non fingimus charitate vacuam: sed ipsam solam iustificationis causam esse intelligimus.

In x.

Si pondus haberent hæc anathemata, non leuem simplicitatis suæ poenam daturi essent, quicumque in sophistica non sunt exercitati. Prius in suis placitis, vnicam formalem iustificationis nostræ causam esse asseriebant, iustitiam Dei: nunc anathematizant, qui formaliter nos Christi obedientia iustos esse dicunt. Sed alio sensu. Video equidem, vel saltem subolfacio. Sed quoruscunque ambiguitate non fallitur? Quanquam fieri potest, ut quam fortè alicubi legerint sententiam, non intellectam audacter damnent: nam sicut impiè dicitur, nobis Christi iustitiam, exemplar duntaxat vel typum esse: ita si quis formaliter, hoc est, non qualitate, sed imputatione iustos esse doceat: ut significet in prædicamento relationis sita esse nostram iustitiam, nihil in eo erit reprehensione dignum: atqui ad verumque sensum extenditur aduerbium, Formaliter.

In xi.

Galat. 5.
Rom. 3.

Hoc semper lectoribus testatum esse volo, quoties in hac quæstione nominamus solam fidem, non mortuam à nobis fingi, & quæ per charitatem non operatur: sed ipsam statui vnicam iustificationis causam. Fides ergo sola est quæ iustificet: fides tamen quæ iustificat, non est sola. Quemadmodum Solus calor, solus est qui terram calefaciat: non tamen idem in Sole est solus, quia perpetuò coniunctus est cum splendore. Quare totam regenerationis

rationis gratiam non separamus à fide: sed vim iustificandi, ac facultatem fidei in solidum, ut necesse est, vindicamus. Neque verò tam nos, quàm Paulum anathematizant Patres Tridenticolæ, cuius ea est definitio: iustitiam hominis constare peccatorum remissione. Verba sunt capite ad Rom. quarto. Beatũ hominem dicit David, cui Deus acceptam fert psal. 32, iustitiam, sine operibus: Beati, quorum remissæ sunt iniquitates. Videmus, ut beatitudo, & iustitia, idem Paulo significant. Vbi verò utranque, nisi in sola peccatorũ remissione, collocat? Idem sibi volunt quæ tradit capite secundæ ad Corinthios quinto: Erat Deus in Christo mundum sibi reconcilians, non imputando hominibus peccata. Nam mox quomodo ad nos perueniat illa reconciliatio, subiicit: Legatione, inquit, fungimur, quasi Christi nomine obsecrantes. Eum qui non nouerat peccatum, pro nobis peccatum fecit: ut simus iustitia Dei in illo. En ut Christi sacrificio reconciliati Deo, simul etiã iusti, & quidẽ in ipso censeamur. Quid tamen vnum atque alterum locum cito, cum passim hanc doctrinam Prophetæ & Apostoli nobis occinant? Porro, operæpretium est notare, quàm dextrè ipsi Scripturã accommodent. Charitatem negant oportere excludi, quæ per Spiritũ sanctum diffunditur in corda nostra. Et iam secundò hoc testimonium ita deprauant. At Paulum non de no- Rom. 5. stra ipsorum charitate illic, sed de paterno Dei erga nos fauore loqui, contextus indicat: nam consolationem in rebus omnibus aduersis hanc proponit, quòd Spiritus nobis suggerat diuinæ erga nos benevolentia testimonium. Porci isti in contrariam partem detorquẽt, non pudeferi nos sperando, quia Deum diligamus. Et simul ac gutture insonuerint suos ructus, instar oraculorum haberi volunt. Eiusdem est notæ, quòd ex gratia iustificante habitum faciunt: Dei fauorem esse negant. At verò plusquam clara sunt Scripturæ verba in contrariã partem: nam Paulus cum dicit imputari credentibus mercedem non secundum Rom. 4. debitum, sed secundum gratiam: item, hereditatem esse ex fide, ut sit secundum gratiam: quis aliter exponet, obsecro, quàm de gratuito fauore? Et quid aliud propositum gratiæ significat? In primis verò illustris est locus Ephe. i. capite, ubi docet, Patrem nos sibi reddidisse gratiosos in Filio, verbum ex verbo deducens.

In xij.

Non placet venerandis patribus, fidem iustificatẽ esse fiduciam, qua misericordiam Dei peccata propter Christum remittentis amplectimur. At placet Spiritui sancto, qui per os Pauli sic loquitur: Nos gratis iustificatos esse Dei gratia, per redemptionem quæ est in Christo: quem Deus propitiationem constituit, per fidem, quæ est in sanguine eius, in remissionem præcedentium delictorum. Nec aliter potest exponi quod dicit post- Rom. 5. ea: nos fide iustificatos pacem habere cum Deo. Vnde enim id, nisi quòd tunc demum tranquilla sunt conscientia, dum in misericordia Dei acquiescunt? Quod etiam discretè continnuò post exprimit, addita ratione, quòd charitas Dei in corda nostra diffusa sit per Spiritũ sanctum, qui scilicet nobis gratuita adoptionis testis est: nec id modò, sed etiam arra & si- 2. Cor. 5. gillum. Item alibi: In Christo habemus securitatem & aditum cum fiducia, quæ est per Ephe. 3. fidem eius. Eadem ratione Euangelium ideo appellat Doctrinã fidei, potius quàm Legem. Rom. 10. Porro alibi Euangelium prædicat legationem esse reconciliationis. 2. Cor. 5.

In xij.

Id sibi tamẽ vult Paulus, cum exinanita fide, abolitã esse promissionẽ concludit. Id Rom. 4. sibi vult vocabulum *παροφειά*, quo aliquoties idem vtitur. Proinde non aliter censet ritẽ illuminari oculos mentis nostræ, nisi cernamus quæ sit spes nostræ hereditatis. Et ex testi Ephe. 1. monijs superioribus satis constat, non esse rectam fidem, nisi cum audemus, tràquillis ani- Super cã- tis, nos in conspectum Dei sistere: nã, ut præclare Bernardus, Si turbetur conscientia, nõ 16.

Cap. 3.

perturbabitur, vulnerū Domini memor. Illic enim tuta firmāque infirmis requies, & securitas. Quod ipsum sonant Zachariæ verba: Descendet quisque in vitem suam, sub ficu sua habitabit secure, cum remissa fuerit terræ iniquitas.

In xiiij.

Non video quorsum idem bis damnent: nisi quod timebāt, ne cassum esset prius fulmen. Atqui, nihil plus aduersus tam liquidam Dei veritatem proficient, centies fulminādo. Dicit Christus: Fili, confide: remittuntur tibi peccata tua. Hanc sententiam abominantur comuti patres, si quis absolutionem doceat, fide sola perfici. Quanquam meminisse debet pius lector, non excludi à nobis pœnitentiam, quæ omnino necessaria est: sed de causa obtinendæ absolutionis cum quæritur, solam fidem nominari. Et meritò: Quomodo enim verè Deum timere incipiet, nisi qui iam sibi propitium esse, persuasus fuerit? Vnde autem persuasio, nisi ex absolutionis fiducia?

In xv.

Ephē. 1.

Verum est quidem: noxiam esse, ideoque fugiendam nimis scrupulosam huius rei inquisitionem. Idque sedulò docemus. Sed ea scientia prædestinationis, quam nobis commēdat Paulus, nec sæuum Neptuni tridentem, nec omnes AEoli flatus, nec Cyclopum fragores, nec vllas tempestatum procellas formidat. Vult enim hoc scire, ac pro certò habere Ephesios, se participes factos cœlestis gratiæ in Christo, quemadmodum electi in ipso fuerant ante mundi creationem. Sic ergo suæ electionis certos esse cōuenit vniuersos fideles, vt illam in Christo, tanquam in speculo, intueri discant. Neque verò de nihilo Christus suos hac consolatione animat, ex ijs qui sibi dati sunt à Patre, periturum neminem. Et quid aliud, amabò, est certa prædestinationis nostræ cognitio, quam illud adoptionis testimoniū, quod pijs omnibus commune facit Scriptura?

Rom. 8.

In xvi.

Ne sæpius eadem repetere cogar: nihil aliud hic damnant, quàm quod certis Spiritus sancti oraculis proditum esse, prius ostendi.

In xvij.

Acto. 13.

Rom. 8.

Ioan. 6.

Verba Lucæ sunt: Crediderunt omnes qui præordinati erant ad vitam. Vnde in vno auditorio tale extiterit discrimen, vt alij crediderint, alij perstiterint in sua obstinatione, indicat: similiter Paulus eos vocari asserit, quos antè elegit Deus. Annon etiam vocantur reprobi? Sed non efficaciter. Hoc enim interest in Dei vocatione, quòd omnes promiscuè inuitat verbo suo: electos autem solos intus docet. Quemadmodū ait Christus: Quicquid mihi dedit Pater, ad me veniet. Denique, regenerationis spiritū non dari, nisi electis, quis quis ignorat, nescio quid in Scripturis teneat.

In xvij.

Si perfectæ esset regeneratio in hac vita, possibilis esset legis obseruatio. Sed cum fideles, quandiu hic viuunt, medio ex stadio ad metam aspirent, magnisque difficultatibus anhelent: vbi reperietur, quam isti somniant, obedientiæ perfectio? Sed non mirum est, de rebus ignotis tam audacter eos garrire: Dulce enim bellum inexpertis.

In xix.

Amen.

In xx.

Sicuti nemo sanus, Dei iugum à fidelium humeris excutiet, quasi non debeant mandata eius seruare: ita sciendum est, à mandatorum obseruatione nequaquam pendere salutis fiduciam. Stat enim semper illud Pauli, in eo differre à lege Euangelium, quia non sub conditione

ditione operum, sicut illa: sed ex fide vitam promittat. Quid enim illa antithesi clarius? Leges iustitia talis est: Qui fecerit hæc, viuet in ipsis. At quæ ex fide est iustitia, sic habet: Qui crediderit, &c. Eodem & alter ille locus spectat: Si ex Lege esset hæreditas, exinanita esset fides, & abolita promissio. Ergo ex fide est, vt secundum gratiam, firma sit promissio omni credenti. De legibus Ecclesiæ ipsi viderint: nos vnicum agnoscimus legislatorem, cuius est tradere vitæ regulam, sicuti ab eo vitam habemus.

Rom. 10.

Rom. 4.

In xxi.

Neque hoc quisquam dicit. Sua igitur ipsorum figmenta anathematizant patres: nisi forte ideo succenseant, quod Christum negamus legislatorem, qui nouas aliquas leges orbi tradiderit. Quod ipsi stultè imaginantur: neque enim vana erat illa Moysi testificatio, Legem quam tulerat, viam esse vitæ & mortis. Item: Hæc est via: ambulate in ea. Nec frustra, quoties de vera & solida iustitiæ perfectione disserunt Propheta & Apostoli, ad legem ipsam nos reuocant. Nec frustra respondit Christus Phariseo: Si vis ad vitam ingredi, serua mandata. Proinde cum legem infirmitatis Paulus in simulat, vitium non constituit in eius doctrina, quominus salutem nobis conferat: sed in carne nostra, Rom. septimo capite, & octauo.

Deut. 30.

Mat. 19.

Luc. 18.

In xxij.

Amen.

In xxij.

Qui hominem semel iustificatum peccare posse negant, eos damnamus: qui item verè iustificatos esse negant, quibus labi contingit: similiter eos, qui etiam à minimis peccatis abstinere posse asserunt hominem Dei Spiritu regeneratū. Sunt enim hæc fanaticorum deliria, qui vel Diabolica arrogantia dementant, vel hypocrisi fascinant hominum mentes, vel in præcipitium desperationis eas adducere moluntur. De speciali Virginis Mariæ priuilegio, cum cœlesti diploma protulerint, credemus quod iactant: nam Ecclesiam quid appellant, nisi concilium Claromontanum? Ecclesiæ certè membrum erat Augustinus: qui tametsi, amoliendæ inuidiæ causa, mauult alicubi de Beata Virgine silere: passim tamen, sine eius exceptione, totum Adæ genus peccato inuoluit. Quinetiam prope disertis verbis eam in peccatorum ordinem aggregat, cum ad Marcellinū scribens, multum eos errare tradit, qui vlli sanctorum, præterquam vni Christo, necessariam fuisse hanc deprecationem negant: Remitte nobis debita nostra: minimeque eos placere sanctis quos laudant. Membra Ecclesiæ erant Chrysostomus & Ambrosius, qui ambitione tentatam fuisse suspicantur. Quæ omnia non alium in finem commemoro, quàm vt intelligent lectores, nullum esse tam nugatorium figmentum, quod inter fidei dogmata ab istis asinis non censeatur.

In xxiiij.

Quin bona piorum opera mercede prosequatur Deus, priorēque gratias alijs nouis & amplioribus cumulet, non negamus. Opera autem quisquis augendæ iustificationis causam esse asserit, ille nec quid nomen iustificationis valeat, nec quid sit causa, tenet. Tum nos censeri iustos, cum accepti sumus Deo, iam antè probatum est. Hinc quoque mutantur opera quicquid habent gratiæ.

In xxv.

Rectè Solomon, cum admonet, homini rectas videri vias suas, at Deum corda

Pro. 16.

ponderare. Vnde enim fit, vt hanc execrationem cornuti asini fundant, nisi quòd peruersa opinionis suæ trutina, non Dei ponderibus examinant? Dei iudicio nihil est syncerum nec probum, nisi quod ex perfecto eius amore manat. Si nunquam eò vsque reformatur in hac vita cor hominis, quin multis viijs laboret, quin distrahat-
tur cupiditatibus varijs, quin sæpe mundi illecebris titilletur: aliquid inde inquinam-
menti semper trahant opera, necesse est. Nullum ergo opus quod non sit peccatum,
nisi ex gratuita æstimatione pretium acquirat.

In xxvi.

Nihil mirum, tam esse audaces, qui nullo vnquam serio diuini iudicij affectu tacti fuerunt. Expectent sanè pro bonis operibus vitam aternā: modò, authore Paul-
lo, nos eam ex Dei gratia speremus. At gratiam sic loquendo, non euertunt. Ta-
met si dimidia ex parte relinquunt gratiæ nomen: quandiu tamen, in quærenda sa-
luta causa, ad opera circumspectant conscientia, si trepidatione vacillant, vā illis:
quia fidei certitudine exciderunt: si quid certi sibi audent polliceri, vā iterum: quia
diabolica arrogantia sunt inflati. Maneat ergo illud Pauli, non ex lege esse hære-
ditatem, sed ex fide, vt secundum gratiam firma sit promissio omni credenti.

Rom. 4.

In xxvij.

Quemadmodum peccatum quoduis, quoniam Dei lege damnatum est, mortale esse fatemur, & sentimus: ita ex infidelitate manare omnia, vel saltem ex fidei de-
fectu, Spiritus sanctus docet. Mors sanè aterna est Dei maledictio, quæ adulteris,
& furibus, & periuris denuntiatur: at, vbicunque regnabit fides, iram Dei, pec-
catis omnibus expulsis, nō secus auertet, ac si quis ignē extingueret, subducto ligno.

In xxviij.

Semen aliquod fidei manere in homine, licet suffocatum, etiam inter grauif-
simos lapsus, non nego. Id quantulumcunque est, particulam fateor esse veræ fi-
dei: addo etiam, viuæ: quando aliter non posset ex ea oriri fructus. Verum quoniam
non apparet ad tempus, nec se vsitatus signis exerit, perinde habetur atque emor-
tua, quoad sensum nostrum. Sed nihil tale in mentem venit patribus, aut eorum di-
lactoribus monachis. Tantum infulsum illud, de fide informi & formata, suum do-
gma volebant stabilire. Hinc illud, quòd vera nō esse fidem contendunt, quæ tamen
sit mortua. Quasi verò animæ vita possit esse fides: quemadmodum eam, ex perpe-
tua Scripturæ doctrina, eleganter ipsam nuncupat Augustinus: quæ ipsa viuā non
sit. Idem valet, quòd Christianos esse contendunt, qui nihil habent charitatis. Ita
vt anathema pronuntient, si quis secus sentiat. Nempe ergo Spiritum sanctum ana-
thematizant, qui falsam Christianismi professionem deridet, ac pro nihilo ducit.
Paulus Israelitas esse negabat, qui non essent veri Abraham filij. Verum quoque
Christianismum defuit, cum deponitur vetus homo: & ab ijs, qui piè non viuunt,
Deum abnegari pronuntiat.

In xxix.

Prius membrum, vñā cum authore eius Nouato, nos quoq; execramur. Quòd
ad secundum attinet, si non recipiuntur in gratiam lapsi, nisi per pœnitentiæ sa-
cramentum: quid Petro fiet, cui post tam horribilem casum defuit, quod plusquam
necessario exigunt, remedium? Imo quid fiet tot hominum myriadibus, quibus, per
aliquot secula, ignota fuit auricularis ista confessio, quam nunc ianuam salutis
esse fingunt? Nam quòd Christi & Apostolorum magisterio gloriantur, hac in
parte

parte nimis impudenter faciunt: cùm de confessione ante annos quadringentos, legem nullam extitisse, etiam ex eorum historijs constet. Ergo si tam improbis figmentis fidem haberi velint, non modò omnia vetustatis monumenta ex hominũ memoria exterminent, necesse erit: sed vt hominibus etiam iudicium mentemque adimant.

In xxx.

Culpa remissa, pœnæ reatum manere volunt. Atqui, remissæ culpæ fructum hunc ubiq; Scriptura cõmemorat, quòd flagella sua remouet Deus: ac ira sua, vltionisque oblitus, nos benedicit. Et cùm Dauid beatos esse clamat, quibus non imputat Deus peccata, non solam profectò culpæ remissionem designat: sed de pœna loquitur potissimum. Et quis, obsecro, finis erit aut modus, si de peccatis hominum pœnas exigere incipiat Deus: quæ & numero sunt infinita, & pondere tam grauiâ, vt centesima pars ad profundissimos vsque inferos nos deprimat? Facile quidem est Patribus, Diabolica securitate ebris, temporales vocare pœnas: quibus peccatum ferre nullum est, nisi quis hominem occiderit: quibus scortatio vix lexiculũ est erratum: quibus fœdissimæ libidines, virtutis sunt exercitia, quæ in laude ponunt: qui nullum occultum conscientia vulnus pilo æstimant. At nobis, qui post longum examen, quasi obruti & confusi, in hanc demum vocem cum Dauid erumpere cogimur: Delicta quis intelliget? non tam explicata est solutio. Neque tamen negamus, quin, data culpæ venia, nos interdum Deus castiget: sed vt moneat & corrigat, non vt vindicet. Profanum ergo figmentum est, quòd putant Dei iudicio pœnas exolui. Adde, quòd neque æquali omnes modo puniuntur: nec quantum quisque deliquit: sed prout quenque ferulis opus habere Deus indicat, vt in posterum tali disciplina eruditus, melius sapiat. Ceterum, hîc demonstrant Patres, quàm stre nui sint architec̃ti, qui verbulo vno labyrinthum ex mille labyrinthis compositum absolunt. Immensum sanè gurgitem esse oportet, quo omnes animas absorberi tradunt: nos quidem vniuersas mundi opes videmus exhauriri. In eius constructionem, saltem paulò plus operæ infumere debuerant. Purgatoriũ nulla prorsus in tota Scriptura fit mentio. Atqui, teste Augustino, vbi res naturaliter obscura modulum nostrum vincit, & aperte Scriptura non subuenit, temerè hinc aliquid definire humana coniectura præsumit. Quid ergo hîc statuendum, quàm temerè facere istos nebulones, dum ex suo capite fabricare audent, quod nullum habet in verbo Dei fundamentum? Nisi forte instar vaticini accipi volunt suum de purgatorio commentum, quia à ventriloquis procedit. Nullũ enim est, quod ad referciendos eorum ventres æquè valeat. Quid autem, quòd stare nequit purgatoriũ quod fabricarunt, quin tota Scripturæ veritas destruat? Longa esset eius rei demonstratio: sed in scriptis nostris luculenta extat. Denique, satisfactionibus euersis, ruere simul purgatorium necesse est.

Epist. 157.
ad Optatum.

In xxxi.

Qui verè iustificatus est, non negliget, fateor, mercedem sibi repositam: sed ea, tanquam optimo stimulo, ad bene agendi studium incitabitur. Attamen hunc solum respectum non habebit: nam cùm ingenuam à filijs suis obedientiam requirat Deus, seruire eiusmodi obsequium non repudiabit modò, sed procul etiam reijciat. Ideoque longè alium piè sanctèque viuendi scopum, Spiritus sanctus, cum in scripturis passim, tum per os Pauli nobis præfigit, primo ad Ephe. cap.

In xxxij.

Quo iure, aut quo sensu nostra vocentur, quæ in nobis efficit Christi Spiritus bona opera, breuiter Augustinus docet, cum similitudinem ex oratione Domini adducit: ubi panem, quem petimus nobis donari, nostrum simul, non alio quam donationis titulo, nuncupamus. Itaque, ut alibi docet idem scriptor: dona Christi nemo amplectetur, nisi sua merita oblitus. Rationem aliquoties reddit: quia nihil aliud est quod dicitur meritum, quam gratuitum Dei donum. Nos ergo crepare sinamus Patres istos, meritum à gratia separando, perperam lacerantes quod verè vnum est. Quid porro mereantur opera, qui ex superioribus censuris nostris didicerit, non magno opere præsentem anathematis crepitum exhorrescet.

In xxxiij.

Ingeniosa verò cautio: ne quis videat, quod vident omnes. Parum abest, quin & Dei gloriam, & simul Christi gratiam exinaniant. Et interim dira execratione sanciant, ne quis aliqua ex parte vtrique derogari putet. Perinde ac si quis hominem interficiat, medio foro, sub omnium conspectu, & eadem omnibus conspiciam, prohibeat tamen veram credi. Porro hîc suo pte se indicio produnt sorices, cum anathematis terrorem alijs incutiunt, ne impietatem cernere ausint, cuius ipsi sibi conscij erant.

SEPTIMA SESSIO.



D consummatione salutaris de iustificatione doctrina, quæ in præcedenti proxima Sessione, vno omnium Patrum consensu promulgata fuit, consentaneum visum est, de sanctissimis Ecclesiæ Sacramentis agere, per quæ omnis vera iustitia vel incipit, vel cœpta augetur, vel amissa reparatur. Propterea, sacrosancta, œcumenica, & generalis Tridentina Synodus, in Spiritu sancto legitime congregata, eisdem præsidentibus Apostolicæ sedis Legatis, ad errores eliminandos, & extirpandas hæreses, quæ circa sanctissima ipsa Sacramenta, hac nostra tempestate, tum de damnatis olim à Patribus nostris hæresibus suscitata, tum etiam de nouo adinuenta sunt, quæ catholicæ Ecclesiæ puritati, & animarum salutis magnopere officiunt: sanctarum Scripturarum doctrina, Apostolicis traditionibus, atque aliorum Conciliorum: & Patrum consensui inhaerendo, hos præsentis Canones statuendos, & decernendos censuit, reliquos qui supersunt, ad cœpti operis perfectionem, deinceps, diuino Spiritu adiuvante, editura.

DE SACRAMENTIS IN GENERE.

I. Si quis dixerit, Sacramenta nouæ legis non fuisse omnia à Domino nostro Iesu Christo instituta, aut esse plura vel pauciora quam septem, videlicet: Baptismum, Confirmationem, Eucharistiam, Pœnitentiam, Extremam unctionem, Ordinem, & Matrimonium: aut etiam aliquod horum septem non esse verè & propriè sacramentum: Anathema sit.

II. Si quis dixerit, Ea ipsa nouæ legis sacramenta, à sacramentis antiquæ legis non differre, nisi quia ceremoniæ sunt aliæ, & alij ritus externi: Anathema sit.

III. Si quis dixerit, Hæc septem sacramenta ita esse inter se paria, ut nullo alio alio dignius: Anathema sit.

IIII.

IIII. Si quis dixerit, Sacramenta nouæ legis non esse ad salutem necessaria, sed superflua, & sine eis, aut eorum voto per solam fidem homines à Deo gratiam adipisci iustificationis, cum omnia singulis necessaria non sint. *Anathema sit.*

V. Si quis dixerit, Hæc sacramenta propter solam fidem nutriendam instituta fuisse. *Anathema sit.*

VI. Si quis dixerit, Sacramenta nouæ legis non continere gratiam, quam significant, aut gratiam ipsam non ponentibus obicem non conferre, quasi signa tantum externa sint acceptæ per fidem gratiæ, vel iustitiæ: & notæ quædam Christianæ professionis, quibus apud homines discernantur fideles ab infidelibus. *Anathema sit.*

VII. Si quis dixerit, Non dari gratiam per huiusmodi sacramenta, semper & omnibus, quantum est ex parte Dei, etsi ritè ea suscipiantur: sed aliquando, & aliquibus. *Anathema sit.*

VIII. Si quis dixerit, Per ipsa nouæ legis sacramenta, ex opere operato non conferri gratiam, sed solam fidem diuinæ promissionis ad gratiam consequendam sufficere. *Anathema sit.*

IX. Si quis dixerit, In tribus sacramentis, Baptismo scilicet, Confirmatione, & Ordine, non imprimi characterem in anima: hoc est signum quoddam spirituale & indelebile, unde ea iterari non possunt. *Anathema sit.*

X. Si quis dixerit, Christianos omnes in verbo, & omnibus Sacramentis administrandis habere potestatem. *Anathema sit.*

XI. Si quis dixerit, In ministris, dum sacramenta conficiunt & conferunt, non requiri intentionem saltem faciendi, quod facit Ecclesia. *Anathema sit.*

XII. Si quis dixerit, Ministrum in peccato mortali existentem, modò omnia essentialia, quæ ad sacramentum conficiendum aut conferendum pertinent seruauerit, non conficere aut non conferre sacramentum. *Anathema sit.*

XIII. Si quis dixerit, Receptos & approbatos Ecclesiæ catholicæ ritus, in solenni sacramentorum administratione adhiberi consuetos, aut contemni, aut sine peccato à ministris pro libito omitti, aut in nouos alios per quemcunque Ecclesiarum Pastorem mutari posse. *Anathema sit.*

DE BAPTISMO.

I. Si quis dixerit, Baptismum Ioannis habuisse eandem vim cum baptismo Christi. *Anathema sit.*

II. Si quis dixerit, Aquam veram, & naturalem non esse de necessitate Baptismi: atque ideo verba illa Domini nostri Iesu Christi, Nisi quis renatus fuerit ex aqua, & Spiritu sancto, ad metaphoram aliquam detorserit. *Anathema sit.*

III. Si quis dixerit, In Ecclesia Romana (quæ omnium Ecclesiarum mater est, & magistra) non esse veram de Baptismi sacramento doctrinam. *Anathema sit.*

IIII. Si quis dixerit, Baptismum, qui etiam datur ab hæreticis in nomine Patris, & Filij, & Spiritus sancti, cum intentione faciendi, quod facit Ecclesia, non esse verum Baptismum. *Anathema sit.*

V. Si quis dixerit, Baptismum liberum esse, hoc est, non necessarium ad salutem. *Anathema sit.*

VI. Si quis dixerit, Baptizatum non posse, etiam si velit, gratiam amittere, quantumcunque peccet, nisi nolit credere. *Anathema sit.*

VII. Si quis dixerit, Baptizatos per baptismum ipsum, solius tantum fidei debitores fieri, non autem vniuersæ legis Christi seruandæ: Anathema sit.

VIII. Si quis dixerit, Baptizatos, liberos esse ab omnibus sanctæ Ecclesiæ præceptis, quæ vel scripta, vel tradita sunt, ita ut ea obseruare non teneantur, nisi se sua sponte illis submittere voluerint: Anathema sit.

IX. Si quis dixerit, Ita reuocandos esse homines ad Baptismi suscepti memoriam, ut vota omnia, quæ post Baptismum fiunt, vi promissionis in baptismo ipso iam factæ, irrita esse intelligat, quasi pereca fidei, quam professi sunt, detrahatur, & ipsi Baptismo: Anathema sit.

X. Si quis dixerit, Peccata omnia, quæ post Baptismum fiunt, sola recordatione & fide suscepti Baptismi vel dimitti, vel venialia fieri: Anathema sit.

XI. Si quis dixerit, Verum, & ritè collatum Baptismum iterandum esse illi qui apud infideles fidem Christi negauerit, cum ad pœnitentiam conuertitur: Anathema sit.

XII. Si quis dixerit, Neminem esse baptizandum, nisi ea ætate qua Christus baptizatus est, vel in ipso mortis articulo: Anathema sit.

XIII. Si quis dixerit, Paruulos, eò quòd actum credendi non habent, suscepto Baptismo inter fideles cõputandos nõ esse, ac propterea cum ad annos discretionis peruenerint, esse rebaptizandos: aut præstare omitti eorum baptisma, quàm eos sine actu proprio credentes baptizari in sola fide Ecclesiæ: Anathema sit.

XIIII. Si quis dixerit, Huiusmodi paruulos baptizatos, cum adoleuerint interrogandos esse, an ratum habere velint quod Patrini, eorum nomine, dum baptizarentur, polliciti sunt: & ubi se nolle responderint, suo esse arbitrio relinquendos, nec alia interim pœna ad Christianam vitam cogendos, nisi ut ab Eucharistia, aliorumque sacramentorum perceptione arceantur, donec resipiscant: Anathema sit.

DE CONFIRMATIONE.

I. Si quis dixerit, Confirmationem baptizatorum otiosam ceremoniam esse, & non potius verum ac proprium sacramentum, aut olim nihil aliud fuisse, quàm catechesin quandam, qua adolescentiæ proximi fidei suæ rationem coram Ecclesiâ exponebant: Anathema sit.

II. Si quis dixerit, Iniurios esse Spiritui sancto, eos qui in sacramento confirmationis, crismati virtutem aliquam tribuunt: Anathema sit.

III. Si quis dixerit, Sanctæ confirmationis ordinarium ministrum non esse solum Episcopum, sed quemuis simplicem sacerdotem: Anathema sit.

Eadem sacrosancta Synodus eisdem præsidentibus & Legatis, inceptum resistentiæ & reformationis negotium, ad Dei laudem, & Christianæ religionis incrementum prosequi intendens: ut sequitur statuendum censuit, salua semper in omnibus sedis Apostolicæ authoritate.

Ad cathedralium Ecclesiarum regimen, nullus nisi ex legitimo matrimonio natus, & ætate matura, grauitate morum, literarumque scientia, iuxta constitutionem Alexandri III. qua incipit: Cum in cunctis: in Concilio Lateranensi promulgatam, prædictus, assumatur.

Nemo quacunque etiam dignitate, gradu, aut præeminētia præfulgens, plures

Metropolitanas, seu cathedrales Ecclesias, in titulum siue commendam, aut quouis alio nomine, contra sacrorum Canonum instituta recipere, aut simul retinere presumat: cum valde felix sit ille censendus, cui vnā Ecclesiam benè ac fructuosè, & cum animarum sibi commissarum salute, regere contigerit. Qui autem plures Ecclesias, contra præsentis Decreti tenorem nunc detinent, vna quam maluerint retenta, reliqua infra sex menses, si ad liberam sedis Apostolicæ dispositionem pertineant, alias infra annum dimittere teneantur. Alioqui Ecclesiæ ipsæ, vltima obtenta duntaxat excepta, eo ipso vacare censeantur.

Inferiora beneficia, præsertim curam animarum habentia, personis dignis, & habilibus, & quæ in loco residere, atque per se ipsos curam ipsam exercere valeant, iuxta constitutionem Alexandri III, in Lateranensi, quæ incipit, Quia nonnulli: & aliam Gregorij X, in generali Lugdunensi Concilio, quæ incipit, Licet canon, editam, conferantur. Aliter autem facta collatio, siue prouisio, omnino irritetur, & ordinarius collator pœnas constitutionis Concilij generalis, quæ incipit: Graue nimis, se nouerit incursum.

Quicumque de cætero plura curata, aut aliàs incompatibilia beneficia Ecclesiastica, siue per viam vnionis ad vitam, siue commendæ perpetuæ, aut alio quocunque nomine & titulo, contra formam sacrorum Canonum, & præsertim constitutionis Innocentij III, quæ incipit, De multa: recipere, ac simul retinere, præsumperit: beneficijs ipsis, iuxta ipsius Constitutionis dispositionem ipso iure, etiam præsentis Canonis vigore priuatus existat.

Ordinarij locorum quoscunque plura curata, aut aliàs incompatibilia beneficia Ecclesiastica obtinentes, dispensationes suas exhibere compellant, & aliàs procedant iuxta constitutionem Gregorij X, in generali Lugdunensi Concilio, quæ incipit, Ordinarij: quam eadem sacrosancta Synodus innouandam censet, & innouat. Addens in super, quod ipsi Ordinarij, etiam per idoneorū Vicariorū deputationem, & congruam portionis fructuum assignationem, omnino prouideant, vt animarum cura nullatenus negligatur, & beneficia ipsa, debitis obsequijs minimè defraudentur, appellationibus, priuilegijs, & exemptionibus quibuscunque, etiam cum iudicum speciali deputatione, & illorum inhibitionibus, in præmissis nemini suffragantibus. Vniones perpetuæ, à XL. annis citra factæ, examinari ab ordinarijs, tanquam à s. de Apostolica delegatis, possint: & quæ per subreptionem, vel obreptionem obtenta fuerint, irrita declarentur. Illæ verò quæ à dicto tempore citra concessæ nondum in toto, vel in parte sortitæ sunt effectum, & quæ deinceps ad cuiusvis instantiam fient: nisi eas ex legitimis, aut aliàs rationabilibus causis, coram loci ordinario, vocatis quorum interest, verificandis, factas fuisse cõstiterit: per subreptionem obtenta præsumantur: ac propterea, nisi aliter à sede Apostolica declaratum fuerit, viribus omnino careant.

Beneficia Ecclesiastica curata, quæ cathedralibus collegiatis, seu alijs Ecclesijs, vel Monasterijs, beneficijs, seu Collegijs, aut pijs locis, quibuscunque perpetuò vnita, & annexa reperiuntur: ab ordinarijs locorum, annis singulis visitentur, qui sollicitè prouidere procurent, vt per idoneos Vicarios perpetuos, nisi ipsis ordinarijs pro bono Ecclesiarum regimine, aliter expedire videbitur, ab eis, cum tertiæ partis fructuum, aut maiori vel minori, arbitrio ipsorum ordinariorum, portione, etiam super certa re assignanda, ibidem deputandos, animarum cura laudabiliter

exerceatur: appellationibus, priuilegijs, exemptionibus, etiam cum iudicum deputatione, & illorū inhibitionibus quibuscūque, in præmissis minimè suffragantibus.

Locorum Ordinarij Ecclesias quasunque, quomodolibet exemptas, auctoritate Apostolica singulis annis visitare teneantur, & opportunis iuris remedijs promouere, ut quæ reparatione indigent reparentur, & cura animarum, si qua illis immineat, alijsque debitis obsequijs minimè defraudentur. Appellationibus, priuilegijs, consuetudinibus, etiam ab immemorabili tempore præscriptis, iudicum deputationibus, vel illorum inhibitionibus, penitus exclusis.

Ad maiores Ecclesias promoti, munus consecrationis infra tempus à iure statutum suscipiant, & prorogationes, ultra sex menses concessæ nulli suffragentur.

Non liceat capitulis Ecclesiarum, sede vacante, infra annum, à die vacationis ordinandi licentiam, aut literas dimissorias, seu reuerendas (ut aliqui vocant) tam ex iuris communis dispositione, quàm etiam cuiusvis priuilegijs, aut consuetudinis vigore, alicui, qui beneficij Ecclesiastici recepti, siue recipiendi, occasione, articulus non fuerit, concedere. Si secus fiat, capitulum contraueniens, Ecclesiastico subiaceat interdicto, & sic ordinati, si in minoribus ordinibus constituti, nullo priuilegio clericali, præsertim in criminalibus gaudeant: in maioribus ab executione ordinum, ad beneplacitum futuri Prælati, sint ipso iure suspensi.

Facultates de promouendo à quocunque, non suffragentur: nisi habentibus legitimam causam, ob quam à proprijs Episcopis ordinari non possint, in literis exprimendam: & tunc non ordinentur, nisi ab Episcopo in sua Diocesi residente, aut pro eo Pontificalia exercente, & diligenti primo examine.

Facultates de non promouendo, præterquam in casibus à iure expressis concessæ, ad annum tantum suffragentur.


Præsentati, seu electi, vel nominati quibuscumque Ecclesiasticis personis, etiam: sedis Apostolicæ nuntijs, ad quæuis beneficia Ecclesiastica non instituuntur, neque confirmantur, neque admittantur, etiam prætextu cuiusvis priuilegijs, seu consuetudinis, etiam ab immemorabili tempore præscriptæ: nisi fuerint prius à locorum ordinarijs idonei reperti, & nullius appellationis remedio se tueri possint, quominus examen subire teneantur: præsentatis tamen electis, seu nominatis ab Vniuersitatibus, seu Collegijs generalium studiorum exceptis.

In exemptorum causis, Constitutio Innocentijs III. quæ incipit, Volentes, in generali Concilio Lugdunensi edita, seruetur: quam eadem sacrosancta Synodus innouandam censuit, & innouat. Addendo insuper, quòd in civilibus causis mercedum, & miserabilium personarum clerici seculares, aut regulares extra monasteria degentes quomodolibet exempti: etiam si certum iudicem à sede Apostolica deputatū in partibus habeant. In alijs verò si ipsum iudicem non habuerint, coram locorum ordinarijs, tanquam in hoc ab ipsa Sede delegatis, conueniri, & iure medio ad soluendum debitum cogi, & compelli possint: priuilegijs, exemptionibus, conseruatorum deputationibus, & eorum inhibitionibus aduersus præmissa nequaquam valiturus.

Curent Ordinarij, ut Hospitalia quæcunque, à suis administratoribus, quocunque illi nomine censeantur, etiam quomodolibet exemptis, fideliter & diligenter gubernentur: Constitutionis Concilij Viennensis, quæ incipit, Quia contingit
forma

forma seruata. Quam quidem Constitutionem eadem sancta Synodus innouandam induxit, & innouat cum derogationibus, in ea contentis.

IN SEPTIMAM SESSIONEM.

uam sit in qualicunque certamine sudandum, vbi mala causa agitur, proxima Sessione experti erant venerandi patres. Ergo, ne se nimium fatigarent secundo conflictu, ad illud suum compendium maluerunt redire, vt fulminatione rem transfigerent. Et sanè dictatorio ipsorum stylo indignum erat, rationis reddēda subire molestiam. Quid ergo? Nempe, aëra sonant Corybantes, & clangorem suum ingeminant. Expauescite pueri. Quisquis autem scintilla virilis animi præditus erit, contemptus nihili crepitaculis, quid tandem contineant eorum placita, intrepidus, animoque composito, inquireret. Ego quam insulsis absurditatibus scateant, digito me ostensurum, profiteor.

In primum Canonem.

Volunt, septem à Christo instituta esse sacramenta. Cur ergo non ipsum iubebant instituere? Nobis cur succenseant, nihil est causæ. Septenarius numerus, quem sub anathemate sanciant, non modò à Scriptura nullum habet testimonium, sed ne ab illo quidem probato authore. Parum est: ex sacramentis quæ numerant, alia ostendimus fuisse temporaria, vt est infirmorum vnctio: alia falso ita vocitari, vt est matrimonium. Planæ & firmæ sunt rationes, quibus id euincimus. Quid enim? An dono sanationum pollere se iactabunt? Si eius doni symbolum est vnctio, nonne simiæ sunt, dum eam absque re vsurpant? Deinde, quanam in hac ceremonia est promissio, quæ quidem ad nos pertineat? Si gratia spiritali, & externo signo constat sacramentum, quidnam tale in poenitentia reperient? Matrimonium verò cur hoc nomine censeant, non alia ratio est, quàm crassa monachorum inscitia: qui Ephesi. 5. cum, in epistola ad Ephesios, sacramentum legerent, pro mysterio, & quidem de arcana Christi & Ecclesiæ coniunctione, ad matrimonium transtulerunt. Harum omnium rerum demonstrationes in scriptis nostris luculentæ extant & copiosæ, quas boni patres vna anathematis vocula repellunt. Id est absque certamine vincere: aut potius absque victoria triumphare.

In ij.

Quando Sacramentorum vtriusque testamenti idem est author, eadem promissiones, eadem veritas, & idem in Christo complementum: meritò dicimus, externis signis inter se differre, in illis autem rebus, quas commemorauimus, vel summatim in re ipsa conuenire. Sunt enim doctrinæ appendices. Atqui, doctrinæ eadem substantia. Sequitur ergo, id quoque in sacramenta competere. Fortè non intelligerent lectores, quorsum hoc fulmen iaculentur patres Tridentini, nisi breuiter eos admoneam. Vulgare est apud Sophistas dogma: Sacramenta legis Mosaicæ figurasse gratiam, nostra verò exhibere. Nos autem Deum asserimus semper in suis promissis fuisse veracem: nec quicquam figurasse ab initio, quod non patribus re ipsa exhiberetur: nam sub Moise constabat circumcisionis veritas. Et tunc eandem fuisse escam spiritualem, qua participabant, eundemque potum spiritualem, testis est Paulus. Rom. 3. 1. Cor. 10. Quid habent quod respondeant, nisi aliter in scholis tradi? Paucis verbis attingo, quæ ex scriptis nostris fuisse discunt lectores, si volent. Summa hæc sit: ex Dei verbo, non Romanensium placitis, descendū esse, quid vel discriminis, vel similitudinis inter se

habeant sacramenta. Neque tamen interea negamus, quin vberior sub Christi regno percipiatur gratia. Atque ideo solemus duplicem notare differentiam: quòd sacramenta nostra non procul Christum, tanquam absentem indicent, sed quasi digito ostendant exhibitum. Deinde, quòd pro ampliore reuelationis modo, si etiam gratiae communicatio vberior.

In iiij.

Quis non malit Neptunium sustinere fulmen, quàm æquare Christi institutis hominum inuenta? Baptismum legimus à Christo cõmendatum: similiter & sacramentum Cœnæ. De alijs, nihil tale. Imo multis post seculis fuisse incognitum, quod isti tradunt. Atqui, obscurum non est, quorsum spectet, ac quidnam valeat illa Christi interrogatio: Baptismus Ioannis estne ex cælo, an ab hominibus? Significat enim, non aliter fore legitimum, nisi à Deo sit profectus. Proinde tutò constituamus, authore Christo, nihil esse periculi, si repudiemus quæcunque à sola hominum auctoritate fluxerunt. Parem tamen omnibus dignitatem arrogare non contenti, Confirmationis suæ chrisma præferunt Christi baptismi. Nam quòd aliud alio faciunt dignius, non ideo est, quòd velint ad inferiorem gradum deducere, quæ ex Scriptura non habent testimonium: sed illas execrandas blasphemias renouant, quas prius euomuit concilium Aurelianense: Baptismo fieri nos duntaxat semichristianos, Confirmatione perfici: & quæ in eundem sensum illic habentur.

In iiij.

Facile patiar, vt quæ nobis Christus dedit salutis adiumenta, eorum vsus ne cessarius dicatur: quando scilicet datur facultas. Quanquam semper admonendi sunt fideles, non aliam esse cuiusvis sacramenti necessitatem, quàm instrumentalis causæ, cui nequaquam alliganda est Dei virtus. Vocem sanè illam nemo pius est qui non toto pectore exhorreat: res esse superfluas. Sed hic boni patres, pro sua crassitie, non animaduertunt, quicquid nobis gratiæ per sacramenta confertur, nihilominus fidei imputandum. Qui enim à sacramentis fidem separat, perinde facit, ac si animam à corpore tolleret. Ergo quemadmodum Euangelij doctrinam non excludimus, cum dicimus, nos sola fide, Christi gratiam adipisci: ita nec sacramenta, quorum eadem est ratio, cum Euangelij sint sigilla. Quicquid præterea hic attexunt, hauserunt ex lutosi ranarum suarum paludibus.

In v.

Fatemur non alendæ tantum, sed augendæ quoque fidei destinata esse sacramenta. Sed aliud sibi volunt cornutæ bestiæ. Fingunt enim subesse vim magicam sacramentis, quæ sit extra fidem efficax. Quo errore tollitur, quæ inter fidem & sacramenta in Scripturis perpetua statuitur relatio. Hoc vt clarius intelligant lectores, semper memoria repetendum est, sacramenta nihil quàm instrumentales esse conferendæ nobis gratiæ causas, quæ tunc demum profunt, suumque effectum habent, cum fidei seruiunt.

In vi.

Scoriam hîc, vt sunt præposteri, argento miscent. Quare à nobis adhibenda est distinctio. Ac primum quidem, si qui sint qui negent sacramentis contineri gratiam quam figurant, illos improbamus. Sed dum adiungunt cornuti patres, per ipsa nobis conferri gratiam non ponentibus obicem, totam sacramentorum vim peruertunt. Semper enim ad vetus illud Sophistarum delirium relabuntur: etiam infideles, gratiam, quæ in sacramentis offertur, percipere: modò ne oppositis alijs obicibus, eam repellât.

Quasi

Quasi verò non ipsa per se satis magnum obstaculum sit, infidelitas. Teneamus ergo, non aliter nos oblata in sacramentis gratia potiri, quàm si fide simus capaces. Quod sequitur cōtinuò post, perquàm vel malitiosè, vel insulsè attexuerūt. Quasi, inquam, externa tantum sint signa. Imo perinde loquuntur, ac si inter hæc duo nihil esset medium. Nos verò, sicuti monachale illud commentum repudiamus, aliter prodesse sacramenta, quàm per fidem: ita libenter cum signis ipsis coniūgimus veram rei exhibitionem: ut nullus eorum extra fidem sit effectus, & tamen non inania sint, nudaque gratiæ procul remotæ signa.

In vii.

Primò definiendum erat, quid sit ritè suscipere sacramenta: nam porci isti præterita fide, ac posthabita poenitentia, non illa quidem ceremoniali, quam magnificè prædicant, sed interiore cordis, quæ totus homo ad Deum cōuertitur: in simulata nescio qua deuotione, ut loquuntur, situm esse putant, ut ritè quis sacramenta recipiat. Quòd fide legitima dispositione hominis constaret, nihil amplius de efficacia restaret controuersia. Quis enim ritè ut decet, accedentibus, exhiberi dubitat quam illic Deus promittit gratiam? Proinde quisquis de puro Sacramentorum vsu mediocriter fuerit edoctus, insulse eos distinguere agnoscet, cum ex parte Dei gratiam dari asserunt: nam qualiscunque sit hominis indignitas, manere Deum semper veracem oportet. Nihil ergo, ex parte quidem Dei, Sacramentorum efficacia vel decedit, vel derogatur, quamlibet indigna ipsorum profanatione. Quoad malam hominum conscientiam spectat: sed tantum perit effectus, vel saltem intercidit, quominus ad nos perueniat.

In viii.

Hic verò non modò clarius, sed etiam crassius impietatem suam detegunt. Commentum de opere operato, & recens est, & ab indoctis monachis excusum, qui de Sacramentorum natura nihil vnquam didicerant: nam in sacramentis propriè solus Deus agit: quia nihil illuc homines suum afferunt, sed accedunt, oblatam sibi gratiam recepturi. Ita in baptismo Deus nos Filij sui sanguine abluit, suoque spiritu nos regenerat. In Cœna carne sanguinéque Christi nos pascit. Quam sibi operis partem absque sacrilegio homines vendicabunt, ubi totum gratiæ esse apparet? Nam quòd hominibus commissæ est administratio, id Dei operationi non magis derogat, quàm manus artificis: quando per eos agit vnus Deus, efficitque omnia. Pecudes autem istæ, taceo quòd in gratuitis Dei donis reperiunt aliquod hominis meritum, sed fingunt nos, nihil agendo, Deum promereri, nobisque reddere obnoxium: nec eo contenti, monstra verborum euomunt, quibus hoc extorqueant Deo, ne solus in sacramentis agere censeatur. Hinc sequitur necessariò quod adiiciunt: non sola fide gratiam percipi. Nam si cōceditur illis quod postulant, opere operato comparari gratiam in sacramentis: separatur à fide pars meriti, ut per se valeat sacramenti vsus, ad salutem. Atqui, si de sacramentis idem quod de verbo prædicandum est, nihil prodesse, nisi fide percepta, testis est Apostolus.

Ebr. 4.

In ix.

Quod de charactere indebili fabulantur, ex eadem prodijt officina: nam veteribus hoc totum ignotum fuit: & magis cōsentaneum est incantationibus magicis, quàm sanæ Euāgelij doctrina. Eadè ergo facilitate repudiabitur, quæ excogitatum fuit. Baptismū non esse iterandū, satis inter pios constat. Quod verū erat de bapti-

smo, temerè postea ad suam cōfirmationē, & ordines transtulerunt. Quæsita est inter curiosos homines ratio. Ne nihil dicerent, characterem hunc fœditum adumbrarūt. Nunc si quis tam futili non assentiantur figmento, anathema illi denuntiatur.

In x.

1. Cor. 14.
Mat. 23.
Ebr. 5.

Nemo sanus Christianos omnes in Verbi, sacramentorūque administratio-
ne pares facit: non solum quia decenter, & ordine geri omnia in Ecclesia decet: sed etiam quod singulari Christi mandato, ad eam rem ordinantur ministri. Ergo cum peculiari requiratur vocatio, nemo, nisi vocatus, honorem sibi usurpet. Porro, munus baptizandi ubi mulierculis iniūctum reperient, quemadmodū illis permittunt?

In xi.

Parui se facere anathemata sua ostendunt, in quibus fundēdis adeo sunt prodigi. Quod de intentione consecrandi garriunt, à sophistis nulla probabili ratione fuit proditum. Hoc, quanuis non tolerabile, leuius tamen foret, nisi funditus euerteret quicquid ex sacramentis solidæ consolationis habent fideles, & Dei veritatem suspenderet ab hominis arbitrio: Nam si necessaria est ministri intentio, nemo est nostrum, qui certam Baptismi sui fidem facere sibi ausit: qui certa fiducia ad sacram Cœnā accedat. Baptizatus sum: si ita sacerdoti libuit, cuius fides mihi nihilomagus quàm Aethiopis cuiuspiam comperta est. Vt mihi in sacra Cœna constet Christi promissio, id in hominis mihi ignoti nutu positum est. Qualis erit fides, quæ pendeat à secreta alterius voluntate? Et adhuc sua anathemata, hoc est, suos crepitus nobis minari porci isti non verentur, nisi mox subscribamus talibus blasphemijs. Ego verò sacrosanctæ Christi institutioni tantum de fero, ut si Epicureus quispiam, intus totam actionem subsannans, mihi Cœnam ex Christi mandato, & secundum regulam ab eo datam, ritūque legitimo administret, non dubitem panem & calicem illius manu porrecta, vera mihi esse corporis & sanguinis Christi pignota. Putidas istas nenas piget excutere, ubi dicunt: saltem faciendi quod facit Ecclesia. Nempe magistrorum suorū dictata recinunt. Sed quis oculatus non videt, perinde hoc valere, ac si præciperent vno verbo, quæcunque vnquam somniarunt in suis lustris monachi, vel sophistæ in suis rixis blaterarunt, quantumvis insulsa sint & absurda, rata nihilominus, firmaque haberi?

In xij.

Amen.

In xij.

Quos vocent receptos & approbatos Ecclesiæ catholicæ ritus, nemini obscurum est. Proinde hac cautione, quicquid superstitionum puris Domini institutis hominum proteruia inductum fuit, stabiliūt. Simplex est, & genuinus baptismi ritus, simplex & Cœnæ administratio, si respicimus quod Dominus præcepit. At verò, quot & quàm varijs quàm discoloribus additamētis obruta est hæc simplicitas? Dicet, si quid sit nimium, rescindi oportere: sed nō nisi ex sua sententia. Verum, quā nobis ipsi spēs faciūt, dū anathemata sua bacchico furore exuflant, si quis ceremoniole vnius omissionem licitam faciat? Conqueruntur, vel saltem gemunt p̄ omnes, pluris in baptismo fieri crisina, cereū, salis saporem, spiritum denique, quàm aquæ lauacrum, quo tota constat baptismi perfectio. Cœnā non modò talibus inquinamentis vitiatam esse deplorant: sed conuersam in adulterinum nescio quod spectaculum. Secundum patres Tridentinos, nihil erit tam prodigiosum, quod non inter probatos Ecclesiæ

catho-

catholicæ ritus locum habeat. Augustinus iam suo tempore conquerebatur, onerari Iudaica seruitute Ecclesiam, cum vix decima pars rituum obtinisset, quorum observatio nunc seuerius requiritur, quam ullius diuinæ aut humanæ legis. Deliberant Tridentini, quidnam factu opus sit. Nulla spe leuationis ostensa, diras & execrationes omnibus intendant, qui non ad vnguem se vsuatis præscriptis dederint.

DE BAPTISMO.

In i. Canonem.

Magnum piaculum scilicet: ubi eadem est doctrina, eadem gratia offertur, idem seruatur ritus, similitudinem illic statuere. Si quid in tribus istis diuersum habuerint Christi baptisumus ab Ioannis, vicisse eos fateor. Si in verò vtrique communia sunt omnia. frustra bilem suam eructant: quia nemo erit compositæ mentis, qui terreatur. Quod si putassent cerandum esse ratione, longè fuissent moderati vires.

In ij.

Cur de priore parte moueant quæstionem, nescio: nisi forte hac vna in re sapere velint friuolas Sorbonistarum argutias cohibendo. At quod aduersus omnes fulminant, secum in loci vnius expositione non sentientes, in eo nimis sunt iracundi. Præsertim cum ex Ioan. 3. veteribus nonnullos citare liceat, qui metaphoricè verba illa accipiunt: Nisi quis ex aqua & spiritu renatus fuerit. Sed quemadmodum initio dixi, execrationes ex locuplete penu, non mirum est, si liberaliter depromant.

In iij.

Cur non hinc potius sumebant exordium, cum hoc iacto fundamento, quiduis superstruere liceat? Nam si verum est quicquid docent: quid adhuc pugnamus? Atqui scripta nostra luculentè testantur, totam, quæ apud ipsos obtinet, de baptismo doctrinam, partim mutilam esse, partim vitiosam. Nunc cum refellere argumenta nostra nequeant, frustra sepelire se putant, vno anathematis fulgetro. Quod autem Romam omnium Ecclesiarum matrem ac magistram fastuose prædicant: cuius est impudentiæ? Græcæ & Orientales Ecclesias in Christo genuit, à quibus ipsa potius genita fuit? Quale illius magisteriū peruenire ad alias Ecclesias potuit, quæ longè doctiores habebant Episcopos? Vt reuoluant omnium seculorum exempla, quem omnino ex toto catalogo, parem vel Cypriano, vel Ambrosio, vel Augustino proferent?

In iiij.

Quid facere intēdat minister, nostra parum refert: modò actio ipsa genuinæ Christi institutioni respondeat, tum in doctrina, tum in ritu. Nobis ergo sufficiat, quod, in nomē Patris, & Filij, & Spiritus sancti baptizati sumus: qualiscūque vel impietas, vel ignorantia eorum fuerit, qui baptismum nobis administrarunt: solus enim Christus est, qui verè & propriè, per manum cuiuslibet hominis, baptizat.

In v.

Ne circumueniantur imperiti: inter liberum, & necessariū, medius est aliquis gradus. Qualiter hoc posterius vocabulū accipiunt Romanenses. Nam & nos baptismi vsum necessariū confitemur: ne cui liceat vel negligentia, vel contemptu, ipsum omittere. Atque hoc modo nequaquā liberū facimus. Nec fideles modò seuerè astringimus ad eius obseruationē: sed ordinariū quoque Dei instrumentū asserimus, ad nos lauādos & renouādos, ad salutē denique nobis comunicandam. Hoc tantum excipimus, ne manus Dei instrumēto sit

alligata: quin possit per se hominum salutem perficere. Nam ubi deest baptismi facultas, abundè valet sola Dei promissio. Verum, hac de re, in superiore sessionem aliquid dictum est.

In vi.

Paradoxum, quod damnant, nos quoque repudiamus, vel hanc unam ob causam, quòd fidei vitam extinguit.

In vij.

Si intelligerent, quid sit lex Christi, de reliquo non difficulter conueniret: sed ut de Christi lege solent loqui, hoc vno capite demonstrant, quàm procul absint à vera baptismi notitia. Neque tamen ignoro, quid eos se fellerit. Nam, quemadmodum circumcisione, ad seruandam Moisis legem obligari hominem docet Paulus: ita & in baptismo, quoad legem Christi, similem obligationem statuunt. Atque hæc quidem comparatio apta foret, nisi in primo, ut aiunt, limine impingerent: nam vehementer errant, dum existimant Paulum de vero circumcisionis usu, ac non potius de abusu, illic differere. Nam si implenda legis fuerunt debitores, quicumque fuerunt circumcisi: sequitur, maledictioni fuisse obnoxios. Atqui, longè aliter docet idem Paulus, cum circumcisionem sigillum appellat iustitiæ fidei. Qui autem opus esse meritorium fingeant, ijs etiam erat professio seruanda legis. Nobis quid hodie baptismus? Tamen si chirographum est mutua inter nos & Deum obligationis, hoc tamen habet præcipuum, ut de gratuita peccatorum remissione, perpetuæque adoptionis gratia nos certiores reddat. Quod cum Tridentina affirmatione aquè pugnat, atque liberatio contraria est seruituti.

In viij.

Vnus est legislator, inquit Iacobus, qui potest seruare & perdere. Vbi falsum hoc esse demonstrauerint, non recusabimus, quin suis nos legibus adstringant. Sed quædiu hoc constabit, Deum regendis verbo suo piorum conscientias sumpsisse, atque hoc sibi imperium ubique vindicare: statuere tutò simul licebit, non esse sanctam ecclesiam, quæ illaqueare conscientias tentabit alijs legibus.

In ix.

Principiò illud constituendum erat, quænam sint vota legitima. Quo posito: nihil aut parum restaret controuersie. Nunc autem vota, quorum laqueis induuntur, vel potius strangulantur misera animæ, non modò superstitione plena sunt, sed etiam à recta Christianæ vitæ regula prorsus dissident. Quare ut ratum sit votum aliquod, ad baptismi professionem exigi oportet. Quod si fiat: nullum ex votis in Papatu hodie vsuatis non erit irritum.

In x.

Qui sola baptismi recordatione deleri peccata tradunt, nõ nudam ipsam aut frigidam intelligunt, sed cū fide ac pœnitentia coniunctam. Qualis est prima quoque baptismi cognitio. Neque enim tantum in mentem nobis venire debet aquæ aspersio: sed potius spiritalis veritas, quæ bonæ conscientie fiduciam parit ex Christi resurrectione: quæ admodum loquitur Petrus. Eiusmodi, inquæ, recordatio, non venialia modò peccata facit, sed prorsus obliterat: nam quoties de peccatorum remissione queritur, ad baptismum confugiendum est, ut inde petamus eius confirmationem. Quemadmodum enim quotidianis Euangelij promissionibus nos sibi Deus reconciliat, ita huius, quæ quotidie repetitur usque ad vitæ finem, reconciliationis fidem & certitudinem baptismo nobis obsignat. Semel quidem sumus baptisati: sed est perpetuū veniæ, & gratuita in Christo propitiationis testimonium. Quid venerandi patres? Ex tritis sophistarum rhapsodijs, baptismi promissiones in præteritū tēpus restringunt: simul atque peccauerit quispiam, sepulta baptismi memoria, iubent in fictitio pœnitentiæ sacramento acquiescere.

Quiescere. Quasi verò non ipse baptismus propriū esset poenitentiae sacramentum. Et adhuc iactabunt, penes se sanam de baptismo esse doctrinam: cum totam eius vim momentanea & euania gratia promissione includant.

Proximis tribus capitibus nō inuitus subscribo. In quarto eatenus illis assentior, ut leflores interea monitos velim, quanto anathemati profluvio disfluxerint. Quod improbant, alicubi Erasmo excidit: parum consideratē, fortassis. Nō nego. Quod si tamē ingenuus adsit interpres, correctū aliquid in verbis cupiet: hominē iudicabit non satis in Ecclesiae gubernatione exercitatum. Ad anathemati quidē terrores, nemo æquus, & moderatus proficiet.

DE CONFIRMATIONE.

In primum Canonem.

Quia bisulcum est hoc anathema: ne priore sulco feriar, maturè ex eorum numero me nequaquam esse profiteor, qui otiosam Confirmationis ceremoniam esse putant, qualis sub papatu Romano observatur: ut pote, qui eam inter maximè exitiales Satanæ præstigias numerem. Meminerimus, nusquam in Scriptura nobis commendari quod fingunt sacramentum, neque hoc nomine, neque hoc ritu, neque hac significatione. Nunc quibus figmentum suum elogijs ornent, audiamus. Sub nomine Meltiadis Papæ pronuntiant, Spiritum in Baptismo dari ad innocentiam: in Confirmatione, augmentum ad gratiam. Baptismum sufficere statim morituris, sed Confirmatione armari victuros, ut agones sustinere valeant. Ita dimidia pars efficaciae à Baptismo truncatur: quasi de nihilo dictum sit, crucifigi veterem hominem in Baptismo, ut in vitæ nouitate ambulemus. Addunt præterea, quanquam neutrum ex his duobus sine altero perfici possit: Confirmationem tamen maiori veneratione colendam esse, quàm Baptismum. Extat etiam decretum Aurelianensis Concilij: neminem debere existimari Christianum, qui non Episcopali vñctione fuerit chrismatum. Digna enim sunt eorum verba, quæ pueris quoque propinentur in ludibrium. Multum ab otiosa ceremoniâ differt sacrilegium, tam execrandis blasphemijs refertum. De secundo membro quid aliud dicam, nisi eos parum æstimare, quanti sua anathemata valeant: quibus euomendus ita sunt faciles, ut putent ex albo nigrum protinus fieri debere? Verum ita res habet, quæ vulgi admiratione, vel potius quo stupore mysteria sua hætenus spectari viderunt, eodem quoque exceptum iri putarunt quicquid balbutirent. Hinc tanta confidentia. Neque enim vnquam vel crassissimi subulci iudicio permittere ausi fuissent suas insulitates, nisi Concilij larvam sperassent oppositam fore omnium oculis.

De conse-
cra. dist. 5.

Rom. 6. 1

In ij.

Quæstio est: an ab hominum arbitrio nouam & arcanam Spiritus virtutē oleum accipiat, simul atque illis placuerit vocari Chrisma. Olei enim qui faciat mentionem, nemo est ex veteribus, imo nec ex media illa ætate, quæ iam multis vitijs abundabat. Crepent igitur licet, nihil proficient negando, se in Spiritum Dei esse contumeliosos, eius virtutem dum ad putidum oleum transferunt.

In iij.

Et certè digni sunt cornuti infulatiq; asini tali prærogatiua. Quid enim agerent, quando ad obcundum munus Episcopale nihilo sunt aptiores, quàm ad canendum porci? Nec verò illis inuideo: modò in suis cauponis, extra Dei Ecclesiam eiusmodi inquinamenta tractent. Sed vnde, quæso, probabunt, Episcopis magis quàm reliquis sacerdotibus conuenire has partes, nisi quia incertis authoribus ita placuit? Nam si ex Scriptura petatur

Acto. 9. ratio, nullum illic est, omnium confessione, presbyteri & Episcopi discrimen. Deinde manuum impositionem iubetur Paulus ab Anania recipere, qui vnus erat ex discipulis. Si illis Confirmatio, est manuum impositio: cur Deum non accusant violati ordinis, adeoque profanati mysterij, quò presbyterum promiscuè Episcopo miscet? Denique vel Dei lege sancitum est quod volunt, vel hum. mo placito. Si Dei lex est: cur eam violare non verentur? Nam presbyteris extra ordinem cōcedunt ius confirmandi. Pro humano autem placito ita fulminantes, cui formidinem incutient?

IN CANONES QUI POSTEA SE-
quuntur, de residentia.

Interdum mirari subit, quò fiat, vt in tanta Euangelij luce non secus sint insulsi, atque olim in densissimis tenebris solebāt. Sed mox ad Dei admirabile iudicium cogitationem meam refero, quo certum est eos excutari & obstupesceri, non modò, vt nihil viderant, nec sentiant: sed etiam vt abiecto pudore, sua dedecora non dissimulanter iacent. Quia prouentus Ecclesie, qui pastoribus ad victum destinati erant, pridem cœperunt esse otiosorum hominum redditus: & qui aluntur Ecclesie sumptu, nihil sibi oneris impositum esse cogitant: ad tantum flagitium se corrigendum accingi profitentur. Cùm ad rem ventū est: non nihil videntur dicere. Est istud, fateor, in tanta vitiorum exundatione, magni aestimandum: ab vno homine non teneri duos Episcopatus. Et reliqua similia, ad coercendam, quæ hodie grassatur, licentiam composita. Tametsi multum abest quicquid tentant reformationis, non dico à prisca illa & austriore disciplina, quæ ante annos mille viguit: sed à tolerabili aliquo pie & non profanæ gubernationis statu. Episcopum longius dimidio anno abesse à sua diœcesi vetant. Satis liberalis missio, vt quotannis sex mensium vacationem habeant, qui dies & noctes continenter excubare, pro gregis sui custodia, debuerant. Additur tamen etiam exceptio: nisi iustam absentie excusationem habeant. Et quando illa deerit? Sed tamen, vt quod hîc præscribitur exactissimè seruèt: quo profectū id facturi sunt, nisi fortè ne aliò pecuniam, quæ illis ex redditu conficitur, totam transferant. Si vrbes amāt, habebunt sua palatia, vbi procul ab omni strepitu bibent, ludent, dormient, pro more: sin rura magis ipsos oblectabunt, in suis prætorijs & arcibus suaves habebunt recessus. Ita suo munere perfuncti erunt, nihil agendo. Hæc certè erit vera residentia.

Quantum ad parochias, sua scholis priuilegia confirmant: vt studij pretextus excuset absentiam. Itane? Vt interea dum adulescens & nouus tyro pastorem agere discit, nihilominus lac gregis exugat, qui carebit pastore? Demus hoc esse tolerabile. Quis tamen nescit, scholarum priuilegijs solos ignauos homines & culinarios frui? Ita fiet, vt perpetuò cogantur misera Ecclesie alere duos lupos: vnum domi, alterum foris. Quòd dispensationes de non promouendo vltra annum, valere posthac nolūt, id verò non nisi à datarijs suggestum fuisse olfacio. Quanta enim fiet quæstus accessio, si quotannis noua prorogatio emenda erit? Denique, vnum hoc illis fuisse curæ videtur, vt qualemcumque iuris speciem haberent, in confusa rerum omnium perturbatione.

Verum etiam si ad vnguem formata essent præscripta, non est tamen quòd spe melioris status sibi boni gratulentur. Prius enim quàm legem vllam proferant, omnes simul abrogant vno verbo: vel saltem rationem demonstrant, quo possint momento abrogari. Præstantur enim ex ijs quæ dicturi sunt, nihil fore impedimento, quominus salua maneat sedis Apostolicæ authoritas. Nunc secum quisque reputet, quibus illa finibus terminetur,
vel

vel quousque pateat. Nonne tantundem vellet eiusmodi præfatio, ac si Papæ licitum esse iuberent quod libuerit? Quale, obsecro, malus remedium afferunt, sic agendo? Neque enim eorum quæ corrigenda suscipiunt, quicquam hæcenus vñsitatum fuit, tanquam communi iure permissum: sed quod leges prohibebant, dispensationibus effectum est, ut impune fieret. Itaque nunquam iactantur, se regulam ipsam tenere: sed quia legibus soluti erant, licitum putarunt, quod per se legitimum alioqui non erat. Nunc cauent Neptunij patres, ne sit in posterum melius: cum diserte excipiunt, ne quid minuat ex Romanæ curiæ potentia: nam ut mille iam nectantur legum nodi, xertus est Alexandri ensis, qui simul omnes rescindat. An poterant magis aperte illudere orbi Christiano? Quid dico illudere? An, contumelia maiore insultare poterant bonorum expectationi, cum ita præcisè, barbaroque fastu, tan effrenatæ Papæ tyrannidi modum se imposituros negant? Vt cumque iam ad omnia mala occaluerint, qui sub Papatu degunt, diceret tamen hac vna in parte seruitutis oblitos, quod non modò liberos gemitus, sed altos clamores passim edunt: dispensationibus perditam esse Ecclesiam. Conuersi sunt omnium oculi in venerandos patres, quasi seueri animosique censores, ad cohibendam eiusmodi libidinem, sedeant. Sesquiannum meditati, tandem pronuntiant, sibi placere veterem disciplinam, modò sedi Apostolicæ ius dispensandi, quale fuit, maneat. Hoc est dicere: ut eatenus ratæ sint leges, ne gratuita sit libertas, sed pretio redimatur. Et ne verecundia impeditus, parum audacter exerceat Papa hanc potestatem, titulum vniuersalis Episcopi, quem Gregorius nefarium, sacrilegum, sceleratum, prænuntiūmque Antichristi appellat, subinde illi confirmat, dum Episcopis nihil aliud relinquit, quam ut sint ipsius vicarij. Vbi nunc illa, quam Hieronymus prædicat, æqualitas, dum Romanum Episcopum comparat Eugubino? Vbi illa Cypriani sententia, Vnum esse Christi Episcopatum, cuius à singulis in solidum pars tenetur? Scribit Bernardus, communem suo tempore fuisse querimoniam, truncari & mutilari Ecclesiam, quod Romanus Episcopus, omnium potestatem ad se trahendo, ordines confunderet. Vt medeatur huic malo sacra Synodus, iubet Episcopos esse Papæ vicarios.

Hierony.
ad. Euagr.
Cypri. de
simplicit.
præla.
Bernard.
de confy.
ad Euge.
lib. 3.

Ego, in exagitanda illorum impudentia, non plus sumam operæ. Sed cum nemo non videat, esse plusquam deploratos: quisquis sapiet, non amplius morabitur eorum de creta, ut inde fidem habeat suspensam. Effset quidem maxime optandum, dissensiones, quibus hodie turbar Ecclesia, piæ Synodi auctoritate componi: verum, ut res habent, nondum id sperare licet. Proinde, cum horrendum in modum dissipatæ sint Ecclesiæ, nec vlla spes colligendæ dispersionis ab hominibus appareat: singulis nihil est melius, quam ad vexillū proferare, quod nobis filius Dei proponit. Hic non est quod alij alios expectent. Vt quisque emicantem Scripturæ lucem animaduertit, eò mox sequatur. Quod autem ad vniuersum Ecclesiæ corpus attinet: eius curam Domino commendemus. Non simus interea resides, nec securi: pro se quisque sataget: conferamus quicquid in nobis est consilij, studij, facultatum denique, ad instaurandas Ecclesiæ ruinas. Sed in rebus tam desperatis, sustentet nos, atque animet ista promissio: quia nemo prodit ex hominibus, qui has, virili & heroico animo, partes suscipiat fore, ut Dominus sua iustitia armatus, brachiòque suo instructus, omnia solus peragat.

Iesa. 59.

I E S A. V I I I.

Loquimini sermonem, & non stabit.

FINIS.

VERA CHRISTIANAE PACI-
FICATIONIS, ET ECCLE-
siae reformanda ratio.

Hil. de
Conci.



Speciosum quidem nomen est pacis (inquit Hilarius) & pulchra opinio unitatis. Sed quis ambigat, eam solam unitam Ecclesiae pacem esse, quae Christi est? Digna profecto sententia, quae nobis in mentem veniat, quoties de constituenda inter Christianos pace concordiaeque agitur: ac praesertim ubi quaeritur in doctrina consensus. Nam quia à dissidijs pij & moderati homines abhorrent, contentiones verò & certamina detestantur, fieri vix potest, quin plausibilis sit primo auditu, quaecunque de illis sedandis habetur oratio. Et quis, nisi humanitatis expers, si pacificandae Ecclesiae vera & seria fiat mentio, non libetè aurem animùmque accommodet? Nemo enim est, vel modico duntaxat pietatis sensu praeditus, quem non excruciet, ac mœrore conficiat fœda hæc, horrendaque corporis Christi laceratio. At verò, cum astuti homines hoc se prætextu non raro insinuent, dum adulterare volunt sinceram Christi doctrinam, quis neget prudenter circumspectum esse, qualis pax nobis afferatur? nam sicuti ubique nobis pacem in primis commendat Christus, ita Evangelij sui veritatem unicum esse illius vinculum docet. Proinde, non est cur nobis fucum faciant Concordiae nomine, qui à sincera Evangelij professione abducere nos tentant. Quid ergo? Opranda quidem est pax, summòque studio quaerenda: sed potius quam redimatur vlla pietatis iactura, cælum terræ, si ita opus est, misceatur.

Neque verò hic mihi vel cum Turcis, ac Iudæis disputatio est, qui nomen Christi cupere penitus extinctum: vel cum crassioribus Papistis, qui apertam veram doctrinam abnegationem à nobis flagitant: sed cum fucata nescio cuius pacificationis architectis, qui nobis ita dimidium relinquunt Christum, ut nullam interea doctrinam ipsius partem vel non obscurent, vel non aliqua mendacij labe aspergant. Atque hoc deformandae pietatis artificium, Reformationis titulo, si Deo placet, venditant. Itane, ut cum nos furtim abducant à pacis auctore, fucum nobis faciant, pacem frustra pollicendo?

Quarquam simulando nunquam tantum proficiunt, quin pateant ipsorum consilia. Sperant proculdubio, si Ecclesiae, quae puriorem Christi doctrinam amplexa sunt, semel declinauerint, passæque fuerint aliqua ex parte se corrumpi, facile, quod reliquum erit boni, mox perditurus. Nec sanè opinione falluntur. Hæc enim & iustissima & ordinaria est Dei ultio: ut qui sacrosanctam suam veritatem, scientes ac volentes sinunt mendacij inquinari, tãti boni possessione in totum exuantur: neque enim res est adeò vulgaris, ut vel minima eius diminutione, quod pretiosissimum ducitur inter homines, redimi debeat. Equidem scio impios & profanos homines, non ex Dei iudicio æstimare quid futurum sit sed causam nescientes de euentu rectè iudicant.

Atqui, mirum est, quosdam esse tam leues, ne dicam mente alienatos, qui fidem talium hominum dictis habeant. Neque verò me latet quid cogitent: si paululum nunc cesserint, maiores deinde progressus, oblata occasione, se facturos. Sed unde subito illa, quam sibi promittunt, occasio emerget? Video nunc eos à via recedere. Proinde, nihil minus sperandum, quam ut errando ad scopum perueniant: quin potius timendum est, ne

Dens

Deus dimidium hoc, quod retinent, inferendo, tam perfide vltor defectiois appareat. Verum qualemcunque sibi spem fingant, nimium tamen, ac plus nimio sibi permittunt, cum de eterna & immutabili Dei veritate paciscuntur, quousque valere debeat. Modò quod præcipuum est maneat saluum, inquiunt, aliorum tolerabilis erit iactura. Hoc verò perinde dicunt, ac si Christus eorum arbitrio se diuidendum tradidisset. Est aliquid, fateor, cum integra pietatis instauratio obtineri primo statim die nequit, præcipua saltem capita consequi: modo quod adhuc deest, persequi non desinamus. Verum, vbi integram Euangelij sui doctrinam nobis fruendam dedit Filius Dei, eam ex compacto lacerare, vt partem aliquam nobis seruemus, quàm indignum sacrilegium est?

Sed hoc est, scilicet: cum subeunda est vitæ dimicatio, pauci quid sit Christi causam defendere, nouerunt. Quinetiam eò vsque progreditur istorum impudentia, vt sibi in animo esse negent, temerè Deum tentare. Quasi verò in discrimen se projiciant non necessarium qui extrema quæque experiri maluit, quàm à vitæ doctrina vel minimum vnguem deflectât. Vbi ergo sunt magnifica illæ voces, quas paulò antè gladijs accincti edebât? Quis sit, vt illis temeritas esse incipiat tuendæ veritatis constantia, simul ac moriendum esse vident, potius quàm ab ea recedatur? Nos verò, Paulinæ exhortationis memores, Christo eiusque Euangelio gloriam dare pergamus, siue per vitam, siue per mortem. Quicquid autem acciderit, constitutum hoc cum animis nostris habeamus, nullas auribus conditiones patris admittere, quæ puræ Dei veritati hominum figmenta permisceant. Maneat, inquam, illud fixum, audiendam ab omnibus esse solam pastorem vocem: alienorum cauendam esse, ac reseruandam.

Hinc colligere promptum est, quanam sit in pacandis dissidijs ineunda ratio. Nisi enim nos terrerent hominum offensa, & quasi oculos perstringerent: imò nisi quidam, dum nimium cauti esse volunt, cecutirent in clarissima luce, facile, quæ necessaria sint ad conseruandum Ecclesiæ statum, doctrinæ capita, inter nos conueniret. Sed quia rectum iudicium, nisi ex re ipsa, fieri nequit, operæpretium mihi videor facturum, si ea ipsa, in quibus nihil remitti potest, breuiter recenseam. Scio multis tritam esse hanc vocem: de cæteris non esse pertinacius litigandum, modò salua maneat gratuita iustificationis doctrina. Qui sic loquuntur, neque totum, neque nihil dicunt. Fateor equidem, nunquam nobis constare solidam salutis nostræ noticiam, quin totam ferè summam Christianæ doctrinæ secum trahat. Sed primum, in Christianæ doctrinæ summa, Dei cultum (in quo eius honor vertitur) non modò posthaberi salutis hominum, sed silentio præteriri, perquam iniquum erat, vt postea iterum attingam. Deinde multum interest, verbone vno duntaxat proferas, fide nos iustificari, an rem totam disertè explicatam proponas. Quòd si in rebus quoque minutis, sedulo obuiare omnes solent controuersus, quæ oriri ex verborum obscuritate possent, cur non in re maximi momenti eadem saltem, si non maior, adhibebitur cautio?

Promde, quò probent isti homines sibi cura esse, vt hanc doctrinæ partem de gratuita iustificatione saluam retineant, primò statuendum est, quid per se valeat homo. Nam hoc ordiatur primum est, cum inter hominis naturam & Dei gratiam discernimus, videre quidnam illa proprium habeat. Hic, Mediatores nescio qui exoriantur, qui vt flexilioris ambagibus aduersarios placentes, interimant piæ animas, arbitrij libertatem homini relinquunt, licet infirmam ac læsam. Scilicet de alieno sunt liberales, cum ad hominem transferunt, quod proprium erat Dei gratiæ. Fatendum est sanè, homini restare voluntatem, etiam dum captiuus tenetur sub peccati & Sathani tyrannide: sed qui se putant satisfacturos, cum superbum libertatis nomen infirmæ potentie epitheto defunctorie

temperant? Cum verò modum adipiscendæ iustificationis describunt, Deum non agere cum homine decent, quasi cum trunco: Non enim trahere, nisi volentem. Quis negat? Sed hoc quæritur, unde ista humana voluntati docilitas, ut se Deo obsequentem præbeat: cum natura prorsus contumax sit & immorigera. Annon hoc est in limine impingere: cum hinc extenuant hominis miseriam, hinc diuinæ gratiæ auxilium obscurant? Aut ergo vera iustificationis ratio nobis minimè constabit, aut hinc faciendum erit exordium: cæcam esse hominis mentem, donec à Dei spiritu illuminetur: voluntatem malo esse addictam, totamque ad malum ferri ac rapi, donec ab eodem corrigatur: nec aliunde nasci voluntariam gratiæ receptionem, nisi quod Deus cor ex lapideo, carneum formans, ad se nos reflectit, qui prius eramus auersi.

Cum autem ad ipsam verbi definitionem venit, hic verò cauendum est, ne operum respectus admisceatur gratiæ reconciliationi, quæ tota in remissione peccatorum posita est. Et si enim nunquam reconciliamur Deo, quin simul donemur inhaerente iustitia: distinguere tamen debent, quæ separari nequeunt. Atque hoc secundum est in hac quæstione membrum: definitam habere rationem, quæ nos Deus iustificat. Dicimus itaque, nos fide iustificari, quia nobis imputatur Christi iustitia. Si quis ex aduerso obijciat, non aliter nos fieri participes Christi iustitiæ, quam dum eius Spiritu in obedienciam legis renouamur: hoc quidem fatendum est: sed in regeneratione, qualiscunque sit, negamus constituendam esse iustitiam. Neque id facimus vel litigandi studio, vel quia nihil, quod minus nobis placeat, velimus prætermisum. Urget nos causa maximè necessaria. Agitur enim conscientie tranquillitas: sine qua nos omnes miserrimos esse oportet, imo iam ferè perditos. Quæritur, inquam, ubi nam tutò acquiescant conscientie, cum de salute nostra agitur. Si inquietudine agitantur vel hesitant, Paulus exinanitam esse fidem docet. Id autem necessarium accidere pronuntiat, quandiu in legem respiciunt. Quid igitur? Ut nobis salus constet, simul necesse est certam constare iustitiæ fiduciam. Huius quantulacunque pars in operibus fuerit reposita, tanguam parum solido fundamento suffulta, nutabit. Restat igitur, ut in solam peccatorum veniam recumbat. Plana res est, non aliter nos posse in Dei iudicium intrepidus venire, quam si certò persuasi simus, eum nobis esse Patrem: quod fieri nequit, quin iusti coram eo censeamur. Adcoque præclusus est nobis omnis ad ipsum aditus, nisi paterna eius beneuolentia freti, ut Patrem non dubitanter inuocemus. Quod si nulla est nec salus, nec Dei inuocatio, sine tranquilla certaque conscientie fiducia: rursus autem nusquam acquiescere conscientia potest, nisi in certa iustitia: quis dubitet totam hominis iustitiam, cui inniti debet, gratuita peccatorum remissione contineri? Fucum itaque faciunt Mediatores, qui iustitiam i inherentem concurrere fingunt cum Christi merito, cum de iustificando homine disputatio est instituta. Eiusmodi concursus horribilem conflictum pariat necesse est, donec operum prorsus obliti, abiectaque eorum mentione, non iustitiæ modo partem, sed totam ipsam in solidum à Christo mutuemur.

Negant Deum terreni iudicis more agere nobiscum, ut absoluat tantum non etiam vera iustitia donet. Fateor. Sed cum duplex simul gratia nobis à Christo conferatur, ad quid utraque valeat, sedulo considerandum est. Nunc quæritur, unde fiat, ut Deo simus accepti. Si opera cum gratuita iustitiæ imputatione misceantur, altera mox emerget quæstio, quousque in conciliando Dei fauore illa valeant: an hæc præcipuas obtineat partes, an quasi inferius sit adminiculum. In hunc modum si distrahatur salutis fiducia, nihil poterit quam vacillare. Quid hoc aliud est, quam subuertere ab imo fundamentum? Itaque, merito Paulus fidei iustitiæ in peccatorum remissione simpliciter includit, docens eam à Davide describi, cum

Roma. 4,

beatissimo

beatum hominem pronuntiat, cui non imputantur peccata. Et certè beatitudo illa, cuius David meminit, ex iustitia manat. Sequitur ergo nos eò esse iustos, qui nobis peccata non imputantur. Vnde & hanc salutis scientiam nuncupat in cantico suo Zacharias, ubi de peccatorum remissione sumus edocti. In summa, meminerimus, non hìc simpliciter de multitudine Dei erga nos gratia esse disputationem: sed de causa nostra, cum ipso, reconciliationis: quæ nisi unica statuitur, nulla est. Neque enim Scriptura, partem duntaxat nostræ iustitiæ mutuari à Christo iubet, ut suppleat quod operibus nostris deest: sed palam testatur Apostolus, ipsum nobis factum esse iustitiam. Et alibi, nos in ipso iustos esse apud Deum: quia non imputentur nobis amplius peccata.

Commendanda quidem eorum, quæ à Christo percipimus, bonorum tum amplitudo, tum varietas: neque ad vnam speciem eius officium vimque restringi decet. Nec verò, cum homines dicimus gratis iustificari Christi beneficio, tacenda est regenerationis gratia: quin potius cauendum, ne à nobis separentur, quæ perpetuò Dominus coniungit. Quis ergo? Doceantur homines, fieri non posse ut iusti censeantur Christi merito, qui renouentur eius Spiritu in sanctâ vitam: frustrâque gratuita Dei adoptione gloriari omnes, in quibus Spiritus regenerationis nò habitat. Denique, nullos à Deo recipi in gratiam, qui non iusti quoque verè fiant. Sed distinctione opus est, ne ex duobus donis alterum alteri quid deroget. Ita sibi necessariam esse sentiât regenerationem filij Dei, ut plenam nihilominus sibi iustitiam in Christo constare sciant. Ita se intell. gant ad vitæ sanctitatem bonorumque operum studium creatos & ordinatos, ut in vnum Christi meritum toto animi sui sensu, recumbant. Ita fruantur, quæ donati sunt, vitæ iustitiæ, ut ea tamen diff. si, non aliam quàm obedientiæ Christi fiduciam, in Dei iudicium afferant.

Atque, ut remoueantur ambages, necesse est ita in summo gradu collocari, quàm fide obtinemus iustitiam, & quæ gratis nobis accepta fertur: ut quoties ad Dei tribunal vocantur conscientiæ, ipsa sola emineat. Ita fiet, ut operum iustitiæ, qualiscunque esse in nobis potest, in ordinem suum coacta, illi minimè, veluti ad conflictum, opponatur. Et sanè æquum est, cum hæc ab illa pendeat, ita subordinari, ut totam illi possessionem in hominis salute relinquat. Nec dubium est, quin Paulus, ubi disputat de hominis iustificatione, in hoc vno capite versetur, quomodo Deum sibi propitium esse statuat. Hic non ad qualitatem nobis infusam nos renocat, sed præterita operum mentione, querendam extra nos iustitiam esse docet. Alii qui nunquam stabit illa, quam tantopere vbique vrget, fidei certitudo. Multò minus illa inter fidei & operum iustitiam antihefis, quam affert decimo ad Romanos capite. Ergo, nisi ludere in re tam seria lubet, quod nimis periculosum foret, retinenda est verbi proprietates, quæ rei cognitionem secum trahit. Nam si rem nobis concederent, qui hanc doctrinæ partem inuoluunt suis commentis, ego certamen de verbo facile remittere. Sed qui duas inter se iustitias committunt, quia hoc moluntur, ne gratuita sit in solidum hominis iustitiæ, nequaquam ferendi sunt.

Obuiandum etiam est eorum calumniæ: dum Iacobum obtendunt, & alios similes locos colligunt in Scripturis, ubi verbum Iustificandi aliter capitur: ut suum inde concursum stabiliant. Neque enim intelligit Iacobus, hominem vel minima ex parte sibi apud Deum acquirere iustitiam operum meritis: sed de iustitiæ tantum approbatione tractat. Quis autem negat, factis unumquenque suis probare qualis sit? Sed longè aliud est, hominibus facere affectus tui fidem, quàm salutem coram Deo promereri. Proinde, ne ex diuersa vocis significatione fucus nobis fiat, semper notanda est relatio vel ad Deum, vel ad homines. Porro non negamus, iustos nominari Dei filios, aut à vitæ sanctitate, aut à pura cōscientia:

Sed quia nullum opus, si appendatur in Dei trutina, reperiatur nisi mancum, & sordibus etiam inquinatum: inde constituimus, hanc iustitiæ appellationem ubi operibus tribuitur, in gratuita venia fundatam esse. Ergo ideo iusti sunt operibus fideles, quia nullo operum merito aut respectu iusti: cum operum iustitia ex fidei iustitia pendeat. Hinc etiam apparet, quid de operum mercede sit sentiendum. Non est certe inanis in Domino piorum labor, cui & varia quotidie præmia in mundo rependuntur, & summum in cælis repositum est. Sed longè falluntur, qui putant quicquam mercedis bonis operibus, quasi debitum, rependi: semper enim huc redeundum: sicuti nullam esse iustitiam Deus pronuntiat, nisi in perfecta legis obedientia, ita, nihil homines promereri, nisi omnia legis mandata in solidum præstent. Quisquis enim vel in vno apice defecerit, eum manet æterna maledictio, si iure cum ipso agatur. Quare, promissiones vniuersas, quæ pactum legis implendæ continent, non dubitat Paulus irritas facere, donec gratuita promissionis beneficio mitigatus fuerit ille rigor. Promissionem gratuitam accipio, non qualiter multi solent: quia cum nos & nostra omnia debeamus Deo, ipse vltro & liberaliter operibus, quæ iure suo exigere à nobis poterat, mercedem promiserit: sed quia mercedem ex voluntaria potius fauoris sui dignatione, quàm ex propria eorum dignitate assignat. Nam illa quamvis liberalis promissio, quæ pacto legis implendæ annexa est, per se nihil nos iuuat: quia nemo, qui officio suo satisfaciât, vquam reperiatur. Proinde, nouæ iterum promissionis subsidio opus est: vt scilicet ideo præmium habeant opera, quia cum venia placent. Ita fit, vt non fraudentur spe mercedis fideles, qui illi stimulus esse debet ad bonorum operum studium: neque tamen rursus vel peruersa fiducia insulentur, neque efferantur inani gloria. Hæc vera est mercedis ratio: non vt operum merito aut dignitati ex æquo respondeat, sed vt gratuita eorum acceptione nitatur.

Ad hæc minimè ferendum, vt fides ipsa, quæ causa est iustitiæ, falsa interpretatione non obscuretur modò, sed etiam adulteretur. Quod faciunt, qui eam verè stare fingunt absque charitate. Vetus est sophistarum commentum, fidem quæ sit informis, veram nihilominus esse: accessione verò charitatis formari. Porro inde natus est error, quòd fidem esse putant nudam frigidamque notitiam, quæ Deum esse veracem confuse apprehendat. Nos de vocibus non litigamus, sed cum in hac quæstione vertatur salus hominum, nimis periculosa est ambiguitas, quæ totam doctrinam tenebris inuoluat. Sicuti nos gratis iustificat Deus, Christi obedientiam nobis imputando: ita tanti beneficii non nisi sola fide compotes efficimur. Si cuti peccata nostra expiauit filius Dei, mortis suæ sacrificio, Patrisque iræ placata, adoptionis gratiam nobis acquisiuit, nuncque iustitia sua nos donat: ita non nisi fide ipsum induimus, vt simus bonorum eius participes. Nunc si nesciamus quid sit fides, quis nobis ad salutem adipiscendam aditus patebit? Qui autem obliquis suis moderationibus pacem hodie redimunt à Papis, fidem veram, quæ Christianos ab infidelibus discernit, fatentur charitate posse esse vacuam. Perinde ergo faciunt, ac si quis vinum in dolio inclusum commendet, epistomium verò abscindat, ne cui liceat inde haurire.

Iam satis patere arbitror, quantopere referat, vt salua maneat de iustificatione doctrina, habere certam fidei definitionem. Et certè, quænam sit partim ex iustificationis effectu licet colligere. Iustificat enim, quia facit vt Christum induamus, vt habitet in nobis, vt simus eius membra. Quæ cum Filio Dei nos vnum facit, an sine eius Spiritu esse potest? Id verò non minus est absurdum, quàm si quis asserat, animam carere vita, quæ ipsa corpus inspirat, quæ motum illi dat & sensum, quæ ipsius denique vita est. Si quis hoc vnum teneat, fide Christum possideri, in illa distinctione fidei formatæ & informis non amplius hæsitabit. Fides, inquam, firma est conscientie certitudo, quæ Christi-

Christum amplectitur, qualis nobis per Euangelium offertur. Atqui, nonne unum est ex precipuis donis quæ nobis confert vitæ nouitas? Vnde & in sanctificationem nobis datus esse dicitur. Fides, animæ est resurrectio, quemadmodum Christus pronuntiat his verbis: Qui Ioan. 11. credit in me, etiam si mortuus fuerit, uiuet. Quomodo igitur mortua esset, cum sit uiuifica? Fides diuinæ adoptionis est testimonium. Quomodo autem filij Dei, nisi qui Spiritu eius reguntur? Fides, nobis aditum ad Deum patefacit. Quomodo id fieret sine bona conscientia?

Vt hæc vel non sunt, vel taceantur: tamen ut pax in unitate fidei nobis constet, prius de fidei nomine inter nos conuenire necesse est. Sed quia iam presatus sum, mihi in præsentia sufficere, si demonstrem quàm procul à retinenda iustificatione absint, qui dum hostes veritatis placare student, medium excogitant doctrinæ genus, quod neque cælum neque terram attingit: in hoc argumento me contineo. Ergo quantum ad obtinendam coram Deo iustitiam spectat, hæc quinque de fide necessariò tenenda esse dico. Primum, indubiam esse persuasionem, qua verbum à Prophetis & Apostolis allatum, tanquam veritatem à Deo profectam, suscipimus. Deinde hanc in verbo Dei propriè intueri gratuitas promissiones, Christumque præsertim earum pignus & fundamentum: ut in paterno Dei favore acquiescentes, salutis æternæ fiduciam concipere audeamus. Tertiò, non esse hanc nudam notitiam, quæ in mente volitet, sed viuum quoque affectum secum trahere, qui cordi insideat. Quartò, non ex humanæ mentis perspicacia eandem hanc nasci, vel ex proprio cordis motu, sed esse singulare Spiritus sancti opus, cuius est, tum mentes illuminare, tum obsignare corda. Postremò, non omnes promiscuè hanc Spiritus efficaciam sentire, sed qui ad vitam sunt ordinati. Quod ordine primum posuimus, quia in cõfesso est apud omnes, probatione nulla indiget. In secundo etiam probando, non tam sedulo colligenda sunt testimonia, quàm admonendus lector, ut quæ passim occurrunt in Scripturis, expendat. Sunt enim propè innumera. Et breuitati studendum est. Paulus cum à lege discernit Euangelium, fidei doctrinam appellat. Et alibi, reuelari in ipso Dei iustitiam docet ex fide in fidem. Item, Ideo inquit, Rom. 10. ex fide, ut secundum gratiam: quò firma sit promissio. Eòdem pertinet quod scribit, Euangelium in obedientiam fidei prædicari. Et ubi Euangelium non ex lege, sed ex promissione esse docet: continuò post concludit, ut promissio ex fide detur. Quibus verbis aperte Rom. 1. notatur mutua inter fidem & gratuitas Dei promissiones relatio. Hinc iam conficitur, si Gal. 4. dem in Christo solo quiescere: ut pote in quo omnes Dei promissiones sunt, Etiam & Amen. Ita enim Deus dilexit mundum, ut Filium suum vnigenitum dederit: ut quisquis in eum credit, non pereat. Quæ sententia non frustra toties repetitur. Quare alibi Paulus, cum lucem Euangelij commendat, dicit illic refulgere Dei gloriam in facie Christi. Nec temerè, cum de fide meminit Scriptura, quasi expositionis vice additur, In 2. Cor. 5. Christum. Significat enim hæc particula, quod latius docetur tertio capite ad Romanos: Christum esse propositum reconciliatorem, ut per fidem, intercedente ipsius sanguine, gratis iustificemur Dei gratia. Quod ipsum deinde pluribus locis confirmat. Idem sibi vult quod ad Galat. scribit, non nisi in vno semine, hoc est Christo, stabilitas fuisse promissiones. Eadem ratione, tam ad Eph. quàm ad Philip. fidem interpretatur, cognitionem Filij Dei: in qua etiam totam sapientiam piorum includit: quemadmodum alibi negat, quicquam sibi aliud esse eximium: & se Iesum Christum prædicasse gloriatur, tanquam in quo consistat Euangelij summa.

Porrò ex fide gigni diuini in nos amoris fiduciam, vel vnus locus abundè testatur,

quinto ad Roma. cap. ubi docet Paulus tranquillās nobis esse conscientias, ut audeamus de spe vite æternæ gloriari. Et prius dixerat, nos ex fide esse hæredes, ne vacillemus trepidi & dubij. Vnde constat requiri firmam certitudinem. In eundem modum ad Ephe. 3. sios scribit, nos per Christum habere audaciam & aditum ad Patrem cum fiducia, quæ est per fidem eius. Nec Ioannes opinari nos dicit, sed scire, quod filij Dei simus: tamen si nondum appareat. Hoc ergo qui non tenet, fidei naturam prorsus ignorat. Hoc autem posito, liquet fidem cum serio affectu semper coniunctam esse. Alioqui, non iuberet nos Paulus radices agere in Christo & superstrui fide, nec ipsa haberet nomen obedientiæ: multò minus victoria nostra aduersus mundum diceretur. Et sanè, cum Paulus scribit, corde, ad iustitiam credi, non eam in cerebro locat: sed penitus defixam esse significat in hominis anima. Elogia illa, quæ prius commemoravi, nunc omitto: quod sit vita animæ, quod per eam Christus in nobis habitet, quod nobis adipiscendæ salutis sit causa, ac similia: quæ tamen simplici notitiæ nequaquam conuenirent. Atque hoc est quod alibi intelligit Paulus, cum dicit, nos faciem Dei in Euangelij speculo intuentes, in ipsam transformari ex gloria in gloriam. Viua enim & efficax sit oportet cognitio, quæ ita nos in imaginem Dei transformet.

Iam fidem diuinæ illuminationis opus esse, tot testimonijs Scriptura confirmat, quoties cæcitatibus damnat humanam mentem. Sed quoniam nimis longum esset, locos omnes colligere: paucos tantum annotabo, qui se primi offerent. Aliud nihil agit Paulus primo & secundo capite Epistolæ ad Corinthios prioris, nisi ut hebetem esse & nihili omnem humani ingenij perspicaciam in Dei mysterijs, ostendat. Qui ergo ad ea penetrant, non ex voluntate hominis aut carnis, sed ex Deo nati sunt. Neque enim caro & sanguis reuelant, sed Pater qui in cælis est. Quare rogat Paulus Deum, ut Ephesus aperiat mentis oculos, detque illis Spiritum sapientiæ & reuelationis in agnitionem sui, ut comprehendere queant, quæ sit sua vocatio. Et meritò: siquidem, ut postea subiicit, dilectio Christi ad quam vocamur, omnem cognitionem supereminet. Vnde sequitur, quod alibi affirmat, nobis dari ut credamus: nec posse homines quicquam accipere, nisi illis è cælo datum fuerit: Ioan. 3. Ioan. 6. neminem ad Christum venire, nisi trahatur à Patre. Ad hæc, si excutiamus cor humanum, reperiemus non modò ad diffidentiam propensum esse, sed toto naturæ instinctu illuc ferri. Quare, iterum hic nobis subueniat Dei Spiritus, necesse est: sitque nobis & arrabo & sigillum. Hic est, qui nobis os aperit, ut audeamus absque metu, Deum Patrem inuocare, qui sanguine Christi animas nostras irrigat, qui ratam nobis facit eius gratiam, qui Dei charitate corda nostra perfundit, ut intrepidè gloriemur, nos esse eius filios, qui denique nos ducit in omnem veritatem: idque ut sciamus, quæ nobis à Deo donata sunt.

Quod ultimo loco posui, sumptum est ex Luca, qui Pauli doctrinæ credidisse narrat, quotquot ad vitam erant præordinati. Et sanè, cum omnes promiscuè externa prædicatione inuitet Deus: hoc solo electos suos discernit à reprobis, quod hos cæcutire in luce sinens, illos nouis oculis donat, quibus cernant, & corda in obedientiam verbi sui inclinat. Proinde efficaci vocatione arcanam suam electionem patefacit. Vocat nos, inquit Paulus, quemadmodum in Filio suo elegit ante creatum mundum. Item, Illius opus sumus, creati in Christo ad bona opera, quæ præparauit, ut in illis ambulemus. Hoc ideo notandum est, quia, ut plus æquo superbi sunt homines, ad se rapiunt quod erat vni Deo adscribendum. Cui præpostera arrogantia gratuitam suam adoptionem opponit Deus, quæ ipsa sibi causa est ad nos vocandos: adeoque sola nos discernit. Nunquam certè præuenitur à nobis Deus, sed quærit oues errantes ac perditas. Porro efficacia vocationis, cuius memini, sic accipi debet, quod non tantum nobis offertur Dei gratia, sed ad eam amplexandam voluntas quoque nostra

nostra formatur. Nam inter electos & reprobos id interest, quòd cum utrosque alloquatur Deus voce hominis, illos peculiariter Spiritu suo intus docet. Còmune, inquam, utrisque est hominis ministerium: sed interior Spiritus gratia, specialis est electis. Quòd pertinet Christi sententia: Quicumque à Patre audiuit ac didicit, venit ad me.

Ioan. 6.

Nisi hæc extra controuersiam posita fuerint: licet auum more subinde garriamus, nos fide iustificari, iustificationem ipsam nunquam tenebimus. Nihilo autem melius est, furtim subduci ab unico salutis fundamento, quàm palam excuti. Verum, sunt etiam alia, in quibus laruati Mediatores, hanc doctrinæ partem malitiosè subuertunt, quam velle se tueri verbo profitentur. Peccatorum confessionem obtinendæ veniæ necessariam esse fingunt. Cui autem confiteri nos iubent? Non Deo: sed sacerdotibus. Nónne plusquam impudenter obtenditur nomen gratuita iustificationis, cum hæc conscientijs imponitur necessitas? Ut liberæ sint conscientia à metu æternæ mortis, ipsam quoque Dei legem abrogari oportet, ne maledictione eas obstringat. Quid nunc si nouarum legum laqueis induuntur, quæ fortius eas adstringant? Scriptura nos iustificari testatur, non quia impleamus legem, sed quia recumbamus in Christi sacrificium, quo expiata sunt peccata. Non ergo legis observatio, sed transgressionū venia nos iustificat. Nūc cum ipsa peccatorum remissio quæ à vinculis omnibus nos soluit, conditioni illigatur, nónne tota conscientijs excutitur salutis certitudo? Peccatorum remissionem nobis promittit: sed hac lege, si in aurem sacerdotis confessi fuerimus. Quid hoc, quæso, aliud est, quàm humanæ legi subicere diuinæ Legis absolutiorem, & ipsi ut ita loquar, manu missionis vindictæ seruitutem imponere? Sic enim statuunt eiusmodi legiflatores, ne peccatorum remissio, quæ nos liberat, ipsa sit libera.

Præterea atrocem Deo iniuriam faciunt, qui tantum arrogant hominibus, ut ipsorum arbitrio remittantur peccata. Præsertim cum hoc vni sibi tam seuerè vindicet apud ^{Esa. 43.} Prophetam: Ego sum, ego sum, inquit, qui deleo iniquitates tuas. Quid autem? an Deus ipse cum beneficium istud nobis offert, confitendi legem imponit? An Christus ipse, cuius maximè proprium est hoc officium & mandatum, tale quidquam præscribit, peccata remittendo? Nusquam hoc legitur. Nunc cum insurgunt homines, manumque iniiciunt Christo ad restringendam eius gratiam, nónne plusquam sacrilega audacia est? Et nos, si tantum iuris permitimus hominibus, ut reconciliandæ inter nos & Deum gratiæ ipsi sint arbitri ad leges dictandas, nónne Christi beneficium, tali ingratitude repudiamus? Hoc certè, nisi impudenter, negari non potest. Confugimus miseri omnes nos, ut necesse est, ad peccatorum veniam, tanquam ad vnicum salutis asylum. Certa nobis via à Filio Dei monstratur. Certa ratio traditur tanti boni potiendi. Hic se interponit mortalis homo, aditumque præcludere audet: ianuam ostendit à se obseratam, nec aperiri, nisi confessionis clauæ, patitur. Hanc in se tyrannidem qui suscipiunt, statuuntne Christum vnicum iustitiæ authorem, ac non potius honoris partem illi ereptam aliò transcribunt? Et ubi gratuita iustitia, si hoc modo redimitur?

Porro, quoniam hæcenus expertæ sunt piæ animæ, quàm dira esset carnificina, cum ad eiusmodi confessionem adigebantur: ut minora doloris sensu eas interimant falsi Mediatores, mediam viam excogitant. Dicunt enim, neque nimis laxandam confessionem, neque rursus nimis stringendam. Videtur certè aliquid profectum, cum ex illa anxia enumeratione aliquid remittitur. Nugæ scilicet: nam si statuimus non absolui coram Deo, nisi qui sacerdoti sua peccata confessi fuerint: cui inde apiculum detrahere fas erit? Nónne semper periclitabimur, ne si quid à nobis prætermisum est, in iudicium Deus reuocet? Hæc demum pax est conscientia, si ne quænulla est salus, cum indubia est absolutionis fides. Si confiteri

prius quempiam necesse est, quàm absoluat, quousque urgeat hæc necessitas, non est in hominis arbitrio definire. Ita nihil præter assiduam inquietudinem, lentumque tormentum, & perplexus ambages relinquitur, quæ animam nihilominus conscient, quàm si aperte iungularctur. Contenti sunt Mediatores, si recenseantur peccata, quæ diligenter cogitanti, & se se excutienti in mentem veniunt. Quid hoc est aliud, quàm venenum gutta mellis illinere, ut primo gustu minus sentiatur? Nam si quid iustæ diligentia vel minimum defuerit, hic hærebit peccator. Imò labefactabitur tota promissio: & tandem abyssus abyssum trahet. Si hæc est salutis scientia, tranquillo animo in peccatorum veniam recumbere: quisquis hunc laqueum sponte induet, sciens ac volens salutem suam projicit.

Quod autem huic impiæ tyrannidi prætexitur Christi auctoritas, non minore fit impudentia, quàm malitia. Antehac Sorbonicis theologastris propter crassam inscitiam poterat ignosci, cum Scripturam perperam corrumpere. Nunc in tanta luce non eadem valere debet excusatio. Obtinent mediatores, ligandi & soluendi potestatem Apostolis esse datâ. Addunt postea, exerceri non posse, nisi intelligat qui ea fungitur, retinerene, an soluere debeat. Inde enumerationem conficiunt. Quid tam puerile obiectum, toties à nobis refutatum, nunc de-integro excutiam? Cum instruuntur ligandi & soluendi potestate Apostoli, hoc elogio vim & fructum Evangelij commèdare, certum est. Magnopere enim refert, ut ratam esse coram Deo absolutionem sciamus, quæ nobis nuntiatur ore hominis. Meminerimus, homines esse mortales, qui nos ab æternæ mortis reatu exemptos esse restantur. Tantæ rei testimonio, ne Angeli quidem pares forent. Quid ergo nobis fieret, nisi suam auctoritatem interponeret ipse Filius Dei, ad sancendam mandati sui fidem? Ipsa porro mandati executio, omnem hac de re dubitationem tollit. Neque enim audiendis confessionibus, sed prædicando Evangelio, ligandi soluendique munus exercuerunt Apostoli. Quinetiam palam est, melioribus seculis, quibus floruit religio, vel ignotum fuisse confitendum, vel non ita communiter receptum fuisse. Certè extra controuersiam est, totos mille annos & supra, hac lege solutas fuisse Ecclesias, quam noui Mediatores quasi perpetuâ, & unâ cum Evangelio natam, obtrudunt. Quod si necessaria est, quam fingunt cognitio, ut peccata remittere nequeat, nisi qui audiuit: temeritatis dammandi sunt, non modò præstantissimi quique veteris Ecclesiæ pastores, sed Apostoli ipsi, adeoque omnium Magister & Dominus, qui omnes, cum morem confitendi nescirèt, ligare tamen & soluere ausi sunt.

Scio eiusmodi homines, ubi species aliqua utilitatis se ostendit, quidvis sibi iubendum permittere. Atque hæc ratio est, cur tantopere confessionem urgeant, quia mundum volunt sibi obnoxium facere, ut obsequentem habeant. Multis ergo nominibus confitendum utilissimum esse contendunt. Nempe, si reputamus, quid priuatim ipsis expediat. Cum tamen omnia dixerunt, nihil afferunt magis speciosum, quàm quòd impios cogunt semel quotannis erubescere. Scilicet, multum profectum est, cum apud nos plus hominum valet pudor, quàm Dei & Angelorum reuerentia. Et tamen hoc ipsum esse falsissimum visus, qui optimus est magister, docet. Eò enim maiore peccandi proteruita lasciuunt, quia se fore saluos confidunt, simul ac in aurem sacrifici quicquid intus eos grauat, exonerauerint. Perinde ac si Dei tribunal effugerent, iudicium hominibus deferendo. Denique non secus ac ebriosi, vomendo ad nouam crapulam se comparant. Quid autem ex aduerso nobis promptum esset obijcere? An non ex hac lerna innumeras malorum species prodire notum est? Verum, ut demus esse verum quod postulauit, nihil tanti esse debet, ut in seruitutem redigantur conscientia, prostituatur Christi gratia, opprimatur fides. Vt maximè, inquam, expediat, cogi ad confitenda sua peccata homines, fucum tamen facere, quasi res sit ad salu-

tem necessaria, neque fas est, neque expedit. Stringi enim talium legum Vinculis conscientia nequeunt, quin strangulentur. Ergo omnibus illis abruptis, discamus solus gratuita misericordia promissionibus, omnes sensus habere deuinctos.

Similiter, cum de spiritali conscientia foro agitur, nulla satisfactionum fiat mentio. Vnica enim est Christi satisfactio, quæ non culpæ tantum æternæque mortis reatu nos eximit: sed temporalibus quoque pœnis redimendus est pretium. Arridet quidem, prima specie, illa distinctio: pœnam æternam gratis remitti Christi beneficio: temporales autem, nostris satisfactionibus: sed re propius inspecta, protinus euanescit. Reclamant primum omnes Prophetæ, qui Dei misericordia, pœnarum relaxationem ubique assignant. Quod Deus gratis condonat, certum est, nullis operibus nos promereri. Atqui, dum ita Deum loquentem inducit Propheta: Propter me faciam, non propter vos: de remittenda temporali pœna sermo habetur. Imo quoties ferè ad petendam gratuitam veniam confugiunt, externas calamitates deprecantur, ut sunt iræ Dei indicia. Et cum nos recipit Deus in gratiam, simul finem malis se impositurum promittit. Denique, sicuti culpam pœna sequitur, tanquam fructus arborem: ita culpa remissa, tanquam excisa radice, pœna quoque extinguitur. Verum est, quidem hoc optimum esse remedium, ne iudicentur homines à Deo, si seipsos iudicent: quemadmodum testatur Paulus. Id tamen perinde accipi non debet, ac si mutua compensatione ipsum placarent. Sed cum hoc vnum agat Deus nos puniendo, ut ad pœnitentiam cogat, non mirum est, si pœna dicatur occurrere peccator, qui sponte se corrigit. Verbis enim nos inuitat prius cœlestis Pater, quam manu feriat. Si voluntaria in nobis conuersio apparet, obtinuit quod volebat. Illic iam cessat puniendi materia. Denique, sicut in futurum tempus respiciunt, quæ piis infliguntur pœnæ: ita qui eas auertere cupit, non est quod siudeat satisfactione aliqui, quod deliquit, expungere: sed se quibuscunque potest modis cum ad humilitatem, tum ad veram resipiscentiam erudiens, sui ipse peccati ultor sit homo: ne Deum experiatur ultorem. Qui Deum sibi vult parcere, ipse sibi ne parcat, nec indulgeat. Qui erigi vult à Deo, seipse humiliet. Sed hoc totum nihil ad mutuam compensationem: nam qui in hunc modum de se pœnas sumunt, quò præueniant Dei iudicium, constituunt sibi nihilominus in Christi sacrificio non modò culpæ expiationem: sed pœnarum etiam, quasque meriti sunt, veniam. Satisfactiones porro, quarum usus est in Ecclesia, cum ad exemplum magis pertineant, pars sunt ordinis politici, non autem spiritalis iustitiæ subsidia.

Ezech. 16.
36.

1. Cor. 11.

Huic doctrinæ, qui vel tantillum derogant, nunquam tam speciosos habebunt pretextus, quin saltem palam fiat, exitiales ipsos tendere insidias hominum salutis: quas si cauere negligimus, frustra posthac gememus salutem amissam, quam ipsi sponte prodiderimus Sathans, eiusque ministri. Cauendum itaque, ne illæ nos demulceant Sirenium voces. Hoc parum est: Hoc commoda interpretatione mitigabitur: Hoc facile latebit: Hoc admittetur non magno periculo. Potius audiamus monentem Christum: Ambulate dum lucem habetis. Nam si quas patimur claræ luci nubeculas opponi, citius quam putemus, obruent nos tenebræ. Vnica est ianua, qua ingredi nos in vitam æternam oportet: Vnica est via, qua ad eam peruenitur. Minimè ab his deflexus, procliuus est in mortem error. Huc accedit, quò obliquis velut cuniculis simul impetitur Christi gloria, quam ita coniunctam esse cum salute nostra voluit, ut alteri qui detrahit, utrunque violet. Ergo in asserenda gratuita iustificationis doctrina, non tantum quàm sit nobis chara nostra salus: sed etiam, quàm pretiosa Christi gloria, specimen edendum est. Vnde apparet, quàm detestandum interitum nobis moliantur perfidi Mediatores, qui suis fucis huc nos inducunt, ut non minus in Filium Dei simus ingrati, quàm propriæ salutis proditores.

Atque ut demus, relinqui istud nobis integrum, iustificari sola fide hominem: qui tamen nihil præterea relinquunt, quo tandem loco habendū censent cultum Dei? Estne illud res tam friuola, ut pacem Ecclesiae morari non debeat? Atqui, hominum & Angelorum salutem præferendam esse dico. Proinde, qui non tantum posthabito, sed etiam relicto Dei cultu, alterū illud caput duntaxat urgent, quid sit vera religio nondum didicerunt. Si quis obijciat, præcipuam diuini cultus partē fide, eiusque exercitijs contineri, ego id quidē fateor: sed disputare, quomodo salutē adipiscantur homines, quomodo autē ritē colatur Deus, tacere nimis est præposterum. Adde, quod huius rei cogitatio propriā explicationē desiderat: cuius duo potissimum sunt membra. Primum enim statuendū est, spiritualem esse Dei cultum, ne in externis vel ceremonijs, vel alijs quibuscumque rebus, reponatur: deinde non esse legitimum, nisi ad eius, cui præstatur, voluntatem sit cōpositus, tanquam ad suam regulam. Vtrunque plusquam necessarium est: nam ut nihil quā terrā & carnē sapimus, ita Deum metimur nostro ingenio. Vnde fit, ut semper magis arrideant externæ pōpō, quæ nihili sunt coram Deo, quā interior cordis veritas, quā solā probat ac requirit. Rursus, nota est ingenij nostri lasciniā, quæ hic maximē exultat, ubi nihil prorsus audendum erat. Quoslibet cultus, & alios subinde atque alios cōminisci, homines sibi permittunt. Neque hoc est seculi vitium. Vsque ab exordio mundi, ita licenter mundus cū Deo lusit. Ipse autem clamat, nihil sibi plurius esse, quā obedientiā. Itaque omnes cultus, præter mandatum suum confictos, non modō tanquam irritos respuit, sed planē damnat. Quid te testimonijs utar in re tam aperta? cū proverbiales inter Christianos esse debeant eiusmodi sententiæ.

Quod prius membrū, quasi superuacuum securē omittunt, fac si Mediatores, ut ne verbulo quidem attingat, spiritualem esse Dei cultum: quid aliud quā latebras queritant ad fallendum? Siagamus tamen id esse tolerabile. Quod autē in operibus per se bonis numerant, quæ spontē suscipiuntur absque Dei mandato, in eo totam piē rectēque viuendi regulam peruertunt. Vbi enim erit illud. Frustra me colunt, docentes præcepta hominū, si vagari suo arbitrio extra Dei legē, hominibus liceat? Ac eō impudentiā erūpunt, ut dicant à Spiritu sancto discrepare, qui non probant supererogationis opera. Cur istud? An quoniā eiusmodi opera apud Iesū cōmendat Spiritus, cū hoc solo titulo damnat quæcunque pulcherrimam aliqui speciem habent, quod ea Deus non requirit ē manibus nostris? Video quid obijciat: ut omnia vendamus, ut perpetuam colamus virginitatē, ut gratuitam prædicationis operam impendamus Ecclesiae, non præcipi quidem à Domino, placere nihilominus. Atqui, respondēdo, etiā si quis hac omnia simul, & longē maiora præster, nihil ultra præstare, quā quod lex continet. Illic enim iubemur Deū ex toto corde diligere. Quis hominum hanc metā sua perfectione superet? Si excipiant, nullū tamē de operibus ipsis speciale extare mandatū: ad hoc quoque facilis est responsio. Neque enim hac omnibus cōueniret. Neque ritē suscipiuntur in eū finem, quasi per se valeant, aut quasi ita coli Deus velit. Si quis nulla necessitate inductus, vendat quæcunque habet, abiectione familiæ suæ cura, quasi veditio per se sit virtus, nonne stultitiæ meritō dānabitur? Neque enim omnes promiscuē alloquitur Christus, cū dicit: Vade, & vende omnia: sed eum qui se falso tota legē perficere putans, inani fiducia turgēbat. Ut eum ostendat Christus, procul adhuc à tanta perfectione abesse: vitium, in quo sibi blandiebatur, attingit: quod scilicet opibus suis nimis addictus esset. Vnde patet, tale venditionis genus sub legis mandatis contineri. Idē & de virginitate sentiendum. Videre enim quisque debet quid sibi datum sit, ne quis incontinentia laborās, dum cœlibatē appetit, cū Deo luctetur. Deinde, qui continentia dono præditus est, placere sibi non debet cum suo cœlibatu, quasi genus viuendi colat alijs perfectius. Neque enim virginitas, quasi

quasi per se virtus sit, laudatur: sed dum refertur in suum finem: ut liberius, auocamentis omnibus soluti, studia nostra & curas omnes conferamus in Dei obsequium. Et cur stipendio abstinuit Paulus, nisi ut obuiam iret pseudoapostolorum malitiae, qui ideo nihil poscebant, ut insaniam crearent eius ministerio, vel saltem auctoritati detraherent? Quid autem obsecro, praeter officij sui modum supereroguit minister, dum nihil praetermittit, quod ad Ecclesiae utilitatem facturum videt? Non potuit aliter facere Paulus, quin se & Apostolatuum suum improborum ludibrio exponeret. Quid ergo fecit, primum quod non debuerit: deinde quod non esset ex Dei praescripto?

Iactant etiam exemplum Dauidis, qui coram arca saltauit. Verum, quid hoc ad commentitios cultus stabiliendos? Nam si nouum quēpiam cultum erigere in animo habuit Dauid, quis eius temeritatem excuset, cum rem tam seuerè à Domino prohibita aggressus sit. Lex certè illa communis erat omnium: ne facerent quod singulis placeret: sed tantum quod Dominus praeceperat. Si quid ergo ad mandatum de suo addidit Dauid, perperam ausus est plusquam licebat. Si fateamur peccasse: quid imitatores iuuat peruersum exemplum? Ego verò non concedo, hoc animo saltasse Dauidem, ut cultum sibi non mandatum Deo exhiberet. Satis scitur, ceremonias ita pietatis fuisse exercitia, ut non tam ex se, quam ex fine aestimarentur. Quid ergo sibi aliud voluit illa Dauidis saltatio, nisi ut arcam Domini magnificè in locum caelitus illi destinatum & consecratum deduceret? Quamquam non dubium est, quin peculiari Spiritus instinctu huc adductus fuerit: quod in extraordinarijs sanctorum factis semper obseruandum est. Deut. 12.

Verum, ne quis calumniatur, nos in rebus externis nimium esse morosos, qui adeo praecise tollamus omnem libertatem: hic te statum velim pijs lectoribus, me non de ceremonijs litigare, quae decòro tantum & ordini seruiunt: vel etiam symbola sunt & incitamenta cius, quam Deo deferimus, reuerentiae. Nobis enim de operibus disputatio est, quae per se Deo placere fingunt Mediatores, & quibus eum ritè coli affirmant. Nam cum illis de operum iustitia, adeoque meritorijs operibus sermo est, eiusmodi figmenta obtrudunt, quae ad Dei legem hominum arbitrio adduntur. Quis autem non videt hoc modo idolopoiarum, quae à Paulo dānantur, Dei mandatis opponi? Certè, si verum dicerent, falsum esset illud Christi: Frustra Deum coli hominum mandatis. Nego igitur, legitimum esse alium Dei cultum, quam qui ad eius voluntatem exigitur: nam is solus rationalis à Paulo vocatur hac de causa, Rom. 12. quòd ubi sapere plusquam oportet, homines volunt, à ratione viāque aberrant. De operibus autem medijs, quorum libera est electio, alibi erit opportunior dicendi locus: tantum ostendere volui, si absque Dei mandato suscepta à nobis opera, in partem diuini cultus, spiritualisque iustitiae obrepant, quod in religione praecipuum est, eueri.

Quoniam in tradenda reformationis formula, postquam de iustificatione egerunt Mediatores, ad Ecclesiam descendit: videndum quatenus eorum placitis acquiescere pio homini liceat, qui nolit à veritate discedere. Quas ponit dignoscendae Ecclesiae notas, ego quoque libenter recipio, purā doctrinam, rectum Sacramentorum usum, & sanctam, quae inde pendet, unitatē. Sed quod addunt de cōtinua Episcoporum successione, quis nō animaduertat captiosè ab illis dici? Non abs re cōtendimus, ita seculis aliquot laceratam & dissipatam fuisse Dei Ecclesiam, ut destituta fuerit veris pastoribus. Cōtendimus nihil minus quam pastores fuisse, qui hunc honoris titulum sibi arrogarunt. Isti, non modò lupos censeri volunt pastores, sed Ecclesiam alibi quam apud eos quaerendam esse negant. Nos certè nō negamus semper fuisse Dei Ecclesiam in mundo. Audimus enim quid de perpetuo Christi semine Deus promittat. Hoc etiam modo non negamus, quin ab exordio Euangelij cōtinua usque

ad nos fuerit Ecclesie successio: quæ ad modum certò persuasi sumus, ad finem usque mundi fore: sed non concedimus, ita affixam esse externis lavis, ut penes Episcopos vel fuerit antehac vel posthac futura sit. Et vnde, quæso, id necessarium esse probat? Nulla usquam inuenietur promissio. Quin potius, dum Petrus admonet, falsos doctores in Ecclesia Christiana fore, sicuti in populo veteri fuerunt: & Paulus sessurum in templo Dei Antichristum pronuntiat, non extraneos hostes designat, qui violenta irruptione ad exiguum tempus, turbent Ecclesiam: de ordinaria quam vocant, presulum administratione loquuntur: ne quis tranquillum ac florentem regnum Christi statum somniaret. Ergo, si penes Apostolorum successores residet Ecclesia, eos quaeramus successores, qui traditam ab illis doctrinam posteris fideliter per manus tradiderint.

Scio, ut continuam hanc successionem commendent Irenæus, Origenes, Augustinus & alii quidam ex veteribus. Sed merum fucum faciunt, qui eiusmodi testimonio, tyrannidem Papatus, quæ nihil commune habet cum antiqua Ecclesie forma, defendere conantur. Irenæo & Origene negotium erat cum improbis nebulonibus, qui, cum prodigiosos errores proferrent in medium, eos sibi diuinitus reuelatos esse iactabant. Huius mendacii facilis erat refutatio, quod adhuc superstitēs erant multi, qui familiares Apostolorum discipuli fuerant. Recens erat eius doctrine memoria, quam Apostoli tradiderant. Ipsi quodammodo parietes adhuc eorum vocibus personabant. Miramur, si illi sancti viri, testes citauerint Ecclesias, quæ & ab ipsis Apostolis institutæ fuerant, & eorum institutione, sine controuersia, retinuerant. Pugnabat Augustinus contra Donatistas, qui furiosa superbia inflati, solos se Ecclesiam habere gloriabantur, cum tamen nihil esset causa, cur ab aliis disiderent. Obiici illi Augustinus, quas illi repudiabant Ecclesias, & à quibus discessionem fecerant, continua serie ab ipsis Apostolis fluxisse. Optimo id quidem iure: cum ex recepta semel doctrina perstitisse, Donatistæ agnoscerent. At longe diuersa est nostra ratio. Successores enim Apostolorum fuisse negamus, qui ab eorum fide, doctrinaque descuerint. Perfidosi isti Mediatores, qui tenebras miscet cum luce, quam dissimilis sit antiquo Ecclesie regimini, vel potius contraria præsens dissipatio, non ignorat. Cuius ergo impudentiæ est, ad opprimendam Ecclesiam, nomen Ecclesie ipsius obtinere? Vtinam verò ad hunc usque diem stetisset illa, quam mentiuntur, successio. Apud nos certe non difficulter inueniret, quam meretur, reuerentiâ. Sit, inquam, Petri successor, Papa, si Apostoli fungatur officio. Sed in quo sita est successio, nisi in perpetuitate doctrinæ? Si autem ab his corrupta est, imo extincta & abolita Apostolorum doctrina, qui eorum haberi voluit successores: quis non stultam eorum iactantiam derideat? Eodem nempe argumento probare nihil licet, tyrannicos omnes optimos fuisse libertatis vindices: quoniam à republica ad eorum monarchiam continuus fuerit transitus. Nunc an ita sit, ex re fiat æstimatio. Sed hoc ipsum ne fiat, ex professo cauent Mediatores, qui ex honore, quem personis deferunt, præiudicium fieri volunt de doctrina.

Ut locum hunc breuiter concludam: Ecclesiam Dei quaerimus. Fatemur omnes, sic propagatam fuisse ab initio, ut continuo seculorum ordine ad nos usque durauerit, & hodie diffusa sit per totum orbem. Resat altera quaestio: Sitne personis alligata. Nos quam periculosum sit hoc fateri, tamen si videmus, nolimus tamen adeo esse solliciti, ut caueamus in posterum. Sed cum sibi usurpent nomen Ecclesie, qui eam funditus, quantum in se erat, perdiderunt, cuius socordia fuerit, saltem presenti malo non reclamare? Iam suo tempore dicebat Hilarius, Ecclesia non potius delitescere in caernis, quam in primariis sedibus eminere. Quæ ad tam horrendum, quæ ubique hodie grassatur, vastitatem deplorandam querimonie sufficiant? Aliunde igitur, quam ex hominum titulis, petenda erit Ecclesie cognitio. Et frustra in eius investigatione circumimus, cum ultro se nobis verissima ratio offerat. Quis enim nostrum, ut hominem agnoscat, eius calceos vel pedes intuebitur? An non in faciem potius rectè cõicimus oculos?

Cur ergo in consideranda Ecclesia, non ab ipso capite incipimus, præsertim cum eò nos Christus ipse renocet? Vbi erit cadauer, inquit, illuc congregabuntur aquilæ. Quare si in certâ Ecclesia vnitatem coalescere libet: in veritatem Christi tantum consentiamus.

Mat. 24.

Cum ad Ecclesiæ autoritatē ventum est, quibuscunque fucis imperitorū oculos ludant Mediatores, huc tandem recidunt, vt pro verbo Dei, sola valeat hominū libido. Nota est illa triplex cantilena: Esse penes Ecclesiā, discernere veras Scripturas ab adulterinis: Eādem habere ius interpretandi: Eius traditionem oraculorum vim habere. His iactis fundamentis, palam est, ereptum Deo imperium, ad lituos & insulas transferri. Qualiscunque sit eorum cetera, qui modò episcopali titulo sint ornati, Ecclesiam constituit. Porro, immensum est quod illis licebit, si arbitrio suo interpretentur Scripturam, si fidei articulos fabricent, leges imponant conscientis. Quid igitur Deo fiet reliquum? Hæc plusquam manifesta est regni Christi, sanæ doctrinæ, salutis nostræ proditio. Et nos discordias alere, pacemque impedire ac turbare clamabunt, nisi protinus assentiamur? Quin proprium Ecclesiæ officiū sit, Scripturas veras à supposititiis discernere, non nego: nempe, quia obedienter amplectitur, quicquid Dei est, & oues audiunt vocem pastoris, alienorū vocem non admittunt. Sed Ecclesiæ iudicio submittere sacrosancta Dei oracula, vt quasi precario suā inter homines autoritatē obtineant, sacrilega est impietas: nam cum super Apostolorū & Prophetarum doctrinā, teste Paulo, fundata sit Ecclesia, perinde isti loquuntur, ac si garrivent matrē à filia esse genitā. Notum est præterea, quid capiet Hinc ille, aiunt, Canon &c. Primum quæro, quo ipsum tēpore editū fuisse putet: nam in Niceno concilio nulla eius mentio. Et tamen illic satis validis contra Arriū instructi armis erāt sancti Patres, cum Scripturas in manu haberēt. Deinde, quid Legi, librisque Prophetis fiet, si tandiu pependit eorum autoritas, d' nec aliquid post duo tandem annorum millia, ex quo Lex lata fuerat, decerneretur? Nam Machabæorum libros, Tobiam, eiusdemque farinæ alia, quoniam in vulgari eorum canone continentur, pro legitimis haberi volunt. At de ipso Canone, quem adeò superciliosè nobis obtrudunt, inter se non consentiunt veteres Scriptores. Suis ergo fruantur Mediatores, vt libet, modò nobis liberum sit ea repudiare, quæ diuinitus non esse prodita, sani omnes, saltem vbi moniti fuerint, iudicabunt.

Ej. h. c. 1.

Sequitur ius interpretandi, quod vt Mediatores conficta à se Ecclesiæ asserāt, adducunt Petri testimonium: non esse priuata interpretationis prophetiā: quia non à seipsis locuti sint Propheta, sed à Spiritu Dei impulsī. Sed hac consequētia apud intelligentes parum proficiunt. Admonet Petrus, nihilo nūc magis humani ingenii perspicacia intelligi posse Prophetias, quàm olim conflari potuerint. Hortatur ergo, vt quæadmodum diuinitus sunt allatæ, ita genuinū earum sensum postulemus à Dei Spiritu nobis patefieri. Nihil ambitioni, nihil arrogantia esse dandū. Sed an inde consequitur, ius interpretandi rediisse ad paucos? Obtrudunt etiam, promissum esse Ecclesiæ Spiritū, à quo ducatur in omnem veritatem: & qui suggerat, quæcunque docuit Christus. Atqui, cum eripiant interea Ecclesiæ, quod illi à Christo datum est, annon detegēda est eorū fallacia? Domo interpretationis instruit Spiritus Domini quos visum est, in cōmunem Ecclesiæ adificationem. Huius doni vim & vsum non supprimunt tantum, sed in nihilum redigunt, qui solis episcopis potestati faciunt alius dicendi, quod necesse sariō sequantur. Sæpe accidit, vt genuina Scripturæ intelligentia destituti sint episcopi. Ergo qui nos ad tenēda eorum præscripta cogunt, furiosos armat gladio, quo Scripturam totā miserè conscindant. Denique, quisquis Scripturæ sensum, episcoporū subiicit arbitrio, intercepta eius anima, nihil præter mortuū corpus relinquit. Extrahendus enim nolus est anguis, quæ sub hoc dumeto Mediatores occultāt: nempe hoc volūt, vt nihil tam sit firmū & perspicuū in

Scripturis, quod nō vno verbo eludere prōptū sit, siquidē cornutis bestijs minus adlubescat.

Tertiam partē Ecclesiasticā pote stātis locant Mediatores in sanciedis, tam dogmatibus, quā legibus. Atque priorē illam speciem, Traditiones vocant: quas si quis cōuellat, eorum sententia, negat Ecclesiam fundamentum esse veritatis. Hac captionē irretiuntur miseræ animæ, ne quam omnino superstitionem reijcere audeant, quæ modō longi temporis usu inualuerit. Plausibile quidem exēplum adducunt in baptismo paruulorum: sed cū nūllum sit tam crassum aut puerile cōmentum, quod non Traditionis nomine vēdi tētur in papatu, omni superstitionū genere vltro se implicat, quisquis ab hac captionē sibi nō cauet. Tametsi, ne hoc quidem illis concedo, ex Ecclesiæ traditione fluxisse pædobaptismum, quē certō constat, in ipsa Dei institutione esse fundatum, & à circumcissione habere suam originem. Parū enim haberet firmamētī, si hominū tantum arbitrio staret. Adeoque hæc tenenda est vniuersalis regula, non esse legitimum Sacramentum, nisi quod à Deo est, non ab hominibus. Sed vt ad præsentem causam reuertar: non modō cerei paschalis benedictionem, aquæ exorcismum, & similes nugæ, quæ numero sunt infinitæ: sed missandirritum, & impios omnes eiusdem formæ cultus, vna, vt aiunt, fidelia dealbant, cū illis Traditionū imponunt nomen. Vt quicquid longi temporis præscriptione defenditur, quasi extra controuersiam positum, inter ipsa Dei mandata emineat. Et hīc se nemo opponet? Imo subeunda potius milies turbata pacis infamia, quā vt perfida dissimulatione prodamus tam necessariā Dei veritatem, quæ hīc alioqui periclitatur.

Leges non alias vnquam tulit vera Christi Ecclesia, nisi quæ ad retinendum ordinem, ad fouendā concordiam, ad tuendam disciplinā, facerent. Tales nemo sobrius non fatebitur, & iure ferri, & ab omnibus pijs seruandus esse. Nec verō de eo cōtendimus. Sed duobus malis subuenire necesse est, si volumus saluā esse Ecclesiā. Quod hodie nihilo leuiora & aequè multa & varia legū onera imposita sunt Christianis, quā olim sustinebāt Iudæi, id esse præter Christi institutū, nemo dubitat. Qui enim Dei leges abrogauit, vt nos à seruitute laxaret, nouis profectō hominū legibus nos premi noluit. Factū est tamē. Nec tantum liberale illud regimē ablatum, sed quasi in dirā carnificinam coactæ sunt animæ. Saltē fieri nequit, quin assiduè torqueantur. Nam & quædā aperitè cum præscripta à Deo regula pugnant, & quarūdam observatio impossibilis. Tam procul absunt à leuanda hac tyrānide, qui habenas tenent, vt tantum de ea stabilieda cogitent. Et nunc Moderatores nostri, opposita Ecclesiæ autoritate, impiorū libidini obsequuntur. Alterius quoque mali non minus necessaria est correctio. Leges, quas sub Ecclesiæ nomine cōmendant tyrāni, spirituales vocāt: vt quæ regēdis cōscientijs sunt destinatæ. Huius mali appēdix est illa, cuius memini, superstitio: quod earum observationem ad cultum Dei pertinere, fingunt. At Deus sibi vni spirituale regimē, verbōque suo vindicat: vt intactæ ab hominibus cōscientiæ in solū eius nutū respicere discant. Vnus legislator, inquit Iacobus, qui saluare potest ac perdere. Et Pausus seuerè admonet, ne se hominibus addicāt, qui Christi beneficio sūt manumissi. Et alibi Colossenses obiurgat, quod decretis teneantur. Quid ad hæc Mediatores? Nulla remedij facta mentione, simpliciter, vt hætenus, parendi necessitate nos obstringunt. Atqui, tantundē abrogatur imperio Dei, quantum hominibus tribuitur. Valeat ergo præuicatrix ista obedientia, quæ Dei frænum abruptit, vt nos hominum laqueis strangulet.

Iam quod toti Ecclesiæ præficiūt Rom. Pōtificem, cū per se nō est tolerabile, tum verō acrius refutandū, quia prærogatiuam esse Petro cōcessam, fingūt. Mādat Petro Christus, vt pascat oues suas. Quid? Alijs non mandat? Sed non frustra hunc nomine compellat Christus. Quasi non constet, illic ter repetito oues pascendi iussu, eum restitui in honorem

honorem Apostolatus, unde ter Christū abnegando, exciderat. Nomen autem ouium, quæ fronte, quæ so, vniuersam Ecclesiam interpretatur? Eodem nempe argumento dicā, munus, quod Christus illi contulerat, alijs resignasse, quos ad pascendum Christi gregem hortatur. 1. Lot. 5. Gubernare, secundum istos, debuit Petrus totam Ecclesiam, quia illi dictum fuerat, Pasce oues meas. Ergo si alijs idē faciendū iure scribit: aut in eos transfert ius sibi commissum, vel ex æquo cum illis participat. Nimirum verò proteruē Scripturis ludunt, cum totā Ecclesiam fingunt in nomine ouium comprehendī. Ipse quidem pastor fuit ouium Christi, sed quibus operam suam impendit, & quam latē se extendere potuit eius ministerium. Nam si cum plenitudine potestatis, ut garriunt Mediatores, præesse debuit Ecclesiis omnibus, iniquē Paulus agebat, superiorem illi gradum negando. Et quis vngquam fando audiuit, Petrum quicquam sibi in alienas Ecclesias vendicasse? Quin potius cum ab Ecclesia mittitur, obtemperat, tanquam vnus quilibet ex confessu. Fuit inter alios eximius, nō nego, & pro excellentia donorum, quibus pollebat, illi honor deferrebat, ut primas teneret, quoties erant congregari. Sed aliud longē est, orbi vniuerso præesse, quā præsidere in exiguo hominum cœtu.

Sed fingamus, datū fuisse Petro, quantum iactant. Quis tamen concedet, patrimonium fuisse donatū, quod in hæredes transmitteret? Successoribus idem, inquit, quod acceperat, ius reliquit. Ergo Sathanā esse oportet, quisquis est Petri successor: quoniam hoc elogio insignitus fuit. Vbi nam sit vlla successionis mentio? Paulus cum de tota Ecclesiæ administratione exprofecto differit, neque vnum constituit caput, neque primatū hereditarium facit. Et tamen illic totus est in cōmendanda vnitāte. Postquam autem cōmemorauit vnu Deum Patrem, vnum Christū, vnum Spiritum, vnu corpus Ecclesiæ, vnā fidem, vnu bā. Ephē. 4. piissima: modum conseruandæ vnitatis describit: qui i vnicuique Pastorū distributa sit gratia secundum mensuram, qua donati sunt à Christo. Vbi plenitudo potestatis, cum singulos ad certum modum reuocet? Cur non vnum Papam mox subiecit, quo nihil ad præsentem causam erat commodius, si quidem ita res tulisset?

Demus præterea, sancitam in Petro fuisse primatus in Ecclesia perpetuitatē: cur tamen Romæ potius sedes primatus, quā alibi collocabitur? Causam allegāt, quia fuerit Petri sedes. Perinde ac si quis in deserto constituat præcipuam Ecclesiæ Iudææ sedem: quia illic Moyses summus omnium Propheta, & Aaron primus sacerdos, vsque ad mortem, munere suo defuncti sunt: sed valeat hæc ratio. Quid Antiochia? Romā præferūt: quia illic mortuus sit Petrus. At probabiles sunt cōiecturæ, unde colligere licet, fabulosum esse, quod de Romano Petri episcopatu tradūt. Cōplures priuatos salutat Paulus, cum scribit ad Romanā Ecclesiā. Trienio post, illuc vinctus adducitur. Exceptū à fratribus fuisse refert Lucas. Iterū nulla Petri mētio. Scribit Paulus ex carcere varias epistolas. Nomina quorūdā, etiā ignobilium, exprimit: Petro nullus inter eos locus. Si illic fuisset, nō caruisset insigni cōtinneliæ tale silentiū. Iam, cum sibi neminē adfuisse in prima sua defensione conqueritur, an nō turpem nimis perfidiæ notā Petro inureret, si tūc fuisset vrbis pastor? Itē, dū alibi omnes, quos secū habet, perstringit, quis credat in hoc numero fuisse Petrum? Et tamē illud ferē totū est tempus, quod Romanæ illius sessioni assignāt. Verū, ut istam quæstionem nō moueamus: si ideo primatum obtinet Roma, quia fuerit vltima Petri sedes, cur salte Antiochia secundum locum inter Patriarchias non tenuit? Cur Iacobus & Ioānes, qui cum Petro videbantur colūmæ esse, non proximā sedibus suis dignationem, acquirere potuerunt? Quā præposterā fuit distributionis ratio, cum Alexandriam sedem Marci, qui tantū vnus erat ex discipulis, Epheso & Ierosolymæ prætulerunt? Verū Apostolos inter se conferre desino: ipse enim dominus omnium ac magister, ad cuius fulgorem euanescebat omnium

dignitas Vbi summi sacerdotii munus, & docendo & moriendo, nisi Ierosolyma obiit? Ergo Ierosolyma Christi sedes nulla erit, & Roma ad se honorem rapiet? Huc accedit, quod Petri Apostolatus Iudæus fuit peculiaris, teste Paulo: ideoque proprie ad nos non spectat. Quare Iudæos, quorum res agitur, sinamus de hac successionem litigare.

Eodem pudore Cyprianum aduocant testem in hac causa: nempe is est qui tyrannice superbiæ dānat episcopos, si in collegas quicquam imperii sibi vsurpent. Vnum quidē episcopatum nobis commendat: sed Christi, cuius partem in solidum, vt loquitur, quisque episcoporum tenet. At schismata ex summi pontificis contemptu orta esse, alicubi tradit. En eorum ingenuitas. Quod de sacerdotio Levitico scribit Cyprianus, ad Papatū rapiunt. Nam si pro schismaticis haberet Cyprianus, quicūque pontifici Romano subesse renuunt, quo loco habendus ipse foret, qui aduersus Stephanum tam liberē inuehitur, non inscitie modō & arrogantiæ ipsum accusans, sed perinde ipsi cogēs in ordinē, ac si vnus esset ex gregariis? Quare, desinant hīc Dei & hominum testimonio tam impudētē abuti. At vtile, inquiūt, remedium est, tollendis dissidiis, si vnus emineat, cui cogantur omnes parēre. De hoc itaque liberā Ecclesie consultationē relinquūt, nec fingant verbo Dei præscriptū esse, quod statui ex vsu debet. Quamquam hæc quoque vtilitas falsō ab ipsis prætexitur. Præsertim vbi ista, quam iactant, plenitudo potestatis licentiosē exultat, quæ nihilo minus potest à tyrannide sciungi, quā ignis à calore suo. Et, ne hīc diutius hæreā, si plena in Christianū orbem potestas, nihil aliud est, quā episcopatus vniuersalis, hæc Gregorius, vt nō fariā & sacrilegā, & soli Antichristo cōgruentem, vbique detestatur. Cui de Papatu fides habenda potius quā ipsi Papæ? Nunc sibi, vt volet, blandiatur Rom. pontifex hoc imperio, quod illi adulatoribus tribuunt: sed apud sanos nihil aliud proficiet, nisi vt Antichristum se ostendat.

Nunc, vt alia omnia remittam, si Romanum pontificem volunt totius Ecclesie caput agnoscere, primo loco dent nobis verū episcopum, necesse est. Quis enim inter episcopos eminebit, nisi vnus, & quidē eximius in ordine episcoporum? Et ipsi quoque, dū Papatum ornare volunt, subinde in ore habent, Petri successionem, & Christi vices. Porro, quem Christi vicarium dicere audebūt Mediatores, qui profligata Christi veritate, extincta luce Euāgelii, salute hominū euerfa, corrupto & profanato Dei cultu, calcatis atque laceratis omnibus sacris eius institutis, dissipato Ecclesie ordine, barbarū in morem dominatur? Quid simile, obsecro, habet cum Christo Papa, vt eius vices personamque sustineat? quid habet cōmune eius dominatio cum ministerio Petri, vt censeatur eius successor? Ergo, vt inter nos cōueniat de primatu, inde faciendum erit exordium, vt episcopum verē præster, cui primas in Ecclesia deferamus: nam qui hoc statuit vnitatis vinculum: qualis qualis sit Romanus episcopus, totum illi orbem subesse debere, non aliter hoc consequetur, quā impiam à Christo defectionem excitando.

In sacramentis hanc boni & a qui Pacificatores moderationē adhibent, vt septenarius numerus, qui temerē indoctorum hominum confictus audacia, stulta mundi credulitate obrepfit, quasi sacer, retineatur. Subinde obtestādī sunt mihi lectores, vt causæ, quæ tractatur, magnitudinē pondusque repuerit. Sacramenta instituit Christus, vt sint non modō symbola veræ religionis, quæ filios Dei à profanis hominibus discernant, sed testimonia quoque diuinæ erga nos gratiæ, adeoque pignora. In baptismo nobis & remissio peccatorum, & regenerationis Spiritus offertur. In sacra Cœna inuitamur ad fruendam Christi vitā, vnā cum bonis omnibus. Quale nunc temperamentum erit, si his misceantur hominum fragmenta? Obstant quidem, Deum esse omnium authorem. Sed hæc postea questio expedietur. Nunc tantum dico, nimium nos fore socordes, si natus in hominum cerebris qualescūque ceremonias

nias talibus mysterijs patimur equari, in quibus salutis nostræ suauitas continetur. Cum ro-
gat Christus, ex cœlone, an ab hominibus sit Ioannis baptisma, non aliter legitimam rationem-
que nobis esse debere significat, quam si cœlitus fuerit institutum. Eadem in sacramentis o-
mnibus valet ratio. Et sanè cum profiteantur isti Mediatores, sacramenta non testari nobis
modò, sed etiam exhibere, quæ supra hominum captum sunt ac fiscaliatè nimium peruersos
fore palam est, illa si subijciant hominũ arbitrio. Sacramenta duo à Christo nobis esse com-
mendata, extra controuersiam est. De quinque ergo reliquis videmus quid sit sentiendum.

Prius tamen quam huc progrediar, in baptismo breuiter adnotare operæpretiũ est,
melius potuisse omitti quod de præcisa eius necessitate commemorant. Præterquàm enim quòd
externis signis perperã alligatur animæ salus, iniuria fit non leuis promissioni, ac si minus ad
prestandam quam offert, salutem, nisi aliunde adiuta sufficeret. Sancta ideo nascitur ex fi-
delibus progenies, quòd adhuc vtero inclusi, ipsorum liberi, antequam vitam spiritũ har-
riant, cooptati tamen sunt in fœdus vitæ æternæ. Nec sanè alio iure per baptismum aggre-
gantur in Ecclesiam, nisi quia ad corpus Christi iam antè pertinebant, quam in lucem ede-
rentur. Alienos enim ad baptismum qui admittit, ipsum profanat. Nunc ergo, qui ita neces-
sarium statuunt baptismũ, ut à spe salutis excludant, nisi qui eo tincti fuerint, tum in Deum
sunt cõtumeliosi, tum se quoque ipsos implicat magna absurditate. Nam à Christo alienos
sacra Christi nota insignire, quĩ fas esset? Baptismũ ergo præcedit adoptionis gratia, neces-
se est: quæ non dimidia tantum salutis causa est, sed eam ipsam salutem in solidam affert,
quæ baptismò deinde sancitur. Hinc, ut error alius ex alio scaturire solet, baptizãdi munus
quod solus Ecclesiæ ministris peculiariter mandauit Christus, non ad unũ modò quẽlibet ex
plebe, sed ac mulierculas etiam delegant. Taceo quòd de forma baptismi disputantes, post-
habita mysterij explicatione, quasi parũ ad rem faceret, in nudã verborũ pronuntiationem
insistunt: ac si Christus cum Apostolos in nomẽ Patris & Filij, & Spiritus sancti baptiza-
re iussit, magicũ nescio quod carmen dictasset: ac non potius summatim indicare voluisset,
vnde & tota vis baptismi fluat, & cuius nomine iussuque administraretur, & cuius fide ni-
tatur, & quorsum referri debeat.

Ceremonias omnes, quibus purum Christi baptismũ posteritas partim vitiauit, par-
tim obfuscauit, illibatas manere iubet: imo etiã restitui, sicubi sint abrogatæ. Hæc autẽ quid
aliud est, quam cœnosis hominũ inquinamenti cœlesti Filij Dei lauacrum inficere? Sim-
plex aquæ symbolũ nobis mandauit Christus. Eo, ut par erat, cõtenti fuerunt Apostoli. Non
eadẽ apud successores valuit sobrietas. Arrisit enim oleũ & cereus, & similes nugæ. De-
mum obrepfit, quæ solet, peruersa superstitio: ut chrisma ab hominibus additũ, plurius quam
aqua ore Christi consecrata, fieret. Aquam verò ipsam nouo & sumptuoso ritu, quasi aliàs
profana esset, oportuit cõsecrari. Denique, ipsa baptizãdi actio ex tam varijs & multis par-
tibus cõfarcinata est, ut aquæ symbolũ, quod solũ debuerat illic eminere, sub magno cumulo
lateat. Causantur superstitioni magistri, hæc additamẽta orando baptismò seruire. verum
res ipsa clamat, obscurari potius purã eius administrationẽ. Aliqua igitur salcẽ correctione
opus erat. Eã Mediatores adeò nõ admittũt, ut disertè caueãt, ne quid nouetur. Detur hæc
restitutum, ut quæ nõ supernacua modò, sed etiã inutilia sunt, tolerentur. Quid autẽ, si quæ ab-
surdæ & ridiculæ, parumque congruẽcia cũ mysterij dignitate reperiãtur? Atqui, eiusmodi
esse si utrum fateri cogentur, quo summa paruulorũ labra irrigant. Spũto Christus attigit os
muti, cui sermonem restituere volebat. Quam preposterã est emulatio, cum idem in par-
uulis tentant! An sic decebat commemorari Christi miracula? Iudibrium hoc, quod vade
vel quãdo emergerit nescitur, nullum certè grauem auiherem habet, perinaciter cum do-

fendunt, nōne apertè huc se tendere ostendunt, ne qua lucis scintilla nobis maneat?

In tractanda Cœna, transsubstantiationis cōmentum reuocant: cui reclamare cōguntur, quicumque verum Cœnæ vsum sibi perire nolunt. Hoc habent propriū Sacramenta, vt pro humani ingenij modulo, quod spirituale est, in visibili signo cōspiciendū præbeant. Hæc porò Cœnæ spiritualis est veritas, carnem Christi esse cibum, & sanguinem eius potum, quibus animæ nostræ pascuntur. Huic, nisi signū respondeat, sublata est Sacramenti ratio. Panē ergo nobis porrigi & vinū necesse est, ex quibus discamus quod hic nobis Christus figurat. Iam si inane est panis simulachrum, quod cernimus, quid nobis testabitur, nisi inanē carnis Christi vmbra? Specie panis esse fingunt, quæ oculos ludat. Quò nos tandem hæc imago perducet? Proinde, vt verum animæ pastum hic fideles agnoscant, signū illis sisti oportet, quod corpori pascendo cōueniat. Denique, hoc in Sacramētis agitur, vt signi rei quæ signatæ analogia & affinitas, quidam sit veluti transitus à sensu corporis ad animæ intelligentiam. Quid nunc boni Moderatores? Quòd te panē gustare putas & vinū, falleris: desuit enim panis esse qui erat, nec quicquid restat, nisi spectrū. Cuius ergo rei mihi symbolum erit? Quòd res melius pateat, similitudinem mutuemur ex baptismo. Si quis aquam esse neget, quæ illic abluimur, annon protinus euanescet tota baptismi veritas? Quis enim sibi persuadeat, lauacrum se habere regenerationis, si in signo nihil tale inueniat? Ergo vt fructuosum sit nobis Sacramentum hoc nobis nunquam patiamur excuti, quod etiam compluribus & firmis Scripturæ testimonijs comprobatur: Panē qui frangitur inter nos, esse corporis Christi *καὶ τὸ αἶμα*, similiter & vinum, sanguinis.

Accedit ad perspicuam Scripturæ doctrinā, veteris Ecclesiæ consensus. Nihil certius est, quàm hoc deliriū, cum plus sexcentis annis nemini venisset in mentem, à rixosis sophistis subitò, quasi abortitiū aliquem foetum, prodijisse: & tamē sic obtinuerat illa, quam dixi, de signicū re signata analogia, persuasio, vt initio explosum fuerit. Fluxerūt deinde complures anni, quibus creuit barbaries, & vnā cum bonarū omnium artium studio purior religio obsoleuit. Hoc verò fuit opportunum Sathanae tēpus, quo reiectitium hoc dogma de intro inueheret. Et tamen extiterunt, seculis ferè omnibus sani homines, qui saltē displicere sibi non dissimularent, idque non libera modò voce, sed scriptis quoque facerent testatū. Sed demus sanè errorem esse longa vetustate cōfirmatū, nos tamen religione constrictos tenent verba Christi, ne illis hominum placitis, quæ nos inde abducant, subscribere audeamus. Iubet Christus panem accipere & edere. Hæc omnium maximè seria actio est. Promissio additur, quæ aliter stare nequeat, nisi panem verè edamus. Retinenda est enim semper illa quæ notauimus, similitudo. Sicuti panē & vino alitur corpus, ita cibum animæ esse Christi carnem, & sanguinem eius, potum. Nos itaque Christi mandato obtemperantes, promissionem quoque simul amplectimur, non dubitantes quin arcana Spiritus sui virtute intus efficiat in nobis, quod panis oculis significat. Boni isti viri, qui pacificatorum personas induunt, fictitiam *καὶ τὸ αἶμα*, cuius nusquam in Scripturis fit mentio, tanto supercilio asserunt, ac si centum oracula ad eam comprobendam cœlitus allata essent.

Negamus fas nobis esse, discedere à certis Christi verbis. Quid est causa, cur in hanc, quam Christo deferimus, reuerentiā, adedò atrociter sæuiant, vt hoc solo crimine nos habeant pro hæreticis? Nam simplici & v̄sitata dīnatione non contenti, calūniantur vocari à nobis in dubiū Christi omnipotentiam, ipsūque insimulari vanitatis: quasi verò hic de Christi potētia disputetur, ac nō potius ex eius verbo quærēda sit mysterij veritas, Rerum omnium conuersionem fieri posse à Christo, nos quoque fatemur. Verū, si quis inde cœlum colligat, cōuersum esse in terrā, ridiculus erit virtutis diuinæ estimator, qui naturæ ordinem

ab illo fixum & constitutum, monstra sibi fingendo, reuellat. Ita in hac quaestione, quaerendo quidnam possit Christus, frustra se fatigant, cum hac vna cognitio sensus omnes nostros in se continere debeat, quidnam velit. Voluntas autem eius non alibi quam in verbo quaerenda. Nunc syllabam vnā proferant, quae testis sit huius, quam iactant conuersionis. At qui, nulli vsquam reperietur. Nimis ergo futilis est calumnia, quod nos cum Christi potentia in certamen, quod nullum est, committunt. Vanitatis porro Christum à nobis argui quam improbè mentiuntur? Pronuntiat Christus se corpus & sanguinem suum dare, panem ac vinum porrigendo: hoc totum recipimus, nec verò dubitamus, quin sua constet promissioni fides, quae certè cōstare nequit, quin res exhibeatur ipsa. Sed hoc est scilicet, nihili praesuis potentis aestimant quicquid & ore Christi proditum est, & solidam mysterij vim explicat, & totum, in quo acquiescit fides, spiritalis gratiae effectum continet. Hic vt plurimas absurditates non enumerem, vel magis errorum prodigia, quae ista transsubstantiatio peperit: quis omnino pius, & ritè eruditus in Christi schola, non eam vel hoc nomine detestetur? Quod cum proprium hoc habeat Coena Christi, vt in caelum nos attollat: simulac animis nostris in se derit hac persuasio, conuersum esse in corpus Christi panem, deorsum mentes in terrā flectit, quae in caelum assurgere debuerant. Ad se nos Christus inuitat. Quia tam altè conscendere non possumus: manum ipse praebet, & quae idonea nobis adminicula esse nouit, his nos iuuat, atque attollit in caelum vsque, vt scitissimè loquantur, qui Sacramenta scalis comparant. Iam fingamus, quod isti volunt: nō esse panē qui spectatur in sacra mēsa, sed inclusum esse Christum: quis non in terra, vbi se Christo potiri putat, defixus hāreat, non mente minus quam corpore? Ita fiet, vt signum, quod singulos corporis sensus exercere, ad mentem supra caelos erigendam, debuerat, hanc corporis sensibus alligatam retineat sub mundi elementis. Neque aliud hic dico, quam quod mundo accidisse notum est. Quotus erim quisque reperitur in Popatu, qui non ad externi signi intuitum sic obstupe scat, vt Christum in caelesti gloria quaerendum esse obliuiscatur?

Huic tam crasso stupori annexa est deterior etiāmm superstitio. Vbi enim adoratur Christus, nisi in pane? Atqui, si apud nos valeret Scripturae auctoritas, ita magnificè cogitandum erat de caelestis ipsius gloria, vt nihil carnale aut terrenum de ipso sentire nobis permitteremus. Si leue ducimus vitium, praeposteram Christi adorationem, corā Deo certè & Angelis execrabile sacrilegium censeri non desinet. Habenda est tamen Moderatioribus gratia, quod tacitum minimè reliquerunt quid sentirent. Poterant enim tacendo fallere. Sed cum meritò Christū in Sacramento adorari asserūt, his verbis admonemur, quid nobis sit praestandum, si subscribimus eorum decretis. Fateor certè, Christum, vbicumque sumus, esse adorandum. In Coena verò, cum se nobis fruendum offerat, ritè aliter recipi nequit, quam si adoretur. Sed hoc quaeritur: Sursumne, an deorsum respiciat nostra adoratio. Porro cum nihil illuc nisi caeliū geratur, etiam si in terra fiat: si velimus cum fructu ad participationem nos comparare, altius terris & mūdo exerēda sunt mentes. Deinde, cum in caelesti gloria reseat Christus, quisquis aliò se conuertit, eius adorādi causa, ab ipso discedit. Et quid illa valebit antiqua praefatio, vt sursum corda tollantur, quam hodièque in suis missis cantillāt Papiſta: si cultus noster in terra hāret? Sed ita necesse est omnibus accidere, qui semel labyrinthū sunt ingressi, vt in nouos magisque perplexos subinde flexus se proijciant. Proinde, Christum adoraturi, vt oportet, terrenam omnem de ipso cogitationem exuamus. Ita fiet, vt Coenam celebrantes, adoremus quidem ipsum quasi praesentem: sed animis in caelum sublatis, quò nos fides vocat, non in panem defixis: quod est non minus à recta fidei regula, quam à gloriosa Christi maiestate alienum.

Iam quod peracta Coena, manere nihilominus aiunt Christi corpus, quandiu panis consecratus seruetur: id addi oportuit, ut sibi in errore constarent. Quod enim transuolaret Christi corpus, si in locum panis semel subisset? Verum, qualem ijs religionem dicemus esse, qui tam puri in ijs assentiantur? Nisi quod potius simulant? Quis enim, nisi planè à Diabolo fasciatus, plus appetet in Sacramento, quam quod continent promissiones? Nunc expeadamus Christi verba. Certè non panem alloquitur, ut fieri corpus suum iubeat. Panis ergo non sibi, neque in se corpus est: sed nobis, quatenus nobis in spirituale symbolum offertur. Deinde cum inter se cohaerent mandatum & promissio: nostrum non est diuellere, quæ Filius Dei coniunxit. Quid autem ille? Priusquam nobis corpus & sanguinem suum promittat, iubet accipere, edere & bibere. Tollatur nunc communicatio quam præcipit: quæ amplius locum habebit quæ annexa est promissio? Corpus, inquit, suum nobis Christus porrigit, sed edendum: sanguinem suum propinat, sed bibendum. Tota ergo vis consecrationis ad nos dirigitur, non ad panem aut vinum: & quidem ad nos, mandato Christi obtemperantes. Hæc relatio melius ex simili patefiet. Paulus, Man cibum fuisse spiritualem testatur, & aqua ex petra profluentem similiter eundem cum nostro, spiritualem cibum. Clara verba sunt, sub diuersis licet signis eiusdem patres illos Christi fuisse nobiscum participes. Quis autem fando audiuit, lagenam Manæ, quæ seruata fuit, à pijs fuisse adorata? Imo cum furioso propè impetu ad omne genus idololatriæ protecti essent Iudei, nemini hoc venit unquam in mentem. Quid si aliquid inter edendum casu didicisset, an pedibus calcatum fuisse Christi corpus? Quid? cum putrescebat quod ultra iustam mensuram collectum fuerat, in vitium accidebat Christi corpori? Si quis aqua illa sedes lauisset, in infectus fuisset Christi sanguis? Quod terra Venus hauriebatur, quod potabant iumenta (nam aliunde nulla erat aquatio) quid erat præter aquam? Videmus ergo, signis nihil subesse, nisi eorum respectu, ad quos significatio pertinet. Atque hoc similiter refertur etiam quod de adoratione garriunt. Nam cum petram fuisse Christum testetur Paulus: non tamen ad id stupidi erant Israelitæ, ut se coram ipsa prosterneret. Verum ad causam, quæ nunc in maribus est, redeo. Volunt Mediatorese consecratione facta, remanere semper extra Coenæ usum, Christi corpus. Certè si quid valere debent coniecturæ, cum primam Coenam celebranti Christus cum Apostolis, probabile est aliqua panis fragmenta superfuisse: nec legimus eum qui postremus calicem accepit, totum ebibisse. Iussi enim sunt ex calice bibere omnes non exhausti. Ita factum esset, ut sanguis Christi temerè à quolibet obuiò sorberetur. Quid? cum panis vnus frangeretur in prima Ecclesia: an dicent reliquias in arculam fuisse conditas? Nò dum scilicet innotuerat hæc noua sapientia, quæ magica incantatione panem mutari fingit. Nos ergo Christi ipsius verbis inherentes, nihilominus corpus eius agnoscamus per panem nobis exhiberi, quam Dei gratiam extra eius promissiones. Neque enim corpus se dare pronuntiat, quod in ciborio inclusum, seruetur, sed quod distribuatur inter fideles.

Calicis usus, quoniam ab eo, nisi à grè, prohiberi nequeant, qui hætenus assueuerunt, quasi per veniam ab illis conceditur: eaque lege, ut consuetudinem sub vna parte communicandi longo tempore usitata, non reprehendant: deinde tandiu fruantur hoc privilegio, donec concilij decreto quid sibi agendum sit, intell. gant. Quid autem stabile erit in religione, si ita hominum arbitrio abroganda subiicimus, quæ Filius Dei statuit? Clarum est mandatum: Bibite ex hoc omnes. Puerili cauillo effugiunt, solus Apostolus ita locutum esse Christum, quos iam secerat sacerdotes. Quasi non communem omnibus regulam præscribat. Quid enim? An peculiare sacerdotibus Sacramentum instituit, ac non toti potius Ecclesiæ? Ac Paulus quidè, si quid dubitationis aliqui esset, id tollit, dum se Corinthiis, tam viris quam mulieribus, testatur quod à Domino acceperat, tradidisse: nempe, ut indifferenter omnes bibant. Quæren-

disne

disne erit melior interpret? Atque hunc cōmunicandi morē, vt erat à Domino traditus, plus quā septingentis annis in Ecclesia vsitatum fuisse notum est. Quinetiam extat edictū Gelasii, quo excōmunicatur, qui à calice abstinētes, partem alteram sumunt. Arceantur, inquit, ab integris, aut integra percipiāt: quia eiusdem mysterij diuisio, sine magno sacrilegio ad eos peruenire non potest. Eo deinde sacrilegiū, quod tātopere Gelasius detestatur, pro rūpere homines ausi sunt, nō superstitiosa modō abstinētia, sed tyrannica prohibitionē. Hanc diabolicā audaciā quis pius non vehementer horreat? Qui in eius defensione obtēdi solent colores, nihil quā malum duplicāt. Cū aliqua sanguinis interdū gutta effunderetur, huic periculo fuisse obuindū causantur. Ita, si illis creditur, quod ab aeterna Dei sapiētia non fuerat prouisum, soli animaduertunt: quod temerē ab illa vitium admissum erat, ab ipsis corrigi oportuit. Verū huic periculo iam antē occurrimus, falsam magici exorcismi opinionē diluendo. Et tamē etiā si instaret mille pericula, fus tamen esse nego, aliquid in perpetuo & inuiolabili Christi edicto mutari. Allegāt, totū sub pane Christum percipi: quia non diuidatur. Huius quoque cauilli facilis est refutatio. Sic enim in se integer est Christus, vt pro fidei tamen nostrae modulo, se nobis cōmunicet. Non frustra, certē sub pane corpus suū, sub vino sanguinem suum nobis offert: se enim hoc modo vitā in solidum nostrā esse testatur, quā cibo & potu constat. Non vt partē vitae modō, sed totā in se vitam nostrā quāramus, iubet Christus. Ad eā rē quia nos adiūmēto aliquo indigere nouit, cibi ac potus symbola nobis proponit: ac panē quidem porrigendo, carnem suam pro cibo nobis fore pronuntiat: calicē addit, vt in suo sanguine potum nos spirituale habere significet. Nunc cū se interponunt homines, & alterā partē nobis abūde sufficere iactāt, quia diuidi Christus nequeat: an in tā aperta mysterij euerfione sunt audiendi? Et sanē itā agendo, Christum quoad in se est, discerpunt, dum sacras corporis & sanguinis ipsius tesseras, quas indiuiduo nexu cōiunxerat, separare non verentur. Totum, inquit, Christū qui sub panis specie habet, eo cōtentus esse debet. Atqui, cū sub symbolis duobus, corpus nobis & sanguinem suum separatim cōmunicet: tunc demum cōtenti erimus si totum habeamus quod ipse dedit. Nā ad dimidium restringere, qui hominibus permittit, primum tantundem Christo derogat: deinde mysterium lacerando, vi eius se priuat ac fructu. Ac fortiter repudianda sunt ista quorundam astutorum hominum voces: quia res sit externa, non esse magnopere dignā audi. Nam cū pro adoratione idoli sui tot trucidant innoxios homines, vnde ista repentē oritur tantae facilitatis mentio? Nos verō in vindicanda sanguinis, quo redempti sumus, tessera, sanguini nostro, si opus fuerit, nō parcamus.

Vt Confirmationem pro Sacramēto vendit, nihil differre simulat à manu imponitione, qua vsos fuisse Apostolos refert Lucas. Quod si verum est: quī sibi licuisse ostendit, promiscuē nulloque delectu vulgare, quod certis dūtaxat hominibus destinatum erat? Neque enim Apostolos legimus manus omnibus imposuisse, sed hoc symbolum adhibuisse, tantū distribuendis Spiritus sancti donis: quae omnium fuisse cōmunia, ne isti quidē dicunt. Iam hoc ergo erit dissimile, quod Sacramētum, quo non nisi certos homines dignati sunt. Apostoli, peraequē omnibus, noui Mediatores exponunt. Iam cū fateatur Chrisma superadditum, cū sola manu imponitio in vsu fuisset Apostolis: cui se persuasuros existimant, tantum fuisse hominibus concessum, vt quam ipsis libuerit gratiam Spiritus signare, exhibeāt? Postquam septem numerarunt Sacramenta, vnum quodque ipsorum tradunt in nobis efficere quod figurat. Ergo si hominibus licuit, Sacramētum sine verbo Dei prodere, subiectum fuit eorum arbitrio, quod sibi vni Deus vendicat. Repugnat praeferre ipsa quoque Sacramēti definitio. Neque enim mihi negabunt, Sacramētis hunc propositum esse finem, vt quasi sigillum nobis sint, ad sciendas in animis nostris Dei promissiones. Quorsum ergo Sacramēti vsus, si nulla est promissio quā obfignet? Nulla autem reperietur, quam suae confirmati-

rioni aptare queant. In Sacramentis queritur diuini erga nos fauoris testimonium, cuius rei Deus ipse solus idoneus est testis. Quid tale adfert Confirmatio? Denique, quemadmodum probam monetam ab adulterina, forma publica discernit: ita ubique non cernam insculptum Dei verbum, illic Sacramentum falso iactari, securè excipiam. Audio, quid ex aduerso proferant Moderatores: quasque enim habemus de Spiritus gratia promissiones, huc accommodant. Sed hanc licentiam nimis proteruè sibi usurpant, ut quod Deus simpliciter promittit, restringant ad suas qualescunque ceremonias. Simplex est, nullòque signo implicitum, quod audio ex ore Christi, Spiritum fidelibus perpetuò adfuturum. Isti in oleo, quasi in theca Spiritum se inclusum habere fingunt, & sua vñctione depromi. Et interea quas ita deprauant promissiones, fundamenti loco sumunt, ne videantur sine ratione loqui.

At, cum ita credat Ecclesia: nos diunt illam negare columnam esse veritatis, si aliter sentimus. Atrox crimen, siquidem verum esset. Sed cum nomen Ecclesie non minus improbè, quàm audacter mētiantur, quid aliud quàm velut oppressæ veritati insultant? Ac quò melius barbaram suam ferociam prodant, commentum illud de septiformi gratia toties explosum, fidem Ecclesie appellant, de qua fas non sit dubitare. Iesaias sex enumerat Spiritus dona, quibus prædicitum fore Christum docet. Septimum nescio quomodo in vulgari translatione additum fuit. Quasi sublime aliquod subesset mysterium, septiformis gratia inde excusata fuit. Sed prius ex errore natus est septenarius numerus. Deinde, ut hoc taceam: cuius erit æquitatis, ad septem effectus, quasi in angustum cogere Spiritum Dei: cum alibi veritatis & sanctificationis, gratia, præcum, adoptionis Spiritus perinde nominetur, ut hic sex epithetis oratus est à Propheta? Si tanta est seculi nostri vel ingratitude, vel cecitas, ut iniquis præiudicijs causæ nostræ bonitas obruatur: at certè, maior in posteris erit æquitas, ut agnoscat quàm importunè in oues Christi innoxias grassati sint isti lupi, qui sibi Pastorum nomen arrogunt. Nihil est tã absurdum, nihil tam deformè, quod non hac vna fidiâ dealbent: Ecclesia, quæ optima est diuinæ voluntatis interpret, ita sentire. Ita cum si quis Episcopis confirmandi ius assignant, id cõprobatum esse addunt totius Ecclesie cõsensum: nepe, si eiusmodi cõsensus æstimandus est eorum libidine. Sed hoc etiã indignius, quòd iactare non verentur Apostolorum praxin. Tres duntaxat cum sint loci apud Lucã, ubi narrat hac ceremonia distributum esse Spiritum: non minus ipsi Paulo manus ab Anania fuisse impositas testatur, quæ alijs à Petro, Ioannã & Paulo. Quæ Ananiæ Episcopatu dabant, ne alieni arripuissent munus dicatur? Et tamen hæreticos esse nos clamant, nisi tam conuictis mendacijs assentiamur. Quinetiam dum gregarios sacerdotes in necessitate substituunt Episcopis (qua de re extat in eorum canonibus Gregorij Epistola) illam, cuius obtentu nobis illudunt, Apostolorum praxin, ostendunt sibi nequaquam esse pro lege.

Acto. 9.

Act. 8. 19.

c. peruenit, dist.

95.

At manuum tamen impositio seruanda est. Nam si credibile non est, ea nisi Christi mandato, vfos fuisse Apostolos, nobis instar legis est eorum observatio. Huic alteri quoque annexum est, inane symbolum non fuisse. Pro Sacramento igitur habendum esse cõfiscitur. Ego verò vtrunque istorum fateor. Sed quod minimè prætereundum erat, non cõsiderantes Mediatore nostri, cuius rei scilicet fuerit Sacramentum, ex tẽporali imperitè perpetuū faciunt. Gratiis Spiritus, quæ tunc conferebantur per manuum impositionem, aliquãtò post cõferri desuisse, notum est. Siue hoc mundi ingratitude factum fuerit, siue quia satis iam centiū ferè annorum miraculis illustrata erat Euãgelij doctrina: nihil ad præsentem causam refert. Ablatum certè nobis fuisse quod illo ritu indicabant Apostoli, omnes videt. Quorsum ergo, ubi finè veritas accepit, signum prorogabitur? Si quis hodie morè incubandi mortuis conetur inducere, quia & Helius & Paulus suscitandis mortuis hoc symbolum non temerè adhibuerint,

buerint, quis non statim repudiet tam præposteram imitationem? Sacramentum itaque Apostolis fuisse, nõ negamus: sed quod, re sublata, abrogatum sit. Quare, si eius retineri vsum volunt Mediatores, rem signatam prius nobis restituant. Et si autem fateor, cum cessassent miracula, retentam nihilominus in veteri Ecclesia consuetudinem manus imponendi, non est tamen cur hoc præiudicio grauemur, nisi proferatur certa Dei autoritas. Deinde, causam longè à veterum causa separatam agunt Mediatores. Nam cum fateatur Augustinus, nihil nisi solenne precationis esse symbolum: frustra eorum vmbra tegere se conantur, à quibus tam procul absunt. Nos quoque eiusmodi ritum vbique restitutum meritò optaremus, quo offerantur Deo pueri, post editam fidei suæ confessionem. Atque hæc esset non indecora catechismi approbatio. Sed quanlibet tum pia, tum vtilia sint hominum instituta, longè tamen infra Sacramentorum gloriam subsidant necesse est, quæ diuinitus sunt nobis tradita, & fœdus æternæ salutis habent in se comprehensum.

Iam verò recipi vñctio non potest, sine illis appendicibus, quas meritò exhorrevæ pñ omnes debent. Quid enim minus ferendum, quàm præferri Confirmationem Baptismo, vocæ rique dignius Sacramentum & maiori colendum veneratione? Has quidem tam tetras blasphemias callidè dissimulant Mediatores: sed cum oleum necessariò comitentur: quid capiat tali silentio, nisi vt nos sine sensu iugulet? Vñctio, secundum eos, ab Ecclesia prodijt. At eadem est Ecclesia, si ipsis creditur, quæ meretricios illos fucos induxit, eius oranda causa. Si assentiamur, annon meritò exprobrabit nobis Christus, irrita nos facere Dei mandata propter hominum traditiones? Quale verò Dei mandatum spernetur? Baptismus, lauacrum regenerationis, quo Christum induimus: Baptismus, testimoniũ adoptionis nostræ, ingressus in regnum Dei, ablutio in Christi sanguine, nouæ & æternæ vitæ exordiũ, oleo in hominũ torculari expresso cedit. Et nos Christiani iudicabimur, si non silentio tantum nostro, sed aperta suffragatione, locum dabimus tam iniquæ cõparationi? Decreuit etiam Concilium Aurelianense, confirmandos esse omnes qui baptizati fuerint, vt pleni Christiani inueniantur: quoniam Christianos esse negat, nisi qui oleo Episcopali inuncti fuerint. Hoc esse Ecclesiæ decretum, pro confesso sumunt Mediatores. Quid ergo & Apostolis & Martyribus vniuersis fiet, qui nunquam oleati fuerunt? Imo quid nobis fiet, si alium quàm ipsi habuerint, Christianismum appetimus? Neque enim tan in illos cõtumeliosum est, quàm nobis exitiale hoc dogma, quod nos ab eorum societate auellit. Aliam quoque diabolicam sententiã, quam euomit Concilium, nominatim confirmant Mediatores: tamen si paulò verecundius loquuntur. Sed quid refert, cum in eundem vtrique finem spectent? Hæc summa est: nos in Baptismo regenerari ad vitam: Confirmatione ad pugnam instrui. Hoc autem quid aliud est, quàm spoliare Baptismum dimidia virtutis suæ parte? Nam si illic induimus Christum, si in similitudinem mortis eius inferimur, vt carni mundoque mortui, resurgamus in vitæ nouitatem, quæ perpetuò duret: quis non videt Mediatores ad commentitiam suam vñctionem transferre, quod sub Baptismo continebatur? Nostrum ergo est, vitam potius nostram centies oppondere, quàm vt Baptismum nostrum ita lacerari, taciti ac dissimulantes sinamus.

Sacramentum Pœnitentiæ iam aliquæ ex parte excussimus, de confessione differendo. Tantum in præsentia hoc attingam, atrocem fieri iniuriam Deo, cum Sacramenti nomen absolutioni, qualem necessariam esse fingunt, imponitur. Omitto quod ita perniciosus laqueus iniicitur conscientijs, cum ad obtinendam peccatorum remissionem confitendi præscribitur necessitas. Hoc iam alibi dictum est. Sed quod hominis cum Deo reconciliationem obsignari absolutionis ceremonia volunt, hoc nimis arroganter ab hominibus fieri dico. Vnde enim tanta licentia, vt signum fabricent suo arbitratu, quod mox pignus sancienda salutis esse iubeat? Deus peccatorum remissionem nobis promittit: de ceremonia, nullum verbum. Isti ad sa-

cerdotem nos ablegant, qui manus agitatione nobis testetur peccata esse remissa. Quasi penes eos sit, mortis Christi virtutem suis placitis affigere. Ergo quanti æstimamus peccatorum remissione, tam seridò contendere nos decet, ne à ritu humanitus inuento suspèdatur eius fides.

Vnctione, quã sanandis ægrotis adhibuerunt Apostoli, sicut fatemur fuisse Sacramentum, ita negamus ad nos pertinere: quia pro ratione gratiæ cui seruiebat, temporale fuit. Donum sanationis non fuisse perpetuum, omnes norunt. Est enim ex eorum genere, quibus noua Evangelij prædicatione illustrari Deus voluit, donec fidem in mûdo acquireret. Itaque paulò post fuisse ablatum, ex veteribus historijs colligere licet. Testimonijs vi supernaculi foret in re notissima, adeoque cõfessa. Quid ergo sibi volunt Mediatores? Donum quod olei symbolo notabatur. Apostoli, si ultra eorum ætatē durasse obtendat, turpissima impudetiæ conuincuntur. Vulgare autē proverbium est. Accessorium sequi naturam principalis. Cõstituo igitur, ex quo res ablata est, nõ frustra modo retineri signum, sed nimis petulanter ludi in re seria: ut veri sint Apostolorum imitatores, dono sanationis præditos esse oportet. Nunc cum illo carētes, signum nil ilominus vsurpēt, nihil sunt quàm sumis. At Iacobus frater Domini nõ testimonio solum hanc vnctionē, sed promulgatione quoque sua celebrat. Nam hic rhetorica vehementia perquam tumultuosi insurgit. Ego verò Iacobi verbis suffragium meum libenter addo. Sed hoc illi consilium nego fuisse, ut quod effcax esse nouerat representanda Dei gratiæ symbolum, ad frigidam emulationē prostituere. Certum est autem, vnctores huius temporis nihilò magis eius gratiæ, de qua loquitur Iacobus, esse ministros, quàm rex olim fuerit histrio, qui personam Agamemnonis agebat in scena. Contemni gratiam causantur, quã hic Christus porrigit. Sed quam est illa. Quos vngebant Apostoli, teste Marco, simul sanabant. Nunc verò nulli nisi morituri vnguntur: ut parum absit, quin profanata vnctio censeatur, si quis ex morbo conualecat. Atque hanc cautionem repetunt Moderatores: ne ileum affratur, nisi cum instat mortis periculum. Verum, mihi respõdeant: cum hoc ægrotantibus leuamen indifferenter Iacobus assignet: qua fiducia ipsum restitunt ad periculosos lethalesque morbos? Si tantum illis est Iacobi autoritas, cur non dubitant ab ea discedere? Ut tamē illis impunita sit hæc licentia, qua fronte Iacobum obijciunt, cuius maximè verbis labefactatur quod stabilire volunt? Leuatum enim iri ægrotum testatur ille. Nunc quotusquisque oleo sanitatem recuperat? Vix centesimus quisque ab vnctione viuuit. Imo ne hoc quidem agunt, ut medeatur ægritudini, sed tantum ut pinguioribus ad sepulchrum mittant. Et nos adhuc crudelitatis accusant, quia solatium tam eximium laborantibus negemus? Quasi verò vnus sit aliquando visus, qui opus quicquid inde sensisset. Omitto quot præterea ineptijs referta sit histronica hæc vnctio: imo quot impijs superstitionibus turgeat: quia satis est in præsentia, eorum vanitatē monstrasse.

Manuum impressio, qua in suum munus consecratur ministri, quin sacramentum vocetur, non pugno. Sed hanc appellationem trahi ad septem, quos vocant, ordines, ut hæc nus receptum fuit in papatu, Mediatoribus placet nequaquam rationi consentaneum esse dico. Quinetiam quod de sacerdotio affirmant, iugatoriū est: eius scilicet honorem ac potestatem cõferri omnibus, quos ordinat episcopi. Principiò satis notum est, quorsum ordinentur in Papatu: nempe sacrificandi causa. Hoc enim habet solenne inaugurationis carmen: potestatem illis dari, placabiles offerendi Deo hostias. Atqui, nihil sibi tale à Christo fuisse mandatum, ostendit. Quamquam enim huius rei tractatio in primum locum melius differretur: vno tamen verbo sacerdotium, quid fingunt, euertere promptum est. Nam quos nullo Dei iussu præficiunt episcopi ad offerenda sacrificia, ijs Spiritum sanctum quo iure elicient? Nego totum sacerdotium Papale diuinæ vocationi inniti. Ceremoniam ergo, qua ordinatur, quomodo sacramenti nomine dignare? Ad hæc, dum iterum nobis perpetuam successionē insinuat fucosi Mediatores:

viciissima

Vicissim obuiandum est rursus eorum aſtutia: nam & legitimos cenſeri preſbyteros volunt, quicumque à cornutis Episcopis ſunt creati: & omnes excludunt à miniſterio, niſi qui fuerint eorum manu ordinati. Quanquam in priore quidem longè maius prædicant: nam inde ac ſinouas facerent creaturas, fingunt indelebilem characterem ab Episcopi benedictione imprimi. Et quidem operæpretium eſt notare quis ſit ritus imprimendi huius characteris. Quia ſtatu ſignificauit Chriſtus Spiritū, quo Apoſtolos donabat, quaſi Spiritum ſanctum efflarent ex gutture, Chriſti exemplum, more ſuo, hoc eſt, præpoſterè amulantur. Mutuantur & ex lege Moſaica, aliud: nempe vt digitos inungāt. Sed quis ipſos docuit in uſum reuocare, quæ ſuo aduentu Chriſtus abrogauerat? Hac in re, non modò præcepto deſtituuntur: ſed ne vetuſtatis quidem patrociniū, niſi falſò, obtendere queunt. Eſt enim vtrunque nouitium inuentum, quod purioribus ſeculis ignotum fuit. Si ius ſacerdotij, quo gloriantur, in perpetua ab Apoſtolis ſucceſſione fundatum eſt: ipſa primum origo inueſtigetur. Præcipua inter eorum ceremonias ea eſt, quam dixi: cuius authores eſſe Apoſtolos nego. Ab ipſo igitur initio ciſſet, vel vt propriè loquar, longè ab initio quod iactant, diſtat eorum ſacerdotium. Verum vt ad fontem perueniant: quoties tamè multis in locis interrupta fuit ſucceſſio? Quàm multis Eccleſias hæreticos præſuiſſe, eorum hiſtoria narrat? Tota ferè Germania bis, ante noſtram ætatem à ſede Romana diſceſſionem fecit, ſemel cūm diuortium facere cum vxoribus cogerentur preſbyteri: iterum cūm Gregorius ſepimus, Henrico quarto Imperatori infeſtus, Germanos, fulminando, vellent ab ipſo diuellere. Omittam recentiora exempla quæ per ſe expendēt ſani lectores. Quis enim rerum mediocriter peritus ignorat, vt tres Antipapæ ſuis factionibus Eccleſiam diſtraxerint? Ex duobus ſaltē neuter fuit qui nō plures ordinauerit Episcopos: à quibus rursus creati preſbyteri. Vbi cōtinua ſucceſſio? Verum his omiſſis, Ioannā papā ſamiraniſiāt oportet, ſi continuare ſuam ab Apoſtolis ſeriem volunt. Si excutiantur vetuſti annales, multas reperiemus primarias ſedes ab hæreticis fuiſſe occupatas. Tot interruptiones diſſimulando, nihil proficiūt. Vt ad propinquiora tēpora redeā. donec Baſiliēſe Conciliū probauerint nō legitimū fuiſſe, ſemper obtinebo, neminē eſſe in toto clero Papali nō ſchiſmaticum. Omnes enim ab Eugenio ducunt originem: quem ſynodus non modò abdicauerat Papatu, ſed cum ſua vniuerſa ſecta, hæreſeos dānauerat ac ſchiſmatis. Scio quid reſpondere ſoleant. Quod enim illis vnicum reſtat aſylum: fortiter ſynodi illius authoritatem repudiant. Sed cūm habuerit quaſcunque ipſi legitima ſynodi præſcribunt notas, quanti valere debeat iſta reiectio, p̄i lectiores aſtiment.

Atq; vt nihil horū eſſet, nego ſub toto Papatu vnū eſſe verè Episcopū: niſi forè titulo & inſignibus in tāta rei probatione cōtenti ſimus. Nō dico nūc, cuiusmodi ſint inſignia, quibus ſibi reuerentiam cōciliant: norūt tamè p̄i omnes, proſanas eſſe laruas: quarū aſpectū obſtupescerēt Apoſtoli, ſi viuerent. Fingamus tamè, ſi veritas ſubeſſet, alioqui cōuenire, an tamè ex inani ſpectaculo Episcopos indicabimus? Nihil enim præterea episcopale habēt, niſi quòd pauci ſuggeſtū interdū conſcendunt: vt, vna atq; altera habita cōcione, velut defuncti, toto anno aliud agāt. Alios arceat inſcitia: bona pars neſcio quid ſua dignitate inferius eſſe putāt, verba ad populū facere. Quanquā vix centeſimus quiſq; reperietur, qui poſſit docēdi munus obire, quin ſe ludibrio exponat. Fingamus tamen, ſilendo & nihil agēdo ſucceſſores eſſe Apoſtolorū, quotus quiſq; eſt eorū, qui preſbyteros ſua manu creare dignetur? Nōne putida mendicabula, vt plurimū, in has partes ſubrogāt? Deus bone, quò recidimus?

Si tantum ludibrium in Ecclesia valere debeat, ut qui voto perpetuae paupertatis obstrictus, mendicando ac fallendo corraferit aureos trecentos, bullamque hoc pretio mercatus fuerit, quae eum Aſcalonitae episcopum nominet, subito emergat. Apostolorum successor, qui passim creandis presbyteris locet operam, ne interdicat Ecclesia successio? Si hanc tam foedam sacri ordinis confusionem intueantur Apostoli, quid in ea suam agnoscent?

Quid, si ad canonicas electiones eos reuocem? Nec iam loquor de Christi regula, quae tamen una sufficere nobis deberet. Tantum quaro, siue iustus is habendus veriri episcopi successor, qui aut per vim obtrusus, aut per simoniam inductus fuerit, aut profano more emerſerit ad episcopatum. Hoc posito, de electione Papae sui, mihi respōdeant, num affine quicquam habeat, non dico Veteri & nimis rigidae formae, sed Nicolai praescripto, quod Gratianus refert. En Nicolaus, qui iam immenso intervallo à pura ratione descuerat, eligendi modum tradit, qui vnicuique tolerabilis esse queat. Si summo iure agatur, tunc quoque interrupta erat series. Quid autem hodie sit? Nihil dicam, nisi quod omnes norunt: nihilo magis Cardinales in eligendo Papa respicere, quid illud Nicolai decretum praecipiat, quam Diaboli in suis inferis tumultuantes, loquentem à caelo Deum audiunt. Quid de episcopis vniuersis sentiendum? Verba sunt Leonis Ro. episcopi: Qui omnibus praesse debet, ab omnibus eligatur. Nam, qui nisi probatus & cognitus assumitur, per vim intruditur. Ac quoties eius rei facit mentionem, negat verum esse episcopum, nisi qui à clero electus, & à plebe expetitus fuerit. Nec aliter pluribus locis Gregorius. Si haec sententia locum habet: praedones se fateantur esse oportet, quicumque hodie vocantur in Papatu episcopi. Nemo enim quanuis impudens, se à populo expetitum fuisse dicit. Quod ad clerum spectat, iam pridem inualuerat haec antiqui moris corruptela, ut soli otiosi ventres, qui se canonicos appellat, suffragia venderent. Nunc Regum esse beneficia coeperunt episcopatus. Huc accedit manifesta simoniae foeditas. Qua enim commendatione, ut plurimum, nunc ad honorem peruenitur? Ego sanè longa recitatione adeo non delector, ut tam flagitiosa Christiani nominis probra vel attingere pigeat. Bene tamen habet, quod me tacente, res loquitur, nihil ab ordine Apostolorum magis discrepare, quam talem grassandi licentiam, qua hodie Episcopatus occupantur. Cum Apostolus disputat, qualiter secundum ordinem Melchizedec constitutus sit pontifex Filius Dei, diligenter similitudinem persequitur, sine qua non constaret illa à Dauide posita comparatio. Nisi velint singulari quodam nouoque privilegio se extollere supra Filium Dei, ostendant quomodo ad rationem Apostolicam compositi sint hodierni episcopatus. Nepe inter hos & illam optime conueniet si is qui plebem commissam tota vita nunquam videt, si puer decennis, si leno, si aleo, si venator, in omni nequitia exercitati, omnis & pietatis & liberalis doctrinae expertes, Apostolorum personam sustineat.

Aliud etiam nunc exoritur maius certamen: nam si eos cōstet inſensibiles esse eius doctrinae hostes, quam Apostoli non modò prodiderunt, sed proprio etiam sanguine obſignarunt: si omnia eorum consilia, conatus omnes, totumque institutum huc tendere palam fiat, ut quod summis laboribus cōstituerunt Apostoli, ex professo euertat: quid amplius volumus? Detur modò nobis audientia, facile ostēdemus, vix ullam esse sanæ doctrinae partem, quam non suis corruptelis infecerint. Hoc quidem obtinebimus: purum Dei cultum impijs superstitionibus ipsos cōtaminasse: infinitis erroribus implicuisse tum fidei, tum poenitentiae doctrinam: Christi virtutem ac gratiam non obscurasse tantum varijs tenebris, sed propemodum extinxisse: adulterasse indignis modis

sacra-

Dist. 23. c.
In nomi-
ne.
Dist. 79.
c. si quis
Apostoli-
cae.
Epist. 90.
Epist. 87.
& alibi.

sacramēta. Id iam totos triginta ānos egerūt Christi serui. In eodē hodie cursu per-
gimus. Nihil dico, cuius libri nostri nō sint luculenti testes. Boni viri vbi se plus-
quā conuictos, & lethaliter confossos vident, negāt Apostolorū successoribus exhi-
bendā esse molestiam. Atqui, huius rei cognitio ex doctrinā discusione petenda e-
rat. Ad eā vtrō ipsos, freri bonā causā fiducia, prouocamus. Ne respondeant, præ-
iudiciū de hoc ipso fieri volunt, quod in quæstionem vocatur. Itāne? Vt qui omnia
Apostolis habent contraria, sola tēporis continuatione se eorū tenēre locum, vicēsq;
agere probent? Atqui eodē colore, qui homine iugulato, in eius domū inuclauerit,
se illius iactabit esse vicarium. Multo plus à ratione illa gubernandi, quam nobis A-
postoli cōmendant, distat Papatus, quā à libero ac bene cōposito libertatis statu
tyrannis, quanuis seua & truculenta. Quis iam tyrannū ferat, Cōsularis aut alterius
legitimi magistratus, quē ipse sustulerit, nomine gloriantem? Nihilo autem minor
est istorum impudentia, qui postquam sanctum illud regimen cum Christi iussu, tum
Apostolorū vsu constitutum, labefecerunt, eius tamen successionem suæ tyrannidi
obtinent. Nam vt maximē continua fuerit temporis series, si tamen interciderit
Apostolatus: quod lacerato Dei cultu, sepulto Christi officio, extincta doctrinæ lu-
ce, pollutis sacramentis necesse est: quā manere potest successio? Nisi fortē, quod si-
cuti mortuo heres succedit: ita isti pietatis interitu partā sibi dominationem putant.
Sed cū totam gubernandi rationem penitus mutauerint, magis profundum est in-
ter eos & Apostolos chasma, quā vt vlla iuris communicatio intercedat. Atque
vt locum hunc vno verbo claudam, nego esse successionem, cuius rei nulla est origo.
Nego item sacrificandi munus, quod in suo sacerdotio præcipuum numerant, vn-
quam fluxisse ab Apostolis. Quare alios iam quærant ordinis sui auctores.

Quod autem, eodem prætextu, os occludunt pijs omnibus, qui Ecclesiæ instau-
rationi student, quasi ad docendi munus ritē non sint vocati: eo nihil assequuntur,
nisi vt totus mundus intelligat, non aliter stare eorum tyrannidem posse, quā ve-
ritate oppressa. Verum est quidem, in Ecclesia bene ordinata, nullos ad publicum
docendi munus esse admittendos, nisi qui per ordinarios pastores vocati fuerint.
Sed quid hoc ad Papatum? Nisi ad Antichristum Christi potestas transferatur?
Dederunt Apostoli operam, vt par erat, propaganda ad posteros Ecclesiæ. In hunc
finem, creatos populi suffragijs pastores ordinarunt. Postea, vnā cum doctrinæ pu-
ritate, iusta eligend ratio obsoleuit. An nemo erit iustus Christi minister, nisi qui
per corruptelam obrepserit? Successionem, quam sibi tanto supercilio arrogat, iam
illius eripui. Meminerimus præterea, cum sacrificos sua inauguratione creent, non
pastores, illigari sacrilegio, quicunque illorū ordinari manu, sustinent. Nemo igitur
poterit, nisi malo detestandōq; auspicio, ad promouendū Christi regnum accedere?
Imo, inquiūt, vtcunq; pessum eant omnia, nemo, nisi vocatus, accedat. Iā sum præfa-
tus nihil esse controuersia, quin vbicunq; incolumis, aut saltē tolerabilis est Ec-
clesiæ status, expectanda sit ordinaria vocatio. Sed an propterea lex Deo imposi-
ta est, quin extra ordinem, qui collapsam dirutāque Ecclesiam restituant, Prophe-
tas ipse excitet suo spiritu, ac alios ministros? Sed enim, inquiunt, id accidere nun-
quam patietur Ecclesiæ perpetuitas. Ego sanē concedo, fieri nunquam posse, vt Ec-
clesia intercideret. At cū ad pastores referunt, quod de perpetua Ecclesiæ duratio-
ne promittitur, in eo vehementer errant. Neque enim si desint pastores, ideo pro-
tinus desinit Ecclesia. Tunc quidem, fateor, verē & stat & floret, cū in vnum

Eze. 34.
Iere. 3.
& 33.

ouile colliguntur oues: quod nisi pastorum opera fieri nequit. Sed experientia docet, interdum dissipatas etiam oues seruari arcana Dei virtute. Latet, inquam, interdum Ecclesia, fugitque hominum oculos, ut frustra externum in ea regimen aut principatus quispiam requiratur. Itaque abrupta episcoporum successione, stat nihilominus Ecclesia perpetuitas. Si nondum intelligunt, de nihilo se proteruire, quæro ubi nam legerint, oportere ad finem usque mundi, continua serie alios succedere alijs episcopos. At nos legimus, cum olim sacerdotum partim in scitia & ignavia, partim perfidia & scelere, vitiatum esset Dei cultus, inculta iaceret sacrarum administratio, peruersa esset pia doctrina, Ecclesia propè cecidisset, extraordinario Dei afflatu suscitatos fuisse Prophetas, qui res perditas restituerent. Quid obstat, quominus idem nunc quoque præster? Et sanè, ita necesse fuit. Nec verò minus ad nos, quam ad veterem populum quod habetur apud Ezechielem & Ieremiam, pertinet: Deum, ut improborum pastorum nequitiam ulciscatur, illis depulsis, probos daturum ac fideles, qui secundum eius voluntatem pascant. Tamen si enim tales quotidie dat per hominum vocationem: singulare tamen est donandi genus, cum cessante hominum opera, solus ipse constituit quos & necessarios esse, & hominum iudicio præteriri videt. Iam si quod in nos vibrant telum, quispiam in ipsos retorqueat, quo se clypeo defendent? Suggestus ferè omnes apud ipsos occupant monachi, vel conductitij alij rabulæ, qui declamitare, rixando in suis Sorbonis, didicerunt. Quæ est omnium istorum vocatio? Certè non aliam proferent, nisi quod cum muti essent episcopi, cum toto sacerdotum suorum grege, alienos in locum suum subrogarunt. Sed cum noua sit ista substitutio, saltem plus octingentis demum annis post etatem Apostolorum nata: desinant horum nomine tam impudenter abuti. Qui nobis hoc tempore facere prætulerunt, ut à diuturno errore in viam rediremus, sanctos Dei Prophetas fuisse, testatur præclarum, quod ediderunt, & verè diuinum ministerij sui specimen. Ad hoc beneficium Ecclesia præstandum nunquam vocati fuissent à lupis, qui vorandi perdendique rabie ardebant. Ergo ad sanandum malum incurabile, præsertim cum visitata remedia deficerent, Dei ipsius manu ad opem ferendam emitti oportuit: quos libenter totus mundus impedisset. Nunc idem lupi, qui ouile obsidebant, nos iniussu suo queruntur esse ingressos, turbatumque à nobis fuisse ordinem clamant: quia non expectato suo mandato, succurrere miseris ouibus quisque nostrum, ut par erat, pro sua virili studuerit. Ceterum, ex quo res in meliorem paulò statum nostris laboribus sunt restituta, sanctius longè apud nos, quam in toto papatu, colitur manuum impositio.

Venio nunc ad ordines reliquos, in quibus recensendis vulgarè consuetudinè sequitur nostri Moderatores, ac singulis nomē sacramenti aptant. Minus hinc ero prolixus, quam meretur rei indignitas. Nam breuibz ostendere promptum est, quam impudenter à nobis postulemus, ut sacramenta esse fateamur. Taceo, quod in toto papatu ordinatur diaconi, & inferiores: non qui officium exerceant, sed quicunque presbyterum honore ambiunt: ad quem gradatim conscendere iubent ipsorum canones. Etsi inuenta est expedita transiliendi ratio. Vno enim die minores omnes tituli in unum hominem congeruntur. Denique nullæ ab histrionibus tam ludicra fabulæ aguntur, quam spectare in illa ordinandi pompa licet. His flagitijs quasi nondum opportuna esset correctio, conuiuent boni Moderatores. Ego autem, ut hæc taceam, ferendum esse nego, ut sacramenti nomen ad actiones nescio quas transferatur, ad quas nulla pertinet Dei promissio. Nam ut quispiam templi foribus præficiatur ad fugandos canes,

quid

quid opus est fingere sacramentum? Exorcistarum verò, quamnam est hodie opera? Nam quod in alijs solent, hinc ne simulant quidem. Et tamen malè de Ecclesia mereri pronuntiāt, quisquis eiusmodi ordines vel spernit, vel tollit. Sed qui persuadeāt, reuerenter esse excipiendum, cuius ne inanem quidem umbram fallēdus oculus ostentant? Umbratiles enim & nihili exorcismos soli in Papatu sacrifici peragūt. Acoluthos creāt: hoc est pedissequos. Tantāne est in Episcopo comitando maiestas, ut excudendum fuerit spirituale mysterium? Certè nihil eos pudet, cū sacramenti nomen prostituunt ad tales nugas. Ac notandum est, hanc inter nos quæstionē verti. Neque enim di gladiamur de Acoluthis & Ostiarijs, expediātne eos habere necne. Sint sanè hæc vtilia rudimenta exercendæ eorū adulescentiæ, qui ad Ecclesiæ regimen aspirāt. Tamen si nihil tale visitur in Papatu, & si quid olim fuit boni, iam pridem in desuetudinem abiit. Verūm ut illis demus quod de vtilitate postulamus: nimia tamen audacia, ne dicam sacrilegiū, fuit e mentiri nomen illud, quod non nisi cœlitus institutis diuinæ gratiæ symbolis cōuenit. Quam profanationem si audaciter Luterianici homines, redimendæ paci gratia, se approbare simulant: quotquot serio Dei timore praditi sunt, eos retinebit conscientia, ne assentiantur.

Vltimum illis sacramentum est Matrimonium: idque, ut aiunt, ob Christi gratiam, quæ ei nunquā deest. Verūm hæc ratio ad quoduis honestum & Deo probatum viuendi genus extenditur. Ergo sacramentum erit agricultura, pecuaria, & artes omnes, aut quæ ingenuæ vocantur, aut mæchanicæ: quarum nulla est, quam Deus sua benedictione non dignetur. Videmus ergo quā pueriliter ineptiant. Sed additur altera ratio probabilior: quia cum sacra spiritualique societate, quam habet Christus cum Ecclesia, confertur matrimonium. Quasi verò non & pastori, & agno, & leoni, & soli, & lapidi comparatur Christus ipse: & Deus bellicoso principi, & procellæ, & flammæ ardenti? An totidem igitur erunt sacramenta, quot occurrunt in Scripturis similitudines? Atqui hoc modo furtum in ordine sacramentorum censebitur, quia legimus, furi similem fore diem Domini. Multum itaque abest, quin sacramentum nobis conficiat nuda similitudo. Nec verò in eo hallucinati sunt primi huius commentii auctores. Sed cū apud Paulum, ubi de matrimonio differit, in clausula legissent Sacramenti nomen, inconsideratè arreptum, fingendo nouo dogmati sufficere putarunt. Nec interea venit illis in mentem, Paulum illic mysterij nomine, simpliciter commendare inestimabilem istam gratiam, qua nos prosequitur Filius Dei, cū in suum corpus inserit. Ergo ut eius admirationem excitet, magnum exclamat arcanum esse. Id enim sonat Mysterij nomen, quod posuit: cuius loco vetus interpret, ut aliàs quoq; in eadē epistola, transtulit Sacramentū: sed minime cogitās quod indocti homines postea somniarunt. Ex hac tam crassa ignorantiæ natus error nimis impudēter a Moderatoribus defenditur. Verūm, quò magis videmus nasutos homines securè illudere Dei verbo, ut Antichristus adulentur: eo maior religio cōstringere animos nostros debet, ne qua tāta impietatis societate nos illigemus.

Hinc, ut error errorē secum trahit, colligūt, nec solui cōiugij vinculum, adulterij causa: nec audiendos esse, qui ratam esse fidem negant, quam sibi absque parentum consensu, adulescentes ac puellæ mutuo dederint. Primum, quod dicunt, ex falsa & peruersa verborum Christi interpretatione fluxit. Nam cū affirmat mœchari eum, qui repudiata ducit, subaudienda est exceptio quam posuerat: nempe, nisi ob adulteriū. Et sanè, frustra de mulieribus adulteris cōcionatus esset, quarū diuortium

sequebatur capitalis poena apud Iudeos. Quod si non magno periculo errarent, dum ita peruertunt Christi verba, ignosci forsitan vixique ipsis posset: verum, hic salus virorum agitur, qui adulteros uxores è contubernio suo pellunt. Illi æqui Moderatores imperant perpetuū cœlibatum. Quid si uxore indigeant? Sine remedio scilicet, æstua bût tota vita: vt animæ exitio pœnâ luant alieni sceleris. Ita vir Christianus, aut fouere adulteria, probrâq; vorare impudicæ uxoris cogetur, aut crudeliter addicetur perpetuæ inquietudini, siquidem incontinentiæ morbo laborabit. Cùm miseris conscientijs tam malè consulant: an nostro assensu inhumanam eorum tyrannidem adiuuabimus? De sponsalibus, quæ temerè ab adulescentulis contrahuntur, hoc tantum dicam: verbo negari posse, quod verbo asserunt Moderatores. Quis enim rata esse debere illis reuolauit? Parentum auctoritatem requiri, ipsa quoque natura dicat: idque & iure gentium obseruatum semper est, & Scripturæ testimonio comprobatur. At sacramenti, inquiunt, dignitas, præferenda est iuri patrio. Vt sacramenti nomine abuti illis permittam: plusquam absurdum est, in sacramenti honore poni, cùm perperam & inordinatè aliquid geritur: nam quò plus habet dignitatis coniugium, eò maiore & modestia & religione suspiciendum erat. Quod si honor est sacramenti talis indulgentia: cur in sacerdotum & monialium coniugio non sunt perinde faciles? At obstat votum. Nempe quemadmodum hic obstat ius naturæ: quod perfringere non dubitant.

Quod vnicum esse Christi sacrificium agnoscunt, quo expiata sunt peccata, & reconciliati homines Deo, vtinam in eo perstarent. Sed paulò post ostendunt, non aliud sibi fuisse consiliū ita præfando, quàm vt speciosum missæ suæ colorè induceret, quò illius vnici sacrificij applicatio censeatur. Caterum, quibuscunque eâ fucus ornent: nunquã tamen efficiet, quin filijs Dei omnibus detestabilis sit meretricia eius fœditas. Verum, vt certo ordine progrediamur: ab illo generali capite initium sumendum est, vbi sacrificia, vnici illius applicatoria esse docent, cordis humiliationes, & pietatis causa susceptas carnis afflictiones, & quæ sunt eius generis. Quæ ista est vel incogitantia, vel obliuio, vel stupiditas, vt fidei sacrificium prætereant? cuius athen præcipuè in hac applicatione sunt partes? Parū dico: neque enim aliter quàm fide, vim mortis Christi percipimus. Alia verò sic fidem comitantur, vt sint quasi appendices, & ab ea mutuentur quicquid habent. Fidẽ certè eximium esse sacrificium, ex Paulo constat. Idem docet, ea nobis reconciliationem applicari cùm Deo, quam nobis morte sua Christus peperit. Accuratam eius rei tractationem cùm se persequi Mediatores præferant, qui sit vt prorsus sileant de fide? Nã ea propriè sola est, quæ omnia pietatis exercitia sanctificat. Deinde à quo didicerunt, carnis afflictionibus, quas modicè prodesse testatur Paulus, partam morte Filij Dei gratiam nobis applicari? Adminicula sunt fateor, quæ nos ad quærdam in Christo peccatorum remissionem manuducunt: sed stultè inde colligitur, per ea nobis applicari Christi sacrificium, quasi ieiunijs, aut alia quauis externa carnis afflictione ad ipsam salutem. Audio quid Dauid dicat: sacrificium scilicet Deo gratiū esse, contritum cor, & humiliatū: sed eo nobis applicari quod Christus, ad nos Deo reconciliandos, obtulit sacrificium, neque ipse, neque vllus vel Prophetarum, vel Apostolorum docet. Tantum abest, vt hoc honoris mereantur externa opera, quæ longè inferiore loco subsidunt.

Fateor tamen Mediatores alio post loco, quasi expergefactos tandẽ fidei recordari. Sed qualẽ tunc quoq; fidẽ nobis fabricant? Quæ in missæ sacrificij intueatur.

Proinde

Proinde meritò eam cū deuotione copulant: quando execratione diſonus eſt, qui auerſus à Chriſti morte, huc vel illuc, ſalutē quæritans, circumſpectat. At ſacrificiū miſſæ à Chriſti morte pendet. Hoc verò iam expendamus. Chriſtus, inquit, ut corpus ſuū fidelibus eden dum obtulit, ita eius offerendi, mandatum dedit Apoſtoliſ, quos inſtituebat nouæ legis ſacerdotes. O putidam eorum ἀλαζονείαν, quos ego noui eſſe huius inſulſæ farraginis opifices! Vbi enim præcipitur oblatio? Reſpondent, vbi dicitur: Hoc facite. Cū ante annos viginti Clithoueus & ſimiles beſtiæ ſacrificium ex hoc verbo elicerent, verſumque in eam rem citarent Virgiliſ, Cū faciam vitula pro frugibus: nemo erat medicri iudicio præditus, qui non videret argumenti leuitatem: gnoſcebatur tamen eorum ſtultitia, quia balbutiebant de rebus ignotis. Nunc autem mente captos eſſe oportet, qui in tāta luce vomere tales ineptias non dubitant, quas & ſe cum intus vident ipſi, & alijs non ignorant ridiculas fore. Sed tamen, quaſi res ſit conſideratione digna, animos aduertamus. Facere, verbum pontificale eſſe dicunt. Fateor. Sed quid idiomate loquutum eſſe Chriſtum putant? neque tamen hīc cardo vertitur. Faciendi enim verbum, vbi de ſacrificijs agitur, interdum Hebræi uſurpant. Tantum nunc diſputamus, quo ſenſu Chriſtus dixerit: Hoc facite in memoriam mei. Nondum hunc ſoluit Paulus optimus interpres, hæc duo ſimul contexens: Hoc facite, quotieſcū que biberitis. Quid enim agerent aliud diſcipuli, quàm quod ſuo exemplo præmonſtrauerat Magiſter ipſe? Imo, quis non videt, referri hoc ad ſuperiorem ſermonem, vbi iuſſi fuerant accipere, & inter ſe communicare? Quanquam audita Pauli interpretatione, fruſtra de re indubia litigamus. Quòd ſi nondum acquieſcunt: quia dictum id fuerit Apoſtoli�, quos fuiſſe ſacrificos imaginantur, reſpondeant mihi velim, quòſnam alloquebatur Paulus, cū eadē verba repeteret. Nonne poſtquam toti Corinthiorum Eccleſiæ, viris promiſcuè ac mulieribus, ſe tradidiſſe præſatus eſt, quòd à Domino acceperat: hoc ipſiſ faciendum mandauit? An ita contumelioſe lacerare Chriſti verba ſibi permitterent, niſi Epicureo contemptu inflati, deſpectui haberent omne numen?

Simile eſt quod iactant, priuſquam ſub panis ſpecie porrigeret corpus ſuum Chriſtus diſcipuliſ, obtuliſſe Patri. Vndè enim id eſſe factum diuinant? Res ſanè digna erat, cuius fieret aliqua mentio. Atqui, ſic rexitur ab Euangelistiſ hiſtoria: quòd acceperit panem, fregerit, ac dederit. Quo igitur ore, quòd nuſquam inuenitur, nullumque habet colorem, ſic affirmant? Si omnes adducerent coniecturas: cauſæ tamen magnitudo non permetteret, quicquam inde ſtatui. Verum, cū ab omni veriſimilitudine abhorreat quòd nugantur, quis non fortiter reſpuet? Negant aliqui ſtare illud, quòd Chriſtus ſacerdos ſit ſecundum ordinem Melchizedec. Scio non eos primū nunc impingere ad hunc lapidē. Verum, ſi rem, omiſſis hominibus conſiderare libet, id vanitate ipſa eſſe vanius, mox conſtabit. Narrat Moiſes, obtuliſſe Melchizedec Abrahæ panem & vinum. Qui ſacræ oblationem & myſticam illic piſcantur, intelligūt obtuliſſe Deo. Atqui, ſimul ac meminit illic Moiſes, ipſum veniſſe Abrahæ obuiam, ſubiicit, obtuliſſe, vel attuliſſe panem & vinum. Cū verò membrum quòd mox ſequitur, cauſa redditionem eſſe putant, nihil aliud quàm duplicant errorē. Adducit quidem Moiſes: Et erat Sacerdos Dei altiſſimi. Sed hoc ad ius benedictionis pertinet: ut ſciamus, ex officio perſonæque ſacerdotali, Melchizedec Abrahæ benediſſe. Hactenus nullum cernitur in Melchizedec panis ſacrificium. Sed accedit validius argumentum, quòd Apoſtolus, dum ſingula propè ſcrupulſe excutit, in quibus conueniat hæc ſimilitudo, nihil tale attingit. Nomen & ſedem regni, regnum & ſacerdotium diligenter notat: deinde quòd tanquam à ſeipſo ortus, nullam habeat genealogiam, quæ quidem ſit ſcriptis prodita: quòd Abraham illi, tanquā præſtantiori minor de cimas obtulerit. Denique,

quodiure sacerdotis benedixerit *Abrahæ*. Si quod fuisset in pane mysterium, nihil ad causam, quæ illic tractatur, aptius adduci poterat. Oblivione certè non præterijt Spiritus sanctus. Quæ sit ergo ut fileat? Nempe, quia intempestivè ingerere noluit. Quanquam mirum est, eos quærere in pane figuram, qui panem in corpus verum antè esse dictitant, quàm offeratur. Quomodo secundum eos respondebit figura veritas, si nullus in sacra Coena est panis? Sed hoc nobis in præsentia sufficiat: nihil illis suffragari panem à *Melchizedec* oblatum, quia rem à Spiritu sancto minime animaduersam comminiscuntur.

Arripiunt & tritam istam *Malachia* sententiam: In omni loco offeretur nomini meo, inter gentes, oblatio munda. Quasi verò non aliud sit quàm missæ sacrificium. Atqui, si locos omnes novi Testamenti recenseamus, qui de sacrificio tractant, nusquam inueniuntur missæ. Annon oblatio munda est, cum per Euangelium consecramur Deo? cum se quisque nostrum carnis mortificatione illi offert? cum vitulos labiorum immolamus, ut inquit alter Propheta? Cur ergo posthabitis sacrificijs omnibus, quæ nobis Scriptura commendat, ad solam missam, de qua nullum vsquam verbum, se conuertunt, nisi quia in omnibus sunt præposteræ? Caterum, cum sanis omnibus cõstet simpliciter, more prophetico, designari hîc sub sacrificij nomine, Dei cultum: quid de nihilo argutari prodest? Mos hic Prophetis perquam familiaris est, ut sicut illi somnia & visiones, Deinotitiâ significant: ita templû, altare, suffitus, & sacrificia accipiant pro cultu Dei. Hinc autem nata istæ loquendi ratio, quod doctrinam suo seculo accommodabant, quo scimus inuolutum talibus ceremonijs fuisse Dei cultum. Denique, eiusmodi locutiones, cum legis pædagogiam sapiant, elicienda nobis inde spiritalis veritas, quæ sola ad nos pertinet. Iam satis superque apparet calumniæ ose citari *Malachiam*, quasi de missa vaticinetur, cum nihil minus cogitauerit.

Nec veterum sententias moror, quas ad obruendâ veritatem huc congeriunt Moderatores. Solenne est nebulonibus istis, quicquid vitiosum in patribus legitur, corrådere: ac si quis solam auro neglecto scoriâ: & abiectis granis, quisquiliis studiose legeret. Cum ergo obijciunt locum *Malachia* sic ab *Irenæo* exponi: oblationem *Melchizedec* sic tractari ab *Athanasio*, *Ambrosio*, *Augustino* & *Arnobio*, breuiter responsum sit: eosdem illos scriptores alibi quoque Panem interpretari Christi corpus: sed ita ridiculè, ut dissentire nos cogat ratio & veritas. Nã inducit *Ieremias*, impios qui aduersus eos conspirauerat, ita loquentes: Mittamus lignum in panem eius. Perinde hoc valere notum est, ac si dixisset: Strangulemus eum pane suo, vel aliquid simile. Veteres hoc ad Christum trahunt: & allegoricè ut dixi, Panem interpretantur, Corpus, quod ligno fuit affixum. Desinant ergo boni Moderatores veterum sententijs pugnare in mala causa. Iam antè ostendi, quo sensu dicatur *Melchizedec* obrulisse panem: res clara est: deinde silentium Apostoli vice probationis esse nobis debet: quia nunquam prætermisisset quod tam appositè dicturus erat, siquidem potuisset verè dici. Nõ est ergo quod vel *Ambrosium*, vel aliûquempiam ex tota veterum cohorte acutius vidisse putemus, quàm ipsum Apostolum: nisi tantum illis perspicaciæ tribuere libet, ut mysteriû cognouerint, quod Spiritum Dei per os Apostoli loquentem fugit.

Cum omnibus in causis colenda est ingenuitas, tum verò cum de religione agitur, callidè aut etiam dissimulanter agere, fas non est. Aduersarij nostri, quoniam nos Dei verbo armatos vident, hinc inde captant quæ possunt testimonia, multaque suis cauillis deprauant, ut obiecto antiquitatis fumo, diuinæ veritatis lucem obscurent. Interea quantum ab antiquitate ipsi dissideant, nolunt inquiri. Palam tamen est. Cuius rei in missæ sacrificio illustre specimèn habemus. Ut vulgares *Sorbonistæ* omittam, Mediatores nostri pro tuendo missæ sacrificio, & vetustum loquendi usum, & sacrificandi ritum prætexunt. Vtrûque illis

illis concedo: veteres non modo sacrificij voce abusos esse, sed etiam ceremonia. Verum, si reputemus, quantum à veterum corrupte la distet, quæ nunc ab ipsis fucatur impietas, immensum est ferè intervallum. Qualecunque erat quod agebant veteres, sacrificij memoriã esse interpretantur. Isti Antiquarij (vt haberi volunt) memoria non contenti, applicationem inculcant, vt paulò post videbimus. Et si autem puri ab impia superstitione, quæ postea inualuit, fuerunt veteres: non tamen prorsus excusandi sunt: quatenus scilicet ipsos apparet, à puro & genuino Christi instituto deflexisse. Nam cum in hunc finem celebranda sit Cœna, vt sacrificio Christi communicemus: eò non contenti, oblationem quoque addiderunt. Hoc auctarium vitiosum fuisse dico: partim quia beneficium, Christi morte nobis præstitum, obscurat: partim quia alienum est à sacræ Cœnæ natura. Officium Christi fuit, se Deo offerre. Iam non aliæ nobis restant partes, quàm vt vescamur. Qui in sola receptione non acquiescit, sed appetit sacrificij imaginem, minus quàm par erat tribuit & morti, qua defunctus est Christus, & Cœnæ mysterio, quod in mortis suæ memoriã reliquit. Nunc vt millies clament vel Papistæ, vel alij Papistis non multum dissimiles, oblatum olim fuisse panem, veteres ita solitos facere, non nouam esse consuetudinem: toties excipere nobis licebit, Christi mandatum, inuiolabilem esse regulam, quæ nulla hominum consuetudine, nulla præscriptione temporum, nullis nouis placitis conuelli aut refigi debeat.

Respondi quod videbatur, de patrum autoritate. Itaque, cum Mediatores concludunt, Ecclesiam secundum Scripturæ sanctorumque patrum testimonia, duo sacrificia agnoscere: in altero mentiuntur, in altero errant, plus hominum placitis, aut opinioni, quàm debeatur, tribuendo. Scripturam enim, quæ tota vbique illis reclamat, falso prætexunt, adeoque turpiter lacerant, vt ne pueris quidem, qui duntaxat moniti fuerint, fucum sint facturi. Cerè, plusquàm apertè refutaui eorum nequitiam. Quòd ad veteres spectat, non est quòd in eorum gratiam ab æterna & inflexibili Dei veritate recedamus. Proinde incruentum illud sacrificium, quod commenti sunt homines, sibi habeant, quibus non satisfacit Dei sapientia. Simplex & minimè ambigua Scripturæ doctrina est, sacrificio quo reconciliari Deo homines oportebat, semel defunctum esse Christum: eius sacrificij vim esse æternam, fructumque quotidie à nobis percipi. Vt autem eo fruamur, institutam esse ab eodem Dei Filio sacram Cœnam, in qua corpus suum semel immolatum nobis in cibum porrigit, quo vescamur. Hoc modo vnici illius sacrificij virtutē applicari nobis, vt eius fiamus participes. Vbi totam Scripturam reuolueris, nihil aliud reperies, quàm pascha nostrum immolatum esse. Sacerdotem unicum semel ingressum esse in Sancta, vt oblatione vnica, mundi peccata expiaret. Nobis nihil aliud præcipi, quàm vt epulemur. Cuius nunc ergo audaciæ erit, hominè mortalem se ingerere, vt sacerdotio sibi nunquam mandato, fungatur, vt incruentum sacrificium, quod nusquam requirit Deus, offerat? Proinde, alibi secundum illud sacrificiū locent Mediatores, quàm in Ecclesia. A nobis vt agnoscatur nunquam efficient, donec alii esse idonei sacrificij authorem persuaservint, quàm Filiū Dei: qui Sacerdos est in æternū constitutus, nullo vel successore, vel collega. Quicquid præter eius auctoritatē additamēti obrepfit in sacram Cœnā, hominum vel cupiditate nimia, vel facilitate, ad huius auctoritatis normam corrigantur. Ita enim faciendum admonet Paulus, & hoc volunt eius verba cum dicit: Accepi à Domino quod & tradidi vobis. Oblationem porrò, quæ ab ignoto fonte manauit, sceleratè & nequiter Christo acceptam referunt Mediatores.

Video quid dicturi sint, qui miscere Christum cum Belial parati sunt, modò qualemcunque pacem redimant. Nam & hominum noui ingenia, & dicterijs pridem assueui. Immodicæ nos scilicet morositatis arguent, qui de voce vna, & externo ritu contentionem

Psal. 16. &

non nece sariam moueamus. Nec verò mirum est, nos hoc nomine ab illis accusari: loquuntur enim ut sentiant. Sed cum nobis melius sentire datum sit, confiteri etiam oportet, quod corde credidimus. Hanc enim legem pijs omnibus fert Spiritus Dei: Credidi, propterea loquar. Cum nuper mihi à bonis viris narratum esset, cornutum quendam, ex foetido Papalium Episcoporum grægo caprum, qui iam pridem medius inter cælum & inferos volitat, ita solere loqui: Nullam sibi videri causam, cur fucatam hanc moderationis formulam amplecti recusaremus: respondi quod de Alexandro historici referunt: Me, si essem eius loco, non recusa urum. Illum verò, si mihi esset similis, idem facturum, quod nunc me facere miratur. Nam eiusmodi homines, qui Christum abnegando tot annos sunt exercitati, simplicitatem nostram probro vertere cur miremur, cum subsummare Deum ipsum non dubitent? At nobis tanti esse debent cælestis Magistri decreta, ut pro ijs ad extremum dimicare non dubitemus. Nec quicquam putemus libertati nostræ subiectum, de quo nobis quid fieri vellet, præcepit. Sed hic de re nobis, non de verbo tantum ac ritu, certamen est cum Mediatoribus. Tradunt enim, comprehendi in missæ sacrificio veritatem earum rerum, quæ vetusta omnia sacrificia figurabant: eandem hinc esse corporis & sanguinis Christi hostiam, quæ in cruce mactata fuit. Vnde apparet, unico Christi sacrificio, secundarium hoc subrogari, quo illius efficacia ad nos perveniat. Ego autem breuiter respondeo: quæcunque unquam in usu fuerunt sacrificia, ad hunc, veluti lydium lapidem, probanda esse, ut proba censeantur: à Deo ne habeant, an ab hominibus originem. Præterquam enim quod in Christum respicere debeant, Deum quoque authorem esse oportuit. Itaque, quantum in speciem nihil aut parum differre videantur à sacrificijs piorum, quæ à gentibus oblata legimus, hæc tamen non dubitamus tanquam adulterina dammare: illa autem pronuntiare sancta & legitima. Vnde porro hoc discrimen, nisi ex illa duplici nota, finis, & mandati? Nunc igitur ut micam veritatis in sacrificio missæ contineri probent Mediatores, Dei mandatum in primis necesse est proferri, quale nullum extat. Vnde audacter constituimus, nihil quàm inanem esse figmentum.

Quod succin. tam & dilucidam Canoni interpretationem attexi volunt, fateor non esse de nihilo. Sed quis glossis inuenient, quibus tegantur adeò crassæ absurditates? Principiò, certum est, pugnantia illic contineri, centonesque esse malè consutos ab indoctis artificibus. Dicunt se Deo offerre de eius donis & datis hostiam puram, panem sanctum vite æternæ. Quæ verba sonant, constare ex pane Christi corpus. Emolliant ut volent, hæc verborum asperitatem: perspiciunt tamen oculati homines, quam precationem verus Ecclesia de communibus oblationibus concipere solebat, consarcinatores missatici canonis ad corpus Christi inscitè transulisse. Eleemosynæ quas conferebant fideles, tanquam Deo sacræ, altari imponebantur. Deum populi nomine, orabat sacerdos, ut eas gratis haberet. Barbari homines qui postea secuti sunt, vel antiqui moris ignari, vel aliud quàm imaginarium suum sacrificium nescientes, temerè addiderunt, corpus & sanguinem. Hanc inscitiam melius patefacit, quod paulò post attexunt: Per quem hæc omnia semper bona creas: sanctificas, benedixis. Certè hæc oratio utcumque torqueatur, Sacramento aptari nequit. Quæ sunt igitur bona, quæ Deus quotidie nobis creat, nisi quæ quisque piorum ex suis facultatibus confert in usum pauperum? Hanc enim fuisse olim oblationes consecrandi formulam, ex Arausiaci Concilij decreto apparet: Offerimus tibi Domine, quæ de manu tua suscepimus. Quibus obsecro glossis se extricabunt, quin hic turpissimæ hallucinationis conuicti teneantur? Leuicula sunt ista: nec alium in finem à me attinguntur, nisi ut omnes intelligant, nullas esse tam putidas ineptias, quas non peruicaciter defendant

ferant histriones isti, qui Mediatorum personam induerunt.

Nunc pergamus ad magis seria. Corpus & sanguinem Filij Dei missarius sacerdos in sacrificium se offerre dicit. Actio est prorsus diuina, ad quam nemo, nisi coelitus vocatus, ingerere se debet. Nam cum de legitimo sacerdotio disputat Apostolus, nulli tantum honorem concedit, nisi cui Deus contulerit. Ut ipsum quoque Christum dicat oportuisse Patris vocatione institui. Si perperam ac præterius & fas sibi honorem usurpat, qui sacerdotio fungitur non vocatus à Deo, nunc ostendant sacrifici missales, quo Dei mandato Christum offerre audent. Tota Apostoli disputatio in Epistola ad Hebræos à septimi capitis initio, ad finem usque decimi, in duobus his cardinibus versatur: Christum unum fuisse idoneum qui se offerret: deinde unica oblatione perfunctum, quæ perpetuo vigeat. Hæc sibi habere videntur bellissimam argutiam, quæ effugiant, dum id se hodie offerre sacrificium iactant, quod semel Christus obtulit: non nouum aut diuersum introducere. Sed cum Scriptura, & soli Christo vindicet offerendi munus, & semel testetur obtulisse, nihil illo cauillo identitatis, ut ita loquar, proficiunt: nam interea ad se rapiunt, quod solus est Christi: & quod semel peractum fuit, quotidie millies iterant. Addit canon, id fieri pro redemptione animarum. At reclamat Apostolus, qui tradit Christum in cælos ascendisse, æternæ redemptione parta. Si oblatum in cruce sacrificium, æternam redemptionem peperit: mentiuntur certe, qui se hodie adhuc sacrificare redimendi causa, profitentur. Hic commodam interpretationem nobis satisfieri, hoc est, oculos perstringi volunt Mediatores. Fatebuntur vno Christi sacrificio redemptos esse: sed hoc modo nobis illius gratiam applicari. Sed hunc fucum iam ante satis absterpsi: imo ad viuum eraditur vno Apostoli verbo, cum Legis sacrificia negat paria fuisse tollendis peccatis, quia sæpius repeterentur: & nos hac nota discernit à patribus, quod apud illos quotannis fieret peccatorum commemoratio. Certè & nos assidue peccata nostra confiteri decet, nec aliter ea deprecari possumus, quam sacrificij recordatione. Itaque non aliter intelligi locus ille potest, quam hoc constituto discrimine, quod tunc quidem ad testandam peccatorum expiationem, visibile sacrificium adhibebatur: hodie non item, ex quo veritas ipsa signorum fuit exhibita. Denique, qui offerri hodie Christum fingunt pro animarum salute, morte eius expiata fuisse peccata, Deumque hominibus reconciliatum fuisse negant. An verò nos huic blasphemie subscriberemus, quæ proprium mortis Christi munus ad humanam actionem transcribit? Tunc verò nos merito Christus tanquam perfidos ac foedifragos, tanti beneficii participatione abdicet, si unico æternoque suo sacrificio eiusmodi adminicula quæ nunquam vel instituit, vel probauit, subrogari taciti sinamus. Quam verò congruenter postea rogatur Deus in canone, ut hostiam carnis ac sanguinis Christi gratiam habeat, sicut Abelis Abrahamæque sacrificia, iubeatque per manus Angeli perferri in sublime altare suum. En pietas, cum vix eodem Filium Dei honore dignantur, quo pecudes. Quid enim precantur? Ut Patri Christus instar arietis illius, quem immolauit Abraham, placeat. Saltem in eo minimè canonicus est Canon, quod umbram, veritatis regulam facit: gratiam, quæ pollet Christi sacrificium, ad eam quæ pecuarijs victimis suberat, exigendo. Cæterum, obtendant quicquid libuerit. Sed nos qua conscientia in tam foedam Christi contumeliam, ut ferè posthabeatur brutis animalibus, consentiemus? Non est præterea auctarium istud negligendum, si nihil in canone mutetur, orandi pro Papa nostro Paulo tertio, nobis necessitatem iniungi. Ergone, dum apparemus in Dei conspectum, ubi cor se totum quodammodo effundere debet, patrem nominemus eum, qui omnium filiorum Dei crudelissimus est carnifex? Eum fateamur esse pastorem, qui ad macclandas & vorandas Christi oues, princeps est latronum ac luporum? Et

primum in Ecclesia locum assignemus, qui non ab ea tantum est alienus, sed infestissimus quoque est eius hostis? Sibi verò talem habeant patrem Iſlebius, similisque apostata, quò impiæ suæ defectionis testem quoque faciant Deum: sicuti eam turpiter apud homines flagitioseque profiteri non verentur. Nobis verò centum potius oppetendæ sunt mortes, quàm ut in sui flagitij societatem nos trahant.

Tandem, ne quid in missæ ceremonijs mutetur, cauent Mediatores: quia omnes ad id quod illic agitur, valde sunt appositæ. Si de puerili ludicro sermo esset, verè fortassis illud diceretur: at cum sacra Christi Coena nihilo plus habent affinitatis, quàm sus aut canis cum Dei altari. Cum in omni religionis actione relucere debeat cœlestis quædam maiestas, tum verò in Coenæ celebratione, vbi Dominus ad arcanam carnis & sanguinis sui participationem nos inuitat. Quid porrò gravitatis cõtineant missales ritus, ex ea parte quam hîc recitabimus, gustum capient lectores. Ac omisso, quem vocant Introitu, aliisque infinitis nugis, solius canonis gesticulationes attingam: Iunctis manibus se inclinet sacerdos ante altare, postea in dextra parte osculetur: hîc faciat tres cruces: eleuet manus ac expandat, iunctis manibus memoretur viuorum: parum flectat genua: extendat manus super hostiam: faciat quinque cruces: iungat manus sursum: tergat manus ad corporale: eleuet hostiam, deinde calicem. Illus repositus, extendat brachia quasi de se crucem faciens: retrahat brachia, & faciat super totum sacrificium tres cruces, quartam super corpus, quintam super calicem: ponat manus super sacrificium, & oculos sursum erigat: inclinet se ad altare manibus cancelatis: osculetur altare: sigæet se signo crucis: iunctis manibus memoriam habeat mortuorum, percutiat pectus suum semel vel ter: faciat tres cruces: discooperiat calicem: de pane faciat tres cruces super ipsum, deinde duas inter se & calicem: ostendat manu dextra hostiam, cooperto calice expandat manus: tangat patena pedem calicis, medium, summitatem: ad os suum & oculos adinoveat. De hostia tres faciat partes: sed vnâ alijs maiorem: de minimâ parte faciat tres cruces, deinde ponat in calicem: reliquis osculetur. Excipient res esse medias, quarum indifferens sit usus Christianis. Cur ergo quicquam omitti vetant? Verum ut hoc subdiceam: quàm indignum est histrionem plus habere centuplo in scena grauitatis, quàm in faciendis Dei & hominum fœdere habeat sacerdos? Nimum profectò sibi licentiæ in rebus externis sumunt, si pro nihilo ducunt cœlestæ Coenæ mysteriũ tam indecòris gesticulationibus deformari: à quibus exagitandis ideo abstineo, quia tam fœda Christiani nominis ludibria meminisse piget. Isti verò nebulones, ut sunt prostituti pudoris, etiam summarum absurditatum minimam correctionem respuunt. Vnde apparet, nihil eos aliud captare, quàm ut breui iterum, quicquid lucis nostro tempore affulsit, extinctum pereat. Hîc porrò impudentiæ cumulus est, quòd missæ hodiernæ ritum ab Augustino perspicuè monstrari iactant. Citatur quidem ab illis Epistola ad Paulinum, quæ est ordine, quinquagesima nona. Ego autem, ut perspicuè appareat quàm improbam mentiendi licentiam sibi indulgeant, ex lectione ipsa fieri iudicium patiar.

Sequuntur genera duo mortuorum memoria, quæ ut antiquitus fuerunt culta, ita nunc retineri volumus Mediatores. Mos antiquus fuit, inter sacræ Coenæ celebrationem, Apostolos primariosque Martyres & maxime vulgò notos nominare, ut talibus exemplis excitaretur omnium fides. Secundo loco recitabant eorum nomina, qui recens mortui, specimen suæ pietatis ad extremum ediderant: ut ita solenne haberent suæ persuerantiæ testimonium. Hæc omnia cum ad Christianæ vnitatis commendationem valerent, vniisque stimulos adderent ad imitandam mortuorum fidem, & nulla subesset adhuc superstitio: nos minime improbamus, ut nihil opus fuerit testimoniorum congerie, quam Mediatores

diatores, ostentationis potius, quàm doctrina causa, coaceruant. Paulò post obrepfit utrobique corruptela. Nam & usu receptum fuit, ut se Martyrum precibus iuuari Ecclesia peteret, suàsque vicissim preces interponeret pro impetrando meritis refrigerio, qui in fide Christi decesserant. Ità duplex tam Martyrum, quàm aliorum memoria, inducfa fuit. Nec verò dissimulo, quin à multis seculis obtinuerit utraque superstitio. Sed in religione, cuius vnicum est fundamentum æterna Christi veritas, non multum valere debet annorum numerus. Iam de priore videamus. Non recitari tantum honoris causa nomina Martyrum, atque ut pro eorum pietate gratias agamus Deo, Mediatores iubent: sed, ut eorum precibus etiam iuuemur. Ego autem tali commemoratione, quasi profano inquinamento, pollui dico sacram Christi Cœnam. Nam cum omnis Dei inuocatio pura & religiosa esse debet: tum verò mysterium hoc cum celebratur, reuerentiam inuocandi Dei, eius conspectui augeri decet. Porro, Deum ritè orari negat Paulus, donec edocti simus eius verbo. Vnde constat non esse legitimam orandi formam, nisi quæ sit in verbo Dei fundata. Nunc ostendant, ubi nos doceat Spiritus, vllius vel Prophetæ, vel Apostoli, vel Martyris patrocinium Deo opponere. Hoc principium semper teneamus, Nos non rectè orare, nisi præeunte Dei verbo. Si ergo sanctorum intercessionem, Rom. 10. quam non dictauit, illi ingerimus, profana nostra oratio est.

Audiamus quid contrà, Mediatores. Rationi consentaneum esse dicunt, ut pro nobis orent sancti, qui Deo extra mundum viuunt: teneri enim ipsos Iacobi præcepto: Orate pro inuicem, alij pro alijs. Atqui, hæcenus putaueram, Epistolam hanc viuus scriptam esse, non mortuis. Hoc certè acumine neminem ferient, nisi valde obtusum. Eos hortatur Iacobus, qui non doctrina modò, sed fratrum quoque precibus, sub carnis infirmitate laborantes indigent. In quo numero non sunt iam Apostoli aut Martyres suis certaminibus perfuncti: cursum enim fidelium, morte absolui Paulus testatur. Sed par est, eos nostris malis cõdolere. Vnde etiam & pro nobis apud Deum intercedere, sequitur: quia nec voluntas illis deest, nec facultas. Respondeo, nimis curiosè facere eos, qui de mortuorum statu diuinant, quod 1. Tim. 4. nullo Scripturæ testimonio proditum est. Temerè verò facere eos, qui affirmant. Rogandi sunt Moderatores nostri, vnde illis reuelatum fuerit, viuorum necessitatibus conscios esse, quos ab eorum societate mors separauit. Verba Pauli sunt apud Lucam, Davidem cum ætati suæ seruissset, esse mortuum. Quibus subindicat, non ministrare nunc à morte sua posteris. Quin regni Dei complementum expetant, quicunque sunt ex Christi corpore, non nego: sed illis affectus tribuere nostris similes, quasi omnia cernant quæ in mundo geruntur, temerarium est, nisi claris Scripturæ testimonijs monstratur. Acto. 13. 4

Sed hoc quoq; urgent Moderatores. Oniam enim adducunt & Ieremiam, qui mortui pro salute populi protendunt ad Deum manus. Id Indam Machabæum somniasse narrat, fateor, secundus Machabæorum liber: sed quæcum fidei mereatur Iudæ somnium, vnde, quæso, statuemus? Veniam deprecatur historia illius scriptor, si quid, hominum more, minus commodè scribendo, deliquerit. Detur ergo illi, quam petit, venia: modò ne quem secum errare cogat. Nobis autem qualiacunque hominum scripta discernere liceat à certis Dei oraculis. Scire tamen velim, cur non Onia & Ieremiæ patrocinium, quod sibi ex Scriptura notum esse iactant, potius commendent Moderatores, quàm Petri, vel Pauli, de quo nihil tale

proditum est. Atqui, posthabitis Prophetis, recentiores tantum patronos appetunt & in ore habent. De Angelis, pro diuersa officij ratione, aliter sentiendum est. Illis madata est piorum cura & custodia: sollicitos ergo de salute nostra esse oportet, ut Deo pareant: nec aliud quam iniunctam sibi functionem exercent, pro nobis orando. At has dum peculiariter Angelis partes assignat Scriptura, piorum animas, quae in Domino quiescunt, ab eorum ordine segregat. Et sanè si earum ministerio ad curandam salutem nostram uteretur Deus, nihilo de his magis Scriptura, quam de Angelis taceret. Angelos suos omnes pro piorum tutela excubare, Deus pronuntiat. Quorsum id, nisi ut maiore fiducia instruamur? Tantum de sanctis spiritibus dicendum erat, si vera esset comparatio. Nunc quod tacetur, pro nihilo ducendum est: praesertim ubi de re agitur in primis cognitu utili. Atque, ut demus pro nobis orare Apostolos & Martyres, implorandum tamen esse eorum patrocinium, perperam inde colligitur. Audit seruus Abrahae, ad futurum sibi Angelum: sed ubi opus est Angeli praesentia, ad eum se minimè conuertit. Videt minister Elisei ingentes Angelorum copias, ad opem sibi ac magistro ferendam armatos esse: eorum tamen suffragatione, Deum inuocans, non nititur. Iterum, memoria repetat pueri lectores, quod prius dixi, hanc nobis omnibus orandi legem esse impositam, ne quid nisi ex Dei verbo. Qui autem alios ex caelo intercessores, praeter Christum, sibi aduocant, extra verbum Dei vagantur: quare & rectè orandi metas transilire eos dico: nam quæ ex locis quibusdam fucum Mediatores faciunt, refellere nullo negotio proptum est. Nomen suum à posteris suis inuocari voluit Iacob, inquit. Quod sequutus Moyses his verbis orat: Memento Domine seruatorum tuorum Abrahae, Isaac & Iacob. Sic & in Psalmo orant fideles Deum, ut recordetur Davidis. Respondeo, non obscurum esse, quid in benedictione Ephraim & Manasse inuocatio significet: neque enim aliud voluit Iacob, quam ut diuini fœderis gratia ad nepotes suos, iure hereditario perueniret. Promissa erat salus eius semini, promissionem Deus in manus Abrahae, Isaac & ipsius Iacob deposuerat. Hoc ergo petit, ut inter sancti populi tribus censeantur. Nec verò ad hominum personas respicit Moyses, cum nomina Abrahae, Isaac & Iacob in medium adducit: sed ut se aliis que in promissionis fide confirmet, causam commemorat, cur ipsis oporteat praestari. Ac si diceret: Domine, non alia quam promissionis tuae fiducia ad te accedimus: quia nos sumus populus ille, cuius te fore Deum Abrahae, Isaac & Iacob patribus nostris es pollicitus. Non est ergo quod nobis oculos perstrictum iri sperent Mediatores, tam euandis nugis spargendo.

Venio ad sanctorum merita, quibus etiam preces nostras subniti volunt. Est quidem hoc aliquid, quod superbam de illis iactantiam mitigant: hoc tamen minimè ferendum est, quod ex Dei liberalitate Christi; gratia prodesse ea nobis dicunt, tam ad protectionem, quam gratiae impetrationem. Nusquam hoc illis tribuit verbum Dei. Prosequitur, fateor, gratiam suam Dominus erga homines in millesimam usque generationem, sicuti promisit: sed stultè hinc inferunt Mediatores, redundare in filios patrum merita. Quin potius hinc quidam est diuinæ misericordiae cumulus, ut modis omnibus exundet, quod postquam salutare manu gratuito porrexerat patribus, eam ad posteros quoque extendit. Minimam huius laudis partem à Dei bonitate traducere ad hominum merita, impia & sacrilega est malignitatis. Nec eiusmodi errori suffragatur, quod de Davide obtendunt Moderatores, in eius scilicet gratiam, Deum populi sapientius misertum esse. Quia enim cum Davide sancitum

erat

erat fœdus in totius populi salutem: hac, ut ita dicam, qualitate induendus est, si probè volumus intelligere, cur eius rationem potius in seruando populo, quàm Ezechia aut Iosia Deus habuerit. Si perfidis Scripturæ corruptoribus hæc non sapiunt, nihil mirum: sunt tamen ad quassandas diruendæque omnes inferorum machinæ valida. Quanquam semper tenendum est illud quod antè posui, fundamentum: non aliam esse piè, rectèque precandi rationem, nisi quæ ad diuinæ voluntatis præscriptum exigitur. Tota autem Scriptura non alium Deo Mediatorem proponere iubet, quàm solum Christum: nec alterius vel patrocínio, vel meritis subniti docet, ut certa fiducia nos ad Dei tribunal sistamus. Atque ita reperiemus, quisquis alios sibi patronos vel intercessores queritat, non esse huius patrocínio cōtentum. Sollicitè ergo cauendum, ne plures aditus captando, ianuam illam nobis claudamus, qua sola accessus ad Deum patet.

Centies, si fieri queat, moriamur potius, quàm ut nostro consensu in sacrosanctam Christi Cœnam irrumpat talis profanatio. Nihilo etiam magis concedendum est, quòd festis diebus coli mortuos volunt, ut suis nos meritis associent, suâque iuuent intercessione apud Deum. En Christiana reformatio, cuius spem faciunt imperitis. Si festos dies quedam veluti inuitamenta esse dicerent, ad colendâ virtutum memoriam, quæ nos ad imitationē prouocet, aliquis sanè esset color: sed cultum institui ex dierum obseruatione, id quod faciunt, nimis deforme est. Negabunt scio, hoc sibi esse consilium: sed ex re ipsa iudicium fiat. In vnaquaque parochia festum patroni diem celebrandum præcipiunt: nec eo contenti, vocant singulares patronos, quibus hic honor deferatur: cum satis constet, non aliter hæcienus habitos esse patronos, quàm deos tutelares: an non auribus nostris insonare debet vox illa prophetica? Secundum numerum vrbium tuarum sunt dii tui. Quàm igitur fœda erit nostra ingratitudo, si relicto vitæ fonte, tales nobis fodiamus cisternas? Si solos Prophetas & Apostolos eueherent ad hunc honorem, acriter intercedere deceret, ne ex sanctis Dei ministris idola fierent: nunc ad hanc impietatem accedit nimis insulsa absurditas: quibuslibet enim patronis suos dies festos assignât. Multa porro sunt templa Catharina dicata, vel Christophoro, vel alijs fictitijs nominibus. Catharina aut Christophori precibus, ut iuuetur plebs huius loci, à Domino postulabit. Itane cum Deo ludetur, ut qui nulli vnquam fuerunt, obtrudantur ad Deum exorandum patroni? Talibus monstris qui fomenta suppeditant, gustumne aliquem vnquam habuisse credendi sunt seriæ sinceraque Dei inuocationis? Omitto Dominicum & similes carnifices. Omitto Medardum, Lubinum, & similes eius bestias. Quis enim finis esset, si singulas labyrinthi ambages excutere vellem, in quem nos Mediatores pelliciunt? Sed v&bis ac ter eorum perfidia, qui se tam faciliè proijciunt in voluntarium interitum, quem centum mortibus, si centum haberent vitas, propulsare debuerant.

Superest alter ordo mortuorum, quorum mentionem in Cœna fieri volunt: ut detur illis locus refrigerij, lucis & pacis. Non nego hanc fuisse vetustissimam consuetudinem: & quoniam magna est vis consuetudinis, aut potius regnum, adeo eiusmodi preces fateor Chrysostomo, Epiphanio, Augustino, & similibus probatas fuisse, quòd à maioribus quasi per manus, traditæ essent. Et si non existimo, multò ante eorum ætatem, quos nominaui, obrepisse in vsum. Sed quod breui tempore utcunque inualuerat, nimia facilitate, sine ratione aut iudicio, secuti sunt. Verum,

Hom.in
Ioan.49.

quia *Augustinum Moderatoribus* libuit citare testem : audiant quantum ipse idem alibi in contrariam sententiam magis inclinet . Recepti sunt in pace, inquit, sancti Patriarchæ, Prophetae, Apostoli, Martyres, boni fideles. Omnes tamen adhuc in fine recepturi sunt, quod promisit Deus. Promissa enim est carnis etiã resurrectio, mortis consumptio, vita aeterna, cum Angelis. Hoc omnes simul accepturi sumus. Nam requiem, quæ continuò post mortem datur, si ea dignus est, tunc accipit quisque, cum moritur . Si vna omnibus est requies: non minus pro quouis ex grege fidelium superuacutè erit orare, quàm pro Isaia vel Paulo. Atqui, hoc posterius fieri debere, *Augustinus* ubique negat. Superest igitur, vt quiete sua, ultra quam nihil nunc melius optari illis potest, sinamus eos frui: nec Dei nomine in precibus non legitimis, abutamur. Traditionem Apostolicam Mediatores esse voluit: idque *Dionysii* testimonio probant . Porro, in recitandis eius verbis Apostolorum nomen ita furtim interferunt, vt videatur ab ipso positum. Atqui, diuinos illic duces nominat, quos subinde vocat magistros . Deinde, quasi oculos mundo confixerint, epitheto *Areopagita* ornant suum *Dionysium* . De *Areopagita* *Eusebius* aliquoties meminit: quem *Atheniensis Ecclesia* primũ fuisse Episcopum dicit: atq; ita traditum à *Dionysio Alexandrino*, refert . Sed quicquam ab eo literis mandatum, non dicit: quod certè, si fuisset verum, nõ erat omisurus. *Hieronymus* verò, in scriptoribus Ecclesiasticis, duos numerat *Dionysios*: *Corinthiũ* vnum, qui sub *Marco Antonino Vero*, & *L. Commodo* floruerit: alterum *Origenis* discipulum, qui *Alexandrinus* Episcopus fuerit, sub *Galieni* imperio . Sed inter eorum scripta, quæ diligenter recenset, cœlestis vel ecclesiastica Hierarchiæ, mentio nulla . Quoties ergo citantur libri isti, sciamus ignoti esse scriptoris, & non adeò antiqui, quod & stylus ipse, & argumentum clarè demonstrat . At *Chrysostomus* Apostolis fert acceptum: nempe, vt alia permulta, quæ cum vulgò recepta essent, tamen ignotæ erant originis. *Damasценum* qui legerunt, si vnicam habent vnciam sani iudicii, non multum eius auctoritati deferet. Quis nescit puellis infantibus, cum adhuc à nutricis mamma penderet, veteres Eucharistiã dare solitos? Atq; hunc morem proculdubio se ex traditione Apostolica habere putabant. Hoc *Cyprianus*, *Chrysostomo* & *Augustino* aliquãto antiquior, dixisset. Peruersum tamen fuisse morem, & à Christi institutione alienũ, testatur hac *Pauli* sententia: Probet se ipsum homo, & sic de pane illo edat, & de calice bibat. Deniq; posterior ætas non immeritò correxit. Quid igitur ex falso traditionis nomine fucũ isti faciunt Moderatores, cum in simili causa satus ostendat, quod voluit esse sacrosanctũ, sibi pluma esse leuius? Sed quorsum hîc diuinare attinet? Extat Apostolorũ scripta, quæ copiosè & aperte quicquid in doctrina pietatis erat cognitu necessarium, complectuntur. Quin & de mortuis interdum ex professo loquuntur. Pro ipsis orare, nusquã precipiunt. Cum *Thessalonicenses* hortatur *Paulus*, vt luctum in morte suorum tēperarent, consolationes adhibet, quas sciebat ad hanc rem maximè appositas. Precũ nullus sermo, qui maximè fuisset opportunus, si pro mortuis precari liceret. Ad *Corinthios* scribens, argumenta omnia colligit, quibus animas probet à morte esse superstites. Hoc nondum adducit, quod fuisset alioqui validissimum: Ecclesiã pro mortuis non frustra orare. Pro quibus ordinarias preces velit in Ecclesia concipi, *Timotheum* admonet. De mortuis illic quoq; silentium. Quòd si precibus nostris hodie indigent mortui, maior sub Lege fuit earũ necessitas. Atqui, Scriptura, cum & luctum,

Etum, & sepulturam, & alia quadam in speciem minuta accuratè referat, verbum de precibus nullum facit. Cui, obsecro, credibile erit, Spiritum sanctum quod præcipuum erat, obliuisci, dum leuioribus insistit? Hinc sanè hominibus non contentiosis liquebit, rem fuisse Prophetis & Apostolis incognitam.

Sed enim Scripturam quoque opponunt Mediatores: quia præcipiat Apostolus, orare alios pro alijs. Si quis esset apud eos Dei timor, si qua valeret religio, si quis vigeret conscientie sensus, poenam, certè horrerent, quam impijs Scripturæ sacræ corruptoribus cogimur imprecari, & quas proculdubio aliquādo Deus expetet. Vt vicissim oremus alij pro alijs, Iacobus nos monet, cum antè præcepiisset de mutua confessione. Si cōprehendit in hoc ordine mortuos, resurgant oportet, ac confiteantur nobis peccata sua: alterum enim cum altero coniungit. Ego verò Iacobi verba multò aptius in eos retorqueo: quando eos solos, qui cōmuniter laborant, iubet inter se cōmunicare mutuas preces: mortuos esse omittendos, qui iam suis laboribus sunt perfuncti. Iacobus, inquam, non alios precibus nostris commendat, quàm qui versantur adhuc in præsentis vitæ certaminibus. Contrà, Scriptura beatos pronuntiat, qui sunt in Domino mortui, eò quòd iam requiescant à laboribus suis. Si ita est, quid illis opitulari queat nostræ preces? Et tamen magnæ in fratres crudelitatis, & detestandæ in Dominum temeritatis dānare non verentur Mediatores, si quis ab orationum nostrarum consortio mortuos excludat. Imo crudelitatis Deum accusent potius, qui cū identidem nos tam sollicitè ad orādum pro fratribus hortetur, hanc doctrinam semper ad viuos restringit. Res certè ad id leuis non erat, miseras animas, quæ ad opem flagitadā mutæ sunt, subleuare, vt præteriri debuerit. Cur ne verbo quidem vsquam attingitur? Præsertim, cū toties, tamque diligenter, tam copiosè, tam luculentè concionentur Prophetæ omnes, Apostoli, Christus denique ipse, de officijs charitatis: cur hoc supprimunt, quod inter alia postremum non erat? Iam quæ nostra est in Dominum temeritas? Regulam orandi certam tradit. Eam tenemus: nec fas esse putamus, inde vel vnguem vnum deflectere. At Dominus, inquit, nequaquam mortuos à viuis separare præcipit. Imo hoc præcepti vice nobis esse debet, quòd cū vbique viuos nominatim exprimat, mortuos segregat ex eorum numero: deinde, cū finitam eorum militiam testatur, non amplius habere auxilio nostro opus, significat. Nusquam prohibet Deus, ne pro Angelis oremus. An eum detestabimur, qui orandum negabit? Pro Apostolis non esse orandum, nec pro Martyribus, fatentur ipsi quoque Mediatores. Atqui, nusquam legitur prohibitum. Cur in reliquis mortuis tamerit detestanda nostra temeritas? Ipsi verò in Spiritum sanctum palàm sunt contumeliosi, quem obliuionis in re tam necessaria insimulant. Atque hinc simul apparet, quanta sit eorum moderatio, qui suas detestationes tam futiliter in nos euehant.

Est tamen: valeat Ecclesiæ veteris cōsuetudo, vt sacerdos in Cænæ celebratione, mortuos Deo commendet: an ideo debent vigilia, anniuersaria & similes nugæ retineri? Sic autè placet Mediatoribus. Obsecro, si qua eos cura instaurandæ & pietatis, & Ecclesiæ tangeret, ex tanta superstitionū sylua, quibus scarent mortuales, vt loquuntur, vigilia, nihil omnino refecarent? Imo, si quid haberent ingenui pudoris, an non verbo saltè attingerent, corrigenda esse quadam, quæ nimis insulsa absurditate quæuis mediocriter intelligentē offendunt? Fædè illic discerpitur Scriptura. Miscetur incompressa sententiarum, hinc inde temerè congestarum, far-

rago. Denique, quicquid illic fit ac dicitur, crassa est Scriptura corruptela. Hoc totum non modò dissimulant Mediatores, sed etiam calculo suo absolunt. Sed audienda est præclara eorum ratio: Quàm immane esset, inquiunt, mortuorū suppressi memoriam, ac si animæ vnà cum corporibus interirent. Ergo quatuor annorum millibus ante Christi aduentum, & deinceps plus mille annis, quibus nondum erant nata vigiliæ, nulla fuit de animæ immortalitate fides. Nam certè, si huic blasphemiae subscribimus, omnes qui à mundi exordio fuerunt Patriarchæ, quicunque sub Lege vixerunt Prophetæ, pij Reges & alij, Christus, Apostoli, vniuersi Martyres, Epicurei erunt: quia nullus vigilijs animas vindicarunt ab interitu.

In carniū abstinentia videntur sibi optimè corrigere quicquid hætenus superstitionum fuit: cum tēperantiæ causa non abominationis, eam suscipi docent. Si in solo esu carniū omnes essent deliciæ, concedi fortè posset quod iactant: sed quis nescit, in diuitum culinis, tunc multò lautiores instrui epulas, cum à carnibus abstinetur? Pauperibus certè, qui larido aut bubula tenuiter victitant, nihil opus est, carnis edomandæ causa, carnem prohiberi. Diuitibus solis lex ista necessaria est, quæ ad frugalitatem eos reuocet. Atqui, vt dictum est, nihil minus est prohibitio carniū, quàm luxuria sumptuumque restrictio: tunc enim maximè fumant culinae: tunc immodici apparatus exundant. Deniq; nunquā minus sunt in victu tēperantes, quàm cum à carnibus abstinent. Bis ergo ridiculi sunt Mediatores, qui frugalitatem ita constituunt in abstinentia carnis, ac si nulla essent præter carnem voluptuosa edulia: ita carni domandæ salubre esse remediū fingunt, ac si nō suauioribus ferculis feria sexta, quàm secunda, mensa refertæ essent. Hinc certè plusquā absurdū esse patet, hoc nomine carnes discernere à reliquis cibis: quasi sublato illarū usu, cohibita sit luxuries victus, & inuenta macerandæ carnis ratio: cum potius ipsa ciborū varietas nouum sit saturis, edendi irritamentū. Verūm, vt hoc aliqua ex parte verum sit: supersticiosa tamen esse dierum observatio non desinit. Excusant Mediatores, olim ab Ecclesia veteri interdictum fuisse carniū esum sexta feria & Sabbatho, vt homines tali abstinentia præparati, sanctius ad sacram mensam accederent. Imò certum est ex veteribus historijs, olim nihil tale fuisse iniunctum. Ieiunium, quod Romæ Sabbatho colebant, tanquam rem insuetam, refert Eusebius. Carnis quidem abstinentia paulatim se priuata quorundam superstitione insinuauit: ac primò quidem occupauit diem Veneris, hinc ad Sabbathum se extendit, donec ex consuetudine lex demum nata est, quæ inuitos quoque obstringeret.

Sed quia hoc argumentum copiosè tractare, nō est præsentis instituti: quatuor vitia, quæ in hac prohibitione continentur, breuiter notare sufficiet. Primum iniuria fit Deo, cum simpliciter, etiā ad certos dies, esus carniū interdicitur. Carnes nō minus quàm olera, & pisces, & poma Deus in vsum nostrum destinauit. Hæc creauit omnia, vt cum gratiarū actione vescamur. Liberum, inquam, omnium vsum, modò sobrius sit & frugalis, promiscuè nobis permisit. Surgunt postea homines, qui hac nos libertate priuant: ne liceat, quod Deus licere voluit. Meminerimus, totum genus vetari, in quo multæ sunt species, procul à delicijs luxurijsq; remotæ: vt non alio nomine displiceant, nisi quia carnis nomen habent. Deinde, superstitione non caret talis dierum notatio. Honore se Christi mortem prosequi existimant, & sepulturam, qui carnem biduo illo non gustant. Eodem coluntur honore & festi dies: nec Deo tantum, sed Apostolis aut Martyribus dicati. Si meritò repre-

reprehenduntur, qui inter diem & diem discernunt: carnis abſtinentiam certis diebus alligare, quis ſuperſtitioſum eſſe non videt? Tametſi quadrageſimam non exprimunt: cùm tamen ſine exceptione conſueta ieiunia, noua ſanctione confirmant, ea quoque in integrum reſtituitur. Quo autem commendari titulo præcipuè ſolet, niſi imitationis Chriſti? At ſi ea eſt imitatio: cur quotannis repetitur, cùm ſemel tota vita tale ieiunium Chriſtus ſuſceperit? Deinde, ſi exemplum hoc eſt, quod ſequi debeamus, eadem fuit in Moïſe & Helia ratio. Cur ergo tot ſancti Reges & Prophetæ imitationem neglexerunt? Tota certè vetus Eccleſia non paruo reatu tenebitur. Cur etiam Dominus ipſe, cùm adhuc in terris ageret, ſui exempli nullam inter diſcipulos haberi rationem paſſus eſt? Excusat enim eos, quòd non ieiunent. Piget in re tam liquida verba perdere. Nec verò Mediatores ipſos fugit, pueriliter errare eos, qui primi quadrageſimale Chriſti ieiunium æmulari ſe putarunt, cùm abſtinentia qualicunque deſungerentur. Quantũ enim hoc à dierum quadraginta inedia differebat? Ad hoc, quale temperantiæ exemplum, vbi nec fames eſt, nec cibi appetitus? Multũ enim fallitur, qui Chriſtum tunc luclatum cum fame eſſe putat, cùm edendi neceſſitate exemptus fuerit. Ieiunium illud non ſuſcepit Chriſtus, niſi poſt annum vitæ triceſimum. Suſcepit, cùm iam auſpicari vellet ſuſceptum à Patre munus. Suſcepit, vt Euangelio non minus acquireret fidei, quàm lex prius obtinuerat. Denique, ſingulare fuit diuinæ virtutis ſpecimen, quod & in ipſo edi, & quo ipſum ab alijs diſtingui oportuit. Contrarium errorem fouere, vt nihil aliud ſit mali, Chriſtianæ ſinceritati minimè eſt conſentaneum.

Venio ad tertium vitium, quod priora duo ſuperat. Nam & hoc modo conſcientijs laqueus inijcitur, & libertas eripitur, non taniũ à Domino conceſſa, ſed etiam parta Chriſti ſanguine. Serio nos Paulus admonet, ne ſeruitutis iugum ſubeamus, renuntiantes libertati, ad quam ſumus vocati. Ea verò non tentatur ſolum, ſed labefactatur tota, cùm nobis lex ſpiritualis imponitur, quæ conſcientias liget. Nam quòd ciuilem cautionem inferunt Mediatores, Ideo à carnibus interdum arcendos eſſe homines, ne pecora fortè aſſiduo eſu cõſumant: in eo ſe vel pueris faciunt pluſquam ridiculos. Scilicet cùm hominibus Deus permittit, vt carne quouis tempore veſcerentur, parum conſideratè fecit, hoc periculum non præcauendo. Et optimè generi pecuario conſuluerunt, qui poſt quatuor annorum milia cohibuerunt priorem veſcendi licentiam. Mirum eſt autem tam ſtupidos interea fuiſſe homines, vt animalium diminutionem non ſenſerint, quæ eos ad quærendum celerius remedium cogeret: præſertim cùm magnam copiam ſacrificijs abſumerent. Sed hoc in præſentia non agitur. Legem enim nõ politicam, ſed ſpiritualem confirmant, qua neceſſitas imponitur conſcientijs. Hoc nullo modo ferendum eſſe dico, vt imperium uſurpent homines in animas: vt quod Dominus liberum reliquit, illicitum faciant.

Quartum vitium eſt, in falſa cultus Dei opinione. Nam quicquid prætexant Mediatores, quæcunque obſeruatio quaſi neceſſaria, commendatur, continuo cenſetur ad cultum Dei pertinere. Cuius rei non eſt quòd longius petamus exemplum. Quis enim non putat religionis partem eſſe, carniũ abſtinentiam? Atque hæc ratio eſt, cur per hypocriſin mentiri & fallere Paulus dicat eos, qui ciborum prohibitionem nouam pietatis formam inducunt. Nam cùm in cibo & potu non eſſe regnum Dei alibi doceat, iure hypocriſeos damnat tales de rebus externis ſanctio-

Rom. 14.

1. Tim. 4.
Rom. 14.

nes. Sola, inquam, est interior cordis veritas, quam per se Dominus requirit. Quæcunque verò accedunt exercitia, eatenus probanda sunt, quatenus ipsi veritati seruiunt, aut tanquam vtilia incitamenta, aut tanquam professionis notæ, ut fides apud homines nostram testemur. Nec tamen interea recriminamus, quæ ad ordinis disciplinaque conseruationem faciunt. Sed ubi laqueo induuntur conscientia, & religione obstringuntur, in quibus rebus Deus solutus esse voluerat, fortiter reclamandum est: ne & cultus Dei vitietur commentis hominum, & mortalis homo, qui legi subiectus esse debuerat, vnicui Legislatoris tribunal occupet, unde conscientijs imperet, in quibus solus Christus regnare debuerat. Denique, audimus quid Paulus dicat: Si mortui sumus elementis huius mundi per Christum, indignum esse ut talibus decretis deuinciamur: Ne esitaueris, ne gustaueris, ne tetigeris. Atque ubi semel inualuit illa superstitio, ut sibi quispiam nefas esse putet carne vesci, eam protinus sequitur in alijs damnandis audacia: quæ cum zeli titulo splendeat, sacrilegio tamen affinis est. Postremò, nunquam ferè abest præpostera illa, de qua conueritur Christus, inanium, imò nihili traditionum admiratio, ut in earum gratiam irrita fiant mandata Dei.

Sacerdotibus fit coniugij venia, qualis in ordine militari est, causaria missio. Siquidem ne qui grauiores motus existant, ministros, qui iam coniugio sunt impliciti, subito diuortio non audent ab vxoribus diuellere: restringunt tamen hanc suam indulgentiam ad tempus generalis Concilij. Hæc duo sunt diligenter obseruanda: non permitti coniugium ministris, quia probeatur: sed tantum seditionum metu: deinde nihil statui, donec Concilium definierit. Rationem hanc cur minus placeat sacerdotum coniugium, allegant: quia teste Paulo, qui caelebs est, melius & solutiore animo curat ea quæ sunt Domini. Audio quid dicat Paulus. Sed an propterea pastores ac ministros Ecclesiæ cogit ad celibatum? Imo ne hortatur quidè: nisi quatenus sibi quisque expedire agnoscat. Cuperet Mediatores, multos inueniri clericos, qui veram castitatem in celibatu colerent. Id optandum esse fateor: sed cum aliud experientia doceat, quid prodest frustra cum necessitate luctari? Videmus quo tempore floruit summa inter Christianos sanctitas, ministris Ecclesiæ non fuisse indictum celibatum. Apostolos certum est, cum stationem nusquam fixam haberent, maluisse vxores suas circumducere, quàm ut eas dimitterent à suo contubernio. Sic enim narrat Paulus. Nec audiendum est puerile illud cauillum, maritos suos ideo secutas esse, ut publico Ecclesiæ sumptu simul viuerent. Quid enim? Annon poterant ali ex publico, nisi communi mensa vescerentur? Idem Paulus, cum imaginem veri Episcopi numeris omnibus absolutam pingit, dotisque enumerat quibus excellere maximè debeat, celibatus nullam facit mentionem. Hoc parum est. Nominatim eligendos esse admonet, qui singulis vxoribus contenti, fidem coniugale pudicè colant: honesti sint patres-familias: liberos suos instituant in timore Domini. Hanc esse veram ac solidam Episcopi perfectionem, cuius Paulus exemplar præscribit, negari non potest. Quisquis ergo deesse aliquid Ecclesiæ ministris putat, nisi calibes uiuant, aliud sibi habeat Ecclesiæ regimè, quàm quod nobis Filius Dei commendauit. Atque ut minus dubitationis esset, disertè alibi pronuntiat Spiritus Dei, Honorabile esse in omnibus coniugium. Quem locum citando nequiter deprauant Mediatores. Prætereunt enim id quod præcipuum erat orationis membrum, nempe, In omnibus. Quid enim noui protulisset Apostolus, si simpliciter

ter dixisset, coniugium probro carere? Nōdum enim talis, vel inter Iudæos, vel inter Gentes superstitio emerferat, quæ illud ignominia notaret. Sed cum fortè cælibatū morosi quidam homines, tanquam sanctius per se vitæ genus, immodicè extollerent: cum horribilem Dei ultionem scortatoribus & adulteris denuntiaret, simul incontinentiæ remedium proponit, ut suam quisque uxorem habeat. Ne verò coniugium aspernaretur quisspiam, testatur esse in omnibus honorabile. Quo significat, neminem esse tanta virtutum excellentia præditum, quem non deceat: nec ab ulla functione quantumvis præclara esse alienum. Vnde igitur hæc nova sanctitas? Reperiemus profec̃dò à Montano, Encratitis, & similibus esse ortam. Damnati quidem illi fuerunt iam olim: hoc tamen obtinuit Sathan ut damnatis hominum personis, impius error dimidia ex parte probaretur. Paulatim deinde crevit superstitio, ut matrimonio sacerdotibus interdicere quidam vellent. Idque fuisse in Nicæna synodo agitatum refert Sozomenus: sed tunc intercessit Paphnutius martyr, qui, cum ipse thori coniugalis expertus esset, dixit tamen, castitatem quoque esse, cum uxore propria concubitum. Nunc verò nostri Mediatores, ne videantur coniugio nimium iniqui, tolerandos esse admonent ministros, qui adduci non poterunt, ut quas habent uxores, repudient. Quanquam sedulò rursum cauent, ne ipsorum causam probare videantur, dum hoc illis concedi volunt, ne si præter modum urgeantur, multum moveant. Hoc modo concubina Islebio conceditur, ne ab ea violenter auulsus, ad arma conclamet. Dignus certè qui, cum sit inanis gloriæ cupidissimus, tale probum sustineat. Sed miror nullum adeò esse pudorem Moderatoribus, ut solvere non dubitent sacram coniugij fidem, nisi periculum à graviore motu esset. Atque hîc breuiter quod prius attigi, repetere iterū cogor. Nam cum hunc honorem deferri Sacramento velint, ut contractum temerè inter adulescentes coniugium nihilominus ratum maneat, etsi præter ius & fas initum fuerit: quæ ista est desultoria leuitas, ut cum de sacerdotibus agitur, Sacramento nihil habeant honoris? Nos verò dum audimus ex ore Pauli, diabolicum esse commentum, coniugij prohibitionem: bis Diabolos intrepidè vocemus, qui, ut hanc tyrannidem defendant, coniugium Dei nomine consecratum profanare conantur.

Triper.
hitt. lib. 1.
cap. 14.

Quanquam, ne sint nimium liberales, addunt, expectandum esse Concilij decretum. Quid si igitur pronuntiet Concilium, rata se non habere ministrorum coniugia, an hominum arbitrio protinus fas erit separari quos Deus coniunxit? Hoc sanè modo hominum iudicijs Dei institutum, quod meritò inuiolabile debebat esse, subiiciunt: nisi Prophetas, Apostolos, præcipuūque sanctorum Pastorum florem expungere velint è numero seruorum Dei, sacerdotum coniugium probari à Deo & benedici, non negabunt. Nunc stat Dei sententia, ut relictis, si opus est parentibus, maritus & uxor duo sint in carnem vnam. Quibus verbis significat Moses sanctū adeò præ alijs esse hoc fœdus, ut arctissimo etiam eius cōiunctionis vinculo præferatur, quæ prima est in natura. Cuius ergo audaciæ est, quod tam seuerè à Deo sancitum est, pro nihilo ducere? Præterea ubi cælibatum imperauerint, quis continentiam dabit, nisi palam Christo & Paulo reclamare volent? Singulare esse continentiae donum, adeò que rarum, & paucissimis commune, fateri cogentur. Eo quicumque non sunt præditi, coniugij remedium si respiciunt, cum Deo pugnando, nihil proficient. Nam ut maximè arceatur externa intemperies, interior tamen libidinum aëstus in corde feruebit. Hinc misera conscientiae inquietudo, quæ homi-

nem non patietur quicquam tranquillo animo, & quemadmodum loquitur Paulus, ex fide aggredi. Ita fiet, ut tale mox pullulet clericorum semen, quale nobis iam ante multos annos protulit impurus hic calibatus. Proinde nunquam volentes patiamur injici Ecclesiae laqueum, qui non solum à ministerio arceat pios & aliqui maxime idoneos viros, qui puram mentis & corporis castitatem in sancto coniugio colent: sed foeda foetidaque scortatorum colluie totum sacerdotij ordinem inquinet.

Quòd ad ceremonias pertinet, cum propè infinita sit earum congeries, & bona pars stultis absurdisque superstitionibus sit referta, eas dum Mediatores volunt servari, correctionem leuiter vno verbo attingunt. Quanquam penitus tacuisse præstabat, quàm adeò friuola corrigendi simulatione defungi. Arcanas operationes, quas suis benedictionibus subesse imaginantur, Deo non rebus ipsis tribuendas esse, admonent. Quasi verè non hic semper fons omnium superstitionum fuerit, Dei nomine abuti! Si fides eorum dictis habetur, lustralem aquam nò per se, sed Dei virtute valere censebimus ad dæmones abigendos, propulsandumque quoduis noxæ genus. Nominatur hinc quidem Dei virtus, sed in aquæ guttulam conclusa. Mille alia eiusdem farinae prætereo: quia hinc satis licebit aestimare, quale à nostris Mediatoribus veneni temperamentum misceatur. Sequitur alio loco: ne superstitiosi ad imagines concursus fiant. Atqui, eo ipso cursitandi licentiam idololatris permittunt: quia si abesse superstitionem excipiant, in definitione hærebimus. Quasi verò in quouis concursu non sit aperta conuictaque superstitio, quosdam vitij notando, alios obliquè ab omni vitij nota liberant. En quo sinceritatis studio agantur. Crucibus & vexillis docent non esse exhibendum latræ cultum. Quid hoc sibi vult? Ut fiat quod antehac factum est. Nam Papistæ hæc exceptio commune veluti pharmacum est ad peruersos omnes cultus excusandos, dum latræam verbo tantum excludunt. Plusquam futile hoc quidem cauillum est, cultum fingere sine cultu. Neque enim aliud Græcis sonat Latræ nomen, quàm Latinis Cultus. Itaque qui latræam se deferre simulachris negant, quæ adorant religionis causa, perinde loquuntur, ac si ^{ἀνθρώπου} esse hominem negarent, & ^{ζώου} animal. Iam animaduertere licet, qualem in vna vocula fucum nobis faciant boni viri: quia modò Græca cultus appellatio remoneatur, nec simulachrorum improbant cultum, & imaginicolas blandè fouent. Denique, nulla illis idololatria displicet, modò ne latræa vocetur.

Qualiscunque subeunda sit nobis tam apud imperitos quàm apud improbos, vel inuidia, vel infamia, talibus imposturis acriter resistendum est. Nihil enim chara erit existimatio, quæ tam perfidiosi silentij pretio redimetur. Quanquam non famæ hic tantum, sed vitæ quoque iaciura in fracto animo facienda est. Interea non metuo, ne qui verè pii sunt, & Dei veritatem quo decebat studio amplexi, eadem constância retinent, nimium à me vehementer exagitari putet scelestam hanc impietatum farraginem: quæ eò detestabilior est, quòd cum fucose moderationis titulo venditetur, totam Dei gloriam, vnà cum Christi gratia, & hominum salute, pessundet.

ITAEQUE, cum mihi nuper allatum esset antidotum Roberti Cenalis, ad postulata quæ vocat de Interim, initio valdè miratus sum, quis hominem malis probandis natum nouus genius impulisset, ut stylum aduersus impias istas blasphemias stringeret: quarum debuerat patronum se, ex more, profiteri. Est hic Robertus, de

quo loquor, *vetulus Sorbonæ theologaster, & episcopus Abrincensis*. Cogitabam equidem homines minus sani cerebri, senio non deliros reddi tantum, sed aliquanto etiam morosiores. Sciebam præterea, quàm magistrale sit Sorbonicis doctoribus supercilium, imo quàm truculenta pertinacia: ut qui non nisi flammis & carnificum manu, pugnare soleant. Sed cum ex aduerso, libellum, quem refutandum susceperat, viderem tot scatere corruptelis, ex tot præstigijs esse conflatum, nihil relinquere purum aut integrum in pietatis doctrina, multiplices claræ luci tenebras obducere, partim æquare diuinis legibus, partim etiam præferre hominum placita, continere denique totam ferè Papatus instaurationem: non videbatur consentaneum, ut tam infesto eum impetu aggredieretur *Cenalis*, vnus ex animosis *Papæ* satellitibus. Si non erat omni ex parte plausibilis, causa tamen non erat tantopere stomachandi. Cum inter varias suspiciones hæsitarem, librum cursim euoluo. Hinc agnosco miserum senecionem, dum materiam pugnandi venatur, in umbra sua verberanda multum sumpsisse molestiæ. Habet hoc præ suis gregalibus eximium, quod in poetarum lectione versatus est. Ex qua saltem hoc profecit, ut non modò orationem farciat multis carminibus, sed etiam scribendo in hemistichia subinde prorumpat: nec dubito, quin sibi vehementer placeat eiusmodi tinnitu. Nisi enim oblectaretur, non tam anxie in eo elaboraret. Habebat, quantum suspicari licet, collectos eiusmodi flosculos, quos nisi maturè emitteret, videbat perituros: secum verò perire nolebat. Et cum suam gloriam multi cupidè in sepulchrum ferant, homo minimè scilicet gloriosus, eam apud viuos relinquere maluit. Nam cum scribendi argumentum nullum inueniret, finxit sibi furfuraceum nescio quod monstrum, cui nomen de Interim imposuit: in quo profligando, vires suas omnes experiretur. Nam quæ Protestantium esse postulata nugatur, vel finxit ipse sibi, vel nasutus quispiam per ludibrium illi obtrusit. Cæterum siue ultro sibi accersuerit hoc certamen, siue alius stulta eius credulitate abusus, bilem illi acuerit, serio non minus quàm miserè, contra larvam pugnando, sudat. Admonitus quidem postea familiariter ab amico, Interim illud, quod impugnat, nunquam à Proiectatibus prodijisse, sed à cauponario aliquo scurra, ut plurimæ eiusmodi geræ quotidie volitant, animi gratia fuisse compositum: suam, in credendo, leuitatem simul ac socordiam videri maluit, quàm laborem tam bene collocatum perdere. Quisquis enim sensu communi erit præditus, primo statim gustu animaduertet, postulata quæ recitat, ab omni veri specie abhorrere. Vnde colligere promptum erit, bonum seniculum umbræ suæ frustra trahere. Sed hoc Sorbonico Doctore & Episcopo minimè ignoscendum est, ut nugæ à nescio quibus confictas exagitando, orbem temerè conturbet. Nisi forsitan excipiat, quasi priuilegio quodam licere, & Episcopus ineptire, & Sorbonicus desipere, quia bonæ parti iam pridem vsitatum est.

Porro, librum Episcopalem excutere tametsi non est præsentis instituti: facere tamen nequeo, quin ex eo pauca delibem. Citantur illic graues authores, quorum & pondere obruantur, & splendore extinguantur, & maiestate cōcidant omnes hæretici: Iuo Carnotensis, Speculator, Abbas Panormitanus, Isidorus, Thomas Aquinas, Bonifacius Papa, Nicolaus, & similes. Quid nī? Cum ex æptuijs Speculatoris responsis oracula faciat. Quis tam benè instructo athletæ victoriam non despondeat? Ipse verò, non expectato aliorum plausu, festiuis subinde acclamationibus triumphū sibi canit. Atque ut Areopagū suū compleat, Cochlaem etiam il-

lis adiungit: qui cum omnes cochleas hebetudine superet, quāto scilicet in scultu præstare decet fœminis, vocatur hic sagacissimus spirituum discretor. Digni sanè ambo, qui mutuum sibi præconium commodent: nam par morionum ex tota Gallia & Germania deligi aptius vix poterat. Quibus autem de rebus litigat Cenalis? Negat ferendum esse, ut Ecclesiæ facultates à Protestantibus retineantur. Quid ergo? Vultne legitimum in usum conferri? Imo nec pauperum haberi rationem, nec scholis consuli patitur. Spoliatorum modò restitutionem vrget: ut sacerdotum ac monachorum ventres saginentur. Quanto itaque subulcus melior fuisset, quàm Episcopus, qui tantam porcorum curam habet? Multa transilio de quibus sine aduersario contendit. Tale est, quod prohibet legatum mitti, qui veniam abiurationis faciat Protestantibus. Atqui, per omnes bonos, quibus solis infensus est Cenalis, licet Romano legato domi quiescere. Vnum est caput in quo impotenter furit, cum tractat de sacerdotum coniugio. Postquam enim omnia eloquentiæ suæ fulmina vibrauit, hoc est enomuit quæcunque ab homine proteruo & insano excogitari poterant conuitia: tandem ad arma conclamat: ut sanguine potius operiatur terra, quàm ut tantum nefas, sicuti ipse quidem interpretatur, aspiciat. Sed quæ sit ut sacerdotum coniugia tantopere quasi in cestuosa sacri legis, impura, disdigama & obscœna detestetur? Respondet: quia iubemur spiritu ambulare, ne carnis desiderijs obsequamur. Atqui, dictum illud Pauli, ad Christianos omnes, sine exceptione, pertinet. Videmus ergo ut sanctum coniugium hic canis sacrilego latratu infamet. Nam si calibes esse nos oportet, ut spiritu ambulemus, quis dubitet profligandum esse ex Ecclesia coniugium? Hanc quidem blasphemiam ex Sircio Papa suo didicit. Sed quæ tanta ipsos rabies agit, ut palam Montano, Encratitis, & Manichæis subscribant.

Exclamat Cenalis, magnam esse improbitatem, magnum flagitium, immane sacrilegium, si in sacrarium legum diuinarum, luxus & carnales trahantur deliciae. Cur igitur luxum & delicias domus suæ grassari ita patitur: nisi forte quod illinc diuinæ leges exulant? Sed quis hominem mente esse alienatum non videt, ut sanctio coniugio tā petulāter maledicere non vereatur? Quid enim? An Patriarcharum tabernacula, & dēsq̃ue Prophetarum, ac piorum Regum, profana quædā luxur receptacula fuisse dicet? An in Apostolorū domibus nihil nisi luxuriosum repperiet? Quæ vnquā cælestis philosophiæ puriora fuerunt sacraria? Atqui, eos fuisse cōiugatos legimus. Quinetiā id inter summas eorū laudes Spiritus Dei numerat, quod piè & in casta disciplina familias suas educarent. Exclamat rursus: Quis furor, quodve delirij, carnalibus curis ac desiderijs eos immergere, qui non nisi puritatē colere debent? Omitto quod diabolica amentia percitus, subinde coniugij honorem sceleratē deformat. Sed hoc cuius est furoris, furiosos & deliros vocare, qui in ordine sacerdotali cōiugium probant? Cum certum sit, annis plus trecentis in tota Ecclesia fuisse probatum. Paulus cum ad exquisitissimam amussim præscribit quales oporteat esse Episcopos, nominatim coniugatos laudat. Neque enim dicit, qui fuerint: sed præsentem statum cōmemorat. Quo cum sibi putat esse negotium, cum in Dei Spiritum Pauli ore loquentem fœtida sua maledicta eruat? Idem Paulus testis est Apostolos, quas habebāt uxores non modò retinuisse in suo contubernio, sed huc & illuc circumduxisse. Tota Ecclesia, cum in perfectionis suæ flore esset, ne & Deo coniugij anthoni, & Prophetis Apostolisque iniuriam faceret, pastores suos

suos maritos habuit & patres-familias. Cum ducētis ferè pòst annis fanatici homines calibatum imperare vellent sacerdotibus, sanctus martyr Paphnutius, qui ad extremā senectutem cælebs vixerat, acriter intercessit: suāque autoritate perfecit, ut Synodus Nicena liberum sacerdotibus, ut prius fuerat, coniugiū relinqueret. Nunc phreneticus iste, cornuum quæ in mitra gestat, fiducia, quasi Solem cadere è cœlo videat, ad tantum prodigium obstupescit. Et tam execrandæ in Spiritum blasphemix excipiuntur magno cum plausu. Pergit deinde fœtidæ suas voces ructando. Nam, ut se Ovidium legisse probet, quod profanus ille de impudico amore dicit, detorquet ad sanctū coniugium, Non bene, inquit, conueniunt, nec in vna sede morātur, deliciæ maritales, & mens in Deū erecta. Ergo secundū hanc pecudē, neque Prophetæ, neque sancti patres, neque Apostoli, neque infiniti martyres vnquā animos in cœlum susulerunt. Ergo Moyses, cui præ alijs datū est coram & quasi facie ad faciem Deum videre, mente in terrā curuata, nihil vnquam cœlestis gratiæ gustauit. Eiusdem ferè etiam notæ est, quod eos viam Balaam sequi dicit, qui sacerdotibus coniugium permittunt. Quasi honestum piūque coniugium in casto Dei timore auspiciari, & Madianitica scorta populo Dei miscere, pelliciendus ad idololatriam animis, nihil inter se differant. Nicolaitæ præterea vocat sacerdotes omnes coniugatos: quasi qui in ducenda vna uxore, varijs ac profusis libidinibus, quæ passim hodie in toto Papatu grassantur, remedium quærit, promiscuè uxores vulget ac prostituat. Sed negat hic bonus doctor, necessarium esse corrigendæ incontinentiæ remedium, quod Paulus ex Spiritu Dei iniungit. Contendit enim posse, quicumque volunt, vstionis morbo eximi: quia scriptum sit, Omnia possum in eo qui me confirmat. Sed non considerat ex aduerso, Christum his solus esse adiutorem, qui vocationi suæ obtemperant. Ergo ut victricem illam Christi potentiam in omnibus experiamur, pendere nos ex Dei mandato necesse est: ne quis sibi plus sumere ausit, quàm ab illo conceditur. Quid autem Paulus adhuc? Apertè pronuntiat, non omnibus communiter dari continendi facultatem: eos verò omnes, qui incontinentiæ vitio laborant, ne vrantur, ad coniugium se conferre iubet. Quid etiam Christus ipse? Cum Apostoli audita calibatus laude, beatum viuendi genus esse dicerent, negat omnes esse eius capaces: quo significat non alios esse idoneos, nisi qui peculiariter à Deo vocentur. Atque hinc satis apparet, nihil minus quàm Ecclesiasticas esse leges, quæ à coniugio arcent quos illuc nominatim Spiritus Dei inuitat. Certè Apollonius vetustissimus scriptor, teste Eusebio, Montano exprobrat, quod matrimonia primus soluerit, & primus soluenda docuerit. Cuius se discipulos ostendunt, qui nec cōtrahi volunt coniugia secundū Dei institutum, & quæ sic contracta erant, rata negāt esse. Porro, ne insanire absque ratione videatur Cenalis terram mox incolarum multitudine obrutam iri admonet, nisi calibatu nimia soboles cohibeatur. Perinde hîc loquitur subtilis doctor, ac si calibatus & continentix nullum esset discrimen. Atqui, omnes norunt propagando hominum generi nullum esse magis fecundum semen, quàm sacerdotale. Eò enim prorupit indomita omnium ferè monachorum sacerdotūque Papalium libido, ut castissimus meritò censeatur, qui domestico scorto contentus est. Quare, ne terram repleant, non à coniugio prohibendi tantum, sed penitus castrandi erunt. Alioqui, fieri non desinet, quod pridem esse factum norunt omnes: ut pro legitimis duobus, cogatur terra tres alere spurios. Quod nisi Cenalis totum capitis sui acumen in mitra episcopali haberet, nunquam ita se propinasset vel pueris ridendum. Quid enim obsecro risu dignius, quàm cum emissarios tauros pinguiter in otio & vsque ad saginam pasci iubet, ne soboles noua succrescat? Verum hoc maioris etiamnum amentix est, quod cum benedictionem suam Dominus vocet humani generis propagationem, Cenalis

quasi infelicem strumam scalpello resecari præcipit: & quasi fortuito gignerentur liberi, timet ne supra iustum modum excrescat numerus. Sed digna est sacrilega talium hominum superbia, quæ se in extremas quasque absurditates præcipitet. Nam si tot monstruosis nefandarum scortationum exemplis sancti coniugij contemptum vultus est Deus: quanto grauiore supplicio digni sunt contumeliosi isti insultus, quibus bacchatur importunū hoc animal? Caterum, vt nomini suo respondeat Cenalis, iterum ad culinā reuoluitur. Nam si homini solitario vix tria, inquit, sacerdotia sufficiunt, quomodo numerosæ familiæ vnum sat erit? Nisi plusquā vecors esset, annon cogitaret in promptu esse responsum: non modò optimum fundum esse parsimoniā, cui magis patres-familias assuescunt: sed istis solitarijs, quos iactat, multò semper amplius esse sodalitiū? Frugaliter cum uxore & liberis viuet maritus, vt extenui quoque redita aliquid superfit: at sacrifici Papales, priusquam meretrices, spurios, lenones ac lenas expleuerint, multò vberiores absumpti erunt proventus, quàm qui multis honestis familijs pares fuissent. Quid profusos luxus enumerem, in quos quicquid vndeunque rapere possint vel radere, tanquam in gurgites inexhaustos proijciunt: vt videantur tantum ad perdendam pecuniam ingeniosi? Nam quò magis abundant, totum ferè orbem immergunt suis corruptelis. Porro, vt se tribeneficiarijs suis venditet, vertiginosos appellat, qui vnum singulis sacerdotium assignant. Certè, ô bone pater, aut ebrium, aut bene saturum fuisse te oportet, cùm tanta vertigine percitum tibi cerebrum fuit, vt ordinem hunc improbare auderes, quem audacissimi quoque & improbißimi non modò fateri coguntur esse rationi consentaneum, sed tanquam à natura dictatum, seruari præcipiunt.

Postquam scelestus hic nebulo, quicquid vnquam in sua Sorbona haurire potuit blasphemiarum, in Deum euomuit: demum, sublatis cornibus, Thraſonicam iactantiam efflat: se in arenam descendere paratum, vel si ad sanguinem vsque pugnandum sit. Equidem, vt est homo sanguinarius, non dubito, si trucidandi essent omnes Dei serui, fundendisque innoxius virorum pariter ac mulierum sanguis, quin se libenter antesignanum præbeat: suo autem parcere didicit. Caterum, cùm hunc Cyclopem videamus, non minus rigida pertinacia ad oppugnandam veritatem insistere, quàm rabioso aduersus eam odio flagrat, plusquam turpes flagitiosique sumus, si in confessione synceræ fidei minus ostendimus constantiæ. Atque, vt ad reformationis adulterinæ fucum reuertar: cùm perspicuum sit, totam illic sanæ doctrinæ synceritatem corrumpi, quisquis eo sibi oculos illini sinet, quomodo se Christianum probabit? Video equidem, quæ pericula omnibus proposita sunt, qui ingenuè Christum confiteri volent: quanta apud imperitos inuidia virgeantur: quanta in futurum tempus infamia eos maneat. Sed iam antè admonui, nihil tanti esse, vt deflectamus ab ea doctrina, in qua & Dei gloria, & totius mundi salus continetur. Nam quoscunque hinc inde prætextus sibi conquirant, qui ad excusandā suā mollitiē plus hodie sunt ingeniosi, quàm par esset, nimis tamen indignum est, maiorem à nobis propriæ famæ rationem haberi, quàm Dei gloriæ: magis nos à stultis & temerarijs hominum opinionibus pendere, quàm in Christum respicere vnicum cœli terræque iudicem, adeoque in Angelos & sanctos omnes, qui eius sententiæ subscribunt: beatam illam immortalitatem, quæ nobis promissa est, ac in cœlis reposita, mundo & huic caducæ vitæ à nobis posthaberi. Iam tempus postulat, vt fidem nostram, quam antehac lingua & atramento sumus confessi, sanguine quoque nostro obſignemus. Iam pridem si ritè profecissemus in Christi schola, debueramus in hac meditatione esse exercitati. Hoc enim primum veluti tyrocinium est, quo suos erudit: vt seipſos abnegantes, tollentisque crucem suam, ad mortem indefesso cursu properent. Nunc perinde noui sumus ad subeunda pro Euangelij testimonio pericula,

pericula, ac si nullum unquam Filius Dei hac de re, quam assidue inculcat, verbum fecisset. Cum olim Caius Caligula statuam suam Hierosolymis in templo collocari mandasset, Iudæi undique quasi apum examina, non ut vi & manu impedirent tale sacrilegium, sed ut ceruices suas gladijs opponerent, pro vindicanda templi maiestate, concursum ad Præsidentem fecerunt. Neque subitus ille animorum impetus fuit, qui statim resideret: sed quoties de templi profanatione agebatur, innumera propè tam mulierum quàm virorum turba, sui oblita, alacriter se ad mortem offerebat: ut non nisi per stragem corporum suorum via idolo pateret. Et nos non lapideum iam templum, in quo Deus inuocetur, habentes, sed Filium Dei, in quo tota Patris maiestas habitat, silentes ipsum patiemur adeò turpiter violari? Idolum enim erigitur, non quod externam sacrarij speciem deformat, sed quod totam Ecclesiæ sanctitatem inquinat ac peruertat: quod labefactet totum Dei cultum, nihil in religione nostra impollutum relinquat. Si ad propiora tempora descendimus: quot martyrum millia, aduersus presentissimos mortis terrores inuicta fortitudine perstiterunt? Quid de terroribus loquor? An non morte ipsa intrepidè te statim sunt, aliam se vitam & querere, & certò sperare? Ac tunc quidem simul, utque exigua lucis scintilla hominibus emicuerat, totum cor inflammabat tanto cælestis vitæ desiderio, ut vitam hanc faciliè, mortemque contemnerent. Nunc cum plenus intelligentiæ fulgor nobis illuceat, nihil ferè cordis apparet. Et salutem speramus ex Evangelio, pro cuius veritate asserenda, nemo vult periclitari? Itaque, hæc plusquam perfida ignorantia, quam anni vnius experimentum prodidit, documentum est nimis luculentum nostræ ingratitude: ut iam non amplius querenda sit ratio, cur in tot urbibus, atque prouincijs puritas Christianismi concidat. Cur enim inestimabili Dei beneficio diutius fruuntur, qui pro nihilo ipsum duxerunt? Hæc ideo dico, ut quicumque aliquo pietatis sensu tanguntur, quasi extenta Dei manu, ad mortem se vocari meminerint. Ac ne animi deficient, beatus multò sibi esse non dubitent, laboranti, perculsæque Ecclesiæ se vtrò adungere socios, quàm nimium sibi cauendo, priuata quæ tranquillitati consulendo, sortem appetere à filijs Dei se gregatam. Dicebat ille, cum mors esset præ oculis, se nihilominus senectutis fiducia esse liberum: etiam ubi non erat tam necessaria libertas. An apud nos pro gloriæ Christi patrocinio minus futura vitæ valebit æternitas, quàm apud illum presentis vitæ breuitas valuit? Pudeat nos quoties illam mulieris vocem audimus quæ inducitur ab ethnico poeta: *Vsq̃ue ad eam mori miserum est: si in testanda fide nostra, ubi discrimen aliquod se ostendit, suspensi hesitamus.* Ego verò, ut mihi satis conscius sum meæ imbecillitatis, ita Dei subsidio fretus, re ipsa, cum usus postulabit, me ostensurum confido, quàm seriò crediderim ac credam, beatos esse, qui in Domino moriuntur.

*Libelli de vera Ecclesiæ reformandæ
ratione, Finis.*

APPENDIX LIBELLI DE VERA ECCLESIA
reformande ratione, in qua refutat Ioannes Caluinus censuram
quandam typographi ignoti, de paruulorum sanctificatione, & muliebri baptismo.



ANNVS iam ferè præterijt, ex quo mihi indicatum fuerat, libellum meum De vera genuinæque Ecclesiæ reformatione, qui ex typographi nostri officina, primum iussu meo prodijt, fuisse rursus in Germania excusum. Atqui, nunc demum, serius quàm oportuit, admonitus fui corruptum esse & mutilum illud Germanicum exemplar: neque id modò, sed additam simul censuram fuisse, in qua atrociter proscindor. Quando typographus nomen suum subticet, cum quo ex postulem, non habeo. Neque id etiam multum referre arbitror. Quispiam forte bene potus, vini aut ceruisiæ suæ fumos in me exhalauit. Fieri etiã potest, ut aliquis turbulento cerebro, etiã ieiunus, impetũ in me fecerit. Verũ, hominẽ, quisquis tandẽ est, omitto. De re si agitur, hæc certè indignitas est non ferendã, quĩ ego fideliter ac seriò in opus aliquod incubui, librariũ ignotũ arbitratus suo cõscindere quicquid nõ arridet, ac scriptũ lacerũ pro integro venditare. Quancũ ne cui priuatam causam agere videar, ab hac quoque querimonia supersedeo. Tantum quod totius Ecclesiæ interesse arbitror, quia dissimulare fas non est, breuiter attingã. Hoc citra arrogantia notam, mihi, ut spero, per bonos omnes licebit gloriari, labores meos Ecclesiæ Dei mediocriter esse utiles. Nunc si prauis & impij dogmatis maculam illis aspergi patiar, multum de fructu, quẽ inde colligere poterãt filij Dei, imminutum iri video. Tacendo, itaque, minorem, quàm par erit, publicæ utilitatis rationem à me haberi ostendã: præsertim ubi in grege Domini numerãtur qui me traducũt. Professos enim hostes parũ moror, à quibus hæreticũ me vocitari necesse est, si Christianus haberi velim. Fateor quidẽ, hoc quasi fatale esse Christi seruis, ut bene agẽdo malè audiãt. Neque verò mihi recusanda est hæc cõditio, ut cũ Paulo per infamiã & bonã famã progredi ar. At quoties locus & facultas datur, nõ est negligenda bonæ causæ defensio. Deinde quĩ mihi probè cõstet, sanã esse, & ex puro Dei verbo sumptã doctrinã quæ oppugnatur, mihi eius patrociniũ deserere, quĩ à me semel tradita fuerit, iã nõ est integru. Hac enim lege, doctrinæ suæ ministros Dominus nos cõstituit, ut nõ minus eã cõstãter tueri iubeat, quã fideliter tradere.

In libello meo ita ad verbũ locutus erã: In baptismo, breuiter añotare operæpretiũ est, melius potuisse omitti, quod de præcisa eius necessitate commemorant. Præterquã enim quòd externis signis perperã alligatur animæ salus, iniuria fit non levis promissioni: ac si minus ad præstandã, quã offert, salutẽ, nisi aliunde adiuta, sufficeret. Sancta ideo nascitur ex fidelibus progenies, quòd adhuc vterò inclusi ipsorũ liberi, antequã vitale spiritũ hauriant, cooptati tamen sunt in fœdus vitæ æternæ. Nec sanè alio iure per baptismũ aggregantur in Ecclesiam, nisi quia ad corpus Christi iam antè pertinebant, quàm in lucem ederẽtur. Alienos enim ad baptismũ qui admittit, ipsum profanat. Nũc ergo qui ita necessariũ statuũt baptismũ, ut à spe salutis excludãt, nisi qui eo tincti fuerint, tũ in Deũ sunt cõtumeliosi, tũ se quoque ipsos implicãt magna absurditate. Nã à Christo alienos sacra Christi nota insignire, quĩ fas esset? Baptismũ ergo precedat adoptionis gratia necesse est, quæ nõ dimidiã tantũ salutis causa est, sed eã ipsam salutẽ in solidũ affert, quæ deinde in baptismo sancitur. Hinc, ut error alius ex alio scaturire solet, baptizãdi munus, quòd solus Ecclesiæ ministris peculiariter mãdauit Christus, nõ ad vnũ modò quẽlibet ex plebe, sed ad mulierculas etiã delatãt.

Hunc

Hunc locū sic exagitat larvatus censor, ut crassum Pelagij errorē à me renouari pronuntiet. Ipse verò nimis crassus, qui lucē à tenebris non distinguit. Pelagius supernuacuum infantibus baptismū putabat, quia eos fingeat à peccato immunes. Imo nulla illi propriē de pædobaptismo disputatio erat. Sed quum ad probandū originale peccatū obijcerēt sancti Patres Ecclesiæ cōsuetudinē in pueris baptizādīs, atque inde colligerēt, omnes Adā posteros reatum aternæ mortis ex utero secum asferre: hoc extremum homini præfractō asylum fuit, non indigere baptismo infantes, quia sine peccato nascātur. Quid obsecro Pelagij errori in meis verbis affine reperietur? An ego à peccati reatu eximo pueros? An illorum salutē in originali, ut loquūtur, iustitia, & naturæ integritate colloco? An illos gratuita Dei mise ricordia in Ecclesiā recipi nego? An nō ubique ipsis quoque remissionē peccatorum esse necessariā cōcedo, eāque baptismo obsignari profiteor? Iam satis cōstare arbitror, quāta sit censoris inscitia, qui Pelagij errorē, in tam diuerso loquendi genere se deprehendisse iactat. Certē vel Augustini scripta nunquam attigit, vel non tantum habuit iudiciij, ut quanam esset Pelagij opinio animaduverteret. Ego tamen potius existimo, ab homine antiquitatis imperito, veteris hæretici nomen ex vulgari fama auditum crepari.

Neque in eo minus peccat, quod non obseruato quæstionis statu, temerē argumenta sua in ventum spargit. Si quis pædobaptismum acriter, & validis rationibus hoc tēpore defendit, ego certē vnus sum ex numero. Nec de causa aut fine cōtrouersia est, quin ideo baptizētur, ut insiti in Christi corpus, liberētur ab æterno interitu peccati, quod illis natura in genitum est, remissionē obrineāt, induātur gratuita iustitia. Huius rei luculētum mihi testimonium reddit mea Institutio, Catechismus, Solēnis formula, quam ego in quotidianum Ecclesiæ nostræ vsum cōposui. Quæ igitur in re dissensio est? Nēpe quod præcisane necessitas, quā vulgō nimium vrgent, à me improbatur: Puerum, si morte repentina abreptus, offerri per tempus ad baptismum nō potuerit, arcēdum propterea à regno Dei nō cōcedo. Vim baptismi nō extenuo: nō obscuro legitimum ipsius vsum: tantū animæ salutem alligari signo nō patior, quin Dei promissio sufficiat. Liberi enim fidelīū iam antequā gignātur, adoptati sunt à Domino, quum dixit: Ero Deus vester, & seminis vestri. Hac promissione contineri infantium salutē, certo certius est. Cui verò illa nō sufficit, is Deo atrocē facit iniuriam: neque enim veracē ipsum agnoscit, quū seruādi efficacīā detrahit eius verbo. Et Christi re spōsum cōtrouersiā hac de re dirimit. Nā si verē colligit, Abrahā à morte esse superstitē, quia is qui viuorum nō mortuorū Deus est, se Deū Abrahæ pronuntiat: eadē ratione conficitur, genuinos Abrahæ filios, etiam prius quā nascātur, vitæ aternæ esse hæredes, quādo in eodē ipsos gradu collocat Dei promissio. Meminerint ergo lectores, non hīc disputari, an baptizari infantes necesse sit, nec vocari in dubium, an baptismo inserantur in Christi corpus, an illis sit lauacrum regenerationis, an peccatorum veniam obsignet: sed tantū de præcisane necessitate moueri quæstionem. Meminerint, quo argumēto cōtendam, eos sine baptismo salutem posse cōsequi: nempe quia per se satis efficax sit promissio, quæ adhuc in vtero inclusis vitam assignat. Huc pertinet, quod Paulus sanctos, honoris causa, eos nominat: significans ipsos à communi hominum semine, iure fœderis segregari.

Alterū argumentū adduco: Quod externis signis minimē alligāda sit animæ salus. Quid enim Christi sanguini residuū fiet, si in aqua vitā spirituale includimus? Addo præterea: Ideo baptizari infantes, quia domestici sunt Ecclesiæ. Hoc enim iure nititur pædobaptismus, quod iā Deus suos agnoscit, qui nostro ministerio illi offerūtur. Vnde & suos olim vocabat, quicumque ex Israele ducebant originem. Ac meritō: sancta enim erat progenies, ut Paulus docet, Rom. 11.

Hæc omnia dissimulans censor, primum hac ratione contrā insurgit: quod non ex sanguinibus, neque ex voluntate carnis aut viri, sed ex Deo nascamur in spiritualem vitam: quod non nisi caro ex carne descendat: quod omnes nascamur filij iræ. Quasi verò negem, maledictum natura esse totum Adæ genus, adeoque infantes ipsos, antequam in lucē prodeant, mortis æternæ reatu teneri implicitos. Sed in eo nimirū fallitur, quod inter vitium naturale, & remediū aliunde proueniens, nō discernit. Nec verò nouam solutionē nunc ex tempore cōmisor: sed referam dūtaxat, quod ante annos quatuor à me proditū est. Sic enim in septimū caput prioris ad Corinthios epistola loquor: Quī conueniet hæc sentētia, sanctos esse priorū liberos, cum eo quod alibi tradit: Omnes esse natura filios iræ? Item cū sentētia Davidis: Ecce in peccato cōceptus sum? Respondeo, vniuersalem esse propagationē peccati & damnationis in semine Adæ: omnes igitur ad vnum sub hac maledictione includi, siue ex fidelibus, siue ex impijs descendant. Neque enim spiritu, sed carne, liberos suos generāt fideles. AEqualis itaque est in omnibus naturæ conditio, vt sint tam peccato quā æternæ morti obnoxij. Quod autē liberis fidelium speciale priuilegiū tribuit Apostolus, id fluit ex beneficio fœderis: quo superueniente, deletur natura maledictio: & Deo per gratiā cōsecratur, qui natura profani erāt. Sic ego illic ad verbū. Institutio quoque nostra pleniorē eius rei explicationē cōtinet: sic enim alicubi loquor: Cū scriptū sit, nos omnes esse natura filios iræ, ac in peccato conceptos, cui dānatio adheret: è natura nostra demigremus oportet, antequam in regnū Dei aditus nobis pateat. Et quid dici clarius potest, quā carnē & sanguinē regnū Dei possidere nō posse? Aboleatur ergo quicquid nostrū est, tum possessionē hanc cernemus. Inde colligo, regeneratione opus habere infantes. Sed hanc ex promissione gratiā illis prouenire cōcedo: baptismū verò, sigilli instar sequi. Denique hoc passim inculco, supernaturale esse priuilegium, quod à reatu eximuntur. Quanquam censori hæc solutio ignota esse non debebat: cum ex Augustino eam sumpserim.

Quod Ioannes Baptista ab utero sanctificatus est, inter alia quæ illic narratur miracula, referendū esse dicit. Assentior: neque ego hoc testimonio in præsentī causa vsus sum. Alibi cōtra Anabaptistas adduco: ex quorū numero, tamet si hunc non puto esse, tamen, vt incōsiderati homines solent, se in malam suspiciōnē temerē projicit. Porro quasi duos iam profligauerit errores, postquā temerē effutiuit Pelagij nomē, & ex Paulo recitauit, omnes esse natura filios iræ, ad tertium errorē se descendere proficetur. Quis nā verò hic error? Quod baptismū, si alienis cōferatur, profanari dico. Atqui, si cōsori negotiū foret cū Anabaptista, eandē mecū rationē adduceret, iure conferri baptismū pueris, quos Deus in fœdus suū adoptauit. Quid ergo absurdi in re prorsus confessa inuenit? Excipit scilicet, nos quoque fuisse alienos & ex gentibus peccatores: fuisse tamē baptizatos Christi mandato: qui non sanctos tantum vel sanctorum filios, sed omnes gētes baptizari iussit. Certe hic bonus pater, securē, vt video, in umbra vini aut ceruisiæ philosophari solitus, eandē confidentiā longius spargere voluit. Sed expēdere debuerat, quo sensu profanari baptismū dicā, si alienos promiscuē ac domesticos ad eū admittimus. Et verò id ex Christi mādato quod citat, euincere prōptū est. Christus omnes iubet baptizari, inquit. An nō prius vult Euangelium prædicari? Hunc enim ordinem commendat Apostolis, vt doceāt ac baptizent. Ergo Euangelij doctrina, qui prius alieni erāt, inseruntur in Ecclesiā. Ita Paulus docet, quum Iudæi, qui naturales rami sanctæ radicis erāt, defracti fuerint, Gētes tanquā syluestres oleastros, fuisse in illorū locū insitas. Quomodo hoc? Nempe per Euangelium. Absurdē ergo censor noster, qui mēbrum vnum decerpit: imo, quæ à Christo coniuncta erant, diuellit ac lacerat. Quare, breuiter respōdeo: vocari quidē ad baptismū, Christi voce, alienos: sed prius Euāgelij prædicatione co-

optari

optari in familiam. Ita antè domesticus erat Abraham, quàm circumcisionis signum accepit. Quòd ad minores natu attinet, quia illos etiam comprehendit Deus in fœdere, non alieni iam reputantur, sed gratiæ sunt hæredes. Quemadmodum & ex Petri cõdione discimus. Quid autè hac de re prius tradiderim, testis est mea Institutio, ubi ad verbum sic habetur: Cur in Abrahamo fidem circumcisio sequitur, in Isaac filio omnem intelligentiam præcedit? Quoniam eum, qui adulta demum ætate in fœderis societatem recipitur, à quo fuerat hæcenus alienus, eius cõditiones antea perdiscere æquum est: infantem verò ex eo progenitum non item, qui hæreditario iure, secundum promissionis formulam, iam à matris utero, in fœdere contineatur. Aut, quòd res clarius ac brevius indicetur, si fidelium liberi citra intelligentiæ adminiculum, fœderis sunt participes, non est cur ob id à signo arceantur, quia in fœderis stipulationem iurare nequeunt. Qui verò infidelis est, impijs ortus parentibus, donec per fidem Deo uniatur, à fœderis communione extraneus censetur. Itaque, nihil mirum si nec signo communicet, cuius significatio in eo fallax inanisque foret. Non alio: sum hæc refero, nisi ut cuius appareat censoris confidentiam ex mera inscitia perficisci, quia mentem meam non sit affecutus. Hinc refellitur alterum obiectum: Christus sanis opus nõ esse medico dixit. Fateor sanè: & ideo non aliter quàm eius gratia, restitui sanitatè doceo, tam paruulus quàm adultis. Sed qui in aqua sola queri volunt medicinam, quid ipsi Christo, quid eius sanguini, quid Euāgelio, quid Spiritus virtuti faciunt reliquum? Porro non alia de re mecum litigat censor, nisi quia, restituendis in vitam paruulus, ubi mors subita baptismi facultatem illis aufert, remedium in promissione, quam proprio sanguine Christus sancivit, efficax plenumque esse doceo: ille autem salutis spem præcidit, nisi ab externo elemento petatur. Quærit an Iudæo vel Turcæ negandus sit baptismus, si eum postulent. Hic nemo non videt, quàm crassè hallucinetur, qui alienos fingit, quibus fidem assignat. Quid autem secum ipse deliret, nihil moror. Verum stultè hoc argumento me aggreditur, qui ubique doceo, fide eos omnes, qui alienissimi fuerant, in Dei familiam & Christi corpus coalescere. Neque tamen id obstat, quominus per baptismum quoque in Ecclesiam solenni ritu aggregentur: quò magis rata sit eorum insitio, dum sigillum in eius confirmationem accedit.

De Papistarum libere expedita est responsio. Quòd iure eos baptizari pro confesso assumit, libenter illi concedo: sed falso existimat, extraneos ideo à me cēseri, quia neque ex patre sancto geniti, neque ex sancta matre nati fuerint. Neque enim propterea sanctorum filij esse desinunt, quum longius ducenda sit originis series. Neque enim in vno gradu consistit Deus, sed vitæ promissionem in mille generationes diffundit. Ita Paulus, dum ex radice sancta ramos esse sanctos colligit, & cōspersionem in primitijs consecrari docet, qualis unicuique fuerit pater, non reputat: sed omnes agnoscit sanctos, qui ex Abraham & reliquis patribus fuerant progeniti. Quærit an non pius fieri possit impij hominis filius. Et mox exclamat, nihil hoc errore crassius fingi posse. Ego verò sine exclamatione placidè ipsum moneo ne posthac in tantum feruorem, nulla causa incitatus, prorumpat: nam de eo ineptè certamen mouet, quod verum esse omnes fatentur.

Quòd profanari baptismum dico, si alienis conferatur, perinde valere existimat, ac si quis agrotum non esse curādum diceret, quia agrotus est. Tametsi aliquid haberet coloris hæc similitudo apud imperitos, breuiter tamen ostendere promptum

est, quàm sit intempestiva. Domesticos enim appello, non qui sani sunt, ut Christo non indigeant: sed qui in se mortui, vitam in eo querant. Sicuti per alienos non intelligendi sunt, quicunque alienati sunt à Deo per peccatum, sed quos à regno suo adhuc arceat, ut nostrum ministeriū se ad eos usque non extendat. Tales verò sunt omnes, quibus non destinatur baptismus, Christi mandato: sed hæc omnia ex uno ignorantia fonte manant, quòd nunquam intellexit censor, qui immundi sunt natura, eisdem faciendi beneficio sanctos esse: qui exulant à regno Dei ob peccatum, iure ad peccatū propinquos esse Deo, qui æternæ morti obnoxij sunt, imo, penitus in Adā mortui, benedictionem ex hoc verbo consequi, Ero seminis tui Deus: ut vitæ cælestis sint heredes. Denique, nunquam expendit quale inter Christianorum & Turcarum liberos esse discrimen. Accedit etiam altera perinde crassa natura efficacique baptismi ignorantia: nam si hoc illi modò in mentem venisset, baptismum, Verbi esse apudendum, hoc ipsum de quo litigat, vidisset sequi: non esse signi capaces, nisi qui iam Verbo sanctificati fuerint.

Ex eodem principio fuit & istud delirij, quòd mulieres facit baptismi admistras in casu, ut vocat necessitatis: me verò, qui hanc alieni muneris illicitam esse usurpationē dico, toto errare cælo superciliosè pronuntiat. Hæc verò non gravis licerati hominis censura est, sed barbara hominis mechanici licentia, ad eò superbè hominem non malè de Ecclesia meritum damnare. Toto cælo errare Calvinum, ignotus & sine nomine Typographus censet. Quantū ponderis habitura est gigantis huius auctoritas, nullis rationibus suffulta? Caterum, quia vetus ac tritum proverbij, st apud imperitos, communem errorem haberi iure loco: hac autem opinio temerè concepta sub tenebris Papatus ita obtruncit, ut vix hodie ex multorum animis reuelli queat: quàm frivola sit & absurda, paucis verbis ostendā. Mulieri ius munusque baptizandi ordinariū non competere fatentur omnes: necessitatem excusant, si imminuat mortis periculum. Sed unde hoc persuasum habent, nisi quia libet ita credere. Nec verò me fugit, necessitatem, quam fingunt, ex Christi verbis solere colligi: Nisi quis renatus fuerit ex aqua & spiritu, nō intrabit in regnum Dei. Nempe similitudinem elum errore ducti, infantibus panem Eucharistia & calicem ingerebant: quia scriptum est: Nisi carnem Filij hominis comederitis, & biberitis eius sanguinem, non habebitis vitam in vobis. Atqui, hodie ne Papista quidem, quanlibet cæci sint, ad hunc secundum lapidem impingunt. In baptismo nescio qui factum sit, ut absolutam necessitatem constituerent. Quamquam hoc absurdum, quòd cum in adultis aliquam adhibeant moderationem, solis infantibus se inexorabiles præbent. Adultæ ætatis hominem sine baptismo saluū fieri posse concedunt, modò votum adsit. Cur ergo infantem recens natum pia parētum vota eximere à reatu non poterunt? Caterum, Christi verba alienum trahunt, quàm intelligi debeant. Primum, totam ferè illam concionem allegoricam esse constat. Verum, ut illud omitтам, si quis integro iudicio locum hunc expendat, nullam fieri baptismi mentionem, facile animaduertet. Sed hoc mali est, quòd qui temerè arripiunt vocē aquæ, præsumpta opinione delusi, nihil poetica iudicant. Porro, mihi non aliud significat aqua & spiritus, quàm spiritus & ignis: nam ut hic posteriore loco nomen Ignis vice epiti: ti ponitur: ita priore illo aquam pro loco spiritum, quia im efficiturque aqua habeat. Alij spiritum & aquam, ut nubilia clementia, terra opponunt. Et quidam ex veteribus aquam interpretantur, carnis mortificationem. Horum certè utrunque magis tolerabile, quàm simbolo alligare hominis salutem.

Non

Non agitur hîc de necessaria baptismi obseruatione: nam infantes baptizandos esse inter nos conuenit: vt libera non sit signi omisio. Sed vbi filiû libenter parentes ad baptismum offerrent, si morte præripitur, an desperanda sit eius salus, quaestio est. Qui perditos esse volunt omnes, quibus aqua tingi non contigit, nimis malignè sentiunt de Christi regno: sub quo restrictiorem Dei gratiam esse fingunt, quàm olim sub lege fuerit. Quia fas tunc non erat ante octauû diem circumcidere, si quis puer triduo post natalem suum mortuus esset, nulla erat noxa: siquidem fœdus & promissio, illi in ius adoptionis satis erat. Nunc cum dies præscriptus non sit baptismi, qui nec contemptu, nec negligentia signum præteribit, plusquam absurdû est Dei beneficio fraudari, quo Iudæi sub Lege utebantur. Alioqui, venisse Christum non adimplendas, sed abolendas promissiones dicemus, quando promissio quæ antè ad salutem conferendam per se valebat, nunc absque signi adminiculo rata non erit. Sed aliter plerique ex vetustis Ecclesiæ scriptoribus senserunt. Atqui, simul notare operapretium est, quatenus suæ sententiæ deferri voluerint. Id Augustinus Epist. xxviii. ad Hierony. paucis verbis dilucidè explicat. Contra Cypriani opinionem, inquit, qui fortè non vidit quod videndû erat, sentiat quisque quod volet. Tantùm contra manifestissimâ Apostoli fidem non sentiat, qui dicit omnes in condemnationem nasci: contra Ecclesiæ fundatissimû morem non sentiat, quæ propter animæ periculum ad baptismum currit. Ego verò omnes in Adam mori fateor, nec paruulos minus quàm adultos opus habere Christi redèptione. Nec receptum morem Ecclesiæ improbo, vt ad baptismum currat. Tantùm in eo falli Augustinum dico, quòd periculum statuens, spem vitæ præcidit infantibus, quos Dominus suos esse pronuntiat, & quibus baptismus non competeret, nisi iam in Ecclesiæ societatem, Dei promissione vocarentur. Quæ igitur, dicet quispiam currendi ratio? Nempe hæc opinor satis legitima, vt quam Dominus salutem verbo suo promittit, in corpore filij ob-signatam, & quasi insculptam cernat parens: vt filij ablutionem in Christo quærens, se morti et noxium cum toto suo semine profiteatur: ne tesseram, quæ confirmanda fidei data est, videatur negligere. Denique, vt Christianorû insigne filius in sepulchrû ferat. Illa autem periculi opinio, quia priuatum fuit commentum, securè repudiari potest: quia manifestus Scripturæ testimonijs, quæ prius citauimus, contraria est, factessere delerè medio. Quòd si cui Augustini sententiâ peruicaciter tueri placet, omnes sibi dånandos meminerit, quibus nõ licuerit per ætatē fieri Cœnæ Domini participes: nam in eod. m. vtrunque ordine locat: vt non minus perÿsse censeat, qui Cœnæ Dominicæ participatione caruit, quàm qui baptismum non accepit. libr. De meritis. & remiss. peccat. i. cap. xxiiij. & ad Bonifac. Epist. cvi.

Neque tamen dicit Augustinus, adductam eiusmodi periculo Ecclesiam fuisse, vt baptizandi licentiam mulieribus permetteret: nam in extremo etiam periculo ad templum properare solitos dicit, vt publico ministerio vterentur. Vnde sequitur, nullo Ecclesiæ vsu aut more fuisse receptum, vt priuatim sibi quispiam munus arriperet. Alibi quoque dicit, matres in templum currere, vt filiorum saluti consulant. Nusquam ea dicit, m. nu sua remediû adhibere. Ex eo etiam quod tradit lib. ij. contra epistolâ Parmen. cap. xij. cõiungere licet, omnino muliebri baptismum illa ætate fuisse incognitum. Si laicus, inquit, necessitate compulsus, baptismum dedit, nescio an qui quam piè dixerit esse repetendum: nulla enim cogēte necessitate si fiat, alieni muneris vjurpatio est. Si autem necessitas vrgeat, aut nullum aut veniale

delictum est. Debuerat certè potius de muliere mouere quaestionem, si vllum tale exemplum tunc extitisset. Quum de solis viris dubitat, nemo certè non videt, nihil de mulieribus venisse in mentem, quia res erat prorsus inaudita. Adhuc in viris ipsius dubius hæsitat, nec eos prorsus excusare audet à veniali peccato. Sed omnem dubitationem apertius tollit Carthaginensis concilij decretum, vbi sine exceptione prohibentur mulieres à baptisimi ministerio. Quare ne amplius dicat Typographus me toto errare cælo, cuius pedem in stabili fultura tam bene fixum esse videt. Hac ratione Tertullianus, Non permittitur mulieri, inquit, in Ecclesia loqui: sed nec docere, nec tingere, nec offerre: ne vllius virilis, nedum sacerdotalis officij sortem sibi vindicet. Qui locus mendosè quidem legitur. Sed nemini mediocriter erudito dubium erit, quin hæc Tertulliani sit sententia. Nec verò prætereundum est, quod apud Epiphanium habetur: nam libro contra hæreses, i, Marcioni exprobrat, quòd mulieribus det baptizandi licentiam: idque inter ludibria numerat, quibus plenam fuisse sectam dicit. Libro autem secundo de Phrygiis & Priscillianis loquens, irridet eorum amentiam, quòd mulieres faciant Episcopos, quia in Christo non sit mas aut fæmina. Neque verò me latet, quid dicturus sit censor, multum scilicet inter communem vsum interesse, & extraordinarium remedium, cum vrget vltima necessitas. Sed quum nulla ab Epiphanio necessitas excepta sit, vbi ludibrium esse pronuntiat, dare fæminis baptizandi licentiam, probè mihi colligere videor, corruptelam hanc ita ab eo dānari, vt nullo prætextu sit excusabilis. Ita libro tertio, quòd hoc, ne sanctæ quidem Christi matri fuisse permissum docet, nec vllā restrictionem addit, quis non videt muliebrem baptismum generaliter ab ipso improbari? Denique summa impudentia est, vetustatis patrocinium hîc obtendere: quando aperitè constat non nisi cū barbarā totius Christianismi confusione inoleuisse hunc abusum.

Citatur ex aduerso Sephora exemplum: in quo nonnulli plus iusto sibi placentes, à Abel suam produnt. Primum, vel ipsis concedentibus, circūcisionis & baptisimi dissimilis est ratio. Neque enim vetus illud symbolum ita absolutè necessarium fuisse tradunt. Deinde quòd placatus fuit Domini angelus, inde perperam colligi dico, probatū Deo fuisse quod egit Sephora. Alioqui dicemus placuisse illi cultum, què perfunctoriè exhibeant Samariæ incolæ, illuc ab Assyrijs traducti. ij. Reg. xvij. Tertiò fuit illud facinus singulare, quod in exemplum malè trahitur. Ad hæc, nusquam sacerdotibus speciale circuncidendi mandatum legimus datum esse. Aperta autè sunt Christi verba: Ite, docete omnes gentes, ac baptizate. Certe eosdem constituit & Euangelij præcones, & baptisimi ministros. Si nemo honorem sibi rite in Ecclesia vsurpat, teste Apostolo, nisi qui vocatus est, vt Aaron: quisquis sine legitima vocatione baptizat, cum temerè inuolare in alienā functionem dico. Quid enim? quum ne Dei quidè Filius se ingerere voluerit: an sibi nescio quis terra filius se publicum tanti mysterij dispensatorem nulla auctoritate creabit? In rebus etiam minutissimis, vt in cibo & potu, quicquid dubia conscientia aggredimur & audemus, Paulus aperitè peccatum esse clamat. Porro in muliebri baptismo quæ fidei certitudo esse potest, quum tradita à Christo regula violetur? Nam quod Euangelij sui ministris munus iniungit, mulieres ad se rapiunt. Respondeat mihi censor, an homini fas sit diuellere, quæ Dominus coniungit? A Christo enim hæc coniuncta esse ostendo, Euangelij prædicationem, & baptizandi ministerium. Os ergo contra disertam Spiritus prohibitionem, mulieribus aperiat, qui alteri, quod inde sequitur, illu

illis vult licere. Sed mirari satū nequeo tam hebetes esse, qui hunc colorem obtendant, vt non perspiciant nihil minus Sēphoræ fuisse propositum, quā vt Deo ministerium pręstaret. Fremens & indignabunda pręputium in terram projcit. Marito sic conuitiatur, vt Deum ipsum crudelitatis insimulet. Nec me later, quid hoc loco fabulentur Iudæi. Res tamen clara est: fœminam impotentia animi ardentem, Deo & marito obstrepere, quod filij sanguinē ipsa fundere cogitur. Deniqs, ne sermonem longius protraham, breuiter ostendam sensu communi esse destitutos, qui regulam ex factō Sēphorę petendam contendunt. Pręsente marito, circuncidit filium. Et quisnam est vir ille? Moyses primarius Dei Propheta, quo nullus vnquam maior in I Israële surrexit. Respondeant mihi gynecobaptistę, an fœminę daturi sint coram Episcopo baptizandi licentiam. Certē, pudorem illius incutiet tantum portentum. Neque frontem Typographi adeo perfrictam esse puto, quin ipsum e-brię censurę pudeat, vbi euigilauerit.

Interea sobrios lectores obtestor, vt qualem ego religionem tractandis Dei oraculis affero, i si quoque modestiam legendis scriptis meus adhibeant. Sanē mihi testis est conscientia, reuerenter, & qua decet humilitate, tanquam in Dei & angelorum conspectu, alijs tradere, quod mihi à Spiritu Christi datum est: nec tam quod mihi adlubescit, sequi, quā mentem meam in Dei obsequium addicere. Me verō procul abesse ab eorum numero, quos ad captandam dogmatum nouitatem, ambitio sollicitat, tota vitę meę ratio testatur. Et in libris meis, vt opinor, nulla ostentatio: simplex autem edificandi studium vbique eminet.

APPENDICIS LIBELLI DE VERA REFORMANDÆ Ecclesię ratione, Finis.

ADMONITIO IOANNIS CALVINI

aduersus Astrologiam, quam iudiciariam vocāt: aliāsque pręterea curiositates nonnullas, quę hodie per vniuersum ferē orbem grassantur.

E Gallico sermone in Latinum conuersa.

CLARISSIMO ET ORNATISSIMO VIRO LAV-
rentio Normandio, Franciscus Viliarius, S. D.



TSI quibus in rebus Christianę religionis & Reipublicę commodis seruire possim, eę res, quā sint tenues atque exiguę, intelligo: tamē quod possim, quoniam animo pleno studij atque beneuolentię id facio, spero fore, vt homines, nisi qui erunt peragrestes, meum hoc studium in meliorem partem accipiant. Scripserat hunc libellum Calvinus: (confecerat dicere potius debui: quod enim verē affirmare possim, nunquā eius scribendi causa calamum in manus sumpsit, sed eum mihi, quoad per occupationes licuit, dictauit.) Confecerat

igitur hunc libellum Calvinus, non magnum quidem illum, sed certè aureolum, sermone Gallico, nostrorum hominum vtilitati seorsum inferuens: quorum animos inanissima illa, & vt verè appellatur, malefica fatidicorum curiositate titillari intelligebat. Quod enim optimi & nobilissimi medici faciunt, non contentus morbum ab ijs depulisse, quæ res etiam è morbo recreatus, atque cõualescentibus nocitura videantur, earum illos commonefacere instituit. Etenim sic se res habet, vt bene habentibus, non minus vtilis cautio atque prouisio, quàm ægrotis curatio necessaria sit. Cum autem eam ipsam cautionem omnibus vtilem, plerisque cerè valdè necessariam iudicarem, quibus esset incognita nostra lingua: quoniam per omnes fere gentes ea, quam dixi, curiositas, quasi morbus quidam atque contagio peruasisset, visum est faciendum esse, vt alijs quoque nationibus exteris, à quibus & multas & magnas vtilitates recipimus, vicissim aliquid è nostris opibus impertiremus. Hunc igitur libellum Latina lingua mandare institui: vt quoniam ea lingua quasi quidam est interpres omnium fere nationum & gentium, aliæ quoque nationes ab ipsa, quasi ab interprete, quid hic libellus loqueretur, intelligerent. Quæ cum ita sint, & hunc laborem non alio animo susceperim, nisi vt pijs, & Dei timentibus hominibus inferuirem, etsi eum pertenuem & perexiguum esse sentio: me tamen confido non modò nullam, vt dixi, inuidiam habiturum, sed etiam gratiam aliquam ab ijs, qui non omnino ingrati futuri sunt, initurum. Tibi verò, clarissime & ornatissime Normandi, quoniam hoc nostrum officium voluptati fuisse animaduerti, nactus occasione, quæ mei erga te singularis animi significationem aliquam ederem, volui equidem illud ipsum in tuo tam illustri, & apud omnes bonos gratioso nomine apparere. Accipies igitur à me hoc munusculum, leuidentis illud quidem, & crasso filo, vt dicitur: nec personæ tuæ magnopere conueniens: verum ita accipies, vt cum in eo mei erga te amoris ac potius obseruantia momentum extare voluerim, propensam huius mei animi voluntatem complectare, rei nullam aut certè non exactam ineas æstimationem. Vale. viij.

Cal. Mart.

ADMONITIO IOANNIS CALVINI ADVERSVS Astrologiam, quam Iudiciariam vocant.



I V V S Paulus dere nos admonet magnopere quidem necessaria: sed quæ tamen à perpaucis animaduersa, ac notata est. Nempe, quibus curæ nihil est, quemadmodum cum synccera conscientia versentur, eos à fide deflectere, atque aberrare. Nam innuit eos, qui suas conscientias polluant, sese totos prauitati mancipientes, non modò indignos esse qui in pura Dei notitia contineantur, verum etiam promereri, vt cecitate affecti horribili, varijs erroribus & falsis opinionibus traducantur. Mirū est autem quòd tam leuem cogitationem eius rei suscipiamus: cum quidē illius tot documenta quotidie nobis versentur ob oculos. Constat enim Deum, quibus gustum aliquem suæ Veritatis impertierat, ijs nunquam eam adimere, nisi cum indignè illam susceperint:

edque adeò ad vanam ambitionem, aut alias affectiones carnis abusi sint. Enimvero cum ij, qui pecunias possident, adeò sint in ijs asseruandis vigilantes, atque industrii, æquum erat inæstimabilem hunc Euangelij thesaurum, quando eo nos Deus ditauit, in bona conscientia quasi includi: quæ ut ita dicam, vera est arca, cui tanquam fide & sanctæ custodiæ committi debeat, ne à Sathana nobis eripiat. Verum, quid contrà fit? Magna pars hominum vitur verbo Dei, quasi parato argumento, quo se det in sermonem, in circulus & congregationibus quotidianis. Alij ducuntur ambitione: alij sua sectantur commoda: quinetiam quidam eo ad lenocinium abutuntur, ut inde sibi aditum in consuetudinem muliercularum comparent. Plerique quamobrem eius notitiam affectent, ne satis quidem perspectum & constitutum habent: nisi quòd eos pudet, quum alios intelligentes videant, se propter inscitiam parumpendi. Vt sit, omnes propemodum, aut plerique sanè omnium, hanc salutis doctrinam iraducunt ad nescio quam profanam philosophiam. Quod certè tam immane sacrilegium, Deus ferre nullo modo potest. Est enim eius verbum sacratius, quàm ut eo ad hunc modum abuti liceat. Vinum illud esse oportet, eiúsque vis atque efficacitatis, ut in ipsa etiam corda permanet, excussurū existimaturūque quicquid inest in homine, ipsa que adeò ossum medullas, ut inquit Apostolus. Si ad ludū & oblectamētum rapiatur, an putemus Deū toleraturum esse, ut vis illius ita conuellatur, & vana, ac prorsus inanis existimetur? Munus eius est, hominem arguere (sicuti Paulus scribit) ut seipse condemnare discat: & sese abijciendo, gloriā Deo tribuere. Si ad iactationem & inanē gloriā rapiatur, nonne hæc peruersitas grauissimum aliquod supplicium promeretur? Id nos debuit ad imaginē Dei renouare: corrigens & emendans id quod è nostro in nobis est. Si quis ab eo ipso quasi authore, occasionem arripiat suis flagitijs indormiendi, atque in ijs adherescendi: nonne æquum est, Deum animaduertere non in hunc modò tantum abusum, quo scilicet cibus in venenū conuersus est, verum in hoc etiam tantum sacrilegium: cum bene beatęque viuendiregula, ad vitiorum scelerūque omnium licentiam abutimur? Nec verò valde operæpretiū est, istorum vitam subtiliter explicare, qui se profitentur veritatē Euangelij notam perspectāque habere: nam, ut semel dicam, illud sanè constat: qui resipuisse & sese ad bonā frugem, ut dicitur, recepisse debuerant, pleròsque deteriores euasisse: ceteros, in instituto, tanquam in luto adhærescere, certè quamminimū emendationis apparere. Paulus de resipiscentia commemorans, & emendatione, quam in Christianorū moribus esse decet, deque his fructibus, quos ex noua eorum vita profundi atque enitere oportet, ex quo scilicet ad imaginem Filij Dei renouati ac restituti sunt: Qui furabatur, inquit, posthac nefuretur. Quo dicto, percommodè significat, quòd, si prius de via aberrauerimus, simul atque Dominus nostri misertus, voluntatem nobis suam patefecit, continuo relicto instituto cursu, remigrandum esse: & habenas, ut ita dicam, reflectendas. Atqui, qui se hodie Christianos profitentur, ij sibi quasi religionē soluti permittūt, aliorum saltē esse similes: ut, qui prius luxuria diffluere consueuerāt, nullum suæ turpitudinis finem faciant, Ioci, ludorum cōmissiones, omnia oblectamentorum genera, blasphemias, flagrant & vigent non minus, quàm vnquam antea. Iacturæ, sumptibus infinitis & superuacuis, pompæ, magnificentia querūtur excusationes: indifferentia nominantur: cum tamen ea nemo non videat, superbiam duntaxat, & ambitioni, atque vanitati seruire. Quid? quòd singuli ordines suum sibi seorsum ab alijs Euangelium habent, prout cuiusque arbitratu fingitur? ut iam non minus dispar ac dissimile sit Euangelium aulicorum, ab eo quod magistratuum est, aut aduocatorum, aut mercatorum, quàm nummi inter se differant, figura impressi varia, planēque disparili: nisi quòd eorum vnumquodque vnā eandēque persimile habet notam: è mundo enim sunt omnia, ac terrena:

in quo nihil habent omnino cum Christo commune, qui nos inde reuocare nititur.

Itaque non iniustam, sed debitam poenam meritamque persolunt, qui Euangelij doctrinam ita dedecorant: cum ignominijs omnibus obruuntur, & à Deo, ad eiusque despectum ac ludibrium exponuntur: quando quidem occasione sanctissimi illius nominis blasphemandi praeberunt. Par est praeterea, ut eos non modo stupore, verum etiam immanitate Deus opprimat, & mentem illis ac rationem adimat, postquam illa uti sapientia comode ac ratione non potuerunt, quam etiam Angeli ac spiritus caelestes admirantur. Atque hinc scilicet tot leues opiniones, ac potius delirationes, quasi à fonte deriuantur: quae quauis ne umbram quidem ullam probabilitatis ostendant, ita tamen excipiuntur, atque etiam approbantur, quasi edita è caelo oracula. Denique, cum arrogantia sit vera radix omnium haesum, vagarum errantiumque opinionum, commentitiorum & impiorum dogmatum, nemini mirum videri debet, cum Deus eos in tot errores turbulentos labi sinat, qui veram regulam non retinuerunt, qua in obedientia veritatis constanter permanerent: sese scilicet sub illius metu ac reuerentia submittentes. At enim cum haec sit quaedam huius aetatis labes & macula, hodieque, si unquam antea, vel maxime grassatur, nos quidem illius fructus vberimos nunc videmus. Itaque, quotquot nunc errores ubique grassantur, totidem sunt supplicia hominum peruicaciae: qui sacrosancto Dei verbo abusi sunt. Quos, quia non est in animo persequi atque enumerare singulos, quippe qui sunt innumerabiles, exemplum vnum retulisse contentus ero.

Inuasit iam inde ab antiquis temporibus, animos hominum, quasi tabes quaedam & contagio, stulta quaedam curiositas ex caeli & stellarum situ praedicendi quid cuique euenturum, & quo quisque futo natus esset: indeque consilium exquirendi. Quam quidem diabolicam esse superstitionem nos deinceps, adiuuante Deo, probabimus. Et sanè una omnium voce & consensu tanquam humano generi exitialis, iam pridè explosa & repudiata est: nunc verò ita renouatur, ut multi, qui se arbitrantur ingenio praestare ceteris, eamque adeò apud homines existimationem habuere, ea prope superstitione fascinentur. Quod si Deus nobis Euangelij sui puritatem nostra hac aetate non illustrasset, cum tamen humaniores literas excitaret, quae sunt ad vitam moderandam perutiles: & commodus hominum seruientes, simul illius gloriae seruire possunt, meritò certè, & optimo iure illorum ingratitudem viscisceretur, qui solidis & firmis rebus minime contenti, in aere (ut dicitur) peruagari gestiunt. Iam verò, postquam utrunque nobis largitus est, id est, & artes & disciplinas redintegravit, praesertim autem puram doctrinam suam caelestis cognitionem nobis restituit, quae nos ad eum perducit, atque in sublimia & admiranda illius mysteria introducat: si qui eo usu, cui esse potuissent, postposito, maluit huc & illuc errore vagari, quam intra cancellos consistere, nonne poenam altero tanto grauiorem promerentur? Id quod etiam usu venit: cum quidam adeò de mente & sanitate deiecti sunt, ut omne studium omnemque operam ad imposturam inanissimam applicent: in qua laboriosissime miserrimèque, sine ullo tamen fructu, se cruciant. Scio quibus titulis mentiatur huic tam stolidae superstitioni colorem. Nemo neget, scientiam Astrologiae in primis esse nobilem: honorèque summo dignissimam. Itaque quasi quodam pallio, ita se isto titulo operiunt: se namque Mathematicos nominant: quo verbo non significatur, qui sunt artium liberalium professores. Hoc quidem nihil sanè noui: eorum enim authores ac magistri iam pridè ut alios in fraudem atque in errorem impellerent, idem ipsum obtendebant. Sed nos, cum ipsis (quod aiunt) oculis iudicauerimus, istam illorum delirationem, nullo, neque Astrologiae, neque ullius artis subsidio fundatam, atque constituutam esse, nihil erit quareobrem quisquam istis laruis obstupefcat: nisi si pueros fortasse perterreant.

terreant. Quinetiam homines mediocri quadam eruditione præditi, meo isto admonitu magis potius, atque illiteratos pertinebit: qui cum veram & germanam Astrologiam at ista sortilegorum superstitione discernere nequeant, facile in errorem induci possint. Hoc igitur primo loco videamus, quatenus Astrologia vera progrediatur: quæ planè aliud nihil est, quàm ordinis naturalis cognitio, eiusque dispositionis, quam Deus in stellis & syderibus ordinandis adhibuit: unde cuiusque officium & natura, describi possit & ad suum finem usumque reduci. Perस्पicium est, quod scribit Moyses: Solem ac Lunam conditam esse à Domino, quibus & dies, & noctes, menses, anni & tempora gubernarentur. Quibus verbis, quæcunque ad agriculturam & Reipublicæ gerendam rationem atque prudentiam attinent, complectitur. Eorum autem, ipsum etiam vulgus, nonnulla primoribus (ut aiunt) labris degustat. Sed Astrologia scientia, præter effectum, causas etiam ipsas demonstrat. Exempli causa: Nemo tam idiota est, ac rerum omnium rudis, qui non videat, æstate dies esse longiores, quàm hyeme: gelidam esse hyemem, æstatem verò calidam: sed non tamen usque eò progreditur, ut quamobrem aut quomodo id fiat, diiudicet. Defectiones Solis & Lunæ, unicuique notæ sunt: sed earum causæ obscuræ ac reconditæ, nisi ex arte & doctrina perdiscantur. Nihil opus est magistro, qui doceat stellas cœlo inhaerescere: sed non est cuiusvis, earum motus, conversiones, occursum, interstationesque notare. Hoc enim raram ac singularem peritiam desiderat. Astrologia igitur hic usus est, stellarum scilicet cursus ac progressionem quæ temporis, quæ ordinis & suus describendi causa notare. Temporis quidem, ut quo quæque stella spatio, ipsumque adeò cœlum conversionem suam compleat, cognoscatur. Situs verò ad iudicandum quanto inuicem intervallo discedant: ad motus rectos, atque obliquos, ac penè contrarios discernendos: indeque notandum, cur potius Sol à nobis hyeme quàm æstate longius distet: cur æstate diutius apud nos commoretur, quàm hyeme: circa quod signum orbis eius, qui Græcè *ἡνδιακὸς* dicitur, singulis mensibus versetur: quos habeat cum cæteris syderibus occursum: quamobrem Luna ortum aut obitum accessu aut recessu Solis accipiat: quæ causa sit Solis & Lunæ defectionum: ut, etiam ipsa graduum & momentorum intervalla dimetiri possis. His quasi iactis fundamentis, sequuntur deinde effectus, quos hic quidem in terris videmus: sed Astrologia beneficio, causam suam atque originem supra nos habere cognoscimus: neque id tantum, postquam elapsi sunt: verum ita, ut nullò antè prospici, atque provideri possint. Nemo non videt pluuias, grandines, niues: nemo ventorum strepitus non audit: sed nemo, nisi qui adiutus est Astrologia, causas eorum in natura esse positas intelligit: quæ ipsa, ut diximus, natura, etiam in posterum coniciendi facultatem aliquam suppeditat: tamen si nulla certa aut perpetua regula tradi possit. Sed nos de ordinario atque usitato cursu loquimur: cui nihil quicquam extrinsecus accidens officit. Hic autem totius eius disputationis cardo vertitur, de qua nos deinceps explicare conabimur. Nam isti adulterini Astrologi, enuntiationem illam sumunt, quæ proculdubio vera est ac fixa: nempe, Omnia terrena corpora, & ut genèratim loquamur, omnia inferiora corpora cum astrorum cursu cognitionem quandam habere: atque inde qualitatem aliquam ducere. Verum illi hoc enuntiatum perperam accommodant: nam Astrologia naturalis hæc quidem inferiora corpora à Luna affici inde monstrabit, quòd ostris & conchylis contingat, ut cum Luna crescant pariter, pariterque decrescant: itemque ossi medullis Lunæ plenum ac tenuè lumen moderetur. Ab eadem quoque vera Astrologia scientia mediciducunt quod habent iudicii, ad sanguinis detractionem, potiones, pillulas, & alia eiusmodi in tempore adhibenda. Itaque fatendum est, humanorum corporum habitudi-

ni, non nihil esse cum syderibus cognationis. Hæc igitur omnia, ut modò dixi, Astrologiana-
turali comprehenduntur. Sed quidam impostores, qui artis prætextu ulterius progredi vo-
luerunt, aliam quandam speciem commenti sunt: quam Iudiciariam appellant. Ea autem
duabus maximè in rebus posita est: primùm ut non modò naturam hominum, & corporum
habitudinem notam ac perspectam habeant: verumetiam quid cuique euenturum sit, &
quid quisque in vita aut acturus sit, aut passurus, cognoscant: præterea quos exitus habitura
sint ea consilia, quæ homines inter se contrahentes, ineunt: & ut semel dicā, de totius mundi
statu iudicent. Nos, quæ ad cuiusque, ex natali die, habitudinem constitutionemque atti-
nent, initio videamus. Quemadmodum autem nullus est tam absurdus error, & impudens,
quin aliquem veritatis colorem mutuetur, ita hercle fateor, quod ad corporis constitutionem
attinet, præsertim verò ad affectus, qui corporis qualitati participant, eos quadam ex parte
ab astris pendere, aut certè consensum, & ut Græci appellant, συμπάσιαν quandam cum
illis habere: veluti cum quis ad bilem atram propensior dicitur, quàm ad pituitam: aut con-
trà: quanquam etiam in hoc genere pleraque diligenter obseruanda sunt. Mathematici no-
stri, quibuscum nobis nunc res est, iudicium ex nascendi tempore faciunt. Ego contrà affir-
mo, generandi tempus potius spectandum esse, quod plerumque ignotum est: neque enim
perpetuò pariendi certum ac definitum tempus præscriptum est. Tergiuensentur quantum
volent: certè vi rationis fateri cogentur, astra non tantum in nascēdi, quantum in genera-
di tempus, ad certam scilicet homini qualitatem informandam valere: cuius etiam rei quo-
tidianus vsus documento est. Præclare namque Persius, cum vno eodémque tēporis puncto
natos, dissimiles & naturas & vitas & casus habere significaret,

Geminos (ait) Horoscope varo

Producis genio.

Hoc enim identidem etiam in geminis fratribus vsuuenit: quorum alter alterius
non minus dispar, ac dissimilis erit, quàm si diuersissimo cœli ac stellarum statu natus esset.
Miuto, quod, ad iudicandum etiam ex ipso nascendi tempore, statuendūque de cuiusquam
hominis natura, præter quàm quòd singulos eius horæ gradus, in qua natus est, diligēter no-
tatos atque descriptos oportuit, necesse esset Genethliacum (Chaldæi Latine dicimus) ma-
nu astrolabium suum tenere: neque enim horologio fidere satis tutum est. Atqui, sic se rem
habere constat, ut si per pauca temporis momenta aberres, magna fiat cœli & stellarum in-
clinatio. Verum, ut maximè iudicandum sit ex generandi vel nascendi tempore, illud ta-
men mihi velim respondeant. Nōne sexus, alias omnes animalis qualitates longè latèque
superat? Atqui, vno eodémque temporis articulo, in vno eodémque vtero concipientur mas
& fœmina: eodémque momento alia marem pariet, alia fœminam. Vnde ista igitur varie-
tas in eo quod est potissimum, nisi quòd astrorum non est tanta vis, quantam isti perhi-
bent? Quòd si etiam adhibenda esset cōparatio, certo certius est, semen parentis vtrius-
que, vim afficiendi longè maiorem habere, quàm omnia sydera: & tamen id ipsum sæpenu-
mero fallere nemo non videt: potest enim constitutio esse dissimilis. Ponamus igitur ho-
mines duos natura longè inter se differentes: quibus etiam uxores sunt æquè dissimili natu-
ra: eodem, ab vtrisque, temporis puncto conceptos, eodem susceptos esse liberos: sanè vsu-
uenire videbimus, ut liberi, parentum constitutione potius afficiantur, quàm villo syderum
affectu, qui tamen vtrisque par similisque contigit. Eiusque rei ratio ita perspicua est, ut
nemo, qui sit modò sincero iudicio, contrà existimet. Quid igitur dicendum de ea videtur
affectione, atque, ut illi loquuntur, influentia, quæ ab orbibus illis cœlestibus permanat in
homines? Fateor secundum ea quæ superius attigi, astrorum esse aliquem cōcentum, qui ha-
bitudines informet: easque præsertim, quæ sunt corporis propriæ: sed eam esse causam præ-
cipuam

cipuam, hoc verò inficior. Quinetiam affirmo seminis, unde factus nascitur, vim esse multò maiorem, quàm causarum naturalium, quas inferiores appellant. Dico præterea, nullo fundamento niti Astrologos, dum ex partus potius, quàm ex cōceptionis tempore, iudicium faciunt. Atqui, conceptionis tempus ignorant: ex quo efficitur, nihil eos certi, nihil explorati iudicare posse. Addo etiam illud, Deum in plerosque singulari quodam favore efficacē esse: etiam in ipsorum natura informanda: ut iam vis astrorum nihil ad eam pertineat: aut certè ita demersa, latens, obscurata sit, ut hominibus apparere non possit. Hactenus de ijs quæ ad propensionem naturalem attinēt. Quòd si ad ea beneficia veniamus, quæ Deus filijs suis impertitur, cum eos Spiritu suo reformat, adeoque immutat, ut meritò noui homines nominentur: quid ad hæc astrorum omnium aspectus pertinebit? hæcine Deus æternæ electionis suæ fundamenta posuit? Si Chaldaei nostri affirmant, sicere saltem ijs uti, quasi causis inferioribus & proximis: nimis hæc profectò frigida & ignaua cauillatio est. Videmus enim Deum de-industria nos ab istiusmodi cogitatione reuocare, cum eos voluit secundos in lucem ingredi, quos præferre decreuerat: quemadmodum in Iacob exemplum habemus. Ecquid enim causæ est, cur Esau, quem repudiare cōstituerat, prior in lucem est editus, nisi quòd Deus, naturæ cōmuncem atque vsitatum ordinem infringens, altius mentes nostras erigere voluit: eo nos admonens, debere nostros oculos in solā illius voluntatē intentos & infixos esse: neque ad alias vllas causas inquirendas, deflectendos. Quò obrem hoc vnū fixum in animis nostris teneamus, in eoque vestigia premamus, Deū ita homines vocatione sua reformare, ut planè noui fiant. Disertè scriptum est de Saule, quòd cum Dominus vult ad regnum suscipiendū illum præparare, eū planè alium atque antea fuerit redditurus est. Certè, hoc ille ex cœli ac stellarum situ non consequitur: sed in ipso Deus est efficax præter naturæ ordinē: & præter quàm quod humana ratione atque intelligentia cōprehendi potest. Si hoc in eo efficit, quem ad temporalem administrationem elegerat, qualem in iis futurum existimamus, quos sibi filios & hæredes regni cœlestis adoptauit? Enimuerò, vniuersam mundi fabricam rerūque naturam, longo intervallo superet necesse est. Et certè sic se res habet, ut quisquis negat regenerationem, Dei opus esse, vniuersam rerum naturam exupcrans, ijs non modò se profanum esse demonstret, sed religionem Christianam planè repudiet atque aspernetur. Itaque, vim astrorum inter ea cōtinere debemus, quæ cum ad res humanas, tum verò ad corpus, & primā naturæ propensionem attinent: atque id excludere, quod Deus singulari favore alijs atque alijs, nullis vtens ordinarijs adminiculis, impertit: præsertim autem emendationem illam, quam in electis suis perficit Spiritu suo eos renouans.

Verum, hæc adulterina & fallax Astrologia, non contenta morū & valetudinis hominum constitutionem informasse, suum etiam imperiū latius extendit. Quid enim cuique in vita euenturum: præterea quando & quomodo quisque sit moriturus, diumat. In quo mediussidus præter meram temeritatem quid aliud sit, non video. Rationis enim & iudicij planè nihil est: nam ut maximè possint sydera, qualitates quasdam in hominibus informare: non tamen efficient, ut postea vel hoc vel illud aliunde illis eueniat. Itaque Chaldeus, et si hominem esse industriū, & ad rem attentum iudicare valeat, minimè tamen haviolari poterit, hereditatem ei aliquam esse obuenturā: quippe cum euenta huiusmodi in alterius, non ipsius, arbitrio ac voluntate posita sint. Atque hæc scilicet ipsa causa est, quam obrem iam olim vulgò dictum est, istos personatos Astrologos auribus implendus, exhauriendus verò Aul. Cel. locus esse idoneos: nimirum, qui antè prosperos euentus predicētes, curiosos vento pascunt, eosque pro suo arbitratu emungunt, postquam semel eos præstigijs suis inescarunt. Prædicent igitur, quot uxores aliquis habiturus est. Quid? etiā in illius natalitio sydere id

quod uxoris illius prima sydes natalitium est, reperiunt: ut quis vita terminus illi futurus est, intelligant? Nulla igitur scemina propria natalitia sydera possidebunt: siquidem virorum syderibus sunt obnoxia. Denique, privati cuiusque hominis horoscopus iudicium ac notationem vniuersi status alicuius regionis comprehenderet: cum quidem isti se profiteantur posse predicere, num in coniugio fortunatus aliquis futurus est: nunc aduersa aut prospera fortuna peregrinaturus: quae discrimina subiturus: utrum morbo an gladio obiturus. Videamus nunc quot cum hominibus negotia nobis contrahenda sint. Nisi si illorum omnium & fortunas & voluntates in manu, ut dicitur, habeant, quibus ad suum arbitrium libidinemque moderetur, ecquid tandem nobis de iis polliceri possint? Est igitur id, quod modo dixi, sane verissimum, ita scilicet illos de homine iudicare non posse, sicuti profitetur, quin illius natalitium sydes, sit illis speculum, in quo eos omnes, quibuscumque versabitur, contemplantur. Aestimetur nunc adhibita ratione atque iudicio, num hoc fieri ullo modo possit: aut si sit vlla in ea re similitudo veri.

Concludo igitur, omnes istos, qui tantum sibi sumunt, ut ex natalitio cuiusque sydere, quid cuique euenturum sit, iactent se posse animaduertere, meros esse impostores, prestigiatos, planos: quippe cum aliunde permanent causa. Ne sum longus, si omnia persequar exempla, quae commemorari possint, unum hoc solum attingam. Saepenumero vno praelio ceciderunt hominum sexaginta millia. Non persequor maiores clades: quod satis crebro contingit, id commemoro. Quæro, num iis omnibus, quos ita mors eadem copulauit, vnus horoscopus, vnum idemque astrum assignari debeat. Si respondeant, id quod rarius est, minusque saepe accidit, non debere de communibus artis cuiusdam præceptis derogare, id quidem iam esset subterfugium minimè audiendum: nos enim de communibus & peruagatis rebus loquimur. Tradunt historiae, viginti praeliis trecenta millia hominum in Hispania cecidisse. Ut nihil ex aliis perscrutemur: cui tandem dubium est, quin ii, qui ad istum modum è vita vna omnes excesserunt, dissimiliter affecto cælo in eam ingressi sint? Verum hoc illud est: in tanta turba ac multitudine, Capricornus, Aries, Taurus, ita se inuicem cornibus feriunt, ut omnia confundantur ac perturbentur. Aquarius aque tantam vim effundit, ut eluionem immittat. Virgo, suam virginitatem violat. Cancer retrorsum graditur. Leo, cauda sua tam insidiosè percutit, ut animaduerti nequeat. Gemini, adeò inter se immiscentur, ut in vnum euadant. Sagittarius, ex insidiis ictus infligit. Libra, fallax est & iniqua. Pisces, ita se in aquam immergunt, ut prorsus non appareant.

Quoniam etiam nostri homines non contenti, ad natalem usque diem maiores pennas nido extendisse, ut ille dixit: iudicium præterea, vel potius diuinationem, de omnibus consiliis atque institutis usurpant. Exempli causa: Si cui in patria negotium est, unde nunc ducentis abest, trecentisve milliaribus: veniet Astrologus qui de cælo seruet, atque animaduertat, quo temporis momento commodissimum erit iter ingredi: nimirum, ut quindecim post diebus, reperiat eos quibuscum illi negotium est, probe affectos: quo tempore, is cæli ac stellarum positus, qui secunda omnia illi promittebat, inclinatus erit. Obsecro, si quæ vis in syderibus inesset, quæ ad hominum usque consilia atque instituta pertineret, nonne in iis solis consideratio versari deberet, quæ tum regnant ac dominantur, cum negotium conficitur? Quæ tandem ista dementia est, si merces quasdam, ab eo qui trans mare negotiationem exercet, empturus sum, affirmare sidera quæ profectiois meæ tempore dominantur, felicem successum mihi polliceri: quæ verò dum expeditur negotium, principatum obtinent, eorum vim esse nullam? Ac mihi quidem profectò eius historiae in mentem venit, quam de Cardinali Farnesi commemorant: qui cum nescio quò legatus profectioem pararet, astrorum interpreter appositus, qui cæli ac stellarum significationem expiscaretur, si quando videlicet, prospe-

prospiciam illius legationi fortunam portenderent. Ipse interea prandium imperat, discumbit, nec mora, ecce tibi ex transuerso Astrologus, ex tempore iubet hominem si bonis auspicijs legationem obire cuperet, properè in equum ascendere. Quæso, si paululo tardius discessisset, pransus liberè & solutè, & vesperi ad idem hospitium quo constituerat, peruenisset, ecquid tandem ea re vel adiumenti vel incommodi retulisset? Quis non videt huius primam ac præcipuam habendam esse rationem, ut quomodo affecto cælo, compositis que syderibus res transigitur, intelligatur? nos enim, quasi fidem istis aliquam adhiberi oporteat, ita loquimur. Sed hoc quicquid est, meras esse nugas & mendacia, planè perspicuum est. Audiui qui de nonnullis fanaticis narrarent: quòd in mulum ascendere, nisi bona venia ab astris impetrata non audeant: finge talem esse quempiam è supremæ cuiusdam curiæ senatoribus. Sunt horæ certæ atque constitutæ, quibus unà omnes conueniant. Ac sunt fortasse viginti numero iudices, quos eadem lex & regula subiectos tenet: sed astrorum affectio alijs atque alijs longè dissimilis: nihilominus, omnes pariter lex euocat, quid tū fieri oportebit? si Astrologiæ regula sequenda est, tantum abest ut vlla vngquam controuersia possit dirimi, ut ne tres quidem iudices ad vllam causam audiendam conuenire possint. Aut igitur astra muerenda sunt, ut alio quoquo modo in consensum concentumque reducantur: aut omnis politia, Reipublicæ gerendæ ratio planè rescindenda est. Atqui, hunc ordinem à Deo probari constat, cum tempus certum ac statutum est, quo exercentur iudicia, eius verbum in concione audiatur, Sacramenta recipiantur, nulla cæli ac stellarum situs habita ratione. Si animus in stellarum cursu occupatus, ordinem à Deo constitutum negligit, & sese quisque aliò atque aliò seorsum recipit, vulgarem & communem hominum consuetudinem aspiciens, nonne à se ipse Deus dissentiet. Quo tandem loco stabit illa immensa, & infinita sapientia, qua omnia tam ornate & concinnè quasi dimensa disposuit: si nulla ex parte mos illis geri potest, quin simul ab eo ordine recedatur, quem in natura constituit? Enimvero in hoc genus hominum ridiculum illud aptissimè torquebitur, quo ab ancilla sua Philosophus quidā olim delusus est, qui cum & mentem & oculos in cæli plagas maiorem in modum intentos haberet, neque quod ante pedes esset, animaduertere: falso impresso vestigio, prolapsus, in foueam incidit: tum illa ridens, Sane, inquit: nihil enim vilius, quàm ea, quæ propius ad nos pertinent, animaduertere. Neque verò hunc iocum velim in doctos & peritos Astrologos torquere: quorum nulla satis magna laus tribui labori potest, quem ut nobis cælorum arcana describerent, quatenus id seruire Dei gloriæ, & nobis vsui esse posset, studiose susceperunt. Istos verò speculatores, venatoresque non naturæ, ut ille dixit: sed inani somniorum, qui sibi nubes propemodum peruagari videntur, neque tamen quò Deus illos euocet, aspiciunt, nullamque suarum habent partium rationem: ab eo cursu defleunt, quem illis Dominus præscripsit, quid proximis suis præstare deceat, quod officiū cultumque tribuere, nullam curam, nullam cogitationem suscipiunt: nonne ratio postulat ut Deus probris omnibus afficiat, & non modò pedibus impingere, verum etiam ad extremum ipsa ceruice precipites ferri patiatur?

Postquam vnumquemque nostrum iurisdictioni suæ astronomicæ Chaldei subiecerunt, idem sibi imperium in vniuersum mundi statum arrogant. Fateor autem equidem, secundum ea quæ superius à nobis explicata sunt, quatenus corporum terrestrium cognatio & quasi concentus atque consensus, quam, ut dixi, Græci *συντάξις* appellant, cum cælo intercedit, causas quasdam earum rerum, quæ in terris accidunt, ex astris notari posse. Quem admodum enim vis cælestis sæpenumero procellas, turbines, cæterasque tempestates inducit, præterea imbres assiduos: cōsequitur etiam, ut sterilitatem, pestilentiam, elunionem, belua-

rum denique repentinas multitudines inuehat. Quatenus igitur consensus ille distantium rerum quasque necessitudo quædam apparebit, non repugno equidem, quin ab orbibus illis coelestibus causa & origo euentorum quæ in terris videntur, exquiratur. Causam autem appello, non perfectam ac principalem, sed adiuuantem & proximam, quasque adminiculum Dei voluntati subiectum: & quo tanquam preparatione utitur ad opus suum absolendum, prout æterno suo consilio decreuit. Vt sit, non omnino negandum est, quin quædam conuenientia interdum existat inter pestilentiam, quam hic videmus, & cæli ac stellarum affectum: qui Astrologia beneficio cognoscitur. Quanquam multum abest, ut hoc sit perpetuum. Etenim, cum tres varij generis poenarum optiones Dauidi factæ sunt, & pestem optauit, nemo eius rei causam astris assignauerit. Ad hæc, cum tanta fames fuit in Syria & in Iudæa Eliæ temporibus, tam longæ præterea siccitas, stultissimum esset quærere, num essent ad eam rem affecta sydera, quippe cum hoc singulare quoddam atque extraordinarium prodigium fuerit. Neque verò exemplum hoc quasi rarum atque insolens existimandum est. Deus enim generationi loquitur apud Moysen, affirmans omnes mortalium res aduersas in thesauris suis esse reconditas. Quo significat, eas res iusto eius iudicio in homines immitti, tanquam scelerum ac flagitiorum vindices: quasque, si homines suis fraudibus iram illius non pronocarent, quasi in arca inclusas & reconditas contineret. Et sanè vix ulla alia extat in Prophetis doctrina peruagatur, quam qua minatur se & cælum & terram quasi arca reconditum esse. Cum igitur earum rerum causam nostris fraudibus assignet, omnis astrorum affectus excludendus est. Iam verò quod ad bella pertinet, multò etiam magis ineptum est, causam in astris exquirere, cur ea eueniant: quippe, quæ ipsa etiam flagella Dei sint, quibus homini peccata, quæ non pendent ab astris, coerceat. Cum Dominus Abrahamo polliceretur fore, ut ei is posteri Canaice regioni dominentur, Nondum, ait, venit dies. Non tribuit causam syderibus, quasi nondum ad eam rem probè affectis. Quam ergò aliam offert? pei, fid. an & iniquitatem Amorrhæorum nondum ad cumulum peruenisse. Itaque sicuti tum arboris fructus decerpitur, cum assecutus est maturitatem, ita certè nostra flagitia diuinis suppliciis maturitatem afferunt. Nunc videamus num astra causa sint impietatis & flagitiorum hominum. Fuere quidem iam olim fanatici nonnulli, qui hoc animis & cogitatione sinxerunt. Sed hæc deliratio merito ab omnibus explsa, ac repudiata est: & pro commento Diabolico habitata, quod omnes Christiani respuere ac detestari debeant: quippe quæ neque adniti neque approbari possit, quia vniuersa Scriptura sacra deleatur, Deus blasphemetur, hominibus denique ad omne nequitiam habena remittatur. Itaque, hoc ego quasi conclusum ac probatum sumo, quod mihi res manifesta dat, Dei cõtemptum & mores corruptos ac deprauatos, quibus regio aliqua infecta est, nihil quicquam cum syderibus habere rationis. Quæ cum ita sint, non est tribuenda syderibus causa diuinarum vltionum, quæ ob eas res eueniunt. Sed ad ea fortasse dixerit aliquis: Quidni Deus causis istis adiuuantibus & medijs in rerum natura positis, utatur ad hominum vltiscenda scelera? Id quod equidem non inficior: verum eone sequitur, ex naturæ ordine statò atque perpetuo illa contingere, prout ad ea sydera parata sunt? Imò verò, quando Dominus mare rubrum & Iordanem exsiccare instituit, etsi eo vento qui ad eam rem erat in primis idoneus uti vellet, non tamen is ventus vi quadam astrorum cõmotus traditur: sed à Deo ex-tempore excitatus: tametsi ego certè assentior, cum, cum illi videtur, syderum vim ac naturam ad suum cõmodum vsusque applicare. Tantum dico, nec famem, nec pestes, nec bella, ideo vnquam accidere, quia sydera ad eam rem affecta sunt: nisi cum Dominus iram suam in hominū improbitatem exerere instituit. Contrà, bonorum omnium copiam atque vbertatem, sanitatem, integritatemque valetudinis, pacem,

Et concordiam, nihilomagus ab astrorū affectu permanere: sed beneficio Dei, bonæque eius pace contingere: siue ille nos ad poenitentiam Et meliorem frugem ista lenitate atque indulgentia inuitet: siue amorem Et beneuolentiam suam erga nos, dum illius iustitiam colimus, a nobis degustari velit. Denique, donec isti fucati Astrologi docuerint, nos ad Dei obedientiam aut cōtumaciam aduersus eum, syderibus impelli, statuo ea neque aduersarum, neque prosperarum rerum, quæ nobis eueniūt, causas esse. Alium enim alterius esse consequens nemo non videt. Quod si cupiam omnia, quæ huic argumento conueniunt, exempla persequi, profectò neque modus, neque finis erit ullus: Et certè unicuique per facile est, ea per se animaduertere. Quamobrem, discamus ad Dei promissa Et minas, tanquam ad anchoram consistere, quæ cum cœli ac stellarum situ nihil habentes rationis, docent nos, non debere nostros animos in ijs esse occupatos.

Atque hæc ipsa causa est, scilicet, quamobrem Deus apud Prophetam suum Esaiā, Aegyptios Et Chaldaeos deridet, quæ duæ gentes in eius artis peritia alias omnes longè latè que superarunt: illis vitium exprobrans, quod quamuis instructi ac periti, exitium tamen illud, quod eis imminabat, prauideri non possent: utpote quod ex naturali astrorum cursu non emanaret, sed ex arcano eius consilio. Neque responderi potest, eos tantum ab eo perstringi, qui se falso Astrologiæ peritia veditarent. Nam in artem ipsam disertè ac nominatim inuehitur, apertissimè pronuntians, eius quicquid est, nil nisi meram esse vanitatem, siquidem Aegypti regnum alloquens, Vbi nunc, ait, sapientes illi tui? prænuntient tibi tandem atque presagiant quid in te decreuerit exercituum Dominus. Si vlla vsquam extabat Astrologiæ peritia, extabat proculdubio in his populis: atqui, Propheta omnibus quasi indicto bello illudit, qui in ea versabantur: negans eorum esse, prauideri quid sit euenturum, sicuti se facturos profitebantur. Sed enim magis disertis significantibusque verbis vititur, cum Babylonem compellat. Discrucias ti (inquit) te multitudine consiliorum tuorum. Accedant nunc isti tui astrorum interpretes, de cœlo seruent: scrutentur ac describant stellas: Et quæ tibi euentura sunt, prænuntient. Ecce, stipulæ cōsimiles fient, ardorèque flammæ confligebunt. Chaldaeorum gens, si quæ vquam alia, fuit illa quidem Astrologiæ scientia clave in primis, Et nobilis: itaque quicumque sese in istam curiositatem immerferunt, nomen ab ijs mutuati sunt. Atqui, quemadmodum eos Deus damnet Et improbet, nos quidem videmus: disertè enim testatur, inclinationes Et ruinas imperiorum, ex astris intelligi non posse: ac profitetur, eorum se arrogantiam seuerè Et grauitè vlturum, qui hoc ipsum attentare non dubitauerint. His etiam de causis, apud eundem Prophetam affirmat, se huiusmodi coniectorum signa delere, magos ad furorem adigere, sapientes de mente ac sanitate deturbare, denique scientiam illorum infatuare. Non eos temeritatis arguit, qui eius disciplinæ rudes atque imperiti sunt: sed omnia fundamenta, omnes enuntiationes, Et, ut illi appellant, axiomata funditus euertit: nimirum, illam astrorū considerationem, de qua alio quodam loco commemorat. Quamobrem, Daniel, cum instituisset regis Nabuchadnezer somnium interpretari, in quo Astrologi omnes ne gry quidē quod respōderent excogitare poterāt: non profitetur se alijs magis peritum, aut intelligentem artis, ceteros acumine ingenij Et perspicacia superare, sed tanquam res contrarias, illorum scientiam, Et arcanam Spiritus Dei significationem opponit. Astrologi, inquit, Et coniectores non potuerunt enuntiare tibi mysterium. Est enim Dei, qui in cœlis habitat, res occultas Et reconditas patefacere. Ne multa, dubitari certè non potest, quin vniuersa hæc Astrologiæ pars, quæ in coniectura Et diuinatione versatur, quàmque isti iudiciaria nomināt, non modò vana atque ad nullam rem utilis à Deo iudicetur, verumetiam quasi illius honori detrahens, Et sibi aliquid in eius maiestatem arrogans, condemnatur ac repudiatur.

Quæritur, siquidem in illius populum ascribi volumus, audiamus id, cuius apud Hieremiam Prophetam suum nos admonet: nimirum, ne simus Ethnici similes, qui cæli signa perterriti sunt. Nec me laret perfugium, quod à nonnullis quaeritur: non ita scilicet esse timenda sydera, quasi quædam illorum esset in homines dominatio, ac principatus: tamen si quædam sit subditiua & tanquam subministra potestas, cuius moderanda ac regenda, Deus quasi quasdam habenas perpetuò teneat. Nam sine ulla dubitatione, Propheta nos ad Dei providentiam revocare, eoque animos nostros ab inani sollicitudine dimovere conatur, quæ sese Ethnici miserandum in modum excruciant. Israelitas enim alloquitur, quorum animi, ut se ad istas nugas adiungerent, Chædæorum & Aegyptiorum exemplo titillabatur. Roget aliquis nostros Genethliacos, unde tandem tota eorum disciplina originem duxerit, quibus initijs, à quibus authoribus profecta sit: negare profectò non possunt, quin Babylon seminarium quoddam illius, & fons, atque origo fuerit: & quicquid illis hodie superest, id omne quasi riuulos quosdam ab ipso capite ductos, atque accersitos permanisse. Cum igitur Dominus semel populum suum commonuerit, ne istorum authores ac magistros sequeretur, rectene faciemus, cum istis fidem adhibebimus?

Profectò, ut nihil aliud sit incommodi, quam quod aduersarum & prosperarum rerum causam syderibus eorumque affectibus assignantes, nostris oculis quasi caliginem offundimus, quæ à cogitatione providentiæ Dei nos arceat: hoc tamen unum satis superque declarat, rem esse pestiferam, & velis, ut dicatur, remisque fugiendam. Verùm hoc etiam accedit mali, quòd homines in stellis occupati, & ut quidam appositè dixit, *ἀστρολογία* de sinunt in se descendere, & in mores suos suamque vitam inquirere & agnoscere se omnium malorum sementem in semetipsis ferre: suæque flagitia esse quasi fomitæ, quo ira Dei accedatur: unde bella, fames, pestilentia, grandines, vredines, pruina, cateraque huiusmodi omnia eueniunt. Præterea, qui prosperitates secundasque res ex astrorum prædictionibus expectant, & ex eorum promissis pendent, spem fiduciamque suam omnem à Deo reuocant, si gniores redduntur ad eum implorandum, ac si iam id quod expectant, assecuti essent. Nec sum nescius quid, ut hæc cauillentur, altercari soleant. Citant Ptolomæi dictum, quòd astrorum significationes non sunt Prætorum edicta: utpote, quæ imperio Dei subiecta sint. Sed hoc quicquid est, inita subductaque ratione, profectò aliud nihil est, quam diuerticula & flexiones querere. Nam si aduersæ res omnes, quas nobis sydera minantur, ex naturæ cursu deducuntur, fieri nò potest quin simul in opinionem veniamus, flagitia nostra, causam igitur illarum non esse. Mitto illud absurdum, inter seque confligens, quod in eorum verbis apparet: nimirum, eum ordinem quem Deus ita constituit, ut constans & perpetuus esset, causis interuenientibus inuersum atque immutatum iri: perinde quasi Deus sibi ipse repugnaret. Mihi hoc satis est, si modo Propheta mentem teneamus, quæ huc tantum spectat, ut tanquam res contrariis cõparet rationem illam, & respectum astrorum, quo ducuntur Ethnici: sibi que persuadent, conditionem suam omnemque totius vitæ suæ statim inde pendere: ac notitiam, quæ fideles niti debent, quòd scilicet in manu Dei sint, quòdque illum sincera conscientia colentes, apud eum gratiosi futuri sunt: eiusque singulari fauore ac benedictione fruituri: tum autem omnes quibus afficiuntur calamitates & ærumnas, totidem esse in eorum delicta castigationes.

Sed nostris quidem hominibus (Chædæos dico, siue, ut vocantur, Genethliacos) vehementer probabilis illa videtur horum argumentorum dissolutio, cum aiunt, stellas à Propheta, signa nominari. Inde enim effici putant, earum igitur munus in significando consistere. Cuius rei argumentum ac testimonium illud citant, quod capite Geneseos primo scriptum est, eas ob eam causam esse à Deo conditas. Verùm enim verò, ut hoc Signorum vocabulū

etiam

etiam atque etiam ebulliant, ut omnis istius altercationis firmamentum in eo collocent, quid tandem ad id respondebunt, quod apud Esaiam scriptum est? Dominum omnia haurislo. *Esa. 44.* rum signa deleturum esse, ac funditus eversurum. Non dubium est, quin eo loco de Astrologis loquatur. Itaque, ut maximè hoc illis demus, neque valde repugnemus, quin signa quædam ac notas habeant, sed quis tamen Deus euertat ac deleat: quid tum inde effecerint? Cæterum, nimis illa profectò impudens cauillatio est, cum aiunt Icremiam eo ipso ob quæ quodammodo fateri astrorum quandam esse significationem, quod ea appellet Signa. Quis enim nescit, satis vulgatam esse in vitijs reprehendendis illam loquendi formam ac figuram: cum ijs utimur verbis ac vocabulis, quibus illi uti inter se solent, quos reprehendere volumus? Scriptura sæpenumero vocat Idola, Deos Gentium. Si quis inde probare vellet idola esse deos, quis non eius videret amentiam? Hoc igitur perspicuum est, Prophetam commonefacere Iudæos, ne vel turbentur, vel argantur ob eam Gentium inanissimam opinionem, quod stellæ, vel hoc vel illud significent. Sicuti ne nos quidem errores istos hodie reprehendere possumus, nisi si hominum animos in istis significationibus dicamus non esse occupandos. Quod autem ad Moysi verba pertinet, ea profectò dum ad suam istam insulsissimam opinionem rapere ac trahere nituntur, foedissimè flagitiosissimèque dilaniant. Deus cōdidit stellæ, ut sint in signa. Quis negat? Sed in quarū rerum signa notandum est. Atqui, nemo qui modò sano iudicio sit præditus, nō intelligit, Mosem hoc ipsum attingere ac notare quod superius de vero & legitimo usu Astrologiæ explicauimus. Si stellæ ideo signa sint, ut nobis serendi tempus, & sanguinis detrahendi, medicinam adhibendi, abscondendi ligna, demonstrent: non tamen eas inde sequitur esse signa, quæ declarent, an vestem novam induere debeamus, negotiari potius Lunæ quàm Martis die, aut Veneris, multaque huiusmodi, quæ nullam cum astris rationem, nullam conuenientiam habent. Quemadmodum igitur signa quidē naturalia non negamus, ita hercle præstigias & veneficia ista, quæ diabolus hariolorum operi & ministerio commentus est, omni contentione detestamur.

Quamobrem, nimis profectò impudens atque inuerecunda illa calumnia est, qua nos onerant, dum persuadere nituntur, ordinem à Deo constitutum à nobis euerti, cum significandi facultatem astris adimimus: tum verò vel maximè, quod tam utilem ac præclaram disciplinam dannamus. Atqui, vno verbo tota ista callida & veteratoria ratio illis excutitur: si modò naturalem Astrologiam ab illa mentita & adulterina, quam nobis Sortilegi pepererunt, distinguamus. Dubium nemini est, quin cognitio illius certi & constantis cursus orbium cœlestium, præterea vis eorum & facultatis, ac si quid est eiusmodi, non solum magnam afferat hominibus utilitatem, verum etiam exsuscitet animos, ad augustè magnificèque de Deo sentiendum: eumque propter admirabilem sapientiam quæ in eo genere apparet, honore omni prosequendū. Et si enim nulli adeò rudes sunt, atque à natura tam male informati, quin cum oculos in cælum sustulerint, tantumque ornatum mundi, tantam varietatem, pulchritudinemque rerum cœlestium aspexerint, non vberissimum atque amplissimum argumentum habeant, Deo gloriam & cultum debitum tribuendi: eos tamen qui studium suum in occultis & reconditis naturæ mysterijs indagandis applicarunt, quæ ipsa non ita sunt omnibus expedita, par est multò ad eam rem acriores esse magisque incitatos. Cæterum, inter usum moderatum, ac legitimum, & abusum multum interest. Si quis in laudando vino, ebrietatē etiam laudare vellet, nōne in illum omnes insurgerent, quoniam impiè & nefariè Dei munera pollueret? Atqui, idem isti faciunt, qui utilis & probata cuiusdam artis nomen mutantur, aut potius suffurantur, ut tam aniles delirationes veritati eius artis, quam profitentur, planè contrarias, inuolucris & quasi velis quibusdā

obtendant. Et sanè calliditatem istam ab initio anteuerti: testatus me non modò eam artem quæ ab ipso naturali ordine profecta est, non repudiare, verumetiam in pretio habere, & quasi singulare Dei beneficium, in maxima laude ponere. Ob eamque causam, si quando isti nostri Genethliaci suas nobis nugas ebulliant, arcemque (ut dicitur) ex cloaca faciant: propterea quòd sancta & magnifica quædam res est ac salutaris operum Dei contemplatio, cautionem quisque diligenter adhibeat, ut ad rem, & eos cancellos quibus res circumscripta est, eos reuocet: nec abduci se extra oleas (ut aiunt) illorum ambagibus ac diuerticulis patiatur. Idem enim prorsus faciunt, quod Alchumistæ: qui se longis præfationibus de temperamentis elementorum, de eo cõsensu & conuenientia quam habet inter se, ac similibus rebus, quæ sunt verissimæ & rationi consentaneæ, insinuant. Sed post lōgos & verbosos circuitus, tandem quam solā venabantur prædā auferunt: & curiosis, nil nisi verba dant. In summa, cūm cœli Dei gloriam nobis enarrare debeat, & hanc mundi fabricam tanquam speculū esse oporteat, in quo illius omnipotentiam atque infinitam sapientiam contemplermur: discamus, ut inde nostrum commodum comparemus, intra cancellos contineri: nec modò huc, modò illuc in varios opinionum errores vagari, quæ nos ab eo subducant atque remoueant.

Sed nostri Mathematici, dum omnes latebras persequuntur, illud etiam obijciunt, quòd Iosephus, Moses, & Daniel in AEgyptiorum schola instituti sunt: quòdque hoc ad eorum laudem & commendationem scriptum est, non autem quasi malum ac turpe recensetur. Quibus ego, quòd quidem ad Iosephum pertinet, illud respondeo, eum se quidem coniectorem simulare: sed tamen longè aliter se rem habere: hoc enim aliud nihil esse (sicuti unicuique perspicuum est) quàm simulationem tantisper temporis causa accommodatam, dum se fratres suos celare vult. Cæterum, cūm famem AEgypto venturā prædicit, an coniecturam ex astris sumit? imò verò, mirabiliter oraculo Dei admonetur. Atqui, AEgyptij nullus cœli plagas non perscrutantur: nullus nō expiscantur, ut quid sydera significent hariolari possint: & tamen eam famem non modò non comprehendere animo, sed ne suspicione quidem illi possunt attingere: eaque adeò improuisò præter omnium expectationem oppressi fuissent. Ne multa, Dominus eius famis admonet Pharaonem in seminis: Iosephus illi quod sibi à Deo cõmissum est, enuntiat. Quid est in hoc genere vniuerso, quod eos inuuet, qui hoc, tanquā clypeum, nobis opponūt? Iam, ut ad Mosē veniamus, memoriæ quidē traditum est, illum in AEgyptiorum sapientia vniuersa institutum esse: sed hoc cine de superstitionibus intelligitur? Ego verò inter foedissimas ac stultissimas eorum superstitiones eam numero curiositatem, qua inducti, ex astris hariolari gestiebant. Verum, ut dubitationem omnem penitus tollamus, videamus num Moses in omnibus suis consilijs atque propositis, ista disciplina usus est. Cum Israeliticum populum reducturus esset, quæro, an astrorū auspicijs eā provinciam suscepit: an isdem mare rubrū transgressus sit. Denique, in omni eo genere, quod illius opera & ministerio Deus perfecit, quæro, num artis istius placita vnquam secutus sit. Imo verò ex ore Domini perpetuò pendebat: ad cuius normā ac regulam & se & sua omnia dirigebat: nihil aliud spectans, nisi promissionem in redemptionis tempus collatam: nihil aggrediens, nisi quatenus illi Dei oraculo præscriptum esset. Daniel autē disciplina quidem Chaldaeorum instructus est. quòd verò nosse quicquam præter naturalem Astrologiam affectarit, id nusquam legimus. Denique, dubitari non potest, quin Deus tam saepe de hariolis mentionē faciens, AEgyptiorū & Chaldaeorum superstitionē apertissimè dānare voluerit: cuius quasi quædam contagione Israeliticus populus infici contaminarique poterat. Itaque, nostri Genethliaci, cūm disciplinæ suæ cõmendandæ causa, istam antiquitatem obijciunt, aliud certè nihil proficiunt, quàm quòd inde perspicitur, eorū artem, eam ipsam curiositatem esse,

quam Deus maiorem in modum improbat: & qua Ecclesia suæ feuerissimè grauisissimeque interdixit. Vtunque sit, illud certè satis constat, pios & sanctos Patriarchas, magna ab istis affici iniuria, cum eos falso in suum numerum ascribere conatur.

Inuant se præterea verbis Christi, cum ait fore signa in cælo, quæ diem aduentus sui postremi prænuntient. Enimuerò nobis genus hoc hominum ex iure manu confectum vocandum est: qui tam temerè in alienas possessiones irruerint. Nā quòd quidem ad Scripturæ sacræ studium attinet, profectò noui hospites nihil dum in hac regione quæsuerunt. Nisi si fortasse fistibus etiam expellendi sunt, quod illotis pedibus in hoc tantum sacrarium ingressi sint. Porro, tantum abest, ut is locus eorum amenità suffragetur, ut etiam in eos ipsos retorqueri possit. Etenim Dominus noster Iesus Christus non agit eo loco de vlla syderum affectione, quæ ex naturæ strecto & ordinario cursu eueniat: imo verò de euentu quodam extraordinario, cuius prorsus nihil est simile, & cum illo conueniens. Quin ipsi quoque Propheta, cum ira Dei quàm horribilis & formidolosa futura sit, exprimere conantur, hoc ipsum dicendi genus usurpant: Solem scilicet obscuratum iri, Lunamque nullum lumen habituram: id quod non ad eum tamen euenisse modum satis constat, ut oculis, ut dicitur, appareret, quoties Deus Ecclesiam suam castigauit. Tamen si hoc extremo tempore, quod rebus vniuersis tanquam fastigium imponet, signa quadam palam atque in oculis omnium apparebunt, quæ & fideles commonefaciant, & infideles magis magisque conuictos & inexcusatos reddant. Vt ut sit, ea certè signa & portenta de quibus ibi commemorat, ex motibus & respectu astrorum intelligi non posse constat: quippe quæ Deus propriè & peculiariter ad eam rem accommodaturus est: præterea, quæ motum atque ordinem illum communem immutabunt, in quo nostri Chaldæi fingunt se artis suæ robur ac firmamentum omne collocare. Idem etiam de stella dicendum est, quæ Magos ex Oriente deduxit. Valde enim ridiculi sunt & inepti, qui naturæ ordini tribuunt, quod Scriptura in prodigio atque inusitato quodam ac mirabili casu posuit. An cum artis istius doctrina consentaneum esse affirmabunt, stellam obortam perrexisse versus Iudæam, inde rectè in Hierosolymam, ibidem euanuisse, mox se rursus eduxisse, traiecisse in Bethlechem, & postremo supra domum quandam, indicandæ illius causa, constituisse? quòdque etiam amplius quiddam est, tanquam dimenso itinere ex eorum hominum, quibus quasi facem præferebat, aquis spatijs & passibus procedere? Quamlibet scrutentur cælos, quamlibet omnes syderum cursus, motus, traiectiones obseruent, nihil profectò reperient, præter stellas certis in fixas sedibus: & sydera cælo inherentia. Hæc igitur supra naturam esse necesse est, ac proinde supra vniuersam Astrologia scientiam. Iam verò, quid est absurdius, quàm singulare priuilegium ad legem generalem extendere? Quis istam eorum impudentiam non videat, atque etiam derideat, cum argumentationem concludunt isto modo? Deus extra naturæ usitatum ordinem mirabiliter stellam induxit, quæ Magis Filium suum adoraturis præluceret: eique progressionem ad eorum rationem moderatus est, quæ neque vniuersis cælorum motibus, neque stellarum cursibus conueniret. Ex quo efficitur, stellis ac syderibus notari, quæ cuiusque conduio & fortuna futura sit: eorumque vi atque affectione vitam cuiusque vniuersam gubernari. Non est opus vilo acumine ingenij ad hanc tantam refellendam amentiam. Quinetiam ut aliud nihil sit argumenti, nemo tamen nō videt quàm ea fundamenta firma sint, quibus innitun-

tur. Verum, ut eò magis impietas quæ hic, tanquam venenum in serpentis cauda, delitescit, ab omnibus cognoscatur, commodissimum est vnumquenque bonum admonere, nullo eos pudore ac verecundia teneri, quin omnem religionem Christianam, non minus quàm humana corpora, stellarum ac syderum imperio subijciant: ac rationem adducant, quæ sit, ut Mahometi Alcoranus maius atque amplius imperium habeat, quàm Euangelium Filij Dei? alterum enim benignius, alterum iniquius affecto cœlo procedere. Quæ tandem ista verborum est immanitas? Euangelium, sceptrum Dei est, quo nobis imperat atque dominatur: illius dextræ virtus atq; potentia, quam ad salutem omnium fidelium porrigit, ut Paulus scribit: illius constans & perpetua veritas, cui se omnes Angeli ac spiritus cœlestes humiliter debent submittere: Spiritus sanctus illud promouet, amplificat, nervos illi ac robur subministrat, victoriam aduersus omnem & Sathanæ & omnium mortalium contumaciam ei tribuit. Et isti fanatici affirmabunt, nescio quod orbis signiferi sigillū, & vim & autoritatē illi tribuere. Atqui, Mahometi secula, quæadmodū ex Scriptura intelligi potest, iustissima Dei ultio est, qua genus humanū propter ingratitude suam plectitur. Isti tamen reclamant, atque affirmant, ita affectis syderibus promoueri. Quid verbis opus est? Tangere manu propemodum istorum impietate videretur. Quid enim est clarius, quàm eos omnes, qui tales ac tantas delirationes defendunt, de Deo & religione nihilo magis cogitare, quàm ipsas pecudes ac belluas, omni diritate atque immanitate efferatas?

Sed isti, quasi canes famelici, ut quiduis carpant ac vellicent, ad Solis & Lunæ defectiones, easque stellas quas Græci Cometæ, Latini Cincinnatæ vocant, confugiunt. Affirmant igitur, quod si quæ in illis insit significatio, idem etiam de cæteris syderibus existimari potest. Ego verò quod quidē ad defectiones attinet, respondeo, nullā in ijs inesse significationē, si modò naturales sunt: id est, naturæ ordini perpetuo atq; vsitato consentaneæ, nisi fortè eorum, quæ ab illis generantur: ventorum scilicet, ac pluuiarū, & turbinum, cæterarūmq; tēpestatum: quæadmodum iam antè dictum à nobis est. Sed posse ab illis earum rerum coniecturam duci, quæ vel regnis, vel imperijs, adeoque priuatis quibusque hominibus euenturæ sunt, hoc verò arbitrari, hominum est pueriliter atque imperitè iudicium. Scitè enim Pericles quamquam nō Philosophi sed Imperatoris officio fungens: cum, vnā cum exercitu, nauim instructam atque ornatam ascendisset, subitoque Luna Soli obiecta radios eius & lumen obscurasset, & Nauarchus cæterique Athenienses omnes summo timore commouerentur, pallio suo Nauarchi caput obuoluit: quæsiuitque ab eo, num id rarum illi ac prodigiosum videretur: quod cum negasset: Quid tu igitur? inquit. An putas quicquam inter hoc & illud interesse, nisi quod maius quiddā est pallio, quod nunc tenebras offundit? Simile quiddam in Romanorū exercitu de Lunæ defectione proditum est. Nam C. Sulpitius Gallus, Trib. militum, ne quis ea re quasi auspicio malo perterreretur, Consulū permissu ad concionem militibus vocatis, pronuntiavit, nocte proximā, hora secunda, vsque ad quartam horam noctis, Lunā defeclurā esse: quod cum euenit, Macedones, ut triste prodigiū, occasum regni perniciemque genis portendens, commouit. Alia præterea commemorare possem penè innumeraabilia: quibus intelligi debet, veram Astrologiā eam superstitionē tollere, quæ am isti planè deliri atque amentes homines reducere conantur. Quod autem ad eas attinet defectiones, quæ contra communem naturæ ordinem mirabiliter eueniunt,

cuius-

cuiusmodi extitit illa Solis defectio, quæ sub mortem Domini nostri Iesu Christi contigit: in ijs fateor equidem non deesse quandam, eamque magnam significationem: sed tantum abest ut cum nostris hariolis faciat, ut potius illis os obturet. Nam si quiddam inusitatum atque extraordinarium mirabiliter accidere necesse est, ut quadam insit significatio, quo tandem modo talem vim ac facultatem in communi atque vsitato ordine reperient? Similiter ferè de Cometis sentiendum est: tametsi non idem planè. Verùm, vicunque se res habeat, illæ certè nihil aliud sunt, quàm ardores quidã, qui nõ statis tēporibus, sed prout Deo visum est, procreantur. In quo ipso clarè perspicitur, quantũ inter Cometas & stellæ intersit: quippe cùm Cometa causis interueniētibus procreentur. Neque tamē ideo assentior, significationē illarũ ratam ac certā esse: id quod etiam vsus frequēs sæpenumero docuit. Nā si Cometes apparuit, & post aliquantum temporis princeps aliquis excedat è vita, affirmabunt ei diem à Cometa dictum esse: sin nullius primarij viri obitus consequatur, tacent, sine vlla notatione dimittunt. Quod etsi proculdubio ita se habeat, non tamen equidem inficior, quin Deus, cùm manum suam porrigit ut iudicium ali quod memorabile statuat hominibus, id nobis aliquanto antè per Cometas prænuntiet. Verùm hoc cine eorum opinioni suffragatur, qui & homines, & hominum conditionem pendere ab astrorum affectibus existimant?

Reliquum est ut ad ea exempla respondeam, quæ nobis obijciunt: quæ ipsa sanè videntur exactiã artis illorum cõfirmationem præferre. Est autè ex ijs ipsis vnum quoddam singulare, & ad cuius narrationem multorum animi propemodum obstupescunt: nimirum eius Ascleptarionis mathematici, qui Domitianum aliquanto antè interfectum iri nuntiauit. Cùm enim Domitianus vehementer in illum offensus, eum ad se accersitum interrogaret, quis ipsum maneret exitus: respondit, ut breui post tempore discerperetur à canibus. Domitianus extēpiò rogum accendi, cremari hominem & accuratissimè sepelire iussit. Interea, ecce repentina tēpestate diruto funere, semiustum cadauer canes dilaniant. Aliquanto post Domitianus interficitur. Quod autem de Iulio Casare & Spurina mathematico commemorant, non ita prorsus mirabile videri posset: sed tamen non multò minus. Nam cùm Casarem immolantem Spurina monuisset, ut caueret periculũ, quod non ultra idus Martias proferretur: Idusque tamen sine vlla noxa aduenissent, ob eamque causam à Casare videretur. Atqui, inquit, venerūt illæ quidē, sed tamen nõ præterierunt. Itaque eo ipso die Casar in Senatu interfectus est. Ita, nostri Chaldæi sese arbitrātur sine vlla cuiusquã dissensione causam suã obtinuisse: ac proinde dubitari nõ posse, quin eorum disciplina magnopere certa sit. Verum, ego libenter ab eorum quopiã quæsierim, an eo ipso die, eoque ipso tēporis momento, quo Iulius Casar natus est, alium præterea nullũ existimant, aut Romæ, aut in tota Italia natũ esse. Profecìò verisimile est fuisse nõ paucos, qui eadem cœli affectione primum spiritũ duxerint, ac simul in vitã ingressi sint, quod ipsum etiam de Domitiano dicimus. Verum, eone omnes vno die eodẽque mortis genere extincti sunt? Imo verò, quæadmodum eadẽ natalitia sydera nõ omnes peperere Casares, ita hercle non idẽ mortis genus omnibus inuixerunt. Ex quibus certè manifestò constat, nullã neque rationis, neque veritatis speciem istius Chaldæorum prædictis cõtineri. Nam si quid in ijs verum ac certum inesset, id est, vlla artis ratione constarent, non dubium est, quin in omnes æquè valerent. Atqui triginta aut plus eo vno eodẽque astro nascetur: cùm tamē aliis

anno ætatis vicesimo, alius quinquagesimo morietur: alium febris extinguet, alius in prælio occidet. Præterea singuli suam habent vitæ distinctam ab alijs conditionem. Quid si sua cuique essent sydera natalitia, ex quibus quid cuique euenturū esset, posset intelligi, visque aliqua inesset in cœli ac stellarum situs ratione, nonne parem omnibus ac similem vitæ mortisque conditionem afferreret? Eodémque prorsus modo perfacile est id quod de Augusto citant, refellere: qui cum audisset ex Theogene, sydere suo natalitio sibi Romanum imperium portendi, tantam mox facti fiduciam habuit, ut thema suum vulgauerit: nummumque argenteum nota syderis Capricorni, quo natus est, percussisset. Cui tandem dubium est, quin eodem astro innumeri abiecta cōtemptaque fortuna nati sint, quorum alius subulci, alius armetorum pastoris officium, & tamen similiter affectio cœlo fecerit? Enimvero si cœli ac stellarum affectus, omnibus qui eodem quo Augustus temporis puncto nati sunt, Romanum imperium impertisset, parua, me hercle, eius imperij portio ad Augustum peruenisset. Quamobrem illud equidem affirmare non dubito, ista Chaldæorum aliorumque coniectorum prædicta, nulla recta ratione, nulla artis cuiusquam scientia constituisse: obeamque causam,

- incerta hæc si quis postulet

Ratione certa facere, nihilo plus acturum,

Quam si det operam ut cum ratione insaniat.

Quod si obijciant, ex euentis tamen veritatem apparere: responsio parata est. Non enim ideo sequitur, artem esse legitimam ac probandam. Atqui, nos id vnum contendimus, impiam scilicet atque improbatam esse hanc totam à Deo curiositatem: non autem querimus, an harioli casu aliquo & fortuna, vera interdum prædixerint. Etsi enim quodcunque à Sathana profectum est, nil nisi merum mendacium est, meræque præstigiæ: Deus tamen nonnunquam impostores permittit vera dicere: si quædo videlicet impiorum perfidiam ulcisci statuit isto modo. Atque ut horum utriusque exemplum in illa Samuelis pythoniissa sumamus, id quod Sauli ab ea prædictum est, omnino illud quidem euenit. Eone igitur illam affirmabimus certam ac ratione constantem scientiam calluisse, qua futura prædiceret? minimè verò. Deus enim iusto iudicio Sathanam in regem impium inuadere, eumque fallere permisit: quædoquidem id rex fuerat promeritus. Absurdum est igitur propterea existimare, Christianis ea uti licere ratione, quod vera pythoniissa nuntiauerit. Neque enim Deus ad hunc modum vult ea nos rescire, quorum nos certiores fieri nostra interest. Atque huius quidem certam ac generalem regulam habemus, Deuterono. capite¹³. ubi si quis Propheta quidpiam prædixerit, idque tandem euenerit, eoque nos velit ad cultum deorum alienorum abducere, grauiter affirmat, eum prophetam non esse audiendum: quoniam Deus tentat nos & explorat, num eum ex animo diligamus. Nos verbum hoc diligenter notemus, momentoque suo ponderemus, quod quemuis prætextum, quamuis veri speciem ea res habeant quæ sunt Deo contrariæ, quasque ipse verbo suo improbat, atque repudiat: ij tamen qui cum sincera conscientia versantur, ab illis abstinere poterunt: solos enim infideles atque hypocritas in fraudem inducent: quoniam quidem (ut Paulus scribit) æquisimum est, eos qui lucem sequi noluerunt, in tetrīs tenebris & caligine versari. Denique, tantundem ea, quæ istis mathematicis vera dixisse contigit, æstimo, quantum ea falsa prodigia, quibus Pharaonis Magi cum Mose decertarunt: & quibus Christus prædixit fore, ut

hu-

humanum genus in errorem impellatur.

Iam, quemadmodum horribiles quidam sunt mæandri, & quibus exitus inueniri nō potest, stultitia & superstitiones quibus sese homines implicant, posteaquam semel curiositati suæ fræna laxarunt, multi futiles & leuiculi qui animum ad Astrologicam diuinationem applicarant, sese multò profundius immergunt: nimirum, in omne diuinationis genus. Neque enim vllæ sunt Sathana præstigiæ, quæ illis non arrideant, posteaquā semel vnus cuiusdam illecebris & lenocinio allecli sunt. Quoque suam diabolicam superstitionem probabiliorem reddant, nomen Solomonis quasi velū quoddā ei obtendunt: ac si Solomō sortilegus fuisset. Atqui, mentione quidem facit Scriptura cognitionis eius quam de reconditissimis naturæ mysterijs habuit: sed eum tamen neque diuinantem, neque hariolum appellat. Et sanè, nota est omnibus ac perspecta generalis condemnatio, quam in eos omnes Moses pronuntiat, qui se harum rerū studio immiscent. Præsertim Deute. capite decimo octauo, vbi inquit: Ne quis inueniatur inter vos diuinās qui diuinet, neque dierum obseruās, neque augur, nec magus, nec incātator qui incātet, nec consulens pytho-nem, nec sortilegus, nec mortuos interrogans. Abominatur enim Dominus quicunque ista facit: & ob hæc ipsa flagitia delenit populos qui hanc regionē incolabant. Meminerimus semper eius doctrinæ quam superius attigimus: nempe, cū Deus Aegyptios damnat, eo ipso populum suum ab omnibus eorum moribus atque institutis reuocare: ac proinde Astrologiā omnem iudiciariam cōdemnare, quæ veræ atque legitimæ scientiæ terminos egreditur, cū ad istam diuinādi rationē traducitur: omnēque aded magiā, quatenus hoc vocabulo reconditarū rerū cognitio cōprehenditur, quæ per incantationes, aut spectra, aut alia generis eiusdē exquiritur. Obseruemus etiam, Deū non contentum vno nomine illos appellasse, quoniam hominum ingenia, quasi in lubrico versentur, facile in omnia vanitatum genera labi possunt: vt omnem subterfugendi occasionem tolleret, singulas species enumerare atque recensere, quæ per id tēporis notæ erant: quin etiā quibusdam vti verbis, quæ in honore & pretio habebātur: veluti Chosseni, quo significantur vates: & nōnunquam ad Prophetas transfertur, qui ea vaticinantur quæ adhuc occulta & obscura sunt. Itē Hober, quod à cōiungendo deducitur: Is, inquit, qui cōnectit aut cōciliat coniunctiones: Astrologos proculdubio significās, qui transuersa & obliqua sidera in coniunctionem reducunt, vt quasi sibi inuicem annuant. Item, Iidoni, quod Sci-entes & intelligentes significat: quemadmodum videmus ita nugas istas ab ijs prædicari, quasi alia præterea nulla scientia vsquam exaret. Interea videmus quid de ijs Dominus pronūtiat, & quā horribiles pœnas minetur, quæ certè ijs omnibus debet horrore incutere, qui eū ex animo metuūt. Quod si omne diuinādi genus ita reiicitur, quid de ijs sentiendū est, qui pythones de rebus occultis cōsulant? Hoc enim nemo nō videt sortilegiū esse manifestissimū. Atqui, nōnulli aded sunt (vt diximus) impudē: es, vt suos orbes aliāsque præterea incātationes Solomoni acceptas ferre nō vereātur. Quinetiam affirmant, cū Spirituū partes sint ministrare fidelibus, non esse improbandum, si quis vt sibi inferuiant, eos adiuret. Verū, quā tandē fide freti, ministeriū ab ijs sperant, cū id contra manifestā Dei voluntatē exigant? Et enim tātum abest, vt nobis istis vti arcanis adiurationibus liceat, quibus Angelos in colloquium nostrum eliciamus, vt in superstitione nefaria ponendum sit, si quis eos quoquo modo inuocet. Præterea, quis illis Diabolos mancipauit aut locauit,

ut eorum ministerijs utantur? Nam filij quidem Dei eos habet pro capitalibus hostibus, eosque fugere atque auersari debent: nedum aliquam cum ijs consuetudinē affectare. Itaque qui imperare illis volent, profecto ad extremum intelligent se leonem (ut dicitur) tondere, id est, dominis suis illudere. Hoc igitur secundum ea quæ Dominus pronuntiat, concludamus, omnem diuinationem immane & execrandū esse sacrilegium: quippe, cum quoad facere potest grauiſsimè, contumaciam aduersus verbum suum condemnans, eam quā diuinationi, quā idololatriæ compareret.

Quocirca non sine grauiſſimis iustiſſimisque causis, ciuiles leges Mathematicos tam valde & tam sæpe condemnant. Extat autem ea de re Constantij & Iuliani ad populum constitutio in Codice, his verbis: Nemo haruspicum consulat, aut mathematicum, nemo hariolum. Augurum & vatum praua confessio conticescat. Chaldaei ac magi, & cæteri, quos Maleficos ob facinorū magnitudinem vulgus appellat, nec ad hanc partem aliquid moliatur. Sileat omnibus perpetuò diuinandi curiositas. Etenim supplicio capitis ferietur, gladio ultore prostratus, quicūque nostris inſus obsequiū denegauerit. Verba hæc illorū sunt omnia. Neque ij audiendi sunt qui hæc ideo cōstituta esse affirmant, vel quia impostores arte abusi sunt, vel quia odiosum fuit imperitis Magorū nomē. Nō fuit Vlpianus imperitus aut rerum ignarus, qui disertè respondit, boni & innocentis viri officio eum fungi, qui cum arbiter familiæ heriscūdæ inuenerit in hereditate libros improbatæ lectionis, magicos forte vel similes (his enim ipsis verbis utitur) eos corrūpat. Sed quid hæc nos testimonia persequimur? Extat ipsius Dei lex, quam tāquam index Israeliticæ politiæ statuit, ut & huius criminis authores, & omnes ei crimini affines, extremo supplicio damnetur. Quāquam, ut fingamus rē esse ab hominibus permissam, cum eam Deus adedē detestetur, quæ ista tandē amentia est, velle cum religione Christiana eam coniungere? quasi quis cum luce tenebras conciliet. Et certè mirum est, quòd Ephesii, qui prius ad istas inaniſſimas curiositates animū adiunxerant, simulatque ad Christi religionem adducti sunt, libros omnes suos exusserūt, quemadmodum Lucas in Actis testatur: nunc verò quidam sunt adedē peruersi ac præposterī, ut Christi cognitio nihil illis aliud prodesse videatur, quàm ut illorum desiderij igniculum accendat ad omnes fuitiles vanitates vndique conquirendas. Hoc centè nimis ingens discrimen est: cum alij simulatque doctrinam Euangelij degustarunt, omnes diuinationes repudiant, in quibus totius ferè vitæ suæ tempus contriuerant: alij ob eam ipsam causam quòd veritatem Dei cognouerint, quasi quodam stimulo ad hoc ipsum studium incitantur: quanuis quid illud sit nunquam antea audierant: cum ij de quibus Lucas commemorat, libros combusserint, quorum pretium denariū quinquaginta millium aestimaretur: isti verò inaniſſima quadam opinione quam animo finxerūt, infatuati, omnes suas opes in hoc studium impendant. Quinetiam obseruandū est, quòd Lucas non dicit artes quasdam impias & diabolicas fuisse, sed eas ~~peruersas~~ nominat: quo vanæ & fuitiles curiositates significantur: tamen si erant illæ quidem omnino improbæ, atque vitiosæ: sed ut omnem illis tergiuersandi occasionē rescinderet, qui diuerticula tantum & flexiones querunt: ut nostri Mathematici, qui eò Simone Mago magistro atque authore suo deteriores sunt, quòd is potētiam Christi animaduertens, ita propemodum obstupescit, ut præ illa suā omnē artē floccifaciat, & quāuis adedē miser sit ac perditus, ut Spiritus sancti gratiā velit pecuniæ cōparare, agnoscit tamē potentiā Filij Dei eā omnē scientiā obscurare, ac penitus obruere,

re, qua sese antea pradiū existimabat. Isti à Deo illuminati, ut veritatē illius agnoscant, oculos deflectunt, & in funestissimas tenebras coniiciunt: maluntque in suis mendacijs caligare, quàm frui luce cœlesti, in qua & vita & salus omnis nostra posita est. Ecquid igitur aduersus tanta mali remediū? nimirum, si eam sobrietatem quam nobis diuus Paulus commendat, adhibeamus tanquam frænum, quo in sincera Dei obedientia teneamur. Quod ut fiat, studiosè quisque det operam, ut hunc inestimabilem Euangelij thesaurum in bona conscientia, quasi in sancta & fida custodia conseruet. Non enim dubium est, quin timor Domini, quàm optima munitio sit, quæ nos aduersus omnes errores tueatur. Itaque teneamus omnes hanc vniuersalem regulam, ut & corpora & animas nostras sanctificemus Deo: eumque ex animo colamus. Deinde, videat quisque quam prouinciā suscepit, quam Spartam nactus sit, ut eam, quoad eius facere poterit, exornet. Homines literati ad optima & vtilissima studia animum adiungant, futes & inanes curiositates, quæ ad nullam aliam rem sunt vtilis, quàm ut stultorum ingenia detineant, fugiant atque auersentur. Tenuis & cui amplissima fortuna sunt, ignari & eruditione pradii cogitēt nos non ad res inutiles esse natos: sed totius nostræ industria, operæ & laboris hunc finem esse, ut & nos & alios in timore Dei adificemus. Et sanè, si quis paulò attentius consideret id quod res est: quales tandem isti sunt, qui hanc erraticam Astrologiam nobis afferunt? nisi vel homines temerarij, vel summa futilitate, atque leuitate pradii, vel otiosi, qui neque quam fecerentur voluptatem, neque qua de re in circulis & conuiuijs garriant, satis norunt: cuiusmodi sunt Prothonotarij quidam delicati, affectatores muliercularum: alijque præterea urbani, mundi, elegantes, aulici: non quò scientiam vllam eius affecuti sint (si modò in re tam stolidi, & futili vlla scientia est) nam illis satis est eam primoribus labris gustasse, & extremis, ut dicitur, digitis attigisse: tametsi multos interea fraudibus suis incantos irretiant. Ob eamque causam admonui superius, in rebus solidis consistendum esse: nam qui in primis inducet animum Deum timere, eiúsque voluntatem explorare, seipse quàm maximè ad ea quæ nobis Scriptura tradita sunt, exercens. secundo loco, animum ad ea quæ ad suum officium pertinent adiunget, aut certè ad res frugiferas & vtilis atque salutare: nullum vacuum tempus habebit in aerem auolandi, ut passim per nubes vagetur, neque cœlum, ut dicitur, neque terram attingens. Nec sum nescius eos nō commissuros, ut sine altercatione discedant: alterum enim alteri non repugnare affirmabunt. Cui breuiter respondeo, nullam probabilem ac frugiferam disciplinam cum Dei timore dissentire, aut cum ea doctrina quam nobis tradidit, ut nos ad vitam æternam perducatur: modò ne quid agamus præposterè: id est, eam prudentiam adhibeamus, ut & liberalibus & sordidis vel mœchanicis artibus, quasi per transfennam prætereuntes, utamur: interea velis remisque, ut dicitur, ad regnum cœleste contendentes. Est autem hæc ipsa de qua agimus curiositas non modò superuacanea, & ad nullam rem vtilis, verum etiam exitiosa, & quæ nos cum ab ea fiducia, quam in Deum habere debemus, & ab omni cogitatione quam vult nos de sua iustitia, iudicio & misericordia suscipere, tum verò ab omni officij genere, quod proximis nostris tribuendum est, longè latèque reuocat.

F I N I S.

ZZ 4

CONSENSIO MUTUA IN RE SACRAMENTARIA Ministrorum Tigurinae Ecclesiae, & D. Ioannis Caluini Ministri Geneuensis Ecclesiae, iam puncta ab ipsis auctoribus edita.

I. C O R. I.

Obsecro vos fratres per nomen Domini nostri Iesu Christi, ut idem loquamini, & non sint inter vos dissidia: sed sitis integrum corpus, eadem mente, & eadem sententia.

ORNATISSIMIS VIRIS ET FIDELIBVS CHRISTI
seruis, Tigurinae Ecclesiae Pastoribus & Doctoribus, charissimis
Symmistis, & obseruandis fratribus, Ioannes
Calvinus S.



Amet si eadem saepius de re vobiscum ago, non tamen puto mihi timendum esse, ut importunus esse videar. Quando idem virisque iudicium est fieri non potest, quin vobis probetur quod ago. Quod autem paulò acrius in isto, huc me assidua bonorum virorum flagitationes stimulant. Iam aliquoties monui, leui de causa, non tamen sine praetextu offendi permultos, quòd diuersum à vobis, nescio quid, tradere videar. Vestram Ecclesiam, quae tot praclaris dotibus ornata est, meritò reuerentur: nostrae quoque, & mihi forsàn priuatim, aliquid deferunt. Ita cupiunt scriptis nostris, in discenda pietatis doctrina, adiuuari, ne qua dissensionis species, eorum progressus moritur. Huic offensioni tollendae quum nullum putarem aptius fore remedium, quàm si familiari colloquio, rationem communiter iniremus testandae consensionis, hac de causa perfectionem, ut scitis, ad vos suscepi: & venerandus collega noster Gulielmus Farellus, (ut est indefessus Christi miles) qui mihi dux alioqui & author erat, comitem se adiungere non recusauit. Ut inter nos conueniat, testari quidem verè ac fideliter vtrunque possumus: sed quia rem, ut est, non omnibus persuadeo, mihi plurimum dolet, anxios vel suspensos manere, quorum tranquillitati, melius consultum optarem. Proinde, ut initio praefatus sum, nihil intempestiuum me facere arbitror, si vrgeo, ut publicum aliquod eius quae inter nos constat, consensionis, testimonium extet.

Ego verò capita, de quibus inter nos contulimus, & breuiter colligere, & ordine digerere, operae pretium esse existimaui: ut, si vobis meum consilium probabitur, cuius, velut in tabula cernere liceat, quid inter nos, & actum, & transactum fuerit. Certè bona fide me ex sermonibus nostris retulisse, quaecunque subiiciam, vos mihi testes fore confido. Nos verò (me & Farellum dico) pari vobiscum studio, synceram omnique furo & astutia vacuam perspicuitatem quasivisse, p̄ letores, ut spero, animaduertent. Quanquam simul admonitos esse velim, nihil hic

con-

contineri, quod non collegæ etiam nostri, quotquot vel sub Reipublica Geneuensis ditione, vel in Comitatu Neocomensi Christo seruiunt, sua subscriptione approbauerint. Valete præstantissimi viri, & mihi ex animo verè colendi fratres. Dominus vos Spiritu suo regere pergat, in Ecclesiæ suæ adificationem, vestrisque laboribus benedicat. Geneuæ, Calendis August. Anno Domini M.D. XLI X.

CONSENSIONIS CAPITULA.



QUUM CHRISTVS sit finis Legis, & eius agnitio totam in se Euangelij summam comprehendat: non dubium est, quin huc spectet totum spirituale Ecclesiæ regimen, vt ad Christum nos ducat. Sicuti per eum solum ad Deum peruenitur, qui vltimus est beatæ vitæ finis. Itaque quisquis hinc vel minimum defleat, nunquam de vllus Dei institutis, ritè vel appositè loquetur.

Totum Ecclesiæ regimen spirituale ad Christum nos ducit.

Quum autem Sacramenta, Euangelij sint appendices, us demum, & aptè, & vtiliter de eorum natura, vi, officio & fructu differet, qui à Christo exordietur. Neque id modò, vt obiter Christi nomen attingat, sed vt verè teneat, quorsum nobis datus sit à Patre, & quid nobis bonorum attulerit.

Sacramentorum agnitio vera, ex agnitione Christi.

Sic ergo habendum est, Christum, quum æternus esset Dei Filius, eiusdem cum Patre essentia & gloria, induisse carnem nostram, vt iure adoptionis, id quod naturâ proprium habebat, nobis communicaret: nempe, vt simus filij Dei: quod fit, dum fide inserti in corpus Christi, idque Spiritus sancti virtute, primùm iusti censemur grauita iustitiæ imputatione: deinde regeneramur in nouam vitam: quò reformati in imaginem Patris cælestis, veteri homini renuntiemus.

Cognitio Christi qualis.

Ita Christus in carne sua consyderandus est nobis Sacerdos, qui peccata nostra, vnico mortis suæ sacrificio, expiauit: qui omnes nostras iniquitates deleuit, sua obedientia: qui nobis perfectam iustitiam comparauit: qui nunc intercedit pro nobis, vt accessus nobis ad Deum pateat. Consyderandus est tanquam victima expiatrix, qua placatus est Deus mundo. Consyderandus est frater, qui nos ex miseris Adæ filiis, effecit beatos Dei filios. Consyderandus est reparator, qui Spiritus sui virtute reformat quicquid in nobis est vitiosum, vt mundo viuere desinamus & carni, ac Deus ipse in nobis viuat. Consyderandus est Rex, qui omni bonorum genere nos ditat: qui nos gubernat sua virtute, ac tuetur: qui nos spiritualibus armis instruit: qui nos ab omni noxa liberat: qui oris sui sceptro nos moderatur ac regit. Atque ita consyderandus, vt ad se Deum verum, & ad Patrem nos euehat: donec impleatur illud, quod tandem futurum est: nempe, vt sit Deus omnia in omnibus.

Christus Sacerdos

Christus Rex.

Porrò, vt se nobis talem exhibeat Christus, ac eiusmodi effectus in nobis proferat, vnum cum ipso nos effici, & in eius corpus coalescere nos oportet. Qui non aliter vitam in nos suam diffundit, nisi dum caput nostrum est: ex quo totum corpus compactum & connexum, per omnem iuncturam subministrationis, secundum operationem, in mensura cuiusque membri augmentum corporis faciat.

Quomodo Christus se nobis cõmuni- cet.

Hæc spiritualis est communicatio, quam habemus cum Filio Dei: dum Spiritu suo in nobis habitans, facit credentes omnes, omnium quæ in se resident, bonorum compotes.

Cuius testificandæ causa, tam Evangelij prædicatio instituta, quam Sacramentorum usus nobis commendatus: nempe, sacri Baptismi, & sacre Cœnæ.

Sunt quidem & hi Sacramentorum fines, ut notæ sint ac tessere, Christianæ professionis & societatis, siue fraternitatis, ut sint ad gratiarum actionem incitamenta, & exercitia fidei, ac piæ vitæ: denique, syngraphæ ad id obligantes. Sed hic vnus inter alios præcipuus, ut per ea nobis gratiam suam testetur Deus, representet, atque obfignet. Nam etsi nihil aliud significant, quàm quod verbo ipso annuntiatur, hoc tamen magnum est, subijci oculis nostris quasi viuas imagines, quæ sensus nostros melius afficiant, quasi in rem ducendo: dum nobis Christi mortem, omniâque eius beneficia in memoriam reuocant, ut fides magis exerceatur: deinde quod ore Dei pronuntiatum erat, quasi sigillis confirmari & sanciri.

Quum autem vera sint, quæ nobis Dominus dedit gratiæ suæ testimonia & sigilla, verè proculdubio præstat ipse intus suo Spiritu, quod oculis & alijs sensibus figurant Sacramenta: hoc est, ut potiamur Christo, tanquam bonorum omnium fonte: tum ut beneficio mortis eius reconciliemur Deo: spiritu renouemur in vitæ sanctitatem, iustitiam denique & salutem consequamur, simulque pro his beneficijs olim in cruce exhibitis, & quæ quotidie fide percipimus, gratias agamus.

Quare, etsi distinguimus, ut par est, inter signa & res signatæ: tamen non disiungimus à signis veritatem: quin omnes, qui fide amplectuntur illic oblatas promissiones, Christum spiritualiter, cum spiritualibus eius donis recipere, adeoque & qui dudum participes facti erant Christi, communionem illam continuare & reparare fateamur.

Neque enim ad signa nuda, sed potius ad promissionem quæ illic annexa est, respicere conuenit. Quatenus ergo in promissione illic oblata proficiat nostra fides, eatenus ista vis, & efficacia quam dicimus, se exeret. Ita materia aquæ, panis aut vini, Christum nequaquam nobis offert, nec spiritualium eius donorum compotes nos facit: sed promissio magis spectanda est: cuius partes sunt, nos recta fidei via ad Christum ducere, quæ fides nos Christi participes facit.

Hinc concidit eorum error, qui in elementis obstupescunt, & illic affigunt salutis suæ fiduciam. Quum Sacramenta à Christo separata nihil sint quàm inanes larvæ: & in ipsis omnibus hæc vox clarè personet, non alibi quàm in solo Christo hærendum, nec aliunde petendam esse salutis gratiam.

Præterea, siquid boni nobis per Sacramenta confertur, id non fit propria eorum virtute, etiam si promissionem, qua insigniuntur, comprehendas. Deus enim solus est, qui Spiritu suo agit. Et quòd Sacramentorum ministerio utitur, in eo neque vim illis suam infundit, neque Spiritus sui efficaciam quicquam derogat: sed pro ruditate nostræ captu, ea tanquam adminicula sic adhibet, ut tota agendi facultas maneat apud ipsum solum.

Itaque, quemadmodum Paulus admonet, eum qui plantat aut rigat, nihil esse: sed vnum Deum qui dat incrementum: ita & de Sacramentis dicendum est, ea nihil esse, quia nihil profutura sint, nisi Deus in solidum omnia efficiat. Organa quidem sunt, quibus efficaciter, ubi visum est, agit Deus: sed ita, ut totum

tum salutis nostræ opus, ipsi vni acceptum ferri debeat.

Constituimus ergo vnum esse Christū, qui verè intus baptizat, qui nos in Cœna facit sui participes, qui denique implet quod figurant Sacramenta: & sic quidem vti his adminiculis, vt totus effectus penes eius Spiritum resideat.

Quomodo Sacramēta cōfirmēt.

Sic interdum Sacramenta vocantur Sigilla, dicuntur fidem alere, confirmare, promouere: & tamen solus Spiritus propriè est sigillum: & idem fidei inchoator est & perfectior. Nam hæc omnia Sacramentorum attributa inferiore loco subsidunt, vt ne minima quidem salutis nostræ portio, ab vnico authore, ad creaturas vel elementa transferatur.

Præterea sedulo docemus, Deum non promiscuè vim suam exerere in omnibus qui Sacramenta recipiunt: sed tantum in electis. Nam quemadmodum non alios in fidem illuminat, quam quos præordinauit ad vitam: ita arcana Spiritus sui virtute efficit, vt percipiant electi quæ offerunt Sacramenta.

Non omnes Sacramēto participātes, re quoque participant. Sacramēta non conferunt gratiam.

Hæc doctrina euertitur illud Sophistarum commentum, quod docet Sacramenta nouæ Legis, conferre gratiam omnibus non ponentibus obicem peccati mortalis. Præterquam enim quod in Sacramentis, nihil nisi fide percipitur: tenendum quoque est, minimè alligatam ipsis esse Dei gratiam, vt quisque signum habeat, re etiam potiatur. Nam reprobis peræque vt electis signa administrantur: veritas autem signorum ad hos solos peruenit.

Certū quidem est, offerri cōmuniter omnibus Christū cum suis donis: nec hominum incredulitate labefactari Dei Veritatem, quin semper vim suam retineant Sacramenta: sed non omnes Christi & donorum eius sunt capaces. Itaque ex Dei parte nihil mutatur: quantum verò ad homines spectat, quisque pro fidei suæ mensura accipit.

Omnibus offeruntur Dei dona, fideles dumtaxat percipiunt.

Quemadmodum autem nihilo plus Sacramentorum vsus infidelibus confert, quam si abstinerent, imo tantum illis exitialis est: ita extra eorum vsum, fidelibus constat, quæ illic figuratur Veritas. Sic Baptismo abluta sunt Pauli peccata, quæ iam prius abluta erant. Sic idem Baptismus Cornelio fuit lauacrum regenerationis, qui tamen iam Spiritu sancto donatus erat. Sic in Cœna se nobis communicat Christus, qui tamen & prius se nobis impertierat, & perpetuò manet in nobis. Nam quum inbeantur singuli seipsos probare, inde consequitur, fidem ab ipsis requiri, antequam ad Sacramentum accedant. Atqui, fides non est sine Christo, sed quatenus Sacramentis confirmatur & augefcit fides, confirmantur in nobis Dei dona, adeoque quodammodo augefcit Christus in nobis, & nos in ipso.

Fideles ante & extra Sacramentorum vsum Christo cōmunicant.

Vtilitas porrò, quam ex Sacramentis percipimus, ad tempus, quo ea nobis administrantur, minimè restringi debet: perinde ac si visibile signum, dum in medium profertur, eodem secum momento Dei gratiam adueheret. Nam qui in prima infantia baptizati sunt, eos in pueritia, vel ineunte adolescentia, interdum etiam in senectute regenerat Deus. Ita Baptismi utilitas ad totum vitæ decursum patet: quia perpetuò viget quæ illic continetur promissio. Et fieri interdum potest, vt sacra Cœnæ vsus, qui in actu ipso propter incogitantiam vel tarditatem nostram parum prodest, fructum deinde suum proferat.

Adeo nō alligatur gratia actioni Sacramentorum, vt fructus eorum, percipiat ali quando post actionem. Localis imaginatio tollenda.

Præsertim verò tollenda est quælibet localis præsentie imaginatio. Nam quum signa hic in mundo sint, oculis cernantur, palpentur manibus: Christus quatenus homo est, non alibi quam in cælo, nec aliter quam mente & fidei intelligen-

tia, quærendus est. Quare peruersa & impia superstitio est, ipsam sub elementis huius mundi includere.

Expositio
verborum
Cœnæ
Domini
Hoc est
corpus
meum,

Proinde, qui in solēnibus Cœnæ verbis, *Hoc est corpus meum, Hic est sanguis meus*: præcisè literalem, ut loquuntur. sensum urgent, eos tanquam præposteros interpretes, repudiamus. Nam extra controuersiam ponimus, figuratè accipiendi esse, ut esse panis & vinum dicantur id quod significant. Neque verò nouum hoc aut insolens videri debet, ut per metonymiam ad signum transferatur rei figuratæ nomen: quum passim in Scripturis eiusmodi locutiones occurrant: & nos sic loquendo, nihil afferimus, quod non apud verustissimos quosque & probatissimos Ecclesiæ scriptores extet.

De man-
ducatio-
ne corpo-
ris Chri-
sti.

Quòd autem carnis suæ esu, & sanguinis potione, quæ hîc figurantur, Christus animas nostras per fidem, Spiritus sancti virtute pascit, id non perinde accipiendum, quasi fiat aliqua substantiæ vel commixtio, vel transfusio: sed quoniam ex carne semel in sacrificium oblata, & sanguine in expiationem effuso, vitam hauriamus,

Contra
transsub-
stantiationem
& alias in-
neptias.

Hoc modo non tantum refutatur Papistarum commentum de transsubstantiatione, sed crassa omnia figmenta, atque futiles argutiæ, quæ vel cœlesti eius gloriæ detrahunt, vel veritati humanæ naturæ minus sunt consentaneæ. Neque enim minus absurdum iudicamus, Christum sub pane locare, vel cum pane copulare, quàm panem transsubstantiare in corpus eius.

Christi
corpus est
in caelo
ut in loco

Ac ne qua ambiguitas restet, quum in cælo quærendum Christum dicimus, hæc locutio locorum distantiam nobis sonat & exprimit. Tamen si enim philosophicè loquendo, supra cælos locus non est: quia tamen corpus Christi, ut fert humani corporis natura & modus, finitum est, & cælo, ut loco, continetur: necesse est à nobis tanto locorum intervallo distare, quanto cælum abest à terra.

Christus
non est a-
dorandus
in pane,

Quòd si imaginatione nostra Christum pani & vino affigere fas non est, multò minus licet eum in pane adorare. Quamquam enim panis in symbolum & pignus eius, quam habemus cum

Christi,

communio, nobis

porrigitur: quia tamen signum

est, non res ipsa, neque rem in se inclusam

habet aut affixam, idolum ex eo faciunt, qui men-

tem suam in eum conuertunt, Chri-

stum adoraturi.

••

827

ECCLESIAE GENEVENSIS FIDIO PA-
stori D. Ioanni Caluino, fratri charissimo, Pastores
Doctoresque ministri Tigurinæ
Ecclesiæ, S. D.

NGENS tuum studium, Calvine frater in Domino colendissime, & opera sedula, quibus moliris doctrinam de Sacramentis in dies illustriorem facere, ac tollere offensiones à media Ecclesia, quæ obortæ videntur ex obscuriore quadam explicatione mysteriorum, ad eò nihil molestiæ nobis afferunt, ut ea non modò laude & prædicatione digna, verumetiam pro nostra virili adiuvanda esse, & imitanda iudicemus. Quum enim sacrosanctæ leges principis nostri Iesu Christi, omnes actiones referant ad culturam charitatis, studiumque mutuum iuvandi, nihil etiam seuerius prohibent, quàm ut ullus obijciat alteri impedimentum, quò minus vel rectè verèque iudicet de ijs rebus, quarum notitia necessaria est, aut certè utilis & salutaris hominibus: vel minus præstet officium suum, quod tum Deo, tum proximis debetur: eadèque gratuitate iubent summovere, quātum fieri potest, offendicula, in quæ impingere solent homines. Quamobrem causa tui aduentus ad nos, & D. Gulielmi Farelli venerandi nobis fratris, honestissima nobis visa est, & in primis digna viri Ecclesiastici: ut primùm familiari colloquio, quàm simplicissimè mutuo exponeremus nostram sententiam de Sacramentis, præsertim in ijs capitibus, in quibus aliqua certè controuersia hæctenus fuit, inter eos qui per cætera capita synceriores Evangelij doctrinam magno consensu tradiderunt: deinde consensum nostrum, edito in publicum scripto, testaremur. Nullam enim aliam viam & rationem commodiorem videmus, qua controuersia religionis dirimantur, aut pellantur vanæ suspiciones, ubi discrepantia nulla existit, aut denique tollantur offensiones, quæ nasci nonnunquam solent in Ecclesia Dei: ex docentium controuersis opinionibus, quàm si partes, quæ dissentire videntur, aut re vera dissentiunt, inuicem apertissimè suam mentem explanent, tum sermone, tum scriptis. Sed parum esset veritatem inuestigatam & deprehensam apud eos retineri, nisi alijs quoque hominibus ea patefiat: plenius expositis ijs, quæ parcius indicata fuerant: & quod obscurius fuerat dictum, notioribus verbis enuntiato: quòd quæ ambigè fuerat enuntiati, certis, proprijs, & significantibus vocibus declarato. Quæ ratio semper Ecclesiasticis patribus placuit: & in controuersijs de religione componendis adhibita est sæpius, & nunquam non salutaris fuit Ecclesiæ. Denique approbata est summo exemplo Apostolorum Christi Domini ac Dei nostri. Nam ut in Actis legimus cap. decimo quinto, nò alio modo ac via sedata est maxima dissensio, quum Apostoli, & Apostolorum germani Discipuli docerent fiducia in nomen Christi purificari corda, & eius solius gratia seruari homines: aliqui contenderent, oportere circumcidi, & seruari Legem Mosaicam. Itaque, non possumus non summo opere probare, Calvine, chare frater, tuos sanctos conatus, & omnium piorum, qui student idoneis rationibus offensiones tollere, & labefactam pacem atque tranquillitatem Ecclesiæ instaurare, dum Christianam doctrinam simplici, & accurata explicatione, magis magisque illustrem ac planam reddere nituntur, & vanas opiniones discordiæ eximere animis: aut eos etiā, qui verbis

ſententijs nonnihil diſiderunt, in veram, ſolidam & ſanctam concordiam reducere. Caterum, vt publicatione ſcripti, quo noſtrum conſenſum clarè teſtari voluimus, p̃ys iux: à & aduerſarijs veritatis, eum ſperemus fructum, quem in epiſtola tua ominaris, facto iam periculo adducimur: nam formulam mutuæ noſtræ Conſenſionis ad fratres aliquos tranſmiſimus, & h̃c exhibuimus aliquot viris, Chriſtum & veritatem diligentibus, neque imperitis rerum ſacrarum: qui non modò cognouerunt inter nos conuenire in ijs etiam capitibus, in quibus hætenus multorum opinione diſſenſimus: ſed etiam gratias egerunt Chriſto Seruatori, cernentes nos, in Deo & veritate conſentire, magnamque ſpem vberioris fructus in Eccleſiam polliciti ſunt. Quanquam nonnulli copioſiorem tractationem huius argumenti ob ingenia quædam deſyderauère, qui audito conſilio noſtro, haud difficile admiſerunt ſatiſfactionem. Quorſum enim attinebat pluribus verbis ediſſerere, Deum eſſe authorem Sacramentorum, & ea inſtituiſſe legitimis Eccleſiæ filijs: quòtque ſint à Chriſto Eccleſiæ tradita Sacramenta, aut quæ inuecta ſint ab hominibus: quæ ſint partes Sacramentorum, aut quo loco, quo tempore, quo inſtrumento ſacro peragi conueniat myſteria: in quibus, & alijs nonnullis id genus capitibus, nullam fuiſſe internos vel ſpeciem & vmbra diſſenſionis, ſatis probant libri editi: quos vel præceptores noſtri, pia ſanctæque memoria, vel ipſi ſcripſimus de Sacramentis. Verum, de corporali Chriſti Domini præſentia, de genuina ſententia verborum ſolennium, de manducatione corporis Chriſti, de fine, de vſu & effectû Sacramentorum (in quibus capitibus multi exiſtimarunt hætenus conſligere noſtras ſententias, aut cer: è verba) tam copioſe, tam planè & ſimpliciter locuti ſumus, vt ſperemus homines ſtudioſos tum fraternæ concordie, tum perſpicuæ veritatis, non deſyderaturos eſſe in ſcripto noſtro, vel copiam, vel lucem orationis. Neque diffidimus quin aliarum quoque Eccleſiarum Chriſti per Heluetiam miniſtri facile agnitori ſint, eam ipſam doctrinam de Sacramentis nos expreſſiſſe, quæ multis iam annis populo Chriſtiano vulgata eſt: vtque in veritate conſeſſa, minime gentiũ à nobis diſcrepent: id quod pollicemur nobis, non ſine magnis rationibus, de p̃ys omnibus per Eccleſias aliarum nationum.

Si quis tamen euidentiorẽ Sacramentorũ explicationem protulerit, malumus ea ipſa vt cum p̃ys omnibus, quàm hortari vnum hominem vt ſubſcribat noſtræ conſenſionis, in qua Scripturæ ſanctæ verba vſurpauimus, & expreſſimus aptè quo ſenſu accipiamus, & cum Eccleſia Catholica nos facere, pro cõpertiffimo habemus. Porro ſi non offenſiones omnium, quos diſcordiæ internos ſpecies impediuit in ṽijs Domini, ſcriptum hoc ſuſtulerit, prælarè tamen ſuo munere functum exiſtimabimus, quod non obſcurè neque fucatè omnibus teſtati ſumus, nos quibus Chriſtus dedit idem ſentire & loqui de religionis dogmatibus, in myſteriorum etiam explicatione, haudquaquam diſcrepare. Vale frater dilectiſſime. Tiguri, Triceſimo Auguſti, Anno Domini, milleſimo quingentefimo quadrageſimo nono.

DE SCANDALIS QVIBVS HODIE

plerique absterrentur, nonnulli etiam alienantur
à pura Euangelii doctrina,

∴

IOANNIS CALVINI LIBELLVS AP-
primè utilis.

Ad Laurentium Normandium.

II. COR. X,

Quis offenditur, & ego non vror?

IOANNES CALVINVS, VIRO MVLTIS DOTI-
bus eximio, Laurentio Normandio, S.



QUAM tibi multis nominibus aliquam laborum meorum partem animo
destinasssem: hoc opusculum præ alijs eligendum censui, quòd ad facien-
dam eius, quam continet, doctrinæ fidem, exemplum tuum non parvæ con-
firmationis vice esse potest. Nam ex quo, relicta patria, huc ad nos vo-
luntarius exul migrasti, quot & quàm violentis Sathanae machinis

fueris impetitus, nos quidem duo optimi sumus testes: sed alij quoque non ignorant.
Mors patris, quarto post discessum tuum mense, nuntiata est. Venire tibi in men-
tem necesse fuit quod malevoli non tacebant, mortis causam dolori posse ascribi,
ut tota invidia in te redundaret. Sequutum est paulò post acerbissimum vulnus,
quòd vxor tibi, qualem optimus quisque vir optaret, in medio ætatis flore erepta
est. Hic quoque fieri aliter non potuit, quin mentem hominis non stupidi percel-
lerent variae tentationes. Iam auribus tuis insonabant improborum calumniae:
fuisse infausis ominibus è natali solo extractam, ut miserum spiritum in alieno
propè orbe deponeret. Sed animum tuum propius hoc vrgebat: aliquid habituros co-
loris, si consilium tuum tristi euentu à Domino maledictum esse iactarent. Omitto
punctiones innumeras, quas te intus sentire par fuit. Nam quum graue sit malum,
viduitas: tali vitæ socia priuari, plusquam lugubre tibi fuit. Filiola quoque po-
stremò ad lucis cumulum funus accessit. Interea quoscunq; potuit impetus, aliun-
de effudit Sathan, ut saucium iam pectus obruendo conficeret. Denique, plus tibi
molestiarum intra semestre tempus deuorandum fuit, quàm nonnulli, quorum cele-
brata fuit animi magnitudo, tota vita pertulerint. Illa fuit scandalorum moles,
tibi Sathanae astu in ipsis stadij carceribus opposita, quæ te ad gradū reflectendum co-
geret: atquæ, inuicta Spiritus Dei virtute fretus, documēto alijs omnibus fuisti, nullū
esse tam arduum difficilēque obstaculum, quod non eodem eluctari praesidio liceat.

Et simul expertus es, quibus suos, ad resistendum, armis instruere soleat Dominus, quoties ad certamen ipsos vocat. Memini, quum tibi primus indicarem patrem esse mortuum: & exemplum adducerem Abrahæ, quæ patris carnificem vocare poterant ætatis suæ homines, quod Thare domo abeuntem sequutus, in medio itinere defecerat: te statim excipere: Quum testem facti tui, & approbatorem haberes Deum, impiorum calumnias nihil morari: hoc dolere solum, quod non pater additus tibi protectionis comes, Abrahæ te similem fecisset. Te quidem non adeò laurum esse ac superbum, ut vel Abrahæ socius esse recusares, velexam ignominiam fugeres, quam Deus summa laude prosequitur. Cæterum, vxor ipsa prius obitus sui luctum, quam nos relinqueret, mirificè leuauit ac mitigauit. Nulla enim medicina desiderari aptior potuit, quam heroicæ illæ voces, quas inter vltimos spiritus edebat: quum apprehensa manu mea gratias Deo ageret, cuius manu in eum locum esset adducta, vbi tranquillo animo liceret mori: quum superioris vitæ sortem animo deplorans, bis se felicem esse clamaret, quia nuper ex maledictio Babylonis carcere extracta, iam ex misero etiam corporis ergastulo exitura esset: quum ex viuo conscientia sensu de peccatis suis, de æternæ mortis reatu, de tremendo Dei iudicio non muliebriter differens, magnificè Christi gratiam extolleret, eamque pari humilitate & fiducia velut sacram anchoram amplecteretur. Hæc verba non modò clarè & disertè, sed insolita energia inter vltimos anhelitus fundentem, sic me audisse recordor, ut spectaculo adhuc interesse videar. Itaque, quum te ex aduerso intuerer, in domanda animi mœstitia præclarè luctantem, minus iam mirabar, tot talibusque remedijs adiutum, virum esse fortem in dolore. Alijs recitandis supersedeo. Hoc tantum dico: quum perplexum ex immensa congerie scandalorum labyrinthum tibi fabricatus esset Sathan, sic te omnia superasse, ut non modò idoneus sis alijs monitor & hortator, sed etiam ut qui paulò sunt molliores, tuo exemplo animati, nouam strenuitatem meritò sumere debeant. Scilicet arx valde munita est, æquabilis animi moderatio: cuius singulare specimen cum alijs in rebus, tum in hac præbuiisti, quod quum in patria reliqueris, quæ alios ad ambitionem rapiunt, alios suis illecebris affixos tenent: nullo prorsus eorum desiderio tangeris: ut te non minus æquo sedatòque animo illis carere appareat, quam faciliè semel renuntiasti. Huius tuæ pietatis, sicuti ego fructum & oblectationem nō vulgarem capio, ita non mirum, si cupiam ad alios partem aliquam peruenire. Nam qui te nuper, quum in vrbe ex qua natus sum, Regius esses præfectus, & ciuium nostrorum magister, tanquam procul à Christo dissitum gemebam: nunc ex quo totus Christo addictus es, verè meum esse duco, & quasi communi Ecclesiæ gremio amplector. Velim tamen ut libellus hic etiam apud eos quibus ignotus es, qualecunque sit amoris in te mei documentum. Pignus enim ipse nullum flagitas. Multa quidem sunt inter nos iustæ necessitudinis vincula, sed nulla sanguinis est propinquitas, nulla alia coniunctio, quæ amorem nostrum superet. Adeoque frater vnicus te sibi æquari non ægrè patitur: quod mutæ compensationis vice se abs te peræquè amari sentit. Porro, quod multorum votis serius prodit liber, utinam veteri proverbio, quod initio libri citauimus, legitimè excusare possem: Sat citò, si sat bene. Sed vereor, ne multos, qui sibi partim ex argumenti amplitudine, partim ex longiore mora, magnum sibi nescio quid polliciti sunt, spei suæ frustratio magis offendat: quum res copia, splendore, vehementia orationis, totis denique eloquentiæ fulminibus apprimè dignas,

dignas, concise, humiliter, & ieiunè perstringi videbunt. Quibus ego quid respondeam, non habeo, nisi me rationem sequutum esse, quam fore optimam arbitrabar. In quo, ut mihi subscribant, non postulo: modò veniam à se dissentienti dare non recusent. Vale eximie vir, & frater

mihi in Domino coniunctissime. Geneva, vi. Idus

Iulij, meo natali die, Anno

M. D. L.

DE SCANDALIS, QUIBUS HODIE PLERIQUE

absterrentur, nonnulli etiam alienantur à pura

Euangelij doctrina.



ON abs re Dominus, postquam multis argumentis eum se esse comprobasset, qui venturus erat in piorum salutem, hanc tandem clausulam adiunxit, Beatus qui non fuerit offensus in me. Scilicet non tantum in Euangelij sui professione multa nouerat contineri, à quibus humanum ingenium penitus abhorreat: sed etiam exoritura mox, Sathanæ artificio, prouidebat omne genus obstacula, quæ illam mundo vel exosam

redderent, vel suspectam. Et sanè impleri necesse est, quod de ipso pronuntiauit Spiritus sanctus, lapidem fore offensionis, & petram scandali: non quia iustam ipse offensionis causam in se habeat, sicuti mox videbimus. Sed quid refert? Hæc quidem illi quasi fatalis est conditio: ut quoties se offert hominibus, in eum bona pars impingat. Hoc si quando aliàs vsu venit, hodie innumeris propè exemplis verum esse experimur. Quò magis superiorem eius admonitionem subinde nos memoria repetere conuenit, quò penitus animis nostris infixæ hæreat: ne impedimentis, quæ Sathan obijciat, ab illo auersi, ista etiam, quam suis promittit, beatitudine priuemur. At quàm pauci sunt quibus hoc veniat in mentem? Contrà verò, quàm multi reperiuntur, qui scandalorum pretextu, aut Euangelium non secus ac scopulum aliquem refugiunt: aut illud amplexi, factò etiam aliquo progressu, cursum deinde reflectunt? Itaque, cum nullum esset, meo iudicio, argumentum, in quo tractando vtilius locarem operam, non inuitus hoc tractandum suscepi: præsertim cum fidem in hac re meam, bonis quibusdam viris obstrinxerim: qui flagitare quasi debitum quod promisi, non desinunt. Citius fortassis fieri debuit: sed cum hætenus occupatum me tenuerint partim aliæ scriptiones nò minus necessaria, partim magna & varia negotia, sat hoc citò erit, si sat bene.

Porrò, antequam in rem ipsam ingredimur, videndum est, quæ conueniat titulus hic Christo, quam constat æternæ vitæ esse ostium, ut sit lapis offensionis, & petra scandali: quæ fiat similiter, ut Euangelij doctrina, quæ vnica est via salutis, perpetuò cum tam multis scandalis sit coniuncta. Clarius hoc fiet, si à Scandali definitione exordium sumamus. Cum ratio viuendi nobis à Deo præscripta, ei, quam sequi nos oportet, viæ aut stadio cõparetur: hinc nata est altera metaphora, ut

Scandala vocentur impedimenta, quæcunque vel à recto cursu nos abducunt, vel obiectu suo nos retardant, vel casus occasionem præbent. Horum certè nihil in Christo, neque in ipsius Evangelium competit. Officium Christi est, recludere nos ad Patrem manducere: quin etiam lux est mundi, qua illuc dirigimur: via, qua peruenimus: ostium, quo intramus. Natura Evangelij est, sublati omnibus impedimentis, facilem nobis aditum patefacere in regnum Dei. Nihil igitur vel à Christo, vel ab Evangelio magis alienum, quàm nomen Scandali. Omnino verum est, si in se æstimetur Christus, nihil eius naturæ magis repugnare, quàm scandalum. Ita & de Evangelio sentiendum est. Accidit autem hoc hominum prauitate, ut simul atque eminus apparet Christus, undique scandalis impetantur: vel in ea potius ipsi incurrant. Lapis ergo scandali est, non quia det ipse causam impingendi: sed quia in occasionem trahatur. Sicuti Evangelium, cum doctrina sit pacis & concordie, ingentium tamen motuum est occasio: quòd inde tumultuandi ansam impij arripiunt. Quod autem aliunde est, id tanquam proprium Christo assignare, ut culpam ipse crimenque sustineat, perquam iniquum foret. Atque id est quod dicit Petrus: *Ædificemini in domum spiritualem, qui lapis est viuius: ab hominibus quidem reprobatus, à Deo autem electus, vobis etiam pretiosus qui creditis. Caterum, ijs qui non credunt, lapis quem reprobauerunt adificantes, lapis ad quem offendant: petra ad quam impingat. En ut Christus se omnibus offerat in fundamentum, ut in templum Dei extruantur. Ibi certè nulla offensio. Cur igitur offendant? quia in quo placide acquiescere debebant, in eum cæco impetu contumaciter irruunt.*

Quæ tamen est hominum vel malitia, vel corruptela, videmus, ut quod accidentale est Christo, non minus sit ordinarium, quàm si eius officio maximè conueniret. Nunc ad eos venio qui Christi Evangelium aliàs amplecti non abnuentes, volunt tamen habere absque scandalis. Cum Christianis mihi negotium est. Volunt ne Christum ab omni scandalo remotum? Nouum sibi fabricent: neque enim aliud esse potest Filius Dei, quàm qualis in Scripturis prædicatur: aut certè mutant hominum ingenia, totumque mundum reformat. Audimus quid Scriptura pronuntiet. Non cadit hoc in Christi personam solum, sed in totam doctrinam. Nec temporale est, sed duraturum toto doctrinæ cursu. Quàm sunt igitur præposter, qui hodie renascentem Evangelij doctrinam hoc tantum nomine repudiant, quia in ea deprehendunt quòd à Prophetis & Apostolis prædictum fuit! Interea nihilominus Christiani censerì volunt. Quid si in prima Evangelij exordia incidissent, quo tempore nullum non scandalorum genus, subinde ex Evangelio scaturiebat? Quàm celeriter à Christo se procul remouissent! Quantum exhorruissent, ne qua contagione fuissent ex leui tactu afflati! Si id se tunc facturos fuisse negant, cur ergo tam sunt hodie delicati? Cur non easdem nunc quoque agnoscunt in Christo notas? At res est odiosa scandalum: & modestis ingenijs horrenda. Quis negat? Neque etiam dico appetenda vltro esse scandala: fugiamus ea quoad licet: verum, Christiani hominis pectus ita munitum esse oportet, ut quicquid scandalorum erumpat, nunquam loco moueatur: ne vel minimum vnguem deflectat à Christo. Ad hæc constantiam qui non est comparatus, ut per omnia scandala inuictus perumpat, nondum quid valeat Christianismus, intelligit. At resistere scandalis difficile est: præsertim huic adeò teneræ nostræ imbecillitati. Fateor certè: sed postulare, ut ab eo incommodo sumus immunes, qui sacrosanctum Christi & Evangelij

eius nomen esse obnoxium cernimus: id verò cum ratione pugnat. Proinde, qui hodie scandala in causa esse obtendunt, cur puræ Euangelij doctrinæ, quam profiteamur, nomen dare metuant, imo horreant ad eam accedere, hos omnes monitos esse velim, ne sibi pro Christo idolum comminiscantur. Fixum enim illud manere oportet: Si scandala omnia fugere velimus, Christum semel abnegandum esse: qui, nisi esset petra scandali, neque verus Christus esset.

Quamquam hominū genera quatuor esse scio: quos scādala à Christo auertant, vel certè qui hoc colore Euāgelio sunt inimici. Multos retinet scandalorū horror, ex naturali quadā modestia conceptus, vt ne gustū quidē Euangelij capere audeant. Alij magis ignaui & indociles, sordidatamen magis quàm malitia se impediunt. Sed sunt permulti fastu & peruersa eius, à qua procul absunt, sapientie opinione inebriati, quibus sua arrogantia scandalum est. Sunt etiam qui malitiosè datæque opera, scandala omnia colligunt, multa etiam confingunt: neque id tam scandalorum, quàm Euangelij odio, vt ipsum quoquo modo infament. Imo quum sint scandalorum auctores, impudenter contorquent in Euāgelium quicquid est inuidiæ. Talibus calumnijs refertos videre est Sadoleti, Eccij, Pighij, Cochlei, & similium libros. Primos & secundos mitius tractare cōuenit: tertij & postremi acrius repellendi. Nam cuius est, non dico humanitatis, (quam enim humanitatem à truculentis istis bestijs requiras?) sed verecundiæ, probra obijcere Filio Dei, quorum ipsi culpam totam sustinent? Sed hæc postea videbimus. Tantum initio admonere volui, quibuscum hominibus agere instituerim, vt inde iudicet lectores, quid expectare debeant in hoc libello. Inueniet hic infirmi ac rudes, quo se muniat ad superada scandala. Inueniet improbi, quod ad sacrilegas eorum calumnias reflectendas sufficiat. Magnum est quod polliceor: sed æquis iudicijs satisfacturū me confido. Nā vt omnium morbis medear, minimè sperandum est. Et iam magnæ stultitiæ dammani, si quis efficere conetur, ne scandalo sit Christus impijs. Scripturam impleri oportet, quæ id prædixit fore. Neque verò aliū susceptæ à me lucubrationis euētum expecto, quàm vt magis ac magis inflammetur eorum rabies. Sed infirmos respicio: quorum fidem vt illi quate faciunt, ita nos, quasi supposita manu sustinere conuenit. Quod ad desperatos pertinet, mihi abundè fuerit, si illorum petulantiam cohibuero: aut certè effecero, ne contagio veneni ulterius serpat.

Quoniā iurè, quacunque de re agatur, distinctiones plurimū solent afferre lucis, inter præcipuas scandalorum species hic breuiter distinguam, quæ Euangelij cursum tum ab initio turbarunt, tum etiā hodie moratur. Ergo ex scandalis, si placet, alia vocemus intrinseca, quæ ex ipso Euangelio, saltè hominū opinione nascuntur. Alia tamen si aliunde proueniant, perpetuò tamen ferè sunt annexa. Alia autem aduēticia, quæ ex alienis remotisque fontibus manant. Primi generis sunt, quæ principium quasi inclusum habent in ipsa Euangelij doctrina. Paulus Euangelium, mundi sapientibus dicit esse stultitiam: quod verū est, non ideo solum, quod illis derisui est plebeia & ostentatione carēs eius simplicitas: sed quod multa etiam illic continentur, quæ humano iudicio valde sunt non absurda modò, sed etiam ridicula. Nam quod filius Dei, qui vita æterna est, carnē nostram induisse, ac mortalis homo fuisse prædicatur: quod morte eius nobis vita esse parata, damnatione iustitia, maledictione salus, id tantopere abhorret à communi hominum sensu, vt quod quisque est acutior, eò citius repudiet. Iam verò quod Euangelium nos omni sapientia, virtutis, iustitiæ laude spoliatur, ac nihil facit reliquum præter extremam ignominiam, fieri nequit quin grauiter offendant. Nam, quæ est carnis nostræ superbia, nemo libenter eripi sibi patitur, quorū falsa imaginatione turgemus omnes. Hinc acerrimus conflictus. Illa quoque de abnegatione nostri, de

crucifigendo veteri homine, de mundi contemptu, de amplectenda cruce præcepta, quantum asperitate sua offendunt? Sed ipsa experientia longè etià minus durior, cum persecutionibus & alijs ærumnis probatur fides. Huc accedunt etià alia, quæ cum humanæ rationi paradoxa videntur, plenaque absurditatis, ut priora illa de quibus diximus, tum verò spinosis questionibus occasione præbent, quæ totidè mox scādala pariunt: hoc est, infinita. Talis est prædestinationis doctrina, & similes. Ex secūdo genere sunt ista: quòd exorto Euāgelio, protinus turbæ sequuntur & seditiones: detegitur multorum, quæ prius latuerat, impietas: ebulliunt plurimæ sectæ & inaudita errorū portenta: maiore licentia multi insoleſcunt: multi ex professoribus flagitioso vitæ exēplo, doctrinā ipsam de formant: qui ad tēpus visi fuerāt toti feruere, nō modo flacescunt, sed horrēda defectione alienantur à Christo. Quinetiā probos atque aliqui synceros doctores Sathā miris artibus inter se cōmittit, ut notā aliquā ex eorū infirmitate doctrinæ inurat. Præterea, cum ex nouitate ipsa alij plus audēdi licentiā arripiāt: vſitatū etiā est in rebus nouis, necdum bene cōstitutis, acrius obseruare quicquid peccatur. In hac classe sint hæc & similia. Tertiū genus partim ex factis calumnijs cōstat, partim manat ex hominū ingratitude: dū procul accersunt varias criminationes, quas malignè falsoque in Euāgelium cōferāt, ut inde exosum reddāt. Iā plerosque eorū qui fideles habentur, dū alienæ ac prorsus aduersæ professionis hominibus permixti, rationē fouēda amicitiæ querūt: ambitio, quasi tēpestus quadā, abripit, ut Euāgelium abicere malint, quàm à cōmuni vita disſidere. Quādo igitur cū tot ac tā diuersis mōstris est mihi cōsiliendū, hanc distinctionē præponi operæpretiū fuit, vel hac vna de causa, ut si singula recensere non pariat inſinitis, ad genera se referant lectores. Ergo, ut de prima classe differere exordiar, malè habet fastuosos homines, & pōpis deditos, quòd plebeio & abiecto dicēdi genere, Spiritus utitur in Scripturis: qui etiā elegantie affueti sunt ac nitore, incultā istā, & nullis coloribus vestitā orationē vel respuūt, vel fastidiūt. Hic mihi defensionis parē ab alijs tractatā suscipere nō libet: talē ex incitiā cōtēptū nasci, quia nō minus in sua lingua expoliti sunt Moyses & plerique ex Prophetis, quàm qui apud Græcos & Latinos summa cū admiratione plausūque philosophi aut oratores legūtur. Et si enim Heb. linguæ peritis satis id notū est: quia tamē nihilo Amos minus est Propheta, quàm Isaius: eundē Ieremias gradū obtinet quē Dauid, quorū tamē oratio minimè parē splēdorē habet: quin potius Ieremiæ stylus oppidanum hominem, Amos verò pecuariū redolet: libenter fere or sacros libros, quibus tota cœlestis philosophia cōtinetur, nō Rhetorū modò picturis, sed mediocri etiā ornatu, qualē etiā literati homines desiderant, esse vacuos: sed nimis sunt morosi, quibus ob hanc causam minus sapiunt. Qui verò hōc prætextu, eorum authoritatem extenuant, nimis iniqui sunt ac maligni. Non modò concedit Paulus, eloquentiam sibi deesse: sed vltro prædicat ac gloriatur. An verò ideo contemptior eius doctrina esse debet? Quin potius, vbi nullus est orationis splēdor, qui oculos perstringat, melius relucere contendit vim cœlestis sapientiæ. Nec verò quicquam tradit, vsque ad caput quartū prioris ad Corinthios Epistolæ, quàm, tunc demum ritè fundatā esse fidē in Spiritus sancti sapientiā & virtute, vbi dictionis elegantiā & ingenioso artificio animi nō ducūtur. Idque certo fidei experimēto, quisque nostrum compertū habet. Certè, si Demosthenis vel Ciceronis coloribus picta esset Ioānis vel Pauli doctrina, plus fortè ad lectores alliciēdos haberet gratiā, grauitatis autem ad cōscientias permouēdis, & dignitatis ad cōciliandam sibi authoritatē, ne ceterisima quidē pars restaret. Vna enim Dei maiestas illic se exerit: ut sentire cogitur quicūque legunt, nisi quorū mentes obstupefecit Sathan, Deū esse qui sibi loquitur. Quare, nimis sunt insipidi, qui nullū ideo ex Scriptura gustū capiunt, quòd illic sermonis lenocinia non reperiunt. Sed quid? si corda penitus ferire, quàm

ameno tinnitu oblectare aures mauult Deus? Nā quod dicit Paulus, *In vasis testaceis depositū esse Euāgelij thesaurū*, quō virtus Dei in hominū infirmitate clarius appareat, presenti quoque instituto optimē cōuenit. Hoc nostro iure assumere nobis licet: Nullas esse tā subiles Philosophorū disputationes, quæ validius persuadeant: nulla esse Oratorū fulmina quæ vehemētius afficiāt, quā simplex & rudis Scripturæ stylus. Quis enim nō videt admirabili Dei providētia factū, vt in humili sermonis genere nuda Spiritus efficaciam melius extaret? Volūt illi faciēdi suauitate aures sibi deliniri: at Deus, qui linguā hominibus formauit, nobiscū vult balburire. Interim balbutiēdo, fulminat: nec minus excelsa gravitate effertur ad subigēdas hominū mētes, quā si Rhetorū omniū disertissimus, quicquid haberet exquisitum, ex intimo artificio promeret. Hoc modo, spiritualia spiritualibus coaptari Paulus docet: & nos dilucidē cernimus, quātum per se valeat simplex Dei veritas. Nimis ergo fastuosi sunt homines, si vel eos à Scripturæ lectione reuocat eiusmodi fastidiū, vel diuinæ authoritatis pondus eleuat. Verū, illos sibi habere suas delicias smamus. Nos verō, si cordis aures loquēti Deo præbuerimus, adeō rudis & incultus sermo nō offendet, vt potius ad considerandā, quæ illic eminet, Spiritus maiestatem, euehat. Ita enim erudī sunt sapientiæ thesauri, quos in Christo absconditos esse Paulus monet. Atque, hac de re nōnihil reperire poterit, si quis volet, primo Institutionis capite: vbi de Scripturæ authoritate dissero. Nunc vt eiusdē clāssis scādalis mederi pergamus, texēdāne erit integra dogmatum probatio, quæ humanæ rationi parū arrident? Sed enim tum argumentū immensum foret, tū ea ex nostris & aliorū lucubrationibus potest sumi. Et Scripturæ testimonia huc afferre, inutilis esset labor. Nam vt Christi diuinitatē clarē demonstrē ex Scriptura eiusmodi hominibus, quid proficiā? Audacter scilicet, quicquid adduxero, repudiabunt. Imō hac illis causa est, cur totam Scripturā reiiciant: quia steciem habeat absurditatis, eorum opinione, quoties occurrit quod non placet. Itaque, tunc sibi demum videntur ingeniosi, quum simplicitatem nostram vident: quōd certa fide amplectamur quæ demonstratōne non tantūm carent, sed humano iudicio sunt incredibilia. Quis idiota, inquit, persuaderi sibi sinat, cuius nullā rationem videt? Si rationibus contendā, quales humani ingenij acumen capit, nimis ineptus ero. Quōd enim Christum credimus Deum in carne manifestatum, id mysterium esse Paulus fatetur, procul remotum ab omni hominum perspicientia. Quid igitur? si quam absurditatem obtendant, diluere quidem promptum erit: atque ita, vt obmutescere cogantur, nisi impudenter latrare velint. Facere tamen non potero, quin nos idiotis quibuslibet iudicent stupidiores, quia in tantarum rerum persuasione, ex nudis Scripturis pendeamus. Quare, ad eos me conuertam, qui eiusmodi scandalis tentantur quidem: sunt tamen adhuc sanabiles. Talibus non aliud dabo remedium, quā quod Paulus præscribit: nempe, vt mundo stultescere discant, quō calestis sapientiæ sint capaces. Stultitiam non vocamus stuporem: nec iubemus, vt qui liberalibus disciplinis sunt eruditi, earum cognitionem abijciant: qui ingenij præditi sunt dexteritate, obrutescant: quasi Christianus esse nequeat, nisi qui pecudi magis similis sit quā homini. Pueros, non sensu, sed malitia, requirit Christiana professio. Sed ne quis aut proprii ingenij, aut doctrinæ fiduciam in scholam Christi afferat: ne fastu quis turgidus, aut occupatus fastidio, mox repellat quod proponitur, antequam verē gustauerit: si dociles modō nos præbuerimus, nullum sentiemus hic obicem. Sed qui sibi sapiunt, solis, inquam, ijs scandalum est sua arrogātia. Quid enim? An quia se vsque adeō Filius Dei exinanīuit, vt frater tuus fieret, suamque eternā diuinitatē copularet mortali carni tuæ, id tibi obstaculo erit, quominus ad eum accedis? An quia ex immēsa sua altitudine ad te Deus descendit, ideōne eris ab ipso remotior? Quid, si te sursum ad inaccessa cœli adyta vocaret? Quo

modo ad eum tam procul cōtenderes, qui propinquitate offenderis? Sed dicis tibi in star por-
 tenti esse, quum audis Deum mortale. Quid aut ē hoc est aliud, quā Deum immortale, in
 mortali carne nostra habitasse? Nā & res ipsa clamat, nō frustra hoc à Ioāne predicari,
 Conspēctan in eo fuisse gloriā, & dignā Filio Dei, & quā non obscurum diuinitatis eius
 specimen præberet. Nisi tibi libēret fingere portenta, nullum hīc certē inuenires. Fides no-
 stra habet, Quod suscepit Deus corpus morti obnoxium. Hīc mysteriū audis quod ado-
 res: non fabulam, quam derideas: non monstrum quod horreas. Tuā potius in gratitudini im-
 puta, quod tam inestimabilis gratiæ admiratio, aduersas omnes cogitationes non absorbeat.
 Scio frustra multis hæc dici. Neque etiam me latet, quibus nos cachinnis excipiant, quod in
 Christi morte vitam, gratiam in maledictione, in damnatione iustitiam queramus. Scili-
 cet, inquirunt, ita ex ardenti fornace gelida aqua fluit: ex tenebris lux oritur. Concludunt
 ergo, nihil esse nobis stultius, qui à mortuo vitam nobis datum iri speremus: qui à damnato
 petamus absolutionē, ex maledictione hauriamus Dei gratiam: & ad patibulum confugia-
 mus, tanquā vnicā æternæ salutis anchorā. Et quidem nostrā simplicitatem ridendo, val-
 de sibi acuti vidētur. Ego autē illis deesse dico, quod est in vera sapientia præcipuū: nēpe sen-
 sum cōscientiæ. Qualis enim prudentia, qualis ratio, quale iudiciū, vbi cōscientia obstupuit?
 Atqui, vnde hoc totū, quod à Christianæ religionis principijs sic abhorrent: nisi quod à Sa-
 thana prorsus sunt inebriati, vt nullo iudicij Dei timore, nulla peccati cogitatione tanga-
 tur? Dixi iam prius, nō alia via posse ad Dei sapientiam perueniri, nisi stulti fiamus mūdo.
 Sed huius humilitatis, sicuti religionis totius, fundamentū est cōscientia & timor Domini:
 quo sublato, frustra ædificium moliaris. Itaque, quisquis omnia, de quibus memini, scandala
 nullo negotio superare volet, is tantū in seipsum descēdat: simul enim atque suam miseriā
 agnouerit, via tam illi ad Christū, quā Christo ad illum erit strata & cōplanata. Clamat
 vox Prophetica, Parate vias Domini. Et quæ parandi ratio, nisi vt agnita, quæ premuntur,
 necessitate homines, Christum desyderare incipiant, quem prius fastidiebāt, sibi placentes?
 Eodem etiā modo viam ad Christum nobis paramus: imō pium illud desyderium nobis equo-
 rum in star & nauium erit, quibus omnia obstacula præteruehamur. Sicuti enim ad cape-
 scendus altiores disciplinas, ex cultu ritēque præparato ingenio: ita ad cœlestem philosophiā
 subactō animo opus est. Nam quis gustus, vbi fastidium? Quis accessus, vbi ferrea vndique
 duritia clausum pectus & obseratum? Frustra igitur de Christo verba facias, nisi apud eos
 qui verē humiliati, sentiunt quantopere indigeant redēptore, cuius beneficio mortis æternæ
 exitū effugiant. Itaque, hinc auspiciari discant, quicūque spōte nolunt decipi, & decepti pe-
 rire: vt cū Deo sciant sibi esse negotium, cui semel reddēda est ratio: horrendum illud etiā
 Angelis tribunal, proponant sibi ante oculos: accusatorē Diabolum sibi imminere cogitent:
 audiant cōscientiæ suæ testimonium: ad stimulos peccati ne obdurescant: tum minimē pericu-
 lum erit, ne quid pudendum inueniant in Christi morte: ne ignominia crucis terreantur: ne
 quod denique aliud obstaculum illos retardet. Huius rei pulcherrimā imaginem cernere
 licet in muliere Samaritana. Quandiu de mystico aquæ viux haustu cū ea disputabat Chri-
 stus, suauiter garrulitate & cauillis, dicax & audacula ludebat: verum, postquā exprobra-
 ta illi scortatione, cōscientiā eius pupugit, facetiarum statim oblita, Prophetā reuerenter
 agnoscit, quem prius dīcterijs vexare nō dubitabat. Ita quos offendit in Christo diuinitas
 cum humanitate in vnā personam coniuncta: quibus absurdum videtur, à mortuo vitam
 petere: & crucem maledictā, fontem vocare omnis gratiæ & salutis: hoc sciamus ideo
 offendi, quia timore Dei vacui, nullum spiritalis doctrinæ gustum habent. Quare, ne sit
 nobis offendiculo ipsorum stupor, sed potius ab humana Christi natura, ad diuinā gloriam
 feramur,

feramur, quæ omnes curiosas quæstiones in admirationem conuertat: à morte crucis ad gloriosam resurrectionem dirigamur, quæ totum crucis opprobrium deleat: à carnis infirmitate ad potentiam Spiritus transeamus, quæ stultas omnes cogitationes absorbeat. Tali sensu imbutum fuisse Paulum certum est, quum ita diceret: Non me pudet Euangelij Christi. Dei enim potentia est in salutem credentibus. Nam his verbis eos demum Euangelij pudore significat, qui vim eius salutare non apprehenderunt. Porro, nõ aliter apprehendi subiicit, quàm patefacta ira Dei in nostrum exitiũ. Quis iam miretur, cibum nõ sapere ijs, quibus nullum est palatũ? Quisquis enim ita obstupuit, vt nulla iræ Dei reuelatione tactus securè dormiat, nihil in agnoscendo Christo ab ijs differt, quibus in iudicando sapore ablatum est palati sensus. Tales autẽ nequaquam solemus morari, vt à cibo propterea quispiam nostrum abhorreat, quod ab illis respuitur. Sed hoc etiãmnũ scandalũ, quod similiter ex doctrina emergit, violentius est ac magis commune: quia quum naturã placeamus nobis, nostrãque omnia velimus haberi in summo pretio: illic nihil nobis sit reliquũ præter, extremã bonorum omnium inopiam. Nam illic stultitiã damnatur vniuersa hominum sapientia: iustitia & virtus rediguntur in nihilum. Hoc verò carnis superbix adeò videtur intolerabile, vt præ indignitate frendant, quicunque nondum seipsos abnegare didicerunt. Volunt enim homines semper retinere aliquid proprium: atque vt aliqua ex parte coacti cedant Deo, sibi tamẽ omnia semel eripi nullo modo sustinẽt. Initio sibi videntur sapientissimi, fiducia virtutis suæ inflati sunt, iustitiam suam admirantur. Postea à Deo moniti, partim etiã conuicti experientia, sapiẽtiam quidem suam vacillare, virtutẽ & iustitiam claudicare agnoscunt: sed vt se prorsus omni destitui sapientia & iustitia credant, nullo modo possunt adduci. Hoc autem quid aliud est, quàm veluti facta pactione, cũ Deo partiri? Euangelium autẽ lucẽ illã quã nos habere imaginamur, pronũtiat esse meras tenebras: iustitiã verò nullã ad: õ guttã relinquit, vt foetidas corã Deo sordes esse pronuntiet, quacũque à nobis afferimus. Hic excãdescunt mũdi sapientes: hypocritæ etiã insanunt. Atque hæc præcipua causa fuit, cur circa regni Christi exordia, tota philosophorum natio, quasi facta cõspiratione, vnã cum politicis omnibus, tam ardentem se Euangelio opposuerit. Nolebant enim suam sibi sapiẽtiã perire, quam & ipsi instar idoli adorabant, & cuius causa maximo in honore se haberi nouerant. Atque vtinam minus talium hominum offensione commoti fuissent prisca doctores! Nam dum illis mulcendus pharisma adhibere student, diluã ac de genere theologiã nobis tradiderunt. Nunquã sponte ita loquuti essent Origenes, Tertullianus, Cyprianus, Basilii, Chrysostomus, & eius ordinis reliqui. Sed dum tẽperamentum quærunt placandis mundi sapientibus, vel declinandã eorum offensionem, terrã cælo miscuerunt. Homine prorsus exinanire odiosum erat, & cõmuni iudicio aduersum. Mitigationẽ excogitant, quæ ad carnis sensum propius accedat: sed interea doctrinæ sinceritas profanatur. Ergo nihil melius quàm vlcus ipsũ fortiter premi, quod fieri possit ex sanie ipsa iudicium. Nihil autem clarius, quàm vesana superbia incitatos semper fuisse homines, vt Euangelio obstreperet. Eadẽ causa Iudæos incitabat ad belluinum furorẽ, quo percitos fuisse ipsos, testes sunt Euangelistæ, præsertim Lucas & Paulus. Nam pro iustitiã suã defensione certabãt: quæ nihil quàm fumus erat: sed tamẽ Christo pretiosior illis videbatur. Vtrique violẽto impetu ruebãt ad oppugnandũ Euangelium: sed hi furiosius: vt palãm fieret, nihil hypocritæ esse virulentius. De hoc scãdalo Christus ipse generaliter loquitur: quũ dicit, Filios seculi Euangelij lucẽ odio habere, ne mala ipsorũ opera appareãt. Nã remoto Euãgelio, tanquã luce extincta, lucet in tenebris fallax & enigmata carnis sapiẽtia, regnũque obtinet: ficta verò sanctitas, alas suas fastuose circũquaque extendit. Simul atque vnicus sol iustitiæ Christus cũ Euãgelij sui claritate emergit, nõ tantum

evanescent illa, quæ prius suum culmen honoris occupabant: sed inftar stercoris reputantur. Hinc illæ scilicet lachrymæ. Hæc illa est exitialis offensio, de qua alibi Paulus loquitur, quod propriâ iustitiâ volentes stabilire, iustitiâ Dei subiecti nō fuerint. Quod hodie quoque experimur. Paucos enim videas sapientiæ suæ persuasione inflatos, qui non sint obstinati veritatis hostes. Hypocritæ verò usque ad rabiem inflati. Et quæ alia causa Bunello fuit, cur ab Evangelio deficeret, nisi quod homo ad ostentationē natus, & sibi plus nimio placens, in ordinem se cogi ægrè sustinebat? Vnum exempli causa nominavi. Vtinam non multos haberet sui similes. Quid autem nobis agendum? Sinamus illos impingere in lapidem offensionis, ut idē illis, quod olim Iudeis, eveniat. Volentes iustitiam statuere, inquit Paulus, iustitiâ Dei non sunt subiecti. Ita fit, ut in sua cecitate pereant. Libenter, inquam, nos inanes ac nudos Christo offeramus: quō nos suis bonis impleat, sua gloria vestiāt: atque hoc genus scandali abolitum erit.

Verum, mare quodammodo exhauriendum suscipiam, si velim scandala omnia excutere, & ordine recensere, quæ sibi miseri homines in suam perniciem ex Scripturæ doctrina struūt. Neque enim temerè modò impingunt, si qua occurrit difficultas: sed vltro datæque opera per salebras omnes discursant, quasi una hæc illis sit voluptas, ingenium spinosis quaestionibus fatigare. Quicquid minimam præ se fert absurditatis speciem, sedulo colligunt & acriter exagitant, ne videantur ad credendum nimis faciles. Si qua etiam est in nō nullis Scripturæ locis disidiū & repugnantia species, eā cupide arripiūt: ac omnia eiusmodi testimonia coacervādō, venditant suū acumen. Hoc porrò genus hominū, morbo propè insanabili laborat. Nam quum eos pudeat quicquā nescire, nihil tamen discere sustinēt. Verum quia simplices plerunque & alioqui non indociles percellunt sua iactantia, breuiter istam scandalorum partem attingere necesse fuit: non quod paucis verbis remoueri possint, quibus ne longū quidem volumen sufficeret. Sed primo loco monendi sumus omnes, ut in legendis Scripturis, quam Spiritus Dei viam monstrat, teneamus: quæ certè plana erit ac æquabilis ad Christum aspirantibus. Deinde, ne complicādus quaestionum nodus, ingeniosi appetamus esse aut videri: postremò, ne mox respuamus, si quid nobis est incognitum vel abstrusum. Est hoc vitium non parua dignū reprehensione: quōd ignorācia in fastidiū statim apud multos erumpit. At verò parum reuerentiæ Deo tribuit, qui oracula eius esse negat, quæcūque non assequitur. Quid enim hoc aliud est, quàm infinitam Dei sapientiam sensus nostri modulo, hoc est totum orbem digito vno metiri? Quōd si profectam fatemur à Deo esse Scripturam: ne multa illic contineri miremur, sensu nostro aliora. Denique, in pietate hūc sapiendi modus & ordo est, fidei obsequio ad rectam intelligentiam contendere.

De scandalo, quod ex acerbitate nascitur, aut molestia crucis, & doctrinæ austeritate, loquitur Dominus in parabola, ubi Evangelium sementi comparat. Nam eos qui ingruente persecutione deficiunt, semini similes facit, quod absque radice germinavit. Eos verò, in quibus suffocatur doctrina, curis seculi: semini inter spinas enato, quæ eius fructum ac maturitatem impediāt. Differunt aliquantū hæc scandala: sed ego, vitæ & prolixitatis causa, sub vno genere cōprehendo. Audimus Christum Discipulis suis omnibus denūtiāntem, ut suā quisque crucē tollat. Audimus hortantē ad subeūda qualibet odia, discrimina, & opprobria propter nomen suum. Audimus monentē, fieri aliter non posse, quin odio simus impij, quin afflictiones in mundo nos maneāt. Audimus pronuntiantē omnes beatos, qui persecutionē, veritatis causa sustinent. Carni & sanguini hoc maximum scandalū est. Naturā enim crucem reformidamus omnes. Itaque multi hac de causa resiliunt, qui libenter alioqui Filium Dei amplecterentur, si à cruce separare ipsum possent. Sed vnde hoc scandalū,

nisi

nisi ex nostra teneritudine? Christus secum mori nos iubet, ut vita sua simus participes. Per societatem passionum suarum ducere nos vult ad suam gloriam. Non iniqua conditio, si quid in nobis esset aequitatis. Sed multi cuperent Christum habere gloriosum si pulta crucis mentione: quod fieri nequit. Ac ne eo quidem contenti, culpam quæ in ipsis residet, in doctrinam ipsam traducunt. Sic olim Capernaïta durum Christi sermonem esse clamitabant: quum in ipsis, non in sermone esset duritia. Miramur, si cordatos habere discipulos velit Filius Dei, non molles, neque effæminatos? Miramur, si sua insignia gestari ab ipsis velit? si pugnare sub vexillio suo iubeat? Huic morbo affinis est alter ille, quem dixi. Nam carnis abnegatio, res tam molesta est, ut multos à schola Christi accessu deterreat: alios ubi ingressi fuerint, procul extrudat. De peccato originali & communibus naturæ vitijis disputari, utcunque ferent: Dei gratiam ac Christi beneficia suis laudibus ornari libenter concedent: sed ubi ad curandos singulorum morbos ventum est, quia acris est medicina, eam contumaciter recusant. Ita multos cernere licet, quibus Euangelium quod primo gustu placuerat, simul ac pupugit ipsorum conscientias, plusquam amarum videri cœpit. Scilicet, quum sermo Dei, gladius sit utrinque secans: quum eius partes sint non arguere modò & reprehendere manifesta vitia, sed usque ad cor intimum penetrare, transfigere omnes medullas, discernere inter affectus & cogitationes: denique, totum hominem immolare Deo, isti vulnera sua attinginolunt. Alij furandi, alij rapiendi, alij scortandi, alij comedendi licentiam sibi relinqui postulant. Omnes impunè vanitatis suæ cursum persequi cupiunt. Quid igitur mirum, si à Christo se auertant? Atqui, dicet quispiam, scandalum monstrare, hoc est, non tollere. Respondeo, morbum fuisse indicandum, ut remedium tandem quæratur. Corrigenda potius erat animorum mollities, quàm quærendi pretextus, qui nihil nobis suffragentur, vitium foveant. At, res est ardua. Quis negat? Luctandum tamen est: neque id nostra virtute, sed Christi: qui sicuti nos ad certamen mittit, ita etiam instruit armis necessarijs ad vincendum. O si perciperemus quid illud valeat: Beatos esse qui persecutionem patiuntur ob iustitiam: quàm facile nobis esset eluctari, non hoc offendiculum modò, sed quæcunque à mundo & carne nobis ingeruntur! Tibi adeò molesta est persecutio, ut à Christo resilias. Cur? Nescis quid valeat Christus. Abripit te cura vitæ præsentis: nempe, quia futura nullum gustum habes. Vrit te auaritia: nempe, quia nondum tenes quæ sint veræ diuitiæ. Te ambitio inebriat, quia scilicet, nondum didicisti in Domino gloriari. Te gula, libido venerea, pompa aut aliæ vanæ oblectationes alliciunt, ut Dei tui obliuiscaris: hoc ideo fit, quod suauitatem illam, quam Propheta timentibus Deum, reconditam esse testatur, adhuc ignoras. Denique, non mirum est, paucos inueniri verè Christianos: quia pauci sunt qui didicerint tanti esse Christum, ut reliqua omnia habeant pro stercoreibus. Exhortationibus alibi locus erit. Hic de scandalis ita tractandum est, ut appareat cui sint iure imputanda. Sed quid de priuatis cuiusque miserijs disputo, quum vniuersalis Ecclesiæ conditio longè maiorem offensionis materiam in se contineat? Primum, nunquam ea specie nitet, in qua hominum sensus, Dei regnum agnoscant. Deinde, si quando contingat in mediocrem aliquem statum assurgere, mox aut tyrannorum violentia opprimitur, aut sponte concidit, ut non nisi ad exiguum tempus duret. Hinc factum est, ut seculis omnibus superbi

homines veram religionem aut despicerent, aut etiam contumeliose traducerent. Videmus quam insolenter Cicero, quia Iudæis res erant minus secundæ, diuinæ Legi insultet. Ex hoc vno æstimare omnes licet. Ac ne longius abeam, quid causæ est, cur hodie multi à sincera Euangelij professione abhorreant, nisi quòd & paucos numero nos esse vident, & minimæ authoritatis, nullius verò potentia; in aduersa autem parte, contraria omnia mirantur? Et sanè, vt hodie res habent, nihil mirum si tam deformis Ecclesiæ status illos absterreat: splendor autem, qui in aduersarijs relucet, ipsis perstringat oculos. Verùm, nulli ad hunc lapidem alij impingunt, nec alios hoc offendiculum retardat, nisi qui spirituale Christi regnum non agnoscunt. Nam quibus neque stabulum, in quo natus est, nec crux, in qua pependit Christus, obstat quominus Regem ipsum adorent; illi humilem Ecclesiæ eius fortunam minimè despicient. Fatentur quidem omnes verbo, & fateri necesse est, rationi in primis esse consentaneum, vt in Ecclesiæ forma, quasi in speculo, viua Christi effigies appareat. Et quum Paulus de capitis & membrorum similitudine differit in crucis tolerantia, assentiuntur omnes. Quum dicit, nos commori oportere, vt vitæ eiusdem simus participes, nemo reclamatur. Quum tota Scriptura, vitam præsentem comparat duræ militiæ, eamque varijs certaminibus refertam esse docet, hoc totum verum rectumque esse anni int. Itaque, Militantis Ecclesiæ nomen, sic vulgò tritum est, vt etiam in peritorum ore resonet. Vbi ad rem ventum est, quasi omnium obliti, non secus imaginem Christi refugiunt, atque inauditum aliquod portentum. Atqui, si detur illis quod appetunt, vt prosperè habeat modis omnibus Ecclesia, vt opibus & potentia floreant, vt pace continua fruatur, vt denique, nihil illi ad beatum & maximè optabilem statum desit: an non illa erit terreni imperij facies? Proinde, alibi quærendum erit spirituale Christi regnum. Imo, prorsus à capite suo diuisa erit. Nos verò meminimus, sic contemptibilem esse externum Ecclesiæ aspectum, vt decor eius intus splendeat: sic in terra fluctuari, vt fixam habeat in cælo sedem: sic coram mundo laceram ac ruinosam iacere, vt coram Deo & eius Angelis stet integra ac viueat: sic esse in carne miseram, vt sua illi nihilominus in spiritu reposita sit felicitas. Hoc modo quum in præsepi contemptus iaceret Christus, eius excellentiam Angeli in nubibus canebant: testimonium eius gloriæ stella in cælo reddebat: Magi eius virtutem è regione longinqua sentiebant. Quum in deserto esuriret, certaret cum Sathana ludibris, vsque ad sanguinem sudaret: Angeli rursus illi ministrabant. Quum iam vincendus esset, sola voce hostes retrò abigebat. In cruce pendentem, sol defectu suo mundi Regem esse clamitabat: sepulchra aperta, mortis & vitæ Dominum confitebantur. Nunc si Christum videmus impiorum contumelijs superbè in suo corpore vexari, saua tyrannide opprimi, sannus esse expositum, violentia huc & illuc rapi: nihil istorum quasi insolens nos terreat. Quin potius nobis in mentem veniat, in hoc ordinatam esse Ecclesiam, vt quandiu in mundo peregrinatur, militet sub perpetua cruce.

Quòd si dextri & æqui essemus operum Dei interpretes, vnde offendiculi occasionem arripimus, id nobis optimæ consolationis loco foret. Nam quòd plerunque calamitosa, semper instabilis est Ecclesiæ conditio: imò, quòd non secus ac in procelloso mari, varijs tempestatibus assidue iactatur: primum, in eo Dominus luculentum mirificæ prouidentia specimen exhibet: deinde, hoc vtile, ad o-

adeoque necessarium fidei & patientiæ nostræ probanda exercitium est. Si ita fundata esset Ecclesia præsidysque omnibus instructa, ut suis ipsa opibus nitetur, nihil à terreno quouis imperio differret: nec verò quisquam dubitaret, humanituseam regi, si vsitato more ad hunc vsque diem perstitisset. Dum autem videmus quasi per innumeras mortes vitam nihilominus tot seculis duxisse, fieri non potest, quin diuinitus fuisse seruata colligamus. Hanc Dei virtutem magis illustrant aliæ circumstantiæ: quòd quum vndique lethali bus periculis impetita, quibus subinde obrui poterat, toto propè mundo inuito, & contrà nitente, semper tanquam ex naufragio euasit. Nihil dico, quod non facile secum agnoscat, quisquis ante suos oculos temporum omnium historiis subijcere volet. Illa vetus Ecclesiæ querimonia est, quèd à iuuentute subinde oppugnata fuerit, ac infestis habuerit impios: quòd super dorsum suum arauerint, ac longè protraxerint sulcos suos. Hac voce, Dei Spiritus pios sub grauissimis ærumnis gemètes excitare voluit, ut omnes ætatum gradus ab initio mundi percurrendo, Ecclesiam agnoscerent semper patiendo vicisse. In hanc meditationem incumbere nos decet: ut si quando nos præsens temporis nostri conditio angit, eorum recordatio, quæ iam olim experiri sunt Patres nostri, nos reficiat. Itaque, collatam omnium temporum descriptionem habere expediet: ut inde sibi quisque nostrum, quoties res & vsus postulabunt, exempla leuandis nostris miseris apta ante oculos subijciat.

Verum, antequam ultra progrediar, notare operapretium est, vnde tam crebræ variæque mutationes, quibus subinde circumagitur & quasi rotatur Dei Ecclesia, proueniant. Huius verò rei cognitio, non ex remotis vel obscuris coniecturis petenda est, quum assidue hominum à Deo defectiones perpetuum aliqui gratiæ eius tenorem interruperint: idque ab ipso propè mundi exordio animaduertere licet. Quum de Seth & filio eius Enos, loquitur Moyses, tunc coeptum esse inuocari Dei nomen recitatur: quo intelligimus verum Dei cultum (qui in maledicta Caini progenie, quodammodo interciderat) rursus ex integro fuisse restitutum, ut in mundo vigeret ac floreret. Vix octo generationes prætereunt, quum omnes eorum posteri, quos Deus sibi in filios segregauerat, ita se in omne scelerum genus projiciunt, ut orbem totum suis flagitijs pollutum, diluio secum perdant. Quum ad octo animas redacta esset Ecclesia, sic purgata saltem esse videbatur, ut exiguum illud semen quod restabat, nihil ex se nisi meram sanctitatem proferret. Atqui, mox quarta parte minuitur. Posteri quoque Iapheth paulò post diffluunt. Residua erat familia Sem, quæ non multò post tempore sic ipsa quoque degenerat, ut meritò à Deo magna pars abdicetur. Quum genus Abrahæ ex Aegypto mirifica potentia educum traiectioni mari rubro in hereditatem sibi promissam pergit, quis non ex talibus auspicijs perpetuitatem felicitatis diuinet? Atqui, illi ipsi, in quibus liberandam præclarum virtutis suæ specimen Deus ediderat, nullum peccandi finem faciunt: donec horrendis modis in deserto omnes deleantur. Filij tandem possessionem adeunt, sed cuius nulla est sexcentis ferè seculis stabilitas: quia ipsi perfida sui leuitate identidem eam turbant. Sapius tamen eos Dominus in tolerabilem formam restituit. Atqui, nec primæ liberationis memoria, nec repetitæ toties ferulæ ad eos castigandos, nec præsens poenarum sensus, nec data sapius venia retinere ipsos potest, quin Dei iugum excutiendo, noua mala sibi accersant. Prædixerat hoc Moyses futurum,

Ut pingues & bene saginati recalcitrarent : sed res ipsa longè superat . Quid Iudicum historia, præter continuas defectiones recenset ? Itaque, si quos offendunt variæ agitationes , quibus obnoxiam esse in mundo Ecclesiam videat , coniungant oculos in illud speculum , & mirari desinent , minus fixam habere in terra sedem , qui tanta fidei inconstantia coram Deo fluctuantur . Erecto Davidis regno , certior videbatur ratio solidi & diuturni status composita . Sed luculosa illa pestilentia clades , quæ triduo prodigiosum in modum per mundum grassata est , multum ex felicitate minuit . Statim à morte Solomonis , corpus ipsum populi scinditur : nec postea desinunt lacera membra inuicem se mordere : externis etiam bellis utrunque regnum miserè fatigatur . Dicemusne fati suo vrgeri ? quin potius ipsi , Dei vindictam peccatis suis vrgent , atque accelerant . Nam in quo maxime videntur innoxij , dum censum peragit David , quod priuatum illud vnius hominis delictum esset : sacra tamen historia pronuntiat , Deum in ipsos omnes excanduisse . Secuta est tandem maior illa & parum ab extremo interitu distans conuersio , quum in exilium Babylonicum tota gens abducta est . At certè , nisi eos præcipientes desperata obstinatio egisset , nunquam huc venissent calamitatis . Reditus post annos septuaginta , illis est velut altera natiuitas . Verum , simulac domum reuersi sunt , tanti beneficii immemores , iterum in varias corruptelas degenerant . Alij se profanis coniugijs polluant . Alij decimis ac primitijs Deum plusquam indignè fraudant . Alij , posthabita neglectaque Templi structura , in ornandis palatijs toti occupantur , immanèsque sumptus faciunt . Fœda hæc nimium ingratitudo , & quam non debuisset inultam manere nemo non fatebitur . Itaque , quod tranquillis secundisque rebus diu non fruuntur , id eorum vitio imputandum est . Ex quo verò Christus , pacis ac bonorum omnium author mundo innotuit , verè experti essent homines quàm certa sit ac bene fundata æterni eius regni felicitas , si ipsum passi fuissent inter se residere . Atqui , nunquam magis sævus bellorum tempestatibus concussus orbis fuit , nunquam tam multiplici profundaque malorum colluue submersus . Non ita in obscuro causa latet , quin facile deprehendi inuestigando possit . Nascitur Christus , pax ubique & alta quies . Quadragesima post annis , aut circiter , spargitur per diuersas mundi plagas ipsius Euangelium . Postquam longè lateque detonuit , tanquam versa repente alea , res passim turbulentiæ . Vnde tam subita mutatio , nisi quòd Deus , contempto ac reiecto suo Euangelio , quò citius , eò magis palam , tantæ ingratitudinis vindex extitit ? Itaque , quum impuri homines , quicquid tunc malorum exoriebatur , in Christi nomen conijcerent , pijs Ecclesiæ Doctoribus promptum fuit , adeò futiles eorum calumnias diluere . Quid enim ? Cum pacem sibi à Deo oblatam Reges ac populi spreuissent , an non æquum fuit inter se committi , ut mutuis vulneribus perirent ? Et quid manere inter eos potest ordinatum , qui Deo se submittere recusant ? Nec tantum loquor de professis hostibus , qui sanæ pietatis doctrinæ contumaciter reluctati sunt , sed eorum qui nomen Christo dederunt : quàm frigidè multi & contemptim , alij quàm perfida simulatione Christum osculati sunt ? Quos diuinæ in hac parte seueritatis exempla offendunt , cessantem non minus cupidè arguerent . At , nisi oculos aperire pigeat , quibuscumque se vnquam patefecit Deus , per eos tantum stetisse perspicimus , quominus collocata in tuto eorum felicitas , diu & prolixè consisteret , nec aliunde

quàm

quàm sua culpa fuisse miseros. Ierosolymam scimus fuisse fontem, ex quo in ultimos usque terræ fines salus profluxit. Plenam illi inſtaurationem pollicebantur Chriſti aduentu omnia Prophetarum Vaticinia. Longè autem ſecus accidit. Nam quum vix tenuem umbram retineret priſtinæ dignitatis: non modò quod reliquum habebat, paulò poſt amiſit, ſed funditus ipſa diruta fuit, ac in vaſtam ſolitudinem redacta. In quarenda tam prodigioſæ ruinæ cauſa, cur nemo laborat, niſi quòd deſperata gentis impietas cauſam ſe fuiſſe apertè clamat? Nunquam adeò ſauis cladibus intra exiguum temporis ſpatium afflictæ fuit Roma, quàm ex quo illuc Euangelium pervenerat. Quì factum eſt, ut in qua vrbe tam diu graſſata eſt effraus plebis libido, nefariæ factiones dominatæ ſunt, & tandè importuni tyranni illi fixam habere ſedem Chriſti regnum non potuerit? Nempe, quum tot lethalibus morbis extremam Euangelij medicinam Deus afferret, tamquam exitio deuoti, ea ſuperbè reiectæ, in peius ruere non deſtiterunt. Idem & hac noſtra ætate obſervare licet. Intra paucos annos cum præclara renaſcentis Eccleſiæ initia apparuiſſent, collapſa deinde retrò vidimus referri. Atqui, priuſquam nobis hanc pœnam irrogaret Dominus, multiplicem ubique & fœdam vidimus Euangelij profanationem: ut non tam admiranda ſit hæc, quæ accidit ſubita rerum euerſio, quàm diuturna in ſuſtinendis ſeculi noſtri prodigioſis ſcleribus, patientia. Cum tot hominum millia, abnegato Papatu, cupidè, ut videbatur, nomen dediſſent Euangelio: quàm pauci, obſecro, à vitijſ ſuis reſipuerunt? Imo, quid præ ſe maior pars tulit, niſi ut excuſſo ſuperſtitionum iugo, ſolutius in omnem laſciuam diſfluere? Cum itaque, veram eſſe faterentur Euangelij doctrinam, quotuſque eiſ diſciplinæ collum ſubmiſit? An non id fuit inſtimabile in ſalutis theſaurum quodammodo pedibus calcare? Et ſanè de eiſ pretio atrocitas pœnæ, quæ tam ſacrilegum contemptum ſecuta eſt, admonere nos potius debet, quàm de fortuitis Eccleſiæ iactationibus aſurdas gignere in animis noſtris opiniones. Quin potius mirum eſt, in tantæ noſtræ ingratitude, quicquam incepti à Deo operis adhuc manere reſiduum.

Nunc, vnde paululum digreſſus eram, redeo: Deum Eccleſiæ ſuæ cuſtodem hinc melius agnoſci, quòd miſerè ſemper vexata fuit, quàm ſi inter ſummæ commoditates pacata lætæque floruiſſet. Quo tempore nomen Dei in familia Seth inuocari cœptum Moïſes narrat, non dubium quin ſoboles Cain, ut numero hominum & audacia ſuperior erat, ita aduerſus paucos illos, eoſdemque manſuetos homines pluſquam ferociter ſe extulerit. Quì poterant igitur agni inter lupos diutius ſalvi manere, niſi auxiliari Dei manu teſti fuiſſent? Continuo deinde temporis ſucceſſu, vnà cum malitiâ, vis quoque ad nocendum improbis creuit. An dicemus humanitus ſtetiſſe, qui inter tot infeſtas beſtias ſimiles oppreſſus degebant? Niſi fortè putet quiſpiam, Gigantes moderatione fuiſſe cohibitos, ut pijs ſibi obnoxijſ parcerent: quibus ſe, tanquam genus aduſterinum, nouerant eſſe deteſtabiles. Reſtat tandem vnus homo cum exigua familia. Iuſſus à Domino arcam fabricare, per annos centum & viginti continuos, eorū qui proſuſ in Deum inſaniebant, rabiem in ſe pronocat: nouum enim vitæ aſylum quærendo, palam omnibus interitum minatur. Quoties putamus, eorum conuiſſis & improbitate laceſitum, pro Dei iuſtitia acriter certaviſſe? In tantæ verò hoſtium truculentia, an nò totidè illi ſubeundæ fuerunt mortes, niſi Dei manu

fuiſſet ereptus? Adde, quòd niſi cœleſti virtute fuiſſet ſuffultus, millies ipſe quotannis ſponte concidiſſet. Maius deinde & diuinius ſequitur in arca miraculum, quòd cœlo & aere priuatus, vitam non niſi in ſepulchro inuenit: ſpiritum vitalem ubi trahat, niſi in mortifera ſuffocatione, non habet: denique quòd non aliter ſuperſtes in mundo poteſt manere, niſi è toto mundo diſcedat. Quum mundum ex diluuiò emerſum Deus quodammodo renouaſſet, ſequutum eſt paulò poſt multo deterius ac magis exitiale diluuium, quòd impietas gentes omnes occupauit. Neque hoc decem menſium fuit: ſed longa annorum ſerie graſſando, vires collegit: vt ipſa quoque familia Sem, ſanctius Dei peculium, propemodum abſorpta foret: niſi quòd Melchizedec, cum paucis purum Dei cultum retinens, inter innumeros fluctus reclus integérque ſtabat: quæ illi vnica fuit enatandi ratio. Abraham verò, vt Deus ſaluum haberet, è profundo idololatriæ gurgite eum eduxit. Porro, in terram, quæ illi deſtinata erat in hereditatem, traductus, ſic in ea peregrinatur, vt nunc litigare de aqua cogatur, nunc eum fames aliò diſpellat. Apud duos reges, quòd mortis periculum effugiat, non aliud inuenit remedium, niſi vt ſuam uxorem vita ſibi chariorem, exponat veluti in prædam. Eaſdem atque etiam aſperiores moleſtias ſubeunt filius & nepos, quotidie eum ſæuis & barbaris hominibus, non citra vitæ diſcrimen, quaſi cum feris beſtijs dimicantes. Cerrè ſi cui in tuenda eorum ſalute, conſpicua non eſt Dei manus, eum pluſquam cæcum eſſe oportet. Nec verò ſine cauſa Dauid iſtud Dei præſidium, quòtuti fuerunt, ſingulari elogio proſequitur: quum prohibitos fuiſſe dicit Reges, ne Chriſtos Domini læderent, nève Prophetæ eius eſſent moleſti. Pauci erant numero, alienigenæ & ignoti homines: vagi huc & illuc oberrabant: perfidis & immanibus populus vndique cincti: momentum nullum immune habebant à nouo aliquo diſcrimine. Spectaculum quidem hoc fuit ſuperbis hominibus contemptibile, & ferè propudioſum, fateor: verùm, in hoc contemptu, vt iam dixi, tanquam in ſpeculo, melius refulgebat extraordinaria Dei tutela. Immo, clariuſ perſpicere licet, non ex vno tantum diluuiò, ereptam ſemel fuiſſe Eccleſiam: ſed longa atatum ſerie in cotinuis malorum exundationibus fluitantem nihilominus duraſſe.

Sequitur Aegyptiaca ſeruitus, quæ ab vniuerſali naufragio parum differbat: niſi maturè Deus opem tuliffet. Omitto contumeliam, ac onerum iniquitatem: quòd ad viles ſordidiſque operas mancipati, quòd addicti immanibus ærumnis, ægrè ſpiritum trahebant. Sed quum maſculi ſcemen penitus aboleri iuſſiſſet Pharaon, quis non ad extrema ventum eſſe dixiſſet? Mentiuntur obſtetrices, ne regiæ crudelitati miniſtras ſe præbeant. Ipſe denique, gentis liberator Moïſes, iuncea arca incluſus, ad ripam fluminis proyicitur. Deſperata omnium ſalus, totumque nomen prorfus deletum videbatur. Quàm inſigne ergo hoc Dei miraculum eſſe iudicabimus, quòd qui decies conſumpti eſſe poterant, non modò integri manent, ſed incredibiles illos faciunt progreſſus, qui referuntur à Moïſe? Hic verò ſe oſtendit in reputandis Dei operibus pluſquam maligna hominum prauitas. Nam ſi quid opinione ſua maius à Deo editum fuiſſe audiunt in Eccleſiæ ſalutem, quaſi fabuloſum reiſciunt. Quicquid vulgare eſt, nec aliàs inſolitum, fortuitò accidiſſe, vel ſaltem humanitus, iactantes, contemnunt. Si autem minus proſpera aut læta eſt Eccleſiæ conditio, hoc protinus arripiunt ad ſcandali materiam.

reriam. Proinde quòd miseris Iudæis lateritium opus, tam graue & illiberale non secus ac iumentis imponi: quòd masculam eorum sobolem ab utero ad necem postulari: quòd turbam ignobilem tumultuariè collectis vastis clanculum aufugere Moyses narrat: hoc plurimis indignum esse Ecclesiæ gloria videtur. Quòd Iacob cum sua familia comiter à Pharaone fuisse exceptum, quòd benignè tractatum, & in opimis pascuis collocatum refert: hoc in secunda fortuna deputant. Quòd non ita longo temporis successu in populum ingentem creuisse familia vna dicitur: quòd tradit idem Moyses, tot à Deo edita fuisse portenta, vt perditos ac desperatos Israelitas redimeret: quia fidem excedit, quasi fictitium subsannant. Ergo vt puras ad consideranda Dei opera mentes afferamus, hac prauitate nobis ingenta, antè purganda sunt.

Ne historiam texere videar (quod minimè præsentis est instituti) quæ magno orationis splendore ornari merentur diuinæ in seruanda Ecclesia prouidentiae exempla, leuiter quasi in transcurso attingere mihi satis est. Quamquam ne decimam quidem partem attingere patitur operis ratio. Nec verò id magnopere necesse est: modò ex paucis vnum hoc quod volo, agnoscant lectores: quò magis sub cruce oppressa fuit Ecclesia, eò clariorem in ea erigenda Dei virtutem extitisse. Ex quo in terram Chanaam ingressus est populus, quo minus vacuam ab hostibus tranquillamque possideat, sua illi obstat incredulitas. Continuis deinde hostium incursonibus impetitur. Fractus deinde contusisque viribus, præda ac direptioni patet. Præterea dominos sæpius mutat, qui tamen certatim in eum perdendum conspirant: vt mirum sit tot ac tam diuis propinquisque cladibus fuisse superstitem. Certè, post captam Domini arcam, ne latum quidem digitum, ab vltima desperatione aberat: afflictus erat plusquam atroci clade: totus propè flos virorum perierat: palati ac dissipati, nihil aliud quàm fletus & lamenta meditabantur.

Ne remedium quidem præmalorum grauitate quærentibus, aliqua primùm datur relaxatio: postea subito præter opinionem è cælo salus affulget. Occiso Saule simile instabat excidium, quum Dauid res collapsas momento restituit. Si continuus pacis prosperique status tenor fluxisset, posset quidem maioribus prædicari encomijs rara illius populi felicitas: sed tot mirificè à Deo allatæ salutes non perinde agnoscerentur. Quum postea decem Tribus se à corpore alienant, tale dissidium inter multos hostes, acriter nocendi occasione intentos, præsentem interitum minari videbatur. Degenerant postea Israelitæ in alienos ritus. Itaque, abdicantur quodammodo à Dei familia. Residuam partem, quæ Ecclesia Dei censetur, diu staturam esse nemo putaret. Et sanè eo sæpe necessitatus coniicitur populus ille, vt salute desperata, extrema quæque attonitus expectet. Tempore Achaz, quum duo potentissimi reges ipsam quoque Ierosolymam aggressi essent, tota regio quasi duplici incendio correpta iam flagrabat: Achaz pauore exanimatus ad primos hostium insultus facile concidisset. Extinguitur subito tantus ignis absque hominum manu, fumus etiam discutitur. Annon in liberatione ista, Dei gloria pleno se fulgore effundit? Quum verò Sennacherib regnum præsidijs nudatum occupasset, trepidam urbem & ad resistendum minimè instructam furiosè inuadit: rex Ezechias ferè similis est capto, nullam effugium, nihil intus opis, nihil aliunde subsidij: dum hostis plusquam insolenter se efferens aliò mox abripitur, annò tam hæc inopinata mutatio verū esse ostendit, quod ab Iesaja prædictum erat, Esse promptà Deo ra-

tionem, qua truculentam bestiam illam vel domaret, vel cohiberet? Sed ubi paulò post noua victoria inflatus reuertitur, longè aliud gratiæ potentiaque suæ specimen in soluenda obsidione, edit Dominus. Neque enim per homines eum inde reuocat, vel visitatis modis frangit illius impetus, mediòsque conatus abrumpit: sed inaudita strage per manum Angeli exercitum illi nocte vna adimens, inermem ac spoliatum ignominiosa fuga procul à Iudæa profligat, quam victor ingentibus copijs tenebat. Hoc certè vnum facinus amplo documento est, nihil interdum magis expedire, quàm Ecclesiam extremis angustijs vrgeri, vt mirabili Dei potentia, quòd incolumis euadit, tribuere discat. Nos verò bis ingrati, si velum vltro nobis opponimus, quod diuini erga Ecclesiam fauoris conspectum obscuret, vbi illastre eius speculum nobis Deus ipse ante oculos ponit.

Iam vix vlla magis coram mundo pudenda Ecclesiæ deformitas fingi potest, quàm Babylonicum exilium. Crudelis rerum omnium direptio, fœda terræ populatio & vastitas, vrbs incendijs & violentia hostili dissecta & lacera, templum horribili ruina excisum, totius sacra supelletilis indigna spoliatio, quantam hostibus insultandi licentiam dare poterant? Et ea quæ nunc recensui, ostendunt, quàm insolenter se extulerint Chaldaei. Omnium verò conuictijs & sannis passim impetitum fuisse Dei cultum, verisimile est. Atqui, hæc tantum quoddam erant veluti præludia. Populus Babylonem abductus, non secus ac mortuum cadauer in sepulchrum reconditur. Quanquam hoc quoque interest, quòd lacera partes huc illuc dissipantur, ne rursus coalescant. Nulla amplius Dei regia, nullum sacrorum, nulla cultus species, nulli solennes cœtus, nullum denique superest Ecclesiæ nomen. Ac ne quid ad extremam contumeliam desit, in superbis & impuris commensationibus sacra vasa ostentui habentur. Quinèò vsque grassatur scuitia, vt Deum inuocare capitale sit. Sed facit hæc tam immanis omnium malorum congeries, vt in restituenda populi salute, magis emineat Dei virtus. Primum, quòd Daniel & eius socij in raram potentiam ex seruitute euehantur, vt aliquid leuationis miserè oppressis fratribus afferant: hoc iam documento palam factum est, Ecclesiam, vbi videtur penitus relicta, curâ tamen esse Deo. Quòd tres sancti homines, qui in fornacem coniecti fuerant, salui inde ac integri euadunt: memorabile in primis specimen liberationis populi mox futura illic relucet. Reditus autem ipse populi non minori admiratione dignus fuit, quàm inaudita quoddam resurrectio: vt verè in Psalmo fideles iacent, se tunc somniantibus fuisse similes. Iam quòd commeatus à Rege præbetur, quòd templum extruitur sumptu regio, quòd grauibz edictis prohibentur à Iudeis iniuriæ, pudeat nos non agnoscere Deum harum rerum authorem, quum totidem incredulz fuerint portenta. Hæc autem consyderatio dici non potest, quantopere ad iuuandam augendamque fidem nostram valeat. Quo conuincitur eorum ingratitude, qui in tam bene ordinato gloriæ Dei theatro, scandalum quo impingant, sibi fingunt. Porro, in terram suam reuersi, subito incredibilem in modum, tam hominū numero, quàm opibus augentur. Hoc quoque non obscurum diuinæ potentia miraculum est, præsertim quum nulla illis daretur ab hostibus relaxatio. Scimus enim tot fuisse aduersis copijs obsessos, quot vicinæ erant in circuitu gentes. Verum, vt in cruce clarius refulgeat extraordinarium Dei præsidium, non multò post alijs identidem atque alijs cladibus sic proteruntur, vt iam vltima internecio appareat. Sub Persa-

rum imperio tametsi eorum conditio fuerit tolerabilis, tamen velut oves mactationi destinatae, parum à macello interdum abfuerunt. Ne immanem suum impetum in eos profunderet Alexander, cœlesti oraculo cohibitus fuit. Quum verò post eius mortem, Syriae & Aegypti Reges quasi truculentæ bestiae in rabiem accensae, mutuò se discerperent, nec ullus esset vltro citroque sauiendi finis, quis gentem in medio sitam, & vtriusque libidini expositam diu fore superstitem sperasset? Nec sanè tot ac tam varijs cladibus deiecta stetitisset, nisi Deum habuisset custodem, manûque eius suffulta esset. Tandem sub dira Antiochi tyrannide, quasi in profundum gurgitem demersa, nullam amplius lucis scintillam in toto mundo habet. Tota regio sanguine innoxio exundat. Ierosolyma horrenda cadauerum strage, quasi pavimento sternitur. In templo collocatur execrabile idòlum. Abolitis Dei institutis, profani ac degeneres gentium ritus regnum occupant. In ignem projiciuntur sacri omnes libri, vt Dei veritas ex hominum memoria penitus excidat. Quisquis hiscere audet, imo quisquis dolore ingemiscit, ac non potius se perfida simulatione contaminat, protinus ad lanienam protrahitur. Machabæi cum manu à se collecta, in cauernis montium vagi & inopes inter feras latent. Quòd in tanta desperatione, manent tamen reliquæ piorum, quæ postea emergant, quis neget admirabili Dei providètia fuisse seruatas? Quòd Moisis & Prophetarum libri ex illis flammis illesi euadunt, quis humanæ custodiæ tribuat? Denique temporum illorum historia, longè certius testatam nobis Dei providentiam facit in protegenda Ecclesiæ salute, quàm si magnificos de omnibus populis superbosque triumphos egisset. Idem & aliæ quæ postea contigerunt perturbationes, spectaculum nobis præbent. Nam quum vsque ad Christi aduentum, nunc externis bellis, nunc intestinis factionibus, nunc barbara principum libidine, quasi assiduo rotatu vexati raptatique fuerint Iudæi: factum est tamen singulari Dei beneficio, vt Ecclesia inter istas turbulentas conuersiones, in suo gradu steterit. Hic nobis in mentem veniant tot sancti viri, imo & mulieres, quibus eorum quas recensui calamitarum deuoranda fuit indignitas. Nonnullis, qui ad proueciã vsque ætatem vixerant, necesse fuit per longas & multiplices malorum ambages errare, & tandem anxie mori, quum nullum exitum viderent. Hac sanè erant scandala, quæ à recto cursu depellere ipsos possent. Et tamen fide eluctati, vocationem suam constanter persequuti sunt. Nunc verò tam animosa eorum strenuitas non modò instar vehiculi, quod lassitudini nostræ medeatur, sed loco alarum esse nobis debet, quibus supra arduas rupes, spinosos perplexosque saltus & quæuis abrupta transuolemus. Euentus autem lætiores, qui fidelis in seruanda Ecclesia Dei curæ testes sunt, nisi omnem scandali sensum nobis tollant, plus iusto sumus molles ac delicati. Immo hoc fastidium minimè ferendum est, si in plano itinere scandalum praua imaginatione nobis ipsi obijcimus.

Quòd si in veteri populo hoc boni semper habuerunt Ecclesiæ infortunia & ærumnæ, vt presentius Dei auxilium secum adferrent, ac quò grauior fuit crucis pressura, eò clarius ostendit Deus sua manu erigi Ecclesiam, erectamque sustineri: sub regno Christi longè clarior est huius rei conspectus. Si per continuos pacis successus, florentem iucundumque statum retinuisset Ecclesia, ex quo publicari cœpit Euangelium mundo; nempe, hæc fuisset humanitus vsitata ratio, quam omnes contemptim præterissent. Verum, quum aduersus exigam & contēptibilem

manum protinus efferbuerint gentium ordinumque omnium odia : quum nomen Christianū diu sic fuerit ubique inuisum ac detestabile, ut singulis momentis parum ab interitu distaret: quum passim diuisus modis sœuitum fuerit in eos omnes, qui vel obscuram aliquam Christianismi significationem dare audebant: quum ad extinguendam eorum memoriam facta esset totius orbis conspiratio: quod Ecclesia nihilominus semper aliqua durauit, hic insolita virtus & arcanus nescio quis vigor apparet. Hoc dico, quum templa Christianis essent ferarum in syluis & montibus latebræ: nusquam tutum domicilium, & extrema infamia parique odio flagrarent, quis nomen Euangelio dare non horruisset, nisi diuinitus excitatus? Atqui, subinde multi certatim ex destinato ad subeundum tale dedecus, ad miserum illum & seruilē metum aduolabant. Simul atque Christum professus erat quispiam, non modò ad mortem rapiebatur, sed sœui cruciatus simul erant propofiti. Nulla sexus, nulla ætatis misericordia erat. Aliquos fuisse re pertos, qui hac mercede Christiani esse vellent, nōne plusquam mirum est? Ut quisque captus erat, acerrima de socijs questio habebatur. Si quando in tormentis vocem continuit, qui in tyranni necem cum alijs conspirauerat, ne conscios detegeret, omnes constantiam mirantur: in tot prouincijs, in tot vrbibus innumera seruata ad extremum fidei exempla, annon linguas diuinitus fuisse gubernatas testantur? Cū autem in singulis hominibus, ac sæpe etiam in mulierculis periclitaretur tota Ecclesiæ salus, in eo certè insigne miraculum fuit, quod non breui omnes funditus sublatti fuerint. Atqui, inter t. t. diminutiones, excidijs non multum absimiles, latius tamen propagari non desit. Idque verè fuit sub crucis ignominia triumphare. Imo qui omnes circumstantias, quæ decet & quitate, reputabit, inter mortes innumeras faciebitur continuam fuisse multarum resurrectionum seriem. Quod pro sua difficultate, nobis incredibile foret, si quis narraret posthac futurum: nunc cū factum est, non modò contemnere, sed offensionis loco ducere, non iudicij est, sed maligni fastidij. Illi quidem maximè violenti fuerunt impetus, sed aliæ quoque ætates ab eadem crucis militia minimè immunes fuerunt. Quin duriora certamina sunt experti, qui sincère ac fideliter Deo seruire tunc volebāt. Fasces Christi regno submiserat Romanum imperium: videri Ecclesia poterat in beata quietis & gloriæ sede collocata: Barbaræ etiam nationes in Christi possessionem concesserant: verum hæretici interea ac perfidi homines rerum sic potiebātur, ut probi verique pastores à suis Ecclesijs per vim, nec sine ignominia fugati, in regionibus ignotis exularent. Ac ne exilium quidē illis permissum fuisset, nisi latuissent ab hostiū tyrannide. Quod tam atroci persecutionum violentiæ exposita sæpe fuit Ecclesia, quod ferè prostrata sub hostium pedibus iacuit, procul quidem hoc abest à specie terrena dignitatis. Quod autem exiguus piorum numerus, inuicta fidei constantia tantos persecutionum fluctus superauit: quod superstes omnibus tyrannis ac hæreticis fuit Ecclesia, quæ veram fidei doctrinam ad posteros transmitteret, hoc verò est luculentum diuinæ virtutis testimonium, quod supra omnes mundi glorias longè excellit. Ita in præsentī Ecclesia calamitate nulla refulget dignitas, quæ cœleste Dei regnum, hominū oculis repræsentet. Nam ea oppressa, summi hostes ipsius titulo, quasi spolijs ornari, non minus crudeliter quàm superbè eam conculcant. Si quis, eorum impietati vel tantillum ausit obistere, gladijs, ignibus, ac omne genus tormentis formidabiles, veræ Ecclesiæ in terris locum vix relinquunt. Quod si aliquos sibi angulos

inueniat, nunc vi & armis impetita, nunc ludibrijs vexata, nunc minis & terroribus fatigata: nihil minus quàm regium illum Christi decòrē tantopere à Prophetis commendatū, præ se fert. Verum, quum minaciter terrendo, ac furiosè saeuendo, non eò tamen vsque proficiunt impij, quin Dei Ecclesia sub crucis humilitate, firma recli- que subsidat: cur non in hac mirifica eius conseruatione, Dei gloriã exosculamur? Si quis rerum peritus, quàm multa per hos triginta annos ad eam perdendã machinati sint impij, secum animo reuoluat: non fuisse centies penitus deletam, mirari cogetur. Et nunc quòd intra biennium miserè discerpta fuit, laceræque eius partes à leonis faucibus parum absunt: tametsi multorum animos frangit, optimo Dei consilio factum esset tandem sentient fideles, quòd manum suam in ea liberanda clari- us exerat. Neque enim ab ipso seruari, nisi ex morte ereptam, agnoscimus.

Huc postremò accedit & alia ratio, quòd ferociam nostram domari sub- bigique crucis disciplina plusquam necesse est. Videmus vt Ecclesia, quæ in me- dijs vexationibus spiritali vigore floruerat, nimis lata pace diffluxit. Hodie quum sub duro austeròque frano nos Dominus constrictos teneat, videmus vt passim omnes ferè lasciuiant. Quid fieret, si liberè exultandi daretur occasio? Quum Euangelij professio longè lateque in Germania regnaret, & integræ ad- hac essent eorum vires, qui ad tuendam bonam causam videbantur animati, hac- que fiducia susceptum esset luctuosum hoc bellum, quòdque infelicitè cessit: erectis in magnas spes partis nostræ animis: dixi aliquando publicè, plus à nostra, quàm hostium victoria nobis instare periculi. Neque enim tam metuendas esse vllas clades, quàm nimis triumphale, vt ita loquar, Euangelium, quod nos ad insole- scientiam efferret. Nec verò me istius vocis hodie quoque pœnitet. Nisi pro- fanæ licentiæ Dominus obuiam maturè iuisset, morbus fuisset temporis successu propemodum incurabilis. Nulla doctrinæ, pijsque monitionibus fuisset autoritas. Mediocrem disciplinam qui nondum admittere sustinuerant, iugum omne, non secus ac indomitæ belluæ, violento impetu rupissent. Tanta infamiæ macula ab Euangelio abstergi non potuit, quàm si ad modestiam vi & malis coacti fuiss- sent, qui eam sponte hætenus discere noluerant. Rursum, hoc examine, quali quisque esset animo, patefecit Dominus. Magnificè omnes Euangelium sub vmbra iactabant. Primas in multis locis tenebant scelerati hypocritæ. Post cladem verò acceptam, quidam magni nominis principes protinus exanimati, no- biles respublicæ, metu nescio quo attonitæ, sponte conciderunt. Hic se plusquam effæminata mollities, imò perfida ignauia apertè prodidit. Impias & sacrilegas à Christo defectiones intra biennium in natione vna plures vidimus, quàm nar- rent omnium temporum gentiũque historiæ. Quàm infractum verò sit fidei robur, vbi Spiritus virtute corda sustinentur, palam in alijs factum est. Heroi- ca magnanimitas, quam Dominus in homine vno victo & capto, seculis omnibus spectandam proposuit, nunquam nisi tali crucis experimento credita fuisset. Insi- gnia quædam eius generis exempla, quæ referre promptum esset, consultò præte- reo. Sed hæc & alia innumera quisque apud se expendat. Iam mulieres ad mor- tem raptari aiunt, quòd minus habeant veniæ non viri tantum, sed toti populi: qui vt breuem caducæ pacis vsuram redimerent in mundo, Filium Dei æternæ vitæ au- thorem abnegare, sèque cælesti eius regno priuare non dubitarent. Postremò,

quorsum profutura sint quæ vulgò nunc in grauibus malis reputantur, Dominus ipse melius nouit. Nostrum est, quicquid calamitatum acciderit, forti animo accipere: exitum, qualis optandus est, à Domino sperantes: semper quidem hoc habere constitutum, utcumque ad tempus prematur Ecclesia, optimum Patrem, qui singularem eius curam gerit, nunquam passurum, ut obruta deficiat. Si Christum in medio hostium dominari oportet, sicut Spiritus testimonio olim testatum est, regnum eius inter nos sine militia & continuis certaminibus esse non potest. Si nos ouibus similes sumus mactationi destinatis: aduersarij autem luporum instar rabie ardent: veniat nobis in memoriam illud Domini præceptum, possidendas esse in tolerantia animas, donec suam ipse virtutem in nostra infirmitate perficiat. Certè, nihilo felicius habebant Apostoli, quum intrepidè clamarent: Vt quid tumultuantur gentes, & populi meditantur inania? Nos quoque si teneamus quid valeat illud, In cælo Deum videre, quum impijs habenas laxat, eadem qua Apostoli, fiducia instructi, toti mundo quauis armato securè insultabimus.

Sequuntur scandala, quæ iterum ex doctrina vulgò creduntur provenire: sed re vera humanæ vel proteruiæ, vel inscitia, vel curiositatis proprii sunt ac germani fœtus. Scriptura de naturæ nostræ corruptione ita docet, quod ingentem ex utero vitiositatem ac malitiam afferamus: ita non posse ex mala arbore prodire nisi malos fructus, donec Christi gratia simus in integrum restituti. Hinc colligit humana ratio, non tantum carere homines ipsos culpa, dum peccant: sed Deo culpam meritò posse ascribi, qui tales eos creat, ut nati ad peccandum videantur. Interroget unusquisque suam conscientiam: protinus conuictus obmutescet. Illic enim reperimus quod Scriptura toties testatur fontem omnium vitiorum esse prauitatem, quæ in nobis hæret. Nos ideo mala omnia perpetrare, quia quod Deo displicet, appetamus. Quis fit igitur, ut quos intus reos peragit propria conscientia, vanas excusationes hinc inde auide conquirant, ad se & alios reatu eximendos: neque eo contenti, Deum quoque in crimen vocent? Nisi sponte se fallere in suum exitium illis libèret, annon vitium, quod in se cernunt, damnarent potius, quàm aliò causam transferrent? Sed agedum, quia qualemcunque duntaxat blasphemijs suis pretextum quærunt: ostendamus vno verbo, nullo eos colore impudenter maledicere. Quem voluntate peccare constat, isne innocentem se iactabit? Vbi omnia dixerint, illuc demum venie. dum, Nihil, nisi quod sponte committunt, illis à D E O imputari. Et quis hominum, ipsos in voluntarijs malefactis absoluet? Porro, quòd homines iure damnant, an damnare non erit Deo liberum? Atqui tamen cum D E O exposculant, quòd non meliorem illis mentem, & cor etiam rectius dederit. Quasi verò non dedisset initio. Nam prauitatem, quæ in nobis regnat, doctrina nostra non fert acceptam Dei creationi, sed naturæ corruptioni assignat. Excipiunt rursus, Iniquum esse, alieni delicti pœnam sibi infligi. Ea fortè exceptio nonnihil haberet coloris, si à proprio peccato ipsi immunes, aliena culpa grauari se ostenderent. Sed quum rectam in primo parente naturam ita perdiderint, ut sponte sint vitiosi, quid sibi, tanquam infontibus, fieri conqueruntur iniuriam? Scilicet faciunt, quod perditissimi latrones solent: qui dum ad supplicium rapiuntur, probis undecunque arreptis iudicem lacerant. Et sunt eiusmodi homines sæpenumero, sicut ad perpetranda

tranda maleficia prompti, ita etiam facundi ad conuitiandum. Quid autē ita ferociter insultando proficiunt? Neque enim aut leuatur eorum ignominia, aut iudici macula vlla inuitur: idque ipsi norant: sed desperatione excecati, miserum ex ridicula vltione solatium capiunt. Haec tamen eorum blasphemis respondi, qui impietatem ex professo suā produnt. Sed restant Sadoleti, Pighii, similiumque calumniæ, quibus doctrinam nostram infamant, quasi varias & propē infinitas absurditates secum traheret. Illinc verò si quid est scandali, ideo est, quòd scripta nostra non leguntur. Quid ergo facerem, nisi ut omnes eos horter, qui præpostera offensione abrepti, ignotam veritatem refugiunt, ne duplicem temeritatis pœnam sibi accersant? Nam & se fraudant oblata sibi salute: nec illis impune cedit, causa inaudita, secundum mendacium statim pronuntiasse.

Quòd verò Prædestinatio mare est scandalorum, vnde id contingit, nisi ex nostra vel curiositate, vel petulantia? Hic de arcano Dei iudicio agitur, cuius fulgore humanas mētes, si propius accedat, non perstringi modò & hebetari, sed penitus absorberi necesse est. Et tamē quantū ferebat captus noster, quātūque nostra intererat, Dominus Scripturis patefecit. Nos scilicet esse omnes perditos, nisi quos ad vitā eligēdo, à morte redimit: ad eos Christi gratiā solos peruenire, qui gratuita electione, antequam nascerentur, ad salutē præordinati fuerāt: alios, sicuti sunt æterno exitio destinati, in suis peccatis manere. Vltrà progredi etiam si fas esset, non tamen expediret. Nunc verò, cum non minus inpium sit, quàm noxiū, vnde nos, tanquam iniecta manu, arcet Dominus, perumpere: officii nostri erat, quòd Dominus tradit, reuerenter amplecti: & eo contentos ab omni alia inquisitione abstinere. Vera enim sapiendi regula in hac parte talis est sobrietas, quæ nihil amplius scire appetat, quàm quòd Scripturis est reuelatū. Nihil certē absconditū à nobis Deus esse voluit, nisi cuius aut superuacua erat cognitio, aut magis abstrusa, quàm ut eius percipiendæ simus capaces. Quò magis ingrati sumus, nisi nostrum inquirendi studium attemperamus ad eum, quem ipse tenuit modum docendo. Quid ergo miramur, si in abyssum se præcipitant, aut scopulis allidunt, qui phreneticorum more, aduersus Deum violētò impetu ruunt? Deum tyrānidis accusant, quòd exitio adiudicet nondum natos. At sentient olim iustum iudicem: imò iam intus sentiunt, etiam si non agnoscant. Causantur frustra dari præcepta de moribus, frustra leges ferri, iniquè etiam exerceri iudicia puniendis maleficiis, quum satis regantur omnia, vel potius rotentur. Quasi verò non ita suos electos Spiritu sancto moderetur Deus, reprobos Sathana agitandos permittat: ut illis doctrinam pietatis & exhortationes fructuosas reddat: hos teneat contumacia conuictos & inexcusabiles, quia moniti non paruerint. Omitto, quàm nihil proficiant, Dei prouidentiam calumniosè Fati nomine infamando. Neque enim vel intricatos causarum nexus somniamus cum Stoicis, vel astris subiicimus mundi gubernationem, vel necessitatem comminiscimur in ipsa rerum natura. Atqui, ea est, quam Fatalem vocāt profani homines. Longè igitur aliud est Dei prædestinatio quàm fatū. Sed facessat logomachia. Si fixa est, inquit, æterno Dei decreto rerū necessitas: superuacuum est docere, quale sit cuiusque officium. Nihil enim ex eo quòd iam cōstitutum est, mutabit doctrina. Atqui, expendere rursum debebant, à Deo quoque ipso ordinatā in hunc finē esse doctrinam, ut arcanis eius consiliis subseruiat. Quos æterna sua adoptione præordinauit ad vitam, nonne doctrina, quasi porrecta manu, ducit quò destinuerat? Quid enim aliud est efficax vocatio, quàm electionis, quæ prius latebat, cōplementum? Reprobos variis obiurgationibus cōpellat, nullo, ut videtur, profectu. Verum, cum ipsos inexcusabiles hoc modo reddat: hic quoque nēnulla doctrinæ vis apparet. Nō animaduertūt stulti homines, quàm pulchro inter se ordine cōsentiāt Dei opera. Hinc fit, ut doctrinā, quæ nihil aliud est quàm æternæ eius volūtatis ministra, cum vo-

luntate ipsa temerè in certamen committant. Proinde discamus, non hominibus ideo loqui Deum, ut quæ apud se olim decreuit, reuocet, aut etiam corrigat: sed potius ut effectu ipso comprobet, quàm firma sint & stabilia. Quos ab initio semel elegit, fieri nequit ut pereant: sed quia perire ipsos nō vult, in fidem tutelamque Christi tradit. Porro, ut Christū habeāt pastorem, à quo custodiantur, in eius ouile colligi necesse est. Itaque quum pastorem audiendo salutem electi consequuntur, nihil aliud quàm externa Euangelij prædicatione ad suum finem perducitur ipsorum electio. Eandem & reprobis doctrinam iubet proponi. Cur? An ut quod de illorum exitio statuit, euertat? Quin potius ut obstinata eorum incredulitas, magis patefaciat quid valeat occulta electionis gratia. Quale enim illustrius speculum, in quo hæc perspicuè reluceat, fingi potest, quàm dum in cōmuni doctrina, eadem Dei vocatione, pari vocandi organo, tantum est hominum discrimen, ut alij pertinaciter respuunt, quod alij obedienter amplectuntur? Videmus tamen interea, ut verbum quod hominis ore profertur, etsi impiorum corda non emendet, feriat tamen ipsorum conscientias, & lasciviam, instar fræni cohibeat.

Iam de scandalis, quibus secundum ordinē assignauimus, est differendū. Querūtur multi, Euāgelium discordiarū esse fontem: quia simulatque emergit, vnā surgunt cōtentiones: imo nō secus ac si classicū cecinisset, homines inter se armantur. Fatendū est sanè quod Christus pronuntiat, simul cū Euāgelio dissidia ferè & pugnas exoriri: sed qua id occasione fiat, reputandum est. Primum, si contumaciter insurgunt homines, quum eos in ordinem cogere vult Deus, qua id ratione fiat, iam prius diximus. Difficile est, ut qui sibi nimium sapiunt, dociles se Christo præbeant. Iam verò, cū affectus carnis, qui in hominibus regnant, totidē sunt quasi feroces ac indomitæ belluæ, miramur si tumultuose iugo & fræno resistāt? Atqui, nimis indigne est, cuius mal. causa in nobis reperitur, culpam in Euāgelium conferri. Nihil rectius faciunt, qui barbarum metu, & discordiarum odio, à pacis doctrina abhorrent. Tranquillū statu nihil putant esse melius. Quid ergo, si tyrānus quispiam hoc seuitia & immanitate sua cōsequutus sit, ut dum virgines matronasque ingenuas ad se rapit: dum fortunis optimū quenque spoliāt, dum iugulat trucidatque innocentes, metu omnes attoniti sileāt: anne hoc prætextu tyrānis laudem merebitur? Nunc si queritur, quonā sit pax ista, quam Euāgelij iactura redimere multi non dubitāt: hoc sanè constabit, vitiosus peruersasque religiones placidè & absque motu obtinere, quia deterrimus omnium tyrannus Sathan impudē hominibus semimortuus insultat. Tamen si quoad externam corporis seruitutem attinet, tolerari forsitan potius interdum expediat, quàm libertatis asserendæ causa, tumultum mouere, qui in cades & confusam vastitatem erumpat. Verū, ubi de æterno animæ exitio agitur, nihil tanti esse debet, ut mortiferam pacem vel appetamus, vel etiam voluntarij colamus. Quid etiam quod Filiū Dei ita imperij sui iure fraudamus? Atqui, cœlum potius terræ misceri præstaret, quàm illi minui honorē à Patre datum, nedum prorsus eripi & abdicari. Nos scilicet viuemus alieni à vitæ principe: ut pax nobis cōstet apud homines, bellum exproffso aduersus Deum suscipiemus? Ne dissidium cum improbis habere cogamur, à Christo dissidere nō recusabimus, per quem sumus vnā cum Angelis Deo reconciliati? Nimis sanè indigna merces. Nec verò Christus, cū pacatum Sathanæ regnum describit, ideo appetendum esse docet: quin potius summi beneficij loco fore hoc promittit, ut fortior cum illo confligens, iniusta illum tyrānide spoliet: nam si tam animosos cernimus, qui ambitiosè pro imperio vel libertate sua dimicāt, ut quosuis excipere motus nō dubitent: ubi barbarum procellas excitat Sathan, ad turbandum Christi regnum: quanto nos fortiori animo cōtra obniti decet? Filius in patrem insurget: pater filij vitæ non parceret: fratri insidiabi-

itur frater. An ideo sunt hæc prædicta, ut sibi ab Evangelio cauant homines, ac non potius, ut in tempore moniti, nullum ex nouitate terrorem concipiant? Neque enim cum alijs mihi negotium est, quàm qui ad fucosa pacis prætextum, Christi ipsius nomine abutiuntur. Et si me quoque non latet, turbulentos homines mouendis seditionibus, Sathanæ esse flabella, ut in Evangelij odium placidos alioqui homines inflammet. Ita nostro seculo sub Evangelij nascentis iniuria, barbaros homines armauit, qui legibus, iudicijs, & omni politia bellum ex professo indicere. Sed quum nobis minime ignotum sit eiusmodi artificium, modò pacè ex animo queramus, eam vero experimento sentiemus à Deo nobis per Evangelium offerri: ut inter homines quoque nobis constet. Ab Evangelio quidem recedere, ut seditionibus obuiam eatur, nimis peruersum est.

Iustior in speciem hæc scandali causa est, quòd simul ac publicari cœpit Evangelij doctrina: velut aperta scaturigine, multorum erupit impietas, qui religiosi antea visi fuerant. Atqui, longè æquius erat, hoc ad fidei confirmationem valere. Quum hæc Christo partes assignat Simeon, ut rete gat ex multis cordibus cogitationes: adeò nemo refragatur, ut plausibilis sit sententia. Quid ergo in re ipsa absurdi inuenitur? fingamus nunquam fuisse dictum: ut sine præiudicio æstimetur quod apparet. Quum ante annos triginta vbique vigeret religio, & in cõmunè receptumque Dei cultu, sine cõtrouersia, omnes cõsentirent, nunc impietas & Dei cõtemptus passim ebullit. Principiò, dico nihil esse miru, si tenebras lux discutiat: ita altas esse cordis humani latebras, tamque flexuosos recessus, ut abyssos propè omnes superet, iam olim prouerbio vulgatum esse. Iam, si qua in re fallax est hominum simulatio, mira erga Deum improbitate ludit, ubi minime fas erat. Huc accedit Sathanæ vafrities, quòd partim ignorantia caliginem obducens, partim Dei cultum obtegens ceremoniaru latus, miram religionis, quæ nulla est, pœnam ostendit. Hoc sub Papatu fuisse vident omnes oculati. Illic enim consciencia, quasi Circæis venenis fascinata, stupet: per longas ambages serium Dei sensum refugiunt. Nã immensu illud ceremoniaru chaos, verè laronu est spelunca: quia hypocrisis sub illis inuolucris abdit; quid vis sibi impunè licere cõfidit. Eiusmodi securitas, si vera fictæque religionis discrimen tollit, nihil mirum. Quòd si quando propius ad Deum accedere videntur, non alium in finè multum se fatigant adeoque excruciant, nisi ut interior cordis impietas, talibus remedijs delinita intus quiescat. Nunc, si illata Evangelij face profligatur hypocrisis, ac palam fit impietas, iniusta est ac peruersa, quæ inde suscipitur offensio. Olim inter profanos homines, nisi qui palam veneficus erat, & testamētarius, & periurus, & co-opertus omni flagitio, nemo habebatur deorum contēptor. Nam quum carnales sibi deos fingere, nihil facilius erat, quàm religione defungi. Atqui videmus, ut acriter in derisores inuehantur Propheta: quod proculdubio non sine grauibz causis faciunt. Ergo impietas quæ se exerebat in Dei Ecclesia, apud incredulos nulla ferè tunc apparuit. An ideo Legē & Prophetas flabella ad eam excitandā fuisse dicemus? An ideo pura religio, quæ hydrā illam in lucem protraherebat, minoris censebitur? Quinetiam in ipsa Dei Ecclesia, nō nisi post natum Isaac, Ismaelis sœmæ se proferunt. Qui antea secundus erat à sancto Abraham, repente in scelcratum gratia Dei ludibrium erupit: quo meretur à patris familia abdicari. An tale exemplum, Abraham domesticos à sancta progenie alienare debuit? Porro, quod in Isaac tenuiter fuit adumbratum, in Christo clarius exprimi oportuit: idque factu testatur Evangelij historia. Scimus enim, ex quo in mundu ipse productus fuit, quantopere efferbuerit coru insania, qui prius se religionis titulo venditabant. Quare maligna hæc facessat opinio, Ex Evangelij doctrina scaturire impietatis licentiam: quia velut è litibus in apertā lucem protrahitur. Quin potius hæc ipsum nos oblectet, Rete gi ex multorum cordibus cogitationes.

Quamquam huius rei alia quoque notanda est ratio: nempe quum oblata Evangelii gratia alii respiciunt, alii contemptum summis tantum labris gustent, alii superbe repudient, annon digna est omnium ingratitudo, de qua non mediocrem vindictam Deus exigit? Et profecto seuerè vlciscitur, quum adempto religionis sensu, in horrendam istam cecitatem eos precipitat. Quotquot ergo videmus hodie Lucianicos homines, qui totam Christi religionem subsannant: quotquot item Epicureos, qui nullo Dei metu ad quamlibet nequitiam se prostituunt: totidem sciamus à Deo nobis ante oculos poni vindictæ Dei exempla, quæ nobis Evangelii dignitatem pretiumque commendent. Paulus meritò in reprobum sensum, & sceleratas probrisque plenas cupiditates coniectos fuisse dicit, qui Dei notitiam, qualis ex solo mundi aspectu concipi potest, iniuste suppresserant: ut qui Deum fraudauerant suo honore, extrema ignominia subiecti, iustam reciperent ingratitudinis suæ mercedem. Quò indignius est sacrilegium Evangelii contemptus, non mirum est, si atrocior de ipso nunc sumitur vindicta. Quid enim? An qui scintillas in mundi fabrica emicantes suæ sucordia extinguere passi sunt, iure plexos esse fatebimur: qui autem plenum gloriæ Dei fulgorem, qui in Evangelio lucet, destituta malitia obruunt & extinguunt, eos vellemus impune Deo illudere? Quid si Deum contemptæ, vel abiectæ suæ gratiæ, seuerum esse vindicem plusquam æquum est, cur eius vindictæ, quæ in primis laudanda est, exempla cernentes offendimur? Imo potius decebat, ut iam dixi, sicuti hoc modo Evangelii maiestatem asserit Deus: ita eius reuerentiam in animis nostris sanciri. Evangelium, quo se nobis in Filii persona offert ac donat, quomodo satis dignè excipi potest? Atqui, incomparabilem hunc thesaurum vulgari honore multi vix dignantur: alii abiciunt ad pedes, alii vanis mundi deliciis securè posthabent: multi etiam tanquam aliquod ludicrum, iocose ad profanam oblectationem conuertunt. Quid postea sequitur? Quum aliqua saltem religio eorum animis insideret, nunc cum in morem, aduersus eum latrant. Atque hoc quidè acumine sibi placent, imò semidei videntur, quòd nubibus oppedere non dubitant. At verò, si prodigiosa est hominis in pecudem conuersio, eò magis sunt deplorandi, quòd nullo mali sui dolore tanguntur. Papistarum ineptias lepidè vident, sed ipsi indigni sunt, qui vnquam ad Papisinum reuertantur. Neque enim vulgares eorum exitus esse conuenit, quibus & sacer Christi sanguis, & æterna Dei veritas, & lux vitæ, partim risui fuerunt: partim contemptui. Et certè, qui nunc passim regnat Evangelii contemptus, certum est belluinæ cuiusdam vitæ presagium: nam, quum hoc extremum sit curandis hominum vitiis remedium, ubi Dominus cum Evangelio suo affulget, quibus nihil prodest remedium hoc, eos esse incurabiles constat. Qui verò medicum scientes ac volentes aut eludunt, aut procul abigunt, vltro sibi quasvis accersunt mortes. Ut caput hoc concludam, quibus atrox malum, ut est, censetur impietas, hi ex hac grauitate pœnæ, quam indignè Evangelii sui contemptum ferat Dominus, æstimant: atque hoc documento in eius fide & obedientia confirmantur. Agrippam, Villanouanum, Doletum, & similes vulgò notum est tanquam Cyclopas quospiam Evangelium semper fastuose spreuisse. Tandem eò prolapsi sunt amentia & furoris, ut non modò in Filium Dei execrabiles blasphemias euomerent, sed quantum ad animæ vitam attinet, nihil à canibus & porcis putarent se differre. Alii (ut Rabelaysus, Deperius, & Goueanus) gustato Evangelio, eadem cecitate sunt percussi. Cur istud? nisi quia sacrum illud vitæ æternæ pignus, sacrilega ludendi aut videndi audacia antè profanarant? Paucos nomino. Quicumque eiusdem sunt farinae, eos sciamus nobis à Domino in exemplum quasi digito monstrari, ut sollicitè in vocationis nostræ stadio pergamus, ne quid simile nobis contingat.

Porrò, quia non lapsu tantum suo vel precipitio, infirmos offendunt perditique isti homines

nes, sed impietatis suæ venenum huc illuc profundunt, ut atheismo orbē repleant: huc quoque scandalo obuiā eundū est. Idque facit Spiritus, dū vēturos admonet illusores, qui spem nostram sannis exagitant: sed idē pronuntiat animas instabiles, eorum illecebris fore obnoxias. Ergo ut simus extra periculum, colligenda est in Christo firmitas. Sollemnis mos est in puris istis canibus, quō plus ad ructandas blasphemias licentiæ habeāt, scurrilem personam agere. Ita in conuiuijs & sermonibus suauiter iocādo, omnia religionis principia cōuellunt. Ac primū quidem obliquis facetijs se insinuant. Hic tamen finis est, ut omnē Dei timorem oblitterent ex animis hominum. Nam eō tandem perrumpunt, religiones omnes ex hominum cerebro natas esse: Deum esse, qui sic credere libeat: futuræ vitæ spem lactādis simplicibus inuentam esse: metum iudiciū, puerile esse terribilamentum. Hæ quidem Sirenium voces, deliniendus multorum auribus nimis sunt appositæ: sed quas iā suis pruritus titillat. Nam quosdam videmus, adeo cupidē quæ ad tollendum pietatis sensum faciunt, captare & venari, ut vixdum percepto paucorū verborum sonitu, repentiē ab æterna & inflexibili Dei veritate desciscant. Et sanē, quisquis vel modicē in Scripturis sacris versatus erit, legē alibi quā in opinione fundatam esse fidem nostram expertus, non ita facile nutabit. Qui verō insculptū in cordibus Spiritus sigillum gerunt, multum abest quin machinis istis impetiti, concidant. Sed hoc est scilicet quod dicit Paulus, Naufragium facere homines in fide, postquam à bona conscientia exciderunt. Quod significat & hanc esse rectæ intelligentiæ custodem: nec minū esse si nihil firmum habeāt, qui inter varias cupiditātū procellas fluctuatur. Itaque nō est quod nos turbet. Atheismus, qui nunc cum in toto mūdo passim grassatur, tum verō in regum & principū aulis, in tribunalibus, in splendidis alijs vitæ generibus præcipuē regnat. Nā si rerū peritos interrogē, adeoque eos ipsos, qui se expedire ab hac rētatione nequeunt, quotusquisque illic bonæ conscientiæ hospitium concedat: in præprie erit responsū, eam procul exulare. Quid ergo miramur illud fidei naufragium, quod Paulus necessariō sequi docet? Porro, si tam sedulō recōditam in arcis pecuniam seruant, quotquot aliquo eius amore tanguntur: qui nullo timoris Dei præsidio munitus, vtrō se in prædā exponit, quid excusationis obrendet, si cœlesti fidei thesauro spoliatur? Præsertim quum nihil tam exiiale esse nouerimus, quā istas impiorum tendiculas. Neque enim quod ab illis instat periculum, extenuare in animo est: quin potius moneo & testificor, nullos tam esse veneficos serpentum afflatus. Verū, eō magis ad cauendum, vigilantes ac sollicitos esse nos decebat. Interea ab hac quauis pestifera contagione, immunes fore dico quicumque solidas in Christo radices agere nō neglexerint. Neque verō hoc meum, sed Pauli dictum est: Crescendum esse in Christi notitia, donec adolescamus in virum perfectum: ne simus amplius obnoxij hominum versutiæ, qui nos circumuenire tentant. Simul tamen altera Pauli exhortatio audienda: quando hac lege desponsi sumus Filio Dei, ut integram illi seruemus cōiugij fidem, in primis cauendum esse, ne suis lenocinijs nos corrumpat Sathan: nam si aliquod iam impudiciæ signum dedisse videtur, quæ lenonis illecebris aurem præbuit mulier: parum castas esse animas apparet, quibus ad perfidam defectionem sollicitari dulce est.

Non absimilis est errorum omnium ratio. Labasci multorum fides: alij etiā prorsus ab Euangelio desciscunt, quia erroris segetē esse conijciunt. Quasi verō à terræ cultura & satione quisquā abhorreat, quia purum semen in lolium sape degenexat. Ne quem percelleret rei nouitas, admonuit Christus hoc futurum. Tametsi enim hypocritas illic Zizanys comparat, tritico veros ac germanos Dei filios: hanc tamen v̄sitatā Sathanae fraudem esse ostēdit, corrūpere quibuscūque potest modis & vitare cœlestē Dei semen, ne ad frugē perueniat. Mundū instar deserti & inculti agri scimus diu inuasisse sterile: nunc Euāgelij doctrinam

seminavit Deus per suos ministros. Miramur, si Sathan quasunque potest errorum corruptelas misceat? Et quæ non statim à primo Evangelij exortu falsorū dogmatum plaustra inuexit? Omitto innumeram multitudinem. Sed Valētini, Montani, & Manichæorum delirij quid magis prodigiosum fingi potest? Perquàm verò ridiculū est, eos qui Euāgelij lucem tam densis tenebris nō fuisse extinctā, miraculi loco ducunt, vim eius contra tot machinas stetit inuictam cum plusu audiunt, quia nūc quoque mendacij tenebras offundat Sathan, Evangelij doctrinā inensos reddi. Verūm, quia ad hunc scopulū varijs modis impingitur, breuiter ostendā nullam esse offensionis speciē, in qua non sponte vel socordia, vel alio proprio vitio singuli incurrant. Qui simpliciter vnum hoc obediunt, sectas ex Euāgelij doctrina pullulare, hi partim qualēcunque prætextum captant, partim nimia leuitate mali causam in Euangelium transcribunt, quæ alibi residet. Quisquis aperire oculos dignabitur, Euangelium perspiciet nō modò puram ac liquidam esse Dei veritatem, sed optimū sanctæ unitatis vinculum. Nunc si contrā insurgit Sathan, vt hanc lucem errorum nebulis obscuraret, ac unitatem laceret, in quam coalescunt Filij Dei, officiū ille suum facit. Est enim & mendacij pater, & dissidiorum omnium author atque artifex. Nostrium ergo erat eò intentius in querenda veritate laborare, inuentam constantius amplecti. Non modò abstineret isti ab omni eiusmodi studio, ac refugiant: sed hunc defensionis clypeum opponunt Deo, ne obedire eius imperio cogantur. Alij tamen si data opera non querunt quomodo repudient sanam doctrinam, quum tamen leui occasionis aura perciti resiliunt, nihil habent iustæ excusationis. At verò non abs re timent, ne si incerti quò eundum sit, flexibiles se præbeant, sua hac facilitate implicentur errorum laqueis. Est hoc quidē aliquid, sed eius periculi alia melior erat cautio: nempe, vt se pia humilitate, modestia, sobrietate, reuerentia, Deo subijcerent. Neque enim frustra promissit Christus, pulsantibus ianuam apertum iri. Nec frustra spiritu iudicij & discretionis à Patre donatus est. Non frustra etiam per os Iesaiæ promittit Dominus pædagogum se fore populo suo, qui ad regēdos eius gradus à tergo præsto sit. Denique, non fallendi nec frustrandi causa, viam vitæ nobis in verbo suo monstrari pronuntiat. Vnde apparet bonam hominum partem hoc ipsum ingeniosè appetere, vt contemptis remedijs in suo malo torpeat.

Quod autem multos videmus, hoc vel illo errore captos, à recta via abduci, nunquam nisi iusta Dei vindicta, accidit. Primum verè Augustinus superbiam nominat hæreseon omnium matrem: nullus enim unquā extitit erroris magister, quem nō praua ambitio in suum præcipitiū extulerit. Scimus Deum paruulus fidū esse doctorem. Scimus Christum humiles ac mansuetos ad se vocare, vt eos habeat discipulos. Proinde qui arrogantia turgent, eos non mirum est ab hac schola pulsos, vagis suis speculationibus sursum ac deorsum raptari. Quotquot hac nostra ætate à pura Evangelij doctrina prolapsi, falsorum dogmatum cœperunt esse authores, reperiemus omnes superbiæ morbo correptos, ingenij tormenta sibi & alijs fabricasse. Pro multis vnum Serueti exemplum sufficiat. Is enim Lusitanico fastu inflatus, magis etiā nimium propria arrogantia turgens, hanc sibi comparandi nominis rationem optimam esse statuit, si omnia religionis principia conuelleret. Quicquid ergo de tribus in Deo personis olim ab ipso Apostolorum seculo traditum à Patribus, & continua ætatum serie ab omnibus pijs receptum fuit, non modò tanquam insulsum repudiat, sed plusquam atrocibus conuiitijs exagitat ac pro scindit. Iam canina illa mordendi latrandique rabies, quam ebulliūt omnes scriptorum eius pagina, satis testatur, qualis hominem spiritus instiget. Ad rem verò si venias, clarè perspicies, ieiuna inanis gloriæ siti accensum, absurdissima quæque deliria cupide hausisse, quibus se inebriaret. Sermone

Dei

Dei non prius fuisse imaginatur, quam dum Moises Deum in mundi creatione loquentem inducit. Quæsi verò tunc demum esse cœperit, quum exeruit tantam suam virtutem: ac non potius æterna sue essentia specimē ediderit. Christi carnem sic deificat, ut veritate humanæ naturæ abolita, diuinitatem, quæ si iritualet, pasabilem fingat. Et tamen Deum plenis buccis Christum vocando, umbratile nescio quod spectrum nobis comminiscitur: utpote, qui ab initio Platonica duntaxat idea fuerit: nec alio iure sit filius Dei, nisi quod in utero Virginis ex Spiritu sancto cōceptus est. Interim multa speculationum plausura congerit, quæ ad eò nihil habent coloris, ut faciliè sano cuius homini constet, non nisi cæco sui amore fascinatam, posse ita desipere. Quod si protinus ut emerisset Dei veritas, superba ingenia tum sua ambitio sollicitat, tum etiam Sathan impellit, ut illi in prauis cōmentis & fanaticis opinio nibus, vel obsecurent, vel peruertant, non est cur nos tanquam re insolita turbari oporteat. Quare, ut superbiam prius diximus omnium hæreseon matrem esse: ita eorum vanitas, qui se talibus magistris discipulos adiungunt, ad eas fouendas perpetua est nurix. Quoties si argitur error aliquis à Pseud-propheta, Moises tentari nos dicit, an Dominum ex corde amemus. Quorsum id, nisi ut sciamus non alios abduci à pura doctrina, quam qui pietatem falsa professione mentiebantur? fidem verò firmis radicibus fixam ad eò machinæ ista non eueriunt, ut potius eius firmitudinem illustrent: quemadmodum Paulus grassantibus in Ecclesia sectis, eos, qui probati sunt, manifestos reddi scribit. Quò minus mirū est, prout afflauit aliquis nouæ sectæ ventus, plurimos huc illuc dilabi, quum paucissimi infixum in animis Dei timorem habeant. Tantum abest, ut nos cum multitudine titubare deceat.

Proteruendi ansam ex Euangelio arripere, iam olim multis vsitatum fuit. Non abs re toties Apostoli, ne in licentiam carnis vertatur libertas, de ea moderanda præcipiunt. Semper enim caro, vel minima occasio ne oblata, statim exultat. Atque ut dura est, & humano ingerio cōtraria seruitus lona pars, quouis modo iugum excutiat, beatam vitam in eo sitam arbitratur. Hoc prætextu ol serui, quasi Euangelij præconio ad pileum vocati essent, contumacia efferebantur: alij Regum & magistratuum subiectione se eximebant. Similiter hodie per multi infima fertis homines, gustato Euangelio, insolenter se iactant: famuli altos ferocesque si iritus induunt: complures pudoris ac modestiæ obliui, sibi quidvis arrogant. Sed hec pessimum, quod se ab ipso Dei obsequio plerique non secus emencipant, ac si nos ad patrem in filios patrium omne ius & imperium sibi abrogaret. Fœda sanè prauitas, & quæ sua indignitate grauiter vulnerare possit pios omnes animos. Verum vrat nos potius Dei iniuriæ, quam à nobis displicetur. Audimus quid de Christi mansuetudine testatus sit Iesaias. Audimus quid de se ipse Christus prædicet: Discite à me inquit, quia mitis sum & humilis corde. Et hæc de causa, quemadmodum Paulus admonet, quum esset in forma Dei, seipsum exinaniuit, ut ab eo submissionem omnes discamus. Cum ex cælesti maiestatis suæ filio huc usque descenderit Dei filius, ut carne nostra indutus, non serui conditionem modo, sed extremam crucis ignominiam subiret: quem nostrum cristus erigere non pudebit, ut aliquid simus vel esse videamur? Qui summis opibus & honoribus excellunt, eos, ut se ad Magistri exemplum conferrent, necesse est, tanquam magnitudinis suæ oblitos, ad humiles descendere. Iusquam igitur præpostera humilium arrogantia erit, si altos efflare si iritus, Euangelij prætextu incipiant. Neque enim iure suo magni cedere iubentur, ut abiecti aliqui homines ius alienum usurpent. Caterum, hæc doctrina non modò singulis officij sui legem præscribit, sed nobis quoque castigationes suppeditat, quæ ferocientium proteruiam retundat: interea mali huius inuidiam & crimen auertit ab Euangelio. Fieri quidem vix potest, ubi miseri homines, nullis opibus, nulla auctoritate, nullo ingenio, nulla dignitate freti, simulac:

garrire de Euangelio didicerunt, se fistulas ingerunt, non sive aliorum contemptu: quin stomachum tanta indignitas ingenuus & cordatus hominibus moueat. Quamquam adeo ridicula est bonæ partis stultitia, ut pudore & misericordia potius nos afficere, quam bilem nobis prouocare debeat. Demus tamen esse, quod nos valde offendant: an nostra aduersus stolidam superbiam indignatio, in ipsum omnis modestiæ authorem incurret?

Ecce ex altera parte multos, Euangelij professionem dissoluta turpique vita, quantum in se est, foedantes. Vnde affine proximo scandalum nascitur. Et certe cum nos, sanctè honestèque viuendo, Euangelium ornare Paulus testatur, qui sibi male viuendi licentiam indulgent, totidem sunt Christianismi probra & maculæ. Nec verò dubium est, quin horrenda eiusmodi omnes Dei vltio maneat, qui peruersis suis moribus, pietatis doctrinam infamant, & sacrum Dei nomen ludibrio exponunt. Sentient olim quàm intolerabile sit crimen, sanctum Euangelij thesaurum profanasse: quàm non frustra dictum sit, non impune laturos qui Dei nomine abusi fuerint. Sentient quàm pretiosa sint Deo animæ, quibus salutis viam malo suo exemplo præcludunt. Primum, nimia est ista improbitas: Deum, quem factis abnegant, ore confiteri, sicut Paulus dicit: ut cælestis sapientiæ discipuli appareant: quum tota vita manifestum Dei contemptum arguat. Sed hæc plusquam sacrilega impietas, Euangelio ad scelerum prætextum abuti. Loguor de artificio iam vulgari, quo se perfidi & nequam homines, ad fallendum, fraudandū, modisque omnibus nocendum insinuant. Vidi olim, quos lenocinii suis impurisque pactionibus non pudebat Euangelij vmbra obtendere. Alij qui minus sunt scelerari, dissolute tamen viuendo, & Ecclesiam polluant vitiorum suorum sordibus, & Euangelio maculam aspergunt. Iam illud quidem miserum est ac dolendum, non modò imputari sanctitatis doctrinæ hominum flagitia, sed in eorum persona calumniose eam traduci. Sed aliud est Ecclesiæ vlcus magis deplendum: quod pastores, ipsi, inquam, pastores, qui suegestum, hoc est sacrum Christi tribunal ea lege conscendunt, ut vitæ puritate præ alijs omnibus excellent, interdum sunt turpissima vel nequitia, vel malorum aliorum exempla. Ita fit, ut nihilo plus fidei ac grauitatis obtineant eorum conciones, quàm si fabulam in scena ageret histrio. Et tales scilicet contemptui se esse apud plebem, aut etiam ludibrij causa digito se monstrari conueruntur. Ego autem potius vulgi miror patientiam, quod non eos luto & stercorebus mulieres ac pueri operiunt. Ministerij dignitatem extollunt plenis buccis: at illis non venit in mentem, ideo non haberi suum ministerio honorem, quia ipsum suam turpitudine conspurcant. Nam sicuti verè olim à quodam dictum est, Ut ameris, amabilis esto: ita morum grauitate & sanctimonia reuerentiam sibi acquirant oportet, qui in pretio haberi volūt. Atque utinā tali hominum colluue exonerari purgarique posset Ecclesia. Sed longè aliter vti plurimum contingit. Nam quum se meritò contemptibiles esse norint, mala conscientia libertatem illis adimit. Denique, quum propter inhonestam vitam probra, sentiant omnibus se obnoxios, vel pudore metuque retenti, hiscere non audent, quoties seuerè exigendum foret, quod ipsi minimè præstant: vel parcere delinquentibus coguntur & adulari. Adde, quod ignaui sunt vètres, qui ut molestia omni valere iussa, otio deliciisque suis cōsulant, calumpniari sint terræ misceri. Eorum etiam nonnulli, virtutum odio suis peragere & aliorum vitijs libenter indulgent. Populus autem ut gratiam referat, eos amare solos, amplectitur, fouet: atque ut suis delictis patronos habeat, suo patrocinio tuetur. Interea tamen non desinit scandalum sibi ex corrupta pastorum vita obijcere, ne ad Christum accedat. Nihil id quidem peruerse & impudenter sed neque excusatione dignus quispiam, quæ à Christi accessu arcebunt hominum peccata. Nihil scilicet magis, quàm si quis ex fonte bibere recuset, quia sentibus & spinetis dicat esse obsepum: quum tamen obstacula transcendere,

nec

nec magno labore, & sine periculo liceat. Quia nonnullos Euangelium in ore habentes, se levatè aut nequiter vivere conspiciunt. En, inquiunt, Euangelium. Quare rectius cum dolore agnoscerent, grauem fieri Deo iniuriam, quum doctrina vita tam malè respondet? Si nebula terris caliginem obducunt: nemo tam insanus est aut improbus, ut solem propterea caliginosum vocet. Atqui, inter Solis & Euangelij claritatè plurimū interest. Nam quum illū obscurant nebulae: facere non potest hominum prauitas, quin perluceat sanæ piæque doctrinae splendor, quo vita nostra, absterfis tenebris, in veram iustitiam reformatur. Ergo solem, etiam dum absconditus latet, fatebimur esse lucidum: conspicuam Euangelij lucem, & in ea refulgentem Christi gloriam quum cernamus, oculos nobis hominum peccata, qualiacunque tandem sunt, perstringent?

Quantum ad duces ipsos spectat, iam nouerat Christus in ignominiam doctrina maximè redundare, si turpiter viuunt. Ut hoc scandalum auertat, hortatur ad seruandum quod iubent, etiam si ne minimo quidem digito attingant onera, quæ aliorum imponunt humeris. Scribarum tunc munus erat, populum instituere in lege Dei: illi autem quum in cathedra, diuinæ essent Legis interpretes, & mihi & in foro pleni erant si audibus, superbia, crudelitate, periurijs: libidinose quidvis audebant. Vult nihilominus Christus, suam Dei verbo auctoritatem intactam manere. Non fuit hæc seculi vnius propria admonitio: quin potius hodie quoque vox celestis auribus nostris in clamat, utcunque vitam professioni suæ minus consentaneam agant pastores: perperam tamen fieri, si quid hac causa Euangelio detrahatur. Ut certè nimis indignum est, quam Deus præscribit bene viuendi regulam, peruersa hominum vita metiri. Reddent illi quidem et quando rationem, ac sentient illud non è nihilo fuisse denuntiatum: Satiùs nunc fore homini, sus pensa à collo mola, demergi in profundum maris, quam si vnum quem libet ex minimis offendant. Nostrum tamen interea est, ea quam Dominus sternit, via, ad metam properare.

Scandalum tamen hac in parte duplicatur, ubi ad scelerum indignitatem priuatum damnum accedit. Alij benignè hospitio excepti, vel furto onusti clam abeunt, vel alijs modis hospites defraudant, vel sollicitat ad stuprum ancillas, ac interdum etiam vxores tentare audent. Alij ad captandum miri artifices pudatos relinquunt, quibus aureos montes pollebantur. Alij in mutuo fallunt: alij abnuunt depositum: alij in societate perfidi. Alij quam elemosinæ nomine pecuniam à bonis frugique hominibus abstulerunt, vel in scortationem cōsumunt, vel in aleam, vel profusos alios luxus. Alij quod ad viuandam eorum industriam mutuo datum fuerat, audacter in otio heluantur. Atque ad hæc flagitia nonnulli se cias habent vxores. Alij sacrosanctum coniugij vinculum, deceptis vxoribus, & abiectis liberis, violare non dubitant. Plura sunt eiusmodi facinorum exempla, quàm quibus recitandus brevis catalogus sufficiat. Fieri certè non potest, quin graue acerbique ingenuis animis vulnus infligat istorum hominum perfidia. Præsertim verò cōsternari bonos viros necesse est, qui quum terue haberent peculium, se Euangelij prætextu, non secus ac si in prædonum manus incidissent, spoliatos se vident, atque ad inopiam redactos. Atque hoc inter duriora nostra exercitia memorandum est, quod videre cogimur, qui sic impunè Euangelio illudant. Verum, si meritiò prohibet Deus per os Pauli, ne multos ingratos & prauos experti, tamen benefacendo fatigemur: idque facit, ne cui probo & egenti desint nostra officia: quantum diligentius cauendum, ne hominum peruersitas eò nos morositate adducat, ut simus erga Deum ingrati & impij. Quemadmodum igitur acriter vigilare nos decet, ne eiusmodi nebulonibus aperta sit ianua ad nocendum, obuiam eundum illorum insidijs: danda opera, quantum in nobis est, ut per magistratus seuerè vindicetur fraudes & maleficia: ut quibus ludibrio est vox Do-

mini, quique Ecclesiam contumeliose subsannant, carnificem, ut digni sunt, habeant magistrum. & furcas, scholam: ita rursus aliquando diligentius cauenda sunt Sathanae insidiae, ne obiecta caduceae pecuniae iactura, caelestē nobis thesaurum excutiat. Nam & id molitur, & nobis longē magis exitiale est. Quisquis spem habet in Christo, inquit Iohannes, se ipsum sanctificat. Ad hanc sanctitatem qui non aspirant, quum sciamus eos falso Christinae men obtendere, quid est cur nos sua prauitate impediunt ac morētur? Est quidem panis vitae Euangelium: sed multum abest, quin ab omnibus concoquatur: quum ex multis, qui auide illud deglutire videntur, paucius gustum percipiāt. Denique, quando arex Christus Ecclesiam suam comparat, ubi sic palea mixtum est triticum, ut sub ea obrutum magna ex parte lateat, non extraneos facit palea similes, sed qui falsa Euangelij professione, locū inter pios occupant. Quorum etiam testatus foret, se multos ultimo die non agniturum, qui & praecones se fuisse Euangelij iactabunt, & miracula à se edita obijcient: nisi quia seculis omnibus talis aliquos extare necesse est? Fit etiam interdum, ut qui Deum aliqui ex animo timent, vel saltem non omnino sunt reprobi, in fœdum aliquod facinus prolapsi, & se, & quam sequuntur puram religionē, de decore afficiant. Quantum fuit illud Davidis flagitium, quum suae libidini indulgens, ut alienam uxorem raperet, non modò vnius hominis de se bene meriti innoxium fudit sanguinem, sed totum Dei populum, quantum in se erat, exitio tradidit? Si colligere huius generis scandala libeat, quae heroicis homines concutere poterant, quae domus suae vidit scelerum potentia sanctus patriarcha Iacob? Postquam eius filiae vis est allata: Simeon & Levi non minus barbara scuitia, quàm nefanda prodatione Sichinitas trucidant. Cædus imbuti eius filij, in fratricidium conspiciunt. Accedit tandem ad malorum cumulum incestus primogeniti cum nouerca concubitus. Et tamen in una domo, tunc inclusa erat Dei Ecclesia. Arcitanda pluribus exemplis abstineo. Hodie verò pauca scandala lyceis oculis disquirent nonnulli, ne quid cum tota Dei Ecclesia, quaquaersum patet, commune habeant. Vno hoc exemplo contentus sum lectores monuisse: fidem nimis fore instabilem, si ad singulos hominum ruinas subinde labascant. Interea illud tenendum est axioma: Certo Dei consilio fieri, ut semper bonis mali permixti sint. Hoc modo tum fidei probatur constantia, tum ad patientiam exercemur, tum accenditur precandi studium, tum spirituum punctiones ad caute prudenterque ambulandum nos sollicitant, tum mundi contemptus oboritur, & vna cum migrandi desiderio, caelestis vitae meditatio crescit. Quòd si causa lateat, his tamen exercitijs constare sciamus militiae nostrae partē, quae toto vitae curriculo nobis colenda est.

Multum etiam nocet, quae vulgò cernitur in plerisque lenitas. Quā principio mirum feruorem ostendent, ita mox euanesceit flamma illa, ut ex stupa ortam fuisse dicis. Alij tamen si propositi sunt aliquosque tenaces, paulatim tamen frigescunt. Quod partim ex vanitate, partim ex ingratia, partim ex terrenis curis provenit, id poenitentiae assignant imperiti. Ergo ipsi quoque, ne serò poeniteat longius esse progressos, maturè resiliunt. Si quis mortis aut persecutionum metu territi (quod multis, prohi dolor, accidit) ab Euangelio deficiunt, ex eorū inconstantia scandali materia struitur. Fœdus quidem eorum lapsus. Verum, utcumque Christum negemus omnes, an se ipsum propterea negabit? Imò integer ac sui perpetuò similis nihilominus manebit: ut Paulus etiam admonet. Longè aliter nos talibus exemplis percelli decuerat: nempe, ut infirmitatis nostrae admoniti, scilicet è cauermus, ne idem nobis accideret. Postquam Iudeos à Dei gratia excidisse narrauit Paulus, sic formidabilem esse ostendit eorum casum, ut alios ad cauendum horretur atque animet. Ergo si quorum acui sollicitudo debebat, totis populis ab Euangelio desciscitibus, eos vnius aut alterius hominis defectio exanimat, quis non culpam peruerso eorum iudicio assignet? Neque tamē eorum crimen exte

nuare consilium est, qui infirmis animas, quantum in se est, labefaciunt. Tantum monitos velim, qui alijs cadentibus vacillant, quam maligna sit ista cōsternatio. Negavit ille Christū. Quis putasset? Ille Euangelio vale dixit, quem omnes rupe firmiorem credebant. Ille iam tepet: alter glacie frigidior, quum ad miraculum vsque feruere visi sunt. Atqui non reputāt, qui sic loquūtur, ideo frangī alios mortis terrore, quia solidam vitæ futuræ spem non alii conceperint: alios torpere, quia in illis Spiritus ardorem inanes mundi curæ suffocant. Quid autē morborum contagionem ab alijs ad nos sponte accersere iuuat, quū in promptu sit remedium, modo ne respuatur? Cur nō potius in illa tam salubri Pauli admonitione acquiescunt? Nam quum de Hymenæo & Phileto loquutus esset, quorum lapsus magnam trepidationem incutere poterat omnibus pijs: statim quod ad eos fulciendos valcat, subiicit: *Maret sigillum hoc: Nouit Dominus qui sui sint.* Ergo ab iniquitate discedat, quisquis inuocat nomen Domini. Quum noti & celebres fuissent illi duo: fieri nō posse videt Paulus, quin alios suo præcipitio saltē ad nutandum impellant. Electos tamen hortatur, vt securē in Dei tutelam recubant: ac periculum esse negat, ne insculpta ab ipso salutis nota vnquam deleatur. Interea, ne quis ficta inuocatione profinet sacrum Dei nomen, admonet. Vidit & Ioannes hoc scandalū ab ijs scilicet, qui impia doctrinæ venenum spargendo, Ecclesiæ tunc vehemēter nocebāt. Sed dum id fieri testatur, vt palam sit non esse omnes ex piorum cœtu, qui nomen sibi arrogant, eius scandali, quod nonnullos impedire poterat, superandi rationē simul ostendit. Quid Alexander fuber ærarius? quum ex nobili Christi discipulo, transfuga, & deinde infestissimus hostis factus esset, annon alijs in exēplum proponitur? Quid Demas? quum hoc seculū amplexus, turpiter Euangelium deseruit, an reliquos in eundem secum labyrinthum debuit trahere? Quum alibi se Paulus ab omnibus destitutum fuisse cōmemorat, an alijs Euangelij prodendi concedit licentiam? Quum se à Phygelo, Hermogene, Asiaticisque omnibus conqueritur fuisse reiectum, an alijs tam sceleratæ discessionis fenestram aperit? Quin potius talibus documentis expergefunt pijs omnes, ne obnoxia sit Sathanae insidijs eorum securitas. Perpetuum illud diuinæ electionis signum, loco clypei sic cōtra omnes insultus iubentur opponere, vt fidem quoque bona conscientia obsignent. Quoniam mihi cum ijs hominibus est negotium, qui Christiani censeferi volunt, ne sermo hac de re lōgius sit protrahendus, duas Pauli ad Timotheum Epistolas legant, quæ sedandis, vt arbitror, eorum animis abundē sufficiunt, nisi fortē data opera vel secum tumultuari appetunt: vel sponte inanes à Christo deficiendi captant prætextus. Et certē apud sanos & prudentes hoc vnum sustinendæ fidei par erit, perperam fieri, si æternam Dei veritatē, fluxa hominum inconstantia metimur. Sed qui tam ingeniosi sunt ad captandā ex malis exēplis peccandi veniā, cur non tot mirifica inuictæ constantiæ documenta obseruant, quæ inter quasvis tentationum procellas fidem meritō stabilire possent? Vidit hæc nostra ætas bonam martyrum copiam alacriter & intrepidē ad mortē pergere. Nec virorū modo fuit hæc gloria: sed in muliebri quoque sexu plusquā virile robur Deus ostendit. Nullas certē cordatas mulieres celebrant veteres historiæ, quibus non respondeāt, quas à decem annis protulit Flandria & Artesii comitatus. Ergone perfida quorundam desertio fidem nostrā euertet? Sacer ille sanguis, cuius singulæ guttæ totide impijs cordibus sunt sigilla, euanesce sine pretio & virtute? Quod si illis tam vilis est, non erit tamen apud Deum inglorius. Nec verò impunē illis cedit, sponte se miseris Christi desertoribus addidisse ruinæ comites: eos verò neglexisse, qui porrecta manu ad cælum nos vocant.

Veni ad obstaculū illud, quod nostro tēpore multos à propiore Christi accessu prohibuit. Nam primarios renascentis Euangelij doctores, non modo contrarijs opinionibus in-

ter se dissidere, sed acriter etiam configere viderunt. Hic animos subiit dubitatio, quantum fidei habendum foret, inter primordia dissentientibus. Metus etiam subiit, ne remere prosilirent, unde pedem referre non liceret. Praesertim infelix illa de Sacramentis contentio, dici vix potest, quam multorum animos turbavit. Quam singulare hoc fuerit Sathana artificium, ad iniiciendam timidus conscientijs remorari, ipse meo malo sum expertus. Verum, ut me propria magis culpa impeditum fuisse postea sensi, quam iusta causa retentum: ita de omnibus idem pronuntiare non vereor. In eiusmodi quidem dissidijs esse fateor, quod iam aliquantum confirmatos, nedum rudes & nouitios percellat: sed colligendos esse animos dico, ut ad eum nihilominus venire pergant, qui nunquam frustra quaeritur. Neque enim falsè di causa promisit, apertum iri si pultemus: datum iri, si petamus. Qui se dissensionum, quas in parte nostra viderunt, odio, in Papatus doctrina retineri iactant, ijs nullus est excusationis color. De re plusquam nota loquor. Nullum est religionis caput, de quo non illic Theologastri quotidie certent. Ut contrariae sint opiniones, quam odiose alij alios nunc perstringant, nunc exagitent, testes sunt eorum libri. Imò diuersas sectas profiteri, sibi gloriosum esse ducunt. Ergo bonos istos viros innumerae Papistarum rixae & pugnae nihil offendunt: vnica inter nos dissensio sic eos vulnerat, ut ab vniuersa doctrina protinus abhorreant. Vna quidem in re nimium concordēs sunt Papistae, quod certatim omnes aduersus Euangelium blaterant, quod impias suas superstitiones non minus clamose quam peruicaciter tuentur. Verum, ad se reuersi, nihil quam rauca cōfusaque garrulitate sibi inuicem obstrepuunt. Scio equidem tam perditae frontis esse monachos, & eiusdem farinae blaterones, ut plebeculam hoc maxime nomine à capiēdo Euangelij gustu deterreant, quia inter nos non bene conueniat. Quasi verò intestinis eorum certaminibus nec resonent scholarum parietes. Quasi non omnes eorum libri, ut dictum est, pugnantibus sententijs referti sint. Eos tamen, quibus deplorata improbitas, summa est virtus, ita petulanter agere non miror. Verum, qui fit, ut oculati homines quibus nihil eorum quae dico, ignotum est, eiusmodi se argumento moueri simulent? Annon hoc est, lucem ex professio fugere? Et in eo suam sapientiam venditant, quod se non implicent periculosis dissidijs: alios verò qui salutis viam nihilominus audent inquirere, quasi parum cautos derident. Ego verò, quia melius non video remedium, quam ut contemptu, eorum superbia corrigatur: ad simplices me conuerto, qui sibi ruditatis suae conscij, ab inquirenda veritatis studio abstinere malunt, quam errandi periculum subire. Quum hinc Lutherus, inde Oecolampadius & Zuinglius restituendo Christi regno strenuam operam nauarent, infelix illud de sacra Domini Coena certamen subortum est, in cuius societate plerique alij sunt pertracti. Ab isto summorum ducum conflictu, trepidationem ad tyrones peruenire magis dolendum est, quam mirandū. Monēdi tamen sunt ipsi quoque tyrones, ne ultra modum turbentur, hanc esse vetustam Sathanae vafritiem, cordatos aliqui Dei seruos ad mutuam contentionem rapere, quod retardet sanae doctrinae cursum. Quis Sathanae insidijs ultro cedere velit? Sic Pauli cum Barnaba dissidium vsque ad paroxysmum processit. Sic eiusdem Pauli cum Petro dissensio in manifestum conflictum erupit. In illis tribus agnoscunt omnes quod dixi Sathanae stratagema: in praesenti negotio, ubi salus sua vertitur, cur cecutiunt? Excipiet quisquam, non fuisse illas de doctrina concertationes. Quid? An quum Moisaicae Legis ceremonias quidam vrgerent, non veniebat in quaestionem doctrina? Atqui, eorūque perductum est scisma, ut Ecclesias ferè omnes scinderet. An eius perturbationis causa Euangelium reijci, & quum fuisse dicent? Lutherum & eos quibuscum dissensit, cordatos fuisse homines, & singularibus Dei donis ornatos constat. In tota pietatis summa mirabilis fuit eorū consensus. Quis rectus esset ac sincerus Dei cultus, vno ore tradiderunt: eum ab innumeris supersti-

superstitionibus & idololatrijs repurgare, à prauis hominum commentis asserere conati sunt. Euerſa operum fiducia, qua miſeri homines inebriati erant, adeoque fascinati, totam salutem in Chriſti gratia repositam eſſe docuerunt. Chriſti virtutē, quæ vel iacuerat proſtrata, vel demerſa latuerat, magnificè extulerunt. Quanam vera ſit inuocandi ratio, quæ poenitentiæ vis & natura, vnde oriatur, & quos fructus producat fides: quæ legitima ſit Eccleſiæ gubernatio, ab illis nō variè traditur. Tantum in ipſis ſymbolis aliquid diſcretaneū. Et tamē hoc aſſerere non temerè audeo: niſi partim nimia cōtentionū vehemētia exacerbati, partim ſiniſtris ſuſpicionibus occupati fuiſſet animi, nō tantū fuiſſe diſidiū, quin facile cōciliari poſſet. Quodſi illo diſputandi feruore non ritè explicari cōtrouerſia potuit: quid nunc ſaltem obſtat, quominus veluti ſedato tumultu, ſimplex audiatur veritas? Quis verus ſit ſacramentorum vſus, optimè inter nos conuenit: ſacramēta in hoc inſtituta eſſe, vt Dei promiſſiones cordibus noſtris obſignēt, vt fidei noſtræ adminicula, & diuinæ gratiæ ſint teſtimonia, cōmuniter omnes tradimus. Non inanes eſſe, aut nudas mortuāſque figuras diſertè oſtendimus: quum & efficax per Spiritus ſancti virtutem ſit eorum vſus, & arcana eiſdem Spiritus ſancti virtute Deus verè præſtet quæcunque illic demonſtrat. Itaque panem & vinum in ſacra Cœna ſatemur non vacuas eſſe teſſeras eius communicationis, quam habent fideles cum Chriſto, ſuo capite: quia ipſo animæ noſtræ in ſpirituale alimentum fruuntur. Horum omnium conſentanea vbique eſt traditio. Quod igitur tantum in hac parte offendiculum reperiunt faſtuoſi homines, vt vñm Euangelio præcludat? At in modo definiendo ratio paulum eſt diuerſa. Fateor ſanè, non tam diſtinctè loqui omnes, quàm eſſet optandum: ſiue quod non eadem omnibus clarè & liquide diſſerēdi ſuppetit facultas: ſiue quod nō eandē omnes fidei menſurā ſunt adepti. Quum ex denſis Papatus tenebris multum aduc ſit reſiduū, quicquid ad diſcutiendas errorum tenebras facit, ſedulo & dilucidè exponi ſi cui moleſtum eſt, iſe ſe lucem malignè fugere prodit. Dum autē nos à terra in cœlum homines euehimus: dum à mortuis eſſemētis eos ad Chriſtū traducimus: quū iuſtitie, ſalutis, bonorūque omnium cauſam reponimus in mera eius gratia: dū Spiritui ſancto aſcribimus totā ſignoriū efficaciam: & ſicuti vnicus ſpirituſ ſanctus vnica author, & perfector eſt Deus, illi in ſolidū vindicamus quod ſuū eſt: dū crassa omnia ſigmentā repudiamus quibus deluſum fuiſſe mundū palam eſt: dū carnalē Chriſti præſentia modum, peruerſamque eius in ſigno adorationē tollimus, qui inde offendiculum cōcipiunt, quū ſciētēs & volentes impingant in Chriſtū, digni ſunt qui ſe collidant. Multos quidem eſſe, quos ſcandalorum prætextus iuuat, quia ipſis in luce cæcutire libet, hac in cauſa ſum expertus.

Porro, quod ſuprà breuiter attigi, memoria repetendum eſt, quum res nouæ multis delictis occaſionem præbeant, accuratius tamen notari, & reprehendi ſeuerius, ſi quid tunc peccatur, quàm ſi nulla facta eſſet mutatio. Quàm profundus fuerit ignorantia gurgis in Papatu, quàm horreda errorum caligo, cum ſtupore recordamur. Inde Lutherum, & qui eodem tempore laborarunt in reſtituenda pietatis doctrina, paulatim emergere potuiſſe, ingens fuit Dei miraculum. Quod non eodē ſimul momēto omnia viderunt, quod non ad vnguē, expolitum primo die tam arduum fuit opus, offendi ſe nonnulli cauſantur, ne ad Euangelium accedāt, vel ne pergant in curſu iā incepto. Quàm importunæ ſint lauitia iſta, quis nō videt? Perinde enim faciunt, ac ſi quis nos accuſet, quod primo auroræ exortu, ſolem meridianū nondum cernimus. Nihil iſtis querimonijs magis tritū. Cur non ſtatim, quid ſequi oporteret, nobis exactè præſcriptū eſt? Cur potius quàm alia, hoc latuit? Ecquis tandē erit finis, ſi vltierius ſubinde tēdere permiſſum fuerit? Nempe qui ſic loquūtur, vel proſectum Dei ſeruis inuidēt, vel Chriſti regnum egre ferunt in melius promoueri. Eadem in minimis quibuſque

erratis morositas apparet: quæ etsi non adeò facilem merentur veniam, non tamen usque ad Euangelij fastidium exasperare nos deberent. Quantumvis insulsis næniis blaterent monachi alique magistri Papalis synagoga, quamlibet absurdus glossis Scripturæ deformat, hoc totum non agrè condonant boni isti viri. Si quid fortè minus aptum nostris hominibus exeat, tanquam magno piaculo à nobis audiendis arceri se obtendunt. Contorta Scripturæ testimonia, sententias malè coherentes, argumenta friuola patienter ferunt in vetustis scriptoribus: centesimam partem si reperiunt in nostrorum hominum scriptis, non modò nos damnabunt omnes qui erimus innoxij, sed à tota doctrina abstinendum ducent. Neque tamen eorum hinc causam suscipio, qui scripturiendo pruritum suum sedant. Optandum enim est, ut superseant, qui tales sunt, à chartis inquinandis. Verum, ut indulgentia fouendis non esse paucorum ineptias concedo: ita inspidam hoc tedio totam Euangelij doctrinam reddi quàm iniustum sit, omnes vident. Est quidem verum illud quod dixi, in media Euangelij luce multò clarius perspicere, quæ prius velut in nocte caliginosa latuerunt. Sed in vna parte ad quævis errata securè libenterque conuiuere, quum in altera, quæ carpiis, plusquam curiose obserues, id verò scandala cupidè appetentis, & sibi fingentis esse dico. Nec verò aliunde prouenit offensa, quam illis quorundam affert vita professioni non respondens. Si eorum duntaxat, qui Euangelium sequi se iactant, corrupta esset ac dissoluta vita, magis speciosa offensionis causa censeretur. Verum, quum promiscuè in toto ferè orbe scelera exundauerint, quid dicemus, nisi veterem illam Poetæ querimoniam, in nostrum quoque seculum verè competere? *Ætas parentum peior auis tulit nos nequiores, mox daturos progeniem vitiosiorè.* Et quorsum spectat illa Christi admonitio, etati Noe similem fore postremam: horribile quoddam fore iniquitatis diluuium, quo terra obruatur, nisi ut sponte iam ad Christum properantibus, talis scelerum colluuius festinandi studium acuat? Accedit huc quoque, ut retuli, iusta contempti Euangelij ultio. Tam sacro enim thesauro qui abusi sunt, quis dignos esse negat, quos Dominus in mentem reprobam coniiciat, ut se ad omne flagitij genus prostituant? Nec verò aliud sperandum est, quàm ut magis ac magis passim homines profanescant, quorum paucos ab hoc sacrilegio immunes esse scimus. Ego tamen aliam superioribus istis causam addo: eos scilicet quos nostrorum hominum vitia ab Euangelio repellunt, malignos esse & iniquos censores. Dicunt nec piè nec honestè plerosque se gerere, qui Euangelio gloriuntur: atqui, hoc primo loco, quarendum erat, an Euangelium ipsos in deterius mutauerit. Qui scortator erat, inquit, vel aleo, vel alio in genere dissolutus, idem hodie est. Nempe quæ in Papatu vitia tolerant, ita repente destitui incipiunt, ut eorù odio, ipsam quoque horreant sanctitatis & innocentie doctrinam. Non vereor ne sibi me patronum fore putent, qui turpi ac flagitiosa vita dedecus afferunt Euangelio. Quò mihi, ut arbitror, ad eos obiurgandos, qui omnes Papatus corruptelas Euangelio imputant, maior erit libertas. Si qua illic sanctitas queritur, eam monachi sibi, omnium consensu, absque controuersia arrogant. Quidni faciant: quum in eorum claustris resideat angelica perfectio? Atqui, non aliunde nobis fœdior vitiorum omnium colluuius. Si excipiet quispiam, quum illinc tantum exeat vomica, non mirum esse, si fœtorem, quocunque veniunt, emittant: friuolam eiusmodi calumniam diluere promptum est. Primum enim, si quid illic probum fuit, tanquam aurum ex sterquilinio, mira Dei prouidentia eductum fuisse constat. Quos hac nostra etate monachos habuit Germania, qui vel doctrina, vel sanctitate cum Luthero, Bucero, OEcolumpadio, & similibus conferre se, nisi nimis impudenter, audeant? Quos Itali Bernardino Ochino, & Petro Vermelio opponent? Ex Gallia quoque lustris egressi sunt nonnulli, qui suo splendore multa sui ordinis probra & dedecora texissent. Paucos quidem fateor ex monachatu ad nos transisse, qui ho-

noris causa nominari digni sunt. Et quid mirum si non multi ex inferis Angeli prodeant? Quod vnus Loth ex Sodomis saluus euasit, insigni Dei potentia merito tribuimus. Quæ autem Sodoma tot vnquam fœditatum monstris referta fuit, quot hodie scatent monachorum lustra? Itaque dicere soleo: si modo decima pars eorum qui illinc Christianismi nomine euolant, Christo se verè addicat, præclare nobiscum agi. Quinetiam quotidie videmus suis decimis Christum fraudari: vt vix ad eum pars vigesima perueniat. Qui autem scandalum occasionem præbent, eos dico non tam naturâ prauos esse, & proprijs criminibus infames, quàm fœda & nefaria monachatus educatione infestos. Quod enim & ignaui sunt ventres, & rixosi, & perfidi, & ingrati, & humanitatis expertes, & factiosi, & furaces, & seruili ingenio, & libidinosi: nonne hæc omnia claustrale viuendi institutum respiciunt? Suas quidem seorsum distinctas regulas habent diuersi ordines: omnium tamen ferè communis est ex illis, quas recensui, virtutibus, conflata regula. Nam si optimi, quos ex cœno illo Dominus extraxit, suam inde contractam adeò tenacem esse agnoscunt, vt sibi in abstergendis reliquijs quotidie sit laborandum: quantopere in vulgus grassetur contagio, iudicare licet. Ergo quos eiusmodi scandala morantur, recipiant quod suum est, & viam planam aquabilemque inueniant. Equidem si mihi esset magistratus potestas, & opes ad hunc sumptum sustinendum satis amplæ: monachum ex antro suo egressum, nunquam nisi semestri, vt minimum, examine exactè probatū, manumitterem, vt cōmuni vitæ & hominum societate frueretur. Quoscumque viderem suo monachismo aduc indutos, vel includerem ergastulis, vel tanquàm indomitas bestias in saltum aliquem submouerem. Porro, à Papatu cluere quas esse proprias eius sordes constat, & eas reijcere in Euangelij nomen, nimis calumni sum est. Sed quid de specie vna disputo? Nam si dissolutam vitam & parum honestos quorundam mores nobis obijciant Papista, eadem ac duplo etiam maiora in eos probra regerere, plusquam iure nobis licet. Atque vtinam minus vberem nobis materiam darent. Apud eos quanta sit scortandi impuritas, quanta iurgiorum & pugnarum licentia: quàm permissa sint vulgò genus omne lasciuia: quanto cum applausu regnent effrænes pompa, & impudica saltationes, & eiusdem generis alia, dicere nihil attinet. Horum certè nihil est, quod non, vt sobriè glorier, publicis edictis apud nos vetitum sit, & disciplina aliqua cohibeatur. Quare timendum non est, ne cum Papistis comparati, reperiatur æquè desermes. Mala nostra quum reputamus, est cur nos valde pudeat. Sed, quod dolendum est, facit extrema illorum fœditas, vt probi ferè & integri videamur. Mirum ergo est, qui ad ferèda nostrorum hominum vitia tam sunt delicati, in tolerandis aduersæ partis sceleribus, esse his ferreos. In quo non modò nobis iniuriam faciunt: sed Deo quoque sunt ingratis imi. Nam interim plurima rara pictatis, sanctimonie, virtutumque omnium exempla prætereunt: quibus ad E. æglj potius amorè obseruariamque prouocari ipsos decebat, quàm quorundam delictis in eius adduci odium, vel contemptum. Non resipuisse multos causantur, ex quo nomen Euangelio dederunt. At verò, quàm multos ex aduerso proferre licet, quorum mirifica conuersio Euangelium nostrum decorat? Et quando nos ad gloriam cogunt, qui tam malignè obscurant Euangelij gloriam: nulla est regio, quæ non hac in parte magnificos doctrina nostra triumphos quotidie spectet. Ipsi quoque aduersarij, quantum disimulent, insania tamen rumpuntur: quod homines prius intemperantie, lasciujs, impudicitia, vanis mundi pîpîs, auaritia, rapinis diuitiosos nunc ad sobrietatem, continentiam, castitatem, modestiam, æquitatem compositos esse vident. Quod si querantur qui continuum vitæ tenorem per viuites & præclaram famam dixerint, neque optimo talium numero destituimur. Possem satis multos nominare qui summa laude in Papatu olim præstantes, ex quo diuinitus iura Euangelij cognitione donati sunt, diuinam nunc virtutem

tum imaginem in vita sua exprimendo, umbram se tantum antehac habuisse ostendunt. Sed ne hic sermo propter aliquam iactantiae speciem sit odiosus, breuiter concludam: si quos permouent exempla virorum simul ac mulierum, non minus morte, quam vita testata singularis pietas, iustitia, castitas, temperantia, multo plus ad fidei confirmationem valere debent, quam nocere incompositam aliorum vitam æquum sit.

Iam ad vltimam scandalorum classem transeamus: quam partim ex fictis calumniis constare dixi, partim ex malignis cauillationibus prodire, quas præposteri homines longè petitas, in Euangelium iniuste torquent. De calumniis hoc præfari libet: non mirum esse, si eas improbi homines procul spargendo, fidem doctrinæ nostræ apud simplices subuertere moliantur. Nec verò communi seruorum Dei lege nos eximi conuenit. Non erat certè Paulus tam morosus, ut querimonias illas frustra aderet, quæ passim extant in eius scriptis. Multa pro sua prudentia tacebat, multa ignoscebat pro sua modestia, multa pro animi sui magnitudine, tacitus deuorabat: & videmus tamen quoties se per Ecclesias odiose fuisse traductum queratur. De sinistris obtreclationibus loquor, quibus maleuoli absentem & inscium apud nimium credulos, rerumque & veri ignaros grauabant. Nam apertis calumniis palam inpetitos fuisse Dei seruos, adeoque Filium ipsum, plus satis notum est. Verum Sathan, ubi aperto Marte nihil se proficere videt, piorum famam quasi per cuniculos clam adoritur. Quam itaque procul in longinquis regionibus duram militiam Paulus obiret, quum per mille discrimina tenderet ad promouendum Christi regnum, assiduos haberet cum varijs hostibus conflictus, huc & illuc cursitans gentes locorum spatijs longè diuisas, colligere studeret in fidei unitatem: ignaui & nihili susurriones eum alibi indignis criminibus onerabant. Quis nostrum sibi intactam ab omni improborum morsu famam postulet, quum nec Paulum quidem sua integritas tutari potuerit? Imo quod se fecisse testatur, pergamus in fracto animo per infamiam & bonam famam. Neque enim Christi seruis minus sinistros rumores contemere necesse est, quam ab inanis gloriæ aucupij esse alienos. Nam eos iniquis iudicijs grauando hoc captat Sathan, ut rectè agendi alacritatem in illis frangat, vel saltem moretur. Ceterum, ut nos è gradu nostro moueri minimè conuenit, quoties benè agendo male audimus: ita non nisi sua culpa turbantur, qui excipiendis susurris falsisque delationibus nimium credulos se præbent. De Luthero quàm multa & in concionibus, & libris editis, per totos viginti quinque annos fabulati sunt hostes? Nulla sunt mendaciorum portenta, quæ non in nos comminasse & blaterare ausi fuerint. Picartus doctor Parisiensis, turbulentus quidem cerebri homo, adeoque fanaticus, sed tantæ inter suos existimationis, ut pro certis oraculis habeantur omnes eius natiæ, dum more suo pro suo gestu bacchatur, dicere sibi permisit, negare iam nos prorsus aliquem esse Deum. Et ille quidem se impudenter mentiri non ignorat: sed quia eiusmodi hominibus propositum est quouis modo nos oppugnare, quicquid inuidiam constare nobis potest, sibi in nos effutire fas esse putant. Et sanè, quando iam optimè nouerunt omni se ratione destitui, nisi miseram plebem secum infatuent non mirum est, necessario eos suffugio abuti. Quicquid autè ipsis, etià absque colore, fingere libuerit, fidem ita protinus obtinere non debuerat: est tamen adeo usuratum, ut pro licito etià ducatur. De me si commemorem, quàm multa absurda & ridicula nugati sint, periculum est, ne eorum ineptijs me inuoluam. Tantum dico: si hoc iuris in nos statuitur, ut quod erunt hostes nostri ad mentiendum magis efficiantur & inuerecundi, eò sit Euangelij causa deterior, ac tantundem ex eius fide decedat: non est quòd querantur tam iniqui indices scandalum sibi obijci, quod vltro se appere ostendunt. Nobis autem cum Paulo securè dicere liceat: Qui ignorat, ignoret.

Veni ad alteram obere rationis speciem, quæ non modo ex eadem Sathana officina
 prodit, sed super eadem quoque ferè incude fabricatur. Hoc solum est discriminis, quod prio-
 res illi, de quibus loquutus sum, ut aperti sunt ac professi hostes, Euangelium in suis mini-
 stris apud plebem infamant: hi autem de quibus dicere institui, ita se insinuant Euangelij no-
 mine, ut obliquis tamen murmuribus alienent quoscunque possunt à Christo. Hi verò partim
 sunt famelici errones, quibus nisi ventrem farcias, calumniarum plaustis te obruent: par-
 tim nequæ & scelerati homines, qui sua culpa à nobis dimissi, vel etiam ob maleficia al dicati
 aliquo munere, alibi nouum pastum querunt: quanquam utrisque mens & lingua in ven-
 tre est. Alij paulò lauciores, ut qui non ita fame urgentur: quia tamen crucem fugitant, ut
 pretextum habeant suæ ignauiæ, puram Euangelij professionem onerant confictis à se fa-
 bulis. Dixi iam paulò antè, ingentem esse fucorum numerum, qui furandi vel fraudandi cau-
 sa, oberrant. Tales ergo iam suis imposturis ita noti, ut fallendi locum amplius in Ecclesijs
 Christi nullum inueniant: alio digressi, quidvis impudenter in nos effusiuiat, quò sibi fauo-
 rem, odio nostri, concilient apud imperios. Verùm quid nobis prescribent boni viri, qui scan-
 dalum ex eorum vanitate concipiunt? Videmus inertes monachos, & tamen in gloriæ suæ
 explere solitos: ut nisi illis in os cibus ingeratur, mox ad sanctificandum prælum exardeant,
 quemadmodum loquitur Propheta. Videmus & alios non dissimiles monachis. Promittunt
 omnes se fore semiangelos, modè illis tolerabilis viuendi ratio obtingat: aqua se & pane fo-
 re contentos. Sed illa tolerantia iactantia mox in fumum abit. Ipsi verò, postquam breue
 pigritiæ suæ specimen ediderunt, laboris pertæsi, elinçulū euolant. Multos quidè fucor, fru-
 stra petita conditione, ut in magno petentium confluxu fieri necesse est, discedere. Nec verò
 mihi creditur difficile est, quid sibi interdū minus liberaliter inuuant, qui tamè essent ope dignio-
 res: vel quia in horribilibus igratis tam exactus haberi dilectus nequit: vel quia ad petendum
 audaciores timidus ac verecundus locum præripiunt: vel quòd non semper rectè indicamus:
 vel quia iam erogando exhausti, cogimur, qui incommodus horis veniunt, vel inanes, vel sal-
 tem tenuiter adiutos dimittere. Et tamen hi qui plus aliquanto haberent coloris, parcius
 quocunque venerint, ac modèstius loquuntur. Illorum passim volitant querimonia. Et qua-
 les? Predigiosis mendacijs aspersæ. Improbius etiamnum maledicunt, qui hinc vel malefi-
 cijs suis expulsi, vel perfida defectione abstracti, ut liguriculis diuitum patiens ventrem re-
 ferant, eorum fauorem calumnijs aucupantur. Neque enim hec occultum est, multos inue-
 niri qui Euangelium quietum sibi cuperent, atque ab omni molestia vacuum: cum eos fete-
 ri pudeat quòd verum est, crucis metum obstare, queminus Christianæ professioni satisfac-
 ciant. Si qua sint in Christi Ecclesijs vitia, sciscitari audent, ne videantur sine causa rido suo
 affixi. Nempe, inquiunt, si in nobis reprehenditur idololatria simulatio, alibi quoque diuer-
 sis modis nihilominus peccatur. Et adhuc pretextum ex mendacijs quarunt, quæ ceterum est
 in eorum gratiam ab eiusmodi nebulonibus conficta esse. Duo vel tria ex ejusmodi evincit refer-
 re libet: ne quis posthac, nisi sciens ac volens fallatur. Erat Cortesius quidam in Comitatu
 Monsbergardensi Verbi minister. Illuc expulsus, Neoccomin concessit: ubi quam sibi sua
 frigidus excipiens freret, quò se ulcisceretur, quorundam suis similibus cetera adiutus, multas
 & graves pios fratiles molestias exhibuit. Verùm, se tandem fractum sentiens, (quod e-
 iusmodi vulpibus selemne est) suppliciter veniam petens, fallaci peruenientie solertatione
 non modò placavit offensos fratres, sed quam se in nonnullis questionibus hesitare frigeret,
 literas ad me impetravit, quibus, ut illi satisfacere cerneret, enicè rogabant. Ego hinc in com-
 mensuram exceptum pariter audiui, ut multis cum lachrymis exoptos sibi à cunctis scrip-
 tos assereret. Abente quoque viatico sum prosequutus. Ab eo itè preter Celliam cui sita: nò

cessavit mihi protervè maledicere. Alter nescio quis terræ filius, qui sibi nomē à corno indiderat, quum nonnulla egisse indigna Christi seruo delatus esset, Iausanensis synodi iudicio, donec causa melius cognita foret, desistere à ministerio iussus fuit. Paulo post quum literas Bernan ferret, eas non esse ad votum suum compositas suspicatus, alias supposuit. Deprehensum flagitium intelligens, quia non poterat falsi notam effugere, ad aliò pedibus fugam arripuit. Atque hæc omnia me absente & inscio gesta sunt. Nunc se violenter à me fuisse expulsus dicitat, quia meis hæresibus subscribere abnueret. Alius quia in cauponis nimis erat, seuerè à nobis obiurgatus, à furtivis comestationibus nunquā destitit, donec æris alieni magnitudo eum oppressit. Quum relicta familia clam se proriperet, ego Argentinam profectus eram. Nihil inter nos dissidij: nulla offensionis suspicio, nisi quòd paulisper, ne se perditum iret, obstiteram. Quia autē ex Augustineniū grege erat, per suorum antra obambulans, se exulare flebiliter narrabat, quòd meis hæresibus ipse quoque esset aduersatus. Nec verò tam de illius ac similium nequitia queror, quàm me illa vrit indignitas, quòd boni patres, qui quotidie ex libris nostris discunt, mercedis vice scandala ex illis lacunis hausta crepare non dubitant. Sed ineptè facio, qui colligendus istis quisquilijs, & me & lectores occupem: nisi quòd in paucorum hominum personis quasi representari oportuit, quid passim & quotidie fieri à plerisque solcat. Alys vltra modum rigidi sumus & implacabiles. Verum, qualem à nobis clementiam postulent, operæpretium est cognoscere. Iniusstè læsi ignoscimus: nec ultionē sumimus, atiam si sit ad manū. Hoc illis nō satis est: volunt prætereā non secus in gremium nostrum recipi, ac si optimam semper fidem præstitissent. Quid hoc est? Vt circumscripti, proditi, aut crudeliter violati, non audeamus nobis in posterum cauere? At ipsos poenitet. Nempe quum meri sint crocodili, vna lachrymula probitatis fidem emergere volunt. Hic ergo est inhumanius noster ille rigor, quòd nos illis ingulmandos non sponte præbemus. Sed de priuatis nostris iniurijs dicere superfedeo. Grauius offensus erit Deus: notum crimen & pestiferi exempli admissum: quin etiam scelera sceleribus aliqui cumulabunt. Conuicti, culpam dimidia ex parte fatentur. Confessis nisi omnia manent integra, ac si nunquam peccassent, seueritate nostræ se ad desperationem cogi deplorant. Ego autem poenitentiam, quum res adeò sacra sit, non posse ex frigidis signis æstimari dico. Deinde, quam mihi poenitentiam iactant, quos adeò non humiliat peccati sui agnitio, ut æream frontem triduo post in suggestu attollere non dubitent? Monachis solenne fuit quicquid in sodalibus flagitiorum erat, in honorem ordinis tegere. Morem hunc in Ecclesiam Christi inuehere multi cuperent: ego autem non melius Christiani nominis honori consuli posse contendo, quàm si à sordibus, Dei templum repurgetur.

Sed iam in recitandis calumnijs, quibus nebulones à nobis egressi, Euangelium oblique per latus nostrum vulnerant, verborum plus satis consumpsi. Ad generales calumnias iterum reuertor, quibus palā doctrinam manifesti iuratiq; hostes impetunt. Hæc autem illis in primis trita est. Nos Christianæ libertatis prætextu, quidvis & nostræ & aliorum libidini permittere: non aliò spectare nostram doctrinam, nisi ut homines legibus disciplinæque soluti, sine modo & modestia exultent. Quid contineat doctrina, amplam fidem libri facient. Sed hostibus scilicet tam liberum est apud eos mentiri, qui à scriptorum nostrorum lectione arcentur, quàm nobis superuacua apud lectores excusatio. Scire tamen primum velim, quòdnam illud sit tam graue disciplinæ iugum, quòd nos ad hoc asylum fugere coegit. Neque enim tanta vnquam fuit Papatus austeritas, quin toto anno illic & scortari, & saltare, & intemperanter diffuere omni luxuria, & comestationes agitare, & alea ludere, & modis omnibus proteruire licuerit: modò semel post annuam indulgentiam,

tiam, qui ita nequiter vixerunt, in aurem sacrifici, quasi crapula vomitu, se exoneret. Quorsum igitur in tam dissoluta licetia hoc vltima desperationis remedium querere attinebat? Certè, si qui vnquam rerum nouarum cupidi fuerunt, nõ tamen prius cæperunt tumultuari, quàm ubi non aliter iam spes erat, voti compotes fore. Nulla verò lasciuiendi cupido titillare nos potuit, cuius non permissa nobis foret impunitas sub Papatu. At bis quidem ridiculi sunt Papatus encomiastæ, dum austeram suam disciplinam, & quasi Spartanâ instituta prædicant. Quis enim monacho credet plenus & rubicundus buccis sua ieiunia laudati? Quis frugales esse putabit, quos in ganeis esse demersos vbique notum est? Vt vno verbo concludam, totus ferè clerus Papalis vasta lacuna est omne genus scelerum, quæ nõ modò suum foetorem longè latèque exhalat, sed mortifera cõtatione inquinat reliquos mundi ordines. Ceterum, vt sanctè & pudicè omnia apud eos cõposita esse demus: quod tamen mortu castitatem quæ eorum legibus astricta erat, laxari à nobis soluique dicunt: ad hoc mendacium refellendum, nõ alios citabo testes, quàm qui nobis quotidie molesti sunt, quod omnè sibi veterem libertatem ademptam queruntur. Nihil dicam, quod nõ omnibus sit peruulgatũ. Quicunque apud nos libidinosi, intemperantes, proterui, licere cupiunt quod libuerit, eos diceres conductitios esse Papæ milites in oppugnando Euangelio. Nec causam dissimulant, quod sibi minimè tolerabilis sit prisca hæc & tristis, vt vocant, seueritas, quæ prius in obscuris chartis obsoleta iacuerat. Horum saltem placandi essent impetus, vt persuadeat boni isti continentie vindices, nos carni dare quantum licentiæ postulat. Sed cum aduersus nostrum rigorem tantopere recalcitrent, quibus grata suauisque esset Papatus disciplina: cuius hinc colligere promptum fuerit, doctrinam nostram ab effræni illa, cuius eam insimulant, indulgentia, multum distare. Imo hac inuidia doctrinam nostram grauant multi ex Papisistis, quod latitiam propè omnem ac hilaritatem è mundo tollat.

Tria præcipuè nobis obiectant, in quibus nos insimulant quidvis agendi licentiã appetiuisse. Quod à nobis abrogatur auricularis confessio: Quod ciborum prohibitio clammatur: Quod liberum cunctis facimus coniugij vsum. Peccandi verecundiam è mudo tolli clamitant, nisi eam frænet confitendi necessitas. Atqui, mirum est, Spiritum Dei neque in veteri Ecclesia, neque per complures ætates post Christi aduentum, hoc fræno vsum esse. Pudore ergo caruisse dicemus totũ illud tẽpus, quo sanctitas, pudicitia, & omnes virtutes præcipuè floruerunt. Quum tunc plusquam austerus esset disciplinæ rigor, hoc tamè retinaculum non erat, sine quo nihil fore saluum putant boni isti modestiæ patroni. Atqui, falsissimum est quod iactat, cohiberi hoc remedio hominũ libidines. Quis enim nõ videt, quæ admodum vomitu se exonerant ebriosi, vt mox tanquã ieiuni & recentes ad nouam ingluuiem redeant: ita Papisistas clancularios susurros in aure sacerdotis vomere, vt leuati priore sarcina, peccata peccatis audacius accumulèt? Deo quidem se confiteri præsentur. Verum, commune omnium consilium esse dico, clanculũ sua arcana sacrificio retegere, vt Deũ & homines lateant. Itaque videmus, vt furtiuo suo murmure defuncti, sibi longè securius indulgeat. Ceterum, vt demus seruili metu retineri quosdam, vt à peccando abstineant, ne postea necesse sit cõfiteri: nos tamen libertatem carnis hac parte querere, calumniose inferunt. Legè Innocentij dānamus, quæ conscientias necessitate obstringit, à qua ipsas Deus absoluit & liberat. Exposulèt cum Deo, qui tam præcisè vetat, ne quis in eiusmodi laqueos se induat, ne animas Christi sanguine redẽptas indui sinat. Ex sacrilega audacia profectũ dicimus, quod hominum figmẽto peccatorũ remissio alligata fuit. Si suum Christo ius & honorẽ aliter asserere non possumus, quin subeundum sit probrum istud, quod nobis inurunt: id verò in primis honorificum nobis est. Scandalum verò qui inde concipiunt, peruersè morosos esse constat.

De sublato ciborum discrimine præpta & facilis est excusatio. Carni laxari halenas dicunt, ut intemperanter lasciviat, quod die Veneris non minus quam Luna, carnibus vesci permittimus. Quasi vero nulla nisi in carnis esu sit luxuria. Porro, quis nescit maiores semper fuisse in piscibus delicias: & hodie nunquam vel melius summare culinas, vel operosius mensas instrui, vel maiore faciri varietate & copia, quam diebus piscariis? Facebant nuge illæ: Nos delicias alligere simplices animas. Neque enim de cibis delicatioribus inter nos vertitur questus, sed Papiæ, cum omni ciborum affluentia & suavitatem, in glutiæ die Veneris, carne tantum excepta, benignè expleri permittant, suillam aut bubulam carnem attingere nefas esse pronuntiant: nos conscientis libertatē à Domino concessam relinquimus. Itaque, nihilo plus religionis in vilibus intestinis, quam in pisce sumptuose condito, statuere audemus. Frugalem certe & sobriam vitam, ut decet, commendamus: nec scripta aut conciones nostras, vel tantillum, luxurie fœvere quisquam reperiet. Quin potius testes erunt singulæ ferè scriptorū nostrorum paginae, nos in vrgenda temperantia Papiæ aliquanto esse superiores. Et sublata dierum superstitione, parçè & frugaliter docemus eis licere vti, quæ nobis Dei beneficio suppetunt. Quæ in eo tanta libertatis dulcedo, ut nos ad vertendum orbem instiget? Ego sanè, si palato indulgere libeat, alia potius edulia, quam carnes mihi in dimidium anni tempus deligam. Norunt familiares mei, & piscibus & aliis quibusdā summopere me oblectari, à quibus sponte abstineo, ne valetudinis dispendio tales delicias redimam. Putidum esse fateor, tam ieiunio calumias refellere. Sed dabūt veniā lectores, si offendiculis ire obuiam volēs, paululum ineptiam. Quanquā in his ineptiis longius morari opus non est. Pars enim hæc doctrinæ, quam tradimus, duobus nōbris constat. Illaqueari humanis legibus cōscientias, quæ vno Dei verbo, si debet, nefas esse cōtendimus. Etiā si ista exercitiū specie nihil esset vtilius, nefariū tamen esse audaciā dicimus, cum legē homines imponūt, quæ animas religione obstringat. Sicut enim vni hoc iuris vendicat Deus, ut sit legislator ac index noster. Simul atrocem Christo iniuriā fieri dicimus, dum parta eius sanguine libertas ita in nihilum redigatur: nam eius beneficio, nostra quam veteris populi conditio in hoc quoque potior est, quod à dierum ciborumque observatione manumissi sumus. Deinde spirituale Dei regnum in cibo & potu esse, cum Paulo negamus. Itaque prava superstitione decipi homines, cum partem sanctitatis esse puta it, carniū abstinentiam. Denique nihil quam Paulo subscribimus, qui diabolicum esse dogma diserte pronuntiat, cibos, quasi pollutos, vetare, quos Deus in vsum hominū consecrauit, ut illis cum gratiarum actione liberè vescantur. Nullius scandali tanta habenda est ratio, ut res cognita adeo necessaria silentio regere liceat. Nondum tamen prorsus dilutum est hoc crimen, quia nos à ieiuniis abhorreere iactant aduersarii, quæ passim Dominus non parum commendat. Primum, cum huic conuitio satis reclamant libri nostri & conciones, in eius vrsatione minus est laborandum. Verum excipiant, nos fixa iam olim de ieiuniis decreta abrogasse. Fateor, & quidem seriis adeo grauibique causis coactos, ut improbißimè faciā, vicio rem piē iustēque susceptam nobis vertentes. Ieiunium quadragesimale ex Christi institutione fluxisse, veteri tritaque opinione receptum erat. Error in specie levis, sed tamen error, & minimè ferendus. Quam stultè & insulse cogitatu id fuerit, quam temerè creditū, nulli negotio monstrare promptum est. Nam si nos ad annuū ieiunium suo exēplo inuitare Christus voluit, cur semel hoc tota vita, nō quotannis aggressus est? Cur non statim ritū inter suos discipulos instituit? Cur non protinus ab eius resurrectione Apostoli, quasi præscriptam à Mōisē regulā seruauerunt? Et cur nobis potius imitandum Christi ieiunium, quam Moisis veteri populo? Quis autem Prophetarū aut fidelium, quod à Moise factū erat, in exēplum traxit? Adde nūc illud alterum, esse eiusmodi errorē, qui nisi magna fidei nostræ iactura, dissimulari

simulari nequeat. Miraculo illo sancitā fuisse Euāgelij doctrinam, quò certior esset eius auctoritas, nemini dubiū est. Itaque Christum per totos quadraginta dies non esurisse, Euāgelica historia commemorat. Quod diuinitus gessit Christus, ut doctrinæ suæ reuerentiā supra humanum gradum attolleret, id non secus ac suis viribus subiectum Papiſtæ dum emulantur, æmone & mirificam Christi virtutem, quantū in se est, obscurant, & obliuerant sacrum illud sigillum, quo approbata erat Euāgelij veritas? In alijs ieiunijs facile ostendimus cū Deo se gratum facere homines putarent, crassum idolis cultū ab illis exhibitum fuisse. Quod præscripti sunt dies, in quorum honorem ieiunent, peruersæ superstitionis Scriptura damnat. Quòd in eo diuinum cultum statuunt, & opus fingunt meritorium: non modò, tulta est ac inanis fiducia, sed mera impietas. Si Paulum sequimur authorem, licebit nobis in genere pronuntiare, externa eiusmodi exercitia, in quibus pietatis summa nō consistit, modicè prodesse. Hoc verò dici nō potest, quin præcisus ille qui apud Papiſtas regnat exigendi ieiunij rigor, iure damnetur, dū necessaria officia negligere permittit. Imo ex ore ipsius Magistri clamare licet: Hypocritæ, propter vestras traditiones irrita facitis mādāta Dei. Nūc cū grauiorēs causæ nos ad loquendum impellant, repenti tamen nos gula & omnis intemperantiæ faciunt patronos. Quāquam eorum quibuscum nunc discepto, indigna est improbitas, quibus opponi tam iusta debeat & seria defensio. Quam enim, obsecro, suis ieiunijs legem Papa edicit? Ne quis ante meridiē cibum gustet, atque ut à carnibus abstineat: ut denique solo prandio contentus, cœnā eo die omittat. Hæc porrò vsitata ratio est, ut pridie bene saturi cubitum eant, quò magis sit tolerabilis duarū horarū inedia, ut ipso ieiunij die, quia solum illis prandium cōceditur, se absque modo ingurgitet: ut post tridie libera crapula se vlciscantur. Postquam adeò securè cum Deo, non secus ac cum puero aliquo luserunt, hoc quoque addunt ad improbitatis cumulū: frugalem viuendi modum penitus à nobis solui. Ego verò, cū tota vita sint dissoluti, nusquam tamen crassius in belluinam intemperiem, quā in suis ieiunijs profluere eos dico. De coniugio etiam aliquid dicendum reſtat. Fingunt aduersarij, nos mulierum causa quasi Troianum bellum mouisse. Ut alios in præsentia omittā, me saltem ab hoc probro immunem esse concedant, necesse est. Quò mihi ad refellendam eorum putidam garrulitatem maior suppetit libertas. Cū semper ad ducendam uxorem, sub Papæ tyrannide liber fuerim, ex quo me inde eripuit Dominus, per annos complures sponte calceos vixi. Mortua uxore, singularis exempli fœmina, iam sexquiamus est, ex quo non inuitus calibatum rursus colo. Hæc, quæ fortè partim ad causam facere videbuntur, ideo tribus verbis præfari libuit, partim ut inde coarguatur maledica hostium vanitas, partim ut omnibus te statum sit, me priuatam causam minimè agere. Quid autē afferunt boni isti castitatis defensores? Lutherum & alios carnis pruritu incitados, tum sibi fecisse cōiugij libertatem, tum vulgus sacerdotum, monachorum & monialium in eadem illecebras traxisse. Quæ de singulorum, quos malignè falsoque infamant, continentia, verè possent prædicari, consilio prætereo. Quid enim magis ridiculū, quā profugere ex Papatu, qui castè viuere nō sustinent? Nulla scilicet sacrificij, monachis & monialibus explenda libidinis erat libertas, nisi nouum sibi asylū procul summis difficultatibus quareret. Quasi verò nō quouis scortationum genere claustra omnia, sellæ, & foruli omnes monachorum ac monialium foret. Prodigiosas libidines hīc nō attingo. Sed quid rem notā dissimulare attinet, sic ab antris illis, magna quidem ex parte, exulare pudiciā & pudorem, ut scortandi bonis patribus aliqua saltē sit illic libertas? Quid loquar de sacrificijs, quos libidinum suarum adeò non pudet, ut earū trophæa ubique erigere iā illis sit gloriosum? Cerrè, ut parcissimè loquar, mulierosis extra Papatum migrare minimè necesse est. Neque tamen prorsus nego, multos ex suis caueis monachos e-

uolare, ut venere, quam furtim illic carpuant, libere apud nos potiantur. Sed illos ipsos audebo citare testes, quam procul à voluptuaria vita, quâ in lustris degebant, distet coniugium. Itaque nonnulli, quia statim offaciunt, quâto astrictior sit pudica viri cum uxore cohabitatio, quam promiscue calibatus Papalis lasciuie, maturè se ad priores nidos recipiunt. Alij desperati vires, Romam aut aliò quò fors eos rapuerit, trāsfolāt. Atque hæc quidem vna est ex angelicis claustrorum virtutibus. Ceterum, ut multos cōcedam, peruerse doctrina nostra abuti: quàm tamen iusta sit scandali ratio, videndum. Genus humanū Deus hac lege condidit, ut mulieri vir capitis officium præstet, mulier vicissim sit viro adiutrix: atque ita mutuo nexu, sexum utrumque simul deuinxit. Antequam vitiatī essent homines, coniugium illud singularis beneficij loco datū ac permissum est. Ab homine mortali eripi hoc Dei beneficium, tolerabile non esse dicimus. Nunc ad primū Dei institutū accessit maior ex carnis incontinentia necessitas. Neque enim frustra Spiritus hoc remediū per os Pauli fugiendæ scortationi præscribit, ut quisque uxorem suam habeat, & vnaquaque etiā mulier propriū maritum. Non frustra Christus & idē Paulus admonent, non esse omnes ad vitā calibem aptos & idoneos. Atque vtinam in hac de genere natura minus notus esset incōtinentiæ morbus. Huic vitio ut Deus opem ferret, non modò coniugij instituit, in quo vir licitè habitet cum fœmina: sed ad legitimū eius vsum omnes qui à carne sua vrūtur, clara voce inuitat. Hoc beneficio Apostoli, Martyres, & alij ex sanctis præstātissimi vti sunt. Exortare penitè calibatus admiratio, ut vilesceret cōiugij honor ac dignitas, effecit. Fuit tamen ad tēpus voluntaria coniugij abstinentia, donec tyrānidi superstitio ianuā aperuit. Sacerdotes itaque à coniugali vita prohibiti. Tandem ad diaconos serpsit interdictū. Iurisiurandi vinculo monachi & moniales impliciti, concessum à Deo ius sibi abdicabant. Hinc solos calibes Deo sacros censere mundus cœpit. Acer vsque grassatus est furor, ut vitam coniugalem, velut profanā non leui iugominia notarent. Primum, etiam si prosperè in speciē cesseret eiusmodi mutatio: ex diabolica tamen audacia manasse dicimus. Verum, quò sanctior est virtus, castitas, eò sceleratior, & magis detestabilis est coactus iste calibatus, quē omni fœditatis spurcitieque genere refertum esse constat. Ut Angelis similis videatur quisquis abhorret à nuptijs, virginitatē Papistæ miris encomijs extollūt. Quasi verò extra cōiugij statū, nihil nisi pudicii & virginale esse euerint. Atqui, in hoc tantum videntur lectos proprijs vxoribus vacuos habere, ut alienis polluendis ipsi incubet. Quis enim vulgare inter eos prouerbium esse nescit, quando à cōmuni ducēda vxoris iure arcetur monachus vel sacerdos, ius fœque esse, ut alia sibi ratione prospiciat? Ac ne suis partibus desint, strenuè ferè omnes in hoc venationis genus incumbunt. Nulla lenocinijs aptior tendicula, quàm confessio, qua non modò sibi obnoxias reddunt conscias probri alicuius mulieres, sed alij alijs assignant. Itaque, huc ventum est, ut qui domesticis scortis contenti sunt, casti & temperantes inter alios censeantur. Arcanas obscœnitates & nefanda supra omitto. Ac ne hæc quidem quāuis vulgo nota, attingerem: nisi quòd obiter commones fieri lectores necesse est, quàm ingenuè faciāt doctrina nostræ aduersarij, dum eam dissolutæ licentiæ insimulant, propterea quòd tam atrocibus malis corrigendis legitimū coniugium permittat. Rumpantur licet, qui coactū Papalis cleri calibatum emētius laudibus ornare non cessant, in maxima tamē parte fœditissimam omnis spurcitie abyssum esse constat: in ijs autem qui continētes videntur, nihilominus impuram lacinam esse dico. Talibus scilicet, cum occultis libidinum flammis, tum manifestis flagitijs diabolicam illam audaciam vleiscitur Deus, quòd contempto cōiugij beneficio, instar gigantum Babylonicas moles extruunt, quibus naturam & Deum expugnent. Atque ita fieri oportuit, ut saltem discerent homines, eam demum esse veram castitatem, quā na-

bis Dei regula praescribit. Nos autem quia belluinas lasciuias, quarum nullus est modus in Papatu, cohibemus freno coniugali, proposita carni libertate, modestiam omnem soluere dicimur. Et quid mirum: cum & Christo & Paulo simile quiddam exprobratum fuerit: ac si data opera Legis iugum soluerent, ut sua hominibus voluntas pro lege esset? Neque enim tam sollicitè purgarent suam doctrinam à calumniis, nisi hostium improbitate & virulenta proteruita coacti. Ceterum, quicumque sunt sanabiles, eos breui ista excusatione placatos esse confido, ne scandalum sibi ex tam leui friuolæque materia fabricent.

Habet istud quoque aliquid coloris: doctrinam nostram cū vetustate & seculorum omnium cōsensu pugnare. Itaque in eo se maxime Papiſta iactant: praesertim ubi inflatis tibiis alta illa Patrum & Ecclesiae nomina insonant. Quomā satis notū est, quā odiosa sit & suspecta in religione nouitas, imperitos à doctrina nostra absterrent eiusmodi prætexit. Et fateor certè, si quicquam nouum asseratur, minime esse audiendum. Sed huius criminis nulla melior est aut certior purgatio, quā quod nihil recipi volumus, nisi clavis solidisque Scripturae testimoniis probatum. Atque in hoc bobus & asinis, qui praesepē saltem suum agnoscunt, si stupidiore esse Papiſtas apparet: qui cum nouitū sibi Dei fabricauerint, ita vnum, verum, & aeternū obliciunt, ut nulla illis caelestium oraculorum antiquitas sapiat. Excipiunt tamen Scripturā falso à nobis obtendi, qui totum veteris Ecclesiae cōsensum euertere conemur. Trita quidem inter eos calumnia, sed tam putida, ut in eius refutatione multum temporis consumere pigeat. Deinde ad eam rem longum volumen necessarium esset. Et libri nostri abundè testantur, si veterum quarantur suffragia, illis causam nostrā adumari magis quā premi. Cū satus constet nihilo magis consentaneam esse veteri doctrinam, Papatus corruptelis, quā ouis lupo similis est: quādā tamen eorū dicta, ac v'culus etiā interdum non minus peruerſe, quā improbè arripiunt: vnde rudibus, & in eorū lectione nō exercitatis fucū faciant. Quoties Patrū illis testimonia obicimus, etiam si pōdere & numero se obrui videāt, ut tamen supra omnē telī iactū sibi videntur cōstituti, securè contemnunt ac ridēt. Sedes enim Apostolica quicquid vnaquam doctrinam fuit, magnitudine sua faciliè absorbet. Nec quicquam illis hac exceptione promptius est, quā uis Patrum iudicia nihil se morari, ubi à sancta sede Romana aliter pronuntiātū fuit. Ergo apud illos ne pili quidem aestimabitur totus Patrum chorus, nisi ita libitum fuerit: nos autem quicquid vni eorū cuiſlibet minus consideratè excidit, tanta protinus religione obstringet, ut vel tantillum discrepare sit nefas. Iterum repeto, confusum istud & prodigiosum Papatus chaos antiquo Ecclesiae regimini tam esse dissimile, ut non magis ignis ab aqua dissideat. Quod si in eo damnando ac reuocandum videmur & clamosi, longè maior esset Patrum vehementia, si hodie viuerent. Adde quod boni isti filii, qui Patrum nomen instar pilae ludendo iactant, crassissimos quoſque errores videntur data opera eligere: quibus nisi assentiamur, nos totius vetustatis hostes esse clamitāt. Obtulit Abrahā ex praelio redeuntī Melchisedec panem & vinum, sacrificium esse putant veteres, quod ad sacram Christi cœnam trāstulerunt. Puerilis ferè hallucinatio. Atqui, ex tam praeclaris eorum lucubrationibus, nihil æquè Papiſtis arridet. Ne hac in parte nunc sim longior, qui versati sunt in Patrum scriptis, & mediocriter iudicant, satis intelligunt nos illorum authoritate, ad oppugnandum Papatum, esse instructos. Verū, ut statuatur in medio, propius tamen ad nos accedent. Vnde ergo tanta scandali moles struitur? Atque vi demus, non posse asseri à nobis & restitui purā Dei veritatē, quin se contrā effrat ille, quē praedicāt multorum seculorum cōsensus (quemadmodum ab annis mille sic collapsa fuisse omnia fateor, ut noua subinde errum & superstitionum mēstra pullularint, quid tamen in eiusmodi dissidio inueniunt tanta offensione dignum? Si fiat comparatio, primi certè illi sub quibus flo-

ruit Ecclesia, vel soli legitimi Patres haberi merentur, vel præcipuum saltem honoris gradum inter Patres iure sibi vendicant. At boni Papiſtæ (quæ eſt ipſorum ingenuitas) ſolum illud corruptius ſeculum, quod multum à priſca ſinceritate iam deſlexerat, memoria celebrant. Atque huc tãdem redeunt omnes illorũ querimonix, receptã per octingẽtos vel mille annos coſuetudinẽ hodie à nobis conuelli. Atqui, ſi veteri prouerbio creditur, quod etiam inter eos tritum fuit, nihil aliud eſt mala coſuetudo, quàm erroris vetuſtas. Quò autẽ diuturnius eſt malum, magis exitiale eſſe ſcimus. Plauſibilis olim erat illa Cypriani ſententia: Non ſpectandum quid ante nos alij fecerint aut dixerint: ſed quod mandauit Chriſtus, qui primus omnium eſt, ſequẽdum eſſe. Illud quoque pulchrẽ ab Auguſtino ac ſcitẽ dictũ nemo negabat: Chriſtum non ſibi coſuetudinis nomen, ſed veritatis tribuere. Nunc corrupti moris camarinam, quæ per longã annorum ſeriem quieuit, nemo vel leuiter mouere audent. Imo, uſque ad eò inualuit præſectus in tuẽduſ ſummis abſurditatibus rigor, ut earum reprehensionem, quaſi intempetiũam nõ reſpuant modo, ſed crudeliter igni & ferro vindicent. Dicit ille homo Ethnicus: Sicut rectẽ loquendi à doctis, ita & viuendi à bonis ac probis petendam eſſe coſuetudinem: nos, qui directorẽ habemus Chriſtum, praua & corrupta hominum inſtitutio, abſque iudicio & delectu, velut tempeſtas quædam violenta abripit: Ut locum hunc breuiter cõcludam: ſi inter nos valeat, quod extra controuerſiam inter pios eſſe debet axioma, Non ſubijci annorum præſcriptioni Chriſti doctrinam: neminem fictum inſtud ſcandalum ab inquirendi ſaltem ſtudio impedit. Vbi autem conſtiterit, à Chriſto nos habere quod proferimus: quis tam erit præpoſterus, ut ab æterna Dei ſapientia, & cœleſtis magiſtri voce, ſponte ad homines concedat?

Plerosque offendit, quòd totum ferẽ mundum nobis aduerſum eſſe vident. Nec verò ſibi deſunt malæ cauſæ patroni, quin rudes & infirmos eiufmodi machina percellant: Valde abſurdum eſſe, ut paucis hominibus habeatur fides, totum ferẽ Chriſtianum orbem negligi. Præcipuẽ autem ad nos proterendos, ſacro Eccleſiæ titulo, qui ſi malleo ſe muniunt. Sed velim ſcire, qui noſtra paucitate alienatur ab Euangelio, quomodo fidem ſuã aduerſus Turcas ſuſtineat. Quantum ad nos attinet: ſi vnus Noah cunctos ſeculi ſui homines fide ſua damnauit, non eſt quod magna incredulorum turba nos de gradu moueat. Interea non modo parum probabilem, ſed iniuſtam & pudendam ſcandali cauſam eſſe dico, ubi Dei verbo hominum reſpectus præponderat. Quid enim? An niſi hominibus credere libuerit, non ſtabit Dei veritas? Quin potius, ut Paulus ait, homo mendax, ut eſt, maneat: Deum veracem agnoſcant, quibus ſe patefacere dignatur. Et iam alibi oſtẽdimus, cur tam aggrẽ ſe bona pars hominum Deo in obſequium addicat. Quò minus in tanta mundi contumacia, fidẽ noſtram ad multitudinis exemplum dirigi conuenit. At ſignũ à Chriſto datur: Quò aquilæ conuolant, illic eſſe cadauer. Ego verò non nego, ſi quãdo vnũ in locum collectæ fuerint omnes aquilæ, quin ſimul ſperanda ſit totius orbis conuerſio. Sed cum non quaslibet illic aquilas deſignet Chriſtus, ſed quæ viuificum mortis ſuæ odorẽ ſequuntur: quis non videt reſtringẽdum ad paucos ſermonem eſſe? Si quis fortẽ excipiat, non excuſari nos exẽplo Noah, ſi ab eo cœtu diſſeſſionem facimus, qui Eccleſiæ nomen obtinet: Iſaias, cum relicta hominum conſpiratione, Deum vnũ ſequi iuberet, non extraneos notabat, ſed qui tunc populi Dei nomine maximẽ gloriabantur. Et Petrus, cum Eccleſiam facit arcẽ ſimilem: quòd pereunte mundo, quaſi per diluuium exigua hominum manus ſeruetur, non eſſe pendendum à multitudine, ſatis admonet. Quid ergo miſeros homines iuuat inter varios mundi ſtatus vacillandi nutandique occaſionem captare, cum Deus æterno verbi ſui fundamento nos ſtabiliet? Cur fluctuari inter opinionum procellas malunt, quàm in tuto certæ veritatis portu, quo nos in-

uitat

nitat Deus, quiescere? At summa Ecclesiæ reuerentia debetur. Fateor sanè ac libenter etiam addo, sic coniunctū cum genuina Legis & Euangelij doctrina esse Ecclesiæ sensum, ut fida illius custos & interpres meritò vocetur. Sed inter nos & Papistas hoc interest, quòd illi non aliter Ecclesiam veritatis columnam esse putant, quàm si Dei verbo præsideat. Nos autem, quia reuerenter se Dei verbo subiicit, veritatem ab ea teneri, & alijs per manus tradi asserimus. Itaque, non plus autoritatis apud eos habet Dei verbum, quàm illi quasi precario Ecclesia concedit: & totius Scripturæ interpretationem ad Ecclesiæ iudicium non secus vertunt, quàm Lesbios olim ad plumbi sui normam lapidem formare solitos, veteri proverbio fertur. Itaque nullus tam perspicuus est Scripturæ locus, qui ad Lesbiam hæc regulam inflexus, vel ut magis propriè loquar, detortus, non alienam formam induat. Nec tamen hîc nobis summum vertitur certamen. Sed postquam Ecclesiam in Christi throno collocarunt Papistæ, ut religionem constituat suo arbitrio, & de Scriptura absque pronocatione iudicet: ius illud qualecunque est, ad se mox rapiunt. Nos verò quænam vera sit Ecclesia, quia hîc falli tam procline quàm periculosum est, dijudicari volumus. Certè nouum non est, qui Pastorum loco præsent, eos crudeles interdum esse lupos: impios esse & perfidos Dei & Ecclesiæ proditores, quorum in manu ordinaria est potestas. Quid est igitur, cur nos inanes larvæ terreant, quominus excutiamus, ut decet, an verè sit, quæ dicitur Ecclesia? Paulus columnam veritatis Ecclesiam esse pronuntiat: sed idem & orbis iam conuersi defectionem, & Antichristi in medio Dei templo regnum prædicat. Satis notum est, eadem, quibus hodie exercemur, certamina illum sustinuisse, quum Iudei Ecclesiæ nomine superbientes, eum & apostatam esse clamarent, & scismaticum ac turbarum authorem. Continua successione ab ipsis usque Apostolis se ortos esse iactant: nempe quemadmodum Valerio Publicolæ & Lucio Bruto, Caligula & Nero successerunt. Sic enim Apostolis se conferunt, ac si non interpositum esset immensum dissidij chaos, quod nexus quosvis, siqui essent, abrumperet. Quia nobis aduersa est cleri Papalis colluies, non minus eo nos præiudicio grauari volunt, quàm si nos ex cælo Angeli damnarent. Eodem scilicet fastu olim Christum repudiabant Scribæ, quia nemo ex Principibus aut Phariseis in eum credidisset. Et illos quidem, quum pro sua tyrannide pertinaciter ad extremum usque certare propositum sit, & veris rationibus sint destituti, inanes crepare sonitus mirum nō est. Sed omnes, quibus falsò arreptum Ecclesiæ nomen scandalo est, rogatos velim, ut aures aliquādo & oculos aperire sustineant: ne fallax corporis simulachrum eos à capite auellat: ne meretrix sponsæ ornatu fucata, sponsum illum Christum auferat. Quas enim, obsecro, notas habent vnde in tota Antichristi Romani cohorte agnoscant Christi Ecclesiam? Nisi fortè dum Papam albatum, & proiectam ad eius pedes crucem videt: Cardinales purpureos, Episcopos mitra & lituo conspicuas, & reliquam minorem turbam suis quoque insignibus distinctam, his pignoribus contenti, non aliam desyderant Ecclesiam, nisi quæ in ludicris pompis apparet. Quid enim aliud nebulonibus istis dicendum restat, quando toties, tam grauiter & copiose à nobis refutati, sibi tamen adhuc Ecclesiæ titulum arrogare pergunt? Dixi initio nullos propemodum hîc falli, nisi qui ad Christum accedere nolentes, sibi procul obstacula accersunt. Fuit quidem tempus, quum multas simplices ac pias animas impediret hic scrupulus: sed hodie paucos sanæ doctrinæ scan-

dalum ex nomine Ecclesiæ opponere dico, qui non malitiose & superbè Christo insultent. Eiusdem proterviæ est, quòd miracula flagitant, quibus obstupefacti, Deo tandem per nos loquenti cedere cogantur. Ego verò, quum doctrina nostra luculentum sibi testimonium reddat, miraculis omnibus, quæ ab orbe condito extiterunt, se fuisse comprobata, istos qui veterum miraculorum obliti, nouis inhiant, quum ita stupeant in aperta Dei virtute, & in clara luce cacutiant, non minora esse portenta dico, quàm si hominem in pecud. m. versum cerneremus. Quoniam sacris opibus ditati sunt nonnulli, alij famem suam vtunque ad tempus sedarunt, nos prædandi magis cupidine, quàm pio Dei zelo ad res nouandas adductos esse iactant Euangelij hostes: multi qui prætextum captant repellendi Euangelij, maledicis istis vocibus assentiuntur. Ego verò, siqui replendis suis crumenis Ecclesiæ bona prædati sunt, non excuso. Et libri nostri, quantopere abhorreamus ab eiusmodi sacrilegijs, diserti sunt testes. Verum, vt partis nostræ delictis, si qua sunt, patrociniū meum accommodare animus non est: ita calumnia non est ferenda, quòd in prædam cecidisse maleuoli homines criminantur, quicquid fædis illis gurgitibus, hoc est sacrificijs Baal & monachis ademptum est. Certè, ex quibus locis profligata est Papatus impietas, illic saltem pars eorum redituum, quos scorta, & lenones cum sacerdotibus vorabant, in pauperes erogatur: aliquantò plus impenditur in scholas, quàm fieri solebat: aluntur veri pastores, qui salutis doctrinam populo ministrant: sumptus quoque ad tuendum Ecclesiæ statum non pauci fiunt. Quauis hac nos defensio coram Deo non absoluat (quod liberè quidem confiteor) malignè tamen scandalum inde congeri aduersus Euangelij doctrinam ostenditur. At palam fieri ostendant, quo studio impulsī, causam hanc aggressi sumus: quòd omnes ferè in priuatis rebus curandis occupati, in vrgenda disciplina, corrigendis vitijs, augendo & tuendo Christi regno, torpent. Cur ergo non ardore potius suo nos calefaciunt, quàm ipsi congelascunt ad nostrum frigus? Legantur de templi neglectu Aggæi querimonia. Illic quasi in tabula depictam cernere est seculi nostri ignorantia. An quia tunc quisque domus suæ in ætus, Dei templum non curabat, ideo non sacrosanctum Dei opus erat, templi instauratio? An fati hinc propterea quisquam debuit, quum alios videret non modò in officio necessario cessare, sed Deum quoque sceleratè fraudare primitijs ac decimis? Sed hoc est scilicet, quod statim ab exordio præfatus sum, multos profanis mundi amicitijs irretitos, quidvis offensionum contra Christum appetere potius, quàm vt impios & sanæ doctrinæ inimicos offendant. Hæc illis praua ambitio, & ad fabricanda scandala ingenium, & ad lacerandum canina maledicentia Euangelium, facundiam suppeditat. Adde quòd præsentium vitiorum morsum non contenti, in futurum tempus inquirunt, quod eadem malignitate arrodam. Fingunt enim se propinquam Ecclesiæ vastitatem animis prospicere, quæ ex intestinis dissidijs impendet. Hac nos prouidi homines non magis affici mirantur, atque vt in odium nos trahant, susque deque nobis esse colligunt, si terra incendio misceatur. Sic olim Aquilanum episcopum in priuato colloquio mecum differere memini, quàm horrida clades timenda foret, nisi discordijs finem breui statueremus. Huc autem tota tendebat oratio, fieri aliter non posse, si essemus propositi nostri ad cò tenaces, quin tandem ad arma res veniret. Belli porrò non alium fore exitum, quàm vt bonis literis extinctis, & barbarâ confusione inducâ, hu-

manitas propè ipsa è mundo tolleretur. Horum malorum sicuti culpa in nobis haberet, ita subeundam inuidiam esse. Quinetiam hæc ipsa religio, dicebat, pro qua tam acriter pugnatis, simul cum literis intereat necesse est. Quod tunc vni respondi, omnes sibi dictum accipiant. Nos certè, neque tam sumus socordes, quin nobis in mentem veniant quascunque machinatur Sathan: neque tam feri & inhumani, vt securè negligamus. Paci & otio non modò cupimus consultum, sed quantum in nobis est, cōsulimus. Ordinis & politię non minus sumus studiosi quàm qui maximè. Literarum quanta nos cura sollicitet, verbis prædicare nihil opus est. Sed quum nulla exceptione opposita, Euangelii prædicari Christus iusserit: quicumque sequatur euentus, huic mandato parendum est. Quanquam nimium sibi arrogant homines, si meliorem ex proprijs consilijs, quàm ex ratione sibi à Deo præscripta successum sperant. Quid enim? An Deum cecum & incautum esse fingunt, qui Ecclesiam suam inconsideratè periculis exponat? Imò quum optimus sit rerum omnium moderator, nostrum est, quamlibet perplexas angustias vno hoc Abraham dicto superare: Dominus providebit. Nos scilicet de humana societate erimus solliciti: Deus autem opifex nullo eius studio tangetur? Ecclesia ab vnico salutis suæ præside & custode miserè deserta, in nostram providentiam recumbet? Nos verò excusatione digni, si iniuncto nobis munere obedienter fungendo, suas Deo partes relinquimus. Ac quum David proprium eius esse opus pronuntiet, turbulentos maris fluctus componere, sedare bella, frangere currus & lanceas: meritò nos animare hæc fiducia debet ad eam doctrinam asserendam, quæ nobis eius gratiam & benedictionem sola conciliat. Quisquis tamen demum conatus nostros sequatur euentus, nunquam erit cur nos obsequium Deo præstitisse & pium & gratum poeniteat: & quod mœrorem nostrum vel in maximis cladibus solari poterit, nos & Christi gloriæ, quæ omnibus mundi regnis potior, & animarum saluti, quæ toto mundo pretiosior est, fideliter seruasse.

Postquam scandala, quæ plurimum hoc tempore nocere experimur, generatim recensui: nunc breuiter monendi sunt rursus filij Dei omnes, vt ostensis à me remedijs instructi, Christum potius pro fundamēto retineant, quàm temerario prauoque incurso sibi faciant lapidem offensionis & petrā scandali. Quin multa scandala subinde ingerantur fidelibus in hoc mūdo, fieri non potest, à quibus ne Christus quidē immunis fuit. Imo vix sperādum est, vt passum vnum conficiāt, quin scādalum aliquod obijciat Sathā. Ita per innumera scandala ambulādum ipsis est. Sed quantumuis multiplex sit varietas, & densa congeries, nemo tamen erit Christianus, nisi qui superior euadet. Petrum Christus ipse sibi scandalum esse dicit, quum à subeunda morte cum reuocare tentat. Sed an impeditus scandalo gradū refert? Quin potius Sathanam in Petro animaduertens, faceffere aliò iubet. Vt commune nolis cum ipso fore certamen sciamus, in genere pronuntiat, Necesse esse vt veniant scandala. Sed quemadmodum suos pronuntiat nunquam fore scandalorum immunes: ita nullam scandali causam excusat. Quum enim iubet oculum dextrum erui, si quem fortè scandalizet: nihil tanti esse admonet, cuius respectu nos à scopo tantillū deduci oporteat. Si ad cauēda scādala tā essemus seduli, vt ne proprijs quidē oculis quisquā nostrum parceret: nihil opus fuisset, me in amoliendis scādalis tantum operæ insumere. Arduū fateor, & supra vires nostras certamē, sed nō frustra dicit Christus, loquutū se Discipulis ne scandalizētur. Neq; enim alia de causa vin

cendis aut profligandis scandalis sumus impares, nisi quia loquentē Christū non audimus. Verum est sanè quod alio loco dicit, in nocte offendere eos qui offendāt. Quorsum autem lux Euangelij, nisi ut viā mōstrando, simul etiam scandala oculis subyciat? Atqui, dicit quispiam, impedimentum etiam si conspicitur, cursum tamen abrumpere non desinet. Ego verò iam ostendi, nisi propria nobis mollities obster, ad superanda quævis scandala Christum vnum sufficere, quum cœlesti sua virtute supra mundum nos euehat. Quòd si scandalo, quod inuitis & fugitantibus incurrit, tam fortiter est resistendum: minus habebunt excusationis, quia ad scandala ipsi quadam animi prauitate sunt proclines. Id Iudæis accidisse admonet Paulus, qui quum ex professio minime scandalum captarent, quia tamen Dei iustitiæ, propriam volentes stabilire, non fuerunt subiecti, in Christum impegerunt: adeoque exitiali naufragio tanquam ad scōpulum allisi fuerunt. Eorum verò qui oblata scandala libenter arripiunt, vel etiam procul disita cupidè accersunt, minime tolerabilis est peruersitas. Quid enim? Quum testetur Paulus se anteaetam vitam obliuisci, ut ad palmam supernæ vocationis properet, atque ad eandem festinationē suo exemplo nos hortetur: an scandala ad cursum retardandum quisquam procul impune conquiret? Iam si in Iudæis præposterum zelum tam seuerè ultus est Deus, quid futurum istis putamus, qui scientes ac volētes impingunt? Imo qui viam alioqui planam congestis vndique scandalis obruunt? Præsertim quid sibi veniæ reliquum faciunt, qui ex hominum vitijs aut sceleribus clypeos, repellendo Deo, concinnant? Nam si fideles quoque ipsi, ne quid eorum celeritatem moretur, alij alios vetantur aspiciere: si oculos longè circumferimus, data opera quærentes quod nos detineat, quomodo Christus ignosceret? Ac tales quidem verè & aptè porcis conferre licet, quibus ob natium fœtoris amorem, nihil suauius est quàm in cœnum & stercora se prouoluere: Carnes porcos scandalorum nimis auidos, siue ea venentur, siue offerri sibi gaudeant, dira manet Dei ultio, ut quotidiana offendicula, & alia alijs addita, ipsos in æternum exitium demergant. Sic enim seriò excacari æquum est, qui sponte cacutiunt: ut tandem immedicabilis sit morbus. Nos interea quum Christum audiamus omnibus maledicentem, qui scandalum infirmis præbent, sollicitè operam demus, ne quod omnino scādalum nostra culpa accadat. Caterum, quando reprobis, & mundo incredulo, Christum lapidem scandali esse oportet: modò simus extra culpam, ad scandala intrepidè excipienda, quoties ea ingeret Sathan, vel solo illo Christi titulo simus muniti. Simul altera Christi sententia in mentem veniat. Nam quum à discipulis obiectum esset, offendi Phariseos: securè omitti eos iubet, quia cæci sint, ac cæcorum duces. Addit quoque in signe dictum: Omnis plantatio, quam non plantauerit Pater meus, eradicabitur. Ita sanè est agendum: ut omnium saluti, quoad licet, studeamus: sed quia nobis datum non est eos seruare, quos Deus exitio deuonit: quod perit, pereat: ut est apud Zachariā. Nam si Paulo tollere crucis offendiculum libuisset, quasdam obliquas ad hoc rationes excudere promptum erat. Ab hoc autem consilio adicò abhorret, ut pro magno absurdo ducat, si tollatur. Scilicet fixum tenebat, quod alibi dicit, quauis odor mortis simus reprobis in mortem, suauem nihilominus odorem nos Deo spirare.

L A V S D E O.

DE AETERNA DEI PRAEDESTINATIONE, qua in salutem alios ex hominibus elegit, alios suo exitio reliquit: item, de prouidentia qua res humanas gubernat,

Consensus Pastorum Geneuensis Ecclesiae, à Io. Caluino expositus.

CLARISSIMIS VIRIS ET MAGNIFICIS

suis Dominis, Syndicis, Senatuique Geneuensi, Ecclesiae Pastores, quibus Verbi administratio tum in vrbe, tum in agro mandata est, iustam sanctamque Reip. administrationem, & felicem successum precantur.




Quæ nos ad libellum hunc scribendum impulit ratio, eadem ad ipsum vobis nuncupandum hortatur, praestantiss. Domini, vt sub nomine vestro auspiciisque exeat. Electio Dei gratuita, qua sibi ex perditio damnatioque hominum genere, quos visum est, adoptat, hactenus non minus reuenter & sobriè, quàm sincere & absque furo hic tradita à nobis, & placidè à populo recepta fuerat: donec circumforaneum erroneum nuper supposuit turbarum omnium pater Sathã, qui & doctrinam nostram, qua ex puro Dei verbo sumpta est, conuellere, & fidem totius populi labe facere tentaret. Sed quia vel ex incenso Dei tēplo voluit famelicus gloriolæ captator innotescere, ne sacrilegæ audaciæ premium quod occupatus est, reportet, nomē eius silentio nostro sepultum maneat. Caterum, quando molestia, quam nobis exhibere conatus est, nō minus vobis cōmunis fuit, fructū inde aliquem ad vos peruenire aequū est. Et quēadmodum vos experti sumus strenuos cordatosque piæ causæ vindices, ita nostrarū partium esse duximus, quā possemus gratitudinē, vicissim testari. Eadē etiā opera, quale vestro patrocinio tutati sitis doctrinæ genus, patā cōstabit. Et si enim neque generosos Reipub. praesides, neque Christi ministros anxie à rumoribus pedēre decet: quin potius sinistrae multæ obrectationes, quæ sua raucedine fractæ paulatim cōcidunt, verisq; fortiter aliōq; animo spernendæ sunt: magnopere tamē refert, quasi publicis tabulis consignatam sub oculis & inter manus hominū extare rei summā, quæ falsus aut stultorū, aut leuiū, aut improborū voces coarguat, & simul cōpescat friuolos vulgi susurros. Sparsus multis in locis fuit rumor, duris eū vinculis cōstringi, quū per mediū forū quotidie volitare licuerit. Quā malignè etiā sinxerint virulēti quidam homines, ad capitis supplicii à nobis eum exposci, vos nobis optimi estis testes. Tales calumnias, donec euanescent, contēptu & tranquilla animi magnitudine refutare, grauitatis & prudētiæ est. Rursum tamē, ne incerti pleriq; fluctuentur, quorum habenda est ratio: statum causæ omnibus esse expositum, non minus expedit, quàm ex officio nostro est. Serpit instar gangrenæ impietas, inquit Paulus, nisi obuiā eatur. Ista autē, quam sub vestro nomine pijs omnibus offerimus, defensio, tā erit ad curandos sanabiles, vt quidē speramus, validum efficacique remedium, quàm salubre antidotum sanis & integris. Ac digna est materia, ad quam studia sua intendāt filij Dei, ne cœlestis suæ genituræ originem ignorent. Stultè enim quidā, quia Euāgelium potentia Dei vocatur in salutē omni credenti, hoc prætexitu Dei electionem obliterant. Atqui venire illis in mentem debuerat, vnde oriatur fides. Passim

autem Scriptura clamat, Deum Filio suo dare qui sui erant, vocare quos elegit: & quos sibi adoptauit in filios, Spiritu suo regnare: credere denique homines quos ipse intus docuit, & quibus patefactus est eius brachium. Porro quisquis fidem arram esse & pignus tenebit adoptionis gratuite: ex aeterno diuinæ electionis fonte manare fatebitur. Neque tamen ex arcano Dei consilio petenda nobis est salutis notitia. Vita in Christo proposita est, qui se in Euangelio non modò patefacit, sed fruendū exhibet. In hoc speculū defixus sit fidei aspectus: nec penetrare appetat quò accessus non patet. Quando hæc via est, in ea ambulent filij Dei, ne altius quàm fas est euolando, in profundiorē, quàm optādum sit, labyrinthū se demergant. Cæterum, ut nō alia est cœlestis regni ianua, quàm fides in Christū, palam oblati Euangelij promissionibus cōtenta: sic nimis crassi stuporis est, nō agnoscere, apertos esse nobis mētis oculos à Deo: quia nondum in utero conceptos elegit, ut fideles essemus. Fuisse autē hoc impuro nebuloni propositū, ut nō modò notitiā electionis deleret ex hominū animis, sed eius quoque virtutem prorsus euerteret, ex eius delirijs quæ in actis publicis habetis eius manuscripta, disertè liquet: ubi asserit, Fidē ab electione non pendere, quin potius electionē esse in fide sitam. Nullos in cecitate manere ob ingentē naturæ corruptionem, quia rūtē omnes illuminentur à Deo. Nos Deo facere iniuriā, quia deserui tradimus, quos Spiritus sui illuminatione non dignatur. Trahi generaliter & ex æquo omnes homines, nec discrimen nisi à cōtumacia incipere: Quum Deus se ex lapideis cordibus carnea facturū promittit, nihil aliud intelligi, quàm ut gratia Dei simus capaces, idque promiscuè ad totum genus humanum extendi, quum singulare Ecclesiæ priuilegium esse Scriptura dilucidè affirmit. Quantum ad Dei providentiā, qua mundus regitur: inter pios omnes fixū hoc cōf. ssam esse debet, nō esse cur suis peccatis socium homines Deū ascribāt, vel vllō modo secū inuoluāt ad partem culpæ sustinendam: sed quum Scriptura doceat, reprobos quoque iræ Dei esse organa, quibus partim fideles suos erudiat ad patientiam, partim hostibus poenas infligat, quales merentur, profanus nugator nihil à Deo iustè fieri contendit, nisi cuius ratio sub oculis posita iaceat. Omne enim discrimen inter causas remotas & propinquas tollens, ærumnas sanctio Iob impositas Dei opus censeri non patitur, quin pariter cum diabolo, Chaldeis & Sabæis latronibus reus fiat. Quòd autem illo præterito, cum duobus alijs, Alberro Pighio, & Georgio Siculo, congressi sumus: id duplici nōmine expedire nobis visum est. Nam quum indoctus rabulanihil proferret, nisi ex duabus istis lacunis haustū, adeoque malè dicta in deterius raperet, nimis frigidum cum eo fuisset certamen. Vno exemplo contenti sint lectiores. Quibus cauillus Pighius & Georgius primum ad Ephesios caput obscurant, suo loco ostensum est. Atque insulsè quidem illi, sed fœdior huius inscitia, qui non erubuit in curia vestra, & illo verendo confesso effatire: & quod temerè effutuerat, pertinaciter tueri, Non traciari illic de communi piorum salute, sed quòd Paulus & reliqui collegæ in munus Apostolicū electi fuerint. Actam facile quidem commentum ex templa, sicuti memoria tenetis, refellere promptum fuit, Si qui se tali magistro discipulos addicerēt, nimis infausā theologiam discere, quæ nos omnes vitæ æternæ fiducia priuaret, quādo soli Apostoli diuinæ adoptionis cōpotes, & Deo per Christū reconciliati, & benedicti, & in societate sanctorū ascripti essent. His quidē in re præsentī fuit locus, sed libro edito iā insipidū animal refellere, non ita fortè congrueret. Neque vero nos latet, quāto opere sibi placeat: neque

mirum est, in eo, qui abiecta monachi cuculla, repente medici personam induit, tantum esse audacia, sed in eius gratiam, cum multorum fastidio ineptire, à modestia nostra alienum fuit. Deinde, quoniam duo illi noti sunt ac professi Evangelij hostes, alter etiam Calvinum nominatim aggressus, bellum nobis & huic Ecclesiae indixerat, impiae doctrinae venenum publice libris excusis sparsum purgare consultius visum est, quàm nanius vulgando, quae melius latent, importunè fatigare hominum aures, superuacuis certaminibus iam plus satis vexatas.

Faxit Dominus Deus, Magnifici & praestantes viri, ut quod haecenus magna cum laude fecistis, indefessi ad extremum usque puram Evangelij doctrinam, quae tam infesta mundi violentia undique pulsatur, fide praesidioque vestro tueri pergatis: & pios omnes, qui se in patrocinium vestrum conferunt, hospitio excipere non desinatis: quò sit vrbs vestra inter horribiles istos motus fixum Deo sanctuarium, & fidele Christi membris asylum. Ita etiam fiet, ut cum perpetuum salus vestrae praesidem sentiat: & quod illi sacratum erit domicilium, eius virtute tutum, nunquam labascet. Calendis Ianuar. M.D.LII.

DE AETERNA DEI PRAEDESTINATIONE.



AM elapsi sunt nouem anni, quum Albertus Pighius Cam-
pensis, homo phrenetica planè audacia praeditus, eodem ope-
re & liberum hominis arbitrium statuere, & arcanum Dei
consilium, quo alios eligit in salutem, alios aeterno exitio
destinat, euertere conatus est. Quia verò me nominatim
aggressor erat, per cuius latus piam sanamque doctrinam con-
foderet: sacrilegum hominis furorem compescere necesse ha-
bui. Sed quia tunc alijs negotijs districtus, vtrunque argumentum breui temporis
spatio completi non poteram: altera parte absoluta, de praedestinatione, quum da-
retur occasio, me postea scripturum recepi. Paulò post librum editum, moritur Pi-
ghius. Ergo ne cani mortuo insultarem, ad alias lucubrationes me conuerti. Et ab
eo tempore, quod agerem nunquam defuit. Ad haec, quia hoc doctrinae caput iam &
copiosè à me tractatum, & clarè explicatum, & solidis Scripturae testimonijs cõ-
probatum fuerat, non adeò necessarius videbatur hic labor, quin tuiò omitti posset.
Sed quia hodie malè feriat quidam spiritus quicquid de gratuita piorum electio-
ne, & aeterno reproborum iudicio Scripturis proditum est, Pighij exemplo diruere
moliuntur: ne longius serpat contagio, frivola eorum obiecta, quibus se & alios de-
ludunt, colligenda & breuiter refellenda censi. Inter reliquos emerfit in Italia
Georgius quidam Siculus, homo quidem indoctus, & contemptu quàm insectatio-
ne, dignior: nisi quòd nomen fraude & impostura partum, magnas illi ad nocendū
vires dedit. Nam quū Benedictinus esset monachus, diu in gurgustio suo latuit, do-
nec Lucius Abbas, vnus ex Patribus Tridentinis falsa ipsum commendatione in
sublime extulit. sperās se quoque eius humeris in caelos usque euolaturum. Nebulo
hic Christum sibi apparuisse, & totius Scripturae ab illo se interpretem cõstitutum
mentitus, quod ipse crassa pudendūque inscitia plusquàm vanum esse prodebat, nul-
lo negotio plurimis verum esse persuasit. Atque, ut fabulam ad extremum usque

actum perduceret, tanta confidentia ebuccinavit deliros suos sensus, ut imperitos, qui iam praeiudicio vinculi tenebantur, prorsus attonitos redderet. Et certe talibus propheta digna est hodie maior pars hominum: quorum partim cor in malitia obstinatum medicam nullam recipit, partim aures insatiabili prauarum speculationum desiderio pruriunt. Sunt alij fortasse, qui libenter, vel cum dedecore, innotescerent. Verum, suppresso eorum nomine, efficiam, ut intelligant lectores, quam frivola sint ac nihili omnia ipsorum obiecta.

In Pighio nunc & Georgio Siculo, belluarum par non malè comparatum proponere statui. Nam etsi quibusdam in rebus fuisse dispares fateor, in fingendis tamen errorum portentis, in licentia bacchandi, in scelerata adulteranda Scripturae audacia, in superbo veritatis contemptu, in proiecta impudentia, in proterua loquacitate, summa inter eos reperietur similitudo & aequalitas: nisi quòd Pighius lutulentas magniloquentiae suae ampullas inflans, maiore iactantia pompa se effert: alter ille cothurnos, quibus assurgat, ex commentitia revelatione mutuatur. Cum autem in evertenda Praedestinatione consentiant ambo, postea tamen in cõmentis suis sunt diuersi. Fingunt ambo, In libertate nostra positum esse, ut se quisque in adoptionis gratiam inserat. Neque hoc ex Dei consilio pendere, quinam electi sint vel reprobati: sed singulos sibi utramvis fortunam suo arbitrio statuere. Quòd alij credunt Euangelio: alij increduli manent, non ex gratuita Dei electione, vel ex arcano eius cõsilio, sed ex priuata tãtũ cuiusq; voluntate provenire hoc discrimen.

Ceterum, Pighius sensum suũ ita explicat, Deum immutabili consilio creasse indistincte omnes ad salutem. Sed cum Adã prauideret defectionem: ut firma nihilominus stabilisq; maneret electio, remediũ adhibuisse, quod omnibus perinde commune esset. Ita in Christo stabilitam fuisse totius humani generis electionem: ut nemo pereat, nisi qui sua obstinatione ex libro vitæ se delet. Rursus verò, cum Deus prauideret quosdam ad extremum in malitia gratiaq; contemptu fore pertinaces, tales prauidendo reprobasse, nisi resipiscant. Hoc reprobationis esse initium, dum se impij vniuersali electionis beneficio præter Dei consilium & voluntatem priuant. Indignè verò sentire de Deo omnes pronuntiat, & alienum iustitia & bonitate rigorem illi affingere, qui electos esse præcise & absolute quosdam tradit, alios destinatos exitio. Et nominatim hinc Augustini sententiam damnat. Præscientiam verò Dei nihil tollere de arbitrij nostri libertate, ut ostendat, ad illã Nicolai Cusani arguciam confugit: Quòd Deus non prauiderit, quæ ab æterno illi nota fuerunt, quasi futura, sed quasi presenti aspectu intuitus fuerit. Et tamen ita supercilium suo more attollit impostor, ac si reconditum nescio quid, & nunquam antè auditum, ex tripode Apollinis proferret: cum tamen trita sit pueri cãtilena. Quia tamen adhuc se impeditum teneri sentiebat, duplicem Dei præscientiam ingerit: Quòd Deus scilicet, prius creandi ad vitã hominis consilium cœperit, quàm eius lapsum præsciret: ideòq; salutis humanæ cogitatio, mortis præscientiã ordine in ipso Deo præcesserit. Et cum hæc lutulento verborũ torrente inuoluit, putat se ita obruere lectorũ sensus, ut nihil discernant: sed ego mea breuitate, ut spero, paulò post faciliè discutiam loquacitatis eius tenebras. Georgij commentum est, non fuisse hunc vel illum prædestinatum ad salutẽ, sed Deum statuisse tẽpus, quo totum mun-

Rom. 16.
Eph. 2.
Coloss. 1.

Et que huc quosdam Pauli locos detorquet: mysterium quod à seculis & generationibus absconditum fuerat, Christi aduentu & predicatione Euange-

lij patefactum esse. Ita securè elabatur, ac si nullo Scripturæ testimonio palam constaret alios, alijs præteritis, à Deo fuisse cooptatos in salutem. Denique, in electione nihil præter tempus noui Testamenti considerat.

Quid nos sentiamus, satis locuples, ut nihil præterea addam, testis est Institutio. In primis rogatos velim lectores, ut quod illic admoneo, memoria repetant: Non esse, ut quibusdam falsò videtur, argutam hanc vel spinosam speculationem, quæ absque fructu ingenia fatiget: sed disputationem solidam, & ad pietatis usum maximè accommodam: nempe, quæ & fidè probè ædificet, & nos ad humilitatè erudiat, & in admirationem extollat immèsa erga nos Dei bonitatis: & ad hanc celebrandà excitet. Nulla ædificandæ fidei aptior est ratio, quàm dum audimus electionè illam quã Spiritus Dei cordibus nostris obsignat, in æterno & inflexibili Dei beneplacito consistere, ut nullis mundi procellis, nullis Sathanae insul-tibus, nulli carnis vacillationi sit obnoxia. Tunc enim demum nobis certa est nostra salus, cum in Dei pectore causam reperimus. Sic enim vitam in Christo manifestatà fide apprehendimus, ut eadem fide duce, procul intueri liceat, ex quo fonte vita prodierit. In Christo fundata est salutis fiducia, & in Euangelij promissiones recumbit. Sed hæc non parum valida fultura est, cum nunc, ut in Christum credamus, audimus nobis diuinitus esse datum: quia ante mudi originem tam ad fidè ordinati, quàm ad vitæ cœlestis hereditatem electi eramus. Hinc illa inexpugnabilis securitas, quòd Pater, qui Filio suo nos in peculium dedit, omnibus potentior, nos è manu eius rapi non patietur. Iam verò non vulgaris in eo humilitatis materia, dum tam dispar eorum conditio cernitur, quibus communis est natura. Quocunque oculos vertant filij Dei, occurrent prodigiosa exempla cecitatis & stuporis, quæ horrore incutient. Cum se in tenebris illuminatos esse nouerint: qui fieri dicent, ut cecutiât alij in clara luce? Quis eos discernit: nisi quòd experientia conuincit, apertos illis fuisse mentis oculos, cum perinde clausi essent? Certè quid Deo sit reddere quod suum est, nondum didicerunt isti, quibus sponte nescire libet, vnde ab alijs differant. Quin radix sit pietatis, matèrque virtutum omnium, humilitas, nemo ambigit. Quomodo autem humilis erit, qui nec pristinam miseriam è qua liberatus est, audire iustinet, Deique beneficentiam promiscuè ad omnes extendens, quantum in se est, extenuat? Certè multum abest, quin Dei gratiam pro merito illustrent, qui eam prædicant omnibus esse cõmunem, in se verò efficaciter residere, quia fide eam amplexi sint: fidei verò causam interea sepultam cupiunt: quòd scilicet gratis in filios electi, Spiritu adoptionis postea donati sint. Qualis ista gratitudo, si incomparabili beneficio affectus cum eo debitorem me ex æquo profiteor, qui vix centesimã partem accepit? Quare, si ad celebrandam Dei bonitatem, quantum illi simus obstricti, præcipuè tenere interest: maligni sunt in Deum & iniuri, quibus molesta est ac grauis electionis æternæ notitia: qua sepulta, dimidiam gratiæ Dei partè ena nescere necesse est. Obstrepant, qui volent: hoc tamen elogio, quam de gratuita electione tradimus, doctrinam, ornare semper licebit, quòd nisi per eam non satisfaciunt fideles, quanta in se fuerit Dei bonitas, dum ad salutem efficaciter vocati sunt. Breuiter tantum ista delibo, quæ iterum suo loco luculentius tractanda erunt, ne quis rem cognitu apprime necessariam refugiēs, graue fastidij sui damnum serò tandem sentiat. Quòd si nos Euangelij non pudet, quòd illic apertè traditur, fateri necesse est, Deū æterno suo beneplacito, cuius aliunde causa non pendit, quos

illi visum est, destinasse ad salutem, alijs reiectis: & quos gratuita adoptione dignatus est, Spiritu suo illuminare, ut vitam in Christo oblatam recipiant: alios ita sponte esse incredulos, ut fidei luce destituti, in tenebris maneant.

Contra hoc Dei iudicium petulanter insurgunt multicanes. Atque inter eos nonnulli quidem Deum palam impetere non dubitant, quod futuram Adæ ruinam prævidens, non melius consuluerit rebus humanis. Quibus compescendus nulla melior ratio quærenda est, quam quæ à Paulo nobis ostenditur. Hoc enim veniebat in quæstionem: quomodo iustus esset Deus, dum miseretur cuius vult, & quem vult indurat. Tantâ hominum audaciâ nullo responso dignatur, nisi quod ordinis ipsos sui fortisq; admonet: O homo, tu quis es qui respoideas Deo? Quod garriunt profani homines, rationis inopia silentio absurditatem texisse: longè aliter res habet. Axioma enim sumit, quod non modò pijs mentibus tenendum est, sed in cõmuni sensu insculptum esse conuenit: Altius esse magisque reconditum Dei iudicium, quàm ut eò usque penetrare possint homines. Et quem, obsecro, non pudebit, velle ingenij sui modulo causas omnes operum Dei comprehendere? Atqui, in eo vertitur status quæstionis, An nulla sit Dei iustitia, nisi quæ à nobis concipitur. Hoc si vno verbo proponitur, Liceatne Dei virtutem sensu nostro metiri, nemo est qui non protinus respondeat, Omnes hominum sensus in vnum coacervatos immensa Dei potentia longè succumbere. Interea, simulac in Dei operibus certa ratio non apparet, diem illi dicere quodammodo parati sunt. Quid ergo hac Pauli admonitione opportunius vel aptius: Nimum sui esse oblitos, qui se supra cælum attollant? Ut Deus ipse, iure suo cedens, se ad reddendam causam offerat, ubi ad arcana illi ventum fuerit, quæ Angeli cum trepidatione adorant, quis non tanto fulgore attonitus stupebit? Mira sanè hominū rabies, qui Deum sibi audacius subijcere, quàm Paganum aliquem iudicem æquare non verentur. Tibi molestum est ac odiosum, Deum plus posse & facere, quàm mens tua capiat: aequali autem tuo interdum concedes, ut suo iudicio fruatur. Et tu in tanto furore, Dei mentionem vllam facere audes? Quid tibi sonat Dei nomen? Et tu Paulum ratione destitui iactabis, nisi si Deum è cælesti folio detractum, tibi excutiendum sis? Nos verò sciamus, sanctum Apostolum, priò, qua decuit gravitate, compescuisse vesanam eorum lasciviam, quibus Dei iustitiam incessere nulla religio est: deinde, pijs Dei cultoribus utilius moderationis cõsiliū dedisse, quàm si aqularum pennis vestitos supra nubes extulisset. Quauis enim sapientia præstantior est sobrietas, quæ Dei timore subacta, intra præscriptum ab eo intelligendi modum se continet. Eam superbi homines ignorantia nomine, si libuerit, infament: modò quod in vera sapientia ià præcipuū est, teneat, Dei voluntatem pro summa iustitiæ norma habendo, suam illi propriamque gloriam tribuere.

Pighio tamen & similibus nondum satisfactum est. Nā simulantes curæ sibi esse Dei honorem, nobis oblatrant, quasi alienam illi sua natura crudelitatem affingentibus. Negat sibi cum Deo esse certamen. Quam igitur, vel cuius causam sustinet Paulus? Postquæ hoc axioma posuit, Deum, quem vult indurare, & cuius vult misereri: per anthyphorā subijcit: Quid ergo adhuc conqueritur? Voluntati eius quis resistit? Tantæ blasphemiæ nō aliud quàm Dei potentiā opponit. Si Deo tyranni personā induunt, qui ad æternū usq; eius cõsiliū referunt hominū indurationē: nos certè non sumus huius sententiæ authores. Si Deo sunt iniurijs, quibus

lus eius voluntas omnibus causis potior est, hoc Paulus ante nos tradidit. Cum eo igitur disceptet. Neque enim aliud in praesentia disputo, quam ab eo fuisse productum quod docemus. Quanquam de canibus istis, non adeo essem sollicitus. Magis quorundam non malorum alioqui hominum anxietas me commouet, qui dum metuit quicquam Deo, eius bonitate indignum, adscribere, hoc ipsum exhorrent, quod de se per os Pauli Deus testatur. Pium quidem asserendam ab omni calumnia Dei iustitiae studium amplector. Laudanda quoque modestia esset, nisi eam gigneret morositas occulto quodam fastu turgida: siquidem ex proprio sensu loquuntur. Cur enim verentur, si quid ultra mentis suae captum Dei potentiae concedant, ne periclitetur eius iustitia, nisi quia eius tribunal suae cognitioni subijcere non dubitant? Paulus intolerabilem esse superbiam ostendit, si mortalis homo sibi iudicium in fratrem sumat, Rom. 14. quia unus sit iudex, cui stamus omnes & cadimus, & cui omne genus flecti oportet. Cuius ergo insania erit, cristas in iudicem ipsum attollere, ut eius potestate sensu nostro metiamur? Ergo qui verecundiam hanc sibi obstare causantur, ne Paulo subscribant: primum, fateantur, necesse est, quam Deo iustitiae laudem deferunt, se ad animi sui sensum restringere: sin vero de re ipsa nobiscum sentientes, suppressere tamen malunt hanc doctrinae partem, ne habenas laxent impiorum petulantiae, nimis praepostera est ista cautio. Quasi vero nostris mendacijs protegendus sit Dei honor. Ipse vero hoc patrocinium non modo nobis remittit, sed prorsus exosum esse testatur in libro Iob. Caueant potius, ne maiorem quam Dominus verbo suo praescribit, prudentiam affectando, duplicis insaniae se reos faciant.

Quanquam ut reprimendus impiorum blasphemijs maxime utilis sit, quam commendant sobrietas: quod tamen homines Deo immorigeros tam facile suis delictis frenati iri sibi persuadent, ridicula est eorum fiducia. Paulus ubi de arcanis Dei consilijs, quatenus opus erat, differuit, quasi inicela manu, ut ra progredi vetat. Calcitrant, proteruiunt, ac de fulgoria leuitate ultra finitam sibi metam transuolant iniqui spiritus: quomodo igitur ad unius vel alterius nutum subsistent, qui angustiores illis stadijs cancellos circumdant? ac si quis ferocem equum, qui fractis repagulis exultat, araneae filo retinere tentet. Verum, in re tam ardua & recondita nihil melius, quam sobrie sapere. Quis negat? Videndum tamen simul est, quis optimus sit sobrietatis modus: ne idem nobis quod Papiis contingat, qui, ut discipulos habeant obsequentes, brutis pecudibus similes esse iubent. Haecine est Christiana simplicitas, eorum, quae Deus ostendit, scientiam quasi noxiae refugere? Hoc, inquit, absque iactura nescire fas est. Quasi non melius indicauerit coelestis Magister, quid scire & quousque expediat. Ergo ne vel in aquis fluctuemus, vel dubij & vagi circumferamur per medium aerem, vel altius pedem figendo, quam par est, in profundum mergamur: sic nos Deo praebeamus regendos & docendos, ut simplici eius verbo contenti, plus scire quam illic reperimus, ne appetamus quidem, etiam si detur facultas. Haec docilitas, qua sensus omnes suos pius homo sub Dei verbo continet, vera est ac unica sapiendi regula. Nam & quousque nos porrecta manu ducit is qui via est, cuius Spiritus per Apostolos & Prophetas locutus est, tutum est sequi: & supra omnem humanam mentis perspicaciam longe excellit eorum ignorantia, quae in Dei schola non discitur. Itaque non minus a suis ouibus exigit Christus, ut voci suae auscultent, quam ut alienorum vocibus auris habeant obstruatas. Nec sane aliter fieri potest, quam ut in vacuum solida doctrina animam inanes undique er-

rorum flatus penetrent. Porro, quàm verè profitear, non nisi præunte Dei verbo me vnquam hac de re verbum fecisse, tametsi ex prioribus meis scriptis, ac præsertim ex mea Institutione facile iudicabunt p̃ij lectores; ex hac tamen hostium, qui se contrà opponunt, refutatione, non nihil nouæ lucis accedet.

- Sed quia odiosè nobis ingeritur veteris Ecclesiæ authoritas: breuiter etiam præfari operæpretium est, quàm iniuste hac partim falsa, partim friuola inuidia, prematur Christi veritas. Augustini tamen verbis potius quàm meis, hoc quicquid est criminationis diluere malo. Nā & sanctum virum eodē olim probro vexabant Pelagiani, quod sibi aduersos haberet alios Ecclesiæ scriptores. Primum ergo excusat quod ante exortā Pelagij hæresim non ita subtiliter neq; exactè de prædestinatione id quod erat, tradiderant. Quid igitur opus est, inquit, vt eorum scrutemur opuscula, qui priusquā ista hæresis oriretur, non habuerunt necessitatem in hac difficili ad soluendū quæstione versari? quod proculdubio facerent, si respondere talibus cogerentur. Prudenter certè nō minus quàm ingenuè dictum. Nisi enim eum exercuissent gratiæ Dei hostes, nunquam ad excutiendā Dei electionem ad eō fuisset attentus: sicuti fatetur. Nam in libro cui titulum fecit De bono perseuerantiæ: Hæc, inquit, certa est ac manifesta prædestinatio sanctorum, quam postea diligentius & operosius, cum aduersus nouam sectam disputarem, defendere necessitas compulit. Didicimus enim singulas quasque hæreses intulisse Ecclesiæ proprias quæstiones, contra quas diligentius defenderetur Scriptura diuina, quàm si nulla talis necessitas cogeret. Quid autem cogit loca Scripturarum, quibus prædestinatio commendata est, copiosius & enucleatius isto nostro labore defendi, nisi quod Pelagiani dicunt, Dei gratiam secundum merita nostra dari: quod nihil aliud est quàm gratiæ negatio? Porro, aliquantò prius negauerat, sibi de librorum suorum vetustate præiudicium debere afferri. Nemo, inquit, tam iniustus est, vt opinor, & tam inuidus, qui proficere me prohibeat. Postea tamen simul contendit, ex quibusdam veterum testimonijs posse colligi, non aliter eos quàm tunc doceret, sensisse. Vt alijs supersedeam, plusquam perspicuum est, quod ex Ambrosio citat, Christus, quem miseratur, vocat. Item, Si voluisset, ex indenotis fecisset deuotos. Sed Deus, quos dignatur, vocat, & quem vult, religiosum facit. Quis totam huius quæstionis summam his paucis verbis comprehendere non videt? Quod non omnes ad Christum accedunt, vt salutem consequantur, causam assignat, Quia Deus eorum corda efficaciter non tangit. Conuersionem hominis ex gratuita Dei electione manare pronuntiat. Cur alijs reprobatis, alios vocet, in solo eius arbitrio positum esse non dissimulat. His tribus capitibus statum quæstionis contineri & finiri, nemo mediocri iudicio præditus nescit. Porro, Augustinus ipse ad eō totus noster est, vt si mihi confessio scribenda sit, ex eius scriptis contextam proferre, abundè mihi sufficiat. Sed ne in præsentia nimium sim prolixus, tribus aut quatuor locis contentus ero, ex quibus constet, ne vno quidem apice me ab ipso differre. Ex continua deinde operis serie plenius constabit, quàm solidè omni ex parte mihi suffragetur. Libro de prædestinatione sanctorum, contra eos se disputare profitetur, qui peccato Adæ obnoxium nasci genus humanum agnoscunt, ac præueniri Dei gratia hominum voluntates, nec sibi quenquam ad vllum opus bonum vel inchoandum, vel perficiendum, sufficere. Quid autem ea confessione maius desiderat, in ipso disputationis progressu ostendit. Ne diceret quispiam, inquit,

Lib de
prædest.
Sancto.
cap. 14.

Cap. 20.

Cap. 12.

Eius lib.
cap. 19.

Capite. 1.

inquit, Discernit me ab alijs fides mea, iustitia mea, aut aliquid simile, talibus occurrēs cogitationibus, rogat Doctor Gentiliū: Quid habes quod non acceperis? A quo autem, nisi ab illo qui te discernit ab alio, cui non donauit quod donauit tibi? Deinde, Fides igitur, & inchoata, & perfectā, donum Dei est: & hoc donum quibusdam dari, quibusdam non dari, omnino non dubitet, qui non vult manifestissimis Scripturæ testimonijs repugnare. Cur autem non omnibus detur, fidelem mouere non debet, qui credit ex vno omnes in condemnationem iustissimam venisse. Cur autem istum potius quàm illum Deus hinc liberet, inscrutabilia sunt iudicia eius, & viæ eius inuestigabiles. Item, Si discutiatur & queratur, vnde quisque sit dignus, non desunt qui dicant, Voluntate humana: nos autem dicimus, Gratia vel prædestinatione diuina. Postea subiicit: Saluator ipse Dei filius præclarissimum est gratiæ & prædestinationis lumen. Respondeatur, quaeso: homo ille, vt à verbo Patri coæternus in vnitatem personæ assumptus, filius Dei vnigenitus esset, vnde hoc meruerit. Quod enim eius bonum qualecunque præcessit? Quid egit antè? quid credidit? quid petiuit, vt ad tantā dignitatē perueniret? Hic Deo aliquis hominū obmurmuret ac dicat: Cur non & ego? si audierit: O homo, tu quis es qui respondeas Deo? neque ita se cohibeat, sed augeat impudentiam, & dicat: Quomodo audio, Tu quis es ô homo? quum sim homo sicut ille de quo ago, cur non sum quod ille est? At enim gratia ille talis ac tantus est. Cur diuersa est gratia, vbi natura communis est? Certè non est acceptio personarum apud Deum. Quis non dico Christianus, sed insanus hæc dicat? Appareat igitur in capite nostro fons gratiæ, vnde secundum cuiusque mensuram, se per cunctiam embradi diffundit. Ipsa est prædestinatio sanctorū, quæ in Sancto sancto-
rū maximè claruit. Et paulò post: Sicut prædestinatus est ille vnus, vt caput nostrum esset: ita & multi sumus prædestinati, vt essemus eius membra. Ac ne quis fidei hoc tribueret, quòd alter alteri præfertur, negat eligi eos qui crediderunt: sed potius, vt credant. Similiter ad Syxtum: Cur credat hic, non credat ille, cur hunc potius liberet Deus quàm illum, scrutetur tã magnum profundum qui potest, sed caueat præcipiti. Rursus alio loco: Quis reprobos creauit, nisi Deus? Et cur, nisi quia voluit? Cur voluerit, o homo, tu quis es qui respõdeas Deo? Item alibi, postquam disputauit, nullis hominum meritis Deum pronocari, vt mandatis suis faciat obsequentes, sed retribuere illis bona pro malis, propter se, non propter illos: tandem subiicit, Si quis roget, cur istos homines Deus ones faciat: istos non faciat, istam esse quæstionē, quam Apostolus expauescens, exclamat: O altitudo, &c. Quemadmodum verò electionis initium ex gratuita Dei voluntate deducēs, reprobationem in mero eius arbitrio statuit: sic & salutis nostræ firmitudinem non alibi fundatam esse docet. Nam ad Paulinū scribens, eos qui nō perseuerant, ad vocationē Dei, quæ efficax est ac sine penitentia, pertinere negat. Cur autē alij pertineant, alij non, occultam esse causam, non iniustam. Esse enim hanc altitudinem iudiciorum Dei, quæ ideo vocantur iudicia, ne quid iniustum imaginemur. Fusius tamen in alio opere, perseuerantia donari electos contendit, quæ excidere nunquam possint. Cur perseuerantiam non dederit Deus, quibus Christianè viuendi affectum dedit, me ignorare, respondeo. Non enim arroganter, sed modulum meum agnoscens, audio dicentem Paulum: O homo tu quis es? Item quando rogauit Christus, ne deficeret fides Petri, quid aliud rogauit, nisi vt haberet in fide liberrimam, fortissimam, inuictissimam, perseuerantissimam voluntatem? Mox subiicit: Mirandum quidem, multumque mirandum, quòd filijs suis quibusdam, quos regenerauit in Christo, quibus fidem, spem,

Cap. 5.

Cap. 9.

Cap. 10.

Cap. 15.

Cap. 17.

Epist. 105.

Ad Boni.

epistola

106.

Lib. ad

Bonif. 4.

cap. 6.

De cor-

rep. &

grat. ad

Val. ca. 8.

dilectionem dedit, non simul det perseverantiam, quum filij: alieni scelera tanta dimittēs, suos faciat. Quis hoc non miretur? quis non vehementer stupeat? Ceriè hic iudicia Dei, quoniam iusta & alta sunt, nec vituperari, nec penetrari queunt. In his est & illud de perseverantia, de qua disputamus. De vtrisque ergo exclamemus: **Cap. 7. e**
iudicē lib. O altitudo! Dixerat autē prius, Firmū stat Dei fundamentum, habens signaculum hoc: Nōuit Dominus qui sunt sui. Horum fides quæ per dilectionē operatur, profectō aut omnino non deficit, aut si qui sunt quorum deficit, reparatur antequam vita ista finiatur: & deleta, quæ intercurrerat, iniquitate, usque in finem perseverantia deputatur. Qui verò perseveraturi non sunt, ac sic à fide Christiana lapsuri sunt, ut tales eos vitæ finis inueniat, proculdubio nec illo tempore quo bene pieque viuunt, in isto numero computandi sunt. Non enim sunt à massa illa perditionis præscentia Dei & prædestinatione discreti: & ideo nec secundum propositum vocati. Ne quis autem perturbet, quòd interdum excidunt, qui filij Dei habiti fuerāt, huic quoque dubitationi occurrens: Absit ut deficient, inquit, si de illis prædestinati essent, & secundum propositum vocatis, qui verè sunt promissionis filij. Nam isti quum piè viuunt, dicuntur filij Dei: sed quoniam victuri sunt impiè, & in eadem impietate morituri, non eos præscentia Dei sic dicit. Sunt enim filij Dei, qui nōdum sunt nobis, & iam sunt Deo: sunt rursus qui propter susceptā vel tēporaliter gratiam dicuntur à nobis, nec tamen sunt Deo. Item, Christo intelliguntur dari, qui ordinati sunt in vitam. Isti sunt prædestinati, & secundū propositum vocati, quorum nullus perit: ac per hoc nullus ex bono in malum mutatus, vitam hanc finit: quia sic est ordinatus, & ideo Christo datus, ut non pereat, sed habeat vitā æternam. Paulò post: Quicumque Dei providentiſſima dispositione præsciti, prædestinati, vocati, iustificati, glorificati sunt, non dico etiā nondum renati, sed etiā nondū nati iam filij Dei sunt, & omnino perire non possunt. Rationem mox adducit, Quia talibus omnia Deus cooperatur in bonū: & quidē usque adeò prorsus omnia, ut si qui eorū deuiant & exorbitant, etiam hoc ipsum eis faciat proficere in bonum: quia humiliores redeūt & doctiores. Quòd si altius conscēditur, & de prima hominis creatione mouetur quæstio, eam quoque sic exequitur: Saluberrimè confitemur, quod rectissimè credimus, Deū, Dominūque rerū omnium, qui creauit omnia bona valde, & mala ex bonis exoritura præsciuit, & sciuit magis ad suam omnipotentissimā bonitatē pertinere, etiā de malis benefacere, quàm mala esse nō sinere: sic ordinasse Angelorū & hominū vitā, ut in ea prius ostenderet quid posset liberum arbitriū: deinde, quid posset gratiæ suæ beneficium, iustitiæque iudiciū. In enchiridio verò ad Laurentiū, quod **Cap. 95.** residuū dubitationis esse posset, liberius explicat: Quū extremo die, inquit, in iudiciū mundi apparuerit Christus, tūc in clarissimā luce sapientiæ videbitur, quod nunc priorū habet fides, antequā manifesta cognitione videatur, quàm certa & immutabilis, & efficacissima sit volūtas Dei: quàm multa possit, & nō velit: nihil autē velit quod nō possit: quàmque sit verū, quod in Psalmo canitur: Deus noster in cælo, omnia quæ voluit, fecit. Quod utique nō est verum: si aliqua voluit, & nō fecit. Nō fit ergo aliquid, nisi Omnipotens fieri velit, vel sinēdo ut fiat, vel ipse faciēdo. Nec dubitandum est, Deum facere bene, sinēdo fieri, quæcumque sunt malè. Nō enim hoc nisi iusto iudicio finit. Quauis ergo quæ mala sunt, in quantum mala sunt, non sint bona: tamen ut nō solum bona, sed etiā sint & mala, bonum est. Nā nisi esset hoc bonū, ut essent & mala: nullo modo esse sinerētur ab Omnipotēte bono. Cui proculdubio quàm facile est quod vult facere, tam facile est, quod non vult esse, nō sinere. Hoc nisi

Lib. de
corrupt.
& grat.
cap. 10.

Cap. 96.

nisi credamus, periclitatur ipsum fidei nostræ initium, qua nos in Deum omnipotentem credere confitemur. Tandem clausulam addit: Hæc sunt magna opera Domini, exquisita in omnes voluntates eius: & tum sapienter exquisita, ut quum angelica & humana creatura peccasset: id est, non quod ille, sed quod voluit ipsa fecisset, etiam per eandem creaturæ voluntatem, qua factum est quod creator noluit, impleveret ipse quod voluit, bene utens & malis tanquam summè bonus, ad eorum damnationem quos iustè prædestinavit ad pœnam, & ad eorum salutem, quos benignè prædestinavit ad gratiam. Quantum enim ad ipsos pertinet, quod Deus noluit, fecerunt: quantum verò ad omnipotentiam Dei, nullo modo id efficere valuerunt. Hoc quippe ipso quod contra Dei voluntatem fecerunt, de ipsis facta est Dei voluntas. Propterea nanque magna opera Domini exquisita in omnes voluntates eius, ut miro & ineffabili modo nō fiat præter eius voluntatē, quod etiā cōtra eius sit voluntatē: quia non fieret, si non sineret: nec utiq; nolēs finit, sed volens. Hæc pauca ex multis excerpere libuit, unde perspiciant lectores, quàm verecūda fronte Pighius Augustinū à nobis disjungat, adeoque erroris sui suffragatorē aduocet. Nam in continua disputationis serie, huius sancti viri testimonijs subinde utendū erit.

Nunc quod præcipuum est, agamus: nihil hac de re à me proditum, nisi quod Deus Scripturæ oraculis nobis omnibus clarè dicat. Quòd ex æterna Dei electione pendeat salus fidelium, cuius nulla præter gratuitum eius beneplacitum causa reddi potest, disertæ sunt Pauli verba primo ad Ephesios capite. Benediclus, inquit, Deus, qui nos benedixit in Christo: sicuti nos in eo elegerat ante mundi creationē. Audio quid garriat Pighius: Electum esse in Christo genus humanum, ut quicumque eum fide amplexi fuerint, salutem consequantur. Sed in hoc commento duæ sunt crassæ hallucinationes, quas Pauli verbi refellere promptum est. Nam primò certè inter electos & reprobos mutua est relatio: ut stare electio, de qua loquitur, nequeat, nisi fateamur Deum certos homines, quos illi visum est, ab alijs segregasse. Quod ipsum Prædestinandi verbo, quod bis postea repetit, exprimitur. Adhæc, eos dicit electos qui fide insiti sunt in Christi corpus: quod omnibus nequaquam cōmune esse, palam est. Solos itaque eos designat, quos vocatione sua dignatur Christus, postquam illi à Patre dati sunt. Fidem verò facere electionis causam, nimis absurdū est, atque à Pauli verbis dissentaneum. Neque enim, quod prudenter animadvertit Augustinus, electos esse pronūtiat, quia credituri essent, sed ut crederent: non electos dicit quos Deus præviderat fore sanctos & immaculatos, sed ut tales fierent. Item: Non quia credidimus, ipse nos elegit, sed ut credamus: ne priores videamur ipsum elegisse. Fructū diuinæ electionis & effectū Paulus esse clamat, quòd sancti esse incipimus. Ergo nimis præposterè faciūt, qui fidei electionē subijciūt. Deinde quū unicā electionis causam statuatur, Dei beneplacitū quod habuit in seipso, alias omnes causas excludit. Ideo rectè Augustinus nos illuc reuocari admonet, ne placito gloriemur voluntatis nostræ. Sequitur apud Paulū: Gratia sua Deū in nos exundasse in omni prudentia, patefacto nobis arcano voluntatis suæ secundū beneplacitū, quod in seipso proposuerat. Audis illuminationis gratiam, quasi riuum esse ex fonte æterni illius consilij fluentem, quod antè absconditū fuerat. Multū ergo abest, quin Deus in nobis eligendis aliquē fidei respectum habuerit, quæ nulla esse poterat, nisi eam adoptionis suæ gratia, nobis destinasset. Et Paulus iterū confirmat, non aliunde inducū fuisse Deū: sed ipsum sibi fuisse authorē & causā, cur nondū creatos eligeret quibus postea & fidē conferret: Secundū propositum eius, inquit, qui omnia efficit

secundū consiliū voluntatis suæ. Quis æternū Dei propositum nostro opponi non videat? Quod etiam ab Augustino ritè exp̃sum est: qui vsqueadè Deū operari omnia interpretatur, vt velle quoque nostrum, quo credimus, efficiat. Iam satis euicūm esse arbitror, quos nunc Deus per Euangelium in spem salutis vocat, quos in Christi corpus inserit, quos facit vitæ æternæ hæredes, æterno arcanoque consilio sibi in filios adoptasse: atque vt adoptaret, vsqueadè non fuisse eorum fide prouocatum, vt fidei causa & principium sit ipsa electio: vnde ordine priorem esse constat.

Nihilò obscurius est, quod octauo ad Rom. capite habetur. Nam quum dixisset, Omnia adiumento esse fidelibus qui Deum diligunt: ne felicitatis suæ exordium à seipsis peterent homines, quasi suo Deum amore ad promerendum tale beneficium præueniant, correctionis vice mox attexit, Qui secundum propositum vocati sunt. Videmus vt priores Deo partes nominatim vindicet, qui vocatione sua efficit, vt diligere incipiāt, qui nihil poterāt quàm odisse. Nam vt totum hominis ingenium excutias, quæ ad Deū amandū illic propensio reperietur? Imò Paulus eodē capite omnes carnis sensus Deo inimicos esse pronuntiat. Si omnes natura hostes & Deo aduersi: sola eius vocatione discerni palam est, qui deposito odio animos ad eum amandum conuertant. Porro minimè dubium est, quin efficax hîc vocatione notetur, qua regenerat Deus, quos sibi prius in filios adoptauit. Neque enim simpliciter dicit Vocatos (quod in reprobos plerunque competit, quos Deus promiscuè cum filiis suis ad pœnitentiam fidemque inuitat) sed vocatos secundum propositum, quod stabile ipso effectu ratumque esse oportet. Nam de hominis proposito insulse hunc locum exponi, Augustinus optimè coarguit: & ipse contextus omnem scrupulum eximit, ne alieno opus sit interprete. Sequitur enim, Quos prædestinauerat, vel definierat, eosdem vocauit: & quos vocauit, eos iustificauit. Hîc de certo numero se loqui demonstrat quem sibi Deus in peculium destinauit. Nam quum & alijs modis, & præsertim externo hominum ministerio vocet permultos: neminem nisi quem ad vitam ordinauit, iustificat, vt tandem glorificet. Est igitur specialis quedam vocatione, quæ æternam Dei electionem sic obsignat & sancit, vt patefaciat quod prius fuit in Deo absconditum.

Scio quid hîc nonnulli cauillètur: Quum prædestinatos Paulus dicat quos Deus præsciuit, suæ quæque fidei respectu eligi. Sed ego illis quod falso imaginantur, non concedo, Intelligi quicquam fuisse à Deo præuisum, quod conciliaret illis gratiam: sed quia gratuito electi sint, fuisse præcognitos. Quemadmodum alibi docet idem Paulus, Deum nouisse qui sint sui, quia scilicet notatos, & quasi in suo censu numeratos habeat. Neque hoc quoque ab Augustino omissum est: Præscientiæ nomen pro Dei consilio accipi, quo suos in salutem prædestinat. Præsciri à Deo, quænam futuri sint vitæ hæredes, nemo non fatetur. Hoc modo in quæstione versatur, Præuideātne quid in ipsis facturus sit, an quales à seipsis sint futuri. Futilis autem argutia est, arrepta Præscientiæ voce, electionem, quam Paulus vbique in solo Dei proposito includit, hominum meritis alligare. Petrus electos salutatur, secundum præcognitionem Dei. An quod præuisa in ipsis aliqua virtus, Dei fauorem ad eos inclinauerit? Atqui Petrus homines inter se nō confert, vt alios alijs faciat digniores: sed decretum quod in se Deus statuit, supra causas omnes in sublimi locat: ac si diceret, Nunc censeri inter Dei filios, quia priusquam nascerentur, electi fuerint. Secundum hanc rationem eodem capite docet, Christum ante mundi creationem fuisse præcognitum, vt sacrificio suo mundi peccata ablueret. Quo proculdubio si-

Lib. ad
Boni. 2.
cap. 9. &
alios locis

Lib. de
Bon. per
sc. cap. 18.

1. Petr. 1.

gnifi-

significat, expiationem ab eo completam, æterno Dei scito fuisse ordinatam. Nec aliter exponi potest quod in Petri concione apud Lucam habetur: Christum definito Dei consilio & præscientia in mortem traditum esse. Sic enim præscientiam consilio adiungit, ut discamus, neque fortuito, neque violento hominum impetu abreptum fuisse Christum ad mortem: sed quia Deus optimus & sapientissimus cognitor, ita consulto statuerat. Et vnus Pauli locus ad dirimendam omnem controuersiam apud sanos lectiores sufficiet. Deum plebem suam, quam præsciuit, repulisse negat. Mox qualis illa fuerit cognitio, declarat: quod reliquæ secundum electionem gratiæ, salutæ factæ sunt. Item, quod Israel operibus non sit consequutus quod querebat: sed electio sit: consequuta. Quam priore loco præscientiam vocauit, postea electionem esse definit, & quidem gratuitam.

Puerile figmentum est, quod gratiam Pighius interpretatur, quia Dominus omnes in Adam perditos, ad salutem nihilominus inuitat. Clare enim Paulus Deo præcognitos à reliquis discernit, quos aspectu suo dignatus non est. Quod idem non obscure expressum est Christi verbis, Quicquid dederit mihi Pater, ad me veniet: Ioan. 6. & eum qui venit ad me, non eiciam foras. Tria breuiter quidē, sed tamē perspicuè hinc habemus: Quotquot veniunt ad Christum, prius illi à Patre esse datos: deinde omnes qui dati sunt, quasi de manu in manum illi tradi, ut verè eius fiant: postremò scidum esse omnium custodem, quos in eius fidem ac præsidium Pater tradidit, ut neminem perire sinat. Nunc si fidei principium quaritur: respondet Christus, Ideo credere qui credunt, quia sibi donati sunt à Patre. Magnum plebi imperit & obstaculum erat Scribarum incredulitas, quod vulgo persuasum erat, nullam doctrinam fide dignam esse, nisi quæ eorum suffragio recepta esset. Clamat ex aduerso Christus, singulare esse Dei donum lucem illam, qua in salutis viam dirigimur. Si quis tergiversetur, dari Christo quos Pater in eo elegit: manet tamen istud fixum, donationem non fide modò superiorem esse, sed eius causam ac originem. Sed in altero membro longè plus subest ponderus. Neque enim tantum venire ad se alios negat, nisi quibus porrecta fuerit à Deo manus: sed omnes qui sibi donati sunt, sine exceptione, credere affirmat. Quod in disputationis contextu vberius confirmat. Nemo, inquit, ad me potest venire, nisi Pater meus traxerit eum. Fatebitur Pighius illuminatione opus esse, ut ad Christum redeant homines, qui à Deo erant auersi: sed interea fingit, offerri per æquè omnibus gratiam, hominum autem arbitrio, ut cunque eam recipere libuerit, efficacem demum esse. At verò Christus alium verborum suorum sensum esse testatur, Sunt quidam ex vobis qui non credunt. Propterea dixi vobis, nemo potest ad me venire, nisi illi datum fuerit à Patre meo. Vides ut incredulos eorum numero excludat qui trahuntur. Nam hoc prorsus intempestiuè effutiret, nisi speciale donum esset fides. Sed hoc omnium clarissimum: quod postquam Iesaiæ vaticinium adduxit, Erunt omnes docti à Deo: mox interpretationis loco addit, Omnis ergo qui audiuit à Patre meo & didicit, venit ad me. In eo docet impleri Iesaiæ vaticinium, quod Deus Spiritu suo intus discipulos alloquitur, ut Christo in possessionem tradat. Hunc instaurandæ Ecclesiæ modum definit Iesaias, ut omnes eius filij diuinitus edocui sint. Peculiare ergo beneficium commemorat, quo Deus non nisi Ecclesiæ filios dignatur. Christus efficaciter hoc doctrinæ genere ad se trahi pronuntiat, quorum mentes & corda Deus compellat. Sic enim interius docet eos, inquit Augustinus, qui secundum propositum vocati sunt, simul donas & quid agant, scire: & quod sciunt, agere. Qui autem nouit quid fieri debeat,

Lib. 1. de
gratia
Christi
cōtra Pe-
lag. & Ce-
lest. ca. 13.
Cap. 14.

Non facit, nondum à Deo didicit secundum gratiam, sed secundum Legem: non secundum spiritum, sed literam. Paulò pòst: Si ut dicit veritas, omnis qui didicit, venit: quisquis non venit, profectò nec didicit. Concludit tandem. Non est consequens, ut qui potest venire, etiam veniat, nisi id voluerit atque fecerit. Sed omnis qui didicit à Patre, non solum potest venire, sed etiam venit: ubi iam & possibilitatis profectus, & voluntatis affectus, & actionis effectus est. Neque Augustinum ideo in praesentia adduco testem, quòd eius autoritate pugnem. Sed quia eius verbis aptiora non suppetunt, quibus Euangelistæ mentem exprimam. Quòd si nondum quidam acquiescāt: alibi plenius edisserit: Quid est, Omnis qui audiuit à Patre & didicit, venit ad me: nisi, Nullus est qui audiat & discat à Patre, & non veniat ad me? Si enim omnis qui audiuit à Patre & didicit, venit: profectò omnis qui non venit, non audiuit à Patre, nec didicit. Nam si audisset & didicisset, veniret. Valde remota est à sensibus carnis hæc schola, in qua Pater auditur & docet, ut veniatur ad Filium. Paulò pòst: Hæc gratia quæ occultè humanis cordibus tribuitur, à nullo duro corde recipitur. Ideo quippe tribuitur, ut cordis duriti primùm auferatur. Quando itaque Pater intus auditur, aufert cor lapideum, & dat cor carneum. Sic quippe facit filios promissionis & vasa misericordiæ, quæ preparauit in gloriâ. Cur ergo non omnes docet ut veniant ad Christum, nisi quia omnes quos docet, misericordia docet: quos autem non docet, iudicio non docet? quoniam cuius vult miseretur, & quem vult obdurat. Quanquam breuiore compendio potest huius questionis summa perstringi. Trahi à Patre Christus dicit, non quibus flexibile cor datur, ut venire ad eum possint: sed quorum Deus Spiritu suo cor intus afficit, ut re ipsa veniant. Id non omnibus promiscuè dari, experientia vel cecis demonstrat.

Lib. de
praedeſti.
Sanctor.
cap. 8.

Ioan. 10.

Iam quòd neminè ex eorū numero se eijcere pronuntiat: quin potius repositam in tuto esse omnibus vitā, donec excitet eos in nouissimo die: quis non videt finalē, ut vulgo loquuntur, perseuerantiam Dei electioni similiter adscribi? Fieri potest, ut à fide quidam excidant: sed qui sibi à Patre donati sunt, extra ruinæ periculum Christus esse asserit. Quemadmodum & alio loco, postquam dixit ex Iudeis quosdam non credere, quia ex ouibus suis non essent, oues ipsas quasi in securo salutis portu collocat. Non peribunt, inquit, in æternum: nec rapiet eas quisquam è manu mea. Pater qui dedit mihi, maior omnibus est. Hunc tam firmum salutis statum Pighius in fide praesenti fundare non audebit: quum eam à libero hominis arbitrio suspendat. Nec quasi de re ambigua disputandum, ubi Christus cunctis Sathanae machinationibus suam vnius tutelam opponens, ideo tutos ad extremum vsque nos fore pronuntiat, quia seruare velit. Porro ne cui dubium sit, quos fide sua protegendos suscipiat, iterum nos reuocat ad Patris donationem. Nec verò leuiter prætereundum, quòd potentio rem quibuslibet aduersarijs Deum facit, ne minor sit nobis salutis securitas, quàm potentia Dei reuerentia. Ergo inter tam violentos insultus, tam varia discrimina, tantas procellas & agitationes, in eo tamen consistit status nostri perpetuitas, quòd Deus quod de salute nostra apud se decreuit, brachij sui virtute constanter tuebitur. Si quisque nostrum se aspiciat: quid potest aliud quàm trepidare? Nam circa nos omnia nutant: & nihil nobis imbecillius. Sed quia coelestis Pater quos Filio donauit, perire non sinet, quantum habet hinc potentia, tam certa est nobis fiducia & gloriatio: quia ideo fortis est, ut constans & inuictus appareat suæ donationis assertor. Nam ut scitè Augustinus dicit: Horum si quisquam perit,

perit, fallitur Deus. Sed nemo eorum perit, quia non fallitur Deus. Horum si quisquam perit, humano vitio Deus vincitur. Sed nemo perit, quia nullare vincitur Deus. Electi enim sunt, ut perpetuò regnent cum Christo: non sicut Iudas ad munus temporale cui congruebat. Item: Ex istis nemo perit, quia omnes electi, & secundum propositum, non suū, sed Dei. Si quidem non tale modò illis perseverantiæ donum confertur, ut postea declarat, quò possint si velint: sed quò non nisi perseverantes sint. Quod optima ratione confirmat. Nam si in tanta infirmitate vitæ huius, in qua tamen infirmitate, propter elationem reprimendam perfici virtutem oportebat, ipsis relinqueretur voluntas sua, ut in adiutorio Dei, sine quo perseverare non possent, manerent si vellent: nec Deus operaretur ut vellent: inter tot & tantas tentationes voluntas ipsa infirmitate sua succumberet, & ideo perseverare non possent: quia deficientes infirmitate, nec vellent, aut non ita vellent ut possent. Subventum ergo est infirmitati voluntatis humanæ, ut divina gratia indeclinabiliter, & inseparabiliter ageretur: & ideo quavis infirma non deficeret, nec infirmitate aliqua vinceretur.

Prodeat nunc in medium memorabilis ille Pauli locus, & qui vnus ad dirimendam controuersiam apud sobrios & morigeros Dei filios abundè valere debebat. Etsi autem Cyclopem Pighum contemptum Pauli verba illudere mirum non est: facturum tamen me spero, ut sani omnes tam barbaram profanandæ Scripturæ audaciam detestentur. Quia Iudæi Ecclesiæ titulo superbientes, hoc ipso prætextu Euangelium respuebant, quòd fictitiæ Ecclesiæ consensu damnatum foret: ne tam indigno fastu obruatur Euangelij maiestas, laruam, qua se venditabant, Paulus illis detrahit. Erat sanè arduum infirmis obstaculum, quum doctrinam Christi ab ijs ferè omnibus reijci viderent, quos Deus æterni sui fœderis hæredes constituerat. Iesum esse Dei Messiam Apostoli prædicabant. Reclamabat tota natio, cui promissus fuerat Messias. Et quid mirum? quandoquidem hodie quamplurimos videmus obiecto hoc euanido fucò labascere, dum se Papiæ Ecclesiæ esse iactant. Hoc itaque modo cum Iudæis congreditur Paulus, quòd legitimos Abrahamæ filios nequaquam faciat carnale genus: sed soli filij promissionis in semine censeantur. Poterat autem ex fide æstimare: idque consentaneum erat, quum in promissione discrimen inter genuinos & spurios statueret: idque prius fecerat: sed nunc altius conscendit: esse filios promissionis, quos Deus antequam nascerentur, elegit. Citat enim quod ab Angelo promissum fuit Abrahamæ: Secundum hoc tempus veniam, & erit Saræ filius: ac si diceret: antequam in utero conceptus esset Isaac, fuisse à Deo cooptatum. Non solum autem hoc, inquit: sed quando ex vno concubitu patris nostri Isaac grauida erat Rebecca, quum nondum nati essent pueri, necdum quicquam boni fecissent vel mali, ut secundum electionem propositum Dei maneret, non ex operibus, sed ex vocante dictum est: Maior seruiet minori: sicut scriptum est: Iacob dilexi, Esau autem odio habui.

Vnum hunc esse ex difficillimis Scripturæ locis Pighius causatur. Quod ut concedam, ita impium eius latratum minimè ferèdum esse dico, quum inextricabilem labyrinthū esse iactat. Quid enim? An Spiritum per os Pauli loquentem sibi dicemus excidisse, ut ultra quàm utile erat nos abduceret? Promptum illi erat, ut iam dixi, veros Abrahamæ filios ab adulterinis sola fidei nota distinguere. Quæstionem electionis, quæ longè remotior erat, data opera accersit. Certè quum sibi suprà tertium cælum rapto arcana reuelata fuisse commemorat, quæ effari homini fas non est, satis demonstrat modum sibi notū esse, quorsus progredi in publicandis Dei arcanis expediat, simul & liceat. Quum igitur quæstionem, quæ populariter & breui compendio expediri poterat, vltro huc deduxerit: quisnam piorum se attentum docilèmq; præbere dubitet? Nisi fortè sperandum est, ut Spiritum Dei ultra

suas metas lasciuientem furiosus Cyclops sua moderatione cohibeat. Addit: Vnum esse ex locis quos indocti homines & instabiles in suam ipsorum perniciem corrumpunt. Quod ut fateri cogat, ipse nimis luculento documento extorquet: adeò licentiosè torquet ac peruertit totum Pauli contextum. Quòd lectores hortatur, ut in obscuris istis & ad explicandum difficilibus locis se in Ecclesia obsequio contineant, me quoque suffragatorem haberet, si modo illis Christi ouile, non fœtidam porcorum haram ostenderet. Quid enim est Ecclesia Pighio, nisi ille omni impietatum congerie refertus, & inexpletus errorum omnium gurgis? Postrema admonitio est, Nequid lectores admittant ab immensa Dei bonitate alienum, vel quo in eius odium potius quàm in amorem incitentur. Atque hìc plenis velis in Deum inuehitur, si quos ab ipsa creatione exitio destinet. Atqui, etiam si tota hac doctrina supprimatur, nunquam tamen reprobos deficiet occasio, quin Deum & exosum habeant & sacrilegijs suis impetant. Sed quænam illis sit obstrepenti ratio, ubi mens Pauli exposita fuerit, suo loco expendetur. Nunc quid disertè & absque ullis ambagibus exprimat Paulus, mecum audire ne recusent quicumque sustinent in Dei schola doceri.

Duos nobis filios Isaac proponit, qui quum ambo in sancta domo, quasi in Dei sacrario pariter geniti sint, tamen in dissimilem sortem Dei oraculo segregantur. Causam discriminis, quæ alioqui in utriusque meritis quæsita esset, recondito Dei consilio assignat, Ut propositum Dei maneret. Constitutum Deo fuisse audimus, ex duobus geminis alterum tantum eligere. Hæc Pauli verba Pighius insulso cauillo, tanquam porcus rostro, euertere conatur. Gratia electionis fuisse respõdet, quia nihil tale promeritus erat Iacob. Sed quum in eo gratiam commendat Paulus, quòd altero reiecto vnus eligitur, hìc certè cõcidit quod fingit Pighius de vniuersali gratia. Nõ simpliciter docet Paulus, ut stabilis foret Dei electio, Iacob vitæ fuisse nuncupatum hæredem: sed fratre posthabito, ius primogenituræ illi delatum. Nec verò me fugit quid oblatrent quidam alij canes, quid etiam obmurmurent imperiti. Testimonia quæ citantur à Paulo neque de vita æterna, neque de æterno exitio tractare. Verum si vera theologiæ principia, quæ trita esse decebat omnibus Christianis, isti tenerent: paulò modestius loquerentur. Responsum enim quod Rebecca datum fuit, eò spectabat: Dissidijs, quod in utero sentiebat, hunc fore exitum, ut penes minorem resideret Dei benedictio & vitæ æternæ fœdus. Quorsum enim lucta, nisi quòd duo simul fœderis hæredes esse non poterant, quod iam arcano Dei consilio vni erat destinatum? Excipiunt, Ad terram Canaan id referri: de qua etiam sermo apud Malachiam habetur. In quo fortè audiendi essent, si Iudeos Deus in terra Canaan quasi pecudes in haram saginasset. Atqui, longè diuersum est Propheta consilium. Nam & quia terram illam Deus Abraham quasi æternum potioris hereditatis symbolum promiserat, & eius posteris ipsam dederat possidendam, ut eos in populum sibi peculiarem colligeret: & sanctuarium, præsentis suæ gratiæ testimonium illic erexerat, fines istos non immeritò reputat Propheta. Denique terram Canaan pro sacro Dei domicilio habet, cuius habitatione quum priuatus foret Esau, odio habitum colligit: quoniam à sancta electaque familia abdicatus erat, in qua perpetuus resideret Dei amor. Nobis quoque intuenda est illa terræ qualitas, quam illi Deus indiderat, ut pacti spiritualis cum Abraham semine initi, arra quadam esset vel pignus. Non abs re ergo Paulus gratuitam electionem in Iacob ratam fuisse commemorat, quia nondum natus, reiecto fratre ad potiendam hereditatem destinatur. Sed Paulus ultra etiamnum pergit: dignitatem hæc non operibus fuisse partam, neque operum respectu collatam ipsi Iacob. Neque id modò: sed Dei providentia sic discretos fratres, antequam boni quicumque vel mali egissent. Itaque, non ex operibus, sed ex vocante profectum fuisse discrimen constituit.

Hic

Hic à Pighio nobis rancida illa distinctio obruditur: Non venisse quidem antea-
 Eta opera in rationem, quæ nulla erant, sed firmam Dei electionem fuisse in Iacob, cuius fi-
 dem & obedientiam Deus præuidebat. Et argutè scilicet, in nomine Israel philosophatur,
 quod à Deo videndo sit cognominatus: ut sciamus veros demum esse Israelitas, qui se
 propria malitia non excæcant, sed ad Deum, ubi illis apparet conspiciendum, aperiunt
 oculos. Atqui, ridiculū est, quod dū alios studet facere tā perspicaces, talpa ipse cæcior est.
 Diuersa enim prorsus etymologia à Moysè exprimitur: quod cum Angelo Dei congres-
 sus, superior in certamine fuisset. Israel enim, Deo potentem, vel dominantem Deo sonat.

Sed quibus, obsecro, ita poterit oculos configere vel eruere, ut eius ineptias non ani-
 maduertant? Boni quicquam vel mali ipsos fecisse, quorsum negat Paulus, nisi ut omnem
 meriti respectum tollat? inò nisi ut præcisè affirmer, Deum non aliunde suspensas habuif-
 se rationes, quum tam diuersum de gemellis fratribus iudicium tulit? Scio quàm tritum fue-
 rit effugium istud: scire tamen primum velim, si communi naturæ relictis forent Esau & Ia-
 cob, quid bonorum operum in secundo magis quàm in priore Deus reperisset. Peræquè sanè
 ambo lapidei cordis duritia oblatam salutem repulissent. Ideo ambobus, inquit Pighius, fle-
 xibile cor datum est, ut gratiam possent amplecti: sed alter libero arbitrio quod poterat, vo-
 luit: alter recusauit. Quasi non velle etiam dari Paulus testetur: quasi non se facturum
 Deus promittat, ut in præceptis suis Israel ambulet. At Pighij iudicio, Ioannes reclamat,
 Deum nobis potestatem dedisse filios Dei fieri. Primum in eo hallucinatur phreneticus
 iste, quod Potestatem accipit pro Facultate aut potentia, quum dignationem honoris potius
 significet. Plusquam crassam verò hebetudinem prodit, dum velut clausis oculis huius po-
 te statis causam præterit clarè ab Euāgelista expressam. Filios Dei fieri prædicat, qui Chri-
 stum recipiunt: verum eosdem mox non ex carne & sanguinibus, sed ex Deo genitos esse
 dicit. Dignatur ergo adoptionis honore Deus qui in Filium credunt: sed quos prius Spiritu
 suo genuerat: hoc est, Quos sibi in filios formauit, suos tandem esse declarat. Nam si filios
 Dei nos reddit fides, unde ipsa nobis detur, considerandum est. Est enim spiritualis seminis
 fructus, quo nos Deus in vitam nouitatem regignit. In summa, verissimum est illud Augu-
 stini, Sola gratia redemptos discerni à perditis, quos ad perditionem concreuerat ab origine
 ducta massa communis. Vnde sequitur, gratiam Dei prædicari, qua eligendos facit, non in-
 uenit: quemadmodum idem sæpius inculcat. Adde, quod si quid in electis suis præuidet Deus
 quo à reprobis ipsos discernat, inscitè Paulus argueret, quia nōdum tunc nati erant fratres,
 ex vocante non ex operibus fuisse dictum: Maior seruiet minori. Quare solutio ista de præ-
 uisus cuiusque operibus, apertè Paulo insultat. Colligit Paulus, in electione Dei non haberi
 operum respectum, quia Iacob Deus fratri prætulit, antequam nati essent, & quicquam
 egissent boni vel mali. Isti, ut à Deo eligi obtineant, quos aliqua probitatis nota à repro-
 bis discernit, præuideri obtendunt, qualis futura sit in recipienda vel respuenda gratia cu-
 iusque dispositio. Quod si recipitur, eos qui nihil dum boni egerunt, non tamen Deus ex
 operibus eligere desinet, quia ex operibus præuisis interea pendeat electio. Atqui, quum
 Paulus pro confesso sumeret quod bonis istis theologis est incredibile, Omnes ex æquo esse
 indignos, æquam naturam in omnibus esse corruptionem, securè inde constituit, Deum gra-
 tuito suo proposito eligere quoscunque eligit: non quos obsequentes fore sibi filios præuideat.
 Denique qualis extra Dei electionem sit hominum natura, Paulus considerat: isti Deum
 quod nunquam futurum est, donec ipse fecerit, præuidere in homine somniant.

Quinquam hæc per se satis clara sunt: longius tamen nos Pauli contextus ducit.
 Sequitur enim, Quid ergo dicemus? Nunquid iniustitia est apud Deum? Vel hæc obiectio

Ioan. 1.

Ioan. 1.

Enchir.
ad Laur.
cap 99.Epist. 105
ad fixtum
Lib. 5. cō
tra Iullia.
ca. 3. &
aliis locis

sine ratione ingeritur: vel nullum praeiis operibus locum dabat Pauli doctrina. *Que enim iniustitia suspicio concipipoteſt, ubi Deus gratiam omnibus communiter offert, facit autem ut ea digni fruantur? Denique quum electionis vel reprobationis causam in futuris operibus constituunt, hanc ipsam questionem, quam sibi Paulus objicit, effugere & solvere sibi videntur. Vnde perspicuum est, noua ista sapientia non fuisse instructum. Esto, aduersarios Paulus importune & nullo colore inducat de iustitia Dei litigantes. Obiectionem quomodo repellat, videndum. Verba sunt, Absit. Nam Moysi dicit: Miserebor cuius miserebor: & miserabor quem miseror. Nihil fore aptius video, quam ut Augustini verbis ad Epist. 105. hunc locum explicandum utar. Mirum, inquit, quum his coarctantur angustijs, in quanta ad Sixt. m. se abrupta precipitent, metuentes retia veritatis. Ideo, inquiunt, nondum natorum alium moderat, aliam diligebat, quia eorum futura opera praeuidebat. Quis istum acutissimum sensum defuisse Apostolo non miretur? Hoc quippe ille non vidit, quando sibi velut aduersariis obiecta questione, non id potius tam breue, tam apertum, tam verum, sicut isti putant, absoluitumque respondit. Quum enim rem stupendam proposuisset, quomodo de nondum natis, qui nihil dum boni aut mali egerant, recte dici potuerit, quod vnum dilexerit Deus, alium odio habuerit: Quid ergo dicemus? ait: Nunquid iniquitas apud Deum? Hic ergo erat locus, ut diceret quod isti sentiunt, Futura enim Deus opera praeuidebat. Non autem Apostolus hoc dicit, sed potius, ne quisquam de suorum operum audeat meritis gloriarı, ad Dei gratiam commendanda voluit valere quod dixerat. Moyses enim dicit: Miserebor cuius misertus fuero. Vbi nunc merita? Vbi opera vel praeerita, vel futura, tanquam liberi arbitrij viribus adimpleta, vel adimplenda? Nonne apertam protulit Apostolus de gratuita gratia commendatione sententiam? Hactenus Augustini verba recensui. Fingamus nihil tale vnquam eum dixisse. Quum expedita esset, solutio, Deum ex futuris operibus discernere inter homines: cur Paulus se magis intricat, & totam in Dei arbitrio causam esse sitam asserit? Primo enim Dominus apud Moysen, liberum sibi ius, ubi placuerit, exereunde misericordiae vindicat: ne quis legem illi praescribere ausit: deinde ex tota populi multitudine sumpturum se quos voluerit liberandos, pronuntiat. Foedis fragi pariter omnes erant. Non dicit, hunc sibi fore delectum: ut si quos reperiatur venia dignos, illis sit propitius: sed praecise misericordiae se arbitrum fore testatur, ut quibus voluerit, parcat: quia nulla vnus magis quam alterius eligendi necessitate sit astrictus.*

Tandem quod necessario ex sententia illa sequitur, Paulus infert: Non esse volentis nec currentis, sed miserentis Dei. Nam si sola Dei misericordia continetur salus hominum: Deus autem non nisi quos arcano suo beneplacito deiegit, seruat, nihil prorsus sit hominibus residuum. Exponit Pighius, Non deberi salutem conatui nostro, vel illis operibus, quia gratuito ad eam nos Deus vocet. Scilicet, ita secure ludit, ac si verbulo vno totam Pauli doctrinam abolere in promptu esset. Quia Dominus beneplacito suo, non operum discretionem eligit quos seruet: inde colligit Paulus, non volentis esse neque currentis: sed totum in una Dei misericordia verti. Elapsum Pighius se putat, dum omnibus garrit, quae nemini debetur, gratiam. Ceterum, quum eius demum compotes fieri dicat, quos Dominus idoneos & sibi obsequentes reperit: eò necesse erit recidere: valere quidem & voluntatem & cursum: sed quia per se non sufficiant, Dei misericordiae palmam deferri. Quas ineptius optime refutat idem Augustinus: Si propterea, inquit, dictum est, Non volentis neque currentis, sed miserentis Dei: quia ex utroque fit: id est, ex voluntate hominis & misericordia Dei: tanquam diceretur, Non sufficit sola voluntas, nisi adsit misericordia Domini: neque sufficiet misericordia Dei, nisi adsit hominis voluntas. Porro, si nullus Christianus dicere audebit:

auderit: Non miserentis Dei, sed volentis est hominis: restat ut propterea rectè dictum intelligatur, Non volentis, neque currentis: ut totum detur Deo, qui hominis voluntatem bonam & preparat adiuuandam, & adiuvat preparatam. Quò magis friuola est quorundam argutia, qui misericordiae Dei & humani conatus concursu, inde eliciunt. Quasi verò Paulus homines currendo parum proficere intelligat, nisi Dei gratia adiutos: ac non potius alia omnia redigat in nihilum, ut locum Dei misericordiae vacuum cedant. Vnde enim cursus recti principium? An quisquam, nisi duce ac directore Spiritu, ipse Deo occurreret? Nā ut hīc quoque Augustini verbis utar: Quotidie ad Christum trahuntur eius inimici. Dicit enim Christus: Nemo potest venire ad me, nisi Pater traxerit. Non ait, Duxerit: quasi aliquo modo præcederet voluntas. Quis enim trahitur, si iam volebat? Trahitur ergo miris modis ab eo, qui sic nouit in cordibus hominum operari, non ut homines nolentes credant, sed ut volentes ex nolentibus fiant. Videmus ergo sic Dei electionem approbari subsequenti hominum cursu, ut sola tamen eius misericordia (quae iacentes erigit, errantes reducit in viam, imò in vitam suscitāt mortuos, & vocat quae non sunt) principatum teneat.

Lib. 1. ad
Bonifac.
cap. 16.

Sequitur alterum de reprobis membrum, quorum maximè illustre exemplar in Pharaone proponitur. Porro de eo sic loquitur Deus apud Moysen. In hoc constitui te, ut tibi ostenderem potentiam meam. Pro quo fideliter Paulus tanquam verbum verbo reddidit: In hoc excitauit te. Est enim verbū HIPHIL deductū à radice AMAD, quod stare significat. Productus ergo in mediū dicitur Pharaon, in quo Deus memorabile suae potētiae specimen ederet. Vnde porro eum Dominus accepit, ut eo loco statueret? Mauult Pighius, quòd Deus morte dignum, sua patientia ad tempus sustinuerit. Quod effugium ut illi permittam, perplexus tamen adhuc in eo tenetur, quòd Deus Pharaonem proprio ingenio relinquens, eum exitio destinabat. Patientiam Dei si commendet Pighius, assentior: manet tamen interim istud fixum, in hunc finem sepositos Dei consilio esse reprobos, ut suam in illis potentiam demonstret. Quanquam id nimis à Pauli mente remotum esse, ex proxima illatione apparet: Quòd Deus quem vult, indurat. Neque enim hoc fuisset adiectum, nisi sub verbo illo Stare vel Excitauit, comprehenderet Paulus Dei consilium, quo Pharaon ad redemptionem populi sua contumacia illustrādā ordinatus erat. Nam si quis dicat, In fastigium regij honoris diuinitus euectum esse: est hoc quidem aliquid, sed nō totū. Nam Graeci interpretes eodem hīc verbo vsi sunt, quo solent reddere verbum HIPHIL à radice KVM deductum, quod Surgere significat. Porro excitare dicitur Deus, quod velut porrecta manu ad finem suo consilio ordinatum deducit. Maximè tamen ad initium rei de qua agitur, Scriptura respicit, ut illud vni Deo a describat. Ita dicitur, & Prophetas, & salutis ministros excitare: nequid horum sibi vindicet hominum industria. Itaque fideliter expressus fuit sensus Moysis Excitandi verbo: modò ita accipias. Nec verò aliter accepit Paulus. Certè, quod de electis & reprobis attigerat, non minus distinctè quàm summam complectitur: quum hoc iuris & potestatis Deo vindicat, ut suo arbitrio induret vel misereatur. Indurandi vel miserendi ius penes ipsum esse pronuntiat: nec legem illi imponi fas esse: quia nulla lex vel regula melior vel aequior quàm eius voluntas, fingi possit. Sed quia olim putarūt nōnulli, induci à Paulo impios Deo obstrepētes, ad hoc asyli se cōfert Pighius. Quòd si illi detur, ne sic quidem solutus est nodus: quia neque de nihilo quāstionem mouet Paulus: atque ita respondet, ut quod obiectum ab aduersarijs fuerat, verum esse fateatur. Quid tamē eiusmodi tergiuersatione proficit Pighius, nisi ut tergiuersando malam causam se habere prodāt? Verum quis illi quod petit, concedat? quando ita violenter disiungit quae inter se coherent: quae autem palam disiuncta sunt, in vnum fasciculum compingit. Postquam repro

bos & electos incomprehensibili Dei consilio discerni Paulus docuit, vno contextu infert: Ergo cuius vult, miseretur: & quem vult, indurat. Subijcit postea: Dices itaque mihi: Quid adhuc conqueritur? Quum loquentium personas aperte Paulus distinguat, quis non potius eius verbis, quàm extraneis commentis attendet? Ceterum, prudenter hoc quoque, vt multa,

In Enchi.
ad Laur.
cap. 99.

Augustinus: Non magno opere referre in cuius persona accipias, quod Paulus responsione sua verum esse innuit.

De praed.
sancto.
cap. 8.

Si falsa erat obiectio, probabile certè non est, Paulum in causa tam bona, tam dilucida, tam plausibili fuisse taciturnum. Nam si falsum est illud: Deum quos vult, indurare: nondum qui humano ingenio inexplicabilis est, vno verbo soluere promptum erat. Excipit Pighius, Superfedere claro & idoneo responso Paulum, quia proteruos homines sermone non dignetur: vt prius humiliter sapere discerent, quàm rationem operum Dei superbe exquirere: qualiter alibi legimus, Iudeos qui Christum interrogabant, in qua potestate opera sua faceret, tantum mutua quæstione repulso. Sed reclamant Pauli verba. Nam postea

In Enchi.
ad Laur.
cap. 99.

sic eorum refrænat insolentiam, quinimis audaci curiositate in excutiendis Dei arcibus lasciuunt, vt tamen reprobos origina iræ esse confirmet, in quibus suam potentiam Deus ostendit. Longè ergo alius Augustinus. Quum dictum esset, Quid adhuc conqueritur? Nunquid responsum est à Paulo? O homo, falsum est quod dixisti: Minimè: sed responsum est: O homo tu quis es? Obseruandum autem quod alibi tractat, Non ideo Paulum ob iurgatione abrumpere eorum sermonem, qui sacrilega petulantia cum Deo litigant, ac si iusta defensione careret Dei iustitia: sed quod maximè expediebat, attulisse. Hoc loco quidam stulti putant Apostolum in responsione defecisse: & inopia reddendæ rationis repressisse contradictoris audaciam. Sed magnum habet pondus quod dictum est, O homo, tu quis es? Et in talibus quæstionibus ad suæ capacitatis considerationem reuocat hominem: verbo quidem breui, sed re ipsa, magna est redditio rationis. Si enim non capit hoc: Quis est qui respondeat Deo? si autem capit, minus inueniet quid respondeat, &c.

Ad Boni.
epist. 109.

Proinde, si nos talia mouent, inquit idem alibi, quia homines sumus: simul audiamus dicentem, O homo, tu quis es? Paulo post: Quamuis enim peccata non fecerit Deus, naturas tamen ipsas, quæ per se ipsas sine dubio bonæ sunt, quibus tamen ex arbitrio voluntatis futura essent vitia peccatorum, & in multis talia quibus esset æterna pœna reddenda, quis nisi Deus creauit? Quare? nisi quia voluit. Quare autem voluerit? O homo, tu quis es qui respondeas Deo? Nunquid dicit figmentum, &c. Ecce, ratio etiam homini red dita est, quanta debuit homini: si tamen vel istam capit, qui pro sui arbitrii libertate, infirmitatis seruitute contendit. Si quem autem adhuc praua obstrepenti libido sollicitat: Dicat, qui talis est, inquit: & audiat quod conuenit homini: O homo, tu quis es? Audiat verò & non contemnat. Quod si contempserit, etiã vt contemneret, se inueniat obduratum: si non contempserit, vt non contemneret, credat esse adiutum: sed obduratum debito, adiutum gratis. Quale porro debitum hominibus imputet, prius ostenderat his verbis: Inexcusabilis est omnis peccator vel reatu originis, vel additamento etiam propriæ voluntatis, siue qui nouit, siue qui ignorat: siue qui iudicat, siue qui non iudicat: quia & ipsa ignorantia in eis qui intelligere noluerunt, sine dubitatione peccatum est: in eis autem qui non potuerunt, pœna peccati.

Ad Syx.
epist. 105.

Nihil nos iuuat Augustini testimonium, rem ipsam mecum expendant lectores. Paulus hominem cum Deo, vt facit, comparans, altius proculdubio in eligendis & reprobatis hominibus & magis reconditum Dei consilium esse ostendit, quàm quod mens humana perueniat: ac si diceret, O homo, quisiam sis, reputa, & plus aliquid Deo concede, quàm modulus tuus capiat. Nunc si locus detur Pighij philosophiæ, æqualem esse omnium

fortium

sortem, nisi quatenus se vita priuant, qui electi cum alijs pariter fuerant: quid illic impeditum vel obscurum? quid non receptum communi sensu, & carnis iudicio plausibile? Quum ergo humani ingenij captu superius esse arcantum audis, colligere inde promptum est, friuolas esse solutiones, quæ ex communi iudicio sumptæ, etiam in foro profano valerent. Excipit Pighius, Non repelli à Domino solere, nec suspensos dimitti, qui humiliter mētes suas capiunt: ideoque hanc obiurgationem non nisi in præfractos & fastuosos cōpetere. In quo illi nō difficulter assentior: modò vicissim fateatur, damnari à Paulo impiæ superbix omnes qui Dei iustitiam proprio sensu metiuntur. Atqui, ut iustitia laudē obtineat Deus. Pighio iudice, rationem cur quidque faciat, extare necesse est. Hæc autem nobis modestiæ regula, ubi operum Dei ratio nos latet, ut iustum nihilominus esse credamus. Filius quidē Sirach hoc elogio Deum ornare nō erubescit, quòd sicuti figulus pro suo arbitrio vasa discernit: sic esse in manu Dei homines, ut illis reddat quemadmodum decreuit. Nam ^{et si} hoc loco, si superiora conferas, non potest nisi de opificis beneplacito exponi. Nec verò hic alio interprete opus est: quando omnium audaciam clarè Paulus compefcit, qui rationem à Deo exigunt. An dicit lutum figulo, Cur me sic fecisti? Is ergo demum ad Pauli moderationem se cohibet, qui Dei voluntatem, licet absconditam, summæ iustitiæ instar habens, liberam illi perdendi seruadique potestatem facit. Quantumuis torquēdis Pauli verbis se Pighius torqueat, non tamen ad præsens institutū aliter similitudo aptari potest, quàm si iure suo Deus homines ad quamcūque voluerit sortem, fingat & formet. Hoc si cui videtur prima specie absurdum: veniat nobis in mentem illa Augustini admonitio: Si pecudes loqui possent, ac cum opifice suo contenderent, quòd non homines, ut nos, sunt factæ: neminem fore nostrum qui non protinus succenseat. Iam verò quid nos putamus esse? Nimum certè desipit, qui nō plus saltem aliquanto præcellētix Deo tribuit, quàm sibi & generi humano supra pecudes vindicat. Imò si propriè loquendum: nos coram Deo minus sumus quàm pecudes. Quidergo restat, nisi ut se illi oves ex grege eius placidè submittant? Id quidē longè præstat, quàm Pighij exemplo homines substituere Dei loco figulos, ut fortunā sibi quisque propria virtute fingat. Alibi, inquit, apertè ostēditur quòd hic obscurū est. Vasa figuli probat fornax: & homines iustos tentatio. Inde colligit, Si iustus in fide & pietate constās fuerit, vas fore in honorem: si molliter cesserit, fore vas in contumeliā. At quum suo quisque arbitrio, diuina gratia quæ omnibus cōmunis & parata est, adiutus perseueret: demum constituit, nos inuicta fortitudine vasa in honorem fieri. Non dico quàm insulse duo tam diuersa cōmisceat fingi vas, & probari: tantum dico, quòd suos varijs certaminū experimentis Deus probat, minimè obstare, quin ipsos æterno suo consilio priusquam nascerentur, in quem placuit vsum, destinauerit: quin postea eos quales volebat fore, finxerit. Nec quicquam illi suffragatur Pauli dictū: Si quis se emundauerit ab eiusmodi malis, vas erit in honorem. Neque enim quomodo homines ex sordibus suis eruti vasa fiant honorifica: sed quomodo fideles, qui electi iam & vocati sunt, se accommodent in puros vsus, illic differitur. Ac vide quàm bene inter eū & Paulum cōueniat. Verba eius sunt, Quod alibi tacuerat Paulus, hic expressit: cur Deus quosdā vasa in honore faciat potius quàm alios. Ut enim Iacob vas foret misericordiæ, animæ eius emūdauerat seipsam: quo nomine & merito factus est vas in honorem. Ad hanc emundationē respiciens Deus, quē præsciuit, etiā elegit. Paulus autē, dū fideles ad emundationē hortatur, ut locū sterneret huic doctrinæ, præfat, Deū nouisse qui sint sui: quē admodū & alibi admonet, Nos esse eius figmentū, creatos ad opera bona, quæ ipsa præparauit. Hoc salutis fundamentū in gratuita Dei electione ubiq; statuit Paulus, qui nō temerè se peritū architectū esse gloriatur. Pighius cōtrā à superficie ædificiū inchoat. Intrepè stinē

De verbis
Apost. Ier-
mo. II.

2. Tim. 2.

Ephes. 1.

quoque in tractando Ieremia loco multum verborum consumit: ubi non describitur formationis nostræ initium, in frangendis & conterendis vasis, quæ iam formata politæque sunt, sua Deo potestas asservitur. Tenendum igitur Pauli consilium est: Deum hominum fictorē, Ephes. 2. ex eodem assumptos luto, ad honorem vel contumeliam suo arbitrio formare: quia alios ad vitam gratuitò nondum natos eligit: alios exitio suo, cui natura obnoxij sunt omnes, relinquens. Nam quòd electionem gratiæ Pighius ad reproborum odium spectare negat: id ego verum esse ita fateor, ut gratuito amorì quo electos complectitur, iusta in reprobos severitas in causa pari & communi, respondeat.

Concludit demum Paulus: Si Deus irā suam volēs ostendere, & notam facere suā potentia, sustinuit in multa patientia vasa iræ apparatus in interitū, ut notis quoque diuitias gratiæ suæ faceret erga vasa misericordiæ quæ preparavit in gloria: non esse cur litem illi quisquā intentet. Ludit Pighius, ut solent eius similes, in voce Patientiæ. Imò ferociter se iactat, quasi Deus nō aliter reprobos quā paterna indulgētia, obduret. Nō aliter, inquit, vasa ad contumeliā format Deus, quā benigne tolerando qui patientia eius abutentes thesaurum iræ sibi accumulāt. Vbi ergo inter fratres nondum natos discrimen? Prævidebat Deus, si Pighio creditur, futurā Esau duritiem. Quomodo itaque in Iacob eminet electio gratiæ, si in eodem gradu locatus fuit Esau, donec se ipse ex filiorum numero expungeret? Verum sæpius in brevissima Pauli sententia refellitur hæc tergiversatio, quā ut aliunde rationes contrarias accersere opus sit. Vasa aut Organa quo sensu vocent Hebræi, quisquis mediocriter in Scriptura exercitatus est, non ignorat. Organa ubi audimus, tum Deum præsidē actionis totius & authorem, tum manum eius directricem præcedere necesse est. Cur autem vocantur Vasa iræ, nisi quia iustā severitatē, qua abstinent erga alios, in istos exercuit? Et cur facti sunt vasa iræ? Respondet Paulus, ut iram & potentiam in illis suam Deus ostēderet. Dicit Apparata in interitū: unde aut quomodo, nisi à prima origine & natura? ut quidem vitata est in persona Adæ totius generis humani natura: non quòd altius Dei consiliū non præcesserit: sed quia ex hac scaturigine emergit Dei maledictio, & generis humani interitus. Preparasse enim Deū vasa misericordiæ in gloriam testatur. Si hoc speciale est electis, reliquos ad interitum aptatos esse constat, quia naturæ suæ relictī, certo iam exitio deuoti sunt. Quod enim nugantur quidam, Aptari eos propria malitia, adeò insulsum est, ut referre pigeat. Verum est istud quidem, reprobos iram Dei sua prauitate accersere, & in dies accelerando tandem in caput suum congerere. Sed hīc discrimen quod ex arcano Dei iudicio manat, à Paulo tractari, in confesso est. Dicit etiam, Diuitias gratiæ Dei patesceri, dum ex opposito vasa iræ in exitium ruunt. Hīc certè non audimus quod Pighius garrit, AEqualem esse erga omnes gratiam: sed melius Dei bonitatem illustrari, dum vasa iræ sustinendo, ad suum finem venire patitur. Quod ad patientiam spectat, in promptu est solutio: eam cum potentia coniungi: ut non sinat tantum Deus, sed quod fit, sua virtute moderetur. Quod & Augustinus scitè obseruat.

Lib. cōtra
Iulian. 5.
cap. 5.

Nec verò aliter stare potest inuiolabile illud Dei pactū: Ego sum Deus zelotes, misericors in mille generationes: seuerus ultor usque in tertiā & quartā generationē: nisi Dominus arbitrio suo discernat, quibus gratiam largiatur, vel quos æternæ morti velit manere addictos. Gratiā suā in mille usque ætates propagat. Quæso, an piorū filios proprijs meritis æstimat, quū exhibitam patribus gratiā non alia ratione cōtinuat etiam erga ipsos, nisi quia se ita facturum promisit? Abrahæ qui nihil promeritus erat, fidē suam gratuitò obstringit, se in eius gratiā fore posteris in Deū. Hinc solēnis illa post eius mortē obtestatio: Recordare Domine serui tui Abrahæ. Hīc certè inter homines delectus habetur: neq; ex cuiusque meritis

meritis, sed ex sancito cum patribus fœdere. Non quòd tota Abrahæ posteritas, quæ ex eo secundum carnē descendit, hanc prærogatiuam teneat: sed tamen eorum omnium qui ex Abrahæ semine in vitam cooptati sunt, & fides & salus huic promissioni accepta referri debet. Eadē est vindictæ ratio, quam Deus in tertiam vsque & quartam generationem exequitur. Quod enim afferūt nonnulli, Puniri quicūque omnibus seculis peccauerint, suo quēque ordine, plusquā friuolum est. Sic olim Pelagiani, quū ex Scripturæ testimonijs, quæ omnes in Adā peccasse ostēdunt, expedire se nequiret, cauillabatur, imitatione peccasse. Sed quēadmodum eos vrgebant pij doctores, Adæ reatu verē omnes dānatos, quo Christi gratia eos absoluit: ita in præsentī causa, vt inter se antitheta res pōdeant, necesse est in filiorū persona Deū vlcisci, quæ in patribus peccata dānauit. Nec sanē aliter exponere licet cōptures Scripturæ locos, vbi se te statur reijcere maiorū peccata in sinum filiorū. Frustra autē obijcitur illud Ezechielis: Filius non portabit patris iniquitatem: sed anima quæ peccauerit, ipsa morietur. Quia hæc vindictæ pars est, quòd Dominus Spiritu suo nudos & vacuos relinquit: quò fit, vt propriam quisque culpā sustineat. Luere ergo maiorum peccata dicuntur potius, non inmeriti (vt profanus ille Poeta cantillat) sed hoc ipso noxij, quòd vt natura sunt filij iræ, quēadmodum loquitur Paulus, proprio ingenio relictī, mortis æternæ iam à prima origine hæredes nihil quàm suum interitum assiduo procurſu augere possunt.

Hic quoque locum Iesaiæ exponere, nō intempestiuum erit: quē nō abs re Spiritus sanctus in nouo Testamento voluit sexies repeti. Mittitur Propheta cum prodigioso in speciem mandato. Vade, & dic populo huic, Audite audietes, & ne intelligitis: videte visionē, & ne cognoscatis. Impingua cor populi huius, & aures eius aggraua, & oculos eius claudite: ne forte videat oculis suis, & auribus suis audiat, & corde intelligat: & cōuertatur vt sanē eum. Quod excæcationis minister vocatur Propheta, accidentale esse fateor. In causa excæcationis vertitur quæstio. Fateor rursum ingrato rebellique populo quam meritis erat pœnam irrogari, vt lux illi in tenebras vertatur. Præcesserit sanē & maligna & obstinata incredulitas, cui Deus tale premium rependeret: sed quum postea recitet Propheta, fuisse aliquem selectum numerum, cui salus ex Dei verbo affulserit: suāne virtute effugerint horrible illud iudicium, an Dei manu retenti fuerint, quæritur. Magis etiā vrget altera quæstio: Quī factū sit, vt ē turba illa, cuius nō dispar erat incredulitas, resipuerint quidam, incurabilis aliorum fuerit morbus. Si quis humano iudicio rem æstimet: in ipsis hominibus discriminis inueniet causam. At Deus nos illic subsistere non patitur: qui seruatos sua gratia pronitiat, quotquot cōmunem defectionē non sequuntur. Resipiscencia autē quin propriū eius opus sit, in controuersiam vocari non debet. Verē igitur ab Augustino dictum esse apparet, A Domino conuerti quos ipse conuersos voluerit, qui non tantum ex nolentibus volentes facit, sed etiam ex lupis oues, ex persecutoribus martyres, gratia potentior eos reformat. Si malitia obijcitur: potentior esset Dei gratia, qualem se erga electos ostendit, nisi verum esset illud, Misereri eum cuius miseretur. Et Pauli interpretatio nihil dubitationis relinquit. Postquam enim dixit, fixam Dei electionem fuisse, addit, reliquos esse excæcatos, vt impleatur vaticinium istud. Concedo, voluntariam esse cecitatem, & eorum culpa libenter adscribo. Sed audio quosnam excipiat Paulus: nēpe quos eligere Domino visum est. Cur autem hos potius quàm illos: ne identidem excipere pigeat. Non esse hominis litigare cum Deo. Sic alibi idē Paulus, quū Iudæis, quorū virulentā malitiā expertus erat, dicit: Bene Spiritus sanctus loquutus est per os Iesaiæ: Auribus audietis, & nō intelligetis: accusat quidē eos vt digni sunt. Sed perperā inde ac inscitē colliget quispiam, obdurationis initium ab illa malitia esse, quasi non ipsius malitiæ occultior esset causa, naturæ corruptio: qua-

Exod. 34.
Deute. 5.
Iere. 32.
Ezech. 18

Horatius.
Ephes. 2.

Iesa. 6.

Lib. 1. de
prædest.
sancto.
cap. 2.

Rom. 11.

Augustinus
lib.
de bono
perseuer.
cap. 12.

si etiam non ideo in corruptione demersi manerent, quia arcano Dei consilio, antequam nascerentur, reprobi, non eruantur.

Vide Au-
gust. libr.
ad Boni-
fa. 2. cap.
6.
Ioan. 12.

Nunc Ioannem audiamus, qui minimè ambiguus nobis erit interpret. Quū multa signa fecisset Iesus, inquit, non credebant: ut sermo Iesaiæ impleteretur, Domine, quis credit auditui nostro? Et brachium Domini cui reuelatum est? propterea non poterant credere: quia iterū dixit: Excæcavit oculos illorum, &c. Hic certè non cōmemorat Ioannes, suo vitio impeditos esse Iudæos, ne crederent. Quod etsi verissimum erat, altius tamē conscendit. Spectandū enim est eius consilium. Rudes & infirmos non leuiter turbabat, quū audirent, Christo non fuisse locum in populo Dei. Respondet, Non credere, nisi quibus datum est: paucos autē esse, quibus brachium suum reuelet Deus. Alterum postea vaticinium, de quo nunc vertitur quæstio, in eūdem finem attexit. Et magnum habet pondus quod inserit, Non potuisse ipsos credere. Nunc quantūuis se torqueant homines, discriminis tamen causa, cur brachium suum non omnibus Deus reuelet, abscondita latet in æterno eius decreto. Sanè aliud voluit Euangelista, quàm fidem speciale esse donum, & altiore esse Christi sapientiam, quàm ut sub humanos sensus cadat, ne mundi incredulitas nos percellat, si quando vel acutissimi deficiant. Ergo, nisi quod Euangelista ex professo contendit, eludere libet: quòd pauci Euangelium recipiunt, statuendum est inde pendere, quia frustra exterior vocis sonus aures verberat, donec intus corda Deus tetigerit.

Matt. 13.
Marc. 4.
Luc. 8.

Diuersa tribus reliquis Euangelistis huius citandi loci occasio fuit. Discipulos suos illic secernit Christus à vulgo hominum. Datum illis esse pronuntiat, nosce regni cœlestis mysteria, se verò loqui apud alios in parabolis, ut audientes non audiant: Et sermo Iesaiæ impleatur. Quos enigmaticè alloquutus est Christus sine profectu, indignos maiori luce fuisse non nego: sed rogo vicissim, quo merito digniores fuerint Apostoli, quos familiariter Christus admittit? Statuitur antithesis: paucis conferri gratiā, quæ omnibus ex æquo negari iure poterat. An dicemus sibi Apostolos cōparasse, quod illis datum esse asserit Dominus? Nec leuiter prætereundū est, quòd Mystera appellat, quæ apud ipsos eloquitur. Et certè nihil est in tota spiritali doctrina, quod nō lōgè superet mentis nostræ captū, procilque fugiat. Quare nec vlla verborū quālibet dilucida explicatio sufficiet, nisi Spiritus nos simul doceat. Sed Christus hoc quoq; tanquā raræ dignationis pignus magnifera vult à suis Discipulis, quòd in externa docēdi ratione, hominū vulgo eos præferat. Quancūq; gradatim ad singulare illud priuilegiū eos deducit, quo verè domestici ab alienis differunt: nepe ut diuinitus edocti, quæ altiora sunt sensu carnis, cōprehendant. Clamat subinde Christus: Qui habet aures audiēdi, audiat. Quibus verbis nō tantū ab ignauis auditoribus attētos discernit: sed surdos esse intelligit, quibus aures non sunt à Domino perforatæ. Quod beneficium Dauid

Psal. 40.

totius Ecclesiæ nomine celebrat. Nō ero singulis excutiēdis lōgior. Summa hæc sit: Si Dei Spiritū, qui per Apostolos loquutus est, Prophetæ interpretē admittimus, arcanū & incōprehensibile Dei iudicium, dum maiore populi partem excæcat, ne videat videndo, adorandū esse. Cessent hic quæcunque nobis in mentē venire possunt rationes. Nā si in hominibus hæ-

De bono
perseuer.
cap. 23.
Vide
Aug. de
correp. &
gratia.
cap. 5.
Ibidem.
cap. 8. & 9

remus: primum certè hoc erit, Dominū petētib; liberaliter dare: alios tabescere in sua inopia, cuius remedium nō quærunt. Atqui, nisi succurrat quod ait Augustinus, Diuinæ esse beneficētiæ nō tantū ut aperiatur pulsantibus, sed etiā ut pulsemus & petamus: nondū satis nota est nobis, qua laboramus inopia. Ad auxiliū si venit: experientia euincit, nō omnibus expositam esse illā Spiritus virtutē, qua fit quod fieri oportet. Nemo se vanis blanditijs fallat. Qui ad Christū accedūt, iā filij Dei erāt in eius corde, quū in se hostes essent: Et quia præordinati erāt ad vitā, Christo dati sūt. Quare ut fideliter monet Augustinus, se gratiæ

vasa

vasa esse meminerint, non meritorum: quando gratia illis omne meritum est. Nec alia nos cognitio iuuet, quàm quæ admiratione claudatur. Rideant nos qui volent: modò stupori nostro Deus è cælo annuat, & Angeli applaudant.

Ibidem
cap. 7.

Nunc quæ ex Pighij obiectis aliquid coloris præ se ferunt, summatim colligam, ut intelligant lectores, nihilò melioribus armis instructum pugnare, quàm iustā cendi tanti certaminis causam habuit. Statum quæstionis in eo verti dicit: In quem finem conditus fuerit homo. Ac primùm pro magno absurdo habet: si quicquam ex hominis creatione ad Deum redire intelligimus quia Deus se vno contentus, nullius indiget. Ego verò ut Deū fateor nullo externo adminiculo habere opus: ita inscitè ex eo colligi dico, nullū habuisse respectū sui, ut homines in gloriam suā crearet. Quid enim sibi vult illud Solomonis: Omnia propter seipsum operatus est Dominus? Nihil ergo absurdi est, si dixerimus, Deū tamen si nullius egentem, hominum tamē genus in suam gloriā creasse. Ac meritiò hic potissimū finis censi debet. Quò magis ridiculū est Pighij sophisma, qui Deum nullo gloriæ suæ respectu in hominis creatione motū fuisse colligit, quia sit in se perfectissimus. Sed per seipsum est audire, quomodo se ex illo Solomonis loco expediat, Deus propter seipsum condidit omnia: Nō quia gloriæ suæ id referret: sed propter suā bonitatis immensitatē. Ac ne p̄deve crearet istud cōmentum: negat illos interpretes metū sentire, præter paucos, ut ipse ait, detestabiles hæreticos. Quid ergo refellēdū tā futilibus nugis immorer? Hæbraica vox **I A M A - A V V I H V**, qua vitur Solomo, ita unde valet, ac si quis diceret: Ad causam sui. Homo semilatina garrulitate inflatus nobis exponit, quid significet adverbium Propter. Quòd si gutam haberet sanæ mentis, contextus ipse clarè demonstrat, non fuisse creatos in diem exitij impios, nisi quia Deus suam in illis gloriā illustrare voluit: quemadmodum alibi pronuntiat Pharaonem hac de causa fuisse à se excitatum, ut nomē suum in gentibus pate faceret. Porro, ut tam insulso errori colorē inducat, testimoniū Moysis adducit: Nunc Israel quid poscit abs te Dominus Deus tuus, nisi ut illū ames & colas? Ego verò neminē ex lectoribus fore adeò fatuū confido, qui non videat hominē mente priuatum sine pudore blaterare. Quid enim? an quia nostræ potius utilitatis causa, quàm suæ, à nobis coli vult Deus: ideo sepulta gloriæ suæ cura, nos tantum respicit? Et quid tot testimonijs fiet, quæ salutis humanæ summum & vltimum finem statuunt Dei gloriā? Ergo hoc axioma retinendū: Sic Deo fuisse curæ salutem nostram, ut sui non oblitus, gloriā suam primo loco haberet, adeoque totū mundum hoc fine condidisse, ut gloriæ suæ theatrum foret. Non quòd vel seipso cōtentus non sit, vel quicquam aliunde mutuari opus habeat: sed quia hoc honore dignatus est suas creaturas, ut illis insignes gloriæ suæ notas imprimeret.

Lib. 8.
cap. 2.

Prou. 16.

Lib. 7.
cap. 2.

Exod. 9.

Precipue
1. et 2. 4 7.
Rom. 3.
Ephes. 1.

Postquā tam d. xirè exorsus est Pighius, alterū finē subiicit: Quòd Deus ad suā bonitatis naturam respiciens, eius capacē facere voluerit rationalē creaturam: quod sine arbitrij libertate fieri potuisse negat. Hoc confesso, ruere arbitratur quod doceo, Ex æterno Dei decreto constitutum fuisse inter electos & reprobos discriminē: quia scilicet homo futura suæ cōditionis arbiter, utranque fortunam in manu habuerit. Monendi quidē hīc in primis hortādique sunt lectores, ut quo decet honore, fictorem & opificem suum Deū prosequentes, ad considerandum eius consiliū in creatione humani generis non proteruos oculos ingerant, sed ipsū reuerenter, sobriè, & puro fidei oculo suspiciant. Scio de æterna Dei prædestinatione verbum fieri vix posse, quin mox praua multa absurdaque mentibus imaginationes obrepant. Itaque reperiuntur modesti quidā homines, qui suppressam eius mentionē cuperent, ne lasciuus ingenijs sese efferendi materia prabeatur. Ego verò, ut libèr argutis speculationibus, quod per alios licet, superse deo: ita ingenuam veri confessionem sub-

refugere, ne impiorum sanis sit exposita, fas esse non arbitror. Nec verò aut minus quàm aliud quidvis pretiosa est Deo sua veritas: aut nostra dissimulatione protegi vult suam iustitiam, sicuti nec tali patrocinio indiget. Verùm hoc fusius paulò pòst. Nunc ut de re quæ agitur, breuiter respondeam: contendit Pighius, ita præcisè ad salutem creatos esse homines, ut nullum Dei consilium de contrario euentu præcesserit. Quasi verò Dominus ante primum hominem conditum, qualis totius generis futura esset conditio, non præuiderit. Quasi etiam non statuerit, quidnam fieri vellet. Homo, ut imago Dei foret, & luce rationis, & naturæ reſtitutione ornatus fuit ab initio. Ergo Deus, quasi cæcutiens, euentum dubius suspensusque expectauit. Tales sunt Pighij cōsequentia. Audacter enim inde colligit, Deum indiscrète & indiscriminatè disposuisse vniuersos ita creandos, ut suæ bonitatis ac beatitudinis essent participes. Atqui, nullo negotio vtrunque simul conciliant pia mentes: hominem eo statu fuisse locatum, quum primum conditus est, ut sponte cadendo sibi ipse exitij causa fuerit: & tamen admirabili Dei consilio ita fuisse ordinatum, ut voluntaria hæc ruina humano generi, & omnibus Adæ posteris, humilitatis materia foret. Neque enim, si Deo ita visum est expedire, ideo non propria voluntate se præcipitem dedit, qui recta natura aliqui præditus, & ad Dei imaginem formatus erat. Iterum repeto: Non me latet, quantum absurditatis & repugnantia hæc apud profanos homines præ se ferant. Sed pro mille testibus vna conscientia sufficere nobis debet: quam si audimus, negare certè pudebit, iure perijſe hominem, qui Satanam quàm Deum sponte maluit sequi.

Nunc audiendæ sunt Pighij probationes, quibus ostendere conatur, indifferenter omnibus salutem fuisse constitutam. Mentiri alioqui Spiritum dicit, qui pronūtiat, Deum omnium esse patrem. De coniugio illic tractat Malachias, cuius fidem plerique mariti tūc fallebant, qui polygami inducti fraudabant primas uxores. Eos ad Deum fidei coniugalis præsidem ac vindicem reuocat. Videant nunc lectores, qualis in Scriptura tractanda sit Pighij religio. Subjicit ex P salmo, Suauem esse Dominum vniuersis. Vnde concludit, Omnes sine exceptione ad vitam æternam destinatos. Quod si verum est, canibus etiam & asinis apertū est regnum cælorum. Neque enim Dei bonitatē quæ hominibus propria sit, illic commendat Propheta: sed omnia Dei opera comprehendit. Quidni tamē pro fratribus suis Pighius depugnet? Sequitur tertia probatio: Quod nō sit distinctio Gentilis ac Iudei, teste Paulo. Ego verò hoc libèter amplector, modò addatur etiā quod idem Paulus docet, Vocatas in Euangelij societatem fuisse Gentes, quia æterno Dei consilio ad id ordinatæ fuerant. Citat & illud Ecclesiastici, Nihil Deum odisse eorum quæ fecit. Ac si non ubique diceremus, Nihil Deū in nobis odisse quod suū est, sed degenerem tantum naturā, quæ meritò primæ creationis deformitas censetur. Caterum, in hoc cardine minimè versatur reprobationis quæstio: An aliquid suum oderit Deus. Et si enim ante defectionē Adæ, quid facturus esset Deus, occultas ob causas statuerat, nihil tamen ab eo dānari nisi peccatum, in Scriptura legimus. Ita restat, ut iustas habuerit causas in reprobāda hominū parte, sed nobis absconditas: nihil autē in homine oderit ac damnet, nisi à iustitia sua alienum. Attexit & illud Pauli: Deū clausisse omnia sub peccato, ut omnium misereatur. Ac si Paulus illic de hominū numero disputaret: non autē potius simplicem gratiæ cōmendationem poneret erga eos omnes qui ad salutem perueniūt. Nihil certè illi minus propositū fuit, quàm Dei misericordiā ad omnes extendere: sed tantum omnem carnis gloriationē prosternere voluit: ut sciamus neminem fore saluum, nisi quem mera gratia Deus seruauerit. En quibus argumentis, nullos præ alijs diuinitus ad salutem fuisse electos demonstrat, qui in singulis capitulum titulis plusquam ineptè pro Euclidis simia se venditat.

Tertium

Mal. 2.

Rom. 10.

& 11.

Rom. 16.

Ephes. 2.

Colos. 3.

Tertium finem, qui satis clarè & discretè illo Solomonis loco exprimitur, Quòd propter se Deus omnia creauit, etiā impium ad diem malum: hac ratione impugnat: Quòd si Deum respexisse dicimus, quid cuique futurum esset, simul necesse erit fateri discretionem inter electos ac reprobos priorem fuisse hominum lapsu, in mente diuina. Vnde sequetur, non damnari reprobos, quia perditū fuerint in Adam, sed quia ante lapsum Adæ iam exitio deuoti erant. Respondeo, Nihil mirum esse, si tam indiscriminatè (vt eius verbis vtar) omnia miscet Pighius in Dei iudijs, quando inter causas propinquas & remotas non discernit. Postquā huc illic circumspexerint homines, quò tamen interitus sui culpam transferant, non inuenient: quia proxima in ipsis causa residet. Nam si aliunde inflictum sibi vulnus querantur, interior animi sensus constrictos tenebit, ex voluntaria primi hominis defectione exortum fuisse malum. Scio non posse carnis proteruiam compeisci, quin hinc protinus obstrepat: Si Adæ casum præsciuit Deus, nec remedium adhibere voluit, nos ex aeterno eius decreto perire innoxios magis, quàm iustas peccati pœnas dare. Verum, vt demus nihil tale fuisse à Deo præuisum, eadem nihilominus de peccato originali querimonia manebit. Obijciat enim Deo impietas: Cur non sibi priuatim, vt solus damnū sentiret, peccauit Adam? Cur nos, qui nihil meriti eramus: in eiusdem cladis societatem inuoluit? Imò, quo iure alienæ culpæ pœnam in nos Deus traiecit? Sed enim ubi omnia dicta fuerint, singulos interior cordis sensus urgere non desinet, qui neminem, vel se iudice, patitur absolui. Nec verò cōtrouersiam de eo quisquam facit. Nam quum ob vnius hominis peccatum, inflictum omnibus fuerit lethale vulnus: reſcūtū Dei iudicium omnes agnoscunt. Si nihil obstat, quominus & prima interitus origo ab Adam cœperit, & proximam in se causam singuli inueniant, quid etiam impediet, quin arcanum Dei consilium, quo præordinatus fuerat hominū lapsus, quā decet sobrietate, procul adoret fides nostra: & tamen quod propius apparet, conspiciat notum humanum genus in Adæ persona aeternæ mortis reatu constrictum esse, & propterea morti esse obnoxium? Non ergo discussit Pighius, sicuti putabat, optimam & aptissimam symmetriam, quā inter se causa propinqua & remota congruunt.

Monendi autem sunt lectores, peraq̃uē à Pighio vtrunque damnari: Deum ab initio, quum adhuc integer foret hominis status, quod postea futurum esset, decreuisse: & nunc ex perditā massa eligere quos voluerit. Augustinum ridet, eiuſque similes, hoc est pios omnes, qui Deum imaginantur, postquam vniuersalem generis humani ruinam in persona Adæ præsciuerat, alios ad vitam, alios ad interitum destinasse. Quia enim illud de omnibus in salutem creandis Dei cōsilium, Adæ lapsu fuisse superius, pro confesso sumit, fixum adhuc manere non dubitat. Nam alioquin neque sibi constaret Deus, & immutabile eius propositum hominis vitio subuersum foret. In nostra sententia illam (vt dictum est) repugnantia speciem exagitat: quòd sicut Deus ante conditum Adam apud se decreuerit, quidnam illi & posteris futurum esset: iam peccato imputari reproborum interitus non debeat: quia absurdum esset, effectum facere sua causa priorem. Ego autem vtrunque istorum, quæ oppugnat Pighius, verum esse affirmo. Nam quod obtendit inter duas sententias disidium, prorsus nullum est. Dicimus hominem hac conditione fuisse creatum, vt conqueri de suo opifice nequeat. Præuidit Deus Adæ lapsum: nec certè nisi volens ruere passus est. Quid hic tergiversari attinet? Negat tamen Pighius: quia

consilium antè de seruandis omnibus cōceptum, stabile maneat. Quasi verò non sit in promptu solutio: non aliter omnibus destinata fuisse salutem, quàm si in prima origine perstarèt. Neque enim simplex & præcisum fuisse Dei decretum, quicumque sanus concedet, ut ad salutem omnes peruenirent. Nam ad iustam hominis damnationem satis erat, in via salutis quum esset collocatus, inde sponte excidisse. At fieri aliter non potuit. Quid tum? an ideo culpa liberatur, quæ tota in eius voluntate residet? Si diceret Augustinus, propositum semel fuisse Deo omnes seruare: ad refutandum eius opinionem aliquid valeret Pighij argutia. Sed quando tradit, Adam prima sua creatione ita constitutum fuisse vitæ heredem, ut propinqua eius abdicatio Deum minimè lateret: imò in arcano eius consilio iam esset quasi inclusa: verè & meritò colligit, vniuersali reatu sic obstrictos teneri reprobos, ut in morte relictæ, iustum iudicium sustineant. Idem & nos tradimus, quia in Adam sumus ad vnum omnes perditæ: iusto Dei iudicio perire, qui pereunt: & simul tamen fatemur, quicquid Adæ accidit, diuinitus fuisse ordinatum.

Nunc mihi non tam quid vel quo ordine dicat Pighius, considerandum est, quàm ut cum sua desperata impudentia iaceat confusus nebulosus: & pijs conscientijs satisfiat, quas per imperitiam turbari non rarò cernimus. Itaque quicquid speciosum est in fluxa & propè immensi eius loquacitate, excerpam: ut omnes intelligant, multa dicendo nihil eum dicere. Cū speciali electione congruere non videtur, quòd Christus totius mundi redemptor omnibus promiscuè Euangelium prædicari iussit.

1. Cor. 5. Atqui, Euangelium legatio est pacis, qua reconciliatur mundus Deo, ut Paulus docet: & eodem teste, annuntiatur: ut qui audiunt, salui fiant. Respondeo breuiter, Christum sic toti mundo ordinatum esse in salutem, ut eos seruet qui à Patre illi dati sunt: eorum sit vita, quorum est caput: eos in bonorum suorum societatem recipiat, quos sibi Deus gratuito beneplacito heredes adoptauit. Quid horum negari potest? Illud Iesaiæ vaticinium Apostolus in eo impletum pronuntiat: Ecce ego & pueri mei, quos Dominus mihi dedit. Clamat ipse Christus: Omne quod mihi dedit Pater, custodiam, nequid pereat. Quòd vitam non nisi in membra sua diffundat, passim legimus. Inferi porrò in eius corpus, speciale donum qui non fatetur, Epistolam ad Ephesios nunquam attentè legit. Vnde & tertium illud sequitur: Christi virtutem non nisi ad Dei filios pertinere. Quanquam non melius quàm ex Euangelij prædicatione estimādā esse vniuersalem Christi gratiam, ipsa quoque pars aduersa mihi concedet. Quare in eo sita est nodi solutio, si tenemus quomodo salutem omnibus offerat Euangelij doctrina. Equidem omnibus sua natura saluificam esse non nego. Tantum hoc queritur: An Dominus æterno suo consilio communem illi c omnibus salutem destinauerit. Vocari omnes indifferenter ad pœnitentiam & fidē: proponi omnibus eundem Mediatorem, qui Patri ipsos reconciliet, satis notum est: sed æquè notum est, nihil nisi fide percipi: ut illud Pauli impleatur: Euangelium esse Dei potentiam in salutem omni credenti. Alijs autem quid restat, nisi ut odor sit mortis in mortem? ut idem alibi loquitur.

Porrò, quum palàm appareat, ex multis quos externa voce Deus compellat, vix paucos credere: si maiorem partem ideo incredulam manere probo, quia Deus non nisi quos vult, illuminatione dignatur: simul alterum illud obtineo: communiter offerri vtrisque Dei misericordiam: ut quicumque intus non docentur, tantum reddantur inexcusabiles. Distinguunt quidam, quòd potentia salutare sit omnibus

Euange-

Euangelium, non effectus: sed nodum hoc modo minimè expediunt: quia semper eò reuolui-
mur, aequalisne omnibus conferatur credendi facultas. At verò, cur non om-
nes Euangelio obediant, rationem affert Paulus: quia Iesaias dicit: Domine, quis
credidit sermoni nostro? & brachium Domini cui reuelatum est? Credentium pau-
citate attonitus Propheta exclamat: Rem indignam esse, quod Dei verbi omnium
auribus personans, nulla ferè corda intus afficiat. Verum, ne què cõturbet tanta mun-
di prauitas, mox subiicit, non omnibus hoc esse datũ. In summa, effectũ carere quam-
libet sonorum humanæ vocis clamorem significat, nisi interior Dei virtus in cordi-
bus operetur. Cuius etiã rei præclarũ documentum ante oculos ponit Lucas, qui post-
quam retulit habitam à Paulo concionem: Crediderunt (inquit) quotquot ordinati
erant ad vitam æternam. Cur eadem doctrina non iisdem omnium animis excipitur?
Numerũ definit Lucas: Quia non omnes ad vitam erant ordinatĩ. Cuius porrò hæc
dispositio est, nisi Dei vnus? Nã qui proprio cordis motu fuisse ordinatos ineptiũt,
non magis refutatione sunt digni, quàm si mundum à seipso creatum dicerent. Est
enim recondita Euangelij sapientia, ad quam penetrare humani ingenij acumen
nequit. Animalis homo, inquit Paulus, nõ capit ea quæ Dei sunt. An quia nõ vult? 1. Cor. 2.
Id quidem verum est, rebelles esse Deo quicunque eius Spiritu mansuesacti nõ sunt.
Sed altius conscendit Paulus: quòd scilicet illi sint stultitia, nec possit intelligere:
neminem fuisse Dei consiliarium, nec cognosci eius arcana nisi à solo eius Spiritu.
Vnde constituit, solos esse verè Dei discipulos, qui non mundi huius spiritu, sed cœ-
lesti donati sunt: vt sciant quæ sibi à Deo donata sunt. Quid sibi ista vult cõpara-
tio inter mundi huius & Dei Spiritũ: nisi quòd suo modo sapiũt homines, vt in ter-
ra subsidant, filios suos Pater cœlestis peculiari modo illuminat? Hic, si Deo placet,
voluntariã cuiusque præparationem nobis Pighius obtrudit: quasi non Corinthios
alloquatur Paulus, quos paulò post & fures, & ebriosos, & maledicos, & aua- 1. Cor. 6.
ros, & molles, & prodigiosis flagitijs infectos fuisse commemorat, donec Spiritus
sanctificatione purgati forent. Qualis ad promerendam illuminationem eorum po-
tuit esse occursum, quos Deus ab inferis ipsis extraxit? Et quid longo verborum cir-
cuitu opus est? Spiritus qui nobis regni cœlestis arcana patefacit, est adoptionis Spi-
ritus. Adoptio autem gratuita. Ergo & gratis cõfertur Spiritus ipse. Iam nõ omni-
bus conferri experientia docet. Ergo speciale donum est fides, quo rata fit Dei ele- 1. Cor. 11.
ctio. Quo etiam sensu dixerat Paulus, Christum qui Iudæus est scandalum, & Genti-
bus stultitia, vocatus esse Dei virtutẽ & sapientiã. Vnde autem vocatio: nisi quia
Dominus quos elegit, secundum propositum suum vocat? Nunc tenemus, Euange-
lium, quod odor vitæ in vitam natura sua esse debuerat, mortiferum ijs qui pereunt
odorem esse: ideo autem manere in suis tenebris incredulos, quia non reuelatur illis
Dei brachium. Quòd autem in tanta naturæ nostræ corruptela & prauitate, aliqui
tamen Euangelio credunt: eorum bonitati adscribere, sacrilegium est: sed potius gra-
tia semper Deo agenda, vt Paulus monet, qui eos elegit ab initio mundi in salutem,
in sanctificatione spiritus & fide veritatis. Quibus certè verbis, & fidem, & san-
ctificationem, ab æterna electione, tanquam à fonte riuos deducit. Quid enim? An
quia se ipsos sanctificaturi erāt, ideo electi sunt? Atqui nominatim Paulus hoc esse
Spiritus Dei opus asserit. Quum eadem sit fidei ratio: superest, vt in fidem illumi-
natos dicamus, quò rata esset Dei electio, & effectũ ipso patefieret. Et sanè quum
audiamus, Neminẽ ad Christũ venire nisi à Patre trahatur: hoc quoque Augustini

Rem. 10.
Ier. 53.

Acto. 13.

1. Cor. 2.

1. Cor. 6.

1. Cor. 11.

2. The. 2.
Lib. ad
Bonifa. 1.
cap. 19.

tenendum est. Quis trahitur, si iam volebat? Nemo tamen venit, nisi velit. Trahitur ergo miris modis ut velit, ab illo qui nouit intus in ipsis hominum cordibus operari, non ut nolentes credant, quod fieri non potest: sed ut volentes ex nolentibus fiant.

Reclamat Pighius, illam Pauli sententiam adducens: Deum omnes velle saluos fieri: & quod mortem peccatoris nolit, ipsi vel iurato credendum, ubi per Prophetam sic loquitur: *Viuo ego, nolo mortem peccatoris, sed magis ut conuertatur & uiuat. Quum prophetica concio ad poenitentiam hortetur: nihil mirum si Deum pronuntiet velle omnes saluos fieri. Sed tales loquendi formas conditionales esse, ostendit mutua inter minas & promissiones relatio. Niniuitis Deus, quemadmodum Regibus Gerar & Aegypti, facturum se denuntiat, quod facturum non est. Quum resistencia, poenam quam minatus illis fuerat, anteuerunt: tunc non nisi obstinatis constituta fuisse apparet. Et tamen praecisa fuerat denuntiatio: ac si reuocabile non esset decretum: sed postquam irae suae sensu terruit ac humiliauit, qui non prorsus sunt desperari, eos spe veniae erigit, ut remedio sentiant locum esse. Ita rursum promissiones, quae omnes ad salutem inuitant, non simpliciter nec praecise quid in arcano suo consilio statuerit Deus, sed quid omnibus ad fidem & poenitentiam adductis facere paratus sit, demonstrant. Atqui, hoc modo duplex affingitur Deo voluntas, qui adeo varius non est, ut ne minima quidem in eum cadat obumbratio. Quid hoc, inquit, Pighius, aliud esset, quam hominibus illudere, si Deus quod non vult, velle se profiteatur? Sic coniungim, ut par est, legatur haec duo: volo ut conuersus peccator uiuat: nullo negotio calumnia illa diluitur. Conuersionem exigit à nobis Deus: eam ubicunque inuenit, promisso vitae pramio non frustratur. Vitam ergo velle dicitur Deus, qualiter & poenitentiam. Hanc autem vult, quia verbo suo omnes ad eam inuitat. Ceterum, id cum arcano ipsius consilio non pugnat, quo non nisi suos electos conuertere decreuit. Neque propterea varium censeris fas est, quia tanquam legislator omnes externa vitae doctrina illuminet: ad vitam omnes priore modo vocet: hoc autem altero quos vult, adducat, tanquam pater regenerans Spiritu filios duntaxat suos.*

Certum quidem est, nec homines suo pte instinctu ad Dominum conuertere: nec conuersionis donum omnibus commune esse. Est enim hoc unum ex duobus capitibus foederis, quod Deus non nisi cum filiis suis & electo populo facturum se promittit: ut leges suas in eorum corda inscribat. Desipiet enim si quis dicat, generaliter hoc omnibus promitti: Percutiam cum ipsis foedus: non quale percussi cum patribus eorum: sed leges meas cordibus eorum inscribam. Addignos, vel proprio motu rite praeparatos restringere, non minus crassa inscitia foret: quum Dominus eos alloquatur, quibus corda lapidea prius erant: quemadmodum ex altero Propheta liquet. Communem omnium contumaciam esse dico, nec cuiusquam affectum esse ad obsequium Dei flexibile, donec ipse dederit quod iubet. Cur enim vocamur noua creaturae, nisi quia Dei sumus factura, creati ad omne opus bonum? Obsecro, qualis ista & quam iniqua participatio erit, si Deus mortales nos homines creet, sibi quisque ad iustitiam & caelestem vitam sit creator? Nam hoc modo sibi haberet Deus caduca gratiae laudem: quod longe praestantius est, in sortem nostram cederet. Atqui, circumcidere hominum corda, opus Dei esse Scriptura affirmat: nec alteri regeneratio tribuitur: unde & passim quod in homine ad imaginem Dei reformatum est, Spiritus nuncupatur. Hortatur quidem nos subinde Dominus ad poenitentiam: sed conuersionis author ipse asseritur. Dicitur lex eius conuertere animas & ad Verbi ministros partes istae

alicubi

alicubi transferuntur: sed quia dum arando, serendo, rigando, laborat illi, vnius Dei est incrementum dare: non mirum est, si hoc illi tribuitur, quod cor suis aperiat, ut sermoni quem audiunt, intenti sint. Itaque Augustinus, postquam de electis tractauit, & eorum salutem ita in fidei Dei custodia docuit esse repositam, ut nemo pereat: Cateri, inquit, mortales, qui ex isto numero non sunt, & tamen ex eadem massa sumpti sunt, vasa irae facti in vtilitatem nascuntur istorum. Non enim quenquam eorum Deus temerè aut fortuitò creat: aut quid de illis operetur boni, ignorat: quum & hoc ipsum bonum operetur, quod in illis humanam creat naturam, & ordinem seculi praesentis exornat. Istorum neminem adducit ad poenitentiam spirituales, qua homo reconciliatur Deo. Quauis ergo ex eadem massa perditionis nati, secundum cordis sui duritiem & cor impoenitens, thesaurisant sibi, quantum in se est, omnes iram in die irae, Deus tamen alios inde per misericordiae bonitatem adducit ad poenitentiam, alios iusto iudicio non adducit. Haecenus ille. Ac ne quis hic diuinæ gratiae & nostrae industriae concursum imaginetur: semper occurrat quod alibi tradit: Laborant, inquit, homines in nostra voluntate inuenire, quid boni sit nostrum, quod nobis non sit ex Deo: & quid possit inueniri, ignoro. Et paulò post: Quapropter nisi obtinemus, non solum voluntatis arbitrium, quod huc atque illuc liberum flectitur, atque in eis naturalibus bonis est, quibus & malè uti malus potest: sed etiam voluntatem bonam, quae iam in eis est bonis, quorum vsus esse non potest malus, nisi ex Deo nobis esse non posse: nescio quemadmodum defendamus quod dictum est: Quid habes quod non acceperis? Nam si nobis libera quaedam voluntas ex Deo est, quae adhuc potest esse vel bona vel mala: bona autem voluntas ex nobis est: melius est id quod à nobis, quàm quod à Deo est. Tandem concludit: Quibus donare hoc voluerit Dominus, misericordiae eius esse, non meriti illorum: quibus noluerit, veritatis esse, quia potestatem habet trahendi.

Alterius loci expedita est solutio. Deum velle omnes saluos fieri Paulus affirmat. Nempe, quomodo vult ad veritatis suae cognitionem venire. Vtrunque enim copulat. Nunc quæro, Eademne Deo voluntas ab initio mundi constiterit necne. Nam si omnibus notam esse voluit suam veritatem: cur legem suam non publicauit & Gentibus? Cur inclusam in angustiis Iudae tenuit vitam lucem? Quid sibi vult illud Moisis: Non esse gentem: quae statuta & leges habeat quibus regatur, quemadmodum populus ille: nisi quod singulare priuilegium generis Abrahæ commendat? Cui & illud Dauidis encomium respondet: Non ita fecit vlli populo: nec sua iudicia manifestauit illis. Nec omittenda est quae exprimitur ratio: Quia dilexerit Deus Patres, filios ab eo electos esse: non quia praestantiores essent: sed quia eligere eos in populum peculiarem Domino visum est. Quid? An Paulus ipse nesciebat, se prohibitum esse à Spiritu, ne in Asia verbum de Christo faceret, ac ne transiret in Bithyniam quò pergebat? Sed quia nimis prolixa foret huius rei tractatio, vno illo nunc ero contentus. Deum post lucem vitae solis Iudæis accensam, passum fuisse Gentes in ignorantiae tenebris per multa secula errare: deinde speciale hoc promitti Ecclesiae donum, quod super ipsam orietur Dominus, & gloria eius conspicua illic erit. Nunc iacet Pighius, Deum omnes velle saluos fieri, quum ne externa quidem doctrinae praedicatio, quae tamen Spiritus illuminatione longè inferior est, omnibus sit communis. Agitatus olim à Pelagianis fuit locus iste. Quid Augustinus pluribus locis respondeat, dicere in praesentia supercedo: nisi quod clare & breuiter vno ex loco patet, quàm securè hanc obiectionem contempserit. Quum

2. Tim. 2.
& alibi.
psal. 19.
Luc. 1.
1. Cor. 3.
Acto. 16.
Lib. contra
Iulian. 5.
cap. 3.

Lib. 2. de
pecca. me
rit. & re
miss. cap.
13.

Deut. 4.

psal. 143.

Deut. 4.
& 7.

Acto. 16.

Acto. 14.

Iesa. 60.

Enchirid.
ad Laur.
Cap. 97.
& 98.

Dominus, inquit, se volente filios Ierusalem congregare, ipsam noluisse conqueritur, an superata fuit ab infirmis hominibus Dei voluntas, ut non potuerit facere potentissimus quod volebat? Et ubi erit omnipotentia, qua fecit quaecunque voluit in caelo & in terra? Quis verò tam impiè desipiat, ut dicat Deum malas hominū volūntates, quas voluerit, quando voluerit ubi, voluerit in bonum nō posse cōuertere? Sed quum facit, per misericordiam facit. quū non facit, per iudiciū non facit. Nondum quidem nondum solutum esse fateor: sed hoc tamen extorsi Pighio, ne quis nisi sensu & iudicio priuatus credat arcano Dei consilio statutam & equaliter omnibus salutem esse. Caterum, sensus Pauli cuius non contentioso satis facilis est ac dilucidus. Iubet solennes pro regibus & principibus, qui cum imperio præsunt, preces concipi. Quia verò totidem illo seculo erant infestissimi Ecclesiæ hostes: ne fideles à studio precandi reuocet desperatio, maturè occurrit Paulus, Deum omnes saluos velle fieri dicens. Quis non videt ordinem hīc fieri mentionem potius quàm singulorum hominum? Nec verò ratione caret trita illa distinctio, Non singulos generum, sed genera singulorum notari. Quòd tamen non alia sit Dei voluntas intelligenda, quàm quæ patefit externa Euangelij prædicatione, ex contextu euincitur: ut Deum significet Paulus omnium velle salutem, quos benignè ad Christū inuitat.

Sed Pighius rursus de personarum respectu mihi certamen mouet. Quia Deus
Lib. 7. c. 2 *personas non respicit, inde omnes & equaliter colligit ab eo amari. Responderā, Hoc nomine signari in Scriptura externas omnes accessiones, quæ sunt præter causam, fauorē inque alijs conciliant, alios odio grauant vel contempnū. Nihil ineptius posse dici vel fingi detonat. Atqui si agenda res esset suffragijs, multos haberem non poenitendos socios vel duces. Sed valeat vna ratio. Hebræus nomen est (ΠΑΝΙΜ,) quod tantundem valet ac Facies. Quum vetantur iudices personas accipere: quum*

Leuit. 19. *testatur Moyses nullum personæ respectum esse Deo: & idem in historia Iob repetitur: quid obsecro, per hanc vocem intelligere possumus, quàm externas omnes apparentias, ut vulgò appellant, quibus à re ipsa abducimur? similiter quum de ser-*
Deut. 1. *uis & dominus, quum de Iudæis & Gentibus, quum de nobilibus & obscuris loquun-*
Iob. 32. *tur Apostoli, & de vobis, quod alijs præ alijs habent excellentiæ, vnde fit ut quod &*
& 34. *quum ac rectum est, non cernatur. Ideo Christus & vbi, id est a spectum. iusto iudicio*
Rom. 2. *opponit: ac si diceret, ubi hominum fauor vel odium regnant, fieri aliter non posse,*
Gal. 2. *quin totam æquitatem ac rectitudinem peruertant. Nemo igitur nō videt Pighium*
Ephes. 6. *rabiosa maledi. erdi petulantia abreptum, nunquam pensū habuisse quid diceret.*
Coloss. 3. *Nunc audiēda boni censoris correctio. Personarum aspectum, pronuntiat vitium esse*
Ioan. 7. *in iustitia distributiva locum habens. Inde concludit, Deum non accipere perso-*

nas, quia indifferens sit omnibus: & quemadmodum & quum distributorem de publico largiri decet, præbeat se perinde liberalem ac beneficū. Perinde verò hæc garrit, ac si extincta Scriptura, quidvis illi è proprio capite fingere liceret. Nā omnes Scripturæ loci meam sententiam confirmant: nullum profert qui eius commento suffragetur. Et quid mirum, si sua deliria tam securè proferat: quum ne ipsam quidem vocem de qua sermo illi erat, expenderit? forsā ut se probaret magnum theologum, contēpta Grāmatica sine sensu voces effutiuit. Nam Persona nihil illi aliud valet, quàm hominē. Quum tamen plusquam conspicuū sit, qualitatem extrinsecam notari, qua induti homines, aut fauore digni habentur, aut contēptui subiacent. An autem Deus æqualis sit distributor nēcne, Christo magis credendum est quàm Pighio. Christus autem Deum sub patrisfamilias persona ita loquentem inducit: Licet in

Matt. 20.

rebus meis facere quod volo: an oculus tuus malus est, quod ego benignus sum? Secundum quam rationem Paulus, ut nemini obstrictum esse doceat, quin gratiam suam pro arbitrio, quibus visum est, dispenset: interrogat, Quis prior illi dederit, ut ei mutuum rependatur. Rom. 11.

Primum si qua pietatis gutta fuisset in hoc homine, an unquam ausus foret, Deum tam contumeliose in ordinem cogere? Praescribit enim, ut omnibus aequaliter largiatur, quasi de publico. Ita nihil Deo reliquum facit, in quo gratuita beneficentia exerceat. Iudicat, inquit, de unoquoque secundum cuiusque dignitatem & opus, non autem pro suo beneplacito. Quo igitur merito provocatus elegit genus Abrahæ? Quid reperit in ea gente dignitatis, cur eam reliquis praeferret? Non aliam ipse rationem assignat, nisi quia dilexit patres eorum. Postea expressius: Ecce, quum Domini sint cæli & terra: tantummodo illi in patribus tuis cõplacuit ad eos amandos, & elegit semen eorum post eos. Iam alio loco merita omnia in nihilum redigit, dum idole latras fuisse commemorat. Saltē hoc obtineo, quod Pighius negat, Dei beneplacitum à Moise clare prædicari. Negat, ex Dei pendere decreto, sed hominum affectu, quod uno reiecto alius eligitur. Quid ergo sibi vult illud? Non ex operibus, sed ex vocatōe dictū est: Maior servit minori. Execranda verò quam postea euomit in Deum blasphemia est: Fingi Deum non iniustum modò, sed crudelē, si quempiam exitio deueniat. Atqui, ad eius Dei tribunal semel sistetur, quem Paulus ostendere suam potentiam in vasis iræ asserit. Imò iam nunc malo suo exitii sentit, non esse humanitus fabricatum, sed æternum totius mundi semper fuisse iudicem. Nunc experitur miser, quàm verè dictum sit, Vincere Deum quum iudicatur. Caterum, fateor personā alicubi opponi piam & rectā vitā: ut quum Petrus dicit, Nō esse Deum *πρωτογενitus*, quia in omni gente acceptus illi sit qui bene vivit. Sed prompta est responsio, Quod Deus quæ filiis suis contulit dona, prober, gratāque habeat: in hominis autem natura nihil prorsus inueniat nisi odio dignum. Ergo ut Deus cultores suos diligat: necesse est, ut dum adhuc omni bono vacui sunt, gratuito amore præueniat indignos, & illis donet quod postea amore prosequatur. Hanc verò primam gratiam dat quibus vult, inquit Augustinus, quoniam misericors est. Quod etsi non det, iustus est. Et nō dat, quibus nō vult, ut notas faciat diuitias gloriæ suæ in vasa misericordiæ. Quod autē non sit apud eum personarum acceptio, hinc liquere in fine capitis admonet, quia præeritis cultorum suorum filiis, natam ex reprobis sobolem ab exitio interdum liberat. Ac omnino memoria tenendum, quod tādē adducit, Nullum prædestinationis illustrius speculum extare, quàm sit ipse Mediator, qui secundum humanā naturā id honoris nullo merito adeptus est, ut Dei vnicus esset Filius. Atqui, gratuitum Dei beneplacitum quod in Christo Ecclesiæ capite spectandum ille proponit, Pighius ne in membris quidem admittere sustinet. Beatam enim Christi matrem contendit suo merito electā esse, quia ipsa canat, Respexit humilitatem ancille suæ. Ista sunt Pighij probationes, Fundatam in hominum meritis electionem Dei esse, non gratuitam, quia quod abiectum est ac contemptibile, elegit. Deut. 4.
Deut. 10.
Iosue 24.
psal. 51.
Rom. 3.
Apo. 10.
Lib. de bono perse
uc. cap. 12
Eiusdem
lib. ca. 24
Lib. 8. c. 1.

Hæc ratione facile diluitur Pighij obiectio: Quum Christus benedictos Patris sui ad regnum possidendum vocat, nō simpliciter causam dici, quia electi sunt: sed quia exercuerint charitatis opera. Neque ego sanè ad arcanam Dei electionem homines ablego, ut inde salutem hiantes expectent: sed rectā ad Christum pergere iubeo, in quo nobis proposita est salus: quæ alioqui in Deo abscondita lateret. Nā quisquis plana fidei viā non ingreditur, illi Dei electio nihil quàm exitialis erit labyrinthus. Itaque, ut certa sit nobis peccatorū remissio, ut in vitā æternā fiducia conscientia nostræ acquiescant, ut Deum intrepidè patrem inuocemus, hinc minimè faciendum est exordium, quid de nobis ante mundum conditum Deus statuerit: sed quid de paterno eius amore nobis in Christo sit patefactū, & quotidie per Euā-

gelium Christus ipse prædicet. Nihil altius nobis quærendum, quàm ut filij Dei simus. Atqui, gratuita, qua hoc tantum bonum consequimur, adoptionis speculum, arra & pignus est Filius, qui è Patris sinu ideo ad nos prodijt, ut in corpus suum inferendo, regni cœlestis hæredes faceret. Porro sicuti hæc hæreditas & Christi sanguine parta est semel, & sacris Evangelij tabulis consignata: ita eius possessio non aliter quàm fide adiri potest. Denique, non tantam libenter fateor, sed passim in scriptis meis inculco, & fidei alligatam esse hominū salutem, & Christum unicam esse ianuam, qua in regnum cœlorum omnes ingredi oportet, nec alibi tranquillam pacem quàm in Euāgelio inueniri: quicūque inde vel minimum deflectit, nihil quàm per flexuosas ambages errare: & quò quisque in profunda illa diuini cōsiliij adyta confidentius irrumpere & penetrare conatur, eò longius à Deo recedere. Ergo quin per fidei viam ambulandū sit, non nego. Vnde & alterum illud cōficitur, Deum, quæ electis in præsentī vita contulerit Spiritus sui dona, extremo die coronaturum. Caterum, id non obstat, quominus cœlestis Pater quos in Christo elegit, in eius corpus fide & Spiritus sanctificatione inferat: quominus ante cōditum mundum prædestinatos, tempore suo vocet ac iustificet. Atque vtrunque Paulus optimè coniungit, vbi omnia cedere in bonum diligentibus Deum præfatus, mox addit: Qui secundum propositum vocati sunt. Hæc igitur via est, qua suos gubernat Deus: hæc ratio, qua opus in illis gratiæ suæ absoluit. Sed cur manum eorum apprehendat, alia est superior causa: propositum scilicet illud, quo eos destinauit ad vitam. Quò magis ridicula est Pighij impudentia, dum testimonium sibi tam aduersum procaciter tamen in suum usum aptare non dubitat. Notandum esse in primis admonet, non dici, Cedere omnia in bonum electis vel dilectis: sed diuersam potius causam notari, quòd Deum diligat. Quasi verò non ideo data opera, addita à Paulo fuerit correctio, ne quis fidelium merito tribueret, quòd illis Deus omnia in bonum vertit. Qualiter affectos esse deceat fideles, primum ostendit. Atque hoc vocationis est proprium. Sed ne in seipsis hæreant: salutis bonorumque omnium initium ex altiori fonte manare docet, quia prius electi fuerant. Hunc quoque notandum Pighius iocando expedit: quòd Deus ad sanctitatē omnes vocet. Quasi verò non discretē Propositi nomine, efficax vocatio cōmendetur. Quibus autem præstigijs tam densas tenebras offundet, ut sententiæ huius perspicuitas obruatur? Deus quos elegit, iustificat, ut tandem glorificet. Quantumvis eam laceret, nūquam tamē efficiet, ut se ad omnes extendat. Hinc apparet, quàm stultè ratiocinetur, qui fidei bonorumque operum prætextu electionē subuertere moluntur: ut filia, sicut vulgò loquuntur, matrem deuoret. Extremum suffugium Pighio est, Deum non nisi quos præsciuit ad salutem prædestinasse: quòd iam illis prius à me obstructum est, quum fieri non posse ostendi, ut quicquam aliud in homine præuideat, nisi exitio dignum: donec eum ipse Spiritu suo refinxerit. Nam si nihil habet quisquam quod nō acceperit: quid aliud alio plus afferet in Dei conspectum, quo excellat? Præsciuit ergo suos Deus, non ut ex meritis æstimaret: sed quia nemo ab alijs discernitur, nisi in quem benignos & propitios oculos coniecit, ut filijs suis quamlibet indignum adnumeret: secundum illud

Lib. 8. ca.
2. in fine.

2. Cor. 4.

Pauli. Quis enim te discernit? At Pighio gratuita præcognitio, quam ipse nudā appellat, videtur nulla esse. Quibus ergo plenus hominem ornabit, ne coram Deo nudus & omni ex parte deformis prodeat? Nam Scriptura quicquid in vitiosa hominis natura est, exosum esse Deo clamat: solam eius imaginem, quæ in Christo renouatur, placere.

Sequitur apud Pighium: Rationē cur dārentur impij quærentibus, non ingeritur vox illa tyrānica: A Eterno Dei consilio ab electis fuisse discretos, quia Deo placuerit exitio ipsos deuouere: ut valeat illud, Sic volo, sic iubeo: sit pro ratione voluntas: sed audient ex ore Christi: Esuriui, & non dedisti mihi cibum, &c. Cui nō multum dissimile est quod alio loco

loco repetit: Non pronuntiaturum illis Christum, ideo dānari, quia ex infecto Adā genere progeniti sunt, quia ex eius peccato mortis aeternae reatum contraxerint: quia eius culpa perire ipsos oporteat: sed quia non dederint cibum famelicis, & alia charitatis opera non exercuerint. Si neque originalis culpa ad homines damnandos Pighio sufficit, nec quicquam loci habet arcium Dei iudicium: quid pueris infantibus faciet, qui priusquam ullum tale specimen per aetatem edere possent, ex hac vita erepti sunt? Quum eadem nascendi & moriendi cōditio fuerit paruulus qui Sodoma & Ierosolima mortui sunt: nec quicquam in eorum operibus dispar: cur alijs ad dextram suam stantibus, alios ad sinistram Christus extremo die segregabit? Quis hīc admirabile Dei iudicium non adoret, quo factum est ut alijs Ierosolima nascerentur, vnde ad meliorem vitam mox transirent, alios Sodoma, inferorum atrium, nascentes exciperet? Ceterum, ut electus iustitiae primum repēdet Christus: ita reprobos minime inficior impietatis & scelorum suorum poenas tunc duros. Nec verò tale quicquam ex nostra doctrina elicere licet, quoniā aeterno suo consilio elegit ad vitam Deus quos visum est, alios exitio relinquit: vel nullas malis operibus constitutas esse poenas, vel bonis nullam esse repositam mercedē. Stabimus omnes ante tribunal Christi, ut referat quisque prout in corpore suo gessit, siue bonū siue malum. Sed vnde pijs iustitia & sanctitas quae tunc coronabitur, nisi quia Spiritu eos suo Deus in vitae nouitate regenuit? Vnde porro regenerationis donū, nisi ex adoptione gratuita? Perinde argumentatur Pighius, ac si quis diem esse neget ex luce à Domino creata, quia solus splendor diem facit. Quamquā similitudinē istam non omni ex parte conuenire fateor. Lux enim initio creata Deum propriē habet authorem. At damnationis nostra culpa sic in nobis residet, ut procul alienos ad eam obliuiscendam colores accensere fas non sit. Sed tantum breuiter ostēdere libuit, quā praeposterē Pighius propinquae causae obiectum, remotam tollat. Damnatum iri impios contendit, quia proprijs maleficijs iram Dei in se prouocarint. Ex eo colligit, à Dei decreto non prouenire eorum damnationem. Ego autē, eos maleficia alia alijs cumulasse dico, quia quum prauī essent, nihil quā peccare potuerint. Et si autē non extrinseco impulsu, sed spontaneo cordis affectu, scientes ac volentes peccarint: quin tamen fons & origo malorum omnium sit naturae corruptio & vitiositas, negandum non est, nisi prima pietatis rudimenta cōuellere libeat. Causam si quaeras, cur vitium quod in electis suis Deus corrigit, non eodem in reprobis remedio dignetur: abscondita apud ipsum latet. Hoc modo Paulus, quū nono ad Romanos capite Deū statuit vitae & mortis arbitriū, ut salui sint illi demum quos ab interitu eripit: & clarē pronuntiauit, Non volētis esse neque currētis, sed miserētis Dei, qui miseretur cuius vult, & quē vult, indurat: postea conscribas & quasi palpabiles excacationis causas in sua gente ostēdit, quod Christū plerique respuerint, quod Deum cōtumaciter repulerint, manus ad eos tendentem. Optimē igitur consentiunt inter se haec duo: quod quisque sibi propria incredulitate damnationis sit author, & nihilominus quicunque Spiritu Dei destituti sunt, rati aduersus Christum ruāt. Itaque Iudaeos Paulus reos peragens, quod iustitiam suam stabilire volentes, Dei iustitiae non fuerint subiecti, atque ita superbix suae vitio, abdicati ex Ecclesia fuerint: simul tamen tribuendum esse Dei gratia docet, quod residui quidam steterint: quemadmodum & oraculum continet, Reliqui mihi septem hominum milia, qui non curuarunt genu ante Baal. Neque enim, ut circumspectē Augustinus notat, sua virtute steterunt, si eos Dominus seruauit, ut reliqui mauerēt. Expressius etiā Paulus, Reliquias, Christi aduētū, secundum gratiam electi nem seruatas. Audis reliquias: qua voce exigui numerum ab vniuersa turba segregat. Seruatas esse illas dicit, nō propria virtute, sed Dei beneficio. Salutē ex gratuita electi one deducit: quo significat, hāc solā fuisse causā, cur nō in turba perierint, quia gratuita electi

Rom. 11.
1. Reg. 19.

Lib. de.
bono per
seue. c. 18.

sint. Vnde rursum conficitur, Si electi essent omnes, neminem fuisse periturum.

Si velle se ac iubere pronuntiet mortalis homo, ut pro ratione sit sua voluntas: tyrannicam esse vocem fateor: sed id ad Deum transferre, sacrilegi est furoris. Neque enim quicquam Deo immoderatum affingere licet, ut in eo, sicut in hominibus, exulset libido: sed merito hoc honoris defertur eius voluntati, ut pro ratione valeat, quando omnis iustitiae fons est ac regula. Nam quae in scholis trita est de duplici eius voluntate distinctio, à nobis minime admittitur. Voluntatem Dei aliam ordinatam, aliam absolutam garriunt Sorbonici sophistae. Haec blasphemia, à qua merito abhorret pia aures, Pighio & similibus esset plausibilis. Ego autem ex aduerso contendo, adeò nihil esse in Deo inordinatū, ut inde potius fluat, quicquid est in caelo & in terra, ordinis. Quum ergo in summum gradum euehimus Dei voluntatē, ut sit omni ratione superior, absit ut eum quicquam nisi summa ratione velle imagine-mur: sed simpliciter sentimus, eum iure suo tantum habere potestatis, ut solo eius nutu contentos esse nos oporteat. Nā si verè dictum est: Iudicia tua, abyssus multa: simul atque eò superbia prorumpit mens hominis, ut in simplici Dei beneplacito non acquiescat, cauendū est, ne tanta illā profunditas absorbeat. Nec sanè fieri aliter potest: atque haec plusquam iusta est ultio. Quare nunquam memoria excidat illud Augustini: Quis Deus sit, & quis tu sis, attende. Ille Deus est, tu homo. Si iustitiā tibi loqui videris, an fons iustitiae siccatus est? Tu homo à me expectas responsum. Et ego sum homo. Itaque ambo audiamus dicentem: O homo, tu quis es? Melior est fidelis ignorantia, quàm temeraria scientia. Quare merita, non inuenies nisi poenam. O altitudo! Petrus negat, latro credit: O altitudo! Quæris tu rationem? Ego expauescam altitudinē. Tu ratiocināre, ego miror: tu dissuta, ego credam: altitudinem video, ad profundum non peruenio. Requieuit Paulus, quia admirationem inuenit. Vocat ille inscrutabilia Dei iudicia: & tu scrutari venisti? Ille dicit, inuestigabiles esse eius vias: & tu vestigas? Cui simile est quod alio loco tradit: Disputare vis mecum? Imò mirare mecum & exclama: O altitudo! Ambo in pauore simus concordēs, ne in errore pereamus.

Acutus sibi Pighius videtur, quum iudicia Dei profundam abyssum fore negat, si voluntas eius summa sit ratio: quia nihil facilius sit vel magis expeditum, quàm fieri omnia, quoniam sic Deo placet, ubi dominatur sola eius voluntas. Atqui, sophisticè garriendo, quod vnum in quæstione vertitur, ridiculè præterit, quum liqueat sic fieri, quia Deo placet: cur illi potius ita placeat, quàm sicus. Pergit deinde ineptiendo: atque ut ostendat causam Deo esse in suis consilijs, responsum quod discipulus suis dedit Christus, adducit, hominem cecum fuisse natum, ut opera Dei in illo manifestarentur. More suo Pighius umbratile certamen sibi fingit. An mihi portentum hoc vngquam venit in mentem, nullā Deo consilij sui rationē cōstare? Dum ego Deū præsidem totius mundi statuo, qui incōprehensibili & mirifico consilio gubernet modereturque omnia: an illò fortuitò huc illuc raptari, vel ceca temeritate eum facere quod facit, quisquam ex verbis meis colliget? Imò paulò post verba mea citat, quibus satis, nisi fallor, dilucidè refellitur: cum Deo semper in operibus quālibet arcanis propositū esse dico, ut nominis sui gloriā illustret: nisi quòd repugnantiae colorē in eo lectoribus ostentat, quòd diuini beneplaciti rationē quærendam nego: & simul tamen doceo quænam illa sit. Quàm frigida sint nugæ istæ, accuratius monstrare nihil attinet. Gloriæ suæ rationē in factis suis omnibus habet Dominus. Nempe hic vniuersalis est finis. Excitauit, teste Paulo, Pharaonem, ut nomen suum in tota terra celebraret. An secum dissidet Paulus, quum deinde exclamat, Inscrutabilia esse iudicia eius? Dicit, vasa iræ à Domino destinata ad interitū, sustineri in multa patientia, ut potentiā suam in illis ostēdat: an huic sententiæ contraria est admiratio quæ mox sequitur? O altitudo! Adde, quòd in Causæ nomine fucū Pighius facit, causam finalem pro formali in medium afferens. Et si enim quorsum spectet Deus, nō est obscurum,

Psal. 36.

De verbis
Apost.
1erim. 20De verbis
Apost.
1er. 11.

Ioan. 8.

obscurum: non ideo tamen protinus apparet, cur ita fieri debeat. Hac autem presentis instituti summa est. Etiam si clarus argumentis iustitiā nobis suā non probet Deus, statuendum tamen esse, quicquid ab eo fit, iuste fieri: ideo in sola eius voluntate quiescendum esse: ut quod illi placere intelligimus, cuius nos causa fugit, instar mille rationū sufficiat. Nimis ergo inepie cavillatur Pighius, dum me inconstantiae insinuat, quia rationē diuinæ voluntatis querendam esse negans, pronuntio tamē nihil eum velle, nisi quod expedire censeret. Nam hoc posterius, causa redditionem esse, quam nobis constare alibi nego. Atqui, qualis ista est causa notitia, si Deum consulto facere quod facit, audiamus, & quod ita expedire censeat: interim nos fugiat certa & specialis operis consilii que ratio? Ad hæc, quid inter fidei reuerentiā & inquirēdi audaciā intersit, pro nihilo ducens, quod credendum esse doceo, ad vulgare, quæ humanitus cōcipitur, notitiam præposterè rapit. Ergo simul atque affirmaverit quispiam, Opprimū semper agēdi finē esse Deo: secum ipse dissentiet, si postea cum Paulo exclamet, Recōdita esse Dei iudicia, & vias eius incōprehensibiles. Quanguā in eo fallitur Pighius, quod mea ipsius verba agnoscere me iubet quæ ex Augustino retuleram. Vbi queritur, inquit sanctus ille vir, cur ita fecerit Deus, respondendum est. Quia voluit. Quod si rogādo pergas, cur ita voluerit, maius aliquid quæris & sublimius Dei voluntate: quod inueniri non potest. Cōpescat igitur se humana temeritas: & quod non est, ne quærat: ne fortē quod est, non inueniat. Verē hoc Augustinus, cui subscripsi. Sed ab his verbis nihil disēctāciū cōtinet superior illa sententia. Quod Dei voluntas, optima sit & æquissima omnium quæ statuit, moderatio.

Lib. 1. de
genesi. cōt
Manich.
cap. 3.

Eiusdē est farina alia obiectio: Reprobos ab electis nego discerni vllō meriti proprii respectu: quia Dei gratia ad p̄tione dignos faciat, nō inueniat: ut sæpe loquitur Augustinus. Alibi nego iniuriam fieri reprobis, quia digni sunt qui pereant. Hic se expansis alis tumultuo se iactat Pighius, quod neque me ipsum intelligam, neque meminero quid à me prius dictū esset. Mihi verò in defensione multum verborum facere adeò operepretium non videtur, ut paucis quoque attingere pigeat. Ut alios Deus alijs præferat, ut alijs præteritis alios eligat, non ex hominum dignitate, vel indignitate, pendet discrimen. Ergo falsum est, dignos æterno interitu reprobos esse. Ac si priore membro non fieret hominum comparatio inter se, & dignitas non referretur ad vitæ præmium: in secundo autem membro non æqualis omnium conditio statueretur. Adde, quod Augustinus, quum alicubi scripsisset, Nemini vnguā digno salutem d̄ fuisse: in suis Retractationibus ita temperat, ut opera excludens, vocationi Dei gratuita dignitatē f. rat acceptam. Sed instat adhuc Pighius, Dignos fieri interitu, non inueniri, siquidē verū est quod d. ceo, æterno Dei placito, cuius ratio non apparet, destinatos ad mortem esse qui pereunt. Respondeo, tria hīc esse consideranda: primò æternam Dei prædestinationem, qua de toto genere humano, & de singulis hominibus quid futurum esset statuit, antequā cecidisset Adam, fixam & decretā fuisse: deinde, Adam ipsum, pro defectio- nis suæ merito, esse morti addictū: postremò, in eius iam perditū & desperatū persona sic dā- natum esse totam progeniē, ut Deus, quos inde gratuito eligit, adoptionis honore dignetur. Horum nihil vel somniaui, vel fabricavi. Neque hoc agitur in presentia, ut singulis proban- dū insistam: quod suprà fecisse mihi videor. Tantū diluenda est Pighij calūnia, qui de me tanquam decies victo superbè triumphat, quasi hæc nullo modo cōciliari inter se queat. Cum d. prædestinatione sermo habetur, inde exordiedum esse cōstanter semper docui, atque hodie doceo, iure in morte relinqui omnes reprobos, qui in Adam mortui sunt, ac dānati: iure perire, qui natura sunt iræ filij: ita nemini causam esse, cur de nimio Dei rigore queratur: quādo reatū in se omnes inclusum gestat. Quod si ad primū hominē veniatur, illū, cum in- rege creatus foret, sp̄tē cecidisse: ac inde factū esse, ut sibi & suis exitiū propria culpa ac-

Lib. 2.
cap. 34.

cessuerit. Iam etsi non nisi sciente atque ita ordināte Deo, cecidit Adam, seque & posteros perdidit: minimè tamen id vel ad leuandam eius culpam, vel ad Deum crimine implicandum facit. Semper enim hoc spectandum, quòd rectitudine, quam à Deo acceperat, sponte se priuauit, sponte se peccato & Sathanæ addixit in seruitutem: sponte in exitium se præcipitem dedit. Vna excusatio obtenditur: quod à Deo decretum erat, non potuisse effugere. Sed ad reatum satis superque voluntaria transgressio sufficit. Neque enim propria genuināque peccati causa est arcanum Dei consilium: sed aperta hominis voluntas. Merito apud veterem Poetam ridetur stulta Medæ querimonia: Vtinam ne in nemore Pelio casæ securibus cecidissent abiegne ad terram trabes. Prodiderat illa patriam, furioso aduenæ & ignoti hominis amore correpta. Quum sibi perfidia & barbaræ crudelitatis sit conscia: quum impudicitie flagitium eam cōstringat: ridiculè se ad occasiones procul remotas conuertit. Intus mali sui causam quum inueniat homo, quid circuire prodest, ut eam in cælo quaerat? Palam in eo apparet culpa, quòd peccare voluerit. Cur in cæli adyta prorumpens, in labyrinthum se demergit? Quanguā ut per immensis ambages vagando, deludere se homines conentur, nunquam ita se obstupescient, quin sensum peccati in cordibus suis insculptum retineant. Hominem igitur, quem sua ipsius conscientia damnat, frustra absolvere tendit impietas. Quòd autem Deus sciens ac volens hominem ipsum cadere passus est: occulta ratio esse potest, iniusta non potest. Hoc quidem absque controuersia tenendum: semper illi peccatum odio fuisse. Nam verè elogiū hoc quo ornatur à Dauide, in eum cōpetit: Quòd Deus sit iniquitatē non volens. Quin potius in ordinando hominis lapsu finem habuit optimum & rectissimum, à quo abhorret peccati nomen. Quanguam sic ordinasse dico, ut eum propriè authorem fuisse non concedam. Ac ne longior sim, penitus quod Augustinus docet, impletū fuisse sentio: ut miro & ineffabili modo non fuerit præter eius voluntatem factū, quod etiam contra eius voluntatē factum est: quia non fieret, si non sineret. Nec utique nolens sinit, sed volēs. Negari enim quod illic principium sumit, nō potest. Tam hominē quā Angelos apostatas, quantū ad ipsos attinet, quod Deus noluit, fecisse: quantum verò ad Dei omnipotentiam, nullo modo efficere id valuisse. Ergo sancti viri sententiæ subscribo: sic peccando fecisse quod nolebat Deus, ut per malā eorum voluntatē faceret Deus quod volebat. Si quis hoc mētis suæ captu superius esse excipiat: idē & de me fateor. Sed quid mirum, si modulū nostrū immēsa & incōprehensibilis Dei maiestas exuperet? Atqui, tantum abest, ut pro carnis ratione explicandum suscipiā sublime istud reconditūque arcanum, ut quod initio præfatus sum, assiduè in memoriā redire velim, Desipere qui plus scire appetunt, quā Deus reuelauerit. Quare nos potius docta ignorantia deflectet, quā intemperans & ebria sciēdi plusquā Deus permittit, curiositas: sub hac tantum reuerentia se omnes sensus animi contineant, nihil Deum in hominis peccato voluisse, nisi quod sua iustitia dignum erat.

Prosequitur Pighius, Si Dei opus est, hominis apostasia: falsum esse quod Scriptura tradit, Omnia quæ fecit Deus, bona esse. Atqui, & sanctè testari, & ingenuè profiteri possum, mihi cōmentū istud nunquā venisse in mentē. Naturā hominis ideo rectā primò conditā fuisse ubique assero, ne prauitas, quā sibi defectione cōtraxit, Deo possit adscribi: mortē cui se mācipauit, qui antè cōpos vitæ erat, sic profectā esse ab eius culpa, ne Deus author cēseatur. Si vnguā diuini Spiritus instinctu factū esse dixissē, ut se à Deo primus homo alienaret: ac nō potius ubique contendere, diaboli instigatione, & proprio cordis sui motu impulsus, merito fortè insultaret mihi Pighius: nunc autē quum à Deo propinquā actionis causam remouēs, simul omnē ab eo culpā remoueā, ut solus homo reatū subeat: calumniosē & improbē dictū istud in me torquet. Hominis defectionē vnū esse ex Dei operibus. Quomodo autē

Dei

psal. 5.

Enchirid
ad Laur.
cap. 99.

Dei præscientia & decreto statutū fuerit, quod de homine futurū erat: neque tamen in culpa societate trahendus sit Deus, quasi transgressionis vel author sit, vel approbator, cum longè altius humanæ mentis perspicacia esse arcanum palam sit, ne ignorantiam nostrā fateri pudeat. Imo, ne quem ex fidelibus nescire pigeat, quod Dominus lucis suæ inaccessæ fulgore absorbet. Primum, nihil alijs, nisi ex animi mei sensu, præscribo. Testis enim mihi erit Dominus, cui conscientia mea subscribet, sic me stupenda hæc ipsius iudicia quotidie meditari, ut nulla me plus aliquid sciendi curiositas sollicitet: nulla mihi de incomparabili eius iustitia obrepat sinistra suspicio: nulla me obmurmurandi libido prorsus titillet. Denique, in hac Augustini sententia nō minus tràquillè quàm libenter acquiesco: Deum, qui creauit omnia bona valde, & mala ex bonis exoritura præsciuit, & sciuit magis ad suā omnipotētissimam bonitatem pertinere, etiā de malis benefacere, quàm mala esse non sinere: sic ordinasse Angelorum & hominū vitam, ut in ea prius ostenderet, quid posset liberum eorū arbitrium, deinde quid posset gratiæ suæ beneficium, iustitiæque iudiciū. Ad hæc, ut de affectu meo taceam: si quibus ita pruriūt aures, ut nihil sibi ex Dei mysterijs clausum obiectumque esse velint: bis vesanus erit magister, qui talibus discipulis satisfacere tētabit. Potius trepidi audiamus, quid Dauidi aciderit, cum in vsuata Dei iudicia, quæ in externo corporū & præsentis vitæ statu apparent, plus æ quo inquireret: Factus sum, inquit, apud te similis iumento. Non potuit tantus Propheta in rebus minus obscuris & recōditis ultra sis sapere, quin brutæ pecudis instar obstupesceret: nos verò præpostera mentis nostræ lasciniæ in excutiendo consilio Dei omnium profundissimo impunè indulgebimus? Postquā Paulus Deū ex perdita massa eligere & reprobare quos illi visum est, docuit: quare & quomodo id fiat adeò non expedit, ut potius expauescens, in clamorem illum erūpat: O altitudo! Et nos eius altitudinis reuerentia non perculsi, penitus scrutari audebimus, quomodo in persona Adæ totū genus humanū excidere passus fuerit? Dixi iam suprā, lapsus sum. Adæ vtile posteris fuisse humilitatis rudimētū: ut se ad vitā recuperandā nihil esse nec posse discāt, in qua ille integer non stetit. Vna tamē est ritè sapiēdi regula, si se mens hominis illi admirationis fræno cōpescat.

De cor-
rep. &
gratia,
cap. 10.

psal. 73.

Rom. 11.

Ceterum, quæstionem hanc nō ideo tantum parcius attingere cōuenit, quòd abstrusa est, ac in penitiorē sanctuarij Dei adyto recondita: sed quia otiosa curiositas alēda non est, cuius illa nimis alta speculatio alumna est simul ac nutritrix. Quanquā interim quæ Augustinus libro de genesi ad literam vndecimo differit, cum ad Dei timorē & reuerentiā omnia tēperet, minimè improbo. Altera autē pars, quòd ex dānata Adæ sobole, Deus quos visum est, eligit, quos vult, reprobat, sicuti ad fidem exercendā longè aptior est, ita maiore fructu tractatur. In hac igitur doctrina, quæ humanæ naturæ & corruptionē, & reatū in se continet, libentius insisto: sicuti non solum ad pietatem propius conducit, sed magis mihi videtur theologica. Meminerimus tamē, in ea quoque sobriè modestēque philosophandū: ne vltius progredientemur, quàm Dominus nos verbo suo deducit. Quàm dulces sint argutiarum illecebræ, plus satis notū est: quò maior adhibenda est cautio, ut sensus omnes nostros sibi deuinctos habeat fidei simplicitas. Quòd Deus arcano Spiritus afflatu ad se homines trahat, vel quotidiana preces nostræ testes sunt: nam cum pro persecutoribus oramus, quid petimus aliud, quàm ut fiant ex nolentibus volentes, ex repugnantibus cōsentientes, ex oppugnantibus amantes? Atqui, palam constat, non omnibus indifferenter hoc dari, ut centies exitium meritos Deus repente vita dignetur. Quomodo hæc gratiam dispēset, inquit Augustinus, alios secundum meritum faciens vasa iræ, secundū gratiā alios vasa misericordiæ: quis cognouit sensum Domini? Quantūvis tamen mundi vel superbia, vel proteruita calcinet: minimè ferendū est, ut deterior sit Dei quàm mortalis hominis cōditio. Cui autē credi-

A cap. 4.
vique
au 2.

Lib. ad
Bonita. 6.
cap. 10.

De præd
& gratia.
cap. 2.

tori non conceditur ab uno exigere, quod alteri remittit? *Quæ similitudo nõ abs re toties ab Augustino reperitur. Fieri quidẽ vix potest, quin primo statim momẽto turbetur mens hominis, cum gratiam Dei negari quantũuis indignis audit, quæ perinde indignis datur. Sed meminimus, postquam damnati sunt ex æquo omnes, minimẽ fas vel æquum esse, Deo legem imponi, quin misereatur cuius voluerit. Sed verẽ Augustinus cõtendit, Humanã iustitiã modo metiendam non esse diuinam. Caterim, ubi omnia dicta fuerint: sit hæc omnium disputationum clausula, ut cum Paulo ad tantam profunditatem expauescamus. Si obstrepãt petulantibus linguae: ne identid exclamare cum eodem Apostolo vel pudeat, vel pigeat: O homo, tu quis es qui litiges cum Deo?*

Caterim, etsi absurda quæ hincinde congerunt huius doctrinæ aduersarii, ut eam calumniose infament, in mea Institutione dilucidẽ non minus quàm succinctẽ refutasse: & simul prauis figmentis, quibus se imperiti deludunt atque implicant, obuiasse mihi videor: quia tamen Pighio responsiones meas arrudere libuit, eius virulentiam iterum diluere non grauebor. Quærant præposterii homines, Quomodo de salute sua, quæ in arcano Dei consilio latet, certi esse poterunt. Respondi quod verum erat, Cum nobis in Christo proposita sit salutis certitudo, perperam, nec sine Christi ipsius iniuria facere, qui præterito hoc vitæ fonte, ex quo haurire promptum erat, ex reconditis Dei abyssus vitam eruere moluntur. Tradit quidem Paulus, nos ante mundi creationem electos esse: sed in Christo. Ne quis ergo aliunde electionis suæ fiduciam petat, nisi librum vitæ, in quo scriptus est, delere velit. Non alius est adoptionis finis, quàm ut censeamur inter Dei filios. Atqui, Scriptura quicumque in Filium Dei Unigenitum credunt, Dei filios & hæredes esse pronuntiat. Christus ergo æternæ & absconditæ Dei electionis tuum luculentum nobis speculũ est, tum arra quoque & pignus. Fide autẽ, quam Deus in hoc speculo nobis repræsentat, vitam contẽplamur: fide, pignus hoc arramque amplectimur. Et vnde probamus, gratuitò electos esse ex hominibus aliquos, nisi quia Spiritu suo Deus quis vult, illuminat, ut fide inserantur in Christi corpus? Fidei quidẽ nostræ origo & causa est diuina electio: sed quia inuisibilis est Deus, lucẽmque habitat inaccessam, & neminem consiliariũ admittit, præter Unigenitũ, qui semper fuit in eius sinu, tenere mentẽ Christi oportet, ac fide illuminari, ut nobis patefiat, quæ in corde Dei prius latuit, adoptio. Si quis malit crassius: Prior quidem fide est electio, sed ex fide discitur. Quæ breuiter hinc delibo, suffus in mea Institutione explicata reperient lectores. Itaque Christus æternã suorum in Patris consilio electionem cõmendans: simul ubi turo recubat eorum fiducia, ostendit. Manifestaui, inquit, nomen tuum hominibus quos dedisti mihi. Tui erant: & mihi eos dedisti, & sermonem tuum seruauerunt. Videmus, ut à seipso incipiat Deus, cum nos eligere dignatur: sed nos à Christo incipere velit, ut nos sciamus in sacro illo peculio censeari. Nam ideo nos dare Filio suo dicitur, ut se quisque tũc demum cœlestis regni hæredem esse sciat, dum ad Christũ pertinet, extra quem vndique mors & exitium nos obsident. Ideo manifestare nobis Christus, Patris nomen dicitur, quia electionis nostræ scientiam, Euangelii sui voce testatam, Spiritu quoque suo in cordibus nostris obsignat. Si Pighio creditur, in soluendo hoc nodo inexplicabili ita sudo, laboro, omnia verto, confundo & trãssundo in omnia, ut clarissimẽ pateat, propria conscientia me cõstringi. Atqui, ut facillimũ illi fuit, suã istam loquacitatem absque sudore profundere, ita fieri potest, ut vino bene madidus, quæ illi in buccã venerũt cõuitia, temerẽ nulloque pudore vomuerit. Si fixa & inuitabilis salutis causa est, Dei prædestinatio: omnem excuti nobis fiduciam contendit. Ut verbum non addam: cum docet Paulus, nos fide participes esse factos diuinæ adoptionis, sicuti ante mundum conditum electi fuimus: quid, obsecro, in huius doctrinæ contextu inextricabile est vel perplexum? Quum eos qui prius electi

electi fuerunt, docet secundum propositū vocari, ritè, nisi fallor, cum fixo diuinæ electionis decreto fidei nostræ certitudinem conciliat.

Ratiocinatur Pighius: Si in libro vitæ scripti sunt, quicunque sunt Christi membra, ebriosos ergo, adulteros, fures, periuros & homicidas regno Dei contra manifestam Apostoli sententiam potituros: quando tales multi Christo per baptismum sunt inserti, eumque induerunt. Primū monendi sunt mihi lectores, ut animum paulisper ad effrænem istam, in qua lasciuir Pighius, Scripturæ profanationem aduertant: deinde ut in ea vlciscenda expendant iustum Dei iudicium, quod se palam exerit. Totam Scripturam pedibus calcare, modò fucum lectoribus faciat, pro nihilo ducit Pighius. Modò se imperitis venditet, susque deque habet prima quæque pietatis rudimenta conuellere. Interea Dominus eum mente priuatum puerus quoque videndum prostituit. Sicuti literæ & spiritus circumcisio à Paulo statuitur: ita & de baptismo sentiendum est: quosdam literale duntaxat symbolum in corpore gestare, qui re ipsa procul absunt. Nam & Petrus, ubi docuit, baptismo nos salutem consequi, mox quasi addita correctione, pronuntiat, Non sufficere nudam & externam carnis abluitionem, nisi & bonæ conscientie repositio accedat. Quare Scriptura, cum de Sacramentis disserit, bifariam loqui solet. Si cum hypocritis agit, qui inani figura gloriantes, rem ipsam negligunt: ut futilem eorum confidentiam prosternat, ex peruerso eorum sensu veritatem à signis separat. In hunc modum Paulus, nihil profuisse veteri populo admonet, quòd in maris transitu baptizatus fuerit, quòd eandem nobiscum escam spiritua-lem comederit in deserto (ei sdem scilicet donorum spiritualium symbolis nobiscum participasse intelligens.) Verum, ubi apud fideles habetur sermo, vsus Sacramentorum ut legitimus ita efficax describitur: qui diuinæ scilicet institutioni res pòdeat. Quòd perinèt ista sententia: Induisse Christum, Insitos in eius corpus, & illi consepultos, qui in eius nomen baptizati sunt. Inde colligit Pighius, quicunque visibili aquæ elemento aspersi fuerint, verè spiritu regenitos, & in Christi corpus coaluisse, ut Deo eiusque iustitiæ viuāt. Nec eum pudet, còpures talibus nanijs paginas implere, cum generaliter omnia Christi mèbra nomen, sub eo sermone còprehendi quicunque externo baptismo tincti sunt. Paulò pòst tamen quasi retracta alarū expàsione, subiicit, Multos à Christo deficere, qui verè in eius corpus insiti fuerant: nam quos à Patre sibi creditos in fidem custodiāque suā recipit, ita fingit ab eo seruari, ut à libero suo arbitrio suspensam habeant suam salutem. Multis, inquit, tutelæ Christi gratia non deest: sed ipsi sibi desunt. Certè, ut nunquam poterit satis seuerè hominum socordia & ingratitudo coargui, qui se Dei auxilio subducunt: ita minimè tolerabilis est in Christum contumelia, electos dicere ab eo seruari, si modò se ipsi tueantur: ut ambiguum sit Christi præsidium, quod Diabolo & omnibus inferòrum machinis inexpugnabile fore affirmat. Daturum se vitam æternam promittit omnibus qui sibi dati sunt à Patre. Fidum se custodè omnium fuisse testatur, ut nemo perierit, nisi filius perditionis. Alibi etiam in sua manu electos esse docet, è qua nemo eos rapere poterit: quia Deus toto mundo sit potentior. Si omnibus electis certa est vita æterna: si excidere nemo potest: si nulla violentia, nullo impetu quisquam rapitur: si inuicta Dei potentia nititur corū salus: qua fronte Pighius fixam istam certitudinem coneuere audeat? Quauis non eijciat Christus, inquit, multi tamen discedunt: & qui filij Dei fuerunt ad tempus, non permanent. Malus & peruersus est interpres Pighius, qui non agnoscit Christi manu retineri, quicquid illi à Patre datum est, ut saluum in finem vsque maneat: nam quotquot defluunt, eos Ioannes ex grege esse negat. Qui exierunt à nobis, non erant ex nobis: nam si fuissent ex nobis utique mansuri erant nobiscum: se de ut manifesti fierent, quòd non sunt omnes ex nobis.

Rom. 2.

1 petr. 3.

1. Cor. 10.

1. Cor. 12.

Rom. 6.

Col. 2.

In fine
lib. 7.

Ioan. 17.

Ioan. 10.

1. Ioan. 2.

- Ergo frustra, inquit, apponitur conditio: ut qui saluus esse cupit, in finem usque perseueret. Hic verò eum prauaricari dicas: nam cum probandum suscepit, Nō stare cum electione salutis fiduciam: eò nos ratiocinando deducit, ut hanc necessariò in illa fundatam esse oporteat. Video me assidue fluctuari: nullum momentum praterit, quo non obruendus videar. At, quia electos suos Deus sustinet, ne unquam mergantur, staturū me inter innumeras procellas certò confido. Vnde me electum esse cognoscam, si Pighius rogat: Christus mihi pro mille testimonijs sufficit: nam ubi nos in corpore eius reperimus, in secura tranquillaque statione salus nostra tanquā locata iam in cœlis, quiescit. Si excipit, Non posse ex presenti gratia eternam Dei electionē asstimari: non obijciam contrā, quē fideles experientia sensum habent: quia panem quo pascuntur filij Dei, extraneis gustare datū nō est. Sed quod garrire audet, nusquam id in Scriptura haberi, hoc verò quā crassum sit mendaciū, probatu non est difficile. Postquam enim docuit Paulus, qui electi fuerant, vocari & iustificari, donec ad beatam immortalitatem perueniant, quasi undique firmo prasidio munitus intrepidē exultat, Quis stabit aduersus electos Dei? &c. Ac ne quis vniuersalē esse doctrinam cauilletur: in peculiarem cuiusque sensum accommodat. Certò persuasus sum, inquit, quòd neque mors, neque vita, neque Angeli, neque principatus, neque instātia, neque futura, nos à Dei charitate separabūt, quæ est in Christo. Certē salutis eternæ fiduciā, quam singulis momentis abrūpi vult Pighius, in futurū tēpus, adeoque vltra presentis vitæ metam Paulus extendit, & eā non aliunde manare demonstrat, quā ex Dei electione, quā sic illi aduersam fingit Pighius, ut mutuo se conflictu eueriāt. Quid ergo sibi vult Exechiel, cum iusto exitium denuntiat: si à recta via se auerterit? Nēpe, reprobus multa interdū esse cū filijs Dei similia, non negamus: sed quocique iustitiæ splendore fulgeat, nunquā donari Spiritu adoptionis certum est, ut Deum verē patrē innocēt. Nullos enim Spiritu illo gubernari testis est Paulus, nisi Dei filios, quos simul pronuntiat vitæ eternæ heredes. Alioquin nō staret quod alibi tradit, Nos spiritū è cœlo habere, ut sciamus quæ à Deo donata sunt nobis, atque ideo nos tenere Christi mentē. Frustra etiam Spiritū quo obfigurati sunt fideles, arrā vocaret futura redemptionis. Ceterum, ut perseuerantiæ fidem stabiliat ritē cognita Dei electio, vel vna illi Christi precatio ad probationē sufficere debet, quæ electos omnes Patri commēdat, nominatim eos à mundo separans, ut hoc pereunt: s. lui & intacti maneant.

- Sequitur alia obiectio apud Pighiū: Non frustra hortatur fideles Paulus, ne in vacuū receperint Dei gratiā: nec frustra Christus vigilandū & orandū esse admonet. Atqui, si tenemus, quantum inter supinā carnis securitatem, & tranquillū, qui ex fide nascitur, mentis statū intersit, nox solutus erit nodus. Fideles de salute sua certos esse oportet. An ut sopiti iaceant: an ut se proyiciant ad socordē ignauitiā? Imo potius ut quietū cum Deo silentium colētes, precibus simul inuigilent. Hortatur eos Paulus, ut salutē suam operētur cum timore & tremore. An ut de successu anxij trepidēt? Minimè: sed ut sub Dei alis absconditi, assidue se illi cōmendent, sicque toti pendeāt ab ipso vno, ut eius prasidio freti, non dubitent se in finē usque fore victores. Causam enim subiicit, cur sollicitos esse deceat: Quia Deus est, qui pro suo beneplacito operatur & velle in illis & perficere. Porro, ne suspensū hesitare it, iam antē omnē illis dubitationem exemerat: Qui cœpit in vobis opus bonū, usque in diem Christi perficiet. Nusquam ergo ad precandi curā & studiū nos Spiritus Dei hortatur, quasi dubio in statu fluctuaretur salus nostra, quæ in Dei manu sita est: nusquam nobis timorem inijcit, qui fiduciam in gratuito Dei amore fundatam excutiat: sed ut talibus stimulis pungendo carnis nostræ pigritiem corrigat. Atque in eum finem calūniosē detorquet Pighius Apostoli verba ex undecimo ad Romanos capite. Per incredulitatē defracti sunt na-

tiui olea rami: tu verò fide constitisti. Ne effrenaris animo, sed timeas: nam si Deus naturalibus ramis non pepercit: vide ne quasi fiat, ut nec tibi parcat. Ecce igitur bonitas Dei & seueritas: in eos qui ceciderunt, seueritas: in te autem bonitas, siquidem permāseris in bonitate. Postquam de duplici gentis suae electione differuit, & multorum defectione ostendit factum esse, ut qui prius legitimi & proprii erant vitae haeredes, propter sancitum cum Patribus foedus, nunc abdicati sunt à Deo, & facti ab eius regno extorres: tandem ad Gentes se cōuertit, ne superbe Iudæis insultent, quia in eorum locum successerint. Notandum autem, quòd sicuti vniuersalis illa populi reiectio non labefactauit fixam Dei electionem, quin reliquias aliquas seruaret: ita vniuersalis Gentium electio, non complexa est singulos ex Gentilibus, ut omnes vitae consortes fierent. Duplicem in Iudæis Dei electionem Paulus illic commemorat. Electum enim quodammodo fuerat totum Abraham genus. Sed cum occulto Dei iudicio plerique non essent ad vitam ordinati: pereunte maiori numero, electio in reliquiis consequitur. Nunc trās-lato ad Gentes vitae foedere, communis illa generis Abraham adoptio ad nos pertinet. Ceterum, id non obstat quominus arcano Dei beneplacito pauci ad eam fruendam destinati sint. Paulus ergo, dum Gentes ex opposito conferens cum Iudæis, steriles oleastros ex cæcis naturalibus ramis, in sanctam radicem insitos esse dicit: neque priuatim de singulis, neque simpliciter de arcana Dei electione tractat: sed quanta fuerit rerum facta conuersio, docet, dum reiectis filiis, in eorum locum subrogati sunt extranei. Itaque tota illa Pauli exhortatio, nō tam ad fideles dirigitur, qui verè & ex animo gratiā amplexierant, quàm ad Gentium corpus, quod ex variis mēbris permixtum erat. Et tamen nihil absurdi est, si contemnat Deus in filiis suis carnis insolentiam: cum hoc vitio omnes laborent. Ridiculè tamen inde colligit Pighius, ab hominum perseuerantia suspensam esse diuinæ electionis constantiam: quia in generali quoque omnium defectione, necesse est ut illa nihilominus obtineat.

Quòd autem impii, Dei iudicium alio colore suggillat: quia frustra iustitia & sanctitati studeant reprobi, quos tandè perire necesse est: calumnia hæc ut ex crassa inscitia nascitur, breui responso à me discussa fuerat. Nullum scilicet bene agendi studium inesse hominibus, quod non ex electione prodeat: reprobos verò, ut sunt vasa in contumeliam formata, pronocāda in se Dei ultioni nullū finem facere: & euidentius signis monstrare exitio se esse deuotos. Pighio hic omnium absurditatum cumulus est, ut nihil in tota disputatione æquè prodigiosum reperiatur. Atqui, vel vno hoc argumento abundè probat, rabiosa maledicendæ libidine ita se transuersum rapi, ut sine vlla occasione sua conuitia ebulliat. Nullos Dei Spiritum nisi electos gubernari Scriptura docet. Qualis in homine absque Spiritus sancti ductu rectitudo esse poterit? Manifesta, inquit Paulus, sunt opera carnis. Et alibi, omnes carnis cogitationes Deo inimicas esse pronuntiat. Quid igitur absurdi, si peccato mancipatos esse dico, qui Spiritu Dei non regeneriti, carnis suæ arbitrio ferantur? Quos Deus elegit, iustificat. Quid mirum si reprobi, Dei iustitia vacui, nihil quàm peccare nouerint? Elegit Deus suos, ut sancti sint ac irreprehensibiles. Si gratuita electionis fructus est sanctitas: quis alios in profanis sordibus demersos manere neget? Vocem suā audire negat Christus, quicumque non sunt ex ouibus suis. Rursus, ex diabolo esse pronuntiat, qui vocē Patris in ore suo resonantem audire nō sustinent. Ut reprobos ostendat Pighius bonis operibus studere: gratam esse Deo contumaciam ostendat, necesse est. Obicit cōtrā Pighius, Saul multis virtutibus excelluisse: imo placuisse Deo. Virtutes, quæ in reprobis fulgent, suapte natura laudabiles esse fateor: idque sibi vult Scriptura, cum Saulem & alios eiusdem ordinis refert fecisse quod rectum est: sed quia cordis fontem, unde fluunt opera, Deus respicit: nihil obstat quominus opus, quod alioqui in se laudatur, ob vitium quod intus latet, sit abominationi apud Deum. Rudimentum scilicet illud pie-

Rom. 8.
Galat. 5.

Rom. 8.
Ephes. 1.

Ioan. 8.
& 10.

tatis ignotum fuit Pighio: Nihil tam esse purum, quod non inquinet hominis immundities. Ergo non mirum est, si ab externa larua, Saulis opera æstimans, innocentiam eius probitatemque commendat. Quod semel eum Deo placuisse cõrendit, distinguo. Sic enim dignatus est eum honore regio, ut in Scriptura domus Israel nunquam eum cõsuerit: quemadmodum Ezech. 13. Ezechiel loquitur. An quia ad munus Apostolicum electus fuit Iudas, ideo à Deo in filiis suis habitum esse colligere? Ceterum, malignè, quod à me dictum est, calumniatur Pighius: quasi de singulis vite actionibus seorsum loquutus sim, ac non potius de continuo vite cursu. Porro, totam Scripturam labefactari oportet, nisi quicquid esse in homine iustitiæ & boni potest, à Spiritu sanctificationis, qui solis filiis datur, manare concedimus.

In persequendis ceteris cauillus non est quod plus opere sumam. Tritum illud est, Irritam fore doctrinam, vanas & nihili exhortationes, si ab electione Dei pendeat obsequendi vis & facultas. Item aliud non absimile, Fieri non posse quin se ignavia dedant homines, cum in æternum Dei consilium recumbere docentur. Responsiones à me adductas quibus solet committis ita Pighius exagitat, ut maneant ab ipso intacta. Ceterum, si quibus plus æquo morosis nondum satisfactum sit: & plus fortè apud ipsos ponderis habeat Augustinus: idem quod iam tradidi, eius verbis & repetam, & confirmabo. Verba eius sunt in libro cui titulum fecit De bono perseverantia: Prædestinationis doctrinam aiunt prædicationi aduersam esse, ne quid prosit. Quasi verò aduersaria sit Apostolo prædicanti. Nõne ille doctor Gentium prædestinationem toties commendauit, & verbum Dei prædicare non desistit? Nunquid, quia dixit: Deus est qui operatur in vobis & velle & perficere: ideo non & ipse ut velimus quæ Deo placent, & ut operemur, hortatus est? An quia dixerat: Qui coepit in vobis opus boni, perficiet: ideo ut inciperent homines & perseverarèt vsque in finem, non suscit? Nõpe, ipse Dominus præcepit hominibus ut in se crederèt. Neque tamen falsa eius sententia est, nec vana definitio, ubi ait: Nemo venit ad me, hoc est, nemo credit in me, nisi cui datū fuerit à Patre meo. Neq; rursus, quia vera est hæc definitio, vana est illa præceptio. Cur ergo prædicationi, exhortationi, correctioni, quæ omnia tã frequenter vsurpat Scriptura, dicemus inutile esse prædestinationis doctrinã, quã cõmendat eadẽ Scriptura? Paulò post. Audiunt hæc, & faciunt quibus datū est. Non autẽ faciunt, siue audiant siue nõ audiāt, quibus nõ est datū. Nec prædestinationis igitur prædicatione impedienda est prædicationis fidei perseverantis & proficiētis: ut quod oportet, audiāt: & quibus datū est, obediāt. Quomodo enim audiēt absq; prædicatõe? Nec rursus prædicatione fidei proficiētis, & in finem vsq; perseverantis impedienda est prædicationis prædestinationis: ut qui fideliter & obediēter viuit, nõ de ipsa obediētia tanquã de suo, sed in Domino gloriētur. Itẽ, sicut is qui donū accepit, rectè exhortatur & prædicat: ita exhortantẽ & prædicantẽ obediēter audit, qui accepit hoc donū. Ideo Dominus, Qui habet aures audiēdi audiat. A quo autẽ habeant, quicunque habent, Dominus ipse ostendit, Dabo vobis cor ad cognoscendum me: & aures quæ audiant. Ergo aures audiendi, ipsum est donū obediendi: quo qui prædici sunt, veniunt ad Christum. Exhortamur ergo atque prædicamus: sed qui habent aures audiendi, obediēter nos audiunt: qui verò non habent, fit in eis quod scriptum est, Ut audientes non audiant: audientes corporis sensu, non audiant cordis assensu. Cur autem illi habeant, illi non: hoc est, cur illis datum sit à Patre, ut veniant ad Filium, illis non sit datum: quis cognouit sensum Domini? Nunquid ideo negandum est, quod apertum est, quia comprehendere non potest quod occultum est?

Quam autem præposita sit eorum cautio, qui absurditatis vilius metu doctrinã cognitu necessariã vel supprimunt, vel obscurant, deinde exequitur. Nūquid si hoc audito nõnulli in terrorem segnitatemque vertantur, & à labore proclines ad libidinem post concupiscentias

scientias eant: propterea de praescientia Dei falsum putandum est, quod dictum est? Nonne si Deus illos bonos fore praesciuit, boni erunt, in quantalibet nunc malitia versentur? Et si malos fore praesciuit, mali erunt, in quantalibet nunc bonitate cernantur? Nunquid ergo propter huiusmodi causas, quae de praescientia Dei vera dicuntur, vel neganda sunt, vel tacenda? tunc scilicet, quando si non dicantur, in alios itur errores? Alia, inquit, ratio est verum tacendi, alia verum dicendi necessitas. Causas verum tacendi longum esset omnes quærere: quarum tamen est hæc Cap. 16. una, Ne peiores fiant qui non intelligunt, dum volumus eos qui intelligunt, facere doctiores: qui nobis tale aliquid dicentibus, doctiores quidem non fiunt, sed nec red duntur peiores. Quum autem res vera ita se habet, ut fiat peior nobis eam dicentibus, qui capere non potest, nobis autem tacentibus, ille qui potest: quid putamus faciendum? Nonne potius est dicendum verum, ut qui potest capere, capiat: quam tacendum, ut non solum id ambo non capiant, verum etiam qui est intelligentior, ille sit peior: qui si audiret & caperet, per eum etiam plures discerent. Et nos dicere nolumus, quod teste Scriptura dicere licebat. Timemus enim videlicet, ne loquentibus nobis offendatur qui capere non potest: non autem timemus, ne tacentibus nobis, qui veritatem potest capere, falsitate capiat. Quam sententiam brevius tandem perstringens, clarius etiam confirmat. Quamobrem, si Apostoli, & Eiusdem lib. c. 20. qui eos sequuti sunt Ecclesiae Doctores, utrunque fecerunt, ut de aeterna Dei electione pie differerent, & sub pia vitæ disciplina continerent fideles: quid est quod inuicta conclusi violentia veritatis, isti nostri se recte dicere existimant: Non esse populo prædicandum, etsi verum sit, quod de prædestinatione dicitur? Imo, prædicandum est prorsus: ut qui habet aures audiendi, audiat. Quis autem habet, si non accepit ab eo, qui se daturum promittit? Certè qui non accipit, rejiciat: dum tamen qui capit,umat & bibat: bibat & viuat. Sicut enim prædicanda est pietas, ut rite colatur Deus: ita & prædestinatio, ut qui habet aures audiendi, de gratia Dei, in Deo, non in se gloriatur.

Et tamen, ut singulare adificationis studium sancto viro fuit: sic docendi veri rationem temperat, ut prudenter caueatur, quoad licet, offensio. Nam quæ verè Eiusdem lib. c. 22. dicuntur, congruenter simul posse dici admonet. Si quis ita plebem compelleret: Si non creditis, ideo fit, quia iam diuinitus exitio destinati estis: is non modò ignauiam fouet, sed etiam indulget malitiæ. Si quis in futurum quoque tempus sententiam extendat, quod non sint credituri qui audiunt, quia reprobati sunt: imprecatio erit magis quam doctrina. Tales itaque Augustinus non immerito tanquam vel insul- De Cor. & gratia ad Valen. cap. 5. sos doctores, vel sinistros & ominosos prophetas ab Ecclesia iubet faceffere. Tendendum quidem verè alibi contendit, quod tunc correptione proficit homo, quum miseretur atque adiuvat, qui facit quos voluerit, etiam sine correptione, proficere. Sed quare isti sic, illi aliter: absit, ut dicamus, Iudicium luti esse, non figuli. Item postea: Quum homines per correptionem in viam iustitiæ seu veniunt, Cap. 14. seu reuertuntur: quis operatur in cordibus eorum salutem, nisi ille qui quolibet plan tante & rigante dat incrementum? cui volenti saluum facere, nullum hominis resistit liberum arbitrium. Non est itaque dubitandum, voluntati Dei, qui in cælo & in terra quacunque voluit fecit, & qui etiam quæ futura sunt fecit, humanas voluntates non posse resistere, quominus faciat ipse quod vult: quandoquidem de ipsis hominum voluntatibus, quod vult facit. Item, Quum vult adducere homines,

Cap. 15.

nunquid corporalibus vinculis alligat? Intus agit, intus corda tenet, intus corda mouet: eosque voluntatibus eorum, quas in illis operatus est, trahit. Sed quod continuo subiicit, minimè omitti debet: Quia nescimus quis ad prædestinatorum numerum pertineat, vel non pertineat, sic nos affici decere, ut omnes velimus saluos fieri. Ita fiet, ut quisquis nobis occurreret, eum studeamus facere pacis consortem. Sed pax nostra super filios pacis requiescet. Ergo, quantum ad nos pertinet, omnibus ne pereant, vel ne alios perdant, salubris & seuera instar medicinæ adhibenda erit correctio: Dei autem erit illis vtilem facere, quos præsciuit & prædestinauit. Hæc si vera sunt: quando primarium ex sanctis Patribus habent testem, ne in odium Caluini ab indoctis vel malè affectis respuantur. Utinam verò insipidi isti moderatores, qui in sobrietate nimis aquosa multum sibi placent, saltem reputarent, quantum Augustino cedunt rerum sacrarum scientia, modestia quoque illum esse superiorem, ne morosam suam timiditatem nobis pro modestia venditarent.

Cap. 16.

Ut tandem cum Pighio transigam: de tribus summatim monendi sunt mihi lectores: quicquid absurditatum ad grauandam meam doctrinam congerit, non tam in me quàm in Deum ipsum torqueri: deinde, Scripturæ locos qui pro me apertè faciunt, ut mihi extorqueat, tam inscitè nugari, ut satis appareat, non posse sustineri causam illam, nisi corrupta euerfatur Scriptura: postremò, in tantum impudentia prorumpere, ut Augustinum sibi accersere suffragatorem non dubitet. Si quos in exitium Deus condidit, indignus est qui ametur. Qui antequam nati essent, vita aeterna priuati sunt, misericordia quàm supplicio digniores. Si mea essent, quæ labefactare conatur, mortalem hominem impeteret: nunc quum talibus probis palam insultet Deo: me cum Paulo centies repetere non pudebit: O homo, tu quis es, qui cum fictore tuo litiges? Sentit iam miser, & sentient olim omnes eius similes, quæ ex ore impuro & sacrilego probra in Deum vibrant, suo impetu fracta concidere, in tequam ad cælum percingant: nec demum restare aliud, nisi ut recidant in eorum capita. Fœdissimæ in adulteranda Scriptura delirationis vnum esto specimen, nonum ad Rom. cap. qualiter ab eo partim miscetur, partim discerpitur. Initio, ne in soluendo nodo Gordiano nimium laboret: vno verbo abrumpit: Electum esse à Deo Israellem, sed non omnes esse Israelitas, quia patrem suum non referunt, qui à videndo cognominatus est. Vnde constituit, non esse ratam electionem, nisi in ijs qui oculos aperiunt. Atqui, bonus perspicaciæ magister in Israelis nomine ridiculè cæcutit, dum ex robore facit acumen. Interea non cogitat peculiari gratia factum esse diuinitus Israellem, qui in vtero matris iam electus fuerat: nec alios videndo Deo esse idoneos, nisi quorum mentes illuminat: luce autem Spiritus sui dignari, quos sibi in filios, quum adhuc cæci essent adoptauit. Postea, quasi elapsus, ultra metas vagatur & saltat, Misericordiam Dei nemini deesse, quando omnes vult saluos fieri, quando stat & pulsat ad cordis nostri ostium, cupiens ingredi. Itaque, ante mundi creationē electos, à quibus se receptum iri prauidit: neminem verò indurare, nisi toleratitia: qualiter patres nimium faciles dicuntur indulgentia sua filios perdere. Quasi verò talibus nanij eludere promptum sit, quæ Paulus tam disertè in contrariam partem affirmat: & quasi lectoribus nihil significet, Ex duobus gemellis, quum adhuc in vtero sunt inclusi, alterum eligi, alterum reijci, nullo operum respectu, sed mero Dei vocantis ben-placito:

Non

Non esse volentis, neque currentis, sed miserentis Dei, qui indurat quem vult, & misericordia quem vult, prosequitur: Deum ostendere potentiam suam in vasis irae, ut in vasis misericordiae notas faciat gratiae suae diuitias: Secundum gratuitam electionem seruari, quicquid in Israele saluum est: atque ita electionem obtinere: & quae fusius suo ordine supra exposuimus. Certè etiam si centuplo esset acutior, nullus tamen cauillis efficiet, quin tam sonorum Pauli clamorè vel surda stri exaudiât. Quòd verò multam verborum congeriem hoc cumulo terminat, Non creasse Deum quos praeuiderat reprobos fore: sed reprobos sciuisse quos creauerat: perinde est ac si luto illineret figuli oculos & manus, ne qua eius forma nobis appareat. Similiter quum ex primo ad Ephes. cap. expedire se nititur, ita ludibundus projicit suas ampullas, ac si inani suo strepitu Paulum obmutescere cogeret. Elegit nos Deus in Christo, quia gratiae suae, quae alioqui omnibus exposita est, praeuidit locum in nobis fore. Elegit ex omnibus: quia quod in commune propositum erat omnibus, nostrum peculiariter fore praeuidit: ut illi cooperantes, sancti per eam essemus. Elegit secundum propositum voluntatis suae: quod est & erat eiusmodi, ut eos eligeret, de quibus praecebat futurum quod dictum est. Elegit in laudem gratiae suae, quae nos sanctificat: ut laus est praeceptoris, virtus & doctrina discipuli. Quasi verò non istud sit Dei propositum, quod alibi Paulus omnibus humanis operibus opponit. Quasi in nomine Beneplaciti non expressior sit hoc loco gratiae commendatio. Quasi non dicatur proposuisse Deus in seipso beneplacitum suum, quia causam in nobis nullam reperiens, sibi ipse ad nos seruandos causa fuit. Quasi frustra totum salutis nostrae effectum à decreto illo & proposito & beneplacito pendere quinquies repetat. Quasi non disertè pronuntiet, quia electi eramus, nos in Christo fuisse benedictos. Quasi non sanctificationem, & quicquid est bonorum operum, ex electione tanquam aquas ex fonte deriuet. Quasi non eidem gratiae acceptum ferat, quòd Dei figmentum sumus, ad bona opera conditi, quae preparauit. Quasi non à reliquis nos discernat, ut gratuito solo Dei fauore nos excellere sciamus. En quàm aptè operum praescientiam cum Paulino textu conciliet. Quàntò satius fuerat, illam admirantis personam retinere, quam semel ad momentum suscipere coactus, mox ad superbas speculationes transuolans, deponit. Et haec quidem, quae vberius supra tractauimus, nunc cursim tantum delibo.

Augustinum postquam acriter flagellauit, ut qui in hac disputatione impetu magis quàm moderata ratione feratur, qui huc illuc impingat, qui proferat quae aliena videntur Dei bonitate: eius deinde suffragio quàm parum verecundè utatur, tribus verbis ostendam. Diligentiam sancti viri laudat, quòd in libro ad Simplicianum Mediolanensem Episcopum sedulo quaestionem hanc ventilet. An opus aliquando inspexerit, nescio: quum ex libris duobus libellum vnum faciat. Mirum tamen, cur librum illum, quem se Augustinus initio sui Episcopatus scripsisse commemorat, bonus iste dexterque interpres ex omnibus maximè delegerit. Nam etsi illum Pelagio author opponit: non tamen dissimulat, quàntò plenius postea & solidius de eadem re differuerit. Haec eius verba sunt: Illic à me ostensa est praedestinatio sanctorum: quam postea diligentius & operosius, quum aduersus Pelagianos disputarem, defendere necessitas compulit. Didicimus enim singulas haereses intulisse Ecclesiae proprias quaestiones: contra quas diligentius defenderetur Scriptura diuina, quàm si nulla talis necessitas cogeret. Caterum, videamus

Lib. 1. de
praedesti.
sanctor.
cap. 4.
De bono
perseuer.
cap. 20.
Lib. retra-
ctat. 2. c. 1.
Cap. 20.
de bono
perseuer.

Circa di-
mid. lib.
prior.

qualis ista sit, quam obtendit, Augustini subscriptio. In eo, inquit, noster est, quod vocationis contemptum, reprobationis causam affirmat. Longè verò ipse aliter. Nam in libro Retractionum dicit, Pro libero hominis arbitrio sic laboratum esse, ut tandem vicerit Dei gratia. Verum, ut omittam, quid illic & duobus in locis à me citatis dicat, mentem suam fidelius saltem, quàm mille tui similes, exponens: quomodo in eum plusquam impudenter conferre audes, quod toto opere non minus fortiter reijcit, quàm ingenuè damnat? Ne longior sim: quæ Pighius pro se verba adducit, apud Augustinum quidem extant, sed eadem pagina refutantur. Si propterea dictū est, inquit, Non volentis, neque currentis, sed misereutis est Dei, quia voluntas hominis sola non sufficit, ut iuste rectèque viuamus, nisi adiungetur misericordia Dei: potest & hoc modo dici: Igitur non misereutis est Dei, sed hominis volentis: quia misericordia Dei sola non sufficit, nisi consensus nostræ voluntatis addatur. At, illud manifestum est: frustra nos velle, nisi Deus misereatur: illud autem nescio quomodo dicatur, frustra Deum miseri, nisi nos velimus. Si enim Deus misereatur, etiam volumus: quia ad eandem misericordiā pertinet, ut velimus, iuxta illud, Deus est qui operatur & velle & perficere. Nam si queramus, utrum Dei donum sit voluntas bona: mirum si quisquā negare audeat. Paulò post: Itaque verum est: non volentis neque currentis, sed misereutis Dei: quia etiam si multos vocet, eorum tamen misereatur quos ita vocat, quomodo vocari illis aptum est, ut sequantur. Falsum autem si quis dicit: Non misereutis Dei, sed volentis hominis est: quia nullius frustra Deus misereatur. Cuius enim misereatur, sic eum vocat, quomodo scit ei congruere, ut vocantem non respuat. Est quidem verissimum quod præfatus erat Pighius, ventilari ab Augustino istā, de qua nūc agitur, questionem. Sed ipse graviter peccat, quod quisquilias in aerem sparsas arripiens, quod deinde in vanno residuum apparet triticum, negligit.

Ezer. 13.

Nunc dandus Georgio quoque Siculo est locus: in quo homine adedò insipida sunt omnia, ut in eo refellendo quicquam operæ locare pudeat. Nec sanè congre-
di cum ista umbra dignarer, nisi stulta multorum consternatio me cogeret. Neque enim defuturos arbitror, qui ex puerilibus nugis facilem me captare victoriam putantes, inane studium derisui habeant. Equidem nisi noceret, quantum non sine maximo dolore audio, contemptu potius obterendum censerem, quàm verbis refellendum. Sed quando eius libri per Italiam volitantes, multos passim dementant, cum deliro homine, si opus sit, paulisper ineptire malo, quàm meo silentio pati, ut cum tanta Ecclesiæ iactura insania eius grassetur. Quum olim Prophetæ Ezechiel anus fatidicas videret fucum populo facere: muliebri bellum subire non erubuit. Ergo, neque nos pigeat, si Christi serui esse volumus, qualescunque tandem sint, qui in horreum Domini suæ quisquiliæ ingerere nituntur, eos conferta manu depellere.

1. Sam. 9.
Ioan. 6.

Quod æterno Dei consilio prædestinatos esse homines dicimus, vel ad salutem, vel ad exitium: tribus de causis nos ea in re hallucinari Georgius putat: quarum primam assignat, quod Electionis nomen non obseruamus diuerso sensu accipi in Scriptura: nempe, quod ad munus temporale quosdam eligat Deus, ubi nulla sit æternæ vitæ mentio, neque etiam ratio habetur. Sed quibus persuadeat stolidus nugator, nos in Scriptura tam malè exercitados esse, ut nondum teneamus, Saullem, qui reprobus erat, Regem tamen esse electum? Iudam, Diabolum vocari, qui vnus

erat

erat ex duodecim, quos à se Christus electos predicat? Cur locos non notat malè & imperitè à nobis adductos, qui errorem patefaciant? Verùm, somnia ipse sibi fabricat, quæ in cerebro suo nata, tanquam aliena debellet: interea mirum, quomodo decimo circiter versu præcepti sui oblitus, Pauli testimonio nos oppugnet: Ne quum alijs predicauero, ipse reprobus efficiar. Colligit enim, vel mentiri Paulum, qui timere se iaclet, ne concidat immutabilis Dei electio, vel suæ electionis fuisse ignarum: nec videt miser, reprobum illic probato opponi, qui certa suæ pietatis experimenta dederit. Cur non tunc illi in mentem venit diuersa vocis acceptio? Nam & Iere. 6. argentum reprobum apud Ieremiam, & in Epistola ad Hebræos, reproba terra, Hebr. 6. non diuinitus exitio deuotum argentum vel terrā significant, sed vitiosum nihilique argentum & terram infrugiferam. Quod autem in verbis Pauli relatio ad homines fiat, sicuti in altera quoque Epistola, ex contextu colligere promptum est. 2. Cor. 13. Et tamen sic ab aeterna electione, qua nos in vitam adoptat Deus, sic distinguitur electio ad munus temporale, vt ambas simul interdum propter affinitatem, Scriptura coniungat. Quum gloriatur Paulus se ab vtero segregatum esse, de munere quidem Apostolico differit: sed altius conscendens, pariter Dei gratiam, qua vocatus fuerat in spem salutis, cōmendat. Christus etiam quauis vnum ex duodecim quos elegit, Diabolum esse pronuntiet: alibi tamen cum honore Apostolico adoptionis gratiam coniungit, dicens: Non vos me elegistis, sed ego elegi vos, vt eatis, & fru Ioan. 15. Iuan. 17. ctum afferatis, & fructus vester maneat. Nam ea lege sibi datos à Patre cōmemorat, vt neminem sinat perire, præter eum qui iam filius erat perditionis. Quod ergo passim legimus, ad certum vitæ genus vel munus tēporale eligi hos & illos, minime obstat, quominus Deus ad salutē elegerit, quoscumque vult saluos esse.

Secundam erroris causam statuit, quod non teneamus, fideles omnes noui Testamenti, quos vocat, electos esse in salutem: quemadmodum docet Paulus primo ad Ephē. cap. Atqui, plus satis iam monstratum est, ex electionis fonte illic deduci fidem, qua filij Dei salutis suæ possessionem adeunt. Fides certè inter spiritalles illas diuitias, quibus donati sumus in Christo, vel præcipuè cōferri debet. Vnde autem fluere docet Paulus, quicquid habemus benedictionum, nisi ex recondito illo gratuita adoptionis fonte? Rursum: Vbertim nos locupletauit omni scientia & prudentia: sed quomodo? Iuxta beneplacitum suum, quod proposuerat in seipso. Si diuinæ electionis fructus est fides: constat autem non omnes in fidem illuminari: statuendum proculdubio est, eligi à Deo, quos fide donare apud se decreuit: atque ita verum esse quod Augustinus tradit: In filios à Deo eligi, vt credant, non quia præuiderit credituros. Alijs locis citandis, supersedeo: quia mox tractandi erunt. Caterum, quia vnus erat locus, vbi Dei electi in finitum aliquem numerum redigi videntur: quum scilicet dicit Christus, tantas fore Antichristi fallacias, vt etiam electos, si fieri possit, decipiant: illic electos vocari exponit Georgius, qui in fide & iustitia perseuerant. Rectè id quidem, modò simul fateretur constantiam hanc ab electione pendere. Atqui, ne qua specialis sit in Deo electio, sibi vnumquemque hominum propriæ electionis authorem facit.

Tertia erroris nostri causa secundum Georgium est, quod dum excacationis & indurationis meminit Scriptura, non animaduertimus superioribus peccatis tales poenas infligi. Nos verò, quod innumeris Scripturæ testimonijs passim expressum est, non negamus: Deum excacatione & alijs modis, & gratia suâ

De præd.
Santo.
cap. 17.
& alijs
locis.
Matt. 23.

- contemptum, & superbiam, & contumaciam, & alia scelera vlciſci. Nam ſingulares poena quarum paſſim fit mentio, ad generalem illam ſententiam referri debent: Coniici in ſenſum reprobum, & in cupiditates ignominioſas tradi, qui Deum cognitum non timuerunt, nec reueriti ſunt, vt decebat. Qua de re iterum poſtea fuſius. Verum, etſi Dominus impios furore & vertigine percutiens, quam meriti ſunt mercedem illis rependit: non tamen id obſtat, quominus reprobos omnes
- Exod. 10. maneat cecitas & obſtinata cordis durities. Quum dicitur obduratus eſſe Pharaon, iam dignus erat, quem Deus Sathana maciparet. Sed quod prius à Deo in hoc
- Rom. 9. ipſum excitatus eſſet, ſimul admonet Moïſes. Nec verò Paulus aliam cauſam adducit, niſi quod vnus eſſet è reprobis. Sic demonſtrat idem Paulus, quum Iudei intelligentiae luce priuati, in horribiles tenebras delapſi ſunt, poenas iuſtas impij diuinae gratiae contemptus hoc modo ipſos dediſſe: neque tamen excacationem hanc reprobis omnibus conſtitutam fuiſſe diſſimulat. Reliquias enim ſeruatas fuiſſe docet, ſecundum electionem gratuitam: reliquos omnes fuiſſe excacatos. Si reliqui omnes, in quorum ſalutem non regnat Dei electio, excacantur: certè palam conſtat, eorūdem qui ſua rebellionē iram Dei prouocando, nouam excacationem ſibi accer-
- Rom. 9. ſunt, iam ab initio cecitati fuiſſe deuotos. Et clara ſunt Pauli verba, Vaſa irae eſſe pridem ad interitum preparata, quicumque Spiritu adoptionis deſtituti, propria culpa ſeipſos præcipitant. Equidem cum Auguſtino fateri non reſuſo, in occultis Dei iudicijs aliquid præcedere: ſed occultum. Nam inacceſſibili ſecreto ab humana cogitatione ſecluſum eſt, quomodo & impium damnet Deus, & iuſtifi-
- Lib. contra Fauſt. 21. cap. 2. & 3. cet impium. Ergo ſatius nihil reſtat, quàm cum Paulo expauſcere: quia iudicia eius, abyſſus multa.

Pergit deinde Georgius, Nullam reperiri ſyllabam in tota Scriptura, vnde colligere liceat, excacari qui aeterno Dei iudicio reprobatī ſunt: & quicquid de prædeſtinatione tradimus, philoſophica tantum argutia niti: quòd Deum nihil eorum lateat quæ futura ſunt: quæcunque autem præuidit, neceſſariò eueniant. Nihil dico, niſi quòd tam craſſum mendacium libri noſtri reſellunt. Quia hoc illi inter fraterculos licentiæ reuerendi Abbatis fauor dederat, vt quicquid ſomniauerat, oraculi inſtar iaclare auderet: idem ſibi extra monaſterium permiſit. Nos verò, non ex nuda Dei præſcientia, vt ipſe ſtolidè mentitur, elicere, quod fruſtra oppugnat, inter electos & reprobos diſcrimen: ſed manifeſtus ſolidiſque Scripturæ locis proditum oſtendere quid pluribus nunc conteſter? Nos ex nuda Dei præſcientia pugnare fingit. Atqui, apertos Scripturæ locos plus viginti à me prius citatos reperient lecioreſ. Specialem electionem commentum eſſe noſtrum iaclat: quia nullos Deus certos homines elegerit. At, Chriſtus ex aduerſo clamat, ſe ſcire quos elegerit.

- Ioan. 13. Videat ſtamen, quàm validus machinis aeternum illud Dei conſilium labe-
- Rom. 3. faclat, quo alij in ſalutē electi ſunt, alij exitio deſtinati. Iuſtitiā Dei ex fide Paulus communem facit omnibus qui credunt: nec diſtinctionem admittit: quia omnes peccauerint, & deſtituantur gloria Dei. Fateor ſanè Dei iuſtitiā ſuper omnes per fidem diffundī. Sed vnde hominibus fides, niſi ex gratuita Spiritus illi minatione? Et quos in Chriſtum credere Paulus cenſet, niſi quos Pater cœleſtiſ traxerit?
- Ioan. 10. & 17. Chriſtus certè neminem in ſuis reputat, niſi datus ſit à Patre. Sibi autē datos prædicat, qui antè Patri fuerāt. Deliriū ſuū de fide naturali obtrudet Georgius: quod reſellere

rofellere non est praesentis instituti. Tantum dico, In omnes & super omnes qui credunt in Christum, esse Dei iustitiam: sed eodem Paulo teste, excipio: Vt alij ^{1. Cor. 4. & 1.} pra alijs excellent, non nisi a solo Deo discerni: ne quis gloriatur. Item, Vt sciamus quae a Deo donata sunt nobis, arra & sigillo Spiritus aeternam hereditatem in cordibus nostris obsignari. Item, Nobis dari ut in Christum credamus. Item, Illuminari mentis nostrae oculos, ut sciamus quae sit spes vocationis nostrae. Item, Fructum Spiritus esse fidem. Discrimen esse negat Paulus: nempe Iudaei & Graeci: quia utrosque pariter Deus ad salutem inuitat. Sed duae istae species, inquit Georgius, totum genus humanum comprehendunt. Esto: non tamen inde euincet, sigillatim unicuique hominum promitti iustitiam. Hoc quoque postremum ut demus, huc tamen redeundum erit, neminem boni oblatis compotem, nisi fide, fieri. Restat ut Monachus fidem omnibus promiscuam faciat. Quod iam satis probavi, quam sit a Pauli mente alienum. Verum sequetur, solos electos destitui gloria Dei. Vnde id colliget? Quia in omnes qui peccarunt, inquit, diffunditur Christi gratia. Atqui ego sic vniuersalem Dei gratiam esse fateor, ut in hoc tamen situm esse discrimen addam: quod non omnes secundum Dei propositum vocantur.

Argue se ratiocinari putat, quum dicit: Christus propitiatio est pro peccatis totius mundi. Ergo extra mundum reprobos constituent oportet, qui a Christi participatione arcere eos volunt. Ne valeat in praesens communis illa solutio: Christum sufficienter pro omnibus passum esse, efficaciter tantum pro electis. Magna illa absurditas, ob quam plausum sibi inter suos gregales Monachus quae sit, apud me nihil habet momenti. Per quasunque mundi plagas dispersi sint fideles, expiationem Christi morte partam ad eos Ioannes extendit. Id cerè non obstat, quominus reprobi in mundo electis permixti sint. Controuersia etiam caret, Christum expiandum totius mundi peccatis venisse. Sed confestim occurrit illa solutio: Vt quisquis credit in eum, non pereat: sed habeat vitam aeternam. Nec verò qualis sit Christi virtus, vel quid per se valeat, nunc quaeritur: sed quibus se fruendum exhibeat. Quod si in fide consistit possessio: & fides ex Spiritu adoptionis manat: restat, ut in numerum filiorum is duntaxat ascitus sit, qui futurus est Christi particeps. Nec verò aliud Christi officium commendat Euangelista Ioannes, quam ut morte sua in vnum congreget Dei filios. Vnde colligimus, Quauis per ipsum offeratur omnibus reconciliatio, peculiare tamen esse electis beneficiū, ut in vita societatem colligantur. Quanquam dum omnibus offerri dico, non ita accipio, quasi ad omnes legatio illa perueniat, qua mundum sibi reconciliat Deus, teste Paulo: sed ad quos peruenit, ne eorum quidem cordibus indifferenter obsignatur, ut rata sit. Quod ^{2. Cor. 5.} nullam esse acceptionem personarum garrit: discat primum quid significet Personae nomen: tum nihil faceffet nobis molestia ex ea sententia.

At Paulus docet, Velle Deum omnes saluos fieri. Ergo aut Deum fateatur non esse votorum suorum compotem, aut omnes sine exceptione saluos fore. Si respondeat: Velle Deum, quantum in se est: quia salus libero cuiusque arbitrio sit exposita: quaero iterum, Cur non ergo omnibus indifferenter praedicari Euangelium ab initio mundi voluit? Cur tot seculis tam multas gentes in mortis tenebris errare passus est? Sequitur enim in contextu, quod velit omnes ad veritatis notitiam venire. Sed candido sanique iudicii lectori minimè ambiguus est sensus, quem supra exposui: Quum pro Regibus & principibus iussisset Paulus solennes & ordina-

rias in Ecclesia preces cōcipi, ne quis Reges & Magistratus haberet pro deploratis, quòd tunc omnes infesti essent fidei hostes: occupat Apostolus, & Christi gratiam ad illum quoque ordinem patere affirmat.

Quò audacior est nebulo hic in torquenda Scriptura, non mirum est, si in pluribus locis congerendis sit copiosus: quando neque vlla est religio, neque pudor, quæ eius proteruiam frangent. Sed quò ille laxius diffluit: meum erit responsiones breuius astringere. Citat locum Iesaiæ: Ne dicat filius extraneæ: Reiectus sum. De reprobis non posse exponi, pro confesso sumit. Electos autem vocari filios extraneæ, absurdum iudicat. Respondeo, Non esse insolens, vt qui ante mundi creationem electi erant, extranei tamen censeantur, donec fide aggregentur ad Dei filios. Ies. 66. Verba Petri sunt, quæ ex Propheta mutuatur: Qui eratis quondam non populus, nunc estis populus Dei. Quos alloquitur? Nempe, quos initio testatus fuerat, dilectos esse, secundum præcognitionem Dei patris. Aperius etiam num ad Ephesios. Postquam enim de æterna ipsorum electione disseruerat, subiicit, Exules fuisse à regno Dei, hospites promissionum, sine Deo & spe vitæ. Et miramur, si Iesaias templum Dei ex profanis lapidibus edificans, nouam consecrationem fore prædicet? Nam quum in Dei corde abscondita esset Gentium vocatio, quid aliud in illis quàm damnata immundities apparuit? Erant quidem Dei oves, quicunque demum in Christi corpus coaluerunt, vt ipse testatur: sed oves foris exclusæ adhuc & vagæ. Interea quanuis se nescirent, pastor tamen eas nouerat, secundum illam prædestinationem, qua suos elegit ante constitutionem mundi: vt probè Augustinus admonet. Tract. in Ioan. 45.

Si verum est, inquit, Propheta dictum: Filius non portabit iniquitatem patris: nulla igitur pars hominum in originali corruptione relinquitur. Cum bellua ista nihil mihi negotij esse volo. Tantum rudibus succurrere consilium est, ne talibus cauillis implicentur. Nihil certius est, quàm manere in generali interitu, quicunque in Christi corpus non inseruntur. Bonus iste frater, de alieno prodigus, omnes accumulat: & quibus Deus ianuam claudit & obserat, eos facit domesticos. Ceterum, sponte insanit, quisquis non fatetur, eos qui naturaliter in Adam mortui sunt, non posse nisi ordinato diuinitus remedio, in vitam restitui. Iam inter p̃ij hominis & increduli sobolem apertum discrimen statuit Paulus: vt hæc immunda sit, illa verò sancta. Et hac ratione, priusquam Gentes vnà cum Iudæis, diruta maceria, cooparentur in Ecclesiam, filios Abrahamæ ramos esse sanctos dicit ex radice sancta. Quid autem longo sermone opus est? An non idem Propheta Ezechiel, cuius dicto Monachus abutitur, Gentes incircuncisas sapius tãquam profanas, exitio addicit? Neque enim alioqui tunc circuncisio fuisset vitæ fœdus. Quomodo igitur verum erit, filium paternæ culpæ pœnam non daturum? Viciſſim quæro: Quomodo innoxium se iactabit: qui ex malo ouo malus coruus nascitur? Sic enim ex Adam contrahitur originale peccatum, vt cuiusque proprium sit. Nemo itaque conqueri poterit, quasi alieni peccati reatum sustineat à culpa immunis. Ceterum, si Deo in filiis persequi non licet maiorum peccata: quid sibi vult illud: Vltor in tertiam & quartam generationem? Item, Reiciens patris scelera in snum filiorum. Porro, hæc prima vltio est, quòd Spiritu Dei destituti, in naturæ prauitate manent. Exod. 20. Deut. 5. Exod. 34 & aliis locis. Apoca. 3. & 22.

Quum dicit Ioannes: Quisquis peccauerit, delebo eum è libro vitæ: si de reprobis exponas, nunquam scripti fuerunt: si de electis, consilium Dei erit instabile. Perinde garrit Monachus, ac si nunquam se ad captum nostrum Deus accommoda-

ret.

ret. Fœda sanè ingratitude, aduersus Deum ita insolescere, dum vsque eò nobis indulget, vt nostra causa balbutiat. Hoc quoque modo Deam corporeum nobis conflabit, quia & aures, & oculos, & pedes, & manus illi tribuit Scriptura. Atqui, simplex est sensus: Deleri è libro vitæ, qui ad tempus inter filios Dei habiti, postea in locum suum discedunt: quemadmodum de Iuda verè loquitur Petrus. Tales autem nunquam ex nobis fuisse Ioannes testatur, quia si ex nobis fuissent, non exiissent. Quod autem crasse Ioannes expressit, subtilius Propheta Ezechiel: In arcano, inquit, populi mei non erunt: & in catalogo Israel non scribentur. Non alia solutione indiget, quòd optant Moyses & Paulus, ex libro vitæ deleri: quia vehementia doloris extra se rapti, perire, si fieri posset, mallent, quàm populosam Dei Ecclesiam, qualis tunc erat, extinguere. Gaudere enim quum suos discipulos iubet Christus, quia nomina eorum scripta sint in cælo, perpetuum illud esse bonum significat, quo nunquam priuandi sint. Porro non minus dilucidè quàm breuiter vtrunque conciliat Christus, quum dicit: Omnis arbor quam nō plantauit Pater meus, eradicabitur. Nam & reprobos in speciem radices agere, neque tamen Dei manu plantatos esse, significat.

Acto. 1.

1. Ioan. 12.

Eze. 13.

Matth. 15.

Rom. 5.

Notanda, inquit, illa apud Paulum comparatio, quòd sicut per vnum hominem peccatum in condemnationem, ita & per vnum hominem donum iustitiæ in vitam. Quòd si in vno mortui sint multi: multò magis gratia Dei exuberabit, vt multi regnent in vita per Christum. Si illic disputaret Paulus, ad omnes penetrare Christi gratiam: vicius tacerem: sed quum simpliciter illi propositum sit ostendere, quantò potentior sit in fidelibus Christi gratia, quàm contracta ex Adam maledictio: quid hoc ad labefaciendam eorum electionem, quos in vitam Christus restituit, alijs pereuntibus? Sed monachus verba vrget. Nam Paulus totum hominum genus comprehendit, quum dicit, Peccatum vnius hominis grassatum in omnes: neminem licebit à vitæ participatione excludere. Si hoc modo ineptire libet, creando esse Deo novos mundos contendam, vt quod illic habetur, præstet. Negat Christus parè fuisse maledictionem gratiæ, quia hac longè exuberet. Si in ratione vtrique veniat hominum numerus: non potest Christus plures seruare, quàm perdiderit Adam. Ergo periclitabitur Pauli fides, nisi repente nouus aliquis mundus emergat. Ego verò non alium monacho clypeum opponam, quàm qui mihi ab eo porrigitur. Alterum ex Paulo locum adducit: Quòd sicut in Adam moriuntur omnes, ita in Christo omnes viuificabuntur. Si hoc secundum membrum extendit ad omnes Adam filios: manum Paulus iniicit, qui disertè mox testatur, non nisi de Christi membris se intelligere: Primitiæ Christus: deinde & qui sunt Christi, resurgent. Nam certè illic de resurrectione disputat, quam beata immortalitas consequitur, qualem & in symbolo fidei predicamus.

1. Cor. 15.

Ne eadem subinde iterando lectoribus frustra tedium pariam, pauca ex multis obiter perstringere consilium est. Qualiter mortem peccatoris nolit Deus, quum vult omnes conuerti & viuere, suprà exposui. Nam quòd ad resipiscentiam hortatur, & cōuersis offert veniam, id omnibus commune est: at filios suos singulari hoc privilegio dignatur, vt carnea eorum corda ex lapideis faciat. Neque tamen irritas in aerem iactari voces monacho concedo, dum & impios malitiæ suæ conuictos, inexcusabiles reddit Dominus: & in electis suis ita operatur, vt arcana Spiritus virtute efficax sit in eorum cordibus doctrina, quæ in eorum auribus personat.

Nec est quod quempiam moueat vulgaris illa calumnia, Illudere Deum hominibus, quos pedibus captos ad ambulandum hortatur. Nam si nihil exigit, quod illi non debeant: non facit iniuriam. Nisi verò qui soluendo non est decoctor, cum ludibrio creditoris solum se iactabit. Porro litem hanc, quæ nisi propria cuiusque conscientia dirimi nequit, ulterius non persequor. Populi sui aures Prophetæ voce verberari iubet Deus. An ut tangantur corda? Imò ut obdurentur. An ut resipiscant qui audiunt? Imo ut iam perditis, bis pereant. Si excipias, Superiorem fuisse causam: non aliud in præsentia volo, minimè absurdum esse, spargi Dei mandato doctrinam, quam profectum cavituram nouit. Non minus frivolum, quod constare negat posse Christi dictum, de reducta quæ perierat oue, si qui prædestinati forent. Ego verò quod temerè in nos vibrare telum molitur, longè aptius in eum retorqueo: non alia ratione vocari ouem, qui ad tempus perditus videtur, nisi quia gratuita electionis respectu, sub Dei custodia manet.

Eiusdem farinae est istud dilemma, Si qua esset specialis electio, non quadraret exhortatio Prophetæ: Derelinquat impius viam suam. Nam si electos alloquitur, quomodo impij essent, quibus omnia in bonum cedunt? Si reprobos, quorsum ad resipiscantiam vocantur? Ego autem virisque destinari Prophetæ concionem respondeo: ut priores, qui excusso iugo lasciuiuerunt, ad sanam mentem redeant moniti: alteri verò, qui in malis suis stupent, talibus stimulis pungantur. Neque enim electos fingimus continua Spiritus directione semper tenere rectum cursum: quin sæpe labi, errare, impingere, & ferè alienari à salutis via dicimus. Sed quia potentius est quo teguntur, Dei præsidium: lethali eos ruina excidere impossibile est. Cauere iubentur homines, ne pereant. Atqui, electos extra periculum esse, certum est: in reprobis nulla cautio. Respondeo, Nihil absurdum esse, si electi, qui assidue sunt in conflictu, necessarijs armis instruuntur: & communiter acuitur omnium vigilantia, donec reprobi re ipsa se incurabiles esse demonstrent. Adhibetur enim mortis medicina, donec certa desperatio appareat.

Oljcit G. orgius: Abraham fidelium, non electorum vocari patrem: & salutem non electis, sed credentibus promitti. Quos igitur esse dicet, qui simul cum patre suo Abraham in regnum Dei colligendi sunt? Nam cerè Christus id in electos docet competere. Christus finem horrendis cladibus impositum iri pronuntiat, ut electis sit consultum. An filios Abraham esse negabimus, qui simul cum eo domestici sunt Ecclesiæ? Et vnde, obsecro, tanta Abraham dignitas, ut pater fidelium censeatur, nisi quia à Domino electus est? Vnde degeneres esse statuendum est, qui hac similitudine ipsum non referunt: execrandam verò esse nebulonis huius audaciam, qui notam, qua præcipuè filios suos insignit Deus, expungere & dele-re, quantum in se est, conatur. Credentibus certè vitam æternam promitti fateor: modò ne vicissim neget, electus similiter promitti. Sic enim Iesaias: Et eam possidebunt electi mei: modò credere fateatur, quos Deus Spiritu suo illuminat: modò denique electionem fateatur matrem fidei esse. Ad omnia pro electis ferenda se paratum esse, Paulus docet. Christus Patrem, electorum vindicem fore clamat. Hortatur Paulus Colossenses, ut mansuetudinem, patientiam & reliquas virtutes, tanquam electi Dei induant. Eximit Paulus à reatu omnes Dei electos. An spoliandi bonis istis erunt fideles? ac si inter res mutuo & quidem indiuiduo nexu coniunctas pl. squam hostile dissidium foret. Imo ut firma Dei electio maneat, tum in fidem illumi-

Matt. 24.
Marc. 13.
Ibidem.

Deu. 4. 7
& 10.

Iesa. 66.

2. Tim. 2.
Luc. 18.
Col. 3.

Rom. 8.

illuminantur qui cæci erant, tum fide recipiunt Christi iustitiam, tum fide in finem usque custodiuntur.

Quum perditis exitium denuntiat Scriptura, causam in æternum Dei consilium minimè rejicit vel transfert: sed residere in ipsis testatur. Nos verò non ideo reprobos tradimus destitui Dei Spiritu, ut scelerum suorum culpam in Deum deriuent. Quicquid peccant homines, sibi impudent. Quòd si quis subterfugiat, conscientia vinculis fortius constringi dico, quàm ut se à iusta damnatione expediat. Causetur Adam, ut velit, se datæ sibi à Deo vxoris illecebris fuisse deceptum: intus tamen mortiferum infidelitatis virus, intus pessima consultrix ambitio, intus diabolicum audaciæ flabellum reperietur. Multò igitur minus excusabiles erunt, qui ex profundis Dei adytis malorum suorum causam, quæ se ex vitioso eorum corde profert, eruere tentabunt. Conijci merentur in sensum reprobum, quicumque Deum ex cæli terræque aspectu cognitum non glorificauerunt, ut decebat. Qui malignè ac deliberata malitia Christi gratiam respuerunt, & accensam Euangelij lucem respuere non veriti sunt, grauiorem pœnam sustinent. Sua quisque peccata accuset, se ipsum damnet, suamque culpam ex animo confessus, iudicem suum suppliciter deprecetur. Si quis obstrepat: prompta est exceptio: Perditio tua Israel. Nam ut àlibi dictum est: si ridiculè apud veterem Poetam queritur Medea, casus in nemore Pelio fuisse abietes: quum intestino libidinis suæ igne flagrans patrem totumque regnum secum perdiderit: multò certè minus audiendi sunt, qui procul remotas causas è nubibus accersunt, ut culpæ suæ notitiam, quæ & eorum cordibus penitus insidet, neque occulta latere potest, vitæcunque obscurant. Hominum ergo peccatis malorum omnium causam Scriptura iure assignat. Neque id inter nos disputatur, Occultatione Dei iudicio citra propriam culpam pareant homines (quod non modò falsum esse concedimus, sed tanquam fœdum sacrilegium detestamur) sed, An impij qui voluntariè peccando, iram Dei in se prouocant, iam olim iusta quidem, sed incognita de causa diuinitus reprobati fuerint. Atqui, ut Paulus seuerè coarguit hominum peccata, conscientias validè urget, Deique iustitiam à sacrilegis hominum calumnijs acerrimè vindicat: ita qui se in exitium præcipitant, non dissimulat fuisse vasa iræ ad interitum præparata. Reprobos quo digni sunt reatu Christus cõstringit. Simul tamen arbores esse dicit Patris manu non plantatas. Denique Patrè eos qui sui erant, Filio dare audimus, ut eos sanctificet. Cõtrà Paulus, postquam electionè Dei consequutam esse docuit: reliquos omnes subiicit esse excæcatos. Perperam ergo Georgius, qui defixis in manifesta peccata oculis, reconditum corruptæ naturæ fontem non considerat.

Rom. 9.
Matt. 15. c
Ioan. 17.
Rom. 11.

Magna absurditate nos implicari putat Georgius, quòd hominem facimus liberum ad peccandum: quum necessitate peccet reprob. Atqui, libertas istade qua loquimur, quum illi nimium fuerit familiaris, non fuit satis nota. Manumissos ab obsequio iustitiæ & liberos Paulus vocat, qui sine metu Dei intemperanter lasciuunt. An ideo sequitur, non esse peccato mancipatos? Calumniatur etiam, nos D E I potentiam vincere: quia si præscit atque ordinat quod futurum est, nequeat postea mutare. Abominandum verò prodigium, si D E V S instar mortalis hominis varium se & flexibilem mutandis in horas consilijs non præbeat. Quid enim tantopere improbat Monachus, nisi Deum sibi necessariò constare? Verum, in eo scilicet hallucinatur, quòd fixa Dei placita à potestate distrahendo,

Rom. 6.

eum sibi dissidentem facit. Si Stoicè loquendum esset, nota est Senecæ sententia, Quod Deus sibi sit ipse necessitas. Nos magis reuerenter & sobriè: quod semper idem vult, constantiæ esse laudem: quod quicquid decreuit, effectum reddit, omnipotentia eius esse consentaneum: quod coniuncta est cum potentia voluntas, dignam illa rerum omnium moderatrice prouidentia esse symmetriam.

Non moror quod diuersa, & nihil commune inter se habentia Scripturæ testimonia coaceruat. Quanquam, ut inscitia parcamus, coercenda eius proteruita est, ne simplices conturbet. Postquam ex loco vno Pauli ostendit, mittere Deum operationem erroris rebellibus, ut credant mendacio, qui noluerant obedire veritati: locum alterum dissimilem accumulatur: doctrinam Euangelij obscuram esse ijs qui percutiunt: quorum mentes excacauit Deus huius seculi. Fateor quidem illos vocari incredulos: verum si in illis cecitatis causa est sola incredulitas, quid sibi vult quod mox sequitur, Deum qui iussit ex tenebris lucem splendescere, illuxisse in cordibus fidelium? Vbiq; tenebras esse audimus: Deum verò ex tenebris fulgorem educere. Sed quod nos crudelitatis accusat, quod nobis & multis obstruimus salutis viam, quum Christus Chananæam & oues perditas atque alienos canes tam benignè inuiteret: ego verò respondeo, Nos fidei & pœnitentiæ doctrinam, quæ nobis commissa est, fideliter omnibus proponere, ut Christo lucrifaciant omnes. Quum rogatus esset Dominus ipse ab vxore Zebedæi, ut alterum ex filiis ad dexteram suam, alterum ad sinistram locaret, stultum & intempestiuum votum comperescere volens, presenti quidem vocationi suæ congruere hoc negat: neque tamen subicit, decretum cuique à Patre cœlesti esse locum, & suo tēpore patefactum iri. In hunc modum neque silentio nobis obruenda est superstitio quæ palam in Scriptura proditur: & tamen, quo vsque reuelationis dies aduenerit, agendum quod Dominus mandauit, ut sine exceptione ad pœnitentiam & fidem omnes hortemur. Communis enim omnibus est doctrina: & hac lege apud nos deposita est, donec qui reprobi sunt, deplorata obstinatione viam nobis obstruant.

Ceterum, quum prædestinationem tot Scripturæ locis testatam admittere cogatur, nouum cauillum ingerit, quo nihil stultius nec putidius fingi potest: Fideles noui Testamenti electos à Deo esse, quibus mysterij à seculis absconditi notas faceret diuitias. In hunc sensum colligit testimonia omnia, quæ excellentiam gratiæ per Christum exhibitæ commendant. Tandem concludit, Quicquid primo ad Ephesios capite habetur, non alio spectare, nisi quod fideles noui Testamenti Deus peculiari hoc thesauro dignatus sit. Quum autem ad tempus referatur hæc gratia, à Christi aduentu vsque ad finem mundi omnibus per æquè communem esse docet. Atqui, longè aliam Pauli mentem ostendunt verba: quorum summa est, Illuminatos esse in fidem, qui secundum æternum Dei beneplacitum ad vitam prædestinati fuerant. Quin tunc specialis fuerit quorundam vocatio, negari non potest. Ne omnibus quidem Euangelium promulgatum fuit. Verum ut detur, personuisse externa voce omnium aures: altiore vocacionem illic Paulus notat, quæ in animos penetrat Dei Spiritus. Somnium narratur Georgio, quum interior & efficax vocatio ab externa discernitur. Sed quàm non sit friuola eiusmodi distinctio, fidei experientia locuples est testis. Ad hæc non alio vel sensu vel fine electionē tractat hoc loco Paulus, quàm alibi, dum gratias agit Deo, quod Thessalonicenses ab initio elegerit in salutē. Atqui partem exiguan ab im-

pia multitudine discernit. Excipiet Georgius, Electis opponi praefractus gratia contemptores. Sed hoc nihil ad rem: quia non aliud in praesentia contendo, quam specialiter quosdam pra alijs electos esse: quum Georgius contra garriat, nos tantum in hoc praedestinos esse, ut hoc tempore nasceremur. Quid Iudas? Cui etsi Christum audire, & domestica eius consuetudine frui datum est, electum tamen fuisse Christus Ioan. 12. negat. Non de omnibus loquor, inquit: ego scio quos elegerim. Quod si audiaturnaticus iste, potior erit Herodis conditio, quam Davidis: & electionis honore sanctos Prophetas impij Scribae praecedent: dicit non esse ex numero fidelium. Atqui, passim clamat, generaliter in seculum competere electionis gratiam. Vult se fideiussore credi, Nunquam aliter Paulum de praedestinatione loquutum esse. Quid? An omnes sua aetate homines complectitur, quum iustificari dicit, quos Deus praedestinavit? annon potius a communi ordine segregat, qui secundum propositum vocati Rom. 8. sunt? Item, quum alibi dicit: Quia stulti sunt, elegit Deus, ut sapientiam mundi confundat: an ad totam aetatem extendet, in qua manifestum discrimen statuitur? 1. Cor. 1.

Quoniam tamen se adhuc impeditum teneri sentit, aliud asylum captat: Quod non vocentur electi, quos Deus alijs praeulerit: sed qui in communi electione & gratia perseverant. Ac si diceret, Eos demum censeret electos, qui se fidei constantia ab hominum vulgo separant. Locum Pauli adducit: Testificor coram Deo & electis Angelis. Quia si vero illi concessum sit quod postulat: quia cum apostatis non desciverint, electionis gratiam esse promeritos. At si quis ex aduerso asserat, Quia electi erant, perstitisse, quantum probabilius hoc erit? Ne sit pugna de verbo. Quum praedicat Christus, tantas fore Sathanae fallacias, ut electi quoque, si fieri posset, in errorem inducantur: significat fieri nullo modo posse, ut electos vi sua abripiat Sathan. Nunc qua virtute tutos esse dicemus? Staturos proprio robore Georgius somniat. Logè aliter Matt. 24. Christus: Nemo rapiet e manu mea quas suscepi custodiendas oves. Pater enim qui Ioan. 10. dedit mihi: maior omnibus est: Nec poterit quisquam eas rapere e manu Patris. Ita Paulus fideles minime in propriam constantiam recumbere iubet, sed fidelem esse Deum admonet, qui ipsos vocavit: qui idem efficiet. Suae quaque electionis auctoritatem & arbitrium facit Georgius: at Christus suos esse testatur, quos e mundo ipse Ioan. 17. elegit. In quam sententiam clamat Paulus, Secundum propositum vocatis omnia cooperari in bonum. Et de infante nondum nato. Ut secundum electionem propositum Dei maneret, non ex operibus, sed ex vocante dictum esse: Iacob dilexi. Quid restat tandem, nisi ut garriat nebulo, Iacob utero adhuc inclusum suam industria electionis honorem sibi peperisse, & sua constantia stetisse in eius possessione ad extremum?

Tantundem habet rationis, quod reiectionem, de qua disputat Paulus, non ad singulas personas, sed ad totum Iudaicum populi corpus spectare exponit: quia gens illa Christum respuendo, vitam aeternam hereditate se privavit. Fateor equidem, hinc ortam fuisse disputandi causam. Sed inde nemo sanus colliget, quaestionem illi terminis finiri, quum & genus Abrahae ex electis pariter & reprobis mixtum esse doceat Paulus: & generaliter pronuntiet, ex genere humano partim irae, partim misericordiae vasa ad illustrandam Dei gloriam proferri. Quod autem primam reprobationis originem in eo statuit, quod Evangelio increduli fuerint: causam hanc a Paulo disertè exprimi non inficior, postquam scilicet prius illud membrum de abditis Dei iudicijs absolvit. Distinctè enim duo ab eo tractantur: Quod nunquam ita obstrictus fuerit Deus uni populo, quin libera eius electio in singulis vel cooptandis, vel abijciendis, regnaret:

Rom. 11.

Hebr. 12.

deinde quòd Iudæi sua ingratitude se abdicauerint ex Dei familia, quum proprij essent æternæ vitæ hæredes. Caterùm, ne quem perturbet varietas, quasi posterior hæc reiectio arcanum Dei consilium labefaciet, maturè occurrit Paulus, Dona & vocationem Dei, poenitentia carere: ac proinde reliquias secundum gratuitam electionem seruari. Quibus verbis stabilem & fixam manere quæ in abdito Dei consilio fundata est, electionē significat. Fædiore etiã nebulonis impudentia in eo se profert, quòd Esau antè reprobatum fuisse negat, quàm primogenita sua vendidit. Verbum cerè Apostoli agnosco, quòd quum se hæreditate priuasset, reprobatus est. Sed an superius illud iudicium abolet, quam tunc passus est, repulsa? Certè non magis, quàm fides & obedientia Iacob, gratuitam Dei adoptionem euertit.

Quod initio præfatus sum, nunc iterum repeto: Nemini improbari posse quam exposui doctrinam, nisi qui supra Dei Spiritum sapere sibi videbitur. Nunc enim eò fastidiū perueniet hominum morositas, ut quòd è Scriptura sumptum esse cõstat, placidè libentèrque amplecti non sustineant, quin sibi quod Dei proprium est, arrogent: loquendi scilicet & tacendi legem imponere. Et tamen modestiæ prætextu sepeliri quidam volunt, quod ab omnibus Dei seruis proditū esse, ne ipsi quidem negare audent. Ego verò non aliam modestiæ legē noui, nisi ut quod in cælestis Magistri schola didici, sobriè & reuerenter profitear. Neque verò me latet, ut ad fidei ædificationem attemperentur omnia, prudentiam adhibendam esse. Sed quum id quoque bona fide præstare studuerim: si nondum placantur quorundam lautitia: defunctum me existimo: qui habet aures audiendi, audiat.

DE prouidentia Dei verba facturo, qua nò modò totam mundi machinam, & singulas eius partes, sed corda etiã actionesque hominū gubernat, ingens sylua occurrit. Sed quia argumentū hoc sic me tractasse iam confido, ut satisfactū magna ex parte sit sanis & æquis lectoribus, summam eius qua potero breuitate, nunc astringam. Nec verò sperandus est à me orationis splendor, qui illius magnitudini & præstantiæ respondeat. Nudis tantum verbis quæ vberius in mea Institutione exposita fuerūt, nunc referam: & si qua opus testimonio habebunt, probationem ex Scriptura attexā: tum sinistras malignasque Pighij & similium obrectationes, quibus bene dicta malè corrumpunt, ita diluā, ne quid pias mentes impediat vel conturbet.

Prouidentiam vocamus, non qua Deus è cælo otiosus speculetur quæ in mundo fiunt: sed qua mundum à se conditum gubernat: ut non vnus tantum momenti sit opifex, sed perpetuus moderator. Sic prouidentia, quam Deo tribuimus, nò minus ad manus quàm ad oculos pertinet. Iam dicitur prouidentia sua mundum regere, nò modò quia positum à se naturæ ordinē tuetur, sed quia peculiare vniuscuiusque ex suis creaturis curam habet ac gerit. Est hoc quidem verum: sicuti admirabili Dei sapientia tam pulchrè dispositum fuit mundi opificium: ita nisi quatenus præsentis eius virtute sustinetur, non posse manere in suo statu. Quòd sol quotidie nobis oritur: quòd in cursu tam rapido gradus habet tam aptè temperatos: quòd astrorum mirè digesta series non turbatur: quòd cõtina recurrunt temporum vices: quòd viscera sua quotannis ad homines alēdos terra aperit: quòd elementa & singula partes officiū suum facere non desinunt: quòd denique naturæ fœcunditas nunquam deficit, quasi fatigata id non nisi directrice eius manu, qui semel omnia condidit, fieri putandum. Et Psalmus centesimus quartus nihil aliud continet, quàm vniuersalis huius prouidentia

uidetia elogiū. Eā similiter prædicat Paulus, quū dicit, *In ipso nos esse, & moueri, & viuere.* Quare, sicuti Dei vnius propria est essentia, ita fide cōsiderāda est occulta, quā inspirat, vegetatio: qua fit, vt subsistat, quæ alioqui mox interirēt, creaturæ.

Sed vniuersalis prouidentia notitia per se vaga & confusa esset, nisi simul teneamus, Deum singulas creaturas cura sua complecti: quemadmodum & Christus docet, passerulum, qui dimidio asse vanit, non cadere in terram sine Patris voluntate. Nunc in ista speciali prouidentia, quæ curandis singulis Dei operibus priuatim excubat, certos & distinctos gradus statuere conuenit. Nam quū nobilissimū Dei opus sit homo, in cuius gratiam conditū est quicquid cælum & terra cōtinent: Scriptura præcipue nobis in gubernando genere humano, Dei prouidentiam cōmendat. Paulus dum locum illum exponit: Non obligabis os boni trituranti: boues Deo curæ esse negat: quòd scilicet illic non resideat cura eius, tanquam in sua meta, sed in hominem potius respiciat. Hic autem, quia Deo cum hominibus ratione præditis negotium est, certior & magis dilucida se profert eius prouidentia ratio. Mirifica enim eius iudicia, nunc in sceleribus puniendus: nunc in erudiendis ad patientiam fidelibus, domandæque eorum carne: nunc in purgandis mundi vitij: nunc in expergefaciendo multorum torpore: nunc in conterenda impiorum superbia: nunc in astus sapientum videndo: nunc in prauis machinationibus diruendis se proferunt. Ex altera parte incomparabilis eius bonitas in iuandis miseris: in protegenda asserendæque innocentium salute: in ferendo rebus desperatis auxilio, relucet. Huius prouidentia, quæ homines respicit, pulchra descriptio habetur Psalmo cētesimo septimo. Illic enim ostendit Propheta, quæ vulgò æstuarie putantur fortunæ vices, ad id non volui cæco impetu, vt dilucida sint vel bonitatis, vel iræ, vel iustitiæ Dei specula. Quare tandem concludit, Si prudenter reputentur quæ subinde in mundo fiunt rerum conuersiones, pijs fore lætitiæ materiam: satis autem ad os iniquis obstruendum tale operum Dei specimen valere.

Ceterum hic rursus sum digerendi sunt gradus. Quauis enim se toti humano generi & patrem & iudicem Deus ostendat: quia tamen Ecclesia sanctuarium est in quo residet, illic clarioribus documentis præsentiam suam exerit: illic officium facit patri & familiæ, & eā propiore aspectu, vt sic loquar, dignatur. Referia est eiusmodi testimonijs Scriptura, quæ Deum pro suis fidelibus inuentiores agere excubias affirmant. Oculi Domini super iustos. Custodit Dominus animas sanctorum suorum. Illic cura est de vobis. Capilli capitis vestri numerati sunt. Denique Ecclesia propria est Dei officina, in qua suam prouidentiam exercet: & præcipuum eiusdē prouidentia theatrum. Qua ratione etiam dicitur Angelos, qui sunt veluti eius manus, specialiter destinasse fidelibus suis custodes, ne à Christi corpore, cuius ipsi quoque sunt membra, quicquam separatim habeant. Itaque, vt pro captu rudium crassè agamus, primo loco statuenda est ante oculos generalis mundi gubernatio, qua fouentur & vegetantur omnia, vt stet incolumis natura eorum status. Deinde consideranda sunt in singulis partibus regendis & curandis, Dei excubie: & quidem tales, vt nihil nisi nutu arbitrii q̃ eius eueniat. Tū peculiaris generis humani cura in mentem nobis venire debet: qua fit vt vita & mors hominum, tam publica regnorum & gentium quàm priuata cuiusque conditio, & quicquid fortunæ adscribi solet, ab vna cœlesti moderatione pendeat. Vltimò præsidium verè paternum, quo Ecclesiam suam tuetur, cui præsentissima Dei ipsius virtus annexa est.

Act. 17.

Mat. 10.
Luc. 12.

1. Cor. 9.

psal. 33.
34. 37.
1. petr. 5.
Mat. 10.psal. 34.
91.

Porrò, quanta sit & quàm multiplex huius doctrinæ utilitas, nullis verbis prodignitate satis exprimi potest. Verùm, Dei prouidentiam in mundo gubernando qualis in Scriptura nobis traditur, & agnoscitur fidei sensu, nemo utiliter expendet, nisi qui sibi cum fide suo, rerumque omnium opifice negotium esse reputans, meriti & reuerentiam tantæ maiestatis, quæ decet humilitate, primum se submiserit. Nam si æqualibus quisque suis tantum honoris habere solet, ut candidè modestèque de eorum factis iudicet, ubi quid obscurum est vel non satis cognitum, sensum non minus quàm sedulo inquirat, & iudicium suspendere malit, quàm nimis properando, iniuriam facere: an nò plus quàm immanis, obsecro, ista est feritas, maiore licentia, tum opera Dei ad calculum nostrum vocare, tum de incognitis præcipientem ferre sententiã, tum arcana eius consilia excutere, tum profano more de tantis & procul adorandis mysterijs nugari? Atqui, quò omnibus seculis grassata fuerit hæc petulantia, multò insolentius hodie, quàm antehac vnquam, se iaciunt. Ac multi quidem Epicurei, quia Deum nequeunt à cælo detrahère: quod gigantum exëplo libenter tentarent, ut saltem eius cultum, & quicquid est religionis, ex suis & omnium conscientijs deturbent, fœdas & indignas blasphemias vomendo, impiũ suum furorem produnt. Sed in maiori parte hunc mali fontem esse constat, quòd leues & feruidi spiritus, friuolæ suæ curiositati primum indulgent: ut nullo fine sibi proposito, totos se addicant superuacuis speculationibus. Accedit deinde effrænis audacia, quæ linguas ad æquandam suâ petulantia illam intemperiem stimulat. Alij laborant quidè diuerso vitio, sed non minus noxio. Nam se implicâtes absurdus delirij, mentes suas obruunt voluntaria aut desperatione, aut socordia. Ista scilicet diaboli sunt artes: inuoluerè prodigiosis figmentis piã sanãque doctrinam: quibus non modò eius fructum nobis præripiat, sed partim am odiosam, partim exitialem reddat. Verùm quicquid moliat ur ille, facessat tamen à nobis præpostera quorundam cautio: qui ut talibus periculis occurrant, non aliud inueniunt compendium, nisi ut corrumpant vel obfurent quod simpliciter in Scriptura proditum est.

Longè aptius remedium est: quomodo, & in quem finem consideranda sit Dei prouidentia, tenere. Prior finis est, ut nos temeraria confidentia exutos tum in Dei timore contineat, tum ad inuocationem expergeficiat. Alter verò, ut sedatis tranquillisque animis, in Deum recumbere, & quæ nos circumstant pericula, nobisquæ assidue centum mortes minantur, securè fortiterque contemnere doceat. Vtrunque membrum breuiter exponam. Qui fortuitum aliquid imaginatur, vel industriæ suæ, consilij, opibus, humanis auxilijs quidpiam arrogant, audacius ad tentanda omnia feruntur, satagunt, versant se in omnes partes, nullum non mouent lapidem, subinde noui aliquid excogitant: quasi libero spatio soluti vagantur: nulla interim Dei inuocatio, nullus metus. Qui verò Dei prouidentia, homines, eorumque consilia, & rerum euentus gubernari agnoscet, trepidè cū Ieremia dicet: Scio Domine nò esse hominis viã eius, neque viri ut dirigat gressus suos: item illud Solomonis reputans, *A Domino sunt gressus viri, & quis hominum disponet viam suam? totum se Domino tradet, atque ab eo pendebit. Virò sequentur preces, ut Deus nobis quiescentibus inchoet ac perficiat, quicquid aggredimur operum. Similiter qui fortunæ imperium comminiscetur, vel diabolo, impijs, & brutis animalibus frenâ laxabit, quasi præter Dei nutũ & moderationem quicquã possint vel agant: misera anxietate semper æstuabit: vitã suam quasi de filo pendetẽ aspiciens, torquebitur: pedẽ vix mouere audebit,*

Iere. 10.

pro. 21.

audebit, quin de vita sua desperet: fideles verò, dum sibi manum Dei moderatricem proponunt, curas suas non dubitabunt in eum conijcere. Dum certò statuent, diabolus & impios omnes, quantumvis tumultuentur, non tantum ligatos Dei compedibus teneri: sed etiam cogi ad præstanda illi obsequia: quieti per vias suas pergent.

Non nihil etiam lucis addent duæ aliæ distinctiones: prior est, Quòd tam in præteritum quàm futurum tempus consideranda sit Dei providentia: altera, Interdum cum suis medijs, interdum sine medijs, interdum contra omnia media, summam illi potestatem asserendam esse, ut ordinet, constituatque omnia. Talis præteriti temporis sit consideratio: Si quid prosperè & ex voto successit, non sacrificet mortalis homo reti suo, quemadmodum loquitur Habacuc: neque suam prudentiam, virtutem vel fortunam efferat: neque acceptum ferat hominibus vel creaturis quod Dei proprium est: sed Deum sibi persuadeat eius boni primū esse authorem, vndeunque provenierit. In rebus autem aduersis, in hac consolatione acquiescat: Sicut Domino placuit, ita factum est: contra Deum tumultuando, nec quicquam proficiat, & me obstringam impiæ contumaciæ reatu. Tum verò anteactæ vitæ subeat memoria, ut ex poenis sibi inflictis peccata sua agnoscat. In tempus futurum hoc modo reputanda est pijs mentibus Dei providentia, ut semper ad eius promissiones ac minas intēta sint: quia simulatque inde deflexerint, nulla restabit ad Dei timorē eruditio, nullus fidei profectus. At verò qui Dei omnipotentiam in speculo verbi eius intuebitur, tū promissionibus eius fretus supra innumera mundi pericula se fidei alis eriget: tū minis subactus, se coram totidem ferulis humiliabit. Quòd cum, ius medijs considerandam esse dixi Dei providentiam, hunc habet sensum: Si quis in extremo discrimine laborantibus opem tulerit: non humana est, sed diuina per manum hominis liberatio. Sol oritur quotidie, sed Deus est qui orbē terra illustrat. Producit terra fruges, sed Deus est qui panem suppeditat, & pani inspirat vigorē ad nos alendos. In summa, quum inferiores causæ tanquā vela, Deum ē conspectu nostro subducere ut plurimum soleant: fidei oculo altius penetrandū est, ut Dei manum in his organis operātem cernat. Absque medijs quomodo locus dandus sit providentiæ Dei, exemplo suo Christus docuit, quum Sathana insultum hoc clypeo repelleret: Non in solo pane vivit Math. 4. homo: sed in omni verbo quod egreditur ex ore Dei. Nam quia virtutē Dei sciebat nullius externi adminiculi indignam essetā sine pane sustenturam colligit, quā se benignè exerit per panē. Cauendum itaque, ne inferioribus medijs ita simus affixi, quin Dei manus omni subsidio nudata, per se nobis abunde sufficiat. Contra media, quā meretur gloriā apud nos obtinet Dei providentia, quū illam obstaculis omnibus superiorem fore persuasi, cunctas formidines hac vna fiducia vincimus. Atque hæc vera est palestra, in qua fidem nostrā Deus exercet, quū totidem se obstacula ingerunt, ad impediendū eius consiliū, quot sursum & deorsum apparent in cælo creature. Quid autem tunc agendum? Nempe si ad diuinæ potentie altitudinē conscendat fides, omnia quæ contrā niti videntur agendi media, nō magno negotio expugnabit.

Quisquis se intra has metas continuerit, nec tortuosis speculationibus se impediet, nec quia diuinitus omnia fieri audiet, inde pretextum captabit ignavia, nec desperatione concidet, nec ad friuolas nugas prouolabit, & Dei maiestate indignas. Nunc tamen propius excutienda est quæstio, vnde exoriuntur pugna. Non quòd Dei providentia ritē, ut decebat, cognita, eas ex se gignat: sed quia in reputandis Dei operibus humana ratio quum cæcutiat, simul ad rixādum profilit. Quan-

quam mirum non est, si carni parum consentanea sint Dei consilia, quæ ex cælorum altitudine Angeli suspiciunt. Sed hoc vitium minimè tolerabile, quòd nos, quibus humi reptare vix datum est, nihil probamus, nisi quod tãquam oculus nostris subiectum despicere liceat. Caterùm, ut fructuosa sit doctrina, tum rudes & imperitos placare, tum improborum calumnias refellere, operæpretium est. Primo loco videndum est, quomodo Dei voluntas, rerum omnium quæ in mundo geruntur, causa sit: neque tamen malorum author sit Deus. Non dicam cum Augustino, quod tamen ut verè ab eo dictum libenter amplector, In peccato, siue in malo nihil esse positum. Est enim argutia, quæ multis non satisfaceret. Sed aliud mihi principium summo: Quæ perperam & iniuste ab hominibus fiunt, eadem recta & iusta esse Dei opera. Hoc si prima specie quibusdam esse paradoxum videtur, saltem ne sint ita fastidiosi, quin paulisper mecum sustineant ex verbo Dei inquirere, quid sentiendum sit. Caterùm, ne quicquam stulta pertinacia tueamur, quasi Dei proprium, quod illi temerè ex sensu nostro affictum fuerit: primum audienda est Scriptura, imò tota inde operum Dei petenda est definitio.

Quòd Deus suo consilio dirigat, quæ maximè videntur fortuita, clarè Scriptura testatur, quòd dicit, In sinum conijci sortes, iudicium verò earum exire à Domino. Similiter si ramus ex arbore defractus, aut securus è manu hominis præter consilium elapsa, caput transeuntis illidat, Moyses testatur, hoc Deum consultò fecisse: quia hominem occisum voluerit. Alia Scriptura testimonia consultò nunc prætereo: quia rem tantum digito monstrare propositum est. Sed quia Stoica necessitas hoc modo statui videtur, multis odiosum est dogma, etiam qui pro falso damnare non audent. Vetus ista calumnia fuit, quæ se Augustinus iniuste fuisse grauatum, alicubi conqueritur: nunc obsoletam esse decebat. Certè hominibus probus & ingenuus, si modò iidem docti sint, valde indigna est. Qualis fuerit Stoicorum imaginatio, notum est. Fatum suum texebant ex Gordiano causarum cõplexu: in quem quum Deum ipsum inuoluerant, fabricabant aureas catenas, ut est in fabulis, quibus Deum vincirent, ut subiectus esset inferioribus causis. Stoicos hodie imitantur Astrologi, quibus fatalis ex stellarum positu dependet rerum necessitas. Valeant igitur cum suo fato Stoici: nobis libera Dei voluntas omnium sit moderatrix. Sed contingentiam tolli ex mundo, videtur absurdum. Omitto quæ in scholis vsitata sunt distinctiones. Quod afferam, simplex, meo iudicio, & minimè coactum erit, deinde ad vitæ usum accommodatum. Sic enenire necesse est quod statuit Deus, ut tamè neque præcisè, neque suapte natura necessarium sit. Exemplum in Christi ossibus familiare habeo. Christum corpus induisse prorsus nostro simile, Scriptura testatur. Quare fragilia illi ossa fuisse, fateri nemo sanus dubitabit. Sed alia mihi videtur ac separata quaestio, An ullum os eius frangi potuerit. Nam integra omnia & illasa manere, quia fixo Dei decreto ita statutum erat, necessarium oportuit. Nec verò quòd à receptis loquendi formis de necessitate secundum quid & absoluta, item consequentis & consequentia, abhorream, ita loquor: sed ne qua lectores argutia impediatur, quin agnoscat vel rudissimus quisque: verum esse quod dico. Ergo si in Christi ossibus naturam consideres: fragilia erant: sin verò illud Dei decretum, quod suo tempore manifestatum fuit: nihilo magis fracturae obnoxia erant, quàm humanis arumnis Angeli. Iam verò quia diuinitus positum naturæ ordinem intueri nos decet, contingentiam, quoad sensum nostrum, minimè reijcio.

Ac memoria tenendum est, quod antè posui, ubi Deus per media & inferiores causas virtutem suam exerit, non esse ab illis separandam. Temulenta est ista cogitatio: Decreuit Deus quid futurum sit: ergo curam ac studium nostrum interponere superuacuum est. Atqui, quum noli quid agendum sit, præscribat: & virtutis suæ organa nos esse velit: fas nobis esse ne putemus separare quæ ille coniunxit. Initio terram sine humana arte & cultura, omne herbarum & frugum genus iussit producere: nunc autem manum hominis adhibet per quam operetur: si quis otioso hiatu velle se panem excipere iactet, quia benedictio Domini fecundet terram: an non pedibus magis calcabit Dei providentiam, quàm tali prædicatione efferet? Discerpit enim ac lacerat, quæ sacro inter se nexu coherent. Ergo quantum ad futurum tempus, quia nos adhuc rerum euentus latent, perinde ad officium suum intentus esse quisque debet, ac si nihil in utramvis partem constitutum foret. Vel, ut magis propriè loquar, talem in omnibus, quæ ex Dei mandato aggreditur, successum sperare debet, ut in rebus sibi incognitis contingentiam cum certa Dei providentia conciliet. Et benedictionem suam Dominus manuum nostrarum labori promittit. Hac voce pius vir se diuinæ providentiæ organum constitui agnoscat. Hac eadem promissione fretus, alacriter ad opus se accinget, quia persuasus erit, non fortuitam se operam in aëre iacere: quæ in Dei verbum recumbens, arcano eius consilio in optimum finem dirigetur. Denique, sicut providentia Dei ritè expensa, manus nostras nō ligat: ita inuocationem ad eum non impedit, ut potius stabiliat. Si quid iam acciderit, simili in tempus præteritum sobrietate iudicia nostra temperari convenit. Nulla ad patientiam aptior exhortatio, quàm dum audimus, nihil fortuito contigisse, sed quod Domino visum est, fuisse impletum. Interea non sequitur, quin verum aduersarum culpam vel ignavia nostra, vel temeritas, vel incogitantia, vel aliud vitium merito sustineat. Quod si de causis euentuum non liqueat: ut sæpe videntur quæ accidunt, præter rationem accidere: tamen ne sic quidem desinent præmentes, & sapientiæ & iustitiæ laudem tribuere Deo.

Verum, ubi interueniunt hominum consilia, voluntates, studia, conatus, plus in eo est difficultatis, quomodo illic quoque regnet Dei providentia: non modò ne quid generatur nisi ex eius nutu: sed etiam ne quid deliberando agerent homines, nisi quod ipse inspirat. Edit quidè in eo quotidie præclara suæ providentiæ documenta, quum stultis hominum consilijs fræna laxans, imò dissimulans ad eorum apparatus, euentu tandem eos frustratur. Sed in alio genere potentem eius manum & dominationem celebrat Scriptura, quum impios infatuat, quum vertigine percutit, quum demorat & obstupefacit eos: similiter quum eorum corda effæminat, & pauore replet, ut ad folij cadentis strepitum concidant. Parum ergo consideratè Pighius, dum in istas angustias concludit Deum, ut tanquam vir prudens, & dux rei militaris peritus, hostium suorum consilia præuidens, in contrarium tēpestiuū remedijs veriat.

Quasi verò non utrunque disertè exprimat: Quod deprehendat sapientes in astutia sua: & auferat spiritum principum, ac eorum prudentiam euanesce faciat. Nimis crassa etiā inscitia est, dum negat Dei voluntate mori, qui cōsultò ab homine occiditur: quia ubi intercedit hominis voluntas, Deus agere non dicatur. Quid ergo innumeris Scripturæ testimonijs fiet, quæ gladiis impiorū Dei manu regi testantur? An sine hominū consilio occisi sunt filij Heli? Atqui, adscribitur elogium, quod voluerit Dominus occidere ipsos. Caterum, quin perpetuò gubernet Deus hominum

Lib. 8.
cap. 3.

2. Sam. 2.

manus, nunc ligatas teneat, nunc flectat huc & illuc ad exequendum quod statuit, quicumque mediocriter in Scriptura exercitati sunt, nō vocabunt in controuersia. Imò communi ferè omnium sensu receptum est, quicquid moliantur homines, euentum in manu Dei esse. Sed quia in tam densa humanæ mentis caligine perquam tenuis & ferè euanida est illa cognitio: Scriptura altiore nobis speculam ædificat, è qua Deum contemplemur omnia hominum opera sic moderantem, vt in finem à se destinatum applicet.

Summa autem huc redit: Quauis homines, vt indomita bestia nullisque vinculis coërcita, lasciuiat: arcano tamen frano gubernari, vt ne digitū quidem mouere queat, nisi ad exequendum Dei magis quàm suū opus. Nam fideles, qui spontaneum illi obsequium impendunt, non secus atque Angeli, manus eius censendi sunt. Quare eos potissimum hīc commemoro, quibus nihil minus propositum est, quàm habere quicquam vel consilio Dei affine, vel consentaneum eius voluntati. Ac sibi quidem quasi votorum compotes, plaudunt impij. Sed res tandem comprobatur, per ipsos, licet inscios ac nolentes, quod diuinitus ordinatū fuerat, esse impletum. Porro Deus ipse nunc impijs, ad punienda hominum peccata, tanquam flagellus vritur: nunc, quasi oborto collo eos traheret, beneficentiæ suæ ministros esse cogit. Prioris membri exempla colligere, immensi operis foret. Pauca tantum attingere præstiterit. Postquam Deus Assyrium ad bellandum incitans, virgam furoris sui vocauit, nec alio quàm iræ suæ baculo armatum esse docuit: postea in eius superbiam inuehitur: quòd se non agnosceret veluti securim vel ferram aliunde agitatum. Hac ratione & sanctificati à Deo, & conductitij eius milites dicuntur, & operam illi nauare, quos ambitio alioqui sua, & crudelitas, & auaritia impellit: & Dominus vicissim sibilo vel classico se eos ad arma vocare testatur. Diuinæ beneficentiæ viam parari hominum maleficijs, vel vnus Moisis locus satis clarè demonstrat. Plusquam scelerala, perfida, & crudelis fuerat conspiratio fratrum Ioseph, quum eum venderent. Atqui, in Deum transcribit, sed alio respectu, venditionis huius causam: Non vos estis, sed Dominus qui me præmisit, vt vos alerem. Constat ergo, quum impiè agerent, per eos tamen operatum esse Deum, vt vitam in morte inuenirent. Quantum in ipsis erat, occiderant fratrem. Inde illis vita affulget. Idem in scelerum omnium principe, & impiorum capite Satana, perspicere est. Eum Deus ad decipiendum Achab cum hoc mandato dimittit, vt sit spiritus mendax in ore omnium Prophetarum. Ita spiritus impostor, iræ Dei minister est ad excacandos impios, qui veritati obtemperare noluerant. Contrà verò Paulus datum sibi carnis stimulum memorat nuntium Sathanæ, à quo cedatur colaphis. Hīc Sathanæ venenum ad curandam superbiam antidotum est. Qualis obsecro medicus Sathan, qui nihil quàm perdere & occidere didicit? Verum, Deus qui semel iussit è tenebris lucem splendere, ex inferis ipsis, cum ita visum est, salutē mirabiliter educit, atque ita tenebras conuertit in lucē. Caterum quod operatur Sathan, Scriptura Dei opus aliò respectu affirmat: quatenus scilicet ipsum Deus, suæ providentiæ obsequio illigatum tenens, quo visum est flectit, vt eius operam ad vsus suos applicet.

Quanquam si non alium agēdi modū exprimeret Scriptura, nondū adeò difficilis esset ad soluendū nodus. Magis ardua est altera quæstio: agātne Deus in cordibus hominū, consilia dirigat, huc illuc flectat eorum voluntates, ne quid agant nisi quod ipse ordinauit. Nō quarimus hīc, an pios sanctosque affectus, in cordibus suorum opere-

operetur: quia cōtrouersia caret: sed an prauos quoq; impiorū affectus in potestate sua habeat, flectat huc vel illuc, ut velint quod per ipsos perficere decreuit. Certè cū Solomō pronuntiat, in manu Dei esse cor regis, ut quocunque visum fuerit, ipsum inclinet, generaliter ostendit, non minus voluntatem, quā externa opera, Dei arbitrio regi. Obduratum ab eo cor Pharaonis dicit Moyses. Frustra hīc ad permissionem confugitur: quasi Deus fecisse dicatur, quod fieri tantum passus est. Clarè enim duritiem illam, Dei opus fuisse, Moyses affirmat. Nec sanè alio sensu hīc Dei consilio adscribitur Pharaonis seuitia quā alibi gratiam dare populo suo dicitur in oculis Aegyptiorum. Quis enim non videt cicuratas fuisse Dei virtute & mansuefactas truces bestias, cū ad clementiam flexi repente sunt Aegyptij? Vnde ergo factum dicemus, ut tam inhumaniter Phara seuiret, nisi quia partim ad probandam suorum tolerantiam, partim ad exercendam suam virtutem, ita Domino placuit? Eadem ratione dicitur, vertisse hostium corda in odium populi sui. Nec obstat, quòd dicitur alibi Phara ipse cor suum aggrauasse: quando neque extrinseco motu impelli fingimus hominum animos, ut violenter ferantur: neque in Deum transferimus indurationis causam, ac si non spontè propriāque malitia dari & immites, se ipsos ad peruicaciam acuerent: sed quod peruerse homines faciunt, non nisi Deo ordinante fieri, Scriptura docet. Quemadmodum alibi dicitur, quòd incolæ Gibeon se Israelī opposuerint à Domino fuisse, qui obstinavit cor eorum. prou. 21.
Exod. 4. & 7.
Exod. 30.
psal. 105.
Exod. 8.
Iosue. 11.

Modum quoque exprimit Scriptura, quum vno in loco recitat Deum populo iratum, cor Dauidis incirasse, ut populum numeraret: in altero Sathanam facit eiusdem institutionis aut horem. Vnde intelligimus, Sathanam iræ Dei flabellum esse, ut corda hominum quocunque voluerit Deus, impellat. Quod expressius alibi habetur: Inuasit Saulem Spiritus Domini malus. Scelere quidem suo agitur Saul, ut furorem intus conceptum voluntario motu egerat. Eum nihilominus impellit Sathan: neque id Deo per otium speculante, sed ita volente. Alioqui, improprie Spiritus Domini malus diceretur, nisi ad exequendam eius vindictam minister esset, ac carnifex. Nec verò ideo tantum iræ Dei minister, quòd animos ad malas cupiditates sollicit: sed quia efficaciter trahat. In quem sensum Paulus efficaciam erroris diuinitus inmitti asserit, ut mendacio credant, qui noluerunt veritati obedire. Vides ut non modò Dei mandato Sathan in ore Prophetarum omnium Spiritus sit mendax, sed eius impostura reprobos illaqueent, ut ratione priuati in errorem necessario trahantur. Sic intelligendum quod idem Paulus tradit, qui Deo ingrati fuerant, dari ab ipso in reprobum sensum: & tradi in cupiditates fœdas & ignominiosas, ut faciant quæ non conueniunt, & probris afficiant sua corpora. Augustinus non permissu quiescentis Dei, sed iusto eius iudicio cordis cupiditatibus fuisse addictos, qui gloriam eius indignè profanauerant. Quomodo id factum sit, declarat locus ille, quòd illis Deus mittit efficaciam erroris. Vnde perspicuum fit, quod iam attigeram, non minus interiores affectus regere Dei manum, quā externis actionibus præesse: neque Deus, quæ decreuit, hominum manu perficeret, nisi in ipsorum cordibus operaretur ipsum velle, quod operis effectum præcedit. Tenenda igitur Augustini sententia: quum vult fieri Deus, quod non nisi volentibus hominibus fieri oportet, eorum simul corda inclinare, ut velint: ipsumque non tantum auxiliando in cordibus agere, sed etiam indicando, ut impleant, quibus nihil tale propositum est, quod manus eius & consilium decreuit. Prudenter etiam in ipsis naturæ seminibus considerandū proponit, à quo multi tantò opere abhorrent. Tanta enim quæ in hominum ingenijs cernitur diuersitas, quā diuinitus sit illis indita, arcana illius operationis, quæ corda regit ac mouet, luculentum est specimen. Lib. de. prædest. Sancto. cap. 20.
Lib. 1. de peccat. mer. & remis. cap. 20.

Hinc certè iam colligere promptum est, quàm inane & fluxum sit illud diuinæ iustitiæ patrociniū, Quæ mala sunt, non eius volūtate, sed permissu, duntaxat fieri. Equidem quatenus mala sunt, quæ malo animo perpetrant homines, ut statim plenius exponam, Deo minimè placere fateor: sed quòd otiosum ea permittere fingunt, quæ Scriptura non tantum eo volente, sed auctore fieri pronuntiat, nimis friuolum est effugium. Dedit hoc interdum Augustinus recepta loquendi consuetudini: sed quum pressius insistit, & magis exactè rem examinat, nullo modo patitur, in locum actionis permissionem substitui. Non referam ad verbum omnia quæ hac de re libro contra Iulianum quinto disputat. Clausulam apponere sufficiet. Facit hæc miris & ineffabilibus modis, qui nouit iusta iudicia sua, non solum in corporibus hominum, sed etiam in cordibus operari. Qui non facit voluntates malas: sed utitur eis ut voluerit: quum aliquid iniquè velle non possit. In eundem sensum alibi Scriptura, si diligenter inspicitur, ostendit non solum bonas hominum voluntates, quas ipse facit ex malis, & bonas à se factas, in actus bonos & in æternam dirigi vitam: verum etiam illas quæ conseruant seculi creaturam, ita esse in Dei potestate, ut eas quando voluerit, quòd voluerit, faciat inclinari: vel ad beneficia quibusdam præstanda, vel ad pœnas quibusdam ingerendis. Tandem atexit. Quis non ad ista iudicia contremiscat, quibus agit Deus etiam in cordibus malorum quicquid vult, reddens eis tamen secundum merita eorum? Iterum Scripturæ testimonijs satis manifestum est, operari Deum in cordibus hominum ad inclinandas eorum voluntates quocunque voluerit, siue ad bona pro sua misericordia, siue ad mala pro meritis eorum, iudicio utique suo, quandoque aperto, quandoque occulto, semper autem iusto: fixum enim in cordibus vestris esse debet, quòd non sit iniquitas apud Deum. Cur autem occultum quandoque Dei iudicium esse commemoret, ex superiore loco petenda ratio est: ubi postquam sæpius peccata confessus est esse pœnas, quas Deus iustè prioribus peccatis rependit, tandem ad illud altius magisque reconditum arcanum cōscendit: quòd iustæ exercendæ iræ suæ materiam Deus in omnibus inueniat, nisi quos gratis elegit. Nam ceteri, inquit, mortales, qui ex isto numero nō sunt, & ex eadem quidem massa, ex qua & isti, sed vasa iræ facti sunt, in utilitatem nascuntur istorum. Non enim quenquam eorum Deus temerè ac fortuitò creat, aut quid de illis boni operetur, ignorat: quum & hoc ipsum bonum operetur, quòd in eis humanam creat naturam, & ex eis ordinem seculi exornat. Cur formidine & pauore nunc corda hominum consternet, nunc instruat audacia, cur auferat spiritum principibus, & sapientum consilia infatuet: cur spiritu temperantiæ donet alios, spiritum vertiginis & furoris alijs propinet: causam aliquando notam & conspicuam assignat: sed occultum eius iudicium dominari, ut voluntates quas visum est conuertat, æquè apparet: quando communis omnibus natura est, nō gratia: ut alio loco verè admonet idem sanctus vir.

Hæc probè & sobriè reputanti minimè dubium erit, summam & præcipuam rerum omnium causam esse, Dei voluntatem. Quæ etiam notitia frænari mentes nostras conuenit, ne plus quàm fuis est, quærendo, intemperanter lasciuiant. Durum primò statim auditu videtur illud Augustini, quòd Dei voluntas sit rerum necessitas. Item quòd subiicit explicandi gratia, quòd sic causas inferiores condiderit Deus, ut ex illis esse illud, cuius causæ sunt, possit, sed non necesse sit: altiores autem & remotas sic in se absconderit, ut ex eis esse necesse sit, quòd ex illis fecit, ut esse possit: sed attentius rem consideranti asperitas illa facile mirescet. Nam quòd alibi tradit, etsi verbis diuersum, re tamen & sensu prorsus idem est: quòd tamen nihil in se offensionis continet. Habet in seipso Deus absconditas quorundam factorum causas, quas rebus conditis non inferuit, eas implet, non illo opere providentiæ

Cap. 3.

De. grat.
& libero
arbitr. ad
Valent.
cap. 20.

Cap. 21.

Lib. cōtra
Iulian. 5.
cap. 3.De verb.
aposto.
1. timo. 11.Lib. 6. de
genef. ad
liter. ca. 15
Cap. 18.Lib. 9. e-
iusdē o-
peris ca. 18

dentia, quo naturas substituit ut sint: sed quo eas administrat prout voluerit, quas prout voluit, condidit. Ibi est gratia, qua salui sint qui perditii erant. Quid enim verius, quam Deum in creaturis regendis plus aliquid apud se habere reconditum, quam earum naturis indiderit? Atqui, omnium quae geruntur, prima causa ideo censetur eius voluntas, qui naturas à se condit, arbitrio suo ita regit, ut cuncta hominum consilia & actiones in finem à se prefixum destinet. Porro hac doctrina frænum nobis injici, quod sub modo stilia nos contineat, non immerito dixi: quia nimis absurdum est, Dei voluntati quæ omnibus causis superior est, non cedere, nisi manifesta eius causa appareat.

Memoria quidem repetendum est quod antè dixi: nihil nisi optima ratione facere Deum: sed quia certissima iustitiæ regula est eius voluntas: nobis præcipua, ut ita loquar, rationum omnium ratio esse debet. Nam fidei humilitas, quum ex viua diuinæ iustitiæ reuerentia nascatur, minimè stupida fingenda est. Quis enim, nisi persuasionem hanc penitus animo infixam habeat, iustum esse Deum, & recta eius opera in solo eius placito acquiescet? Itaque Sorbonicum illud dogma, in quo sibi plaudunt Papales Theologastri, detestor: quod potentiam absolutam Deo affingit. Solus enim lucem à calore auellere, imo suum ab igne calorem, facilius erit, quam Dei potentiam separare à iustitia. Facebant ergo procul à pijs mètibz monstrosa illa speculationes: plus aliquid Deum posse quam conueniat: vel eum sine modo & ratione quicquid agere. Nec verò cōmentum illud recipio, Deum, qui lege selutus sit, quicquid agat, reprehensione vacare. Deum enim ex legem qui facit, maxima cum gloria sua parte spoliatur, quia rectitudinem eius ac iustitiam sepelit. Non quod legi subiectus sit Deus, nisi quatenus ipse sibi lex est. Talis enim est inter potentiam eius ac iustitiam symmetria & consensus, ut nihil ab ipso, nisi moderatum, legitimum, & regulare, prodeat. Et certè quem omnipotentem prædicant fideles, eundem simul mundi iudicem agnoscant necesse est, ut potentiam sensu suo apprehendant, iustitia & aequitate temperatam.

Nondum tamen soluta est obiectio: Si Dei arbitrio geruntur omnia, nec quicquam homines nisi eo volente & ordinante, designant, esse igitur malorum omnium authorem. Vera est illa, quæ pridem in scholis obtinuit, & passim celebratur distinctio: malum poenæ, non culpæ à Deo proficisci, modo dextrè intelligatur: sed imperitè quidam, ac si verbulo vno eum, de quo agitur, obruere liceret, hoc ipsum de quo maximè ambigitur, securè prætereunt: quomodo extra culpam sit Deus in eodem opere, quod in Sathana & reprobis tam damnat ipse, quàm dammandum ab hominibus pronuntiat. In eodem enim opere non diuersis, malum vtrunque cernitur, ut Deo iustæ punitionis laudem, culpam hominibus adscribi necesse sit. Prædones, sancti Iob pecora rapiunt. Crudele & indignum est facinus. Sathan hoc modo eum ad desperationem sollicitat. Magis detestanda machinatio. Atqui, Iob authorem alium prædicat: Dominus dedit: Dominus abstulit. Neque immerito in Deum transfert, quod non nisi latronibustribuendū foret. Nam perinde ac si oculus stectasset, quæ in cœlesti confessu gesta esse historia narrat, Dominum abstulisse furetur per manus latronum, quod nonnisi eius nutu & autoritate, ablatum erat. Quod etiam explicat sequentibus verbis: Sicut Domino placuit, ita factum est. Audimus commune esse & Dei & Sathanae & latronum opus. Audimus nihil accidisse, nisi quod Domino visum est. Quomodo nunc à culpa eximetur Deus, cuius Sathan cum suis organis reus erit? Nempe si inter hominum facta discrimen à consilio & fine sumitur: ut eius damnetur crudelitas, qui cornicum oculos configit, vel occidit ciconiam, iudicis autem laudetur virtus, qui scelerati hominis cæde manus suas sanctificat. Et cur deterior erit Dei conditio, ne sua cum iustitia ab hominum maleficijs separet? Ut propius ad similitudinem

accedam: laudabitur princeps, qui iusto & legitimo bello, vim, rapinas, & latrocinia à suis finibus repellat. Interea, multos armabit milites, qui cupide ad fundendum sanguinem, ad diripienda pauperum bona, ad omne licentia genus grassando, laudem certe non merebuntur. Alij duo inter se exercitus praelio confligent: si in duce, cuius auspicijs & iussu commissum est praelium, rectum affectum perspicias, quavis homo sit mortalis, eum absolues, militibus damnatis, qui manu ad iugulandos homines nefanda mercede locant: & Deum, quia per Sathanam operatur, iustitiae suae gloria fraudabis? Ita est scilicet: ut nebulae quas terra exhalat, Solis fulgorem obscurant, ne ad hominum usque oculos perveniat: Sol tamen nihilominus lucidus manet: ita multa quasi vaporum impedimenta procreant hominum vanitas, quae divinae aequitatis conspectum auferant: ipsa tamen integra & illaesa manet. Quum idem sit opus, pari Deum & impios reatu inuolui, volunt isti. Verum non sic David, quem cum Semei probris & lapidibus impeteret, non in homine ipso subsistit: sed Dei praeceptum considerat. Dominus, inquit, illi praecepit, ut malediceret. Neque tamen contra Deum insurgit: sed humiliter tergum virginis subiiciens: quis audeat dicere, inquit, quare sic fecisti? Quemadmodum & in Psalmo: Obmutui: quatu fecisti. Quem enim piorum non ad silentium protinus adiget Dei maiestas? & cui non laudis confessionem exprimet iustitia? ut in vocem illam erumpat: Sinite maledicere iuxta praeceptum Domini, si forte afflictionem serui sui respiciat ipse Dominus.

Ergo cum iusta de causa, sicut nobis ignota, à Domino procedant, quae sceleratè ab hominibus maleficia perpetrantur: etiamsi rerum omnium prima causa sit eius voluntas, peccati tamen eum esse authorem nego. Nec verò obliuione tegenda est illa, quam posui, causarum diuersitas: quòd alia est propinqua, alia autem remota causa: ut sciamus quàm longa inter aquabilem Dei prouidentiam, & turbulentos hominum impetus, sit distantia. Turpi quidem & illiberali calumnia nos grauant, qui Deum peccati authorem fieri obtendunt, si omnium, quae aguntur, causa est eius voluntas. Nam quod homo iniuste perpetrat, vel ambitione, vel auaritia, vel libidine, vel prauo quouis alio affectu incitatus, quum Deus iusto, licet occulto iudicio, per manum eius faciat, non potest in eum quadrare peccati nomen. Peccatum in homine facit perfidia, crudelitas, superbia, intemperies, inuidia, caecus sui amor, praua aliqua cupiditas. In Deo nihil reperies tale. Semei regem suum immani petulantia infestat. Peccatum apparet. Deus tali ministro ad iustam Davidis humiliationem utitur: adeoque tali ferula eum castigat. Quis cum peccati insimulet? Arabes & Sabaei ex aliena subleuantia praedam rapiunt. Manifestum latrocinij crimen. Deus serui sui patientiam, illorum violentia exercet. Emergat potius ex re praesenti heroica illa confessio, Sit nomen Domini benedictum, quàm sacrilegae obrectationes audiantur. Denique, talis Dei est agendi ratio in hominum peccatis, ut quum ad eum ventum est, sua puritate omnem maculam prorsus abstergat.

Atque hic utilis est Augustini admonitio: in specie consensus magnum esse inter-
 dum Deo cum hominibus dissidium: quum bene vult Deus, quod homines male volunt: & bene non vult, quod homines male nolunt: sicut rursus in specie repugnantiae non male conueniunt, quum bene volunt homines quod Deus bene non vult, & bene nolunt, quod Deus bene vult. Optabit filius mortem patris, ut in hereditatem conuolet. Eundem & Deus mori volet. Voluit Deus Ierosolymam excidi, Templum profanari, & funditus euer-
 ti, extremis quibusque tormentis vexari Iudeos: idem optabant Idumaei. Diro & truculen-
 to homini, qui nemini pepercit, ut eadem illi mensura remetiat, nolet Deus quicquam o-
 pis afferri, quum necessitate urgetur. Filius omne illi pietatis officium negabit: nec eum suble-

subleuare uolet. Sanioribus consilijs filios Heli parère Deus nolebat: quos statutum illi erat perdere. Patrem illi audire noluerunt. Quædam initio consensus species hinc se profert: sed quantum ad bonum vel malum, nihilò minus discordiæ, quàm inter aquam & ignem. Longiorem uxoris vitam optabit maritus, quàm è mundo Deus euocat. Mortem horrebat & deprecabatur Christus, quæ suauissimi odoris sacrificium erat Deo. Viriusque tamen uoluntas, quauis in speciem diuersa, extra culpam est. Non est igitur, quòd Deum in societatem criminis quisquam arripiat, quoties inter arcanum eius consilium, & palam uiciosas hominum cupiditates, aliqua similitudo se ostendit. Occurrat semper illud Augustini: Propterea magna opera Domini, exquisita in omnes uoluntates eius, ut mirò & ineffabili modo non fiat præter eius uoluntatem, quòd etiam sit contra eius uoluntatem: quia nõ fieret, si non smeret: nec utique nolens finit, sed uolens.

Atque hinc etiam refellitur eorum uel inscitia, uel improbitas, qui unam & simplicem Dei naturam fore negant, si uoluntas illi alia tribuitur, quàm quæ ab ipso in Lege patet facta est. Quorum etiam nonnulli per ludibrium, si quæ est non reuelata in lege Dei uoluntas, quo nomine uocetur. Atqui, mente captos esse oportet, quibus nihil significant tot Scripturæ testimonia, quæ cum admiratione prædicant quàm profunda sit iudiciorum Dei abyssus. Certè Paulus quum exclamat: O altitudo! quàm inscrutabilia sunt iudicia eius! aliud quoddam de Iudeis fuisse Dei iudicium aperte docet: quàm quòd exprimitur Christi uerbis: Ierusalem, quoties uolui congregare pullos tuos? Et quòd filios Heli patri morigeros esse noluit, uoluntas illi à Legis præcepto differebat, quo iubet filium parentibus obsequentem esse. Denique quoties mirifica Dei consilia & profundas cogitationes prædicat, non de præceptis loquitur, quæ ante oculos patent exposita: sed potius inaccessible illam lucem commendat, in qua reconditum est consilium, quòd mentis nostræ captu altius suspicere & adorare cogimur. Dicit quispiam: Si inaccessible lux est: cur ergo accedis? Ego uerò non accedo, ut quæ procul latere uult Deus, proterua curiositate excutiam: sed quòd Scriptura pronuntiat, certa fide amplexus, reuerenter suspicio. Sed quomodo conueniet, Deum perpetuò similem esse sui, ac ne minima quidem obumbratione flexibilem: & aliud tamen uelle quàm præ se ferat? Respondeo, non esse mirum, si Deus cum hominibus loquens, ad eorum modulum se attemperet. Quis Deum in uisionibus apparuisse dicit, qualis est? Nam is est gloriæ eius fulgor, qui omnes nostros sensus nudo sui conspectu absorbeat. Se ergo manifestauit, quatenus capere homines poterant. Verum, siue nobiscum balbutit Deus, siue quòd nobis nouit incomprehensibile esse, subicit: in eius tamen sermone quicquam fictum aut simulatum esse, nego. Quod habetur in Psalmo uerissimum est: quòd Deus non sit iniquitatem psal. 5. uolens. Nec uerò illic per os Dauidis restatur aliud, quàm re ipsa quotidie probat, dum poenam de hominum peccatis sumit. Neque enim puniret, nisi odisset. Ultorem uides, approbatorẽ non esse, statuendum est: sed in eo falluntur multi, quòd Deum iustè uelle non reputant, quæ homines peccando faciunt. Quomodo inquires: Adulteria incestosque coitus abominatur. Quòd Absalom patris concubinas coram populo constuprat, an sit Deo nocetè? 1. Sam. 16. At qui, hoc se facturum ipse per seruum suum Nathan prædixerat: Tollam uxores tuas in oculis tuis: & dabo proximo tuo, qui dormiet cum illis in conspectu Solis huius. Tu fecisti occultè: ego autem coram toto populo, & coram Sole facturus sum. Eiusdem lib. 12. Plena est talibus exemplis Scriptura. An ideo uel peccati culpam Deo imputabimus, uel duplicem in eo uoluntatem fabricabimus, ut secum ipse dissideat? Verum sicuti iam ostendi, idem eum uelle cum sceleratis & improbis: sed diuerso modo: ita nunc tenendũ est, quæ in speciem diuersa sunt, eodem modo eum uelle. Ut in ista, quæ mentibus nostris occurrit, uarietate optime tem-

Enchirid.
ad Laurẽ.
cap. 100.

Rom. 11.
Matt. 23.
Luc. 23.

perata sit symphonia. Quatenus immanis aduersus patrem impietas, perfida coniugij violatio, fœda etiam ordinis naturæ profanatio est Absalomi facinus, displicere Deo certum est, cui placet honestas, pudicitia, fides, modestia, qui legitimum quem præscripsit, ordinem coli & integrum seruari vult inter homines: quia tamen illi placet, hoc modo adulterium Davidis vlisci, quæ diuersa nobis videntur, eodem modo vult. Vna enim & simplex est voluntas, qua præcipit quid fieri debeat, & qua legis suæ transgressionem vlscitur. Dictum alibi est, peccata esse pœnas, quas Deus superioribus peccatis rependit. In talibus documentis an non duo nobis consideranda sunt? iustum Dei iudicium, quo se peccatum cui pœnam irrogat, testatur odisse: & hominis malitia, quæ Dei voluntati palam aduersa est. Quod si tam immensus splendor mentis nostræ aciem præstringit: quid mirum? Ad ferendum Solis intuitum corporei oculi non sufficiunt. An vel ingenio nostro maior perspicacia: vel Dei maiestas Solis fulgore inferior? Nos ergo nimis acutos esse non conuenit: modò ne interea, quod Scriptura clarè docet, ac experientia confirmat, vel negemus verum esse, vel tanquam Deo minus consentaneum, carpere audeamus. Quum vltimus affulserit dies, inquit Augustinus, tunc in clarissima luce sapientiæ videbitur, quod nunc priorum fides habet, antequam manifesta cognitione videatur: quàm certa & immutabilis, & efficacissima sit voluntas Dei: quàm multa possit, & non velit: nihil autem velit, quod non possit.

Enchiri.
ad Laur.
cap. 95.

LAVS DEO.

OPVS CVLORVM OMNIVM IOAN-
nis Caluini, Finis.

ERRATA SIC CORRIGITO.

Prior numerus paginam: alter lineam designat.

Iob. 13. Matt. 6. Gen. 46. Ezech. 18. 2. Sam. 1. 3. Reg. 17. Iesa. 26.
pag. 2. sexaginta sex, 2. 17. εἰς τὴν αἰῶνα 13. 9. Pagina 23. ad marginem, vbi legi-
tur Gen. 9: lege Eccle. 9. exuunt: desides tantum 14. 44. immortalē esse 26. 22. φοβέσθαι
τὸν ἐκδοχὴν κρισεως 26. 31. cōfessi sunt, 30. 24. indulgētiarum 52. 25. prætēxeretur, 58.
38. indoctos 65. 44. oppugnata 81. 34. Istā quidē 81. 45. cū Paulo verē 82. 25. quæ hor-
ribili Dei 88. 27. nihilo tamē, 89. 16. patris cōspectu 89. 35. maiestātē illudi, 90. 32. po-
test intelligere 103. 33. quæ populum 113. 4. obstiterunt: 113. 29. iudicādi. 121. 7. habē-
dos pro 124. 18. Neque verō 124. 45. populum grassatus 226. 17. exceptione 227. 16.
Putāsne tantam in nostris: 227. 22. ebullierunt 128. 37. melioribus 130. 43. sollicitus
131. 7. charitatem 135. 2. erroris esse 145. 45. aut saltem eam pacare 146. 45.
spectasse 152. 30. vltro citroque 152. 42. scriptis nostris 153. 10. vitæ nouitatem 169.
39. confingere 170. 14. in optandis 186. 33. temperare 189. 23. ceperim 216. 17.
cogitur 221. 43. Desinat 222. 8. sustinemus. Satis 223. 23. emicantem 214. 45.
promissioni 214. 19. ex Clementis 239. 3. chaos de αἰῶνος 214. 12. produisse
224. 19. nonne & illuc 245. 20. πανύσσις, 226. 1. hac quoque nota 250. 14.
voluntariāne 252. 36. illud Concilium? 258. 42. opinor, 259. 10. perdidisse. Et
quod 261. 30. tolli æquitatem 262. 30. Augustinum 267. 4. dominium 269. 4. ni-
si dominium 270. 4. huic disceptationi 275. 27. pænas 275. 34. cur destrui Dei gra-
tiam 277. 27. qui sedato iam 281. 18. Augustinus? Voluntatem 285. 1. 2. aduersarii
285. 33. sibi præscribi, 287. 11. πὸντοπὸν ἐπὶ 291. 42. πὸ βία ἢ 291. 14. παρέρω
294. 24. flagellante, Deus 296. 33. Spiritum sanctum cognosce vnde 397. 9. & 10.
310. 34. nō solūm adsit 305. 29. repugnare 309. 44. Queritur enim 319. 37. vsu
abhorre 319. 43. an non valet quātum 321. 4. Quid Rex Niniæ 328. 6. hareticc,
stulte 342. 40. sed ex mala 349. 44. in pacato statu 352. 21. haresum 354. 21. reprehe-
dātur 353. 29. & idoneos 358. 35. sic desyderiis 359. 13. alteri reuelatum, 375. 23. Cōci-
lii Mātuanī 375. 36. statuēdum cōtinuo 376. 14. qui Cōcilio supra, 376. 32. si ad Cōci-
lium 378. 9. potestātē cōsecrādi. 390. 4. & vnctione 390. 30. 2. Cor. 5. ad marginē
linea secunda, pag. 391. Serenum 394. 35. tum ex Poētis 396. 17. gubernari à 377.
36. gubernatur mundus 404. 29. solum suspicere 411. 45. qua sumus vanitate, 414.
26. 27. persuasio 414. 34. eorum turpitudine, 418. 33. animum oporteat afferre, 425.
7. & 8. cōspectum 429. 20. neminem latet 431. 32. obrepserant 432. 26. aut per si-
moniam 448. 14. aliud nos tumultuando. 488. 36. & 37. qui nullā 450. 35. sic tolera-
tur 451. 37. exoriuntur multi quorum 460. 30. alioqui non mala 460. 32. restin-
guendo. 461. 20. hac principes curare 463. 29. medicinam eis in manu 467. 9. aut
suaderemus 476. 42. stultitiæ populi 491. 12. 13. aliter teneri. 500. 21. sicuti quibus
nota 500. 41. veluti mutæ 507. 43. obscuro 509. 5. nec quid negare, 515. 36. ho mi-
nem Christianum 497. 2. id eo spectat, 557. 22. in cœlis ipsis agere 560. 40. 3. reg.
22. 571. 26. ad marginem. Euangelii adhærete, 574. 43. (nam miraculosi fabricandi
581. 28. in aerem sparsos 594. 21. ac si eo 595. 34. Certo certius est colorem 630.
29. 28. in νεόφυτις 637. 11. aut præ te feras 643. 4. alii quidem 650. 22. huic quo-
que nodo 678. 32. ἀγασθα 679. 28. perseverauerint 699. 1. derogare, & non poti-
us per eam 699. 26. habetur 1. ad Corinthios decimo capite, 715. 19. sed ipsæ 718. 5.
si quis formaliter, 721. 36. fide suscepti 730. 11. non assentiatur 736. 3. impiæ tyran-
nidi 750. 9. quod adhuc 759. 12. cum nostro spiritualement potum 762. 15. normam
corrigatur 775. 48. quam proculdubio 783. 8. tumultum moveant 787. 19. hære-
ses, primo, 800. 12. exhibebant Samariæ 800. 29. sepeliri iussit 817. 26. affecto cœ-
lo, 818. 11. eadēque gravitate 827. 16. fructus in Ecclesia 828. 9. quē constat 831.
41. cui sacrosanctum 832. 45. professio: sed 835. 38. sub vexillo 839. 9. quum as-
siduæ 841. 23. cum fauis 844. 17. spoliatos vident 847. 38. Si qui mortis 860. 36.
non resonent 862. 22. paroxysmum 862. 37. schisma 862. 42. facere videbantur
872. 31.

LOCORVM OMNIVM SCRIPTVRAE

qui passim in his Caluini opusculis interpretati sunt, Index.

Numerus qui in fronte ponitur, caput indicat: duo vero posteriores, paginam & lineam.

EX GENESI.

- 1 b. Fiant luminaria in firmamento caeli, & diuidant diem ac noctem: & sint in signa & tempora &c. 805.3. & 813.15. Ibidem, Producat terra animā viuētem in genere suo. 3.26. Ibidem, Faciamus hominem ad imaginem & similitudinem nostram. 3.9. Ibidem, Masculū & feminam creauit eos. 543.43.
- 2 b. Et inspirauit in faciem eius spiraculum uitae. 3.19.
- 3 c. Inimicitias ponam inter te & mulierem: & semen tuum & semen illius: ipsum conteret caput tuum. 500.15. Ibidē d. Puluis es & in puluerem reuerteris. 19.40.
- 4 d. Tunc ceptum est inuocari nomen Domini. 841.25. & 843.31.
- 6 b. Et cuncta cogitatio cordis hominum tantum modo esset ad malum omni tempore. 383.1. Ibidem c. Dixit ad Noē: sinis vniuersae carnis venit corā me, &c. fac tibi arcā. 843.40.
- 14 d. At vero Melchisedec rex Salem proferens panem & vinum &c. 773.35. & 873.36.
- 15 b. Credidit Abraham Domino, & reputatū est illi ad iustitiam. 707.11.
- 17 a. Ut sim Deus tuus & seminis tui post te. 472.13. & 473.15. & 474.15.30. & 381.1. & 700.34.
- 21 a. Cumque vidisset Sara filium Agar Aegyptiae ludentem cum Isaac filio suo, &c. 853.37.
- 22 c. Cumque colligasset Isaac filium suum &c. Et ecce Angelus Domini de caelo clamauit, &c. Nō extēdas manum tuam super puerum &c. viditque post tergum arietem inter vepres. 11.41.
- 25 d. Qui primus egressus est, rufus erat, &c. vocatumque est nomen eius Esau. 807.14. 32 f. Et ecce vir luctabatur cum eo vsque mane. Qui cum videret, quod eum superare non posset, tetigit neruum femoris eius, & statim emarcuit. 227.43.
- 34 b. Siche filij mei adhæsit anima filiae vestrae. 2.17.
- 35 c. Egreddente autem anima præ dolore, & immimente iam morte, vocauit &c. 2.24.
- 44 c. An ignoratis, quod non sit similis mei in augurandi scientia? 314.19.
- 46 c. Omnes animae domus Iacob, quæ ingressæ sunt in Aegyptum, fuere septuaginta. 2.18.
- 48 d. Et inuocetur super eos nomen meum, nomina quoque patrum meorum Abraham & Isaac. 789.20.

EX EXODO.

- 4 f. Tulit ilico Sephora acutissimam petram, & circumcidit præputium filij sui. 800.24. & 801.
- 7 a. Sed ego indurabo cor eius. 943.4.
- 9 c. Idcirco autem posui te, vt ostendam in te fortitudinem meam. 903.23.
- 10 a. Ego sum Dominus Deus tuus, qui eduxi te de terra Aegypti &c. 170.40. Ibidem, Non facies tibi sculptile, neque omnē similitudinem

quæ est in caelo &c. Non adorabis ea, neque coles. 46.3. & 171.35. & 395.16. Ibidē, Ego sum Dominus Deus tuus, fortis, zelotes, visitans iniquitatem patrū in filios, &c. 172.30. Ibidem, b. Non assumes nomen Domini Dei tui in vanū &c. 173.39. Ibidē, Memēto, vt diem Sabbati sanctifices. Sex diebus operaberis &c. 174.30. Ibidē, c. Honora patrem tuū, & matrem tuam, vt sis longæuus super terram, quam &c. 176.40. Ibidem, Non occides. 178.4. Ibidem, Non mœchaberis. 178.25. Ibidem, Non furtum facies. 178.44. Ibidem, Non loqueris contra proximum tuum falsū testimonium. 179.20. Ibidem, Non concupisces domum proximi tui. Nec desyderabis uxorem eius. 180.3. Ibidem, c. Non loquatur Dominus nobiscum, ne forte moriamur 20.20.

- 32 b. Et fecit ex eis vitulum cōflatilem. Dixeruntque, Hi sunt dii tui Israel. 58.12. & 609.5. Ibidem, c. Recordare Abraham, Isaac & Israel seruatorum tuorum &c. 426.25. & 780.21. & 900.44.
- 34 b. Qui reddis iniquitatem Patrum filiis ac nepotibus. 901.11.

EX LEVITICO.

- 19 c. Non cōsyderes personam pauperis, nec honores vultui potentis. 900.24.

EX DEUTERONOMIO.

5. a. Ego Dominus Deus tuus, qui eduxi te de terra Aegypti &c. Horum & sequentium præceptorum expositionem quære supra Exod. 20.
5. b. Reddens iniquitatem Patrum super filios in tertiam & quartam generationem. 901.10.
8. a. Afflixit te penuria, & dedit tibi cibum Manna &c. vt ostenderet tibi quod nō in solo pane viuat homo, &c. 233.29.
- 10 c. Et nunc Israel, quid Dominus Deus tuus petit à te, nisi vt timeas Deum tuum 2903.24. Ibidē, b. & 46. En Domini Dei tui cœlū est, & cœlum cœli, terra, & omnia quæ in eis sunt: & tamen patribus tuis conglutinator est Dominus, & amauit eos, &c. 911.10. Ibidem, d. Qui personam non accipit nec munera. 911.11.
- 13 a. Si surrexerit in medio tui Propheta &c. & dixerit tibi: Eamus & sequamur Deos alienos &c. non audies verba Prophetæ illius &c. quia tenet vos Dominus Deus vester &c. 857.14.
- 18 b. Nec inueniatur in te &c. qui ariolos & sciteatur, & obseruet somnia, atque auguria &c. 819.14.
- 23 c. Non offeres mercedem pro stabulo, nec pretium canis in domo Domini Dei tui, &c. 89.32.
- 29 c. Ne sit inter vos radix germinans fel, & amaritudinem. Ibidem, Pax erit mihi &c. assumat ebria sitientem. 531.25.
- 30 c. Mandatum hoc, quod ego præcipio tibi hodie, non supra te est, neque procul positum &c. Sed iuxta te est sermo valde, in ore tuo &c. 244

INDEX.

39. & 301. 25. Ibidem, d, Testes inuoco hodie
cælum & terram, quod proposuerim vobis vi-
tam & mortem, &c. 300. 44.
32 e Nonne hæc condita sunt apud me, & signa-
ta in thesauris meis? 810. 14.

EX I O S V E.

- 24 c Auferte Deos alienos de medio vestri, & incli-
nate corda vestra ad Dominū Deū Israel 911 12.

EX I. SAMVELIS.

- 2 e, Et non audierunt vocem patris sui, quia vo-
luit Dominus occidere eos. 94 7, 1.
3 d, Et non cecidit ex omnibus verbis eius in ter-
ram. 573. 21.
16 e, Et exagitabat eum spiritus nequam à Do-
mino. 943, 22.
18 a, Anima Ionathæ conglutinata est animæ Da-
uid. 2.

EX II. SAMVELIS.

- 1 b, Tenent me angustiae, & adhuc tota anima
mea in me est. 2, 20.
6 a, Postquam autem venerunt ad aream Nachon
extendit Oza manum ad arcā Dei &c. iratus-
que est indignatione Dominus contra Ozā &c.
369, 19.
12 c, Et tollam vxores tuas in oculis tuis, & dabo
proximo tuo. 94 7, 39.
16 b, Dimitte eum vt maledicat: Dominus enim
præcepit ei, vt malediceret Dauid &c. 529, 4.
& 946, 18.
24 a, Et addidit furor Domini irasci contra Is-
rael. 531, 6, & 943, 20.

EX I. REGVM.

- 4 e, Et disputauit super lignis, à Cedro, quæ est in
Libano, vsque ad hyssopum. 563, 25.
12 g, Et excogitato consilio fecit duos vitulos au-
reos, & dixit eis, Nolite vltra ascendere in Ieru-
salem. Ecce Dñi tui Israel &c. 58, 22, & 609, 11.
17 d, Reuertatur, obsecro, anima pueri huius in vi-
scera eius. 2, 23.
19 d, Et derelinquam mihi in Israel septem mil-
lia virorum, quorum genua non sunt incurua-
ta ante Baal, & omne os quod non adorauit
eum, &c. 46, 12, & 607, 23.
22 b, Ascende, & vade prospere: & tradet Dominus
in manus regis. 571, 31. Ibidem, Nunc igitur
ecce dedit Dominus spiritum mendacii, in ore
omnium prophetarum tuorum. 571, 26.

EX II. REGVM.

- 5 e, Quando ingreditur Dominus meus tem-
plum Remon, vt adoret: & illo innitente super
manum meam, si adorauero &c. vt ignoscat mi-
hi Dominus seruo tuo 63, 28, & 613, 28, & 639, 1,
29, & 646, 14.

EX I. PARALIPOMENON.

- 15 d, Michol filia Saul prospiciens per fenestram,

- vidit regem David saltantem &c. 753, 9.
22 d, Præbete igitur corda vestra, & animas ve-
stras vt queratis Dominum. 341, 3.

EX II. PARALIPOMENON.

- 12 d, Fecitque malum, & non præparauit cor suum
vt quæreretur Dominum. 340, 26.
15 c, Iuraueruntque Domino voce magna in iu-
bilo, & in clangore tubæ &c. 498, 30.
26 c, Iratusque Ozias, & tenens in manu thuribu-
lum vt adoleret incensum, minabatur sacerdoti-
bus. Statimque orta est lepra &c. 370, 23.
30 b, Nolite indurare ceruices vestras sicut patres
vestri. 341, 4.

EX LIBRO IOB.

- 1 c, d, Ecce vniuersa quæ habet in manu tua sunt,
&c. Dominus dedit, Dominus abstulit: sicut Do-
mino placuit ita factum est. 528, 18, 40.
3 b, Quare non in vulua mortuus sum? &c. Nunc
enim dormiens silerem &c. Ibidem, Impii
cessauerunt à tumultu &c. 37, 41.
4 d, Ecce qui seruauit ei, nō sunt stabiles, & in An-
gelis suis reperit prauitatem. 570, 27. Ibidem, Quā-
to magis hi qui habitant domos luteas. 4. 20.
7 b, Memento, quia ventus est vita mea, & non
reuertetur oculus meus, vt videat bona &c. Si-
cut consumitur nubes, & petra fit: sic qui de-
scenderit ad inferos, non ascendet. 38, 27.
10 b, Memento quod sicut lutum feceris me, & in
puluerē reduces me. 20, 4. Ibidem, d, Dimitte
ergo me, vt plangā paululum dolorem meum,
antequam vadam, & non reuertar ad terram te-
nebrofam. 37, 24.
13 b, Quare lacerō carnes meas dentibus meis,
& animam meam portō in manibus meis? 22.
14 b, Lignum habet spem &c. Homo vero vbi mor-
tuus fuerit & nudatus, atque consumprus, vbi
quæ sit? 22, 4.
17 a, d, Solum mihi superest sepulchrum &c. In
profundissimum infernum descendent omnia
mea. 38, 38.

EX PSALMIS.

- 1 Et in lege eius meditabitur die ac nocte. 563,
32.
2 Qui habitat in cælis irridebit eos, & Domi-
nus subsannabit eos. 517, 16. Ibidem, Et nūc re-
ges intelligite, erudimini qui iudicatis terram.
487, 20.
5 Mane astabo tibi & videbo. Quoniam non
Deus volens iniquitatē tu es. 916, 19, & 947, 33.
9 Desyderium pauperum exaudiuit Dominus,
præparationem cordis eorum audiuit auris tua
340, 17.
16 Satiabor, cum euigilauero, aspectu vultus tui.
10, 23.
18 Lex Domini immaculata conuertens animas.
908, 45. Ibidem, Testimonium Domini fide-
le, sapientiam præstans paruulis. 245, 39.
21 Ego autem sum vermis, & non homo, oppro-
brium hominum &c. 503, 29.
29 Domine, eduxisti ab inferno animam meam
&c. 34, 9. Ibidem, Quæ utilitas in sanguine meo

INDEX.

meo, quum descendero, &c. Nunquid confitebitur tibi pulvis, aut annuntiabit veritatem tuam? 33, 33. & 34, 39.

31 Beatus vir, cui non imputauit Dominus peccatum &c. 727, 30.

34 Dic animæ meæ, salus tua ego sum. 2, 14.

36 Iustitia tua sicut montes tui, iudicia tua abyssus multa. 914, 13.

38 Remitte mihi, vt refrigerer priusquam abeam, & amplius non ero. 37, 23.

50 Sacrificiū Deo, spiritus cōtribulatus: cor cōtritū & humiliatū, &c. 313, 38. ibidē, Vt iustificeris in sermonibus tuis, & vincas cum iudicaris. 911, 19.

68 Quoniam zelus domus tuæ comedit me. 606, 40. 12. 72. Vt iumentū factus sum apud te, & ego semper tecum 917, 17.

77 Et recordatus est, quia caro sunt: spiritus vadens & non rediens. 32, 1.

81 Ego dixi, dii esis: & filii excelsi omnes. 31, 16. & 374, 37.

83 Quam dilecta tabernacula tua, Domine virtutum, &c. 634, 17, & 641, 45.

87 Quia repleta est malis anima mea &c. Aestimatus sum cum descendantibus in lacū, &c. sicut vulnerati dormientes in sepulchris, quorum non es memor amplius: & ipsi de manu tua abscessi sunt. 33, 14.

101 Opera manuum tuarum sunt cœli. Ipsi peribunt; tu autem permanes &c. filii seruatorum tuorum habitabunt &c. 39, 2. 102. & 103 Benedic anima mea Domino. 2, 13.

111 Peccator videbit & irascetur, &c. desiderii peccatorum peribit. 31, 41.

113 Non mortui laudabunt te Domine &c. sed nos qui viuimus. 33, 29, & 36, 6.

118 Inclina cor meum in testimonia tua &c. 343, 11.

118 nun. Lucerna pedibus meis verbum tuum, & lumen semitis meis. 245, 38. ibidem, Anima mea in manibus meis semper. 2, 1.

142 Quia non iustificabitur in conspectu tuo omnis viuens. 573, 33.

144 Suauis Dominus vniuersis: & miserationes eius super omnia opera eius. 318, 28.

144 Prope est Dominus omnibus inuocantibus eum in veritate. 184, 10.

145 Exibit spiritus eius, & reuertetur in terrā suā: in illa die peribūt omnes cogitationes eorū. 31, 31.

EX PROVERBIIS.

4 c, Iustorum semita, quasi lux splendens, procedit, & crescit vsque ad perfectam diem. 14, 39.

16 a, Homini est animam præparare, & Domini gubernare linguam. 340, 10. ibidem. Vniuersa propter seipsum operatus est Dominus, 76, 10. ibidem, Impium quoque ad diem malum. 905, 1. ibidem, b, Cor hominis disponit viam suam, sed Domini est dirigere gressus eius. 235, 30. ibidem, d, Sortes mittuntur in sinum, sed à Domino temperantur. 528, 1.

21 a, Cor Regis in manu Domini: quocunque voluerit, inclinabit illud. 943, 2.

25 d, Qui scrutatur scrutator est maiestatis, operatur à gloria. 532, 1.

28 b, Beatus homo, qui semper est pauidus. 537, 19,

EX ECCLESIASTE.

3 c, Dixi in corde meo de filiis hominum, vt probaret eos Deus, & ostenderet similes esse beatis. Idcirco vnus intentus est hominis & iumentorum, &c. 23, 11.

9. a, Et tamen nescit homo, vtum amore, aut odio dignus sit. 23, 34.

12 c, Et reuertatur pulvis in terram suā vnde erat, & spiritus redeat ad Deū, qui dedit illū. 548, 26

EX LIB. SAPIENTIAE.

11 d, Diligis enim omnia quæ sunt, & nihil odisti eorum quæ fecisti. 81.

15 b, Sed & figulus mollem terram premens, laboriose fingit, &c. horum autem vasorum quis sit vsus, iudex est figulus, &c. Et post putillum reducit se vnde acceptus est. 899, 16.

EX ECCLESIASTICO.

12 c, Et reuertatur pulvis in terram suam, vnde erat, & spiritus redeat ad Deū, qui dedit illū. 7. 7.

17 a, Deus creauit de terra hominem, & secundum imaginem suam fecit illum. 4, 6. ibidem A mortuo quasi nihil, perit confessio. Confiteberis viuens. 33, 38. & 36, 44.

18 c. Ne veteris vsque ad mortē iustificari. 711, 10.

27 a, Vasa figuli probat fornax & homines iustos tentatio tribulationis, 899, 27.

EX ISAIA:

2 a, Et conflabunt gladios suos in vomeres, & lanceas suas in falces. 484, 36.

5 g, Et eleuabit signum in nationibus procul, & tubilabit ad eos de finibus terræ &c. 528, 28.

6 c, Vade, & dices populo huic: Audite audientes, & nolite intelligere, &c. Excaeca cor populi huius, & aures eius aggraua, & oculos eius claudet, ne forte videat oculus suus, & auribus suis audiat, &c. 901, 20, & 932, 5.

7 c, Ecce virgo concipiet, & pariet filium: & vocabitur nomen eius Immanuel 502 4.

8 c, Ne dicatis coniuratio, 407. 18. Ibidem, d. Nunquid non populus à Deo suo requirit visionem, &c. Ad legem, & ad testimonium, 245. 18. & 381, 24.

9 b, Paruulus enim natus est nobis &c. & vocabitur nomen eius admirabilis &c. pater futuri seculi, 16, 40.

10 a, Vae Assur virga furoris mei, &c. 236, 16. Ibidem d, Nunquid gloriabitur securis cōtra eum, qui secat in ea: aut exaltabitur serra contra eum à quo trahitur? 241, 37, & 236, 16.

19 b Vbi nunc sunt sapientes tui? Annuntient, & indicent tibi, &c. 811, 12.

26 a Vrbs fortitudinis nostræ saluator, ponetur in ea murus & antemurale, 665, 41.

26 b Anima mea desiderauit te in nocte: sed & in spiritu meo intra me vigilabo ad te, 234.

26 c Domine dabis pacem nobis: omnia enim opera, &c. 8, 38.

26 d Concepimus, & quasi parturiuimus, & peperimus spiritum, 227.

I N D E X.

- 30 g Præparata est enim ab heri gehenna , 16, 45.
 32 d Et sedebit populus meus in pulchritudine pacis, &c. 8, 36.
 38 d Quia non infernus confitebitur tibi, neque mors laudabit te &c. Viues viues ipse confitebitur tibi, 33, 35. & 34, 39. & 35, 39. Ibidem, Et iussit Isaias vt tollerent massam de ficis , & cataplasma-
 rent super vulnus eius, & sanaretur, 563, 16.
 41 f Vt sciamus , quia Dii estis vos, bene quoque aut male, si potestis, facite &c. 568, 6.
 44 d Ego sum Dominus faciens omnia , &c. irrita faciens signa diuinorum, &c. 811, 33. & 813, 2.
 45 b Ego Dominus, & non est alter, faciens lucem, & creans tenebras; faciens pacem & creans malum, 569, 6, & 52, 7, 44.
 45 d Non in abscondito locutus sum in loco terræ tenebroso, Non dixi semini Iacob frustra, quærent me, 245, 7. Ibidem, Mihi curuabitur omne genu, & orabit omnis lingua, 46, 16, & 60, 7, 33.
 47 d Stent & saluent te augures cœli, qui contemplabantur sydera , & supputabant menses, &c. 811, 24.
 52 d Exite inde, pollutū nolite tangere &c. 46, 40.
 53 a Et vidimus eum, & non erat aspectus , &c. de-
 spectum & nouissimum virorum &c. & nos reputauimus eum quasi leprosum , 503, 31. Ibidem, Domine, quis credidit audiri nostro, 907, 3. Ibidem b Satisfactio pacis nostræ super eum: & liuore eius sanati sumus, 717, 38.
 54 c. Et erunt omnes docti à Deo, 391, 37.
 55 b Derelinquat impius viam suam, &c. & Dominus miserebitur eius, 316, 19.
 57 a Veniat pax: requiescat in cubili suo &c. 9, 2.
 58 b Ecce in die ieiunij vestri inuenitur voluntas vestra. 343, 2.
 62 b Super muros tuos, Ierusalem , constitui custodes: tota die & tota nocte perpetuo non tacebunt, 72, 40.
 65 a Inuentus sum à non quærentibus me, 313, 12.
 66 a Ad quem autē respiciam, nisi ad pauperculum & contritum spiritu, 313, 37.

E X I E R E M I A.

- 3 d Reuertere auer(s)atrix Israel, ait Dominus . Et non auertam faciem meam à vobis. Ibidem Conuertimini filij reuertentes , & sanabo mer-
 siones vestras, 325, 19.
 10 a Et à signis cœli nolite metuerè , quæ timent gentes &c. 812, 1, 40, & 813, 6. Ibidem d Scio Domine, quia non est hominis via eius: nec viri est vt amblet, 567, 45.
 11 d Mittamus lignum in panem eius, 774, 28.
 15 d Si conuerteris, conuertam te : & ante faciem meam stabis, 327, 4.
 18 a Nunquid sicut figulus iste, nō potero, vobis fa-
 cere, domus Israel? 570, 18.
 18 c, Venite & cogitemus contra Icremiam cogi-
 tationes &c. 455, 23.
 31 d Conuertere me & conuertar, quia tu Dominus Deus meus, 314, 7, & 702, 2. Ibidem f, Dabo legem meam in visceribus eorum, & in corde eorum scribam eam, 320, 34, & 701, 13.
 32 d Qui facis misericordiam in milibus, & red-
 dis iniquitatē patrum in sinum filiorum , 901, 11. Ibidem, g Timorem meum dabo in corde eorum, vt non recedant à me, 343, 1, & 701, 32.

Thren. 3, e, Scrutemur vias nostras, & quæramus, & reuertamur ad Dominum : leuemus corda &c. 339, 17.

E X B A R V C H.

- 6 a, Visa itaque turba de retro, & ab ante, adoran-
 tes dicite in cordibus vestris, Te oportet adora-
 ri Domine, 64, 31. & 614, 34. & 646, 37.

E X E Z E C H I E L E.

- 1 g, Velut aspectum arcus , cum fuerit in nube in die pluuie, 9, 6.
 13 b, In concilio populi mei non erunt , & in scri-
 ptura domus Israel non scribentur, 931, 7.
 16 g, Et recordabor ego pacti mei tecū in diebus adolescentiæ tuæ &c. & recordaberis viarū tua-
 rum, & confunderis &c. 339, 36.
 18 e, Filius non portabit iniquitatem patris, 901, 12, 930, 96. Ibidem f, Si autem auerterit se iustus à iustitia sua &c. nunquid viuet: Omnes iustitiæ eius &c. non recordabuntur, 920, 21. Ibidem g, Quia nolo mortem morientis , dicit Domi-
 nus Deus: Reuertimini & viuite, 317, 16, & 908, 4
 33 c, Iniquitates nostræ, & peccata nostra super nos sunt : & in ipsis tabescemus, 327, 26. Ibidem e, Viuo ego, dixit Dominus Deus, nolo mortem impii, 928, & 4, 931, 39.
 34 c, Ecce ego ipse super pastores requiram gre-
 gem meum, &c. 370, 25.
 36 f, Auferam cor lapideum de carne vestra, & da-
 bo vobis cor carneum, 315, 11. & 320, 12, & 321, 44 & 383, 2.
 37 c, Hæc dicit Dominus Deus: A quatuor ventis veni spiritus: & insuffla super interfectos istos, 19, 11.

E X D A N I E L E.

- 1 a, Et ait rex Asphenez præposito &c. vt introdu-
 ceret de filiis Israel &c. in quibus nulla esset ma-
 cula &c. vt doceret eos literas & linguam Chal-
 dæorum &c. 314, 39.
 2 d, Mysterium, quod rex interrogat, sapientes &c.
 nequeunt indicare regi: sed est Deus in cœlo,
 reuelans mysteria &c. 311, 37.
 3 b, Notum sit tibi, Rex, quia deos tuos non coli-
 mus, & statuam auream, quam erexisti, non ado-
 ramus. Et iussit vt ligatis pedibus &c. mitteret
 eos in fornacem ignis ardentis, 46, 24.
 6 c, Igitur Daniel superabat omnes principes &c.
 & fenestris apertis in cœnaculo suo contra Ie-
 rusalem tribus temporibus in die flectebat ge-
 nua sua, 47, 12.

E X O S E A.

- 2 d, Et erit in die illa exaudiam , dicit Dominus,
 exaudiam cœlos & illi exaudient terram. Et
 terra exaudiet triticum, &c. 233, 20.
 13 c, Perditio tua Israel, tantummodo in me auxi-
 lium tuum, 289, 23. & 290, 3.

E X A M O S.

- 3 b, Si erit malum in ciuitate, quod Dominus non
 fecerit:

INDEX.

fecerit, 569, 9.

EX IONA.

- 3 b, Adhuc quadraginta dies, & Niniue subuertetur. Ibidem, Et vidit Deus opera eorum, &c. & misertus est Deus, 908, 9. Ibidem d, Et conuertatur vir à via sua mala, & ab iniquitate quæ est in manibus eorum, 328, 7.

EX MICHEA.

- 6 c, Tu seminabis, & non metes, 233, 17.

EX ZACHARIA.

- 5 a, Ecce ego video volumen volans &c. Hæc est maledictio, quæ egreditur super faciem omnis terræ: quia omnis fur, sicut ibi scriptum est, iudicabitur: & omnis iurans, &c. 62, 40. & 618, 12.

EX MALACHIA.

- 1 a, Dilexi Iacob: Esau autem odio habui, 894, 31. Ibidem c, In omni loco offeretur nomini meo inter gentes oblatio munda; 774, 8.
2 b, Nunquid non pater vnus omnium nostrum? 318, 25.

EX MATTHÆO.

- 1 a, Liber generationis Iesu Christi filii David, filii Abraham, &c. 500, 27.
2 a, Vidimus enim stellam eius in Oriente &c. ibidem b, Et ecce stella, quam viderant in Oriente, antecedebat eos, vsque dum &c. 815, 25.
3 a, Parate viam Domini, rectas facite semitas eius, 836, 23. ibidem c, Et permundabit aream suam: & congregabit triticum in horreum suum: paleas autem, &c. 860, 8. ibidem, Cuius ventilabrum in manu sua, & permundabit aream suam, 477, 29.
4 a, Tunc Iesus ductus est in desertum à spiritu, ut tentaretur à Diabolo &c. Ibidem b, Et ecce Angeli accesserunt, & ministrabant ei. 840, 32. Ibidem, Et cum ieiunasset quadraginta diebus & quadraginta noctibus, postea esuriuit, 785, 5, & 870, 37. Ibidem a, Non in solo pane vivit homo, sed in omni verbo quod procedit de ore Dei. 939, 28. Ibidem b, Non tentabis Dominum Deum tuum, 564, 4.
5 a, Beati qui persecutionem patiuntur propter iustitiam, &c. 838, 39. Ibidem, Qui ergo soluerit vnum de mandatis istis minimis, & docuerit sic homines, minimus vocabitur in regno cælorum, 62, 27, & 617, 39. Ibidem c d e f, Audistis quia dictum est antiquis, &c. 486, 35. Ibidem e, Ego autem dico vobis, non iurare omnino, neque per cælum &c. 494, 30, & 495, 18. Ibidem f, Sit autem sermo vester, est est, non non, 496, 14. Ibidem, Et qui dimissam duxerit, adulterat, 771, 43.
6 b, Sic ergo vos orabit, Pater noster qui es in cælis &c. 186, 13. Ibidem, Sanctificetur nomen tuum, 187, 42. Adueniat regnum tuum, 188, 7, & 153, 36. Fiat voluntas tua sicut in cælo &c, 188, 25. Panem nostrum quotidianum da nobis hodie, 189, 4. Et dimitte nobis debita nostra, sicut & nos &c. 189, 42. & 538, 10. & 573, 40. Et ne nos inducas in tentationem: sed libera nos &c. 190, 40.
6 d, Nonne anima plus est quàm efca? 23.
7 a, Nolite iudicare, & non iudicabimini, 533, 5. Ibidem a, Hypocrita, eue primum trabem de oculo tuo, & tunc videbis eicere festucam &c, 533, 30.
10 b, Estote ergo prudentes sicut serpentes, & simplices sicut columbæ, 518, 26. Ibidem c, Tradet autem frater fratrem in mortem, & pater filium &c. 852, 45. Ibidem d, Qui autem negaverit me coram hominibus, negabo & eum coram patre meo &c, 635, 34. Ibidem, Vestri autem & capilli capitis numerati sunt, 937, 33.
11 a, Beatus est, qui non fuerit scandalizatus in me, 831, 15. Ibidem c, Væ tibi Corozaim, væ tibi Bethsaida: quia si in Tyro & Sidone factæ esset hæc virtutes, &c. 328, 31.
12 c, Qui autem dixerit verbum contra spiritum sanctum, non remittetur ei &c. 482, 35. Ibidem, Siquidem ex fructu arbor agnoscitur, 533, 27.
12 d, Sicut enim fuit Ionas in ventre ceti tribus diebus & tribus noctibus &c. 1137.
13 a, Qui habet aures audiendi, audiat, 518, 18. ibidem b, Quia vobis datum est nosse mysteria regni cælorum: illis autem non est datum &c. ideo in parabolis loquor eis &c. 517, 25, & 902, 19. ibidem c, Qui autem super petrosa seminatus est, hic est qui verbum audit &c. Facta autem tribulatione &c. propter verbum, continuo scandalizatur. ibidem. Qui autem seminatus est in spinis, hic est qui verbum Dei audit, & sollicitudo seculi istius &c. suffocat verbum, 838, 33. ibidem d, Simile factum est regnum cælorum homini, qui seminavit bonum semen in agro suo, &c. venit inimicus eius, & superfeminavit zizania, 855, 40. ibidem g, Simile est regnum cælorum sagenæ missæ in mare, & ex omni genere piscium congreganti, &c. 477, 3.
15 b, Omnis plantatio, quam non plantauit pater meus cælestis, eradicabitur, 931, 14.
16 c, Et quodcunque ligaueris super terram, erit ligatum & in cælis &c. 750, 12.
17 a, Et ecce apparuerunt illis Moyses & Helias cum eo loquentes, 553, 15.
18 b, Si autem peccauerit in te frater tuus, vade, & corripe eum inter te & ipsum solum &c. 481, 42.
19 b, Non omnes capiunt verbum istud: sed quibus datum est, 405, 25. Ibidem c, Si vis ad vitam ingredi, serua mandata, 705, & 706. ibidem, Si vis perfectus esse, vade, vende omnia quæ habes, & da pauperibus, 545, 25.
21 b, Et videns fici arborem &c. & ait illi, Nunquam ex te fructus nascatur, 570, 39.
22 c, Ego sum Deus Abraham &c. Non est Deus mortuorum, 15, 9. ibidem d, Diliges Dominum Deum tuum ex toto corde tuo, &c. Hoc est maximum & primum mandatum. Secundum autem simile est huic, Diliges proximum tuum sicut te ipsum, 180, 31.
23 Ierusalem &c. Quoties volui congregare

INDEX

- filios tuos, &c. & noluit, 900, 1.
- 24 b, Et multi Pseudoprophetae surgent, & seducet multos, 246, 42. ibidem, Si ergo dixerint vobis, Ecce in deserto est: Nolite exire, 247, 6. ibidem c, Vbiunque fuerit corpus, illuc congregabuntur & aquilae, 247, 31, & 874, 34. ibidem. Et congregabunt electos à quatuor ventis, à summis coelorum usque ad terminos eorum, 934, 3. ibidem d, Sicut autem in diebus Noe, ita erit & aduentus filii hominis, 864, 20.
- 25 b, Sicut enim homo peregre proficiscens, vocauit seruos &c. & vni dedit quinque talenta &c. Euge serue bone & fidelis &c, super multa te constituam, 346, 25. ibidem c, Venite benedicti patris mei, possidete paratum vobis regnum à constitutione mundi, 24, 24, & 25.
- 26 c. & Mar. 14 c. Et ait, accipite, comedite. Hoc est corpus meum. Et accipiens calicem, gratias egit: & dedit illis dicens, Bibite ex hoc omnes. Hic est enim sanguis meus novi testamenti, 133, 5, & 14230, & 199, 27, & 209, 42, & 387, 9, & 389, 7, & 391, 9, & 41740, & 762, 40. ibidem g, Tunc coepit de stari, & iurare quia non nouisset hominem, 567, 13.
- b, Et non respondit ei ad vllum verbum, ita ut miraretur praesens vehementer. 643, 14. ibidem.
- 27 d f, Et monumenta aperta sunt: & multa corpora sanctorum, qui dormierant, surrexerunt. 840, 35.
- 28 d, Eunt ergo docete omnes gentes, baptizantes eos in nomine Patris & Filii & Spiritus sancti. 471, 33, & 472, 30. ibidem. Et ecce, ego vobiscum sum omnibus diebus, usque ad consummationem seculi. 164, 2.

EX MARCO.

- 1 a, Parate viam Domini: rectas facite semitas eius, 836, 23. ibidem b, Et statim Spiritus expulit eum in desertum, &c. & tentabatur à Sathana, &c. & Angeli ministrabant illi, 840, 32.
- 6 b, Et exeuntes praedicabant, &c. & ungebant oleo multos aegros, & sanabantur, 391, 10, & 766, 4.
- 10 c, Vnum tibi deest: vade: quaecunque habes, vende, 545, 25.
- 11 b, Cumque vidisset à longe sicum, &c. Et respondens, dixit ei: Iam non amplius in aeternum ex te fructum, &c. 570.
- 12 c, Ego sum Deus Abraham, &c. Non est Deus mortuorum. 15, 9.
- 13 d, Et congregabit electos suos à quatuor ventis, 934, 31.
- 15 c, Et hora nona exclamauit Iesus voce magna, &c. Deus meus, Deus meus, ut quid dereliquisti me? 162, 15.
- 16 d, Qui crediderit & baptizatus fuerit, saluus erit, 471, 35. & 472, 30.

EX LVCA.

- 1 c, Ecce concipies in utero, & paries filium: & vocabis nomen eius Iesum, 158, 1. ibidem d, Spiritus sanctus superueniet in te, & virtus Altissimi obuiabit tibi, 503, 10. ibidem e, Magnificat anima mea Dominum, 2, 15. ibidem, Dispersit superbos mente cordis sui, 31, 43.
- 2 b, Inuenietis infantem pannis inuolutum, &c.

- Et subito facta est cum Angelo multitudo militum coelestis, &c. 840, 30. ibidem d, Secundum Legem Moysi tulerunt illum in Ierusalem, ut sisterent eum Domino, &c. 479, 23.
- 3 c, Interrogabant autem eum & milites, &c. & ait illis: Neminem concutiat, &c. 485, 13. ibidem d, Et purgabit aream suam: & congregabit triticum in horreum suum: paleas autem, &c. 360, 8.
- 6 d, Beati eritis, cum vos oderint homines, &c. propter Filium hominis, 838, 39.
- 7 c, Beatus est, quicumque non fuerit scandalizatus in me, 831, 15.
- 8 a, Qui habet aures audiendi, audiat, 902, 32. ibidem b, Caeteris autem in parabolis, ut videntes non videant, 902, 21.
- 9 c, Nam qui me erubuerit, & meos sermones, hunc Filius hominis erubescet, cum venerit in maiestate sua, &c. 44, 21, & 606, 17. ibidem, Si quis vult post me venire, &c. & tollat crucem suam quotidie, 38, 39.
- 11 a, Cum oratis, dicite: Pater sanctificetur nomen tuum, &c. Horum & sequentium expositionem quaere supra Matth. 6. ibidem c, Cum foras armatus custodit atrium suum: in pace sunt ea quae possidet, 852, 40.
- 12 c, Homo, quis me constituit iudicem aut diuisorem super vos? 490, 33. ibidem, Stulte, hac nocte animam tuam repetunt à te, 2, 3.
- 14 f, Et qui non baiulat crucem suam, &c. non potest meus esse discipulus, 838, 39.
- 16 e, Homo quidam erat diues, qui induebatur purpura & bysso, &c. Et erat quidam medicus nomine Lazarus, &c. 7 & 8.
- 17 f, Et sicut factum est in diebus Noe: ita erit & in diebus Filii hominis, 864, 20.
- 18 d, & Mar. 10, Vade, vende omnia quae habes, 752, 39.
- 21 e, Et erunt signa in sole & luna & stellis, 815, 4. ibidem g, Vigilate itaque, omni tempore orantes, ut digni habeamini, &c. 920, 31.
- 22 c, Reges gentium dominantur eorum, &c. vos autem non sic, &c. 491, 22. ibidem d, Ego autem rogavi pro te, ut non deficiat fides tua. 283, 20. ibidem e, Apparuit autem illi Angelus de caelo, &c. & factus est sudor eius sicut guttae sanguinis, &c. 840, 32.
- 23 f, Et tenebrae factae sunt, &c. & obscuratus est sol, 840, 35. ibidem, Amen dico tibi, hodie mecum eris in paradiso, 16, 12, & 17, 33.

EX IOANNE.

- 1 b, Quotquot autem receperunt eum, dedit eis potestatem filios Dei fieri, 895, 18. ibidem, Dedit eis potestatem fieri filios Dei, his qui credunt in nomine eius, 918, 20. ibidem, Et verbum caro factum est, &c. & vidimus gloriam eius, &c. 836, 3. ibidem c, Et testimonium perhibuit Ioannes, dicens: Quia vidi Spiritum descendentem quasi columbam de caelo, 133, 33.
- 3 a, Erat autem homo ex Phariseis, Nicodemus nomine, &c. Hic venit ad Iesum nocte, 632, 14. ibidem, Amen, amen dico tibi, nisi quis renatus fuerit denuo, non potest videre regnum Dei, 205, 35, & 700. ibidem, Quod natum est ex carne,

INDEX.

- ne, caro est, 303, 12. Ibidē & cap. 6, Quisquis audiuit à Patre meo, venit ad me, 702, 28. & 749, 4. Ibidem c, Hoc est autem iudicium: quia lux venit in mundum, 669, 37. Ibidem, Et dilexerunt homines magis tenebras quàm lucem: erant enim eorum mala opera, 837, 42.
- 4 b, Domine, neque in quo haurias habes, & puteus altus est, &c. Ibidē, Donunc, da mihi hanc aquam, vt non sitiam, &c. Ibidem, Et nunc quē habes, non est tuus vir, &c. Dicit ei mulier: Domine, video quia Propheta es tu, 836, 37. Ibidē c, Vos adoratis quod nescitis: nos adoramus quod scimus: quia salus ex Iudæis est, 479, 45. Ibidem, Venit hora & nunc est, quando veri adoratores adorabunt Patrem in spiritu & veritate, 395, 14. & 412, 14. Ibidem, Scio quia Messias venit, qui dicitur Christus: cum ergo venerit, ille annuntiabit vobis omnia, 399, 20.
- 5 c, Sicut enim Pater habet vitam in semetipso, sic dedit & Filio habere vitam in semetipso 10, 40.
- 6 b, Iesus ergo cum cognouisset quia venturi essent vt raperent eum, & facerent Regem, fugit iterum in montem, &c. 490, 45. Ibidem d, Omne quod dat mihi Pater, ad me venit: & eum qui venit ad me, non euiciam foras, 891, 15. Ibidem e, Nemo potest venire ad me, nisi Pater, qui misit me, traxerit eum, 282, 37. & 305, 2. & 891, 29. Ibidem, Omnis qui audiuit à Patre & didicit, venit ad me, 345, 26. Ibidem g, Verba quæ locutus sum vobis, spiritus & vita sunt, 521, 2.
- 7 b, Me autem odit: quia ego testimonium perhibeo de illo, quod opera eius mala sunt, 837, 42. Ibidem g, Dixit Nicodemus ad eos, &c. Nunquid Lex nostra iudicat hominem, &c. 632, 42.
- 8 a b, Qui sine peccato est vestrum, primus in illam lapidem mittat, &c. Dixit autem Iesus: Nec ego te condemno, 489, 10. Ibidem c, Vnum Patrem habemus Deum, 318, 23. Ibidem f, Ille homicida erat ab initio, & in veritate non stetit, &c. 569, 15. Ibidem, Cum loquitur mendacium, ex propriis loquitur: quia mendax est, & pater eius, 507, 22. Ibidem g, Abraham pater vester exultauit, vt videret diem meum: & vidit, & gauisus est, 915.
- 10 c, Pater meus, qui dedit mihi, maior omnibus est 714, 22. & 892, 31. Ibidem f, Nonne scriptum est in Lege vestra? Ego dixi: Dii estis. Si illos dixit Deos, &c. 488, 4.
- 11 c, Omnis qui viuut & credit in me, non morietur in æternum, 13, 5. Ibidem, Qui sermonem meum seruauerit, mortem non videbit in æternum, 13, 11.
- 12 f, Cum tanta signa fecisset coram eis, non credentibus in eum, vt sermo Isaïæ impleretur, 902, 3.
- 14 b, Pater autem in me manens, ipse facit opera, 571. Ibidem c, Qui habet mandata mea, & seruat ea: ille est qui diligit me, 712, 28. Ibidem d, Paracletus autem Spiritus sanctus, &c. ille vos docebit omnia, & suggeret vobis omnia quæcunque dixi vobis, 520, 9.
- 15 a, Ego sum vitis vera, vos palmites: qui manet in me, &c. 343, 37.
- 16 a, Ex Synagoga suis vos euicent, 401, 21.
- 18 a b, Vt ergo dixit eis: Ego sum, abierunt retror-

sum, &c. & ministri Iudæorum, qui secuti erant Iesum, & ligauerunt eum. Ibidem g, Regnum meum non est de hoc mundo, 840, 9.

- 19 g, Venit autem & Nicodemus, qui venerat ad Iesum nocte primum, &c. 632, 19.
- 20 b, Venit ergo Simon Petrus, &c. & vidit linteamina posita, & sudarium quod fuerat super caput eius, &c. 588, 23. Ibidem f, Accipite Spiritum sanctum: quorum remiseritis peccata, remittentur eis, &c. 716, 2.
- 21 c, Dicit ei: Pasce oues meas, 79, 44.

EX ACTIS APOSTOLORUM.

- 1 d, Et orantes, dixerunt, &c. de quo præuaticatus est Iudas, vt abiret in locum suum, &c. 931, 5.
- 2 d, Iesum Nazarenū, &c. interemistis, quem Deus suscitauit, solutis doloribus mortis, 162, 6. Ibidem, Hunc definito consilio & præscientia Dei, tradidit, &c. interemistis. 721. Ibidem. Quem Deus suscitauit, solutis doloribus mortis, iuxta quod impossibile erat teneri illum ab ea, 11, 23. Ibidem f, Petrus autem ad illos: Pœnitentiam, inquit, agite, & baptizetur vnusquisque vestrum, &c. 473, 1.
- 4 g, Nec quisquam eorum quæ possidebat, aliquid suum esse dicebat, sed erant illis omnia communia, &c. 545. Ibidem, Quotquot enim possessores agrorum, aut domorum erant, vendentes, afferebant pretia eorum, &c. 646, 24.
- 7 c, Et eruditus est Moyses in omni sapientia Aegyptiorum, 814, 29.
- 8 c, Tunc imponebant manus super illos, & accipiebant Spiritum sanctum, 763, 33. & 764, 34. & 391, 10. Ibidem g, Et ait Eunuchus: Ecce aqua, quid prohibet me baptizari? Dixit autem Philippus: Si credis ex toto corde, licet, 473, 2.
- 9 a, Saule, Saule, quid me persequeris, &c. 326, 3. Ibidem f, in Ioppe autem fuit quædam discipula, nomine Tabitha, &c. Factum est, &c. vt infirmata moreretur, &c. Petrus ponens genua orauit, &c. assignauit eam viuam, 303, 31.
- 10 c, in veritate comperio, quia non est personarum acceptor Deus: sed in omni gente qui timet eum, & operatur iustitiam, acceptus est illi, 911, 21.
- 11 c, Ioannes quidem baptizauit aqua: vos autem baptizabimini Spiritu sancto, 475, 27. Ibidē g, In veritate comperio, quia non est personarum acceptor Deus: sed in omni gente, 325, 39. & 326, 15.
- 13 f, David enim cum suæ ætati inseruisset, consilio Dei dormiuit, 779, 32. Ibidem, Per hunc vobis remissio peccatorum annuntiatur, & ab omnibus, quibus non potuistis in Lege Moisi iustificari, &c. 703, 16. Ibidem g, Et crediderunt quotquot erant præordinati ad vitam æternam, 907, 9.
- 14 c, Qui in præteritis nationibus, dimisit omnes gentes ingredi vias suas, 909, 38.
- 15 c, Sed per gratiam Iesu Christi credimus saluari, quemadmodum & illi, 707, 28. Ibidem, Nunc ergo quid tentatis Deum, imponere iugum &c. quod neque nos, neque patres nostri

- portare potuimus, 711. 44.
- 17 c, Hi autem erant nobiliores eorum, qui sunt Thessalonicae, qui susceperunt verbū &c. quotidie scrutantes Scripturas, si hæc ita se haberent, 246. 25. Ibidem f, Præteriens enim, & videns simulachra vestra, inueni & aram, in qua scriptum erat: Ignoto Deo &c. 59. 45. Ibidem g, Sicut & quidam vestrorum Poetarum dixerunt: Ipsius enim & genus sumus, 18. 21. Ibidem, In ipso enim viuimus, & mouemur & sumus, 523. & 527. 26.
- 19 a, In quo ergo baptizati estis? Qui dixerunt: in Ioannis baptisinate &c. His auditis baptizati sunt in nomine Domini Iesu, 475. 12. Ibidem d, Multi autem ex eis, qui fuerant curiosas artes sectati, contulerunt libros & combusserunt &c. 820. 25.
- 20 c, Anima enim eius in ipso est, 2. 22.
- 21 a, Sunt nobis viri quatuor, habentes votum super se: his assumptis sanctifica te cum illis, & impende illis, ut radant capita &c. Tunc Paulus assumptis viris postera die purificatus cum illis intrauit in Templum &c. 65. 13. & 614. 45.
- 23 b, Viri fratres, ego Phariseus sum, filius Pharisei &c. 643. 11. Ibidem, Sadducei autem dicunt non esse resurrectionem mortuorum, neque Angelum, neque spiritum, 4. 45.
- 24 d, Confiteor autem hoc tibi, quod secundum sectam, quam dicunt hæresin, sic de seruo patrio Deo meo &c. 643. 11.
- 28 c, Post menses autem tres, nauigauimus in nauem Alexandrinam &c. cui erat insigne Castorum, 60. 7.
- AD ROMANOS.
- 1 b, Non enim erubescō Euangelium. Virtus enim Dei est in salutem omni credenti, 837. 4. Ibidem, Iustitia enim Dei in eo reuelatur ex fide in fidem, 707. 5. Ibidem d, Tradidit illos Deus in reprobum sensum, ut faciant ea quæ non conueniunt, 943. 32.
- 2 a, An diuitias bonitatis eius &c. contemnis? Ignorans quoniam benignitas Dei ad prenitentiam te adducit, 315. 33. Ibidem b, Non est acceptio personarum apud Deum. 920. 28. Ibidem c, Qui ostendunt opus Legis scriptum in cordibus suis, testimonium reddente illis conscientia, 537. 8. Ibidem d, Et iudicabit id quod ex natura est præputium, Legem consummans, te qui per literam & Circumcisionem, &c. 519. 32. Ibidem, Et Circuncisio cordis in spiritu, non litera: cuius laus nō est ex hominibus, sed ex Deo 919. 11.
- 3 a, Quid dicemus? Nunquid iniquus est Deus, qui infert iram? Secundum hominem dico. 237. 22. Ibidem c, Per Legem enim cognitio peccati, &c. 299. 40. Ibidem, Iustitia autem Dei per fidem Iesu Christi in omnes & super omnes qui credunt in eum &c. 928. 39. Ibidem d, Iustificati gratis per gratiam ipsius &c. per fidem &c. 706. 43.
- 4 a, Si enim Abraham ex operibus iustificatus est, habet gloriam: sed non apud Deum &c. 707. 36. Ibidem, Ei autem qui operatur, merces non imputatur secundum gratiam, sed secundum debitum. 346. 20. & 385. 4.

- 5 a, Per quem habemus accessum per fidem in gratiam istam, in qua stamus. 707. 14. Ibidem, Charitas Dei diffusa est in cordibus nostris per Spiritum sanctum &c. 723. 14. Ibidem c, Per unum hominem peccatum in hunc mundum intrauit, & per peccatum mors. 319. 31. Ibidem d, Igitur sicut per unius delictum, in omnes homines in condemnationem: sic & per unius iustitiam, in omnes homines in iustificationem vitæ. 931. 17.
- 6 c, Non enim sub Lege estis, sed sub gratia. 540. 10. Ibidem, Cum enim serui effecti peccati, liberi fuistis iustitiæ. 271. 39.
- 7 c, Scio enim quia non habitat in me, hoc est in carne mea, bonum. 242. 4. & 303. 21. Ibidem, Non enim quod volo bonū, hoc ago: sed quod odi malum, illud facio. 568. 13. & 572. 35. Ibidem, Nunc autem iam non ego operor illud, sed quod habitat in me peccatum. 538. 28. Ibidem d, Infelix ego homo, quis me liberabit de corpore mortis huius? 538. 20. & 687. 44.
- 8 a, Nihil ergo nunc damnationis est iis qui sunt in Christo Iesu, &c. 574. 24. & 687. 28. Ibidem e, Sed accepistis Spiritum adoptionis filiorum &c. Si autem filii, & hæredes &c. 920. 24. Ibidem, Nam quid oremus sicut oportet, nescimus: sed ipse Spiritus postulat pro nobis gemitibus inenarrabilibus. 184. 26. Ibidem, Scimus autem quoniam diligentibus Deum omnia cooperantur in bonum, 532. 27. & 890. 8. Ibidem f, Nam quos præsciuit, & prædestinavit conformes fieri imaginis filii sui. 491. 39. Ibidem, Nam quos præsciuit &c. ut ipse sit primogenitus in multis fratribus. 159. 40. Ibidem, Quis accusabit aduersus electos Dei? Deus qui iustificat. 920. 14.
- 9 b, Neque qui semen sunt Abraham omnes filii: sed in Isaac vocabitur tibi semen &c. Non solum autem illa: sed & Rebecca. 893. 14. Ibidem, Non enim omnes qui ex Israel sunt, ii sunt Israelitæ. 935. Ibidem c, Cum enim nondum nati fuissent, aut aliquid boni egissent, aut mali, ut secundum electionem &c. 914. 43. Ibidem d, Igitur non volentis neque currentis, sed miserentis est Deus. 297. 30. & 896. 31. & 926. 9. Ibidem, Miserebor cuius misereor: & misericordiam præstabo cuius miserebor. 896. 8. Ibidem, Quia in hoc ipsum excitauit te, ut ostendam in te fortitudinem meam. 897. 17. Ibidem, O homo, tu quis es, qui respondeas Deo? 884. 10. & 898. 30. Ibidem, Dicis iraque mihi: Quid adhuc queritur? 898. 2. & 16. Ibidem, Nunquid dicit figmentum ei qui se finxit: quid me fecisti? 898. 31. Ibidem, Ergo cui vult miseretur: & quem vult indurat. 897. 26. & 898. 2. Ibidem e, Quod si Deus volens ostendere iram, & notam facere potentiam suam, sustinuit in multa patientia &c. 909. 9. Ibidem g, Ecce pono in Sion lapidem offensionis, & petram scandali. 832. 14.
- 10 a, Ignorantes enim iustitiam Dei, & suam quærentes statuere, iustitiæ Dei non sunt subiecti. 838. 2. Ibidem c, Corde enim creditur ad iustitiam: ore autem confessio fit ad salutem. 44. 32. & 606. 20. Ibidem, Non est enim distinctio

INDEX.

- Etio Iudæi & Græci.904.29. ibidem, Quomodo ergo inuocabunt eum, in quem non crediderunt? 85. 10. & 340.1. Ibidem, Domine, quis credidit auditui nostro? 907.3.
- 11 a. Non repulit Deus plebem suam, quam præsciuit. 891.6. ibidem b. Sed quid dicit diuinum responsum? Reliqui mihi septem milia virorum qui non curauerunt, &c. Sic ergo reliquæ secundum electionem gratiæ factæ sunt, 913.40. & 925.3. ibidem c. Propter incredulitatem fratres sunt: tu autem fide stas: noli altum sapere, sed time. Si enim Deus naturalibus, &c. 715.19. 920.45. & 921.15. ibidem c, Tu autem cum oleaster esses, insertus es in illis. 344.23. ibidem d. Conclussit enim Deus omnia in incredulitate, ut omnium misereatur, 904.39. ibidem, O altitudo diuitiarum sapientiæ & scientiæ Dei &c. 887.32.
- 12 d. Non vosmetipsos defendentes charitatem, sed date locum iræ. 562.20.
- 13 a. Nam principes non sunt timori boni operis, sed mali, &c. Dei enim minister est tibi in bonum, 488.20.
- 14 b. Tu autem quid iudicas fratrem tuum? &c. omnes enim stabimus ante tribunal Christi, 533.7. Ibidem c, Non est enim regnum Dei etica & potus, 870.27.
- 15 a. Debemus autem nos firmiores, imbecillitates infirmorum sustinere, 616.36. Ibidem, Vnusquisque vestrum proximo suo placeat in bonum, ad ædificationem, 616.14.

EX I. AD CORINTHIOS.

- 1 a. Paulus vocatus Apostolus, &c. Ecclesiæ Dei quæ est Corinthi. 477.14. Ibidem c. Nos autem prædicamus Christum crucifixum, Iudæis quidem scandalum, &c. Ipsi autem vocatis &c. Christum Dei virtutem. 907.32.
- 2 a. Et ego cum venissem ad vos fratres, veni non in sublimitate sermonis, aut sapientiæ, &c. 832.35. Ibidem c, Quæ & loquimur, non in doctis humanæ sapientiæ verbis, sed in doctrina Spiritus, spiritualibus spiritualia comparantes, 835.10. Ibidem, Nos autem non spiritum huius mundi accepimus, sed spiritum, qui ex Deo est, ut sciamus, &c. 229.17. Ibidem, Animalis autem homo non percipit ea, quæ sunt spiritus Dei, 229.20. & 907.16.
- 3 a. Lac vobis potum dedi, non escam: nondum enim poteratis, &c. 83.35. Ibidem, Ego plātaui, Apollo rigauit: sed Deus incrementum dedit: Itaque neque qui plantat est aliquid, &c. 33.43. Ibidem b. Itaque neque qui plantat est aliquid, neque qui rigat, 298.23. Ibidem c. Si cuius opus arserit, detrimētum patietur, ipse autē saluus erit, sic tamē, quasi per ignem. 397.17. ibidē d. Si quis videtur inter vos sapiens esse, in hoc seculo stultus fiat, ut sit sapiens, 835.34. & 836.19.
- 4 a. Nihil enim mihi conscius sum: sed non in hoc iustificatus sum. 720.18. ibidem b, Quis enim te discernit? quid autem habes, quod non accepisti? &c. 294.21.
- 5 c. Ne commisceamini fornicariis &c. aut avaris aut rapacibus &c. 481.4.
- 6 a. Nescitis quoniam Angelos iudicabimus? quan-

- to magis secularia? 490.8. ibidem c, Omnia mihi licent: sed non omnia expediunt. 540.43.
- 7 c. Alioquin filii vestri immundi essent, nunc autem sancti sunt. 331.1. & 728.8. & 796.7. ibidem d, Vnusquisque in qua vocatione vocatus est, in ea permaneat. 541.38.
- 8 a. De eis autem, quæ idolis immolantur, sciimus quia nihil est idolum &c. Videte autem ne forte hæc licentia vestra offendiculum fiat infirmis &c. 49.3. & 608.4. ibidem, Scimus quia nihil est idolum in mundo. 524.4. ibidem c, Videte autem ne forte hæc licentia vestra offendiculum fiat infirmis. 616.1.
- 9 a. Nunquid nō habemus potestatem, mulierē sororem circumducendi &c. 541.13. ibidem b, Nunquid de bobus cura est Deo? 937.11. ibidem c, Væ enim mihi est, si non euangelizauero, 75.25. ibidem d, Castigo corpus meum, & in seruitutem redigo, ne cum aliis prædicauerim, ipse reprobos efficiar, 927.4.
- 10 a. Nolo vos ignorare fratres, quoniam patres nostri omnes, sub nube fuerunt, & omnes mare transierunt &c. 919.19. ibidem c, Itaque qui se existimat stare, videat ne cadat, 715.19. ibidem d, Propter quod, charissimi mihi, fugite ab idolorum cultura &c. Quid ergo dico, quod idolis immolatum sit aliquid? &c. An æmulamur Dominum? an fortiores illo sumus? 48.3. & 608.14. & 618.45. ibidem, Panis quem frangimus, nonne participatio corporis Domini est? quoniam vnus panis & vnus corpus multi sumus &c. 387.5. ibidem e, Omnia mihi licent: sed non omnia expediunt, 540.44.
- 11 d. Conuenientibus ergo vobis in vnum, iam non est Dominicam cœnam māducare. Vnusquisque enim suam cœnam præsumit. 447.38. ibidem, Nam oportet & hærefes esse: ut qui probati sunt, manifesti fiant in vobis. 506.6. ibidem, e, Quoniam Dominus Iesus &c. accepit panem &c. & dixit, Accipite & manducate hoc est corpus meum, &c. Similiter & calicem, postquam cœnauit, dicens, Hic calix nouum testamentum est in meo sanguine. 133.5. & 199.27 & 387.6. & 417.40. ibidem, f, Quotiescunque enim manducabitis panem hunc, & calicē bibetis, mortem Domini annuntiabitis, donec veniat. 134.37. ibidem, Probet autem seipsum homo: & sic de pane illo edat, & de calice bibat. 135.27. & 200.24. & 210.10.
- 12 a. Idem vero Deus qui operatur omnia in omnibus, 530.15.
- 14 c. Cæterum si benedixeris spiritu, qui supplet locum idiotæ, quomodo dicet Amen &c. 427.43. ibidem, d, Nolite pueri effici sensibus, sed malitia paruuli estote. 539.16. ibidem, f, Prophe-tæ autem duo aut tres dicant, & cæteri diiudicent. 399.19.
- 15 b. Sed abundantius illis omnibus laboraui: non autem ego, sed gratia Dei, quæ mihi aderat, 346.44. & 316.32. ibidem, c, Si in hac vita tantum, in Christo sperantes sumus, miserabiliores sumus omnibus hominibus. 28.44. & 29. ibidem, c, Et sicut in Adam omnes moriemur: ita & in Christo omnes viuificabuntur. 931.32. ibidem, f, Primus homo de terra terrenus: secundus autem homo de cœlo cœlestis. 502.38.

INDEX.

Ibidem f, Seminatur in corruptione: surget in corruptione &c. Factus est primus homo Adam in animam viucentem &c. 18. 10. *Ibidem* g, Tunc fiet sermo, qui scriptus est: Absorpta est mors in victoria, 21, 38.

EX II. AD CORINTHIOS.

- 1 d, Ego autem testem Deum inuoco in animam meam, quod parcens vobis &c. 498, 1.
- 3 b, Litera enim occidit, Spiritus autem viuificat. Quod si ministratio mortis literis deformata &c. 519, 27.
- 4 a, Quis te discernit? 912, 38. *Ibidem* b, Habemus autem thesaurum istum in vasis fictilibus &c. 835, 1.
- 5 a, Scimus enim quoniam si terrestris domus nostra, &c. Nam & qui sumus in hoc tabernaculo, &c. ingemiscimus grauati: eo quod nolumus expoliari, sed superuelli &c. 13, 30. *Ibidem* d, Et dedit nobis ministerium reconciliationis. Quoniam quidem Deus erat in Christo, mundum reconcilians sibi, 906, 21.
- 6 a, Adiuvantes autem exhortamur, ne in vacuum gratiam Dei recipiatis, 920, 31. *Ibidem* c, Nolite iugum ducere cum infidelibus, 88, 5. *Ibidem* d, Propter quod exite de medio eorum, & separemini, dicit Dominus, & immundum ne tetigitis, 48, 40.
- 12 b, Et ne magnitudo reuelationum extollat me, datus est mihi stimulus carnis meæ, angelus Sathanæ, qui me colaphizet, 942, 34.

EX EPIST. AD GALATAS.

- 1 b, Sed licet nos, aut Angelus de cælo euangelizet vobis præterquam &c. anathema sit, 242, 36, & 247, 45. *Ibidem* c, Cum placuit ei qui me segregauit ex utero matris meæ &c. 271, 34, & 927, 15.
- 2 d, Viuo autem, iam non ego: viuit vero in me Christus, 573, 6.
- 3 a, Quicumque enim ex operibus Legis sunt, sub maledicto iunt: scriptum est enim: Maledictus &c. 243, 20. *Ibidem* b, Christus nos redemit de maledicto Legis, factus pro nobis maledictum, 503, 33.
- 5 a, Testificor autem rursus omni homini circumcidenti se, quoniam debitor est vniuersæ legis faciendæ. 738, 10. *Ibidem*, Nam in Christo Iesu neque circumcisio &c. sed fides quæ per charitatem operatur 705, 38. *Ibidem* c, Vos enim in libertatē vocati estis fratres, tātū ne libertatē in occasione detis carni. 540, 23. *Ibidem*, Caro enim concupiscit aduersus spiritum, &c. 2, 38.

EX EPIST. AD EPHESIOS.

- 1 a, Benedictus Deus &c. qui benedixit nos in omni benedictione spiritali &c. 889, 20. *Ibidem*, Sicut elegit nos in ipso ante mundi cōstitutionē &c. qui prædestinauit nos secundum beneplacitum voluntatis suæ. 918, 18, & 925, 10, & 927, 6. *Ibidem*, Qui prædestinauit nos in adoptionem filiorum, per Iesum Christum, se-

cundum propositum suum, &c. 918, 43. *Ibidem* d, Qui omnia in omnibus adimplet. 345, 1, & 530, 16.

- 2 a, Et vos cum essetis mortui delictis & peccatis vestris &c. & eramus natura filii iræ sicut & cæteri. Deus autem qui diues est &c. 313, 19. & 900 3. *Ibidem*, Et eramus natura filii iræ sicut & cæteri, 666, 16.
- 4 a, Vnum corpus & vnus spiritus: sicut vocati estis in vna spe vocationis vestræ, vnus Dominus, vna fides, vnum baptisma. 456, 35. *Ibidem* c, Deponere vos, secundum pristinam conuersationem, veterem hominem. 174, 34. *Ibidem*, Veterem hominem exuite. 687, 38.
- 5 b, Nemo vos seducat inanibus verbis: propter hæc enim venit ira Dei &c. 531, 5. *Ibidem* c, Nolite communicare operibus infructuosis tenebrarum, magis autem redarguite. 59, 33. *Ibidem* f, Sicut & Christus dilexit Ecclesiam, & seipsum tradidit pro ea, vt illam sanctificaret, mundans eam lauacro aquæ in verbo vitæ, vt exhiberet ipse sibi gloriosam Ecclesiam, non habentem maculam aut rugam. 165, 43. & 166, 14, 477-35.

EX EPIST. AD PHILIPPENSES.

- 1 b, Qui cœpit in vobis opus bonum, perficiet usque in diem Christi Iesu, 319, 16, & 920, 40.
- 2 b, Sed semetipsum exinanivit, formam serui accipiens, in similitudinem hominum factus, & habitu inuentus vt homo, 5. 2. 35.
- 2 b, Cum metu & tremore vestram salutem opera mini. 920, 35.
- 2 b, Deus est enim qui operatur in vobis & velle & perficere, pro bona voluntate, 304, 6, & 344, 37.
- 4 c, Omnia possum in eo qui me confortat, 791, 20, 35.

EX EPIST. AD COLOSSENSIS.

- 2 c, In quo & resurrexistis per fidem operationis Dei, 548, & 549.
- 3 a, Vbi Christus est in dextera Dei sedens, 164, 6.
- 4 d, Salutat vos Lucas medicus charissimus, &c. 563, 28. *Ibidem*, Et dicite Archippo, Vide ministerium, quod accepisti in Domino, vt illud impleas, 723, 33.

EX I. AD THESSALONICENSES.

- 5 d, Spiritum nolite extinguere, prophetias nolite spernere, 520, 25. *Ibidem*, Vt integer spiritus vester & anima & corpus sine querela in aduentu Domini, &c. 2, 35.

EX II. AD THESSALONICENSES.

- 2 a, Et reuelatus fuerit homo peccati, filius perditionis, qui adueriatur, &c. ita vt in templo Dei, sedeat,

INDEX.

sedeat, ostendens se tanquam sit Deus. 43. 15.
ibidem c, Unus est aduentus secundum operationem Sathanæ, in omni virtute & signis, 393. 11. Ibidem, Ideo mittit illis Deus operationem erroris, ut credant mendacio, 943. 29.
ibidem, Nos autem debemus gratias agere Deo semper pro vobis, &c. quod elegerit nos Deus primitias in salutem, in sanctificatione Spiritus, &c. 907. 39.

- 3 c, Quoniam si quis non vult operari, nec manducet, 472. 36.

EX I. AD TIMOTHEVM.

- 1 d, Regi autem seculorum immortalis, invisibili, soli Deo honor & gloria, &c. 523. 10. Ibidem, Habens fidem, & bonam conscientiam: quam quidam repellentes, circa fidem naufragauerunt, 802. 35. & 855. 17.
2 a, Obsecro igitur primum omnium fieri obsecrationes, &c. pro regibus &c. Hoc enim bonum est & acceptum coram saluatore nostro Deo, qui omnes homines vult saluos fieri, &c. 488. 14. Ibidem b, Vnus enim Deus, vnus & mediator Dei & hominum, homo Christus Iesus, 501. 44.
3 d, Quæ est Ecclesia Dei viui, columna & firmamentum veritatis, 250. 34. & 553. 3. & 866. 9. & 399. 18. Ibidem, Et manifeste magnum est pietatis mysterium, Deus manifestatus in carne, 835. 28.
4 a, Et doctrinis demoniorum &c. prohibentium nubere, & abstinere à cibis quos Deus creauit, &c. 370. 29.
5 b, Si quis autem suorum, & maxime domesticorum, curam non habet, fidem negauit, & est infideli deterior, 67. 15.

EX II. AD TIMOTHEVM.

- 1 b, Qui nos liberauit, & vocauit vocatione sua sancta, non secundum opera nostra, sed secundum propositum suum & gratiam quæ data est, &c. 925. 18.
2 b, Nam si commortui sumus, & cõuiuemus. 340. 15. Ibidem c, Ex quibus est Hymenæus & Philetus, qui à veritate exciderunt, &c. cognouit Dominus qui sui sunt, &c. 861. 8. Ibidem d, Si quis ergo emundauerit se ab istis, erit vas in honorem sanctificatum & utile Domino, ad omne opus bonum paratum, 899. 35.
4 b, Reposita est mihi corona iustitiæ, quam reddet mihi Dominus, &c. 293. 13.

EX EPIST. AD TITVM.

- 1 b, Oportet enim Episcopum sine crimine esse, &c. amplectentem eum, qui secundum doctrinam est, fidelem sermonem, ut potens sit exhortari doctrina sana, & eos qui contradicunt arguere. 74. 39.

EX EPIST. AD PHILEMONEM.

- c, Iam non ut seruum, sed pro seruo charissimum fratrem, &c. 547. 8.

EX EPIST. AD HEBRÆOS.

- 1 c, Nonne omnes sunt administratores spiritus &c. 819. 40.
4 c, Vnus est enim sermo Dei &c. & pertingens vique ad diuisionem animæ ac spiritus. 237.
7 b, Translato enim sacerdotio, necesse est, ut & legis translatio fiat. 872. 7.
11 b, Credere enim oportet accedentem ad Deum quia est, & inquirentibus se remunerator sit. 293. 9. Ibidem c, Iuxta fidem defuncti sunt omnes isti, non acceptis re promissionibus, sed à longe eas aspicientes &c. nunc autem meliorem appetunt, id est cœlestem. 303.
13 Honorabile connubium in omnibus, & thorus immaculatus. 786. 47. Ibidem b, Iesus Christus heri & hodie, & in secula. 1630.

EX EPIST. IACOBI.

- 2 d, Videtis quoniam ex operibus iustificatur homo, & non ex fide tantum, 711. & 745. 38.
4 c, Vnus est enim Legislator & iudex, qui potest perdere & liberare. 405. 4.
5 d, Indurat presbyteros Ecclesiæ, & orent super eum, vngentes eum oleo, in nomine Domini &c. 766. 14. Ibidem, Orate pro inuicem ut saluemini. 776. 21. & 783. 9.

EX I. PETRI.

- 1 a, Petrus &c. electis &c. secundum præscientiam Dei patris. 890. 39.
2 b, Vobis igitur honor credentibus: non credentibus autem, lapsi quem reprobauerunt ædificantes &c. & lapsi offensionis, & petra scandalum. 832. 14. & 441. 20. Ibidem, Qui aliquando non populus Dei: nunc autem populus Dei. 930. 11. Ibidem c, Etsi non quasi velamen habentes malitiæ libertatem. 540. 30.
3 d, In quo & his, qui in carcere erant, spiritibus, veniens prædicauit. 6. 15. Ibidem, Quod & vos nunc similis formæ saluos facit baptisma: non carnis depositio sordium, sed conscientiæ bonæ interrogatio in Deum: 919. 13.

EX II. PETRI.

- 1 d, Et habemus firmiorem propheticum sermonem, cui benefacitis attendentes, quasi lucernæ &c. quod omnis prophetia Scripturæ priuæ interpretationis non sit. 245. 23. Ibidem, Hi vero velut irrationalia pecora, naturaliter in captionem & in perniciem &c. Hi sunt fontes sine aqua & nebulae turbinibus exagitate &c. 507. 35. & 515. 42.
3 b, Vnum vero hoc non lateat vos charissimi, quod vnus dies apud Dominum sicut mille anni, 16. 18.

EX I. IOANNIS.

- 1 c, Si dixerimus, quoniam peccatum non habemus, ipsi nos seducimus, 574. 8.
2 a, Et ipse est propitiatio pro peccatis nostris: non pro nostris autem tantum, sed etiam pro tota

INDEX.

- tius mundi, 9: 9. 16. Ibidem, Ex nobis prodierunt: sed non erant ex nobis, 9: 19. 44. & 9: 31. 6.
 3 b, Omnis qui natus est ex Deo, peccatum non facit, 5: 9. 10.
 4 a, Nolite omni spiritui credere, sed probate spiritus si ex Deo sint &c. 4: 70. 35.
 5 a, Et mandata eius graua non sunt, 7: 12. 10.

EX EPIST. IVDAE.

- 1 a, Angelos vero &c. in iudicium magni diei, vinculis æternis sub caligine seruauit, 28. 15. Ibidem b, Cum Michael Archangelus, cum Diabolo disputans, altercaretur de Moisi corpore, 603. 15. Ibidem, Hi autem quæcunque quidem ignorant, blasphemant: quæcunque autem naturaliter tanquam muta animalia norunt, in his corrumpuntur, 508. 4. & 515. 42. & 521. 34.


EX APOCALYPSI.

- 3 a, & c, Qui vicerit, sic vestietur vestimentis albis, & non delebo nomen eius de libro vitæ: & confitebor &c. 930. 43.
 3 d, Ego sto ad ostium & pulso. Si quis audierit vocem meam, & aperuerit mihi ianuam, intra- bo ad illum, 316. 2.
 4 b, Et iris erat in circuitu sedis, 9. 7.
 6 c, Et cum aperuisset sigillum quintum, vidi sub- tus altare animas &c. & clamabant voce ma- gna &c. & datæ sunt illis singulæ stolas albae &c. 15. 29.
 20 b, Beatus & sanctus, qui habet partem in resur- rectione prima: in his secunda mors non habet potestatem, 16. 5.

Iam Deo.

PACEM IN TERRAM.


NON VENI VT MITTEREM



LVCAE XII.

SED GLADIUM NATTH. XI.







[illegible]